



Légation
de
Suède et Norvège

Il manque à cet
exemplaire une gravure
représentant Ste Brigitte
en costume de pèlerin, un
bacon d'une main, un
crucifix de l'autre, laquelle
devrait suivre la page 210.

Cette gravure n'est pas signée.

Rome $\frac{12}{12}$ 1893. Childs







REVELATIONES

S^{AE} BRIGITTÆ ⁊

Olim à Card. Turrecremata recognitz & approba-
ta, & à Consaluo Duranto Epò Feretrano
notis illustrata,


Et hæc postrema editio^{ne} facta collatione^{ne} cum
M. S. S. Vat. alijsq; antiquis Codicibus emendatæ,
& in duos Tomos distributæ.

Primus complectitur Tractatum de Diuinis Visionibus, Revela-
tionibus, Apparitionibus, Extasi & Raptu ab eodem Epis-
copo nuper editum & librorum quinque Revelationum
nouis Notationibus varijsq; lectionibus
locupletato.

TOMVS. I.



ROMÆ Apud Ludovicum Grignium Superiorum permissu. An^o MDCXXVIII.





SIGISMVND O III. POLONIAE REGI POTENTISSIMO.

Magno Duci Lithuaniae, Russiae, Prussiae, Masouiae,
Samogitiae, Liuoniae q. Necnon Sueciorum, Go-
thorum, Vandolorumq. hæreditario Regi.



CONSALVVS DVRAVTVS EPISCOPVS FERETRANVS
Gratiam, et felicitatem à Deo precatur.



E spectat (Rex Serenissime) Brigitta tuis ite-
rum auspicijs in lucem proditura, vt vel
ex vsu pristinae dignitatis ab amplitudine
tua alacrior non excitetur modo, sed in
spem certam solidioris gloriæ inter homines
consequendæ planè erigatur. Habet illa qui-
dem (alieni minimè indiga) quod ad aliorum
copiam ex se suppeditet, ac vnico nomine
tua, mutuari etiam ad externum ornamentum
non abnuitt, nempè, vt dum sese magis exculta sapientum con-
spectui exhibeat, noui nominis specie, nouo veluti splendore
locupletior se nihil non lucis tibi debere fateatur. Patere igitur,
vt expressa in his, quæ nobis reliquit suæ pietatis monumentis,

✱ 2

nostra



nostra iterum qualicumque industria ad patrocinium aduolet
tuum, vt ex hoc etiam laboris nostri planè ardui ratio constet,
cur summi Pontificis, ac Sapientissimi, & Potentissimi Regis
iussu aliquid simus ausi: ex quo ad singularem laudem fructum
eximium accumulemus, cum & ex vna Brigitta labor, & ex am-
plissimo Imperio obsequium nihil non secum afferant ad amplitu-
dinem. Quæ primò in lucem dedimus exemplaria, vt auidissimè
arrepta, sic breuè distracta sunt omnia: Satisfaciendum propterea
erat plurimorum pietati, quorum animis altissimè infederat abso-
lutissimè virtutis specimen expressum in sanctissimis Brigittæ mo-
numentis, ex quo eiusmodi desiderium, quod sitim potius rerum
præclarissimarum accendere, quàm extinguere vlla ex parte valeret,
profectum est: hinc nostrarum partium duximus, vt iterum nouo
cultu spectabiliora in omnium se dent conspectum, non destituta
nouis Notis, nec sine accessione noui de Visionibus, ac Revela-
tionibus Tractatus, ad rerum difficiliorum, vel iucundiorum ca-
ptum, ac oblectationem, inter summa ponentes, quòd à patroci-
nio tanto lucem aliquam mutuata, facilem sibi aditum ad amplif-
simum Serenitatis tuæ conspectum inueniant, cui si probentur,
illud felicitati meæ obuium dicam, quod vel in maximis optare
non essem ausus. Excipe igitur (Serenissime Rex) qua similia
excipere soles humanitate monumentum, & obseruantia in te
mea, & tua in me beneficentia iure debitum. Et quia Fidei clarissi-
mum lumen es, columenq. firmissimum, viue diù, ac felici-
ter in hac tua suprema Regia Sede, & Regna tuo regimini, ac
protectioni commissa tranquilla, & salua tuere, donec ab hoc
Regni folio tuis digno virtutibus ad altissimum Calorum Re-
gnum, iam tibi paratum euehare. Dat. Romæ Kalen. No-
uembri MDCXXVIII.



IM A SERENISSIMI
SIGISMVNDI REGIS
P O L O N I A E

L I T T E R A E

AD CONSALVVM DVRAVTVM
EPISCOPVM FERETRANVM

DE REVELATIONIBVS S. BRIGITTAE.



SIGISMVNDVS TERTIVS DEI GRATIA REX POLONIAE,
Magnus Dux Lithuaniae, Rursiae, Prussiae, Masouiae, Samogitiae, Liunionaeq.
Necnon Sueciorum, Gothorum, Vandolorumq. haereditarius Rex.




EVERENDE in Christo Pater Grat. nob. dil. Utilem sanè, & pre-
clarum laborem suscepisse Paternitatem Vestram indicamus, in restituendo,
cui significat pristinae puritati sacro Opere Reuelationum S. BRIGITTAE.
Cupimus ex animo, ut labor iste feliciter, & quam optimo fructu succe-
dat, quod tunc demum futurum speramus, si antiquiora exemplaria, &
si fieri potest Manuscripta Vaticana conquisierit Paternitas Vestra.
Nunc gratissimum Nobis esse testamur studium istud, & deuotionem
Paternitatis Vestre erga illam Sanctam. Vicissim beneuolentiam Nostram offerimus Paterni-
tati Vestra, quam optime valere cupimus. Datum Varsoviae die 15. mensis Aprilis, Anno
Domini 1626. Regnorum Nostrorum Poloniae xxxix. Sueciae xxxij.

SIGISMVNDVS REX.

CONSALVI DV RANTI
EPISCOPI FERETRANI
SIGILLIS RESPONSIONIS
AD LITTERAS REGIS.

SERENISSIME, ET POTENTISSIME REX.

NON in summis ponere, quod à Maieſtate Tua poſtremis litteris tam liberaliter mihi munus imponitur, eſſet animi plane ingrati, ac neſcientis, quantum inter veram, & ſucatam laudem interſit. Quid ni igitur alacrior accederem, & auderem aliquid, experimento diſcens, quantum habeat momenti ad ſolidam gloriam, & pro Brigitta deſudare, & illius auſpitijs, qui Maieſtate ſua non tam deterreat, quam alliciat, & excitet ad ſumma? Hinc illi ſtimuli, ut nullus mihi aditus inacceſſus ad Pontificiam Maieſtatem occurreret, ex qua commodi aliquid ad illum, quem medicabar laborem deriuarem, acceſſi. Vix de tua Maieſtate mentio, mirum, quam illico facta tenuitati mee poteſtas ſcrutandi abdita Vaticanæ Bibliothecæ, ex qua ſi quid reconditum ad B. Brigittæ ſplendorem eruerem, pietati tue iam diu debitum munus acceptum ferrem, ut in ea laboris mei fructum uberri- mû nancicerer: Oblatus eſt Codex Vetusſiſſimus manu exaratus ducenteſimo ſeptuageſimo ab hinc anno ad formam primi Exemplaris, quod innuebatur aſſeruavi in Monafterio Vuaſenſi S. Brigittæ impenſis ædificato, apud me Creſci diutijs cariorem theſaurum habeo, & ut ſtudio Maieſtatis tue, que ad Brigittæ ſplendorem nihil non optat, & mihi ſatiſfaciam, qui tum opere mee pretium ſorti- ri me maximum arbitror, cum tibi probatam intelligam, erunt ex eo præclara quedam alia, quæ tenuis induſtria mea iam diu parturit. Faxit Deus, ut voluntati, & ſtudio conatus reſpon- deant. Tua Maieſtas, quæ ſtimulos dedit, vires addidit, excipiet illa in ampliſſimo benignitatis tue ſinu. Quare damus exigua, quæ ad te eò properant, ut quæ nullius ſunt nominis, & interitura, in una tua Maieſtate, ita vivant, ut ſuprà omnem inuidiam cum ipſa ceſſent immortalitate Deum Opt. Max. enixe precabor, ut Maieſtatem tuam diu felicem, & incolumem ſeruet ad fidei Catholice in ſuo Regno propagationem. Rome die 25. Iulij 1626.



Alia Littera

Eiusdem Serenissimi Regis de iisdem Reuelationibus
SANCTAE BRIGITTAE
AD CONSALVVM DVRANTVM
EPISCOPVM FERETRANVM.



SIGISMVNDVS TERTIVS DEI GRATIA REX POLONIAE,
 Magnus Dux Lichuaniae, Ruffiae, Prussiae, Masouiae, Samogitiae, Liunionq.
 Necnon Sueciorum, Gothorum, Vandolorumq. hereditarius Rex.



REVERENDE in Christo Pater nobis dilecte. *Habemus litteras Grat. V. quibus Nobis significat de Opere gestorum S. BRIGITTAE ferè iam completo, & de defensione honoris istius Sanctae à Grat. Vestra multoties suscepta. Omnino laudamus piam hanc Grat. Vestrae erga illam Sanctam voluntatem, & omne istud studium Grat. Vestrae habemus gratissimum, tum & scripturas, quas una cum litteris Grat. Vestrae recepimus. Si in consumando Opere isto, nostro quoque fauore, siue apud Summum Pontificem, siue apud alios indignerit significet Nobis, libenter enim scribemus ad Suam Sanctitatem, & labores Grat. Vestrae tam pios iuuabimus. Interim recurrere potest ad Illustrissimum Cardinalem Magalottum Regni nostri Sueciae Protectorem, cuius auctoritatem non desuturam conatibus istis Grat. Vestrae speramus. Nosram autem benevolentiam Grat. Vestrae pro optima hac in ornanda Genti nostrae gloria singulariter deuinciam esse fatemur, eamq. offerimus Grat. Vestrae. Quam interim optime valere cupimus. Datum Varaviae die 14. mens. Octobris Anno Domini 1627. Regnorum Nostrorum Poloniae xxxx. Sueciae verò xxxiiij.*

SIGISMVNDVS REX.

APPROBATIO THEOLOGORVM.

EX iniuncto mihi honoris onere à Reuerendis. Patre Nicolao Rodulphio Sacri Palatii Magistro, Tractatum Reuerendis. D. Consalui Duranti Episcopi Feretrani *de Visionibus, Reuelationibus, Apparitionibus, Extasi, & Raptu* inuisendum accepi, & ab ipso rei pondere raptus ex animò legi, Scriptorumq. lepore illectus, non aliorum obuerso obtutu, tractum vno penè dudù emissitq. oculis integrè lustravi omnia: Obscura illa varijs obrenta inuolucris, vt aperit, vt reteggit in plena, vt expedit, inuoluta euoluit, penetrantia penetrat, pandit arcana, quæ rationibus, quæ grauissimorum auctoritate, Doctorum firmat, probat, explicat. Aenigmatica illa Brigittiniana Oracula stridim colligit vniuersa, sanctissimæ Vatis effata incognita clarè declarat, præclare exprimit, exponit abundè. Lectorem ad præfagationem diuinitus inclusam leui propemodum manu facillimè ducit: Et quæ Sancta illa Vates diuino asistata spiritu futuri præscia, abstrusiori effatur oratione, hic claris, dilucidisq. interpretatur verbis, quæ cælestis Prophetæ à Deo reuelata sibi dumtaxat nota, Sacrosanctæ acceperat, nobisq. altis obductis tradiderat velis, hic palàm reuelat mûdo, vt expedit quiuis ea percipere queat. Quocirca typis Tractatum hunc luce dignum censeo, nec quicquam contrà præscriptum sacrorum Canonum asserere affirmo. E nostra Domo S. Andreae de Vrbe 12. Kal. Decembris 1627.

D. Vincentius Riccardus Clericus Regularis sacra Theologia Doctor.

EX præscripto Reuerendis. Patris Nicolai Rodulphij Sacri Apostolici Palatii Magistri. Ego Franciscus Tontolus C. R. Congregationis Somaſchæ, S. Officij Qualificator, & sacrae Congregationis ad Librorum Indicem deputatorum Consultor, doctissimam hanc tractationem *de Visionibus, Reuelationibus, Extasi, & Raptu* à Reuerendissimo Domino Consaluo Duranto Feretrano meritisimo Episcopo summo ingenio elaboratam diligenter euolui, atque in ea nihil offendi orthodoxæ fidei, aut bonis moribus aduersum. Quinimo opus existimaui sapientissimo Viro dignum, & quod typis excussum in lucem prodeat eruditorum.

Franciscus Tontolus qui supra, &c.

Imprimatur, si videbitur Reuerendis. P. Mag. Sac. Pal.

A. Episcopus Bellicastren. Viceger.

Imprimatur.

Fr. Nicolaus Rodulphus Ord. Prædic. Sacri Pal. Magist.

VRBANVS PAPA VIII.



D FVTVRAM REI MEMORIAM. Cum sicut Vener. Fr. Consalvus Episcopus Feretranus Nobis nuper exponi fecit, ipse vnum Commentarium ad Reuelationes S. BRIGITTE, & vnum Tractatum de Visionibus, & Reuelationibus composuerit illosq. propediem in lucem edere intendat, veretur autem, ne postquam in lucem prodierint, alij, qui ex alieno labore, lucrum quarunt, Opera predicta imprimant, seu imprimi facere eurent in ipsius Consalvi Episcopi preiudicium. Nos eius iudicium, ne ex impressione huiusmodi aliquod dispendium patiatur, providere, illumq. specialibus fauoribus, & gratijs prosequi volentes, & a quibuscumque excommunicationis, suspensionis, & interdicti, alijsq. Ecclesiasticis sententijs, censuris, & penis a iure, vel ab homine quavis occasione, vel causa latis, si quibus quomodolibet innodatus existit ad effectum presentium dumtaxat consequendum harum serie absolventes, & absolutum fore censentes, supplicationibus ipsius Consalvi Episcopi Nobis super hoc humiliter porrectis inclinatis, eidem Consalvo Episcopo, vt decennio proximo durante a primizia dictorum Operum, dummodo tamen antea a dilecto filio Magistro Sacri Palatii Apostolici approbata sine impressione computantur, hinc inde tam in Vrbe, quam in reliquo Statu Ecclesiastico mediate, vel immediate Nobis subiecto Opera predicta, sine speciali dicti Consalvi Episcopi, aut eius heredum, & successorum, vel ab eis causam habentium licentia imprimere, aut ab alio, vel alijs, qui huiusmodi licentiam non habuerint, impressa vendere, seu venalia habere, seu proponere possit, & valeat Apostolica auctoritate tenore presentium concedimus, & indulgemus. Inhibentes propterea vniuersis, & singulis vtriusq. sexus Christianidelibus presertim Librorum Impressoribus sub quingentorum ducatorum auri de Camera, & amissionis librorum, ac typorum omnium pro vna Camere nostrae Apostolicae, ac pro alia eidem Consaluo Episcopo, ac pro reliqua tertijs partibus accusatori, ac Iudici exequenti irremissibiliter applicari. & eo ipso abique vlla declaratione incurrendis penis, ne dicto decennio durante Opera supradicta, aut aliquam eorum partem tam in Vrbe, quam in reliquo Statu Ecclesiastico predictis sine huiusmodi licentia imprimere, vel ea sine eadem licentia impressa vendere, aut venalia habere, seu proponere quouomodo audeant, seu presumant. Mandantes propterea dilectis filiis nostris, & Apostolicis Sedis de Latere Legatis, seu eorum Vicelegatis, aut Presidentibus, Gubernatoribus, Praetoribus, & alijs Iustitiz Ministris Prouinciarum, Ciuitatum, Terrarum, & Locorum Status nostri Ecclesiastici, quatenus eidem Consaluo Episcopo, eiusq. heredibus, & successoribus, seu ab eis causam habentium huiusmodi in premis efficacis defensionis praelidio assistentes, quandocumque ab eodem Consaluo Episcopo, seu alijs predictis fuerint requisiti, penas predictas contra quoscumque inobedientes irremissibiliter exequatur. Non obstantibus constitutionibus, & ordinationibus Apostolicis, ac quibuscumque statutis, & consuetudinibus etiam iuramento, confirmatione Apostolica, vel quavis firmitate alia roboratis, priuilegijs quoque indultis, & litteris Apostolicis in contrarium premisorum quomodolibet concessis, confirmatis, & innouatis, ceterisque contrarijs quibuscumque. Volumus autem, vt presentium transumptio etiam in ipsis Operibus impressis manu alicuius Notarii publici subscriptis, & sigillo personae alicuius in dignitate Ecclesiastica constitutae munitis eadem prorsus vbique fides adhibeatur, quae ipsis presentibus adhiberetur, si forent exhibitae, vel ostensae. Datum Romae apud S. Petrum sub Anulo Piscatoris die 11. Decembris 1627. Pontificatus Nostri Anno Quinto.

M. A. Maraldus.

S V M M A P R I V I L E G I I
A C H R I S T I A N I S S . G A L L O R V M R E G E
C O N C E S S I .



L VDOVICI XIII. GALLIÆ, ET NAVARRÆ REGIS
Diplomate sancitum est, & patentibus litteris cautum, nè quis in
suo Regno, alijsq. locis ditionis suæ subiectis excudat, & excu-
dendo quouis modo, ac ratione curet Librum, qui inscribitur
Revelationes S. BRIGITTÆ olim à Cardinali Turrecremata recognita,
& à Consaluo Duranto Episcopo Feretrano Notis illustrata, & aucta,
sub penis in originali Diplomate contra delinquentes expressis.

Dat. Parisijs 14. mensis Martij 1628.

De mandato Regis

Signatum

P. Philipeaux.

IN SANCTAM BRIGITTAM

O D E

EN quā nūso terra vincitur gelu,
 Latēq. campis incubat
 Perennū alior (postera quod atas canat)
 Verna renidens purpura,
 Humilis decorum Viola submisit caput:
 Celo soloq. ter quater
 Dilecta Viola, & Suecia lumen sue.
 Non Hybla, non tale Atticus
 Profert Hymettus germen, aut olentia
 Vireta Pellei senis.
 Brigitta, que te pullulancem numinis
 Afflauit aurā? Quis humido
 Sparxit tenellam rorē, pubenti rorū ferrox
 Gemmam nec Ausler leserit,
 Nec Bruma, fædo proterens flores pede,
 Læuo necarit frigore?
 Te nempe summe celicū imperitans plagæ
 Texit colonus paruulam,
 Idemq. aqulā transtulit patrio è solo
 Hortū Latinū inserens.
 Nam quā decorum Roma sustollit caput
 Septem reclinatum iugū,
 Fulsit Brigitta, qualis in medijs nitet
 Regina Chloris floribus.
 Dixere matres nuribus Ausonia suis,
 Dixere & ille matribus.
 Frustrā dè Latinos Tiberis Hortos alluit,
 Flauoq. ludit vortice
 Ripam feraci leniter pulsans aqua;
 Non ulla nostris pulchrior
 Septis relucet Viola, porrectis iacent
 Quā Horti per annis marginem,
 Quā que recenter appulit fines meos
 Gelidis ab oris Sueniæ.

Sordent roseq. & lilia & quis gloriam
 Nomēq. Gethsemani dedit
 Flores amati, Viola Borealis meis
 Nunc sola spiret compitis.
 Liceat Brigitta liceat o tete meis.
 Perennē stringam brachijs?
 Heu cassa vota? Brigida trans pontum ocyūs
 Auehitur aura prapeti,
 Sanctamq. terram monita de Celo petit.
 Nam quā sub Helles lictore
 Elata fastū barbaro insulcat freto
 Urbis imperatrix æquoris,
 Hic lapsa puppi Brigida mox inter truces
 Illesa feritur barbaros,
 Solymis propinquam donec attingens viam
 (Huc numen egit Fæminam)
 Oscula sacro millies figat solo.
 At vos beata mænia,
 Tuq. alma turris posita que Sion iugo
 Alto superbis vertice,
 Vosq. dè Palestina nemora & plantis Dei
 Calcata tellus, dicite,
 An tale vestris lumen effulsit plagis,
 Ex quo Maria, celitum
 Stripante turma, siderum ascendit choros
 Subnixā bigis aureis?
 Similine nutrit amne Iordanis suo
 Violam nitentem purpura?
 Ergo Solymorum filie crebra affluunt,
 Quā Brigida circumfert pedem.
 Miratur almus floribus vernans Thabor,
 Libanīq. miratur nemus.
 At illa florum summa seu libans apis,
 Sic sacra conmisit loca.

Et fors amenum Bethleem lastrans agrum;

Rupes aue Bethleem,

Profatur ore; solitus hoc olim specu

Taurus cubile ponere,

Ast iam aula felix salisum, quando Deus

Inibi puellus vagijt?

Hec fata, prono saxa veneratur gemit,

Et inde diuertit pedem,

Modò quàm probrosa Golgotha emoriens Deus

Sacrauit infamem trabem

Et modò quàm oliuis confita assurgunt iura

Christi recessus conscia.

At non morari finitur: abs alto suam

Repetat iubetur Sueuiam

Gressu citato, Suetia moxq. è sua

Rapitur ad Aetra. O inuidum

Terris Olympum semper è est Cali super

Extentia stellatum globum

Arca, cruore Christus hanc rigans suo

Patulis inumbrat brachijs

Parum est ameno flore quod abundet locus,

Enata Campis Suevia.

SI Viola desit. Ergo calituum super

Delata palmis, siderum

Insereris horto, Brigida, ubi crescens vires.

Vale & æternum vire.





EPISTOLA

D. IOANNIS CARDINALIS
DE TVRRECREMATA

AD OMNES CHRISTIFIDELES.



INCIPIT.

IOANNES miseratione diuina Sacrosanctæ Romanæ Ecclesiæ tituli Sanctæ Mariæ Transyberim quondâ Sancti Sixti Presbyter Cardinalis omnibus, & singulis Christifidem profitentibus. Salutem in Domino, qui omnium est vera salus, & vita. Rogari deuota cum instantia per Venerabiles, & Religiosos Fratres. Magnum vnionis artium Magistrum, sacre Theologiæ Bacchalarium, & Monasterij Sanctarum Mariæ Virginis, & Brigittæ de Vuatzsteno Ordinis Sancti Augustini Sancti Saluatoris nuncupati, Diocesis Lincopensis in Regno Suetiæ generalem Confessorem. Et Olauum Petri Monasterij prædicti Fratrem Conuentualem pro parte Monasterij, &

Ordinis prædictorum, vt veritati testimonium perhiberemus, quatenus inscriptas expositiones, & declarationes super nonnullis articulis de Libris Reuelationum B. Brigittæ sumptis, & extractis, quorum aliquos nonnulli tamquam erroneos in Basiliensi Concilio improbare nitiebantur, fuisse à nobis editas, attestari dignaremur. Quoniam igitur, vt (inquit) Augustinus, vterque reus est, & qui veritatem occultat, & qui mendacium dicit, quia ille prodesse non vult, & iste nocere desiderat. Rationabilibus præfatorum Patrum votis annuentes, dicimus, & attestamur per præfentes, quòd antequam ad Cardinalatus dignitatem promoueremur, existètes adhuc in Basiliensi Concilio. Vide licet Anno D. Incarnat. millesimo quadringentesimo trigesimo quinto Sacri Palatii Apostolici Magister. Et vnus ex sacre

PROLOGVS CARDINALIS.

Theologiæ professoribus per ipsum Concilium deputatus, ad examen præfatorum articulorum, scilicet, & an in Libris Reuelationum præfata D. Sanctæ Brigittæ, vt per plures æmulos affirmabatur aliquid contrâ Scripturam sacrâ, & sanctorum Doctorum doctrinam, vel bonos mores contineretur, aliquæ ex parte offenderet, zelo veritatis, & honore S. Brigittæ incensi, de Omnipotentis Dei consili clementia, omnes prædictarum Reuelationum Libros studiosè, & diligentèr perlegimus, & iuxta nobis desuper datam gratiam, & sensus nostri paruitatem, & temporis breuitatem, expositiones, & declarationes aliquas super aliquibus præfatis articulis, protestationibus solius tamè præsuppositis, prout infrâ sequuntur, edidimus præmittentes aliqua, quibus diuinæ reuelationes discerni possunt à Dæmonum deceptionibus. In quorum omnium fidem scripturam sequentem propria manu, & nostro magno sigillo duximus roborandam.

Venerabilibus Patribus, & Religiosis Viris Fratribus Ordinis Sancti Saluatoris Geruino Petri Confessori generali Monasterij Vuarzitenen. in Regno Suetiæ, & Achoni Ioannis præfati Monasterij Fratri Conuentuali, Frater Ioannes de Turrecremata, sacre Theologiæ professor, Sacri Apostolici Palatii Magister, salutem, & institutricis vestræ B. Brigittæ Sanctæ religionis sequi vestigia. Elapsis quidem diebus, quibus quorundam articulorum Reuelationum S. Brigittæ matris vestræ, & institutricis vestri Ordinis coram Iudice fidei, & deputatis quibusdam Magistris, & Doctoribus examinabatur materia, placuit charitati vestræ, me multiplicatis precibus exhortari, vt vigilantia cura, & accurato studio intendere vellem inter alios Reuerendos Magistros, qui pari studio eidem operi intenti erant

ad videndum, scilicet & examinandum, an præfati articuli, sicut per nonnullos æmulos vestros, vt dicebatis assereretur aliquid contrâ sacram Scripturam, aut sanctorum Doctorum doctrinam, aut quod bonos mores offenderet continerent. Et ecce charissimi Patres, quamquam res ista exigeret, & longum tempus, & virum, qui inuestigationis acumine perspicacior inueniendi arte peritior, atque sapientiæ copia locupletior esset, vestra tamen affectuosa præcamina vestris molestijs ex corde compatiens, & deuotè suscipiens, de Omnipotentis Dei, qui à sapientibus sapientiæ suæ profunda abscondere, & paruulis ea reuelare dignatur, assistetia virtutis confusus, & non mediocritèr de pio patrocinio B. Brigittæ, cuius res agitur, & pro cuius honore hic labor assumitur, confortatus, animum placuit accommodare studio, & videre iuxta crediti mihi desuper ingenij vires, an præfati articuli nobis præsentati possent sustineri fidei Catholicæ veritate salua, & absque doctrinæ sanctorum Doctorum iniuria, quid autem mihi visum sit in subsequentijs iuxta mei sensus tenuem capacitatem, & celeritèr, vt vos ipsi scitis, annotaui. Protestor tamen in omnibus his diebus, sicut semper in cunctis actibus, & scriptis meis instar boni Catholici feci, quod non est intentionis meæ aliquid dicere, immò intendendo non dicere, aut asserere, aut pertinacitèr defendere, quod si contrâ sacram Scripturam, aut determinationem vniuersalis Ecclesiæ, aut sit contrâ doctrinam sanctorum Doctorum approbatam, aut etiam piarum aurium esset offensiuum, omnia, quæ scripsi, submittens correctioni, & iudicio huius Sanctæ, & vniuersalis Synodi Basilienfis.



INCIPIT PROLOGVS
D. IOANNIS CARDINALIS
DE TVRRECREMATA

In defensorium eiusdem super Reuelationes Calestes
Sanctæ Brigittæ de Vuatzsteno.



DIXERVNT Iudith Ozias, & Presbyteri, omnia, quæ loquuta es, vera sunt, & non est in sermonibus tuis vlla reprehensio, nunc ergo ora pro nobis, quoniam tu mulier sancta es, & timens Deum. Iudith. cap. 8. Ista quippè verba, quæ secundum sensum litteralem dicta leguntur ab Ozia Principe, & Presbyteris populi Israel illi sanctæ, & famosissimæ Viduæ Iudith in commendationem virtutis, & sanctitatis eius, & in testimonium veritatis sermonum, quos diuini luminis gratia illustrata, & inspirata loquuta fuisse creditur, possunt convenientissimè secundum allegoricam intelligentiam adaptari gloriosæ, ac famosissimæ Nobili Viduæ S. Brigittæ de Regno Suetiæ ex parte Principis Ecclesiæ, videlicet Summi Pontificis, & Dominorum Prælatorum, ac aliorum Virorum Ecclesiasticorum scientiæ, & auctoritatis insignium, qui articulos eius examinantes, & omnibus pio studio decursis, & intellectis, nihil quod sacræ Scripturæ aduersum, aut bonis moribus sic inuenientes, testimonium dantes veritati, dicere intelligantur verba proposita, scilicet. Omnia, quæ loquuta es, vera sunt, & non est in sermonibus tuis vlla reprehensio. Nunc

ergo ora pro nobis, quoniam tu mulier sancta es, & timens Deum. In quibus quidem verbis quinque notantur, per quæ arguitur, & ostenditur verissimè, quod Reuelationes Librorum Beate Brigittæ à spiritu diuino emanauerunt, & processerunt, per quæ tamquam per signa cognosci, & discerni solitæ sunt reuelationes, quæ à spiritu veritatis inspirantur, & diuino superinfunduntur lumine, à reuelationibus, quæ à spiritu mendacij, & diabolica illusione administrantur, & suggeruntur. Quæ sequendo ordinem partium thematis sunt ista. Primum signum est, quâdo iudicio magnorum Virorum, & expertorum approbatur. Secundum sumitur ex parte effectus, qui ex reuelatione in animo eius personæ, cui fit, relinquitur, quâdo scilicet in ea deuotionis, & humilitatis præcipuè, & gloriæ Dei ex huiusmodi reuelationibus profectus augetur. Tertiū est ex parte materiæ, quando in omnibus dictis eius reperitur veritas. Quartum ex parte formæ est conformitas ad sacram Scripturam. Quintum ex parte personæ est approbata sanctitas. Primum horum secundum approbantium grauitas auctoritatis notatur ibi. Dixerunt Ozias, & Presbyteri. Secundum scilicet effectus reuelationis, qui est profunditas humilitatis ibi. Iudith, quæ interpretatur confitens, & glorificans

PROLOGVS CARDINALIS.

Deum. Tertium scilicet materię sinceritas veritatis ibi. Omnia, quę loquuta es, vera sunt. Quartum ex parte formę, scilicet gratitudo cōformitatis, ibi. Non est in sermonibus tuis vlla reprehensio. Quintum, quod ex parte circumstantiarum personę est euidētia sanctitatis, ibi. Nunc ergo ora pro nobis, quoniam tu mulier sancta es, & timens Deum. Et quoniam ex istis sumenda sunt argumenta pręcipua & testimonia veritatis, quibus Libri Reuelationum S. Brigittę sint diuino spiritu inspirati. De singulis istis per singula Capitula dignū iudicauit esse protendendū sermonem. Iuxta ergo quinque signa, quibus discernuntur Reuelationes diuinę à diabolicis, quinque erunt Capitula, ex quibus quinque formabuntur rationes ostendentes verisimilitē Reuelationes contentas in Libris Beatę Brigittę à diuino spiritu veracitē emanasse.

Primū Capitulum in quo ponitur primum signum, & primum argumentum discernendi Reuelationes diuinas à diabolicis deceptionibus, inter alia signa, quę Doctores Sancti, & sacrę Theologię professores dedere ad cognoscendum verisimilitē, quę reuelationes dicendę sint spiritus boni, & quę ab illusione spiritus mali processerunt, ex hoc iuxta ordinem partium tematis primum nomino, videlicet, quando graues, & experti sapientes spirituales Viri ita iudicant. Sanē si eorum iudicio approbantur tales, signum est, quod tales verisimilitē à Deo inspiratę sint, licet ab insipientibus, & carnalibus hominibus, qui non nisi carnalia sapiūt, aliter iudicētur, cū dicat Apost. 1. Cor. 2. Animalis homo nō percipit ea, quę sunt spiritus Dei, stultitia enim est illi, & non potest intelligere, quia spiritualitē examinantur, spiritualis autem iudicat omnia. Glossa, id est, intelligit, & discernit. Et Bern. loquens de signo isto ait. Ea

cogitatio, quę pudica videtur, nec ad vitia trahit apertē, tunc diuinum à Deo noueris esse, si pacifica sit, si Pręlati tui, ac spiritualium fratrum tuorum approbetur iudicio. Hac ratione Paulus mittitur ad Ananiam, sic Cornelius dirigitur per Petrum, sic Eunuchus instruitur per Philippum. Hac insuper ex causa in libro Collationū sanctorum Patrum approbationem, & iudicium spiritualium Virorum edocemur requirere. Vnde Abbas Moyses ita de hoc loquitur. Nullatenus enim (inquit) decipi quisquam potest, qui non suo iudicio, sed maiorum triuit exemplo, nec valebit ignorantie eius callidus hostis illudere, qui vniuersas cogitationes corde nascentes perniciose verecundia nescit obtere, sed eas maturo examine Seniorum, vel reprobatur, vel admittit, illic namq. veritas facta fuerit cogitatio maligna, marcescit, & antequam iudicium discretionis proferatur, serpens teterrimus velut à tenebroso subterraneo specu virtutis confessionis protrahitur ad lucem, & traductus quodammodo, ac de honestatis abscēdit. Tamdiū enim suggestiones noxię dominantur in nobis, quamdiū celatur in corde. Hęc ille Moyses, Circā quod signum notandū, quod pręcipuum veritatis Reuelationis hoc esse dicitur, quando nedū grauissimorum Patrum intelligentia, & experientia magnorum, sed etiam Summi Pontificis iudicio approbantur, dicit enim Hieronym. & ponitur 2. 4. q. 1. Hęc est fides Papa beatissime, quam in Ecclesia Catholica didicimus, quamq. semper tenuimus, in qua, si minū periret, aut parū apertē aliquid positum est, emendari cupimus à te, qui Petri, & Sedem tenes, & fidem, si autem hęc nostra confessio Apostolatus tui iudicio cōprobetur, quicumq. me culpāre voluerit, se imperitū, aut maleuolum, vel etiam non Catholicū, sed hæreticum comprobabit. Ex quo signo efficacissimum videtur accipi argumentū, quod

PROLOGVS CARDINALIS.

quòd Reuelationes Beatæ Brigittæ à Dei spiritu sint inspiratæ, cum magnorum Virorum, & etiam Summi Pontificis iudicio approbatæ videantur. Pro quo notandum, quod Reuelationes istę duplici tempore inueniuntur examinatæ, viuente scilicet ipsa Beata Brigitta, secundo post mortem eius. In vita quidem, nam cum ipsa leuis non esset ad citò credendum Reuelationibus, cum primò huiusmodi Reuelationes inciperet habere, & vidisset nubem lucidam, audissetque vocem quasi hominis dicentem. Mulier audi me, ipsa timens illud ab Angelo Sathanæ, mox Confessorem adiit quendam deuotissimum, & approbatissimæ vitæ Virum Magistrum Matthiam de Suetia sacre Theologiæ professorē egregium, qui super totam Bibliam scripsit. Hic intalibus non ignarus, ei ieiunia, & orationes indixit, & alia exercitia spiritualia; & confessione eius audita, eam Sacramento Corporis Christi communicauit. Dumq. talibus insistent, similem iterum Visionem haberet, ipsa denuò de consilio dicti Magistri orationes, & alia bona adauxit. Et tunc tertio similiter vidit nubem, & in nube similitudinem Christi Filij Dei. Et audiuit vocem. Mulier audi me, Ego sum Deus tuus, qui tecum loqui volo, noli timere. Ego sum omnium conditor, non deceptor. Non loquor tecum propter te solam, sed propter salutem aliorum. Dum autem Reuelationes huiusmodi multiplicarentur, ipsa non contenta, Reuelationes ipsas multis spiritualibus alijs Viris in omni scientia peritissimis, & præcipuè iuxta mandatum Domini. Deuteronomi 17. præcipientis, ambigua iudicia referri ad Sacerdotes, Prælatos Ecclesiæ maioribus reuelare curauit. Vnde D. Archiepiscopo Vspalen. & alijs tribus Episcopis, & Abbati cuidam religiosissimo tunc Romæ existentibus. Et Domino Alphonso olim Episcopo Giennensi humiliter; & reuerenter exposuit. Qui

super his matura deliberatione, & tractatu habito, eas non à deceptore spiritu, sed à Spiritu sancto procedere concorditer concluderunt. Idem per multos alios Viros eximios harum Reuelationum examine accurato præhabito iudicatum est, vt ex multis locis colligitur, in quibus actus, & vita eius describuntur, à quibus breuitatis causa superfedere curauim. Demum secundo post mortem datæ sunt huiusmodi Reuelationes examini, & tam sapientum Virorum, quam Summorum Pontificum iudicio approbatæ videntur. Pro quo notandum, quòd Anno Domini 1377. post obitum B. Brigittæ Reuelationes cælestes eidem diuinitus factæ in pluribus Voluminibus conscriptæ, vt sic commodius à pluribus, & conspici, & examinari possent, præsentatæ fuerunt Sanctissimo Patri Domino Gregorio XI. per manus Venerabilium personarum D. Catherinæ natæ B. Brigittæ, Fratris Petri Prioris Aluastris, & Domini Petri Olauis Confessoris præfatæ Domine Brigittæ. Qui Summus Pontifex sine dilatione eas assignauit, & commisit examinandas circumspectissimis, & peritissimis Viris, & Dominis Cardinalibus, & Magistris in sacra Theologia hic subsequenter insertis; videlicet Cardinali Montis Maioris, Cardinali de Agrifolio, & Cardinali de Luna. Item Domino Martino de Salua Doctore Vtriusque Iuris, & Archiepiscopo Pampilonen. Referendario suo. Item Magistro Sacri Palatii Ordinis Fratrum Prædicatorum Magistro in Theologia. Item Magistro Ioanni de Hispania Magistro in sacra Pagina, qui fecit coram ipso Papa Gregorio in Consistorio Generali præsentem Collegio Cardinalium, & vniuerso Clero Curie Romanæ primam propositionem super Canonizatione Beatæ Brigittæ. Item Venerabili Patri Domino Alphonso quondam Episcopo Giennensi. Quibus inspectis, & cum omni diligencia sapius transcurfis,

PROLOGVS CARDINALIS.

attentèq. intellectis, cum nihil in eis reperiri potuit reprobum, aut suspectum, aut Orthodoxæ nostræ fidei dissonum, vel aduersum, sed totum, quidquid in eis continebatur, Domini exitit veritate conspicuum, & sanctitate præclarum, plenum, perlucidum, ac perfectum. Verùm, quia processus Canonizationis supradictæ Dominæ Brigittæ sub eodem Papa Gregorio inceptat, quam tamen ipse morte præuentus nõ est permissus exequutioni condignè demandare, cum plura sint de Iure requisita ad huiusmodi executionem plenariam impendendam, quæ non parui temporis tractum exposculant. Ideo totum negotium ipsius Canonizationis quasi exordialitèr initiandum, & consequentèr nouum examen prædictarum Reuelationum ad Vrbani VI. Successorem immediatum ipsius Gregorij exitit deuolutum. Sub Anno Domini 1379. Verumtamen non ex eo, quod initiata, siuè attentata, & acta per Gregorium forent inania, seu irrita, vel minùs fidedigna, sed quia natura processus, seu debite consecutionis Canonizationis propter Commissarios, quibus ad integrum constare debuit, & decuit primordialitèr de gestis, & vita prænominatæ D. Brigittæ ritè sic exegit, vt fieret. Ideoq. sunt iteratò ipsæ Reuelationes ad manus Vrbani præsentatæ per præfatas Venerabiles personas Dominam Catherinam, Fratrem Petrum Priorem de Alualtra, Fratrem enim Andreæ, & magnum Petri primū Confessorem Vuatzen. quas ipse Papa Vrbani commisit valentissimis Viris, magnis mundi luminaribus Dominis Cardinalibus suis, & Magistris in Theologia subsequenter hie inscriptis, Cardinali Corsiensi, Cardinali de Anglia, Cardinali de Vrsinis fratri Domini Latini Nobilis Romani, Cardinali Ianuensi, & Cardinali de Manupelle. Item Episcopo Vrbeuetano Magistro in Theologia, qui fecit propositionem secundam

super Canonizatione Dominæ B Brigittæ præsentè Papa Vrbano in Consistorio publico. Item Domino Ioanni de Lignano excellentissimo Vtriusque Iuris Doctori. Item Domino Ioanni de Basilea Magistro in sacra Pagina. Item, D. Alphonso quondam Episcopo Giennen. qui fecit Epistolam super Librum ad Reges. Item Magistro Augustino de Roma Ordinis S. Augustini Magistro in Theologia. Item Magistro Mattheo de Cracouia, qui fecit quartam propositionem super Canonizatione coram eodè Papa Vrbano. Item Domino Ludouico Licentiatò in vtroque Iure, & pluribus alijs, qui causa vitandæ prolixitatis hie non inferuntur. Qua quidem Commisssione, vt præmittitur facta, & diligenti examinatione earum per omnem modum, vt est superius expressum, per ipsos Commissarios attentissimè habita, de mùm, vt fieri oportuit, ad aures Domini Papæ relationè subsequuta, iterum ab ipso Vrbano, sicut à Gregorio prædecessore suo compertæ sunt esse authenticæ, atque veritate plenæ, & à Dei spiritû veracitèr edoctæ. Necnon ad vtilitatem legentium, seu audientium pro saluberrimo fidelium dogmate in Sancta Ecclesia Dei in perpetuum cum deuotione, & reuerentia studiosius obseruandæ, Quamobrem plures Principes, & Nobiles Romam venientes, & alij suos Nuncios mittentes pro Libris Reuelationum habendis, quos, postquam eos instantèr petiuerant, in proprijs suis sumptibus cum exquisita diligentia scribi fecerunt. Inter quos isti notabiliter erant infrascripti. Dominus Episcopus Vuormacien. fecit vnum Librum scribi Romæ, quem deportauit ad Imperatorem, Frater Petrus de Aragonia Ordinis Fratrum Minorum, consanguineus Regis Franciæ secundum, quem detulit in Franciam. Nuncius Reginæ Castellæ de Hispania, tertium. Nuncius Reginæ Cypri quartum. Nuncius Reginæ Siciliæ quintum.

Nun-

PROLOGVS CARDINALIS.

Nuncius Studij Pragen. sextum, Frater Petrus de Burgundia Ordinis Minorum Theologus maximus septimum. Nuncius Cruciferorum de Prussia octauum. Romani, Ianuenses, Vratislauenses, ac plurimæ aliæ Ciuitates, & Regnorum Nobiles Libros istarum sanctarum Reuelationum pro se scribi fecerunt Romæ. Hæc in Registro circa Canonizationem Sanctæ Brigittæ gestorum scripta sunt. Cui cõsonat littera Canonizationis eiusdem Sanctæ Brigittæ per Bonifatium. Nonum data, vbi sic dicitur. Nos, qui pro iniuncto ministerij pastoralis officio sumus sapientibus, & insipientibus debitores per ea, quæ tam de felicit recordationis Gregorij Vndecimi, & Urbani Sexti Romanorum Pontificum prædecessorum nostrorum, quàm nostro mandato super his habita sunt, de veritate præmissorum per testes idoneos, & alias probationes legitimas certiùs informati, eisque veris compertis, &c. Et in eadem littera Reuelationes eiusdem Sanctæ allegando approbat. Nam sibi sic habetur. Hæc generosa Vidua per gratiam sancti Spiritus promeruit multis eorum cogitationes, & affectiones intimas, & gesta secretissima propalare, & Visiones, ac Reuelationes varias videre, & audire, ac spiritu prophetico multa prædicere, quorum nonnulla effectu completa fuere, prout hæc, & alia in eius Reuelationum Volumine plenissimè describuntur. Benè ergo dicitur, quòd Ozias, idest Dominus Apostolicus, & Presbyteri, scilicet Prælati dixerunt Iudith, idest Sanctæ Brigittæ. Omnia quæ loquuta es, vera sunt. Et illud 3. Regum 17. Verbum quidem Domini in ore tuo verum est. Et hoc de primo signo, & Argumento primo.

CAPITVLVM SECVNDVM

in quo ponitur secundum signum, & secundum Argumentum, quo discernuntur Reuelationes diuinæ à reuelationibus diabolicis.



AMPLIVS autè secundum signum, & secundum Argumentum, quo discerni possunt Reuelationes diuinæ à reuelationibus diabolicis sumitur ex parte effectus, quem reuelatio in animo, cui fit reuelatio, efficit, & operatur. Reuelatio quidè diuina hominè efficit humilem, flexibilem, & disciplinatum, & idè dicitur Prou. 3. Cū simplicibus est sermocinatio Dei. Et Prou. 11. Vbi sapientia, ibi humilitas. Spiritus verò diabolicus superbum reddit animum, tumidū, præsumptuosum, & pertinacem. Qualis enim vnusquisque est, talia operatur, vt trahitur ex Bernardo super Psal. Qui habitat. Ex quo signo efficax capitur argumentum, quòd Reuelationes B. Brigittæ factæ, fuerant ei à Spiritu sancto ministratæ. Multiplices enim effectus spiritualium virtutum ex huiusmodi diuino iubare cælestiū Reuelationū in eius animo consurgebant, vt potè virtus humilitatis profundæ, sapor internæ dulcedinis, & flāma diuini amoris. Humilitatis quidem, quoniam huiusmodi Reuelationum cælesti lumine perfusa, nō extollebatur, non se iactabat, non laudes humanas quærebat, sed maiori continuè profundebatur humilitate sub obedientia, regimine, & disciplina. Patris spiritualis vivebat. Nihilq. eorum, quæ sibi reuelabantur pertinacitè asserens, siuè credens. Omnia examini iudicio, & correctioni Patris spiritualis, & aliorum spiritualium Patrum, & sapientum Prælatorum Ecclesiæ offerens humilitè submittebat, vnde tantæ humilitatis effecta erat, vt tam indignam, & peccatricem se reputaret, quòd

PROLOGVS CARDINALIS.

quòd in oratione sæpè loquendo Christo. quãsi de eo stupendo admirabatur, & quodammodo eum redarguebat, quòd eam tam indignam ad videndum Visiones diuinas, & audiendum, & scribendum sanctissima eius verba ipse sibi eam elegerat, vt patet in Quarto Lib. Cap. 77. & Sexto Libro Cap. 52. & in Secundo Libro Cap. 18. cum multis similibus. Vndè Lib. Sexto Cap. 52. ita dicitur in rubrica. Admirante Sponsa, & indignam se reputante corã Christo de ista gratia sibi data videndi, & audiendi in Spiritu, &c. Ceterum secundo in huiusmodi Reuelationibus, & Visionibus, non solum eius animus diuina irradiabatur illustratione, verum etiam sapore quodã internæ dulcedinis afficiebatur, & diuini amoris incendio vehementius inflamabatur, sicut patet ex multis locis suorũ Librorum, de quo modo dicit B. Gregorius. Cũ Deus per semetipsum animæ loquitur, sola in nobis vis internæ inspirationis aperitur, quia virtus eius intima quadam dulcissima subleuatione cognoscitur. Vndè merito ista Gloriosa Vidua Brigitta designatur per Iudith, quæ confitens, & glorificans Deum interpretatur. Hæc enim quantò altiori lumine, & copiosiore diuine illustrationis splendore eleuabatur, tantò profundioris humilitatis effecta, cõfitebatur Deum Patrẽ luminum, à quo est omne datum optimum, & omne donum perfectum descendit, & laudibus glorificabat, & benedicebat continuis.

CAPITVLVM TERTIVM

in quo ponitur tertium signum, & tertium argumentum, quo discernuntur diuinæ Reuelationes à diabolicis.



TERTIVM tertium signum, & tertium argumentum, quo Reuelationes Spiritus sancti, à reuelationibus spiritus diabolici distinguuntur, est puritas, & integritas

veritatis eorum, quæ reuelantur. Quando enim Reuelationes per totum continet veritatem sine admixtione alicuius falsitatis, non dubium, quin sint à Spiritu sancto, qui doctor, & inspirator est veritatis. Quando verò habent falsitatem, aut errores admixtos, non à Spiritu Dei, sed diabolico procedere dignoscuntur. Diabolus enim, qui pater mendacij, & doctor eorum est, in illusionibus suis interdum dicit vera, vt decipiat, & aliquando falsa, sed Spiritus sanctus semper vera, & numquam falsa prædicit, de quo signo Beatus Thomas in 2. 2. quæst. 172. art. 3. dicit. In aliquibus signis etiã exterioribus prophetia Daemonum discerni potest à prophetia diuina. Vndè dicit Chrysostomus super Matthæum. Prophetant in Spiritu Diaboli, quales sunt diuinatores, sed sic discernitur, quoniam Diabolus interdum falsum dicit, Spiritus sanctus numquam. Vndè in Deuteronomio dicitur. Si tacita cogitatione respondere, quomodo possum intelligere verbum, quod non est loquutus Dominus, hoc habebis signum, quod in nomine Domini Prophetia ille prædixit, & non euenerit. Hoc Dominus non est loquutus. Hæc ille. Ex qua parte manifestum accipitur argumentum, quod Reuelationes factæ B. Brigittæ sint à Spiritu Dei, quoniam ista Sancta, & Gloriosa Christi discipula semper, si benè intelligatur, vera prædixit, nec in omnibus Libris suis aliquid falsum, vel mendacium, vel inhoïestum, vel non Catholicum dixit, sed semper vera dixit, & Catholica annuntiavit, damnauit hæreticos, & virtutes, & obedientiam Sanctæ Rom. Ecclesiæ per totam suam doctrinam docuit, & prædicauit, vt patet insipienti sanis oculis Libros suos, & ea pietate legenti, quæ ceteræ Scripturæ sanctæ, siuè Canonice, siuè Doctorum legi debent. Quocirca merito dicitur in tertia schematis parte, omnia, quæ loquuta es, vera sunt.

PROLOGVS CARDINALIS.

CAPITVLVM QVARTVM,

& Argumētū, in quo ponitur quartū signum, quo discernuntur Reuelationes diuinæ à diabolicis illusionibus.



CONSEQUENTER autem occurrit quartum signū, quo discernitur reuelatio spiritus Dei à reuelationibus spiritus mali, est conformitas ad sacram Scripturam, & Sanctorum doctrinam. Cū enim reuelatio conformis reperitur diuinis Scripturis, & Sanctorum sententijs, & exemplis arguitur esse reuelatio spiritus Dei. Si autem dissonat, & discordat ab eis, suspecta merito habenda talis est. Vnde Riccardus: Suspecta est mihi omnis veritas, quam non confirmat Scripturarum auctoritas. Iob 33. Semel loquitur Deus, & secundo idipsum non repetit, quod est dicere secundum Gregorium. Deus in singulorum cordibus priuatis vocibus non respondet, sed tale eloquium construit, per quod cunctorum questionibus satisfaciat. In scripturæ quippè eius eloquio causas nostras singulas, si requirimus, inuenimus. Ex isto signo videtur capi efficax argumentū ad ostendendum Reuelationes B. Brigittæ factas his in Libris contentas à spiritu Dei processisse, quoniam ipse conformes videntur esse sacre Scripturæ, & Reuelationibus diuinis, sententijs, & exemplis Sanctorum. Et hoc in tribus. Primò in genere Visionis, siue Reuelationis. Secundò in modo Reuelationis. Tertiò conformitate sententiarum, & Doctorum. Pro quo notandum, quod Augustinus in lib. 12. super Gen. ad litteram, & Hieronymus in Prologo Apocal. tria principalia genera Visionum describunt, & totidem etiam genera Reuelationum describi possunt, scilicet corporale, spirituale, & intellectuale. Visio enim corporalis est, quando videlicet corporali-

bus oculis aliquid videtur, aut ostenditur, vt Moyses vidit Dominum in rubo ardenti, & Patres sæpè Angelos visibilibus susceperunt. Hoc genus Visionis potest referri quorumlibet sensum experientia. Vt auditus, gustus, odoratus, & tactus, quia visus pro quolibet sensu poni solet. Exod. 20. Populus videbat voces, & lampades, & sonitum buccinæ, quæ non visu, sed auditu percipere potuerunt. Visio autem spiritualis, siue imaginaria dicitur, cū videlicet dormientes, siue vigilantes in spiritu imagines rerū cernimus, quibus aliquid aliud significatur, sicut fuerunt Visiones Ezechielis, & Danielis, & aliorum Sanctorum in Nouo, & Veteri Testamento, quibus vigilantibus, & in mentis excessum raptis multa per figuras, & imagines rerum ostensa sunt. Similiter etiam multis dormientibus multa hoc genere visionis ostensa leguntur, vt Iacob vidit Dominum innixum Scale, & Pharaos, & Nabuchodonosor somnia viderunt præsentia futurorum. Tertia autem est Visio intellectualis, quando videlicet Spiritui sancto reuelante intellectu mentis veritatem mysteriorum sicut est capimus, quomodo vidit Euangelista eas, quæ in libro Apocalypsi referuntur. Non enim figuras tantum in spiritu vidit, sed & earum significata mente intellexit. Secundum hoc triplex genus Visionis cælestes, & diuinas legitur Beata Brigitta habuisse Reuelationes, sicut multi alij Sancti habuisse leguntur. Secundum enim primum genus Visionis, scilicet corporis, legitur ipsa Beata Brigitta aliquibus vicibus vidisse Matrem Christi Gloriosam, & etiam Christum benedictum eius Filium, & etiam Angelos. Matrem quidem Christi vidisse dicitur, quando erat puella. Vidit enim Altare, & Matrem Dei supra sedentem, quæ vocans eam imposuit ei coronam, iterum quando periclitabatur in partu visa est Mater Dei intrare ad eam, quæ

cun-

PROLOGVS A CARDINALIS:

cunctis præsentibus videntibus tangens membra eius liberauit eam, vt dicitur in Legenda Vitæ eius. Christum etiam vidisse dicitur, vnde semel dicitur vidisse ignem descendere de caelo super Altare, & in manu Presbyteri celebrantis Hostiam, & in eam Agnum, & faciem hominis in Agno; & Agnum in facie; & iterum vidit in manu Presbyteri in Hostia Infantem viuum, qui signando astantes signo Crucis dixit, Benedico vos credentes, nõ credentibus ero Iudex. Vide hæc in Sexto Lib. Cap. 86. Item specialiter, cum ageret in extremis, vidit corporaliter Christum eam non solum, vt in eius Legenda, dicitur: Angelos etiam quandoq. dicitur vidisse corporeis oculis, sicut eius Historia testatur: Amplius autem iuxta secundum modum Visionis, quæ est spiritualis, siue imaginaria, & specialiter loquendo de ea, quæ fit in Vigilia, pro maiori parte Reuelationes ei factæ videntur fuisse, quia ipsa quasi omnes Visiones videbat in oratione vigilando, & non dormiendo, vt in multis Capitulis Libri huius patentèr conspicitur, in quibus legitur, qualiter rapiebatur sæpissimè in spiritu, & a sensibus alienata videbat Visiones, & audiebat loquutiones personarum, quæ per species, & imagines corporales in eius spiritu representabantur. Ceterum iuxta tertium genus Visionis, quæ est intellectualis, Reuelationes Beata Brigitta legitur habuisse cū sæpissimè legatur, quòd cum rapiebatur, illuminabatur, & illustrabatur mens eius, & intelligentia eius ad intelligenda ea, quæ sibi ostendebantur, diuino quodam supernaturali replebatur lumine intelligibilis veritatis. Præterea in modo Reuelationum est conformitas istarum Reuelationum ad sacram Scripturam, & exempla Sanctorum. Pro quò notandum, quòd Reuelationes in sacra Scriptura aliquando leguntur factæ per vocem, & verba expressa, vt Petro, & Ioanni & Iacobo in

Monte cū Iesu Salvatore nostro existentibus, vbi vox de nubè exiens dixit. Hic est Filius meus dilectus, &c. Matth. 27. Item Petro dictum est. Beatus es Symon Bariona, quia caro, & sanguis nõ reuelauit tibi, sed Pater meus, qui est in cælis, Matth. 16. Vel sicut Samueli, sermo Domini factus est in Sylo. 1. Regum 3. Item aliquando fit per somnium, vt Ioseph Viro Mariæ dictum est in somnis, vt acciperet puerum, & Mariam, & fugeret in Ægyptum, & post vt rediret. Et Magis similiter in somnis dictum est, nõ redirent ad Herodem. Matth. 2. & in alijs pluribus locis simile inuenitur. Item aliquando fiunt per spiritum Angelicū sicut Zach. 4. Angelus, qui loquebatur in me dixit ad me, &c. & in multis alijs quasi innumeris. Item aliquando fiunt reuelationes per Spiritum sanctum interius in mente, de quo dicit Propheta in Psalm. Audiam quid loquatur in me Dominus, de quibus duobus vltimis dicit Gregor. in 28. Moralium cap. 3. Sciendum (inquit) quòd duobus modis locutio diuina dicitur. Aut per semetipsum namque Dominus loquitur. Aut per creaturam Angelicam eius ad nos verba formantur. Sed cum per semetipsum Deus loquitur, sola in nobis vis internæ inspirationis aperitur. Cum per semetipsum loquitur de verbo eius sine verbis, & syllabis cor edocetur. Et subdit in eodem loco dicens, quòd aliquando imaginibus, & antè oculos corporeos ad tempus ex aere assumptis per Angelos nobis loquitur Deus sicut Abraham, qui non solum tres Viros videre potuit, sed etiam habitaculo terreno suscipere. Et subdit dicens. Nisi enim Angeli quædam interna nunciantes ad tempus ex aere corpora sumerent, exterioribus profectò nostris obtutibus non apparerent. Talibus autem modis Reuelationes istæ videtur factæ huic Gloriosæ Beatæ Brigittæ, sicut eas per legenti patet euidentèr.

PROLOGVS CARDINALIS.

In quibus legitur nunc Christo Sponso suo loquente, nunc Angelo instructa, fuisse de multis. Demum tertio dicebatur, quod huiusmodi Reuelationes conformes erant in sententijs, & dictis sacre Scripturæ, dictis, & exemplis Sanctorum, & Doctorum Ecclesiæ. Quantum verò attinet ad hanc partem iudicio meo in præfatis articulis, qui de toto eius Libro tamquam magis peregrini à dictis sacre Scripturæ, & Doctorum collecti sunt, si bene, & diligenter, ac pio studio sicut Sanctorum dicta solita sunt legi, & tractari intelligantur, nihil continent, quod intellectum habeat aduersum sacre Scripturæ, aut doctrinæ Sanctorum Doctorum ab Ecclesia approbatorum. Aut ita alienum ab exemplis Sanctorum sit, quod pias valeat offendere aures sicut Iesu Christo duce Magistro veritatis, & huius Gloriosæ, & Sanctæ mulieris Sponso per singulos articulos discurrens pro posse conabor ostendere.

CAPITVLVM QVINTVM

in quo ponitur quintum signum, & quintum Argumentum discernendi Reuelationes, quæ sunt à spiritu Dei à reuelationibus illuforijs spiritus diabolici.



EMVM inter alia signa, quibus discernuntur reuelationes, quæ à spiritu Dei procedunt à reuelationibus, quæ ab illusione diabolica procurantur, non paruæ virtutis esse videtur, quod persona cui reuelationes factæ leguntur, approbata sanctitatis est in Ecclesia Dei, quæ in Canonizatione Sanctorum, sicut nec in doctrina fidei errare non potest, Beata autem Brigitta huiusmodi est. Est enim ita approbata sanctitatis, vt Catalogo Sanctorum ascripta per Summos Pontifices vniuersitati fidelium sit mandata coli, & venerari, sicut patet in duabus litteris Canonizationis eiusdem, quarum vna est Papæ Bonifacij Noni in sua obedientia reputati, & nominati. Et alia est Domini Martini V. quarum tenores de verbo ad verbum iudicauim merito hic esse interferendos, ex quarum seriè multiplex testimonium deuotus Lector colligere poterit deuotionis, & sanctitatis huius Gloriosæ Domine, & amantissimæ Christi Sponsæ.

Sequitur Bulla Canonizationis.





INCIPIT BVLLA CANONIZATIONIS
BEATAE BRIGITTAE
DE REGNO SVETIAE,

GLORIOSÆ SPONSÆ CHRISTI,

Quam dedit BONIFACIVS Papa Nonus .

BONIFACIVS Episcopus Seruus ser-
uorum Dei . Vene-
rabilibus Fratribus
Patriarchis, Archie-
piscopis, Episcopis ,
ac dilectis filiis ele-
ctis , & Patriarchalium , Metropolita-
narum , & Cathedralium Ecclesiarum
Capitulis vbilibet constitutis Salutem ,
& Apostolicam benedictionem . Ab
origine Mundi post prinū parentis la-
psum . Cum eam ob rem vniuersum
genus humanum æternæ morti tenere-
tur obnoxium . Cunctipotens , & mise-
ricors Deus ex alto prospiciens, nè in to-
tum perderet hominem, quem creau-
erat, sed suæ diuinitatis faceret esse par-
ticipem . Cum primos Patres ex spiri-
tione sancti Spiritus afflatos Prophetas
aduentus Filij sui in carnem sub typicis
ænigmatibus, ac diuinis Reuelationibus
nuncios præmississet, eundem vnicum
Filium suum antè sæcula genitum adue-
niente plenitudine temporis in vterum
præelectæ Virginis Matris, quæ imper-
scrutabili sancti Spiritus obumbratione
Angelo nunciante concepit, de proprio
sinu transmisit, qui ex eadem Virgine
natus, & progressus in tempus cœpit
facere, & docere, omnibusq. monstra-
re, qualiter sacri Baptismati fonte re-

natis de æterna morte via pateret ad vi-
tam , & coadunatis Discipulis, nè quis
fidelis huius transitoriz, & fugitiuæ vitæ
molestias, vel tædia, seu temporalis acer-
bæ necis pœnas pro æternæ adeptione
vitæ perhorreret, sese hostiā immacula-
tam consummato debito cursu in ara
Crucis morte cruenta obtulit Deo Pa-
tri, & militantem Ecclesiam fuso pre-
tioso sanguine fundauit, consecrauit,
& æternaliter stabiliiuit . Tandem verò
de mundo transiturus ad Patrem, Prin-
cipi Apostolorum cælesti clauigero in
suam, suorumq. Successorum Summo-
rum Pontificum personas collatis clau-
ibus ligandi, videlicet, & soluendi tra-
dita potestate supremū Pontificium spe-
cialem curam sui gregis , & regimen
vniuersalem commisit . Pollicitus ni-
hilominus Ecclesiam in æternum se non
deserturum eandem . Ad cuius vbe-
rem vtilitatem diuisiones gratiarum
per Spiritum sanctum tribuit suis fi-
delibus . Nam secundum Apostolum .
Vnicuiq. datur manifestatio spiritus ad
vtilitatem . Alij quidem per spiritum
datur sermo sapientiæ . Alij sermo scien-
tiæ secundum eundem spiritum . Alij
fides in eodem spiritu . Alij gratia sa-
nitatum in vno spiritu . Alij operatio
virtutum . Alij Prophetia . Alij discre-
tio spirituum . Alij genera linguarum .

Alij

BVLLA CANONIZATIONIS.

Alij interpretatio sermonum. Hæc autē omnia operatur vnus, atque idē spiritus, diuidēs singulis, prout vulc. Quamq. militantē Ecclesiam Pater luminū sustulit in eodē Spiritu sancto structura admirabili pretiosorum lapidū mita varietate, decorā ipso summo angulari lapide Christo IESV, quos elegit antē mundi constitutionē conformes fieri imaginis eiusdē Filij sui, vt sit ipse primogenitus in multis fratribus, in quo eos gratificauit, donās charismata meliora, qui suo exēplo viā ostenderent excellentiorem. Hinc igitur Apostoli Sancti prodire per vniuersum Orbem, genus humanum, quod sub peccati iugo tenebatur ad vitam, & salutem excitantes, & cum firmissima constantia prædicantes verbum Dei, vt in omnem terram exiret sonus eorū, & in fines Orbis terræ verba eorum. Splendidi quoque Martyres fidei lorica induiti, & inconcussē stabilitatis baltheo succincti lauerunt stolas suas in sanguine innocentis Agni, & imitati candidato exercitu Christum IESVM ad structuram supernæ Hierusalē, hoc est triumphantis Ecclesiæ cum gloriosa victoria, palmas gestantes in manibus, sese viuos lapides addiderunt, exemplum venerabile, & æternam, dignamq. memoriam militanti Ecclesiæ relinquentes. Progressi sunt & Doctores lucidissimi, qui pseudochristianis, falsisq. Prophetis superstiosas, & varias opiniones in vera fide Catholica adducere, ipsamq. fidem subuertere sagagentibus se opponentes, talium confutatis erroribus miro eloquio, & solidis, ac rectis sententijs operante sancto Spiritu ipsam fidem, & militantem Ecclesiam illustrarunt, quibus eadem Ecclesia communita progreditur, quasi aurora cōsurgens, pulchrā vt Luna, electā vt Sol, terribilis, vt castrorum acies ordinata. Sequuntur & limpidi Confessores ornati gemmis, & virtutibus corruscantes, Domino rationem de talentis creditis repo-

scendi. Cum se assidua, & vigili sanctarū operationum exercuerunt mercatura, vt potē fideles, & boni serui multiplicatū de suis laboribus fructum afferūt, ac donum reponunt in arcam. Eriā Anachorite, & solitudinis, ac Eremitæ sectatores blandientes, & captiosi, sed venenosi mundi vana spectacula fugiētes, vt securi ad patriam peruenirent, latibula petierunt, & antris additi, paruo, & rudi victu scaruriētis aquæ, & leui potu carnem propriam macerantes, & Sathanæ stimulos reprimētes palastro, vel tegmine hirtō amicti, vt plurimum nudis pedibus, & squalida humo, aut stramineo cubili fessa membra somno refouētes, in sacra, contemplatione, & supernæ Maiestatis laude vacantes. Demū ex hac lacrymarum valle, & miseriarum aceruo ad Dei præsentiam euocati immarcescibilibus delitijs potiūt. Adsunt, & Virgines nitidē mundo corpore, & corde sincere, mētem sanctā spontaneam, & oleum secum suis deferētes in vasis veniēti Sponso obuiam exeunt, eiq. desponsantur, qui est præ filiis hominū speciosus Deuorū autē, & cōtinens Viduæ, & aliz sexus variisq. personæ pijs, sanctisq. operibus semper intentæ se antē Dei tribunal cū plenīs manipulis representant, & cum sanctis Angelis canunt gloriam in altissimo Deo, & in terra pacem bonæ voluntatis hominibus deprecātur. Hæc omnia profectō ille idē spiritus, de quo suprà, operatur ministerio multiformitē admirando. Et secundū sanctam promissionem Christus IESVS hanc vineam suam militantem Ecclesiam post eius admirabilem Ascensionem talibus cultoribus, & cultricibus vsque in diem hodiernum, visitauit, fouit, defenauit, firmavit, iuuuit, & auxit, & per sui gratiam sic in futurū faciet temporibus successiuis. No. uissimis verō diebus, vt etiā ab Aquilone aliquid boni esset, ille cælestis agricola eandem vineam suo de more visitans

*** mu-

BVLLA CANONIZATIONIS.

multerem fortem procul, & de ultimis sinibus suum secum pretium deferentem ad huiusmodi vineæ culturâ adduxit inesse, Beatam scilicet Viduam Brigitam, quam vulgares Brigitam appellat, tam sacro superius descripto cœtui meritiò sociandam, seu veriùs sociatam. Cuius propter quod præsentem operam nobis damus, vt originem, vitam, mores, & merita, nec non miracula, quæ in præmium sanctitatis eius benedictus Deus mundo monstrare dignatus est. Ne de tam celebri muliere ætas præsens remaneat ignara, & surda posteritas famam ingratam accūsare, vel prætendere possit, sum motenus percurramus, de multis pauca admodum ea, quæ non prætereunda silentio excerptissimus, vestraque charitati harum serere volumus intimari. Hæc nempe mulier gloriosa ex Patre Birghero, & Matre Sighride coniugibus de Nobilissima Regia stirpe Catholicorum Suetiæ Regum præcedentibus, nec minus fide Orthodoxa, & animi constantia, ac virtutibus, quam nobilitate claris duxit originem. Quæ quidem mater, dum eam gestaret in utero, Maris in quodam sinu passa naufragium, cum multos promiscui sexus in eodem naufragio procella absorbuisset, sana peruenit in litus. Et nocte sequenti in visione assistit sibi persona admirando vestitu refulgens, & nè Viduæ tam venerandæ sine prænuncio foret aduentus dixit, saluata es propter bonum, quod habes in utero. Ideò nutri illud cum charitate Dei, quia tibi à Deo donatum est. Cumq; puella Brigita de genetricis aluo in mundum recenter fuisset educat. Sacerdos Parochialis in Ecclesia propinqua approbatæ vitæ, & ætatis perfectæ, dum nocte orationi vacaret, nubem lucidam, & in medio nubis Virginem sedentem vidit, librum habentem in manu, sibiq; dicentem. Nata est Birghero quædam filia, cuius vox per mundum admi-

rabilis audietur. Nata ergo puella, usque ad finem triennij quasi elinguis visa est, sed mox contra naturalem decursum nõ balbutiendi infantij more fari gestientium, quæ audierint, sed completa, & formata verba de auditis per eam loquebatur, & visis, procedens verò in annis, pueritiam mira deuotione transiegit, orationibus videlicet, ac ieiunijs, & alijs nunquam à bonis operibus oriosa. Tandem, licet in statu virginali seruire Domino toris desiderijs affectaret, tamen per parentes compulsa quondam Vlphoni de Vlphasum Principi Nericiæ Nobilissimo, quippe, & Christianissimo Iuueni in matrimonium desponsatur. Et cum insimul conuenire deberent, quamquam idonei essent ad viriles amplexus, maritus, videlicet in decimo octauo, & sponsa in tertiodécimo anno constituti, communi tamen voluntate Tobiam Iuniorum, & Saram Raguelis imitati annum continuum, & ultra à concubitu abstinerunt, Deum humiliter deprecantes, vt, si coniungi foret expediens, in commixtione non peccarent, & Deus illis talem prolem concederet, quæ ad seruitium eius esset. Simul postea conueenerunt in timore, ac tremore, non libidini, sed posteritati vacantes. Cum interim deuota mulier, nec ieiunia, nec orationes, nec alia pia, & solita opera præteriret. Et cum semper Beatæ Virgini præcipue deuota foret, ac tempore procedente penè partu periclitaretur, & obstetrices, ac mulieres astantes de vita illius desperarent, visa est quædam imperiosa, sed incognita mulier, albis sericeis induta, vestibus intrare cubile, & assistere strato, & singula iacentis membra pertractare, mox, cum talis mulier disparuisset, eadem puerpera sine dolore partu integro exonerata remansit. Et cum etiam dicti iugales adhuc essent iuvenes, & recentes, maritus felicis uxoris sanctis monitionibus persuasus, cor enim

BVLLA CANONIZATIONIS.

enim viri spolijs non indigens confisum in ea reddidit ei bonum, & non malum omnibus diebus vitæ suæ; ipsaq. mulier indixerunt sibi sponte inuicem; & perpetuam continentiam seruauerunt. Et nihilominus coniuges deuoti in Dei timore; & amore proximi semper feruentiores limina Beati Iacobi Apostoli in Compostella communi voto peregrè visitarunt; & ad propria reuersi, cum deliberasent; vt liberius deuotioni vacare possent, pro sexus diuersitate diuersa ingredi Monasteria dictus Princeps in tali deliberatione quieuit in Domino. Sancta autem Vidua, quæ ab incuntis ætatis principio Deo dicata fuerat. ieiunij, & orationibus indefessè vacaret, soluto coniugio, & sui iuris effecta, quasi nauis institoris de longè portans panem suum à Spiritu sancto præmonita egrediens de terra, & cognatione sua ad Almam Urbem, ac Hierosolymam deinde perrexit; & loca singula, in quibus Redemptor noster IESVS Christus annuntiatus, natus, educatus, baptizatus, conuersatus, mirabilia operatus, illusus, crucifixus, & sepultus fuit, & ad cælos ascendit insigni deuotione, & venerabunda conspexit. Ad Urbem quoque regressa, cum antea suè in sua Patria, & partibus circumstantibus, suè in Germania, suè in Gallijs, suè in Hispania, suè Italia, suè in alijs Cismarinis, aut vltra Marinis partibus Sanctorum, ac Sanctarum Corpora, seu memoranda reliquia quiescerent, pauca admodum absque personali visitatione dictæ Sanctæ Viduæ fuissent prætermissa, in eadem Urbè reliquum vitæ peregrin. Sed post mariti mortem ob reuerentiã Sanctæ Trinitatis ad nudam carnem, quamdam cordam de canopo cum plevisq. nodis detulit strictè ligatam, & similiter circa singulas tybias subrèt genua singulas cordas similiter connodatas; etiam tempore infirmitatis; nec

pannis lincis, præter quam in capite vsa vestes hyssidas circa carnem, superius verò non secundum personæ conditionem, sed multum humiles, & abiectas. Et nõ solum eas, quas sancta Mater iubet Ecclesiæ Vigilijs, seu Ieiunia obseruabat, sed alia multa superaddebat, vt etiam vltra Ecclesiæ mandatum quater in Hebdomada ieiunaret, & similiter quater in Hebdomada coniuge nondum viua sancto, & post obitum eius continuè vsque ad paucos annos antè suum felicem transitum solitis pannis induta super tapeto absque paleis culcitra, vel similibus ad terram, vel pauimentum posito corpus ab orationibus, abstinentijs, ac diuino labore fessum, tenui, & breui somno recreabat. Singulis Sextis Ferijs ob memoriam sacratissimæ Passionis Domini nostri IESV Christi, panedumtaxat, & aqua contenta ieiunium non omisit, cum etiam multos alios dies ob diuerforum Sanctorum reuerentiã simili abstinentia pertransiret. Et suè ieiunio abstinere, suè aliter discumberet, cum sobriissima foret, de mensa surgebat non saturata, sed refota, eisdem quoque Sextis Ferijs de candelis cereis accensis stillas candentes, & ignitas eliquabat super nudam carnem, ita vt adustæ cicatrices continuè remanerent. Et gentianam amarissimam herbam, seu radicem eius retinebat in ore. Romæ insuper degens non rigorem frigoris, non estiuos calores, non impedimenta, viæ lutoz, non pluiarum, aut niuium, seu grandinum asperitates curans Stationes per Ecclesiã ordinatas, variasque alias sanctas Ecclesias licet eques pro suis facultatibus ire potuisset, tamen supra extenuatj corporis vires enitens pedicans, visitauit quaecumque die: Tot namque longis genub flexionibus vsa fuit, vt genua eius rigérèt in duritiè, vt ita dixerimus Camellorù. Admirabilis, & spectatæ humilitatis ex-

BVLGAT CANONIZATIONIS

citit, ita ut nonnumquam cum pauperibus peregrinis incognita simul sedens apud Monasterium Sancti Laurentij in Panisperna de Vrbe Ordinis sanctæ Claræ elemosynam reciperet, & oscularetur cum gratiarum actione. Et frequenter proprijs manibus, & ob Dei reuerentiam reparabat pauperum vestimenta. Tenacem obedientiam Prælati, & suis Superioribus, & Confessoribus observabat adeo, quod absque saltem Confessoris licentia penè oculos attollere non præsumeret. Et superstitie marito cum singulis Sextis Ferijs confessa fuisset, post eius transitum veram confessionem semel saltem in die cum magna contritione studuit iterare, tam amarè leuia, sicut alij grauissima deplo-
rans, & nihil de suis verbis, moribus, cogitationibus, & actibus præterita indiscussum. Verbi Dei prædicationibus, quas Viri probati facerent, assidua aderat, & intenta. Singulis quoque diebus Dominicis, & solemnibus cum deuotione, & lacrymis sumpsit venerabile Christi corporis Sacramentum. Considerans semitas domus suæ, nè panes comederet otiosa, manus suas aperuit inopibus, & palmas suas extendit ad pauperes, inexhaustè enim charitatis officia erga egentes infirmas, & abiectas personas ob Dei reuerentiam exercuit indefessè. Nam dum etiam adhuc maritus superesset, die qualibet duodecim pauperes consuevit propriam in domo cibare, illis interueniens, & necessaria ministrans. Et Quintis Ferijs memor cœnæ Domini proprijs manibus lauit pedes eorum. De propria quoque facultate reparauit in partibus suæ originis multa hospitalia desolata, & pauperes, & infirmos ibi degentes pia, benigna, misericors, & sedula ministratrix cum summa pietate visitauit. Vlcera eorum absque horrore vel fastidio attrectauit, lauit, circumligauit,

& fouit. In loco etiam de Vustzefeno Lyncopen. Diœcesis de suis facultatibus vnum venerabile Monasterium canonicè construi fecit pro sexaginta Monialibus sub clausura viuentibus, & vigintiquinque Fratribus Ordinis Sancti Augustini, Sancti Saluatoris nuncupati, qui tam Moniales, quàm Fratres ætas Constitutiones per ipsam Beatam Viduam editas, & postea per Sedem Apostolicam approbatas observare tenentur, sufficiente dote nihilominus assignata, admirabilis patientia viguit in ea, ut infirmitates proprii corporis, iniurias illatas, mariti, & Caroli filij mortem, & aduersa reliqua toleraret, patientissimè sine murmure, sine querela, semper in cunctis cum humilitate, summissima Dominum benedicens, infide semper constantior, præstantior spe, vera charitate ardentior, iustitiam summè dilexit, & equitatem, stimulos carnis, & varias illecebras, prauitatem, & arrogantiam, pompam, & inanem gloriam magnanimitè curiositate contempsit. De singulari continentia, & modestia suafatis est superius recitatum. Sed quis inueniretur illa prudentior? cum optima discretione ab ætate primæua, vsque ad horam vltimam, quæcum sinebat humana fragilitas cuncta secernens, non dixit bonum malum, & neque malum bonum. Nec posuit lucem tenebras, nec tenebras ipsam lucem. Quibus quidem sanctis, & absque intermissione continuatis operibus hæc generosa Vidua per gratiam sancti Spiritus, promeruit multis eorum cogitationes, & affectiones intimas, & gesta secretissima propalare, & Visiones, ac Reuelationes varias videre, & audire. Ac spiritu prophetico multa prædicere, quorum nonnulla effectu completa fuere, prout hæc, & alia in eius Reuelationum Volumine plenissimè describuntur. Quinta verò præcedere die præuiciuauit suæ vitæ finè adesse. Et cū fuisset

BVLLA CANONIZATIONIS.

annum septuagesimum supergressa. .
 Adueniente iam termino prænunciato
 vocata familia, quæ fieri oporteret edi-
 xit, at demùm Birghero filio, & Catheri-
 na filia tunc superstitis accersitis, &
 de multis commonitis, vt super omnia
 in Dei timore, & amore proximi, ac
 Sanctis perseverarent operibus, vltima
 confessione debitè facta, sumpto viati-
 co, & extrema vnctione delibuta, cum
 vsque ad status emissionem sua me-
 moria integra perdurasset, dum Missa
 coram se celebraretur, post adoratum
 corpus Christi oculis eleuatis ad cælum
 dicens. In manus tuas Domine com-
 mendo spiritum meum vocanti benè
 meritam animam reddidit Creatori.
 Extemplò de transitu huius Viduæ ve-
 nerandæ magna sit fama per Vrbem,
 concurrat frequens populus cum sum-
 ma deuotione, ac reuerentia sacrum
 videre Corpus, Deû vnanimiter glorifi-
 cans, & collaudans, ad Monasterium
 Sancti Laurentij supradictum, vbi se
 indicarat, funus in longè maiori populi
 frequentia deferretur, & præ nimia multitu-
 dine vsque ad biduum aptè non potuit
 sepeliri, quod tamen cum eximia Dei
 laude fuit humatum: Dum autem cele-
 bris hæc Vidua Neapoli degeret, Nola-
 nen. quædã mulier Pictiolella nomine,
 quæ violentum mali spiritus in huma-
 nam se imaginem transformantis patie-
 batur accubitus, cui nec fortium vi-
 gilæ, aut exubig obfistere potuerant.
 Ad Viduam sanctam accessisset, eam su-
 per tali materia, & expedienti remedio
 consulturam. Mox Vidua præcellens, &
 secreta mulieris præuidens, quæ fuit à
 muliere, an secum aliquid arte magica
 compilatum, vel quid tale deferret.
 Cum illa respondisset quod non. Egre-
 gia Vidua subiecit. Quære in capillis,
 scû tricis tuis, contrarium inuenies.
 Confusa, & recordata mulier, quod cer-
 tum breue cum caracteribus, & canta-
 mine proprijs habebat in crinibus, sum

fuit errorem spontè falsa. Insignis autem
 Vidua iniunxit, & suasit illi, vt deuotè
 confiteretur, & veraciter pœniteret, &
 communicaret, ac etiam ieiunaret, quod
 & fecit, ac meritis, & precibus memora-
 tæ Viduæ numquam similem accubi-
 tum passa fuit. Cum autè spectabilis hæc
 Vidua de longa peregrinatione ad Orto-
 nam Theatvensis Diœcesis Terram, in
 qua Beatissimi Thomæ Apostoli reli-
 quiarû pars magna seruat, vice secunda
 superuenisset, fuerat enim antea lōgè per
 visionem sibi reuelatum, quod secunda
 vice sui aduentus ad ipsam Terrâ deuo-
 tum eius desiderium impleretur. Et dū
 stans reliquias deuotione solita visitaret,
 Idem Apostolus deuotæ Viduæ apparēs
 dixit, dabitur tibi diu desideratū. Et mox
 nemine tangente, vel alias impellente de
 capsa reliquiarum quoddam frustulum
 vnius ossis dicti Apostoli suapte Viduæ
 expectantis prosiliit ad manus, quod illa
 cū gaudio, ac deuotione recipiens summa
 veneratione seruauit. Fuit quoque hæc
 admirabilis Vidua, dū orationi, & contē-
 plationi vacaret, per plerasq. deuotas per-
 sonas, eleuata à terra per hominis mēsu-
 ram, vel circiter cū splendida, & radian-
 te facie sæpè visa. Funus nondū erat tra-
 dictum sepulturæ, cum mulier quædam
 Agnes de Concessa nomine in Vrbe cō-
 morans, quæ à natiuitate guttur habe-
 bat grossissimum, ac deforme, cum alijs
 venerandum cucurrit ad funus, & cum
 propria zona manus sanctę iacentis Bri-
 gittæ cum deuotione tangi fecisset, zonā
 eandem simili deuotione circumduxit
 ad collū, & paulò post guttur detumuit,
 & ad conformitatem debitam diuino
 miraculo fuit redactum. Verùm Fran-
 cisca de Sabellis dicti Monasterij Sancti
 Laurentij Monialis, quæ biennio debili-
 tatem, & aduersam stomachi valitudi-
 nem passa, serè semper lecto decubuerat
 infirma, & honorandæ Viduæ familiaris
 fuerat, dum adhuc insepultum corpus in-
 trà Clausurā seruaretur, cū graui labore

BVLLA CANONIZATIONIS.

de lecto surrexit, tam longam infirmitatem patiens, & adiuta peruenit ad feretrum, & secus illud iacuit tota nocte, nec Deum desijt cum deuotione, & instantia deprecari, quod meritis, & precibus Viduæ, cuius corpus aderat, tam molesta, tamq. diutina valitudine tantum saltem alleuiaretur, quod cum reliquis Monialibus diuinis officijs interesse, & per Claustrum, cum expediret, adiuta per neminem ire posset. Et manè facto reperit se circà proprij sanitatem corporis efficacius remedium, quam deprecata fuerat impetrasse, verum, vt Deus benedictus huius dilectæ Viduæ mundo magna merita demonstraret. Contigit, vt Ellebysnara mulier dictæ Lincopen. Diocesis, cum infantulum mortuum peperisset, summo dolore plena, ac tandem ad se reuerfa, Deum prece humili exoraret, quod meritis Viduæ tantopere celebrandæ infantulus vitam susceperet, & emisso voto, quod cum infantulo, si ad vitam veniret, & imagine cerea sepulchrum Viduæ sanctę visitaret. Extemplo infantulus calscere, & palpitare cepit, vitamque plenè suscepit. Mulier verò plena deuotione, atque gaudio votum impleuit emissu. Sed quid pluribus immoramur, cum Deus Omnipotens huius almæ Viduæ meritis surdis aures aperuit, mutis linguæ officium soluerit, tremulis paralyticis soliditatem præbuerit, curuis erectionem, contractis, & inualidis liberum beneficium gradiendi, cæcis visum, mulieribus partu periclitantibus liberationem, morbis alias incurabilibus sanitatem: Naufragos, & aquis vehemencibus laborâtes perduxerit ad salutis portum. Et si ea, quæ Deus benedictus Viduæ sæpè dictæ meritis, tam illa superstite, quam post eius resolutionem felicem mirabilia præter, & super vires naturæ fuit operatus, nec desinit operari, velle mus per singula recensere. Nos alijs diuersis implicatos longa valdè in tali

recitatione prolixitas detineret, possunt tamen fideles auidi talia gesta pernoscere, librum in quo fidelitèr annotantur perquirere curiosè. Vota autem apud Monasterium in Vuarzsteno supradictu, ad quod venerabile Corpus huius benedictæ Viduæ transfatum fuit perfoluta, & appositæ imagines, ac statuz magnu testimonium perhibent veritati. Et quoniam per sancti Spiritus operationem hæc Vidua peruigil per excellentia merita in Dei Patris gloria collocata, militantem propemodum illustrat Ecclesiã. Nosq. gustamus, & videmus, quia bona fuit, & est negotiatio eius, & propterea in nocte superueniētis temporalis mortis eius virtutum, & meritorum lucerna non debet extingui. Est enim non sub modio, sed super candelabrum posita, & per Domini vniversam domum inextinguibile lumen affert, quin potius filij sanctæ Matris Ecclesię surgant, & beatissimam prædicent, eiq. dent de fructu manuum suarum, laudentq. eam in portis Matris Ecclesię opera eius. Nos, qui pro iniuncto ministerij pastoralis officio sumus sapientibus, & insipientibus debitores per ea, quæ tam de felicis recordatione Gregorij Vndecimi, & Urbani Sexti Romanorum Pontificum prædecessorum nostrorum, quam nostro mandato super his habita sunt de veritate præmissorum per testes idoneos, & alias probationes legitimas certiùs informati, eisq. veris compertis. Et pro parte Charissimæ filiz in Christo, filiz nostræ Margharitæ Reginz Suetiæ Illustris, ac Prælatorum, & Procerum Regni sui, necnon dilectorum filiorum, & Populi Officialium: Almæ Urbis, ac dilectarum in Christo filiarum S. Laurentij, & de Vuartzsteno Monasteriorum prædictorum Abbatissarum, Cœuentuum sæpiùs, & cum instantia requisitis in nomine Domini, vt iam tandem Viduam eius celeberrimã benedicentes benedicamus, & super eã effloreat sanctificatio

BVLLA CANONIZATIONIS.

ficatio nostra . Ad honorē Dei Omnipotentis, Patris, & Filij, & Spiritus sancti, & ad exaltationē Orthodoxę fidei, & Christianę religionis augmentum . Necnon ad sedationem scilicet, ac fidei, & Ecclesię vnionem . Auctoritate ipsius Dei Omnipotentis Patris, & Filij, & Spiritus sancti, ac Beatorum Apostolorum Petri supradicti, & Pauli, atque nostra de fratrum nostrorum consilio , & assensu , omniumq. Prælatorum in Romana Curia consistentium decernimus, declaramus, diffinimus, siue pronunciamus bonę memorię Beatam Brigittam, aliās Brigidam suprà sepius nominatam Sanctam esse, & tamquam Sanctam ab vniuersali Ecclesia venerari, ac Sanctorum Cathalogo ascribi debere, & ipsam nunc ascribimus de presenti . Statuentes vt ab vniuersali Ecclesia, anno quolibet in die, qua illam post deuictum, triumphatumq. mundum in perpetuas æternitates præsens vita parturiat, videlicet decimo Kalendas Augusti festum ipsius, & Officium sicut pro vna Sancta non Virgine, nec Martyre deuotē, & solemniter celebreretur . Et vt ad venerabile Sepulchrum ipsius ardentius, & assuentius Christifidelium confluat multitudo, & eiusdem Sactę celebrius colatur festiuitas, & eius nomen crebrius recolatur, Auctoritate prædicta omnibus verē pœnitentibus, confessis; qui Sepulchrum eius huiusmodi apud ipsum Monasteriū in Vuatzeno in eiusdem festi . Necnon v. Ka-

lendas Iunij, quo videlicet die huiusmodi Corpus venerandum apud ipsum Monasterium translatum fuit, & sub ad præsens occurrentibus diebus deuotē visitauerint . Annuatim singulis, videlicet eorundem dierum diebus, quibus dictum Sepulchrum visitauerint, vt præfertur septem annos, & totidem quadragenas de iniunctis eis pœnitentijs misericorditer relaxamus . Quò circa Vniuersitatem vestram monemus, requirimus, & hortamur attentē, vobis nihilominus in virtute sanctę obedientię, & ad æternorum præmiorum augmentum districtius iniungentes . Quatenus præsentēs nostras litteras Cleris, & Populis vestris. Auctoritate nostra solemniter publicātes, festum huiusmodi venerabilis Sanctę cum solemnitate debita celebretis, & faciatis etiam celebrari, Omnipotentem Deum, à quo sancta desideria recta consilia, & iusta sunt opera, totis cordis affectibus humiliter deprecātes, vt eiusdem Sanctę precibus, & meritis exoratus, det seruis suis illam, quam mundus dare non potest pacem, vt & corda nostra mandatis tuis dedita, & hostium, sublata formidine, tempora nostra sin sua protectione tranquilla, nobisq. concedat, vt post peractum nostrę villicationis ministerium, vnā cum credito nobis grege mereamur ad sempiterna, gaudia peruenire . Dat. Romę apud Sanctum Petrum, nonas Octobris, Pontificatus nostri Anno secundo .





S E Q V I T V R
CONFIRMATIO CANONIZATIONIS
BEATÆ BRIGITTÆ

Per MARTINVM Papam Quintum.



MARTINVS Episcopus Seruus seruorum Dei. Ad perpetuam rei memoriam. Excellentium Principū Deo præsertim, & Romanæ Ecclesiæ deuotorum desiderijs libenter annuimus, illaq. præcipuè cum ad Orthodoxæ fidei consolationem, Christifidelium conscientiarum serenationem, aliasq. ad Christianæ religionis augmentum cedere dignoscūtur, fauoribus prosequimur. opportunis: Dudum siquidem quondam Bonifacius Nonus in sua obedientia de qua partes ille tunc erat nuncupatus, de origine, vita, & moribus, alijsq. multiplicibus pijs, & sanctis, ac virtuosis operibus, necnon miraculis præsertim tūc expressis, quæ Deus benedictus in præmiū sanctitatis B. Viduæ Brigittæ, quæ vulgares Brigidā appellabant, prout appellat, tam illa superstitie, quam post eius resolutionem felicem præter, & suprà vires naturæ operari, & mundo monstrare dignatus fuerat, nec operari desierat, per ea, quæ tam de felic. record. Gregorij Papæ XI. prædecessoris nostri, & quondam Urbani VI. in eadem obedientia, in qua ipsi Bonifacio immediate præcesserant nominati, quam sup. mandato super his per testes idoneos, & alijs probationes legitimas habita fuerūt certius informatus. Et pro parte recolendæ memoriæ Margaritæ Reginæ Suetiæ, ac Prælatorum, & Procerum Regni eius,

necnon dilectorum filiorum Populi, & Officialium Almæ Vrbs, ac aliorum plurimorum Christifidelium sapius, & cum instantia requisitus ad honorē Dei Omnipotentis Patris, & Filij, & Spiritus sancti. Et ad exaltationem Orthodoxæ fidei, & Christianæ religionis augmentum. Necnon huiusmodi ad sedationem detestabilis scismatis tunc vigentis, ac fidei, & Ecclesiæ vnionem auctoritate ipsius Dei Patris, & Filij, & Spiritus sancti, ac Beatorum Apostolorum Petri, & Pauli, atque sua de fratrum suorum consilio, & assensu, omniumq. Prælatorum in sua Curia consistentium decreuit, declarauit, diffiniuit, siuè pronunciauit. præfatam Brigittam Sanctam esse, & tamquā Sanctam ab vniuersali Ecclesia venerari, ac Sanctorum Cathologo ascribi debere, & ascripsit, statuens, vt ab vniuersali Ecclesia Anno quolibet in die, qua illā post deuictum, triumphatumq. mundum in perpetuas æternitates præsens vita perturij, videlicet x. Kalend. Augusti festum ipsius, & Officium sicut pro vna Sancta non Virgine, nec Martyre deuotè, & solemniter celebraretur. Et vt ad venerabile Sepulchrum eius ardentius, & affluentius Christifidelium consueret multitudo, & eiusdem Sanctæ celebrius coleretur festiuitas, & eius nomen celebrius, coleretur auctoritate prædicta omnibus verè pœnitentibus, & confessis, qui huiusmodi eius Sepulchrū apud Monasterium in Vuatzeno Ordinis S. Augustini, S. Saluatoris nūcupati

Lin.

BULLA CANONIZATIONIS:

Lincopn. Diocesis per dictam Brigittā fundatum in eiusdem festi, necnō quinto Kalen. Iunij, quo videlicet die venerandum ipsius Brigittæ corpus apud ipsum Monasterium trāslatum fuit, & sub tunc occurrentibus diebus deuotē visitauerint annuatim singulis, videlicet eorundem dierum, quibus dictum Sepulchrum visitauerint, vt præfertur septem annos, & totidem quadragenas de iniuriis eis poenitentijs misericorditer relaxauit, prout in litteris dicti Bonifatij desuper cōfectis, quarum tenore de verbo ad verbū præsentibus inferri fecimus plenius continetur. Quare pro parte Charissimi in Christo filij nostri Erci Regis Suetiæ Illustris asserētis se ad hoc singularem gerere deuotionis affectum. Nobis fuit humiliter supplicatum, vt eū præfātū detestabile scisma, iam per Dei clementiam sedatum, existat, dictaq. Sancta Brigitta in præfato, vnde originē traxit, & alijs circumuicinis Regijs, & partibus, & præcipuē, & cōmuniū præ cæteris partibus in diuini nominis laudē veneratur, & colitur, & deuotio habeatur ad eandem, ad maiorem dictæ Christianæ religionis augmentationem, bonarumq. mētium, & conscientiarum seruationem puriorem, decretum, declarationem, diffinitionem, siue pronuntiationem, necnon ascriptionem, & relaxationem prædictā, & alia in dictis litteris contenta auctoritate Apostolica ratificare, & approbare, & Apostolico munimine tororare, ac defectus, si qui in eis forsā, interuenerint, supplere de benignitate Apostolica dignaremur. Nos igitur ipsius Regis præclaræ eius deuotionis, & sinceritatis affectibus, quibus erga Deū, & Nos, ac Romanā Ecclesiā clare dignoscitur, diligenter consideratis, in hac parte supplicationibus inclinati decretum, declarationem, diffinitionem, seu pronuntiationem, necnon ascriptionem, & relaxationem, ac alia in dictis litteris contenta huiusmodi rata habemus,

et grati, ex auctoritate Apostolica tenore præsentium ex certa scientia approbamus, & etiam confirmamus, ac præsentis scripti patrocinio communiemus, suppletes omnes defectus, si qui forsā interuenerint in eisdem, tenorē verò dictarum litterarum antepōnitur, & est talis. Bonifacius Episcopus Seruus Seruorum Dei, &c. Nulli ergo omnino hominum liceat hanc paginam nostræ approbationis, confirmationis, commutationis, & suppletionis infringere, vel ei ausu temerario contraire. Si quis autem hoc aūtēre præsumpserit, indignationem Omnipotentis Dei, & beatorum Petri, & Pauli Apostolorum eius se noverit incursurum. Datum Florentiæ Kalend. Iulij, Pontificatus nostri Anno secundo. *inobstant*

CAPITULUM SEXTUM

unde ordine procedēdi in declaratione articulorum præsentatorum coram Iudice fidei, & deputatis.



IS autem tamquam generalibus, & cōmuniū signis, & argumentis ad probandum, Libros Sanctæ Brigittæ nihil aduersum fidei Catholicæ, aut Sanctōrum Doctorum doctrinæ contrarium continere præmissis. Iam hoc in particulari ostendendum venit, cum protestationibus suprapōsitis per singulos articulos, qui de Libris eiusdem extracti, tāquam suspecti coram Reuerendis P. & D. Cardinali S. Petri, Iudice fidei in hoc sacro Generali Concilio Basiliensi præsentati fuerunt, in quo quidem processu talis ordo tenebitur, quoniam primò ponetur articulus, prout in Codicillo præsentato ab emulis, & calumniantibus aduersus Libros Reuelationum S. Brigittæ continetur. Secundō ubi reperitur falsē, aut infideliter extractus, sicut sæpē actū est, corrigetur, & ponetur veraciter articulus

BVLLA CANONIZATIONIS

culus, vt in forma stat in Lib. originali. Tertio declarabitur veritas articuli, aut possibilitas eius, quod tamquam impossibile calumniantibus visum est; prout, saltem sacre Scripturæ, aut Sanctorum Doctorum approbatæ doctrinæ non contradicere.

ARTICVLVS PRIMVS

in ordine

RIMVS articulus, vt iacet in sexto nobis presentato, ex Capitulo primo Primi Libri, & articulis omnibus, qui

sunt 123 numeris, gratia breuitatis eum suis declarationibus, & defensorijs hincinè prætermittis. Tandem 123 articuli, & vltimi defensorium sic cõcludit. Et per consequens de omnibus articulis mihi in Codicillo præsentatis, quibus omnibus consideratis, & conformiter ad dicta sacre Scripturæ, & Sanctorum Doctorum, & etiam Scholæ bonorū Theologorum intellectis, non apparet mihi, quod liber iste, aut doctrinæ eius sit suspecta habenda, nec in qualitate, nec in figura, nec in pōdere, vt verbis vtar aduersarij. Non in qualitate, siue in specie, cum in ea sit aurū verū doctrinæ sanctæ. Non in figura, quia conformis est tam sacre Scripturæ, quam Sanctorum Doctorum, sicut patet ex suprā positis. Tertio nec in pōdere grauitatis, cum tota referatur ad gloriā Dei, & reformationem populi Christiani. Pondus enim, vt dicit Augustinus, amor est, pondus meū amor meus. Tām grauior enim, & maioris pōderis doctrinæ aliqua dicitur, quāto magis ordinatur ad amorē Dei nutriendum, & fouendumq. in cordibus fidelium. Sed calumniator dicit, quod potissimè in figura ista doctrinæ videtur suspecta, quia à modo visionum, & doctrinæ sanctorum Patrum aliena videtur, sicut in vna visione, vbi dicit, quod

vidit Deum in specie Dei. Et in alio loco submittit visiones suas examini, hæc ille. Quamquam locum inuenire in Reuelationibus prædictis non potuerim, vbi verba ista ponantur, & per consequens de eis sicut in multis merito dicere conuenit, tamquam minùs fidelitè allegatis posset superfederi, tamen ad eam plenitudinē huius tractatus gratia, duxi etiam respondendum. Dico enim, quod tam apud Philosophos, quā apud Theologos species rei dicatur similitudo rei, & cum visio Dei in via, siue Reuelationes fiant per aliquas similitudines representatiuas Dei, aut eorum, de quibus fit reuelatio, dicente Augustinus, 4. de Trinitate, cū Deum cognoscimus, fit aliqua similitudo Dei in nobis, non est alienum à veritate, quod dicit Beata Brigitta, quod scilicet vidit Deum per speciem Dei, id est similitudinem aliquam Dei eius intellectui diuinitus impressam. Non autem per speciem, quæ dicitur ipsa essentia nuda Deitatis. Hac quippè specie visio perficitur beata, in qua idē est obiectum beatificans, & species intelligibilis ad quā se perducit exorat Ecclesia militans in oratione sollemnitate currentis Epiphaniæ ita dicens. Deus qui hodierna die Vnigenitum tuum genibus Stella duce reuelasti, concede propitius, vt qui iam te ex fide cognouimus, usque ad contemplantam speciem tuā celsitudinis perducamur. Et ita patet, quod calumniator in hac non habet causam calumniandū. Ecce Patres venerabiles, quid paruitati ingenioli mei nihil temere asserendo dicendum occurrat circa singulos articulos, super quibus vigilantè intendere, & iuxta mihi creditam à Deo gratiam scribere rogastis. Planè omnes, & singulos accurato satis studio iuxta vires meas examinaui, & nullū eorum pie, & modestè intellectum reperiens sacre Scripturæ, aut Sanctorū Patrum aduersum sententijs, sed consonum, & conformem satis reputo vnumquemque, &

om.

DECRETVM IUDICIS.

omnes eos iuxta eorum modestam, & piam intelligentiam esse admittendos, & posse legi in Ecclesia sancta Dei eo modo, quo multorum aliorum Doctorum libri, & Sanctorum Historiarum, & legendarum licentiantur legi fidelibus, sed si forsitan, aut per ignorantiam meam, aut paruitatem ingenij, aut accommodati temporis angustiam presenti studio minus completè satisfecerim votis vestris, & tam gloriose Sanctæ honori, veniam peto. Pro his autem, quæ tam sincera deuotione, & inflammato animo pro defensione sanctitatis B. Brigittæ, & ve-

stræ celeberrimæ institutricis, vestris precibus inuitatus peregi, Sororum vestri Ordinis, atque Fratrum orationibus rogo me recommendatum facere velitis, vobis huius deuotissimæ Christi Ancillæ patrocinio fretus à Domino amoris gratiam consequi merear in presenti, & gloriam in futuro. Amen.

Subscriptio de manu D. Card.

Ita esse confiteor Ego Ioannes de Turrecremata vulgariter nuncupatus Presbyter Cardinalis tituli Sanctæ Mariæ Transiberin, olim Sancti Sixti.

SEQUITVR LITTERA TESTIMONIALIS, & Decretum Domini Iudicis Cameræ Apostolicæ super præmissis declarationibus Domini Ioannis Cardinalis de Turrecremata.



VNIERSIS, & singulis Christi fidelibus præsentibus litteras, siue præsens publicum Instrumentum inspecturis, lecturis, seu legi audituris.

Ludouicus de Garfis Vtriusq. Iuris Doctor, Canonicus Ecclesiæ Bononiensis, & Apostolicæ Cameræ Clericus, ne non Reuerendi Patris D. Ioannis de Caruaya, eiusdem Cameræ Apostolicæ Generalis Auditoris. De mandato S. D. N. Papæ Locumtenens. Salutem in Domino, & præsentibus fidem indubiam adhibere. Vniuersitati vestræ, cum piæ, & ratione consonum sit, veritati testimonium perhibere. Nos, quod vidimus, & audiuius sacre Scripturæ attestante, & approbante eloquio, attestamur, & reuere præsentium significamus, quendam Librum de certis approbatis scripturis pro declaratione certorum articulorum extractorum ex Reuelationibus Beatæ

Brigittæ factum, corio rubeo coopertum, & sigillo oblongo de cera alba rubearum impresso, eidem libro in cordula rubea impenden. sigillatum, & in eius fine de alia manu pro contentorum in eodem approbatione subscriptum in hæc verba. Ita esse confiteor. Ego Ioannes de Turrecremata vulgariter nuncupatus, Presbyter Cardinalis tituli S. Mariæ Transiberin, olim Sancti Sixti. Coram nobis tamquam Romanæ Curie ordinario productum, & exhibitum fuisse. Et ut dicto Libro, & contentis in eodem decursu temporis, & propter fragilitatem naturæ humanæ in futurum maior fides, & certior adhibeatur, & illa, quæ per sanctos Patres in Concilijs generalibus edita, & facta sunt, vigorem, & roborem firmitatem habeant. Nos Ludouicus Locumtenens præfatus ad Religiosorum Virorum Fratrum magni Vnionis Confessoris generalis, & Olauii Petri Conuentalis Monasterij Sanctæ Mariæ Virgilinis, & Brigittæ de Vuatzeno Ordinis

San-

DECRETVM IVDICIS.

Sancti Saluatoris nuncupati in Regno Sueciæ Diocesis Lincopen: instantiam, & requisitionē omnes, & singulos sua communiter, vel diuissim interesse putantes, eorūq. Procuratores, si qui sint in Romana Curia pro eisdem, quos infrascriptum tangit negotium, seu tangere poterit: quomodolibet in futurum, ad videndum, & audiendum dictam scripturam, seu manum in fine eiusdē libri subscrip- tam, necnon sigillum eidem appensum produci, & recipi. Et postquam producta, & recepta fuerint ad videndum, & audiendum nonnullos testes de & super recognitione scripturæ, seu manus, & sigilli antedicto libro appositæ, & ip- senti produci, recipi, examinari, & de- bitē interrogari, & iurare, & ad iuran- dum admitti, & postquam recognita fuerint ad videndum, & audiendum ipsam publicari, & in publicam formam redigi mandari. Auctoritatemque, & Decretum dictæ Curiz interponi, & di- cendum, ac causam si quam haberent legitimam, & rationabilem, quare præ- missa minimē fieri deberent allegandum per nostras litteras, & iudicium publi- cum in audientia publica litterarū Con- tradictarum Domini nostri Papæ, vt moris est citari mandauimus, & fecimus ad certum peremptorium terminum competentem, videlicet ad diem, & ho- ram infrascriptas, quibus quidem die, & hora aduenientibus comparuerunt in iudicio coram nobis præfati fratres Ma- gnus, & Olauus, & dictas litteras cita- torias in dicta audientia debitē executas, facto realiter, & in scriptis exhibuerunt, atque produxerunt, citatorumq. in eisdem contentorum non comparentium, neque huiusmodi dicto termino satis- facere curantium, contumaciam accusa- runt. Ipsosq. contumaces reputari, & in eorum contumaciam supradictum li- brum, scripturam, seu manum, atque sigillum exhibuerunt, ac etiam nonnul- los testes fidedignos notabiles, & legales

de & super recognitione scripturæ, seu manus, & sigilli huiusmodi produxe- runt, quos per nos recipi, & admitti, eorumque, & cuiuslibet eorum lura- menta super præmissis recipi, necnon examinari, & interrogari super recogni- tione supradicta, & postquam recognita fuerint ipsa publicari, & in publicam formam redigi mandari, decretumque, & auctoritatem nostram, ac dictæ Curiz ordinariam, & iudiciariam per nos interponi debita cum instantia postula- runt. Nos tunc Ludouicus Locumte- nens præfatus supradictos citatos non comparentes, neque huiusmodi termino satisfacere curantes reputauimus meri- to, prout erant id exigente iustitia con- tumaces, & in eorum contumaciam su- pradictos testes de & super recogniti- onē scripturæ, seu manus, & sigilli hu- iusmodi in forma iuris recepimus, & ad- misimus, quibus scriptura, seu manu, & sigillo huiusmodi ostensis, ac per eos, & eorum quemlibet successiue visis, & diligenter inspectis, necnon ipsis per nos super recognitione scripturæ, seu manus, & sigilli prædictorum examinatis, & di- ligenter interrogatis medijs eorum iu- ramētis prius præstitis successiue dixe- runt, ac quilibet eorum dixit tactis per eos, & eorum quemlibet ad mandatum nostrum, & in nostris manibus corpo- raliter scripturis sacrosanctis ad sancta Dei Euangelia scripturam, seu manum, & sigillum huiusmodi se benē recogno- scere, & esse illius, cuius esse dicuntur, vi- delicet Reuerēdissimi in Christo Patris, Domini Ioannis miseratione diuina ti- tuli Sanctę Marię in Transthyberim, olim Sixti, Sacrosanctę Romanę Ecclesię Presbyteri Cardinalis de Turrecremata vulgariter nuncupati. Quibus sic ritē, & legitime præstitis. Nos Ludouicus Lo- cumtenens præfatus supradictū librum reperimus manu propria ipsius Reuerē- tissimi Domini Ioannis Cardinalis an- tedicti fuisse, & esse veraciter subscriptū,

DECRETVM IVDICIS.

& ipsius sigillo eidem libro appenso pro contentorum in eodem approbatione, sigillarum, & munitum. Scripturamq. supradictam, seu manum, & sigillum sic, vt pramittitur, recognita ad manus receperimus, ipsaq. vidimus, tenuimus, & diligenter inspeximus, ac ea sana, illaesa, integra, & non vitiata, neque in aliqua sui parte suspecta, sed omni prorsus vicio, & suspitione carentia prospeximus, ac ipsa pro recognitis habuimus, ac haberi volumus. Idcirco omnibus, & singulis supradictis, tam ritè, & legitime factis, & celebratis in eodem iudicio coram nobis, vt dictis scripturæ, seu manu, & sigillo, atque libro, ac omnibus contentis in eisdem plenaria fides, firma adhibeatur, vbique locorum, & Terrarum, nostram, & dictæ Curie Causarum Camere Apostolicæ, auctoritatem iudiciariam, & ordinariam, interposuimus, ac tenore præsentium interponimus pariter, & decretum. In quorum omnium, & singulorum fidem, & testimonium præmissorum præsentis litteras, seu præfens publicum instrumentum exindè fieri, & per discretū

Virum Magistrum Ioannem de Castello Notarium publicum, nostrumq. & dictæ Curie Causarum Camera Apost. Scribam infra scriptum publicari, & in hanc publicam formam redigi mandauimus, & fecimus, ipsumq. & totum Librum superius hic conscriptum sigilli dictæ Curie Causarum Camere Apostolicæ nostri Camerarius officij, quo vimur ex certa scientia iussimus appensione communi. Datum, & actum Romæ apud S. Petrum in Palatio Causarum Apostolico, in quo iura reddi solent nobis inibi manè hora Causarum consueta ad iura reddendum, & causas audiendum in loco nostro solito, & consueto pro Tribunali sedente. Sub anno à Domini 1446. Indictione ix. die vero Mercurij, vigesimanona mensis Martij. Pötificatus Sanctissimi in Christo Patris, & Domini nostri D. Eugenij Papæ Quarti, anno sextodecimo. Præsentibus ibidem discretis Viris Domino Cubellö Millis Decano Theanen, & Americo Clerico. Andegauen. Festibus ad præmissa, vocatis, specialiter, & rogatis.

Ioannes de Castello dictæ Curie Notarius.

INSTRUMENTVM, ET SVBSCRIPTIO NOTARII, Scribæ, & Secretarij Domini Cardinalis supradicti.



N Nomsne indiuiduæ Trinitatis, Patris, & Filij, & Spiritus sancti. Anno Dominicæ Natiuitatis 1446. Indictione viij. tempore

Sanctissimi in Christo Patris, & Domini, Domini Eugenij diuina prouidentia Papæ Quarti. Ego Iacobus Domini Diui de Callio publicus Apostolica, & Imperiali auctoritatibus Notarius, ac nunc suprascripti Reuerendissimi in Christo Patris, & Domini Domini Ioan-

nis tituli Sanctæ Mariæ in Transtiberim, quondam Sancti Sixti Sacrosanctæ Romanæ Ecclesiæ Presbyteri Cardinalis Notarius. Scriba, ac Secretarius. Quia ex commissione, & mandato præfati Reuerendissimi D. Cardinalis, declarationes, expositiones, capitula, & cætera suprascripta cum Libro, siue quinternis propriorū originalium dicti Reuerendissimi Domini Cardinalis, vnâ cum venerabilibus Patribus Magno Confessore, & Olauo Fratribus prædictis, qui mecum super his laborauerunt fideliter, ac diligenter au-

***** scul.

DECRETVM IVDICIS.

scultauī, collationauī, contractauī, concordauī, & examinaui. Inueniens in omnibus, & per omnia concordare de verbo ad verbum, & nihil esse additum, vel diminutum, quod sententiam mutet, aut vitiet intellectum. Et quia die quinta Aprilis dicti anni præsentibus prædictis Magno, & Olauo, & Venerabilibus Viris Magistro Petro Matthei de Vallibus Arosien. R. Erico Vastonis Clerico Lincopen. Diocesis testibus, inscripta verba remissa, & emendata, scilicet in secundo fol. in Bulla Canonizationis hæc verba. Tobiam Iuniorem, & Saram Raguelis imitati, & in marg. tertij fol. in principio similiter eiusdē Bullæ hæc verba, mandatum, quater in Hebdomada ieiunaret, & similiter. Et in 4. fol. art. 4. hoc verbum in æternum. Et in fine eiusdē quarti fol. in fine artic. sexti, in margine hæc verba. In hac angustia mei poteris misereri, qui solus. Et in 5. fol. in art. duodecimo, in margine hæc verba. Alio modo propriè dicta in eodem fol. in art. 13. in marg. hæc verba posset ei adzquari, nec passio

corporis. Et in fol. 8. in art. 44. in marg. hæc verba. Sicut cum pro aliquo. Et in fol. 9. art. 55. in margine hæc verba. Canonistæ, & Doctores. Et in fol. 10. in art. 44. hæc verba in margine. Informatione, & correptione. Et in eodem fol. artic. 66. in penultimo versu inter lineas hæc verba. Numquam deposuit animam. Et in fol. 13. in artic. 86. in margine hæc verba. Naturalibus siuè in rebus. Et in fol. 14. in art. 90. in 6. linea hoc verbum fiunt. Et in fol. 16. in art. 117. in linea tertia, hoc verbum Angelos. Et in eodem folio, & in eodem art. in linea 4. propè finē art. hæc verba. Et gloriæ. Et in fol. 17. in art. 121. in quarta linea hoc verbū vnus. Collationaui cū præfatis originalibus, & reperi fuisse per Scriptoris errorē dimissa. Deindè benè, & fidelitèr emendata, suppleta, & remissa ad prædictorū Magni, & Olauī Fratrum instantiam, & requisitionum in prædictorum omnium, & singulorū fidem robur, & testimonium me meā propria manu subscripsi, & signo meo consueto signaui.



B V L L A E D V A E
BONIFACII PAPAE NONI.

QVAS ACCEPIMVS A P. LVCA VVADDINGO,
Ordinis Minorum Chronographo, quas extraxit
ex Registro Vaticano.

Ex Libro IV. Anni Secundi, fol. 6.

Ex Libro V. Anni Secundi, fol. 227.

BONIFACIUS, &c. Vniuersis Christi fidelibus presentes litteras inspecturis salutem, &c. Splendor paternæ gloriæ, &c. Cupientes igitur, vt Ecclesia Monasterij Monialium S. Laurentij in Panisperna de Vrbe Ordinis S. Claræ, in quo B. Brigitta aliquibus diebus, dum vitam ageret in humanis, deuotè permanſit, ac debitum naturæ perſoluit, & eius corpus ſepultum extitit, & in quo poſtmodū plurimis miraculis clauit, & multæ ex eius reliquijs deuotiſſimè venerantur à Chriſti fidelibus congruis honoribus frequentetur, & vt fideles ipſi eò deuotiùs deuotionis cauſa cōfluant ad eandem, quò ex hoc maius animarum commodū, & ſalutem ſe ſperauerint adipiſci de Omnipotentis Dei miſericordia, & Beatorum Petri, & Pauli Apoſtolorū eius auctoritate conſiſi omnibus verè penitentibus, & confeſſis, qui dictam Eccleſiā in feſtiuitate S. Brigitte, videlicet 10. Kal. Auguſti, & in die Canonizationis de ea per Nos in præſenti die factæ, & per octo dies feſtiuitatem, ac diem Canonizationis huiusmodi immediate ſequentibus viſitauerint annuatim pro ſingulis feſtiuitatis, & Canonizationis, ac octo dierum prædictorū diebus, quibus dictā Eccleſiam deuotè viſitauerint annuatim, vt præſertur ſeptem annos, & ſeptem quadragenas de iniunctis eis pœnitentijs miſericorditer relaxamus. Dat. Romæ apud Sanctum Petrum Nonas Octobris Anno Secundo.

BONIFACIUS, &c. Vniuersis Chriſti fidelibus preſentes litteras inſpecturis ſalutem, &c. Splendor paternæ gloriæ, &c. Cupientes igitur, vt Eccleſia Monasterij Monialium S. Laurentij in Panisperna de Vrbe Ordinis S. Claræ, in qua corpus B. Brigitte humatum extitit, & nonnullæ ipſius Reliquiæ venerabiliter requieſcunt à Chriſti fidelibus congruis honoribus, & vt fideles ipſi cauſa deuotionis eò libentius confluant ad eandem, quò ex hoc maius animarum commodum, & ſalutem ſe ſperauerint adipiſci de Omnipotentis Dei miſericordia, & Beatorū Petri, & Pauli Apoſtolorū eius auctoritate cōſiſi, omnibus verè penitentibus, & confeſſis, qui tā dictam Eccleſiā in feſtiuitate ipſius S. Brigitte, videlicet 10. Kal. Aug. & in die Canonizat. eiſdem de ea per Nos in præſenti die factæ deuotè viſitauerint annuatim illā Indulgentiā videlicet ſeptē annos, & totidē quadragenas ſingulis feſtiuitatibus, & Canoniz. prædictorū diebus concedimus, quā Sepulchrum eiſdem S. Brigitte apud Monasterium Monialium in Vuarzſteno Ordinis Sancti Auguſtini Lincopen. Diœceſi, ad quod ipſum corpus à dicta Eccleſia ipſius Monasterij S. Laurentij tranſlatum extitit in dicta feſtiuitate, & in die ipſius tranſlationis, videlicet 5. Kal. Iunii viſitantibus hodie duximus concedendum. Datum Romæ apud Sanctum Petrum Nonas Octobris Anno Secundo.



INCIPIT PROLOGVS
IN LIB. REVELATIONVM
CÆLESTIVM

BEATAE MEMORIAE
D. BRIGITTAE DE REGNO SVETIAE.
DIVINITVS SIBI FACTARVM.

Qui Prologus fuit editus, per Venerabilem Virum,
Magistrum Matthiam, de Suetia.



TVPOR, & mirabilia audita sunt in terra nostra. Mirabile siquidem erat, quòd zelator legis Moyles igneam legem in vltionem peccatorum de medio ignis zeli Dei audiret. Sed stupendus est, quòd hodie humiles, & mansueti spiritu, vocem IESV Christi Dei, & hominis audiunt, vt olim Helias in sibilo aure tenus audiuit. Qui enim durissimum, ignarum, & rudem populum zelo iustitiæ suæ legi suæ primum subdidit per timorem, nunc in lenitate misericordiæ populum vtraq. lege, scilicet Veteri, & Noua eruditum, subdere disponit per amorem. Præcesserat enim spiritus grandis terroris Dei, subuertens montes superborum, & conterens petras induratum cordium, & commotio poenitentiae conturbantis mentes ad salutem, & ignis diuinæ dilectionis, in

Euangelio Christi coruscantis, per euidentissima magnæ charitatis eius ad suos indicia, qui semetipsum pro eis tradidit in mortem, nè ipsi in æternum morerentur, & suorum ad ipsos semet ipsos pro gloria eius tradentium. Vt sic quodammodo loquar, in hoc igne Deus, non secundum suæ diuinitatis excellentiam, sed secundum nostræ seruitutis humilem conditionem apparuit, in qua mundum redemit. Et sequitur iam sibilus lenitatis diuinæ misericordiæ. Omnes propter preces, & merita Matris misericordiæ Virginis Mariæ ab æstu peccati ad auram placidissimæ misericordiæ conuocans. Et in hac aura Dominus, cui proprium est misereri, omnipotentiam suæ diuinitatis in sublimitate maximæ miserationis manifestat. Vt inexcusabiles sint omnes, apparente diuino iudicio, qui misericordiam suam leniter, & dulciter exhibitam contempserunt. Vel numquid non inexcusabiliter dignus est iusticia diuini iudicij ferri,

PROLOG. MAG. MATTH.

feriri; qui tam dulcibus verbis, & operibus, quam huius Reuelationis series continent, oblatam sibi contemnit, & respuit miserationem? Quapropter præparent omnes animos, expandant omnes voluntatum suarum sinus. Ut mensura misericordiae bona, scilicet super meritum conferta super speratum, coagitata, super desiderium, & omnem cogitationem supereffluens, per mediatricem Dei; & hominum à Filio suo, fonte scilicet omnis pietatis infundatur. Nec suspectio vlla falsitatis spiritus, mentibus ista legentium obrepit. Non enim credendum est, quod spiritus malignus, vel verè iustos decipiat, vel peccatores in melius conuertat, vel charitatem, quam non habet, frigidis cordibus infundere queat, vel in aliquo gloriam Dei, cui invidet, promoueat. Sicut enim impossibile est, quod spiritus veritatis, vel loquatur mendacium, vel à iustitia quemquam auertat, vel superbiam, & inuidiam cordibus sibi subditis inspiret, vel Omnipotentis Dei contemptum adducat. Sic spiritui falsitatis opposita horum malorum, propter inolitam ei malignitatem, & nequitiam, omnino sunt interdita. Aut si quis fortè hoc, vel aliquid horum bonorum; spiritui maligno possibilia esse ad faciendum contendat, subsequens est, ut opposita horum spiritui benigno, & sancto possibilia esse concedat. Et veniat inevitabilis error, ut mala Deo, & bona Diabolo tribuantur, & iustorum princeps, & rector credatur Diabolus, impiorum verò fautor, & instigator Deus esse, blasphemetur. Quod si quis verè iustum discernere velit, nè per fucatam iustitià decipatur, sciat quod à verè iusto relegata sunt. Primum omnia ferè mala, quantum ad aeternam mortem operantur, scilicet luxuria, cupiditas, & superbia. Deinde etiam falsa bona, scilicet virtus, vanæ gloriæ ad se ostentandum, vel pusillanimis ad iustitiam defendendum,

vel amaro zelo feruens ad alios iudicandum, ut sit in iustitia sit humilis ex virtute, stabilis ex humilitate, tranquillus ex animi stabilitate, vnde & verè iustus, nec gloriam propriam quaerit, ut per hanc à Diabolo decipiat, nec pusillanimitate à defensione iustitiæ recedit, ut per hoc à malignitate hominum vincatur, necurbationibus quibuscumque succumbit, ut status animi eius à rectæ rationis fundamento fervore impatienciæ evertatur. Non enim in hoc iustus non est quicumque, quod ei turbatio mentis accidit, si tamen turbatio eum à patientiæ, & cæterarum virtutum fundamento non evertit, vnde & Christus, cum ex tristitia, & turbatione agoniz. dixisset ad Patrem, transfer calicem hunc à me ostendens, quod turbatio illa animum suum à fundamento virtutum non everterat, adiunxit. Verumtamen non sicut ego volo, sed sicut tu. Nec minùs hoc quàmquod, superius dictum est in præallegata figura, notare poterit. Spiritus enim grandis est vanagloria, quæ omnem virtutum eminentiam, quæ est in modum montium, omnemque constantiam, quæ est ut firmitas petrarum, subvertit, & terror comminationum, & persequentium commouet corda; ut cedant importunitatibus hominum. Ignisque zeli exardescit iniusto, nondum virtute patientiæ, & mansuetudinis perfectò contra peccatores, ut patet in Phariseo, qui de iustitia sua gloriabatur, & indignationis igne contra publicanum, sicut & Simon contra Magdalenam feruebat. Sed non est in tali fervore Dominus, & ideo datur Diabolo tentandi, & decipiendi locus. Talia de Sponsa Christi, quam sibi in huiusmodi gratiæ ministerium elegerat, suspicanda non sunt. Quæ adhuc in coniugio viuens, maritum suum ad continentis perfectionem adduxit, ut multis annis simul sine exactione, & redditione debiti conjugalis

PROLOG. MAG. MATTH.

viuerent. Iamq. adhuc ligata matrimonio, sobrietatem vidualem in victu, & vestitu præferebat, deuotioq. cordis eius, & orationum instantia magnam in ea, futura religionis, & gratiæ perfectionē præmonstrabant. Cumq. iam à lege Viri soluta esset, bona sua hæredibus, & pauperibus distribuens, & à mundi retinaculis se expediens, & Christum pauperem pauper sequens, nihil sibi nisi simplicissimum victum, & vestitum contemptibile retinebat. Propter quod & eam, quæ omnē mundi consolationē reiecerat, Christus mirandis consolationibus, & gratijs visitabat. In quibus omnibus non suam, sed Dei gloriam quærens, latere quidem ob humanitatis custodiam maluisset, nisi quantum ad proximorum salutem se per imperium spiritus, vel potius Christi in spiritu sibi apparentis certis se personis manifestare iussa fuit. Optabatq. opprobrijs, & contumelijs suis Christi cumulare gloriam; veritate, mansuetudine, & iustitia formam vitæ Christi in se exprimens, etiam à minimis, & vilibus personis gratis, & impunè lædi sufferebat. Quis talem vitam existimer ludibrijs patere Dæmonum, Christumq. tantæ impietatis arguere audebit, vt non tueretur in se sperantem, & non se, sed ipsum ex dilectionis eius plenitudine glorificantem? Vel numquid bonus sponsus castam coniugem, & fidelem exponit adultero illudendam? Cedat igitur temeritas stulti iudicij, & detur locus gloriæ, & gratiæ Dei, quæ tantò maior esse cognoscitur, quanto ignorantia, & modicæ fidei nostræ videtur incredibilior. Quis enim nisi eiusdem spiritus gratia præuentus credere potuit, quod Christus resedens in cælo, loquatur formæ in hac mortalitate adhuc degenti? Sed si cui ex ipsius Christi verbis accepimus. Cum aspiciuntur montes, & sylvæ, videtur cælum eminentiæ eorum, licet non sit propinquum. Sic & Christus.

in cælo regnans spiritali visione propinquus videri poterit, quantumlibet corporali præsentia remotus sit, cuiusmodi visioni localis distantia nequit præiudicare. O verè stupenda, & super admiranda apparitio, & gratia. Et certè omni Nationi, quæ sub cælo est reuelanda, quæ Christus tam grauiter flagitijs Christianorum læsus, vt vix illæ reliquæ seminis iustitiæ inueniantur, misericordiam exhibet ingratis, & reos allicit ad veniam flagitandam. Sanè stupendior est hæc apparitio illa, qua se per carnem monstrauit. Illa carnis superficie carnalibus oculis ingessit, hæc Deum, & hominem spiritalibus oculis ingerit. Per illam moriturus mortalibus loquebatur, per hanc semper victurus, morituris, vt immortales fiant, loquitur. Per illam ambulans in terra in humanis diuina monstrabat, per hanc regnans in cælo humana diuinis reconciliat. In illa debitum iustitiæ moriendo pro nobis soluit, in hac indebitè nobis peccatoribus misericordiæ munus largiri promittit. Tam stupenda, inquam est hæc admirabilis apparitio, quòd vix credi potest, & à parua humani cordis capacitate comprehendi virtus tanti miraculi. Nam licet ipsa ratio veritatem virtute plenam in ipsis verbis, & operibus, quæ in apparitione hac audiuntur, & exprimendo probantur, inueniat, infirmitas tamen ipsa non capit, quod ratio audientium verba, & experientium beneficia capiendum dicit. Nam & ego ipse, qui hæc scripsi, licet certissimè mihi de hoc spiritu per verba, & opere plenè veritas constiterit, vix tamen ipse capio, quod tamen omni acceptione dignissimum esse iudico. Nedum existimare queam, omnes hoc auditores credere posse, qui verba non audierunt, & opera nescierunt. Sicut de Christi Resurrectione dicitur, quod paulatim per multa argumenta monstrata est; quia totam simul

PROLOG. MAG. MATTH.

simul nouitatem miraculi fragilia mortalium pectora capere non potuerunt. Sic & in hoc miraculo Christum facturum credo longiorum curriculo temporum, magnitudinem miraculi multis virtutum argumentis notam facere, quam oculi cordis, peccatorum assueti tenebris, non possunt subito agnoscere. Hoc tamen mentes omnium præparare ad faciliorem acceptionem veritatis debet, quòd tot verba, totq. miracula non aliam fidem prædicant, nisi quàm Christus prædicauit. Non nouum nobis Christum inducunt, sed eundem, qui pro nobis passus fuit. Nihil veritati, quæ in Christo est, subtrahunt, aut addunt, sed misericordiæ, quæ tantò in eis abundantior ostenditur, quantò iam peccatorum miseria super id, quod vniquam fuerat, cognoscitur maior. Gratiæ ergò Patri misericordiarum, & Deo totius consolationis agamus, qui in tot senescentis mundi miserijs tot misericordijs occurrir miserijs, nè labantur in barathrum desperationis. Qui enim sobriè, fidelitèq. verba præsentis Libri, quæ respectu multorum pauca sunt, attendere voluerit, dubitare non poterit verba nò illius, quæ virtute vacua est, sed eius, quæ virtute plena est veritatis, dici non potuisse, nisi à spiritu veritatis. Qui etiam opera eius probare voluerit, inueniet fide dignos testes, quibus operum veritatem, si voluerit, comprobabit. Initium autem huius Reuelationis factæ ad prædictam Dominam, & transmissum ad me, qui hunc Prologum præmisi, vt ceteris illud notù facerem, talitèr à Christo assumebatur. Diabolus tripliciter peccauit, scilicet superbia, eo quòd ipsum bene creauit, cupiditate, qua mihi non solum par, sed & superior esse ambiuit, & voluptate, qua tantum Deitatis meæ gloria delectabatur, vt libentè si potuisset me occidisset, vt loco meo regnare potuisset. Et ob hoc de cælo corruens, his tribus peccatis mundum repleuit, & per ea

humanum genus violauit. Propter quod ego ipse humanitatem assumpsi, & in mundum veni, vt humilitate mea eius superbiam adnihilarem. Paupertate mea eius cupiditatem destruerem, & grauissimam Crucis pœnam subij, vt eius abhominabilem concupiscentiam exterminarem, & homini sanguine cordis mei, & à morte mea cælum aperirem, peccatis suis præclusum, si tamen ipse velit quantùm in ipso est ad hoc operari. Sed nunc homines Regni Suetiæ, specialitèr illud hominum genus, quod curiale, seu militare dicitur, peccauit sicut antè Diabolus peccauit. Superbiunt enim de pulchris corporibus, quæ eis dedi. Diuitias ambiunt, quas eas dari nolui. Abominabili concupiscentia sic defluunt, vt si eis possibile esset, magis me occiderent, quàm voluptatibus suis carere vellent, aut iudicium meum horribile, quod eis pro peccatis suis imminet sustinerent. Et idèò corpora illa, de quibus superbiunt, occidentur gladio, lancea, & securi. Membra illa speciosa, de quibus gloriantur, bestia, & volucres lacerabunt. Bona, quæ contrà voluntatem meam congregant, alieni diripient, & ipsi egebunt. Propter abominabiles autem voluptates suas Patri meo tantum displicent, quòd eos admittere non dignatur ad faciei suæ visionem. Et quia me, si possent libentè occiderent, ipsi ad inferna manibus Diaboli tradentur, ab eo æterna morte occidendi. Hoc autem iudicium diu antè Regno Suetiæ superduxissem, nisi preces amicorum meorum, qui inter eos sunt, obsisterent, qui me ad misericordiam inclinant. Et idèò veniet tempus, quando eosdem amicos meos ad me colligam, nè videant mala, quæ illi Regno superducam. Verumtamen aliqui amicorum meorum tunc viuent, & videbunt cumulum meritorum suorum. Nunc igitur, quia Reges, & Principes, & Prælati, ex beneficijs

PROLOG. MAG. MATTH.

meis me cognoscere nolunt, vt ad me veniant, ego pauperes, debiles, infantes, & miserabiles personas cōgregabo, quibus loca eorum repleam, nē in exercitu meo ob eorum absentiā aliquis sit defectus. Cum autem persona, cui hęc fiebat reuelatio, ingemisceret, & iudicium nimis durum conquereretur, adiunxit Dominus. Quamdiū viuīt homo, aditus cælestis regni illi apertus est. Si ipsi noverint mutare vitam, ego sententiā noui mitigare. Sed & opera, quæ ad præsens occurrūt, præsentis veritatis confirmatiua hęc sunt. Primum, quod vna ignara mulier hęc proponit, quæ nec fingere vult, cum sit nobilis, & probatę vitę, in humilitate, & viduitate viuens, & si veller, nesciret nec minimum confingere, cum sit simplicissima & mansuetissima. Secundum est, quod Conscriptor horum, cum sit religiosissimus, & simplicissimus, nulla rationē volens manum mittere ad scribendum, reputas


se propter ignorantiam suam ad tantū opus minūs idoneum, coactus fuit metu mortis à Christo, & ferē mortuus, donec consensit, & consensu facto, subito curatus est non successu temporis. Tertium est, quod vnus dæmoniacus in Osgocia, præsentibus duobus fidedignis testibus, ad verba oris prædicti Religiosi, quorum formam hęc mulier à Christo audiuit, & frater secundum Christi imperium ad Dēmonem dixit, purgatus est. Quartum est, vt alter dæmoniacus in Suetia, præsentibus tribus fidedignis testibus, eodem modo purgatus est per eumdem Religiosum. Quintum est, conuersio vnus publicę meretricis per Beatā Virginis cum Christo dictę Domine apparentis subuentionem. Sextum est, conuersio plurium Magnatum in Regno Suetiæ, qui tempore, & loco vna vocē cordis sui motionem in meliūs experti, nisi ingrati fuerint Christo, ab ipso factā, ad verba eius ab ipso missa, fatebuntur.

Explicit Prologus.





DE REVELATIONIBVS
S A N C T Æ B R I G I T T Æ
DOCTORVM QVORVMDAM GRAVISSIMORVM
E L O G I A.



Ex Bulla Canonizationis Sanctæ Brigittæ Bonifacij IX. Pontificis Maximi.
De Reuelationibus eiusdem.



*A*EC generosa Vidua per gratiam sancti Spiritus promeruit multis cogitationes, & affectiones intimas, & gesta secretissima propalare, Visiones, ac Reuelationes varias videre, & audire, ac spiritu prophetico multa predicere, quorum nonnulla effectu iam completa fuere, prout hæc, & alia in eius Reuelat. Volumine plenissime describuntur.

Idem habet Martinus V. Pont. Max. in Confirmatione Bullæ Canonizationis eiusdem.

Ludouicus Blofius in Monili Spirituali Cap. 14. ad fin.

*C*VM adhuc viueret B. Brigitta Episcopi, Theologiq. insignes examinauerunt eius Reuelat. & post mortem ipsius, Concilium Basiliense deputauit aliquos pietate, doctrinaq. conspicuos, qui rursus illas diligentissime discuterent, atque omnes constanter affirmauerunt eas processisse à Deo.

Antonius Corduba Lib. X. Quæst. quæst. 44. in 4. Probat. sextæ Conclusionis.
De Reuelat. Sanctæ Brigittæ.

*R*Euelat. S. Brigittæ iam probatæ, ac commendatæ sunt in Constantiensi Concilio, & ab Urbano VI. & Martino V. & tandem ab Ecclesia modo predicto susceptæ.

Petrus Canisius de Reuelat. S. Brigittæ Lib. 1. de Beata Virgine Cap. 7.

*N*EC grauabor ex Brigitta quadam adscribere, quòd huic Sanctæ Viduæ multa sunt arcana diuinitus patefacta, & maximorum hominum auctoritate, Romanæq. Ecclesiæ calculo ita probata, ut apud Catholicos quidem defensione nequiquam egeant.

Michael Medina de eisdem Reuelat. Lib. 2. de recta in Deum fide.

*Q*UÆ falsa sunt, Astrologie sunt, quæ vera, Sanctæ Brigittæ sunt, quam prophetico spiritu claruisse Ecclesiastica Reipublica euentus, quos prædixit, apertissime ostendunt.

Nico.

Nicolaus Sanderus Lib. 6. Visibilis Monarchiæ num. 1046. post relatam
S. Brigittæ Reuelat. de Regno Cypri Lib. 7. Cap. 19.

QUAM (inquit) Reuelationem tuam diuinam existisse ex eo scimus, quod ita res tunc futuras prædixit, ut eas euenisse nunc videmus; nam S. Brigitta multis annis prius mortua est, quam tota Græcorum Respublica penitus deleteretur, futura verò prædici non possunt, præterquam à Dei spiritu, qui solus futura nouit, velut is, qui & auctor est eorum, & cui iam nunc præsentia existunt.

Alphonfi Mendozæ Augustiniani in Quodlibet. quæst. 5.

REUELAT. S. Brigittæ Bonifacij IX. & Martini V. & Conciliorum Constantiensis, & Basiliensis calculo approbata sunt, easq. omni veritate conspicuas, & sanctitate preclaras reppererunt.

Martinus del Río Societatis Iesu Theologus in Lib. Magic. Disquisit.
Tom. 2. Lib. 4. Cap. 1. quæst. 3. Sect. 4.

IN REUELAT. S. Brigittæ affirmamus nihil reperiri, quod Catholica fidei sinceritati palam repugnet, vel cum ea consistere nequeat, & paulò post ibidem, Alioquin (ait) Pont. Roman. vt Eugenius III. Hildegardis, Bonifacius verò IX. Brigittæ Reuelat. Libros adhibito maturo Doctorum, & Cardinalium consilio, atque examine non permisissent ad Ecclesiæ utilitatem in vulgus edi.

Ambrosius Catherinus Lib. 3. de Immaculata B. Virginis Conceptione.

QUIS ausit Beata Brigittæ Reuelationes, aut esse phantasticas, aut ab Angelo Sathana inspiratas obijcere, quæ tamen in Consans. Concilio, etiam in Iudicio contradictionis probatæ, ac commendatæ fuerunt.

Ferdinandus Quirinus de Salazar in Lib. pro Immaculatata Virginis
Conceptione Cap. 42.

HVIUS sanctissima semina Reuelationes dilata primum sunt ad Conc. Basiliens. & ab eodem commendatæ, & probatæ, nerum Gregorij XI. & Urbani VI. iussu recognita, ac demum à Bonifacio IX. & Martino V. examini commissa, numquam non laudatæ, & confirmatæ fuerunt.

Fr. Ioannes Baptista de Lezana Ordinis Carmelit. in Apolog. pro Immaculata Deiparæ Virginis Concept. Cap. 14.

BEATA Brigittæ Reuelationes ita communi applausu, & Ecclesiæ calculo, & sapientum Iudicio approbatæ sunt, ut nonnisi à toruo spiritu reprobari queant, quibus in re tam graui se opponere audacia magna est, & calculum meruit.

Ex Libro Quinto Cap. II.

CHRONICORVM ORDINIS MINORVM

A MARIANO FLORENTINO DESCRIPTORVM.

Quæ manuscripta afferuantur apud Fr. Lucam VVaddingum
Ord. Minorum Chronographum, & modo in Vrbe
Collegij Sancti Isidori Guardianum.

Anno. 1372.



ITEM eodem anno Roma apud Campum Florum à 23. die Iulij Sancta
Brigitta Vidua de Suetia Regali orta prosapia, cum fuisset annum septua-
gesimum supergressa, Birgero filio, & Catharina filia accessit; & de multis
commonitis, ut super omnia in Dei timore, & amore proximi; ac sanctis
perseuerarent operibus; in Aurora eiusdem diei iterum apparuit ei Christus
consolando eam; deniq. Viatico sumpto, & Extrema Vnctione delibuta,
cum usque ad statum emissionem sua memoria integra perdurasset, dum Missa coram ea cele-
braretur, post adoratum Corpus Christi oculis eleuatis ad celum dicens: In manus tuas Domine
commendo spiritum meum, vocanti benemeritam animam reddidit Creatori. Exemplo de tran-
situ suo magna fit fama per Vrbe[m], concurrunt frequens populus cum summa deuotione, & reue-
rentia sacrum videre Corpus. Deum vnanimiter glorificans, & collaudans ad Monasterium
S. Laurentij in Panisperna Ordinis S. Clare, ubi ipse Martyr assatus fuit, & ubi se iudica-
uerat sepeliri, funus in longè maiori populi frequentia defertur, & præ nimia multitudine usque
ad biduum aptè non potuit sepeliri, quod tamen cum eximia Dei laude intrà Claustrum Soro-
rum fuit humatum. Hoc Monasterium præ ceteris Vrbis, ipsa viuens magno venerabatur
affectu, ibiq. frequens ex sua admirabili humilitate cum pauperibus peregrinis incognita simul
sedens elemosynam petij, ac pauperibus alijs distribuit. Post mensem autem sepultura eius,
leuatum est corpus eius de terra, & inuentum est contra omnem humanam estimationem mira-
biliter iam purgatum, sicut thus, vel mirrharedolens, quod in marmorea arca honorabiliter in
Ecclesia posuerunt: ubi multis coruscavit miraculis. Et anno immediatè sequenti, sicut ipsa
uiuens ordinauerat, medietas ossium eius ab Vrbe ad Monasterium, quod ipsa instituerat in
Suetia, translata est 12. mensis Iulij cum ingenti populorum multitudine, & gaudio, & mi-
raculorum gloria. Hoc quidem Monasterium auctoritate Vrbani V. in Vuarsteno Lincopen.
Diocesis de suis facultatibus, antequam ipsa veniret Romam, construi fecit, ac sufficientem
dotem assignauit pro 60. Monialibus sub Clausura viuentibus, & vngitiquinque Fratribus
Ordinis Sancti Saluatoris nuncupatis. Quibus tam Sororibus, quàm Fratribus Regulam, quam
sibi Christus reuelauerat, & postea à Summo Pontifice Vrbano VI. approbatam obseruandam
tradidit. Pluries apparuit ei Dominus IESVS, & Beata MARIA, aliq. varij Sancti, &
ei multa reuelarunt, quæ Reuelationes conscriptæ magno Volumine comprehenduntur. In qui-
bus habetur, quomodo Beata Virgo Maria de Conceptione sua sibi dixerit, quod sine peccato
originali concepta erat: Beatus Franciscus pluries ei apparens plurima reuelauit. Etenim dum
semel

semel ipsa in festo Beati Francisci in sua Ecclesia Romæ in Translyberim oraret, apparuit ei dicens: Veni in Cameram meam ad comedendam, & bibendum mecum, quod ipsa audiens, statim paravit se ad iter, ut visitaret eum in Assiso, ubi cum per quinque dies moram duxisset, proponens tunc Romam redire, intravit Ecclesiam, & se, & suos Sancto Francisco commendaret. Cui tunc ipse apparuit dicens: Bene veneris; Inuitavi enim te in Cameram meam, ut mecum comederes, & biberes. Scito tamen quod hæc domus non est Camera mea, quam dixi tibi: Sed Camera mea est vera obedientia, quam ego semper tenui, ita quod numquam sublinui esse sine præceptore. Habui enim mecum continne Presbyterum, cui in omnibus præceptis obediui, & hæc fuit Camera mea. Tu igitur similiter facias, quia sic placet Deo. Cibus autem meus, quo delectabiliter reficiebar, erat hoc; quod scilicet libentissime traxi proximos meos à vanitatibus vite secularis, ad serviendum Deo toto corde: Et tunc velut dulcissimos morsellos illud gaudium glutiebam. Potus autem meus erat illud gaudium, quod habui, dum aliquos per me conversos vidi Deum diligere, totis viribus suis contemplationi vacantes, aliosq. ad bene vivendum instruere, & veram paupertatem imitari. Ecce filia, iste potus ita letificabat animam meam, quod omnia, quæ in mundo sunt, despiciebam mihi. Intra igitur hanc Cameram meam, & hunc cibum meum comede, & hunc potum bibe mecum. Bibe ergo illum, ut cum Deo reficiaris in æternum. Hæc sanctissima Matrona in maxima afflictione sui corporis superuixit, cum ab ineuntis ætatis principio Deo dicata fuisset, ieiunijs, & orationibus, & peregrinationibus indefesse vacauit, ad nudam carnem nodosam cordam deuult strictè ligatam, vestes bispidas circa carnem, superius verò multum humiles, & abiectas colore griseo portauit: Singulis Sextris Ferijs ad memoriam Passionis IESV Christi de ardenti cerco stillas flammigeras super nudam carnem suam fundere consuevit, ita quod ex ipsa vulnera remanserunt, quæ si ad alium diem veneris aliquantulum sanarentur, statim immixtis unguibus ita arabat in eis, ut corpus suum non esset sine vulnere passione. Hæc siquidem multis fuisse miraculis.

Ibidem Cap. IV. Anno 1387.

Bonifacius Anno Secundo sui Pontific. videlicet die septima Octobris Romæ in S. Petro solemniter ascripsit in Cathalogo Sanctorum Beatam Brigittam Viduam de Nobilissima Regia Stirpe Suetiæ Regum, ex Patre Birgero, & Matre Sigrida natam, & Nobilissimo Vlphoni de Vlphason Principi Nericia anno decimotertio sue ætatis nata nupta, cum quo triginta nouem annis in omni sanctitate vite vixit, ceterum verò vite sue usque ad septuagesimum annum fuit, quæ Romæ extincta in Panisperna sepulta fuit, prout ipsa elegerat cum Scroribus Sanctæ Clara.



ELENCHVS AVCTORVM

Quorum Testimonijs tam in Notis ad Reuelationes,
quam in Tractatu de Visionibus, Reuelationibus,
Apparitionibus, Extasi, & Raptu vsi sumus.



ABAS Vesper-
gensis.
Abdias Babylo-
nie Episcopus.
Abulensis.

Academia Complutens.
Academia Neapolit.
Adelmanus Treuerensis.
Adrianus.
Albanus Cardinalis.
Albertus Bocconius.
Albertus Magnus.
Albertus Pigbius.
Albumasar.
Alanus.
Alcinus.
S. Aldemus.
Alexander de Ales.
Alexander ab Alexandro.
Algerius.
Almainus.
Alphonfus Castrensis.
Alphonfus Ciacconus.
Alphonfus Episcopus Giennen-
sis.
Alphonfus Mendoza.
Alphonfus Paleoetus Archiepi-
scopus Bononiensis.
Aluarez.
Amadeus.
Amalarinus.

S. Ambrosius.
Ambrosius Catherinus.
Anastasijs Sinaita.
Andreas Barbatius.
Andreas Cretensis.
Andreas Hierosolymitanus.
Angelomus.
S. Antoninus.
Antonius Fernandus.
Antonius Genebrardus.
Antonius de Tepe.
S. Anselmus.
Archidiaconus.
Arethas.
Aristoteles.
Armacanus.
Arnobius.
Artimedorus.
S. Athanasius.
S. Augustinus.
Auicenna.
Aureolus.
Azorius.

B.

Baronius Cardinalis.
Bartolus.
S. Basilus.
Beda.
Benedictus Pererius.
Bernardinus Rosignolus.
S. Bernardus.
Blasius Vega.

S. Bonauentura.
Bonifatius IX. Pontifex.
Buccolidianus Philosophus.
Burchardus.

C.

Cardinalis Caietanus.
Capreolus.
Cassiodorus.
Celsus Adurnus.
Celestinus Papa.
Cedrenus.
Christianus Drushmarus.
Cicero.
Claudius Royletus.
Clemens Alexandrinus.
Clemens Pontifex.
Climacus.
Clithoucus.
S. Cyprianus.
S. Cyrillus Alexandrinus.
S. Cyrillus Hierosolymitanus.
Constantinus Abbas Caietanus.
Corduba.
Cornelius à Lapide.
Cornelius Iansenius.
Conarruias.
Cretcherus.
Cusanus Cardinalis.

CONCILIA.

A Gathense.
Antiochenum.
***** An-

ELENCHVS AVCTORVM.

Ancyranum :
 Arauscanum .
 Basiliense .
 Carthaginense .
 Constantiense .
 Claramontanum .
 Florentinum .
 Lateranense sub Innoc. III.
 Lugdunense .
 Meldense .
 Meleuitanum .
 Rhemense .
 Romanum sub Gregorio VII.
 Sardicense .
 Syrmienſe .
 Teletanum .
 Tridentinum .
 Vafense .

D.

Daniel Malonius .
 Demosthenes .
 Dydacus Stella .
 Diodocus .
 S. Dionysius Areopagita .
 Dionysius Alexandrinus .
 Dionysius Carthusianus .
 Dionysius Richellius .
 Dominicus Bannes .
 Driedo .

E.

Egesippus .
 Aegidius Romanus Card.
 Aegidius Carlerius .
 Aegidius de Presentatione .
 Emericus de Kampo Doctor
 Lauanienſis .
 Emanuel de Valle .
 Empedocles .
 Epiphanius .
 S. Ephrem Syrus .
 Episcopus apud Scobeum .
 Euaristus Pontifex .
 Eucherius .
 Euodius .
 Eusebius Caesariensis .

Eusebius Emyſſenus .
 Euthymius .
 Eugenius I V. Pontifex .

F.

Federicus Bonaventura
 Urbinas .
 Fauentinus .
 Ferrariensis .
 Ferdinandus Quirinus de Sa-
 lazar .
 Flavius Episcopus Constantino-
 politanus .
 Forsarius Gallus .
 Fortunatus Schaccus .
 Franciscus de Maironibus .
 Franciscus Ribera .
 Franciscus Picus Mirandu-
 lanus .
 Franciscus Samaritanus .
 S. Fulgentius .

G.

Gabriel Biel .
 Gabriel Faber .
 Galenus .
 Gaspar Sanctius .
 Genebrardus .
 Georgius Venetus
 Georgius Lilius Britannus .
 Gerardus Vossius .
 Germanus Patriarcha .
 Gerson .
 Gilbertus Piſtaciensis .
 Glosa Interlinearis .
 Gratianus .
 Gregorius Ariminensis .
 Gregorius Emyſſenus .
 S. Gregorius Magnus .
 S. Gregorius Nazianzenus .
 S. Gregorius Neocaesariensis .
 S. Gregorius Nyſſenus .
 S. Gregorius Turonensis .
 Gregorius de Valentia .
 Guilielmus Cantuariensis .
 Guilielmus Durandus .
 Guilielmus Estius .

H.

Haymon .
 Hector Pinſtus .
 Hegesippus .
 Henricus Harphius .
 Henricus Gandamensis .
 Henricus Susonus .
 Herbertus .
 S. Hieronymus .
 Hieronymus Mercurialis .
 Hieronymus Platus .
 Hieronymus ab Oleastro .
 S. Hilarius .
 S. Hippolytus Martyr .
 Hippolytus Thebanus .
 Hippocrates .
 Homerus .
 Hugo Victorinus .
 Hugo Cardinalis .

I.

Iacobatus Cardinalis .
 S. Iacobus Apostolus .
 Iacobus Merlinus .
 Iacobus Aluarez .
 Iacobus de Valentia .
 Iacobus de Voragine .
 Iamblicus .
 Ianſenius .
 S. Ignatius Martyr .
 S. Ildephonsus Archiepiscopus
 Toletanus .
 Ioachimus .
 Ioachimus Pirrionius .
 Innocentius III. Pontifex .
 Ioannes Baptista de Lenzana
 Ordinis Carmelie .
 Ioannes Vasthoniſus .
 Ioannes Thaulerius .
 Ioannes Azorius .
 Ioannes Bacconus .
 S. Ioannes Chrysostomus .
 S. Ioannes Damascenus .
 Ioannes Diaconus .
 Ioannes Echius .
 S. Ioannes Evangelista .

Ioan-

ELENCHVS AVCTORVM.

Ioannes Franciscus Picus.
 Ioannes Ludouicus à Cerda.
 Ioannes Magnus Archiepiscopus Vspalensis.
 Ioannes Maldonatus.
 Ioannes Molanus.
 Ioannes Nauclerus.
 Ioannes Pineda.
 Ioannes Stephanus Durandus.
 Ioannes Talentonius.
 Ioseph Hebraus.
 Ischius.
 S. Isidorus.
 Isidorus Pelusiotæ.
 Ireneus.
 Iuo Carnotensis.
 S. Iustinus Martyr.
 Iustus Lypsius.
 Iuuenalis.

L.

Lactantius Firmianus.
 Lanfpergius.
 B. Laurentius Iustinianus.
 Laurentius Surius.
 Leander Galganeus.
 S. Leo Pontifex.
 Leontius.
 Linconiensis.
 Lindanus.
 Lippomanus.
 Lorinus.
 Lodolphus.
 S. Lucas Euangelista.
 Fr. Lucas VVadinus.
 Ludouicus ab Algazar.
 Ludouicus Blofius.
 Ludouicus Molina.
 Ludouicus Vines.
 Ludouicus Coqueus.

M.

Marfilius.
 Marius Victorinus.
 Martinus Delrius.
 Martinus V. Pontifex.
 Martyrologium Romanum.

S. Mattheus Euangelista.
 Maxentius.
 Maximus Thyrens.
 Melchior Canus.
 Melchior Flauianus.
 Metaphrastes.
 Michael Medina.
 Michael Baius.
 Minutius Felix.
 Michael Glica.
 Michael Sifingerus.
 Melanus.
 Molina.

N.

Nauarrus.
 Nicephorus.
 Nicolaus Lyranus.
 Nicolaus Papa.
 Nicolaus Sanderus.

O.

O Cham.
 Oecumenius.
 Onuphrius Panyinus.
 Origenes.
 Orosius.

P.

Paludanus.
 Pannonius.
 Panormitanus Abbas.
 Paschalis.
 S. Paulinus.
 S. Paulus Apostolus.
 Paulus Burgenfis.
 Paulus Comitulus.
 Paulus Zachias.
 Pelbartus.
 Petrus Galatinus.
 Petrus Morales.
 S. Petrus Apostolus.
 Petrus de Aragona.
 Petrus Aliacensis.
 Petrus Canisius.
 Petrus Chrysologus.
 Petrus Damianus.

Petrus Lucensis.
 Petrus de Natalibus.
 Petrus Lombardus Magister Sentent.
 Petrus Thyrens.
 Philo Hebraus.
 Pierius Valerianus.
 Philastrius.
 Philippus Faber.
 Plato.
 Platina.
 Plinius.
 Pythagoras.
 Polydorus Virgilius.
 Porphyrius.
 Primasius.
 S. Prosper.
 Prudentius.
 Propertius.

R.

Rabanus Maurus.
 Rabi Ionathas.
 Remigius.
 Ribadenera.
 Ribera.
 Richardus Victorinus.
 Rodericus.
 Rossensis.
 Rupertus Abbas.
 Rupertus Bellarminius Card.
 Rutilius Benzonius.

S.

SAnchez.
 Salmemon.
 Scotus.
 Sebastianus Tiguntinus.
 Sedulius.
 Seraphion Afcalonites.
 Serrarius.
 Seuerinus Binius.
 Sigisbertus.
 Siluefter de Prierio.
 Sifmancha.
 Sixtus Senensis.
 Socrates.

ELENCHVS AVCTORVM:

Solitarius.
Sophronius.
Socus.
Sozomenus.
Stephanus Bupalus.
Stobaeus.
Strabo.
Sulpitius Senerus.
Suidas.
Suarez.
Surius.
Synodus Florentina.

T Abiena.
Tertullianus.

Theophilactus.
Therophilus Alexandrinus.
Theophrastus.
Theodoretus.
S. Theresia.
S. Thomas de Aquino.
Thomas Bogius.
Thomas de Argentina.
Thomas de Kempis.
Tibullus.
Ticus Bostrenus.
Toletus Cardinalis.
Tostatus.
Tryphon.
Turrecremata Cardinalis.
Turrianus.

V Erruchinus.
Vincentius Belluacensis.
S. Vincentius Ferrerius.
Volazeranus.
Urbanus Pontifex Quintus.
Vasquez.
Virgilius.

Z Vmel.



INDEX CAPITVM
TRACTATVS

CONSALVI DV RANTI
EPISCOPI FERETRANI
TRACTATVS.

DE VISIONIBVS, REVELATIONIBVS,
Apparitionibus, Extasi, & Raptu.

*In quo illius necessitas, & utilitas, necnon Auctoris consilium, scri-
bendi ratio, & alia multa, quæ ad S. Brigittæ Librorum
intelligentiam faciunt proponuntur.*

INDEX CAPITVM TRACTATVS.

PRAEFATIO.

De necessitate, & vtilitate huius Tractatus, de symbolis, fine, & causis eiusdem :

C A P. I.

De Visionibus, Reuelationibus, Apparitionibus, Raptu, & Extasi in genere.

C A P. II.

De Visionibus, Reuelationibus, Apparitionibus in specie, & eas dari ex sacris Scripturis, ac Sanctis Patribus probatur.

C A P. III.

Extasis, & Raptus natura, & essentia discutitur, & B. Brigittam fuisse extasim passam probatur.

C A P. IV.

De Apparitionibus diuinarum personarum, & Angelorum, aliorumq. Sanctorum Veteris, ac Noui Testamenti.

C A P. V.

Quæ, & quibus Reuelationibus, ac Apparitionibus fides præstanda sit, ex Sanctis Patribus, & Doctoribus Scholasticis ostenditur, & de malorum spirituû Apparitionib. differitur.

C A P. VI.

De causis Visionum, Reuelationum, & Apparitionum.

C A P. VII.

De Visione prophetica, & B. Brigittæ donum prophetiæ fuisse collatum probatur.

C A P. VIII.

Lumen supernaturale, & propheticum B. Brigittæ fuisse diuinitus datum probatur, & quid illud sit, accuratè ex SS. Patribus ostenditur.

C A P. IX.

De Visionibus, Apparitionibus, ac Reuelationibus, quæ fiunt in somnis, & de signis earum, quæ à Deo sunt, & quæ Dæmonum fallacijs occurrunt, & quis sit legitimus formiorum interpres.

C A P. X.

Diuinæ locutionis modus ex SS. Patribus describitur, & Christum Dominum, ac alios quosdam Sanctos B. Brigittam fuisse allocutos ostenditur.

C A P. XI.

B. Brigittæ Reuelationes non esse Dæmonum illusiones, sed diuinitus datas visiones, sacrorum Doctorum auctoritate, & rationibus ostenditur.

C A P. XII.

Qualis, & quanta debeat esse sollicitudo interpretis Reuelationum S. Brigittæ, qua ad earum intelligentiam, ac studium Lectores alliciat.

CON-

CONSALVI DV R AN TI EPISCOPI FERETRANI

A D T R A C T A T V M D E V I S I O N I B V S ,
Reuelationibus, & Apparitionibus.

P R A E F A T I O .



PRODIT nunc tandem (Deo an-nuente) in publi-cum studiose, & optime Lector, cū S. Brigittæ Cæle-stium Reuelatio-num Libris, de Diuinis Visionibus, Apparitionibus, Extasi, & Raptu Trac-tatus, quem in Præfatione primæ editionis polliciti fuimus, & multo labore his postremis ætatis nostræ an-nis hominū memoriæ tradidimus, ac litteris consignauimus, vtinam, vt ope-rosum, & spissum opus fuit, ita opere-pretium fecerim. Sanè id à nobis eo factum est consilio, tum vt, quæ sub varijs rerum simulachris, ac imaginibus abscondita, testatq. sunt, aperiremus, tum vt illa, & Sanctorum Patrum sen-tentijs, ac Theologorum etiam scho-lasticorum placitis esse consona pro-baremus, hinc quoque rotius operis ratio quasi in limine cõstabit, & ad ea, quæ in eo scripta sunt rectè, probèq. intelligenda Lectori aditus fiet.

Necessarium sanè nobis visum est, huic nouæ sacrorum B. Brigittæ Li-brorum editioni de Visionibus, Reue-lationibus, Apparitionibus, Raptu, & Extasi tractationem adiungere, ad di-

scernendas Visiones diuinas à Dæmo-num illusionibus, qui mille nocendi artes habent, innumeris vtuntur telis, quæ in homines iaciunt, & quibus omnis ætatis, & conditionis miseros mortales feriunt; & pluribus com-mentis, varijsq. superstitionibus ani-mas curiosis, ac stultis artibus decipe-re, ac fallere student. Heu quam mul-tos fraudolentè supplantant, & spiri-tuales etiam homines nefario astu cir-cumuenire contendunt. Audi S. Au-gustinū eorum insidias, & dolos dete-gentē serm. 4. de Tempore. Quid prauius (inquit) quid malignius, quid no-stro aduersario nequius? qui posuit in Cælo bellum, in Paradiso fraudem, odium inter primos fratres, & in om-ni nostro opere zizaniā seminauit: nam in comestione posuit gulam, in generatione luxuriam, in exercitatio-ne ignauiam, in conuersatione inui-diam, in gubernatione auaritiā, in correctione iram, in pręsulatu, seu do-minatione superbiam, in corde ponit cogitationes malas, in ore locutiones fallas, in membris operationes ini-quas, in vigilando mouet ad praua opera, in dormiendo ad somnia tur-pia, lætos mouet ad dissolutionem, tristes autem ad desperationem, & vt

*Dæmonum
insidias, &
tentaciones.*

brevitèr loquat omnia mala. Mundi sua sunt prauitate commissa. Tam igitur importuno, ac periculoso bello solerti diligentia resistendum est, & cum tam nefario, & infatigabili hoste per- uigili cura in omnibus decertandum, & tunc maximè quando sese nobis Vi- sionibus, & Apparitionibus insinuat, in quibus discernendis magna certè, & circumspecta attentio, & attenta cir- spectio exigitur, vt diligentèr quæra- mus, quæ à Deo ortum habent, & quæ Dæmonum illusiones, & deceptiones sunt. Merito S. Hieronym. in 3. Caput Nahum Prophetæ monuit, hac in re peculiare studium adhibendum esse, Quoniam (inquit) in Visionibus solet esse tentatio, consuevit namq. Dæmon transfigurare se in Angelum lucis, & ideo sollicitè agendum est, vt discernas Visiones. Interdò Iosue, cum Visiones videret, vt interrogat eum, qui apparuit: noster es, an aduersariorum? Idem docuit Sanctus Isidor. lib. 3. de sum. bono cap. 5. his verbis. Discretio san- ctorum tanta esse debet, vt inter bo- num, & malum præditi ratione diju- dicent, nè eos Diabolus per speciem boni fallat, hæc est enim percuncta- tio Iosue, dicentis, noster es, an ad- uersariorum? consuevit namq. Dæ- mon teste Gregor. verè Magno lib. 4. Dialog. cap. 48. quædam interdum per aliquod tempus, quæ vera sunt sug- gerere, vt eum securum faciat, cum quo agit, quòd ipse sit spiritus bonus, sed aliquid postea addit, quod ipsius est proprium persuadens errorem, aliquando autem peccatum, quocir- cā horum Sanctorum Patrum salu- bria monita, & memoriæ firmitèr retinenda sunt, & ex illis colligen- dum, quantum nobis possit asserre commodum, ista diligentèr scrutari, & quantum periculi imminet ei, qui in his examinandis negligens, ac piger est, cum enim à natura videatur ho-

minibus insicūm vehemens quoddam futura noscendi, ac prædicendi desi- derium, nullum profecto hi relinquunt locum, nullam prætermittunt occasio- nem, qua, vt ita dicam, huic indomitæ, ac profusæ voluntati satisfaciant, quod sanè maximam consuevit Dæmoni præbere ansam, homines varijs diuina- tionum, & superstitionum generibus frequenter decipiendi. Hac enim arte antè Christi Domini Seruatoris Nostri aduentum omnes ferè gentes fessellit, præcipuè tamen Ægyptios, vt testis est Tertullianus in Apofoet. cap. 24. Et S. Hieron. in cap. 2. & 46. Ilaia, qui affirmat Ægyptiorum gentem Idola- triæ, ac superstitioni ita fuisse deditam, vt Accipitres, Noctuas, Canes, Hircos, & Asinos velut diuinum numen ado- rauerint. Idem annotauit S. August. pluribus in locis, & præcipuè lib. 2. de Doctr. Christiana cap. 20. & de consen- su Euangelistarum lib. 1. cap. 21. & de Ciuit. Dei lib. 4. cap. 8. & lib. 6. cap. 6. fusè tractat Origen. hom. 16. in Num. Qui exponens illa verba. Nō est augu- rium in Iacob. Est (inquit) quædam operatio Dæmonum in ministerio præ- scientiæ, quæ artibus quibusdam hi, qui se Dæmonibus manciparunt, deci- piuntur. Colligitur nunc per sortes, nunc per auguria, nunc per contem- plationem fibrarum, quæ auspicia vo- cant, & huiusmodi præstigijs com- prehenditur. Quæ de re satis copiosè egimus Lib. 3. Reuelat. Interrog. 12. Resp. ad quæst. 4. Igitur è Sacrarum litterarum, ac Doctorem virorum ce- lebri portu soluentes, ac vela pādentes, diuinò flatu vastum ingredimur Vi- sionum, & Reuelationum Oceanum, atque internos Librorum synus pene- trantes, magno quidem nostro labore, sed magna quoque voluptate, quæ ad Visionum, & Reuelationum essentiam, & naturam spectant ex illis eruimus, cruta illustrauimus. Nunc ergo aspi- rante

S. Hieron.

S. Isidorus.

Gregor.

Tertull.

S. Hieron.

Ægypti ad
Idolatriam
propensi.

S. Augst.

Origén.

rante Deo, Beataq. Brigitta protegente, quorum ope maximè nitimur, rem ipsam ordiamur, quam quidem eisdem fauentibus, & scribenti facilem, & legenti valdè suauem, ac frugiferam futuram speramus, & illustratam ad piorum, & studiosorum Lectorum manus libenti, ac gaudenti animo damus.

Reuelat.
causa re-
causatur.

De causis primò, & argumentis, de symbolica rerum significatione, quæ in his Reuelationum Libris continentur sermonem nostrum instituiamus, & ab efficiente causa exordium sumimus, quam Spiritum sanctum esse minimè dubitandum videtur. Instrumentalem verò Beatam Brigittam. Sanè, si quis hos B. Brigittæ Libros diligentèr percurrat, inueniet rerum eminentiam, ac dignitatem naturalem excedere caput, & facultatem, & ideo non potuisse Beatam Brigittam nisi diuinitus edoctam, ac supernaturali lumine illustratam ea percipere, & alios de illis participes reddere: proinde Cælestium Reuelationum titulus eis meritò appositus est, utpotè, quæ Spiritu sancto dictante, ac promouente ad nos peruenierunt, Beata Brigittæ ministerio, à Christo in Sponsam electæ, & tamquam canalis constitutæ, per quem aqua sapientiæ deducta est ad populorum conuersionem, & ædificationem, ac nostræ Religionis maiestatem, & conseruationem. Rem comprobemus ipsius Christi testimonio ex Cap. 46. & 47. Extrauagant. Reuelation. Qui Beatam Brigittam alloquens; Ego sum, inquit, Deus tuus, qui tecum loqui volo, noli timere, ego enim sum omnium conditor, non deceptor, non propter te solam loquor, sed propter salutem omnium Christianorum. Tu eris Sponsa mea, & canalis meus. Audies, & videbis spiritualia, & secreta cælestia, & spiritus meus remanebit tecum usque

ad mortem, quia tibi tamquam instrumento nouo ostendere volo noua, & vètera, ut superbi humilientur, & humiles glorificentur, ut mali emendentur, & boni fiant meliores. Ex his Christi Domini verbis palàm est, quantum opere Brigittam Christum dilexerit, cum illam in Sponsam sibi elegerit, quænam aptiora nomina inueniri unquam poterunt, quàm Sponsus, & Sponsa? quibus amoris ingens ardor exprimitur, nam si amare competit Sponsis, iurè Sponsæ nomine Brigittæ dignata est, quippè quæ Sponsum suum Iesum vnice amauerit: & si Sponsi, & Sponsæ vna voluntas, & vnus spiritus est, quid mirum, si Sponsus eius Christus fuerit illi pollicitus, spiritum suum usque ad mortem cum ea permaniturum: & si omnia inter Sponsos communia sunt, non immeritò illi sua secreta, & arcana propalauit. Non sunt inuenta dulciora nomina, inquit Sanctus Bernardus sermon. 7. in Cantic. quibus verbi, animæq. dulces ad inuicem exprimerentur affectus, quemadmodum Sponsus, & Sponsa quippè quibus omnia communia sunt, nil proprium, nil à se diuisum habentibus, vna viriisque hæreditas, vna domus, vna mensa, vnus torus, vna caro.

Reuelat. 52.
De Brigittæ
causa hanc
lit.

S. Bernard.

Ex his, quis non videat, quantum hæc sanctissima mulier suo Sponsi chara fuerit, hæc nimirum, quæ ieiunijs, vigilijsq. corpus macerauit, orationi vacauit, castitatem seruauit, mundi illecebras, & fastum contempsit, quocirca in earum Viduarum numerum meritò referenda est, de quibus Doctor gentium Paulus 1. ad Timor. 5. scriptum reliquit Viduas honora, quæ veræ viduæ sunt. Brigitta namque nostra in bonis operibus testimonium habuit, filios educauit, hospitio recipit, sanctorum pedes lauit, tribulationem patientibus

S. Paul. 1. ad
Timor. 5.

subministravit, omne opus bonum subsecuta est.

Præter causam efficientem, & instrumentalem ex citatis verbis B. Brigittæ palam colligimus etiam finalem, ob quam huiusmodi Revelatione tradita sunt. Quæ ad quattuor capita reuocanda est. Nimirum ad superbos compefcendos, humiles exaltandos, peccatores ad bonam frugem reuocandos, bonos ad maiorem profectum excitandos. Primarium autem horum Librorum Argumentum in ed positum est, quod in illis altissima nostræ fidei mysteria Populis proponuntur, & explicantur, nam Lib. primo de Trinitatis, Incarnationis, ac humani generis Redemptionis mysterio agitur. In reliquis verò de officio, & munere Prælatorum, de vita, & honestate Clericorum, de secularium Principum regimine, & modo, quo erga suos subditos se rectè gerere debeant, de vita militari, de cura parentum erga filios, & de filiorum obsequio erga parentes, de pœnis Purgatorii, & Inferni, de qualitate, & conditione ministrorum, & familiarium Principum; & postremò de laudibus Beatissimæ Virginis, de qua in fine extat celebris ille Sermo de Virginis excellentia inscriptus:

Et quoniam hæc sere omnia sub diversis rerum similitudinibus, formis, & imaginibus describuntur, ideo de symbolica eorum significatione aliqua breuiter Lectori in præsentia tradenda sunt, quibus ad eorum intelligentiam ille facilius peruenire queat.

Symbolorum autem perfectio desumenda est ab accommodata proportionem, quæ à synbolo in ordine ad rem per illud significatam querenda est. Proinde non erit ab re, si ea symbola, seu, quæ ab eis emanant ænigmata, & comparationes quasdam pulchras, & venustas appeller Lector, quibus sibi viam pareat, ad ea intelligenda, quæ sub

illis similitudinibus latent; sed hæc acriori indagine scrutetur necesse est, ac ad concinnam, aptamque vnus rei ad alteram allusionem vehementer intendat, ut symbolum cum veritate, cui applicatur coherere animaduertat. Vtitur est sacerarum litterarum mos sub huiusmodi symbolis, quasi velis quibuldam diuina secreta, & altissima mysteria abscondere. Neque enim faserat (sunt verba Sancti Dionysij de Cælesti Hierarch. cap. 1.) infirmitati nostræ lucere radium illum diuinum, nisi sacrorum varietate velaminum, quibus ad superiora ferremur opertum, & his, quæ nobis familiaria sunt, prouidentia paterna mortalium sese accommodante vestitum. Veteris, & Noui Testamenti hæc figuris plenæ sacræ paginæ sunt. Quod illis verbis Doctor gentiū Paulus 1. Cor. 10. indicare voluit. Omnia in figura contingebant illis. Ipsa quoque Christi Seruatoris Nostri miracula abscondita, mysteriorum multorum præferunt significationem, ut mirum non sit, si Tractatu 14. in Ioan. affirmauerit S. August. Christi miracula, si rectè intelligantur, linguam suam habere, sed audiamus Origenem, qui rem hanc non minùs doctè, quàm acutè exponit Hom. 3. in Cant. Cum plures (inquit) sine v.g. in grano synapsi virtutes, quæ rerum cælestium imagines tenent, vltimus, & extremus eius usus est, qui habetur apud homines in corporali ministerio, & ita etiam in reliquis; vel seminibus, vel virgultis, vel radicibus, vel animantibus intelligi potest, ut vsum quidem, & ministerium hominibus præbeant, habeant autem incorporatum rerum imagines, quibus doceri anima possit, & instrui ad contemplanda ea, quæ sunt inuisibilia, & cælestia. Etenim in sacris litteris multa in sensu mystico, in parabolis, ac sub varijs similitudinibus conscripta inue-

Lib. S. Brigittæ Argumentum.

S. Dionysij.

1. Cor. 10.

S. August.

Origen.

Symbolica significatione vnde desumenda.

inuenimus, & ea præcipuè, quæ Moyses, quæ David; quæuè reliqui Prophetæ diuinò afflati spiritu litteris consignariunt.

Atque hinc tot præclaræ inueniuntur in illis specierum varietates, tot iucundæ, & gratiosæ rerum visibiliû similitudines; tot præstantes, & accommodatæ comparationes, quæ nostrum intellectum mirum in modum illustrantes, illum eleuant ad diuinorum mysteriorû contemplationem; quæuè ad reconditorum secretorum intelligentiam nos adiuuant. Figuræ namq. illæ, ac similitudines in imaginatione collocatæ, veluti speculum quoddam, & liber sunt; in quo intellectus, & animæ pars superior diuina luce illustrata, ea intuetur, & quodammodo legit, quæ illi Deus sua benigna dispensatione manifestare vult; & hæ aliquando coniunctæ sunt cum ingenti quadam suauitate, ac mira spiritus iucunditate, aliquando verò cum lacrymis, modo cum iubilis, & exultatione, interdum etiam cum locutione, sed rarò, quoniam plerumq. id contingit nihil dicendo, sed tantummodo aspiciendo. Harum figurarum, & similitudinum exempla plura in his Cælestium Reuelation. Libris inueniuntur. Quæ in re diuina sanè bonitas, ac benignitas elucet, cum Deus ipse sic nostræ infirmitati consulit. Exod. namq. 24. & 34. legimus. Moysen, vt Deum contemplaretur, ascendisse in montem, ac verò etiam Deû ad Moysen descendisse, vt inde colligeremus; quòd in contemplatione homo suprà se ascendit, vt Deo vniatur, & idè opus est, vt quemadmodû fecit Elias 3. Reg. cap. 19. suum vultum pallio operiat, vt tantæ maiestatis ea, qua decet reuerentia præsentiam veneretur, eiq. sese subijciat, non curiosè scrutando, sed imbecillitatem, ac infirmitatem propriam agnoscendo.

Quare autem diuina mysteria, plerumq. sub his parabolis, ac enigmatibus proponantur, & sic Deus interdû loqui voluerit, vt Matth. 13. scribitur. Locutus est Iesus in parabolis ad turbas, & sine parabolis non loquebatur eis, & Psal. 77. Aperiam in parabolis os meum, id factum esse credimus, vt sacra de Deo, ac diuinis mysterijs scripta, ab alijs scriptis discernerentur, ac etiam, nè illa diuinorum secretorum præstantia, & dignitas passim omnibus pateret, & sanctum canibus, & margaritæ porcis darentur, vtque etiam illa firmius legenti, & audientium mentibus inhaererent, & ad eorû studium homines magis allicerentur, dum latentes sub illis similitudinibus sensus quærere cogèrentur. Excitant namq. mirum in modum studium, ad diligentèr perquirendas earum significationes, & inquirendi auditorû diligentiam prouocant, vt S. Chrysost. hom. 46. ad Populum monuit, cum enim ea audiunt, quæ nõ intelligunt, habere magnarû rerum significatione animaduertunt, quæ vt discernantur, semper finis parabolæ attendendus est, & ad eum singulæ partes parabolæ examinandæ, quæ ad eum finem aliquid habent significationis, vt notauit Ioan. Maldonat. in cap. 14. S. Marci nu. 27. dicitur autem parabola similitudo, seu rerum dissimilium comparatio. Abundant sacra litteræ parabolis, symbolis, & enigmatibus, idq. factum esse credimus, quoniam hoc exigit Spiritus sancti maiestas, à quo dictatæ sût, nè eius oracula quasi parula, & omnibus perspicua floccifient, sed veluti secreta, sapientia plena cunctis sui venerationem, æquè ac studium excitent. Quocirca Ægyptij sua dogmata symbolis, & enigmatibus plerumq. inuoluta tradidere, atque hinc Orig. hom. 7. in Exod. Manna similitudinem habere eloquiorum cælestium docuit, quippe

Diuina mysteria quare sub parabolis proponantur.

Matth. 13.

Psalm. 77.

S. Chrysost.

Maldonat. Parabola quid.

origen.

quod, etsi minutum erat, & veluti in-
grana exigua distributum, ac rotundū,
admirabile tamen erat suauitate, ac vi-
gore refertum, & Clemens Alexandr.
lib. 5. Stromatum refert, non Ægyptios
tantum, & Græcos, sed & Barbaros hi-
scē symbolis fuisse vsos, vt merito Au-
gust. serm. 11. de verbis Domini secun-
dum Matth. dixerit, Scripturam sacram,
quandocumq. aperta est, famem pascere,
cum verò obscura, famem leuare, &
lib. 2. de Doctr. Christiana cap. 6. affir-
mat, in sacris litteris inuenisse quædam
obscura, & ita diuinitus fuisse prouisum
scribit ad edomandam labore superbiā,
& intellectum à fastidio reuocandum,
cum facili inuestigata vilescere aliquā-
do consueuerint.

Atque hinc Card. Hosius lib. 3. de au-
thoritate sacræ Script. paulò post initiū
confutans Brentium Hæreticum, qui
Scripturam sacram non obscuram, sed
perspicuam, non tenebris, non parabolis,
non similitudinibus refertam esse
afferebat, Quid (inquit) quòd data opera
Deus varicinia de Christo non quibusli-
bet esse perspicua voluit? Quemadmo-
dum etiam in terris prædicari noluit an-
tè mortem, quod esset Messias, quod sit
expediebat ad peragendum humanæ
salutis negotium: cæterum vbi iam
Apostoli nunciarunt, ea esse peracta;
quæ Prophetæ prædixerant, tum & lex
collata cum factis erat dilucidior, fa-
ctumq. est, vt lex adstrueret fidem Euā-
gelio, & Euangelium illustraret legis
ænigmata, & hoc sensu Petrus, qui pro-
pheticū sermonem similem facit lampadi
lucenti in caliginoso loco, cuius proph-
etici sermonis, quin pleraq. dilucida
sint, quis est, qui eat inficias? Sed quòd
omnibus ex æquo clara sint omnia, &
perspicua, hoc nè tu quidem Brenti as-
firmare audes, qui dum Scripturæ locos
obscuriores per alios magis apertos ex-
plicari vis, an non aperte esse quædam
in Scripturis difficilia, & obscura con-

sideris? Hactenus Card. Hosius. Quid
autem parabolæ, quid ænigmata signi-
ficent, vide sacrarum Litterarum in-
terpretes in locum citatum Matth. & in
specie Ioan. Maldonatum ibidem, qui
parabolas, similitudines, ænigmata ser-
monem esse dicit, qui aliud sonat, aliud
significat, obscuris rerum similitudini-
bus inuolutum.

Quoniam autem vt ex sacris litteris,
& Sanctorū Patrū doctrinis habemus,
Deum præsentem crebrò se per corpo-
reas imagines, ac similitudines exhi-
buisse visibilem, libuit breuiter hic ali-
qua hac de re antè Lectorum oculos po-
nere, vt potè quæ ad argumentum præ-
sentis Tractatus spectare dignoscimus,
de quibus etiam latè, fusèq. in specie
Cap. 4. scripsimus: Sed animaduerten-
dum, Nos non agere hic de speciali, ac
sublimi illo modo præsentie Dei; quo
illum sine vlla imagine, vt re verè est,
nobis præsentem facimus, vel per fidei
virtutem, vel per intellectum lumine
supernaturali eleuatum ad specialem
effectum, quo illum præsentem, & om-
nia replentem, & continentem intue-
mur, qui modus nec imaginatione, ne-
que sensus alicuius functioni innititur:
nam neque imaginatio, neque sensus se
hic immiscet, sed sola intelligentia,
absque figura, & modo corporeo diuinā
sibi substantiam esse præsentem intelli-
git, & certissimè propè se stantem per-
cipit, prout ille, qui orat, ad eum discus-
sum, & affectum erigit, quàm oratio-
nem collat. 10. Cassianus purissimam
vocat, sed agimus de modo præsentie
Dei, quem nobis obijcimus, corpus ex-
cludendo, quia non Dei Filium incarna-
tū, sed eius diuinam personam Patrem
etiam, & Spiritū sanctū ubiq. per essen-
tiam, præsentia, & potentiam existentes
nobis astantes cogitamus, ita tamen vt
sub alicuius corporalis imaginis, vel ho-
minis cuiusdam magnæ auctoritatis,
vel agni, vel columbæ, vel luminis, vel
ignis,

Parabola,
& ænigma,
quid.

Petrus Apo-
stol. 2. Cor.
cap. 1.
sermo pro-
pheticus la-
padi lucenti
similis.

Cassianus.

Deus quibus
modis se præ-
sentem exhibet.

ignis, vel fontis, illum nobis esse præsentem arbitremur, neq. propterea hac in re vlla deceptio, aut error vllus intercedit, quoniam Deum non hæc esse affirmamus, sed ad eius agnoscendas perfectiones per has similitudines, & imagines manuducimur, quò circa mirum non est, si sacræ litteræ Deum varijs, diuersisq. nominibus appellent, vt notauit Orig. super Matth. hom. 10. 18. & 19. quod etiam animaduertērūt S. Hieron. super Matth. 21. & Hilar. can. 27. super Matth. & per hominē, quem Deus in Paradiso posuit, vt operaretur, & custodiret illum, Christum significasse, tradidit S. August. de Genes. contrā Manichæos 24. & super Psal. 68. Quoniam Deus Pater illum in Ecclesia posuit tamquam caput, vt custodiret eam, ac operaretur in illa: & Columbā, quæ ramum oliuæ portauit Genes. 8. Christi Domini symbolum extitisse, quippè qui mundo pacem attulit: & Spiritum sanctum etiam designasse, qui in spiritali doctrina pacem portauit; censuerunt Beda super caput 18. Genes. & Rupertus super Cant. 4. Hilar. in Psal. 54. Basil. hom. 1. super Psal. 118. Rursus aqua, sicut indicat Glof. ordinaria Exod. 7. quatenus est principiū quodammodo rerū saltem materiale, designat Deū, à quo omnia, per quem omnia, in quo omnia, ac etiā diuinā sapientiam in carne humana, quā Christus peccata nostra lauit: fontem insuper tres puteos habentem. Num. 21. Diuinā essentiam in tribus personis incomprehensibilem designātem, quæ tamen, vt fons vnus manifestatur, quia in diuinis tres personæ sūt, & vnus Deus, insinuarunt Orig. super Num. hom. 12. S. Ambros. de Spiritu sancto 19. & Deus est fons, & lux. Psal. 35. Quoniam apud te est fons vitæ, & in lumine tuo videbimus lumen, & Spiritus sanctus ille fons est, qui egreditur de Paradiso, à quo diuersa dona, ceu riuiuli egrediuntur: igni etiam in sacris

litteris aliquando Deum significat, quia ipse ignis consumens est, aliquando etiā Christum Dominum, aliquando Spiritū sanctum, quoniam, cum ignis vim habeat illuminandi, calefaciendi, & comburendi, ab illo sanè hi effectus emanant, nam Christus, vt est sapientia Patris illuminat nos, & instruit de his, quæ ad rectè, probèq. vitam nostram instituendam faciunt, & ad consequendam cælestem patriam necessaria sunt, docet: calefacit, quia tepidos, ac segnes, vt feruentius per viam salutis incedant, inducit: comburit, & siccāt, quia ipse est, qui tollit peccata mundi. Liqueat ergo ex his, non esse absolum, si Deus nobis se insinuet plerumq. sub his rebus, quæ huiusmodi nominibus significantur, non quia ipse talis sit, sed quia sub his alijsq. pluribus imaginibus detegatur:

Hæc breuiter de symbolis, ac similitudinibus scribenda duximus, & Lectorem participem eorum fieri existimauimus, quandoquidem omnia ferè, quæ in his B. Brigittæ Reuelat. Libri scribuntur, sub varijs rerum similitudinibus, ac formis tradita esse inuenimus. Ex quibus exempla duo tantummodò in præsentia afferenda esse duximus, & Primò ex Cap. 5. Libri primi, in quo sub similitudine cuiusdā nobilis castri Ecclesia militans designatur. Quod castrū ingressus est Iesus per carnis assumptionem, & factus homo pro nobis passibilis, fundauit Ecclesiā per sui sanguinis effusionem, quā teste Paulo Apost. Eph. 5. tantopere dilexit, vt semetipsum pro ea tradiderit. Huius castri fundamentū posuit fidem, ac ad illius custodiā Angelos, Doctores, Martyres, & Confessores constituit, eius regiminis, & administrationis munus Vicario illius, & Petri successoris commisit. Et Cap. 7. eiusdem Libri cōcinna, & apta similitudine à vestibus desumpta describuntur virtutes, pio, ac religioso viro necessariae, per subuculā namq. quæ genus est vestis ex lino confectæ, & qua

Ecclesia militans sub similitudine castri designatur.

S. Paul. ad Ephes. 5.

Orig.

S. Hieron.

S. Hilar.

S. August.

Genes. 8.

Beda.

Rupertus.

Hilar.

Basil.

Glof. ord.

Num. 21.

Orig.

S. Ambros.

Psal. 35.

INDEX CAPITVM TRACTATVS.

PRAEFATIO.

De necessitate, & vtilitate huius Tractatus, de symbolis, sine, & causis eiusdem :

C A P. I.

De Visionibus, Reuelationibus, Apparitionibus, Raptu, & Extasi in genere.

C A P. II.

De Visionibus, Reuelationibus, Apparitionibus in specie, & eas dari ex sacris Scripturis, ac Sanctis Patribus probatur.

C A P. III.

Extasis, & Raptus natura, & essentia discutitur, & B. Brigittam fuisse extasim passam probatur.

C A P. IV.

De Apparitionibus diuinarum personarum, & Angelorum, aliorumq. Sanctorum Veteris, ac Noui Testamenti.

C A P. V.

Quæ, & quibus Reuelationibus, ac Apparitionibus fides præstanda sit, ex Sanctis Patribus, & Doctoribus Scholasticis ostenditur, & de malorum spirituum Apparitionibus differitur.

C A P. VI.

De causis Visionum, Reuelationum, & Apparitionum.

C A P. VII.

De Visione prophetica, & B. Brigittæ donum prophetiæ fuisse collatum probatur.

C A P. VIII.

Lumen supernaturale, & propheticum B. Brigittæ fuisse diuinitus datum probatur, & quid illud sit, accuratè ex SS. Patribus ostenditur.

C A P. IX.

De Visionibus, Apparitionibus, ac Reuelationibus, quæ fiunt in somnis, & de signis earum, quæ à Deo sunt, & quæ Dæmonum fallacijs occurrunt, & quis sit legitimus somniorum interpres.

C A P. X.

Diuinæ locutionis modus ex SS. Patribus describitur, & Christum Dominum, ac alios quosdam Sanctos B. Brigittam fuisse allocutos ostenditur.

C A P. XI.

B. Brigittæ Reuelationes non esse Dæmonum illusiones, sed diuinitus datas visiones, sacrorum Doctorum auctoritate, & rationibus ostenditur.

C A P. XII.

Qualis, & quanta debeat esse sollicitudo interpretis Reuelationum S. Brigittæ, qua ad eorum intelligentiam, ac studium Lectores alliciat.

CON-

CONSALVI DV R AN TI EPISCOPI FERETRANI

AD TRACTATVM DE VISIONIBVS,
Reuelationibus, & Apparitionibus.

P R A E F A T I O.



PRODIT nunc
tandem (Deo an-
nuente) in publi-
cum studiose, &
optime Lector, cū
S. Brigittæ Cæle-
stium Reuelatio-

num Libris, de Diuinis Visionibus,
Apparitionibus, Extasi, & Raptu Trā-
ctatus, quem in Præfatione primæ
editionis polliciti fuimus, & multo
labore his postremis ætatis nostræ an-
nis hominū memoriæ tradidimus, ac
litteris consignauimus, vtinam, vt ope-
rosum, & spissum opus fuit, ita opere-
pretium fecerim. Sanè id à nobis eo
factum est consilio, tum vt, quæ sub va-
rijs rerum simulachris, ac imaginibus
abscondita, rectaq. sunt, aperiremus,
tum vt illa, & Sanctorum Patrum sen-
tentijs, ac Theologorum etiam scho-
lasticorum placitis esse consona pro-
baremus, hinc quoque totius operis
ratio quasi in limine cōstabit, & ad ea,
quæ in eo scripta sunt rectè, probèq.
intelligenda Lectori aditus fiet.

Necessarium sanè nobis visum est,
huic nouæ sacrorum B. Brigittæ Li-
brorum editioni de Visionibus, Reue-
lationibus, Apparitionibus, Raptu, &
Extasi tractationem adiungere, ad di-

scernendas Visiones diuinas à Dæmo-
num illusionibus, qui mille nocendi
artes habent, innumeris vtuntur telis,
quæ in homines iaciunt, & quibus
omnis ætatis, & conditionis miseros
mortales ferunt, & pluribus com-
mentis, varijsq. superstitionibus ani-
mas curiosis, ac stultis artibus decipe-
re, ac fallere student. Heu quàm mul-
tos fraudulentè supplantant, & spiri-
tuales etiam homines nefario astu cir-
cumuenire contendunt. Audi S. Au-
gustinū eorum insidias, & dolos dete-
gentē serm. 4. de Tempore. Quid prau-
ius (inquit) quid malignius, quid no-
stro aduersario nequius? qui posuit in
Cælo bellum, in Paradiso fraudem,
odium inter primos fratres, & in om-
ni nostro opere zizaniā seminauit:
nam in comestione posuit gulam, in
generatione luxuriam, in exercitatio-
ne ignauiam, in conuersatione inui-
diam, in gubernatione auaritiā, in
correctione iram, in præsulatu, seu do-
minatione superbiam, in corde ponit
cogitationes malas, in ore locutiones
falsas, in membris operationes ini-
quas, in vigilando mouet ad praua
opera, in dormiendo ad somnia tur-
pia, letos mouet ad dissolutionem,
tristes autem ad desperationem, & vt

S. August.

Dæmonum
insidias, &
tentationes.

ranter Deo, Beataq. Brigitta protegente, quorum ope maxime nitimur, rem ipsam ordiamur, quam quidem eisdem fauentibus, & scribenti facilem, & legenti valde suauem, ac frugiferam futuram speramus, & illustratam ad piorum, & studiosorum Lectorum manus libenti, ac gaudenti animo damus.

Reuelas.
causa re-
euentur.

De causis primò, & argumentis, de symbolica rerum significatione, quæ in his Reuelationum Libris continentur sermonem nostrum instituimus, & ab efficiente causa exordium sumimus, quam Spiritum sanctum esse minime dubitandum videtur. Instrumentalem verò Beatam Brigittam. Sanè, si quis hos B. Brigittæ Libros diligenter percurrat, inueniet rerum eminentiam, ac dignitatem naturalem excedere caput, & facultatem, & ideo non potuisse Beatam Brigittam nisi diuinitus edoctam, ac supernaturali lumine illustratam ea percipere, & alios de illis participes reddere: proinde Cælestium Reuelationum titulus eis meritò appositus est, vtpotè, quæ Spiritu sancto dictante, ac promouente ad nos peruenierunt, Beatæ Brigittæ ministerio, à Christo in Sponsam electæ, & tamquam canalis constitutæ, per quem aqua sapientiæ deducta est ad populorum conuersionem, & ædificationem, ac nostræ Religionis maiestatem, & conseruationem. Rem comprobemus ipsius Christi testimonio ex Cap. 46. & 47. Extrauagant. Reuelation. Qui Beatam Brigittam alloquens; Ego sum, inquit, Deus tuus, qui tecum loqui volo; noli timere, ego enim sum omnium conditor, non deceptor, non propter te solam loquor, sed propter salutem omnium Christianorum. Tu eris Sponsa mea, & canalis meus. Audies, & videbis spiritualia, & secreta cælestia, & spiritus meus remanebit tecum vsque

ad mortem, quia tibi tamquam instrumento nouo ostendere volo noua, & vètera, vt superbi humilientur, & humiles glorificentur, vt mali emendentur, & boni fiant meliores. Ex his Christi Domini verbis palàm est, quātopere Brigittam Christum dilexerit, cum illam in Sponsam sibi elegerit, quænam aptiora nomina inueniri vniquam poterunt, quàm Sponsus, & Sponsa? quibus amoris ingens ardor exprimitur, nam si amare competit Sponsis, iurè Sponsæ nomine Brigittam dignata est, quippè quæ Sponsum suum Iesum vnice amauerit: & si Sponsi, & Sponsæ vna voluntas, & vnus spiritus est, quid mirum, si Sponsus eius Christus fuerit illi pollicitus, spiritum suum vsque ad mortem cum ea perman surum: & si omnia inter Sponsos communia sunt, non immeritò illi sua secreta, & arcana, propalauit. Non sunt inuenta dulciora nomina, inquit Sanctus Bernardus sermon. 7. in Cantic. quibus verbis, animæq. dulces ad inuicem exprimerentur affectus, quemadmodum Sponsus, & Sponsa quippè quibus omnia communia sunt, nil proprium, nil à se diuisum habentibus, vna vtriusque hæreditas, vna domus, vna mensa, vnus torus, vna caro.

Reuelat. 52.
& Brigittæ
causa finis.

S. Bernard.

Ex his, quis non videat, quantum hæc sanctissima mulier suo Sponso chara fuerit, hæc nimirum, quæ ieiunijs, vigilijsq. corpus macerauit, orationi vacauit, castitatem seruauit, mundi illecebras, & fastum contempsit, quocirca in earum Viduarum numerum meritò referenda est, de quibus Doctor gentium Paulus 1. ad Timot. 5. scriptum reliquit Viduas honora, quæ veræ viduæ sunt. Brigitta namque nostra in bonis operibus testimonium habuit, filios educauit, hospitio inquit, sanctorum pedes lauit, tribulationem patientibus

S. Paul. 1. ad
Timot. 5.

subministravit; omne opus bonum subsecuta est.

Præter causam efficientem, & instrumentalem ex citatis verbis B. Brigittæ palam colligimus etiam finalem, ob quam huiusmodi Revelationes traditæ sunt. Quæ ad quatuor capita reuocanda est. Nimirum ad superbos compescendos, humiles exaltandos, peccatores ad bonam frugem reuocandos, bonos ad maiorem profectum excitandos. Primarium autem horum Librorum Argumentum in eò positum est, quod in illis altissima nostræ fidei mysteria Populis proponuntur, & explicantur, nam Lib. primo de Trinitatis, Incarnationis, ac humani generis Redemptionis mysterio agitur. In reliquis vero de officio, & munere Prælatorum, de vita, & honestate Clericorum, de sæcularium Principum regimine, & modo, quo erga suos subditos se rectè gerere debeant, de vita militari, de cura parentum erga filios, & de filiorum obsequio erga parentes, de pœnis Purgatorii, & Inferni, de qualitate, & conditione ministrorum, & familiarium Principum; & postremò de laudibus Beatissimæ Virginis, de qua in fine extat celebris ille Sermo de Virginis excellentia inscriptus.

Et quoniam hæc fere omnia sub diuersis rerum similitudinibus, formis, & imaginibus describuntur, ideò de symbolica eorum significatione aliqua breuiter Lectori in præsentia tradenda sunt, quibus ad eorum intelligentiam ille facilius peruenire queat.

Symbolorum autem perfectio desumenda est ab accommodata proportionem, quæ à symbolo in ordine ad rem per illud significatam quærenda est. Proinde non erit ab re, si ea symbola, seu, quæ ab eis emanant ænigmata, comparationes quædam pulchras, & venustas appellet Lector, quibus sibi viam parcat ad ea intelligenda, quæ sub

illis similitudinibus latent; sed hæc acriori indagine scrutetur necesse est, ac ad concinnam, aptamq. vnius rei ad alteram allusionem vehementer intendat, ut symbolum cum veritate, cui applicatur coherere animaduertat. Vtitur est sacrarum litterarum mos sub huiusmodi symbolis, quasi velis quibuldam diuina secreta, & altissima mysteria abscondere. Neque enim fas erat (sunt verba Sancti Dionysij de Cælesti Hierarch. cap. 1.) infirmitati nostræ lucere radium illum diuinum, nisi sacrorum varietate velaminum, quibus ad superiora ferremur opertum, & his, quæ nobis familiaria sunt, prouidentia paterna mortalium sese accommodante vestitum. Veteris, & Noui Testamenti hæc figuris plenæ sacræ paginæ sunt. Quod illis verbis Doctor gentiū Paulus 1. Cor. 10. indicare voluit. Omnia in figura contingebant illis. Ipsa quoque Christi Seruatoris Nostri miracula abscondita, mysteriorum multorum præseferunt significationem; ut mirum non sit, si Tractatu 14. in Ioan. affirmauerit S. August. Christi miracula, si rectè intelligantur, linguam suam habere, sed audiamus Origene-
nem, qui rem hanc non minùs doctè, quàm acutè exponit Hom. 3. in Cant. Cum plures (inquit) sint v.g. in grano synapis virtutes, quæ rerum cælestium imagines tenent, vltimus, & extremus eius vltus est, qui habetur apud homines in corporali ministerio, & ità etiam in reliquis; vel seminibus, vel virgulis, vel radicibus, vel animantibus intelligi potest, ut vltum quidem, & ministerium hominibus præbeant, habeant autem incorporatum rerum imagines, quibus doceri anima possit, & instrui ad contemplanda ea, quæ sunt inuisibilia, & cælestia. Etenim in sacris litteris multa in sensu mystico, in parabolis, ac sub varijs similitudinibus conscripta inue-

Lib. S. Brigittæ Argumentum.

S. Dionysij

1. Cor. 10.

S. August.

Origene.

Symbolica significatione vnde desumenda.

inuenimus, & ea præcipuè, quæ Moyses, quæ David; quæuè reliqui Prophetæ diuinò afflaci spiritu litteris consignarunt.

Atque hinc tot præclaræ inueniuntur in illis specierum varietates, tot iucundæ, & gratiosæ rerum visibiliū similitudines, tot præstantes, & accommodatæ comparationes, quæ nostrum intellectum mirum in modum illustrantes, illum eleuant ad diuinorum mysteriorū contemplationem, quæuè ad reconditorum secretorum intelligentiam nos adiuuant. Figuræ namq. illæ, ac similitudines in imaginatione collocatæ, veluti speculum quoddam, & liber sunt; in quo intellectus, & animæ pars superior diuina luce illustrata, ea intuetur, & quodammodo legit, quæ illi Deus sua benigna dispensatione manifestare vult; & hæc aliquando coniunctæ sunt cum ingenti quadam suauitate, ac mira spiritus iucunditate, aliquando verò cum lacrymis, modò cum iubilis, & exultatione, interdum etiam cum locutione, sed rarò; quoniam plerumq. id contingit nihil dicendo, sed tantummodò aspiciendo. Harum figurarum, & similitudinum exempla plura in his Cælestium Reuelation. Libris inueniuntur. Quæ in re diuina sanè bonitas, ac benignitas elucet, cum Deus ipse sic nostræ infirmitati consulit Exod. namq. 24. & 34. legimus Moysen, vt Deum contemplaretur, ascendisse in montem, ac verò etiam Deū ad Moysen descendisse, vt inde colligeremus, quòd in contemplatione homo suprà se ascendit, vt Deo vniatur, & idè opus est, vt quemadmodū fecit Elias 3. Reg. cap. 19. suum vultum pallio operiat, vt tantæ maiestatis ea, qua decet reuerentia præsentiam veneretur, eiq. sese subijciat, non curiosè scrutando, sed imbecillitatem, ac infirmitatem propriam agnoscendo.

Quare autem diuina mysteria, plerumq. sub his parabolis, ac ænigmatibus proponantur, & sic Deus interdū loqui voluerit, vt Matth. 13. scribitur. Locutus est Iesus in parabolis ad turbas; & sine parabolis non loquebatur eis, & Psal. 77. Aperiam in parabolis os meum, id factum esse credimus, vt sacra de Deo, ac diuinis mysterijs scripta, ab alijs scriptis discernerentur, ac etiam, nè illa diuinorum secretorum præstantia, & dignitas passim omnibus pateret, & sanctum canibus, & margaritæ porcis darentur, vtque etiam illa firmiùs legentiū, & audientium mentibus inhaerent, & ad eorū studium homines magis allicerentur, dum latentes sub illis similitudinibus sensus querere cogerentur. Excitant namq. mirum in modum studium, ad diligentèr perquirendas earum significationes, & inquirendi auditorū diligentiam prouocant; vt S. Chrysost. hom. 46. ad Populum monuit, cum enim ea audiunt, quæ nõ intelligunt, habere magnarū rerum significationē animaduertunt, quæ vt discernantur, semper finis parabola attendendus est, & ad eum singulæ partes parabola examinandæ, quæ ad eum finem aliquid habent significationis, vt notauit Ioan. Maldonat. in cap. 14. S. Marci nu. 27. dicitur autem parabola similitudo, seu rerum dissimilium comparatio. Abundant sacræ litteræ parabolis, symbolis, & ænigmatibus, idq. factum esse credimus, quoniam hoc exigit Spiritus sancti maiestas, à quo dictatæ sūt, nè eius oracula quasi patula, & omnibus perspicua flocciant, sed veluti secreta, sapientia plena cunctis sui venerationem, æquè ac studium excitent. Quocirca Ægyptij sua dogmata symbolis, & ænigmatibus plerumq. inuoluta tradidere, atque hinc Orig. hom. 7. in Exod. Manna similitudinem habere eloquiorum cælestium docuit, quippè

Diuina mysteria quare sub parabolis proponi.

Matth. 13.

Psalm. 77.

S. Chrysost.

Maldonat. Parabola quid.

Orig.

quod, etsi minutum erat, & veluti ingrana exigua distributum, ac rotundū, admirabile tamen erat suauitate, ac vigore refertum, & Clemens Alexandr. lib. 5. Stromatum refert, non Ægyptios tantum, & Græcos, sed & Barbaros hiscē symbolis fuisse vfos, vt meritō August. serm. 11. de verbis Domini secundū Matth. dixerit, Scripturam sacram, quandocumq. aperta est, famem pascere, cum verō obscura, famem leuare, & lib. 2. de Doctr. Christiana cap. 6. affirmat, in sacris litteris inuenisse quædam obscura, & itā diuinitus fuisse prouisum scribit ad edomandam laborem superbiam, & intellectum à fastidio reuocandum, cum facilè inuestigata vilescere aliquādo consueuerint.

Atque hinc Card. Hosius lib. 3. de auctoritate sacre Script. paulōpost initiū confutans Brentium Hæreticum, qui Scripturam sacram non obscuram, sed perspicuam, non tenebris, non parabolis, non similitudinibus refertam esse, assererat, Quid (inquit) quod data opera Deus vaticinia de Christo non quibuslibet esse perspicua voluit? Quemadmodum etiam in terris prædicari noluit antè mortem, quod esset Messias, quod sic expediebat ad peragendum humanæ salutis negotium: cæterum vbi iam Apostoli nunciarunt, ea esse peracta; quæ Prophetæ prædixerant, tum & lex collata cum factis cum dilucidior, factumq. est, vt lex adstrueret fidem Euāgelio, & Euāgelium illustraret legis ænigmata, & hoc sensu Petrus; qui prophetiū sermonem similem facit lampadi lucenti in caliginoso loco, cuius prophetici sermonis, quin pleraq. dilucida sint, quis est, qui eat inficias? Sed quod omnibus ex æquo clara sint omnia, & perspicua, hoc nè tu quidem Brenti affirmare audes, qui dum Scripturæ locos obscuriores per alios magis apertos explicari vis, an non aperte esse quædam in Scripturis difficultia, & obscura con-

fiteris? Hactenus Card. Hosius. Quid autem parabola, quid ænigmata significent, vide sacrarum Litterarum interpretes in locum citatum Matth. & in specie Ioan. Maldonatum ibidem, qui parabolas, similitudines, ænigmata sermonem esse dicit, qui aliud sonat, aliud significat, obscuris rerum similitudinibus inuolutum.

Quoniam autem vt ex sacris litteris, & Sanctorū Patrū doctrinis habemus, Deum præsentem crebrò se per corporeas imagines, ac similitudines exhibuisse visibilem, libuit breuiter hic aliqua hac de re antè Lectorum oculos ponere, vt potè quæ ad argumentum præsentis Tractatus spectare dignoscimus, de quibus etiam latè, fuseq. in specie Cap. 4. scripsimus: Sed animaduertendum, Nos non agere hic de speciali, ac sublimi illo modo præsentia Dei; quo illum sine vlla imagine, vt re verè est, nobis præsentem facimus, vel per fidei virtutem, vel per intellectum lumine, supernaturali eleuatum ad speciale effectum, quo illum præsentem, & omnia replentem, & continentem intuemur, qui modus nec imaginatione, neque sensus alicuius functioni innitur: nam neque imaginatio, neque sensus se hic immiscet, sed sola intelligentia, absque figura, & modo corporeo diuinā sibi substantiam esse præsentem intelligit, & certissimè propè se stantem percipit, prout ille, qui orat, ad eum discursum, & affectum erigit, quàm orationem collat. 10. Cassianus purissimam vocat, sed agimus de modo præsentia Dei; quem nobis obijcimus, corpus excludendo, quia non Dei Filium incarnatū, sed eius diuinam personam Patrem etiam, & Spiritū sanctū vbiq. per essentiam, præsentia, & potentiam existentes nobis astantes cogitamus, itā tamen vt sub alicuius corporalis imaginis, vel hominis cuiusdam magnæ auctoritatis, vel agni, vel columbæ, vel luminis, vel ignis,

Parabola,
& ænigma
quid.

Cassianus.

Deus quibus
modis se præ
sentem exhibet.

Petrus Apostol.
1. 2. Cap.
c. 1.
Sermo propheticus
luceni in caliginoso
loco
similis.

ignis, vel fontis, illum nobis esse præ-
sentem arbitremur, neq. propterea hac
in re villa deceptio, aut error vllus inter-
cedit, quoniam Deum non hæc esse af-
firmamus, sed ad eius agnoscendas per-
fectiones per has similitudines, & ima-
gines manuducimur, quò circa mirum
non est, si sacræ litteræ Deum varijs, di-
uersisq. nominibus appellent, vt notauit
Orig. super Matth. hom. 10. 18. & 19.
quod etiam animaduertit S. Hieron.
super Matth. 21. & Hilar. can. 27. super
Matth. & per hominem, quem Deus
in Paradiso posuit, vt operaretur, & cu-
stodiret illum, Christum significasse,
tradidit S. August. de Genes. contrà Ma-
nichæos 24. & super Psal. 68. Quoniam
Deus Pater illum in Ecclesia posuit
tamquam caput, vt custodiret eam, ac
operaretur in illa: & Columbam, quæ
ramum oliuæ portauit Genes. 8. Christi
Domini symbolum extitisse, quippè qui
mundo pacem attulit: & Spiritum san-
ctum etiam designasse, qui in spiritali
doctrina pacem portauit; censuerunt
Beda super caput 18. Genes. & Rupertus
super Cant. 4. Hilar. in Psal. 54. Basil.
hom. 1. super Psal. 18. Rursus aqua, sicut
indicat Glos. ordinaria Exod. 7. quatenus
est principiū quodammodo rerū saltem
materiale, designat Deū, à quo omnia,
per quem omnia, in quo omnia, ac etiā
diuinam sapientiam in carne humana,
quæ Christus peccata nostra lauit: fon-
tem insuper tres puteos habentem.
Num. 21. Diuinam essentiam in tribus
personis incomprehensibilem designā-
tem, quæ tamen, vt fons vnus manife-
stat, quia in diuinis tres personæ sūt,
& vnus Deus, insinuarunt Orig. super
Num. hom. 12. S. Ambros. de Spiritu
sancto 19. & Deus est fons, & lux. Psal.
35. Quoniam apud te est fons vitæ, &
in lumine tuo videbimus lumen, &
Spiritus sanctus ille fons est, qui egredi-
tur de Paradiso, à quo diuersa dona, ceu
riui egrediuntur: ignis etiam in sacris

litteris aliquando Deum significat, quia
ipse ignis consumens est, aliquando etiā
Christum Dominum, aliquando Spiritū
sanctum, quoniam, cum ignis vim ha-
beat illuminandi, calefaciendi, & com-
burendi, ab illo sanè hi effectus ema-
nant, nam Christus, vt est sapientia Pa-
tris illuminat nos, & instruit de his, quæ
ad rectè, probèq. vitam nostram insti-
tuendam faciunt, & ad consequendam
cælestem patriam necessaria sunt, docet:
calefacit, quia tepidos, ac segnes, vt fer-
uentius per viam salutis incedant, indu-
cit: comburit, & siccatur, quia ipse est, qui
tollit peccata mundi. Liqueat ergò ex his,
non esse absolum, si Deus nobis se insi-
nuet plerumq. sub his rebus, quæ hu-
iùsmodi nominibus significantur, non
quia ipse talis sit, sed quia sub his alijsq.
pluribus imaginibus detegatur:

Hæc breuiter de symbolis, ac simili-
tudinibus scribenda duximus, & Lecto-
rem participem eorum fieri existimaui-
mus, quandoquidem omnia ferè, quæ in
his B. Brigittæ Reuelat. Libris scribuntur,
sub varijs rerum similitudinibus, ac for-
mis tradita esse inuenimus. Ex quibus
exempla duo tantummodò in præsen-
tia afferenda esse duximus, & Primò ex
Cap. 5. Libri primi, in quo sub simili-
tudine cuiusdā nobilis castri Ecclesia mili-
tans designatur. Quod castrū ingressus
est Iesus per carnis assumptionem, & fa-
ctus homo pro nobis passibilis, fundauit
Ecclesiam per sui sanguinis effusionem,
quā teste Paulo Apost. Eph. 5. tantopere
dilexit, vt semetipsum pro ea tradiderit.
Huius castri fundamentū posuit fidem,
ac ad illius custodiā Angelos, Doctores,
Martyres, & Confessores constituit, eius
regiminis, & administrationis munus
Vicario illius, & Petri successori com-
misit. Et Cap. 7. eiusdem Libri coccinna,
& apta similitudine à vestibus desum-
pta describuntur virtutes, pio, ac religio-
so viro necessariae, per subuculā namq.
quæ genus est veltis ex lino confectæ,
& qua

Ecclesia mi-
litans sub si-
militudine
Castri desig-
natur.

S. Paul. ad
Ephes. 5.

Orig.

S. Hieron.

S. Hilar.

S. August.

Genes. 8.

B. de
Rupertus
Hilar.
Basil.

Glos. ord.

Num. 21.

Orig.

S. Ambros.

Psal. 35.

& qua sub alijs iuxta carnem induimur peccatorum contritio designatur, quoniam sicut illa propinquior est carni, & ceterarum vestium prima, sic contritio est prima via conuersionis ad Deum; sed & Aug. serm. de Temp. 2. 16. Exponens illud Prouerb. 13. de muliere per Salomonē descripta ijs verbis, Quasiuit lanam, & linum, & operata est consilio manuum suarum, notat quod lana carnale aliquid, & linum spirituale significat, quia in ordine vestimentorum interiora sunt linea vestimenta; lanæ uero exteriora. Quid ergo est lanam, & linū querere, nisi externa pietatis opera, & contemplationis interna exercitia capeßere? in quibus quisquis crebrò, & cum suauitate se potest exercere. Duo uero calcei affectus duos significant, qui ad Deum nobis iter parant, non enim aliud est calcamentū, quàm coriaceum operimentum, quo pedes teguntur, & ad iter faciendum præparantur. Primus affectus est uoluntas emendandi commissi. Secundus, uoluntas faciendi bona, & à malis abstinendi. Meritò Orig. hom. 2. super Psal. 116. Calciamenta uocauit bona, quæ ad cursum, & prædicationem præparant Euangelij, meritò etiam ex Hyacintho calcei Sponsæ conficiuntur ut Ezech. 16. scribitur, quia lapis iste, teste Hieronymo in cap. 1. Ezech. Cæli habet similitudinem, & cælestia desideria sunt, quæ à cordibus nostris affectum auferunt terrenorum.

Alterum vestis genus, quam Beatissima Virgo asserit oportere, Brigittam indutam esse, tunica est, quæ spem designat: Et quoniam duas mánicas habet, notat, ut sic in Dei misericordia speret, ut iustitiam non contemnat, sic de iustitia cogitet, ut misericordiam non negligat, nè fortè in præsumptionis, aut desperationis vitium cadat, secus spes illa abominatio esset animæ, ut Iob. 11. scribitur. Quare de ea in lib. Sapient. cap. 5. legimus, Spes impij tamquã

lanugo est, quæ à vento tollitur, & tamquam spuma gracilis, quæ à procellis dispergitur, & tamquam fumus, qui à vento diffunditur.

Pallium, quod paritèr Brigittæ necessarium esse Beatissima Virgo dixit, fidem designat, est enim uestis postrema, quod suprà tunicam corpus totum circumtegit, sic & fides fundamentum est, quod totam nostram Religionem comprehendit, est namq. sperandarum substantia rerum argumentum non apparentium teste Apostolo Hebræor. 11. est columna, quæ totum spirituale sustentat ædificium, est anchora nostra, nos seruans à procellis tentationum, nè illis submergamur, est galea, quæ principale membrum, nempe caput defendit, dum illud circumdat, & vndiq. tegit, est lumen animæ, ostium uitæ spirituales, via salutis æternæ. Quicumq. hæc derelicta proprium sequitur intellectum, sic facit, sicut si absque fundamento domum ædificet, ausi prætermisso ostio intrare per tectum uelit, ut scribit Eusebius Emissenus hom. 2. de Symbolo: Hoc pallium debet esse respersum signis charitatis Sponsi, quia debet homo crebrò meditari, quot flagella, quot probra; & quàm duram mortem pro eo subierit. Huius rei figura extitit Ioseph pallium in manu feminae relictum Genes. 39. quod designare potest Christi carnem in manibus peccatorum flagellandam relictam.

Ex his, quæ hætenus breuiter notauimus, in explicandis quibusdam similitudinibus, ac figuris, sub quibus Beatæ Brigittæ Reuelationes traditæ sunt, poterit studiosus quilibet exemplum sumere in exprimendis ænigmatibus cæteris, quæ sparsim in illis occurrunt, & à Nobis non fuerunt, fortasse in Notis exposita, spissum sanè opus esset, ac nimis prolixum; si singulorum uellemus explanationem adiungere, nec locus relinqueretur erudito Lectori se exercendi

Pallium my-
stice fidem
notat.

Hebr. 11.

Euseb.
Emiss.
hom. 2.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Genes. 39.

Aug. serm.

Orig.

Calcei spon-
se ex Hy-
acintho quid
mystice si-
ficant.

S. Hieron.

Iob. 11.

Sap. cap. 5.

di in enodandis difficultatibus dictarū similitudinum, & figurarum. Perindē poterit quique per se videre, & scrutari loca, quæ in singulis Libris Reuelationum reperiuntur extensa.

Reuelat. 22.
de Brigittæ
vtilitas.

Sed liber antē Lectoris oculos ponere commoda, & fructus, quos ille ex horū B. Brigittæ Librorū lectione percipere poterit, si eos frequentē, acuratēq. percurrerit: sanē hi Libri, velut communis boni thesaurus sunt cunctis ad spiritualem profectum viles, ad peccatores corripiendos, & conuertendos salubres, in illis Brigitta nostra instar sedulæ Apis velut in diuissimū quoddam aluarium omnium remedia scelerum, omnium virtutum mella congeffit, in illis cælestia arcana panduntur, docent nos diuinam sapientiam, æquæac Christianam, & Religiosam vitam, docent sapere secundum Deū, & omnes nostras actiones in illum tendere, sic vt ab eo incipiant, in illum dirigantur, & in eodem desinant, vt meritō has Reuelationes Soli comparari posse existimamus, quippē quæ mundum vniuersum illustrarunt, & quantum Sol iste materialis dignitate terram præstat, & suo lumine, ac fulgore candelæ, vel lampadis lumen superat, tantum hæc S. Brigittæ pia, ac salubria scripta Philosophorum dogmata vincunt. In his non eloquentia, sed diuina sapientia, non composita, & ornata Rethorū floribus verba, sed simplicitatis, ac veritatis instructio indaganda est, Lectionis (ait S. Basilius ad Diodorū) in affectata, & in composita simplicitas decora mihi videbatur, & conueniens professioni Christiani hominis, cuius est, non ad ostentationem magis scribere, quàm ad publicam vtilitatem: flagellatus est aliquando magnum illud Ecclesiæ lumen Hieronymus, vt ipsemet ad Eustochium de Virginitate scribens testatur, quod prophanos legerit Libros, ac in illis verborum ornatum, & cultum quæ-

S. Basilius.

S. Hieron.
Epistol. 12.
cap. 12. te-
statur se
flagellatus
esse
quando sus-
cepit
quæ-

suisset. Post nocturnum, inquit, crebras vigilias, post lacrymas, quas mihi prætoriorum recordatio peccatorum ex imis visceribus eruebat, Plautus sumebatur in manus, si quando in memetipsum reuerfus, Prophetas legere cœpissē, sermo horrebat in cultus, & quia, lumen cæcis oculis non videbam, nec oculorum putabam culpam esse, sed Solis. Dum itā me antiquus serpens illuderet &c. Raptus in spiritu ad tribunal Iudicis pertrahor &c. Interrogatus de conditione, Christianum me esse respondi, & ille, qui præsidebat, mentiris, ait, Ciceronianus es, nō Christianus, vbi enim thesaurus tuus, ibi & cor tuum. Subdit postea, se acriter fuisse flagellatū, donec iureiurando promitteret his verbis, Domine, si vnquam habuero Codices sæculares, si legero, te negaui.

Sanē quæ Gentiles Philosophi longis disputationibus subtilitē tractarunt de natura, de elementis, de animalibus, de politico regimine, naturæ limites non transierunt, quo circa S. Thom. 1. part. 2. quæst. 1. art. 1. docuit, præter philosophicas disciplinas ad salutem, necessariam esse doctrinam quamdam reuelatam diuinitus: quoniam homo ordinatur ad Deum, vt ad finem, qui finis comprehensionem rationis excedit, & quia, etiam veritas de Deo per rationem inuestigata à paucis, & per longum tempus, & cum admixtione multorum errorū homini perueniret, perindē meritō David Psal. 118. Narrauerunt (inquit) mihi fabulationes, sed non vt lex tua, tū quia, si illorum doctrinæ cum lege Dei comparentur, eas appellari posse fabulas nemo negabit: hūc sapiens respexit, cum Prouerb. 13. dixit, Vani sunt omnes homines, in quibus nō subest scientia Dei.

S. Thom.

Psal. 118.

Prouerb. 13.

Pergimus modō, quæ ad Hagogen. ad hos Reuelat. Libros faciunt, tradere, & inter cætera, quæ huic secundæ B. Brigittæ Reuelationum editioni opera nostra præstitit. Illud vnum, exitit, ac præ-

præ-

præcipuum, Quod cum à SANCTISS. D.D.N. VRBANO VIII. SERENISS. SIGISMVNDVS POLONIÆ REX humiliter postulasset, & primum mox à nobis efflagitasset specialibus litteris suis ad vtrumq. directis, vt iam pridem impressos Codices harum Cælestium Reuelationum cum manuscriptis Vaticanis conferendos idem Summus Pontifex permitteret. Nosq. diligenti studio in id neruus intenderemus, eiusdem Sereniss. Regis desiderijs annuente ipsomet Beatiss. ex celebri Vaticana Bibliotheca manuscripta exemplaria vetusta ducentis, & viginquinque ab hinc annis, manu quidem eleganti scripta accepimus. Ad litteram, vt nostrum erat, singulas Reuelationes hinc inde contulimus, præter studium iam olim in primæ impressione adhibitum, in peruoluendis alijs manuscriptis exemplaribus ex insigni quoque Farnesiana Bibliotheca desumptis, ac alijs Codicibus antiquis, lectiones etiam, & additiones varias annotauimus, prout in margine apparebunt obsignatæ litteris M. & V. quæ manuscriptum Vaticanum indicant. Errores tandem plures, qui in prima editione irrepererunt, abstulimus.

Et quamuis alicui forsitan superuacuum videri posset, quod omnes lectionum varietates in margine notauerimus, cum ex præfatorum exemplarium textu de vera, & germana lectione constare queat, id tamen copiosius in hac postrema editione faciendum duximus, vt fidem diligentiz, & verioris lectionis difficultatem comprobaremus, ac temerariam etiam eorum audaciam comprimeremus, qui, quod non intelligunt, vel negligunt; aut Auctorum inscitiz, aut negligentiz tribuere consueverunt.

Rursus placuit etiam loca quædam, quæ explanatione indigere visa sunt, & in eadem prima editione suis locis non

fuerunt apposita, sed Præfationi ad Lectorem annexa, in hac postrema singulis Libris, & Capitibus, quibus desiderabantur notare, vt Lib. 1. Cap. 10. 27. 34. 39. 41. & 53. Lib. 2. Cap. 13. Lib. 3. Cap. 8 & 13. Lib. 4. Cap. 16. 32. & 134. Insuper & Elenchum Doctorum, quorum testimonijs in Tractatu, & Notis vsu fuimus, addidimus, & sacræ Scripturæ locorum citatorum Indicem adiunximus.

Dum hæc scribebantur, & interim ex animo plura iustraremus loca Urbis, innotuit nobis, vbi B. Brigitta, dum nobiscum vitam ageret, plerumq. habitare, consueverit, & illud intendimus, vt si quando aliquid noui siue gestu, siue scriptu nancisceremur, his compotes fieremus, inter cætera verò notatu digna, minusque spernenda ad nostras peruenit manus vetustum, & elegans donationis domus Instrumentum per quamdam Dominam Franciscam de Papazuris Nobilem Matronam Romanam extensum ob eximiam deuotionem, quam erga Beatam Brigittam, & B. Catherinam eius filiam gerebat, sita in Farnesiana platea, vbi ipsa per aliquot annos habitauit. Et modo Ecclesia in honorem eius ædificata visitur, & magno Populorū concursu frequentatur; subinde in eodem Instrumento inseritur Confirmatio, & Approbatio illius donationis ab Eugenio Papa IV. facta. Quod Instrumentum per extensum in Secundo horum Librorum Tomo inserendum duximus, nè temporū iniuria ab hominum memoria deleteretur. Et palam fieret quantò in honore habita fuit Beata Brigitta, cuius Reuelationes exponendi Prouinciam suscepimus, licet nostris imparem viribus, Quid enim boni homo vetusta repidè viuendi consuetudine præpeditus, qualis ego sum, in tanti operis magnitudine præstare poterit? Quid ille, qui ingrauescente iam ætate factus est impotens

potens de tam sublimi te poterit dignū scribere; & ante conspectum tot spiritualium, ac Doctorum Virorum ponere? Sed Deus est, qui infirma mundi elegit (1. Corin. 1.) ut fortia confundat. Ipse autem est, qui intellectum dat paruulis (1. Thim. 3. 15). Quāmobrem nos Deus imbecilles, & infirmos poterit ad horum descriptionem roburare, & intellectum nostrum ad ea exponenda eleuare. Ergo his rationibus confirmati, & Christi Domini pollicitationibus subnixi, opus aggredimur. Ille namq. adiutores, & ministros sedaturum iam promiserat, ut eas in vulgus emitterent, ac ad fidelium utilitatem, & commodum exponerent, quod ex Cap. 48. Extrauag. Reuelation. constat, legimus ibi. Dic ergo es, nempe Petro Priori Monasterij Aluastri, aggredere, & velle, & reuolue opus Scripturarum verborum meorum, & scribe, quia dabo tibi adiutorem Magistrum in lego mea, & Cap. 109. habetur. Scribat Petrus audacter libros verborum tibi reuelatorum, quia ipse adiutores habebit, & in fine Lib. 8. Christus Dominus Brigittam alloquens, Verba (inquit) mea, quae apposui in cor tuum, amici mei redegerunt ea in libros secundum gratiam eis datam. Hi autem amici, qui in his Caelestium Reuelationum Libris exponendis, & distinguendis operas suas praestiterunt, tres viri fuerunt morum, ac doctrinae integritate conspiciui, quorum primus Petrus Olauus fuit Ordinis Cisterciensis, & Confessor S. Brigittae, alter Magister Mathias Canonicus Lincop. Theologus insignis, quorū vitam, & res gestas scripsit Ioannes Vualtonius Canonicus Varmien. Bibliothecarius Serenissimi Sigismundi Terrij Poloniae Regis in libro, quem inscripsit Vitae Aquilonia, seu vitae Sanctorum, qui Scandinauiam, ac Regna Gothorum, & Suecorum

rebus gestis illustrauit, Tercius fuit Alphonsus olim Episcopus Giennen. & postea Eremita de his egimus sequenti Cap. huius Tractatus, quos amicos Christus Dominus vocat, cum ob eorum vitam probitatem, cum ob ingenium, quae ex his Reuelationum Libris emanat utilitate, in quibus magnos ipsi labores exceperunt, & perinde de Christiana Religione optime meriti sunt. Illud praeterea monitum Lectorem volumus, Oratiunculās quindecim de Passione Domini Menerijs impressas Anno Domini M. D. XXXVIII. per Atopysum de Tortis circumferri, quas vulgus B. Brigittae tribuit, quae tamen inter opera illius minimè reperiuntur, nec Magister Mathias, neque Petrus Olauus, nec Alphonsus Episcopus Giennen. qui B. Brigittae res gestas, & vitam scripserunt, earum orationum meminerunt, & in Prologo earumdem multa scribuntur, quae omnino reiicienda sunt, quippe quae, & sacris Canonibus, & Theologorum sententijs consona non sunt, & praefertim ea, quae liberationem animarum à Purgatorio, & concessione Indulgentiarum, atque remissionem peccatorum, absque contritione, & actuali confessione eas recitantibus, pollicentur. Harum autem Orationum quindecim mentio fit in quodam fragmento antiquissimi Codicis Reuelar. S. Brigittae Romae in Aedibus eiusdem impressi, qui apud nos extat, in quo non inueniuntur ea, quae illius Prologi Auditor sibi somniauit, quas orationes diuinitus fuisse B. Brigittae inspiratas scribitur ibi, quae de re, ut Lector certior fiat, hic inferenda esse duximus, quae in praefato fragmento legimus, quae sunt. Haec est illa Sancta Brigitta excelsi spiritus femina regiae stirpis, quae de ultimis finibus Regnorum Sueciae, & Gothiae in Aquilone omni ornatu saeculi contempto, & relictis omnibus, praeepto Domini ad Urbem

1. Cor. 1.

1. Thim. 3. 15.

Christus Brigittae pollicetur ministros sedaturum qui eius Reuelat. conscribent.

peregrinata est: cui 88. Crucifixus ar-
deat in Ecclesia Sancti Pauli de Vrbe
sub crypta oranti dignatus est loqui,
præmium indicens omnibus copio-
sum, qui legent. quoddecim illas
orationes quas ipsa dudum in Patria,
& Monasterio Aluastro Lincolnen-
Dioc. Ordinis Cisterciens. quatuor annis
post obitum Mariti ibidem, mærens
suggerente Spiritu sancto deuotissime
composuit, & continûe dixit, addens
in eorum fine, totidem Pater Noster,
& Ave Maria, multisq. Dei inspira-
tione in omni terra variisque sexus
deuotissimos homines in orationibus
his dicendis habere meruit. imitator
res. *Quoniam autem tam grandis re-*
rum, quæ in impressis hætenus Codici-
bus desiderabantur, accessio facta
est, ut in hac postrema Beate Brigittæ
Revelationum editione cuncta minime
comprehendi vno Volumine potue-
rint, quippè quod plusquam satis illius
magnitudo creuisset, pro maiori Le-
ctoris commodo in duos Tomos Reue-
lationum Libros distribuendos esse exi-
stimauimus. Horum primus comple-
ctitur quinque Reuelat. Libros, quibus
præponendum esse duximus Tractatū
nuper à Nobis editum de Visionibus,
Reuelationibus, Apparitionibus, Extasi,
& Raptu tamquam necessarium ad in-
telligenda facilius ea, quæ his Libris
reliquis tres comprehendit, vnà cum

sermone Angelico, & Regulis S. Salua-
toris: his quoque adiungimus Opuscu-
lum Vitæ, & Miraculorum S. Brigittæ
ex Antiquissimo M.S. Codice erutum,
quod in impressis hucusque desidera-
batur. *Supra hæc motus est, sed non*
Opusculum sanctæ, ut quod ego conatus
sum præstare ad maiorem eorum, quæ
in his Cælestium Reuelat. Libris cogi-
tationem scribuntur, antè nos fecisset ali-
quis alius, qui & ingenij acumine, &
maiori in rebus spiritualibus experien-
tia præditus esset, & in sacrarum litte-
rarum lectione longè nobis antecelle-
ret: posuisset ille quidem & sacrarum
Scripturarum fontibus, & Patrum do-
ctrina diligentius hæc haurire, illud ta-
men terrū est, nihil nos scripisse, quod
& eiusdem sanctæ Scripturæ, & Theolo-
gorum Doctorum approbatione, & au-
thoritate communiter non sit, quæ
omnia non scholastica methodo, sed ad
eius usum, qui harum rerum tracta-
tioni aptè, accommodatèq. inseruire
possit, scripsimus, & ad utilitatem eorū,
qui in spiritualibus rebus sese exercere
contendunt, accommodauimus. Omnis
enim Scriptura, monet Apost. Paulus
ad Timotheum, diuinitus inspirata utilis
est ad docendum, ad arguendum, ad
corripiendum, ad erudiendum in iusti-
tia, ut perfectus sit homo Dei ad omne
opus bonum instructus. *1. Tim. 3.*
Postremo hic omnibus testatur esse
volumus, quod, si in Nostro hoc de Vi-
sionibus, ac Reuelationibus Tractatu
aliquid virtutis, veritatis, & pulchritu-
dinis inueniatur totū quantum, quantum
est Deo tribuimus, totū Brigittæ Nostræ
precibus, ac protectioni damus, omnia
namq. bona Dei dona sunt. Omne da-
tum optimum, & omne donum per-
fectū desursum est descendens à Patre
luminum Iacobi. *1. Si quid autem* *Iacob. 1.*
erroris, & deformitatis est, nobis totum
deputamus, veniam humiliter peti-
mus, si quid dignato elapsum est, quod
sacro-

sacrofanctæ Catholicæ, Romanæq. Ecclesiæ conforme non sit, id non probamus, id reiicimus, id dictum nolumus, cuncta, quæ vnquam diximus, scripsimus, aut dicturi, vel scripturi sumus Ecclesiæ iudicio, & censuræ subiicimus. Tibi ò Deus meus, tuæq. gloriæ, ac Christianæ religionis vsui, & commodis laborare, & scribere contendimus, immò non nobis, sed tibi viuere profitemur, tibi soli placere, quàm maximè optamus. Tu ò sanctissima, Brigitta omni ornamentorum genere, præstantissima, quaecumq. hoc opus, sit, quod ad Dei honorem, tuamq. gloriam operose gessimus, quodq. sub sapientum, gentiumq. subiicitur oculis, ea, quam, tanta refertam charitate viduam habere decet, benignitate suscipe, faue precor, nostrosq. cæptos labores foue. Tuum est planè summo iure, quantum in hoc boni est opere. Nisi te duce, te protegente vnquam ex tam varijs, tamque tenebri- cosis rerum, ac sententiarum difficul- tatibus efferre pedem, ac ad veritatis penetrale peruenire potuissemus. Hoc vnum pro nobis à Deo impetra, vt omnis noster labor, omnes conatus

nostri ad Dei gloriam tendant,
vt diuinum eius nomen san-
ctificetur, eiusq. san-
cta voluntas

fiat,

Nosq. in æterna illa Cæli
felicitate tecum fruen-
da excipiat.

Amen.



De Visionibus, Reuelatio- nibus, Raptu, & Extasi, in genere.

C A P. I.



VAMQVAM à nobis de diuinis Visionibus, ac Illuminationibus, Extasi, & Raptu aliqua sparsim in Notis nostris ad hos S. Brigittæ Libros scripta sint, tamen quia ea minimè sat esse arbitrari sumus ad integram, perfectamq. cognitionem multarum rerum, de quibus in illis tra- ctantur, hinc operæpretium esse duxi- mus, vt de ijsdem copiosius, ac abun- dantiùs ageremus, earumq. naturam, essentiam, & quidditatem adamussim quæreremus. Ipsas quoque Beatæ Bri- gittæ Reuelationes, ac fidei Catholi- cæ non repugnantes, & Sanctorum Patrum doctrinis planè conformes esse probaremus. Fatemur sanè arduam nos, ac difficilem suscepisse prouin- ciam, dum de arcanis diuinis, ac mysterijs cælestibus inuestigandis scri- bere nitimur, sed diuino fauore, adiuti, & Beatæ Brigittæ patrocinio suffulti opus audaacter aggredimur, & cum S. Aug. dicimus, Exeat sub regula fidei.

S. Aug. lib. 8.
de Genes. ad
litt. cap. 1.

Ille rei sublimitatem perpensens 2. de Genes. ad litt. cap. 18. Mallem (inquit) aliorum hac de re opiniones audire, quàm propriam sententiam ferre. Istarum namque Visionum, ac diuinationum causas, & modos vesti- gare si quis potest, certòq. compre- hendere, cum magis audire vellem, quàm de me expectari, vt ipse dis- seram: Quid tamen putem? ità vt nec docti me tamquam confirman- tem derideant, nec indocti tamquam docentem accipiant, sed vtriq. disce-

S. Aug. op.

Reuelat. ma-
teria diffici-
lis.

plantem, & quarentem potius, quam scientem non oculutabo.

Verùm hic animaduertendum est primò, idque tamquam certum supponendum, ex diuina dispensatione, ad hominum utilitatem, cultus diuini augmentum, & ecclesiasticæ disciplinæ progressum, bonorum Angelorum ministerio aliquibus hominibus in dies multa manifestari, & reuelari, quæ quidem manifestatio non fit per apertam Visionem, qualem Sancti in æterna illa beatitudine habent, Deum facie ad faciem videndo, ut testatur Apostol. 1. Corint. 13. de qua in præsentia sermo non est, sed per quamdam certitudinem à Reuelatione diuina emanantem, quæ Reuelatio pender à superiori, ac intelligibili lumine diuino mentem eleuante, ad ea percipienda, quæ ex vi naturalis luminis intellectus creatus capere non potest, vt apertè colligitur ex Sancto Thom contrà Gentes cap. 154. & 2. 2. quæst. 172. art. 1. & 2. & 3. Ei autem lumini, quo mens illustratur, exteriora quædam, & interiora auxilia coniunguntur, vt exterius sermo sensibilibitè auditus, qui virtute diuina formatur, aut per imaginationem, interiùs Deo faciente perceptus, siuè etiam per aliqua exterius visa corporalitèr à Deo formata, vel etiam interiùs in imaginatione descripta, vnde fit, vt homo per lumen interiùs menti impressum ad diuinarum rerum eleuetur contemplationem, & cognitionem mysteriorum, quæ illi ad utilitatem proximi nota sunt, vt monet Doctor gentium Paulus 2. Corint. 12. cum inquit, Vnicuiq. datur manifestatio spiritus ad utilitatem, alij quidem per spiritum datur sermo sapientiæ, alij autem sermo scientiæ secundum eundem spiritum, alteri fides in eodem spiritu, alij gratia sanitarum in-

vno spiritu, alij operatio virtutum, alij prophetia, alij discretio spirituum, alij genera linguarum, alij interpretatio sermonum, hæc autem omnia operatur vnus, atque idem spiritus diuidens singulis, prout vult. Sanè præclara, & illustria hæc dona sunt, quibus Deus Ecclesiam suam ditauit, & quibus ornata Spiritum sanctum non solum habitatorem in ea, sed & gubernatorem agnouit. Cum enim dona illa naturalem facultatem, & vires nostras excedant, ille tribuere illis potest, qui supernaturalium habet potestatem. Merito David Ecclesiæ pulchritudinem, ac donorum eius varietatem sub nomine Reginæ enarrans Psalm. 44. cecinit. *Altiss. Regina à dextris tuis in vestitu deaurato circumdata varietate, & paulò post eodem Psalmo, Omnis (inquit) gloria eius filia Regis ab intus in fimbrijs aureis circumamicta varietatibus. Inter cætera autem dona, quæ loco citato enumerat Paulus, dicit esse, sapientiæ sermonem, quo Doctores sancti diuinitus instructi arcana diuina, & supernaturalia mysteria, quæ supra humanum captum sunt, explanarunt. Sermo verò scientiæ is est, quo illi, quid faciendum sit, quidue fugiendum, quidue vniuersaliusque statui, & conditioni conueniat, quid bonum, quid malum sit, docuerunt. Hinc Sanctus Thom. 1. 2. quæst. 111. art. 4. Sermonem sapientiæ docuit esse cognitionem diuinorum, quam nobis comparamus, cum conclusiones ex principijs elicimus, at verò scientiam esse cognitionem eorum dicit, quam nobis per effectus, & exempla acquirimus. Porro S. Ambros. ibi sapientiam vocat prudentiam, non ex litteris adeptam, sed ex corrufcatione Spiritus sancti, vt cor habeat illuminatum, vt prudens discernat, quæ vitanda sunt, & quæ sequen-*

1. Cor. 13.

S. Thom.

Lumine diuino mens eleuatur ad supernaturalem cognitionem.

2. Cor. 12.

Psalm. 44.

Ecclesia militans sub Regis nomine designatur.

Sermo sapientiæ quid

S. Thom.

S. Ambros.

sequenda , has autem gratias idem
 S. Thom. 2. 2. quæst. 177. daricensuit
 per se primò ad prædicanda , & expli-
 canda fidei mysteria , & sub generali
 ratione vtramq. comprehendit , idque
 conforme est sententiæ S. Hieronymi
 ibi, cum dicit, Sermo sapientiæ est sa-
 pienter , aptè , atque rationabiliter lo-
 qui, & infra, Qui ex dono habet sapien-
 tiã , sine suo conatu , & labore loquitur,
 & paulò post de sermone scientiæ scri-
 bens dicit , Vt sciat legis mysteria ex-
 planare. Non me latet Sanctum Chry-
 sostomum homil. 9. in Epistol. 1. ad
 Corinthios , & Theopylactum insi-
 nuasse, scientiam connotare solum my-
 steriorum fidei cognitionem , quam
 communiter fideles habent , sapien-
 tiam verò suprà scientiam docendi pe-
 ritiam addere.

Sed D. Thomas 2. 2. quæst. 45. art. 2.
 & 3. donum sapientiæ tradidit esse præ-
 cipuum lumen , quo Spiritus sanctus
 nobis propalat res maximè suæ diuini-
 tatis sublimes, grato quodam iucundo,
 & suauis modo, qui ex amore , & chari-
 tate originem ducit, & ex vnione, qua
 cum diuino Spiritu coniunctus est, à
 quo emanat, qui enim cum Deo vnitus
 est, altissimè sentit de omnibus, quæ in
 Deo existunt, & ex illis delectationem
 ingentem percipit, eò quòd res Dei sūt,
 ex quo fit, vt inde oriantur actus scien-
 tiæ mysticæ, & suauis illa diuinitatis,
 eiusq. admirabilium perfectionum
 contemplatio, de qua sapientia Maria
 Virgo cum B. Brigitta loquens Lib. 2.
 Reuelat. Cap. 22. Sapientia (inquit) du-
 ducet te in montem altissimum, intel-
 lige cõtèmplicationis, & paulò post, Si te-
 nueris eam firmitèr, habebis quod vis,
 & quasi circulus circumuoluetur , &
 attrahet te sibi magis , ac magis dulci-
 tèr , ac dulcius , & infra dittinguens
 sapientiam spirituales à carnali, spi-
 ritualis, ait, est voluntatem propriam
 Deo relinquere, & toto desiderio, &

opere in cælestia suspirare, non enim
 veracitèr sapientia dici potest, nisi cum
 verbis concordat opus, & Lib. 6. Re-
 uelat. Cap. 92 dicitur, Quòd vera sa-
 pientia non in verbis sublimibus posita
 est, sed in conscientia pura : Donum
 autem intellectus , vt indicat Sanctus
 Thom. 2. 2. quæst. 8. art. 1. & 7. est lu-
 men , quo Spiritus sanctus nobis mani-
 festat occultissima arcana, quæ sub my-
 steriorum fidei , & sacræ Scripturæ
 cortice abscondita sunt, vt ea credamus,
 illisq. firmitèr hæreamus , quo dono
 Spiritus sanctus suis illustrationibus cor
 nostrum ab erroribus purum reddit, &
 à distractionibus liberat , & per con-
 templationem in hac vita Deo fruimur,
 idemq. nobis sensum aperit, vt scriptu-
 ras intelligamus, atque huic dono intel-
 lectus proximum est scientiæ donum,
 quod etiam teste S. Thom. 2. 2. quæst. 9.
 art. 1. est lumen , quo nobis Spiritus
 sanctus fidei veritates propalat , & de
 illis nos instruit rationibus capacitati
 nostræ magis accommodatis , sicut
 enim nos per humanas scientias discursu
 à nobis comparatas assequimur cogni-
 tionem aliquam Creatoris ex ipsis
 creaturis, ità hoc donum discursus no-
 stros , nostrasq. meditationes perficit,
 eleuando spiritum nostrum ad con-
 templationem Creatoris, sic legimus
 Lib. 6. Reuelation. Cap. 45. Videre, &
 considerare posset homo, si veller, quod
 si plantæ, arbores, & herbæ pulchræ
 sunt, si omnia ista mundalia deside-
 rabilia sunt, quanto magis pulchrior,
 & desiderabilior est horum istorum
 Dominus, & Creator.

Aliud autem donum , quod loco ci-
 tato enumerat Paulus, vbi suprà, Pro-
 phetia est. Prophetiæ autem Spiritum
 habere illum dicimus, qui ex diuina
 Reuelatione præterita occulta, & præ-
 sentia abscondita patefacit, & futura
 nobis minimè nota prædicit. Rem hanò
 possemus pluribus exemplis probare ex

S. Thom.
1. 2. 2.

S. Hieron.

S. Chrys.

Theoph.

S. Thom.

1. 2. 2.

Sapientia
spiritualis
in quo dif-
ferat à car-
nali.Donum in-
tellectus
quid.

S. Thom.

Donum scien-
tiæ, quid.
S. Thom.Donum pro-
phetiæ quid.
S. Paul.

his. B. Brigittæ Libris Reuelat. petitis, quæ hic consulo omittimus, cum ea Cap. 7. huius nostri Tractatus fuerint allata, in quo, an Brigittæ prophetiæ donum Deus dederit, quæsum est. At verò discretionis spirituum essentia ea, est, cum homo cordis secreta intelligit, & quid à proprio spiritu, vel à maligno suggeritur, discernit, & quid Deus iusserit, & quod consilium tribuerit apprehendit. Proinde S. Thom. 2. 2. q. 177. docuit, hanc gratiam discretionis spirituum ordinatam esse ad confirmationem fidei, manifestando ea, quæ soli Deo competunt, & quæ futura etiam contingentia connotant, & quod hoc prophetiæ donum includit. Ad manifestandum verò occulta cordium peculiaritèr ponitur discretio spirituum, quæ de re legendi sunt S. Hieron. S. Ambr. S. Anselm. Salmeron. disp. 20. in locum citatū Pauli, & vtraque Glossa, & Caput etiam XI. huius Tractatus, in quo de discretionis spirituum latè egimus. Interpretatio sermonum est, quæ sacras litteras interpretatur, & abditos earum sensus eruius, ad veritatis confirmationem. Historicos, Allegoricos, Morales, Analogicos sensus afferentes, & distinguentes. Aliorum autem donorum explanationem, quorum meminit Paulus, perquirat Lector penès sacrarum litterarum interpretes. Nos hic tantummodo ea adiecimus, quæ ad rem nostram facere arbitrati sumus. Atque hinc tot Visionum, ac Reuelationum genera, de quibus suo loco infra dicemus, hinc etiam tot Prophetæ, quorum numerum tam copiosum fuisse in Veteri Testamento censuit Suarius ad 3. par. S. Tho. quæst. 28. art. 1. disp. 2. q. 3. ut scripserit, omnes Patriarchas, & celeberrimos Veteris Testamenti homines prophetiæ gratia præditos fuisse. Porro in Nouo Testamento Prophetas extitisse, & plures spiritu prophetiæ claruisse, certum est. Visiones quoque, ac Reue-

lationes dari, capite sequenti probabimus, quidquid dixerit Linconiensis, & alij quidam, qui ex illis Matth. verbis cap. 11. Omnes Prophetæ, & lex usque ad Ioannem prophetauerunt, perperam colligunt; in Nouo Testamento non fuisse Prophetas, nam omnes ferè veteres tradunt Euangelistam non de omnibus Prophetis sermonem habuisse, sed de illis tantum, qui Christum venturum esse prædixerunt, idque factum fuisse, ut legis veteris obscuritati Euangelij claritas opponeretur, quoniam illi ferè omnes sub ænigmatibus, & similitudinibus Christum, quasi longè distantem præviderunt, & prædixerunt. Legendi sunt hac de re S. Hieron. Beda, & Euthimius in locum citatum Matth. Addit Ioan. Maldonatus in Commentarijs ad citatum cap. Matt. & Ioan. Lorinus in cap. 2. Act. Apost. vers. 17. horum verborum sensum esse germanum, legem, & Prophetas usque ad Ioannem Baptistam perdurasse, hoc est viguisse, vim habuisse, & suo officio Veteris Testamenti Prophetas sanctos esse, hinc Lib. 5. Reuelat. S. Brigittæ Inter. 10. resp. 4. & Inter. 11. resp. 5. legimus, prophetarum dicta in Christo fuisse completa. Dicendum etiam videtur dictionem usque signare tempus, quo prophetæ Veteris Testamenti præcesserunt, & consequenter, quod Noui Testamenti successerunt, quod patet, nam Act. 2. 1. legimus, Agabum prophetasse, & quattuor etiam Virgines filias Philippī, & in Nouo Testamento prophetasse sacræ litteræ testantur Beatissimam Virginem, Elisabeth, Annam, Zachariam Ioannis patrem, Simeonem, ac alios plures, Ioannes quoque librum Apocalypseos propheticum elaboravit, legite S. Thom. 2. 2. quæst. 174. art. 6. ad 3. & quæst. 95. art. 2. ad 3. Tandem dicendum est cum S. Chrysost. hom. 15. ex varijs in Matth. quod Ioannes non solum Prophetæ fuerit, sed & silentium

Matth. 11.

S. Hieron.
Beda.
Euthimius.

Maldonat.

Lorinus.

Act. 2. 1.

S. Thom.

S. Chrysost.

Prophetis imposuerit, proinde Christū Dominum dixisse, Lex, & prophetę vſque ad Ioannem. Ioannes enim non prophetauit Christum venturum, sed præsentem monstrauit, idē dicitur, quod in illo reliqui prophetę siluerunt.

S. Maximus. Præclare S. Maximus Episcopus hom. 3.

in Natuiuit. S. Ioannis Baptiste de ipso sic scriptum reliquit. Hic enim solus est prophetarum, qui Dominum nostrum Iesum Christum, quem alij in longa tēpora futurū præsciuerunt, proprijs oculis videre meruit, & annunciare præsentem.

S. August.

Quocircā egregiē August. lib. 17. de Ciuit. cap. 24. Nouissimus, inquit, Prophetā fuit Ioannes, qui iuuenis, iam iuuenem Christum, non quidem futurum prædixit, sed tamen incognitum prophetica cognitione monstrauit, propter quod ipse Dominus ait, Lex, & prophetę vſque ad Ioannem. Sed hic notā-

cū S. August. dicit, Ioannem non cognouisse Christum, & illi fuisse incognitum, id facie intelligendum esse, quandoquidem Ioannes, quamdiū in deserto mansit, facie Christum non agnouit, vtpotē qui numquam cum eō fuerat conuersatus, nec familiaritē egerat, quod dignā prouidentie tribuendum est, vt testimonium ab ipso de Christo latum omni suspicione careret,

Ioan. 1.

atque hinc Ioan. 1. scribitur, Ego nesciebam eum, sed qui misit me baptizari, ille mihi dixit, super quem videris spiritum descendentem, & manentem super eum, ille est, qui baptizari in Spiritu scto, & igne, non tamen negandū, quod Christum Redemptorem Ioannes non agnouerit, cum ad eius aduentum in matris utero exulasset, & cognouit eum ipsum esse, quem natū sciebat, & quem post se venturum, & in spiritu, & igne baptizaturum prædicauerat, idem probatur ex illo ad Thessalonicens. 5. Prophetias nolite spernere, & spiritum nolite extinguere. Sanē qui negant in Nouo Testamento extitisse Prophetas, &

Thessal. 5.

prophetias spernunt, & quod Salomon Prouerb. 29. scripsit non legerunt, nempe, Cum defecerit prophetia dissipabitur populus.

Prouerb. 29.

Confirmatur hoc ex SS. Patribus, qui scribunt, post Saluatoris Nostri Aduentum extitisse Prophetas. Adhuc (inquit Chrysoſt. serm. de elemosyna) hodie

S. Chrysoſt.

nobiscum Prophetę loquuntur, idem probat August. lib. 2. contra aduersariū legis, & Prophetarum, & de varijs sacre

S. Auguſt.

Scripturę locis explicandis Epist. 38. Iustinus Martyr in Dialogo cum Tri-

Iustin. Mar.

phone, in quo inter libros nouę legis propheticos reponit Apocalypsim Beati Ioannis, Eusebius lib. 4. histor. Eccles.

Euseb.

cap. 18. & lib. 7. cap. 25. addit Chrysoſt.

Prophetarum silentium signum esse, potissimum, ex quo nobiscum Deum esse iratum colligitur hom. 4. de verbis

Prophetarū silentium signū ira Dei.

Isaie, fauet S. Bernard. serm. in cant. 37.

S. Bernard.

paulō post medium, vbi citat illa verba Petri Apostoli, Habemus firmiorē propheticum sermonem, cui beneficiis,

attendentes tamquam lucernę lucenti in caliginoso loco, donec illucescat dies,

vt Lucifer oriatur in cordibus nostris, Nō extinguetur (inquit Bernardus) ista lucerna in nocte, interim enim vſus

eius necessarius est, die cum dies æternus eluxerit, prophetę lucerna cessabit.

Ex recentioribus etiam fauet Ribera,

Ribera.

ediferens illa verba Ioelis 2. Effundam

Ioelis 2.

spiritum meum super omnem carnem, & prophetabunt filij vestri, & filię vestrę,

& senes vestri somnia somniant, & iuuenes vestri visiones videbunt. Et hoc testimonium pro lege noua fuisse

Car. Bp. Lar.

productum attestatur Card. Bellarm. de notis Ecclesię lib. 4. tom. 1. cap. 15. fauent

Lorinus.

Lorinus Act. 2. versu citato, & Thomas Bozius noster Eugubinus de signis

Tho. Bozius.

Ecclesię tomo 2. lib. 6. sign. 19. cap. 2. qui etiam has prædictiones, reuelationes, & prophetias futuras esse vſque ad

vltima tempora scripsit tomo 2. lib. 2. cap. 3. sign. 93. sequitur Conarruius de

Conar.

vera, & falsa prophetia 1. part. cap. 9.

Gratian. in Dilucid. part. 1. cap. 1. & 2.

Agid. de Concept. B. Virg. lib. 3. q. 6.

art. 4. §. 1. qui pro confirmatione huius

nostræ sententiæ refert sanctissimum

Episcopum Amadeum lib. 4. epist. 9.

ita scribentem. Sciendum certissimè

quod creberrima miracula, spirituales

visiones, cælestes Reuelationes, subli-

mes consolationes almæ parentis Do-

mini orbi terrarum assidue corrusca-

bunt, donec finem mundus iste fene-

scens inueniat, & hoc adeò verum esse

opinor, vt eò maiorem Prophetarum

numerum in Nouo Testamento, quàm

in Veteri extitisse credam, quò se ma-

ioribus, ac largioribus Spiritus sanctus

in Nouo donis comunicauit, atque

hinc Ioelis 1. scribitur: Et erit in nouis-

simis diebus, dicit Dominus, Effundam

de Spiritu meo super omnem carnem,

& prophetabunt filij vestri, & filiz ve-

stræ, & iuuenes vestri visiones vide-

bunt, & senes vestri somnia somniabunt,

& verbum effundere, gratiæ largitatem

significare admonuit S. Hieronym. q. 9.

ad Ædib.

Visio, Re-
uelat. Inspi-
rat. & Ra-
pius ethy-
mologia.

Libet nunc inuestigare, priusquàm ul-

trà progrediamur, vnde nominis ethy-

mologiam Visiones, Reuelationes, Ap-

paritiones, Inspirationes, & Rapius sum-

plerint, sicut enim visus ad alios sensus

comparatus, primum certitudinis locū

tener, sic & Reuelatio, & Visio ob cer-

titudinē Visiones appellatæ sunt. Hinc

frequentè in sacris literis prophetiæ

visiones, Prophetæ autem videntes vo-

cantur Isaia 6. Videte visiones, Ioelis 2.

Iuuenes vestri visiones videbunt, Ezech.

1. Aperti sunt Cæli, & vidi visiones, &

alibi sæpè: ob hanc ergò certitudinem

diuinæ Reuelationes, & Apparitiones

dicuntur aliquando visiones. Quando-

quidem diuinæ Reuelationi innituntur,

cui subesse mendaciū non potest, vtpotè

quæ à prima veritate manant, hanc ob

causam visio, seu res visa postremo lo-

cō posita est, cui iurè homo acquiescit

tamquàm euidenti cognitioni. Atq. hinc

illud Arist. placitum finem contempla-

tionis esse veritatem 12. Meraph. Notat

Ioan. Lorinus in cap. 2. Act. Apost. vers.

17. Visionis nomen certam aliquando

prophetiæ speciem significare, quando-

quidem interdum cum omni prophe-

tia conuertitur, vt etiam Propheta pro

vidente aliquando sumatur, sicut dixi-

mus, ratio est, quia oculis mentis diui-

no lumine illustratus Propheta intue-

tur ea, quæ Deus vult illi innotescere:

rursus etiam cognitionem per somniū

habitam, visionem dici posse putat, cum

videre regularitèr de omni cognoscente

potentia dici possit.

At verò, si huiusmodi visiones in-

somnis fiant, quædam visiones, quædam

oraçula, quædam somnia nuncupantur.

Visio dicitur, cum id, quod quis videt,

simili modo, quo viderat, euēnit, Ora-

culum est, cum in somnis grauis quædā

persona apparet, & quid euenturum,

aut non euenturum, quid faciendum,

aut omittendum sit, enunciat, de quo

S. Eucherius in lib. 3. Reg. cap. 14. sic

scribit, Oraculum namq. vocatur, cum

diuina hominibus, vel angelica alloqu-

utio, vel secretorum quorundam reue-

latio conceditur. Vnde benè oraculum

in abdiis, hoc est in interiori domo fa-

ctum est, quia in superna patria, & An-

gelorum nobis visio, atque locutio, &

ipsa Dei præsentia reuelabitur, iuxta ea,

quæ Veritas ipsa diligentibus se pollice-

tur, dicens. Qui autem diligit me, dili-

getur à Patre meo, & Ego diligam

eum, & manifestabo ei meipsum.

Rorò ex varijs locutionum modis,

quibus Deus creaturas alloquitur, Vi-

sionum, Reuelationum, ac Apparitio-

num ethymologia desumi potest, de lo-

cutione namque in specie suse egimus

Cap. 10. huius Tractatus. Itaque cum

locutiones aliquid manifestant, quod

prius erat incognitum, dicuntur Reue-

latio.

Arist.

Ioan. Lorin.

Oraculum
quid.

S. Eucher.

lationes, at verò, si sunt de rebus futuris prophetiz, quando autem ipsa persona, quæ nobiscum loquitur, apparet, siue per se ipsam, siue per figuram aliquam, aut similitudinem illam representantem, aut etiam per alia sensibilia signa mysteria aliqua significantia appellatur Apparitio, seu Visio: sed quando Dei virtute spiritus hominis rapitur, & à sensibus alienatus ad sublimissimam contemplationem, amoremq. ac consolationem eminentem extollitur dicitur Raptus. Inspiratio autem vocatur affectus ille, quem Deus in potentijs spiritualibus operatur, qui in corde percipitur, idq. fit de repente nulla causa præcedente, de quibus omnibus proximè sequenti Capite, ac in alijs sigillatim, copiosèq. tractatur.

Nec prætereundum indicare, ab aliquibus somnium vocari id, quod cum figuris, & similitudinibus contingit, & nequit absq. interpretatione, seu diuina Reuelatione intelligi, & Prophetarum somnia vocamus cælitus immixtas visiones, seu etiam sermones Dei, aut voces sermonum Dei Psal. 103: Ad audiendam vocem sermonum Dei, in quo sensu somnium dicimus prophetiam in somniantem, quando, quæ ventura sunt, quispiam, quid somniet, per Reuelationem excipit, & intelligit: per visiones namq. & somnia Cornelius à Lapide in cap. 2. locis ad ea verba, Senes vestri somnia somniant, intelligendas esse quaslibet Reuelationes, & Prophetias tradit, vnde nec Nabuchodonosor, sed Daniel, non Pharaon, sed Ioseph Prophetæ fuerunt, quandoquidem Reges illi non per se ipsos, quæ somniarunt, sed medijs Danielis, & Iosephi interpretationibus intellexerunt: hinc fit, quod Deus non dicitur locutus tunc cum Nabuchodonosor, neque cum Pharaone in illis somnijs, sed cum Danielo, & Iosepho, qui illorum somniorum intelligentiam habuerunt, quod etiam animaduertit Lu-

douicus Coquæus in Coment. ad cap. 1. lib. 11. S. August. de Ciuit. Dei, Cum enim (inquit) Deus immittit huiusmodi visa, & similitudines rerum corporalium in phantasiam, nisi tamen mentem illustret, vt intelligat, quid sibi velint illæ visiones, non dicitur Deus loqui. Cum verò corporum similitudines immittit, & quod significant aperit, tunc loqui dicitur, & sic non loquebatur Pharaoni, cum illius spiritu informatus est; vt septem boues, & septem spicas videret; sed Iosepho, cum illius mens illuminata est, vt intelligeret, sic nec Nabuchodonosor, cum illi somnium immisit, sed Danieli, cuius intelligentiam habuit, in cuius spiritu expressæ fuerunt imagines illæ corporales, & earum intellectus in mente reuelatus, quod & colligi potest aperte ex D. August. lib. 12. de Genes. ad litt. cap. 9. Sed audiamus S. Hieronymum rem hanc in cap. 1. Daniel. confirmantem, Hoc (inquit) extrâ tres pueros habebat insigne, quod visiones, & somnia, quibus per symbola quædam, & futura ænigmata monstrabantur, sagaci mente cernebat, & quod alij in phantasmate videbant, hoc oculis cordis aspiceret. Sed hic Lector animaduertat, ne, cum Sanctus Hieronymus scribit, Daniele diuina illa mysteria, quæ videbat, in somnis, sagaci mente vidisse, intelligat de naturali sagacitate, & facultate, qua, diuinorum somniorum interpretationem assequeretur, sed de supernaturali lumine, quo ad diuinâ percipiendâ eleuabatur.

Notandum præterea ex S. Thom. 2. 2. q. 174. art. 3. quod licet visio facta vigilantibus sit præstantior sit somnio, quod sit dormienti, quando tamen in visione videntur species solum, & in somno prognostica futurorum, nec auditur vox, aut verbum illam declarans, quæ audiri solet in somno, iuxta illud Moyses Numer. 12: Si quis fuerit inter vos Prophetâ Domini in visione, apparebo ei, vel per somnium loquar ad illum, tunc,

Endouicus
Coquæus.

S. August.
S. Hieron.


somnium
quid.

Psal. 103.

Cornel. à
Lapide.

S. Thom.
Visio facta
vigilantibus
sit præstan-
tior facta
dormientibus.

Num. 12.



tunc somnium diuinum perfectius est,
quàm visio.

Appariti-
o quid.

Aluarez.

Pergimus modò de Extasi, Raptu, & Apparitione in genere aliqua breuiter tradere: apparere namq. id dici posse credimus, quod prius erat occultum cù oculis intuentium obijcitur, & eum apparere dicimus, in cuius potestate est videre, & non videri, vt Deus, & Angelus. Apparitionem, prout ad rem nostrà facit, descripsit Iacobus Aluarez de grad. contemplat. lib. 5. par. 3. cap. 10. & eam esse dixit manifestationem alicuius spiritus, vel corporis ad modum rei spiritalis, in qua præter naturæ ordinem ex diuina dispensatione certis quibusdà modis homini oranti, aut aliud agenti, spiritus ille, vel corpus semetipsum insinuat, sic Christus Dominus, quandoq. etiam Beatissima Virgo, aut aliquis Angelus, vel Sanctus se oculis ipsis corporeis videndos, aut aure audiendos, aut palpan-dos obrulerunt, quod fieri putamus, vt animus sublime aliquod, ac em-nens in illis apparitionibus elucens, & quasi hauriens, ad contemplandum diuina mysteria eleuetur, in quo sensu in his Cælestium Reuelat. Libris Apparitionis nomen sumimus: proinde apparitiones vocamus cælestium secretorum manifestationes, ac reuelationes ex diuina dispensatione ministerio Angelorum, & supernorum spirituum factas. Et Libros Visionum, ac Reuelationum eos esse affirmamus, in quibus de huiusmodi Visionibus, ac Reuelationibus agitur. Non eos, qui vetularum, & fœminarum somnia, & figmenta comprehendunt, Vnde meritò S. Brigittæ Liber inscribitur Cælestium Reuelationum, quippè quæ, & cælitus illi datæ sunt, & cælestibus Visionibus, ac Apparitionibus grauissimorum Doctorem calculo approbatis ille refertus est. Inter has visiones nullo pacto eos Græcorum, & Saracenorum libros connumeramus, quorum meminit Ioan. Ludouicus à

Cerda cap. 59. Aduersariorum sacrorū num. 7. in quibus tradebatur quorū, annos Imperatorum quispiam esset victurus, & quæ illo imperante essent euentura, hos Libros, sicut citatus Auctor scribit, Danielis visiones Græci appellabant.

Superest modò, vt de Extasi, & Raptu aliqua in genere dicamus, si quidem de his in specie egimus fusè cap. 3. Sunt qui Extasim mentis excessum vocant, sic S. Isidorus lib. 7. Etymol. cap. 8. vidisse dicit Apostolorum Principem Petrum vas de Cælo emissum varijs animalibus plenum, Idem tradit S. Aug. de Genesi ad litt. cap. 25. quo loco de Dei locutione scribens, Inrūs (inquit) loquitur Deus miro, & ineffabili modo, neque per scripturam corporalibus instrumentis affixam, neque per voces corporalibus auribus insonantes, neque per corporum similitudines, quales in spiritu imaginatitèr sunt, sicut in somnis, vel aliquo excessu spiritus, quod græcè dicitur Extasis, & nos eo verbo iam vtimur pro latino, & in quæstionibus ad Simplicianum quæst. 1. Extasim tradit esse à corporis sensibus alienationem, vt hominis spiritus diuino spiritu assumptus capiendis, intue-disq. vacet imaginibus. Et de Extasi, & mentis excessu videndus est Suarius de virtute, & statu Relig. lib. 2. de orat. cap. 15. vbi docet fieri, cùm sensus externi derelinquuntur, non solum actualitèr, sed etià aptitudinalitèr, quia nimirum externi sensus suas operationes non faciunt, & ità impediti remanent, vt nec possint operari, neque per externa obiecta, licet vehementia excitari, & hanc mentis eleuationem propriè Extasim esse arbitrat, & de hac intelligendum esse, S. Dionys. censet, cùm de Diuinis nominibus scribit lib. 4. cap. 2. propè finem: quod amor Extasim facit, hoc autem triplicitèr contingere potest, primò per separationem ex intentione intentam, cum

Extasis, & mentis excessus.

S. Isidorus.

S. Augustinus.

Suarius.

Locus S. Dionysii, exponitur.

cum qua stare potest actualis cognitio, & vsus sensibilium rerum, & tunc intentio eleuetur sic, vt etiam si exterioribus sensibus vtatur, tota tamen intentione diuinis rebus videndis, ac diligendis incumbat. Secundo modo contingere potest cum abstractione per actualem separationem ab vsu sensuum exteriorum, idq. fit, vt mens liberius, & facilius in Deo quiescat, eoq. fruatur, vt S. Gregor. lib. 5. Moral. cap. 2. insinuat, Ad interna (inquit) contemplanda nemo producit, nisi ab his, quæ exterius implicant, studiosè subtrahatur. Tercio amor Extasim facit, quando ardens est; & ita rapit in Deum animâ, vt sensus externos quodammodo derelinquat, ita vt nihil percipiat, dum illa mentis eleuatio durat, quoniam, cum illa per meditationem ad rem dilectam dirigitur, fit, vt illico charitas, & amor accendatur, & spiritualis exercitij vsus intendatur, vt dicere possit cum Dauide, In meditatione mea exardescet ignis Psal. 38. Egregiè S. Greg. Magnus lib. 5. Moral. cap. 2. docet, Extasim esse dormitionem quamdam vigilantibus contingentem, seu vigiliam dormientibus occurrentem. Credimus S. Doctorem Extasim vigiliam, & dormitionem vocasse, quandoquidem anima à sensibus abstracta, cum diuinis functionibus vacat, & mundo dormit; & Deo vigilat. Cant. 5. Sponsa dicit, Ego dormio, & cor meum vigilat.

Sanè cum mens spiritualibus, ac diuinis tota incumbit, ac in Deo suauiter quiescit, tunc vigilat ratio; sed sensus dormit, dum supernaturalibus operam dar homo, corde vigilat, & sensu dormit. Vigilant cogitationes bonæ, dormiunt malæ, excitantur spiritualia, ac dormiunt desideria carnalia, & dum ad superna mens vigilat, fit, vt rebus huius sæculi dormiat, & audiendis mundanis vocibus obdurescat. Sed libet referre S. Bernardū de hac vigilia, & somno egregiè

loquentem Serm. 42. in Cant. Ego (inquit) dormio, ac si dicat, dilecte tu me ad ebrietatem vocas, & ego tota huic munerivaco, Ego dormio, & cor meum vigilat, ab alijs dormio, & quiesco negotijs, ideo cor meum liberius vigilat ad sectandam hanc ebrietatem, & vinū potandum. Ordo mirabilis, de ebrietate dormitio, & de dormitione vigilia, ille dicit inebriamini, & illa dicit ego dormio, bonus sopor mentis excessus, & alienatio ab affectibus carnis, & si id etiam dicitur à sensibus corporis, tunc magis videt, & inuigilat amor spiritualis, cum consopitur penitus omnis passio, & affectus animalis. Sed reuertamur vnde paululum digressi sumus.

Quatuor mentis excessus species recenset Ioan. Lorinus in cap. 10. Act. Apost. vers. 10. Primò ponit insaniam, seu delirium, quod ex nimio somno, vel acribili, vel aliqua ægritudine ortum habere scribit, quem furorem mentis latini vocant. Secundò pauorem appellat ex repentino, & inopinato timore manentem, qualis Isaac expertus est, allata venatione Esau post Iacob Genes. 27. Expauit Isaac stupore vehementi. Tertium fieri ex tranquillitate animi tradit, cum ille feriatu à sensibus in placida, ac dulci conuersatione versatur, quod Adamo accidisse censet, cum Deus ei soporem immisit Genes. 2. Postremum fieri indicat, quando mens afflata diuino spiritu corripitur, atque impletur, quod Prophetis contingere solet, in hoc autem Tractatu nostro de diuinis Visionibus, ac etiam in Libris Cælestiū Reuelationum in duplici postrema acceptione mentis excessus sumitur, ad cuius rei maiorem cognitionē ex D. Thoma notandū est, dupliciter posse ad mentis excessum quempiā eleuari, loquitur enim tam de mentis excessu, quàm de Extasi, & Rapru quæst. 13. de veritate art. 2. ad vlt. & 2.2. quæst. 175. art. 3. ad 1. Primo modo absq. abstractione à sensibus, cum mens

S. Gregor.

Psal. 38.
S. Gregor.

Extasis vocatur dormitio, & vigilia, & quart.

cant. 5.

S. Bernard.

Lorinus.

Mentis excessus species quatuor.

Gen. 27.

Genes. 2.

S. Thom.

Mentis excessus cum abstractione.

mens tota rebus diuinis incumbit, & non alijs, quàm diuinis inspicendis, ac diligendis vacat. Secundo id fieri docet etiam cum abstractione à sensibus ad aliqua supernaturalitèr videnda, hæc autem abstractio, vel est ab externis sensibus ad Visionem imaginariam, vel ab imaginatione ad intellectualem, & hoc rursus, aut per intelligibiles Visiones, aut secundum quorundam opinionem, quòd intellectus interdum Deum videt per essentiam, quod sequenti Capite, cum de Visionibus in specie tractabimus, latius explicabitur.

Verùm, cum ad hominis dignitatem pertineat, vt ad diuina eleuetur, quippè qui ad Dei factus est imaginem, cumq; in infinitum bonum diuinum excedat facultatem humanam, hinc deducit S. Thom. quæst. citata art. 1. ad 4. quòd egeat adiutorio, vt supernaturalitèr ad illud bonum concupiscendum eleuetur. Quod fit per quodcūq; gratiæ beneficiū, & inter cætera, quæ diuinitus accipit, excessus est mentis, Extasis, & Raptus, quo hominis anima, vt diximus, rapitur, quando diuino spiritu eleuatur, & à sensibilibus abstrahitur, vt diuinorum mysteriorū particeps fiat, & loquentem Dominum audiat. Et tunc illa ingenti diuinæ communicationis conceptu omnibus tēporalibus negorijs, curisq; posthabitis, sola spiritalia, ac diuina concupiscit, atque his sibi acquirendis intendit, illa versat in ore, illa mente reuoluit, illa solum diligit, illis tantummodo vacat, in illis mens tota quiescit, sed audiamus Dionysiu Carthusi. opus. de discret. spirit. ar. 18. hæc probe enarrantem, Idcirco (inquit) cum viderit animam esse purgatam, charitate accensam, sinceritèr reformatam, & omni virtutum, atque donorum claritate fuleitam, immò in sincerissimo totius boni generis amore conuersam, grandem vtiq; placentiam habet in ea, & tamquam charissimam filiam, pul-

cherrimam Sponsam, prædilectam amicam applicat eam sibi. familiaritèr, eam constringens, complectens, osculans, & de bonis suis liberalitèr ei comunicans. Tunc in sanctuarium secretorum sapientiæ suæ eam admittit, & introducit, suæ amabilitatis, pulchritudinis, & dulcedinis immensitatem ei demonstrans in lumine gratiæ, & contemplationis splendore, moxq; in instanti mole magnitudinis suæ excellentiæ, maiestati suæ immensæ non violentèr, sed verè & suauitèr sic vincit, occupat, & eam opprimit, vt defluens liquefacta amore, deficiat à se ipsa, & victa ardenti delectatione, obstupescens præ admiratione dilectissimæ lucis, quam conspiciit, increatur, ac adorandæ, vt de se ipsa nihil sciat. Etenim in momento, in ictu oculi tam validè inflammatur, ostendente se ei dilecto, vt non solum ipsa prorsus succumbat, sed corpus quoque ipsius motu, sensu, ac viribus destituatur. Hætenus Dionys. Carthusi. ex cuius verbis, si quis ea benè perpenderit, colliget ad rectè, probèq; intelligenda, quæ Deus in Visionibus amicis suis manifestare vult, orationem, meditationem, vitæ puritatem esse necessaria, non enim decet tantum donū impijs conferri, quippè qui sunt & indigni, & inepti ad percipiendas namq; huiusmodi Visiones, ac Reuelationes maximè confert à sensibus, & à vitijs abstractio. Vitijs etenim & curæ temporales animam rebus terrenis fixam, firmamq; tenent, & è contrà à sensibus, ac sensibilibus abstractio, & conscientiæ tranquillitas à terrenis rebus eam auellunt, & in Deum eleuant, vt Dei inspirationi tota vacet, & attendat, eamq; miro modo ad illustrationes diuinas excipiendas disponunt, proindè S. August. lib. 10. de Trinit. c. 4. docuit, quòd cum anima limitatæ virtutis sit, non potest simul attendere rebus sensibilibus, & diuinis præcipuè, cum hæc ab illis multum differant, & quasi

S. Thom.

Dionys.
Carthusi.

+ 109, 110, 111

+ 111

+ 112

+ 113

+ 114

+ 115

+ 116

+ 117

+ 118

+ 119

+ 120

+ 121

+ 122

+ 123

+ 124

+ 125

+ 126

+ 127

+ 128

+ 129

+ 130

+ 131

+ 132

+ 133

+ 134

+ 135

+ 136

+ 137

+ 138

+ 139

+ 140

+ 141

+ 142

+ 143

+ 144

+ 145

+ 146

+ 147

+ 148

+ 149

+ 150

+ 151

+ 152

+ 153

+ 154

+ 155

+ 156

+ 157

+ 158

+ 159

+ 160

+ 161

+ 162

+ 163

+ 164

+ 165

+ 166

+ 167

+ 168

+ 169

+ 170

+ 171

+ 172

+ 173

+ 174

+ 175

+ 176

+ 177

+ 178

+ 179

+ 180

+ 181

+ 182

+ 183

+ 184

+ 185

+ 186

+ 187

+ 188

+ 189

+ 190

+ 191

+ 192

+ 193

+ 194

+ 195

+ 196

+ 197

+ 198

+ 199

+ 200

quasi contrariæ sint; Indè sit consequens, quòd, cùm sensibilibus, & terrenis rebus attendit, parum ei restat virium, parumq. attentionis, quod diuinis impendat, quemadmodum, inquit *Maximus*, Sanctus Maximus Centuria prima de Charitate cap. 95. Sol exoriens, & mundum illuminans, tùm seipsum, tùm res illuminatas à se demonstrat, ità quòque Sol iustitiæ purgato animo exoriens, & seipsum videndum exhibet, & rerum, quæ à se factæ sunt, & deinceps sient, rationes demonstrat. Inter cæteras autem virtutes, quæ ad illustrationes diuinas hauriendas disponunt animam, humilitas principem locum tenet, verum enim est, quod B. Laurentius Iustinianus tradidit lib. de Conuubio, Verbi nò longè à fine, Cum humilitatis virtus animam compleuerit, deiecerit, liquefecerit, tunc incipiet dilatare dilectione, irradiari veritate, repleti lumine, eleuari spiritu, hinc secretorum oritur reuelatio, Scripturarum declaratio, futurorum cognitio, sensuum corporalium alienatio. Humilitas namq. sic mentem Deo subditam reddit, vt in eam suas illustrationes immittat, rem hanc Aristor. ipse licet Gentilis, tetigit lib. de Diuinat. per somnium cap. 1. dum inquit, Si somniorum diuinatio à Deo est, inconueniens est, eam immittere quibuslibet, & non optimis viris: hæc de dispositione, quæ ad has Visiones excipiendas exigitur, dixisse sufficiat. Nunc breuiter inuestigamus, cùm se Deus nobis insinuat, & sua arcana in his Visionibus manifestat, quid à nobis ille contendant, quid velit; quis finis earum, quæ commoda, & vtilitates: & licet de causis harum Visionum in specie tractemus Cap. 4. in præsentia tamen hæc indicanda duximus. Etenim, cum familiarare; & proprium sit amicorum, secreta quædam sibi inuicem communicare, quæ nolunt alijs esse nota, cum

Deus amicus noster charissimus sit. Et quis amicior nobis, clamat Sanctus Ambros. lib. 7. in Lucam, quàm qui pro nobis corpus suum tradidit? ijs interdum, qui cum illo amicitia vinculo coniuncti sunt, quædam secreta propalat, quorum aliqua sibi retineant ad eorum instructionem, alijs alia aperiant ad eorum vtilitatem, quandoquidem quædam sunt, quæ non expedit filiis Dei abscondere, qui illa pluris æstimant, & ex eis spiritualem progressionem capiunt, proinde Ioan. 15. legitur, Iam non dicam vos seruos, quia seruus nescit, quid faciat eius Dominus, Vos autem dixi amicos, quia omnia quæcumq. audiui à Patre meo nota feci vobis. Sanè scribit Sanctus August. de Triplici habitaculo, cùm Spiritus sanctus aliquid cordibus nostris inspirat, eò tendit, vt doceat, alliciatq. ad veritates credendas, ad virtutes executioni mandandas, detestando quemcumq. errorem, & culpam.

Rursus quoniam Spiritus sanctus est Spiritus Christi, id, quod in diuinis Visionibus manifesta sunt, veritates sunt, quas Christus docuit, & virtutes, quas exercuit, lucem nobis præbens, nosq. instruens, vt eas cognoscamus, & imitemur, & vt imitentur alij illas proponamus, in his non res inutiles, non vanas, non curiosas, aut impertinentes, sed viles, & ad salutem proficuas, & necessarias antè oculos nostros ponit, & vt declinemus à malo, & bonum faciamus inspirat: peculiaris namq. Spiritus sancti eafunctio est, vt quæ horum iuuare nostram infirmitatē, curæ illi maxime est, nostrum illuminare intellectum, vt quod nobis, vel per se ipsū, vel Sactos suos Prophetas, & Apostolos reuelat, firmiter credamus. Cætera, quæ his contraria sunt, à malo spirita sūt, ideoq. omnes eius sermones, colloquia, & suggestiones falsæ sunt, & ad vicia tendunt, quippe qui Spiritus est mendacij, & malitiæ, & propterea, quod

Quæ dispositio necessaria ad diuinas Reuel.

Laurentius Iustinianus.

Aristor.

Quæ Spiritus sanctus in Visionibus propalat.

ille proponit contrā veritatem, rationibus obducit apparentibus, vt illis fidem præsternus.

Sed ò Domine, quæso mecum licet peccator indignus sim, loquaris, manifestans mihi, quod expedie scire, vt tibi quousq. in hac vita mortali fuero seruire queam, teq. feruenter amare, & in alia cum alijs Sanctis tuis, te frui.

De Visionibus, Reuelationibus, ac Apparitionibus in specie, & eas dari ex sacris Scripturis, ac SS. Patribus probatur.

C A P. II.



DE Visionum, ac Reuelationum, & Apparitionum essentia, & natura hic in specie tractandi provinciam aggredimur, sed prius eorum rejicienda sententia est, qui illas velut fabulas, & muliercularum somnia esse astruunt, & ad superstitionem reuocandas eas esse contendunt. Sanè de illarum veritate plenam fidem faciunt sacræ Litteræ, Sanctorum Patrum testimonia, grauissimorum Doctorem sententia, & probatissima historia. Plenæ sunt Veteris Testamenti paginae, à quibus inchoando, omnibus celeberrima illa visio nota est Moyli facta rubi ardentis, & non combustii Exodi 3. & Scriptura illa Balthasari Regi in pariete oblata Daniel. 5. & alia Danielis 7. de quattuor bestiis è Mari ascendentibus, & aliz plures, de quibus Cap. 4. & 5. copiosè egimus.

In Nouo quoque Testamento Visiones, Reuelationes, & Apparitiones passim occurrunt, inter cetera insignis ea est Doctoris Gentium Pauli, qui

2. Corint. 12. dicit, Veniam ad visiones, & reuelationes, &c. vbi ad tertium vsque Cælum fuisse raptum, & audiuisse arcana verba, quæ non licet homini loqui, asserit: an autem voce externa audierit loquentem Deum, an per imaginariam tantummodò visionem, an sub aliqua externa forma, quæ sese hominum offerre oculis consuevit, dicemus infra. Nunc autem aliqua, quæ ad celeberrimam hanc visionem, & raptum pertinent, annotanda breuiter sunt, vt potè quæ ad intelligentiam eorum, quæ in præsentis de Visionibus, Reuelationibus, & Rapto Tractatu scribimus, facere posse arbitrati sumus. Et duo sese offerunt explicanda, primum quidem, an verè, & realiter Paulus fuerit raptus ad Cælum Empyreum, an imaginaria tantummodò visione, vt scilicet per imaginationem vidèretur sibi esse in Cælo, & quæ ibi fiebant intueretur, licet corpore, & anima maneret in terris. Secundò videndum, quid per tertium Cælum intelligendum sit. Probabiliter Doctores aliquot graues existimarunt, non verè, & realiter, sed imaginariè fuisse raptum Paulum, eam ratione adducti, quoniam hunc raptum vocat ille visiones, & reuelationes Domini, Veniam (inquit) ad visiones, & reuelationes, non enim, vt hi Doctores scribunt, repugnat, posse Deum facere, vt existens in Hispania, videat, quæ sunt in Gallia, immò & videant etiam, quæ sunt in Cælo, existentes in terra, vel per intellectum, vel per imaginationem. Addunt etiam, & oculis corporeis, eleuando eos, & cū illis concurrente suprâ naturam, & ità roborando potentias, & confortando, ac vim quoque visiuam extendendo, vt se porrigat vsque in Cælum, & si hinc Stellas naturaliter videmus in firmamento, cur non vltra, & vltius has vires augere, & extendere queat Deus.

2. Cor. 12.

Paulus enim
fuerit raptus
ad Cælum
realiter.

8. ned. 3.

At

At verò alij existimarunt, & fortè probabilius, realitèr, & verè fuisse Paulum raptum in Cælum Empyreum, probant hoc, quia 2. Corint. 12. scribitur absolute fuisse raptum, non in Extasim, quod indicat, non per imaginationem tantum, sed verè, & simpliciter, & realitèr ad Cælum fuisse raptum, secundò quia, vt ex textu colligitur, Paulus nesciuit, an cum corpore, & anima fuerit raptus, an verò sine, ergò cum verè, & realitèr fuisse raptum præsupponit, nam in visione imaginaria certum est, animam solum, non corpus rapi, tertio quia, vt ipse loco citato testatur audiuit arcana verba, quæ non licet homini loqui, ergò probabilissimum est, ea re vera illum in Cælo audiuisse, & de illis instructum è Cælo prodijisse, vt futurus Gentium Doctor, & vt cælestem sapientiam è Cælo hominibus afferret. Vide quæ de eodem rapto Pauli etiam scripsimus Cap. 3.

Quid autem per tertium Cælum intelligendum sit, ad quod Paulus raptus est, legite Sanctum Thom. 2. 2. quæst. 175. art. 3. ad 4. quo loco dicit per tertium Cælum intelligi posse, vel Cælum Empyreum, vel visionem aliquam supermundanam, quæ dicitur tertium Cælum ex triplici ratione. Primò quidem secundum ordinem potentiarum cognoscitiuarum, vt primum Cælum dicatur visio supermundana corporalis, quæ fit per sensum, sicut Daniel 5. legitur, quod visa est manus scribentis in pariete. Secundum verò Cælum sit visio imaginaria, secundum quam multa viderunt Isaias, & Ioannes in Apocalypsim. Tertium Cælum dicitur visio intellectualis, de quibus visionibus Nos in præsentī Cap. ac etiam in sequenti agimus, & quarum essentiam, & naturam exponere nitimur: aut etiam dicendum est, hunc æalorum ordinem desumi posse ex ordine cognos-

scibilium, vt primum Cælum dicatur cognitio cælestium corporum, secundum cognitio cælestium spirituum, tertium, & postremum cognitio ipsius Dei, dici etiam potest tertium Cælum Dei contemplatio secundum gradus cognitionis, qua Deus se videndum exhibet, quorum primum spectat ad Angelos infimæ Hierarchiæ, secundum ad Angelos mediæ, tertium ad Angelos supremæ, vt Paulus raptus dicitur ad tertium Cælum, hoc est ad tertiam, & supremam Angelorū Hierarchiam, ibiq. cum Seraphinis existens apertè Dei essentiam viderit, & charitatem, & ardorem illum hauerit, quo postea vniuersum Orbem accendit.

Sed ed iam, vnde paululū digressi sumus, reuertamur, vt ex alijs etiam noui Testamenti locis visiones dari probemus, præter hanc Pauli Apostoli visionē. Alia in Nouo Testamento Apostolorū Principis visio extat Act. 10. vbi scribitur. Cecidit super eum mentis excessus, & S. Ioan. Apostoli Apocalypsis his plena refertaq. Visionibus, & Reuelationibus est, Cap. 1. dicit, Dominica die fuisse in spiritu, & audiuisse magnam vocem tamquam tubæ dicentis, quæ vides scribe in libro. Fuit Ioannes in spiritu, cū se ad Apocalyp. altissima mysteria accingeret, & tunc ingentem quamdam passus est Extasim, non quod animus à corpore re ipsa abierit. De Reuelationibus etiam frequens mentio fit in sacris litteris, & Concilia earum meminerunt, à quibus illarum veritas desumenda est, vt de illis dubitandi locus minimè relinquatur: occurrit primò Pauli auctoritas 1. Corint. 2. Nobis (inquit) reuelauit Deus per spiritum suum, Spiritus autem omnia scrutatur, etiam profunda Dei, & Rom. 1. Quod notum est Dei, manifestum est in illis, Deus enim illis manifestauit, & Matth. 11. Abscōdisti hæc à sapientibus, & prudentibus, & reuelasti ea paruulis, & Matt. 16.

Per tertium
Cælum quid
intelligen-
dum.

Daniel 5.

Act. 10.

Apocal. 1.

1. Cor. 2.

Rom. 1.

Matth. 11.
et 16.

Beatus Simon Bar Iona, quia caro
& sanguis non reuelauit tibi, sed Pa-
ter meus, qui est in cælis. Conc. Arau-
sicanum Can. 8. Nemo (inquit) potest
sine Dei reuelatione salutem conqui-
rere, & Concil. Trident. sess. 6. cap. 6.
Credentes vera esse, quæ diuinitus re-
uelata sunt. Quod etiam apparitiones
dentur, dubitandum non est. Ha-
rum namq. apparitionum etiam in
sacris litteris plura extant exempla,
quæ Lector poterit desumere ex Cap. 4.
& 5. huius Tractatus.

Verum ad huius rei confirmatio-
nem certa videtur posse statui Regula,
ut quotiescumq. Prophetæ hac loquen-
di formula vtuntur. Hæc dicit Domi-
nus, qui familiarissimus est agendi
modus Dei cum Prophetis, intelliga-
mus sacram Scripturam loqui de ap-
paritione, seu locutione Dei intelle-
ctuali. Sed audiamus clarissimum il-
lud Ecclesiæ lumen Augustinum hæc
confirmantem lib. 16. de Ciuit. Dei
cap. 16. Veritas (inquit) incommuta-
bilis, aut per se ipsam loquitur ineffa-
bilitèr mentibus, aut per mutabilem
creaturam loquitur, siue spiritualibus
imaginibus spiritui nostro, siue cor-
poralibus vocibus nostri corporis sen-
sibus.

Longum esset hic annotare, quæ de
apparitionibus recensent Patres, quæ
Sanctus Basilius in vita Mamantis, Na-
zianz. orat. in Iulianum de Fratre Cæ-
sareo, Hieronym. de Paulo in vita il-
lius, Paulinus de Ambrosio, Theodo-
retus de Sancto Ioanne Baptista lib. 5.
histor. cap. 24. Ambros. serm. 90. de
Passione Sanctæ Agnetis, quam ap-
paruisse Constantiæ Constantini Im-
peratoris filiæ testatur, & de B. Virgi-
nis apparitionibus, quæ à probatissimis
referuntur Scriptoris, non licet du-
bitare, de quibus etiam tractant Mar-
tinus Delrius Disquisit. magic. lib. 2.
quæst. 26. sect. 1. late scribit de eisdem

Petrus Thyreus lib. 1. apparit. cap. 11.
tractat. 1. Iacobus Aluarez de Gradibus
contemplat. lib. 5. part. 3. cap. 10. Lu-
donicus de Ponte in libro, quem in-
scripsit Dux spiritualis (parum, sed præ-
cipue part. 1. tractat. 1. cap. 22. & 2. par-
tractat. 3. cap. 8. & deinceps, Petrus
Antonius de Beatissimæ Deiparæ Ma-
riæ laudibus tractat. de Festis, ac Tem-
plis eiusdem. Quid ergo (inquit) Ioani-
Lorinus in cap. 9. Act. Apostol. vers. 12.
rident Hæretici, & nomine tantum-
tenus quidam Christiani visiones, per
quas exhibent, vel vigilantibus, vel
dormientibus earum rerum species,
atque similitudines, quæ aut eodem
tempore fieri percipiuntur, aut etiam
fiunt, recenset aliquas alias San-
ctus August. lib. de Cura pro mortuis
cap. 11. 16. & 17. plenæ sunt historiæ,
tum de Visionibus, Apparitionibusq.
mortuorum ad viuos, tum etiam viuo-
rum ad viuos.

Et de Samuelis Apparitione mentio
fit 1. Regum 28. de qua, quoniam var-
iæ Doctorem Virorum opinionones
circumferuntur, & fuit dubitatum,
an Samuel vocante Pythonissa, & Sau-
le consulente fuerit verè excitatus, ut
illi, quæ ex belli successu euentura
erant, prænunciaret, & an hæc ap-
paritio fuerit præstigiola, & dæmo-
niaca, an verò Deo permittente ve-
ra, breuiter, quantum ad rem nos-
tram facit, quædam hic insinuan-
da esse duximus: in vtramq. partem,
disputauit Sanctus Augustinus lib. 2.
quæst. ad Simplicianum quæst. 3. to-
mo 4. quo loco, postquam hinc inde
argumenta proposuit, tandem in eam
videtur deuenisse sententiam, ut scri-
pserit, non fuisse verum Samuelem,
qui Sauli apparuit, sed aliquod phan-
tasma, & imaginariam illusionem.
Diaboli fallacis exhibitam; Idem ad
verbum ferè repetit quæst. 6. quæst.
ad Dulcimum, & apertius quæst. 27.

in

Conc. Araus.

Conc. Trid.

S. August.

S. Basil.
Nazianz.S. Hieron.
Paulinus,
Theodor.
S. Ambros.Martinus
Delrius.Petrus Thy-
reus.
Aluarez.
Ludovic. de
Ponte.
S. Lorinus

Petrus Ant.

Ioan. Lorin.

S. August.

De Samuelis
apparitione
dueris Pa-
trum sent.
1. Reg. 28.

S. August.

in quæst. Veteris, & Noui Testamen-
ti, Quomodo (inquit) fieri poterat, vt
arte magica attraheretur vir, & natiui-
tate sanctus, & vitæ operibus iustus?
& paulò post. Porro autem hoc est præ-
stigium Sathanæ, quo, vt plurimos
fallat, etiam bonos in potestate se habe-
re confingit, subscripsit huic opinioni
Tertullianus de anima cap. 57. Ecce
hodiè (inquit) eiusdem Simonis hære-
ticos tanta præsumptio artis extollit,
vt etiam Prophetarum animas ab infer-
is moueri se pondeant, & credo, quia
mendacio possunt, nec enim tunc py-
thonico spiritui minùs licuit animam
Samuelis effingere post Deum mortuos
consulente Saule, absit, alioquin, vt
anima cuiuslibet Sancti, nè dum Pro-
pheta à Dæmonio credamus extra-
ctam, Idem habet Iosephus lib. 6. An-
tiquitat. cap. 14. & Iustinus Martyr in
Dialogo cum Tryphone, secuti sunt
hanc eandem opinionem Sanctus
Hieronymus lib. 1. Comment. in Matth.
cap. 6. & super Ezechielem cap. 13. ad
ea verba, Et tu fili hominis, & super
Isaiam cap. 7. ad illa verba, Adiecit Do-
minus loqui ad Achaz, & Rupertus
Abbas lib. 2. de Trinitat. & operibus
eius, & super lib. Reg. 17. quam sen-
tentiam Iansenius super Ecclesiastic.
cap. 40. arbitratus est esse probabilio-
rem: sed & Burgenfis eodem cap. ad-
ditione 2. tradit, oppositam senten-
tiam ludæos fuisse secutos, qui literæ
nimium adhærentes asserunt Moy-
sem, & Samuelem simul apparuisse, eò
quod Pythonissa dixit in plurali, Deos
vidi ascendentes de terra, quod insi-
nuauit Rabbi Salomon, Rabbi David
Camhi; at verò Hugo Cardinalis re-
fert super 1. Reg. 28. alios existimasse,
quod Samuelis anima non fuerit
verè euocata, sed eius corpus exhuma-
tum, & in propriam figuram at-
tractum ad Pythonissam, & Saulem,
& hanc existisse causam, ob quam

cognosci potuit esse Samuel ille, qui
apparebat, quia erat verum corpus,
quod indicauit etiam Burgenfis vbi
suprà, & hanc esse dicunt sententiam
Nicomanticorum, verum Sanctus
Thomas satis dubitanter de hac Sa-
muelis apparitione locutus est, secu-
tus credo S. Aug. sic habet 1. part. q. 89.
art. 8. & 1. 2. quæst. 95. art. 5. ad 2. &
quæst. 174. art. 5. ad 4.

Cæterum verè Samuelem eius ni-
mirum animam à Limbo Patrum e-
uocatum, & apparuisse Sauli, censue-
runt Tostatus, Lyranus, Abulenſis in
1. Regum 28. & Benedictus Perrierus
lib. 1. de Magia cap. 2. dicunt enim
fuisse veram animam Samuelis, quæ
Sauli apparuit exercente Pythonissa
artem magicam, non tamen vi eius
artis, sed Dei imperio ab inferis ex-
citatum; fauet Petrus Thyreus de Ap-
parition. spirit. cap. 11. num. 9. Poruit,
ait, verus fuisse Samuelis spiritus, qui
humana forma se exhibuit, & diui-
na potentia, quæ Dæmonem Pytho-
nissamq. lateret, exhibuit, vt Sauli di-
uinæ iustitiæ iam in ipso ob deme-
rita complendæ certissimus testis ef-
fet; fauent etiam Dionysius Carthu-
sianus in 1. Regum 28. & 47. Galat.
lib. 6. de Arcanis cath. verit. cap. 8. ne-
que huic opinioni contradicere vide-
tur ipsemet Sanctus Augustinus, nam
locis suprà citatis potius, vt ambi-
guus, quàm assertor locutus est, vt
benè eius verba perpendenti constare
poterit, & apertius suam sen-
tentiam profert lib. de Cura pro mor-
tuis agenda cap. 15. tomo 4. Cum
enim de veris ibi defunctorum appa-
ritionibus scriberet, in huius veritatis
probationem inducit Samuelis appa-
ritionem, Nam Samuel (inquit) Pro-
pheta defunctus viuo Sauli etiam Regi
futura prædixit, neque obstat, quod
ex August. adduximus suprà ex lib.
quæst. Noui, & Veteris Testamenti

quæst. 17. cùm dicit, quomodo fieri potuit, vt arte magica attraheretur vir tam sanctus, nam idem ipse lib. 2. ad Dulcitium quæst. 6. soluit difficultatem propositam, si hoc, inquit, mouet, quod licuerit maligno spiritui excitare animam iusti, & tamquam de abditis mortuorum receptaculis reuocare, nonnè magis mirandum est, quod Sathanas ipsum Dominum assumpsit, & constituit super pinnam Templi, nisi forte quis dixerit, faciliore Diabolo fuisse licentiã ad Deum viuũ, vnde voluit assumendum, & vbi voluit constituendum, quàm ad Samuelis defuncti spiritum à suis sedibus excitandum, Horum quoque Doctorum de vera Samuelis apparitione sententia, probabilissima reddetur, si verba textus 1. Reg. 28. æqua trutina expendantur, quæ sunt ipsiusmet Samuelis, Quare (inquit) inquietasti me, vt suscitaretur? & ait Saul, coarctor nimis.

Porro in præsentia de aliorũ defunctorum apparitionibus agendum esset, & querendum, num aliquando secundum veras eorum præsentias apparuerint, ita vt loco moueantur, in quos sunt, vt viuus appareant, an verò huiusmodi apparitiones fiant ministerio Angelorum, licet ipsis vita functis ascribantur; sed quoniam hac de re satis copiose abundanterq. Cap. 4. huius Tract. scriptissimus, hic tantummodo breuiter insinuare placuit, has mortuorum apparitiones à Deo fieri posse, sicut enim ille de nihilo creare potuit animas, & in corporibus eas collocare, idem easdem potest à corporibus separatas conseruare, & hinc inde pro sua voluntate transferre. Legendus est Abulensis q. 15. ad cap. 15. Leuit. qui testatur, apud Gentiles fuisse in more positum annua festa facere, quæ appellabantur purificationes pro animabus defunctorũ, nè viuos apparitionibus perterrefacerent, & inde sumplisse nomen Mensis Februarius à

februa græcè, latine purgatio. Videntur est S. Aug. lib. 7. de Ciuit. Dei cap. 7. *1. Aug. 8.* & de Cura agenda pro mortuis cap. 15. quo loco asserit, defunctorum veras apparitiones non incertis rumoribus, sed certis testibus fuisse comprobatas, & cap. 17. tradit, Ioannem Monachum cuidam religiozæ fœminæ apparuisse, & Epist. 205. sibi S. Hieronymum testatur apparuisse, & pluribus horis gloriosam Sancti animam secum fuisse conuersatam, & de apparitione eiusdem S. Hieronymi fidem facit S. Cyrillus *3. Cyril.* Hierosolymitanus facta Eusebio Cremonensi, & de alijs etiam S. Damasc. *3. Damasc.* serm. de Defunctis agit, plures quoque refert S. Greg. in Dialogis, videatur totus liber Dialogorum vsque ad cap. 55. Sedenim ex recentioribus Philippus Faber lib. contr. à impijs Aethiops disp. 1. cap. 12. nu. 293. probat posse animam rationalem, apparere hominibus dormientibus, & vigilantibus: & loquendo de apparitione imaginaria, potest anima separata in hominis phantasia formare imagines aliquas, quæ corpus repræsentent, cui erat in vita coniuncta, nam anima separata licet non sit eiusdem perfectionis cum Angelis secundum essentiam, potest tamen sibi comparare cognitionem à rebus, vt sentit Scotus in 4. d. 45. q. 1. & habet potestatem mouendi etiã aliud corpus, vnde fit, vt possit mouere spiritus in imaginatione, & formare imaginem totius coniuncti sui ipsius corporis, illasq. imagines ad libitum colorare, idq. interdũ fit cum adiutorio Angelorum Deo permittente. Arque hinc S. Thom. in 4. sent. *3. Thom.* d. 45. quæst. 1. art. 1. quæstiunc. 3. infert, quod, cum facultas ad motũ tamquam naturalis insit animæ Beatorum, animas eorum, cum voluerint, apparere posse viuentibus, quamquam damnatorum animas non exire de inferno asserit, non tamen propterea dicit, quod ipsis facultas desit, nam testatur interdum ad homi-

Apparitio
S. Hierony-
mi facta san-
ctæ Aug.

3. Cyril.

3. Damasc.

3. Gregor.

Philippus
Faber.

Anima ratio-
nalis &
vigilantibus
& dormien-
tibus potest
apparere.

Scotus.

3. Thom.

1. Reg. 28.

Abulensis.

hominum eruditionem, & terrorem permiffisse Deum, quòd apparuerint viuientibus: facultatem igitur habent, qua permiffione Dei in actù exeant, sed non semper exire permittuntur, nisi cum secundum diuinam dispositionem illis fuerit concessum, in quem sensum interpretandus est locus ille Diui Aug. lib. de Cura pro mortuis toni. 4. cap. 13. vbi negare videtur, animas siuè è Cælo, siuè ex Inferno apparere hominibus posse, Si rebus (inquit) viuientium interessent animæ mortuorum, & ipsæ nos, quando eas videmus, alloquerentur in somnis, vt de alijs taceam, me ipsum pia Mater nulla nocte defereret, quæ terra, mariq. secuta est, vt mecum viueret, legire eundem de hac Animarû apparitione lib. 12. de Genes. ad litter. cap. 32. & 33.

Sed ad huius rei maiorem probationem libet hic afferre quasdam alias apparitiones, quas referunt ex Auctoribus fide dignis Martinus Delrius Disquis. mag. lib. 2. q. 26. sect. 5. & Philippus Faber lib. aduersus impios Aethæos disp. 1. cap. 12. à num. 279. & deinceps, & primo occurrit apparitio Galeatii Sfortiæ, de qua testatur Bernardus Arlunus sect. 1. Historiæ Mediolanensis. Ille duobus Mercatoribus in Galliam proficiscentibus obuiam factus litteras dedit, quas deferrent ad Ludouicum eius fratrem, litterarum hoc erat argumentum, d. d. Ludouice caue tibi, quoniam Veneti, Galliq. in perniciem tuam coiuri sunt, tuamq. à stirpe rem euerfuri, quod factum est, nam non multò post Ludouicus Sfortia à Ludouico XII. Gallorum Rege principatu deiectus, & caprius abductus est, sic Arlunus à Fabro citatus. Refert idem Faber duas alias apparitiones, alteram ex Sabellico lib. 1. exempl. cap. 4. Ludouici Alidosij Patris Imolæ Domini, alteram ex Francisco Guicciardino hist. lib. 1. Ferdinandi Regis Neapolitani, Marsilium quoq.

Ficinum Michaeli Mercaro apparuisse tradit idem Faber, qui pro hac apparitione citat Cardinalem Baronium tomo 5. Annal. anno 412. nu. 77. Marsilius namq. post longam de animæ immortalitate cum Michaelē disputationem habitam, iuncta simul dextera patcti fuerunt, vt qui eorum prior ex hac vita discederet, alterum de alterius vitæ statu redderet certiore, sed non multò post contigit, vt summo mane, dùm Michael Philosophiæ studijs vacaret, strepitum velociter currentis equi ad ostium similem audiret, vocemq. simul Marsilij vita functi clamantis, ò Michael, ò Michael vera, vera sunt illa: his apparitionibus aliam Ioannis Pici Mirandulæ Comitis addit Faber, quam ex eius vita à Ioanne Francisco Pico conscripta refert, & dixisse ei, cui apparuit, torqueri se pœnis expiatorijs, eò quòd non secundum talentum sibi à Deo creditum eruditionis, & ingenij multiplicasset. Has duas postremas apparitiones ante Philippum Fabrum retulit Martinus Delrius vbi suprâ, & cū his plures alias adiungit, quas poterit Lector apud citatos Auctores habere: de modo verò, quo huiusmodi apparitiones fiunt, scribit idem Faber disput. citata nu. 293. & nos latius Cap. 4. & 5. huius Tractatus.

In his quoque B. Brigittæ Reuelat. Libris frequenter huic S. Viduæ Christum Dominum, Beatissimam Virginem, SS. Apostolos Petrum, & Paulum, S. Iosephum, S. Ambrosium, S. Nicolaū, S. Franciscum, Sanctâ Agnetem, aliosq. plures apparuisse, & ab eis de pluribus cælestibus secretis, ac mysterijs fuisse participem factam, atque instructam, hos libros legenti constabit.

Sedenim argumentum satis probabile inde sumi posse credimus, quòd Deus homini interdum apparere, & cum eo loqui dignatus sit, quoniam cum essemus omnes damnationis, &

ira filij, ac originalis peccati macula
 sordati, ipse suæ misericordiæ memor,
 vt hominē pristinē restitueret innocen-
 tiæ, & captiuitatem eius solueret, ex sinu
 Patris in purissimum Virgineum cor-
 pus delapsus, factus est homo, & mise-
 ria, & infirmitatis illius particeps esse
 voluit. Quis ergo dubitet, ipsummet
 Deum etiam interdum homini appa-
 rere voluisse, & cum eo locutum fuisse
 de reparatione illius perennis gloriæ fa-
 cta per ipsum, deq. medijs, quibus illam
 sibi comparare posset. Et si propter nos,
 vel ab ipso suæ Natiuitatis exordio pati
 cepit summam paupertatem, in-
 circumeisione sanguinis effusionem, in
 Ægyptum fugam, famem, & sitim, pro-
 bra, & verba iniuriola sic, vt etiam fue-
 rit captus, ligatus, irrisus, consputus,
 flagellis cæsus, spinis coronatus, & tan-
 dem inter duos latrones Cruci affixus,
 non alia de causa, quàm vt diuinæ iu-
 stitiæ pro peccatis nostris satisfaceret,
 & nostram salutem quæreret, quid mi-
 rum, si ipse, qui tantopere nos dilexit,
 voluerit aliquando se nobis videndum
 præbere, nobiscum familiaritèr conuer-
 sari, & dulcitèr loqui, suarq. arcana
 amicis suis manifestare, eosq. de his,
 quæ ad spirituale profectum faciunt,
 instruere: atq. hinc tot diuinas appari-
 tiones, tot reuelationes, tot diuina col-
 loquia sacræ litteræ referunt facta Patri-
 bus Veteris, & Noui Testamenti, de
 quibus Cap. 4. & 5. sigillatim, & copio-
 sius egimus. Quis ergo tam impudens
 fuerit, qui affirmare audeat, hæc vel
 esse vetularum somnia, vel stultorum
 deliria, aut illa periculis, scrupulisq.
 portam aperire, cum & mentem illu-
 strent ad Dei amorem, & ad rerum
 celestium contemplationem eleuent;
 quietam, & tranquillam animam fac-
 tiant, & à terrenis negotijs eam alienā
 reddant. Ortum habet ex his Visioni-
 bus, ac domesticis diuinis sermonibus
 pax quædam iucunda, qua mens ad in-

teriora rapitur, vt omnibus rebus muni-
 di huius post habitis in solo Deo felici-
 tèt conquietetur, ò verè pacem deside-
 rabilem, per quam, & in qua spiritus se
 ipsam supergressus, & in delitijs, diui-
 tiasq. ineffabilis gloriæ absortus, totus in
 Deum transsit, *Fœlix tu Brigitta*, quæ
 in sinu Sponsi tui ad hunc modum cõ-
 foueri, & inter amplexus dilecti tui hoc
 pacto frequentèr obdormire meruisti.

Nunc ad naturam, & essentiam Vi-
 sionum, ac Reuelationum in specie
 breuitèr indagandam transimus, vt in
 principio præsentis Cap. polliciti sumus.

Diuinæ Visiones, ac Reuelationes
 non aliud sunt, quàm secretorum, ac
 mysteriorum Dei manifestationes, di-
 uina dispensatione præter naturæ ordi-
 nem factæ. Has thesauro meritò in agro
 abscondito de quo *Matth. 13.* scribitur,
 similes esse arbitramur, tum propter
 illarum absconditam intelligentiam,
 tum propter ingentes rerum spiritua-
 lium fructus, qui ab eis manare con-
 sueverunt.

Sumendum primò initium est à
 prophetica Visione, de qua licet in
 specie Cap. 7. latè scripsimus, hic tamen
 de ea breuitèr dicenda sunt, quæ ad il-
 lius essentiam percipiendam spectare
 visum est: & quidem Visionem propheticam
 eam esse ex sententia *S. Thom.*
 specialem quemdam prophetiæ modū
 dicimus, cum vigilantibus sit, vt etiam
 censuit *Ioan. Lorinus* in c. 2. *Act. Apost.*
 vers. 18. & multifariam posse contingere
 docuit *Abulensis* quæst. 3. in cap. 2.
Num. & eam fieri arbitrat̃r semper
 per immutationem signi sensibilis ma-
 terialis, aut imaginis in phantasia, aut
 locutionis, sine qua non sufficere credo,
 si sola tantummodò externa visio
 occurrat, quoniam species vibiles per
 se non possunt aliquid significare, nisi
 incomplexum, ac verò prophetica Visio
 importat cognitionem cum iudicio, &
 vsu rationis, vt toties in hoc Tractatu
 nostro

Diuinæ Vi-
 siones, & Re-
 uelat. quid.

Matth. 13.

Visio pro-
 phetica
 quid.

Lorinus.

Abulensis.

nostro insinuauimus, quod etiam sensit Leonardus Coquæus in Comment. ad cap. 1. lib. 1. de Ciuit. Dei S. August. atque hinc deducendum est, posse interdum prophetiam communicari sine visione, & absq. alicuius signi sensibilis ostensione, per solam locutionem, plerumq. enim nihil videntes Prophetæ vocē Domini audiebant, quod frequenter in sacris litteris legimus, & in specie de puero Samuele 1. Regum 3. Non tamen negandum est, etiam fieri posse visionem per species internas absq. locutione, vt suo loco dicemus cum Capite 7. huius Tractatus, Beatæ Brigittæ donum prophetiæ fuisse collatum probabimus, nam ex illarum specierum representatione formari potest indicatiua cognitio. Monet tamen idem Leonardus Coquæus vbi suprà, animam in spiritali visione interdum falli, quandoquidem similitudines corporum, quæ spiritu videntur, cum ea anima videt, ipsa corporea esse arbitrat, ad cuius rei confirmationem citat Sanctum August. lib. 12. de Genes. ad litt. cap. 25. & 26. dicentem, Cum rapitur anima in ea visa, quæ in spiritu cernuntur similia corporibus, diuinæ admonitionis esse, & adiutorij, vt se non corpora, sed visa corporum spiritaliter nouerit cernere.

Sed hæc Doctrina Coquæi, qui putat posse aliquem in imaginaria visione interdum falli, ac decipi, distinguenda, ac exponenda est, nam si loquatur de deceptione, quæ quandoq. cadit super figuras, & species, vt si quispiam, cui figura Leonis in imaginaria visione occurrat, existimet figuram illam, vel esse viuum Leonem, vel alterius animalis figuram, Iste tunc perniciosè non diceretur deceptus, nec eiusmodi deceptio perniciosa appellanda esset. Secus autem, si deceptio illa caderet super mysteriorum diuinorum intelligentiam, & fidei veritates, quas

illæ figuræ significant, quod rectè, probèq. exposuit Sanctus Aug. lib. 12. S. August. de Genes. ad litter. cap. 14. paulò post medium, Quid (inquit) obest hominibus, quòd, cum dormiunt, vera corpora esse arbitrantur, quorum similitudines in somnis vident, aut aliquid obfuit Petro, quo soluto se à vinculis, seq. Angelo deducente, factum est repente miraculo, vt putaret se visum videre, vel cum in illa Extasi respondit, Nequaquam Domine, quia numquam manducaui omne commune, & immundum, putans ea ipsa, quæ in disco demonstrabantur, tamquam vera animalia, hæc quando aliter in mente fuerint, quàm putata sunt, cum videntur, non nos penitet, ità à nobis fuisse visa, si non arguatur, vel infidelitas dura, vel opinatio vana, siuè sacrilega, quapropter, & cum visis corporalibus Diabolus fallit, nihil obest, quòd ludificentur oculi, si non erratur in veritate fidei, & intelligentiæ sanitate, qua docet Deus subiectos sibi. Atque eò magis illum ab hac deceptione alienum esse crediderim, qui ad diuina contemplananda arcana diuinitus eleuatur, cum enim, vt testatur idem S. Doctor, lib. de Spiritu, & Anima, cap. 24. cum à bono spiritu assumitur anima non fallitur, & hinc inferendum, cum Actor. 10. legimus, super

Act. 10.

In Visione imaginaria, quando quis decipi dicitur.

cognoscendi promoueat, neque enim Sanctus Petrus in hac visione statim affectus est, quid illæ animalium figuræ significarent, sed paulò post Spiritu sancto illum docente mysteria, quæ sub figura illa erant abscondita, nouit. Quod benè Sanctus August. probat epist. 102. non longè post medium, Quia (inquit) sunt visiones, quæ apparent spiritui, tamquàm corporis sensibus non solum dormientibus, vel fuerentibus, sed aliquando sanæ mentis vigilantibus, non per fallaciam illudentium Dæmonum, sed per aliquam reuelationem spiritualem, quæ sit per formas incorporeas corporibus similes, quæ discerni omnino non possunt, nisi diuino adiutorio plenius reuelentur, & mentis intelligentia diiudicentur, vix aliquando, cum fierent, sed plerumq. postea, cum transierint, quod etiam apertè probatur ex alia eisdem Petro facta visione, de qua Act. 12. Cum enim ille ab Angelo re ipsa è vinculis solutus esset, & è carcere educus, in corpore ambulans, existimauit se visum videre, & nesciebat, quia verum est, quod fiebat per Angelum, sic vt ibi scribitur, & paulò post illius visionis factus certior, dixit. Nunc scio verè, quia misit Dominus Angelum suum, & liberauit me. Ex his palàm est, quòd non refert in principio eius visionis, quam suprà ex cap. 10. Act. retulimus, Sanctum Petrum existimasse illa fuisse vera animalia, cum in Sudario fuerint depicta, vt censuit Cyrill. Alexand. lib. 14. de Adorat. in spiritu, & lib. 9. contra Iulianum. Qua de re legendus est Ludouicus de Ponte in lib. quem inscripsit Dux spiritualis par. 2. tractat. 3. cap. 8. non longè à fine, qui rem hanc egregè explicat. Hanc autem Principis Apostolorum visionem fuisse imaginariam, & symbolicam tradidit S. Thom. lect. 2. in cap. 12. posterioris Epistolæ ad Corinthios.

Nunc pergimus Visionum, ac Reuelationum naturam, & essentiam indagare. Harum Visionum triplex genus constituunt Doctores sacri, quarum vna corporalis est, alia spiritualis, sed imaginaria, postrema intellectualis, sic tradunt Sanctus Hieronym. in Prologo Apocalyp. Beati Ioan. Haymon, Lyran. & Gilbertus ibidem, Magister sentent. in cap. 12. posterioris epistolæ ad Corint. S. Thom. 1. part. quæst. 93. art. 6. ad 4. & 2.2. quæst. 174. art. 1. ad 3. Sanctus Augustin lib. 12. de Genes. ad lit. cap. 7. & 24. vbi docet, visionem corporalem fieri, cum per corporis sensus corporea sentiuntur, spiritualem verò, seu imaginariam, cum similitudines corporum spiritu cernuntur, intellectualalem, cum mente intelliguntur, quæ nec corpora sunt, nec similitudines corporum. Tripartitam hanc visionum diuisionem etiam Petrus Morales in cap. 1. Matth. lib. 4. tractat. 8. nu. 2. refert ex Christiano Druthmaro, qui agens de apparitione, ac reuelatione facta Iosepho, sic habet, Tria ponuntur genera visionum, vnum per corporeos oculos sicut Abraham, & Lot Angelos viderunt, & locuti sunt cum eis: aliud in corde sicut Danieli locutus est in corde, quæ Balthassar oculis corporalibus videbat, & non intellexerat: tertium in somnis, & in corde, sicut ad Isaiam, & omnes Prophetas, & ad Iosephum Virginis Sponsum, & hanc postremam visionem, alijs esse præstantiorem asserit, quod, an verum sit, videbimus infra, cum tractabimus, quæ harum visionum excellentior sit, & certior: sed Stephanus Bubalus in Comment. Angelicis ad quæst. 51. 1. part. Sancti Thom. art. 2. quæst. 1. diff. 2. §. 1. ex Abulensi in cap. 9. lib. 3. Reg. quæst. 2. & Thyreo lib. 1. de visibili Dei apparit. cap. 2. quadruplicem apparitionem ponit, & præter corporalem, imaginariam, & intellectualem, alteram addit, quam

Visionum triplex genus.

S. Aug. 8.

Act. 12.

Animalia.
Petro visa
in linteo, an
vera, aut de-
picta. Iose-
phus. Alex.
Cyrill.

Ludouic. de
Ponte.

S. Thom.

S. Hieron.
Haymon.
Lyranus.
Gilbert.
Mag. sent.
S. Thom.
S. Aug. 8.

Petrus Mo-
rales.

S. Thom.
Abulens.
Thyreo.

Bubalus.

Abulens.
Thyreo.

quam vocalem, seu auricularem vocat, quæ videtur coincidere cum illa, quam Christianus Druthmarus appellat visionem in corde, & hanc Bubalus fieri scribit, cum ad vigilantem hominem vox sola mittitur, nec tamen cernitur is, qui loquitur, exemplum petit ex 1. Regum 3. cum à Samuele auditus est Deus, à quo ter vocatus, vocantem Deum non vidit, sic etiam Num. 7. legimus, Moysen audiuisse sibi loquentem Deum de propitiatorio, quem tunc non vidit. Verum & Sanctus Isidorus lib. 7. Ethymol. cap. 8. ad finem, tria quoque censuit esse genera Visionum, per oculos corporis, per spiritum imaginarium, postremum per mentis intuitum, & in hoc postremo genere primum locum tenet Raptus, & Extasis, vt Cap. sequenti dicemus, quia, vt somnia immissa diuinis, & locutiones diuinæ interdum per imagines fiunt, ita etiam plerumq. accidit hominibus à sensibus, & simulachris abstractis, vt ad supernaturalium rerum contemplationem eleuentur, idcirco scribit Apost. 2. Corint. 5. Si uero mente excidimus. Non tamen negandū, in imagine etiam creata, vel sub corporeis imaginibus Deo reuelante interdum aliquid videri, & notat S. Thom. 2. 2. quæst. 174. art. 3. præstantiorem esse Prophetie gradum videre visiones, quam somnia somnare, & ratio est, quia maior est vis prophetici luminis, quæ aliquem abstrahit, dum vigilans est, & occupatus circa sensibilia ad supernaturalia, quamq. abstractam animam dormientibus à sensibilibus reperit.

Sed quidquid sit, antequam de harū trium visionum natura, & quidditate ulterius differamus, ad pleniorē, & faciliorem illarum cognitionem ex D. Thom. notandum est 1. par. quæst. 136. art. 3. aliquid tripliciter posse videri, primò quidem per præsentiam suæ essentia in cognoscente, quemad-

modum lux videtur in oculo. Secundò per præsentiam suæ similitudinis in potentia cognoscitiua, sicut oculus lapidem videt per hoc, quòd eius similitudo resultat in eo. Tertiò per hoc, quòd similitudo rei cognita non accipitur immediatè ab ipsa re cognita, sed ab aliqua re, in qua resultat, sicut homines imaginem intuentur in speculo. Rursus sciendum est, ad corporalem visionem oportere, vt præter speciem externum concurrat corpus, aut certè vehementissima alia sensus immutatio.

His iactis fundamentis, vt à corporali Visione incipiamus, dicendum videtur, corporalem visionem eam esse, quæ visus ministerio fit, quæ uero vigilantibus contingit, & qua Dei dono corporaliter aliqua videntur, quæ aliquid significant, quemadmodum Eliseum uidisse in raptu Eliæ igneam currum 4. Reg. 2. scribitur, & per hanc Elisei visionem, quædam deuota, & feruentia designari desideria, quibus boni vehuntur in Cælum, tradidit S. Greg. in 1. Reg. 8. & Moysen Exod. 3. uidisse rubum ardentem, & non combustum, qui teste Eucherio de Spiritualibus formulis cap. 4. designabat carnis prius extinctæ resurrectionem: ad hoc visionis corporalis genus referendū est, quod legimus in his Reuel. Libris, B. Brigittam uidisse aliquando Christum Dominum, Sanctis. Virginem, & Angelos, aliosq. plures Sanctos, & quidem Christum uidisse dicitur cū igne de Cælo descendentem, & super altare Sacerdotem celebrantem hostiam eleuantem, & in ea Agnū, & faciem hominis in Agno, vt Lib. 6. Reuelationum scribitur, & rursus intuita est in hostia in manu Presbyteri sacrum facientis existentem infantem, astantes benedicientem, & dicentem, Benedico vos credentes, non credentibus Iudex ero. Cumq. iam, iam Beata Brigitta moritura esset, vidit etiam corpora-

Visio corporalis quæ

4. Reg. 2.

S. Gregor.

Exod. 3.

S. Eucher.

Christianus
Druthmarus
appellat
Bubalus.

1. Reg. 3.

Num. 7.

S. Isidorus.

2. Corint. 5.

S. Thom.

S. Thom.

Apparitiones
que ratione
sunt.

poraliter Christum Dominum eam
consolantem, vidit quoque, cum adhuc
puella esset, Matrem Domini in altare
sedentem, ac eius capiti coronam im-
ponentem, & rursus, cum periclitaretur
in partu, visa est Dei Mater ad eam in-
trare, quæ corpus eius tangens, ab ægri-
tudine illa eam liberauit. Quomodo
autem huiusmodi apparitiones Beatæ
Brigittæ fieri potuerint, hic breuiter
exponam, cum hoc ad perfectam, in-
tegramq. corporalis visionis cogniti-
onem spectare visum sit. Sanè nulli du-
bium est consueuisse Angelos, aliosq.
Sanctos hominibus apparere sub aliqua
forma spectabili, & Angelos corpora
assumere, concors est Theologorum
ferè omnium Scholasticorum, & plu-
rimorum Sanctorum Patrum senten-
tia, vt Cap. 4. huius Tractatus proba-
uimus; huiusmodi verò apparitiones
plerumq. sunt Angelorum ministerio,
qui, vel ex aere, vel aliquo alio assumen-
tes corpora, & ea sibi vnientes, huma-
nam formam exprimunt, & voces, &
motus, ac alias quasdam corporis fun-
ctiones, auribus, & oculis exhibent.
Qualis autem vnio illa sit, Doctores
Scholasticis difficultatem hanc enodan-
dam relinquimus, certum est in his as-
sumptis corporibus, multos cælestis
patris Sanctos se aliquibus hominibus
videndos exhibuisse, & eos B. Brigittam
interdum sic vidisse, & eam fuisse allo-
cutos in his Cælestium Reuelat. Libris
legimus. Modus autem locutionis Cap.
10. à nobis diligentèr exponitur. Sed si
quispiam curiosus quærat, quapropter
Deus velit inuisibiles spiritus sub visibi-
li forma hominibus apparere, & quæ nã
ab his apparitionibus vtilitas, & cõmo-
dus emanat, plures ex Sacris Doctori-
bus Cap. 6. adduximus causas.

Ex his ergò liquet, Visionem corpo-
ralem fieri, aut per imagines, & species
aliquas, aut per externa quædam signa,
quæ sensibus corporis à vigilantibus

omnia percipiuntur, per quæ Deus se-
creta sua manifestat, quibus signis, ac
imaginibus ille vitur tamquã instru-
mentis ad illustrandum spiritum, vt in-
telligat, quæ illi repræsentantur. Exem-
pla duo ex Veteri Testamento petita,
paulò suprà adduximus de Moyse, qui
rubû ardentem vidit, sed nõ combustû,
& Eliseum igneum currû, & in Nouo
Testamento Ioan. 1. Ioannes Baptista vi-
dit Columbam de Cælo descendentem,
& super Christû Dominû manentem,
& Act. 2. descendisse Spiritum sanctum
legimus super Apostolos, tamquam ad-
uenientis spiritus vehementis, & reple-
uit totam domum, vbi erant sedentes, &
apparuerunt illis dispersitæ linguæ, tã-
quam ignis, seditq. super singulos eorû,
in quorum cordibus fiebat spiritualitèr,
quod signa externa indicabant.

Verûm, vt hæc corporalis Visio, seu
ocularis apparitio imaginaria, & intel-
lectualis visio inferior est, sic, & multa
secum pericula affert, nè is, cui fiunt, de-
cipiatur in ea, nam etiã Dæmones pos-
sunt assumere corpora, & sic se transfi-
gurant in Angelum lucis, seq. homini-
bus exhibent videndos. Atque hi de fa-
cili eos decipiunt, qui magno spiritu in
suas feruntur actiones, & pluris, quàm
par est, sua faciunt, & nimis ducuntur af-
fectibus, hi quoque, qui tenerè lacrymas
fundunt, nam mirum in modum Dæ-
mon fouet humores ad hos effectus ex-
citandos, vt minimum quid naturale
deuotioni tribuant, & diuinitus illa sibi
dari credant, quocirca ab his periculis
constantes viri, & affabiles magis sunt
alieni; hinc etiam fit, homines ex sua cõ-
stitutione melancholicos, & in suis ima-
ginationibus immerfos, & sui proprii
spiritus, illusionibus Dæmonû crebrò
esse subiectos, & ad errores propensos.
Legite S. Bon. de profectu Relig. lib. 2. c. 75. & 76. quare, quemadmodû his Vi-
sionibus, & Apparitionibus non statim
fides præstada est, sic nec illè expetendè,

aut

Visio corpo-
ralis multa
secum peri-
cula trahit.

In Visione
corporali
qui facili
decipiuntur.

S. Bonaventura

aut postulandæ, quoniam hoc latentis superbix, & curiositatis signum esset euidens, ita quoque congruenti tempore Confessario, seu alij pio doctoq. viro manifestandæ, vt de earum veritate constet. Quod & Brigittam nostram fecisse, & Reuelationes, quas in dies habebat suis Magistris spiritus, alijsq. pijs, doctisq. viris examinandas proposuisse in hoc Tractatu sæpè docuimus, & hos Reuelat. Libros legenti passim occurret, in quibus mentio fit eorum, qui B. Brigittæ Sacramentales Confessiones audierunt, & illius res gestas scripserunt, quibus Reuelationes discutiendas, & examinandas tradidit.

Inter cæteros autem duo fuerunt vitæ sanctitate, ac doctrina insignes Matthias, & Petrus Olauus, quorum vitam, & præclarè gesta scripsit Ioannes Vualthonius Gothus, Canonicus Varmiensis, & Regis Poloniæ Sigismundi Tertij Bibliothecarius, in Libro, cui titulum apposuit, Vitæ Aquilonia, seu Vitæ Sanctorum, qui Scandinauiam, & præsertim Regna Gothorum, Suecorumque rebus gestis illustrarunt, Matthias, inquit, floruit Anno Christi 1350. Sacræ Theologiæ Doctor, cum litterarum scientia præstans esset, cælestis quoque vitæ, ac innocentie laudibus floruit. Confecit Commentaria super Bibliam, & explicauit Apocalypsim, & arcanorum diuinitus reuelatorum B. Brigittæ conscius fuit, utpote qui eius Confessor extitit, de eo agitur lib. 1. Reuelat. cap. 3. 2. 5. 8. 9. & 90.

Alter S. Brigittæ Confessor Petrus Olauus fuit Ordinis Cisterciensis, qui in linguam Latinam octo libros Reuelationum transtulit, cuius etiam vitam scripsit idem Ioannes Vualthonius, & quem libro citato virum sanctissimū multiplici sancti Spiritus Carismate cumulatū appellat, de eo mentio fit

in Prologo lib. 1. Reuelat. & lib. 4. cap. 32. & lib. 6. cap. 71. & in Reuelat. extrauag. ca. 3. 6. 45. 48. 71. 109. 113. 114. & 115.

Sed illud silentio prætereundum non est, cum in Corporali visione Christus Dominus, vel Beatissima Virgo, aut aliquis alius Sanctus apparet alicui, non tamen ipsum, vel alium Sanctum, sed Angelum sub externa specie latentem, quis videt, nequaquam illum decipi, qui videt, si hæc apparitio à Deo ortum habeat, quoniam illa corpora, nobis obijciuntur videnda, vt Christū representent, & illius, aut eius Sancti, qui se videnti exhibent, vicē gerunt, & videntis mens in rem representatam fertur, sicut nec illuditur is, qui aliquā Christi imaginem adorat, vel alicuius Sancti veneratur, quandoquidem non opus manuum hominum, non aurum, non argentum, non lapidem, non lignum, ex quibus imago illa compacta est, adorat, sed illa vt prototypus est, & vt repræsentat ipsum Christum, & Sanctos veneratur, & colit.

Nunc ad alterū Visionis genus transitū facimus, & de spirituali, seu imaginaria sermonem instituimus, quam sic vocamus, non quasi sola imaginatio operetur absq. intellectus functione, sed quod peculiariter in imaginatione impressio fiat, ob quam res, quæ nostro aspectui in apparitione occurrunt ad intellectum transitum faciant, aliās, si sola imaginaria potentia occuparetur, vix nomen Prophetiæ mereretur, vt tradiderunt Suaris in Cōment. ad 3. p. S. Tho. q. 30. art. 1. disp. 9. sect. 2. & Martinus Delrius Disquis. imag. lib. 4. cap. 1. q. 1. Ergo nomen habet hæc visio à prima, & præcipua impressione, quā Deus præstat hominibus, cum illis innotescit, & quia etiam primario fit per imaginariam representationem, à qua mentis conceptio originem ducit.

Huius potentie ministerio, quando

D Deus

Visio imaginaria quæ.

Suaris.

Delrius.

Deus se manifestare hominibus vult, offert se sub speciebus, ac rerum corporaliū simulachris, quorum capax est imaginatio, quæ figuræ, ac imagines à Deo, seu Angelis, vel de nouo formantur, & immittuntur, vel ad id illæ inferuiunt, quas iam habuimus, & sensibus exterioribus excepimus, quas teste

S. Thomas.

S. Thom. 2. 2. quæst. 173. art. 2. & 174. art. 2. Deus, vel Angelus ita disponit, & ordinat, vt aptè, & accommodatè ea representent, quæ vult, ac ad ea intelligenda lumen supernaturale tribuit.

Ex his palàm est, imaginariam Visionem, seu Apparitionem eam esse, qua aliquid supernaturale, ac diuinum videndum proponitur, sitq. cum dormientes, seu vigilantes, non corpora, sed rerum imagines cernimus, quibus aliquid aliud significatur, & vt

S. Hieron.

Auctor est S. Isid. lib. 7. Ethymol. cap. 8. cum secundum spiritum imaginamur ea, quæ per corpus sentimus, ad hanc visionem spectare illam scribit, qua Apostolorum Princeps Petrus discum è Cælo dimitti animalibus plenum vidit, ac eam quoque, qua Isaias in altissima Sede Deum positum intuitus est, cuius etià visionis exempla plura in his Cælestium Reuelat. Libris inueniuntur; sit sit vnum, illudq. insigne hic afferre ex Lib. 4. Cap. 2. legimus ibi, apparuisse B. Brigittæ duas stateras iuxta terram, quarum summitates pertingebant nubes, earum verò circulos penetrasse Cælos, in prima erat Piscis, cuius squamæ acutæ erant quasi nouacula, visus eius quasi Basiliscus, os verò quasi Vnicornis venenū effundentis, aures autem quasi acutissimæ lanceæ, & quasi laminæ ferreæ: In alia verò statera erat animal quoddam, cuius pellis quasi flex, os ingens effundens flammæ ardentes, cuius palpebræ quasi gladij durissimi. Huius imaginariæ visionis declara-

tionem habes Lib. 4. Reuelat. Cap. 129.

Deum autem duplicem consuevit se obseruare modum in his visionibus, & apparitionibus, colligitur ex S. Thom. 2. 2. quæst. 174. art. 3. nam quandoque audiri tantummodò verba, quæ ille suggerit, quandoque videri res, quæ futurorum quorūdam euentuum signa sunt, contingit, hæ verò & fieri possunt in vigilia, atque etiam in somno, nam imaginatiua potentia, sicut sopitis sensibus potest operari, sic & potest suas operationes cum aliarum potentiarum operationibus coniungere: primo modo occurrunt dormientibus, secundo vigilantibus, & Deus potest nos de rebus diuinis nunc vigilantes, nunc dormientes instruere: Idq. frequenter fuisse factum tam Veteris, quam Noui Testamenti testantur Paginæ, vt Nos ex sacris Litteris latè probauimus Cap. 9. huius Tract. quo loco de visionibus, ac reuelationibus in somno factis scripsimus.

Taceant ergo, qui perperam dicunt, indecorum, ac diuina indignū maiestate esse, aliquam à Deo in somno reuelationem fieri, & proinde nullam dari: tribuitur hæc sententia quibusdam Epicureis dicentibus, non decere Deum obire dormientium lectos, concursare grabatos, & stertentibus injicere somnia, quæ vel non recordantur expergefacti, vel non intelligunt, vel etiam cōtemnunt, vel, si pluri faciendæ, sibi putent stulta, impleri superstitione, die, noctuq. animi pendant, aut inani impenduntium malorum metu perterriti, aut fallaci futurorum expectatione bonorum elati sunt. Extrà verò somnium plurimas contigisse visiones non ambigendum, quas hic enumerare longum esset.

Porro in præsentia admonere Lectorem placet, cum alicui in som-

S. Thom.

somnis illa occurrunt, inde certò deprehendi posse, ea ad imaginariam visionem pertinere, talis enim apparitio non ocularis, aut visibilis esse videtur; idem iudicium fieri potest, si occurrat in nocte, quibus enim de nocte visiones in sacris Litteris factas esse legimus, imaginarias fuisse regularitèr credimus, non quidem omnes, sed eas tantùm, quæ dormientibus accidunt, non enim semper necesse est in nocte dormire.

Sed dubitare hic quispiam probabiliter poterit, cum, imaginaria visione vigilantibus contingente, corporalibus oculis rerum imagines, ac simulachra intuemur, an illa visio imaginaria sit, an verò corporalis? Dicendum videtur, si ea visio referatur ad id, quod oculis corporis videmus, corporalem esse; at si ad id, quod significatur, spirituales, & imaginariam appellandam, & hanc esse mediam inter intellectualem, & corporalem, proinde S. August. 12. de Genes. ad litt. cap. 24. appellat medium id, quod corpus non est, sed simile corpori, ut est rei similitudo inter illud, quod verè corpus est, & illud, quod nec corpus est, nec simile corpori.

Cæterùm, si quis quærat, quare huiusmodi Apparitiones fiant in somnis, & Deus homini dormienti reuelationes suas immittat, inter cæteras hanc esse potissimam causam existimamus, quòd homo, cum in vigilia pluribus distrahatur, & passionibus ducatur, ac varijs negotijs occupetur, non rectè, probèque ad influxum diuinum excipiendum dispositus est, sed in somno quietior est, & in se ita collectus, ut facilius diuinis reuelationibus excipiendis sit apior. Secundò, quia homo vigilans omnia vult diligenter scrutari, & rationem rerum expendere; at verò dormiens, ut omnia simplicius accipit, sic tunc fidem

suam Deo absque examine præstat, & illi obedit: Tertio, ut qui in vigilia moritur mundo per sui abnegationem, in somno Deo viuat, per mortis, cuius somnus imago est, considerationem, per quam diuinitus ad altissima Dei mysteria cognoscenda excitatur, & eleuatur. Plures alias harum apparitionum in somno causas attulimus Cap. 6. ubi de causis Visionum, ac Reuelationum scripsimus.

Verùm benignissimus Deus dignatur amicos suos hac visione imaginaria ad altum contemplationis gradum eleuare, cum sub speciebus, ac similitudinibus Christum Dominum, Beatam Virginem, & Sanctos intuentur, quod fieri arbitrantur, ut eorum cordibus, ac mentibus illorum imagines tenacius hæreant, ac eos ad feruentiorem dilectionem, & venerationem alliciat, utque etiam ipse se conditionibus humanæ naturæ accommodet, quæ sensibus ducitur, & sic ad agnitionem veritatis perfectiorè illos alliciat.

Præterea ad pleniorè imaginariæ visionis intelligentiam animaduertendum est, quòd etsi imaginaria visio fiat per figuras, seu species in inferiori animæ parte positas, nempe in imaginatione, & sensibus externis, quas species ita Deus disponit, ut illud referant, quod ille propalare intendit, & per eas intellectum videntis illustrat ad penetrandum, & cognoscendum, quod illæ repræsentant, tamen etiam dicendum est, posse Deum facere, quòd plerumque Prophetis contingebat, ut ab exterioribus sensibus sic quispiam sit abstractus, ut etiam exteriorum sensuum actiones penitus suspensæ maneant, quæ suspensio non impedit visionem imaginariam, quod potest, & dormientibus, ac etiam vigilantibus accidere.

Nunc ad indagandam intellectualis visionis naturam, & essentiam accin-

Quare visiones sub speciebus perfectius fiant.

S. August.

Apparitiones quare fiant in somnis.

Intellectualis visio quæ

gimur, cuius intellectualis visionis nomen inde deductum esse existimamus, quod Deus intellectus ministerio arcana, & secreta sua hominibus manifestat, quam manifestationem fieri tradit

S. Isidorus. S. Isidorus lib. 7. Ethymol. cap. 8. neque corporis sensibus, neq. vlla parte animæ, qua corporalium rerum imagines capiuntur, sed per intuitum mentis, quo intellecta conspiciuntur veritas, sicut Daniel mente vidit, quod Balthasar viderat corpore; hinc est, quod inter ceteras visiones superius descriptas, primum locum tenet intellectualis; quippe quæ præstantior est, Et perfectionem suam non ab exteriori sensu, neque à phantasia, seu imaginatione, sed ab intellectu sortitur, Martinus,

Delrius. verò Delrius lib. 4. Disquis. mag. cap. 1. q. 2. sect. 2. ad finem tradit ex sententia Suarii, intellectualem visionem per se sumptam; & comparatam cum imaginaria perfectiorē esse, ac si imaginaria addatur intellectuali, tunc asserit, quod extensiuè simul ambæ perfectiores erunt, quàm seorsim sola intellectualis, proinde, vt S. Isidorus indicat, illa est manifestatio secretorum; seu mysteriorum diuinorum, quæ intellectui videnda obijciuntur: Huius autem intellectualis visionis efficientem causam idem S. Isidorus, vbi supra, Deum esse affirmat: sed vt eius essentia magis innotescat, notandum ex

S. Isidorus. S. Tho. par. 1. q. 106. art. 1. lumen, secundum quod ad intellectum pertinet; non aliud esse, quàm quamdam veritatis manifestationem, secundum illud Ephes. 5. Omne, quod manifestatur, lumen est; Vnde illuminare, aliud non est, quàm veritatis manifestationem alijs tradere, & in hunc sensum accipiendum est, quod scripsit Apost. Ephes. 3. Mihi omnium Sanctorum minimo data est gratia illuminare omnes, quæ sit dispensatio Sacramenti absconditi à sæculis in Deo. Tria S. Tho. intel-

lectualis visionis principia constituit 2. 2. q. 15. art. 1. quorum Primum appellat lumen naturalis rationis, Secundum lumen habituale naturali luminis rationis superadditum, Tertium & postremum aliquod intelligibile principium, per quod homo intelligit alia, cui intelligibili principio mens potest intendere, & non intendere, & quod non intendat fit, vel quia eius voluntas spontè aueritur à consideratione talis principij Psal. 35. Noluit intelligere, vt benè ageret, vel quia mens circa alia occupatur, quæ magis diligit, quibus ab inspectione huius principij aueritur. De lumine autem naturali, & supernaturali vide, quæ in specie diximus Cap. 8. huius Tractatus.

Rursus accuratè inspiciendum est, & sollicito studio querendum, quænam sint, quæ ad hanc intellectualem visionem spectant, & concurrant, & primò Deus est, qui vel se ipsum, vel res diuinas videndas exhibet, secundò intellectus est, qui eas percipit, tertio res intellectu perceptæ, quæ species quædam sunt, per quas conspiciuntur, & quæ aliquam in se significationem continent, aliàs censuit S. August. lib. 12. de Genes. ad litt. cap. 13. à Deo non esse, nihil enim Deus facit frustra, nec aliquid, quod inutile, aut proficuum non sit, & cum illæ figuræ aliquid significant, ipse lucem præbet ad cognoscendum mysteria, quæ sub illis figuris latent.

Hæ autem species media sunt, & veluti instrumenta, quibus res intelligimus, non verò res intellectæ. Ex his consequens fit, visionem intellectualem propriè dici, quæ ortum non habet à sensu, vel ab imaginatione, sed mediatè fit intellectui per lumen infusum, & species intellectuales, vel de nouo infusas, vel præexistentes, & diuina virtute ad supernaturalem aliquam apprehensionem, seu

Intell. & diuina
visionis
tria princ.
pia.

psal. 35.

S. August.

Visio Intel.
lect. præst.
rior ceteris

Visio Intel.
lect. caus. effi.
cientis Deus.

S. Thom.

Eph. 5. & 3.

S. Thom.

con-

conceptionem faciendam eleuatas, & dispositas, vt supra notauimus.

Quam mentis eleuationem dupliciter consueuisse contingere scribunt Suarius in Cōment. ad 3. p. S. Thom. q. 30. ar. 1. disp. 9. sect. 2. & Martinus Delrius lib. 4. Disquisit. mag. c. 1. q. 1. Primò quidē, cū intellectus sic eleuatur, vt sine phantasie operatione cognoscat, quod raro fit, & non nisi speciali priuilegio à Deo aliquibus conceditur: Secundo quando phantasia intellectui cooperatur, non quòd intellectus primò à phantasia moueatur, sed quòd phantasia ipsa mouetur, & ab intellectu applicatur, vt secum operetur, & concurrat.

Inferitur ex his, quæ hactenùs scriptissimus, intellectualem visionē fieri in parte Animæ superiori, hoc est in intellectu absque figuris, ac imaginibus sensibilibus, neque enim sicut S. Aug. monet lib. 10. de Ciuit. Dei cap. 9. pars animæ intellectualis, quæ rerum intelligibilium percipitur veritas, vllas corporum similitudines habet; hæc autem visio, cum eminentissima sit, præfert similitudinem quamdam cum diuina visione, quæ fruuntur in patria Beati, qui per lumen gloriæ ad diuinæ essentiz visionem eleuantur, ac in ea infinitas intuentur perfectiones, non accipientes ad illam videndam, nec similitudines, nec species creatas.

In hac autem intellectuali visione, dum sumus in via, eleuat Deus aliquod intellectum, quem clarum, ac perspicuum reddit spirituali, & præstantissimo quodam lumine, quo se ipsum, & sua secreta amicis suis interdum videnda exhibet, eaq. manifestat, vt merito dici possit, lumen illud speculi officio fungi, in quo illa videntur, quod & notauit S. Thom. 2. 2. quæst. 173. art. 2.

Cæterum, quamuis benignissimus Deus lucis suæ radios plerumq. mittat

aliquibus imaginum, ac figurarum nubibus inuolutos, quī, vt benè Dionys. Areopag. admonuit, proportionem habeant cum natura, ac debili nostrorum oculorum acie; negandum tamen non est, hos radios absq. nubibus, & non figuris inuolutos interdum mittere, se ipsum, suaq. arcana visione merè intellectuali manifestans, & in hunc sensum interpretanda sunt, quæ Num. 12. legimus de Moysè, quòd palàm, & non per ænigmata Dominum viderit, & quòd Deus cum eo fuerit locutus Exod. 33. & facie ad faciem, sicut solet loqui amicus ad amicum suum.

Hæc autem intellectualis Visio longè præstantior est duabus visionibus, de quibus supra egimus, nimirum corporali, & imaginaria, quippè quæ perfectionem suam, ac integritatem non sumit à sensu exteriori, neque à phantasia, sed ab intellectu simpliciter, tū quia in hac visione intellectuali summa quies reperitur, & in ea secretum, & grande quoddam ab omnibus creaturis silentium inuenitur, imago quædam est, & exemplar cælestis illius gloriæ: vnde qui ad eam sumitur, particeps fit cælestium gaudiorum: hanc ob causam Doctor Gentium Paulus 2. Corint. 12. dicit, se raptū esse in Paradisum vsq. ad tertium Cælum, quod visionem hanc designare tradit S. August. lib. 11. de Genes. ad litt. cap. 28. ad hanc visionem pertinent, quæ idem S. Doctor in lib. Confess. 9. cap. 10. refert in colloquio cum Matre habito. Sileant (inquit) strepitus carnis, imaginationes terrenæ, aqua, & aer, sileant & ipsi Cæli, & ipsamet anima sibi ipsi sileat, seque delectat, non cogitans de se, & taceant somnia, & imaginariæ Reuelationes, omnis lingua, omne signum sensibile, & quidquid temporale præterit taceat, qui enim

Dionysius
Areopag.

Num. 12.

Num. 33.

Visio intellectualis præstantior cæteris.

2. Cor. 12.

S. August.

hæc omnia audit, & de eis cogitat, omnia illi dicet, ipse Deus, qui æternus felicit nos, & non ipsi nos; & cum hæc dixerint sileant; iam enim aures aperuerunt; & arrexerunt ad audiendum factorem suum; ipseque solus loquatur, non per eas, sed per se ipsum, & eius verbum audiamus, non per linguam carnis, aut per vocem Angeli, non per sonum nubis, non per ænigma, aut similitudinem, sed ipsummet Deum, quem amamus, in his rebus audiamus, sine illis præcipiti cogitatione penetremus ad æternam sapientiam, quæ permanet super omnia; si hæc contemnantur relictis alijs visionibus imperfectioribus; & si hæc vna visio rapit, nos absorbet; & abscondit in gaudijs internis, eiusque nos aspiciat ita, ut Vita sempiterna sit, qualis hæc est contemplatio huius brevis temporis, nam non erit hoc, quod scriptum est, intra in gaudium Domini tui Matt. 2. 5. Hactenus Sanctus Augustinus.

Hæc autem intellectualis Visio communicatur homini, siue in extasi posito, ac à sensibus abstracto, siue in Raptu, quoties à visibilibus factus est alienus, siue in vigilia, siue etiam in somno, quod & S. Bern. indicare visus est lib. de Modo bene viuendi ad Sororem serm. 68. Quædam (inquit) visiones iusto eueniunt modo, idest supernæ revelationis mysterio, sicut in Veteri Testamento legitur de Ioseph filio Iacob, qui per somnium fratribus dicitur preferendus, vel sicut legitur in Evangelio de Ioseph Sponso Mariæ, qui per somnium est admonitus, ut fugeret in Aegyptum, sed rem hanc confirmat S. Ambros. lib. 8. Epist. 60. ad Anisium, Cum (inquit) Sanctorum somnus operarius est, secundum quod scriptum est, Ego dormio, & cor meum vigilat, secundum quod Iacob sanctus diuina dormiens videbat mysteria, quæ vigilans non viderat de Cælo ad terras

acerem præuium sanctis respicientem Dominum, & pollicentem terræ eius possessionem, itaque breui somno dormiens impetrauit, quod magno labore postea acquisiuit. Est enim Sanctorum somnus feriatu ab omnibus corporis voluptatibus, ab omni animi perturbatione, tranquillitatem menti inuens, placiditatem animæ, ut tanquam soluta nexu corporis se ableuet, & Christo adhæreat, hæc enus Ambrosius. Qui Beatissimam Virginem intellectualis visionis dono fuisse locupletatam scriptum sit 2. de Virg. & Rupert. lib. 5. in Cant. quos sequitur, & citat Iacobus Aluarez de Gradibus contemplat. lib. 5. p. 3. cap. 12. & B. Brigittam intellectualis visionis donum diuinitus accepisse testatur Cardinalis Turrecremata in Prologo ad Reuelat. eiusdem Cap. 4. & quidem, cum in illis libris de diuinis; ac supernaturalibus mysterijs tractetur, quæ humanæ mentis caput excedunt, ad eorum intelligentiam eleuari illa minime poterat absque ingenti diuini luminis copia: Hinc est, quod passim legimus, B. Brigittam in Spiritum eleuatam eius intellectum illuminatum, & confortatum fuisse ad ea intelligenda; quæ sibi ostendebantur, impleta supernaturali lumine intelligibilis veritatis: Quid enim, ut diximus supra, aliud est visio intellectualis, quam diuinarum quædam rerum manifestatio, quæ hominibus fit per confortationem, ac illustrationem intellectus à supernaturali lumine emanantem. Verum, si cuiuspiam hæc non sufficiant, & plura exigat, percurrat hos libros; in quibus iuueniet Christum Dominum, Beatissimam Virginem SS. Petrum, & Paulum, aliosque plures eam fuisse allocutos, & ab eis de nostræ fidei mysterijs instructam, & participem factam eorum, quæ ad diuini cultus augmentum, & ampliationem spectant, ad quorum intelligentiam B. Brigitta supernaturali lu-

Math. 25.

Visio intellectualis dormientibus, & vigiliantibus contingit.

Bernard.

S. Ambros.

Beatissima Virgo dono Visionis intellectualis ditata. Rupert. In Cant. Aluarez.

Card. Turrecremata.

lumine indigebat, sic Lib. 1. c. 1. & 10. de Incarnatione agitur; & de Trinitate Lib. 2. cap. 13. & Lib. 3. cap. 2. 6. & Lib. 8. cap. 1. & de Pass. Lib. 4. cap. 7. & Lib. 7. cap. 15. & de sapientia, & potentia Dei Lib. 1. cap. 19. & Lib. 2. cap. 2. 2. & eodem Lib. cap. 2. 8. de immutabilitate Dei, & conformitate nostræ voluntatis cum eoy; & in Sermone Angelico de dignitate; & Excell. Virg. & Lib. 8. de bono regimine Principum, & alibi sæpè de alijs Catholicæ fidei mysterijs.

Sed hic admonendus est Lector, cum à nobis sæpè fuerit dictum, non potuisse B. Brigitam absq. supernaturalis luminis ductu eleuari ad ea mysteria intelligenda, quæ in his Reuelat. Libris tractantur, de prophetico lumine hoc esse intelligendum, & quidem de naturali nequit intelligi, quippè quod insufficiens est, cum naturalia non transcendat, neque etiam de lumine fidei, quod obscure rerum supernaturalium cogitationem comprehendat: Est enim fides sperandarum substantiarum rerum, argumentum non apparentium, vt scripsit Paulus Hebræ. 11. quia nuius illa cognitio certa sit, quoniam Dei reuelantis auctoritati innititur; ad propheticum ergo lumen illud referendum est, quo hominis mens eleuata diuina arcana inspicit, quod lumen B. Brigitam habuisse probauimus Cap. 8. huius Tractatus Nostri, de hoc lumine loquitur S. Aug. lib. 12. de Gen. ad litt. cap. 31. Aliud (inquit) est ipsum lumen, quo illustratur anima, vt omnia, vel in se, vel in illo veraciter intellecta conspiciat, nam illud ipse Deus est; hoc autem creatura quamuis rationalis, & intellectualis ad eius imaginem facta, quæ, cum conatur lumen illud intueri, palpitat infirmitate, & minus valet, inde est, tamen quidquid intelligit sicut valet, cum ergo illuc rapitur, & à carnalibus substracta sensibus illi visioni expressius præsentatur non spatijs loca-

libus, sed quodammodo suo etiam spiritali se videt illud; quo adiuta videt quidquid etiam se intelligendo videt. Quid autem homo videat, cum Deus hac intellectuali visione illius mentem illustrat, fuscè docteq. Iacobus Aluarez scribit de Grad. contemplati. lib. 3. par. 3. cap. 12. qui asserit, cum videre principaliter, quæ ad diuinam naturam vnitatem, & ad personarum Trinitatem pertinet, de anima animam se in contemplatione eleuatam. Christum, Donauum, Virginem Matrem, aliosq. Sanctos intellectuali visione inueniri absq. corporali aliqua imagine, & alia multa ad fidem, & mores spectantia. Huius autem visionis modum explicat per comparationem videntis Solem, quam desumpsit ex Abulensi 2. Reg. cap. 2. 3. q. 3. Ille namq. tradit, posse quempiam Solem dupliciter videre, primum quidem, vt aliquando nubibus est obumbratus, secundum in quantum sine nubibus lucet, primo modo quilibet oculus etiam infirmus potest Solem videre, vt ipse dicit, ideo visio illa imperfectior est: Secundus vero modus perfectior existit, quia non potest quilibet oculus sic Solem videre, sed ille solus, qui fortis est: immò debiles oculi, neque qualitercumque lumen diei possunt inueniri, exemplum de Dauide affert, qui spiritu prophetico Deum cognouit, sicut qui videt Solem non obumbratum, & sicut lux Auroræ oriente Sole manet absque nubibus ruralit, sic erat modus Prophetiæ David, nimirum quia cognoscebat veritatem supernaturalem in suo intellectu fulgentem absq. phantasmate. Vnde merito David eximius Prophetæ vocatur, quia sacræ Scripturæ sensus aperitius, quam alij Veteris Testamenti Prophetæ intellexit, quia in re Moysen, & alios antecessit Prophetas, quia clarius prædixit Incarnationis, & alia nostræ Redemptionis mysteria, quam ceteri, sic

ut in quibusdam Psalmis visus est, historiam potius de illis texere, quam prophetiam, & præcipue in Psalm. 21. 68. 71. ut Jacob. de Valent. admonuit Tract. 2. Prologi in Psalterium, & Henricus Harphyrus lib. 3. mysticæ Theologiz p. 4. cap. 28. de hac aperta visione loquitur Origen. exponens illud Cant. 2. Adiuro vos filie Hierusalem, ne excitetis dilectam; Coniurationem (ait) tuam Domine, nisi fallor, Sponsa tuæ status optimus, & acutus præexcellens causabat; tibi incumbens sine medio, te videns sine nubilo, in te quiescens sine tædio, de te hilarescens sine modo, à te permanenti accipiens sine termino: Huius visionis dono insignito Davidi ostensa est Deipara, quæ Verbum ex Spiritu sancto cōcepit sub similitudine illius terræ benedictæ, quæ suum dedisse fructum cecinit Psal. 66. Terra nostra dedit fructum suum, hæc est promissionis terra; quæ Botrum Christum protulit Num. 13. Hæc est terra germinans saluatorem Isaiæ 45. Hæc est terra, quam Dominus benedixit, & per quam auertit captiuitatem Jacob Psal. 84. Hanc terram benedixit Deus, Mariam nempe Virginem, quæ germinauit illum benedictum fructum, qui à nobis abstulit omnem maledictionem, & dedit nobis benedictionem, & auertit à nobis Dei indignationem.

Expediit modò enucleatius inuestigare, quænam harum Visionum perfectior, ac præstantior sit, qua de re legendi sunt S. Thom. 2. 2. q. 174. art. 2. Caiet. & Suar. in Cōment. in 3. p. S. Tho. q. 30. art. 1. disp. 9. sect. 2. & Martinus Delrius Disquis. mag. lib. 4. cap. 1. q. 2. sect. 2. Sed antè hos omnes de harum visionum natura, & dignitate egit S. Aug. lib. 12. de Gen. ad litt. præsertim cap. 24. ubi docet, præstantiorem, & ceteriorem esse intellectualem ceteris, quippe quæ ab alijs seiuncta est, & ca-

rùm ministerio non indiget, at verò corporalis, & imaginaria ab intellectuali pendent: Spiritualis (inquit) visio indiget intellectuali, ut diiudicetur, intellectualis autem ista spirituali inferiore non indiget, ac per hoc spirituali corporalis; intellectuali autem uterq. subiecta est: Verum, si visionem intellectualem, spiritualem, seu imaginariam, & corporalem comparemus adinuicem, dicendum videtur, intellectualem præstantiorem esse, ac perfectiorem imaginaria, si ab ea seiuncta sit, & præcisè, & secundum se sumatur: si verò cum ea concurrat, secus dicendum est, nimirum, quòd extrinsecè præstantior sit spiritualis, qua ratione Suarius perfectiorem esse arbitratur reuelationem, quæ per sensus externos fit, quàm sola visione imaginaria, quia cum sensibus externis operatur simul imaginatio, multumq. ab illis adiuvatur, ut rem certius, & distinctius apprehendat, quam doctrinam confirmat auctoritate Sancti Augusti. lib. 12. de Gen. ad litt. cap. 9. & Chrysost. Hom. 4. in Matth. & illud est, quod docet S. Th. q. citata ad 1. quòd, quādo aliqua supernaturalis veritas reuelanda est per corporales similitudines, tunc est magis Propheta, qui utrumq. habet, nimirum lumen intellectuale, & imaginariam visionem, quàm ille, qui habet alteram tantum, quia perfectior est prophetia, & hoc est, quod S. Aug. docuit cap. 9. lib. citato, quòd maxime Prophetia est illè, qui utroque præcellit, & videt in spiritu corporalium rerum significatiuas similitudines, & eas viuacitate mentis intelligit.

Postremò querendum breuiter est ad completam huius rei tractationem, quodnam discrimen sit inter Visionem Reuelationem, & Illuminationem: Etenim visionem appellamus eam, ut supra indicauimus, qua videmus aliqua corporali visione, vel imaginaria, quorum

Jacob. de
Valent.

Harphyrus

Origen.

Psal. 66.

Num. 13.
Isaiæ 45.

Psal. 84.

Visionum
que præstan-
tior.

S. Thom.
Caiet.
Suar.

Delrius.

S. August.

Suarus.

S. Thom.

S. August.

Discrimen
inter Visionem,
Reuelationem,
& Illuminationem.

rum intellectus est occultus, & hoc modo B. Brigitta aliqua vidit, quorum cognitionem ipsa non habebat, vt colligitur ex Lib. 1. Reuelat. Cap. 20. quo loco Christus Dominus eā alloquens, Quandoq. (inquit) spiritualiter intelligo, quæ loquor, quandoq. sicut ipsa littera sonat, & verba mea tunc nudè debent intelligi, & idè nullus potest me arguere de mēdacio, & Lib. 4. Cap. 2. & alibi sæpè, idem repetitur, intuebatur enim Brigitta aliquando quasdam rerum formas, & imagines, quæ illi in visionibus occurrebant, quarum significationes in initio visionis ignorabat, licet postea post aliquot temporis spatium iuxta diuinum beneplacitum à Christo, à B. Virgine, & Sanctis Angelis illi declararentur: Porrò Reuelatio à Visione differt, quia non simplicem similitudinem, ac specierum intuitum importat, sed superaddit earum apertam intelligentiam, quod ex cap. 12. posterioris Epist. ad Corint. deduci potest: Quo loco Apostolus visionem à reuelatione distinguit, Veniam (inquit) ad visiones, & reuelationes, quod etiā ibi annotauit Theophylact. Noueris (inquit) quòd reuelatio maius quidpiam sit, quàm visio; hoc enim tantum videri datur, reuelatio verò, quod videtur, denudat; Idem annotarunt ibidem Carthus. & Gulielmus Estius, qui reuelationis à visione differentiam, ac discrimen describens, inter visionem ait, & reuelationem Lyranius, & Caier. post Aquinatem ita fere distinguunt, quòd reuelatio visionem includat, aut supponat, non contrà, cum enim aliquod videtur, cuius intelligentia, seu significatio later, visio solum est, quales fuerunt visiones Pharaonis, & Nabuchodonosor, qui nesciebant, quid per eas significaretur, quando autem aperitur intelligentia rei visæ, reuelatio est, scribitur Dan. 5. In eadem hora appa-

ruerunt digiti quasi manus hominis scribentis contra candelabrum in superficie parietis aulae Regiæ, & Balthasar aspiciebat articulos manus scribentis, & Pharao Genes. 41. vidit spiritus, & neuter eorum, quid illæ significarent, intellexit, sed Daniel, & Ioseph, qui visiones exposuerunt, visionum reuelationes habuerunt: ex quo duo colligenda sunt Primùm, quod Balthasar, & Pharaon eorum imaginum simplicem visionem habuerunt, sed Daniel, & Ioseph visionem, & reuelationem. Secundò, quòd visio, & reuelatio simul quandoque coniunguntur, prout vni, eidemque aliquando occurrunt, vnde non mirum, si quando Doctores in eodem sensu eas accipiunt, & pro eodem assument.

Distinguitur quoque Illuminatio à Reuelatione, nam reuelatio, vt patet ex dictis propriè importat rei reuelatæ cognitionem alteri tribuendam: vnde fit, vt diuinæ reuelationes Dei sermones vocentur, quia per eas nos Deus instruit, eiusq. mysteria nobis reuelat, vt Psal. 102. cecinit Prophetas David, Benedicite Domino omnes Angeli eius, potentes virtute facientes verbum illius, ad audiendam vocem sermonum eius.

Sed Illuminatio est propriè eius manifestatio, quod mente concipitur, secundum quòd ortum habet immediate à Deo, vt à prima veritate sic, D. Th. p. 1. quæst. 107. ar. 2. & Durand. in 2. d. 11. q. 13. Deo autem propriè competit illuminare, & licet affirmet aliqui Scriptores, Angelos inferiores illuminare, vt D. Dionys. de Cælesti Hier. cap. 15. tradit & S. Tho. 1. p. quæst. 106. art. 4. & Durand. vbi supra, tamen intelligendi sunt loqui de Illuminatione prout coincidit cum reuelatione, non verò prout est cognitio rei, quæ à Deo immediate sumitur, vt prima veritas,

Reuelatio
nis à Visione
discrimen.

Theoph.

Carthus.
Estius.

Lyranius.
Caierus.

Dan. 5.

Genes. 41.

Illuminatio
ni à Reuelatione
visio-
nis.

Psal. 102.

Illuminatio
quid.

S. Thom.
Durand.

S. Dionysius
S. Thom.

&c

*Iacob.
Apost.*

& prima lux, à qua cætera lumina pendunt, hinc Iacobus Apost. cap. 1. suæ Epist. Deum Patrem luminum appellat, & ut diximus, sicut Doctores interdum Visionem, & Reuelationem in eadem significatione sumunt, sic videtur dicendum de Illuminatione, & Reuelatione.

Quoniam autem de Apparitione diuinarum personarum, & Angelorum in specie Cap. 4. tractauimus, hic tantummodo ex Aluarez loco supra citato insinuare placuit, Christum Dominum extra Sacramentum Eucharistiæ corporaliter, & secundum substantiam suæ humanitatis raro apparuisse post eius Ascensionem in Cælis; in Assumptione tamen Matris suæ sic visum fuisse, ut eam secum ad Cælum duceret, perpetuò in illis gaudijs permanfuram, ut monuit S. Damasc. orat. 2. de Dormit. eius, fauent Sofronius, S. Athanasius, S. Anselmus, & alij plures, quos Lib. 7. Reuelat. Cap. 26. Not. 3. citauimus, & in Conuersione etiam Pauli Apost. corporaliter descendisse, Christum censuit Aluarez ex Sent. Adelmani, quod etiam eidem Paulo aliquando se corporaliter ostendisse docuit S. Thom. 3. par. quæst. 57. art. 6. ad 3. & probat hoc ex illo 1. Corint. 15. Nouissimè omnium tamquam abortiuo visus est & mihi, idq. factum esse ad confirmandam Resurrectionis fidem scribit, aliàs verò, cum Christus visus est, intellectualiter id factum est per speciem quamdam ipsum, qui in Cælo est, representantem in ea distantia, in qua apparet, quod à Deo fieri posse nemo negat, ut absente obiecto, ac si præsens esset repræsentetur: At verò Angeli, alijq. Sancti, cum hominibus apparent, dicendum est, secundum substantiam se præsentem exhibere, non verò in tota sua pulchritudine, & maiestate, qualem habent in Cælo, ut scribitur Lib. 5. Reue-

lat. Interr. 8. quæst. 1. & Nos indicauimus ibidem ad Respon. quæst. 3. & ratio redditur, ibi, nè honor ille, qui Deo debetur, creaturæ exhibeatur, utq. sciat homo, neminem esse supra Deum diligendum, aut etiam dicas, quòd sicut fieri non potest, ut quis oculorum aciem in Solem non nubibus obumbratum intendat, immò & Cæcus fortasse fieret is, qui per aliquod temporis spatium intendendo persisteret, ita quoque homini contingeret, si splendorem, & pulchritudinem Angelorum, aut etiam Corporis gloriosi in tota sua latitudine conspiceret, non enim turbaretur solum, sed à sensibus alienaretur, ut notauit S. Ambr. in Lucam cap. 1. Solemus (inquit) turbari, & à nostro affectu alienari, quòd perstringimur superioris potestatis occurso: Idem scribitur Lib. 2. Reuelat. Cap. 18. Visio, quam vides (sic enim loquitur Christus cum B. Brigitta) non tibi videtur, sicuti est, si enim videres spiritualem pulchritudinē Angelorum, & Animarum Sanctorum, corpus tuum non sufficeret videre, sed rumperetur quasi vas corruptum, & putridum propter gaudium magnum ex visione, & paulò post, Ideò videntur tibi spiritualia quasi corporalia, & Angeli, & animæ videntur tibi in similitudine hominum, qui habent vitam, & animam, & Lib. 1. Cap. 10. Beatissima Virgo agens cum Brigitta de Annunciatione sibi facta per Angelum dicit: Vidi Sydus, sed non quale fulget de Cælo, vidi lumen, sed non qualem lucem, quæ lucet in Mundo, sensi odorem, sed non qualem herbarum, vel aliquid tale, sed suauissimum, & ferè ineffabilem, quo tota replebar, & præ gaudio exultabam, & inde statim audiui vnā vocem, sed non de ore humano, & ea audita satis timui, nè fortè esset illusio, & statim apparuit ante me Angelus Dei quasi homo

*Christus in
Assumpt. Vir-
ginis, & a-
lijs corpora-
liter descen-
dit.*

S. Damasc.

Sofron.

S. Athanas.

S. Anselm.

Aluarez.

*Christus ali-
quando Pau-
lo se corpora-
liter ostendit.
S. Thom.
1. Cor. 15.*

*Angeli Ga-
brielis appa-
ritio facta
Virgini.*

homo pulcherrimus, sed non carne vestitus, & dixit ad me, Aue gratia plena. Porro S. Ambrosius vt scribitur hic, supponit, Gabrielem in specie Viri apparuisse Virgini Mariæ, sic enim in exhortatione ad Virgines habet, Angelum (inquit) in specie viri vidit, & pauebat corde, peregrinabatur aspectu fortè, quia alios Angelos solita erat videre sub specie puerorum alatorum, ac sub specie viri nullum præter Gabrielem, & lib. 1. Off. non longè ab initio, clarius hoc affirmat, vbi ait, Virginem moram fuisse in intuitu Angeli, & non speciem virilis sexus peregrinam, & turbatam fuisse aspectu illius: Idem habet lib. 2. de Virg. & in Lucam lib. 2. cap. de salut. Mariæ, & eius turbatione, & S. Hieronym. Epist. ad Lætiam quæ est 7. post num. 22. & Epist. ad Eustochium, quæ est 22. post num. 108. quo loco apertè dicit, Angelum in specie viri Mariæ apparuisse, denique hoc ipsum apertis verbis fatetur August. serm. 14. de Nati. Domini, quæ est 18. de Tempore circà medium, quo loco dicit, Angelum facie rutilante, veste corruscante, aspectu mirabili visitasse, & salutasse Mariam: His addendum ex S. Athanas. quæst. 22. ad Antiochum B. Virg. fuisse intuitam, non tantùm oculis corporeis Angeli speciem, & figuram corpoream, sed etiam mentis acie eius essentiam, sed hac de re legendus S. Thom. 3. p. quæst. 30. art. 3. ad 1. & cap. 4. nostri Tract. paulò post initium, vbi de eadem Angeli Gabrielis apparitione etiam egimus.

Modum verò, quo fuerunt ad diuinæ essentia Visionem nonnulli in via eleuati, Deo tantummodo esse notum docuit S. Chrysost. Hom. 13. in Genes. Deus (inquit) visus est, vt ipse solus fecit, & vt videntibus vtile erat videre: Neque etiam sub eadem semper for-

ma se videndum præbet, sed sub varijs, prout videntium conditio fert, & vultas exposcit, & quæ capacitati, & imbecillitati etiam nostræ consulat, Non itaque (inquit Chrysost. Hom. 14. in Ioan. Tomo 3.) conspicitur, neque mutat essentiam, sed pro varietate subiectorum figuram sui exhibet visibilè, rem hanc apertius explicat Hom. 58. in Genes. Tomo 1. his verbis, Deus non vt est, se ostendit, sed quod videre is potest, qui aspectum huiusmodi meruit; hætenus infirmitati humanæ sese attemperans, omnia agit, vt suam misericordiam nobis declaret: indicat hoc idem Gregor. Nazian. Orat. 34. Nazian. num. 34. Itaq. dicendum breuiter est, Deum se visione intellectuâli, & imaginaria sub diuersis figuris se videntum in via intermedium habuisse, vt toties in hoc Tractatu tradidimus, & animaduertit S. Hieronym. Hom. 3. in Cant. circà finem, & multifariam multisq. modis visus est à Paribus, & Prophetis; Vidit illum Abraham apud quærcum in conuale Mambre Gen. 18. Vidit etiam Moyses Exod. 33 in foramine petra, Iob in turbine c. 28. Isaias in excelsio folio eum sedentem cap. 6. Ezechiel sub similitudine Animalium cap. 6. Idè per Oseam cap. 12. dixisse Deum legimus, Ego multiplicauì visionem, & in manu Prophetarum assimilatus sum, Verbum multiplicauì, indicat sub varijs formis, & figuris Deum visum esse, atque hinc fit, quod huiusmodi visiones sunt per lumen fidei, per Reuelationes in Extasi, in Raptu, in Excessu mentis, in Virgilia, in Somnis. Habet anima nostra, vt notat S. Basil. in cap. 7. Isaiæ, aures, & oculos internos, & ab externis sensibus abstracta, & diuino splendore illustrata rapitur ad audiendas Dei voces, & ad videnda diuina mysteria, & arcana cœlestia; neque enim, sicut

Deus interdum sub diuersis figuris se videndum exhibet in via.

S. Hieron.

Genes. 18.
Exod. 33.

S. Basil.

S. Cyprian.

S. Cyprianus scribit de Cardinalibus operibus Christi fol. mihi 442. Deus his omnibus arcatur, sed excedens omnia, æternaliter antecedens potestas, & virtus nihil habet cõuuum, nec eius immensitatis profundum vlla creatura cælestis, vel terrena metitur: Hactenus de corporali, imaginaria, & Intellectuali visione.

Extasis, & Raptus natura, & essentia discutitur, & B. Brigittam fuisse extasim passam probatur.

CAP. III.



VONIAM in his Cælestium Reuelationum Libris B. Brigittam ad diuinam contemplanda in extasim fuisse raptam frequenter legimus, conducere arbitrari sumus, ad pleniorum eorum, quæ in illis scribuntur, intelligentiam, diligenter inuestigare, quid Extasis sit, quid Raptus, quid Mentis excessus, & vnde ortum habeant, quæ in se differant, quæ causæ, & qui eorum effectus existant, & licet Cap. I. huius Nostri Tractatus aliqua de his in genere scripserimus, in præsentia de eisdem in specie fusiùs differendum esse existimauimus.

Supponendum hic tãquam certum, Doctores Theologos Extasim, Mentis excessum, & Raptum in eodem sensu interdum vsurpasse, ac etiam in sacris Litteris pro eodem quandoque accipi: Raptus enim includit Extasim, & Extasis Mentis excessum.

Et Raptus Apostoli Pauli dicitur quoque Mentis excessus, vt ex Psal. 67. colligi potest: ibi, Benjamin.

adolescens in mentis excessu, quæ de Paulo interpretari possunt, qui fuit de Tribu Benjamin, & raptus vsque ad tertium Cælum vidit arcana Dei, quæ non licet homini loqui.

2. Corint. 12. rectè Ambrosius 2. de Abraham 6. Mentis excessum eleuationem propheticam ad diuinam.

intuenda appellauit, & S. Thom. 2. 2. quæst. 180. art. 3. Raptum vocat supremum contemplationis gradum: dicitur etiam extasis mentis excessus;

qui vel pauore, vel rerum altissimarum reuelatione fit, stupor etiam ob ingentem admirationem, quam tunc anima concipit, cum præter naturam suam à sensibus abstracta, ad maximum diuinæ dilectionis gradum, &

diuinorum inspectionem eleuari conspicit, quod contingit, tùm ex contemplatione summi boni, quod illi obijcitur, tùm ex terribili obiecto, quod ei præsentatur, idcirco dicebat Iob cap. 7. Terrebis me per somnia.

& per visiones horrore concuties: tunc enim anima pauore, & timore concutitur, licet postea pavor, & timor cessent, quia postmodum rerum supernarum ingens fructus sequitur.

Atque hinc est, quòd ex pluribus, ac præclaris bonis, quæ à Mentis excessu, & Raptu ortum habent, genus hoc contemplationis nominata sunt, & à Doctoribus alijsq. contemplatiuis multipliciter appellari consueuerit.

Enim Sancta Theresia hunc mentis excessum, & raptum somnum quemdam placidum, & S. Brigitta suauem, & iucundum soporem animæ spirituales appellauerunt, alij otium sanctum, alij

silicium, alij solitudinem interiorem, alij

Mentis excessus nominata varia.

Extasis, Mentis excessus Raptus ali-quando pro eodem accipiuntur.

alij verò mortem vocarunt, quando-
quidem cum his omnibus videntur ha-
bere aliquid conforme, & quidem
merito somnus, ac sopor placidus, &
suavis dicitur Extasis, & Raptus, quo-
niam tunc anima in extasi, & raptu
posita rebus mundi dormit, & cum
suis spiritalibus facultatibus in lecto
sui dilecti Sponsi suaviter quiescit, &
sensus, & facultates inferiores à suis
functionibus cessantes tota ad aspe-
ctum, & amorem sui Sponsi attendit,
sicut cum Iacob Genes. 28. lapidem
suo capiti supponens dormiret, vidit
in somnis Dominum sibi loquentem,
& Angelos Dei ascendentes, & descen-
dentes. Otium præterea Sanctum,
Extasis, & Raptus vocatur, non quòd
anima otiosa maneat, sed quòd tunc
à passionibus, curisque, & cordis vagis
cogitationibus, & turbationibus libe-
ra existat, & dum ab externis occu-
pationibus vacat, illam tantummodò
occupationem sumit, vt Deo seruiat.
Silentium quoque dicitur, eò quòd
tunc inania verba, ac imaginatio-
num varietas cessant, & solùm anima
attendit, vt verbum diuinum exci-
piat, dicitq. Audiam quid loquatur
in me Dominus Psalm. 84. Solitudo
rursus dicitur, quoniam intrà ipsius
cordis inclusus, & totus collectus spi-
ritus, solus cum Deo suo conuersatur,
cum eo solus habitat, cum eo solus
sua negotia tractat, omnium rerum
oblitus, etiam sui ipsius, & proinde
mortis etiam nomine Extasis, & Ra-
ptus designatur, quia, qui ad hoc
contemplationis donum à Deo assu-
mitur, huius mundi diuitias, hono-
res, & commoda à se ita dimittit,
æquè ac si mortuus esset, & hanc lu-
storum mortem vocari posse merito
opinamur, de qua Num. 23. Moria-
tur anima mea morte lustrorum. Atque
hinc Extasim nonnulli dixerunt esse
priuationem officiorum animæ sen-

tentis simul, & mouentis, ac intel-
ligentis, sic Scaliger. in Card. exercit. *Scaliger.*
3. 1. 2. & Mercatus lib. 3. de Morb. 1. par. *Mercatus.*
quæst. 180. num. 34. Extasim esse
alienationem tradit imaginationis ab
omnibus rebus cum detentione in ali-
cuius rei consideratione. Est autem
Extasis duplex naturalis, & superna-
turalis, naturalis ea est, quæ à causa
naturali pendet, supernaturalis verò
à causa supernaturali, à Deo nempe
elevantes mentes nostras ad diuinorum
contemplationem, de qua agimus hic:
de discrimine autem extasis naturalis, à
supernaturali vide Paulum Zachiam *Paulus Za-*
Quæst. Medico-Legalium lib. 4. tit. 1. *chias.*
quæst. 7. nu. 18. 11. *Thauler.*

Sed libet indicare, quæ spiritus bo-
nus in anima iusti in extasi rapti ope-
retur ex Ioan. Thaulerio de Inst. cap. 2. 9.
Qui Christum Dominum loquentem
cum ea inducit, cum inquit, Impedi-
menta omnia remouens, ac creatura-
rum labentium omnium obliuiscens,
cunctis viribus tuis te subleuas, atque
supra tempus in me subuolas, raperis,
excedis, adeò ne totius meæ obliui-
sci facis excellentiæ, vt me in animam
tuam dimittere cogar, quo in ipsa à
cælesti Patre meo ineffabili modo ge-
nere, quo simul & te mihi adopto in
filium, Cælumq. & Terram intrà te di-
spono, moderor, guberno.

Porro quisnam explicare queat exul-
tationis ingentis dilatationem, affectû,
teneritatem, & sensuum altitudinem,
quæ diuinitus accipit anima, quando
in Extasi posita ad rerum cælestium
contemplationem rapitur, tunc de
altissimis mysterijs cogitat, & à terre-
narum rerû cogitationibus se elongat,
sensuum inordinatos motus reprimi,
Angolorum locutione delectatur, Dei
conuersatione fruitur, à tribus Diuinis
personis consolari meretur. Et hæc do-
na sunt, quæ ab Extasi, Raptuq. ori-
ginem ducunt, & quorum tunc parti-

Gen. 28.

Psalm. 84.

Num. 23.

Extasis quid.

Anima lu-
cunditas in
Extasim ra-
pit.

seps redditur anima; atque hinc suspensio illa spiritus; quæ in contemplatione sequitur illarum rerum, quas meditatur; quæ tanta plerumque esse consuevit, ut omnium oblita, his, quæ illi videnda proponuntur, tam firmiter hæreat mente, ac si in terra non esset, deo namque tempore sic se habent superioris animæ partes, intellectus nimirum, & voluntas, quasi essent alligati: oritur postmodum ingens quedam admiratio; & hæc ex præsentia, & magnitudine, ac nouitate rerum diuinarum, quæ manifestantur, ortum habent, quæ admiratio eò maior esse solet, quò altiora sunt mysteria, quæ propalantur. Infinita sanè est diuinarum perfectionum multitudo, quandoquidem Deus mirabilis est in se ipso, ac in rebus paruis, & magnis. Vnde oritur, ut spiritus sic eleuatus, quemadmodum supra diximus, interdum suspensus maneat, & in magnitudine diuinorum operum quoquomodo transformatus existat, dum illa intuetur, & veluti mutus tunc maneat, & quoniam docet Sanctus Thom. 2. 2. quæst. 80. art. 7. admirationem causam esse delectationis, consequens fit, ut dulcedo quedam, & iucunditas plerumque inde sequatur: sumit namque anima delectationem ingentem ex rebus celestibus, quas cognoscit, & amat, quæ delectatio aliquando tanta est, ut illam David Psalm. 30. Magnam appellauerit: Quam magnam (inquit) multitudo dulcedinis tuæ Domine, quam abscondisti timentibus te, & Psalm. 35. eandem vocat, vbertatem domus Dei, & torrentem voluptatis diuinæ, Inebriabuntur ab vbertate domus tuæ, & torrente voluptatis tuæ portabis eos: quoniam apud te est fons vitæ. De huius torrentis acuis quoniam crebro Brigitta nostra bibet, ideo aliquando in extasim rapta, sic Sponsum suum Chri-

stum allocuta est Lib. 4. Reuelationum Cap. 77. O Domine Deus, o quam dulcia sunt oris tui verba, videtur mihi quoties verba tui spiritus audio, quòd anima illa in se deglutiatur cum quodam sentimento ineffabilis dulcedinis, sicut suauissimum cibum, qui cadere videtur in cor corporis mei cum magno gaudio, & ineffabili consolatione.

Sed nemo existimet, ad hos celebres contemplationis gradus ascendere posse nisi Dei beneficio, ac munere, illud namque in primis exigitur, ut anima à Deo interiorius illustretur, ac instruat. Secundò verò alicuius pij, ac Religiosi Viri in hac re periti discreti, & nostra quoque industria, adiuta gratia diuina, in his rebus, quæ à nostro pendere possunt arbitrio, quæque hostiæ curæ subiaceant. Animaduertendum tamen est, non omnes eodem modo ad tam sublimia dona peruenire, quod egregie exposuit Richardus lib. 3. de Contemplatione. cap. 1. Alij (inquit) ascendunt faciliè volantes sicut Passeres, quos Psalm. solitarios vocat in recto. Psalm. 101. Alij verò cum labore, repentes sicut lacertæ, siue Stelliones, de quibus Salomon Prouerb. 30. quòd manibus nitantur, ascendunt ad recta, & morantur in Aedibus Regis. Stellio namque animal repile est, quod lacertæ similitudinem præferat, & depictum à tergo quasi Stellis quibusdam inspersis, quocirca rectè illos potest designare, qui cum tardò ingenio sint, solertia tamen suæ industriæ diuinitus confortatæ altissimarum rerum contemplationem attingunt: Alij postremo sunt, qui ex solius Dei gratia, & directione absque aliquo hominis magisterio ascendunt, quod concessum fuit Paulo Apostolo, qui raptus est in Paradisum, vsque ad tertium Cælum 2. Corinth. 12. 3. Cor. 12.

Sed

Barthol. admiracionem
& delectationem parit.

8. Thom.

Psalm. 30.
v. 35.

ut ostendat
et aliter
et aliter

Richard.

Psalm. 101.

Prouerb. 30.

3. Cor. 12.

Sed quoniam hic, modus extraordinarius est, proinde huiusmodi donum non nisi paucissimis Deus concedere consuevit, & his potissimum, quos Magistros, ac Doctores in Ecclesia constituere disposuit.

Verum nunc ad Extasis, Raptusque indagandam essentiam, & naturam pergamus, & quidem raptum violentiam quamdam includere dicimus, tum ratione superioris naturæ, per quam quis eleuatur, tum ratione termini, ad quem rapitur ad videnda altissima Dei mysteria, quæ facultatem naturalem excedunt. Hinc Sanctus Thomas 2. 2. quæst. 175. art. 2. ad 1. docet, quod raptus addit aliquod supra extasim: nam extasis importat simpliciter excessum à se ipso, secundum quod aliquis extrà suam ordinationem ponitur. Raptus verò supra hoc addit violentiam quamdam. Verum animaduertendum, hanc non esse contrà naturam, sed supra facultatem naturæ, seu præter naturam, & ratio est, quia cum homo factus sit ad Dei imaginem, ad illius dignitatem spectat, quod ad diuinam eleuetur, quæ cum excedant facultatem naturæ, eget supernaturali auxilio, ut ad illa videnda adiuuetur, quod sit per raptum, qui, ut dicebamus, violentiam quamdam importat, dum anima naturalis facultatis suæ terminos supergreditur, quod forsan indicare voluit Iob illis verbis cap. 7. Suspendium elegit anima mea. Quod ut palam fiat, sciendum est, violentiam hanc dupliciter considerari posse, primò quidem quantum ad terminum motus, ut si aliquid graue v.g. lapis sursum projiciatur. Secundò quantum ad modum ipsius motus, ut si idem lapis per vehementem, ac violentum impulsu deorsum velocius impellatur, quam natus sit moueri, & quamuis anima naturalem quamdam inclinationem, ac propensionem in Deum

habeat, & apta; nataque sit ad eum moueri, motus tamen ei connaturalis secundum præsentis vitæ statum est, ut per cognitionem rerum sensibilibus ad Dei cognitionem gradum faciat, siquæ sensibus utatur; hinc fit, ut, quando à sensibus abstracta ad diuinorum mysteriorum intelligentiam rapitur, tunc affirmemus, raptum violentiam quamdam includere, in quantum hoc fit non contrà naturam, sed supra facultatem naturæ, & supra motum sibi connaturalem in hac vita illi minimè competentem ad diuinæ essentia visionem, atque hinc nomen raptus desumptum esse censeo, & proinde Dionysius Carthusian. exponens illa verba Apostoli cap. 12. posterioris Epistolæ ad Corinth. Scio hominem in Christo antè annos quattuordecim, siue in corpore nescio, siue extrà corpus nescio, Deus scit, raptum huiusmodi hominem vsque ad tertium Cælum. In spiritu (inquit) supernaturaliter, & fortissimè ad claram Dei visionem, ad quam Moysen, & Paulum Apostolum, ut hic Carthusianus scribit, fuisse eleuatos affirmauit Abulensis in cap. 5. Matth. quæst. 47. & hanc esse magis communem Doctorum sententiam tradidit, & de Moyse scribitur Num. 12. Palam, & non per ænigmata, & figuras Deum vidit, & de Paulo testatur Sanctus Augustinus lib. 12. de Genes. cap. 27. & ferm. 46. ad Fratres in Eremito, & D. Basil. hom. 1. in Hefameron D. Ambrosii lib. 1. Hefameron cap. 2. Sanctus Anselmus & Beda in locum citatum Pauli. Iacob. de Valentia in Psalm. 67. vers. Beniamin adolescentulus in mentis excessu, Hugo Victorinus ibidem quæst. 34. Sanctus Thomas 2. 2. quæst. 174. art. 4. & quæst. 175. art. 4. ad 3. & 1. part. quæst. 12. art. 11. Durand. in 4. dist. 49. quæst. 6.

De causis Extasis, Raptusque modò hic

Raptus nominatur
vnde desumptum
Carthos.

Abulensis.

Num. 12.

S. August.

S. Basil.

S. Ambros.

S. Anselm.

Bedæ.

de Valent.

Victor.

S. Thom.

Durand.

Extasis, &
Raptus cau-
sa.

tractandum esset, sed quoniam de his in specie scripsimus Cap. 6. tantummodò breuiter placuit indicare, primariam causam magnum esse Dei amorem, finem verò esse incrementa amoris, quæ coniuncta sunt cum ingenti delectatione, ac spiritus iucunditate rerum celestium, quæ similitudinem quamdam habent cum his, quibus Beati fruuntur in patria, vnde merito mentium illæ eleuationes appellantur Raptus, quoniam Dei virtute hominis spiritus rapitur, & à sensibus alienatur, ad contemplationem tantopere sublimem, & consolationem tam ingentem extollit. Sed animaduertendum, quòd, si consolatio illa, & delectatio sit finis principalis eius, qui rapitur, à Diabolo ortum habere, quippè qui à carnali, ac à proprio sensu proficiscitur, qui etiam aliquando spiritualibus rebus fouetur, & alitur. Secus verò dicendum, si finis illius eleuationis principalis sit Dei gloria; laus diuina; & mentis illustratio, tunc enim à spiritu diuino delectationem illam manare dubitandum non est.

Ex his, quæ de Raptu hætenus retigimus, consequens fit, post vniuersalem corporum resurrectionem, quando anima corpori glorioso erit unita, illam nullatenus huiusmodi raptum passuram, quandoquidem motus ille, quo ad Deum videndum eleuabitur, conformis erit illi statui, in quo ad eum contemplationis actum eliciendum sensuum adminiculis non indigebit, nunc enim videmus per speculum in ænigmate, tunc autem facie ad faciem 1. Corinth. 13. An autem illa visio, seu beatitudo ad intellectum spectet, ut putat Sanctus Thom. 1. 2. quæst. 3. art. 4. & in 4. sentent. dist. 49. quæst. 1. art. 1. an verò ad voluntatem, ut sentit Scotus eadem dist. quæst. 4. siuè ad veramq. potentiam, ad intellectum initiatiuè, ad voluntatem completiue,

quidquid sit, actus ille erit conformis statui beatifico, & à sensuum functionibus abstractus, & lumine gloriæ intellectus confortatus eleuabitur ad tam sublime, & eminens obiectum videndum iuxta illud Psal. 35. In lumine tuo videbimus lumen. Porro extasis essentia, & quidditas non differt à raptu, nisi quia, raptus, ut suprà diximus, addit violentiam quamdam. Extasis autem exsentent. Sancti Bonaventuræ in Opusculo de septem gradibus contemplati. est de se ferro exteriore homine sui ipsius: suprà se voluptuosa quædam eleuatio ad superintellectuale diuini amoris fontem, medianibus fursum actiuis virtutibus, pro viribus se extendens. Virtutes autem fursum actiue vocat puritatem, & humilitatem. At verò Toftatus quæst. 18. cap. 23. lib. 3. Reg. duo ad extasim pertinere arbitrat, primò, ut à suis functionibus cessent potentie sensitiue, secundò, ut res quædam diuinitus propaleantur, atque hinc consona sunt his, quæ de extasi scripsit Iacobus Aluarez de Gradibus contemplati. lib. 5. part. 3. cap. 8. dicit enim, duo ad extasim spectare, primùm vehemens quædam occupatio interior, quæ non ab hominis industria pendet, quippè quæ ad omnimodam alienationem non sat est, sed ex gratia diuina animam lactante, & alliciente, procedit, neque enim potest homo tam intente diuinis insistere, & vsum sensuum retinere. Secundò ad extasim exigitur exterior abstractio ab omni vltu sensuum, quæ ex illa vehementi occupatione præcedente naturalitèr manat, quod antè Aluarez tradidit Doctor Angelicus 2. 2. quæst. 175. 3. Thom. art. 2. ex qua doctrina aperte colligi potest, quòd extasis non aliud sit, quam mentis in Deum eleuatio, cù omnimoda ab exterioribus sensibus abstractione, ex magnitudine ipsius eleuationis procedens; huius rei testem adducimus

Bca.

Raptus vnde
dictum.

Extasis quid.

1. Bonavent.

Toftatus.

Aluarez.

Ad extasim
duo spectat.Anima cor-
pori glorio-
so unita rap-
tum non
patitur.

1. Cor. 13.

S. Thom.

Scotus.

Locus S. Dionysii
Arcopag.
Capitulum.

Beatum Dionysium Arcopag. qui ad Timotheum scribens, Tu (inquit) Timothee charissime intentissima contuendis spectaculis mysticis exercitatione, & sensus linguæ, & intellectuales operationes, & sensibilia, & intelligibilia omnia, & quæ non sunt, & ut illi iungaris, qui super omnem substantiam, omnemq. scientiam est, ignotè pro viribus te ipsum intende, enimuerò abs te ipso, atque ab hominibus liberè, & absolutè, ac purè excedendo ad supersubstantialem diuinæ caliginis radium sublatis omnibus, & absolutus ex omnibus euolabis. Ad horum Beati Dionysij verborum intelligentiam, quædam breuiter notanda sunt, & primò, cum dicit, & sensus linguæ, hoc intelligendum non solum de exteriorum sensuum, sed etiam interiorum abstractione, ita ut comprimendæ, & claudendæ sint omnium sensuum fenestræ, ut anima in se recollecta valeat ad altissima Dei mysteria super semetipsam eleuari: hic est enim modus præstantissimus, quo homo ab humanis ad diuina rapitur, & eius mens supernaturali gratia adiuta in Deum eleuatur. Vocata autem Sanctus Dionysius, quæ non sunt ea, quorum in creaturis nullum reperitur exemplum, ut de summa Trinitate, & diuinarum ordine personarum, quoniam in creaturis non inuenitur, quod aliquis aliquem generet, qui sit idem, quod ipse, qui genuit, quorum quilibet sit verè existens substantia, & quod amor, nimirum Spiritus sanctus, qui nexus amoris dicitur, sit æqualis, & existens substantia cum amantibus, hoc est Patre, & Filio, id autem, quod sequitur, ignotè pro viribus te ipsum intende, intellige ad eam cum Deo vnionem, quæ ignota dicitur, cum sit supra mentem, & cognitionem, & quæ naturalitèr capi non potest, deniq.

lumen diuinum tenebrarum diuinarum radium vocat, ob excedentem puritatem, claritatem, & ut scribit Apostolus Paulus 1. ad Timotheum 6. Qui inhabitat lucem inaccessibilem: ab hac verborum Sancti Dionysij explanatione à nobis allata, non dissentit Suarius de ^{1. Tim. 6.} Virtute Relig. lib. 2. de oration. mental. cap. 12. num. 19. dicit enim, quòd, cum Timotheum monet, ut prætermittat sensus, & mentis actiones, non confutit, ut Dei dilectionem prætermittat, cum eum moneat, ut reliquis omnibus derelictis ad Dei vnionem, & coniunctionem se excitet, quæ vnio, & coniunctio in actu amoris posita est, & interna exercitatione ad illam per actum intellectus fit, quatenus ab ipso homine clam fieri potest, id est interno, & valdè spiritali modo, & subdit, quòd actiones, quas Timotheum relinquere consulit, illæ tantum sunt, quæ circa res alias extrà Deum quouis modo versantur, vel etiam intelligit, omnem actionem aliquo modo propriam hominis à proprio spiritu profectam, & quasi propria inquisitione inchoatam.

Atque hinc inferitur, fieri posse, ut extrinsecus patiens tanta intensione supernaturalibus rebus intendat, ut nec præsentia videat, nec verba propè se loquentium audiat, ut etiam nec ferum, nec verbera, neque admotum corpori ignem vrentem sentiat, refert Henricus Harphius lib. 2. Theologiae mysticæ part. 3. cap. 37. Sanctam Claram affectionibus, & cogitationes suas omnes, ita in Deum iactasse, & tanto amoris ardore eum dilexisse, ut eius spiritus semper in Deo suspensus esse videretur, & euidam deuotæ personæ fuisse reuelatum, quòd sine intermissione semper in eam fluebant diuini radij, & quòd huiusmodi influxus, sic trahebat omnes vires eius seorsum in Deum, ut suarum naturalium

1. Tim. 6.

Suarus.

1. Tim. 6.

1. Tim. 6.

1. Tim. 6.

Harphius.

S. Clara, & quorundam aliorum SS. doctorum scriptis referuntur.

virium vsum amitteret, & quod in die Epiphaniæ semel accidit, ipsam tam fortiter forsuum tractam fuisse, vt triginta diebus sequentibus in raptu permanserit, nec secularium rerum penitus recordaretur, nec quæ circa se fiebant senserit, & cum sensibus restituta est, existimauit, tres tantum dies in eò Raptu mansisse, & toto eò tempore, nec cibum, nec potum sumpsisse. Idem Auctor scribit Fratrem quemdam Rogerium Ordinis S. Francisci in vno Matutino sursum centies fuisse tractum ad altissimam diuinorum secretorum visionem. An autem ille, qui ad horas Canonicas teneatur, si inter recitandum eas rapitur, illius diei horas recitare obligetur. Respondet Dionys. Carthusi. in Tractatu de Discernendis Spiritibus art. 23. quod licet secundum legem communem Religiosus teneatur aduertere ad verba Psalmorum, & cantus, tamen, si rapiatur ad aliquod altius, non tenetur, sicut Cassianus ab eo citatus scribit, dicens, quod si quis maneret in Raptu vno die, non obligaretur ad horas recitandas illius diei. Emanuel quoque de Valle in Libro, quem edidit de Incantationibus, seu Empsalms sect. 2. cap. 3. not. 4. scribit, quemdam Clericum nomine Restitutum audita lamentatione aliqua in tam vehementem consueuisse extasim rapi, vt nec vellicantes, pugentesque, aut admotum ignem sentiret. De hoc Restituto egit S. August. lib. 14. de Ciuit. Dei cap. 24. circa medium, Presbyter (inquit) fuit quidam nomine Restitutus in Paræcia Calamensis Ecclesiæ, qui quando ei placebat, rogabatur autem, vt hoc faceret ab eis, qui rem mirabilem eorum scire cupiebant, ad imitatas quasi lamentantis cuiuslibet hominis voces, ita se aufererat à sensibus, & iacebat simillimus mortuo, vt non solum vellicantes, pungentesque minimè sentiret, sed aliquando vreretur etiam igne ad-

motus, sine vlllo doloris sensu, nisi postmodum ex vulnere: non autem obnitendo, sed non sentiendo, non mouere corpus eò probabatur, quod tamquam in defuncto nullus inueniebatur anhelitus. Sed quod hæc Restituti extasis ortum à Deo non habuerit, sed à Dæmone, vel à causa naturali certum est, nam postea cuigilans corpus eius lassitudine quadam, & torpore pressum relinquebatur cum aliqua intellectus, ac mentis hebetudine, neque tunc ille ad diuina videnda eleuabatur, nec quod viderit recordabatur, neque à perfecto vfu sensuum abstrahebatur, quia voces aliquantulum, & tamquam à longinquo prolatas audire dicebatur, vt ex Diuo August. colligi potest, & tamen admotum ignem non sentiebat, qui est vehementius obiectum, & hæc signa sunt non diuini, sed vel naturalis, vel Dæmoniæ extasis. Sed quidquid sit, dicendum est, quod tunc quis in extasim ad diuina videnda eleuatur, quando à sensibus penitus abstractus intellectus ministerio per species intelligibiles, quas prius à phantasmatibus, ac sibi obiectis imaginibus desumpserat, vel per nouas diuinitus infusas in his bonis, quæ contemplatur, ipsamet voluntas aliquo temporis spatio delectata quiescit. Res exponenda ipsis B. Brigittæ verbis desumptis ex Lib. 4. Reuelat. Cap. 77. O charissime (inquit) Deus, & omnium dulcissime, mirabile omnibus audientibus est, quod tu mecum fecisti, nam quando placet tibi, tunc sopis corpus meum; non tamen sopore corporali, sed quiete spirituali. Animam autem meam tunc quasi à somno excitas ad videndum, & audiendum, arque sentiendum mirabilia tua. Idem legitur Lib. 6. Cap. 52.

Quattuor nobis, quæ ad Extasis, aut etiam Raptus naturam, & essentiam spectant, hic indicat B. Brigitta, Primò quod ligantur sensus, cum dicit, quando placet tibi, sopis corpus meum.

Secun-

Dionys.
Carthusi.

Cassianus.

Emanuel.

S. August.

S. Brigitta
Extasis.

Quattuor in
Extasi re-
periuntur.

Secundò Extasim includere quietem quamdam spiritualem, non somnum corporalem, ibi, non sopore corporali, sed quiete spiritali. Tertiò, quòd hoc donum conferretur ad diuina videnda, mysteria, ibi, ad videnda mirabilia tua. Quartò, quòd illud Dei beneficio, ac munere, non hominis, aut Dæmonis ministerio tribuitur, ibi, quādo tibi placet.

Ex his B. Brigittæ postremis verbis explodenda Cardani sententia est, qui audacter dixit, posse hominem naturali sua vi, quotiescumq. voluerit, rapi, quod falsum est, si de Raptu loquatur, quo mens diuinitus ad diuina contemplanda eleuatur. Dicit enim B. Brigitta loquens cum Deo, tunc sopis corpus meū, quando tibi placet, hoc enim donum diuina dispensatione, & Dei beneplacito tribuitur hominibus, & absq. supernaturali auxilio, & diuino lumine homo eleuari ad diuina contemplanda minimè potest, cum illa facultatem excedant naturalem, vt benè probat S. Tho. 2. 2. quæst. 175. ar. 1. Aluarez, & alij plures, quos suprà citauimus, quod eò veriùs arbitramur, quòd his remedijs ad diuini amoris spiritualem fontem eleuamur, sic loquitur S. Bonauent. tract. de grad. contemplat. tomo 2. Opusculorum. In statu autem naturæ corruptæ, ad Deum supernaturalitèr diligendū, hominem nequaquam eleuari posse, absq. speciali auxilio gratiæ, naturam corruptam sanantis, docuit idem Sanctus Thom. 1. par. quæst. 109. art. 3. Meritò Raptus definitur eleuatio mentis ab eo, quod est secundum naturam in id, quod est supra naturam vi, & virtute superioris naturæ: dicitur Raptus mentis eleuatio, quæ connotat abstractionem à sensibilibus, quæ potest à triplici causa ortū habere, vt Nos Cap. 6. huius Tractatus tradidimus, vel ex aliqua ægitudine, & corporis infirmitate, vt phreneticis, ac mente captis ac-

cidit, qui eleuantur à sensu, hæc autem minimè dici potest mentis eleuatio, sed potius à mente alienatio: secundò potest hoc contingere Dæmonis ministerio, qui dubium non est, quod sensus ligare possit, & imaginationem quādoq. immutare, quoad operationem, & cognitionem, sed hoc ligamen, seu immutatio non est eleuatio, sed mentis depressio: tertiò posse hoc etiam fieri ex contemplatione quantumcumq. perfecta, ita vt supposita gratia perfectæ contemplationis ex ea naturalitèr sequi possit Extasis, seu Raptus saltem, quoad suspensionem sensuum exteriorum, vt scripsit Suarius de Virtute, & statu Relig. lib. 2. de orat. ment. cap. 15. num. 12. tomo 2. & hanc suspensionem interdona gratiæ esse connumerandam dicit, vt potè quæ sequitur ex efficacia gratiæ, & connaturalitèr sequi ex priorigratiā; ita vt non sint duæ gratiæ ita distinctæ, sed quòd vna ab alia naturalitèr fluat, & suam hanc sententiam probat ex S. Thom. 2. 2. quæst. 175. art. 2. quam sequitur Caietan. ibidem Abulensis Genes. 30. q. 400. Molina. part. 1. quæst. 12. ar. 1. & huius assertionis rationem reddit, Quia (inquit) cum virtus animæ sit finita, cumq. absorpta vehementèr, & superioribus, ac internis actionibus omninò intenta sit, non potest simul ad inferiores, & externas descendere: & sanè cum anima omnem vim suam, ac totam attentionem in actu interiori ponit, tunc eius naturalis virtus tota sic occupatur, vt sensibus externis non attendat, nec spiritus ad sentiendum necessarios illis ministrat, exemplum affert Trimegistri, Socratis, & Platonis, qui in rerum diuinarum contemplatione, ita suspendi consueverunt, quæ de re agit etiam Gerson in opus. de Monte contemplat. cap. 31. Alph. 74. litt. q. Sed nos de eam mentis eleuatione hic loquimur, quæ homo diuino lumine illustratus, & à

Cardanus confutatur.

S. Thom. Aluarez.

S. Bonauent.

S. Thom.

Raptus triplex causa.

Abulensis.

Caiet. Abulensis. Molina.

Gerson.

ſenſibus abſtractus, ad diuina contem-
planda eleuatur, & hæc eſt mentis ele-
uatio, quæ in definitione raptus ponitur,
de qua Ezechiel 8. ſcribitur, Eleuauit
me ſpiritus, nempe diuinus, inter Cælū,
& Terram, & adduxit me in Hieruſa-
lem in viſione Dei. Merito Ezechiel
Propheta ad diuinas viſiones in Hieru-
ſalem eleuatur: Nam Hieruſalem viſio
paciſ interpretatur, & in viſionibus di-
uinis pax, & tranquillitas mentis inue-
nitur. Hæc autem Ezechielis eleuatio
non intelligenda, quòd corpore fuerit
à loco, in quò erat aliò mutatus, ſed ſpi-
ritu auulſus à corpore, & à ſenſibus ab-
ſtractus.

Duo in definitione Raptus allata no-
tata digna exponenda ſunt; Primò po-
nitur, quòd eſt eleuatio mentis ab eo,
quòd eſt ſecundùm naturam in id, quòd
eſt ſuprà naturam. Secundò, quòd ſit
vi, & virtute ſuperioris naturæ. Dicitur
eleuatio ſecundùm naturam in id, quòd
eſt ſuprà naturam, quia à naturalibus
ad ſupernaturalia, à ſenſibilibus ad di-
uina ſit huiusmodi eleuatio, & natura-
le eſt intellectui hominis Deum cogno-
ſcere, & per creaturas ad Dei cognitio-
nem tendere, vt ſcribit Apoſt. Rom. 1.
Inuiſibilia enim ipſius à creatura mun-
di per ea, quæ facta ſunt intellecta con-
ſpiciuntur, quæ eleuatio ſit vi, & virtu-
te ſuperioris naturæ, quia tendit ad vi-
ſionem ſupernaturalium, quæ excedūt
vires naturæ, & ad bonum, quòd à Deo
in raptu conſertur, quòd eſt ſupernatu-
ralia videre, & contemplari. Vnde or-
tūm non habet ex virtute humana, ſed
diuina.

Ex quibus apertè colligi poteſt, quàm
turpiter Cardanus errauit, qui affirma-
re auſus eſt, poſſe hominem quocienſcūq.
ſibi placuerit naturali vi, & ſuæ volun-
tatis arbitrio rapi. Cardani de Subtili-
tate libri non carent erroribus, & ex-
purgatione limæ eccleſiaſtica iurè di-
gni inueniunt ſunt. Deus eſt, qui rapit, &

trahit Cant. 1. Trahe me poſt te, & cur-
remus in odorem vnguentorum tuorū,
ipſe eſt principalis, & ſufficiens cauſa
raptus, conſuevit tamen ſecundas ali-
quando cauſas, vt inſtrumentales adhi-
bere, ſic vt rectè admonuit Ludouic. de
Ponte de Diſcret. ſpirituum tract. 1. c. 13.
§. 1. qui ex ſententia S. Bonauenturæ
docet, ſpiritu Dei vt interdum bona
hominis conſtitutione, ipſamq. natu-
ram ſua gratia perficere, vt ſe ad idem
ſimul accingant, & vtriuſq. opera ſine
durabiliora, quamuis aliàs tendat con-
tra ipſam inclinationem, quatenus ele-
uat ſpiritu nòſtrum ad res altiores,
quàm eius naturalis facultas aſſequi poſ-
ſit, vt ſic faciliùs appareant diuiniæ gra-
tiæ ipſius. At verò finalis cauſa coniun-
ctio eſt animæ cum Deo, non tamen
negandum poſſe ex alijs cauſis extaſim,
& raptum ortum ducere, vt ex imagi-
natione vehementi, vel aliter læſa, ſicut
paulò ſuprà indicauimus, quòd & ani-
maduertit S. Thom. 1. par. quæſt. 111. c. 6. Thom.
art. 3. & ibi Molin. & Medin. ac etiam
Caiet. qui hoc idem affirmauit 1. part.
quæſt. 17. art. 7. & quæſt. 80. art. 2. & ibi
Medin. & 2. 2. q. 173 art. 3. & 175. art. 1.
ad 2. Sed hæc ſunt phantaſtica appari-
tiones ab ipſa natura per exceſſum ima-
ginatiuæ, vel per corruptionem phan-
taſmatum ortæ. Poſteſt etiam Dæmon
extaſim, ſiue raptum efficere ligando,
vel ſoluendo ſenſus exteriores, & hæc dia-
bolice ſunt, quas Dæmon ad illudendū,
ac decipiendū præſtat. At verò diuine
apparitiones à luce ſapientiæ, & ex cha-
ritate, & dilectione Dei procedunt, tunc
enim in illis anima dormit quodam-
modò, & in Deo quieſcit, ac tam arcto
amoris vinculo cū eò ſtringitur, vt eam
quaſi mortuam dixerim, non ea morte,
quæ ab eo ſeparat, ſed ea, qua mundo
mortua, & Deo viuens coniungitur.
Mortui enim eſtis ſcripſit Apoſtol. ad
Coloſenſ. 3. & vita veſtra abſcondita eſt
cum Chriſto in Deo.

Rur.

Raptus qua-
ratione di-
citur eleua-
tio ſecundùm
naturam.

Rom. 1.

Cardan.

Cant. 1.

Ludovic. de
Ponte.

S. Bonauen.

Raptus cau-
ſa finalis.

6. Thom.

Molin. &
Caiet.

Medin.

modi 8.

Coloſenſ. 3.

Rursus ex his, quæ circa definitionem Raptus notauimus, etiam deduci potest, Angelos, & animas beatas non rapi, cum Deum vident, quoniam, licet supra naturam in eayisione eleuentur; non tamen alienantur ab eo, quod est secundum naturam; nimirum à naturali animæ statu, qui comperit homini, ut per sensus corporeos, & phantasmata sua objecta cognoscat, & intelligat.

Confutanda quoque hic illorum sententia est, ac eorum error reiiciendus, qui asserunt, in extasi, vel raptu animam separari à corpore, hoc Dæmon persuadere conatur, ut erroneam de animarum migratione opinionem hominibus imprimat, vel vè verularum deliria inducat. Refert Plinius lib. 7. de Hermetimo quodam Clazomeno, cuius anima relicto corpore vagari consueuerat, & quæ in longissimis viderat Regionibus narrare, qua in re inter ceteros turpiter lapsus est Bodinus lib. 2. Demonom. cap. 3. sed hoc, ut à vera sapientia, ac Christiana Religione alienum est, sic nec Christianorum Theologorum placitis consonum: dicant hi scilicet, si in extasi, & raptu separatur à corpore anima, quis iterum illam in corpus inducat, sola Dei virtute redire potest; in cuius manu vita, & mors est, & ipse habet clauas mortis

Apocalyp. 1. tritum illud est Arist. placitum, communi omnium Philosophorum receptum consensu, à priuatione ad habitum non dari regressum. Et si donum singulare est, quod Deus hominibus confert, cum eos per extasim, & raptum ad diuinam eleuat contemplationem, ac diuinorum visionem, certe cum extasim, & raptum patitur homo, si tunc à corpore separaretur anima, mortis etiam dolores, qui maximi sunt, toties subiret, quoties extasim, & raptum pateretur. Rursus, ut bene probat S. Thom. 2. 2. q. 175. art. 5. anima in raptu non mutat statum, sed eo manente

tollicur tantummodò actualis ad phantasmata, & sensibilia conuersio, nè impediatur eius eleuatio in id, quod excedit phantasmata, & proinde concludit, non esse necessarium, quod tunc anima separaretur à corpore, remanet ergo in corpore patientis extasim, seu raptum, & duo tunc officia exercet. Primo, quod dat viuere; secundo, quod tota functionibus intellectus incumbit, nullamq. reliquarum potentiarum curam sustinet, probat etiam hæc Nostra sententiam Cornelius à Lapide in Comment. ad cap. 12. Epistol. 2. ad Corinth. quo loco scribit, nequaquam Deum decere, cum hominem in extasim rapit, ut ei mortem inferat, quod, inquit, sequeretur, si in extasi anima separaretur à corpore, & tunc raptus vocari posset mors, & cum patientes extasim redderentur sensibus, multiplicari miracula oporteret, proinde dicit, sibi probabiliter videri, Pauli Apostoli animam, cum ad Cælum raptus est, quasi formam mansisse unitam corpori. Fit quoque in habentibus extasim, seu raptum sensuum abstractio, ita ut omnium sensibilibus potentiarum sequatur inde ligamen, ut diuinis rebus intellectus totus incumbat, ijsq. totus hæreat, & ibi totus cum delectatione quiescat; & hoc est, quod Brigitta dixit, Quando placet tibi, tunc sopis corpus meum, non tamen sopore corporali, se, quiete spiritali. Verum, an tunc animales operationes conquiescant S. Thom. quart. citata art. 5. ad 3. putat non esse necessarium, ut quiescant; licet Tostatus contrarium sentiat cap. 3. ad lib. 4. Regum quart. 12. Sed quidquid sit, tunc hominem per extasim ad supernaturalia eleuari credimus, quando diuina repletur dulcedine, omnibus alijs posthabitis curis à sensibus abstractus ad Deum tantummodò conuertitur, & illius contemplatione delectatur, cum loquentem dulciter audit audita in memoria colligit,

Angeli, & animæ beatæ non rapiuntur.

In raptu, & extasi animæ non separantur à corpore.

Plinius.

Bodinus.

In Extasi, & raptu animam à corpore non separari probatur.

Apocal. 1.

S. Thom.

Animæ in Raptu eleuatur officia duo.

Cornel. 2. Lapide.

S. Thom.

Tostatus.

Quando quies in Extasi, eleuatur delectatur.

ligiti: collecta diligentèr expendi, pròinde scripsimus Nos Lib. 4. Reuelat. Cap. 77. Not. 1. in Extasi tria reperi, primò à sensibus alienationem, secundò affectum quemdam mentis ingentem circà Dei contemplationem, tertio in contemplato bono quietem. Legi possunt, quæ hac de re scripsit S. Bernard. *S. Bernard.* *serm. 23. in Cant.* non longè à fine, exponens ea verba sponsæ, Introduxit me Rex in cellaria sua. In hoc arcanum, (inquit) & hoc Dei Sanctuàrium, si quem fortè vestrum aliquà hora sic rapti, & sic abscondi contigerit, ut minime auocet, aut perturber, vel sensus agens, vel cura pungens, vel culpa mordens, vel ea certè, quæ difficiliùs amouentur irruentia corporum imaginum phantasmata, poterit quidem hic, cum ad nos redierit, gloriari, & dicere: Introduxit me in cubiculū suū, in quod regium cubiculū frequenter fuisse, introductam Brigitam nostram, & in Extasim eleuatam, ac diuinorum tunc fuisse mysteriorū participem factam, passim in his Cælestium Reuelationum Libris legimus.

Quoniam autem B. Brigitta loco suprà citato, cum extasi coniunctam esse, quietem quamdam spiritualem à corporali somno differentem indicat, inuestigandum breuiter est, in quo extasis, & somnus differant, & in quo conueniant, ut inde magis Extasis, & Raptus essentia innoteat, qua de re, quamuis satis copiosè Cap. 8. scripsimus, aliqua tamen in præsentia asserenda esse diximus.

Sciendum ergo est, quòd tam in habentibus extasim, quàm etiam in dormientibus, ligantur sensus, sed non vniformitèr, & quidem in dormientibus, ut Auctor est Aristot. in Libro de Somno, & vigilia, per humorum euaporationem, & caliginem vincuntur sensus, & secundum huiusmodi euaporationum dispositionem contin-

git maius, vel minùs ligamen eorum, vnde fieri etiam potest, ut ob vehementem, & maximum vaporum motum, & copiam, non solum sensus communis, sed etiam imaginatio, seu phantasia ligetur, ità ut phantasmata, & imagines nullæ appareant, ut frequenter his accidit, qui post magnam cibī, potusq. copiam dormitum eunt, at si prædictus vaporum motus mediocritatem quamdam seruet, imaginatio non solum remanet libera, sed etiam communis sensus, ità ut homo interdum, ex his, quæ somnians vidit, iudicat inter res, & rerum similitudines, sed tamen aliqua ex parte sensus communis ligatus remanet, & licet aliquando discernat imagines, semper tamen in aliquibus fallitur.

In extasim quoque patientibus ligantur sensus, sicut in dormientibus, sed diuersimodè. Nam sensuum ligamen, quod in extasi fit, differt ab eo, quod dormientibus accidit, primò quidem, quia hoc à causa naturali pendet, ut suprà diximus, illud autem à Dei voluntate, qua vult homines ad altissimum contemplationis gradum eleuare, secundò penitus etiam discrepant, quandoquidem illud sensuū ligamen, quod fit per vaporum vehementem commotionem, ferè semper est cum aliqua deordinatione coniunctum, quod nullo modo fieri potest in extasi, nam cum propriè ille raptus dicatur, qui diuino spiritu ob vehementiam intensiōnis ad supernaturalia videnda, à sensibus abstractus eleuatur, si in huiusmodi eleuatione posset aliqua contingere inordinatio, profectò ei ascriberetur, à quo illa produciatur, quod asserere esset blasphemia, quod etiam docuit S. Thom. 2. 2. q. 173. art. 3. in corpore, & q. 13. de veritate ar. 1. & latius explicat Card. Caiet. qui addit, si in huiusmodi abstractione inueniatur aliquod indecens naturæ, vel rationis, omninò dicendum à Spi-

S. Bernard.

S. Bernard.

Extasis, & somnus, quæ in re conueniunt, & differant.

Aristot.

In Extasi non inuenitur vlla natura inordinatio.

S. Thom.

Card. Caiet.

Spiritu sancto non esse, sed ex infirmitate, vel fictione, vel ab aliqua Dæmonis illusione emanare, & inferi, abstractionem à sensibus cum denudatione, pudendorum non esse censendam à Spiritu sancto ortum habere, qui non est auctor inordinationis naturæ, sed negandum non est, in corpore eius, qui rapitur, quædā fieri, quæ admirationem pariunt, & inusitata videntur. Nam, cum tunc ab anima quasi derelictum corpus remaneat, calor introcluditur, & proinde ingenti stupore pressum, frigidum, rigidum, & veluti mortuum redditur, & ad se mouendum impotens, ac ineptum fit, & interdum vi spiritus leuatur in aerem, quod B. Brigittæ contigisse. Scribitur cap. 5. Reuelat. Extrahitur interdum etiam cadens in terram prosternitur, aliquando stat, aliquando sedet, aut etiam brachia leuat, quæ passim in his Libris Reuelat. legimus, & hæc vehementis commotionis interioris signa sunt. Rem hanc S. Chrysost. egregia similitudine Aurigæ, qui eorum habenas amisit, declarat, Auriga (inquit) perterritus habenas amisit, equi præcipites feruntur, & currus distractus labefactatur; sic prorsus euenire animo solitum est, quoties magno stupore occupatur, quippe qui pauidus suo deest officio; & veluti quasdam habenas suas actiones amittit, membraque ereptis sensibus deserit, quæ protinus frigent, & corrumpunt. Sed hic animaduertendum est, cum B. Brigittam in extasi raptam, & à terra in aerem fuisse subleuatam diximus, id intelligendum esse, non de extasi, quæ à causâ naturali pendet, sed de supernaturali à Deo emanante, & nostras mentes ad diuinorum contemplationem eleuante, cum eas à sensibilibus auocando sese nobis insinuat, tunc enim ipse Deus illius causa efficiens est, intellectus verò noster instrumentalis tantum, vt sæpe in hoc Tractatu indicauimus: quò circa illam

corporis subleuationem miraculosam esse probat Paulus Zachias lib. 4. Quæst. Medico-Legalium tit. 1. de Miraculis quæst. 5. nu. 16. quæ fit ex se nulla virtute naturali, aut dæmoniaca, sed tantummodò diuina, corpus subleuante: estatici namque cum à terra in aerem eleuantur, id naturali vi certum est minime fieri, sed supernaturali, ac diuina virtute, quandoquidem contrà naturæ propensionem penitus est, corpus graue à centro propria virtute subleuari, & sursum detineri. Verum, si absque deordinatione aliqua illa fiant, vt suprà ex D. Thom. probauimus, non à Dæmone hominem illudente, sed à Deo ad fuidilectionem, ac cū eo ad vñionem alliciente procedere censendum est: plura ex sacris Litteris possemus ad rem hanc comprobendam exempla asserre, vt Apocalyp. 1. de Ioanne, qui cum Angelum vidisset, tantam illius præsentiam maiestatem cum sustinere nō posset, ita perterritus est, vt corruerit, & ad eius pedes penè exanimatus ceciderit, quod & Ezechielis etiam contigit, quando ad illam admirabilem quadriformiū animalium visionem raptus, vt Cap. 2. sua

Paulus Zachias.

Apocal. 1. Ioannis, & Danielis casus ad pedes Angeli vnde ortum habuerunt.

2. Recl. 1.

Daniel. 10.

Raptores. Albertus. Andreas. Aretas.

derit,

S. Ambros.
Ioachim.
Glossa

Matth. 17.

Maldonat.

derit, quod & S. Ambros. Ioachim, & Glossa indicarunt, sed verè Ioannes, & Daniel ingenti trepidatione, & timore perterriti in terram corruere, & Matth. 17. in Transfiguratione Discipuli ceciderunt super faciem suam, & timuerunt valdè, quod & Ioannes Maldonatus hic annotauit, at verò Daniele in terram cecidisse in ea visione colligitur ex ipso Textu, vbi legimus, Et ecce manus Domini tetigit me, & erexit me super genua mea, constat & hoc ex paphraasi, quæ sic habet, Solus ego, quæ superstes fui, visionem hanc horribilem hausi, sed ita sum timore percussus, vt facie contabuerim subito, & solutis viribus ceciderim semimortuus, & exanimatus in faciem.

Differt etiam sensum alienatio, quæ fit in Extasi, vel Raptu ab ea, quæ dormientibus accidit, quoniam dormientes plerumq. decipiuntur in pluribus, quod nullatenus in habentibus Extasim contingit, quandoquidem à Spiritu sancto emanat, qui spiritus veritatis dicitur Ioan. 15. quod etiam probat S. August. lib. de Spiritu, & anima c. 24. In extasi, (ait) quando ab omnibus corporis sensibus alienatur, & auertitur anima, amplius quàm in somno solet, sed minùs, quàm in morte non fallitur, sed ipsa mente diuinitus adiuta, vel aliqua ipsa visa exponente sicut in Apocalyp. Ioan. exponebatur magna reuelatio est, cum enim à bono spiritu assumitur anima, falli non potest.

Postremò alienatio, quæ à vaporum commotione in dormientibus fit, differt ab ea, quæ à Spiritu sancto est. Quoniam plerumq. dormientes quid viderint, quæ de re fuerint locuti non recordantur, eorumq. prorsus inscij sunt, at verò nò sic in extasi, immò, cum sensibus restituantur, qui in Extasi, vel Raptu ad supernaturalia videnda diuinitus eleuantur, tunc magis eorum mentes diuino lumine illustratas, ac cæ-

lesti sapientia imbutas animaduertunt, & tunc illustratione, ac dilectione diuina anima repletur, ac ineffabili liquefacta dulcedine in cælestem quietudinem statim emergit, & tantò se humiliorem exhibet, quantò ad altiora mysteria eleuatur, ac magis se ad vitæ puritatem, & perfectam sui abnegationem disponit, & ad pretiosiora dona se præparat: verum sanè est, vt quò maiores de Deo in se fauores experitur, inde etiam magis contemnere se, ac suam confusionem agnoscere studet. Mens humana, inquit Richard. in cap. 1. Apocalyp. quantò perfectius inuisibilia bona cognoscit, tantò amplius ipsa sibi vilescit, & quantò sublimius Creatoris potentiam contemplatur, tantò magis apud semetipsam humiliatur.

Atque hi effectus sunt, quos Extasis, Raptusq. operantur in anima, quorum quosdam alios ex S. Bernardi placet Lectori offerre, is enim cap. 17. de Interiori domo Columna sexta sic loquitur. Huic iraque, qui sic affectus est, non est onerosa paupertas. Ille non sentit iniurias, ridet opprobria, contemnit damna, mortem lucrū reputat, immò nec mori se putat, cum magis de morte ad vitam transire se sciat. Quem sic amor Dei intrinsecus ligatum tenet, nec ad modicum quidem exire exterius valet, sed interius in eius desiderio flagrat, tantò amplius, quantò familiarius, & eò vehementius, quò frequentius, & Columna 18. Qui sic (inquit) in amore Dei iugiter delectatur, & frequenter mentis excessus patitur ab omnibus præsentibus, & terrenis raptus coram Deo præsentatur, & dum pulchritudinem eius considerat, magnitudine pulchritudinis eius attonitus totus in eius admiratione suspenditur. Miratur Regis gloriàm, Regni magnificentiam, superne Ciuitatis nobilitatem, & Ciuium felicitatem. Contemplatur etiam gloriæ decorem, Dei bonitatem, internæ

Richard.

S. Bernard.

Deus.

Ioan. 15.
S. August.

Visiones in
somnia plerumq. fallaces.

suauitatis dulcedinem, & æternæ quietis tranquillitatem. Mediatur Patris potentiam, Filij sapientiam, Spiritus sancti benignitatem, & Angelicæ naturæ beatitudinem; delectatur de Deo in Deū, dum eius pietatem miratur, & decorem contempletur. O quā iucundum sentitur, &c. & postmodum subiungens, Raptur (inquit) dum sola cælestia contempletur, & contemplan- do iucundatur, & columna 7. cap. 19. Idem S. Bernardus de eodem Raptu sic habet. Denique ratio per mentis excessum in contemplatione sublimium subleuata, & in diuinæ contemplationis arcanū raptā, atque ibi illuminata, ad cognitionem veritatis, & veri luminis, inflammata ad desiderium bonitatis, omnes illicitas voluptates, affectiones, & vagas memoriarum cogitationes, cordis dispersiones, animi fluctuationes, spiritus euagationes, & mentis distractiones in vnum colligit, atque in illo felicitatis fontem suum desiderium figit: locum superiorem ratio semper obtineat, nullusque motus aduersus eam sit rebellis, sed omnia ei obtemperant, sic & ipsa obtemperat Deo. Si verò aliquem motum ad id, quod non debet, vel quomodo non debet, moueri senserit, non consentiat, sed illicò resistat. Hactenus Sanctus Bernardus de Extasis, & Raptus effectu in anima.

Effectus, qui post Extasim sequuntur.

Sed de his, quæ post Extasim, & Raptum patientibus occurrunt, breuiter indicamus; primò corpus eius, qui ad diuinā contemplandā sic eleuatur, non ut tunc, quemadmodum videbatur, imbecillū, ac debile, sed robustum, ac viribus sepe numero potentem relinqui, & in eò ingens quoddam, ac vehemens desiderium remanere pro Christo magna efficiendi, & pro Catholicæ fidei confessione, & Christianæ Religionis amplificatione miles, si opus esset, moriendi, atque pro animarum salute quæcumque pericula, quoscumque labores subeundi, à quo

etiam, & Dei maiestatis, & benignitatis, ac propriæ pusillanimitatis notitia emanat, tristitia inde concipitur maxima de offensis Deo factis, spes magna, erigitur diuinā visione post hanc vitam mortalem fruendi, idcirco hilarescit, & gaudet, agnoscens Dei erga se magnificentiam, & benignitatem, & suam consequenter despicientiam, & humilitatem.

S. Brigittæ post Extasim amoris Stimuli.

Hinc illi Brigittæ post Raptus amoris stimuli, quibus ab amando Deum numquam quiescebat, quæ numquam ad inferiora descebat, suspirijs petebat ignitis interstabilem diuinum amorem, ut absque mensura Deum diligere, ac in dilectione magis, magisque excresceret, ex consolatione cælitus immissa eius cor liquebat, & impetu spiritus effluens, illius impulsus largiter excipiebat, extra se per mentis excessum exibat, & per sui despicientiam, ac obliuionem omnia præter Deum floccificiebat, diuini amoris flammam crebro effundebat, terrena omnia abieciebat, in illum stiebat, ad eum anhelabat, & eius amoris vinculis ligata, cor illius tanta charitate, & exultatione æstuabat, ut præ gaudio vix aliquando tenere se posset, sicut legimus Lib. 6. Reuelationum Cap. 8. 8. in nocte Natalis Domini illi accidisse, in qua tunc sensibilis, & mirabilis in corde ipsius motum sensit, & dubitans, nè forte esset illusio, rem suo Patri spiritali, alijsque quibusdam viris pijs amicis suis proposuit, qui de veritate certiores redditi, mirabantur, & die Natiuitatis Domini, cum ei aliquando Beatissima Virgo apparuisset. Filia (inquit) miraris de motu, quem sentis in corde tuo, scias, quod illusio non est, sed offensio quadam similitudinis meæ dulcedinis, & misericordie mihi factæ in Aduentu Filij mei in me.

Hæc autem fiebant, cum ad diuinā contemplandā B. Brigitta rapiebatur,

ac etiam, cum post raptum sensibus restituebatur, legite Cap. 77. Lib. 4. Reuelar. & Cap. 52. Lib. 6. & Cap. 2. 19. 27. & 28. Lib. 7. & Cap. 23. Lib. 8. in quibus omnibus locis scribitur, Brigitam fuisse in spiritu raptam, & ad diuina contemplanda eleuatam, quod nemo crediderim impugnare audebit: damitare namq; raptus, qui modo in Ecclesia contingunt, esse animi proterui affirmat Iacobus Aluarez de Inquisitione Pacis Tomo 3. lib. 5. cap. 9. de Gradibus contemplationis.

Petrus Canisius.

De Apparitionibus diuinarum personarum, & Angelorum, aliorumq; Sanctorum Veteris, ac Noui Testamenti.

C A P. IV.

DE diuinis Apparitionibus Veteris, ac Noui Testamenti in presenti Capite breuiter scribimus, quoniam in his Cælestiū Redelāt. Libris, Christum Dominum Beatiss. Virginem, & alios quosdam Sanctos & Brigitæ apparuisse, eamq; fuisse allocutos legimus. Verum rum sacræ Litteræ, & probatissimæ Historiæ, grauissimi, ac Religiosissimi quoque Viri, vt infra probabimus de diuinis apparitionibus fidem faciant, illorum primò iudicium improbamus, ac detestamur, qui spirituum veras apparitiones negare ausi sunt, cum nec argumentū vllum probabile huius negationis habeant, & impium planè sit, sacrarū Litterarū dicta parvipendere, & Sanctorū Patrum, ac Catholicorū Theologorum doctrinis se opponere, acque vniuersum apparitionum genus, aut rejicere, aut suspectum reddere. Etenim, qui probare nituntur, apparitiones, quæ à Catholicis piè, sanctèq; creduntur, & fidelitè

ab eis in suis scriptis referuntur, fabulas esse, & præstugas ad decipiendos viuos inuentas, Magdeburgenses sunt, & plures etiam, qui è schola Lutheri emerunt, quorum meminit Petrus Canisius de Deipara cap. 11. sed quoniam hic non de mortuorum tantummodò, sed & de Dei, & Angelorum, aliorumq; Sanctorū apparitionibus tractamus, & licet ex his, quæ ex sacræ Litteris, & SS. Patrum doctrinis cap. 2. tradidimus, & ex illis etiā, quæ in presenti Capite scribimus, horum Hæreticorū sententiæ falsitas appareat, tamen vt res, quam tractandam suscepimus, magis innotescat, querendum primò est, Quid Apparitio sit, & in quo sensu accipienda. Apparitionem diximus esse Cap. 1. huius Tractatus alicuius spiritus manifestationem, in qua præter naturæ ordinem ex diuina dispensatione certis quibusdam modis semetipsum insinuat, idem ferè verbis Petrus Thyreus lib. de Appar. omnium spirituum cap. 2. Apparitiones definit: apparere, autem, prout ad rem nostram facit, aliud non est teste Francisco Suario de statu Beat. Sanctorū lib. 6. cap. 2. 1. nu. 7. quàm singulare præsentie iudicium, per peculiare signum præsentie suæ ad hoc factum, & institutum exhibere; hoc autem peculiare signum in apparitionibus nõ semper idem est, neq; enim semper sub eadem forma, eademq; ratione se spiritus offerunt, nam aliquando in solam mentem illabuntur, interdum verò formas quasdam in sensibus interioribus operantur, quibus sese propalant, quoadq; externis percipiuntur sensibus, vt per auditum, & locutionem, hanc ob causam diximus, quòd certis modis sese spiritus insinuant.

Apparitio quid.

Petrus Thyr.

Suario.

Supponendū tamquam certū, Deum suè per se, suè per Angelos interdū Patribus, & Prophetis Veteris Testamenti apparuisse, quod, & sacræ Litteræ, & Sancti Patres testantur. De apparitionibus verò, quæ in Nouo Testamēto factæ sunt, agemus

Apparitiones multæ ex sacræ Litteris recensentur.

agemus infrà hoc eodem Cap. & primo occurrit apparitio facta Abrahamo Genes. 12. & altera facta Jacob. Genes. 32. qui dixit, Vidi Deum faciem ad faciem, & Moyſi etià apparuit Dominus Exod. 3. quando illum de Rubo vocauit, Iſaiâ etià cap. 6. ſuarum Reuelat. cùm dixit, Vidi Dominum ſedentem ſuper ſolium, & Ezechiel. 10. Vidi Dominum ſuper Cherubim, & Daniel. 7. Donec Throni poſiti ſunt, & antiquus dierum ſedit, veſtimentum eius candidum quaſi nix, & capilli eius quaſi lana munda, Thronus eius flamma ignis, rotæ eius ignis accenſus. Et Deum ſecluſo myſterio Incarnationis apparuiſſe aliquando ſub forma viſibili affirmarunt SS. Patres Clemens Papa lib. 5. Conſtit. Apoſtolicarum cap. vlt. & lib. 7. cap. 34. probat hoc idẽ Leo Pontifex epiſt. 13. ad Pulcheriam. S. Auguſt. pluribus in locis, & potiſſimum epiſt. 111. & epiſt. 112. cap. 6. 7. & 8. lib. 10. de Ciuit. cap. 13. & ſerm. de Apparit. Dei facta Moyſi in Rubo, Sanctus Hilar. lib. 4. de Trinit. circa mediũ S. Greg. lib. 18. moral. cap. 28. S. Ambroſ. lib. 1. in Lucam cap. 1. S. Hieron. Athanaſius, & Greg. Nanziaz. An autem aliquando etià in Nouo Teſtamento Deus ſub ſpectabili aliqua forma apparuerit, & an per ſe ipſum immediatè, vel per Angelos, & an vna diuina perſona abſque alia, dicemus infrà. Nunc explicanda loca quædam ſacræ Scripturæ ſunt, & nonnullorum etià Sanctorum Patrum dicta, ex quibus colligi poſſe videtur, Deum numquam apparuiſſe, nec ſe ſub aliqua viſibili forma videntum exhibuiſſe: Deum nemo vidit vquam Ioan. 1. & 1. Ioan. 4. & 1. ad Timot. 1. Regi ſæculorum immortalis, & inuiſibilis, ad Tim. 6. Quem nullus hominum vidit, nec videre poteſt: præterea in ſacris Litteris habemus, Deum inhabitare lucem inacceſſibilem, & 1. ad Tim. 6. Et tenebras latibulum ſuũ

ponere, & Exod. 33. Non videbit me homo, & viuet, & ex Patribus, qui indicat ſe videntur, Deum à nulla creatura videri poſſe, citatur S. Chryſoſt. hom. 14. in Ioan. & hom. 3. de Incomprehenſibili Dei natura. Theodoret. in Dialogo Immutab. Epiph. hæref. 70. Theophylact. in c. 1. Ioan. Sed hæc ſacrarum Litterarum citata loca, & horum Sanctorum Patrum dicta intelligenda ſunt, vel de viſione comprehenſiua, vel de Dei viſione in hac vita ſecundum legem ordinariam, ſecundum quam Deus videri in via per eſſentiam ab intellectu creato non poteſt, vt præclare notauit S. Greg. lib. 18. Moral. cap. 28. & S. Thom. 1. part. quæſt. 12. art. 1. ad primum, vel etià de viſione viribus naturæ ſolis, nam ſi diuinæ eſſentiæ ſublimitatem, & maietatem benè conſideremus, & ſubindè intellectus noſtri imbecillitatem, certum eſt Deum eſſe inuiſibilem, neque poſſe intellectum creatum, ſic ad tantæ ſublimitatis, ac maietatis viſionem pertingere, aut etià dicendum eſt, SS. Patres fuiſſe locutos de viſione corporali, oculis corporeis, quibus Deus videri non poteſt, quoniam ſpiritus eſt, oculis autem corporalibus monet Sanctus Auguſt. ſerm. de eo, quod Dominus apparuit in Rubo, ſi quando Dominus voluit apparere, non per ſeipſum, ſed per creaturam viſibilem, atque ſenſibilem, quantum iſta carne ſentiri poteſt, apparuit, neque enim ſexum habet Deus, ſcribit Sanctus Hieronymus de Eſſentia Trinit. in principio, nec ætatem, nec præſiniti corporis membra, & Sanctus Chryſoſtom. hom. 14. in Ioan. Non ſtat (inquit) non iacet, non ambulat, quæ corporis officia ſunt, atque hinc ſit, verum eſſe, quod docuit Sanctus Thom. 1. part. quæſt. 12. art. 1. naturaliter minimè nos poſſe cognitionem eorum habere, quæ vel formam, vel materiam non habent, aut ſaltem ab illis non dependent.

Bonorum An-
gelorum ap-
paritiones,
quodam m-
odum re-
feruntur.

Genesi. 18.

Hebr. 13.

Pererius.

S. Ambros.

Thob. 5.

S. Athanas.

Dan. 10.

Theodor.

Bonorum etiam Angelorum veras apparitiones hic adnectam, eosque interdum se videndos exhibuisse sub spectabili forma ex sacris Litteris, & SS. Patribus probabimus: insigniora hic quædā adducimus loca Veteris Testamenti, & quidē Genesi. 18. ubi legimus, Apparuerunt ei tres viri stantes propè eum, quos cum vidisset cucurrit in occursum eorum, hos autem fuisse Angelos testem habemus omni exceptione maiorem. Paulum Hebr. 13. illis verbis, hospitalitatis nolite obliuisci, per hanc enim latuerunt quidam Angeli hospitio recepti. Hos Angelos hospitio recepit Abraham, quos non solum allocutus est, sed & illis etiam cibos parauit, quibus & vesci voluerūt, & vt Pererius ibi vers. 2. notauit, ex Rabinorum sententia censuit fuisse Michaelem, Gabrielem, & Raphaellem, atq; hinc S. Ambros. hospitalitatem commendans lib. 1. de Abrahamo cap. 5. Abraham (inquit) dum peregrinantibus deservit hospitium, Deum, & Angelos hospitio suscipit, & Thob. 5. Angeli Raphaelis apparitio facta Thobiz describitur, his verbis, Egressus Thobias inuenit iuuenem splendidū stantem præcinctum, & paratum ad ambulandum, & fuisse Raphaellem testatur S. Athanas. in Synopsi de Thobiz comite, hanc verò fuisse nō imaginariam apparitionem, sed veram, & realem probant acta huius Angeli cum Patre Thobiz, cum quo iter longum peregit, cum quo locutus est, cui promisit filium ducturum, & reducitur, & denique exenterarunt piscem, nonnē hæc apertè probant, has minimè fuisse illusiones, quæ bonis non probantur Angelis?

Tertia Angeli apparitio Daniel. 10: narratur, quam veram fuisse sacrarum litterarum interpretes ibi tradunt, & in specie Theodoret. orat. 8. in Daniele, ad ea verba, Audiui vnū de Sanctis loquentem, Perspicuum (inquit) est, Daniele vidisse Angelos inter se collo-

quentes, possem, & plura Veteris Testamenti loca de vera Angelorum apparitione adiungere, sed illis prætermisissis, alia quædam tantummodò subnectam ex Nouo Testamento. Et primò occurrat locus Cap. primi Euangelij Lucæ, quo loco nunciantis Angeli missionem ad Virginem describit, Missus est (inquit) Gabriel Angelus ad Mariam Virginem, quem sub spectabili forma, ac specie humana apparuisse Virgini probauimus Lib. 3. Reuelat. Cap. 8. Not. 2. ex Greg. Thaumaturgo, Ambros. Aug. Petro Chrysologo; Eusebio Emiseno, & S. Thom. alijsq; Patribus, quod confirmatur ex ipsa Euangelistæ narratione, qui scribit Angelum fuisse ingressū, locutum cum Virgine, & postea discessisse, quæ visionem ocularem, & corporalem norant.

Rursus idem Euangelista cap. 2. ubi de alia apparitione Angelorum sermonem faciens, Ecce (ait) Angelus Domini stetit iuxta illos, quo loco apertè Sanctus Chrysostom. monet, apparitionem illam fuisse ocularem, & non phantasmata, In somnis apparuit Angelus, dicit Chrysostom. Ioseph, pastorem autem visibiliter, quasi rudibus, idem ibidem insinuat Venerab. Beda.

Alteram insignem apparitionem Angelorum, qui post Christi Domini Resurrectionem eius sepulchro accesserunt, recensent, eamque accuratè Sancti Euangelistæ describunt, quorum res ibi gesta, aspectus, habitus, vestitus, locutio, & situs, nullum dubitandi locum relinquunt, quod illa apparitio ocularis fuerit, & sub forma visibili tunc Angeli se videndos exhibuerint, & quidem Matth. qui vnus tantummodò Angeli meminit capit. 28. Erat, inquit, aspectus eius sicut fulgur, vestimentum autem eius sicut nix, & de locutione Angeli cum mulieribus testatur illis

Euc. 1.
Angeli Gabrielis & Michaelis apparitio sub spectabili forma.

Gregor. Thaumaturgus.
S. Ambros.
Aug.
Petrus Chrysologus.
Eusebius Emis.
S. Thom.

S. Chrysost.

Beda.

Matth. 18.

illis verbis. Respondens autem Angelus dixit mulieribus, nolite timere vos, scio enim, quòd Iesum, qui crucifixus est, queritis, non est hic, quem Angelum iuuenem facit Marcus cap. 16. cooptum stola candida, & mulieres fuisse allocutum, ipse quoque scribit, dicens illis, nolite expauescere, at Lucas, & Ioan. duos commemorant Lucæ 24. Ecce duo viri steterunt antè illos in veste fulgenti, & Ioan. 20. Maria dum staret ad monumentum vidit duos Angelos in albis sedentes, vnum ad caput, alium ad pedes, vbi positum fuerat corpus Iesu: & de locutione Angelorum scribit sic. Dicunt ei, mulier quid ploras, & mulieres illas inuenisse lapidem reuolutum indicat S. Lucas, quod Angelorum ministerio fuisse factum. Matth. insinuat, ex quibus omnibus, quis non euidentè deducat, has Angelorum apparitiones non fuisse imaginarias, sed verè Angelos ab illis mulieribus fuisse visos, etiam ex corporeæ formæ assumptione, & Actor. 12. S. Lucas, apparuisse Angelum Petro in carcere existenti narrat, Angelus, inquit, Domini assistit, & lumen refulsit in habitaculo carceris, excussoq. latere Petri excitauit eum, dicens, surge velocitè, &c. dixit autem Angelus, &c. sequere me, &c. quæ omnia rectè perpendit Stephanus Bubalus in Comment. Angelicis ad quæst. 51. S. Thom. art. 2. quæst. 1. diff. 1. §. 3. Non ergò (inquit) in Petri oculis producta species solum est, sed in habitaculo carceris illæ tantæ lucis emicationes extitere, & veræ voces audiat, & vera lateris dormientis Petri percussio fuit.

Sunt & aliæ multæ apparitiones, quas ex Veteri, & Nouo Testamento infra adducemus, nunc sãt erit aliquas alias ex Scriptoribus fide dignis etiam recensere, qui illarum veritatem agnoscunt, ac eas non fabularum, neque superitionum loco habendas esse probant. Beatissimam namque Virginem,

ac alios quosdam Sanctos Brigittæ apparuisse, ac cum ea fuisse locutos in his Cælestium Reuelationum Libris frequentè legimus, & de Virginis apparitione, ac locutione scribitur Lib. 1. cap. 20. 2. 2. 27. 45. 46. lib. 2. cap. 3. 4. 2. 4. lib. 3. cap. 2. 9. 10. 12. & 13. lib. 4. cap. 2. 7. 28. 29. 31. 32. Et de S. Ioanne Baptista lib. 2. cap. 19. de S. Ambrosio lib. 3. cap. 5. & 6. de S. Agnetæ lib. 3. cap. 30. & lib. 4. cap. 17. de S. Petro lib. 4. cap. 5. de S. Paulo lib. 4. cap. 6. de S. Ioanne Evangelista lib. 4. cap. 23. de S. Dionysio lib. 4. cap. 103.

Beatissimam quoque Virginem Sancto Ildephonso apparuisse, quando ei sacerdotalem attulit vestem scribit Suarius de statu Bear. lib. 6. cap. 21. nu. 2. 3. sed antè Suarium hoc retulerunt Sigisbertus in Chronico, Pomerius Ecclesiæ Toletanæ Diaconus, Rodericus Archiepiscopus Toletanus, & Concilium Toletanum sub anno Domini 1302. can. 11. & alij plures, quos refert Constantinus Abbas Caiet. in vita eiusdem Ildephonsi. Aliam etiam Suarius refert ex Toletanæ, & Cæsareaugustanæ historia quòd ipsa viuente, ac Angelos illam deferentibus, & comitantibus S. Iacobo in Hispania apparuit, quam apparitionem in propria persona fuisse factam, & personalem extitisse à multis fuisse piè creditum affirmat. Plures alios eiusdem Virginis, ac aliorum quorumdam Sanctorum apparitiones ex quatuor. Gregorijs Sanctissimis viris nempè Magno, Thaumaturgo, Nissæno, & Turonensi, alijsq. probatissimis Scriptoribus colligit Petrus Thyreus de Apparit. cap. 11. aliquas eiusdem Sanctiss.

Virg. narrat Petrus Antonius Societatis Iesu tract. de Virg. Deip. festis, ac téplis.

Sed ista sufficiant ad apparitionum veritatem probandam ex sacris Litteris, ac probatissimis Auctoribus retulisse; nunc inuestigandæ earum causæ sunt, & de modis, cæterisque,

F 3 quæ

Apparitiones multæ B. Brigittæ factæ.

B. Virgo vestem sacerdotalem coferet S. Ildephonso. Suarius. Sigisbertus. Pomerius.

Rodericus Archiepiscopus Tolet. Concil. Tol.

Constantinus Abbas Caietanus.

Thyreus.

Petrus Antonius Societatis Iesu.

Nat. 16.

Luc. 24.

Ioan. 20.

Actor. 12.

Bubalus.

quæ ad earum essentiam, & naturam spectant tractandum, quantum ad intelligentiam eorum, quæ in his Beatæ Brigittæ Reuelat. Libris facere possunt, qua de re tractant Scholastici in 2. sens. dist. 8. S. Thom. locis infra citatis, Alphonsus Mendoza Controversiarum Theologicarum quæst. 5. scholastica per totam. Martin. Delt. disquis. mag. lib. 2. q. 2. 6. lect. 1. Petrus Thyreus. latè de appar. spirit. Franciscus Suarius lib. 6. de statu Beat. Sanctorum c. 20. & 21. Iacobus Aluarez de Grad. contemplat. lib. 5. part. 3. cap. 10 Ludovicus de Ponte in libro, quem inscripsit Dux spiritualis sparsim, & potissimum part. 1. Tract. 1. c. 22. & part. 2. tract. 3. cap. 8. Antonius Fernandus in Comment. ad visiones Veteris Testamenti, Stephanus Bubalus in Commentationibus Angelicis ad quæst. 51. S. Thomæ quæsit. 1. diffic. 2. §. 1. & deinceps, ac alij plures Doctores in tract. de Angelis ad quæst. citatam S. Thomæ.

Hactenus ex Apparitionibus Veteris, & Novi Testamenti allatis satis, superq. probatum, est eas non esse mulierularum somnia, aut figmenta, sed verè Deum, & Angelos sanctos sub spectabili forma interdum fuisse visos, ac tunc hominibus locutos, & quidem communi SS. Patrum consensu recepta sententia est, cuiusmodi apparitiones, vt veras recipiendas esse, ac in Ecclesia Catholica, vt tales receptas, quod absque errore negari nequit, teste S. Thoma in 2. dist. 8. quæst. 1. art. 2. quem eadem dist. secuti sunt Carthusianus, Ægidius, Gabriel, & Vasquez, & Greg. de Valentia, in Comment. ad 1. par. S. Thom. disp. 4. quæst. 2. puncto 2. & apertè docet Sanctus August. lib. 15. de Ciuit. cap. 23. vbi ita scribit, Apparuisse hominibus Angelos in talibus corporibus, quæ non solum videri, verum etiam tangi possent, verissima scriptura testatur.

Sed antequam vterius progredia-

mur, & ad alia inuestiganda, quæ ad Tractatū de Apparitionibus spectant, pergamus, sciendum est, Apparitionum aliam esse personalem, aliam impersonalem, hanc distinctionem assertit Franciscus Suarius ex Thyreo de statu Beat. Sanctorum lib. 6. cap. 21. nu. 19. Personalis ea est, qua quis in persona propria apparet, & se sub visibili forma videntum exhibet. Impersonalis verò ea est, quæ in imagines per species alterius corporis fit.

His iactis fundamentis, vt à diuinorum personarum apparitione initium capiamus, quærendum est, primò, an Deus antè Incarnationem aliquando apparuerit in corpore immediatè, & per se assumpto, vel vt Scholastici loquuntur, personalitè corpus assumeret, an verò id effecerit per Angelos, qui Dei personam sustinerent: communis Theologorum sententia est, in Veteri lege Deum antè Incarnationem numquam apparuisse in corpore per se assumpto, sed id Angelorū ministerio effecisse, sic Scholastici docent in 2. dist. 8. & in specie S. Bonauen. & Ricchard. ibidem dub. 3. Ægid. Roman. ead. dist. nu. 3. dub. 1. & plures ex discipulis S. Thomæ ad 1. par. q. 51. & ipsemet S. Thom. 1. 2. q. 98. art. 3. & in 2. sent. dist. 8. art. 6. Pererius in Genes. cap. 32. disp. 1. & Dan. 3. Gregor. de Valentia in 1. par. S. Thomæ disp. 4. q. 2. par. 1. Vasquez disp. 185. Franciscus Suarez de statu Beat. Sanctorum lib. 6. cap. 20. nu. 28. Petrus Thyreus de Appar. Dei cap. 24. Lorinus Act. 7. Quam opinionem etiā Patres grauissimi amplexi sunt, eam potissimum probat S. Dionys. Arcopag. cap. 4. de Cælesti Hierarchia, Diuinas (inquit) visiones Angelorum opera Patribus fuisse patefactas, addit, & ipsam Legem in Monte Syna per Angelorū manus processisse, subscribit huic sententiæ S. Hieronym. exponens illa verba ad Galat. 3. Lex ornata per Angelos, Quid, inquit, Apostolus

Apparitio duplex alia personalis alia impersonalis.

Suarus. Thyreus.

Deus an aliquando antè Incarnationem per se ipsum immediatè apparuerit, an verò semper per Angelos.

S. Bonauen. Ricchard. Ægid. Rom.

S. Thom.

Pererius. Gregor. de Valent.

Vasquez. Suarez.

Tyreus.

Dionysius Arcopag.

S. Hieron.

S. Thom.

Mendoza.

Deltius.

Petrus Thyreus.

Suarus.

Aluarez.

Ludovic. de Ponte.

Fernandus.

Bubalus.

Apparitiones dari ex Patribus probatur.

S. Thom.

Carthus.

Ægid.

Gabriel.

Vasquez.

Valentia.

S. Thom.

S. August.

stolus, lex per Angelos, hoc vult intelligi, quod in Veteri Testamento, vbi Angelus primùm visus refertur, & postea quasi Deus loquens inducitur, Angelus quidem verè ex ministerio pluribus quicumq. sit visus, sed in illo mediator loquebatur, qui dixit egressum Deus Isaac, Deus Iacob: Indicat hoc idem S. Chrysost. hom. 3. in epist. ad Hebræos ad illud Apostoli Hebr. 2. Si enim qui per Angelos dictus est sermo; quod & S. Cyprian. sermone de Baptismo 11. cōfirmat, scribit enim, Deum olim locutū esse per Angelos sanctos, quibus ad diuersa sapē ministeria legatio iniuncta est, fauet S. Gregor. Magnus lib. 2. 8. moral. cap. 2. sed nemo ex SS. Patribus, quos legi, rem hanc expressius, quàm S. Aug. pluribus in locis docuit, qui indubitanter affirmat, apparitiones Veteris Testamenti ab Angelis immediatè fuisse formatas, & ab eis assumpta corpora, in quibus Deus apparuisse dicitur, & scribit hoc in sacris Litteris apertè contineri lib. 2. de Trinit. cap. 10. & 11. vbi dicit, quòd omnia, quæ Patribus visa sunt, cum Deus illis secundum dispensationem suam temporibus congrua præstaretur, per creaturam esse facta, manifestum est, & lib. 4. cap. vlt. ait, Si quis à me querat; quomodo factæ sint sensibiles formæ antè Incarnationem Verbi Dei, quæ hoc futurum præfigerent, per Angelos eas, Deum operatū esse, respondeo: idem insinuat lib. 2. de Trinit. cap. 10. 11. 12. 13. 14. & 15. & lib. 3. contra Maximinum cap. 26. postremò libet pro hac veritate firmandā Cyrillum asserre, quod lib. 8. Theophrasti cap. 2. post medium, cum probare niteretur nouam legem veteri præstantiorem esse, scribit, quòd noua lex data est per Dei Filium, antiqua verò, per Angelos, tandem hoc non obscurè visus est Doctor gentium Paulus tradere, cum Hebr. 2. scriptum reliquit, Si sermo, qui per Angelos dictus est, fa-

ctus est firmus, & ad Galat. 3. Lex per Angelos ordinata in manu mediatoris.

Cæterum hæc de Dei apparitione per Angelos opinio fortè etiam argumento probatur, quoniam in administratione vniuersi Deus sua sapientissima dispositione, sic se gerere consuevit, vt infima per media, & media per summa gubernet, vt benè docet S. Dionys. & hinc est, quòd in sacris Litteris legimus, Deum suos Angelos misisse, & ad nostram custodiam eos deputasse.

Sedenim hìc quispiam probabiliter obijcere poterit, cur Deus apparere dicitur sub tali corpore, cum corpus illud non assumpserit, & rursus, cur sacra Scriptura non facit Angelos loquentes nomine Dei, si ipsi sunt, qui in assumptis corporibus loquuntur: & si locationes, quæ in Veteri Testamento factæ sunt Deo tribuuntur per Angelos editæ, quare Angelus non dixit, hæc dicit Dominus, & cur dicit, ego sum Dominus Deus tuus, eoq. magis, quòd Prophetarum mos loquendi vsitatus, vt liquet ex sacra Scriptura, ille est, Hæc dicit Dominus.

Respondemus primò, ideò Deum dici tunc apparere, quia signantè representatur per illam visibilem speciem oculis obiectam, quemadmodum, cum quis in sua imagine apparet, ille apparere dicitur, neque dicimus Angelū apparere tunc, quia non in persona sua, sed in persona Dei Angelus in corpore à se formato apparet, vt ex mente Sancti Augusti. respondet Gregor. de Valentia in Comment. ad 1. part. S. Thom. quæst. 51. disput. 4. quæst. 2. punct. 2. & Suarius etiam probat de statu Beat. Sanctorum cap. 20. nu. 45. qui exemplum asserit Imperatoris, qui in scena dicitur apparere, quādo alterius personam gerit, & repræsentat, quod ex S. Athanasio palàm fieri potest serm. 4. contra Arianos, idemq. probat orat. 3. de Imaginibus S. Damasci. in Imagine (inquit) spe-

S. Chrysost.

S. Cyprian.

S. Gregor. Magnus.

S. August.

S. Dionys.

S. Cyrill.

Gregor. de Valent.

S. Athanas.

Hebr. 2. Galat. 3.

cies, & forma Regis apparet, & in Rege imaginis species expressa est, in imagine Regis similitudo, ut qui videt imaginem, in ipsa Regem aspiciat, & qui Regem videt, intelligat hunc esse illum, qui in ea est expressus imagine.

Atque hinc inferri potest, quod Angelus, qui apparebat, cum Dei personam tunc repræsentaret, ac intuentium eam oculis ingereret, se esse Deum Patribus illis verè affirmabat. Huius veritatis quamplurima ex sacris Litteris affert exempla S. August. lib. 3. de Trinitat. cap. 11. & hoc illud est, quod admonuit S. Tho. quæst. 6. de Potentia art. 7. ad 2. Angelos nimirum corpora assumpsisse, cum apparuerunt, sed in eis Deus apparuisse dicitur, Quia, inquit, Deus ipse erat finis, in quem per repræsentationem huiusmodi corporum Angeli mentem hominis eleuare intendebant, & idè in illis apparitionibus scriptura quandoq. commemorat, Deum apparuisse, quandoq. Angelum, nec mirum, si huiusmodi apparitiones sacræ Litteræ aliquando Deo tribuant, aliquando Angelis, nã ut admonuit Tertull. c. 9. aduersus Iudeos, Angeli in scriptura sæpè dicti sunt eo, quod diuina reuelant, sic etiam & Deus ipse, dum sub aliqua spectabili forma se videndum exhibet, aut futura prædicat, Angelus dicitur, nam & Verbum diuinum Isaiæ 9. appellatur magni consilij Angelus iuxta septuaginta.

Quare autem in apparitionibus Angelus interdum dixerit, Ego sum Dominus Deus tuus, & non, hæc dicit Dominus, ut consueuerunt Prophetæ, qui plerumq. hac dicendi formula vsi sunt, cum, & ipsi, & Dei ministri, & pro Deo apud Populos legatione fungerentur, cui obiectioni breuiter satisfieri potest, si dicamus, quod longè dispar ratio est Angelorum, & Prophetarum, nam Angeli, qui Dei personam apud homines sustinebant, rectè, probèq. dicere poterant. Ego sum Dominus Deus tuus, non ha-

bebis Deos alienos, cum etiam sic loquendo eorum dictis, & auctoritas, & fides augebatur, & quæ illi iubebant, facilius executioni demandabantur: At verò Prophetæ cum Dei personam non ita propriè, ut Angeli sustinerent, sed tantummodò essent Nuntij, ac Ministri eius, & bona fide reuelata, ac mandata Populis referrent, decebat eos, ita loqui. Hæc dicit Dominus: sed audiamus Sanctum August. hoc præclare exponen-

tem lib. 3. de Trin. cap. ult. Cur (ait) scriptum sit, dixit Dominus ad Moysen, & non dixit Angelus ad Moysen. Responde, quia, cum verba ludicis præco pronunciat, non scribitur in gestis, ille præco dixit, sed ille Iudex, sic etiam loquente S. Propheta, & si dicamus Propheta dixit, nihil aliud quàm Dominum dixisse, intelligi volumus, & contra Adamantium, utrumq. dici posse putat Sanctus August. Deus dixit, & Angelus dixit, rationem reddit, quoniam illud dicitur ex persona inhabitantis Dei, hoc ex persona seruientis creaturæ.

S. August.

Angeli, qui apparuerunt, cuius ordinis fuerint.

Angeli ministrantes, & assistentes, qui sunt.

S. August.

S. Thom.

Tertull.

Isaiæ 9.

nam, decreta diuina executioni demandanda transfundant, ministrantes verò Angeli hi sunt, qui ab assistentibus instructi, de his, quæ agenda sunt executioni mandant, & inter assistentes Sanctus Dionysius Areopag. de Cælest. hierarch. cap. 9. quattuor superiores ordines collocat, nimirum Seraphim, Cherubim, Thronos, & Dominationes, ex hoc autem assistentiũ numero rarò admodum Angeli mittuntur: in sacris Litteris legimus ad Thobiam missum fuisse Raphaelẽ Thobiam 1. 2. ad Virginem autem, vt Lucæ 1. legimus, Gabrielem ad sanctum Incarnationis mysterium illi denunciandũ, quem Greg. Magnus hom. 3. 4. in Euang. & S. Bern. hom. 1. super Misus est, Angelorũ summum, & Hirschius hom. 2. de B. Virg. Angelorum principem vocant. Verũm Nos Lib. 3. Reuelat. Cap. 8. not. 2. ex Patribus, quos ibi citauimus, probauimus, Gabrielem hunc fuisse caput, & Principem secundi ordinis Archangelorum vltimæ Hierarchiæ, cum Archangeli summa consueuerint nunciare, qui autem sunt ex supremis, non mittuntur, vt docet S. Dionys. de Cælest. Hierarch. cap. 3. proinde S. Greg. Bernard. & Hirschius. appellantes Gabrielem summum, & Principem Angelorum, intelligunt non supremum Angelum absolutè primum in ordine omnium Angelorum, sed primum, & caput secundi ordinis Angelorum: verum quidquid sit, dicendum est, huiusmodi apparitiones fieri per Angelos ministrantes, & hoc ad eos potissimum spectare, qui ad hominum custodiam deputati sunt. Sed si apparitiones hæc fiant priuatæ personæ, probabilissimum est, per Angelos Custodes fieri, si publicæ, vt Principibus, & de graui, ac publico negotio agatur, per Archangelos, siuè per Angelos Præsidentes, & Custodes Principum, & Proinciatarum, ad quarũ custodiam à Deo positi sunt.

Reliquum est modò, vt de signis tractemus, quibus discerni possit apparitio diuina ab ea, quæ pura est Angelica: operosum sanè, ac difficilè admodum videtur de huiusmodi signis distincta, omninò, certa, q. ferre iudicia, sic enim Deus visus est, monet S. Chrysost. hom. 13. in Genes. vt ipse solus scit, & vt videntibus vtile erat videre, quandoquidem, cùm visus est, non tam manifestè se intuentium oculis exhibuit, vt eius essentiam quis in via apertè videre poterit, vt meritò S. August. quæst. 15. in Exod. explanans illa verba Moysis, Si inueni gratiam in oculis tuis, scripserit Moylem, non irà vidisse Deum in tanta familiaritate illa, quemadmodum videre desiderabat, proinde illis verbis rogauit Dominũ, Si inueni gratiam in oculis tuis, & rationem reddens S. Doctor, Quoniam (inquit) omnes illæ visiones Dei quæcumque mortalium præbebantur aspectibus, ex quibus fiebat sonus, quo mortalis attingeretur auditus, sic exhibebantur, assumpta, sicut volebat Deus specie, qua volebat, vt non eis ipsa vllò sensu corporis sentiretur diuina natura, quæ inuisibilis vbique tota est, & nullo continetur loco.

Quare autem non sic in aperto Deus videri voluerit Lib. Quinto Reuelat. S. Brigittæ Interrog. 1. ad Respõs. quæst. 1. duæ rationes adducuntur. Primo scribitur ibi, Propter humanam corporis debilitatem, cuius substantia terrea est, si enim corpus alicuius hominis videret deitatem liqueceret, sicut cera antè ignem, animaq. tanta exultatione gauderet, quòd corpus quasi cinis adhiileretur. Secundo hoc fit, propter diuinam bonitatem, & eius immutabilem stabilitatem. Nam si ego (scribitur ibi) corporalibus oculis ostenderem Deitatem meam, quæ est incomparabiliter fulgentior igne, & sole, facerem contrà me ipsum, qui dixi, non videbit me homo, & viuet, sed nec ipsi Pro-

Dionysius
Areopag.

Thob. 12.

Luc. 1.

S. Gregor.
Magnus.
S. Bernard.

Hirschius.

S. Gregor.
S. Bernard.
Hirschius.

S. Chrysost.

S. August.

Prophetæ viderunt me, sicut sum in mea deitatis natura, quia etiam illi, qui solummodò audiebant vocem meæ deitatis, & montem fumigantem videbant, terrebantur dicentes, loquatur nobis Moyses, & audiemus eum, & ideo ego Deus misericors, ut homo melius intelligeret, ostendi me illi in quadam forma ei simili, quæ videri, & sentiri posset.

Pergimus nunc in specie signa aliqua tradere, quibus palàm fieri possit, quando apparitio sit ipsius Dei repræsentatio ministerio Angelorum exhibita, & quando solius est Angeli absque Dei repræsentatione, quæ de re inter cæteros scripserunt Suarez de statu Beati Sanctorum cap. 21. & Gregor. de Valentia in Comment. ad 1. par. S. Thom. disp. 4. quæst. 2. punct. 2. Petrus Thyreus de Apparit. Christi in iudicio particulari cap. 26. Stephanus Bubalus in Commentationibus Anglicis ad quæst. 51. 1. par. S. Thom. quæsit. 1. diff. 2. §. 8.

Ex citatis ergò Auctoribus statuendæ quædam regulæ sunt ad agnoscendas Dei, & Angelorum apparitionum differentias, & quidem Greg. de Valentia hanc regulam ponit, nempe hoc posse percipi euidenter ex ea re, quæ per talem apparitionem geritur, & proinde diligenter attendendum esse, an res illa Deo propriè competat, & an Angelo, quòd si Dei propria sit, iudicandum esse Angelum in persona Dei apparuisse: satis accommodatù ad rem hanc exemplum adducit de lege data à Deo Moyse per Angelos, quandoquidem ea Angelorum apparitio, cum lex illa data fuit per Angelos, de qua Paulus ad Galat. 3. Lex ordinata per Angelos, fuit ipsius Dei summi Legislatoris, qui repræsentabatur per Angelos, nam Deo propriè competeat ferre illam legem, & non Angelis, nisi tamquam illius legis promulgatoribus, idemque iudicandum esse de ea apparitione Dei, de qua

Genes. 3. legimus post meridiem eum in Paradiso deambulasse, & Adamum interrogasse illis verbis, Adam ubi es? & ex contextu apertè colligitur, Deum ipsum fuisse, qui primis parentibus tunc temporis apparuit: maledictio namque illata serpenti, eò quòd Euam deceperat, & pœna etiam inflicta Eux ob diuini præcepti transgressionem, ibi, Multiplicabo ærumnas tuas, & cõceptus tuos, in dolore paries filios, & aliæ etiam pœnæ Adamo impositæ, Quia audisti vocem vxoris tuæ, & comedisti de ligno, ex quo præceperam tibi, nè comederes, & Maledicta terra in opere tuo, euidentè ostendunt Deum esse, qui apparuit, cum res illæ gesserit Deo non Angelis competere, in illa namque locutione Dei cum primis parentibus habita, non maiestas solum eius patefacta est, sed & supremi Iudicis auctoritas, & potestas, non inquirentis solum, sed exigentis, velut à subito rationem transgressionis diuini præcepti, rectè D. August. lib. 11. 3. August. de Genes. ad litt. cap. 33. explanans citata verba, Adam ubi es? scripsit, Hæc increpantis vox est, non ignorantis.

Verum, si res illa, quæ in Angelica apparitione sit, competat propriè Angelo in persona sua, tunc Angelum apparuisse dicendum est, & illa apparitio pura Angelica iudicanda erit, qualis ea fuit Angeli Raphaelis, qui Tobie apparuit missus à Deo, ut socius, eius esset in itinere, talis quoque fuit altera Gabriels Archangeli, qui ad B. Virg. à Deo missus fuit, ut sacrosancti Incarnationis mysterium nunciaret, scribitur enim Luca 1. Missus est Angelus Gabriel à Deo.

Adiicimus quoque alia quædam signa, seu regulas, quas ex Suarez, alijsque Doctoribus collegimus, ex quibus nosse quispiam poterit, quando Deus apparet per Angelum eum repræsentantem, & quando Angelus per seipsum absque tali repræsentatione conspiciatur, quod constare:

Que signa
discernant
apparitiones
per Angelos
Deum repræ
sentantem.

Suarez.
Gregor. de
Valent.

Thyreus.

Bubalus.

Valentia.

Galat. 3.

Luc. 1.

stare potest primò, & ex rebus, & ex verbis, quæ in apparitionibus occurrunt; ex rebus quidè, cum de re agitur, cuius veritas à solo Deo potest haberi, ex verbis autem, cum illa referuntur ad Deum; Rursus etiam idem fieri palam potest ex scriptoris canonici, ac fide digni testimonio, qui referat, eam esse Dei apparitionem, & tunc maxime, quando scriptor mentiri non potest: atque hinc ille dicendi formulæ in sacris Litteris Deus dixit, Deus præcepit, Deus benedixit, sic Genes. 1. Benedixit illis Deus, & ait, Crescite, & multiplicamini, & paulò post, dixitq. Deus, Ecce dedi vobis omnem herbam afferentem semen super terram, & cap. 2. Præcepit ei dicens, ex omni ligno Paradisi comede, & paulò post, Immisit ergò Dominus Deus soporem in Adam, cumq. obdormisset, tulit vnam de costis ejus, &c. 3. ibi, Cū audisset vocem Dei deambulantis in Paradiso, & infra, Vocauitq. Deus Adā, quem locum exponens S. August. lib. 9. de Genes. ad litt. cap. 2. indicat, Deum primis parentibus tunc apparuisse sub spectabili forma, eosq. fuisse allocutos, eo tamen videndi modo, quo datum est puræ creaturæ Deum videre, ille namq. postquam harum apparitionum cognitionis difficultatem insinuasset, ac plures visionum, ac locutionum modos recensisset, concludit, Quid ergo ex his omnibus factum sit ad liquidum comprehendere non valemus, verum tamen certissimè teneamus, dixisse hoc Deum, & si corporali voce, vel temporaliter expressa similitudine corporis dixit, nõ per substantiam suam, sed per aliquam imperio suo subditam dixisse creaturam, sicut in Lib. præcedenti tractauimus, nam visus est Deus etiam postea Sanctus viris aliàs capite albo, sicut lana, aliàs inferiori parte corporis, sicut auriscalcū, alias aliter, atque aliter, & lib. 1. de Genes. ad litt. cap. 3. de re eadem scribens (inquit) Quod audierunt vocem

Dei ambulantis in Paradiso ad vespertam, non nisi per creaturam visibiliter factum est, nè substantia illa inuisibilis, & ubiq. tota, quæ est Patris, & Filij, & Spiritus sancti, corporalibus eorum sensibus locali, & temporali motu apparuisse credatur: eadem ratione apparuisse Deum Caino Genes. 4. cum dixit, Vbi est frater tuus, censuit idem Sanctus epist. 1. 2. de videndo Deum ad Paul. cap. 1. 1. Idem etiam probabile est de apparitionibus factis Noè Genes. 6. 7. 8. & 9. & Abraham Genes. 12. 3. Altera Regula, qua dignoscere quis possit, quando Deus per seipsum apparer, & quando ipse est, qui loquitur, desumenda est ex modo, & auctoritate verborum, ex modo namq. loquendi, ac verborum grauitate, & auctoritate, & promissione potissimum palam sit Deum esse, qui apparet, & loquitur per Angelum, exemplum huius rei petendum est ex 16. cap. Genes. vbi dicitur, Angelum Domini apparuisse Agar, & ei sic fuisse locutum, Multiplicans multiplicabo semen tuum, & non numerabitur præ multitudinem. Sanè cum Deus solus hoc potuerit polliceri, certè ille erat, qui promittendo apparuit, & loquebatur per Angelum, quòd eò magis verum esse credo, quoniam Agar dixit, Tu Deus vidisti me, & Genes. 18. Deum fuisse, qui apparuit Abraham, ex longo sermone Dei cum eo habito colligi potest, & ex colloqui diuini auctoritate, & pondere, idemq. dicendum de locutione Dei cum Abrahamo facta Genes. 22. quando illi Deus præcepit, vt filium suum sacrificaret, Sicut benè deduci potest, quòd Deus erat, qui loquebatur, ex illis verbis, & non pepercisti filio tuo propter me, Et ludicum 6. quo loco, & si legitur apparuisse Angelum Gedeoni, tamen quia post subditur, Dixitq. ei Dominus, Ego ero tecum, & Gedeon sic allocutus est illum, Nè recedas hinc donec reuertar ad reportans sacrificiū, & of-

Gen. 4. 6. 7. 8. 9. & 12.

Genes. 1. 2. & 3.

S. August.

S. August. Genes. 16. 3.

Genes. 18. & 22.

Iudic. 6.

& offerens tibi. Ex his, quis non videat, Deum ipsum apparuisse Gedeoni. & Gedeonem tunc Deo agnouisse, quandoquidem soli Deo, cui sacrificium debetur, voluit offerre: ex verbis ergo, & factis, quæ fiunt in apparitionibus, rectè colligi potest, quando Deus ipse apparet, & loquitur, & quando Angelus solus, non representando Deum.

Hinc quoque deducendum est, quòd sacræ Litteræ apparitionem aliquantū commemorant, quam nec Deo, nec Angelis tribuunt, nec id verbis expressis, neque signis evidentibus indicant eam esse Dei, tunc probabiliter apparitionem illam Angelis esse tribuendam arbitramur, quandoquidem Dei apparitio altior est, ac eminentior, & specialior, & cum Deus apparere dicitur, Angelorum ministerium non excludit, ut indicauimus supra.

Animaduertendum etiam est, Angelos in apparitionibus aliquando loqui consueuisse in persona propria, interdū verò in persona Dei, ratio est, quia tunc ut ministri eius representantes personam Dei, sic loquuntur. Hæc dicit Dominus: quòd circa non mirum, si aliquando Patres Angelos apparentes Deum vocauerint, quia in Angelo loquente, Deum cum illis loquentem intuebantur, ut supra insinuauimus libris.

Nunc ad reliqua inuestiganda, quæ ad hunc de Apparitionibus Tractatum spectant accingimur, & de trium personarum apparitione tractamus: & primò querendum est, an vna persona diuina possit apparere sine alia, ratio dubitanda est, quoniam, etsi Trinitatis personæ verè, & realitè distinctæ sint, & Pater Deus sit, & Filius, & Spiritus sanctus, non tamen plures sunt Dii, sed vnus Deus, & vna, eademq. in tribus essentia est, & natura, & quod dubitandi probabile etiam argumentum præbet, illud est, quia cum opera Trinitatis ad extrà communia sint, & indiuisa, & sola In-

carnatio quoad vniōem sit propria Verbi, hinc inferri posse videtur, vnā personam absq. alia apparere minimè posse: sed hæc verè non obstant, nam ut scribit, Suarius ad has apparitiones personales necessaria minimè est specialis efficientia alicuius personæ, quæ non sic communis omnibus, neque etiam necessaria est specialis vniō physica, & realis inter diuinam personam, & externum corpus assumptū, sub quo talis persona apparere dicitur. Nam hic modus proprius fuit Verbi incarnati, sed sufficit specialis representatio talis personæ per tale sensibile signū, & hoc modo potest vna persona sine alia representari, & apparere. De apparitione autem Verbi per vniōnem hypostaticā alia ratio est, nam verbum specialitè terminauit Incarnationem, & ideo sacri Theologi tradunt, ipsum specialitè apparuisse, quāuis Incarnatio, ut ab efficiente principio opus fuerit totius Trinitatis similis, quadā ratione de Spiritu sancto dicere consueuimus, quod sanctificat, idemq. intelligendū est, per appropriationem, nam re verā ceteræ quoque personæ ad sanctificandum concurrunt.

De Apparitionibus Patris, & Filij, ac Spiritus sancti in specie tractati modò prouinciā aggredimur, & grauitimorū quorūdam Doctorum obiectionibus satisfacere nitimur, qui Patrem nunquam apparuisse, sed tantummodò Filium sensisse, visi sunt. Hanc sententiam ex aliquibus sacræ Scripturæ locis probant, & primò ex illo Ioan. 1. Deum nemo vidit vquam, & Ioan. 6. Non qui Patrem quis vidit, & Daniel. 3. Ecce ego video quattuor viros solutos, & ambulantes in medio ignis, & nihil corruptionis in eis est, & species quartū similis Filio Dei, quem locū, & de naturali Filio Dei, eiusq. apparitione interpretati sunt Tertull. contrā Marcionem cap. 10. & Rupert. de Victoriā verbi lib. 6.

cap. 2. 1.

Angeli aliquando loquuntur in persona Dei, aliquando in persona propria.

Suaris.

2. 1. 2. 1. 2. 1.

2. 1. 2. 1. 2. 1.

Pater an aliquando apparuit.

An vna persona diuina possit apparere sine alia.

Ioan. 1. 2. 1.

Daniel. 3.

Tertull.

Ruperr.

cap. 21. & Tertullianus ipse lib. aduersus Iudæos cap. 9. num. 114. aperte tradit Patrem numquam apparuisse. Qui, inquit, ad Moysen loquebatur, ipse erat, qui & semper videbatur Dei Filius, Patrem nemo vidit vnquam: huic sententiæ subscribunt omnes illi Patres, qui affirmarunt Deum quidem sub spectabili forma apparuisse, sed cum fuisse Dei Filium, qui tamquam futuram hypostaticam vnionem adumbraret, figura hominis plerumq. assumpta, quod apertis verbis indicauit S. Leo Pontif. huius nominis primus episcopus. 13. ad Pulcheriam Augustam, loquitur enim ibi Pontifex de apparitionibus Dei factis in Veteri Testamento Patriarchis, quas veras esse probat, Sed illæ (inquit) imagines huius hominis (intellige Verbi futuri hominis) fuerunt indicia, cuius veritatem ex præcedentium Patrum stirpe sumendum significationes mysticè nunciabant, & idè Sacramentum reconciliationis nostræ antè tempora æterna dispositum, nullæ implebant figuræ: Idemq. insinuauit alter S. Pontif. Clemens Romanus lib. 5. Constitut. Apostol. cap. 21. Hunc Christum (inquit) vidit Iacob vii hominem, & dixit, Vidi Deum facie ad faciem, & salua facta est anima mea: fauet Sanctus Cyprianus lib. 2. contra Iudæos, & Origen. homil. 1. in cap. 6. Isaïæ, quo loco tradit, vnum ex Seraphim, qui apparuit Isaïæ, fuisse Dominum nostrum Iesum Christum, Est, ait, iste vnus de Seraphim Dominus meus Iesus Christus, iste iuxta carnis dispensationem missus est, habens in manu sua carbonem, & dicens, veni ignem mittere in terram: accedunt ad hanc sententiam Theophilact. & Chrysostom. qui exponentes illa verba Sancti Stephani Actor. 7. Et apparuit illi Angelus, nempe Moysi, scripserunt, illum non fuisse verum Angelum, sed

Filium Dei, & Christum, qui dicitur magni consilij Angelus, postremò aperte fatetur hoc Euseb. lib. 1. demonstrat. Euangel. cap. 5. qui docet, Filium apparuisse Iacob, & eundem Filium Angelum vocari, quia ipse futurus erat Angelus Testamenti desideratus ab omnibus, & Genes. 32. quo loco cum Angelo Iacob viri effigiem præferente fuisse luctatum scribitur, quem, Filium ipsum Dei fuisse, affirmarunt Leo Pontif. vbi supra, & Theodor. quæst. 91. in Genes. Per hæc (inquit) omnia docemur, quòd etiam hoc loco apparuit vnigenitus Dei. Cæterum, ipsum diuinum Verbum cum Iacob fuisse luctatum, colligi posse videtur ex narratione sacri Textus Osee 12. de qua lucta sic habet Osee, In fortitudine sua directus est cum Angelo, & confortatus est, fleuit, & rogauit eum: Septuaginta, & Hebraica littera habent, In labore suo præualuit Deo, & cum Iacob quæsiuisset, quod est nomen tuum, respondit ille alius, cur quæris nomen meum, quod est mirabile, At verò nomen admirabile proprium est Messia, & Genes. 32. vbi legimus, Si contra Deum victor fuisti, quando magis contra homines præualebis, ex quibus consequens fit Deum fuisse, cum quo Iacob manus conseruit: Confirmat hoc idem Concil. Syrmiense, quod dicit Anathema his, qui negant Verbum ipsum diuinum cum Iacob fuisse luctatum; sed verè hoc Concilium licet inter alia Catholica Concilia reperiatur insertum, non censetur Catholicum, quippè quod æqualitati Verbi diuini multum detrahit, & Arrianis fauebat, vt annotauit Gabriel Vasquez super disput. 109. cap. 5. num. 24. nec fuisse legiimum monuit Cardin. Baronius tomo 3. Annal. anno Domini 357. in eadem sententia iuit Seuerinus Binius in annotat. ad idem Concil. tom. 1.

G Con-

S. Leo Papa.

Clemens.
Romanus.S. Cyprian.
Origen.

Theophil.

S. Chrysost.

Genes. 32.

Theodor.

Osee 12.

Genes. 32.

Conc. Syrm.

Vasquez.

Card. Bar.

Seuerinus
Binius.

Card. Bell. Conciliozum, & Cardin. Bellarmin. lib. 1. de Concilio cap. 7. meritò ergò cum Iacob Dei vnigenitus luctatus est, quippe qui in mundu venturus, & carnem assumpturus erat; & cum Iacob luctaturus, cum Synagoga nimirum, qua ob incredulitatem, & perfidiam relicta; transiurus erat ad gentes iuxta Osee vaticinium cap. 11. Voca nomen eius non Populus meus, quia vos, non Populus meus; & Ego non ero vester Deus: Intellige, vt bene exponit Cornelius à Lapide, non ero vobis tutor, prouisor, nutritor, pater, mater, vt haereticis fui, & hoc est, quod nobis indicat illud, quòd loco citato Genes. legitur, scilicet, Angelum post luctum tetigisse femoris latitudinem; & ex eo contactu Iacob claudam factum esse, quod prædicens Dauid de Iudæis Psal. 17. cecinit, claudicauerunt à semitis suis: nec obest, quòd visus sit Iacob in ea lucta præualere, nam quòd ei præualeat Iacob, sic loquitur S. August. lib. 16. de Ciuit. c. 38. Vtiq. volente, vt mysterium figuraret, significans Christi Passionem, in qua visi sunt præualere Iudæi, à quibus crucifixus est Christus, idem habet q. 104. in Genesim.

Ex his Patrum dictis liquet, eos existimasse non Patrem, sed ipsum Dei Filium, antequam carnem ex Virgine assumeret, sub specie hominis Patribus Veteris Testamenti apparuisse, quòd futuræ Incarnationis indicia exhibere voluerit.

S. August. Contrariam tamen sententiam secutus est S. August. qui lib. 2. de Trinitat. cap. 9. & 10. hac de re late, doctèq. disputauit, & Deum Patrem non solum apparuisse ibi probat, sed & Filium, & Spiritum sanctum, ac ipsammet Trinitatem. Vellem sanè, vt nonnulli nostri temporis scriptores huius sanctissimi, ac doctissimi Viri in scribendo modestiam, & humilitatem imitarentur, is

enim de re tanti momenti, ac ponderis tractationem aggressurus, in initio aliorum iudicio, immò & correctioni ea in re se subiecit, eius referam verba digna certè, quæ à Catholico Doctore memorizè mandentur. Nos (ait) qui numquam apparuisse corporeis oculis Deum; nec Patrem, nec Filium, nec Spiritum sanctum dicimus, nisi per subiectam potestati corpoream creaturam in pace catholica, pacifico studio requiramus, parati corrigi, si fraternè, ac rectè reprehendimur, parati etiam, si ab inimico, vera tamen dicente, mordemur, verum indiscrete Deus apparuerit Patribus nostris, antequam Christus veniret in carne, an aliqua ex Trinitate persona, an singillatim quasi per vices. Adijciam hic aliud huius sanctissimi Viri insigne humilitatis testimonium, qui de seipso talem sententiam proferre solebat, quæ refertur in cap. si habes 24. q. 3. Ego senex à iuvene, Ego Episcopus tot annorum à collega nondum anniculo paratus sum doceri. Is itaq. cap. 10. sumens exordium ab apparitione Dei facta Adamo in Paradiso, de qua Genes. 3. concludit ex circumstantijs, alijsq. rebus, quæ ibi narrantur, fuisse Patrem, qui Adamo apparuit, Contestio (inquit) ipsa scripturæ nusquam transire sentitur à persona ad personam, sed ille videtur loqui ad primum hominem, qui dixit: fiat lux, & fiat firmamentum, & cætera per illos singulos dies, quem Deum Patrem solemus accipere, dicentem, vt fiat, quidquid facere voluit; omnia enim per verbum suum fecit, quod Verbum eius vnicum Filium eius secundum rectam fidei regulam nouimus. Si ergò Deus Pater locutus est ad primum hominem, & ipse deambulabat in Paradiso ad vesperam, & ab eius facie se in medioligni Paradisi peccator absconderat, cur non iam ipse intelligatur

Genes. 3.
Pater apparuit Adamo facta probatur.

tur apparuisse Abraham, & Moyfi, & quibus voluit, & quemadmodum voluit per subiectam sibi commutabilem, atque visibilem creaturam, eum ipse in seipso, atque in substantia sua, qua est incommutabilis, atque inuisibilis maneat.

Et paulò post eodem cap. idem confirmat ex multis sacrae Scripturae locis, ibi, Nec (inquit) nos aliquid prohibet, illas voces factas ad Adam, non solum à Trinitate factas intelligere, sed etiam personam demonstrantes eiusdem Trinitatis accipere, ibi enim cogimur non nisi Patris accipere, vbi dictum est, Hic est Filius meus dilectus. Neque enim Iesus etiam Spiritus sancti Filius, aut etiam suus Filius credi, aut intelligi potest: & vbi sonuit, Et clarificauit, & iterum clarificabo, non nisi Patris personam fatemur. Responsio quippè est ad illam Domini vocem, qua dixit, Pater clarifica Filium tuum, quod non potuit dicere nisi Deo Patri tantum, non & Spiritui sancto, cuius non est Filius.

Ad hanc Augustini sententiam de Patris apparitione accessit Clemens Romanus Pont. lib. 7. Const. cap. 34. qui affirmat, Patrem esse, qui apparuit Abraham, & qui illi iussit egredi de terra sua, eundemq. Iacob, Isaac, & Moyfi visum esse, quod sentit etiam Sanctus Athanasius quæst. 12. ad Antiochum, & hanc sequuntur recentiores Theologi, & patet ex sacris Litteris, nam Genes. 18. Abraham non Pater solus, sed & tota Trinitas apparuit, enim in tribus, viris personarum Trinitas, in vnica autem Domini apparitione, vnitas Dei figurata est, vt bene animaduertit Sanctus Augustinus loco supra citato, & colligitur ex illis verbis Exodus 3. Ego sum, qui sum; Deus Abraham, Deus Isaac, & Deus Iacob, quæ trina repetitio personarum designat Trinitatem, quod etiam notauit Sanctus

Gregor. 19. Moral. cap. 16. illud vero Sum, qui sum, quod est nomen essentialis, notat essentia vnitatem.

Nunc objectionibus pro contraria sententia factis satisfaciendum est, & ad loca sacrae Scripturae citata, quæ insinuant videntur, Deum Patrem numquam fuisse visum. Respondemus, interpretanda esse de visione in sua diuina essentia oculis corporeis, vel de visione viribus naturæ, per quam quis non potest sic eleuari ad diuinam essentiam videntem, vel de visione comprehensua, & tam perfecta, quam est illa cognitio, qua Deus videt seipsum, quæ non datur in hoc statu viæ, quod etiam indicauimus supra non longè ab initio presentis Capituli.

Verum et si Patres aliquando eas apparitiones, quas sacra Litteræ pluribus in locis ipsi Deo, vel Trinitati tribuunt, soli Filio tribuendas esse docuerint, & eum solum apparuisse scripserint, non propterea inde deducendum est, eos sensisse, quod ipse solus apparuerit, nam, vt rectè animaduertit Suarius, id fecerunt, vel quia ipse solus Filius erat humanam carnem assumpturus, vel quia disputantes contra Arrium, qui negabat Filij diuinitatem, & contendebat, solum Patrem esse Deum, proinde nitebantur ostendere ipsum fuisse, qui Prophetis, & Patriarchis apparuit, & quem ipsi, vt verum Deum adorauerunt, neque propter hoc Patrem exclusisse.

Apparitionibus Spiritus sancti Patribus Veteris Testamenti factis, etiam sacra Litteræ, & Sancti Patres fidem faciunt, & quidem S. Aug. lib. 2. de Trinit. c. 15. probabiliter dici posse credit, Spiritum sanctum apparuisse in monte Syna, quando Dominus super eum descendit in igne Exodus 19. quoniam eo loco Lex data est, quæ digito Dei scripta esse dicitur Exodus 31. quod nomine Spiritus sanctus significatur Luc. 11. Verum tamen (inquit)

G 2 si quid

S. Gregor.

S. Aug.

Patres quare internum soli Filio omnes apparitiones tribuunt.

Spiritus sancti apparitiones.

S. Aug.

Exod. 19.

Luc. 11.

si quid hinc sine affirmandi temeritate
modeste, atque cunctanter coniectare
conceditur, si vna ex Trinitate persona
potest intelligi, cur non Spiritum san-
ctum potius intelligamus, quando &
tabulis lapideis lex ipsa, quæ ibi data est,
digito Dei scripta esse dicitur, quo no-
mine Spiritum sanctum in Evangelio
significari nouimus. Merito ergo per
digitum Spiritum sanctum intelligimus,
nam cum digiti partes sint manus, qui-
bus aliquid stringimus, & postmodum
operamur, ita planè Spiritus sancti vir-
tute ad opera bona prouocamur, ac in
illis proficimus, ut mirum non sit, si
digitum mysticè significare Spiritum
sanctum tradiderint. S. Aug. quæst. 2. 5.
in Exod. & lib. 2. de consensu Euangel.
cap. 38. & Clemens Alex. lib. 6. Stromat-
um. Rursum apparuisse Spiritum sanctum
colligi potest ex 3. Reg. cap. 19. quando
dictum est Elia, Egredere, & sta in mô-
te coram Domino, & legitur ibi, Ecce
Dominus transijt, & postea subditur,
transisse in sybilo auræ tenuis, per quem
Spiritus sanctus significatur, proinde
Iob 4. dicitur, Ecce vocem quasi auræ
lenis audiui, quem locum sic interpre-
tatur S. Greg. lib. 5. Moral. cap. 36. lib. 1.
Moral. cap. 27. Spiritus (inquit) ve-
niens, & vehemens est, & lenis, lenis,
quia nontiam suam, quatenus cognô-
sci vixit, valet, nostris sensibus tem-
perat, vehemens, quia quantumlibet
hanc temperet, aduentu tamen suo in-
firmis nostræ cecitatem illuminan-
do perturbat. Verum quamlibet per-
sonam diuinam posse per se apparere,
& apparicionem omnibus tribus com-
petere, quia sicut distinctæ sunt, sic di-
stinctæ significari possint signis, &
nominibus, docet apertè Sanctus Bo-
nauent. in Breuiloquio part. 1. cap. 5.
tomo 6.

Porro de Apparicionibus Noui Te-
stamenti sermonem instituimus, & di-
uinas personas interdum apparuisse

probamus: & Patrem apparuisse pro-
bat Sanctus August. ex S. Euangelistis
Ioanne, & Mattheo, & primum ex
Ioan. cap. 12. qui Christum Dominum
pro sua clarificatione ad Patrem cla-
masse scribit, & quæ Patrem respondisse,
Et clarificaui, & iterum clarificabo, &
Matth. 17. quo loco Euangelista Trans-
figurationis auditoriam narrans, refert,
vocem tunc auditam fuisse Patris. Hic
est Filius meus dilectus in quo mihi hie-
nè complacui, quæ vox de nube audi-
ta est, in qua apparitione sub nubelur-
eida Spiritus sanctus visus est, vox au-
tem illa Patris fuit. Idemq. pater ex
cap. 3. Matthi. qui vocem eandem de
Cælo fuisse auditam testatur, cum
Ioannes Christum Dominum in Iorda-
ne baptizauit, & quoniam addit, Et
vidit Spiritum Dei descendentem, sicut
Columbam, & venientem super se, ex
hoc rectè inferitur, & Patrem apparuisse,
qui illa verba protulit, & sub spe-
cie Columbæ Spiritum sanctum, sicut
tradiderunt Sanctus Chrysostom. & alij
sacrarum Litterarum Interpretes, ibi:
sed audiamus Sanctum Ambros. hæc
confirmantem cap. 4. de Initiandis non
longè à fine, Quare (ait) Spiritus san-
ctus sicut Columba descendit, nisi videres
nisi ut agnosceres Columbam
etiam illam, quam Noë iustus emisit
ex Arca, istius Columbæ speciem fuisse,
& typum agnosceres Sacramenti, &
S. Cyprian. serm. de Baptismo 11. Adese
(inquit) se tantis mysterijs, & præ-
sentiam suam dignosci dignata est lem-
piterna diuinitas, cælisq. apertis in spe-
cie Columbæ Spiritus sanctus ibi se ipsam
ostendens, & intelligi voluit, & videri.
Quare autem sub Columbæ similitu-
dine Spiritus sanctus apparere voluerit
dicendum videtur, quod, sicut non
fuit inconueniens, eum sub specie
nubis, caliginis, & ignis aliquan-
do fuisse visum, & visione imagina-
ria, ita neque sub specie Columbæ,
quæ,

S. Aug. 8.

Ioan. 12.

Matth. 17.
v. 3.

S. Chrys. 8.

S. Ambros.

S. Cyprian.

Quare Spiritus
sanctus
sub specie
Columbe ap-
paruerit.

S. Aug. 8.

Clem. Alex.

3. Reg. 19.

Iob. 4.

S. Greg.

S. Aug. 8.

S. Aug. 8.

Apparicio-
nes diuina-
rum perso-
narum ex No-
uæ Testame-
nti.

quæ, quamuis animal sit rationis expers, nec ad morales actiones exercendas aptum, potest tamen esse valdè accommodatum ad aliquam significationem nobis insinuandam sub illa specie. Atque ità SS. Patres rationem reddunt, quare sic aliquando apparuerit, & primò Sanctus Cyprianus, vitæ sanctitate, ac eloquentia clarus rem hanc prosequitur, scribens contrà Nouatianum, Idcirco (ait) & in Columba venit Spiritus sanctus simplex animal, & lætum, non felle amarum, non moribus sæuum, non vnguium laceratione violentum, cuius ingenium est, hospitium humana diligere, vnius domus consortium nosse, cum generat, simul filios educare, cum cōmeant, vocalibus inuicem cohærere, communi conuersatione vitam suam degere, oris osculo concordiam pacis agnoscere. Certe quòd mutuis sese osculis Columbæ inuicem blandiantur, dici satis accommodare posse videtur, quòd, cum charitatis Symbolum sint, quando Columbæ, quæ super Christum Dominum venit, charitatem ipsam demonsttrauerit, & species illa Columbæ, in qua venit Spiritus sanctus, per quam nobis charitas infundenda erat, charitatem ipsam, ac vniōnem inter nos conciliandam expresserit, dicitur enim Spiritus sanctus amoris nexus, atque hinc Anastasius Sinaita. 3. in Exam. Spiritus (inquit) Domini ferebatur, seu incubabat super aquas, eas namque cogens, & vniens, quoniam aquæ Populos gentium p̄significabant, alias aliorum Patrum in præsentiā afferre possemus causas, sat erit vnam, vel alteram indicare, & quidem Sanctus Gregor. hom. 30. in Euangel. Columbam mansuetudinem designare monuit, quæ de causa super Saluatorem apparuisse dixit, quia non veniebat, ut peccata iam per zelum percuteret, sed adhuc per mansuetudinem tolera-

ret. Rursus ferunt pro cantu gemitum edere consueuisse Columbas, ac idè Spiritus sancti præsentiæ esse signum, tunc cum peccata plangimus, & probra, atque iniurias dimittimus, cum pœnitentiæ lachrymis irrigamur, & in hac miseriarum valle gementes, & flentes ad Deum suspiramus, gemitibus, ac suspirijs peccatorum maculas tergemus, atque ex intimo cordis pro offensis Deo factis contritionis actus elicimus.

An verò illa Columba, sub cuius similitudine Spiritum sanctum apparuisse sacræ Litteræ tradiderunt, fuerit vera, & viua Columba, an verò species quædam, & figura Columbæ, dubitatum est aliquando à sacris Theologis, & Gregor. de Valentia disp. 4. quæst. 2. puncto 2. nonnullorum diuersas Patrum sententias refert, & in primis Sanctus Ambrosius lib. de ijs, qui init. Mist. cap. 4. & Tertullianus de carne Christi non longè ab initio, opinati sunt, illam fuisse veram Columbam, quos secutus est Sanctus Thomas 3. par. quæst. 39. art. 7. contrariam tamen opinionem probabiliorē fuisse affirmarunt Sanctus August. lib. 2. de Trinit. cap. 5. & Epist. 102. & eam non fuisse veram Columbam censuit Sanctus Chrysostom. hom. 12. in Matth. & Chrysost. hom. 3. in Marcu, & Caiet. in Cōment. ad 3. part. S. Thom. quæst. 39. art. 7.

Verum, quoniam non audeamus inter viros religionē, ac doctrinā insignes, arbitrari, malumus de re tanti momenti piè dubitare, quàm aliquid temerè definire, aliqua ramen notabimus, quæ Lectori viam aperire poterunt ad propositæ dubitationis solutionem. Supponendum primò tanquam certum Spiritum sanctū oculis in igne, & Columba fuisse spectabilem, quod docuit Sanctus Thom. quæst. sup̄acritata ar. 7. ad 2. & probat S. Aug. lib. 2. de Trinit. cap. 6. cum dicit, visionem propheticam,

Columba sub qua apparuit Spiritus sanctus, an verū fuerit animal.

Gregor. de Valent.

S. Ambros. Tertull.

S. Thom.

S. August.

S. Chrysost.

Caiet.

S. Thom.

S. August.

non fuisse exhibitam oculis corporeis per formas corporeas, sed in spiritu per spirituales corporum imagines, Columbam verò illam, & ignem oculis vidisse omnes, quicumq. viderunt. Ergo si Columba illa intuitum oculis apparuit, inferri potest habuisse verum corpus, saltem per configurationem, & representationem, quod corpus poterat ex elementis fuisse formatum, & probat hoc S. Thom. ex S. August. lib. de Agone Christiano cap. 22. quo loco docet, illud fuisse verum corpus. Hoc autem dupliciter intelligi potest, vel quòd fuerit verum veritate corporis referentis Columbam re ipsa, non quoad imaginariam Visionem tantum, quia non erat corpus phantasticum; vel dici potest verum, non solum quoad substantiam, sed quoad animationem, ita ut corpus illud fuerit, ut altera pars compositi veri, quod est ipsum Columba animal. In priori autem sensu locutus est S. Thom. cum dixit, illud fuisse verum corpus, veritate scilicet corporis referentis Columbam, non veritate essentiae Columbae; sumpsit enim corpus verum, ut opponitur phantastico, quod rectè ponderauit Stephanus Bubalus in Comment. Angelicis ad quæst. 51. 1. par. S. Thom. ar. 2. quæst. 2. diff. 1. Quia (inquit) S. Tho. Si de verò corpore in secundo sensu locutus fuisset nō vsus fuisset verbo figurare, sed producere, vel creare, qua distinctione benè conciliari posse credimus citatos Patres; nam qui negant, illam non fuisse verā Columbam, & illud non fuisse verum corpus Columbae, intelligi possunt de veritate corporis animati, ut est pars altera compositi. Hinc Marc. 3. Marci 1. Luc. 3. & Ioan. 1. dicitur, Spiritus sanctus apparuisse sicut, vel tamquam Columba, & Chrysost. hom. 3. in Marcum, Non dixit (inquit) sumpsit corpus Columbae, sed vidit Spiritum, tamquam Columbam, vbi dicitur tamquam, non veritas, sed similitudo mon-

stratur, & hoc videtur conforme doctrinæ S. Thomæ, qui in 1. sent. dist. 16. q. 1. art. 3. ad 3. docet, Columbam illam non fuisse verum, & naturale animal, sed similitudinem Columbæ visibiliter ostense in aliqua materia ad hoc præparata, vnde etiam peracto officio in pristinam materiam est reuersa, præclare S. Aug. 2. de Trinit. c. 5. propè finem scribit, Facta (inquit) est quædam creaturæ species ex tēpore, in qua visibiliter ostenderetur Spiritus sanctus, siue, cum in ipsum Dominū corporali specie velut Colūba descendit, siue, cum decē diebus præactis post eius Ascensionem die Pentecostes tactus est subito de Cælo sonus, quasi ferretur flatus vehemens, & visē sūt illis linguæ diuise tamquā ignis, qui & insedit super vnumquemq. eorū.

Quoniam hæcenus satis copiose de personarum diuinarū Patris nimirum, & Spiritus sancti apparitionibus antè Incarnationem factis actum est, ac etiam de alijs quibusdam Noui Testamenti quædam tractauimus, superest modò, ut de Christi Domini Seruatoris Nostri apparitionibus aliqua breuiter notemus, quæ ut Lectori facilius manifesta, aperta q. fiant, distinguenda sunt tria tempora, quibus se visibilem, ac spectabilem Christus Dominus exhibuit; primum quidem post Natiuitatem, antè Passionem, secundum post Resurrectionem, tertium post eius ad Cælum Ascensionem: & quantum spectat ad primum tempus, dicimus Saluatorem Nostrium his omnibus apparuisse, quibus occurrere, apparere, & appropinquare volebat, & hoc naturaliter, nam & corpus habebat verum, & non phantasticū, & per seipsum, & per virtutem suæ animæ poterat manifestare se quoties, & quibus illi placebat, sic apparuit Pastoribus in Præsepio, vbi eum adorauerunt, & Magis, cui munera obtulerūt, Iudæis, & Principibus Sinagogæ, qui illum in templo disputantem audierunt, clau-

S. Thom.
S. Aug. 8.

Bubalus.

Matth. 3.
Marc. 1.
Luc. 3.
Ioan. 1.

S. Chrysost.

Christus apparuit antè, & post Resurrectionem.

claudis, cæcis, & surdis, qui ab eo gressum, lumen, & auditum receperunt, & mortuis, quos ad vitam reuocauit, ac alijs innumerabilibus, qui ab eo fauores, & infinita beneficia obtinuerunt. Negandum tamen non est, semel antè Passionis suæ tempus eum miraculosè in Monte Thabor apparuisse gloriosum coram tribus discipulis Petro, Iacobo, & Ioanne, quâ gloriosam apparitionem tres Euangelistæ descriperunt Math. cap. 17. suæ Historiæ Euangelicæ, Marcus cap. 9. Lucas etiâ cap. 9. de qua Filij Dei gloriosa, ac triumphali apparitione, quoniam sacrarum Litterarum Interpreteres multa acutè, doctèq. tradiderunt in locis citatis Euangelistarum, & Petrus Thyreus speciale de ea tractatum edidit, Lectorem ad hos Doctores remittimus, & de Apparitionibus post Christi Resurrectionem, antè tamen Ascensionem aliqua scribere iuxta propositam distinctionem aggredimur. Sanè Christum Dominum post Resurrectionem sæpè apparuisse pluribus, & S. Matthæus Euang. cap. 26. & S. Marcus cap. 16. S. Ioan. cap. 20. testantur, sed an in propria specie, an sub aliena, & quibus, & quando se videndum exhibuerit, quærendum est. Et primò dicendum videtur, Christum Dominum post Resurrectionem, antè Ascensionem apparuisse aliquando non in aliena specie, sed in propria, ad quam apparitionem Angelorum ministerio non indigebat, Christi namq. voluntas sola sufficiebat, vt corpus gloriosum aliorum sensus ita immutaret, vt ab eis, & videri, & tangi posset. Interdum autem apparuit Christus illis diebus Resurrectioni proximis immutando vultum suum, vt cùm in forma Peregrini apparuit duobus discipulis euntibus Emauntem, & Mariæ Magdalene in forma Hortulani, ita vt non cognosceretur, quod tunc fiebat non per aliquem Angelum corpus assumptum, quandoquidem corpus glo-

riosum animæ virtute potens est ad se manifestandum ex parte, simulq. quoad aliquem suæ personæ proprietatem se occultandum, & tradit Suarius lib. 6. de statu Beat. Sanctorum cap. 2. n. 18. ea, quæ ad ornamentum, seu habitum corporis pertinent, ab ipsomet Christo facile assumi potuisse, Quoniam (inquit) illud est quasi connaturale corpori glorioso, proinde Marcus cap. 16. enarrans apparitionem Christi factam duobus illis discipulis, qui Emauntem ibant, scribit, in aliena eis effigie apparuisse, & sic quoque de Magdalena, insinuauit S. Ioan. Euang. cap. 20. in forma Hortulani, quod licet intelligi possit, non re quidem vera, sed sola videntium opinionione aliam illis effigiem obiecit, & eò magis, quò Magdalene apparitio facta fuit in Horto, in quo erat Christi sepulchrum, atque hinc illa forsitan existimauit eum, qui ei apparuit, fuisse cultorem hortorum, potuit tamen etiam hoc fieri, quòd mutata corporis forma tunc Christus illis Discipulis apparuerit, vt sensisse videntur S. August. Epist. 59. Beda, & Theophilact. cap. 2. 4. Lucæ, aut etiam, quòd fuerint illorum discipulorum oculi impediti, nè Christum sub ea forma agnoscerent, sicut testatus est S. Lucas, vbi supra, dicit enim, Oculi autem eorum tenebantur, nè eum agnoscerent; His addendum, eiusdem Christi corporis glorificati post Resurrectionem aliam fuisse formam, quàm antè, quando doloribus, & morti subiectus erat, cum & impassibilis, & immortalis postea surrexerit, quem admodum, & nostrorum corporum aliam post Resurrectionem formam fore docet Paulus 1. Corint. 15. Atque hinc Euthimius causam afferens, quare à Discipulis in Mare Tiberiadis piscantibus Christus non fuerit cognitus, Quia (inquit) propter resurrectionem, & glorificationem corporis splendidiore apparuerit specie, vadè non mirum, si

G 4 quan-

Matth. 17.
Marc. 9.
Luc. 9.

Thyreus.

Matth. 16.
Marc. 16.
Ioan. 20.

Th. Ab.

Christus sub
qua forma
post Resurre-
ctionem ap-
paruit.

S. Aug. 8.
Beda.
Theophil.

1. Cor. 15.
Euthimius.

quando post Resurrectionem se ostendit, diuersa interdum quàm antea se forma ostenderit, quod non miraculo tribuendum esse, sed qualitati naturalis corporis glorificati censuit Maldonat.

Maldonat.

in Comment. ad cap. 24. Lucæ nu. 16. Etenim, si numerum, ac tempus apparitionum, quæ à Seruatore nostro post Resurrectionem factæ sunt quispiam querat, Lodulphus de Vita Christi par. 2. cap. 81. quattuordecim fuisse dicit, quarum decem tantùm Euangelistas meminisse putat, at verò Maldonatus in cap. 28. Matth. explanans illa Euangelij verba, Vndecim autem Discipuli abierunt in Galilæam, tresdecim in facris Litteris apparitiones huiusmodi inuenisse dicit, quarum sex eodem die,

Lodulphus.

Maldonat.

Christi Appar. post Resurrectionem alij tresdecim, alij quattuordecim fuisse asserunt.

quo Christus resurrexit accidisse scribit, & Christum Dominum primò Matri suæ apparuisse probabilissimum est, vt infrà probabimus, licet Euangelistæ hoc tacuerint, Secundò Magdalenz apparuit, Tertiò mulieribus, vt pars maior Doctorum sentit, quæ ad monumentum venerant, simul redeuntibus se ostendit, quod eodem die factum est. Quartò apparuisse etiam Petro eodem die creditur, aut soli, vt arbitrat

Leo Nonus Pontif.

Leo Nonus Pontif. in lib. contrà Michaelem Constantinop. aut etiam Ioanni, cum ambo à Sepulchro rediissent, vt colligi potest ex Luca cap. 24. & ex Paulo 1. Corint. 15. Quintò visus est etiam eodem die duobus illis discipulis euntibus Emauntem, Sextò sub vespere decem discipulis, absente Thoma; Hierosolymę domi congregatis eodem die apparuit, Septimò post octo dies vndecim simul Apostolis presentibus Thomam eadem Vrbe Hierosolyma, Octauò septem discipulis Petro nimirum, & Thomæ, & duobus filijs Zebedei, Nathanaeli, & alijs duobus, quos Euangelistæ non nominant piscantibus in Mare Galilææ. Nonò, visus est omnibus simul discipulis in monte Galilææ,

1. Cor. 15.

de qua apparitione Matth. scribit c. 18. Et videntes (inquit) eum adorauerunt, addit decimam August. ex Paulo 1. Corint. 16. qua Christum in Cælo ascendentem discipuli viderunt, & duas alias ex eodem Apostolo collegit Maldonat. ex illis verbis, Deindè visus est plusquàm quingentis fratribus simul, ex quibus multi manent vsque adhuc, quidam autem dormierunt, deindè visus est Iacobo, quibus Tertiadecimam adiungit, quādo Diuus Paulus post Ascensionem in Cælum sibi vltimo tamquam abortiuo visum esse dicit.

Ex his, quæ de numero, ac tempore apparitionū notauimus, constat Christum Dominum primò mulieribus visum fuisse, quàm viris, cuius rei causas aliquas ex Patribus operæpretium est adducere: & primò occurrit S. Hieron. qui in cap. Matth. 28. Mulieres, dicit; merentur audire Auete, vt maledictum Euz mulieris in mulieribus solueretur, Auete (inquit) Hieronymi sic enim Græci vertunt Interpretes illum Matthæi locum, Et ecce Iesus occurrit illis dicens Auete, apud tamen Hebræos erat in more positum, vt ijs se inuicem verbis salutarer, Pax vobis, & D. Ambros. in cap. 24. Lucæ causam reddens, quare Christus Dominus primò mulieribus apparuerit, Sicut (inquit) in principio mulier auctor culpæ viro fuit, vir executor erroris, ita nunc quæ mortem primo gustauerat, resurrectionem prior vidit, culpæ ordine remedio prior: adstipulatur Ambrosio August. Serm. 144. de Tempore, dum scribit, Resurgentem Deum priores feminæ Apostolis nunciauerunt, nunciauit viro suo mortem femina in Paradiso, nunciauerunt, & femina salutem viris in Ecclesia, & Sanctus Gregor. homil. 25. in Euangel. Mulier (ait) quæ fuerat ianua mortis, prima prædicat resurrectionem, & ostendit ianuam vitæ.

Christus post Resurrectionem quare primò mulieribus apparuisse dicitur.

S. Hieron.

S. Ambros.

S. August.

S. Gregor.

Et certe remuneratione. visa dignæ sunt piz illæ, ac religiosa mulieres, vt prius illis Christus appareret, quippè, quæ at tam pium, ac religiosum obsequium Christo impendendum venerant, vt eius corpus, vngerent, cum etiã ipsæ, & constantiores, ac feruentiores se in Passione ostenderint, etiam vsque ad mortem, & finem sepulture. At verò discipuli timore perterriti, relicto Christo fugerunt, vt testatur Matth. cap. 26. Rursus voluisse Christum mulieribus prius quàm, viris apparere existimamus, quòd ille sciuerit mulierum ingenium ad credendum magis esse propensum, quàm virosum, & ideo facilius credituras esse, ipsum resurrexisse, vt credentes postea resurrectionem Apostolis nunciarent, quocirca Ludolph. de vita Christi par. 2. cap. 73. tradidit, has mulieres. Euangelistarum officio functas esse, Mulieres (inquit) opus faciunt Euangelistæ, factæq. Apostolæ Apostolorum festinant ad nunciandum manè misericordiam Dei: verum prior omnibus, vt suprà indicauimus, Matri suæ Christum apparuisse censendum est, quæ quamuis cum sanctis illis mulieribus ad monumentum non iuerit, & domi remanserit, id factum esse arbitramur, nè de sui Filij morte dolores augerentur, probabilissimū enim est, quòd videre sepulchrum, in quo recentè Filius suus positus erat, absq. ingentis doloris sensu, non potuisset, tum quia certum est, Beatissimam Virginem non lauuisse eius Filium in monumento tunc minime fuisse, & impassibilem, & immortalem resurrexisse. Ergò Dei Mater domi manente, & orante, ecce subito ei apparuit Iesus in vestibus albis gloriosus, quippè qui de morte, & demonibus triumphum reportauerat, at illa adorans, præ gaudio eum oscularur, & tota mæroris acerbis in lætium vertitur. Apparuisse autem Iesum post Resurrectionem primò Matri, ipsamet si-

dem fecit B. Brigitta, quæ eam alloquens Lib. 6. Reuelat. Cap. 94. Ista (ait) est rei veritas, quod Filius meus resurgens primò mihi apparuit, quàm alicui alio, quòd etiam plures ex Sanctis Patribus confirmarunt, vt Augustin. Ansel. Greg. Nyssenq. Epiphanius, & Sedulius, quos Not. 3. ibi citauimus, & obiectioni cuidam, quæ ex Marco c. 16. contrà hanc sententiam fieri potest, satisfecimus, quo loco scribit, Christum primò Magdalenz apparuisse.

De Apparitionibus post Christi Domini Ascensionem inuestiganda quedam restant, & querendum prius, an personales fuerint, nimirum an Christus Dominus in persona propria apparuerit, an verò impersonales, factæ tantummodò in imagine per species alterius corporis: & quidem utroq. modo Christū hominibus in hac vita degentibus apparuisse monuit Thyreus in tract. de Apparit. Christi, & primo modo Christum in propria persona in suo scilicet corpore, atque anima se Apostolo Paulo videndum exhibuisse censuit Suarius par. 3. disp. 5. sect. 4. tom. 2. qui inter personales apparitiones tamquam certam illam posuit, quæ Paulo in via facta est Act. 9. quod etiam probat Valentia disp. 6. quæst. 3. punct. 1. §. 24. ex ipso met Paulo Corint. 15. ibi Tradidi vobis, quod accepi, quoniam Christus mortuus est pro peccatis nostris, & quia sepultus est secundum Scripturas, & quia visus est Cephæ, & post hoc vndecim, deinde visus est plus quàm quingentis fratribus simul, deinde visus est Iacobo, deinde Apostolis omnibus, nouissimè autem omnium tamquam abortiuo visus est mihi, videlicet, cum Damascum peterem post ipsam Christi in Cælos Ascensionem, Oculis (inquit Valentia) corporeis propè terram, ac in terra, postquam in Cælum Dominus ascenderat. Sanè cum Scriptura dicat, Visum esse ab Apostolo

Christi apparitiones post Ascensionem.

Thyrens.

Christi apparitio facta Paulo personalis fuit. Suarius.

Act. 9.

Valentia.

Cor. 15.

1. Cor. 15.

Chri-

Ludolph.

Christi post Resurrectionem primò B. Virgini apparuit.

Thyrens.

Valentia.

Act. 9.

Cor. 15.

1. Cor. 15.

1. Cor. 15.

Christum, sicut visus est Cephæ, sicut visus est cæteris idoneis testibus Resurrectionis, testatur etiam ipsi astitisse, testatur Paulum cum videret, ex eius ore verba audivisse, testatur, quod ipse in via apparuit, ut de Anania Act. 9. scribitur, Saule frater (inquit) Dominus misit me Iesus, qui apparuit tibi in via, qua veniebas. Ex his omnibus, quis non colligat apparitionem illam Paulo factam personalem fuisse, certe si illa visio imaginaria fuisset, & non personalis, vim non haberet ad probationem eius, quod Paulus probare nitebatur, veritatem nimirum Dominiæ Resurrectionis. Veritas namque Resurrectionis dicit Thyrens de spirit. apparit. cap. 5. num. 9. quam hac manifestatione idem Apostolus astruit, sic postulare videtur, ut non minus ipse, quam cæteri Apostoli testimonium magna cum certitudine; & fiducia reddere posset Resurrectionis Christi Domini. Idem insinuat Alphonsus Mendoza Controvers. Theolog. quest. 5. Scholastica §. 17. Multa de Apparitione hac eruditè congerit Lorinus Act. 9. vers. 5. ubi docet, ex illius circumstantijs colligi, Christum propè Paulum tunc astitisse, & à Paulo sic visum esse, primò ex vicino lumine circa Saulum in ipso aere, quod & comites etiam viderunt, ex voce ab eò audita Christi, qui Saulo propinquus erat, & si ille in Cælo longè stantem videbat, quomodo colloquebatur cum ipso? aut cur dubitabat esse Christum præsentem, cum meminisse posset, dixisse Stephanum vidisse se Cælos apertos, & Christum videntem, quod etiam apertis verbis fateur ipse, inquit Lorinus in cap. 2. 3. S. Lucæ vers. 11. Verumtamen (ait) de Apparitione in via Damascena, quod ibi Christus præsens fuerit, nullo pacto ambigendum censeo: quater Christum Apostolo Paulo fuisse visum ex ea citati Cap. Lucæ apparitione colligit, non tamen eas omnes apparitiones fuisse personales dicit,

& hanc, quam narrat S. Lucas, fuisse imaginariam, & dormienti Paulo factam ab Angelo probabiliter credit, idemque confirmat auctoritate Carthusiani dicentis, Apostolum vidisse Christum, vel ad veritatem confirmandam Resurrectionis eius, vel æqualem dignitatem suam cum cæteris in Apostolatu comprobendam. Colligitur hæc interpretatio ex ipsis verbis Evangelistæ, ibi, Sequenti autem nocte assistens ei Dominus, ait, constans esto, sicut enim testificatus es de me in Hierosalem, sic te oportet, & Romæ testificari, quæ etiam de causa Stephano, dum à Iudeis lapidaretur, Cælum apertum, & Iesum stantem à dextris Dei offensum esse, Act. 7. scribitur, quam apparitionem fuisse personalem, & in propria persona Christum fuisse à Stephano visum Lorinus arbitratus est, & talem fuisse eam, quæ facta fuit Petro, quando à Romæ fugienti dixit ei Christus, te Romam redire, ut iterum crucifigeretur tradidit Suarius 3. par. disp. 5. sect. 4. tom. 2. Hanc historiam apparitionis Christi Domini Petro à Romæ fugienti referunt gravissimi Auctores, quocirca indubium revocanda non est, & in primis Innocentius Tertius in cap. per Venerabilem. Qui filij sint legitimi, & ante Innocentium meminerunt Abdias Babylonæ Episcopus, & Apostolorum Discipulus lib. 1. histor. Apost. in vita B. Petri propè finem, & Egesippus lib. 3. de Excidio Hierosolymitano. cap. 21. Ambrosius in orat. contra Auxentium de Basilicis consecrandis, & lib. 5. epist. 2. & ex recentioribus Turrecremata in cap. Rogamus 2. 4. quæst. 1. & lib. 2. suæ Summæ cap. 36. Ioachimus Perionius in vita B. Petri ad finem.

Verum etsi inter sacros Theologos fuerit dubitatum de apparitionibus supra à Nobis citatis, an fuerint verè personales, ita ut Christus in propria persona post eius Ascensionem interdum viden-

Astor. 9.

Thyrens.

Mendoza.

Astor. 7.

Astor. 7.

Suarius.

Suarius.

Innocentius Papa.

Abdias.

Egesippus.

Ambrosius.

Turrecremata.

Perionius.

Suarius.

videndum se exhibuerit, an verò impersonales factæ fuerint, nempe eas per Angelos, & an Angelorum ministerio ipse apparuerit: quidquid sit, probabilissimum nobis videtur, Christum Dominum in Assumptione Matris suæ ad Cælos personalitèr apparuisse, & de Cælis descendisse, ut eam ad Cælos secum duceret, quod ex SS. Patribus nos probauimus Lib. 7. Reuelat. Cap. 26. Not. 3. & Cap. 2. huius Tract. non longè à fine, nam ut benè notat S. Thom. 3. p. quæst. 57. ar. 7. ad 3. dignitati Christi non derogat, si ex aliqua dispensatione quandoque corporalitèr ad terram descendat, ut ostendat se alicui specialitèr præsentia corporali, vnde piè credendum est, hunc honorem voluisse Christum Dominum suæ Matri impendere, ut non solum ipse, sed & Angeli quoque in eius gloriosa Assumptione in occursum eius venirent, quod affirmarunt S. Athanas. S. Ansel. Damasc. Sophron. D. Antoninus, Canisius, & Ludolphus de vita Christi par. 2. cap. 86. & alij, quos ibi citauimus.

Præter apparitiones, de quibus hætenus egimus, quas ex sacris Litteris collegimus, aliquas quoque aliàs factas fuisse manifestum est: etenim negandū minimè est, ut suprà toties insinuaui-mus, consueuisse plerumque Deū quibusdam amicis suis apparere, secreta quædam sua propalare, eosque alloqui, illuminare, ac de rebus ad salutem instruere. Constat namque ex probatissimis Historicis, qui de priuatis Reuelationibus scribunt, Beatissimam Virginem SS. Petrum, & Paulum, aliosque Sanctos deuotissimos, ac oratoribus suis aliquando apparuisse. Harum apparitionum exempla plura habes apud Thyreum Tract. de Apparit. spirit. cap. 1. i. constat & hoc ex B. Brigittæ Reuelat. Cælestium Libris, ut non longè ab initio præsentis Capituli diximus, in quibus frequenter legimus, eandem Dei Matrem, Apostolo-

rum Principem Petrum, ac Doctorem Gentium Paulum, S. Ioannem Baptistā, S. Ambrosium, & alios quosdam Sanctos eidem apparuisse, & cum ea de Fidei nostræ mysterijs, & de his, quæ ad hominum salutem pertinent tractasse. Has autem apparitiones inter impersonales collocandas esse, easque per Angelos in corporibus assumptis fuisse factas regularitèr creditur.

Nam etsi Christus Dominus, & Beatissima Virgo in Cælo corpus habent, non audeam tamen affirmare apparitiones, quæ B. Brigittæ factæ sunt, immediate ab ipso Christo, & eius Matre fuisse factas, cum potuerint Angeli vtriusque personas representantes apparere, eoque magis, quòd ad hoc necessarium non videtur esse, neque decens, ut locum cælestem deserant, & ad terrā descendant, quod autem simul in vtroque loco quis esse possit, Magnum (inquit Suar. loco suprà citato nu. 23. miraculum est, quod sine magno fundamento affirmare non conuenit; Neque obstat, si, cum in his Reuelat. Libris, quod frequenter occurrit, legamus, Christum Dominum, & Beatissimam Virginem, ita Brigittæ fuisse locutos, ut ex locutionis circumstantijs inferri posse videatur, eos ei personalitèr apparuisse, ut Lib. 1. Cap. 40. Ego sum Creator tuus, & Dominus tuus, dic mihi, &c. & Lib. 2. Cap. 12. Ego sum verus Rex, &c. Ego sum, qui iudicavi primum Angelum, &c. Ego sum, qui loquor tecum, & Lib. 8. Cap. 1. Ego qui pro salute hominum in assumpta humanitate, dietate illæsa permanente, verè passus fui, &c. Nunc veracitèr loquor tecum, & Cap. 48. eiusdem Lib. Quandoque loquitur Deus per simplicem verborum prolationem, & corporalem expressionem. Non inquam hæc obstant, nam, ut suprà diximus, quando de diuinis in Veteri Testamento factis apparitionibus egimus, cum Angelus in corpore à se

Apparitiones B. Brigittæ factæ quales.

Suarus.

ESTORUM
Omnium
de his
et quædam

ATHANAS.
S. THOM.
S. ANSEL.
D. ANTONIN.
CANISIUS.
LUDOLPHUS.

ATHANAS.
S. ANSEL.
D. ANTONIN.
CANISIUS.
LUDOLPHUS.

Petrus Thyreus.

se formato apparebat; Deum tamen apparuisse, & locutum fuisse notauimus. Quoniam signanter per illam speciem oculis obiectam representabatur, neque Angelum tunc apparuisse, aut fuisse locutum dicimus, quia non in persona sua, sed in persona Dei in illo corpore se spectabilem exhibuit, ut mirum non sit, si interdum cum Angeli nomine Dei loquebantur, & eius personam sustinebant, locutiones illæ Deo tribuerentur, & interdum dixerint, Ego sum Dominus Deus tuus.

Enim etiam loquendi usus hoc probat, cum enim in proscenio, si quispiam prodeat, qui alicuius Regis personam gerat, certè omnia eius gesta, & quæcumq. ab eo sunt Regi illi tribuuntur, dignitas, & imperium, vox, incessus, & grauitas, legite S. August. hoc expressè docentem lib. 3. de Trinit. cap. 11. & S. Thomam de potentia quæst. 6. ar. 7. ad 2. Quomodo autem hæc diuinæ locutiones fiant, & cum Deo Angeli loquantur, & Angeli adinuicem, & cum hominibus, tradidimus infra hoc Tractatu Cap. 10.

Postremo si de Apparitionibus sermo fiat eorum Sanctorum, qui æterna illa felicitate fruuntur, qui in Cælo corpora non habent, etiam existimamus eas regularitè à proprijs personis eorum non fieri, sed per Angelos in corporibus assumptis, quemadmodum de alijs dictum est suprâ. Ità planè B. Brigittæ apparuisse Sanctos Apostolos Petrum, & Paulum, ac S. Dionysium, Ambrosium, Agnærem, aliosq. quorum mentio fit in his Cælestium Reuelat. Libris probabilissimum esse arbitramur; diximus regularitè, quia forsitan ex peculiari eorum amore, & speciali oratorum deuotione Sancti personalitè interdum voluerunt apparere, & se vindendos suis deuotis exhibere.

Possẽ in præsentia alias plures Christi Domini apparitiones seruis suis fa-

ctas recensere, vnam tantummodò ad finem præsentis Capituli, eamq. celebrem referam, quæ anno Domini 1224. Mense Septembris accidit, cum B. Franciscus Christus apparuit Seraphico lucentes ardore, suarumq. ei impressit effigiem plagarum: hanc autem apparitionem fuisse personalem, ac Christum immediatè sacrarum Stigmatum in Beati Francisci corpore extitisse insculptorem censuit Fr. Lucas VVaddingus lib. 1. Annal. Minor. Ann. 1224. nu. 16. & Fr. Gabriel Faber cap. 16. Operis Pa- negyrici sacræ Assisien. Ecclesiæ, qui suam opinionem probat auctoritate, Alex. IV. & Greg. IX. Roman. Pontif. & ex officio etiam diuino, in quo sic scribitur.

Ad quem venit Rex à Cælo,

Amictu Seraphico,

Sex alarum textus velo

Aspectu pacifico,

Affixusq. Cruci telo

Portento mirifico,

Cernit seruus Redemptorem,

Passus impassibilem.

Ad cuius etiam rei confirmationem addit Faber, S. Franciscum apparuisse aliquando cuidam laico suæ Religionis, eumq. hac de re certiore fecisse his verbis. Non Angelus, sed Dominus meus Iesus Christus in specie Seraphica, qui sicut vulnera in Cruce suscepit, ità manibus benedictis in corpore meo impressit, primò manibus, deindè pedibus, postea lateri vehementissimo corporis cruciati, & subdit Faber, non obitare, quòd illa visio imaginem Angelorum præseferat, nam in ea specie, sic (inquit) apparuisse Christum, ut declararet cor Diui Francisci immediatè sibi vnitum, & copulatum veluti Seraphim Deo immediatiuè coherent. Verùm de Stigmatibus Sancti Francisci, legendi sunt S. Bonauent. in Opusculo quod inscripsit legenda Sancti Francisci cap. 13. tomo 7. & Blasius Viega.

de

Stigmata
S. Francisci
impressa, ut
fuerint im-
mediatè à
Deo, vel à
Angelo.

Fr. Lucas
VVaddingus.

Fr. Gabriel
Faber.

S. August.

S. Thom.

S. Bonauent.

Viega.

Iacob Pinct. de Impres. Stigmatum in cap. 12. Apoc. calyp. col. 2. & Iacob Pinctus de Christi Crucifixione lib. 1. tit. 3. & lib. 4. tit. 6. col. 6. Et Iacobus Aluarez de Inquisit. pacis tomo 3. lib. 5. cap. 12. quo loco etiam ipse testatur B. Francisco Stigmata fuisse impressa immediatè à Christo.

Erander Galgannet. De Mortuorum autem apparitionibus Cap. 2. ac etiam in presenti breuiter egimus, de iisdem quoq. scripsit Doctissimus Iuris Consultus Leander Galgannet de Iure publico lib. 3. tit. 119. n. 58. & deinceps, quo loco tum ex sacris, tum ex prophanis Doctoribus, ac Iuris etiā peritis probat, Defunctorum apparitiones veras esse, ac decuisse, Deum interdum permittere, quòd animæ defunctorum aliquibus vitiis appareant, & pro hac opinione citat S. Thom. 1. par. Sum. q. 89. ar. 8. Card. Bellarm. de Purg. cap. 7. & lib. 4. de Christo cap. 11. & Martinum Delrium Disquis. mag. lib. 3. q. 27. sect. 5. confirmantem harum animarum apparitiones etiam auctoritate Conciliorum, & multas affert in omni sæculo, & ad hæc vsque nostra etiam tempora visas.

Quæ, & quibus Reuelationibus, ac Apparitionibus fides præstanda sit, ex SS. Patribus, & Doctoribus Scholasticis ostenditur, & de malorum spirituū Apparitionibus differitur.

C A P. V.



E diuinarum Visionum, & Apparitionum ab illusionibus discrimine Cap. 11. huius Tractatus satis copiosè egimus, nūc quæ, & quibus fides sit adhibenda inuestigare aggredimur, quod eò diligentius faciendum esse duximus, quòd hæc de Apparitionibus, ac Reuelationibus materia

multa secum plerumq. pericula trahit, estq. ita obscura, ac difficilis, vt religione, ac doctrina, & rerū spiritualiū exercitatione viri conspici, qui hac de re tractarunt, scriptum reliquerint, nè fidem, & consensum prius illis præstemus, quàm grauißimorum, & piorum Doctorum calculo fuerint examinatæ, & approbatæ. Diuersitas namq. spirituū, qui crebrò loquūtur in nobis, ad diuersa nos trahit, vndè Dæmones decipiendi ansam faciliè sumunt. Quattuor spiritus, (verba sūt S. Bernardi lib. de Conscient. cap. de quattuor spiritibus) loquuntur assiduè, spiritus mundi, spiritus carnis, spiritus Diaboli, & spiritus Dei, spiritus mundi loquitur vana, spiritus carnis loquitur mollia carni, spiritus Diaboli loquitur, quando amara cogitamus, & aspera proferimus, spiritus Dei loquitur, quando dulcia meditamur, & loquimur; Diabolus clamat, ego decipiam; Mūdus clamat, ego deficiam, Caro clamat, ego inficiam, Christus clamat, ego reficiā: ad hos spiritus discernendos diligens sanè studium, & cautela maxima adhibenda est, nè fidem falsis pro veris præstemus, neq. noxijs pro salutaribus assensū præbeamus, neq. incerta pro certis suscipiamus: Donum namq. peculiare Spiritus sancti est, gratiæ discretionis spirituum potiri, qua scire queant homines, & certi fiant, quibus assentiri, & quos spiritus sequi debeant. Ipse est, qui seruos suos docuit, & nè deciperentur in illis salubria monita, & regulas tradidit, quocirca quid in re tati momenti agendum sit, Doctores Catholicos diuersos diuersa sensisse refert S. Bonau. de Perfectu religios. c. 20. Alijs (inquit) videtur securius esse talia non querere oblata, nec citò credere, & deceptionis foueam timere, aliquando etiā oblata velut minus etiam fructuosa paruipendere, vt si vera sint, se habeant indifferenter ad ea, si falsa, non innitantur eis, nè decipiantur, & querat super his consilium

Quattuor spiritus generat S. Bernard.

S. Bonau.

H sapien-

sapientum solum, & paucorum, ut ipse ad illa se studiosè exerceat, quæ sunt secura, meritoria, & fructuosa, quæ sunt vitiosa extirpare, & virtutum studiis fideliter insudare, & per orationis studium mentem accendere ad deuotionis affectum. Hic adiungendū, quod difficultatem non exiguum propositæ dubitationi augeat. Quoniam corporales visiones vigilantium, & imaginariæ dormientiū, & bonis, & malis occurrunt, & quamplurimæ falsæ sunt, & ad insaniam viam parant, vim quandoq. cerebri diminuunt, eiq. infestæ sunt, ut ipsemet S. Bonauent. lib. cit. c. 18. animaduertit, cum (inquit) Visiones corporales, quæ vigilantibus corporaliter ostenduntur, & visiones imaginariæ, quæ suæ in vigilia, suæ in somno, suæ in excessu mentis rapti occurrunt, non corporaliter, sed imaginariè, istæ omnes visiones conueniunt simul in hoc, quod non solum bonis, sed etiam malis ostenduntur, & sic huiusmodi visiones non faciunt Sanctum, alioquin Balaam sanctus esset, & eius Asina, & Pharaon, qui vidit somnia præsentia futurorum. Vnde etiam si visiones istæ veræ sint, tamen per se meritoria non sunt, & qui multa talia videt non est melior, & qui nulla non est minor, sicut est de miraculis alijs. Immo pluribus sæpè visiones istæ magis nocuerunt, quam profuerunt, quasi inaniter inde gloriantes extollebantur. Multi etiam alij putantes visiones vidisse, quæ non viderant, seducebant se, & alios, & ad quæstum auaritiæ retorserunt. Multi præterea sinxerunt se mendaciter vidisse visiones, aut nè haberentur inferiores cæteris, aut præ cæteris honorarentur quasi sanctiores, quibus secreta Dei ostendebantur, de quibus Ezech. 15. Vidistis visionem cassam, & diuinationem mendacem locuti estis, & paulò post addit. In quibusdam etiam solent huiusmodi visiones esse præludia insanitiæ, quia cerebro fuso, & fumis ipsius obnubilantibus, visus oculorum confun-

Corporales, & imaginariæ visiones, quia plerumque falsæ sunt, non faciunt sanctum.

Ezech. 15.

ditur, ut putent sibi apparere aliquid veraciter, quod phantasticum est, iuxta illud Eccles. 34. Et sicut parturientis cor tuum phantasias parit: nisi ab Altissimo fuerit emissæ visitatio, nè dederis in illis cor tuum.

Verum sicut de bonorum spirituum apparitionū veritate dubitandum non est, ut pluribus huius Tractatus Capitulis ex sacris Litteris, & SS. Patribus probauimus, sic etiam, & malos spiritus aliquando apparuisse manifestum est: sed de bonorum apparitione diuersa omnino ratio est, quam malorum. Cum enim Angeli boni eo modo cernuntur, quo mox explicabimus, nulla ratio esse potest, vnde fidem illis non præstitemus, aut existimemus in eorum apparitionibus sensuum aliquam deceptionem intercedere, cum ipsi eius nuncij sint, qui est ipsa veritas, quocirca non fallacias, nec præstigias amant, nam cum per apparitiones se exhibent, id ad nostrum profectum faciunt, nimirum, ut nos de rebus fidei instruant, nosq. de his, quæ ad salutem consequendam pertinent, illuminent, & ad miracula in fidei nostræ testimonium à Deo assumuntur, ut bene notat S. Tho. q. 7. de Potest. art. 4. Atque hinc est, quod idē S. Tho. 1. par. q. 114. art. 2. ad 1. docuit, Angelos non indigere corpore assumpto per se ipsos, sed propter nos, ut familiariter cum hominibus conuersando demonstrent intelligibile societatem, quam homines expectant cum eis habendam in futura vita, hanc conuersationem familiarem habuerunt, quando se mortalibus obtutibus spectandos dederunt, quando se contrectandos exhibuerunt, quando cum eis locuti sunt, quando cum illis comederunt, aut saltem in os cibum miserunt, quod apud Abraham fecerunt Genes. 18. vbi scribitur, Cumq. comedisent, dixerunt ad eum, &c. vbi est Sara vxor tua, & apud Lot Genes. 19. vbi Lot compulit illos oppido, ut diuerterent ad eum, ingref-

Angeli boni cum apparent, non decipiunt.

S. Thomas.

Angeli quare corpora assumant.

Genes. 18. & 19.

gressisq. domum illius fecit conuiuiū,
& coxit azyma, & comederunt, postre-
mò etiam alia signa ediderunt, quibus
certam, ac indubitatam apparitionibus
eorum fidem fecerunt; corpora namq.
ab eis assumpta pluribus sensibus per-
cipiebantur, & præsertim sensu tactus,
qui est omnium certissimus, nam hic
omnibus inest animalibus, & potest esse
sine cæteris, teste Aristot. 2. de Anima.
contextu 17. quo circa concludendum,
cùm huiusmodi apparitiones hoc pacto
fuit, veras esse, quapropter Aristot. lib. 8.
Phyl. cont. 2. 2. Quærere rationem (in-
quit) & dimittere sensum, infirmitas
quædam intellectus est: & quoniam
apud Abrahamum, & Lot, vt ex sacris
Litteris constat, comedisce Angelos di-
ximus, hic obiter inuestigandum esse
duximus, an verè, & realitèr comedè-
rint, & quomodo in assumptis corpo-
ribus id efficere potuerint, quòd etiam
ad Apparitionum materiam spectat, Sa-
nè Tobiz 12. ex ipsius Angeli Raphaelis
verbis satis apertè colligi posse vidè-
tur, Angelum illum simulatè, nec verè
comedisce, Cum essem (inquit) vobiscū
videbar quidem manducare, & bibere,
sed ego cibo, & potu inuisibili vtor, ex
quibus verbis Theodoret. in Genes.
q. 68. adductus, scriptum reliquit, An-
gelos ità comedisce, quia comedere visi
sunt, non quidem cibum in os, & veni-
trem inferentes, nec enim incorporea
natura huiusmodi partibus verè constare
poterat, sed illum simulatis manibus
capientes, & in simulatum quoque os
inferentes, clam consumpserunt, prout
illis placuit. Securus est Theodoretum
Abulensis in cap. 7. Exod. q. 11. vbi ipse
quoque negat, posse Angelos comedere,
rationem affert, quia censuit, de essen-
tia comestionis propriè dicta non solū
esse cibi diuisionem ad partes minutas,
qualitèr in stomacho digeri debeat, vel
eius traicctio ad partem anteriorem,
sed ille, qui comedit, habeat etiam po-

tentiam nutritiuam, ità quòd cibus
transmutari possit in substantiam co-
medentis, atq;e hinc D. Thom. 1. par.
q. 51. ar. 3. ad 5. Si propriè (ait) loquen-
dum sit, Angelos non verè comedisce,
si quidem comestio denotat sumptio-
nem cibi conuertibilis in substantiam
comedentis, quamuis cibus à Christo
post Resurrectionem sumptus nequa-
quam in corpus eius conuerteretur, sed
resolueretur in præiacentem materiam,
attamen corpus eius talis erat naturæ, in
quod posset cibus verè conuerti, ideòq.
vera illa fuit comestio, at verò cibus
sumptus ab Angelis, nec in corpus ab
eis assumptum conuertebatur, nequè
natura sua conuerti poterat, quomobrem
non fuit vera comestio Angelorum,
sed figurata spiritalis comestionis. Cæ-
terum quoniam D. August. Epist. 99. ad
Deo gratias q. 1. tradidit, Angelos non
fictè, aut simulatè, sed manifesta verita-
te comedisce, non quidem, quòd alimen-
to; cibòq. eguissent, sed quòd cibum su-
mere potuissent, quem secuti sunt Sco-
tus in 2. d. 8. & Alensis 2. par. quæst. 3. 5.
memb. 4. Ideò litem hanc, vel componi
vel dirimi posse credimus, si dicamus,
comestionem duplicitèr accipi posse,
primò quidem propriè pro perfecta vi-
tali operatione, etiam manente à vitali
potentia, per quam cibus regularitèr
transit, & mutatur in substantiam co-
medentis, certè in hoc sensu Angeli in
assumptis corporibus non verè man-
ducasse dicendū est, quia non exercent
in eis operationes vitales, vnde benè
Greg. Nyss. in Orat. 1. de Amandis pau-
peribus scripsit, Diabolus, cum spiritus
sit corporis expers, nihil vmquam edit
omninò, & in hoc sensu interpretandi
sunt Doctores illi, qui affirmant, An-
gelos verè, & realitèr non comedisce: at
verò si comestio sumatur secundum ra-
tionem quamdam cōmunem operatio-
ni, etiam vitali, nempe vt per eam cibus
conteritur, & in partem aliquā corporis

traicitur, sic ea ratione dici posse existimamus, Angelos manducasse, & vera dici potest illa comestio. Verum rem hanc confirmat Ludouicus Viues, in Comment. lib. 1. de Ciuit. Dei cap. 2. ad ea Augustini verba, Neque enim phantasmata Angelos edidisse credendum est, Non ita (inquit) edebant Angeli, vt nos, quorum cibus per guttur in ventriculum demissus conficitur, & succus per venas in singula distribuitur membra, aliturq. corpus, sed nec sic tamen edebant, vt oculis humanis illuderent velut prastigijs, quod mordere viderentur, quod pro maxillis haberent, non mouerent, tamen comminuere suis illis dentibus panem, aut carnes, quæ remanerent integræ, verè enim mandebant, sed non alebantur: In priori autem sensu Angelus Raphael locutus est de comestione, proinde præclare August. in cap. cit. lib. 1. de Ciuit. explicans illa verba, Cum essem vobiscum videbar quidem manducare, Videbatis (ait) me manducare, sed visu vestro videbatis, idest necessitate reficiendi corporis, & sicut vos facitis, me cibum sumere putabatis.

Ex his, quæ de Angelorum comestione, & corporum assumptione supra diximus, deducendum non est, eos in illis actionibus decepisse, nam quantum spectat ad comestionem, scripsimus, illos cibum in os intulisse, & in partem aliquam corporis traicere consueuisse, quæ actiones cum sint communes cum operatione vitali, vt docuit Gregor. de Valentia tomo 1. disp. 4. quæst. 2. pun. 3. sic consequens, hac ratione dici posse, eos verè manducasse, & in ea comestione nullam intercessisse deceptionem.

Sed maior dubitatio est de assumptione corporum ab Angelis facta, in qua alicui forsitan videri posset, quod aliqualis fictio, aut simulatio intercedat, dum se hominum oculis exhibent

sub ijs formis, quas non habent, proinde apparitiones illæ suspensionem aliquam possent ingerere. Cui obiectioni facile respondemus, sensus quidem tunc eorum, quæ vera sunt obiecta percipere, & intellectum rectè mysterium apprehendere, quod sub illis seorsum obiectis lateret, & quod per illa denotatur, quod est conforme doctrinæ Doctoris Angelici de Potentia. quæst. 6. art. 7. ad 9. cum inquit, Corpora illa habent quidem veras formas quantum ad id, quod sensus percipere potest, quæ sunt sensibilia per se, sicut color, & figura, non autem quantum ad naturam speciei, quæ est sensibilis per accidens, nec propter hoc oportet ibi sit aliqua fictio, quia formas humanas non obijciunt oculis Angeli.

Et sanè, quid aliud sunt apparitiones veræ, quam spectabiles corporum formæ, quæ illos representant, quorum personas sustinere iudicantur, sic enim Angeli Patribus Veteris Testamenti apparuerunt, sic etiam alijs in Nouo, qui in eâ apparitione, in qua Dei personam sustinebant, dicere poterant, Ego sum Dominus Deus tuus, nam, vt superiori Capite diximus is, qui personam alterius gerit, quæ ratione gerit, benè eius nomine vocari potest, cuius personam representandam induit, sicut Math. 1. dicitur, Ioannes est Elias officio, nempe, & munere, quod etiam obseruauit S. Aug. contrà Adimantiū c. 9. qui affirmat idem, quod Deo conuenit, posse de Angelo dici, quando in legatione Dei personam gerit, vnde tunc, sicut nulla deceptio intercedit, sic nulla ratio est, quæ apparitioni huiusmodi fidem non præstemus. Sed audiamus Gregor. verè Magnum hoc præclare exponentē Genes. 18. quo loco tractans de Angelis ab Abrahamo hospitio susceptis, Nisi (inquit) Angeli quædā nobis interna nunciantes ad tempus ex aere

corpora sumerent, exterioribus profecto nostris obtutibus non apparent, nec cibos cum Abraham caperent, nisi propter nos solidum aliquid ex cælesti elemento gustarent, nec mirum, quod illic ipsi, qui suscepti sunt, modò Angeli, modò Dominus vocantur, quia Angelorum vocabulo exprimentur, qui exterius ministrabant, & appellatione Domini ostenditur, qui eius interiorius præerat, ut per hoc præsentis Imperium, & per illud claresceret officium ministrantium.

De malorum autem spirituum apparitionibus aliam omnino esse, quàm bonorum rationem diximus, quoniam hi spiritus mendaces, & fallaces sunt, qui hominum animas suis illusionibus, ac præstigijs illaqueare student, quocirca illis fides adhibenda non est: quamvis negandum non sit, eos sub spectabili, & externa forma interdum visos esse; licet enim hi spiritus sint, & corpora non habeant, quia tamen illa assumere possunt, ideò quandoq. sub spectabili forma conspiciuntur, quod fieri non posset, nisi assumerent. Sunt autem Dæmones incorporei, sic S. Greg. lib. 4. Dialog. qui cum Petro Diacono loquens, Dic quæso (inquit) Apostatas spiritus à cælesti gloria deiectos esse corporeos, an incorporeos suspicaris? cui respondit Petrus, Quis sapiens esse spiritus corporeos dixit, & concludit S. Greg. Si igitur Diabolus, eiusq. Angeli, cum sint incorporei, &c. Idem confirmat Gregor. alter Nyssenus orat. 1. de Pauperibus amandis, & probat hoc Martinus Delrius Disq. mag. lib. 2. quæst. 1. §. Scio quidem Tertullianum lib. 2. contra Marcionem cap. 9. affirmasse, Angelos præditos esse crasso & terreo corpore, deinde (inquit) Scito, nè illud concedi tibi, ut putatiua fuerit in Angelis caro, sed veræ, ac solidæ substantiæ humanæ, & Origen. etiam censuit, Dæmones ob maiora delicta æreo corpore fuisse

vestitos, ut refert Sanctus Hieronym. ^{S. Hieron.} in Epistol. ad Avitum 59. de erroribus Origenis, qui lib. 2. Periarchon. cap. 2. & 3. sentit, nihil præter Patrem, Filium, & Spiritum sanctum viuere sine corpore, & cap. 8. Angelos esse corporeos dicit, sed forsitan Tertullianus, aliq. qui Dæmonibus corpora tribuerunt, intellexerunt ea non fuisse humana, & naturalia, sed asceptitia, ut potè ab eis assumpta, eòq. magis, quò Tertull. ipse lib. de Carne Christi cap. 6. num. 60. dicat, Angelos propriam carnem non gustasse: sed quidquid sit, Sancti Patres, & Doctores etiam Scholastici in 2. sent. dist. 8. & Thomistæ ad 1. par. Sancti Thom. quæst. 5. 1. art. 1. & ipsemet S. Thom. non solum quæst. citata, sed etiam quæst. vnica de Spiritualibus Creaturis art. 5. & quæst. 166. de Malo art. 1. tradiderunt, Angelos esse omnino corporis expertes, & esse creaturas intellectuales, qui corpora assumpserunt, cum Dei iussu hominibus apparuerunt. De bonorum Angelorum apparitionibus superiori Capite satis, superq. actum est; sed de malorum hic aliqua notanda sunt, quæ ad rem, quam tractamus, facere possunt, ut inde palàm fiat, quæ, & quibus apparitionibus fides præstanda sit; quod est argumentum præsentis Capituli.

Etenim, & Dæmones quoque spectabiles in assumptis corporibus interdum se præbuisse, & sensibilibus, corporatisq. figuris, ac formis spectatos fuisse manifestum est, ac etiam ab Ethnicis Philosophis plures eorum apparitiones perspectas extitisse probat Bubalus in Commentat. Angelicis ad quæst. 5. 1. Sancti Thom. art. 2. quæst. 1. diffi. vlt. §. 1. hi namque sub illis corporibus representantur, quibus veluti motores vniuntur, sic ut illam Dæmonum personam sustineant,

Dæmones
etiam incor-
porei sunt,
interdum
assumunt cor-
pora.

S. Gregor.

Greg. Nyssen.

Delrius.

Tertull.

Origen.

Angelos esse
incorporeos
probat.
S. Thom.

Bubalus.

neque enim corporaliter videri possent, nisi assumpto corpore, incorporeas namque videri à corporeis nequeunt teste Beato Ignatio Martyre in Epist. ad Smyrnens. quia incorporeorum nec species, nec figura est: non tamen negarim, eos etiam phantasticè apparere posse turbata phantasia, sed hic sermo fit non de phantastica, sed de reali Dæmonum apparitione sub corporibus assumptis, possunt enim corpus, vel ex elementis sibi coaptare, vel subingredi, & assumere cadauera, & illa mouere, & impellere, non motu vitali, sed locali tantum, ceu cum aerem impellant, hoc tamen Deo permittente: elementare autem corpus si quando formant, vniunt sibi non aliter, quam motori intus existenti corpus mobile, & inanime vniuntur: an verò ex solo aere illud forment, & an tunc commisceant terreas, & aqueas, & nubium, ac vaporum exalationum partes, ut aliqui existimarunt, dicentes non posse sic elementum aeris condensari solum, nostrum non est in præsentia quæstionem hanc definire. Cæterum monitum esse hoc loco Lectorem censui, has Dæmonum apparitiones, si propriè loquendum sit, non veras esse vocandas, sed simulatas, quoniam verè, & propriè illæ sunt corporis viui, & quæ ab anima informantis originem ducunt, simulatae autem non exigunt animam informantem, opinor tamen dici posse veras, cum corpora à Dæmonibus assumpta tunc pluribus sensibus percipiuntur, præsertim sensu tactus, tunc enim nullus dubitandi locus relinquitur, quin verorum corporum apparitiones dicendæ sint, nisi aliunde probabilis alia ratio suppetat, ob quam de eis dubitare contingat, in quo sensu has Dæmonum apparitiones veras esse arbitratus est Stephanus Bubalus loco citato diff. 3. §. 12. inter quas etiam ponit apparitiones eorum

Dæmonum, qui seruire solent hominibus, quos familiares Dæmones vocant, at vulgus Martinellos, seu Magistellos appellat.

Sed nunc inuestigare operæ pretium duximus, ut Dæmonum præstigia, ac fallaciæ facilius detegantur, sub quibus formis eos apparere, & quibus artibus decipere consueverint, sic enim palam fier, quæ, & quibus apparitionibus fides danda sit, & quæ respuendæ, quæ reijciendæ sint. Et quidem Christus Dominus cum Beata Brigitta loquens Lib. 2. Reuelar. Cap. 18. tantam esse Dæmonum deformitatem dixit, quod si eos quispiam in illa deformitate aliquando videret, fieret, ut vel toto vitæ suæ tempore ingenti dolore cruciaretur, vel tunc subita morte corripereetur: consueuisse autem eos apparere in forma animalium mortuorum scribitur ibi, ut merito Dæmonem nomine Mortis appellauerit B. Ioan. Apocalyp. 6. Et ecce (inquit) equus pallidus, & qui sedebat super eum nomen illi Mors, & Infernus sequebatur eum, & data est illi potestas super quatuor partes terræ interficere gladio, fame, & morte, & bestiis terræ, quæ communiter sacrarum Litterarum interpretes de Diabolo intelligunt, ut D. Gregor. lib. 4. Moral. cap. 17. Petrus Damianus lib. 5. Epistolar. Epist. 13. Vegas ad cap. 12. Apocalyp. Comment. 1. sect. 9. nu. 4. Lorinus ad Psalm. 48. vers. 15. Mors depascet eos, August. vertit, Mors pastor est eis. Vnde D. Hieronym. exponens illud Isaia 28. Percussimus fœdus cum morte, cum Diabolo, inquit, qui dicitur perditio, & interitus, omne namque studium suum Dæmones ponunt, ut miseros mortales, quos acerbè oderunt, oppungent, sicque illis infesti sunt, ut aliquando in corpore illapsi, aliquando in domicilia ingressi acriter crucient, & diuexent: quocirca sanguisugam humani sanguinis Diabolū appellauit

S. Gre-

S. Ignatius
Martyr.

Dæmones
qualia assu-
mant cor-
pora.

Dæmones
sub quibus
formis appa-
rere con-
sueverint.

Apocal. 6.

S. Gregor.
Petrus Da-
mianus.

Vega.
Lorinus.

S. August.
S. Hieron.

Bubalus.

Greg. Naz. S. Gregor. Nazianz. orat. i. 3. in Plagam grandinis, propterea quod eo nunquam laturari valeat, & post Christi Aduentum acriori odio in homines inuehi solitum animaduertit Iustinus Martyr apud Oecumenium ad illud 1. Petri 5. Aduersarius vester Diabolus circuit quærens, quem deuoret, & tamquam lupum sanguinorum paratum ad deuorandum super ouem venire, & hostem esse absq. misericordia dixit Cyrillus Hierosolymitan. Catechis. i. 6. Vnde Clemens Romanus lib. 2. recog. Testatur Cælum, & terram (inquit Petrus) quod, si quantum cupit inimicus defæuire, permitteretur etiam à Deo, olim omnes homines deperiissent. Draco ille magnus, & rufus Diabolus est, cuius meminit B. Ioan. in Apocalyp. Draco propter malitiam, magnus propter insidiarum magnitudinem, rufus propter homicidium, sic Ansbert. lib. 5. in Apocalyp. cap. 2. qui singulis hominibus adhæret, & omnes ostiatim domos occupat, per omnem terram vagatur, & solatium suæ perditionis perdendis hominibus operatur, scribit Lactantius lib. 2. diuin. Instir. cap. 14. Atq. hinc tot spectra, tot horribiles apparitiones, tot illusiones ab eo ortum ducunt, quarum ex Patribus hic aliquas afferre libet, Et Primò occurrit Seuerus Sulpicius, qui in vita S. Martini cap. 2. 4. sic habet, Diabolus (inquit) frequenter, dum mille nocendi artibus Sanctū Virum conabatur illudere, visibilem se ei formis diuersissimis ingerebat, nam interdum in Iouis personam, plerumq. Mercurij, persæpe etiam se Veneris, ac Mineræ transfiguratum vultibus offerebat, &c. audiebantur etiam conuicia, quibus illum turba Dæmonum proteruis vocibus increpabat.

S. Hieron. Certa sunt, quæ S. Hieron. in vita S. Hilarionis de terribilitatis Dæmonum ab eodem Hilarione visis, & auditis scribit, Sic attenuatus (inquit)

& in tantum exeso corpore, vt ossibus vix hæreret, quadam nocte cepit insensantum audire vagitus, balatus pecorum, mugitus bouum, plantus quasi mulierum, Leonum rugitus, murmur exercitus, & rursus variarum portentorum, vt tam sonitu, quam aspectu cederet territus, & quoniam, quod horrebat audire, precibus videre concupiuit, sollicitis oculis huc, illucq. circumspiciens, cum interim ex improviso splendente Luna cernit rehedam feruentibus equis super se irruere, quo facto, & Iesum inclamante, antè oculos eius repentino terræ hiatu pompa omnis absorpta est, addit S. Hieron. etiam Hilarioni cubanti, nudas mulieres, & esurienti largissimas interdum apparuisse dapes.

Neque hic silentio prætereundum censeo, quod S. Bonauent. in vita S. Francis cap. 7. scripsit, Cum enim per Apuliam cum Socio iter faceret, eidem Socio sanctus præcepit, vt Dæmonum detegeret fraudes, vt Crumenam in via existentem, & veluti nummis aureis refertam tumentem manu apprehenderet, tremefactus Frater obstupuit, cum ecce serpens ingens de bursa exiliens, simulq. cum ipsa euanescenti diabolica deceptionem Fratri ostendit. Possem etiam in præsentia notare quæ S. Greg. lib. 2. Dialog. cap. 2. de S. Benedicto narrat, nempe circa eius faciem visam aliquando fuisse nigram quamdam auem volitare eius vultui importunè insidentem, quæ Merula nominatur, eamq. signo Crucis edito statim recessisse, & quis ambigat, eam non verè fuisse auem, sed Diabolum sub specie auis, qui ad Sanctum infestandum accesserat, & qui ad salutare Crucis signum illicò recesserat.

Diabolum quoque sub specie Laceræ deformis, & abominabilis duo grana ostentantis capita apparuisse, dum S. Dominicus concionem ad Moniales

haberet, multis etiam sui Ordinis Fratribus astantibus refert Surius in vita ipsius lib. 3. cap. 7. & cum omnibus timorem, & horrorem incuteret, præcipio (inquit vir Sanctus) tibi humani generis inimice, vt quamprimum te demergas in hanc aquam, fecit ille, vt Sanctus iusserat, nec vmquam apparuit. Alia multa, quæ ad rem hanc faciunt ex Patribus congerit Serarius in cap. 6. Tobix quæst. 4. & Stephanus Bubalus loco suprâ citato, sed latius prosequitur Martinus Delrius Disq. mag. lib. 2. q. 27. & 28. Consueuisse autem Dæmones eas brutorum animalium induere formas, ac effigies assumere, sub quibus ipse putat posse facilius decipere, probabile est & illas maximè, quæ suo instituto sunt magis accomodatæ. Hirci, seu Capræ forma Dæmoni familiaris est, vel quia Hircus apud Ægyptios numen est, vel quia libidinis symbolum est, cum huius generis animal ad libidinem maximè sit propensum, vnde apud Ægyptios fuisse in thore possum scribit Pierius Valerianus lib. 10. de sacris Ægyptiorum, aliarumq. gentium litteris, cum viros libidinosos notare vellent, Hircum potius, quam Taurum pro hieroglyphico posuisse. Quando verò Dæmon vult familiaritatis, & fidei speciem præbere, vt decipiendi animum inde arripiat Catti, vel Canis sumit effigiem, huiusmodi namq. animalia, & domestica obsequia, & fidem Dominis præstare consueuerunt: quocirca canis pro amicitia hieroglyphicum quandoq. ponitur, quæ si vera sit, & fides, & familiaritas in ea inuenitur, si verò fucata, & falsa, qualis est dæmoniaca, omnino reiicienda est. Aliquando etiam Dæmon sese sub Mustellæ figura spectabili exhibet, est enim Mustella animal immundum, quod infestum esse perhibetur his, quorum domus inhabitatur, & domesticis animalibus insidiatur, ac aubus potissi-

mum cum altilibus, quàm etiam sub tecto nidum facientibus, quibus mortem intemat: Sanè Mustella Dæmon est, qui eos maximè, qui in domo Dei sunt, nempe in Ecclesia, per domum designata, persequitur, at verò hi, qui patienter ab eo illatas tribulationes tolerant, veluti aues diuinæ gratiæ, & virtutum alis ad Cælum volant; Verum, si quando alicui timorem incutere contendit, effigiem Galli Gallinacci magni ferocientis, vel Corui, aut Serpentis, aut etiam Lupi, Leonis, vel Draconis sciens assumit, at verò, si ad malum sub specie boni prouocare tentat, etiam sub forma Christi Crucifixi apparet, vt apparuisse B. Martino Sulpitius Seuerus testatur, vel sub forma etiam bonorum Angelorum, transfigurant enim se in Angelum lucis, & in hac forma apparuisse Sanctæ Iulianæ Virgini ait Metastastes in martyrio eius, Accedit (inquit) omnium hostis simulans se esse Angelum Dei, &c. eius, qui apparebat, videbatur quidem forma Angeli, consilium autem apertè inimici. Nonnunquam etiam sub Muscarum, & Aranearum formis in obsecrorum ore perfecti sunt Dæmones, in cæteris quoque humani corporis partibus quandoq. veluti Tuberc quoddam formando apparuerunt, atque sub pluribus quoque alijs Brutorum formis visi sunt, quod altissima Dei prouidentia, & mandato illius fieri id credendum est, cum ad eorum audaciam, & superbiam confringendam, cum ad homines instruendos, vt nimirum intelligant, peccato eorum id contingere, quod sordidissimis animalibus comparantur, & veluti sordidissima bestia æstimentur, quoniam, vt testatur Iudas Apost. in sua Canonica, cum non seruauerint suum principatum, sed dereliquerint suum domicilium, in iudicium magni diei vinculis æternis sub caligine eos referuauit.

Neque solum, vt hætenus probauimus,

Surius.

Serarius.

Bubalus.

Delrius.

Pierius.

Pierius.

Hircus libidinis hieroglyphicum.

Mustella animal immundum Dæmonem designat.

Sulpitius.

Metastastes.

Iudas Apost.

*Dæmonii vo-
ces quales.*

mus, in corporibus assumptis visibiliter Dæmones apparent, sed & loqui etiam videntur, ac voces, & strepitus edunt: quocirca querendum breuiter est, qualis eorum vox sit, & an verè loquantur, vt inde eorum præstigia, ac fallaciæ detegantur. De locutione Angelorū multa scripsimus Cap. 10. huius Tract. quæ ad rem hanc facere possunt. Et idè sat erit aliqua hic afferre ad ea intelligenda, quæ in præsentia proposuimus; Dæmonum voces, ac istarum fremementium bestiarum strepitus, & terribilissima crebrò fuisse audita, fidem faciunt Sancti Patres, & in primis S. Greg. lib. 3. Dial. cap. 4. quo loco de sanctissimo Datio Mediolanensi Episcopo sic habet, Antiquus hostis immensis vocibus, malignisq. clamoribus cœpit imitari rugitus Leonis, balatus Pecorum, ruditus Asinorum, sibilos Serpentum, Pecorū grunitus, stridores Soricum, tunc repente Datus tot bestiarum vocibus excitatus surrexit, clamare cœpit, &c. ad quam eius vocem (vt ita dicam) deiectionem suam malignus spiritus erubuit, &c. & ab ea protinus abscedit: S. Athanas. his similia de Dæmonum vocibus in vita S. Antonij refert, Sonitus (ait) repentinus increpuit ita, vt loco funditus agitato, & parietibus patefacto multifaria Dæmonum exinde turba se effunderet, nam, & bestiarum, & serpentium formas induentes, omnem propinquū locum repleuere phantasias Leonum, Taurorum, Luporum, Aspidum, Serpentum, &c. Et hæc singula, secundum suam fremebant naturam, rugiebat Leo occidere volens, Taurus rugiebat. &c. Has Dæmonum apparitiones phantasias appellauit S. Athanas. eò quòd appareant, & visiones etiam vocat, quia videntur, vnde per spectrum, & phantasma intelligimus id, quod, etsi corpus non est, seletamen sub corporis figura videndum exhibet, quod etiam tradidit Ioan.

S. Gregor.

S. Athanas.

Maldonatus in cap. 14. Matth. exponens illa verba, Et videntes eum super Mare ambulante turbati sunt, dicentes, quia phantasma est, Spectrum, & visum (inquit) vocant Latini, quidquid corporea apparet forma, quod corpus non sit, siuè Angelus, siuè Dæmon, siuè alius spiritus sit.

Maldonat.

Huc etiam spectant voces illæ, quas ex capitibus Gentilium mortuorum emanasse referunt nonnulli fide digni Scriptores, in quibus Dæmones fuisse locutos non ambigendum, horum meminit Martinus Delrius Disquisit. mag. lib. 2. quæst. 28. sect. 3. & de magorum capitibus huiusmodi voces fuisse interduo auditas, testantur Franciscus Picus Mirandulanus lib. 7. de prænot. cap. 10. & Melchior Flavianus Minorita de Animarum statu post mortem.

*Dæmonii vo-
ces ex cap.
Gentilium,
mortuorum.*

Delrius.

Picus.

*Melchior
Flavianus.*

At verò, sicut negandum non est, huiusmodi voces ex capitibus Gentilium, & Fortunæ simulacris aliquando fuisse auditas, ita planè dicendum est, illas non fuisse veras locutiones, tunc enim solum astantium sensus illudebantur à Diabolo, vt loqui viderentur: Diabolus namque potuit dare simulacris, & brutis etiam non veram locutionem, sed sonum quemdam litterarum articulata vocis similitudinem habentem, ita vt per motum localem collideret aerem existentem in gutture brutorum, & sic formare sonos, quos volebat, qua ratione in gutture Asinæ Balaam efformauit bonus Angelus similitudinem vocis humanæ, & in gutture serpentis Diabolus, legendus est S. Th. 2. 2. quæst. 165. art. 2. ad 4. & de Potent. q. 6. ar. 5. ad 3. & 4. & Abulenſis super Matth. cap. 25. quæst. 175.

*Locutio As-
inæ Balaam,
& serpentis
ad eam, qua
ratione &
formari po-
tuerit.
S. Thom.*

Abulenſis.

Similia sunt, quæ de Dæmonis responsis Gentilibus datis scribuntur, dum ipsi sub simulacris, & statuis delitebant, dabant tunc responsa, ferebant leges, præmia pollicebantur, vi-

ctorias

Historias promittebant, futura prædicabant, sed omnes Dij gentium Dæmonia Psal. 95. & Gentium simulacra argentum, & aurum, & opera manuum hominum Psalm. 113. Detestantur, & oderunt Patres Gentilium hæc simulacra, eorum derident figmenta, & infanias, quod illi saxæas, lignæas, mutasq. statuas pro Dijs colerent, & Deorum nomine Dæmones honorarent, & quod à lignis, lapidibus, & metallis beneficia expeterent, & fauores postularent, Stultum, exclamat S. Aug. lib. 8. de Civit. Dei cap. 24. nimis est credere Deos, quos fecerunt homines, plus valere apud Deos, quos fecit Deus, quam valent ipsi homines, quod idem ipse fecit Deus, Dæmon quippè simulacro arte impia colligatus ab homine factus est Deus, dicit hic August. Dæmonem sub simulacro latentem ab homine factum esse Deum, vel quia hominum opera simulacra illa facta erant, quæ ut Dij colebantur, vel quia pro Deo à Gentilibus Dæmones habebantur, & Dij ab illis dicebantur. Vnde D. Basilii Epist. 141. Et homo (inquit) Deus dicitur, cum legitur, Ego dixi Dij estis, & Dæmon Deus dicitur, secundum illud, Dij gentium dæmonia, sed illi quidem secundum gratiam, isti verò per mendacium nominantur, Deus autem solus secundum essentiam Deus est: sed contra hos Idolorum cultores præclare scripsit Cyprianus lib. de Idolorum vanitate, legendi sunt etiam hac de re Eusebius Cæsariensis de preparat. Euang. lib. 4. cap. 6. & lib. 5. cap. 2. ubi ait, Dæmones putatos esse Deos, dum per simulacra operabantur, & Lactantius Firmianus lib. 4. diuin. Instit. cap. 27. Arnobius lib. 1. & 6. aduersus gentes, Minutius Fælix in Octauio, & alij plures.

Placet nunc indagare, an illa Dæmonum oracula, & responsa, & ab eis editæ voces, veræ fuerint locutio-

nes, ac inuestiganda quoque signa sunt, quibus deprehendi possint harum locutionum deceptiones, ac fallacia: quocirca sciendum est, quod cum locutio ad operationes vitales spectet, siquæ vitalis actio, inde consequens sit, quod, cum Dæmones voces illas edunt, dicendum est, eos non propriè loqui, nam loqui est formare voces per organa ad eas edendas apta, quod sic actiue mouendo, vel motum imprimendo in labijs, quo voces formantur. Hæc autem actio, qua illa motrix linguæ potentia determinatur, ut per labia sonos edat, est opus vitæ, essentialitèr ortum ducens à sua vitali potentia, & dicit dependentiam à vita corporis viuientis, nec ab alio principio pendet, ergo propria locutio non potest esse à Dæmone in assumpto corpore, ratio est, quia cum huiusmodi actiones sint immanentes, omnino necesse est, ut existant in principio, à quo eliciuntur, ut probat Arist. lib. 9. Metaph. cont. 1. 6. tum quia operandi facultas vitalitèr non debet esse seiuncta ab ipsa vita originaria, cuius est facultas. Ex his inferendum est, responsa illa, & Dæmonum voces non esse propriè locutiones, ut suprà probauimus, nec eos propriè loqui vitali actione; sed id efficere, vel producendo in aere sonum voci similem, & astantium auribus insonantem, ut notat Martinus Delrius lib. 2. Disquisit. mag. quæst. 28. sect. 3. ad finem, ubi rem hanc pluribus exemplis declarat, idque fieri scribit ad eum fermè modum, quo quis artificiosè quopiam instrumento, putà Tibia, vel Tuba sonum vocis humanæ exprimit, vel quomodo cauz valles exceptam, & percussam vocem articulatè admodum recipiunt, quod nos Italicè vocamus Eccò, vel ut crispì numeratione peçtinis organa phneumatica in varios accentus, ac tonos sonum discriminant, sed ut

Dæmo-

Dæmonu
responsa
quæ
lib.

Dæmones
vere loquuntur,
& coram
voces
quæ
lib.

Delrius.

Dæmonum fallaciam, & fucum deprehendamus, non prætereundum censui hic ex citato Doctore adiungere, eos uti voce stridula, subsibilante, confusa, obscura, debili, pusilla, & quasi ex dolio, vel per testam rimosam, probat hoc ex Remigio, qui hoc constare testatur ex Magarum confessionibus, quibus quidem vocibus sicut non credendum, sic reiiciendæ penitus sunt. Non audierunt vocem exactoris Iob. 3. scribitur, vocem nimirum tentantis Diaboli, consensum peccati, quasi vestigial exigentis: Vide quæ de locutione Dei, Angelorum, & hominum scripsimus Cap. 10. huius Tractatus.

Pergamus nunc ex Doctoribus facris quærere quibus, quæuè fides Apparitionibus, ac Reuelationibus adhibenda sit, licet enim ex his, quæ supra de Dæmonum præstigijs, ac fallacijs disseruimus, satis apertè id colligi possit; Rem tamen hanc enuclearijs, & copiosius tractandam duximus, ut potè quæ ad argumentum præsentis Capituli spectare potissimum scimus. Supponendum primò tamquam certum, nec Angelos, & multò minùs Dæmones hominum mentibus neutiquam producere quidquam posse, neque aliquid operari immediatè, facendum tamen est, id efficere posse proponendo exterius obiecta, aut mouendo imaginationem; quod ut manifestum fiat, dicimus in hominum potentias Angelum agere, & primò in intellectum ipsum, nempe illuminando, quod facit ostendendo intellectui humano conceptum suum, offerendo illi aliqua sensibilia, & externa signa intelligendæ veritatis, quam ei propalare vult in aliquo corpore, vel corporeo sono à se formato, ut de locutione supra notauimus, vel etiam per interna signa, videntur phantasmata,

hoc autem non potest immediatè facere, quia homo non intelligit nisi ad miniculo sensibilibus phantasmatum, omnis enim nostra cognitio ortum ducit à sensu: in voluntate etiam hominis potest Angelus, sicut etiam Dæmon per concitationem motus in appetitu sensitivo erga aliquid, corporis humores commouendo, à quibus indirectè voluntas moueatur, & ad idem propensio fiat, ut rectè explicat S. Thom. 1. 2. quæst. 9. art. 2. Idemque potest in potentias sensitivas apprehensivas agere per commotionem spirituum vitalium, in quibus adsunt species sensibiles, eas præstando: potentijs sensitivis, ut fieri solet in somnijs per humorum, & spirituum commotionem, ut docet idem Sanctus Doctor part. 1. quæst. 111. art. 3. eadem etiam ratione agit in appetitum sensitivum, commouendo humores in corpore organo, quod etiam facit in sensus externos dupliciter, vel interius organum perturbando, ut aliter, quàm sunt obiecta sensibilia appareant; ut phreneticis contingit, vel etiam sensibilia obiecta offerendo, sicut quæst. citata art. 4. notat Sanctus Thomas. Atque ex his inferendum, Reuelationes, quæ sunt interius Prophetis, aliasque spirituales illuminationes, quæ alijs quoque Sanctis Viris conceduntur, à Deo immediatè fieri, qua de re legendus est Sanctus Thom. 1. part. quæst. 105. art. 3. & 4. & quæst. 111. art. 1. 2. 3. & 4. & in 2. sent. d. 8. quæst. 3. ad 5. & Molina 1. par. quæst. 57. disput. 2. ad finem §. illud circa verba. Postremò Dæmonem non posse agere in nostrum intellectum immediatè, sed solum medijs phantasmatibus, communiter sentiunt Theologi cum Diuo Thoma 1. part. quæst. citata art. 2. ad ult. & Valquez ad eandem 1. par. disput. 145. cap. 2. num. 10. & ad part. 2. quæst. 19. art. 2. di-

Iob. 3.

S. Thom.

Dæmon immediate in intellectu hominis nihil potest operari.

non causantur
in intellectu
hominis
nihil potest
operari

Molina

Valquez

disput. 27. cap. 2. Verum si quando Dæmon nos tentando decipere aggreditur, eo modo, quo diximus operatur, quod non potest, nisi à Deo fuerit illi tributa facultas, Nulli (inquit Sanctus Augustinus in Plal. 100.) nocet, nisi à Deo acceperit potestatem, & confirmat Sanctus Cyprianus in expositione orationis Dominicæ, & Sanctus Damascenus lib. 2. de Fide cap. 4. Idemque patet ex lib. 4. Reuelat. Sanctæ Brigittæ Cap. 38. Numquid non dixeram tibi (verba sunt Christi ad Brigittam) quod Diabolus inuidus est, & quod sine Dei permissione non plus facere potest, quam stramen ante pedes tuos. Voluntas autem Dæmonis, licet post lapsum fuerit semper prompta ad tentandum, & mala, eius tamen potentia ad hoc non semper fuit æqualis, quoniam plus vno tempore, minus verbò alio permissum ei est illud facere: in quo sensu in lege gratiæ, dicitur eius ligata potestas, quod colligi potest ex Sancto Gregorio lib. 3. 2. Moral. cap. 12. cum dixit, Potentia diuinæ dispositionis astringitur, nè quantum nocere valet effrenetur. Atque hic breuiter indicasse sufficiat modum, quo Dæmon in hominum potentias operari potest, quam nosse oportere existimamus, ut inde eius fallacias detegere facilius queamus, & quæ fides apparitionibus habenda sit sciamus.

Ceterum eò diligentius de harum Visionum, ac Reuelationum veritate, & fide illis præstanda tractandum est, quò Doctores grauissimi affirmant, eos peccare grauiter, qui illas aut negant, aut nullam planè fidem eis dandam esse contendunt: de Reuelationibus, & Visionibus diuinitus alicui factis agimus, quas quispiam firmiter, certòque credit à Deo mansisse, nam de Reuelationibus factis Prophetis, Apostolis, alijsque publicis Ecclesiæ mi-

nistris, & quæ ad communem Religionis statum referuntur, disputandum non est, cum & catholica, & theologica fide illæ recipiendæ sint, ac eis assensus præstandus, diuina namque Reuelatio tunc ponitur formalis ratio obiecti fidei, quæ innititur Reuelationi rerum, quas Prophetæ, & Apostoli diuinitus acceperunt, & nobis propalarunt, & hoc est, quod Apostolus Paulus Ephes. 2. scribit, ^{Ephes. 2. 4.} Fideles esse superædificatos suprà fundamentum Apostolorum, & Prophetarum, & cap. 4. Quosdam (inquit) dedit Apostolos, quosdam autem Prophetas, alios Euangelistas, &c. in ædificatione corporis Christi. Reliquum ergo est, ut tractemus de Reuelationibus diuinis, priuatis personis factis, & quæramus an spectent ad obiectum formale fidei. Et quidem Melchior Canus de Locis Theologicis lib. 12. cap. 3. paulò post initium scripsit, non omnia quæcumque à Deo reuelata ad fidei veritatem pertinere, sed ea tantum, quæ ad Ecclesiæ communem statum spectant; Quoniam (inquit) Reuelationes priuatis personis factæ sub eo statu non comprehenduntur, & in specie de Reuelationibus Beatæ Brigittæ, & Sanctæ Catherinæ Senensis loquitur; Non enim (inquit) Ecclesiæ refert ea credere, quæ Brigittæ, & Catherinæ Senensi visæ sunt, & paulò post addit, Priuata Reuelationes cuiusmodicumque, & quorumcumque illæ sint, ad fidem catholicam non spectant. Eamdem opinionem secuti sunt Caietan. 1. par. quæst. 1. artic. 1. & quæst. 5. artic. 3. & ibidem Bannes dub. 3. & Cumel. ^{Bannes. Cumel.} artic. 3. in sua quæst. 2. ad 2. Sotus ^{Sotus.} lib. 3. de Natura, & grat. cap. 3. & 4. & Gregorius de Valentia tomo 3. Com- ^{Gregor. de Valent.} ment. ad 2. 2. Sancti Thom. disput. 1. quæst. 1.

quæst. 1.

3. August.

3. Cyp.

3. Damasc.

4. de 12.

Dæmon potestas in lege gratiæ qua ratione dicitur ligata.
3. Gregor.

Reuelationibus quæ à deo fit adhibenda.

Reuelationibus personis priuatis quæ fidei danda.

Melchior Canus.

Caiet.

Bannes. Cumel. Sotus.

Gregor. de Valent.

quæst. i. pū. 1. quo loco explicat quomodo intelligendum sit Reuelationem aliquam ad communem Ecclesiæ, & Religionis statum spectare, Non modo (inquit) id, quod reuelatur, per se potest ad communem utilitatem conferre, sed etiā id, quod reuelatur per Ecclesiæ Principes Prophetas, nimirum Apostolos, & vniuersales Pastores, vt Patriarchas, Archiepiscopos, Episcopos, aliosq. quibus animarum cura incumbit, per quos Deus sufficienter instruit Ecclesiam de his, quæ expedit fideles credere, citat pro hac sententia illud Ephes. 2. Fideles (inquit Paulus) superædificatos supra fundamentum Apostolorum, & Prophetarum, hoc est super reuelationes per eos factas in Veteri, & Nouo Testamento. *Ephe. 2.*

Contraria sententia est assensuum, Reuelationem diuinam sufficientem esse rationem formalem fidei, siue publica sit, siue priuata, siue doctrinam communem connotet, siue particularem, dummodo sufficienter sit proposita, quam opinionem Suarius de Fide disp. 3. sect. 10. & disp. 9. sect. 5. num. 10. docet esse probabiliorem, & veriolem, & refert plures Doctores ita sentientes, & in specie Vegam lib. 9. in Concil. Tridentin. cap. ultimo, & Cordubam in Quæst. q. 17. lib. primo, Catherinum opuscul. de Certitudine gratiæ, Arag. in dictis art. 1. & 3. Cardinal. Bellarmin. lib. 3. de Iustificat. capit. 3. Salmeron. in Epist. Pauli lib. 1. part. 3. disput. 2. Cui opinioni fauere etiam tradit Sæctus Thomas 2.2. quæst. 1. artic. 1. quatenus pro obiecto fidei formali sufficientem, & adæquatō primam, & infallibilem veritatem ponendam esse tradidit. *Suaris.*

Pro solutione propositæ dubitationis norandum est primò, Dei reuelantis auctoritatem esse potissimam causam, & primum fundamentum, quo reuelatis fidem, & assensum præstamus, credimus enim diuinis reuelationibus propter Dei reuelantis auctoritatem, cui est prima veritas, quæ æquè infallibilis est in minimis, & in maximis, ita quoque in reuelationibus, siue communibus, & vniuersalibus, siue priuatis æquè infallibilis est, nam, vt præclare docet Vega lib. 9. de Iustificat. cap. 3. quamuis ex illis, quæ sola diuina auctoritate constant, quedam quibusdam perfectione sint, & scitu digniora, ex æquò tamen videntur credenda propter Dei reuelantis auctoritatem, quæ in illis hominibus æqualiter viget, & de vtrisque supposita diuina reuelatione, verum est, neminem in ipsis assentiendis posse decipi, æque ideo, quæ eiusmodi sunt, æqualiter, & æquè indubitata fide recipi debent. *Vega.*

Notandum secundò, si quæ ad communem Ecclesiæ, ac Religionis statum, quæque publicis Ecclesiæ Ministris reuelantur, vt de eis Populos instruat, certa tantummodo fide credenda sunt, vt aliqui videntur existimasse, necessariò sequitur, habitum fidei infusum ad illa tantummodo credenda coarctandum esse, quod est absurdum, nam, multa in sacris Litteris continentur, quæ per se, & directò ad Religionem non pertinent, vt de Historijs humanarum rerum testatur Suarius disput. citata num. 4. quæ eadem fide, & certitudine credenda esse vsque ad minima tradit, & num. 5. dicit multas reuelationes in illis contineri priuatim factas, etiam de temporalibus, ac humanis rebus, & quod fides de eisdem concepta tamquam diuina laudata est, prout Paulus Hebræorum vndecimo, laudauit fidem Saræ in reuelatione de filio futuro. Atque hinc videretur pos-

se inferri, eamdem prorsus habere certitudinis causam, ea, quæ vni, vel duobus reuelantur, quàm si omnibus in communi essent reuelata; eadem enim est veritas infallibilis, quoad vtrumque, quod etiam probauit Vega vbi suprà.

Rursus Reuelationibus his, quas quispiam firmiter, certòque credit à Deo manasse, fidem habendam esse, inde patet, quoniam illis non credens, censeretur primæ veritati non credere, aut saltem non esse semper, seu in omnibus credendum, aut etiam data hypotesi de reuelationis diuinæ certitudine, si illis non crederet, existimaret, Deum posse mentiri, quod procedit, quando etiam in particulari aliquid Deus reuelat, quod est contra fidem Catholicam, qua tenemur credere, quidquid à Deo reuelatum fuerit, quamuis illud toti Ecclesiæ credendum non proponatur, credimus enim diuinis reuelationibus ob Dei auctoritatem, quæ æqualis est, & infallibilis in quacunque materia, siue reuelatio fiat toti Ecclesiæ, siue personæ priuatæ. Idemque

Conc. Trid.

confirmatur ex Concilio Tridentino sess. 6. Can. 12. cum statuit, non nisi ex speciali reuelatione sciri posse, quos sibi Deus elegerit, & Can. 16. similiter dicit, neminem posse esse certum certitudine fidei, nisi per reuelationem, sic enim ibi legimus, Si quis magnum illud, usque in finem perseuerantiæ donum se certò habiturum absolutum, & infallibili certitudine dixerit, nisi hoc speciali reuelatione didicerit, Anathema sit, vbi Cōcilium clarè supponit hanc, Reuelationem priuatam possibilem esse, ac sufficientem ad cauendam certam fidem, & cum nihil de fide distinguat, satis apertè indicat, eamdem esse, quæ alia creduntur, & supposita certitudi-

ne reuelationis diuinæ, infallibili certitudine credi debere, reuelata in particulari priuatis personis, non alia fide ab ea, quæ creduntur res fidei, quas Ecclesia omnibus fidelibus proponit, esse credendas. Postremò confirmatur hoc ex Concilio Lateranensi sub Leone Decimo sess. 11. à quo prohibitum fuit, reuelationes speciales de rebus futuris prædicari absque examine, & approbatione Ecclesiæ, ergò & has reuelationes particulares Conciliū nō rejicit, & supponit, eas sufficere posse ad veram fidem, quod etiam ex eo adduci potest, quòd Adamo, alijsq. Veteris Testamenti Patribus fuerunt à Deo aliqua reuelata, quibus illi fidem certam præstiterunt, ac illorum fides eiusdem rationis fuit cum nostra, ergò cum Deus aliquid in particulari nobis reuelat, tenemur illud credere theologia fide, quoties illam reuelationem esse diuinam nobis constat.

Atque hinc dubitatum est, an huiusmodi Reuelationibus diuinitus datis, supposita illa certitudine, non credens in hæresis crimen incidat. Bipartita Doctorum Theologorum sententia est. Sunt qui affirmant, non credentem hæreticum esse, ita sentiunt Doctores illi, quos citauimus suprà pro secunda opinione, asserentes reuelationem diuinam sufficientem esse rationem formalem fidei, siue publica sit, siue priuatā, siue communem doctrinam contineat, siue particularem, dummodo sufficienter fuerit proposita. Alij verò non hæresis, sed infidelitatis peccatum committere opinati sunt, sic Sotus de Nat. & grat. cap. 11. Corduba lib. 1. quæst. 17. dub. 2. Rodericus in Bulla Cruciatæ §. 9. num. 74. Viualdus in Bulla Cœnæ casu primo numero 30. etenim, si licet inter viros doctrina-

Conc. Later.

Sotus.

Cordub.

Roderic.

Viualdus.

con-

conspicuos arbitrari, huiusmodi lis, & controuersia componi, ac dirimi facile poterit, si dicamus eum, qui Visioni non præstat fidem, quam firmiter credit sibi diuinitus fuisse factam, coram Deo hæreticum esse, quoniam scienter credit contrà id, quod expressè, & euidentè nouit sibi à Deo reuelatum fuisse, at in Ecclesia cum hæreticis non esse annumerandum, quia nihil credit contra ea, quæ communiter credenda proponit Ecclesia, & ea sunt, quæ Prophetarum, & Apostolorum verbo, aut scripto, aut non scripto tradita suscipit, & pro inde hunc hæreticorum pœnis non subiacere, sic tradiderunt Ioan.

Azorius.

Suarius.

Sanchez.

Non me latet, alios sensisse sic credentem minimè hæresis peccatum committere, sed tantummodò infidelitatis, probant hoc Rodericus, Corduba, & Sotus, & Vivaldus vbi suprà; sed quidquid sit, certum est, huiusmodi reuelationibus diuinis, quas quis certò credit sibi fuisse à Deo factas, & sufficienter propositas, credendum esse fide diuina, supernaturali, & theologica, vt doceant Cardinalis Bellarminus lib. 3. de Iustificat. cap. 3. Arag. 2. 2. q. 1. art. 1. Catherinus, Vega, Corduba, & Salmeron loco citato.

Cardinalis
Bellarm.
Arag.Catherin.
Vega.
Salmeron.

Bannes.

Rectè Dominicus Bannes in Comment. ad 2. 2. S. Thom. art. 1. dub. 3. asserit, quòd ille hæreticus reputandus est, qui putans Deum aliquid reuelasse, negat esse verum, eò quòd ex consequenti ait Deum mentiri, quod

est contrà fidem Catholicam, & eò magis, si alicui facta fuisset Reuelatio, qui Minister Ecclesie datus esset à Deo, vt fuerunt Prophetæ, tunc enim teneretur credere per fidem Catholicam id, quòd sibi reuelatum esset per lumen propheticum.

Rursus & ille Hæreticus censendus esset, qui reuelationi eorum diuinorum mysteriorum non crederet, quæ credenda ab Ecclesia proponuntur, & quæ absque reuelatione cognosci minimè possunt, vt mysterium Trinitatis, Incarnationis, Sacratissimæ Eucharistie, Visionis Beatificæ, & hanc esse opinionem certam Theologorum omnium, qui de illis tractarunt, testatur Suarius de Necessitate diuinæ gratiæ lib. 2. cap. 1. nu. 2. & probatur ex illo Rom. 1.

Suarius.

Rom. 1.

Quod notum est Dei manifestum est in illis, Deus enim in illis manifestauit, & hoc ministerio Creaturarum, vt ex Textu, & Interpretibus patet, quod etiam probant Concilia Arausicanum, & Trident. & patet ex illo Ioan. 1. Vpigenitus, qui est in sinu Patris, ipse enarrauit, & Cap. 15.

Conc. Arau-
sicanum, &
Trid.

Ioan. 1. cap. 15.

Vos autem dixi amicos, quia omnia, quæ audiui à Patre meo, nota feci vobis, atque hinc diuinæ reuelationis necessitas ostenditur. Idemque colligitur ex Paulo Rom. 10 Fides au-

Rom. 10.

tem est ex auditu, auditus autem per verbum Dei, & ex Conc. Trid. sess. 6. cap. 6. cum dicit, Disponuntur ad iustitiam diuina gratia excitati, & adiuti, fidem ex auditu concipientes, quibus locis Suar. vbi suprà num. 4. nomine auditus, & verbi Dei, omnem diuinam reuelationem comprehendit scribit. Proinde tradunt Doctores Theologi, quos pro prima sententia citauimus, eas reuelationes, ac veritates, quæ ad Christianam Religionem, & communem statum Ecclesie spectant,

esse rationem formalem obiecti fidei, ac per se pertinere ad fidem: hinc est quod ad Ephes. 4. Paulus scribit; Ipse dedit quosdam quidem Apostolos; quosdam autem Prophetas, alios verò Euangelistas, alios autem Pastores, & Doctores ad consummationem sanctorum in opus ministerij, in ædificationem Corporis Christi, & ad Tit. 1. Apostolus vocat fidem, agnitionem veritatis, quæ est secundum pietatem in spem vitæ æternæ.

Atque hinc factum esse opinamur, ad sacram VISIONUM, ac REVELATIONUM veritatem firmandam, & eorum audaciam comprimendam, qui eas temerè, ac imprudenter rejciunt, ac parvipendunt, vt Prophetæ, qui loquuntur, & verba proferunt, diuina secreta pronuntiantes, non suis, sed Dei id verbis efficiant, plenæ sunt hæc dicendi formula sacra: paginæ, loquitur Deus per eos Prophetarum, sicut locutus est per eos Sanctorum Luc. 1. Loquens Deus Patribus in Prophetis Hebr. 1. Audite verbum Domini Isaiæ 1. Iere. 1. Ezechiel 6. Osee 4. Amos. 7. Sophonias.

Hanc ob causam pluribus Psalmis hunc appositum fuit titulum inuenimus (Intellectus ipsi David, vel eruditio) vt inde Prophetæ indicaret, illud Psalmum recondita quadam, & altissima Dei continere mytheria, quorum intelligentiam, & cognitionem Spiritu sancto ea reuelante habebat, idcirco Eucherius de Spiritu formulis caput Spiritum sanctum Dei linguam appellat, quia per eam Deus Pater sua secreta hominibus reuelat, vnde David Psal. 44. cecinit, Lingua mea calamus scribæ velociter scribentis, sensus est, nihil proprii loquor, neque mentis meæ partus affero, aliter efficaciz lingua mea iunior est, ideo velociter scribe, quia quæcumque mihi à

Spiritu sancto reuelata sunt enuncio, sic exponit Theodoretus ibi.

Ex his ergo, quæ hætenus de fide Reuelationibus præstada tradidimus, colligendum est, quoties constat reuelationes à Deo manasse, siue in communi, & pluribus, siue priuatis personis factæ fuerint, illis omninò fidem esse præstandam, & fide theologica recipiendas, quoniam supposita tali certitudine, si quispiam illis non crederet, censeretur primæ veritati non credere, vel Deum posse mentiri, quod est contra fidem, vt supra probauimus. Si verò sermo fiat de reuelationibus priuatis personis factis, non supposita tali certitudine, quæ tamen iussu Sedis Apostolicæ fuerint examinatz, & à pijs, Doctisq; Viris approbatæ, & receptæ Sacræq; Scripture conformes, licet ei fide Catholica credendæ non sint, pluris tamen faciendæ, & estimandæ sunt, & maxima cum veneratione recipiendæ, quo circa si aliqui eas omninò reieceret, & fidem nullam illis habendam esse contenderet, temeritatis sanè turpem notam subiret, ac etiam meritò acriter redarguendus esset, eòq; magis, quod Innocentius Tertius in Cap. Cum ex iniunctis De Hæreticis scriptum reliquit, priuatis reuelationibus credendum esse, quoties fuerint miraculis confirmatæ, ac Sedis Apostolicæ iussu examinatz, & approbatæ. Hæc autem Brigittæ Nostræ Reuelationes Cardinalis Turrocremata in Prologo ab ipso mer edito ad Reuelationes eiusdem Cap. 1. affirmat, iussu trium Summi Pontific. Gregor. XI. Vrban. VI. & Bonifacij Noni fuisse pluribus Cardinalibus, Episcopis, alijsq; pijs, ac doctis viris examinandas, traditas, & ab eis approbatas. Addit Corduba lib. 16. quæst. q. 44. probat. 4. 6. conclus. fuisse eadem in Constantiensis

Con-



Luca 1.

Hebr. 1.

Isaiæ 1.

Ezechiel 6.

Eucher.

Psal. 44.

Innoc. Tertius.

Card. Turro.

Greg. XI.
Urban. VI.
Bonif. Noni
Sum. Pontif.

Corduba.

Conc. probatas, & ab Ecclesia modo prædicto susceptas. Et proindè, etsi non fide theologica illæ credendæ sunt, maximo tamen in honore habendæ, & summa cum deuotione recipiendæ, ac legendæ, quippeque legentibus eas, & fructum spirituales ingentem, & commoda plura incipientibus, proficientibus, ac etiam perfectis in vita spirituali asferre possunt, cum, vt probat idem Cardinalis Cap. 3. Prologi, nihil contineant falsi, nihil mendacij, nihil quod non sit Catholicum, immò, quòd B. Brigitta in suis Reuelationibus vera semper dixerit, & catholica, & salutaria monita tradiderit.

De causis Visionum, Reuelationum, ac Apparitionum.

C A P. VI.



VISIONVM, ac Reuelationum causas inuestigandi prouinciam aggredientes (ingenuè fatemur Amice Lector) dum hæc à Nobis scriberentur, venisse nobis in mentem, vt & susceptum laborem defereremus, & à suscepto onere desisteremus, videbamur namq. temerario quodam quasi ausu illud tentasse, cui vires nostræ nullatenus responderent: nam vehementer dubitabamus, nè nobis illud accideret, quod ei, qui exiguo vectus nauigio Mari se committit, qui adhuc non longè à litore, sibi minus metuit, dum verò in altum intumescens ventibus vndis euehitur, tunc eius mentem ingens pavor, ac formido subit. Ita, inquam, contigisse Nobis planè videbatur, qui viribus destituti, & ingenio hebetes, ac tardi vastum mysteriorum Dei pelagus ingredi, ac

diuinarum Visionum, ac Reuelationum causas inuestigare tentauerimus: præclarissimæ rei magnitudo animi nostri vires penè obruit, diuino tamen favore adiuti, ac B. Brigittæ precibus suffulti speramus, posse Nos rem tantam, si non pro dignitate, certè pro nostra tenuitate aggredi, & sancti Spiritus auram consequi. Quo Duce prospero cursu, optatum tandem aliquando Portum appellamus, quod tunc assequemur, quando in re difficillima sanctorum Patrum doctrinis adhæreamus, & præsertim Sancti Augustini, qui rei difficultatem considerans lib. 2. de Genes ad litt. cap. 18. affirmat, malle se aliorum opiniones hac de re audire, quam propriam sententiam ferre.

s. Aug.

Sed priusquam ad Visionum, ac Reuelationum vestigandas causas veniamus, placuit aliqua in genere describere, vt ad earum causas agnoscendas, & vndè illæ ortum habuerint, & à quibus principiis originem duxerint, rectè, præbèq. facile deducamur: proindè libet referre hic varios, & multiplices ex Doctoribus modos, quibus huiusmodi Visiones, & Apparitiones nobis occurrere consueuerunt. Quædam namque vigilantibus accidunt, quædam verò dormientibus, quædam intellecta, quædam non intellecta contingunt, alia sub diuersis imaginibus, & simulacris conferuntur, alia petentibus, alia non petentibus dantur, alia cum horrore, & pauore somniantis, alia sine pauore immituntur. In quibusdam etiam visionibus loqui Deus interdum videtur, interdum Angelus bonus, interdum aliquis homo: his verò, quæ in somnis occurrunt aliquando cogitationes aliquæ antecedunt, interdum nulla præcedit, horum omnium exempla desumpserunt ex his, quæ Primo, Secundo,

Visionum diuersæ species, quæ ex varijs modis ortum habent.

& tertio Capite huius Tractatus scriptissimus. Sed audiamus Greg. Magnum has visiones luculenter describentem: nemo sanè de his diligentius, ac studiosius locutus est lib. 28. Moral. cap. 2. Prophetia (inquit) multiformiter exprimitur, videlicet, aliquando verbis, aliquando rebus, aliquando simul verbis, & rebus, aliquando imaginibus, ijsq. aut antè oculos corporis, aut antè ipsam mentis aciem propositis, deniq. hoc ipsum euenire potest, vel immixtis in phantasia imaginibus, vel ipsam duntaxat mentem: aliquando etiam humanis cordibus loquitur Deus per Angelos, idq. euenit, vel per verba, vel per res, vel per vtrumq. simul; aliquando per imagines cordis oculis ostēdas, aliquando per spectra antè corporeos oculos ad tempus ex aere formata, aliquando cēlestibus substantijs, aliquando terrestribus, aliquando vtriusq. assumptis, nonnūquam ita per Angelos humanis cordibus loquitur Deus, vt ipse quoq. Angelus mentis obtutibus presentetur. Hactenus S. Gregorius.

His positis, ad quærendas in specie Visionum, ac Apparitionum causas pergimus, quæ multæ sunt, quarum aliquæ extrinsecæ dici possunt, quia extrinsecus adueniunt, aliæ verò vocari possunt intrinsecæ, quia à principio intrinseco ortum habent; inter illas primum locum tenet voluntas diuinæ, qua Deus hominum mentibus his visionibus se insinuat, vt cēlestium mysteriorum, prout iudicat expedire, participes fiant, probe Theophilat. Mat. r. scriptum reliquit, Prophetas futura vidisse Spiritu sancto apparitiones in eorum mentibus faciente.

Tria autem in his Visionibus, Reuelationibus, ac Inspirationibus conspiciuntur diuina attributa, sapientia, bonitas, omnipotentia, sapientia quidem, quia hæ Visiones, & Reuelationes mediæ sunt efficacissimæ, quæ ad

rerum cēlestium cognitionem nos eleuāt, & quomodo in spiritalibus negotijs nos gerere debeamus, instruit, vt monuit Iob cap. 32. Inspiratio (inquit) omnipotentis dat intelligentiam, nimirum mysteriorum, & eorum, quæ ad spiritualem profectum pertinent, & ad salutem nobis comparandam faciunt: in his etiam bonitas diuina inuenitur, à qua, vt à potissima causa fit, vt nos ad bonum semper inducant: præterea in his omnipotentia eminet, quæ illud efficit, vt ad operis executionem nos moueat, qui enim dat velle, dat & perficere, alliciens mira quadam suauitate, & iucunditate, quæ cum his visionibus, & inspirationibus coniuncta plerumq. esse solent, nam vt benè animaduertit S. Bernard. serm. 50. in Cant. licet affectus, qui à ratione emanat potens sit, ac fortis, est tamē, vt ille dicit interdum siccus, qui autem à sapientia diuina procedit vtrumq. simul habet, & suauitatem, & fortitudinem. Sed de causis harū Visionum in specie nunc tractandū est, & dicimus illas fieri, vel per externas imagines, vt supra indicauimus, vel etiam per internas mentibus per Spiritus sancti illapsum, primò in phantasjs, secundò in mentibus Prophetarum, quæ imagines non qualecumque esse debent, nec simplices rerum, vel personarum ostensiones, sed ex diuino beneplacito, & Dei ordinatione assumptæ ad representanda, quæ ille vult hominibus innotescere, modo quasi ænigmatico, & proinde diximus harum Visionum causam primariam Deū esse, & illius esse donum, quod ad Ecclesiæ commodum, ac hominum vtilitatem confertur, vt scripsit Doctor gentium Paulus 1. Corint. 12. Vnicuiq. ait, datam esse manifestationem spiritus ad vtilitatem, & cap. 14. eiusdem Epist. addit, ad ædificationem: Has quoque Brigitæ nostræ Reuelationes fuisse diuini-

Greg. Magn.

Iob. 32.

S. Bernard.

Visionum
causæ multi-
pliciter.

Theophilat.

In Visionibus
attributa di-
uina tria in-
ueniuntur.Imagines,
quæ in visionibus
occurrunt, qualiter
esse debent.Diuinorum
visionum causa
primaria
Deus.

1. Cor. 12.

uinitus traditas ad vtilitatem Ecclesię, & fidelium directionem, probat Solitarius cap. 4. & 6. suę Epistolę ad has Reuelationes, & Cardinalis Turrecremata in Prologo ad eandem Cap. 1. & passim nos in hoc Tractatu de Visionibus.

Isaie 21. Ceterum volens Isaias ostendere diuinas visiones à Deo ortum habere cap. 21. suarum Reuelat. asseruit, se ea Populis annunciare secreta, quę audiuit à Domino exercituum Deo Israel, & Princeps Apostolorum Petrus in sua

3. Petrus. 2. Can. ca. 1. 2. Canonica cap. 1. dicit non voluntate humana allatam esse aliquando prophetiam, sed Spiritu sancto inspiratos locutos esse Sanctos. Merito S. Thom.

2. 2. quęst. 172. ar. 2. tradit, prophetiam à Deo fieri, vt primo auctore, ab Angelis verò, vt Dei ministris, & art. 3. eadem quęst. docet, nullam exigi naturalem dispositionem ad prophetiam, sed

Prophetia in Spiritu sancti sola voluntate hominibus infunditur.

sola Spiritus sancti voluntate hominibus infundi, quę verò ex causa naturali pendet, non proprię prophetiam dicit, sed secundum quid: huius doctrinę ratio reddi potest, quia per huiusmodi diuinas, & propheticas visiones cõferatur aliquid humanę menti, quod est supra facultatem naturalem, & quod nostrum captum excedit, ideò supernaturali lumine opus est, vt homo eo confortatus ad contemplationem cęlestium secretorum eleuetur, & hanc S. Dionys. sapientiam diuinissimã, vocat Dei cognitionem per ignorantiam cognitã Cap. 7. de Diuinis Nomin. secundum vnionem supra mentem, quando mens ab omnibus alijs recedens, postea etiam se ipsam dimittens, vnita est supersplendentibus radijs inscrutabili, & profundo sapientię dono illustrata. Porro si quispiam hæc Dionysij verba diligenter perpendat, aperte colliget modum, quo humana mēs ad diuinas visiones eleuatur, & hanc mentis eleuationem à causa naturali

Locus S. Dionysij exponitur.

non pendere, sed ex supernaturali, & donū esse Dei, sapientiam verò illã dicit esse per ignorantiam cognitã, quippe quę non humano studio comparata est, sed diuinitus tradita: Quam ob causam factū esse arbitramur, vt Deus tam sublimis & excellens Visionum, ac Reuelationum donum nõ semper doctis, sed simplicibus, & probis viris plerumque conferre consueuerit, nõ illud humanę sapientię, ac prudentię tribueretur, sed Dei voluntate, ac beneplacito, qui hæc à sapientibus, & prudentibus abscondit, & paruulis reuelat Matt. 11. proinde eas Visiones mysticas appellat S. Dionys. quę transcendunt omnis entis considerationes, vt notauit Harphys lib. 3. mysticę Theologię par. 3. cap. 22. quando nimirum vis intellectiua, affectu præcedente cognoscit, & non è conuerso, & hanc esse verissimam cognitionem ab omni errore, quam occultam, & secretam S. Dionysius appellat, vt potè quę occultè consistit in corde, & quia pauci se ad eam excipiendam disponunt: Iurè Brigitta Sancta, cū ad huiusmodi visiones eleuabatur, vt Lib. 2. Reuelat. Cap. 18. habetur, in terrā prostrata, his verbis Christum Dominum rogabat. O Domine mi, & Filius Virginis, quare dignatus es tam vilem Viduam visitare, quę sū pauper in omnibus bonis operibus, & modica in conscientię intellectu, & consumpta in omni peccato longiturnitate temporis: Idem repetit Lib. 4. Ca. 77. Cui Dominus respondens, Ego (inquit) possum pauperem ditare, ac etiam insipientem, & modici intellectus facere sufficientem, & intelligentem; hinc Apost. Paulus 1. Corint. 1. dicebat, Videte vocationem vestram fratres, quia non multi sapientes secundum carnem, non multi potentes, non multi nobiles, sed stulti mundi elegit Deus, vt fortia confundat.

Matth. 11. Visiones mysticę quę.

Harphys.

2. Cor. 1.

1. Cor. 1.

Visionum
dignitatem
causa Amor.

Alteram Visionum, ac Reuelationum causam ex Amore ortum habere nulli dubium est, etenim amor potissima causa est, ob quam amici sua sibi mutuo secreta communicant, atque hinc plerumq. fit, vt Deus his, quos diligit, arcana sua propaler. Ex magnitudine dilectionis, inquit Richard. lib. 4. de Contemplat. dependet diuinæ Reuelationis modus, & proinde Dei amici, & amatores interdum ad supernaturalia contemplanda eleuantur, eisq. veritates quædam reuelantur, quæ vel ad propriam, vel ad aliorum instructionem, aut ad vitæ emendationem, vel ad morum correctionem necessariae sunt: & idecirco ad sub corporis imaginibus, aut spiritualibus similitudinibus erudiuntur, vel futura aliqua eis manifestantur, quæ visiones, & reuelationes vocantur, & frequenter sub figuris etiam imaginarijs ostenduntur ex diuina dispensatione: in hac ergo mentis eleuatione spiritus supra se ipsum eleuatur, & supra omnem captum, suamq. cogitationem transfertur, sicq. de fonte diuinæ dulcedinis largiter bibet. Huius fontis aquæ supra modum bibenti dulces sunt, & suaves, in hunc fontem toto conatu se spiritus immergit, sed quamdiu in hac mortali vita degit, frustra nititur, inde pleno illa ore potare, Quia satiabitur, cum apparuerit Gloria Dei Psal. 16. Refrigerium tamen bibentibus hæ aquæ præstant, & desiderium super omnia in via Deum diligendi, ac æterna illa diuina visione in patria fruendi mirum in modum excitant: vnde Amici Dei ad Deum frequenter clamant, Deriuentur fontes tui foras, & in plateis aquas tuas diuide. Prouerb. 5. & sanè cum spiritus sanctus animæ illabitur, illa amoris quemdam ignem, & ignitum carbonem concipit, ac ingens in ea dilectionis incendium producit, & postmodum ad diuinas visiones, & secreta superna-

turalia contemplanda rapitur. Liqueat ergo harum visionum, & mentis eleuationum inter cæteras causas Amorem primum sibi vendicasse locum, nam cum verum sit, quod S. August. lib. 13. Confess. cap. 9. scripsit, charitatem, seu amorem pondus esse, quod inclinat amantem ad amatum, & appropinquare facit rei amate, vt etiam interdum transformet amantem in amatum, secundum Sanctum Dionysium Areopagitam, hinc sequitur, vt quanto propinquius est amans amato, quod tanto plenius, ac subtilius reueletur sibi amatum, proinde Vgo super 7. cap. Angelicæ Hierarchiæ dixit constare, vt qui ardentius diligunt, profundius conspiciant, & subtilius discernant, & qui magis profunde prospiciunt, proculdubio euidentius cognoscunt, ex quo rectè S. Bonau. infert de Septē itineribus æternitatis Itinere quinto distin. 1. quod quanto æterna magis amantur, tanto perfectius cognoscuntur.

Visionum quoq. ac Apparitionum causas, sunt qui Dæmoni, tribuunt, ille namque transfigurans se in Angelum lucis, homines decipere conatur, ideò his Visionibus sæpe sese immiscet, implens noxa superstitione hominum animas, easq. deludens, crebro namq. non solum impios, sed & pios etiam viros molestijs afficere studet, eosq. falsis, varijsq. imaginibus illudere contendit in nocte, vt quos vigilantes ad vitia allicit, dormientes etiam impellat, eos vero, qui huius sæculi amore exarserunt, dormientes quadam vana spei prosperitate decipit, vt in eius dilectione inani illos pollicitatione detineat, & vera bona, quæ cælestia sunt, parupendant, aliquando etiam, vt eos timidos reddat, & in desperationis vitium conijciat, eorum mentibus horribilium inferorum cruciatuum imagines obijcit. Diabolus, ait B. Brigitta Lib. 2. Reuelation.

Cap.

Richard.

Psalm. 16.

Prouerb. 5.

In Visionibus se inter dum Dæmon immiscet, & quibus mor- dit.

Cap. 17. hominem vexat immittendo ei perfidiam, nè Dei verbo credat, sed eius mirabilia fato ascribat: Desperationem quoque immitit, vt de salute, & gloriæ adeptione desperet, meritò spiritum malum igni comparat, à quo malitiæ scintillæ procedunt, & Lib. 1. Cap. 13. Nautæ similem eum esse scribit, qui facit aquam delectationis intrare per Carinam Nauis, quæ hominis corpus designat, donec impleta vitij submergatur, nè ad salutis Portum veniat. Legendus est S. Cyprian. de Simplicitate Prælatorum, qui de Diaboli malitiæ, & inuidia sic loquitur, Diabolus dictus serpens, quia cum latenter obrepit, per piscis imaginem fallens occultis accessibus serpit, vnde nomen Serpentis accipit, ea est eius astutia, ea est circumueniendi hominis cæca, & latebrosa fallacia, vt asserere videatur noctem per diem venturum, pro salute desperationem sub obtentu rei, perfidiam sub prætextu fidei, Antichristum sub vocabulo Christi, vt dum verisimilia mentitur, veritatem subtilitate frustretur.

De varijs Dæmonum Illusionibus, & Apparitionibus, quibus homines decipere student, etiam sub venusta forma, & quòd Sanctorum personas representare cõsueuerint, scripsimus superiori Capite, & multa etiam tradiderunt S. August. lib. 3. de Anima, ac eius origine cap. 2. & de Ciuit. Dei lib. 10. c. 10. & pluribus alijs in locis, & S. Isid. de Sum. bono lib. 3. c. 5. latè Martinus Delrius Disquis. mag. lib. 6. cap. 2. sect. 3. q. 3. Petrus Thyreus de Spirit appar. cap. 6. Ludouic. Coqueus in Comm. ad cap. citatum Sancti Augustini, & alij plures, quos citauimus Cap. 5. huius Tractatus.

Porro antequàm vltcrius progrediamur, notandum ex D. Thom. 1. p. q. 1. 4. art. 3. non omnes deceptionum causas, neque omnes prauos motus, quos in

nobis crebrò experimur, referèdos esse in Dæmones, sed multi à nobis ortum ducunt, & ab eo spiritu, quem proprium appellare cõsueuimus, eò quòd carnis propensionibus ac legibus se subiectum exhibet, ita planè propriam voluntatem iudicium proprium vocamus, quod ideo dicimus proprium, quonià illud nostrum est, & non Dei, cuius legi aduersatur, quem spiritum S. Bernard. spiritum carnis, & mundi appellauit in libro, cuius Titulus est de Cõsc. cap. de Quattuor Spiritibus, & inde fit, quòd spiritibus noster interdum bonus, interdum malus dicatur, quatenus bonæ, & prauæ cogitationes, ac effectus boni, & prauis, quos experimur in nobis, oriuntur à bonis, aut prauis animi propensionibus, seu virtutibus, aut vitij cordibus nostris firmiter inhærentibus, interdum verò, vt explicabitur infra, procedunt à foris immixti à bono, & malo spiritu, quocirca vt supra, indicauimus, hæ Visionum causæ quædam sunt intrinsecæ, & quædam extrinsecæ: nunc autem eas explicandas aggredimur, quæ intrinsecæ sunt, quas duas esse affirmamus, quarum altera se tenet ex parte Animæ, prout Anima, cum vehemèter tristatur, dolet, irascitur, & aliqua graui affectione turbatur, vel aliquo prauo affectu ducitur, ad huiusmodi visiones eleuatur. Altera verò se tenet ex parte corporis, quod si quādo magna humorum copia fuerit repositum, cumq. per diuersas eius partes humorum copia spargitur, vel cum graui morbo torquetur, vel cibo, potuq. repletur, tunc procul dubio à similes visiones rapitur. Quapropter consueuerunt Philosophi, & Medici ad morbos agnoscendos, curandosue, eas accuratè obseruare, ac de illis ægrotos diligenter interrogare, vt & morbi speciem, & quis in corpore præualeat humor agnoscat. Rem hanc egregiè explicat Greg. Mag. lib. 4. Moral. c. 48.

S. Bernard.

Visionis causæ
intrinsecæ
quæ sunt.

Greg. Mag.

ex plenitudine ait , & inanitate corporis somnia existunt , aut ex antecedentibus diurnis cogitationibus , curisue , aut ex illusione Dæmonis , aut ex Reuelatione Dei , aut ex hominis cogitatione simul , & reuelatione Dei . Has etiam somniorum causas idem Sanctus recenset lib. 8. Moral. cap. 13. quas postea varijs sacræ Scripturæ exemplis illustrat: vide quæ Nos in specie de Visionibus in somnis scripsimus Cap. nono .

Sed nunc ista Philosophis , & Medicis relinquamus , & Visionum , ac Apparitionum causas de Cathedra Sanctorum Patrum , ac Theologorum sumamus , & primò occurrit Richardus Victorinus , quem citant Henricus Harphylus lib. 3. mysticæ Theolog. p. 3. cap. 39. de nono scalar gradu Amoris , & Iacobus Aluarez lib. 5. de Grad. contemplat. par. 3. cap. 8. Is namq. à Cap. quinto vsque ad decimum quartum Lib. 5. de Contemplatione rem hanc prosequitur , & docet hanc mentis eleuationem , ac diuinas Visiones à tribus causis ortum habere , & primò à magnitudine deuotionis , secundò à magnitudine admirationis , tertio à magnitudine exultationis , & primum quidem fit , quando humana mens tantò diuinæ dilectionis , & cælestis desiderij ardore succenditur , vt ad Ceræ similitudinem liquefacta , & à proprio statu dimota , ac ad instar fumi attenuata ad superna conscendit , & quemadmodum fumus , quò altius in altum tollitur , eò fusiùs dilatatur , ita & mens nostra , quò magis ab inferioribus ad altiora subleuatur , eò amplius ad supernaturalium contemplationem dilatatur : Mens enim hominis Spiritus sancti succensa igne magis , magisque accenditur , quò frequentius in operibus diuinæ dilectionis exercetur , sicq. fit , vt aliquando ita ferueat , vt sui oblita , & tota in Deum rapta in dulcedinem quamdam diui-

næ suauitatis absorta maneat: libet huc referre verba Richardi hanc dulcedinis suauitatem describentis, Nihil (inquit) in hac vita hac dulcedine sentitur iucundius , nihil ita animum ab amore Mundi elongat , nihil ita mentem contra tentationes roborat. Quem enim talis gustus inebriauit ad omne opus , & ad omnem laborem hilarescit , laborat , & non lassescit , festinat , & non deficit , dolet , & non sentit , laceratur , & nescit , irridetur , & non aduertit : hanc dulcedinem Deus Amicis suis tribuit , quæ ineffabilis est , vt Lib. 6. Reuelat. Cap. 36. legitur , & quam Angelus cum B. Brigitta loquens sic describit Lib. 1. Reuelat. Cap. 54. Diuinus spiritus dulcis est , quando animæ nihil placet , nihil dulcescit nisi Deus , & recordario operum eius : Calefacit autem non sicut ignis materialis , vel sicut Sol visibilis aliquid liquefaciens , sed calor eius internus amor est , & desiderium replens , & absorbens animam in Deum , & dulcescit animæ , non sicut vinum desiderabile , aut voluptas , aut aliquid aliud mundanum , sed dulcedo illa spiritus incomparabilis est omni-
 quus dulcoribus temporalibus .

Alteram , quam ex Richardo adducebamus causam mentis eleuationis ab his inferioribus ad Visiones diuinas , magnitudo admirationis est , quæ oritur , quando diuino irradiata lumine Anima ad illius pulchritudinis , & maiestatis , ac diuinarum perfectionum contemplationem rapitur , Quis (inquit Richardus) nesciat inde fieri admirationem , cum aliquid cernimus præter spem , & æstimationem : cum aliquid incipit videri , quod vix possit credi , & inde mentis procedit excessus : probè Richardus sequi admirationem tradit , cum aliquid videmus , præter spem , & æstimationem , nam verè admiratio importat quamdam animi suspensionem , rem inopinatam inuentis . Placet

hoc

Visionum
 causa re-
 curren-
 tibus

Richard.

Harphylus .

Aluarez .

Richard.

Admiratio
 animi suspē-
 sionem ali-
 quando im-
 portat .

hoc duabus similitudinibus exponere, & primò Auroræ, quæ tempus est, antequàm Sol oriatur, quo Solis radij Terram illuminare incipiunt, quæ, cū paulatim eleuatur, dilatur, & dilatata clarior fit, qua tandem deficiente, indiem definit esse, ita planè humanæ accidit menti, quando diuino irradiatur lumine, quæ velut Aurora confurgit, & ex visionis admiratione paulatim ad incrementa cognitionis proficit, & quando ad altiora, & eminentiora confcendit, tantò copiosius dilatur, sicq. aliquando crescit, vt crescendo humanæ capacitatis metas transcendat, & à semetipsa penitus deficiat, & gloriam Domini speculari in eandem imaginem transformetur, vt scribit Apost. 2. Cor. 3. A claritate in claritatem, tamquàm à Domini Spiritu. Sed audiamus S. Cyprianum rem hanc egregiè describentem de Singularitate Clericorum, Sicut (inquit) modica aqua gutta multo vino infusa à se tota deficit, viniq. saporem, & colorem induit: ferrum candens pristina, propriaq. forma exiuit, & igni simillimum efficitur: Solis radio aer perfusus in eadem transformatur luminis claritatem, & speculum radijs Solaribus directè irradiatur Solis in se recipit similitudinè, idq. putares alterum esse Solem, ita etiam Beati Dei claritate in intimis suis totaliter penetrantur, sicq. Deiformes effecti in Dei similitudinem transformantur. Idem etiam aqua exemplo innotescere poterit, quæ, cū in aliquo vase collecta manet, si quando Solis radijs fuerit exposita, mox eam & splendore micantem, & fursū splendorem mittentem videbis. Sanè aqua, quæ fluida, & instabilis est, nostram mentem designat, super quam, tūc Spiritus Domini fertur, cū illius illuminata radijs, ad supernaturalium rerum contemplationem eleuatur, cuius Solis radius se infundit, cū diuina reuelatio meditationi occurrit, & mox tam

vehementi stupore concutitur, vt à sensibus alienata, in illius supernæ Maiestatis cōtemplatione defixa maneat, ex qua subindè ineffabilis exultatio, & maximum gaudium emanat: tunc enim anima internæ dulcedinis abundantia porata, vel potiùs dixerim inebriata, temporalium rerum penitus immemor, in alienationis excessum rapitur, & supernaturalium visione summe lætatur: proindè meritò Cant. 8. legimus, suo eam dilecto dulciter, & fortiter inniti, quia non proprijs viribus ad hunc ascensum eleuatur. Et quoniam temporalium rerum obliuiscitur, de deserto delicijs affluens ascendere dicitur: Quæ est ista, quæ ascendit de deserto delicijs affluens, innixa super dilectum suum. Huic diuinorum donorum affluentia tria annexa inueniuntur, vt Lib. 1. Reuelat. Cap. 4. Legimus, Amor nempè diuinus, ac dulcedo quædam, & suauitas conscientia, spiritus, & munditia, & de dulcedine, scribitur ibi, quòd incomparabilis est omnibus dulcoribus temporalibus, & incogitabilis non sapientibus eam: Ex triplici autem Capite hæc dulcedo ad cor nostrum trahitur, vt Christus Dominus alloquens B. Brigittam dicit Lib. 2. Reuelat. Cap. 19. Ego (inquit) ex intima charitate, & sanguine meo fundavi mihi alueolum Apum, idest Sanctam Ecclesiam, in qua Christiani per vnitatem fidei, & mutua dilectionis congregari debent, & morari: Horum loca sunt eorum corda, in quibus dulcedo cogitationum bonarum, & affectionum habitare debet, quæ trahi debet ex consideratione charitatis meæ in creando, & ex Redemptione mea, & patientia in supportando, & ex misericordia mea in reuocando, seu renouando.

Hactenus ostensum est Visionum, ac Reuelationum causas à Deo ortum habere.

2. Cor. 3.

S. Cyprian.

Beatorum claritas duabus similitudinibus describitur.

Donis diuinis tria conueniuntur.

Ecclesia militans per Alueolum Apum designatur.

habere, & ex amore diuino manare, quibus adiungendam esse duximus uocationem illam, qua Deus ad sua diuina opera contemplanda nos inuitat: proinde laborandum, ac pro viribus contendendum est, ut tantæ benignitati respondeamus, ne uel nos ingratos tantò Datori exhibeamus, tantum insignem, & pretiosum thesaurum paruipendentes, eoq; magis, quò ad id ab eo humaniter, ac dulciter inuitamur, ut sollicito studio ad meditando mirabilia, quæ ille pro nobis quotidie operatur, surgamus, & hinc illæ voces Sponsi ad Sponsam Cant. 2. Surge, & propterea amica mea, & columba mea, formosa mea, & ueni. Veni (inquit S. Bonauent. in Itinerario Itinere 2. d. 7.) quia iam est itinerandi operata facilitas, iam enim imber curæ temporalis distrahentis, & impediētis ambulantes in itinere meditationis abiit, & recessit, & quia pluuia æstualis descendit, & uenit in vellus uirgineum colligendū dispersiones meditationum ad congregantis Patris unitatem, & simpliciter aternitatem, & Itinere 3. d. 7. Veni (ait) quia iam est itinerandi amena iucunditas, quia flores apparuerunt in terra nostra, iam tempus uernale aduenit ex præsentia Solis diuini Incarnati, & Itinere 3. d. 7. Veni (inquit) quia iam ambulantibus reuelata est ueritas, quia iam vox Turturis audita est in terra nostra, id est vox patris Verbi reuelantis omnem ueritatem in terra humanitatis nostræ: Quis ergo tam humaniter inuitanti non respondeat? Quis tam liberalem inuitationem non protipet, & cum gratiarum actione non excipiat? Clamat Gregorius ille Magnus Hom. 27. in Euangel. non longe à medio, Surge ad reuelationum perfectionem, à sensibili ad intellectualem, ab intelligibili ad superintellectuale, ut disponas securi-

dum Psalmistam ascensiones in corde tuo in ualle lachrymarum. Verum quibus pedibus ad hæc arcana celestia spiritus noster peruenire quæat. S. Bonauent. explicat dist. 4. lib. citato ex Joh. Verellenfis assertentis, spirituales pedes nostros esse intellectum, & affectum, quibus deuota anima æternitatis iter carpit, sed oportet, ut hi pedes mundi, ac puri sint à peccatis, & huius sæculi affectionibus, & curis, & ideo Ioan. 13. scribitur, Qui lotus est non indiget nisi, ut pedes lauet. Sanè Euangelista non dixit, ut caput, aut manus lauet, cum enim spiritus nostri caput intelligentia sit, quæ in sanctis uiris immediatè Deo coniungitur, ut egregiè notauit S. August. de Spirit. & Anima. cap. 14. & manus significant opera, quæ seruorum Dei bona sunt, profecto lotionem non indigent, sicut pedes, qui cum infima corporis pars sint, per eos satis commodè inordinati aliqui affectus denotantur, & peccata etiam uenialia, quæ secundum eundem S. Doctorem Tract. 56. in Ioan. difficile est homini uitare, & eū aliquando uenialiter non peccare, ac inordinationem aliquam in sensu non habere, ob continuam in terra habitationem, ex quo aliqua contrahitur in affectu macula: hos pedes bene lotos timuit coquinare: Sponsa, cum dixit Cant. 5. Laui pedes meos, ubi Glossa hunc Textum sic exponit, Cogitationes meas, quibus aliquando terram tangere solebam. Ad alias nunc Visionum, ac Apparitionum causas inuestigandas transimus, & quidè S. Isid. lib. 1. de sum. Bono cap. 5. arbitrat, Deum his Visionibus insinuare se nobis uoluisse, ut infirmitati nostræ consuleret, Tunc (inquit) clementer Deus consulit humanæ infirmitati, ut qui eū sicuti est agnoscere non possumus, nostræ locutionis more se ipsum nobis insinuet, quod pro-

Quibus me-
dixit homo
ad contem-
plationem
perueniat.

S. Bonauent.

Ioan. 13.

S. August.

Pedes affe-
ctus inordi-
natos desi-
gnant.

Cant. 5.
Gloss.

S. Isidorus.

Cant. 2.

S. Bonauent.

Ioan. 13.
Ioan. 13.
Ioan. 13.

Ioan. 13.
Ioan. 13.
Ioan. 13.

Greg. Magn.

probè explicat Antonius Fernandus in Comment. ad visiones Veteris Testamenti Visione decima in cap. 6. Isaiæ Cōsueuissè, ait, diuinum spiritum sui ipsius illapsum coaptare ad conditionem Prophetæ, vt in eloquentibus suapte natura appareat eloquēs, vrbanus in vrbanis, in rusticis rusticanus, proindè Sapient. 7. scribitur, quòd spiritus intelligentiæ sãctus, vnicus, multiplex, subtilis, disertus est, videlicet quia cum subtili Prophetâ subtilitèr, cum diserto disertè loquitur, & ob id ibidem cap. 1. scientiam vocis habere dicitur; quoniam scientèr se accommodat variè loquentibus, sicut tibi cen in tibijs subtilibus, subtilitèr sonat, & in crassioribus crassius: hinc S. Aug. lib. 3. de Trinit. cap. 4 scripsit, quòd Deus quibusdam ordinatissimis creaturæ motibus primò spiritualibus, deindè corporalibus se per cuncta diffundit, ad seipsū in eis sicuti oportet significandum.

At verò S. Bernard. hom. infrà Octauā Epiphaniæ paulò post mediū, harum visionū causas tres esse asseruit, easq. ad Dei potentiam, sapientiam, & benignitatem spectare docuit, sic enim loquitur. Sunt multa genera cōtemplationum, ac spiritualium visionum, quæ tamen omnia vel ad Dei potentiam, vel ad Dei sapientiam, vel ad Dei benignitatem pertinere noscuntur; nam si cogitetur Deus respectu omniū, & causa quorundam, vt sint, quorundam autem, vt rationales, ac per hoc sapientiæ capaces sint, multorum etiam, vt Beati sint, primū potentia; alterum sapientiæ, vltimum adscribam bonitati. Potentiæ quidem, quòd sine ipso nulla creatura subsistit, sapientiæ, quòd sine ipso nulla doctrina instruitur, bonitati, quòd sine ipso nullus rei vsus expedit.

Inter ceteras autem visionum causas, quas hic S. Bernard. enumerat, quibus se Deus hominum mentibus insinuat, sua propalando secreta, Dei potentia primū sibi locum vendicat, quandoquidem sic palam sit, cum in omnes animi nostri

potentias, & facultates summum habere imperium, ac in hominibus erudiendis, instruendisq. potentiorē esse quolibet alio, qui docere non potest, nisi vigilantem, aures præbentem, attendentē: Deus autem etiam dormientem, aut somniantē, quòd facit, cum dormiētibus, ac somniantibus visiones, & apparitiones immitit, quibus tūc sua arcana manifestat.

Alteram visionum causam idem Sanctus diuinæ bonitati ascribit, quā Deus arcana sua sub quibusdam similitudinibus, ac simulacris hominibus cōtemplanda proponit, quæ cū obscurā sint, & quodam quasi velamine testā, eorum intelligentiam nos plerumq. latet, atq. hinc impijs hominibus ansam præbet à probis, ac doctrina conspicuis viris interpretationem petendi, à quibus de fidei mysterijs tunc instruuntur, & ad rectū vitæ tramitem reducuntur: Indicat hoc S. Tho. 2. 2. q. 174. ar. 6. qui affirmat, has visiones ordinatas esse ad diuinæ veritatis cognitionem, quā non solum in fide instruimur, sed etiam in nostris operibus gubernamur.

Sanè obscuritas, quæ in diuinis visionibus, ac reuelationibus inuenitur, nec Christianæ Reipublicæ, nec Christiani populi institutioni obnoxia est, nec quidquam illi detrahit, immò ei proficua existit. Hoc namq. ad diuinā prouidentiam referendum esse opinamur, vt Doctores sancti vtilitèr, ac laudabiliter in sacrarum Literarum difficultatibus se exerceant, & iij abditis earum sensibus quærendis sua studia ponant. Fideles quoq. ad fidei nostræ mysteriorū venerationem adducuntur, cū ea à Deo tantū habita sub sacrorum ænigmatum velo testā vident, quam ob causam factū esse arbitrati sumus, quòd multa, quæ in his Brigitæ Reuel. Libris legimus obscurè, & sub diuersis similitudinibus tradantur: accedit quòd, cum plura prædixisset, quæ vel ad quorundam Regnorum euerisionem ob tyrannicum Principum

Obscuritas
in visionibus
quæciliat fit.

regimen, vel perditorum hominū acrem reprehensionem spectabant, quā, ut ipsa prædixit, successerunt, sicut testantur Bonifatius Nonus, & Martinus Quintus Romani Pontifices, & Nicolaus Sanderus, aliq. plures, quos Cap. 5. huius Tractatus citauimus, propterea non aperrē, sed obscurē illa prudentē censuit proponere, nē causam indē Principes illi, ac impij homines persecutionis arriperent, quod & S. Hieronym. obseruauit in 2. epist. ad Thessalonicens. 2. exponens illa Apost. verba, Et qui tenet, nunc teneat, dicit enim Apostolum fuisse obscurissimē locutum, nē causam persecutionis arriperent Romani, si dixisset delendum esse imperium, cui subscribunt etiam Chrys. & Theoph. qui affirmant, magnam esse prudentiam aduersarium non irritare, quādo id potuit obscurē loquendo vitari.

Hac obscuritate, hisq. ænigmatibus, quibus in visionibus, ac reuelationibus tradendis summa benignitate vitur Deus, excitat homines, ut suos amicos honore afficiant, quibus diuinas visiones interpretandi spiritum, ac intelligentiam confert: ad quantos honores prouecti sūt Ioseph, & Daniel, alter namq. obscurum Pharaoni exposuit somniū, alter verō Nabuchodonosori; à Pharaone dictum est Iosepho, Super domum meam tu eris, & ad oris tui imperium cunctus populus obediet, vno tantum Regni solio te præcedam, sic Genes. 41. habetur, & Dan. 2. scribitur, quod Nabuchodonosor cecidit in faciem suā, & Daniele adorauit. An non à Dei bonitate tamquā à causa emanat, ut sub diuersis rerū imaginibus secreta sua hominibus pandat, & visionū intelligentiam ignorantibus conferat, ut sic illos ad orationis studium prouocet, eosq. ad Deum seruentius diligendum moueat. Legite hos Cælestium Reuelat. Libros, & Brigittæ nostræ res præclarē gestas peruoluite, & inuenietis tantum erga Deum amorem in diuinis sibi factis Reuelationibus concepsisse, ut

præ orandi assiduitate callum genibus obdukerit.

Cōmendat insuper Dei bonitatem, ac benignitatem diuinarū collatio visionum sub imaginibus, & similitudinibus: cū enim illæ admirationem quamdā, ac pauorem ingentem in videntibus excitare consueuerint, ut suprā indicauimus, fortius mentem feriūt, & fortius radices figunt, proindē non tam faciliē hominū menti arcana diuinitus impressa in obliuionem eunt, & indē fir, ut in sanctis Viris Dei amor diuiniū conseruetur: meritiō ergō B. Brigitta Reuelationes suas oleo cōparat Lib. 6. Cap. 100. quod sicut lucernæ nutrimentū præbet, & lumen fouet, sic diuina visio Spiritus sancti amorem excitat, & conseruat.

Postrema harum visionū nobis potissima causa visa est, quod viris sanctitate conspicuis in hac vita degentibus læticia quædam spiritalis, & solamen aliquod tribuatur. & sanē consentaneū esse videtur, & Dei benignitati cōforme, ut hi, qui in hoc sæculo magnis exanthlatis laboribus, multis ieiunijs, vigilijsq. perpessis, pluribus tribulationibus, cursuē afflictis vitam traduxerunt, misericorditē à Deo subleuentur, illis arcana cælestia his visionibus cōmunicando, quæ deindē vita sancti in patria se visuros esse sperarunt, & hoc est, quod S. Greg. lib. 12. Moral. scribit, fieri plerumq. ut in ipsis pijs fleat illa interim gaudij claritas erumpat, ut mens, quæ in corpore prius cæca iacuerat, ad inspectionem fulgoris intimi suspirijs irrigata conualescat.

Visionum, & Apparitionum causas, septem recenset Iacobus Aluarez de Grad. contemplat. lib. 5. par. 3. cap. 10. loquitur autem de apparitionibus, quibus spiritus inuisibiles cælestis patriæ ciues hominibus se manifestant, quas hic breuiter ex hoc Auctore referendas esse exultauimus ad absolutam eorum intelligentiam, quæ in præsentī Capite tractamus.

Visionū causæ septem recensentur. Aluarez.

Dicit Primò id fieri, vt homo, cui huiusmodi apparitiones occurrunt, modo naturali proficiat, cùm cælestia sensibus haurit, & oculis ea videt, & auribus audit, quibus in sanctis affectibus incalcescat. Secundò quia cælestes illi spiritus sic humanam naturam honore afficiunt, dū eius effigiem induunt, & cū hominibus cōuersantur. Tertiò vt societatis æternæ, quæ cum illis nobis cōmunis est, pignus accipiamus, dū eos videmus quasi huius vitæ conditiones subire. Quartò vt his visibilibus signis sinceram pietatem, ac religionem prouehat, dum per sensus in nos influit, quod ad eius venerationem accendit. Quintò vt ostendat Deus quāti salutem nostram faciat, dum naturæ ordinem interturbat, cū cælestes substantias ad corporū abiectionem humiliat. Sextò vt homo Angelorum erga se benignitatem, & misericordiæ viscera cernat, & inuisibili illo corpore, atque in his, quæ geruntur in eo apparentis sibi splendore internum, ac maiestatem agnoscat. Septimò, vt minùs sibi homo tribuat, ac humilitatis virtutem teneat, dum considerat, se non solum interioribus instinctibus, quos sibi fortè ascriberet, sed externis hiscè etiā adiumentis ad virtutem, & sæculi contemptum impelli. Octauam adiungimus harum apparitionum causam, quæ ea est, vt ex splendore, & maiestate eorum corporū, sub quibus cælestes illi spiritus se plerūq. manifestant, indè colligat homo, quanta futura sit pulchritudo, & claritas corporū, quæ in vniuersali resurrectione Beati reassument. Matth. 13. Tunc Iusti fulgebunt sicut Sol in Regno Patris eorum, & Iudith 5. Qui diligunt te, sicut Sol in ortu suo splendet, ita rutilant.

Sed quoniam in hac tractatione ad scholæ argumenta, & subtilitates minimè deflectendum est, nequaquam fusè scribendum esse duximus de modo, quo anima ad visionum, ac reuelationū actus eleuatur; certū enim est, posse Deum tri-

buere alicui scientiæ infusæ donū, quod animæ Seruatoris nostri datum est, & quo hanc scientiam habentes sine sensu cooperatione vt possunt, cū volūt, potest etiam Deus in illis immittere species infusas, quibus hoc visionum, ac reuelationum munus confert, non à rebus sensibilibus acceptas, sed à Deo immixtas imaginatione minimè cooperante, aut etiam, vt notauit Dionys. Richelius ad art. 8. de Mystica Theologia S. Dionys. Areopag. per collationem specialis luminis eleuando intellectu ad vsum similitudinum ex sensibus acceptarum absq. eo, quod nec exterior, neq. interior sensus cōtemplationi seruiant. Sed quomodo cumq. fiat, tunc cū sponso sponfam ad hunc cōtemplationis gradum vocat, eam suorum secretorum participationem facit, ad animarum salutem, & utilitatem, & vt mali emendentur, & boni fiant meliores, sicut Christum Dominū fuisse allocutum B. Brigitam legimus Lib. 4. Reuelat. cap. 143.

De visione prophetica, & B. Brigitæ donum prophetiæ fuisse collatum probatur.

CAP. VII.



REVITER percurremus, & strictim persequemur, quæ ad visionem propheticam spectant, & quamuis plura hac de re à nobis

Cap. 1. 2. & 3. huius Tract. scripta sint, adijciemus tamen hic nonnulla, quæ ad probandum B. Brigitæ prophetiæ donū fuisse diuinitus collatū, facere visa sunt.

Prophetandi verbum, & Prophetæ nomen in Veteri, ac Nouo Testamento multipliciter accipi animaduertunt sacrarum Litterarū interpretes, & quidem prophetare interdum dicuntur illi, qui aliquod miraculum edunt, quando-

Scientiæ infusæ donum quale.

Richelius.

Prophetiæ, & Prophetæ verbum multipliciter in sacris Litteris sumitur.

quidem sic palam fit, eos veros esse Prophetas, in quo sensu Eccles. 4. 8. scribitur, Elisæi mortui corpus prophetasse, quia latronis cadaver contactu vivificavit, probatur hoc ex S. Tho. 2. 2. q. 17. ar. 1. ubi docet, ad prophetiam pertinere operationem miraculorū, quasi confirmationem quamdam prophetice annūciationis, & citat illud Deuter. vii. Non surrexit ultra Prophetā in Israel sicut Moyses, quem nosset Dominus facie ad faciem in omnibus signis, atque portentis: hinc Matth. 16. de Apostolis dicitur, Illi autē profecti prædicaverunt ubiq. Domino cooperante, & sermonem confirmante sequentibus signis. Secundò Prophetā in sacris Litteris aliquādo sumitur pro legis Doctore Exod. 7. Aron frater tuus erit Prophetā tuus: Quocirca Christus Dominus etiā Apostolos suos, & Scribas, & Prophetas vocavit interdū, quod notavit etiā Maldonat. in c. 13. Matth. vers. 34. exponens illa verba Evangelij. Ecce ego mitto ad vos Prophetas, & Sapientes, & Scribas, Lucas dixit Prophetas, & Apostolos, idq. fecit, ut loquendi Iudeorum consuetudinē exprimeret, qui legis Doctores, Scribas appellare consueverant. Tertiò prophetandi verbū sumitur pro psallere. 1. Paralip. 2. sic scribitur. Igitur David, & Magistratus exercitus segregaverunt in ministeriū filios Asaph, & Heman, & Idithūn, qui prophetarunt in cytharis, & psalterijs, & cymbalis: hinc fit, quod multi in hoc sensu accipiunt ea, quæ de Saule inter Prophetas psallente narratur 1. Reg. 10. & 19. Interdū etiam prophetare idem est, quod concionari, seu diuinā mysteria interpretari ad fidei ædificationem, ut 1. Corin. 14. Quartò Prophetā quoq. sumitur pro eo, qui falsa enunciat Iere. 2. Prophetabant in Baal. Quintò pro ethnicis Varibus, ac Poetis, vnde Doctor gentium Paulus ad Tit. 1. vocavit Epimenidem Crætensem prophetam: prophetæ etiam officio fungi hi dicuntur, qui sublimia, & diuina te-

cretia ab hominum cognitione remota interpretantur, & sacrarū Litterarū arcanā pandunt, ut ex eodem Apost. Paulo loco suprā citato colligitur, quando cum dono prophetiæ linguarum donum cōfert, quā ob causam Aron Exod. 7. ut suprā indicauimus dictus est propheta, eò quod Pharaoni exposuit oracula, quæ à Deo Moyses acceperat, rectè Philo Iudeus prophetam Dei intus dictantis oracula interpretem vocat. Item Prophetā dicitur etiam is, qui Deum verè, ac religiōse colit, ut in 3. Reg. c. 18. indicantur Abul. & Caiet. Inepre Calvinus, quem meritò reprehendit Ioan. Maldon. in c. 7. Matth. vers. 22. verbum prophetare pro docere sumpsit, & illud, Non nē in nomine tuo prophetauimus, interpretatus est docuimus: nam etsi verū sit, hoc verbū aliquando significare falsos Doctores, falsos Prophetas, debuit tamen aduertere Calvinus illos falsos Prophetas miracula allegare, Non nē in nomine tuo prophetauimus, & in nomine tuo Dæmonia eiecimus, & in nomine tuo virtutes multas fecimus, prophetare igitur non est propriè docere, sed futura prædicere, hoc enim (inquit Maldonat.) miraculum est, illud non est, & hanc vim habet illud in nomine tuo, id est virtute tua.

Postremò Prophetā dicitur is, cui diuinorum mysteriorū reuelatio facta est. Apocal. 1. Beatus, qui legit, & audit verba prophetiæ huius. Itaq. in hoc sensu prophetiam sumimus in præsentī Cap. quatenus importat cognitionem à diuina reuelatione emanantem de occultis rebus, & abditis, quæ naturalitè ab hominibus cognosci minimè possunt, ut sunt futura contingentia, & præsertim quæ à libera Dei, vel hominis pendent voluntate, & ut est futurorum præcognitio, quæ, ut dicemus infrā, aliquando extenditur ad præterita, quorum nec memoria, nec certa signa extant, & ad præsentia loco distantia, & occulta, itā, ut is propriè dicendus sit Prophetā, qui diui-

Exod. 7.

Philo.

3. Reg. 18.

Abulensi.

Caietani.

Maldonat.

Apocal. 1.

Prophetia

in quo sensu

in præsentī

cap. sumitur.

diuinitus cognoscit ea, quæ procul sunt à naturali hominum cognitione, ac sensu, quæ ipse prædicere potest. Ea namq. peculiaris est Prophetarū functio, vt quæ diuinitus inspirati, & edocti cognoscūt, ad aliorum cōmodum, ac vtilitatem annunciant, hinc illud Isaia 21. Quæ audiui à Domino Deo Israel, annunciaui vobis; proinde scribit S. Isid. lib. 7. Ethymolog. cap. 8. Prophetas dici præfatores, eò quòd procul fantur, & de futuris vera prædicunt, & ad prophetiæ integritatem exigit S. Thom. 2. 2. q. 171. art. 1. cognitionem, & locutionem, & docet, quòd primariò, & principalitèr consistit in cognitione, quia nimirum Prophetæ cognoscunt ea, quæ procul sunt, & remota ab hominum cognitione. Secundariò autem prophetia consistit in locutione, quatenus Prophetæ ea, quæ diuinitus edocti nouerunt, ad hominum instructionem, & ædificationem prædicunt; quod etiam animaduertit

Fernandus. Anton. Fernandus in Comment. ad Visiones Veteris Testamenti prælud. 1. quo loco quasi fundamentum dicit esse ipsam propheticam cognitionem, hinc fit, vt Prophetæ videntes appellentur, eò quòd longè posita, & cognoscunt, & vident: frequenter sacra Scriptura sub nomine visionis prophetiam indicat, & nomine videntis Prophetam; Isaia 1.

Isaia 1.
Daniel, 1. Visio Abdiæ, Daniel 1. Dedit autem Deus Danieli intelligentiam omnium

Ezech. 1. visionum, & somniorū. Ezech. 1. Aperti sunt Cæli, & vidi visiones, & Prophetæ videntes vocantur 1. Reg. 9. Venite,

1. Reg. 9. eamus ad videntem 4. Reg. 17. Testificatus est Dominus in Israel, & in Iuda per manum omnium Prophetarū, & videntium. 1. Paralip. 29. Gesta Dauid Regis priora, & nouissima scripta sunt in libro Samuelis videntis: rursus in sacris Litte-

4. Reg. 17.
1. Paralip. 29. ris prophetia onus vocatur, & tunc maxime, quando aliquid molestū, ac durū populo prædicitur, vt in Prologo Abacuc tradit S. Hier. Abacuc 1. Onus Ni-

Abacuc 1.

niue liber visionis, Naum 1. Onus verbi **Naum 1.**
Domini: dicitur quoq. stillatio Amos 7. **Amos 7.**
Non prophetabis super Israel, & nō stillabis super domum Idoli. Ezech. 20. **Ezech. 20.**
Filij hominis pone faciem tuam contrā viam Austri, & stilla ad Africum, & Propheta ad saltum agri meridiani.

Et hæc de nominis Ethymologia Prophetiæ, & Prophetarū sat sint, quorum tria fuisse genera indicauit Maldon. c. 2. **Maldon.**
Matth. vers. 23. aliis, quibus Spiritus sanctus semper adesset, & hos maiores Prophetas vocandos esse dicit: alios, quibus non semper quidē, sed sepè tamen adesset, quos minores appellat: alios, qui Prophetæ dicerentur, non quòd futura prædicerent, sed quòd Prophetarum dicta diuinitus edocti interpretarentur, quos in Veteri Testamento Prophetarū filios appellari solitos, & in Nouo Prophetas scribit. Verum non me latet, S. August. lib. 12. de Ciuit. c. 19. & Ruffinū Præfat. in Oseam notasse, duodecim Prophetas minores fuisse dictos respectu quattuor maiorū, putā Isaia, Ieremias, Ezechielis, & Danielis, non quòd ipsi, & rerum, verborumq. maiestate cédant, & sententiarū pondere, & grauitate, sed ob sermonis, & librorū breuitatem. Sanctus verò Bernar. serm. 2. ad Fratres, exponens illa

verba, Hæc est generatio quærentiū Dominum, quærentium faciem Dei Iacob, tradit, omnes verè Religiosos mysticè Prophetas esse, quippe qui perspicaci mentis acie eminènt prospiciant superna, absentia, & futura, quòd eorū mens; cogitatio, & conuersatio in Cælis sit, indeq. ex summo Cælorum vertice, quasi Aquilæ exiguum hoc terræ punctū respiciant, & despiciant, quòd in altis eternitatis montibus commorentur, indèq. sub se videant, & rideant inanes honorum, opumq. pompas, Reges, & Principes quasi formicas intueantur.

Aggredior nunc, quod ad prophetiæ essentiam spectat breuiter inuestigare, & quidem Suarius de Diuina gratia.

Proleg. 3. cap. 5. de Gratijs gratis datus num. 22. ad prophetiæ gratiam duo requiri tradit, primum quidem apprehensio, seu conceptio rei, quæ per prophetiam cognoscenda est, postremum verò est assensus, & iudicium de veritate rei sic propositæ, seu apprehensæ: ad primum necessaria est reuelatio veritatis prophetandæ, quæ sit per aliquas species intelligibiles, & internam locutionem, quæ in mente fiat, siuè à sensibus initium sumat, siuè non: ad secundum verò dicit necessarium esse, lumen internû, vel aliquam virtutem, quæ intellectu iuuat ad assensum præstandum reuelatæ veritati, vt dicemus infra Cap. sequenti, proinde paulò post Suar. infert, prophetiam non consistere tantum in sola apprehensione, sed etiâ cognitionem, & iudicium rei reuelatæ requirere, & idè, inquit, nec Pharaò Genes. 41. neque Nabuchodonosor, neque Balthasar Daniel. 2. 4. & 5. veri Prophetæ fuerunt, licet aliquam prophetiæ habuerint inchoationem, neque etiam Caiphas Ioan. 11. dicens verba, habentia sensum propheticum, quem non intelligebat, propriam gratiam prophetiæ habuit, sed quendam eius instinctum.

Sanè hæc, quæ ex sacris Litteris nomina prophetiæ recensuimus, non necessitatem solum, sed & vtilitatem eius indicant. Prophetia namque quatenus doctrinam reuelatam includit, necessaria est in Ecclesia, & quamuis singulis hominibus minimè necesse sit reuelationes propheticas fieri, his tamen, quos Deus elegit, vt eorû ministerio de futuris fideles erudiant, opus est fieri, prout Dei ordinatione sancitur, qui quosdam homines lumine prophetico illustrat, vt alios de his, quæ ad salutem, & spiritua-lem profectum pertinent, instruant. Amos 3. scribitur, Non faciet Dominus Deus verbum, nisi reuelauerit secretum suum ad seruos suos Prophetas,

proinde, quod Ludouicus ab Algazar scribit not. 23. proœm. num. 4. ad Apocalyp. nempe, non expedire communiter Ecclesiæ, vt euentus deinceps futuri præsciatur, sicut nec peculiari homini congruere futura suæ vitæ euentu prænoscere, non intelligendum de prophetia propriè dicta, quatenus includit doctrinam reuelatam rerum, quæ ad salutem, & spiritualem progressum necessaria sunt, sed de his, quæ important præno- tionem futurorum, ad quæ prænosceda nimia curiositate, & cupiditate quidam homines feruntur.

Hæc autem futurorum curiosità, vanaque inquisitio, sicut multa secum damna, & pericula trahit, ita & verè Prophetiæ prædictiones viles admodum sūt, ac proficua, ex his namq. nobis innotescunt ea futura, quæ non fortuito eueniunt, sed à firmo, certòq. Dei decreto ortum habent, cuius etiam in prophetia, & sapientiam, ac potèntiam diuinā fideles agnoscunt: rursus indè promp- tiores, ac alacriores redduntur homines ad sequendam virtutem promissionis præmiorum, ac etiam metu poenæ, ac prophetice comminationis sunt humiliores, ac modestiores, & ad patrandæ peccata tardiores: plura de necessitate, ac vtilitate prophetiæ scripsit Sanctus Chrysost. in cap. 6. Isaie hom. 2. quo loco, inquit, Oracula prophetica non idè promulgari, vt homines futura verumq. cognoscant, sed vt indè magis vtilitatem reportent. Rectè S. Thom. de Veritate q. 12. art. 2. scriptum reliquit, Omnia, quorum cognitio potest esse vtilis, ad prophetiæ materiam pertinere. His adiungendum, magnum ex prædictionibus Prophetarum sumi posse nostræ fidei certitudinis argum- tum, quo in Iudæos, & Paganos inuehūt Sancti Patres, & præcipuè S. Gregor. hom. 6. in Ezechielem, & S. Aug. lib. 4. de Ciuit. Dei cap. 34. & lib. 18. cap. 46. & epist. 3. ad Volusianum, & de Con-

Ludouicus ab
Algazar.

Prophetia
non impor-
tat solum
apprehen-
sionem rei
reuelatæ, sed
cognitionem
etiam inclu-
dit.

Genes. 41.

Daniel. 2. 4.
& 5.

Ioan. 11.

Prophetia
qua ratione
in Ecclesia
necessaria.

Prophetiæ
vtilitas.

S. Chrysost.

S. Thom.

S. Gregor.

S. Aug.

Amos 3.

sensu Euāgelistarū lib. 1. cap. 26: quo loco, inquit, Magnum est, quod Deus suā Ecclesiā ubiq. diffusā præsistit, vt gens Iudæa meritò debellata, & dispersa per terras, nè à nobis hæc composita putarentur, Codices Prophetarum nostrorum ubiq. portaret, & inimica fidei nostræ testis fieret veritatis nostræ: sanè decuit Redempcionis mysteria, tantò antè prædici, tūm, vt eorum dem veritas cōfirmaretur magis, tūm promptius reciperentur, tūm etiam, vt eorum dignitas, & maiestas magis elucesceret: Hanc ob causam arbitramur, Apostolos reprehendisse Iudæos, qui in Christum credere noluerunt, eò quòd prophetiæ de eo fuerunt impletæ, atque hinc etiā Doctores sacri argumentum sumunt eos confutandi. Testimonium (inquit B. Ioannes) Iesu est spiritus prophetiæ Apocalyp. 19. probè Lactantius Firmian. lib. 4. Diuin. Instit. Non idcirco ait, à nobis Deus creditur Christus, solūm, quia mirabilia fecit, sed quia in eo videmus facta esse omnia, quæ nobis annuntiata sunt vaticinio Prophetarum.

Nunc sacrorum Doctorum auctoritate prophetiæ naturā, & essentiam indagare nitimur, primò occurrit S. August. qui scribit, prophetiam esse reuelationem eorum, quæ pròcul sunt ab humano intuitu, at D. Thom. 2. 2. q. 171. art. 6. prophetiam definiens, docet eam esse cognitionem, in intellectu Prophetæ impressam ex reuelatione diuina, per modum doctrine, eorum, quæ vniuersaliter excedunt humanam cognitionem. Postremo Cassiodorus Præfat. in Psalm. non longè ab initio, tradit, Prophetiam esse diuinam inspirationem, vel reuelationem rerū à nobis pròcul distantū, euentus immobili veritate, & maxima cum certitudine prænoscentem, & denunciantem: sed ad completam cognitionem definitionis, & Cassiodoro allatæ quadam breuiter explicanda sunt: & primò prophetiam propriè sumptā

reuelationem diuinam includere. Est enim donum Spiritus sancti, neq. enim humana voluntate aliquando allata est Prophetia, vt Apost. Petrus in sua Canonica 2. cap. 1. & Paulus Rom. 12. testantur, & confirmat S. Hieronym. in Daniel. qui eos solos veros Prophetas vocat, qui Dei spiritu loquuntur, nec alios Prophetarū nomen mereri, quàm qui Spiritus sancti luce illustrati futura prædicunt, quod etiam ex sacris Litteris probari potest, cum enim in prophetia tria reperiuntur, nempe inspiratio, mentis eleuatio, & diuinorum reuelatio, certè hæc non ab alio, quàm à Deo ortum habent, & de inspiratione, Iob. 22. scribitur, Omnipotentis inspiratio dat intelligentiam, & de mentis eleuatione ad percipienda secreta testatur Ezech. cap. 2. suarum Reuelat. Filij hominis (inquit) sta super pedes tuos, & loquor tecum, & hæc mentis eleuatio opus est Spiritus sancti, qui mouet, proinde subdit, Et ingressus est in me spiritus, & statuit me super pedes meos. At postquàm mens est eleuata, per reuelationem, percipit diuina, hinc deinde, ibi, subiungitur, Et audiui loquentem ad me, & Math. 11. legimus, Et reuelasti ea paruulis, & hæc reuelatione prophetia perficitur, vt mirum non sit, si Doctores sacri scribant, eam esse diuinam reuelationem. Verum etsi prophetia reuelationem includat, differt tamen ab extrai, à qua aliquando seiuuata est, nam non semper in extrai rapti futura prædicebant Prophetæ, quòd obseruauit etiam Cornelius à Lapide Gan. 1. 9. in Prophetas minores. Ceterum si prophetia est futurorum cognitio, sanè futura dupliciter cognosci possunt, vel in suis causis, quæ modum Medici aliquando imminentes morbos, & mortem alicuius secuturam prædicunt, sed hæc præcognitio prophetica non est, secundo modo possunt futura præcognosci in se ipsis, sed hoc non à

S. Petrus in 2. sua Canonica 1.

Rom. 12. S. Hieron.

Tria in prophetia reperiuntur.

Iob. 22.

Ezechiel. 2.

Math. 11.

Prophetia non semper est conuincia cum extrai.

Cornel. à Lapide.

Futura dupliciter cognoscibilia.

Apocal. 19. Lactantius Firmianus

S. August. Prophetia definitio.

S. Thom.

Cassiod.

natura, sed à diuina reuelatione tantum-
modò pendet, & horum præcognitio,
& prædictio prophetica est, quæ est eo-
rum, quæ excedunt vniuersaliter huma-
nam cognitionem, vt docuit S. Thom.
loco suprà citato.

Ex his liquidò constar, quàm turpi-
tèr errauerint veteres Philosophi, qui
existimantur futura prædicendi facul-
tatem à natura pendere, ac in anima
vim esse quamdam, vt ipsi loquuntur
fatidicam, nimirum diuinandi, quod
indè colligebant, quod anima habeat
aliquod diuinitus, sitq. quasi diuinæ par-
ticula auræ, & proinde diuinationis, quæ
Dei propria est, participes sit, qua de re
legendi sunt Platò in Dialogo de Nat.
& in Apologet. pro Socrate, Aristot. in
Problem. sect. 30. Problem. 1. & Cicero
de Diuinat. lib. 1. qui triplicem diuina-
tionem admittit, & vim diuinandi om-
nem à Deo, à fato, & natura manare
asseruit: hanc opinionem fuisse Porphy-
rium etiam secutum refert Iamblicus
de Mysterijs Ægyptiorum §. de somnijs
diuinis: sed quidquid sit, hæc sententia
erronea est, & sacris Litteris, & rationi
aduersatur, quod patet ex ijs, quæ addu-
ximus suprà ex Iob, Ezechiele, Petro, &
Paulo, Hieronymo, Cassiodoro, &
D. Thoma, qui prophetiam reuelatio-
nem diuinitus traditam esse docent, &
à Deo manare, fauet Tertullin. Apolo-
get. 2.º. quo loco asserit, testimonij
diuinitatis esse veritatem diuinationis,
& confirmatur ex his loquendi Pro-
phetarum formulis, quibus sacre Litte-
ræ plenæ sunt, ex quibus liquet, verbis
Prophetarum, quæ prædixerunt, à Deo re-
uelante accepisse, & eorum verba, Dei
esse verba, cum scribunt. Hæc dicit
Dominus, Factum est verbum Domini,
Locutus est Dominus per os Prophetæ
etq. indè ergò consequens fit, quod
prophetia verbum est à Deo prædictum,
& reuelatum, & ab homine, vt Dei ver-
bum prolatum. Sed placet hoc ratione

probare, ad cuius rei intelligentiam
animaduertendum est, quod futura
sunt in triplici differentia, quædam sũt,
quæ habent causam determinatam, &
infallibilem, & illa sunt, quæ attendun-
tur circà motum superiorum corporũ,
in quibus est determinatio, & omnis
impedimenti remotio, quæ possunt cer-
titudinalitèr sciri, & prædicti, sicut tem-
pus augmenti, & decrementi Lunæ, &
Eclypsis, & similia, alia verò habent
causam determinatam, sed fallibilem, &
ea sunt, quæ respiciuntur secundum in-
feriorem naturam, quæ idcirco deter-
minatam habere causam dicimus, quia
intentio naturæ mouet determinatè ad
vnum, habent tamen fallibilem causam
ratione impedimenti, quod multipli-
citer occurrere potest, sicut eum ager
benè seminatus est, & pinguis, si supe-
riorum corporum constitutio accesserit
poterit ab eo præsciri, & prædicti, qui nõ
uit naturas, & conditiones rerum su-
periorum, & inferiorum futuram esse
magnam frumenti, & vini vberitatem,
inopiam verò, si de contrà ager non fũ-
rit benè seminatus, accedente mala su-
periorum corporũ constitutione, quod
conclauerunt obseruari Astrologi, &
illa prædicere, licet eorum prædictiones
plerumq. fallibiles sint, vel quia non
benè Stellarum cursus nouerunt, vel
quia superiorum corporum motus, &
influxus non rectè animaduertenterunt,
aut etiam quod Deus ob peccata nostra
aliquando iusta sua dispositione anno-
næ caritatem infert, sicut Aggæi 1.
scribitur, Quia domus mea deserta est,
& vos festinastis vnusquisq. in domum
suam, propter hoc super vos prohibiti
sunt Celi, nè darent rorem, & terra
prohibita est, nè daret germen suum,
& vocauit siccitatem super terram, su-
per montes, & super triticum, & super
vinum, & super oleum, & quæcumq.
proferit humus, non erigetur, &
Postremo alia sunt, quorum causa
inde-

Petitorum.
triplex di-
scrimen.

Diuinandi
facultas à
natura orti
non habet.

Plato 2.

Arist.

Cicero.

Iamblicus.

Tertull.

Agg. 1.

indeterminata est, & fallibilis, & sunt, ea, quæ à voluntate nostra, quæ indeterminata est, pendent, quoniam scilicet habet ad opposita, fallibilis quia etiam volenti occurrere possunt impedimenta plura, & hæc à Deo tantummodo sciri possunt, à creatura autem per Dei reuelationem, ratio est, quia cognitio creaturæ cum pendeat à re, cumque res sit incerta, & in sua causa, ideo non possunt illa à creatura certitudinaliter sciri, aut prædici, cum autem diuina cognitio non à re aliqua pendeat, sed Deus omnia cognoscat secundum modum suæ veritatis, & ut omnia præsentia sunt in sua æternitate, & veritas sua certissima sit, certissime agnoscit contingentia, & sicut certissime nouit, ita planè certitudinaliter potest prænunciare, & prædicere, & hæc præcognitio futurorum Dei est, & à Deo, & cum talis prædictio sit, dicitur diuinitas, quia talis est actus diuinus, & non humanus, & proinde, cum per homines huiusmodi. rerum futurarum, prædictiones fiunt, Deo reuelante fiunt. Legite S. Bonauenturam in 2. sentent. dist. 7. quæst. 3. in respon. ad argumenta, Ægidium Romanum ibidem quæst. 2. art. 1. Richard. & Durand. eadem dist. art. 3.

Rursus prophetiam à Deo manare constat, quoniam, ut dictum est, cum contingentia planè sint indeterminata, sanè à libero agente determinantur, cū scilicet voluntas libera in tempore futuro, liberè ad alteram contradictorum partem sedeterminabit, ex quo benè infert Cornel. à Lapide can. 2. 1. in Prophetas minores, fieri non posse, ut nec homo, nec Dæmon, aut Angelus ea determinatè præsciat, & præcognoscat, sed hoc esse propriū virtutis, & omnis sciētiæ diuinæ, quæ suæ mentis infinita acie, & ut præuidet, quod libera voluntas tali tempore, loco, & circumstantijs sit electura, & determinatura, & addit ad

rei huius confirmationem, quòd cum humana mens pendeat à phantasia, & à sensibus; cumque futura contingentia nullo sensu percipi possint, inde sequi, quòd ab homine nequeant intelligi non magis, quàm à cæco colores videri. Insuper nec Angelum, nec hominem posse videre, quod non existit in se, nec in suis causis, ut sunt futura contingentia, ut potè quæ adhuc futura indeterminatè existunt, ergo & illa, nec ab Angelis, neque ab hominibus præcognosci possunt, & hanc esse opinionem S. August. lib. de Diuinat. Dæmonum S. Thom. 2. 2. quæst. 5. art. 1. ad 3. tradit.

Sed quoniam Dæmones superbi, & elati emulantur diuinitatem, & furari vellent diuinitatem, cupientes ijsdem honoribus præditos esse, quibus Deus, pro viribus contendunt hominibus suadere hoc prædicendi, ac diuinandi munus habere, & proinde dicere, quòd illi per seipsos futura cōtingentia præsciant certitudinaliter, est eis attribuire, quod Deo competit propriè, ut probatum est. Ideò qui sic sentiret infidelitatis peccatum committeret, cui frequenter Idolatria annexa est, propterea diuinitas est prohibita, non tamen negandum, eos aliquando vera prædicere, aut sensus, aut ingenij acrimonia, aut multa experientia, aut dolosa cautela, aut aliena doctrina, ut egregiè docuit Sanctus Augustinus de Genes. ad litter. libro 5. capit. 2. 3. & libro 12. capit. 17. tomo 3.

Verum licet affirmemus, prophetiam à Deo principaliter, & immediatè ortum habere, negandum tamen non est, instrumentaliter etiam ab Angelo, alijsq. quibus Deus prophetandi donum tribuit, pendere, & Deum consueuisse, ut plurimum mediatoribus Angelis prophetiam inspirare: dicit enim S. Dionys. Areopag. quòd ad diuinitatis ordinem spectat, ut infima per media

Prophetia à Deo principaliter, ab Angelo instrumentaliter.

S. Dionysius Areopag.

S. Bonau.

Ægid. Rom.

Richard.
Durand.

Cornel. à
Lapide.

Nec ab Angelis neque ab homine possunt præcognosci, quæ pendent à libero arbitrio.

Rom. 13.

media disponentur, Quæ enim à Deo sunt, ordinata sunt Rom. 13. & ideo cum Angeli medij sint inter Deum, & homines, quippe qui diuinæ bonitatis, & perfectionis participes sunt, inde fit consequens, vt reuelatio prophetica à Deo vt principali agente procedat, & ab Angelo instrumentaliter, nec obstat, quòd prophetia dicatur diuina reuelatio, nam operatio instrumenti agentis principali tribuitur, cuius virtute instrumentum operatur. Id autem sancti Angeli faciunt reuelantes hominibus, quæ Deus imperat, vel in assumpto corpore se ostendentes, vel apparitione tantummodò spiritali menti hominis species exhibentes rerum, quas Spiritus sanctus vult illis manifestare. Sed qualia corpora assumant, & quomodo inter se, & cum hominibus loquantur, latè scripsimus Cap. 10. huius nostri Tractatus.

Inspiratio
In quo sensu
hic sumatur,
& qua ratio-
ne propheta
dicitur.

Dicitur etiam prophetia inspiratio, per inspirationem autem, quam hic latissime sumimus, intelligi potest quicumq. diuinus influxus, & quæcumq. supernaturalis illuminatio, aut mentis illustratio. Notat tamen S. Thom. quæst. citata art. 1. Inspirationem pertinere ad affectum, eò quòd importat motionem quamdam, reuelatio verò ad intellectû, vtrumq. prophetia includit, proinde Cassiodorus eam asseruit esse reuelationem, & inspirationem, nam vt importat mentis eleuationem connotat inspirationem, vt verò diuinorum perceptionem connotat reuelationem, hinc Iob 12. scribitur, Qui reuelat profunda de tenebris: prophetia autem diuina, inspiratio dicitur, quoniam diuinitus: Propheta inspiratus, & supernaturali lumine illustratus intelligit, ac interpretatur visiones, ac sibi factas reuelationes, alias Propheta dicendus non esset, sed solum videns, sicut Pharaon, & Nabuchodonosor, etenim verus Propheta non solum rerum simulacra visionum

S. Thom.

Cassiod.

Iob. 12.

Propheta si
non intelli-
git, quæ præ-
dicat, pro-
prie non.
Propheta di-
citur, sed Vi-
dens.

excipit, sed quæ talia signa demonstrant intelligit Dan. 10. legimus, Intelligentia opus est in visione, quod confirmat S. August. lib. 12. de Genes. ad litt. cap. 9. Signa (inquit) quibus per corporalium rerum similitudines aliquas demonstrantur in spiritu, nisi accessisset mentis officium, vt etiam intelligantur, nondum erant Prophetæ, magisq. erat Propheta, qui interpretabatur, quod alius vidisset, quàm ipse, qui vidisset. De certa, aperta q. cognitione, quam habebant Prophetæ eorum, quæ illis diuinitus reuelabantur, & prædicebant, scribit Sanctus Athanas. his verbis de Pass. Domini. Quemadmodum nos conspicientes ea, quæ sunt sub oculis, videndo non fallimur, nec aliter videmus, quàm sunt, sed quemadmodum sunt, ita videmus, sic & Prophetæ futura tamquam præsentia videbant, & quæ videbant, fieri erat necesse, & rursus, Quemadmodum nos, quæ videmus oculis, omnino necesse est, vt sint, siquidem ea, quæ sunt videmus, nec potest aliter fieri, quàm vt videmus, sic & Prophetæ, quæ prævidebant, oportebat omnino esse, nec aliter fieri poterat, quàm quemadmodum præviderant, nam si futura non prævidissent, non fuissent Prophetæ. qua de re legendus est etiam S. Thom. 2. 2. quæst. 173. art. 4. quo loco docet, quòd cum aliquis cognoscit se moueri à Spiritu sancto ad aliquod æstimandum, vel significandum verbo, vel facto, hoc proprie ad prophetiam spectare, cum autem mouetur, sed non cognoscit, tunc non censeri perfectam prophetiâ, sed quemdam instinctum propheticum: Sanè si prophetia cognitio est eorû, quæ procul sunt, & ab hominum cognitione remota, certè is Propheta vocandus est, qui ea cognoscit, quæ à naturali hominum cognitione remota sunt, quod etiam ex prophetiæ Ethymologia constare poterit, nâ Prophetæ nomen sumitur à pro, quod est procul, & phanos, quod appa-

Dea. 10.

S. Augus.

S. Athan.

S. Thom.

Prophetia
vnde dicitur.

ritio-

riationem significat, quia eis ea apparent, quæ procul sunt, ideò Gentiles appellabant Vates à vi, hoc est à virtute mentis, quæ in cognitione consistit, vnde 1. Reg. 9. vbi de Propheta Samuele, & alijs sermo fit, legimus, Venite eamus ad videntem, & subditur, quia ipsi videbant, quæ in mysterio erant abscondita. Idem confirmari etiam ratione potest, nam veritas cognitionis eadem est in Discipulo discente, & Magistro docente, quia cognitio Discipuli discantis est similitudo Magistri docentis, sed similitudo est quædam cognitio Magistri impressa intellectui Prophetæ, ex reuelatione diuina per modum doctrinæ, vt supra indicauimus.

Placet nunc Lectorem admonere, huic cognitioni, quam Prophetæ necessariam esse probauimus, certitudinē adiunctam esse, vt ex illis in definitione prophetiæ à Cassiodoro positis verbis patet, Immobili (ait) veritate, & maxima cum certitudine prænoscens, ac denunciantem, quod intelligendum esse arbitramur de prophetia absoluta, quam vocant præscientiæ, diuinæ autem præscientiæ non potest subesse falsum, cuius euentus est infallibilis, quoniam res considerantur, vt in Deo inueniuntur, & vt ab eo pendent, qui est prima veritas, & qui est solus immutabilis. Matth. 3. Ego Deus, & non mutator, & Num. 23. Non est Deus quasi homo, vt mentiatur, nec vt filius hominis, vt mutetur: ex parte quoque eorū, quibus diuina reuelatio fit, hæc cognitionis certitudo sumi potest. Solent namque Prophetæ plerumque sic voluntate affici, sic de ea certiores reddi, vt certò, ac firmiter credant, eā visionem, seu reuelationem à Deo ortum habere, ac ab illo emanare, & qui huic fidem non præstaret, peccaret grauiter, vt Cap. 5. huic nostri Tractatus probauimus.

Addit Cassiodorus in definitione prophetiæ allata præter certitudinem,

etiam veritatem immobilem eam continere, quod verum est de prophetia absoluta, & præscientiæ, at si loquamur de prophetia comminationis, & consilij, hæc videtur aliqualem mutationem includere, non quidem ex parte præscientiæ, quæ, vt diximus, immutabilis est, sed quia illa prophetia, cum sit conditionata, & conditionibus innitatur, & ordinem habeat ad causas secundas, pro humanarum actionum mutabilitate mutabilis est, quatenus iuxta conditionem rerum contingentium euentus prædictioni respondet. Rem hanc egregie explicat S. Thom. 2. 2. quæst. 171. art. 6. ad 2. quo loco docet, quod si aliquando aliter euenit, quam Propheta prædixerat, non ideò prophetiæ subesse falsum, nam sensus prophetiæ est, quod inferiorum causarum dispositio, siue naturalium, siue humanorum actuum hoc habet, vt talis effectus eueniat. Exemplum huius rei ex Isaia peti potest, qui Cap. 38. suarum Reuelat. ægrotanti Ezechiel mortem prædixit, Dispone (inquit) domui tuæ, quia morieris tu, & non viues, & tamen tunc temporis Ezechias mortuus non est; cum idem Propheta Deo iubente eidem Ezechiae, cuius Dominus orationem exaudiuerat, annos quindecim adiecerit, neque tamen Isaie prophetia falsa fuit, siquidem Ezechias, qui graui morbo laborabat, periisset, & nullæ medicinæ vi, aut Medicorum arte mortem euitasset, tamen Dei imperio sanatus est. Legendus est Gaspar Sanctius in Comment. ad cap. citatum Isaie, qui exponens ea verba, Morieris tu, & non viues, affirmat, consueuisse sacram Scripturam significare id esse futurum, quod rerum natura fert, vt fiat, etiam si Deus naturæ vim, & efficaciam sit impediturus: sed rem hanc enucleatius ex S. Thoma exponamus, is enim 1. par. quæst. 19. art. 7. ad 2. docet, voluntatem Dei, cum sit causa vniuersalis, non

Prophetia
comminatio
nis aliquam
mutationem
includit, &
qua ratione.

1. Reg. 9.

Prophetia
absoluta
vocat præ
scientiam
dicitur
infalli
bilis.

Cassiod.

Matth. 3.

Num. 23.

S. Thom.

Isaia 38.

Gaspar San
ctius.

S. Thom.

Causa vni-
uersalis non
excludit in
agendo cau-
sas secundas.

non excludere causas medias, quarum virtute aliqui effectus producuntur, sed quoniam causæ mediæ non adæquant virtutem causæ primæ, multa sunt in voluntate diuina, quæ non continentur sub ordine causarum inferiorum; vnde fit, quòd aliquid fit aliquando futurum secundum inferiores, quòd secundum superiorem futurum non est: Pronunciât namque Deus aliquando aliquid futurum, secundum quòd continetur in ordine causarum inferiorum; nimirum secundum dispositionem naturæ, vel meritum earum, quod tamen non fit, quia aliter est in causâ diuinâ superiori, inde sequitur, vt quis respiciens ad causas inferiores, dicere poterat Ezechias moriturus est, at verò respiciens ad causam superiorem, Ezechias tunc moriturus non erat. Sed audiamus Melchiorẽ Canonem de locis Theologicis lib. 2. cap. 4. rem hanc exponentem. Non fallebatur (inquit) Propheta, qui existimabat, bona fide suo ministerio functi, comminationes mutatis moribus posse commutari, & idcirco volebat Ionas Ninive submersionem pronuntiare, quòd diuinam putabat misericordiam. Ninivitis poenitentibus esse standam, quocirca in simplicibus eiusdem denunciationibus natura rerum, vsusq. communis nos docuit, vt conditionem tacitam subaudiamus. Ceterum S. Gregorius lib. 20. Moral. cap. 23. scripsit, quòd Deus immutat sententiam, non tamen mutat consilium, per sententiam autem intellige ordinationem superioris causæ ad inferiores, prout includunt rei naturam, vel meritum, vel operum exigentiam, per consilium verò intellige superiorem causam, nimirum præscientiam, & diuinam voluntatem, qua de re etiam egimus Lib. 2. Reuelation. Cap. 18. Not. 1. Sed Alexander Alensis part. 1. sup. Sum. quæst. 14. de Voluntate Dei art. 7. affirmat,

Deum mutare sententiam, non consilium, quia sententia executionem rerum temporalem designat, Consilium verò Dei dispositionem, idè dicit ratione temporalis executionis sententiam mutabilem esse, sed consilium immutabile ratione diuinæ dispositionis, & voluntatis, quæ omninò immutabilis est. Porro hic animaduertendum est, cum in Deo consilium esse asserimus, non illud accipi, prout importat rerum agendarum inquisitionem, & dubitationem, quia sic ignorantiam, ac imperfectionem notat, quæ in Deo nequaquam reperiri possunt, dicit enim Sanctus Damascenus lib. 2. de Fide Orthodoxa cap. 22. quòd Deus non consiliatur, & quod ignorantis est consiliari, idè in Deo consilium ponitur, vt dicit firmam rerum agendarum rationem, ac certitudinem sententiæ, ac iudicii, atque plenitudinem, & abundantiam cognitionis earum.

Ex his, quæ hactenus scripsimus, apertè constat, prophetiam, quæ est secundum præscientiam Dei, semper impleri, & infallibilem fore effectum ob immutabilitatem, quæ Dei propria est, quod aliter in prophetia comminationis contingit, quod supra indicauimus, quoniam cum illa includat ordinem ad secundas causas, inde fit, vt pro humanarum actionum mutabilitate mutetur, cumque ordo causæ ad effectum quandoque quibusdam superuenientibus accidentibus præpediatur, sequitur etiam, vt aliquando effectus non sequatur, & comminationis prophetia aliquando non adimpleatur, quod ex aliquibus sacrarum Litterarum testimonijs probandum est: occurrit primò Ieremias, qui rem hanc confirmat cap. 18. suarum Reuelat. scribit enim ibi, Repente loquor aduersus Gentem, & aduersus Regnum, vt eradiciem, & destruiam, & disperdam, & sequi.

Qua ratione
Deus dicitur
mutare
sententiam,
& non con-
siliu.

S. Damasc.

Melchior
Canon.

Prophetia
præscientiæ
semper im-
pleri, non
vero commi-
nationis.

S. Greg.

Consilium, in
quo sentia ef-
fe dicitur in
Deo.

Alexander
Alensis.

Ierem. 8.

sequitur, quòd si pœnitentiam egerit
gens illa à malo suo, quod locutus sum
aduersus eam, agam & ego pœnitentiã
super malo, quod cogitavi, vt facerẽ ei:
horũ verborũ sensus est, quasime pœni-
tentẽ ostendã super malo, &c. Nõ enim
in Deo aliqua animæ afflictio, aut con-
siliij mutatio inuenitur, sed mutatio sē-
tentia in effectu, & Genes. 20. Dominus
ad Abimelech dicit, Morte morieris
propter mulierem, quam tulisti, sed ille
pœnitentia ductus, cum mulierem re-
stituisset, mortẽ euasit, & lonẽ 3. scribi-
tur, Adhuc quadraginta dies, & Niniue
subuertetur, cum autem Niniuitæ pœ-
nitentiam egissent, minimẽ perierunt:
Legendus est hac de re Greg. Magnus
lib. 16. Moral. cap. 17. & 18. & Conci-
lium Toletanum Octauum Can. 2.

Postremò in definitione prophetia
ponitur, quòd sit rerum procul à nobis
distantium euentus, quæ verba si ad ea
referantur, quæ Prophetis diuinitus re-
uelantur, certè procul sunt, & longè di-
stant, nam & facultatem, & captum na-
turalem excedunt, & à naturali cogni-
tione remota existunt, qualia sunt ab-
scòdita Dei arcana, fidei nostræ myste-
ria, & aliæ similes res diuinæ. Si verò
referantur ad tẽpus, in quibus prophē-
tiæ implentur, etiã procul esse dicuntur:
licet enim prophetia tria tempora cõpre-
hēdat, præsens, præteritum, & futu-
rum, teste S. Greg. hom. 1. in Ezechielẽ,
magis tamẽ ad futurũ spectare digno-
scitur. Vox namq; prophetia frequen-
tior, ac visitatio hæc est, vt illi propriẽ
vocẽtur Prophete, qui futura cõgingen-
tia prædicunt, hinc Isai. 4. legitur, An-
nunciate, quæ ventura sunt, & dicemus
Dij estis, & hoc idẽ est, quia soli Deo
futurorũ contingentium cognitio re-
seruatur: cõprehendit tamẽ prophetia,
vt diximus, tria illa tempora, quod sic
probari potest. Quoniam sicut corpo-
ralis Visio, quæ à lumine ortum habet,
ad omnes colores, qui luminĩ subsũt se

extēdit. Et intellectus naturalis cogni-
tio, quæ sit per lumen intellectus agẽtis
omnia cõplectitur, quæ eiusdem intel-
lectus agentis luminĩ subiiciuntur, ita
& prophetia ad omnia, quæ à diuino
emanant lumine, se extendit, quẽ ministe-
rio illius diuini luminis cognosci pos-
sunt, illa autẽ sunt & præterita, & præ-
sentia, & futura, sub quibus cõprehen-
dũtur omnia cognoscibilia tam diuina,
quàm humana, tam spiritualia, quàm
corporalia, quorum meminit in specie
S. Thom. 2. 2. q. 172. art. 6. Sed hĩc non
omittendum, quòd scitẽ admonuit Ru-
pertus in Prologo ad Oseam Prophetã,
ad intelligendos Prophetas valdẽ con-
ferre, si sciat interpres, cũ Prophetæ ad
aliquid pronuntiandũ mittebãtur v. g.
Christi D. Seruatoris nostri Incarnatio-
nẽ de longinquo, quòd simul etiã daba-
tur eis, vt prædicerẽt aliquid de propin-
quo futurũ, de cuius euẽtu postea popu-
lus certior redditus id, quod simul de
longinquo prædixerunt, certò sibi fu-
turum perluaderet.

Ad hanc etiã certitudinẽ suadendã,
vt his, quæ Prophetæ prædicebãt, fidem
præstaret populi, cõsueuerunt in initio
Reuelat. suarũ tẽpora, & Principes, sub
quibus prophetabãt, ac eorum Genea-
logiam, Parentes, & Patriam diligenter
notare, quod benẽ animaduertit Laet.
Firmian. lib. 4. cap. 5. diuin. Instit. dum
inquit, qui veritatem studet cõprehen-
dere, nõ modò intelligẽdis Prophetarũ
vocibus animum debet intendere, sed
etiã tẽpora, per quæ quisq; illorũ fuerit,
diligẽtissimẽ inquirere, vt sciat, & quæ
futura prædixerint, & post quot annos
prædicta cõplerã sint, nec difficultas in
his colligẽdis inest vlla, testati enim sũt
sub quo quisq; Rege diuini spiritus pas-
sus fuerit instinctũ: latè hac de eadẽ re
egit S. Chrys. ho. 2. ad ea verba Isai. 4. Fa-
ctũ est autẽ anno, quo mortuus est Rex
Ozias, Testamẽta (inquit) tabulæ de Nu-
ptijs, de debitis, deq; reliquis cõtracti-
bus

Prophetarũ
mos est in ini-
tio memini-
se Principũ,
& temporum
sub quibus
prophetarũt

Laetantius
Firmianus.

S. Chrysost.

bus, nisi in frontispicio Consulū annos habeant præsriptos, nullam ex se vim habent, hoc est enim, quod illis robur addit, hoc est, quod controuersias dirimit, hoc est, quod à lite liberat, hoc, quod ex inimicis facit amicos, proinde qui talia describunt, non aliter quàm lucerna in candelabro poni solet, sic in frontispicio litterarum addunt Consulū nomina, ut omnibus, quæ subijciuntur præluceant, quæ si sustuleris, lumen sustuleris, omniaq. tenebris, multaq. turbatione cōpleueris, propterea omne dati, acceptiq. negotium, siuè cum amicis, siuè cum inimicis, siuè cum famulis, siuè cum Procuratoribus, & Oeconomicis agatur, hac eget cautione, ut ubiq. mentes, annos, dies subscribamus, quod si tantum valet ea res in negotijs temporalibus, in spiritualibus multò amplius profuerit, siquidem hoc declarat prophetias esse prophetias, neque enim aliud est prophetia, quàm rerum futurarum enarratio, proinde qui nescit tempora eorum, quæ dicta sunt, quæuè euenerunt, quis poterit homini contentioso demonstrare prophetiæ certitudinem: idem habet homil. 3. de Ozia, Omnibus (inquit) Prophetis mox est Regum tempora exprimere, fauet S. Hieronymus Isaiæ 1. in Titulis, ait, Prophetarum commemorantur personæ v. g. Isaias, Ieremias, hac de causa, ut vel vitia Hebræorum refeceret, aut ut aliquid prænunciet, aut populum consoletur, tempora Prophetæ, sub quibus prophetiam ediderit exprimit. Rursus sciendū est, apud Prophetas esse in more positum, ut vel certa accipiant, aut etiam dent signa rerum, quæ prædicentur, aut prædicunt, suppetunt in utroq. Testamēto huius rei exempla nō pauca.

Expedit modò, ut aliqua hic breuiter de gradibus prophetiæ dicamus, & de Prophetarum dignitate tractemus, & postmodum gradum faciamus ad probandum prophetiæ donum Beatæ

Brigittæ fuisse collatum.

Superioribus Capitibus sæpè tradidimus, ad prophetiam pertinere supernaturalem futurorum cognitionem, & quod prophetica Visio ad tria Capita reuocatur, alia namq. est intellectualis, alia imaginaria, postrema corporalis, certum sanè est, eam prophetiā, quæ diuinò lumini innitur, & qua reuelatur, & cognoscitur supernaturalis aliqua veritas, visione intellectuali, nobiliorè, & digniorem esse eā, qua cognoscitur, visione imaginaria, & corporea, quod auctoritate S. Hieron. probatur, citata à Glossa in principio Psalterij, ubi scribitur, quod ille modus prophetiæ cæteris dignior est, quando ex sola Spiritus sancti inspiratione absque vlllo facti, vel dicti adminiculo prophetatur, quod etiam constare potest ex similitudine ducta à Magistro docente in ordine ad Discipulum discitem, nam quemadmodum dicimus perspicaciorē, ac subtiliorem habere intellectu illum Discipulum, qui veritatem intelligibile à Magistro nudè capit, quàm ille, qui sensibilibus indiget exemplis, quibus ad eum intelligendum manu- duci opus est: Sic ea eminentior, ac celebrior prophetia est, per quàm supernaturalis veritas cōspicitur intellectu- li visione, quàm illa, quæ visione imaginaria, ac corporea. Rursus ut benè probat S. Thom. 2. 2. quæst. 174. ar. 2. tantò illa prophetia dignior est, quantò veritatis manifestatio illa potior est, quæ secundum nudam contemplationem habetur, quàm ea, quæ sub similitudinibus rerum corporalium, & per imaginariam visionem traditur. Quoniā illa magis appropinquit ad visionē patriæ, qua essentia Dei cōspicitur: sed non me latet Cornelium à Lapide in c. 9. Amos Prophetæ vers. 1. tradidisse, Prophetarum visiones communiter fuisse imaginarias, quales fuisse Isaiæ, & Ezechielis, & ab Isaiā Deum fuisse visum

De proph-
etie gradibus
agitur, & quis
prædictior sit
docetur.

S. Hieron.

Cornelius à
Lapide.

visum mentis oculis in throno excelso
sedentem, & ab Ezechiele curru Chie-
rubico insidentem, quò circa opinio-
nem reijcit Albert. Arias, & Euseb. 1. de
demonst. cap. 18. qui existimant, Oseam
Prophetam oculis corporeis vi-
disse Angelum templi Hierosolymita-
ni cardines concurrentem, & Altare
euertentem ob illius populi scelera, &
porrissimùm auaritiæ crimen, sed hac
de re vide, quæ diximus Cap. 3. ubi de
Visione intellectuali, imaginaria, &
corporali copiosè actum est.

De dignitate etiam Prophetarum
hic quædam notanda esse existimaui-
mus, vt inde colligi queat, quânto in
honore Prophetæ habiti fuerint, & præ-
sertim si meminerimus, apud Iudæos
fuisse in morè positum, vt nomine Pro-
phetæ in communi, ac singulari ser-
mone intelligerent hominem non so-
lùm, qui spiritu propheticæ fuisset in-
signitus, sed etiam singulari quadam
virtutis laude præditus, ac Dei familia-
ritate conspicuus. Hinc Lucæ 7. scri-
bitur turbas vocasse Christum Prophe-
tam magnum, dicentes, Quia Prophe-
ta magnus surrexit in nobis. Sensus est,
Christum Dominum à turbis habi-
tum fuisse pro Viro sanctissimo. Pro-
phetæ etiam vocabantur ab illis Viri
sancti, quandoquidem illi regularitèr
sanctitate clarebant, & pro Sanctis ha-
beantur, & Doctores populi dice-
bantur, quia eorum partes erant po-
pulos docere, & instruere, & licet ali-
qui existerint, qui non fuerunt San-
cti, immò impij, vt Caiphas, & Balaã,
qui, etsi Magus fuit, tamen ex speciali
dispensatione Propheta fuit, vnde par-
tim laudandum esse, partim vituperan-
dum tradidit S. August. Serm. 103. de
tempore.

Sed quoniam diuino erant officio
mancipati, sic vocabantur, quod nota-
uit etiam Ioan. Lorinus in Comment.
Act. Apost. c. 3. vers. 21. & Ioan. Mald.

in locum citatum Lucæ, atque hinc
etiam factum est, vt cū Pharisei Ioa. 9.
Cæcum interrogassèt, quid de Christo
sentiret, eum respondisse, quia Prophe-
ta est, indicans sic ab eo pro Viro san-
ctissimo haberi. Huc spectat Christi
Domini testimonium de Ioanne pro-
latum Matth. 11. & Lucæ 7. cū dixit,
Quid existis videre Prophetam, vtiq;
dico vobis plusquam Prophetam, vnde
cū subiungit plusquam Prophetam,
planè insinuare voluit, non solum mu-
nere, sed etiam sanctitatis laude Ioannè
cæteros excelluisse Prophetas, vt meri-
tò de illo dictum sit, Inter natos mulie-
rũ non surrexit maior Ioanne Baptista.

Sanè non mirum si Prophetæ tantò
fuerint in honore habiti, etiam ab ip-
sismet Angelis, quod inde probatur,
nam cum Ioannes ad Angeli, qui secū
loquebatur, pedes prouolueretur, vt il-
lum adoraret Apocalyp. 19. non est
passus sibi à Ioanne talem honorem
exhiberi, dicens, Vide nè feceris, con-
seruus tuus sum, & fratrum tuorum
Prophetarum, & eorum, qui seruant
verba libri huius, Deum adora: & si
quispiam causam quærat, quare nolue-
rit Angelus, vt illum Ioannes adora-
ret, eam esse arbitramur, quòd in Ioan-
ne fuerit Angelus reueritus spiritum
prophetiæ, cūq; vt Prophetam vo-
luerit honorare, proinde conseruum,
& Prophetarum fratrem se esse signa-
ter Angelus dixit, & cap. 22. Apocalyp.

in quo eadem planè verba repetuntur;
additur, Testimonium enim IESV est
spiritus prophetiæ, quibus verbis pa-
lam fit, quare Angelus Ioanni prohi-
buerit, nè eum adoraret, nimirum ob
sublime, quòd gerebat officium Pro-
phetæ, nam per eos, qui testimonium
IESV habent, intellexit spiritum ha-
bentes prophetiæ. Meritò sancti Pa-
tres hoc celebre prophetiæ donū Beatæ
Virginis fuisse concessum affirmarunt,
vt & illa Prophetissam appellauerint.

L 2 Atque

Albert.
Arias.
Euseb.

Propheta-
rũ dignitas
quanta.

Apocalyp. 19

Lucæ 7.

Quare fuerit
prohibitus
Ioannes An-
gelũ adora-
re.

Apocal. 22.

Prophetie
donũ B. Virg
concessum.

S. Ambros. Atque hinc S. Ambros. exponens illa
verba, Magnificat anima mea Domi-
num, loquens de Virgine, Quo maior,
ait, est persona, plenior est prophetia,
& S. Basil. ad ea verba Isaia 8. Accessi
ad Prophetissam, & in utero concepit,
quod (inquit) Maria Prophetissa fuerit,
ad quam proximè per spiritum præno-
tionis accesserit Isaia, nemo contradi-
xerit, qui sit memor verborum Mariæ,
quæ prophetico afflata spiritu elocuta
est, Magnificat anima mea Dominum,
fauent Epiphani. Hæres. 68. Greg. Naz.
Orat. 42. Eusebius Cæsariensis lib. 7. de
demonstr. Evangelica cap. 6. Galatinus
lib. 7. de Arcanis cap. 4. & 5. Rupertus
lib. 1. in Cant. qui Mariam vocat Pro-
phetarum Prophetissam, utpotè quæ
Prophetas docuit.

Ex his, quæ de Prophetarum dignitate diximus deducendum, quàm acriter reprehensione, & celsura dignus sit Môrtanus Hæresiarcha, qui ausus est Prophetas insanos vocare, & veluti Ænurgumenos à Dæmone arreptos eos fuisse locutos affirmare nescientes, quid dicerent, ut refert Epiphanius. Hæresi 48. cuius Hæretici insaniam, & impium dogma, quoniam S. Hieronymus, Basil. & Chrysostomus alij, plures confutarunt, sat erit, horum Patrum dicta in præsentia recensere, ut inde palam fiat, quanta fuerit illius impudentia. S. Basiliius Præfat. in Isaiam, Sunt, ait, qui dicunt, eos Prophetas extrâ se raptos prophetare, humana mente à spiritu absorptâ; verum id abhorret à professione diuinæ præsentia, ut amentem reddat, qui à numine corripitur, & mox subdit, consonum non est, ut qui sapientiæ spiritu plenus est, simillimus insano reddatur? Quin potius neque lumen cæcitate parit, verum videnti vim à natura insitam expergefacerit, & rursus respondens obiectioni. Porro si quoniam Isaac in ingressu filij sui extrâ se raptus fuit, & quoniam David

dixit In excessu suo (omnis homo mendax) ob id fingunt Sāctos extrā se rapi, intelligent admirationem, & stuporē appellatum esse raptum : & S. Hieron. *S. Hieronymus* Prefat. in Isaiam, Neque verō ait, vt Montanus cum infanis scēminis (Prisca, & Maximilla Prophetissae eius) somnia Prophetæ in excessu suis locuti, vt nescirent, quid loquerentur, & cum alios erudirēt, ipsi ignorarent, quid dicerent, de quibus Apostolus dicit, Nescientes quid loquantur, sed iuxta Salomonem, Sapiens intelligit, quæ profert de ore suo, & in labijs suis portabit scientiam, etiam ipsi sciebant, quid dicerent. Si enim sapientes erant Prophetæ, quod negare non possumus, quomodo instar brutorum animalium quid dicerent ignorabant. Et Sanctus Chrysost. homil. 29. in 1. ad Corinth. *s. Chrysost.* Hoc Vatis, ait, proprium est mente commoueri, & necessariō compelli, & trahi tamquam furij percitum. Prophetæ autem non eiusmodi est, sed sobria mente, & modesta, & firma, quæ loquitur omnia nouit, vt decet.

Satis apertè ex citatis Patribus, quę
inter veros, & falsos Prophetas discrimina
sunt, colligi possunt, de quibus
licet luculentè Cap. 1. huius Tract.
scripserimus, in quo de signis discer-
nētibus diuinas Visiones, ac Reuelationes
ab Illusionibus tractatū est, quādā
tamē in specie de veris, falsisq; Prophe-
tis hic adiungenda esse duximus. Inter
cetera verò signa, quę veros à falsis di-
stingunt primarium lumen diuinum
est, quo mens Prophetę illustrata per-
cipit, quę ei Deus manifestare inten-
dit, vt subindē alijs, quibus Deus dis-
ponit illa propalet, vt meritō Origen.
scripturam, & verbum Dei, quod Pro-
phetę proferunt soli comparauerit,
quo mundum vniuersum illustrat,
atque hoc illud est, quod S. Chrysost.
vbi suprà docuit, Prophetas quę locuti
sunt nouisse,

Signa, quę
discernit
ros Prophe-
tas à falsis.

Origen.

S. Chrysost.

Signa, quæ
discernūt ve-
ros Prophe-
tas à falsis.

Origin.

S. Chryse.

Præ-

Præter mentis illustrationem, Vitæ sanctitas, & puritas exigitur in perfecto Propheta, quæ cum quadâ animæ tranquillitate coniuncta est, & hæc dispositio optima dicitur, qua Propheta diuinas reuelationes excipit. Prophetarunt (inquit) Basilius in Procem. ad Isaiam, purè, ac perlucidè animæ, veluti specula facta diuinæ operationis. Cæterum probitatis vitæ Prophetarum testimonium zelus est maximus, quo Dei honorem, & animarum salutem quesierunt, & quidquid his opponebatur fortiter, constanterq. repulerunt, & vitam ipsam, quando opus fuit dederunt, hoc zelo efferbuit Elias, cum propter Dei honorem Prophetas Balaal ad publicum certamen vocauit, & sacrificium, quod ipsi non potuerunt, igne de cælo cadente succedit, ac eos, veluti Domini inimicos interfecit, & dixit, Zelo zelatus sum pro Domino 3. Reg. 19. Quot tribulationes, quot afflictiones perpassi sunt Prophetæ Domini, quorum persequutionem, & vitæ suæ probitatem, & perfectam in Deum charitatem ostenderunt, testis sit Paulus Hebræor. 11. Alij (inquit) distentati sunt, vt Machabei non suscipientes redemptionem, intellige à tantis malis, alij verò vt Ieremias ludibria, & verbera experti, insuper, & vincula, & carceres, vt Michæas, lapidati sunt, vt Zacharias, secti sunt, vt Isaias, tentati sunt, vt Ioseph voluptatum suasionibus, in occisione gladij mortui sunt, vt octoginta quinque Sacerdotes, quos impius Saul trucidauit.

Hæc igitur egregia facta, hæc præclaræ res gestæ sunt non stultorum, sed piorum, & prudentium Prophetarum: abeat ergo cum suis insanis Pseudopphetis impius ille Hæresiaracha Môtanus, quoniam Sancti sunt, & morum integritate conspicui perfecti Prophetæ gestus, eorum mores, & actus, ac humilitas signa sunt euidentia, quibus quispiam facile possit agnoscere, quod à Deo ad hoc

munus assumpti sunt, vt homines à terrenis affectionibus, curisvè auerterent, & ad cælum iter caperent, ac in eis cælestium desiderium imprimerent. At falsi Prophetæ Idolatæ, impij, superbi, Falsi Prophe-
tæ qualis.
vani, luxuria, alijsq. vitijs inquinati, pro viribus student homines suis præstigijs, ac fascinationibus deludere, eosq. ad Dæmonis obsequium, & seruitutem adducere: Hi premijs allecti prurientes auribus, loqui placentia consueuerunt, quam ob causam eos Michæas cap. 3. *Michæas 3.* suarum Reuelat. acriter reprehendit his verbis, Principes eius in muneribus iudicabāt, & Sacerdotes eius in muneribus docebant, & Prophetæ eius in pecunia diuinabant. Quæ autem Prophetæ Domini locuti sunt, & quæ illi Deo reuelate prædixerunt, & sacris Litteris, & Catholicæ fidei conformia sunt, quæ verò falsi Prophetæ falsa, & Religioni nostræ contraria existunt. Aliud etiam veræ prophetiæ signum rei euentus est, nam re ipsa succedunt, quæ à vera prophetia ortum ducunt, sed non quæ à falsa. Postremo vera prophetia mirum in modum confert ad Christianæ disciplinæ profectum, vtilis est ad peccata vitanda, ad rectè, probèq. viuendum, ad amorem erga Deum, & proximum excitandum, prodest pietati, & moribus, & è contrà falsa, curiosa est, perniciofa, vana, & multa secum pericula trahit, & cum Dæmonibus plerumq. pacta includit. Et quamuis impijs aliquando hoc prophetiæ donum datum sit, id tamen admodum rarè, & nonnisi Altissimo Dei consilio factum esse censendum est, vt de Caipha legitur Ioan. vnde. *Ioan. 11.* cimo, & Balaam Numer. 22. & Saule *Num. 22.* 1. Reg. 11. & quidem quòd Caiphas prophetauerit, & Christi Domini mortem prædixerit, id non à semetipso dixisse testatur Euangelista Ioannes, sed cum esset Pontifex anni illius prophetauit, quòd IESVS moriturus erat

pro gente, & non tantum pro gente, sed ut filios Dei, qui erant dispersi, congregaret in vnum, ex quibus colligendum est, eum prophetasse non proprio, & humano spiritu, sed diuino, non quidem, quod dignus esset, ut per eum Spiritus sanctus loqueretur, sed quod Pontifex tunc temporis erat, itaque hoc tribuendum non menti illius, sed Sacerdotali officio, ut ad cap. Ioannis supra citatum notatur Chrysostom.

*s. Chrysost.
Cyrill. Alex.
Euthymius.
Theophyl.
Beda.
Euthymius.
s. August.*

Verum si de diuinis consilijs liceret coniecturam facere, dici etiam satis congruenter posse existimaremus, voluisse Deum per Caipham Christi innocentiam testatam esse, & ab eo suae iniustae condemnationis testimonium accipere, sicut ab Vxore Pilati, de qua Matt. cap. 27. suae historiae Euangelice scriptum reliquit. Nihil tibi, & iusto illi, multa enim passa sunt hodie propter eum. ob cuius testimonium a muliere illa de Christi innocentia factum, & propter illud somnium eam saluam esse probabiliter Orig. Chrysost. & Theophyl. arbitrati sunt.

Matth. 27.

Quoniam autem, ut ex his, quae supra tradidimus, constat, prophetiae donum fuisse his regulariter datum, qui vitam, & morum integritate excelluerunt, & diuinum lumen habuerunt, proinde dicendum est illud quoque B. Brigittae, quae sanctitate floruit fuisse concessum, quae Spiritus sancti illustrata lumine multa vera praedixit, quae ut praedixerat postea euenerunt, huius rei testem primum afferro Bonifatium IX. Rom. Pontificem, qui in Bulla Canonizationis eiusdem sub Datum Romae Nonas Octobris Pontificatus Anno II. his verbis fidem facit. Haec generosa Vidua per gratiam sancti Spiritus promeruit

*Prophetia
donu B. Bri-
gittae fuisse
eiusdem pro-
batur.*

multis cogitationes, & affectiones internas, & gesta secretissima propalare, Visiones, ac Reuelationes varias videre, & audire, ac spiritu prophetico multa praedicere, quorum nonnulla effectum iam completa fuerunt, prout haec, & alia in eius Reuelationum Volumine describuntur, probatur hoc idem auctoritate Martini V. Papae, qui sua speciali Bulla Confirmationis Canonizationis S. Brigittae sub Datum Florentiae Kalen. Iulij, omnia contenta in Bulla Bonifatij IX. confirmat, & approbat, fauet Doctissimus Cardinalis Turrecremata in defensorio ad has Reuelationes Cap. 4. Sancta (inquit) Brigitta diuinas, & caelestes legitur habuisse reuelationes, sicut multi alij Sancti habuisse leguntur, & de triplici Visionum genere scribit corporali, spiritali, seu imaginaria, ac intellectuali, probat & hoc Michael Medina lib. 2. de recta in Deum fide, Quae (inquit) falsa sunt Astrologiae sunt, quae vera S. Brigittae sunt, quam prophetico claruisse spiritu Ecclesiasticae Reipublicae euentus, quos praedixit aperte ostendunt. Confirmat etiam Nicolaus Sanderus lib. 6. Visibilis Monarchiae num. 1046. qui post relatam S. Brigittae Reuelationem de Regno Cypri Lib. 7. cap. 19. Quam, ait, Reuelationem exitisse diuinam, ex eo scimus, quia ita res tunc futuras praedixit, ut eas euenisse nunc videmus, nam S. Brigitta multis annis prius mortua est, quam tota Graecorum Respublica penitus deleteretur, futura vero praedici non possunt praeterquam Dei spiritu, meminit huius praedictionis a B. Brigitta factae de Graecorum Reipublicae euerfione, ac Regni Cypri deuastatione, probatissimus Auditor, ac numquam satis laudatus Illustrissimus Cardinalis Bellarminus de Romano Pontifice lib. 2. cap. 31. prope finem controversia 3. Tandem (inquit) iudicate Deo de caelo, traditi sunt Graeci

Card. Turro.

Medina.

Sanderus.

Card. Bell.

Græci cum suo vniuersali Patriarcha in manus Turcarum, quod eis euenturum prædixerat S. Brigitta Lib. 7. Reuelat. Cap. 9. Necnon Nicolaus Papa Quintus, vt refert Gennadius Scholarius Libro pro Concilio Florentino cap. 5. §. 14. Ioannes quoque VValstinius Gothus Prothonotarius Apostolicus Canonicus Varmienfis, & Bibliothecarius Serenissimi Sigismundi Tertij Poloniæ Regis, in libro, cuius titulus est Vitis Aquilonia, seu Vitæ Sanctorum, qui Regna Gothorum, Suecorumq. rebus gestis illustrarunt, B. Brigittam dono prophetiæ claruisse scripsit multis in locis, & signatè in Præfat. ad Regem. Qui (inquit) an non omnes has Regno Sueciæ impendentes calamitates longè antè diuinitus edocta prædixit B. Brigitta, & alibi: Quibus (inquit) Suecis, quæ prædixit, vti nam maximo suo malo non experirentur, certè quam Græcis in Cypro constituta prædixit Imperij illorum ruinam, seruitutemq. ac Cruciferis in Prussia cladem, & exterminium, postea ita vt erant prædicta corrigisse Orbis agnouit vniuersus; vidè quæ de his prædictionibus in Libris Reuelat. Sanctæ Brigittæ in Extrauagan. cap. 73. 74. 77. 80. & Lib. 4. Reuelat. cap. 71. & Lib. 5. cap. 12. scripta sunt, fauet & Genebrardus in Chron. lib. 3. Fuit (inquit) Brigitta Vidua, cuius extant Vaticinia, & preces, Ducissa Nericæ in Regno Suecorum, quæ & crexit in Patria Monasterium Vualsten. cuius prima Abbatisa fuit Catherina eius filia, floruit in Suecia, & Romæ temporibus Magni Sinech Sueciæ Regis: Obijt circà Annum 1373. hætenus Genebrardus. Liber hic ad confirmandam S. Brigittæ Reuelationū ac prædictionum veritatem referre, quæ scribit Surius in Vita eiusdem 23. Iulij, Cum (inquit) quidam Prior Religionis Nazgræ adduceretur, vt B. Brigittæ Re-

uelationibus fidem præstaret, is cum aliquando dormiret, vidit ignem à calo in eam descendere, stupefactus ea visione sibi illud putabat, itaq. expurgiscens rursus obdormiuit, viditq. ignem illum ex ore B. Brigittæ proceduntem, multosq. circa illam stantes inflammare, simulq. audiuit vocem dicentem, quis prohibere potest ignem hunc vt non egrediat, ego enim Deus omnipotens mittam hunc ignem ad Orientem, & Occidentem, & Aquilonem, & Austrum, & multos incendet. Deinceps Prior ille credidit Reuelationibus S. Brigittæ, easq. tuendas suscepit, Vidè de hoc Priore Lib. 6. Reuelat. cap. 30.

Refert idem Auctor vbi supra, quòd quidam Religiosus eiusdem Ordinis N. qui insignis Theologus habebatur, ac de Reuelationibus S. Brigittæ malè sentiebat, existimans fieri non posse, quòd Deus illam alloqueretur, eiq. sua secreta propalaret, dum de eisdem cum Brigitta tractaret, tantum ab eo tunc factorem exisse, vt vix subsisteret. Ex quibus animaduertere serìò debet verbi Dei Concionatores, nè quandoq. publicis Sermonibus huius sanctissimæ Mulieris sanctitati, & Reuelationibus detrahant, cum hæc & Rom. Pontificum, & grauissimorum etiam Doctorum calculo fuerint approbatæ, & consueuissè Deum regulariter non superbis, & scientia inflatis, sed simplicibus, & paruulis secreta sua reuelare. Sanè vellem memoriæ firmiter retinerent, quod Paulus Apostolus monuit 1. ad Thessalon. 5. Prophetias nolite spernere. Nonnè sacræ Litteræ testantur plures scæminas, & Vitæ sanctitate, & prophetiæ dono claruisse, & Sibyllas Doctores probatissimi asserunt fuisse Mulieres vates Deo plenas, sic Lactantius Firmianus Lib. 4. diuinarum Insit. cap. 14. & lib. 1. de falsa Religione cap. 6. quo loco de omnibus Si-

Sibylle mulieres vates Deo plene.
Lactantius Firmianus.

byllis verba facit, & Iustinus Martyr Serm. ad Gentes, eas ad libros Sibyllinos prouocat. Credite (inquit) Sibyllę antiquissimę, & loquitur de Erithręa, cuius libri per totum Orbem seruantur diuino afflatu præditi, docentq. nõ esse Deos, quos Vulgus existimat, & Aduentum Seruatoris Nostri IESV Christi prædicat apertissime, quocirca Origen. contra Celsum, Christianos, ait, Sibyllistas nominabant, & de Sibylla Erithręa, quam celebrationem esse feribunt, agit S. Isidor. lib. 8. Originum cap. 8. & S. August. Oratione contra Paganos cap. 15. & lib. 18. de Ciuitate Dei cap. 23. cuius versus ipse refert, ex quibus elicitur, Christi Natiuitatem, Passionem, & Resurrectionem, & secundum eius ad Iudicium aduentum Sibyllis innotuisse, quos versus etiam referunt Sixtus Senensis in Bibliotheca Sancta, & Philippus Faber lib. aduersus impios Ætheos disp. 4. cap. 1. num. 42.

Oculos etiam quicumq. vellet, ad maiorem huius sanctissimę Mulieris pietati, & scriptis fidem adhibendam, conicere posset, in ea, quę scribit Illustris. Card. de Trejo in Epistola ad Fr. Lucam VVaddingum scripta, & Opusculis Sancti Francisci per eundem Fratrem collectis præposita, his verbis: Quidam Cõcionator, dum in quadam Hispaniæ Ciuitate prædicaret, cum litteratos Sanctos commendaret, ausus est dicere, se illis deuotissimum, non verò Idiotis, qualis erat Franciscus, quod vt semel, atque iterum repetijt, populares Viri, & Mulieres astantes, dum Francisci deuotione tenebantur, susurro, & mormure tacite hoc sibi de Francisco dictum non placere indicarunt. Cœpit subito Prædicator ille, qui lingua expeditissimus erat balbutire, rubore suffundi, & conturbari, cœperunt & ea, quę ad Concionem præparauerat solertissimo studio è me-

moria decidere, creuit eius turbatione popularium tumultus, tandem Concionator obmutuit, & quę superbè forsitan didicerat, in medium proponere non potuit, quia, vt credibile est, humilitatē viri sapientis despexerat, & ita incõpleto sermone è suggestu verecundè descendit. Huius rei testes fuerunt Episcopus, & Capitulum, frequensq. Populus illius Ciuitatis, qui aderunt ad festum solemnissimum inuitati: Casum, vt noui, refero, non prædico miraculum, sed Franciscum agnosco sapientem, simul & Beatum, de quo Iure dici potest, Beatus quem tu erudieris Domine, & de lege tua docueris eum: In quò Beatus? propter donum scientiæ, quod de Spiritu sancto fuerat consecutus. Vnde non immerito meo iudicio anteponendus Franciscus alijs Doctoribus, quos ab eodem Magistro non fuisse edoctos planè constiterit. Cedent enim ei Doctores, quiq. necesse est, quem testimoniorum meditatione cælestium doctrina Dei docentis imbuerit, & quantò minùs humani studij, & humanę literaturę concedatur Francisco, tantò ampliùs eius eminet laus doctrinæ: quia si non acquisita, ergò data dono Dei, si non acquisita, ergò reuelata, si reuelata, ergò vera, excellens, secuta doctrina nempe Spiritus sancti, & doctrina Christi. Hactenus Card. de Trejo, cui consona sunt, quę scripsit Gregorius IX. Pont. Max. de sanctitate, & scientia Sancti Francisci, quem scienter nescium, & sapienter indoctum appellauit. Referam Pontificis verba in Canonizatione eiusdem prolata, deprompta à Gerardo Vossio ex Registro anni Secundi Pontificatus eius in Bibliotheca Vaticana: Holste (inquit) triplici in terra positus superato Regno Cælorum vim intulit, & illud rapuit violenter, & post huius vitę quamplurima gloriosa certamina-

mun.

Sixtus Sen.

Philip. Faber

Exemplum
Cardin. de
Trejo.

Gregor. IX.

mundum triumphans feliciter migravit ad Dominum, multos præueniens scientia præditos, scienter nescius, & sapienter indoctus; Atque hinc Dominicus Bannes in Comment. ad 2. 2. S. Thom. quæst. 10. art. 7. monuit, aliquando Spiritum sanctum consueuisse instruere homines simplices, ut vtilius loquantur contra Hæreticos de rebus fidei, & efficacius conuincant eos, quàm Viros doctos. Exemplum affert desumptum ex lib. 10. Hist. Ecclesiastica cap. 3. quo loco refertur, simplicem quemdam Virum, sed sanctitate celebrem in Concilio Nicæno superasse acutissimum Hæreticum, quem doctissimi viri longa disputatione conuincere minimè poterant.

Sed nunc vnde paululum digressi sumus reuertamur, ut finem præsentis Capiti imponamus, & ad probandum B. Brigittæ donum prophetiæ fuisse collatum pergamus. Multa certè sunt, de quibus in his Reuelat. Libris tractantur, quæ humanæ mentis caput excedunt, præsertim vnius mulieris, quarum particeps fieri minimè poterat, nisi supernaturali lumine illustrata fuisset, & Spiritus sancti magisterio edocta, quorum aliqua, ut diximus, corporali, alia imaginaria, quædam verò intellectuali Visione, ostensa sunt illi sub varijs rerum similitudinibus, quæ ut vidit ipsa prædixit, & inde sumi satis efficax potest argumentum, huic sanctissimæ Viduæ prophetiæ spiritum fuisse datum, cum hæc ad prophetiam spectare nemo negare queat, eòq. magis quod ad eam naturalis dispositio nulla exigitur, ut probat S. Thom. 2. 2. quæst. 172. art. 3. quoniam ex sola Spiritus sancti voluntate hominibus infunditur, proinde Martyrologium Romanum 23. Iulij, quo die Brigitta ad Cælum euolauit, eam fuisse diuino spiritu assistatam testatur. Non tamen negandum est,

vitæ sanctitatè, ac morum integritatem desumptam in ordine ad animæ passiones, ac etiam ad externas actiones ad prophetiam pertinere, quatenus animi inordinatæ affectiones eam maximè impediunt; prophetia namq. ingentem quamdam exigit mentis eleuationem ad rerum spiritualium, contemplationem, quæ per vehemenciam passionum, & inordinatam rerum externarum occupationem mirum in modum impeditur, quod sanè impedimentum in Brigitta nostra non reperiatur, cum ab exterioribus huius sæculi negotijs, curisvè aliena fuerit, diuitias, quibus aliquando abundauerat, contempserit, & pauperibus distribuerit, honores paruipenderit, familiæ nobilitatem non curauerit, humilitatem toto spiritu amplexa fuerit, non mirum, si illam Deus tanto perire dilexerit, & suorum secretorum eam participem, & consciam fecerit, & tam sublimi prophetiæ dono ditauerit: magna quidem, & celebris hæc Mulier, & perenni digna encomio exitit, siuè eius præclara gesta intuearis siuè egregia dicta perpendas, siuè generis splendorem, & nobilitatem, siuè rerum, quas scripsit veritatem consideres. Verus sanè cultus, & tui adoratio ò Deus Omnipotens Brigittæ cor possedit, eamq. dignam censuisti cui tua arcana propalares, & per eamdem ad nos multarum rerum vtilium cognitionem transmitteres. Erat Brigitta in medijs opibus, diuitijs, ac honoribus spiritu pauper, & Eleemosynarum largitione conspicua, & inter temporalium rerum negotia sancto timore referta, & cum Viro castitate non vacua, verè os suum sapientiæ aperuit, & lex clementiæ in lingua eius Prouerb. 31. & propterea dilexerunt illam filia eius, & beatissimam prædicauerunt eam.

Beate Brigitta ad diuitias committatur.

Prouerb. 31.

Lumen supernaturale, & Propheticum B. Brigittæ fuisse diuinitus datum, probatur, & quid illud sit, accuratè ex SS. Patribus ostenditur.

CAPVT VIII.

SUPERIORI Capite de Visione prophetica, & gradibus prophetiæ actû est, & B. Brigittam prophetiæ dono clariuisse satis, superq; probauimus; plura quoque quæ ad Ecclesiæ Catholicæ utilitatē, sæcularium etiam Principum regimen, ac gubernationem, Sacerdotum quoque Officiū, aliorumq; Religiosorum instructionem pertinent, eam prædixisse superiori Capite scripsimus. Reliquum est modò ad eorum confirmationem, quæ ibi à Nobis tractata sunt, ostendamus, huic sanctissimæ Viduæ lumen supernaturale, quod de ratione prophetiæ est, fuisse collatū.

Præponendum primò est, lumen hoc, quod cælitus infundi cum veris Reuelationibus probare nunc contendimus, multipliciter à Theologis potissimū contemplatiuis appellari, quod hos Cælestium Reuelat. Libros legenti constabit, & animaduertimus etiam Nos Cap. 1. 2. & 3. huius Tractatus, quibus locis, cum de hoc lumine ageremus, illud hiscè nominibus vocauimus, nempe soporem, internum, internam inspirationem, suauitatem quamdam, ac dulcedinem diuinam, intimam mentis illustrationem, donum discretiōis spirituum, manna absconditum: quod an sit idem cum lumine fidei, an diuersum, & an ei superadditum, suo loco discutimus.

Rursus notandum est ex S. Bonau. in Opuscul. de Reductione artium ad Theologiam tom. 6. lumen quadruplex statui, primum vocatur exterius, scilicet lumen artis mæchanicæ, secundum lumen inferius, quod est lumen cognitionis sensitiuæ, tertium lumen interius, quod est cognitionis philosophicæ, postremum lumen superius, quod est lumen gratiæ: omnia autem hæc lumina asserit manare à dono illo perfecto, quod desursum descendit à Patre luminum Iacobi 1. Luminis verò desursum descenditis differētias esse sex scribit, lumen scilicet sacre Scripturæ, lumen cognitionis sensitiuæ, lumen artis mæchanicæ, lumen philosophiæ rationalis, lumen philosophiæ naturalis, & lumen philosophiæ moralis. Hæc autem omnia ista lumina, quoniam sicut pendunt à diuino illo lumine cælitus descendente, sic omnes istæ illuminationes inferiores ad cognitionem eorum omnium ordinantur, quæ in sacris Literis continentur, ex quo intet, quod multiformis sapiētia Dei, quæ lucidè traditur in sacra Scriptura, occultatur in omni cognitione, & in omni natura, & quidem omnes rerum cognitiones famulantur Theologiæ, & quod amplissima est via illuminationis, & quod in omni re, quæ sensum habet, & quæ cognoscitur interius, latet ipse Deus, à cuius lumine omnium mentium illustratio, & ad eum eleuatio ortum habet.

Insuper ad certam, & ampliorem huius luminis cognitionem ex eodem Bonau. in Breuiloquio part. 2. cap. 8. sciendum est, sapientiam ipsam Dei, quatenus est ratio cognoscendi omnia cognita vocari lumen, vt autem est ratio cognoscendi visa, & approbata, dici speculum, sed in quantum est ratio cognoscendi prauis, & disposita, dicitur exemplar, in quantum verò est ratio cognoscendi prædestinata, &

S. Bonau.

Lumen quadruplex.

Lumen 2.

Iacobi 1.

Luminis diuini differētias sex ex S. Bonau.

Luminis supernaturalis nomina varietas.

S. Bonau.

Sapientia diuina lumen vocatur, alioquando verò speculū, in verum exemplar, & liber vitæ.

reprobata dicitur liber vitæ. Nos hic de diuino illo lumine tractamus, quo homines dum sunt in via ad cælestia arcanæ contemplanda, & agnoscenda eleuantur, & lumen propheticum non aliud esse dicimus, quàm ipsam diuinam illustrationem, & reuelationem, siuè internam locutionem, qua mens Prophetæ illuminatur, eiq. futura diuinitus reuelatur, quæ à Deo est tamquam à principali causa, quatenus ab eo immittitur, ad quod etiam concurrat Prophetæ, prout eam recipit, vt autem à Deo manat, dicitur illustratio, sed vt à Prophetæ recipitur, vocatur Visio, Auditio, Cognitio, hanc S. Bonauent. de Itineribus, Itinere 2. distin. 3. vocat inspiratam Dei locutionem, vnde S. Gregor. lib. 2. Moral. cap. 4. Quasi (inquit) audientibus dicitur, quod videntibus inspiratur. Satis accommodatè hoc lumen comparari posse existimamus coruscationi, seu fulgori, qui mentem perstringit, & illuminat, de quo Regius Prophetæ Dauid Psalm. 76. Illuxerunt coruscationes tuæ Orbi terræ: hoc ergo lumine mens illustrata futura à Deo reuelata cognoscit, & prædicat: illuminationem autem spiritua-lem fieri admodum corporalis illuminationis tradit S. Dionys. Areopag. de cælest. Hierarch. cap. 13. & eodem lib. cap. 1. rem hanc enucleatius exprimens, probat oportere nos ad cælestium contemplationem per rerum similitudines, ac formas euehi, Quo circa (inquit) nostri quoque Sacerdotij Sacratissimam functionē diuina illa sanctio cælestium ordinū, excellenti mūdānis omnibus imitatione digna, memoratas illas spirituales distinctiones carnalibus figuris expressas, & formarū cōpositionibus varias tradidit, vt ipsi modulo nostro ex hisce fictionibus sacris ad simplices illas, nullisq. figuris vmbatas cælestium rerum

intelligentias, assimulationesq. subuehamur. Nā neque possibile est humanæ menti ad spiritalem illam cælestium distinctionē imitationē, intelligentiāq. conscendere, nisi ad hanc mortaliū rerum similitudinibus, formisq. ducatur. huius autem luminis necessitas ex eodem S. Dionysio probanda est, qui in Epist. ad Titum dicit, quod cum homo constet ex duabus naturis, anima scilicet rationali, quæ simplex est in essentia, & corpore composito, iuxta vtriusque naturæ proprietatem opus est, vt illuminetur diuinis cognitionibus, vt & mens eius puras, & simplices, & intimas signorum sensibiliū intelligentias segregatas ab ipsis signis cōspiciat, & sensualitas eiusdem per naturæ proprietatem coaptetur mentali cognitioni, & sic ad diuina extendatur.

Sanè cum veritates ad salutē necessariæ consequēdam quoquomodo sint absconditæ, & quasi quibusdam velis tectæ, & sub figuris, ac similitudinibus traditæ, vt intellectus noster adiutorio luminis naturalis ad eas apprehendendas plenè pertingere nequeat, indè cōsequens fit oportuisse Spiritum sanctū humano intellectui superaddere lumē aliquod supernaturale, quo dictarum veritarum velamina panderet, & veritates absconditas aperiret, sicq. nobis manifestæ, apertæq. fierent, quod Spiritus sanctus facit, dum nobis lumen illud tribuit; Vnde sequitur, quod vt dicit Richardus lib. 3. de Contemplat. cap. 6. cordis oculus mundatur, ingenium acuitur, intelligentia dilaturatur, & licet Philosophis datum sit de veritatibus quibusdam cognitionem habere, id propter nos illi fuisse concessum affirmavit Hugo lib. 3. in Angelicam Hierarchiam cap. 1. non longè à medio, Quoniā (inquit) nobis cōlummatio seruabatur, vnde inuenerunt veritatem illam, quam oportuit suscipere, filios vitæ ad obsequium summæ veritatis,

Lumen propheticum quid.

S. Gregor.

Psalm. 76.

S. Dionys. Areopag.

Quomodo. Deus nos illuminet.

Richardus.

Discrimen. inter doctrinam Christianorum. & Gentium.

Hugo.

tatis, illis labor appositus est, nobis autē fructus seruabitur, quia arcana sapientiæ non nouerunt, quia conditorium thesaurorū, scilicet Incarnatum Iesum non nouerant, sed naturali documento solo videntes, lippienti acie lumen nubilum, & ambiguum adduxerunt; propterea errauerunt, & euauerunt, cum pertransire vellent ea, quæ eis concessa sola fuerant nosse: ex his ergo palam fit, intellectum creatum viribus naturæ nequaquam posse eleuari ad ea intelligenda, quæ suprà caput nostrū sunt, & facultatem naturalem excedūt.

Nam cum hic sermo fiat de dono prophetiæ, quo Prophetarū mentes ad diuina arcana contemplananda, & cognoscenda eleuantur, certē id fieri nequit, nisi supernaturalis luminis ductu, quandoquidem per prophetiæ donum Spiritus sanctus tribuit Prophetis id, quod est suprà facultatem naturæ, vt docuit S. Thom. 2. 2. quæst. 171. art. 2. neque prophetia propriè inesse potest homini à natura, sed ex diuina Reuelatione, per quam ea manifestatur, quæ naturaliter excedūt humanam cognitionē vt superiori Cap. ex eodē S. Tho. probauimus, proinde sicut ad naturalem cognitionem lumen naturale exigitur, quod auctore S. Thom. 1. p. q. 67.

art. 1. & q. 106. art. 1. nō est aliud, quā veritatis manifestatio, ita planē ad cognitionem rerum supernaturalium requiritur supernaturale lumen intellectus, qui inter dona Spiritus sancti ponitur, & est acuta diuinorum perceptio, vt 2. 2. q. 49. art. 2. ad 2. docet idem S. Doctor, & hoc est, quod scribit Apostolus Ephes. 5. Omne, quod manifestatur, lumen est, & quemadmodum ad corporalem Visionem proportio quædā luminis necessaria est. (Tritū namq. est illud cōmuni Philosophorum sententia receptum axioma, quod excelsus sensibilis corrumpit sensum) ita oportet, vt rerum manifestatio aliqua-

lem proportionē habeat cum lumine, cuius adminiculo fit: cum autem plurima, quæ in his B. Brigittæ Reuelat. Libris tractantur, excedāt, vt diximus, facultates naturales, & vires humanas superent, consequens fit, vt ei fuerit lumen concessum, quod naturalis facultatis lumen antecellat, hoc autem non est lumen simpliciter naturæ, quod à solo Deo creaturis tribuitur, nec lumen gratiæ gratum facientis, quæ à Deo in iustificatione confertur, nec lumen gloriæ, per quod Beati ad diuinæ essentiæ Visionem eleuātur à Deo, sed est lumen quoddā, quo sublimiora quædam, & eminentiora arcana illis manifestat, quibus prophetiæ donum cōfert, quod lumen propheticum appellamus, & illud esse ipsā à Deo emanāte illustrationem, & reuelationem, qua mens Prophetæ illuminata ei diuinitus futura reuelatur, vt paulō suprà indicauimus, & hoc lumen cognitionis, prophetiæ formale esse docuit S. Tho. 2. 2. q. 171. art. 3. ad 3. à cuius vnitate prophetia habet vnitatē speciei, licet diuersa sint, quæ per lumen diuinum manifestantur. Cæterum vnum, aut alterum hic adducimus locū, vnde colligi possit, B. Brigittam huiusmodi lumē diuinum habuisse, tametsi sufficienter superiori Capite fuerit probatum, prophetiæ dono fuisse ditatā, & multa prædixisse, quæ tractu tēporis successerunt, immō Deo iubete Prophetarū officio functam esse, ad quod munus exercendum Deus illi verba daturum promisserat. Vñtatus namq. sacræ Scripturæ loquendi mos est, Deum per Prophetas, in Prophetis, & per ora Prophetarum loqui, sic enim scribitur Lib. 7. Reuel. cap. 16 quo locus Christus Dominus alloquens B. Brigittam, dicit, Quia Principes Terræ, & Prælati Ecclesiarum auidius, & libentiùs aspiciunt oblectamenta terrena, quā mortem, & Passionem meam, & Vulnere mea,

idē

S. Thom.

Lumen naturale quid.

2. p. h. 5.

Lumen propheticum B. Brigittæ concessum.

idèò mittere eis adhuc per te verba mea, qui nisi mutauerint corda sua, & conuerterint ad me, condemnabuntur cum illis, qui partiti sunt vestimenta mea, & super vestem meam miserunt sortem, & hæc est propheta, quam vocant cōminationis. Alius insignis occurrit locus, ex quo apertè constat B. Brigittæ lumen propheticum fuisse datū Lib. 3. Reuelation. Cap. 5. scribitur. Placuit Deo (verba sunt Sancti Ambrosij ad Beatam Brigittam) propter misericordiam suam, & suorum amicorum petitionem vocare te in Spiritum sanctum ad videndū, audiendum, & intelligendum spiritualitèr, ad hoc, vt ea, quæ audieris in spiritu debeas alijs reuelare secundū Dei voluntatem: vbi notandum verba illa, Placuit Deo vocare te, in Spiritum sanctum, significare Beatæ Brigittæ Reuelationes, & Inspirationes à Spiritu sancto emanasse per lumen illi ab eo supernaturale infusum: Hinc fit, quòd S. Bernardus serm. 53. in Cant. vocem Sponsi inspirationem appellauerit: aut etiam Beata Brigitta in Spiritu sanctum à Deo vocata dicitur, quia ad reuelationes, & diuinas inspirationes excipiendas fuit eleuata medio lumine supernaturali, quod à Spiritu sancto emanat, vnde Lib. 2. Reuel. Cap. 16. legimus, Christum Dominum cū B. Brigitta, sic loquentem, Ego elegi te in spiritum meū; Spiritus enim nomine aliquando reuelationes, & inspirationes diuinæ designantur, vt animaduertit S. Greg. lib. 5. Moral. cap. 23. Nunc in specie de huiusmodi lumine sermo instituendus est, vt eius essentia, & natura rectè, probèq. nota fiat. Sciendum ergo est ex D. Thom. 2. 2. q. 8. ar. 1. lumen naturale nostri intellectus, cū sic finitæ virtutis, non posse nisi ad aliquod determinatum pertingere, vnde fit, vt diximus, quòd homo indigeat supernaturali lumine, vt ulterius penetret ad cognoscenda quædam, quæ per naturale

lumen cognoscere non potest; & hoc supernaturale lumen homini datū appellat S. Thom. donum intellectus, & dicitur esse donū Spiritus sancti, quod Prophetis ex speciali gratia ab eo infunditur, eleuans eorum intellectū vltra suas vires ad ea apprehedenda, quæ humanā excedunt facultatem, diuidens illud singulis prout vult 1. Cor. 12. Sed animaduertendum, duplici via illud donū provenire posse, primò quidem per infusionem, & mentium illustrationem, prout Patriarchæ, & Prophetæ in Veteri Testamento, & Apostoli, ac Doctores sancti illud receperunt in Nouo. Secundò modo fideles simplices illius luminis participes fiunt per doctrinam, & prædicationem, & quemadmodum Moyses de eisdem mysterijs, de quibus à Deo fuerat instructus, populum instruxit, sic, & Prophetæ, & Apostoli eadem mysteria, quæ eis Spiritus sanctus reuelauerat, populis annunciarunt, eosq. docuerunt: ita planè Brigitta, quæ illi diuinitus reuelata erant, nobis ea ipsa propalauit, & ad instructionem nostram scripta reliquit: quocirca frequenter legimus in suis Reuelationum Libris, Deum cum ea fuisse locutum de nostræ fidei mysterijs, alijsq. ad fidelium eruditionem spectantibus, quod patet ex Lib. 1. Reuel. Cap. 5. vbi scribitur, Nūc autè propter preces Matris meæ, & Sanctorum adhuc ita misericors sum, & patiens, quòd mittere eis volo verba mea, quæ de ore meo processerūt, & offerre eis misericordiam meā, & Lib. 2. Cap. 13. Ego Deus ad ostensionem charitatis meæ in robur fidei Sanctæ, non dedignor loqui tecum, & Cap. 15. Miraris quare talia loquor, & tanta ostendi tibi, numquid per te solam, non utique, sed propter aliorum eruditionem, & salutem, & Lib. 4. Cap. 143. Ego Deus loquor cum vna muliere verba mirabilia, ad quid hoc, & ad quem fructum, nisi ad animarum salutem, & vtilitatem, atque hic fructus,

2. Cor. 13.

Lumen supernaturale duplici via copatur.

2. Cor. 13.

Reuelationum S. Brigittæ finis, & vtilitas.

hic scopus, hic finis, hæc Prophetarum peculiaris functio est, Dei mandata populis referre, pœnas, ac tormenta ob patrata scelera impendendia minari, peccatorum fugam suadere, viam credentibus ostendere: describunt enim aliquando iustum, interdum peccatorem pœnitentem, stantem, cadentem, surgentem, & sicut faciunt pictores, occidetes, & occisos, sic & Prophete, aliquando quidem insurgentia peccata, aliquando etiam allisa antè oculos ponunt: vadè tot illorum salutaria monita emanarunt, tot peccatoribus comminationes, tot diligentibus Deum præmia, & promissiones. Prophete sunt os, & oracula Domini, per quæ Deus sua placita, sua mysteria hominibus propalauit, per quos, quid credere, quid sperare, quid agere debeamus, manifestauit. Fuerunt Prophete lingua Dei, quia non ex se, sed ex Deo locuti sunt, & suis locutionibus nobis eius voluntatem indicarunt: Sat sit huius rei Michzam Prophetam testem adducere, Indicabo tibi (inquit cap. 6.) ò homo, quid sit bonum, & quid Dominus requirat à te, utique diligere iudicium, & facere misericordiam, & sollicitum ambulare cum Deo tuo; hi sunt prophetici luminis effectus, qui à diuina illa luce, & cælesti splendore emanant, per quæ ad diuinam videndam prophetæ manuducuntur, ac eis vera Dei cognitio, atque suorum secretorum secundum præsentem vitæ statum tribuitur. Meritò hoc lumen mediū quoddam luce referunt vocari posse existimamus inter nos, & Deum, quippe quo intellectus noster supernorum capax mysteriorum redditur, nostra verò cogitatio, noster intellectus speculū quoddam est, in quo lux ista refulget. Sanè ea, quæ Prophetis diuinitus reuelabantur sub varijs imaginibus, ac formis in eorum phantasia representabantur. Vndè S. Ambrosius in cap. 6. Isaia notauit, maiori populi auuiditate, ac admi-

ratione consueuisse eas visiones Prophetarum capere, quas illi per insolitas imagines, formasque sibi factas testabantur. Exemplum adducimus Isaia cuius phantasia apparebat imago Dei sedentis super solum excelsum, item duo Seraphim cum senis alis. Item in phantasia Ezechielis similitudines quatuor animalium habentium quatuor facies plenas oculis, quæ rotam trahabant: hæc autem similitudines, ac imagines in Prophetarum phantasia existerant, cumque non possent ipsi vi naturalis luminis abstrahere ab huiusmodi speciebus, ac phantasmatibus futurorum mysteriorum species, quæ per illas imagines significabantur, nam lumen intellectus agentis abstrahere, minimè potest à speciebus sensatis, nisi species sensatas ipsius quidditatis naturaliter coniunctas accidentibus, vt 3 de Anima scribitur, inde fit, quòd Spiritus sanctus lumen propheticum conferebat, illudque influebat in intellectum Prophetæ, quo sic confortatus, & adiutus præuidebat mysteria, quæ in illis phantasmatibus erant figurata, & representata; Sed Martinus Delrius lib. 4. Delrius. Disquis. magic. cap. 1. quæst. 1. huius prophetici luminis vim, & efficaciam describens, Haud (inquit) ineptè compares illud versantibus in tenebricoso loco, qui candelæ lumine illato circumstantia cernere incipiunt, eodem elato, rursus illi obcæcantur omnia. Vndè Michas cap. 7. Cum sedero (ait) in tenebris, Dominus lux mea est, & Beatus Petrus in sua 2. Canonica cap. 1. 2. Petrus in 2. Can. c. 1. Habemus (ait) propheticum sermonem, cui benefacitis attendentes quasi lucernæ lucenti in caliginoso loco. Sed audiamus Sanctum Dionysium de diuino lumine verba facientem lib. de Diuinis nominibus capit. 4. Dicendum itaque est, vt intelligibilis lux bonum ipsum dicitur, quod omnem superat cælestem spiritum, & spiri-

Michas 6.

Luminis prophetici efficacia.

Michas 7.

2. Petrus in 2. Can. c. 1.

2. Dionys.

S. Ambrosius.

spirituali impleat luce, omnemque ignorantiam pellat; errorem ambigat ex animabus, quibus sese insinauerit omnibus, eisq. sacra lucis confortium tradat; spiritualesq. illarum oculos purget, obductamq. ignorantie caliginem tergat, & ingenti tenebrarum pondere obtusos, ac ferme cæcatos, renouet, atque excitet, & paulò post, Præsentia (inquit) lucis intelligibilis eos, qui illuminantur colligit, coniungit, ac perficit; atque à multis, erroneisq. opinantibus ad id, quod verè est conuertit, vanasq. visiones, siue vtrèq. loquimur phantasias in vnam veram, & liquidam, vnicamq. scientiam cogit, & vno, atque vniante lumine complet.

Sed libet hìc monere Lectorem huius supernaturalis luminis, de quo nunc sermo fit, non æqualiter Prophetas fuisse participes factos; nam vni maius, alteri verò minus; prout Deus expedire iudicat, conferri solet; & iuxta mensuram huius luminis; ac prophetici spiritus prophetiæ modus, & ratio expenditur: pròinde cuius minus luminis collatum est, illum prophetiæ habere simplicem spiritum dicimus, cui verò plus duplicem, non quòd specie differant, sed tantummodò secundum magis, & minus, & iuxta maiorem, & minorem participationem. Horum autem discrimen nunc breuiter afferemus, & quidem tunc Prophetis lumen simplex propheticum fuisse concessum dici potest, quando illi in populo Iudæico antè Christi Seruatoris nostri Aduentum ventura prædicebant sub quibusdam similitudinibus, ac simulacris, quæ quid significarent ignorabant. Aliquando (inquit S. Gregor. hom. 1. in Ezechielem) prophetiæ spiritus deest Prophetis, nec semper eorum mentibus præstò est, quatenus cum hunc non habent, se tunc agnoscant ex dono habere, cum habent: quando verò, quæ ab eis antè Christi Domini Incarnatio-

nem fuerunt præuisa, & prænunciata, cognoscebant illa esse post eius Aduentum in Ecclesia successura: dicendum videtur duplicem tunc illos habuisse spiritum propheticum, quoniam ab his, quæ in Veteri Testamento facta, prædixerunt, gradum faciebant ad ea, quæ in Nouo Testamento fieri debebant: rem hanc exemplo Isaia Prophetæ placet explanare, ille namque, ut Cap. 2. s. suarum Reuelat. scribitur, præuidit, ac prædixit à Chaldeis Hierusalem fore destruendam; & in captiuitatem redigendam, Templumq. funditus euertendum, & postea à Cyro ad pristinam libertatem reuocandum, sed quia etiam præuidit, hanc à captiuitate liberationem figuram extitisse nostræ à Dæmonis potestate remissionis, & quòd Christus Dominus à peccati seruitute humanum genus sua morte erat redempturus, ac nouam Hierusalem ædificaturus, Ecclesiam nimirum Catholicam toto terrarum Orbe longè, latèq. diffundendam, ideò dicimus, Isaia duplicem à Deo propheticum obtinuisse spiritum, quem meritò Prophetam magnum appellauit Sapiens Ecclesiast. 8. rationem reddens, Quia spiritu magno vltima vidit, & hæc sunt, quæ sub finem mundi, & in vniuersali iudicio euentura sunt; Omnia quoque gratiæ mysteria sui prophetici spiritus magnitudine comprehendit. Ergò (inquit Sanctus Hieronym. in Præfat. ad Isaia Reuelationes) siue Veteris Testamenti, siue Noui mysteria quæras, apud Isaia inuenies, & propterea eum appellauit & Prophetam, & Euangelistam, & Hugo Cardin. in Proem. in Isaia, eius prophetiam per librum illum signatum Apocalyp. 5. designatam esse censet, qui liber dicitur esse scriptus intus, & foris, in quo quasi incortice litteræ veteris populi captiuitates, liberationes, alijq. euentus describuntur, at verò in medulla spiritus, sicut

Lumen prophetiæ non æqualiter Prophetis tribuitur.

Lumen simplex propheticum quid.

S. Greg.

Isaia duplicem habuisse spiritum prophetiæ quid sit.

Ecclesiast. 48.

S. Hieron. Isaia quare vocatus Propheta, & Euangelista.

Hugo Card.

Apocalyp. 5.

S. Hieronym. S. Hieronym. scribit, continet Domini
 Sacramenta, ut iam natus est de Virgi-
 ne Emanuel, quam illustrium patra-
 torum operum, mortuus, sepultus, resur-
 gens Saluator omnium gentium predi-
 citur. Iure igitur dicendum est, Isaiam
 duplicis prophetie spiritus dono fuisse
 locupletatum, quod instantèr petens ab
 Elia Eliseus lib. 4. Reg. c. 2. dicebat, Fiat
 in me duplex spiritus tuus, & ibi legi-
 mus, Cum venisset Elias cum Eliseo
 in Iericho, dixerunt filij, hoc est Pro-
 phetarum discipuli ad Eliseum, Num-
 quid nosti, quod Dominus tollet ho-
 diè Dominum tuum à te, quibus re-
 spondit, noui, silete: ex quo patet cui-
 dentèr, quòd Eliseus prauiderit qui-
 dem in spiritu raptum Elie, ignorasse
 tamen raptum illum significasse Christi
 Domini nostri post Resurrectionem
 ad Cælum Ascensionem, accepturus iu-
 diciariam super omnes gentes potesta-
 tem, Quoniam dedit Pater Filio iudi-
 cium facere, quia Filius hominis est
 Ioan. 5. neque etiam Eliseus agnouit
 ipsummet Eliam venturum esse tem-
 pore Antichristi ad prædicandum, &
 idcirco huius raptus mysterium Eliseus
 nosse desiderans, clamabat, Obsecro
 Domine, ut fiat in me duplex spi-
 ritus tuus, ac si dixisset, da mihi, ut
 sciam huius raptus mysteria, & si-
 gnificationem, ut quæ de Messia in-
 lege promisso scripta existunt, & ven-
 tura sunt, comprehendam: hunc au-
 tem propheticum duplicem spiritum
 paucis fuisse concessum indicat ipsius-
 met Elie responsio, dum dixit, Rem
 difficilem postulasti, attamen si videris
 me, quando tollar à te, erit tibi,
 quod petisti, sin autem non videris,
 non erit. Non me lateat de hoc Eli-
 sei duplici spiritu petito multos multa
 dixisse, & quidem Gloss. loco citato
 spiritum duplicem docet Eliam ha-
 buisse primo ad prophetiam, secundo
 ad miracula, sed Carthusianus ibidem

putat, Eliseum primùm petiisse gra-
 tiam spiritualem Elie concessam ad
 prophetandum, sed ad miracula facien-
 da postulasse duplicari, ut eam in se
 haberet in dupla portione respectu
 Elie, & dicunt Hebrei, hoc fuisse
 impletum, quoniam Elias suscitauit
 mortuum ymum, Eliseus duos, sed alij
 scribunt, ab Eliseo sexdecim fuisse facta
 miracula, Eliam verò octo tantum fe-
 cisse. Petrus autem Damian. serm. 2. de
 Natiuit. S. Ioan. Baptiste tomo 2. suorum
 operum testatur, Eliseum fecisse vi-
 gintiquatuor miracula, Eliam verò so-
 lum duodecim, & subdit Eliseum du-
 plicem impetrasse spiritum, non meri-
 torum cumulo, sed miraculorum exhi-
 bitione.

Sanè cum unicuique gratia data sit se-
 cundùm mensuram donationis Christi,
 ut testatur Apostolus Paulus Ephes. 4. &
 vni quidem dederit Deus quinque ta-
 lenta, alij verò duo. Marth. 25. non
 mirum si prophetie donum inter gra-
 tias gratis datas collocatum non omni-
 bus detur, & his etiam, quibus datur,
 non ex æquo prophetici luminis quãtitas
 conferatur, cuius rei causa ex S. Dionys.
 Areopagita petenda est, qui hoc egre-
 giè his verbis explanat de Cælesti Hie-
 rarch. cap. 9. Cæterum (inquit) dissimi-
 litudo spiritualium luminum facit, ut
 affluentissima patetne benignitatis
 lux, aut omninò capi, participariq.
 non possit, quippèquæ ipsos obtutus
 intimos suos fulgore perstringat, aut
 certè ipsa lucis participatio pro su-
 sciipientium meritis varia sit, parua,
 scilicet, vel magna, obscura, vel lu-
 cida, cum tamen radius ille diuinus,
 vnus, ac simplex sit, eodemq. modo se
 habeat super omnia semper explicitus:
 hætenus S. Dionysius.

Placet ad confirmationem, ac eluci-
 dationem eorum, quæ nunc de concess-
 sione, ac diuisione luminis prophetici
 scribimus, indicare, quòd Apostol.

Pau.

Petrus Da-
 mianus.

Math. 25.

Prophetia
 datum non
 omnibus
 datur.

S. Dionys.
 Areopag.

Gloss.

Carthus.

Rom. 8.
1. Cor. 12.

Paulus Rom. 8. & 1. Corint. 12. cum ea, quæ ad Ecclesiæ utilitatem, & adificationem data sunt dona, inter illa ponit sermonem sapientiæ, & scientiæ, & gratiam sanctorum, interpretationem sermonum, genera linguarum, operationem virtutū, discretionem spirituum, & donum prophetiæ, vbi duo animaduertenda sunt, quæ ad rem faciunt, primò quidem, quod non omnibus hæc dona, neque omnia vni, eidemque conceduntur, sed singulis prout Spiritus sanctus vult, diuiduntur, secundò, quòd etsi plura, ac diuersa sunt, ab vno tamen, eodemque principio procedunt, & hoc illud est, quod dicit Apostolus, Diuisiones gratiarum sunt, idem autem spiritus, diuisiones ministracionum sunt, idem autem Dominus, diuisiones operationum sunt, idem verò Deus, qui operatur omnia in omnibus. Quare autem prophetiam Apostolus inter gratias gratis datas collocet, respondet Suarius disput. 8. sect. 5. num. 4. quo loco de dist. fidei ab alijs donis agit, eandem cognitionem, ac reuelationem fidei, vt fundamentum propriæ iustitiæ spectare ad auxilium gratiæ gratum facientis, vt autem confertur ad aliorum utilitatem specialiter pertinere posse ad gratias gratis datas, & in hoc sensu prophetia, quæ cognitionem, & reuelationem comprehendit, & ad aliorum utilitatem fit, inter gratias gratis datas numeratur, & asserit, quòd suprà actum fidei prophetia addit modum peculiarem, quatenus fundatur in reuelatione immediatè facta ipsi Prophetæ à Deo, vel ab Angelo, & quòd refertur ad commune bonum ipsius Ecclesiæ, & inde fides augeatur: hoc autem donum prophetiæ tam eminens, ac celeberrimum est, vt illud habentes pro Principibus haberentur, quod Prophetæ Regius David illis verbis indicare voluit Psalm. 50. cum spiritum à Deo principalem petij, Spiritu (inquit) principali

Prophetia
doni quare
ab Apostolo
inter gratias
gratis datas
collocetur.
Suarius.

Prophetæ
pro Principi-
bus habebantur.

Psalm. 50.

confirmare me, timuit ille, nè ob adulterium, & homicidium patratum cum Dominus docendi, ac prophetandi gratia priuaret, & proinde sic orauit. Expositio est S. Hieron. ad Psalm. citatum, vel Auctoris eius Commentarij, qui S. Hieronymo ascribitur.

Ex his inferitur, non omnes Prophetas equaliter participes fuisse factos prophetici luminis, vt suprà dicebamus, neque enim, vt Scripturas interpretemur, vel vt Prophetarum officio fungamur ex æquo Spiritum sanctum accipimus, nam nec Episcopi, nec Doctores, neque Prophetæ sumus omnes, immò vt ex S. Gregor. probauimus, ipsiismet Prophetis non semper adfuit Spiritus sanctus, quo aliquando fuisse Prophetas destitutos, testis esse potest Elifæus 4. Reg. 4. qui cum plorantem vidisset Sunamitidem, causamque stertis ignorasset, dixit puero, qui eam prohibere volebat, Dimitte illā, anima enim eius in amaritudine est, & Dominus celauit à me, & non indicauit mihi, neque tunc solum, verum, cum Iosaphat de futuris Elifæum requisuisset, spiritus tunc illi prophetiæ defuit, vt ei oportuerit Psalmem adhibere 4. Reg. 3. at non sic accidit alteri Prophetæ 4. Reg. 13. cui Spiritus sanctus adfuit, quando missus contra Samariam, quæ mala illi ventura, erant prædixit, sed minimè adfuit, cum Pseudoprophetæ cuiusdam, vt 3. Reg. 13. scribitur, persuasionibus adductus, in eius domo panem comedit, quod nè faceret illi Dominus prohibuerat, & ideo obinobedientiæ scelus patratum, poenas luens, à Leone fuit occisus: similiter ad rem facit, quod 1. Reg. cap. 16. legimus, cum Samuel esset missus à Deo ad vngendum Regem aliquem ex filijs Isai, antequam Deus de aliquo in specie locutus esset interrogauit de Elia, Num coram Domino est Christus eius, coniectans forsitan ex statura, & vultu eius, illum esse à Deo electum, proinde

4. Reg. 4.

4. Reg. 4.

4. Reg. 3.

4. Reg. 13.

3. Reg. 13.

1. Reg. 16.

ei Deus dixit. Nè respicias vultum eius, neque altitudinem stature eius, ac de cæteris subindè intellexit, nempe minime electos fuisse, quia de illis à Deo nihil audiuit, & hinc est, quòd ignorabat, donec de Davidis persona à Deo fuit certior factus, illis verbis, Surge, vnge eum, ipse est enim. Ergò cum non semper Spiritus sanctus præsto sit Prophetis, merito quispiam querere poterit, an quando visiones fiunt, plenè intelligant, quæ sub similitudinibus illis ostenduntur, quæ de re legendi sunt S. Thom. 2. 2. q. 171. art. 4. & Suarius de Veritate, & statu Relig. c. 5. de gratijs gratis datis, & de Orat. ment. lib. 2. c. 19. & de Fide, spe, & charitate disp. 8. sect. 4. Antonius Fernandus in Comm. ad Visiones Veteris Testamenti Vision. 261. ad cap. 10. Danielis sect. 1.

S. Thom.
Suarius.

Fernandus.

Montanus, &
Tertullianus
constantur.

Et quidem Montanus Hæresiaracha affirmavit, quando visiones Prophetis fiebant, quòd tam fortiter rapiebantur, ut sui tunc compotes non essent, & cognitionis usum non haberent, nescientes quid loquerentur, in quo errore etiam Tertullianum fuisse lapsum ex varijs locis librorum eiusdem collegit Pamelius ad lib. de Extasi, & ante Pameliu notarunt S. Hieronymus de Scriptoribus Ecclesiasticis, & Nicephorus lib. 4. historie cap. 2. & 3. 4. Sed quoniam superiori Capite illos, & rationibus, & Sanctorum Patrum doctrinis fusè confutauimus, ea, quæ ibi adduximus, in præsentia non esse repetenda censuimus, sat erit hic duos fide dignos afferre testes, quorum auctoritate horu Hæreticorum opinionis falsitas aperte constabit, S. Bernard. Serm. 32. in Cant. expressè fatetur, in extasi raptis discursu, & rationis usu remanere, Proinde (inquit) ego non absurdè sponsæ extasim vocauerim mortem, quæ tamen non vicia, sed vitæ eripiat laqueis, ut possit dicere, Anima nostra sicut passer erepta est de laqueo venantium, & pau-

S. Bernard.

psal. 124.

lò post ibidem subdit, Quorum quoque in campis designata conuersatio, euidentè liberos, atque expeditos signat in contemplatione discursus: idemq. apertis verbis confirmat B. Brigitta Lib. 4. Reuel. Cap. 77. quo loco fuisse à Deo in extasim eleuatà scribit ad videndù, audiendù, & tenuendù mirabilia Dei, idè reperit Lib. 6. Cap. 52. quæ sanè absq. cognitione, & discursu fieri nequeunt, quomodò enim, quemadmodum Beatissima Virgo illam alloquens prædixerat, fructifera in populo Brigitta esse poterat spiritali semine, & multis pro futura, nisi plenam habuisset cognitionem eorum, quæ illi diuinitus in visionibus ostendebantur, de quibus alios participes facere debuerat, ac instruere, Eris (inquit) fructifera, sic Lib. 1. Cap. 20. legitur, spiritali semine, multis profutura, sicut enim furculus, si inferitur arido trunco, florere incipit, sic gratia mea fructificare, & florere debes, quæ & inebriabit te, ut ex vini dulcedine, quod tibi daturus sum, omnis celestis exercitus gaudeat.

Rursus eorum quoque sententia rejicienda est, qui prædictiones, & futurorum euentuum cognitiones melancholiz, & atrabili ascribunt, quod sicut rationi consonum non est, sic & Philosophiæ dissonum, & pro hac sententia Aristotelem citant in Problem. sect. 30. vbi verba de atrabili faciens, tribuit illi eos effectus, quos nos Sibyllis inesse diuinitus dicimus, In quibus (inquit Arist.) multa, & frigida bilis est atra, hi stolidi sunt, & ignari, in quibus permulta, & calida, hi perciti, & ingeniosi, amassij, propensij ad omnè exandescentiam, & cupiditatem, nonnulli etiam loquaciores, multi etiam, propterea quod ille calor sedis mentis in vicinio est, morbis vesanijs implicantur, aut instinctu limphatico inferuescunt, ex quo Sibyllæ efficiuntur, & Bacchæ, & omnes, qui diuino spiraculo instigari creduntur, hæc

Reijciuntur
qui futurorum
prædictiones
melancholiz
ascribunt.

Aristot.

hæc Arist. qui non mirum, si ad melancholiã, & atram bilem diuinationes, ac prædictiones referre conatus sit, quia, cum diuinarum Reuelationum ignarus fuerit, nullam aliam sciuit probabiliorẽ causam earum inuenire, & eò maxime, quod de his scribere instituerit, quæ rerum naturalium principijs congruerent, & quidem quod Arist. dicit, Homines melancholia, & atra bili abundantes insanos esse, & stultos, veluti Sibyllas, omnino falsum est, & hæc in re sibi contrarius, nam loco citato scribit, sapientes omnes esse melancholicos, ergo si sapientes sunt, non insani, non stulti, cum homines (sic loquitur Aristoteles) qui ingenio claruerunt, vel in studijs Philosophiæ, vel in Republica administranda, vel in Carminibus pãgendo, vel in Artibus exercẽdis, melancholicos fuisse omnes videamus, at Sibyllas fuisse insanas, etiã falsum est, sed Deo plenas mulieres, vt probauimus ex Patribus Cap. sexto huius Tractat. non longè à fine: & pateretiam, quia futura enunciauerunt mysteria de Christo sublimia, nempe Incarnationem, Natiuitatem, Passionẽ, & Resurrectionẽ, quod si insanix morbo laborassent, facere non potuissent, atque hæc mysteria versibus egregie expressit Sibylla Erythraea, nõ ex humore melancholico, sed diuinò asistata cõpositis, quos versus referunt S. August. lib. 18. de Ciuit. Dei cap. 23. & Sixtus Senensis in sua Bibliotheca, & Philippus Faber disp. 4. c. 1. n. 42. aduers. impios Aethiops.

Etenim negandum etiã non est, postquam Prophetis facta reuelatio prophetica est, post ipsius acceptionem, etiam transacta actuali cogitatione, Prophetas recordari eorum, quæ in Visionibus viderunt, & prophetarunt, nam, & postea de illis elapso aliquo tẽporis spatio scripserunt, & verba fecerunt, ex quo colligitur, eos non ex vi melancholiæ, aut insanix prædixisse, & scripsisse. Duo ad hoc probandum sacræ Scripturæ loca ad-

ducimus, primò namq. 1. Reg. 9. de Samuele legimus, Dominus autẽ reuelauerat auriculam Samuelis antè vnã diẽ, quàm veniret Saul dicens, Hac ipsa hora, quæ nunc est, eras mittam virum ad te, & quoniã non reuelauerat his verbis personã in specie, de qua sermo fiebat, de altera die additur. Cum aspexisset Samuel Saulem, Dominus dixit ei, Ecce vir, quem dixeram tibi: at quis neget Samuelem retinuisse in mète reuelationẽ sibi factã, Ideoq. Samuel interrogationẽ præuenit dicens, Omnia, quæ sunt in corde tuo, indicabo tibi, & 3. Reg. 14. Ahias Propheta coram Domino, nisi fuisset prius instructus, quàm ad eum Vxor Ieroboam accederet, cui postea illi futura prædixit, id facere non potuisset, nisi factæ reuelationis recordatus fuisset. Dubitandum ergo minime est, quin etiam transacto actu in Prophetarum memoria, & verba, & signa, ac etiam intelligẽtia significationis eorum remaneat: & quod signorum memoria manet per species impressas in mente Prophetæ relictas vi signorũ, aut verborum præcedentium, species autem illæ representant ea signa, non tantum materialiter, vt res sunt, sed & formaliter, vt signa sunt, ideò per easdem species manet memoria rerũ, quæ per talia signa representantur, exemplum sumi potest ex Daniele Propheta. cap. 7. qui vidit quattuor bestias grandes ascendẽtes de Mari, quattuor Monarchias significantes, quarum Prima erat Leona, quæ Aquilæ habebat alas. Secunda similis erat Vrsõ. Tertia quasi Pardus, qui alas quasi auis habebat quattuor super se, & quattuor capita erant in bestia. Postrema, & quarta bestia terribilis erat atque mirabilis, fortis nimis, dentes ferreos habens magnos, comedens, atque comminuens, & reliqua suis pedibus cõculcans, dissimilis erat cæteris bestiis, quas viderat antè eam, & habebat cornua decem. Per has autem bestias desi-

Sibyllarum
prædictiones
veræ.

S. August.
Sixtus Sen-
ensis.
Philippus
Faber.

Propheta re-
cordatur eo-
rum quæ præ-
dixerunt,
etiam trans-
acto actu
prophetici.

Daniel. 7.

Prophetia
Danielis de
quattuor be-
stiis ascen-
dentibus de
mari expo-
nitur.

gnari quattuor Monarchias nouit Daniel ipse ex vno, qui astatat coram Domino. Chaldaeorum verò Monarchiam Leæna, Aquilæ habens alas significabat, quandoquidem Leo tùm ob generositatem, tùm quia fortissimum, ac ferocissimum animal est, magnisq. vnguib. de quo Plin. lib. 8. cap. 18. quem Sanctus Basilius pro dominatore animalium ratione expertum ponit, in cuius oculis ea vis, atque maiestas est, vt intuitibus terrorem incutiat: Prouer. 30. Salomon de Leone scriptum reliquit, Fortissimus bestiarum Leo, ad nullius pauebit occursum: vt mirum non sit, si eum regis potestatis symbolum extitisse antiquitas agnouerit, & Sanctus Augustin. tractat. 36. super Ioan. & lib. 1. de consensu Euangelist. cap. 6. Matthæo Euangelistæ Leonem tribuerit, Quoniam (inquit) congruentius illi, qui regiam Christi personam maximè commendauit, per Leonem significatus accipitur. Scimus etiam & Marcum Leonis imagine fuisse figuratum, quod ipse statim sui Euangelij initio vocem in deserto clamantem tonauerit: Fremit, ait, S. Hieron. prefat. in Marcum, vt Leo. Aquila isdem regis potestatis simulacrum præferat, propterea quòd super aues ceteras sese sublimi volatu attollat, nidumq. suum in sublimi collocat, ac inter volatilia principatum teneat, de qua S. Basil. hom. 8. in Exameron. qui per Aquilam potestatem regiam designari censuit, idem notauit S. Hieronym. super cap. 17. Exechielis, hinc homines eonaso præditos, quale rostrum est Aquilæ, pro regijs æstimari solitos tradiderunt & Plato, & Plutarchus. Atque indè factum est, vt per primam bestiam a Daniele descriptam, quæ Leæna est, habens Aquilæ pennas, Monarchiam Chaldaeorum esse intelligendam graues quidam Doctores existimauerint: & quòd Chaldaorum Regnū duplici nomine fuerit præstantissimum, tùm quia fuit omnium

primum, tùm quia maximè diuturnū, vt placuit Theodoro. At verò secunda bestia, quæ Vrsus est, Regnum Persarum indicabat, id sanè ob nimiam crudelitatem, quæ Persæ in delinquentes, ac hostes sequebant, quos acerbissimis, & exquisitissimis torquebant supplicijs, teste Hieronymo, & Theodoro: meritò Vrsus significare feroces homines, ac seuos insidiatores indicarunt S. August. Serm. 197. & Eucher. de Spirit. formulis cap. 5. Tertia bestia, quæ Pardus erat, Monarchiam Græcorum sub Alexandro Rege designabat, vt voluit Theodoretus, cui alas fuisse affixas dixit, quoniam Alexander volucris instar quattuor Orbis partes subiugauit, ac in suam potestatem redegit, siuè ob quattuor virtutes, quibus suam sibi Monarchiam comparauit, & hæc fuerunt nimia laborum tolerantia, animi ingens fortitudo, animi vigor, & ingenij subtilitas, postrema liberalitas. Pardus etiam, qui animal est maculis distinctum, habens pellem diuersorum colorum variegatam, eundem Alexandrum designare potest, vel eius Regnum tyrannicum, quod diuersos, ac varios comprehendebat populos, quod animaduertit S. Hieronym. super cap. 5. Ieremiz, & cap. 7. Danielis. Quartam bestiam in specie non nominat Daniel, sed eam tantummodò fuisse terribilem, mirabilem, & fortem, dentes ferreos magnos, & cornua decem habentem, per eam Romanorum Monarchiam significare voluisse testantur S. Hieronym. & Theodor. Sed nomen bestię Daniele reticuisse arbitratus est S. Hieronymus, vt ferociorem Propheta præ ceteris ab eo supra descriptis bestijs exprimeret, vel, vt scribit Theodoretus, quia apud Romanos varia fuit gubernadi ratio, vel quia Roma erat non vnum, sed omnia simul Regna mundi. Verum quidquid sit, certum est, Daniele, qui hanc visionem tam accuratè descripsit, & bestiarum nume-

Leæna Chaldaeorum Monarchia designat, & quæ

Plinius.

S. Basil.

Prouer. 30.

Leo ex contentia Augustini Matthæo, Marco verò ex contentia Hieronymi tribuitur.

S. Basil.

S. Hieron.

Plato: Plutarch.

Leæna Chaldaeorum Monarchiam notat.

Chaldaeorum Regnū emittens, & quæ

Vrsus Regum Persarum designat.

S. Hieronym. Theodoret.

S. August.

Eucher.

Pardus Græcorum Monarchia interpretatur.

S. Hieron.

Quarta bestia a Daniele descripta Romanorum designat Monarchiam.

S. Hieron. Theodoret.

numerum, & formas descriptas proposuit ea omnia, prout in visione ei occurrerunt, & ostensa sunt, memoria tenuisse, ac eorum significationem nouisse: Videant ergo Montanus, & Tertullianus, an hæc sine cognitione vlla, sine discursu fieri potuerint, & à Daniele describi, & an Deus ministerio stultorum (quod asserere blasphemiam esset maxima) vsus fuerit ad prædicendum ea, quæ ad utilitatem Ecclesiæ Catholicæ, & instructionem hominum iussit, vt Prophetæ populis annuntiarent, iuxta illud Apost. 1. Corins. 12. Vnicuiq. datur manifestatio spiritus ad utilitatem.

Dicendum est ergo ex prophetica reuelatione in Prophetis manere aliquid per modum habitus, quod à lumine prophetiæ ortum habet, quo Prophetæ reuelationi propheticæ consensum præstat, quoniam, vt probauimus Prophetæ recordantur eorum, quæ viderunt; Vnde fit consequens, quod in eis species maneat, & transacta postmodum reuelatione de illius veritate indicare possunt quæcumq. illis in visionibus ostensa sunt. Quæ, vt certiora, ac apertiora fiant, paulò diligentius, ac fufius explicanda sunt; & quidem Sanctus Thom. 2. 2. quæst. 171. & 173. probat, luminis prophetici infusionem planè necessariam esse Prophetis, vt de veritate prophetiæ certiores fiant; & eius etiam sensus penetrare queant: quid autem illud lumen sit, inter Doctores aliquis cōtrouerfia est. Sūt qui arbitrantur esse auxilium Dei actuale, quod confert Prophetis, tunc cum ad prophetandum assumuntur, alij verò qualiteram aliquam impressam: sed quidquid sit, duo videntur necessaria Prophetis, primum quidem, vt probè intelligant significationes rerum, quæ in imaginatione apprehensæ fuerunt, secundo exigitur, vt ea significatione percepta, Prophetæ affirmet illud esse verum, quod significatur, & utrumq. à prophetico

lumine manare indicat S. Thom. ubi suprà, hi autem huius luminis effectus sunt, qui etiam procedunt, quando Prophetæ à sensibus sunt alienati, ac in extasi positi, quoniam tunc recipiunt reuelationes propheticas: loquimur autem hic de his, qui veri sunt Prophetæ, quorum mentes diuinitus fuisse illuminatas diximus, quod secus esset, nisi veras in extasi quoque Prophetæ recipere reuelationes, nam tunc, vel illuderentur, vel tamquam instrumenta mortua haberentur, & hic vnus est ex perfectioribus modis, quo prophetia excipitur, vt Auctor est S. August. super Genes. quæst. 80. potest autem hoc dupliciter contingere secundum duplicem modum, qui in contemplatione, plerumq. consuevit reperiri, alter quidem fit per eleuationem intellectus independentèr à phantasmatis, alter verò, qui ab eisdem dependentèr modo naturali, & de primo loquimur, quando nimirum intellectus Prophetæ eleuatur ad contemplantum diuina mysteria, hoc supernaturali lumine confortatus tam vehementèr, vt absorbeat omnes sensus externos, & internos, & hanc eleuationem fieri cum intellectuâli cognitione contrà Montanum, & Tertullianum ex sacris Litteris, & Sanctis Patribus suprà probauimus, qui eleuationem illam nomine extasis, & rapius exprimunt, eamque loporem spiritualem appellauit B. Brigitta Lib. 4. Reuelat. Cap. 77. quippè in qua ligantur sensus, & somni corporalis similitudinem præferet: diuersa tamen vtriusq. causa est, nec vniformè vtriusq. principium existit, nam in corporali somno impeditenti initium sumitur à sensibus, & somnus terminum claudit vsq. ad intellectum, sed è contrà eleuatio mentis, quæ in Prophetis fit, incipit ab intelligentia, & terminatur ad sensus, qui ex vehemènti eleuatione ligantur, vnde consequens fit, vt ligatis externis sensi-

S. Thom.

S. August.

Duplex modus quo Prophetæ ad prophetandum assumuntur.

1. Cor. 12.

In Prophetis per modum habitus aliquid manet.

S. Thom.

Duo Prophetis necessaria.

Prophetici somni a somno corporali discernuntur.

sensibus impedita remaneant functiones
 mentis, & sensus interioris, quod
 impedimentum originem ducit à va-
 porum abundantia, qui ascendit ad ce-
 rebrum, ac verò eleuatio, quæ in extasi
 fit, sumit initium, vt dicebamus; ab
 intellectu, qui dum vehementer rebus
 diuinis incumbit, eorū cognitioni omni
 conatu intendit, & propterea anima ab
 operationibus sensuum abstrahitur, sitq.
 vt in hoc somno prophetico non solum
 non impedita remaneat, sed & facilior,
 ac promptior reddatur ad res intelli-
 gendas, quæ in contemplatione occur-
 runt, vt sequenti Capite dicemus, quan-
 doquidem tunc mens solutior est, nec
 propter nimiam abstractionem impe-
 dit suum actum, immò illum magis
 perficit, & iuuat, talis exitit sopor ille
 Adami, quem Extasim fuisse Patres do-
 cuerunt, affirmantes illum perfectum
 rationis vsum tunc habuisse, quando-
 quidem sine illo veram fidem non po-
 tuisset concipere. Sopor (inquit Ru-
 pertus) quem Deus Adamo immisit
 claudere vigilias rationis non debuit,
 sed obseratis quinque sensibus corpo-
 ris, sensum mentis liberum reliquit, vt
 scire posset, quid erga se faceret omniū
 Artifex sapientiā, fauent S. Hieronym.
 in quæst. Hebraicis in Genes. & S. Aug.
 de Genes. ad litt. cap. 19. Epiph. hæresi
 48. & S. Thom. q. 13. de Veritate art. 2.
 ad 9. & 3. par. quæst. 1. art. 3.

Verum quæ de cognitione Prophe-
 tarum hætenus scripsimus non intelli-
 genda sūt, ac si huiusmodi prophetandi
 donum receperint; sic, vt quamcumq.
 rem occultam cognoscere semper po-
 tuerint, aut quoties illis placuerit, pro-
 phetauerint: loquimur hic de puro ho-
 mine, nam Christus Dominus ratione
 vnionis hypostaticæ, dum erat viator, ha-
 buit scientiam beatam, & inditam, per
 quam cognouit veritates omnes reuela-
 biles per prophetiam, quas Deus scien-
 tia visionis cognoscit, & potuit ex pro-

pria permanente scientia prophetare,
 nulla expectata reuelatione, ac locutio-
 ne diuina, ac ceteri Prophetæ non sic,
 vnde non mirum, si omnia illis nota mi-
 nimè fuerint, quæ in visionibus occur-
 rebant, neque enim eorum omniū,
 quæ à Prophetis cognoscibilia sūt, eam
 connexionem habent, vt vna cognita,
 necesse sit aliam cognoscere, & vna re-
 uelata, alia opus sit, vt reuelentur, tum
 quia, cum hæc cognitio innitatur, &
 reuelationi, & locutioni diuinæ, vt di-
 ximus, non semper Deus reuelat, nec
 semper loquitur. Ideo dicendum vi-
 detur, tunc Prophetas in actu prophe-
 tandi existere, cum & reuelationes, &
 locutiones diuinas excipiunt, vnde non
 est, cur sint semper in habitu perma-
 nente prophetandi, nec opus est, vt om-
 nibus detur hæc habitualis cognitio, nā
 prophetare possent, quoties eis libuerit,
 cognitionem namq. habitualem habet
 homo in sua potestate, quippe qui habi-
 tibus vitur, cum vult. Merito B. Brigit-
 ta dicebat; hoc prophetandi donum à
 Deo omnino pendere. Et hæc opinio
 communi Patrum consensu recepta
 est, quam in primis defendit Sanctus
 Hieronym. epist. 125. ad Damasum
 quæst. 3. pro qua confirmanda sacræ
 Scripturæ loca multa citat, & solum
 Christum Dominum excipit, quippe
 qui prophetiæ donum altiori modo ha-
 bitualiter habuit, idem scribit in c. 35.
 Ezech. quo loco exponens illud Ioan. 1.
 Super quem videris spiritum descen-
 dentem, & manentem, docet proprium
 fuisse Christi habere plenitudinem om-
 nium gratiarum Spiritus sancti, & pro-
 phetiam per modum habitus, ceteros
 Sanctos ea habuisse dona, quæ vitæ san-
 ctitas solum exigebat, & proinde Ioan.
 14. legitur, Apud vos manebit, & in-
 vobis erit. Idemq. probat Sanctus Gre-
 gor. lib. 2. Moral. cap. vlt. vbi apertè do-
 cet, non semper Prophetas cognoscere,
 quæ prædicunt. Prophetæ (inquit) spi-

ritus

Propheta
 quando in
 actu prophe-
 tandi dice-
 batur esse.

S. Hieron.

Propriū fuit
 Christi ha-
 bere prophe-
 tiam per mo-
 dum habi-
 tus.

Ioan. 14.

S. Gregor.

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

142

ritus Prophetarum mentes non semper irradiat, quia sicut de sancto Spiritu scriptum est, ubi vult spirat, ita sciendum, quod quando vult spirat, & Theodoretus hoc confirmans, sæpè tradit in quæst. ad primum librum Reg. quæst. 37. & ad 2. lib. quæst. 2. & ad 4. q. 15. non omnia prænouisse Prophetas, sed ea tantummodò, quæ eis diuina gratia reuelabat. Fauet Sanctus Thom. 2. 2. quæst. 171. art. 4. & Cardinalis Caiet. Sufficit ergò, quod Prophetæ illud intueantur, quod prophetare iubentur, nimirum species, & imagines etiam si earum significationes non semper comprehendant, vt dicitur Ioan. 11. de Caipha cum Christi Domini Seruatoris nostri mortem prænucliauit, Quod à semetipso non dixit, sed cum esset Pontifex anni illius prophetauit: neque Theodoreti, & Sancti Thomæ doctrinæ suprà allatæ aduersari videntur, quæ scribit Gregor. Magnus lib. 11. Moral. cap. 12. qui affirmat, quod cum aliquod Prophetæ ostenditur, si intellectus non tribuitur, prophetia non est, vidit namque Pharaon per somnium Genes. 41. quæ erant Ægypto ventura, sed quia non potuit intelligere, quod vidit, Prophetia non fuit. Non inquam hæc Sancti Gregorij doctrina pugnat cum doctrina Theodoreti, & Sancti Thomæ, quandoquidem Sanctus Gregorius loquitur de perfecta prophetia, & euidente rerum cognitione, quæ Deus Prophetarum intellectum sic illustrat, vt ipsi Prophetæ, & corporum imagines, & earum significationes comprehendant, ac suarum visionum intelligentiam completam habeant, vnde probè Clemens Alexandrin. lib. 6. Stromatum, sic conceptam prophetiam dicit esse cognitionem perfectam à Deo datam, neque tamen, quia imaginum, ac specierum significationes, & sensus ignorabant aliquando Prophetæ à Prophetarum numero arcebantur, quoniam

Spiritus sanctus non semper eorum mentes sic illustrat, vt perfectam de visis intelligentiam illis conferat, vt S. Gregor. scribit loco suprà citato, & hom. 1. super Ezechielem circa medium. Idem annotauit Lyranus in cap. 8. Daniel. exponens illa verba, Faciebam opera Regis, & stupebam ad visionem, & non erat, qui interpretaretur, Ex quo patet, (inquit) quod Spiritus sanctus non semper reuelat Prophetis sensum plenarium visionis, sed solum quantum expediens est pro loco, & tempore, & personis, pro quibus fit reuelatio, & propterea Prophetæ non ita clarè scripserunt mysteria Christi de futuro, sicut Euangelistæ de præterito Historiam scripserunt. Quare autem id fiat, docet S. Thom. 2. 2. quæst. 171. art. 4. Quia (inquit) cum prima veritas sit principium omnium eorum, quæ prophetice manifestantur, non oportere Prophetis omnia prophetabilia esse nota, sed tantum, quæ illis per diuinam reuelationem nota sũt. His addendum, quod lumen propheticum non inest intellectui Prophetæ per modum formæ permanentis, vt suprà diximus, nam aliàs semper adesset Prophetis facultas prophetandi, quod est falsum, illud ergo lumen habet per modum passionis, & vt ita dicam impressionis transcurrentis, & sicut aer semper noua indiget illuminatione, sic intellectus Prophetæ nouo lumine, quod magis, minusq. illi confertur secundum diuinum beneplacitum, Neque enim, inquit Ioan. Loricinus in 20. cap. Actor. Apostol. vers. 2. 2. donum prophetiæ communicatur permanentèr, sed in morem qualitatibus transcurrentis, vt non cum libuerit, Prophetæ prædicat, sed quando Spiritus cum sanctus afflauerit. Idem tradit Gaspar Sanctius in cap. 1. Danielis exponens illa verba, Dedit autem Deus Danieli intelligentiam visionum, Teneant, ait, Theologi, non dari spiritum pro-

Theodoret.

S. Thom.

Card. Caiet.

Ioan. 11.

S. Gregor.

Genes. 41.

Prophetæ periclitantur dicendum.

Clement. Alexandr.

Spiritus sanctus non semper confert Prophetis plenarium sensum visionum.

S. Thom.

Lumen propheticum in intellectu Prophetæ qua ratione se habeat.

Ioan. Loric.

Donum prophetiæ non per modum formæ permanentis, sed transcurrentis datur.

Gaspar Sanctius.

prophetiæ per modum habitus, qui semper comitatur, & illustrat Prophetas, sicut ars Artificem, & scientia numquam deferit scientem, sed infundi à Deo per huius, aut illius euentu, aut somni cognitione, & abesse statim, donec iterum Prophetæ mens communicato spiritu, per nouam cognitionem illustratur: sed huius veritatis alia petenda ratio est ex Sancto Thom. 2. 2. quæst. 173. art. 4. dicit enim, quod mens Prophetæ à Spiritu sancto mouetur sicut instrumentum deficiens respectu principalis agentis, mouetur namque aliquando ad aliquod apprehendendum, aliquando ad loquendum, aliquando ad aliquod agendum, quandoq. ad duo horum, quandoque ad vnum tantum, & horum quodlibet potest cum aliquo cognitionis defectu contingere, & infra subdit, Sciendum est tamen, quod quia mens Prophetæ est instrumentum deficiens, ut dictum est, etiam veri Prophetæ ea tantum cognoscunt, quæ eorum visis, verbis, aut factis Spiritus sanctus representat.

Sed hic animaduertendum est, Nos non asserere Prophetas, quæ prædixerunt, penitus ignorasse, & ab eorum memoria ea excidisse, & nullam de illis certitudinem habuisse, & ut stultos locutos fuisse, quod Montanus, & Tertullianus affirmarunt; quos supra confutauimus, quod & Phrygæ tradiderunt, quorum peruersum dogma Sanctus Athanas. serm. 4. contra Arianos paulò post medium in Proem. in Isaiam, & Abacuc confutauit: sed dicimus, eos plerumq. fuisse plenè affectos, quod Spiritus sanctus intendebat in visionibus, quæ illis diuinitus fiebant, aliquando verò non: de his tamen, quæ per expressam reuelationem, & per expressum prophetiæ spiritum illis reuelabantur, maximam habuisse certitudinem, & pro certo

credidisse, quòd sibi diuinitus ea reuelabantur, & rectè, probèq. nouisse se esse verborum Dei annunciatore, & populorum præceptores, & euidentè cognouisse Deum esse, qui per eos loquebatur, ob quam certitudinem, & euidentiam asseuerantèr prædicebant quæcumq. prophetabant, quod & S. Thom. docuit 2. 2. quæst. 171. art. 5. & probatur ex illis Ieremiæ verbis cap. 26. In veritate misit me Dominus ad vos, ut loquerer in auribus vestris omnia verba hæc. Secùs autem dicendum est, si sermo fiat de his, quæ per instinctum aliquem occultum dignoscuntur, nam ea aliquando discerni minimè possunt, vtrum diuino instinctu, an verò à proprio spiritu suggerantur, neque enim, ut egregiè notat S. Thom. omnia, quæ cognoscimus diuino instinctu sub certitudine prophetica nobis manifestantur, quoniam talis instinctus est quoddam imperfectum in genere prophetiæ.

Firmitèr tamen credendum esse censemus, actum prophetiæ includere cognitionem certam rerum reuelatarum, quod etiam procedit ex parte reuelantis, ut ille, cui reuelatio fit, certum iudicium ferre possit, Deum esse, qui sibi reuelat, & spiritum etiam habere possit discernendi, an illa à Deo sit, an ab humano spiritu, quod probat Sanctus Thom. 2. 2. quæst. 171. art. 5. & ea ratione confirmari potest, quoniam eadem certitudine, qua Prophetæ affirmant res sibi reuelatas; affirmant etiam Deum sibi reuelasse, proinde asserunt, hæc dicit Dominus, Sermo Domini, Verbum Domini, locutus est Dominus per os Prophetarum, &c. Quocirca dicendum etiam est actum prophetiæ, & cognitionem propheticam esse certam, & infallibilem, ut citata quæst. art. 6. docet Sanctus Thom. nam nittur diuinæ reuelationi, cui non potest subesse falsum, quod

Nos probauimus Cap. 7. huius Tractatus, & hinc factum esse arbitramur, ob hanc certitudinem, & infallibilitatem sacras Litteras propheticas prædictiones de futuro tamquã de præterito interdum narrare cõlueuisse, vt benè declarat S. August. Concione 2. in Pl. 103. & Epiphani. hæresi 79. Verùm cùm dicimus, cognitionem propheticam habere certitudinem, & infallibilitatem, intelligendum est de cognitione verè prophetica, non de illa, quæ est ex prophetico instinctu, quoniam, vt diximus ex sententia S. Thomæ talis instinctus est quoddam imperfectum in genere prophetiæ, quocirca S. Gregor. hom. 1. in Ezechielem scripsit, aliquando Prophetas ex suo spiritu aliquid proferre, quod ex spiritu prophetiæ manare suspicantur.

S. August.

Epiphani.

S. Thom.

S. Thom.

S. Gregor.

quod Veteris, & Noui Testamenti sacras paginas legentibus palàm fiet. Genes. 20. legimus. Venit Deus ad Abimelech per somniũ, & ait illi, En morieris propter mulierem, quam tulisti, Genes. 31. Dixit Dominus ad Laban in somnis, caue nè quidquam asperè loquaris contrà Iacob. Num. 12. scribitur, Deum in somnis fuisse Aronem, & Mariam allocutum, & paulò post, Si quis fuerit inter vos Propheta Domini, in Visione apparebo ei, vel per somnium loquar ad illum, Iob 33. Per somniũ locutus est Dominus, Daniel 7. Daniel per somnium vidit quattuor ventos inter se pugnantes in Mari magno, Actor. 12. Dormiente Petro in Herodis carcere, Angelus Domini de nocte astitit, & lumen refulsit in tabernaculo, percussitque latere eius excitauit eum, Actor. 16. Visio per noctem Paulo ostensa est, Vir Macedo quidam erat stans, & deprecans eum, & dicens, transi in Macedonia adiua nos, Act. 23. Quadam nocte Dominus assistens Paulo, ait ei, constans esto Paule, sicut enim testificatus es de me in Hierusalem, sic Romæ te oportet testificari, Actor. 27. Consolari volens Paulus socios tempore tempestatis, suas eis bono animo esse dicens, Astitit mihi hac nocte Angelus Domini, cui deferui, dicens, nè timeas Paule, Cæsari te oportet assistere, & ecce donauit Deus tibi omnes, qui in Naui sunt tecum, & Matthæi 2. Angelus Domini Iosepho Mariæ Sponso in somnis apparuit, eique locutus est dicens, Tolle puerum, & fuge in Ægyptum, & Matthæi 27. de Vxore Pilati scripsit Sanctus Euangelista, Multa passa sum hodiè per visum propter eum, horum verborum sensus est, multa mihi in somnis occurrerunt, quæ me sollicitam valdè, & anxiam reddiderunt, per somnium namque Christi Seruatoris Nostri innocentiam hæc mulier

Genes. 20. 31.

Num. 12.

Iob 33.

Dan. 7.

Act. 12. 16. 23. & 27.

Matth. 2. 27.

Euangelista scripsit Pilati in somnis facta angelicis diuina

De Visionibus, Apparitionibus, ac Reuelationibus, quæ fiunt in somnis, & de signis earum, quæ à Deo sunt, & quæ Dæmonum fallacijs occurrunt, & quis sit legitimus somniorum interpres.

CAP. IX.



ABSOLVTO de lumine Prophetico Tractu, alterum Reuelationum, ac Visionum, quæ fiunt in somnis aggredimur, & quidem Deum in somnis, & Angelos etiam diuino iussu multis apparuisse, & sub varijs rerum simulacris, & formis multa reuelasse, sacre Litteræ testantur, & sancti Patres aperte fatentur,

Deus multis in somnis apparuisse probatur.

N agno-

agnouit, sciebat enim, tunc illius causam inter Iudæos agitari, hanc autem visionē à Dæmone ortū habuisse sensisse videtur S. Ignat. Martyr ad Philip. Epist. 5. Beda in Comment. in hunc locum, mihi verò fuisse illi mulieri somnium illud diuinitus immissum, probabilius videtur, quoniam huic opinioni subscripserunt huius loci plures

S. Ignatius
Martyr.
Beda.

S. Hieronym.

S. Leo.
S. Hylar.
S. Chrysost.
Euthym.
Theophyl.
Origen.

Interpretes grauissimi, vt S. Hieronym. S. Leo, S. Hylarius, Chrysost. Euthym. & Theophyl. ac etiam Origenes Serm. 11. de Pass. His positis nunc somniorū causæ investigandæ breuiter sunt, & postea quærendum, quibus argumētis, & signis percipi possit, quando diuinitus immittuntur, & quando à Dæmone ortum habeāt, & quamuis Cap. 11. huius Tractatus à Nobis satis copiosè actum sit de signis distinguētibus Visiones diuinas ab Illusionibus, tamen operepretium esse duximus hic, in specie de illis, quæ in somnis accidunt pauca adijcere. Non me later, aliquando somnia typum fuisse eorum, quæ futura erāt in Christo, & Prophetas in somnis multa de Christo prænouisse, vt patet ex sacris Litteris, & monuit Gloss.

Somniorum
significatio-
nes variz.

Gloss. 37.

ordin. super Genes. 37. quo loco indicat, somnia Iosephi futura de Christo designasse: aliquando etiam somnia significant mysteriorum diuinorum cognitionem, vt Ioel 2. Scenes vestri somnia somniabunt, aliquando etiam diuinarū rerum Reuelationes, quæ fieri cōsueuerunt in somnis, sed his relictis mysticis significationibus, dicimus, quod sicut somnare est aliquid, quasi vigilando in phantasia videre per somni quietem, ita somnium vocamus ipsam

Ioel 2.

Somnare, &
somnia quid.

S. Bonauent.

somniantis visionem. Rectè S. Bonau. in Centiloquio tomo 6. par. 3. sect. 23. somnium vocat illud, quod figuris tectum est, & sine interpretatione intelligi non potest, infomnium verò dicit esse, quando id, quod vigilantem fatigauerat, se ingerit dormienti, sicut est

cibi cura, vel potus, vel aliqua studia, vel artes, vel infirmitates, iuxta quas plerumq. diuersi diuersa accipiūt somnia: sed quidquid sit, somnium hic accipimus, vt sit homini dormienti, & importat representationem earum rerum, quæ tempore somni corporalis sopitis sensibus occurrunt, & inde factum est, vt Reuelationes, ac diuinæ etiam locutiones interdum nomine somni designentur. Verum in præsentia de somni corporalis naturalibus causis breuiter agendum est, quatenus ad somni spiritualis cognitionem facilius nos ducere queat, cuius somni spiritualis naturæ indaganda primum est ex similitudine, & proportione ad somnum corporale. Sicut enim in corporali somno ligantur sensus externi, vnde impediuntur functiones mentis, & sensus interioris, quod impedimentū oritur ex vaporū abundantia ascendentiū ad cerebrum, qui etiā vsui ad phantasmata recto, & ordinato obstat, hinc fit, vt etiam tunc intellectus in suis actionibus impediatur; somnus etiā corporalis exuperat corporeū sensum, & facit, vt oculi, aures, cæteraq. corporis membra suis non fungatur officiis, ita planè in spiritali somno accidit, in quo anima aliquādo ad tantū contemplationis gradum rapitur, vt ex eius vehementia tandē exteriores sensus impediuntur, sic enim tam vehemētē, & fortiter aliquādo supernaturalibus incutitur, vt abstrahatur ab operationibus sensuum externorū, & ab omnibus etiā actibus interiorum. Sed tamen in hoc secundo somno mens non solum non impedita remanet, sed & promptior, & facilius ad perfectā intelligentiā, ac rectum iudiciū eorū, in quibus cōtemplandis se occupat existit, vt superiori Capite probauimus. Atq. in hoc somno spiritali mens sic pacata, & tranquilla redditur, vt ad summā quietē traducatur, nō enim ex ebrietate vini, vt corporalis,

Somni spiri-
tualis essen-
tia indaga-
tur, ex cōp-
aratione cum
somnia corpo-
rali.

ralis,

Somni spiri-
tualis causa
ebrietas me-
rit.

Psalm. 35.

S. Augustin.

Psalm. 119.

S. Bernard.

Somni corpo-
ralis causa;
& effectus.

..

..

..

Somni spiri-
tualis effe-
ctus.

..

..

..

alis somnus provenit, sed ex ebrietate
mentis somnus iste spiritualis proce-
dit, per quam ad superiorum contem-
plationem eleuatur, Inebriabitur (in-
quit David Psalm. 35.) ab vbertate
domus tuæ, & torrente voluptatis tuæ
potabis eos. Quale vinum est, exclam-
mat Augustin. tract. 34. in Ioan. vnde
inebriari laudabile est, quale vinum est,
quod non turbat, sed mentem dirigit,
quale vinum, quod perpetuo sanum facit,
non inebriando facit insanum? Sed
audiamus S. Bernardum huius vii effe-
ctus egregie describentem Serm. 4. super
Salutem Regina, Dic, ait, Domina,
rerum (alloquitur Beatissimam Virgi-
nem) dic pro nobis Filio tuo vinum non
habent, calix huius vini inebrians quam
præclarus est, inebriat, calefacit, acuit,
audaces facit, & fortes, obliuiosos, dis-
cretos, somnolentos inebriat, amor
Dei ad contemptum mundi, calefacit,
quia feruentes facit, acuit, quia
erudit, facit audaces contra aduersa,
fortes in carne, mundo, & Dæmoni-
bus, inuincibiles, obliuiosos, eorum
scilicet, quæ retrò sunt, & insutura-
extentos, discretos erudiens ad iusti-
tiam, somnolentos, & tædiosos ad tem-
poralia, & ad visibilia contemplan-
da pronos, & promptos: Hactenus
S. Bernardus. Sed è contrà corpora-
lis somnus ab hoc spirituali longè di-
stat, & valdè differt, nam hic ex tri-
stia oritur, & ex tædio, & ex negli-
gentia originem ducit, mentem quo-
que impedit, ne ad cælestia eleuetur,
ne illa contempletur, ne diligat, ne
noxia, & Diabolica fortiter excutiat,
& è contrà spiritualis somnus facit, vt
anima inter amplexus veri sponsi quies-
cat, & in Dei amore liquecat, nam
per omnia flexibilis ad diuinum bene-
placitum redditur, & cum Deo vnus
spiritus efficitur, liquecit, dum deu-
otione mollescit, dum in illius sinu spon-
sus suus quiescit, liquecit, dum diui-

na dilectione calecit, & proinde clare-
mat ad sponsum, Animamque liquefa-
cta est, vt dilectus locutus est Cant. 5. *Cantic.*
Hi sunt effectus, hæ causæ corporalis,
& spiritualis somni: sed nunc ad som-
niorum essentiam, & causas inuesti-
gandas transimus, & ad distinguenda
diuina somnia à Dæmonum illusioni-
bus pergimus, quod sanè valdè ope-
rosum est, ac difficilè. Huius difficultatis
testis est S. August. lib. 22. de Ciuit. *S. Augustin.*
Dei c. 22. sic enim loquitur, Somnus,
qui propriè nomen quietis accipit, quis
verbis explicet? Sæpe somniorum vi-
sis, quam sic inquietus, & quam ma-
gnis, licet falsarum rerum terroribus
refertus, quod ita exhibet, & quodam-
modo exprimit, vt à sacris eas discernere
nequeamus, animam miseram, sen-
susque perturbat (hactenus Augu-
stinus) meritò ergò nos Greg. Magnus
admonuit lib. 4. Dialog. cap. 48. vt
diligentes, ac solertes simus in som-
niorum causis, ac differentiis inuesti-
gandis, Inter illusiones (inquit) ac ipsas
Reuelationes, Visionum voces, & ima-
gines, quodam intimo sopore discer-
nunt, vt sciant, quid à bono spiritu
percipiant, & quid ab illulore spatian-
tur, nam si erga hæc mens hominis
cauta non esset, per deceptorem spi-
ritum multis se vanitatibus immer-
geret, qui nonnumquam solet multa ve-
ra prædicere, vt ad extremum valeat ani-
mam ex vna aliqua falsitate laqueare.
Nunc ad somniorum causas plenius
vestigandas accingimur, quas in quat-
tuor Capita pro maiori legentium capto
distribuendas esse existimauimus, pri-
mum namque naturale appellandum esse
somnia dicimus, quod ad corporis
constitutionem sequi solet, alia enim
biliosis, alia sanguineis, alia melan-
cholicis occurrunt in somnis: & quo-
niam naturalia somnia originem du-
cunt ex varia corporum affectione, hinc
melancholici funesta somniant, quæ *Galeus.*

Greg. Mag.

Somniorum
causæ diliget-
ter inuestiga-
de.

Somniorum
causæ asseru-
tur.

..

Medici obseruare debent, vt monuit Galenus lib. quem de Præfagijs edidit Somniorum: secundum somnium appellat morale, quippe quod ex cuiusq. studijs, actionibus, & cogitationibus ortum habet, plerumq. enim fit, vt quæ vel operamur, vel vehementer cogitamus, & optamus ea somniamus. Alij verò nō morale illud somnium vocat, sed animale, quod ad diurnas exercitationes sequatur, & ad officia vitæ variæ horum duorū genūs somniorum probè descripsit Sæctus Augustinus lib. 12. de Genesi ad litter. cap. 30. Sunt, ait, alia visā vñtata humana, quæ siue ex ipso spiritu nostro multipliciter existunt, siue ex tempore spiritui quodāmodo suggeruntur, sicut fuerimus affecti, vel carne, vel animo: non solum enim vigilantes homines curas suas cogitando versant, verum etiam dormientes hoc sapè somniant, quo indigent, nam & negotia sua gerunt, ex animi cupiditate, & epulis, poculisq. inhiantes insunt, si fortè esurientes, sitientesq. dormierunt. Tertium somniorum genus diuinum est, quod à Deo per Angelos, aut per aliquam aliam creaturam eius iussu immittitur, cuius somnij exempla plura ex sacris Litteris in principio presentis Capituli retulimus, atque hæc diuina somnia sunt, vel per nouas in phantasia creatas imagines, aut certè per recentem compositionem earum, quæ in ea inerant, aut etiam per nouas intelligibiles species. Postremum autem somnium Diabolicon est, cuiusmodi pars magna somniorum à Dæmone immisissimum existit, quæ vel obscena sunt, vel curiosa, vel bonis moribus non consona, & ad nos decipendos, ac illudendos fiunt, non quidem per nouas species, quas in phantasia Dæmones immittunt, sed per commotionem spirituum, vel humorum diuersimodè componendo, eosq. per-

miscendo, & his conformia sunt, quæ notauit Sæctus Thomas 2. 2. quæst. 95. art. 6. qui quattuor somniorum causas esse docuit, duas corporales, & duas spirituales, corporalium vnam esse intrinsecam asserit, quæ ex copia alicuius humoris nascitur, vnde fit, vt somniamus ea, quæ illi humori consentanea sunt, altera extrinseca, quæ corpori circumstans est, quod ita immutat interdum phantasiā dormientis, vt sicut notauit Cardinalis Caietanus quædam format similitudines secundum aliquam analogiam qualitatis corporis circumstantis: sed spirituum causam altera interior est, nempe cogitatio, quæ in vigilia præcessit, altera exterior, quæ vel à spiritu bono, vel à malo procedit. Ex his ergo liquet, somniorum causas, & ex constitutione corporis pendere, & ex his, ad quæ affecti sumus, & ex animi affectionibus, & propensionibus ortum habere: ab his quoque, quæ vigilantes, vel cogitauimus, vel locuti fuimus, aut aliquo sensu percepimus, aut etiam ab his, quæ opere, & ministerio Dæmonum fiunt, quibus Deo permittente aliquando subijcimus, qui potestatem habent, similitudines in memoria reconditas, tamquam corporeas disponere, vt eas cogitationes interdum aspiciendas obijciat, Ille nefandus aduersarius (verba sunt S. Augustini) quod non potest subripere vigilantem, extorquet dormienti: Somniorum causas sex asserit Sanctus Gregorius Mag. lib. 28. Moral. cap. 2. plures quoque recenset Sanctus Bernardus de Modo viuendi ad Sororem Serm. 68. & Sanctus Isidor. lib. 3. de sum. Bono. cap. 6. S. Thom. 2. 2. quæst. 95. art. 6. S. Antonin. 2. p. 1. 6. & 7. Benedict. Pererius de Obseruat. somniorum, & de obseruat. Astrologica lib. 2. quæst. 2. Martin. Delrius Disquisit. magic. lib. 4. c. 3. q. 6. Ioan. Maldon. in c. 27. Matth. ad

S. Augustin.

Card. Cai.

Somnia diuina
qualiter
fiunt.Diabolicon
somnia qua-
lia.

S. August.

S. Gregor.

S. Bernard.

S. Isidor.

S. Thom.

S. Antonin.

S. Thom.

Pererius.

Delrius.

Maldonat.

ad ea verba; Multa enim passa sum hodie per visum, Gregor. de Valentia in:

Gregor. de
Valentia.

Cōment. ad 2. 2. S. Thom. tom. 3. disp. 6.

Thyreus.

q. 12. punct. 3. Petrus Thyreus Tracta-

tus de Apparit. lib. 3. capit. 5. Iacobus

Aluarez.

Aluarez de Inquisit. pacis tom. 2. lib. 3.

Philipp. Fa-
ber.

part. 2. cap. 9. Philippus Faber lib. con-

tra impios & theos disput. cap. 10. à

num. 193. & deinceps.

Ceterum etiam Gentiles multa de

somnijs litteris consignarunt, & dari

somnia vera tradiderunt, & licet non

omnia sint huiusmodi, non tamen om-

nia contemnenda sunt, vt infra ex Bea-

tae Brigittae sententia, alijsq. sacris Do-

ctoribus probabimus. Duae somniorū

portae esse cōmenti sunt Virg. Æneid. 6.

& Homerus Iliad. 1. primam por-

tam corneam vocabant, per quam

emittebantur vera somnia, secundam

eburneam, per quam falsa de cornea

Propertius lib. 4. Eleg. 1. de eburnea.

Horatius Ode 27. lib. 2. Carminum:

de somnijs Aristotel. scripsit libro de

Diuinatione per somnium, & libro de

Insomnijs ipse enim tribus generibus

hominum inesse diuinantia somnia

censuit; patientibus primò mentis

alienationem, familiaribus etiam res-

psectu familiarium, & postremò mel-

ancholicis, primis quidem id contin-

gere putat, quia cum mente alieni

sunt, non operantur in eis sensus exte-

riores, & remanent immoti, vigilant

tamen, sed non vident, nec audiunt,

cum retracti sint exteriores sensus ab

intrà, cumq. cogitata curarum tunc

expers sit, non excludit impressiones

specierum sensibilium exteriorum,

receptas in sensibus interioribus, qui-

bus futura praevident, cum priùs illo-

rum obiectum species perceperint,

sicque futura eos praevidere putat Ari-

stoteles: & de melancholicis rationem

prædictionum reddens dicit, hoc fieri

ob ingentem in commotione suorum

phantasmatum vehementiam, & ideo

phantasma mouente à principio phan-

tasia, per illam vehementer, vt à prin-

cipio discurret per omnia alia, phantasma

in sua mente ordinata, & sic mel-

ancholicus prænoscit futura, sed hanc

Aristotelis opinionem melancholiz

prædictiones, ac futurorum cognitio-

nem tribuentis, confutauimus Cap. 8.

Vnum non omitam, in quo omnino

etiam audiendus non est, quod dixe-

rit, nullum à Deo somnium immitti,

sed à natura, & ideo somnia diuina,

minimè dari censuit, sed daemoniaca,

vt potè quæ ea proficisci arbitratus est

à natura, quæ Daemonia dicitur, id est,

prudens, Dæmon enim Græcè sonat.

Sapiens, vnde Dæmonum nomen non

aliundè apud Græcos, quàm à scien-

tia traxisse docuit Cardinalis Hosius

de Traditionibus capit. 92. circa fi-

nem: proximæ huic Aristotelis sen-

tentiæ accessit Plato, qui in Conuiuium,

vera somnia futurorum prænuucia

non à Deo ortum habere censuit, sed

à Dæmonibus, Deum namque arbi-

tratus est non immisceri se rebus hu-

manis, nec proximam cum homini-

bis societatem aliquam habere, sed

commercia, & colloquia inter Deum,

& hominem, siuè in vigilia, siuè in

somno per Dæmones fieri, & confici,

& eorum esse officium preces, & vota

ad Deum deferre, quod & antè Plato-

nem tradiderunt Empedocles, & Py-

thagoras, quos Sanctus Augustinus lib.

8. de Ciuitate Dei cap. 20. & 21. egre-

giè, doctèque confutauit. Quæ nam

tamdè (sunt verba S. Aug. c. 20.) causa

est ista, & quanta necessitas, quia nul-

lus (inquiunt) Deus miscetur homini,

præclare igitur sanctitas Dei, qui non

miscetur homini supplicati, & miscetur

Dæmoni arroganti, non miscetur

homini pœnitenti, & miscetur Dæ-

moni decipienti, non miscetur homi-

ni confugienti ad diuinitatem, & mi-

scetur Dæmoni fingenti diuinitatem,

N 3 non

Arist. & alij
confutatur,
qui à Deo ve-
ra somnia
immitti ne-
gant.

Card. Hosius

Plato

Empedocles,
Pythagoras,
S. Augst.

Somniorum
portæ duæ ex
technicis sci-
pioribus
Virg.
Homerus.

Propertius
Horat.

Somniorum
causæ ex A-
ristot.

Aristotel.

non miscetur homini perenti Indulgentiam, & miscetur Dæmoni suadenti nequitiam. Reijcienda penitus est hæc Platonis opinio, quoniam sacris Literis aduersatur, ex quibus aperte constat à Deo somnia immitti, vt paulo ante pluribus exemplis ex sacra Scriptura allatis probauimus, & quidem in Nouo Testamento extant somnia diuina multa Iosephi Sponsi Virginis, & Magorum, & Vxoris Pilati, & in Veteri soporis Adæ, Abrahæ, Abimelech, & Iacob, Iosephi, & ceteris quoque contra Platonem, & Arist. quod scripsit Hypocritas in lib. de somnijs, in quo statuit somniorum verorum genera duo, alterum naturale, diuina somnia à Deo immitti docet, & semper causas memorabiles, insignesq. vel ad læticiam, & tristitiam, vel ad felicitatem, aut miseriam, siue priuatam, siue publicam euentum portendere, horum autem somniorum interpretationem ex Variis, rerumq. diuinarum interpretibus petendam esse scripsit: naturale autem aliud somniorum genus, quod Hypocritas admittit, provenire consuit ex causis intra corporis dormientium latentibus, quas supra enumerauimus; hæc etiam somniorum causas ad tria capita reuocant Stoici, quarum primam Deum esse dixerunt, qui cum sit omniscius, cunctaq. providentia sua bene, rectèq. gubernet, hominesq. maxime diligat, illis immittit somnia, vt cautiore fiant; nam cum illa sint futurorum euentuum indicia, quomodo se in rebus agendis gerere debeant, quæ uè cauere, sic illos monet. Alteram somniorum causam fatum ponunt, quo cuncta sunt velut æterna quadam serie, nexuq. colligata. Tertiā causam naturā animi nostri esse dicunt, quæ diuina est, hominis enim animus, quo magis à sensibus alienus est, ac à negotijs, curisq. solutus, eò aptior, ac habilior ad intelligendum

est, quo fit, vt exterioribus per corporis quietem, sensibus consopitis ad altissima arcana promptus, & apertus maxime existat.

Sed sua Gentilibus, ac Philosophis relinquamus somnia, & eò maxime, quod eorum plures existimauerint ridiculum, ac inane esse aliquid illi inesse diuinitatis, vt Epicurei, & Cinici.

Philosophi, Xenophanes, Chelophonius, & Cicero lib. 1. de diuinat. per somnium, alij verò è contrā multum somnis deferrebant, & ea aliquid diuinitus portendere prætendebant, vt Platonici, & Stoici, Chrysippus, & Iamblicus, & Plotinus, quos refert Ioan. Azorius Inst. Moral. p. 1. lib. 9. cap. 27.

sed quidquid sit, de somniorum causis ex Patribus agendum est; & quæ obseruatione uisè dignæ sunt afferendæ, de quibus scripsimus etiam. Nota prima ad lib. 4. Reveli S. Brigittæ c. 38. quo loco ipsa de somnijs loquens scribit, quod sicut non omnia somnia sunt recipienda, sic nec omnia contemnenda, & quidem S. Bernard. quædam vera dari somnia scribit Ser. 68. de Modo bene viuendi, qui sororem suam alloquens,

Licet (inquit) quædam vera somnia sint, non tamen eis facile fides præstanda est, quia à diuersis imaginibus nascuntur, & vnde veniant perfecte non cognoscimus, & ad finem citati sermonis concludit, Non ergo debemus credere somnijs, nè fortè decipiamur in illis, secutus est S. Bernardus Ludouicus Blofius Tract. quem inscripsit Consolatio Pusillanimum cap. de Interna allocutione, quæ

I E S V S Christus consolatur animam peccatricem non longè ab initio, de somnijs, ait, nihil metuas, quidquid ibi egeris, quidquid passa fueris dormiens, si ante, vel post somnium quando rationis es compos tibi displicet, nequaquam tibi venit imputandum, & paulo post subiungit, sed tu filia noli

Hypocritas.

Somnia
causæ ex Stoicis.Xenophanes
Chelophon
Cicero.

Ioan. Azorius.

S. Bernard.

Ludouicus
Blofius.

noli talia timere, noli respondere, noli repugnare, noli aduertere, immò verò quasi nihil senseris imperturbata perge in tuis exercitijs, prætereundo, & contemnendo incidentias: Quæ somnia Blasius. Canum lacratibus comparat. &

Somnia canum
lacratis,
de sono cy-
tharæ similia

U. Gregorius
Nyssenus.

S. Greg. Nyssenus de hominis opificio, illa Cytharæ similia esse tradit, cuius fides cessante manus impulsu, adhuc modicum extrema motione trepidat,

Ecclesiast. 34

ac tinniunt, quocirca Ecclesiast. 34. scribitur, Multos errare fecerunt somnia, & exciderunt sperantes in illis,

Galienus.

arque hinc Caiet. q. citata. art. 6. de sensu asseruit, nullam vniquam fidem somnijs adhibuisse, quamuis euentus interdum viderit ea comprobari: certè ut notauimus, cum variaz somniorum causæ sint, & ab earum qualibet possint illarum ortum ducere, diligenter inspiciendum, ne quis diabolica suggestione illudatur, & decipiatur, & eo maiorem

Quare de id
nis plerumq.
certa cogni-
tio non possit
haberi.

diligentia adhibenda est, si de somnijs sermo fiat ordinatis ad effectum aliquem contingentem, cum enim certa somnij cognitio haberi non possit, nisi illius causa cognita, cumq. somniorum causæ variez sint, nec somnium vllum ita ab vna causa oriatur, quin similiter ab alia prouenire non possit, & per se somnium non sit causa sufficienter producens aliquem effectum contingentem, inde sequitur non posse nos habere de futuris contingentibus ex somnijs nisi leuissimas coniecturas. Loquimur hic seclusa reuelatione diuina, qualem, & Daniel, & Ioseph, alijq. plures habuerunt, ut ex sacris Litteris patet.

S. Isidorus.

Sed audiamus S. Isidorum lib. 3. sent. cap. 6. de somnijs egregie scribentem, & aliqua à Deo, alia verò à Dæmone immitti asserentem, idè eorum differentias, ac discrimina diligenter inuestiganda esse monet, Quædam (inquit) Reuelationes supernæ diuinitus fiunt in somnis, sicut in Euangelio de Spôso

Mariz, qui ut fugeret cum puero in Ægyptum in somnis admonetur, & quâuis nonnulla vera sint somnia, facile tamen eis credendum non est, nè fortè Sathanas in Angelum lucis se transformans quemlibet incautum fallat, & aliqua erroris fraude decipiat, quia nonnumquam Dæmones ita quosdam curiosos obseruant, & interdum aliqua vera pronunciant, vt in multis fallant. Idem ex mente Sancti Augustini animaduertit Henricus Susan in Appendice cap. 19. p. 336. his verbis, Cum etsi plerumq. fallant somnia, interdum etiam citra ambiguitatem verum significant, quod sanè diligenter inspiciendum est: ferunt S. Augustinum aliquando de sua Matre dixisse, ab ea audiuisse, eo se diutius munere præditam, vt si quid vel dormiens omninò, vel dormitans vidisset, à Deo illi præstitum discretionis donum, quo facile agnosceret, vnde somnia ortum duceret, hoc sanè tam egregium, tamq. præclarum à Deo S. Monicæ collarum donum discernendi diuinitus immissa somnia à Dæmonum illusionibus, eò feruentius postulandum est, quo plerumq. somnia multa secum pericula trahunt, & decipiunt, curiosos maximè, ac huius sæculi curis distentos, & illos potissimum, qui dormitum eunt absque vlla præparatione, & velut animalia ratione carentia, nec signo quidè Crucis contra inimicum se munientes, nõ examen peccatorum, quibus Deum offenderunt facientes, nec gratias Deo vllas agentes, quod tot, tantaq. illis beneficia contulerit, vt mirum non sit, si se Angelicis visitationibus indignos reddant, si tentationibus præmantur, si in certamen vocati succumbant, si cum Behemoth sub vmbra dormiant in secreto calami, & in locis humentibus Iob 40. quod tunc faciunt cum peccatorum tetra caligine tecti ad lucem diuinam ingressum non.

Henricus Su-
san.

Velut præpa-
ratio ad res-
torem som-
nium capien-
dum.

Iob 40.

habent; & terrenorum desideriorum humore abundantes in locis humentibus habitant, sed & imitari Sponsam expedie Cant. 3. quæ in seculo meo,

Cant. 3.

dicebat, per noctes quæsiui, quem diligit anima mea: vellent certe salutaria illa monita in memoria nostra penitus insiderent; quæ suis Fratribus deuotus

S. Bernard.
ad Fratres
de monte
Dei.

ille Bernardus dedit, liturus dormitum (inquit) aliquod tecum defer in memoria, & cogitatione, in quo placide obdormias, quod etiam somniare ius uet, sic tibi nox, & dies illuminabitur, & nox illuminatio: quæ in delicijs tuis placide obdormies; in pace quiesces; facile vigilabis, & surgens, facilis eris ad redeundum in id, unde non totus discessisti. Legite Franciscum Coste-

Franciscus
Costerus.

rum Medit. 19. ubi asserit, non solum interdum, sed & noctu quoque dormientibus assistere consueuisse Angelos, & subdit, Tu incubiturus, examine conscientie, doloreque peccatorum, quæ illo præcipue die à te mala commissa fuerint doleas, & Angelica presentia te dignum exhibeas.

Somniorum
Diabolicorum
causæ, & eue-
tus.

Horum nunc somniorum discrimina breuiter ex Sanctis Patribus in presentia afferenda sunt: & sanè diabolica somnia ea esse arbitramur, quæ Dæmones fraudolenter immittunt, vel ad animi perturbationes ciendas, vel ad iram, odium, desperationem, aliaque vitia in hominibus excitanda, vel ad occultorum, & futurorum manifestationem indagandam, quæ de re egregie scripsit S. Isid. lib. 3. de Summo bono cap. 6. Plerumque (inquit) Dæmones in noctibus occurrentes humanos sensus per visiones conturbant, vel formidolosos, & timidos faciant, aliquoties etiam ex desperatione peccatorum mentem conuersi per soporem conturbant, horridaque gehennæ supplicia immittunt, nonnumquam autem, & aperta impugnatione grassantes humana corpora verberant, quod

S. Isidori

tamen Deo permittente malis sit ad vindictam, iustus ad tolerantiam gloriam; plerumque immundi spiritus eos, quos incumbere in sæculi amore conspiciunt, dormientes quadam vana spiritus prosperitate illudunt, quosdam vero, quos formidare aliquæ aduersa presentium, dormientes inani terrore concutiunt, hætenus S. Isidori.

Somniorum à Dæmone proficiscerium causas septem congerit Petrus Thyreus Tract. de Apparit. spirit. lib. 3. cap. 1. 3. primam rerum, quæ dor-

Thyreus.

miis occurrunt, perturbationem; secundam earumdem falsitatem, tertiam leuitatem, quartam malitiam, quintam inutilitatem, sextam superfluitatem, septimam somniantium impietatem: & quænti ad primam causam spectat, quoniam sapientia accidit somniantibus diuersas, multasque occurrere formas, ut solet in nubibus figurari, nunc Volucrum, nunc Quadrupedum, nunc Serpantum, & cæterarum quoque rerum similitudines, quæ breui temporis spatium in alias atque alias commutantur, & cito dissoluuntur, ac euanescent, sic in imaginatione quandoque fit, ut vanæ homini dormienti rerum formæ represententur, easque concipiant, & mox una alteri succedat, & quam citissime mutantur, nihilque in illis stabile existat, & hæc à Deo minime proficisci certum est, tum quod commotionem spirituum, in quibus imagines sunt, sequantur, tum quia quæ Deus somnia immittit, veluti certa signa rerum statuit, quas ille vult per illa alijs innotescere, qualia hæc ob eorum incertitudinem, inconstantiam, & inordinationem non existunt: multò minus si Dæmones per somnia falsa, leuia, mala, inutilia, impia, ingerant, illa à Deo proficisci nequeunt, qui est prima veritas, summa bonitas, summa sapientia, immutabilis regula, & qui singulari prouidentia omnia ordi-

nat

nat in finem sue gloriæ, qui singulis rebus conuenientia media tribuit, quibus suis sibi fines comparare possunt, & qui suauiter, & fortiter attingens, à fine vsque ad finem, cunctorum curam habet; qui vt omnium creator, benignissimus conseruator, prouidentissimus gubernator omnia rectè, probèq. regit, custodit, & in suos fines efficit, & suauiter dirigit.

Strepitus, & terrificationes nocturnæ sunt Dæmonum plerumq. illusiones.

Atque hinc deducendum est, terrificationes, ac strepitus illos, qui aliquando nocte fiunt, ac somniantibus accidunt, plerumq. esse Dæmonum ludificationes, non diuinæ visiones, fascinationes enim sunt, & illusiones, & deformitatem aliquam semper secum ferunt, vt indignum sit ea maiestati diuinæ ascribere, quæ nec etiam Angelis tribuenda sunt, nam cum illi administratorij spiritus Dei existant, certè in quibuscumque rebus, quas illi, Deus iubet, operas suas promptè præstant, & nihil inordinatum, nihil deformè efficiunt: fieret ergò consequens, si Angelis tribuerentur imperio, & voluntate Dei ea effici, quæ ergò ratio esse potest, vt Deus illa velit, quod nec sancti Patres, nec Doctores sacri ea Deo esse tribuenda tradiderunt, idq. maximè suadet magna Dæmonum vis, & potestas, quæ nulla super terram est, quæ comparatur ei; vt Iob cap. 4. scribitur: vnde plurima eaq. valdè mira Deo permittente efficere possunt, vt mirum non sit, si huiusmodi terrificationes, & terrores dormientibus incurrant, & maximè cum possint sibi assumere corpora; & quascumq. illis dare formas, & sensus interiorum, & exteriorum fascinatione illudere, sicq. dormientes decipere: id autem præstant sub varijs brutorum, & horrendorum monstrorum formis: familiares illis sunt teste Basilio in cap. 2. Isaïæ, Felis, Mustellæ, Suis, & Canis, Hyrci etiã forma Dæmoni gratissima

est, quæ Dæmoniorum spiritus prodit, meminit S. Athanas. in Vita Sancti Antonij etiã sub formis apparuisse Leonum, Taurorum, Luporum, Aspidum, Serpentum, Scorpionum, Pardorum, & Vrsorum, & sub forma etiã Bouis Dæmon molestias interdum intulit B. Catherinæ filiæ S. Brigittæ, id autem faciunt Dæmones, vt hominibus incommoda, & molestias ferant, & eos à Deo abducant, & terroribus inuoluant, & cultum, qui Deo competit, homines eis tribuant: quare autem nocturnum, potius quàm diurnum tempus eligant, ratio est, quia, omnis, qui malè agit, odit lucem, & non venit ad lucem, vt non arguantur operæ eius Ioan. 3. merito Ephes. 6. Ioan. 3. Apostolus illos tenebrarum rectores vocat, & Basilius nocti similes eos esse docuit, quia nox per se terrorem, aliquem affert: postremò cum ipsi hominum conspectum plerumq. fugiant, proindè nocte potius, quàm interdiu illa præstant. Sunt enim Dæmones spiritus, teste S. Augustin. lib. 8. de Ciuit. Dei cap. 22. nocendi cupidissimi, à iusticia penitus alieni, superbi, & tumidi, inuidencia liuidi, fallacia callidi, qui in hoc quidem aere habitant, quia de cæli superioris sublimitate deiecti, merito irregressibilis transgressionis in hoc sibi congruo velut carcere prædammati sunt.

S. Athanas.

Ioan. 3. Ephes. 6.

S. Basil.

S. Augustin.

Porphyrus. lib. 4.

Vndè tot etiam olim oraculorum, & Dæmonum responsa ænigmatica, ortum habuerunt, quibus homines decipiebant, de quibus Porphyrius in lib. de Responsis oraculorum, & Eusebius in lib. de Preparat. & demonstrat. Euang. lib. 4. & 5. & præsertim lib. 4. cap. 4. Hinc etiam illa Gentilium vanæ superstitio, qui cubabant in Templis ad habenda huiusmodi responsa, quæ etiam de causa consuetudo illa tunc agebat, vt sub stratis pellibus hostiarum cubarent, hac de re legendus est Cyril.

Dæmones quas animalia formas cōsumunt assumere.

S. Basil.

Cyrillus Alexandr. contrà Iulianum lib. 10. quod indicare forsitan voluit Isaias cap. 45. illis verbis, In delubris Idolorum dormiunt.

Dæmonia in
terdum vera
prædictusque
& quare.

Certè negari non potest, virtute Dæmonum prædictiones quorundam futurorum fieri posse, quæ ab illis causis pendent necessarijs, quæ ab alijs naturalibus nequeunt impediri, vt cælorum motus, astorum coniunctiones, & echlypses, & alia similia: quæ verò non necessariò eueniunt, & ab alijs naturalibus causis impediri queunt, vt tempestates, caligines, imbres, & pluiæ, illa per coniecturas cognoscunt, & probabiliter tantum prædicunt. Quæ verò etiam certò non norunt, per coniecturas illa prædicere possunt, non enim inconueniens est, in Dæmonibus ponere scientiã coniecturalem, quæ licet plerumq. fallax sit, per eam tamen multa præcognoscere, & prædicere possunt, non tamen illa, quæ absolute à Dei voluntate pendent, vel ex arbitrij humani libertate: vidèdi sunt hæc de re Tertull. in Apolog. cap. 21. Orig. lib. 4. Periarchon, Sanctus Ansel. de casu Diaboli cap. 21. S. Thom. 1. p. q. 57. art. 3 Bannes, & alij Thomistæ ibidem. Quare autem conentur Dæmones futura interdum prædicere, respondet Tertullianus vbi suprà, id eos præstare, quia sic æmulari diuinitatè volunt, & ad Dei similitudinem, vt superbi ascendere contendunt, cuius est proprium futura prædicere, præterea id eos præstare, tradiderunt S. August. lib. 4 de Trinit. cap. 17, & Iustinus Martyr in Apolog. contrà gentes, vt curiosorum animas capiant, eosq. deludant, qui futurorum præscientiæ inhiant. Attingunt autem aliquando veritatem Deo sic disponente sua providentia, & iusto iudicio, & prædicunt aliquando ea futura, quæ ipsi ex diuina permissione sunt facturi, vel id etiam efficiunt, quoniam illa

Tertullianus

Orig.

S. Anselm.

S. Thom.
Bannes.

S. Augustin.

Iustin. Mart.

aduertētēs ad Reuelationes Prophetis factas, alijsq. Sanctis Viris, easq. in eorum libris conscriptas, inuenientes, quædam non ex propria cognitione, sed ex iisdem libris hausta prædicunt, sicut & contingere Ethnicis, quos multa præcognouisse, & prædixisse de Christo mysteria futura, quæ legerunt in libris Prophetarum, notauit S. August. lib. 8 de Ciuit. Dei cap. 23. & de consensu Euangelistarum lib. 1. cap. 20. Omitto (inquit) dicere, quod ea, quæ in eorum libris leguntur, pro nostra, hoc est Christiana Religione testimonium dicunt, quod à Sanctis Angelis, & ab ipsis nostris Prophetis audire potuerunt, sicut & præsertim in carne Christum etiam Dæmonia, coacta sunt confiteri. Legite August. Eugubinum lib. 1. de Perenni Philosophia cap. 3. & 19. Bannes loco citato, Philippum Fabrum contrà impios Atheos disp. 4. cap. 2. num. 51. & 52. qui scribit, Veteres Gẽtiles ea accepisse ex reuelatione à primo parente Adâ, & ab Adam deinde per traditionem ad posteros peruenisse vsque ad Academicos, & Platonicos, sed eam cognitionem fuisse impuram, & multis erroribus implicatam asserit.

Ethnici quidam de Christo prædicant, quoniam in libris Prophetarum legerunt.

S. Augustin.

Aug. Epist.

Bannes.

Philipp. Fabrum.

Verum ad somniorum tractationem, à quâ paululū discessimus, reuocanda nostra oratio est, & quidem cum certum sit, vt in principio præsentis Capituli ex sacris Litteris probauimus, Deum, & Angelos Dei iussu in somnio interdum apparuisse, & dormientibus plura reuelasse, proinde ad completam rei cognitionem quærendum breuiter est, quomodo dormienti Deus somnia immittat, eiusq. mentem eleuet ad intelligenda ea, quæ illi in somno obijciuntur, & an in eo tunc libertas maneat ad exercendas operationes tum rationis, tum liberi arbitrij, quod qua ratione fieri possit docet S. Thom. 1. 2. q. 113. art. 3. ad 2.

Deus quomodo somnia immittat, & quomodo ratione eleuet mentem ad intelligenda somnia.

S. Thom.

quo

quo loco de Salomone verba faciens affirmat eum, dormiendo non meruisse, nec accepisse sapientiam, sed ei fuisse declaratum, quod ob præcedens desiderium illi à Deo sapientia infunderetur, addit tamen, quod si sermo fiat de somno prophetico secundum quod scribitur Num. 12. Si quis fuerit inter vos Propheta Domini per somnium loquar ad eum, posse aliquem vsum liberi arbitrij habere in somno, & somnum illum Salomonis non naturalem fuisse, sed somnum propheticum, & ratio est, quoniam potest Deus facere, vt Propheta dormiens solutus sit, & liber ad exercendas actiones liberas, remanente in eo vsum liberi arbitrij, confortado sic intellectum, & imaginationem dormientis, & tam purum, & clarum reddere à vaporibus organum eius, & ita suauiter mouere intellectum, vt penitus tractus, & quasi ligatus existat, & ex vi luminis supernaturalis perfectum in eo remaneat mentis iudicium; fauet S. Basil. in Proem. Isaïæ, & Rupertus, qui exponens illud Genes. 21. Immisit ergo Dominus soporem in Adam, Sopor (inquit) quem Deus Adamo immisit non claudere vigilas rationis debuit, sed obseratis quinq. sensibus corporis, sensum mentis liberum reliquit, vt scire posset, quid erga se faceret omnium artifex sapientia, & cum soporem Adæ fuisse somnium propheticum dubitandum non est.

Sed libet asserre, quæ hac de re scripsit Suarius tomo 2. de Virtute Relig. lib. 2. de Orat. ment. cap. 19. n. 21. Dicit enim loquendo de corporali somno, non posse dormientem habere expeditum rationis iudicium, sed oportere, vt miraculoso modo fiat, quia opus est, vt confortetur intellectus ad perfecte intelligendum, non obstante impedimento sensus interioris, quod naturale non est, aut certe oportere

purificare sensum internum, quantum necesse est ad vsum intelligentiæ, conseruato quo ad reliqua corporali somno, quod etiam est præter naturam, secus autem in somno prophetico accidit, quando attentio animæ per superiorem portionem mentis est vehemens, naturale enim est, vt impediat inferiores functiones eiusdem animæ, & subinde dicit, posse esse tantam abstractionem, vt ab omnibus actionibus exterioribus sensuum abstrahatur sine vlllo impedimento naturali, quoad perfectum mentis iudicium.

Nec obstat, quod cognitio intellectus ortum ducat à sensibus externis quoad species intelligibiles, quia postquam mens iam species à sensibus accepit in suo actuali iudicio, ab operatione sensus externi non pendet, sed illis sat est cooperatio phantasie, rem probat Suarius exemplo specierum coloris, & caloris, quarum species, cum quis acceperit, eisi postea ab illorum operatione cessauerit, potest tamen iudicare, meditari, & recogitare de rebus, quas potest per tales species cognoscere, & sic etiam secuta abstractione ab externis sensibus vel actuali, vel habituali, non impeditur perfectum rationis iudicium, quando abstractio ex ingenti ipsius mentis intentione oritur.

De somnio tamē Salomonis bipartita est Doctorum sententia, sunt qui negant Salomonem in eo habuisse libertatem, & meritum, sic S. Thom. loco citato, & 2. 2. quæst. 154. art. 5. ad 1. & de Veritate q. 28. ar. 3. Abulens. in 3. Reg. 3. q. 4. & 12. Pineda lib. 3. de rebus Salomonis cap. 5. Benedictus Pererius in Danielē disp. de Veritate, & varietate somniorum q. 7. horum Doctorum fundamentum est, quoniam existimant libertatem non posse esse, nisi intercedere iudicio perfecto,

Num. 12.

In somno prophetico quæ ratione maneat vsum liberi arbitrij & perfectum mentis iudicium.

S. Basil.

Rupertus.

Suarius.

Salomon an in somno rationis iudicium, & libertatem habuerit.

S. Thom.

Abulens.

Pineda.

Pererius.

Suarius.

& vſu liberratis perfectæ, quæ omninò cum vigilia coniuncta ſunt, & ſolùm cum vigilia dari poſſunt, verum hæc in ſomnis prophetiſis inueniri aſſeruit S. Thom vbi ſuprà, & Suarius loco citato, cum Deus poſſit eleuare intellectum, & phantaſiam hominis dormientis ad perfectam intelligentiam, & rationis iudicium, cui annexa eſt libertas; poſſitq. ita purgare phantaſiam, eamq. ſic diſponere, & mentem eleuare, vt dormiens tractet cum Deo, & de rebus diuinis, quid agat, & de quibus agatur intelligat, & quidem ſi contextus diligenter perpendatur, & verba quibus hoc Salomonis ſomnium Scriptura ſacra deſcribit 3. Reg. 3. facile quis colliget, tunc Salomonem habuiſſe libertatem, & rationis iudicium, quod patet, tùm ex oblatione Salomoni à Deo facta illis verbis, Poſtula quod vis, vt dem tibi, tùm ex gratiarum actione ipſius Salomonis pro beneficijs à Deo Patri ſuo Dauidi collatis, ibi Tu feciſti cum ſeruo tuo Dauid Patre meo miſericordiam, & nunc Domine Deus tu regnare feciſti ſeruum tuum (loquitur enim hic de ſe ipſo) poſtremò ex ipſa petitionis ſerie Deo factæ à Salomone, Dabis ergò (inquit) ſeruo tuo cor docile, vt populum tuum iudicare poſſit, & diſcernere inter bonum, & malum: quis ergò ambigat, ſi benè ſingula huius narrationis, & diuinæ locutionis, ac Salomonis reſponſa conſiderentur, in eo dormiente, & libertatem, & rationis interceſſiſſe iudicium cum perfectâ intelligentia, nec quadrat, quod alij dixerunt, dormiſſe quidem Salomonem, cùm cœpit Deus eum alloqui, poſteà verò locutione ſua eum excitafſe, & tunc poſuiſſe Salomonem liberè attendere, atque operari, nam vt notauit Suarius loco ſuprà citato num. 16. contrà hoc vehementer vrgent verba textus, vbi ſcribitur, Igitur

euigilauit Salomon, & intellexit: euigilare enim propriè is dicitur, cum a corporalis ſomno excitatur, proceſſit ergò totus ille ſermo inter Deum, & Salomonem durante ſomno corporali Salomonis, qui poſteà illo finito euigilare cœpit, quod ego, cò probabilius exiſtimo, quoniam petitio illa Salomonis Deo placere non potuiſſet, vt verè placuit, niſi fuiſſet voluntaria; ſit ergò conſequens, Salomonem tunc dormientem Dei locutionem percepſiſſe non corporis auribus, ſed cordis, quod etiam animaduertit Abulenſis 3. Reg. 3. quæſt. 4. 12. & 13. & Sanctus Ambr. in Pſal. 118. orafſe, & promeruiſſe in eo ſomno Salomonem aſſerit, idem ſentit Tertullian. 4. contrà Marcionem 15. & petitionem illam ex libera electione manafſe docuerunt Dionyſ. Carth. & Vgo Card. & Gloſſ. & Lyranus in 3. Reg. 3. & ex Scholaſticis Alexander Alenſis 4. par. q. 101. nu. 3. art. 3. §. 2. ad 1.

Cæterum placet cauſas aliquas breuiter inſinuare, quare interdum Viſiones, ac Reuelationes ſiant in ſomnis, ratio in promptu eſt, quoniam in dormientibus à ſenſibus per ſpecies, & imagines ſatis apertè res reſeſtantur, etenim cū ſomnus placatus, placidusq. exiſtit, & non multis, craſſiſq. vaporibus dormientis mens turbatur, tunc rerū ſimulacra, & imagines; quarū ſimilitudines ſūt, melius inſpicit, hincq. ſit, quod anima nullis externis rerum in ſenſus incurrētium motibus diſtracta ſolutior, & aptior exiſtat ad ea percipienda, quæ illi dormienti reſeſtantur: Hanc ob cauſam S. Thom. 1. par. q. 12. art. 11. in corpore monuit, quòd homo in ſonnis aptior eſt ad percipiendas Reuelationes ſpirituales, quàm in vigilia, & ideo ſit, vt Deus plerumq. hominibus ſe in ſomnis inſinuet, ac illis tunc multa reuelet, quo loco duo notatu digna aſſert Domini-

cus

S. Thom.
Suarius.

3. Reg. 3.

Abulenſis.

S. Ambr.

Tertullian.

In ſomniis quæ
ſe plerumq.
Viſiones re-
ſeſtant.

Suarius.

S. Thom.

Benedict.

cus Bannes, intellectum nempe in sua operatione duo habere officia, alterum apprehendere, alterum verò iudicare, atque hinc Bannes colligit, sententiam Sancti Thomæ quantum ad apprehensionem esse veram, non autem quantum ad iudicium, quia inquit, ad percipiendas species rerum spiritualium disponitur homo quando cessat ab operatione rerum materialium, & sensibilibus, quod in somnis potissimum fit, ac verò iudicium cum fiat cum resolutione ad sensibilia, quæ sensibus percipiuntur, aptius, & apertius in vigilia sequi, quam in somno, exemplum affert ex Genes. 8. quo loco legimus, Postquam Iacob scalam vidit Cælum attingentem, expergefactum dixisse, Verè Dominus est in loco isto, & ego nesciebam, ex quo infert, Iacob vidisse quidem scalam Cælum attingentem, & per eam Angelos ascendentes, & descendentes, non tamen priusquam euigilaret perfectum habuisse iudicium, quod Deus verè erat in eo loco.

Notat secundò, & quidem rectè, hoc esse intelligendum de somno, in quo phantasia non est confopita, & conturbata, sicut illis accidit, qui cibo, potuq. repleti dormiunt, sed requiritur, quod in somno sensus exteriores ligati tantummodò existant, phantasia verò libera maneat, ut possit ministrare subtiliores species intellectui dormientis.

Aliqua alia nunc ad dignoscenda somnia, quæ ex naturalibus causis ortum habent afferenda signa sunt, qua in re diligentes, ac solertes nos esse oportet, nè decipiamur in illis, utq. varias superstitiones, curiosas diuinationes, & demonum illusiones, quibus plerumq. peccati ansam præbent, vitare possimus. Attendendum ergo est, ut suprà dicebamus, sit nè dormientis corpus in ædia exhaustum, aut cibo,

potuque repletum, vel humoer aliquo prædominante grauatum, vel alio interiori defectu, vitioq. laborer, ex his namque causis, quieta, turbida, dissona somnia procedere consueverunt, & ex eisdem facillè coniungi potest illorum varietas, quæ etiam ex qualitate, & diuersitate similitudinum, & formarum, quæ dormientibus occurrunt desumi potest: atque hinc est, quod malencholicis, & his, qui atra bili abundant frequenter caligines, fumi, tæta spectra, nocturnæ aberrationes in somnis obuiam fiant, hæmaticis verò mare, aquæ, balnea, navigationes, submersiones, quibus verò sanguinis copia supet, flores, colores varios referentes, rosæ, horti, choreæ, conuiuia, & ea, quæ lætitiæ, ac gaudium secum ferunt, ac verò colericis rixæ, pugnæ, bella, ac incendia occurrunt. Hinc illud Tibull. 3. Elegia 4.

*Venator cum membra toro defessa
reponit,*

*Mens tantum ad sylvas, & sua
lustræ redit,*

*Iudicibus lites, & Auriga somnia
currus,*

*Vanaq. nocturnis metæ cauetur
equis.*

Quamobrem obseruare, atque interpretari somnia, quæ ex naturalibus causis proficiuntur nullum est peccatum, qua in re, & Medici, & Theologi conueniunt, valdè namque conducit illorum cognitio, ac interpretatio ad morborum causas agnoscendas, & ad nostra studia impostherum, vitamque melius instituendam: teritant sæpè alios crebra somnia, ac in desperatione, ac pusillanimitate inducunt, & ideo illorum causæ diligenter inquirendæ, ac

Obseruare,
somnia ex
causis natu-
ralibus pro-
ficiencia,
non est pec-
catum.

In discer-
nendis som-
nijs diuina à
Diabolicis,
& naturali-
bus causis
discipienda
sunt.

examinandæ sunt, & remedia oportuna adhibenda, vt patientes ab illis liberentur incommodis, quæ huiusmodi somnia afferre consueverunt.

De diuinatione per somnium, & de obseruatione somniorum legenda sunt, quæ scribit Sanctus Thomas 2. 2. quæst. 95. art. 6. quo loco docet, diuinationem ex somnijs, quæ à diuina reuelatione fiunt, aut ex causa naturali respectu naturalis effectus interna, vel externa illicitam non esse, eam verò, quæ ex Dæmonum reuelatione procedit, reiiciendam veluti superstitionem, & criminofam. Crediderim tamen ad Dæmonum fraudes, & deceptiones cauendas, à Dæmonibus immissa somnia obseruare licitum esse, cum hoc ad animæ salutem spectet, si verò huiusmodi obseruatio tendat ad oculorum scientiam secretorum, vel futurorum euentus prænoscentos illicitam esse, quod probatur ex illo Levitic. 19. Non augurabimini, nec obseruabitis somnia: Paulus Comitulus Responsor. Moralium lib. 4. q. 4. ex sentent. Aristot. somniorum causas distinguens, eorum, ait, quæ nobis accidunt somnia, aut cause sunt, aut signa, aut accidentia quædam fortuita: causæ, cum mens nostra nocturnis visis mollita, & implicata, ijsq. diu inherens agit, quæ agit, quamuis secus agere posset, si vellet: signa verò, cum animi, vel corporis affectiones, tum præsentis, tum futuras indicant: fortuita sunt accidentia, cum expectatis nonnulla eueniunt, quorum somnia cause naturales nequaquam esse potuerunt, vt cum quis somniauit aduenisse amicū, & eidem ambulanti postea occurrit in foro, hoc postremum asserit Comitulus obseruare non licere, duo autem priora licere, quæ de re tractant Summiſtæ Verbo Diuinatione.

Multa de somnijs congerit Ioan.

Pierius in libro cui Titulum appoſuit Hieroglyphica, siue de sacris Ægyptiorum, aliarumq. gentium notis, & præcipue lib. 39. ac in alijs etiam passim, in quibus ex varijs rerum simulacris, & imaginibus, quæ dormienti occurrunt, varias somniorum interpretationes colligit, & quid illa portendunt indicat.

Plura quoque Gentiles Scriptores hac de re tradiderunt, vt Antiphon, Philocus, Artemon, Seraphion Ascalonites, Aristoteles, & Cicero de Diuinatione, Arimedorus etiam quatuor libros composuit, quorum meminir Ioannes Azorius loco supra citato.

Reliquum est modò, vt quæ diuina somnia sunt, & quæ à Deo immittantur explicemus: Sanè illa esse à Deo existimandum est, quibus vult nobis aliquid innotescere, nosque de re aliqua instruere Iob 33. scribitur, Quando homines dormiunt in lecto, aures virorum aperit, & erudiens nos, instruit disciplina. Instruit nos Deus, cum ea, quæ eius cognitioni reſeruata sunt, nobis propalat, quando occulta cogitationum, & cordium intentionem reuelat, cum de mysterijs nostræ fidei nobiscum agit: Ipse Deus est, qui reuelat profunda, & abscondita, & nouit in tenebris constituta Daniel. 2. Profunda mysteria, quæ nos docet, suorum operum arcana sunt, & diuinitatis suæ secreta abscondita. Quoniam scire nos facit, quòd Trinus est in personis, & in essentia vnus, quòd Filium suum Deus Pater hominem fieri voluit, quòd in stabulo nasci, circumcidi, famem, & sitim pati, flagellis ad columnam cædi, spinis coronari, in Cruce pro nobis mori, resurgere, ad Cælum ascendere, viuos, & mortuos in fine sæculi iudi.

Somniorum
obseruatio
quæ licita.

S. Thom.

Leuit. 19.

Paulus
Comitulus.

Iob 33.

Dan. 2.

iudicare, hæc signa probabilissima sunt, quando à Deo somnia ortum habent, cum in somnis de his homines Deus instruit.

Somnij diuini signi interior illuminatio.

Aliud autem signum cælitus emissum somnij est, cum ad illud sequitur magna in interiori illuminatio animorum, & maxima commotio, qua Deus sic mentes illustrat, sic homines de fide, & illius somnij auctoritate certiores facit, ut Deum esse auctorem inde colligat. Est enim Deus mirabilis lux, lucem suam in se nequaquam claudens, nec continens, quam veluti lux materialis in omnes lucis capaces copiose, abundanterque diffundit, qui æternas illuminat mentes, Angelos nimirum Sanctos luminis gloriæ radio, eorum confortans intellectum, ut eum clarè videant, homines quoque antè legem scriptam illuminauit, quos naturali lumine signauit. Signatum est super nos lumen vultus tui Domine. Psalm. 4. Quo lumine mediante anima nostra naturalia principia in nobis insita cognoscere potest, etiam in genere morum. Videlicet omne bonum est agendum, & omne malum vitandum, & quod tibi non vis, alteri nè facias, & quod tibi vis, alteri facito, nulum bonum irreuerentium, & nulum malum impunitum, & similia, quædam, quæ ipsius naturæ ductu certa esse comprehenduntur. In lege etiam scripta illuminauit eos per illius documenta, per sacrificia, figuras, & Prophetarum varicinia. Postremò in lege gratiæ per IESVM Christum, eiusque præcepta, consilia Euangelica, per Apostolos, eorumque successores, Episcopos, mulieres pariter sanctitate, & prudentia conspicuas, qualem Brigittam nostram fuisse nemo negabit, ut verum sit, quod Psalm. 75. Dauid testatur, Illuminans tu mirabiliter à montibus æternis, turbati sunt omnes insipientes corde. Sanè

Psalm. 4.

Psalm. 75.

Psalm. 75.

corde insipiens est, qui hæc à Deo minimè proficisci credit, quoniam ut Beata Brigitta scribit Lib. 1. Reuelar. Cap. 50. Dei virtus veluti Solis lumen est, quod lucet in cælis, & terram sua luce replet.

Alia quoque signa diuinorum somniorum sacri Theologi afferunt, & præcipuum illud est, cum homines in somnis de nostræ fidei, & religionis mysterijs instruuntur, ut Iacob Genes. 28. quando somnians vidit scalam super terram stantem, & ejus cacumen Cælum tangentem, ac Angelos per illam ascendentes, & descendentes, per quam sacram doctrinam designari credimus, qua ad Dei cognitionem ascendimus, per eam namque Doctores ascendunt, cum nostræ fidei mysteria hominibus exponunt. Descendunt autem quando prauis operum exemplis ad Inferos descendendi illis ansam præbent, per hanc scalam designare etiam Christi Domini Crucem tradiderunt Sanctus Hieronym. in Psalm. 91. & August. serm. 80. per quam descenderunt ludæi, & Gentiles ascenderunt.

Somniorum diuinorum alia signa.

Genes. 28.

S. Hieron. S. Augustin.

Rursus, si quæ dormientibus apparent in somnis, ea si sacræ Scripturæ, & Sanctorum Patrum doctrinis conformia sunt, recipienda esse dubitandum non est, ipsæ (inquit Ludouicus Blofius capit. 8. Instit. spiritualis) visiones ad sacram Scripturam, & Sanctorum scripta examinari debent, quæ si illis per omnia concordant, admittenda sunt, sin minus repellenda; quod & animaduertit probatissimus Auctor Ioannes Thaulerius sermon. 1. de Solemnitate Paschali paulò post medium sequi hanc conformitatem cum sacris Litteris, & Patrum doctrinis certum esse signum tradidit, quod huiusmodi visiones à Deo ortum habent, quod expressè etiam admonuit Sanctus Bonaventura de Profec-

Ludouicus Blofius.

Ioan. Thaul.

ctu Religion. lib. 2. cap. 76. & Nos quoque indicauimus cap. 11. huius Tractatus.

In visionibus in somno occurrentibus, si timor auercedat, & lætitia sequatur, cap. 1. Deo manasse probabile est, sed si prius lætitia, post verò timor succedat.

Verum etsi, quibus in somnis hæ visiones occurrunt, in initio illi timore corripiantur, & subindè gaudio, & lætitia repleantur, & postea alacritatem, & quietem quamdam secum ferant; signum probabile est, quòd à Deo procedunt, secus verò fit; cum à Dæmone ortum habent, illo namque se exhibente timor incussus permanet, aut etiam augetur in anima, licet cum sese in Angelum lucis transfigurat, in principio anima lætitia quadam perfundi videatur, postea tamen confusa, inquietas, ac tenebris, curisq. referta manet; adquam rem comprobendam duo ex B. Briggæ Reuelationibus insigniora loca adducimus, alterum ex Cap. 10. Lib. 1. vbi Beatissima Virgo agens cum Brigitta de Angelica salutatione sibi facta ait: Indè statim audiui vnam vocem, sed non de humano ore; & ea audita, satis timui, reputas nè fortè esset illatio; & hoc illud est, quod indicat S. Lucas cap. 1. Quæ cum audisset, turbata est in sermone eius, & sequitur, Statim autè me apparuit Angelus Dei quasi homo pulcherrimus, sed non carne vestitus; qui dixit ad me; Ave gratia plena, & mox subdit; Quæ verbo Angelis audito, feruentissimum affectum habui, vt essem Mater Dei; & loquebatur anima mea præ amore. En igitur in principio huius Visionis timor, & in fine cordis exultatio, & amoris diuini inflammatio. Vide quæ de hoc eodem signo discernendi diuinas visiones ab illusionibus notauimus Cap. 11. huius Tractat. paulò post medium. Consona sunt, quæ Lib. 3. Reuelation. Cap. 20. scribuntur, quo loco eadem Beatissima Virgo Brigittam erudiens de modo, quo Spiritus sanctus, & spiritus malus hominis animam ingrediuntur; dicit, Spiritus sanctus animam homi-

nis ingreditur, vel per inspirationem, aut per aliquam operationem humanam, seu locutionem diuinam, & mentem excitat ad Deum, qui quidem Spiritus sanctus calefacit animam ad querendum Deum, sed non comburit carnaliter, lucet enim puritate, sed non offuscat mentem malitia; Spiritus verò diabolicus similiter suos visitat, sed incomparabiliter, differunt; nam spiritus nequam comburit ad carnalia mentem, & amaricat. intolerabiliter, offuscat quoque animam per sui inconsiderationem, & eam deprimat inconsiderabiliter ad terrena; facit etiam ad rem hanc, quod scribitur Lib. 2. Reuelation. Cap. 19. in principio, Verum nè quispiam decipiat in somnis, obseruet regulas traditas à Ludouico Blosio in suo Monili spirituali cap. 9. & accuratè perpendat; quæ de signis discernentibus diuinas Visiones ab illusionibus Cap. 11. huius Tractatus tradidimus.

Expediret modò, vt indicaremushic, quibus interpretandi somnia facultas data sit; & quare plerumq. indoctis hominibus eadem sit censessa: Verum quia Benedictus Pererius lib. 2. de Obseruat. somniorum quæst. 5. & 8. de vtraq. re fusè, acutèq. disputauit, prout & Petrus Thyreus de Apparit. lib. 3. cap. 9. 10. & 11. & alij etiam plures hac de re scripserunt, idè rem attingam breuiter. Quantum itaq. attinet ad facultatem interpretandi somnia, distinguenda sunt tria somniorum genera, vt indicauimus suprà, quædam siquidem sunt, vel naturalia, vel humana, vel diuina: si sermo fiat de his, quæ à naturalibus causis pendent; peculiaris erit functio Philosophorum, & Medicorum ea interpretandi. Diuinorum autem somniorum interpretatio ad ipsummet Deum spectat, vapore qui, teste Daniele cap. 2. suarum Reuelat. dat sapientiam sapientibus, & scientiam intelligentibus disci.

Ludouici Blosius.

Interpretandi somnia, quibus facultas competet.

Pererius.

Thyreus.

Daniel. 2.

disciplinam; cum enim huiusmodi somnia aliud non sint, quàm vox, & oratio diuina, quæ à Deo proficiunt: dicendum merito illorum interpretationem ad eum pertinere, non tamen negamus, dari quoque hominibus diuinitus affatis, & cælesti spiritu repletis, ut factum est Abrahamo, Danieli, Iosepho, & Beatæ Brigittæ: triplex enim bonum inde provenire comprobatur, scilicet ipsius Dei honor, quando per intelligentiam, ac eorum explanationem Dei gloria, & maiestas innoscit, quod accidit in interpretatione somnij Nabuchodonosor. Deinde illorum utilitas in eos quoque effunditur, quibus somnia exponuntur, multoties enim ad meliorem vitæ frugem reuocantur, sicuti de Nabuchodonosor legimus, qui post peractam septennem pœnitentiâ à Daniele cap. 7. descriptam, cum imminente ruinam intellexisset per sibi factæ visionis interpretationem de ingentis, fortisq. arboris casu, suos oculos leuauit ad cælos, & sensibus restitutus Altissimo benedixit, & viuentem in sempiternum laudauit, & glorificauit, ad honorem sui Regni, & decorem peruenit, ac ei amplior magnificentia addita est, quod egregiè Tertullianus enarrauit in lib. de Pœnit. Rex Babylonius (inquit) offenso Domino, cum squalore, & pœdore septennio ab humana forma exulasset, immolata patientia corporis sui, & Regnum recuperauit, & quod optabilius hominis est, satis Deo fecit (hactenus Tertullian.) meritum denique hinc succedit interpreti, cum ob seruitium huiusmodi Deo exhibitum mercedem nedum in terris, sed & in cælis consequitur; Exemplum ex sacris Literis habemus egregium Ioseph, qui cum Pharaoni somnium fuisset interpretatus de septem spicis plenis, alijsq. septem tenuibus, & vredine percussis, mercedem accepit maximam, ita ut secundus factus fuerit in Regno, sic scri-

bitur Genes. 41. Ecce dixit ad Ioseph Pharaon, constitui te super vniuersam terram Ægypti, & vno tantum Regni folio te præcedam. Rem hanc Philo Hebræus probè, ac magnificis verbis extollit. Quis enim, ait, expectasset intra vnâ diem è seruo Dominum, è vinclo Principem, è carceris Vicario Proregem fieri? facta sunt tamen hæc, & sicut sæpius, quando Deo placuerit, modò subsidat aliqua probitatis scintilla in anima, quam necesse est per occasionem candescere.

Necessitas subindè non parua est, quæ in somniorum diuinorum interpretatione dignoscitur, cum enim Deus consueuerit sub ænigmatibus, & rerum inuolucris somnia plerumq. immittere, quæ captum excedunt somniantis, oportuit coniectorem, & interpretem inuenire, qui verum eorum sensum aperiret. Quare autem simplicibus, ac minùs peritis, sed sanctitate, ac morum integritate præditis aliquando tributa sit diuinorum somniorum interpretatio, id factum esse credimus, quia persæpè aptiores sunt ad supernaturalia percipienda, & cognoscenda mysteria, quippè qui sunt ab huius sæculi curis, & affectionibus alieni, & abstracti magis, quàm docti, & sapientes, qui de prudentia, ac sapientia superbire aliquando consueuerunt, teste Apostol. 1. Corinth. 8. Scientia inflat, charitas verò ædificat. Proindè Paulus eisdem Corinthios monens capit. 1. dicebat, Videte fratres vocationem vestram, quia non multi sapientes secundum carnem, non multi potentes, non multi nobiles, sed stulta mundi elegit Deus, ut fortia confundat. Vnde S. August. causam quærens, quapropter Deus ad Apostolatus officium, & ad Euangelium prædicandum humiles potius, pauperes, & indoctos, quàm Principes, diuites, & doctos elegerit, exponens illa verba, Psalm. 65.

Vtilitas, & commoda ex interpretationibus somniorum.

Dan. 7.

Tertullian.

Somniorum interpretatio necessaria.

Quare somniorum interpretatio plerumq. sit tributa simplicibus.

S. Augustin.

Psalm. 65.

Dare gloriam laudi eius, id à Deo factū fuisse asserit, nè potentia, & doctrina merito se fuisse electos putarent, & Christi laus minueretur, & Serm. de Assumpt. Apostolorum, Non de foro; (inquit) Iustiniani, sed de piscatoris simplicitate Apostolos assumpsit: inflat enim sapientia huius mundi, & legum ventosa loquacitas, elegit non Reges, non Senatores, non Philosophos, sed Plebeios, Pauperes, Indoctos, Piscatores, Ineruditos, atque hæc consona sunt his, quæ Lib. 4. Reuelat. Cap. 11. 3. legimus, Christus enim Dominus cum B. Brigitta loquens, non elegi (inquit) Doctores, sed Piscatores, nè gloriarentur de sapientia sua, & vt intelligant omnes, sicut Deus in se est mirabilis, & inexcogitabilis, sic & opera eius inscrutabilia sunt, & in minimis maxima operatur.

Hæc sunt, quæ de Visionibus, & Reuelationibus in somnis factis scribenda duximus, quibus quædam adiungere arbitratif sumus, quæ ad religiosum, & honestum somnum capiendum nobis necessaria visa sunt, & quæ ad Dæmonū etiam illusiones, ac deceptiones, quæ nobis dormientibus immittere consueverunt, deprehendendas, ac euadendas faciunt. Ergò vt hi, qui in Christiana disciplina educati, ac instituti sunt, sese illibatos, ac puros custodiant, illud obseruent necesse est, vt feruenti oratione, ac specialibus precibus, antequam dormitum eant, ad Virginem Mariam, Angelū tutelarem, ac eos Sanctos, quos sibi patronos elegerant, recurrant, vt sequenti die absq. vllō impedimento in diuinis operibus, ac spiritualibus obsequiis rectè, probèq. tempus impendere, ac in diuinis laudibus consumere valeant, postea verò iuxta Christianorum laudabilem morem frontem, os, & pedus cruce signabunt, & cum in lecto cubabunt, oratiunculas aliquas deuotè recitabunt, vel aliquod Dominicæ Passionis mysterium attentè, & breuiter

meditabuntur, quousq. somno occupati quiescant, sicq. Diaboli tentationibus facile resistent, placidèq. obdormient. Verum etsi aliqua eos tentatio, priusquàm dormians apprehenderit, efficaci illo, ac salubri remedio se poterint defendere, & de hoste victoriā reportare, cuius Thomas à Kempis meminit lib. 2. de Disciplina claustrali cap. 11. Si caro (inquit) titillat, si quævis alia passio mouet, nec te quiescere sinat, ad orationem conuertere, signum Crucis tibi imprime, flagellum, coronam spineam, lanceam, & totam Crucifixi armaturam oppone, antè cuius virtutem non potest stare hostis malignus, neq. tentationis illuso perdurare, adhibe quoque ignem æternum, supplicia Sanctorum Martyrum, Confessorum constantiam, Virginum fortia trophæa, attende lapides Stephani, craticulam Laurentij, fustes Marcelli, ungulas Vincentij, vepres, & vrticas Benedicti, flammæ Agnetis, rotam Catherinæ, acutissimas testulas Agathæ, bullientes aquas Cæcilie, lacrymas, amorem, & contritionem, & penitentiam Mariæ Magdalene, dentes bestiarum, horridos carceres, necnon dura vincula pedum Sanctorum, sic Deo iuuante, & ista te cogitante ignem igne superabis, Diabolum confundes, Sanctos honorabis, & in pacè Christi dormies, & requiesces (hactenus Thomas) Sanè ille, qui tam pia, tamq. salubri præparatione accintus dormitum it, merito clamare poterit. O somnū verè beatum, o felicem verè quietem, in qua anima Diaboli tentationes superat, & de tam infesto hoste victoriam reportat, quocirca de illo somno celestibus referta delicijs postmodum egressa, & fortis, ac stabilis effecta, terribilis comparet hosti, minas eius contemnit, terrena negligit, & in quadam libertate spiritus posita, per itinera virtutū currit, vnde merito Sponsus filias Hierusalem interpellat, nè animam sic dormientem

à som-

Pia exercitatio viro religioso necessaria antequam dormitum eat.

à somno excitet Cant. 2. Adiuro vos filiz Hierusalem per capreas, ceruosq. camporum, nè susciteis, neque vigilare faciatis dilectam, quousq. ipsa velit: Ego sanè vellem, vt Christifideles cum dormitum eunt, antequàm somno occuperentur, piam hanc orationem, quàm Beatissima Virgo Brigittæ dictauit, deuotè recitarent, quæ habetur Lib. 4. Reuelat. Cap. 126. quàm hic inferendam ad maius Lectoris commodum duximus.

O Domine Deus meus, qui creasti corpus meum, vide me misericordia tua, & præsta mihi auxilium tuum, vt non ex nimietate somni accidiosus fiam ad seruitium tuum, nec ex defectu somni deficiam in seruitio tuo; sed moderatè somnum meum, quem præcipis habere ad temporum, & corporis reuelationem, vt inimicus non noceat corpori, nec ex occulto iudicio tuo in anima dominetur.

Postea verò Beatissima Virgo monens, quid agendum sit, cum quispiam, euigilauerit, Surgens (inquit) de lecto; si aliqua illicita in nocte contigerint, diluat confessione, vt sequentis noctis

somnus cum præcedentis noctis

delictum non incipiat, sicut

scriptum est, Sol non

occidat super iracundiam

vestram, sic nec super cogitationes,

& illusiones

vestras.



Diuinæ locutionis modus ex SS. Patribus describitur, & Christum Dominum, ac alios quosdam Sanctos B. Brigittam fuisse allocutos ostenditur.

CAP. X.

SUPERIORI Capite satis, superq. de Reuelationibus, quæ sunt in somnis egimus, & plures etiam regulas ex Sanctis Patribus tradidimus, quibus quispiam diuinè immissa somnia à Demonum fallacijs, ac præstigijs comprehendere queat, nunc inuestigandus est modus, quo Deus, & cæteri Sancti suos amicos alloqui, eisq. sua propalare secreta consueverint. Plenæ sunt diuinæ locutionum sacræ Paginæ, pleni sunt Brigittæ Reuelationum Libri, legimus passim in illis, Christum Dominum, B. Virginem, & alios quosdam Sanctos cum ea fuisse locutos, & de nostræ fidei mysterijs habuisse sermonem sic Lib. 1. Cap. 41. & Lib. 4. Cap. 5. & 6. quo loco Paulus Apostol. loquens cum B. Brigitta dicit, se precibus B. Stephani Prothomartyris ad fidem Catholicam fuisse vocatum, idemq. patet eodem Lib. 4. Cap. 104. & Lib. 6. Cap. 3. & 103. & alibi sæpè.

Deum quoque, & Patribus Veteris Testamenti, & Noui locutum fuisse ex varijs sacræ Scripturæ locis colligitur, & primis quidem parentibus locutus est Genes. 3. cum ad se Adamum vocauit, & dixit Adam vbi es? Abrahamum etiam allocutum legitur Genes. 12. quando ei, & semini eius terram promissionis pollicitus est, in nube quoque locutus est Moyse Exod. 16. ac eidem iterum in nube, locutus est Dominus

Dei, & Sanctos interdum fuisse locutos ex sacris Litteris probatur.

Genes. 12.

Exod. 16. et 3.

Deuter. 4.

Iob 38.

Matth. 3.

Ioan. 12.

Hebr. 6.

Loqui Deum
ad Prophe-
tas, & in Pro-
phetis di-
scribere.

S. Hieron.

Ioan. 4.

Loqui quid
sit, & locu-
tio quomo-
do fiat.

per ardentem rubum Exod. 3. Et de medio ignis locutus est Israëlitis in monte Oreb. Deuter. 4. de turbine Iob loquentem Dominum audiuit Iob. 38. & de celo Dei vox audita est Matth. 3. Hic est Filius meus dilectus, & Ioan. 12. Vox Patris audita est clarificauit, & clarificabo, & B. Claram Deū orantem ad portam Ciuitatis Assisij Saracenis illam obfidentibus, & Monasterium, cui illa praeerat inuadere conantibus, audiuisse caelitus dimissam vocem, Ego vos semper custodiam. Confirmat hanc veritatem Doctor gentium Paulus Hebr. 6. his verbis, Multifariam, multisq. modis olim Deus loquens Patribus in Prophetis, nouissime diebus istis locutus est nobis in Filio: porro antequam vltius progrediamur, admonere Lectorem existimauimus, cum in sacris Litteris Deum loquentem in Prophetis legimus, hoc intelligendum esse Deum alios alloqui per Prophetas, & Prophetarum ministerio sermonem suum ad alios dirigere. Cum verò dicitur loqui ad Prophetas, tunc Deum sermonem suum immediatè ad Prophetas, siuè per se, siuè per Angelos habere, quod etiam admonuit S. Hieronymus in cap. 1. Abacuc. Sed hic meritò quispiam percontari poterit, quomodo Deus loqui potuerit, cum incorporeus sit, & nullis membrorum lineamentis compositus, siuè compactus existat: Deus enim spiritus est, scribitur Ioan. 4. Vnde non habet os, non labia, non linguam, non dentes, quæ vocibus formandis inseruiunt, & ad loquendum requiruntur. Locutio nãq. sit, cum voces formantur per organa ad eas apta, & idem est, quod actione mouere, & in labijs imprimere motū ad voces edendas, quapropter labia requiruntur, quatenus ab illis motus recipitur à potentia mouente, & idèò dicendum, est actionem esse determinatā à potentia motrice linguæ, vt per labia sonos edat, & operatio illa est opus vitæ;

& sic à suā vitali potentia pendet, & licet in sacris Litteris legamus Deum habere os, Isaia 54. 1. 40. & 58. Os Domini locutum est, & 3. Reg. 13. Inobediens fuisti ori Domini, & de labijs testatur Pfalter Psal. 88. Quæ procedunt de labijs meis non faciam irrita, & Psal. 16. Propter verba labiorum tuorum custodiui vias duras. Hæc tamen non carnaliter, sed spiritaliter, & metaphorice intelligenda sunt. Dicimus enim Deū os habere, quatenus per seruos suos præcepta, & ordinationes dirigit ad homines, habet dentes, quia iustitiam illius designant; per quam peccatoribus debitas pœnas infligit, habet labia, quibus voluntatem suam aperit, & propalat, habet linguam, quæ vim generatiuam Patris Verbum producentis notat, & monet S. Augustinus in Psal. 44. exponens illa verba Lingua mea calamus scribæ; vel vt placet Eucherio, mysticè significat Spiritum sanctum, per quem Deus Pater secretum suum manifestauit hominibus, sed de mystica horum significatione legite eundem Eucherium de Spirit. formulis cap. 1. & 2. Verum etsi Deus incorporeus sit, nec corporis membra habeat, quæ ad loquendum necessaria sunt, non obstat, quo minùs fuerit interdum locutus, vt ex sacris Litteris probauimus, & aperte probat S. Augustinus lib. 16. de Ciuit. Dei cap. 6. Non sic (inquit) loquitur Angelis Dei, quomodo nos inuicem loquimur nobis, vel Deo, vel Angelis, vel ipsi Angeli nobis, siuè per illos Deus nobis, sed ineffabili suo modo, nobis autem hoc indicatur nostro modo; Dei autem sublimior antè suum factum, locutio ipsius sui facti est immutabilis ratio, quæ non habet solum strepentem, atque transeuntem, sed vim sempiternè manentem, & temporaliter operantè, arque sic loquitur Angelis, Sanctis, nobis autem aliter longè positis: iisdem planè verbis describitur hanc locutionē diui-

Isaia 54. 40.
et 58.

3. Reg. 13.

Psal. 88. 16.

Deus metaphorice dicitur, os habere, labia, & linguam habere.

S. August.

Eucher.

S. August.

Locutio Dei ex Patribus.

S. Eucher. diuinam *S. Eucherius lib. 2. in Genes. cap. 7.* sed animaduertendum in presentia, Nos nō de sola vocali locutione tractare, quæ sub externa, & spectabili forma fit in assumpto corpore, sed de interna etiam, quæ sine strepitu, sine vocis sono hominū mentibus fit, cū se illi Deus insinuat, ac etiam de ea, quæ Deus per creaturas medianribus vocibus in aere efformatis loquitur: de Angelorum quoque, ac aliorum Beatorum locutione ad homines, quos frequenter *B. Brigitam* fuisse allocutos in his Reuelat. Libris legimus, quod quæ ratione, quibusuē modis id fiat, ex Sanctis Patribus, & Theologis explicandum est. Et primò præponendum, vt supra indicauimus, locutionem esse actum rationalis creaturæ, quo per linguam, & alia ad id apta instrumenta formati vocibus internos conceptus alijs manifestamus, nunc autem de Dei locutione agendum est. Triplici modo Deum cum creaturis loqui docuit *S. Bonauent. in 2. sent. dist. 10. quæst. 2.* & hanc triplicem locutionem desumit in ordine ad auditum, sicut enim tripliciter dicimus audire, aut per aliquod signum exterioribus auribus oblatum, sicut pluries auditus fuit Deus in Veteri, & in Novo Testamento. Secundò per aliquod signū in interiori sensu, vel in interiori imaginatione formatum. Tertiò per aliquod inspirationis verbū nostris mentibus instillatum, ergo sicut tripliciter auditur Deus, ita etiam dicitur tripliciter loqui, secundum quod in nobis excitat triplicem auditum: duas autem locutiones, quæ fiunt secundum duos priores modos, putat *S. Bonauent.* aut semper, aut frequenter per Angelos iussu Dei fieri, postremam autē immediatē à Deo, vtpotē qui ipse est, qui mentem nostram per semetipsum informat, & propterea hunc tertium loquendi modum esse proprium Dei docet, licet enim

cū Deus aliquid inspirat, possit illud ab Angelo proficisci tamquam ab excitante, fit tamen à Deo tamquam à principali agente; at verò primum, & secundum modum loquendi & à Deo, & ab Angelo tradit ortum habere, à Deo vt imperante, ab Angelo tamquam exequente, quem triplicem locutionis modum, quo Deus creaturas alloquitur tangit *Greg. lib. 2. 8. Moral. cap. 2.* Cū (*inquit*) loquitur Deus nobis per Angelum, aliquando etiam voluntatem suam rebus indicat, aliquando imaginibus oculis cordis ostendit, aliquando imaginibus antè torporeos oculos ex aere assumptis, aliquando substantijs celestibus, aliquando terrenis, aliquando simul celestibus, & terrenis: ex quibus inferendum, quod quando loquitur Deus per creaturas medianribus vocibus in aere formatis, tunc eam vocamus locutionem, qua vox illius sensu percipitur, & Deus loqui auditur, siue eius persona tunc visibilis appareat, siue non, dummodò externo sensu audiat vox, per quam secreta sua, præcepta, & ordinationes alijs propalat, quando verò sine medio aere, sine strepitu immediatē loquitur, tunc inuisibiliter loqui dicitur, teste *S. Eucherio de Spirit. formulis cap. 1.* Loqui Deū, ait, est, cū sono vocis, vel quolibet strepitu occulte mentibus Sanctorum voluntatem suam, atque rectum intellectum inspirat, seu futura propalat, & loquitur Deus Angelis, vt aliquid illi, vel sciant, vel faciant, quod non est aliud, quàm declarare illis, quid velit eos scire, vel facere. Sed audiamus *S. August.* de hac locutione luculentè verba facientem *lib. 11. de Genesi ad litt. cap. 33.* ad ea verba, Et audierunt vocem Domini (loquitur ibi de primis Parentibus) Cum Angelis (inquit) loquitur ipsa incommutabili veritate illustrans eorum mentes, vbi est intellectus nosse simul, quæcumq; etiam per quam,

S. Bonauent.
Diuine lo-
quutionis tri-
plex modus.

Locutio Dei
quæ propria.

S. Gregor.

S. Eucher.

Loqui Deum
Angelis quid
fit.

S. Augustin.

tempora non sunt simul, fortè, inquam, sic cum eis loquebatur, et si non tanta participatione diuinæ sapientiz, quantam capiunt Angeli, tamen pro humano modulo quantumlibet minus: sed animaduertendum, non solum hic Sanctum Augustinum agere de locutione Dei cum Angelis, sed etiam cum hominibus, & varios locutionis modos indicat his verbis sequentibus. Sed ipso genere, aut vltius, & locutionis fortassis etiam illor, qui sit per creaturam, siue in extasis spiritus corporalibus imaginibus, siue ipsis sensibus corporeis aliqua specie presentata, vel ad videndum, vel ad audiendum, sicut in Angelis suis videri solet Deus, vel sonare per nubem. Hactenus Sanctus August. qui de locutione Dei cum hominibus etiam scripsit lib. 11. de Ciuitate Dei cap. 211.

Sed & Spiritum sanctum etiam fuisse locutum tradidit Ioan. Lorinus in cap. 6. Actor. Apostolor. vers. 10. Vel per motum linguæ eorum, per quos loquebatur, vel etiam simili quodammodo, quibus in aurem insulurasse leguntur Angeli, vt Ambrosio, & Vincentio Ferrerio, vel Columba, vt Basilio, & Gregorio Magno, vel aliquis Sanctus, vt Paulus, Chrysostomo, sicut ex eorum rerum gestis constat videndus etiam idem citatus Auctor in cap. 13. Actor. Apostolor. vers. 2. Triplicem quoque locutionis diuinæ modum, quem supra ex Sancto Bonauentura attulimus, paulò aliter alij exponunt, dicunt enim, Deum aliquando per subiectam creaturam fuisse locutum sicut Moyse in Rubo, vel sicut Abrahamo, & quibusdam alijs Sanctis, aliquando verò in somnis, vt Iosepho Sponso Mariæ, de quo superiori Capite egimus. Tertio modo non per aliquam crea-

turam visibilem, sed occulta tantum inspiratione inuisibiliter corda tangendo loquentes efficit. Exemplum huius rei affert Eucherius loco citato, Prophetarum, qui aliquando subito afflati diuino spiritu exclamabant, Hæc dicit Dominus. Sed notandum, locutionem hanc interiorem inspirationem appellari, quæ similitudinem quamdam habet cum exteriori locutione, sicut enim in externa ipsi audienti signum rei manifestanda proferimus, non ipsam rem, quam manifestare intendimus, ita Deus inspirando non exhibet suam essentiam, ad videndum, sed aliquod signum sub aliqua similitudine spirituali, hinc Sanctus Thom. de Veritate quæst. 18. art. 3. duplicem distinguit locutionem, alteram exteriorem, qua Deus nobis per Prophetas, & Prædicatores loquitur, aliam interiorem, qua nos per internam inspirationem alloquitur. De hac autem immediata Dei locutione, quam incomprehensibilem, & admirabilem esse tatur Sanctus August. stupore, & admiratione plenus lib. 11. Confess. cap. 11. sic scribit. Quis comprehendit? quis enarrabit, quid est illud, quod interlucet mihi, & percutit cor meum sine læsione, & inhorresco, & inardesco, inhorresco in quantum dissimilis ei sum, inardesco in quantum similis ei sum, sapientia ipsa est, quæ interlucet mihi discindens hubilum meum: Audiat te Dominus intus sermocinantem, qui potest: de eadem fusiùs egit lib. 11. de Ciuitate Dei cap. 2. cuius verba referam, vt huius internæ locutionis diuinæ ratio Lectori magis innotescat, Deus (inquit) cum homine, non per aliquam creaturam corporealem loquitur, corporalibus instrepens auribus, vt inter sonantem, & audientem ærea spacia verbereantur, neque per

Spiritus rati
loquutio
Corinus.

Eucher.

Locutio interior inspiratio vocatur.

S. Thom.

Locutio interna ex Augustino describitur.
S. Augustin.

per eiusmodi spiritualement, quæ corporum similitudinibus figuratur, sicut in somnis, vel aliquo alio tali modo, nam sic velut corporeis auribus loquitur, quia velut per corpus loquitur, & velut interposito corporalium locorum interuallo, multum enim similia sunt talia visa corporibus, sed loquitur ipsa veritate, si quis sit idoneus ad audiendum mente, non corpore.

Sed placet hanc internam locutionem, seu inspirationem etiam ex Sancto Gregor. Bernardo, & Brigitta in præsentia describere, Sanctus Gregor. lib. 28. Moral. cap. 2. Cum (inquit) per semetipsum loquitur Deus verbo eius, sine verbis, ac syllabis cor docetur, quia virtus eius intima quadam subleuatione cognoscitur, ad quam mens plena suspenditur, vacua grauatur, pondus enim quoddam est, quod omnem animam, quam replet, leuat, in corporeum lumen est, quod & interiora replet, & repleta exterius circum scribit, sine strepitu sermo est, qui & auditum aperit, & habere sonitum nescit: de hac eadem locutione tractat Sanctus Bernard. serm. 32. in Cant. Verbum (ait) non sonans est, sed penetrans, non loquax, sed efficax, non obstrepens auribus, sed blandiens affectibus. Legite quæ de hac eadem locutione scribitur Lib. 6. Reuelation. Cap. 18. quo loco hunc locutionis modum Beatæ Brigittæ Christus Dominus exposuit his verbis, Quia (inquit) non quasi voce corporis loquor, & verba mea non apertè audiuntur, tamen spiritus meus in electis meis occulta inspiratione monet eos ad faciendum bonum, & incitat, & confortat ad meliora, & Lib. 8. Cap. 1. Non dedignor, dicit Christus Brigittæ, loqui tecum, & licet humanitas mea videatur iuxta te, & loqui tecum, veriùs tamen est, quod anima

tua, & intelligentia tua mecum est, & in me, quod non potest intelligi alio modo, nisi per inspirationem, illuminationem, & mentis eleuationem, & hanc inspirationem Sanctus August. lib. de Triplici habitaculo, vocat Dei locutionem, quæ animæ suam voluntatem, & veritatem inuisibiliter propalat: sicut enim id omne, quod in lacris Litteris continetur, a Dei locutione emanat, tum ad cælestia, nobis mysteria manifestanda, quibus fidem præstare debemus, tum ad nos instruendum de his, quæ facere tenemur iuxta sanctissimum eius beneplacitum, discernendo verum à falso, ita planè sit, ut quod inspirat, & loquitur, non aliundè dirigatur, quàm ad diuinas veritates manifestandas, ac eius voluntatem nobis insinuandam, ut faciamus, quæ ad salutem nobis comparandam conferunt, rectè Sanctus Bernard. serm. 45. in Cant. asserit, verbi locutionem esse doni diuini infusionem, neque enim hoc donum aliud esse, nisi ipsammet inspirationem: inde deducimus, quod cum anima ad diuinam contemplanda assumitur, illi suam benignam, ac beneuolam præsentiam præstat, & magistri, amici, & medici officio fungitur, magistri quoniam illam instruit, amici, quia illam consolatur, & tandem medici, qui eam ab infirmitatibus sanant. Vnde Isaias c. 25. Isaiæ 25. suarum Reuelation. in persona Dei loquens, Verbum (inquit) meum; quod egreditur de ore meo, non reuertetur ad me vacuum, sed faciet quæcumque volui, & prosperabitur in his, ad quæ misi illud. Egregij sanè sunt, ac præstantes diuinæ huius locutionis internæ effectus, eleuat tunc Deus intentionem nostram ad eum, meditationes nostras ad finem debitum ordinat, affectus accendit, petitiones dirigit, ordinatque colloquia nostra ad eius laudem, & gloriam, ac proximi etiam utilitatem.

Porrò

Locutionis
internæ de-
scriptio ex
Sancto Grego-
rio, Bernardo, &
Brigitta.

S. Greg.

S. Bernard.

S. August.

S. Bernard.

In locutione
hæc Deus fun-
gitur officio
Magistri, Am-
ici, & Medi-
ci.

Locutionis
diuinæ effe-
ctus.

Porro his, quæ de diuina locutione interna hæcenus adduximus, ex Sanctis Patribus adiungendum existimauimus, Deum non solum, vt dictum est, per inspirationem loqui, sed etiam, & per Prælatos, & Prædicatores, quos, qui audit, Deum audit, vt ipsemet apud Lucam testatur cap. 10. Qui vos audit, me audit, proinde Dominum rogabat Dauid, ne cum eo sileret Psal. 27. Deus meus nè sileas à me: de hac Dei locutione, quæ per Prædicatores fit iussu Dei, legite quæ scribuntur Lib. 3. Reuelat. cap. 15. ad finem, sic enim ibi scribitur, Loquitur aliquando Deus per beneficia, quæ hominibus confert, vt ad eius dilectionem illos trahat, loquitur per flagella, & aspera verba, vt in eis rimorem, ac veræ humilitatis amorem incuriat, atque hinc S. Greg. exponens illud Iob 38. Quis est iste inuoluens sententias, Per blandam (inquit) Domini locutionem amanda dulcedo eius ostenditur, per terribilem verò potestas metuenda monstratur: loquitur etiam per Scripturam sacram, in qua, quid nobis agendum est, quidvè fugiendum demonstrat, & ideo dicebar, Scrutamini Scripturas Ioan. 5. Non dixit legite, sed scrutamini, quia, quæ in illis continentur rectè, probèq. consideranda sunt, vt executioni mandentur, de hac locutione Dei per Scripturam sacram, & flagella egit Christus cū B. Brigitta Lib. 2. Reuel. Cap. 19. Loquor (inquit) amicis per eos, qui habent intelligentiam Scripturæ, loquor per flagella, quia præcaueo eis de periculo eorū. Quis hic non diuinam exaltet benignitatem, & non cōmendet Dei patientiā, & longanimitatem? qui cum quotidie nos alloquatur, & ad nos clamet, heū nos infelices, & miseri, qui aures auerentes, has Dei voces non audimus, eius monita, & cōsilia respuimus, & vocationibus nō respondemus, inspirationibus resistimus. Magnū malū est, & magna

temeritas (clamat S. Bern. de septem spiritibus) has Dei voces non audire, ac eis per inobedientiam nō acquiescere: Sanè prōptiores, ac expeditiores essemus ad diuinas exhortationes, & ordinationes excipiendas, & aures nostras diuinis vocibus porrigendas, si harū Dei locutionū vtilitates, & commoda diligentiūspenderemus, hæc namq. voces animā diuina dilectione replent, tranquillā, & quietā, ac humilem reddunt, sic vt profundissima reuerentia se Deo subiiciat, ac sensus omnes, & cogitationes ad Deū dirigat. Hinc S. Bernar. exponens illud Luca 11. Beati qui audiunt verbū Dei, Vultis (inquit) nosse, quā Beati, primū quidem sonans in auribus animæ vox diuina conurbar, terret, dijudicatq. sed continuò si benè aduerteris, viuificat, liquefacit, calefacit, illuminat, mūdā, probè S. Greg. exponens illa verba Iob 4. Dicitū est ad me verbum absconditū, & quasi furtiuè suscepit auris mea, Per verbum (ait) absconditū allocutio internæ inspirationis intelligitur, quæ mentem, suè spiritū contingens, subleuat, & temporales cogitationes reprimens, hanc æternis desiderijs inflāmat, vt nihil nisi superna iam cogitare ei libeat: ex his Gregorij verbis colligite, quòd absconditum verbum audire, est Spiritus sancti locutionem concipere, & venas superni susserri cordis aure furtiuè suscipere, est subtilitatem locutionis internæ, cū mens Spiritus sancti donò afflata est, occultè cognoscere, atque ex hoc diligentium Deum verba flāmantia procedunt, quæ erga eū desiderii charitatis ardentia ostendunt, vt meriti cū Dauide dici queat. Psal. 118. Quā dulcia faucibus meis eloquia tua super mel ori meo. Quā verò ingentes, & quā grate sint dulcedines illæ, quæ ex diuina locutione proficiūtur descripsit S. Bonau. de Prof. Relig. lib. 2. c. 76. paulò post initiū, referam huius Seraphici Doctoris verba, quæ quidem in via spiritali pro-

S. Bernar.

Diuina vocis commoda, & vtilitas.

Lucæ 11.

S. Greg.

Iob 4.

Verbum absconditū audire quid.

Psal. 118.

S. Bonau.

proficientibus consolationem non exigam afferre possunt. Sunt (inquit) quedam sensibiles dulcedines, & suauitatis experientiz, quæ deuotis quâdoque infunduntur, vt mirabilis fragrantia, odorum, ineffabilis suauitatis saporum, & hymnicæ melodiz vocum, & sonorum, & tactu perceptibiles experientiz indicibilium suauitatum. Quæ cum veræ sint, à Deo possumus existimare: quod aut dentur quibusdam hominibus, & rudibus, qui spiritualia nondum lucide intelligunt, vel saltem per sensibilia, consolentur in Domino, qui virtutem purè spiritualium non cognoscunt, in quibus maior vis est, & certior veritas, & fructuosior profectus, & purior perfectio. Etiam prouectioribus in Spiritu consolationes sensibiles dantur propter redundantiam interioris dulcedinis, vt sicut anima communicat corpori suo quasi comiti, & socio, viæ passionibus suis, ita communicet ei & consolationes. Dolente enim interius anima, etiam corpus tabescit exterius. Sicut ergo corpus collaborat spiritui, & compatitur in merito, ita digne participes sit in præmio, non solum futuræ gloriæ, sed etiam præsentis gratiæ, sicut Domini in conuiuio epularum seruis transmittunt reliquias ferculorum, Apostolus enim dicit, Sicut socii passionum estis, ita & consolationum eritis, & hoc ex superfluenti mēsurâ datur dilectis, cuius redundantiâ ne effusa depereat, excipitur à corpore, quod participes fuit in labore. De varijs etiam harum diuinarum locutionum modis tractat satis copiose Testatus quæ 8. in lib. 3. Reg. 13. quos ad quintus Capitula requor, horum alios quos ex 8. Augusti locis citatis ipse desumpsit. Primum (inquit) si fiat effigie assumptæ, secundum si sine effigie, ita vt vox tantum audiatur. Tertium per imitationem phantasiz in somno, quomodo Deus cōmūiter loqui consueuerat Prophetis. Vt etiam Testamētū

Quartum per immutationē intellectus sine aliqua exteriori apparitione, sine voce, sine somno, sed tantum per extasim. Quintum per immutationem intellectus sine extasi. Addimus, & postremum ex Lib. 6. Reuelat. S. Brigittæ Cap. 52. quo loco legimus, B. Brigittam per speciale Spiritus sancti auxilium, & confortationē intellectus fuisse eleuatā ad audiendum verba Dei, sic enim cū ea loquebatur Beatissima Virgo, Tu miraris quomodo ego, quæ sum Regina cæli, & tu, quæ viuīs in mundo, & illa anima, quæ est in Purgatorio, & alia in Inferno loquimur simul, hoc ego enim benè dicam tibi. Ego quippè numquam recedo de cælis, quia nunquā separabor à visione Dei: Nec anima, quæ est in Inferno, separabitur à penis, Nec illa anima à Purgatorio, antequam purgata sit: Nec tu venies ad nos ante separationem corporalis vitæ: sed anima tua cum intelligentiâ tuâ virtute Spiritus Dei eleuatur ad audiendum verba Dei, & permittitur tibi scire aliquas pœnas in Inferno, & Purgatorio, malis in cautelam, & bonis in consolationem, & profectum.

Sed his, quæ de varijs diuinarum locutionum modis hactenus diximus, obstat, videtur, quod Iob 33. cap. scriptū reliquit, Semel loquitur Deus, & secundò idipsum non reperit: idemque testatur Dauid Psal. 61. cum Deum semel fuisse locutum dicit: Semel locutus est Deus, duo hæc audiui, quia potestas Dei est, & tibi Domine misericordia. Verum hæc non obstant, quominus Deus multis modis, multisque motibus locutus nō sit, nam sacra Scriptura allata loca SS. Patres intelligunt, vel de processione, & generatione verbi in diuinis, quod vnicū est, vel de cōformitate diuinorū verborum, cū omnia, quæ locutus est Deus, cōformia se persuerint, & nihil vnquā cōtrariū dixerit, vel de stabilitate, & firmitate eorūdem verborum secundū illud:

Deum semel fuisse locutum qua ratione intelligendū sit explicatur. Iob 33.

Psal. 61.

Isaia 40.
1. Petri 1.

Isaia 40. & 1. Petri 1. Verbum autem Domini nostri manet in æternum: sed libet in specie horum Patrum asserere interpretationes: & quidē S. Augustin, exponēs locum citati Psalmi 61. Apud se (inquit) locutus est Deus, quia vnum Verbū genuit Deus, & generādo Verbum suum sibi cōæquale, & cōæternū, & semel locutus est, quia non habet aliud Verbum præter Vnigenitum, in quo omnia includuntur, & à quo omnia bona procedunt: locutus enim ipsius æternitate mensuratur, per quam Verbum ab æterno produciunt, quod etiā egregiè, apertisq. verbis idē S. Doctor tradidit in Psalm. 48. Apud se (inquit) semel locutus est Deus, quia vnum Verbum genuit Deus, toties locutus est per Prophetas, toties per Apostolos, hodièq. loquitur per Sanctos suos, & ait, semel locutus est Deus. Vndè semel locutus est, nisi per Verbū suum, & vndè Deus profert verbum, nisi ex corde suo, & intimo suo, tu non dicis, nisi quod ex corde tuo proferes verbum tuum, quod sonat, & transit aliud; non profertur, ac miraris, quia ita dicit Deus, sed dicere Dei æternum est, tu dicis aliquid modò, quia tacebas paulò antè, velecce nunc nondum verbum proferis, cum autè proferre cœperis, rumpis silentium quodammodo, & generas verbum, quod antea non erat, non sic Deus verbum genuit, dicere Dei sine initio est, & sine fine, & ita vnum verbum dicit, dicat alterum, si quod dixit transferit, cum verò & quod dicitur manet, & semel dicitur, & non finitur, & ipsum semel sine initio dicitur, nec bis dicitur, quia non transit, quod semel dicitur. Sed Sanctus Gregorius lib. 2. 3. Moral. cap. 11. Semel fuisse locutum Deum scribit, quatenus ea omnia, quæ ab illius locutione processerunt, fuisse cōformia asserit, & quæ in sacris Litteris continentur, vniquam djs aliquid dixisse

contrarium constāt, at verò Eucherius in quæst. Veteris Testamenti ad librum Psalm. Illud semel locutus est Deus, non ad numerum locutionum, referendum esse tradidit, sed ad firmitatem, & stabilitatem, & sensus est, locutus est immobilitèr, & statuit irrevocabilitèr, quod per suam locutionem ordinavit; An autem per seipsum immediatè fuerit aliquando locutus Deus, vel tantummodo Angelorum, seu aliarum creaturarum ministerio, vide quæ Cap. 4. huius Tractatus tradidimus, vbi de Dei apparitione, & Angelorum actum est, quo loco plura, quæ ad dubitationis propositæ solutionem faciunt, attulimus, hinc tamen indicare placuit, Patres aliquos gravissimos affirmasse, Deum, nō per Angelos solū, & alias creaturas, sed ipsummet quandòq. immediatè fuisse locutum, quod affirmarunt Sanctus Chrysost. hom. 6. in Acta Apost. S. Ambros. in Explanatione illorum verborum ad Coloss. 1. Qui est imago Dei inuisibilis, Leo Pontifex Epist. 1. 3. Clemens Romanus lib. 5. Constitut. Apostolicarum, Eusebius lib. 1. de Demonstrat. Euangel. cap. 52 Tertullian. contra Iudæos cap. 9. Alij verò contrariam sententiam secuti, docuerunt Deum numquā in Veteri Testamento per seipsum, sed semper per Angelos, vel aliquam aliam creaturam fuisse locutum, ita sensisse videtur Sanctus Gregor. lib. 28. Moral. cap. 2. & S. Hieron. ad ea verba Pauli ad Galat. 3. Lex ordinata per Angelos, in manu mediatoris, Abulenſis in cap. 3. Matth. q. 83. & 89. fauet Dominicus Bannes in Commentarij ad 1. par. S. Thomæ artic. 2. quæst. 1. sed clariùs affirmat hoc Sanctus Augustinus de Trinitate cap. 11. Dicit enim omnes apparitiones, quæ factæ leguntur in Veteri Testamento Angelorum ministerio fuisse factas, & sic Deum apparuisse, & locutum fuisse Moysi, & Prophetis, idemq. indicat lib. 10.

Eucher.

S. Chrys.

S. Ambros.

S. Leo Pont.

Clement Romanus, Euseb.

Tertullian.

Greg. Mag.

S. Hieron.

Abulenſis.

Bannes.

S. Thom.

S. Augustin.

Psalm. 48.

S. Gregor.

lib. 10. de Ciuit. Dei cap. 17. & in Psal.
36. Moyses (inquit) Sanctus Dei
erat famulus, cū quo loquebatur Deus
per nubem, qui temporaliter loquens,
vtrique per assumptam creaturam loque-
batur seruo suo, non per substantiam
suam, sed per assumptionem alicuius
corporalis creaturæ; per quam voces
illæ fierent, & humanis, ac mortalibus
auribus personarent, sic enim tunc lo-
quebatur Deus, & paulo post, Locutio
illa, quæ fiebat ad Moysen, ad hominē
fiebat, per syllabas pertranscuntes so-
nos; non autem fierent ista, nisi Deus
assumeret talem creaturam, per quam
huiusmodi sermonem, & voces emit-
teret; sed quidquid sit, siue Deus per
seipsum immediatē locutus sit, siue
per Prophetas, siue per Apostolos, siue
per Prædicatores, locutiones illæ Dei
sunt, & voces sermonum eius, & verba
labiorum eius; quia os Domini locu-
tum est Isaia 1. & 40. & proinde nos

paratos esse decet, eum loquentem
audire; illius votibus acquiescere,
verba eius in corde retinere, vt cum
Dauidē dicere possimus. Psalm. 84.
Audia quid loquatur in me Dominus,
quoniam loquetur pacem in plebem
suam. Vt autem nos ad eum audien-
dum eiusque salutaria monita excipien-
da suauiter alliceret, cum nobiscum
loqui dignatus est, sub humana for-
ma id effecisse probabilissimum est;
quod etiā animaduertit Reuerendissi-
mus Fortunatus Schaccus. Sacrarij
Apostolici Præfectus in Elaeochrisma-
ton myrothecio altero cap. 36. nō lon-
gē ab initio; idque probat ex pluribus
sacrarum Litterarum locis, & potissi-
mū Leuit. 19. Exod. 24. & 33. Num. 12.
Psal. 79. ex quibus colligit sub huma-
na forma apparuisse Deum Moysi, ei-
que fuisse locutum à facie nimirum, ab ore,
à pedibus, à modo sedendi, à modo lo-
quendi, & similibus, quæ Deo apparen-
te in medio duorum. Cherubim supra

Arcam tribuuntur, & humanæ formæ
sunt propria.

Aggredimur nunc explicare harū
locutionum essentiam, & naturam, ad
cuius rei intelligentiam, quædam bre-
uiter notanda sunt: diximus suprā, ex-
teriorē locutionem aliud non esse, quā
conceptus interni manifestationem ad
extrā factam per aliquod sensibile si-
gnum, vt voce, nutu, & aliquo alio cor-
porali membro, quod signum externū
necessariū hominibus penitus est pro-
pter corporis obstaculum, homo enim
videt in facie; Deus autem cor intue-
tur. Hanc ob causam nullatenus intel-
ligere potest homo alterius hominis
internos conceptus, quapropter ad ex-
ternam locutionem eliciendum, duo
potissimum necessaria sunt, primum,
quidem, quod res manifestanda inno-
tescat per aliam, nam res, quam quis in
se intrinsecē cognoscit, non potest dici
ab eo per externam locutionem co-
gnita; secundum verò requiritur, quod
res non per aliud quodlibet fiat nota,
sed per illud, quod est propriē signum
in ratione signi. Cognitio enim vnus
per aliud res quædā est in genere entis,
exigitur ergo signum aliquod, quod
vel est dictum, vel factum, sed quoniā
ad hanc locutionem magis propriē di-
cta spectant, quā facta, quia verba
primum sibi locum vendicant, ex hoc
infertur dicendo communiter homi-
nes loqui.

Rursus sciendum est, loquendi im-
potentiam ex duplici causa posse ortū
habere, primum ex eo, quod quispiam
locutionis facultate priuatus est. Secū-
do, quod organis caret, quibus vocē for-
mare nō potest, vt suos conceptus alijs
per eam manifestet; sunt autē, vt dixi-
mus ad externā locutionē formandā ne-
cessaria lingua, labia, dentes, arteriæ, pul-
mones. Vera enim locutio ex parte ani-
mæ procedit ex intelligentiā, apprehen-
sione, & appetitu; ex parte verò corporis

Locutio ex-
terna duo re-
quitur.

Loquendi im-
potentia ex
duplici ex-
plicitur.

Ad locutio-
nem, quæ ne-
cessaria sunt.

requirit vitalia organa ad loquendum accommodata, & disposita, exigitur etiam aer, vt eo percusso sonus formetur, & ad aures audientium deferatur. Postremò in locutione completa reperitur ille; qui loquitur, qui homo est; potentia loquendi, & instrumentum, per quod locutio fit, & medium, in quo vox recipitur, & ad audientium aures deferitur: His positis dicendum est, si sermo sit de externa Dei, & Angelorum locutione cum hominibus facta; Deum, & Angelos, licet incorporei sint, fuisse verè locutos, namque ad hanc locutionem formandam necessaria sunt, habent facultatem intelligendi, & mouendi, per quam, & voces formare possunt, quas volant, & sonos reddere, & sic loqui, & ab eis audiri, cum quibus loquuntur, vt verum sit, quod tunc Deus est, siue Angelus, qui loquitur: potentia loquendi est vis intelligendi, & mouendi, organa verò corpora sunt, quæ tunc assumuntur, cum Deus, vel Angelus loquitur: Certū sanè est ex sacris Litteris, & Sanctis Patribus Deum fuisse locutum, siue per seipsum, siue per Angelos, vel per assumptum in aere corpus, vel per formatas in aere voces: an autem corpora illa, sub quibus apparitiones factæ fuerunt, organica extiterint, & humanis similia, tractat Petrus Thyreus de Apparit. omnis generis spirituum Tract. 1. lib. 1. cap. 13. & an à Deo fuerint immediatè creata, vel aliundè assumpta, idem Auctor tradit cap. 14. & an è Cælo allata cap. 15. & an è corporibus mixtis, & elementis conflata cap. 16. & 17. sed quidquid sit, verum est, quòd aliquando Angelus assūperint corpora, vnde poruerint membrorum ministerio formare voces, & suos communicare conceptus, ad quos sermones dirigere volebant, & communis Theologorum sententia in 2. sent. distinct. 8. &

Dei, & Angelorum locutiones veras esse probatur.

Thyreus.

Angeli interdum corpora assumunt, & quælibet littera docetur.

affirmat S. Augustin. lib. 15. de Ciuit. Dei cap. 23. & Serm. 13. de diuersis, qui est Tractatus tertius contrà Manichæos tomo 10. addit Durand. in 2. sent. distinct. 11. quæst. 2. potuisse Angelos, in aere quosdam formare sonos similes vocibus significatiuis, quibus conceptus suos propalarent, qualia autem corpora assumant, an ex puro aere, vt sensisse videtur Sanctus Greg. lib. 2. Moral. cap. 1. & lib. 28. s. Greg. cap. 8. & expressè tradit Alex. 2. part. quæst. 34. memb. 4. & Alber. 1. par. Albert. Sum. Tractat. 18. quæst. 75. num. 2. qui licet de Quattuor coeuis 1. par. quæst. 9. art. 11. affirmet id fieri ex aere, qui facilius recipit condensationem, & subtiliationem, qui non est purus, sed admixtus vaporibus. Contrariam tamen sententiam, quòd Angelis non ex puro aere, sed admixtis cæteris vaporibus, & elementis etiam alijs corpora induant, secuti sunt Sanctus Thom. 1. par. quæst. 51. art. 2. s. Thom. ad 3. & quæst. 6. de Potentia art. 7. ad 7. Ægydius in 2. distinct. 8. quæst. 1. ad resolutionem dub. 2. S. Bonau. ibidem 2. par. art. 2. quæst. 2. Richard. quæst. 1. art. 3. Scotus quæst. 1. §. in illa quæst. vers. nam tunc assumit, & Gabriel. quæst. 1. art. 20. nota 1. Verum quæstionem hanc Doctoribus Scholasticis soluendam relinquentes dicimus, quod sicut possunt Angeli formare voces, & loqui, eadem quòque ratione hoc idem facere posse alios Sanctos, qui modo antè vniuersalem corporum Resurrectionem propria in Patria non habent corpora, vt Petrus, & Paulus, aliosque plures, quos & Beatam Brigittam, & alios multos Deo permittente fuisse allocutos palàm est. Et quidem de Angelis Zachariæ sc. cundo scribitur, Alius Angelus egrediebatur in occursum eius, nempe superioris Angelus, & dixit ad eum, curre, & loquere ad puerum istum, &

S. Augustin.

Durand.

S. Greg. Alexandi

S. Thom.

Ægyd.

S. Bonau.

Richard.

Scotus.

Gabriel.

Zachar.

Tobia 12. & Tobia 12. legimus, Angelum cum eo longum habuisse sermonem, & in Apocalyp. locutiones Angelorum spissè, & frequenter cum B. Ioanne habitè recensentur, & sæpissimè repetit. Dixit ad me Angelus, & alibi passim. Et cum B. Cæcilia sermonem habuisse Angelū, qui vitam eius scripserunt testantur, quem Valerianus, & Tiburtius, vt ipsa eis promiserat, viderunt, & de Apostolorum Principe Petro, & Doctore Gentium Paulo nullus dubitat, quòd multis apparuerint, & eos fuerint allocuti, & Sancto Siluestro Papæ, & Imperatori Constantino in somnis eos apparuisse testatur Socrates lib. 1. histor. Eccles. cap. 2. Sozomenus aliam similem refert, nisi fortè eadem sit, lib. 1. cap. 3. histor. Eccles. Eusebius Cæsariensis lib. 1. de Vita Constantini, circa medium: & vt magis apparitionum, & locutionum Sanctorum cum hominibus veritas comprobetur, libet in præsentia hæc historiâ referre ex Epistola Adriani Primi ad Constantinum Imperatorem, & Irenem eius Marrem in secunda Nicæna Synodo existentes, his verbis scriptam.

Ex eò enim, quo Christi Dei Nostri Ecclesiæ tempore quieris, ac pacis apertæ sunt fores, hæc tuncq. depictæ Ecclesiæ Imaginibus sunt ornatæ, Beato, atque Sanctissimo Papa Siluestro testante, in ipsius enim exordijs Christianorum, cum ad fidem conuerteretur Pijssimus Imperator Constantinus, sic legitur. Transacto die, nocturno Regi facto silentio somni tempus aduenit, & ecce adsunt Sancti Apostoli Petrus, & Paulus dicentes quoniâ flagitijs tuis posuisti terminū, & effusionem innocentum sanguinis horruisti, missi sumus à Christo IESV Domino dare tibi sanitatis recuperandæ consiliū. Audi ergò nostra monita, & fac omnia, quæ indicabimus tibi: Principiò Siluestrum Episcopum, qui

persecutionis tuæ gratia Roma exulat, in Soraætæ Monte, & clam in speluncis cū Clero latitat, cura ad te vocari, is tibi lauacrū pietatis, in quo lauaberis, præparabit, dabiturq. tibi non modò lepræ, verum omnium morborum sanitas, cumq. præclaris istis bonis fueris recreatus, confestim iubeto per omnia loca Romanorum Ecclesias restaurari; Te verò purum abiecto Idolorū cultu declarabis, cultumq. debitum soli Deo vero adorando exhibeas, iuxta illius voluntatē omnia tua cōsilia disponens: Imperator itaque è somno excitatus omnes suos Aulicos, quicūq. in Palatio erant conuocauit, quodq. per insomnium illi ostensum fuerat exposuit, nec mora aliqua, sed confestim Ministros suos ad Montem Soraætæ, in quo B. Pater Siluester cum Clero suo vacans lectionibus sacrorum librorum latitabat, misit, iam cum vndiq. videret Milites circumcingentes Montem inquirendi causâ, existimans, quòd ad Martyrium raperetur, Clerum ita affatus est. Ecce nunc tempus acceptabile, ecce nunc dies salutis; egresso autem de spelunca narrarunt Milites qua de causâ quæreretur, cum quibus ad Imperatorem transiens, secum comites tres Presbyteros, cum duobus Diaconis profectus, cum Imperatorem vidisset, Pax tibi (inquit) ò Imperator sumus de cælo, & Victoria: Imperator itaq. hilari oculo, & tranquillo animo illius verba exaudiens, quæcumque sibi per insomnia fuerunt reuelata, Beato Siluestro exposuit, postquam autem finem narrationis fecisset, quæsiuit Imperator, quales nam arbitraretur esse Deos Petrum, & Paulum, quos viderat? Respondit Pater, nequaquam esse Deos, sed seruos, & Discipulos Domini Nostri IESU Christi, quos in hoc elegisset, vt omnes gentes cōuerterent, & crederent in eum. Hæc cum audisset.

Imperator percunctatus est, num alibi essent historiæ illorum, mox B. Siluester per Diaconos adferri, quas habebat Apostolorum imagines iussit, illas cum Imperator aspexisset, clara voce proclamauit, Hi sunt, quos per visum conspexeram, neque ampliùs incredulus sum, paretur lauacrum in meam salutem, constructo autem lauacro, cum sacro rore linitus esset, confestim est sanitati pristinæ restitutus, deindè non immemor beneficij accepti Ecclesias Dei ædificare cœpit: hæc enĩ de Sanctorum Apostolorũ Petri, & Pauli apparitione S. Siluestro, & Constantino facta.

Sed in re, quæ Sole clarior est, diutius nolumus immorari, cum allata exempla ad rem nostram comprobant, satis, superq. sint, & plurima etiam in hoc Tractatu sparsim attulimus. Et ideo dicendum est, potuisse Angelos, cæterosq. Beatos S. Brigittæ loqui, eiq. suos communicare cœceptus per qualdam rerum imagines, & similitudines omnibus ijs modis, quos suprà enumerauimus, quod cõfirmari potest ex his, quæ Lib. 3. Reuelat. Cap. 6. legimus, quo loco S. Ambrosius Episcopus cum Beata Brigitta agens de cuiusdam Episcopi prauis actionibus, quas exprimit sub similitudine Viri adulteri, Vxoris, & Ancillæ, per adulterum malum Episcopum intelligendum esse, & per Vxorem Ecclesiam, per Ancillã verò amorem mundi dicit. Ego sum, ait, Ambrosius, qui tibi appareo, & tecum loquor per similitudinem, quoniam cor tuum capere non potest intelligentiam spiritualium, sine corporali aliqua similitudine: atque hinc fit, quod sub specie ignis, linguarum, & sonitus aduentus Spiritus sancti super Apostolos designatus est, nam vt tradidit S. Greg. lib. 2. 8. Moral. cap. 2. Quod de aduentu, ait, Spiritus sancti scriptum est, Factus est repẽte de cælo sonus, tamquam ad-

uenientis spiritus vehementis, & repleuit totam domum, vbi erant sedentes, & apparuerant illis disparitæ linguæ, sed itq. suprà singulos eorum, Neque ignis, scribit ille, Deus, neque sonitus fuit, sed per hoc, quod exterius exhibuit, expressit, quod interiùs gessit.

Sedenim si sermo fiat de his Sanctis, qui proprijs corporibus euolarunt ad cælum, ibiq. nunc sunt, vt Christus Dominus, Beatissima Virgo Maria, eorum locutionum, quas cum B. Brigitta habuerunt, laborandum minimè est, vt inuestigemus modum; habent enim omnia, quæ ad loquendum, & suos cœceptus communicandum necessaria sunt: Beatissimam autem Virginem animam, & corpore in cælum fuisse assũptam, ipsamet B. Brigittæ reuelauit Lib. primo Reuelat. Cap. 8. & 9. & ex sanctis Patribus, probat S. Athanas. Sermon. de Deipara, S. Augustin. de Assumpt. Mariæ cap. 6. Damascen. Orat. 2. de Dormit. Deiparæ sub finem, Andreas Cretens. ead. Orat. Anselm. de Excellent. Virg. c. 8. Rupert. lib. 6. in Cant. S. Bonau. in Spec. Mar. c. 2. Richardus Victor. in Cant. cap. 42. S. Thom. 3. p. q. 27. art. 11. & q. 8. art. 5. ad 8. & alij plures, quos citauimus Lib. 1. Reuelat. Cap. 8. Nota 1.

Verùm hic aliqua enucleatius de locutione corporis gloriosi explicanda sunt, & quidem Christum Dominum, quamdiu in terra post eius gloriosam Resurrectionem conuersatus est, fuisse verè locutum Euangelistæ testantur, nec potest negari, tunc temporis eum habuisse omnia, quæ ad completam locutionem necessaria sunt, sed aliqua dubitatio oritur de Christo existente suprà cælum, vbi aere non circumdatur, diximus namq. ad locutionem etiam requiri aerem, vt eò percussio sonus efformetur, qui in corpore glorioso videtur nõ reperiri, nec consequenter vox; sed huic dubitationi, occurrit

Beatiss. Virg. assumptio in cælum anima & corpore.

S. Athanas.

S. August.

S. Damasc.

Andreas Cretens.

S. Anselm.

Rupertus.

S. Bonauent.

Richard.

S. Thom.

Christi locutiones post Resurrectionem, quæ ratione tabæ iuerint.

Christum Dominum existentem supra cælum, vbi tñ aere non circumdatur, verè loqui posse probatur.

S. Thom. S. Thom. & difficultatem hanc tollit in 2. sent. d. 2. quæst. 2. art. 2. ad 5. & in 4. d. 44. quæst. 2. art. 1. quæstiunc. 4.

Ad forman-
dam vocem
non necessa-
rius ser ex-
ternus, sed
sufficit inter-
nus in corpore
humano
inclufus.

Suarium.

dicit enim ad formandam vocem non esse necessarium aerem externum, qui trahatur, vel expellatur, sed sufficere internum in humano corpore existentem in pulmone, alijsq. partibus corporis gloriosi, potest ergo Beatus, vt benè monuit Suarius in Cômment. ad 3. part. S. Thom. q. 54. disp. 47. sect. 2.

vocem formare, mittendo aerem per asperam arteriam vsque ad os, ibiq. lingua, labijs, & alijs organis illum refrangendo in palatu. Sanè magna esset imperfectio corporum Beatorum, si loqui nō possent, & inuicem conuersari, & Deum laudare, nec obstant illa verba Doctoris Gentii Pauli 1. Cor. 13.

1. Corin. 13.

Siuè prophetiæ euacuabuntur, siuè linguæ cessabunt, siuè scientia destruetur, nā præterquāquod Paulus nō affirmat, quod sciētia in via acquisita destruetur in patria, sed conditionaliter loquitur, nec absolute dicit quod linguæ cessabūt.

Nā certum est in Beatis linguarum peritiā mansurā, immò post Resurrectionem vniversalē eos linguis corporeis Deum esse laudaturos docuit S. Thom. lect. 3. super eundem locum Apostoli exponens illa verba, Siuè linguæ cessabunt, Quoniam (inquit) non erit.

neceffe, vt varijs linguis vtantur, vt se inuicem intelligant, quia in futura gloria quilibet quamlibet linguam intelliget, & forsitan in eo statu, sicut in principio creationis, erit vnus sermo, & labium vnum, illud verò, quod de scientia scribit Apostolus, nimirum Siuè sciētia destruetur, non intelligendū, quòd in gloria cēlesti scientia futura minimè sit, sed quòd destruetur, vel quantum ad habitum, vel quantum ad species intelligibiles in hac vita acquisitas, quoniam anima à corpore separata non cognoscet per conuersionē ad phantasmata, ita docet S. Thom.

Post vniversalē
reurrectionē
Beati in Patria
linguis corporeis
Deum laudabunt.
S. Thom.

S. Thom.

ubi suprā. Quod autem Beati in cælo Deum laudaturi sint, apertè colligitur ex his verbis Psal. 149. Exultabunt, Sancti in gloria, lætabuntur in cubilibus suis, Exultationes Dei in gutture eorum, quem locum exponens Sanctus Basil.

S. Basil.

S. Gregor.

& psalmodias dicit, sed clarius S. Greg. lib. 8. Moral. cap. 31. ad ea verba Iob, Donec impleatur os tuum risu, & labia tua iubilo, Benè (inquit) risu impleri os dicitur, & labia iubilo, quia in illa æterna patria, cum iustorum mens in exaltationem rapitur, lingua in censum laudis eleuatur. Egregiè locum citati Psalmi explanat Iacob de Valentia, qui apertis verbis facetur, Beatos vocalibus laudibus mirabilia Dei opera cantando, fore commendandos, Non solum (inquit) exultabunt lætitiis, & gaudio interno, sed etiam exteriori per laudes vocales Deum laudando, cantando Dei exaltationes, idest mirabilia Dei opera, scilicet mysteriū Creationis, Redemptionis, & Resurrectionis: Et erunt exaltationes Dei in gutture eorum, nam ibi corpora glorificata veras voces formabunt, erit ergo in corporibus gloriosis vox, & diuina laus etiam sensibilis. Quid autem dicendum sit de locutione creaturarum cum Deo, & qua ratione id fiat innotescet ei, qui animaduertet, duo in locutione reperiri, primum quidem id quod in ipso loquente fit, cum alterum alloquitur, & est in nobis conceptus formatus alteri manifestandus, secundum verò, quod à loquente egreditur per modum signi, quo alteri propalat, quod loqui intendit, vt sunt in nobis verba, quæ formantur in aere per organa, quæ uè postea ad audientem feruntur ministerio specierum: cum autem loquimur cum Deo hoc postremum certè necessarium non est, cum quia nihil in ipso fieri potest per locutionem creaturæ, nec indiget.

*Iacobus de
Valentia.*

Locutio crea-
turarum cū
Deo qua ra-
tione fiat.

S. Thom.

Deus signis intermedijs, vt petitiones, & deprecationes creaturarum intelligat, tñm quia locutio illa non fit per manifestationem alicuius, quod Deus nesciat, sed propter utilitatem tantum loquentis, vt monuit S. Thom. 1. par. quæst. 107. art. 3. quo loco agens de locutione Angelorum cum Deo, eos solum (inquit) loqui indicando per voluntatem, & conceptionem suam ad Deum, non vt illi aliquid communicet, sed vt ab eo aliquid accipiant: per hanc ergo voluntatem Deum creatura alloquitur, illi desiderium suum propalando, & manifestando, cognoscens se indigere, & ab illo suam indigentiam posse subleuari. Manifestum est autem locutionis nomen importare conceptum, vt ordinatum, & connotare voluntatis actum, qui ordinatur ab eo, qui loquitur ad Deum, quem alloquitur, proinde vt rectè notauit Gabriel in 2. d. 9. quæst. 2. art. 4. locutio formaliter non est ille actus voluntatis Angeli ordinantis suum conceptum ad alterum, sed ipse conceptus, vt ordinatus ad alterum per eum voluntatis actum: proinde loquendo de locutione Angelorum ad inuicem, dicimus, vnum Angelum loqui cum altero, quatenus voluntate sua ordinat conceptum suum ad illum, cui vult illum conceptum, & rem intellectam innotescere, quæ est sententia Sancti Thomæ 1. par. quæst. 107. art. 1. Gabrieli loco citato, & Capreoli in 2. d. 11. quæst. 1. art. 1. & Caietani, qui addit, per illum ipsum conceptum ita ordinatum, quo excitatur Angelus ad audiendum, & percipiendum id, quod alter loquitur, ad eam excitationem, minimè opus esse alio signo, nec alio adminiculo ad audiendum distinctè ab ipsa locutione. Nec placet opinio Durandi in 2. d. 11. quæst. 2. asserentis, Angelos inter se nò aliter posse colloqui, quàm eo modo, quo cum homi-

nibus loquuntur, formando in aere voces, nam si hoc esset verum, perfectior esset hominum locutio, quàm Angelorum, nam illa est operatio vitalis ministerio humanæ linguæ facta, Angelorum autem facta per sonum non est talis, & ideo hæc inferioris ordinis est, & tamen ex Apostolo Paulo colligimus 1. Corint. 13. perfectiorem esse Angelorum locutionem, quàm hominum, & indicat, alio modo loqui cõsueuisse Angelos, quàm homines. Secundo quia oporteret Angelos, si vellent loqui, tunc cælum relinquere, seq. ad aeris regionem conferre. Postremò vnus Angelus nò posset alloqui alium, quin etiam ab alio audiretur, nam sonus exterius in aere formatus non potest vnum Angelum latere, quod est absurdum, sic enim contrà Durandum argumentatur Greg. de Valentia in Comm. ad 1. p. S. Thom. disp. 8. q. 4. punc. 2. & proinde probabilissimam esse censet S. Thomæ sententiam asserentis, huiusmodi locutionem fieri per ordinationem conceptus ad alterum, & conuersionem vnus Angeli ad eum, cum quo loqui vult, per quem conuersionis actum, cum superior inferiorem alloquitur, confortat, & adiuuat inferioris intellectum, quæ admodum fortissimi Ducis præsentia aliquando timidum, ac trementem inter pugnandum confirmat militem, quod enim in corporalibus operatur fitalis propinquitas, in spiritualibus efficit conuersio: alij verò huiusmodi locutiones per conceptuum partitiones, ac diuisiones fieri tradiderunt, quemadmodum Magister, vt suos Discipulos instruat, in diuersos conceptus doctrinæ, ac conclusionum principia distribuit, vt quæ habet in mente recôdita, de his eos facilius participes reddat, & superior Angelus, qui vniuersaliores habet species, & per pauciores plura intelligit, quàm per plures

1. Corint. 13.

Gregor. de Valentia.

S. Thom.

Gabriel.

Locutio Angelorum ad inuicem, quæ & qualis sit.

S. Thom.

Capreolus.

Caietan.

Durand.

inferior Angelus, illas veritates, quas vniuersaliter intelligit, & manifestare vult, ita accommodat, vt ab inferiori Angelo capi possint, sicq. loquitur, vt accommodatè ad species intelligibiles eorum id faciat, dearticulatè proponendo eis ea, quæ ipsi cogitant modo explicato, atque hinc superior Angelus inferiori ad intelligendum duplex auxiliū præstat, Primum ex parte potentiz intellectiue eam confortando. Secundo ex parte speciei intelligibilis Angeli inferioris, quatenus accommodatè, vt diximus, ei manifestat, quæ illi communicare intendit.

Diuiinarum locutionum signa hic inuestiganda essent, sed quoniam hac de re luculenter, copioseq. sequenti Capite acturi sumus, cum de discernendis diuinis Visionibus ab Illusionibus tractabimus: idcirco breuiter insinuare sat erit, inter cætera signa, quæ diuinam locutionem manifestant, ea esse potissima, reuerentiam nempe in primis, ac venerationem maximam, quam secum habet, & quæ reperitur in eo, cum quo Deus loquitur, adiuncto timore quodam, qui ex illa veneratione plerumq. oriri consuevit, quibus etiam admiratio, ac stupor addendus est, vnà cum mentis illustratione, quæ ad diuinam illam locutionem sequitur: Indè etiam procedit in corde inflammatio, & ardor ingens amoris diuini, ac perfectæ conformitatis cum Dei voluntate, hoc enim totum fit ob summam loquentis maiestatem, ac præsentiam ipsius Dei, qui cum suis amicis alloquitur, eis præstò est, quod, & tribus illis Apostolis contigit apud S. Matthæum legimus c. 17. qui Transfigurationi Domini in Monte Tabor cum præsentibus fuissent, vox æterni Patris, qui de celo intonuit, Hic est Filius meus dilectus, eos in terram proiecit, cuius vocis dulcedine, ac splendoris illius pulchritudine ille-

gus Petrus Apostolus, Faciamus hic (inquit) tria tabernacula, tibi vnum, Moyse vnum, & Eliz vnum, cecidit etiam in terram perterritus, ac penè exanimatus Daniel, cum vocem illam sibi diuinitus factam audisset, Gabriel fac intelligere istam Visionem. Cecidit & Paulus, vt S. Lucas scribit Act. 9. *Das. 8. 3. Luc. Act. 9* in terram, cum Domini vocem sibi dicentem audiuit, Saule, Saule, quid me persequeris, & hunc casum tribuendum esse censemus præsentiz, ac locutioni diuinæ, & copiosæ luci, quæ illum circumfulsit, & proinde tremens, ac stupens dixit, Domine, quid me vis facere, in ergò, vt dicebamus in corde ex locutione diuinæ emanante cum Dei voluntate conformitas, & diuinæ etiam dilectionis ardor, Non (inquit) S. Augustin. in Psalm. 44. quod prostratus est Paulus in faciem, ibi cecidit in corde, sed vbi ait, Domine, quid me iubes facere? modò ibas ad Christianos aligandos, & perducendos ad pœnam, modò dicis, Christe quid me iubes facere? ò sagittam acutam potentissimā, qua accepta cecidit Saulus, vt esset Paulus: libet rem hanc probare etiam ex pio, ac fide digno Scriptore Ludouico de Ponte, qui in Libro, quem inscripsit Dux spiritualis Traç. 1. cap. 22. de tribus extraordinarijs modis, quibus Deus hominibus loquitur, narrat, quòd cum quidā, quem Summus Greg. Pontifex XIII. hortabatur, vt Societatem IESV ingrederetur, ad id faciendum in se repugnantiam sentiret, descendens ad Templum S. Petri, genibus flexis antè Sanctissimum Sacramentū magno feruore petijt, manifestari sibi ipsius Christi Domini voluntatē, eumque repente de tabernaculo hanc vocē audiuisse, Esto de Societate Nominis mei, & hanc fuisse Dei vocem ex tribus effectibus collegit, primò, quod ex magna reuerentia illum in-

Diuiinarum
locutionum
signa.

in illa locutione

S. August.

Ludouic. de
Ponte.

Gregor. Pontif. XIII.

Matth. 17.

Deus signis intermedijs, vt petitiones ; & deprecationes creaturarum intelligat, cum quia locutio illa non fit per manifestationem alicuius, quod Deus nesciat, sed propter utilitatem tantum loquentis, vt monuit S. Thom. 1. par. quæst. 107. art. 3. quo loco agens de locutione Angelorum cum Deo, eos solum (inquit) loqui indicando per voluntatem, & conceptionem suam, ad Deum, non vt illi aliquid communicet, sed vt ab eo aliquid accipiant: per hanc ergo voluntatem Deum creatura alloquitur, illi desiderium suum propalando, & manifestando, cognoscens se indigere, & ab illo suam indigentiam posse subleuari. Manifestum est autem locutionis nomen importare conceptum, vt ordinatum, & connotare voluntatis actum, qui ordinatur ab eo, qui loquitur ad Deum, quem alloquitur, proinde vt recte notauit Gabriel in 2. d. 9. quæst. 2. art. 4. locutio formaliter non est ille actus voluntatis Angeli ordinantis suum conceptum ad alterum, sed ipse conceptus, vt ordinatus ad alterum per eum voluntatis actum: proinde loquendo de locutione Angelorum ad inuicem, dicimus, vnum Angelum loqui cum altero, quatenus voluntate sua ordinat conceptum suum ad illum, cui vult illum conceptum, & rem intellectam innotescere, quæ est sententia Sancti Thomæ 1. par. quæst. 107. art. 1. Gabrielis loco citato, & Capreoli in 2. d. 11. quæst. 1. art. 1. & Caietani, qui addit, per illum ipsum conceptum ita ordinatum, quo excitatur Angelus ad audiendum, & percipiendum id, quod alter loquitur, ad eam excitationem, minimè opus esse alio signo, nec alio adminiculo ad audiendum distinctè ab ipsa locutione. Nec placet opinio Durandi in 2. d. 11. quæst. 2. asserentis, Angelos inter se non aliter posse colloqui, quam eo modo, quo cum homi-

nibus loquuntur, formando in aere, voces, nam si hoc esset verum, perfectior esset hominum locutio, quam Angelorum, nam illa est operatio vitalis ministerio humanæ linguæ facta, Angelorum autem facta per sonum non est talis, & ideo hæc inferioris ordinis est, & tamen ex Apostolo Paulo colligimus 1. Corint. 13. perfectiorem esse Angelorum locutionem, quam hominum, & indicat, alio modo loqui consueuisse Angelos, quam homines. Sequendo quia oporteret Angelos, si vellent loqui, tunc cælum relinquere, seq. ad aeris regionem conferre. Postremò vnus Angelus non posset alloqui alium, quin etiam ab alio audiretur, nam sonus exterioris in aere formatus non potest vnum Angelum latere, quod est absurdum, sic enim contra Durandum argumentatur Greg. de Valentia in Comm. ad 1. p. S. Thom. disp. 8. q. 4. punc. 2. & proinde probabilissimam esse censet S. Thomæ sententiam asserentis, huiusmodi locutionem fieri per ordinationem conceptus ad alterum, & conuersionem vnus Angeli ad eum, cum quo loqui vult, per quem conuersionis actum, cum superior inferiori alloquitur, confortat, & adiuuat inferioris intellectum, quemadmodum fortissimi Ducis præsentia aliquando timidum, ac tremèntem inter pugnandum confirmat militem, quod enim in corporalibus operatur situualis propinquitas, in spiritualibus efficit conuersio: alij verò huiusmodi locutiones per conceptuum partitiones, ac diuisiones fieri tradiderunt, quemadmodum Magister, vt suos Discipulos instruat, in diuersos conceptus doctrinæ, ac conclusionum principia distribuit, vt quæ habet in mente recodit, de his eos facilius participes reddat, & superior Angelus, qui vniuersaliores habet species, & per pauciores plura intelligit, quam per plures

S. Thom.

Gabriel.

Locutio Angelorum ad inuicem, quomodo & qualis sit.

S. Thom.

Capreoli.

Caietan.

Durand.

1. Corin. 13.

Gregor. de Valentia.

inferior Angelus, illas veritates, quas vniuersaliter intelligit, & manifestare vult, ita accommodat, vt ab inferiori Angelo capi possint, sicq. loquitur, vt accommodatè ad species intelligibiles eorum id faciat, dearticulatè proponendo eis ea, quæ ipsi cogitant modo explicato, atque hinc superior Angelus inferiori ad intelligendum duplex auxiliū præstat, Primum ex parte potentiz intellectiue eam confortando. Secundo ex parte speciei intelligibilis Angeli inferioris, quatenus accommodatè, vt diximus, ei manifestat, quæ illi communicare intendit.

Diuiinarum locutionum signa hic inuestiganda essent, sed quoniam hac de re luculenter, copiosq. sequenti Capite acturi sumus, cum de discernendis diuinis Visionibus ab Illusionibus tractabimus: idcirco breuiter insinuare sat erit, inter cætera signa, quæ diuinam locutionem manifestant, ea esse potissima, reuerentiam nempe in primis, ac venerationem maximam, quam secum habet, & quæ reperitur in eo, cum quo Deus loquitur, adiuncto timore quodam, qui ex illa veneratione plerumq. oriri consuevit, quibus etiam admiratio, ac stupor addendus est, vnà cum mentis illustratione, quæ ad diuinam illam locutionem sequitur: Indè etiam procedit in corde inflammatio, & ardor ingens amoris diuini, ac perfectæ conformitatis cum Dei voluntate, hoc enim totum fit ob summam loquentis maiestatem, ac præsentiam ipsius Dei, qui cum suis amicis alloquitur; eis præstò est, quod, & tribus illis Apostolis contigisse apud S. Matthæū legimus c. 17. qui Transfigurationi Domini in Monte Tabor cum præsentibus fuissent, vox æterni Patris, qui de cælo intonuit, Hic est Filius meus dilectus, eos in terram proiecit, cuius vocis dulcedine, ac splendoris illius pulchritudine ille-

ctus Petrus Apostolus, Faciamus hic (inquit) tria tabernacula, tibi vnum, Moyse vnum, & Eliæ vnum, cecidit etiam in terram perterritus, ac penè exanimatus Daniel, cum vocem illam sibi diuinitus factam audisset, Gabriel fac intelligere istam Visionem. Cecidit & Paulus, vt S. Lucas scribit Act. 9. Luc. Act. 9 in terram, cum Domini vocem sibi dicentem audiuit, Saule, Saule, quid me persequeris, & hunc casum tribuendum esse censemus præsentiz, ac locutioni diuinæ, & copiosæ luci, quæ illum circumfulsit, & proindè tremens, ac stupens dixit, Domine, quid me vis facere, in ergò, vt dicebamus in corde ex locutione diuinæ emanante cum Dei voluntate conformitas, & diuinæ etiam dilectionis ardor, Non (inquit) S. Augustin. in Psalm. 44. quòd prostratus est Paulus in faciem, ibi cecidit in corde, sed vbi ait, Domine, quid me iubes facere? modò ibas ad Christianos aligandos, & perducendos ad pœnam, modò dicis, Christe quid me iubes facere? ò sagittam acutam potentissimā, qua accepta cecidit Saulus, vt esset Paulus: libet rem hanc probare etiam ex pio, ac fide digno Scriptore Ludouico de Ponte, qui in Libro, quem inscripsit Dux spiritualis Tract. 1. cap. 2. de tribus extraordinarijs modis, quibus Deus hominibus loquitur, narrat, quòd cum quidā, quem Summus Greg. Pontifex XIII. hortabatur, vt Societatem IESV ingrederetur, ad id faciendum in se repugnantiam sentiret, descendens ad Templum S. Petri, genibus flexis antè Sanctissimum Sacramentū magno seruore petijt, manifestari sibi ipsius Christi Domini voluntatem, eumque repente de tabernaculo hanc vocē audiuisse, Esto de Societate Nominis mei, & hanc fuisse Dei vocem ex tribus effectibus collegit, primò, quod ex magna reuerentia illum in-

Dn. 8.

S. Luc. Act. 9

S. August.

Ludouic. de Ponte.

Gregor. Pontif. XIII.

Diuiinarum locutionum signa.

Matth. 17.

terram proiecit timore, ac tremore concussus. Secundò, quòd eius cor vox illa ita commutauerit, vt vehementer afficeretur ad id, quod antea horrebat, vincens omnem repugnantiam cum suauitate, quæ ipsum ab ingressu Religionis retardabat. Tertiò, quòd infuderit illi repente magnam nominis IESV æstimationem, idq. tanta luce, & claritate inæstimabilium diuitiarum, quæ in eo nomine latent, vt quoties de eo loqueretur, in magnâ admirationem raperet omnes, qui eum audiebant.

Verùm locutiones illas, quas in his Reuelat. Libris à Christo Domino, à Beatissima Virgine, & ab alijs quibusdam Sanctis cum B. Brigitta habitas fuisse legimus, non Dæmonum illusiones, sed diuinitus datas Reuelationes censendas esse proximo sequenti Capite probabimus: & licet ex his, quæ hactenus de diuina locutione scripsimus facillè percipi possit discrimin. locutionis Dei, & Angelorum, aliorumq. Beatorum cum Deo, ac etiam Angelorum ad inuicem, conducere tamen arbitrati sumus ad completam rei tractationem, ac intelligentiam, alia quædam in præsentia breuiter de discrimin. & utilitate harum locutionum in medium asserre: & quidem multum differt locutio Dei ad creaturam, & creaturæ ad Deum, primò, quia Deus nullo indiget signo intermedio, vt intelligat quid ei creatura manifestare vult, quòd tamen in creatura necessarium est, vt percipiat, quid illi propalare alia creatura intendit. Secundò differt, quia vt dicebamus, locutio creaturæ ad Deum non fit ad manifestandum aliquid Deo, quod nesciret, cum sit omniscius, sed propter utilitatem loquentis, & vt ab eo aliquid accipiat, prout docuit Sanctus Thom. loco citato. Tertiò locutio Dei est actus transiens qui reci-

pitur in ipsa creatura, quam Deus alloquitur, & in qua tunc aliqua motio fit ex speciali Dei actione. At verò creaturæ locutio manet in ipso loquente, quæ secundum Alexandrum de Ales. 4. part. quæst. 26. artic. 1. §. 2. quæstiunc. 2. est verbum mentis, quo suum desiderium ad Deum dirigit. Postremò locutio Angeli superioris ad inferiorè fit, vt ei innotescat, quod non erat illi notum, quemadmodum contingit, cù homines loquuntur ad inuicem: & de locutione Angelorum ita sentiunt Theologi, quòd fit ad manifestandos proprios conceptus, & actus liberos interiores, qui alijs ignotis naturaliter sunt, & S. Thom. 1. par. quæst. 106. art. 4. ex sententia S. Dionysij de Cælesti Hierarchia c. 15. affirmat, superiores Angelos manifestare inferioribus quæcumq. sciunt, quia sunt maximè boni, & suæ perfectionis communicatiui, quæ verò manifestantur per Angelos superiores inferioribus, vel spectant ad naturæ statum, vel gratiæ, vel gloriæ. Porro etiam Deus loquitur ad Angelos, & ad homines diuersis modis, idq. fit, vt manifestet eis sententiâ, & voluntatem suâ: loquitur autè, vt indicauimus suprâ ad homines per Prophetas, per Apostolos, per internas inspirationes, per tribulationes, per sacram Scripturam, quæ idcirco verbum Dei appellatur.

Cæterùm, vt ex harum Cælestium Reuelationum S. Brigittæ læctione colligimus, locutus est Deus aliquâdo, vt Iudex peccatoribus verbis terrificis, & minacibus, sic Lib. 7. Cap. 3. & eodem Lib. 1. Cap. 19. aliquando, vt benignus, & misericors Pater, Lib. 1. Cap. 56. Sic ego. (inquit) patienter suffero hominè vique ad nouissimum, quia Pater, & Iudex sum. Verumtamen, quia iustitia mea incommutabilis est, & licet diu protrahatur, tamen aut puniam, si peccatores se non emendauerint, aut

Alexand. de Ales.

S. Thom.

Locutio Dei ad creaturas.

Breuis cord. quæ dicta sūt repetitio.

S. Thom.

et. data.

mi-

Beata Brigittæ Reuelatio-
nes non esse Demonum il-
lusiones, sed diuinitus da-
tas visiones, sacrorum Do-
ctorum auctoritate, & ra-
tionibus ostenditur.

C. A. P. X. I.

RIVSQVAM de re,
quam tractandam sus-
cepimus, disseramus,
diligenti studio qua-
rendum est, quid Illu-
sio sit, quibusvè modis, & causis Dæ-
mones consueuerint homines illudere,
deinde gradum faciemus ad proban-
dum B. Brigittæ Visiones non esse Dæ-
monum Illusiones, ac eam in huius-
modi Visionibus minimè fuisse dece-
ptam. Quid autem Illusio sit, tradunt
sacrarum Litterarum Interpretes ex-
ponentes ea verba Psal. 37. Quoniam
lumbi mei impleri sunt illusionibus:
Illudere namq. decipere est, seu irri-
dere, aut ludibrio aliquem habere,
sed D. Augustin. 1. de Genesi ad litt.
cap. 2. illudere Draconi dicit dñs Dia-
boli astutias vincere pia cautela. Nos
autem in præsentia sumimus uerbum
illudere pro decipere, ut S. Greg. li. 3.
Moral. cap. 2. sumit, exponens illa ver-
ba Iob 40. Omnes bestiarum agri ludent
ibi, An non (inquit) immundis spi-
ritibus ludere est mentes hominum
ad Dei imaginem conditas modò ficta
promissione decipere, modò vacuis
terroribus frangere, modò eis transito-
ria gaudia quasi mansura imprimere,
modò manuras pœnas quasi transito-
rias leuigare. Indicat hoc idem eod-
em libro cap. 14. quæ verba si quis
diligenter perpendat, non solum in-
telliget, quid Illusio sit, sed quattuor

quoque modos, & quattuor Illusio-
num causas inueniet, quibus Dæmon
frequenter homines decipere studet,
qua de re latè egit. Egidius Romanus
in 2. distinct. 8. quæst. 2. art. 5. dub. 2.
& Gregor. de Valentia tomo 1. Com-
ment. disp. 4. quæst. 2. pun. 2. quo lo-
co dixerit de modis, quibus Dæmones
humanos sensus possunt illudere, egre-
giè Sanctus Augustin. de Ciuit. Dei
lib. 18. cap. 16. 17. & 18. & de Spi-
ritu, & anima cap. 28. modos, & cau-
sas, quibus Dæmones illudere consue-
uerint his verbis describit: Dæmones
acrimonia sensus, hoc est subtilitate
cognitionis, ac celeritate motus aeri
corporis, terrenorum corporum sen-
sum facillè præcedunt, & quædam
cogitata prænunciant, quæ homines
mirantur propter tarditatem terreni
corporis, accessit autem Dæmonibus,
per tam longum tempus, quo eorum
vita protenditur, rerum longè maior
experientia, quàm hominibus potest
esse, propter breuitatem vitæ: Id-
circo quædam futura prædicunt, &
quædam intra faciunt, quibus homi-
nes alliciunt, & seducunt. Vnde quæ-
dam mulierculæ post Sathanam cœuen-
tæ Dæmonum illusionibus, & phan-
tasmatibus seductæ, credunt se, & pro-
ficientur nocturnis horis cum Diana
Paganorum Dea, vel cum Herodiadè,
& Miriam, & innumera mulierum
multitudine equitare, earumq. ius-
sionibus obtemperare: Ipse namque
Sathanas, qui transfiguratus in Ange-
lorum lucis, eorum mentem cuiusq. mul-
lierculæ occupat, & hanc sibi per
fidelitatem subiugauerit, illud trans-
format se in diuersarum personarum
speciès, ac similitudines, & mentem,
quam captiuam tenet, in somnis delu-
dens modò lata, modò tristia, modò
cognitas, modò incognitas personas
ostendens, per deuiæ quæq. deducit, &
cum solus hoc patitur spiritus infidelis,

nec

Egidius Ro-
manus.

Gregor. de
Valentia.

S. Augustin.

Psalm. 37.

S. Augustin.

S. Gregor.

Iob 40.

Magis Dæmo-
ni opere, an
per aeris ve-
rè seruantur.

nec in animo, sed in corpore euenire opinatur. Idcirco omnis stultus, & habes, qui hæc omnia, quæ spiritu fiunt, etiam in corpore accidere arbitrat, cū Ezechias, & alij Prophetæ, Ioannes etiā Euangelista, & Apostoli in spiritu, non in corpore Visiones viderint: hætenus Sanctus Augustinus.

Verum si quispiā causas querat quapropter Dæmones tam diligenti studio nos illudere, & decipere conentur, plures occurrēt legenti has Brigittæ Nostre Reuelationes, aliquas hic adducimus, quæ ad rem faciunt, vt quispiam possit inde facile contrā has Diaboli insidias remedia à Deo salubria petere, velut cū Medico ægritudinis causæ notæ sunt ægrorātis, ille opportunum subministrat antidotum.

Inter cæteras, quas B. Brigitta Illusionum affert causas Lib. 2. Reuel. Cap. 17. Inuidia primum sibi locū vendicat, quæ Dæmon homines infestat, cum enim illum non lateret, ad cælestes sedes eos esse subleuandos, à quibus per superbiam ipse deiectus est, inuidia morus eosdem decipere studeat, vt secum ad inferos trahat, sic enim legimus citatō Capite. Ecce Deus quoddam nouum fecit, quod in locum nostrum potest ascendere, & pugnando vincere, quod nos negligenter reliquimus; si poterimus illud supplantare, & decipere, deficiet à pugna, & ad tantam dignitatem non ascendet. Alias etiam Illusionum causas adducit, & has inobedientiam esse dicit, & ingratitude, quibus Deus iusto iudicio permittit homines decipi, perfidiam etiā, & desperationem inter causas illusionum ponit, per quas nē verbo Dei homines fidem præstent, & illius opera mirabilia fato ascribant, Dæmon suadere conatur, legis etiam duritiam, & difficultatem seruandi eam ante oculos ponit, vt homines à legis obseruatione tetrarhar, & quod Deus ex charitate sit mortuus minimè credant. Posse-

mus, & alias ex iisdem Reuelationibus describere causas, sed sat sit has indicasse.

Non ergo mirum, si ob multiplices, & innumerabiles illudendi, decipiēdiq; artes, quamplurima sibi Dæmon vspiciat nomina, Cuius ait Gregor. Magnus lib. 3. 3. Moral. cap. 14. nomina eius agnoscimus, si ergiuerationis illius astutiam subtiliter exploremus, vnde merito eum aliquando Patres appellarunt Behemot, quod Bellua interpretatur, Draconem, furem, leonem, serpentem, ignem, scelus, mortem, hiarum, noctem, insidias, rabiem, qua de re legendi sunt Greg. Magnus, & S. Gregor. Nazian. Orat. de Calamitate suæ animæ non longè à fine, & S. Isidor. lib. 3. de Sum. bono, c. 5. & 6. & B. Brigitta, quæ pluribus in locis Dæmones satellites, & archipopes vocat, & latius S. Bernard. Serm. 12. in Psal. Qui habitat, vers. 12. Ex diuersis (inquit) officijs, quin potius maleficijs vocabula quoque diuersa sortiti sunt, alius siquidem Aspis, alius Basiliscus, alius Leo, alius Draco, quod videlicet quodam suo inuisibili modo, variè quoque nocet, quasi alius morsus, alius quoque visus, alius aure rugitu, vel ictu, alius quidem status. Sanctus etiam Cyprianus satis copiosè tractat, quomodo animam apertè Dæmon adoriatur, in Tract. de Zelo, & Liure, Circuit (inquit) nos singulos, & tamquam hostis clausos obsidens muros explorat, & tentat, an sit pars aliqua membrorum minus stabilis; minusq; firma, cuius aditu ad interiora penetraretur: hætenus de varijs illudendi artibus, quibus ad homines decipiendos vitur Dæmon. Nunc agendum breuiter est de signis, quibus ab Illusionibus discernuntur diuine Visiones, sed quoniam hoc ad donum discernitionis spirituum pertinere arbitramur, cuius meminisse Apostolus Paulus 1. Corinth. 12. Ideo de hoc prius tractandum, & quid illud sit, & in quo sensu hic accipiendum, querendum est,

Dæmonis nomina varia, & diuersa descriptiones tribus de sum-

Greg. Magn.

Greg. Mag.

S. Gregor.

Nazian.

S. Isidor.

Greg. Mag.

S. Gregor.

Nazian.

S. Isidor.

S. Bernard.

S. Cyprian.

S. Cor. 12.

1. Corinth.

Spiritus discretio quid sit.

Greg. de Valentia.

Suarium.

Theophyl.

Theodoret.

Oecumenic.

S. Chrysost.

Theophyl.
Theodoret.
Oecumenic.
S. Chrysost.

Discretio spirituum dupliciter fit.
Suarium.

& consequenter transitum faciemus ad probandum, Beatæ Brigittæ Reuelationes non esse Dæmonum Illusiones; sed diuinitus datas Visiones. Spiritu discretio inter gratias gratis datas collocat. Apostolus loco mox citato, cum scribit, Alij datur discretio spirituum; & quidem Gregor. de Valentia in Comment. ad 1. 2. Sancti Thom. disput. 8. quæst. 3. punct. 1. & Suarius de Necessitate gratiæ diuinæ cap. 5. Prolego 3. num. 36. disputans in quod consistat discretio spirituum, dicit ex sent. S. Thomæ p. 2. quæst. 1. r. 1. art. 4. hanc gratiam ordinari ad confirmationem doctrinæ fidei, manifestando ea, quæ solius est Dei scire, vel sunt occulta cordium; & quantum ad hoc ponitur discretio spirituum, quæ sic accepta in cognitione internorum cogitationum sua est, & potest esse certa non solum per claram intuitionem cogitationum cordium, sed etiam ex duplici alio capite, vt bene explicat ibi Suarius. Secundò accipitur discretio spirituum; vt est donum Spiritus sancti peculiare ad discernendum inter varios, & diuersos motus; à quo spiritu proueniant, à bono: nē, vel à malo; & tunc cum ad aliquod agendum excitamur, quod spectat, vel ad mores, vel ad doctrinam, nec referat, sed per internum, an verò per externum impulsu id fiat, siue ministerio Angelorum, siue quouis alio modo per docentes, seu consulentes, in quo sensu sumimus discretionem spirituum in præsentī Capite, & hunc sensum ad litteram etiam fuisse intantum ab Apostolo Paulo communiter Doctores tradiderunt, quod & docuerunt Theophyl. Theodoret. & Oecumenius, apertè Sanctus Chrysost. hom. 19. vbi dicit, ad discretionem spirituum pertinere nosse, quis spiritualis sit, & quis non spiritualis, & quis impostor. Hanc verò discretionem spirituum fieri posse dupliciter putat Suarius, primò modo per Christianam prudentiā, qua-

tenus vititur regulis ab Ecclesia traditis ad discernendum spiritus bonos à malis. Et sanè si hæc discretio spirituum à prudentia humana non penderet, superuacaneum esset, quod monuit Paulus, cum dicit, Omnia probate, & quod bonum est tenete, & quod etiā S. Ioan. scripsit c. 4. primæ suæ Epistolæ, Nolite omni spiritui credere, sed probate spiritus, hæc autem probatio desumenda ex eo est, vt diligenter inspiciatur, an impulsus illi, motus, & consilia, quibus ad agendum excitamur, discordent à Catholica, & Orthodoxa, & communi regula fidei; an verò cum ea conueniant. Inspiciendum etiam est, sint nē consona traditionibus Apostolicis ab Ecclesia approbatis; aut etiam doctrinæ, vel rectæ rationi, quæ Catholicæ fidei non repugnent, & hanc diligentiam adhibeat necesse est ille, cui probandi spiritus cura incumbit, vt experietur, an motus illi, & illa consilia à Deo proficiantur. Est enim discretio nis spirituum actus proprius secundum regulas legis æternæ benè iudicare de agibilibus, & quia non semper vniformiter fiunt, per istud donū, quod à Spiritu sancto est, discernimus bonū à malo, verum à falso, ab eoq. iudicium sumimus de diuinis Visionibus à Dæmonum Illusionibus; quocirca cum hæc spirituum discretio fiat per speciale motionem Spiritus sancti, nō omnibus datur, sed his tantum, quibus ex diuina dispensatione Deus conferre cōsuevit, qui hanc gratiam viris iustis, & probis regulariter tribuit, omnia namq. Spiritus sanctus suauiter disponit, & censendum est, illam illis dare, qui per experientiam possint rerum spiritualium, & de qualitate etiam spiritus iudicium ferre, seu coniecturam facere: non tamen negandum, hoc donum etiam peccatori posse interdum tribui ad ostensionem diuinæ potentie, & gratiæ, videndus est Suarius vbi suprà à numer. 36. vsque ad 46.

S. Paulus.

Ioan. 4.

Discretio spirituum vnde desumenda.

Discretio spirituum quibus dari consuevit.

Suarium vbi supra.

His declaratis diligenter inuestiganda signa sunt, & ex Sanctis Patribus regulæ quædam tradendæ, vnde comprehendere possimus, quæ à Deo Reuelationes, & quæ à Dæmone Illusiones ortum habent. Operosum sanè est diuinas Visiones ab Illusionibus discernere, & cælestium Apparitionum discrimen à malorum spirituum fascinatione agnoscere, atque hoc est, quod S. Euangelista

Math. 7. Matth. cap. 7. sui Euangelij admonuit, Attendite vobis à falsis Prophetis, quo loco verbum attendite, duo indicat, & rei de qua agimus difficultatem, & diligētis examinis necessitatem, quod etiā

Ioan. 4. B. Ioan. Euang. cap. 4. suæ primæ Epistolæ insinauit illis verbis, Nolite credere omni spiritui, sed probate spiritus, si ex Deo sunt, quæ S. August. Serm. 12. de verbis Apostoli exponens, exclamat. O sicut Ioannes dixit probate spiritus, dixisset quo spiritu probandi essent; etenim apud Ecclesiast. cap. 19. legimus, Qui citò credit, leuis est corde. Quapropter S. Bonauent. de Profectu Religios. lib. 2. cap. 7. 6. in omnibus Reuelationum, ac Visionum generibus magnam esse cautelam adhibendam docuit, nè falsa pro veris, noxia pro salutaribus, exigua pro eximijs, & certa pro incertis recipiantur, & solum Spiritum sanctum per donum consilij, & per gratiam discretionis spirituum scire, quid homini expediat, & certum reddere, quid recipiendum sit, & quomodo eis vtendum, sicut Prophetas, & Sanctos docuit, quibus non solum vera ostendit, sed etiam per veritatis testimonium, quæ vera essent interius demonstraui.

Hanc ob difficultatem Dionys. Carthus. asseruit in tract. de Discret. spirit. art. 3. S. Thomam Aquinatem hac de re nihil scripisse, cum tamen idem Sanctus Thom. in cap. 11. secundæ Epist. ad Corinth. ad ea verba Apostoli, Sathanas transfiguratur se in Angelum lucis, multa, quæ ad rem hanc faciunt, satis

utiliter, & luculenter scripserit, & 2. 2. q. 171. & deinceps de donis gratiæ gratis datis, inter quas discretio spirituum ponitur, & de dono etiam prophetiæ latè egerit, citat autem Carthusianus loco citato Gersonem dicentem, non cuilibet datum esse discernere hos spiritus, sed tantum aliquibus per Spiritum sanctum, & addit, quòd sicut non est omnium prophetare, nec omnium euangelizare, nec omnium interpretari, sed aliquorum ex officio, aut munere, sic nec omnium probare spiritus, si ex Deo sint. Legendus est etiam hac de re Sanctus Chrysostom. hom. 29. ad ea verba Pauli 1. Corinth. 12. De spiritualibus

1. Cor. 12. autem nolo vos ignorare, quo loco traditur, rem esse difficillimam agnoscere discrimen inter diuinam Prophetiam, & Dæmonum Vaticinium, idq. absque speciali Dei auxilio fieri non posse asserit S. Thom. 1. ad Thessalonic. cap. 5. Vtinam præ manibus haberemus tractatū à Sancto Clemente Pontifice de vero Propheta editum, quem ipsemet citat lib. 1. Recog. qui nō extat, nec inter eius opera reperitur; huius rei difficultatem auget, quoniam, vt diximus, huiusmodi Apparitiones aliquando à Dæmone proficiuntur, qui transfiguratur se in Angelum lucis. Vnde Sanctus Gregor. Nazianz. Orat. citata de Calamitate suæ animæ, Confestim (.inquit) se in Angelum lucis conuertit, sicq. leuiter aridens animus demulcet, ac tūdemum maxima circumpectio est adhibenda, ne dum ad lucem accedere studemus, ad mortem impingamus. Congerit multa, quæ ad rem faciunt Ludouicus Blosius in Canone Vitæ spiritualis cap. 6. & Sanctus Augustinus de Cura agenda pro mortuis capit. 12. His addendum, quòd Visiones, seu Apparitiones sunt quandoque ab ipsa natura per corruptionem, & excessum imaginatiuæ, vt docuit idem Sanctus Thomas 1. par. quæst. 111. art. 3. Martinus

1. Thom.
2. Thom.
3. Thom.
4. Thom.
5. Thom.
6. Thom.
7. Thom.
8. Thom.
9. Thom.
10. Thom.
11. Thom.
12. Thom.
13. Thom.
14. Thom.
15. Thom.
16. Thom.
17. Thom.
18. Thom.
19. Thom.
20. Thom.
21. Thom.
22. Thom.
23. Thom.
24. Thom.
25. Thom.
26. Thom.
27. Thom.
28. Thom.
29. Thom.
30. Thom.
31. Thom.
32. Thom.
33. Thom.
34. Thom.
35. Thom.
36. Thom.
37. Thom.
38. Thom.
39. Thom.
40. Thom.
41. Thom.
42. Thom.
43. Thom.
44. Thom.
45. Thom.
46. Thom.
47. Thom.
48. Thom.
49. Thom.
50. Thom.
51. Thom.
52. Thom.
53. Thom.
54. Thom.
55. Thom.
56. Thom.
57. Thom.
58. Thom.
59. Thom.
60. Thom.
61. Thom.
62. Thom.
63. Thom.
64. Thom.
65. Thom.
66. Thom.
67. Thom.
68. Thom.
69. Thom.
70. Thom.
71. Thom.
72. Thom.
73. Thom.
74. Thom.
75. Thom.
76. Thom.
77. Thom.
78. Thom.
79. Thom.
80. Thom.
81. Thom.
82. Thom.
83. Thom.
84. Thom.
85. Thom.
86. Thom.
87. Thom.
88. Thom.
89. Thom.
90. Thom.
91. Thom.
92. Thom.
93. Thom.
94. Thom.
95. Thom.
96. Thom.
97. Thom.
98. Thom.
99. Thom.
100. Thom.

Delrius lib. 2. Disquisit. magic. q. 25. & Nos etiam fusè probauimus Cap. 6. huius Tractatus, vbi de causis Visionū, ac Reuelationum egimus, difficillimū esse, ait, Petrus Thyreus lib. 3. de Apparit. cap. 12. à non diuinis diuina somnia distinguere.

Thyreus.

Certum tamen est, quòd sicut non omnes Reuelationes, Apparitiones, & Visiones præcipitanter, & improvidè recipiendæ, & approbandæ sunt, sic nec omnes imprudenter, & illicò damnandæ, ac reiiciendæ; Prophetias (inquit Thessalon. 5. Apost. Paulus ad Thessalon. 5.) nolite spernere, omnia autè probatè, & quòd bonum est tenere; Idcirco aliquorum Doctorem hìc meminisse iuuabit, qui hac de re luculenter scripserunt, & ex illis Regulæ aliquot statuedæ sunt, quibus diuinæ Reuelationes ab Illusionibus discerni poterunt, & de B. Brigittæ Reuelationibus in specie tractandum est, vt indè palàm fiat, eas non esse Dæmonum illusiones, sed diuinæ Reuelationes, & Visiones.

Thessalon.

De discretionè spirituum, & signis, quibus diuinæ Visiones ab Illusionibus distinguuntur, plures Tractatus circumferuntur, sunt qui hac de re copiosè scripserunt, quos per seipsum Lector poterit percurrere, legendi sunt Beatus Vincentius Ferrerius loco citato, S. Thom. vbi suprà, S. Bonauent. de Profectu Relig. cap. 75. & 76. Gratianus in Dilucid. 5. spirituum cap. 13. Sifmancha de Cathol. tit. 37. de Lamijs num. 11. Gerson, qui duos Tractatus edidit, alterum de Probatione spirituum, alterum de Distinguendis veris à falsis Visionibus, & videatur p. p. Alphab. 24. litter. E. & Alphab. 19. litter. V. Dionys. Carthus. Tractat. de Discret. spirit. præcipuè art. 3. & 4. Suarius de Necessitate diuinæ gratiæ, Proleg. 3. cap. 5. num. 38. 39. 40. & 41. Henricus Harphysus lib. 2. de Mystica Theologia par. 3. cap. 43. & part. 1. lib. 3.

Referuntur
Auctores qui
de discernen-
dis diuinis
visionibus ab
illusionibus
scripserunt.
B. Vinc. Ferr.
S. Thom.
S. Bonauent.
Gratian.
Sifmancha.
Gerson.

S. Bonauent.
Gratian.
Sifmancha.

Gerson.

Carthus.

Suarius.

Harphysus.

cap. 19. & 20. Riberā in Tractat. ad Reuelation. & res gestas sanctæ Matris Theresiæ, Martinus Delrius libr. 4. Disquisit. magic. cap. 1. quæst. 3. sect. 1. Ludouicus Blosius Instit. spiritualium cap. 8. & in Canone Vitæ spiritualis lib. 3. q. 6. art. 4. §. 1. Card. Turrecr. in Prologo ad hos B. Brigittæ Libros, S. Theresia in lib. qui inscribitur Castello Interiore cap. 3. sextæ mansionis, & Card. Hosius de Tradit. cap. 92. ad finem, vbi multa ex S. Augustin. congerit, quæ ad rem hanc faciunt, Iacobus Aluarez Tract. de Discret. spirit. p. 4. lib. 5. tomo 3. Bernardinus Rosignolus de Disciplina Christianæ perfectionis lib. 3. cap. 19. & 20. Ludouic. de Ponte in lib. quem inscripsit Dux spiritualis, tract. 1. cap. 23. §. 1. Thyreus de Apparit. omnis generis spirit. Benedictus Pererius de Obseruat. somniorum libr. 2. quæst. 3. Emanuel Lusitanus Opuscul. de Incant. 1. sect. 2. cap. 3. num. 35. Fr. Angelus Rocca Episcopus Thagastensis de Canonizatione Sanctorum cap. 13. & 14. Fr. Lucas VVaddingus de Desinienda controuersia Immaculæ Cœceptionis sect. 3. §. 5. & deinceps, cui iure Beatæ Brigittæ patrociniū deberi dicendum est, quippè qui eius Reuelationes tot grauissimorū Doctorem calculo probatas, & cōmuni consensu receptas à quibuscūq. nescio, quo spiritu, nè dicam temerario aulæ impugnatas acriter defendit, qui omnes citati Doctores signa aliquot, & regulas quasdam viles, & valdè proficuas tradiderunt pro discernendis Visionibus diuinis ab Illusionibus, quæ ad quinque Capita reuocari possunt, quorum illud est Primum, vt accuratè, & diligentī studio pendatur, an reuelata conformia sint sacris Litteris, Ecclesiæ traditionibus, Apostolicis Constitutionibus, Conciliorū Oecumenicorū ordinationibus. Secundū, an Reuelationes viles sint,

Riberā.

Delrius.

Blosius.

Turrecr.

S. Theresia.

Card. Hosius.

Aluarez.

Rosignolus.

Ludouicus de Ponte.

Thyreus.

Pererius.

Emanuel Lusitanus.

Angel. Rocca.

Lucas VVaddingus.

signa pro discernendis diuinis Visionibus ab Illusionibus quinque Capita reuocantur.

sint, & proficuz ad spiritualem profectum, & ædificationem. Tertium, veritas est eorum, quæ in visionibus occurrunt. Quartum, videndum cui factæ sint, an personæ vitæ sanctitate conspicuæ, cuius mores præcipuè inspiciendi sunt, an oblaſciuiam, luxum, & auaritiā vagā sit, & garrula, & laudis cupida, an se in functionibus ecclesiasticis facillè ingerat. Nam hæ non se ipsas tantum plerumq. fallunt, sed, & doctos viros aliquando decēperunt. Quintum, an illæ Reuelationes Virorum piorum, ac Theologorum iudicio fuerint approbatæ, & præsertim iussu Sedis Apostolicæ examinatæ, ac diligenter discussæ, & tunc his omnibus concurrentibus eas recipiendas esse existimamus.

Cæterum Cardinalis Turrecremata primarium signum dicit esse iudicium probatissimorum Doctorum, & grauissimorum Virorum præmissa diligenti examine, quo reuelata approbantur, ut potè quæ à Spiritu sancto processerunt. Has autem Beatæ Brigittæ Reuelationes fuisse accuratè, & crebrò discussas, ac diligenter examinatas à Theologis doctrina, & moribus conspicuis, ac etiam pluribus Cardinalibus de mandato Gregorij Vndecimi anno 1377. & postea Urbani Sexti, tandem pluribus Reuelationibus præfatis Pontificibus exhibitis approbationem fuisse secutam, testatur idem Cardinalis Cap. 1. sui Prologi, qui addit, harum Reuelationum plura exemplaria à Regibus, alijsq. Principibus, ac Ciuitatibus multis fuisse expetita, & legitimè, ac fidelitè exarata, & ad eos fuisse transmissa, vnum ad Imperatorem per Episcopum Vvormacien, alterum in Galliam per Petrum de Aragonia Ordinis Fratrum Minorū Regis consanguineum, alia quoque per Nuncios ad Reginas nempe Castellæ in Hispania, ad Reginam Cypri, ad Reginam Sici-

liæ, ac alia multa ad alios Principes, & Ciuitates. Præfatorum etiam duorum Romanorum Pontificum approbationi Bonifacij quoque Noni, & Martini Quinti confirmatio adiungenda est, quorum auctoritate huius Sanctissimæ scemina Reuelationes etiam confirmatæ, approbatæq. sunt: Bonifatius namque Nonus in Bulla Canonizationis eiusdem illas approbat, & Martinus Quintus omnia, quæ circa res gestas in Canonizatione B. Brigittæ à Bonifacio facta fuerunt confirmat, vix ex eius Bulla in Cap. 7. nostri Tractatus citata constat. Neque prætereundū existimauimus hic aliud Romani Pontificis, nempe Eugenij Quarti de sanctitate B. Brigittæ testimonium addere, ille namq. in confirmatione donationis factæ per nobilem sceminam de Papazuris Romanam ad fauorem Monasterij, & Conuentus S. Mariæ Vuasten. Regni Suetiæ ab ea extructi, & fundari de domo quadam in Vrbe sita in Regione Arenulæ in Parochia Sanctæ Catherine, quod donationis Instrumentum in Secundo Reuelationum Tomo apposuimus, vocat Brigittam nostram Sanctam, eamque sanctitatis nota celebrem esse testatur, prout constat ex suo Breui anno Domini 1433. decimotertio Kal. Septembris Pontificatus eius annotertio. Harum etiam Reuelationum meminit Ioannes Nauclerus tomo 2. suæ Chronolog. anno Domini 1373. pag. mihi 404. & eas à Deo Beatam Brigittam habuisse scribit, Ex quo (inquit) Brigitta Vidua Germana, Sueciæ Prouinciæ ad Vrbānum Pontificem accessit Romam, & confirmationem habuit Regulæ, & eius Reuelationes à Deo processisse affirmat, & Marcus Antonius Sabellicus tomo 2. Anead. 9. lib. 9. Brigittam mulierem sanctissimam vocat, vt & Platina in Vrbano, & Polydorus Virgilius lib. 7. de lauent. rerum cap. 4. alijsq.

Approbatio,
& confirmatio
Reuelationis
Bonifac. IX.
& Martini V.

ambrosius

l. 1. c. 1.

Eugenius
Quartus
Pontifex.

Ioan. Nauclerus.

l. 1. c. 1.

Marcus Antonius
Sabellicus
Platina
Polydorus
Virgilius

plures eam sanctitate fuisse celebrem scribunt. Meminit harum Reuelationum Genebr. in Cron. lib. 3. pagin. mihi 439. ad finem. Fuit (inquit) Brigitta Vidua, cuius extant vaticinia, & preces, Ducissa Nericiæ in Regno Sueciorum, sed alij eam vocant non Ducissam, sed Reginam, sic Iacobus Bordonus tomo 2. sui operis Chronologi anno Christi 1371. quod & Volateranus notauit, quem errasse scribit Genebrardus vbi supra, qui censuit vnam, eandemq. fuisse Brigittam nostram Viduam & Regno Sueciæ cum Brigitta Virgine & Regno Scotiæ.

Quis ergo tam impudens fuerit, qui verecundiæ fines sic transierit, vt affirmare audeat, tot Romanos Pontifices, tot Cardinales, Archiepiscopos, Episcopos, aliosq. pietate, ac scientia viros insignes, à quibus pluries examinata, & discussa sunt hæc Reuelationes in re tanti ponderis, ac momenti fuisse deceptos, ac illos, & diuinas visiones Sanctissimæ Viduæ collatas, seu vanissima semina, ac vetularum deliria esse, parum sanè spirituales, ac humiles se exhiberent hi, qui singulare iudicium suum tot Romanorum Pontificum, ac aliorum sacrorum Antistitum, tot Virorum Illustrum iudicio, ac determinationi præponerent. Liber in præsentia quorundam etiam probatissimorum Doctorum ad earum confirmationem asserre testimonium, qui à Spiritu sancto has Beatæ Brigittæ Reuelationes processisse, & ab Ecclesia fuisse receptas tradunt, & primò sese offert Antonius Corduba lib. 10. Quæst. q. 44. ad 4. probat. 6. conclus. Reuelationes (ait) S. Brigittæ iam probatæ, commendatæ sunt in Constant. Concilio, & ab Urbano Sexto, & Martino Quinto, & tandem ab Ecclesia modo prædicto susceptæ. Quis ausit exclamat Ambrosius Catherinus lib. 3. de Immacul. B. Virgin. Concep. non longè ab initio B. Brigittæ

Reuelationes, aut esse phantasticas, aut ab Angelo Sathanæ inspiratas obijcere, quæ tamen in Constantiensis Concilio, etiam in iudicio contradictionis probatæ, ac commendatæ fuerunt: fauent Petrus Canisius lib. 1. de B. Virg. cap. 7. *Canisius.* & Suarius tomo 2. ad 3. par. S. Thomæ *Suarius.* quæst. 27. art. 2. disp. 3. sect. 5. Valquez *Valquez.* tomo 2. ad eandem 3. par. disput. 1. 17. nu. 79. & disput. 180. cap. 3. vbi quærens, plures nè sint Angeli, quàm homines, citat Dionysium Carthus. referentem B. Brigittæ fuisse reuelatum Angelos numero homines excedere, quo loco scribit Valquez pro priori parte nihil video esse alicuius momenti, præter Brigittæ Reuelationem, cuius sanctitati multum deferendum est, sequitur Martinus Delrius lib. 4. Disquis. mag. *Delrius.* cap. 1. quæst. 3. sect. 4. Alphonsus Men- *Alphonsus* dozi Controuersiarum Theologicarum *Mendoz.* quæst. 5. Scholastica cap. 17. & in Quolibetis quolib. 5. Reuelationes (ait) B. Brigittæ Bonifacij Noni, & Martini Quinti, & Conc. Constant. & Basiliens. calculo approbatæ sunt, easq. omni veritate conspicuas, & veritate præclaras, inuenerunt: Idem confirmat Nicolaus Sanderus lib. 6. Visib. Monarchiæ num. *Sanderus.* 1046. post relatam S. Brigittæ Reuelationem de Regno Cypri lib. 7. cap. 19. & Medina de iisdem Reuelat. lib. 2. de *Medina.* Recta in Deum fide. Egidius de Præ- *Egidius.* sentatione fusè in libro de Præseruatione B. Virginis à peccato Originali lib. 2. quæst. 6. art. 4. §. 2. Qui responder argu- mentis Caietani impugnantis has Reuelationes, & B. Brigittæ Canonizationem, sequitur Egidius Ferdinandus Quirinus de Salazar in libro pro Immaculata Virginis Conceptione c. 42. quo loco scribit de Ecclesiastica traditione Immaculatę Virginis Conceptionis per singula ecclesiastica sæcula sæculo 14. & Reuelationes S. Brigittæ his verbis commendat, Huius sanctissimæ formiæ Reuelationes delatæ, primùm sunt

Genebrard.

Bordonus.

Volateranus.

Corduba.

Ambrosius
Catherinus.

Fr. Iean. Ba-
ptista de Le-
zana.

sunt ad Conc. Basilien. & ab eodem cõ-
mendatæ, & probatæ, iterum Gregorij
Vndecimi, & Urbani Sexti iussu reco-
gnitæ, ac demum à Bonifacio Nono, &
Martino Quinto examini commissæ
numquam non laudatæ, & confirmatæ
fuerunt. Eadem confirmat Fr. Ioannes
Baptista de Lezana Ordinis Carmelita-
rum in Apologetico pro Immaculata
Deiparæ Virginis Conceptione cap. 14.
Beatæ (inquit) Briggittæ Reuelationes
itâ communi applausu, & Ecclesiæ cal-
culo, & sapientum iudicio approbatæ
sunt, vt non nisi à toruo spiritu reproba-
ri queant, & paulò post subdit, Quibus
in re tam graui se opponere audacia
magna est, & calculû meruit. Et Mar-
tinus Delrius loco citato, hoc in San-
ctam parum honestè dici scribit: Cæ-
terum quæ de fide Reuelationibus San-
ctæ Briggittæ habenda hætenus dixi-
mus, sanè intelligenda sunt, quæ etsi
definitionem non astringunt, neque
theologica fide eas esse credendas sua-
deant, magnum tamen habent auctori-
tatis pondus, vt absq. temeritate, & im-
pudentiæ labe eas rejicere, & reproba-
re non liceat.

Placet nunc ad horum confirmatio-
nem celebre, & certum testimonium
adiungere de harum Reuelationum ve-
ritate, & præstantia ex Lib. 2. Reuelat.
Cap. 28. vbi Christus Dominus allo-
quens B. Briggittam, Cur (inquit) sic tur-
baris ex eo, quod ille dixit verba mea
esse falsa, Numquid ego sum eò dete-
rior è vituperio eius, aut fierem eò me-
lior ex laude eius. Ego nempe immuta-
bilis sum, nec minui, nec augeri possum,
nec laude indigeo, si homo me laudar,
ex laude mea proficit, non mihi, sed sibi
ipsi, nec vniquam de ore meo, qui sum
veritas, falsitas processit, vel procedere
potest, quia omnia quæcumq. locutus
sum per Prophetas, siue per alios ami-
cos meos perficientur, & subdit, Ideò
non debes turbari, quòd verba mea at-

quantur mendacij, quòd enim impos-
sibile videtur apud homines, hoc possi-
bile est apud me, deindè subiungit, Pro-
pterea sta viriliter, Aratrum quippè
quamuis à bobus trahatur, tamen
secundum voluntatem regentis regi-
tur, sic etiam quòd verba mea audiat, &
sciatis, non tamen vadunt, vel perfici-
entur secundum voluntatem vestrà,
sed secundum meam, & Lib. 6. Cap. 52.
apertè dicitur, has Reuelationes ex ore
veritatis processisse; nam legimus ibi,
Spiritus sanctum instruxisse B. Brigi-
tam, & docuisse, quòd essetitura, & quid
locutura, proindè illi dixit, Gaudenter
loquere, & intrepidè, quæ iubeo, quia
nullus contrà me præualebit, & eodem
Lib. Cap. 88. dicitur, Deum indicare
voluisse amicis suis, & mundo volunta-
tem suam per B. Briggittam.

Cæterum luculenter de notis, qui-
bus diuinæ Visiones ab Illusionibus di-
scernuntur scripsit vir pietate, doctrina,
& dignitate celebris Alphonsus Gien-
ensis Episcopus, & in Hierosolymita-
na peregrinatione B. Briggittæ fidelissi-
mus comes, in Præfat. ad Lib. 8. harum
Reuelationum Cap. 6. quo loco septem
affert notas, seu signa, quibus probat,
has Briggittæ Reuelationes à Deo ma-
nasse: hinc merito in Epistola Cælestis
Imperatoris ad Reges vocat Briggittam
omnium sceminarum decus, & clarissi-
mam sanctitatis stellam per diuersa
vasti Orbis climata radios diffunden-
tem.

Nunc aliæ tradendæ regulæ sunt su-
scipiendarum, ac reprobandarum Re-
uelationum, quæ ex his Beatæ Briggittæ
Libris colligendæ sunt, & ex Patribus
aliis adducendæ, quæ multæ sunt, à
quibus certum iudicium sumi potest,
Briggittæ Reuelationes à Deo ortum ha-
buisse. Inter cæteras autem primum
sibi locum humilitas vendicat. Sanè
quispiam quòd aliis ad diuina myste-
ria contemplanda rapitur, si tunc ad

sublimiorem humilitatis gradum eleuatur, fieri non potest, vt à Dæmone illudatur, neque enim illos seducit, qui in reuelationibus humilitatis virtute, & eximia charitatis diuinę dulcedine, sinceroq. intellectualis, ac supernaturalis luminis influxu perfunduntur: Dominus namq. vera humilitate ornatos pia, benignaq. protectione tuetur, nè Dæmonis irretiti laqueis pereant, propterea Cap. 2. Prologi, duo potiora signa Cardinalis Turrecremata affert diuinarum Reuelationum, humilitatem nimium, & charitatem, quod & insinauit etiam Ludouicus Blosius in Speculo spirituali cap. 1. & S. Bernard. Sermon. de Septem Spiritibus, Quoties (inquit) super castigando corpore, humiliando corde, seruanda virtute, & charitate Fratribus exhibenda, seu cæteris virtutibus acquirendis, conferuandis, amplificandis salubris cogitatio in mente versatur, diuinus sine dubio spiritus est, qui loquitur, aut per se ipsum, aut per Angelum suum. Idemq. confirmat S. Bonauent. de Septem Itineribus æternitatis Itinere 2. dist. 4. quo loco quærens, qualiter spiritus humanus in itinere meditationis Deum alloquatur, Condecens (inquit) & necesse est, vt spiritus noster Deum alloquentem se humiliter, & dulciter cum reuerentia, & cum gratiarum actione exhibeat, dicens cū Psalmista Psal. 18. Si immaculatus ero: erunt, vt complacent eloquia oris mei, & paulò post ibidem, Dominum, ait, humiliter illæ honorat, qui se inutilem reputans seruum, nihil boni sibi ascribit, sed omnia à Domino largitè omnium se gratis recipere cognoscit. Certè Deus non eos alloquitur, qui superbi, qui elati, qui apud semetipsos sapientes sunt, superbis enim resistit, humilibus autem dat gratiam Iacobi 4. scribitur: proinde ad altitudinem contemplationis illi minimè perueniunt, nisi humilitatis ostium pleno gradu ingre-

diantur, nec quam exoptant gratiam sibi comparant, sed errorum, ac illusionum plerumq. scopulum offendunt: hinc fit, quòd humilitas, quæ cor nostrum à propria gloria auocat, nos ad supernaturalia dona, quæ contemplationi adiunguntur, manuducat. Deus est, qui humiles in sublimè ponit, & paruulis sapientiam præstat; Vnde si cū quispiam reuelationum gratijs, donisq. locupletior fit, eò inueniatur humilior, & ad omnem sui desipientiam promptior, quia videt, quòd absq. suis meritis ista recipiat, signum euident est, quòd non illuditur, & quòd à Deo reuelationes illę procedunt. Rem hanc probemus ex ipsismet B. Brigittæ Libris, & primo ex Lib. 4. Reuelation. Cap. 38. quo loco loquens cum Brigitta Christus Dominus, Propheta (inquit) illi, qui nihil desiderabant nisi Deum, nec verba Dei loqui voluerunt nisi propter Deum, isti non decipiebantur, sed verba veritatis loquebantur. Consona sunt quæ Lib. 6. Cap. 92. legimus, Cum enim quidam Monachus putasset Beatam Brigittam fuisse delusam, de illo hunc Dominus cum ea sermonem habuit, Verè iste Monachus sacrum verborum attulit, & locutus est, vt voluit, sed non sicut debuit, nam nulli amici mei delusi sunt, qui me sapienter dilexerunt, sed illi, qui superbientes de abstinentia, & sua iustitia præferebant se alijs, & nolentes obedire delusi sunt.

Alia plura hic possem afferre loca, in quibus de signis discernentibus diuinas Visiones ab Illusionibus agitur. Alterū in præsentia tantummodò afferimus Lib. 4. Cap. 14. Dubitauit aliquando B. Brigitta, & vehementer timuit, nè tot, quæ illi in dies ostendebantur reiū imagines, sub quibus Deus ei sua propalabat arcana, Dæmonum essent illusiones, & fraudes, sed tamen certior ea de re à Christo Domino reddita est, signa ei afferens, ex quibus agnoscere

pote-

Ludouicus
Blosius.
S. Bernard.

S. Bonauent.

Psalm. 18.

Iacobi 4.

poterat, quod à Dæmone decipiebatur, nec illudebatur. Cur times (inquit) & sollicitaris ex eo, quod Diabolus immittit aliqua verba Spiritus sancti, & mox subdens, Quicumq. laudes Dei ad placendum hominibus loquitur, hic utiq. mordetur, & decipitur à Diabolo, quia illa verba, quamuis sint Dei, non procedunt de ore charitatis, & Spiritus sancti consolatio auferetur ab eo: qui verò nihil desiderat, nisi Deum, & omnia mundialia ei molesta sunt, nec corpus videre affectat, nec audire, nisi quæ Dei sunt, anima. eius in infusione Spiritus sancti lætatur, hic decipi non potest, & postquam eam certam reddidit, quod non illudebatur, dixit ei Dominus, Noli timere, Deus enim, qui incepit, bonum perficiet. Ergo ex his, liquet duo inter cætera præcipua esse signa, ex quibus deprehendi potest, quando quis non illuditur, nec decipitur, humilitas nempe, & amor Dei, quibus virtutibus abundanter B. Brigitta ornata, refertaq. exitit: & quidem passim in his Reuelat. Libris legimus, quod cum illi Deus maiora, & insigniora in dies beneficia conferebat, eò se humiliorem exhibebat, & indignam magis iudicabat. O Domine Omnipotens, & optimè, exclamans ad Christum dicebat Lib. 4. Cap. 60. ego considero vulnera peccatorum meorum, quibus ab infantia vulnerata sum, & ingemisco, quia tempus consumptum est inutiliter, vires non sufficiunt ad labores, quia exhaustæ sunt in vanitatibus. Ideoq. quia tu fons es totius bonitatis ex misericordiæ, rogo te misere mei. Cor meum range manu dilectionis tuæ, quia medicus es optimus: consolare animam meam, quia consolator es bonus. Eiusdem humilitatis testimonium potest accipi ex eodem Lib. 4. Cap. 77. & Lib. 6. Cap. 52. & apertius ex Cap. 93. Reuelat. Extrav. quo loco legimus, Brigittam Dæmoni de familie

nobilitate, & splendore eam tentanti respondisse, Ego quare superbiâ quæram, cum melior nō sit caro Reginæ, quàm ancillæ, sed totum vile est, totum terra est, quare non humiliabo me, cum nō vnā minimam cogitationem possim habere à memetipsa, nisi Deus ministraverit, & postea Christus Dominus apparens ei, Humilitas, ait, quædam scala est, qua de terra ascenditur ad cor Dei, per hanc ergo scalam Brigitta ascendit ad Visiones Dei, per hanc peruenit ad Reuelationes Dei, per hanc eleuata est ad contemplationem secretorum Dei. Humilitas namq. signum est certum diuinæ præsentis spiritus, à quo efficax potest sumi argumentum, quod à Diabolo humilis non decipitur, Mens (inquit) S. Gregor. 3. Gregor. lib. 1. Dialog. cap. 10. quæ diuinæ spiritu impleta, euidentissima signa sua, habet, virtutem scilicet, & humilitatem, quæ si in utraq. perfectè in vna mente conueniant, liquet, quod de præsentia sancti Spiritus testimonium ferant: & quidem hi spiritu Dei aguntur, eosq. suarum Visionum, & Reuelationum Deum habere auctorem credimus, qui quo maiores efficiunt in virtute progressus, tunc magis se deprimunt, contemniunt, seq. earum Reuelationum indignos magis agnoscunt, & qui sibi nihil tribuunt, quamuis pluribus abundant Reuelationum donis, nihil tamen ex hoc certum iudicium sumunt, vt rectum quidquam probent, nisi quod his visum fuerit, quibus se regendos permiserint, Dei namq. spiritus in seruis suis amat humilitatem, sed è contrà Diabolus, qui super omnes filios superbiæ Rex est, superbiam, & elationem, & proinde superbos, & elatos faciliè decipit.

Iudicium quoque diuini spiritus signum probabilissimum est, si ea, quæ in Visionibus occurrunt, ad excitandā chari-

Humilitas
Scala cõpa-
ratur, per
quā quis ad
Deum ascen-
dit.

B. Brigitta
humilis &
carita.

charitatem tendunt, si in cordibus eorum, quibus Apparitiones sunt, diuinum amorem excitant, & cor inflament, si de præteritis culpis dolorem incutiant, si propositum cauendi peccata futura promoueant, si ad mundi contemptum inuitant, si delectationem in sermonibus diuinis audiendis pariant, amantes enim, vt præclare notauit S. Bernard. in mutuis sermonibus delectantur, vt ex illis experimentum capiant mutuorum affectuum, quos charitas silentio regere non potest, mos enim amantium est, teste Chrysost. vt suum amorem silentio non queant regere: promptitudo etiam ad voluntatem Dei exequendam, & ad bona opera facienda signa sunt diuini spiritus, hæc enim à Dæmone non emanant, & præsertim charitatis ardor, quoniam secundum Dionysium, cum ille sit virtus virtutum, ideo nititur omnia liquefcere, & in vnum conflare, vt ipsa vniantur: Diabolus autem est spiritus, qui non vnionem, non pacem, sed rixas, contentiones, odia, bella excitat. Sed confirmemus hoc ex his, quæ de spiritu bono, & malo, ac signis discernentibus bonas Visiones à malis in his Reuelat. Libris scribuntur. Lib. 1. legimus Cap. 54. Spiritus Dei est calidus, dulcis, mundus, calefacit per charitatis ardorem, quem in anima infundit, dulcescit, quia facit, quod animæ nihil placeat, & nil sit dulce nisi Deus, est autem mundus, quia nihil deforme, nihil corruptibile, nihil mutabile admittit, & Lib. 2. Cap. 19. Spiritus sanctus accedit illum, quem inhabitat charitate diuina, aperit intelligentiæ sensum, extirpat superbiam; & incontinentiam, excitat mentem ad Dei honorem, mundi. contemptum. Et Libro 3. Cap. 10. sic legimus, Cum Spiritus sancti aduentu in corde veniunt ardor diuinæ charitatis, & fidei sanctæ perfecta illuminatio, hæc autem duo nunc

sentis, hæc quoque duo Diabolum, qui caliginosæ vmbre comparatur, non sequuntur, & Lib. 4. Cap. 4. Bonus spiritus suadet homini cælestia futura cogitare, & temporalia non amare: spiritus malus suadet diligere tantum, quæ videt, leuigat peccata, alligat infirmitates, proponit exempla infirmorum, & eodem Lib. 4. Cap. 57. Vbi Spiritus sanctus habitator est ibi omnis mundana delectatio vilescit, omnis mundanus honor est onerosus, tantaque in illo corde spiritus Dei fortitudo est & duritia, quod nulla frangatur impatentia, nulla deiciatur aduersitate, nulla prosperitate super se eleuetur; sed ubi est spiritus Diaboli, ibi est fructus ab extrâ rubeus, sed intus plenus immunditijs, & aculeis: in delectatione Diaboli, momentanea, & apparens est dulcedo, sed plena est sctibus, & tribulationibus, & Lib. 6. Cap. 38. Qui habent spiritum Dei, habent in se omne bonum, & similiter quicumque habent spiritum malum in se, habent omne malum: ex veritate quoque eorum, quæ in Visionibus occurrunt, signa possunt satis probabilia desumi diuinarum Visionum, & Apparitionum, nihil enim falsi subesse potest rebus his, aut illis enunciationibus, quæ à Deo proficiuntur, qui est prima veritas, & prima regula nostrarum actionum, Impossibile enim est (scribit Apost. Hebr. 6.) Deum mentiri, ac verò spiritus Diabolicus ita fallax est, vt falsitatem plerumque vniam, vt homines in mendacium impellat, multis verbis contegat, proinde Christus Dominus Dæmonibus veritatis aliquando testimonium exhibentibus Matth. 20. & Pitthonissis, etiam Actorum 16. silentium indixit. Sapientia autem, quæ desursum est, teste S. Iacobo cap. 3. suæ Epist. pudica, pacifica, modesta, suadibilis, bonis consentiens, plena misericordia, & fructibus bonis existit: quo

S. Bernard.

S. Chrysost.

Hebraeor. 6.

Matth. 20.

Act. 16.

S. Iacob. Apo. 3. Sol. 3.

quocirca de harum Reuelationum veritate non ambigendum, quippèquæ de ore Dei processerunt, vt Lib. 1. Reuelat. Cap. 52. liquet, Christus namq. Dominus alloquens B. Brigittam dicit, Verba mea, quæ proprio ore locutus sum in publicum venire facias, & ad caput Ecclesiæ personaliter defer, quod factum est. Nam hæ Reuelationes delatæ sunt ad Gregoriū XI. Urbanū VI. & Bonifacium IX. Romanos Pontifices eorum iussu examinandæ, approbandæ, prout verè vera fuerunt examinatæ; & approbatæ, & grauissimorum Doctorum, quos suprà citauimus auctoritate confirmatæ, quod etiam constat ex cap. 56. eiusdem Libri Primi, & apertius ex Cap. 60. Verba mea (inquit Christus) vera sunt, & nulla in eis inuenitur falsitas, Idem habetur Lib. 4. Cap. 77. & Lib. 6. Cap. 4. 36. 47. & 52. Ego (inquit Christus) misa verba mea, quæ vino comparantur, seruitoribus meis per te, quæ es vas meum: probè vino verba Dei comparantur, quod tunc sapientia miscuit, quando sensui litterali, spiritualem sensum adiunxit Prouerb. 9. & hoc est vinū optimum, quod mentes hominum inebriat. Cant. 5.

Has quòque Reuelationes, & sacræ Scripturæ, & Sanctorum Patrum doctrinæ conformes esse scribitur Lib. 6. Reuelat. Cap. 90. ex quo eas esse diuinas Visiones, & non Illusiones apertè colligitur, legimus ibi, Religiosum quemdam contrarium asserentem fuisse grauiter flagellis cæsum, & postea paralytis morbo percussus obijisse, idè patet ex Cap. 51. Reuelat. Extrauag. & ex Notis etiam nostris hæc Libris insertis, quibus latè probauimus ex Patribus, nihil in illis reperiri, quod & sacræ Scripturæ, & fidei sinceritati, & sententijs Catholicorum Doctorum repugnet, & meritò Alphonsus Mendoza in quolibetis quæst. 5. scripsit,

eas esse omni veritate conspicuas, & sanctitate præclaras, & Ludouicus Blosius in Monili spirituali cap. 14. à Deo eas processisse, ac apud Catholicos, vt testatur Petrus Canisius lib. 1. de Beata Virgine cap. 7. defensione neutiquā egere, quippèquæ, vt scribit Martinus Delrius libr. 4. Disquis. Mag. cap. 1. quæst. 3. sect. 4. nihil habent, quod Catholicæ fidei repugnet, neque vt probat Cardin. Turrecremata cap. 4. Prologi, aliquid continent, quod sit aduersus sacræ Scripturæ, & doctrinæ Sanctorum Patrum ab Ecclesia approbatorum sensum, aut sit alienum ab exemplis Sanctorum: fauet Fr. Lucas VVadtingus loco suprà citato §. 6. vbi dicit, Patres Concilij Basiliensis fuisse huius sententiæ, & has Reuelationes vt Catholicas, & valdè pias approbasse, & solemnè voti nuncupatione fuisse receptas ab Accademia Complutensi, & Neapolitana, & testatur de communi sententia Doctorum. Hasque Reuelationes toto Orbi innotuisse addit Blosius vbi suprà, & ea, qua decet ueneratione fuisse receptas, Nam (inquit) Sancti Patres passim eas in suis scriptis citant, & quidem meritò, nam si quispiam diligenter, accuratèq. perpendat, quæ in his Reuelat. Libris scribuntur, non aliud inueniet, quàm quòd ad Dei, & proximi dilectionem excitant, ad legis diuinæ obseruationem prouocant, ad obedientiam Prælati præstandam promouent, ad huius sæculi contemptum, & sui despicientiam inuitant, falsa non docent, sed veritati maximè conformia, non leuium, sed grauium rerum salubria monita dant, quid faciendum, quidvè fugiendum sit antè oculos ponunt, quomodo rectè, probèq. vita nostra instituenda, sit tradunt, quidvè ad æternam illam felicitatem consequendam opus est, docent, quæ omnia sacris Litteris, & Sanctorum Patrum doctrinis esse consona nemo negat.

Illud

Endonius Blosius.

Canisius

Delrius.

Card. Turrecremata.

Lucas VVadtingus.

Truer. 9.

Cant. 5.

Reuelationes B. Brigittæ, & sacræ Scripturæ, & d. S. P. vbi sunt conformes.

Alphons. Mendoza.

In discernendis diuinis visionibus ab Illusionibus signum primariū est, quod merita, vel demerita studiosè expendenda, discutendaq. sint personæ, cui Reuelatio fit, & qualitatum eius ratio habeatur, sit nē sanctitate vitæ prædita, num̄ fidei sinceritati morum integritas respondeat, an verò vitij, ac criminibus repleta sit, non enim Hypocritis, superbis, ebriosis, diuitias inhiantibus, alijsq. similibus delictis, itericis fides præstanda est. Rursus, considerandum diligenter est, an in spiritualibus functionibus, sese diu, multumq. exercuerit, qua corporis constitutione polleat, an atra bili, vel flaua abundet, an aliā in his Visionibus fuerit decepta.

Paulus Zachias.

Ad discernendum quoque an Extasis, Raptusq. à Deo sint, vel aliunde ortum habeant, valdè conferre posse arbitramur, si personarum non solum qualitas expendatur, sed etiam diligenter causæ inspicjatur, scribit enim Paulus Zachias lib. 3. quæst. Medico legalium. de Morborum simulatione q. 6. admodum esse difficile, simulationem in Extasi posse deprehendi ob causam, propter quam simulare consueuerunt Hypocritæ ad homines decipiendos, vt sibi sanctitatis nomen concilient, quandoquidem Raptum illum non adeò vsu frequentem, tamquam rem supranaturalem, & miraculosam admirantes, eos admiratione potius, quàm tormentis dignos diiudicant: testatur namque vidisse mulierem, vbi frequens hominum cœtus in templis, sagrisq. locis conuenisset, raptam se in Extasim tam appositè, tamq. aptè effingentem, vt admirationem nō parum spectantibus afferret. Stabat (inquit) extensis brachijs in Crucis modum, palpebris immobilibus, oculis fixis, & per horæ spatium, & vltra eo in actu perseverabat. Interdum veluti

ad Cælum euolatura, & in aerē se eleuatura corpus attollebat, illud mirum in modum extendens: sed admirationem omnem superare visum est, quod vultum in mille colores, vel ictu oculi commutaret, nam modò rubescebat, & quasi ardorē quodam incendi videbatur, modò adeò pallesecebat, vt quasi emortua langueret, deniq. ac dicto citius rubore perfundecebat, ac deniq. veluti animo deficiens ad scipsum redire simulabat, ita vt circumstantes omnes diuino Raptu prehensam pro sancta venerarentur, & ad illius vestimenta tangenda mulierculæ, & homunciones quidam turmadim accurrerent, non sine mei ipsius risu: hætenus Zachias: Proinde diligenter inspicendum est, quod etiam admonuit Ludouicus Blofius in Can. Vitæ spiritualis cap. 2. 6. an Extasim patientes superbi sint, & elati, an id faciant ad sanctitatis nomen sibi comparandum, an verè humiles sint, an Reuelationes, ac Visiones curiosè exoptent, an eis fidem leuiter adhibeant, Quoniam (inquit Blofius) si visioni tibi ostensæ mox non credas, sed humiliter dubitas, donec non euidentius, certiusq. cognoscas, Deum non offendis. Aliud quoque signū affert, quando Reuelationes à Deo procedunt, estq. cum illæ mētem consolari, emolliri, humilemq. reddere solent: contrā Dæmonum Illusiones dolo, præstigijsq. consistæ, nihil aliud, quàm ipsam mentem conturbare, indurare, & pernicacem efficere consueuerunt. Sed hæc, quæ in præsentia adduximus pro discernendis diuinis Visionibus ab Illusionibus consona sunt his, quæ scribit Iacobus Aluarez lib. citato Industria 10. signo, 4. vbi dicit, quod omninò attendenda est personæ qualitas, cui Reuelatio fit, vt Reuelationum veritas agnoscat, sit nē integri sensus, & iudicij, & conuenientis ætatis, & compositos habeat mores,

Ludouicus Blofius.

Illusionum signa mentis turbatio, & cordis inderatio.

Aluarez.

mores, si vitij præsertim superbiz, auaritz, & alicuius impudicitiz sublit, si proprio iudicio nimis addicta, nullam tunc Reuelationum eius habendam esse rationem, secus, si sensu vigeat, si iudicio polleat, si bonis moribus prædita sit, si à prauis affectibus emundata, signum est maximum Reuelationes à Deo ortum habere.

His sanè virtutibus Brigittam fuisse præditam, & magnæ sanctitatis, & eximij meriti sceminam extitisse, testis est ipsemet Christus Dominus, qui eam sibi elegit in Sponsam, & quam tantopere dilexit, vt ei secreta plurima sua reuelauerit, & à mundi instabilitate ad stabilitatem perduxerit, & volens Dominus eam de his certam reddere, dixit ei, sic Libro primo Reuelationum Capitulo secundo legitur. Ego elegi te, & assumpsi te mihi in Sponsam, vt ostendam tibi secreta mea, quia mihi sic placet: Tu enim quodam iure facta es mea, cum in morte Mariti tui voluntatem tuam in manus meas assignasti, cum etià eo defuncto cogitasti, & rogasti, quomodo pauper pro me esse posses, & voluisti omnia pro me relinquere, & idè de iure facta es mea, & oportuit me pro tanta charitate tibi prouidere, propterea assumo te mihi in Sponsam, & in meam propriam dilectionem, qualem Deo decet habere cum anima casta. Non nè certum sanctitatis Brigittæ Nostræ testimonium illud est, quod post legitimam eius Canonizationem Romani Pontifices, quos in te tanti ponderis minimè fuisse deceptos censendum est, eam colendam, & venerandam populis proposuerint. Luculenter ipsius sanctitatem declarant res præclaræ ab ea gestæ, probi mores, humilitas, abstinentia, conscientiz puritas, frequens orandi studium, prompta maioribus obedientia, eximia Sponsi dile-

ctio, cuius amoris vinculis tam fortiter ligata erat, vt etiam proprijs commodis, curisvè anteponeret ea, quæ ad obedientiz rationem pertinebant, & ad proximi necessitatē subleuandâ spectabant; si quâdo orâti, quod Deo permittente interdum cōtingere solet, sapiens ille deuotionis feruor deerat, nō tamen illa desistebat ab oratione, sed pergebat in inceptis, & pro suis, aliorumq. peccatis seipsam Deo offerebat, sciens illam in orando ariditatem, quàm amici Dei aliquando patiuntur, non minus Deo esse gratam, quàm dulcedinis internæ vbertatem. Insuper Spiritus sancti internos impulsus, & latentem energiam diligenter obseruabat, cuncta suo Magistro spiritus propalabat, cuius consilia, & monita executioni demandabat, Redemptoris Nostrî vulnera, & flagella crebrò non sinè magna lachrymarum effusione meditabatur, spiritum suum efficacibus verbis, & oratiunculis quibusdam inculatorijs, quas habebat in promptu frequenter ad Deum eleuabat, ad memoriam Creationis, Redemptionis, & Iustificationis beneficia sedulo reuocabat, & de his Deo gratias agebat, frequenter quoq. in suo Cubiculo sola manebat, & miserâ vitæ nostræ rationem deplorens, cōuersa ad Dominum. O infelices clamabat huius vitæ conditiones, & spes fallaces, & inanes hominū cogitationes, quousq. tandè diligimus vanitatem, & querimus mendacium, non amplius veris neglectis bonis, & honoribus inaniū bonorum vmbas sequar. Imperia, & Regna, dignitates, & diuitiū morte percunt, omnia citò transcunt, letitiz & voluptates huius sæculi ad lachrymas, & luctū recidūt, ergo Domine da mihi huius sæculi desipientiam, da verâ peccatorum meorum detestationem, vemens, ab iniquitatibus purgata tua bona capiat, te sequar Deus meus;

R Illu-

B. Brigitta

B. Brigitta
in oratione
posita mundi
huius infelici-
tatem statim se
pe detestaba-
tur.B. Brigitta
sanctitas, &
virtutes.

Illumina oculos meos, nè vnquam obdormiam; his soliloquijs cum Deo crebrò habitis, & ingenti cælesti lumine perfusa Brigitta, ex Nobilissima, & opulentissima Nericiæ Ducissâ, facta, est pauper, & humilis Dei ancilla, hæc sunt Brigittæ Nostre sanctitatis signa, quæ satis superq. probant, illam in suis Reuelationibus à Dæmone non fuisse delusam.

Carthusian. Pergamus modò alia asserre signa, pro discernendis diuinis Visionibus ab Illusionibus, quorum aliqua Dionysius Carthusianus adducit in Tractatu de Discernendis Spiritibus articulo quarto, scribit enim, quòd spiritus probari possunt ex triplici Capite, Primùm ex sacræ Scripturæ eruditione, de quo signo Nos egimus suprâ hoc eodem Capite & probauimus has B. Brigittæ Reuelationes sacræ Scripturæ esse conformes, Secundo id fieri asserit per internam inspirationem, & soporem interiorum supernæ dulcedinis, & per illuminationem desuper venientem, totius dubitationis tenebras expellentem. Tertiũ signum dicit esse donum speciale gratiæ gratis datæ, quod discretio spirituum appellatur, & art. 7. eodem Libro probat Carthusianus, Brigittam nò fuisse delusam, & de ea in specie loquitur, & citat duo insigniora loca Reuelationum, vnum Lib. 3. Cap. 1. & alterum Libro 1. Cap. 4. ex quibus colligit, Reuelationes Brigitinianas à Spiritu sãcto processisse, Quoniam (inquit) Brigitta, & lumen supernaturale, & charitatis feruorẽ habuit, nec aliud, quàm Deum quæsiuit, & addit, ad discernendum, quid agitur in homine à spiritu bono, quidvè à spiritu malo valdè conferre, quæ in Reuelationibus B. Brigittæ continentur. Sed quoniam Carthusianus inter signa, quæ diuinæ Visiones ab Illusionibus distinguunt, ponit supernæ dulcedinis interiorem soporem, & internam inspira-

tionem, videndum quis, & qualis sit sopor ille interior, & inspiratio interna, quæ Reuelationes diuinæ ab Illusionibus distinguunt: & quidem verus sopor, qui diuinitus datur, impetuosus non est, nec indiscretus, sed lenis, & dulcis, pacatus, & tranquillus, quia vt scribitur 3. Reg. 19. Non in commotione Dominus, & post commotionem ignis, non in igne Dominus, sed post ignem sibilus auræ tenuis; hinc est, quòd sopor ille internus non extollit, sed humilem reddit, mentem non elatam, facit, sed domat, & debilitat carnem, spiritum roborat, intellectum illuminat, & accendit, suauem, & mitem se exhibet, & ad supernaturalia excitat cogitationes, & nos ad desiderium bonorum operum inuitat. Audi Sanctum Bernardum exponentem illa verba, Cantic. 2. En dilectus meus loquitur, Post hunc (inquit) tantæ dignationis, & miserationum respectum, sequitur nos blandè, & leniter, diuinam insinuans voluntatem, quæ non est aliud, quàm ipse amor, qui otiosus esse non potest, de his, quæ Dei sunt, sollicitans, & suadens: inter hæc annumeranda sunt etiam exempla bona, flagella, & tribulationes, quas pro Christo, & fidei confessione passi sunt Sancti, iussiones, & adhortationes Prælatorum, quæ sanam nobis ingerunt mentem, & Spiritus sancti impulsus sunt, ac inspirationes: his addendum, cælestem illum soporem non grauem, non molestem esse, sed agilem, & promptum ad bona faciendam, & mala perferenda, & mortem ipsam pro Dei honore, & gloria, quories opus est, subeundam; sed e contrâ falsus sopor, & diabolicus superbiæ vitio inheret, impetuosus est, & indiscretus, diuitijs inhiat temporalibus, vtpotè qui ad diuitias bonitatis Dei non peruenit, excitat contentiones, & rixas, & ad desideria dignitatum,

Quæ. & quibus sit illa inspiratio, quæ dirinat Visiones ab Illusionibus distinguunt.

3. Reg. 19.

3. Bernard.

Dionys. Carthusianus
B. Brigittam
nò fuisse delusam.

&c.

& honorum allicir, ad loquacitatem, & ad zelum, qui secundum scientiam non est, prouocat. Ventilatur curas (sic loquitur S. Leo Serm. de Natiuit. Domini) scrutatur affectus, & ibi causas nocendi querit, ubi quemeumq. viderit studiosè occupari. At verò diuinarum inspirationum certum signum illud est, cum homo sic Spiritus sancti impulsu mouetur, vt perfectum mundanorum in se còtemptum experiatur, & ad affectum solitudinis, & vitiatorum fugam impellatur, ad spiritualem quoque dulcedinem manuducitur, & nullam, quæ Deum nõ sapiat còsolationem, & voluptatem admittit, proinde in hoc felice statu positus homo, sic secum loquitur. Renuit consolari anima mea, Memor fui Dei, & delectatus sum Psalm. 76. Ille quoque inspirationes à Deo ortum habent, si à vitijs auocant, si ad virtutes impellunt, si viam ad cælum ostendunt. Est enim inspiratio bona diuinitus immissa cogitatio, quæ nos ad vocem Domini audiendam attentos reddit, & ad eum laudandum excitat, nosq. ad eum rogandum sic inuitat, Loquere Domine, quia audit seruus tuus 1. Reg. 3. Sonet vox tua in auribus meis, Vox enim tua dulcis, & facies tua decora Cant. 2. Et si quando homo per inspirationis donum sic disponitur, vt maxima, & tranquilla patientia propter Dei amorem, & honorem aduersa lætus, & gaudens suscipiat, & dignum se pro nomine IESV. contumelias, & tribulationes pati exhibeat, quis dubiter eam à Deo fuisse immissam, de Tobia scribitur cap. 12. Quia acceptus eras Deo, necesse fuit, vt tentatio probaret te. Verum si huiusmodi Reuelationes quis exoptet, & à Deo eas postulet, suspicari probabiliter possumus, quòd non diuinæ sint, sed Diabolicæ, non supernaturales Visiones, sed Dæmonum Illusiones; hæc enim desideria frequenter ex superbia originè ducunt, & à vana curiositate oriuntur, vult namq.

tunc homo videri sapiens, & de futuris cognitionem curiosius habere contendens, Illusionibus, ac deceptionibus viâ sibi parat, & ianuam aperit, ac Dei indignationem incurrit, vt aliquando eum illudi, ac decipi sinat, proinde desideranda non solum minimè sunt, sed prudenter potius, ac humiliter declinandæ. Reuelationes enim diuinæ nõ à studijs nostris, non à conatu nostro, sed à voluntate Dei, & à diuina bonitate conferuntur ei, qui humilitatis, & charitatis virtute ornatus est: præclare S. Bonauent. de Profectu Relig. lib. 2. c. 75. monuit, quòd pluribus sapè magis nocuerunt huiusmodi Visiones, quàm profuerunt, quia inaniter indè gloriantes extollebantur. Rem hanc B. Brigittæ exemplo probemus, quæ tantum abest, vt Visiones exoptaret, vel postularer, vt se illis indignâ iudicaret, quapropter ad Christum conuersa, his verbis ad eum sic clamasse aliquando legimus Lib. 2. Reuel. Cap. 18. O Domine mi, & Filius Virginis, quare dignatus es tam vilem Viduam visitare, quæ sum pauper bonis operibus, modica in còscientiæ intellectu, & in omni peccato consumpta longiturnitate temporis. Tunc Dominus B. Brigittam alloquens, dixit, Veniet in te ignis charitatis meæ, & sic incenderis omnibus virtutibus, in quibus concrementa, & à peccato purgata resurges quasi aui renouata depositata pelle delectationis. Per auem Phœnicem hic intelligas, quem, vt Aegyptij memoria prodiderunt, rostro semetipsum vellicat, acceptoq. ex eo vellicato vulnere, sanguinem emittit, & indè vermiculus nascitur, mox pullus factus, & pennis vestitus in Heliopolim se cum patre confert, quo cum simul venerit, Sole oriens moritur. De modò autem, quo Phœnix moriatur, Scriptores diuersi diuersa tradiderunt, vna tamen in re còueniunt, Phœnicem nouum ex præmortui corpore renasci. Arque hinc Dominus sub

Phœnicis
proprietates
describuntur.

Tertullian.

similitudine Phœnicis prædicens Brigitæ futuram sanctitatem, & renouationē, dicit, A peccato purgata resurges, quasi avis renouata. De Phœnice Tertull. sic scribit, Semetipsum Phœnix libèter funerans renouat, natali sine decedens, atque succedens iterum Phœnix.

Verùm, & Christus Dominus diuinarum Visionum regulas septem, ac Illusionum agnoscendarum, alias septem præscripsit Lib. 4. Reuelat. Cap. 2. 3. quas poterit Lector ibi scrutari, qua de re, & Nos nō solum in præsentī Cap. latè tractauimus, sed & pluribus etiam in Notis ad hos Reuelat. Libros quædam attigimus, quod fecimus, vt probaremus, in Visionibus Brigitæ minimè fuisse delusam, & vt quisq. ad manum queat habere, vel quo suas motiones, & inspirationes agnoscat, vel vt eorū, quorum curam gerit, impulsus intelligat, utq. etiam sic bonos amplectatur, malos vero respuat spiritus. Vide Notam 2. ad Lib. 1. Cap. 4. & Notā 3. Lib. 3. Cap. 20. & Notam 1. Lib. 4. Cap. 4. & Notam 5. Cap. 2. 3. eiusdē Libri, & Cap. 78. Not. 2.

Aliud quoque hic adducimus signū, ex quo potest probabiliter inferri, Brigitæ Visiones à Deo, & non à Dæmone, ortum habuisse, siquidem apud Dæmones illud extat in more positum, vt sub varijs animalium, & brutorum formis appareant, nunc quadrupedū, nunc volatiliū, nunc reptiliū, nunc aliarum bestiarū, non tamen indifferenter quorumcumq. animalium sibi formas asciscunt, sed eorū dumtaxat, quæ sibi magis amica, & familiaria sunt, ut potè magis impura, veluti Serpentis, Suis, Canis Araneæ, Hyrci, Centaurorum, Harpyrarum, Cerberi, ac aliorum portentorum, prout ex rebus gestis Sanctorum colligitur, & præsertim ex Vita S. Antonij Abbatis, & quorundam aliorū Sanctorū, quod etiam Cap. 5. huius Tractatus notauimus. Attamen sub formis Columbarū, seu Agni nusquam legi Dæmonem

apparuisse, quod Deo permittente id factū esse arbitratum sum, nè Dæmon post lapsum cōmunem aliquam formā, siuē similitudinem cū Deo habuisse videatur, seu quia ipse renouat, easdem sibi induere, sub quibus & Spiritus sanctus, & Christus Dominus Seruator Noster hominibus aliquando apparere dignatus est. Beatæ verò Brigitæ sub his bestiarū quadrupedum, reptiliū, & volucrum formis Visiones non fuisse collatas eius Libros legentibus palām fiet: atque ex hucusq. deductis quispiam desumet argumentum, eam non solum non fuisse delusam, sed à Spiritu sancto ad diuinas Visiones, ac secretorum supernorū Reuelationes eleuatam.

Porro cum S. Bonau. loco sup. citato Lectores monitos esse volumus, nè cum in Visionibus figuræ aliquæ obijciuntur, eas quoad rei existentiam esse veras credant, veræ quidem sunt, quoad spirituale rerum significationē, quia rerum veritatem, quæ in illis ostenduntur demonstrant, non autem veram existentiam habent, non enim verum est substantialiter esse Boues in cælo, vel Leones, vel Aquilas, vel alia animalia, quæ in Apocalypsi, ac in alijs Prophetarum Visionibus describuntur, sed ibi cælestes virtutes sunt, quarum merita, vel officia sub istorum animalium proprietatibus figuratiter designantur, Credimus (inquit S. Bonau.) Christum glorificatum corporaliter esse in cælo, nec vltra secundum suæ substantiæ veritatem nasci de Virgine, lactari, vel pariri, vel alia, quæ Euangelicæ docet historia, eū fuisse corporaliter tunc cū hominibus in terrâ cōuersabatur, & tamē sic sæpè refertur alijs quibus Sanctis, & deuotis apparuisse in Visione, vel nascens, vel in Matris gremio cōtentus, vel in Cruce extensus, nō quod ira secundum veritatem fieret, sed quod illis propter singularem consolationē, & deuotionis exercitationē, vel propter spirituale significationem sic appareret,

Figuræ, quæ
in Visionib.
apparent,
qua ratione
verā existen-
tiam habere
dicantur.

reret, atque hæc ex S. Bonau. in præfentia adijcere libuit propter simplices quosdā nē in huiusmodi Visionibus decipiatur.

Addam hīc ex Patribus reliqua, quæ ad præfentis Capituli integram tractationem pertinent, necessariā planē scribit esse S. Bernard. Serm. de Septem Spiritib. tomo 1. discretionem spirituum, cū dicat Apostolus, Non omni spiritui esse credendum, asserti ibi multa signa diuinorum spirituum, & malorū, de quibus egimus Cap. 5. & 11. huius Tractatus, & multa de his scribuntur etiam Lib. 4. Reuel. Cap. 23. vbi de signis discernentibus diuinas Visiones ab Illusionibus agitur, Et quidem (inquit S. Bernard.) cū

Boni, & mali spiritus signa ex S. Bernard.

carnalis cogitatio mentem pulsat, cū v.g. de potu, de cibo, de somno, cæterisq. similibus ad curā carnis pertinentibus cogitantes humano quodā inardescimus desiderio, certū est nobis spiritū carnis esse, qui loquitur: & rursus cū de carnis illecebris, de ambitione, de iactantia, de arrogantia, cæterisq. similibus cogitatio vana versatur in animis nostris, spiritus mūdi est, qui loquitur, & quia hunc longē perniciosiorē esse hostem putat, ideo dicit maiori sollicitudine esse repellendum, at verō si ad iram, si ad impatientiam, si ad inuidiam, si ad animi amaritudinem prouocamur, tunc spiritus malitiæ est, qui in nobis loquitur. Diuini autem spiritus signa esse certa monet, quod loquatur in nobis, siuē per se, siuē per Angelum, cum salubris cogitatio versatur in mente de castigando corpore, humiliando corde, seruanda castitate, & fratribus exhibenda charitate, seu etiam cæteris virtutibus acquirendis, conseruandis, amplificandis, alia quoque de eadem re scripsit idem S. Doctor Serm. de Multiplici vtilit. verbi Dei tom. 1. nō lōgē ab initio, & latius Ser. 57. in Cant. & pluribus alijs in locis, in quibus, inter diuinę præfentię spiritus ponitur destructio vitiorū, edificatio, & plantatio virtutum, roris deuotionis infusio, ad aridi-

tatem tollendam, mentis illuminatio, excitatio animæ ad bonum, motio, & emollitio, cordis vulneratio, charitatis inflammatio, perfecta animæ, & facultatum eius in Deum conuersio, fuga vitiorū, compressio carnaliū affectuum, discussio, siuē redargutio occultorum, emendatio morum, reformatio spiritus mentis, idest hominis interioris.

Stephanus Facundus.

His addendum, quæ Stephanus Facundus animaduertit, de quinque Ecclesiæ Præceptis, lib. 5. cap. 7. num. 2. & 3. dicit enim ad discernendum quando à Deo Visiones ortum habent, & quando à Dæmone, vel etiam ex propria imaginatione, vel à cerebri debilitate, prudenter considerandos esse fructus Visionis, dispositionem videntis, effectus, & affectus Visionis, & videntis, ac alias occurrentes circūstantias, si enim relinquunt videntem tepidum, & frigidum ad credendum, & amādum Christum Dominum, signum est à Deo non procedere, si verō amorem, fidem, & affectum erga hoc mysterium, & Christum inibi existentem augeant, signum est non à Dæmone, sed à Deo fieri, loquitur hīc Facundus de Christi Apparitione in Sacramento Eucharistiæ, quam tripliciter interdum contingere explicat ibi.

Rursus diligenter obseruandum est, cum plerumq. in Visionibus, ac Apparitionibus timores, & horrores inueniantur, an timor Visionem antecedit, an verō subsequatur, & an gaudiū, & lætitiā præcedat, & post timor, & turbatio succedat, nā in Ecclesiasticis historijs obseruauit, quod etiā obseruauit hi, qui hac in re experti, & instructi sunt, horrores quosdā, & exanimationes eos esse passos eo tēpore, quo illi visa quædā diuinitus acceperūt, qui veluti numine correpti, se mortui interdū in terrā corruerūt, & vt Tobiz accidit, qui ad Angeli apparitionē, ipse, & filius eius turbati sunt, & tremantes ceciderūt in terrā, vt cap. 12. scribitur, & de se ipso testatur Daniel

Timor plerumq. diuinis Visiones antecedit, gaudiū verō subsequitur, sed vtrūq. in Illusionibus contingit.

Tobia 12.

Dan. 10.

cap. 10. Ego (inquit) relictus solus vidi Visionem grandem hanc, & non remansit in me fortitudo, sed & species mea immutata est in me, & emarcui, nec habui quidquam virium, & Apo-

Apocal. 1. calypt. 1. de se Ioannes scribit, Cum vidissem Angelum, cecidi ad pedes eius quasi mortuus, & S. Chrylost. notat

S. Chryst. hom. 8. in caligine Deum aliquando tulisse legem Hebræis, quia illis utpote ferocioribus, & effrenioribus humano quodam terrore opus fuerat, contra verò Apostolis in virtute sublimioribus sese placidissimè insudit in die Pentecostes, in quo sonum quidem Deus exaudiri voluit propter Iudæos, qui si post illa prodigia dicebant adhuc Apostolos musto plenos, quid dicturi fuissent, si nihil huiusmodi accidisset. Sed animaduertendum, in Visionibus diuinis post timorem gaudium sequi, ac illuminationem, & animi tranquillitatem. In Illusionibus è contrà, etsi lætitia quadam vana præcedat, sequi postea tristitiam, turbationem, & mentis offuscationem, quod & docuit S. Hieronym.

S. Hieron. exponens illa verba Marci 28. quæ Dominus obuiam factus duobus Discipulis in via, protulit, Nolite timere, In Veteri, ait, & Nouo Testamento cum angustior apparuerit Visio, primùm timor pellitur, vt mente placida possint, quæ dicuntur audiri: quod etiam factum est, cum mulieres, quæ ad sepulchrum Christi Domini accesserunt, eas alloquens Angelus dixit eis, Nolite timere vos, & sequitur, Exierunt citò de monumento cum timore, & gaudio

Matth. 28. magno Matth. 28. ex quo colligimus, sanctas illas feminas initio timuisse, postea verò timore expulso ingenti gaudio fuisse perfusas. Explicat hoc egregiè

S. Bernard. S. Bernard. Ser. citato de Multiplici vtilitate verbi Dei, Primùm quidè, ait, sonans in auribus animæ vox diuina conturbat, terret dijudicatq. sed continuò si benè aduerteris viuificat, liquefacit,

calefacit, illuminat. Idem quoque tradiderunt Theophyl. in cap. 28. Matth. & Venerb. Beda in cap. 1. Lucæ, qui inter bonorum, & malorum Angelorum apparitiones illud discrimen afferunt, quòd bonis apparent boni, initio tamen inusitato aspectu timorem incutientes, ad extremum tamen gaudium, & lætitiæ secum adducentes; mali verò semper eundem timorem relinquunt. Verùm diuinus spiritus non semper eodem modo omnes homines afficit, sed secundum animi dispositionem, & præparationem plerumq. operatur, nam & spiritualibus admodum suauiter, & placidè illabitur, minus spiritualibus cum terrore sese communicat, postea eisdem cum ingenti lætitiæ sensu se insinuat. Terror enim ille præparatio quædam est spiritus aduenientis, gaudiū verò, quod subindè sequitur, signū est aduentus, & præsentia illius. Aut dicendum est, terrores illos, qui diuinis Visionibus antecedunt, reuerentia, & maiestati diuinæ deberi, decet namque, vt cum timore, & summa reuerentia mortales diuina colloquia, iussa, & ordinationes excipiant.

Supereft modò ex Patribus antè Lectorū oculos ponere discrimina quædā bonorum, & malorumq. spirituum per comparisonem ad inuicem, sed præmonendum existimauimus, prudentiā ad id planè necessariam esse, cui anteire debet donum illud gratuitum discretionis spirituum, quod lumen est quoddā interius, quo discernitur inter bonum, & malum spiritum, idq. ex Paulo Apostolo probauimus, Deum consueuisse conferre his potissimū, qui Magistri, Ducesq. futuri sunt in Ecclesia, à quibus tyrones, minisq. experti instrui debent, nè decipiantur, de quibus verba facit Ieremias cap. 6. suarum Reuelationum, cum dicit, Probatorem dedi te in populo meo robustum, & scies, & probabis viam eorum, sicut enim in ciuili

Theophyl.

Venerb. Beda.

Terror, qui consuevit visiones diuinas antecedere præparatio quoddā est præsentia Dei.

Ierem. 6.

Re-

*Spiritualium
Magistrorū
in Ecclesiā,
peculiaris fun-
ctio.*

Prouer. 16.

S. Bernard.

Cassianus.

Chrysost.

*Demoni cē-
pi maximē
operantē ob-
struit ad cen-
tūdam.*

Repubblica pro bono regimine probato-
res necessarij sunt, ita planē in Ecclesia
spirituales Magistros oportet esse, quo-
rū peculiaris functio, & peculiare offi-
cium est, cælesti lumine cognoscere, &
examinare spirituum gradus, & declara-
re sensuum interiorum impulsus, an
sanctitatem, ac puritatem præferant,
an secū habeant aliquid vitij, ac fallaciæ,
in quibus probationibus speciale Dei
adiutorium exigitur, quippè qui spiritu-
um ponderator est Prouer. 16. Quo-
circa isti meritò purgatores dici possūt,
quia iniquitates leuant, illuminatores,
quia tenebras ignorantia pellunt, per-
fectores, quia ad perfectionem addu-
cunt, Pastores, quia Christi oues verbo,
& exemplo pascunt, & fidelibus tem-
pore congruo doctrinae alimenta di-
tribuunt. Atque hi sunt, quibus di-
cretio spirituum datur, & his prudētiæ
donum planē necessarium est, cuius
actus est operatio practica, quæ bona
opera comitatur, ad eā spectat super cor
vigilare, nē Hostes ingrediantur, & vt fi-
delis, & sollicitus vigil circumire, &
mox, vt hostis, illud aggredi tentat,
signum dare, vt milites se accingant ad
illum repellendum meritò S. Bernardus
prudentiā appellauit Abbatissā omniū
virtutum, & Cassianus Collat. 2. Solem
illuminantem, gubernatricem diri-
gentem, custodem defendentem, quod
si hæc, quæ virtutum ostiaria est, de-
fatigata in sui muneris executione dor-
miat, Dæmones, qui non dormiunt,
cor tunc inerme, & imparatum varijs
diuersisq. armis adoriuntur, cuius veri-
tatis testis sit, S. Chrysost. homil. 28.
in priorem Epistolam ad Corint. qui
affirmat, tunc maximè valdè pios vi-
ros, & in spiritali vita diū exercitatos
insidiari, quando calamitatibus præ-
muntur, quos non statim adoritur,
sed cū eos iam à vexationibus, ac tor-
mentis finem miseriarum auidè expe-
ctare agnoscit, tunc enim insultat, vt

homines penè cadentes omninò præ-
cipiter, sic enim loquitur, Diabolus
aduersus Iob non perditis Bobus, neque
Asinis, neque Camelis, neque domo
diruta, neque filijs ruina obrutis, hæc
vltus est fallacia, sed tacet adhuc, &
cessat considerata athletæ fortitudine,
sed cū vermium fons scaturiebat, &
putrida cutis decidebat, & consumptæ
carnes sanie grauiter fetentem affla-
bant, & sartagine, & fornacibus, & om-
ni flamma miserius, cū Diaboli manus
consumebat, fera omni crudelius, vn-
diq. eius corpus deuorans, cum diu-
tius is esset hac calamitate confectus,
tunc vxorem subornat, nam si in cala-
mitatis principio accessisset, non sanè
eum inuenisset ita eneruatam, neque
ita posset exprobrare calamitatem, &
tanta loqui audacia, nunc autem, cum
videret ob temporis longitudinem sa-
nitatis quàm cupidissimum, & ma-
lorum finem maiorem in modum de-
siderantem, tunc accedit, & ait, Quousq.
consumeris? grauis rethor ad decipien-
dum eos, qui inconfutiores sunt, quid
agitur, hic Beatus adamātē fortior, & c.
præclare idem Sanctus fortitudinem in
aduersis diuini spiritus indicium esse
monuit, quoniam veluti lapis lydius
est, ad quem plerumq. probatur, quis
bonus, quis vè malus sit, malus enim,
cū calamitatibus, ac tribulationibus
præmitur, deterior fit, ac verò bonus
melior, & fortior euadit, sciens verum
esse, quod Apostolus Paulus scriptum
reliquit 2. Corint. 12. Cum enim in-
firmor, tunc potens sum.

3. Cor. 12.

Ad certa nunc capita malorum spi-
rituum à bonis discrimina breuiter re-
uocanda sunt, vt Lectoribus facilius
præstō sint. Inter cætera malorum
spirituum signum illud est Primarium,
quòd Diabolus instigat semper, & Chri-
sti, ac Sanctorum exemplis aduersa-
tur, & in homine Sanctorum viro-
rum contemptum, ac neglectum parit,

*Breuē repe-
titiō eorū,
quæ supra de
signis allata
sunt.*

I.

nec mirum, quoniam Christi est hostis, & amicorum eius. Christus namque speculum est diuinæ charitatis, at ille pater est mendacij & falsitatis, Christus fons est æternæ saluationis, ille princeps æternæ damnationis, Christus auctor est vitæ, & æternitatis, ille auctor est mortis, & perennis infelicitatis.

II. Dæmon eleuat hominem ad mentis tumorem, animiq. elationem, Quia non aliud docet (sic loquitur S. Gregor. lib. 4. Moral. cap. 18.) Quàm mentes sibi subditas celsitudinis culmen appetere, cuncta æqualia mentis tumore transcendere, societatem omnium hominum alta elatione transire: at diuinus spiritus hominem humilem reddit, & efficit, ut quò maiorem in virtutibus progressum facit, & se indigniorem, ac magis peccatis oneratum agnoscat, in quo etiam diuini amoris ignem accendit, ac eos supernæ dulcedinis refectione pascit: proinde Lib. 5. vndecima Reuelatione scribitur, verba B. Brigitæ reuelata calefacere frigidos, turbatos lætificare, animas debiles confirmare.

III. Diabolicus spiritus in initio falsa delectatione animam replet, postea verò illam cruciatibus, ac tormentis acriter torquet: at verò diuinus vera consolatione eam visitat, & cælesti lumine subindè illustrat. Solius enim Dei est illam consolari dicebat S. Ignatius Societatis I E S V. fundator, cum hoc proprium sit Creatoris suam ingredi creaturam, & illam in amore suo totam conuertere, trahere, & mutare, hinc est, quòd S. Bernard. de Septem Spiritibus, eam animam felicem vocat, quæ venas susurri diuini in silentio percipit. Sed hic animaduertendum, quòd si quando spiritus bonus in principio aliquando terret, & postea consolatur, id contingit ex inusitato modo, quo ad eam venit, modus namque visitationis nouus, & nouum donum turbare con-

fuevit, ut de Virgine Maria ad Angeli sermonem fuisse turbatam Lucas cap. 1. ^{Luc. 1.} scripsit, at verò post tumorem succedit lætitia, refert S. Thom. 3. p. quæst. 3. art. 3. ad 3. ex sentent. S. Antonij, difficlem non esse, Beatorum spirituum, malorumque discretionem apprehendere, si post tumorem successerit gaudium, tunc enim à Domino venisse scimus auxilium: si autem incussa formido permanserit, hostis est, qui videtur, & tunc maxime, si post perturbationem caligo, & mœror sequatur, Quia (ut inquit Chrysostom. hom. 2. 9. in priorem ^{s. chrys.} Epist. ad Corinth.) proprium est Dæmonis perturbationem, furorem, & multam caliginem infundere, Dei autem illuminare, & prudenter docere.

IV. Spiritus malus in initio aliquando affert in agibilibus securitatem, sed in fine diffidentiam, & difficultatem, quandoque etiam in principio difficillima quæquæ virtutis proponit, ut hominem ab operibus bonis auocet, aliquando Dei magnam misericordiam ostentat, ut eius iustitiam negligat, aliquando verò exactam, & absolutam iustitiã antè oculos ponit, ut de Dei misericordia desperet: sed diuinus spiritus in homine inducit securitatem, & fiduciã in Deum, sic ut, nec de misericordia diffidat, neque diuinam iustitiam contemnat: benignus sanè Deus est, qui eos, qui se ad eum conuertunt, blandis pollicitationibus inuitat, & cælestibus consolationibus reficit, & si quãdo terrores, & difficultates intèrat, hoc ad constantiã, & fortitudinis probationem facit, & vires etiam addit ad bonorum operum executionem, vnde qui spiritu Dei agitur, diuinæ prouidentie experimentum erga se habent, nam tantum à Deo sibi imponi pondus intelligunt, quantum ad perferendum suppetunt vires, testis sit Paulus, qui dicit, Quòd fidelis Deus est, qui nò patitur vos tentari suprà id, quod potestis. 1. Corinth. 10. ^{1. Cor. 10.}

V. Spiritus Dei in cunctis, quæ inspirat, rectum semper finem proponit, qui Dei gloria est, laus eius, & salus animarum, ad quæ querenda prouocare nõ desinit, at verò Dæmon in prauos fines hominum actiones semper dirigere studet, vel ad honores proprios, & gloriam cōparādam, vel diuitias, vel propria commoda acquirenda, vel ad animarū perditionē: at verò Deus auctore Richardo in cap. 7. Cant. Nunc expungit mentē desiderio amoris, nunc spe, & gaudio futuræ retributionis, nunc delectatione alicuius virtutis, nunc timore pœnæ, nunc peccatorum recordatione.

Richard. in
cap. 7. Cant.

VI. Diuini spiritus argumentum maximum est constantia, animiq. fortitudo, in quibuscumq. actionibus spiritualibus, ac pietatis studijs, vt non ita facilē illis relictis homines se ad ea, quæ mūdi sunt conferant, etiam si sese tunc tribulationes, incommoda, & quæcumque alia impedimenta interponant, at verò contrā Dæmonis astutia est, hominem temerē per omnia circumferre, & ad ea, quæ Dei sunt, vt deserat suadere, aliquando enim obijcit ea, quæ molestias, scrupulos, & tristitias afferunt, & ingerit, quæ carnis voluptatē, & sensuum delectationem pariunt, ad bonos quandoq. aspero, ac tristi vultu, ad malos verò hilari facie, ac blandē ingreditur, vt illos a virtutis exercitijs auocet, & hos in malitiæ studijs confirmet.

VII. Consuevit etiam Diabolus aliquando bona aliqua suadere, vt ad mala queat hominem pertrahere, & sub specie aliquarum virtutum malum abscondit, ac sub esca pietatis hamum contegit, quod egregiē S. Greg. 32. Moral. cap. 17. hanc Dæmonis astutiam. antē nostros oculos ponens, Hostis (inquit) noster tanta se arte palliat, vt plerumq. antē deceptæ mentis oculos culpas virtutes fingat, & indē quisq. expectet præmia, vnde dignus est æterna inuenire tormenta, & quidem malum, quod

S. Gregor.

sub bono tegitur, damnū potest asserere maximum. Ideo diligenter curandum est, vt verum bonum ab apparente discernamus, quoniam illius, quod bonum putamus, nec sensum, nec pudorē habemus, neque illud vitare studemus.

O quā multi sunt, qui vulgo spirituales dicuntur, qui sub bono apparēte à Dæmone decipiuntur, & eos potissimū ponit sub speciei boni, vt subditos ad Christianam disciplinam promoueant, & in his, quæ ad Religionem spectant progressum faciant, sed meminerint dixisse Dominum, Qui se exaltat humiliabitur. Lucæ. 14.

Dæmon
ambitiosus
facile
decipit.

Lucæ. 14.

Finem præsentī Capiti imponimus, & hic eos monitos esse volumus, quibus huiusmodi Visiones, ac Reuelationes conferuntur, ne sibi ipsis ita fidant, vt illas examinandas, ac diligenter excutiēdas Prælati Ecclesiæ, & Theologis, alijsq. pijs, ac prudētibz viris abnuant, fallaces enim esse possunt, vt toties animaduertimus. Instinctus etiam illi interni à Diabolo proficisci queunt, idē Ecclesiæ, & Prælati iudicio subijciendi sunt. Ecclesia namq. à Spiritu sancto regitur, & instruitur, & ad ipsam pertinet de his iudicare, & nos Domini vias docere, & semitas nostras ad cælestē patriā dirigere. Prælati verò, qui ministri eis sunt, & gregis Domini Duces & Magistri distinguere norunt inter lepram, & lepram, proprii enim iudicii duritia, & nimia sui ipsius confidentia, seminarium semper fuit errorū. Idcirco Brigitta Reuelat. suas Sedis Apostolicæ Prælati, alijsq. pijs, & doctis viris multoties examinādas tradidit, & examināte communi omnium consensu fuerūt approbatæ, ac summa veneratione receptæ, vt meritō de hac Sanctissima Vidua illud dici possit, quod de altera Iudit Vidua Scriptura sacra testatur. Omnia, quæ locuta es vera sunt, & in verbis tuis nulla est reprehensio. Iudit 8.

Iudit 8.

Qualis

Qualis, & quanta debeat esse sollicitudo Interpretis Reuelationum S. Brigittæ, qua ad earum intelligentiam, ac studium Lectores alliciat.

C A P. XII.



N. presenti Capite de diuinarum agimus B. Brigittæ Visionū, ac Reuelationum Interpretē, quod facimus, non ut eum, qui lecturus est hos Libros doceamus, non enim forsitan egebit, ut opinor ille nostris lucubrationibus, & explanationibus, sed ut alijs viam aperiamus, atque ansam præbeamus, quæ Nos omisimus, & quorum sensum non attingimus, enucleatius explicandi. Negandū tamen non est, quod raro admodum accidat, ut in eo aptum, & bonum desideretur ingenium, qui ad docendum assumitur, & in primis etiam artibus, ac in ea potissimum non sit versatus, quam alios docere suscepit. Etenim si quis ingenij perspicuitate, & acumine non pollet, quid est, quod alios instruendi prociuem assumat? Neque me latet, quod Sanctus Gregorius Nazianzus admonuit lib. de Moderatione adhibenda in disputando, in quo regulas quasdam admodum viles præscribit, quibus ad modestiam, & humilitatem prouocat eos, qui sese in studijs exercent, sic enim summus ille vir loquitur, Non modestum, & humilem eum appellamus, qui de seipso parca, & cum paucis loquitur, & infirmos humaniter complectitur, sed qui dicendo locum illis libenter, ad quos pertinet relinquit, & se fatetur nescium,

quod non optimè tenet, & mox subdit, Se malle esse ignarum, quam curiosum, & stupidum, & audacem in pronuntiando. Has Nos Nazianzeni regulas obseruare pro viribus curauimus, nam iudicio magis peritorum interpretandi, exponendi, reliquimus ea, quorum sensum quibusdam forsitan videbitur, quod Nos minimè fuerimus plenè assecuti. Verū illud in primis hac in re obseruandum esse, duximus, quod in corporalibus cibis parandis facere consuecunt illi, quibus cura tradita est, nimirum ut cuncta rectè, probèq. sic instructa, custoditaq. existant, ut gustui præsto sint, neque enim puerulo mater integram nucem tradit, sed eam prius frangit, & postea contritam porrigit, sic in spiritualibus cibis subministrandis nos gerere debemus, quandoquidem quæ manifesta sunt, interpretis non indigent explanatione, quæ verò recondita, ac supernaturalis facultatis captum sunt, & Dei peculiare auxilium exigunt, & diligentem quoque Doctorem, & Interpretem requirunt, qui & sensus mysteriorum absconditos, & occultas verborum significationes aperiat, & eleganter, atque enucleatè pandat, quod eo magis esse necessarium arbitramur, quo de B. Brigittæ Reuelationibus agitur, ut potè quæ intellectu difficiles quibusdam fortasse videbuntur, cum sub mollium imaginum, ac similitudinum Inuolucris, & integumentis tradantur, quæ & sententias interdum obscuras reddunt, & verborum sensus, & significationes pluribus difficultatibus involuunt, quod multis de causis id factum fuisse censuimus, ut superioribus Capitibus fusè tradidimus, & in specie in Præfat. ad Lectorem. Vnam tantūmodo hic adducimus causā huius obscuritatis, cuius à B. Virgine ipsa met Brigitta conscia facta est Lib. 8. Cælestis Imperatoris ad Reges cap. 48.

S. Gregor.
Nazian.

Reuelationes S. Brigittæ, quæ ratio ne sub varijs similitudinibus tradita.

ut scilicet, qui occasionem discendi quærat, inueniat, & sanè quotidie hoc Sanctis Doctoribus ansam præbet sacræ Scripturæ difficiliora loca interpretandi, ac exponendi, & paruulis verborum Dei panem frangendi, nam si omnia, quæ sacræ Paginæ referunt, ac etiam liber hic Cælestium Reuelationum, in quo multa scribuntur, quæ ad perfectum hominis Christiani statum spectant, faciliè ab vnoquoque intelligerentur, forsitan contingeret, ut nec studiosè, neque sollicitè quærerentur. Sed audiamus Petrum Chrysologum hæc confirmantem Serm. 96. Si dicta (inquit) vel facta Christi, carnalibus sensibus subijcerentur, torpesceret animus, mens vacaret, dormiret ingenium, cor tabesceret, extingueretur quidquid humani vigoris est, & caloris, & sicut in lapide frigit ignis, latet ignis in ferro, ipse tamen ignis lapidis, ac ferri collisione flammatur, sic obscurum verbum verbi, ac sensus collatione resplendet.

De hac sacræ Scripturæ profunditate verba faciens Sanctus Augustinus lib. 12. Confess. clamans ad Deum sic habet. Mira profunditas eloquiorum tuorum, ecce antè nos superficies, blandiens paruulis, sed mira profunditas, Deus meus mira profunditas. Horror est intendere in eam, horror honoris, & tremor amoris, & Epist. 3. ad Volusianum idem Sanctus Doctor tantam in sacris Litteris inuenisse profunditatem testatus est, ut dixerit, se in eis quotidie proficere potuisse, etiam si illas solas ab ineunte pueritia vsque ad decrepitam senectutem maximo otio, summo studio, meliore ingenio conatus esset addiscere, merito S. Chrysost. suè quisquis alius fuerit Auctor operis imperfecti homin. 4. sacræ Scripturam cõparauit Deo in cælo abscondito, Sicut (inquit) in cælo celatur Deus, sic in Scriptura absconditur. Non

displicebit opinor Lectori, si quæ luculenter, doctèq. de sacræ doctrinæ profunditate Basilius disseruit hic afferamus, is namq. lib. de Serm. cap. 27. ad Amphilochem scribens, tradit non decere mysteria diuina sub sacris Litteris abscondita ad populares, & vulgares viros efferre, & eas ira peruias, & faciles clamare, ut omnium manibus terantur, Quid tandem (inquit) sibi voluit magnus ille Moses, qui non omnia, quæ erat in templo, passus sit omnibus esse peruia, sed prophanos extrà sacros cancellos statuit, ut cum stupore intuerentur Sancta sanctorum, probè sciens pro sua sapientia res vsu tritas, & vndecumq. parabiles expositas esse contemptui. Cæterum ei, quod sepositum est, quodq. rarum est, huic natura coniunctam esse summam admirationem, ac studium, ad eundem profectò modum, ut qui in primordiis Ecclesiæ certos ritus præscripserunt Apostoli, & Patres in occulto, silentioq. mysterijs suam seruare dignitatem, neque enim omnino mysterium est, quod ad populares, & vulgares aures esset, hætenus Basilius. Liqueat ex his, quæ de sacrarum Litterarum profunditate ex SS. Patribus adduximus, in illis interpretandis efficaci in primis oratione, ac precibus, nec non etiam diligenti studio planè opus esse, ac oportere in re tanti ponderis interpretem Apes imitari, quarum ministerio fauus ex melle, & cera fit ex rore floribus collecto, vel ut alij scribunt, apes arborum, herbarumq. floribus insidentes latentem ex his liquorem innocua depredatione trahere, & suauissimos mellis fauos inde confectos hominibus degustados tradere. Idemq. interpretes pro viribus obseruet necesse est in exponendis Reuelationibus Sanctæ Brigittæ, quippè cum inter cætera, quæ continent, quattuor potissimum sunt, ut ipsemet Christus Dominus

Bri-

Petrus Chrysologus.

Serm. Sermonum
12. Augustinus.

S. Chrysost.

S. Brigittæ
Reuelat. Ar-
gumentum.

Man. 2

Interpres nō
verborū or-
natam in his
Reuelationi-
bus exponē-
dis, sed verū
sensum, & v-
tilitatem qua-
rat.

Brigittæ indicauit Lib. 3. Reu. Cap. 11.
nempe, frigidos, & tepidos calefacere,
debiles, & imbecilles confirmare,
molestijs, curisq. afflictos consolari,
veram patientiam, ac Dei, & proxi-
mi dilectionem suadere. Idē cum ad
hæc alijs comunicanda, & ad alios
de his instruendos Doctor accesserit,
non Quintiliani scolulis laures de-
mulceat, nec Tullianæ eloquentiæ scho-
lam aperiat, & Rethorum coloribus,
ac figuris vtatur, non fucata, & inania
verba deponat, sed graui oratione
rem explicet illis verbis, qualia pium,
ac religiosum. Virum decent, vt ex his
Brigittæ floribus liquorem hauriat, &
mel dulcissimum conficiat, quod hu-
milibus, ac religiosis Viris gustandum
postea præbeat: quapropter pro viri-
bus curet interpret, vt Brigittæ Reuelat-
iones sic legentibus proponat, vt ex
earum lectione ipsi proficiant, & Chri-
stiana religio non conseruetur solum,
sed fides augeatur, charitas nutriatur,
spes exciteatur, Ecclesiastica præcepta
obseruentur, Ciuitates, & Regna pace
fruantur, peccata tollantur, pusillan-
tes roborentur, hoc enim Horum Li-
brorum argumentum peculiare est:
hæc sunt, de quibus in his Reuelat. Li-
bris tractantur, sic hic finis ab inter-
prete præcipuè intentus, vt quæ seria
bit, & quæ antè legentium oculos ponit,
id totum ad animos excitandos legnes
referat, & tēdio affectos graui sermone
subleuet. Summis sanè laudibus ornan-
disunt, qui in sacris Litteris, & Sancto-
rum etiam doctrinis explicandis labo-
rant, sed animaduerrant: necesse est
quod alia, atque omnino diuersa ratio
est Doctorum Virorum, qui res sacras
interpretantur, & de illis fideles in-
struunt, & Rethorum, ac declamato-
rum, qui suis sermonibus, ac inanibus
verbis hominum fauores, & populare
auram quærun, quod rectè admonuit
S. Prosper lib. 1. de Vita contemplatiua

Sacrorū Do-
ctorū, & Re-
thorū inferi-
bēdo diferi-
men.

S. Prosper.

capit. 24. quo loco luculenter ostē-
dit, qualis esse debeat sanctæ lectionis
Doctor: Rethores (inquit) elucu-
bratæ declamationis pompam totius
facundiæ viribus concupiscunt, ac Do-
ctores sacri sobrio, vtitatq. sermone
Christi Domini gloriam quærun, illi
rebus inanibus pretiosa verborum in-
duunt ornamenta, isti veracibus sen-
tentijs simplicia verba ordinant, &
commodant, illi affectant suorum sen-
suum deformitatem tamquam vela-
mine quodam phalerati sermonis ab-
scondere, isti eloquiorum suorum ru-
sticitatem student pretiosis sensibus ve-
nustari, illi plausibiliter dicunt, &
nihil auditoribus suis dicendo profici-
ciunt, isti vtitatis sermonibus docent,
suosq. imitatores instituant. Hactenus
Sanctus Prosper.

Sed videamus, qualis debeat esse
sacrarum rerum Concionator, & in-
terpres ex ipsismet verbis Christi Do-
mini ad B. Brigittam habitis Lib. 4. Re-
uelat. Cap. 129. paulo post med. Sit (in-
quit) prædicatio non de putridis Philo-
sophorum filis, & Rethoricorum curiose
eloquentium, sed de simplicitate ver-
borum, & humilitate operum, quia
simplex prædicatio verbi Dei est so-
nora, quasi æs in conspectu Dei, & for-
tis ad trahendum Deo peccatores, &
idē non per eloquentes magistros, sed
per humiles, & idiotas Ecclesia mea
initium habuit, & profecit: ex quibus
colligendum est, vti se gerere debeat
harum Reuelationum Sanctæ Brigi-
tæ interpret, ac lector, qui caueant
in primis in his vel exponendis, aut
etiam legendis, nē litteræ perpetuò affi-
deant, aut grammaticæ solum, & syl-
labis solis, ac dictionibus incumbant,
nam compertum est, quod hi, qui hæc
faciunt sine spiritu sanguis, aut potius
exanimis se ostendunt, & fructum nul-
lum, aut exiguum ex sacrarum re-
rum lectione hauriunt: nosse debent hi
pro-

progressum spiritualement, & animæ salutem, non in eloquentiæ splendore, aut sermonis venustate positam esse.

*Libri sacri
admodum
eiusmodi radi
style fuerat
scripti.*

Vnde turpiter errant, qui contemnunt, & irrident ea, quæ sanctè quidem, sed minùs politè, aut fecundè, vel dicuntur, vel scribuntur, horum enim prauus mos, & leuitas elati spiritus, arrogantisq. animi argumentum est euident, nam orationis ornatus in legendis Libris spiritualibus non requirendus est, sed ea, quæ ad spiritualement profectum, ac ad Dei amorem, & proximi alliciunt, & ad vitia fugienda compellunt, siuè culta, ornatatq. oratione, siuè simplicibus verbis enuncientur, aut scribantur, & cū reuerentia, & gratiarū actione illa excipiendū sūt, etenim Ethnici, qui vitæ sanctitatem, & morum integritatem non sectabantur, & Euangelicam humilitatem ignorabant eloquentiam, & verborum ornatum pluris faciebant, proinde Apost. Paulus Colossenses monuit, nè in sublimitate sermonum decipi paterentur, Hoc (inquit) dico, nemo vos decipiat in sublimitate sermonis: verborum namque lenocinia progressum spiritualement mirū in modum impediunt, ideo dum lectioni sacræ incumbimus, oculum intentionis nostræ simplicem habere debemus, ac in eo finis noster positus esse debet, vt Deo placeamus, & virtutem sanctæ humilitatis sectemur, & si quando superbi fuerimus, & sensum proprium sequemur, mel, quod ex sacrorum Librorum floribus salubriter exugere debueramus, cauendū, nè in venenum conuertatur. In sistendum ergo humiliter est Catholicæ fidei per omnia, & Sanctorum Patrum doctrinis firmiter adhaerendum. Sed audiamus Ludouicum Blossum hac de re egregiè verba facientem lib. 1. de Collyrio Hæreticorum cap. 3. Quemadmodum (inquit) insano, & amenti periculosus gladius est, eo enim se, aliosq.

chiff. 2.

*Indicimus
Blossus.*

facile vulnerat, ita qui prauæ curiositatis, insanæq. superbiæ vitio infectus est, sacras litteras tutè non legit, cum gladium spiritualement, non ea parere, quæ comprehendi debeat, arripiat, neque illum, sicut oportet, tractare sciat, est enim etiam veluti altum quoddam mare, siuè abyssus sacra Scriptura, cui, qui se sine humilitatis nauigio committit, vndosis fluctibus absorptus perit. Minùs periculi est in riuis, è mari fluentibus, hoc est in orthodoxorum, piorumq. Patrum scriptis non ita profundis: & paulò post subdit, His, qui sacras litteras absque periculo legere volunt, omninò necessaria est recta, puraque intentio, ac opus est, vt ceruicem ad pedes Matris Ecclesiæ humiliter submittant, eique in omnibus credant, & obtemperent.

*Sacras litte-
ras legenti-
bus humili-
tas, & recta
intentio ne-
cessaria est.*

Et quidem hi, qui in suis scriptis, concionibus eloquentissimis, & multorum annorum lecturis non Dei gloriam, non Christianæ disciplinæ profectus, non animarum salutem, sed honorem proprium, & populorum acclamationes quaesierunt, audient profectò, Recipistis mercedem vestram: quantò stupore, ac mœrore replebuntur, cum suarum actionum reddituri sunt rationem, videntes tot exantlatos labores, quos ad plausum, & hominum laudes sibi comparandas direxerunt, à Iudice cum indignatione reijci, & sine præmio relinqui, dicam ampliùs, & poenis etiam acerbis puniri, quocircà prædicationes, sermones, scripta, & monita ad finem rectum dirigenda sunt, qui Deus est, à quo nostrarum actionum initium sumendum est, quis enim audeat de Deo, sine Deo dicere, quis de rebus diuinis, sine ope diuina tractare? Quamobrem sinè meditatione, sinè diuini auxilij imploratione, sinè precibus ad Deum adhibitis, interpretandi res sacras prouinciam Christianus

Prædicationes, & scripta ad Deum dirigenda, & audiopreces adiungendæ.

Theologus non aggrediatur, precibus studium adiungat, & piorum, & doctissimorum hominum consilium, quoties opus fuerit, adhibeat, ne in varios errores incidat, ut ea, qua decet reuerentia illas exponat, & cum auditorum, & lectorum fructu, aut loquatur, aut scribat.

Sanè non pauci nostri temporis Scriptores in his labuntur erroribus, qui dum res sacras exponere cõtendunt, tot, tantisq. verborum velis, ac integumentis eas inuoluunt, totq. interdum longissimis, ac crebris digressionibus utuntur, ut viri doctissimi habeantur, unde fit ut quæ clara, aperta, sunt, obscura plerumq. reddant, & prauis hominibus non recte illas intelligendi aliquando animi præbeant, quos merito Christus Dominus meretricibus, ac vini potatoribus similes facit Lib. 6. Reuelat. Cap. 15. & Lib. 3. Interrog. 7. in Responso. ad Quæst. 4. de his verba faciens, dicit, Omnis, qui gratiam intellectus habet, timeat, ne grauius, si negligens fuerit, iudicetur, & causam reddens subdit, Quia nec gloria fuerunt scientiæ datorem, ut debuerunt, nec sunt imitati, quæ sciuerunt, & docuerunt, nec sibi, nec alijs didicerunt, & sunt (scribit S. Isidor. lib. 3. de summo Bono cap. 41.) qui in verbo doctrinæ non humiles, sed arrogantes existunt, qui & ipsa recta, quæ prædicant, non studio cõtrectiõis, sed vitio elationis annunciant, qui non ex consilio edificant, sed ex rumore superbiendi docent, nec vt prosint sapientes sunt, sed vt sapientes videantur, docere student.

Illud præterea maxime interpreti cordi esse debet, in quo potissimum laborandum est, ut ea, quorum interpretandi suscepit prouinciam, perspicua sint, & legentibus aperte proponant, ne, ut dici solet, interpres egeat interprete: hæc autem perspicuitas in nominum, & verborum proprietate sita est, & quod magis proprijs utitur verbis, cõ magis su-

spicionem ostentationis effugiet, ac ad faciliorem intelligentiam rerum, quas interpretatur, Lectores adducere propria namq. verba ea esse censenda, quæ communi vsu recepta sunt, & rerum propriam significationem præferunt, quod præcipue in rebus sacris, ac in doctrinæ fidei mysterijs exponendis obseruandum est, ne aduersarij ad prauum sensum ea accipiendi, interpretandiq. inde ansam sumant, & hinc fit, quod interpretis officium peculiare illud esse debet, veritatem nimirum mysteriorum Dei simpliciter aperire, sensus absconditos ex sacris libris haurire, ad Christianam sapientiam, ac religionem Lectores allicere, veritatis cognitione hominum animos nutrire, & Christi Seruatoris Nostri sanguine redemptas animas ad æternam illam gloriã dirigere, quod illi facile succeder, si in his Reuel. Libris interpretandis demonstrabit, veram felicitatem, non in voluptate, non in scientia, non in proprijs virtutibus, non in honoribus, non in diuitijs, quæ porcorum syliq. appellantur Lib. 4. Reuelat. Cap. 1. positam esse, sed in æterna illa fruitione, ac Dei Visione. In harum quoque Reuelationum interprete religio, modestia, humilitas, ac diligentia requiritur, ita vt non vir magnus, & omniscius haberi cupiat, sed perspicuus, & pius interpres, sitq. in sanctorum Patrum doctrinis non medioeriter versatus, & tandem sic se gerat, vt agnoscatur tamquam instrumentum a Deo datum, tum ad explicandos hos Reuelationum Libros, tum etiam ad alios vtiliter docendos. Hanc ob causam Nos, qui de diuinis Visionibus, & arcanis celestibus tractauimus, vt constare cuiq. possit, fuisse memores illius, quod Sapientis Prouerbiõ. 3. scribitur reliquit, Ne innicaris prudentiæ tuæ, in illis exponendis, non visiones cordis nostri proposuisse, neque propriam, aut vnus, vel alterius tantum sententiã secutos fuisse,

Officium interpretis facere quid.

S. Isidor.

fuisse, vt de Nobis illud dici minimò
 queat, quòd de eo, qui sibi sapiens videri
 prout. 26. voluit Prouerb. 26. Vidisti hominem
 sapientem sibi videri, magis illo spem
 habebit insipiens: proinde Catholicorum
 Doctorum, & Sanctorum Patrum
 interpretationibus, ac sententijs innixi,
 à decretis, & ordinationibus sanctæ Ma-
 tris Ecclesiæ, quæ basis est, & columna
 veritatis, vlla ratione recedere, & abesse
 profiteremur, etiam si millies sanguinem
 effundere, immò & mortem ipsam sub-
 bire oporteret.

Porrò si Catholicorum Doctorum
 mores, & vestigia in rebus sacris inter-
 pretandis sequi volumus, & eorum iux-
 tà antiquorū Ecclesiæ Patrum sensum
 inuenire cupimus, fabros cémentarios,
 seu etiam lignarios imitari oportet, qui
 incomptos, & horribiles lapides, aut
 ligna nodos habentia prius ferro dolâr,
 & postmodum expolita, & elaborata in
 ædificio ponunt, ità pro viribus pius, &
 Christianus Doctor curare debet, vt &
 difficiliorum locorum prius nodos au-
 ferat, & quæ obscura sunt clara, aper-
 taq; reddat, & subinde minùs peritus ad
 diuinorum mysteriorum intelligentiã
 viam aperiat. Quòd si quando contin-
 gat, eum latentes, & absconditos sensus
 non posse assequi, non propterea statim
 susceptam prouinciã deserat, sed pre-
 cibus, ieiunijsq; à Deo enixè petat, vt illi
 sensum secretorum absconditorum pa-
 refaciat: & quidem sacrarum rerum no-
 titia, & diuinorum secretorum cogni-
 tio, & præcipue eorum, quæ in sacris
 Litteris continentur à Deo petenda est,
 & quàm Propheta Regius postulabat
 Psalm. 118. Reuela oculos meos, & con-
 siderabo mirabilia de lege tuâ. Da mihi
 intellectum, & scrutabor legem tuam:
 atque hinc est, quòd ad horum B. Brigit-
 æ Librorum intelligentiam valde etiã
 conferat vitæ probitas, & morum inte-
 gritas, idcirco religiosus interpres, ac
 Lector, cordis puritatem, ac vitæ sancti-

tatem prius quærat, vt in sanctarū Scri-
 pturarum lectione proficere queat.
 Animalis enim homo non percipit ea,
 quæ spiritus Dei sunt, scribit Apostolus
 1. Corinth. 2. merito Dionys. Carthus. 1. Cor. 2.
 sianus Tract. de Discernendis spiritibus
 art. 5. scriptum reliquit, Neminem
 posse alium edocere spiritualem cōuer-
 sationem, & exercitationem internam,
 vitam monasticam, spiritualem militiã,
 nisi sit homo verè spiritualis in interna
 exercitatione, & pugna spirituali, in-
 conuersatione virtuosa, & mortificatio-
 ne viuifica tritus, & expertus, quæ om-
 nia potest pius Doctor in sacra Scriptu-
 ra inuenire, quæ, teste Greg. Magn. lib. 2.
 Moral. cap. 1. veluti clarissimum specu-
 lum est, in quo & ipsum Deum, & mi-
 rabilia Dei opera possumus intueri, &
 ipsum cognoscere, & cognoscendo dili-
 gere, & diligendo illi seruire, & actio-
 nes nostras secundum illius regulas, &
 ordinationes instituere, In hoc speculo
 (scribit S. Greg.) nostra facies interna
 videtur, ibi fœda, ibi pulchra nostra co-
 gnoscimus, ibi sentimus quantum profi-
 cimus, ibi à profectu quàm longè dista-
 mus. Libet ad rem hic asserre probatissi-
 mi Doctoris Hugonis Victorini verba,
 qui lib. de Inst. nouit. cap. 8. eos
 alloquens, Vos (inquit) fratres, qui
 scholam disciplinæ iam intrastis, in
 diuina locutione prius debetis quærere,
 quid mores vestros instituat ad virtutē,
 quàm quod sensum acuat ad subtili-
 tatem, magisq; velle informari præcep-
 tis scripturarum, quàm quæstionibus
 impediri, cum igitur scripturas diuinas
 legite, solerter perpendite, quid ibi di-
 ctum sit ad excitandum in vobis Dei
 amorem, quid ad contemptum sæculi,
 quid ad cauendas insidias inimici, quid
 ad bonos affectus nutriendos, & praua
 desideria extinguenda valeat, & quid
 citius cor per compunctionis ardorem
 accendat, quid disciplinam in opere,
 quid humilitatem in cognitione, quid

Greg. Magn.

Sacra Scri-
 ptura scrutan-
 das, & vili-
 tias.

Hugo Victor.

Psalm. 118.
 v. 18.

patientiam in aduersis habere, doceat esse circumspēctum: hoc modo lecta, scriptura intelligentiam confert salutarem, & hoc est studium, quod decet habere Catholicum Doctorem, & B. Brigittæ Reuelationum verum explanatorem, & Lectorem, in quibus, etsi multa sunt, quæ captum nostrum excedunt, inueniet tamen Lector diuino illustratus lumine, eas non sub varijs Rerhorū figuris, & eloquentiæ splendore, aut sublimi verborū apparatu fuisse scriptas, sed sub humili, ac pio sermonis contextu, diuinæ sapientiæ thesaurum in eis esse reconditum. Si libri nostri (verba sunt Origenis lib. 4. Periarchon cap. 1.) arte Rerhorica, vel Philosophica calliditate conscripti ad credendum allicerent homines, sine dubio fides nostra putaretur in verborum arte consistere, atque in humana sapientia, & nō in virtute Dei.

Atque ex his nequaquam colligendum est, ad diuinorum mysteriorum, noticiam naturalium rerum cognitionē minimē esse proficuum, quam etiam ad sacrarum Litterarum intelligentiā maximē conferre tradit S. Augustin. lib. 2. de Doctrina Christiana cap. 16. quod & Apostolus Paulus monuit Rom. 1. Inuisibilia (inquit) ipsius à creatura mundi per ea, quæ facta sunt intellecta conspiciuntur.

Neque etiam reiiciendos esse quispiā indē deducat Cōmentarios in sacram Scripturam à torvis sanctitate, ac doctrina illustribus elaboratos, qui cognitioni eorum, quæ in ea traduntur, viam parauerunt, proindē hi, qui tantopere laborarunt pluri faciendi, æstimandique sunt, & illi potissimum, qui non intellectum solum, sed & voluntatem diuini verbi interpretatione pascere studuerunt, & cordis puritatem cum scientia coniunxerunt, & verumq. scriptis suis quærendum esse tradiderunt. Constantier ergo asserendum est, inter-

pretum studium necessarium esse, quod ex Doctore Gentium Paulo probatur, nam inter cæteras gratias gratis datas, quarum ille 2. Corinth. 12. meminit, Sermonum interpretationem ponit, quod ut palam fiat, & ea, quæ de interpretis studio, ac sollicitudine in præfenti Capite proponuntur, innotescant, animaduertendum est, hanc sermonum interpretationem in duplici sensu accipi posse, sunt qui censent, eam ad verborum datam esse significationem tantum, alij verò ad mysteriorum, quæ in verbis latent cognitionem, & explanationem: & quidem quantum spectat ad primum sensum, affirmari potest, quod interpretari sermonem, est verborum vnius idiomatis alterius idiomate sensum aperire, & exponere, quod fecerunt Septuaginta Interpretes, qui ex lingua Hebræa in linguam Græcam Vetus Testamentum transtulerunt, Secundus verò interpretandi modus, ut alij scribunt, non in verborum idiomate positus est, sed ad propalanda mysteria, ac manifestanda ea, quæ in verbis abscondita sunt, datus est. Verum Sanctus Hieronymus ad Desiderium in Prologo ad Pentatheucum, sermonum interpretationem, quæ connotat translationem ex vna lingua in aliam, vocat linguarum interpretationem, & indicat cum dono linguarum coincidere, quod etiam Apostolus loco citato inter gratias gratis datas collocat. Alteram interpretationem sermonum appellat eā Sanctus Hieronymus, quæ sita est in declaratione alicuius obsecuri, & æigmati sermonis, & in hoc secundo sensu Apostoli, & Doctores glossatores, ac etiam Prophetæ vocari possunt interpretes, quippe qui diuino lumine illustrati interpretati sunt, & aperuerunt abscondita Visionum, ac sacrarum Litterarum occulta mysteria, atque hinc est, quod S. Thom. 2. 2. q. 176. art. 2.

Sermonum interpretationem ad donū pro-

Origen.

S. Augustin.

Rom. 1.

Interpretatio sermonis quid sit.

S. Hieron.

2. Thom.

prophetiæ reducit, quatenus mens illustratur ad intelligenda, & exponenda quæcumq; in sermonibus obscura sunt, siue propter rerum significationem, siue propter ipsas voces, quæ proferuntur, siue ob rerum similitudines adhibitas: sed quidquid sit, negandū non est, hanc sermonum interpretationem in Ecclesia necessariam extitisse, & Pastoribus, ac Doctoribus, alijsq; pluribus fuisse cōcessam, per quam ad ædificationem, & eruditionem fidelium recondita, & abdita mysteria illa aperirent, & quam ad ea intelligenda, quæ in his Sanctæ Brigittæ Reuelat. Libris traduntur necessariam esse censendum est, cum sub varijs similitudinibus, ac rerum simulacris proponantur. Propterea duplex studium ab interprete, & Lectore adhibendum est pro comparanda harum Visionum intelligentia, & fructu ab eis percipiendo, primum quidem, ut Visionum historiam diligenter inspiciant, & ex illius contextu rerum species, & ideas veras colligant. Alterum est, quod illarum specierum, seu idearum significationes, & cognitionem pro viribus quærant, utrumq; assequi, & si difficile est, difficilius tamen longè est, mysteriorum diuinorum latentia, & abscondita arcana nancisci, consequi, & explicare, quod, ut toties à Nobis dictū est, absque supernaturali lumine id fieri nequit. Mysterium (inquit Daniel cap. 2. suarum Reuelat.) quod Rex interrogat, Sapientes, Magi, Arioli, Aruspices nequeunt indicare Regi, sed Deus reuelat mysteria in cælis, quod etiam admonuit S. Basilius de Spiritu sancto capit. 16. Qui, ait, mysteria Visionis vir desideriorū annūciare iussus est, vnde adeptus est sapientiam, ut docere posset occulta? nisi per Spiritum sanctum, cū mysteriorū Reuelatio peculiariter ad Spiritū sanctum pertineat, sed quoniam, quæ in his Reuelat. Libris scribuntur, quædam sunt, quæ ad historiam spectant, quædam,

quæ ad instructionem tam spiritualis, quam temporalis regiminis, quædam; quæ ad peccata vitanda, quædam quæ ad vitam rectè, probèq; instituendam, mōresq; componendos, alia quæ ad Dei amorem in nobis excitandum, quædam etiam, quæ ad prophetiam pertinent, nam aliquando in illis legimus, quod res quædam gestæ narrantur, quædam verò quod gerendæ prædicuntur, idè opus est, ut Lector, & interpret omnia hæc diligenter, & accuratè perpendat, ut & ad ea intelligenda, ac alijs ea communicanda faciliorem sibi adiutum, & viam aperiat, propterea studiosè noceat, quando Brigitta Ecclesiasticos Præsules monet, ut sese quales esse debent exhibeant, quando Reges, cæterosq; sæculares Principes hortatur, ut suos subditos iuxta Christianæ disciplinæ instituta gubernent, quando sermones suos ad Sacerdotes conuertit, quos graui sæpè oratione suadet, ut populos in fide instruat, verbo, & exemplo pascant, ad virtutes alliciant, & vitia fugiant: animaduertat etiam, quod sub diuersis rerum similitudinibus more Prophetarum plura tradit, quæ antè oculos ponit, ut hominum cordibus firmius hæreant, quod, & Pictores faciunt, qui arte imitabuntur naturam, & coloribus colores miscentes visibiles corporū referunt imagines, & antè oculos ponunt homines, & arbores, folia, fructus, & cæpos varijs floribus redundantes, pugnas, & rixas, lanceas, loricas, & scuta, ac milites pugnantes. Quamobrè merito S. Chrys. scriptū reliquit hom. 2. *S. Chrys. 98.* In Ezechielem, exponens illa verba, Factum est anno, quo mortuus est Rex Ozias, apud Prophetas fuisse in more positum, ut veluti Pictores sub varijs imaginibus antè oculos nostros ponant vitia, & virtutes, quod & B. Brigitta in suis Reuelat. Libris præstitit, describit enim aliquando peccatorem penitentem, aliquando cadentem, surgentem,

Sermonis interpretatio in Ecclesia necessaria.

Duplex Ratio interpretatiōis necessaria in exponendis his Reuelationibus.

Dux. 2.

S. Basil.

tem, titubantem, Deum seruos suos fauoribus, & gratijs replentem, amicos exalantem, iniquos punientem, malos Principes deprimentem.

Postremò harum Reuelationum Lectorem, & Interpretem scire oportet Visionum, ac Apparitionum genera, & differentias, raptus, extasis, & mentis excessus essentiam, de quibus quoniam superioribus Capitulis huius Nostri Tractatus fusè egimus, illa minimè hic esse reperenda censuimus: & ne nimia prolixitate Lectori fastidium pariant, quæ de illis hæcenus scripsimus, retrahendum esse calamum duximus, & ceptæ nauigationis cursum sistimus. Interim autem, dum vela complicantur, illud à legentibus exigere arbitrari sumus, ut hos quoscumque labores nostros hilari vulu, latoq. ani-


mò excipiant, boniq. consulant, quod ut speramus præstabunt, in Domino cōfidentes, aliquos saltem rudiores, & in via spiritus minùs exercitatos ex hoc nostro labore vtilitatem percipientes, in quo sanè non aliud quæsiuissè testamur, nisi ut pro Domini honore talento Nobis credito negotiemur, & aliquem in proximo fructum consequamur.


Verum si eorum desiderio, qui à Nobis hunc Tractatum ex- postularunt, vel in minimo satisfacimus, benedictus

Deus, sin minùs etiam benedictus, cui honor, & gloria in sæcula sæculorum.

Amen.









INCIPIT PRIMVS LIBER
REVELATIONVM
CAELESTIVM
SANCTAE BRIGITTAE
DE SVETIA

VERBA DOMINI NOSTRI IESV CHRISTI
AD SVAM ELEGTAM SPONSAM
DILECTISSIMAM.

De certificatione suæ excellentissimæ Incarnationis; & de im-
probatione prophanationis, & fractionis fidei nostræ,
& baptismi; & qualiter ad sui dilectionem inuitat
præfatam dilectam sponsam.

CAPVT PRIMVM.



EGO sum Creator
cæli & terræ, vnus
in Deitate cum Pa-
tre & Spiritu sancto.
Ego sum qui Pro-
phetis, & Patriarchis
loquebar, & quem
ipsi expectabant. Ob quorum desiderium
& iuxta promissionem meam, assumpsi
carnem sine peccato & concupiscentia,
1 ingrediens viscera Virginea, tanquam
Sol splendens per lapidem mundissi-
mum. Quia sicut Sol vitrum ingredien-

do non lædit, sic nec virginitas Virgi-
nis in assumptione humanitatis meæ
corrupta est. Ego autem sic assumpsi
carnem, vt non dereliquerem Deita-
tem. Et non minor eram in Deitate,
cum Patre, & Spiritu sancto omnia re-
gens, & implens, licet in utero Virginis
essem cum humanitate. 2 Quia sicut
splendor nunquam separatur ab igne, sic
Deitas mea nunquam ab humanitate
separata est, nec in morte. Deinde cor-
pus ipsum mūdissimum à peccato pro-
peccatis omnium à planta pedis vsque

1
var.
lect.

A ad

ad verticem, lacerari volui & cruci affigi. Hoc etiam quotidie nunc in altari immolatur, vt tanto amplius me homo diligeret, & frequentius bene facia mea recoleret. Sed nunc ex toto oblitus, & neglectus sum, & contemptus, & tanquam Rex à proprio regno expulsus. In cuius loco latro pessimus electus est, & honoratus. 3 In homine denique regnum meum esse volui, vt super eum de iure Rex, & Dominus esse deberem, quia feci eum & redemi. Sed nunc fregit, & prophanauit fidem, quam mihi promisit in baptismo, violauit & spreuit leges meas, quas ei proposui. Diligit voluntatem propriam, & me audire contemnit. 4 Insuper & pessimum latronem diabolum super me exaltat, & ei fidem suam dedit. Qui verè latro est, quia animam hominis, quam sanguine meo redemi, ipse mala suggerendo, & falsa pollicitando ad se rapit. 5 Nec ideo rapit, quasi quod potentior me sit, cum ita sim potens, vt omnia possim verbo, ita iustus, vt nec minimum quid etiam si omnes Sancti rogarent me, facerem contra iustitiam. Sed quia homo cui liberum arbitrium est datum voluntarie mandatis meis contemptis consentit diabolo, ideo iustum est, vt homo tyrannidē eius experiat. 6 Quia ipse diabolus à me bonus factus, sed mala voluntate sua corruens quasi seruus meus est ad vindictam malorum. Sed licet modo ita despectus sum, tamē ita misericors sum, vt quicumque misericordiam meā petierint, & se humiliauerint, indulgeo eis quod commiserant, & ab iniquo latrone liberabo eos. Qui autem in contemptu meo perstiterint, visitabo super eos iustitiam meam, ita vt audientes contremiscent,

7 & qui experientur dicent, vā quia vquam Dominum maiestatis prouocauimus ad iram. Tu autem filia mea quam 8 elegi mihi, & cum qua spiritu meo loquor, dilige me toto corde. Nō sicut filium & filiam, seu parentes, sed plus quam aliquid in mundo. Quia ego qui creauit te, nulli membro meo peperci ad supplicium pro te. Et adhuc sic charitatiuē diligo animam tuam, vt antequam ea carerem, adhuc iterum si possibile esset pro ea cruci affigerer. Imitare humilitatem meā, quia ego Rex gloriæ & Angelorum, pannis vilibus indutus fui, ad columinam nudus stabā, omnia opprobria, & derisiones audiui auribus meis. Præpone etiam voluntatem meam voluntati tuæ, quia Mater mea Dominā tua, à principio vsque ad finem nunquam aliud voluit, nisi quod ego. Si hæc feceris, tunc cor tuum erit in corde meo, & inflamabitur dilectione mea, quemadmodum aridum aliquid faciliē inflammatur ab igne, sic anima tua implebitur à me, & ego ero in te, ita vt omnia temporalia fient tibi amara, omnis voluptas carnis quasi venenum. Requiesces in brachio Deitatis meæ, vbi nulla voluptas carnis, sed gaudium, & delectatio spiritus. Quia anima delectata, interius & exterius plena est gaudio. Nec aliquid cogitat, vel cupit, nisi gaudium quod habet. Dilige ergo me solum, & omnia habebis, quæ velis, & abundabis. Nunquid non scriptum est, quod oleum vidualū non defecit, vsquequo Dominus dedit pluuiam super terram, iuxta verbum Prophetæ. Ego sum verus Prophetæ, si verbis meis credideris, & compleueris ea, oleum & gaudium, & exultatio tibi nō deficient vsque in sempiternum.





CONSALVI DV RANTI EPISCOPI FERETRANI

NOTAE, ET VARIAE LECTIONES
Ad Librum Primum Cælestium Reuelationum
Sanctæ Brigittæ.

CAPVT PRIMVM.

*In impressis exemplaribus desideratur titulus Libri, qui in Farnesiano
Codice manuscripto sic habetur.*

Ad honorem summi Patris, eiusdemq. Filij, & Spiritus
sancti, atque Matris.

Incipit Liber Cælestium Reuelationum, & secretorum Dei
melliflui amoris, & miræ dulcedinis ad filiam eius
electam, & sponfam dulcissimam.



INGREDIENS
viscera virginea tan-
quam Sol splendens
per lapidem mun-
dissimum.

*Sic habent omnes im-
pressi Codices, sed om-
nino legendum esse arbitror (Sol splendens per
vitrum mundissimum) sic enim infra legi-
mus hoc eodem Capite ibi, quia sicut Sol
vitrum ingrediendo non ledit, sic nec Virgi-
nitas Virginis in Assumptione humanitatis
mea corrupta est) eandem lectionem habet
M. S. Farnesianus, & probant plures ex
sanctis Patribus, qui re Christi Domini de
virginali Thalamo egressum (ipsa Maria*

*integra, & intacta remanente) explicarent:
hac in specie similitudine vsi sunt D. Basilius
Concione in sanctam Christi Natiuitatem
circa finem, Amadeus Hom. 2. de B. Virgine
egregie propositam similitudinem declarat, ut
(inquit) claritas Solis vitrum absque lesione
penetrat, ut radius oculorum tranquillo, &
claro liquori sine scissione, & diuisione immer-
gitur, ut vsque ad fundum vniuersa rimetur,
sic Dei Verbum adijt Virgineum habitacu-
lum, & indè prodijt clauso Virginis utero:
idem annotauit Canisius lib 4. de B. Virgine
cap. 9. Caterum sunt, qui modum Virginis
partus pluribus alijs similitudinibus expri-
mere conati sunt, & primum exemplo solaris ra-
dij, vel fructus, aut etiam floris emanantis*

ab arbore, quorum alter à Sole, alter ab Arbore absq. leſione emanat: ſic tradit D. Cyprianus Orat. de Chriſti Natiuit. aliquanto poſt initium, Vltro (ait) maturus ab Arbore baiula fructus elapſus eſt, nec oportuit vellicari, quod ſpontè prodibat. Hoc etiam indicarunt Tertullianus lib. 5. contra Marcionem cap. 8. & cōtra Iudeos cap. 9. D. Hieronymus Iſaie 11. ad ea verba egredietur virgā de radice Ieſſe, & ſſos de radice eius aſcendet, Leo Pontifex ſerm. 4. de Natiuit. D. Ambroſ. de benediſt. Patriarch. cap. 4. & lib. 2. de Spiritu ſancto cap. 5. Rupert. Abbas lib. 2. ſuper Iſaia c. 6. & lib. 1. de viſit. verbi cap. 8. Lyranus & Gloſſ. Interlinearis in citatum locum Iſaie. eadem quoque veritas ſimilitudine odoris à Roſa emanantis oſtenditur ſerm. de Virgin. excellentia, qui in fine huius libri Reuelat. poſitus eſt Cap. 15. his verbis, veluti ex Roſa odoris ſuauiſſitas effunditur, ita verbum ex vtero Virginis exiit virginali gloria in Matre integra remanente.

2. Quia ſicut ſplendor nunquam ſeparatur ab igne, ſic Deitas mea nunquā ab humanitate ſeparata eſt, nec in morte.

In Chriſti Domini Seruatoris noſtri morte ſeparata quidem eſt anima à corpore, non vero à Diuinitate, nec corpus, nec anima, ut verba præſentis notæ indicant ibi (Deitas mea nunquā ab humanitate ſeparata eſt) ubi per humanitatem vtrumq. intelligas corpus ſcilicet, & animam. Sed ut hæc euidentiōra ſiant ſciendum eſt, quod ſi humanitas hoc loco ſumatur pro anima, & corpore actū unitis, dico ab utroque quatenus unita erant, fuiſſe Deitatem ſeparatam, ut egregiè admonuerunt Duran. in 3. 5. diſtin. 21. q. 1. & Franciſcus Suarez ſuper 3. p. S. Thom. q. 50. diſput. 38. ſect. 2. & ratio eſt, quia huiusmodi humanitas, ſic conſiderata, deſit eſſe in morte Chriſti, in qua tunc anima realiter fuit ſeparata à corpore, & verè Chriſtus mortuus eſt; at ſi per humanitatem ſumamus corpus, & animam, præſcindendo ab actuali unionione, veriſſimum eſſe arbitror, quod ſcribitur hic, Deitatem ab humanitate non fuiſſe ſeiunctā, quia in illo triduo mortis Chriſti

diuinitas unita fuit corpori in ſepulchro exiſtenti, & anime ad inferos deſcendenti: quod etiam probat communiter ſchola Theologorum cum Magiſtro in 3. ſent. diſt. 21. D. Thom. 3. par. q. 50. art. 2. & 3. S. Damascen. lib. 3. de fide cap. 27. D. Athanaſ. de Incarnation. D. Gregorius Nyſſenus Orat. 1. de Reſurreſt. D. Auguſtin. tract. 47. in Ioan. & patet ex illo communi Axiomate, quod Deus aſſumptis nunquam dimiſit.

3. In homine deniq. Regnum meum eſſe volui, ut ſuper eum de iure Rex, & Dominus eſſe deberem.

Sermo ſit hoc loco de ſpirituſuali Regno, cuius ipſe Chriſtus iure creationis, & redēptionis Rex, & Dominus eſt, & cum legimus hic eum ſuum in homine poſuiſſe regnum, intelligere poſſumus nomine regni, vel ipſummet Chriſtum in fidelium cordibus regnantem, ſecundam quem ſenſum Beda explicat illud Lucæ 17. Regnum Dei intra vos eſt: vel etiam Euangelij prædicationem, ſcripturarum notiā, aut fidem, & charitatem hominibus à Chriſto collatam, quæ interpretatio aperte colligitur ex ſequentibus verbis ibi, (ſed nunc fregit fidē, & violauit, & ſpreuit leges meas, diligit voluntatē propriā, &c.) hæc autem in ſacris litteris per regnum celorum ſignificari tradunt D. Hieron. Matth. 26. 21. & 13. D. Gregor. Hom. 12. D. Ambroſ. ſup. Lucā c. 13. Lyran. in Matth. c. 10.

4. Inſuper, & peſſimum latronem Diabolum ſuper me exaltat.

Optimè hic ſur, & latro Damō appellatur, non ſolum, quia hominum animas Chriſti Domini ſanguine redemptas ſibi rapere ſtudet, ſed etiā quia quicquid boni eſt in illis radicatus euellere, ac funditus extirpare conatur, & quemadmodū latronum Duces, ceteriq. ſures emēſitis veſtibus noctis etiā tempore, ut plurimum incedunt: ita proſus Demon latronū magiſter, ac princeps, ſepè in Angelum lucis ſe tranſfigurans, tunc temporis ad hominem depradandum accedit, quando huius ſæculi caligine eum detineri conſectat: ſicq. furari nitiur, ut omnibus bonis deſertam, ac tuā tuam animam relinquat: quam ob cauſam ille

hoc

hoc loco & à Patribus etiam latro appellatur. sic D. Greg. 14. Moral. c. 18. Orig. Hom. 3. 4. super Lucam, & super Mattheum cap. 13. Tertull. aduers. Marcionem lib. 4. Ambros. super Lucam cap. 10.

5 Nec ideo rapit quasi quod potentior
var. me sit.
lea.

M. S. Farnesianus habet (Nec ideo rapit, quia potentior me sit.)

6 Quia ipse Diabolus à me bonus factus est.

Diabolum natura sua à Deo bonum factum esse, certa fide credendum est: fuit error Manichaeorum, qui asseruerunt aliquas creaturas natura sua malas extitisse, & à malo principio conditas fuisse, sed de Demonibus in specie, quod natura sua mali non fuerint definitum est in capit. firmiter, de summa Trinit. & fide Cathol. & in Concil. Bracharen. 1. Can. 7. ubi expressè docetur, Demonem natura sua bonum esse, & à bono extitisse conditore: & malum factum esse per actum propriae voluntatis: ut legimus hic, idem patet Genesis 1. cum dicitur: vidit Deus cuncta quae fecerat, & erant valde bona, & Ezech. 28. In delicijs Paradisi fuisti, & probat hoc Origenes Homil. 1. in Ezechielem, & Magister in 2. distin. 3. D. Thom. 1. par. q. 63. art. 4. & 5. sed de eadem re egimus infra lib. 4. Reuelat. Cap. 88. nota prima.

7 Et qui experiètur, dicent vè, quia vnam Dominum prouocauimus ad iram.

Manuscriptus Farnesianus praesentem locum sic restituit (Et qui experientur, dicent vè, quia vnam nati, & concepti fuimus, vè, quia Dominum prouocauimus ad iram.)

8 Et cum qua spiritu meo loquor.

Per internam scilicet inspirationem, vel illuminationem; aut etiam in aere formando sonos, vel voces aliquas significatiuas, quibus Christus suos conceptus B. Brigitta communicare poterat, quia de re legendus est Diuus Gregor. 28. Moral. cap. 2. D. Bernard. serm. 32. in Cant. egregiè etiam hoc idem explicat Durand. in 2. dist. 11. q. 2. & dist. 7. q. 3. & nos latissimè in tractatu de Visionibus & Reuelat. Cap. 8.

VERBA DOMINI NOSTRI IESV Christi ad filiam in sponfam iam sibi assumptam de verè fidei articulis, Et quæ sunt ornamenta, & signa, & voluntas, quæ sponsa respectu sponsi debeat habere.

CAP. II.



1
var. lect. EGO sum Creator cæli, & & terræ, maris, & omnium quæ in eis sunt. 1 Ego sum vnus cum Patre, & Spiritu sancto non sicut dii lapidei, vel aurei, ut olim dicebatur, nec plures, ut tunc putabatur, sed vnus Deus Pater, & Filius, & Spiritus sanctus, trinus in personis, vnus in substantia. Omnia creans, & à nullo creatus, immutabilis, & omnipotens, manens sine principio, & sine fine. 2 Ego sum, qui de Virgine natus sum non amittens Deitatem, sed eam associans humanitati, 3 ut in vna persona essem verus Filius Dei, & Filius Virginis. Ego sum qui in cruce pependi, & mortuus fui, & sepultus, Deitate illa permanente. Quia licet ex humanitate, & carne, quam ego solus filius assumpsi mortuus fui, tamen in Deitate, qua cum Patre, & Spiritu sancto vnus eram Deus, vivebam. Ego idem ipse sum, qui surrexi a mortuis, & ascendi in cælum, qui, & nunc cum spiritu meo loquor tecum. 4 Ego elegi te, & assumpsi te mihi in sponfam, ut ostendam tibi secreta mea, quia mihi sic placet. Tu etiam quodam iure facta es mea, cum in morte mariti tui, voluntatem tuam in manus meas assignasti. Cum etiam eo defuncto cogitasti, & rogasti, quomodo pauper pro me esse posses. Et voluisti omnia pro me relinquere, & ideo de iure facta es mea. Er oportuit me pro tanta charitate tibi prouidere. Propterea assumo te mihi in sponfam, & in meam

A 3 pro-

propriam delectationem, qualē Deum decet habere cum anima casta. Ad sponſam ergo pertinet paratam eſſe, quando ſponſus voluerit nuptias facere, vt ſit ornata decenter, & munda. Tunc bene mundaris, ſi cogitatio tua ſit ſemper circa peccata tua. Quomodo te in baptiſmo de peccato Adā mūdauī. Quotiens in peccata lapſam te ſupportauī, & ſuſtinuī. Debet etiam ſponſam habere ſigna ſponſi ſui in peſtore, hoc eſt attendere beneficia, & opera, quae pro te feci, ſcilicet quam nobiliter te creauī, tibi dando corpus, & animam. Quam nobiliter te dotaui, dando ſanitatem & temporalia. Quam dulciter te reduxi, cum pro te mortuus ſui, & hæreditatem tibi reſtitui, ſi volueris habere. Sponſa debet etiam facere voluntatem ſponſi. Quae eſt voluntas mea, niſi quod velis diligere me ſuper omnia, & nihil velle aliud niſi me. Ego creauī omnia propter hominem, & ſubieci ei omnia, ſed ipſe omnia diligit præter me, & nihil niſi me odit. ⁵ Ego ei iterum emī hæreditatem ſuam, quā perdidit, ſed ſic alienatus eſt, & auerſus à ratione, vt magis velit honorem iſtum tranſitorium, qui nō eſt niſi ſpuma maris, aſcendens quaſi Mons in momento, & citius in nihilum depreſſa, quam honorem æternum, in quo eſt perpetuum bonum. Tu autem ſponſa mea, ſi nihil niſi me deſideraueris, ſi omnia pro me contempſeris, & non ſolum filios, & parentes, ſed etiam honores, & diuitias, ego dabo tibi ſtipendium preſioſiſſimum, & dulciſſimum. Non aurum, & argentum, ſed meipſum dabo tibi in ſponſum, & præmium, qui ſum Rex gloriæ. Si autem erubefcis eſſe pauper, & deſpecta, conſidera, quia Deus tuus præcedit te, quem ſerui, & amici reliquerūt in terra, quia non amicos terrenos quæſui, ſed caeleſtes. Quod ſi vereris, & times pondus laboris, & infirmitatis, cōſidera quam graue eſt ardere in igne.

Quid mereris, ſi aliquem Dominum temporalem ſicut me offendiſſes. Ego enim quamuis te toto corde diligam, tamen contra iuſtitiam ne in vno puncto facio, quo minus ſicut in omnibus mēbris deliquiſti, ſic & in omnibus ſatisfacias. Propter voluntatem tamen bonā, & propoſitum emendandi, ⁶ iuſtitiam & miſericordiam commuto, remittēdo grauiora ſupplicia pro modica emendatione. Ergo amplectere libenter modicum laborem, vt mundata citius ad magnum præmium peruenias. Decet enim ſponſam cum ſponſo fatigari laboribus, vt eo fiducialius cum eo requieſcat.

NOTÆ.

¹ **E** Go ſum vnus cum Patre, & Spiritu ſancto.

^{var.} ^{lect.} Hoc loco ſi legendum eſt, vt impreſſi Codices habent, ego ſum vnus cum Patre, & Spiritu ſancto, tunc omnino ſubintelligendū eſt nomen Deus, & ſenſus eſt, ego ſum vnus Deus, cum Patre, & Spiritu ſancto, idēd infra legimus, nec plures, vt tunc putabatur, ſed vnus Deus Pater, Filius, & Spiritus ſanctus, ſi vero legendum ſit, ego ſum vnus cum Patre, & Spiritu ſancto, vt Ioan. 10. ſcribitur, ego & Pater vnus ſumus, & cap. 17. vt ſint vnus ſicut, & nos, & 1. Ioan. 5. & hi tres vnū ſunt, tunc ſenſus erit, ego ſum vnus, hoc eſt, vnus eſſentie, & ſubſtantie, cum Patre, & Spiritu ſancto, & ſanctē ſic videtur legendum eſſe, quoniam tria hoc loco inſinuantur, primo, quod in ſanctiſſima Trinitate perſone diuina ſunt vnus ſubſtantie, ſecundo quod tres ſunt, tertio quod vnus Deus, non tres Dij, primum ergo probatur per (y) vnus, quod ſignificare vnitatem eſſentie annotarunt Cyril. Alexan. Ioan. 10. & lib. 12. Theſauri cap. 15. Cyril. Hieroſol. Cathedreſi 11. D. Ambroſ. lib. 3. de Spiritu ſancto, cap. 18. & 1. de fide cap. 1. Hilar. lib. 7. & 8. de Trinitate, Baſil. lib. 1. aduerſ. Eunomium, Gregor. Nazian. lib. de fide, Marius Viſtorinus lib. 4. contra Arium, Lyran. Ioan. 10.

Postremò D. Augustin. hoc tradit pluribus in locis præcipuè lib. 4. de Trinitate, cap. 9. & lib. 5. cap. 3. & 9. & lib. 8. 3. quæst. q. 6. 9. & de Verbis Domini serm. 5. 9. & Clarius lib. 2. contra Maximum Arianorum Episcopum, cap. 10. D. Bernard. super Cant. serm. 7. 1.

2 Ego sum qui de Virgine natus sum, non amittens Deitatem, sed eam associans humanitati, ut in vna Persona, &c.

Ex his verbis planè constat Verbum Diuinum creatam non assumpsisse personam, sed tantummodo naturam, quæ personæ vnita diuine sustentabatur ab ea, quod est cōtra Nestorium, qui duas personas ponebat in Christo, & condemnatur hic error in quinta Synodo aët. 4. & 5. & in sexta Synodo aët. 4. & 6. & in Concilio Lateranensi sub Martino cōsule. vltim. sess. 6. & 8. & Concil. Toletano 2. & probant communiter Theologi in 3. sent. distin. 1. & 5. D. Thomas 3. par. q. 4. art. 2. Verba verò illa nimirum (associans humanitati) indicant hanc vnionem fuisse factam citra confusionem, & commissionem, quæ enim associantur ad inuicem, propriè non confunduntur, aut commiscuntur, quæ in re turpiter lapsus est Eutiches, qui censuit antè vnionem naturas fuisse distinctas, post verò confusas, ac permixtas, qui error damnatus est à Flauiano Constantinopol. Episcopo, deindè in Epistola Cyrilli relata in Conc. Ephesino aët. 2. & in Conc. Calcedonensi aët. 1. & 3. Sed hunc eundem errorem cōfuteuit D. Greg. Thaumaturgus in expositione fidei, & latius serm. 1. in Annuntiatione aliquanto post medium, ubi rem hanc comparatione generationis Margaritæ his verbis explicat. Margarita inquit, ex duabus naturis, ex fulgure nimirum, & aqua, occultis quibusdam indicij, ac signis Mariæ prouenit, ita quoque Dominus noster Iesus Christus inconfusus, & immutabiliter ex pura, ac casta, & impolluta, ac sancta Maria Virgine progreditur in Deitate perfectus, & in humanitate perfectus Patri per omnia similis, & nobis per omnia consubstantialis, & omnis peccati expers; hæc Diuus Gregorius, cui consensit sanctus Ephrem Syrus serm. de Margarita pretiosa,

Tomo 3. suorum operum, quem citat etiam Gerardus Vossius interpres in notis ad eundem Gregorium nuper in lucem emissis.

3 Ut in vna persona essem verus Filius Dei, & filius hominis.

Duplex innuitur hic Christi filiatio, altera æterna, quæ à Patre ab æterno processit, altera temporalis, quæ ex Virgine natus est in tempore, has autem duas filiationes duplicem importare reale relationem, ob duas reales naturas, in quibus fundantur, tradunt Scotus in 3. dist. 8. q. unica, Riccard. eadem dist. q. 2. art. 2. Durand. q. 3. non tamen ex hoc videtur inferri posse, quod Christus dici possit, duo filij, & ratio Scoti est, quia putat plures existentias esse posse, in vna eademq. substantia, sed D. Bonauent. in 3. dist. 8. q. 2. art. 2. vnā solum ponit reale filiationem in ordine ad Patrem, alterā rationis ad Matrem, quam ob causam, docet quod Christus vnicus tantummodo filius, dicendus est; quia filiatio est conditio consequens personam, quæ vnica est in Christo, iuxta in hanc sententiam Capreolus in 3. dist. 8. q. 2. D. Thomas 3. par. q. 3. art. 5. & in 3. dist. 8. art. 5. Ceterum ad horum pleniorē intelligentiam sciendum est; quod & si Christus bis filius dici minimè possit, ut à nobis supra probatum est, bis tamen natus dici posse videtur, quia loquendo de æterna generatione verè Christus natus ex Patre, & Filius eius naturalis est, si verò fiat sermo de temporali Natiuitate verissimè etiā dicitur, natus ex Matre, & Filius eius, sic enim Isaie 9. scribitur: Puer natus est nobis, & Filius datus est nobis, quod etiam admonuerūt D. Thom. 3. par. q. 3. art. 2. ad 4. & Magister in 3. dist. 8. D. Bonau. ibidem art. 2. q. 1. & plures etiam alij ex Scholasticis, & aperte fateatur Lactantius Firmianus lib. 4. de diuinis Instit. cap. 8. & colligitur ex Fulgentio de Fide ad Petrum cap. 2. natus est, inquit, semel ex Patre, & semel ex Matre, semel autem, & semel, bis faciunt, hoc ipsum videtur etiam insinuassee Paulus Hebraeor. 1. illis verbis, & cum iterum introducit primogenitum in orbem terræ dicit, & adorent eum omnes Angeli Dei. Introductio

namq. iterum primogeniti in Mundum facta est, per secundam Natiuitatem temporalem, & Paulus ibidem; supponit aliam illis verbis, cum iterum introducit, quae est aeterna, hinc est, quod subdit, & adorent eum omnes Angeli Dei: Christus enim ab Angelis adoratur, non solum, ut Filius Dei, & Deus, sed etiam cum Verbum caro factum est, secundum humanitatem, sic indicant Gloss. in locum citatum Pauli. Et Primasius, sed Theodoretus ibidem, rem hanc his verbis explicat; quomodo ait Primogenitus, qui est Unigenitus, siquidem post humanam susceptam naturam cum Angeli adorauerunt, ante hanc autem humanam susceptam naturam hunc ei honorem non exhibebant, sed & ubiq. erat, ut Deus, & in orbem terrarum, ut homo ingressus est, ita etiam dixit D. Ioannes, In mundo erat, & mundus per ipsum factus est, & mundus eum non cognouit, in propria venit, & sui eum non receperunt, hac autem videntur esse quodammodo contraria, si enim erat in mundo, quomodo venit, si autem venit, quomodo erat in mundo, sed & in mundo erat, ut Deus, & venit, ut homo, ita etiam Unigenitus est, ut Deus, & Primogenitus ut homo, in multis fratribus, ita semper accipit ab Angelis cultum, & adorationem, erat enim semper Deus, adorant autem ipsum, ut hominem.

4 Ego elegi te, & assumpsi te mihi in sponsam, ut ostendam tibi secreta mea.

Dubitare quispiam probabiliter posset, quoniam, & qualia sint ea secreta, quae Deus hoc loco B. Brigitta propalare se velle affirmat, & quidem illa esse arbitror, quae in his Celestium Reuelationum Libris continentur, & hac vel ad Christi Domini Incarnationem, Passionem, ad Calum Ascensionem, Spiritus sancti missionem spectant, vel ad sanctissimae Trinitatis, & futuri vniuersalis Iudicii intelligentiam conferunt, aut etiam ad rerum creationem, militantis Ecclesiae gubernationem, sacrorum Antistitum Regimen, & populorum reformationem pertinent, quorum omnium B. Brigitta particeps diuinitus facta est, ut ad commune Christianae Reipublicae commodum,

ea omnibus propalaret, sicut illi Deus praecipit, quod patet ex Lib. 7. Cap. 16. atque hac propria dicenda esse secreta Dei probat Orig. Hom. 27. in Mattheum. quippe quae vel ad vitam, & Seruatoris nostri actiones spectant; vel ad fidelium utilitatem, quae Deus Prophetis propalanda commisit, Idem annotauit D. Grigor. lib. 10. Moral. cap. 4. explicans ea verba Iob cap. 11. ut ostenderet tibi secreta sapientiae.

5 Ego ei iterum emi hereditatem suam, quam perdidit.

In praesenti nota tria breuiter inuestiganda sunt, Primo quomodo Christus nobis hereditatem emerit, cum illius esset Dominus, qui nobis eam poterat pro arbitratu suo conferre, Secundo quid per hereditatem intelligendum sit, Tercio, qua ratione, quoue pretio illa emerit. Quantum spectat ad primum, si hereditas successio est alicui debita in bonis paternis, difficile admodum intellectus est, quod legimus hic, eam Christum emisit, quippe qui Filius est naturalis Patris in cuius bonis paternis hereditario iure successit, ut ad Galat. 4. indicat Apostolus, quod si filius ergo heres per Deum, sed dicendum est, quod licet hereditas spectet ad Christum hereditario iure ab instanti suae conceptionis, quia erat filius naturalis Patris, voluit tamen Deus, ut Christus in quantum homo hanc hereditatem sibi ex proprijs meritis compararet: ut eam posset membris suis communicare, hac autem hereditas, in quatuor potissimum consistit. Primo in principatu Militantis Ecclesiae, cuius ipse factus est caput, & quam sanguine suo acquisiuit. Secundo in dominio quodam sibi comparato super omnes Demones, ac cunctas creaturas. Tercio in exaltatione sui corporis, ut ad Philipp. 2. testatur Paulus his verbis (Christus factus est obediens usque ad mortem, mortem autem Crucis, propter quod Deus exaltauit illum) postremo in Principatu triumphantis Ecclesiae, quantum ad gloriam, & calorum ingressum, quorum ipse portas aperuit, & sua membra introduxit, dicitur autem hoc loco emisit, quia pro peccatis nostris Diuina iustitia de rigore satisfecit, suoq.

suoq. sanguine nobis Ius ad gloriam acquisiuit, quod pro delictis amiseramus. Ideo Paulus Hebræorum 9. scribit per proprium sanguinem introiisse semel in sancta Redemptione inuenta, & 1. Corinth. 6. magno prætio nos emptos fuisse, ubi Gloss. dicit, sanguine, idem annotarunt ibidem Carthusianus, & Lyranus.

⁶ *Ad finem præsentis Capitis, ubi hætenus impressa exemplaria habent Iustitiam, & Misericordiam commuto, omnino sic esse legendum conseo. (Iustitiam, cum Misericordia commuto) quod indicant sequentia verba (remittendo grauiora supplicia pro modica emendatione.)*

VERBA DOMINI NOSTRI IESV Christi ad sponfam, de informatione dilectionis, & honoris sponsæ ad ipsum sponsum. Et de odio iniquorum ad Deū. Et de dilectione ad mundū.

C A P. I I I.



EG O sum Deus tuus, & Dominus quem colis. Ego sum ille, qui cælum, & terram potentia mea sustentato, & non aliquibus rebus

alijs sustentantur, vel columnis. Ego sum, qui sub specie panis in altari quotidie verus Deus, & verus homo immolator. Ego idem sum qui te elegi. Honora Patrem meum. Dilige me. Obedi spiritui meo. 1. Defer matri meæ, tanquam Dominæ tuæ. Honora omnes Sanctos meos. Obserua fidem rectam, quam ille te docebit, qui duorum spirituum, consuetum falsitatis, scilicet, & veritatis in se expertus, auxilio meo deuicit.

² Custodi humilitatem veram. Quæ est humilitas vera, nisi talem se ostendere qualis est, & laudem Deo pro bonis datis tribuere. Sed nunc multi odiunt me, & facta mea, & verba reputant dolorem, & vanitatem, adulterum autem, id est, diabolum amplectuntur, & dili-

gunt. Quicquid enim faciunt pro me, cum murmure, & amaritudine est. Nec confiterentur nomen meum, si non timore hominum confunderentur.

³ Mundum autem sic sincere diligunt, quod nocte, & die in labore eius non læscunt, & in amore eius semper feruēt. Horum seruitium, sic mihi placet, ac si quis daret inimico suo pecuniā ad hoc, ut interficiatur filius eius. Sic faciunt ipsi, dant enim in modicam eleemosynā, & labijs honorant me ad hoc, ut mundana prosperitas eis succedat, & maneat in honore, & peccato suo. ⁴ Vnde occiditur bonus animus eorum a proficiendo in bono. Si autem tu me diligere volueris toto corde, & nihil desiderare nisi me, attraham te ad me per charitatem, sicut magnes, id est, lapis calamitæ attrahit sibi ferrum, ⁵ & colloabo te in brachio meo. Quod tam fortè est, ut nullus possit extendere. Tam rigidum, ut extensum nullus sufficiat incuruare. Tam etiam dulce est, ut omnia aromata vincat. Et nullam comparisonem cum mundi delectationibus habeat.

Declaratio.

Iste docturus sponsā Christi, fuit quidam sanctus Vir Magister in Theologia, qui vocabatur Magister Matthias de Suetia, Canonicus Lincopen. qui Glossauit totam Bibliam excellenter. Et iste fuit tentatus à Diabolo subtilissimè, de multis hæresibus contra fidem Catholicam, quas omnes deuicit, cum Christi adiutorio, nec à dæmone potuit superari, ut in legenda vitæ S. Brigittæ clarius continetur. Et iste Magister Matthias composuit prologum istorum Librorū, qui incipit. Stupor & mirabilia, &c. Fuitq. vir sanctus, & potens spiritualiter opere, & sermone. Hic quando obiit in Suetia, sponsa Christi, tunc consistens Romæ, orando audiuit in spiritu vocē, sic dicentem: O felix tu magister Matthias,

thia, pro corona, quæ tibi in cælis fabricata est. Veni igitur iam ad sapientiam, quæ nunquam finietur. De eodem habetur etiam 1. lib. Cap. 52. b. Item 5. lib. interrog. vltima respon. 3. d. Item 6. lib. 75. a. & 89.

NOTÆ.

DEfer Matri meæ tanquam Dominæ tuæ.

Hic textus cum M. S. Codice Farnesiano supplendus est, adiungendo nomen, honorem, & sic arbitror esse legendum. Defer matri meæ tanquam Domine tuæ honorem.

Custodi humilitatem veram, quæ est humilitas vera? nisi talem se ostendere qualis est, & laudem Deo pro bonis datis retribuere.

His verbis Christus Dominus admonet B. Brigittam, primo quod humilis sit, secundo verò declarat, in quo vera consistat humilitas, & ut hoc palam fiat sciendum est ex D. Gregor. 23. Moral. cap. 7. D. Thom. 2. 2. q. 162. art. 4. & ibidem Card. Cactanus, quod Aliqui sunt, qui sibi bona, quæ non habent arroganti, siue natura sint, ut Intellectus, Memoria, vires, suæ fortuna, ut diuitia, honor, potentia, siue spiritalia, ut gratia, scientia, & sapientia, Alij verò reperiuntur, quibus hæc omnia bona in minori copia sunt, præferri tamen contendunt, his qui ea abundantius possident: Postremi sunt, qui huiusmodi bona à Deo sibi esse data fatentur, sed illa suis meritis ascribunt, quoniam propter sua merita, & à Deo sibi collata, esse arbitrantur, & hi omnes, quia tales non se ostendunt, quales sunt, meritis superbi non humiles appellantur.

Mundum autem sic sincere diligunt, quod nocte, & die in labore eius non læscunt.

Omnino arbitror hunc textum corruptum esse, nec legendum læscunt, vel ut alij Codices læsunt, cum læscere non aliud sit, quam prouocare, vel irritare, non verò laboribus defatigari, prout hic ex contextu colligitur, ubi Christus Dominus eos reprehendit,

qui mundum diligunt, & pro operibus mundi perficiendis sponte labores subeunt, ideo Farnesianus Codex habet in labore eius non læsescunt.

Vnde occiditur bonus animus eorum à proficiendo in bono.

Quemadmodum, qui occisus est ad operandum inhabilis fit, & ad agendum penitus inutilis redditur: sic qui sese peccatis inuoluit eorum animos ita occidunt, ut deinde ad proficiendum in spiritali vita quædam in se est, fiat inhabiles, & sicut fulmen cum Ensem attigerit integra ut plurimum foris relicta vagina ferrum intus percutit, sic lethale flagitium corpus foris viuum relinquit, animam autem intus occidit, quando quidem eam Dei gratia priuat, quæ vita est anima, vnde merito scribitur Sapient. 16. homo per malitiam occidit animam suam, & ideo legimus, hic manent in peccato suo, vnde occiditur bonus animus à proficiendo in bono.

Collocabo te in brachio meo.

Brachium in sacris litteris significat auxilium, & fortitudinem, quam Deus amicis suis tribuit, ut annotauit D. Hieron. super Zachar. cap. 11. & hinc est, quod hoc loco Christus B. Brigittæ dicit velle se eam collocare in brachio suo, quia pollicetur ei auxilium, & fortitudinem, ut contra mundi tentationes & pericula victrix existat, nihil aliud quam, quæ Dei sunt querat.

VERBA DOMINI NOSTRI IESV

Christi ad sponsam, qualiter non debeat timere de sibi ab eo reuelatis, nec cogitare, quod maligni spiritus sint. Et de doctrina cognoscendi bonum, vel malignum spiritum.

CAP. I. V.



Ego sum Creator tuus Redemptor: Quare timuisti de verbis meis? Et cur cogitasti, de quo spiritu essent, de bono an de malo? Dic mihi: quid inuenisti in verbis meis, quod conscientia tua non dicta-

dictabat tibi faciendum? Aut nunquid aliquid præcepi tibi contra rationem? Ad quæ sponſa reſpondit. Nequaquam, ſed omnia illa ſunt vera, & ego malè erraui. Reſpondit ſpiritus, ſeu ſponſus. Ego præcepi tibi tria, ex quibus tu poſſes cognoscere ſpiritum bonum. Præcepi tibi honorare Deum tuum, qui te fecit, & omnia quæ habes dedit tibi. Hoc tibi dicit ratio tua, eum honorare præ omnibus. Ego præcepi tibi fidem tenere rectam. Credere, ſcilicet, ſine Deo nihil eſſe factū, ſine Deo nihil poſſe fieri. Præcepi etiam tibi diligere continentiam rationabilem omnium rerū. Quia mundus propter hominem factus eſt, ut homo eo ad neceſſitatē vteretur. Sic etiam per tria iſtis contraria potes cognoscere ſpiritum immundum. Ipſe ſuadet tibi laudem propriam quærere, & de datis tibi superbire. Ipſe ſuadet etiam tibi perſidiam. Ipſe ſuadet etiam tibi incontinentiam omnium membrorum, & omnium rerum, & ad hæc inflammatur cor. Ipſe quoque quandoque decipit ſub ſpecie boni. Propterea præcepi tibi ſemper diſcutere conſcientiam tuā, & ſapientibus ſpiritualibus aperire eam.

2. Propterea non dubites, tunc ſpiritum Dei bonum eſſe tecum, cum nihil aliud deſideraueris niſi Deum, & de eo tota inflammariſ. Hoc ego ſolus poſſum facere, & impoſſibile eſt Diabolo appropinquare tibi. Sed nec alicui malo homini poteſt appropinquare, niſi permittatur a me, vel propter peccata, vel propter aliquod occultum iudicium mihi cognitum,

3. quia ipſe creatura mea eſt, ſicut alia omnia, & à me bonus factus fuit, ſed malitia ſua malus eſt, & ideo ego ſum Dominus ſuper eum. Ideo aliqui imputant mihi falſam culpam, qui dicunt, quod illi qui mihi ſeruiunt ex nimia deuotione, dicuntur inſanire, & habere Dæmonium. Ipſi ſimilem me faciunt homini, qui caſtam habens vxorem, & in virum ſuum benè confidentē,

ſupponit eam adultero. Talis ego eſſem, ſi hominem iuſtum habentem ad me, charitatis animum, dimitterem dæmoni tradi. Sed quia fidelis ſum, in nullius mihi deuotè ſeruiantis anima dominabitur dæmon. Licet autem quandoque amici mei quaſi amentes videntur, hoc tamen non eſt propter paſſionem dæmonij, nec quia ſeruiunt mihi ex ſeruenti deuotione, ſed propter defectum cerebri, vel propterea aliam occultam cauſam, quæ eſt illis ad humiliationem eorum. Poſteſt etiam fieri quandoque, quod Diabolus accipit poteſtatem à me ſuper carnem bonorum hominum, ad eorum remunerationem. Aut quod obumbret conſcientias eorum, ſed in animas eorum, qui in me habent fidem, & dilectionem, nunquam poteſt dominari.

NOTÆ.

Dic mihi quid inueniſti in verbis meis, quod conſcientia tua non dictabat tibi faciendum, aut nunquid aliquid præcepi tibi contra rationem?

Plurima in præſenti Capite aſſeruntur ſigna, quibus B. Brigittæ certior ſit, quod ea, quæ in his Cæleſtium Reuelationum Libris continentur, non Dæmonum illuſiones ſunt, ſed diuinitus data reuelationes, & inter cætera illud eſſe præcipuum ſcribitur hic, quod nihil inuenitur in his, quod & rationi, & conſcientie conforme minimè ſit: noſtrarum namque operationum Regula recta eſt ratio, per quam quid agendum, quidue fugiendum nobis eſt edocemur, & quoniam hoc, Ratio habet ab æterna lege, quæ eſt prima Regula omnium agibilium, & prima veritas, ut auſtor eſt D. Thom. 1. 2. q. 19. art. 3. & 4. Idò fieri non poteſt, ut rationem rectam, & conſcientiæ bona dictamen ſequens decipiatur à Dæmone, ſecus verò, ſi contra fiat: omne enim, quod non eſt ex fide peccatum eſt, dicit Apoſtolus Rom. 1. 5. hoc eſt omne, quod non eſt conſcientiæ, & rationi conforme peccatum eſt, & à Diabolo manat, ut interpretatur D. Ambroſ.

brof. Chryfoft. Theophylact. Euthymius, & Anselmus; cum ergo omnia, quae in his Reuelationum Libris traduntur, & recte rationi, & conscientie conformentur, profecto non Demonum illusiones, sed diuinae Reuelationes censende sunt, quod etiā probauimus hoc eodē Lib. Cap. 10. nota 5. & lib. 3. Cap. 20. nota 3. & Cap. 78. nota 2. & lib. 4. Cap. 23. nota 5.

Propterea non dubites tunc spiritum Dei bonum esse tecum, cum nihil aliud desideraueris nisi Deum, & de eo tota inflammari.

Aliud quoque signum traditur hic à Christo Domino, ex quo B. Brigitta poterat euidenter colligere, quod in his Reuelationibus non decipiebatur à Demone, & hoc est amoris diuini inflammatio, & desiderium quoddam uehemens, quo anima huiusmodi amore inebriata, aliud non querit, nec vult, quam Deum, cui addit D. Bernard. serm. 8. in Cant. mentis quandam illustrationem, quae ad diuinas visiones sequi cōsuevit, reuelatio inquit, quae per spiritum sanctum fit, non solum illustrat ad agnitionem, verum accendit etiā ad amorem dicente Paulo Rom. 5. Charitas Dei diffusa est in cordibus nostris, per spiritum sanctum, qui datus est nobis.

Quia ipse creaturā mea est, sicut alia omnia, & à me bonus factus fuit, sed malitia sua malus est.

Eadem prorsus verba habentur supra Cap. 1. huius libri, quae nota 6. explicauimus probantes ex Patribus, & Concilijs Demonē naturā suā bonū fuisse factum, & ab optimo extitisse conditore, suāq. culpā malum euasisse.

VERBA MAXIMI AMORIS AD Christi sponsam in figura mirabili de Castro nobili, per quod Ecclesia militans designatur. Et qualiter precibus gloriolae Virginis, & Sanctorum, adhuc Ecclesia Dei reedificabitur.

C A P. V.



GO sum Creator omnium. Ego Rex gloriæ, & Dominus Angelorum. Ego fundavi mi-

hi Castrum nobile, & posui in eo electos meos. Cuius fundamentum inimici mei perfoderunt, & prauauerunt in amicos meos in tantum, quod de pedibus amicorum meorum, ligno est cippo cōstrictis. erit medulla. Os eorum contunditur lapidibus, & fame, & siti cruciantur. Insuper & Dominum eorum persequuntur. Iam amici mei petunt gemitibus auxilium, iustitia clamant vindictam, misericordia tamen dicit parcendum. Tunc & ipse Deus ait ad caelestem exercitum, qui astat. Quid videtur vobis de istis, qui Castrum meū occupauerunt. Qui quasi vna voce responderunt omnes. Domine in te est omnis iustitia, & in te omnia videmus. Tu existens sine principio, & sine fine Filius Dei, tibi datum est omne iudicium, tu iudex eorum es. Et ille ait. Licet omnia scitis in me, & videtis, tamen propter hanc sponsam, quae astat, dicite iudicium iustum. Et illi dixerunt. Hæc est iustitia, vt qui suffoderunt murum, puniantur vt fures. Et qui in malitia persistunt, puniantur vt inuadentes. Et qui captiui sunt liberentur, & famelici saturentur. Tunc loquebatur Mater Dei Maria, tacens in voce priori dicens. Domine mi, & fili charissime tu fuisti in vtero meo verus Deus, & homo. Tu me, quæ eram vasterrenum, dignatione tua sanctificasti. Supplico miserere eis adhuc semel. Tunc respondit Dominus ad Matrem. Benedictum sit Verbum oris tui. Hoc quasi odor suauissimus ascendit in Deitatem. Tu Angelorum, & omnium Sanctorum gloria es, & Regina, 2 quia à te Deitas consolata est, & omnes Sancti sunt lætificati. Et quia tua voluntas à principio iuuentutis tuæ erat sicut mea, ideo faciam adhuc semel, quod vis. Ad exercitum autem ait. Quia vos viriliter certastis, ideo propter charitatem vestram placabor adhuc. Ecce ego propter precēs vestras, reedificabo murum meum. Sal-

Saluabo & sanabo eos, qui vi oppressi sunt, & in cētuplum honorabo illos pro cōtūmelia, quam passi sunt. 3 Violentis autem si misericordiam petierint pacē, & misericordiam dabo. Qui autem contempserint iustitiam meam sentiēt. De-
 4 indē ait ad sponfam. 4 Sponsa mea ego
 var. elegi te, & induxi te in spiritum meum.
 leā. Tu audis verba mea, & Sāctorum meo-
 rum, qui licet omnia vident in me, tamē propter te locuti sunt, vt tu intelligeres. Quia tu quæ adhuc es in carne non potes ita videre in me, sicut hi, qui spiritus sunt. Nunc etiam ostendam tibi, quid ista significant. Castrum illud quod supra dixi, est ipsa sācta Ecclesia, quam de sanguine meo, & Sanctorum meorum ædificauī, & cemento charitatis meæ cōiunxi, & posui in ea electos meos, & amicos. Fundamentum huius est fides, scilicet credere me iustum Iudicem, & misericordem. Sed nūc suffossum est fundamentum, quia omnes credūt me, & prædicant misericordē, sed quasi nullus prædicat, nec credit me esse iustē iudicantē. Ipsi habent me, quasi iniquum Iudicem. Iniquus enim esset Iudex, qui ex misericordia iniquos dimitteret impunitos, vt iniqui iustos eō magis opprimerent. Sed ego sum iustus Iudex, & misericors, ita quod nec minimum peccatum relinqū impunitum, nec minimum bonum irremuneratum. Per huius muri suffossionem intrāuerunt illi in sanctam Ecclesiam, qui absque timore peccant, qui iustum me esse negant, amicos meos sic conturbant, quemadmodum illos, qui sunt in cippo. Non enim est eis de amicis meis gaudium, nec consolatio? sed omne opprobrium, & omnis dolor eis imponitur, tanquam dæmoniācis. Si veritatem de me dixerint, confutantur, & mendacij arguuntur. 5 Vehementer
 5
 var. sicut audire, vel loqui recta, sed non.
 leā. est, qui eos audiat, vel eis recta loquatur. Ego quoque Dominus, & Creator blasphemor. Dicunt enim. Nescimus

6 si est Deus. Et si est non curamus. 6 Ve-
 xillum meum prosternunt, & conculcāt, dicentes. Quare passus est? Quid prodest nobis? 7 Si velit dare nobis voluntatem nostram, sufficit nobis, & habeat ipse regnum suum, & cælum. Ego quoque ad eos ingredi volo, sed ipsi dicunt antē moriemur, quam voluntatem nostram relinquamus. Ecce sponsa mea quales ipsi sunt. Ego feci eos, & vno verbo possem delere. Quomodo superbiunt contra me. Nunc autem propter preces Matris meæ, & omnium Sanctorum, adhuc ita misericors sum, & patiēs, quod mittere eis volo verba mea, quæ de ore meo processerunt, & offerre eis misericordiā meam. Si recipere voluerint placabor, sin autem sentient meam iustitiam. Ita quod sicut fures publicē coram Angelis, & hominibus cōfundentur, & ab omnibus dijudicabuntur. Sicut enim homines in furca suspensi deuorātur à coruis, sic isti à dæmonibus deuorabuntur nec cōsumuntur. Sicut etiam illi, qui puniuntur in cippo ligneo, nullam requiem inueniunt ibidem, sic isti habebunt vndiq. dolorem, & amaritudinem. Fluius ardentissimus fluat in os eorum, nec implebitur venter, sed ad supplicium de die in diem renouabūtur. Amici autem mei saluabuntur, & de verbis, quæ procedunt de ore meo consolabuntur. Iustitiam meam cū misericordia videbunt. Induam eos armis charitatis meæ & sic fortes eos faciam, quod aduersarij fidei cadent retrorsum quasi lutum. Et erubescunt perpetuō cum videbunt iustitiam meam, ex eo quod patientiā mea abusi sunt.

NOTÆ.

1
 var. E T præualuerunt in amicos meos in
 leā. tantū, quod de pedibus amicorum meorū est cippo cōstrictis erit medulla.

Hic textus corruptus est, & pluribus mēdis reſertus, & ideo cum Farnesiano Codice

M. S. sic restituedus est, Et praeualuerunt in amicos meos, in tantum quod de pedibus amicorum meorum ligneo cippo costrictus exit medulla.

2 Quia à te Deitas est consolata.

Deo, quem totius consolationis Patrem esse tradit Apostolus 2. Corinth. 1. nouus gaudij, & solarij gradus adiungi, augerique minime potest: in presenti tamen nota consolationis dicitur Deitas, quia cum Beatissima Virginitas precibus Deus militanti Ecclesiam in pristinum statum reuocare decreuisset, quae temporum iniuria penè tota lapsa erat, ut ex huius Capituli narratione constat, ideo consolationem inde sumpsisse Deum hic legimus, quia in sacris litteris, tunc ille gaudere dicitur, quando beneficentiam suam ad nos extendit, nobisque beneficia, & fauores tribuit, sic Deuter. 30. scribitur Abundare te faciet Dominus Deus tuus in cunctis operibus manuum tuarum: in sobole ueteri tui, in fructu iumentorum tuorum, & in ubertate terrae tuae, & in rerum omnium largitate reuertetur enim Dominus, ut gaudeat super te, in omnibus bonis sicut gavisus est in Patribus tuis. Idem annotauit Lyranus Isaia 65. edisserens illa verba, Et exultabo in Hierusalem, & gaudebo in populo meo, & non audietur plera vox fletus, & clamoris.

3 Violentis autem si misericordiam petierint pacem, & misericordiam dabo.

Verba praesentis notae, sic interpretanda sunt, qui sibi vim intulerint, prauis animi affectibus resistentes impetus sensus cohibentes, demonum tentationibus obuiam euntes, sicque à Deo misericordiam, & pacem efflagitauerint, his & misericordia, & pax dabitur. scribitur namque Math. 11. quod regnum Caeli vim patitur, & violenti rapiunt illud.

Et induxi te in spiritum meum.

4 var. lca. Sic omnes impressi Codices legunt, sed M. S. Farnesianus habet: Induxi in te spiritum meum utraque lectio bona est, quamquam haec postrema videatur sacris litteris conformior, in quibus habemus Deum dedisse spiritum suum, vel de spiritu suo nobis, & id est, ac si diceremus Deum induxisse in nobis spiritum suum, sic nu. 26. Isaia 42. Act. 17.

1. ad Thesal. 4. 1. Ioan. 3. & 4. in hoc cognoscimus, quia in eo manemus, quia dedit nobis de spiritu suo.

5 Vehementer sitiunt audire, vel loqui recta.

var. lca. Sic in vulgatis habetur, sed M. S. legitur, Vehementer sitiunt dicere veritatem, vel loqui recta.

6 Vexillum meum prosterunt, & coculant.

Vexillum, quod impij homines pedibus calcant Christi Domini passio est, quam hoc loco tunc prosterne dicuntur, cum Christum gratis mortuum esse censent, cum tot, tantosque pro illis exantlatos labores negligunt, cum dolorum, ac vulnere immemores sunt, cum Christo morienti non compatiuntur, quia in re peioris sunt conditionis creaturis ratione carentibus, ut testis est D. Hieron. Matth. 27. quelibet namque illarum morienti Christo compassa est, terra tremit, scissa sunt petrae, velum Templi diuisum est, defunctorum sepulchra aperta sunt, obscuratus est Sol, & tamen solus miser homo non compatiatur, pro quo solo Christus patitur.

7 Si velit nobis dare voluntatem nostram sufficit nobis.

Sensus est, Si velit nobis omnia tradere secundum appetitum, & voluntatem nostram, hoc enim est dare voluntatem nostram, quae interpretatio patet ex sequentibus verbis (ibi) dicunt, autem moriemur, quam nostram voluntatem relinquamus.

VERBA CHRISTI AD SPONSAM

qualiter eius spiritus cum iniquis esse non potest, & de separatione malorum à bonis, & de missione bonorum, & spiritualibus armis armatorum in bellum, id est contra mundum.

C A P. VI.

INIMICI mei sunt quasi bestiae ferocissimae, quae nunquam satiari possunt, nec quiescere. Horum cor fit vacuum à charitate mea, quod nunquam in eo intrat cogitatio

tatio passionis meæ. Nunquam semel
adhuc processit de intimo corde eorum
hoc verbum, Domine redemisti nos
laus sit tibi pro amara passione tua.

Quomodo spiritus meus potest esse cū
eis, qui nullam diuinam charitatem ha-

1 bent ad me. 1 Qui vt voluntatem suam
var. perficiant, libenter produnt alios. Ip- I
lea. sorum cor plenum est vermibus vilissi- var.
2 mis, idest affectionibus mundi. 2 In- lea.

ore eorū posuit diabolus stercus suum ,
& ideo non placent eis verba mea. Ideo

ego 3 separabo eos ab inimicis meis,
cum terra mea. Et sicut non est mors
vlla, morte ferre amarior, sic non est sup-
plicium, quo non participes fiant, & se-
cabitur per medium a diabolo, &
diuidentur a me: sic sunt odiosi mihi,
quod etiam omnes, qui adherent eis se-

4 parabuntur à me. 4 Ideò mitto amicos
meos, vt diuidant diabolos à membris
meis, quia ipsi verè sunt inimici mei.
Mitto ergò eos quasi milites in bellum.
Omnis enim qui affligit carnem suam,
& abstinet se ab illicitis, verè miles
meus est. Ipsi habebunt pro lancea
verba mea, quæ ore meo locutus sum.

In manu gladium idest fides . In pectore eorum erit lorica charitatis , vt quicquid acciderit , non minus diligant me . Clypeum patientiæ debent habere ad latus , vt omnia patienter sustineant . Ego enim inclusi eos , quasi aurum in vase , & nunc exire debent , & incedere viam meam . § Ego non po-

purissimum in conspectu meo, ideò si modico igne probentur, non tamen relinquo eos, sed est ad eorum maiorem remunerationem.

NOTÆ.

Qui ut voluntatem suam perficiant
libenter produnt alios.

*Arnesianus Codex M. S. habet, Qui
ut voluntatem suam perficiant prout sunt.*

In ore eorum posuit Diabolus stercus suum.

Stercus Diaboli aliud non esse arbitror, quàm peccata, vel seculi diuitias, & voluptates, quæ cum Dæmon suadet hominibus, ut sequantur in ore eorum sterces suum posuisse dicitur: sterces autem in sacris litteris designare voluptates; & diuitias tradunt. D. Hieron. Ezech. 4. & Ioe. 1. Greg. hom. 3. idem insinuat Propheta Ezechiel loco cit. qui ut ostenderet Iudæos ventri, & carni deditos esse, eosq. bona opera facere consueuisse, ut facili diuitiis consequerentur? scripsit illos comedisæ panem cum stercore Bonum.

3. Separabo eos ab inimicis meis cum
var. ferra mea.

le. *Omnino legendum esse censeo, Separabo eos ab amicis meis cum ferra mea, sive M. S. Farnesianus habet separabit autē Deus amicos ab inimicis ferra sua, quādo punientur ab eo pœna damni, & pœna sensus, & tunc inimicos ab eius visione perpetuo separabit. ferram autem in scriptura sacra grauiores pœnas significare annotauit D. Hieron. I. saie 28. explicans ea uerba Gith. non ferris triturbabitur, ac si diceret non grauioribus pœnis castigabitur.*

4 Ideò mitto amicos meos, vt diuidat
Diabulos à membris meis.

*M. S. legit, Vt diuidant Diaboli mem-
bra à membris meis.*

5 **E**go non poteram secundum iustitiā
ordinatam ingredi in gloriā maiesta-
tis: absque tribulatione.

¶ Dicit hoc loco Saluator noster Christus nō
potuisse intrare secundum præordinatam insti-

tiam in gloriam maiestatis, quoniam cum id fuisset à Prophetis prænnunciatum, & à Patre etiam præordinatum, idè illud secundum Prophetarum vaticinia, & Patris præordinationem erat implendum, factum ergo hoc est, tum propter scripturarum impletionem, tum ob Patris ordinationem, tum etiam ob ipsiusmet Christi exaltationem, quam sibi ex merito Passionis suæ comparauit, & hoc est, secundum iustitiam ingredi in gloriam, quod etiam admonuit D. Basil. lib. 4. contra Eunomium, propter obedientiam (inquit) datum est Christo in humanitate nomen super omne nomen, idem tradunt Chrysost. Ambros. Anselm. & Beda explicantes duo illa loca Apostoli ad Philip. 2. Propter quod & Deus exaltauit illum: & ad Hebr. eos 2. Vidimus Iesum propter passionem mortis coronatum: hoc etiam animaduertit D. August. lib. 2. contra Maximum cap. 5. & lib. 3. cap. 2. Vgo Victorinus lib. 2. de Sacram. par. 2. cap. 6. colligitur quoque Lucæ 24. ex illis verbis, Oportuit Christum pati, & ita intrare in gloriam suam, ubi verbum, oportuit, intelligendum est, non de absoluta necessitate, sed posita Prophetarum predicatione, & ad hunc sensum reuocanda sunt verba præsentis notæ: indicant hoc Lyrannus ibi, & Iansenius in concordantiæ par. 4. cap. 146. Maldonat. Luc. 24. nu. 26. sed hac de re etiam egimus infra hoc eodem lib. Cap. 39. nota 4.

VERBA VIRGINIS GLORIOSAE

ad filiam, de modo induendi, & qualia debent esse vestimenta, & ornamenta quibus debet esse ornata filia, & induta.

C A P. VII.



EGO sum Maria, quæ peperit verum Deum, & verum hominem filium Dei. Ego sum Regina Angelorum. Filius meus diligit te toto corde. Idè dilige tu eum. Tu debes esse ornata honestissimis vestibus. Quæ quo-

modo & quales debeant esse monstrabo, tibi. Sicut enim tu prius habuisti camisiam, indè tunicam, calceos, pallium, & monile in pectore, sic nunc spiritualiter habere debes. Camisia est contritio. Sicut enim camisia propinquior est carni, sic contritio, & confessio prima via est conuersionis ad Deum. Quia mens, quæ gaudebat in peccato mundatur, & caro lordida refrenatur. Calcei duo, sunt duo affectus. Voluntas scilicet emendandi commissi, & voluntas faciendi bona, & abstinendi à malis. Tunica tua est spes ad Deum, quia sicut tunica habet duas manicās, sic in spe sit iustitia, & misericordia. Vt sic speres de misericordia Dei, quod non negligas iustitiam eius. Et sic cogita iustitiam eius, & iudicium, vt non obliuiscaris misericordiam. Quia nec iustitiam aliquam facit sine misericordia, nec misericordiam sine iustitia. Pallium est fides, sicut enim pallium omnia operit, & omnia in eo cōcluduntur, sic fide homo omnia potest comprehendere, & attingere. Hoc pallium debet esse respersum signis charitatis spōsi tui. Quomodo scilicet creauit te, quomodo redemit. Quomodo enutrit te, & induxit te in spiritum suum, & aperuit tibi oculos spirituales. Monile est consideratio passionis eius. Hoc sit iugiter fixum in pectore tuo. Quomodo derisus, & flagellatus, quomodo sanguinolentus, & omnibus neruis confossus viuis stabat in cruce. Quomodo in morte ex passione doloris acutissimi, totum corpus contremuit. Quomodo in manus Patris commendabat spiritum. Hoc monile semper sit in pectore tuo. Corona sit in capite tuo, id est, castitas in affectu, vt malles pati verbera, quam inquinari amplius. Indè sis verecunda, & honesta. Nihil cogita, nihil desidera, nisi Deum tuum, Creatorem tuum, quæ cum habueris, omnia habes. Et sic ornata expectabis sponsum tuum.

VERBA CAELI REGINAE
ad filiam dilectam informantia,
qualiter Filium vna cum Ma-
tre debeat diligere,
& laudare.

CAP. VIII.



EGO sum Regina celi. Tu sollicita es quomodo laudare me debes, scias pro certo, quod omnis laus filij mei, laus mea est. Et qui inhonorat eum, inhonorat me; quia ego sic feruenter dilexi eum, & ipse me, quod quasi vnum cor ambo fuimus. Et ipse me, quæ eram vas terrenum, sic honorificè honorauit, vt supra omnes Angelos me exaltaret. Sic ergo laudare debes me. Benedictus sis tu Deus Creator omnium, qui in vterum Mariæ Virginis descendere dignatus es. Benedictus sis tu Deus, qui cum Maria Virgine esse sine grauamine voluisti, & de ea immaculatam carnem sine peccato sumere dignatus es. Benedictus sis tu Deus, qui ad Virginem cum gaudio animæ eius, & omnium membrorum venisti, & cum gaudio omnium membrorum eius sine peccato de ea processisti. Benedictus sis tu Deus, qui Mariam Virginem Matrem tuam post Ascensionem tuam crebris consolationibus laticasti, & per teipsum eam consolando visitasti. Benedictus sis tu Deus, qui corpus, & animam Mariæ Virginis Matris tuæ in cælum assumpsisti, & super omnes Angelos iuxta Deitatem tuam honorificè collocasti. Miserere mei propter preces eius.

NOTÆ.

Benedictus sis tu Deus, qui corpus, & animam Mariæ Virginis Matris tuæ in cælum Assumpsisti.

Mariam Virginem animæ, & corpore,

vt legimus hic, fuisse ad Cælum assumptam passim in his Cælestiū Reuelationum Libris scribitur, & præcipue infra hoc eodem Libro cap. 9. 46. & 51. lib. 6. cap. 12. 60. & 62. lib. 7. cap. 25. & 26. ceterum hanc veritatem vniuersa amplexa est Ecclesia, & communis Patrum consensus probat; & in primis fauet S. Athanas. ser. de Deipara, D. Augustin. & Sophronius de Assumptione Virgin. Damascenus & Andreas Cretensis Orationibus de Dormitione Deiparae, Iuuenalis apud Nicephorum lib. 2. histor. cap. 23. Anselm. de Excellent. Virg. cap. 8. & serm. de Assumpt. Rupert. lib. 6. in Cantic. Diuus Thom. 3. par. quæst. 27. art. 1. & opusc. 8. D. Bonauent. in Speculo Mariæ cap. 2. Riccardus Victorinus in Cant. cap. 42. Vgo Victorinus lib. 3. Erudition. Theologicæ c. 125. Gerson. Alphabeto 14. D. Antoninus 1. par. histor. tit. 6. cap. 3. & hoc ratione patet, quia vt citati Patres asserunt cum corpus Christi ex corpore Virginis sumptum sit, dici possunt quodammodo caro Christi, & Maria vna caro, ergo sicut decuit carnem Christi esse vndequaq. beatam, & incorruptam, ita & carnem Matris, cuius gloriam in illius redidat dignitatem, quæ ratio est Damasceni, & August. Secundo quia Saluator noster Io. 12. dixit, vbi ego sum illic, & minister meus erit: Beatissima autem Virgo singulariter Christo ministravit, præbendo ei corpus ex proprio sanguine, & alimentum ex proprio lacte, ergo credendum est peculiari ratione hoc in Maria fuisse completum, ergo vbi Christus est, & Mater quoque eius regnat cum illo, anima, & corpore gloriosa in Cælo. Tertio si eius corpus reperiretur in terra incredibile est Deum permisisse, vt per tot secula latuisset absque honore, & veneratione in incognito loco. Postremò difficile creditur corpus illud, ex quo Deus carnem assumpsit corruptum, & in cinerem fuisse redactum. vnde Augustinus corpus (inquit) Virginis escam vermibus traditum, quia sentire non valco, dicere erubesco.

VERBA REGINAE CAELI
ad dilectam filiam, de amore dulcissimo, quem Filius habuit ad Matrem Virginem. Et qualiter ex coniugio castissimo Christi Mater fuit concepta, & in utero sanctificata. Et qualiter assumpta in corpore, & animae fuerit in caelum. Et de eius nominis virtutibus. Et de Angelis bono, & malo hominibus deputatis.

C A P. I X.



EG O sum Regina caeli. Dilige Filium meum, quia ipse honestissimus est, & cum eum habueris, omnem honestatem habes. Ipse est etiam desideratissimus, & cum eum habueris omnia desiderabilia habes. Dilige etiam eum, quia ipse est virtuosissimus, & cum eum habueris, omnes virtutes habes. Ego volo tibi dicere, quam dulciter ipse dilexit corpus meum, & quam dulciter animam meam, quantum etiam honorauit nomen meum. Ipse filius meus prius me dilexit, quam ego eum, quia creator meus est. Ipse coniugium patris mei, & matris, tanta castitate coniunxit, ut tunc non inueniretur castius coniugium, & nunquam conuenire vellet, nisi iuxta legem solummodo causa fuscitandi prolem. 1 Et cum sibi nunciatum esset ab Angelo, quod Virginem parerent, vnde salus mundi procederet, 2 magis voluissent mori, quam carnali amore conuenire, & voluptas in eis mortua erat. Tamen pro certo dico tibi, quod ex charitate diuina, & ex verbo 3 Angeli nunciantis 3 conuenerunt carne, non ex concupiscentia aliqua voluptatis, sed contra voluntatem suam ex diuina dilectione, & sic ex semine eorum per diuinam charitatem caro mea compaginata est. 4 Facto autem corpore meo, Deus a diuinitate sua animam

5 creatam immisit corpori, 5 & mox anima cum corpore sanctificata est, quam Angeli custodiebant, & seruabant die, ac nocte. Cum autem anima sanctificaretur, & corpori coniungeretur, tanta matri meae aduenit laetitia, ut impossibile esset dictum. 6 Deinde completo cursu vitae meae, primo animam meam, quia ipsa domina erat corporis, ad Deitatem 7 excellentius ceteris eleuauit. 7 Inde corpus meum, ut nullius creaturae corpus sit tam propinquum Deo, sicut meum. Ecce quantum filius meus dilexit animam meam, & corpus. Sed alii qui sunt, qui maligno spiritu negant me assumptam corpore, & animam, alii etiam quia nesciunt melius. Sed ista est pro certissimo rei veritas, quod cum corpore, & anima ad deitatem assumpta sum. Filius meus quantum etiam honorauit nomen meum, audi. Nomen meum est Maria, sicut legitur in Euangelio. Hoc nomen cum Angeli audiunt, gaudent in conscientia sua, & rengratiuntur Deo, qui per me, & mecum talem gratiam fecit, & quod vident ipsi humanitatem filij mei in Deitate glorificatam. Illi qui in Purgatorio sunt ultra modum gaudent, tanquam aeger in lecto iacens, si audierit ab aliquibus verbum solatij, & quod ei placet in animo, quod statim exultat. Angeli etiam boni audito hoc nomine, statim appropinquant magis iustis, quibus dati sunt ad custodiam, & gaudent de profectu eorum, quia omnibus hominibus Angeli boni dati sunt ad custodiam, & Angeli mali ad probationem. Non sic quod ipsi Angeli separantur a Deo, sed animae sic seruiunt, ut non relinquunt Deum, sed iugiter sunt in conspectu eius, & tamen inflammant, & incitant animam ad agendum bonum. Omnes etiam daemones verentur hoc nomen, & timent. Qui audientes hoc nomen Maria, statim relinquunt animam de vnguibus, quibus tenebant eam. Sicut enim auis, quae in praedam vngues, &

& rostrum habet, si audierit sonum aliquem relinquit prædam, & cum nihil operis sequi videt, statim reuertitur ad eandem. Sic dæmones audito nomine meo, statim relinquunt animam quasi territi, sed iterum aduolant, & reuertuntur ad eam, quasi sagitta velocissima, nisi aliqua emendatio subsequatur. Nullus etiam tam frigidus ab amore Dei est, nisi sit damnatus. Si inuocauerit hoc nomen hac intentione, ut nunquam reuerti velit ad opus solitum, quod non discedat ab eo statim diabolus, & nunquam amplius reuertitur ad eum, nisi resumpserit voluntatem peccandi mortaliter. Tamen quandoque permittitur ei turbare eum, propter maiorem remunerationem eius, sed non possidere.

NOTÆ.

1 **E**T cum sibi nunciatum esset ab Angelo, quod Virginem parerent.

Maria Virginis Conceptionem fuisse diuinitus parentibus prænuntiatam, ut scribitur hic, tradunt Epiphanius. hæresi 70. Germanus. Patriarch. firm. de oblat. Mariæ. Greg. Nyssen Orat. de sancta Christi Natiuit. Nicephorus. lib. 1. Hist. cap. 7. & lib. 2. cap. 3. Damasc. lib. 4. de fide. cap. 15. & hoc etiam legimus in Oratione 1. B. Brigittæ reuelata, posita in fine huius Operis, neque solum Mariæ Conceptio parentibus reuelata est diuinitus, sed & ipsummet nomen Mariæ, ut annotauit Ambrosius. lib. de Institut. Virg. cap. 5. & si hoc factum est de nomine Isaac reuelatum Abrahamæ Genes. 17. & nomine Ioann. Baptiste reuelatum Zachariæ Lucæ 1. multo magis hoc dicendum est de nomine Mariæ, quod fuerit à Deo parentibus diuinitus manifestatum.

2 Magis voluissent mori, quam carnali amore conuenire.

Ad horum verborum intelligentiā sciendum est Sacramentum Matrimonij duplici de causâ fuisse institutum, & ad carnis motus licite extinguendos, & ad propagandam sobolem; quapropter cum legimus hoc loco, ma-

gis voluissent mori, quam carnali amore conuenire, intelligendum est Beatissim. Virgin. parentes actu coniugij minime vfos fuisse ad voluptatem carnis explendam, aut ad prauos sensus motus sedandos, quia in eis voluptas mortua erat, ut scribitur hic, sed ad propagandam sobolem, & ad Mariam generandam, quæ Dei Mater futura erat.

3 Conuenerunt carne non ex concupiscentia aliqua voluptatis, sed contra voluntatem suam ex diuina dilectione.

Verba præsentis notæ indicant Beatiss. Virg. parentes non conuenisse coactos ad actum coniugij, sed contra voluntatem conuenisse legimus hic, quoniam ut superiori nota admonuimus, non ad voluptatem carnis explendam conuenerunt, sed ad propagandam tantummodo sobolem, voluntas enim ad huiusmodi actum prona, ac procliuis, primorum parentum vitio effecta est, & ut plurimum in actu coniugij voluptatem querit, quam non quæsierunt Mariæ parentes, ideo ex sola dilectione diuina conuenisse scribitur.

4 Facto autem corpore meo Deus, à diuinitate sua animam creatam immisit corpori.

Ex hoc textu animaduertendum est, nullo pacto colligi Beatiss. Virg. animam prius in Cælo fuisse creatam, & postea fuisse in corpus immisam; fuit enim error Origenis, ut patet ex lib. 1. Periarcho cap. 7. & 8. assertentis animas hominum iam inde à principio mundi fuisse simul cum Angelis creatas in cælo, & inde postea mitti in corpora, ut refert S. Isidorus lib. 11. Originum c. 1. & indicat D. Hieronymus in Ps. 89. edisserens ea verba, Domine refugium factus es nobis, licet Origenis nomen taceat, & constat hoc etiam ex D. Thom. 1. p. q. 90. art. 4. & q. 118. art. 3. quam sententiam videtur etiam secutus D. Greg. Nyssen. lib. 2. sue Philosophiæ cap. 6. relatus à Sixto Senensi lib. 5. Bibliothecæ Annotat. 208. Cæterum hic error communiter à sanctis Patribus rejicitur, & in primis ab ipsomet D. Greg. Nyssen. in lib. de homine cap. 29. & 30. Damascen. lib. 2. de fide Orthod. cap. 12. D. Hieron. Epist. 61. ad Pamachium de errorib. Origenis.

Et Epist. 139. ad Cyprianum. hunc etiam errorem aperte confutat Magister sent. in 2. dist. 17. asserens fidem nostrā esse, quod Deus quotidie nouas creet animas, et infundit nouis corporibus, et infundendo creat, et creando infundit, cui consonat D. Thom. in 2. sent. dist. 3. q. 1. art. 4. ad 1. et dist. 17. q. 2. ar. 2. et 1. p. q. 90. art. 4. Durand. in 2. ead. dist. q. 2. et alij plures, eadē opinio reprobata est etiam auctoritate Leonis Papae I. Epist. 1. ad Episcopum Atrigensem, ubi asserit, fides Catholica constanter predicat, quod anima hominum priusquam suis inspirarentur corporibus, non fuere, idē dicendum est B. Virginis animam, ut et quamlibet aliam fuisse à Deo creatam non in Celo, sed intra corpus iam organizatum, in quod immissa dicitur à diuinitate hoc loco, quatenus per cunctas corporis partes diffusa in ipsa creatione habet à Deo, ut omnes partes eius informet.

5 Et mox anima cum corpore sanctificata est.

Quid per sanctificationem in praesenti nota intelligendum sit tradidimus infra lib. 6. Reuelat. cap. 49. nota prima, quo loco affirmauimus per sanctificationem hoc capite intelligendum esse ab originali peccato praeseruationem, ac diuinæ gratiae collationem, quandoquidem B. Brigitte diuinitus reuelatū fuit, Mariam Virginem peccatum originale minimè contraxisse, ut ibi finē probauimus, ex quo fit, Verbum sanctificari hoc loco non posse accipi, pro eo quod est aliquid cum prius esset immundum mundare, et purgare, Caterum sacrarum litterarum phrasim esse propriam, ut quod antea non fuit immundum, nec aliquo vitio inquinatum, id quoque sanctificari aliquando dicatur, quia nuditiā, ac sanctitatem prius acceptam retinet. probat Petrus Canisius lib. 1. de Decipara cap. 9. ex D. Hieron. Cyrillo Hierosolymitano, Sophronio, Gregorio Theologo, Damasc. alijsq. pluribus, et sic asserit interpretandum esse Arnobium, qui in explicat Ps. 14. scripsit Iesum solum Virgineam aulam ingressum ipsum tabernaculū à maculis carnalibus liberasse, et dedisse potius sanctificationem, quam accipisse, non enim his verbis

indicat Arnobius Virginem (Christo in eius utero ingrediente) fuisse mundatam à maculis, quas antè conceptionem contraxisset, cū nullam prorsus contraxerit, sed loquitur de his, quae in alijs feminis inuenire consueuerūt, à quibus quia Matrem suam Christus seruauit immunem, idē eam sanctificasse scripsit: et in eodem sensu accipiendum est, quod tradidit Hidelphonsus Archiepisc. Toletanus, qui agens contra eos, qui de Maria Virginitate, ac parturitione disputabāt Beata, inquit, Virgo nisi in utero matris sanctificata fuisset, minimè eius natiuitas colēda esset, nunc autem, quia auctoritate totius Ecclesiae dignè veneratur, constat eam ab omni originali peccato fuisse immunem. sed clarius, hoc idem probari potest ex B. Laurentio Iustiniano serm. de Annunciat. ab ipsa (inquit) Conceptione in benedictionibus est praeventa dulcedinis, et à damnationis alienae chirographo prius est sanctificata, quam nata. idem constat etiam ex sacris litteris, in quibus Christus à Patre sanctificari dicitur Ioan. 10. Quem Pater sanctificauit, et misit. quem locum explicans Lyranius sanctificauit (inquit) idē plenitudine gratiae adimpleuit, cur ergo eodem modo etiam de Maria hoc loco dicendum non est, cum legimus, et mox Anima cū corpore sanctificata est, nimirum ab originali labe praeseruata, ac ingenti gratiarū cumulo in sua conceptione referta est. Verum plures quoque hoc ipsum annotarunt sacrarum litterarū interpretes ad eum versiculum Ps. 45. Sanctificauit tabernaculum suum Altissimus, quo loco asserunt. Altissimum Dei, scilicet Filium Matrem suam sanctificasse, eam ab originali peccato praeseruando, et flumine gratiarum ornando. et ideo legitur (ibi) Fluminis impetus sanctificauit ciuitatem Dei, sanctificauit tabernaculum suum Altissimus: id autem quod sequitur. Adiuuabit eā Deus manē diluculo. indicat huiusmodi sanctificationē factam fuisse ab instanti Conceptionis Mariae, quandoquidem in diluculo, et in Aurora nimirum, ut primum anima infusa est corpori Beatissima, Virgo sanctificata est, hoc enim significant verba praesentis notae, et mox ani-

anima cum corpore sanctificata est.

6 Deinde completo cursu vitæ meæ, primò animam meam, quia ipsa erat, Domina corporis ad Deitatem excellentius cæteris eleuauit.

Beatissimam Virginem Dei Matrem ad altiore ceteris fuisse euetam Beatitudinis gradum scribitur hic, quod egregiè annotauit etiam D. Hieron. serm. de Assumpt. his verbis, Sicut non est in mundo locus dignior uero Virginali, in quo Dei filium Maria suscepit, sic nec in calo solio Regali, quo Mariam Dei filius sublimauit, idem habent D. Athan. serm. de Deipara D. Greg. Thaum. ser. 2. in Annunciat. Maria aliquanto post med. D. Anselm. de Excell. Virginit. cap. 4. D. Bernard. serm. 1. & 2. de Assumpt. Damasc. orat. 1. de dormit. D. Aug. serm. de Annunciat. & serm. Angelico de Excellent. Maria cap. 2. 1. qui in fine huius Libri posuit est.

7 Inde corpus meum, vt nullius creaturæ corpus sit tam propinquum Deo, sicut meum.

Ex his planè constat, quòd sicut Beatissima Virgo præ ceteris ad altiore gloriæ gradum secundum animæ dotes eleuata est, ita quoque secundum corporis glorificationem præ alijs sublimiores virtutes consecuta est, quod ex eo euidenter colligi potest, quoniam cum verissimum sit, quod aliquid, quo magis suo principio appropinquat, tantò magis effectus eius participes redditur, ex quo infert D. Dionysius lib. 4. de Cælest. Hierarch. cap. 4. quòd Angeli, quia Deo viciniore sunt diuine bonitatis magis participes sunt, quàm homines, cum verò Christus sit principium gratiæ, eiq. fuerit Maria propinquissima secundum humanitatem, quam accepit ex ea, optimè sequitur illam à Christo obtinuisse præ ceteris gratiæ & gloriæ plenitudinem, non solum quoad animæ, sed etiam quoad corporis dotes, quod fusè explicauimus lib. 7. Reuelat. Cap. 26. nota 4.

VERBA VIRGINIS MARIAE
ad filiam, Vtilem doctrinam qualiter debeat viuere, penitentia, & multa mirabilia Christi passionis declarantia.

C. A. P. X.



GO sum Regina cæli, Mater Dei. Ego dixi tibi, quod habere debeas monile in pectore tuo. Nunc autem plenius monstrabo tibi, 1 quod ego à principio cum audirem, & intelligerem Deum esse, semper sollicita, & timorata fui de salute, & obseruantia mea. Cum autem audissem plenius, ipsum Deum esse Creatorem meum, & ludicem de omnibus actibus meis, intimè dilexi eum, & omni hora timui, & cogitaui, nè eum verbo, vel facto offenderem. Deinde cum audissem eum dedisse legem populo, & præcepta sua, & fecisse cum eis tanta mirabilia, proposui firmiter in animo meo nihil nisi ipsum diligere, & amara mihi erant mundana vehementer. 2 Post hæc audito etiam, quod ille idè Deus redempturus esset mundum, & nasciturus de Virgine, tanta circa eum charitate affecta fui, quod nihil nisi Deum cogitabam, nihil volebam nisi ipsum. Ego elongaui me quantum potui à colloquijs, & præsentia parentum, & amicorū. Et omnia quæ habere potui dedi indigentibus. Nihilq. nisi victam tenuem, & vestitum reseruaui. Nulla mihi nisi Deus placuerunt. Ego semper in corde meo optaui, vt viuerem ad tempus natiuitatis eius, si fortè fieri mererer. Ancilla indigna, Matri Dei. 3 Voui etiam in corde meo, si esset ei acceptabile obseruare Virginitatem. Nihil inquam possidere in mundo. Si autem aliter vellet Deus, fieret voluntas eius, & non mea, quia credebam eum omnia posse, & velle nihil nisi mihi utile,

utile, idē ei omnem voluntatem meam commisi. Instante verō tempore, quo secundum cōstitutionem Virgines præsētabantur in templo Domini, affui, & ego inter eas propter obedientiam parentum meorum, cogitans mecum Deo nihil esse impossibile. Et quia ipse sciebat me nihil desiderare, nihil velle nisi se, posset me seruare in Virginitate, si ei placeret, sin autem fieret voluntas eius. Auditis autem omnibus, quæ mandata erant in templo, regressa domum ampliori quam prius ardebam amore Dei, & nouis quotidie inflammabar aſtibus, & desiderijs amoris. Propterea plus solito ab omnibus me elongaui, & fui sola noctibus, ac diebus timens vehementissimē ne os loqueretur, vel auris audiret aliqua contra Deum meū, vel oculi mei viderent aliqua delectabilia. Timida quoque fui in silentio, & multum anxia, ne fortē filerem ea, quæ magis loqui debuissē. Cumq; sic turbarer in corde, sola mecum, spemq; meam omnem cōmitterem Deo, illicō venit in mentem meam cogitare Dei magnam potentiā. Quomodo ei seruiunt Angeli, & omnia creata, qualis gloria eius, quæ est ineffabilis, & interminabilis. Et cum hoc mirarer, vidi tria mirabilia. Vidi namq; fidus, sed nō quale fulget de cælo. 4 Vidi lumen, sed non qualem lucē, quæ lucet in mundo. Sēsi odorem, non qualis herbarum, vel aliquid tale, sed suauissimum, & ferē ineffabilem, quo tota replebar, & præ gaudio exultabam. Indē statim audiui vnā vocem, sed non de ore humano. Et ea audita satis timui, reputans ne fortē esset illusio. Et statim apparuit antē me Angelus Dei, quasi homo pulcherrimus, sed non carne vestitus, qui dixit ad me. Aue gratia plena, &c. Quod cum audissem, mirabar quid significaret hoc, vel cur talem proferret salutationem. Sciebam enim me, & credebam indignam ad aliquid tale, vel ad aliquid boni. Deo tamē non esse impos-

sibile facere quidquid veller. Tunc secundo Angelus ait: Quod nascetur in te sanctum est, & vocabitur filius Dei, & sicut ei placuerit sic fiet: nec tamen credebā me dignam, 5 nec quæsiui ab Angelo, quare vel quando fiet, sed quæsiui, quomodo fiet, quod ego indigna sim Mater Dei, quæ & virum non cognosco. Et respondit mihi Angelus sicut dixi. Deo nihil impossibile, sed quidquid ipse vult facere fiet, &c. Quo verbo Angeli audito, feruentissimum affectum habui esse mater Dei, & loquebatur anima mea præ amore. Ecce ego, fiat voluntas tua in me. Ad quod verbum illicō concipiebatur filius meus in vtero meo cum ineffabili exultatione animæ meæ, & omnium membrorum. Cumque haberem eum in vtero, portabam eum sine dolore, sine grauedine, & tadio ventris. Humiliabam me in omnibus, sciens eum esse omnipotentem, quem portabam. 6 Quando verō peperī eum, sine dolore, & peccato peperī eum, sicut & concepi, cum tanta animæ, & corporis exultatione, quod pedes mei præ exultatione non sentiebant terram, vbi stabant. Et sicut in omnia membra mea cum gaudio tortius animæ meæ intrauit, sic cum gaudio omnium membrorum exultante, anima ineffabili gaudio sine lēſione Virginitatis meæ exiuit. Cumque conspicerem, & considerare pulchritudinem eius, anima mea quasi rorem præ gaudio stillabat, sciens me indignam ad talem filium. Quando verō considerabam loca clauorum in manibus, & pedibus, quos secundum Prophetas crucifigendos audiui, tunc oculi mei replebantur lacrymis, & cor meum quasi ſcindebatur præ tristitia. Et cum filius meus inſpexit oculos meos lacryman-tes, tristabatur quasi ad mortem. Cum verō considerarem potentiam deitatis eius, conſolabar iterum sciens, quod ipse sic veller, & sic expediret, & omnem volun-

voluntatem meam conformaui voluntati eius, & sic semper erat lætitia mea mixta cum dolore. Instante tempore passionis filij mei, rapuerunt eum in maxilla, & collo, & conspuentes illuserunt ei. Deinde ductus ad columnam, personaliter se vestibus exiit. Personaliter ad columnam manus applicuit, quas inimici sine misericordia ligauerunt. Alligatus autem nihil omnino operimenti habebat, sed sicut natus est, sic stabat, & patiebatur erubescientiam nuditatis suæ. Confurrexerunt autem inimici eius, qui fugientibus amicis suis vndique astabant, & flagellabant corpus eius ab omni macula, & peccato mundum. 8 Ad primum igitur ictum, ego quæ astabam propinquius cecidi quasi mortua, & resumpto spiritu, vidi corpus eius verberatum, & flagellatum, usque ad costas, ita vt costæ eius viderentur. 9 Et quod amarius erat, cum retraherentur flagella, carnes ipsis flagellis sulcabantur. Cumque filius meus totus sanguinolentus, totus sic laceratus stabat, vt in eo non inueniretur sanitas, nec quid flagellaretur, tunc vnus concitato in se spiritu quæsiuit. Nunquid interficietis eum sic iniudicatum? & statim secuit vincula eius. Inde filius meus induit se vestibus suis, tunc locum vbi stabant pedes filij mei totum repletum vidi sanguine, & ex vestigijs filij mei cognoscebam incessum eius. Quo enim procedebat, apparebat terra infusa sanguine, nec ipsi patiebantur, vt se indueret, sed compulerunt & traxerunt eum, vt acceleraret. Cum autem duceretur quasi latro, ipse filius meus: exterfis sanguinē ab oculis suis. Cumq. iudicatus esset, imposuerunt sibi crucem portandam. Quam cum ad modicum portasset, veniens vnus assumpsit eam sibi portandam. Interim eunte filio meo ad locum passionis, alij percusserunt eum in collo, alij in faciem ceciderunt:

Et tam fortiter, & valenter percussus est, vt licet ego non viderem percutientem, audiui tamen clarē sonitum percussionis. Cumque venissem cum eo ad locum passionis, omnia instrumenta vidi ibi præparata ad mortem suam. Et ipse filius meus veniens ibi, exiit se personaliter vestibus suis, ministris inter se dicentibus. Hæc vestimenta nostra sunt, nec ea rehabebit, quia damnatus est ad mortem. Stante autem filio meo sicut natus erat nudo corpore, vnus tunc accurrens apportauit sibi velamen quo ipse exultans intinē, velabat verenda sua. Postea rapuerunt eū sancti tortores, & extenderunt in Cruce. Primo dexteram manum eius affigētes stipiti, qui pro clauis perforatus erat. Et manum ipsam ex ea parte perforabant, quæ os solidius erat. Inde trahentes cum fune aliam manum eius ad stipitem eā simili modo affixerunt. 10 Deinde dextrum pedem crucifixerunt, & super hūc sinistrum duobus clauis, ita vt omnes nerui, & venæ extenderentur, & rumpe-
rentur. 11 Quo facto aptauerunt coronam de spinis capiti eius, quæ tam vehementer reuerendum caput filij mei pupugit, vt ex sanguine fluente replerentur oculi eius, & obstruerentur aures, & barba tota decurrente sanguine deturparetur. Cumq. sic sanguinolentus, & perforatus staret, condolens mihi affanti, & gementi, respexit sanguinolentis oculis ad Iohannem sororium meum, & me cōmendabat ei. 12 In tempore illo audiui alios dicentes, quod filius meus latro erat, aliosq. quod mendax, alios quod nullus dignior esset morte, quam filius meus, ex quorum auditu dolor meus renouabatur. Sed sicut dictum est, cum primus clauis infingeretur ei, ego ad primum ictum conturbata cecidi quasi mortua, oculis obscuratis, manibus tremantibus, pedibus nutantibus, & non respondi præ amaritudine antequam ex toto affixus erat. Surgens verò vidi filium meum

meum miserabiliter pendentem, & ego Mater eius mœstissima vndiq. consternata, præ dolore vix stare potui. Filius autem meus videns me, & amicos suos inconsolabiliter flentes flebili voce, & alta clamabat ad Patrem suum dicens, Pater quare me dereliquisti? quasi diceret. Nullus est, qui misceatur mei, nisi tu Pater. Tunc oculi eius apparuerunt semimortui, maxilla eius submersa, & vultus lugubris, os eius apertum, & lingua sanguinolenta, venter dorso inhærens consumpto humore quasi non haberet viscera. Omne corpus pallidum, & lauidum ex fluxu, & egressione sanguinis. Manus, & pedes eius rigidissimè extenti erant, & iuxta formam crucis cruci attracti, & conformati. Barba & crines ex toto respersi sanguine. Itaq. cum filius meus sic laceratus, & liuidus staret, solum cor recens erat, quia optimè, & fortissimè naturæ erat. De mea enim carne corpus mundissimum, & optimè complexionatum sumpsit. Cutis eius sic tenera, & gracilis erat, quod nunquã ita leniter flagellabatur, quin statim exiret sanguis. Ipse quoque sanguis eius tã recens erat, vt in cute munda videri posset. Et quia optimè naturæ erat, vitam cum morte in corpore eius perforato certabat. Nam quandoq. dolor de membris, & nervis corporis perforatis ad cor ascendebat, quod recentissimum erat, & incorruptum, & incredibili dolore, & passione vexabat ipsum. Et quandoq. dolor à corde in mēbra lacerata descendebat, & sic mortem prolongabat cum amaritudine. Cumq. filius meus his doloribus circumseptus respexit ad amicos suos flentes, qui maluissent illam penam in se cum auxilio eius pertulisse, vel in æternum in inferno ardere, quàm eum sic videre cruciari. Dolor ille ex amicorum dolore omnem amaritudinem, & tribulationem, quam vel in corpore, vel in corde sustinuit excedebat, quia tenerè diligebat eos. Tunc præ nimia

corporis angustia ex parte humanitatis clamabat ad Patrem. O Pater in manus tuas commendo spiritum meum. Hanc igitur vocem cū audissem ego eius mœstissima Mater contremuerunt omnia membra mea cū amaro cordis mei dolore. Et quoties postea hanc vocem cogitabam, quasi in aurē mea præsens, & recens erat. 13 Appropinquante autē morte cum cor præ violentia dolorum rumperetur, tunc omnia membra contremuerunt, & caput eius quasi modicum se erigens inclinabatur. Os eius apertum videbatur, & lingua tota sanguinolenta. Manus eius retraxerunt se modicum de loco perforationis, & pondus corporis pedes amplius sustentabat. Digniti, & brachia quodammodo extendebant se, & dorsum fortiter stringebatur ad stipitem. Tunc quidam dixerunt ad me. Maria filius tuus mortuus est. Alij autem dixerunt. Mortuus est, sed resurget. Omnibus itaq. dicentibus, vnus adueniens affixit lanceam in latus eius tam validè, vt penè per aliud latus eius transiret. Et cum extraheretur hausta, apparuit cuspis rubea sanguine. Tunc mihi videbatur, quod quasi cor meum perforaretur, cum vidissem cor filij mei charissimi perforatum. Deindè depositus est de cruce, quem ego recepi in genu meum quasi leprosum, & totum liuidum. Nam oculi eius erant mortui, & sanguine pleni. Os frigidum quasi nix. Barba quasi restis. Facies contracta. Manus quoque sic deriguerant, quod non possent deponi nisi circa vmbilicum. Sicut stetit in cruce, sic habui eum in genu, quasi hominem contractum in omnibus membris. 14 Postea posuerunt eum in luteo mundo. Et ego cum linteis meo extersi vulnera, & mēbra eius. Et clausi oculos, & os eius, quæ in morte fuerunt aperta. Deindè posuerunt eum in sepulchro. O quam libenter tunc posita tuissem viua cum filio meo, si fuisset voluntas eius. His completis venit ille.

bonus Ioannes, & duxit me in domum.
Ecce filia mea, talia sustinuit filius meus
pro te.

NOTAE.

¹
^{var.}
^{leſſ.} **Q**uod ego à principio cum audirem,
& intelligerem Deum esse.

Haecenus impressa exemplaria sic legunt,
sed M. S. Farnesianus, sic habet, In princi-
pio pueritia mea, atque ita legendum esse colli-
gi potest, ex ipsa praesentis Capituli narratione:
Maria naque hoc loco certiores reddit Beatā
Brigitiam, de cunctis vitae suae actibus, &
à pueritia sua exordium ducens, in principio
dicit pueritiae meae.

Post haec auditio etiam, quod ille idem
Deus redempturus esset mundum, & na-
sciturus de Virgine.

Ex his verbis palam fit Beatiſſ. Virginem,
nouisse Deum carnem sumpturum fuisse, &
mundum redempturum; hoc enim ex Pro-
phetarum vaticinijs nouisse poterat, & præ-
cipue ex illo Isa. 7. Ecce Virgo concipiet, tum
quia Maria opus Diuinorum perfectam
scientiam habebat sicut Lib. 5. Reuel. Cap. 4. le-
gitur, & admonuit Andr. Crten. de Dormi-
tione Deiparae, immo perspicacius illam cete-
ris intellexisse sacras litteras tradit S. Ansel.
de Excell. Virg. c. 7. & Metaph. orat. de Dor-
mit. Deiparae, & habetur ser. Ang. c. 17. ut
merito Ignat. Mart. epist. 1. Mariam vo-
cauerit nostrae Religionis magistrā, & Bern.
ser. 4. sup. Missus est, affirmat eā Apostolos il-
luminasse, nō ergo mirū est, si hic legamus, illā
nouisse nasciturum fuisse Messiam, & mun-
dum redempturum, quod eo verius esse arbi-
tror, quod Mariā in rerū Diuinarū cognitione
omnes Theologos excelluisse credo: fauet huic
sententiae Dom. Ban. in cōment. ad 1. p. S. Tho.
q. 1. ar. 10. dubit 6. vbi citat S. Tho. 3. p. q. 27.
ar. 5. ad 3. docentē cognouisse Virginem, quod
esset conceptura Dei filium, & non amissurā
Virginitatē, sed Spiritus sancti virtute ge-
meraturam, sed verē D. Thom. ibi asseuerat
Mariam tantummodo excellēter donum sa-
pientiae habuisse, haec autem in specie eam co-
gnouisse non affirmat: paulo tamen apertius

hoc admonuit D. Aug. ser. 2. de Annunc. in quo
introducitur Angelū ad Virginem loquentē sic,
Recole Maria in lib. Esai. Proph. Virginem,
quam parituram legisti, & gaude atque exul-
ta, quia tu esse meruisti, tuique praefigurata es
Virgo, tu ecce cōcipies in utero nō de viro, sed
de Spiritu sancto. Libet autē hoc loco rem hanc
ex sanctiſſ. & antiquiſſ. Doctore Greg. Thau.
probare, qui apertis verbis fatetur Mariam
Incarnationis Myſterium agnouisse clarius,
quā ipſemet Propheta, sic enim habet ser. 1.
in Annunc. aliquando post initium, Noſti (in-
quit) Maria, quae Patriarchas, & Prophetas
latebāt, didiciſti, Virgo, quae adhuc Angelis
etiā fuerunt abscondita, audiſti, d. Sanctiſſima
quae nunquam diuino spiritu afflatorum Cho-
rus meruit audire, Moyses, & David, Esaias,
& Daniel, cunctiq. Prophetae de ipſo predica-
uerūt, sed modū rationē ignorarūt, tu verō ſo-
la, d. S. Virgo, quae his omnibus fuerit igno-
ra Myſteria, nunc ſuſcipis, cauſaq. intelligis.

Voui etiam in corde meo, si esset ei ac-
ceptabile obſeruare Virginitatem.

Mariam Virginem Virginitatis votum
emiſſiſſe certum eſt, ſicut communis S. S. Patrū,
& Scholaſticorum omnium ſententia probat,
& conſtat euidenter ex verbis praesentis no-
tae: huius ſententiae fuerunt in primis D. Aug.
lib. de S. Virginit. c. 4. Greg. Nyſſen ſerm. de
Natiuit. Rupert. lib. 3. in Cant. Bernar. ſer. 3.
& 4. ſuper Miſſus eſt. Anſelm. de Excellen.
Virginis c. 4. Vgo Viſtor. lib. de Perpet Vir-
ginit. c. 1. & poſtremo vniuerſa Schola cum
Magiſtro in 4. diſt. 30. ſed ex omittamus,
quod certum eſt. Fuit aliquando inter Docto-
res aliqualis controuerſia de tempore, quo
huiusmodi votum Maria emiſerit, & qui-
dem D. Tho. 3. p. q. 28 ar. 4. & in 4. ſent. diſt.
30. q. 2. art. 1. & Capreol. ead. diſt. q. 1. &
Palud. q. 2. Richard ar. 1. q. 2. indicant Ma-
riā ante matrimoniu habuiſſe propoſitū ſeruā-
di Virginitatē, vel etiam emiſſiſſe votū ſub
conditione, niſi aliter Deus praeſciperet, quod
videtur etiam indicari hoc loco cum ſcribitur,
Voui in corde meo, ſi eſſet Deo acceptabile: ad-
dit ſecundo D. Thom. 3. p. ar. vbi ſup. cum poſt
contractū Matrimoniu Maria tale pro-

posui. promplasset Iosepho, viriusque consensu firmatum fuisse votum, probari potest hac sententia dupliciter. Primo quia huiusmodi votum absolute ante Matrimonium emissum impedit illud, cum quia est contra illud Exod. 23. & Deuter. 7. non erit apud te sterilis, quibus verbis videtur prohiberi sterilitas illa, quae sequitur ad Virginitatis votum: his non obstantibus mihi videtur etiam posse defendi, Beatiss. Virg. absolute vouisse Virginitatem ante contractum Matrimonium, fauente huic sententiae in primis August. ubi supra, Scot. in 4. dist. 30. quest. 1. art. 2. Tostat. quest. 33. sup. 1. cap. Matth. Castan. in 3. cap. Matth. & ratione patet, quia ex hac opinione nullum sequitur absurdum, nec ex solutione argumentorum pro prima opinione patet, cui addendum est hoc magis fauere Virginitati Mariæ, si dicamus eam absolute vouisse, neque hoc matrimonium contraheum poterat impedire, nec Diffectores prioris sententiae arbitrantur, nam dicendum est Mariam, vel ex peculiari Spiritus sancti instinctu, vel etiam eiusdem Spiritus sancti aperta reuelatione nouisse, per Matrimonium non violatum iri suum votum, quod indicat Vgo Victorin. D. Thom. Albert. Magnus, & alij Scholastici locis citatis, & hinc fit ea potuisse consentire in Matrimonio non consentiendo actualiter, & explicit in carnalem copulam, nec absolute, nec sub illa conditione, si Ioseph debitum petisset, quoniam erat certa nisi quam petiturum: alij vero respondent huiusmodi votum impedire minime potuisse, quandoquidem ante sponsalia Maria, & Ioseph conuenerunt ad inuicem, ne alter ab altero debitum peteret, & sub hac conditione contraxisse, nec uenire peteret, aut redderet debitum, & hoc non esse contra substantiam Matrimonij tradit Abulen. in cap. 30. Num. quest. 32. Palud. in 4. dist. 30. quest. 2. Gerson. serm. de Natiuit. Mariæ, Ludolph de Vita Christi 1. par. cap. 3. neque etiam obstat locus citat Exod. 23. & Deut. 7. nam verba illius text. non continent præceptum Dei prohibens absterilitatem, ut ex verbis patet cum dici-

tur (non erit apud te sterilis) ac si diceret mulieres vestra secunda erunt. & colligitur hac interpretatio ex textu. Nam ibi Deus commemorat bona, quae promittit se largiturum Iudeis, si serauerint legem suam, inter quae est fecunditas, & prolis propagatio.

4
var.
lect. Vidi lumen, sed non qualem lucem, quae lucet in Mundo.

Farnesianus Codex, M. S. restituit præsentem textum sic (Vidi lumen, sed non tale quale fulget in Mundo)

5 Nec quaesui ab Angelo, quare vel quando haec, sed quomodo fiet.

Planè constat ex verbis praesentis notae, Mariam ab Angelo non inuestigasse finem Dominicae Incarnationis, nec tempus, sed tantummodo modum, & ideo D. Lucas c. 1. sui Euangelij refert Virginem cum Angelo sic fuisse locutam (quomodo fiet istud quoniam virum non cognosco) quae verba non indicant dubitationem aliquam in Virgine exiisse, aut de potestate diuina, aut de mysterij veritate dubitasse, sed sermo est cupientis scire modum, quod id fieri posset absque suae Virginitatis iniuria sicut Ambros. Beda, Theophyl. citata verba Lucae interpretantur, & fauet huic expositioni August. homil. 44. Bernard. homil. 4. super Missus est, Anselm. in illud Euangelij, Intravit Iesus in quoddam Castellum. Sunt etiam, qui dicunt esse haec verba admirantis, sic Cyrillus Catechesi 12. cui interpretationi fauere videtur particula (quomodo) quae in sacris litteris aliquando admirationem importat, ut illud, Quomodo cecidisti Iuliser? qui manè oriebaris, quod confirmari potest ex eo, quod scribitur serm. Angelico c. 16 ubi legimus turbationem Mariæ mansisse ex ingenti quadam admiratione eorum, quae dicebantur illi ab Angelo, quae quidem erant praestantissima, & supra humani caput, neque eam turbationem contigisse ex Angeli visione, quandoquidem Maria erat assueti visionibus Angelorum, unde dixit Euangelista non fuisse turbatam in visione, sed in sermone, ceterum probabiliter quoque dici posset hanc Virginitis turbationem non tantummodo fuisse circa modum partus, sed cum se iudi-

iudicasset indignam, quæ ad tantam dignitatem sublimaretur, ut fieret Mater Dei dixit (quomodo fiet istud) Postremò alij dicunt banc interrogationem fuisse à Virgine factã, non quia dubitaret de Dei potestate, aut de mysterij veritate, vel etiam de modo, quandoquidem scire poterat ex Prophetarum vaticinijs Messiam nasciturum de Virgine, & præcipue ex illo Isaiæ septimò, Ecce Virgo concipiet, quod etiam nota secunda præsentis Capitis probauimus: Maria ergo prudenter interrogat Angelum, ut probe, an eius dicta cum vaticinijs Prophetarum concordent, & an hæc visio boni Angeli sit, vel mali, non uerat enim aliquando Demonem se transformare in Angelum Lucis, & ideo paulò post verba præsentis notæ legimus Mariam dixisse audita uoce Angeli satis timui reputans nõ forè esset illusio.

6 Quando verò peperit eum sine dolore, & peccato peperit eum.

Et hoc erat rationi consonum, ut Maria, quæ in concipiendo nullum voluptatis carnalis sensum perceperat, ita nec in pariendo dolorem aliquem sentiret, sunt enim ad inuicem contexta voluptas, & dolor, ut quandoque non antecessit voluptas, ita nec sequi debeat dolor, sic docent Damasc. lib. 4. de fide cap. 15. & Greg. Nyss. Orat. 1. de Resurrect. & Cyprian. etiã hoc idem admonuit Orat. de Christi Natiuit. non longè ab initio, quoniam (inquit) sine tormento peperit, quæ in cõceptione caruit voluptate. Secunda eadẽ veritas hac ratione probari potest, quia dolor in partu ob uteri apertione cõtingit, ac etiã ob violentiã partium diuisionem, ac diuisionẽ at nihil horu in Virgine partiente reperta sunt. Postremò hoc patet Isaiæ 66. qui dicit, Antequam parturires peperis, & antequam peruenires tempus partus eius peperit Masculum, ac si dixisset ante dolores partus Virgo peperit, & Septuaginta legunt, Antequam ueniat dolor parturientium effugit, & masculum peperit. plura hæc de re annotauimus lib. 7. Reuelat. Cap. 22. nota prima, ubi citauimus D. August. Bernard. Fulgent. & Greg. Nati. an. asserentes absque dolore Mariã peperisse.

7 Percutientes eum in maxilla, & collo. Duplicis hoc loco percussions genus innuitur, quod cum Euangelistis cõcordat, quorum alterum indicat Ioan. 18. Capite his uerbis, Et dabant ei Alapas, & Lucæ 22. Percutiebant faciem eius, alterum uerò Marci 14. & Matth. 26. Et Colaphis eum ceciderunt, est enim alapa percussio in maxilla, & ideo Tren. 3. legimus, Dabit percutienti se maxillas, Colaphus uerò percussio est in collo, utrumque autem notatur cum scribitur, Percutientes eum in maxilla, & collo, quod etiam animaduertit Ludolph. de Vita Christi par. 2. cap. 60.

8 Ad primum igitur ictum, ego quæ astabam propinquius cecidi quasi mortua.

De spasmo Virginis, & an ipsa in suis filij morte uerè deliquim animam passu fuerit egimus Lib. 4. Reuelat. Cap. 70. nota 3.

Sed animaduertendum quod cum legimus, hic, ego quæ astabam propinquius, sermo sit de Christo flagellis cæso, cuius columna dicitur Maria cæteris propinquius adstitisse cogitatione, & mente potius non corpore, ut somniant Interpretes, neque putes dum etiam hic legis, quasi mortuam cecidisse, Mariam indignum aliquid perpeffam, sed magis fuisse doloris gladio transuerberatam iuxta Simonis Prophetiam, Et tuam ipsius animam pertransiuit gladius.

9 Et quod amarius erat, cum retraheretur flagella, carnes ipsis flagellis sulcabantur.

Flagella quibus Saluator noster ad Columnam uerberatus est, è funiculis fuisse confecta, ut annotauit Euthym. cap. 67. in Matth. atque etiam loribus contexta, ut ut plures affirmarunt, habuerunt in extrema parte ferrea quedam puncta, quæ carum lacerabant, & hinc est, quod legimus hic, flagella nudasse costas, & carnem sulcasse, Cæterum qualia fuerint huiusmodi flagella habetur Lib. 4. Reuelat. Cap. 70. sic enim ibi describuntur flagellis aculeatis infixis aculeis, & retractis, non euellendo, sed sulcando, totum eius corpus laceratur, eadem etiam descripta Lansperg lib. 3. elucidationis in Christi Passione.

sione, Ligato (inquit) Domino acceperunt quatuor viri robusti Christum flagellaturi, & flagellis, virgis, & scorpionibus, in quibus erant unci ferrei Christum flagellarunt: sunt etiam qui opinati sunt Saluatorem nostrum primò in crassioribus funibus fuisse flagellatum, postmodum ferreis scorpionibus, tertio catenis, postremò virgis spinarum, in eadem tamen flagellatione adhibuisse carnifices his omnibus tormentorum generibus credendum est, sed hac de re latè egit Iust. Lysside Cruce lib. 2. cap. 3. Verum quibus flagellis in specie Christus verberatus sit textus Sacer non explicat Matth. 27. cap. Flagellis (dicit) tantummodo fuisse caesum, idèò quod virgis scorpionibus, aut ferreis etiam catenis fuisse verberibus affectus Christus, ut pie meditatür S. Vincent. ferm. de Parasceue religiosa quadam traditione censeatur esse verum, sicut & de numero plagarum, quod fuerint ultra quinque millia incertum est Ioan. namque Eckius, de Christi Passione. Act. 4. consid. 4. ex quadam reuelat. huiusmodi plagas fuisse refert 5375. Ludolph. verò de vita Christi par. 2. cap. 58. arbitratur fuisse 5475. postremò Lansper. Homil. 50. de pass. affirmavit fuisse 5460. sed difficile mihi hoc creditur est, quia potuissent lictores, sic de facili Christum Dominum flagellando occidere, nisi forè dicatur, id non fuisse factum, quod fuerit iam diuinitus praesentum Christum suspendio Crucis fuisse moriturum, & idèò diuina virtute in illa flagellatione conseruatum, negari tamen non potest, quod sic naturaliter obire potuisset, ut multis frequenter accidere consueuerat, teste Ulpian. à Iust. Lyssio relato lib. 2. de Cruce cap. 3. Rursus huiusmodi plagarum copiosus numerus improbat, quia neque apud Romanos, aut Iudeos erat in more positum, ut tam acriter flagellarentur rei, cum praesertim Iudei in flagellatione excedere non possent quadragenariam numerum, & à Iudeis quadragenas una minus accepit, Paul. 2. Corin. 11. sed quia à Iudeis Redemptor noster non fuit verberibus affectus, sed à ministris Pilati, probabiliter credendum est, illos quadragenarium numerum excessisse, tum quia nulla lego Romanorum erat praescriptus certus pla-

garum numerus, sed quidquid sit Christus crudelissime flagellatus est, & adimpleta sunt, primò Davidis vaticinia Psal. 37. Ego in flagella paratus sum, & Psal. 68. Quae non rapui tunc exolvebam, ex hoc autem argumento acerbitas flagellationis colligi potest. Primo quia id factum est, ut ad misericordiam commouerentur Iudaei, sic ergo oportuit flagellari, ut homines feri inde mitigarentur. Secundo quia huius flagellationis seuitià indicat scriptura Ps. 34. Cōgregata sunt super me flagella, et Ps. 72. Fui flagellatus tota die, et castigatio mea in matutinis: ubi aduerte cū dicitur tota die nē intelligas per integrū diē fuisse flagellatū Christū extensū, sed intē suū, id est rā acerbē, ac si tota die fuisse flagellatus, nō mirū ergo, si hoc loco legimus Saluatoris nostri corpus, sic fuisse flagellatum, ut costa eius viderentur.

Deiandè dextrum pedem crucifixurū, & super hunc sinistram duobus clauis.

Verba praesentis notae doctissimis quibusdā viris intellectu difficilia visa sunt, unde non mirum, si de Christi pedum crucifixione verba faciētes multi multa dixerint, sed antequam ad horum explicationem veniamus, supponendum est primo, tamquā certum in his B. Brigittae Reuelat. lib. Saluatorem nostrum fuisse cruci affixū quatuor clauis, sicut hoc loco aperte scribitur, & alibi etiam vt lib. 4. Reu. c. 70. & in Exirau. c. 51. Pedes dorsum tracti, & duobus clauis perfoffi, & lib. 7. c. 15. Iudeos pedes affixerunt duobus clauis, eād. sent. secuti sunt Greg. Tur. de glo. Mart. c. 6. & Cypr. ser. de pass. sic scribit, Clauis sacros pedes cerebra tribus, et D. Aug. in lib. Medit. c. 6. Immaculata (inquit) vestigia Christi diris cōfixa clauis, indicat hoc quoq. Innoc. iij. ser. de vno Mart. illis verb. Quatuor clauis sunt, quatuor principales virtutes, sequitur Gab. ser. de exal. S. Cru. Medit. in 3. p. S. Th. q. 46. ar. 11. & inter recēt. Card. Tol. in c. 19. Io. ad illa verba Fecerunt quatuor partes vnicuiq. militi, non dissentiant Crees. lib. 1. de Cru. c. 21. Lansper. de pass. ho. 41. Iansen in Concor. c. 143. fauet etiam Io. Talant. lib. 2. Thesau. rer. abscond. c. 23. qui refert Celsum Adurnum Cler. regular. idē sententiē, & postremò Lyss. in notis ad cap. 9. lib. 2. de Cru. quā notā habetur in fine libri, s enim cū

propositam dubitationem insolutam reliquit
 set lib. 2. cap. 9. re melius inspecta in notis ad-
 monuit, sibi magis placere opinionem dicen-
 tium Christum quatuor clavis fuisse cruci af-
 fixum, eandem opinionem indicare visus est,
 Alphonsus Palcoitus Archiepisc. Bononien. in
 lib. de Stigmat. sacra Sindoni impressis c. 6.
 nu. 8. qui affirmat Reos olim quandoq. cruci
 affigi solitos tribus, quandoq. quatuor clavis,
 hunc autem postremum crucisfigendi modum
 communiorcm, piscatorem, ac etiam facilio-
 rem esse arbitramur: quandoquidem nimis
 operosum est, utrunq. pedem uno clauo trāf-
 figere, fauent huic doctrine antiqua quadam
 immagines, in quibus cernitur Christus qua-
 tuor clavis crucifixus: his addendum, quod cū
 plures etiam per orbem terrarum reperiantur
 clauī, qui in multis Ecclesiis inter Reliquias
 afferuntur, & hi esse creduntur, quibus Re-
 demptor noster crucifixus est, inde probabile
 sumi potest argum. quatuor fuisse Domini-
 cos clauos, Mediolani namq. clauus fræno Cō-
 stantini equi immixtus maxima pietate coli-
 tur, & magno populorum cōcursu honoratur.
 Treueri etiam alius inuenitur teste Lypsis
 ubi supra, quem vocat clauum pedis d. xtri.
 Tertium ab Helena Roman fuisse transmissi-
 sum, ac in Ecclesia S. Crucis Hierusalem af-
 feruari scimus, multoties vidimus, manibus
 etiam nostris, licet pollutis, semel atque ite-
 rum contrectauimus. Alio clauo fuisse eius-
 dem Constantini munitam Galeam, quo sese
 ab inimicorum iētibus defenderet affirmarūt
 Greg. Turon. loc. cit. Euseb. Casarien. lib. 10.
 c. 8. Nicephor. lib. 8. c. 29. Sigonius de Occi-
 dentali Imperio lib. 3. Postremo alterum cla-
 uum fuisse in Adriaticum iniectum Mare
 tradidit Gregor. Tur. his verbis Pientis, Im-
 peratrice Helena miserorum calamitatibus
 permota unum ē Dominici clauis de Domi-
 ni pietate confissa in Adriaticum Mare im-
 misit, quo facto Adriaticum Mare quietum,
 & tranquillum redditū est, tranquillaq. na-
 uigantibus flabra reddita. Ceterum cur Chri-
 stus suos pedes transfigi voluerit decem, &
 octo rationes affert F. Daniel Mallonius in
 elucidationib. ad lib. sacrarum Stigmatum sin-

doni impressarum c. 19. ad fin. sed quidquid
 sit, deueniendum est ad explicationem presē-
 tis notæ verborum, quæ quidem negotium ali-
 quibus viris doctis facessere possunt: legimus
 enim hic fuisse primum dexterum pedē cruci
 affixum, & postmodum super illum sinistrū
 duobus clavis, quod sanē difficile intellectu est,
 quomodo fieri potuerit, quod duobus clavis pes
 sinister fuerit perforatus, quamquā nō desint,
 qui affirmauerint sinistrum pedem fuisse su-
 perpositum dextero, & duobus clavis super eū
 fuisse confixum, alij verō arbitrati sunt, uno
 clauo paruo primō dexterum pedem postmodū
 alio clauo magno sinistrū superpositum dex-
 tero fuisse crucifixū. Postremo F. Daniel al-
 lonius in lib. cit. cap. 19. nu. 9. aserit ex sent.
 S. Brigitte uno clauo primō dextrum pedem
 fuisse perforatum, & postea sinister pes, ita
 dextro pedi sit cancellatim superpositus, ut
 versus talum cum dextro pede crucem for-
 mans, sic ita stipiti affixus, ut clauus d. xtri
 pedem non perforarit; sed quia hoc, & valde
 operosum, ac etiā difficile intellectu mihi vi-
 sum est, neque undēquaq. SS. Patrū, ac Do-
 ctorum virorum sententijs conforme, qui af-
 firmarunt Redemptorem nostrum, aut dispa-
 ratīs pedibus duobus clavis fuisse crucifixum,
 aut uno clauo ambos pedes fuisse transfixos,
 idē admodū nobis placuit M. S. Farnesiani
 Codicis lectio sic enim habet, Deindē dextrū
 pedē crucifixērūt, & in super sinistrū duo-
 bus clavis, quo loco anim aduertendum est, ea
 verba (duobus clavis) non esse referenda ad
 pedē sinistrum tantū, quasi ille duobus clavis
 fuerit perforatus, sed ad utrunq. pedem, quos
 fuisse cruci affixos duobus clavis supra ex Do-
 ctoribus probauimus.

var.
lect.

11 Quo facto aptauerunt coronam de
 spinis Capiti eius.

Qualis fuerit hæc corona, & quando, &
 quoties Christi Domini capiti imposita fuerit
 tradidimus Lib. 7. Reuslar. Cap. 15. nota 2.

12 In tempore illo audiui alios dicētes,
 quod filius meus latro erat, aliosq. quod
 mendax, alios, quod nullus esset dignior
 morte.

Sic legunt omnes impressi Codices, sed M.

S. Farnesianus habet, quod nulla esset dignus morte filius meus, quae lectio probari potest, ex eo quod aliqui Sernatoris nostri cognita innocentia existimarunt, cum nulla fuisse morte dignum, ut & dixisse Pilatum referunt Lucas 23. cap. & Ioa. 18. Nullam inuenio causam mortis in eo.

Ex illis autem verbis, quae paulo supra habentur ibi (Ioannem sororium meum) aperte colligitur Ioannem Euangelistam fuisse Christi sororium, quod etiam fateatur S. Ignatius Martyr, qui Epistola prima ad sanctum Ioannem ab Echio relata sermo 2. de S. Anna sic habet, Ipsa enim Salome, quam diligit filia Annae, & Salome Matrem fuisse Ioannis fatentur omnes, sic Chrysost. Hieron. & Maldonat. & alij plures Mater (inquiunt) Ioannis est filia Annae, cuius etiam filia fuit sanctissima Virgo, ergo luce clarius Ioannem fuisse sororium Christi, qui ex Matris sorore est natus. Idem confirmat Bernard. de la mēt. 14 Virg. ubi Ioannem Virginis nepotem vocat, probat hoc D. Thom. quod lib. 4. art. 15. arg. 2. quo loco consanguineum Christi vocat Ioannem, Abulens. cap. 20. in Matth. 9. 54. d. 3. & infra saepius, & cap. 22. q. 115. d. ad 2. in ead. sent. est Albert. Magnus in cap. 19. Ioan. Vincent. in spec. histor. Cornel. Mussus in Symb. conicione 13. par. 2. D. Bonau. cap. 78. medit. Bida. prefat. in Ioan. Histor. Scolastic. cap. 47 & inter recentiores sequitur Eosterus, medit. 25. de Christi Pass. Arius Montan. in lib. de monument. humane salutis Ode 33. Surius eand. sent. tuctur, mitto alios sexcentos, ut gloss. ad Galat. c. 1. D. Antonin. par. 1. in Hist. Lodulph. Gerfonem, & solum Echium addam, qui loco citato habet repugnare sanctis Patribus & Ecclesiae, ipsiq. Scrip. tur, qui negant Ioannem fuisse Christi Consobrinum, quod utinam probasset, dubitandi enim locum omnem ademisset.

13 Appropinquante autem morte.

Dubitari hic merito posset si ea omnia, quae ibi narrantur acciderant, Christum enim Iesum post eorum prolationem verberum, In manus tuas & c. non statim obijisse reclamante auctoritate S. Luca, qui cap. 23. habet Eum

post haec verba expirasse, sed primo scito Interpretem Dominice Passionis Historiam non continuasse, sed quodam quasi epilogo ea, quae supra narrauerat conclusisse, ac ijs verbis duplicem innuere voluit affectum, vocis unum, cum refert Dominum clamasse, Pater in manus & c. Corporis alterum ob imminente mortem dum dicit, os eius apertum, linguam conspersam sanguine, & c. Adde 2. post ea verba in manus aliqualem intercessisse morulam iuxta ea, quae scribit Ioan. cap. 19. Et inclinato capite, Capitis videlicet inclinationem. Adde 3. cum Euthymio cap. 67. in Matth. 27. Textum Graecum habere commendabo spiritum meum, rationem ipse subdit, quia videlicet Christus non statim expirauit: nūquid est contra ea, quae habet S. Lucas? dum enim referte haec dicens expirauit, significat non magnum temporis spatium, aliquod tamen intercessisse.

14 Postea posuerunt eum in linteo mundo, & ego cum linteo meo extendi vulnera, & membra eius, & clausi oculos, & os eius.

De hoc linteo tractauimus infra lib. 2. Reuelat. Cap. 1. nota 3. ubi historia depositionis Christi de Cruce narratur, ibiq. plura tradidimus, quae ad intelligentiam facere possunt eorum, quae circa suam praesentis Capituli scribuntur, hic tamen vnum tantummodo annotare volui, cum legimus Beatiss. Virginem sui filij de Cruce depositi oculos, & os clausisse, hoc apud antiquos fuisse in more positum, ut cum primum moriens exhalauerat animam, eius oculi occluderetur, quod patet ex auctore antiquissimo Cyprian. Orat. de Christi sepultura, nunquid (ait) digitis tuis oculos Iesu, & mortuorum de more solent claudis, sanet etiam Dionys. alexandr. Epistola, quae exarata est apud Eusebium lib. 7. hist. cap. 17. ibi oculos occludere, & ora obturare, & ex prophani auctoribus Plinius meminit lib. 11. cap. 37. plura habet haec de re Alex. ab Alexan. lib. 3. genialium dierum cap. 7.

VERBA CHRISTI AD SPONSAM
qualiter se tradidit spontaneè suis ini-
micis crucifixoribus. Et de modo vi-
uendi in continentia omnium mem-
brorum ab illicitis moribus exemplo
sue dulcissimæ Passionis.

C A P. X I.

ILIVS Dei loquebatur
ad sponsam dicens. Ego
sum Creator cæli, & terræ
& corpus meum verum
est, quod in altari con-
secratur. Dilige me toto corde, quia ego
dilexi te. Et ego spontaneè tradidi me
inimicis meis, & remanserunt amici mei,
& mater mea in amarissimo dolore, &
fletu. Cumq. viderem lanceam, clauos,
flagella, & alia passionis genera parata,
processi nihilominus lætus ad passionē,
Cumq. caput meum esset vndiq. corona
cruentatum, & vndiq. sanguis flueret,
& etiam si adhuc inimici tetigissent cor
meum, magis hoc paterer diuidi, & vul-
nerari, quam te carere. vellem. Propte-
reà nimis ingrata es, si me pro tanta
charitate non dilexeris. Si enim caput
meum punctum est, & inclinatum in
Cruce pro te; caput tuum debet incli-
nari ad humilitatem. Et quia oculi mei
erant sanguinolenti, & pleni lachrymis,
ideò oculi tui debent abstinere à dele-
tabili visu. Et quia aures meæ imple-
bantur sanguine, & audiebant verba
detractionis meæ, idcirco aures tuæ a-
uertantur à scurrilibus, & ineptis locu-
tionibus. Quia etiam os meum potatum
est amarissima potatione, & prohibitum
à bonis, ideò os tuum obstruatur à malis,
& aperiatur ad bona. Et quia manus meæ
extensæ sunt cum clavis, propter eam ope-
ra tua, quæ figurantur in manibus, ex-
tendantur ad pauperes, & ad præcepta
mea. Pedes tui, id est, affectus tui qui-
bus ad me ire debes crucifigantur à vo-

luptatibus. Ut sicut in omnibus mem-
bris passus sum ego, sic omnia membra
tua parata sint ad obsequium meum.
Quia maius seruitium exigo à te, quam
ab alijs, quia maiorem gratiam feci tibi.

N O T A E.

EGo spontaneè tradidi me inimicis
meis, & remanserunt amici mei.
Ex verbis præsentis notæ deducendum est
primo, Christi Domini mortem omnino fuisse
liberam, ac voluntariam; ipse namq. sponte
se tradidit potestati carnificum, & scribitur
hic, & indicat D. Luc. cap. 22. ubi refert Do-
minum dixisse illis, Hæc est hora vestra, &
potestas tenebrarum harum. & sensus est
nunc potestis facere in me quidquid libet, non
quod potentiores sitis, sed quod teneat hora,
quæ ego morte m. subire volo, secundum Patris
decretum, idem constat I. Jac. 53. cum dicat
de Christo Oblatus est, quia ipse voluit, &
Ioan. 10. Nemo tollit animam meam à me,
sed ego pono eam, nulla ergo fuit in Christo ne-
cessitas moriendi, si loquamur de necessitate,
quæ voluntati repugnat: mors enim Christi
libera fuit, & voluntate diuina, & volun-
tate humana deliberata: vnde egregie Dama-
scen. lib. 3. de fide cap. 20. loquens de hac ne-
cessitate, quæ voluntati opponitur, asserit,
quod nihil coactum in Christo consideratur
sed omnia erant in eo voluntaria, quod pro-
bat D. Th. 3. par. q. 47. art. 1. quoniam Chri-
stus poterat supernaturali virtute mortē im-
pedire, & noluit ob humani generis redemptionem:
nem si verò sermo sit de necessitate naturali,
quæ ad principia naturalia sequitur, tunc dici
potest, in Christo huiusmodi extitisse neces-
sitate moriendi, quia ipse habuit naturā su-
ceptivā contrarietatis primarum qualitatū
tum, ad quarum alterationem de necessitate
mors sequitur, & quamquam Redemptor no-
ster non fuisset violenter occisus, senio tamen
secundum naturam defecisset, ut probauimus
infra hoc eodem Lib. Cap. 37. nota 1. quare si
de necessitate coactionis verba facimus, quæ
naturæ corporali repugnat, dicendum est Christi

corpus secundum conditionem proprie naturae huiusmodi necessitati fuisse subiectum; sunt ergo verba praesentis nota intelligenda de necessitate, quae opponitur voluntati, quae non fuit in Christo, quippe qui, ut legimus hoc loco, sponte se tradidit inimicis suis, quia permisse flagellari, & occidi cum posset impedire, cum autem dicit, Passionis suae ministros ex inimicis amicos factos esse, indicat pro eis orasse, illosque efficaci oratione sua iustificasse, & Patri suo reconciliasse.

QUALITER ANGELVS ROGAT
pro sponsa, & qualiter Christus quaerit ab Angelo, quid est, quod quaerit pro sponsa, & quid expedit sponsae.

C A P. XII.



ANGELVS bonus custos sponsae videbatur rogare Christum pro eadem sponsa. Cui respondit Dominus dicens. Qui rogare voluerit pro alio, salutem eius rogare debet. Tu enim es quasi ignis, qui nunquam exstinguitur, ardens charitate mea incessanter. Tu vides, & scis omnia cum vides me. Tu nihil vis nisi quod ego. Dic ergo mihi quid isti meae novae sponsae expedit. Et ille respondit. Domine, tu scis omnia. Cui Dominus ait. Omnia quidem quaecunque facta, & futura sunt, aeternaliter sunt in me. Et omnia in caelo, & in terra novi, & scio, nec mutatio est apud me. Tamen ut ista sponsa intelligat voluntatem meam, dic modo ipsa audiente quid ei expedit. Angelus ait. Elatum habet cor, & magnum propterea necessaria est ei virga, ut edometur. Et tunc Dominus ait. Quid igitur petis ei amice mi? Et ille. Domine, peto misericordiam cum virga tua. Et Dominus ait. Propter te hoc faciam ei, qui nunquam facio iustitiam sine misericordia. Ideo diligere me haec sponsa debet toto corde.

QUALITER INIMICVS DEI
habet tres daemones in se. Et de iudicio contra ipsum a Christo illato.

C A P. XIII.



INIMICVS meus habet in se tres daemones. Primus sedet in genitalibus. Secundus in corde. Tertius in ore. Primus est quasi nauta, qui facit aquam per carinam intrare, quae paulatim inde crescendo replet naue. Inde superfluit aqua, & navis submergitur. Haec navis est corpus suum, tentationibus daemonum, & cupiditatibus suis, quasi procellis agitata. In quod voluptas sua primo intrauit per carinam, id est, per delectationem, quae delectabatur talibus cogitationibus. Et quia non resistebat per poenitentiam, nec consolidabat clavis abstinentiae, crescebat quotidie aqua voluptatis adhibendo consensum. Inde completa, seu repleta naue ventris concupiscentia, affluebat aqua, & operiebat naue voluptate, ne veniret ad portum salutis. Secundus daemon, qui sedet in corde, est similis vermi iacenti in pomo. Qui nucleum pomi primo comedit, inde relictis ibi stercorebus suis, peruagatur totum pomum, donec totum fiet inane. Sic diabolus facit. Primo viciat voluntatem eius, & desideria bona, quae sunt quasi nucleus, unde omne robur metis, & bonum subsistit, & euacuato corde ab istis bonis, tunc relinquit pro eis in corde cogitationes, & affectiones mundi, quas magis dilexit, tunc impellit ipsum corpus ad quod ei placet, & ex hoc minuitur ei fortitudo, & intelligentia, & accedit tedium vitae. Ipse certissime est pomum sine nucleo, id est, homo sine corde, quia sine corde intrat Ecclesiam meam, quia diuinam charitatem nullam habet. Tertius

tius dæmon est similis sagittario, qui per fenestras circumspectis sagittat incautos. Quomodo non dæmon sedet in eo, qui nunquam loquitur sine eo? Quod enim magis diligitur frequentius nominatur. Verba sua amara quibus alios vulnerat, sunt quasi iacula, quæ per tot fenestras emittuntur, quotiens nominatur diabolus, quotiens innocentes per verba eius vulnerantur, quotiens simplices ex eius verbis scandalizantur. Ideo in veritate mea, qui sum veritas iuro, quod iudicabo eum sicut meretricem ad ignem sulphureum. Sicut proditorem, & insidiatorem, ad omnium membrorum incisionem, & sicut Domini sui contemptorem, ad perpetuam confusionem. Verumtamen quamdiu anima, & corpus insimul sunt, misericordia mea aperta est super eum. Hoc est autem quod requiro ab eo, scilicet, vt frequentius intersit diuinis. Nullum timeat opprobrium, & nullum concupiscat honorem. Et vt nunquam nominetur in ore suo nomen sinistrum.

Declaratio.

Hic Prior Ordinis Cisterciensis sepeliuit excommunicatum. Cumq. legisset vltimam commendationem pro eo, Domina Brigitta rapta in spiritu audiuit. Ille fecit sicut potuit, & sepeliuit. Iam scito pro certissimo, quod iste post istum mortuum primus sepelietur. Nam peccauit in Patrem, qui dixit non esse acceptatorem personarum, nec honorare vultum diuitis. Hic verò propter modicum corruptibile, honorauit indignum, & locauit, vt non debuit inter dignos. Peccauit in Spiritum meum, qui est communio, & communicatio iustorum, quando iniustum sepeliuit cum iustis. Peccauit in me Filium, qui ego dixi. Qui me spernit, spernetur. Ille verò honorauit illum, & exaltauit, quem Ecclesia mea, & Vicarius meus spreuit. Qui Prior auditis verbis istis compunctus, quarto die mortuus est.

VERBA CHRISTI AD SPONSAM
de modo, & respectu quem debeat in oratione tenere. Et de tribus generibus hominum, in hoc mundo Deo seruientium.

C A P. XIV.



GO sum Deus tuus, qui in cruce crucifixus verus Deus, & verus homo in vna persona, sum quotidie in manibus sacerdotis. Cum mihi aliquam orationem facis, concludere semper sic orationem tuam, vt scilicet velis fieri semper voluntatem meam, non tuam. Quia cum pro damnatis exoras, non exaudio te. Quandoque etiam contra salutem tuam optas fieri, & ideo necesse est tibi voluntatem tuam mihi committere, quia omnia scio, qui prouideo tibi nihil nisi vtile. Multi quippe orant non recta intentione, & ideo non merentur exaudiri. Tria namq. sunt genera hominum seruientium mihi in hoc mundo. Primi sunt, qui me credunt esse Deum, & largitorem omnium, & super omnia potentem. Hi seruiunt mihi hac intentione, vt scilicet temporalia, & honorè obtineant, sed cælestia sunt eis pro nihilo, & gaudet ea amittunt, vt obtineant præsentia. His iuxta voluntatem eorum prosperitas sæculi in omnibus accedit. Et sic amissis æternis, in temporalibus comoditate remunerare eos quicquid boni fecerunt pro me vsque ad vltimum quadrantem, & vsq. ad nouissimum punctum. Secundi sunt, qui credunt me Deum omnipotentem, & districtum iudicem, isti seruiunt mihi ex timore pænæ, non autem ex amore cælestis gloriæ. Nisi enim timerent, non mihi seruirent. Tertij sunt, qui credunt me omnium Creatorem, & verum Deum, qui credunt me iustum, & misericordem. Et seruiunt mihi non ex timore alicuius pænæ, sed ex diuina dile-

dilectione, & charitate. Et mallent quippe omnem pœnam si sufficerent magis sufferre, quam me semel ad iram prouocare. Isti verè mœrentur audiri in prece sua, quia voluntas eorum est secundum voluntatem meam. Primus enim nunquam exhibet de supplicio, nec videbit faciem meam. Secundus autem tam magnum supplicium non habebit, nec tamen faciem meam videbit, nisi correxerit illum timorem penitentiæ.

1.
var.
lc. 6.

N O T Æ.

1.
var.
lc. 6.

AD finem presentis Capituli magis arripit M. S. Farnesiani Codicis lectio, ubi enim in vulgatis habetur, nisi correxerit illum timorem penitentiæ, M. S. Codex legit, nisi se correxerit ab eo timore per penitentiæ. Quis nam autem sit ille timor, quæ in presenti Capite Christus Dominus improbat, declarauimus ex Magi, tro sententiarum, alijsq. Doctoribus Lib. 4. Reuelat. Cap. 8 1. nota 1.

VERBA CHRISTI AD SPONSAM, conditiones magni Regis Christo appropriantia. Et de duobus gazophilacijs, per quæ amor Dei, & amor mundi designantur. Et de doctrina proficiendi in hac vita.

C A P. XV.



EGO sum sicut vnus Rex magnus, & potens. Ad Regem enim pertinent quatuor. Primo debet esse diues. Secundo mitis.

Tertio sapiens. Quarto charitatus. Ego verè sum Rex Angelorum, & omnium hominum. Ego etiam habeo illas quatuor proprietates quas dixi. Primo namq. sum diuissimus, quia omnibus do necessaria, nec minus habeo post datum. Secundo sum mitissimus, quia omnibus petentibus paratus sum dare. Tertio itaq. sum sapientissimus, quia scio, quod

vniciuiq. debetur, & expedit. Quarto etiam sum charitatiuus, quia paratior sum dare, quam aliquis petere. 1. Ego habeo quasi duo gazophilacia: In primo enim gazophilacio sunt reposita poderosa, & grauias quasi plumbum, & cella ista ubi ista sunt, est circumsepta acutis aculeis pungentibus. Sed qui hæc primo incipit vertere, & reuoluere, & deinde portare didicerit, leuia videntur sibi posse quasi pluma. Et sic leuissima sunt, quæ antea poderosa videbantur. Et suauias quæ prius pungere credebantur. In secundo gazophilacio videtur esse aurum resplendens, & lapides præciosi, & pocula odorifera, & dulcisia, sed verè aurum illud est luteum, & illa pocula sunt venenum. Ad hæc namq. gazophilacia sunt duæ viæ, sed antea erat vnica via. In cõpetis, id est in ingressu duarum viarum stabat vnus homo, & clamabat ad tres homines, qui incedebat per viam aliam dicentes. Audite, audite verba mea, & si non audieritis, saltem videte oculis vestris, quia vera sunt, quæ loquor. Si autem nec audieritis, nec videritis, saltem attrectate manibus, & probabitis, quod in verbis meis nulla est falsitas. Tunc ait primus illorum, audiamus, & videamus si verba eius vera sint. Secundus homo ait, Falsum est quicquid dicit. Tertius dixit. Scio quod vera sunt, quæ dicit, sed non curo. Quid sunt ista duo gazophilacia, nisi amor meus, & amor mundi. Sed ad hæc duo gazophilacia sunt duæ viæ. Abiectio, & perfecta abnegatio propriæ voluntatis, quæ ducit ad amorem meum. Et carnis voluptas, quæ ducit ad amorem mundi. In amore autem meo, videtur aliquibus esse onus quasi plumbum, quia cum ieiunare debent, & vigilare, seu refrenare carnem, quasi plumbum portare sibi videntur. Si autem verba, & contumelias audierint, si in religione, & oratione morantur, quasi inter aculeos resident, & in omni hora angustiantur. Sed qui in amore meo esse vult, incipiat primo

ver-

vertere onus, id est, conetur ad faciendū bona, per voluntatem, & continuum desiderium. Indē leuet modicē, & paulatim, id est faciet ea quæ potest, cogitando lic. Hoc benē possum facere, si Deus dederit mihi auxilium. Deindē perseuerans in incepto, cum tanta alacritate, ea quæ videbantur sibi prius esse onerosa incipit portare, quod omnis labor in ieiunijs seu vigilijs, & alijs laboribus quibuscunque, est sibi tam levis quasi pluma. Et in tali sede quiescunt amici mei, quæ est malis, & desidijs quasi circūsepta aculeis, & spinis, sed amicis meis est summa quies, & levis quasi rosa. Ad hoc gazophilacium est via recta, contemptus propriæ voluntatis, quando homo considerat passionē, & charitate mea, non curat facere voluntatem suam, & resistit totis viribus, & conatur semper ad maiora.

2 Et licet ista via in principio sit aliquātulum grauis, tamen in processu multū delectat, in tantum, quod ea quæ prius videbantur ad ferendum impossibilia, fiunt postea leuissima, vt merito dicat intra se. Iugum Dei suauē est. Secundum gazophilacium est mūdus; in quo sunt aurum, lapides preciosi, & pocula, quæ videntur odorifera, sed tamen degustata amara sunt vt venenum. Omnis enim qui portat aurū, contingit ei, quod cum debilitatur eius corpus, & deficiunt membra, & cum eius adnihilatur medulla, & corpus ipsius cadit per mortem in terram, tunc relinquit aurum, & lapides, & nō valent sibi plusquam lurum. Pocula etiā mundi, id est, delectationes, videntur delectabilia, sed cum veniunt in ventrem, debilitant caput, grauant cor, & omnia membra euertunt, & postea quasi fœnum homo arefcit. Et appropinquante dolore mortis, omnia delectabilia fiūt amara quasi venenum. Ad hoc gazophilaciū ducit propria voluntas, quando homo non curat resistere affectionibus suis prauis, neque meditat, quæ ego præcepi, & feci, sed quicquid

venit in eius cogitationē siue licitū, siue illicitum hoc statim facit. Per hanc viam tres viri ambulant, in quibus intelligo omnes reprobos, qui diligunt mundum, & omnem voluntatem propriam. His ergo clamaui, qui stabam in compitis, seu in ingressu viarum, quia veniens in carne humana, ostendi hominibus quasi duas vias, scilicet quid sequendum esset, quid vè fugiendum. Quæ via scilicet ducebat ad vitam, & quæ ad mortem. 3 Nam antē aduētum meum in carne, non erat nisi vna via, qua omnes boni, & mali ibant in infernum. Ego autem sum ille, qui clamabat, & clamabam sic. O homines audite verba mea, quæ ducunt ad viā vitæ, quia vera sunt, & sensu proprio percipere potestis illa esse vera, quæ loquor. Et si non auditis ea, vel non potestis audire, saltem videte, scilicet fide, & intellectū, quia vera verba sunt mea. Sicut enim oculis carnis cernitur visibilē aliquid, sic oculis fidei cerni possunt intuisibilia, & credi. Multi deniq. sunt simplices in Ecclesia, qui pauca bona operantur, per fidem tamen saluantur, quia credunt me Creatorem omnium, & Redemptorem. Nullus quippē est, qui me non posset intelligere esse Deum, & credere, si considerat quomodo terra fructificat, & quomodo cælum dat pluias. Quomodo arbores vident. Quomodo animalia vnum quodq. in genere suo subsistunt. Quomodo sidera homini seruiunt. Quomodo contraria eueniunt voluntati hominis. Ex his omnibus potest homo videre, quod mortalis est; & quod Deus est ille, qui omnia ista disponit. Si enim non esset Deus omnia ista irent inordinate. Ergo omnia sunt à Deo, & omnia rationabiliter propter ædificationē hominis sunt disposita. Nec minimum est in mundo, quod sine ratione sit, vel subsistat. Ergo si homo non potest propter infirmitatē virtutem meam sicut est capere, vel intelligere, potest tamen videre per fidem,

& credere. Si autem, o homines nolueritis considerare intellectu potentiam meam, potestis tamen attrectare manibus vestrīs opera, quæ ego feci, & sancti mei. Quia sic aperta sunt, quod nullus dubitare potest esse opera Dei. Quis suscitauit mortuos, & illuminauit cæcos nisi Deus? Quis expulsiuit dæmones, nisi Deus? Quid autem docui, nisi vtilia ad salutem animæ, & corporis, & læuia ad portandū. Sed primus homo ait, id est, aliqui dicunt audiamus, & probemus, si vera sunt. Hi ad tempus stant in seruitio meo, non causa dilectionis, sed experientię, & imitationis aliorum. Nec relinquendo voluntatem propriam, sed suam faciendo cum mea voluntate. Hi periculose positi sunt, quia duobus Dominis seruire volunt, licet neutri bene seruire possint. Cum autem vocati fuerint, quem Dominum magis dilexerunt ab eo remunerabuntur. Secundus homo dicit, id est aliqui. Falsum est quicquid loquitur, & falsa est scriptura. Ego sum Deus, & Creator omnium, & sine me nihil est factum. Ego condidi nouam legem, & veterem, & de ore meo processit, nec in ea est aliqua falsitas, quia ego sum veritas. Ergo qui me falsum dixisse dicunt, & Scripturam sacram falsam dicunt, ipsi nunquam videbunt faciem meam, quia conscientia eorum dicit eis me esse Deum, quia omnia fiunt secundum voluntatem meam, & dispositionem meam. Cælum illuminat eos, nec ipsi se illuminare possunt. Terra fructum gignit. Aer fecundat terram. Omnia animalia habent certam dispositionem. 4 Dæmones consentiunt me. Iusti homines patiuntur incredulitas, propter amorem meum. Hæc omnia vident, nec tamen vident me. Ipsi etiam possunt videre me in iustitia mea. Si cōsiderarent quomodo terra absorbit impios: Ignis combussit iniquos. Sic etiam possunt me videre in misericordia mea. Quando aqua de petra fluxit iustis. Et

aqua maris cedebat eis. Quando ignis non lædebat eos. Quando cælum quasi terra nutrebat eos. Et idē quia ista vident, & adhuc dicunt me mentiri, nunquam videbunt faciem meam. Tertius homo dicit, id est aliqui. Benē scimus eum esse verū Deum, sed non curamus. Isti in æternum cruciabuntur, quia cōtemnunt me Deum, & Dominū suum. Nunquid non est magnus contemptus, quod vtuntur bonis meis, & tamen ipsi contemnunt seruire mihi. Si enim haberent ipsi ex industria propria, & non totum ex me, læuis esset contemptus. Qui autem onus meū vertere incipiunt, ijdem voluntariē, & ex seruienti desiderio conantur ad faciendum illud modicum, quod ipsi possunt, ijs ego dabo gratiam. Qui autem leuant pondera mea, id est pro amore meo, de die in diē proficiunt, cum eis laboro, & fortitudo illorum ero, & infāmabo eos, vt amplius velint. Qui autem sedent in sede, quæ pungere videtur quietissima tamen est, ij sunt in laboribus, & patientia nocte, & die, nec attendantur, sed cōmagis ardent, & modicum eis videtur esse, id quod agunt. Hi sunt amici mei charissimi, & ij valde pauci sunt. Quia pocula secundi gazophilacijs magis alios delectant.

N O T A

E Go habeo quasi duos gazophilacia. In presenti Capite amores duos describuntur, amor Dei, & amor mundi, qui per duos gazophilacia, quorum hic mentio fit designantur: & notandum ex D. Hieron. sup. Ezech. cap. 40. & Beda in Luc. cap. 22. Gazophilacium esse locum, quo seruari diuitia consueverunt, duo autem in templo fuisse obseruauit Beda vbi supra, Alterum gazophilacium locus erat, in quem pecunia, Alterum in quem res aliæ maioris molis à Populo conijciebantur, primum Arca quædam erat, de qua 4. Reg. 12. aliud Aula quædam, aut locus aliquis eiusmodi

amplus multarum rerū capax, hic ergo Christus se quoque duo habere gazophilacia asserit, & per primum Amorem diuinum, per secundum verò mundanum designat, in primo dicit reperiri propriæ voluntatis, ac mundanarum rerum contemptum, aliaq. plura, quæ ab his, qui amore diuino incensi sunt, queri solent. in secundo verò affirmat esse mundi delectationes, ac delitias, bona etiam temporalia, quæ qui diligunt, mundum sectantur. Verum de duobus his amoribus plura habet D. Augustin. lib. 14. de Ciuit. cap. 28 & in enarratione Ps. 64. ubi monet ex his duobus amoribus duas manasse Ciuitates, alteram Hierusalem, alteram Babylonem.

Et licet ista via in principio sit aliquantulum grauis, tamen in processu temporis multum delectat in tantum, quod quæ prius videbantur ad ferendum impossibilia, fiunt postea leuissima.

Is est præcipuus diuini amoris effectus, ut ieiunia, vigiliæ, ceteraq. corporis incommoda in spiritali vita sese exercenti in principio videantur amara, ac onerosa, postmodum proficienti in ea dulcia fiant, & leuia: Nescit enim amor amaritudines, & labores, inquit August. lib. 13. Confessionum, quia foror amoris dulcedo est, & qui amat non laborat, solum labor non amantibus grauis est, & ipse amor est, qui nomen difficultatis erubescit.

Nam antè aduentum meum in carne non erat nisi vna via, qua omnes boni, & mali ibant ad Infernum.

Ex his verbis nullatenus colligendum est, quod omnes communiter, qui antè Christi Domini Incarnationem obierunt ad infernum damnatorum descenderint, cum Abraham, Isaac, Iacob, ceteriq. Veteris testamenti Patres sanctitate conspicui ad Limbum iuerint, à quo per Christi descensum fuisse liberati, qui locus Infernus dicitur, vel ob priuationem celestis gloriæ, & pœnam damni, quam in damnatorum inferno existentes luunt, ut animaduertit D. Thom. 3. par. quæst. 52. art. 2. ad 4. vel quia locus est in inferioribus partibus terre, quia infra nos est; idè dicebatur Infer-

nus, ut ex D. Isidoro colligi potest lib. 14. Ethimolog. cap. 9. & D. August. in Psal. 85 ad eum uersum, Eruiisti animam meam ex inferno inferiori, quem locum optasse Iob, cum dixit cap. 20. Quis mihi tribuat, ut in inferno protegas me, tradit D. Hieron. Eccles. 3. Indicat Gregor. lib. 12. Moral. cap. 6. & lib. 13. cap. 16. & 17. ubi explicat illum locum, Si sustinueris infernus domus mea est, & probari potest ex Hymno, quem in Ascensione Domini vniuersa canit Ecclesia.

Inferni claustra penetrans
Tuos captiuos redimens.

Annotarunt hoc idem Iustinus Martyr in Dialogo cum Triphone, & Chrysost. hom. de Lazaro, & Diuine, ubi sinum Abrahæ vocat Paradisum in inferno existentem, & Hom. 4. in Marcum, Antequam (inquit) aperiret Christus ianuam Regni, omnes anime iustorum detinebantur in inferno, sic etià Basilus in Psal. 48. ibi, Sicut oues in inferno positi sunt, Cyrill. Alexandr. lib. 1. de fide ad Reginas cap. Quod Christus Deus sit. affirmat in morte Christi infernum Sanctorum animas emittere compulsū esse, sed hac de re egimus infra Lib. 6. Cap. 94. Nota 1.

Demones confitentur me.

Non vera fidei confessione, ut fides habitus est infusus, qui Christiani in sacramento Baptismi diuinitus traditur, sed hoc est intelligendum de fide non iustificante, quæ est ab operibus, & charitate sciuncta. Demones enim ex signorum magnitudine, ac miraculorum multitudine compelluntur Deum confiteri, ac etiam credere Ecclesie doctrinā à Deo manasse, ut probat D. Thom. 2. 2. quæst. 5. art. 2. & secundum hunc sensum interpretanda sunt verba Iacobi Apostoli cap. 2. sue Epistolæ, Demones credunt, & contremiscunt: sic illa interpretantur Dionysius Carthusianus, & Lyranus, & ad hunc sensum reuocandum est, quod dicit D. Augustin. lib. 15. de Trinitat. cap. 18. & tract. 6. in Ioannem, nimirum peccatorum fidem esse fidem Demonum.

QUALITER VIDEBATVR SPONSÆ
quod quidam Sanctorum loquebatur
ad Deum, de quadam muliere à Dæ-
monio terribiliter conculcata, quæ
postea precibus Virginis gloriolæ fuit
liberata.

C A P. XVI.



VIDEBATUR sponsæ,
quod quidam Sanctorum
loquebatur ad Deū dicēs.
Cur anima istius mulieris,
quam sanguine tuo rede-
misti, sic conculcatur à diabolo? Respō-
dit statim dæmon dicens. Quia de iure
mea est. Et tunc dixit Dominus. Quali
iure tua est? Cui respōdit dæmon. Dux
inquit viæ sunt, vna ducit ad cælestia,
alia ad infernum. Cumq; ipsa inspie-
ret ambas vias, conscientia sua, & ratio
dicebat sibi, quod viam meā magis eli-
geret. Et quia liberam habuit volunta-
tem diuertendi, ad quam viam magis
vellet, videbatur sibi vtile magis diuer-
tere voluntatem suam ad peccati perpe-
trationem, & tunc incepit ambulare per
viam meam. Postea decepi eam tribus
vitijs, scilicet gula, cupiditate pecuniæ;
& luxuria. Ideo ego sedeo nunc in ven-
tre eius, & in natura eius. Et teneo eam
quinque manibus. Cum vna manu te-
neo oculos eius, ne videat spiritualia.
Cum secunda manu mea teneo manus
eius, nē faciat opera bona. Cū tertia ma-
nu teneo pedes eius, nē vadat ad bona.
Et cum quarta teneo intellectu, nē pec-
care erubescat. Cum quinta etiam teneo
cor eius, nē redeat per contritionē. Tunc
beata Virgo Maria dixit ad filium. Fili
compelle eum dicere veritatē de ea re,
quam ab eo querere volo. Et filius ait.
Tu es mater mea. Tu Regina cali. Tu
mater misericordiar. Tu consolatio eo-
rum, qui sunt in Purgatorio. Tu latitia
eorum, qui peregrinantur in mundo.

Tu es Domina Angelorum. Tu cū Deo
excellētissima. Tu es etiam princeps
super diabolū. Præcipe ergo mater isti
dæmoni ea, quæ tu vis, & ipse dicet tibi.
Tunc beata Virgo quæsiuit ab illo diabo-
lo. Dic diabole, qualem intentionem
habuit mulier hæc antequam intrauit
Ecclesiam? Cui diabolus respondit. Ipsa
habuit volūtatē abstinendi à peccato.
Et Virgo Maria dixit ei. Cum voluntas,
quam prius habuit ducebat ad infernū,
dic ad quid tendit voluntas ista, quam
modo habet, scilicet abstinendi à pecca-
to: Cui diabolus respondit inuitus. Ipsa
voluntas abstinendi ducit ipsam ad cæ-
lum. Et tunc Virgo Maria ait. Quia ex
iustitia accepisti, vt propter voluntatem
priorem duceres eam à via sanctæ Ec-
clesiæ, nunc iustitia est, & per volunta-
tem istā reducat ad Ecclesiam. Nunc
etiam quæro diabole vltorius à te. Dic
qualem voluntatem habet modo in hoc
puncto, in quo nunc est conscientia sua.
Diabolus autem respondit. Ipsa habet
contritionem in mente pro his, quæ fe-
cit, & magnum fletum, & proponit vl-
terius nunquam talia committere, sed
vult emendare quantum potest. Tunc
Virgo quæsiuit à diabolo. Dicas mihi.
Possunt nē hæc tria peccata, scilicet, Lu-
xuria, Gula, & Cupiditas, cum istis tri-
bus bonis, scilicet contritione, fletu, &
proposito emendationis simul esse in vno
corde. Cui diabolus respondit, non. Et
beata Virgo, tunc ait. Dicis mihi ergo,
quæ istorum debuerunt à corde suo fu-
gere, & recedere, an istæ tres virtutes,
an fortē illa tria vitia, ex quo tu dicis,
quod ibidem in eodem loco simul habi-
tare non possunt. Diabolus autē ait. Di-
co quod peccata. Et tunc Virgo respon-
dit. Ideo igitur clausa est ei via ad infer-
num, & via ad cælestia sibi aperta est.
Tunc vltorius quæsiuit beata Virgo à
diabolo. Dic mihi, si prædo iacet an-
tē fores sponsæ, volens violare eam,
quid faciet tunc sponsus. Respondit
dia-

diabolus. Si bonus, & magnanimus est ille sponsus, debet eam defendere, & vitam suam opponere pro vita eius. Tunc Virgo ait. Tu es prædo pessimus, anima autem est sponsa sponsi filij mei, quia eâ proprio sanguine redemit. Hanc igitur tu corrupisti, & violenter rapuisti. Propterea quia filius meus est spõsus animæ, & est Dominus super te, idèò competit tibi fugere coram eo.

Declaratio.

Hæc mulier fuit meretrix, quæ redire voluit ad sæculum, quia diabolus molestabat eam die, ac nocte in tantum, quod visibiliter oculos eius deprimebat, & eâ multis videtibus extraxit de lecto. Tunc præsentibus multis fidedignis, dicta Sancta Brigitta apertè dixit. Recede diabolus, quia satis inquietasti istam creaturam Dei. Et dicto verbo, ipsa mulier per dimidiam horam depressit oculos in terram, & eleuans se dixit. Verè vidi diabolum in vilissima forma ingredientem per fenestram. Et audiui vocem dicentem mihi. Verè mulier liberata es. Et post illam horam eadè mulier ab omni impatientia liberata fuit, nec sordidas cogitationes patiebatur vlterius, & bono sine quieuit.

VERBA CHRISTI AD SPONSAM

qualiter peccator assimilatur tribus, scilicet aquilæ, aucupi, & pugili.

C A P. XVII

EGO sum Iesus Christus, qui loquor tecum, qui in ventre Virginis verus Deus, & verus homo fui, nõ minor cum Patre omnia regens; licet esse cum Virgine. Ille talis inimicus meus pessimus, similis est tribus. Primo aquilæ volanti in aere, sub qua aliæ aues volant. Secundo similis est aucupi,

cantanti in fistula linita bitumine tenaci, cuius voce aues delectatæ cū ad fistulam aduolant, bitumine illo retinentur. Tertiò similis est pugili, qui primus est in omni certamine. Ipse namq. similis est aquilæ, quia per superbiam suam, quæ nullos pateretur, si posset se esse superiores, lacerat omnes quos potest vnguibus malitiæ. Idèò abscindam ei alas potentie suæ, & superbiæ. Auferam de terra malitiam eius. Ipsum autem tradam ollæ inextinguibili, vbi sine fine cruciabitur, nisi emendauerit se. Similis est aucupi, quia scilicet per dulcedinem verborum, & promissionū omnes sibi attrahit, sed quicūque ad eum venerint, sic infiguntur in perditione, vt nunquam possint indè fugere. Idèò aues inferni configent oculos eius, nè vnquam videat gloriam meam, sed sempiternas inferni tenebras. Præcident aures illius, nè audiat verba oris mei. A planta pedis vsque ad verticem capitis facient ei pro dulcedine, amaritudinē, vt tot penas sustineat, quot homines adduxit ad perditionem. Similis est etiam pugili, qui primus in omni malitia nulli cedere vult, & omnes deprimere proponit. Idèò sicut pugil primus erit in omni pœna, semper innouabitur pœna eius, & non deficiet vè. Tamen quamdiu anima est cum copore, misericordia mea parata est ei.

Declaratio.

Hic fuit miles potētissimus, qui multum odiuit Clerum, verba ignominiosa imponens eis, de quo facta est reuelatio præcedens, & subsequens.

Filius Dei loquitur. O miles mundi quare à sapientibus, quid cõtigat superbo Aman, qui despexit populum meum. Nonnè mors ignominiosa, & confusio. Sic iste deridet me, & amicos meos. Idèò sicut Israel non plangit mortē Aman, sic nec amici mei, plangent super mortem eius, sed amarissima morte morietur, nisi se emendauerit. Hæc ita euenerunt.

VERBA CHRISTI AD SPONSAM
qualiter in domo Dei debet esse
humilitas, & quomodo per talem
domum Religio designatur; & etiam
quod ædificia, & eleemosynæ debent
fieri de benè acquisitis, & de modo
restitutionis.

C A P. XVIII.

IN domo mea debet esse
omnis humilitas, quæ om-
nino nunc contempta est.
Ibi debet esse murus fortis
inter viros, & mulieres,
quia licet omnes possem defendere, &
omnes sine muro tenere, propter caute-
lastamen, & astutias diaboli, volo quod
vnus murus diuidat vtrasque habitatio-
nes, qui sit fortis & non multum altus,
sed moderatus. Fenestræ sint simpli-
cissimæ, & lucidæ. Tectum moderatè
altum, ita vt nihil ibi appareat, nisi quod
humilitatem redoleat. Quia illi qui mihi
nunc domos ædificant, ipsi sunt similes
magistris ædificantibus, ad quos cum
dominus ædificij ingreditur, recipiunt
eum per crines, & trahunt eum sub pe-
dibus, lutum ponunt in sublimi, & au-
rum sub pedibus. Sic faciunt ipsi mihi.
Ædificant enim lutum, idest tempora-
lia ista casura ponunt quasi ad cælum.
Animas autem, quæ sunt pretiosiores
auro, minime curant. Si ego ingredi vo-
lo ad eos per prædicatores meos, aut per
cogitationes bonas, ipsi arripiunt me
per crines, & conculcant me sub pedi-
bus, idest blasphemiam mihi inferunt,
& opera mea, & verba mea contemp-
tibia reputant quasi lutum. Se autem
multo existimant sapientiores. Si enim
mihi ædificare vellent, & ad hono-
rem meum, animas primo ædificarent.
Quicumque autem domum meam ædi-
ficat, summo studio apponat curam,
vt non veniat ibi ad ædificium vnus de-

narius, qui non sit benè, & iuste acqui-
situs. Multi quippè sunt, qui se malè
acquisita bona habere sciunt, & tamen
de hoc non dolent, nec voluntatem ha-
bent restituendi, & satisfaciendi ipsis
defraudatis, & spoliatis, quamuis pos-
sent restituere, & satisfacere si vellent.
Sed tamen quia cogitant secum in æter-
num nõ posse possidere ea, dant partem
Ecclesijs ex illis bonis iniuste acquisitis,
quasi per hanc donationem placatum
me habeant. Alia autem bona benè ac-
quisita reseruant posteris suis. Hoc cer-
te non placet mihi. Quicumque enim
mihi in donis suis placere vellet, debe-
ret primò habere affectionem emendā-
di se, deinde facere illa bona opera
quæ posset. Debet etiam lugere, & plan-
gere mala quæ fecit, deinde restituere
si potest. Et si non potest debet habere
voluntatem restituendi defraudata. Pos-
stea capere debet nè vltius talia com-
mittat. Si autem non superesset cui
redderet illa malè acquisita, tunc pos-
set mihi dare, qui omnibus possum sua
refundere. Quòd si reddere non suf-
ficat, tunc si cum proposito emendan-
di, & contrito corde humiliauerit se
mihi, ego diues sum reddere, & possum
restituere omnibus defraudatis partes
suas, vel in præsentī sæculo, vel in fu-
turo. Ego volo tibi indicare quid si-
gnificat domus, quam ædificari volo.
Ipsa enim domus est Religio, cuius fun-
damentum sum ego ipse, quia omnia
condidi, & per quem omnia facta sunt,
& subsistunt. In quā domo sunt qua-
tuor parietes. Primus est iustitia mea,
qua aduersantes domui huic iudicabo.
Secundus paries est sapientia mea, qua
inhabitantes cognitione mea, & intelli-
gentia illuminabo. Tertius est poten-
tia mea, qua eos confortabo contra ma-
chinamenta diaboli. Quartus paries etiā
est misericordia mea, quæ omnes susci-
pit petentes eam. In hoc pariete est
porta gratiæ, per quam omnes peten-
tes

res suscipiantur. Tectum domus est charitas, qua diligentium me peccata operio, ne pro illis peccatis iudicentur. Fenestra tecti per quam intrat Sol, est consideratio gratiae meae, per quam intrat calor deitatis meae ad inhabitantes. Quod autem murus mea debet esse fortis, & gradus, significat quod nullus valet infirmare verba mea, nec ea destruere. Quia autem debet esse moderatè altus, significat quod sapientia mea ex parte intelligi, & comprehendere potest, sed nunquā plenariē. Fenestrae simplices, & lucidae, significant, quod verba mea licet simplicia sint, tamē per ea lux cognitionis diuinae intrabit in mundum. Tectum moderatè significat quod verba mea non in sensu incomprehensibili, sed comprehensibili, & intelligibili sensu manifestabuntur.

NOTAE.

IN domo mea debet esse omnis humilitas.

Inter ceteras virtutes quibus Religiosus ornatus esse debet, quae in Religione penitus necessariae sunt, principem sibi locum vendicat humilitas, sine qua in anima Religiosi, nec aliud quod esse potest vestigium virtutum, neque quod peius est vitia de corde quae radicatis extirpari, sicut enim Oriente Sole fugatur tenebra, ita cum experit esse in Religioso perfecta humilitas tolluntur vitia, & quemadmodum annotauit Climacus de discret. grad. 26. ferarum venenatarum sensibilibus interemptor est Ceruus, ita intellectualium bestiarum interfectorix humilitas est. Ceterum admonere hoc loco lectorem censui, cum legimus in Religione necessariam esse omnem humilitatem: Christum Dominum indicare voluisse per particulam (omnem) Religiosum perfectum hac virtute indigere, secundum omnes suos gradus, quos esse duodecim constat ex Regula S. Benedicti cap. 7. sed D. Anselmus septem tantummodo gradus huic virtuti tribuit lib. de similit. a cap. 10. usque ad 18. quorum primus est contemptibilem cognoscere se esse, Se-

cundus de hoc dolere, Tertius hoc confiteri, Quartus hoc persuadere, ut scilicet sic velit credi, Quintus ut patienter sustineat, hoc dici, Sextus ut patiatuor contempnibiliter se tractari, Septimus ut hoc amet. Gloss. verò Matth. cap. 3. ad ea verba (Sic enim decet nos implere omnem mensuram) omnes hos gradus ad tres reuocat, quorum Primus est subdere se maiori, & non praeferre se equali: secundus est subdere se equali, nec praeferre se minori: tertius gradus est subesse minori.

2 Ad honorem meum Animas primo edificarent.

Farneſianus Codex M. S. legit, Ad honorem meum, animarum salutem primo quererent.

3 Si autem non superesset cui redderet illa malè acquisita, tunc posset mihi dare. Bona aliena, quae restitutioni obnoxia sunt, quorum Dominus ignoratur pauperibus restituenda sunt, ut scribitur hic, praemissa tamen diligenti inquisitione, ut probat D. Thom. 2. 2. q. 62. art. 5. ad 3. Soc. de iustis. & iur. lib. 4. q. 7. art. 1. Siluest. verb. Restitutio 8. q. 3. Nauar. in Manuali cap. 17. nu. 92. & patet ex cap. cum tu. de usuris, & cap. diuina 87. dist. & cap. non sanè, & qui habetis 14. q. 5.

4 Quod si redderet non sufficit.

Impotentia restituendi excusatur à restitutione, sed quis dicatur impotens ad restituendum impotentia verò excusante tradit Socus de iustis. & iur. lib. 4. q. 7. art. 3. Circa fin. Siluest. verb. Restitutio 5. q. 4. Nauar. in Manual. cap. 17. nu. 60. 61. 62. 63. Caeſtannus super 2. 2. S. Thomae q. 52. art. 8.

VERBA CREATORIS AD SPONTIAM, de magnificentia suarum potentiarum, sapientiae, & virtutis, & qualiter contra eum magis peccant, qui nunc dicuntur sapientes.

CAP. XIX.

EGO Creator caeli, & terrarum. Ego habeo tria mecum. Ego sum potentissimus, & ego sapientissimus, ego etiam virtuosissimus.

D 3 Ego

Ego namq. sum ita potens, quòd Angeli in cælo honorant me. Dæmones in inferno non audent inspicere me. Omnia elementa stant ad nutum meum. 1 Sum etiam ita sapiens, quod nullus valet inuestigare sapientiam meam. Ita sciens, quòd omnia quæ iam fuerunt, & ea quæ futura sunt ego scio. 2 Sum quoque ita rationalis, quod nec minimū quidem siuè vermis, siuè aliquid aliud animal quantumlibet deforme sit, est sine causa factum. Sum etiam ita virtuosus, quod à me tanquam à fonte bono, omne bonum emanat, sicut à vite bona, omnis dulcedo procedit. Ideò nullus potest esse sine me potens, sine me sapiens, sine me virtuosus. Et ideò nimis potentes læculi contra me peccant, quibus dedi fortitudinem, & potentiam, vt me honorarent, sed ipsi sibi attribunt honorem, quasi quod illum à seipsis habeant. Non considerant miseri imbecillitatem suam. Si enim darem eis minimam infirmitatem, statim deficerent, & omnia vilescerent eis. Sed quomodo tunc subsisterent ad fortitudinem meā, & ad pœnas æternas? 3 Sed magis peccant contra me, qui nunc dicuntur sapientes. Ego enim dedi eis sensum, & intellectum, & sapientiam, vt me diligere, sed ipsi nihil nisi ad suam vilitatem temporalem intelligunt. Oculos habent in occipite, videntes sunt ad sua delectabilia, sed cæci sunt ad gratias agendas mihi, qui dedi eis omnia, quia siuè boni, siuè mali, nullus posset sine me sentire, & intelligere, licet permitto malis voluntatem suam flectere, ad quod voluerint. Nullus etiam potest esse virtuosus sine me. Ideò ego possum nunc hoc prouerbum dicere, quod à vulgo communiter dicitur. Qui patiens est, ab omnibus contemnitur. Sic ego propter patientiam meam, nimis videor ab hominibus fatuus esse, & ideò ab omnibus contemnor. Sed vè eis, cum ego ostendero eis iudicium meum post ta-

lem patientiam. Ipsi namq. erunt quasi lutum antè me, quod cadit in ima, & non subsistit antequam venerit in profundum inferni.

NOTÆ

1 **S**um etiam ita sapiens, quod nullus valet inuestigare sapientiam meam: ita sciens, quod omnia quæ iam fuerunt, & ea quæ futura sunt ego scio.

Hic animaduertat Theologus, quòd non colligitur ex his, in Deo esse sapientiam, & scientiam, tanquam distincti habitus, prout in nobis distinxit Arist. lib. 6. Ethic. cap. 4. & 8. & D. Thom. 1. 2. q. 57. art. 2. & ratio huius est, quia sapientia cum altior virtus sit, quam scientia, quippe quæ iudicat de rebus secundum altissimas causas, & prima principia; scientia verò secundum causas inferiores, & conclusiones, quæ ex primis principiis eliciuntur. Dei autem cognitio, quia se extendit ad principia, & conclusiones, & ad superiores, & inferiores causas, cum omnia unico intuitu, & quæ fuerunt, & quæ futura sunt, vt scribitur hic, comprehendat; ideò in eius sapientia inuenitur ratio scientiæ, non tanquā habitus distincti, sed tanquā vnus & idem, à quo eminenter viri, & quæ functiones emanant, & in hoc sensu in presenti Capite sapientia, & scientia Deo tribuitur.

2 Sum quoque ita rationalis, quod nec minimum quidè, siue vermis, siue aliud animal est sine causa factum.

Omnia à Deo Opt. Max. facta fuisse secundum prudentiæ regulas, ac leges innuitur hic, sicut etiam Sap. 11. legimus, Cuncta ab eodem in numero, pondere, & mensura esse disposita: non verò intelligas, cum dicitur, quod Deus sit rationalis, quod in agendo discirnat, aut quod discursu egeat: quandoquidem, vt superiori nota probauimus, ipse unico intuitu omnia videt etiam futura, vt Rom. 4. dicit Apostolus, vocat ea, quæ non sunt tanquam ea, quæ sunt: dicitur tamen hic, Deus rationalis, quatenus secundum rectam rationem, & optimos fines cuncta creauit, & moderatur.

Sed

3 Sed magis peccant contra me, qui
var. nunc dicuntur sapientes.
lect.

*M. S. Farnesianus addit (Et scientes, quā
simplices) atque ita hunc locum esse restituē-
dum censet, Magis peccant contra me, qui
dicuntur sapientes, & scientes, quā sim-
plices: de quibus hoc loco quaritur quis eorum
magis peccet.*

COLLOCVTIO GRATA VIRGINIS

Matris, & filij ad inuicem. Et Virgi-
nis Matris, & filij ad sponfam. Et qua-
liter sponsa debet se preparare ad
nuptias.

C A P. X X.



MATER Dei videbatur di-
cere ad filium. Tu es Rex
gloriæ fili mi. Tu es Do-
minus super omnes Domi-
nos. Tu creasti cælum, &

terram, & omnia quæ in eis sunt. Fiat
ergo omne desiderium tuum, fiat omnis
voluntas tua. Respondit filius. Prouer-
bium antiquū est, quod illud quod iue-
nis discit in iuuentute, hoc retinet in se-
nectute. Sic tu mater à iuuentute didicisti
sequi voluntatem meam, & relinquere
omnem voluntatem tuam pro me. Ideo
benè dixisti fiat voluntas tua. 1 Tu enim
es quasi aurum preciosum, quod exten-
ditur, & percutitur super durum incu-
dem, quia tu omnibus tribulationibus
percutiebaris, & in passione mea præ
ceteris patiebaris. Quia quando cor meum
in cruce præ vehementia doloris rumpe-
batur, cor tuum ex hoc quasi ferro acutis-
simo vulnerabatur, & libenter scindi
permisisses, si fuisset voluntas mea. Ve-
rum tamen etiam si potuisses restituere
passioni meæ, & optasse vitam meam,
tu tamen noluisti nisi iuxta voluntatem
meam. Ideo benè dicis fiat voluntas tua.
Deindè loquebatur Maria ad sponfam.
Sponsa filij mei dilige filium meum, quia
ipse diligit te, 2 honora Sanctos eius, qui

stant ei. Ipsi enim sunt quasi stellæ in-
numerabiles, quorum lux, & splendor
nulli temporali luci comparari potest.
Quia sicut lux mundi differt à tenebris,
sic & multo magis lux sanctorum differt
à luce huius mundi. Verè dico tibi, quod
si sancti viderentur in claritate sicut sunt,
nullus humanus oculus hoc ferre posset,
sed corporali lumine priuaretur. Indè lo-
quebatur filius Virginis ad sponfam di-
cens. Sponsa mea tu debes habere qua-
tuor. 3 Primò debes esse parata ad nup-
tias deitatis meæ, in quibus nulla est li-
bido carnalis, sed spiritualis delectatio
suauissima, qualem decet Deum habere
cum anima casta; ita ut non amor filiorū
tuorum, non etiam bonorum, vel paren-
tum retrahat te ab amore meo. Nè con-
tingat tibi sicut illis Virginibus fatuis,
quæ imparatæ erant quando Dominus
voluit vocare eas ad nuptias, & ideò ex-
cludebantur. Secundò debes esse credu-
la verbis meis. Ego enim sum veritas, &
de ore meo nunquam nisi veritas proce-
dit, nec aliquis potest inuenire in verbis
meis nisi veritatem. Quia quandoque
spiritualiter intelligo quæ loquor, quan-
doque sicut tunc ipsa littera sonat, & ipsa
verba mea tunc nudè debent intelligi: &
ideò nullus potest me arguere de menda-
cio. Tertiò debes esse obediens, ut nul-
lum sit membrum, in quo deliquisti, de
quo non exigas dignam poenitentiam, &
emendam. Quia licet sim misericors,
tamen iustitiā non relinquo. 4 Ideò qui-
bus teneris obedias humiliter, & hilariter,
ita ut etiam quod tibi videtur vtile, & ra-
tionabile contra obedientiam non facias.
Est enim melius propter obedientiam re-
linquere voluntatem tuam, licet bonam,
& sequi voluntatem præcipientis, si non
est contra salutem animæ, vel aliā irra-
tionabilis. Quartò debes esse humilis,
quia coniugio spirituali copulata es. Er-
go debes humilis esse in aduentu sponsi
tui, & verecunda. 5 Ancilla tua sit mode-
rata, & refrænata, id est corpus tuum ab-

D 4 stinens,

stinens, & benè discipulatum. Eris enim fructifera semine spiritali multis profutura, sicut enim surculus, si inseritur trunco arido, truncus incipit florere; sic gratia mea fructificare, & florere debes, quæ & inebriabit te, ut ex vino dulcedinis, quod tibi daturus sum, omnis celestis exercitus gaudeat. Noli diffidere de bonitate mea. Dico tibi pro certo, quod sicut Zacharias, & Elisabeth ineffabili gaudio gaudebant interius de promissione prolis futuræ, sic & tu gaudebis de gratia mea, quam tibi facere volo, & insuper alij gaudebunt per te. Illis duobus, scilicet Zachariæ, & Elisabeth loquebatur vnus Angelus, ego autè Deus & Creator Angelorum, & Deus tuus, loquor tecum. Illi duo genuerunt mihi amicum meum charissimum Ioannem, & ego per te volo generare mihi multos filios, non carnales, sed spirituales. Verè dico tibi, quod ipse Ioannes similis erat arundini plenæ dulcedinis, & mellis, quia in os eius nunquam intrauit aliquid immundum, nec vltra mensuram perceptibilem suscepit vitæ necessaria.

6 Nec vnquam feminarius humor de corpore eius exiuit, & ideo benè potest vocari Angelus, & Virgo.

N O T A E.

1 **T**V enim es quasi aurum pretiosum, quod extenditur, & percutitur super durum incudem, quia tu omnibus tribulationibus percutiebaris.

Optimè hic *Beatissima Virgo* comparatur auro, quod in ignem immissum non colorem, aut virtutem amittit, sed purius redditur, & splendidius: sic & *Maria* in ignem tribulationum coniecta, non infirmior, aut deformior facta, sed illustrior, ac fortior reddita est. Eadem similitudine vsi sunt D. Ambr. serm. 80. Cyrill. lib. 4. super Ioan. cap. 18. qui *Mariam* auro similem faciunt, quo *Arca templi*, seu propitiatorium deauratum est, de quo *Exodi* 37.

2 **Honora Sanctos**, qui astant ei; ipsi enim sunt quasi stellæ innumerabiles, quorum lux, & splendor nulli temporali luci comparari potest.

In presenti nota duo breuiter videnda sunt. Primò, quæ, & qualis sit claritas Sanctorum, quæ hoc loco tantam esse legimus, ut quacumque alia præstantior sit. Secundò, quare stellis Sancti comparentur, cum Soli potius, qui ceteris luminaribus præstat, comparandi fuissent; sic enim eos *Matth. c. 13.* Soli comparant dicens: Fulgebunt iusti sicut Sol. & ut à primo sumamus exordium communi Theologorum omnium consensu firmatum est, omnia gloriosa corpora claritatem ingentem habitura, sic tradunt in 4. dist. 44. & dist. 49. & constat ex sacris literis *Psal. 109.* In splendoribus Sanctorum. & *Matth. 13.* Fulgebunt iusti, & *1. Corinth. 15. ibi.* Aliæ quidem caelestium corporum gloria, &c. Sunt ergo, qui docent Sanctorum corpora gloriosa, habitura quidem colorem perfectissimū, cum quadam refulgentia, & potestate ad se propalandum, an verò in se propriam lucem habeant sub dubio relinquunt: sic *Sotus* in 4. dist. 49. q. 15. cui fauere videtur *Durand.* in 4. dist. 44. q. 8. qui licet indicet beatorum corpora habitura esse incertam lucem, dicit tamè intelligi posse, quod clara futura sint, quia terra ac polita, solisq. radijs, cæterorumq. erit, luminum splendore futura fulgentia. Cæterum horum grauissimorum virorum sententia non vndequeque placet, Nam primum constat corporis gloriosi fulgorem fore perfectissimum, & longe superiorem Solis lumine, imò tantū, quantum nullus humanus oculus ferre potest, sed si quis in eum oculorum intederet aciem, corporali lumine priuaretur, sicut legimus in presenti Capite, & indicat D. Chrysost. homil. 55. in Ioan. Quamò (inquit) solaris lux lumen excedit lucernæ, tantò magis beatorum claritas solarem præstabit, & ad illius splendoris comparisonem Sol obscurabitur. Dicendum ergo est, illa corpora claritatem quandā habitura internam per modū qualitatis perfectè inherentes, quoniam Patres, cum hac de re agunt, illum futurum esse verissimum, &

& perfectissimum lumen docens, vel eiusdem speciei cum lumine Solis, vt auctor est D. Thom. in 4. dist. 44. q. 2. vel alterius; & perfectioris speciei, vt sentit Richard. ead. dist. art. 4. q. 6. quod insinuat in hoc capite ibi (Quia sicut lux mundi differt à tenebris, sic & multo magis lux sanctorum differt à luce huius mundi) addunt præterea alij, corpora gloriosa per illud lumen fore perspicua, & transparentia, ita vt omnes internæ partes, omnia etiam viscera oculis patere possint: sic habet D. August. lib. 22. de Ciuit. cap. ult. & D. Greg. lib. 18. Mor. cap. 27. exponens illa verba Iob, Non adequabitur aurum: Patrebit (inquit) corporalibus oculis ipsa corporis harmonia, sicq. unusquisque erit conspicabilis alteri: quod si hoc verum est, necessario sequitur, hanc claritatem futuram in omnibus paruis corporis gloriosi in carne, ossibus, & cæteris membris, quia alioquin non possent omnes partes corporis patere: ea namq. pars quæ non esset lucida, videri non possit, tum quia hoc spectare videtur ad quandam dignitatem, & decentiam illius corporis. Sequitur hanc sententiam D. Thom. in 4. dist. 44. q. 2. art. 4. Palud. dist. 44. q. 5. Scotus dist. 49. q. 4. art. 8. Richard. ead. dist. art. 4. q. 6. Gabr. d. 44. q. 2. Quare autem hoc loco Sanctorum corpora gloriosa stellis, non Soli comparantur, vt & fecit Paul. Apost. 1. Cor. 15. Responderi potest cum D. Aug. in lib. de cognitione vere vitæ, cap. 46. qui hanc eadem dubitationem examinat, id à Paulo factum esse, vt Sanctorum varios gradus in celo describeret, secundum diuersa eorum merita; idem tradit serm. 143. de tempore, & annotauerunt Gloss. Theod. Ambr. Anselm. Lyrar. & Carthus. 1. Cor. 15.

3 Primò debet esse parata ad nuptias Deitatis mez.

Quomodo in nuptijs inter ipsosmet coniuges unionis ingens contrahitur vinculum, ita in nuptijs Deitatis in patria, quando anima ab hoc sæculo post multos exanthlatis labores recedens ad Dei visionem eleuatur, aliam, & longè maiorem contrahit cum Deo unionem, per quam cum essentia diuina intellectus Beati coniungitur: sed in præ-

senti etiam vita anima iusti dicitur se ad Deitatis nuptias parare, quando terrenis omnibus curis posithabit per charitatem cum suo sponso Christo arctissimo vinculo stringitur, & de hac secunda unionem in hoc Cap. sermo fit, cum scribitur, Debes esse parata ad nuptias, &c.

4 Ideò quibus teneris obedias humiliter, & hilariter, ita vt etiam quod tibi videtur vtile, & rationabile, contra obedientiam non facias.

Cum conscientia immediata sit nostrarum operationum regula, videtur reuocari posse in dubium, quod hoc loco innuitur, an eius dictamen relinquendum sit, præsertim quando est de re utili, & rationabili, & sequendum præceptum Prælati; & plus obligare præceptum Superioris affirmant D. Tho. in 2. sent. d. 30. art. ult. ad 3. D. Bonau. in 2. dist. 39. art. 1. q. 3. ad vltimum. Armilla verb. conscientia, num. 1. & 2. verum isti Doctores loquuntur de conscientia erronea, quædo quis ignorat aliquid esse bonum, vel malum, & ex errore arbitratur quodpiam esse bonum, & est malum, & è contra. Conscientiam tamen rectam plus obligare tradunt D. Antoninus 1. p. sue sum. tit. 3. c. 30. S. 4. Gerson. alphabeto 30. Siluest. verb. conscientia, q. 2. D. Thom. Archidiac. & alij citati à Siluest. Preponendum autem est præceptum Prælati, in his, quæ sunt indifferencia, vel etiam quando Prælatus præcipere aliquid contra conscientiam legis inferioris: tunc enim sicut potest tollere legem, sic potest tollere conscientiam.

5 Ancilla tua sit moderata, & refrænata, idest corpus tuum abstinens.

Per ancillam hoc loco carnem possumus intelligere, quæ cogenda est spiritui inservire, quandoquidem contra eum frequenter insurgit, & rebellis sit, vt ancilla Agar contra dominam suam, sicut Genes. 16. legimus, & annotauit Orig. hom. 7. in Genes. Ceterum ad hoc assequendum, nullum remedium excoGITARI potest præstantius abstinentia; sicut enim equo ferocienti, & fessori obtemperare minimè volenti, pabulum subducendum est, nec ciborum copia subministranda, sic corpori spi-

spiritui repugnanti, cibis subtrahendus est, & ieiunijs, vigilijsq. ad obedientiam retrahendum.

6 Nec vnquam seminarium humor de corpore eius exiit.

Sermo fuit hoc loco de venerando Christi Domini praeursore Ioanne Baptista, quem fuisse virginem verba praesentis nota insinuat: & hoc ipsum annotarunt Ignat. epist. ad Philadelphios, Ambros. serm. 65. Epiphani. haeres. 63. Cyrill. Cathedra. 17. Petr. Chrysost. serm. 174. Chrysost. hom. 18. in Matth.

VERBA SPONSI AD SPONSAM

in figura optima, de quodam mago, per quem Diabolus mirabiliter designatur, & exponitur.

C A P. X X I.

SPONSVS Iesus loquebatur ad sponsam in figura, ponens quoddam exemplum ranæ, dicens: Quidam magus habebat optimum aurum splendidum, ad quem veniens vnus simplex, & mitis homo, voluit emere aurum illud. Cui ait magus: Non habebis hoc aurum, nisi melius aurum, & maioris quantitatis dederis mihi. Ad quem ille: Ego (inquit) in tantum desidero istud aurum tuum habere, quod antequam caream dabo tibi sicut vis. Et dato illi mago auro meliori, & maioris quantitatis, recepit ab eo aurum splendidum, & posuit in scrinio, cogitans facere sibi inde annulum super digitum suum. Modico autem interiecto tempore, venit magus ad hominem illum simplicem dicens: Aurum hoc quod emisti, & posuisti in scrinio tuo, non est aurum, ut putas, sed vilissima rana, quæ nutrita est in pectore meo, & alita cibo meo. Et ut hæc probes esse vera, aperi scrinium, & videbis, quod rana insidet in pectus meum, de quo nutrita est. Cumq. ille aperire

vellet, & experiri, apparuit rana in scrinio, cuius operculum pendebat super quatuor cardines, quasi citius casuros. Tunc aperto ostio scrinii, rana viso mago insidit in pectus eius. Quod videntes serui, & amici illius hominis simplicis, dixerunt ad eum: Domine (inquiunt) aurum illud optimum iacet in rana, & si velles faciliter posses obtinere aurum. Et ille, quomodo (inquit) hoc possem? Qui dixerunt: Si quis reciperet acutissimam, & feruentem lanceam, & eam infigeret dorso ranæ, ex ea parte dorsi, ubi concauum aliquid esset, tunc citius posset obtinere aurum. Si autem concauum in eo inueniri non posset, tunc deberet lancea nimis valenter, & toto conamine infigi in eam, sic habere posses quod emisti. Quis est iste magus nisi Diabolus, qui suadet hominibus delectationes, & honores mundi, quæ non sunt nisi rana. Nam falsa promittit esse vera, & vera facit videri falsa. Ipse enim possidet aurum illud pretiosum, idest animam, quam pretiosorem omnibus stellis, & planetis per potentiam Deitatis meæ feci, quam immortalem, & stabilem, & delectabiliorem mihi cæteris creavi, & præparavi ei mecum æternam requiem, & habitationem. Hanc ego de potestate Diaboli meliori auro, & maiori pretio emi, quando pro ea dedi carnem meam immunem ab omni peccato, & sustinui tam amaram passionem, quod nullum meum membrum esset sine vulnere. Redempta autem anima posui eam in corpore tanquam in scrinio, donec eam in dignitate deitatis meæ collocarem. Nunc autem anima hominis sic redempta facta est velut turpissima, & vilissima rana, salcans per superbiam, & commorans in cæno per luxuriam, & abstulit mihi aurum, idest omnem iustitiam meam. Et ideo Diabolus bene potest dicere mihi: Aurum quod emisti non est aurum, sed rana nutrita in pectore delectationis meæ. Separa ergo corpus ab anima, & videbis, quod sta-

tim volitabit ad pectus meę delectationis, vbi nutrita est. Cui ego respondeo: Quia rana orrida est visu, horribilis voce, & venenola in tactu, nec aliquid mihi boni, vel delectationis cõfert, sed tibi in cuius pectore nutrita est, tua propterea sit, quia tua de iure est. Ideo aperto ostio, idest separata anima à corpore statim volabit ad te, tecum sine fine mansura. Talis est enim anima illius, de quo tibi loquor: Nam ipsa est velut rana pessima, plena omni immunditia, & voluptate, nutrita in pectore diaboli. Ad cuius scrinium, idest corpus nunc per appropinquationem mortis, appropinquo, quod pendet in quatuor cardinibus casuris: Quia corpus eius ex quatuor subsistit, scilicet fortitudine, pulchritudine, & sapietia, & visu, quæ omnia iam nunc incipiunt sibi deficere. Cumq. anima eius separabitur à corpore, statim volabit ad diabolum, de cuius lacte nutrita est, quia, oblita est dilectionis meę, qua supplicium eius quod meruerat pro ea suscepi. Nam mihi non rependit dilectionem pro dilectione mea, sed & insuper 2. aufert mihi iustitiã meam, quia mihi magis deberet seruire, qui redemi eam, quam alteri. Sed ipsa magis delectatur in diabolo. Vox orationis eius est mihi sicut vox ranæ, visus eius in conspectu meo abominabilis: Auditus eius nunquam audiet gaudium meum, nec tactus eius venenatus sentiet deitatem meam. Vertuntamen quia misericors sum, & anima eius, licet immunda sit, si adhuc attrectaret aliquis, & cõsideraret, si aliqua cõtritiõ esset in ea, & voluntas bona, & infingeret menti eius lanceam acutissimam, & feruentem, idest timorem districti iudicii mei, adhuc inueniret gratiam meam, si veller consentire: Quod si nulla esset in eo contritiõ, nec charitas, si quis tamen pügeret eum mordaci correptione, & reprehensione dura, adhuc esset in eo spes, quia quandiu anima cum corpore viuit, misericordia mea omnibus aperta est. Vide ergo quia pro charitate mortuus sum, & mihi nullus

rependit charitatem, sed aufert mihi iustitiam meam, quia iustum esset, ut homines eò melius viuerent, quò maiori labore redempti sunt. Sed nunc eò deterrius viuere volunt, quò eos amarius redemi, eò fiducialius peccare volunt, quò magis eius peccatum abhominabile ostēdi. 3. Ideo vide, & considera, quia non sine causa irascor, quia gratiam meam conuertunt sibi in iram. Redemi enim eos à peccato, & ipsi se magis implicant peccato. Tu ergo sponsa mea redde mihi quæ teneris, idest animã tuam mundã mihi cõserua, quia pro te mortuus sũ, hac de causa, ut ea mihi mundam seruares.

N O T A E.

1. **R** Edempta autem anima, posui eam in corpore tanquam in scrinio, donec eã in dignitate deitatis meæ collocare, nunc autem anima hominis, sic redēpta, facta est velut turpissima, ac vilissima rana.

Præsentis notæ verborum sensus est. Creauimus animam hominis, eamq. in corpore posui, ut illam ad visionem Deitatis meæ eleuarem, sed per primorum Parentum culpam sub Demonis potestate, ac seruitute reducta est, à qua ego eam sanguine meo redemi: sed nihilominus ad eandem seruitutem rediit, & iterum peccatis deturpata est, & velut rana effecta, quæ ut tradit Greg. Nyssen. de vita Moysi, animal palustre est, specie deformis, cui turpissimus est aspectus, cuius saltus repens, cuius è corpore intollerabilis fætor emititur, sic homo sceleribus, vitijq. irretitus turpissimus, ac fetidus euadit, & passionum cæno refertus, ranarum more in terram habitat, eamq. solam aspicit, nec unquam calum intuetur, de quo David Psal. 16. Statuerunt oculos suos declinare in terram.

2. Aufert mihi iustitiam meam, quia mihi deberet magis seruire, quam alteri.

Iustitia reddit cuique quod suum est, unde Christianus, cum obsequium debitum, ac obedientiam Deo præstat, iustus dici potest, quatenus illi tribuit, quod suum est, diceretur autem auferre nisi daret, quod illi deberetur,

Et notandum, quod hoc loco iustitia non sumitur, qua Deus iustus est, sed qua per gratiam nos iustificat, in quo sensu de iustitia verba facit D. Aug. epist. 120. Et de spiritu, Et littera c. 11. cum ergo (inquit) nos gratiam Dei, qua iustificamur, per mortale peccatum respuimus, cumque animam nostram Christi sanguine redemptam a Deo subtrahimus, tunc profecto Deum quantum in nobis est iustitia priuamus, quod declaratur aperte, circa finem presentis Capituli (ibi) Sed aufert mihi iustitiam meam, quia iustum esset, ut homines eo melius uiuerent, quod maiori labore redempti sunt, de qua iustitia Paul. Rom. 10. loquitur cum dicit, Ignorantes iustitiam Dei, Et suam querentes statuere, iustitiae Dei, non sunt subiecti.

3 Ideo uide, quod non sine causa irascor.

Irasci hoc loco dicitur Deus non aliquo animi motu, Et turbatione, qua ei aduenire minime potest, sed peccanti creaturae, ac impijs hominibus, cum iustam inferat ultionem, Et secundum eorum demerita penas reddit, quae ueluti effectus ab ira manare solent, ut tradunt D. Hieron. in Psal. 89. Et super Isai. cap. 57. Et 64. Et Ierem. 7. Orig. in lib. Iudic. hom. 2. Et super Matth. hom. 20. Hilar. in Psal. 2. Eucher. de spiritualib. formul. cap. 1. nu. 20. tribuimus quoque metaphorice Deo iram, quatenus in eoratio est, iustae uindictae, per quam in sacris litteris significantur mine, ac flagella, quibus peccatores terribili uitia relinquunt, sic annotarunt Clem. Papa. lib. 10. recognit. Basil. in Psal. 29. D. Hieron. super Zachar. 8. D. Aug. Psal. 82.

INTERROGATIO DVLCISSIMA

Matris ad Sponsam, & responsio humilis Sponsae ad Matrem. Et replicatio utilis Matris ad Sponsam, & de profectu bonorum inter malos.

C A P. XXII.



ATER loquebatur ad sponsam filij dicens: Tu es sponsa filij mei. Dicas quid habes in animo, & quid petis? Cui sponsa respondit.

Tu Domina bene nosti, quia sanctis omnia: Et tunc Beata Virgo ait: Licet ego omnia sciam, tamen te loquente audientibus astantibus cognoscam: Et sponsa dixit: Duo (inquit) timeo Domina. Primo pro peccatis, quae non ploro, nec emendo, ut vellem. Secundo contristor, ex eo quod inimici filij tui sunt multi. Tunc Virgo Maria respondit: Contra primum do tibi tria remedia; Primo cogita, quod omnia quae spiritum habent sicut ranæ, & cetera animalia quandoque habent incommoda, nec tamen in æternum uiuit spiritus eorum, sed cum corpore moritur; Tua autem anima, & omnis hominis uiuit in æternum. Secundo cogita misericordiam Dei, quia nullus homo sic peccator est, si cum emendationis proposito, & contritione rogauerit, quod non dimittatur ei peccatum. Tercio cogita quanta gloria est animæ, quæ cum Deo, & in Deo sine fine uiuit. Contra secundum scilicet, quod inimici Dei sunt multi, do etiam tibi tria remedia. Primo considera quod Deus tuus, & Creator tuus, & eorum est iudex super eos, & nunquam amplius ipsi iudicabunt eum, licet patienter supportet ad tempus malitiam eorum. Secundo quod filij damnationis sunt, & quam graue, & intollerabile erit eis semper ardere. Ipsi sunt serui pessimi, qui carebunt hereditate, filij autem recipient hereditatem. Sed dices forte, ergo non est eis prædicandum? utique. Considera quod inter malos frequenter sunt boni. Et filij adoptiui quandoque recedunt a bono, sicut ille filius Prodigus, qui abiit in aliam regionem longinquam, & vixit male. Sed ipsi quandoque per prædicationem compuncti reuertuntur ad patrem, & erunt eo acceptiores quod prius peccatores. Ideo eis magis prædicandum est, quia licet Prædicator ferè omnes videt malos, consideret tamen secum si forte sunt aliqui inter eos filij futuri Domini mei, prædicabo ergo eis, hic Prædicator optimam habebit mercedem.

cedem: Tercio considera, quod mali vivere permittuntur ad bonorum probationem, vt ex eorum moribus exacterati, patientiæ fructu remunerentur, sicut etiam per exemplum in telligere poteris. Rosa enim suauiter redolet; pulchra est visu; lenis tactu, & tamen non crescit nisi inter spinas, quæ sunt asperæ tactu, deformes visu, nihil boni redolentes. Sic etiam boni, & iusti homines, licet lenes sint patientia, pulchri moribus, suauis bono exemplo, non tamen possunt proficere, vel probari, nisi inter malos. Quandoque etiam spina defendit rosam, ne carpatur ante maturitatem, sic mali occasio sunt bonis, ne excedant in peccatis, quandoque per eorum malitiam refrenantur, ne immoderata læticia, vel alio peccato dissoluantur. Nunquam etiam vinum seruatur bene in bonitate sua, nisi in fece, nec boni, & iusti in virtutibus stare, & proficere possunt, nisi probentur tribulationibus, & iniquorum persecutionibus. Ideo tu libenter supporta inimicos filij mei, & cogita, quod ipse iudex eorum est, & quod ipse si sic esset iusticia, vt deberent destrui omnes, bene posset in momento delere eos. Ergo tolera tu quandiu ipse tolerat eos.

VERBA CHRISTI AD SPONSAM
de homine pecto, qui inimicus Dei est
nuncupatus, & quam maxime de hi-
pocrita, & eius ad plenum propieta-
tes ponentia.

CAP. XXIII

TALIS videtur homini-
bus quasi homo bene orna-
tus, fortis, & decorus, &
in pugna Domini sui stre-
nuus, sed amota galea à ca-
pite eius, est abominabilis ad videndum,
& inutilis ad operandum. Apparet enim
cerebrum eius nudum. Aures habet in
fronte, oculos in occipite. Nasus eius ab-

scissus est. Genæ eius ex roto contractæ,
quasi hominis mortui. Maxilla eius ex
dextra parte cum faucibus, & dimidie-
tate labij tota decidit. Ita quod nihil
ex dextra parte remanet, nisi guttur so-
lum, quod nudum apparet. Pectus eius
plenum est vermibus scaturientibus. Bra-
chia eius quasi duo serpentes. Cor im-
pletum est pessimo scorpione. Dorsum
eius velut combustus carbo. Intestina
eius sunt fortentia, & corrupta quasi caro
abundans sanie. Pedes eius mortui sunt,
& inutiles ad incedendum. Quid autem
ista significent, dicam tibi. Ille talis vi-
detur hominibus exterius bonis moribus,
& sapientia ornatus, & in honore meo
strenuus esse, sed nequaquam est ita. Si
enim amoueretur galea à capite eius, id est
ostenderetur hominibus qualis ipse est,
esset præ omnibus vilissimus. Cerebrum
quippe eius est nudum, quia insipientia,
& leuitas morum eius, & satis euidentissi-
mis signis ostendit eum bonis hominibus
indignum esse tali honore. Si enim sape-
ret ei sapientia mea, intelligeret se tanto
austeriori conuersatione debere præ alijs
vestiri, quò maiori honore præ cæteris
sublimatur. Aures habet in fronte, quia
pro humilitate, quam deberet habere in
dignitate, & cæteris lucere, non vult ni-
si audire laudem, & honorem suum, & pro-
pterea assumit sibi superbiam, vnde velit ab
omnibus vocari magnus, & bonus. Ocu-
los habet in occipite, quia cogitatio eius
totà est ad presentia, & non ad æterna. To-
ta quomodo placeat hominibus, & quod
utilitas carnis requirit, & non quomodo
placeat mihi, & pro sit animabus. Nasus
eius abscissus est, quia discretio ablata est
ab eo, quia discernat inter peccatum, &
virtutem, inter honorem temporalem, &
æternum, inter diuitias sæculi, & æternas,
inter delectationes istas modicas, & æter-
nas. Genæ eius contractæ sunt, id est vere-
cundia omnis, quæ deberet habere ad me,
& pulchritudo virtutum, quæ mihi placeret
omniò quasi mortua est ad me, quia pro

hominum veretundia erubescit peccare, pro me autem nihil. Altera pars maxillæ, & labij deciderat, ita quod nihil remanet nisi guttur. Quia imitatio operum meorum, & prædicatio verborum meorum cum oratione feruenti, in eo iam cecidit, ita quod nihil remanet in eo, nisi guttur gulæ suæ. Imitatio autem prauorum, & reuolutio seculariū negotiorum, totaliter sana, & pulchra sibi videntur. Pectus eius plenum est vermibus, quia in pectore, vbi deberet esse recordatio passionis meæ, & memoria operum meorum, & præceptorum; ibi est sollicitudo temporalium, & cupiditas mundi, quæ quasi vermes eius conscientiam mordent, nè cogitet spiritualia. In corde eius vbi ego morari vellem, & charitas mea sedere deberet, sedet pessimus scorpio, qui pungit cauda, & blanditur facie, quia de ore eius satis blanda procedit loquela, & rationabilis, sed cor eius plenum est iniustitia, & fallacia, quia non curaret, quod Ecclesia, cui præest destrueretur, si voluntatem suam posset perficere. Brachia eius sunt sicut serpentes, quia per malitiam suam extendit se ad simplices vocando eos cum simplicitate ad se, & occasione accepta miserabiliter supplantat. Indè quasi serpens retorquet se quasi in circulum, quia occultat malitiam suam, & iniquitatem, vt vix aliqui eius astutiam possint deprehendere. Iste est quasi vilissimus serpens in cōspectu meo, quia sicut serpens omnibus animalibus est odiosior, sic iste mihi omnibus deformior, quia iustitiam meam annihilat, & reputat me quasi hominem, qui nolit vindicare. Dorsum eius est velut carbo, quod tamen deberet esse sicut ebur, quia opera eius deberent esse fortia præ alijs, & mundiora, vt infirmos portaret per patientiam, & per vitæ bonæ exemplum. Sed nunc est quasi carbo, quia infirmus est ad patiendum vnum verbum pro honore meo, nisi causa voluntatis propriæ. Veruntamen sibi fortis videtur ad mun-

dum. Ideò cum stare putat cadet, quia sic deformis, & mortuus est in cōspectu meo, & Sanctorum meorum, sicut carbo. Interiora eius sunt fortentia, quia cogitatio eius, & affectio fortent in cōspectu meo velut caro mortua, cuius foetorem nullus ferre potest, sic eum nullus Sanctorum ferre potest, sed omnes auertunt ab eo vultum suum, & petunt super eum iudicium. Pedes eius sunt mortui. Duo namque pedes, sunt duæ affectiones eius ad me, scilicet voluntas emendandi commissa, & voluntas faciendi bona. Sed hi pedes omninò in eo mortui sunt, quia omnis medulla charitatis in eo consumpta est, & nihil remanet, nisi ossa indurationis. Et sic stat coram me. Veruntamen quandiu anima est cum corpore, misericordiam meam inuenire potest.

Declaratio.

Apparuit Sanctus Laurentius dicens. Ego cum essem in mundo, habui tria, continentiam ad meipsum, misericordiam ad proximum, charitatem ad Deum. Ideò feruenter prædicavi verbum Dei, sapienter distribui bona Ecclesiæ, & tolerabam gaudentes verbera, ignem, & mortem. Hic autem Episcopus tolerat, & dissimulat incontinentiam Cleri, expendit largiter bona Ecclesiæ in diuites, charitatem habet ad se, & suos. Ideò notum ei facio, quod nubes leuissima iam ascendit in cælum, quam facies tenebræ obumbrant, nè videatur a pluribus. Hæc verò nubes est oratio Matris Dei pro Ecclesia, quam facies cupiditatis, & indevotionis, & defectus iustitiæ sic obumbrant, quod lenitas misericordiz Matris Dei, corda miserorum ingredi non valeat. Propterea conuertat se citius Episcopus ad diuinam charitatem, & corrigendo seipsum, & subditos suos, exemplo, & verbis suis ammonendo, & ad meliora prouocanda. Alioquin sentiet manum

manum iudicantis, & Ecclesia sua igne, & gladio purgabitur, rapina, & tribulatione affigetur in tantum, quod non in longa tempora erit, qui consoletur eam.

VERBA DEI PATRIS CORAM
Cæli exercitu, & responsio Filij,
& Matris ad Patrem, ad gratiam pro filia, idest pro
Ecclesia impetrandam.

CAP. XXIV.

PATER loquebatur audiente toto exercitu cæli dicēs, Coram vobis conqueror, quod filiam meam tradidi vni viro, qui nimis affligit eam, & pedes eius cippo ligneo stringit, ita quod omnis medulla exit de pedibus eius. Cui respondit filius. Ipsa est, pater, quam ego sanguine meo redemi, & sponsaui mihi, sed nunc violenter rapta est. Deindē loquebatur mater dicēs, Tu es Deus meus, & Dominus meus, & mēbra filij tui benedicti fuerunt in corpore meo, qui verus filius tuus, & verus filius meus est. Ego enim tibi nihil negavi in terra, misere filię tuę propter preces meas. Post hæc loquebantur Angeli dicentes. Tu es Dominus Deus noster, & in te omne bonum habemus, nec aliquo indigemus nisi te. Quando sponsa tua de te processit, omnes nos congratulabamur. Nunc autem meritō contristari possemus, quia tradita est in manus pessimi, qui eam omni vilitate, & opprobrio cōfudit. Misere igitur ei propter tuam magnam misericordiam, quia miseria eius magna est nimis, & non est, qui consoletur, & liberet eam nisi tu Domine Deus omnipotens. Tunc respōdit Pater ad filiū dicens: Fili quęrimonia tua quęrimonia mea est, verbū tuum, verbum meum, opera tua, opera mea sunt. Tu in me, & ego in te inseparabiliter, fiat vo-

luntas tua. Deindē ad matrem: filij ait. Quia tu mihi nihil negasti in terra, idē ego tibi nihil negabo in cælo, voluntas tua complebitur. Ad Angelos autem dixit. Vos estis amici mei, & flamma charitatis vestrę ardet in corde meo. Faciam misericordiam filię meę propter preces vestras.

VERBA CREATORIS AD
sponsam, qualiter eius iustitia malos tripliciter sustinet, & eius
misericordia malis tripliciter parcat.

CAP. XXV.

EGO sum Creator cæli, & terrę. Mirabaris tu sponsa mea, quare sic patiens sum in malos. Hoc est quia misericors sum. Nam tripliciter patitur eos iustitia mea; Primō eos iustitia mea patitur, ut tempus eorum compleatur ex toto. Sicut enim Rex iustus habens incarceratos aliquos, si ab eo quæritur, cur non occiduntur? Respondet, quia nondum venit placitum generale, ubi ad maiorem cautelam audientium audiri possunt. Sic ego supporto malos, donēc venerit tempus eorum, ut innotescat etiam alijs malitia eorum. Nunquid non longē antē prædixi de reprobatione Saulis, antequam innotuit hominibus. Quem ut alijs malitia eius ostenderetur, diū supportavi. Secundō, quia mali aliqua bona opera fecerunt, pro quibus usque ad vltimum punctum remunerari debent, ut non sit aliquid minimum bonum, quod pro me fecerunt, pro quo non remunerentur, ut hinc recipiant mercedem suam. Terriō, ut honor Dei, & eius patientia manifestetur. Idē supportavi Pilatum, Herodem, & Iudam, cū tamen dānati essent. Idē si quis quærit quare illum, & illum supporto, consideret Iudam, & Pilatum. Tripliciter etiam

parcit malis hominibus misericordia mea . Primò propter nimiam charitatem , longa enim est pœna æterna . Ideò propter maximam charitatem , supposito eos vsque ad vltimum punctum , vt pœna ex longa temporis protractione , tardius eis inchoetur . Secundò , vt consumatur natura eorum in vitijis . Per peccatum enim natura consumitur , nè mortem temporalem amariorem sentirent , si natura eorum esset recentior . Recens enim natura mortem prolixiorē , & amariorem facit . Tertiò ad profectum bonorum , & conuersionem aliquorum malorum . Cùm enim boni homines , & iusti per malos tribulantur , vel proficit ipsis bonis , & iustis ad reseruationem peccati , vel ad maius meritum acquirendum . Similiter & mali , viuunt malis ad bonum quandoquē . Nam mali cum aliquorum malorum casum , & nequitiam considerant , cogitant secum dicentes . Quid prodest nobis sequi eos ? Et cùm sic patiens est Dominus , melius est conuerſi . Et sic quandoque redeunt ad melius , quia horrent talia facere , sicut illi mali faciunt , dicente eis conscientia eorum , talia non facienda . Vnde dicitur , quod aliquis percussus à scorpione , si perungitur oleo , in quo mortuus est alius scorpio sanatur . Sic quandoque malus videns alterius casum compungitur , & considerata alterius vanitate , & iniquitate , sanatur .

NOTAE.

Mirabaris tu sponsa mea, quare sic
patiens sum in malos.

Quapropter Deus malos in mundo diu vi-
uere permittat, prater tres causas, que in
presenti Capite afferuntur, reddidimus plures Lib.
2. Reuelat. Cap. 1. Nota 2. & Lib. 5. Interro-
gat. 6. quest. 2. quibus in locis eadem dubi-
tatio proponitur.

VERBA LAVDIS ANGELICI
exercitus ad Deum, & de filiorum
generatione, si primi parentes non
peccassent. Et qualiter Deus ostendit
mirabilia per Moysen ad populum, &
postea ipse ad nos in eius aduentu, &c.
Et de corruptione huius temporis cor
poralis matrimonij. Et de conditioni
bus coniugij spiritualis.

C A P. XXVI.

2123 8A2



NGELICVS exercitus vi-
sus est astare Deo, & ait to-
tus exercitus. Laus tibi
Domine Deus, & honor,
qui es, & qui eras sine fine.

Nos tui sumus, triplici de causa, laudamus; & honoramus te. Primò, quia creasti nos, ut tecum gauderemus, & dedisti nobis lucem inenarrabilem, qua in perpetuum latremur. Secundo, quia in bonitate tua, & stabilitate tua omnia creata sunt, & persistant, & omnia ad tuam voluntatem stant, & in tuo verbo permanent. Tertiò quia creasti hominem, pro quo sumptisti humanitatem, ex quo est maximum nostrum gaudium, & de matre tua castissima, quæ te portare meruit, & cœli non poterunt capere, & concludere. Ideo sit gloria, & benedictio tua super omnia pro Angelica dignitate, quam tanto honore sublimasti. Sit tua perpetua æternitas; & stabilitas super omnia, quæ stabilia sunt, & esse possunt. Sit tua charitas super hominem, quem creasti. Tu Domine solus timendus es pro magna potentia tua. Tu solus desiderandus es pro omni charitate tua. Tu solus amandus es pro stabilitate tua. Ideo sit tibi laus sine fine incessanter in sæcula sæculorum, Amen. Tunc Dominus respondit, vos dignè honoratis me pro omni creatura. Sed dicite quare laudatis me pro homine, cum ipse plus

plus omnibus creaturis me ad iram pro-
 uocauerit. Nam ego creauī cū excellen-
 tiorem omnibus inferioribus creaturis, &
 pro nullo tam indigna passum sum, &
 nullum tam carē redemi sicut hominem.
 Aut quā creatura non tenet ordinem
 suum excepto homine? Sed ipse ceteris
 creaturis est mihi molestior. Sicut enim
 creauī vos in laudem, & gloriam meam,
 sic etiam feci hominem mihi in hono-
 rem. Dedi enim ei corpus tanquam
 templum spirituale, in quo posui ani-
 mam quasi Angelum pulchrum, quia
 anima hominis quasi Angelicā virtutis
 est, & fortitudinis. In quo templo ego
 Deus suus, & Creator eram tertius quo
 delectaretur, & frueretur. 2 Deinde feci
 ei aliud templum de costā suā propria
 huic simile, 3 Sed nunc ò tu sponsa mea
 propter quam hæc sunt potes querere,
 quomodo de eis filij nascerentur si non
 peccassent? Respondeo tibi. Certè ex
 diuina charitate, & mutua dilectione, &
 commixtione sexus, qua ambo inuicem
 inflammarentur. Sanguis charitatis fœ-
 cundaretur in corpore mulieris, absque
 aliqua turpi voluptate, & sic mulier fru-
 ctifera fieret. 4 Deinde infante concep-
 to absque peccato, & voluptuosa delecta-
 tione, ego ex deitate mea immitterem
 animam, & sic absque dolore porta-
 ret puerum, & pareret. 5 Qui natus
 infans, statim perfectus esset sicut Adam.
 Hunc honorem contempsit homo, quan-
 do consensit diabolo, 6 & desiderabat
 maiorem honorem, quam ego dede-
 ram sibi. Facta autem inobedientia,
 venit Angelus meus super eos, & eru-
 buerunt de nuditate suā, & illicò sen-
 serunt concupiscentiam carnis, & passi
 sunt esuriem, & sitim. Tunc etiam ca-
 ruerunt me, quem cum habuerunt, non
 senserunt esuriem, neque aliam delecta-
 tionem carnis, seu erubescētiā, sed ego
 solus eram eis omne bonum, & omnis
 dulcedo, & perfecta delectatio. Cumq;
 diabolus gauderet de perditione eorum,

& casu, ego motus pietate super eos non
 reliqui eos, sed triplicem misericordiam
 ostendi eis. 7 Vestiuī enim eos nudos,
 & dedi eis panem de terra. Pro luxuria,
 quam diabolus aucta inobedientia fuscī-
 tauit eis, & dedi in semen eorum animas
 per deitatem meam. Et quicquid dia-
 bolus suggessit eis ad malum, hoc ego
 totum conuerti eis in bonum. Deinde
 ostendi eis modum viuendi, & colendi
 me, & permisi eis licitè commisceri, cum
 tamen antè permissionem meam, & in-
 dicationem timore percussi formidabant
 coniungi. Similiter & occiso Abel, cum
 multo tempore lugerent, & abstinerent,
 ego compassione permotus consolatus
 sum eos. Et tunc ipsi cognita voluntate
 mea, iterum cœperunt coniungi, & fi-
 lios procreare. De quorum progenie
 ego ipse Creator eorum promisi me na-
 sciturum. Cumque cresceret malitia fi-
 liorum Adam, & ego tunc ostendi iusti-
 tiam meam peccantibus, sed electis meis
 misericordiam, quibus placatus seruauī
 eos à perditione, & exaltaui eos, quia ser-
 uabant Præcepta mea, & crediderunt
 promissionibus meis. Adueniente au-
 tem tempore miserationis, per Moysen
 ostendi mirabilia mea. Nam saluaui po-
 pulum meum iuxta promissionem meā.
 Pavi eos manna, & præcessi eos in co-
 lumna nubis, & ignis, dedi eis legem
 meam, & ostendi eis secreta mea, & fu-
 tura per Prophetas meos. 8 Post hæc
 autem ego, qui omnia creauī, elegi mi-
 hi vnā Virginem natam de patre, &
 matre, ex qua humanā carnem assumpsi,
 & ex ea nasci dignatus sum absque coitu,
 & peccato. Vt sicut illi primi filij in Pa-
 radiso nasci deberent mysterio diuinæ
 charitatis, ex charitate mutua, & dile-
 ctione generantium absque aliqua turpi
 voluptate, sic deitas mea humanitatem
 de fœmina Virgine, sine coitu, & læsio-
 ne Virginitatis accepit. Veniens igitur
 in carne verus Deus, & homo, impleui
 legem, & omnes scripturas sicut antè

de me prophetizatum erat, & incepī nō-
uā legē, quia antiqua strīcta erat, &
dura ad potandum, nec erat aliud nisi fi-
gura futurorum faciendorum. Nam in
illa legē antiqua licitum erat vni plures
vxōres habere, nē posteritas transiret si-
ne liberis, vel nē miscerentur gentibus. 10
In mea autem noua legē prācipitur vni
maritō vnam tantum habere vxorem,
& prohibetur illa viūente habere plures
9 vxores. 9 Quicumque ergo ex diuina
chāritate, diuinōq. timore, propter su-
scipiendam prolem coniunguntur, hi
sunt templum spirituale, in quo ego ter-
tius volo habitare. Sed homines huius
temporis septemplici ratione coniungū-
tur. Primō propter faciei pulchritudi-
nem. Secundō propter diuitias. Ter-
tiō propter nimiam scurrilitatem, &
indecens gaudium, quod recipiunt in-
coitu. Quartō quia est ibi amicorum cō-
uentus, & immoderata gula. Quintō
quia est ibi superbia in vestibus, & cibis,
in ioculationibus, & alijs vanitatibus.
Sextō causa suscitandae prolis, non vt
Deo nutriatur, vel in bonis moribus,
sed ad diuitias, & honores. Septimō cō-
ueniunt causa luxuriā, & in luxuriā ap-
petitu velut iumenta. Hi veniunt cum
vno consensu, & concordia ante fores
Ecclesiā meae, quorum affectio, & interna
cogitatio tota est contraria mihi, & vo-
luntatem suam, quae ad placendum mū-
do est, prāponunt, voluntati meae. Si
enim tota cogitatio eorum esset ad me,
& voluntatem suam committerent in-
manus meas, & susciperent coniugium
cum timore meo, tunc ego assentirem in
eos, & essem tertius cum eis. Nunc au-
tē consensus meus, qui deberet esse
caput eorum abest, quia luxuria est in
corde eorum, & non amor meus.
Deindē procedunt ad altare meum, vbi
audiunt, quod debent esse cor vnum, &
anima vna, sed tunc cor meum fugit ab
eis, quia ipsi de corde meo non habent
calorem, & de carne mea non sentiunt

saporem. Querunt enim calorem citō
peritūrum, & quærunt carnem, quam
vermes commesturi sūt. Idē tales cō-
iunguntur absque vinculo Dei Patris, &
eius vnione, & absque charitate filij, &
absque consolatione Spiritus sancti.

10 Cum verō coniuges veniunt ad le-
ctum, tunc statim discedit ab eis spiri-
tus meus, & appropinquit spiritus im-
pūrus, quia non conueniunt nisi causa
luxuriā, nec aliquid aliud inter eos co-
gitatur, & tractatur. Veruntamen ad-
hūc misericordia mea cum eis est, si con-
uerterentur. Ex multa enim charitate
mitto ego in semen eorum animam vi-
uentem, à potentia mea creatam, & con-
cedo aliquando, quod de malis parenti-
bus quādoque generentur filij boni, fre-
quentius tamen nascuntur filij mali de
malis parentibus, quia filij tales paren-
tū iniquitatem imitantur, in quantum
possunt, & plus imitentur si à patien-
tia mea permitterentur. Tale enim con-
iugium nunquam videbit faciem meam,
nisi pœnituerint. Nullum etiam pec-
catum est tam graue, quod pœniten-
tia non diluatur. Propterea conuer-
tam me ad coniugium spirituale, quale
debet habere Deum cum corpore cas-
sto, & anima casta. Ibi enim alia se-
rem bona inueniuntur contraria prio-
ribus prādictis malis. Nam ibi non de-
sideratur forma aliqua, seu pulchritu-
do corporis, nec delectabilium visio,
sed solummodo amor, & visio Dei. 2
Secundō nihil possidere, nisi vndē viuunt
solummodo ad necessitatem nihil ad su-
perfluitatem. Tertiō virant verba ocio-
sa, & scurrilia. Quartō non curant
videre amicos, vel parentes, sed ego
sum amor, & desiderium eorum. 2
Quintō humilitatem cupiunt seruare
interius in conscientia, & exterius in
habitu. Sextō habent voluntatem nun-
quam velle luxuriari. Septimō gene-
rant Deo suo filios, & filias, per bo-
nam conuersationem, & bonum exem-
plum,

plum, & per spiritualium verborum prædicationem. Hi tunc assistunt foribus Ecclesiæ meæ, quando fidem inuiolabilem obseruāt, vbi assentiunt in me, & ego in eos. Procedunt verò ad altare meum, & cum corpore, & sanguine meo spiritualiter delectantur. In cuius delectatione cor vnum, & caro vna, & vnus voluntatis esse volūt, & ego verus Deus, & homo potens in celo, & in terra, ero tertius cum eis, qui implebo cor eorum. Illi coniuges temporales incipiunt concupiscentiam sui coniugij in luxuria tanquam iumenta, & deteriores sunt iumentis. Illi autem spirituales cōiuges incipiunt in diuina charitate, & diuino timore, nulli placere curātes nisi mihi. Illos implet, & excitat spiritus malus ad carnis delectationē, in qua non est nisi fætor, sed isti implētur spiritu meo, & igne charitatis meæ accenduntur, qui nunquam deficiet eis. Ego sum vnus Deus, trinus in personis, vnum in substantia, cum Patre, & Spiritu sancto. Sicut enim impossibile est separari patrem à filio, & spiritum ab vtroque, & sicut impossibile est separari calorem ab igne, sic impossibile est tales cōiuges spirituales à me separari, quin sim tertius cum eis. Semel enim corpus meum laceratum, est in passione, & mortuum, sed nunquā amplius lacerabitur, nec morietur. Ita ipsi nunquam morientur à me, qui mihi fide recta, & voluntate perfecta incorporantur. Nam ubicunq. stant, sedent, vel ambulēt, ego semper sum tertius cū eis.

NOTÆ.

Tertio, quia creasti hominem, pro quo sumpstisti humanitatem, ex quo est maximum nostrum gaudium.

Hæc verba sunt Angelorum asserentium ex Incarnatione Christi Domini eos sumpsisse maximum gaudium, ex quibus quedam à vobis colligenda sunt: Primum Saluatoris nostri Incarnationem principaliter spectasse ad

hominum reparationem, non Angelorum, vel Demonū, vt affirmarunt Orig. lib. 1. in Ioan. & Hom. 2. in Leuit. & Cyrillus lib. 1. in Leuit. licet enim ad Ephes. 1. vñsus sit hoc innuere Paulus illis verbis. Instaurare omnia in Christo, quæ in celis, & quæ in terris sunt, & ad Colossen. 1. Pacificans per sanguinem crucis eius suæ quæ in terris. suæ quæ in celis: tamen hæc nullo pacto intelligenda sunt de iustificatione Angelorum, sed de reparatione sedij, quæ ob casum demonum vacuæ remansiunt, ex quo maximum gaudium Angelos percepisse legimus, vel dicendum est, sicut alij quidam citatum locum ad Ephesios interpretati sunt, per calcestria Iudeos, qui habuerunt cognitionē veri Dei, per terrestria gentiles intelligendos esse, & ad illud ad Colossen. respondetur, Paulum affirmare ibi Angelos fuisse cum hominibus pacificatos, quippe qui ad inuicem propter peccata diffidebāt, quæ Christi passione sublata sūt, unde pax inter illos sequuta est; propterea dicendum videtur si verbum redimere, propriè sumatur, Angelos minimè fuisse redemptos; est enim redimere iterum, ac denuò emere. Angeli autem boni cum nunquam peccauerint, dici non possunt redempti: ex sententia tamen D. Dionysij 8. de diuinis nominibus. & Gregorij de Valeria Societatis Iesu Theologi, in Comm. nar. super S. Thom. tom. 1. disp. 4. q. 13. puncto 2. in fine, redempti eo sensu esse dicuntur, quatenus ille qui potuit, & non peccauit, & ad peccandum factus est impotens, redemptus ab eo dici potest, quod esse poterat. vt egregiè docuit D. Bernard. serm. 22. sup. Cant. paulò post initium, At Angelis (inquit) quomodo redemptio fuerit non video; nec enim auctoritas scripturarū vñspiam assentire videtur, eos aliquando aut peccato exiisse captiuos, aut morti obnoxios, vt necessariam haberent redemptionem, exceptis duntaxat illis, qui superbiæ lapsu irremediabili corruentes redimi deinceps non merentur: si itaq. Angeli nunquam redempti sunt, alij vñq. non egerint, alij non promerentes; illi quidem quia nec lapsi sunt; hi autem quia irrevocabiles sunt; quo pacto tu dicis Dominum Iesum Christum eis fuisse redemptionē, audi breuiter, qui erexit

bominem lapsum, dedit stanti Angelo nè laboretur, sic illum de captiuitate eruens, sicut hunc à captiuitate defendens, & hac ratione fuit aequè vtriq. redemptio, soluens illum, & seruans istum, liquet ergo sanctis Angelis Dominum Christum fuisse redemptionem. hac Bernardus. Cum autem hoc loco scribitur, Ex quo est maximum nostrum gaudium, intelligendum, vel de reparatione sedium, ut diximus, vel quia per Incarnationem meruit Christus sibi gloriam capitis, etiam ratione Angelorum, in quos habuit influxum doctrinae, illuminationis, & gaudiorum accidentalium, ut ex D. Dionysio cap. 7. de caelesti hierarchia colligitur.

2 Deinde feci ei aliud templum de costa sua propria huic simile.

Mulierem hoc loco Christus Dominus templum vocat, sicut enim Deus creauerat hominem tanquam templum, in quo ipse per gratiam inhabitaret, est namq. anima iusti, templum Spiritus sancti, ut 1. Corint. 3. scribit Paulus, & annotarunt Hylar. in Ps. 64. & 137. Arnob. in Psal. 78. August. epist. 17. ita quoque legimus hic aliud fecisse templum viro ex costa sua, creans nimirum mulierem, in qua ipse vir per dilectionem, ac unionem, veluti in quodam templo inhabitaret: Sed merito quispiam hic querere posset, quomodo ex una costa Ade integrum, ac perfectum corpus Eue fuerit constatum, quandoquidè ipsa in perfecta corporis statura, & etate generata est; cui dubitationi responderi potest primo cum D. Thomas 1. p. q. 92. art. 3. id factum esse, quod costa illa in tantum materia molem creuerit, quantum sat esset ad informandum corpus mulieris, quae materia, vel ex alio quopiam corpore sumpta, conuersa sit in corpus mulieris, vel quod de nihilo creata sit, ut indicauit D. Thomas. Hanc autem materiam dupliciter coniecere possumus concurrere potuisse ad formationem corporis Eue, vel immediatè, ut scilicet ex ipsa, & ex costa fabricaretur corpus, vel mediatè, ut primo ipsa materia conuersa fuerit in costam Ade, & in tantam molem redacta, quae ad perficiendum muliebri corpus sufficeret. Verum Magister sent. in 2. dist. 18. & ibi

Durandus, & Gabriel existimauerunt costam illam Adami, non per rarefactionem, vel materiae externa additionem, sed per sui ipsius multiplicationem diuinitus factam in tantum excreuisse, ut ad corporis Eue productionem satis fuerit: probant autem, quia si illa materia fuisset extrinsecus assumpta, corpus illius diceretur potius factum ex illa materia, quam ex costa quandoquidem illa materia aucta longè vtriq. maior fuisset, quam ipsamet costa viri: sed hoc non obstat, quia denominatio ex illa materia desumenda est; quae primò, & principaliter assumpta est à Deo ad formationem corporis Eue, quae fuit costa viri, ut Gen. 2. patet. Cetera verò materies, ut quid aduentitium, & accessorium adhibita est, quae de re videndus est D. Thomas. ubi sup. qui hanc Magistri opinionem egregiè confirmat: an autem illa costa fuerit superflua, an verò necessaria ipsimet Adamo D. Thomas. quaest. citata ad 2. argum. affirmat fuisse superuacaneam si consideretur Adam, ut singularis quaedam persona, ut autem erat principium speciei, & totius generis humani primus homo, ex quo formanda erat Eua, asserit necessariam existisse illam costam, non quidem simpliciter, sed secundum diuinum decretum, ex quo ea costa formare mulieris corpus statuerat; quare autè ex costa potius quam ex alio membro fuerit Eua formata, vide D. Thom. loco citato.

3 Sed nunc ò tu sponsa mea propter quam haec fiunt potes querere, quomodo de eis filij nasceretur si non peccassent.

Poterat B. Brigitta merito dubitare de generatione filiorum per coitum in statu innocentiae, quod futura non fuisset, cum de eadem re plures etià Doctores grauissimi dubitauerint, ut Greg. Nyssen. de creatione hominis c. 28. qui affirmat, primos parentes nisi peccassent non habituros fuisse filios per coitum, sed per modum quendam multiplicationis perfectissimum, quo Angeli multiplicati sunt: eidem sententiae subscripsit Damas. lib. 4. cap. 2. 5. & videtur fauere Chrysost. hom. 18. in Gen. & Procopius in Genes. cap. 4. exponens illa verba Adam cognouit uxorem suam, Euthym. in Psal. 50. fuit aliquando in hanc opinionem D. Au.

D. August. lib. 1. in Genesim cap. 19. quam tamen reiecit lib. 1. retract. cap. 10. 13. & 19. Caterum quoniam supradicta opinio, sacre Scripture, ac rationi contraria esse videtur, ideo à nobis dicendum est, quòd si primi parentes nò peccassent, fuissent homines multiplicati per carnalem generationem, & patet euidenter ex ipsamet Mosis narratione Genes. 1. & 2. ubi dicit in creatione hominù Deu ab initio masculum, & feminam creare, & quorsum, natus ad generadam prolem, cuius causa instituta est discretio sexus in marem, & feminam, nihil autem est frustra in operibus Dei. Secundo idè probatur ex illo, Erunt duo in carne una, id enim per carnalem copulam completur. Tertiò hoc palam fit cum Moses dixit, mulierem fuisse factam in adiutorium viri, sed hoc non ad aliud nisi ad generationem, ut egregie animaduertit D. Thom. 1. p. q. 93. art. 2. Potissima autem ratio, per quam citati Doctores contrariam sententiam secuti sunt ea est, quòd in illo actu reperiri consuevit turpitude quedam, & deformitas, & immoderatus libidinis sensus, quæ à statu innocentie penitus aliena esse debebant. Verum tunc temporis nec fuisset turpitude aliqua, nec ardor immoderatus libidinis in eo actu, ut scribit D. Thom. ubi supra, & D. August. lib. 14. de Ciuit. cap. 26. Absit (inquit) ut suspicemur, non potuisse prolem fieri sine libidinis morbo, sed eo voluntatis nutu mouerentur illa membra, quò cetera, & sine ardore, & illecebroso stimulo, & idcirco in presenti Capite scribitur, quòd tunc in illo statu, per commissionem sexus fuisset propagata proles ex mutua charitate, diuina dilectione absque aliqua turpi voluptate.

Deindè in infante concepto absque peccato, & voluptuosa delectatione, ego ex Deitate mea immitterem animam, sicq. absque dolore portare puerù & pareret.

Ex his verbis non est colligendum hominù animas iam indè ab initio mundi fuisse cum Angelis in calo creatas, & postea cum corpora creantur in dies in ipsamet corpora mitti, ut existimaue Origenes, cuius opinionem retulimus, & reiecit hoc cod. Lib. Cap. 9. Nota 4.

ubi probauimus Deum Opr. Max. nouas quotidie creare animas, easq. nouis corporibus infundere, infundendo creare. & creando infundere: cum ergo legimus hic, quòd in infante concepto Deus à Diuinitate sua immittit animas, intellige Deum intra corpusculum iam organizatum creare animas, in quòd immittit eas dicitur à Diuinitate, quatenus per suà diuinam potentiam facit, ut in cunctas corporis partes diffundatur, sicq. diffusa omnes informet, id autem, quòd sequitur (nimirù) quòd absque dolore in eo statu mulieres peperissent explicat D. August. lib. 14. de Ciuit. cap. 26. ubi modum tradit, quo id fieri potuisset. Cum factus (inquit) in utero iam partui fuisset maturus, tunc fore, ut materna viscera spontè in tantum laxarentur, ut commodum sine matris dolore transitum factui preberent, sic ad pariendum non doloris gemitus, sed maturitatis impulsus femineà viscera relaxaret, ut ad concipiendum non libidinis appetitus, sed voluntarius usus naturam coniugis utriusque coniungeret: verum quanta sit mulierum parientium pena, quæ ob primorum parentum peccatum illis inflicta est, ut Genes. 3. patet, indicat D. Ioan. cap. 16. ibi, Mulier cum parit tristitiam habet, & late tradunt Arist. lib. 7. de hist. Animal. cap. 9. & Plin. lib. 7. naturalis hist. cap. 9.

Qui natus infans statim perfectus esset sicut Adam.

Existimandù est pueros in statu innocentie non fuisse habituros eam statum perfectionem, qualis Adamo in eius creatione collata fuit, is enim creatus est, & in ætate perfecta, ut indicat D. August. lib. 6 de Genesi ad litteram cap. 13. & colligit hoc ex eodem Aug. Magister sentent. in 2. dist. 17. & aliqui arbitrantur in ea ætate fuisse creatum Adamum, quæ Christus Dominus è mortuis resurrexit, hoc est inter trigessimum, & quadragessimum annum. Et sicut in ætate perfecta, ita quoque in perfecta corporis magnitudine factus est. Verum non sic contigisset in statu innocentie pueri, tunc enim habuissent quidè virtutem motiuam membrorum sufficientem, non ad quoslibet actus, sed ad actus pueritie

competentes, ut ad sugendum verba, & alia huiusmodi, sicut probat D. Thom. 1. par. q. 99. art. 1. neque etiam habuissent perfectum rationis usum ad omnia, sed ad opera tantummodo puerilia idoneum, ut idem auctor probat q. 101. art. 2. cum ergo hoc loco legimus habituros fuisse infantes talem perfectionem, qualē habuit Adā, intellige de perfectione competente etati puerili, quae pro eo tempore diceretur perfecta, quia fuisset ei tunc sufficiens, sicut & illa Adā fuit perfecta, quippe quae erat competens, & qualitati persone, & etati in qua creatus fuerat: est ergo sermo de aequalitate proportionis in ordine ad aetatem, in qua quisque creatus est, quam Deus, prout quisque paulatim crescit sufficientem confert, & sic unaquaque dicitur perfecta iuxta convenientiam etatis, quae interpretatio sumitur ex illa particula (sicut) quae est nota similitudinis, non aequalitatis, & sensus est, quod sicut Adā habuit perfectionem competentem etati, in qua creatus est, ita pueri in statu innocentia habuissent perfectionem etati puerili convenientem, in qua nati fuissent.

6. Et desiderabat maiorem honorem, quam ego dederam ei.

Hunc honorem, quem Adamum concupuisse legimus hic fuisse sciētiā diuinę aequalitatem colligi potest ex illis verbis Genes. 3. Eritis sicut Dij scientes bonum, & malum, & ibi etiam: Ecce Adam quasi unus ex nobis factus est, sciens bonum, & malum, verum quomodo Adam, qui sapientissimus erat persuadere sibi potuerit posse se ad aequalitatem diuinę scientiæ peruenire, declarat D. Thomas in 2. sent. dist. 2. 5. & Caetan. in comment. 2. 2. q. 163. art. 4. qui affirmant eam aequalitatem desiderasse, non appetitū absolute, sed conditionali, ea scilicet intentione, quod eam aequalitatem voluisset, si fieri posset: sunt etiam qui dicunt eum non proprie appetuisse aequalitatem scientiæ Dei, sed similitudinem quandam illius scientiæ, quae illi non erat impossibilis, & hoc deducit Lyranus ex illa particula (sicut Dij) non enim dicitur absolute eritū Dij, sed sicut Dij, idem amotaui Hieron. ab Oleastro ibidem.

7. Vestiu enim eos nudos.

Tunicis nimirum pelliceis, ut Genes. 3. scribitur, quae vel facta fuerunt ex corticibus arborum, ut refert Theodoretus q. 39. in Genesim aliquos sensisse, vel fuisse confecta ex animalium mortuorum pellibus, quod tamen Theodoretus id fieri minime potuisse existimauit, quia inquit oportuisset aliquam speciem animantium tunc rursus interire: bina enim tantummodo in unaquaque specie unum scilicet mare, & unam feminam in exordio mundi à Deo fuisse creata cōfuit, quod an verum sit in praesentia non facit ad rem nostrā discutere: probabilissimū tamen esse credo, multa in exordio mundi secundū unamquamque speciem utriusque sexus animalia fuisse creata, quod & rationi magis est consonum, neque sacra Scriptura contrarium, sed quidquid sit de hac re Vgo de Sancto Victore opinatur illas tunicas fuisse confectas ex elementis ministerio Angelorum, vel Deum docuisse primos parentes rationē cōficiendi sibi vestes ex pellibus animalium, sed ego probabilius esse arbitror, verē illas tunicas factas fuisse ex mortuorum animalium pellibus, ut constat ex sacro Textu, ubi legimus. Fecit quoque Dominus Deus Adā, & uxori eius tunicas pelliceas, sequuntur hanc sententiam Eucherius in Genesim lib. 1. cap. 30. Hieron. ab Oleastro in Genesim loco citato. Pererius in Genes. lib. 6. in explicat. cap. 3. ver. 2. 1. Lyranus in Genes. cap. 3. ubi exponens illa verba. Fecit quoque Dominus Deus &c. fecit (inquit) de pellibus animalium mortuorum indumentum in signum suae mortalitatis, & quia indigebant tegumento contra intemperiem aeris loci, ad quem erant eiciendi.

8. Post hæc autem, quia omnia creauī, elegi mihi vnam virginem natam de patre, & matre.

Ex his verbis constat falsam esse hæresim Collyridianā, quae affirmat Mariam humanæ naturæ fuisse expertē, cuius hæresis meminit Epiphanius. hæresi 78. & 79. & patet huius opinionis falsitas quia scribitur hic Mariam carnem assumpsisse ex patre, & matre, quorū mentio fit passim in his Revelationū Libris, ut Lib. 1. Cap. 9. Lib. 6. Cap. 104. serm.

Angelico c. 10. meminerunt parentum Virginis Nicephor. lib. 1. cap. 7. lib. 2. cap. 3. plura habent de his Epiph. orationib. de laudib. Virg. tom. 7. Damasc. lib. 3. cap. 15. & orationib. de B Virg. Gregor. Nyssen. orat. 1. de sancta Christi Natiuit. Andreas Hierosolym. orat. de dormit. Deipara, & hic error reuincitur ex eo, quoniam singulare fuit priuilegiū Christi, quod ex femina sine opera viri cōceptus sit.

9 *Quicumque ergo ex diuina charitate, diuinoq. timore propter suscipiendam prolem coniunguntur.*
var. lect.

M. S. Farneſianus legit, Quicunq. ergo ex diuina charitate diuinoq. amore coniunguntur.

10 *Cum verò coniuges veniunt ad lectū, tunc statim discedit ab eis spiritus meus, & appropinquat spiritus impurus, quia non conueniunt nisi causa luxuriæ.*

Si coniuges in matrimonio aliud non querant quam carnis voluptatem, & ibi vltimū finem ponant, sine dubio ab eis spiritus Dei recedit, quandoquidem voluntatem suam, quam ad creaturam conuertunt, diuina preponunt voluntati, & è contra si nubant, vel ad propagandam prolem, vel ad carnis tentationes sedandas, tunc cū eis manet spiritus Dei, expedit namq. inquit D. Gregor. 23. Moral. et qui tentationum procellas cum difficultate tollerant coniugij portum petant, melius est enim nubere, quam viri; sine culpa enim ad coniugium veniunt: si tamen nec dum meliora deuenerint.

VERBA MATRIS AD SPONSAM
qualiter in chorea sunt tria, & quomodo per choream iste mundus designatur, & de tribulatione Matris in Christi morte.

CAP. XXVII.



MATER Dei loquebatur ad sponsam dicens. Filia mea volo te scire, quod ubi est chorea ibi sunt tria, scilicet inanis lätitia, vox perfusa, & labor superuacuu. Cum

autem aliquis dolens, vel tristis, in domo choreæ intrauerit, tunc amicus eius existens in illa choreæ lätitia, videns amicum suum venientem tristem, & mestū, statim dimissa lätitia, segregat se à chorea, & condolet amico dolenti. Choreā ista est mundus iste, qui semper voluitur sollicitudine, qui hominibus stultis videtur esse lätitia. In quo mundo sunt tria. Inanis lätitia, verba scurrilia, labor inutilis, quia omnia, per quæ homo laborat relinquit post se. Qui autem est in hac mundi chorea, consideret laborē, & dolorem meum, & condolet mihi, quæ eram ab omni lätitia mundi segregata, & segreget se à mundo. In morte namq. filij mei eram sicut mulier habēs cor affixum quinque lanceis. Prima enim lancea, erat nuditas verecunda, & vituperosa, quia videbam filium meum charissimum, & potentissimum, stare ad columnam nudum, & nihil operimenti habentem. Secunda erat accusatio eius: Nam accusabant eum dicentes eum proditorem, & mendacem, & etiā insidiatorem, quem ego sciebam iustum esse, & veracem, nullumq. offendisse, vel voluisse offendere. Tertia lancea mihi erat spinea corona eius, quæ sic immanitèr pupugit caput eius sanctissimum, vt sanguis deflueret in ore eius, & in barbā, & in aures eius: Quarta erat vox lamentabilis in cruce, qua clamauit ad Patrem, dicens. O Pater quare me dereliquisti? Ac si vellet dicere. Pater non est qui misereatur mei, nisi tu. Quinta lancea, quæ cor meum pertransibat, erat mors eius durissima. De quot enim venis sanguis eius exiuit pretiosus, quasi tot lanceis cor meum perforatum est. Perforatæ sunt nempe venæ manuum, eius, & pedum, & dolor nervorum perforatorū accessit in sololabiliter ad cor eius, & de corde iterū ad neruos, & quia cor eius erat recentissimum, & optimū, quia compaginarum de optima natura, propterea certabat inter se vita, & mors, & sic

& sic amarius protrahabatur vita inter dolores. Appropinquante autem morte cum praetolletabili dolore rumpetur cor, tunc statim contremuerunt omnia membra eius, & caput, quod ad dorsum eius reclinabatur, eleuauit se modicum. Oculi semiclausi aperiebantur quasi ad medietatem. Os eius similiter aperiebatur, & videbatur lingua eius sanguinolenta. Digni & brachia, quae erant quodammodo contracta extendebantur.

Tradito autem spiritu, caput inclinabatur ad pectus. Manus de loco vulnerrum modicum submiserunt se. Pedes sustentabant maius pondus. Tunc aruerunt manus meae. Oculi obfenebrati sunt, & facies palluit quasi mortui hominis. Aures nihil audierunt. Os nihil potuit loqui. Pedes etiam mei nutauerunt, & corpus meum cecidit ad terram. Surgens autem de terra cum viderem filium meum leproso despectiorem, posui voluntatem meam totam ad ipsum, sciens, quod secundum voluntatem eius omnia facta fuissent, & non potuissent fieri, nisi ipso permittente, & reuerentiarum ei pro omnibus. Luctitia quaedam mixta erat tristitia, quia videbam eum, qui nunquam peccauit ex tanta charitate voluisse talia pati pro peccatoribus. Ergo quicunque est in mundo, consideret qualis eram in morte filij mei, & semper habeat praeterea oculos.

Nonio. A. Insuper loquitur. In his diebus non eris in terra.

Tradito autem spiritu, caput inclinabatur ad pectus. Non hic sermo fit de ea capitis inclinatione, quae mortem praecessit, sed de ea, quae mortem consequuta est, sicut enim cetera membra, ut hic etiam testatur, idcirco sunt extendenda, sic de capite iussu mandatur, nisi dicere videtur allucinatam inuersionem, & uertere debuisse, antequam tradere spiritum. Lib. 1. cap. 7. ad finem, ubi etiam de Christi Domini Passione agitur optime verum, &

Inclinato capite tradidit spiritum. Cetera, quae ad superioris Capitis intelligentiam facere possunt, explicata sunt a nobis supra hoc eodem Lib. Cap. 10. & Lib. 4. Cap. 70.

VERBA DOMINI AD SPONSAM indicantia, qualiter quidam ante eius tribunal venerat iudicandus, & de terribili, & horribilissima sententia, iudicata a Deo, & ab omnibus Sanctis contra eum.

C A P. XXVIII.



IDEBAT sponsa Deum quasi iratum, qui dicebat. Ego sum sine principio, & sine fine. Nulla immutatio est apud me, nec anni,

& dies. Sed omne tempus huius mundi est apud me, quasi esset vna hora, vel momentum. Omnis qui videt me, omne quod est in me videt quasi ad punctum, & intelligit. Sed quia tu sponsa mea corporalis es, ideo non sic potes percipere, & cognoscere sicut spiritus, ideo iudicabo propter te, quod actum est. Ego sedi quasi in iudicio, quia omne iudicium datum est mihi, & venit quidam iudicandus ante tribunal. Cui vox Patris sonuit, dicens ei. Vae tibi, quia vnquam natus fuisti, non quia peccauisti Deum, fecisse eum, sed sicut aliquis dolere solet pro alio compatiendo ei. Deinde respondit vox filij. Ego fudi sanguinem meum pro te, & suscepisti amarissimam poenam pro te, ab hac enim tu omnino alienatus es, nec aliquid habet tecum. Vox spiritus ait. Quasiui omnes angulos cordis eius, si forte inuenirem aliquam molliem in corde eius, & charitatem, sed frigidissimus est quasi gelus, durissimus est sicut lapis, nec est aliquid mihi cum eo. Haec tres voces non ideo audita sunt, quasi sint tres Dij, sed propter te sponsa mea factae sunt, quia tu non poteras hoc mysterium aliter intelligere. Deinde

tres

tres voces prædictæ, scilicet Patris, & Filij, & Spiritus sancti, conuersæ sunt statim in vnam vocem tantum, quæ vox sic intonuit dicens. Nullatenus debetur tibi regnum cæli. Mater misericordiæ siluit, nec aperuit misericordiam suam, quia iste iudicandus indignus erat ea, & omnes Sancti vna voce clamabant dicētes. Hæc est diuina iustitia, vt perpetuò exul sit à regno, & gaudio tuo æterno. Et tunc omnes illi, qui erant in Purgatorio dixerunt. Nulla pœna est tam amara nobiscum, quæ sufficiat ad puniendum peccata tua. Maiora enim tormenta teneris portare, idèò à nobis sequestraberis. Tunc autem & ipse iudicandus, clamabat voce horrenda dicens. Væ væ seminibus, quæ conuenerunt in ventre matris meæ, de quibus formatus sum ego. Secundò etiam clamabat. Maledicta (inquit) sit hora, in qua anima mea cum corpore coniuncta fuit, & maledictus sit, qui dedit corpus, & animam. Tertiò clamabat, Maledicta sit illa hora, in qua viuus de ventre matris processit. Tunc venerūt tres contra eum horribiles voces de inferno dicentes. Veni ad nos maledicta anima, quasi æs fluens ad perpetuam mortem, & vitam interminabilem. Secundò clamabant Veni maledicta anima vacua ad nostram malitiam: Nullus enim erit ex nobis, qui te malitia sua, & pœna non impleat. Tertiò clamabant. Veni maledicta anima, ponderosa quasi lapis, qui semper mergitur, & nunquam attingit fundum, in quo quiescat. Sic tu in profundum profundius nobis descendes, vt non possis subsistere antequam veneris in ima abyssi. Et tunc ait Dominus. Ego sicut homo habens plures vxores, & videns casum vnius, auertit se ab illa, & conuertit se ad alias, quæ stant, & gratulatur cum eis. Sic ego auerti faciem meam ab illo, & misericordiam, & verto me ad famulos, & seruos meos, & gaudeo cum illis. Propterea cum tu audisti casum illius,

& miseriam; idèò serui mihi eò sincerius, quò maiorem misericordiam tecum feci. Fuge mundum, & concupiscentiam eius. Nunquid ego passionem tam amarā assumpsi propter gloriam mundi, vel quia celerius, & leuius non potui consummare eam. Poteram vtique, sed sic exigebat iustitia, vt sicut homo in membris omnibus deliquerat, sic in omnibus satisfaciendum erat. Propter quò Deitas homini compatiens, tantā charitate exarsit ad vnam Virginem, vt de illa humanitatem susciperet. In qua humanitate sustineret Deus omnem pœnam, quam homo teneretur habere. Idèò si ex charitate pœnam tuam suscepi in me, ita sicut famuli mei stant in vera humilitate, vt nihil erubescas, nihil timeas nisi me. Custodi os tuum, vt si esset voluntas mea, tu nunquam velles loqui. Non contristeris de temporalibus, quia caduca sunt, & ego ditare quos voloero, & depauperare possum. Idèò sponsa mea pone spem tuam totaliter in me.

Declaratio.

Hic homo fuit Nobilis, & Canonicus, & Subdiaconus, qui obtenta fallā dispensatione, desponsauit Virginem diuitem, Sed præuentus morte subita, non obtinuit, quod concupiuit.

VERBA VIRGINIS AD FILIAM
de duobus dominabus, quarum vna nominabatur Superbia, & altera Humilitas, per quam Virgo dulcissima designatur, & de occurſu Virginis ad suos dilectos suæ mortis tempore.

C A P. XXIX.



MATER Dei loquebatur ad sponsam filij dicens.
Dux sunt Domina: Vna est, quæ non habet nomen speciale, quia indigna

est nomine. Alia est humilitas, quæ vocatur Maria. Super primam est dominus ipse diabolus, quia sibi dominatur. Huic dominæ dicebat miles suus. O domina quicquid facere possum pro te paratus sum, tantum ut fruatur semel concubitu tuo. Nam ego sum fortis viribus, magnanimus corde, nihil timeo, & paratus sum ire in mortem pro te. Cui illa respondit. Serue meus magna est charitas tua ad me. Sed ego sedeo in sublimi sede, nec habeo nisi sedem vnā, & inter nos sunt tres portæ. Prima porta est sic arcta, ut quicquid homo habuerit in corpore, si ingreditur per eam omnia dirumpuntur, & abstrahuntur. Secunda est sic acuta, quod pungit vsque ad nervos. Tertia porta est sic ardens, quod nulla est requies ardoris, sed qui ingreditur per eam, statim liquefcet sicut æs. Ego autem sedeo sublimiter, & qui sedere vult mecum, cum non habeat nisi vnā sedem, cadet ad caos maximum subtus me. Cui ille respondit. Ego dabo vitam meam pro te, quia pro minimo est mihi casus. 2 Domina ista est superbia, ad quam, qui peruenire voluerit, ingreditur quasi per tres portas. Per primam portam ingreditur, qui totum dat ad laudem hominum, & pro superbia. Et si nihil habet, adhibet totam voluntatem suam, quomodo superbire & laudari possit. Secundam portam ingreditur ille, qui quicquid laborat, & quicquid facit, & totum tempus, & cogitationes, & omnes vires suas dat ad hoc, ut superbiam perficiat. Et si etiam posset carnem suam ad lacerandum tradere causa honoris, & diuitiarum libenter faceret. Terciam portam ingreditur, qui nunquam requiescit, & nunquam silet, & totus quasi ignis ardet, quomodo perueniat ad aliquem honorem, vel mundi superbiam. Sed cum obtinuerit quod cupit, non potest diu in eodem statu permanere, sed cadit miserabiliter, nihilominus tamen

superbia remanet in mundo. Ego autem ait Maria, quæ humillima sum, sedeo in sede spaciola, & supra me non est Sol nec Luna, nec stellæ, nec etiam nubes, sed mira, & inestimabilis claritatis serenitas, procedens à pulchritudine præclara maiestatis diuinæ. Infrà me etiam non est terra, vel lapides, sed requies incomparabilis in virtute Dei. Iuxta me non est murus, seu paries, sed Angelorum, & sanctarum animarum gloriosus exercitus. 3 Et quamuis sic sublimiter sedeo, tamen audio amicos meos in terra existentes, mihi quotidie gemitus fundentes, & lachrymas. Video labores eorum, & efficaciam eorum maiorem, quam illorum, qui pugnant pro sua domina superbia. Ideo visitabo eos, & collocabo eos mecum in sede mea, quæ spaciola est, & omnes bene potest capere. Sed nondum ad me venire, nec sedere adhuc mecum poterunt, quia duo muri adhuc sunt inter nos, per quos fiducialiter deducam eos, ut ad sedem meam veniant, Primus murus est mundus, qui est æctus, propterea serui mei in mundo consolabuntur per me. Secundus murus est mors, ideo ego charissima domina eorum, & mater, obuiabo eis, & occurrā eis in morte, ut etiam in ipsa morte consolationem, & refrigerium habeant, & collocabo eos mecum in sede cælestis gaudij, ut in brachio dilectionis perpetuæ, & æternæ gloriæ, cum exultatione immentia æternaliter requiescant.

N O T A E.

1 D Væ sunt Dominæ, vna est, quæ non habet nomen speciale.

Superbiæ vitium, de quo in presenti Capite agitur, non habet nomen speciale, quoniam si consideretur, ut importat actuale quendam Dei contemptum, quatenus eius mandatis peccator non vult subdi, nec obtemperare, tunc sicut non est speciale vitium, ita quoque

non habet speciale nomen, ut scribitur hic; si
verò superbia consideretur, ut connotat inor-
dinatum excellentiæ propriæ appetitum, est
speciale vitium propter propriam speciem,
quam habet ratione proprii obiecti, in quo
sensu superbia speciale peccatum est, quia ha-
bet speciale obiectum; ut annotauit D. Thom.
par. 2. q. 84. art. 2. & 2. q. 162. art. 2.

2. Domina ista est superbia, ad quam
qui peruenire voluerit, ingreditur qua-
si per tres portas.

Hoc loco trẽs tantummodo superbiæ gradus
assignantur sub similitudine trium portarum;
sed de speciebus eiusdem agit D. Gregor. Ma-
gnus 2. 3. Moral. cap. 7. qui quatuor species
illius esse docet. Prima est estimare bona à
seipso habere. Secunda credere ea sibi data esse
desuper, sed ob sua merita. Tertia iactare se
habere quæ non habet. Quarta continere alios
inordinatè aut velle, ut sibi submitteantur;
licet eum præcedant meritis. D. Bernard. in
tract. de Duodecim gradibus humilitatis cir-
cà medium superbiæ gradus duodecim ponit;
qui sunt curiositas, vmentis leuitas, imptu-
lencia, iactantia singularitas, arrogantia, præ-
sumptio, dissensio peccatorum, simulata con-
fessio, rebellio, libertas peccandi, consuetudo,
quæ de re videndū est D. Anselm. lib. de si-
militudinib. cap. 24. D. Thom. 2. 2. quest.
162. art. 4.

3. Et quamuis sic sublimiter sedeo, ta-
men audio amicos meos in terra exi-
stentes.

Beatissima Virgo sicut, & quilibet alius
Beatus petitiones fidelium, qui diriguntur ad
ipsum, in verbo cognoscit: hoc enim licet ad co-
rum beatificum statū intrinsecè minimè spe-
ctet, tamen ut egregiè annotauit D. Greg. 12.
Moral. cap. 13. non longè à princip. ad eorum
excellentiā quandā pertinet; piorum oratio-
nes quæ sunt ad ipsos, cognoscere perspicaces
Dei reuelationes, quod etiā iradidit D. Thom.
2. 2. q. 83. art. 4. ad 2. & ibid. Card. Cae-
tanius: cum autem legimus hic Beatissimam
Virginem audire amicos suos, non est intelli-
gendum hoc de voce aliqua corporali, prout
& nos cuiuspiam in debita distantia positi

voce corporeis auribus audimus, sed cū Ma-
ria eorum petitiones Deo manifestante cogno-
scat, audire dicitur, quatenus exaudire impe-
trando à Deo quicquid amici eius petunt, aut
etiam audit, quia eas videt in verbo: sicut
enim in sacris litteris aliquando videre, pro
audire sumitur, ut animaduertis. Gloss. Ex-
xodi 20. explicans ea verba: Populus autem
videbat voces, id est audiebat, ita hic affir-
mare possumus vice versa Beatiss. Virginem
suos amicos audire, quia eorum petitiones in
verbo videt.

VERBA DOMINI MAXIMAE

de charitatis ad sponfam, de multiplica-
tione falsorum Christianorum ad Chris-
tulli crucifixionem, & quomodo si pos-
sibile esset, adhuc paratus esset iterum
ad mortem pro peccatoribus susci-
piendani.

EGO sum Deus, qui omnia
creaui ad vtilitatem homi-
nis, ut illa omnia seruirent
homini, & edificarent eū.

Sed homo omnibus, quæ
creaui ei ad vtilitatem suam, abutitur in
suum damnum. Insuper & de Deo mi-
nus curat, & eum minus diligit quàm
creaturam. Iudei fecerunt mihi tria
genera penarum in passione mea. Primo
lignum, quo affixus sum, flagellatus, &
coronatus. Secundo ferrum, quo affi-
xerunt manus meas, & pedes. Tertiò
potum fellis, quo potauerunt me. Dein-
de blasphemabant me fatuū esse, prop-
ter mortem, quam libenter sustinebam,
& vocabant me mendacem propter do-
ctrinam meam. Tales nunc in mundo
multiplicati sunt, & pauci faciunt mihi
consolationem. Nam affigunt me li-
gno per voluntatem peccandi, flagellat
me per impatientiam, quia vnum ver-
bum pro me nullus ferre potest. Et co-
ronant me spina superbiæ suæ, quæ alio-
res me esse volūt. Pungunt manus meas,

& pedes ferro indurationis, quia gloriatur de peccato, & indurant se ne timeat me. Pro felle offerunt mihi tribulationem. Pro passione ad quam latus iui, dicunt me mendacē, & fatuum. Ego enim potens sum submergere eos, & totū mundū propter peccata si vellem. 2 Et tūc si submergerem eos, illi qui remanerēt, seruirent mihi ex timore, sed hoc non esset iustitia, quia ex charitate deberet mihi homo seruire. 3 Si autem personaliter venire inter eos visibilis, oculi eorū sustinerent videre me, nec aures audire me. Quomodo enī ista homo mortalis posset videre immortalem? Adhūc quippē ex charitate libet iterum moreretur pro homine, si esset possibile. Tunc apparuit beata Virgo Maria, cui dixit filius. Quid vis Mater mea, electa mea? Et illa ait. Misere creaturā tuā fili mi propter charitatem tuā. Et ille respondit. Adhūc semel misericordiam faciam propter te. Deīndē loquebatur Dominus ad sponsam dicens. Ego sum Deus, & Dominus Angelorum. Ego sum Dominus super mortem, & vitam. Ego idē habitare volo in corde tuo. Ecce quantā charitatem habeo ad te. Celi, & terra, & omnia, quā in eis sunt, non possunt capere me, & tamen in corde tuo, quod nō est nisi modicum frustum carnis habitare volo. Quem ergo tunc poteris timere, quibusvē indigere, cum tū habeas intra te potentissimū Deū, in quo est omne bonum? Ergo in corde, quod est habitaculum meū debent esse tria, lectus, in quo requiescamus, sedes, in qua sedeamus, lumen, quo illuminemur. In corde igitur tuo sit lectus quiescendi, seu quietudinis, ut quiescas à prauis cogitationibus, & desiderijs mundi, & semper considera gaudium æternū. Sedes debet esse voluntas manendi mecum, etiam si quandoq. contingat excedere. Contra naturam enim est, semper stare. Ille namq. semper stat, qui semper habet voluntatem essendi

cum mundo, & nunquam sedere mecum. 4 Lux seu lumen debet esse fides, qua credas me omnia posse, & omnipotentem esse super omnia.

N O T A E .

N Am affigunt me ligno per voluntatem peccandi.

Christiani homines, qui in Baptismo nomen dederunt, ac innocentiam baptismalem seruire, mundi pompas deserere, Dei praeceptis obtemperare polliciti sunt, si hac postea contemnerent. Et stare promissis nolunt, quantum in illis est, iterum ligno Crucis Saluatoris nostrum affigere dicuntur: quoniam suis peccatis ei ansam prebent, si fieri possent rursus crucifigi, ut Paulus Apostolus ad Hebræos 6. indicauit illis verbis, Rursus crucifigentes simet ipsi Filium Dei. quod egregie declarat ut D. Ambrosius sup. Epist. Pauli ad Titum cap. 1. Quod inquit fecerunt Iudaei persequentibus, hoc faciunt hodie mali Christiani male uiuentes, Christum enim lapidantes, & occidunt, idem annotauit Beda in cap. 1. Ioannis. Et Dionysius Carthusius in locum citatum ad Hebræos 6. Ludolph. de uita Christi 2. par. cap. 63. Et nos latius explicauimus Lib. 4. Reuelat. Cap. 15. Nota 2. Et Lib. 6. Cap. 28. Nota 2.

2 Et tunc si submergerem eos, illi, qui remanerent, seruirent mihi ex timore. De timore. fusē egimus. Lib. 4. Reuelat. Cap. 8. Nota 1. Et timorem diuini in naturalem, mundanum, seruilem, initialem, Et filialem, hoc autem loco sermo sit de seruilis, aut etiam de mundano, plura de his uide loco citato.

3 Si autem personaliter venirem inter eos visibilis, oculi eorum non sustinerent videre me.

Horum uerborum sensus est, si in tota latitudine maiestatis meae venirem ad eos, sic, me illis uidendum exhibere, eere non possent homines uidere me, nō enim corporalibus oculis quispiā in præsenti uita diuinā essentia potest intueri, ut ipsemet Deus aliquādo testatus est Exod. 32. Nō uidebit me homo, & uiuet,

¶ Paulus ad Thimot. 6. Lucem habitat inaccessibleem, quod etiam affirmarunt Glossord. in locum citat Exodi. Euaristius Pont in sua prima Decretali, exponens verba illa Pauli, Lucem habitat inaccessibleem. D. Hieron. lib. 3. contra Pelag. circa finem, & super cap. 6. Isaie. D. Chrysost. hom. 14. in Ioan. D. Thom. 1. p. q. 12. art. 11. & ibid. Card. Caetanus, & hunc esse communem Theologorum opinionem affirmat Ferraricensis 3. contra gent. cap. 47. an autem de potentia absoluta fieri possit, ut quispiam in hac vita Deum corporalibus oculis videat, & an Moses, & Paulus, cum ad tertium celum raptus est, viderint regimus Lib. 5. Ruelat. interrog. 8. quest. 2.

4. Lux leui lumen debet esse fides.

Fidem Christus Dominus lumen appellat, sicut enim nocte lumen incedentibus vias ostendit, ne aut in foueas cadant, aut in hostes incurrant, sic in huius seculi nocte splendor fidei omnes vite nostre gressus praeuente veritatis lumine monstrat, ne vel in peccatorum foueas, vel in Demonum iacula incidamus, & ideo lucem quam prima die factam à Deo esse legimus Genesi 1. metaphorica fidem vocat D. August. lib. 1. de Genesi contra Manicheos cap. 25. & frequenter etiam in sacris litteris per lucernam fides ipsa designatur, ut Lucæ 11. annotauit Ambros. ubi lucernam sub modio positam dicit esse fidem intra legem conditam, idem habet super Psalm. 118. & serm. 14. D. Greg. 29. Moral. cap. 5. Arnob. in Psalm. 104. Euseb. Emissenus hom. 2. de Symbolo.

QUALITER SPONSA VIDEBAT
dulcissimam Virginem Mariam, coronam, & alijs ornamentis inestimabiliter decoratam, & quomodo sponsæ sanctus Ioannes Baptista, quid per coronam, &c. designatur declarat.

CAP. XXXI.



IDEBAT sponsa Regiam cæli Matrem Dei; habentem pretiosam coronam inestimabilem in capite suo, & capillos ex-

tesos super spatulas admirabilis pulchritudinis. Tunicam auream splendore indicibili coruscantem. Et mantellum blaucum de lazuro, seu sereni cæli coloris. Cumq. de tam speciosa visione vehementer admiraretur sponsa, & in tali admiratione tota staret quodam interno stupore suspensa. Illico apparuit ei beatus Ioannes Baptista, qui ait illi. Audi diligenter, quid hoc notat. Corona igitur notat, quod Regina, & Domina est, & Mater Regis Angelorum. Capilli protensi, quod Virgo est purissima, & immaculata. Mantellum cæli coloris, quod omnia temporalia erant ei quasi mortua. Tunica aurea notat, quod diuina charitate ardens, & feruida fuit, interius, & exterius. In corona autem eius posuit filius eius septem lilia, & inter hæc lilia posuit septem lapides. Primum igitur lilium est humilitas eius. Secundum timor. Tertium obedientia. Quartum patientia. Quintum stabilitas. Sextum mitis, quia, mitis est, dare omnibus petentibus. Septimum est misericordia in necessitatibus. In quacunque enim necessitate fuerit homo, si hanc toto corde inuocauerit saluabitur. Inter hæc fulgentia lilia posuit filius eius septem lapides pretiosissimos. Primus lapis est virtuositas singularis, quia non est aliquis virtus in aliquo spiritu, siue in corpore aliquo, quam ipsa hanc eandem virtutem non habeat excellentius. Secundus lapis est perfectissima munditia, quia ista Regina cæli sic pura fuit, quod vna macula peccati inueniri nunquam potuit in ea, à principio ingressus eius in mundum vique ad vltimam diem mortis ipsius. Nec omnes diaboli tantam impuritatem reperire poterant in ea, ubi cusps acus poni posset. Ipsa verè erat purissima. Nam non decuit Regem gloriæ iacere nisi in vase purissimo, & mundissimo, & electissimo, præ omnibus Angelis, & hominibus. Tercius

lapidis fuit pulchritudo eius; quia Deus de pulchritudine eiusdem Matris suae iugiter laudatur à Sanctis suis, & gaudium sanctorum Angelorum, & omnium sanctorum Animarum, impletur ex pulchritudine eius. Quartus lapis pretiosus coronae, est sapientia eiusdem Virginis Matris, quia ipsa aliàs decorata, impleta est omni diuina sapientia cum Deo, & ex ea omnis impletur, & perficitur sapientia. Quintus lapis est fortitudo, quia ipsa sic fortis est cum Deo, quod omnia quaecumque creata, & facta sunt, potest deprimere. Sextus etiam lapis est claritas eius; quae sic clara est, quod Angeli, qui habent oculos clariore luce, illuminantur ex ea, & daemones non audent respicere in claritate eius. Septimus lapis est plenitudo omnis delectationis, & etiam spiritualis dulcedinis, quae in ea sic plena est, quod non est aliquid gaudium, quod non augetur ex ea, nulla delectatio, quae non plenior sit, & perficiatur ex ea, & ex eius visione beata, quia ipsa impleta est gratia, & vltra omnes Sanctos. Ipsa enim est puritatis vas in quo iacuit panis Angelorum, & in quo est omnis dulcedo, & pulchritudo. Hos septem lapides posuit filius eius inter haec septē lilia, quae erant in corona eius. Ipsam ergo o sponsa filij eius honora, & lauda toto corde tuo, quia verè ipsa est omni laude, & honore digna.

QUALITER SPONSA A
monitione Dei praeventa elegit sibi paupertatem, & renuit diuitias, & carnalitatem, & de veritate in sibi reuelatis, & de tribus notabilibus à Christo sibi ostensis.

C A P. XXXII



V debes esse sicut homo; qui relinquit, & sicut qui congregat. Debes animi relinquere diuitias, & congregare virtutes. Relin-

quere casura, & congregare aeterna. Relinquere visibilia, & congregare inuisibilia. Dabo enim tibi pro delectatione carnis, animae exultationem. Pro iucunditate mundi, iucunditatem caeli. Pro honore mundi, honorem Angelorum, Pro visione parentum, visionem Dei. Pro possessione bonorum, meipsum datorem, & creatorem omnium. Dic mihi tria, quae quero à te. Primum si vis esse diues in hoc saeculo, vel pauper? Et illa respondit. Domine volo magis esse pauper, quia diuitiae nihil boni faciunt mihi, nisi quandam sollicitudinem; & retrahunt me à seruitio tuo. Dic mihi secundò. Nunquid inuenisti in verbis meis, quae audisti de ore meo, aliquid reprehensibile secundum cor tuum, vel falsum? Et illa, non certè; quia omnia sunt secundum rationem. Tertiò dico mihi, utrum tibi placet delectatio carnis, quam prius habuisti, an delectatio spiritus, quam nunc habes? Et illa respondit. Pudor est in corde meo, cogitare de illa carnis delectatione priori, & est nunc mihi quasi venenum, & eò amarior nunc, quò prius dilexi eam feruentius. Mallem enim mori, quam vnquam in illam redire, & nulla est comparatio istius delectationis spiritualis ad illam. Ergo (inquit Christus) probas in te metipsa omnia esse vera, quae tibi dixeram. Quid ergo times, vel cur sollicitaris, quia protraho ea, quae facienda tibi dixi? Considera Prophetas, considera Apostolos, & Sanctos Doctores, nunquid inuenerunt aliquid in me nisi veritatem? Ideo non curauerunt de mundo, nec eius concupiscentiam. Aut cur Prophetarum tam longè vaticinati sunt de futuris, nisi quia voluit Deus, quod verba primò innotescerent, deinde venirent opera, & ut ad fidem erudirentur imperiti? Omnia nempe mysteria Incarnationis meae antea innotuerunt Prophetis, etiam stella, quae praecebat Magos, 2 qui credentes verbis Pro-

Propheta, meruerunt videre, quod crediderunt, & visa stella citius certificati sunt. Sic nunc verba mea prius debent annuntiari, & postea cum venerint opera, evidentius credetur eis. Tria ostendi tibi. Primo vnus conscientiam, cuius peccatum cum manifestarem, signis evidentissimis probaui. Sed quare? nunquid non possem eum interficere personam? Aut non possum eum demergere in puncto si vellem? vtiq; possem. Sed propter eruditionem aliorum, & euidentiam verborum meorum, vt ostendam quam iustus sum, & patiens, quam infelix ille est, cui dominabitur diabolus, ideo susero eum adhuc. Nam ex voluntate quam habet esse in peccato, & ex delectatione illius, sic aucta est in eum potestas diaboli, quod nec leuitas verborum, nec austeritas minarum, nec timor gehennae potest eum reuocare. Et bene digne, quia cum semper habuerit voluntatem peccandi, etiam si non prodiret in opus, 3 merito traderetur in aeternum diabolo. 4 Quia minimum peccatum, quicunque in eo delectatur, nec emendat, satis est ei ad perditionem. Duos alios ostendi tibi, quorum alterius corpus vexabat diabolus, sed non erat in anima. Alterius conscientiam fallacia sua obumbrabat, nec tamen in eius anima erat, nec potestatem habuit super illam. Sed forte potes quærere, nunquid non idem sunt conscientia, & anima? Nunquid non tunc est in anima, cum est in conscientia? Nequaquam. Sed sicut corpus habet duos oculos quibus videt, & licet ab eis auferatur visus, corpus tamen nihilominus sanum esse potest. Sic in anima est. Nam licet intellectus, & conscientia, quandoq; perturbantur quantum ad poenam, non tamen semper laeditur anima quantum ad culpam. Et ideo prauauit diabolus in conscientia, vnius, & non in anima. Tertium ostendam tibi, in cuius anima & corpore totaliter dominatur diabolus, qui nisi po-

testia mea, & gratia speciali coactus, nunquam ab eo expelletur, nec ab eo exhibitur. Ab aliquibus quippe hominibus exit diabolus libenter, & cito, & ab aliquibus non nisi iniunctus, & coactus: Nam in aliquos intrat diabolus, vel propter delictum parentum, vel propter aliquod occultum iudicium Dei, vt puta in pueros, & insipientes. In aliquos propter infidelitatem, vel aliud aliquod peccatum, ab his libenter exit daemon, si ei eiecit ab his, qui sciunt coniurationes, vel arte tale eiciendi demones: si ipsi faciunt tale electionem propter vanam gloriam, vel propter aliquod luctum temporale, quia diabolus habet potestatem ingrediendi in eum, qui eiecit, & in illum iterum a quo eiectus est, quia in neutro diuina charitas fuit. Ab illis autem quorum animam, & corpus totaliter possidet, nunquam exit nisi per meam potestatem. Sicut enim acetum si vino dulcissimo misceatur, totam vini dulcedinem inficit, & nunquam ab eo separatur, sic nec diabolus ab aliquius anima exit, quam possidet, nisi per potestatem meam. Quid est autem hoc vinum nisi anima, quæ mihi dulcissima fuit super omnem creaturam, quæ mihi sic cara fuit, vt neruos meos incidi, & carnes meas lacerari vsque ad costas fecerim pro ea, & antequam carerem ea, etiam mortem recepi pro ea. Hoc vinum conseruabatur in fece, quia ipsam animam posui in corpore, in quo tanquam in vase clauso custodiebatur ad meam voluntatem. Sed huic dulci vino, mixtum est pessimum acetum, id est diabolus, cuius malitia est mihi acrior, & abominabilior omni aceto. Hoc acetum per meam potentiam ab homine isto, cuius nomen tibi dico separabitur, vt in isto ostendam tibi misericordiam meam, & sapientiam. In priori verò iudicium, & iusticiam.

Declaratio.

Primus fuit nobilis, & Cantor super-

bus, qui sine licentia Papæ Hierosolymam profectus, arreptus est à Diabolo. De isto dæmoniaco habetur etiam Tertio Libro Cap. 31. & in Quarto Libro Cap. 15. Secundum dæmoniaco eiuſdem capituli fuit. Monachus Ordinis Cisterciensis, quem Diabolus tantum vexabat, quod vix à quatuor teneri potuit, cuius lingua extracta videbatur quasi bouis, cuius vincula manuum inuisibiliter cōfringebantur. Ille per dominam Brigittam post mentem, & duos dies saluatus est. Tercius dæmoniaco fuit exactor Oſgociz, qui cum moneretur ad pœnitentiam, dixit mōnenti: Nunquid habitator domus sedere poterit, vbi sibi placuerit? Diabolus tenet cor, & linguā meam, quomodo possum pœnitere? Qui etiam maledicens Sanctis Dei, ipsa nocte sine sacramentis, & confessione mortuus est.

NOTÆ.

1
var.
lect.

DEbes animi relinquere diuitias, & congregare virtutes.

Omnino arbitror hic esse legendum, Debes corporis relinquere diuitias, sic habet M.S. Codex Farnesianus, & hac lectio probari potest ex ipſomet textu, hic enim Christus Dominus admonet B. Brigittam, vt corporis relictis diuitijs, veras animi virtutes sibi studeat comparare, sunt enim animi diuitie Paupertas, Humilitas, Castitas, Obedientia, ac bonorum operum copia, vt tradunt Origenes in Leuit. hom. 3. & in Psalm. 36. hom. 3. Arnobius in Psalm. 36. Basilius in Psalm. 48.

2 Qui credentes verbis Prophetæ meruerunt videre, quod crediderunt, & visa stella citius certificati sunt.

Duo ad presentis Note verborum explanationem breuiter à nobis inuestiganda sunt. Primum quidem, quibus Prophetarum verbis crediderint Magi; vt inde postea meruerint videre, quæ crediderunt. Secundò, quomodo visa stella ipsi certiores, vt legi-

mus hic, de Christi Natiuitate fieri potuerint; & quantum spectat ad primum, communis est opinio omnium ferè veterum Patrum, Magos credidisse prædictioni illi Balaam, & eam traditionem fuisse secutos, de qua Numer. 24. scribitur, Orietur stella ex Jacob: cum ergo hanc Magi vidissent stellam extra ordinem mundi, eam esse intellexerunt, quam Balaam futuram indicem Regis Iudeorum Prophetauerat: Magos enim, aut posteros fuisse Balaam, aut ex eius posteris, qui vicini fuerint, & eam Prophetiam accepisse tradunt Orig. n. hom. 1. 3. 13. & 18. in Numeros. Chrysost. hom. 1. in varios Euangelistas. D. Ambros. lib. 2. in Luc. cap. 2. Basilus hom. de humana Christi Generat. Diuus Hieron. in Matth. cap. 2. & Isaia 47. Epiphanius in Epithome, Cyprianus serm. de Stella, & Magis. Petrus Chrysolog. serm. 156. Non curiositate (inquit) Chaldaea non arte Magica, sed Iudaica prophetia. Isidor. lib. de Passione Domini cap. 13. Gregor. Nyss. Orat. de sancta Christi Natiuit. Ceterum sunt, qui putant hoc fuisse Magis reuelatum ab Angelis, stellam nimirum indicare voluisse Saluatoris Natiuitatem, sic Augustin. serm. 7. de Epiphani. qui est trigessimus quintus in ordine, sed auctor operis imperfecti in Matth. & est hom. 2. in Matth. inter opera. D. Chrysostom. super illud Vidimus stellam eius, narrat traditionem quandam, vt ipse ait in regione Orientis, quo die natus est Christus, apparuisse stellam, in qua firma recentis nati pueri videbatur, & super illum signum Crucis, ex qua stella vox exiuit, dicens Magis, ite in Iudeam; verum hoc parum habet probabilitatis, Ideò Eugubinus lib. 1. de perenni Philosophia, cap. 3. & 22. affirmat Magos hoc accepisse à Sibilla Chaldaea, qua fuit filia Berosi, qua multa prophetant de Christo, & ortu eius. Puto tamen probabilius Magos, vt diximus, hoc nouisse ex prædictione Balaam, fuit enim hæc communis opinio Patrum, vt probauimus supra.

Superest modò videamus, quomodo Magi facti fuerint certiores de Christi Natiuitate ex visione stelle: fuit quorundam sen-

sentia, potuisse à Magis per Astrologia scientiam, & stellarum cursum agnosci Christi Natiuitatem. ita docuit Petrus Aliacensis q. 30. in Genesim, & fusiùs hoc pertractat Sixt. Senen. lib. 6. sua Bibliotheca annot. 10. Verum hec sententia falsissima est, & eò magis absurda, quòd siderum conditorem, ac moderatorem motibus siderum subiectum facit: sed quoniam hunc errorem confutauimus, ac reiecitur Lib. 4. Reuelat. Cap. 40. Nota 3: & Lib. 6. Cap. 4. 5. Nota 3. idèò dicendum est, Magos simul cum externa signis internam habuisse illustrationem, & intrinsecus diuinitus obtinuisse lumen, sic Leo Pontifex ser. 11. de Epiphania, Dedit (inquit) aspicientibus intellectum, qui præstitit signum. & serm. 3. Magnitudinem significationis intelligunt, agente hoc sine dubio in eorum cordibus inspiratione diuina, ut eos eandem visionis mysterium non lateret, & quod oculis ostendebatur insolitum, animis non esset obscurum: idem habet Petrus Chrysolog. serm. supra citato, Fulgentius serm. de Epiphania, D. Augustinus serm. 7. Chrysost. hom. 6. in Math.

3. Paulè ante medium præsentis Capituli, vbi
var. in impressis habetur; Meritò traderetur in
lect. æternum diabolo.

M. S. Farnesianus legit, Meritò traderetur in ignem æternum cum diabolo.

4. Quia minimum peccatum, quicumque in eo delectatur, nec emendat, facit est ei ad perditionem.

Eadem prorsus verba habentur infra hoc eodem lib. cap. 37. quæ sanè non sunt accipienda, ut indicent veniale peccatum absolute consideratum dignum esse æterna pena, quòd est omnino falsum: sed dicendum, huiusmodi peccatum ad perditionem ducere, quando in illo, vel finis ultimus ponitur, vel etiam ratione contemptus, ut egregie probant Siluest. in sum. verb. Peccatum q. 3. Cardinalis Cætanus in sum. verb. Ornatus, vel etiam si fiat ad finem, qui sit mortale peccatum, ut tradit Diuus Thomas 2. 2. q. 169. art. 2.

VERBA ADMONITIONIS DOMINI ad Iponiam, de vera, & fallâ sapientia, & qualiter boni Angeli bonis sapientibus, & Diaboli malis sapientibus assunt.

C. A. P. XXXIII.



MICI mei aliqui sunt quasi Scholares mei, qui habent tria. Primò scientiam intelligentem, supra naturam cerebri.

Secundò sapientiam sine homine, quia personaliter doceo eos intus. Tertiò pleni sunt dulcedine, & diuina dilectione, qua vincunt diabolum. Sed è contrario nunc addiscunt homines. Primò volunt esse scientes propter iactantiam, ut dicatur boni Clerici. Secundò volunt esse scientes, ut habeant, & obtineant diuitias. Tertiò volunt esse scientes, ut obtineant honores, & dignitates. Propter eà cum adeunt scholas suas & ingrediuntur, ego exeo ab eis, quia ipsi addiscunt propter superbiam, & ego eos docui humilitatè. Ipsi ingrediuntur propter cupiditatem, & ego nò habui, vbi caput meum reclinarem. Ipsi ingrediuntur, ut habeant dignitates, inuidentes alijs se esse superiores, & ego iudicabar à Pilato, & ab Herode deridebar. Idèò ego exeo ab eis, quia nò addiscunt doctrinam meam. Sed tamen quia mitis sum, & bonus, do vnicuique quod petit. Qui enim petit à me panem, ipse habebit. Qui autem stramen, dabitur ei. Amici autem mei ipsi petunt panem, qui sapientiam diuinam, in qua est charitas mea quærunt, & addiscunt. Sed alij petunt stramen, idest mundialem sapientiam. Quia sicut in stramine nulla est vtilitas, sed & cibus animalium irrationabilium est, sic in mundi sapientia, quam ipsi quærunt, nulla est vtilitas, nulla animæ resectio, nisi tantum nomen modicum, & labor vacuus. Quia cum homo moritur, omnis sapientia eius

eiùs adnihilatur, & à quibus laudabatur non potest videri. Vnde ego sum quasi magnus dominus, multos habēs seruos, qui dispensat ex parte domini, quæ omnibus necessaria sunt. Sic Angeli boni, & mali stant ad imperium meum. Qui autem sapientiam meam, idest seruire, mihi addiscunt, his administrant boni Angeli, reficientes eos consolatione, & delectabili labore. Sapientibus autem mundi assistūt Angeli mali, qui eis quod volunt inspirant, & informant eos iuxta voluntatem eorum, & inspirant cogitationes cum labore magno. Verumtamē si ad me respicerent, ego sufficerem eis dare panem absque labore, & mundum ad satietatem, de quo nunquam satiantur, quia dulce, vertunt sibi in amarum. Tu autem sponsa mea debes esse, quasi caseus, corpus tuum quasi formella, in qua caseus, donec figuram formellæ habuerit formabitur. Sic anima tua, quæ est mihi dulcis, & delectabilis, sicut caseus, tandiū probari, & purgari debet in corpore, donec corpus, & anima in vnum concordent, & vnā formā continentia ambo tenuerint, vt caro obediat spiritui, & spiritus carnem regat ad omnem virtutem.

DOCTRINA CHRISTI AD

sponsam de modo viuendi, & qualiter Diabolus Christo fatetur, sponsam ipsum Christum super omnia diligere, & de questione facta per Diabolum Christo, cur tantum ipsam diligeret, & de charitate per Diabolum patefacta, quam Christus habet ad sponsam.

C A P. XXXIV.



GO sum. Creātor celi, & terræ, qui in ytero Virginis verus Deus, & verus homo fui, qui mortuus fui, & resurrexi, & ascendi in

cælum. Tu noua sponsa mea venisti in ignotum locum. Oportet ergo te habere quatuor. Primo scire loquelam loci. Secundo habere vestes debitas. Tercio scire disponere dies, & tempora, iuxta constitutionem loci. Quarto nouis cibis assuere. Sic tu, quia de mundi instabilitate venisti ad stabilitatē, idē oportet te etiam habere loquelam nouam, idest abstinentiam ab inutilibus verbis, & quandocūq; etiam à licitis propter grauitatem silentij, & taciturnitatis. Vestes tuæ debent esse humilitas interior, & exterior, vt nec extollas te quasi alijs sanctiorem interius, nec erubescas coram hominibus exterius exhibere te humile. Tercio moderatio temporis tui est, vt sic ad corporis necessitatē habuisti plura tempora, sic nunc vnum tempus habeas ad animam, vt scilicet, quod contra me nunquā velis peccare. Quarto nouus cibus est abstinentia à gula, & delectationibus, cum omni discretionē, prout natura ferre possit. Quicquid enim abstinentiæ sit ultra possibilitatem naturæ, mihi nō placet, quia rationalia requiro, & vt volupias edometur. Tunc in eodem momento apparuit Diabolus. Cui dixit Dominus. Tu fuisti creatus à me, & vidisti omnem iustitiam in me. Responde mihi, si ista noua spōsa est legitime mea, & cum approbata iustitia? Permitto enim te videre cor eius, & intelligere, vt scias quid respondeas mihi. Nunquid ipsa diligit aliquid sicut me, aut velit aliquid tibi recipere pro me? Cui Dæmon respondit. Nihil diligit sicut te, & antequā te careret, omne supplicium magis pateretur, si dares ei virtutem patientiæ. Ego video quasi quoddam ardens vinculum descendere de te in eam, quod sic alligat cor eius, vt nihil aliud cogitet, vel diligit nisi te. Tūc Dominus ait ad Diabolum. Dic mihi quomodo sedet in corde tuo, aut quomodo placet tibi ista tanta dilectio mea, quam habeo ad eam? Et Diabolus ait.

- 2 Ego inquit habeo duos oculos, vnum corporalem, licet non sim corporalis, quo temporalia cerno ita clarè, quod nihil est sic occultum, nihil sic tenebrosum, quod occultare se possit à me. Secundus oculus est spiritualis, cum quo nulla est pœna tam modica, quam non video, & intelligo ad quod peccatum pertineat. Et nullum etiam peccatum tam leue, & modicum, quod pœnitentia non purgatum est, quod non video. Sed licet nulla mēbra passibilia sint oculis, libentissimè tamen paterer, vt duæ ardentes faces penetrarent oculos meos sine intermissione, ad hoc vt ipsa oculis
- 3 spiritualibus non videret. 3 Ego etiam habeo duas aures, vnam corporalem, qua nullus loquitur sic secrete, quod nō audio, & scio. Secunda est spiritualis, qua nullus cogitat, vel affectat ad aliquod peccatum tam occultè, quod non audiam, nisi pœnitentia deletum sit. Vna est pœna inferni, ebulliens quasi torrēs, emanans ardore vehementissimo, hanc libenter paterer, influere, & sine cessatione effluere in aures meas, ad hoc vt nihil audiret ipsa spiritualibus auribus. Ego etiam habeo spirituale cor, quod libenter paterer in frustra sine cessatione, incidi, & semper renouari ad supplicium, ad hoc, vt eius cor frigeret in amore tuo. Nunc autem quia tu iustus es, quæro à te vnum verbum, vt respondeas mihi. Dic mihi quare tu in tantum diligis eam? Aut quare non elegisti tibi vnam sanctiorem, ditiorem, & pulchriorem? Cui respondit Dominus, quia sic exigebat iustitia. Tu quippè fuisti creatus à me, & vidisti omnem iusticiam in me. Dic mihi ista audiente, quæ fuit iustitia, vt sic malè caderes? Aut qualis fuit cogitatio tua tunc, cum cecidisti?
- 4 Respondit Diabolus. 4 Ego vidi in terra. Ego vidi gloriam tuam, & honorem super omnia, & cogitabam gloriam meam. 5 Ideò superbiens proposui non tantum tibi esse par, sed etiam super te.

Secundò vidi te esse potentiorē omnibus, idèò cupiebam adhuc te esse potentior. 6 Tertiò vidi, quæ futura erant, & quia gloria tua, & honor est sine principio, & est sine fine, inuidebam tibi, 7 & cogitabam, quod libenter cruciarer super omni pœna amarissima ad hoc, vt tu moreris, & in tali cogitatione cecidi. Et idèò infernus est factus. Respondit Dominus. Tu quæsis à me quare istam sic dilexerim, certè quia omnem malitiam tuam commuto in bonum. Tu enim quia superbus factus es, & voluisti me Creatorem tuū habere tibi parem. Ego idèò humilians me in omnibus, peccatores colligo, & me eis comparo, dando eis de gloria mea. Secundò, quia tu tam prauam cupiditatem habuisti, vt velles esse potentior me. Idèò ego peccatores potētes facio super te, & potentes mecum. Tertiò, quia tu inuidisti mihi. Ego sic charitatus sum, vt me pro peccatoribus offerrem. Deindè ait Dominus. Nunc diabole illuminatum est tenebrosū cor tuum. Dic ista audiente, qualem charitatem ego habeo ad illam. Et Diabolus: Si possibile esset (inquit) libentissimè patereris vnam penam talem in quolibet membro tuo specialiter, qualem semel in cruce in omnibus membris passus es, antequam ea careres. Tunc respondit Dominus. Si ergo sic misericors sum, vt nulli petenti veniam denegem. 8 Petite & tu misericordiam humiliter à me, & dabo tibi. Cui respondit Diabolus: Nequaquam hoc faciam. Nam quando cecidi ad quodlibet peccatū, siue cogitatum inuile, sed dictum, 9 statuta est pœna, & vnusquisque de spiritibus, qui ceciderunt pœnam suam habebit. Igitur antequam curuarem genu meum coram te, magis vellem omnes pœnas deglutire in me, quandiu os aperiri, & claudi posset ad pœnam, ita vt semper renouatus essem ad pœnam. Tunc ait Dominus ad sponfam suam: Ecce quam indu-

induratus est princeps mundi, & quàm potens contra me ex occulta iustitia mea. Ego quippè possem delere eum ex potentia mea in vno puncto, sed non facio ei maiorem iniuriam, quàm Angelò bono in cælo. Cum autem tempus eius venerit, quod nunc appropinquat, iudicabo eum cum sequacibus suis. Ideò sponsa mea procede sèper in bonis operibus. Dilige me toto corde, nihil timeas nisi me. Ego enim sum dominus super diabolum, & super omnia quaecunque sunt.

NOTAE.

TV fuisti creatus à me, & vidisti omnem iustitiam in me, responde mihi, si ista noua spòsa est legitime mea, & cum approbata iustitia.

Nouerat Demon, quod Deus iustus esset, & ex iustitia pramia iustis, pœnas verò impijs reddit, & idè scribitur hic, quod viderit in Deo iustitiam, & quamuis inter Deum, & creaturas non possit esse propriè commutativa iustitia, quandoquidem ad perfectam iustitiam rationem aequalitas quædam exigitur, quæ inter Deum, & creaturas nulla esse potest, immò infinita est inter eos distantia: potest tamen inueniri aliquis modus iustitiæ, quatenus homo supposita ordinatione, & gratia Dei, faciens quod in se est, & super omnia Deum diligens, & diuina mandata obseruans iustificatur ab ipso, & vicem eternam meretur; & dicitur homo mereri, quatenus per suam operationem diuina adiutus gratia consequitur id, quod illi Deus pollicitus est, nimirum gloriam eternam, & hoc pacto dicitur Deus factus debitor, Primò sibi ipsi, Secundò diligentibus Deum: Fidelis enim est (inquit Apostolus 2. ad Timoth. 2.) seipsum negare non potest. quod explicans Petrus Chrysolog. serm. 2. 5. ad finem. Nonne (inquit) homo homini exigua cartula obligatione cōstringitur: Deus tot, & tantis voluminibus cauet, & debitor non tenetur, sed dicis esto quod debeat, quo exigente restituet? Scipio,

quia non potest ille mentiri, idem ipse est & exequutor, & debitor. sed clarius hoc indicat D. August. in Psalm 83. exponens illum locum 2. ad Timoth 4. Reposita est mihi corona iustitiæ, quam reddet, &c. Quid (ait) reddet, quod tibi debet? unde tibi debet? quid illi dedisti? debitorem ipse se fecit non accipiendo, sed promittendo. idem habent Cyprian. serm. de opere, & clementia. D. Chrysostom. hom. 3. in Matth. & Concil Trident. sess. 6. cap. 16. atque in hunc sensum accipienda sunt hæc duo, quæ in presenti Nota legimus, Demonem scilicet vidisse iustitiam Dei, & B. Brigittam esse legitime sponsam eius cum approbata iustitia.

2 Ego (inquit) habeo duos oculos, vnū corporalem, licet non sim corporalis, quo temporalia cerno ita clarè, quòd nihil est sic occultum, nihil sic tenebrosum, quèd occultare se possit à me.

Quoniam Demon perfectam habet rerum naturalium scientiæ, ei à Deo ab instanti sua creationis inditam, neque per peccatum amissam, cum integra naturalia post lapsum in ipso remanserint, teste D. Dionysio de diuin. nominib. cap. 4. idè hoc loco scribitur, quòd nihil est sic occultum, nihil sic tenebrosum, quòd occultare se possit ab illo. Cognitio autem, quòd ex peculiari diuina reuelatione pendet, qua Dei secreta propalantur, quam D. Thom. 1. p. q. 64. art. 1. purè speculatiuam vocat, non fuit totaliter sublata ab eo, sed tantummodo diminuta, quandoquidem ex diuino beneplacito, pauca quedam de secretis Dei aliquando demonibus reuelantur, vel per bonos Angelos, vel per temporales effectus, secundum quod Deus indicat expedire; sic enim tradit D. August. lib. 9. de Ciuit. Dei cap. 21. & 22. & de hac cognitione in presenti Nota sermo non fit, & multò minus agitur hic de affectiua cognitione, quæ appellatur talis, quoniam est productiua diuinæ dilectionis, & hæc penitus in demonibus est sublata: ista namq. cognitio fundamentum est amoris Dei super omnia dilecti qui amor in ipsis nullatenus reperitur, quod etià annotauit D. Tho. vbi sup. & nos Lib. 4. Reuel. Cap. 63. Nota 1.

3 Ego etiam habeo duas aures.

Alenitur hic Demon, cum ait sibi notas esse internas quaslibet cogitationes: eas enim tantummodo assequitur, quæ externo aliquo signo sibi innotescunt, immo coram Deo mentitur, nec mirum, idem ausus cum in B. Iob exarsit, innuens illis verbis, Nunquid Iob frustra Deum timet &c. B. Iob Dei se famulatum mancipasse fluxarum opum cupiditate illeſus, ita Orig. lib. 1. in Iob, Gloss. Lyran. Dydac. Stella, & alij in cap. citatum Iob.

4 Ego vidi in te tria, ego vidi gloriam tuam, & honorem super omnia, & cogitabam gloriam meam: ideò superbiens, proposui non tantum tibi esse par, sed etiam super te.

In presenti Nota sermo fit de lapsu demonum, eorumque peccata recensentur occasione autem peccandi legimus hoc loco eos sumpsisse, ex eo quod viderint gloriam Dei, quod non est intelligendum de matutina cognitione, vel de beatifica visione, qua per lumen glorie Sancti in patria essentiam diuinam intuentur; quoniam demones, nec unquam sic fuerunt Beati, nec viderunt gloriam Dei: sunt ergo verba presentis Note interpretanda de visione diuina, quam diabolus affectus est, per reflexionem considerando sue nature pulchritudinem, ac nobilitatem, qua manducebatur ad cognitionem Dei, prout est auctor, ac moderator omnium creaturarum, quod etiam explicauimus infra hoc eodem libro c. 4. Nota 3. cum ergo demon excellentiam propriam intersuius specularetur, superbiens arbitratus est, Beatitudinem sibi non ex gratia, sed ex nobilitate sue nature, & a Deo etiam independenter sibi competere, & ita primum peccatum superbia fuit, ut tradunt D. Athanas. de qq. sacre Scripture, q. 10. D. Grig. lib. 34. Moral. cap. 14. & lib. 4. epist. 38. D. Greg. Thaumaturg. serm. 2. in Annunc. D. Aug. lib. 12. de Ciuit. Dei cap. 6. & lib. 14. cap. 13. D. Ambros. in Psal. 36. in illa verba, Vidi impium super exaltatum, & Psalm. 118. ibi, lucra pasti superbos. Greg. Nazianz. Orat. 2. in Paschate, Chrysostom. hom. de Adam & Eva, Hieron. super Isai. cap. 14. D. Anselm. de casu diabo-

licap. 4. D. Thom. 1. p. q. 63. art. 2. & 3. & patet etiam ex illo Iob 41. qui demonem vocat Regem super omnes filios superbie, sed quia inuidia est passio propria superbie, quippe dolor est de bono alterius, per quod propria excellentia impeditur. Ideò inuidia quoque peccatum commisit, & est communis opinio Sanctorum Patrum, sic habent D. Gregor. lib. 5. Moral. cap. 51. D. Basil. hom. de inuidia, D. Aug. epist. 48. & de lib. arbit. c. 25. D. Bernard. serm. 17. in Cant. & patet Sapientia 2. Inuidia diaboli mors introiit in orbem terrarum. vide plura hæc de re Lib. 2. Reu. Cap. 12. Not. 1. et Lib. 4. Cap. 106. Not. 1.

5 Ideò superbiens proposui non tantum tibi esse par, sed etiam super te.

Ex his verbis non est colligendum Demonem appetisse Dei equalitatem per equiparantiam, quia naturali cognitione scire poterat, hoc fieri non posse, ut sic Deo equalis esset, sic docet D. Tho. 1. p. q. 63. ar. 3. Tum quia sic appetisset sui destructionem, quod est contra naturale desiderium inditum unicuique de conservando suum esse, ut probat D. Anselm. superiori nota citatus. Dicendum ergo est, cum desiderasse non equalitatem proprie Dei, sed similitudinem quandam quatenus finalem Beatitudinem voluit obtinere per suam virtutem, quod est proprium Dei, aut ut admonuit D. Greg. 32. Moral. cap. 26. & 34. quia voluit esse sui iuris, nec pendere ab aliquo, quod spectat tantummodo ad Deum, aut etiam ut alij affirmarunt appetisse, dicitur equalitatem, quia optavit nulli subesse, sic Alexand. Alenf. 2. p. q. 109. ar. 2. memb. 2. & 3. quam sententiam secuti sunt, Lyran. & Burgenfis. Isa. 14. ad illa verba, In Cælum ascendam.

6 Vidi, quæ futura erant, & quia gloria tua, & honor est line principio, & sine fine, inuidebam tibi.

Animaduertendum est hoc loco non agi de futuris, quæ ex libera Dei voluntate pendent, aut de illorum cognitione in scriptis, & in suis causis, aut de certa contingentium futurorum cognitione virtute naturali, quoniam omnino certum est, nec Angelos, nec Demones posse ita sic cognoscere, sed hoc solius Dei esse proprium.

G quod

quod probari potest pluribus sacrarum litterarum, & Sanctorum Patrum testimonijs, ut Isai. 41. 48. & 58. & Dan 7. & Sapientie 8. De diuina Sapientia scribitur, scit praeterita, & de futuris estimat: idem docet D. Chrysost. hom. 18. in cap. 1. Ioan. ubi dicit; Certe futurorum predictio immortalis Dei solius opus est, idem sentit Orig. lib. 8. Periarcho. cap. 2. D. August. lib. 3. de Ciuit. cap. 9. Cyrill. & Theodoret. explicantes illud Isai. 41. Annunciate, quae ventura sunt, & sciemus, quod Dii estis. Si vero agamus de futuris, quae à necessarijs causis proueniunt, fatendum est, Angelos, & Demones, prout hic innuitur, illa posse cognoscere, sicut etiam monet D. Thom. 1. par. q. 57. art. 3. Aut etiam arbitror, verba praesentis Notae posse intelligi de mysterio Incarnationis, quod omnes Angeli à principio suae creationis cognouerunt saltem in generali, antequam fieret, quantum ad eius substantiam, licet non quoad particulares rationes, quod ut aliqui ex Theologis affirmarunt, prebuit ansam Demoni, ut peccatum inuidia committeret. & unionem hypostaticam appetere; & idem legimus hoc loco, sine fine inuidebam tibi: nam cum à Christo Domino per passionem suam sibi gloria corporis comparanda esset, cumq. humanam naturam super Angelos eleuanda fortè prauidisset, inuidit illi.

7
var.
lea. Et cogitabam, quod libenter cruciarer super omni poena amarissima ad hoc, ut tu morereris.

Rectius M. S. Farnesianus habet ad hoc, ut tu vincereris, non morereris, & ita legendum esse censo, nouerat enim Daemon Deum esse immortalem, nec posse mori: putauit quidem vincere posse, quatenus uoluit subtrahere se ab eo, praecedens Beatitudinem, & ex suae naturae nobilitate, & ex seipso non dependenter à Deo.

8 Pete, & tu misericordiam humiliter à me, & dabo tibi, cui respondit Diabolus, nequaquam hoc faciam.

Orig. lib. 1. Periarcho. cap. 6 existimauit contra id, quod scribitur hic, & contra Scripturae sacrae veritatem, & Patrum communem sententiam, Demones posse penitere, quā-

quam Picus Mirand. in Apolog. pro Orig. edita conatus sit, cum ab huiusmodi errore vindicare, sed quicquid sit. Mihi dicendum est, primo secundum fidem Catholicam certum esse Demones nullatenus posse penitere, nec à Deo misericordiam petere, ubi hoc loco legimus, quod arbitror esse verum, non solum de possibili, sed etiam de facto, & hoc probari potest, primo ex sacris litteris Apocal. 20. Cruciantur die, ac nocte in saecula saeculorum, & Marci 9. Ignis inferni appellatur inestinguibilis, & Matth. 25. Aeternus, Et definita est hac veritas in Conc. Lateran. in c. firmiter, de sum. Trinit. & fid. Cath. & in 6. synod. act. 11. & in epist. Sophronij, ubi hic error ascribitur Origeni. Caeterum si quispiam huius obstinationis causam querat, responderi potest breuiter primo cum D. Thom. 1. par. q. 64. art. 2. Demoni obstinationem prouenire non ex grauitate culpe, sed ex liberi arbitrij natura, ex qua fit, ut eorum voluntas immobiliter adhaereat fini, ad quem semel se libere conuerterint: unde boni confirmati sunt in bono, & mali in malo: sed Scot. in 2. sent. dist. 7. q. 1. huiusmodi obstinationem censuit causari ex negatione auxilij diuini, cui opinioni fauet Durand. ead. dist. q. 2. Alij vero affirmant id fieri ex quodam malo habitu in voluntate Demonis producto, quod necessario semper inclinat ad malum: aut etiam id contingere exigente diuina iustitia, per quam statuit, nunquam concurrere cum voluntate Demonis, ut illum affectum prauum deponat; sunt etiam qui censent id prouenire ex eo, quod Demonis voluntas quando peccauit, se tota immerferit obiecto, cui se libere applicauit: probabiliorem tamen opinor esse sententiam Thomistarum, qui hanc Demonum obstinationem referunt ad naturam suam in termino, & ad inflexibilitatem liberi arbitrij, sic docet D. Tho. loc. cit. & q. 16. de malo, art. 5. Capreol. in 2. dist. 7. q. 2. Palud. in 4. dist. 50. Alens. 3. p. q. 1. memb. 2. & ex Neotericeis egregie hanc opinionem examinat Dom. Bann. in comment. super 1. par. S. Thom. quest. 64. art. 2.

9
var.
lea. Statuta est poena ut vnusquisq. de spiritibus, qui ceciderunt, penam suam habeat.

Ma-

Manuscripti Codicis lectio placet magis: sic enim legit: Statuta est pena, ut unusquisque de spiritibus, qui ceciderunt penam suam habeat, non habebit: credendum namque est Daemonem post peccatum immediate accepisse à Deo damnationis sue sententiam, nec inter lapsum, & penas aliquid intercessisse temporis, quoniam cum peccauit, constitutus est statim extra statum viae, ac proinde extra salutis, & penitentiae terminum, & per consequens arbitror, ei fuisse penam iniunctam, quod colligi potest ex Apoc. cap. 12. ubi scribitur, quod continuo post praelium, in quo aduersus Draconem Michael praeluit, non est amplius inuentus in caelo locus Draconis, & Angelorum eius.

VERBA VIRGINIS AD SPONSAM,
proprium dolorem in Christi passione
explicantia, & qualiter per Adam, &
Euam mundus fuerit venditus, & per
Christum, & eius Matrem Virginem
fuerit redemptus.

CAP. XXXV.



MARIA loquebatur. Considera filia passionem filij mei, cuius membra fuerunt mihi quasi membra mea, & quasi cor meum. Nam ipse sicut alij filij in visceribus matris solent esse, sic fuit in me. Sed ipse conceptus est ex feruenti charitate diuinæ dilectionis, alij autem ex concupiscentia carnis. Vnde benè dicit Ioannes confobrinus eius. Verbum caro factum est. Nam per charitatem ipse venit & erat in me. Verbum autem, & charitas ipsum fecerunt in me. Ipse quippè erat mihi quasi cor meum. Propterea cum nasceretur ex me, sensi ego quod quasi dimidium cor meum nasceretur & exiret ex me. Et cum ipse pateretur, sensi quòd quasi cor meum patiebatur. Sicut enim illud quod dimidium est extra, & dimidium intra, & si illud pungitur, quod est extra, & què sentit

dolorem, quod intus est. Sic ego cum flagellaretur, & pungeretur filius meus, quasi cor meum flagellabatur, & pungebatur. Ego etiam fui propinquior ei in passione, nec separabar ab eo. Ego stabam vicinius cruci eius, & sicut hoc grauius pūgit quod vicinius est cordi, sic dolor eius grauior erat præ cæteris mihi. Cumque respexisset ad me de cruce, & ego ad eum, tunc de oculis meis quasi de venis lachrymæ exhibant. Et cum ipse me cerneret dolore confectam, in tantum amaricabatur de dolore meo, quòd omnis dolor vulnere suorum erat quasi sopitus sibi præ dolore meo, quem in me videbat. Propterea audacter dico, quia dolor eius erat dolor meus, quia cor eius erat cor meum. Sicut enim Adam, & Eua vendiderunt mundum pro vno pomo, & sic filius meus, & ego redemimus mundum quasi cum vno corde. Ideò filia mea cogita qualis ego eram in morte filij mei, & non erit tibi graue relinquere mundum.

NOTAE.

Sic filius meus, & ego redemimus mundum quasi vno corde.

Ex verbis præsentis Notæ nullatenus est colligendum, Mariam Virginem propriè mundum redemisse, ac de rigore iustitiæ satisfecisse; sicut de Christo dicimus, quod verè nos redemerit, & pro nobis diuinæ iustitiæ rigor satisfecerit; pura namque creatura, etsi Deo grata, sit nullo modo sic poterat satisfacere, ut probant Scholastici in 3. sent. dist. 20. & in specie D. Bonau. ibid. q. 3. art. 1. Alex. Alens 3 p. q. 1. memb. 6. ar. 1. & 2. & ex SS. Patribus D. Anselm. lib. 1. cur Deus homo. à cap. 10. usque ad 12. & lib. 2. à cap. 12. usque ad 20. D. Ambr. super cap. 9. Epist. ad Hebr. D. Leo ser. 2. de Natali, Basil. in Psal. 48. ad illa verba Frater non redimit, Nazian. serm. de Paschate, Cyrill. Alex. de Incarnat. Vnigeniti cap. 11. Cyrill. Hierosol. Catech. 14. Hieron. lib. 3. contra Val. ant. cap. 20. & 21. Postremò D. Thom. 3. par. q. 1. art. 2. ad

secundum dicit, quòd cum tota humana natura esset per peccatum corrupta, nec bonum alicuius personæ, nec etiam plurimum posset per equiparantiam totius naturæ detrimentum compensare, cum etiã peccatum ex parte Dei offensus infinitatem quandam importaret, oportuit ad condignam satisfactionem, ut actus satisfaciens haberet infinitam efficaciam, quòd non potuit in pura creatura reperiri: dicendum ergo est Mariam Virginem dici posse fuisse cooperatam mysterio Redemptionis cum Christo, quatenus ipsa eum peperit, qui mundum redemit, aut etiam quia, cum hoc passione sua Christus effecerit, Maria verò, quæ & materna dilectionis affectu, & summa charitatis vinculo cum Redemptore ita coniuncta erat, ut filij dolores suos esse existimauerit, ut scribitur hic paulò ante verba presentis Notæ, ibi, Propterea audenter dico, quia dolor eius erat dolor meus; & quia cor eius erat cor meum; idè mirum non est, si ipsamet hoc loco dicat, cum suo filio mundum redimisse, & in hunc sensum Lanspergius hom. 48. de passione, Mariam cooperatricem Redemptionis appellauit, voluit (inquit) Christi Matrem adesse sibi in doloribus, ut ex his, quæ oculis foris cerneret, intus animo vulneraretur, ut sic Christi passionis redemptionis quoque nostræ particeps fieret, & cooperatrix. Verum D. Gregorius Thaumaturgus sermone 2. in Annunciat. paulò post medium, Mariam non solum redemptionis cooperatricem appellat, sed & principium ipsius reparationis. Tu (inquit) principium reparationis effecta es, tu fiduciam in Paradisum introitum nobis dedisti, & antiquum dolorem, luctum fugasti.

RESPENSIO DOMINI ANGELO
oranti pro sponsa, quòd corporis, & animæ tribulatio concedatur, & quòd magis perfectis maiores tribulationes tribuantur.

C A P. XXXVI.



ANGELO oranti pro sponsa Domini sui. Respondit Dominus. Tu es quasi miles Domini, qui nunquam deposuit galeã suam propter tadium, & qui præ timore nunquam diuertit oculos à prælio. Tu es stabilis quasi mons, ardens quasi flamma. Tu es sic mundus, ut nulla sit in te macula. Tu petis misericordiam sponsæ meæ, licet omnia scias, & videas in me, tamen ista audiente, dic qualem misericordiam petis ei. Triplex enim est misericordia. Vna qua corpus punitur, & parcitur animæ, sicut famulus meus Iob, cuius caro data est omnibus doloribus, & anima seruata est. Secunda misericordia est, qua parcitur animæ, & corpori à pœna, sicut Rex ille, qui in omnibus voluptatibus fuit & nullum dolorem, nec ad corpus, nec ad animam in mundo, dum viueret habuit. Tertia etiam misericordia est, qua punitur corpus, & anima, ut & tribulationem habeat in carne, & dolorem in corde, sicut Petrus, & Paulus, & alij Sancti. Nam tres sunt status hominum in mundo. Vnus eorum qui cadunt in peccata, & iterum surgunt, hos permitto, quandoque tribulari ad corpus, ut salui fiant. Secundus est, eorum qui in æternum libenter viuerent, ut in æternum peccarēt, qui totam voluntatem ad mundum habent, & si quandoque aliqua faciunt pro me, hac intentione faciunt, ut temporalia eis succrescant, & proficiant, his nõ datur pœna corporis, nec dolor magnus cordis, sed in potestate propria, & voluntate sua dimittitur, quia pro minimo bono, quod fecerant

cerat pro me, recipiet hinc mercedem suam, ut in æternum cruciatur, quia cum voluntas est æterna ad peccatum, poena erit eis æterna. Tertius status est eorum, qui plus timeant peccare contra me, & offendere voluntatem meam, quam de aliqua poena. Magisque in æternum cruciarentur poena intollerabili, quam me provocarent scienter ad iram. His datur tribulatio corporis, & cordis, ut Petro, & Paulo, & alijs Sanctis, ut quicquid in hoc mundo deliquerint, in mundo emendent. Vel ad maiorem gloriam, & aliorum exemplum purgantur ad tempus. Hanc triplicem misericordiam feci in regno isto cum tribus, quorum nomina nota sunt tibi. Nunc ergo Angele serue meus qualem misericordiam petis sponsæ meæ. Et ille inquit; Animæ, & corporis, ut quicquid hic deliquerit, in mundo emendet, & nullum peccatum eius veniat in iudicium tuum. Respondit Dominus. Fiat secundum voluntatem tuam. Deinde loquebatur ad sponsam. Tu mea es, ideo sicut mihi placet faciam tecum, nihil dilige sicut me. Munda te igitur à peccato omni hora cum consilio eorum, quibus te commiseram. Nullum peccatum cæli, nullum dimitte indiscussum, nullum peccatum puta leue, nullum negligendum. Nam omnia quæcunque neglexeris, ego reducam ad memoriam, & iudicabo. Nam nullum peccatum tuum veniet in iudicium meum, quod in vita tua poenitentia erit punitum. De quibus autem poenitentia facta non est, vel in purgatorio purgabuntur, vel alio occulto iudicio meo, nisi satisfactione hic emendentur.



VERBA MATRIS AD SPONSAM.
excellentiam sui filij ponentia, & qualiter Christus acris nunc ab inimicis malis Christianis crucifigitur, quam à Iudæis crucifixus fuerat, & per consequens, quod tales acris, & amarius punientur.

CAP. XXXVII.

MATER loquebatur: Filius meus tria bona habuit.
1 Primò quia nullus sic delictum corpus habuit sicut ipse, eoquod erat de duabus naturis optimis, scilicet deitate, & humanitate, & ita mundum, quod sicut in oculo clarissimo non inuenitur macula, sic nec in ipsius corpore aliqua deformitas reperiri potuit; Secundum bonum erat, quod nunquam peccauit. Nā alij filij portant quandoque peccata parentum suorum, & propria, iste enim nunquam peccauit, & tamen omnium peccata portauit; Tertium erat quod aliqui moriuntur propter Deum, & maiorem remunerationem; 2 Ipse autem moriebatur sic propter inimicos suos, sicut propter me, & amicos eius. Sed quando inimici eius crucifixerunt eum, quatuor ei fecerunt. Primò coronauerunt eum spinis. Secundò manus, & pedes perforauerunt. Tertiò propinauerunt ei fel. Quarto pupugerunt latus eius. Sed nunc conqueror, quia filius meus ab inimicis suis, qui nunc sunt in mudo, amarius crucifigitur, quam tunc Iudæi crucifixerunt eum. Nam licet deitas impassibilis sit, nec mori possit, tamē cum proprijs virijs crucifigunt eum. Sicut enim aliquis homo imagini alicuius inimici sui contumeliam; & læsionem faceret, licet imago non sentiret illata, tamen propter voluntatem malam lædendi læsor quasi pro opere argueretur, et diiudicaretur. Sic corū vitia, quibus spiritualiter crucifigunt filium meum, abhominabiliora, & grauiora sunt ei, quam illorum, qui crucifixerunt eum in corpore. Sed forte tu potes querere quomodo

modo crucifigunt eum? utique. Primò ponunt eum in Cruce, quã sibi præparauerat, quãdo de præceptis Creatoris sui, & Domini non curat; & dehonestant eum, quando ipse monet eos per seruos suos seruire sibi, & ipsi hoc contemnentes, faciunt quæ sibi placent. Deindè crucifigunt dexteram manum, quando tenent iniustitiam pro iniustitia, dicentes. Peccatum non est sic graue, & odiosum Deo sicut dicitur, nec Deus in æternum affligit quemquam, sed propter timorem minatus est. Quare enim redimeret hominem, si vellet eum perire. 3 Non attendentes, quod minimũ peccatum, si homo delectatur in eo, satis est ei ad supplicium æternum. Et quia non minimum peccatum dimittit Deus impunitum, sicut nec minimum bonum sine remuneratione. Ideò sempiternum erit eis supplicium, quia & sempiternam habent voluntatem peccandi, quam filius meus, qui videt cor, reputat pro opere. Quia sicut habent voluntatem, sic etiam opera complerent, si permitteret filius meus. Deindè crucifigunt sinistram manum eius, quando virtutem vertunt in vitium, volentes vsque in finem peccare, dicentes. Si dixerimus in fine semel, miserere mei Deus; tanta est misericordia Dei, quod habebimus veniam, hoc non est virtus, velle peccare, & non emendare, velle præmium habere sine labore, nisi esset contritio in corde, quod libenter vellet emendare, si posset præ infirmitate, vel aliquo alio impedimento. Postea crucifigunt pedes eius, quando delectantur in faciendo peccatum, & non semel cogitant amaram passionem filij mei, nec rengerantur ei semel de intimo corde dicentes. O quàm amara erat passio tua Deus, laus tibi sit pro morte tua, 4 hoc nunquam procedit de ore eorum. 5 Coronant eum deindè corona derisionis, quando derident seruiores eius, & vanitas est reputant seruire ei. Dant ei enim sel bibere, quando gaudent, & exultant in peccato. Nec ascendit semel in corde

eorum, quàm graue, & quàm multiplex sit. Pungunt latus eius, quando voluntatem habent perseverandi in peccato. Verè dico tibi, & hoc amicis meis dicere poteris, quòd tales sunt ante filium meum iniustiores iudicantibus eum, immitiores crucifixoribus eius, impudentiores venditoribus eius, & maior pœna debetur istis, quàm illis. Pilatus sciuit benè filium meum non peccasse, nec dignum aliqua morte: tamen quia timuit amissionem temporalis potestatis, & seditionem ludæorum, iudicauit quasi inuitus filium meum ad mortem. Quid autem haberent isti timere, si ei seruierent? aut quid de honore suo, & dignitate amitterent si ipsum honorarent? Ideò grauius isti iudicabuntur, & deteriores sunt Pilato in conspectu filij mei, quia Pilatus iudicauit eum propter petitionem, & voluntatem aliorum, cum timore quodam. Isti autem tempore iudicant eum propter voluntatem propriam absque timore, quando inhonorant eum per peccatum, à quo si vellet possent abstinere. Sed nec à peccato abstinent, nec pro peccato facto verecundantur, quia non attendunt, quod indigni sunt beneficijs eius, cui non seruunt. Deteriores sunt Iudæis, quia Iudas tradito Domino sciuit ipsum benè esse Deum, & grauius se contra eum peccasse, 6 sed desperauit suspendens seipsum, & properauit dies suos ad infernum, credens se indignum viuere. Isti autem benè sciunt peccatum suum, & tamen perseverant in eo, nullam pro eo in corde compunctionem habentes. Sed volunt eum violètia, & potentia quadam sumere regnum cælorum, quando hoc non operibus, sed propter spem vanam habere cogitant, quod nulli dabitur, nisi operanti, & patienti aliquid pro Deo. Deteriores sunt etiã crucifixoribus eius, quia cum illi viderunt opera filij mei bona, scilicet quia resuscitauit mortuos, leprolos mundauit, cogitabant apud se. Hic facit inaudita, & mirabilia inuisitata, nã proste-

nit, quos vult vno verbo, scit cogitationes nostras, facit quæcunque vult. Si processum suum habebit, omnes subijciemur potestati eius, & subditi eius erimus. Ideo nè subijcerentur ei crucifixerunt eum propter inuidiam. 7 Si enim sciuisent, quod fuisset Rex gloriæ, nunquam crucifixissent eum. Isti autem vident opera eius quotidie, & magna mirabilia, viuunt beneficijs eius, & audiunt quomodo ei seruire debent, & ad eum venire, sed cogitant apud se, si omnia temporalia sunt relinquenda, si voluntas eius, & non nostra facienda est, graue est hoc, & intollerabile. Ideo contemnentes voluntatem eius, nè sit super voluntatem eorum, crucifigunt filium meum per indurationem, addentes contra conscientiam suam peccatum super peccatum. Isti autem peiores sunt crucifixoribus, quia Iudæi fecerunt propter inuidiam, & quia nesciebant eum esse Deum; isti autem sciunt eum esse Deum, & ex malitia sua, & presumptione, causa propriæ cupiditatis crucifigunt eum amarius spiritualiter, quàm illi carnaliter, quia isti redempti sunt; illi nondum redempti erant. Ergo sponsa obedi filio meo, & time eum, quia ipse sicut est misericors, sic etiam est iustus.

NOTAE.

Primò, quia nullus sic delicatum corpus habuit sicut ipse, eò quod erat de duabus naturis optimis, scilicet Deitate, & Humanitate.

Nulli dubium esse potest Christum Dominum optimam corporis complexionem, ac temperamentum accepisse, tum ratione principij efficientis, à quo illud corpus formatum erat nimirum à Spiritu sancto, tum ratione humane naturæ, quia fuerat productum ex purissimis sanguinibus B Virginis. Postremò etià ratione diuinæ naturæ, cui erat unitum, quæ ipsi innumerabiles, easque singulares perfectiones conferebat: cum autem hoc loco legimus huiusmodi corpus fuisse de duabus naturis in-

sellendum, naturam diuinam non cõcurrisse ad corporis compositionem, ut pars eius: Deus enim nec corpus est, nec pars corporis, neque corpus habet, sed spiritus est. ut Ioan. 4 scribitur, sed dicitur, corpus Christi constare de duabus naturis, quoniam in Christo diuina, & humana natura unita erant hypostaticè, qualis autem fuerit complexio Christi pendet ex dispositione physica, existimant aliqui fuisse ad pondus, sed quidquid sit dicendum videtur, si omnes partes corporis eius aggregatæ sumantur fuisse in eo qualitates ita temperatas, & ad pondus assumptas, ut una aliam non excederet, vel minimum quid & idcirco grauissimi quidam Doctores affirmant Christum ab intrinseco non fuisse capacem ægritudinis, sic D Thom. 3 par. q. 14. art. 4. & plures etiam ex Scholasticis in 3. dist. 2. s. et 26 Caet. 2. to. opus. opus. 13. Gloss. Lyran & alij Matth. 8. ex quo fit consequens eum non fuisse propriè illius complexionis ex his, quæ à Philosophis, & Medicis describuntur, sed à legisse ex omnibus optimam, & ex complexione colerica habuisse vim, & acrimoniam, ex flegmatica maturitatem, & grauitatem, ex melanconia acumen, & iudicium, ex sanguinea pulchritudinem, & venustatem, hinc David Psal. 44 scriptum reliquit de Christo, Speciosus forma præ filiis hominum, ex quibus verbis deducitur Saluatorem nostrum corpore fuisse miræ pulchritudinis, sic D. Augustin. & Cassiodo. ibidem admonuerunt D. Chrysostom. homil. 18. in Matth. D. Bernar. ser. 1. de omnibus Sanctis quamquam Theodoret Remig. & Arnob. illa verba Psal. intellexerint de pulchritudine gratiæ, & Cyrill. lib. 5. super cap. 53. Isaiæ, & Basil. in Psal. 44. de pulchritudine diuinitatis. Ex dictis constat, quod Christus non fuisset immortalis, etiam si extrinsecus non illata esset mors, quoniam vera vita Christi erat eiusdem rationis cum nostra, & calor agebat in humidum, & consumabat: peruenisset tamen ad extremam senectutem, & per resolutionem obisset, licet Rupert. Abb. Abacuc 3. affirmet, vitā Redemptoris nostri non futurā fuisse nisi septuaginta annorum, vel circiter, quod

mibi non videtur probabile, tūm quia hoc gratis dicit, nec probat, tūm quia plures homines fuerunt, qui tam aetatem superauerunt.

Iple autem moriebatū sic propter inimicos suos, sicut propter me, & amicos eius.

Dubitare quispiam probabiliter posset, quomodo verum sit, quod hoc loco legimus, Christū Dominum pro Beatissima Virgine, ceterisque amicis eius mortuū esse; cum n. Maria nullū unquam cōmiserit, nec originale, nec actuale peccatum, non videtur Christi morte indiguisse, quā Deo reconciliaretur, cum quo nullā prorsus inimicitiam contraxerat; de alijs autem nec minima relinquitur dubitatio, quippe qui, ut ait Apost. Rom. 5. Cum inimici essemus, reconciliati sumus Deo per mortem filij eius. Verū antequam propositam dubitationem solvamus, explicandum breuiter est, quid sibi velit, quod scribitur hic, Christum obisse pro inimicis, & amicis, & quidem arbitror hoc dictū esse, ut passionis Christi sufficientia, & efficacia insinuaretur; ipsa enim Saluatoris mors sufficientissima pro omnibus est, tam pro inimicis, quam pro amicis: efficacissima verō est pro his, qui eius sibi fructus applicant, nec ponunt obicem, unde in Canone Missae legimus (Hic est calix sanguinis mei, novi, & eterni testamenti, qui pro vobis, & pro multis effundetur) dicitur pro vobis efficaciter, & pro multis sufficienter: sed quoniam hac manifesta sunt, superest ut gradum faciamus ad explicandum, quomodo verum sit quod Redemptor noster etiam pro Virgine mortuū sit, & quā ratione ipsa redempta fuerit, cum illa nūquam demonis seruituti extiterit obnoxia, neque commiserit aliquid peccatū, nec originale, nec actuale, ut à nobis probatum est Lib. 3. Reuel. Cap. 8. Nota 1. & hinc est, quod aliquibus visum est, quod Maria necessitatem aliquam non habuerit, ut filij sui passionē redimeretur, verum huic obiectioni facile satisfacimus, si duplicem redimendi modum distinguamus, unum erigendo lapsum, alterum nō iam lapsurus praeueniendo cadat, ex his duobus postremus modus, sicut nobilior est, & efficacior, ita nobiliori creatura nimirū

Maria competebat, & conueniens erat, ut Christus excellentiori, ac efficaciori modo Matrem suam redimeret, cum uterque modus ad illius dignitatem, ac gloriam spectaret, nec ei erat impossibile utrumque redemptionis modum adhibere, quod quidem nullus unquam sana mentis negare poterit, quandoquidem merita Christi sufficiunt, non solum ad tollendas ab aliquo culpas iam admissas, sed etiam ad praeueniendum, ne quis in eas labatur, cum in periculo cadendi positus est, & tali pacto optimē Mariam Virginem fuisse redemptā, & redemptionis opera indiguisse dicimus, quod patere potest ex D. Aug. in exposit. Psal. 85. ad eum versiculum, Eruiisti animam meam ex inferno inferiori, ubi dicit cum Medicus imminuentem alicui de proximo agritudinem videt si medicina remedij praeueniat, nō in periculo constitutus in eum, morbum incidat, certē potest is dicere Medico, me ab agritudine non in qua iam eram, sed in qua futurus eram liberasti, sic etiam nescio quis habēs molestam causam mittēdus erat in carcerem, venit alius, defendit eum, gratias agens dicit, Eruiisti animam meam de carcere, vel suspendendus erat debitor, solutus est pro eo, liberatus dicitur de suspendio.

Non attendentes, quod minimum peccatum, si homo delectatur in eo satis est ei ad æternum supplicium.

Iam notauimus supra hōc eodem Libro Cap. 32. Nota 4. quod minimo peccato, nimirum veniali nullatenus æterna pœna debetur, nisi poneretur in eo, vel vltimus finis, vel intercederet contemptus, vel ratione alicuius circumstantie, quae esset mortale peccatum.

Hoc nunquam procedit de ore eorum.

M. S. Farnesianus legit: Hoc nunquam procedit, vel raro de ore eorum.

Coronā enim corona derisionis, quando derident seruitores eius.

Farnesianus Codex M. S. legit. Quando derident sermones eius, quod ita legendum esse patet ex sequentibus (ibi) Et vanitatis putant seruire ei, quod ex eo procedit, quia spernunt verba eius.

Sed desperauit suspendens seipsum,

& properauit dies suos ad infernum.

Ex verbis presentis Nota aperte deducitur Iudam proditorem suspendio eruita discessisse, quicquid dicant Euthym. Oecumen. & Theoph. Euthym. enim in c. 27. Matth. ea verba edisserens, Et abiens laqueo se suspendit, affirmat Iudam à quibusdam, qui eu agnouerant, ex arbore fuisse depositum antequam laqueo prefocaretur. Denum post aliquod temporis spatium precipitio delectum effusus intestinis obisse, probat hanc sententiam ex Luca Act. 1. qui scribit Iudam possedisse Agrum de mercede iniquitatis, si enim statim perijisset, non possedisset, eandem opinionem secutus est Theoph. ibidem, qui dicit, Inclinatam fuisse arborem, cui se suspenderat, nec tunc interijisse, sed aliquantulum superuixisse, & postmodum hydropico morbo animam egisse, cum medius crepuisset, fauet Euthym. & Theoph. Oecumenius qui in comment. in Acta Apost. cap. 1. ex antiquissimo Auctore Papia refert Iudam rupto laqueo non solum superuixisse: verum post illud tempus corpore adeo fuisse inflatum, ut nec posset progredi, caputque eius, ac oculorum palpebras sic intumuisse, ut lumen omnino non videret; sanies etiam, ac vermes ex toto corpore confluentes, tandem post plurimas penas, ac tormenta, cum in suo pradio mortuus esset, ibique sepultus, prædiu illud præ fetore pirmanfisse desertum: sed reiecit hanc opinionem concors Patrum consensus Leo ferm. 3. de pass. Beda Acto. 1. Orig. & Chrysost. loc. cit. August lib. 1. contra Felicem Manicheum c. 4. Collum (inquit) sibi alligauit, & deiectus in faciem disruptus est medius, idem affirmarunt Lyran. Matth. 27. Iansen in Concord. Euang. p. 4. c. 140. Sixt. Senen. in sua Biblioth. lib. 6. annot. 222. ad argumentum autem, cui iniebat contraria sententia respondetur D. Lucam asseruisse à Iuda fuisse agrum cum possessum, non quia verè illum viuens possederit, sed quod ipse fuit pretium agri, per quod possessio eius transfuit ad alios, & possedisse dicitur, quia possidere fecit alios, proiectis namque argenteis in templo, quibus impie Redemptorem, & Magistram vendiderat, Principes Sacerdotum

emerunt agrum pro sepultura Peregrinorum, sic Rabanus Gloss. Interl. & Lyran. Matth. 27. vel etiam dicendum possedisse, quia in illo agro secundum aliquos sepulchrum fuit.

Si enim sciuisset, quod fuisset Rex glorie nunquam crucifixissent eum.

Eandem sententiam habet Paul. Apost. 1. Cor. 2. Si cognouissent, nunquam Dominum glorie crucifixissent, quæ verba à pluribus doctissimis viris, vel de Iudeorum Principibus, vel in vniuersum de principibus ceteris huius seculi sapientibus intelliguntur, sic Tertull. lib. 3. contra Marcion. c. 6. Orig. hom. 2. in Cant. Hieron. Chrysost. Theoph. & Anselm. ibi, ceterum an Iudei verè cognouerint ex Christi miraculis Iesum fuisse Messiam in lege promissum, tradidimus infra Lib. 6. Reuelat. Cap. 1. Nota 1.

COLLOCVTIO GRATA DEI

Patris, & Filij adinuicem, & qualiter Pater tradidit Filio nouam sponfam, & filius eam in suam gratanter recepit, & quomodo sponfus informat sponfam de patientia, & simplicitate per exemplum.

C A P. XXXVIII.

PATER loquebatur ad filium. Ego veni cum charitate ad Virginem, & sumpsi verum corpus tuum ex ea. Ideo tu in me, & ego in te: Sicut ignis, & calor nunquam separantur, sic deitatem ab humanitate impossibile erit separari. Respondit filius: Omnis gloria, & honor sit tibi Pater, fiat voluntas tua in me, & mea in te. Respondit iterum Pater. Ecce fili, hanc nouam sponfam assigno tibi, quasi ouem ad regendum, & nutriendum, de qua tanquam possessor ouis, habebis caseum ad reficiendum, & lac ad bibendum, & lanam ad vestiendum. Tu autem sponsa debes obedire ei. Ad te enim pertinent tria. Oportet te esse patientem, obedientem, & liben-

libentem. Tunc ait filius ad patrem. Tua voluntas cum potestate, potestas cum humilitate, humilitas cum sapientia, sapientia cum misericordia, fiat voluntas tua, quæ est, & erit sine principio, & sine fine in me. Ego assumo eam mihi in meam charitatem, in tuam potentiam, & Spiritus sancti regimen, qui non tres Dij, sed vnus Deus. Tunc ait filius ad sponsam suam. Audisti quomodo pater assignauit te mihi quasi ouem. Oportet ergo te esse simplicem, & patientem quasi ouem, & fructuosam ad nutriendum, & vestiendum. Tres enim in mundo sunt. Primus est totus nudus. Secundus est sitiens. Tertius est esuriens. Primus significat fidem Ecclesiæ meæ, quæ nuda est, quia omnes erubescunt loqui fidem, & mandata mea, & si sup̄r, qui loquuntur, contemnantur, & mendacij arguuntur. Ideo verba mea, quæ de ore meo procedunt, vestire debent hanc fidem quasi lana. Sicut enim lana crescit in corpore ouis ex calore, sic de calore deitatis meæ, & humanitatis verba mea procedunt in cor tuum, quæ vestiunt fidem meam sanctam testimonio veritatis, & sapientiæ, & probabunt eam esse veram, quæ nunc inanis reputatur, vt qui vsque adhuc tepidi fuerant vestire fidem operibus charitatis, audita charitate verborum meorum conuertantur, & reaccendantur ad loquendum fiducialiter, & agendum fortiter. Secundus significat amicos meos, qui desiderant more sitiens perfici honorem meum, & turbantur ex inhonoratione mea. Hi ex dulcedine verborum meorum audita, inebriantur charitate mea maiori, & alij cum eis nunc mortui accendantur ad amorem meum, audito qualem gratiam facio cum peccatoribus. Tertius significat illos, qui cogitant sic in corde suo. Si sciremus (inquiunt) voluntatem Dei, & quomodo viuere possemus, & si bene instrueremur de via bona, libenter faceremus, quæ possemus. Hi sunt quasi esurientes scire viam meam, & nullus sariat

eos, quia nemo perfecte ostendit eis, quæ agenda sunt, etsi ostenditur, nullus secundum ea viuunt. Et ideo videntur eis verba quasi mortua, quia nemo secundum ea viuunt. Propterea ego ipse ostendam eis quæ facient, & sariabo eos dulcedine mea. Nam temporalia quæ videntur, & nunc ferè ab omnibus appetuntur, satiare non possunt hominem, sed excitant magis, ac magis desiderium acquirendi. Verba autem mea, & charitas sariabunt homines, & replebunt eos consolatione abundanti. Ergo tu sponsa mea, quæ es ouis mea, patientiam, & obedientiam curaservare. Tu enim mea ex omni iustitia facta es. Et ideo oportet te sequi voluntatem meam. Qui autem sequi vult voluntatem alterius, debet habere tria. Primo, cum eo vnum consensum. Secundo similia opera. Tertiò, recedere ab inimicis eius. Qui autem sunt inimici mei, nisi superbia, & omnia peccata. Ab his ego debes recedere si cupis sequi voluntatem meam.

NOTÆ.

Pater loquebatur ad filium, ego veni cum charitate ad Virginem, & sumpti verum corpus tuum ex ea, ideo tu in me, & ego in te.

Hoc loco omnino animaduertendū est, quòd quando Pater dicit venisse ad Virginem, & ex ea corpus assumpsisse, non esse intelligendum quòd ipsemet fuerit incarnatus, & ex Doctores Scholastici affirmant, terminauerit, ac sustentauerit humanam naturam, quandoquidem hoc fuit proprium filij, qui ex Virgine carnem assumpsit, & ad hoc dicitur à Patre missus in mundum, ad Galat. 4. At ubi venit plenitudo temporis, misit Deus filium suum, factum ex muliere, factum sub lege. Cum ergo legimus hic Patrem venisse ad Virginem, et ex ea corpus assumpsisse, intelligendum ab ipso, cum Verbo, & Spiritu sancto, tanquam ab efficiente principio hoc sacrosanctum Incarnationis mysterium manasse, & ab his tribus per-

personis Christi corpus fuisse formatum: sunt enim actiones ad extra communes toti Trinitati, ut egregie explicat D. Aug. lib. de Eccl. dogmat. non longe ab initio, exemplo cytharæ. O Iudæa (inquit) respice cytharam, in qua tria adfunt, ars, manus, & chorda; unus tamen sonus auditur, ars dicat, manus tangit, chorda resonat; nec manus sonum reddunt, sed cum chorda pariter operantur; sic nec Pater, nec Spiritus sanctus carnem susceperunt, tamen cum filio pariter operantur, sola chorda excutit sonum, carnem solus Christus accepit: Sed hac de re videndus est D. Thom. 3. p. q. 3. art. 4. & ibi Thomiste, ubi probant tantummodo filium fuisse incarnatum: Magister cum schola in 3. d. 1. An autem de possibili potuerint omnes tres personæ eand. assumere naturā, affirmarunt D. Thom. 3. p. q. 3. art. 8. Henric. quodlibet. 7. Marsil. in 3. q. 2. art. 3. Ocham. q. 1. ar. 3. Alens 3. p. q. 2. memb. 4. Capreol. Cætan & firè omnes Discipuli S. Thom. eand. tenent sententiam, Duran. in 3. d. 1. q. 3. & Gabriel d. 1. q. 1. ar. 3.

QUALITER IN CHRISTO
tempore suæ mortis, fides, spes, & charitas fuerunt perfectibiliter, & in miseris nobis sunt defectibiliter.

CAP. XXXIX.

- E**GO habui tria in morte mea. Primò fidem, quando flecebam genua mea, & orabam, sciens, quod posset me Pater eripere de passione. 2. Secundò spem, quando tam constanter expectabam, & dicebam: Non sicut ego volo. Tertiò charitatem, quando dicebam: Fiat voluntas tua. 3. Ego etiam habui angustias corporis ex timore naturali passionis, quando sudor sanguinis exiuit de corpore; ideò nè amici mei trepidarent se relictos, cum instat eis tribulatio, ego ostendi eis in me, quod caro infirma semper refugit molestias. Sed potes querere, quomodo sudor

sanguinis exiuit de corpore meo? Vtiq. sicut sanguis infirmi in omnib. venis siccat; & consumitur, sic ex dolore naturali mortis sanguis meus columebatur. Pater denique ostendere volēs viam, per quam aperiretur cælum, & homo exclusus ingrederetur, tradidit me ex charitate in passionem, ut corpus meum consummata passione gloriificaretur in gloria. 4. Nō enim sine passione humanitas mea in gloriam venire posset ex iustitia, licet potuiss. ex potentia deitatis me fecisse. Quomodo ergo illi merentur intrare gloriam meam, qui modicam habent fidem, spem vanam, & charitatem nullam? Si denique haberent fidem gaudij æterni, & supplicij horribilis, nihil concupiscerent nisi me. Si crederent quod ego omnia video, & scio, & in omnia potens sū, & de omnibus iudicium requiro, vilesceret eis mundus, & timerent magis eorū me peccare propter timorem mei, quā pro hominibus. Si haberent spem firmam, tunc tota mens, & cogitatio eorū esset ad me. Si haberent charitatem diuinam, cogitarent saltem in animo quid feci pro eis, quantus mihi labor in prædicatione, quantus dolor in passione, quanta mihi charitas in morte, scilicet, quia prius volui mori, quā eos relinquere. Sed fides eorū est infirma, & quasi pender in eis, citius minans casum, quia credunt absente tentationis impulsu, diffidunt autem accedente aliquo contrario. Spes eorū est vana, quia sperant peccatum sine iustitia, & veritate iudicij dimitti. Regnum cælorum cōfidunt obtinere gratis: misericordiā absq. temperamento iustitiæ obtinere cupiunt. Charitas eorū ad me tota est frigida, quia nunquam accenduntur ad quærendum me, nisi tribulatione cōguntur. Quomodo cum talibus possum calefieri, qui nec fidem habent rectam, nec spem firmam, nec charitatem ad me feruentem? Ideò cum clamauerint ad me, & dixerint, Miserere mei Deus, non merentur audiri, nec.

nec intrare in gloriam meam, quia noluit sequi Dominum suum ad passionem, idè nec sequentur cum ad gloriam. Nullus enim miles placere potest Domino suo, & in gratiam eius post lapsum recipi, nisi prius aliquam humilitatem ei fecerit pro contemptu suo.

N. O. T. A E.

EGo habui tria in morte mea, Primo fidem quādo flecebam genua mea. In Christo non fuisse fidem, prout habitus est infusus, & Theologica virtus patet euidenter: quoniam cum ipse comprehensor, ac Beatus existeret, omnia illi praesentia erant, cumque fides obscuritatem quandam involuat, siq. de rebus non apparentibus, ut Hebr. 11. Paul. definit. Fides est substantia rerum argumentum non apparentium optimè insititur repugnasse statui beatifico Christum fidem habere, quae communis est sententia Scholasticorum in 3. d. 26. probat D. August. in genere de omnibus Beatis lib. 14. de Trinit. cap. 2. Illud autem quod Isa. 11. legimus; Et fides erit cinctorium renuueius, intelligendum de fidelitate, & veracitate, iuxta illud Math. 22. Magister scimus, quod verax es; & viam Dei in veritate doces, sic interpretantur hunc locum Isaie. Cyrill. & Hieron. & in hunc quoque sensum explicanda sunt verba praesentis Note, aut etiam possumus dicere, quod hoc loco sermo non est de habitu fidei infuso in ordine ad primum obiectum, quod est res diuina non visa, ut annotauit Caetan. super 3. par. S. Thom. q. 7. ar. 3. sed de scientia Christi, qua certò sciebat posse à Patre liberari de manibus Iudeorum, si vellet, & idè ipsum dicentem legimus hic, Flecebam genua mea, & orabam, sciens, quod posses me Patre eripere de passione mea.

2 Secundo spem habui, quando constanter expectabam, & dicebam, Non sicut ego volo.

Quemadmodum fides est de rebus non visis, ita, & spes eorum est, quae aliquis expe-

ctat, nec dum habet. unde Rom. 8. scribit Apostol. Quod videt, quis quid sperat: idè eadem ratione dicendum est nobis, quod sicut in Christo non fuit fides, ut superiori Nota probauimus, ita nec spes, quādoquidem à principio suae conceptionis cum plenam diuinarum rerum habuerit fruitionem, idè nec spem habuit, quia nulla in eo ratio erat, ut id speraret, quod plenè possidebat: habuit tamen spem respectu aliquorum, quae nondum erat adeptus nimirum immortalitatem, & gloriam corporis, & ceterorum, quae ex passione eius pendebant, ut tradidit D. Thom. 3. p. q. 7. ar. 4. & propterea subditur hic, Spem habui, quando expectabam, &c.

3 Ego etiam habui angustias corporis ex timore naturali passionis.

Ex his liquèdò constat Christi Domini humanitatem suapte natura fuisse doloris, ac miseriae capacem, ut famis sitis, mororis, timoris, ceterasque etiam corporis agitudines illi fuisse connaturales, ut Math. 4. Ieiunauit quadraginta diebus, & noctibus, postea exurijt. Ioan. 4. Da mihi bibere. Math. 26. & Marc. 14. Cœpit cadere, & pauere, quia in re lapsi sunt quidā heretici, qui affirmarunt dolorum sensibilem Christum fuisse expertem, quorum meminit Damas. in lib. De cœtū heresib. c. 84. & Niceph. lib. 2. c. 29. & damnatus est huiusmodi error in Concil. Ephes. & Calced. & à Cyrill. lib. de Incar. c. 27 sunt etiā cautè legendi Clem. Alex. lib. 6. Strom. Hylar. lib. 10. de Trinit. & in Psalm. 68. Hieron. Math. 4. & videtur quoque accedere Aug. relatus à Magist. in 4. sent. d. 15. quem tamè excusans ait, Aug. in Ps. 3. significasse, Christū verè non timuisse secundum passionem, in Ps. 39. ostendisse, quod verè timuerit secundum passionem. Ceterum dicendum nobis est, citatos Patres verè non negasse in Christo dolorem, aut timorem, sed affirmasse proprie in eo illos nō exstitisse, quia poterant à diuinitate impediri, vel in eo non fuisse dolores, & timorem debitum, quatenus debitus ex peccato oritur, quod nunquam commisit, aut etiam, quia dolor, & tristitia sic erant in Christo, ut non potuerint rationem impedire.

Non


4 Non enim sine passione humanitas mea in gloriam venire posset ex iustitia, licet potuisssem ex potentia deitatis mea.

Hoc loco Redemptoris nostri necessitas passionis ostenditur, quæ ex triplici capite pensanda est. Primò ex parte nostra, quoniam per eam à Demonis potestate liberati sumus. Secundò etiam ex parte ipsiusmet Dei, ex cuius mandato, cum plurima ad passionem spectantia per Prophetas in veteri lege fuissent prædicta, ac figurata, debebant in noua lege compleri, quod egregiè admonuit Doctor Angelicus 3. par. quæst. 46. art. 1. Postremo respectu etiam ipsiusmet Christi necessaria videbatur posita ordinatione diuina, quoniam sua morte quam plurima sibi meruit, et gloriæ corporis, et sui nominis exaltationem, sicut ad Philip. 2. scribitur, Humiliavit semetipsum factus obediens usque ad mortem, mortem autem Crucis, propter quod et Deus exaltauit illum. et ad Hebr. 2. Vidimus autem Iesum per passionem gloria, et corona coronatum, ubi hoc idem tradunt Theophyl. Occumen. Ambros. Beda. Anselm. qui explicant duo, citata loca ad Philip. 2. et ad Hebr. 2. hoc etiam docuit D. Basil. lib. 4. contra Eunom. Cyrillus lib. 3. thesauri cap. 3. Chrysostom. hom. 7. ad Philippenf. D. August. lib. 3. contra Maximin. cap. 2. et lib. 2. cap. 5. addit Dionys. Carthusian. ad Philippen. 2. fuisse Christum etiam exaltatum quantum ad naturam diuinam, quæ hominibus est manifestata per miracula à Christo facta, possumus, et nos adiungere, fuisse quoque necessariam passionem, quoniam Saluator noster meruit per eam excellentiam potestatem, et externa testimonia, quæ declarabant dignitatem eius, regnum speciale in Ecclesia, cuius est caput, et iudiciariam potestatem, ut Iob 36. scribitur, Causa tua, quæ quasi impij iudicata est, causam iudiciumq. recipies, et hoc est, quod legimus hic Christum non potuisse venire in gloria ex iustitia, abque passione sua.

VERBA QUALITER CREATOR

proponit sponse tres benignas quæstiones. Primam de mariti seruitute, et dominio vxoris. Secundam de viri labore, et vxoris consumptione. Terriam de contemptu domini, et de serui honore.

CAP. XL.



GO sum Creator tuus, et Dominus. Dic mihi tria, quæ quero à te. Quomodo stat illa domus, vbi vxor vestitur sicut domina, et maritus eius quasi seruus? Nunquid decet sic? Tunc respondit illa intus in conscientia sua. Non domine decet sic. Et Dominus. Ego sum Dominus omnium, et Rex Angelorum. Ego vestiui seruum meum, idest humanitatem meam, non nisi ad vtilitatem, et necessitatem. Nihil enim quæsiui in mundo, nisi solummodo tenuem victum, et vestitum. Tu autem, quæ es sponsa mea, tu vis esse sicut domina, habere diuitias, et honores, et honorificè incedere. Ad quid enim valent omnia ista? Certè omnia vana sunt, et omnia relinquuntur. Homo quippè non creatus fuit ad tantam superfluitatem, sed ad necessitatem naturæ. Hanc autem superfluitatem inuenit superbia, quæ nunc habetur, et diligitur pro lege. Secundò dic mihi: Nunquid decens est, ut vir labore de mane usque ad vespertam, et vxor in vna hora consumat omnia, quæ congregata sunt? Tunc illa respondit: Non decet sic, sed iuxta voluntatem viri viuere, et facere tenetur vxor. Et Dominus: Ego feci sicut vir, qui à mane usque ad vespertam laborat: Ego enim à iuuentute mea, usque ad passionem meam laboraui, ostendens viam eundi ad Cælum prædicando, et opere complendo prædicata,

H

cata,

cata, hunc omnem laborem meum vxor, idest anima, quæ deberet esse mea, quasi vxor tunc consumit, quando luxuriose viuit, vt nihil ei proffit, quæ ego feci, nec inuenio in ea aliquid virtutis, in quo possim cum ea delectari. Tertiò dic mihi. In quacunque domo Dominus contemnitur, & seruus honoratur. Nunquid non indecens est, & abominabile? Et illa. Verè sic est. Et Dominus. Ego sum Dominus omnium. Domus mea mundus est, & homo seruus meus de iure esse deberet. Sed ego Dominus nunc in mundo contemtor, & homo honoratur, & ideo tu quam elegi, cura facere voluntatem meam, quia omnia, quæ in mundo sunt, non sunt nisi quædam spuma maris, & quædam visio vana.

VERBA CREATORIS PRAESENTIBUS caelesti exercitu, & sponsa, qualiter conquiritur de quinque viris, scilicet de Papa cum suo Clero, & de malis laicis, & de Iudeis, & de Paganis, & de auxilio misso amicis suis, per quos omnes homines intelliguntur, & de crudelissima sententia contra inimicos illata.

EGO sum Creator omnium. Ego autem Luciferum à Patre genitus, & inseparabiliter in Patre, & Pater in me, & vnus Spiritus in ambobus, ideo vnus Deus Pater, & Filius, & Spiritus sanctus, non tres Diji. Ego sum, qui à Abraham promissi hereditatem æternam, & per Moysen eduxi populum meum de Aegypto. Ego idem sum, qui in Prophetis loquebar. Pater misit me in visceribus Virginis, non separans se à me, sed manens inseparabi-

liter mecum, vt homo à Deo recedens, ad Deum per charitatem meam rediret. Nunc autem praesente exercitu meo, qui omnia videtis in me, & scitis in me, tamen propter cognitionem, & instructionem illius adstantis sponsæ, quæ spiritualia non potest percipere, nisi per corporalia. Conquaror coram vobis super istos quinque viros hic adstantes, quia multipliciter offendunt me. Sicut enim olim per nomen Israel in lege intelligebam totum populum Israeliticum, sic nunc per quinque viros istos intelligo omnes homines in mundo. Primus est Rector Ecclesiæ, & eius Clerici. Secundus est mali laici. Tertius Iudei. Quartus Pagani. Quintus amici mei. Sed de te, o Iudæe, excipio omnes Iudeos, qui occultè sunt Christiani, et seruiunt mihi sincera charitate, et recta fide, et opere perfecto in occulto. De te autem Pagane excipio omnes, qui libenter incederent per viam mandatorum meorum, si scirent quomodo, & si instruerentur, qui, et opere faciunt quantum sciunt, et possunt, hi nullatenus vobiscum iudicabuntur. Nunc ergo conquaror super te caput Ecclesiæ meæ, qui sedes in sede mea, quam Petros, & Successoribus eius tradidi ad sedendum in ea, triplici dignitate, & auctoritate. Primò, vt potestatem haberent ligandi animas, et soluendi à peccato. Secundò, vt aperirent Cælum poenitentibus. Tertiò, vt clauderent Cælum maledictis, et contemnētibus. Sed tu qui deberes solvere animas, & ad me praesentare, tu verè es animarum interfector. Ego enim institui Petrum Pastorem, & Seruatorem ouium mearum. Tu autem es disperfor, & lacerator earum. Tu autem peior es Lucifero. Ipse enim habebat ad me inuidiam, & nullum concupiuit occidere, nisi me, vt pro me dominaretur. Tu autem tanto deterior es, quòd non solum occidis me, remouendo me à te per mala opera

opera tuā; sed & animas occidis per malum exemplum tuum. Ego redemi animas sanguine meo, & commisi eas tibi tanquam amico fideli. Tu autem tradis eas iteratò inimico, à quo redemi eas. Tu es iniustior Pilato, qui nullum iudicabat ad mortem nisi me. Tu autem non solum iudicas me quasi nullius dominatorem, & nullius boni dignum, immò & animas innocentes condemnas, & nocentes dimittis. Tu es immitior Iuda, qui me solum vendidit. Tu autem non solum me vendis, sed & animas electorum meorum pro turpi lucro tuo, & vano nomine. Tu es abhominabilior Iudæis. Ipsi crucifixerunt corpus meum solum, tu autem crucifigis, & punis animas electorum meorum, quibus malitia tua, & transgressio amarior est omni gladio. Et ideo quia tu similis es Luciferò, iniustior Pilatò, immitior Iudæ, abhominabilior Iudæis. Ideò merito conquaror super te. Ad secundum autem, idest ad laicos ait Dominus. Pro utilitate tua omnia creavi. Tu contempsisti in me, & ego in te. Dedisti mihi fidem tuam, & promisisti mihi cum iuramento tuo, te mihi seruiturum. Nunc autem discessisti à me, quasi homo ignorans Deum suum. Verba mea habes pro mendacio, opera mea pro vanitate, voluntatem meam, & mandata mea dicis nimis grauiā. Tu factus es violator fidei promissæ. Tu fregisti iuramentum tuum, & dereliquisti nomen meum. Tu dislocasti te à numero Sanctorum meorum, & venisti ad numerum Dæmonum, & eorū es factus socius. Tibi videtur neminem laude, & honore dignum, nisi te ipsum. Omnia quæ mea sunt, & quæ mihi facere teneris, sunt tibi difficilia, quæ autem tibi ipsi placent, facilia. Ideò merito conquaror super te, quia fregisti fidem tuā, quam mihi in baptismo, & deinceps dedisti. Insuper, & pro charitate mea, quam verbo, & opere tibi monstravi, arguis me mendacem. Pro pas-

sione mea dicis me fatuum. Ad tertium autem, idest ad Iudæos ait: Ego vobiscum incepti charitatem meam, elegi vos in populum meum, eduxi vos de seruitute, dedi vobis legem meam, & introduxi vos in terram, quam promisi patribus vestris, misi vobis Prophetas in consolationem. Deinde ex vobis elegi Virginem mihi, ex qua suscepi humanitatem. Nunc autem conquaror super vos, quia adhuc non vultis credere, dicentes. Nondum venit Christus, sed adhuc venturus est. Ad quartum verò, idest ad Gentilem ait Dominus. Ego creavi te, & redemi sicut Christianum, & omnia bona feci propter te; tu autem es quasi homo amens, quia nescis quid facis, quasi homo cæcus, quia nescis quod vadis. Colis enim creaturam pro Creatore, falsum pro vero, & curvas genū tuū ante inferiorem tuum. Ideò conquaror super te. Ad quintum autem ait: Procede amice viciniū, & statim ait ad celestem exercitum. Amici dilecti, ego habeo vnum amicum, per quem intelligo plures, Ipse est quasi homo inclusus inter malos, & captiuatus duriter. Si loquitur vera, ipsi lapidant os eius. Si facit bona, lanceam mittunt in pectus eius. Ecce amici mei, & omnes Sancti quamdiū patiar istos, & quamdiū sufferam talem contemptum? Respondit S. Ioannes Baptista. Tu es quasi speculum mundissimum. In te enim quasi in speculo videmus omnia sine verbo, & scimus. Tu es dulcedo incomparabilis, in qua omne bonum sapit nobis. Tu es quasi gladius acutissimus, qui iudicas in æquitate. Tunc respondit ei Dominus. Verè amice mi tu dicis verum, 3 in me enim electi mei vident omne bonum, & omnē iustitiam, 4 & etiam spiritus maligni, licet non in luce, sed in conscientia sua. Sicut enim homo positus in carcere, qui prius didicerat litteras, qui licet in tenebris sit, nihilominus scit eas, quæ didicit, quamuis non videat. Sic Dæmones quā-

uis non videant iustitiam meam in luce claritatis meae, tamen sciunt, & vident in conscientia sua. Ego etiam sum quasi gladius, qui diuidit duo, sic ego vnique do, sicut meretur. Deinde subiungens Dominus, ait ad Beatum Petrum. Tu es fundator fidei, & Ecclesiae meae. Dic audiente exercitu meo iustitiam de his quinque viris. Respondit Petrus. Laus, & honor sit tibi Domine pro charitate tua; quam facis cum terra tua. Benedictus sis tu ab omni exercitu tuo, quia facis nos videre, & scire in te omnia, quae facta sunt, & futura sunt, in te enim omnia videmus, & scimus. Haec est autem vera iustitia, ut primus, qui sedet in sede tua, & opera habet Luciferi, amittat eum contemptu sedem, in qua praesumpsit sedere, & particeps sit poenae Luciferi. De secundo est iustitia, ut qui recessit a fide tua descendat ad infernum, capite inferius, & pedibus sursum, quia contempsit te, qui deberes esse caput suum, & seipsum dilexit. De tertio est iustitia, ut non videat faciem tuam, sed & puniatur iuxta malitiam, & cupiditatem suam, quia perfidi non merentur videre visionem tuam. De quarto est iustitia, ut sicut homo amens recludatur, & in locis tenebrosis deputeretur. De quinto est iustitia, ut ei mittatur auxilium. Quibus auditis respondit Dominus. Iuro per Deum Patrem, cuius vocem Ioannes Baptista in Iordane audiuit. Iuro per corpus, quod Ioannes in Iordane baptizauit, vidit, & attestauit. Iuro per spiritum, qui in columbae specie in Iordane apparuit, quod faciam iustitiam super istos quinque. Tunc deinde addens Dominus, dixit ad primum hominem de supradictis quinque. Gladius meae seueritatis in corpus tuum intrabit, qui a superiori capite ingreditur, & sic profundè, & valenter insigetur, ut nunquam extrahatur. Sedes tua demergetur, quasi lapis ponderosus, qui non subsistat antequam venerit in nouissimum profundum.

Digitum, idest assessores ardebunt igne sulphureo, & inextinguibili. Brachia tua, idest vicarij, qui ad animarum profectum extendi deberet, sed extenduntur ad utilitatem mundi, & honorem, iudicabuntur poena, quam dicit David. Fiant filij eius orphani, & vxor eius vidua, & alieni recipient substantiam eius. Quae est vxor eius nisi anima? quae relinquetur à gloria caelesti, & erit vidua à Deo. Filij eius, idest virtutes, quas habere videbantur, & simplices mei, qui sub ipsis erant, separabuntur ab eis, & dignitas eorum, & bona ad alios deuoluentur. Et ipsi pro dignitate aeternam confusionem hereditabunt. Deinde ornatus capitis eorum demergetur in lutum inferni, à quo nunquam consurgent. Ut sicut hi per honorem, & superbiam super alios ascenderunt, sic in inferno praeter alios demergentur, ita profundè, ut impossibile sit eis consurgere. Membra eorum, idest omnes sequaces eorum, & fautores Clerici abscinduntur ab eis, & disjunguntur, sicut murus destruendus, ubi non relinquitur lapis super lapidem, nec camentum adhærebit lapidibus, nec veniet super eos misericordia, quia charitas mea nunquam calefaciet eos, nec aedificabit eos in aeternam mansionem in caelis, sed sine fine cum capitibus suis, dissoluti ab omni bono cruciabuntur. Ad secundum autem dico. Quia non vis tenere fidem mihi promissam, nec charitatem ad me habere, mittam ad te animal, quod de torrente impetuoso procedit, & absorbebit te. Et sicut torrens semper ad inferiora deriuatur, sic animal illud deducit te ad inferiora inferni. Et sicut impossibile est tibi contra torrentem impetuosum ascendere, sic difficile est tibi ab inferno vnquam consurgere. Ad tertium dico, quia tu ludæ iam non vis credere me venisse; ideo cum venero ad secundum iudicium videbis me, non in gloria mea, sed in conscientia tua, & probabis, quod omnia erant vera,

ra, quæ dixeram. Tunc restat tibi poena iuxta merita tua. Ad quartum dico, quia iam non curas credere, nec vis scire, lucebunt tibi tenebræ tuæ, & cor tuum illustrabitur, ut scias iudicia mea esse vera, nec tamen venias ad lucem. Ad quintum dico. Tria tibi faciam. Primò implebo te intus calore meo. Et secundò faciam os tuum durius omni lapide, & stabilius, s; ita ut lapides in te iacentes, redeant. Tertiò armabo te sic armis meis, quòd nulla lancea nocebit tibi, sed omnia mollescant ante te, quasi cera à facie ignis. Ergo confortare, & sta viriliter. Sicut enim miles, qui in bello sperat auxilium Domini sui, tamdiù pugnat, quamdiù aliquis liquor est in eo, sic tu sta firmiter, quia Dominus Deus tuus dabit tibi auxilium, cui nullus potest resistere. Et quia paucum habes numerum, honorabo te, & multiplicabo te. Ecce amici mei, hæc videtis in me, & scitis, & sic stant ante me. Verba mea, quæ nunc dicta sunt complebuntur. Illi autem nunquam intrabunt in regnum meum, quamdiù ego sum Rex, nisi se emendauerint.

• Nullis enim dabitur Cælum, nisi humilantibus se, & poenitentibus. Tunc respondit omnis exercitus: Laus sit tibi Domine Deus, qui es sine principio, & sine fine.

NOTAE.

Sed de te, ò Iudææ.

Hic textus exponendus est iuxta ea, quæ docet Caiet. 212. q. 3. art. 2. §. Ad hoc. ubi ait, aliud esse occultare propriam fidem, aliud alienam proficere, quod non licet: occultare autem potest esse bonè, vel malè, bonè quando homo non tenetur, malè quando tenetur, unde ait §. Sebastianum aliquando fuisse Christianum occultum: ex quo infert, tunc esse illicitam huiusmodi occultationem, quando aufert honorem Deo debitum, vel utilitatē proximo impendendā. Christianus

ergo non tenetur ad suæ fidei manifestationem nisi pro loco, & tempore. Hoc ipsum egregiè exponit August. epist. 200. ad Afelicum in illud Paul. Roman. 2. Non enim qui in manifesto Iudæus est, sed qui in abscondito, &c. ubi causam affert, quare Christiani aliquando occulti appellantur, quando videlicet eorum laus non ex hominibus, sed ex Deo est, idem innuit Gloss. & Lyran. in citatum locum Pauli, qui, quòd in occulto Brigitta dixit, in abscondito Paulus scripsit, & sensus est, non qui in manifesto, & exterius Iudæus est, hic verè Iudæus, sed qui in abscondito, hoc est in intimo cordis, seu verè ex corde, nō fictè, et simulate. Idè ergò sensus est illorū verborū, Excipio eos Iudæos, qui in occulto sunt Christiani, eos nimirum, qui mihi sincera fide serviunt, & opere perfectò in occulto, vocat autem occultos Christianos Iudæos, qui sic Deo servientes, non tales carnis, sed cordis circumcissione, non littera, sed spiritu sunt. Sic August. Gloss. Lyran. loco citato: Adde ad horum confirmationem, quòd refert Bedæ in retract. ex lib. 1. recogn. Clem. & meminisse Cardin. Baron. tom. 2. anno Christi 34. Gamahielem fuisse Christianum, sed consilio Apostolorum sic occultum permansisse inter Seniores, ut ea ratione melius consulere posset Ecclesie.

3
var. lect. Tertiò, ut clauderent Cælum maledictis, & contemnentibus.

3
var. lect. M. S. Farnesianus, ut clauderent Cælum maledictis, & impoentibus.

3
var. lect. In me enim electi mei vident omnè bonum, & omnem iustitiam.

3
var. lect. Ad veram horum verborum intelligentiam, animaduertendum est, nullum intellectum creatum videntem Deum per essentiam, in eo viderè omnem iustitiam, & omnè bonum, quòd manat, vel manare potest ab ipso, & multò minus omnia, quæ ipse facit, & facere potest, ut probat D. Thom. lib. 3. contra gentes, cap. 56. & in 4. sentent. dist. 49. quæst. 2. & 1. par. quæst. 12. art. 8. quem sequuntur Divus Bonaventura, Marsil. & alij plures gravissimi viri in 4. dist. 49. Cuius rei ratio

esse potest, quandoquidem nullus creatus intellectus potest Deum comprehendere, cum quia, cum ex sacris litteris constet, nec Angelos in verbo videre omnia mysteria gratia, quanto magis verum hoc erit de ceteris beatis inferioris ordinis, scribitur enim Isaia 63. Quis est iste, qui venit de Edom tinctis vestibus? Et Psalm. 23. Quis est iste Rex gloria? Ex quibus testimonij Sancti Patres colligunt Angelos interrogasse de quibusdam mysterijs spectantibus ad Christum Dominum, et humani generis reparationem, quae ipsi ignorabant. sic D. Ambros. lib. de Institut. Virgin. cap. 5. D. Dionysius cap. 7. Celest. Hierarch. D. Hieronymus. super Isaia loco citato. Cum ergo hoc verissimum sit, dicendum est cum legimus hic, quod Sancti vident omne bonum in Deo, quod illud quilibet Beatus in verbo videat, quod ad eum perfectè Beatum constituendum sufficit, quodque eius rationabile, et iustum desiderium satiet, et hoc est diuina essentia, quae est omne bonum, in qua tamquam in speculo relucet omnia bona, cuius visio pro vniuscuiusque dignitate, ac meriti communicatur: vnusquisque tamen ad illius visionem est perfectè Beatus, ut egregie explicauit D. Gregorius Nazianz in oratione de pauperibus amandis. Vt (inquit) sunt varia viuendi rationes, ita multae sunt apud Deum sedes pro sua cuiusque dignitate distributae, et clarius idem docuit D. Prosper lib. 1. de vita contemplatiua cap. 4. his verbis. Sicut corporalis saturitas omnes saturos aqualiter habet, quamuis singuli Calum non aqualiter, sed pro possibilitate perceperint, ita omnes Sancti si fuerint aliqua graduum diuersitate distincti: vna beatitudine perfecti sunt, et vna perfectione Beati: quia de re legendi sunt D. Gregor. lib. 4. Moral. cap. 31. et Lyran. et alij explicantes illa verba Ioan. 14. In domo Patris mei mansiones multae sunt.

4 Et etiam spiritus maligni, licet non in luce, sed in conscientia sua.

Hoc loco de naturali cognitione demonum

sermo fit, quam per peccatum non amiserunt, ut tradit D. Dionys. cap. 4. de Diuinis nominibus. et per hanc, sicut homines per sua naturalia ex creaturis ad Dei cognitionem perueniunt; ita quoque demones possunt ad eandem sic peruenire: et hoc duplici via, vel per species intelligibiles, quas habent omnium effectuum creatorum, ut patet ex Paulo Roman. 1. Inuisibilia Dei per ea, quae facta sunt intellecta conspiciuntur, et c. aut etiam per essentiam propriam concurrentem ad hanc cognitionem, non solum per modum effectus representantis suam causam, sed etiam per modum similitudinis, sic probat Ferrarius lib. 2. contra gentes cap. 98. Capreol. in 2. dist. 3. quest. 2 ad primum argumentum Scoti. Caetan. super primam partem S. Thomae quest. 56. artic. 1. Verum Demones non sic dicuntur Dei essentiam videre, quoniam nulla similitudo creata potest inueniri sufficiens ad eam perfectè representandam, ut auctor est D. Thom. 1. p. quest. 12. artic. 2. et hoc est, quod legimus hoc loco, Demones videre Deum in conscientia sua, nimirum in natura sua, in qua impressa existit similitudo Dei, non vero in luce, quia non est similis visioni Beatorum, quae illis per lumen gloriae communicatur. Unde rectè D. Thom. 1. par. quest. 56. artic. 3. Comparat hanc Demonum visionem ei, quae fit per speculum, in quo rei tantummodò similitudo conspicitur non ipsamet res. T O N

5
var.
lect. Circa finem praesentis Capituli, ubi haecenus impressa exemplaria legunt. Ita ut lapides in te iacentes redeant.

Manuscriptus Codex Farnesianus habet Ita ut lapides in te iactati redeant, atque sic esse corrigendum hunc textum censeo.



VERBA EXORTATIONIS

Virginis ad sponſam, qualiter filium ſuum debeat diligere ſuper omnia, & qualiter in Virgine glorioſa omnes virtutes, & gratiæ includuntur.

CAP. XLII.



MATER loquebatur. Ego habui tria, quibus placui filio meo. Humilitatem, ut nulla creatura, nec Angelus, nec homo eſſet me hu-

milior. Secundò habui obedientiam, quia ſtudiui obedire filio meo in omnibus.

Tertiò habui præcipuam charitatem.

Ideò tripliciter honorata ſum à filio meo.

Nam primò facta ſum Angelis, & homi-

nibus honorabilior, ita ut nulla ſit vir-

tus in Deo, quæ non fulgeat in me, licet

ipſe ſit ſons, & omnium Creator. Ego au-

tem ſum creatura eius, cui gratiam ſuam

conceſſit, præ cæteris. Secundo pro obe-

dientia tantam poteſtatem obtinui, quod

nullus tam immundus peccator eſt, ſi ad

me cum emendationis propoſito conuer-

ſitur, & cum corde contrito, quòd non

habebit veniam.

Tertio pro charitate

ſic appropinquat Deus mihi, quod qui

videt Deum, videt me, & qui videt me,

deitatem, & humanitatem videre poteſt

in me quaſi in ſpeculo, & me in Deo.

Quicumque enim videt Deum videt in eo

tres perſonas. Et quicumque videt me,

videt quaſi tres perſonas. Nam deitas

concluſit me in ſe cum anima, & corpore,

& implevit me omni virtute, ut non ſit

virtus in Deo, quæ non ſplendeat in me,

quamvis ipſe Deus eſt Pater, & dator om-

nium virtutum. Sicut enim duo corpo-

ra inſimul coniuncta, quicquid vnum

recepit, hoc recipit aliud. Sic fecit mi-

hi Deus. Nam non eſt dulcedo, quæ

non eſt in me. Quemadmodum aliquis

habens nucleum, & partem alteri com-

municat. Anima, & corpus meum pu-
riora ſunt Sole, & mundiora ſpeculo.

3 Vnde ſicut in ſpeculo viderentur tres
perſonæ ſi aſtarent, ſic in puritate mea
videri poteſt, Pater, & Filius, & Spiritus
ſanctus. Ego enim habui filium in vtero
meo cum Deitate. Nunc ipſe videtur in
me cum deitate, & humanitate quaſi in
ſpeculo, quia gloriſicata ſum. Ergo
ſponſa filij mei, ſtude ſequi humilita-
tem meam, & nihil diligas niſi filium
meum.

NOTÆ.

ITa ut nulla ſit virtus in Deo, quæ non
fulgeat in me.

*Hoc loco Beatiffima Virgo aſſerit cunctas
virtutes, quæ in Deo ſunt, in ea fulgere.
quòd eſſe intelligendum arbitror, non de qua-
cunque virtute, ac perfectione abſolute,
ſed de perfectione communicabili pure crea-
tura, quæ in re, & Angelos, & homi-
nes, cæterasq. creaturas præſtitit, ut ſcri-
bitur circa medium præſentis Capituli, ibi,
Cui Deus gratiam ſuam præ cæteris conceſ-
ſit, & ideò ab Angelo his verbis merito
ſalutata eſt (Aue gratia plena) quòd ex-
ponens Divus Hieronymus, ſerm. de Aſſump-
tione, Bene plena eſt, quia cæteris per par-
tes præſtatur gratia: Maria verò ſimul
ſe tota inſudit gratiæ plenitudo: aut etiam
dicendum eſt verba præſentis Notæ intel-
ligi de Virgine pro tempore, quo Chriſtum
geſtabat in vtero, tunc enim ſicut in eo Chri-
ſtum habebat, in quo erat plenitudo divini-
tatis corporaliter, ut dixit Apoſtolus ad
Coloſſenſ. 2. Sic in Maria ſplendere pote-
rant virtutes omnes per quandam reſul-
gentiam, quæ erant ipſius Chriſti, tunc ſe-
cundum divinitatem, & humanitatem
realiter exiſtentis in ea, & hæc inter-
pretatio aperte colligi poteſt ex contextu
paulò ante medium huius Capituli (ibi) Qui
videt me, deitatem, & humanitatem
videre poteſt, & circa finem ex illis verbis
Sicut in ſpeculo viderentur tres perſonæ, ſi*

astarent, sic in puritate mea videri potest Pater, Filius, & Spiritus sanctus, ego enim habui filium meum in utero meo cum deitate.

2. Tertiò pro charitate, sic appropinquat Deus mihi, quòd qui videt Deum, videt me, & qui videt me, deitatem, & humanitatem videre potest.

Ad horum verborum intelligentiam sciendum est, quod præter catros modos, quibus Deus est in creaturis, quos hoc eodem Cap. Notà 3. attulimus, quidam alius inuenitur, qui tantummodo rationabilibus competit creaturis, quo Deus esse dicitur in illis sicut cognitum in cognoscente, & amatum in amante, & quia cognoscendo, & amando rationalis creatura operatione sua attingit ad ipsum Deum, idè secundum hunc specialem modum Deus non solum esse dicitur in creatura, sed & habitare in ea, sicut in templo. Unde Apost. hac de causa nos templum Dei appellat 1. Cor. 3. Nescitis, quia templum Dei estis, & Spiritus Dei habitat in vobis. & infra ead. epist. Templum enim Dei sanctum est, quod estis vos, his positus. Quis nò videat, cum Maria divina scientie, & charitatis donò cateros anteuerit, peculiari quadam ratione in ea singulariter habitasse Deum, ut hoc loco merito dicat, quod Deus sic ei per charitatè vicinus erat, quod qui Deum videt, eam videt, & è contra, qui Mariam videt, Deum videt: verissimum namque est, quod 1. Ioan. 4. legitur, Qui manet in charitate, in Deo manet, & Deus in eo. Aut etiam dicendum est, quod cum in Deo omnium creaturarum idèe, ac similitudines existant, singulari quodam modo, sicut inter puras creaturas Maria erat nobilissima, sic excellèntiori quodam modo in essentia diuina fulgere, & in patria Beati essentia diuinam videndo, Mariam videre, cuius visione summopere letantur, et gaudent, idè hic dicit: Qui Deum videt, me videt, cum verò sequitur: Qui videt me, videt deitatè, hoc apertissimè est, quandoquidem cum Deus ad imaginem suam, ac similitudinè creasset hominè, certè hoc etiam singulariter concessisset Virgini credendū est, per quod ipsamet Deitas, secundum hanc imaginem in Maria videri pote-

rat, quod etiam alia via patere potest, si enim verum est, quod quidam grauissimè curi affirmarunt, in iustificacione, non solum dari dona charitatis, & gratie, sed ipsamet personam Spiritus sancti secundum substantiam, cui sententia fauere videtur D. Tho. 1. p. q. 93. ar. 3. & insinuat D. Leo ser. de die Pentec. his verbis: Spiritus sanctus datur, non solum secundum virtutem, & operationem, sed etiam secundum præsentiam maiestatis, & D. Aug. tract. 74. in Ioan. & lib. 1. §. de Trin. c. 26. Quomodo (inquit) Deus nò est, qui dat Deum: idem indicat Ambros. lib. de Spiritu sancto c. 4. sequitur hanc sent. Magist. & plures ex Scholast. in 1. sent. d. 1. q. 4. & patet ex illo Rom. 5. Charitas Dei diffusa est in cordibus nostris per Spiritum sanctum, qui datus est nobis, & Paulus distinguit inter ipsum donum charitatis, & personam Spiritus sancti, quæ datur nobis: quæ sententia si vera est, ut verissimam esse censeo, etiam verum erit, quod hoc loco legimus, quòd qui Mariam videt, potest & ipsamet deitatem videre, in ea per effectus saltem, qui manabant à Virgini virtute deitatis latentis in ea, aut etiam hoc vera sunt de Virgine habente in utero Christum, in quo erant diuinitas, & humanitas hypostatice unita.

3. Undè sicut in speculo viderentur tres personæ si altaret, sic in puritate mea videri potest Pater Filius & Spiritus sanctus.

Hic textus ansam præbet, ut queramus, an in Christi Dominus humanitate, & in utero Beatiss. Virginis peculiari aliqua ratione fuerit tota Trinitas, & quidem Primò certum est, ibi tres personas adfuisse secundum communè modum, quo dicere solemus, Deum esse ubique per essentiam, præsentiam, & potentiam. Secundo etiam dicendum est, Trinitatem fuisse in Christi humanitate, ac etiam in utero Virginis per idèitatem, ac circumfessionè, quòd probari potest ex illo ad Colos. 2. ubi Paulus Apost. affirmat in Christo habitasse plenitudinem diuinitatis corporaliter: Tertiò quoque possumus asserere utrobique fuisse Trinitatem iuxta triplicem modum allatum à Diuo Thom. 1. par. quest. 42. art. 3. & 4. ubi docet unam personam esse in alia ratione essen.

essentie, relationis, & originis. Postremo etiam dici potest ratione immanentie, secundum quem modum Ioann. 10. 12. & 14. legimus, vnam personam diuinam esse in alia, idem annotarunt plures ex sanctis Patribus D. Dionys. 2. de Diuinis nominib. D. Basil. hom. 24. Cyrill. lib. 3. Theauri cap. 1. Hylar. lib. 3. & 7. de Trinit. Magist. sent. in 1. dist. 19. August. de fide ad Petrum. cap. 1. atque in hunc sensum interpretanda sunt verba presentis Note, cum dicitur, quod in Maria videri poterat Pater, Filius, & Spiritus sanctus, qua de re etiam egimus Lib. 2. Reuelat. Cap. 13. Nota 1. si quis autem querat, an ratione incarnationis dicenda sint omnes tres exiisse in vtero Virginis, respondendum est, quod si sumatur incarnatio, prout dicitur precise rationem terminandi, ac sustentandi naturam humanam, tunc in vtero Virginis secundum tantummodum fuisse personam, Verbum enim solus carnem assumpsit, & humanam naturam sustentauit, ac terminauit, secus vero dicendum est, si sumatur incarnatio, vt dicitur actum assumptis, qui actus procedens ex diuina virtute communis est tribus personis, & tres persone fecerunt, vt humana natura vniatur secundum personam diuinam, quod etiam explicauimus supra hoc eodem Lib. Cap. 38. Nota 1.

VERBA FILII AD SPONSAM,
qualiter ex modico bono, homo
ascendit ad perfectum bonum,
& ex modico malo descendit
ad summum supplicium.

CAP. XLIII.

RILIVS Dei loquebatur. Ex modico bono oritur quandoque magna merces. Dactilus mirifici odoris est, & in fructu eius lapis. Si ponitur in pingui terra pinguescit, & fructificat, & crescit in magna arborem.

Si autem ponitur in arida terra arescit. Arida est nimis terra illa à bono, quæ delectatur in peccato. In qua si semen virtutum seritur, non pinguescit. Pinguis autem est terra mentis illius, qui cognoscit peccatum, & gemit se peccasse. In qua si ponitur lapis dactili, idest seritur leueritas iudicii mei, & potentia mea, radicatur tribus in mente radicibus. Primo cogitat se nihil posse facere sine auxilio meo, ideo aperit os suum ad rogandum me. Secundo incipit etiam modicam dare elemosynā pro nomine meo. Tercio exoccupat se à negocijs suis ad seruendum mihi. Deinde incipit abstinere in ieiunio, & in abdicatione voluntatis propriae, & hoc est corpus arboris. Postea crescunt charitatis rami, quando trahit omnes, quos potest ad bonum. Deinde crescit fructus, quando etiam alios docet in quantum scit, & tota deuotione intendit, quomodo honorem meum possit ampliare. Talis fructus mihi summè placet. Sic igitur ex modico ascendit ad perfectum. Quando primo radicatur per modicam deuotionem, crescit corpus per abstinentiam. Multiplicantur rami per charitatem. Pinguescit fructus per prædicationem. Simili modo per modicum malum descendit homo ad summam maledictionem, & summum supplicium. Nunquid scis, quid est onus grauissimum de his, quæ crescunt? Certè hoc est infans, qui venit ad partum, & non potest nasci, sed intra viscera matris moritur, & ex hoc etiam mater rumpitur, & moritur, quam pater cum filio defert ad sepulchrum, & cum putredine sepelit. Sic diabolus facit animam. Anima quippe vitiosa est, quasi vxor Diaboli, cuius in omnibus sequitur voluntatem, quæ tunc concipit ex Diabolo, quando peccatum placet ei, & gaudet in eo. Sicut enim mater ex modico semine, quod non est nisi putredo concipit, & fructificat, sic, & anima cum delectatur in peccato, facit magnum fructum Diabolo. Inde

for-

formantur membra, & robur corporis, quando peccatum super peccatum additur, & quotidie augmentatur. Augmentatis itaque peccatis, mater intumescit, volens parere, sed non valet. Quia consumpta natura in peccato, tadio habetur vita, & libenter veller plus peccare, sed non potest, nec permittitur à Domino. Tunc adest timor, quod non potest voluntatem suam perficere, abest fortitudo, & lætitia. Undique est dolor, & sollicitudo. Tunc rumpitur venter, quando desperat se posse facere bona. Tunc quoque moritur, quando blasphematur iudicium Dei, & reprehenditur, & sic ducitur à Diabolo patre ad sepulchrum inferni, ubi cum puerdine peccati, & filio delectationis prauæ, sepelitur sine fine. Etce quomodo ex modico augetur peccatum, & crescit ad damnationem.

N O T A E .

Tertio exoccupat se in negotijs, sic habent impressa exemplaria. *M. S. Eanesianus legit. Tertio exoccupat se à negotijs secularibus.*

Deinde dicit abstinere in ieiunio. Codex M. S. rectius habet, deinde incipit abstinere à villu, hoc est à cibo, & potu.

VERBA CREATORIS AD SPONSAM

qualiter nunc despicitur, & vituperatur ab hominibus, non attendentibus, quid fecerit ex charitate, monendo in Prophetis, & etiam patiendo pro ipsis, nec curantibus de eius ira, quam contra obstinatos exercuit crudeliter corrigendo.

C A P . XLIV.



EGO sum Creator omnium, & Dominus. Ego feci mundum, & mundus spreuit me. Ego audio de mundo vocem quasi

apis maioris, qui in terra congregat mel. Nam sicut apis maior cum volat, statim ad terram se iterum deprimit, & nimis raucam vocem emittit, sic in mundo nunc audio vocem illam raucam diacentem. Non curo quid sequitur post hæc. Omnes quippe iam clamant, non curo. Verè homo non attendit, nec curat, quid feci ex charitate, monendo in Prophetis, prædicando per meipsum, patiendo pro ipsis. Non curat quid feci in ira mea, corripiendo malos, & inobedientes. Vident se mortales, & incertos de morte, & non curant. Audiunt, & vident iusticiam meam, quam exercui propter peccata in Pharaone, & Sodomitis, quam feci in Regibus, & alijs Principibus, quam permitto, quotidie fieri in gladio, & alijs tribulationibus, & hæc sunt eis quasi exca omnia. Ideo sicut apes maiores volant ad quodcumque volunt, volant quippe quandoque quasi saltando, quia superbia sua se eleuant, sed deprimentur citius, quando ad luxuriam, & gulam suam reuertuntur. Congregant etiam dulcedinem, sed sibi ipsis, & in terra, quia homo laborat, & congregat ad utilitatem corporis, non animæ, & ad honorem terrenum non æternum. Vertunt sibi temporale in pœnam illud, quod ad nihilum est vile in supplicium sempiternum. Ideo propter preces matris meæ, mittam apibus istis, à quibus exempti sunt amici mei, qui non sunt in mundo, nisi corpore, vocem meam claram, quæ prædicabit misericordiam, quam si audierint, saluabuntur.



RESPONSIO MATRIS ANGELO-
rum, Prophetarum, Apostolorum, &
Dæmoniorum ad Deum, præfente
sponsa, testificando eius magnificen-
tiam in creatione, & incarnatione, &
redemptione, & qualiter nunc homi-
nes omnibus istis contradicunt, & de
seuero eorum iudicio.

C A P. XLV.

MATER Dei loquebatur.
Vesti te sponsa filij mei, &
sta stabilis, quia appropin-
quat tibi filius meus. Ca-
ro eius fuit præssa quasi in
torculari: Sicut enim in omnibus mem-
bris homo deliquit, sic ipse filius meus in
omnibus satisfecit. Crines filij mei erant
extensi, nervi distencti. Iuncturae extra-
ctæ de compagibus, ossa laniata, manus,
& pedes confixæ, & mens turbabatur, cor
dolor affliciebatur. Intestina ad dorsum
contrahebantur, quia in omnibus mem-
bris peccauit homo. Deindè loquebatur
filius astante cælesti exercitu, & ait.
Licet omnia scitis in me, tamen propter
istam sponfam meam, quæ adstat loquor.
Quæro à vobis, Angeli, dicite mihi, quid
est hoc, quod fuit sine principio, & sine
fine? Et quid est hoc, quod omnia crea-
uit, & à nullo creatum est? Dicite, &
perhibete testimonium. Responderunt
Angeli, quasi vna voce dicentes. Domi-
ne tu es ille. Perhibemus enim tibi te-
stimonium de tribus. Primò, quòd tu
es Creator noster, & omnium, quæ sunt
in Cælo, & in terrâ. Secundò, quòd tu
es sine principio, & eris sine fine, domi-
natio tua, & potestas tua in æternum.
Sine te enim nihil factum est, & sine te
nihil fieri potest. 2 Tertiò testificamur,
quòd omnem iustitiam, & omnia, quæ
facta sunt, & futura sunt videmus in te,
& omnia sunt in tua præsentia sine prin-

cipio, & sine fine. Deindè dixit ad Pro-
phetas, & Patriarchas. Quæro à vobis.
Quis adduxit vos de seruitute in liberta-
tem? Quis diuisit coram vobis aquam?
Quis dedit vobis legem? Quis dedit vō-
bis Prophetis spiritum loquendi? Re-
sponderunt ei. Tu Domine. Tu edu-
xisti nos de seruitute. Tu dedisti legem.
Tu suscitasti spiritum nostrum ad loquē-
dum. Deindè ait ad Matrem. Dic te-
stimonium veritatis, quod scis de me.
Respondit illa. Antequam Angelus mis-
sus à te venires ad me, fui sola cum cor-
pore, & anima. Dicto autem verbo An-
geli, corpus tuum fuit in me cum deita-
te, & humanitate, & sensu in meo cor-
pore corpus tuum. Ego portauì te sine
dolor, peperì sine angustia. Ego inuolu-
uì te pannis, pavi te lacte meo, ego fui
tecum à natiuitate vsquè ad mortem.
Deindè ad Apostolos ait dicens. Dicit
te quis est ille, quem vidistis, audi-
stis, & sensistis? Responderunt illi. Nos
audiuimus verba tua, & scripsimus ea;
nos audiuius magnalia tua cum dedisti
nouam legem. Cum verbo præcepisti
Dæmonibus, & exierunt. Cum verbo
suscitasti mortuos, & sanasti infirmos.
Nos vidimus te in humano corpore.
Nos vidimus magnalia tua in diuina glo-
ria in humanitate. Nos vidimus te tra-
ditum inimicis, & pendere in ligno. Nos
vidimus in te passionem amarissimam,
& in sepulchro positum. Nos sensimus
te cum resurrexisti. 3 Attrectauimus
crines tuos, & faciem tuam. Attrecta-
uimus loca vulnerum tuorum, & mem-
bra tua. Tu comedisti nobiscum, & da-
bas eloquia tuâ. Tu verè es filius Dei, &
filius Virginis. Sensimus etiam cum ascē-
disti ad dexteram Patris cum humanita-
te, ubi es sine fine. Deindè dixit Deus ad
spiritus immundos, licet in conscientia
vestra celetis veritatem, præcipio tamen
vobis dicere, quis minuit potestatem ves-
tram? Responderunt ei. Sicut fures, nisi
duro ligno grauentur pedes eorum, non
dicunt

3
var.
lect.

dicunt veritatem, sic nec nos nisi coacti diuina, & terribili potentia tua, non diceremus veritatem.

4 Tu es, qui ad infernum cum fortitudine tua descendisti.

Tu minuisti potestatem nostram in mundo.

5 Tu ius tuum de inferno suscepisti.

Tunc ait Dominus. Ecce omnes, qui habent spiritum, & non vestiuntur corpore,

perhibent mihi testimonium veritatis, qui autem habent spiritum, & corpus,

scilicet homines contradicunt mihi.

Quidam autem sciunt, sed non curant.

Alij nesciunt, ideo non curant, sed dicunt omnia esse falsa.

Iterum ait ad Angelos: Ipsi dicunt testimonium vestrum esse falsum, quod non sum Creator, nec omnia sciuntur in me.

Ideo diligunt magis creaturam, quam me.

Ad Prophetas autem ait. Vobis contradicunt, dicentes legem esse vanitatem.

Fortitudine vestra vos esse liberatos, & solertia Spiritum fuisse falsum, & vos propria

voluntate locutos esse.

Ad Matrem autem ait. Aliqui dicunt te non esse Virginem.

Alij me non sumpsisse corpus dicit.

Alij sciunt, sed non curant.

Ad Apostolos autem ait. Vobis contradicunt, quia dicunt vos esse mendaces, legem nouam ad nihil valem, & sine ratione.

Alij sunt, qui credunt esse verum, sed non curant.

Nunc igitur quero à vobis: Quis erit iudex istorum.

Responderunt ei omnes. Tu Deus, qui es sine principio, & sine fine.

Tu Iesu Christe, qui es cum Patre, tibi datū est iudicium à Patre, tu es iudex istorum.

Respondit Dñs. Ego qui conquerebar super eos, nunc sum iudex eorum,

sed licet omnia possim, & nouerim, tamen vos date iudicium vestrum super eos.

Responderunt ei. Sicut totus mundus in principio mundi aquis diluuij perijt, sic nūc dignus est mundus igne perire, quia abundat nunc magis iniquitas, & iniustitia, quàm tunc.

Respondit Dominus. Quia sum iustus, & misericors, nec iudicium facio sine misericordia, nec misericordiam sine iustitia.

Ideo adhuc se-

mel propter preces Matris meae, & Sanctorum meorum mittam mundo misericordiam meam. Si autem noluerint audire, tanto seuerior sequetur iustitia.

N O T A E.

1 Mens turbatur, cor dolore afficietur.

Redemptor noster Christus, ut suscepta carnis cruciatum probaret, quosdam corporis defectus assumpsit, ut famem, sitim, & si qua sunt huiusmodi, vique etiam veram assumpsisse animam ostendit, eiusdem quoque passionis, & affectiones suscipit, ut tristitiam, timorem, dolorem, eas tamen, quae imperfectionem aliquam importabant, sicut ignorantia, & alia huiusmodi nullatenus decebat eum habere, quandoquidem ipse Deus erat, & homo perfectissimus, & ad perfectionis scholam aperiendam, & legis Evangelice doctrina populos imbucendos venerat.

Cum autem scribitur hic, quod eius mens turbabatur, & cor dolore afficiebatur, non est intelligendum de timore, vel tristitia, quibus ratio à Dei contemplatione, ac rectitudine moueretur, nam potentia eius sic perfectie rationi suberant, ut nec tantillum quidem à recto ductamine, flectere possent.

Dicendum ergo nobis est, quod cum hoc loco legimus, mentem eius turbatam esse, intelligendum quantum ad humane rationis affectum, vel inferiorem portionem, quia & morem timebat, & mori fugebat, secundum illud Lucæ 22. & Matthæ 26. Pater si possibile est transseat à me calix iste. Affectu tamē rationis superioris conformabatur diuina voluntati, & pati, & mori volebat, ideo dicebat, Non mea, sed tua voluntas fiat.

Et in eodem sensu interpretanda sunt ea verba Psal. 6. Anima mea turbata est, si de Christo intelligantur, ibi enim anima sumitur pro parte sensitiua, cui passionibus insunt, sed hac de re vide plura hoc eod.

Lib. Cap. 39. Nota 3.

2 Testificamur, quod omnem iustitiā, & omnia, quae facta sūt, & futura sunt, videmus in te, & omnia sunt in tua presentia.

Expli.

Explicauimus supra hoc eodē Lib. cap. 41. Nota secunda, quæ nam Beati in Patria in uerbo uideant, nunc autem quia scribitur hic, quod omnia Deo presentia sunt, expediret, ut traderemus modum, quo id intelligendum sit, sed quoniam hoc Scholasticorum Doctorum negotium est, sat erit in presentia nosse, creaturas omnes Deo esse presentes, uel secundum modum essendi, quem habent in essentia diuina, in qua sunt eminenter, & virtualiter, aut etiam secundum realem existentiam, & illud esse, quod habent extra suas causas, si productæ sunt, uel habituræ, si producentur, sicque cognoscit à Deo, quantum ad eorum realem existentiam, quia sic coexistunt eternitati, sic docet Diuus Thomas 1. part. quæst. 14. art. 13. & hoc colligitur ex Diuo Augustino super illud Psalm. 49. Pulchritudo agri mecum est. & serm. 111. de uerbis Apostoli, & lib. 11. de Ciuitate cap. 21. & saure uidentur Boetius 5. de Trinitate prosa vltima, & Magister in primo distinct. 35. sequuntur hanc sententiam Diui Thomæ, Ferrariensis primo contra gentes cap. 67. Capreolus in primo distinct. 38. quæst. unica, artic. 2. Cardinalis Caccanus super Sanctum Thomam loco citato, ceterum hæc manifestiora sunt, sciendum est, res creatas dupliciter considerari posse, primo modo secundum esse virtuale suæ causæ, secundum quod dicuntur in sua causa præexistere, à qua pendent tamquam à suo principio productiuo, & conseruatiuo, secundum quem sensum Diuus Dionysius de Diuinis nominibus cap. quinto, affirmat Deum in una existentia omnia præbere, & Diuus Anselmus in Monolog. cap. 36. dicit, quod res uerius sunt in Deo, quam in seipsis, cuius dicti ratio esse potest, quia potentia productiua, & conseruatiua in illo non distinguitur ab essentia eius: esse autem diuinum uerius est, & perfectius, quam esse creatum, & ideo creatura uerius sunt in Deo, quam in proprijs naturis, si uero ille considerentur formaliter, & secundum naturam propriam sui generis, sic esse in Deo dicuntur, quia

in eius scientia sunt, & potentia, sit enim Deus eas, & producit, & producta potest destruere, non uero dicuntur esse propriæ in essentia sic, quia creatura secundum genus suum considerata, non est idem, quod diuina essentia, quod declarans Diuus Augustinus lib. septimo confessionum cap. 11. Creatura (inquit) sunt, & non sunt, sunt quia à Deo sunt, non sunt, quia quod ipse est, non sunt, id enim uerè est, quod incommutabiliter manet.

3. Attrectauimus crines tuos.

var. lect. Rectius M. S. Farnesianus. Attrectauimus carnes tuas, & congruit cum ea sententia, 1. Ioan. 1. Quæ uidimus, & manus nostræ contrectauerunt de uerbo uita,

4. Tu es qui ad infernum cum fortitudine tua descendisti.

Si de Christi Domini descensu ad inferos tractemus, dicendum est, Animam eius ad infernum damnatorum non descendisse, nisi per aliquem effectum, in quantum ibi existentes de eorum delictis, ac infidelitate redarguit, & confutauit, sic enim docet Diuus Damascenus lib. 3. de fide cap. 29. Quod (inquit) sicut his, qui in terra sunt euangelizauit, ita & his, qui in inferno, non quidem ut incredulos ad fidem conuerteret, sed ut eorum infidelitatem confutaret, idem docuit D. Thomas, & Caccanus 3. part. quæst. 52. artic. 2. per essentiam, uero secundum animam Saluator noster descendit ad locum inferni, in quo iusti detinebantur, sic tradunt D. Thomas loco citato, & in tertio sentent. distinct. 22. & ibidem Diuus Bonauent. Richardus, Gabriel, Palud. & Marsilius quæst. 13. rationem autem tradit D. Thomas ubi supra, cum dicit, ut eos secundum animam uisitaret, quos secundum diuinitatem per gratiam uisitabat. Ceterum non desuerunt, qui opinati sunt, etiam Christum secundum animam descendisse ad infernum damnatorum, sic Cardinalis Bellarminus lib. 4. de Anima Christi cap. 16. probabilior tamen sententia est, non descendisse ibi, nisi secundum effectum, ut egregie annotauit Franciscus Suarez super tertiam partem

S. Thoma quest. 32. disp. 43. sect. 4. ubi respondens Arg. Cardin. Bellarmini asserit hanc opinionem communiter ab omnibus esse receptam, & probatur ex eo, quod Christus nullam occasione habebat descendendi sic ad infernum danatorum, descendit enim ad limbus, qui dicebatur infernus, tum ut Patres liberaret, qui morabantur in limbo, tum propter se, supposito diuine providentiae ordine, Anima namq. Christi à corpore separata alicubi erat futura, & nullus erat aprior locus limbo, in quo moraretur, qui depuratus fuerat pro sanctis animabus usque ad consummationem hominum redemptionem, & Christi Resurrectionem, debuit ergo illa anima ibi collocari, donec iterum corpori uniretur.

Tu ius tuum de inferno suscepisti.

Sermo fit hoc loco de liberatione Patrum ex limbo, ubi detinebantur captivi propter originale peccatum; per quod eis ad caelestem gloriam aditus non patebat; ibique descendens Dominus, cum passione sua pro illis de rigore iustitiae satisfecisset, eos liberavit, secumq. ad caelum traxit, quod quia sibi de iure ex rigore sae satisfactioe comperebat, ideo in presenti Capite ius suum de inferno suscepisse dicitur, immo momordisse etiam infernum. Osee 13. Mors tua, morsus tuus ero inferna, & Paulus ad Coloss. 2. affirmat, Christum expoliasse Principatus, & potestates infernales, extrahendo iustos ex inferno, eosque ad suam gloriam secum deducendo. Quod egregie, explicavit Divus Chrysostomus serm. 3. de Christi Domini Ascensione nuper à Gerardo Vossio in lucem edito, notisque illustrato, qui sermo habetur inter opera D. Gregorij Thaumaturgi in Miscellaneis sic enim habet non longe ab initio. Nam incorrupto resurgenti, & glorioso corpore, hostis vires fregit, & eius machinis contritis, telis dissipatis, vinculis disruptis, dolorum, ac perturbationum iugo proiecto, ad Platonis Regiam descendit, eius thronum diruissit, Diadema distraxit, sceptrum perdidit, cum, qui tenebatur exsoluit, Tyrannum pessumdedit, vocem emisit dicens, Venite omnes patrie gentium, ad Deum Patrem, Venite, & pro servitute libertatem re-

portate, vos è servitute in libertatem adduco, ex tenebris ad lucem, de morte ad vitam, ex tyrannide ad Regiam, vita vobis letum nuntium fero; ego sum Christus, itaque ne amplius timeveritis Tyrannum, sed metum, ac mortem, famem, atque pressuram vinculorum gladij, & angustiae despiciate, haec enim tyrannus pertimescit exercitus, qui profligatus est, solus autem omnium ego Rex sum victor, qui & in carne pro vobis passus sum. haec Chrysostomus, cui adstipulantur etiam Gloss. ordinaria, Lyranus, & Carthusianus super citatum locum ad Ephes. 2. quo loco idem adiutarunt.

VERBA LAUDIS MATRIS, ET FILII

præsentis sponsa adiuvicem, & qualiter nunc Christus ab hominibus in inhonestus; turpissimus; & vilissimus reputatur, & dicitur de æterna damnatione.

C A P. XLVI



MARIA loquebatur ad filium suum dicens. Benedictus sis tu, qui es sine principio, & sine fine. Tu habuisti corpus honestissimum, & decentissimum. Tu fuisti vir strenuissimus, & virtuosissimus. Tu fuisti dignissima creatura. Respondit filius. Verba tua, quae procedunt de ore tuo sunt mihi suavia, & delectant intima cordis, tanquam potus suavissimus. Tu es mihi præ omni creatura suavissima. Sicut enim in speculo diuersæ facies considerantur, sed nulla magis placet, quam propria. Sic ego licet sanctos meos diligam, te tamen præcipua dilectione diligo, quia de carne tua generatus sum. Tu es quasi mirra electa, cuius odor ascendit ad Deitatem, & deduxit eam in corpus tuum.

I
var.
lect.

tuum. Hic idem odor traxit corpus tuum, & animam in Deitatem, ubi nunc es cum corpore, & anima. Benedicta sis tu, quia ex pulchritudine tua gaudent Angeli. Ex virtute tua omnes, qui inuocant te sincero corde liberantur.

2 In luce tua omnes Dæmōnes contemiscunt, nec audent ad tuum fulgorem subsistere, quia semper volunt esse in tenebris. Tu dedisti mihi triplicem laudē, quia dixisti me habere honestissimum corpus. Secundō esse virum strenuissimum. Tertiō dixisti me esse dignissimum creaturarum. Sed his tribus contradicunt illi solummodō, qui habent corpus, & animam. Dicunt enim me habere corpus inhonestum, virum esse abiectissimum, creaturam vilissimam. Quid enim est inhonestius, quā alios prouocare ad peccatum? Sic dicit corpus meum trahere ad peccatum. Dicunt quippē peccatum non esse sic deforme, ut dicitur, nec tantum displicere Deo. Non enim inquit esse aliquid, nisi Deus veller, nec aliquid est sine ipso creatum. Quare ergo non debemus uti his, quæ facta sunt ad utilitatem nostram? Fragilitas naturæ hoc exigit, & sic omnes ante nos vixerunt, & viuunt. Sic nunc loquuntur mihi homines. Humanitatem autem meam, in qua verus Deus inter homines apparuit, quā dissuasi peccatum, & ostendi quā graue est. Dicunt inhonestatem quasi suaserim inutilitatem, & inhonestatem. Nihil quippē dicunt honestum, nisi peccatum, & quod placet voluntati eorum. Dicunt etiam me esse virum turpissimum. Quid enim est illo turpius? qui cum loquitur veritatem, os eius contumditur, lapidibus in facie ceditur, insuper & audit opprobrium dicentium, si esset virilis vindicaret se. Sic faciunt mihi. Ego loquor eis per Doctores, & sanctam Scripturam, sed dicunt, quod loquor mendacium. Conrundunt os meum lapidibus, & pugno,

quādo faciunt adulterium, homicidium, & mendacium, & dicunt. Si esset virilis, si esset Deus potentissimus, vindicaret transgressionem talem. Ego autem suffero per patientiam meam, & audio quotidie eos dicentes. Quia pena non est æterna, nec amara, sicut dicitur, & iudicant verba mea mendacium esse. Tertiō iudicant me vilissimam creaturam. Quid enim abiectius in domo est, quā canis, & murilegus, pro quibus, qui commutare vellet libenter reciperent equum. Sed homo habet me deteriore cane, ad hoc enim ut careret cane, nollet me recipere, & antequā careret pelle, potius me abijceret, & abiureret. Quæ autem res tam modica menti alludens, si non feruentius, quā ego, cogitatur, & concupiscitur? Si enim me plus quā aliam creaturam æstimarent, plus me diligerent, quā alia. Ipsi nihil habent tam modicum, quod non diligant præter de me. De omnibus dolent præter de me. Dolent damna propria, & amicorum. Dolent læsionem vnius verbi. Dolent quod offendent alios homines se excellentiores, sed non dolent, quod offendunt me omnium Creatorem. Quis homo est tam abiectus, quia si peteret non audiretur, si daret, non retribueretur ei aliquid? Ego autem sum abiectissimus, & vilissimus in conspectu eorum, quia mei nullius boni reputant dignum, qui omnia bona dedi eis. Ergo Mater mea, quia tu plus de sapientia mea gustasti, & nunquam de ore tuo nisi veritas processit, sic de ore meo nunquam nisi veritas procedit. Ego excusabo me in conspectu omnium Sanctorum corā primo, qui dixit me corpus habere indecentissimum, & probabo me habere veraciter corpus honestissimum sine deformitate, & peccato, & ipse veniet in opprobrium sempiternum, quod omnes videbunt. Ille autem qui dicebat mea verba mendacium, & nescire, virum

Deus sum an non. Probabo me esse veraciter Deum, & ipse quasi lutu defluet in infernum. Tertius autem, qui iudicauit me viliſſimum, ego iudicabo eum ad aeternam damnationem, vt nunquam videat gloriam meam, & gaudium meum. Deinde ait ad ſponſam. Sta firmiter in ſeruitio meo, tu veniſti quaſi in quendam murum, in quo clauiſa non poteris fugere, nec fodere fundamentum. Suffer ergo voluntarie modicam tribulationem, & ſenties aeternam requiem in brachio meo. Tu noſti voluntatem Patris. Tu audis verba filij, & ſentis ſpiritu meum. Tu habes conſolationem, & delectationem in allocutione Matris meae, & Sanctorum meorum. Ergo ſta firmiter, alioquin ſenties iuſtitiam meam, per quam cogeris facere, quae nunc de te moneo beneuolē.

NOTAE.

var.
lect.

Tu fuiſti digniſſima creatura. *Beatiſſima Virgo* verba faciens cum Chriſto, eumque ſummis laudibus extollens, digniſſimam creaturam; hoc loco illum appellat, quae loquendi formula, quamquam ex ſanctis Patribus plures reſe ſunt ratione humana natura, ut Leo Pont. ſerm. 3. de Natali, Paſſione, & Pentecoſt. Cyrillus lib. 10. in Ioan. cap. 15. Damasc. lib. 3. de fide cap. 4. Hilar. ſib. 12. de Trinit. D. Auguſt. de fide, & ſymbolo cap. 4. D. Thomas etiam videtur concedere 3. part. q. 16. art. 10. tamen ob Arrianorum periculum cauendum eſt nobis, ne hac propoſitione abſolute tractamur, quam ob cauſam eam reiſciunt Magiſter ſent. in 3. d. 11. & D. Thom. ibidem. D. Bonauent. Richardus, & alij plures. Videtur tamen dicendum, quod ſi nomine creaturae intelligamur, non id quod habet, eſſe ſimpliciter per creationem; ſed id quod per aliquam actionem conſtituitur in genere creato, admitti poſſe, quandoquidem ratione humana natura per unionem hypotaſticam, Deus factus eſt homo, &

in hunc ſenſum interpretanda ſunt verba praſentis Notae, aut etiam legendum cum M. S. Farnesiano (Tu es digniſſimus Creaturarum) prout etiam hoc eodem Capite paulo ante medium legitur, & comparatio ſit non inter creaturam, & creaturam ſimpliciter, ſed inter Creatorem, & creaturam, & dicitur, quod digniſſimus ſit omnium creaturarum, quoniam in eo ſunt omnes perfectiones, ac dignitates unite, quae ſparſim reperiuntur in creaturis.

In luce tua omnes Demones contremiſcunt, nec audent ad tuum fulgorem ſubſiſtere. Velui ſi magnam cere copiam etiam exiguus igni quis ponat, ſtatim cera liqueſcit, & in diuerſas effunditur partes, ita quoque Demones audito Mariae nomine contremiſcunt, ac fugiunt, non ſic (inquit Bernard. ſerm. de Natiuit.) timent hoſtes viſibiles quamlibet caſtrorum multitudinem, ſicut ille Aerea poteſtates Mariae vocabulum, patrocinium, & exemplum: hoc autem loco dicitur in luce Maria timere, quia cum teneret ſint oderunt lucem, & habet praſentim, quae lucem mundo peperit, de qua ortus eſt Sol, cuius ſplendore vniuerſa illuſtrata ſunt, idem annouimus Lib. 4. Reuelat. Cap. 1. Nota ſecunda, ubi oſtendimus Beatiſſimam Virginem peculiari privilegio ſuper Demones obtinuſſe poteſtatem.

VERBA DOMINI AD SPONSAM
in de legis nouae abiectione, & qualiter nunc ipſa Lex reprobat, & contrahitur a mundo, & quomodo mali Sacerdotes non ſunt Dei Sacerdotes, ſed Dei proditores, & de maledictione aeternae, & damnatione.

CAP. XLVII.

EGO ſum Deus ille, qui olim dicebatur Deus Abram, & Deus Iſaac, & Deus Iacob. Ego ſum Deus, qui dedi legem Moysi.

Hac

Hæc erat quasi vestis. Sicut enim Mater, quæ habet infantem in ventre, præparat vestes pueri, sic Deus præparauit legem, quæ non erat nisi vestis, & umbra, & signa futurorum faciendorum. Ego autem vestiui me, & inuolui me istis vestibus legis. Deinde sicut crescente puero mutatur habitus antiquus, & assumitur nouus, sic ego completa, & deposita veste antiquæ legis, assumpsi nouam vestem, id est nouam legem, & dedi omnibus, qui voluerunt habere vestes mecum. Vestis autem ista non est stricta, vel difficilis, sed vbique moderata. Non enim præcepi nimis ieiunare, vel laborare, vel se occidere, vel aliquid ultra possibilitatem facere, sed proficua est ad animam, & corpus moderandum, & castigandum apta. Corpus enim cum nimium peccato adhæret, ipsum peccatum corpus consumit. In lege ergo noua duo inueniuntur. Primò, discreta temperantia, & rectus vsus omnium rerum animæ, & corporis. Secundò facilitas seruandi legem, quia, qui non potest stare in vno, potest in alio. Ibi inuenitur, quod qui non potest esse Virgo, licet potest esse in coniugio. Qui cadit, potest resurgere. Sed ista lex nunc reprobatur, & contemnitur à mundo. Dicunt enim legem ipsam strictam esse, grauem, & deformem: Strictam dicunt eam, quia lex præcipit contentari de necessarijs, & fugere superflua, ipsi autem volunt habere omnia extra rationem, quasi iumenta super vires corporis, ideo stricta est eis. Dicunt eam secundò esse grauem, quia lex dicit, voluptatem cum ratione habere, & temporibus constitutis. Sed ipsi volunt suam voluptatem perficere plusquam expedit, & plusquam constitutum est. Tertiò dicunt eam esse deformem quia lex iubet diligere humilitatem, & Deo omne bonum ascribere. Ipsi autem volunt de bonis à Deo datis superbire, & se extollere, ideo est eis deformis. Ecce sic contempta est

vestis mea. Ego omnia prius compleui, & incepui noua, quia antiqua nimis erant difficilia, vt durarent vsquequò venirem ad iudicium. ² Sed vilitèr proiecerunt vestem qua tegitur anima, id est fidem rectam. ^{var. lect.} Insuper & peccatum peccato addunt, quia me volunt etiam prodere. Nunquid Dauid dicit in Psalmo. Qui edebant panem meum, cogitauit aduersum me prodicionem? In illis verbis volo te duo notare. Primò non dicit, quia cogitat, sed cogitauit, quasi iam præteritum est. Secundò quòd notat tibi non nisi vnum hominem, qui prodidit. Ego autem dico, quòd ipsi sunt proditores mei, qui sunt in presenti, non qui fuerant, vel futuri sunt, sed qui iam viuunt. Ego etiam dico, quòd non solum vnus homo, sed quia multi sunt. Sed tu forte potes querere à me. Nonne duo sunt panes, vnus inuisibilis, & spiritualis, quo viuunt Angeli, & Sancti. Secundus de terra, quo vescuntur homines? Sed Angeli, & Sancti nihil aliud volunt, nisi iuxta tuam voluntatem, & homines nihil aliud possunt, nisi sicut tibi placuerit. Quomodo ergo possunt te prodere? Respondeo tibi, audiente cælesti exercitu meo, qui omnia sciunt, & vident in me, sed propter te, vt scias. Verè duplex est panis, vnus Angelorum, qui comedunt panem meum in regno meo, vt facientur ineffabili gloria mea. Ipsi enim non produunt me, quia nihil aliud volunt, nisi sicut ego. Sed illi me produunt, qui comedunt panem meum in altari. Ego verè sum ille panis. In pane illo videntur tria: Figura, sapor, & rotunditas. Ego namque sicut panis habeo in me tria, saporem, figuram, & rotunditatem. Saporem, quia sicut sine pane omnis cibus est quasi insipidus, & quasi nullius confortationis, sic sine me omne quodcunque est, est insipidum, & omne infirmum, & vanum. Ego habeo etiam figuram panis, quia de terra sum. Ego enim sum de Matre Virgine, Mater de Adâ, Adam

de terra. Habeo etiam rotunditatem, ubi non inuenitur finis, nec principium, quia ego sum sine principio, & sine fine. Nullus potest considerare, vel inuenire, finem, vel principium in sapientia mea, potentia, vel charitate. Ego sum intra omnia, super omnia, & extra omnia, etiam si aliquis volaret quasi sagitta, sine cessatione in perpetuum, numquam inueniret finem, vel profundum, in potentia, & virtute mea. Propter ista ergo tria, scilicet saporem, figuram, & rotunditatem, ego sum panis ille, qui in altari panis videtur, & sentitur, sed in corpus meum, quod crucifixum est, couertitur.

3 Sicut enim aliquid aridum, & cito arsurum, si igni apponeretur, cito consumitur, & nihil remanet de figura lignorum, sed totum est ignis; sic dictis verbis illis, scilicet: Hoc est corpus meum, quod prius fuit panis, fit statim corpus meum, nec incenditur sicut ligna igne, sed deitate mea. Ideo, qui comedunt panem meum, produunt me. Quae autem poterit esse abominabilior interfectio, quam illa, ubi aliquis interficit seipsum? Aut quae deterior proditio, quam ubi duo indissolubili vinculo iuncti, alius alium prodit, ut puta coniuges? Quid autem facit confors cum prodere voluerit consortem? Verè dicit ei sub simulatione. Eamus ad locum illum, ut impleam tecum voluntatem meam. Illa autem in vera simplicitate parata ad omnem voluntatem consortis, vadit cum eo. Sed cum opportunum tempus, & locum inuenerit, producit contra eam tria instrumenta prodicionis. Aut enim habet aliquid ita ponderosum, quod vno ictu interficit eam. Aut ita acutum, quod statim intrat in viscera. Aut aliquid quo suffocatur statim, & intercluditur spiritus vitalis. Cum autem mortua fuerit, coniux, cogitat proditor apud se. Nunc malè feci, si apertum, & publicum erit facinus meum, condēnabor ad mortem, ideo vadit, & ponit corpus illud confor-

tis mortuae in occulto loco, nè detegatur peccatum suum. Sic faciunt mihi, nunc Sacerdotes, qui proditores mei sunt. Ipsi enim, & ego vno vinculo ligamur, quando sumunt panem, & proferendo verba faciunt inde corpus meum verum, quod de Virgine sumpsi, hoc non possent omnes Angeli facere, quia Sacerdotibus solis illam dignitatem dedi, & ad summos ordines ipsos elegi. Sed ipsi faciunt mihi sicut proditores. Nam ostendunt mihi faciem latam, & blandam, & ducunt me in occultum locum, ut prodant. Sacerdotes ipsi tunc ostendunt faciem latam, cum videntur esse boni, & simplices: ducunt me in conclauem, cum procedunt ad altare. Tunc ego paratus sum quasi sponsa, vel sponsus, facere omnem voluntatem eorum, sed ipsi produnt mihi. Primò adhibent mihi ponderosum, quando diuinum officiū, quod dicunt mihi, est eis onerosum, & graue. Magis enim loquuntur centum verba pro mundo, quam pro honore meo vnum. Magis darent centum marchas auri pro mundo, quam vnum denarium pro me. Magis centies laborarent pro propria utilitate, & Mundi, quam semel pro honore meo. Hoc onere deprimunt me, quasi mortuus sum à cordibus eorum. Secundo pungunt me quasi acuto ferro, quod intrat in viscera, quando Sacerdos accedit ad altare, cogitat se peccasse, & poenitet, habens firmam voluntatem peccandi iterum peracto officio, cogitando seculi. Benè poeniteo de peccato, sed non relinquam illam à me cum qua peccaui, ita quod non amplius faciā, isti quasi ferro acutissimo me pungunt. Tertiò quasi suffocatur spiritus, cum cogitant secum sic. Bonum & delectabile est esse cum Mundo, bonum est luxuriari, & non possum continere. Faciam voluntatem meam in iuuentute, cum autem senuerim, tunc abstinere volo, & me emendare. Ex ista pessima cogitatione suffocatur spiritus. Sed quæritur quomodo? vique

cor eorum sic frigidatur, & tepescit à me, & ab omni bono, vt nunquam calefieri poterit, nec resurgere ad charitatē meā. Sicut enim ex glacie, etiam si adhibeatur ignis, non surgit flamma, sed liquefit, sic isti etiam si dederō eis gratiam meam, & audierint verba admonitionis, non tamen exurgunt ad viam vitæ, sed arent, & deficiunt ab omni bono. Sic ergo produnt me ex eo, scilicet quod ostendunt se simplices, & non sunt, & quia grauantur, vel turbantur ex honore meo, quo deberent delectari. Ex eo quod habent voluntatem peccandi, & promittunt se vsque in finem peccaturos. Tunc etiam, quasi abscondunt me, & ponunt me in loco occulto, quando cogitant apud se. Scio me peccasse, si abstineo à sacrificio cōfundor, & dijudicor ab omnibus. Et accedunt ad altare impudenter, & ponunt me ante se, & tractant me Deum verum, & hominem, cum quibus sum quasi in occulto loco, quia nullus scit, nec considerat, quā prauī, & deformes sunt; ante quos quasi in occulto iaceo Deus, quia etiā si pessimus homo fuerit Sacerdos, & dixerit verba illa, scilicet Hoc est corpus meum, ipse consecrat verum corpus meum, & iaceo ante eum verus Deus, & homo. 5 Sed cum ipse applicuerit me ad os suum, tunc ego desum per gratiam, cum deitate, & humanitate mea ab ipso: forma autem panis, & sapor remanet sibi, non quod non veraciter ibi sim cum malis, sicut cum bonis, propter Sacramenti institutionē, sed quia similē effectū non habent boni, & mali. Ecce tales Sacerdotes non sunt mei Sacerdotes, sed veri proditores. Ipsi enim & me vendunt quasi ludas, & produnt. Ego conspicio Paganos, & Iudæos, sed nullos video eis deteriores, quia ipsi Sacerdotes sunt in eodem peccato, quo cecidit Lucifer. Nunc etiam dico tibi iudicium eorum, & cui sunt similes. Horum iudicium est maledictio. Sicut maledixit Dauid eis, qui non obedierunt

Deo, qui cum esset iustus Propheta, & Rex, non maledixit ex ira, vel mala voluntate, sed ex impatientia, sed ex iustitia Dei. Sic ego qui melior sum Dauid, maledico eis, qui sunt Sacerdotes, non ex ira, vel voluntate mala, sed ex iustitia. Maledictū ergo sit omne, quod de terra vtilitatem suam receperint, quia non laudant Deum, & Creatorem suum, qui dedit eis hæc. Maledictus sit cibus, & potus eorum, qui intrat in os eorū, qui pauit corpus in cibum vermium, & animā ad infernum. Maledictū sit corpus eorum, quod resurget in infernum sine fine arsurum. Maledicti sunt anni eorum, quibus vixerunt inutiliter. Maledicta sit hora, quæ incipit eis in inferno, & nunquā finietur. Maledicti sint oculi eorum, quibus viderunt lumen cæli. Maledictæ sint aures eorum, quibus audierunt verba mea, & non curabant. Maledictus sit gustus eorum, quo gustauerunt dona mea. Maledictus sit tactus eorum, quo tractauerūt me. Maledictus sit odoratus eorum, quo odorauerunt delectabilia, & me neglexerunt delectabiliorem super omnia. Sed queritur. Quomodo maledicuntur? utique. Maledictus erit vilis eorum, quia non vident visionē Dei in me, sed tenebras, & pœnas inferni. Maledictæ sunt aures eorum, quia non audient verba mea, sed clamorem inferni, & horrorem. Maledictus est gustus eorum, quia non gustabūt de bonis meis æternis gaudium, sed amaritudinē æternam. Maledictus est tactus eorum, quia non tractabunt me, sed ignem perpetuum. Maledictus est odoratus eorum, quia non odorabunt odorem illum suauissimum in regno meo, excedentem omnia aromata, sed fetorem in inferno habebunt amariorem felle, & peiorem sulphure. Maledicti sunt à cælo, & terra, & ab omnibus creaturis insensatis, quia ipsa obediūt Deo, & laudant, & isti spreuerūt. Propterea iuro in veritate mea, quia sum veritas, quod si sic

moriuntur, & in tali dispositione, quae nunc constituti sunt, nunquam charitas mea, nec virtus concludet eos in se, sed sine fine damnabuntur.

NOTÆ.

1 **I** Plurimum peccatum corpus consumit. Quemadmodum si magno flauerint impetu venti, & arbores aliquando radicitus euelluntur. & plantae commouentur, semina agitantur, herbe quoque in diversas partes impelluntur: ita prorsus accidit homini, si peccato vento stante succumbat, commouetur, ac concutitur, per omnes animæ, corporisq. partes, tunc enim virtutes extirpantur, intellectus densa quadam caligine effunditur, voluntas ad bonum inhabilis redditur, ad malum procliuus, memoria in his, quæ Dei sunt, labitur, & cuncta corporis membra in sordido terrenarum rerum exco morantur: corpus quoque per peccatum, quoad naturales facultates infirmatur, sicq. sensim, si homo diu remoretur, in eo consumitur.

2 **S**ed vilitè proiecerunt vestem, quæ tegitur anima, idest fidei rectam.

var.
lect.

M. S. Farnesianus habet, Sed vilitè proiecerunt vestem, quæ tegit Animam, & hæc fides est recta, quæ merito in prædicti Nota vestis comparatur, quæ qui non est indutus in tenebras exteriores mittitur, sicut legitur Luca 14. & Math. 22. per vestem verò fide designari admonuerunt Gloss. Interlinearis Math. 22. D. Greg. hom. 38. explicans illa verba Matthei loc. cit. Amice quomodo huc intraſſi non habens vestem nuptialem. Orig. in Math. homil. 20. D. Hieron. in Isaiam cap. 42. & 52. & in Psalm. 44. ediffrens illa verba Aſſiſit Regina à dextris tuis in vestitu deaurato. Bedæ, Exodi 21. D. Ambros. in Lucam cap. 14. & 22. & 1. de Penitentia cap. 6.

3 **S**icut enim aliquid aridum, & citò arsurum, si igni apponeretur citò cōsumitur, & nihil remanet de figura lignorum, sed totum est ignis, sic dictis verbis illis, scilicet. Hoc est corpus meum. quod

prius fuit panis fit statim corpus meum.

Hoc loco, in quo de Eucharistia Sacramentum agitur, tria à nobis breuiter notanda sunt. Primo quidem exemplum allatum conuersionis ligni in ignem, non esse per omnia simile conuersioni illi, quo substantia panis transit in corpus Christi, & vinum in sanguinem; quandoquidem illa non est totalis conuersio, cum lignorum materia supersit, hæc verò transubstantiatio dicitur, quia est totius substantiæ in aliam substantiam conuersio, ut patet ex Conc. Rom. sub Greg. VII. ex Conc. Lateran. sub Innocentio III. & cap. firmiter de summa Trinitate. & fide Cathol. & Conc. Constantiensi Sess. 8. & Conc. Florentino, & Tridentino Sess. 13. cap. 4. verba verò, quæ sequuntur, scilicet Nihil remanet de figura lignorum. indicant, quod sicut omnis lignorum figura post conuersionem penitus disperditur, ita quoque prolatis verbis, nihil de substantia panis sub his speciebus reperitur, & ex hac parte adductum exemplum quadrat. Secundo animaduertendum est nobis, quod cum legimus hic, quod prius fuit panis, fit statim corpus Christi, verbum fieri, non esse sumendum secundum proprietatem sermonis, quia in rigore formaliter hæc propositio non est vera, substantia panis fit corpus Christi: sumitur ergo pro actus conuersionis, & transubstantiationis, quia verè substantia panis conuertitur, & transubstantiatur in corpus Christi, atque sic explicandi sunt plures ex sanctis Patribus, qui hac loquendi formula vsi sunt, ut Ambros. 4. de Sacram. cap. 4. Euseb. Emisenus hom. 5. de Paschate D. Aug. de consecr. d. 2. Can. non omnis, Cyrillus Hierosolymitanus catechesi 5. D. Iacobus in sua liturgia. Postremò admonere lectorē censui; huiusmodi conuersionem, & transubstantiationem non fieri per motum localem, sed motu Instantaneo, quia scribitur hic, dictis illis verbis statim fit corpus meum, & in eodem instanti, quo desinit panis, incipere corpus Christi sub illis speciebus, neque enim aliqua successione ratio excogitari potest, cum præsertim principium efficiens sit infinitæ potentie, quod sicut potest eleuare creaturam ad effectum, quem viribus proprijs non valet

les produere, ita potest eleuare eam ad modum operandi independenter, à motu à tempore, & successione, quod annotauit D. Thom. 3. par. quest. 78. art. 7.

Hoc non possent omnes Angeli facere, quia solis Sacerdotibus illam dignitatem dedi.

Quemadmodum Deus potestatem suam non alligauit Sacramentis, ut sine ipsis sacramentalem conferre effectum non posset, ita quoque suam uirtutem non sic Ecclesie ministris, ac Sacerdotibus alligauit, ut etiam sanctis Angelis Sacramentorum ministerium committere minimè posset, quod satis aperte ipsemet Christus Dominus testatur. Lib. 4. Revelat. Cap. 1. 3. 8. paulò ante eundem, cum dicit, Elegi Sacerdotes prae omnibus Angelis, & iustis, & dedi eis solis potestatem, ut corpus meum traherent, si enim uoluissent potuissent bene elegisse Angelum aliquem ad tale officium, cum autem legimus hoc loco, quod Angeli uet possunt hoc facere, intelligendum est secundum ordinariam potestatem, per quam solis Sacerdotibus Sacramenti Eucharistiae administratio commissa est à Deo, quippe qui cum sacrorum ordinum susceptione, & Sacerdotalis characteris impressione diuinitus acceperunt potestatem corpus Dominicum consecrandi, quod sanctis Angelis non est concessum. Vide infra Lib. 4. Revelat. Cap. 5. 8. Notae 1. ubi plura haec de re annotauimus, & latius hoc probant D. Thomas 3. par. quest. 64. art. 7. Alexander Alesius 4. par. quest. 16. memb. 4. Gabri. d. 7. q. 1. Scotus d. 1. q. 5. art. 7. delus.

Sed cum ipse applicuerit me ad os suum, tunc ego desum per gratiam cum deitate, & humanitate mea. Hec uerba non indicant Deum desinere esse sub speciebus sacramentalibus, quotiescunque aut malus Sacerdos, aut quilibet alius indignè hoc sacrosanctum suscipit Sacramentum, sed intelligendum est, quod Christus ibi desit esse per gratiam, quatenus indigno illius effectum denegat, qui est spiritualis refectio, & robur, & alia, quae dignè sumentibus concedi solent, & dicitur desinere esse cum Deitate, & humanitate, quia cum neutro eorum Christus

concurrit, ad effectum sacramentalem conferendum, atque sic esse huiusmodi uerba interpretanda patet infra cum scribitur, Non quod non ueraciter ibi sum cum malis, sicut cum bonis, propter Sacramenti institutionem, sed quia similem non habent effectum boni, & mali, quod egregiè explicat D. August. lib. 5. de Baptismo. Sicut Iudas (inquit) cui buccellam tradidit Dominus, non malum accipiendo, sed malè accipiendo locum in se diabolo praeiuit, sic si indignè quisque sumpsit, Dominicum Sacramentum non efficit, ut quia ipse malus est, malus sit, aut quia non ad salutem accipit, nihil acceperit, corpus enim Domini, & sanguis nihilominus erat illi, quibus dicebat Apostolus, qui enim manducat indignè, iudicium sibi manducat, & bibit, idem tradidit D. Thom. 3. par. quest. 80. art. 3. ubi etiam

QUALITER CAELI EXERCITV,

& sponsa praesentibus Deitas loquitur humanitati contra Christianos, sicut Deus Moysi contra populum Israel, & qualiter maledicti Sacerdotes diligunt mundum, & despiciunt Christum, & de eorum maledictione, & damnatione.

C. A. P. XLVIII.



VIDEBATUR magnus

exercitus in caelo, ad quem dixit Deus. Ecce audientibus amicis meis, qui omnia scitis, & intelligitis, & uideris in me, loquar propter ista sponsam meam quae hic attat. Ecce quemadmodum aliquis ad seipsum, sic Deitas mea loquitur ad humanitatem meam. Moyses fuit cum Domino in monte quadraginta diebus, & noctibus, quem cum populus abesse tantidum uidisset, receperunt auram, & proiecerunt in ignem, & inde constans est uirtulus, quem deuauerunt Deum suum. Tunc dixit Deus ad Moysen. Populus peccauit, ego delebo eum, sicut aliquid scriptum abraditur de libro.

libro. Respondit Moyses. Non Domine mi. Recordare quod eduxisti eos de mari rubro; & fecisti eis mirabilia. Si ergo deleueris eos, ubi tunc est promissio tua? ¹ Ne quaso facias hoc. Quia tunc dicent inimici tui. Malus est Deus Israel, qui eduxit populum de mari, & interfecit eos in deserto. Et placatus est Deus verbis istis. Ego sum Moyses ille in figura. Deitas mea loquitur ad humanitatem quasi ad Moysen dicens. Vide quid populus tuus fecit, quomodo contempsit me, omnes Christiani interficiuntur; & delebitur fides eorum. Respondit humanitas mea. Non Domine. Recordare quia eduxisti populum per mare in sanguine meo; & quando a planta pedis usque ad verticem laceratus sum. ² ^{var. lecti.} Ego promisi eis vitam aeternam, misere eis propter passionem meam. His auditis placata est Deitas ex verbis istis, & ait. Fiat voluntas tua, quia omne iudicium ubi datum est. Ecce amici mei qualis charitas? Sed nunc coram vobis amicis meis spiritualibus, scilicet Angelis, & Sanctis, & coram amicis meis corporalibus, qui sunt in mundo, qui tamen non sunt in mundo nisi corpore, coquor quod populus meus collegit ligna, & incendit ignem, & proiecit in eum aurum, & inde surrexit eis vitulus, quem adorant, ut Deum. Ipse stat quasi vitulus super quatuor pedes, habens caput cum gutture, & cauda. Moyses autem tardante in monte, dixit populus. Nescimus quid acciderit ei. Et displicuit eis quod eduxerit eos de captivitate, dicentes, quaramus alium Deum, qui nos precedat. Sic nunc faciunt mihi isti maledicti Sacerdotes, dicunt enim. ³ ^{var. lecti.} Cur magis nos austeriorem vitam agimus, quam alij? aut quare merces nostra? Melius est nobis esse in pace nostra, & voluntate. Diligamus ergo mundum, de quo certi sumus, de promissione enim eius incerti sumus. Deinde colligunt ligna, id est omnes sensus suos applicant ad amorem mundi,

incendunt ignem, cum voluntatem perfectam habent ad mundum. Ardent autem, cum voluptas feruet in mente, & prodit in actum. Postea projiciunt aurum, id est omnem charitatem, & honorem, quem mihi deberent facere, faciunt pro mundi honore. Tunc surgit vitulus, id est completus amor mundi, qui habet quatuor pedes, scilicet accidia, impatientiam, gaudium superfluum, & auaritiam. ⁴ ^{var. lecti.} Ipsi enim Sacerdotes, qui deberent esse mei, accidiosi sunt ad honorem meum, impatientes ad ferendum, nimij in gaudia, & nunquam contentantur de obtentis. Iste vitulus habet etiam caput, & guttur, id est voluntatem suam ad gulam, ut nunquam satiari possit, etiam si influerit totum mare. Cauda vero huius vituli est malitia eorum, quia nullum permitterent possidere suam, si possent. Vulnerant enim, & subvertunt omnes, qui seruiunt mihi, ex opo suo prauo, & contemptu. Talis amoris vitulus est in cordibus eorum, ad talentum gaudent, & delectantur. De me, sicut illi de Moysen cogitant, diuinquunt deus. Verba sua videntur vana, & opera onerosa. Habeamus voluntatem nostram, potestas nostra, & voluntas sit Deus noster. Nec etiam his contentantur, nec ex toto me obliuiscuntur, sed habent me pro idolo. Gentiles colebant ligna, & lapides, & homines mortuos. Inter quos colebatur virum idolum nomine Beelzebub, cuius Sacerdotes offerebant ei thus, & faciebant ei genuflexiones, & clamores laudis. Totum etiam quod de sacrificio eorum erat inutile, cecidit in terram, & aues, & musca comederunt illud. Omnia autem quae vilia erant, Sacerdotes referuabant sibi. Ipsi quoque clauerunt portam super idolum suum, & personaliter seruabant clauem, ne quis alius ingrederetur. Sic Sacerdotes mihi faciunt isto tempore. Ipsi offerunt mihi thus, id est loquuntur, & praedicant verba pulchra ad laudem propriam, &

ad

ad habendum aliquid temporale, non ex charitate mea. Ideo sicut odor thuris non capitur, sentitur, & videtur, sic verba eorum non veniunt ad effectum animum, ut radicari, vel teneri possint corde; sed audiuntur solummodo verba; & quasi ad tempus delectare videntur. Offerunt preces, sed nullo modo mihi placabiles. Sicut illi qui clamant ore laudem, & silent corde. Stant quasi iuxta me ore clamantes, sed corde circumuagantes mundum. Si enim deberent loqui homini alicuius dignitatis, cor haberent cum locutione, ne deuiarent in loquendo, ne forre in aliquibus notarentur. Apud me autem orant Sacerdotes, quasi homines, qui sunt in extrahi, qui aliud loquuntur ore, & aliud habent in corde, de quorum verbis auditor nullam potest habere certitudinem. Flectit genua mihi, id est humilitatem, & obedientiam mihi promittunt. Sed vere humiles sunt quasi Lucifer, obediens fuit desideriis suis, non mihi, claudunt etiam super me, & personaliter habent clauem, tunc aperiunt super me, & laudant quando dicunt. Fiat voluntas tua sicut in caelo, & in terra; Sed claudunt super me, cum voluntas eorum perficitur, mea autem quasi clausi hominis, & nullius potentis, nec audiri, nec videri potest. Seruant personaliter clauem, cum etiam alios, qui voluntatem meam facere volunt, retrahunt exemplo suo. Et si possent libenter etiam prohiberent, ne voluntas mea egrederetur, & perficeretur, nisi iuxta voluntatem eorum. Deinde in sacrificio custodiunt omnia, quae sunt eis necessaria, & utilia, & omnem honorem, & debitum suum exigunt, sed de corpore hominum, quod cadit in terram per mortem, pro quo potissimum sacrificium offerre teneretur, quasi inutile iudicant, tradentes muscis, id est vermibus. De debito autem eius, aut de salute animae minimum curant, nec attendunt. Sed quid dictum est

Moysi? Interfice eos qui hoc idolum fecerunt, ubi si aliqui sunt interfecisti, non tamen omnes. Sic nunc venient verba mea, quae occident eos. Alios ad corpus, & animam per aeternam damnationem. Alios ad vitam, ut conuerterentur, & uiuant. Alios ad celerem mortem, quia ipsi Sacerdotes sunt mihi omnino odiosi. Ecuti eos similabo? ipsi vero sunt similes fructui spinæ, qui exterius est pulcher, & rubicundus, interius vero plenus immunditia, & aculeis. Sic ipsi accedunt ad me quasi homines rubicundi charitate, & mundi videtur hominibus, sed intus pleni sunt omni spurritia. Hic fructus si ponatur in terram, inde iterum alia spinæ succrescunt. Sic ipsi in corde, quasi in terra occultant peccata sua, & malitias, & sic radicantur in malo, quod etiam non erubescunt prodire foras, & gloriari de peccato suo. Unde alij non solum sumunt occasionem peccandi, sed etiam grauiter vulnerantur ad animam, cogitantes secum sic. Si Sacerdotes hoc faciunt, multo magis est nobis licitum. Ipsi quippe non solum fructui, sed etiam spinæ similes sunt, quia dedignantur tangi correctionibus, & admonitionibus, & nullos reputant seipsis sapientiores, sed omnia posse facere, quae volunt. Ideo iuro in deitate mea, & humanitate, Angelis omnibus audientibus, quod frangam ostium, quod clauis erunt super voluntatem meam, & ipsa complebitur, & eorum voluntas annihilabitur, & claudetur sine fine in poena. Propterea sicut antiquitus dictum est, Incipiam iudicium meum in clero, & ab altari meo.

NOTAE

SI ergo deleueris eos, ubi tunc est promissio tua? ne quæso facias hoc, quia tunc dicent inimici tui; Malus est Deus Israel, qui eduxit populum de mari, & interfecit eos.

Eandē prorsus sententiam legimus Exodi 32. ubi annotare debemus ad horum intelligentiam, Moysen cum Deo exhibuisse se perfectissimum oratorem; cum enim Deus decreuisset populum, quem de Aegyptiorum potestate liberauerat, maximis punire supplicijs: quippē qui constabilem vitulum adorauerat, et hostias immolauerat, opponnes se Moyses, duabus rationibus persuadere conatus est, nē decretum populo infirret supplicium: Omnes (inquit) Aiofes, te bonum, ac veracem credunt, si ergo deleueris eos, quos liberaſti, aut te patribus promissa non reddere arbitrabuntur, aut etiam impotentem, vel mendacem aestimabunt, & hoc est quod legimus hic, Si deleueris eos, ubi tunc est promissio tua, & dicent inimici tui, malus est Deus Israel.

2
var.
lect. Quando à planta pedis, vsque ad verticem laceratus sum,

Sic omnes habent impressi Codices. M. S. Farnesianus legit, A planta pedis, vsque ad verticem capitis laceratus sum: sic etiam habetur Isaia 1. A planta pedis vsque ad verticem non est in eo sanitas.

3
var.
lect. Cur magis nos vitam austeriorem agemus quam alij?

Manuscrip. rectius, Cur nos austeriorem vitam agimus?

4
var.
lect. Ipsi enim Sacerdotes, qui deberent esse mei, accidiosi sūt ad honorem meū, impatientes ad ferendum nimis in gaudia, & nunquam contentantur de obtentis.

Aliter legit M. S. & hunc locum corruptum sic restituit: Ipsi enim Sacerdotes, qui deberent esse mei accidiosi sunt, ad ferendum onus meum impatientes, in gaudium mundi deducunt dies suos, & nunquam de terrenis diuicijs contentantur.

5 Inter quos colebatur vnum idolum, nomine Belzebub.

Belzebub Muscarum Principem appellabant Iudei, ob earum multitudinem, quae reperiebantur in templo ob immolati sanguinis sordes, quos consueverunt sequi Muscae: In hoc simulacro Demoniorum Principem habitare affirmabant, quia in eo principium fuit

idolatria: tum etiam quia cultus eius apud gentes latius patebat, & generalior erat: tum quia nullum idolum eo fortius, ac efficacius inueniri putabant, & in virtute eius existimarunt Pharisei, Christum Dominum fecisse miracula, cum dicebant, Luca 2. In Belzebub eiecit Demonia.

6 Propterea sicut antiquitus dictū est. Incipiam iudicium in Clero, & ab altari meo.

Clericos in vniuersali iudicio fore prius indicandos, etiam Ezechiel Propheta cap. 9. affirmavit his verbis: A sanctuario meo incipiam; & 1. Petr. 4. Tempus est, ut iudicium incipiat à domo Dei, & tradit Diuus Augustinus Psal. 54. & 93. & hoc est quod scribitur hoc loco (sicuti antiquitus dictū est.)

VERBA CHRISTI AD SPONSAM, qualiter ipse Christus similatur Moysi in figura educenti populum de Aegypto, & qualiter maledicti Sacerdotes, quos loco Prophetarum in maiores amicos elegit, nunc clamant discede à nobis.

CAP. XLIX.

EILIVS Dei loquebatur. Ego simulaui me prius Moysi in figura, qui cum educeret populum, stabat aqua quali murus à dextris, & sinistris. Ego certe sum ille Moyses in figura, qui eduxi populum Christianum, idest aperui eis caelum, & ostendi eis viam. Sed nunc elegi mihi alios amicos, Prophetis speciales, & secretiores, videlicet Sacerdotes, qui non solum verba mea audiunt, & vident, cum me ipsum vident, immò etiam tractant me manibus suis, quòd nullus Prophetarum, vel Angelorum facere poterat. Isti Sacerdotes, quos loco Prophetarum in amicos elegi, clamant ad me, non cum tali desiderio, & charitate, quali Prophetæ, sed clamant duabus contrarijs vocibus.

bus. Non enim clamant sicut Prophete. Veni Domine, quia dulcis, sed clamant, discede à nobis, quia verba tua sunt amara, & opera tua grauiā, & scandalum nobis faciunt. Ecce maledicti Sacerdotes quid dicunt. Ego sto ante eos quasi ovis mitissima, de qua sumunt laniam ad vestiendum, & lac ad reficiendum, & adhuc pro tanta dilectione abhominantur me. Ego sto ante eos quasi hospes, qui dicit. Amice da mihi necessaria vitæ, quia indigeo, & recipere mercedem optimam à Deo. Sed ipsi pro ovis, simplicitate repellunt me quasi lupum insidiantem ouibus patrisfamilias. Pro hospitalitate confundunt me, quasi proditorem indignum hospitio, & colligere me renuunt. Sed quid facturus est hospes repulsus? nunquid debet producere arma contra domesticum repellentem se? Nequaquam, hoc enim non est iustitia, quia possessor sui potest dare, & negare sua cui voluerit. Quid ergo hospes facturus est? Vtique tenetur dicere repellenti se. Amice, quia tu non vis colligere me, vadam ad alium, qui faciet misericordiam mecum: Qui veniens ad alium, audit ab illo. Bene venisti Domine mi, omnia mea tua sunt. Tu sis nunc Dominus, ego autem volo esse seruus, & hospes; in tali hospitio, vbi ego talem vocem audio, placet mihi habitare. Ego quippè sum quasi hospes repulsus ab hominibus, sed licet vbiq. possum ingredi per potentiam, tamen, distante iustitia non ingredior, nisi ad eos, qui bona voluntate me tanquā verū

Dominum, non quasi hospitem

suscipiunt. Et qui volun-

tatem suam in ma-

nus meas re-

linquunt.

✱

VERBA MATRIS, ET FILII
benedictionis, & laudis adinuicem,
& de gratia à Filio Matri concessa pro
in Purgatorio existentibus, & in hoc
mundo manentibus.

C A P. L.



MATER Dei loquebatur ad
filium, dicens: Benedictum
sit nomen tuum fili mi si-
ne fine cum Deitate tua,
quæ est sine principio, &
sine fine. In Deitate tua sunt tria mira-
bilia, scilicet potentia, sapientia, & vir-
tus. Potentia tua est quasi ignis arden-
tissimus, antè cuius faciem omne quod-
cumque est firmum, & fortè, tanquā
stramen desiccatum in igne reputatur.
Sapientia tua est quasi mare, quod præ
magnitudine hauriri non potest, quod
etiam cum excreseit, & effluit, valles, &
montes operit, sic sapientia tua com-
prehendi, & inuestigari non potest.
Quàm sapienter creasti hominem, &
constituisti eum super omnem creatu-
ram tuam. Quàm sapienter disposuisti
aues in aere, bestias in terra, pisces in
mari, & vnique dedisti tempus suum,
& ordinem. Quàm mirabiliter das om-
nibus vitam, & aufers. Quàm sapienter
insipientibus das sapientiam, & aufers
à superbis. Virtus tua est quasi lumen
Solis, quod lucet in cælis, & terram sua
lice replet. Sic virtus tua supra, & in-
frā satiat, & omnia replet. Ideò sis tu
benedictus fili mi, qui es Deus meus,
& Dominus meus. Respondit filius.
Charissima Mater mea, verba tua dul-
cia sunt mihi, quia de anima tua proce-
dunt. Tu es quasi aurora procedens
cum serenitate. Tu radiasti super om-
nes cælos, lux tua, & serenitas tua excel-
lit omnes Angelos. Tu attraxisti ad te
serenitate tua Solem verum, idest Dei-
tatem meam. In tantum, quod Sol Dei-
tatis meæ veniens in te, fixit se in te, &

ex cuius calore calefacta es super omnes charitate mea. Ex cuius splendore illuminata es plūs omnibus sapientia mea. Tenebræ terræ fugatæ sunt, & omnes cæli illustrati sunt per te. In veritate mea dico, quod puritas tua, quæ mihi super omnes Angelos placuit, traxit Deitatem meam in te, vt ex calore spiritus inflammaberis, quo verum Deum, & hominem in vtero tuo conclusisti, quo homo illuminatus est, & Angeli lætificati sunt. Ideo benedicta sis tu à benedicto filio tuo. Propterea, & nulla erit petitio tua ad me, quæ non exaudiat, & per te omnes, qui petunt misericordiam cum voluntate emendandi, gratiam habebunt. 2 Quia sicut calor procedit à Sole, sic per te omnis misericordia dabitur. 3 Tu enim es quasi fons largifluus, de quo misericordia miseris fluit. Respondit Mater iterum filio. Omnis virtus, & gloria sit tibi fili mi. Tu es Deus meus, & misericordia, à te est omne bonum quod habeo. Tu es quasi semen, quod non est seminum, & tamen creuit, & dedit ex se fructum centesimum, & millesimum. De te enim procedit omnis misericordia, quæ quia innumerabilis, & indicibilis est, bene significari potest in centenari numero, in quo notatur perfectio, quia à te est omnis profectus, & perfectio. Respondit Matri filius. Verè Mater benè similasti me semini, quod non seminabatur, & tamen creuit, quia cum Deitate veni in te, & humanitas mea non ex commissione seminabatur, & tamen creuit in te, ex qua omnibus profluxit misericordia, idè benè dixisti. Nunc ergo quia per dulcissima verba oris tui trahis misericordiam à me, pete quodcunque vis, & dabitur tibi. Respondit Mater: Fili mi, quia misericordiam ego à te consecuta sum, idè misericordiam, & auxiliū peto miseris. Quatuor quippè sunt loca. Primus est cælum, in quo Angeli, & Sanctorum animæ nullo in-

digent, nisi te, quem habent, in te enim habent omne bonum. Secundus locus est infernus, & habitantes in eo impleti sunt malicia, & exclusi ab omni misericordia. Idè nihil ad eos potest amplius intrare de bono. Tertius locus est Purgatorium, ipsi enim indigent triplici misericordia, quia tripliciter affliguntur. Turbantur quippè auditu, quia nihil aliud audiunt, nisi dolores pœnæ, & miseriæ. Affliguntur visu, quia nihil vident nisi miseriam suam. Affliguntur tactu, quia sentiunt calorem ignis intollerabilis, & grauis pœnæ. Da eis Domine mi, & fili. misericordiam tuam propter preces meas. Respondit filius. Libenter propter te dabo eis triplicem misericordiam. Primò, auditus eorum alleuiabitur, visus mitigabitur, pœna remissior, & mitior erit, insuper quicumque ab ista hora sunt in summa pœna Purgatorij, venient ad mediam: & qui sunt in media, venient in leuissimam pœnam: qui autem in leuissima pœna sunt, transibunt ad requiem. Respondit Mater: Laus, & honor sit tibi Domine mi: Et statim Mater subiunxit ad filium. Quartus locus est mundus, & habitatores eius indigent tribus. Primò, contritione pro peccatis. Secundò, satisfactione. Tertiò, fortitudine ad faciendum bona. Respondit filius. Omnis quicumque inuocauerit nomē tuum, & spem habent in te cū proposito emendandi commissa, ista tria dabuntur ei, insuper & regnum cæleste. Tanta enim est mihi dulcedo in verbis tuis, vt non possim negare, quæ petis, quia nihil aliud vis, nisi quod ego. Tu denique es quasi flamma lucens, & ardens, quæ luminaria extincta accenduntur, & inaccessa conualescunt, sic ex charitate tua, quæ ascendit in cor meum, & attraxit me ad te, reuiuiscunt, qui in peccatis sūt mortui, & tepidi quasi fumus nigri, in charitate mea conualescunt.

Quartus mons erat Dauid, qui fuit vir secundum cor meum, & voluntatem meam, & tamen cecidit in peccatum. Tu autem Mater mea sequebaris omnem voluntatem meam, & nunquam peccasti. Quintus mons erat Salomon, qui fuit plenus sapientia, tamen fuit infatuatus. Tu vero Mater mea plena fuisti omni sapientia, & nunquam fuisti insipiens, nec decepta. Ideo altior Salomone. Flos autem prodijt de tribus radicibus, quia tu à iuuentute tua habuisti tria, scilicet, obedientiam, charitatem, & diuinam intelligentiam. De his enim tribus radicibus, creuit hastile rectissimum sine omni nodo, id est voluntas tua, quae nunquam flectebatur nisi ad velle meum. Flos etiam iste habuit quinque folia, quae excreuerunt super omnes choros Angelorum. Verò tu Mater mea flos istorum quinque foliorum es. Primum folium est honestas tua, in tantum quod Angeli mei, qui sunt honesti ante me, considerantes honestatem tuam, viderunt eam supra se esse, & eminentiorem illorum sanctitate, & honestate. Ideo tu altior es Angelis. Secundum folium est misericordia tua, quae tanta fuit, quòd cum videres omnium animarum miseriam compatiebaris eis, & passa es maximam penam in morte mea. Angeli sunt pleni misericordia, tamen nunquam patiuntur dolorem, sed tu pijsima Mater misera es miseris, quando sentiebas omnem dolorem de morte mea, & propter misericordiam voluisti magis pati dolorem, quam exempta esse ab eo. Ideo misericordia tua excessit omnium Angelorum misericordiam. Tertium folium est, mititas tua. Angeli quippe mites sunt, & cupiunt omnibus bonum, sed tu Mater mea charissima, ante mortem tuam habuisti in anima tua, & corpore voluntatem quasi Angelus, & fecisti omnibus bonum. Et nulli adhuc negas, qui rationabiliter petit suam utilitatem. Et ideo mititas tua excellentior est Ange-

lis. Quartum folium est pulchritudo tua. Angeli enim considerant alter alterius pulchritudinem, & pulchritudinem omnium animarum, & omnium corporum admirantur, sed animae tuae pulchritudinem vident esse super omnia, quae creata sunt, & corporis tui honestatem excellere omnes homines, qui creati sunt. Et sic omnes Angelos, & omnia, quae creata sunt, excessit pulchritudo tua. Quintum folium erat diuina delectatio tua, quia nihil delectabat te nisi Deus, sicut nec delectat Angelos aliud nisi Deus, & quilibet eorum sensit, & sentiebat delectationem in se. Cum autem viderunt delectationem tuam in te ad Deum, videbatur eis in conscientia sua, quòd delectatio eorum arderet in eis, quasi lumen in diuina charitate. Videntes autem delectationem tuam esse tanquam ardentissimum ro-gum, ardorem feruentissimo igne, & sic alium, quòd flamma eius appropinquabat Deitati meae. Et ideo Mater dulcissima bene ardebat delectatio tua diuina super omnes choros Angelorum. Hic flos quia habuit haec quinque folia, honestatem scilicet, misericordiam, mititatem, & pulchritudinem, & summam delectationem. Erat plenus omni dulcedine. Quicunque autem voluerit gustare suauitatem, debet appropinquare suauitati, & recipere eam in se, sic & fecisti tu bona Mater. Tu enim fuisti sic dulcis, Patri meo, quòd ipse recepit te totam in spiritum suum, & dulcedo tua super omnes placuit ei. Flos etiam portat semen ex calore, & virtute Solis, ex quo crescit fructus. Sed benedictus ille Sol, scilicet Deitas mea, quae suscipit humanitatem de Virgineis tuis visceribus. Nam sicut semen vbicunque seminatur, tales flores germinat, quale semen fuerit. 2 Sic membra mea conformia fuerunt membris tuis in forma, & facie, tamen ego fui Vir, tu Virgo femina. Haec vallis exaltata est super omnes montes cum

cum flore suo, quando corpus tuū exaltatum est super omnes choros Angelorum cum sanctissima anima tua.

NOTÆ.

Secundus Mons erat Elias, qui sic Sanctus fuit, quòd cum anima, & corpore fuit assumptus in sanctū locum.

In presenti Nota Eliam Prophetam ad locum quempiam sanctum fuisse translatum anima, corporeq. legimus: in specie autem quā fuerit ille locus, nec hic, neque lib. 4. Regum c. 2. ubi raptus eius mentio fit, traditur, neque Ecclesiastici 44. quo capite de translatione, Enoch. sermo fit: est enim par veriusque ratio, & Enoch, & Elia, & Doctores de translatione horum differentes idem de raptu sentiunt, certè D. Greg. scribit hom. 29. in Euangelia, Eliam ad secretam aliquam regionem fuisse translatum, ibiq. in ingenti carnis, & spiritus tranquillitate viuere, & permansurum esse in eo loco usque ad seculi consummationem, verum Lyranus in 4. Reg. cap. 2. arbitratus est Eliam in Paradisum terrestrem fuisse translatum, quòd adeò verum esse censuit Sixtus Senensis lib. 5. sua Bibliotheca annotat. 36. ut affirmare fuerit ausus, contrariam sententiam esse contra sacras litteras, & à fidei regula exorbicare, sed hæc Sixti Senensis opinio sicuti nimis est rigorosa, ita quoque falsa est, quippeq. grauissimorum Patrum doctrinæ contrariatur, est in primis D. Augustino, qui lib. 2. contra Caelestem, & Pelagium cap. 23. asseuerat, opinari Enoch, & Eliam non manere in Paradiso terrestri, non esse contra fidem, nec ad fidem spectare, immò & in eo morari negat Rupertus lib. 3. de Trinitate, & operibus eius cap. 33. cum in sacris litteris nullibi scriptum reperiatur, & Diuus Chrysostomus hom. 2. 1. in Genesim scribit, non esse curiosè quarendum quem in locum illos Deus transtulerit, cum illud Scriptura non dicat, idem admonuit Theodoretus in quæst. in Genesim quæst. 45. nec obstat locus citatus Eccles. 44. in quo dicitur, Enoch fuisse raptum ad Paradisum,

nā in sacris litteris per Paradisum frequenter intelligendus est locus quidam secretissimus, amenissimus, & summa iucunditatis, in quo magna cum tranquillitate carnis, & iucunditate spiritus Deo conseruante viuunt, & hic est sanctus locus, ad quem fuisse translatum Eliam in presenti Nota legimus.

Sic membra mea conformia fuerunt membris tuis in forma, & facie.

Omnino videbatur cōsentaneum, Christiū, & Virginem simillimos fuisse inter se, non solum moribus, sed etiam corporis statura, facie, ceteriq. sicut legimus hic hæc enim similitudo, & ad conciliandum amorem, & mutam beneuolentiam, ac etiam perfectionem pertinet, tum quia si Christus pulcherrimus fuit, ut nos latè ex Patribus probauimus hoc eodē Lib. Cap. 37. Nota 1. consequens videbatur, Mariam quoque eadem corporis venustate excelluisse, sicq. filio simillimam extitisse: frequēter enim accidit parentes esse similes filiis non moribus tantummodo, sed etiam facie, corporisq. lineamentis. libet autē hoc loco eiusdem Virginis effigiem ex Niceph. afferre: ipse namq. lib. 2. c. 23. ex Epiph. Mariæ mores, staturam, faciemq. describens, erat (inquit) in rebus omnibus honesta, & grauis, pauca admodum, eaq. necessaria loquens, & ad audiendum facilis, & per quā affabilis, honorem suum, & venerationem omnibus exhibens, statura mediocri, quamuis sint, qui eā aliquātulum mediocrem longitudinem excessisse dicant, sine risu, sine perturbatione, & sine iracundia, colore fuit triticum referente, flauo capillo, oculis acribus, sub flauas, & rāquam oliuæ colore pupillas in eis habens, supercilia ei erant inflexa, & decenter nigra, nasus longior, labia florida, & verborum suauitate plena, facies non rotunda, vel acuta, sed aliquanto longior, manus simul, & digiti longiores, erat denique fastus omnis expers, simplex, minimèq. vultu fingens nihil molliciei secum trahens, sed humilitatem præcellentem colens: vestimentis natui coloris contenta fuit, plura hæc de re annotarunt Canis. de B. Virg. lib. 1. c. 13. aliquāto post medium, & Card. Baron. Tom. 1. Annal. Anno Christi 48. circa finem.

VERBA MATRIS BENEDICTIONIS,
& rogationis ad filium, vt verba sua
dilatentur per mundum, & radicen-
tur in cordibus amicorum suorum,
& qualiter ipsa Virgo per florem in
horto natum mirabiliter designatur,
& de verbis Christi per sponfam
transmissis ad Papam, & alios Præ-
latos Ecclesiæ.

C A P. LII.



BENEDICTA Virgo loquebatur
ad filium dicens. Bene-
dictus sis tu fili mi, &
Deus meus, & Dominus
Angelorum, & Rex glo-
riæ. Rogo te, vt verba tua, quæ locu-
tuses, radiceantur in cordibus amicorum
tuorum, & ita firmiter mentibus inhæ-
reant, sicut bitumen, quo arca Noe linita
est, quam nec procellæ, nec venti dis-
soluere potuerunt. Dilatentur etiam
per mundum sicut rami, & flores sua-
uissimi, quorum odor latè spargitur.
Fructificent insuper, & dulcescant sicut
dactilus, cuius suauitas animam dele-
ctat. Respondit filius. Benedicta sis tu
charissima Mater mea. Gabriel Ange-
lus meus dixit tibi. Benedicta (inquit)
sis tu Maria præ mulieribus. Et ego
perhibeo tibi testimonium, quòd tu be-
nedicta, & sanctissima es, super omnes
Angelorum choros. ¹ Tu es quasi flos
in horto, quem licet diuersi odoriferi
fiores circumstent, tamen ipse omnes
excellit in odore, in pulchritudine, &
virtute. Flores isti sunt omnes electi
ab Adam vsque ad finem mundi, qui
in horto mundi plantati, diuersis virtu-
tibus nituerunt, & floruerunt. Sed in-
ter omnes, qui fuerunt, & qui post fu-
turi sunt, tu excellentior fuisti in odore
bonæ vitæ, & humilitatis. In pulchritu-
dine gratissimæ virginitatis, in virtute
abstinentiæ. Testimonium enim per-
hibeo tibi, quòd tu in passione mea plus

fuisti, quàm Martyr. In abstinentia tua
plus quàm aliquis Confessorum. In mi-
sericordia, & bona voluntate plus quàm
Angelus. Ideò propter te verba mea,
radicabo, quasi bitumen fortissimum in
cordibus amicorum meorum: Dilata-
buntur quasi flores odoriferi, & fructi-
ficabunt quasi dactilus suauissimus, &
dulcissimus. Deindè loquebatur Do-
minus ad sponfam. ² Dic amico meo

patri tuo, cuius cor est secundum cor
meum, quod hæc verba conscripta ex-
ponat diligenter, & ipse Archiepiscopo
& postea alij Episcopo assignabit. Qui-
bus diligenter informatis, postea trans-
mittat ad tertium Episcopum: Dic etiam
ei ex parte mea, ego sum Creator tuus,
& Redemptor animarum. Ego sum
Deus, quem præ cæteris diligis, & amas.
Considera & vide, quòd animæ, quas re-
demi sanguine meo, ³ sunt sicut illorū

³
var.
lect.

animæ, qui ignorant Deum, & sunt
captiue à diabolo tam horribiliter, quòd
in omnibus membris puni eas quasi in
prælo arcto. Propterea si vulnera mea
sapiunt tibi in animo, si flagellationem
meam, & dolorem alicuius reputationis
habes, ostende operibus tuis quantum
me diligis. Et verba mea, quæ proprio
ore locutus sum, in publicum venire fa-
cias, & ad caput Ecclesiæ personaliter
defer. Dabo enim tibi spiritum meum,
quòd vbicunque duorum fuerit dissen-
sio, in nomine meo ex virtute tibi data
confederare possis, si crediderint. In-
super & ad maiorem euentiam verbo-
rum meorum, eorum testimonium te-
cum ad Pontificem deferes, quibus ver-
ba mea sapiunt, & delectant. ⁴ Verba
enim mea sunt quasi adeps, qui quantò
maior calor intus fuerit, tanto citius li-
quescit. Vbi autem calor non fuerit,
reijcitur, & non peruenit ad interiora.
Sic verba mea sunt, quia quantò homo
plus charitate mea feruens mandit ea, &
terit, tantò plus impingatur ex dulce-
dine cælestis gaudij, & interim amoris,

& tanto plus inardescit ad amorem meū:
Quibus autem non placent verba mea,
quasi aruinam habent in ore, qua degu-
stata statim eijciunt ab ore, & concul-
cant. Sic verba mea ab aliquibus despi-
ciuntur, quia dulcedo spiritualium non
sapit eis. Princeps autem terræ, quem
in membrum meum elegi, & verè meū
feci, viriliter adiuuabit te, & necessaria
pro via de bonis benè acquisitis mini-
strabit.

NOTÆ.

TV es quasi flos in horto, quem li-
cèt diuersi odoriferi flores circū-
flent, tamen ipse omnes excellit in odo-
re, in pulchritudine, & virtute.

Tribus florū generibus similem fuisse Bea-
tam Virginem legimus. In presenti namq.
Cap. floribus hortorum, Cantic. 2. Floribus
campi, Ego flos Campi. In superiori verò
Cap. Lilij conuallium comparatur: & hoc non
nisi propter innumerabiles, easq. insignes eius
virtutes, ac perfectiones, quas, sub florū si-
militudinibus sacra litteræ, sanctiq. Patres
exprimunt. Est autem Maria similis floribus
productis in hortis, qui sicut non omnibus pa-
tent, nec cuiq. eos colligendi aditus datur, sed
soli Domino, & quibus ipse permisit, conce-
ditur, ut & colorum varietate, ac odoris
fragrantia delectentur: ita Deus Opt. Max.
florem hunc tanta sue gratiæ copia decorauit,
ut nec hostium pateret incurfibus, nec eorum
insidias, aut arma timeret, ut mirum non sit,
si eā unquā quomodo offenderint, sed ipse
solus Deus, & quibus concesserit, mira hac
varietate, & odore delectantur; & ideo
Cant. 4. Hortus conclusus appellatur. Est etiam
Flos campi Maria, qui ut ait D. Bernard.
hom. de Aduentu, sicut non humano floret ad-
miniculo, non seminatus ab aliquo, non defos-
sus sarculo, non impinguius fimo, sic Vir-
ginis floruit Alius, sic inuiolata, integra, &
casta Maria viscera, tanquam pascua æterni
nitoris floruerunt, cuius pulchritudinem non
vidit corruptionem. Postremò Lilium voca-
tur conuallium, quia duobus montium Ma-

ria inclusa latebris Christi scilicet diuini-
tate, ac humanitate, solis non fuit concupi-
scentiæ ardoribus exposita, sed ab huius sæculi
segregata periculis, ut Angelicam vitam
traduxit in terris, sic super Angelicos choros
euecta est ad celos.

2 Dic amico meo patri tuo, cuius cor
est secundum cor meum.

Hic fuit Magister Matthias Beata Bri-
gitta Confessor, qui vite sanctitate, ac do-
ctrina erat conspicuus, quiq. has Reuelationes
conscripsit, prout ipsamet Beata Brigitta ei di-
cebat, de quo pluribus in locis in his Reue-
lationum libris mentio fit.

3 Sicut illorum Animæ, qui ignorant
Deum, & sunt captiue à Diabolo.

Corrige cum Manuscripto captiue à
Diabolo.

4 var. Verba mea sunt quasi adeps.
lect.

Optimè hoc loco verba Dei adipe compa-
rantur, qui sicut provenit ex abundantia nu-
trimenti, & inde pinguescunt corpora, ita
ex verbis Dei nutritur anima, virtutibus
pinguescit, et in charitate proficit, unde egregie
annotauit D. Ambros. lib. 2. de Cain, & Abel.
quod in sacris litteris per adipem significatur
charitas, sine qua anima est arida erga
Deum, & proximum, & ideo Genes. 4.
legimus, quod Abel obtulit adipem cum pri-
mogenitis, id est charitatem cum operibus, &
David Psal. 62. optabat animam suam

repleri adipe. Sicut adipe, et pin-
guedine repleatur anima
mea. per adipem
verò chari-
tatem

hoc loco designari patet ibi, Sic verba
mea sunt quasi adeps, quia quātō
homo plus charitate mea fer-
uens mandit, & terit,
tanto plus impin-
guatur.



VERBA MATRIS, ET FILII
benedictionis, & laudis adinuicem,
& qualiter Virgo figuratur per Ar-
cam, vbi erant Virga, Manna, & ta-
bulæ Legis, in qua figura multa mira-
bilia continentur.

C A P. LIIL



MARIA loquebatur ad fi-
lium. Benedictus sis tu fi-
li mi Deus meus, & Do-
minus Angelorum. Tu es
ille, cuius vocē Prophetæ
audierunt, cuius corpus Apostoli vide-
runt, quem Iudæi, & inimici tui sense-
rūt. Tu es cum deitate, & humanitate,
& Spiritu sancto, vnus Deus. Nam spiri-
tum audierunt Prophetæ. Deitatis glo-
riam viderunt Apostoli, humanitatem
tuam crucifixerunt Iudæi. Ideo sis tu
benedictus sine principio, & sine fine.
Respondit filius. Benedicta sis tu, quia
Virgo es, & Mater. Tu es arca illa, quæ
erat in lege, in qua erant tria, scilicet
Virga, Manna, & Tabulæ. Cum virga facta
sunt tria. Primò mutata est in serpētem,
qui erat sine veneno. Secundò per eam
mare diuisum est. Tertiò de petra edu-
cta est aqua. Ego sum virga illa in fi-
gura, qui in vtero tuo iacui, & huma-
nitatem de te accepi. Ego primò sicut
serpens Moyfi, sic terribilis sum inimicis
meis. Ipsi quippè fugiunt à me quasi ab
aspectu serpentis. Pauerunt me, & abho-
minantur quasi serpentem, cum egota-
men sine veneno malitiæ plenus omni
misericordia sim. Ego patior me teneri
ab eis, si voluerint. Ego reuertar ad eos,
si me quæserint. Curro ad eos quasi Ma-
ter ad filium perditum, & inuentum, si
me inuocauerint. Exhibeo eis miseri-
cordiam, & dimitto peccata eorum, si
clamauerint. Hoc facio eis, & adhuc
abhominantur me quasi serpentem. Se-
cundò per virgam istà diuisum est mare,
quando via ad cælum, quæ clausa erat

per peccatum, per sanguinem, & dolorē
meum aperiebatur. Tunc certè rumpe-
batur mare, & inuium factum est via,
quando dolor omnium membrorum
meorum accessit ad cor, & cor præ vio-
lencia doloris ruptum est. Postea tra-
ducto populo per mare, non duxit eos
Moyfes statim in terram promissionis,
sed in desertum, vt ibi probarentur, &
instruerentur. Sic & nunc accepta fide,
& mandato meo, non statim introduci-
tur populus in cælum, sed necesse est, vt
in deserto, id est in mundo probentur
homines quomodo diligant Deum. Sed
per tria prouocauit populus Deū in de-
serto. Primò, quia fecerunt sibi idolum,
& adorauerunt ipsum. Secundò, quia
concupierunt carnes, quas habuerunt in
Ægypto. Tertiò per superbiam, quando
sine volūtate Dei ascendere voluerunt,
& pugnare cum inimicis. Sic nunc etiā
peccat homo contra me in hoc mundo.
Primò colit idolum, quia plus amat mū-
dum, & quæ in eo sunt, quam me, qui
eorum Creator sum. Sed mūdus quippè
est Deus eorum non ego. Ego enim dixi
in Euangelio meo. Vbi est thesaurus ho-
minis, ibi est cor eius, sic thesaurus ho-
minis est mundus, quia ad hūc habet cor
suum, nō ad me. Ideo sicut illi in deserto
corruebant gladio in corpore, sic isti ca-
dent in gladio æternæ damnationis ad
animam, in qua sine fine viuēt. Secundò
peccauerunt per concupiscentiam car-
nium. Ego enim dedi herini omnia
necessaria ad honestatē, & moderatiam,
sed ipse omnia vult habere immoderatē,
& indifferetē. Ipse enim, si sufficeret na-
tura, sine cessatione vellet commisceri,
sine refrenatione bibere, sine modò con-
cupiscere. Quamdiū enim posset pec-
care nunquam cessaret à peccato. Ideo
continget eis sicut illis in deserto, quod
morientur subitanea morte. Quid enim
est vita istius temporis, nisi quidam pun-
ctus ad æternitatem? Propterea quasi su-
bitanea morte morientur in corpore,
pro-

propter breuitatem huius vite, & uiuent
in pena: ad animam sine fine. Tertiò
peccabāt in deserto per superbiam, quia
sine uoluntate Dei uolebant ascendere
in pugnam: Sic homines per superbiam
suam uolunt ascendere in cælum, & non
confidunt in me, sed in se, facientes vo-
luntatem suam, & meam relinquentes.
Propterea sicut illi ab hostibus, sic isti in-
terficientur à Daemonibus in anima; &
cruciatu eorum erit sempiternus. Sic
ergo odiunt me quasi serpentem, colunt
pro me idolum, affectant concupiscen-
tiam suam plus quam mihi, diligunt su-
perbiā suam pro humilitate mea. Verum-
tamen adhuc sic misericors sum, quòd si
conuersi fuerint ad me cum contrito
corde, ego conuerto me ad eos sicut Pa-
ter pius, & suscipio eos. Tertiò per vir-
gam istam petra dedit aquam. Petra
hæc, est cor durum hominis; hoc enim
si percutitur timore, & amore meo; sta-
tim effluunt lacrymæ contritionis, &
penitentiae. Nullus sic indignus; nul-
lus sic malus; si uerit se ad me, si
passionem meam intimè considerat,
si potentiam meam attendit, si bo-
nitatem meam, qualiter terea fructi-
ficat, & arbores pendit, quòd non
fluūt oīa eius lacrymis, & omnia mem-
bra eius ad deuotionem excitantur. Se-
cundò in Arca Moysi iacuit Manna. Sic
in te Mater mea, & Virgo iacuit panis
Angelorum, & sanctarum animarum, &
iustorum in terra, quibus nil placet nisi
dulcedo mea, quibus mundus omnis
mortuus est, qui libenter si esset volun-
tatis meæ essent sine corporali cibo. Ter-
tiò in arca illa erant Tabulæ Legis, sic in
te iacuit Dominus omnium legum. Ideò
benedicta sis tu præ omnibus, quæ sunt
in cælo, & in terra creata. Postea loque-
batur ad spōsam dicens. Dic amicis meis
tria. Ego cum corporaliter conuersabar
in mundo, sic temperaui uerba mea, quòd
boni fiebant ex ipsis fortiores, & seruē-
tiores. Mali uero fiebant meliores, ut pa-

tuit in Magdalena, Matthæo & alijs mul-
tis. Sic etiā temperaui uerba mea, ut in-
mici mei non possent infirmare ea. Pro-
pterea laborent illi seruetur, quibus uer-
ba mea mittuntur, ut boni ex uerbis meis
fiant ardētiōres in bono. Mali respiciāt
à malo; & ab inimicis meis cauant ne
uerba mea impediuntur. Ego quippe
non maiorem iniuriā facio Diabolo,
quàm Angelis in cælo. Si enim uellem
bene possem loqui uerba mea, ut totus
mundus audiret. Ego sufficerem etiam
aperire infernum, ut omnes uideret pe-
nas eius, sed hoc non esset iustitia, quia
tunc homo seruiret mihi ex timore, sed
ex charitate deberet mihi homo seruire.
Nam nullus, nisi qui charitatem habet,
intrabit in Regnum Cælorum. Tunc
denique iniuriā facerem Diabolo, si
iuri eius mancipatum reciperem ab eo
sine bonis operibus. Angelo in cælo etiā
facerem iniuriā, si ei qui mundus est,
& charitate feruentissimus, spiritus ho-
minis immundi coequaretur. Ideò nul-
lus intrabit cælum, nisi qui quasi huius
in igne purgatorio probatus est; aut bo-
nis operibus, sic diutina probatione in
mundo exercitatus est, quòd non sit in eo
macula, quæ debeat purgari. Si ignoras
quibus mitti debeant uerba mea, ego di-
cam tibi. Ille dignus est habere uerba
mea, qui promereri uult operibus, ut uen-
iat ad Regnum Cælorum. Vel qui ope-
ribus bonis præcedētibz promeruerat,
illis aperientur uerba mea, & ad illos in-
gredientur. Nam illi quibus sapiunt
uerba mea, & qui nomen suum humi-
liter sperant scriptum in libro uite, hi
tenent uerba mea. Quibus autem non
sapiunt, considerant quidem uerba, &
statim proijciunt, & euomunt.

NOTÆ.

Tes cum Deitate, & humanitate,
& Spiritu sancto vnus Deus.

Deus. Et ambo benè creati sumus, & ad bonum; quia Deus nihil nisi bonum creauit. Sed ego sum quasi stella, quia in bonitate, & charitate Dei, in qua creatus sum, steri. Ipse autem est quasi carbo, quia à charitate Dei diçessit. Ergo sicut stella non est sine claritate, & splendore, nec carbo sine nigredine, sic Angelus bonus, qui est quasi stella, non est sine splendore, id est, Spiritu sancto. Omne enim quod habet, hoc habet à Deo Patre scilicèt, & Filio, & Spiritu sancto, huius amore incalescit, huius splendore nitescit, & ei iugitèr inhæret, & ad voluntatem eius se conformat, nec vñquam vult aliud nisi quod Deus, idèò ardet, idèò & mundus est. Diabolus autem est quasi carbo deformis, & omniù creaturàrum deformior, quia sicut pulchrior erat, cæteris, sic deformior alijs debuerat fieri, quia Creatori suo se opposuit. Sicut Angelus Dei splendet luce Dei, & ardet charitate eius incessantèr, sic Dæmon malitia sua semper inardescit, & angustiat. Cuius malitia insatiabilis est, sic & bonitas spiritus Dei, & gratia Dei inenarrabilis. Nam nullus est in mundo sic radicatus cum Diabolo, cuius cor non quandoq. visitet, & commoueat spiritus bonus, sic etiam nullus est sic bonus, quem Diabolus non apponit libenter tangere tentatione. Multi quippè boni, & iusti tentantur ex permissione Dei à Diabolo, hoc non est pro malo eorù, sed ad maiorem eorù gloriam. Dei quippè filius, vnus in Deitate cum Patre, & Spiritu sancto in assumpta humanitate tentatus est, quanto magis electi eius ad maiorem eorum remunerationem. Multi etiam boni quandoq. cadunt in peccata, & obumbratur conscientia eorum fallacia Diaboli, sed virtute Spiritus sancti robustius surgunt, & fortius stant. Veruntamen nullus est, qui in conscientia sua non intelligat, vtrum suggestio Diaboli ducat ad deformitatem peccati, an ad bonum, si diligenter cogitare, & exami-

1 nare voluerit. 1 Idèò tu sponsa Domini mei non habes dubitare de spiritu cogitationum tuarum, vtrum bonus sit, an malus. Conscientia enim tua dicit tibi, quæ omittenda sunt, & quæ eligenda.
2 Quid autem faciet ille, cum quo plenus est Diabolus? Non enim in eum ingredi potest bonus spiritus, quia plenus est malo. Tria sunt ei facienda, scilicèt, quòd habeat puram, & integram peccatorum confessionem, quæ licèt in contrito corde non statim poterit esse, propter obduratùm cor, tamen prodest tantum, quòd propter hanc dat Diabolus quasi quandam cessionem, & saltum bono spiritui. Secundò habeat humilitatem, scilicèt, quòd proponat emendare peccata, quæ commisit, & facere bona, quæ poterit, & tunc incipit egredi Diabolus. Tertiò, vt obtineat iterum spiritum bonum, humili prece supplicare debet Deo, & ceteri de peccatis factis cum charitate verà, quia charitas ad Deum interficit Diabolum. Ipse denique mallet ceteris mori, quàm quòd homo exhiberet minimum bonum charitatis Deo suo, sic inuidus, & maliciosus est. Postea loquebatur Beata Virgo ad sponsam dicens. Sponsa noua filij mei, indue te vestibus tuis, impone tibi monile tuum, id est passionem filij mei. Cui illa respondit. Impone tu Domina mea. Et illa. Ego vtique faciam. Ego volo tibi dicere, quomodo filius meus dispositus erat, & quare à patribus sic feruenter desiderabatur, ipse stabat quasi homo in medio interstitio duarum vrbiù, & vox de patria vrbe clamauit ad eum dicens. Tu homo, qui stas in media via inter vrbes, tu es homo sapiens, scis enim cauere ab imminentibus periculis. Tu quoque fortis es ad patiendum mala incumbentia: tu es etiam magnanimus, quia nihil times. Nos enim desiderauimus te, & expectamus te. Aperi ergo portam nostram, inimici enim obsidèt eam, ne aperiatur. Vox de secunda vrbe audiebatur dicens.

Tu.

Tu homo humanissime, & fortissime, 13
audi quærimonium nostram, & gemitum. Nos sedemus in tenebris; & patimur famem, & sitim intolerabilem. Considera ergo miseriam nostram, & penuriā miserabilem. Sumus enim percussī quasi scœnum excisum falcastro. Aruius ab omni bono, & defecit omne robur nostrum. Veni ad nos, & salua nos, quia te solum expectauimus, te liberatorem nostrum sperauimus. Veni, & dissolue penuriam nostram; conuertere planctum nostrum in gaudium; tu esto auxiliū nostrum; & salus. Veni o dignissimum, & benedictum corpus, quod de Virgine pura processit. Has duas voces audiuit filius meus de duabus Vrbi-
bus, scilicet de Cælo, & Inferno, 3 ideo misertus aperuit per amarissimam passionem suam, & effusione sanguinis sui; portā Inferni; & eripuit amicos suos. Aperuit & Cælū letificās Angelos, introduxit in eū ereptos de Inferno. Hæc filia mea cogita, & habeto semper præ oculis.

NOTA

I Deo tu sponsa Domini mei non habes dubitare de spiritu cogitationum tuarum; utrum bonus sit, an malus.

De signis secretaribus diuinis Reuelationes à Dæmonū illusionibus pluribus in locis egimus; præcipuum autem signum illud esse annotauimus hoc eodem Lib. Cap. 4. Nota 1. quod in his libris nihil inuenitur, quod non sit, & rationi, & conscientie conforme, ideo hoc loco Maria B. Brigitta dicit; quod minime de cogitationum suarum spiritu dubitet, quia conscientia sua dicit illi, & quæ faciendæ, & quæ eligendæ. plura de his vide Lib. 3. Cap. 20. Nota 3. & Cap. 78. Nota 2. & Lib. 4. Cap. 13. Nota 3. & Tract. nostro de Visionibus & Reuelar. Cap. 11.

Quid autem faciet ille, cum quo plenus est Diabolus?

M. S. Farnesianus rectius legit, Quid autem faciet ille, qui plenus est Diabolo?

13 Ideo misertus aperuit per amarissimā passionem suam, & effusionem sanguinis sui portam Inferni, & eripuit amicos suos.

Per Infernum hoc loco, et etiam infra ad finem præsentis Capituli, intellige limbum Patrum, ad quem Christus Dominus descendens, eos, qui captiui ibidem detinebantur liberauit, secumq. ad cælum duxit, iuxta illud Davidis Psalm. 67. Ascendens Christus in altum captiuam duxit captiuitatem, qua de re latè egimus supra hoc eodem Lib. Cap. 15. Nota 3. & Cap. 45. Nota 4. & 5.

QUALITER CHRISTVS

similatur potenti Domino ædificanti magnam Ciuitatem, & optimū Palatium, per quæ Mundus, & Ecclesia designantur, & qualiter Iudices, & Defensores, & Laboratores in Ecclesia Dei, conuersi sunt in arcum prauum.

CAP. LV.

I G O sum similis potenti Domino, qui ædificans Ciuitatem, imposuit sibi nomen ex suo nomine. Deinde construxit in Ciuitate Palatium, in quo mansiunculæ diuersæ pro necessarijs capiendis erant. Constructo verò Palatio, & rebus suis ordinatis, populum suum disposuit in tres partes, dicens. Viæ meæ sunt ad remotas partes; state, & laborate viriliter pro honore meo. Constitui enim vobis necessaria vestra, & victualia; habetis & Iudices, qui vos iudicent; habetis Defensores, qui vos ab inimicis defendāt. Cōstitui, & laboratores, qui vos pascant, & de labore suo mihi decimam partem persoluēt, & utilitati meæ, & honori reseruabunt. Interiecto autem aliquo tempore nomen Ciuitatis oblitum est, tunc dixerunt Iudices. Dominus noster ad remotas partes profectus est, iudicemus rectum iudicium, & faciamus iustitiā, ut redeunte Do-

VERBA QUALITER DOMINVS

capitulum superius immediate dictum declarat, & de sententia contra tales illara, & qualiter Deus ad tempus propter bonos sustinet malos.

CAP. LVI.



DIXI tibi prius. Quia gladius Ecclesie mee abiectus est, & pro eo assumptus est saccus pecunie, qui ex vna parte apertus est, & ex alia sic profundus, quod quicquid ingreditur, nunquam capit fundum, nec vnquam impletur. Hic saccus est cupiditas, quae omnem modum, & mensuram excedit, & tantum inualuit, quod contempto Domino nil desideratur, nisi pecunia, & propria voluntas. Attamen ego sum sicut Dominus, qui & Pater, & Iudex est. Cui eunti ad iudicium, dicunt circumstantes Domine procede citius, & fac iudicium. Quibus respondit Dominus. Expectate, modicum vsque cras, quia forte filius meus adhuc interim emendabit se. Veniente autem eo altero die, dicunt ei populi. Procede Domine, & fac iudicium. Vsquequod protrahis iudicium, & non iudicas nocentes? Respondit Dominus. Adhuc modicum expectate, si filius meus emendet se. Et tunc si non respiciet, faciam quod iustum est. Sic ego patienter suffero hominem vsque ad nouissimum punctum, quia Pater, & Iudex sum. Veruntamen quia Iustitia mea incommutabilis est, & quamuis diu protrahitur, tamen aut puniam, si non emendauerint se peccatores, aut misericordiam faciam in conuersos. Dixi etiam tibi prius, quod populum diuisi in tres partes, scilicet in iudices, in defensores, & laboratores. Quos enim significant isti Iudices, nisi Clericos, qui diuinam sapientiam verterunt in prauam, & vanam. Sicut illi Clerici solent facere, qui recipiunt mul-

ta verba, & componunt in pauca, & illa pauca verba sonant idem, quod multa. Sic Clerici huius temporis receperunt decem mandata mea, & composuerunt in vnum verbum. Quid est hoc vnum verbum? Porridge manum, & da pecuniam. Hec est sapientia eorum, loqui pulchre, & agere male. Simulare se meum, & agere nequiter contra me. Ipsi denique pro muneribus peccantes libenter patiuntur in peccatis. Simples exemplo suo prauo precipitant. Insuper euntes per viam meam odiunt. Secundò defensores Ecclesie, idest Curiales sunt infideles, qui frugerunt promissionem suam, & iuramentum, & peccantes contra fidem Ecclesie mee, & constitutionem, libenter tolerant. Tertiò laboratores, idest communitas, sunt sicut Tauri indomiti, qui habent tria. Effodiunt enim terram pedibus. Secundò implent se ad fatietatem. Tertiò complent voluntatem suam iuxta desiderium suum. Sic communitas nunc toris affectionibus inhiat temporalibus. Implet se immoderata gula, & vanitate mundi. Compleat absque ratione carnis suae delectationem. Sed licet inimici mei sint multi, tamen inter eos multos habeo amicos, quamuis occultos. Sicut dicebatur ad Heliam, qui nullum putabat superesse amicū meum, nisi se solum. Habeo (inquit) septem milia virorum, qui non flectebant genua sua ante Baal. Sic ego licet multi sint inimici, habeo tamen occultos amicos inter eos, qui quotidie plorant, quod inimici mei preualuerunt, & quod nomen meum despicitur. Propterea propter precēs eorum, sicut Rex charitativus, et bonus, sciens opera Ciuitatis mala, patienter tolerat inhabitantes, & mittit litteras amicis suis, faciens eos cautos de periculo suo. Sic ego verba mea mitto amicis meis, quae non sic obscura sunt, vt Apocalypsis, quam Ioanni ostendi sub obscuritate, vt à spiritu meo in suo tempore cum mihi placeret explanarentur. Nec ita occult-

occulta sunt; vt non annuncientur; sicut Paulus videbat de mysterijs meis; quæ non licebat loqui. Sed sic aperta sunt, vt omnes tam parui, quam magni intelligant. Tam lenia, vt omnes, qui velint possint capere. Ergo amici mei verba mea venire faciunt ad inimicos meos, si forte conuertantur; & innotescat eis periculum, & iudicium eorum, vt compungantur de factis suis. Alioquin iudicium erit Ciuitatis, & sicut interruptur murus, vbi non relinquitur lapis super lapidem, nec in fundamento duo lapides sibi mutuo adhaerebunt; sic Ciuitati, idest mundo fiet. Iudices vero ardebunt igne ardentissimo. Nullus autem ignis est ardentior, quam qui nutritur aliqua pinguedine. Isti iudices pingues fuerunt; quia plus occasione habuerunt complendi voluntatem suam. Plus alij excedebant honore; & abundantia temporalium. Plus alij abundabant malitia; & iniquitate, ideo in sartagine feruentissima ardebunt. Defensores vero suspendentur in altissimo patibulo. Patibulum enim constat ex duobus lignis erectis, & tertio posito ex transuerso, vt super liminare. Hoc patibulum cum duobus lignis est pena eorum scilicet, quæ constat quasi ex duobus lignis. Primum est, quod non sperabant præmium meum æternum, nec pro operibus laborabant. Secundum lignum est, quod diffidebant de potentia, & bonitate mea, quod non omnia possem, nec vellem dare eis ad sufficientiam. Lignum autem ex transuerso est conscientia eorum praua ex eo videlicet, quod intelligebant bene, & faciebant mala, nec verecundabantur facere contra conscientiam suam. Funiculus autem patibuli est ignis æternus, qui non extinguitur aqua, nec rescinditur forficibus, nec finitur; nec rumpetur vetustate. In hoc patibulo, vbi pena est scilicet, & ignis inextinguibilis pendebunt, & habebunt confusionem, sicut proditores sentient miseria, quia fuerunt infide-

les. Audient opprobria, quia displicuerunt eis verba mea. Erit vñ in ore eorum; quia laus, & honor proprius dulcis fuit eis. In hoc patibulo lacerabunt eos Corui, idest Dæmones, qui nunquam satiantur, sed nec lacerati consumentur; sine fine viuunt cruciati, & sine fine viuunt cruciatores. Ibi erit vñ, quod nunquam finietur, miseria, quæ nunquam mitigabitur. Vñ eis, quia vnquam nati fuerunt. Vñ eis, quia vita eorum prolongata fuerat. Tertio iustitia laboratorum est qualis Taurorum. Tauri habent carnem, & pellem nimis duram, ideo iudicium eorum est ferrum acutissimum. Hoc ferrum acutissimum est mors inferni, quæ cruciabit eos, qui me contempserunt, & propriam voluntatem pro mandato meo dilexerunt. Littera igitur, idest verba mea, scripta est; laborent amici mei, vt ad inimicos meos sapiet, & discretè veniant, si forte audire velint, & respicerent. Si autem aliqui auditis verbis meis dixerunt, expectemus adhuc modicum, tempus nondum veniet, nondum est tempus eius. 3 Ego iuro in Deitate mea, quæ Adam expulit de Paradiso, Pharaoni decem plagas immisit, quod venio eis citius, quàm credunt. Ego iuro in humanitate mea, quam de Virgine assumpsit sine peccato pro salute hominum, in qua tribulationem habui in corde, penam sam passus in carne, & mortem pro vita hominum, in qua resurrexi, & ascendi, & sedeo ad dexteram Patris verus Deus, & homo in vna persona, quod complebo verba mea. Ego iuro in spiritu meo, qui super Apolos in die Pentecostes est missus, & inflamauit eos, vt omnium gentium linguis loquerentur, quod nisi cum emendatione ad me, quasi serui; & fragiles redierint, vindicabor in eos in ira mea. Tunc vñ erit eis in corpore, & anima. Vñ quia viui in mundum venerunt, & in mundo vixerunt. Vñ quia modica fuit eorum voluptas, & adhuc illa vana, & cruciatus

eorum erit perpetuus. Tūc sentiens, quod nunc credere contemnunt, quod verba mea fuerunt charitatis. Tunc intelligēt, quod quasi pater monui eos, & me noluerunt audire. Ecce si verbis noluerint credere beniuolē, credent operibus cum venerint.

N O T A E.

1
var.
lect.

HAec est sapientia eorum loqui pulchrē, & agere malē, simulare se meum, & agere contra me.

Sic in vulgatis habetur, sed Codex Farnesianus M.S. sic habet. Hac est sapientia eorum loqui pulchrē, & agere malē, simulane enim seruire mihi, & agunt contra me.

2 Sicut dicebatur ad Heliā, qui nullum putabat superesse amicum, nisi se solum; habeo, inquit, septem millia virorum, qui non flectabant genua sua antē Baal.

Eandem penitus sententiam legimus 3. Reg. cap. 10. & Rom. 1. 1. ad horum intelligentiam sciendum est primō Baal esse nomen Idoli, quod D. Hieron. in Genes. cap. 9. & super Sophon. c. 1 interpretatur, aut dominans, vel subiiciens, aut possides, de quo in pluribus scripturā locis mentio fit, ut num 22. Hierem. 2. Osee 2. Sophon. 1. sed Theodoret. in Hierem. cap. 22. affirmat Baal esse nomen Idolorum generale, & Dionys. Carthus. in epist. ad Rom. loco cit. esse Deum Achab, Iezabel: sed quidquid sit de nominis ethimologia. Dicendū est Christum Dominum hoc loco insinuare voluisse B. Brigittā, quod quamuis multi ex Clericis ei terga verterint, & legem suam, ac precepta deseruerint, non tamen deesse sibi alios, qui amici eius sint, quiq. pro delictis suis, ac etiam inimicis precēs ad Deum quotidie fundant, sicut enim dictum est Elię Prophete, qui existimabat in se solo saluas esse religionis, ac pietatis reliquias, quod adhuc sibi supererat septem millia virorum, qui non curuauerunt genua antē Baal, sic Christus Dominus hic B. Brigittā dicit, quod licet multos inimicos habeat, plures tamen sibi esse inter eos occultos, qui quotidie pro suis, ceterorūq. peccatis plorat.

3 Ego iuro in Deitate mea, quā Adam

expulit de Paradiso, Pharaoni decem plagas immisit, quod venio eis citius, quā credunt.

Hic de ultimo Christi Domini aduentu ad vniuersale iudicium sermo fit, quod aperte colligi potest ex his verbis, quae aliquanto post hoc eodem Cap. leguntur, ubi scribitur, Tunc de erit eis in corpore, & anima, cruciabuntur enim post latam sententiam in corpore, & anima: cum autem legimus, tunc venio eis citius, quā credunt, innuitur extremum vniuersale iudicium quā citissime esse peragendum, quod etiam ex sanctis Patribus docent. D. Chrysost. hom. 50. operis imperfecti, & hom. 33. in Ioannem circa finem, explicans illa verba Pauli ad Philippens. 4. Dominus propē est. D. Cyprian. epist. 54. De his (inquit) indicat occultorum scrutator citō reuerus, & epist. 56. & 58. idē repetit, hoc etiam indicat D. Greg. lib. 4. epist. epist. 72. et. 38. et hom. 1. in Euangelio de persecutione. c. 11. Antichristo (inquit) iam instante Hieron. epist. 11. ad Ageruch. Ambros. orat. in Satir. fratrem antē med. Bernard. serm. 6. in Psal. 90. & Dionys. Carthus. Apocal. 1. edisserens ea verba D. Ioan. Quae oportet fieri citō, quod etiam plures alij hic annotarunt, & colligitur Iacobi 5. Ecce index ad ianuā stat, & 1 Ioan. 1. Nouissima hora haec est. Sap. 6. Horridē, & citō apparebit: quando autem futurum sit, ex sacris litteris non constat. Undē Matth. 24. & Marci 14. dicit Christus, de die illa nemo scit, neque filius hominis, hoc verō intelligit, quod Christus nesciat ad reuelandum alijs, propterea D. Aug. lib. 22. & 18. de Ciuit. Dei affirmat, quod si nobis expedisset, Apostolis reuelasset. Si quis autē curiosus sciscitetur, quo mense, quāue hora vniuersale iudicium futurum sit, posset probabiliter dici, quod eo tēpore, quo factus est mundus, & redemptus, eo quoque indicabitur Mense nimirum Martij, ut tradit D. Tho. in 4. d. 3. q. 4. & in supplem. ad 3. p. q. 77. art. 3. Sole etiam existēte in Oriēte, et Luna in Occidente in eadē dispositione, qua creata sunt, ut in dē eorum motus terminetur, undē cepit moueri: si verō loquamur de hora, Cassiod.

VERBA DOMINI AD SPONSAM
qualiter ipse sit in Christianorum ani-
mabus cibus abhominabilis, & despe-
ctus, & per contrarium mundus in eis
sit delectabilis, & dilectus, & de iudi-
cio terribili contra tales illato.

C A P. LVII.

sed quia nondum venerat hora mea, exiit de manibus eorum. Sic Christiani faciunt mihi nunc. Ipsi eiciunt me de templo suo, id est de anima eorum, quæ templum meum esse deberet, & libenter occideret me, si posset. Ego sum in ore eorum, quasi caro putrida, & scærens, & video eis quasi homo loquens mendacium, & nihil curant de me. Ipsi vertunt ad me dorsum, & ego ad eos vertam occiput, quia in ore eorum nihil est nisi cupiditas. In carne luxuria quasi iumentum. In auditu eorum placet sola superbia. In visu delectabilia mundi. Passio vero mea, & charitas est eis abominabilis, & vita mea grauis. Propterea ego faciam sicut animal illud facit, quod multa latibula habet, quod cum persecutum à venatoribus fuerit in vno latibulo, fugit in aliud. Sic ego faciam, quia Christiani persequuntur me malis operibus suis, & eiciunt me de latibulo cordis sui. Ideo ingredi volo ad Paganos, in quorum ore nunc sum amarus, & insipidus, & ero in ore eorum, dulcis super mel. At tamen adhuc ita misericors sum, quod quicumque petierint veniam, & dixerint. Domine ego cognosco me grauiter peccasse, & libenter volo me emendare per gratiam tuam, miserere mei propter amaram passionem tuam, ego gaudenter suscipio eum. Qui autem persistit in malo suo, veniam eis quasi gygas, qui habet tria, scilicet terribilitatem, fortitudinem, & asperitatem. Sic veniam Christianis terribilis, ut non minimum digitum audeant mouere contra me: Veniam, & sic fortis, quod quasi culex erunt ante me.

Tertiò veniam eis sic
asper, quòd v^z
sentient in
pr^z-
senti, & v^z sine
fine.

VERBA MATRIS AD SPONSAM,
& Matris, & filij dulciter adinuicem;
& qualiter iniquis Christus est ama-
rus, amarior, amarissimus, & bonis
dulcis, dulcior, dulcissimus.

C. A. P. LVIII. In quo
mater loquitur ad sponsam.



MATER loquebatur ad spon-
sam. In Considera sponsa
noua passionem filij mei;
cuius passio omnium San-
ctorum passionem in ama-
ritudine superauit. Sic enim mater, si
filium suum viuum in eide videret, ama-
rissimè turbaretur; sic ego in passione
filij mei, visa amaritudine eius turbabar.
Deinde loquebatur ad filium. Benedictus
sis tu fili mi; quia sanctus es, sicut cana-
tur; Sanctus, Sanctus, Sanctus Dominus
Deus Sabaoth. Benedictus sis tu, quia dul-
cis es, dulcior, & dulcissimus. Tu sanctus
eras ante incarnationem, sanctus in vtero,
sanctus post incarnationem. Tu etiā dulcis
fuisi ante mundi creationem, dulcior An-
gelis, dulcissimus mihi in incarnatione.
Respondit filius. Benedicta sis tu Mater pre
omnibus Angelis. Sicut enim ter, ut nunc
dixisti, fui dulcissimus; sic malus sum ama-
rus; amarior, amarissimus. Amarus sum
illis, qui dicunt me creasse multa sine cau-
sa, qui blasphemant me hominem creasse
se ad mortem, non ad vitam. O misera
& infensata cogitatio. Nunquid ego iu-
stissimus, & virtuosissimus? Angelos crea-
ui sine ratione? Nunquid ego tanta boni-
tate dixissem hominem, si creassem eum
ad damnationem? Nequaquam. Ego quip-
pe omnia bene feci, & ex charitate omne
bonum dedi homini. Ipse autem omnia
bona vertit sibi in malum. Non quod ego
aliquid malum fecerim, sed quia ipse ho-
mo, cum aliter, quam secundum diuinam
constitutionem mouet voluntatem suam
hoc est ad malum. 2. His autem sum ama-
rior, qui dicunt me liberum arbitrium de-

disse ad peccandum, & non faciendum
bonum. Qui dicunt me iniustum esse, eo
quod alios iustifico. Qui imputant mihi;
quod mali fontis aqua subtraho eis gratiam
meam. His vero sum amarissimus, qui
dicunt legem, & mandata mea difficilli-
ma, & neminem posse implere ea; qui di-
cunt passionem meā eis nihil valere, ideo
& pro nihilo reputant eam. Propterea iu-
ro in vita mea, sicut olim iurabam Pro-
phetis, quod excusabo me coram Ange-
lis, & omnibus Sanctis meis, & probabunt
hi, quibus amarus sum, me omnia ratio-
nabiliter, & bene creasse, & ad utilitatem,
& eruditionem hominis, nec minimum
vermem sine causa subsistere. Hi verò,
qui me amariorem habent, probabunt me,
liberum arbitrium pro bono hominibus
sapienter dedisse. Sciēt & me esse iustum,
qui bono homini do aeternum regnum,
malo verò aeternum supplicium. Non
enim deceret Diabolus, qui à me bene
factus est, & ex malitia sua lapsus, ut cum
bono societatem haberet. Probabunt etiā
mali homines non esse propter meam cul-
pam, quod ipsi mali sunt, sed propter suā,
culpam propriam. Ego enim si possibile
esset libenter pro vno quoque homine ta-
lem poenam exciperem, qualem semel in
Cruce pro omnibus recepi ad hoc, ut ad
promissam hereditatem redirent. Sed ho-
mo voluntatem suam semper habet mihi
contrariam. Cui ideo dedi libertatem, ut
seruiret mihi si veller, & haberet aeternum
praemium, si autem noller, haberet sup-
plicium cum Diabolo, propter cuius ma-
litiā, & eius sequaciū internus iustus fa-
ctus est. Ego enim quia charitativus sum,
nolo, ut homo seruiat mihi ex timore, vel
coactus quasi animal irrationale, sed ex
diuina charitate. Quia nullus videre po-
test faciem meam, qui inuitus seruit mi-
hi ex timore poenae. Illi vero, quibus ama-
rissimus sum, intelligent in conscientia
sua, legem meam fuisse leuissimam, & iu-
gum meum suauissimum, & dolebunt
inconsolabiliter, quod spreuerunt legem
meam,

meam, & quod dilexerunt magis mundum, cuius iugum grauius est, & difficultus multo, quam meum. Tunc respondit Mater: Benedictus sis tu fili mi, Deus meus, & Dominus meus. Rogo te, ut quia tu mihi fuisti dulcissimus, alij participes fiant dulcedinis meae. Qui respondit filius: Benedicta sis tu charissima mater, verba tua sunt dulcia, & charitate plena. Ideo quicumque de dulcedine tua in os suum receperit, & perfecte tenuerit proficiet ei. Qui autem receperit, & reiecerit, tanto amarior supplicium habebit. Tunc respondit Virgo. Benedictus sis tu fili mi pro omni dilectione tua.

N O T A E

Cuius passio omnium Sanctorum passionem in amaritudine superauit. Christi Domini dolores fuisse omnium maximos, (Thren. 1. d. insinuat: ibi omnes, qui transitis per viam) & quamquam aliqui existimant, aliquando Martyres secundum aliquas particulares conditionis, reputa quancum ad passionis diuinitatem, & alia, maiores sustinuisse dolores, tamen quoad omnes causas doloris, nullus equalem dolorem Christi doloribus passus est; quod procedere non solum quoad externum dolorem sensibilem, qui ex corporali nocuo nascitur, sed etiam quoad internum, qui ex aliquis nostri apprehensione emanat, tradit D. Thom. 3. par. quest. 46. art. 6. ubi magnitudinem dolorum Christi ex quatuor perpendit causis, ex patientis primo complexione corporis, in qua maxime sensus tactus viget, ex passionis generalitate, & magnitudine lationis, ex quantitate doloris proportionata ad finem, quia quantitatem passionum assumpsit proportionatam magnitudini fructus, qui inde manare debebant, postremo ex efficacia anime, & interiori apprehensione, ex qua vis doloris maxime pendet, unde optime annotauit Hylar. lib. 10. de Trinitate. ubi ait: Christum id peragendum mortis sua sacramentum consumasse omnium humanarum ge-

nus passionum, cum inclinato capite emisit spiritum, & ratio huius esse potest, quia hec quatuor cum fuerint in Christo perfectissima, non mirum si quique dolores fuerint grauissimi, eoq. magis, quod Christus eas causas poterat voluntate sua impedire, aut etiam lenire, quod non fecit. & unicuique causa secundum suam naturalem potestatem permisit operari, & quae eius erant propria agere, ut Damasc. lib. 3. de fide cap. 19. & 20. & hoc videbatur decere, tum propter maiorem excellentiam suae satisfactionis, tum ut assumpta carnis veritatem ostenderet, tum etiam ut nobis exemplum patiendi relinqueret.

His autem sum amarior, qui dicunt me, &c.

Quemadmodum totius mali radix est liberum arbitrium, nisi secundum rationis dictamen operetur, ita prorsus homo nequaquam recte viuere, aut mereri posset, nisi gratia Dei adiutus. & suis actionibus peculiari Dei beneficio liber factus, liberè quoque operetur, ex quo nullatenus licet inferre, fuisse homini ad peccandum liberum a Deo collatum arbitrium, quia per illud peccare potest, non enim inquit D. August. lib. 2. de lib. arbit. non longe à principio, quia per illud etiam peccatur, ad hoc Deum illud dedisse credendum est, scilicet ergo causa est, cur dare debuerit, quia sine illo homo recte viuere minimè potest, ad hoc autem datum, vel hinc potest intelligi, quia si quis eo fuerit usus ad peccandum diuinitus in eo vindicatur, quod iniuste fieret, si ut peccaretur libera esset voluntas data. Unde egregie Lyrar. super illud Eccl. 1. 5. Et reliquit hominem in manu consilij sui. vocat hanc liberi arbitrii facultatē conservandi iustitiam potestatem, non propriae voluntatis faciendae facultatem. Sed hac de re latius egimus Lib. 5. Revelation. inter 3. quest. 3. & Lib. 8. Cap. 56. scribitur, Deum homini liberū dedisse arbitrium, ut caelestia desideraret, & terrena contemneret, & serm. de excell. Virg. c. 6. Datū est homini liberū arbitrium ut per illud in bono perseverans staret ad bonum praeium, & in malum non caderet.

VERBA CHRISTI PRÆSENTE
 sponsa, scilicet qualiter Christus per
 rusticum, boni Sacerdotes per bonum
 pastorem, mali Sacerdotes per malum
 pastorem, & boni Christiani per vx-
 orem designantur, & figurantur. In
 qua figura multa vtilia continentur.

C A P. LIX.



EGO sum, qui nunquam
 dixi falsum. Ego reputor
 in mundo quasi rusticus,
 cuius nomen videtur con-
 temptibile. Verba mea

reputantur fatua, & domus mea reputa-
 tur tugurium vile. Iste rusticus habuit
 vxorem, quæ nihil voluit nisi iuxta vo-
 luntatem eius, quæ possidebat omnia cū
 viro, & habuit eum pro domino suo, obe-
 diens ei in omnibus quasi domino suo.
 Iste rusticus habuit etiam multas oves,
 ad quarum custodiam conduxit sibi pa-
 storem pro quinque aureis, & vt mini-
 straret ei necessaria vitæ suæ. Iste pastor,
 quia bonus erat, auro vtebatur ad vtilitatē
 suam, vtiualibus ad necessitatem vitæ.
 Post istum pastorem transeunte tempore,
 aliquo venit alius deterior, qui cum auro
 emit sibi vxorem, ad quam detulit ciba-
 ria sua, continuo requiescens cum illa,
 non curans de ouibus, quæ miserabiliter
 à bestiis crudelibus dispergebantur. Tunc
 rusticus videns dispersionem ouium sua-
 rum, clamabat dicens: Pastor meus est mi-
 hi infidelis. Oves meæ dispersæ sūt, & à
 bestiis ferocissimis aliquæ deuoratz pe-
 nitur cum corpore, & vellere. Aliquæ
 mortuæ sunt, sed corpora incommecta.
 Tunc dixit rustico viro suo vxor: Domi-
 ne mi, corpora, quæ deuorata sunt, certum
 est, quod non rehabebimus; ergo corpo-
 ra illa, quæ remanent intacta, quamuis
 sine spiritu sunt deferamus domum, &
 vramur eis. Si enim ex toto caruerimus,
 intolerabile erit nobis. Respondit ei ma-
 ritus. Quid ergo faciemus, quia anima-

lia venenata erāt dentibus, caro ouium si-
 militer infecta est veneno mortifero, pel-
 lis corrupta, lana conglobata in vnū. Re-
 spondit vxor, si omnia maculata sunt, &
 omnia auferuntur, vnde tunc viuemus?
 Respondit maritus. Ego video in tribus
 locis viuentes oues. Quædam sunt simi-
 les mortuis ouibus, quæ præ timore non
 audent respirare. Secundæ iacent in lu-
 to profundo, nec sufficiunt eleuare se.
 Tertiæ stant in latebris, nec audent
 procedere. Ergo vxor mea veni, & eri-
 gamus oues, quæ conantur surgere, & sine
 auxilio non sufficiunt, & vramur eis. Ec-
 ce ego Dominus sum ille rusticus, quia ab
 hominibus reputor quasi anxius, nutritus
 in cubili suo, iuxta modū, & mores suos.
 Nomen meum est sanctę Ecclesię dispo-
 sitio. Hæc reputatur contemptibilis, quia
 Sacramenta Ecclesię, scilicet Baptismus,
 Chrisma, Vnctio, Pœnitentia, & Coniu-
 gium recipiuntur quasi pro derisione, &
 dantur alijs pro cupiditate. Verba mea
 iudicantur fatua, quia verba, quæ proprio
 ore loquebar cum similitudinibus, ver-
 tuntur de spirituali intelligentia ad cor-
 poris alleuiationem. Domus mea videtur
 contemptibilis, quia terrena diliguntur
 pro celestibus. Per pastorem istum pri-
 mum, quæ habui, intelligo amicos meos
 sacerdotes, quos olim in sancta Ecclesia
 habui, quia per vnus vocabulum intelli-
 go plures. His commisi oues meas, idest
 corpus meum dignissimum sanctifican-
 dum, & animas electorum meorum gu-
 bernandas, & defendendas. Quibus etiam
 dedi quinque bona præciosiora omni au-
 ro, scilicet conscientiam intelligentem
 super omnia irrationabilia, vt discernent
 inter bonum, & malum, inter verum,
 & falsum. Secundò dedi eis spiritualium
 rerum intelligentiam, & sapientiam,
 quæ nunc oblita est, & diligitur pro ea
 humana sapientia. Tertiò dedi eis casti-
 tatem. Quartò temperantiam omnium
 rerum, & abstinentiam ad corporis mo-
 derationem. Quintò stabilitatem in bo-
 nis

1
 var.
 lect.

2
 var.
 lect.

nis moribus, verbis; & operibus. Post istum primum pastorem, idest amicos meos, qui antiquitus erant in Ecclesia mea, subintraverunt nunc aliqui pastores, qui pro auro emerunt sibi vxorem, idest pro castitate; & illis quinque bonis assumptum sibi femineum corpus, idest incontinentiam, per quam spiritus meus discessit ab eis. Quando enim voluntatem habent completam peccandi, & satiandi coniugem suam, idest voluptatem suam ad libitum suum, tunc spiritus meus abest ab eis, quia non curant de ouium damno si possint voluptatē suam perficere. Oves autem, quæ ex toto sunt deuorata, illi sunt, quorum animæ in inferno sunt, & corpora condita in sepulchris, expectantia resurrectionem damnationis æternæ. Oves verò, quarum carnes remanent, & spiritus ablatus est, sunt illi, qui nec diligunt, nec timent me, nec aliqua deuotione; & cura afficiuntur circa me. Ab illis enim longè est spiritus meus, quia caro eorum ex venenatis bestiarum dentibus venenata est, idest anima eorum, & cogitationes, quæ designantur in carne ouium, & in testinis, sic amara sunt mihi, & abominabilia ad delectandum in eis, quemadmodum caro venenata. Pellis eorum, idest corpus eorum aridum est ab omni bono, & ab omni charitate, & nulli vsui aptum in regno meo, sed tradetur igni perpetuo in inferno post iudicium. Lana eorum, idest opera eorum ex toto inutilia sunt, vt nihil inueniatur in eis, pro quibus charitatem meam, & gratiam digni sint habere. Quid ergo nunc ò vxor mea, idest boni Christiani, quos in vxore intelligo, faciemus? Ego video in tribus locis viuentes oues, quædam sunt similes mortuis ouibus, quæ præ timore non audent respirare. Hi sunt Gentiles, qui libenter vellent habere fidem rectā, si scirent quomodo, sed ipsi non audent respirare, idest non audent præ timore dimittere fidem, quā habent, nec audent recipere rectam. Secundæ oues sunt, quæ stant in latebris,

nec audent procedere. Hi sunt Iudæi, qui stant quasi sub velamine, qui libenter procederent, si scirent pro certo me natū, Occulant autem se quasi sub velamento, quia in figuris, & signis, quæ me in lege significabant, & in me veraciter completa sunt, sperant salutem, & ex illa vana spectant ad fidem rectam procedere. Tertiæ oues, quæ in luto stant, sunt Christiani in mortalibus peccatis constituti. Ipsi enim propter timorem supplicij libenter surgerent, sed non possunt propter peccata grauiā, & quia nullam habent charitatem. Ergo vxor, idest Christiani boni iuuatē me. Nam sicut vxor, & vir vna caro, & vnum membrum esse tenentur, sic Christianus membrum meum est, & ego suum, quia ego in eo, & ipse in me. Ideo ò vxor idest boni Christiani currite mecum ad oues, quæ adhuc habent spiritum, & erigamus eas, & refoueamus. Compatimini mihi, quia multum carē emi oues, recipe mecum, & ego tecum. Tu in dorsum, & ego in caput, gaudenter duco eas inter manus meas. Ego portauī eas omnes semel in dorso meo, & quando erat totum sauciatum, & stipiti affixū. O amici mei sic tenerē diligo oues istas, quod si possibile esset adhuc mori propter quamlibet ouem speciali morte, qualem in Cruce semel pro omnibus passus sum, magis eas redimerem, quā eis carerem. Ergo clamo ad amicos meos, toto corde, quod non parcant labori pro me, non bonis, & si mihi de verbis improprij non parcebatur, dum eram in mundo, non parcant ipsi veritatem loqui de me. Ego non erubui illam contemptibilem mortem pro eis. Ego sicut natus fui, stabam nudus ante oculos inimicorum meorum. Ego fui percussus cum pugno, in dentes. Ego tractus in crinibus cum digitis eorū. Ego flagellatus flagellis eorum. Ego affixus ligno cum instrumentis eorum, & pendebar cum furibus, & latronibus in Cruce. Propterea amici mei non parcatis laborare pro me, qui talia sustinui ex cha-

charitate propter vos: Laborate viriliter, & ferte iouibus indigentibus auxilium.
 4 Ego iuro in humanitate mea, quae est in Patre, & Pater in me, & per Deitatem, quae est in spiritu meo, & spiritus in ea, & idem spiritus in me, & ego in eo; & hi tres vnus Deus in tribus personis, quod quicumque laborauerint, & persevererint oues meas mecum, occurrant eis in media via ad succurrendum; & dabo eis stipendium pretiosissimum, id est meipsum in gaudium sempiternum.
 NOTAE

1
var.
lect.

Oves meae dispersae sunt, & a bestiis ferocissimis aliquae deuoratae penitus cum corpore, & velle.
 Sic legunt omnes impressi Codices, sed E. Farnesianus: M. S. habet, & a bestiis ferocissimis deuoratae penitus cum corpore, pellit, & velle: re, & hic nota, quod uellit dicitur lana ex oue deossa, & significat in sacris litteris bona opera, quae quidem cum ab existente in mortali peccato sunt, mortua dicuntur, & a bestiis deuorata, hoc est a Demonibus, qui homines ad peccatum instigantibus inhabiles reddunt ad meritorium operandum, idem Genes. 30. scribitur, fuisse oues diuersi coloris separatas; per quod mystice diuersorum operum multiplicitas designatur; quod etiam indicant Glossa ordinaria ibid.

2
var.
lect.

Et paulo post ubi exemplaria impressa legunt, tertiae sunt in latebris, nec audent procedere.
 M. S. Farnesianus habet, nec audent se presentare.

3
var.
lect.

Ego clamo ad amicos meos toto corde, quod non parcant labori pro me non bonis.
 Hic locus corrigendus est sic cum M. S. Ego clamo ad amicos meos toto corde, quod non parcant labori pro me, & pro meis bonis omnibus amicis.

4

Ego iuro in humanitate mea, quae est in Patre, & Pater in me, & per Deitatem, quae est in spiritu meo, & spiritus in ea, & idem spiritus in me, & ego in eo; & hi tres vnus Deus in tribus personis, quod quicumque laborauerint, & persevererint oues meas mecum, occurrant eis in media via ad succurrendum; & dabo eis stipendium pretiosissimum, id est meipsum in gaudium sempiternum.

enim Filius incarnatus fuit, & ipse solus, cum Scholasticis, Doctores loquuntur humanam naturam terminauit; sicut probauimus Lib. 12. Rem. Cap. 3. 8. Nota 1. & Lib. 2. Cap. 13. Nota 6. Ideo cum legimus hic Christi humanitatem in Patre esse, intelligendum est esse, efficienter in eo, & ab eo cum Verbo, & Spiritu sancto tanquam ab efficiente principio incarnationis opus mansisse: sunt enim operationes ad extra communes toti Trinitati; quidquid enim facit Pater Ioan. 5. scribitur. Et Filius facit, idem dicendum de Spiritu sancto, quia de re etiam scripsimus Lib. 3. Cap. 26. Nota 2.

VERBA FILII AD SPONSAM DE

tribus generibus Christianorum figuratis per Iudaeos in Aegypto existentes, & qualiter ista ad sponsam reuelatae sunt, transferenda, & testificanda, & praedicanda per Dei amicos personis ignorantibus.

C. A. P. L X.

ILLIVS Dei loquebatur ad sponsam dicens: Ego sum Deus Israel, & ille, qui cum Moysse loquebatur. Moyses cum populum meum mitteretur, petiit signum aliquod dicens: non credit mihi aliter populus. Si ergo erat populus Domini, ad quem Moyses mitteretur, quare diffidebat? Sed scire debes, quod in illo populo tria genera hominum erant. Quidam credebant Deo, & Moysi. Secundi erant, qui credebant Deo, & diffidebant de Moysse, reputantes, ne forte ex adinventione propria, & praesumptione talia loqui, vel facere praesumeret. Tertij erant, qui nec Deo, nec Moysi credebant. Sic nunc tria genera hominum sunt inter Christianos, qui in Hebraeis signantur. Aliqui sunt, qui bene credunt Deo, & verbis meis. Alij sunt, qui credunt Deo, sed diffidunt de verbis meis, quia nesciunt discernere inter spiritum bonum, & spiritum malum.

Ter.

Tertij sunt, qui nec credunt mihi, nec tibi, cum qua verba mea loquutus sum. Sed sicut dixi, licet Hebræorum quidam diffidebant de Moyse, tamen omnes cum eo Mare rubrum transierunt in Eremum, vbi qui diffidebant colebant idola, et prouocauerunt Deum ad iram, ideò et consumpti sunt misera morte, sed hoc non fecerunt, nisi illi soli, qui malam fidem habuerunt. Propterea quia humanus animus tardus est ad credendum. Ideò amicus transferet verba mea ad eos, qui credunt ei: Ipsi postmodum diffudent ad alios, qui nesciunt discernere inter bonum spiritum, et malum.

1 Si autem audientes petierint signum, ostendant eis virgam, sicut Moyses fecit, idest verba mea explanent eis. Sicut enim virga Moyse recta erat, et terribilis propter mutationem in serpentem. Sic verba mea recta sunt, et nulla in eis inuenitur falsitas. Terribilia sunt, quia iudicium rectum sonant. Præponant, et testificentur, quod ad verbum, et sonum vnus oris cessit, et recessit Diabolus à Dei creatura, 2 qui nisi potestate mea refrænaretur, etiam mouere posset montes. Qualis tunc eius potentia cum permissione Dei, qui ad vnus vocis sonitum fugebatur. Propterea sicut illi Hebræi, qui nec crediderunt Deo, nec Moyse, processerunt de Aegypto in terram promissionis, quasi coarctando se cum alijs. 3 Sic nunc multi Christiani quasi inuiti procedunt cum electis meis, quia non confidunt de potentia mea, quòd saluare eos possim. Nullatenus credunt verbis meis, falsam spem habent ad virtutem meam. 4 Attamen verba mea sine voluntate eorum complebuntur, et quasi arctabunt se ad perfectionem.

5 vsquequo veniant ad locum, qui mihi placuerit.

5
var.
lect.

1 Si autem audientes petierint signum ostendant eis virgam, sicut Moyses fecit, idest verba mea explanent eis.

Verba Dei virga Moysis comparantur, quia sicut illa in terram proiecta in serpentem mutabatur, sic verbum Dei, quod semen esse scribitur Luca 8. In corde fidelium proiectum eorum conuersionem operatur, secundum illud Psalm. 18. Lex Domini conuertens animas. Secundo quia sicut serpens ex virga Moysis Verbum caro factum designabat, & iterum serpens per conuersionem in virgam rediens, resurrexisse Christum notabat, ut tradunt Tertull. aduersus Iudeos, Greg. Nyssen. de vita Moysis, D. Aug. super Psalm. 73. & lib. 12. contra Faustum Manich. cap. 28. D. Chrysost. in Ioan. hom. 26. D. Ambros. 3. de Spiritu sancto cap. 9. explicans ea verba, Redemisti virgam hereditatis tue, ita & qui verbum Dei libenter audiunt, illud eorum cordibus imprimunt, & eos Christum Dominum in eorum animis concepisse, & cum eo quoque resurrexisse notatur.

2 Qui nisi à potestate mea refrænaretur etiam mouere posset montes.

Agitur hoc loco de potestate Demonis, quã tantam esse Iob 41. cap. scribit, ut non sit super terram potestas, quæ comparetur ei, & idcirco Dauid Psalm. 71. eum absolute potentem vocat. Quia liberauit (inquit) pauperem à potente, quod etiã ibi annotauit Theodoret. & latè explicat D. Greg. lib. 33. Moral. c. 17. & alij plures: hanc vero potestatem exercere in hominem minime potest, nisi permittente iusto iudicio Dei, & ideò legimus hic, Nisi potestate mea refrænaretur, quòd egregiè annotauit D. August. lib. 7. de Ciuit. Dei cap. 35. Non enim (inquit) possunt, quod non sinantur efficere, sinantur autem alto Dei summi, iustoq. iudicio pro meritis eorum, quos ab eis affliguntur, idem habet lib. 10. c. 21. ubi affirmat hanc Demonibus à Deo permissam potestatem, non solũ non esse perniciosam, sed Ecclesie proficiuã, ut Martyru numerus impleatur, quos Ciuitas Dei tantò clariore ciues, habet, quan-

quanto fortius addidit impietatem potestatum etiam usque ad sanguinem certant.

3 Sic tunc multi Christiani quasi inuiti procedunt cum electis meis.

Christus Dominus hic de his Christianis verba facit, qui videntur obseruare legem Dei, eiusque monitis obtemperare, non quia verbis eius credunt, & in diuina potentia confidunt, sed propter aliquod eorum temporale commodum, cum electis Dei procedunt, simul precepta obseruando, & dicuntur hoc loco quasi inuiti id facere, quia non sponte, & eo fine, ut Deo in seruian nullum prestant, sed et suis priuatis commodis consulant.

4 Attamen verba mea sine voluntate eorum complebuntur, & quasi ardebunt se ad perfectionem.

5
var.
lect.

Ex his verbis colligi minimè potest, Deum Opt. Max. libero nostro vim inferre arbitrio, nosque absque voluntatis nostre concursu iustificare, & ad perfectionem trahere: legimus enim hic, quod quasi ad perfectionem arde-

bunt se, ubi particula (quasi) indicat nos non compelli, nec ad diuinas recipiendas uocationes cogi, sed quod tanta est gratia, & uerbi Dei efficacia, ut diuini inspirationibus libere consentientes, & de facto non resistentes, status perfectionem sectabimur, quæ uero antecedunt, nimirum Verba mea sine uoluntate eorum complebuntur; explicanda sunt sic, quod sicut quæ futura sunt ab æterno à Deo ordinata sunt independentem ab hominum uoluntate, ita quoque quæ per Prophetas predicta sunt in sacris literis, perficiuntur in tempore, quando Deo placuerit, ac expedire iudicabit.

Ad finem præsentis Capituli, ubi hæc ænus: im præla exemplaria legunt, usquequo ueniant ad locum, qui mihi placuerit.

Mr. S. Farnesianus addit, & gentem, quæ mihi placuerit, hoc est ad electorum peruenient numerum, & cum his connumerabuntur.

Finis Primi Libri Reuelationum S. Brigittæ





INCIPIT SECVNDVS LIBER

REVELATIONVM

CAELESTIVM

SANCTAE BRIGITTAE

DE SVETIA.

Informatio Filij ad sponfam contra Diabolum, & responsio Filij ad sponfam, qualiter non subtrahit malos antequam veniant in peccatum. Et qualiter baptizatis morientibus infra annos discretionis datur Regnum Caelorum.

CAPVT PRIMVM



ILIVS loquebatur ad sponſa dicens. Quando Diabolus tētat te dic ei ista tria. Verba Dei non possunt esse nisi vera. Secundo, Deo nihil est impossibile. Tertiò, quòd etiam tu Diabole non poteris mihi dare talem feruorē charitatis, qualem dat mihi Deus. Item ait Dominus ad sponſam dicens. Ego video hominem tripliciter. Primò corpus extra, qualiter dispositum est. Secundò cōscientiam intus, ad quid tendit, & qualiter. Tertiò cor eius quid desiderat. Sicut enim auis, quę videns piscem in mari, cōsiderat profunditatem, attendit & procellas. Sic ego vias omnium scio, & cōsideo, & quid vnicuique debetur attēdo;

quia perspicacioris visus, & considerationis sum ad sciendum, quę sunt circa hominem, quā ipse sit ad cognoscendum se. Ergo quia omnia sic video, & scio, potes quærere à me, quare non subtrahō malos, antequam venerint in profundum peccati? Ad quod ego personaliter, qui quærēbam. Respōdeo tibi. Ego sum Creator omnium, & omnia sunt in pręscientia meā, & quę facta, & quę futura sunt, omnia scio, & video. Sed licet omnia possum, & scio, ex iustitia tamen non faciō magis cōtra naturalem dispositionem corporis, quā contra dispositionem animę. Omnis quippē homo secundum naturālē dispositionem corporis, quę est in pręscientia meā, & erat ab eo subsistit. Quòd autem vnus longioris vitę erit, alter brevioris, hoc est secundum fortitudinem, & in-

M firmi.

3 firmitate naturæ, & secundum quod corporalis dispositio habet se. 3 Quod autem vnus cæcus, alter claudus efficitur, vel aliquid huiusmodi, hoc non est propter præscientiam meam, cum omnia ita præscio, quod nullus fiet ex ea deterior, vel aliquibus obsit præscientia mea. Nec fiat ex elementorum cursu, & statione, sed ex occulta iustitia, in dispositione, & cōseruatione naturæ. Peccatum enim, & indispositio naturæ, multipliciter deformitatem adducunt membrorum. Nec deo sit, quia volo, sed quia ex iustitia permitto fieri, quamuis enim omnia possum, iustitiæ tamen nō resisto. Ergo quod aliquis minus, vel plus vivit, hoc est secunda naturæ infirmæ, vel fortis dispositionem, quæ in præscientia mea est, contra quam venire nullus potest: Similiter per similitudinem intelligere potes. Dato quod essent duæ viæ, & ad eas vna sola via duceret. In illis autē vijs essent innumerabiles fossæ, vna contra aliam, & super aliam. Finis verò vnus illarum duarum viarum directè tendebat in infimum, & finis alterius tendebat sursum. In compitis verò viarum sic erat scriptum, Quicumque vadit per istā viam, incipit eam cum delectatione, & voluptate carnis, & terminat eam in magna miseria, & confusione. Qui autem vadit per istā aliam viam, incipit cum modico, & tolerabili labore, & terminatur cū maximo gaudio & cōsolatione. Ille verò qui incedebat primò per illam vnā viam, cæcus ex toto erat, sed cum venisset ad compita viarum aperiiebantur oculi eius, & videbat scripturam illam, in qua continebatur finis illarum duarum viarū. Quam quidem scripturam cum ille attenderet, & secum deliberaret, apparuerunt statim duo ysi iuxta eum, ad quorum custodiam pertinebant illæ duæ viæ. Qui considerantes viatorem in compitis, loquentes inter se dixerunt. Consideremus diligenter per quam viam magis incedere voluerit, & eius, cuius via magis elegerit proprius erit. Viator autem conside-

rans secum fines viarum, & merita, prudenti vsus consilio eligebat magis viam cuius principium erat modici doloris, & finis gaudium, quam illam, quæ in gaudio incipiebat, & terminabatur in dolore. Tolerabilius enim credebatur, & sanius fore modico fatigari labore in principio, & in fine quiescere securè. Nunquid scis tu quid ista significent? Ego certè dicam tibi. Duæ istæ viæ sunt bonum, & malum, quod ante hominem est: quod magis eligere velit in potestate sua, & libero arbitrio suo constitutum est, cum venerit ad annos discretionis. Ad has duas vias, scilicet electionis boni, & mali, vna viam ducit, scilicet ætas adolescentiæ, ducens ad annos discretionis. Qui hanc viam primū ambulat, quasi cæcus est, quia ab adolescentiā, vsquequo homo venerit ad annos discretionis, quasi cæcus est, nesciēs discernere inter bonū, & malum, inter peccatum, & virtutem, inter mandata, & prohibita. Ergo homo ambulans in vna sola via, scilicet in ætate puerili, similis cæco est. Cum autem venerit ad compita viarum, id est ad annos discretionis, tunc aperiuntur ei oculi intelligentiæ. Nam tunc scit considerare, quid sit melius, modicum habere dolorē, & æternum gaudium, quam modicum gaudium, & æternum dolorem. Et tunc quamcunque viam elegerit, non deerunt illi, qui gressus eius diligenter numerabunt. In istis autem vijs multæ sunt fossæ, vna contra aliam, & vna ante aliam, quia in ætate iuuentutis, & in ætate senectutis, vnus moritur citius, alter tardius, vnus in iuuentute, alter in senectute. Ergo finis huius vitæ benè in fossis significari potest, quem habebunt omnes, vnus sic, alius verò sic, prout naturalis dispositio exigit, & prout in præscientia mea est. Si enim aliquem contra naturalem dispositionem corporis subtraherem, statim contra me occasionem haberet Diabolus. Et ideo, nè Diabolus in minimo inueniat in me aliquod con-

tra iustitiam, non magis facio contra naturalem dispositionem corporis, quam animæ. Attamen considera bonitatem, & misericordiam meam. Ego enim sicut dicit Magister, facio illis virtutem, qui non habent virtutem. Ego ex multa charitate omnibus illis, qui baptizati sunt, & infra annos discretionis moriuntur do regnum Cælorum, sicut scribitur. Complacuit Patri meo talibus dare regnum Cælorum. Adhuc etiam ex pietate mea facio cum infantibus Paganorum misericordiam. Nam quicumque eorum infra annos discretionis moriuntur, quia ad cognitionem faciei meæ venire nō possunt, venient in locum quendam, ubi non licitum scire, 4 ubi sine cruciatu morabuntur. Qui autem ab vna via progressi, veniunt ad illas duas, idest ad annos discretionis boni, & mali, tunc in eorum potestate est eligere, quod magis eis placuerit, & secundum quod tunc sectantur voluntatem suam, talis eorum sequitur remuneratio, 5 quia tunc sciebant legere scripturam scriptam in compitis viarum, scilicet

5
var.
lect.

quod melius esset modicum habere dolorem in principio, & in procinctu gaudiū, quam in principio gaudium, & in fine dolorem. Veruntamen contingit quandoque quod antè naturalem dispositionem corporis, aliqui subtrahuntur, ut puta per homicidium; ebrietatē, & aliquid huiusmodi, quia Diaboli malitia tāta est, quod nimis longā peccator ille haberet penam, si diutius perseveraret in mundo. Et ideo exigente iustitia, & peccatis, aliqui antè naturalem dispositionem corporis subtrahuntur; quæ quidem subtractio in præscientia mea ab xpo fuit, contra quam aliquem venire impossibile est. Sic etiam quandoque boni, antè naturalem dispositionem corporis subtrahuntur, quia ex nimia charitate, quam ad eos habeo, & ipsi ex fervore dilectionis, & ex labore, refrenationis corporis, quam habent ad me, sicut in præscientia mea ab xpo fuerat, exigente iustitia, quandoque subtrahuntur. Ergo non magis facio contra naturalem dispositionem corporis, quam animæ.





CONSALVI DVRANTI EPISCOPI FERETRANI

NOTAE, ET VARIAE LECTIONES

Ad Librum Secundum Cælestium Reuelationum
Sanctæ Brigittæ.

CAPVT PRIMVM.

1
var.
lcā.



IC ego vias omnium
scio.

Farnesianus Codex
M. S. habet, Vias
hominum scio. Scrui-
tator enim Deus est
cordium, & discretor

cogitationum, ac intentionum, vt dicit Apo-
stol. ad Hebr. 4. & Hierem. 17. & 1. Reg. 16.
& 1. Paralipom. 28. & idè legimus hic,
Quòd ipse attendit, quod unicuique debetur.

Ergo quia omnia sic video, & scio, po-
tes à me quærere, cur non subtrahio ma-
los? antequàm venerint in profundum peccati.

Hoc loco difficilis admodum proponitur dubi-
tatio, quare Deus eos peccatores de mediò non
tollat, quos præsciuit in profundum peccato-
rum fore demergendos, hoc enim videtur spe-
ctare ad misericordiam eius, nè ipsi fiant quo-
tidie grauioris pœnæ rei, sibi quæ Deus the-
saurizent: cui breuiter respondetur hic, quòd
licet possit Deus eos destruere, hoc tamen non
facit, nè suæ resistat iustitiæ, quòd innuitur
infra hoc eod. Capite cum legimus, Quòd licet
omnia possim, & sciam ex iustitia tamen non
facio. Ad cuius rei intellectum nota, quòd si-
cut Deus conferens hominibus naturalem cor-

poris dispositionem, permittit homines regula-
riter longioris, vel breuioris esse vite, prout
perfectioris, ac deterioris complexionis existunt,
vt quæ talis dispositio exigit, nisi forte occulto eius
iudicio aliter fiat, ita quoque posita naturali
animæ dispositione, quæ in libertate consistit
Arbitrij, cum hominem liberum creauerit, il-
lumq. in manu consilij sui reliquerit, vt Ec-
cles. 15. scribitur non, statim eum quando pec-
cat de medio tollit, quia spectat ad iustitiam
eius, vt quem liberè condidit, eum etiam li-
berè viuere sinat, iuxta naturalem animæ,
corporisq. dispositionem, vnumquodque enim
Deus gubernat secundum rerum naturas, om-
nia namque suauiter disponit, Sap. 8. scribi-
tur, unde liberum hominem non cogit, nec de-
trahit, quominus liberè agat. Secundo quia vt
auctor est D. Dionys. 4. c. de Diuin. nom. ipsa
rerum natura hoc habet, vt que deficere possunt
quandoque deficiant, & idè aliquanto post
initium huius Cap. legitur, Quòd nec idcirco
fiat, quia volo, sed quia ex iustitia permitto
fieri, quâvis enim omnia possim, iustitiæ tamè
nò resisto, Sed huius quoque rei sexcètas posse
asserre causas, aliquas tamè potiores indicabo.

Mali primo permittuntur à Deo ad bono-
rum probationem, & meritum, sic enim habetur
lib. 1.

lib. 1. c. 2. sicut enim Rosa, quæ suauiter redollet, crescit inter spinas, & vinum optimè seruat in fece, sic boni inter malos, Neque enim valde laudabile est, inquit, D. Greg. 1. Moral. cap. 1. bonum esse cum bonis, sed bonum esse cum malis, & D. Aug. lib. 16. cap. 21. cõtra Faustum. Ad aliquem usum Sancto-
rum ordinatur omnis cecitas impiorum à sũmo Deo, qui pro sui regiminis aequitate bene videtur etiam malis, & de Genesi ad litteram lib. 11. cap. 6. Cur non crearet, quos præsciebat bonis profuturos, & ex sent. decerpitis ex eod. sent. 49. tom. 3. Melior est hoc tempore causa iustorum, qui quãtò acrius impetuntur, tantò gloriosius coronantur, quomodo autem mali profine bonis suis tradit Lodolph. de Vita Christi 1. p. cap. 63. & idem August. lib. 83. q. 27. tom. 4.

Secundò sustinentur mali, vt tempus eorum compleatur à iustitia Dei decretum, vtque alijs eorum malitia, ac etiam diuina innotescat iustitia.

Tertiò, vt diuina misericordia, & patientia propaleatur, per quam ad conuersionem impij expectantur, & præsertim si hi aliorum casus, ac nequitiam considerauerint fortè respiciant, veluti cū quis à scorpione percussus si oleo inungitur in quo fuerit scorpio insusus sanatur.

Quartò, quia fortasse bona fecerit, pro quibus remunerari debet vsq. ad vltimū punctū.

Quintò, vt diuina charitas ostendatur, quoniam cum aeterna pena semper sit dura terra, cam non subito infort, vt ex temporis protractione tardius inchoetur.

Sexiò, nè impijs mors temporalis sit amarissima, per peccatum enim natura consumitur, vnde impijs mors est amarior, si eorum natura esset recentior, & hac causa desumitur ex Lib. 1. Reuelat. Cap. 25.

Septimò quæ habetur Lib. 2. c. 19. toleratur mali ad auxilium bonorū, nè illi infideles noceant, sed timeant magis, quò fuerint numero plures, vtque sic boni, & mali se ad inuicem adiuuent ad infideles comprimendos.

Octauò, vt boni Deo sepe gratias agant, quo ex diuina gratia facti sint ex electorū numero et ex coparatione malorū plus nitantur ad bonū

Nonò permittitur mali ad vniuersi perfectionem, & pulchritudinem, nisi enim quædam corrumperentur, alia non generarentur, & nisi esset iustorum persecutio, non palam fieret bonorū patientia, & ratio est D. Thom. 1. p. q. 48. art. 2. & D. Aug. in Enchirid. c. 11. & de Ciuit. c. 18. & c. 23. vbi affert exemplum imaginis, quæ ex colore nigro, suo loco positis pulchrior apparet, hac de re vide etiam Lib. 5. Reuelat. Interrogat. 6. quæst. 2.

Quod aut vñus cecus, alter claudus efficitur, vel aliquid huiusmodi, hoc non est propter præscientiā meam, cū omnia ita præcio, quòd nullus ex ea fiat deterior.

Ex verbis presentis Noe satis aperte colligitur præscientiam, ac providentiam Dei rebus præcis necessitatem minime imponere: neque enim quòd Deus ab æterno præuidit, aut præciuit omnia futura, sequitur necessariò ita fieri, aut sic futura, quòd verum esse arbitror non solum de actionibus liberis, sed etiam de effectu naturali contingente, & propterea scribitur hìc, Omnia ita præcio, quòd nullus fiat ex eis deterior, ac aliquibus obit præscientia mea, & hoc fuit olim definitum in Conc. Constant. sess. 8. quæ de re suis egit D. Aug. lib. 5. de Ciuit. c. 9. & 10. vbi confusæ opinionem Stoicorum, qui negarunt providentiam, ac præscientiam Dei, vt liberum homini tribuerent arbitrium, videndus est etiam Gratian. 23. q. 4. c. Nabuchodonosor, vbi multa congerit testimonia contra hunc errorem, sed ad maiorem huius rei intelligentiā, duo notanda sunt. Primò nullum effectum dici posse formaliter contingentem si consideretur in ordine ad providentiam, & præscientiam Dei, secus verò in ordine ad particulares causas defectivas: & ratio est, quia effectus in ordine ad Deum est infallibiliter eueniens, nec impedibilis, ergò nec contingens: in ordine verò ad causas secundas, quia defectivæ sunt, & impedibiles, idè contingentes dicuntur. Notandum secundo effectus contingentes comparatos ad præscientiam, ac providentiam Dei dici necessarios secundum quid, & ex suppositione, quæ necessitas dicitur condicionalis, & consequentia non consequentis, quæ non tollit libertatem, &

patet, quia hæc consequentia sunt bonæ, Deus præiudicis hoc futurum, ergo erit, Deus præsciuit futurum peccatum, ergo erit illud peccatum, es quia antecedens non potest dari verum. Et consequens falsum, ideo istæ conclusiones sunt necessarie ex suppositione, hoc est supposito, quod antecedentia sint vera, necesse est verificari, quæ necessaria consequentia deducuntur ex ea, plura de hac dubitatione, vide apud Durand. in 1. sent. dist. 38. quæst. 3.

4 Vbi sine cruciatu morabuntur.

Dubitari minimè potest, pueros, qui sine baptismo ante rationis usum obierunt, & si pœnæ sensus non crucietur, pœnæ tamen damni affectus esse, quæ maxima est, ut habetur in c. Firmissime, & in c. Nulla præter, cum Gloss. de consecr. d. 4. & probat D. Thom. 3. p. q. 1. art. 5. ad 2. Hoc ergo quod scribitur hic, Sine cruciatu morabuntur, vel intelligendum de pœnæ sensus, vel etiam damni, quæ in diuina visionis priuatione consistit, de qua, quia illos non dolere plures Doctores affirmant, ideo hoc loco sine cruciatu esse dicuntur, quare autem non doleant, multæ rationes afferri solent, sunt qui dicunt, quia non propria voluntate, sed alterius culpa in illam pœnam inciderunt, per quam damnati sunt, alij verò eos non dolore opinati sunt, quia sapiens non dolet regulariter de eius amissione, ad quod nec ius obtinuit, nec facultatem aliquam, aut proportionem habuit, neque enim rustici filius tristatur, quod ad imperium minimè possit pervenire, cum nullum ad id, nec ius, nec proportionem habeat, cum ergo pueri non baptizati nullam ad videndum Deum habuerint proportionem, nec facultatem, nec ex principiis naturalibus, neque ex baptismi Sacramento, ut sic ex meritis Christi ad eam visionem eleuentur, inde consequens fit, nec eos ea de re dolere. Postremo quidam non improbabili-ter asseruerunt, id provenire ex defectu cognitionis, quam non habuerunt, illius visionis, Dolor enim, & gaudium cognitionem supponunt illius, de quo quispiam vel tristatur, vel gaudet, & licet pueri non baptizati naturalem cognitionem visionis diuinæ habuissent, non tamen fuisset satius, exigitur enim cognitio fidei,

quæ in baptismo infunditur, nec obstat huic, quod quispiam posset obijcere, quod etiam sic nec baptizati possent gaudere diuina visione, ad quam euecti sunt, nam cum ipsi fidem receperint in baptismo, & ad Dei visionem veniunt, non potest eis tantum bonum latere, quo summo opere gaudent, sed hæc de re legendus est D. Thom. in 2. d. 3. q. 2. & in q. disputatis. de malo, & Henric. Gand. quolibet. 6. q. 2. 1. Durand. in 2. d. 33. q. 3.

5 Quia tunc sciebatur legere scripturam scriptam
M. S. habet legem scriptam.

FILII QVÆRIMONIA DE QVADAM anima damnanda præsentis spōsa, & responsio Christi ad Diabolum, cur permittit istam animam, & permittit malos suum verum corpus contingere, & sumere, vel recipere.

C A P. II.



DEBATVR Deus iratus, & ait. Opus manuum mearum hoc me plus contemnit, quod in maiorem honorem constitui. Ista anima

cui omnem curam adhibui charitatis meæ, tria mihi fecit: Auertebat oculos suos à me & vertebat ad inimicum. Voluntatem suam firmavit ad mundum. Fiduciam sibi posuit, quod liberè posset contra me peccare. Propterea quia non curavit respicere me, ego feci ei iustitiam meam subitam. Quia verò firmavit velle suum contra me, & fiduciam sibi posuit falsam, ego abstuli ei desiderium suum. Tunc quidam Diabolus exclamavit diceas, Iudex hæc anima mea est. Respondit Iudex. Quid causæ habes contra eam? Respondit ille. Propositio quærimoniae tuæ, mea est accusatio, quod scilicet contempsit te Creatorem suum, propter quod facta est ancilla mea. Et quia subito sublata est, quomodo subito poterat te placare. Nam & cum in mundo vixisset sano corpore, non tibi seruiuit sincero corde, quia dilexit seruentius creaturam, non patienter tulit ægritudinem, et quia non confide-
rauit

rauit opera sua, vt debuit. In fine verò non arsit charitatis igne, & quia subiecto abstulisti eam, ideo mea est. Respondit Iudex. Non damnaret subitò finis, nisi discordarent opera. Nec voluntas sine diligenti deliberatione perpetuò damnatur.

Tunc Mater Dei veniens ait. Fili seruus negligens, qui habet amicum familiarissimum Domino, nunquid ille familiarissimus non astabit ei? Aut nõ debet propter eum si petierit saluari? Respondit Iudex. Omnis iustitia debet esse cum misericordia, & sapientia. Misericordia ad remittendum rigiditatem, sapientia, vt tamen seruetur æquitas. Sed si talis fuerit transgressio, quæ non est digna remitti, propter familiaritatem tamen salua iustitia poterit mitigari. Tunc ait Mater. Benedicte fili mi, hæc anima continuè habuit me in memoria, & exhibuit mihi reuerentiam, & pro me solemnitatem suam afficiebatur facere, quamvis frigidus erat ad te. Ideò miserere ei. Respondit iterum filius. Scis Mater benedicta, & vides omnia in me. Hæc anima quamvis te in memoria habuerit, plus tamen propter bonum temporale faciebat, quàm propter spirituale. Nam corpus meum mundissimum non sic tractabat vt debuit. Os namque fœtidum prohibuit meæ charitatis dilectionem. 1. Amor mudi, & dissolutio abs-

var. lect. condit ei meam passionem. Præsumptio nimia veniæ, & finis, sua inconsideratio, accelerauit vitam suam. Et quamvis me sumpsit continuè, non tamè ex hoc multum meliorabatur, quia nõ se præparauit vt debuit. Qui enim colligere vellet hospitem bonum, & Dominum, præparare debet non solum hospitium, sed & omnia utensilia. Sic non iste, qui & si mundauit domum, non tamen scopauit eam reuerenter, & diligenter, nec pauimentum strauit virtutum floribus. Nec utensilia membrorum suorum impleuit abstinentijs. Ideò quid ei faciendum sit satis vides, & quid promeruerit. Quamvis enim incõprehensibilis sim, & inuiolabilis, & ubi-

que sum per deitatem meam, tamen certè cum homine mundo est mihi delectatio, licet & cum bono ingredior, & cum damnato. 2. Nam boni suscipiunt corpus meum hoc, quod crucifixum est, & ascendit in Cælum, quod præfigurabatur in mæna, & in farina viduz. Similiter & mali, sed boni ad cõsolationem maiore, mali verò ad maiorem iudicij iustitiam, quia non timent indigni accedere ad tantam dignitatem Respondit Diabolus. 3. Si accessit ad te indignè, & iudicium suum ex hoc augmentabatur, cur permisisti eum accedere ad te; & contingere te tam dignum? Respondit Iudex. Non quæris ex charitate, quam nõ habes, sed quia ex virtute mea compelleris, propter istam spõsam meam, quæ hæc audit. Sicut enim in humanitate mea, & boni, & mali tegerunt me, ad ostendendum veram humanitatem, & patientiæ humilitatem, sic & boni, & mali comedunt me in altari. Boni ad maiore perfectionem, mali autem nè credant se esse damnatos, et ex eo quod possunt hoc corpore meo sumpto, si volût personãliter mutare voluntatem, et conuertere. Et quam charitatem maiorem possum ego ostendere, quàm quod mundissimus ingredior etiam ad immundissimũ vas? quamvis sicut Sol materialis à nullo possum inquinari. Hanc enim charitatem tu, et amici tui contemnitis, quia vos contra charitatem obfirmastis. Tunc ait iterum Mater. O bone fili, quotiescunque accessit ad te, tamen timebat te, licet non vt debuit. Pœnituit etiam offendisse te, licet non perfectè, hoc fili mi proficiat sibi propter me. Respondit iterum filius. Ego sum sicut dixit Propheta, Sol verus, sed tamen longè nielior sole materiali. Sol materialis non penetrat montes, nec mentes, sed ego possum vtrunque. Si ergo mōs obstitit soli materiali, vt non tangat terræ propinquitatem, quod mihi obstitit nisi peccatum, nè hæc anima afficeretur charitate mea? Quòd et si pars aliqua montis remoueretur, necesse tamè

est, vt quod vicinius est à calore euacuetur. Ego autem si intrauero in partem vnani mentis mundæ, quæ mihi erit consolatio, si ex parte alia sentiatur fœtor? Ideò depelli debet, quod sordidum est, & tunc post pulchritudinē sublequitur dulcedo. Respondit Marer. Fiat voluntas tua cum omni misericordia.

Declaratio.

Hic Sacerdos fuit sæpè admonitus de incontinentia sua, & nolens resipiscere. Cum quadam die exisset in pratum ad curandum equum suum, venerunt fulgura, & tonitrua, quibus combustus est, & mortuus omni corpore illaeso præter ventera, quæ ex toto combusta apparuerunt. Tunc dixit spiritus Dei. Filia, talia merentur illi in anima, sicut iste in corpore, qui talibus miserijs, & delectationibus implicatur.

NOTAE.

1
var.
lect.

Paulò post initium, vbi impressi Cor. dices legunt. Amor mundi, & dissolutio abscondit ei meam passionem.

Hoc loco addendū videtur cū M. S. (Et dissolutio carnis abscondit ei meam passionem) & ita legendū esse patet ex declaratione præsentis Capituli, quæ in fine ponitur, vbi habetur, quòd hic sermo sit de quodam Sacerdote, qui vitio carnis deditus, & sæpissimè admonitus, namquam resipuit, ideo postea fulmine correptus, huius reitij debitam penam exolvit.

2

Nam boni suscipiunt corpus meum, hoc, quod crucifixum est, & ascendit in Cælum, quod præfigurabatur in Manna, & in farina Viduæ.

Inter ceteras Eucharistie Sacramenti figuras, quæ in sacris litteris continentur, hæc duæ potissimæ sunt, Manna scilicet, cuius mentio fit Exodi 16. Deut. 8. Psal. 77. Ioann. 6. & Subcinericius panis, qui Christum Dominum sub Sacramentalibus speciebus latentem significabat, de quo lib. 3. Reg. c. 17. & de Man-

na quidem affirmantur Orig. in Matthei. hom. 35. D. Aug. in Psal. 77. & in Ioan. tract. 11. Cyrill. lib. 3. in Ioan. 34. D. Ambr. lib. 1. epist. 62. D. Thom. 3. p. q. 80. art. 10. ad secundum. Et sanè si Manna aliquæ requiramus conditiones, reperiemus huius Sacramenti existisse figuram, legimus enim Exod. 16. quòd erat albi coloris, & corpus Christi ob summam puritatem, ac virginitatem, & de purissima coecepta Virgine album erat. Secundo Manna ad Solis calorem liquebat, & ad ignem indurabatur, ita & hoc Sacramentum in eorum cordibus, qui illud magno dilectionis fervore recipiunt liquescit, ac dulcescit, his vero, qui cupiditatis, ac concupiscentie carnalis igne truntur, induratur, vt non dulcedinē, eiusque saporem, sed perpetuam inde hauriant damnationem. Tertiò præceperat Dominus, vt septem diebus colligeretur, die autem Sabbati non repperiretur: sic quoque tota vitæ nostre tempore singulari Dei beneficio hoc nobis Sacramentum subministrabitur, secundum illud Matthei 28. Ego vobiscum sum vsque ad consumationem sæculi, Sabbato autem, in quo vitæ æterna figuratur non inuenietur, quoniam in ea videbimus eū sicuti est, 1. Ioan. 3. Quare eius erat Manna condicio, quòd sat erat ei, qui minus, sicut illi, qui plus colligebat ex ea, vt insinuetur, quod sicut totus Christus est in tota Hostia, ita totus est in qualibet parte minima Hostie, & solum sumit, qui integram Hostiam, vt etiā qui aliquam partem Hostie. Quinò quòd de Manna populus non comedit, donec submersis Aegyptijs transisset Mare rubrum sic & nos, nequaquam ad hoc Sacramentum debemus accedere, nisi sublati vitijs Mare rubrū transierimus, cuius amaritudo, corrptionem, aqua lacrymarum effusione, Rubedo corporis indicat mortificationem.

3

Si accessit ad te indignè, & iudicium suum ex hoc augmentabitur, cur permisisti tunc accedere ad te?

Quemadmodum Christus Dominus in vltima cenā proditori Iudæ corpus suum tradidit, nō eū iam tunc peccatorem occultū absque accusatore, ac sufficite probatione propalaret, ac ab aliorum communione sciungret, quod

affir-

affirmant D. Aug. traſſ. 62. in Ioan. D. Chryſ. hom. 46. in eundem nō longē à fine. D. Dionyſ. Eccl. Hierarch. c. 3. D. Thom. 3. p. q. 81. ar. 2. licet D. Hylar. Can. 30. in Matth. & Lodul. de vita Chriſti 2. p. c. 55. videantur negare: ita quoque nunc permittit Deus, vt impijs corpus ſuum tradatur, nē ſe eſſe dānatos credant & inde deſperādi de miſericordia Dei anſam ſumant. & hoc eſt, quōd legimus hic paulō poſt huius nota verba (Mali autem ne credant ſe eſſe damnatos, & cetera) & ſicut, ad oſtendendum veram aſſumpſiſſe carnem, ac etiam humilitatis cauſa permiſit, vt ſuum boni, & mali corpus paſſibile cōtrectarent, ita quoque non dedignatur ad ſuam miſericordiam propalandam, ſuum corpus impoſſibile, nunc ſub illis ſpeciebus à malis cōtrectari, tum maxime, quia ex hoc mundiſſima carnis cōtactū innumerabilia bona emanant. Poſtremo hac in re charitatem ſuam, & patientiam oſtendit eximiam, dum immaculatum corpus ſui peccatoribus ſagendum prabet, cum præſertim ex hoc nē in minimo quidem contaminetur, ac polluat. Sciens (inquit) D. Chryſ. hom. 14. oper. imperf. quia ſi contaminatus fuerit in nobis, ipſe quidem in ſua natura incontaminabilis manet.

VERBA MATRIS DEI ADMIRATIONIS ad ſponſam, & qualiter in hoc mundo ſunt quinque domus, quarum habitatores ſunt quinque ſtatus hominum, ſcilicet Infideles Chriſtiani, Iudæi indurati, Pagani per ſe, Iudæi ſimul, & Pagani, & Amici Dei, & nota in iſto Capitulo multa vilia.

CAP. III.

MARIA loquebatur. Magna res eſt, quōd Dominus omnium, & Rex gloriæ contemptus eſt. Ipſe quaſi peregrinus fuit in terra vadens de loco in locum, & quaſi viator pulſans oſtia multorum, vt ſuſcipi mereretur. Mundus enim quaſi quidam fundus erat, in quo quaſi quinque domus

erant. Ad primam autem domum cum filius meus in habitu peregrini veniſſet. Pulſans ad portam ait. Amice aperi mihi, & introduc me in requiem, & cohabitationem tuam, nē forte ſerā noceant mihi, nē imber, nec pluuiæ veniant ſuper me. Da mihi de veſtibus tuis, quibus frigidus caleſciam, nudus cooperiar. Da mihi de cibo tuo, quo eſuriens reſiciar. De potu tuo, quo ſities reſocillari merear, & recipere mercedem à Deo tuo. Tunc reſpondit, qui erat intūs. Tu nimis es impatiens, ideò non potes concordare, & cohabitare nobiſcum. Tu nimis longus es, propterea non ſufficiamus veſtire te. Tu nimis cupidus es, & gulofus, ideò non ſufficiamus ſatiare te, quia cupiditas tua nullum habet fundum. Reſpondit iterum Chriſtus peregrinus, qui erat extra. Amice induc me hilariter, & voluntariè, quia in modico ego concludor loco. Da mihi de veſtibus tuis, quia non eſt tam paruum veſtimentum in domo tua, quin non ad calefaciendum me ſufficiat. Da mihi de cibo tuo, quia etiam mica ſatiare me poteſt, & ſtilla aquæ dabit mihi refrigerium, & fortitudinem. Reſpondit iterum, qui erat intūs. Nos benè cognoviſcimus te, tu es humilis in verbis, & importunus ad rogandum. Tu videris mo-deſtus ad contentandum, ſed tamen inſatiabilis es ad implendum. Frigidiffimus & difficillimus ad cooperiendum, vade quia non colligam te. Tunc venit ad ſecundam domum, & ait. 2. Amice aperi, & vide me. Ego enim dabo tibi quibus indigueris. Ego defendam te ab inimicis tuis. Reſpondit qui erat intūs. Oculi mei debiles ſunt, noceret eis, ſi videro te. Ego abundo in omnibus, & non indigeo tuis. Ego potens, & fortis ſum, quis mihi nocere poteſt? Tunc veniens ad tertiam domum. Ait. Amice leua aures tuas, & audi me, extende manus tuas, & cōtrecta me. Aperi os tuum, & guſta me. Reſpondit habitator domus. Clama altius, quia benè audiam te. 3. Si lænis fueris at-

2
var.
lca.

3
var.
lca.

trabam te. Si dulcis fueris recipiam te. Tunc iuit ad quartam domum, cuius porta quasi ad dimidium aperta erat, & ait. Amice si considerares tempus tuum inutiliter expensum, colligeres me. Si intelligeres, & audires, quæ ego feci pro te, compatereris mihi. Si attenderes quantum offendisti me, ingemisceres, & peteres veniam: Respondit ille. Nos sumus quasi mortui in expectatione, & desiderio tui, compatere ergo miseræ nostræ, & libentissimè damus nos tibi. Respice miseriam nostram, & considera corporis nostri angustiam, & ad omnia quæ vis parati erimus. Tunc venit ad quintam domum, quæ ex toto aperta erat, & ait. Amice hîc libenter ingredi volo, sed scito, quod requiem quæro molliorem, quàm plumæ præstare solent. Calorem feruentiorem, quàm qui fieri ex lana solet. Recentior cibum, quàm caro recens animalis præstare poterit. Responderunt qui erant intus. Mallei iacent ad pedes nostros, his libentissimè cōstringemus pedes, & crura nostra, & medullam de hoc fluentem dabimus tibi in requiem. Viscera nostra, & interiora omnia libenter tibi aperiemus, etiam ingredi in hæc. Sicut enim medulla nostra nihil est mollius tibi ad requiescendum, sic visceribus nostris nihil est tibi melius ad calorem. Cor nostrum recentius est inter animalia, hoc libenter scindimus in cibum tuum, tantummodò ingredi, dulcis enim es ad gustandum, & desiderabilis ad fruendum. Quinque domorum inhabitatores, hi sunt quinque status hominum in mundo. Primi sunt infideles Christiani, qui iudicia filij mei dicunt iniusta. Promissa eius falsa, & mandata eius intollerabilia. Isti sunt, qui ad prædicatores filij mei dicunt cogitationes, dicunt intellectu, dicunt blasphemiam. 4. Omnipotens, & non si verè esset longissimus est, potest attingi. Latissimus, & altissimus est, & non potest vestiri. Infatiabilis est, & non potest refici. Impatentissimus

4
var.
lect.

mus est, & non potest cohabitari. Longissimum eum dicunt, quia pusilli sunt opere, & charitate, & non conantur ad eius bonitatem assurgere. Latissimum eum dicunt, quia cupiditas eorum nescit modum. Causantur semper defectum, suspicantur malum antequam venerit. Infatiabilem quoque arguunt, quia Cælum, & terra non ei sufficiunt, quin & ab homine dona potiora exigit, omnia dare pro anima, secundum præceptum fatuissimū reputant, pro corpore pauciora graue dānum. Impatentissimū quoque eum dicunt, quia odit vitiū, & immittit contraria voluntati eorum. Nihil reputantes pulchrū & vtile, nisi quæ suggerit eis voluptas corporalis. Nunc autem filius meus verè est omnipotens in Cælo, & in terra, Creator omnium, & à nullo creatus, ante omnia manens, & post eum nullus futurus. Ipse quippè est longissimus, altissimus, & latissimus inter omnia, & extra, & super omnia. Quamuis autem sic potens est, tamen ex charitate ministerio hominis vestiri desiderat, qui vestimento non indiget, qui vestit omnia, vestitus ipse æternaliter, & immutabiliter honore perpetuo, & gloria. Refici charitate hominis desiderat, qui panis est Angelorum, & hominum, omnia reficiens, & ipse nullorum indigens. Pacem petijt ab homine, qui pacis reformator est, & conditor. Ergo quicumque ipsū colligere voluerit hilari mente, satiare eum poterit etiam mica panis, si voluntas fuerit bona. Vestire eum sufficit filo, si charitas est ardens. Porare eum poterit stilla, si affectus fuerit rectus. Recipere eum valet in cor, & loqui cum eo, si deuotio fuerit feruens, & stabilis. Spiritus enim est Deus, ideò & in spiritualia voluit cōmutari carnalia, & in æterna, ea quæ sūt casura. Illud quoque sibi ipsi fieri, & exhiberi reputat, quod exhibetur suis membris. Nec opus, & facultatem solam arrendit, sed feruentem voluntatem, & qua opus factum fuerit intentione. Verum illi quò plus filius meus

meus ad eos occultis inspirationibus clamat, quò plus in prædicatoribus suis eos admonuerit, eò plus mentè suam contra eum obfirmant, nec audiunt, nec ei ostiù per voluntatem aperiunt, nec operibus charitatis eum introducunt. Ideò cum tempus eorum venerit, falsitas cui inniuntur, annihilabitur, veritas exaltabitur, & gloria Dei erit manifestata. Secùdi sunt Iudæi indurata. Hi sibi ipsis in omnibus videntur esse rationabiles, sapientiam suam habent pro legali iustitia. Opera sua prædicant, & tenent cæteris honoratiora. Isti si facta filij mei audierint, reputant contempnibilia. Si verba eius & mandata audierint dedignantur, immò, & peccatores, & maculosos se existimant, si considerant, & audiunt, quæ pertinent ad filium meum, infeliciores quoque, & miserabiliores, si eius imitentur opera. Quandiu autem mundus eis assauerit, reputant se felicissimos. Quandiu sani sunt viribus, credunt se fortissimos. Ideò spes eorum cadet in nihilum, & gloria eorum in confusione. Tertij sunt Pagani, horum quidam deridendo clamant quotidie, quis est ille Christus? Si dulcis est in dando præsentia, libenter recipimus eum. Si mitis in condonando peccata, libentius honorabimus eum. Sed isti clauferunt oculos intelligentiæ suæ, nè intelligant iustitiam, & misericordiam Dei. Obstant aures suas, vt non audiant, quid filius meus fecit pro eis, & pro omnibus. Contrahunt os suum, & non inquirunt quid futurum erit eis, & quid expedit. Complicant manus suas, & laborare renuunt, ad perquirendum viam quomodo fugiant mendaciam, & inueniant veritatem. Propter eà, quia nolunt intelligere, & cauere cum possunt, & tempus habent, cadent cum habitatione suà, & in tempestate inuoluentur. Quarti sunt illi Iudæi, & Pagani, qui libenter essent Christiani, si scirent quomodo, & quid filio meo esset placitum, & si habe-

rent auditorem. Hi audiunt quotidie à circumiacentibus, & intelligunt ex clamore interno amoris, & signis, quanta fecit filius meus, & passus est pro omnibus. Ideò in conscientia sua clamant ad filium meum dicentes. O Domine audiuius, quòd promissisti te nobis datum, ideò expectamus te, veni, & comple promissum tuum. Intelligimus enim & videmus de ijs, qui Dij coluntur, quòd in eis est nulla deitatis virtus, nulla animarum charitas, nulla castitatis prædicanda magnitudo. Sed inuenimus in eis corporum amicitiam, honoris præsentis mundi dilectionem. Intelligimus quoque de lege tua, & audiuius opera tua magnalia in omni misericordia, & iustitia. Audiuius de Prophetarum tuorum dictis, quòd te, quem prophetauerunt expectabant. Ergo piissime Domine veni, libenter enim nosmetipsos dabimus tibi, quia intelligimus, quòd in te est animarum charitas, omnium rerum discretus vsus, perfecta puritas, & vita sempiterna. Ergo veni citius, quia mortui sumus præ expectatione tui, & illumina nos. Sic igitur isti clamant ad filium meum. Et ideò quasi ad dimidietatem apertum, est ostium eorum, quia completam habent voluntatem ad bonum, sed nondum peruenerunt ad effectum. Isti sunt, qui merentur habere gratiam filij mei, & consolationem. In quinta domo sunt amici mei, & filij mei, quorum mentis ostiù ad plenum apertum est filio meo. Isti filium meum vocantem libenter audiunt. Pulsan- ti non solum aperiunt, sed & venienti hilariter occurrunt. Isti frangunt maleis diuinorum præceptorum quicquid in eis est distortum. Et præparant filio meo requiem, non in plumis auium, sed in concordia virtutum, & in refrenatione malarum affectionum, quæ est medulla omnium virtutum. Isti etiam filio meo exhibent calorem, non qui sit de lana, sed in charitate tam feruenti, quòd non solum tribuent sua filio meo, sed

sed se ipsos. Insuper, & refectionem ei præparant recentiore omni carne, quæ est in corde perfectissimo, quo nihil desiderant, nihil diligunt, nisi Deum suum. In istorum corde habitator Cæli Dominus est, & ex istorum charitate Deus omnia reficiens, suauiter reficitur. Isti semper oculos habent ad ostia, nè ineret inimicus, aures ad Dominum, manus ad pugnandū contra inimicum. Hos tu filia in quantum potes imitare, quia fundamentum eorum in petra est firmissima. Aliæ verò domus fundamentum habent in luto, & idèd veniente vento concutuntur.

N O T Æ.

IPsè quasi Peregrinus fuit in terra vadens de loco in locum, quasi viator pulsans ostia multorum.

Agitur in presenti Capite de interna Dei inspiratione, & continua motione, qua Deus Opt. Max. quotidie hominum cordibus assistit, id quod Redemptor noster Christus, quādiū nobiscum vixit in mundo sexcentis, innumerisq; modis egregie perfecit, ipse enim per prædicationis officium, miraculorum patratiōnem, bonorum operum ostensionem, vitæ suæ exemplum, nos ad bonè, rectèq; viuendum hortatus est. & nostrorum cordium ostia pulsauit. & quotidie Deus Opt. Max. per gratiā praueniētem pulsar, sic enim Apocal. 3. scribitur, Ego sto ad ostium, & pulso, quia ostio cordis, scilicet libero arbitrio, seu voluntati assistit, & pulsar, ut egregie notant Lyan. Gloss. ordin. & Charbus. in Apocal. loco cit. Rursus pulsasse dicitur Christus hortando per Apostolos, & prædicatores, ac etiam per internas motiones hominum mentes ad supernaturalia eleuādo, & postremò per beneficiorū collationē, & tribulationū immisionem excitādo, et idèd sic nostrorū cordiū portas quotidie pulsans dicit, Soror mea aperi mihi, hoc est, cōfessum tuum uocationibus meis præbe, quæ de re legendi sunt Rupert. Abb. Agatius, Theodoret. & Gloss. Cant. cap. 5.

Aliquanto post initium huius Capitis vbi

in impressis Codicibus legitur, Amice aperi, & vide me.

Farnesianus Codex Manuscript. addit, Et induc in domum tuam, atque ita esse legendum patet supra eodem Capite duobus locis, vbi sic legitur (tum quia Deus non vult à nobis tantummodo cognosci, & videri per hæc exteriora, sed & manibus nostris conrectari, & in cordibus introduci) non enim imperat Deus, ut eum per scientiam, ac contemplationem speculatiuè queramus solum, sed per affectionem, & operationem; unde D. Bernard. in principio meditationum hæc de re verba faciens, Multi (inquit) multos sciunt, seipsos nesciunt, alios aspiciunt, seipsos deserunt, Deum per exteriora querunt, interiora deserunt.

3 var. Si lenis fueris attraham te.

lect. Sic omnes impressi Codices habent, sed

4 M.S. legit, Si lenis fueris attrahabo te.

var. Omnipotens, & non si verè esset longi-

lect. gissimus est potest attingi. Non video quis ex his verbis sensus elici possit. Textus omninò corruptus est, & ita cum Farnesiano M.S. sic corrigendus. Omnipotens si verè esset, de suis iniurijs se vindicaret, longissimus est, & non potest attingi.

VERBA MATRIS DEI AD FILIUM pro sponsa, & qualiter Christus per Salomonem figuratur, & de crudeli sententia contra falsos Christianos.

C A P. IV.



MATER Dei loquebatur ad filium dicens. Ecce fili sponsa tua plorat, quia pauci sunt amici tui, & inimici multi. Respondit filius.

- 1 Scriptum est, quod filij regni eiicientur, & filij non regni accipient hereditatem.
- 2 Sic etiam scribitur, quòd quædā Regina de vltimis finibus venit videre diuitias Salomonis, & audire sapientiam eius. Quæ cum vidit, vix præ admiratione habuit spiritum. Qui autem erant in regno eius, non attendebant sapientiam

tiam eius, nec admirabantur diuitias.

3 Ego sum ille Salomon in figura, sed longe ditior, & sapientior Salomone, quia à me est omnis sapientia, & etiam si quis sapiens est. Diuitiæ meæ sunt vita æterna, & gloria indicibilis. Has ego promisi Christianis, & præbui tanquam filiis. Vt si me imitarentur, & verbis meis crederent, sine fine eas possiderent. Sed isti sapientiam meam non attendunt, opera despiciunt, promissionem meam, & diuitias meas habent pro nihilo. Quid ergo faciam eis? vtiq̃ue, Quia filij nolunt habere hereditatem, extranei, idest Pagani recipient. Ipsi enim sicut Regina extranea, per quam intelligo infideles animas, venient, & 4 admirabuntur diuitias gloriæ meæ, & charitatis, in tantum, quod à spiritu infidelitatis suæ cadent, & spiritu meo replebuntur. Quid autem faciam filiis regni? Faciam eis sicut sapiens figulus, qui materiam quam prius de luto fecit, cum non perspexit eam honestam, & aptam, deprimat eam ad terram, & comminuit. Sic ego Christianis faciam, qui cum mei esse deberent, quia eos ad imaginem meam formauit, & per sanguinem meum redemi, sed deformati sunt contemptibiliter, propterea sicut terra conculcabuntur, & in infernū deprimentur.

NOTÆ.

1 Scriptum est, quod filij regni eiiciuntur, & filij non regni accipient hereditatem.

De Iudaorum reprobatione, & eiectione, & gentium vocatione in pluribus sacre Scripture libris sermo fit; qua de re legendi sunt D. Hylarius in Psalm. 59. explicans ea verba Psalmi. Deus repulisti nos. D. Hieron. Isaia 2. & 23. & Mich. 4. D. August. Epist. 50. de coercendis hæreticis Tom. 2. & contra Donat. Epist. 162: Gentes vocat Christi hereditatē, citans illud Psalm. 2. Postula à me, & dabo

tibi hereditatem: idem habet Epist. 166. & alij plures sacrarum litterarum interpretes. In 1. cap. Osee, & Hierem. 54. prædicitur, quod regnum Christi transferendum erat ad gentes: scribitur enim ibi, Ad dexteram, & leuam penetrabis, & semen tuum gentes hereditabit, hoc est quod legimus hic, Filij regni eiiciuntur, & filij non regni accipient hereditatem.

2 Sic etiam scribitur, quod quædam Regina de vltimis finibus venit videre diuitias Salomonis, & audire sapientiam eius.

Quæ fuerit hæc Regina habetur 3. Reg. cap. 10. ubi sic de ea scribitur, Sed & Regina Saba audita fama Salomonis, in nomine Domini venit tentare eum: huius etiam mentio fit Ezec. 38. Matth. 12. & Luc. 11. qua de re legendus est Theodoret. in lib. 3. Reg. q. 32. Nomen autem Saba, conuerso in bonum interpretatur, à quo Sabæi dicti sunt, & significat mysticè animam ad Deum conuersam, ut optimè annot. D. Hieron. super Isaia cap. 60. & ad Agulsiā, & quia hoc loco conqueritur Dominus de Christianis, qui eum contemnunt, eiusq̃ præcepta obseruare nolunt, ideo minatur, quod nisi respuerint, vocaturum se alias gentes, quæ conuertentur ad eum, ac recipient eū, & subdit circa finem capituli, Quia filij nolunt hereditatem, extranei recipient me. Ipsi enim sicut Regina extranea, per quam intelligo infideles animas venient, & admirabuntur diuitias gloriæ meæ. Vnde autem hæc Regina venerit, hoc loco non explicatur, sed ex Arabia venisse compertum est: quandoquidem ipsa erat Arabia Regina, quæ Felix dicebatur, & Austri Regina, Matth. 12. et Luc. 11. appellatur: est enim Regio Meridionalis, ob Solis vicinitatem calore feruidissima, & Aromatibus, auroq̃ optimo refertissima, & ideo lib. 3. Reg. legimus fuisse Hierusalem ingressa multo cum comitatu, & diuitijs, Camelis Aromata, & aurum infinitum nimis, & gemmas pretiosas portantibus: quid autem Salomoni hæc Regina in specie tulit, tradit Iosephus lib. 8. antiquitatum, cap. 6.

3 Ego sum ille Salomon in figura. Salomonem Christi seruatoris nostri gessisse

fisse figuram manifestum est, tum ob maximam eius sapientiam, prudentiam, diuitiarum copias, tum etiam ex ipsiusmet nominis etimologia interpretatur enim pacificus, & Christus est, qui sublatis peccatis, nos cum Patre reconciliavit pacificans, ut ait Apost. Paulus ad Coloss. 1. Per sanguinem Crucis eius, suæ quæ in celis, suæ quæ in terris: quod fuse explicat D. August. in enarrat. Psalm. 71. & lib. 17. de Ciuit. cap. 8. ut autem legimus lib. 3. Reg. cap. 3. Salomonem iudicasse inter duas Meretrices, colligendum est etiam eum fuisse tunc typum Christi inter Synagogam, & Ecclesiam iudicantis, sed ut felicissime regnauit, dicere possumus, quod etiam fuerit figura Christi resurrectionis, & post Resurrectionem in æternum regnantis, quæ de re legendi sunt D. August. in Psalm. 126 D. Hieron. de iudicio Salomonis, Orig. in Iosue hom. 3. & alij plures.

4
var.
lect. Admirabuntur diuitias gloriæ meæ, & charitatis, in tantum, quod à spiritu infidelitatis suæ cadent, & spiritu meo replebuntur.

Sic omnia legunt impressa exemplaria, sed Farnesianus M. S. Codex habet, Admirabuntur diuitias gloriæ meæ, & charitas in tantum eos accendet, quod à spiritu infidelitatis suæ cadent, & spiritu meo replebuntur.

VERBA DEI PRÆSENTE
sponsa, de sui magnificentia, & in figura mirabili, qualiter Christus per Dauid, & Iudæi, & mali Christiani, & Pagani per tres filios Dauid designantur, & qualiter Ecclesia subsistit in septem Sacramentis.

CAP. V.



GO sum Deus, non lapideus, vel ligneus, nec ab aliquo creatus, sed omnium Creator, manens sine principio, & sine fine. Ego sum, qui veni in virginem, & fui cum in virgine, non tamen amittens Deitatem. Sed ego, qui eram per huma-

nitatem in Virgine, manente Deitate, ego idem cum Patre, & Spiritu sancto regnabam in cælo, & in terra per Deitatem. Ego etiam spiritu meo inflammabam Virginem, non quod spiritus meus, qui inflammabat separaretur à me, sed idem qui inflammabat, idem erat in Patre, & in me filio, & in eo Pater, & Filius, & hi vnus Deus, non tres Dij. 1 Ego sum similis Dauid Regi, qui habuit tres filios. Vnus eorum vocabatur Absalon, qui quærebat vitam Patris. Secundus, eorum quærebat Regnum Patris sui, scilicet Adonias. Tertius obtinuit Regnum, scilicet Salomon. 2 Primus notat Iudæos, hi sunt, qui vitam meam, & mortem meam querebant, & despiciebant consilium meum. Propterea nunc cognita retributione eorum, possum dicere, sicut dixit Dauid de filio suo mortuo. Fili mi Absalon, id est, ò filij Iudæi, ubi est, nunc desiderium vestrum, & expectatio? O filij mei, ubi est nunc finis vester? Cōpatiebar vobis ex eo, cū me desiderastis venturum, quem tor signis audistis venisse. Cū desiderastis fugitiua, quæ omnia iam fugerunt. Sed nunc magis compatio, sicut Dauid reiterans verbum primum, quia video finem vestrum in miseria mortis. Idcirco adhuc ex maxima charitate dico, sicut Dauid dixit. Fili mi, quis det mihi, ut moriar pro te? Dauid enim benè sciuit, se non posse morte sua filium reuocare mortuum, sed ut ostenderet affectum charitatis paternæ, & voluntatis bonæ promptissimum, si possibile fuisset, libenter, licet sciret impossibile esse, mortem suscepisset pro filio. Sic ego nunc dico. O filij Iudæi, qui licet habuistis malam voluntatem ad me, & in quantum potuistis fecistis contra me, si possibile esset, & Patri sic placeret, libenter adhuc semel morerer pro vobis, quia compatio miseriæ vestræ, quàm vobis exigente iustitia, vos ipsi fecistis. Dixi enim vobis faciēda verbo, & ostēdi exemplo. Præcessi vos quasi gallina alis cha-

charitatis fouendo, sed omnia spreuistis. Ideo omnia, quæ desiderastis fugerunt. Finis uester est in miseria, & labor omnis euacuatus. 3 In secundò filio Dauid notantur mali Christiani, qui contra patrem suum in senectute deliquit. Cogitauit enim secum sic. Pater meus senex est, & deficit viribus. Si locutus ei aliqua sinistra fuero, non responderet. Si fecero aliqua contraria, non vindicabit. Si attetuerò contra eum aliqua, patienter sufferet. Propterea faciam, quæ volo. Hic cum quibusdam seruis Dauid patris sui ascendebat in locum, ubi paucæ erant arbores, ut regnaret. Sed apparente sapientia, & voluntate patris, immutatum est consilium eius, & ipsi, qui cum ipso erant, dehonestati sunt. Sic faciunt nunc mihi Christiani. Ipsi cogitant apud se sic. Signa Dei, & iudicia non aperta sunt, nunc, ut prius, nos possumus loqui, quæ volumus, quia misericors est, & non attendit. Faciamus quæ nobis placent, quia facili-
tè indulget. Ipsi diffidunt de potentia mea, quasi nunc infirmior sim ad faciendum quæ volo quam prius. Ipsi charitatem eam minorem arbitrantur, quasi noluerim iam eis, ut patribus eorum misereri. Ipsi & iudicium meum reputant ludibrium, & iustitiam meam vanitatem. Propterea & ascendunt in lucum cum quibusdam seruis Dauid, ut regnent finaliter. Quis est ille lucus, ubi paucæ arbores stare solent, nisi sancta Ecclesia, quæ ex septem Sacramentis, quasi ex paucis arboribus subsistit? In hanc Ecclesiam intrant, sed cum aliquibus seruis Dauid, id est, cum paucis operibus bonis, ut fiducialiter obtineat Regnum Dei. Quia ipsi faciunt modica opera bona, ex quibus confidunt, quod in quocunque peccato fuerint, & quaecunque peccatum fecerint, nihilominus Regnum Cæleste quasi hæreditario iure habere possint. Sed sicut filius Dauid, qui contra voluntatem Dauid regnum obtinere voluit, repulsus est cum dedecore, quia ambiuit iniuste,

& iniustus erat, & dabatur sapientiori, & meliori. Sic ipsi à regno meo expelluntur, & dabitur eis, qui voluntatem Dauid faciunt, quia nullus, nisi qui charitatem habuerit regnum meum obtinere poterit. Nec nisi mundus, & secundum cor meum se dirigens, mihi mundissimo poterit appropinquare. 4 Tertius filius Dauid erat Salomon. hic significat Paganos. Cum audiuit Bersabee, quod alter quam Salomon, cui Dauid promissus post se regnatura, à quibusdā electus esset, intrauit ad Dauid, & ait: Domine mi, tu iurasti mihi, quod Salomon post te regnaret. Nunc autem alter electus est, si sic contingit, & si sic habebit processum, tunc ego quasi adultera iudicor ad ignem, & filius meus erit illegitimus. Quibus auditis Dauid erexit se, & dixit: Iuro per Deum, quod Salomon in sede mea sedebit, & post me regnabit. Et præcepit seruis suis, ut Salomonem exaltarent in sede regni sui, & prædicarent Regem, quem Dauid elegerat. Qui præceptum Domini sui cõplentes, cum potestate magna exaltauerunt Salomonem, & omnes alij, qui fratri suo consenserunt, fugati sunt, & in seruitutem redacti. Quæ est ista Bersabee, quæ se pro adultera, si alius Rex eligitur, reputabit, nisi fides Paganorum?
5 Nullum enim peius adulterium est, quam fornicari à Deo, & à fide recta, & alium Deum credere quam Creatorem omnium. Sed tãquam Bersabee quidam gentilium, cum humili corde, & contrito veniunt ad Deum dicentes. Domine nos in futurum esse Christianos promissisti, perfice ergo promissum tuum. Si alius Rex, id est alia fides amplius quam tua super nos surrexit: Si tu separaueris te à nobis, incedemus miseri, & quasi adultera, quæ pro legitimo suscepit adulterum, moriemur. Et tu licet in æternum viuas, tu tamen morieris à nobis, & nos à te, cum tu per gratiam tuam elongas te à cordibus nostris, & nos per diffidenciam nostram opponimus nos tibi. Propterea

comple promissum tuum, & conforta infirmitatem nostram, & illumina tenebras nostras. Nam si distuleris, idest, si te à nobis elongaueris peribimus. Quibus auditis ego quasi alter Dauid, volo nunc erigere me per gratiam meam, & misericordiam. Iuro igitur per Deitatem meam, quæ est cum humanitate mea, & per humanitatem, quæ est in spiritu meo, & per spiritum meum, qui est in Deitate, & humanitate mea, & hi tres nō tres Dij, sed vnus Deus, quod complebo promissionē meam. Mittam enim amicos meos, qui Salomonem filium meū, idest Paganos, introducant in locum, idest in Ecclesiam, quæ ex septem Sacramentis, quasi ex septem arboribus subsistit, scilicet Baptismo, Pœnitentia, Confirmatione chrismatis, Sacramento altaris, & Sacerdotio, Cōiugio, & Vnctione, & requiescent in sede mea, idest fide recta sanctæ Ecclesiæ, Christiani autem mali fient eorum serui. Illi gaudebunt de hæreditate perperua, & dulcedine, quam eis præparabo. Isti autem in miseria ingemiscunt, quæ incipiet eis in præsentia, & in perpetuum durabit. Ergo amici mei, quia iam tempus est vigilandi, non dormirent, non attedientur, nam, merces gloriosa sequitur laborē eorum.

NOTÆ.

Ego sum similis Dauid Regi, qui habuit tres filios.

Quot filios habuerit Dauid, eiusque res gestas, latissime lib. 1. & 2. Reg. & 1. Paralip. habentur. Hoc autem loco Christus Dñs Dauidi comparatur. Primo ob nominis etymologiam, interpretatur enim dilectus, & de Christo scribitur Matth. 17. & Marci 9. & Luc. 9. Hic est filius meus dilectus, in quo mihi bene complacui; ut autem Dauid filius fuit Isai Bethlemitæ, Christi quoque figuram gessit, qui in Bethlehem ortus est, scilicet in domo parui, & vnctus in Regem, cuius ipsemet Dauid meminit Psalm. 44. Vñxit te Deus, Deus tuus oleo lætitiæ: sic D. Aug. in enarrat.

Psalm 26. Christum vnctum interpretatur. & Psalm. 33. 56. & 58. D. Hieron. super Isai. cap. 22. D. Greg. lib. 5. Moral. cap. 29.

2 Primus notat ludæos, hi sunt, qui vitam meam, & mortē meam quærebant.

Dauid tres habuisse filios legitur hic, qui mysticē tres hominum status notant. Per primum enim, qui fuit Absalon Iudæi, per secundum, qui Adonias mali Christiani, per tertium, qui Salomon Pagani notantur: & ut à primo, scilicet Absalon sumamus exordium, quis dubitet eum Iudæos designare, qui in Christum Dominum insurrexerunt: ipse verò interpretatur Patris pax, quia Pater pacem habuit ad ipsum, quam ipse cum Patre minime habuit: ita prorsus Christus pacem habuit cum Iudæis, sed ipsi è conuerso cum illo pacem noluerunt habere: sic annot. D. Aug. & Arnob. in Psalm. 3. Ruper. super 2. Reg. cap. 35. Id autem quod aliquanto post legitur, nimirum fili mi, quis det mihi, ut moriar pro te ostendit maximam Christi charitatem, qua compatiebatur Synagoge, pro cuius etiam salute si fieri posset iterum mortem subiret: sicut enim Dauid, ut paterne charitatis affectum filio insinuaret, illa verba proferebat, fili mi quis det mihi, ut moriar pro te, quæ habentur lib. 2. Reg. cap. 18. sic Christus hoc in loco suum erga Synagogam exprimens amorem, dicit, O filij Iudæi, qui licet habuistis malam voluntatē ad me, si possibile esset, & Patri sic placeret, libenter adhuc semel morerer pro vobis.

3 In secundo filio Dauid notantur mali Christiani.

In superiori Nota diximus, secundum filium Dauidis Adoniam fuisse, qui cum dominator, dominatio, vel dominari interpretetur, optime libet inferre per eum, eos Christianos designari, qui ambitionis vento inflatos, alijs se præferentes, quemlibet sibi honorem competere arbitrantur, eumque etiam nec debito ordine, nec iustis querunt medijs, quod etiam animaduertit Lyranus super 3. lib. Regum cap. 1. & sicut viuente Patre Adonias sibi regnum iniuste usurpare voluit, sic impij Christiani Regnum Celorum iniuste capere posse existimant, quamuis innumerabilibus

vitijs referam vitam ducant, & hoc est, quod infra scribitur, ipsi faciunt modica opera, ex quibus confidunt, quod in quocunque peccato fuerint, & quaecunque peccatum fecerint, nihilominus Regnum caeleste quasi hereditario iure habere possint.

4 Tertius filius Dauid, erat Salomon, hic significat Paganos, cum autem audiuit Bersabea, quod alter, quam Salomon, cui Dauid promisit post se regnaturum, à quibuscumque electus esset, intrauit ad Dauid, & ait, Domine mi, tu iurasti mihi, quod Salomon post te regnaret, nunc autem alter electus est, si sic contingit, & si sic habebit processum, ego quasi adultera iudicor ad ignem, & filius meus erit illegitimus.

Hac omnia adamussim habentur lib. 3. Reg. cap. 1. hoc tamen loco notandum est, quod ubi in impressis Codicibus legimus, & ego quasi adultera iudicor M. S. Farnesianus habet, iudicabor, quae lectio arriidet magis, quandoquidem Bersabea persuadere conabatur Regi, ut filium suum Salomonem exaltaret ad Regnum, iuxta factam promissionem, illudque sibi iure hereditario competere affirmabat, probans ex eo, quod alias, & ipsa iudicaretur adultera, & filius eius Salomon illegitimus existimaretur, quod sane diligenter sacrarum litterarum interpreti animaduertendum est, ad intelligentiam textus supra citati lib. 3. Reg. c. 1. ubi nec adulterij, nec alterius vitij mentio fit sed tantummodo scribitur in genere, quod peccatores, & Mater, & Filius reputarentur, nisi filius eius Salomon subleuaretur ad Regnum, crimis ego, & filius meus Salomon peccator, sic legitur ibi, quem locum Lyranus ad litteram, sic explicat, quia (inquit) Adonias imponet nobis crimina ad priuandum nos vitam.

5 Nullum maius adulterium, quam fornicari à Deo, & à fide recta, & alium Deum credere, quam Creator omnium.

Quemadmodum committitur Adulterium, cum alter coniugum à fide in matrimonio praestita fornicando recedit, & propter hoc gravissima poenae reus sit, quia grave scelus cō-

mittit, ita quoque adulteratur is, qui fidem in baptismate datam infringit, & ob id aeternae poenae debitor secundum diuine iustitiae leges constituitur, unde animam à fide, & veritate recedentem, & à lege, & praeceptis Dei discedentem, & alteri vero, utputa Diabolo adherentem, adulteram vocant Orig. super Matth. c. 16. & D. Hieron. super Oseam c. 1. edisserens illa verba. Sume tibi uxorem fornicationum, & fac filios fornicationum.

VERBA FILII PRÆSENTE SPONSA, de quodam Rege existente in campo cum amicis ad dextram, & inimicis ad sinistram, & qualiter per talem Regem Christus habens Christianos ad dextram, & Paganos ad sinistram designatur, & qualiter reiectis Christianis suos mittit Praedicatores ad Paganos.

CAP. VI.



ILIVS loquebatur. Ego sum quasi Rex, qui stabat in campo, ad cuius dextram stabat amici, & ad sinistram inimici. Quibus statibus, vox una cuiusdam clamantis venit ad dextram, ubi omnes bene armati stabant, galeas habebant ligatas, & facies conuertas ad Dominum. Clamabat autem vox sic, vertite vos ad me, & credite mihi, ego habeo aurum dare vobis. Qui audientes verterunt se ad eum, quibus veris, dixit vox secundo. Si volueritis videre aurum, soluite galeas vestras, & si possideret desideratis, ego iterum ligabo galeas vestras ad voluntatem meam. Quibus fauentibus ei, ligauit galeas eorum ex transfuerso, ita quod anteriora foramina, per quae videre debebant, erant in occipite, & posteriora galeae obumbrabant oculos, nec viderent, & sic ille clamans, cecos duxit eos post se. Quibus gestis, nunciauerunt amici quidam regis Dño suo, quod homines sui ab inimicis suis essent supplantati. Qui ait ad amicos suos,

Exite inter illos, & clamate sic. Soluite galeas vestras, & videte, quia deccepti estis. Conuertimini ad me, & ego recipiam vos in pace. Qui noluerunt audire, sed habuerunt pro derisū. Quod serui audientes, nunciauerunt hoc Domino suo, qui ait. Ergo quia ipsi contempserūt me, citò procedite ad sinistrā, & dicite eis, qui ad sinistram stant hæc tria. Via quæ ducit vos ad vitam parata est vobis, porta aperta est, & Dominus personaliter cum pace vult occurrere vobis. Ergo credite firmiter viam esse paratam, sperate stabiliter portam esse apertam, & verba eius esse vera. Occurrite cum charitate Domino, & ipse cum charitate, & pace suscipiet vos, & ducet in perpetuam pacem. Qui audientes verba nunciorū crediderunt, & suscepti sunt in pace. Ego sum ille Rex, qui Christianos habui ad dexteram, qui eis æternum bonum præparavi. Quorum galeæ, tunc ligatæ, & facies ad me versæ erant, quando voluntatē perfectam habuerunt facere voluntatem meam. Obedire mādatis meis; & desiderium totum erat ad cælum. Tandem vox Diaboli, idest, superbia sonuit in mundo, quæ ostendit mūdi diuitias, & carnalem voluptatem, ad quam tunc se verterunt, cum affectū, & consensum superbiæ dederunt. Pro qua, & tunc galeas deposuerunt, cum affectum opere compleuerunt, & temporalia spiritualibus præposuerunt. Depositis ergo galeis diuinæ voluntatis, & armis virtutum, tantū nunc superbia præualuit in eis, & tantū eos sibi obligauit, & quod libenter vsque in finem volunt peccare, & libenter in æternum vellent vivere, vt in æternum possent peccare. Quæ etiam sic obumbravit eos, quod foramina galearum, per quæ videre deberent, stant in occipite, & in fronte tenebræ sunt. Quæ enim sunt foramina galearum, nisi consideratio futurorum, & prouida circumspectio præsentium. Per primum foramen de-

berent considerare præmia æterna, quæ delectabilia sunt, & futura supplicia, quàm horribilia sunt, ac Dei iudicia, quàm terribilia. Per secundum foramen deberent considerare, quæ essent præcepta à Deo, & quæ prohibita, quantum excederent à mandatis Dei, & quomodo emendarent. Sed hæc foramina stant in occipite, vbi nihil videtur, quia consideratio cælestium tradita est obliuioni. Amor Dei refriguit, amor autem mundi tam suauiter consideratur, & amplectitur, quod eos ducit tanquam rotam, benè vñtam ad quodcunque velit. Veruntamen amici mei videntes dehonestatem meam, animarū casum, & Diaboli dominium, quotidie pro eis ad me precibus suis clamant, quorū preces penetrauerunt cælum, & intrauerunt aures meas, & flexus precibus eorum, misi eis quotidie prædicatores meos, ostendi signa, & multiplicauit eis gratiam meam, Sed omnia spernentes peccata, peccatis addiderunt. Propterea dicam nunc seruis meis, & in veritate complebo. Procedite serui mei ad sinistram, idest, ad Paganos, qui tanquam ad sinistram in contemptu vsque hūc fuerunt. Procedite inquam, & dicite sic. Dominus cæli, & Creator omniū facit vobis dici. Via cæli aperta est vobis, habete voluntatem intrandi cum firma fide. Porta cæli stat vobis aperta, sperate firmiter, & intrabitis in eam. Rex cæli, & Dominus Angelorum vult personaliter occurrere vobis, & dare pacem, & perpetuam benedictionem. Occurrite ei, & suscipite eum cum fide eius, quam vobis ostendit, qua via cæli præparatur, suscipite eum cum spe, qua speratis, cum ipse habet iam velle, dare vobis cælum. Diligite eum toto corde, & opere complete, & ingredimini portas Dei, à quibus Christiani, qui eas ingredi nolunt, & se indignos per opera sua faciunt, repellentur. In veritate mea dico vobis, quod complebo verba mea, & non dimittam. Suscipiam
vos

vos in filios, & ero vobis in patrē, quem Christiani contempnibiliter contempserunt. Vos ergo amici mei, qui estis in mundo, procedite securi, & clamate, annunciate eis voluntatem meā, & iuuate, vt possint complere. Ego ero in corde, & in ore vestro. Ego ero dux vester in vita, & conseruator in morte. Non relinquam vos, procedite audacter, quia ex labore crescit gloria. Omnia enim possem in vno puncto, & verbo, sed volo, vt ex certamine crescat vobis merces, & ex virilitate vestra crescat honor meus. Nec miremini quod loquor. Nam si sapientissimus in mundo posset considerare, quot animæ descendunt quotidie in infernum, plures essent, quam arena maris dinumerata, & lapilli riparum.

2. Hæc enim est iustitia, quia se à Deo, & Domino suo separauerunt. Propterea vt minuatür numerus Diaboli sciatur periculum, & impleatur exercitus meus loquor, si forte audierint, & resipiscant.

N O T Æ.

1. Quid libenter vsque ad finem volunt peccare, & libenter in æternum vellent viuere, vt in æternum possent peccare.

Eandem prorsus sententiam habet D. Bern. in Epist. 252. Ita vt (inquit) si nunquam moreretur, nunquam velle peccare desineret, immò semper viuere vellet, vt in æternum posset peccare, idem habet D. Greg. 4. Dialog. cap. 4. voluissent sine fine viuere, vt sine fine potuissent in iniquitatibus permanere.

2. Hæc enim est iustitia, quia se à Deo, & Domino suo separauerunt.

Sic legunt omnia hæcenus impressa exemplaria, sed locus mancus est, & cum M. S. Farnesiano Codice, ita corrigendus. Hæc enim est iustitia, vt si à Deo, & Domino suo se separauerint, cum Diabolo coniungantur.

VERBA IESV CHRISTI ad sponsam, qualiter eius Deitas Corone comparatur, & quomodo status Clericorum, & Laicorum per Petrum, & Paulum designatur, & de modis contra inimicos tenendis, & de conditionibus penes milites sæculares habendis.

CAP. VII.



ILIVS loquebatur ad sponsam dicens. Ego sum Rex Coronæ. Numquid scis tu, quare dixerim Rex Coronæ? Certè Deitas mea

sine principio erat, & sine fine erit, & est: Hæc Deitas mea Coronæ assimilatur, quia sine initio, & sine fine est. Sicut autem in Regno Corona seruatür Regi futuro, sic Deitas mea seruabatur humanitati meæ, quia ipsa coronaretur. Ego autem habui duos famulos, vnus erat Clericus, alter Laicus. Primus erat Petrus Clerici officium habens. Paulus autem quasi Laicus. Petrus fuit alligatus coniugio, & qui videns coniugium cum officio Clerici non posse conuenire, & rectitudinem mentis suæ in continentia periclitari perpendens, separauit se quantum ad commixtionem à coniugio quauis licito, & perfecta mète adhesit mihi.

2. Paulus autem castitatem seruauit, & se immaculatū à thoro custodiuit. Ecce qualem charitatē cum istis duobus feci. Primò idest, Petro dedi clauēs Cæli, vt quæcunque ligaret, & solueret in terra, ligata, & soluta essent in Cælo. 3. Secundò, idest Paulo dedi, vt similis Petro fieret in gloria, & honore. Sicut enim in terra pares fuerunt, & coniuncti, sic nunc in cælo in gloria perpetua coniuncti sunt, & glorificati. Sed licet istos duos expressè nominauerim, tamē cum eis, & in eis, alios amicos meos intelligo. Sicut enim olim in lege ad solum Israel, quasi ad vnum hominem loquebar, cum

tamen totum Israeliticum populum in illo nomine notabam. Sic nunc in istis duobus plures intelligo, quos gloria mea, & charitate repleui. Procedente autem aliquo tempore, coeperunt mala multiplicari, & caro infirmari, & proclitior solito ad malum esse. Propterea utrique statui Clericorū scilicet, & Laicorum, quos in Petro, & Paulo intelligo, misericorditer consulens, permisi Clericos bona Ecclesiae ad utilitatem corporis moderatē habere, ut eo feruentiores, & frequentiores essent in seruitio meo. Permissi & Laicis coniugium iuxta ritum Ecclesiae. Inter Clericos erat quidam bonus homo, qui cogitabat apud se. Caro trahit me ad prauam voluptatem, mundus ad nociuum visum, Diabolus ponit mihi multipliciter peccati insidias. Ideo nē supplanter à carne, & à voluptate, ponam modū in omnibus actibus meis, moderabo me in refectione, & quiete, seruabo tempus debitum in labore, & oratione, 4. refranabo carnem meam ieiunijs. Secundò, nē mundus trahat me ab amore Dei, omnia quæ mundi sunt, quia caduca sunt, relinquere volo, paupertate Christū sequi tutius est. Tertiò, nē Diabolus decipiat me, qui sēper falsa ostendit pro verò, subijciā me regimini, & obedientiæ alterius. Omnem voluntatem propriam abijciam, 5. & paratum me exhibeo ad omnia quæcunque mihi ab alio fuerint imperata. 6. Hic est, qui primum instituit Monasterium, & laudabiliter in eo perseuerans, alijs vitam suam imitandam dereliquit. Status Laicorum benè erat ad tempus dispositus. Quidam eorum excolebant terram, & labori agrorum viriliter instabant. Alij velificabāt nauibus, & mercimonia alijs regionibus deferabant, ut vnius regionis fertilitas, alterius subleuaret inopiam. Quidam instabant operi manuum, & diuersarum artium. Inter istos quidam erant defensores Ecclesiae meae, qui nunc dicuntur curiales, qui assumpserunt sibi

arma ad vltionem Ecclesiae sanctae, ad expugnationem inimicorum eius. In istis curialibus apparuit quidam bonus homo, & amicus meus, qui cogitabat apud se. Non excolo terram, ut agriculator. Non desudo in fluctibus maris, ut mercator. Non insisto labori manuum, ut operator egregius. Quid ergo faciam, aut quibus operibus placabo Deū meū? Sed nec virilis sum in labore Ecclesiae. Corpus meum debile est, & molle ad patiendum vulnera. Manus remissa ad feriendum inimicos. Mens fastidiosa ad cogitandum caelestia. Quid ergo faciendum est modo? Certè scio quid faciam. Surgam, & obligabo me cum iuramento stabili sub temporali Principe, quod defensusus sim viribus meis, & sanguine meo fidem sanctae Ecclesiae. Veniens autem ille amicus meus ad Principem ait. Domine, ego sum de defensoribus Ecclesiae. Corpus meum nimis molle est ad patiendum vulnera. Manus remissa ad feriendum. Mens instabilis ad cogitandum bona, & laborandum. Voluntas mihi placet propria, requies nō finit me fortiter pro domo Dei stare. Ideo constringo me cum iuramento publico, sub obedientia sanctae Ecclesiae, & tua o Princeps, quod eam defensusus sim omnibus diebus vitae meae. Ut si fortē tepida mēs, & voluntas fuerit ad certandum, propter iuramentum teneor, & compelli possum ad laborandum. Cui respondit Princeps. Vadam tecum ad domum Domini, & ero testis iuramenti tui, & promissionis tuae. Venientes autem ambo ad altare meum, amicus meus flexo genu ante altare meum dixit. Ego nimis infirmus sum in carne mea ad patiendum vulnera. Voluntas propria nimis est mihi cara. Manus tepida ad percutiendum. Ideo in praesenti promitto obedientiam Deo, tibi, qui caput es, cum iuramento meo firmiter alstringens me, sanctam Ecclesiam contra inimicos eius defensusum. Amicos Dei confortaturum. Viduis, orphanis,

nis, & fidelibus Dei benefacturum. Contra Ecclesiam Dei, & fidem eius nunquam aliquid contrarium acturum. Insuper obligo me correctioni tuæ, si errare me contingat, ad hoc, ut obligatus ad obedientiam, tantò magis cauere possim peccata, & voluntatem propriam, & tantò feruentius, & facilius insistere voluntati Dei, & tuæ. Sciamq. tanto mihi esse damnabilius cæteris, & contemptibilius, si violata obedientia mandatis tuis contraire præsumpero. Facta autem ista professione ad altare meum. Princeps sapienter considerans disposuit sibi habitum ab alijs secularibus distinctum, in signum abdicacionis voluntatis propriæ, & ut sciret se superiorem habere, & debere ei obtemperare. Dedit etiam Princeps in manu eius gladium dicens. Hoc gladio inimicos Dei comminues, & interficies. Dedit, & in brachio eius clypeum dicens. Hoc clypeo defende te, contra inimicorum iacula, & patienter tolera illata, ut prius crepet clypeus, quàm fugias. Iste amicus meus hæc omnia audiente Clerico meo, qui præsens erat firmiter seruaturum se promisit, qui Clericus facta promissione, dedit ei corpus meum in robur, & fortitudinem, ut amicus meus per corpus meum mihi vnitus, nunquam à me separaretur. Talis fuit amicus meus Georgius, & plures alij, tales & deberent esse milites, qui nomen deberet habere propter dignitatem, habitum propter operationem, & defensionem fidei sanctæ. Audi nunc quid inimici mei faciunt cõtra ea, quæ amici mei prius fecerunt. Denique amici mei ingrediebantur Monasteria, ex discreto timore, & diuina charitate. Sed hi, qui nunc sunt in Monasterijs, vadunt in mundum pro superbia, & cupiditate, habentes propriam voluntatem, facientes corporis sui delectamenta. Istorum qui in tali voluntate moriuntur iustitia est, quòd non sentiant, nec obtineant cæleste gaudium, sed pœnam in inferno sine

sine. Scito etiam quòd claustrales, qui coguntur contra velle proprium ex diuina charitate fieri Prælati, non sunt in eorum numero computandi. Milites quoque qui mea portabant arma, fuerunt parati dare vitam pro iustitia, & effundere sanguinem propter fidem sanctam, indigentes promouendo ad iustitiam, malosq. deprimere, & humiliare. Sed nunc audi quomodo auersi sunt. Placet quippè nunc eis magis mori in bello, pro superbia, cupiditate, & inuidiâ, iuxta diabolicas suggestiones, quàm secudum mandata mea viuere, ad obtinendum gaudium sempiternum. Ergo omnibus, qui in tali voluntate moriuntur, dabitur stipendium ex iudicio iustitiæ, scilicet animabus eorum in æterna diaboli coniunctione. Hi verò, qui mihi seruiunt, tenentur habere stipendium cum cælesti exercitu sine fine. Hæc verba ego Iesus Christus locutus sum, verus Deus, & homo, vnus cum Patre, & Spiritu sancto semper Deus.

NOTÆ.

1
var.
lect.

Q Vi videns coniugium cum officio Clerici non posse conuenire, & rectitudinem suæ mentis in incontinentia periclitari.

M. S. Farnesianus habet, Ex incontinentia periclitari.

2

Paulus autem castitatem seruauit, & se im naculatum à thoro custodiuit.

Paulum Apostolum non solum castitatem seruasse, sed & virginem quoque extitisse asseruit D. Dionysius Carthusianus in prior Epistola ad Corinth. cap. 7. explicans illa verba. Volo omnes homines esse, sicut ego sum: eisdem sententia subscribit Lyranus ibidem, sic textum illum exponens, Volo omnes virginitatem seruarent, sicut ego, dicitur quod in testimonium suæ virginitatis fluxit lac de corpore eius: Cæterum mihi videtur constanter asserendum. Paulum uxorem nunquàm duxisse, quicquid dixerint Cæcilius super 4. cap.

Epi-

Epistola ad Philippens. & Ambrosius Catharinus ibidem, qui affirmat id contineri in Reuelationibus Sanctae Brigittae, cum tamen contrarium habeatur in presenti Capite ibi. Et se immaculatum a thoro custodiuit; eandem sententiam secuti sunt, Eusebius Caesariensis lib. 3. Ecclesiastica historia cap. 30. & Clem. Alex. lib. 3. Stromatum paulo ante medium libri, citatus ab eodem Eusebio, qui opinionem suam probat ex his eiusdem Pauli verbis 1. Cor. 9. Nunquid nō habemus potestatem sororem mulierem circumducendi? quae sane verba non indicant, Paulum Apostolum habuisse uxorem, sed ut docent Chrysost. Ambros. Occumen. Theoph. Haymo, Dionys. Carthus. Theod. & Beda ibi significant, quod sicut Dominum sequebantur fideles mulieres necessarium alimentum suppeditantes, ita etiam quosdam ex Apostolis sequebantur aliqua feminae ardentiorē fidem ostendentes, & ab eorum doctrina pendentes, ac necessaria subministrantes: sed rem hanc fufius explicat D. August. lib. de operibus Monachorum cap. 4. & 5. ex quo poterit legenti constare, unde sumpserit id affirmandi occasionem Clemens Alexandrin. ex illis verbis 1. Cor. 9. Quandoquidem (inquit) hoc quidam non intelligentes, non sororem mulierem circumducendi, sed uxorem interpretati sunt, fefellit eos verbi Graeci ambiguitas, quod scilicet, & uxor, & mulier eodem verbo Graece exprimitur, quamquam hoc ita posuerit Apostolus, ut falli non debuerint, quia neque mulierem tantummodo ait, sed sororem mulierem, neque ducendi, sed circumducendi, veruntamen alios interpretes nō fefellit haec ambiguitas, & mulierem, non uxorem interpretantur; sunt etiam qui Paulum habuisse uxorem probent ex illis verbis ad Philip. 4. Etiam rogo, & te germane cōpar adiuua illas, &c. quae verba secundum Graecam versionem sic possunt verti, & te germana coniux, verum hoc non obstat, quia Paulus ibi agit non de uxore, sed de quopiam viro, quem vocat germanum comparem, quibus verbis indicare voluit illum pariter cum ipso iugum portare, non tamen, quale est in matrimonio, sed quale est in professione religionis.

Christiana, aut etiam dicendum meminisse cuiusdam, qui erat maritus alicuius ex faminis in ea Epistola nominatis, ut Euodia, & Sintichen, sicut annotarunt Chrysost. & Theoph. ex quibus colligi minimē potest, Paulum habuisse uxorem: atque haec fuit opinio antiquorum Patrum D. Hieron. in Epistola ad Eustochium, August. de gratia, & libero arbitrio cap. 4. Hylar. in Psalm. 127. Epiph. heresi 58. Ambros. in cap. 7. prioris Epistola ad Corinth. Tertull. in utroque libro ad uxorem, Chrysost. & Theodoretus, alij. plures in locum citatum ad Philip. Cardin. Bellarm. de Clericis lib. 1. cap. 20. Cardin. Baron. Tom. 1. Annalium Anno Christi 57. Benedictus Pererius super Epist. ad Rom. in Proleg. disp. 1. Tom. 2. selectarum disputationum.

3 Secundo, idest Paulo dedi, ut similis Petro esset in gloria, & honore. Hic textus nobis ansam praebet, ut examinemus, an Paulus fuerit Petro dignitate par, an vero Petrus extiterit Paulo, ceterisque Apostolis superior. Ad cuius intelligentiam notandum est, in Petro praeter ordinis potestatem, quam etiam alij Apostoli obtinuerant, duplicem fuisse, alteram Apostolatus, quam habebat communem cum ceteris Apostolis, quandoquidem, & ipse Petrus, alij. Apostoli Evangelij predicandi munus à Christo Domino susceperunt, quam ob causam fuisse pares, quoad hanc potestatem scribitur hic, his verbis, Dedi Paulo, ut similis esse Petro in gloria, & in honore, scilicet Apostolatus, hac de re legendus est doctissimus Caetanus, qui hoc desertis verbis affirmat Tom. 1. opusculi tract. 3. cap. 5. agens de auctoritate Papae, & in hunc sensum explicandi quoque sunt hi Doctores, qui Apostolum Petrum Paulo, alijsq. parem constituunt, ut D. Chrysost. in Epist. ad Galat. explicans ea verba, Post annos tres ascēdi Hierosolymam, ut viderem Petrum, Post (inquit) tanta Italiae beneficia, cum nihil opus haberet Petro, nec illis egeret, sed honore par esset illi, idē docet hom. 18. in Epist. ad Rom. & D. Cypr. ut habetur 2. 4. q. 1. & D. Hieron. contra Iovinianum lib. 1. cap. 14. & in Cōment. in c. 2. ad Galat. super illud, Qui operatus est Petro in Apo-

Apostolatu, loquens in persona Pauli, ego in nullo sum Petro inferior; quia ab uno Deo sumus ambo in ministerium ordinati. Secunda potestas, quae erat in Petro, dici potest potestas Regni, quae erat in solo Petro, secundum quam ipse erat caput omnium, & auctoritatem super omnes Episcopos, & Ecclesias à Christo immediate accepit; ut patet Matth. 16. & Ioan. ultimo, ubi scribitur, Et super hanc petram aedificabo Ecclesiam meam, & ut annot. D. Cyr. ubi supra, & D. Hieron. in Matth. D. August. in lib. retract. per hanc petram ipse Petrus demonstratur, & sermo dirigitur ad ipsum, & idem legimus ibi, Tibi dabo claves Regni Calorum, quia in re superiorem esse Petrum ceteris alijs, nulli dubium est, & definitum in pluribus Concilijs, & praecipue sess. ultima Conc. Florent. & communi consensu Patrum, tam Latinorum, quam Graecorum comprobatur, & fatetur D. Hieron. contra Luciferianos, & Iovinianum, Petrum esse omnium Praelatum, & caput, & D. Chrys. hom. 5. in Matth. & D. Cyr. ubi supra, & alij innumerabiles. quos recensere hic longum esset.

4. Refrenabo carnem meam in ieiunijs.
lect. M.S. addit in castigatione; & in ieiunijs.
Et paulo post, ubi omnes impressi Codices legunt,

5. Paratum me exhibebo.
var. Corrigere cum Manuscripto, Paratum me
lect. exhibebo.

6. Hic est, qui primum instituit mihi Monasterium.

Quis primus vitam Monasticam instituerit, qui primum vota paupertatis, obedientiae, & castitatis emiseric, In specie non traditur hic, de quo diuersae sunt Doctorum virorum, ac historicorum Ecclesiasticorum opiniones; hac de re legendi sunt D. Hieron. de vita solitaria, & contra Iovinianum, Eusebius Caesariensis Ecclesiasticae historiae lib. 2. cap. 17. qui multa ex Philone Hebraeo ad hac pertinentia refert, videndi sunt quoque D. Antoninus in sua summa p. 2. tit. 15 Volaterran. lib. 20. Vinc. Beluacen. in Speculo doctrinali cap. 16. Ex his ergo omnibus nihil certi statui potest, & ea de re adhuc sub iudice lis est: sunt qui Mona-

sticam vitam principatum tribuant Helie Propheta, alij D. Io. Baptista, alij verò D. Antonio, & alij alijs, quos recenset Polidorus Virg. de inuentoribus rerum lib. 7. cap. 1. & 2. & inter Christianae Reip. Religiosos primum locum tenere Regulares Canonicos Lateranenses tradiderunt D. Antoninus, Vincen. Beluacensis, & Volaterran. ubi supra, quos, & ab Apostolis fuisse institutos, & à Beato Augustino instauratos, & pristino splendori restitutos, colligi potest ex Bulla Pij Quarti Pont. Max. edita anno 1564. mense Ianuarij die 18. quae incipit (Sedis Apost.) in qua ob eorum antiquitatem desinit, debere eos praecedere Monachis S. Iustine Pataniorum, Ipsi Canonici, dicitur ibi in Bulla, fuerunt; & sunt de illis Clericis à S. Augustino, quinimò à Sanctis Apostolis instituti, sed quicquid sit D. Thom. 2. 2. q. 88. art. 4. ad tertium, docet Apostolos fuisse primos, qui voverint pertinentia ad perfectionis statum, quando relictis omnibus sequuti sunt Christum.

VERBA CHRISTI AD SPONSAM

de cuiusdam militis retrocessione à vera militia, idest ab humilitate, obedientia, patientia, fide, &c. ad falsam, idest ad superbiam, & per contrarium, & de suae damnationis experientia, & de damnationis incurso propter malam voluntatem, sicut propter opus.

C A P. VIII.

EGO sum verus Dominus. Nullus enim Dominus est me excellētiōr, nec antē me fuit, nec post me erit; sed omne dominium est à me, & per me. Ideo ego verus sum Dominus, nec aliquis verē est Dominus dicēdus; nisi ego solus, quia à me est omnis potestas. Dixi tibi prius, quod duos habui famulos, quorum alter vitā laudabilem viriliter assumpsit, & virilius consummauit, quem innumerabiles postea in eadem vita, & militia sequebātur. Nunc di-

dicam tibi, quis de professione militiæ institutæ ab amico meo primò recessit. Nomen eius non dico tibi, quia non cognoscis eum ex nomine, sed intètionem eius, & affectum tibi ostendam qualis erat. Quidam volens fieri miles venit ad templum meum, qui ingrediens audiuit vocem; Si tu vis fieri miles, oportet te habere ista tria. Primò debes credere, panem, qui videtur in altari, esse Deum verum, & hominem, celi, & terræ Creatorem. Secundò debes habere maiorem abstinentiam à voluntate tua post assumptam militiam, quàm antea consueuisti. Tertiò non debes curare de honore mundi, & dabo tibi delectationem diuinam, & honorẽ sempiternum. Quibus auditis, & ipsi secum hæc tria deliberante, audiuit in mente sua vocem aliam pessimam, tribus primis tria contraria sonantem. Si (inquit) volueris mihi seruire, dabo tibi alia tria. Dabo tibi possidere quæ vides, audire quæ delectat, obtinere quæ appetis. Qui audiens ista, cogitauit apud se. Ille Dominus primus iubet me credere, quæ nõ video, promittit quæ nescio. Iubet abstinere à delectationibus, quas desidero, & video, Iubet sperare incerta. Alter autem promittit mihi mundi honorem, quem video. Delectationem, quam appeto. Auditum delectabiliũ, & visum non prohibet. Certè melius est mihi sequi eum, & habere quæ video, vti his de quibus certus sum, quàm sperare incerta. Ille homo sic cogitans, cepit primo de vera militia retrocedere. Ipse abnegauit professionem veram, & promissionem irritauit. Clypeum patientie projecit ante pedes meos. Gladium defensionis fidei reiecit de manibus suis, & sic exiuit de templo meo. Cui dixit vox illa pessima, Si sicut dixi volueris esse meus, tunc debes procedere cum omni superbia in campũ, & in plateas, vt sicut ille Dominus præcepit suis habere humilitatem in omnibus, sic nullum sit genus ostentationis, & superbiæ, quòd te fugiat.

Et sicut ille intrauit cum obedientia, & omni se subdidit obedientiæ, sic nullum tu patere te esse superiorem, nulli curues per humilitatem ceruicem tuam. Gladium assume in manibus ad hoc, vt effundas sanguinem proximi tui, & fratris tui propter acquisitionem possessionis eius. Clypeum pone in brachio ad hoc vt libenter des vitam tuam pro acquisitione honoris. Pro fide, quàm ille habet. Tu dilige templum corporis tui, vt à nulla voluptate, quæ te delectat abstineas. In talibus ergo homine illo firmante voluntatem suam, & intètionem. Princeps suus imposuit collo eius manũ suam in loco ad hoc constituto. Locus enim qualiscunq. non obest alicui, si voluntas fuerit bona, nec prodest, si intentio fuerit praua. Dictis autem verbis confirmationis militiæ suæ, recessit ille, militiam suam exercēs ad omnẽ mundi superbiam, paruipendens miser, quòd ad maiora, quàm prius, & austeriorem vitam fuerat obligatus. Hunc militem infinitæ militiæ sequebantur, & sequuntur in superbia, & profundius propter militiæ professionem descendunt in abyssum. Sed potes quærere, quòd multi volunt exaltari in mundo, & vocari magni, sed tamen non prævalent. Nunquid isti propter voluntatem malã æquẽ puniuntur, sicut ij, qui omnem processum iuxta desiderium habebunt? Ad hoc ego respondeo tibi. Quicumque completã habet voluntatem, & facit quantum potest, vt exaltari possit in mundo, & in mundi honore, & nomine vano vocari, nec tamen propter occultum iudicium meum permittitur effectus voluntati; pro certo dico tibi, quòd secundum voluntatem illam malam ita punietur, sicut ille qui compleuit opere, nisi pœnitentia voluntas corrigatur. Ecce de duobus satis notis pluribus, dico tibi exemplum. Quorum vnus iuxta voluntatem suam prosperabatur, & ferè omnia quæ concupuit obtinuit. Alter eandem voluntatem

ha-

habuit, sed non obtinuit posse. Primus obtinuit honorem mundi, dilexit templum corporis sui in omni voluptate, dominabatur, ut voluit, ad omnia quæ misit manum proficiebat. Alter eorum voluntate consimilis, minorem habuit honorem, qui gaudenter centies fudisset sanguinem proximi sui, ut cupiditatem suam perficere potuisset. Qui & fecit, quod potuit, & voluntatem suam iuxta desiderium suum adimpleuit. Isti duo pares sunt in supplicio horrendo, qui licet non vno tempore, & vna hora fuerunt mortui ambo, tamen sic loquor de anima vnus, sicut de duabus, quia ambarum vna est damnatio, vna & vox ambarum erat in separatione corporis, animæq. egressu. Egressa ergo anima de corpore, ipsa loquebatur ad corpus sic: Dic mihi vbi est nunc visio oculorum delectabilis, quam mihi promissisti, vbi voluptas, quam mihi ostendisti? vbi verba delectabilia, quibus me uti præcepisti? Adfuit mox Dæmon, & respondit. Visio promissa non est nisi pulvis, verba non sunt nisi aer. Voluptas non est nisi lutum, & putredo, hæc ad nihilum tibi valent. Tunc clamabat anima: Heu heu quam miserabiliter decepta sum. Ego video tria. Video enim illum, qui in similitudine panis promittebatur, ipse est Rex Regum, & Dominus dominantium. Ego video quod promissit, & hoc est indicibile, & inexcogitabile. Audio iam abstinenciam, quam suasisse vtilissimam. Deinde altius clamabat cum tribus v. Væ (inquit) quia nata sum. Væ, quia tam longa fuit vita mea super terram. Væ, quia victura sum in morte perpetua, quæ nunquam potest terminari. Ecce quantâ miseriam miseri habebunt pro cōtemptu Dei sui, & pro transitoria felicitate. Ideo sponsa mea regitare mihi, quia vocauit te de tanta miseria. Obedi spiritui meo, & electis.

VERBA CHRISTI AD SPONSAM

Capituli immediatè præcedētis declarationem inferentia, & de occurſu Diaboli ad supradictum militem, & de eius horribili condemnatione per iustitiam.

C A P I T U L U M IX.

MNE tempus huius vitæ non est nisi quasi vna hora apud me. Ideo quod dico tibi nunc, hoc fuit semper in præscientia mea. Dixi prius, quod vnus erat qui incepit veram militiam. Alter qui miserè discessit ab ea. Ille verò qui discessit à vera militia, proiecit clypeum antè pedes meos. Gladium ad latus meum, quando scilicet fregit promissionem, & professionem sanctam. 1. Quid autem notat clypeus, quem proiecit, nisi fidem rectam, quam contra inimicos fidei, & animæ suæ se defenderet? 2. Quid verò sunt pedes mei, quibus ad hominem vado, nisi diuina delectatio, qua hominem mihi attraho, & patientia mea, qua eum suffero patienter? Hunc autem clypeum proiecit, quando ingrediens templum meum cogitabat apud se. Hunc Dominum sequi volo, qui consuluit mihi nullam abstinentiam, qui mihi dat, quæ desidero, qui permittit me audire, quæ delectant aures. 3. Sic ergo proiecit clypeum fidei meæ, quando magis sequi voluit voluntatem propriam, quam me, quando plus dilexit creaturam, quam Creatorem. Si enim habuisset rectam fidem, si credidisset me Omnipotentem, si iuste iudicantem, & datorem æternæ gloriæ, nihil nisi me desiderasset, nihil nisi me timuisset. Sed fidem meam abiecit, & hoc antè pedes meos, quando sprete fidē meā, & pro nihilo reputata, nec gaudiū meum quærebat, nec patientiam meam attendebat. Deinde proiecit gladium ad latus meum. Quid, notat gladium nisi ti-

morem Dei, quem verus miles Dei debet habere continē in manibus, id est, in operationibus suis. Quid vero significat latus meum, nisi custodiam, & protectionem meam, sub qua filios meos, sicut mater pullos suos foueo, & defendo, ne Diabolus noceat eis, ne pericula intollerabilia aduersant eis. Sed ille abiecit gladium timoris mei, quando non curauit cogitare potentiam meam; nec attendebat charitatem meam, & patientiam. Proiecit autē ad latus meum, quasi dicat, non timeo, nec curo de defensione tua, ex industria enim mea est, & nobilitate, quod habeo. Fregit etiam promissionem mihi factam. Quae est promissio vera, quam homo tenetur seruare Deo, utique opus charitatis, ut quicquid fecerit homo, hoc ex charitate Dei faciat. Sed hanc irritauit, quando charitatem Dei reuertit ad amorē propriū, omnem voluptatem suam prepoluit delectationi futurā, & aeternā. Ecce sic separabatur a me, & exiit de templo humilitatis meae. Omnia quippe Christianorum corpora, in quibus regnat humilitas, templum meum sunt. In quibus autem est superbia, nō templum meum sunt, sed Diaboli, qui eos iuxta voluntatem suam regit ad mundi appetitum. Egressus autem de templo humilitatis meae, & reiecto clypeo fidei sanctae, & gladio timoris mei, ascendit in campum cum omni superbia, exercuit se in omni voluptate, & appetitu voluntatis propriae, contempro timore meo, proficiens in peccato suo, & voluptate. Dum autē venisset ad extremum finem vitae suae, & anima exiret de corpore, Demones occurrerunt ei cum impetu. Contra quam tres voces de inferno sonauerunt. Prima dixit: Nunquid non est iste, qui recessit de humilitate, & sequebatur nos in omni superbia? Et adhuc si duobus pedibus altius in superbia supra nos ascendere posset, ut excederet nos, & primatum haberet in superbia, libenter fecisset.

Cui anima respondit: Verē ego sum. Cui respondit iustitia: Haec est retributio tuae superbiae, ut de vno Damone cadas ad alium, usquequo venias ad nouissimum inferni. Et sicut nullus Damonus erat, qui non sciebat certam penam suam, & supplicium, pro omni cogitatu inutiles, & opere infingendum, sic nullius supplicium effugies, quin omnis malitia, & nequitiae particeps sis. Secunda vox clamabat dicens: Nunquid non est iste, qui de militia Dei professus se separauit, & adhuc militiae nostrae?

- 4 Respondit anima: Verē ego sum. Et dixit iustitia, haec est fons praemij tui, ut omnis quicumque malitiam tuam sequitur, malitia sua, & pena, dolorem tuum, & penam augmentabit; & in aduentu suo ad te, quasi lethali vulnere percutiet te. Sicut enim ille, qui haberet vulnus sequi, sic vulnus super vulnus, usquequo corpus vulneribus plenum esset, transferretur, intollerabiliter affigeretur, & clamaret: Vae super vae. Sic miseria super miseria veniet tibi. Dolor tuus super omnem dolorem renouabitur. Pena tua nunquam deficiet, & vae tuum nunquam diminuetur. Tertia vox clamabat: Nunquid non est iste, qui vendidit Creatorem, pro creatura, charitatem Creatoris, pro amore suo? Respondit iustitia, utique ipse est. Ideo aperientur ei, quasi duae aperturae. Per vnā ingredietur ei omnis poena constituta pro minimo peccato usque ad maximum, quia vendidit Creatorem suum pro voluptate sua. 6 Per secundam ingredietur ei omnis labor, & confusio, nec vnquam ingredietur ei consolatio, & charitas diuina, quia dilexit se pro Creatore suo. Ideo sine fine durabit vita, & sine fine durabit poena. 7 quia ab eo omnes sancti auertunt faciem suam. Ecce sponsa mea, quam miseri erunt, qui me contemnunt, & quantum dolorem emunt pro modica voluptate.

var.
lect.

6
var.
lect.

7
var.
lect.

NOTÆ.

1 **Q**uid autem notat clypeus, qui proiecit à me, nisi fidem rectam, qua contra inimicos fidei, & animæ suæ se defenderet.

Fidem optimum esse contra inimicos nostros clypeum traditur hic, à quibus cum premimur, ut ad nostram defensionem nos illum firmamus, hortatur Apostolus ad Ephes. 6. Sumentes scutum fidei, quam etiam in priori Epistola ad Thessalonicenses cap. 5. Paulus Loricam appellat: huius autem rei ratio esse potest, quoniam cum quotidie nobis pugnamus sit contra visibiles, & invisibiles hostes, prout legimus hic, & clypeo, & lorica indigemus, quod etiam indicavit Augustinus, qui explicans citatum locum ad Thessalonicenses. Fides (inquit) est scutum, sub quo tuta est iustitia, sicut sub munimine omnium virtutum, quod protegitur ante omnia arma, quod prius impugnati Diabolum, unde prima petii campum, dubia sub fronte duelli, pugnatura fides, idem habet in Psalm. 3. 4. ad cum versiculum Apprehende arma, et scutum: quod etiam admonuerunt Primasius, Sedulius, & Dionysius Carthusius eundem locum explicantes.

2 **Q**uid verò sunt pedes mei, quibus ad hominem vado, nisi diuina delectatio, qua hominem mihi traho.

Ad horum verborum intelligentiam sciendum est, quod pedes sunt, quibus ad gradiendum utimur, & in sacris litteris prout, & hic, aliquando dicuntur ipsi gressus hominis, sic Prouerb. 1. Pedes illorum ad malum currunt, gressus autem Dei, quo vadit ad hominem, eiusque trahit ad se diuina est delectatio, ut scribitur hic, vel ut habet alia lectio, diuina dilectio, qua hominem sic vnicè diligit, ut omnes suos gressus ad hominum salutem Christus dirigit, & ut etiam pro his carnem sumpserit, & acerbam mortem subierit, hinc est, quod per pedes Agni quorum mentio fit Exodi 12. & Isaia sexto, sancti Patres Christi Domini humanitatem, & quidquid ad Incarnationem spectant intelligit, sic D. Aug. De essentia diui-

nitatis. Venerab. Beda. Exodi 12. D. Bernardus serm. 5. de verbis Isaia, Euch. de spiritualibus formulis cap. 1. Orig. super Isaiaam h. m. 1.

3 Sic ergo proiecit clypeum fidei meæ, quando magis loqui voluit voluntatem propriam, quam me, quia plus dilexi creaturam, quam Creatorem.

Ex verbis presentis Notæ nullo modo est colligendum, Christianos homines per quodlibet peccatum mortale donum fidei perdere, sed quod iusto Dei iudicio frequenter accidit, quod dum peccatum in dies peccato addunt, Deumque quotidie magis vitis offendunt, iuste permitti, ut huiusmodi homines fidem aliquando perdant, quod etiam probat Concil. Trident. sess. 6. Can. 28. Vbi anathematizat eos, qui asserunt per peccatum mortale semper fidem amitti, idem habetur in Conc. Arausicano Can. 5. & 6. & 7. & Mileuit. Can. 4. sed hoc etiam annotarunt plures ex sanctis Patribus, qui vitam fidem in peccatore reperiri posse affirmant, sic D. Aug. de Fide, & operibus cap. 15. & lib. 1. de Baptismo contra Donatistas c. 8. & lib. 15. de Trin. c. 18. & D. Greg. lib. 15. Moral. c. 14. & suis hac de re disput. Sorus lib. 2. de Natura, & gratia cap. 5.

4 Et dixit iustitia, hæc est fors premij tui, ut omnis quicumque malitiam tuam sequitur, malitia sua, & poenā, dolorem tuum, & poenā augmentabit.

Ex his liquet constare, quod hi, qui ceteris peccandi occasionem praeberunt, suoque exemplo alios ad vitia incitarunt, grauius esse etiam puniendos, & ex hoc fore illis poenas augendas, quoties peccata multiplicauerint in ruinam aliorum, quapropter egregie D. Thom. p. 2. q. 67. art. 4. ad 2. tradit, quod non sic in beatis est spes gloriæ, sicut in damnatis timor poenæ, Quia (inquit) in istis est successio poenarum, & sic remanet ibi ratio suuiri, quod est obiectum timoris, sed gloria Sanctorum est absque successione, quod latius explicat Euseb. Emis. ho. de initio Quadragesimæ: Sicut (inquit) quando aliquis peccat sub conscientia ad destructionem plurimorum, de pluribus incurrit reatum, & quantum per unius mæbri vitium serpit latè diffusum reliqua per membra contagium, ita

in actorem suum multiplicis mali recurrit augmentum, & quantos dextruxerit, de rancis sibi materiam damnationis cōgregabit, commissio enim pessimo opere, cōtristantur boni, subuertuntur mali, rutinam non etiam boni.

5
var. 1cā. Nunquid non est iste, qui vendidit Creatorem, pro creatura, charitatem Creatoris, pro amore suo? respondit iustitia, vtique ipse est.

M. S. Farnesianus legit, Respondit anima vtique ipse est, atque ita esse legendum cōstat ex duabus alijs interrogationibus huic condemnande anima factis, quibus ipsammet animam respondisse legimus.

6
var. 1cā. Per secundam ingreditur, & omnis labor.

M. S. habet, Omnis dolor.

7
var. 1cā. Et paulo infra, ubi omnes impressi Codices legunt, Quia ab eo omnes Sancti auertunt faciem.

Rectius M. S. Codex, Omnes Sancti auertent faciem, agitur enim de pēna inferenda.

CHRISTI LOQVELA AD SPONSAM
sicut ad Moylen de rubi, qualiter per Pharaonem Diabolus, & per populum Israel moderni milites, & per rubum corpus Virginis designantur, & qualiter milites, & moderni Episcopi modernis temporibus parant mansiones Diabolo.

C A P. X.



SCRIBITVR in lege Moy-
si. Quod Moyles custo-
diens pecora in deserto,
cum videret rubum, qui
inflammabatur, & non
ardebat timuit, & velabat faciem suam.
Cui dixit vox de rubo. Afflictio populi
mei ascendit in aures meas, & misereor
eis, quia durissimo seruitio opprimuntur.
Ego sū illa vox de rubo sonans, qui nunc

loquor tecum. Miseria populi mei ascen-
dit in aures meas. Quis erat populus
meus nisi Israel? Per hunc intelligo mi-
lites in mundo, qui professi sunt militiā
meam, qui deberent esse mei, sed nimis
à Diabolo affiguntur. Quid autem fecit
Pharao populo meo Israel in Ægypto?
Certè tria mala. Primò, quòd in stru-
ctura murorum suorum, non ministra-
bantur laboratoribus paleæ, quibus con-
ficerent lapides, sed personaliter congre-
gabant sibi per regionem, vbi possent.
Secundò, quòd ædificatores pro labore,
suo non reportabant grates, quamuis
impositum numerum lapidum imple-
uissent. Tertiò, quòd affligebantur ve-
hementer à præpositis, si in consueto nu-
mero defecissent. Iste populus meus
duas Vrbes in maxima afflictione ædifi-
cauerunt Pharaoni. Quis est iste Pharao
nisi Diabolus, qui affigit populum meū,
idest milites, qui tenentur esse populus
meus. In veritate dico, quòd milites
stetissent in dispositione, & constitutione
ab amico meo primò incepta, inter cha-
riores fuissent mihi. Sicut enim Abra-
ham accipiens primò mandatum circū-
cisionis, & obediens mihi, factus est
meus amicus charissimus. Necnon quot
quot sequebantur fidem Abraham, & ope-
rationem eius, facti sunt participes dile-
ctionis, & gloriæ eius. Sic milites inter
alios ordines mihi præcipue placuerunt,
quia vouerunt, quod habebant charius,
scilicet sanguinem suum pro me funde-
re, per quod votum mihi summè pla-
cuerunt, sicut Abraham in circūcisione.
Et purgabantur quotidie in obseruatio-
ne professionis, & assumptione sanctæ
charitatis. Nunc autem milites isti mi-
serabili seruitute Diaboli opprimuntur,
ita quòd vulnerat eos Diabolus lethali
vulnere; insuper & detrudit illos in sup-
plicium, & dolorē. Episcopi etiā Ecclesiæ
ædificant ei, sicut filij Israel duas Vrbes.
Prima Vrbs est labor corporis, & super-
uacua sollicitudo acquirendi munditia.

Se-

Secunda est inquietudo, & turbatio mentis, quia ab appetitu mundi nunquā sinuntur quiescere. Exterius est labor, & intus inquietudo, & anxietas spiritalia faciens onerosa. Sed sicut Pharaon non ministrabat populo meo necessaria ad conficiendos lateres, nec arcas dabat plenas frumento, non vinum, & alia vtilia; sed cum dolore, & tribulatione spiritus, populus sibi personaliter acquirebat. Sic nunc facit eos Diabolus, quamuis ipsi laborant, & totis medullis cordis inhiant mundo, non tamen possunt perficere, quod cupiunt, nec possunt satiare sitim cupiditatis suae. Ideo vruntur dolore interiori, & exteriori labore. Ob quod compatiatur afflictioni eorum, quod milites mei, & populus meus Diabolo aedificant mansiones, & laborant indefinenter, & quod non possunt cōplere quod cupiunt, & quod angustiantur in superuacuis, & pro ipsa angustia non reportant fructum benedictionis, sed retributionem confusionis. Propterea cum Moyses mitteretur ad populum, dedit ei Deus signum triplici de causa. Primò, quia vnusquisque in Aegypto colebat singulariter Deū suum, & innumerabiles erant, qui dicebantur Dij, & ideò dignum erat fieri signum, vt ostenso mirabili signo, & potentia Dei, vnus Deus, & vnus omnium Creator esse per signa crederetur, & idola omnia vana esse probaretur. Secundò dabatur Moyse signum in figura, & representatione corporis mei futuri. 3 Quid enim rubus ardens, & non combustus designabat, nisi Virginem de Spiritu sancto fecundatam, & absque corruptione parientem? Ego certè de rubo illo processi. Ego de Virginea carne Mariæ assumpsi humanitatem. 4 Similiter etiā serpens Moyse in signum datus, significabat cor meum. Tertiò dabatur signum Moyse propter veritatem altruendam faciendorum, & per figuram signorū implendorū, vt veritas Dei tanto verior, & certior esse probaretur, quod ea, quae signa

significabāt, tempore suo euidentius fuissent adimpleta. 5 Nūc autem mitto verba mea ad filios Israel, & ad milites, quibus non est necesse fieri signum, triplici de causa. Primò, quia iam colitur, & scitur vnus Deus, & omnium Creator ex Scriptura sancta, & multiplicibus signis. Secundò, quia non sperant me nasciturum, quia veraciter me sciunt natum, & sine corruptione incarnatum, quia Scriptura omnis completa est. Nec melior fides, & certior haberi, & credi debet, quā quae nunc à me, & sanctis Praedicatoribus meis praedicata est. Veruntamen tria tecum feci, quibus credi potest. Primò quod verba mea vera sunt, & non discrepant à vera fide. 6 Secundò quod ad verbum meum exiuit de homine possesso Daemonium. Tertiò, quia vni dedi dissidentia corda ad charitatē tuam reformare. Ideò non dubites de his, qui credituri sunt mihi. Qui enim credunt mihi, credunt, & verbis meis. Quibus ego sapio eis, & sapiunt verba mea. Propterea scribitur quod Moyses ex colloquutione Dei velabat faciē suam. Tu autem nō debes velare faciē tuam. Ego quippè aperui tibi oculos spirituales, vt videas spiritalia, aperui aures, vt audias quae spiritus sunt. Ego denique ostendam tibi corporis mei effigiem, quale fuit in passione, & antè passionem, quale fuit post Resurrectionem; quod Magdalena, & Petrus, & alij viderunt. Audies etiam vocem meam, quae loquebatur in rubo Moyse, haec eadem nunc loquitur in anima tua.

N O T A E.

1 **S**cribitur in lege Moyse, quod Moyses custodienſ pecora in deserto, cū videret rubum.

Sic enim legimus Exodi c. 3. Moyses autem pascēbat oves Itero soceri sui Sacerdotis Madian, cumq. minasset gregem ad interiora deserti, venit ad montem Dei Horeb, apparuitq. ei Dominus in flamma ignis de medio rubi.

rubi: quo loco notandum est cum Philone de *uita Moysis*, quod Rubus frutex spinosus est, vel solo contactu vulnerans, cuius folia, serpenti superinicta, ipsum serpentem occidere ferunt, quod autem mystice significet tradidimus hoc eodem Cap. Nota 3.

2. Episcopi etiam Ecclesie edificant ei, sicut filij Israel duas Vrbes; prima Vrbs est labor corporis, & superuacua sollicitudo acquirendi munditia: Secundo est inquietudo, & turbatio mentis, quia ab appetitu mundi nunquam quiescere sinuntur.

Hoc loco hi reprehenduntur Episcopi, qui temporalia bona querunt, & suas oves deserunt, qui in terrenis sibi comparandis diuitijs solliciti sunt, & in administrandis Ecclesie bonis pigri, de quibus Ezech. 34. *Va Pastoribus Israel*, qui pascunt semetipsos, quod esse turpissimum vitium affirmant D. Ber. lib. 4. de Considerat. ad Eugenium Papam. Quod (inquit) Episcopo turpius, quam incumbere supellectili, & substantiis suis, scrutari omnia, et sciscitari de omnibus, morderi suspicionibus, moueri ad quae perdet, vel neglecta, & paulo post infer. Ex his liquidò datur intelligi, quod patientius ferimus iacturas Christi, quam nostras, detrimenta Domini cregis nescimus, expensas autem nostras quotidie feruamur: eandem rem in pluribus locis prosequitur, & praesertim in expositione Regule B. Benedicti p. 3. c. 7. & in Cant. V^{ga} quoque: De claustro anime lib. 1. c. 1. in hos accidet inuehit, Doms ait, non impaves Ecclesijs magnitudine construnt, pictos delectantur habere thalamos, struuntur ibi imagines preciosis indumentis, Pauper autem sine vestibus incedit, & vacuo ventre clamat ad hostium, hac de re legendi sunt D. Greg. & D. Ambr. in Pastoralis, D. Aug. de verbis Domini. & 19. de Ciuitate, D. Chrysost. in Dialog. lib. 2. & 3. D. Isid. de summo Bono lib. 3. c. 40 & 48. & 51. D. Prosp. de Vita Contemplatiua lib. 1.

3. Quid enim rubus ardens, & non combustus designabat, nisi Virginem de Spiritu sancto fecundatam, & absque corruptione parientem.

Mysticam hanc ardentis rubi significationem in eodem sensu, quo hoc loco traditur, inter ceteros referunt D. Aug. lib. de essentia diuinitatis, circa finem D. Greg. Pont. 2. 7. *Morale*. c. 11. D. Euch. de spiritualibus formulis c. 4. *vener. Beda* Exodi 3. D. Hieron. De mansionibus.

4. Similiter etiam serpens Moysi in signum datum significabat cor meum.

M. S. Farnesianus aliter legit, *Et meo iudicio rectius, quam impressi Codices*, Similiter etiam serpens Moysi in signum datus significabat corpus meum, & quidem huiusmodi lectio arridet magis, quoniam agitur de signis Moysi datis, quae Redemptoris nostri Incarnationem figurabant, inter quae precipuum erat serpens, qui Christi Domini corpus figurabat, ut Num. 21. Serpens eneas typus fuit Christi, qui ut non verus serpens, sed ut aeneus erat suspensus, Christum in veritate quidem corporis, sed sine veritate peccati speciem peccatoris gessisse notabat, & sicut omnes eum aspicientes curabantur, ita omnes viua fide credentes in Christum: sic tradidit D. Ambr. lib. 3. de Spiritu sancto c. 9. & serm. 3. super Psalm. 118. Orig. in Iosue hom. 4. ut autem virga Moysis conuertebatur in serpentem, Christum carnem sumpsisse humanam indicabat, sed ut serpens iterum reuertebatur in virgam, eum resurgentem insinuat, quod explicans D. Aug. in Psalm. 73. ad ea verba Redemisti virgam hereditatis tuae, Quid est (inquit) inueniendo serpentem, sanari a serpente? est quidem credendo in mortuum Christum sanari a morte: & paulo post, Quid est cauda? posteriora comprehendere, hoc significauit, & illud Posteriora mea videbis. Primo factus est serpens, sed cauda retenta, facta est virga, quia primo occisus, postea resurrexit, sed de hac re legendi sunt Tertullianus aduersus Iudeos D. Greg. Nyss. de vita Moysi, D. Chrys. in Iosue hom. 26. Cyrill. de Incarnat. Vnigen. cap. 14.

5. Nunc autem mitto verba mea ad filios Israel, & ad milites, quibus non est necesse fieri signum.

In presenti Capite tres redduntur cause, quare nostris his temporibus ea signa, ac miracula necessaria non sint, quae in principio na-

scantis Ecclesia frequenter fiebat, et præter has, alias quoque sancti Patres probabiles adduxerit, inter quas ea est potissima, quam affert D. Isid. lib. 1. de summo Bono cap. 27. Vt nimirum fides confirmaretur, modo tunc quia firmata est Ecclesia miraculis non eget. Quod nunc (inquit) Ecclesia non ea miracula facit, quæ sub Apostolis faciebat, causa est, quia tunc oportebat mundum miraculis credere, nunc vero iam credentem, oportet bonis operibus corroborare, eandem causam reddit D. Aug. in lib. de utilitate credendi ad Honoratum cap. 16. Secunda causa, quam habet loc. cit. S. Isid. est, quoniam (inquit) antequam Antichristus appareat, virtutes ab Ecclesia, & signa cessabunt, quatenus eam quasi abiectiorem persequatur audacius, ob quam utilitatem cessabunt miracula, & virtutes, ut per hoc Sanctorum clareat patientia, & reproborum, qui scandalizabuntur, leuitas ostendatur, & persequentium audacia fortior fiat, hoc idem annotauit Gloss. ord. in Iob c. 41. ad ea verba, Et faciem eius praeceat egestas. Tertia huius rei causam attulit D. Aug. lib. 1. retract. c. 13. Quia (inquit) miracula ad hæc usque nostra tempora minimè durare permessa sunt, ne anima semper visibilia quæreret, & eorum consuetudine frigeret genus humanum, quorum nouitate flagrauit. Postrema causa est eiusdem in lib. de utilitate credendi c. 17. ubi dicit, quod si miracula quotidie fierent, non mira essent: raritas enim spectat ad miraculorum excellentiam, Cur (inquit) ista modo non sunt, quia non mouerent, nisi mira essent, ac si solita essent, mira non essent: id docet lib. 1. retractat. c. 14. sed lib. 2. de Ciuitate Dei cap. 8. etiam hodierna die hæc fieri signa tradit, non tamè, ita esse euidentia, & apparere, quemadmodum primis illis temporibus contingebat, Nunc ait etiam sunt miracula in eius nomine, siue per Sacramenta eius, siue per Orationes, vel memorias Sanctorum, sed non eadem claritate illustrantur, ut tanta quàm illa gloria diffametur, huic quoque alia probabilis causa addi posset, quia cum fides propagata sit, & sufficienter probata, non expedit, ut in Ecclesia frequenter miracula fiant, est enim fides de rebus non vi-

6
var.
lect.

sis, miracula autem euidentiam quãdam important: unde rectè D. Chrys. tradit hom. 38. operis imperfecti. Si virò (inquit) perfectò in fide, & maturo sensibus miracula ostendas, deleatur quidem aspectus, nihil autem ei proficit ad adificationem sensus, aut ad noticiam veritatis, sed hæc de re legendi sunt D. Greg. hom. 29. in Euang. & lib. 27. Moral. c. 21. & D. Thom. 1. q. 105. art. 7. & 8. & q. 110. art. 4. & q. 114. art. 4.

Secundò, quòd ad verbum meum exiuit de homine possesso Daemonium, M. S. legit, Secundò, quòd ad verbum meum exiuit ab homine obfesso Daemonium.

VERBA MELLIFLVA CHRISTI

ad sponsam, de gloria, & honore boni, & veri militis, & de occurſu Angelorum ad ipsum mirifico, & qualiter ipsum gloriosa Trinitas pijsimè ad indicibilem requiem pro paruo labore recipit, & assumit.

CAP. XI.

DIXI tibi prius de fine, & pœna militis, qui primò recessit à militia mihi professa. Nunc dico tibi per similitudinem, quia aliter spiritualia non poteris intelligere de gloria, & honore illius, qui viriliter militiam veram primò incepit, & virilius consummauit. Iste amicus meus cum venit ad finem vitæ suæ, & anima de corpore exiret, quinque legiones Angelorum mittebatur in occursum eius. Inter quos venerunt innumerabiles Dæmones, ut aliquid sui iuris inuenirent, quia pleni malitia sunt, & ab ea nunquam cessant. Tunc autem vna vox clarè, & lucidè sonuit in cælo dicens. Nunquid non est iste, ò Domine Pater, qui se ad voluntatem tuam alligauit, & eam perfectè cõpleuit? Tunc ipse personaliter respondit in conscientia sua. Verè ego sum: deinde tres voces audiebatur. Vna ex parte Deitatis

dicens. Nunquid non ego te creavi, & dedi tibi corpus, & animam? Tu es filius meus, & voluntatem Patris tui fecisti, veni ergo nunc ad potentissimum Creatorem tuum, & dulcissimum Patrem, tibi enim debetur eterna hereditas, quia filius es. Tibi debetur hereditas Patris, quia ei obedisti. Veni ergo dulcissime ad me, & ego recipiam te cum læticia, & honore. Secunda vox audiebatur ex parte humanitatis dicens. Frater mi, veni ad fratrem tuum, ego enim obtuli me pro te in bellum, ego fudi sanguinem meum pro te, veni ad me, quia sequebaris voluntatem meam, veni ad me, quia repēdisti sanguinem pro sanguine. Qui paratus fuisti dare mortem pro morte, & vitam pro vita. Ideo tu, qui sequebaris me in vita tua, veni nunc in vitam meam, & gaudium meum, quod non finietur. Veraciter enim cōfiteor te fratrem meum. Tertia vox audiebatur ex parte Spiritus, qui non tres Dij, sed vnus. Veni (inquit) miles meus, qui fuisti sic desiderabilis intus, quod concupiui habitare tecum. Tu fuisti sic virilis extra, quod dignus eras, vt defenderem te. Ideo pro corporis tui inquietudine, intra in requiem. Pro mentis tuæ tribulatione, ingredi in consolationem ineffabilem. Pro charitate tua, & virili decertatione intra in meipsum, & habitabo in te, & tu in me. Veni ergo egregie miles ad me, quia nihil desiderasti nisi me, veni, & repleberis diuina voluntate. Postea quinque legiones Angelorum, quasi quinque vocibus sonuerunt. Prima loquebatur dicens. Præcedamus egregium militem istum; & feramus ante eum arma sua, id est, præsentemus Deo nostro fidem suam, quam inconcussa conseruauit, & ab inimicis iustitiæ defensauit. Secunda vox ait. Feramus ante eum clypeum suum, id est, demonstramus Deo nostro patientiam suam, quæ quauis Deo nostro nota sit, gloriosior tamen ex nostro erit testimonio. Per patientiam enim non solum

aduersa sustinuit patienter, sed & pro aduersis gratias Deo referebat. Tertia vox ait. Præcedamus eum, & præsentemus cōspectui Dei nostri gladium eius, id est, demonstramus obedientiam eius, quæ in duris, & leuibz iuxta modum professionis suæ obediuit. Quarta vox ait. Venite, & ostendamus Deo nostro equum suum, id est, testimonium perhibeamus humilitatis eius. Sicut enim equus fert corpus hominis, sic humilitas eius præcedens eum, & subsequens, ad omne bonum opus ferebat eum. Nihil quippè in eo inuenit superbia sui, idè securè equitabat. Quinta vox ait. Venite, & præsentemus Deo nostro galeam eius, id est, testimonium demus de diuino desiderio eius, quod habuit ad Deum, ipse denique omni hora meditabatur eū in corde, ipsum habebat in ore, ipsū in operibus, ipsum super omnia desiderabat. Pro eius amore, & honore exhibuit se mortuum mundo. Ergo præsentemus hæc Deo nostro, quia dignus est iste, pro modico labore æternam quietem, & cum Domino suo lætari, quem tantum, & toties desiderabat. Cum talibus vocibus, & mirabili choro Angelorum ferebatur amicus meus in requiem perpetuam. Quæ videns anima exultans intimè ait: Felix ego, quod aliquando vnquam creata fui, Felix ego, quia Deo meo seruiui, quem nunc video. Felix ego, quia gaudium habeo, & gloriam, quæ non finietur. Ecce taliter amicus meus venit ad me, & tali premio remuneratus est. Et quamuis non omnes effuderint sanguinem pro nomine meo, nihilominus tamen eandem mercedem habebunt, si habent voluntatem dare vitam suam pro me, tempore se fac offerente, & necessitate fidei ingruente. Ecce quantum voluntas bona facit.

VERBA CHRISTI AD SPONSAM
de sue iustitię immutabilitate, & ęternitate, & qualiter assumpta humanitate talis iustitia in charitate per ipsũ fuerit illuminata. Et quomodo pię suam misericordiam exercet in damnatis, & dulciter ad misericordiam monet milites pręlibatos.

CAP. XII.



EGO sum verus Rex. Et nullus est dignus vocari Rex nisi ego, quia à me est omnis honor, & potestas.

¹ Ego sum, qui iudicaui primum Angelum, qui cecidit propter superbiam, cupiditatem, & inuidiam. Ego sum, qui iudicaui Adam, & Cain, & totum mundum, immittendo propter hominum peccata diluuium. Ego idem sum, qui populum Israeliticum permisi in captiuitatem venire, & eum mirabiliter in signis mirabilibus eduxi. In me est omnis iustitia, & erat, & est sine principio, & sine, nec aliquando imminuitur apud me, sed semper vera in me permanet, & immutabilis, & quamuis nunc isto tempore iustitia mea videatur aliquantulum mitior, & Deus quasi in iudicando, nunc patientior. ² Hoc tamen non est immutatio iustitię meę, quę nunquam immutatur, sed ostęsio maior charitatis meę. Eadem quippę iustitia, & eadem veritate iudicij, nunc mūdum iudico, quā tunc cū populum meum Aęgyptijs seruire permisi, quā & in deserto affixi. Sed antę incarnationem meam occultabatur dilectio, quam in iustitia habui, quasi lux abscondita, seu aliqua nube obumbrata. Assumpta verò humanitate, licet mutabatur lex data, non tamen mutabatur iustitia, sed euidentiũs apparuit, & copiosius illuminabatur in charitate per filium Dei, & hoc tripliciter. Primò, quia mitigabatur lex, quę erat dura, propter inobedientes, &

induratos. Et difficilis propter dominos superbos. Secundò, quia filius Dei passus, & mortuus est. Tertiò, quia iudicium, quasi longius nunc quam antea ex misericordia, & protrahi videtur, & mitius esse nunc in peccantes. Multum quippę rigida, & stricta videtur iustitia in primis parentibus, in vnda diluuij. In morte in eremo prostratorum, & eadem iustitia, nunc mecum est, & ęternaliter fuit. Sed nunc magis misericordia, & charitas apparet, quę tunc rationabiliter in iustitia occultabatur, & misericorditer. Licet occultius exhibebatur, ³ quia nunquam iustitiã sine misericordia feci, nec facio, nec sine iustitia pietatę. Nunc autem potes quærere, si in omni iustitia habeo misericordiam, quomodo misericors sum in damnatos? Respondeo tibi per exemplum, quasi aliquis Iudex sederet in iudicio, & frater eius veniret ad iudicium iudicandus, cui dicit iudex. Tu frater meus es, & ego iudex tuus, & licet te intimę diligo, tamen non potero, nec decet facere contra iustitiam. Tu vides, omnem iustitiam in conscientia tua secundum merita tua, secundũ hanc ergo oportet te iudicari. Si enim possibile esset venire contra iustitiam, libenter pro te iudicium portarem. Ego sum sicut Iudex ille. Homo frater meus est per humanitatem. Quo veniente ad iudicium: meum, conscientia eius dicit culpã suam, & intelligit, secundũ quã iudicandus est. Ego verò quia iustus sum. Respondeo animę per similitudinem dicęs tibi. Tu vides omnem iustitiã in conscientia tua, dic ergo quid mereris? Tunc responderet mihi anima. Iudicium meum dicit mihi conscientia mea, & ipsum est pęna digna pro meritis, quia non obediui tibi. Cui ego respondeo. Ego Iudex tuus suscepi omnę pęnam pro te, & notum feci tibi periculum tuum, & viam eundi, nẽ tu venires in pęnam. Iustitia quippę fuit, vt antę satisfactionem culpę cælum non intrares, ⁴ hanc ego sustinui pro te, quia per-

personalitèr impotens eras ad patiendū. Ego ostendi tibi per Prophetas, quæ mihi erat futura, & hec minimum pñctum, de quo Prophetæ vaticinabantur præteritū. Ego ostendi tibi omnem dilectionem, quam poteram, vt verteres te ad me. Sed quia auertisti te à me, ideò iustitia nunc es dignus, quia misericordiā contempsisti. Veruntamē adhuc ita misericors sum, quòd si possibile esset me iteratò mori; magis eandem pñnam, quam in Cruce semel patiebar, iterum magis paterer pro te, quàm tali iustitiā viderem te iudicari. Sed iustitia dicit, im. possibile esse me iteratò mori. Misericordia verò dicit, si possibile esset morer. libenter pro te. Ecce quomodo misericors sū etiam in dñatos, & quā charitatius. Quicquid enim facio, hoc facio vt ostendam charitatē meam. Ab initio quippè dilexi hominem, etiam cum iratus viderem, sed dilectionem meam nūllus curat, nec attendit. Nunc ergo quia iustus, & misericors sum, moneo eos, qui dicuntur milites, vt quærant misericordiam meā, nè inueniat eos iustitia mea, quæ est stabilis sicut mons, ardens sicut ignis, horribilis quasi tonitruum, subita quasi arcus extensus ad sagittandū. Ego moneo eos triplicitèr. Primò sicut Pater filios, vt reuertantur ad me, quia ego Pater, & Creator eorum sum, reuertantur, & dabo eis patrimonium, quod paterno iure debetur eis. Reuertantur, quia licet contempnus sum, attamen cum gaudio suscipiam eos, & occurram eis cum charitate. Secundò rogo eos sicut frater, vt recordentur vulnerum, & operum meorum, reuertantur, & suscipiam eos quasi frater. Tertiò rogo vt Dominus, vt reuertantur ad Dominum suum, cui dederunt fidem, cui & obsequium tenentur, & iuramento se obligauerunt. Ergo ò milites reuertimini ad me Patrem vestrum, qui cum charitate educaui vos. Considerate me fratrem vestrum pro vobis, & vobiscum factum similem.

Reuertimini ad me pium Dominum. Inhonestas quippè magna est, alij Domino dare fidem, alij obsequium. Vos enim dedistis mihi fidem, quòd defenderetis Ecclesiam meam, quòd miseris subueniretis, & ecce inimico meo datis obsequium. Deponitis etiam vexillum meum, & vexillum inimici mei erigitis. Ergo ò milites redite ad me cum vera humilitate, qui à me per superbiam discessistis, si durum vobis videtur aliquid pro me pati, considerate quid ego feci pro vobis. Ego iui causā vestri sanguinolentis pedibus ad Crucem, ego habui pro vobis manus, & pedes perforatos, ego nulli membro meo peperci pro vobis, & tamen hoc totum negligitis recedendo à me: redite ergo, & dabo vobis in auxilium tria. Primò fortitudinem contra inimicos corporales, & spirituales: Secundò magnanimitatem, quā nihil nisi me timebitis, quā delectabile videbitur vobis pro me laborare. Tertiò dabo vobis sapientiam, quā intelligetis veram fidem, & Dei, voluntatem. Ergo redite, & state virilitèr. Ego enim, qui moneo vos sum ille, cui Angeli seruiunt, qui Patres vestros obediētes liberaui, inobediētes iudicaui, & superbos humiliaui. Ego fui primus in bello, primus in passione, sequimini ergo me, nè sicut cera ab igne dissoluamini. Cur rescinditis promissionem vestram? Cur iuramentum contemnitis? Nunquid ego minor, & indignior sum amico vestro temporali, cui si datis fidem soluitis? Mihi autem datori vitæ, & honoris, conseruatori sanitatis, non redditis promissum. Propterea boni milites soluite promissum, & si non sufficitis opere, saltem concemini voluntate, ego enim compatiēs seruituti vestræ, quā Diabolus opprimit vos, voluntatem recipiam pro opere. Si reditis ad me cum charitate, laborate pro fide Ecclesiæ meæ, & ego cum omni exercitu meo quasi pius Pater occurram vobis. Daboq. vobis pro prænuo quin-

quinque bona. Primò honor æternus nunquam recedet de auditu vestro. Secundo facies, & gloria Dei nunquam recedet à visione vestra. Tertiò laus Dei nunquam recedet de ore vestro. Quarto anima vestra habebit omnia, quæ desiderabit, & nihil aliud desiderabit, nisi quod habet. Quintò nunquam separabimini à Deo vestro, sed sine fine durabit gaudiù,

5 & sine fine in gaudio viuet vita vestra. 6 Ecce ò milites, talis erit retributio, si fidem meam defenditis, & pro honore meo, plus quam vestro laboratis. Recor damini si intellectus est vobis, quia ego patiens in vos sum, & quòd infertis mihi talè contumelià, qualem vos ipsi à vestris non vultis pari. Sed licet omnia ex potètia mea possim, & licet iustitia clamet super vos vindictam, adhuc tamen misericordia mea, quæ est in sapientia, & bonitate, parit vobis. Propterea querite misericordiam, ex charitate enim præbeo ea, quæ rogari humiliter deberem.

NOTÆ

1 **E**Go sum qui iudicavi primum Angelum, qui cecidit propter superbiam, cupiditatem, & inuidiam.

Ex his verbis nobis aperte colligendum est, ex Angelis cecidisse supremum, licet enim ex quibusdam sacre Scripture locis, & ex Dino Damasc. lib. 2. de fide orthodoxa. cap. 4. deduci posse videatur, Angelorum Principem non cecidisse, ut Ezech. 18. Tu Cherub extensus, & protegens, posuisti in monte sancto Dei: Ordo autem Cherubin non est supremus inter eos, & Damasc. loc. cit. affirmat, quòd maior eorum Angelorum, qui peccauerunt, fuit terrestri ordinis Angelorum, prelatius: communis tamen Theologorum opinio est in 2. sent. d. 6. ex Angelis fuisse supremum inter peccantes, prout traditur hic, & docet D. Greg. lib. 4. Moral. cap. 12. & lib. 9. cap. 2. D. Aug. lib. 11. super Genes. ad litteram, et lib. 1. de Mirabilibus sacre Scripture. cap. 2. Orig. tract. 9. in Matth. explicans ista verba. Erunt primi novissimi, D. Chrys. hom. 5. & 7. ad populum Antioch.

Tertull. lib. 2. contra Marcionem circa medium. D. Isid. de summo Bono cap. 12. D. Bern. in lib. de gradibus humilitatis, & serm. 1. Adventus. D. Hier. in Job cap. 40. ad ista verba. Ipse est principium creaturarum Dei. D. Gregor. Nazianz. oratione secunda in Basila. si dem patet in Reuelat. extranag. cap. 8. ibi vide iustitiam meam in primo Angelo, & in primo homine. Ad locum vero supra citatum Ezech. responderi potest, quòd ibi supremus Angelus vocatur. Cherub à scientia, quæ sensum cum mortali peccato esse potest, & remansit etiam in peccatoribus Angelis, non autem nominatur Seraphim, quia ardorem importat, & charitatem, notat, quæ cum mortali peccato manere non potest, nec inconueniens nominatio inferiorum superioribus Angelis aliquando tribui, quippe qui inferiorum virtutes, & excellentias habent.

2 Hoc tamen non est immutatio iustitiæ meæ, quæ nunquam immutatur, sed ostensio maior charitatis.

M. S. legio Maioris ostensio charitatis. Dicitur autem hic, postremis hisce temporibus Deus maiorem ostendisse charitatem, quandoquidem mitior est ad inferendas nunc penas, quam primis illis temporibus, cum Iudæis, & Israelitis extiterit, quibus multa maiora flagella intulit, quam nobis hodierna die infirre consueverit, neque tamè ex hoc mutatur Deus, quandoquidem, ut aliquanta post legimus, eadem iustitia, eademq. iudicii veritate mundum indicat, quæ tunc prius indicabat, sed solum tunc diuina dilectio non sic palam fiebat, ut post Christi Domini seruatoris nostri Incarnationem, propalata est, & ideo Paulus Apostolus ad Titum 3. Apparuisse nobis benignitatem, & humanitatem Christi scripsit: sed hæc de re egimus infra hoc eodem Lib. Cap. 28. Nota. 1. ubi probauimus Deum nullo pacto mutari posse, sed totam mutationem esse ex parte creaturarum.

3 Quia nunquam iustitiã sine misericordia feci.

D. Chrys. super Matth. hanc eadem narrans sententiã, sentire videtur, omnino iustitiã coniunctam esse debere cum misericordia,

dia, & contra; ita ut nunquam Deus nobiscum dignatus sit misericors esse, quin non fuerit iustus; immo iustitiam à misericordia seiunctam appellat triuclitatem; & misericordiam sine iustitia fatuitatem: hæc autem eius sunt uerba. Quoniam misericordia tunc est uerè misericordia, si sit facta sit, ut iustitia per eam non contemnatur: si autem contempra iustitia misericordia obstruitur, ipsa misericordia non est misericordia, sed fatuitas: iustitia uero sine misericordia non est iustitia, sed crudelitas: Quare egregie D. Greg. Pontifex hom. 34. explicans illud Luca 15. Erant appropinquant ad Iesum publicani, & peccatores, dicit, Ex hoc colligitur, quia uera iustitia compassionem habet, falsa indignationem: sed clarius Leo Papa serm. 8. de Natali Domini, Sic (inquit) destruendum fuit peccatum uoluntarium, & hostile consilium, ut dono misericordie non obesse dono iustitiæ: ex quibus inferendum est, uerum esse, quòd hoc loco scribitur, Deum nunquam iustitiam fecisse sine misericordia, immò in omnibus operibus eius inueniri misericordiam, & iustitiam; & opus iustitiæ in misericordia fundari, eleganter probat D. Thom. p. 1. q. 21. art. 4.

4 Hanc ego sustinui pro te; quia personaliter impotens eras ad patendum.

Ex his uerbis duo nobis deducenda sunt. Primum quidem Christum Dominum Redemptorem nostrum pro nostris peccatis de rigore satisfacisse iustitiæ, eiusque opera fuisse infiniti ualoris; & efficacie ad satisfaciendum. Secundum puram creaturam sic nullatenus satisfacere potuisse: & quantum spectat ad primum, licet Christi humanitas, quæ in hac satisfactione erat principium, ut quo, sicut affirmant Scholastici Doctores, finita fuerit, & proinde actiones Christi finitæ entitatis, suppositum tamen diuinum, quod ad eas eliciendas principaliter concurrebat; actionibus humanis infinitum ualorem tribuebat, & ideo licet illæ actiones physice in genere entis finitæ essent, moraliter tamen in genere satisfactionis erant infinitæ: hoc enim non consistit in entitate aliqua physica, sed in morali dignitate procedente ex connectione ad personam

diuinam, quam ob causam dicendum est, magis placuisse merita Christi, quam hominum peccata displicuerint, per quod satisfactio huiusmodi non solum equalis fuit, sed & superabundans, & hoc colligi potest ex Scriptura sacra, ut Rom. 3. Quem posuit Deus propitiatorum ad ostensionem iustitiæ suæ. Rom. 8. Dedit per Filium Patrem, ut peccato damnaret peccatum, ad Hebr. 11. Vna oblatione conseruauit uniuersum: idem tradunt sancti Patres, D. Athanas. de humanitate Verbi, D. Basil. hom. 25. D. Chrys. hom. 10. in Ioan. D. August. lib. 3. de Trinitate cap. 13, & in Enchiridion cap. 39. D. Leo serm. 1. & 12. de passionibus, & Epist. 81. & 95. D. Anselm. lib. 1. & 2. cur Deus homo. D. Bonau. in 3. dist. 20. quest. 3. & ibidem communiter Doctores, Richardus quest. 4. Palud. quest. 2. art. 2. Capreolus Concl. 2. Alensis 3. part. q. 1. memb. 7. & quest. 17. memb. 3. Gulielmus Parisiensis lib. Cur Deus homo cap. 8. ex his infero secundum, quod proposuimus supra, scilicet ad perfectam satisfactionem fuisse necessariam Christi Domini Incarnationem, quia pura creatura, ut scribitur hic, impotens erat ad sic satisfaciendum, quandoquidem, ut docuit D. Thom. 3. part. quest. 1. art. 2. ad 2. argumentum, iniuria erat infinita ex parte Dei offensa, ergo satisfactio debebat esse infiniti ualoris, quod pura creatura prestare non poterat, non tamen negarem, puram creaturam potuisse imperfectè satisfacere Deo, reddendo illi quantum ipsa posset, deficeret autem hæc satisfactio à rigorosa, quia reuera non esset ad equalitatem offensa, nec esset infiniti meriti.

5 Et sine fine in gaudio uiuet uita uestra.

Sic omnia impressa exemplaria habent, sed Codex Farnesianus M. S. legit; Et sine fine in gaudio uiuet anima uestra; uiuet & uita uestra.

6 Et paulò post ubi omnes legunt; Si fidem meam defenditis, & pro honore meo lat oratis.

M. S. habet, Si fidem meam defenditis, & pro honore meo laboraueritis.

VERBA POTENTIÆ CHRISTI AD
sponsam, contra huius temporis mili-
tes, & de forma tenenda in militibus
procreandis, & quomodo Deus talibus
robur, & auxilium in agendis præstat,
& administrat.

C A P. XIII.



GO sum cum Patre, & Spi-
ritu sancto vnus Deus, tri-
nus in personis, vnus non
separatur ab alio, nec diui-
ditur, 1 sed Pater est in

Filio, & Spiritu, & Filius in Patre; & Spi-
ritu, & Spiritus in ambobus. 2 Deitas mi-
sit Verbum suum Mariæ Virgini per An-
gelum suum Gabrielem, nihilominus ta-
men idem Deus mittens, & missus à seip-
so erat cum Angelo, erat in Gabriele; &
ante Gabrielem, in Virgine. 3 Dicto au-
tem Verbo ab Angelo, Verbum factum
est caro in Virgine. Hoc Verbum, ego
sum, qui loquor tecum. Pater misit me
per seipsum cum Spiritu sancto in ven-
trem Virginis, non sic, quod Angeli ca-
ruerunt visione, & præsentia Dei, 4 sed
ego Filius, qui fui cum Patre, & Spiritu
sancto in ventre Virgineo, idem eram in
Cælo cum Patre, & Spiritu sancto in vi-
sione Angelorum, omnia gubernans;
omniaq; sustentans, 5 licet humanitas
mea, à me solo Filio assumpta, requieuit in
ventre Mariæ. 6 Ego igitur in deitate;
& humanitate vnus Deus, ad ostensionem
charitatis meæ, & in robur fidei sanctæ,
non dedignor loqui tecum. Et licet hu-
manitas mea videatur esse iuxta te, & lo-
qui tecum. Verisimilius est tamen, quod
anima tua, & conscientia tua mecum est,
& in me, nihil enim mihi impossibile
est, & nihil difficile in Cælo, & in ter-
ra. Ego quippè sum sicut Rex potens,
qui cum exercitu suo veniens ad Ciuita-
tem, omnia loca implet, omnia occupat.
Sic gratia mea omnia membra tua im-
plet, & omnia fortificat. Ego denique

sum in te, & extra te. Ego quamuis lo-
quar tecum, idem tamen sum in gloria.
Quid mihi difficile est, qui potentia
mea omnia sustento? sapientia mea om-
nia dispono, virtuositate mea omnia su-
pero. Ego igitur cum Patre, & Spiritu
sancto sine principio, & sine fine vnus
Deus, qui pro salute hominum in huma-
nitate assumpta, deitate illæsa permanen-
te, verè passus sum, resurrexi, & ascendi;
nunc veraciter loquor tecum. Dixi tibi
prius de militia, quæ mihi quondam gra-
tissima fuit, cò quod vinculo charitatis
mihi colligata fuit, nam voto suo obliga-
bant se milites, dare carnem suam pro car-
ne mea, sanguinem suum pro sanguine
meo, idè & ego consensi in eos, & con-
iunxi eos mihi in vnum vinculum, & in-
vnam societatem. Sed nunc conquæror su-
per ipsos milites, qui tenerentur esse mei,
quod auersi sunt. Ego quippè sum Crea-
tor eorum, et Redemptor, ego et auxi-
liator, ego creauis eis corpus, et membra.
Et omnia, quæ in mundo sunt ad vilita-
tem eorum feci. Ego redemi eos sangui-
ne meo, 7 Ego emi eis hereditatem æter-
nam passionem meam. Ego in omnibus peri-
culis defendo eos, ego do eis fortitudinem
ad agendum, et laborandum. Nunc au-
tem ipsi auersi sunt à me. Ducunt pro ni-
hilo passionem meam, negligunt verba
mea, quibus anima eorum delectari, et
pasci deberet. Contemnunt me, eligentes
animo, et toto affectu carnem suam dare;
et lacerare pro laude hominum, sangui-
nem suum fundere propter expletionem
cupiditatis suæ, libenter mori propter
mundana, et verba diabolica, et inania.
Adhuc tamen licet sic auersi sunt, miseri-
cordia mea, et iustitia mea est in eis.
Nam per misericordiam meam custodio
eos, nè tradantur Diabolo, per iustitiam
meam tolero eos patienter. Et si adhuc re-
ueri voluerint, ego gaudenter suscipio
eos, et occurro eis lætanter. Dic ergo
illi, qui militiam suam ad me conuertere
vellet, quod sub hac forma mihi de-

nuò placere posset. Quicunque enim miles fieri vellet, deberet cū equo suo, & apparatu ad cœmiterium Ecclesiæ procedere, & ibi eum relinquere, quia equus non est creatus ad superbiam hominum, sed ad vitæ utilitatem, & ad defensionem, & inimicorum Dei expugnationem.

Deindē assumat mantellum, cuius ligatura ponenda est super frontem, vt sicut Diaconus assumit stolam in signum obedientiæ, & patientiæ diuinæ, sic ipse miles assumit mantellum, & ligaturam ponit super frontem in signum professæ militiæ, & obedientiæ, pro Crucis meæ defensione assumenda. Quem etiam præcedat vexillum potestatis sæcularis, vt sciat se potestati mundanæ in omnibus, quæ non sunt contra Deum debere obedire. Ingresso autem eo cœmiterium; Clerici occurrant ei cum vexillo Ecclesiæ, in quo depicta sit passio mea, & vulnera mea, in signū quòd Ecclesiam Dei, & fidem defendere deberet, & Prælati eius etiam obtemperare. Cū autem ingreditur Ecclesiam, vexillum temporalis potestatis foras Ecclesiam remaneat, & vexillum meum præcedat eum in Ecclesiam, in signum quòd diuina potestas præcedit sæcularem, & quòd de spiritualibus plus est curandum, quàm de temporalibus. Dicta verò Missa vsque ad Agnus Dei, Prælati scilicet Rex, vel alius, procedat ad militem circà altare, & dicat. Vis tu fieri miles? Quo respondente volo, subiungat. Promitte (inquit) Deo, & mihi te fidem sanctæ Ecclesiæ defendere, & Prælati eius in omnibus, quæ ad Deum sunt obedire. Quo respondente volo: tradat gladium in manus eius, & dicat. Ecce trado tibi gladium in manus tuas, vt non parcas vitæ tuæ pro fide, & Ecclesia Dei, vt inimicos Dei deprimas, & vt amicos Dei defendas. Postea committat ei clypeum, & dicat. Ecce do tibi clypeum, vt defendas te contra inimicos Dei, vt viduis, & orphanis tribuas auxilium; & vt honorem Dei in

omnibus augmentes. Postea manum imponit collo eius dicens. Ecce obedientiæ subiectus es, & potestati. Vide ergo, vt sicut ligasti te professione, sic impleas & opere. Post hoc autem mantellum adaptet sibi, & ligaturam, vt quotidie habeat in memoria, quid Deo vouit, & quod ad Ecclesiæ Dei defensionem plus quàm alij se professione in facie Ecclesiæ obligauit. His ergo peractis, & dicto Agnus Dei, Sacerdos, qui Missam celebrat, tradat sibi corpus meum, vt fidem sanctæ Ecclesiæ defendat. Ego ero in eo, & ipse in me. Ego ministrabo ei auxilium in robur, & incendam eum flamma charitatis meæ, vt nihil velit nisi me, nihil timeat nisi me Deum suum. Quòd si forè fuerit in campo, & ibi pro honore meo, & fide mea defendenda sumpserit militiam, nihilominus ei pròdest, si intentiō fuerit recta. Ego denique in omni loco sum per potentiam meam, & omnes mihi intentione recta, & voluntate bona placere possunt. Ego autem sum charitas, & nullus ad me venire potest, nisi qui habet charitatem, idèò nullis præcipio hoc facere, quia tunc seruirent mihi ex timore. Sed quicunque vellent sic assumere militiam, mihi placere possent. Dignum quippè esset, vt sicut per superbiam à vera professione militiæ excessum est, sic per humilitatem ad veræ militiæ cultum, se reuerti velle ostenderent. Hic miles creditur fuisse Dominus Carolus filius Sanctæ Brigittæ.

Pater est in Filio, & Spiritu, & Filius in Patre, & Spiritu, & Spiritus in ambobus; *D. Hilar. lib. 3. de Trinitate non longè à principio, huius rei difficultatem considerans, nec ratione aliqua, nec exemplo tam aptè explicari posse affirmat. Natura enim (inquit) humana intelligentie rationem huius dicti non capit, nec exempli aliquod rebus di-*

uini humana cōparatio pręstabit, sed quod nō homini est intelligibile, Deo possibile est: in fine tamen libri docet, nam personam esse in alia, tū per virtutis similitudinē, tū per deitatis plenitudinē, tū ratione diuine nature, quia in singulis est eadē diuinitatis plenitudo, quod etiā tradit D. Aug. de fide ad Per. c. 1. & D. Ambr. c. 5. post. episc. ad Corint. & latius D. Tho. 1. p. q. 42. art. 3. & 4. ubi affert tres modos, quibus una diuina persona dicitur esse in alia, scilicet ratione essentie, ratione relationis, ratione originis, alij verō addunt etiam ratione circumfessionis, & immanentie, atque sic intelligendum est, quod scribitur hic, & Io. 14. Vnam scilicet personam esse in alia, qua de re latęgimus supra Lib. 1. Cap. 42. Nota 3.

2. Deitas misit Verbum suum Marię.

Cum sepe hæc dicendi formula in his Reuelationum Cęlestium Libri inueniatur, dicitur, vel locum esse corruptum, & legendum Deus misit, et alibi legitur, vel interpretem non ad Theologicam normam omnia vertisse.

3. Dicitur autem Verbo ab Angelo, Verbum caro factum est in Virgine.

Ex his, quę hoc loco scripta sunt, non videtur aperte colligi posse, quando Verbu in Virgine caro factu sit, licet enim hic legamus, dicto Verbo ab Angelo Mariam concepisse, tamen id quo tempore fuerit, an cum Maria consensum pręstetit, an verō in principio salutationis Angelicę, cum Gabriel ea verba protulit, Dominus tecum, mihi incertum est: videtur, tamen dicendum, id factum esse, cum Beatissima Virgo consensum prębuit, quod indicare videntur illa verba, Dicitur autem Verbo ab Angelo, quam sententiam secuti sunt D. August. de sancta Virginit. cap. 4. & de fide ad Petrum c. 18. Damascen. de fide lib. 3. cap. 2. Athanas. orat. de Sancta Deipara, D. Ambr. Luce 1. ad ea verba, Gratia plena, Greg. Emissen. hom. 1. super Missus est. Petrus Chrysolog. serm. 142. Beda hom. 3. de Virg. Rupert. hom. 6. in Cant. Canis. de B. Virgine lib. 3. cap. 2. Ioan. Maldonat. in Comment. in Lucam cap. 1. explicans illa verba, Gratia plena. Ceterum sunt etiam, qui existimauerunt Mariam concepisse ante

consensum pręstatum, et primū Angeli salutationem accepit, cum dictum est ei, Ave gratia plena, huius opinionis fuisse Chrysost. in Liturgia, & plures etiam ex Patribus Gręcis, quos citat Canis. eandem sententiam secuti sunt D. Hieronym. & Gregor. Neocæsarien. in hom. de Annuntiatione Beate Marię, sed quidquid sit, priorem opinionem puto esse communiorē, & probabiliorē, quę etiam ex sacris literis probari potest, & precipuē ex illis verbis, Ecce concipies, & paries filium: particula nanque (Ecce) insinuat Mariam concepturam fuisse, ut admonuit Titus Boetrenus, non verō concepisse, vel in principio salutationis Angelicę, vel antequam ab Angelo salutaretur, sicut opinati sunt Hieron. & Gregor. Neocæsarien. ex his ergo probabilissimum est, in Virgine Verbum carnem factum esse, cum Maria consensum pręstetit, quod fecit cum illa verba protulit, Ecce Ancilla Domini fiat mihi secundum Verbum tuum.

4. Sed ego Filius, qui fui cum Patre, & Spiritu sancto in Ventre Virgine.

Ex his nē colligas Patrem, & Spiritum sanctum fuisse incarnatos, sed quod Incarnatio fuerit efficiēter à Patre, & Spiritu sancto: operationes enim ad extra sunt communes toti Trinitati, quomodo autem Pater, & Spiritus sanctus fuerint in Ventre Virginis, tradidimus Lib. 1. Cap. 42. Nota 3. ubi conclusimus id intelligendum ratione essentie, ratione circumfessionis, alijsq. modis, quos tradunt Scholastici, ibi à nobis citati.

5. Licet humanitas mea à me solo Filio assumpta requieuit in ventre Marię.

Sacro sanctum Incarnationis mysterium totius Trinitatis opus fuit, sicut enim diuine persone ad inuicem inseparabiles sunt, sic & Trinitatis operationes ad extra inseparabiles, ac indiuise sunt: fuit autem solus incarnatus Filius, quia ipse solus erat, qui humanam naturam assumpsit, & terminauerat; & hoc factum est, ut per eandem Sapientiam, qua mundum primo creauerat, per eandem recrearet, utq. ipse, qui verus erat in diuinis filius, idē verus esset in humani,

manus, unde D. August. serm. 9. de Natali Domini, Non quiescit de verbo, nisi Matrem in terris, quia Patrem ab eterno habuit in celis, sed de haere suscipimus sup. Lib. 1. Cap. 38. Nota 1. & legendus est D. Aug. 1. de Trinit. cap. 4. & 5. & de Eccl. dogmatibus in initio. lib. 3. in di. vi.

6 Ego igitur in Deitate, & humanitate vnus Deus ad ostensionem charitatis meae, & in robur fidei sanctae non dedignor loqui tecum.

Quoniam passim in his B. Brigitta Reuelationum Libris legimus, Deum Patrem, Christum Dominum, Mariam Virginem, aliosq. Sanctos allocutos fuisse B. Brigittam, prout etiam hic dubitare probabiliter quisquam posset, quomodo id fieri potuerit, cum locutio externa sit proprie actus rationalis creaturae, quae per linguam corporis, mentis internos conceptus alijs manifestat, sed sciendum est, quod sicut duplex est verbum, interius scilicet, quod verbum mentis appellamus, & exterius, quod communi nomine materialiter vocem appellamus, sic duplex est locutio, alia interior, & exterior altera: interior est, cum Deus suae benignitatis ad creaturam conuertitur, vntq. sua communicatio secreta, ad quae cognoscenda ingenium sui luminis confert splendorem, tunc opem dicitur interna locutione, ut inspiratio ne hominum alloquitur, quod egrege explicant D. August. De essentia diuinitatis circa finem libri. D. Bernard. serm. 3. in Cant. Verbum (ait) est non sonans, sed penetrans, non loquax, sed efficax non obstitens auribus, sed effectibus blandiens, idem habet D. Gregor. lib. 2. 8. Moral. cap. 2. Cam per semetipsum loquitur Deus, de verbo rursus sine verbis, ac syllabis cor doceatur, quia virtus eius intima quadam subleuatione cognoscitur, sed aperte ipsemet Christus explicat hoc B. Brigitta Lib. 6. Reuelat. Cap. 18. cum dicitur, Licee non voce corporis loquar, & verba mea non audieris, tamen spiritus meus in electis meis, oeculta inspiratione mouet eos ad bona facienda, si vero de externis locutionibus sermo fiat, & dicendum mihi videtur, potuisse Christum Dominum, & Beatissimam Virginem, quos sine corpora ha-

bent in patria proprie loqui, & ministerio lingua formare voces, suscipi, communicare conceptus B. Brigitta, nec obstat huic, quod ad locutionem requiratur aer, ut eo percussio sonus efformetur, qui non est in corpore Christi, & B. Virginis glorioso: procedit enim difficultas in corporibus gloriosis existentibus supra celum, ubi aere non circumdatur, sed hoc (inquam) non obstat, quia ut admonuit D. Thomas in 2. 2. dist. 2. q. 2. art. 2. & in 4. dist. 14. q. 2. art. 1. q. 4. Ad formandam vocem non est necessarius externus aer, qui trahatur, vel expellatur, sed sufficit internus, qui est in humano corpore, huiusmodi enim aer etiam inuenitur in gloriosis corporibus in pulmone, alijsq. partibus corporis, quae neque alio corpore replentur, neque recipi esse debent, Beatus ergo format vocem mittendo aerem per asperam arteriam, usque ad os, ubi glabris, & lingua illius refrangendo in palato sonum, vocis format. Postremo si loquamur de ceteris Sanctis, qui ante Remissionem corporum resurrectionem non habent in Celo animabus unita corpora, quos frequenter cum B. Brigitta esse locutos legimus, dico eos, & potuisse ministerio aliquorum corporum uti, sicq. formare voces, suosq. B. Brigitta propalare conceptus, quod etiam Angelis sapissime fecisse in sacris litteris passim legimus, ut Zacharia 2. scribitur, & Alius Angelus egrediebatur in occursum eius, & dicebat ei, curre, & loquere, & Tobia 2. & in Apocalypsi, & alibi ceteris. Angelorum locutiones cum hominibus prohibentur. Tercio dico potuisse Angelos, ceterosq. Beatos suos manifestare conceptus, per quamdam rem in imaginem, ac similitudinem, in quibus ea apparerent, quod illi ostendere contendeant, quem admodum scripsit D. Ambrosius in Medialanensi Episcopium legimus Lib. 3. Reuelat. Cap. 3. Ego sum (scribitur tibi) Ambrosius Episcopus, qui tibi appareo, tecum loquens per similitudinem, atque hunc loquendi modum probat D. Gregor. 2. 8. Moral. cap. 2. paulo ante medium. Aliquantum (inquit) rebus per Angelos loquitur Deus, cum nihil verbo dicitur sed ea, quae futura sunt assumpta de clementis imagine, nuntiantur, sic etiam quam plurima ostensa fuisse Prophetis, &

Et D. Ioanni in Apocalyp. existimandum est. Postremò concludendum est potuisse etiam Angelos, aliosq. Sanctos formare quosdam in aere sonos, similes vocibus significatiuis, quibus B. Brigitta, quid significarent perciperet, Et huiusmodi sonos formantium conceptus apprehenderet, quod etiam tradit Durand. in 2. dist. 11. quest. 2. Et dist. 7. quest. 3. sed latius Franc. Suar. tom. 2. in Comment. super 3. p. S. Thom. 9. s. 4. art. 4. disp. 47. sect. 1. Et Perer. in Genes. lib. 6. cap. 1. vers. 9. ad ea verba. Vocauitq. Dominus Adam. De diuina locutione latius egimus Cap. 10. nostri Tractatus de Diuinis Visionibus. Et Reuelationibus.

7. Ego emi eis hereditatem æternam passione mea.

Quæ ad huius textus intelligentiam conducere videbantur, attulimus supra Lib. 3. Cap. 2. Nota 5. ubi eadem prorsus sententia legitur.

QUALITER CHRISTVS PER FABRUM, & Dei verba per aurum designantur, & quomodo talia verba charitatem diuinam, conscientiam rectam, sensus ordinatos habentibus sunt, proponenda, & quomodo Dei Prædicatores debent esse solliciti, & non desidioli ad aurum vendendum, idest ad verba Dei proponendum.

CAP. XIV.



GO sum quasi bonus auri faber. Qui mittens famulum suum ad vendendum aurum suum per terram, dicit ei. Tria debes facere.

Primò, non debes aliquibus committere aurum meum, nisi eis, qui serenos, & lucidos habent oculos. Secundò nõ committas eis, qui nullam habent conscientiam. Tertiò, habe aurum meum venale pro decem talentis ponderis duplicati. Qui enim bis ponderare renuerit, aurum meum nõ habebit. Sed inimicus meus tria habet

aduersum te, pro quibus tibi cauendũ est. Primò vult te facere desidiolum in profecundo, & demonstrando aurum meum. Secundò desiderat plantare, & inferere aliquid viciosum in aurum meum, vt videntes, & probantes aurum, credant aurum meum esse lutum, & putredinem. Tertiò ponit in os amicorum suorum, quomodo resistent tibi, & dicant, constanter aurum meum non esse bonum. Ecce ego sum quasi auri-fex iste, ego omnia, quæ sunt in Cælo, & in terra fabricaui, non malleis, & instrumentis, sed potentia mea, & virtute. Et omnia quæcunque sunt, & fuerunt, & futura sunt, omnia in præscientia mea sunt, nam non minus vermis, & non minimum granum sine me est, nec sine me subsistere potest, nec tam minimum, quod se à præscientia mea occultare possit, quia omnia à me sunt, & omnia in præscientia mea. Inter omnia tamen, quæ feci, verba mea, quæ proprio ore locutus sũ digniora sunt, tanquã aurum cæteris metallis. Ideò famulis meis, cum quibus aurum meum per terras mitto, tria faciẽda sunt.

2. Primò, vt non committant aurum meum illis, qui nõ habent lucidos, & claros oculos. Sed potes quærere. Quid sibi hoc vult habere clarum visum? Vtique ille clarè vider, qui diuinam sapientiam habet, cum diuina charitate. Sed quomodo hoc cognoscendum est? Certè hoc manifestè patet. Ille enim qui secundum hoc, quod intelligit viuít, qui se à mundi vanitate, & curiositate subtrahit, qui nihil sic quærit, sicut Deum suum, hic habet clarum visum. Huic committendum est aurum meum. Ille autem qui habet scientiam, sed non diuinam charitatem in operando, quod intelligit. Ipse est similis cæco, qui videtur quidem oculos habere ad Deum, sed non habet, quia veritè eos ad mundum, & occipit ad Deum. Secundò, non est committendum aurum meum ei, qui non habet conscientiam. Quis habet conscientiam, nisi qui disponit temporalia ista, & caduca, in æterna? Qui animum habet

habet in Cælo, & corpus in terra, qui quotidie ruminat quomodo exeat de terra, & respondeat Deo de factis suis, huic committeretur aurum meum. Tertiò debet habere aurum meum venale, pro decem talentis bis ponderatis? Quid notatur in statera, in qua ponderatur aurum, nisi conscientia? Quid verò manus, quæ ponderare debent, nisi voluntas bona, & desiderium. Quid autem sunt pondera imponenda, nisi corporalia, & spiritalia opera? Aurum ergo meum, idest verba mea, qui emere, & habere voluerit, debet in conscientia suæ statera examinare, & considerare cum bona voluntate, ut reddantur pro eo decem talenta ad voluntatem meam benè ponderata. Primum talentum est visus hominis modestus, ut homo cogitet quantum distat inter corporalem visum, & spirituale. Quæ utilitas in pulchritudine, & visu corporali, quæ honestas in pulchritudine, & honore Angelorum, & virtutum cælestium, qui vincunt splendore omnia cæli sidera: Quæ dulcedo, & quale animi gaudium in mandatis Dei, & eius honore. Hoc talentum scilicet corporalis visus, & spiritualis, quod est in mandatis Dei, & pudicitia, nõ æqua lance appendi debent. Sed spiritualis visus corporali præponderet, & plus in statera appendat. Quia ad animæ utilitatem, & corporis necessitatem aperiendi sunt oculi, ad inania verò, & scurrilia sunt claudendi. Secundum talentum est auditus bonus. Consideret ergo homo ad quid valent verba scurrilia, ad quid inepta, & risoria, rectè non sunt nisi vanitas, & aer quasi pertransiens. Ergo audire debet laudes Dei, & cantica eius, audire debet facta, & dicta Sanctorum meorum. Audire debet necessaria animæ, & corporis in bono edificatoria. Iste auditus plus appèdet in statera, quàm auditus scurrilium. Iste bonus auditus cum alio appensus in statera, totum pondus cõvincat, alius vero quasi vacuus ascēdens evanescat. Tertium talentum est ta-

lentum oris: appendat enim homo in statera conscientia suæ verba edificatoria, & modesta, quantum sint vilia, & honesta. Attēdat etiam verba vana, & otiosa quantum sint nociva, & inutilia, & dimittat verba vana, & diligat bona. Quartum talentum est gustus. Quid enim est gustus mundi, nisi miseria? In principio ingressionis labor, in progressu dolor, & amaritudo in fine. Ergo appendat homo diligenter spiritualem gustum cum temporali, & spiritualis temporali gustui præponderet, qui spiritualis gustus nunquam terminatur, nunquam tædio habetur, nõ quā minuitur. Hic gustus incipit in præsentia, in refrenatione voluptatis, & modesta dispositione vitæ suæ, & durat sine fine in cælis in fruitione, & dulcedine Dei. Quintum talentum, est talentum tactus, appendat enim homo quantum sollicitudinem, & miseriam sentit ex corpore, quantum inquietudinem à mundo, quantum contrarietatem à proximo, & ubique sentit miseriam. Appendat etiam qualis requies est animæ, & animi benè disciplinati, quanta dulcedo non sollicitari in superuacuis, & tunc ubique sentiet consolationem. Qui ergo benè ponderare voluerit, apponat ad stateram tactum spiritualem, & corporalem, & sic appendat, ut spiritualis plus appendat, & ponderet, quàm corporalis. Hic tactus spiritualis incipit, & progreditur in patientia contrariarum rerum. In perseverantia mandatorum Dei, & durat æternaliter in gaudio, & pace quietissima. Qui autem plus appendit corporalem requiem, & tactum mundi, & eius gaudij, quàm æterni, nõ est dignus tangere aurum meum, nec frui lætitia mea. Sextum talentum est opus hominis. Appendat homo diligenter in conscientia sua spirituale opus, & corporale. Illud ducit ad cælestia, & istud ad mundum. Illud ad æternam vitam sine supplicio, istud vero ad tribulationem magnam cū supplicio. Sed qui aurum meum desiderat, appen-

dat plus spirituale opus, quod est in dilectione mea, & ad honorem meum, quam corporale opus, quia spiritualia manent, corporalia autem opera casura sunt. Septimum talentum est dispositio temporis. Aliud tempus accepit homo ad solam spiritualium rerum vacationem, aliud ad corporis necessitatem, sine qua non potest esse, quod & inter spiritualia, si rationabiliter fit, reputatur. Aliud ad corporis utilitatis exercitationem, & quia homo ratione temporis sui, sicut & operum redditurus est, ideo tempori corporalis laboris spirituale tempus præponderet, & sic disponatur tempus, ut spiritualia plus reputentur, quam temporalia, & nullum tempus sine discussione, & æqua iustitiæ liberatione pertransire permittatur. Octauum talentum est æqua dispensatio temporalium bonorum concessorum, ut qui diues est in quantum facultas se extendit cum charitate diuina pauperibus tribuat. Sed potes querere quid debet dare pauper, qui nihil habet? Vtique habeat voluntatem, & consideret sic secum, si haberem aliquid libens largiter darem, hæc enim voluntas reputatur ei pro opere. Si autem talis fuerit voluntas pauperis, quod libenter haberet temporalia, sicut & ceteri, non ramen vellet dare pauperibus nisi modicum, & abiectiora, talis voluntas reputatur ei pro modico opere. Ergo homo diues, qui habet bona, faciat opera cum charitate, qui verò non habet, habeat voluntatem dandi, & prodierit ei. Qui autem plus appendit temporale, quam spirituale, qui vnum denarium dant mihi, & centum mundo, & sibi mille, non æquè mensurat, & talis mensurator indignus est habere aurum meum. Quia ego qui omnia dedi, & omnia possum auferre, digniori parte dignus sum. 3 Temporalia autem ad utilitatem hominis, & necessitatem creata sunt, non ad superfluitatem. Nonum talentum est, diligens consideratio temporis sui, transa-

ti, & præteriti. Consideret enim homo facta sua qualia fuerunt, & quantæ, & quomodo emendata, & quàm dignè, attendat, etiam nè fortè opera bona minora fuerunt, quàm mala, quod si inuenierit mala sua maiora, quàm bona, assumat sibi voluntatem perfectam emendandi, & contritionem veram de commissis. Et si fuerit hæc vera, & firmâ, plus ponderabit coram Deo, quàm omnia peccata sua. Decimum talentum est consideratio, & dispositio temporis sui futuri. Si homo talem habet intentionem, quod nihil vult diligere, nisi quæ Dei sunt. Nihil desiderare, nisi quæ placere nouerit Deo omnem tribulationem libenter, & patienter amplecti etiam inferni pœnas, si Deus haberet inde consolationem, & sic si esset voluntas Dei ferre. Hoc talentum omnia excedit, 4 per hoc talentum omnia venientia facile videntur. Quicumque ergo hæc decem talenta dederit ipse habebit aurum meum. Sed eos, qui aurum meum deferunt, tripliciter sicut dixi vult impedire inimicus. Primò vult facere eos desidiosos. Alia enim est desidia corporalis, & alia spiritualis. Corporalis est, quando corpus attediatur ad laborandum, ad surgendum, & huiusmodi. Spiritualis desidia est, quando homo spiritualis sentiens spiritus mei dulcedinem, & gratiam magis vult in illa dulcedine quiescere solus, quàm ad alios egredi, & alios secum iuuare, ut et illi de dulcedine sua participarent. Nunquid non Petrus, & Paulus habuerunt dulcedinem copiosam spiritus mei? Qui, si mihi fuisset acceptabile, magis cum dulcedine interna, quam habuerunt in profundissimo loco terræ iacuisent absconditi, quam existent in mundum. Attamen vt alij fierent participes dulcedinis eorum, et alios secum ædificare possent, magis elegerunt egredi ad aliorum profectum, et maiorem eorum gloriam, quam soli esse, & nullos de gratia eis data confortare. Sic etiam amici mei

namque quamvis libenter soli vellent
esse, & latari de dulcedine, quam habent,
attamen egredi debent, vt & alij partici-
pes fiant gaudij eorum. Sicut enim tem-
poralibus aliquibus abundans non vitur
eis solus, sed committit alijs, sic etiam verba,
& gratia mea non occultari debent;
sed diffundi in alios, vt & ipsi edificentur.

5 Tribus enim generibus hominū ami-
ci mei succurrere possunt. Primò damna-
tis. Secundò peccatoribus, scilicet caden-
tibus in peccata, & resurgentibus. Tertiò
bonis stantibus. Sed potes quætere, quo
modo quis potest succurrere damnatis,
cum indigni sint gratia, & impossibile est
eis redire ad gratiam? Ad quod ego volo
respondere tibi per exemplū. Sicut enim,
si in profundissimum aliquod præcipitiū
essent inhiñta fossa, per quas qui in pro-
fundum caderet, necesse esset, vt descende-
ret. Si aliquis autem obstrueret aliquam
illarum fossarum, nō tam profundē prop-
ter obstructionem descenderet, sicut aliter,
si nulla fossa esset obstructa, sic etiam
in damnatis est. Quamvis enim ex iusti-
tia mea, & malitia eorum indurata, præ-
finito tempore, & præfinito damnandi sūt,
læuius tamen supplicium fieret eis, si per
aliquem à malis aliquibus refrænarentur,
& incitarentur ad aliquod bonum. Ecce

6 quibus & si misericordia diceret parce-
re, iustitia tamē, & eorum malitia contra-
dicit. Secundò possunt succurrere caden-
tibus, & resurgentibus, si docent eos quo-
modo resurgant, præcautos contra calum
faciant, instruunt quomodo proficiant, &
7 cupiditatibus suis resistent. Tertiò pos-
sunt proficere iustis, & perfectis. Nunquid
& ipsi cadunt? Vtique, sed ad maiorem
eorum gloriam, & diaboli confusionem.
Sicut enim miles in bello leuiter percus-
sus, amplius ex percussione excitatur, &
ad bellum fortius exacuitur. Sic electi
mei ex tentatione diabolice aduersitatis,
amplius excitantur ad spiritualem labo-
rem, & humilitatem, & cōseruentiūs

proficiunt ad coronam gloriæ acquiren-
dam. Ergo verba mea ab amicis meis
non occultentur, quia audita gratia mea,
amplius ad deuotionem meam possunt
excitari. De secundò, scilicet quòd inimi-
cus meus laborat, vt aurum meum vi-
deatur lutum per aliquam infidelitatem.
Idè cum transferibuntur aliqua, adducat
scriptor in testimonium duos fideles, vel
vnum probatè conscientia, & exami-
nato ab eo, quòd scriptum est, transmie-
rat ad quos velit. Nè fortè, si absque te-
stimonio in manus inimicorum venerit,
addatur eis aliquid falsitatis, ex quo ver-
ba veritatis apud simplices possint deni-
grari. De tertio, scilicet quòd inimicus
meus ponit in os amicorum suorum, vt
resistatur auro meo. Idè dicant amici
mei contradicentibus ista verba. In au-
ro verborum ostensorum non sunt, nisi
quasi tria verba. Docent enim timere
rectè, diligere piè, desiderare celestia,
sapienter. Probate verba, & videte, &
si aliter inueneritis contradicite.

N O T AE.

1 **O**Mnia quæcunque sunt, & fuerunt,
& futura sunt, omnia in præscien-
tia mea sunt, nam non minus vermis, &
non minimum granum sine me est.

Hoc loco duo nobis potissimum indicantur,
primò quidem omnia præsentia, præterita,
& futura contineri sub diuina præscientia,
& esse Deo nota, cum enim Deus se ipsum
perfectè cognoscat, necesse est etiam, quod
suam virtutem, & quousque ipsa se ex-
tendat agnoscat, neque dubitari potest, quòd
ad hec tria diuina virtus minimè pertin-
gat, vnde Genes. 1. scribitur, Vidit Deus
cuncta, quæ fecerat. & ad Hebr. 4. Om-
nia nuda, & aperta sunt oculis eius, &
Roman. 4. Vocat ea, quæ non sunt, tan-
quam ea, quæ sunt, & Ecclesiast. 23. Le-
gimus cum lucidiores habere oculos Sole, &
hoc, quia cuncta intuetur, vnde D. August.
in enarrat. Psalm. 49. explicans ea verba,
Et

Et pulchritudo agri mecum est. Ideo (inquit) mecum est; qui apud Deum nihil pretij; nihil futurum est; idem probat D. Ambrosius. lib. 5. de fide. cap. 8. & D. Thomas. 1. p. q. 14. art. 5. Magister cum Schola in 1. sentent. dist. 3. 5. quoniam autem, ut tradidit D. Augustinus. 1. 5. de Trinitate. cap. 13. circa medium. Deus hac scientia cuncta produxit; quia (inquit) non ideo nouit creaturas quia sunt, sed ideo sunt, quia nouit, quod etiam satis aperte deduci potest ex verbis Psalmi 103. Omnia in sapientia fecisti, propterea postquam hoc loco dictum est; quod Deus cuncta prænouit, subditur, & non minus uermis, nec minimum granum sine me est.

2. Primo, ut non committant aurum meum illis, qui non habent lucidos, & claros oculos.

Hoc loco satis proficiat uerbi Dei concionatoribus doctrina traditur. Primo quidem tres conditiones exiguntur ab eis. nimirum, Quod charitatem in primis habeant. Secundo conscientiam bonam. Postremo optimam intentionem, & quidem hac tria illis esse omnino necessaria manifestum est, quandoquidem concionatores nullatenus poterunt alios diuino amore inflammaré; si ipsi fuerint eiusdem amoris ardore destituti, nec alios illuminare, si lumine fuerint orbati; nec aliorum uitia extirpare, si ipsam fuerint referti, neque enim extincta lucerna aliam poterit unquam accendere, & ideo 3. Reg. cap. 7. & 2. Paralip. 4. legimus; forci per quicquid templi Salomonis ad emundandas lampades seruabantur, ex auro fuisse purissimo; ut optima puritas significaretur, per quam populorum mundities purgaretur; unde ideo aptissime illos admonebat D. Gregorius Nazianzenus in Apologia. Auendari prius oportet, & sic alios mundare sapientem prius fieri, & sic alios facere sapientes lumen fieri, sic alios illuminare, & Origenes lib. 1. comment. in epistolam ad Romanos cap. 16. Sicut (inquit) Pontifices cum offerebant, necessarium eis erat, prouidendum; ne macula inesset hostiæ; ut passet esse accepta Deo; & gratia ita & qui Euangelium sanctificat, & uerbum Dei annuntiat, curare omnia debet, &

ne qua in predicando macula, ne quod in dicendo vitium, ne qua in magisterio culpa nascatur, sed si fieri potest semetipsum primo imolet, se primum uicijs rugulet, sequens primo mortificet, sed latius explicat D. Gregorius. 3. lib. Moral. cap. 5. qui concionatores gallo similes facit, Gallus (inquit) cum edere cantus parat, prius alas solertem excutit, & semetipsum feriens uigilantiores reddit, ita Predicatorum cum uerba predicationis assumunt, prius se cum sanctis actionibus exerceant, & paulo infra. Antequam uerba exhortationis proferunt, omne quod loquuti sunt operibus clament, idem habet in Pastorali 3. p. cap. 26. D. Hieronimus in epistola ad Nepotianum, & in Ezechiel lib. 1. Diuus Augustinus de doctrina Christiana annotauit etiam multa, Ludolph de uita Christi 2. p. cap. 29.

3. Temporalia autem ad utilitatem hominis, & necessitatem creata sunt, non ad superfluitatem.

Cum ultra, quam usus postulat, & ratio proprii commodi honeste exigit, diuitias homo congerit, certe non ad finem, ob quem hæc facta sunt, & homini tradite, illis utitur. Noli igitur (inquit) D. Chrysostomus hom. 14. de Auidia, plus concupiscere, quam exigui necessitas, ne totum amittas, noli quæ superant, & sum congregare, ne perdas etiam necessaria, noli praefixos terminos prætergredi, ne facilitatibus uinueris exinariis, atque huius sententia D. Chrysostomi ratio esse potest, quoniam sepe Deus permittit, quempiam sua bona perdere, quæ cum suauitate superflua sunt, deberent pauperibus erogare, Marcescet namque scribit D. Iacob. in sua Canonica cap. 1. diuites in iocundis suis, Pauperes enim, qui ex hauriunt melius fluunt, quibus si suas aquas relinquant intactas, satorem contrahunt, ita diuitiarum quies inutilis, motus uero utilis est, & fructuosus, sic Basiliscus hom. in discipulos, & Clem. Alex. lib. 1. Strom. 1.

4. Per hoc talentum omnia ueniunt facilia uiuantur.

Sic habent omnes impressi Codices, sed Farnesianus M. S. addit omnia ueniunt facilia uiuantur, & difficilia facilia reputantur.

5 Tribus enim generibus hominum amici mei succurrere possunt.

Hic de Concionatoribus sermo fit, qui si optime ut par est, predicationis officio fungentur, tribus generibus hominum prodesse possent, ut scribitur hic. Primo quidem damnatis. Secundo cadentibus, & resurgentibus, Po-
tremò verò iustis, & quidem dubitare merito quispiam poterit, quomodo inuare damnatos queant, cum iam extra statum merendi, ac demerendi positi sint, sed hoc intelligendum necessarium est, de his, qui in via adhuc sunt, quique praefiti, ac reprobi sunt, quibus tunc Predicatoris opem ferunt, quando eos acriter reprehendentes, causa sunt, nè quotidie peccatis peccata addentes, ac maiora vitia committentes, grauioris quoque poenae fiant rei, & idè paulò infra legimus. Quamuis enim ex iustitia mea, & malitia eorum indurata, praefinito tempore, & praefinito damnandi sunt, leuius tamen supplicium fieret eis, si per aliquem à malis aliquibus refranarentur.

6 Et aliquanto post, ubi in impressis Codicibus legitur. Quibus si misericordia diceret parcere, iustitia tamen, & eorum malitia contradicit.

Farneſianus M. S. Quibus si misericordia deberet parcere, vel si misericordia diceret, parce.

7 Tertiò possunt proficere iustis, & perfectis, numquid & ipsi cadunt? utique, sed ad maiorem eorum gloriam, & Diaboli confusionem.

Deus Optimus Maximus permittit aliquando iustos cadere, ut fortius resurgentes, ac subinde diuino seruitio se strictius mancipantes, maiorem sibi postea glorie coronam comparent, sæpe enim contingit, ut quò se grauius peccasse pendunt, id humiliores, & seruentiores reddantur, & inde fit, ut postea præ ceteris à Deo vnicè diligantur, unde D. Greg. hom. 34. in Euangl. paulò post initium affirmat, Ducem in praelio eum militem magis diligere, qui post fugam conuersus fortius hostem premit, & in hoc sensu scribitur Luce 15. Quod ita gaudium erit in Cælo super uno peccatore penitentiam agen-

te, quàm super nonaginta nouem iustis, qui non indigent penitentia: licet enim innocentia cæteris paribus præstantior sit, ac maiori d'lectione dignior, dicitur tamen Deus plus gaudere de penitente, quàm de innocente, quoniam ipsi plerumque, ut indicauimus supra, seruenciores, humiliores, & cauciores resurgunt, aut etiam, ut annotauit Glossa in Lucam loco citato, quia specialem rationem habet Deus gaudendi de reductione errantiū, quàm habet de non errantibus, atque ita verum est, quod legimus hic, iustos aliquando ad maiorem eorum gloriam cadere, quod etiam adnotauerunt D. Thom. 1. p. q. 20. ar. 4. ad 4. D. Dionys. Carthus. in epist. ad Rom. cap. 8. ad ea verba, Diligentibus Deum omnia cooperantur in bonum, Corn. Iansen. in Concord. Euang. 3 p. cap. 9. ubi explicat citatum locum Luce 15. Hector Pinetius super Ezech. cap. 33. & habetur etiam hoc eodem Lib. Cap. 27.

VERBA CHRISTI AD SPONSAM,

de via Paradisi in sui aduentu aperta, & de ardenti eius charitate nobis ostensa, multas passionibus à sui natiuitate usque ad mortem pro nobis sustinendo, & qualiter nunc via inferni est laeta, & via Paradisi stricta.



IRARIS quare talia loquor, & tanta ostendi tibi. Nūquid propter te solam? Non utique, sed propter aliorum eruditionem, & sal-

lutem; nam mundus erat quasi quædam solitudo, in qua non erat nisi vna via, quæ deducebat ad maximam abyssum. 2 In abyssò autem duo erant receptacula, vnū erat sic profundum, quod nullum habebat sub se fundum, in quod qui descenderunt nunquam ascenderunt. 3 Secundum verò nō erat sic profundum, ut primum, nec ita horribile, sed quicumque descendere in ipsū, sperabant sibi auxiliū des-

desi-

desiderium, & dilationem quandam habebant, non miseriam, tenebras experiebantur, non pœnas. Isti autem qui habitabant in isto secundo receptaculo, clamabant quotidie ad quandam Ciuitatem, optimam propè iacentem, quæ plena erat omnibus bonis, & delectationibus. Clamabant autem valenter, quia sciebant viam ad Ciuitatem, quam irent. Sed solitudo, & silua sic arcta, & densa erat, quòd præ densitate, nec transmigra- re, nec incedere valebant, sed nec fortitudinem ad præparandam viam habebant. Sed quod clamabant? Verè clamabant sic. O Deus veni, & da auxilium, monstra viam, & illumina nos, qui expectamus te. In alio enim non est salus nobis, nisi in te. Iste clamor ascēdebat in Cælum ad aures meas, iste me traxit ad misericordiam.

- 4 4 Ego autem mitigatus clamore rāto, veni in solitudinem sicut peregrinus. Sed antequam incedere, & laborare inciperem, vox ante me sonuit, quæ dixit, securis iam posita est ad arborem. Quæ fuit vox ista, nisi Ioannes Baptista, qui ante
5 me in Eremò missus clamabat, & securis ad arborem posita est, quasi diceret. Homo iam paratus sit, quia iam securis parata est, & venit ille, quasi præparando viam ad Ciuitatem, & extirpabat omnia obstacula. Ego autem veniens ab ortu Solis vsque ad occasum laboravi, id est ab Incarnatione mea, vsque ad mortē Crucis, operatus fui salutem hominis, fugiens in principio ingressionis in solitudinem istam, propter inimicos meos, scilicet Herodem persequentem, tentatus à Diabolo fui, & persecutiones passus ab hominibus. Deindè labores multiplices passus, comedebam, & bibebam, & alias naturæ necessitates expleui absque peccato, ad fidei instructionem, & veræ naturæ assumptæ ostensionem. Deindè viam ad Ciuitatem, scilicet celestem præparans, & contraria suborta extirpans.

6 6 Aculei, & spinæ acutissimæ pupugerunt latus meum, & acerbis clauis vulne-

rauerunt manus, & pedes meos. Dentes mei, & genæ meæ malè contractæ sunt. Ego autem patienter sufferens non retrocessi, sed eò feruentius processi tanquam animal, quod inedia confectum, cum conspicer hominem lanceam contra se tendentem, irruit in lanceam propter desiderium viri, & quòd plus homo lanceam in viscera animalis intruderit, tantò plus animal propter desiderium hominis seipsum e contra intrudat in lanceam, donec viscera, & totum corpus perfodiatur. Sic ego tanta charitate arsi ad animam, quòd cum viderem omnia acerbissima tormenta, & experirer, quò magis homo voluntarius fuit ad occidendum me, tantò plus ardentior eram ad patientium propter salutem animarum. Sic igitur ego in solitudine ista mundi, in labore, & miseria processi, & præparavi viam in sanguine, & sudore meo. Qui quidem mundus bene solitudo dici potest, quia ab eo omnis virtus deficiebat, & solitudo vitiorum remanebat, in quo non erat nisi vna via, per quam omnes ad infernum descendebant, sed damnati ad damnationem, boni autem ad tenebras solas. Longum igitur futuræ saluationis desiderium misericorditer audiens, veni sicut peregrinus ad laborandum, & incognitus secundum potentiam, & deitatem meam, præparavi viam, quæ ducit ad Cælum. Hanc viam amici mei videntes, & difficultates laboris mei, & alacritatem animi considerantes, gaudentes secuti sunt multi, & multo tempore. Sed nunc vox immutata est, quæ clamabat estote parati. Via mea immutata est, & succereuerunt iterum fructera, & spinera, cessaueruntq. incedentes per eam. Via autem inferni aperta est, & lata, & transeunt per eam plurimi. Attamen via mea nò esset omnino oblita, & neglecta, pauci amici mei præ desiderio celestis patriæ transeunt adhuc per eam, quasi aues transmigrantes de rubo in rubum, & quasi occulte, & præ timore seruientes, quia per viam

viam mundi transire, omnibus iam videtur felicitas, et gaudium. Propterea quia via mea facta est arcta, et via mundi lata, clamo nunc in solitudine, idest in mundo ad amicos meos, ut à via, quæ ducit ad Cælum extirpent spinas, et tribulos, et proponant viam meam incedentibus. Nam sicut scriptum est. Beati illi sunt, qui non viderunt me, et crediderunt. Similiter felices sunt illi, qui nunc credunt verbis meis, et opere ea complent. Ego quippe sum sicut mater occurrentis filio suo erranti, quæ in via porrigit ei lumen, ut videat iter, obuiat ei præ amore in via breuiando viam eius, et appropinquans amplectitur eum, et gratulatur. Sic ego omnibus reuertentibus ad me, et amicis meis occurram cum charitate, et illuminabo cor, et animam eorum ad diuinam sapientiam. Amplecti eos volo cum omni gloria, et cælesti curia, ubi non est Cælum subius, vel terra inferius, sed Dei visio, ubi non est cibus, et potus, sed diuina delectatio. Malis autem aperitur via ad infernum, in quem ingredientem nunquam ascendunt: carebunt enim gloria, et lætitia, et implebuntur miseria, et opus probrio sempiterno. Ideo loquor verba ista, et ostendo charitatem meam, ut reuertantur ad me, qui auersi sunt, et recognoscant me Creatorem suum, quem obli-

ti sunt. *cap. 1. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

1. **I**N principio presentis Capituli, ubi impressa sunt huiusmodi exemplaria habent. Miraris quare ita loquor, et tanta ostendi tibi,

nunquid propter te. solum? non utique, sed propter aliorum eruditionem. *cap. 1. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

2. **I**n abyssu duo erant receptacula. *cap. 1. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

luent penas, secundum illud *Matth. 2. 5. Hi vero ibunt in supplicium æternum. dicitur autem infernus secundum D. Isidor. lib. 1. 4. Ethimol. c. 9. Quia infra nos est. Secundum autem receptaculum limbus est, ubi sancti Patres ante Christum Domini passionem deinebatur, à quo per descensum Christi liberati sunt, ut admonuit D. Basil. in Psal. 48. explicans ea verba. Verumtamen Deus redimet animam meam de manu inferi: ubi nomen inferni sumitur pro limbo, ut etiam alibi sæpe in sacris litteris, et annotauit D. Greg. lib. 12. Moral. c. 6. ubi distinguit duo ista loca, sed esse (inquit) superiora inferni loca, alia inferiora credenda sunt, ut et in superioribus iusti requiescerent, et in inferioribus iniusti cruciarentur, sed hac de re latè D. Aug. epist. 99. ad Euod. tom. 2. ubi explicat locum illum 1. Ret. c. 3. in quo et eis, qui in carcere erant spiritibus predicauit, plura etiam tradiderunt Iust. Mart. in Dial. cum Triphon. Chrysost. hom. de Lazar. et Diuite. et alios quos citauimus Lib. 1. Reg. Cap. 15. n. 3. et Cap. 45. n. 4.*

3. **S**ecundum vero non erat sic profundum, ut primum, nec ita horribile, sed quicunque descenderunt in ipsum sperabant sibi auxilium, desiderium, et dilationem. *cap. 1. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

serm. 2.

ferm. 2. in Cane. nostri temporis Christianos acriter reprehendit, quod in diligendo Deum, eiusq. auxilium invocando, non ita sint ferventes, ut Patres veteris legis extiterunt. Desiderium (inquit) suspirantium Christi presentiam frequentissime recogitas compugnor, & confundor in me metipso, & nunc vix continuo lacrymas, ita pudet temporis, corporisq. miserabilium temporum horum, cui namque nostrum tantum ingerat gaudium huius gratia exhibitio, quantum accenderat veteres, desiderata sola promissio.

4 Ego autem mitigatus clamore tanto, veni in solitudinem, sicut Peregrinus. Verba presentis nota nobis ansam praebeat, ut hoc loco quaramus, an verè Patres veteris testamenti de congruo meruerint Incarnationis praedestinationem, aut saltem eius accelerationem: sed quoniam nostrum non est hic ad amissum quaest. examinare, ut Scholastici Doctores facere consueverunt, idè scilicet ad eorum cognitionem, quae in presenti Capite traduntur breviter seque: quod cum legimus hic, Christum venisse in mundum clamore Patrum mitigatum, non esse intelligendum, quod ipsimet Patres simpliciter meruerint de congruo Incarnationis praedestinationem, quoniam omne meritum eorum fundatur in fide Christi venturi, ergo ipsum venturum, & iam praedestinatum ad veniendum supponebant, tum quia Incarnationis praedestinatio est prior omni gratia, & bono motu antiquorum Patrum, & est radix eius, ergo non potest esse ex illorum meritis, & haec est communis doctrina Scholasticorum, & praecipuo D. Thom. 3. p. q. 2. art. 1. Dicendum ergo est, Patres veteris testamenti potuisse mereri de congruo aliquas circumstantias Incarnationis. Primo, ut Christus ex suo genere nasceretur, quod videtur satis aperte ex sacris litteris, ac etiam sanctis Patribus colligi posse, & quidem de Abraham Genes. 2. scribitur. Quia fecisti rem hanc, benedicam & c. quo loco id docent Orig. Chrysost. & D. Ambros. & ex illo etiam Ioan. 8. Abraham Pater vester exultavit, & videret diem meum, vidit, & gavisus est, ex quibus verbis id deducit Iren. lib. 4.

c. 13. & 14. D. Aug. 16. de Trin. c. 22. D. Greg. lib. 1. in 1. Reg. c. 9. Denique colligitur etiam ex D. Paulo ad Galat. 2. & 3. An autem ipsi quoque huius mysterij accelerationem de congruo mereri potuerint, videtur posse deduci ex his verbis, Ego mitigatus clamore tanto veni. Sed clarius infra paulò post med. hoc eod. Cap. ubi legitur, Longum igitur futuræ saluationis desiderium misericorditer audiens, pœni, quod etià plures ex Doctoribus affirmarunt, sic Alex. Alenf. 3. p. q. 8. membr. 3. art. 2. M. rfil. q. 5. ar. 2. concl. 8. ar. 3. dub. 1. Bonau in 3. dist. 4. art. 2. q. 1. Gabr. art. 3. dub. 5. Richard. art. 3. q. 1. Almain. q. 1. dub. 3. Ceterum ad huius rei intelligentiam notandū est, cum dicimus, Patres potuisse mereri accelerationem Incarnationis, non esse inde deducendum, quod diuinum decretum fuerit immutatum; non enim Deus mutabilis est, ut Malae. 3. scribitur, sed sensus est, ita Deū huius mysterij executionem in sua praedestinatione disposuisse, ut voluerit sic homines preparari, & disponi ad huiusmodi suscipiendum beneficium, ut per eam dispositionem de congruo mererentur, nè illud amplius differretur: quod egregie animaduertit Franc. Suar. in 3. p. S. Thom. q. 2. dist. 10. sect. 6. & ad hunc sensum reuocanda sunt verba huius Notae, ac etiam intelligenda, quae Psal. 11. scripsit David, Propter miseriam inopum, & gemitum pauperum, nunc exurgam. & Psal. 78. Cito anticipent nos misericordiae tuae, & Isai. 51. Cito veniet salus tua. & Daniel 9. Septuaginta hebdomadae abbreviate sunt, quibus locis particula (cito) est particula (nunc) accelerationem temporis indicant.

5 Securus ad arborem posita est.

Sic quoque legimus Matth. 3. & Luca 3. per hanc autem securim, Christum Dominum significari tradit D. Greg. hom. 20. explicans huc text. D. Lucae. Securis (inquit) est Redemptor noster, qui velut ex manubrio, & ferro tenetur ex humanitate, sed incidit ex diuinitate, quæ videlicet securis, iam ad radicem arboris posita est, quia & si per patientiam expectat, videtur autem, quod factura est, haec tenus D. Greg. atq. in eod. s. s. securis hoc loco misce sumitur, ut deduci potest ex illis verbis ibi. Iam securis

para-

parata est; & venit ille preparando viam
ad Civitatem, & extirpabis omnia obstacula.
Sed D. Hyllar. sup. *Matth. Cap. 2.* securim
ad arborum radices posicam affirmat signifi-
care Iudeos per infidelitatem esse abijciendos;
aut etiam iudicium de Iudeorum infidelitate:
ita ut per arborem Iudai intelligantur, per se-
curim iudicium divinum de his habendum;
sic Chrysost. & Theoph. in *Matth. loc. cit.*

6. Hactenus omnes impressi Codices habent;
var. Aculei, & spinæ acutissimæ pupugerunt
lc. latus meum.

Corrige cum Farnesiano M. S. Pupuge-
runt caput meum.

VERBA CHRISTI AD SPONSAM
quare ei magis loquitur, quam alijs
ipsa melioribus, & de tribus à Christo
sponsæ præceptis, & de tribus prohi-
bitis, & tribus permissis, & de tribus
consultis optimum documentum.

C A P. XVI.



MIRANTVR multi, cur te-
cum loquor, & non cum
alijs, qui meliorem ha-
bent vitam, & longiori
tempore mihi seruiunt.

Quibus per exemplum respondeo. Est
Dominus, qui habet plures vineas, & in
pluribus terrarum locis, & vniuscuiusq.
vineæ vinum sapit de terra illa, in qua
plantatum est. Cum verò vinum expres-
sum fuerit, dominus vinearum quandoq.
bibit de vino mediocri, & leviori, & non
de meliori. Quod si forte aliquis viden-
tium, & astantium dixerit sic Domino;
cur sic voluerit facere? Respondebit do-
minus. Quia hoc vinum magis sapuit si-
bi, & dulcius fuit tunc temporis; nec ideo
dominus meliora vina effundit, & con-
temnit; sed & ea ad honorem, & utilita-
tem suam tempore congruo reteruat,
vnumquodque ad quod tunc est aptum.
Sic ego feci tibi. Ego multos habeo ami-
cos, quorum vita dulcior est mihi melle,

delectabilior omni vino; lucidior in con-
spectu meo Sole. Attamen, quia mihi
sic placuit, elegi te in spiritum meum,
non quia tu illis es melior, aut eis com-
paranda, vel meritis eorum dignior, sed
quia sic volui, quia de insipientibus facio
sapientes, de peccatoribus iustos, nec quia
tecum talem gratiam feci, ideo eos contē-
no. Sed magis eos ad aliam meam utilita-
tem, & honorē, prout tunc iustitia exigeret,
reteruabo. Ideo humilia te in omnibus, &
non turberis nisi de peccatis tuis. Dilige
omnes etiam qui te odire videntur, & tibi
detrahere, quia ipsi maiorem occasionem
dant tibi ad coronam. Tria præcipio non
facere. Tria permitto tibi facere. Tria cō-
sulo tibi facere. Primo præcipio tibi tria fa-
cere, scilicet nil desiderare, nisi Deū tuum.
Secundo abijcere omnem superbiam, & ar-
rogantiam. Tertio odire in perpetuum
carnis luxuriam. Tria mando tibi non fa-
cere. Primo non diligere, scilicet verba vana,
& scurrilia. Secundo excessum ciborū,
& aliarum rerum superfluitatem. Tertio
fugere mundi gaudium, & læuitatē. Tria
permitto tibi facere. Primo moderatum
somnum ad habitudinem bonam. Secun-
do temperatas vigilias ad corporis exerci-
tationem. Tertio moderatum cibum ad
corporis fortitudinem, & sustentationem.
Tria consulo tibi. Primo laborem in ie-
iunijs, & operibus bonis, quibus promit-
titur regnum Cælorum. Secundo ea, quæ
habes ad honorem Dei disponere. Tertio
consulo tibi cogitare duo cōtinuò in cor-
de tuo. Primo, quæ feci pro te, patiēdo &
moriēdo pro te. Hæc cogitatio excitat
charitatem ad Deum. Secundo considera
iustitiam meam, & futurū iudicium, hæc
incurrit timorem in animo. Quartum de-
mum est, quod & præcipio, & mando, &
consulo, & permitto, hoc est obedire, ut re-
neris. Hoc præcipio, quia Deus tuus sum.
Hoc mando, ut non aliter facias, quia
Dominus tuus sum. Hoc permitto tibi,
quia sponsus tuus sum. Hoc consulo, quia
amicus tuus sum.

VER-

VERBA CHRISTI AD SPONSAM
qualiter Deitas, virtus veraciter est nū-
cupanda, & de multiplici supplantati-
one hominis per Diabolum instiga-
ta, & de multiplici remedio in homi-
nis adiutorium per Christum addito,
& suppleto.

C A P. XVII.

ILIVS Dei loquebatur ad
sponsam dicens. Credis tu
firmiter; quod hoc, quod
Presbyter tenet in mani-
bus sit corpus Dei? Re-
spondit illa. Ego credo firmiter, quod si-
cut Verbum missum Marię, factum est in
ventre eius caro, & sanguis; sic hoc, quod
nunc video in manibus Sacerdotis, credo
esse verum Deum, & hominem. Cui re-
spondit Dominus. Ego sum; idem qui
loquor tecum æternaliter in deitate ma-
nens, & in vtero Virginis humanatus,
non tamen amittendo deitatem. Deitas
mea meritò potest vocari virtus, quia in
ipsa sunt duo, scilicet potentia potentissi-
ma, à qua est omnis potentia. Secundo
sapientia sapientissima, de qua, & in qua
est omnis sapientia. In ipsa quippè deita-
te omnia quæcunque sunt rationabiliter
& sapienter ordinata sunt. Nam non
est vna titella in Cælo, quæ non est in ea,
& per eam constituta, & præuisa. Non
est vnus athomus in terra, non vna scin-
tilla in inferno est, quæ eius constitutionē
excedat, & quod ab eius præscientia se-
possit occultare. Nunquid miraris, quare
dixi vnā titellā in Cælo? Denique sicut
titella est perfectio verbi glossati, sic Ver-
bum Dei perfectio omnium, & in hono-
re omnium institutum. Quare autem di-
xi vnū athomum in terra? nisi quia om-
nia terrēna transitoria sunt. Nec tamen il-
la quantumcūque modica dispositionem,
& providētiā Dei excedunt. Quare au-
tem dixi vnā scintillā in inferno? nisi

quia in inferno nihil est, nisi inuidia. Sicut
enim scintilla procedit ab igne, sic ab im-
mūdis spiritibus procedit omnis malitia,
& inuidia, vt semper ipsi, & eorum fau-
tores habeant inuidiam, charitatem verò
nullam. Ergo quia in Deo est perfecta
scientia, & potentia, ideò vnumquodque
sic dispositū est, vt potentię Dei nihil præ-
ualeat, nec irrationabiliter aliquid causari
potest factum, sed omnia rationabiliter
facta sunt, sicut vnique rei cōgruebat.
Deitas igitur, quia veraciter virtus nūcu-
pari potest, virtutē suā maximā ostē-
dit in creatione Angelorū. Creauit quip-
pè eos sibi in honorem, & sibi ipsis in de-
lectationem, vt charitatem haberent, &
obedientiam. Charitatem, qua nihil dili-
gerent nisi Deum, obedientiam, qua Deo
in omnibus obedirent. Contrā hęc duo
quidam Angelorum malè errantes, malè
mouerunt voluntatem suā. Verterunt
quippe voluntatem suā directē contrā
Deum, ita quod virtus erat eis odiosa, &
ideò quod erat Deo contrarium, eis erat
charum. 2 Et ex isto inordinato moru
mouerunt casum. Non quod Deitas eum
ipsis creasset, sed quia ipsi ex inordinatio-
ne scientiæ suæ sibi ipsis procurauerunt
eūdem casum. 3 Cum ergo vidisset Deus
in exercitu suo cælesti diminutionem, ex
proprio vitiō ipsorū factam, fecit iterū
deitas virtutē suā, nam creauit homi-
nem cum corpore, & anima, eidem ve-
rò dedit duo bona, scilicet libertatem fa-
ciendū bona, & omittendū mala, quia cum
plures Angeli creati nō deberent, iustum
fuit, vt homo haberet libertatem ascen-
dendi si vellent, in dignitatem Angelorum.
animæ etiam hominis Deus dedit duo
bona, rationem scilicet discernendi con-
traria à contrarijs, & meliora ab optimis.
Secundo dedit fortitudinem in bono stā-
di. Cumq. istam charitatem Dei ad ho-
minem videret Diabolus, cogitauit se-
cum ex inuidia sic. Ecce Deus quoddam
nouum fecit, quod in locum nostrum po-
test ascendere, & pugnando vincere, quod

nos negligentè reliquimus. Si poterimus illud supplantare, & decipere, deficiet à pugna, & tunc ad tantam dignitatem non ascendet. 4 Deindè excogitato consilio deceptionis, deceperunt ex malitia sua primum hominem, & in eum ex iustitia permissione mea prævaluerunt. Sed quomodo, vel quando victus est homo? Vtique quando dimisit virtutem, & fecit prohibitum. Quando magis delectabatur promissio serpentis, quam obedientia mea. Propter hanc igitur inobedientiam non debebat esse in Cælo, quia contempsit Deum, nec etiam in Inferno, quia anima succurrente ratione considerabat diligenter quid fecit, & assumpsit sibi cōtritionem pro commisso. Propterea virtuosus Deus considerans miseriam hominis, disposuit ei quasi vnam custodiam, & locum captiuitatis, vt in ea homo experiretur infirmitatem suam, & lueret inobedientiam suam, donec mereretur ascendere ad dignitatem, quam amisit. Hoc iterum perpendens Diabolus, voluit interficere animam hominis per ingratitudinem. 5 Et immittens Iteus suum in animam, sic obumbrabat intellectionem eius, quod nec habebat Dei charitatem, nec timorem. 6 Obliuiscetur, quippe iustitia Dei, & iudicium eius contemnebatur, & ideo nō timebatur, & dabatur obliuioni bonitas Dei, & donū eius. Et tunc ideo non diligebatur, sed sic obumbrata conscientia miserabiliter stabat homines, & miserabilius ceciderunt. Quāuis verò sic dispositus erat homo. Non tamen adhuc defuit virtus Dei, 7 immò ostendit misericordiam suam, & iustitiam. Misericordiam, quando ostendit hominibus, scilicet Adæ, & alijs bonis, quod tempore definito obtinerent auxilium, per quod feruor, & dilectio ad Deum excitabatur. Ostendit & iustitiam, scilicet in diluuiio sub Noc, per quod timor Dei in cordibus infundebatur. Post hæc autem Diabolus non destitit adhuc iterum inquietare hominem, sed duabus malitijs alijs ag-

gressus est eum. Primò immisit ei perfidiam. Secundo desperationem. Perfidiam, nè crederent homines Verbo Dei, & vt mirabilia eius fato deputarent. Desperationem verò, nè sperarent salutem, & gloriæ amissæ adeptionem. Contrà hæc duo Deus virtuosus non destitit alia duo remedia apponere. Nam contrà desperationem dedit spem, nominans nomen Abrahæ, & promittens se de semine eius nasciturum, qui ad amissam hæreditatem reduceret eum, & eius fidei sequaces. Insuper & instituit Prophetas. Quibus modum redemptionis, & loca, & tempora passionis suæ ostendit. Contrà secundum, scilicet contrà perfidiam, loquebatur Deus Moyse, & ostendit ei legem, & voluntatem suam, 8 & verba sua signis, & operibus adimplebat. His implexis, nec adhuc malitia Diaboli destitit, sed hominem ad deteriora semper instigans, immisit cordi eius alia duo. Primò, scilicet cogitare legem nimis intolerabilem, & inquietari in eius obseruatione. Secundo immisit ei, quod quasi incredibile videretur, & nimis difficile ad credendum, quod Deus ex charitate veller mori, & ex charitate tribulari. Contrà hæc duo Deus iterum alia duo remedia dedit. Primò, nè homo inquietaretur in legis duritia, misit Filium suum in Virginis vterū, qui assumpta humanitate compleuit ea, quæ legis erant, & deindè ipsam legem mitigauit. Contrà secundum ostendit Deus virtutem maximam, nam mortuus est Creator pro creatura, iustus pro impijs, tribulatus est innocēs, vsque ad vltimum punctum, sicut per Prophetas fuit prophetatum. Nec adhuc cessauit nequitia Diaboli, sed crexit se adhuc contrà hominem, alia duo immittendo. Primo enim immisit cordi eius, vt verba mea haberentur pro derisione. Secundo, vt opera mea quasi darentur obliuioni. Contrà hæc duo, virtus Dei iterum incipit demonstrare alia duo remedia. Primo, vt verba mea reducantur in honorem, & opera mea

mea ad imitationem assumantur. Ideo duxit te Deus in spiritum suum, & ostendit per te voluntatem suam in terra amicis suis specialiter propter duo. Primo, ut misericordia Dei ostendatur, qua reuocari addiscat homines ad memoriā charitatis, & passionis Dei. Secundo, ut iustitia Dei attendatur, & seueritas iudicij mei timeatur. Propterea didicisti, ut quia misericordia mea iam venit, proferat eā in lucem, ut discant homines querere misericordiā, & de iudicio sibi praeuocare. Insuper dic ei, quod licet verba mea scripta sunt, tamen prius annunciari debent, & sic venire in opera. Sicut per exemplum intelligere poteris. Cum Moyses accepturus esset legem, preparata erat virga, & dolata tabula. Non tamen fecit miracula eum virga, antequam necessitas esset, & tempus requirebat, veniente vero tempore acceptabili, tunc ostensa sunt miracula, & verba mea operibus declarata. Similiter & veniente noua lege, primo corpus meum crescebat, & proficiebat ad aetatem debitam: Deinde verba audiebantur. Attamen licet verba audiebantur, non tamen habebat in se vim, & fortitudinem, antequam venissent opera. Nec completionem habebant, antequam per passionem compleri omnia, quae de me erant prophetata. Sic etiam nunc est. Nam licet verba charitatis mea scripta sint, & portari debeant in mundum, non tamen vim habere poterunt antequam in lucem plenariam venerint.

N O T A E.

Paulo post initium in impressis exemplaribus, ubi legitur. Sed omnia rationabiliter facta sunt, sicut unicuique rei congruebat, Deitas igitur, quia veraciter virtus nuncupari potest.

M. S. Farnesianus habet. Sed omnia rationabiliter facta sunt, sicut unicuique rei congruebat, scias etiam tu, quod Deitas veraciter virtus nuncupari potest.

2. Et ex isto inordinato motu meruerunt casum, non quod Deitas cum ipsis creasset, sed quia ipsi ex inordinatione scientiae suae sibi ipsi procurauerunt eundem casum.

Ex his verbis palam fit, casum Angelorum nullo pacto esse in Deum retorquendum, sed in ipsosmet Angelos, qui intensius suae naturae pulchritudinem considerantes, existimauerunt beatitudinem illis, non ex gratia, sed ex suae nobilitate naturae, & à Deo etiam independenti sibi competere: atque hinc patet huius textus intelligentia, cum enim legimus, Et ex isto inordinato motu, vel. ut infra, Ex inordinatione scientiae suae procurauerunt sibi ipsis casum, intellige motum conuersionis inordinatum, qui processit ex consideratione suae excellentiae, quod illis praeiuit ansam delinquendi, ad eam vero verba nimirum (non quod Deitas cum ipsis creasset eum) subintellige cum motu inordinatum, qui ex libera eorum manu uoluntate, & nullatenus à Deo poterat provenire, quia non potest esse causa peccati, & mali culpa, ut testatur. D. Iacobus in sua Canon. c. 1. Deus enim intentator malorum est. & Rom. 9. Paul. Apostolus. Nunquid iniquitas est apud Deum (absit). Sed de casu Angelorum, vide supra Lib. 1. Cap. 34. Nota 4. & Lib. 2. Cap. 12. Nota 1. & Lib. 4. Cap. 106. Nota 1.

3. Cum ergo vidisset Deus in exercituum suo caelesti diminutione ex proprio vitio ipsorum factam, fecit iterum Deitas virtutem suam, nam creauit hominem cum corpore, & anima.

Verba huius textus indicare videntur, lapsum Angelorum praeiuisse causam creationi hominum, quod etiam apertius probant ea verba, quae aliquanto post in persona Demonum referuntur, nimirum (Ecce Deus quoddam nouum fecit, quod in locum nostrum potest ascendere, & pugnando vincere, quod nos negligeret reliquimus) ceterum ex his verbis dubitare merito quispiam poterit, an prius fuerint creati Angeli, quam homines, & quidem Angelos praecessisse, hic satis clare colligi potest videtur, quod etiam docuit D. Chrysost. hom. 2. in Genes. & D. Aug. lib. de mirabili-

libus sacre Scripturae cap. 2. D. Isidor. lib. 1. de summo bono c. 12. quam opinionem putas esse veram Doctissimus Bannes in comment. ad 1. part. S. Thom. q. 64. art. 3. qui plures pro ea opinione citat. Verum si loquamur de Angelorū creatione in ordine ad hunc mundū visibilem, fateri omninō necesse est, eos fuisse creatos simul cum vniuerso, & nullatenus praecessisse, suōq. Creatori coeternos minimē extitisse, quod quamplures ex Sanctis Patrib. tradiderunt, ut D. Aug. lib. 11. de Ciuit. c. 6. & 9. Epiphani. lib. 1. contra heres. hær. 65. Theodoret q. 3. in Genes. D. Greg. Pont. 32. Moral. t. 20. 24. & 25. D. Thom. 1. p. q. 61. art. 3. fauet etiam D. Eucher. in Genes. c. 1. & est communis opinio omnium ferē Scholasticorum cum Magist. in 2. d. 2. & colligitur etiam ex illo Eccles. 18. Qui viuunt in eternum creauit omnia simul. Plures etiam alij sequuntur hanc opinionem, quos citat Lipoma. in Catena Gene. ad ea verba, In principio creauit, &c. Postremō videtur hoc definitum in Concil. Lateran. Romae celebratum sub Innoc. III. & refertur in ea firmiter de summa Trinit. & fide Cathol. ubi habetur, Creator omnium inuisibilium, & visibilium, spiritualium, & corporalium, sua omnipotenti virtute simul ab initio temporis utramque de nihilo condidit creaturam spirituales, & corporales, Angelicam videlicet, & mundanam. Sed quoniam multi magna sanctitatis ac nominis viri contrariam sententiam sequuti sūt, quos referunt Dominic. Bannes ubi supra, & Sixt. Senen. in sua Biblior. lib. 5. annot. 5. Ideo dicendum videtur opinionem afferentium Angelos fuisse creatos ante hunc mundum visibilem, non esse censendam contra fidem, quicquid dixerit Ferrarier 2. contra gentes c. 83. & hoc tradit D. Aug. 11. de Ciuitate cap. 32. Nefas enim esset dicere, tot sanctos Patres, qui eam sequuntur, tam turpiter in fide errasse, & idcirco ad locum Concil. Lateranen. respondendum est cū Caetan. super 1. p. S. Thom. art. 3. quæst. 61. Quod eius decretalis intentio fuit repellere Origenis errorem, sine eorum, qui dixerunt, Spirituales substantias primum à Deo fuisse productas, ut spirituali dignitate

potirentur, deinde eam peccassent, creata fuisse corpora omnia, quibus veluti detrusa carceribus peccatorum luerent pœnas, sed hunc errorem Origenis confutat egregiē Cyrill. lib. 1. in Ioan. cap. 4. quæ de re etiam legimus Lib. 5. Reuelat. interrogat. 9. quæst. 2.

4. Deinde excogitato consilio deceptionis
var. ex malitia sua primum hominem, & in
lect. eum ex iustitia, & ex permissione mea præualuerunt.

Reclius M. S. Farnesian. legit, Et in eum ex iusta permissione mea præualuerunt.

5. Et immittens stercus suum in anima.

Sensus est, & proponens Demon terrenas delicias, & carnales voluptates hominibus, sic decepit eos, ut amplius, nec Deum diligant, nec timeant, unde D. Greg. hom. 31. explicās illud Toel. 1. Computruerunt iumenta in stercore suo. Iumenta (inquit) in stercore suo computrescere, est carnales quosq. in satore luxurie uitam finire, & paulo supra, Peccata eternim carnis stercorea vocantur, idem annotauit ibidem D. Hieron. & super Ezech. cap. 4.

6. Paulo post ubi in vulgatis legitur, Obliuiscatur quippe iustitia Dei.
var. M. S. habet, Negligebatur quippe iustitia
lect. Dei.

7. Immo ostendit misericordiam suam, & iustitiam: misericordiam, quando ostendit hominibus, scilicet Adæ, & alijs bonis, quod tempore definito obtinerent auxilium.

Nimirum quando per Prophetas propalauit Deus gentibus verbum forē incarnandum, & à seruitute Demonis per eum homines esse liberandos, & hoc est, illud auxilium, quod definito tempore erat eisdistribuendum, de quo D. Paul. Apost. ad Galat. 4. verba faciens ait, At ubi venit plenitudo temporis misit Deus Filium suum factum ex muliere factum sub lege, ut eos, qui sub lege erant redimeret.

8. Et verba sua signis, & operibus adimplebat.

var. M. S. habet, Adimpleuit.

DE TRIBVS MIRABILIBVS, QVÆ
Christus fecit cum sponsa, & quomodo
visio Angelorum propter pulchritudi-
nem, & visio Dæmonum propter tur-
pitudinem est intolerabilis in sua ef-
fectu; & quare dignatus est Christus
talem viduam hospitari.

C A P. XVIII.



IAM mirabilia tecum fe-
ci. Vides enim spirituali-
bus oculis. Tu etiam au-
dis spiritualibus auribus.

Tu sentis corporali manu
spiritum meum in tuo viuente pectore.

1 Visio quam vides, nō tibi videtur, sicut
est. Si enim videres spirituales pulchri-
tudinem Angelorum, & animarum san-
ctarum corpus tuū non sufficeret videre,
sed rumpere quasi vas corruptum, &
putridum; propter gaudium animæ ex vi-
sione. Si autem videres Dæmones sicut
sunt, aut viueres cum nimio dolore, aut
morereris per subitanam mortem, propter
terribilem visionem eorum. Ideo videntur
tibi spiritualia, quasi corporalia. Angeli,
& animæ videntur tibi in simili-
tudine hominum, qui habent vitam, &
animam; quia Angeli viuunt cum spiri-
tu suo. 2 Dæmones videntur tibi in for-
ma; quæ est ad mortem, & mortalis, ut
in forma animalium, vel aliarum crea-
turarum. Illa enim habent mortalem
spiritum, quia moriente carne, moritur
spiritus. Diaboli autem non moriuntur
in spiritu, sine fine enim moriuntur, &
sine fine viuunt. Spiritualia vero verba
cum similitudine, tibi dicuntur, spiritus
enim tuus aliter non potest capere. Inter
omnia autem est istud mirabilius, quod
spiritus meus in corde tuo sentitur mo-
ueri. Tunc illa respondit. 3 O Domi-
ne mi, & Filius Virginis, quare digna-
tus es tuam vilem viduam hospitari,
quæ sum pauper in omnibus bonis ope-

ribus, & modica in conscientia intel-
lectu, & consumpta in omni peccato lon-
ginitate temporis? Cui ille respondit.
Ego habeo tria. Primo ego possum pau-
perem ditare, insipientem, & modici in-
tellectus facere sufficientem, & intelli-
gentem. Ego sufficio etiam antiquum
renouare ad iuuentutem. 4 Sicut enim
Fenix comportat in valem stipulas secas,
inter quas comportat stipulas vnius arbo-
ris, quæ exterius est secca ex natura, & in-
tūs calida, in quam primò venit calor
radij Solis, & incenditur. Deinde ex ip-
sa omnes stipulæ accenduntur. Sic oportet
te congregare virtutes, quibus à pec-
catis renouari possis. Inter quas vnum li-
gnum habere debes, quod interiorius est ca-
lidum, & exterius seccum, id est cor quod
purum sit, & seccatum exterius ab omni
mundi delectatione, & interiorius plenum
omni charitate, ut nihil velis, nihil desi-
deres, nisi me. Tunc in hoc primo venit
ignis charitatis meæ, & sic incenderis
omnibus virtutibus, in quibus concre-
mata, & à peccatis purgata, resurges
quasi avis renouata, deposita pelle dele-
stationis.

N O T A E

Visio quam vides, non tibi videtur,
sicuti est.

Quoniam impossibile est, dum in hac vi-
ta portali sumus, diuinam corporalibus oculis
intueri essentiam, quandoquidem (ut ait
Apostolus 1. Corin. 13. V) videmus nunc per
speculum in enigmate, tunc autem facie ad
faciem: idem legimus hic, Visio quam vides,
non tibi videtur, sicuti est cognitio enim Dei
per similitudinem, non est visio diuinæ essen-
tiæ, ut docet D. Thom. 1. p. q. 12. art. 2. 9. Et
1. quam facie ad faciem videre tantummo-
do Beatis in patria conceditur, sicut 1. Ioan. 3.
scribitur, Quoniam cum apparuerit similes
ei erimus, quia videbimus eum, sicuti est,
quod explicans Dionys. Carthus. Videbimus
(inquit) ipsam superadorandæ Deitatis super

substantiali essentiam in seipsa, & per seipsa
sanctare, & mediatricem quod etiam amotarum
Dydim. Alexandrin. Lyran. & Glossibidem;
hinc est, quod in his Celestium Revelationum
Libris frequenter legimus, omnia fere B. Bri-
gitte sub diuersis rerum imaginibus fuisse offe-
sa, ut patet Lib. 3. c. 5. & 6. cuius rei testis
est etiam S. Ambrosius Episcopus Mediolanensis,
qui alloquens B. Brigittam Lib. Reuelat. 3.
Cap. 6. (ait) Loquor tecum per similitudinem,
quoniam cor tuum non potest capere intelli-
gentiam spiritualium sine aliqua corporali si-
militudine, cui verò in via, peculiari Dei be-
neficio alicui datam sit, per Deum per essentiam
viderit, nostrum non est hoc loco definire, &
quidem de Moyse, & Paulo affirmare visi
sunt D. Augustinus 124 super Genes. ad lit. c. 27.
& ad Paulinam epistol. 112. & ferre 47. ad fra-
tres in Eremito, D. Ambrosius Lib. Exameron. 22. &
in posteriori epistol. ad Corinthios. cap. 12. &
ibi D. Anselmus & Werner. Beda, & de Moyse
D. Basil. homo. 10 Exameron. Lyran. & Bur-
gen. in epistol. ad Corinthios. 2. loc. cit. D. Thom. 2. 2.
q. 174. art. 4. & q. 175. art. 3. Durand. in 4.
dist. 49. q. 6. & alij plures, quamquam non
desunt grauissimi Doctores, qui contrarium
etiam sentiunt, ut D. Gregorius lib. 18. Moral.
cap. 37. & 38. D. Hieronymus lib. 3. contra Pelag.
prope fin. D. Chrysostomus homil. 14. in Ioan.
D. Gregorius Nazianzen. lib. 2. sua Theologia non
longè ab iniuriis, D. Cyrillus super Ioan. lib. 5.
cap. 2. sed hac de re fusius egimus inf. Lib. 5.
interrogat. 8. q. 2.

2. Dæmones videntur tibi in forma, quæ
est ad mortem.

Nulli mirum videri debet, si Dæmones
hominibus frequenter in forma mortuorum ap-
pareant animalium, quadoquidem sicut Chris-
tus vita est, ita Dæmon mors est, de quo
Apocal. 6. Et nomen illi mors est, non quidem
quia ipse mors sit, ut annotauit D. Augustinus in
Psalm. 48. sed quia per illum mors, & de eo
David in hoc Psalmio scripsit, Mors depascet
eos, ubi dicit D. Augustinus. Si ergo in inferno
puer sunt, quibus postior mors est, in Cælo sunt
oues, quibus postior vita est, idem tradidit
D. Gregorius Mag. lib. 19. Moral. c. 2. & D. Hier.

super Iesai. cap. 28. & super Oseam cap. 13.

3. O Domine mihi, & Filius Virginis, quare
dignatus es tu tam vilem viduam hospitari?

var. lect. M. S. habet. Tam vilem viduam visitare.
Et paulo post, ubi in impressis Codicibus
legitur, et alibi dicitur, et alibi

4. Sic enim Fenix comportat in vallem
stipulas siccas, & incenditur.

Hic locus mancus est, & cum M. S. Far-
nesiano sic restitutus, sicut enim Fenix,
cum senectute grauatur, comportat in val-
lem stipulas siccas.

5. In quam primo venit calor radij Solis,
var. lect. & incenditur.

Farnes. Codex M. S. habet, In quam pri-
mo venit calor, & ex Solis radijs incenditur.

VERBA CHRISTI AD SPONSAM.

qualiter Deus loquitur amicis suis per
suos Prædicatores, & per tribulationes,
& quomodo Christus per Apum pos-
tremo fessorem, & Ecclesiam per Alueolum,
& Christiani per Apes designantur, &
qualiter tali Christiani inter bonos
permittuntur vivere.

C. A. P. XIX.

EGO sum Deus tuus. Spi-
ritus meus introduxit te
audire, & videre, & sentire.
Audire verba mea, & vi-
dere similitudines, sentire

spiritum meum cum gaudio, & deuotio-
ne animæ. In me est omnis misericordia
eum iustitia, & in iustitia misericordia.
Ego sum sicut ille, qui videt amicos suos
cadere à se in viam, ubi chaos horrendum
est, de quo impossibile est confurgere.
Quibus amicis loquor per eos, qui habent
intelligentiam scripturæ. Loquor per fla-
gella, præcaueo eos de periculo eorum.
Sed ipsi contra vadunt in inuium, non
curantes de verbis meis. Verba mea
non sunt, nisi quasi vnum verbum, hoc
est conuertere peccator ad me. Vadis
enim periculose, quia insidie sunt in via,

& pro tenebris cordis tui à te quales sunt absconduntur. Hoc verbum meum contemnitur, hæc misericordia mea negligitur. Verumtamē quamvis sic misericors sim, quod eos peccātes moneo, tamen ita sum iustus, quod etiam si omnes Angeli traherent eos, non possent conuerti, nisi ipsimet mouerint voluntatem suam ad bonum. Si verò ipsi voluntatem ad me verterint, & affectu in me conseruerint, non omnes Dēmones eos retinere possūt. Est enim vermis quidam, qui dicitur Apis in possessione domini sui. Quæ apes Regi suo, idest Asylo triplicem reuerentiam exhibent, & ab eo triplicem virtutem habent. Primo apes portant ad Regem suum omnem dulcedinem, quam possunt acquirere. Secundo stant ad nuntium eius, & exeunt, quocunque volant, & quocunque processerint, semper charitas, & amor eorum est ad Regem. Tercio sequuntur eum, & stabiliter ei inhærendo obsequuntur. Pro his tribus, apes habent à Rege suo triplex bonum. Primo ex voce eius habent certum tempus exeundi, & laborandi. Secundo habent ab eo regimen, & mutuam charitatem. Ex eius quippe præsentia, & principatu, & eius charitate, quam ipse habet ad eas, & ipsę ad eum, vnaquęque coniungitur charitate cum alia, vnaquęque de alia, & ex alterius profectu gratulatur. Tercio ex charitate mutua, & gaudio capitis sui fructiferę fiunt. Sicut enim pisces in mari colludendo emittūt ova sua, quę cadentia in mari fructificant. Sic apes ex mutua charitate, & dilectione capitis sui, & gaudio fructiferę fiunt, ex quarum charitate mirabili, & virtute mea, progreditur quoddam semen quasi mortuum, & bonitate mea habebit vitam. Dominus verò, idest possessor apum, sollicitus de eis, loquitur seruo suo. Serue (inquit) meus, mihi videtur, quod apes meę quędam infirmę sunt, & nihil volantes. Respondit seruus. Huius infirmitatis non habeo intelligentiam, sed si

sic est, quæro quomodo possum hæc scire? Respondit Dominus ex tribus signis harum infirmitatem, seu defectum colligere poteris. Primo, quia inualidę sunt, & desides in volatu, & hoc prouenit, quia amiserunt Regem suum, à quo solatium, & firmitatem deberent habuisse. Secundo, quia incertis, & indispositis exeunt horis, & hoc est, quia de voce capitis nullum habent signum. Tercio, quia nullam charitatem habent ad alueolum, ideo vacuę redeunt, sariantes se, & nihil dulcedinis, vnde in futurum viuunt, reportantes. Apes verò, quę sunt sanę, & habiles, sunt stabiles in volatu, & fortes. Tempus exeundi, & redeundi habent debitum, reportantes ceram ad construendum loca sua, mel verò ad fruendum. Tunc respondit seruus Domino. Si ergo inutilis sunt, & infirmę, cur diutius pateris eas, & non interficeris? Respondit Dominus. Ego permitto eas viuere triplici de causa, quia triplex ferunt commodum, sed non virtute sua. Primo occupant loca præparata, ne venientes bruci occupent loca vacua, conturbando alias bonas, & viles apes. Secundo, ut alię apes fructiferę fiant, ex malarum apum malitia fructuosiores, & sollicitiores in laborando. Quando enim fructiferę apes vident infructuosas, & malas apes laborare ad cupiditatis proprię solam repletionem, tantò sunt in congregando ad Regem suum sollicitiores, quò malas viderint ad solam cupiditatem feruentiores. Tercio valent bonis apibus ad mutuam defensionem. Est enim vermis quidam solitus comedere apes, quem apes intelligentes venire, omnes communiter odiunt eum, & licet malę apes impugnant, & odiunt eum propter inuidiam, & pro vita sua tuenda, bonę verò ex charitate, & iustitia, mutuo tamen ad expugnationem vermis laborant bonę apes, & malę. Alioquin si omnes apes malę subtraherentur, bonę vero solę remanerent, citius in eas vermis, quia pauciores essent præualeret. Et ideo

ideo (inquit Dominus) fuffero apes inuti-
 2 les. 2 Verū tamen cū autumnus veniet,
 prouidebo apibus bonis, & ſeparabo eas à
 malis, quæ ſi modo extra Alueolum relin-
 querētur, morerētur frigore. Si verò intrā
 fuerint, & non cōgregauerint, fame peri-
 clitabuntur, quia neglexerunt congrega-
 re cū poterunt. Ego Dominus Creator
 3 omnium. 3 Ego ſum Dominus apum
 iſtarum. Ego ex intima charitate, &
 ſanguine meo fundavi mihi Alueolum
 apum iſtarum, ideſt ſanctam Eccleſiam,
 in qua Chriſtiani per vnitatem fidei, &
 mutuæ dilectionis congregari deberent;
 & morari. Horum loca ſunt eorum cor-
 da, in quibus dulcedo cogitationum bo-
 narum, & affectionum habitare deberet,
 quæ trahi deberet ex conſideratione cha-
 ritatis meæ in creando, & ex redemptione
 mea, & patientia in ſupportando, &
 ex miſericordia mea in reuocando, ſeu
 renouando. In hoc Alueolo, ſcilicet ſan-
 cta Eccleſia, duo ſunt genera hominum,
 tanquam duo genera apum. Primi ſunt
 mali Chriſtiani, qui non cōgregant
 mihi, ſed ſibi iſtis, qui vadunt redeunt, &
 & neſciunt caput, quia ſtimulum habent
 pro dulcedine, cupiditatem pro charita-
 te. Bonæ verò apes boni Chriſtiani ſunt,
 hi exhibent mihi triplicem reuerentiam.
 Primo habent me pro ſuo capite, & Do-
 mino, offerentes mihi mel dulcedinis, id-
 eſt, opera charitatis, quæ mihi ſunt ſua-
 uiora, & ſibi iſtis vtiliora. Secundo ſtant
 ad voluntatem meam, horum voluntas
 eſt ſecundum voluntatem meam, cogi-
 tatio tota ad meam paſſionem, operatio
 tota ad meum honorem. Tertiò ſequun-
 tur me, ideſt obediunt mihi in omnibus
 vbicunque fuerint, ſive extrā, ſive in-
 trā, ſive in tribulatione, ſive in lætitia,
 ſemper cor eorum eſt cū corde meo.
 Ideò triplicem virtutem habent à me.
 Primò ex voce virtutis, & inſpirationis
 meæ, tempus debitum, & certum ha-
 bent, ſcilicet noctem tempore noctis, &
 lucem tempore lucis. Necnon, & noctem

mutant in lucem, ideſt gaudium mun-
 di, in æternum gaudium, & caſurum
 gaudium, in perpetuam felicitatem. Hi
 in omnibus ſunt rationabiles, quia præ-
 ſentibus videntur ad neceſſitatem, ſtabi-
 les in aduerſitatibus, cauti in proſperitate,
 moderati in cura carnis, ſolliciti, & cir-
 cumſpecti in agendis. Secundo ſicut bonæ
 apes mutuam habent charitatem. Ita &
 ipſi omnes vnum cor habent ad me, &
 proximum diligunt tanquam ſe, me
 autem ſuper omnia, & ſuper ſe ipſos.
 Tertiò ſunt à me fructiferi. Quid verò
 eſt fructificare, niſi Spiritum meum ſan-
 ctum habere, & eo impleri? Quiſcunque
 enim eum non habet, & qui eius caret
 dulcedine, infructuoſus eſt, & inutilis ipſe
 cadit, & ad nihilatur. Spiritus verò ſanctus
 accendit illum, quem inhabitat charita-
 te diuina, aperit intelligentiæ ſenſum.
 Extirpat ſuperbiam, & incontinentiam,
 excitat mentem ad Dei honorem, mun-
 dique contemptum. Hunc Spiritum apes
 infructificare neſciunt, & ideò contem-
 nunt regimen, reſugiunt vnitatem, & cha-
 ritatis ſocietatem. Vacuæ ſunt in bonis
 operibus, mutant lucem in tenebras, con-
 ſolationem in luctum, gaudium in do-
 lorem. Verū tamen propter tria pa-
 tior eas viuere. Primo ne in ſpatia præ-
 parata ingrediantur bruci, ideſt infideles.
 Si enim mali homines inſimul ſubtraher-
 rentur, pauci remanerent boni, propter
 quorum paucitatem infideles, quia plures
 ſunt, ingrederentur ad eos, & cohabitantes,
 cis nimium moleſtarent. Secundo
 tolerantur ad bonorum probationem.
 Ex malitia quippe malorum, probatur
 bonorum conſtantia. Nam in aduerſi-
 tate oſtenditur quantum, quiſque patiens
 eſt. In proſperitate verò, quantum quiſ-
 que conſtans eſt, & moderatus. Quia
 ergo vitia quandoque ſubrepunt iuſtis,
 & virtutes frequenter extollunt, ideò per-
 mittuntur mali viuere cū bonis, ne
 boni diſſoluantur nimia lætitia, vel dor-
 mitent accidia, & vt frequenter habeant

ad Deum oculos. Vbi enim minor est pugna, minor datur & merces. Tertio tolerantur ad auxilium, nè Gentiles, vel inimici alij infideles noceant, sed timeant eò magis, quòd plures fuerint, qui videtur boni. Et sicut boni resistunt malis ex iustitia cum diuina charitate, sic & mali pro sola vita tuenda, & ira Dei vitanda. Et sic omnes mali, & boni adiuuant se inuicem; vt mali propter bonos supportentur, boni verò propter malitiã malorum sublimius coronentur. Custodes verò apum, hi sunt Prælati Ecclesiarum, & Principes terrarum boni, siue mali. Ad bonos verò custodes loquor, quos, & ego Deus, & cultos eorum, ad moneo, vt custodiant apes meas. Considerent enim exitum earum, & ingressum: Attendant si fuerint infirmæ, vel sanæ. Quòd si fortè discernere nesciunt, ecce tribus signis dico eis quomodo cognoscant. Hæ apes inuiles sunt, quæ sūt segnes in volatu, in disposito tempore, vacuæ in apportatione dulcedinis. Segnes in volatu sunt illi, qui plus curant de temporalibus, quàm æternis, plus timent mortem corporis, quàm animæ, qui sic loquuntur secum dicens. Cur debeo habere inquietudinem, cum possim habere quietem? Cur debeo me dari morti, cum possim viuere? 4 Non considerantes miseri, quòd ego Rex gloriæ potentissimus, assumpsi in me impotentiam. Sum etiam quietissimus, & ipsa verò quies, & tamen assumpsi pro eis inquietudinem, quos & morte mea liberaui. Illi verò in dispositi sunt tempore, quorum affectus quærit terrenā. Quorum loquutio ad scurrilia. Quorum opus ad propriam utilitatem. Quorum tempus tale est, quale quærit corpus. Illi autem charitatem non habent ad Alueolum, nec etiam congregant dulcedinem; quia opera quædam faciunt mihi bona, sed tantum ex timore supplicij. Qui licet opera quædam pietatis habent, non tamen relinquunt propriam voluntatem, & peccatum. Qui sic habere volunt Deum, vt

tamen, nec mundum relinquunt, nec aliquem defectum, & turbationem patiuntur. Isti tales vacuis pedibus currunt in domum, quia currunt, sed indiscretè volant, sed non charitate debita. Propterea cum autumnus venerit, idest tempus separationis. Apes inuiles separabuntur à bonis, quæ pro amore sui, & cupiditate, fame æterna cruciabuntur. Pro contemptu verò Dei, & rædio boni, nimio frigore dissoluentur, sed non consumentur. Veruntamen amici mei de triplici malitia malarum apum sibi cauere debent. Primò nè putredo earum veniat in aures eorum, quia venenatæ sunt. Ablato quippe melle, vacuæ sunt à dulcedine, pro qua abundant amaritudine venenata. Secundò caueant pupillæ oculorum suorum, pro alis earum, quia acutissimæ sunt quasi acus. Tertiò seruent corpus suum, nè nudum sit pro caudis earum, habent enim aculeos, quibus amare nimis pungunt. Quid autem ista significant sapientes sciunt exponere, qui mores earum attendunt, & affectus. Qui verò nesciunt intelligere timeant periculum, fugiant consortium earum, & exempla. Alioquin addiscent experiendo, quæ non noverunt audiendo. Deinde loquebatur Mater. Benedictus sis tu Fili mi, qui es, & qui eras, & qui æternaliter eris, misericordia tua dulcis est, & iustitia tua magna. Mihi videtur Fili mi per similitudinem loquendo, quòd nunc sic tecum est, quasi quòd quædam nubes ascenderet in Cælum, hanc verò præcederet levis aer. In nube autem apparuit quasi quoddam tenebrosus, sed qui erat extrà domum sentiens lenitatem aeris, eleuauit oculos, & vidit nubem tenebrosam, & considerans secum ait. Obscuritas istius nubis videtur mihi significari futuram pluuiam, & mox sanò vsus consilio festinavit in latibulum, à pluuiâ se abscondens. Alij verò, qui erant cæci, vel qui fortè non curabant, paruipendentes lenitatem aeris, nec formidantes obscuritatem nubis, experiebant-

baneur hoc, quod nubes significabat. Quæ quidem nubes crescens per totum Cælum, venit cum maxima commotione, & igne impetuoso, tamque forti, quòd ad commotionem eius exibat vita. Ad ignem verò omnia consumebantur interiora hominis, & exteriora, ita quòd nihil remaneret. Hæc nubes Fili mi verba tua sunt, quæ multis tenebrosa videntur, & incredibilia, quia non multoties audita, quia idiotis ministrata, nec signis declarata. Hæc verba præcedit petitiō meā, & misericordia tua, qua misere-
ris omnibus, & allicis, quasi mater om-
nēs ad te. Hæc misericordia lenis est, quasi aer lenissimus in patientia, & suf-
ferentia, & callida est in charitate, qua
prouocantes te ad iram, mōnes ad miseri-
cordiam, & offers contemptoribus piete-
tē. Ergo omnes, qui audierint verba
hæc, eleuent oculos suos, & videbunt in-
telligentia, vnde processerint verba. In-
quirant, si sonuerunt misericordiam, &
humilitatem. Attendant, si sonant presen-
tia, an futura, veritatem, an falsitatem, & si
vera inuenerint fugiant ad latibulum, id-
est, ad veram humilitatem cum diuina
charitate, nam cum iustitia venerit, tunc
præ timore separabitur animā à corpore,
animam verò claudet in se ignis, & arde-
bit interiùs, & exteriùs. Ardebit quidem,
sed non consumetur. Propterea ego Re-
gina misericordiæ clamo ad habitatores
mundi, vt eleuent oculos, & videant mi-
sericordiam. Ego moneo, & rogo quasi
Mater, consulo quasi Domina. Cum enim
venerit iustitia, impossibile erit resistere.
Ergo credite firmiter, & respicite, probate
in conscientia veritatem, mutate volunta-
tem, & tunc qui ostenderit verba charita-
tis, ostendet & opera, & signa charitatis.
Deindè Filius mihi loquebatur dicens.
Ostendi tibi supra de Apibus, quòd habet
triplex bonum de apistiro suo. ^s Dico ti-
bi nunc, quod tales Apes deberent esse il-
li Cruciferi, quos in illis finibus terrarum
Christianorum posui. Sed iam ipsi pu-

gnant contra me, nā de animabus nō cū-
rant, non cōpatiuntur corporibus cōuer-
sorū ad Fidē Catholicam, & ad me de er-
rore. Opprimunt enim eos laboribus, pri-
uant liberratibus, in fide non instrunt
eos, Sacramentis priuant, & cum maiori
dolore mittunt eos ad infernum, quā si
starent in suo assueto paganismo. Nec
etiam pugnant, nisi vt dilatent superbiam
suam, & augeant cupiditatem suam. Ideò
veniet ei tempus, quo confringentur den-
tes eorum, manus dextera mutilabitur, &
subneruabitur dexter pes eorum, vt vi-
uant, & seipsos cognoscant.

N. O. T. A. E.

Non possent conuerti, nisi ipsi met
mouerint voluntatē suam ad
bonum. Cum iustificatio motus: quidam sit, quo
homo excitatus à Deo recedit à statu peccati,
& ad Deum conuertitur, quis non videat,
ad huiusmodi conuersionem liberi arbitrij
motionem requiri: cum autem homo in hoc
iustificationis actu respiciat, utrunque sta-
tum, recessum scilicet à peccato, & accessum
ad Deum, utrique necesse erit, quòd eius
mens per liberi motum arbitrij recedat à pec-
cato, illud distando, & accedat ad Deum,
eum diligendo, eiusq. gratiam acceptando,
& hoc est mouere voluntatem suam ad bo-
num, vt legimus hic, vnde Ioan. 6. scri-
bitur, Omnis qui audit à Patre, & didicit
venit ad me. Sicut enim nequit intelligi ali-
quem discentem, nisi doctrinæ Magistrī con-
sentiat, ita nec Deum iustificantem aliquem
per gratiam, nisi iustificandus conetur ad
Deum ire per liberum arbitrium, sed hic di-
ligenter aduertendum cum D. Thom. par. 2.
q. 113. ar. 3. Quod sicut Deus est, qui iustificat
impium, vt dicitur Rom. 3. Ipse quoque est,
qui mouet impij voluntatem ad iustitiam,
mouet autem secundum cuiuscunque modū,
omnia nāque suauiter disponit, Sap. 8. scribi-
tur, & quia homo liber est, ita impedit homini
dopū gratiæ iustificatis, quòd etiā simul cum
hoc

hoc liberum moueat arbitriū ad illud donum acceptandum, nullam libertati vim inferēdo.

Veruntamen cum autumnus veniet, prouidebq; apibus bonis, & separabo eas a malis.

Quemadmodum in autumnu eos colligit fructus homo, quos prius seminauerat, eiq; in horreo collocat, ut inde postea reliquo sue vite tempore habeat, vnde de cetero viuere possit; ita quoque cum ex hac vita mortali decesserit, vbi semen fecerit, ita tunc temporis metet; si enim bonorum operum ediderit fructus, eos colliget; huius perpetuo in alia vita fruatur, quandoquidem illi Deus copiosam tunc reponet remunerationem. Designat namq; autumnus remunerationis tempus, ut tradit Diuus Hieron: super Isaiam cap. 28. explicans illa verba. Et erit sicut decidens glorie exultatio eius, qui est super verticem vallis pinguium, quasi temporaneum ante maturitatem autumnus. Et hoc est, quod scribitur hic. Veruntamen cum autumnus veniet prouidebo apibus bonis.

Ego Dominus Creator omnium, ego possessor apum istarum.

Hoc loco Christus Dominus se vniuersalis Ecclesie caput esse, ac Principem docet, quod sibi iure competere probat, quoniam eam sanguine suo acquisiuit, ut actorum 20. D. Lucas tradidit; Optime autem se Regi apum similem facit, qui, & habet misericordie mel, & aculeum iustitie; per misericordiam namq; peccatoribus ad se reuerentibus parcat, sed per iustitiam, si in peccatis persistunt, eosdem grauiter punit; hanc etiam ob causam Lucas 24. cap. & Ioan. 20. Et piscem assum, & sauum mellis ei Apostolos obtulisse scribunt, ut indicent, quod ipse erat piscis assus per humane nature passionem, & sauum mellis per nature diuine dulcedinem; & sicut in sauo mellis, mel cara coniungitur, ita in Christo diuinitas, & diuinitatis dulcedo in humanitate copulatur.

Non considerantes misericordiam, quod ego Rex glorie potentissimus assumpsi in me impotentiam.

Christus Saluator noster hic eos redarguit, qui Dei misericordie obliui, minime aduertunt,

ipsum pro eorum redemptione carnem humanam assumpsisse, eiusq; naturales proprietates, ac infirmitates, ut sitim, famem, tristitiam, & mortem, ceterasq; quae imperfectionem aliquam non importabant, atq; dignitati eius non repugnabant, & hoc est, quod dicit hic, Assumpsisse impotentiam, non quod ipse factus sit impotens, sed quod ita se gesserit, quasi fuerit factus impotens, ut infirmitates vestras subleuaret, nosq; ad celum secum duceret.

Dico tibi, quod tales apes deberent esse illi Cruciferi, quos in illis finibus terrarum Christianorum posui.

Per Cruciferos hoc loco intelligendi sunt Religiosi, Sanctis. Marie de Mercede, quorum societas instituta est ad captiuos Christianos redimendos, huius auctor precipuus Iacobus Aragonia Rex fuisse fertur, post vero hunc Regem quidam Nolascus natione Gallus Ducem secuturus se exhibuit, bonis legibus nascentem familiam temperauit; Regia insignia Crucis imposita in rubro elypeo, ad vestem candidam, & cucullum toti familia distinctionis causa data sunt. Ipse coram Rege, & Proceribus domus Raymundi De Penafortei nuper a Clemente VIII. Pont. in S. S. num. relatus, qui tunc Regi a confessionibus erat, solemnis ceremonia vestem albam, & cucullum cum S. Crucis signo suscepisse scribitur. Anno Dñi M. CC. XVIIII.

VERBA QVÆRIMONIE DEI
de tribus, quæ nunc per mundū transeunt, & qualiter Deus elegit tres status ab initio, scilicet Clericorū, Defensorū, & Laboratorum, & de pena hominibus ingratissimā paratā, & de gloria gratis illatā, & concessā hominibus;

C. A. P. XX.



IDEBATVR exercitus celestis magnus, ad quem Dominus loquutus est dicens. Licet omnia videtis; & scitis in me, tamen quia mihi sic placet, cōqueror corā vobis

R

tri-

tribus, quod apiaria illa fugiſſima, quæ in cælo ab æterno ædificata ſunt, de quibus apes illæ inutiles exierūt, vacua ſunt. Secundò, quod abyſſus illa inſatiabilis, cui non lapides, non arbores reſiſtunt, ſemper aperta eſt, in quam animæ deſcendunt, ſicut nix de cælo in terram. Et ſicut à facie Solis nix diſſoluitur in aquâ, ſic animæ ad magnitudinem ſupplicij diſſoluuntur ab omni bono, & renouantur ad omnem penam. Tertiò conqueror, quod pauci ſunt, qui attendunt vacuitatem locorum, de quibus præuariatæ ſunt angeli mali, & animarum caſum, idè merito conqueror. Ego enim ab initio elegi tres viros, per quos intelligo triplicem ſtatum in mundo. Primò elegi Clericum, qui clamaret voluntatem meam voce, & oſtenderet opère. Secundò defenſorem elegi, qui amicos meos defenderet vita ſua, & paratus eſſet pro me ad omnem laborem. Tertiò elegi laboratorem, qui laboraret manibus ſuis, ut paſceret corpora labore ſuo. Primus ſcilicet Clericus, nunc factus eſt leproſus, & mutus, quia omnis, qui querit, in Clerico videre pulchritudinem morum, & virtutum, recurrit retro, turbatur viſu, & abhorret accedere ad eum propter lepram ſuperbiæ, & cupiditatis ſuæ. Si verò querit eum audire, mutus factus eſt ipſe Clericus à laude mea, & garrulus ad laudem propriam. Quomodo ergo tunc aperietur via ad tantam ſuauiſſimam acquirendam, ſi ille debilis eſt, qui deberet præcedere, & ille mutus eſt, qui deberet clamare, quomodo tunc audietur ſuauiſſima illa cæleſtis? Secundus ſcilicet defenſor, trepidat in corde, vacuus eſt manibus, quia trepidat pro ſcandalo mundi, & amiſſione honoris eius. Vacuus eſt manibus, quia nulla diuina opera facit, ſed omnia quæ facit, facit pro mundo. Quis ergo tunc defendet populū meum, ſi ille, qui caput deberet eſſe, timet? Tertius eſt velut aſinus, qui caput inclinat ad terram, & ſtat quatuor pedibus iun-

ctis ſimul. Verè ſicut aſinus eſt populus, qui nulla deſiderat niſi terrena, qui negligit cæleſtia, & querit caduca. Ipſe, quaſi quatuor pedes habet, quia modicam habet fidem, & vacuâ ſpem. Tertiò nulla opera bona. Quartò voluntatem completam ad peccatum: Indè os gula, & cupiditati ſemper apertum ſtat. Ecce amici mei quomodo per tales poteſt abyſſus illa inſatiabilis minui, quomodo fauus poterit impleri. Tunc reſpondit mater Dei. Benediſtus ſis tu fili mi, quærimonia tua iuſta eſt. Ego, & amici tui non habemus ad te pro humano genere aliquam excuſationem, niſi vnum verbum, in quo ſaluari poteſt. Hoc eſt, miſerere Jeſu Chriſte fili Dei viui: Hoc ego clamo, hoc & amici tui. Reſpondit filius. Verba tua ſunt ſuauiſſima in auribus meis, ſapiunt delectabiliter in ore, intrant cum charitate in cor. Ego habeo vnum Clericum, & vnum defenſorem, & vnum ruſticum. Primus eſt delectabilis ſicut ſponſa, quam ſponſus honeſtiſſimus cum diuina charitate toto deſiderio deſiderat, huius vox erit, ſicut vox, quæ ex clamore, & colloquutione reſultat in ſyluis. Secundus erit paratus dare vitam ſuam pro me, non timebit mundi opprobrium. Hunc ego armabo armis Spiritu ſancti. Tercius habebit firmam fidem, quod dicit ſic. Tam firmiter credo, quod quaſi videam, quæ credo, ſpero etiã omnia, quæ promiſerat Deus: voluntatem habebit faciendi bona, & proficiendi in bono, & omittere mala. In os primi hominis dictorum trium, ponam tria verba, quæ clamabit. Primò clamabit, qui habet fidem, faciat opère, quæ credit. Secundò, qui ſperat firmiter, ſit ſtabilis in omnibono. Tertiò, qui diligit perfectè, & charitatiuè, deſideret feruentè videre, quæ diligit. Secundus erit quaſi leo forſis in laborando, in inſidijs præcauendis ſollicitus, & ſtabilis in perfeuerando. Tercius erit ſapiens ſicut ſerpēs, qui ſtabit in cauda, &

caput leuabit ad cælum. Isti complebunt voluntatem meam, hos sequentur alij. Et licet tres nomino, & per eos tamen plures intelligo. Deindè loquebatur ad sponsam dicens. Sta stabilis, noli sollicitari de mûdo, non de opprobrio, quia, qui omnia opprobria audiui, ego sum. Deus tuus, & Dominus.

NOTÆ.

¹ var. ^{lect.} **E**cce amici mei quomodo per tales potest abyssus illa insatiabilis minui, quomodo fauus poterit impleri.

In presenti Capite conqueritur Dominus de Clericis, alijsq. Ecclesiæ ministris, quòd suo officio, ut par est, non fungantur; & quidem à Clericis sumens exordium dicit, eos factos esse leprosos, & mutos, leprosos quidem ob vitiorum turpitudinem, ac fectorem, mutos verò, quia nec verba, nec laudes Dei populus prædicant: secundo dicit etiam illos, qui ad Ecclesiam defendendam constituti sunt; nil aliud facere, quam sua querere, & quæ Dei sunt negligere: postremò eos, quos ad laborandum in vinea Dei posuit, similes esse asinis docet, qui caput inclinantes ad terram, nil aliud, quam terrena, & caduca querunt; & ex his inferit, quod scribitur hoc loco, quomodo per tales potest abyssus illa insatiabilis minui, quòd explicans circa initium presentis Capitis, dicit, Via semper aperta est, in quam anima descendunt, sicut nix de calo in terram, & sicut à facie Solis nix dissoluitur in aquam, sic anima à magnitudine supplicij dissoluentur ab omni bono, & renouantur ad omnem penam, id verò, quod ex his deducit, nimirum, quomodo fauus poterit impleri, cum M. S. Farnesiano corrigendum arbitror, quomodo Paradisus poterit impleri.

² Tertius habet tam firmam fidem, quòd dicit sic, tam firmiter credo, quòd quasi videam, quæ credo.

Nulli dubiū esse potest, fidei certitudinem, etiam prout est in nobis, maiorem esse quacunque alia certitudine: imò verò constanter asserendum esse arbitror, posse Christianum hominem certiores esse de rebus fidei, quæ credit, quam de his, quæ corporalibus

oculis videt, idè certiora tenenda sunt, quæ fidei sunt, quam quæ oculis videmus, aut quopiam alio sensu percipimus, quādoquidem illi decipi, & hallucinari possunt, non verò diuina virtus, quæ infallibilis est, quauè intellectum hominis determinat ad assentiendum rebus fidei, quod egregie explicat D. Chrysostomus. 2. 1. super Epist. ad Hebr. Fides (inquit) dici non potest, nisi circa ea, quæ non videntur amplius, quam circa ea, quæ videntur satisfactione, quisquam habuerit, et Aug. lib. 8. confess. cap. 10. Clamat ad Dominum de longinquo, ego sum, qui sum, & audiui, sicut audiri solet in corde, & non erat unde dubitare, faciliusq. me dubitare tenuere, quam non esse veritatem.

³ var. ^{lect.} Tertius erit sapiens sicut serpens, qui stat in cauda, & caput leuabit ad cælum, isti complebunt voluntatem meam, & hos sequentur alij.

Serpentum naturam, hominum designare prudentiam, colligi potest ex illo Matth. 10. Estote prudentes sicut serpentes. Quo loco elegantes allegorias afferunt Hieronymus, Hylarius, & Chrysostomus. & plura hac de re tradiderunt D. Aug. serm. 87. circa finem, & lib. 13. confessionum. cap. 21. Eucherius de spiritualibus formulis cap. 5. Orig. super Ezech. hom. 1. & in Iosue hom. 4. Vt autem hoc explicemus apertius, sciendum est, in tribus præcipue serpentum prudentiam nosci; Primò, quia cum frigide sint naturæ, cumq. senescunt visum amittunt, idè frequenter Solis radijs sese exponunt, ut inde, & calorem hauriant, & lumen obtineant. Secundo, ut caput, à quo totius sue vitæ ratio pendet conseruent intactum, corpus flagellis exponunt. Postremò ad arcum etiam foramen veterem pellem deponunt: atque hæc sunt, quæ Christianis quoque sapientibus obseruanda sunt. Primò, ut sese diuina gratiæ Soli exponant, caputq. ad Deum verum Solem attollant, ut inde & charitatis feruorem, sacrarum litterarum lumen, ac intelligentiam recipiant, & hoc est, quòd scribitur hic, Tertius erit sapiens sicut serpens, qui stat in cauda, & caput leuabit ad cælum. Secundo debet more serpentis etiam totius corpus morti tradere, ut mentem, quæ caput est

hominis, ab omni scelere conferuet immanem, postremò expedit, ut veterem pellem deponat, pristina nimirum relinquendo vitia, & virtutes sectando, ut novam vitam instituat, sicut indicat Apostolus ad Colos. 3. Deponentes (inquit) veterem hominem cum actibus suis, & induentes novum eum, qui renouatur in agnitione secundum imaginem eius, qui creauit illum. Sed hoc idem egregie explicat glos. ordin. in loc. cit. *Matth. huius verbis, Serpentis astutia est, quòd toto corpore, caput, in quo vita est occultat, & protegit, ita & nostri periculo corporis, caput nostrum, quod est Christus, custodiamus, vel quòd per angustias se coartans, vteri tunica exutus innotatur, sic intrans per angustam portam, veterem exuit hominem. Altera etiam Epiph. heresi 37. proprietatem affert, ex qua serpentis prudentia nescitur, Quando (inquit) siti pressus, à latibulo procedis ad aquam, ut bibat, non simul sciu accipit venenum, sed in latibulo relinquit, & sic progressus potum aquarum sumit; proinde & ipsi hoc imitemur, ut quando ad sanctam Dei Ecclesiam, aut ad preces, aut ad misteria venimus, malitiam, aut voluptatem, aut inimicitiam, aut aliud quid, in cogitationibus nostris nobiscum ne feramus:*

VERBA VIRGINIS GLORIOSÆ

ad filiam de modo Christum de Cruce deponendi, & de suis amaritudine, & dulcedine in filij passione, & qualiter anima per Virginem, & amor Dei, & Mundi, per duos iuuenes designantur, & de conditionibus, quas anima debet habere tanquam virgo.

C A P. XXI.



MARIA loquebatur. quinque cogitare debes filia mea. Primò, quòd omnia membra filij mei in morte diriguerunt, & frigscebant, & sanguis, qui de vulneribus eius in passione effluxit, membris omnibus adhaesit coagulatus. Secundò, quòd in corde pun-

ctus erat tam amarè, & immisericorditer, quòd pungens non destitit, donè lancea attigit costam, & ambæ partes cordis essent in lancea. 1. Tertiò cogita, quomodo deponeretur de Cruce. Hi duo, qui deponebant eum de Cruce, tres applicabant scalas, vna protendebatur ad pedes, secunda subtrahit ascillas, & ad brachia, tertia ad medietatem corporis. Primus ascendit, & tenebat eum per mediū. Secundus ascendens per aliam scalam, excussit primò vnum clauū de vno brachio. Deindè applicata scala excussit clauum alterius manus. Qui quidè clauū lōgè vltra stipitè Crucis protendebatur. Descendente igitur illo, qui sustentabat onus corporis paulatim, & modicè, prout poterat. 2. Ille alius ascendit scalam, quæ tendebatur ad pedes, & excussit clauos pedibus. Cumq. appropinquaret ad terram, vnus eorū tenuit corpus per caput, alius per pedes, ego verò, quæ Mater erā, tenui per medium. 3. Et sic nos tres portauimus eum ad quandam petram, quæ linteo mundo per me operata erat, in qua obuoluimus corpus, sed non conui lynteum. 4. Sciebam enim pro certo, quòd non in tumulo putresceret. Postea Maria Magdaleha, & aliæ sanctæ mulieres venerunt, necnon & Angeli sancti multi, quasi athomi solis affuerunt, obsequium exhibentes Creatori suo. Qualem autem tristitiam tunc temporis habui, non est, qui valeat dicere. Eram enim sicut mulier pariens, cuius omnia membra post partum tremula sunt. Quæ licet præ dolore vix respirare possit, tamen gaudet interiùs quantum potest, eo quòd scit filium suum natum, in eandem miseriam, de qua exiuit nunquam rediturum. Sic ego licet ex morte filij mei eram incomparabiliter tristis, tamen quia sciu filium meum non amplius moriturum, sed in æternum victurum, gaudebā in anima mea, & sic cū tristitia mea quèdam lēticia miscebatur. Verè dicere possum, quòd sepulto filio meo,

meo, quasi duo corda in vno sepulchro fuerunt. Nunquid non dicitur, vbi est thesaurus tuus, ibi est & cor tuum? Sic in sepulchro filij mei, semper cogitatio, & cor meum versabatur. Deinde adiciens Mater Dei dixit. Dicam tibi de illo tali per modum exempli, quomodo, & in quo statu positus erat, & quomodo nunc constitutus est, quasi quod quædã virgo cuidam desponsata esset, & antè ipsam duo iuuenes starent, quorum vnus à virgine vocatus, dixit ei. Consulo tibi, nè credas ei, quem desponsasti, ipse enim rigidus est in operibus suis, tardus in remuneratione, avarus in donis. Crede ergo magis mihi, & verbis, quæ tibi dico, & monstrabo tibi alium, qui non est durus, sed lenis in omnibus, qui dat tibi statim, quod desideras, qui dat etiam tibi copiosè, quæ placent, & delectant. Quibus auditis virgo, cogitans secù respondit. Verba tua sunt dulcia ad audiendum. Tu personalitèr lenis es, & pulcher ad sentiendum, consultum credo verba tua sequi. Et cum extraheret anulum de digito, vt porrigeret iuueni, vidit superius vnam Scripturam, in qua erant tria verba. Primum erat, cum veneris in cacumen arboris, caue, nè apprehendas aridum ramum arboris ad sustentandum te, nè fortè cadas. Secundum verbū erat, caue, nè recipias consilium ab inimico. Tertium erat, non ponas cor tuū inter dentes leonis. Cumq. Virgo videret hæc, retraxit manum, & retinuit anulum, cogitans secum sic. Hæc tria quæ video, fortè notant, quod iste, qui me in sponsam habere cupit, non est fidelis. Mihi videtur, quod verba sua sunt vana, & plenus est odio, & interficiet me. Et cum sic cogitaret, iterum respexit, & vidit aliam Scripturam, in qua etiam erant tria verba. Primum erat. Da ei, qui tibi dedit. Secundum verbum erat. Da sanguinem pro sanguine. Tertium erat. Non alienes possessori, quod suum proprium est. Quibus visis, & auditis cogitauit

5
var.
lect.

iterum sic Virgo. Prima tria verba informant me, quomodo fugiam in ortem, sequentia tria quomodo obtineā vitam, ergo iustum est, vt magis sequar verba vitæ: tunc Virgo sapienti viâ consilio, vocauit ad se seruum illius, qui eam primò desponsauit, & eo appropinquante, ille, qui eam decipere voluit, se ab eis elogauit. Talis est anima illius desponsata Deo suo. Duo iuuenes, qui antè eam stabant, sunt amicitia Dei, & amicitia mundi. Nam amici mundi magis, & viciniùs appropinquat ei vsque nunc, qui loquebantur ei de diuitijs, & honore mundi, ad quos penè extendisset anulum amoris sui, & eis in omnibus consensisset. Sed succurrente gratia filij mei, vidit Scripturam quandam, idest, audiunt misericordiz eius verba, in quibus intellexit tria. Primò quod caueret sibi, nedum altius ascenderet, & rebus casuris innitteretur, grauior ei casus immineret. Secundò intellexit, nihil esse in mudo, nisi dolorem, & sollicitudinem. Tertiò, quod mala est Diaboli retributio. Deinde aliā Scripturam vidit, scilicet audiuit verba eius consolatoria. Primò, vt daret suam Deo, à quo habet omnia. Secundò, vt redderet ei seruitium corporis sui, qui sanguinem suum fudit pro eo. Tertiò, vt non alienaret animam suam à Deo suo, qui eam creauit, & redemit. Istis auditis, & diligentèr cōsideratis, appropinquant ei, nunc serui Dei, & placent, & elongant se ab eo serui mundi. Sed nunc anima eius est, quasi Virgo, quæ de brachio sponsi sui nouitèr surrexit, quæ tenetur habere tria. Primò vestes decoras, nè fortè derideatur à famulis Regis, si in vestibus deprehenditur aliqua deformitas. Secundò debet esse morigerata, iuxta voluntatem sponsi, nè si aliquid in actibus suis inueniatur inhonestum, dehonestetur sponsus propter eam. Tertiò debet esse mundissima, vt sponsus non inueniat in ea vnam maculam, pro qua contemni, & repudiari possit.

Deindè habeat ductores ad cubiculum sponsi sui, nè fortè in ambitibus, vel in subcili aditu errare contingat. Qui verò ductor esse debet, duo habeat. Primò, vt videatur à sequente. Secundò, vt audiatur quid docet, & quò itur. Ille autem qui sequitur aliquem præcedentem, tria tenetur habere. Primò, vt non sit segnis, & piger in sequendo. Secundò, vt non abscondat se à præcedente. Tertiò, vt diligentius attendat, & consideret vestigia præcessoris, & eum sollicitè sequatur. Ergo anima eius, vt ad cubiculum sponsi perueniat, necessè est, vt à ductore ducatur, qui eam ad sponsum suum Deum feliciter perducatur.

N O T Æ.

Tertio cogita, quomodo deponeretur de Cruce, hi duo, qui deponerant eum de Cruce, tres applicabant icalas.

In præsentì Capite modus describitur, quo Redemptor noster Christus de Cruce depositus fuit, quia de re Euangelistæ nil aliud scriptum reliquerunt, nisi Iosephum ab Arimathia nobilem virum, obtentum à Pilato facultate, deposuisse Corpus Dñi, sic Matth. 27. Mar. 15. Luca 23. ex his verò, quæ hoc loco traduntur, intelligimus Christi Domini corpus fuisse de Cruce depositum, Cruce in terrâ fixa manente, & erecta, non verò, quòd fuerit simul cum corpore sublata, et è foramine petra euulsa; & in terram collozata: et ex his duobus modis, primus, qui traditur hic, probabilior est, quem communis Ecclesie pictura probat, tum quia Pilatus, qui facultatè corpus Christi de Cruce deponendi dederat, minimò existimandum est, etiam concessisse, vt inde Crux quoque tolleretur, tum etiam, vt annotauit Franc. Suarez in Comment. super 3. p. 5. Thom. 9. 5. 1. disp. 41. sect. 2. Tom. 2. illud esse in more positum, vt cum quispiam ob delictum aliquod publicum patibulo publicè traditur, si quòd corpus eius è patibulo deponitur, manet tamè patibulum, quasi in signum supplicij ad ceterorū terrorem, & hoc deducit, accidisse forsitan in depositione

Christi de Cruce, vt eius corpus de Cruce fuerit depositum, Crux verò in proprio loco erecta maneret, vt & mansisse scribitur hic, & propterea, qui deposuerant eum, per tres scalas ascenderunt ad Crucem, & ibi excussis è manibus, pedibusq. clauis Christi, corpus deposuerunt, Cruce in terra fixa, ac vt prius erecta manente: sed hac de re plura videri possunt apud Emericum de Campo Doctorem Lauanensem, qui tractatum edidit de Imagine CHRISTI de Cruce depositi, & in sinu matris funerali linteo inuoluti. Idem etiam probat F. Daniel Maltonius in Elucidationibus stigmatū sacre Syndoni impressæ 1. n. 12. ubi asserit, quòd si tunc Crux humi hasset, non propriè Christus de Cruce depositus diceretur, sed clauis reuulsis, diceretur à Cruce sublatus, depono enim verbum significat quasi deorsum pono.

2. Ille alius ascendit scalam, quæ tēdebatur ad pedes, & excussit clauos pedibus.

var. lect. Hic textus cum M. S. Codice Farnesiano sic restituendus est. Ille alius ascendit scalam, quæ protendebatur ad pedes, & excussit clauos de pedibus.

3. Et sic nos tres portauimus eum ad quandam petram, quæ linteo mundo per me operta erat.

Hoc loco duo nobis breuiter inuestiganda sunt. Primò, qui fuerint hi tres, qui Christum de Cruce deposuerunt. Secundò quid sentientium sit de linteo illo mundo, quo Christi corpus fuisse obuolutum legimus hic. Et quantum spectat ad primum, dicendum est, illos tres fuisse Beatissimam Virginem, Iosephum, & Nicodemum, & de Beatissima Virgine, licet Euangelistæ nihil dixerint, piè tamen credendum est, depositioni filij sui de Crucem operam dedisse, & maternis manibus tunc temporis coadiuuasse, sicut scribitur hic, & admonuit Card. Baron. Tom. 1. Annal. Anno Christi 34. Et nos tradidimus Lib. 7. Reuelat. Cap. 15. Nota 4. & sane Suarez loco superioris nota citatò, alij verò duo, quorum hic mentio fit, & Iosephum, & Nicodemum extitisse, ex sacris literis colligi potest. Matth. 27. Marci 15. Luca 23. qui de hac depositione ab his facta verba facientes, sic loquuti sunt,

fu ne, Tulis, vel deposuit corpus Iesu, quæ verba indicant manibus propriis id ab his factum esse, & quanquam fuerint viri nobiles, est tamen rationi, ac religioni magis consentaneum, ut illud per se ipsos, non per alios fecerint, cum ad id pietatis, & charitatis affectu mouerentur: de linceo autem Matth. 27. & Marcus 15. cap. scribunt, Iosephum ab Arimathia, postquam deposuit corpus Iesu, illud inuoluisse in Syndone munda, de qua in presenti Nota sermo fit, hanc autem summo honore in Ecclesia Tauriensis asseruari omnes narrant, & ea est, quæ corporis Christi Domini delibuta & munita in sepulchro posita fuit, quæ & in se imaginem Christi habet expressam. de hac Syndone plura extant apud Alphonsum Paleostum Archiep. Bononiensem. in lib. *Quem Iesu Christi Stigmata sacra Syndoni impressa inscripsit*, multa etiam de ea congerit F. Daniel Mallo-nius in *Elucidationibus eiusdem libri*. ceterum fuisse in more positum apud Iudeos, & Christianos, ut defunctorum corpora linceo obuoluerentur, asseruerant Dion. Alex. Epist. ad fratres, quæ extat apud Euseb. lib. 7. bist. c. 17. & ex D. Hier. Epist. 49. ad Innoc. & D. Athan. in vita S. Antonij: verum si quis rationem aliquam querat, quapropter Christi corpus in Syndone hac fuerit inuolutum D. Thom. 3. p. q. 51. artic. 2. in solut. ad tertium, huius facti litteralem causam reddens, dicit hoc fuisse conuenientissimum ob quædam honestatem: moraliter verò significatum esse illo facto, nos simplicibus, ac vtilioribus rebus contentos esse debere, mystica verò ratio esse potest, quod voluerit Deus nobis inde insinuare. Christum pura mente, ac simpliciter à nobis esse suscipiendum, quam ob causam ab Ecclesia statutum est, ut corpus Domini tantum in pannolino consecraretur, sic tradunt Conc. Rhemensis c. 3. apud Burchard. lib. 3. cap. 98. & cap. consulto, de consec. d. 1. Rabanus Maurus lib. de instit. Clericorum c. 33. D. Hieron. in Matth. c. 27. Beda in Marcum c. 44. Innoc. III. lib. 2. de ministerijs Missæ c. 6. Steph. Durand. ritibus Ecclesie lib. 1. c. 12. n. 3. Alcuin. Amalar. Ruper. & alij, qui de diuinis officijs scripserunt Isidorus etiam Pelusiotæ lib. 1. cap. 123.

4 Sciebam enim pro certo, quòd in tumulo non putresceret.

Beatissimam Virginem fuisse de sui filij Resurrectione penitus certam ex his verbis colligitur, idcirco affirmat, non consuisse linceu, quo corpus eius erat inuolutu, eo quòd omnino, credebat illud, in sepulchro non fore incinerandum, & hoc est quod Psal. 15. David resatur, Non dabis sanctum tuum videre corruptione. quod D. Aug. exponēs, Neque (inquit) sanctificatum corpus, per quod & alij sanctificandi sunt, corrupti patieris. idem tradit Epist. 128. ad Honoratum, et quamplures alij sacrarum litterarum interpretes super citatum Psal. ut Hieron. & Basil. & Theod. & in eodem sensu interpretatus est hunc locum Paulus Abt. 13. ubi probat, non posse de Dauid illa verba intelligi, dicit enim, David in sua generatione cum administrasset voluntatem Dei, dormiuit, & appositus est ad Patres suos, & vidit corruptionem, quem verò Deus suscitauit non vidit corruptione, & colligit hoc etiā D. Thom. ex illis verbis eiusdem Psal. Quæ utilitas in sanguine meo, dum descendo in corruptionem, quasi dicat, si corpus meum putrescat, perdecit effusi sanguinis utilitas, quod confirmat ipse pluribus rationibus 3. p. q. 51. art. 3. hoc idem indicat Damasc. lib. 3. de fide, c. 28. Durand. & alij in 3. d. 2. q. 2. Ludolph. de vita Christi 2. p. c. 68. nò longè à principio Capitis, Iacobus de Valentia in Psalm. 15.

5 Aliquanto post medium, ubi hactenus impressa exemplaria legunt: Sed succurrente gratia filij mei, vidit Scripturam quandam, idest, audiunt misericordie eius verba.

Manuscriptus habet, Idest audiuit misericordie eius verba, sic etiam infra legimus, Aliam Scripturam vidit, idest audiuit, quo loco Lector aduertat verbum videre interdum sumi pro audire: sic etiam in sacris litteris vnu pro alio sumitur frequenter, ut Exodi 20. Populus autem videbat voces, hoc est audiebat, sic etiā 2. Cor. 12. Paulus audiuit arcana verba, ibi namq. audire, est videre, quia tunc Apostolus per eam visionem, in structus est de mysterijs gratie, itaquæ per doctrinam altissimam agisterij.

VERBA DOCTRINÆ VIRGINIS
gloriosæ ad filiam de spirituali, &
temporali sapientia, & quam ipsarum
quis debeat imitari, & qualiter spiri-
tualis sapientia post paucos labores
ducit hominem ad perpetuam con-
solationem, temporalis verò ad æter-
nam damnationem.

C A P. XXII.

MARIA loquebatur. 1 Scri-
bitur, quod qui vult sapiens
esse, addiscat sapientiam à
sapiente. Vnde per exem-
plum dico tibi, quasi esset
vnus, qui volens addiscere sapientiam,
vidit duos magistros ante se stare, ad
quos ait. Libentissimè addiscerem sa-
pientiam, si scirem, quo me duceret,
qualem haberet vtilitatem, & qualem
finem. Respondit alter magistrorum, si
meam sapientiam sequi volueris, ducet
te in altissimum montem, sed in via du-
ritia lapidū est sub pedibus, difficultas,
& præruptum est in ascensu. Si labora-
ueris in ista sapientia, habebis quod ex-
terius est tenebrosum, sed intus fulgidū.
Si tenueris eam firmiter, habebis quod
vis. Sed quasi circulus circumuoluitur,
& attrahet te sibi magis, ac magis dulci-
ter, ac dulcius, donec lætitia ab omni
parte tempore suo perfundaris. Secun-
dus magister ait. Si sapientiam meam
secutus fueris, ducet te in vallem flori-
dam, & ex omni terræ fructu amenam.
Mollicia est in via sub pedibus, & in de-
scensu modicus labor. Si perstiteris in
ista sapientia, habebis quod extra est ful-
gidum, sed cum frui eo volueris, fugiet à
te, habebis etiam quod non durat, sed
statim finitur, & cum liber perlectus
fuerit, simul, & liber, & lectura annihila-
tur, & vacuus relinqueris. Quibus
auditis cogitabat ille secum. Audio hic
duo mirabilia, si ascendero in montem
debilitantur pedes, & grauatur dorsum.

Si verò obtinuerò, quòd extra est obscu-
rum, quid mihi prodest? Si autem la-
borauerò, in quod nullum habebit finē,
quando tunc erit consolatio? Alter quo-
que magister promittit, quod fulgidum
est extra, sed non mansurū, & sapientiam
cum lectura finituram. 2 Quæ ergo
mihi in istis vtilitas, si carent stabili-
tate? Cumq. sic cogitabat in animo,
affuit ex improviso quidam homo inter
duos magistros, & ait. Licet mons al-
tus est, & difficilis est in ascensu, tamen
supra montem nubes est lucida, ex qua
habebis refrigerium. Si autem, quod
promittitur exterius est tenebrosum,
frangi quidem potest. 3 & sic obrine-
bis aurum, quod intus latet, quod cum
læticia æternaliter possidere. Duo isti
magistri duplex est sapientia, spiritualis
videlicet, & carnalis. Spiritualis est, vo-
luntatem propriam Deo relinquere, &
toto desiderio, & opere in cælestia su-
spirare. Non enim veraciter sapientia
dici potest, nisi cum verbis concordet
opus, hæc sapientia ducit ad vitam bea-
tam. Sed ista sapientia est petrosa in per-
ueniendo, & prærupta in ascendendo.
Durum quippe est, & petrosam videtur,
affectionibus suis resistere. Præruptum
est conserta delectabilia calcare, mundi
honorem non amare. Quamuis autem
sic difficile est. Attamen quicumque
cogitat secum, quia tempus breue est, &
mundus finiturus, animumq. constan-
tè firmauerit ad Deum, huic supra
montem apparebit nubes, idest, consola-
tio Spiritus sancti. Is denique erit di-
gnus consolatione, qui non alium con-
solatorem querit nisi Deum. Quomo-
do enim incepissent tam ardua, & amara
omnes electi Dei, nisi bonæ voluntati
hominis, tanquam instrumento bono
cooperatus fuisset spiritus Dei? Hunc
autem spiritum adduxit eis voluntas bo-
na, inuitauit diuina charitas, quam ha-
bebant ad Deum, quia laborabāt volun-
tate, & affectu, donec opere hæbāt fortes.

Ade-

Adepta verò consolatione spiritus, obtinebatur, & mox aurum diuine delectationis, & charitatis, qua non solum patiebantur multa contraria, sed in patientia considerata retributione delectabantur. Hæc delectatio videtur mundi amatoribus tenebrosa, quia diligunt tenebras: Dei verò amatoribus lucidior est Sole, & fulgentior auro, quia frangunt tenebras vitiorum, & ascendunt in montem patientiæ, contemplantes nubem consolationis, quæ non finitur, sed incipit in presenti, & quasi circulus circumuoluitur, donec venerit ad perfectionem. Mundi verò sapientia ducit ad vallem huius miseriæ, quæ florida videtur in abundantia rerum, amena in honoribus, mollis in voluptate. Ista sapientia citius finietur, nec aliquid plus vtilitatis habet, nisi quod solummodò videbat, & audiebat. Ergo filia mea inquire sapientiam à sapiente, idest, à filio meo. Ipse quippè est sapiens, à quo est omnis sapientia, circulus ille ipse est, qui nunquam terminatur. Ego clamo ad te, quasi mater ad filium, dilige sapiëntiã, quæ intus est, quasi aurum extra contemptibilis, intus feruens charitate, extra laboriosa, & opere fructuosa, & si turbaris ex onere, spiritus Dei erit consolator tuus. Accede, & conare tanquam homo progrediens donèc assuescit, non retrocedas, donec venias ad môtis summam. Nihil enim tam difficile est, quod in continuatione stabili, & rationabili non erit facile. Nihil tam honestum in principio aggressionis, quod ex imperfectione consummationis non obfusceatur. Ergo accede ad spiritualem sapientiam, hæc ducet te ad labores corporis, ad mundi contemptum, ad modicam tribulationem, & perpetuam consolationem. Mundi verò sapientia fallax est, & pungitiua, hæc ducet te ad temporalium congregationem, & ad præsentem honorem, sed in fine ad maximam infelicitatem, nisi sollicitè prouideatur, & caueatur.

Scribitur, quod qui vult sapiens esse, addiscat sapientiam à sapiente.

Sic enim Ecclesiastici c. 8 legimus, Ne despicias narrationem Presbyterorum Sapientum, & in prouerbijs eorum conuersare, ab ipsis enim discas sapientiam, & doctrinam. Hoc loco de spiritali, & temporalis sapientia agitur, & vtriusque discrimen diligenter excutitur, acque eas adinuicem differre potissimum docet Beatissima Virgo hic. Primum quidè, quia spiritalis sapientia aliqualem in principio videtur habere laborè, in fine tamen quietem maximam, ac gustum affert, temporalis verò è contra in initio voluptates pollicetur, in fine tamen animi sollicitudinem, & rancorem præstat. Secundo, quia spiritalis sapientia ducit homines ad æternam requiem, temporalis verò ad perpetuam damnationem: describitur autem hic, circa medium presentis Capituli spiritalis sapientia, & dicitur, quod est, voluntatem propriam Deo relinquere, & toto desiderio, & opere ad cælestia suspirare, & hanc sapientiam appellat primam scientiam D. Greg. Nazianz. in Apolog. quæ aliud non esse tradit ibi, quàm vitam laudabilem, & apud Deum mentem puram, per quam puri puro iunguntur, & sancti sancto sociantur, sed D. Leo. serm. de Epiphania Domini scribit, diuinam hanc sapientiam, non in abundantia verbi, nec in astutia disputandi, neque in appetitu laudis, & gloria, sed in vera humilitate consistere: plura etiam de illa habet August. lib. 14. de Trinit. cap. 11. Qualis autem temporalis sapientia sit, explicat D. Greg. lib. 10. Moral. c. 27. exponens illud Iob 12. Deridetur iusti simplicitas: Sapientia (inquit) mundi est cor machinationibus tegere, sensum verbis velare, quæ falsa sunt vera ostendere, quæ vera sunt, falsa demonstrare, quæ de re suæ agit D. Bernard. serm. 36. in Cant. & Paul. Apost. 1. Cor. 2. hanc vocat sapientiam huius seculi, Sapientiam (inquit) non huius seculi, neque Principum huius seculi, qui destruuntur, sed loquimur Dei sapientiam in ministerio, quod absconditum est. Ceterum hæc temporalis sapientia

tia à B. Iacobo Apostolo in sua Canonica c. 3. appellata est terrena, animalis, & diabolica. Terrena quidem, inquantum, per eam anima terrenam gloriam quarit, & procedit ex concupiscentia oculorum. Animalis verò inquantum procedit ex concupiscentia carnis. Postremò diabolica dicitur, inquantum per Demonis suggestionem comparatur, vel quia procedit ex superbia vite, & idèò mundana sapientia vocatur, quia omnia, quae sunt in mundo, ad ista tria reducuntur, sic annotarunt Lyranus, & Beda Iacobi 4.

2. *Et aliquanto post, ubi in vulgatis legitur,*
var. *Quæ ergo mihi in istis utilitas, si carent*
lect. *stabilitate.*

Farnesianus Codex M.S. habet, *Quæ ergo in istis stabilitas, si desit utilitas, sed vulgata lectio magis probatur, & quadrat textui, quandoquidem agitur de temporali sapientia, quam non habere stabilitatem aliquam, & citò perituram supra legimus.*

3. *Et sic obtinebis aurū, quod intus later,*
var. *quod cum legitia æternaliter possidere.*
lect.

Hic desideratur verbū poteris, quod Farnesianus Codex addit; Et legit; quod cum legitia æternaliter possidere poteris.

VERBA VIRGINIS GLORIOSÆ
suae humilitatis declarationis ad filiam, & qualiter humilitas per mantellum designatur, & de conditionibus verè humilitatis, & de eius fructu mirabili.

CAP. XXIII.



MULTI mirantur, cur tecum loquor. Certè idèò, ut humilitas mea ostendatur. Sicut enim cor de membrò corporis infirmo non gaudet, antequam iterum receperit sanitatem, & recepta sanitate plus lætatur. Sic ego quantumcumque homo peccat, si ex toto corde, & vera emendatione ad me reuersus fuerit, statim parata sum recipere reuerentem. Nec attendo quantum peccauerit, sed cum

quali intentione, & voluntate redit. Ego vocor ab omnibus Mater misericordiæ, verè filia, misericordia filij mei fecit me misericordem, & misericordia eius visa, compatiemem. Idèò miser erit, qui ad misericordiam, cum posset, non accedit. Ergo tu filia mea veni, & absconde te sub mantello meo, hic est exterius contemptibilis, intus verò utilis propter tria. Primò obumbrat ad aere tempestuoso. Secundò munit à frigore vrente. Tertiò defendit contra nubium imbrem. Hic mantellus humilitas mea est, hæc videtur à mundi amatoribus valde contemptibilis, & superstitiosa ad imitandum. Quid enim contemptibilius est, quam vocari fatua, & non irasci, vel verba reddere? Quid despectius, quam omnia relinquere, & omnibus indigere? Quid dolorosius apud mundiales, quam iniuriam suam dissimulare, & omnibus credere, & tenere indigniorem, & humiliorem? Talis ò filia erat humilitas mea, hoc gaudium meum, hæc voluntas tota, quæ nulli nisi filio meo placere cogitabam. Verùtamen hæc humilitas frequentibus me valet ad tria. 1. Primò pro aere corruptiuo, & tempestuoso, idest pro opprobrio hominum, & despectione. Sicut enim aer impetuoso, & fortis, ab omni parte impellit hominem, & infrigidat, sic hominem impatientem, & futurorum inconsiderantium, opprobria faciliè deiiciunt, & animum à charitate remittunt. Sed quicumque ad humilitatem meam sedulè attendit, cogitet qualia ego domina omnium audiui, quærat laudem meam, non suam. Consideret, quòd verba non sunt, nisi aer, & mox habebit refrigerium. Ut quid enim mundiales tam impatientes sunt ad verba, & opprobria, nisi quia plus quærunt laudem propriam, quam Dei, & humilitas in eis est nulla, quia obturatum habent oculum à peccatis. Ergo quamuis iustitia scripta dicit, verba contumeliosa non debere audiri, sine cau-

causa, vel sustineri, virtus tamen est, & merces; illata patienter propter Deum, audiuisse, & sustinuisse. Secundò humilitas mea defendit à frigore vrente, idest ab amicitia carnali. Est enim quadam amicitia, qua diligitur homo propter præsentia ista, sicut illi, qui loquuntur sic, Ciba tu me, & ego te in præsenti, quia non curo quis te cibabit post mortem. Honora tu me, & ego te, nam pro minimo est mihi, qualis sequatur honor futurus, hæc enim est amicitia frigida absque calore Dei, dura quasi nix congelata in amore, & cum passione proximi indigentis. Infructuosa ad præmium. Dissuncta enim societate, & deposita mensa, statim dissoluta est omnis amicitie utilitas, & fructus euacuatus. Quicumque verò humilitatem meam imitatur, ipse benefacit omnibus propter Deum, tam inimicis, quam amicis. Amicis, quia in honore Dei stabilitè persistit. 2 Inimicis verò, quia creatura Dei sunt, & fortè futuri boni. Tertio defendit humilitatis meæ consideratio ab imbribus, & immunditia aquæ, quæ procedit de nubi-
 2
 var.
 lect.

bus. Vnde enim procedit nubes, nisi de humore, & vaporibus procedentibus de terra, quæ cum calore ascendentes in æthelum, densantur in superioribus, & sic fiunt indè tria, scilicet, pluuia, grando, & nix: Hæc nubes corpus hominis significat, quod de immunditia procedit. Habet autem corpus tria secum, sicut & nubes secum. Habet enim corpus audire, videre, & sentire. Ex eo enim, quòd corpus habet videre, concupiscit ea, quæ videt, concupiscit bona, & pulchras facies, concupiscit latas possessiones. Quid autem sunt omnia ista, nisi quasi quadam pluuia procedens de nubibus, maculans animum in affectu congregationis, inquietans per sollicitudines, distendens per inutiles cogitationes, & perturbans in congregatorum amissione. Ex eo verò, quòd corpus habet audire, libenter audit honorem proprium, mundi ami-

citiam. Audit quæcunque corpori sunt delectabilia, animæq. nocua. Hæc omnia quid aliud sunt, nisi quasi nix citius dissoluenda. Frigidam faciens animam ad Deum, & obduratam ad humilitatem. Ex eo verò, quòd corpus habet sentire, sentit libenter suam voluptatem, & corporis quietudinem, hoc quid aliud est, nisi quasi grando ex aquis immunditiæ congelata, animam infructiferam reddens ad spiritualia, fortem ad mundalia, & mollem ad corporis oblectamenta. Ergo quicumque ab hac nube defendi desiderat, confugiat ad humilitatem meam, & imitetur eam. Per hanc enim defenditur à cupiditate visus, nè concupiscat illicita. Defenditur à delectatione auditus, nè audiat contra veritatem. Defenditur à voluptate carnis, nè succumbat in illicitis motibus. Verè dico tibi, quòd humilitatis meæ consideratio ipsa est tanquam bonus mantellus calefaciens portantes se, eos scilicet, qui non solum eum portant cogitatione, sed & opere. Non enim calefacit mætellus corporalis, nisi portetur. Nec humilitas mea proficit eam cogitantibus, nisi & pro modulo suo vnusquisque studuerit eam imitari. Ergo filia mea indue te hac humilitate pro viribus tuis, quia mulieres mundi mantellos portant, qui extra habent superbiam, intus verò modicam utilitatem. Has vestes omnino fuge, quia nisi vilescat tibi prius amor mundi, nisi continuo pensaueris circa te Dei misericordiam, & tuam circa eum ingratitude, nisi cogitaueris semper ea, quæ fecisti, & quæ facis, & qualem sententiam iudicii pro his mereris, non poteris apprehendere mantellum humilitatis meæ. Vt quid enim ego me tantum humiliabam, aut vnde promerui tantam gratiam, nisi quia cogitavi, & scivi me, nihil à me esse, vel habere? Ideò & nolui laudè meam, sed solius datoris, & Creatoris. Ergo filia fuge ad mantellum humilitatis meæ, & cogita te peccatricem super alios.

Quia

Quia etiam si aliquos videris malos, ne-
scis quid eis cras futurum est, ne-
scis etiam qua intentione, & qua scientia
hoc faciunt. Vtrum infirmitate, an in-
dustria. Ideò nullis te praeferas, nullisq;
in corde tuo debes iudicare.

N O T A E.

¹ **P**RO acre corruptiuo, & tempestuoso.
^{var.} *Sic habent omnia impressa exemplaria.*
^{l.c.} *M. S. Pro acre corrupto.*

² *Et aliquanto post, ubi legitur.* Inimicis
^{var.} verò, quia creatura Dei sunt, & fortè fu-
^{l.c.} turi boni.

Hic addendum esse arbitror cum M. S.
Participes erunt, quia aliàs ex illis verbis
nullus sensus haberi potest.

VERBA EXORTATIONIS VIRGINIS

ad filiam quærimoniam inuenticia de
paucitate suorum amicorum, & qua-
liter Christus loquitur ad ipsam in-
quiens, quòd per flores intelliguntur
eius sacra verba, & in quibus talia
verba habeant fructificare.

C A P. XXIV.



MARIA loquebatur; Vbi
magnus exercitus esset;
quicunque procederet iux-
ta eum, habens dorsum
suis grauatū aliquo ma-
gno pòdere, & brachia similiter, & ocu-
los plenos lacrymis, respiceret ad exer-
citum, si fortè esset aliquis, qui com-
pateretur ei; & releuaret onus. Talis ego
eram, nam ego plena fui tribulatione à
natiuitate filij mei, vsque ad mortem
eius. Ego in dorso meo portauī maximū
onus, cū labori diuino iugiter instabam,
& omnia aduentientia mihi portabā pa-
cienter. Inter brachia mea tolerabam
onerofum pondus, cū tribulationem,
& dolorem cordis vltra omnem creatur-

rā patiebar. Ego habui oculos meos ple-
nos lacrymis, quando considerabam in-
membris filij mei loca clauorum, & pas-
sionem eius futuram, & cū viderem
in eo omnia compleri, quæ audiebam à
Prophetis vaticinata. Sed nunc respicio
ad omnes, qui in mūdo sunt, si fortè sint
aliqui, qui compatiantur mihi, & reco-
gitent dolorem meum; & valde paucos
inuenio, qui cogitant tribulationem, &
dolore meū. Ideò filia mea, licet à multis
oblita, & neglecta sim, tu tamen nō obli-
uiscaris mei, vide dolore meū, & imitare
quātum potes. Considera dolores meos,
& lacrymas, & dolo, quia amici Dei pauci
sunt. Sta stabilis, ecce filius meus venit.
Qui statim venies ait. Ego sū Deus tuus,
& Dominus, qui loquor tecū. Verba mea
sunt, quasi flores arboris bonæ, & quāuis
omnes flores de vna radice arboris pro-
deunt, non tamen omnes flores veniunt
ad effectum fructus. Sic verba mea sunt
quasi quidam flores de radice charitatis
diuinæ procedentes, quæ quidē multi sus-
cipiunt, non tamen in omnibus faciunt
fructum, nec in omnibus maturescunt.
Quia quidam suscipiunt ea, & retinēt ad
tempus, & sic postea rejiciunt, quia spiri-
tui in eo ingrati sunt. Quidam suscipiunt,
& retinēt, quia charitate pleni sunt, & his
faciunt fructū deuotionis, & sanctæ ope-
rationis. Tu ergo sponsa mea, quia iure
diuino mea facta es, oportet te habere
tres domos. In prima debent esse necessa-
ria, quæ intrant in corpus. In secunda ve-
stes, quæ vestiant corpus exterioris. In ter-
tia necessaria instrumenta ad utilitatem
domus. In prima debent esse tria, primò
panis, secundò corpus, tertio equulū. In se-
cunda domo debent esse etiā tria. Primò
vestimentū lineum, secundò lancē, tertio
quod sit de opere verum. In tertia domo
etiā tria. Primò instrumenta, & vasa,
quæ implenda sunt liquore, secundò in-
strumenta viuientia, quibus promouetur
corporalia, vtpotā equi, asini, & similia,
tertiò instrumēta, quæ per viua mouetur.

VER-

VERBA ADMONITIONIS CHRISTI
ad sponsam de promissione in tribus
domibus fienda, & quomodo bona
voluntas per panem, præmeditatio
diuina per potum, sapientia diuina
per edulium designantur, & qualiter
sapientia diuina non in litteratura
est, sed in corde, & vita bona.

CAP. XXV.

EGO ipse, qui loquor te-
cum, sum Creator omnium,
& à nullo creatus. Ante
me nihil erat; nec post
me aliquid esse poterit,
quia ego semper eram, & semper sum.
Ego etiam sum Dominus, cuius poten-
tiæ nullus resistere poterit, & à qua est
omnis potestas, & dominatio. Ego lo-
quor tibi, sicut vir loquitur ad uxorem
suam. Vxor mea, nos debemus habere
tres domos. In vna debet esse panis, &
potus, & edulium. Sed potes quærere
quid notat panis iste? Nunquid noto
panem, qui in altari est? hic vtique antè
verba illa. Hoc est corpus meum, panis
est, sed dicto verbo illo, non est panis,
sed corpus meum, quod de Virgine
sumpsi, & in Cruce veraciter crucifixum
est, hunc ego non noto hic, sed panis,
quem in domum nostram congregare
debemus, est voluntas bona, & sincera.
Corporalis panis si mundus, & purus est,
duo bona habet. Primò confortat, &
dat venis, arterijs, & neruis omnibus
fortitudinem. Secundò recipit ad se
omnem putredinem interiorem, & cum
hac discedit, & in fecesum vadit, & ho-
mo emundatur. Sic voluntas pura, pri-
mò confortat. Nam si homo nihil vult,
nisi quæ Dei sunt, nihil laborat, nisi ad
honorem Dei, toto desiderio desiderat
exire de mundo, & esse cum Deo. Hac
voluntas confortat hominem in bono,
augmentat amorem Dei, facit ei mun-
dum vilescere, patientiam fortificat, &

spem gloriæ adipiscendæ roborat, in-
tantum, quod omnia aduenientia hilar-
riter amplectitur. Secundò voluntas
bona omnem putredinem extrahit.
Quæ est putredo nocens animæ, nisi su-
perbia, cupiditas, & luxuria? Sed cum
putredo superbiæ, vel alicuius alterius
vitij venerit in mentem, tunc discedit si
homo cogitat sic. Superbia vana est,
quia non decet accipientem laudari de
bonis datis, sed datorem. Cupiditas
vana est, quia omnia terrena relinquen-
tur. Luxuria non est nisi sceler, propte-
rea nolo eam, sed magis volo sequi vo-
luntatem Dei mei, cuius præmium non
finietur, cuius bona nunquam verten-
seunt. Tunc omnis superbiæ, & cupi-
ditatis tentatio discedit, & voluntas bona
in bono perseverat. Potus, quem debe-
mus habere in domibus nostris, est di-
uina præmeditatio in omnibus agendis.
Corporalis enim potus, duo bona habet.
Primò facit bonam digestionem. Qui-
cunque enim aliqua bona facere propo-
nit, si considerat se cum, & diligenter re-
uoluit priusquam faciat, quis honor Dei
ex hoc prouenit, quæ utilitas ad proxi-
mum, quæ commoditas ad animam, &
noluerit facere, nisi aliquam utilitatem
diuinam in opere suo perpenderit esse.
Tunc opus illud habebit bonum processum,
quasi bonam digestionem. Tunc
si qua indiscretio in opere faciendo oc-
currere poterit, citius deprehenditur.
Tunc si quid distortum fuerit, citius cor-
rigitur, & opus suum rectum, & ratio-
nabile, & edificatiuum, coram homini-
bus erit. Nam qui in opere suo diuinam
præmeditationem non habet, nec utili-
tatem quærat animæ, & honorem Dei,
etiam si opus suum processum habebit
ad tempus, in fine tamen nisi corrigatur
intentio erit in nihilum. Secundò po-
tus extinguit sitim, quæ est sitis peior,
quam peccatum prauæ cupiditatis, &
iræ. Et si homo præmeditatur, quæ
indè prouenerit utilitas, quam misere fi-
nitur,

nitur, quæ remuneratio si reficitur, mox per gratiam Dei extinguitur sitis illa: praua, accedit ardor diuinæ charitatis, & boni desiderij, surgit lætitia, ex eo quod non fecit ea, quæ venerunt in mentem eius. Inquiri occasionem, quomodo ea de cæterò poterit cauere, quibus supplantatus fuisset, nisi succurrisset præmeditatio, & sollicitior fiet de cæterò in cauendo talia. Hic sponsa mea est potus, qui in fiscum nostrum debet congregari. Tertiò debet ibi esse edulium, hoc facit duo. Primò facit in ore meliorem saporem, & melius conuenit corpori, quàm si esset solus panis. Secundò facit delicatorem carnem, & meliorem sanguinem, quàm si esset solus panis, & potus. Sic etiam spirituale edulium facit.

3. 3. Quid est autem edulium hoc? vtrique sapientia diuina. Quicumque enim habet bonam voluntatem nihil volens, nisi quæ Dei sunt, & diuinam præmeditationem, nihil faciendo, nisi prius nouerit ibi honorem Dei, huic sapit valde benè sapientia. Nunc potes quærere, quæ est diuina sapientia? Multi enim sunt simplices, qui nesciunt nisi vnum, scilicet Pater noster, & hoc vix rectum. Alij sunt magnæ litteraturæ, & profundæ scientiæ. Nunquid est diuina sapientia? Nequaquam. Diuina enim sapientia, non est præcisè in litteratura, sed in corde, & bona vita. Quicumque cogitat sedulè viam ad mortem, qualitatem ipsius mortis, & iudicium post mortem, hic sapiens est. Quicumque abiicit à se vanitatem mundi, & superflua, quicumque contentatur de solis necessarijs, & laborat in amore Dei quantum potest, hic habet edulium sapientiæ, quo voluntas bona, & diuina præmeditatio sapiunt melius. Quando enim homo cogitat mortem, & in mortem nuditatem, quando enim homo perperdit iudicium Dei terribile, vt nihil occultatur, nihil dimittitur impunitum, quando & cogitat mundi instabilitatem, & vanitatem. Nun-

quid non tunc gaudet, & dulciter sapit in corde reliquisse volutatem suam Deo, & abstinuisse se à peccatis? Nunquid non tunc confortatur caro, & sanguis melioratur, idest omnis infirmitas animæ, scilicet accidia, & morum dissolutio propellitur, sanguis diuinæ charitatis fit recentior? Quia considerat rationabilius forè diligenda ea, quæ æterna sunt, quam quæ casura. Ergo diuina sapientia non est præcisè in litteratura, sed in bono opere, quia multi sapientes sunt secundum mundum, & ad desideria sua, sed omninò insipientes sunt ad Dei mandata, & voluntatem eius, & refrenationem corporis sui. Et hi non sunt sapientes, sed insipientes, & cæci, quia sciunt ea, quæ casura sunt, & ad momentum vtilia. Æterna verò despiciunt, & obliuiscuntur. 4. Alij sunt insipientes ad mundi delectabilia, & honorem eius, & sapientes ad considerandum quæ Dei sunt, seruantes in obsequio eius. Hi veraciter sapientes sunt, quia sapit eis præceptum Dei, & voluntas eius. Isti veraciter illuminati sunt, & apertos habent oculos, quia semper considerant quomodo veniant ad veram vitam, & veram lucem. Alij verò ambulant in tenebris, & delectabilius eis videtur, esse in tenebris, quàm viâ inquirere, per quam venire possent ad lucem. Propterea sponsa mea congregemus in domos nostras hæc tria, scilicet bonam voluntatem, præmeditationem diuinam, & diuinam sapientiam. Hæc enim sunt, ex quibus lætari debemus, licet autem te moneo, attamen omnes electos meos in mundo in te noto, quia anima iusti sponsa mea est, ego enim Creator sum, & Redemptor.

NOTÆ.

1 **S**ed potes quærere, quid notat panis iste, nunquid noto panem, qui in Altari est hic, utique ante verba illa; Hoc est corpus meum, panis est, sed dicto verbo illo, non est panis, sed corpus meum.

De transubstantiationis materia, & quæ ratione de ea loquendum sit, & de propositionibus quibusdam, quæ vel concedenda, vel neganda sunt egimus supra Lib. 1. Cap. 48. Nota 3. ubi à nobis afferuntur plura, quæ ad intelligentiam huius textus facere videntur.

2 Sed panis, quem in domum nostram congregare debemus, est voluntas bona, & sincera.

Quemadmodum eorum, quibus homo nutritur, & pascitur, panis præcipuum est alimentum, cuius consueverunt homines tempore messis tantundem sibi providere, quantum eo anno illi sufficere possit ad victum: ita quoque Christiano homini toto vitæ suæ tempore voluntas bona, veluti quodam alimentum necessarium est, sine qua spiritualem vitam traducere nequaquam potest, quandoquidem ab optima voluntate concurrente gratia Dei, bona emanant opera, mala vero à prava: atque hunc esse panem, quem comeditur inimicum scripsit Hierem. c. 5. Diabolus enim panem nostrum, hoc est, opera bona peccantibus nobis comedit, & aufert, quod etiam annot. D. Aug. ferm. Domini in Monte 2. Lyranus, & Gloss. ordin. in loc. cit. Hieremia, et hic est panis bonæ voluntatis, cuius hic mentio fit, quem in domum nostram congregare debemus.

3 Quid est autem edulium hoc, utique sapientia diuina.

Hoc loco non de rerum diuinarum cognitione agitur, quam homines sacrarum litterarum studijs sibi comparare student, nec de ea sapientia, quæ humanis rationibus queritur, sed quæ hominum operationibus comparatur, quæ in actione potius consistit, quam in contemplatione, quæque, ut ait D. Greg. Nazianz. in Apolog. de Virtutibus animi, commonet, & proloquitur, quæ plura in suis actibus, atque

operibus ostendit, fidemque verbis operum suorum ad stipulationem confirmat, hæc Greg. atque de hac sapientia Christum Dominum cum B. Brigitta loqui hic patet aperte, hoc eodem Capite aliquanto post his verbis. Diuina enim sapientia non est præcisè in litteratura, sed in corde, & bona vita. Et hanc eam esse arbitror, quam habere Paulus Apostolus profitebatur 1. Cor. 2. cum dicit, Non enim iudicavi me aliquid scire inter vos, nisi Iesum Christum, & hunc Crucifixum, unde Theod. exponens illud Hierem. 5. Sapientes sunt, ut faciant mala, illam asserit esse veram sapientiam, quæ cum timore Dei coniungitur, ubi autem insidia; & tergiversatio est, non sapientia, sed versutia, & calliditas vocatur.

4 Alij sunt insipientes ad mundi delectabilia, & honorem eius, & sapientes ad considerandum, quæ Dei sunt.

Ad horum intelligentiam notanda sunt, quæ tradit Origen. lib. 10. in Epistola ad Romanos cap. 16. ubi explanans illa verba Apostoli, Volo vos sapientes esse in bono, & simplices in malo, respondet obiectioni cuiusdam, qui quærebat quomodo fieri posset, & unus, & idem sit sapiens, & insipiens, prout etiam legimus hic. Respice (inquit) ad artes illas, quæ in usum hominum habentur, quomodo ille, qui sapientissimus est grammaticus, in arte fabrilis insipientissimus est, vel rursus sapientissimus gubernator, quomodo in arte medicine inuenitur insipiens, sic ergo possibile est aliquem in his, quæ ad Deum pertinent, esse sapientem, in his vero quæ ad seculum insipientem. hæc tenet Origenes. Ex cuius verbis, præsentis Notæ sensus aperte colligi potest, quibus & nos addimus, sapientem esse in bono, ut dicit Apostolus, aliud non esse, quam sapientem se exhibere ad considerandum, quæ Dei sunt, discernendo etiam pretiosum à vili, virtutem à vitio, verum à falso: simplicem vero in malo, est esse insipientem ad mundi delectabilia, hoc est, ignarum, nec aptum ad ea, ita ut nec per approbationem sciamus ea, nec per sedulam inquisitionem discamus, nec per operationem experiamur.

VERBA ADMONITIONIS VITÆ

Virginis ad filiam, & Christi ad sponsam, de vestimentis habendis in secunda domo, & qualiter per talia vestimenta pax Dei, & proximi, & opera misericordiæ, & abstinentia pura designantur, & omnium istorum declaratio optima.

CAP. XXVI.



MARIA loquebatur. Imprime tibi monile passionis filij mei, sicut ille sanctus Laurentius impressit sibi. Ipse enim cogitabat quotidie in mente sua sic, Deus meus ipse est Dominus meus, ego verò seruus. Ipse Dominus Iesus Christus fuit nudatus, & derisus, quomodo ergo decet, ut ego seruus vestiari delicatioribus? Ipse fuit flagellatus, & affixus ligno, non decet ergo, ut ego qui seruus sum, si verè seruus sum, sim absque dolore, & tribulatione. Cum igitur super prunas extenderetur, & cum adeps liquidus in ignem decurreret, & omnia membra ignis inflammaret, respexit oculis in cælum dicens. Benedictus sis tu Deus meus, & Creator meus Iesu Christe, ego cognosco me non bene in diebus meis vixisse, cognosco etiam me in honore tuo modicum fecisse. Ideò quia misericordia tua maxima est, rogo te, ut facias mecum secundum misericordiam tuam, & cum isto verbo anima à corpore separata est. Ecce filia mea, qui tantum filium meum dilexit, qui talia pro honore eius passus est, adhuc indignum se dixit obtinere cælum. Quomodo ergo illi digni sunt, qui secundum voluntatem suam viuunt? Propterea considera semper passionem filij mei, & Sanctorum eius. Non enim sine causa tanti passi sunt, sed ut alij exemplum viuendi darent, & ut ostenderent quātam distributionem filius meus pro peccatis exiger, qui non minimum peccatum vult esse

sine emendatione. Deinde filius veniens loquebatur spoliis dicens. Dixi tibi prius, quæ debent esse in domibus nostris. Inter cætera enim debent tibi esse vestes sub triplici genere. Primo vestimentum lineum, quod nascitur, & crescit de terra. Secundo pelliceum, quod fit de animalibus. Tercio sericum, quod fit de vermibus. Lineum vestimentum habet duo bona. Primo molle est, & lene ad nuda corporis. Secundo non perdit colorem suum, sed quò frequentius abluitur, tantò fit mundius. Secundum vestimentum, scilicet pelliceum etiam habet duo. Primo cooperit turpitudinem. Secundo calefacit contra frigus. Tertium vestimentum, scilicet sericum habet etiam duo. Primo videtur esse valde pulchrum, & delicatum. Secundò valde charum ad emendum. Lineum verò indumentum, quod ad nuda corporis habile est, notat pacem, & concordiam. Hanc debet deuota anima habere ad Deum, ut pacem habeat cum Deo suo, nihil aliud, vel aliter volendo, quàm quod Deus. Non exacerbandò eum per peccata, quia inter Deum, & animam non est pax, nisi peccare desistatur, & concupiscentia refrenetur. Debet etiam pacem habere ad proximum, scilicet non inferendo ei mala, succurrendo ei, si habet, sufferendo, si contra eum peccauerit. ¹ Quid enim infelicius distendit animam, quàm semper peccatum appetere, & nunquam eo repleti, semper desiderare, & nunquam quiescere? Quid verò amarior pungit animam, quàm contra proximum irasci, & bonis eius inuidere? Ideò pacem debet anima habere ad Deum, & ad proximum, quia nihil quietius esse potest, quàm quiescere à peccato, & non sollicitari de mundo. Nihil etiam lenius, quàm gaudere de bono proximi, & ei velle, quod sibi ipsi. Hoc quoque lineum indumentum debet esse ad nuda corporis, quia cordi, in quo Deus quiescere vult,

1
var.
lect.

2
var.
lect.

vult, pax vicinior inter ceteras virtutes, propinquius, & principalius inherere, debet. Hæc enim est virtus, quæ Deū inducit in cor, & introductum tenet. Quæ pax tanquam linum nascitur, & crescit de terra, quia vera pax, & patientia oritur de consideratione infirmitatis propriæ. Homo enim qui de terra est, consideret infirmitatem suam, scilicet quod statim irascitur, si offenditur, quod statim dolet, si læditur, & si sic cogitauerit, non faciat alteri, quod ipse non potest personaliter ferrè, cogitâdo secū, quia sicut ego, sic & proximus meus infirmus est. Sicut ego nolo talia pati, sic nec ipse potest. Tunc pax non amittit colorem suum, idest stabilitatem suā, sed eo fit constantior, quia consideratio infirmitatis proximi in se ipso, facit hominem beneuolè tolerare illata. Si autē per impatientiā pax denigratur aliquo modo, tantò fit candidior apud Deū, quanto frequētius, & citiūs lauatur per penitentiam. Fit etiā latior, & cautior ad ferēdū, quo plus exasperatur, & frequētius abluitur, quia gaudet de spe retributionis, quā sperat sibi futuram propter pacē, & eo sollicitiūs cauet sibi, nē per impatientiā cadat. Secundū vestimentum, scilicet pelliceum, notat opera misericordiæ. Quæ quidem vestimenta pellicea, sunt de pellibus mortuorū animalium. Quid sunt animalia, nisi sancti mei, tanquā animalia simplices? Horum pollibus debet tegi anima, idest opera misericordiæ eorū debet imitari, & facere. Hæc faciunt duo. Primò cooperiunt turpitudinē animæ peccatricis, & emundant eam, nē in cōspectu meo maculosa appareat. Secundò defendunt animā cōtra frigus. Quid est frigus animæ, nisi obduratio animæ ad amorē meū? Contra hoc frigus valēt opera misericordiæ, quæ vestiūt animam, nē frigore dissoluatur. Per hæc enim Deus visitat animā, & ipsa Deo semper viciniūs appropinquat. Tertium vestimentū, scilicet sericum, quod fit de vermibus, quod videtur valde cha-

rum ad emendū, notat abstinentiā purā. Hæc enim est pulchra in conspectu Dei, & Angelorum, & hominū. Ipsa est etiam chara ad emēdū, quia durum videtur homini coercere os suum à multiloquio, & vaniloquio. Durum videtur refrēnare carnis suæ cupiditatem, à nimia superfluitate, & delectabilitate sua. Durū etiā videtur contra volūtatem suam ire. Sed licet durū sit, est tamen vtile omnimodè, & pulchrum. Ideo sponsa mea, per quam intelligo omnes fideles, congregemus in secundam domum nostram pacem ad Deū, & proximū. Opera misericordiæ compatiendo, & subueniendo miseris. Abstinentiam à concupiscentijs. Hæc sicut charior ceteris, sic etiam pulchrior est alijs, in tantum, quod sine ea nulla videtur alia virtus esse pulchra. Quæ quidem abstinentia trahi debet de vermibus, indē cogitatione excessuum suorū cōtra Deum suum. De humilitate mea, & de abstinentia mea, qui factus sum similis vermi propter hominem. Consideret namq. homo in animo suo quomodo, & quoties contra me peccauerit, & qualiter emēdauerit, & inueniet in se, quod nulla abstinentia, & nullo labore suo sufficeret emendare, quoties cōtra me peccauerit. Perpendat etiam pœnam meam, & Sanctorum meorū, quare talia passi sumus, & intelliget veraciter, quod si tātam districtiōnem exegi à me, & sanctis meis, qui mihi obdierunt, quantò districtiōnem vltionem exigam ab eis, qui mihi non obediunt. Ergo bona anima assumat sibi abstinentiam libenter, recorderetur peccata sua, quam mala sunt, quæ quasi vermes rodunt animam, & sic de vilibus vermibus preciosum sericum congregabit, idest abstinentiam puram in omnibus membris suis. De qua Deus gaudet, & omnis cæli exercitus, & pro qua congregans merebitur æternum gaudium, qui, nisi ipsa subueniret, habuisset æternum luctum.

N O T A E.

1 **P**aulo ante medium huius Capituli, ubi im-
 var. preffo Codices habent, Quia inter Deū,
 lect. & animam non est pax, nisi peccare desi-
 flatur, & concupiscentia refragetur.

*M. S. Farnesianus legit, Nisi peccatum re-
 linguatur, & carnis concupiscentia refragetur.*

2 Et infra, quid enim infelicius disten-
 var. dit animam.
 lect.

*Corrige cum M. S. Quid enim infelicius
 destruit animam.*

3 Quid sunt animalia, nisi Sancti mei,
 tanquam animalia simplices.

Hoc loco animalibus viri sanctitate cons-
 piciuntur propter simplicitatem comparantur, quod
 esse proprium columbe Matth. 10. scribitur.
 Estote simplices, sicut columbe. Et huius rei
 causam esse arbitror, quoniam columba animal
 est sine felle non moribus seuum, non unguum
 laceratione violentum, sed mansuetum, &
 blandos habet oculos, & est dulcis aspectus, ita
 Sancti viri fellis carent amaritudine, nulli
 enim nocent, sed omnibus blandiuntur, pro il-
 latis iniurijs non iniurias, sed beneficia refe-
 runt, suntque moribus mansueti, ac ver-
 bis suaves, unde Beda lib. 1. de Templo Salo-
 monis, Iob describens simplicitatem de B. Iob
 inquit. Erat vir simplex, & rectus, simplex,
 per innocentiam mansuetudinis, rectus, per
 cautelam discretionis simplex, quia nullum
 ledere, immo prodesse desiderabat, rectus, quia
 se à nullo corrumpi patiebatur. Ceterum iusti
 viri alijs quoque animalibus ob eorum puri-
 tatem, ac vite integritatem comparari solent,
 & his precipue, quae offerri consueverant in
 sacrificio, quae animalia munda dicebantur, de
 quibus Levit. 27. sermo fit, sic tradunt, Orig.
 hom. 2. in Genesim, Tertull. de cibis Iudaicis,
 D. Thom. p. 2. q. 102. art. 3.

4 Qui factus sum similis vermi propter
 hominem.

Christum Dominum vermi similem esse
 palam fiet, si eius animalis generatio perpen-
 datur, vermis enim non per seminis aliquam
 decisionem generatur, sed ex terra simpliciter

producitur, quod etiam sic nominatur, quod
 sese torquendo vertat, & repat, ita prorsus
 Christus Dominus dicitur vermis Psalm. 21.
 Ego sum vermis, & non homo, quia non ex
 semine extrinsecus adueniente, sed de purissi-
 mis sanguinibus B. Virginis genitus est. Vnde
 D. Aug. super hunc versiculum dicit. Ego sum,
 non iam ex persona Adae loquens, sed ego pro-
 prie Iesus Christus sine semine in carne natus,
 ut essem in homine, ultra homines, ut vel
 sic dignaretur imitari humana superbia hu-
 militatem meam, & in exposit. secunda eius-
 dem Psalmi ad eundem versum sic habet.
 Quare ergo sic se abiecit, ut diceretur vermis
 an quia vermis, de carne sine concubitu nascitur,
 sicut Christus de Maria Virgine, & vermis
 tamen, non homo dicitur, quare vermis? quia
 mortalis? quia de carne natus, quia sine concubi-
 tu natus, quare non homo? quia, in principio erat
 Verbum, idem habet Epist. 49. ad Deo gratias,
 & Epist. 120. ad Honoratum, et tradit Orig.
 hom. 14. super Lucam. D. Dionysius de celesti
 Hierarchia c. 2. Hieron. super Psalm. 21. &
 ibidem Theodoretus, Cassiodorus, Iacobus
 de Valentia, & alij plures, vide infra de ea-
 dem re Lib. 4. Renelas. Cap. 99. Nota 1.

VERBA CHRISTI AD SPONSAM,
 de instrumentis in tertia domo repo-
 nendis, & qualiter per talia instru-
 menta, bonae cogitationes, sensus di-
 sciplinati, & vera confessio designan-
 tur, & omnium istorum optima de-
 claratio, & de clausura istarum do-
 morum in generali.

CAP. XXVII.

ILIVS Dei loquebatur ad
 sponsam dicens. Dixi tibi
 prius, quod in tertia domo
 deberent esse instrumenta
 sub triplici genere. Primo
 instrumenta, in quibus infundentur li-
 quores. Secundo instrumenta, quibus
 terra foris praepararetur, vtpotà rastrum,
 & securis; & huiusmodi, quibus contra-
 facta

facta restaurentur. Tertiò instrumenta viua, sicut asini, & equi, & similia, quibus, & viua, & mortua promoueantur. In prima autem domo, in qua sunt liquores, debent esse duo instrumentorum genera. Primò instrumenta, in quibus infundantur liquores fluidi, & dulces, sicut aqua, & oleum, vinũ, & huiusmodi. Secundo instrumenta, in quibus infundantur liquores amari, & spissi, sicut synapis, & farina, & consimilia. Nunquid potes tu intelligere, quid ista significant? Liquores certe significant cogitationes

- 1 animæ bonas, & malas. 1 Cogitatio enim bona est, sicut oleum dulce, & sicut vinum delectabile. 2 Cogitatio verò mala est, sicut synapis amara, quia amaram facit animam, & turbidam. Et sicut homo quandoq. habet necessè de liquoribus spissis, qui licet non multum proficiunt ad corporis sustentationem, prosunt tamen ad corporis, & cerebri purgationem, & sanationem. Sic etiam cogitationes malæ sunt, quia quamuis non impinguant, & fatiant animam, vt oleum bonarum cogitationum, tamen proficiunt ad animæ purgationem, sicut synapis ad purgationem cerebri. Nisi enim non, quandoq. interuenirèt cogitationes malæ, tunc homo esset Angelus, & non homo, & putaret homo omnia habere à se ipso. Ideò vt homo intelligat infirmitatem suam, quam habet à seipso, & fortitudinem quam habet à me, necessè est, vt permittatur ex magna misericordia, quandoq. tentari cogitationibus malis, quibus si homo non consentit, purgatio sunt animæ, & custodia virtutum suarũ. Et licet amaræ sint quasi synapis ad ferendum, tamen multum sanant animam, & ducunt eam ad æternam vitam, & sanitatẽ, quæ non potest haberi sine amaritudinibus. Ergo vasa animæ, vbi cogitationes bonæ reponentur, sedulè præparentur, & continuè mudentur, quia vile est, vt etiam cogitationes malæ adueniant propter probationem, & maius

meritum, laboret autem anima diligenter, nè consentiat eis, vel delectetur in eis. Alioquin dulcedo, & incrementum animæ effunderetur, & sola amaritudo remanebit. In secunda domo debent esse instrumenta etiam sub duplici genere. Primò instrumenta exteriora, quibus terra foris præparatur ad semen, & spinæ eradicentur, vtputa aratrum, & rastrum. Secundo instrumenta vtilia ad necessaria interiora, & exteriora, vtputa securis, & consimilia. Instrumenta autem quibus terra excolitur, significant sensus hominis, qui ad vtilitatem proximi, tanquam aratrum ad terram ordinandi sunt. Mali enim homines sunt sicut terra, quia terrena semper cogitant. Ipsi namq. sunt arida à compunctione pro peccatis suis, quia peccatum nihil reputant. Ipsi sunt frigidi in diuina charitate, quia nihil nisi suam voluntatem querunt. Ipsi sunt ponderosi ad agendum bona, quia alacres sunt, pro honore mundi. Ideò vir bonus istos excolere debet per sensus exteriores, sicut & bonus rusticus terram excolit per aratrum. Primò enim debet excolere per os suum, loquendo eis vtilia animæ, & informando ad viam vitæ. Deindè opere faciendo bona, quæ poterit, vt proximus informetur per verba, & excitetur ad faciendum bona. Deindè excolit reliquis membris proximum suum, vt fructifer fiat, scilicet oculis simplicibus, nè videat impudicæ, vt proximus impudicus addiscat in omnibus membris modestiam. Auribus suis excolat, nè audiat inepta, & pedibus, vt alacrer sit ad opus Dei. Huic terræ sic excolat; ego dans pluuiam gratiæ meæ per laborem excolentis tribuam, & gaudebit laborans de fructu terræ prius aridæ, cum ceperit germinare. Instrumenta verò quæ ad interiora præparanda necessaria sunt, sicut securis, & consimilia, significant intentionem discretam, & diuinam discussionem operis sui. Quia quicquid boni homo fecerit, non debet

facere propter honores, & laudem hominū, sed ex diuina charitate ad eternā retributionem. Ideo examinet homo diligenter opera sua, qua intentione, & qua mercede hæc fecit, & si inuenerit in opere suo aliquam superbiam, abscindat statim securi discretionis, vt sicut foris excolit proximum suum, qui quasi extradomum est, idest extra societatem amicorum meorū per opera mala, sic intus per diuinam charitatem fructificet sibi. Quia sicut opus rustici, qui non habuit instrumenta, quibus repararet destructa, citius erit in vacuum. Sic nisi discretā discretionē homo examinet opera sua, quomodo alleuietur, si laboriosa videntur, quomodo reparentur, si franguntur, non peruenient ad profectum. Propterea non solum laborandum est efficaciter exterius, sed & intus sollicitē cōsiderādū quomodo, & qua intentione laboratur. In tertia domo debent esse instrumenta viua, quæ promoueat mortua, & viua, scilicet equi, asini, & alia animalia. Hæc instrumenta sunt confessio vera. Ipsa enim est, quæ viua, & mortua promouet. Quid notat viuū, nisi animam, quæ a Deitate mea creata est; & in æternū viuūt. Ipsa enim per confessionē verā, quotidie magis, ac magis appropinquat Deo. Sicut enim animal, quo frequētius, & melius nutritum fuerit; tantō fortius est ad portandum, & pulchrius ad intue- dum. Sic & confessio, quo frequentius facta fuerit, & quanto diligentius, tam de minimis, quā de maximis, tantō magis animam promouet, & in tantū Deo placet, quod etiā animam in cor Dei inducit. 3 Quid autem significat mortua, quæ etiam confessio promouet, nisi opera bona, quæ per mortale peccatū moriūtur. Nam ipsa opera bona in mortalibus peccatis morientia, mortua sunt apud Deum, quia nullum bonū placere poterit Deo, nisi prius peccatum, vel voluntate perfecta corrigatur, vel opere. Nec in vno vase suaui, & fetentiā benē

conuenire poterunt. Si autem aliquis opera bona mortalibus peccatis mortificat, & verā confessionē de commissis assumpserit, cum volūrate emendādī, & cauendī de cætero, mox per confessionē, & virtutem humilitatis reuiuiscūt opera bona, quæ prius fuerunt mortua, & proficiunt ei ad salutem eternam, qui si moritur non facta confessione, opera ipsa bona, quæ mori, & adnihilari non possunt, nec tamen propter mortale peccatum eternā vitam mereri poterunt, proficiunt ei ad leuiorē penā, vel alijs ad salutē. Si tamē fecit ipsa opera bona cum diuina intētionē, & ad Dei honorem. Si verō fecit ipsa opera, propter honorem mundi, & ipsius utilitatē, tunc ipsa opera moriente factore moriūtur, quia mercedem suā recepit de mundo, pro quo laborauit. 4 Propterea sponsa mea, per quam intelligo omnes amicos meos, congregemus in domos nostras illas, vnde spiritaliter Deus vult delectari. cum anima sancta. Primō in domū primā, scilicet panem sinceræ voluntatis, nihil volendo, nisi quod Deus. Secundo post diuinā præmeditationis, nil agendo, nisi ibi cogitur Dei honor. Tertiō eduliū diuinæ sapientiæ, cogitando semper, quæ futura sunt, & quomodo præsentia ordinanda sunt. In secundā domū congregemus pacem à peccatis ad Deum, & pacem à rixa ad proximum. Secundum opera misericordie, quibus etiam opere viles simus proximo. Tertiō abstinentiam perfectam, qua coarceamus ea, quæ turbant; volunt pacem. In tertiā domū congregemus rationabiles, & bonas cogitationes ad ornandum domū nostram interiūs. Secundō sensus benē disciplinatos, & temperatos, ad lucendū amicis nostris exterius. Tertiō confessionem, veram qua si infirmamur, reuiuiscere possimus. Sed quamuis domus habeantur, non tamen possunt conferuari congregata in eis, nisi habeantur ostia, nec ostia possunt pendere sine cardini-

dinibus, nec serari sine feriis. Ideo vt cōgregata maneant salua, ponatur in domo ostium, scilicet spes firma, vt nullis frangatur aduersitatibus. Quæ spes habeat duos cardines, scilicet, vt homo non desperet de adipiscenda gloria, nec de fugiēdo supplicio, sed in omni aduersitate semper de misericordia Dei confidens, speret meliora. Sera autem ostij debet esse diuina charitas, qua muniatur ostiū, nē ingreditur inimicus. Quid enim prodest habere ostium sine sera? Quid spem sine charitate? Si enim quis sperat præsentia æterna, & desperat de Dei misericordia, non tamen diligit Deum, & timeret, ostium quidem habet quasi sine sera, per quod inimicus capitalis ingredi potest cū voluerit, & occidere. Sed spes recta est, vt qui sperat, faciat etiam bona, quæ potest, sine quibus non potest obtinere cælestia, si sciuit, & potuit facere bona, & noluit. Si verò quis excessisse se intelligit, vel non fecisse cū potuit, habeat bonam voluntatem faciēdi bona, quæ potest; & quod facere non poterit, & speret firmiter se ad Deum posse accedere, etiam per bonam voluntatem, & diuinam charitatem. Ergo ostium, idest spes muniatur diuina charitate, vt sicut sera multa habet intus retinacula, nē hostis aperiat, sic in diuina charitate sit quedam sollicitudo, nē Deus offendatur, sit charitativus timor, nē discedat ab eo. Feruor etiam igneus, quomodo Deus diligatur, & cura, quomodo imitetur. Sit etiam dolor, eò quod non sufficit tantum facere, sicut vellet, & sicut obligatum se intelligit. Humilitas quoque, qua homo, quod agit, reputat nihil respectu peccatorum suorum. His retinaculis muniatur sera, nē Diabolus faciliè seram charitatis aperiat, & immittat amorem suum. Clavis verò, qua aperitur, & clauditur sera, debet esse desiderium foliū Dei, conueniens cum diuina charitate, & diuino opere, vt scilicet nihil velit habere homo, etiam si posset, nisi Deum, &

hoc propter maximam charitatem eius. Hoc enim desiderium claudit Deum in anima, & animam in Deo, quia vna, vtriusque voluntas. Hanc verò clauem, vxor, & vir debent habere soli, idest, Deus, & anima, vt quoties Deus ingredi voluerit, & delectari in bonis, scilicet, animæ virtutibus, liberum habeat accessum per clauem stabilis desiderij. Quoties etiam anima ingredi voluerit ad cor Dei liberè possit, quia ipsa nihil desiderat nisi Deum. Hæc clavis custoditur per animæ vigilantiam, & humilitatis suæ custodiam, qua Deo adseribit omne bonum, quod habet, & custoditur etiam clavis hæc per Dei potentiam, & Dei charitatem, nē anima à Diabolo supplantetur. Ecce sponsa mea qualis charitas Dei est ad animam. Sta ergo firmiter, & fac voluntatem meam.

NOTÆ.

1. **C**ogitatio enim bona est sicut oleum dulce, & sicut vinum delectabile. Quemadmodum oleum optimum est cibi condimentum, quo deficiente, nec ferula sapium, nec collam comedentibus delectationem afferunt: ita quoque vinum, & gustui suauis est, & sua natura calidum, & quam plurimos generat spiritus: sic prorsus optima cogitatio, cæterarum virtutum est condimentum, sine qua opera bona Deo minimè placet, nec operanti Religiois feruor adijcitur, nec charitatis spiritus multiplicatur, immò totus frigidus, ac tepidus, sic operans manet, neque in spiritali vita quidquam proficit, & idcirco Diuus Hieronymus in Epistola ad Demetriadem admonet, vt assuescat animus sollicita semper, & perugili custodia, suas cogitationes discernere, & ad primum animi motum, vel probare, vel reprobare, quod cogitat, vt & bonas cogitationes alax, vel statim malas extinguat, hinc namq. ait, fons est boni, & origo peccandi.

2. Cogitatio verò mala est, sicut synopsis amara.

Synapsis herba est, aut semen quoddam, quod tritum, & contusum tantam habet acrimoniam, ut etiam frequenter lacrymas exciet comedenti, ita quoque cogitatio praua, quæ ut notauimus supra, cum sons sit, & radix malorum omnium, nobis veluti synapsis tristitia, ac lacrymarum causas affert.

Quid autem significant mortua, quæ etiam confessio promouet, nisi opera bona, quæ per mortale peccatum moriuntur.

Ad huius textus intelligentiam breuiter est notandum ex Scholasticis, opera nostra posse dici viua, mortua, viuificata, & mortificata; hæc autem dicuntur per comparationem ad illa, quæ in naturalibus sunt: ea enim nos viuere asseueramus, quibus inest principium vite, & vitalis operatio ab hoc emanans, ut brachium, vel quodpiam aliud membrum mouendo: mortuum verò, quod nec vite habet principium, nec operationem, habere tamen hæc poterat, ut homo mortuus: mortificata autem vocamus ea, quibus quidem vite est principium, deest tamen operatio ob aliquod impedimentum, ut stupidum membrum, quod non potest moueri ob aliquod impedimentum, habet tamen principium in se vitale, quod impedimentum si remoueretur, huiusmodi membrum viuificatum diceretur, quandoquidem à mortificatione, per vitalem operationem causata, ad pristinas operationes restitueretur. His declaratis dicendum mihi videtur. Quod hic primò sermo sit, de his operibus, quæ licet ex genere suo bona sint, quia tamen in peccato mortali sunt, mortua dicuntur, quandoquidem carent vitali principio, quod charitas est, atque ad hunc sensum fides sine operibus Iacobi 2. mortua dicitur, hæc autem opera promoueri per confessionem legimus hic, non quidem, quod per penitentiam reuiuiscant, ut de mortificatis operibus infra dicemus, quia ut auctor est D. Thom. 3. part. quest. 89. artic. 6. non possunt iterum à principio procedere, quoniam transiunt, & iterum eadem numero resumere non possunt, item quia nunquam habuerunt vitam, nec valorem, sed quia penitens, qui sacramen-

tali absolutione accepta in gratiam restituitur, sacramenti fomento, ad ea facienda seruientiùs resurgit, sciens modò illa sibi ad salutem consequendam proficere, cum prius deficiente vitali principio, scilicet charitatis, ad eam sibi comparandam minimè adiuuarent, verba verò, quæ immediatè sequuntur, nimirum: Si autem aliquis opera bona mortalibus peccatis mortificat, intelligenda sunt de mortificatis operibus, quæ sic appellantur, quia cum prius ex charitate processerint, quæ spiritualis vite principium est, adueniente postea peccato mortificantur, cum ad vitam gloriæ consequendam, posito peccati impedimento, efficaciter perducere non possint: viuificantur autem, peccato sublato per confessionem, quæ illam efficaciam recuperant, perducendi eum ad vitam æternam, qui fecit ea; & idè legimus hic, Si veram confessionem de commissis assumpserit cum voluntate emendandi, & cauendi de cætero, mox reuiuiscunt, & proficiunt ei ad salutem æternam, & hoc est, quod Deus nobis pollicitus est Ioelis 2. Reddam vobis annos, quos comedit locustæ, ubi Gloss. interlinearis habet. Non patiar perire vbertatem, quam cum perturbatione animi amisimus; ea verò vbertas bonorum operum est meritum, quod per peccatum amisimus, sed de horum operum meritis videndi sunt Vega quest. 7. de iustificat. Sotus lib. 2. de natura, & gratia c. 4. Nauarrus in Manuali Prælud. 7. & cap. 3. num. 8. ubi agit de satisfactione; & cap. 27. num. 267. & de penit. dist. 6. cap. 1. num. 45.

Propterea sponsa mea, per quam intelligo omnes amicos meos, congregemus in domos nostras illa, vnde spiritualiter vult Deus delectari.

Huc hactenus exposita colligit Epilogo, & breuiter, quæ duobus superioribus Capitibus tradiderat, perstringit, & sponsa ad memoriam reuocat.

VERBA CHRISTI AD SPONSAM,
de sui immutabilitate, necnon, & de
suorum verborum perfectione, quam-
uis statim opera non sequantur, &
quomodo voluntas nostra commi-
tenda est in omnibus diuinæ volun-
tati.

CAP. XXVIII.

PILIVS loquebatur ad spon-
sam dicens. Cur sic tur-
baris, ex eo quod ille dixit
verba mea esse falsa? Nun-
quid ego sum eo deterior
ex vituperio eius, aut fierem eo melior
ex laude eius? Ego nempe immutabilis
sum, nec minui, nec augeri possum, nec
laude indigeo. Sed homo me laudans
ex laude mea, proficit non mihi, sed sibi
ipsi. Nec vnquam de ore meo (qui sum
Veritas) falsitas processit, vel procedere
potest, quia omnia quæcunque locutus
sum per Prophetas, siue per alios ami-
cos meos, aut spiritualiter, aut corpo-
raliter, sicut tunc intellexi, perficientur.

1 Nec ideo erant falsa, quia vnum dixi
semel, aliud secundo, vnum expressius,
aliud obscurius, quia ad probandam fidei
meæ constantiam, & amicorum meorum
sollicitudinem, multa ostendi, quæ se-
cundum diuersos effectus spiritus mei,
diuersimodè à bonis, & malis intelli-
gi benè, & malè possunt, vt haberent in-
diuersis statibus, vnde diuersi diuersa
exercere possent in bono. 2. Nam sicut
var. lea. Deitatem meam assumpsi humanitatem
meam in vna persona, sic & quandoq.
loquebar ex parte humanitatis meæ, in-
quantum subiecta erat Deitati, quandoq.
ex parte Deitatis, inquantum creatrix erat
humanitatis, vt patet ex Euangelio meo.
Et sic quamuis diuersa videantur à ca-
lumniantibus, & nescientibus, tamen
vera erant verba secundum veritatem.

3 Nec etiam sine causa erat, quod ob-

4 scire tradidi aliqua, quia sic erat iu-
stitia, vt occultaretur consilium meum
aliquantulum à malis, & vnusquisque
bonorum feruenter expectaret gratiam
meam, & pro expectatione obtineret
premiu; ne si certo tempore consi-
lium meum insinuatum fuisset, omnes
ab expectatione, & charitate propter
longiturnitatem temporis desisterent.
Plurima etiam promissi, quæ tamen à
presentibus propter ingratitude[m]
subtrahenda sunt. Si enim ipsi à malicia sua
destitissent, ego vtique quod promise-
ram præstitissem. Ideo non debes tur-
bari, quod verba mea arguantur men-
dacijs. Quod enim impossibile videtur
apud homines, hoc possibile est apud
me. 5 Mirantur etiam amici mei, cur
non est sine causa. Nunquid non Moy-
ses missus erat ad Pharaonem? non ta-
men statim ostendebantur signa. Qua-
re? Quia, si enim statim signa venissent,
& opera, non manifesta fuisset duritia
Pharaonis, nec potentia Dei, nec mira-
bilis ostensa. Nihilominus tamen Pha-
rao propter malitiam vltimè damnaretur,
etiam si non venisset Moyses, quam-
uis duritia eius non fuit ita manifesta.
Sic etiam nunc fiet. Propterea state vi-
riliter. Aratrum quippe quamuis à bo-
bus trahatur, tamen secundum volun-
tatem regentis regitur. Sic etiam quod
verba mea audiat, & sciatis, non ta-
men vadunt, vel perficientur secundum
voluntatē vestram, sed secundum meam.

Ego enim scio, quomodo terra est
disposita, & quomodo exco-
lenda. Vos autem om-
nem voluntatem
vestram
mihi committite, & dicite.
Fiat voluntas
tua.

N O T A

Nec ideo erant falsa, quia vnu dixi semel, aliud secundo, vnum expressius, aliud obscurius.

In presenti Capite Christus Dominus R. Brigittae ostendit, quod ipse & immutabilis sit, ac etiam verax, quodque nec mutabilis sit, nec falsitatis redargui nequaquam potest, etiam si in sacris litteris frequenter legamus, quendam, quae contrarium videntur innuere, aliquando enim precepit Deus, ut observarentur legalia; aliquando vero prohibuit, saepe etiam aliquibus populis, ut Nimiis urbiam subversiones ac flagella per Prophetas praedixit, & postea pepercit. Ezechiel mortem per Isaiam annuntiavit, ut Isai. 58. scribitur. Dispone domus tua, quia morieris, & non viues; neque tamen sic euenit; sed quindecim annos vixit ei adiectis Dominus. Item Genes. 8. Moyses dixit penituisse Deum, quod fecerat hominem, & Ierem. cap. 18. in persona Dei scribit. Loquar aduersus gentes, & aduersus regnum, ut erudiam, destruiam, & disperdam illud, sed si penitentiam egerit, agam, & ego penitentiam super malo, quod cogitavi, ut facere ei. Haec, & alia plura, quae possemus hic ex sacris litteris afferre testimonia, indicare videntur, & Deum mutabilem esse, & falsitatis posse reuincere, quod asserere, & impossibile est, & blasphemia esset maxima, quia Deus immutabilis est sicut hoc eodem Capite dicitur, & Malachie 3. & Iacobi 1. apud quem non est transmutatio, & Psal. 101. Tu autem idem ipse es, & Num. 23. Non est Deus quasi homo, ut mutetur, neque filius hominis; & mutetur, 2. Thim. 2. Scipio negare non potest. Caterum, ut hoc declarem apertius, sciendum est, quod licet Deus aliquando rerum velit mutationes, non tamen inde inferre libet, eum mutabilem esse, quia contingit eadem voluntate manente, quod aliquis velit, ut hoc modo fiat, postea velit contrarium, & ratio est, quia aliud est rerum velle mutationes, aliud voluntatem mutare, nec aliquo modo dici potest, quod Dei voluntas mutata sit, quandoquidem ab aeterno prouidet

huc nunc esse reuoluitur, & postea contrarium: est ergo tota mutatio ex parte creaturarum, quod ut aliquo exemplo palam fiat, si per impossibile Sol semper in nostra moraretur hemisphaerio in eodem situ. Luna vero mouente quatinus interponeretur inter nos, & Solem, contingeret, quod Sol aliquando nos illuminaret, & aliquando non illuminaret, nulla tamen in eo facta mutatione: ita prorsus aeterna Dei voluntate manente, noua saepe producit, frequenter etiam prohibet, quae prius volebat, & alia plura facit, quae id creaturis tantummodo mutationem inuoluunt. Rursus ex D. Thom. notandum est, 1. 1. q. uest. 19. art. 7. ad 2. quod voluntas est causa prima, quae ad agendum non excludit causas secundas, sed quia causa secunda non aequat virtutem prime, ideo multi reperiuntur in causa prima, primum in voluntate, ac scientia Dei, quae sub inferiorum causarum ordine minime sunt, unde respiciens ad inferiores causas, quis dicere poterit Lazarus vixit, resurget, respiciens ad primam resurget. Ex quo infertur, quod si aliquando Deus aliquid pronunciat futurum, & non sequitur, alibi praedixit secundum dispositionem secundarum causarum, quae dispositione deficiente non sequitur, ut de Ezechia, cuius mors fuit pronuntiata, nisi plangeret, & fleuit ergo, ideo non est mortuus, Atque ex his aperte intelligi possunt, quae scribuntur hic, nimirum Dei verba non esse falsa, quia vnum semel dicat, & aliud secundo, sed Deum aliquando illud permisisse ad probandam fidei suae constantiam, & amicorum suorum sollicitudinem; plura quoque secundum diuersos effectus spiritus sui ostendisse, quae possent a bonis, & malis diuersimode intelligi, ut inde homines haberent in diuersis statibus, unde diuersi diuersa possent se in bono exercere, sed hoc de re videnda est Glossa ordinaria Isai. 38. ad ea verba. Dispone domui tuae, ubi plura astringit ex D. Gregorio, & D. Augustino; quae ad praesentis Notae intelligentiam facere possunt.

Nam sicut Deitatem meam assumpsi humanitatem meam in vna persona, sic quandoque loquebar ex parte humanitatis

meae

mez in quantum subiecta erat deitati, quandoq. ex parte deitatis, &c.

Hunc textum sic corrigendum esse arbitror cum Manuscripto Farnesiano Nam sicut in Deitate mea assumpsi humanitatem meam. Atque etiam ex hoc deducitur, quod licet in sacris litteris quedam de Christo scripta inueniantur, quæ adinuicem pugnare videntur, non tamen esse falsa, sed verissima, ut legimus ad Philipenses 2. Quod Christus aequalis est Patri, deinde, Quod minor est Patre, & quod, Paulò minus est minoratus ab Angelis, ut Psal. 8. & ad Hebræos 2. Et quod Christus obedit Patri, Secundo, quod Christus manet in æternum. Ioan. 12. Quod mortuus est. Rom. 5. & alia sexcenta quæ secundum duarum naturarum distinctionem accipienda sunt, & Ideo egregie D. August. libr. 1. de Trinitate capit. 1. dicit, Scipso Christus factus est minor, Formam serui accipiens, neque enim sic accepit formam serui, ut amitteret formam Dei, in qua erat aequalis Patri, ut in forma serui, & in forma Dei, idem sic ipse unigenitus Filius Patris, idem quoque probat D. Hieronymus in explanat. Symboli ad Damasum. D. Damasc. 4. lib. de Fide cap. 19. & fuse D. Athanas. in Symbolo.

3 Nec etiam sine causa erat, quod obsecrè tradidi aliqua.

Innuitur hoc loco non sine causa factum esse, quod plurima in sacris litteris reperiantur, quæ intellectu difficillima sunt, & præter has causas, quæ hic afferuntur, duæ quoque huius rei admodum probabiles redduntur libr. 8. Cælestis Imperatoris ad Reges cap. 48. quarum altera est, Nè quis presumat improbe Dei verba discutere, ipse enim est, qui de sublimi humilem facit, & de inimico amicum. Secunda causa est, ut qui occasionem discendi querit inueniat, & sanè sacrarum litterarum obscuritas doctis viris ansam præbet difficiliora loca interpretandi, sensus obscuros inuestigandi, paruulis panem verbi Dei frugendi, si enim omnia, quæ sacra pagine referunt, aut etiam

Liber hic Cælestium Reuelationum facillimè ab unoquoque intelligerentur, fortasse contingeret, ut nec studiosè, aut sollicitè quærentur, neque eorum veritas sua ueritate inueniretur, quod optimè explicat Petrus Chrysologus sermone 96. Si dicta (inquit) uel facta Christi carnalibus sensibus subijcerentur, torpesceret animus, mens uacaret, dormiret ingenium, cor tabesceret, extingueretur quidquid humani vigoris est, & calor: & sicut in lapide frigit ignis, laet ignis in ferro, ipse tamen ignis lapidis collisione flammatur, sic obscurum uerbum, uerbi, ac sensus collatione resplendet.

4 Quia sic erat iustitia, ut occultaretur consilium meum aliquantulum à malis.

Cum consilium propriè quædam sit inquisitio rationis in rebus dubijs, cumque præsupponat inquisitionem medijs, & ignorantiam certi medijs ad consecutionem finis, ut ex Dino Damasceno libro 2. Fidei Orthodoxæ capite 22. & Dino Thoma part. 2. quæst. 14. artic. 1. ad secundum colligi potest, idè Nobis dicendum uidetur, propriè in Deo minime esse ponendum, & propterea Damascenus ubi supra affirmauit, quod Deus non consiliatur, ignorantis enim est consiliari. Sed sciendum, dupliciter posse sumi consilium. Primò quidem pro ipsa inquisitione cum discursu, & quia sic imperfectionem quandam, & ignorantiam connotat, idè non potest in Deo poni, qui perfectissimus est, & scientissimus. Secundò sumi potest pro eorum consuetudine, ac resolutione alicuius rei, unde dicere solemus, consilium habet, talis est resolutio, & sententia consilij eius, & ita sumptum propriè in Deo esse affirmamus, qui rerum omnium certitudinem, ac scientiam habet, & sic sumitur hic cum scribitur, Ut occultaretur consilium eius, hoc est, ut celaret à malis quidquid decreuit esse facturum, & in hoc etiam sensu paulò post legimus hoc eod. Cap. Nè si certo tempore consilium meum insinuat fuisse, omnes ab expectatione, & charitate propter longiturnitatem temporis desisterent, & ad Ephef. 1. Paulus Apostol.

scribit, quod omnia operatur secundum consilium voluntatis suae, hoc est secundum certissimam suae voluntatis rationem, & decretum, vel ut habet ibi Gloss. Interl. secundum voluntatem, quae est ex ratione: vel ut annotauit ibid. Carthus. secundum certissimam rationem suae voluntati consonam, & placentem.

^s Circa finem Capituli, ubi haecenus impressa exemplaria habent, Mirantur etiam amici mei, cur non est sine causa.

var.
lect.

Hic textus, Sic cum Farnesiano Codice M.S. restituendus est, Mirantur etiam amici mei, cur post verba non sequantur opera, hoc enim non est sine causa.

VERBA MONITIONIS IOANNIS

Baptista ad sponfam in figura, in qua Deus per pullos, corpus, per nidum mundi, delectationes, per animalia ferocia, superbia, per aues rapaces, mundi letitia, per laqueum designantur.

C A P. XXIX.



IOANNES Baptista loquebatur ad sponfam Christi dicens. Dominus Iesus vocauit te de tenebris in lucem, de immunditia in perfectam munditiam, de angustia, in latitudinem. Quantum ergo tibi pro his regratiari teneris, quis explicare valet? aut quando sufficeres? Veruntamen facito quantum vales. Est auis quaedam, quae dicitur Pica, haec enim diligit pullos, quia oua vnde processerunt pulli, fuerunt in ventre eius. Haec auis facit sibi nidum de rebus inueteratis, & attritis propter tria. Primo propter requiem. Secundo propter latibulum à pluvia, & nimia siccitate. Tertio, ut nutriat pullos suos, qui sunt ex ouis, quae auis ex charitate componendo se super ea, fouet pullos. Cum verò pulli nati sunt, mater allicit eos ad volandum per tria. Pri-

mo per cibi administrationem. Secundo per sedulam vocem. Tertio per volatus sui exemplificationem. Pulli verò quia diligunt matrem, assueti cibo matris, ferunt se primo paulatim praecedente matre supradidum. Indè iuxta vires progrediuntur ulterius, donec ex usu, & arte sunt perfecti. Haec auis Deus est, qui aeternaliter est, & nunquam immutatur, & ex Deitatis eius utero, omnes animae rationales egrediuntur. Cuilibet verò animae paratur nidus de rebus attritis, quia corpus de terra confociatur animae, in quo Deus animam nutrit cibo bonarum affectionum. Defendit ab auibus malarum cogitationum, & dat requiem à pluvia malarum actionum. Quilibet verò anima, quia tali de causa coniungitur corpori, ut ipsa corpus regat, nequaquam ab eo regatur, & ut corpus ad laborem exciter, & ei rationabiliter provideat. Idèo Deus tanquam mater bona, docet animam proficere in meliora. 1 Docet exire de arcto, in latiora. Primo per cibum; dando intelligentiam, & rationem iuxta capacitatem vniuscuiusque, indicando menti quidvè fugiendum. Sed sicut mater primo educit pullos supra nidum, sic homo addiscit cogitare caelestia. Cogitare etiam quam arctus, & vilis sit nidus corporis, quam lucida sunt caelestia, & quam delectabilia sunt aeterna. Educit etiam Deus animam per vocem suam, quae clamat. Qui sequitur me habebit vitam, qui diligit me non morietur. Haec vox ducit ad Caelum. Hanc qui non audierit, aut surdus est, aut ingratus dilectioni matris. 2 Tertio educit Deus animam per volatum, idest per humanitatis suae exemplum. Haec humanitas gloriosa habuit quasi duas alas. Primo, quia in eo erat omnis munditia, & nihil coinquinatum. Secundo, quia omnia bona tecit, his duabus alis volabat humanitas Dei in mundo. Has ergo sequatur anima quantum potest. Et si non pote-

var.
lect.

2

poterit opere, saltem conetur voluntate. Cum autem euolat pullus, cauenda sunt sibi tria. Primò pro animalibus ferocibus, ne resideat iuxta ea super terram, quia ipse pullus non est fortis sicut illa. Secundò caueat ab auibus cupidis, quia ipse pullus adhuc non est celer ad volandum, sicut aues illæ sunt, & idè in latibulo tutius est morari. Tertiò caueat nè concupiscat prædam, in qua est laqueus. Animalia ista ferocia quæ dixi, sunt delectationes, & cupiditates mundi, ab his enim sibi caueat pullus, quia dulces videntur, sentiri bonæ ad possidendum, & pulchræ ad videndum. Sed cum putantur teneri, euadunt celeriter. Cum verò creduntur delectari, mordent immisericorditer. Secundò caueat ab auibus cupidis, hæ sunt superbia, & ambitio. Istæ enim sunt, quæ semper altius, & altius desiderant ascendere, & alias aues præcedere, & odire inferiores. Ab his autem caueat pullus, & desideret in latibulo humilitatis morari, vt non superbiat de data gratia, non contemnat inferiores, & minoris gratiæ, non cogitet se aliquibus meliorem. Tertiò caueat à præda, in qua est laqueus. Hæc enim est lætitia mundi. Nam bonum videtur habere risum in ore, & delectationem in corpore, sed latet in his aculeus. Adducit enim immoderatus risus immoderatam lætitiā. Voluptas corporis adducit inconstantiam mentis, ex quibus consequitur tristitia, vel in morte, vel antè, seu in tribulatione. Festina igitur filia, & tu egredi frequenter de nido tuo per desiderium caelestium. Caue tibi à bestijs cupiditatum, & ab auibus superbiæ. Caue à præda lætitiæ vanæ. Deinde loquebatur Mater ad sponsam, & ait. Caue de aue, quæ tincta est pice, quia omnes, qui tangunt eam niaculantur. Hæc enim est amicitia mundi, instabilis vt aer, fœda in acquisitione fauoris, & societate mala. Non cures de honoribus, non attendas ad fauores, non respicias ad laudem, vel vituperium. Nam ex his

prouenit inconstantia animi, & diminutio diuinæ charitatis. Sta igitur stabilis. Deus enim, qui te incepit extrahere de nido, pascet te vsque ad mortem. Post mortem vero non habebis famem. Custodiet etiam te à dolore, defendet te in vita, & post mortem nihil timebis.

NOTAE.

Docet exire de arcto in latiora. Primo per cibum dando intelligentiā, & rationem iuxta capacitatem vniuscuiusque indicando menti, quidvè fugiendum.

Hic textus omninò manens, & corruptus esse videtur, quandoquidem, si hoc loco sermo sit de naturali lumine, quod Deus nobis ab instanti creationis induit, de quo David Ps. 4. Signatum est super nos lumen vultus tui Domine, omninò addendum esse censeo cum Farnesiano Codice M.S. Indicando menti, quid agendum, quidvè fugiendum; est enim huius naturalis luminis proprium, quod praeedicum Doctores appellant, hominibus indicare, quid agere, quidvè vitare debeant, hoc autem Apost. ad Rom. 2. Legem scriptam appellat in cordibus Gentilium, qui legem Moysaica non habentes, ea quæ legi sunt per hoc naturale lumen eorum mentibus impressum, obseruant quantum ad præcepta moralia Decalogi, quæ sunt secundum rationis naturalis dictamen. Aliud quoque lumen benignissimum Deus contulit homini nimirum supernaturale, vt ad eas quæ humanâ facultatem superat comprehendenda manuduceretur, idq. secundum Spiritus sancti placitum, qui diuidit singulis, prout vult, vt 1. Corint. 12. scribit Apostol. Hoc autem supernaturale lumen ad nos transmittitur dupliciter; Primò per spirituale infusionem, & illustrationem, quem admodum illud receperunt Propheta in veteri testamento, & Apostoli, ac Sancti Doctores in nouo. Secundò per doctrinam, ac predicationem, quæ hic proprie appellatur cibus animæ,

Et ut ait Orig. in *Leuit. hom. 39*: Sicut cibus, et delictis caro, ita verbis diuinis pinguescit anima. Nutrimēta igitur Spiritus sunt diuina lectio, orationes assidue, sermo doctrinae, his enim cibus nutritur anima.

- 2 Tercio educit Deus animam per volatū, idest, per humanitatis suae exemplū, hanc humanitas gloriosa habuit, quasi duas alas.

Nihil est, quod nos ad virtutes comparandas magis exciteet, nihil quod ad vitia sanctitatem, probitatemque sectandam plus succedat, nihil quod ad celestis Patrie viam facilius pareat, quam totius Christi Domini vite sedula meditatio, Tota enim (inquit D. August. de vera Religione cap. 16.) vita eius in terris per hominem, quem suscipere dignatus est, disciplina morum fuit. hec D. August. In omnibus ergo actionibus nostris, hoc nobis vite sua lucidissimum speculum, hoc sanctitatis exemplar statuendum est, ad hoc enim à Patre in terris missus est, ut nos instrueret in via virtutis, ut legem suā potestate conderet, eamque suo exemplo, suisque bonis actibus confirmaret, utque nos sanctissimis moribus erudiret, et sicut ad eius imaginem, quam nostris deturpauimus vitis creati sumus, ita ad eius similitudinem his depositis reformaremur: percurrat ergo diligenter quisque singulas suas actiones, singulas vires, et ut fidelis affecla studeat pro viribus imitari, neque enim alibi tam omnibus numeris absoluta poterit reperiri virtus nisi in Christo. Vbi nam quasi (dicit D. Bernard. serm. 22. in Cant.) vera prudentia nisi in Christi doctrina, ubi vera iustitia, nisi de Christi misericordia, ubi vera fortitudo, nisi de Christi passione, ubi vera temperantia, nisi in Christi vita, hanc ergo si nos frequenter inspicimus, et attentius considerabimus dubium non est, quin per humanitatis suae exemplum, ut legimus hic, à terrenis affectibus educati ad Calorum regnum subleuamur.

- 3 Voluptas corporis adducit inconstantiam mentis, ex quibus consequitur tristitia.

Quamquam ab omnibus vitis in genere, et mentis inconstantia, ac tristitia manare consueverint, peculiari tamen ratione extorpi carnis vitio procedere solent, cum enim inferiores potentiae, per illud vehementer laedantur, ratio quoque mirum in modum offendatur, consequens inde sit, quod ab hoc vitio tot prauis, peruersisque effectus oriantur, quod, ut declaremus apertius, sciendum est, ex D. Thom. 2. 2. quæst. 153. artic. 5. rationis actus in agendis quatuor esse, inter quos præceptum de agendis præcipuus est, quod quidem per luxuriam impediatur, quatenus ex magno concupiscentiae impetu, et ingenti libidinis ardore sit, ut ratio non exequatur, quod faciendum decreuerat: et hinc est, quod homo inconstans in operibus suis existat, ut legimus hic, sed et eiusdem vitis effectus septem recensuit D. Greg. lib. 31. *Moralium* cap. 17. De *Luxuria* (inquit) cæcians mentis, inconsideratio, inconstantia, precipitatio, amor sui, odium Dei, affectus presentis seculi, horror autem, vel desperatio futuri generantur, ceterum mentis inconstantiam peculiari quadam ratione ad carnis vitium spectare insinuauit D. Basil. de *Constitutionibus Monasticis* cap. 9. his verbis, Sic isti quoque cum assidue in corporis libidinibus intricentur, in his depressi inhereant, ad spiritus fastidium nunquam euadunt, sed inexassto cursu in orbem perpetuo incitari feruntur, nempe qui una cum corporis concupiscentiis voluptatibus agitari assidue, rogati eodem, unde mouerunt denuo referantur, sed hac de re legendi sunt D. Isidor. lib. 2. de *Summo Bono* cap. 39. Aristotel. 6. *Ethic.* cap. 5. et lib. 7. cap. 11. quibus locis probat incontinentiam maxime prudentiam corrumpere, et ideo opposita prudentia, vitia nasci præcipue ex luxuria.

DEPRECATIO MATRIS DEI AD

Filiū pro sponsa, & pro alio Sancto,
& de acceptatione deprecationis Ma-
tris à Christo, & de certitudine veræ,
vel falsæ sanctitatis hominis in hac
vita.

C A P. XXX.



MATER loquebatur Filio

dicens: Da Fili mi noua

sponsa tuæ, vt corpus tuū

dignissimum radicetur in

corde eius, vt ipsa mute-

tur in te, tuæq. delectatione repleatur.

Deindè ait: Hic Sanctus cum tempo-

raliter vixit, fuit in fide sancta sicut mons

stabilis, quem non fregit aduersitas, nul-

la retraxit delectatio. Fuit, & flexibilis

ad voluntatem tuam, sicut aer mobilis,

quocunque eum impetus spiritus tui tra-

xit. Fuit insuper in charitate tua ardens,

quasi ignis calefaciens frigidos, & con-

sumens iniquos. Nunc autem anima

eius tecum est in gloria, vas autem in-

strumenti eius depressum est, & in humi-

liori loco iacet, quàm decet. Idcò Fili

mi da corpori eius altiore eleuationem,

honora illud, quod te pro modulo suo

honorauit. Eleua illud, quod te labore

suo, quò potuit eleuauit. Respondit Filius.

Benedicta sis tu, quæ nihil relinquis in-

tractum, quod ad amicos tuos pertinet.

Non decet Mater, vt vides, quod lupis

detur cibus optimus. Nō conuenit Saphi-

rus membra conseruans sana, & corro-

borans infirma, ponatur in luto, nō etiam

decet, vt cæcis accendatur lumen. Iste

quippe homo sicut in fide fuit stabilis, &

in charitate feruentissimus, sic & in con-

tinencia optimè fuit ad voluntatē meam

dispositus, propterea sapuit mihi sicut ci-

bis optimus, optimè decoctus in omni

patientia, & tribulatione. Dulcis denique,

& bonus in bona voluntate, & affectu,

melior in conatu, & virili progressu,

optimus, & dulcissimus in laudabili con-

summatione. Propterea non decet, vt an-

te lupos talis exaltetur cibus, quorum cu-

piditas nescit satietatem, quorum dele-

ctatio refugit herbas virtutum, & sicut

carnes putridas, quorum & vox astuta

omnibus est nocua. Fuit etiam quasi Sa-

phirus in annulo per famem, & vitæ cla-

ritatem, per quam ostendit, se esse Eccle-

sia suæ sponsum, Domini sui amicum, fi-

dei sanctæ conseruatorem, & mundi cō-

temporem. Propterea Mater charissima

non decet, vt tanta bonitatis amator, tan-

quam mundus sponfus tangatur à tam

immundis. Tantæq. humilitatis amicus,

ab amatoribus mundi contingatur. Fuit

etiam terribiliter tanquam lumen positum su-

per candelabrum, per omnem mandato-

rum meorum exequutionem, per hanc

muniuit stantes, ne caderent. Per hanc

eleuauit cadentes, per hanc etiam futuros

post se ad me excitauit. Hoc lumen indi-

gni sunt videre, obsecrati amore suo, hoc

lumen discernere nesciunt, qui habent al-

buginem superbiæ, hoc lumen attrecta-

re non valent scabiosi manibus, quia hoc

lumen cupidis, & suam voluntatē aman-

tibus, est nimis odiosum. Idcò priusquam

eleuetur, iustum est, vt illi, qui immundi

sunt, purgentur, & qui cæci sunt, illuminē-

tur. Illum verò hominem, quem homi-

nes terræ dicunt sanctum, tria ostendunt

eum non esse sanctum. Primò, quia antè

mortem nō imitabatur vitam Sancto-
rū. Secundò, quia hilarem voluntatem non
habuit patiendi martyrium pro Deo.
Tertiò, quia non habuit charitatem ardē-
tem, & discretam sicut Sancti. Tria quo-
que sunt, propter quæ quis videtur à po-
pulo sanctus. Primum est mendacium,
fallacium, & placere volentium. Secun-
dum facilitas credulitatis insipientium.
Tertium est cupiditas, & tepiditas Præla-
torum, & examinatorum. Vtrum autem
ipse esset in inferno, vel purgatorio, non-
dum est tibi licitum scire, sed cum tem-
pus fuerit loquendi.

NOTAE.

Hic Sanctus cum temporaliter vixit, fuit in fide sancta sicut mons stabilis, quem non fregit aduersitas, nulla retraxit delectatio.

Hic de quo in presenti Capite sermo fit, fuit Brynulpus Ecclesie Scarenfis Episcopus, ut colligitur infra in Reuelatione exergaganti, Cap. 108. Quo loco Beata Virgo illum summis laudibus extollit, eumque fuisse morum, ac vita sanctitate celebrem, testatur ibi circa medium Capitis his verbis. Scias

filia, quod iste Episcopus honorauit me in vita sua, & honorem opere confirmauit: cuius vita, quam acceptabilis fuit Deo, demonstrauit ordo, quem sensisti, eiusdem Episcopi meminit Ioannes Magnus Archiepiscopus Vpsalen. lib. 10. Historia Gothorum cap. 24. Nec (inquit) silentio implicandum est, quod anno Christi 1317. ille sanctissimus Ecclesie Scarenfis Pontifex Brynulpus post multos labores, atque eximia sanctitatis opera, hoc transitorium seculum felici cursu consumauit in Ecclesia Scarenfis sepultus.

Finis Secundi Libri Reuelationum S. Brigittæ.





INCIPIT TERTIVS LIBER

REVELATIONVM CAELESTIVM SANCTAE BRIGITTAE DE SVETIA.

Monitio, & informatio ad Episcopum de modo tenendo in victu, & vestitu, & oratione, & qualiter se habere debeat in omnibus ante mensam, in mensa, & post mensam, & hoc idem de dormitione, & qualiter in omnibus exerceat officium Episcopale.

CAPVT PRIMVM.



1
var.
lect.

IESVS Christus Deus, & homo, qui venit ad terram assumere humanitatē, & saluare animas sanguine suo: 1 qui vitam

aperuitq. portam Caeli, ipse me misit ad vos. Audi tu, cui datum est audire spiritalia. Si Episcopus iste proponit ire per viam arctam, per quam pauci ambulant, & esse vnus de paucis, deponat primò pondus circumstans, & onerās eum. Hoc est mundi cupiditatem, habendo mundū ad sola necessaria sua, secundum Episcopalem humilem sustentationem. Sic fecit ille bonus Mattheus, qui vocatus à Deo reliquit onus graue mundi, & inuenit onus leue. 2. Secundò sit præcinctus ad viā,

sicut dicit Scriptura. Quòd Tobias paratus ad viam, inuenit Angelum præcinctum stantem. Quid significat, quod Angelus erat præcinctus nisi quod omnis Episcopus præcinctus debet esse cingulo iustitiæ, & diuinæ charitatis. Paratus ire per viam illam, per quam ille iuit, qui ait. Ego sum Pastor bonus, qui pono animam meam pro ouibus meis. Paratus etiam cum verbis loqui veritatem. Paratus cum operibus facere iustitiam tam in seipso, quàm in alijs. Non dimittendo iustitiam, propter minas, seu opprobria. Non propter falsam amicitiam, seu vanum timorem. 3. Omnis igitur Episcopus, qui taliter apparet præcinctus, ad eum veniet Tobias, idest homines iusti, & sequentur vitam eius. Tertiò debet comedere panem, & aquam antequam aggrediatur.

T 4 viam

viam. Sicut legitur de Helia, quod excitatus à somno, inuenit ad caput suum panem, & aquam. Quis est iste panis datus Prophetæ, nisi bonum corporale, & spirituale, quod administrabatur ei. Nā præparabatur ei in Eremo panis corporalis propter exemplum, licet enim Deus potuisset sustentasse Prophetam sine cibo corporali, voluit tamen preparari panem ei corporalem, vt intelligeret homo, Deo esse placitum, quod vtatur bonis donis Dei temperatè ad consolationem carnis. Infusio quoque spiritualis inspirabatur Prophetæ, quando quadraginta diebus iuit in fortitudinem cibi illius. Nisi enim interna quedam vnctio gratiæ inspirata fuisset menti eius, defecisset vtique in quadraginta dierum labore, & quia homo infirmus ex se erat, sed ex Deo ad tantum perficiendum iter fortis. Ergo quia in omni verbo Dei viuunt homines, nemus Episcopum sumere buccellam panis, hoc est diligere Deum super omnia. Hanc buccellam inueniet ipse ad caput suum, idest, quia ratio sua dicet, Deum suū super omnia, & præ omnibus diligendum. Tum propter creationem, & redemptionem, tum propter longam patientiam, & suam bonitatem. Rogamus cum etiam bibere pauxillum aquæ, hoc est, intimè cogitare amaritudinem passionis Christi. Quis enim dignè sufficiat cogitare angustias humanitatis Christi, quas tunc patiebatur, quando petijt transferri à se calicem passionis, quando gutta sanguinis decurrebant in terram. Bibat ergo Episcopus aquam istam, cum pane charitatis, & tunc confortabitur ad progrediendum in via Iesu Christi. Incepta igitur via salutis, si Episcopus ultra progredi voluerit, vtile est ei, à prima hora dici regnari Deo toto corde. Recogitare sollicitè actus suos, & petere auxilium à Deo, ad faciendum voluntatem eius. Deinde cum induit se vestibus, oret in hunc modum. Cinis tenetur esse cum cinere, & terra cum terra. Veruntamen

quia ex providentia Dei Episcopus sum, induo te corpus meum vestibus, quæ ex terra sunt. Non propter pulchritudinem, & superbiam, sed propter operimentum, nè nuditas tua appareat. Nec curo verum indumentum tuum melius sit, an vilius, sed tantum, vt ad reuerentiam Dei Episcopalis agnoscatur habitus. Et ex habitu discernatur Episcopalis auctoritas, ad correptionem, & informationem aliorum. Ideo rogo te piissime Deus, vt tribuas mihi in animo stabilitatem, nè superbiam de cineris, & terræ precio, nec inaniter glories de colore puluereo. Sed presta fortitudinem, vt sicut habitus Episcopalis discretus, & honorabilis est præ alijs propter auctoritatē diuinam, sic habitus animæ meæ respiciatur apud Deum. Ne propter auctoritatem indiscretè, & indigne habitam, deprimar profundius. Sed propter habitum laudabilem manifestetur, denuder ignominiosus ad meam damnationem. Deinde legat, vel decantet horas. Quo enim homo ad altiorem gradum ascenderit, eò maiorem honorem tenetur reddere. Attamen cor purum, ita placet Deo in silentio, sicut in cantu, dummodo alijs iustis vtilitatibus occupetur homo. Post dictam Missam, exerceat Episcopale officium suum. Cauendo sollicitè, nè plus attendat ad corporalia, quam spiritualia. Cum vero accedit ad mensam, cogitationem habeat talem. O Domine Iesu Christe, qui corpus, quod corrumpitur, cibo corporali sustentari præcipis, da mihi auxilium, sic corpori meo dare necessaria, vt non improbe contra animam insolescat caro ex ciborum superfluitate, nec lentescat in seruitio tuo ex indiscreta paritate. Sed inspira moderatiam congruam, vt cum terra de terrenis sustentatur, Dominus terræ à terra sua, ad iram non prouocetur. Cum vero in mensa fuerit permittitur ei moderata consolatio, & collocutio, in qua euitetur scurrilitas, & vanitas. Nec tale verbum proferatur, vel audiat, quo audientes

occasionem habeant ad peccandum, sed omnia sint honesta, & salutaria. Sicut enim in mensa corporali deficientibus pane, & vino, omnia sunt insipida, sic in mensa Episcopali, & spiritali, deficiente bona doctrina, & exhortatione, omnia apposita insipida sunt animæ. Et ideo ut euitetur vanitatum occasio, legatur, vel recitetur aliquid in mensa tali, vnde edificentur assidentes. Perfecta verò refectio, & redditus in benedictione Deo gratijs, inquirat agenda, vel certè reuoluat libros, ex quibus trahi potest ad animæ perfectionem. Post cœnam verò consolari poterit cum familiaribus suis. Aram sicut Mater ablactans infantem perungit vbera cinere, seu aliqua aliâ amaritudine, donec infans dissuascatur à lacte & assuescat cibis solidioribus. Sic Episcopus attrahat Deo familiares suos talibus verbis, quibus timeant Deum, & diligant. Vt & ipsum sit Pater per diuinam auctoritatem, & eorum Mater per

6 spiritualem educationem. Si verò scit scienter aliquem suorum familiarium peccare ad mortem animæ, qui auditis admonitionibus non respicit, remoueat eum à se. Quem si retinuerit propter cōmodum, & consolationem temporalem, non erit immunis à peccato eius. Pergens verò ad lectum suum, examinet diligenter facta, & effectus ipsius diei iam præteriti, cogitando taliter. O Deus Creator corporis mei, & animæ vide me misericordia tua, & presta gratiam tuam, ut ex somni abundantia, non tepeſcam in seruitio tuo. Nec somni inquietudine deficiam à seruitio tuo, sed modera somnum meum ad honorem tuum, quem ad corporis alleviationem haberi præcipisti. Et da mihi fortitudinem, ut inimicus Diabolus non inquietet me, nec abstrahat à tua pietate. Surgens autem à lecto diluat confessione, si quas negligentias caro passa est, nè sequentis noctis somnus, cum præteritæ delictis oriatur.



CONSALVI DV RANTI EPISCOPI FERETRANI

NOTAE, ET VARIÆ LECTIONES
Ad Librum Tertium Cælestium Reuelationum
Sanctæ Brigittæ.

CAPVT PRIMVM.

1.
var.
lect.



CIRCA initium præsen-
tis Cap. ubi in vul-
gatis legimus, Qui vi-
tam veram illumina-
uit.

M. S. Farnesianus
habet, Qui viam ve-
ram illuminauit: sic etiam paulo post, hoc cod.
Cap. legitur, Viam eius, corrige Viam eius.

2. Secundo fit præcinctus ad viam, sicut
dicit Scriptura, quod Tobias paratus ad
viam inuenit Angelum præcinctum
stantem.

Sic enim legimus Tobie 5. Egressus Tobias
inuenit inuenem splendidum stantem præcin-
ctum, & quasi paratū ad ambulandum. Hoc
loco Christus Dominus indicat, quæ nā debeat
parare Episcopus, ut in Episcopali officio ri-
tē (ut par est) se gerere libeat; & inter cæ-
tera duo potissimum illi esse necessaria docet,
Iustitia, & Charitas, dicitq. quod eius sequi
vestigia debet, qui dixit, Ego sum Pastor
bonus: sed quid sit Christi sectari vestigia,
late explicat D. Prosper lib. 2. de Vita
contemplatiua c. 21. ubi exponens verbum illud
1. Ioan. 2. Debemus ambulare, sicut Christus
ambulauit, dicit. Quid est ambulare sicut il-
le ambulauit, nisi contemnere omnia prope-

ra, quæ contempsit, & non timere aduersa,
quæ pertulit, docere, quæ docuit, sperare, quæ
promisit prestare beneficia etiam ingratis, nō
retribuere secundū merita maleuolis, orare pro
inimicis, misceri peruersis, equanimiter pa-
ci subdolos, atque superbos, ac denique carni
mori, iuxta verbum Apost. ad Col. 3. qui horrea-
tur nos, ut dumtaxat Christo vinamus,
atque hoc est iter, quod Prælatus in Episcopa-
li munere tenere debet, & hæc est via, per
quam incedere illi opus est, & hæc sunt, qui-
bus bene, recteq. officium suum, iuxta B. Bri-
gittæ doctrinam, sanctorum Patrum decre-
ta, & sacrorum Canonum sanctiones, obire
poterit: sed hæc aperitiꝝ infra declarantur
Lib. 4. Reuelat. Cap. 106. ubi Beatissima
Virgo comparat Episcopum Angelo præcin-
cto, qui apparuit Tobie, Cur (inquit) An-
gelus apparuit Tobie præcinctus ad viam?
nisi quod omnis Sacerdos, & Episcopus præ-
cinctus debet esse cingulo diuine iustitiæ, pa-
ratus dare animam suam pro omnibus suis, pa-
ratus in verbis, loquendo veritatem, paratus
in operibus, ostendendo in se ipso viam iusti-
tiæ, paratus ad patiendum pro iustitia, &
veritate. Ceterum per Angelos in sacris lit-
teris, etiam significari Episcopos, & Sacer-
dotes, tradunt Sancti Patres Ambros. de Ini-
tiant-

tiandis myst. c. 2. & 1. de Sacram. c. 2. Beda super Genes. 28. D. Dionys. de Celest. Hier. cap. 12. Hi namque ascendere, & descendere per scalam dicuntur, ut Genes. 28. scribitur, Quia contemplatione ascendunt ad caelestia, & charitate proximi ad infima descendunt.

3 Omnis igitur Episcopus, qui taliter apparet præcinctus, ad eum veniet Tobias, id est homines iusti, & sequentur vitam eius.

Ex his, quæ dicta sunt, deducit Christus Dominus, quod si Episcopus cum sibi vivendi normam præscribat, idemque teneat iter, quod supra descripsit, futurus esse, ut omnes quoque subditi eius vestigia sequantur, ac sua vitæ regulas sectentur. Sicut enim (ait D. Bernard. epist. 127.) Error Prælati multos involvit, tantis obest, quantis præest, sic & nos è contra dicere possumus, optimus Episcopi exemplum tantis prodebat, quantis dominatur: & idcirco legimus hic, quod veniet ad eum Tobias, quia nimirum eum sequentur homines iusti, & iniusti: iusti quidem illius vestigia, ac bonos mores sectando, iniusti vero peccata relinquentes, ad iusticiam redeundo. Tobias enim interpretatur bonus Domini, seu bonitas Domini, vel iustus Dominus: Verum sicut Tobias fuit, ut Zach. 6. legimus, qui ad Pontificis coronam consuevit aurum, & argentum contulit, ita quoque Tobias erit, per quem homines iusti, ac innocentes designantur, ut annotavit Lyrar. & Rupert. Abb. ibi, Qui aurum, & argentum ad coronam Episcopi consuevit addere, tunc enim eius fama apud gentes erit illustrior, & vita eius apud Deum gratior: unde merito, & à subditis honore, & à Deo aeterna gloria coronabitur.

4 var. lect. Quia homo infirmus ex se erat, sed ex Deo ad tantum proficiendum iter fortis.

M. S. Farnesianus habet, Sed à Deo ad tantum proficiendum iter factus fortis.

5 O Domine Iesu Christe, qui corpus, quod corrumpitur, cibo corporali sustentari præcipis.

In presenti Capite duo scitu dignissima

asseruntur. Primum quidem formula quedam traditur cibis benedicendi, quæ sanè memorie mandanda est: redolet enim, & gravitatem, & pietatem. Secundò describitur, qualis debeat esse mensa eorum, & habetur ibi: Sicut enim in mensa corporali deficientibus pane, & vino, omnia sunt insipida, & c. ubi innuitur, quod ad scurrilia vitanda, & ad præsentium adificationem cibi, vel lectione sacra, vel disputatione aliqua condiantur, est enim hæc & antiqua, & admodum laudabilis consuetudo, de qua D. Greg. ad Narsalem Episcop. scribens, & est epist. 53 lib. 2. Coniuvia (inquit) tunc veraciter ex charitate fiunt, cum in eis nulla absentium vita mordetur, non inanes secularium negotiorum fabule, sed lectionis sacrae verba audiuntur, & cum non plus, quam necesse est servitur corpori, sed sola eius infirmitas reficitur, ut ad usum exercenda virtutis habeatur: Sed latius hoc tradit Conc. Trid. sess. 2. in decreto de Modo vivendi, & alijs in Concilio servandis aliquanto post initium his verbis, Et quoniam oportet Episcopos esse irreprehensibiles, sobrios, castos, domui suæ bene præpositos, hortatur etiam, ut ante omnia quilibet in mensa servetur sobrietasque moderatio ciborum, deinde cum in eo loco sæpe otiosi sermones oriri soleant, ut in ipsorum Episcoporum mensis divinarum scripturarum lectio admisceatur, idem habet sess. 25. de reform. cap. 1. ubi etiam citatur Concilium Carthaginense 4 Capite 15.

6 Si verò scit scienter aliquem suorum familiarium peccare ad mortem animæ, qui auditis admonitionibus non respicit, removeat eum à se.

Hoc loco admonentur Episcopi, quomodo erga suos familiares se gerere debeant, eorum vitia, si qua sint inquirendo, ac exprobrando, quod si ab hac cura Cardinalis immunis non est, ut affirmat D. Antoninus par. 3. sue summe tit. 21. cap. 2. multò minus immunis erit Episcopus, qui speculator est ovium suarum, ac subditorum, ut dicitur hoc eod. Lib. Cap. 3. & Nos ibi Nota 3. annotavimus. Spectat enim hoc ad eius officium, & ad bonam

nam eius existimationem, cui debet consule-
re. Tales (inquit D. Hieronym. epist. 8.)
habeto socios, quorum contubernio non infa-
meris, quòd si id facere neglexerit, grauius
peccat: tenetur enim si post factam admoni-
tionem aliquos contumaces, ac persistentes in
vitijs inuenerit, penitus eos à se remouere,
ac quamcittissime ab alijs sciungere, nè bo-
nos inficiant, neuè puer suas prauo exemplo
ad eandem viuendi formam trahant. Idem
quoque D. Bernard. Si à Summo Pontifice
exigit, quantò magis etiam ab alijs inferiori-
bus Prelatis id ipsum requireret, scribens
enim ad Eugenium lib. 4. de Consid. Studeas
(inquit) scire mores, & studia familia-
rium tuorum: non decet, ut vitia domus
tuae vltimus scias, quòd quamplurimis nomi-
mus contigisse, alius alia dispense, tu disci-
plina provide, illud nemini credas, si inso-
lentior coram te, ut sermo sonuerit, vel ha-
bitus apparuerit, manus tua super huiusmodi
Alisere iniuriam tuam, impunitas ausum
parit, ausus excessum, domum Episcopi de-
cet sanctitudo, honestas in cultu, in incessu,
& in habitu. Hoc etiam admonuit Concil.
Trident. sess. 2. in decreto de Modo viuendi,
& alijs in Concilio seruandis, quo loco hor-
tatur Episcopos, ut diligentiam adhibeant,
summaque cura studeant, ut familiares sui
optime, ac probate vite sint. Familiares
(inquit) suos unusquisque instruat, &
erudiat, nè sint rixosi, vino, impudici,
cupidi, clari, blasphemii, & voluptatum
amatores, vitia demum fugiant, & vir-
tutes amplectentur, & in vestitu, & cul-
tu, & omnibus actibus honestatem præ-
ferant, sicut decet ministros ministeriorum
Dei. Plura quoque, quæ ad optimè, probèq.

familiam regendam spectant, tradun-
tur Lib. 7. Revelat. Cap. 12. &

tradit etiam Hierony-

mus Platus

in

libro, quem edidit de Offi-
cio Cardinalis

cap. 23.

VERBA VIRGINIS AD FILIAM, DE
remedio opportuno ad difficultatem
Episcopo occurrentem in via arcta. Et
quomodo patientia per vestes, & decem
præcepta, per decem digitos, & deside-
rium æternorum, & fastidium mun-
danorum, per duos pedes designantur.
Et de tribus inimicis in via contra
Episcopum existentibus.

C A P. II.



ITEM loquitur Dei Mater.
Dic Episcopo, quòd si in-
cesserit per viam dictam,
tunc tria difficilia occur-
rent ei. Primo, quod via
est arcta. Secundo, quod in ea sunt spine
pungitiuæ. Terrio, quod via est petrosa,
& inæqualis. Contra hæc tria dabo tibi
tria consilia. Primum est, quòd induat se
Episcopus vestibus fortioribus, & subtili-
ter consutis contra viam arctam. Se-
cundum est, quod habeat decem digitos
ante oculos suos, inter quos respiciat tan-
quam per cancellos, nè pungatur à spinis.
Tertium est, quod cautè ponat pedes
suos, & in quolibet vestigio attenter, si
pes positus subsistit solide, nec præcipi-
tanter ponat ambos pedes simul, nisi
prius certificatus fuerit de qualitate viæ.
Quid verò significat via arcta, nisi ma-
litiæ hominum prauorum contra ius-
tos, qui derident opera iusta, & depra-
uant vias, & monita iustorum recta, &
quicquid humile, & pietatis est paruipen-
dunt. 1 Contra tales homines induat se
Episcopus veste patientiæ, & constantiæ,
quia patientia grauius facit esse suauius, &
illas contumelias gaudenter tolerare:
2 Quid verò significant spinæ, nisi aduer-
sitates mundi. Contra has habendi sunt
digiti decem præceptorum Dei, & con-
siliorum eius. Ut cum pupugerit spina
aduersitatis, & paupertatis consideretur
passio, & paupertas Christi. Cum verò
pun-

pungit spinā iræ, & inuidiæ, consideretur charitas Dei, quam nobis seruare præcepit. Charitas enim vera non querit, quæ sua sunt, sed se totam exponit ad honorem Dei, & proximi utilitatem. Quod verò debet esse cautus in ponendis pedibus, significat, quod ubique debet rationabiliter timere. Nam bonus homo tenetur habere quasi duos pedes. Primus est desiderium æternorum. Secundus est fastidium mundi. In desiderio verò æternorum debet esse discretio, nè desideret æterna sibi soli tamquam digno, sed totum desiderium suum, & voluntatem, & remunerationem, ponat in manus Dei. In fastidio verò mundi debet esse cautio, & timor, nè fastidium sit propter aduersitates mundi, & vitæ impatientiam, nè sit etiam propter vitæ temporalis maiorem requiem, & laboris alijs proficui exonerationem. Sed solummodo fiat propter peccatorum abominationem, & desiderium æternæ vitæ. His igitur difficultatibus vitæ superatis, adhuc præcaueo Episcopum de tribus inimicis, qui sunt in via sua. Primus quippè hostis nritur sibilare in aures Episcopi, vt obstruat auditum eius. Secundus stat antè eum, vt pungat oculos eius. Tertius est antè pedes eius, clamans altè, & habens laqueum, quo pedes illaqueat, quando eleuat eos à terra. Primus hostis sunt homines illi, siue infusiones illæ, qui nituntur Episcopum trahere à via recta, dicentes. Cur tantum assumis tibi laborem, & pergis per viam tam arctam, diuertere ergo magis in viam floridam, per quam vadunt plures. Quid ad te quomodo ille, vel illi viuunt. 3 Quid ad te offendere, & obiuare illos, à quibus honorari, & amari possis. Si non offendunt te, & tuos, quid tibi curæ est, quomodo viuunt, aut si offendunt Deum. Si verò tu ipse bonus es, quid ad te iudicare alios. Da magis munera, & accipe, vt re amicitia hominum, vt lauderis, & bonus voceris in vita tua. Secundus hostis desiderat

excæcare te sicut Philistijm Sampsonem. Hi sunt pulchritudo, & possessio mundi, fluxus vestium, & diuersus apparatus rerum, honores hominum, & fauores. Cum enim ista offerantur, & placeant oculis, excæcatur ratio, tepescit amor mandatorum Dei, peccatum perpetratur licentiùs, & commissum leuigatur. Propterea cum Episcopus necessaria moderata habuerit, contentetur. Nam nimis multis videretur nunc dulciùs esse stare ad molam cupiditatis cum Sampsonem; quàm diligere Ecclesiam secundum laudabilem dispositionem curæ Pastoralis. Tertius hostis clamat altè, habens laqueum, & dicens. Cor (inquit) sic vadis cautè, & inclinato capite? Cur in tantum humilias te ipsum, qui à pluribus debes, & possis honorari? Esto magis Sacerdos, vt sedeas cum primis. Esto Episcopus, vt honorari possis à pluribus. 4 Procede ad maiores dignitates, vt maiora obtineas seruitia, & maiori fruaris quiete. Congrega thesauros, quibus alios iuuans tecum ab alijs consolari possis, & ubique esse lætus. Cumq. animus talibus inclinatus fuerit affectionibus, & suggestionibus, mox affectus eleuatur, quasi pede quodam prauæ delectationis ad terrenam cupiditatem, qua ita inuoluitur laqueo curæ mundialis, quod vix cõsurgit ad considerationem suæ miseræ, & præmiorum, seu suppliciorum æternorum. Nec mirum, scriptura enim dicit: Quod qui Episcopatum desiderat, bonum opus desiderat, ad honorem Dei: Nunc autem plerique desiderant honorem, & refugiunt laborem, in quo animæ est salus sempiterna. Propterea Episcopus iste ster in gradu, quem habet, nec appetat altiore, donec Deo placuerit ei aliter prouidere.

NOTÆ.

Contra tales homines induat se Episcopus veste patientiæ, & constantiæ.

Inter ceteras virtutes, quibus præditus esse debet Episcopus, patientia in primis, animiq. constantia est: nam quemadmodum ex diuina misericordia nullo unquam tempore permittit Deus, ut ad eorum solatium aliqui boni non desint; ita quoque aliqui semper peruersi, ac mali reperiuntur homines ad patientiam, & humilitatis exercitium, contra quos his potissimum duabus virtutibus esse pugnam, admonet hic B. Virgo. Hanc ob causam ad Episcopum spectare arbitror illud verbum Iob 30. *Frater fui Draconum, & socius strutionum*: eius enim partes sunt, & aduersa patienter tolerare, & ob illatas iniurias nec animo frangi, nec mente turbari, sed omnia, veluti strutio ferrum deglutire, aliàs inter bonos numerari minimè poterit, ut dicit gloss. exponens illud Cant. 2. *Sicut liliū inter spinas*: Bonus non fuit, qui malos tolerare non potuit. Quod etiam egregie annotauit D. Greg. qui locum citatum Iob exponens. Nullum (ait) perfectū esse censendum, qui inter proximorum mala non est patiens: & Lib. 20. Moral. cap. 28. affirmat impatientiam potestati amicam esse: unde fit, Prælatos in huiusmodi vitium frequenter incidere, & subdit eos plus interius patientiæ iugo subiiciendos esse, quam foris hominibus præsumi, & eò veriorem principatum foris exhibere, quò humiliorem Deo intrinsecus famulatum tenent, & idè plus sæpè quosdam tolerare, quo de eis vlcisci amplius possunt.

2. Quid verò significant spinæ, nisi aduersitates mundi.

In præsentis Capite Beatissima Virgo dicit viam, per quam Episcopi ambulant spinis esse referant, & non longe ab initio Capituli scribitur, *Via arcta est, & in ea spine sunt pugnatiua*, insuper declarat, hic per spinas aduersitates intelligendas esse: quod etiam annotauit D. Hieronym. super Iesaiam cap. 23.

D. Bernard. serm. 48. in Cant. August. etiam ibi super cap. 2. *Quæ quidem tot, tantæq. reperiuntur in Episcopali regimine, ut mirum non sit, si D. Chrysost. lib. 3. & 6. de Sacerdotio. Onus Episcopale vocet pelagum laborum, & erumnarum abyssum*: atque inter has spinas erat liliū sponse, Cant. 2. Sicut liliū inter spinas quæ licet tribulationibus premeretur, suam tamen nec venustatem amittebat, nec fortitudinem; ita quoque Episcopo animum aduersitas non deiciat, sed inflamment, fortior fiat in aduersis, promptior in angustiis, & in omnibus sese audaciorem exhibeat. Verum quanta afferre possint Prælati, alijsq. commoda tribulationes, tradit D. August. in Psal. 73. 128. & 133. *ubi sic ait, O securitas tribulationum; fortior fuit Iob in sterquilinio contra suam, Euam, quam Adam in Paradiso contra suam*: idem habet contra secundam epistolam Gaudenij lib. 2. exponens illud, *Qui pite volunt viuere in Christo persecutionem patientur*: sed latè de eadem re agit Chrysost. in Psal. 122. & 141. *ubi offert exemplum agricola, qui amputat comas arborum, nè nimis luxuriarent, & humores, & vires in radices conuertantur*: Idè (inquit) oportet abscondi temporales prosperitates, ut homines conuertantur in radices, id est totas cogitationes ponant in internis, & æternis bonis, & non superfluant folia. Legendus est etiam D. Bernard. epistol. 32. 72. 73. & 136. quam sic concludit, *Diuina igitur sapientia sic pio moderamine hæc alternauit electis, ut nec aduersa frangant, nec lata dissoluant, cum potius illa ex istis gratiora, & illa ex his tolerabiliora sint*.

3. Circa medium Capitis, ubi in impressis var. Codicibus legimus.

Quid ad te offendere, & obiurare illos M. S. habet, *Obiurgare illos*.

4. Procede ad maiores dignitates, ut maiora obtineas seruitia, & maiori fruaris quiete.

Nihil est, quod maius Episcopali cura inferat damnum, nihil quod à suo munere rectè, probèq. obeundo Episcopo magis impediatur.

diat, quam in suo statu nolle quiescere, sed
altio rem gradum querere, & maiores digni-
tates sectari: acerrimus namque hostis est,
cui legimus hic, prauum ambitionis deside-
rium, quod grauius sibi, suisq. subditis no-
cet, quam quodlibet aliud vitium: dum
enim rebus mundanis Episcopus inhiat, cale-
stia deserit, dum excellentiores gradus affe-
ctat, sibi commissas oues negligit, dum alijs
præesse studere debet, eos quibus præest cõre-
mit: sed frequenter accidit, ut hi, quod sic appe-
tunt inordinatè, non solum nõ assequantur, sed
iusto Dei iudicio, eo quod possident priuentur:
Et ideo admonendi sunt cum D. Ioanne in
Apocalyp. cap. 3. Tene quod habes, ut ne-
mo accipiat coronam tuam: Et in fine etiam
presentis Capituli admonetur quidam Epi-
scopus his verbis. Propterea Episcopus iste
stet in gradu, quem habet, nec appetat al-
tiores, donec Deo placuerit ei aliter promi-
dere.

DECLARATIO PLENARIA

Virginis ad Episcopum, qualiter ut
Deus honoretur per ipsum exercent
Episcopale officium. Et de duplici fru-
ctu veram dignitatem obsequente, &
de duplici confusione falsam digni-
tatem obsequente, & de occurso Iesu
Christi, & omnium Sanctorum ad ve-
rum, & rectum Episcopum.

CAP. III.



INQVEBATVR Mater
Dei. Ego exponere volo
Episcopo, quod tenetur fa-
cere Deo, & quid est honor
Dei. I Omnis itaque Epi-
scopus debet habere insulam in brachijs
suis benè custoditam. Non vendere eam
pro pecunia. Non concedere alijs prop-
ter amicitiam carnalem: Non perde-
re propter negligentiam, & tepiditatem.
Quid verò significat insula Episcopalis,
nisi dignitatem, & potestatem Episcopa-

lem? Ordinare scilicet Clerum, & confi-
cere Chrisma, corrigere errantes, exci-
tare exemplo suo negligentes. Quod ve-
rò in brachijs debet habere insulam benè
custoditam, significat, quod sedulè de-
bet cogitare quomodo, & qualem acce-
pit potestatem Episcopalem. Quomodo
eam tenuerit. Quis verò sit eius fructus.
Quisvè finis. Si Episcopus attendere ve-
lit, quomodo accepit potestatem, 2 at-
tendat primò si desiderauit Episcopatum
propter se, vel an propter Deum. Si au-
tem propter se, tunc sine dubio deside-
rium suum erat carnale. Si verò propter
Deum, idest, ad honorem faciendum
Deo, tunc desiderium suum erat meri-
torium, & spirituale. Deindè si Episco-
pus cogitet ad quid recepit Episcopatum.
Certè ut esset Pater pauperum, consolator,
& mediator animarum, nam bona
Episcopalia bona sunt animarum. Quæ
si infructuose comeduntur, & prodigaliter
expenduntur, animæ illæ clamabunt vin-
dictâ super iniustum dispensatorè. Qua-
lis verò erit fructus Episcopalis digni-
tatis, dicam tibi, ipse quippè erit duplex,
sicut dicit Paulus, corporalis scilicet, &
spiritualis. Corporalis, quia in terris est
Vicarius Dei, & ideo ob honorem Dei,
quasi Deus ab hominibus honoratur.
In Cælis erit corporalis, & spiritualis
propter glorificationem corporis, & ani-
mæ, quia ibi erit seruus cum Domino.
Tum propter vitam Episcopalem, quam
gessit in terris. Tum propter exemplum
humilitatis, quo alios secum ad gloriam
prouocauit. Omnis verò, qui vestem, &
dignitatem habet Episcopalem, sed refu-
git vitam, duplici confusione erit dignus.
Quòd verò potestas Episcopalis non de-
bet vendi. Significat, quod Episcopus
non debet esse sceleratus simoniacus. Nec
exercere officium suum propter pecu-
niam, vel hominum fauorem. Nec pro-
mouere illos propter preces hominum,
quos sciuerit esse malæ vitæ. Quod ve-
rò insula non debet alijs concedi propter

3 amicitiam hominum. 3 Significat, quod Episcopus non debet dissimulare peccata negligentium. Nec dimittere illos impunitos, quos potest, & debet corrigere. Non silere peccata amicorum propter carnalem amicitiam. Nec imponere dorso suo peccata subditorum, quia Episcopus est speculator Dei. Quod verò Episcopus non debet perdere insulam propter negligentiam, significat, quod Episcopus non debet illa committere alijs ad faciendum, quæ ipse personaliter tenetur, & potest fructuosius facere. Nec propter quietem carnis illa dimittere alijs, quæ ipse perfectius valeret adimplere, quia officium Episcopi non est quietis, sed laboris. Nec Episcopus ignorare debet vitam, & mores eorum, quibus committit officia sua, sed scire, & inquirere quomodo servant iustitiam. Et si pudenter, & non cupidè gerunt se in agendis. 4 Insuper scire te volo, quod Episcopus, quia Pastoris vices habet, tenetur habere fasciculum florum sub brachijs suis, quo oves vicinæ, & remotæ, illectæ currant gaudentes post odorem eius. Ille verò fasciculum florum significat prædicationem diuinam, quam Episcopus habere tenetur. Brachia vero duo, quibus fasciculus prædicationis diuinæ innititur, sunt duo opera necessaria Episcopo, scilicet bona opera in publico, & bona opera in abscondito. Ut oves vicinæ in Episcopatu eius, videntes charitatem Episcopi in operibus, & audientes in verbis, glorificent Deum in Episcopo. Oves verò remotæ audientes famam Episcopi, desiderant illum ad sequendum. Nam iste est suauissimus fasciculus, non erubescere veritatem, & humilitatem Dei. Docere bona, & eadem quæ docet facere. Esse humilem in honore, & deuotum in abiectione. Cumq. Episcopus compleuerit viam istam, & peruenit ad portam, necesse est ei aliquid habere in manu, quod præsentet summo Re-

gi. Et ideò habeat in manu vas sibi charum, & hoc vacuum, offerendo illud Regi summo. Vas verò istud vacuum offerendum, est cor suum, quod ut vacuum sit ab omni voluptate, & appetitu laudis transitoria, laborandum est ei die, ac nocte. Cumq. introducendus est talis Episcopus in regnum gloriae, occurret ei Iesus Christus Deus verus, & homo, cum omni Sanctorum exercitu. Tunc audiet Angelos dicentes. O Deus noster, gaudium nostrum, & omne bonum. Ille Episcopus mundus fuit in carne, virilis in operatione, decet ergo nos eum præsentare tibi. Desiderauit enim quotidie societatem nostram. Ideò comple desiderium eius, & auge ex aduentu eius gaudium nostrum. Tunc quoque dicturi sunt, & cæteri Sancti. O Deus gaudium nostrum est de te, & in te, nec indigemus alio. Attamen gaudium nostrum excitatur ex gaudio animæ huius Episcopi quæ dum potuit desiderauit te. Portauit enim flores suauissimos in ore, quibus augmentauit numerum nostrum. Portauit in opere, quibus habitantes de propè, & à lōgè reficiebat, ideò da ei gaudere nobiscum, & tu similiter gaude de eo, quem moriendo pro eo tantum desiderasti. Vltimo dicturus est ei Rex gloriae. O amice venisti præsentare mihi vas cordis tui, vacuum à te; & à voluntate propria, ideò ego implebo te delectatione, & gloria mea, lætitia mea erit tua, & gloria tua nunquam finietur à me.

NOTAE.

OMnis itaque Episcopus debet habere insulam in brachijs suis bene custoditam.

D. Bernardus in prologo libri primi de Consideratione ad Eugenium, Episcopalis insulae meminit, Amor (inquit) Dominum nescit,

agnoscit filium, & in insulis per se satis subie-
tus: idem habet lib. 2. c. 10. Nunquid insula-
tus (inquit) nunquid micans gemmis: quid
autem per insulam intelligendum sit, explicat
ibi Gerard. Voss. nostris hisce temporibus vir
doctissimus, ac in Grecis litteris apprime eru-
ditus, in notis ad D. Bernard. locis citatis. In
insulis (inquit) hoc est in fascijs Pontificali-
bus, in diademate, & corona, atque hoc loco
per insulam ad litteram intelligendum esse
puto Episcopalem mitram, qua caput Episco-
pi ornatur, in qua Pontificia Maiestas, &
auctoritas mystice designatur: & colligitur hoc
expresse ex verbis, quae habentur non longe ab
initio praesentis Capituli, ibi. Quod verò si-
gnificat insula Episcopalis, nisi dignitatem, &
potestatem Episcopalem? Hanc eandem mi-
sticam Mitre significationem affert Innocen-
tius III. lib. 2. Myst. Missae cap. 44. Ut
autem Mitra duo cornua habet, insinuat
utriusque testamenti scientiam, quam Episco-
pus debet habere, ut annotavit D. Antonin.
3. par. summa tit. 20. c. 2. §. 9. Innocentius
lib. citato c. 60. Turrecrem. in Canone Dis-
ciplina dist. 45. Ceterum ad huius rei maio-
rem intelligentiam sciendum est ex Hieron.
ab Oleastro, in Leviticum c. 8. ad litteram,
Mitram dictam esse Hebraice (à Sanap)
quod est involuere, & inde habet ortum (mis-
nepet) id est involucreum, seu mitra; sic ab
involvendo dicta quia ea caput involuebatur,
an autem sit ea, quae Exod. 28, & Levit. 8.
Cidaritis appellatur, quae ad caput Sacerdotis
ornandum pertinere videtur, mihi ignotum
est, putat tamen D. Aug. non spectare ad capi-
tis ornatum, sed esse genus vestis, sic in que-
stionibus super Exod. q. 123. cum de filiis
Aaron loqueretur. Et indue eos (inquit) tuni-
cas, & cinge eos zonis, & circumdabis eis ci-
darias, quam dicit cidaram, vel cidaras,
quoniam non est interpretatum, nec in usu
modo est, ignoratur, puto tamē non esse capitis
regumen, ut nonnulli putarunt, neque enim di-
ceret circumdabis eis, nisi tale aliquid esset, quod
non capiti, sed corpori usui esset, sed in Levit.
q. 32. affirmat spectare ad capitis ornamentū,
Quod est (ait) quod Aaron, & reliquos filios

eius mortē illorum duorum lugere prohibens,
dicit, Caput vestrum cidara non denudabitis,
ubi certē ostendit, cidaras ad capitis orna-
tum pertinere.

Attendant primò, si desideravit Episco-
patum propter se, vel an propter Deum,
si autem propter se, tunc sine dubio desi-
derium suum erat carnale, si verò propter
Deum, id est ad honorem faciendum Deo,
tunc desiderium suum erat meritum,
& spirituale.

Hoc loco Beatissima Virgo indicare vi-
detur, licitum esse ad bonum finem Episcopatu
appetere, quod ut explicemus apertius, Notā-
dum est ex D. Thom. 2. 2. q. 185. art. 1. &
Soto de iust. & iur. lib. 10. q. 2. in Episcopatu
tria esse, Primum, quod caput est omnium
Episcopalis operatio, ac functio, qua animarū
saluti consulitur, secundum illud Ioann. ult.
Pascite oves meas. Secundum est ordinis digni-
tas, & excellentia, quae Matth. 25 tangitur
Fidelis servus, & prudens, quem constituit
Dominus super familiam suam. Tertiū, & po-
stremum, quod ad duo priora consequitur, est
reuerentia, & honor, & honorū temporalium
copia, de qua 1. ad Timoth. 5. Paul. Qui bene
praesunt Presbyteri, duplici honore digni sunt.
His declaratis mihi dicendum est, primò Epi-
scopatū appetere absolute propter commodū,
& salutem animarum, tunc maximē, cū quis
a Superiori eo dignus esse iudicatur, & lau-
dabile est, ac meritum, & hoc est, quod scri-
bitur hic, Si verò propter Deum desideravit
Episcopatum, id est ad honorem faciendum
Deo, tunc desiderium suum erat meritum,
& spirituale, quia hoc est desiderare prodesse
subditis, quod actus est virtutis, ut probat
Card. Caer. sup. S. Thom. loc. cit. & Sotus etiā
de iust. & iur. loc. cit. & patet ex Bernard.
epist. 86. ubi inquit. Nec praesse refuge, dum
prodesse potes, quia & quidem tibi, si praes,
& non prodes, sed & gravius, si quia praes
se metuis, prodesse refugis, idem colligi po-
test ex Diuo Isidoro lib. 3. de summo Bo-
no cap. 33. Multis (inquit) intercipit Sa-
thanas fraudibus eos, qui & vice, & sensus
utilitate praestantes, praesse, & prodesse alijs

nolunt, & dum eis regimen animarum imponitur, renuunt, & consultius arbitantes otiosam vitam agere, quam lucris animarum insistere, quod tamen decepti agunt per argumentum Diaboli fallentis eos sub specie boni, ut dum illos à pastoralis officio retrahit, nequaquam proficiant, qui eorum verbis, & exemplis instrui poterant, sed hoc potest apertius deduci ex Paulo 1. ad Timoth. 2. ibi, Si quis Episcopatum desiderat, ubi Gloss. Interl. notat, cum recte Episcopatum desiderare, qui desiderat operari, & prodesse multis, & Lyran. ibi asserit, quod non est desiderandus Episcopatus propter officij dignitatem, sed propter annexum laborem, qui est ordinatus ad honorem Dei, & proximi salutem. Ceterum appetere Episcopatum ratione dignitatis, & praeminentiae, vel temporalium bonorum, crimen est maximum, cum autem id animo sit consulendi proximo, temerarium esse videtur: existimat enim ille, qui sic Episcopatum appetit, posse huiusmodi onus perferre: sic docet D. Thom. loco supra citato, & innuitur hic, cum legimus, Si desideravit Episcopatum propter se, intellige ad sibi querenda bona temporalia, & dominium super alios, tunc sine dubio desiderium suum erat carnale.

Episcopus non debet dissimulare peccata negligentium, nec illos dimittere impunitos, quos potest, & debet corrigere, non silete peccata amicorum propter carnalem amicitiam, nec imponere dorso suo peccata subditorum, quia Episcopus speculator est Dei.

Quoniam hoc loco Episcopi speculatores appellantur, inde deducere libet, eorum nomen non esse honoris, sed operis: est namque speculari, superintendere, & tota mentis acie, animiq; vigilare, unde speculatores, superintendentes à D. Hieronym. in epist. ad Eugenium, appellantur, & refertur 93. Dist. Can. Legimus & annotauit D. August. lib. 19. de Ciuit. cap. 16. circa med. atque hinc nobis inferendum est, in quo eorum fundio, ac munus peculiariter positum esse debet: tenetur enim eos reprehendere, qui reprehensione digni sunt, alios redarguere, qui proximo scandalo sunt,

alijs blandiri, qui uita probitate, ac sanctitate ceteris proficui sunt, alios hortari, & promouere, qui in operando tepidi sunt, Clericorum, & laicorum uicia, exemplo, uerbis, legitimisq; penis insisteri, quod si ad humanum fauorem capeandum id facere neglexerint, non pastores uocandos esse dicit D. Greg. in Pastoral. c. 5. sed mercenarios, qui suorum subditorum peccata in dorso portant, ut scribitur hic, quoniam pro his rationem reddituri sunt; quomodo autem iuxta varias delinquentium condiciones in admonendo se gerere debeant, tradit D. Greg. in Pastoral. par. 3. & D. Bernard. fusc. lib. 3. de Consid. ad Eugen. Papam.

Insuper scire te volo, quod Episcopus, quia Pastoris vices habet, tenetur habere fasciculum florum sub brachijs suis, quo oues vicinae, & remotae illectae currant gaudentes post odorem eius, iste uero fasciculum florum significat praedicationem.

Inter cetera Episcopi munera peculiare est officium praedicandi, quod fasciculo florum, idcirco hic comparatur, quatenus per illud debet Episcopus omnium suarum animas à terrenarum rerum fetore abductas, sua praedicationis odore, ac sermonis suauitate, ad celestium amorem inflammare: hoc enim est, quod & sacra littera, sanctiq; Patres, Concilia quoque strictè illis praeceperunt: sic enim Apost. Paul. 1. ad Timoth. 4. scribens, Attende (inquit) lectioni, & exhortationi, & doctrinae, & 2. ad Timot. 4. Predica uerbum, in sta oportune, importune; & Concil. Carthaginen. 4. Episcopus (ait) nullam rei familiaris curam ad se reuocet, sed lectioni, & orationi, & uerbi Dei praedicationi tantummodo uacet. Verum apertius, ut alia antiquiora Concilia omittamus, hoc tradidit Concil. Trident. sess. 5. cap. 2. ubi inter Episcopalia onera, munus praedicandi dicit esse praeceptum, & praecipit Episcopis, ut per seipso illud obeant, nisi legitima fuerint causa impediti, idem quoque habet D. Greg. epist. 39. lib. 2. & epist. 37. lib. 4.

VERBA MATRIS AD FILIAM DE
concupiscentia malorū Episcoporum,
& quomodo propter bonam volunta-
tem multi dignitatem obtinent spiri-
tuale, quam inordinati Episcopi cō-
temnunt, qui ad eam corporaliter sunt
vocati, per latum exemplum inducit.

C A P. IIII.



MATER Dei loquebatur ad
sponsam Filij dicens. Tu
ploras, quòd charitas Dei
ad hominem est maxima,
& è contra charitas homi-
num est ad Deum modica. Verè sic est.
Quis enim est Dominus, vel Episcopus,
qui non magis concupiscit dominium ad
honorem mundi obtingendum, vel diui-
tias, quàm ad subueniendum pauperibus
suis proprijs manibus. Et ideo quia Do-
mini, vel Episcopi nolunt venire ad nup-
tias omnibus preparatas in Cælo, venient
pauperes, & infirmi, sicut per exemplum
tibi ostendere volo. In Ciuitate quadam,
erat quidam Episcopus sapiens, & pulcher,
& diues, qui de pulchritudine, & sapien-
tia sua laudatus, non regratiabatur Deo,
vt debuit, qui dedit ei ipsam sapientiam.
Laudabatur quoque, & hōnorabatur de
diuitijs suis, & ideo dedit multa propter
mundi fauorem. Plurima quoque con-
cupiuit, vt largiūs daret, & ampliūs ho-
noraretur. Ille Episcopus habebat quen-
dam Clericum literatum in Episcopatu
suo, qui taliter secum cogitabat. Ille (in-
quiens) Episcopus diligit Deum minūs,
quàm expedit. Vita eius tota tendit ad
secularia. Ideò si placeret Deo, libenter
desiderarem Episcopatum eius, ad facien-
dum honorem Deo. Non desidero qui-
dē propter mundum, quia honor mundi
non est aliud, nisi aer. Non propter di-
uitias, quia sunt graues, tanquam onus
grauissimum, non propter quietem car-

nis meæ, & commodum proprium, quia
non teneor esse in quiete nisi rationabili,
sic vt corpus stare possit in seruitio Dei,
sed propter solum Deum desidero. Et
quamuis indignissimus sim honore, ta-
men, vt plures lucrificerem Deo, & plu-
ribus proficerem verbo, & exemplo, plu-
resq; sustentarem de bonis Ecclesiæ, li-
benter susceperem onus Episcopale.
Nam Deus scit, quòd charior esset mihi
mors dura, & dulciūs ad ferendum ama-
rum supplicium, quàm Episcopalis di-
gnitas. Quia licet passibilis sim sicut
ceteri, tamen qui Episcopatum deside-
rat, bonum opus desiderat. Ideò liben-
ter desidero honorem Episcopi cum onere
Episcopali, honorem quidem propter
salutem plurimorum, onus verò propter
salutem meam, & amorem Dei, &
animarum, ad hoc solum, vt bona Ec-
clesiæ possim distribuere largiūs pau-
peribus, animas instruere liberiūs, er-
rantes instruere fiducialius, vexare car-
nem meam abundantius, moderare me
ipsum sollicitius in exemplum aliorum.
Ille autem Canonicus increpauit Episco-
pum suum occultè, & prudenter. Episco-
pus verò ægreferens verba, confudit
Clericum aperte, & imprudenter, iactans
se ad omnia sufficientem, & moderatum.
Canonicus autem plorauit excessus Episco-
pi, patienter ferens illata, sed Episco-
pus deridens charitatem, & patientiam.
Canonicus, obloquebatur ei, in tantum,
quòd Canonicus arguebatur, & reputa-
batur fatuus, & mendax, Episcopus verò
iustus, & circumspectus: tandem proce-
dente tempore Episcopus, & Canonicus
migrauerunt, & vocati sunt ad iudicium
Dei. In cuius conspectu, & præsencia An-
gelorum, posita videbatur quidam sedes
aurea, & ante sedē insula Episcopalis, &
tōtus eius ornatus, multi quoque Dæmo-
nes sequebantur Canonicum, cupientes
inuenire aliquid mortiferum in eo, quia
de Episcopo sic erant certi, sicut ceteri, qui
inter procellas seruat catulos suos vitios

in ventre suo. Propositis verò multis quærimonijs contra Episcopum, cur scilicet, & qua intentione suscepisset Episcopatum, cur superbiuit de bonis animarum, quomodo animas sibi commissas rexisset, quid verò Deo pro facta sibi gratia respondisset. Cumq. Episcopus nihil iustitiæ haberet, quid responderet ad proposita. Respondit Iudex. Ponatur (inquiens) in capite Episcopi sex pro infula. In manibus autem pix pro chirothecis, lutum in pedibus pro sandalijs, pro camisia, & linteo Episcopali pannus meretricialis; pro honore suscipiat dedecus, pro lata familia habeat sæuientem turbam Dæmoniorum. Deinde addidit Iudex. Ponatur in capite Canonici corona fulgida sicut Sol. In manibus eius chirothecæ deauratæ. Calciate pedes eius forularibus. Insuper induatur habitu Episcopali cum omni honore. Qui statim veste Episcopali circumdatus, ab omni exercitu cælesti præsentatus est Iudici tanquam Episcopus cum honore. Episcopus descendit sicut fur habens in collo funem, à cuius conspectu Iudex auerteat oculos misericordiæ suæ, & omnes Sancti cum eo. Ecce quomodo propter voluntatem bonam multi obtinent dignitatem spiritualiter, quam illi contemnunt, qui ad eam corporaliter sunt vocati. Omnia hæc fiebant in vno puncto apud Deum, sed propter te verbis prolata sunt, quia mille anni apud Deum sunt, quasi vna hora. Quotidiè quoque contingit, quod ex quo Episcopi, & Domini nolunt tenere officium suum, ad quod vocati sunt, Deus elegit sibi pauperes Sacerdotes, & Campanarios, qui viuentes iuxta meliorem conscientiam suam ad honorem Dei libenter proficerent animabus, si possent, & faciunt, quæ possunt, idèò ingreditur loca Episcopis præparata. Nam Deus similis est illi, qui suspendens auream coronam ante fores domus suæ, clamat transeuntibus sic. Omnis cuiuscunque status fuerit, promereri potest coronam

istam, & quicumque nobilius vestitus fuerit virtutibus, obtrinebit illam. Verumtamen scito, quod si Episcopi, & Domini sapientes sunt carnali sapientia, Deus sapientior est illis, etiam spiritualiter, qui exaltat humiles, & non approbat superbientes. Scito etiam, quod Canonicus iste, laudatus, non curauit personaliter equum suum, cum iret ad prædicandum, vel ad opus suum, nec personaliter extruxit focum suum cum commesturus esset, sed habuit familiam, & necessaria sua ad sustentationem rationabilem; qui etiam habuit pecuniam, sed non ad cupiditatem. Nam etiam si affluxisset sibi tota mundi substantia, non dedisset vnum denarium ad hoc, quod fieret Episcopus. Nec pro toto mundo dimisisset Episcopatum, si placuisset Deo, sed totam voluntatem suam posuit ad Deum, paratus honorari ad honorem Dei, & paratus deijci pro amore, & timore Dei.

VERBA AMBROSII AD SPONSAM

de prece bonorum pro populo, & quomodo per Gubernatores, Domini singulares, & Ecclesiæ, & per procellas, superbia, &c. & per Portum introitus veritatis designantur, & de vocatione sponsæ in spiritum.

C. A. P. V.



SCRIP TVM est, quod amici Dei olim clamabant, rogantes Deum dirumpere Cælum, & descendere ad liberandum populum suum Israel. 2 Similiter & in istis temporibus amici Dei clamabant, dicentes. O benignissime Deus, nos videmus populum innumerabilem in periculosis procellis perire, quoniã Gubernatores auidi sunt, illis in terris iugiter applicare volentes. vbi sibi ipsis maius lucrum existimant provenire. Illic se, & populum ducentes, vbi horribiliores sunt

iactus

NOTÆ.

iactus vndarum, nesciente populo securitatis portum, & ob hoc miserabiliter periclitatur populus infinitus, nimis paucis venientibus ad bonum portum. Ideo rogamus te omnis gloriæ Regem, ut portum illuminare digneris, quatenus populus vitare sua pericula valeat, & iniquis Gubernatoribus non parere, sed ad portum rectum reduci lumine tuo benedicto. Per istos verò Gubernatores, intelligo omnes potestatem habentes corporaliter, & spiritualiter in mundo. Plerique enim illorum in tantum diligunt voluntatem propriam, quod de animarum vtilitate, & suorum subditorum non attendunt, sæuissimis mundi procellis, videlicet superbiz, cupiditatis, & immunditiæ, se voluntariè inuoluendo, quorum actus misera imitatur communitas, credens se per illam viam tenere rectam, & sic ipsi se vna cum subditis peribunt, sequendo suæ voluntatis quemlibet appetitum. Per portum verò intelligo introitum veritatis, qui nunc coram multis sic obscuratus est, quod cum aliquis dixerit viam ad portum cælestis patriæ, qui est sacratissimum Christi Euangelium, tunc ipsi mentiri dicunt, eorum opera magis sequentes, qui peccatis quibuscumque se ingerunt, quàm illorum verbis credentes, qui Euangelicam prædicant veritatem. Per lucem verò, quam amici Dei petebant, intelligo aliquam diuinam reuelationem fieri in mundo, ad hoc, ut charitas Dei renouari valeat in cordibus hominum, & eius iustitia non obliuisci, nec negligi. 3 Et ideo placuit Deo propter misericordiam suam, & suorum amicorum petitionem, vocare te in Spiritum sanctum, ad videndum, audiendum, & intelligendum spiritualmente, ad hoc, ut ea, quæ audieris in spiritu, debeas alijs reuelare secundum Dei voluntatem.

1 Scriptum est, quod amici mei olim clamabant, rogâtes Deum dirumpere Cælum, & descendere.

Sic legimus. cap. 64. Isaiam aliquando clamasse, Vtinâ dirumperes Cælus, & descenderes, a facie tua montes destuerent. Scribitur autè hoc loco. sic Amicos Dei clamasse, quoniâ Isaias non tantummodo in persona sua, sed & omnium etiam Prophetarum Christi aduentum desiderantium loquutus est, prævidebat namque Prophetâ Messie aduentum; Populi abiectiōnem, & Gentium vocationem: sunt tamen, qui opinati sunt, hunc textum Isaiæ intelligendum esse non de primo Christi aduentu, sed de secundo, ut annotauit Lyrân. ibid. qui secundam hanc opinionem censet esse veriore, quoniam (inquit) hoc loco Isaias indicat illum venturum esse, cum magna potestate, in primo autem aduentu Christus venit in maxima humilitate, ut Zach. 9. patet illis verbis, Ecce Rex tuus venit tibi iustus, & Saluator, ipse pauper, & ascendens super asinum: explicat autem Lyrân. illum text. sic, Vtinâ dirumperes Cælus, & descenderes ad iudicium: scilicet, & subdens Prophetâ, a facie tua montes destuerent, sicut exustio ignis, Quia (inquit) ante aduentum Iudicis montes tremotu corrunt, & terra igne conflagrationis purgabitur, atque ardebunt igne, quando ille ignis purgabit aquas in superficie terræ existentes hæc Lyrân. qui pro se etiam Alex. Alens, citat, idem sentientem: Verum Gloss. ordin. hunc textum interpretatur de primo aduentu Messie, & ex verbis etiam præsentis Notæ intelligendum esse de primo aduentu, colligitur euidenter ibi, Descendere ad liberandum populum suum Israel.

2 Et paulo post ubi in impressis Codicibus habetur, Similiter & in istis temporibus amici Dei clamabant.

3 Corrige cum Farnesiano M.S. Clamant: Et ideo placuit Deo propter misericordiam suam, & suorum amicorum petitionem, vocare te in Spiritum sanctum ad

ad videndum, audiendum, & intelligendum spiritualiter ad hoc, vt ea, quæ audieris in spiritu debeas, alijs reuelare secretum Dei voluntatem.


Hoc loco quedam breuiter notanda sunt, Primum quidem, vt intelligamus quid sit vocare aliquem in Spiritu sanctum. Secundum est, ergo, verbū vocare in sacris litteris sumi aliquando pro excitare, vt 1. Reg. 3. Vocauit Dominus Samuel, qui dormiens in templo Domini, a Domino vocatus est. Secundo pro inducere, vt 4. Reg. 8. Vocauit Dominus famem super terram, hoc est induxit famem. Tercio pro inspirare, vt Exod. 24. Septimo autem die vocauit eum. Vnde vocem Sponsi Cant. 2. inspiratione esse Dei docet D. Bernardus. 53. in Cant. & in triplici hoc sensu sumitur hic Verbum vocare, cum scribitur, Placuit te vocare in Spiritum sanctum, hoc est in te excitare Spiritum sanctum, aut te inspirare per Spiritum sanctum, verba. Tercio, quæ sequuntur nimirum. Ad videndum, audiendum, & vt debeas alijs reuelare, indicant quapropter huiusmodi Reuelationes Beata Brigitta tradite sint, ad Episcoporum nimirum instructionem, ad secularium Principum gubernationem, ad populorum correctionem. Quod apertius insinuat Lib. 7. Revelationum Cap. 16. vbi legimus, quia Principes terre, & Prelati Ecclesiarum auidius, & libentius aspiciunt oblectamenta terrena, quam mortem, & passionem meam, & vulnera mea, ideo mittam eis adhuc per te verba mea, qui nisi mutauerint corda sua, & ea conuerterint ad me, condemnabuntur cum illis, qui partiti sunt vestimenta mea, &

super vestem meam miserunt sortem.



VERBA EIVSDEM AMBROSII AD sponsam, quandam similitudinem viri, & vxoris, & ancillæ disponentia, & qualiter per adulterum Episcopus malus, & per vxorem Ecclesia, & per ancillam mundi amor designatur & de crudelissima sententia contra adherentes magis mundo, quam Ecclesiæ.

C A P. VI.



GO sum Ambrosius Episcopus, qui tibi appareo, loquens tecum per similitudinem quandam, quoniam cor tuum non potest capere intelligentiam spiritualium sine similitudine aliqua corporali. Vir quidam erat habens vxorem legitimam venustam valde, & prudentem. Cui tamen ancilla plus placebat, quam vxor, & ex hoc tria coniungebant. Primum est, quod verba, & gestus ancillæ magis cum lætificabant, quam vxoris. Secundum est, quod ancillam vestiebat nobilissimis indumentis, non curans, quod vxor pannosa esset, aut quod communi panno vestiretur. Tertium est, quod nouem horis morari solebat cum ancilla, decima, verò solum cum vxore. Nam prima hora erat cum ancilla, vigilans, dum eius pulchritudinem aspiciendo iucundabatur. Secunda hora inter ipsius brachia dormiebat. Tertia hora pro ancillæ comodo corporalem laborem gaudenter sustinebat. Quarta hora quietem corporis cum ipsa habebat post corporis lassitudinem. Quinta hora inquietudinem mentis, & curam super eius prouisione habebat. Sexta hora mentis quietem cum ea habebat, quia iam videbat se de sua prouisione ei pleniter cōplacere. Septima hora intrabat in eū ardor carnalis concupiscentiæ. Octaua hora cōplebat cum ea suæ voluptatis appetitū. Nona hora aliqua ommittebat agere, quæ tamen ei libebat perficere.

De-

Decima hora faciebat aliqua, quæ tamen non delectabant eum facere. Et sic una hora tantummodo manebat cum vxore. Veniens verò quidam de propinquis vxoris ad adulterū, grauiter increpauit eum dicens. 1 Ad legitimam tuam mentis tuæ charitatem conuerte ipsam diligendo, & sicut decet vestiendo, nouemq. horis cum ipsa manendo, & sola decima hora cum ancilla, alioquin scies te mortem pessimam subiturum. 2 Per istum adulterum intelligo istius Ecclesiæ Prouisorem, habentem quidem Episcopale officium, sed vitam adulterinam. Ipse quippè sanctæ Ecclesiæ spirituali copula ira coniunctus est, quòd ipsa eius sponsa charissima esse deberet, qui tamen charitatem suam ab ipso retraxit. Multò plus diligens seruilem mundum, quàm dominam sponsam tam præclaram. Et ideo tria facit. Primum est, quòd de mundi fraudolenta adulatione plus gratulatur, quam de sanctæ Ecclesiæ morigerosa dispositione. Secundum est, quòd omnem mundi ornatum diligit, de defectu verò ornatus Ecclesiastici corporalis; vel spiritualis minus curans. Tertium est, quòd nouem horas expendit pro mundo, & solam decimam pro Ecclesia sancta. Nam prima hora cum mundo vigilat hilariter, eius pulchritudinem intuens delectabiliter. Secunda hora inter brachia mundi, quæ sunt altitudo murorum, & vigilantia hominum armatorum, dormit suauiter, corporis sui securitatem se per hæc tenere confidens feliciter. Tertia hora pro mundano commodo corporalem laborem sustinet gaudeter, vt ex hoc cum mundo lætetur corporaliter. Quarta hora post corporalem laborem accipit quietem corporis libenter, quia quicquid ei placet iam habet sufficienter. Quinta hora mentis inquietudinem habet multipliciter, vt mundanis rebus prouidere videatur sapienter. Sexta hora mentis quietem habet iucundaliter, prouisionem suam mundanis hominibus placere

videns vniuersaliter. Septima hora audiendo, & videndo mundi delectabilia, & in voluntatem suam trahit desiderabiliter, ex quibus in corde accenditur impatienter, & intolerabiliter. Octaua hora perficit actualiter, quæ prius desiderabat ardentem. Nona hora aliqua sibi placita propter mundum omittit inutiliter, nè videatur eos offendere, quos diligit carnaliter. Decima hora aliqua bona perficit, sed non delectabiliter, timens, quòd infamis habeatur contemptibiliter, & dijudicetur miserabiliter, si ea aliqua ex causa omiserit totaliter, & ista hora decima solummodo cum sancta Ecclesia solèr cōmorari. Bona quæ facit nō ex charitate faciens, sed ex timore, timer enim supplicium ignis infernalis, qui si posset cum sospitate corporis, & mūdānarum rerum abundantia æternaliter vitare, de carentia supernæ felicitatis non curaret. Propterea dico certissimè, iurans per Deum, qui caret principio, & erit sine fine, quod nisi se citò ad sanctam Ecclesiam conuerterit, cum ipsa nouem horas ducendo, cū ancilla verò, idest mundo, decimam, non tamen eum diligendo, sed inuitus eius diuitias, & honores secundum Episcopale officium habendo, omnia ad Dei honorem humiliter, & rationabiliter disponendo, ipse in anima sua spirituales percussonem tam grauem habebit, sicut ille, per similitudinem corporalem loquēdo, habere videretur, qui tā horribiliter percuteretur in vertice, quòd planta pedis, cum tota corporis carne dissolueretur, venæ, & nervi rumperentur, ossa confringerentur, & medullæ miserabiliter vndique effluerent. Et sicut amarissimè cor illius corporis cruciari videretur, si vertex, & viciniora membra percuterentur, dum etiam planta pedis, quo remotior est læderetur. Sic & misera anima diuinæ sententiæ propinquissima ictui, torqueri estimabitur amarissimè, dum conscientia se videt vbique intolerabiliter fauciari.

N O T A E.

¹ **P**aulo antè medium presentis Capituli,
var. ubi hactenus impressa omnia habent
16a. exemplaria:

Ad legitimam tuam mentis tuæ charitatem conuerte ipsam diligendo, & sicut decet eam vestiendo.

M. S. Farnesianus legit, Ad legitimam uxorem tuam reuertere, atque ita legendum esse arbitror, quandoquidem reprehenditur hic quidam Episcopus, qui sponsam legitimam suam, hoc est Ecclesiam, deseruerat, seq. ad huius seculi delicias, ac voluptates cōuerterat: redarguitur autem sub similitudine unius, qui uxorem duxerat, qui tamen cum suæ uxoris ancilla sepius coniungebatur, qua de re à quodam suæ uxoris propinquo admonetur, ut relicta ancilla quam ciuissimè ad suam uxorem legitimam reuerteretur, & idcirco textus iste sic restituendus est, reuertere ad legitimam uxorem tuam.

² Per istud adulterium intelligo istius Ecclesiæ Prouisorem, habentem quidem Episcopale officium, sed vitam adulterinam.

Optimè hic D. Ambros. Episcopum suæ Ecclesiæ curam deferentem, & terrenis rebus inherentem, adulterum appellat: sicut enim, cum alter coniugum à fide in matrimonio præstita recedit, adulterium committere dicitur: sic quoque Prelatus adulterium committit, cum eidem Ecclesiæ, quæ illi desponsata est, fidem frangit, unde in consecratione Episcopo traditur anulus, quod precipue desponsatis con-

gruit, ut significetur, se

cum Ecclesiæ sibi

commissa,

velu-

ti

cum sponsa ge-

rere debe-

re.

VERBA VIRGINIS AD SPONSAM,
qualiter Episcopus diligens mundum,
flabello pleno vento, & testudini iacenti in putredine comparatur, & quomodo talis Ambrosio Episcopo oppositus iudicatur.

C A P. VII.



SCRIPTVRA dicit, Qui diligit animam suam in hoc mundo perdet eam. Iste, verò Episcopus diligit animam suam iuxta omnem voluptatem suam, & spiritualis delectatio non est in corde eius. Idcirco bene comparari potest flabello pleno vento, iuxta conflatorium. Nam sicut carbonibus consumptis, & ære ignito fluente adhuc remanet ventus in flabello, sic ipse, quauis naturæ suæ tribuit omne quod appetit, consumens tempus suum inutiliter, tamen remanet sibi eadem delectatio, sicut ventus in flabello. Nam voluntas eius est ad superbiam, & cupiditatem mundi, ex quibus induratis corde dat occasionem, & exemplum peccandi, qui cōsumpti in peccatis desuunt in infernū. Non sic dispositus fuit ille bonus Ambrosius Episcopus. Eius denique cor plenum fuit diuina volūtare. Eius cibus, & somnus rationabilis, qui exsufflans peccati voluptatem, tempus suū consumpsit vtiliter, & honestè. Ipse quippè bene vocari potest flabellum virtutum. Sanauit enim vulnera peccati verbis veritatis, incendit frigidus diuina charitate, & bonorum operum suorum exemplo, feruentes quoque voluptate peccati refriguerunt ex eius munda vita. Et sic ipse multos iuuit nē intrarent mortem inferni, quia diuina delectatio in eo permansit, quamdiū vixit. Iste verò Episcopus similis est testudini, quæ iacens in innata putredine, trahit caput in terram. Sic iste iacet, & delectatur in peccati abominatione trahens animum ad terrena, non ad sem-

sempiterna. Tria reduco sibi ad memoriam. Primò quomodo tenuerit officiū Sacerdotij. Secundò quid significat illud verbum Evangelij. Vestimenta sunt quium, intrinsecus autem sunt lupi rapaces. Tertiò, cur ea quæ temporalia sunt, tantum feruent in corde, Creator verò omnium frigidus in corde eius.

VERBA VIRGINIS AD SPONSAM
de sui ipsius perfectione, & excellentia, & de inordinato Magistrorum modernorum appetitu, & de eorum falsa responsione ad Virginis gloriose quæstionem sibi per ipsam factam.

C A P. VIII.



MATER loquitur. Ego sum illa, quæ ab æterno in charitate Dei fui, & ab infanzia mea Spiritus sanctus perfectè erat mecum. Et

sicut de Nuce exemplum habere poteris, quæ cum crevit, dilatante fe testa, quæ extrinsecus est, dilatatur, & crevit etiam nucleus, qui intrinsecus est, ita ut nux semper sit plena, & nihil in ea vacuum, quod capax sit alicuius rei exterioris.

1 Similiter & ego ab infanzia mea plena eram Spiritu sancto, & iuxta corporis, & ætatis meæ accrescentiam, tam affluenter me tota replevit Spiritus sanctus, quod nihil in me vacuum reliquit ad peccati alicuius introitum. Et ideo ego illa sum, quæ nūquam peccatum cōmisi veniale, nec mortale. Ego quippè in charitate Dei tam ardens eram, quod nihil mihi placuit, nisi perfectio voluntatis Dei. Feruebat enim in corde meo ignis diuinæ charitatis. Deus quoque super omnia benedictus, qui me sua potentia creauit, & Spiritus sancti virtute repleuit, ad me
2 ardentem charitatem habuit. 2 Et ex huius charitatis feruore misit nuncium suum ad me, faciens me volūtatem suam

intelligere, ut videlicet fierē Mater Dei. Quod dum noui esse voluntatis diuinæ, statim ex igne charitatis, quam in corde ad Deum habui, 3 per os meum exiuit veræ obedientiæ verbum, per quod nuncio respondi. Fiat (inquiens) mihi secundum Verbum tuum. Et in eodem puncto, Verbum caro factum est in me, & Dei filius factus est filius meus, & sic
4 ambo habebamus vnum filium, 4 qui vtrūque Deus est, & homo, & ego similiter Mater atque Virgo. Cumq. hic filius meus, qui est Vir sapientissimus, & Deus verus Iesus Christus iaceret in vtero meo, tantam ab ipso adeptam sum sapientiam, quod non solum magistrorum intelligere valeam sapientiam, verum etiam in cordibus eorum cerno, vtrum verba ipsorum ex diuina charitate, aut ex solius litteraturæ astutia procedunt. Ergo tu, quæ verba audis, nuncia magistro illi, quod ego tria ab ipso interrogo. Primum est, vtrum maius est sibi desiderium ad habendum fauorem, & amicitiam Episcopi corporaliter, vel an desiderat plus animam eius præsentare Deo spiritualiter. Secundò, vtrum ex plurimorum florenorum propria, & singulari possessione in animo plus delectetur, vel an ex nullorum. Tertiò quid sibi de his duobus videtur magis placere, vocari, scilicet magister, & inter honoratos cum primis pro mundana gloria residere, aut simplex frater vocari, & inter vltimos residere. Hæc tria diligenter perferretur. Si enim Episcopum corporaliter plusquam spiritualiter diligit, 5 tunc sequitur quod magis dicit ei illa; quæ delectant eum audire, quam omnia peccaminosa prohibere, quæ delectant eum agere. Si verò de plurimorum florenorum proprietate plus gratulatur, quam nullorum, tunc diuitias plus paupertate diligit, & videtur, tunc amicis suis consulere, quod magis teneant quicquid possunt acquirere, quam dimittant, quod carere libentius potuissent. Si verò
X dele-

5
var.
lect.

delectatur nomine magistri propter honorem mundi, & inter honoratos locari, tunc superbiam plus humilitate diligit, & ex hoc similior coram Deo apparet
 6 asino, quàm magistro. 6 Tunc enim vacua stramina masticat, quæ litteraturæ scientiæ sine charitate comparantur, & deest optimum triticum, quod charitati comparatur. Quia charitas diuina in superbo corde firmari nunquam potest. Post excusationem autem magistri excusantis se, & dicentis, quod maius esset sibi desiderium præsentare animâ Episcopi Deo spiritualitèr, & quod plus delectatur in nullis florenis. Tertio, quod nihil curat de nomine magistri. Respondit iterum Mater. Ego sum, quæ veritatem de ore Gabrielis audiui, & indubitanter credidi, vnde & Veritas de meo corpore sibi carnem sumpsit, & sanguinem, & mansit in me. Illam eandem veritatem genui de me, qui vtrunque Deus, & homo est ex se. Et quia Veritas, quæ Dei Filius est, ad me venire, & in me habitare, ex meq. nasci voluit, ideo plenissimè intelligo vtrum in ore hominum sit veritas an non. Verùm ego tria à magistro quæsiui, quem mihi benè respondisse probarem, si in verbis suis fuisset veritas, quæ quia in eis non erat, ideo de alijs tribus ipsum præcaueo. Primum est, quòd aliqua sunt, quæ corporalitèr diligit, & desiderat, & illa nullo modo obtinebit. Secundum est, quòd illud, quòd nunc habet cum mundana lætitia, citiùs amittet. Tertium est, quòd pusilli intrabunt caelum, magni autem stabunt foris, quoniam porta est angusta.

NOTÆ.

1 Similitèr, & ego ab infantia mea plena eram Spiritu sancto, & iuxta corporis, & ætatis meæ accrescentiam, tam affluentèr me totam repleuit Spiritus sanctus, quòd nihil in me vacuum reliquit ad peccati alicuius introitum.

Ex his verbis satis aperte duo colligi possunt. Primò quidem Beatissimam Virginem nullum unquam contraxisse peccatum; Secundò verò hoc singulare privilegium, quòd nunquam peccauerit ab exordio suæ infantie, accepisse, quòd ex his verbis deducitur. Ab infantia mea plena eram Spiritu sancto, &c. Sic etiam docuerunt Gabriel in 3. dist. 3. q. 2. art. 3. sequuntur Almainus, & Ocham d. 12. quæst. 2. Sed D. Thomas 3. p. quæst. 27. art. 4. ad primum, & in 3. dist. 3. quæst. 2. art. 3. distinguens, tradit, in prima sanctificatione datum esse Mariæ solum, ut nunquam de facto peccaret, in secunda verò, idest in sui filij conceptione additum esse, ut nec deinceps peccare posset, fauent huic sententiæ D. Bonau. in 3. dist. 3. quæst. 2. artic. 1. Richardus Victorinus super Cantica cap. 26. Alensis 3. p. quæst. 9. membr. 3. artic. 2. §. 2. Sed quidquid sit, certissimum est, diuinitus obtinuisse Mariam, ut nunquam peccaret, & de facto, nec culpam aliquam venialem, nec mortalem committeret, ut scribitur hic, quòd videtur definitum (ut refert Vega lib. 14. in Concil. Tridentin. cap. 18.) in Concil. Claramontano sub Urbano Secundo, & Concil. Tridentinum Sess. 6. Can. 23. tradit Ecclesiam tenere, Mariam Virginem ex diuino peculiari privilegio omnia peccata venialia vitasse, & hæc est concors Scholasticorum sententia in 3. d. 3. qui pluribus argumentis, & coniecturis hanc veritatem confirmant, sic etiam sancti Patres senserunt D. Bernard. Epist. 174. & serm. 2. de Assumptione D. Augustinus de Nat. & gratia cap. 36. Rupertus lib. 7. de glorificatione Trinit. cap. 13. & lib. 6. in Cant. circa initium, Vgo Victorinus lib. 2. de Emanuele cap. 30. D. Thomas quodlib. 6. art. 3. Ex his meritò cum D. Gregorio Thaumaturg. serm. 2. in Annunciat. non longè ab initio, Mariam appellare possumus Immaculatam puritatis, ac integritatis simulachrum, Supercalæstis lætitiæ vas, atque receptaculum, niue candidiorem mentem habentem, corpus verò auro fulgidius, & ad finem eiusdem sermonis eam etiam vocat Thronum Cherubicum, & serm. 3. Campum deliciarum, Animatam Civitatem, de

de qua Psalm. 86. scribitur. Gloriosa dicta sunt de te Civitas Dei, Paradisum Dei ratione prædum, Portam Orientalem, Domiciliū Verbo Dei dignum, Alterum Cælum, Sanctuarium præparatum, Incarnationis Christi cubiculum, Parvum Natiuitatis Christi secundum carnem Thalamum, Arcam Dei ratione præditam, Animatum Regis Angelorum palatium.

2 Ex huius charitatis feruore misit nūcium suum ad me, faciens me voluntatem suam intelligere, vt videlicet fierem Mater Dei.

Ad horum intelligentiam duo breuiter à nobis inuestiganda sunt. Primò quidem cuius dignitatis, & ordinis fuerit Gabriel, qui Incarnationis Dominice mysterium nuntiavit. Secundo verò, an in specie visibili, & humana apparuerit. Et quantum spectat ad primum, cum in sacris litteris hoc minime expressum sit, cumq; inter sanctos Patres hac de re aliqualis dissensio sit, res incerta, & ambigua est: & quidem D. Bern. hom. 1. super Missus est. existimauit, illum fuisse ex supremis Angelis. Arbitror (inquit) hunc Angelum non de minoribus esse, qui qualibet ex causa crebra soleat ad terras fungi legatione: probat autem hoc dupliciter, primò quia illud dignitati mysterij erat consonum, vt ad illud nunciandum dignissimus mitteretur, decebat enim summum Angelum, summum mysterium annunciare. Secundo, quia supremi Angeli non sunt sub alijs, sed sub Deo immediate: hic autem qui missus est, à Deo dicitur missus Luca 1. Missus est Gabriel Angelus à Deo. Sed hac Diui Bernardi sententia aliqualem haberet difficultatem, si per supremum Angelum intelligeretur aliquis ex ordine supremo primæ Hierarchie: & ratio est, quia supremi Angeli non mittuntur, vt constat ex D. Dionysio de celesti Hierarch. c. 3. dicit enim, Angelorū ordines officijs, ac functionibus distinctos esse, ex omnibus autem ordinibus duo ultimi infimæ Hierarchie ad custodiendos homines, resq; propalandas, quæ ad eos spectant destinati sunt. Dicendum ergo videtur hūc fuisse ex vltima Hierarchia Caput, & Principem secūdi ordinis Archangelorum,

quia Archangelus summa solet nunciare: quam sententiam plures ex sanctis Patribus sequuti sunt, qui Angelum illum Archangelum vocarunt: sic Damasc. serm. de Nat. Mariæ, eum Angelum Archangelum vocat, & sui ordinis Principem: sanctus D. Aug. serm. 14. de Nat. Iren. lib. 5. cont. heres. c. 25. Ambr. lib. 1. de Spir. sanct. c. 7. And. Hieros. hom. de Annu. Hiesch. hom. 1. de Sancta Deipara, D. Gregor. hom. 3. 4. in Euang. D. Thom. 3. p. q. 3. o. art. 2. ad quartum. Ad auctoritatem ergo D. Bernardi respondeo, cum per supremum Angelum non intellexisse absolute primum in ordine omnium Angelorum, sed primum, & Caput secūdi ordinis Archangelorum infimæ Hierarchie, illi enim primæ Hierarchie, vt probauimus supra, non mittuntur, cū verò dicit decuisse summum Angelum summum mysterium annunciare, verissimum quidem est, quia summa annunciare est Archangelorum, minora Angelorum, tum quia to ipso quod nunciat, siue supremæ, siue minora, conuincitur non esse absolute supremum primæ Hierarchie, quia illi ad annunciandum non mittuntur, nec valet Secunda ratio, quæ probatur Gabrielē esse primæ Hierarchie, quoniam Luca 1. scribitur à Deo missus, nam etiam Angeli infimi dicuntur à Deo mitti, quia ex eius imperio mittuntur, licet ea, ob quæ mittuntur cognoscant à superioribus Angelis; postremo patet Gabrielem non esse ex supremis, quia Dan. 8. legimus, ipsum Gabrielem fuisse missum ab alio Angelo.

Supereſt videamus modo, an Gabriel sub humana specie, exteriusq; sensibili forma Mariæ apparuerit, quod sæpe videtur affirmandum, quoniam illum esse venturum Virgini annunciabat, qui licet hominibus fuisset hætenus inuisibilis, visibilem tamen se exhibere volebat, visibilem formam sumendo, & ideo D. Augustin. serm. 14. de Annu. de Gabriele verba faciens dicit, in persona Virginis, Venit ad me quidam magnus Christi Parauimus, non Patriarcha primus, aut Propheta egregius, sed Gabriel Archangelus facie rutilans, veste coruscans, ingressu mirabili, aspectu terribili, & Luca 1. scribitur, ingressum fuisse Angelum, & discessisse, quæ omnia corporalem

motum, & visionem etiam corporalem insinuant, quod etiam admonuit D. Thom. 3. p. quæst. 30. art. 3. idem affirmarunt Origenes. hom. 4. in Luc. Petr. Chrysol. serm. 140. Ambr. lib. 1. de officiis cap. 8. Euseb. Emis. hom. 1. super Missus est. Hieron. Epist. 22. ad Eustochium de Custodia Virginitatis circa finem, & apertius hoc idem insinuant D. Gregorius Thaumaturgus. serm. 1. in Annunciat. aliquanto post initium, quo loco Mariam sic Angelum alloquentem facit: *E celo aduenisti, ac in terra humanam formam exhibes, & lucis fulgore splendes.*

3 Per os meum exiit veræ obedientiæ verbum, per quod nuncio respondi, fiat (inquiēs) mihi secundum Verbum tuum, & in eodem puncto, Verbum caro factum est in me, & Dei filius factus est filius meus.

Beatissima Virgo hoc loco affirmat, quod statim, ut suum consensum Incarnationi filij Dei præstitit, in eodem instanti in se filium Dei concepit, ita ut idem Christus, tunc temporis esset, & verus filius Dei, & verus filius hominis: sunt tamen qui existimarunt, Mariam concepisse ante consensum præstitum, ut primum illam Angelus salutauit illis verbis (Dominus tecum) sic D. Chrysost. in Liturgia, D. Greg. Neocesariensis, D. Hieron. hom. de Annunciat. & alij ex Patribus Græcis: videtur tamen dicendum, id factum esse præstito consensu, cum ea verba protulit (fiat mihi secundum Verbum tuum) sunt scribitur hic, & affirmarunt serè omnes Patres D. Athanasius, D. Augustinus, Beda, D. Ambros. Petr. Chrysol. & alij quos citauimus supra Lib. 2. Reuelat. Cap. 13. Nota 2. ubi de hac re latius egimus.

4 Qui vtrumq. Deus, & homo est ex se. Hæc, quæ hoc loco scripta sunt, non indicant filium in diuinis à Patre non procedere, sed quod Christus Deus sit essentialitèr, & substantialitèr, sibiq. humanitatem vnuerit, non per medium accidentis.

5 var. lecta. Tunc sequitur, quod magis dicitur illa, quæ delectant eum audire, quam omnia peccaminosa prohibet.

M. S. Farnesianus sic legit, Tunc sequitur, quod magis dicitur illa, quæ delectant, eum audire, quam illi peccata ignominiosa prohibeat.

6 Tunc enim vacua stramina masticat, quæ litteraturæ scientiæ, sine charitate comparantur.

Non rideo quis sensus, ex his verbis elici possit, & ideo locum sic esse restituendum censeo. Tunc enim vacua stramina masticat, qui litteraturæ scientiam, sine charitate sibi comparat. Hic autem Beatissima Virgo acriter quendam sacræ Theologiæ Doctorem reprehendit, qui ob magisterij gradum ambitionis vento inflatus, Episcopo, cui inferebat, non quæ ad Dei honorem, proximiq. salutem spectabant, sed quæ Episcopo placita erant suggererat: dicitur autem masticare stramina, quia quemadmodum, cum sola stramina animalibus ad comedendum dantur, ea semper debilia sunt, nec inde vires hauriunt; ita prorsus Doctor veluti quoddam animal rationis expertus; nisi cum litterarum scientia charitatem coniungat, & ad proximorum commodum doctrina non utatur, nihil proficit, nec congruentem fructum ex litteris percipit, unde Hieron. 14. huiusmodi Doctores trahere ventum, quasi Dracones dicuntur, quia in solo ambitionis vento persistunt, & de sue doctrinæ vanitate gloriantur, ut auctor est D. Hieron. ibi, quod egregiè explicans D. Bernardus super Cant. serm. 36. Sunt (inquit) qui sciunt, eo sine tantum, ut sciant, & turpis curiositas est, & sunt, qui sciunt, ut scientiam suam vendant, scilicet pro pecunia, & honoribus, & turpis quæstus est, & sunt, qui scire volunt, ut sciatur ipsi, et turpis vanitas est, & sunt, qui scire volunt, ut edificent, & charitas est, et sunt, qui scire volunt, ut edificentur, & prudentia est.

VERBA VIRGINIS AD SPONSAM

qualiter videntes, & audientes, &c.
fugiunt pericula virtute solis, &c.
& aduenientia, & occurrentia cecis;
& surdis, &c.

C A P. IX.



LOQVITVR Mater. Quā-
uis cecus non videt, nihi-
lominus tamē ipso cadēte
in præcipitium, Sol respic-
det in suā claritatis splen-

dore, & pulchritudine, quam claritatem
videntes homines itinerantes, clarum vi-
sum habētes gratulantur itineris sui pe-
ricula fugiendo. Et quamuis surdus non
audit, tamen torrens cū strepitu sui im-
petus super eum ab alto cadit horribili-
tē, eo, qui audire poterit, ad loca tutio-
ra fugiente. Et quamuis mortuus gusta-
re non poterit, tamen ipso in vermibus
putrescētē, potus bonus dulcedinem sui
saporis retinet, qua viuis degustans in
corde suo latificatur, & audax ad quā-
cunque virilia opera efficitur.

LOQVITVR VIRGO AD FILIAM,

in securitatem de verbis sibi dictis indu-
cens, & de periculo, & approxima-
tione ruinæ Ecclesiæ, & qualiter, ve-
in pluribus attendunt nunc Ecclesiæ
prouisores (proh dolor) ad vitam me-
rettricalem, & pecuniæ cupiditatem,
& bonorum Ecclesiæ pro superbia
prodigalitatē, & de ira Dei contra
tales excitanda.

C A P. X.



LOQVITVR Mater. Ne ti-
meas ea, quæ nūc videbis, à
spiritu malo esse existimās.

Quemadmodū enim cum
Solis appropinquatione duo veniunt lux
videlicet, & calor, qui caliginosā vm-
bram non sequuntur. Sic cum Spiritus

sancti aduentu in corde tuo veniunt,
ardor scilicet diuinæ charitatis, & fidei
sanctæ perfecta illuminatio. Hæc autem
duo, nunc sentis. Hæc quoque duo Dia-
bolum, qui caliginosæ umbræ compara-
tur non sequuntur. Mitte ergo ad illum,
quem tibi nominaui nuncium meum,
quamuis autem ego scio, cor & respon-
sionem eius, finem quoque vitæ eius ce-
lerem, tamen debes mittere ei verba ista
sequentia. Ego denique notū illi facio,
quod in dextra parte sanctæ Ecclesiæ
fundamentum tam vehementer dilapsū
est; quod summa testudo plures ruptu-
ras habet, dans ex se casus periculosos, ita
quod multi de subeuntibus perdunt vi-
tam. Plerūq; columnæ, quæ in altum ten-
dere deberent, vsque ad terram se incli-
nant. Totumq; etiam pavimentum tam
suffossum est, quod cecis introeuntes ca-
dunt periculosē. Et adhuc interdum
contingit, clarē videntes vnā cum cecis
cadere grauiter, causā periculosarum
fossarum eiusdem pavimenti. Et propter
istas causas stat nimis periculosē Ecce-
siæ Dei, & quid, sibi sic statū, vicinū est;
quam ruina? Certissimē dico tibi, quod
nisi iuamē reparationis habuerit, ipsius
ruina tam grandis erit, quod per totam
Christianitatem audietur. Ego autem
illa Virgo sum, in cuius utero filius
Dei venire dignatus est, exclusa quacun-
quē carnis contagiosa voluptate. Ille
verò idem Dei filius de meo clauso utero
natus est, cum maxima consolatione, &
sine aliqua poena. Ego iuxta Crucē steti,
quando cum vera patientia infernū
victoriosē vincebat, & sui cordis sangui-
ne cælum aperiebat. Ego etiam eram in
monte, quando Dei filius, qui est & meus
filius, ad cælum ascendit. Ego etiam to-
tam Catholicam fidem clarissimē noui,
quam ipse euāgelizando omnēs ingredi
cælum volentes docuit. Ego itaque illa
eadem iam sto super mundum continua
oratione, sicut arcus cæli super nubem;
qui ad terrā inclinari videtur, & ambo-

bus suis finibus eam tangere. Per caelestem arcum itaque me ipsam intelligo, quæ ad habitatores mundi me inclino, tangens bonos, & malos oratione mea ad bonos namq. me inclino, vt in his, quæ sancta Ecclesia præcipit, stabiles efficiantur. Ad malos vero, nè in malitia sua processum habeant, vt fiant deteriores. Notum itaque facio isti, quem tibi nominaui, quod ex vna parte terræ horribiles nubes surgunt contra claritatem arcus. Ret quas nubes intelligo illos, qui in carnis vitam meretricalem habent, & sunt infatigabiles, similes voragini maris ad cupiditatem pecuniæ. Bona quoque irrationabiliter, ac prodigaliter, sicut torrens in impetu suo aquam fundens, pro superbia largiuntur. Hæc itaque tria pleriq. nunc exercent Ecclesie prouisorum, quorum peccata in cælum ascendunt horribilia ante conspectum Dei contra meam orationem, sicut teterri nubes contra claritatem arcus. Sic etiam illi, qui iram Dei mecum placare deberent, contra se iram Dei excitant, & tales in Ecclesia Dei non deberent exaltari. Quicunque ergo curam apponere voluerit, vt fundamentum Ecclesie fiat stabile, & vinea illa benedicta, quam Deus fundauit sanguine suo, renouetur: Si se insufficientem viderit, ego Regina exhortor, cum omnibus Angelis ei in adiutorium venite volo, fabulosas radices extirpando, sterilesq. arbores in ignem proijciendo, ac in earum locis ramulos fructuosos inferendo. Per vineam vero intelligo Ecclesiam Dei, in qua duo, humilitas scilicet, & charitas diuina, debent renouari.

Sequitur additio. Filius Dei loquitur de Nutrijs. Pape. Vos venistis in societatem maiorum, & adhuc ad maiora ascendetis. Ideo summè meretur ille, qui laborat ad hoc, vt humilitas exaltetur, quia superbia iam nimis ascenderat. Honorè etiam maximum habet ille, qui charitatem habet ad animas, quia ambitio, &

Simonia iam in plerisque regnant. Felix etiam erit ille, qui conatur pro posse suo, vt vitia de mundo extirpantur, quia iam plus solito inualescunt. Est etiam vtilissimum habere, & petere patientiam, quia in diebus multorum, qui nunc viuunt, Sol dimidiabitur, stellæ confundentur, sapientia infatuabitur, humiles in terra ingemiscunt, & audaces preualebunt, hoc sapientium est intelligere, & interpretari, qui aspera sciunt deplanare, & futura prouidere.

Hæc revelatio præcedens facta fuit ad Albanensem Cardinalem, qui tunc fuit Prior.

N O T A E.

E Go itaque illa eadem sto super mundum continua oratione, sicut arcus cæli super nubem.

Optimè hoc loco Maria se caelesti similem esse arcum tradit, qui sicut Genes. 9. legitur, diuinitus datus est mundo, in signum fœderis ac pacti, quo nobis Creator noster, factum esse propitium intelligeremus: ita quoque benignissimè Deus Beatissimam Virginem nobis contulit, vt pro peccatis nostris precibus suis imminentes tempestates sedaret, & sicut æreus arcus quampluribus fulget coloribus, sic etiam Maria innumeris elucet mundo virtutibus: est enim ob Virginitatem caudata, ob charitatem purpurea, ob morum suauitatem, ac puritatem coloris ærei, vt mirum non sit, si de ea Regius Propheta scripsit P. salm. 44. Assit Regina à dextristuis in vestitu deaurato circumdata varietate. Vt autem in huius arcus pulchritudinem oculis intendamus, inuitat nos Ecclesiastes cap. 43. Vide (inquit) arcum, & benedic eum, qui fecit illum, valde speciosus est in splendore suo, & quia cælum in circuitu gloriæ suæ, manus excelsi aperuerunt illum, imperio suo accelerauit nitem: habemus Ecclesiastes, qui hisce postremis verbis visus est indicare voluisse, niuem fuisse acceleratam, tunc maxime quando Exequitum

Montem in 16. mense Augusti nunc co-
periri. Deus iussit ostendens locum, ubi ad ho-
norem Virginie dedicaretur Ecclesia, qua hos
dierna die Sancte Mariæ Maioris nomine
communiter appellatur.

2. Notum itaq. facio isti, quem tibi no-
minaui, quod ex vna parte terribiles
nubes surgunt contra claritatem
arcus.

Predicit hic Beatissima Virgo, B. Beatrix
futurum, et contra eum Episcopum, de quo
in presenti Capite sermo fit, complures in-
gent hostes, qui illi, eiusq. Ecclesie grauiores
molestias, ac maxima incommoda illaturp-
erant, dicit aurem, quod nubes insurgunt, quia
per nubes prauorum hominum designantur
suggestiones; sic enim tradit D. Gregor. Cura
pastoralis pars. 3. admonitione 6. paulo post
mediam, ubi explicans illud Eccles. 1. Qui
obseruat ventum, non seminat, & qui consi-
derat nubes, nunquam metit. Quid enim per
ventum (inquit) nisi malignitatis spirituum
tentatio exprimitur, & quid per nubes, quæ
mouentur a vento, nisi aduersitates prauo-
rum hominum designantur. Idem docent D.
Bernard. super Cant. serm. 38. & Eucherius
de Spiritualibus formatis cap. 3. Diuina etiam
possumus, quod hic per nubes significari possumus
heretici, qui huius Prælati, cuius hoc loco men-
tio fit, vita, ac morum prauitate adducti
construxerunt contra claritatem arcus, scilicet
et contra Ecclesiam, & doctrinam sacram,
qua proprie arcus est Ecclesia, ab ipsa enim ad
hominum corda ferienda, sicut sagitta ve-
niunt terribiles minæ, unde Psalm. 7. scribit
David, Arcum suum tendit, & prauit stu-
lum, & in ipso parauit vasa mortis, & sa-
gittas suas ardentibus effecit, quia pec-
catoribus per sacras litteras ter-
rores, & minas veluti

sagittas incutit, sic

explicat hunc

locum.

Psalmi Diuus

Augusti-

nus.

VERBA FILII DEI SPONSÆ
ad Christum, & qualiter Ioannes
Baptista inducit sponsæ certitudinem
Christi sibi alloquentis, & de boni di-
gnitatis felicitate, & qualiter indiscretus
Episcopus propter sui fatuitatem, &
pessimam vitam assimilatur simiæ.

C. A. P.

X



PONSA loquebatur Christo
in oratione humiliter dicens.
O Domine mi Iesu Christe,
sic firmiter credo tibi, quod
etiam si serpens iaceret ante
os meum, non intraret, nisi te propter
bonum meum permittente. Respondit
Ioannes Baptista. 1. Ille, qui apparet tibi,
ipse est naturaliter Dei Filius, cui Pater
me audiente perhibuit testimonium di-
cens. Hic est Filius meus. 2. Ipse est, a
quo Spiritus sanctus processit, qui me
baptizante super eum in columbe specie
apparuit. Ipse est secundum carnem ve-
rus filius Virginis, cuius corpus mani-
bus meis atrectaui. Crede ergo et firmi-
ter, & ingredi viam eius. Ipse enim
est, qui viam rectam ad cælum demon-
strauit, per quam pauper, & diues ingres-
di potest cælum. 3. Sed quærere poteris,
quomodo diues debet esse dispositus, qui
ingressurus est cælum. Cum Deus per-
sonaliter dixerit, quod facilius est came-
lum per foramen acus transire, quam di-
uitem ingredi cælum. Ad hoc respon-
deo tibi. Ille diues, qui sic dispositus est.
Qui timet aliquid secum malè esse acqui-
situm, qui sollicitus est, nè bona sua inu-
tiliter, & contra Deum expendantur, qui
in vita possidens possessionem, & hono-
rem mundi, libenter desiderat separari
ab eis, turbaturq. de dispendio anima-
rum, & inhonoratione Dei; Et quauis ex
dispositione diuina cogitur quodammodo
habere mutuum, tota tamen inten-
tione vigilat circa amorem Dei, hic talis
diues fructuosus, & felix diues est, & cha-

rus Deo. Sed non est sic diues iste Episcopus, ipse quippe similis est simiae habenti quattuor conditiones. Quarum prima est, quod præparantur ei vestes tendentes ad inferiorem partem, & anteriora velantes, sed verecundiora eius apparent tota nuda. Secunda conditio est, quod digitis suis tangens foetentia, applicat ori suo. Tercia est, quod faciem quidem habet humanam, sed colorem, & speciem reliquam beluinam. Quarta est, quod licet habet manus, & pedes, attamen cum digitis, & manibus calcaturum. Sic Episcopus iste fatuus est quasi simia, curiosus in mundi vanitate, deformatus à laudabili operatione, nam habet vestes, idest ordines Episcopales, qui sunt valde honorabiles, & pretiosi apud Deum, sed verecundiora sua apparent nuda, quia leuitas morum suorum, & affectus carnalis ostenditur hominibus ad animarum destructionem. Contra quæ dicit miles ille egregius, quod verecundiora hominis maiorem honestatem habent, notans per hoc, quod motus bestiales Clericorum celari debent bonis operibus, nè exemplo eorum infirmi scandalizentur. Simia quoque tangit, & odorat foetentia. Quid facit digitus, nisi demonstrationem rei visæ, sicut ego videns Deum in humanitate, demonstraui eum digito. Ecce inquit. Agnus Dei. Quid ergo sunt digiti Episcopi, nisi mores sui laudabiles, quibus demonstrare deberet iustitiam Dei, & eius charitatem. Nunc autem in operibus suis demonstrat, quod est diues, & generosus, sapiens mundi, & prodigus pecuniarum. Quid autem sunt hæc omnia, nisi tanquam digitos mittere ad foetentia. Nam gloriari de carne, & lata familia, quid aliud est, quàm gloriari de inflatis saccis? Simia quoque habet faciem humanam, sed speciem reliquam beluinam. Sic iste animam quidem habet signaculo Dei insignitam, sed per propriam cupiditatem deformatam. Quarto sicut simia tangit, & calcatur

cum pedibus, & manibus lucum, sic iste affectu, & opere terrenis inhiat, auertens vultum suum à cælestibus, & inclinans ad terrena tanquam animal obliuiofum. Nunquid talis mitigat iram Dei? Nequaquam, sed magis prouocat contra se iustitiam Dei.

Additio. Hæc reuelatio facta est de Legato Cardinali Anno Iubilæi, &c. Filius Dei loquitur. O disputator superbe, vbi pompa tua, vbi apparatus equorum? Noluiſti intelligere, cum esses in honore, ideò nunc inhonoratus es. Dic igitur quamuis omnia scio, audiente ipsa sponsa, & noua, quæ quæro. Et statim quasi vna persona tremula, & nuda apparuit mirabiliter deformatæ. Cui dixit Iudex. O anima, tu docuisti spernere mundum, & diuitias eius, cur ergo securus es ea? Respondit anima, quia dulcius sapuit mihi fetor pessimus, quàm odor tuus suauissimus. Et statim dicto verbo per Æthiopem vnus infusus est anima vas sulphuris, & veneni. Item dixit Iudex. O anima, tu posita fuisti populis in candellabrum lucis, quare non lucebas verbo, & exemplo? Respondit anima. Quia charitas tua fuit abrasa à corde meo. Ibam sicut homo sine memoria, & sicut vir vagus respiciens præsentia, & non attendens futura. Quo dicto anima priuata est lumine oculorum. Et dixit vnus Æthiops, qui ad stare videbatur. O Iudex hæc anima mea est, quid facturus sum? Respondit Iudex. Purga eam, & quasi in prælo examina, donec veniat Conflatorium, in quo allegationes amicorum, & inimicorum discutientur.

N O T A.

Ille qui apparet tibi, ipse est naturaliter Dei Filius, cui Pater me audiente perhibuit testimonium dicens. Hic est filius meus dilectus.

In presenti Capite Beato Baptista sponsam certissimam reddit, quod ille, qui eam alloqui-

ius Christus est, de quo ut scribitur Matth. 17.
 & Marci 1. praeclarum Pater coram eodem
 Ioanne dās testimonium dixit, Hic est Filius
 meus dilectus, in quo mihi bene complacuit.
 Optimè autem hoc loco dicitur, quod ipse est
 naturaliter Dei Filius, quandoquidem si ra-
 tionis, ac sanctorum Patrum doctrinis nos con-
 formare volumus, nullo pacto Christus Domi-
 nus filius adoptivus dici potest, sed tatummodo
 naturalis: adoptivus namq. filius is proprie
 est, qui per adoptionem filius fit, cum prius non
 esset, fit enim ex non filio filius, sicut nos filij di-
 cimus adoptivi, quia cum essemus, ut dicit
 Apostolus ad Ephes. 2. Natura filij ira, prae-
 destinavit nos in adoptionem filiorum per Je-
 sum Christum, ut ipsemet in eadem Epistola
 cap. 1. tradit. Christus autem nunquam fuit
 non filius, nec fuit aliquando extraneus, &
 ideo hic proprie dicitur naturaliter filius, quod
 affirmavit etiam D. Hieron. super Epist. ad
 Ephes. explicans illud cap. 1. In charitate prae-
 destinans. De Christo (inquit) Iesu scriptum
 est, quia semper cum Patre fuit, & nunquam
 cum, ut esset voluntas paterna praecessit, &
 ille quidem natura filius est, nos vero ado-
 ptione: atque hoc etiam esse verum affirma-
 mus quatum ad temporalem filiationem, quo-
 niam cum filiatione non natura conveniat, sed
 persona, in Christo autem una tantummodo
 sit persona, & haec una divina, non humana,
 secundum quam in divinis est naturalis: ita
 quoque in humanis erit filius naturalis: quod
 egregie tradit D. Aug. in lib. de fide ad Petrum
 cap. 2. circa medium, Ille, scilicet Deus, factus
 est naturaliter filius unigenitus Dei Patris,
 idem habet tract. 82. in Ioan. & lib. 3. contra
 Faustum cap. 3. & Epist. 120. c. 4. & lib. 1.
 de consensu Evangelist. cap. 3. D. Ambros. lib. 1.
 de fide c. 9. paulo ante medium, & lib. Incar-
 nationis Dominice cap. 8. D. Hylar. non longe
 à principio 3. lib. de Trinitate. D. Thom. 3. p.
 q. 23. art. 4. & q. 32. art. 3. & q. 43. art. 4.
 & lib. 4. contra gentes cap. 4. Magister in 3.
 dist. 10. D. Chrysost. seu Auctor op. imperfe-
 cti in Matth. hom. 40. Irenaeus lib. 3. contra
 haereses cap. 2. Hic tamen admonere letorem
 censui, Durand. in 3. d. 4. q. 1. n. 6. & d. 10.

q. 3. n. 5. concedere contra tot virorum Docto-
 rum auctoritatem, Christum ut hominem,
 esse filium Dei adoptivum: probat autem, Quia
 (inquit) gratia Christi est eiusdem rationis
 cum nostra, sed nos ratione illius gratiae sumus
 filij adoptivi, ergo & Christus, cui obiectioni
 dupliciter satisficit. Primo dicendo; gratiam
 unionis alterius esse rationis à gratia filiorum
 adoptivorum; ideo non constituere Christum
 hominem filium adoptivum, sed naturalem,
 est enim haec gratia sic Christo connaturalis,
 & intrinseca, ut ratione illius Christus ius
 habeat connaturale ad eternam hereditatem.
 Respondet secundo, quod licet habitualis gra-
 tia eiusdem rationis sit cum nostra, quo ad
 modum tamen illam habendi maximum est
 discrimen: nos enim per eam constituimur fi-
 lij adoptivi, quia non supponimur filij, sed ex-
 tranei, Christus tamen per eam gratiam non
 proprie constituitur filius, sed supponitur, non
 enim aliquando fuit extraneus, & illa gratia
 est quasi proprietates consequens filiationem:
 2. Ipse est à quo Spiritus sanctus proces-
 sit.

Hoc loco aperte definitur, Spiritum sanctum
 procedere etiam à filio contra id, quod Patres
 Graeci tradiderunt, & refertur in Florentina
 Synodo per duodecim sessiones, atque hoc esse de
 fide, nostra hac tempestate credimus, & probatur
 ex Symbolo D. Athanas. & ex Concil.
 Niceno, & fuit definita haec etiam veritas in
 Later. Concil. ut habetur in cap. Firmiter de
 Summa Trinit. & fide Cathol. & ex Concil.
 Lugdun. & Tolet. 3. 4. 8. & denique in Conc.
 Florent. conclusum ex communi etiam Grae-
 corum, ac Latinorum consensu; & patet etiā
 ex sacris litteris Ioan. 16. Ille me clarificabit,
 quia accipiet de meo. Vbi de Spiritu sancto lo-
 quitur Christus, & una persona nihil accipit
 ab alia, nisi per processionem, & Ioan. 15. scri-
 bitur, quod filius mittet Spiritum sanctum:
 Paracletus autem Spiritus sanctus, quem ego
 mittam vobis: sed in divinis tunc una per-
 sona dicitur mitti ab alia, quando procedit ab
 illa: hanc etiam conclusionem praeter Latinos
 Doctores, quos hic citare longum esset, aliqui
 etiam doctissimi ex Graecis sequuntur, ut
 D. Greg.

D. Greg. Nazianz. Nyss. Eptph. & Theodor. quos citat Florētia Synodus, & Cyrill. lib. 1. sup. Ioan. c. 3. Didimus lib. 2. de Spirit. sanct. D. Chrysost. hom. 1. in exposit. Symb. Apost. & hom. 2. in expositione eiusdem Symboli, & alij etiam, quos citat Magister in primo Sententiarum dist. 11.

3 Sed quætere poteris quomodo diues debet esse dispositus, qui ingressurus est cælum, cum Deus personaliter dixerit, quòd facilius est Camelum per foramen acus transire, quàm diuitem ingredi cælum.

Quamquam arduum sit, ac difficile omnibus ingredi Regnum Celorum, cum arcta sit uia, que ducit ad illud, & lata, que ad perditionem i singulari tamen ratione diuiti, ut diues est, hoc difficilius uidetur, ut mirum non sit, si hanc difficultatem Beata Brigitta, ex his uerbis Euangelij, que habentur Matth. 19, Marci 10. Lucæ 19. de diuitum salute dubitet: uidetur enim ex his posse colligi, quòd si cū fieri non potest, ut Camelus ob corporis ingentem magnitudinem, ac deformitatem, per angustissimum acus foramen transcat, ita quoque impossibile uideatur, diuitem posse Regnum Celorum ingredi. Sed ut rem hanc enucleatius aperiāmus, sciendum est, diuitias ex se non esse ad uitam eternam consequendam impedimenta, cum à Deo nobis conferantur, ut potius sint adiumento ad eam acquirēdam, sed quòd prauus, & inordinatus hominis affectus erga diuitias, qui ut plurimum reperiri solet in diuite, difficilem reddit aditum ad Regnum Celorum: quam difficultatē tangens Christus Dominus, eam sententiam protulit supra à nobis citatam, & idē affirmarunt nonnulli explicantes hunc Euangelij locū, Hierosolymis quandam fuisse portam, qua Foramē acus appellabatur, per quam Camelus nisi deposito onere, ac flexis genibus transire non posset, indicantes, ex his colligi, nec diuitem posse transire angustam portam, que ducit ad uitam, nisi abiectio prauo diuitiarum affectu, sollicitudine, & onere. Verum placet aliquibus magis per Camelum intelligere fœnario nauticum, sic Theophyl. Euthym. & alij

quos refert ipsemet Euthym. in loc. cit. Matth. quod etiam tradit Hector Pinetus in Ezech. cap. 16. sicut enim cum huiusmodi funis per foramen acus transire non potest, si distribuat. tur in fila, ingreditur singulis ingredientibus filiis, ita diues, cum per diuitiarum ligamen Regnum Celorum ingredi non potest, tunc sibi ad illud aditum faciet, si pauperibus diuitiarum fila distribuat. Sed alij hunc locum mysticè interpretantur sic, ita ut per Camelum Christum intelligant, qui omnium in se onera portauit, per diuitē, cupidum, & seculi huius amatorem, per acum, passionem diuitem pungentem, per foramen, passionis angustias, ut sensus sit, facilius est Christum pro amatoribus seculi pati, quàm seculi amatores ad Christum conuerti, sic habent D. Aug. lib. 2. quæst. Euang. c. 47. & D. Greg. lib. 3. Moral. c. 17. Caterum dicendum est nobis, Christum Dominum hac hyperbolica locutione significasse rei difficultatem, non impossibilitatem, licet autem impossibile sit, Camelus ingredi foramen acus, tamen hac comparatione utitur Dominus ad difficultatis exaggerationem, sicuti nos communiter dicere solemus, de eo quod factū difficultissimum est, hoc impossibile est, ut fiat, & tamē illud factū possibile est, ita Christus Dominus factū Cameli cum diuite comparatione, pulchrè significat diuites, ueluti Cameli diuitijs onustos esse, ac gibbo quodam ob prauum affectum earum coram Deo esse deformatos, ac proinde per angustam non posse portam introire, que ducit ad uitam, nisi prauo affectu, ac iniqua illa sollicitudine depositis, & hos esse mysticos illos Camelos, quos ingressuros esse portas Hierusalem scripsit Isaia c. 60. ubi hunc locum edisserens D. Hieron. approbat hanc interpretationē, Difficultatem (inquit) rei proposuit, non impossibilitatem, quam sanè interpretationem eo ueriores esse censeo, quo apud Iudeos, qui ut alicuius rei difficultatem indicare, illud erat Prouerbium, facilius esse per foramē acus introire Camelum, quam id fieri, & quid hæc sit hyperbole, & exaggeratio quedam, qualis in huiusmodi Prouerbijs esse solet, annotauit Ioannes Maldonatus in Comment. super Matth. 19. num. 24.

LOQUITVR SPONSA CHRISTO
preces effundendo pro supradicto
Episcopo, & de responsionibus
Christi, & Virginis, & san-
ctæ Agnetis sponsæ factis.

CAP. XII.



DOMINE mi scio, quod ne-
mo ingreditur cælum, nisi
Pater traxerit eum. Ideo ò
Pater piissime trahè istum
infirmum Episcopum ad te.

Tu verò filij Dei adiuvā conantem. Tu
quoque sancte Spiritus imple charitate,
tua Episcopum frigidū, & exinanitum.
Respondit Pater. Si trahens est fortis, res
verò quæ trahitur ponderosa, nimis ci-
tiùs dissipabitur opus, & annihilabitur.

1 Si verò, qui trahitur ligatus est, non
potest adiuvari, nec seipsum, nec trahē-
tem, & si immundus est, qui trahit, abo-
minabilis est ad trahendum, & tangen-
dum. Sic Episcopus iste dispositus est, si-
cut qui stat in diuersorio deliberans se-
cum, quæ via sit tenēda. Respondit sponsa.
O Domine mi nunquid non scriptū est,
quod nemo stabiliter stat in hac vita, sed
aut ad meliora vadit, aut ad peiora. Re-
spondit Pater, utrumq. dici potest, nam
stat quasi inter duas vias gaudij, scilicet,
& doloris. Turbatur de horrore suppli-
cij æterni, affectat obtinere cæleste gau-
dium, sed tamen asperum sibi videtur
viam quæ tendit ad gaudia perfecte am-
bulare. Vadit verò, quando illa sequitur,
ad quæ feruentiorem habet voluntatem.

2 Item loquitur beata Agnes. 2 Ille Epi-
scopus est dispositus sicut ille, qui staret
inter duas vias, vnam earum sciret ar-
ctam in principio, sed in fine gaudiosam.
Aliam sciret delectabilem ad tēpus, sed
in fine habentem profundum insatiabi-
le, & dolorosum. Cumq. viator cogi-
tans de istis vijs, delectaretur in cundo
viam in principio delectabilem, timens
tamen de insatiabili profundo, incidit

3 talis cogitatio. Est (inquit) cōpendium
quoddam in via ista delectabili, si inue-
nero illum, diū ambulare possum secu-
rus, & cum appropinquauero finij, & pro-
fundo, si inuenero compendium, nihil
mihi nocebit. Et ambulans securus in
via, cum venisset ad profundum, cecidit
mirabiliter, quia compendium, ut cogi-
tauit nō inuenit. Talium cogitationum
viri inueniuntur hodiè multi, qui cogi-
tantes taliter secum. Onerosum est, in-
quiunt, ire per viam arctam, durum est
relinquere voluntatem propriam, & ho-
nores, propterea ponūt sibi spem falsam,
& periculosam: longa inquit, est vita
nostra, misericordia Dei est maxima, de-
lectabilis est mundus iste, & ad delecta-
tionem creatus, idē nil obest si ad tem-
pus utar mundo secundum velle meum,
quia in fine vitæ sequi volo Deum. Est
enim compedium quoddam viæ huius
mundi, id est contritio, & confessio, hanc
si obtinuerō saluus ero. Talis cogitatio,
velle scilicet peccare vsque in finem, &
tunc confiteri, est valde debilis spes, quia
nesciunt, antequam cadunt. Quibus &
in extremis inspiratur quandoq. tantus
dolor, & subitus finis, quod nullo modo
fructuosam inuenire poterunt contritio-
nem. Et meritò, noluerunt enim præui-
dere futura mala cum potuerunt, sed in
arbitrio, & limitatione sua posuerunt
tempus misericordiæ Dei. Nec propo-
nebant finem facere peccatō, antequam
peccatum non poterat eos delectare. Si-
militer & Episcopus iste stetit inter istas
duas vias. Nunc autem appropinquat
viæ delectabiliōri carnis, & habet antē
se, quasi tria folia, quæ perlegit. Primum
folium legit dulciter, & continuè. Secun-
dum quandoq. sed non cum delectatio-
ne. Tertium folium raro, & hoc cum
dolorē. Primum verò sunt diuitiæ, &
honores quibus delectatur. Secundum
est timor gehennæ, & futuri iudicij, quo
conturbatur. Tertium est amor Dei, &
timor filialis, qui raro reuoluitur. Si
enim

enim attenderet quid pro eo fecit Deus, quidnè ei impendit, nunquam amor Dei extingueretur in corde eius. Respondit sponsa. O Domina roga pro illo. Et tunc beata Agnes ait, quid fecit iustitia, nisi iudiciū, quidnè misericordia, nisi quod alliciat? Mater Dei loquitur. Sic dicitur Episcopo. Deus licet omnia potest facere, tamen homo personaliter cooperari debet, ut peccatum fugiatur, & charitas diuina obtineatur. Nam tria sunt, quæ inducunt ad fugiendum peccatū, & tria inductiua sunt ad obtinendum charitatem. Tria quibus fugitur peccatum sunt. Penitentia perfecta. Secundum intentionem nolle ea iteratō committere. Tertium emendare se iuxta cōsilia illorum, quos videt contempsisse mundum. Tria verō operantia ad obtinendam charitatem sunt, Humilitas, misericordia, & labor charitatis. Nam quicumque non legeret nisi vnum Pater noster pro obtinenda charitate, citius appropinquaret illi effectus charitatis. De altero Episcopo, de quo tibi prius dixi, concludo nūc, quod fossæ videntur ei nimis latæ ad saltandum, muri nimis alti ad scandendum, seræ fortes ad confringendum. Ideo sto ego, & expecto eum, sed ipse verterat caput suum ad opera trium turbarū, quas delectabiliter videndo considerat. Prima earum chorifat, huic ipse dicit, placet mihi audire vos, expectate me. Secunda stat ad speculandum, huic ipse dicit, placet mihi videre, quæ videtis, quia delectant me multum. Tertia lætatur, & quiescit, & cū hac quarit ipse quietem, & honorem. Sed quid est chorifare in mūdo, nisi ab vna temporali lætitia transire in aliam, ab vno appetitu honorum in alium? Quid verō est stare, & cogitare, nisi a contemplatione diuina subtrahere animum, & de congregatione, & erogatione temporalium cogitare? Quid verō est quiescere, nisi carnis habere quietem? Has itaque tres turbas considerando, iam ascendit in montem

altum, sed de transmissis sibi verbis meis, nihil curat, nec de illa clausula verborū curat, scilicet, si tenet ipse promissionem suam, tenebo & ego meam. Respondit sponsa. O benignissima Mater noli discedere ab eo. Cui Mater. Non discedo, donec terra suscipit terrā, immò magis, si confregerit seras, obuiabo ei sicut ancilla, & adiuuabo sicut Mater. Et addidit Mater. Tu filiā cogitas, quæ fuisset remuneratio Canonico illi Aurelianensi, si Episcopus suus fuisset cōuersus? Respondeo tibi. Sicut tu vides, quod terra profert herbas, & flores diuersæ speciei, & diuersi generis, sic si omnis homo laudabiliter stetit ab origine mundi in institutione sua, omnes obtinuissent excellentem mercedem, quia omnis, qui in Deo est, transit ab vna lætitia in aliam, non quod tedium in aliqua sit, sed quia, continuè augetur delectatio, & gaudium ineffabile continuè innouatur.

4
var.
lca.

Declaratio.

Hic fuit Episcopus Vexionen. qui cū esset Romæ, multum de suo reddito angustaretur, auditum est in spiritu: Dic (inquit) Episcopo, quod mora sua vtilior est, quàm acceleratio, hi quoque, qui de comitiua sua præcesserunt, subsequenter eum. Ideo cum ad patriam redierit, verba mea inueniet vera. Sic itaq. omnia eueniunt. Nam rediens inuenit Regem captum, & totum Regnum turbatum. Hi quoque, qui præcesserunt eum de comitiua, impediti in via, longè subsequabantur eum. Scito etiam, quod Domina illa, quæ est in comitiua Episcopi, sanæ reuertetur, sed non in patria morietur, & ita euenit, nam secunda vice iuit Romam, & ibi mortua est, & sepulta.

Item de eodem Episcopo.

Cum Domina Brigitta descendisset de Monte Gargano ad Ciuitatem Manfredi-

doniam in Regno Apuliæ, idem Episcopus existens in comitiua Dominiæ, casu accidente in Monte, cecidit de equo ita grauitèr, quod duæ costæ fractæ sunt. Qui de mane, cum Domina profectura esset ad sanctum Nicolaum de Baro, vocauit eam ad se dicens: O Domina grauissimum est mihi, hic sine vestra præsentia manere. Et onerosum est etiam vobis, moram trahere propter me, maxime propter incurantes istos homines. Rogo (inquit) vos per amorem Iesu Christi, ut rogetis Deum pro me, & tangite latus doloris mei. Spero enim per tactum manus vestræ dolorem meum mitigari, quæ præ compâssione resoluta in lacrymas (ait) O Domine mi. Ego reputor, quod non sum, nam ego sum peccatrix maxima in conspectu Dei. Veruntamen omnes rogemus Deum, & ipse respondebit fidei vestræ. Facta itaq. oratione cum surrexisset, tetigit latus Episcopi dicens, Sanet te Dominus Iesus Christus. Et statim dolor discessit, & surgens Episcopus sequutus est Dominam per totam viam, vsque rediret Romam.

N. O. T. Æ.

SI verò qui trahitur ligatus est, non potest adiuuare nec seipsum, nec trahentem.

Beatissima Brigitta ad Deum hic fundit preces pro quodam Episcopo, qui in Episcopali munere (ut par est) non se rectè geribat, & ideo diuinum implorans auxilium, maximo charitatis affectu petit à Deo, ut Episcopus ad se sua gratia efficaciter trahatur quandoquidem (inquit) ad Deum venire nullus potest, nisi traxerit eum, ut in principio præsentis Capituli, & Ioan. 6. scribitur, sed quoniam ad hoc nostri quoque exigitur arbitrij operatio, ideo legimus hic, ei respondisse Dominum sic, Si verò qui trahitur ligatus est, non potest adiuuare nec seipsum, nec trahentem: ac si diceret, Si verò is, quem Deus sua gratia trahere vult, peccatorum funibus ligatus sit,

volens in illis persistere, certè nec Deo trahenti cooperatur, neque diuinæ vocationi correspondet: secus verò dicendum est, si velit consensum diuinæ vocationi præstare: quæ sanè omnino exigitur, quod euidenter patet ex his duobus verbis Euangelij. Nemo venit ad me, nisi Pater meus traxerit eum: Venit, & traxit: primum libertatem ostendit arbitrij: traxit verò diuinæ gratiæ efficaciam, ex qua hereticorum error aperte conuincitur, qui hoc testimonio abutuntur ad negandam libertatem arbitrij, cum dicant, quod tractio vim quandam, & necessitatem importet, sic annotarunt D. Chrysost. hom. 45. & D. Aug. tract. 26. in Ioan. & Theoph. in comment. in hunc locum: Verum turpiter in hæc lapsi sunt, ignorantes verbum trahere, non semper in sacris litteris necessitatem importare, sed aliquando suauem quandam, & moralem motionem, quæ proprium actum eius, qui trahitur non excludit: sic Cant. 1. Trahe me post te, & curremus in odorem unguentorum tuorum. & Osæ 11. In funiculis Adam traham eos, hoc est beneficijs, quibus ligari solent homines, illos ad amandum me vehementer mouebo. Sed hac de re videndi sunt D. Hier. lib. 3. contra Pelagianos. Prosper contra collatorem cap. 6. & lib. 2. de Vocatione gentium cap. 9. aliàs 27. D. Aug. De Prædestinatione Sactorum c. 8. tract. 26. in Ioan. (ubi inquit) Si poeta dicere licuit, trahit sua quemq. voluptas, non necessitas, sed voluptas, non obligatio, sed delectatio, quanto fortius dicere debemus trahi homines ad Christum, qui delectantur veritate, delectantur beatitudine, delectantur iustitia, delectantur sempiterna vita, & clarius etiam lib. 1. contra duas Epistolas Pelag. cap. 19. Trahitur miris modis, ut velit ab illo, qui nouit intrus in ipsi hominum cordibus operari, non ut homines, quod fieri non potest, nolentes credant, sed ut volentes ex nolentibus fiant. Eandem ferè sententiam habet in Enchir. c. 32. Legitur inquit in diuinis eloquijs, & misericordia eius præueniet me. Ps. 22. Nolentè (inquit) prænauit, ut velit, volentem subsequitur, nè frustra vellet ubi Nota, quod verbum nolens, non sumitur pro eo, quod estinuit, sed pro eo quod est adhuc

non cogitans, non diffidens, non enim gratia nocet, neque vim nostro libero insert arbitrio, sed suauiter trahit, nobis etiam cooperantibus; Et ideo paulò post medium praesentis Capituli legimus, Deus licet omnia possit facere, tamen homo personaliter cooperari debet.

2
var.
lect. Ille Episcopus est dispositus sicut ille, qui staret inter duas vias, vna earum sciret arctam in principio, sed in fine gaudiosam, aliam sciret delectabilem ad tempus, sed in fine habentem profundum insatiabile, & dolorosum.

Codicis Farnes. M. S. lectio magis placet, sic enim habet, Ille Episcopus est dispositus, sicut ille, qui staret inter duas vias, quarum vnam sciret esse arctam in initio, sed in fine gaudiosam, alteram verò sciret in principio esse ad tempus delectabilem, sed in fine profundum habentem insatiabilem, & dolorosum.

3
var.
lect. Aliquanto post ubi in impressis Codicibus legimus.

Et ambulans securus in via, cum venisset ad profundum, cecidit mirabiliter.

Manuscriptus Farnesianus legit, Cecidit miserabiliter.

4
var.
lect. Sic si omnis homo laudabiliter stetit ab origine mundi in institutione sua, omnes obtinuissent excellentem mercedem.

Farnesianus Manuscriptus legit, Omnes obtinuissent excellentiorem mercedem, Sed ad horum verborum intelligentiam distinguendum nobis est, nam si hoc loco sermo sit, de eo laudabili vita instituto, eoq. spiritus fernore, in quo primi illi sanctissimi Patres in lege veteri, ac etiam noua, peculiari Dei munero perstiterunt, veriſſimum esse censeo, quod scribitur hic, si in eo resque ad haec quoque tempora permansissent, excellentiorem quoque mercedem recepturi fuissent, quandoquidem per peccata, qua quotidie plura committunt homines, illam mercedem non perdidiſſent, ceterum si de iustitia originali hoc intelligatur, negandum esse arbitror, si in illa steterint homines, maiorem consequutos fuisse mercedem, cum enim post primorum parentum lapsus ex passione, & meritis Christi capio-

sior nobis gratia collata sit, cumq. ex peccato originali fomes peccati auctus sit, nullus dubitare potest, quin maior etiam merces, ac corona illustrior nobis preparata sit, quod egregie tradit Diuus Augustinus De. Correctione, & Gratia cap. 1. paulò ante medium. Tunc (inquit) erat adiutorium, quod desereret, cum vellet, & in quo permaneret, si vellet, non quo fieret, ut vellet, haec est prima gratia, quae data est primo Adam, hanc Diuus Augustinus intelligit iustitiam originalem, sed haec potentior est in secundo Adam. Prima enim est quae sit, ut habeat homo iustitiam si velit, Secunda ergo plus potest, quae etiam sit, ut velit, & tantum velit, tanto ardore diligit, ut carnis voluntatem contraria concupiscentem, voluntate spiritus vincat, & aliquanto post eodem Capite, Haec autem (ait) ratio maior est, ut parum sit homini per illam reparare perditam, idem docet Cap. 12. eiusdem Libri.

VERBA MATRIS AD FILIAM

qualiter verba, & opera Christi per thesaurum, & Deitas per castrum, & peccata per feras, & virtutes per muros, & pulchritudo mundi, & delectatio amicorum per duas fossas mirabiliter designantur, & exponuntur, & qualiter se debeat habere Episcopus circa curam animarum.

C A P. XIII.



MATER Dei loquitur ad sponſam filij dicens. Ille Episcopus petit me in sua charitatem, ideo debet hoc facere, quod est mihi charissimum. Ego quippe scio thesaurum, quem qui possederit, nunquam erit miser. Qui videbit eum, nunquam sentiet tribulationem, & mortem. Quicunque desiderat illum, habebit quicquid appetit cum exultatione. Ille verò thesaurus clausus est in bono caſtro quatuor feris, quod caſtrum habet extra se muros

muros altos, & spissos, & grossos. Extra verò muros sunt duæ fossæ profundæ, atque latæ. Ideo rogo ipsum, vt transiliat ambas fossas vno saltu. Ascendat muros vno passu, confringat omnes feras vno ictu, & sic præsentet mihi rem preciosissimam. Nunc autem quid ista significant, dicam tibi. Hoc vobiscum vocatur thesaurus, quod raro sumitur in vsus, & raro mouetur. Hic thesaurus sūt verba charissimi Filij mei, & eius preciosissima opera, quæ in passione, & antè passionem fecit, necnon, & illa mirabilia opera, quæ tunc fecit, quando Verbum factum est caro in corpore meo, & quod quando in Altari quotidie panis eadem sit caro ad verbum Dei. Hæc omnia sunt preciosissimus thesaurus, quæ ita iam neglecta, & oblita sunt, quod paucissimi sunt, qui ea recolunt, ergo eis vtantur ad profectum suum. Veruntamen corpus illud gloriosum filij Dei iacet in castro munito, idest in Deitatis virtute. Sicut enim castrum defendit contra inimicos, sic filij mei Deitatis potentia defendit humanitatis suæ corpus, vt nullus ei noceat hostis. Seræ verò quattuor, peccata sunt quattuor, quibus excluduntur multi à participatione, & bonitate virtutis corporis Christi. Primum est superbia, & cupiditas ad honores mundi. Secundum est cupiditas ad possessiones mundi. Tertium est voluptas sēda ad corporis immoderatam impletionem, & fetidissimam eius expletionem. Quartum est ira, & inuidia, & negligentia propriæ salutis. Ista quattuor diligunt, & in consuetudine habent nimis multi, propterea elongantur nimis à Deo. Nam videntur corpus Dei, & recipiunt, sed anima eorum tam longè est à Deo, sicut fures, qui furari desiderant, sed appropinquare non valent propter fortes lēras. Et ideo dixi, quod confringeret feras vno ictu, ictus verò significat zelum animarum, quo ipse Episcopus, confringere debet peccato-

tores cum operibus iustitiæ ex diuina, charitate, vt confractis seris vitiorum, peccator perungere valeat ad pretiosum hunc thesaurum. Et quamuis non possit omnes peccatores percutere, faciat, vt tenetur, quæ possit, & potissimè his, qui sunt sub manu sua, non parcendo paruo, vel magno, propinquo, vel cognato, inimico, vel amico. Sic fecit ille sanctus Thomas de Anglia, qui passus est multas tribulationes pro iustitia, & in fine occubuit dura morte, quia non pepercit percutere corpora cum iustitia Ecclesiastica, ad hoc vt anima minorem penam pareretur. Cuius vitam imitetur iste Episcopus, quatenus omnes audientes intelligant, quod odit peccata propria, & aliorum: & tunc talis ictus zeli diuini auditur super omnes celos in conspectu Dei, & Angelorum, & multi conuertentur, & meliorabuntur, dicentes. Non (inquiunt) odit nos, sed peccata nostra, respicimus ergo, & erimus amici Dei, atque sui. Tres verò muri, qui ambiunt castrum, sunt tres virtutes. Prima est dimittere delectabilia carnis, & facere voluntatem Dei. Secunda est magis velle pati opprobria, & damna pro veritate, & iustitia, quam habere honores, & possessiones mundi, dissimulando veritatem. Tertia est non parere vitæ, vel bonis pro salute cuiuslibet Christiani. Sed attende quid nunc facit homo, Denique sibi videtur, quod muri isti prædicti ita sunt alti, quod nullo modo possent transcendere. Propterea corda hominum non appropinquant illi gloriosissimo corpori cum permanentia, nec animæ eorum, quia longè sunt à Deo, & ideo præcepi amico meo, quod transenderet muros vno passu. Hoc enim vobiscum vocatur passus, quando pedes longa à se separantur distantia ad transferendum celeriter corpus. Sic etiam est spiritualis passus. Cum enim est corpus in terra, & chari-

tas cordis in caelestibus. Tunc transcen-
duntur tres praedicti muri, quia tunc
placet homini ex consideratione cele-
stium dimittere propriam voluntatem,
pati repulsam, & persecutionem pro ius-
titia, mori etiam libenter pro honore
Dei. Duæ verò fossæ extra murum sunt
pulchritudo mundi, & praesentia, & de-
lectatio amicorum mundi. In his fos-
sis multi libentissimè quiescerent, &
nunquā curarent in caelis videre Deum.
Et ideo fossæ istæ sunt latæ, & profundæ.
Latæ, quia talium hominum voluntas
longè, latèq. est à Deo. Profundæ quo-
que sunt, quia plurimos detinent in pro-
fundo infernali, propterea fossæ istæ
transcendi debent vno saltu. Quid enim
est saltus spiritualis, nisi separare totum
cor suum ab his, quæ vana sunt, & de-
terrenis salire in Regnum Celi. Ecce
nunc ostensum est, quomodo confrin-
genda sunt seræ, & transiliendi muri,
nunc ostendat quomodo praesentare
debet Episcopus istam rem pretiosissi-
mam, quæ vnquam fuit. Deitas quippe
ab aeterno, & sine principio fuit, & est,
quia non est invenire in ea principium
sive finem. Humanitas verò fuit in meo
corpore, & suscepit de me carnem, &
sanguinem. Ideo ipsa est res preciosissi-
ma, quæ vnquam fuit, & est. Ergo
quando anima iusti recipit cum chari-
tate corpus Dei in se, & corpus Dei im-
plet animam, tunc ibi est preciosissima
res, quæ vnquam fuit. Nam licet Deitas
est tribus personis sine principio, &
sine fine in se, ubi tamen quando Pater
misit filium suum cum Deitate, & Spi-
ritus sancto ad nos, tunc sumptim benedi-
ctum corpus suum de meo. Nunc verò
ostendam eidem Episcopo, quomodo
praesentanda est Domino preciosissima
res illa. Vbiunque amicus Dei invene-
rit peccatorem, in cuius verbis est mo-
dica charitas ad Deum, & magna ad
mundum, ubi anima vacat ad Deum.
Propterea amicus Dei habeat charita-

tem ad Deum dolendo, quod anima
redempta sanguine Creatoris inimica
est Dei. Condoleatq. miserè animæ ha-
bendo ad eam quasi duas voces. Vna
qua roget Deum misereri animæ. Aliam
qua ostendat animæ periculum suum.
Si autem ista duo Deum, scilicet, & ani-
mam concordare poterit in vnum, tunc
manibus dilectionis suæ praesentat Deo
preciosissimam rem. Quia quando cor-
pus Dei, quod fuit in me, & anima à
Deo creata conveniunt in vnam amicitia-
m, hoc est mihi charissimum, nec
mirum. Ego enim praesens eram, quan-
do miles ille egregius Filius meus exiit
de Hierusalem tenere certamen, quod
tam forte fuit, & durum, quod omnes
nerui in brachijs eius extendebantur.
Dorsum eius erat liuidum, & sanguinol-
entum. Pedes perforati clavis, oculi &
aures plenæ sanguine. Collum quoque
inclinabatur, quando tradidit spiritum.

4. Cor scindebatur à cuspe lanceæ, &
sic cum maximo dolore vixit animas.
5. Qui nunc residens in gloria extendit
brachium ad homines, sed paucissimi
tamen inveniuntur, qui praesentant ei
sponsam. Ideo amicus Dei non parcat
vitæ, & bonis, iuvando alios secum, eosq.
filio meo praesentando. Dicitur adhuc
eidem Episcopo, quod quia ipse petiit
me in suam charitatem amicum, ideo volo
ei dare fidem meam, & ligare me cum
eo in vnum vinculum. Nam corpus
Dei, quod fuit in me, recipiet animam
eius in se, cum magnâ charitate, & ut
sicut Pater cum filio fuit in me, qui cor-
pus meum, & animam habuit in se, &
sicut Spiritus sanctus, qui est in Patre,
& filio fuit ubiq. meum, qui & filium
meum intra secum, sic & famulus
meus ligatus erit cum eodem spiritu.
Nam quando ipse diligit passionem Domini
& corpus eius habet in corde charissi-
mum, tunc habebit humanitatem, quæ
intra se, & extra se habet Deitatem, & est
Deus in eo, & ipse in Deo, sicut est in me
Deus,

Deus, & ego in eo. Cùm verò famulus meus, & ego habemus vnū Deum, tunc habebimus, & vnū vinculum, charitatis, & Spiritum sanctum, qui est cū Patre, & Filio vnus Deus. Adde adhūc vnū Verbū. Si iste Episcopus tenet promissionem suam mecum, ego iuuabo eum, dum viuit. In fine verò vitæ volo seruire, & astare ei præsentando animam eius Deo, & dicendo sic. O Deus meus iste seruiuit tibi, & obediuit mihi, idē præsentō tibi animam eius. O filia, quid cogitat homo, qui contemnit animam suam. Nun. quid Deus Pater cum incomprehensibili Deitate sua dimississet innocentem Filium suum pati in humanitate, tam duram penam, nisi fuisset illa virtuosa delectatio, & affectio, quam habet ad animas, & illa æterna gloria, quam eis præparauit.

Hæc reuelatio facta est de Episcopo Lincolniensi. qui postea factus fuit Archiepiscopus.

Item de eodem 6. Lib. Cap. 22. quod incipit. Ille Prælatas.

Et de eodem Additio.

Episcopus, pro quo tu ploras, venit ad leue Purgatorium, idē pro certo scias, quod quamuis in mundo multos habuit impeditores, iam ipsi reportauerunt iudicium suum, & ipsē propter fidem, & mundiciam suam mecum gloriatur.

N O T A.

NAm vident corpus Dei, & recipiunt, sed anima eorum tam longē est à Deo sicut fures, qui furari desiderant, sed appropinquare non valent propter fortes lēras.

Hoc loco Beatissima Virgo tradit, eos qui

sacram indignē sumunt Eucharistiam, recipere quidem Sacramentum, & verum Christi Domini Corpus, non verò rem Sacramenti, & sacramentalem effectum, qui gratia est, & idcirco hi longē à Deo esse dicuntur, quandoquidem cum Deo per gratiam, quam non obtinuerunt, nullatenus coniunguntur, neque eius participes sunt, hanc verò participationē quattuor potissimū impedire peccata legimus hic paulō antē citata verba huius Notæ, nimirum Superbiam, Auaritiam, Luxuriam, & Iram, vnde qui hanc calestem mensam frequentant, pro viribus studere debent, ne huiusmodi vitijs polluti ad eam accedant.

² Sic fecit ille sanctus Thomas de Anglia, qui passus est multas tribulationes pro Iustitia, & in fine occubuit duramorte, qui non pepercit percutere corpora cum iustitia Ecclesiastica.

Proponitur hic egregium Episcopis imitandum exemplum, Thomas, scilicet Cantuariensis, qui pro zelo Iustitiæ, ac Ecclesiasticæ libertatis defensione, nec laboribus, neque propriæ vitæ pepercit, & veluti bonus pastor animā suam pro ouibus posuit: eius vitam, ac res preclaras gestas, si quis scire vellet, vt imitaretur, legat in primis Ioannem Episcopum Carnotensem; Gulielmum Cantuar. Surium tom. 6. Herbertum, & Alanum, aliosq. quos refert Gerardus Vossius in Cathalogo Archiepiscoporum Cantuariensium à se in lucem edito, notiq. illustrato: vide ibi Notas ad S. Thomam, vbi affirmat de eo extare plurima in Volumine M. S. Bibliothecæ Vaticanæ num. 722. de quo etiam Martyrolog. Roman. die 29. Decembr. cū autē in præsentī Notā legimus, D. Thomam Ecclesiasticā percussisse corpora, intelligendū censuræ Ecclesiasticæ, & præcipuè excommunicationis, per quam olim dabatur Demonibus potestas vexandi corpora, vt delinquentes respicerent, sic Gloss. ordin. Theodor. Lyrani, & Carthusii in illud 1. Cor. 5. Iam iudicauit huiusmodi tradere Sathane in interitum carnis, vt spiritus saluus sit.

³ Quando Pater misit Filiū suum cum Deitate, & Spiritu sancto.

Locus corruptus est, & arbitror sublato (ly)

cum Deitate, legēdum esse, Pater misit Filium suum superueniente Spiritu sancto, secundum illud Luca primo. Spiritus sanctus superueniet in te.

- 4 Cor scindebatur à cuspide lanceæ, & sic cum maximo dolore vicit.

Non deducendum ex his quod Christus ex lanceæ ictu dolorem aliquem senserit, cum ipse post mortem à Longino lancea fuit percussus, ut testatur S. Ioan. cap. 19. sui Evangelij. sed agitur ibi de dolore, quem in flagellatione ad Columnam, ac in ipsa crucifixione, ceterūq. dum viveret percepit, quod ex antecedentibus constat ibi, Dorsum erat lividum & sanguinolentum, pedes perforati clavis: Vide quæ de hac re scripsimus serm. de Virg. Excell. cap. 17. lib. 2.

- 5 Quia nunc residens in gloria extendit brachium ad homines.

Quia nimirum virtutem suam communicat copiose omnibus, & ipsemet Christus, qui excelsum brachium. Dicitur Isaie 33. passionis sue fructuum omnes participes fecit, unde in Psalm. 43. explicans D. Augustinus illa verba, Et brachium eorum non saluauit eos, sed dextera tua, & brachium tuum, & illuminatio vultus tui, Dextera tua (inquit) potentia tua, brachium tuum, ipse filius tuus. Idem etiam habet in enarrat. Psalm. 70. & 135. & ibidem Arnobius, sed latius explicat D. Greg. 32. Moral. cap. 6. Aut etiam dicendum est, Deum in gloria residentem brachium ad homines extendere, quatenus omnibus supernaturale auxilium dare paratus est, vult enim omnes homines saluos fieri, & ad agnitionem veritatis venire, sic habet Apostolus Paulus 1. ad Timoth. 2.

- 6 Ut sicut Pater cum Filio fuit in mundo, qui corpus meum, & animam habuit in se, & sicut Spiritus sanctus, qui est in Patre, & Filio ubiq. mecum fuit.

Quomodo tres personæ Trinitatis fuerint in utero Beatissimæ Virginis, & qua ratione hac de re iuxta sanctorum Patrum, ac Scholasticorum Doctorum sententias loquendum sit egimus supra Lib. 1. Cap. 38. Nota 1. & supersus Cap. 42. eodem Lib. Nota 3. ubi actu-

limus quinque modos, quibus dicere possumus unam personam diuinam esse in alia: interim hic admonere lectorem censeo, non agi hoc loco de Incarnationis mysterio, per quod Christus Dominus peculiari ratione fuit in utero Beatissimæ Virginis, sed de unione, qua anima iusti per gratiam est in Deo, & Deus in ea, quod aperte colligitur ex his verbis, quæ immediate sequuntur, ubi legimus sic, Et famulus meus ligatus erit cum eodem spiritu, nam quando ipse diligit passionem Dei, & corpus eius habet in corde charissimum, & tunc habebit humanitatem, quæ intra se, & extra se habet Deitatem, & est Deus in eo, & ipse in Deo, sicut est in me Deus.

VERBA MATRIS AD FILIAM

sub figura mirabili de quodam Episcopo, qualiter scilicet Episcopus per Papilionem vernem, & humilitas, & superbia Episcopi per duas alas, & tres species mala Episcopi palliantes, per tres vermis colores, Episcopi opera per spissitudinem coloris, duplex voluntas per duo cornua Papilionis, & cupiditas per os, modica charitas per paruum corpus designantur, & exponuntur.

CAP. XIV. segundum



MATER loquitur ad sponsam filij dicens. Tu es vas, quod possessor implet, & magister reuacuat, attamen vnus, & idem est, qui implet, & vacuat. Nam sicut, qui infunderet vasi simul vinum, & lac, & aquam, diceretur magister, si vnum quoddam istorum in simul coagulatorum separaret, & reduceret in naturam propriam: Sic ego Mater, & magistra omnium feci, & facio tibi. Nam ante annum, & mensē dicta sunt tibi plura negocia, & omnia

nia quasi coagulantur in anima tua. Quæ si statim effunderentur, simul videretur abominabile, cum ignoraretur eorum finis. Ideo paulatim distinguo ea, sicut mihi placet. Nunquid recolis, quod misi te ad quendam Episcopum, quæ vocavi seruum meum? Ideo nunc simillamus eum Papilionivermi, qui habet alas latas colore albo, rubeo, & blaueo resperfas, cum verò tangitur, color eius spissus remanet in digitis tanquam cinis. Hic vermis modicū habet corpus, sed grossum os, duo cornua in fronte, & occultum locum in ventre, per quem immunda ventris emittuntur. Alæ verò huius vermis, idest Episcopi, sunt humilitas eius, & superbia. Nam humilis apparet extra in verbis, & gestibus, humilis in vestibus, & operatione, sed intus est superbia, qua magnus est in conspectu sui, tumidus de honore, ambitiosus de favore hominum, & arrogans, alijs sua præferendo, & aliena iudicando. His igitur duabus alis, volat per humilitatem apparentem coram hominibus, ut singulis placeat, & in ore sit omnium. Per superbiam verò sibi ipsi, qua se existimat multis sanctiorem. Tres verò colores alarum, sunt tres species palliantes mala eius. Nam color eius rubeus significat, quod continuè de passione Christi disputat, & miraculis Sanctorum, ut vocetur Sanctus, sed certè longè sunt à corde ipsius, quia minimè sapiunt sibi. Color verò blaueus significat, quod exterius videtur non curare de temporalibus, sed mortuus esse mundo, & totus cælestis, sicut blaueum speciem habet cæli. Sed certè color iste secundus non maiorem coram Deo stabilitatem, & fructum affert, quàm ille primus. Color verò albus indicat ipsum in vestibus religiosum, in moribus superlaudabilem. Sed tanta dulcedo, & perfectio est in colore tertio, qualis in duobus primis. Sicut enim color Papilionis spissus est, & adheret manibus, vel tamen relinquens manibus, nisi quasi cinerem.

Sic opera sua videntur admiranda, quia desiderat esse solus, sed ad utilitatē propriam vacua, & infructuosa sunt, quia non sincerè querit, nec diligit diligendum. Cornua verò duo duplex est voluntas eius. Nam desiderat habere vitam sine incommodis in hoc mundo, post mortem verò vitam æternam. Ut & honore magno non fraudetur in terris, & in cælestibus perfectiùs coronetur. Ille Episcopus simillimus est etiā Papilioni, qui cogitat portare cælū in cornu vno, & terram in altero, qui tamen si posset non sustentaret minimum quid ad honorem Dei. Sic iste Ecclesiæ Dei se credit, & cogitat proficere verbo suo, & exemplo, tanquam si sine illo non ita cresceret, terrenosq. homines per merita sua germinare spiritualitèr suspicatur, & idèo tanquā milēs, qui certauerat cogitat, Cum inquires vocor deuotus, Et humilis, ad quid extendam ad arctiora vitam meam? Si peccō in quibusdam delectabilibus sine quibus non delectabiliter viuo, maiora merita, & opera mea me excusabunt. Cum enim cælum per haustum etiā aquæ frigide obtineri poterit, quid necesse est ultra mentis laborare? Papilio quoque habet latum os, sed maiorem habet latitudinē cupiditatis, in tantum, quod si omnes mulcas voraret præter vnā, adhuc illā solam concupisceret, & deubareret. Sic iste si vnum denarium obtinere posset cum multis, tali modo, quod non notaretur, & esset occultum, reciperet quidē, sed nunquam fames cupiditatis extingueretur. Papilio quoque habet occultum exitum immundicie suæ. Sic ipse improbè effundit iram ipsam, & impatientiam, ut & latentia sua alijs ostendantur. Item sicut Papilio modicum habet corpus, sic iste modicā charitatem. Quia quod deficit sibi in magnitudine charitatis, totum suppletur in alarum latitudine, & extensione. Respondit sponsa. Si aliquam scintillam chari-

tatis habet, semper spes est vitæ, & salutis. Et Mater. Qualem charitatem habuit Iudas, cum tradendo Dominum dixit, peccavi prodendo sanguinem iustum, voluit quippe videri habere charitatem, sed non habebat.

VERBA MATRIS AD FILIAM
sub figura de alio Episcopo, & qualiter talis Episcopus per Brucum vermem, verbosa eloquentia per euolatum, duæ considerationes per duas alas, verba placentia mundi per mortuum designantur, & de Virginis admiratione, de vita istorum duorum Episcoporum, & de prædicatoribus.

C A P. XV.

ITEM loquitur Mater ad sponsam dicens. Alium Episcopum ostendi tibi, quem vocavi Pastorem gregis. Hunc similamus Bruco, qui terreum habet colorem, cum sonitu magno euolat, & ubicunque resederit, mordet intolerabiliter, & cum dolore. Sic iste Pastor terreum habet colorem, quia cum ad paupertatem vocatus est, magis desiderat esse diues, quam pauper, magis præesse, quam subijci, magis habere voluntatem propriam, quam aliorum obedientia disciplinari. Euolat quoque cum sonitu magno, quia pro diuinis sermonibus abundat verbosa eloquentia, pro doctrina spiritali disputat de mundi vanitate, & pro sancta ordinis sui simplicitate laudat, & imitatur mundi vanitatem. Habet insuper duas alas, idest duas considerationes. Prima est, quod omnibus velleret dare verba pulchra, & placentia, ad hoc, vt ab omnibus honoraretur. Secunda est, quod velleret, vt omnes se ei inclinarent, & obedirent.

Item Brucus mordet inconfolabiliter, sic iste mordet damnosè ad animam. Nam cum sit animarum Medicus, non dicit accedentibus ad se periculum eorum, & infirmitatem, nec vitium refecationis ferro, Sed loquitur eis placentia, vt vocetur mitis, & ne ab aliquibus deuitetur. Ecce in istis duobus Episcopis mirabile magnum est. Alter enim apparet extrinsecus pauper solitarius, & humilis, vt vocetur spiritalis. Alius desiderat possidere mundum, vt vocetur misericors, & largus. Alius iterum vult videri possidere nihil, & tamen concupiscit omnia possidere occultè. Alter possidere in aperto plurima, vt tribuat multa, & sic honoretur multum. Propterea secundum vulgare prouerbum, quia ipsi seruiunt mihi taliter, quod non video, quia non approbo, ideo remunerabo eos taliter, quod non videbunt. Miraris cur tales laudantur de prædicatione sua. Respondeo tibi. Quandoque malus loquitur bonis, quibus infunditur spiritus Dei bonus, non propter bonitatem Doctoris, sed per verba Doctoris, in quibus spiritus Dei bonus est propter bonum audientium. Quandoque bonus loquitur malis, qui efficiuntur boni, & ex auditu, & propter spiritum Dei bonum, & propter bonitatem docentis. Quandoque etiam frigidus loquitur frigidis, vt frigidum audientes, dum referunt audita ad absentes feruentes, ipsi audientes fiant feruentiores. Propterea noli turbari ad quos mittaris, Deus enim est mirabilis, qui sternit aurum sub pedibus, & lutum collocat inter radios Solis.



VER-

VERBA FILII AD SPONSAM,
quod Deo non placet animarum
damnatio, & de mirabilibus quæstio-
nibus Episcopi iunioris ad senem, &
de responsionibus senis ad iuniorem.

C A P. XVI.

ILIVS loquitur ad spon-
sam dicens. 1 Quid cre-
dis, quare isti duo osten-
duntur tibi? Nunquid
quia vituperium eorum,
& damnum placet Deo? Absit, sed ideo
fit, ut patientia, & honor Dei manife-
stior fiat, & audientes timeant iudicium
Dei. Sed veni, & audi mirabile: Et
ecce quidam iunior Episcopus quæsit
seniorem dicens. Audi frater, & re-
sponde mihi. Cum ad iugum obedi-
entia fuisti obligatus, cur deseruisti illud?
Cum paupertatem, & religionem ele-
gisti, cur reliquisti illas? Cum per re-
ligionis ingressum ostendisti te mor-
tuum seculo, cur desiderasti Episcopa-
tum? Respondit senior. Obedientia,
quæ me subesse docuit, erat mihi onero-
sa, ideo affectui libertatem iugum
quod Deus dicit suave, erat mihi ama-
rum, ideo quæsiui, & elegi corporis
quietem. Humilitas erat in me ficta,

2
var. lect. ideo concupiui honorem. Et quia
melius est minare, quam trahere, ideo
desideravi Episcopatum. Quæsit se-
cundo iunior. Cur non honorabas sedē
tuam mundi honore? Cur non acquisisti
diuitias per mundanam sapientiam? Cur
non dispensasti, quæ habebas secun-
dum honorem mundi? Cur tantum te
exteriori deiecisti, & non magis iuxta
mundialem ambitionem processisti?

3 Respondit senior. Ideo non stravi se-
dem meam cum mundi honore, quia
sperabam amplius honorari, si appare-
rem humilis, & spiritualis, quam si vi-
derer temporalis. 3 Et propterea, ut à
mundanis hominibus laudarer, videbar

quasi omnia contemnere. Ut verò di-
ligeret à spiritualibus, humilis, & de-
uotus apparebam. Ideo verò non acqui-
siui diuitias cum mundana sapientia, nè
spirituales viri norarent me, & contem-
nerent propter temporale. Ideo verò
non dedi largiter dona, quia magis pla-
cebat mihi esse cum paucioribus pro-
pter quietem meam, quam cum pluri-
bus. Et plus delectabar, si aliquid ha-
bebam in arca, quam si tribuissem aliquid
manu mea. Item quæsit iunior. Dic
mihi cur dedisti asino dulcem, & dele-
ctabilem potum de immundo vase? Cur
tribuisti Episcopo siliquas de ara porco-
rum? Cur coronam tuam strauisti sub
pedibus? Cur expuisti triticum, & ma-
sticaisti zizaniam? Cur soluisti alios de
funibus, te ipsum verò ligasti compedi-
bus? Cur alienis vulneribus apposuisti
sanatiua, & tuis proprijs mortificatiua?
Respondit senior. Ideo dedi asino dul-
cem potum de immundo, & despecto
vase, quia cum essem litteratus placuit
mihi propter mundi honorem magis
tractare Sacramenta diuina Altaris, quam
vacare curæ seculari. Et quia occultæ
mea erant hominibus incognita, Deo
verò nota, assumpsi presumptionem
nimiam, & auxi mihi iudicij terribilis
graviorem equitatem. Ad secundum
dico, quod dedi Episcopo siliquas de
ara porcorum, quia natura mea in-
centiua efficiendo perficiebam, nec in-
coercendo stabilis permanebam. Ad
tertium. Ideo posui coronam Episcopa-
lem sub pedibus, quia placuit mihi ma-
gis facere misericordiam propter fau-
orem hominum, quam iustitiam pro ho-
nore, & amore Dei. Ad quartum. Ideo
expuens triticum, masticebam stramina,
quia verba Dei non loquebar ex amore
Dei, nec delectabar me illa facere, quæ
alijs proponebam. Ad quintum. Ideo
soluens me ipsum ligabam, quia venien-
tes ad me cum contritione absoluebam,
& illa, quæ illi penitendo descebant, &
de-

deffendo relinquebant, hæc me delectabat adimplere. Ad sextum. Ideò alios vnxi vnguento sanatio, & meipsum mortifero; quia docendo vitæ puritatem alios emendaui, & meipsum deterioraui, nam illa, quæ præcepi alijs, hæc ipse nolui mouere digito. Et vnde alios vidi proficere, indè ipse deficiendo tabescebat, quia me delectabat magis commissis peccatis facinam addere, quam ea emendando alleuiare. Post hæc audita est vox quædam dicens. Regratiare Deo; quòd non es cum illis venenosis vasis, quæ cum dissoluentur, vadunt ad ipsum venenum. Et sic statim alter istorum mortuus nunciabatur.

NOTÆ.

Quid credis, quare isti duo ostenduntur tibi?

Hi sunt duo illi Episcopi, de quibus supra decimoquarto Capite, & decimoquinto sermonem habuit Beatissima Virgo cum Beata Brigitta, hic autem rationem reddit, quare voluerit Deus eorum propalare facinora, ac vitia, & huius rei tres affert causas, quarum prima est, ut ostendatur patientia Dei, qui eos tam diu ad penitentiam expectauit; Secunda, ut ostendatur honor Dei, qui cum sit summè bonus permittit aliquando hominum scelera manifestari, ut indè palam fiat, ea peccata ex eorum procedere malitia; & nullo pacto ex Dei bonitate, qua vult omnes homines boni sint. Tertia, ut ostendatur iustum eius iudicium: cuius recordatione à malo retrahuntur.

2 Et quia melius est minare, quam trahere, idè desiderauit Episcopatum.

var. lea.

Codex M. S. Farnesianus aliter legit, Et quia melius est præsse, quam subesse; quia mihi lectio magis placet, ex ea enim manifestum fit, quare Monachus ille, de quo hic sermo est appetierit Episcopatum, quamquam, & alia lectio idem videatur innuere, sed verba illa sic esse corrigenda, quia melius est minari, quam trahi, quandoquis

dem verbum minor significat alijs minas intentare, & hoc volebat Monachus ille, alijs potius imperare, & minas inferre, quam trahi, nimirum ab aliorum voluntate pendere, & eorum præceptis trahi, & obedire.

3 Et propterea, ut à mundanis hominibus laudaretur, videbatur, quasi omnia contemnere, ut verò diligeret à spiritualibus humilis, & deuotus apparebam.

Quemadmodum plerumque meretrices consueverunt, suos cultus, qui fetidi, ac turpes sunt multis diversorum colorum pigmentis honestare, ut eos decipiant, qui nesciunt, quæ sub illius fuci velamine lateat turpitude, ita quoque Monachus iste, ut multos deciperet, qui eum humilem, ac bonorum contemptorem existimabant, videbatur omnia temporalia negligere, & dignitates recusare. Vnde circa finem præsentis Capituli legimus, eum recusasse Episcopatum; ut hominibus humilis, ac laude dignus videretur, idè dicit. Posui coronam Episcopalem sub pedibus, quia placuit mihi facere magis misericordiam propter fauorem hominum, quam iustitiam pro amore, & honore Dei, hanc ob causam eum comparandum esse cum Simone Cireneo crediderim, qui Crucem tulit alienam, quia inanis gloriæ auditat incensus, ea fecit, quæ non dilexit: arbores (inquit) Diuus Bernardus serm. de S. Benedicto, quæ fructum faciunt, sed non suum, hypocrita sunt, cum Simone Cireneo Crucem portantes, non suam, qui religiose intentione carentes amariantur, & quæ non amant amore gloriæ, quam illius desiderant, facere compelluntur.

Simone eandem sententiam habet Hæctor Pinetus in

cap. 40. Ezech. cap. 40.

cap. 40. Ezech. cap. 40.

cap. 40. Ezech. cap. 40.

cap. 40. Ezech. cap. 40.

cap. 40. Ezech. cap. 40.

cap. 40. Ezech. cap. 40.

VERBA VIRGINIS AD FILIAM,
vitam, & ordinem S. Dominici com-
mendantia, & qualiter tempore mor-
tis suæ conuersus est ad Virginem, &
qualiter modernis temporibus pauci
de suis fratribus sequuntur signum
passionis Christi per Dominicum eis
datum, & multi vadunt post signum
incisionis per Diabolum eis oblatum.

CAP. XVII.

TEM loquitur Mater
Dei ad sponsam dicens.
Dixi tibi heri de duobus,
qui erant de regula S. Do-
minici. Certè ipse Domi-
nicus filium meum habuit pro suo
charissimo Domino, & me Matrem eius
dilexit, plus quàm cor suum. Huic san-
cto inspirauit filius meus, tria esse in
mundo, quæ displiceant eidem filio
meo. Superbiam, scilicet, & cupidita-
tem, & concupiscentiam carnis. Ad
quarum trium diminutionem S. Domi-
nicus impetrauit maximis suspirijs au-
xilium, & medicamentum, cuius Deus
compassus lacrymis, inspirauit ei legem,
& regulam viuendi, in qua ipse sanctus
contra tria mala mûdi tria bona consti-
tuit. Nam contra vitium concupiscen-
tiæ, instituit nil possidere, nisi cum li-
centia prioris sui. Contra superbiam,
instituit habere humilem habitum, &
simplicem. Contra carnis insatiabilem
voraginem, instituit abstinentiam, &
tempus debitum ad se regulandum.
Priorem quoque constituit fratribus suis
ad obseruationem pacis, & custodiam
vnitatis. Deindè volens quoddam spiri-
tuale signum dare fratribus suis, impres-
sit quasi vnâ spiritualem Crucem, &
rubeam in sinistro brachio eorum iuxta
cor, per doctrinam, & exempli sui effi-
caciâ, quando docuit, & monuit eos
continû recordari passionem Dei, præ-
dicare feruentèr verba Dei, non propter
mundum, sed propter amorem Dei, &

animarum. Docuit insuper illos magis
subijci, quam præesse, voluntatem pro-
priad odire, contumelias patientèr fer-
re, nihil præter victum, & vestitum de-
siderare. Veritatem corde diligere, &
ore proferre, laudem propriam non
querere, sed diuina verba semper in ore
habere, & docere, & illa non propter
pudorem dimittere, nec propter fauo-
rem humanum recitare. Cumq; insta-
ret tempus resolutionis eius, quod filius
meus ei in spiritu ostendit, iuit ad me
Matrem eius cum lacrymis dicens. O
Maria Regina Cæli, quam ipse Deus præ-
elegit sibi in coniunctionem Deitatis, &
humanitatis. Tu es illa singularis Virgo,
& singulariter dignissima Mater. Tu es
illa potentissima, de qua ipsa potestas
prodiit, audi me rogantem te, quia enim
scio te potentissimam, ideo præsumo de
te. Suscipe fratres meos, quos educaui,
& foui sub stricto scapulari meo, & de-
fende eos sub lato mantello tuo. Rege
eos, & refove, nè hostis antiquus præua-
leat eis, & nè dissipet vineâ nouellâ, quâ
platauit dextera filij mei. Quid verò do-
mina mea aliud noto per scapulare stri-
ctum, quod palliolum vnû habet antè pe-
ctus, & aliud retro, nisi duplicè cõsidera-
tionè, quam ad fratres meos habui? Solli-
citabar quippè nocte, & die pro eis, quo-
modo in rationabili, & laudabili deferui-
rent Deo temperantia. Orabam etiam
pro eis, nè quid de mundo concupisceret,
quod vel Deum offenderet, aut famam
humilitatis, & pietatis apud proximum
denigraret. Nunc igitur, quia tempus
remuneracionis meæ instat, assigno tibi
membra mea, doce ergo eos sicut filios;
& porta eos, sicut Mater. Cum his enim
verbis, & alijs vocatus est Dominicus in
gloriam Dei. Cui ergo per similitudi-
nem loquendo, respondi taliter. O Do-
minice amice dilecte, quia dilexisti me,
plus quàm te. Ego sublato mantello
meo defendam, & regam filios tuos,
necnon & omnes, qui in regula tua per-
seue-

seuerant saluabuntur. Mantellus verò meus latus misericordia mea est, quam nulli feliciter petenti denego. Sed omnes, qui quærunt, sub misericordia meâ sinu protegentur. Sed quid credis tu ò filia mea, quod regula Dominici sit? Vtique humilitas, & continentia, & contemptus mundi. Nam omnes, qui hæc tria assumunt, & perseverando diligunt, nunquam damnabuntur, & hi sunt, qui tenent regulam beati Dominici. Sed audi mirabile. Dominicus assignavit filios suos sub mantello meo lato, & ecce pauciores sunt, nunc sub mantello meo lato, quam tunc erant sub scapulari suo stricto. Nec tamen omnes viuentes adhuc ipso Dominico habuerunt ouina vellera, & Dominicos mores. Sicut melius per exemplum ostendo tibi mores eorum. Si Dominicus descenderet de altitudine cælesti, in qua est, & diceret furi, qui prodit de valle, & considerat oues ad macandum, & perdendum. Cur (inquiens) vocas, & abducis oues meas, quas ex signis evidentissimis cognosco esse meas? Respondere potest fur. Cur Dominice approprias tibi illa, quæ tua non sunt? Nam subreptio violenta, est aliena usurpare sibi. Si respondere volueris, Dominicum enutrisse eas, & domuisse, & præcessisse, & docuisse. Dicitur est fur. Si tu enutristi eas, & docuisti tunc, ego blandiendo suauiter reduxi eas ad voluntatem propriam. Si tu lenitatem cum austeritate miscebas eis, & ego alliciebam eas blandius, & ostendebam, quod delectabat eas suauius, & ecce plures currunt ad passum, & vocem meam. Et ideo oues, quæ sequuntur me feruentius cognosco esse meas, quia liberum habent arbitrium sequendi allicientem. Si responderit iterum Dominicus, quod oues suæ signatæ sunt signo rubeo in corde, diciturus est fur, oues meæ signatæ sunt signo meo, signo scilicet, incisionis in dextra aure. Et quia manifestius, & euidentius est signum meum

signo tuo, ideo cognosco oues meas. Fur igitur iste Diabolus est, qui de ouibus Dominici plures sibi incorporauit, quæ incisæ sunt in dextra aure, quia non audiunt verba vitæ dicentis. Arcta via est in cælum. Sed sola illa delectabiliter audiendo perficitur, quæ eas delectat adimplere. Oves verò Dominici paucæ sunt, quæ signum rubrum habent in corde, qui passionem Dei cum charitate recolunt, & verba Dei prædicantes feruenter, vitam beatam ducunt, in omni castitate, & paupertate. Nam hæc est regula Dominici, sicut vulgo dicitur, omnium suâ portare in dorso, nihil velle possidere, nisi quod permixtit regula. Non solum dimittere superflua, sed & à licitis, & necessarijs, quandoque propter carnis motus temperare se.

VERBA MATRIS AD FILIAM,
quod citius fratres nunc audirent, & audiunt vocem Diaboli, quam sui patris Dominici, & quomodo nunc pauci imitatur eius vestigia, & qualiter Episcopatus desiderantes propter mundi honorē, & sui quietē, & libertatē, non sunt in regula S. Dominici: & de terribili sententia contra tales, & de experientia damnationis pro tali Episcopatu.

CAP. XVIII.



MOQVITVR Mater ad spoliā dicēs. Dixi tibi, quod omnes, qui sunt in regula Dominici, sunt sub mantello meo. Nunc audietur eas, quæ multi sunt tales. Si Dominicus de scēderet de loco deliciarū, in quo feliciter verē est, & clamaret taliter. O fratres dilectissimi sequimini me, quia vobis referuntur quattuor bona, honor scilicet pro humilitate, diuitiæ perpetuæ pro paupertate, satietas sine fastidio pro continentia, vita æterna pro contemptu mundi: vix audiretur.

Sed

Sed si è contra statim ascenderet Diabolus de conualle, clamaretq. alia quattuor dissimilia. Vobis Dominicus inquires promisit quattuor. Videte me, ego enim vobis, quæ desideratis ostendam manu: Nam ecce honorem offero, diuitias habeo manu, voluptas in promptu est, mundus erit delectabilis ad fruendum. Suscipite igitur, quæ offero, vñmini his, quæ certa sunt, viuite cum gaudio, vt post obitum simul gaudeatis. Si istæ duæ voces nunc sonarent in mundo plures currerent ad vocem latronis Diaboli, quàm ad vocem Dominici amici mei tam præclari: Et quid dicam de fratribus Dominici, certè pauci sunt, qui sunt in regula eius, & pauciores sunt, qui imitando vestigia sequuntur eius. Nam non omnes audiunt vnâ vocem, quia non sunt omnes de vno genere, non quod non sint omnes à Deo, & non quod omnes saluari non possint, si volunt. Sed quia non omnes audiunt vocem Filij Dei dicentis. Venite ad me, & ego reficiam vos, scilicet dando meipsum. Sed quid dicam de illis fratribus, qui propter mundum desiderant Episcopatus, nunquid sunt in regula Dominici? Nequaquam. Aut qui acceptant Episcopatus rationabili de causa, nunquid excluduntur à regula Dominici? non vtique. Nam B. Augustinus regulariter vixit ante Episcopatû, sed in Episcopatu non reliquit regularem vitam, quamuis ascendit ad maiorem honorem. Assumpsit enim honorem inuitus, non ad quietem, sed certè ad maiorem laborem, quia videns se posse prodesse animabus, libenter propter Deum reliquit voluntatem propriam, & quietem carnis, vt plures lucrificaret Deo suo. Propterea qui sic desiderant, & assumunt Episcopatus, vt animabus eò magis proficiant, ipsi sunt in regula Dominici, & merces eorum duplicabitur, tùm propter regulæ dulcedinem, à qua abstracti sunt, tùm propter onus Episcopale, ad quod sunt vocati. Propterea iuro super

Deum, super quem iurabant Prophetae, qui non iurabant propter impatientiam, sed quia receperunt Deum in testimonium verborum suorum, sic ego dico nunc, & iuro super eundem Deum, quod veniet fratribus illis, qui contemplerunt regulam Dominici venator de potestate cum effrenatis canibus, tanquàm si seruus diceret Domino. Multæ (inquies) oves intrauerunt hortum tuum, quarum carnes venenatæ sunt, & vellera sordibus cõglobata, quarum lac inutile est, & lasciuia nimis insolescens. Iube (inquies) eas abscindi, ne pascua pro ouibus vilibus deficiant, & nè bonæ oves ex insolentia malarum perturbentur. Cui responderet Dominus, Claude foramina, nè aliq̃e ingrediantur, nisi quas mihi benè conuenit, & expediat educare, & pascere, & quæ pacificæ sũt, & honestæ. Sic ego dico, quod prius clauderentur aliqua foramina, sed non omnia. Post veniet venator cum canibus, qui non parceret velleribus à sagittis, non corporibus à vulneribus, ad hoc vt vita finiatur. Deindè venient custodes, qui diligenter considerabunt, & attendent, de quo genere fuerint oves, quæ ad pascum Domini intromittuntur. Respondens sponsa dixit, ò Domina, nè indigneris, si quæro. Cum Papa mitigauit eis austeritatem regulæ, nunquid reprehendendi sunt, si comedunt carnes, vel cætera, quæ apponuntur? Respondit Mater. Papa considerans infirmitatem naturæ humanæ, simul, & defectum, quem quidam proposuerunt, rationabiliter permisit eos comedere carnes, ad hoc vt habiliores, & feruentiores essent in prædicando, & laborando, non vt desidiores, & dissolutiores apparerent, & idè excusamus Papam de hac permissione. Dixit iterum Sponsa. Dominicus instituit habere vestes non de optimis, nec vilissimis panis, sed de medio temperatis. Nunquid reprehendendi sunt, si de mollioribus induuntur? Respondit Mater. Dominicus, qui regulam de Spiritu Filij mei dictauit,

præcepit habere vestes nõ de molioribus, & pretiosioribus, nè fortè arguerentur, & notarètur, de pulchro habitu, & pretioso, & sic superbirent. Instituit etiam non habere vèstes de vilissimis, & durissimis, nè propter duritiam vestis inquietarentur nimium in capiendò somnum post laborem. Sed instituit vestes habere temperatas, & necessarias, de quibus non superbi- rent, & in quibus nil vanitatis haberent, sed per eas frigus carnis expellerent, & ad virtutum profectum continuum se munirent. Et ideo laudamus Dominicũ in institutione sua, sed fratres suos reprehendimus, eos, videlicet, qui habitũ suum ad vanitatem transformant, & non ad vilitatem. Dixit iterũ sponsa. Nunc quid reprehendendi sunt illi fratres, qui filio tuo ædificant Ecclesias altas, & sumptuosas? Aut vituperandi, & dijudicandi sunt, si ad tales struendas ædificandas plura mendicant? Respondit Mater. Quando Ecclesia in tantum lata est, quod capit ingredientes, quando muri tantum in altum excreuerint, quod non coarctant introeuntes. Quando murorum spiritus ita tam fortis est, quod non à quolibet vento dissoluatur. Quando rectura tam firmiter compacta est, quod non stillet, sufficit eis ædificasse. Nam placet Deo magis cor humile in humili Ecclesia, quàm alti muri, in quibus corpora sunt intra, sed corda ab extra, propterea non habent necesse arcas auro, & argento implere propter ædificia, quia non profuit Salomoni ædificasse tam sumptuosas ædificia, ex quò neglexit eum diligere, propter quæm ædificabantur. His dictis, & auditis statim senior Episcopus, qui supra nunciabatur mortuus, clamabat, dicens. O o ablata est mitra, & ecce apparet, quod latebat subtus. Vbi est nunc honorabilis Episcopus? Vbi Sacerdos venerandus? Vbi pauper frater? Certè abest Episcopus, qui vinctus fuit oleo in officium Apostolicum, & in puritatem vitæ. Remanet verò seruus sterquilini

pinguedine maculatus. Abest etiam Sacerdos, qui consecratus fuit verbis sanctis, ut mutaret inanimatum & mortuum panem in viuificantem Deũ. Remanet verò proditor fallax, qui vendidit eum propter cupiditatem, qui redemit omnes ex charitate. Abest quoque pauper frater, qui cum iuramento abnegauit mundum, sed nunc pro superbia, & ostentatione meam iudicatus. Veruntamen nunc compellor dicere veritatem, quod ille iustus Iudex, qui iudicauit me, magis voluisset liberare me tam amara morte, sicut tunc pariebatur, cum staret in ligno Crucis, sed iustitia, cui obuiare non poterat, contradicebat, quàm quod taliter fuisset, sicut nunc expior iudicatus.

N O T A E.

AT qui acceptant Episcopatum rationabili de causa, nunquid excluduntur à regula Dominici? non videtur. *Hic textus nobis ansam præbet, ut breuiter queramus, utrum Religiosi, qui à Religionis ad Episcopatum transeunt, ad sua regule obseruantias teneantur, & quidem ex verbis hic notatis aperte colligi potest, huiusmodi Episcopos suæ Religionis, in qua fuerunt professi, regulis esse subiectos, quod tamen id absolute non esse concedendum arbitror, nam si loquamur de earum rerum obseruantia, quæ non solum nõ obstant statui Episcopali, sed ad illud onus ritè, probèq; obcundum consunt, ut castitas, paupertas, & obedientia, quam non relinquunt, sed mutant, ut qui prius Religionis Prælati obtempèrabant, deinde obtempèrent Papæ, tunc dicendũ est Episcopũ ad eos teneri, si quæ verò inter Regulares obseruantias existunt, quæ Pontificiæ functioni obstaculo esse possunt, vel solitudo, silentium, abstinentiæ graues, quæ cū corpus etiam plurimum debilitent, accidere potest, ut Episcopum suo oneri ineptum reddant, ab his ego eum penitus immunem esse censeo. Circa quæ tamen poterit talis Episcopus per suam auctoritatem nonnunquam dispensatione uti, sicut id in Religione poterat aucto-*

authoritate sui superioris, secus verò crediderim de his observantijs, quæ medium videntur habere locum, quia scilicet non semper obstat, sed aliquando ob stare possent, ut lanis ad cutem indui, & in his dormire, & alia similia, atque huius doctrina potissimam rationem esse putat D. Thom. 2. 2. q. 185. art. 8. quoniam licet Religio, & Episcopatus status sint perfectionis, Episcopatus tamē hac in re multum excellit, nam si ad inuicem comparentur, religionis status in ordine ad Episcopalem se habet, sicut disciplina ad magisterium, & dispositio ad perfectionem; unde sicut non tollitur dispositio perfectione adueniente, ita quoque Religioso professio adueniente statu perfectionis, nimirum Episcopatus non tolluntur ea, quæ ad huiusmodi perfectionem status poterant disponere, imò coadiuvare, sed ea tantummodo, quæ Episcopali functioni possunt esse obstaculo. Ex his ergo deducendum est secundum communem omnium sententiam, Religiosum professum Episcopum electum liberari, & eximi à iurisdictione, & potestate Prefectorum, & à penis, quæ irrogantur in Regulis, & Constitutionibus sue Religionis, non verò à tribus votis in professione factis. Caterum Caetan. tom. 1. opusc. tract. 2. §. 2. docet Episcopum, vi statuti, aut legis non cogi servari Religionis decreta, sed ex honestate tantummodo rationis, & debito quodam moralizidem tradidit Sotus de iust. & iur. lib. 10. q. 5. art. 7. Sed quidquid sit, Religiosum professum ad Episcopatum assumptum absolute teneri ad vota essentialia, & ea, quæ non obstant functioni Episcopali tradunt D. Thom. ubi supra. Ang. in Summ. 2. 2. 2. 2. Religio q. 33. & Siluest. 2. 2. Religio 7. q. 11. Ioan. Azor. lib. 12. Instit. Moral. cap. 7. circa finem, & hoc aperte colligitur ex verbis presentis Notæ ibi, Non utique, nam B. August. regulariter vixit antè Episcopatum, sed in Episcopatu non reliquit regularem vitam.

RESPONSIO SPONSÆ AD Christum, qualiter diuersis cogitationibus, & inutilibus afficitur, & quomodo eas remouere non possit. Et responsio Christi ad sponsam, quare istud permittitur à Deo, & de magna vilitate cogitationum, cum detestatione, & timore cum discretionē ad coronā habita, & quod peccatum veniale non debet contemni, ne inducat in mortale.

CAP. XIX.



IOQVITVR Filius ad Sponsam. Quid turbaris, & sollicita es filia? Respondit illa, quia diuersis cogitationibus, & inutilibus afficior, quas remouere non possum, & iudicij tui terribilis auditio me conturbat. Respondit Filius. Hæc est vera iustitia. Sicut enim prius delectabaris in affectionibus mundi contra velle meum, sic nunc permittuntur tibi cogitationes variæ contra velle tuum. Veruntamen time cum discretionē, & confide fortiter in meo Deo tuo. Sciens pro certissimo, quod quando mens non delectatur in cogitationibus peccati, sed reluctatur eis detestando eas, purgatio, sunt animæ, & corona. Si verò modicum peccatum, quod intelligis esse peccatum, delectat te facere, & facis ex confidentia abstinētiæ, & præsumptione gratiæ, nec assumis pœnitentiam, nec aliam facis emendam, scito illud posse fieri mortale, & propterea si in mentem venerit aliqua peccati delectatio, qualiscunque fuerit, considera statim ad quid tendit, & pœnitere. Nam postquam natura hominis debilitata est ex infirmitate eius, plurius procedit peccatum.

2 Non enim est homo, qui non peccat saltem venialiter. 3 Sed Deus misericors dedit homini remedium, dolere,

Z 2 sci.

scilicet de omni peccato, necnon & emendata sint, nē forte non benē emendata sint, nam nihil ita odit Deus, sicut scire peccatum, nec curare, aut ex meritis aliquibus præsumere quasi Deus, idēo toleraret aliquod peccatum tuum, quasi sine te non posset honorari, aut idēo licitē permitteret tibi facere vnum malū, quia fecisti plura bona, cum magis etiam si centies fecisses benē pro vno quoque malo, adhuc non sufficeres rependere Deo pro charitate, & bonitate sua. Propter eā time rationabiliter, 4 & si cogitationes prohibere non poteris, saltem fer patientiam, & conare contrā eas voluntate. Non enim damnaberis pro eis, si ingrediuntur, quia non est tuū prohibere, nisi in eis delectaberis. Time etiam, quamvis cogitationibus non consentis, nē forte propter superbiam cadas. Omnis enim qui stat, solius Dei virtute stat. Idēo timor introductorium quoddam est in Cēlum, nā multi idēo lapsi sunt in præcipitium, & mortē propriam, quia timorē diuinum abiecerunt à se, & ibi erubuerunt confiteri corā hominibus, vbi non erubescant peccare coram Deo. Idēo qui pro modico peccato non curat petere veniam, huic & ego dedignabor relaxare peccatum. 5 Et sic exercitatione auctis peccatis, illud quod ex cōtritione remissibile, & veniale erat, ex negligentia, & contemptu fiet valdē graue, sicut in hac anima iam iudicata pendere poteris. Postquam enim veniale, & remissibile commisit, auxit per consuetudinē confidens de bonis suis aliquibus operibus quasi minora, non attendēdo, quod iudicarem. Et sic irretita anima per consuetudinē delectationis inordinatā, non correxit, nec compescuit voluptatem peccati, donec iudicium erat in foribus, & vltimus punctus appropinquabat, idēo appropinquante fine inuoluebatur subito conscientia eius miserabiliter, & doluit, quod cito moreretur, timens separari ab illo modico temporali, quod diligebat. Nam Deus ad vltimum

punctum suffert hominem, & expectat, si forte homo peccator voluntatem suam omnem, quam habet liberam, mouere, voluerit ab affectu peccati. Sed quia voluntas non corrigitur. Idēo anima sine infinito constringitur, quia Diabolus sciens, quod vnusquisque secundum conscientiam & voluntatem iudicabitur, laborat maxime in fine, vt anima ludificetur, & euertatur ab intentionis rectitudine, quod & fieri permittit Deus, quia anima cum deberet, renuit vigilare. Noli insuper confidere, & præsumere nimium, si quem dico amicum, & seruum, sicut vocauī istum prius, quia etiam Iudas vocatus est amicus, & Nabuchodonosor seruus. Nam sicut dixi personaliter vos amici mei estis, si feceritis, quæ præcipio vobis. Sic dico nunc, amici sunt cum me imitantur, inimici sunt cum me, & mandata mea contemnendo persequuntur. Nunquid non David postquam dictum est, quod inueni hominem secundum cor meum, excessit per homicidium? Salomon, cui tam mirifica data, & promissa sunt, excessit à bonitate & nō est cōpleta in eo promissio propter ingratitudinē eius, sed in me Filio Dei. Propter eā sicut in dictamine tuo ponitur clausula cum finali, sic ego in locutione mea clausulam istam pono, & finalem. Si quis fecerit voluntatem meam, & dimiserit suam hereditatem, accipiet vitam æternam. Qui verō audierit, nec faciendo perseuerauerit, erit sicut seruus inutilis, & ingratus. Sed nec debes diffidere, si quem dico inimicum, quia statim inimicus mutauerit voluntatem ad bonum, erit amicus Dei, nunquid non Iudas erat cum duodecim vnus, quando dixi. Vos amici mei estis, qui secuti estis me, & sedebitis super sedes duodecim. Tunc quidem temporis sequebatur me Iudas, nec tamen sedebit cum duodecim. Quomodo ergo completi sunt sermones Dei? Respondeo tibi. Deus qui videt corda, & voluntates hominū, secundū illa iudicat, & remunerat, quæ videt.

Homo

Homo verò, secundum quod videt in facie, iudicat. Ideo nè bonus superbi- ret, vel malus diffideret, vocavit Deus ad Apostolatum, ita bonos, sicut & malos, sicut & quotidie vocat ad dignitates bonos, & malos, ut omnis, qui officium tenet cum vita, gloriatur in æterna vita. Qui verò honorem habet absque onere, gloriatur ad tempus in æternum periturus. Ergo quia Iudas non sequebatur me, corde perfecto, non pertinuit ad eum, qui secuti estis me, quia non perseveravit usque ad remunerationem, sed ad eos, qui perseveraturi erant, tam præsentis tunc temporis, quam futuri. Quia Dominus, in cuius conspectu sunt omnia, quandoque loquitur in præsentem, quæ ad futura pertinent, & de faciendis tanquam iam sint facta. Quandoque etiam præteritum, futurumque permiscet, & præterito utitur pro futuro, ut nullus præsumat discutere consiliū imperturbabile Trinitatis. Audi adhuc vnum Verbum. Multi sunt vocati, pauci verò electi. Sic iste vocatus est ad Episcopatum, sed nõ electus, quia ingratus gratiæ Dei. Ideò nomine Episcopus, sed merito degenerans cum his, qui descendunt, & non ascendunt, computabitur.

Additio.

Filius Dei loquitur dicens. Miraris filia quare alius Episcopus habuit pulcherrimum finem, alius ita horrendum, nam paries cadens confregit eum totū, & modicum superuixit, & hoc modicum cum ingenti dolore. Respondeo tibi. Scriptura dicit, immo ego ipse dixi, quod iustus qualieumque morte moritur, iustus est apud Deum, sed homines mundi hunc iustum reputant, qui pulchrum exitum habebit sine dolore, & pudore, Deus verò hunc discernit iustum, qui à diutina abstinentia probatus est, vel qui pro iustitia tribulatur, quia amici Dei quasi tribulantur in hoc mundo, aut ad minus supplicium in futuro, aut ad maiorem co-

ronam in Cælo. Nam Petrus, & Paulus pro iustitia mortui sunt, sed Petrus amarior Paulò, quia plus dilexit carnem Paulò, & quia Ecclesiæ meæ accepit primatū, debuit & se mihi amariori morte conformare. Paulus verò, quia plus dilexit continentiam, quia plus laboravit, tanquam miles egregius gladium obtinuit, quia ego dispono omnia secundum meritum, & secundum mensuram. Propterea in iudicio Dei non coronat, vel damnat finis, vel mors contemptibilis, sed intentio, & voluntas hominum, & causa. Similis est de istis duobus Episcopis, nam alius patiebatur amariorē pœnam, & despectiorē mortem, hoc fuit ei ad minorem pœnam, quamvis nõ ad gloriam, quia non patiebatur bona voluntas, quod verò alius obtinuit gloriosum finem, hoc fuit ex occulta iustitia mea, sed non ei ad præmium æternum, quia non correxit voluntatem suam, dum vivebat.

NOTAE.

Propterea si in mentem venerit aliqua peccati delectatio, qualiscunque fuerit, considera statim ad quid tendit.

Ad horum intelligentiam notandum est nobis, quod dupliciter homo potest se habere in ordine ad delectationem. Primum quidem si deliberatè cogitet de re aliqua delectabili cum animo, ut delectetur, eaq. fruatur, tunc dicitur expresse consentire, & mortaliter peccare, si sit de re mortali, & idè ut scribitur hic, statim homo debet considerare, ad quod ea cogitatio tendat, si verò homo sufficienter advertat de mala cogitatione, eiusque periculo, & illam negligat reprimere post tempus, sufficiens humane fragilitati ad deliberandum datum, tunc etiam tacite consentire dicitur, & mortaliter peccare: his concurrentibus, primum, ut id, de quo delectatio capitur involuat culpam mortalem, ut explicat B. Thom. 1. 2. quæst. 74. artic. 8. Secundo, ut qui delectatur, se delectari advertat, nec satis esset advertere ad mortale peccatum,

nisi plenè aduerteret. Tertiò, ut non concetur delectationem expellere, quoniam si conaretur, & adhuc perduraret, id illi potius merito tribuendum esset, quàm vitio, & hoc est, quòd paulò infra legimus in hoc Capite, Non enim damnaberis pro eis, si ingredimur, subintelligit cor tuum, sic enim addidit M. S. Farnesianus. Quartum, & postremum, quod requiritur est, ut ex rationabili causa delectationem morosam à se repellere omitat, quod explicat Nauar. in Man. cap. 11. num. 10. & in cap. Cogitationis. de penitentia dist. 1.

2 Non enim est homo, qui non peccat saltem venialiter.

Certissimum mihi esse videtur, quod legimus hic, nullum hominem, dum in hac vita mortali vivit, regulariter posse à veniali penitus culpa esse immunem, hic tamen excipitur Beatissima Virgo, & si quis alius est, cui hoc singulare beneficium diuinitus concessum est: & probatur primò, quia hoc negare, est Deum mendacem facere, ut in prima sua Canonica cap. 1. D. Ioan. tradit, hoc etiam ex pluribus sacrae Scripturae locis patet aperte, ut I saia 64. Facti sumus immundi omnes, & 53. Omnes quasi oves errauimus, & unusquisque in viam suam declinauit, & Proverb. 24. Septies in die cadit iustus, & Rom. 3. Omnes peccauerunt. His tamen obstare posse videtur, quoniam fieri posset, ut quis ad eum perfectionis, ac sanctitatis gradum perueniat, ut omnia venialia peccata vitare queat, ut Iob de se ipso cap. 27. dicit, Neque reprehedit me cor meum in omniuita mea, & in fine 2. lib. Paralipom. in oratione Manasse habetur, Tu Domine non imposuisti penitentiam iustis Abraham, I saie, & Iacob his, qui tibi non peccauerunt: sed his non obstantibus verissimum esse arbitror, quod legimus hic, id nullatenus fieri posse, quam dubitationem pertractans D. Aug. in lib. de Spiritu, & Littera, in initio cap. 1. scribens Marcellino dicit, Rescripisti te moneri, eò quòd in posteriori duorum librorum fieri posse dixi, ut sit homo sine peccato, si voluntas eius non desit ope diuina adiuvante, sed tamen præter

unum, in quo omnes viuificantur, neminem fuisse, vel fore, in quo hic viuente, esset ista perfectio: absurdum enim tibi videtur aliquid fieri posse, cuius desit exemplum: eadem quoque rem prosequitur in libris de Peccatorum meritis, & remiss. ad eund. Marcellinum scriptis. Mihi ergo dicendum est, posse quidem hominē singula peccata venialia vitare, non tamen omnia, ut probat hic, D. Aug. Ex citatis sacrae Scripturae locis supra aperte colligitur, ad locum autem Iob cap. 27. respondeo, quòd ibi S. Iob non intendit se à venialibus penitus excusare, cum ipsemet Deo loquatur, Signasti, quasi in sacculo delicta mea, & rursus peccavi, sed scribit ibi, quòd cor suum peccatum non reprehendebat, quia si quando aliquod commiserat, statim pro eo satisfaciebat, nec permanebat in eo, unde locus non dabatur, ut cum cor suum reprehenderet: idem respondeo ad verba illa Manasses, quia non intendebat Patriarchas à venialibus immunes esse asserere, sed iustos Patriarchas vocat, quia ob peccata venialia non desirunt esse iusti, tum quia permittit aliquando Deus, ut ipsi cadant, ut seruentiores resurgant, & inde in vita spiritali magis proficiant.

3
var.
lect. Sed Deus misericors dedit homini remedium, dolere, scilicet de omni peccato, necnon & emendata.

M. S. Farnesianus hic addit verbum plangere, quod necessarium addendum est, quia locus est mancus, & legit, Necnon, & emendata plangere.

4
var.
lect. Et si cogitationes prohibere non poteris, saltem per patientiam.

Rectius Manuscriptus habet, Saltem ser patienter.

5 Et si exercitatione auctis peccatis illud, quod ex contritione remissibile, & veniale erat, ex negligentia, & contemptu fiet valde graue.

Peccatum, cum consistat principaliter in actus voluntatis, idèò diligenter attendendum, quo animo quis aliquid faciat, si enim aliquod præceptum, quod culpam letalem de se non inuolueret, ea tamen voluntate quis trans-

graderetur, ut vel precipiens, vel precep-
tum concerneret, dubitari non potest, quin
transgrediens ratione contemptus mortaliter
peccaret, aliis enim peccatum tantummodo
veniale committeret, & hoc est, quod legimus
hic, peccatum veniale ex contemptu fieri posse
valde graue. Idem etiam fieret, si in eo finem
quis ultimum constitueret, vel referret ad
mortale. Sed ut hoc explicemus apertius, notan-
dum est ex D. Thom. 1. 2. q. 88. art. 4. quod idem
actus numero peccati venialis eadem volun-
tate manente, nunquam poterit fieri mortale
peccatum, neque etiam si multa sumeremus
peccata venialia, possent constituere unum
mortale, quod paret, tum ex parte durationis
pena veniali debite, que temporalis est,
mortali vero aterna, tum etiam ex parte pe-
ne damni, que mortali peccato correspondet,
estq. carentia diuina visionis, cui nulla alia
equiparari potest, sed hac de re legendus est
D. Bonauent. in 4. sent. dist. 16. & Siluest.
in Summ. verbo Peccatum num. 4. Angel.
eod. verb. num. 4. illud autem D. August.
quod refertur 2. 5. dist. 8. Criminalis, Nullum est
peccatum adeo veniale, quin fiat criminale,
dum placet, explica cum Gloss. dum placet
complacencia fructuosis, seu finis, & docuimus
supra. Vide que hac de re scripsimus Lib. 6.
Cap. 114.

VERBA MATRIS AD FILIAM
quomodo per talentum dona Spiritus
sancti designantur, & qualiter S. Benedi-
ctus sibi donum Spiritus sancti da-
rum multiplicauit, & per que Spiritus
sanctus, vel Spiritus diabolicus homi-
nis animam ingreditur.

C A P. XX.



MATRIS loquitur. 1 Filia
scriptum est, quod qui quin-
que talenta acceperat, alia
quinque lucratus est. Quid
enim est talentum, nisi do-
num Spiritus sancti? nam alij accipiunt
scientiam, alij diuitias, alij apud diuites

familiaritatem, & tamen omnes duplura
reportare debent Domino suo lucrum,
scilicet de scientia, viuendo vtiliter sibi, &
alios instruendo. De diuitijs, & ceteris
donis vtendo rationaliter, & alijs mis-
ericorditer subueniendo. Sic ille bonus
Abbas Benedictus, donum gratia, quod
acceperat multiplicauit, quando omne
contempsit, quod transitorium erat, quan-
do carnem suam seruire coegit animae,
quando nihil preposuit diuinae charitati.
Qui insuper timens, ne aures macularen-
tur auditu inani, oculi visione delectabi-
lium fugit in eremum, 2 imitans illum,
qui nondum natus exultando intra vi-
scera materna cognouit aduentum sui
pijsissimi Redemptoris. Qui quidem Be-
nedictus etiam sine eremo obtinuisse Ca-
lum, quia mundus erat ei mortuus, &
cor eius totum plenum Deo. Sed placuit
Deo vocare Benedictum in montem, vt
cum pluribus innotesceret, plures eius
exemplo ad perfectionis vitam incitaren-
tur. Huius beati viri corpus erat quasi
saccus terrae, in quo claudebaturn ignis
Spiritus sancti, qui exclusit ab eius corde
diabolicum ignem. Sicut enim ignis cor-
poralis ex duobus accenditur, ex aere scilicet,
& flatu hominis, 3 Sic Spiritus san-
ctus ingreditur animam hominis, vel per
inspirationem personalem, aut per aliquam
operationem humanam, seu loquutionem
diuinam mentem excitat ad Deum. Si-
militer spiritus diabolicus visitat suos, sed
differunt incomparabiliter. Nam Spi-
ritus sanctus calefacit animam ad queren-
dum Deum, sed non comburit carnali-
ter, lucet etiam puritate modestiae, sed
non offuscat mentem malicia. Spiritus
vero nequam comburit mentem ad car-
nalia, & amaricat intolerabiliter. Obscu-
ratur quoque animam per inconsideratio-
nem sui, & deprimit eam in insolabili-
ter ad terrena. Ergo vt ignis iste bonus,
qui erat in Benedicto igniret plures, vo-
cauit Deus Benedictum in montem, qui
conuocatis ad se pluribus scintillis fecit de

eis per Spiritum Dei maximum rogam , & composuit eis regulam de Spiritu Dei, per quam multi perfecti facti sunt sicut Benedictus. Nunc autem multas facies proiectas de rogo Sancti Benedicti iacent vbique dispersas, habentes pro calore frigiditatem, pro luce tenebras, quas, si in igne iacerent conglobata, darent vbique ex se flammam, & calorem.

NOTAE.

1. Scriptum est, quod qui quinquenta lenta acceperat, alia quinque lucratus est.

Sic enim legimus *Matth. 25*. Explicat autem hic *Beatissima Virgo* quid talenti nomine intelligendum sit, nimirum dona Spiritus sancti, inter quae, & scientia, ac diuitiae spirituales connumerantur, & *D. Greg. hom. 9. in Matth.* sensus quinque esse tradit, atque ex huiusmodi talentis Domino, qui nobis ex misericordia sua ea contulit, duplum reportare lucrum debemus, sicut hoc loco scribitur, quod tunc facimus, quando illa ad Dei honorem, ac sanctae Ecclesiae commodum, & proximorum salutem impendimus, unde egregie *D. Aug. ad Simplic. scribens lib. 2. q. 2. sup. 1. Reg. 10. 4.* dicit, Quod qui talentis acceptis ex charitate minime vitit, dignus est, qui his à Deo priuetur, Quid enim (inquit) per talentum intelligitur, quam munus aliquod diuinum, sed qui habet, dabitur ei, qui autem non habet, & quod habet, auferetur ab eo, quod non habet, auferri non potest, sed aliud non habet, ut merito auferatur, quod habet, non habet charitatem retendi: ut auferatur, quidquid aliud habet, quod sine charitate non prodest.

2. Imitans illum, qui nondum natus exultando intra viscera materna, cognouit aduentum sui piissimi Redemptoris.

Ex hoc textu libet aperte deducere *D. Ioan. Baptista* usum fuisse liberi acceleratum arbitrij, quandoquidem dicitur hic, Cum iam esset in utero materno, aduentum Christi Domini cognouisse: idem quoque asseritur *infra Lib. 4. Renewat. Cap. 7. 4.* his verbis, De quo ego non-

dum natus exultavi, & quem demonstrando plenius agnoscebam, quod etiam fatentur *D. Ambros. & Theoph. Luc. 1.* dicit enim *Ambros. Ioannem Domini sensisse gratiam. & aduentum.* & clarius ibidem his verbis, habebat intelligendi sensum, qui exultandi habebat effectum: idem tradit de *inst. Virg. cap. 1. 3. & lib. 4. de fide ad Gratian. c. 4.* sequitur hanc sententiam *Leo Pont. ser. 10. de Natiu. Orig. hom. 4. in Luc. Petr. Chrysost. ser. 88. Chrysost. hom. 1. in Luc. Concil. Basilien. sess. 43.* affirmat *Ioannem* in utero Matris Christum agnouisse, fauent etiam *Bernard. serm. de Natiuit. D. Ioan. Maxim. hom. 1. de Natiuit. Ioan. Bapt. Iren. lib. 3. cap. 18.* idem probatur ex *Hymno Pauli Diaconi*, qui de eo in eius festiuitate ab Ecclesia cantatur (Ventre obstruso recubans cubili, senseras Regem, Thalamo manentem) iuit in hanc opinionem *Card. Caetan. sup. 3. par. 5. Thom. q. 27. art. 6.* qui dicit ex *litera Euangelij. D. Luca* colligi posse *D. Ioanni* fuisse acceleratum usum liberi arbitrij, quia ibi dicitur, Exultauit in gaudio, licet enim exultare absolute possum ad inaninata referri possit secundum illud *Psal. 113.* Montes exultauerunt, ut arietes, proprie tamen illud est animalium, & quia non sine animali passione gaudium sit. Ideo oportet *Ioannem* exultasse in gaudio, & quia illud supponit aliquam cognitionem sine qua non reperitur letitia, nec aliqualis letitia ratio, quae non alia potuit esse in eo, quam de Domini praesentia, inde sit consequens *D. Ioannem* aduentum Christi cognouisse rationali cognitione, & tunc obtinuisse usum liberi arbitrij: sed hanc *Cardinalis Caetani D. Etirinam* non efficaciter concludere affirmat, *Cornel. Ians. in sua Concord. par. 1. cap. 4.* Quia (inquit) exultare in gaudio gestulationem potius significare, quam gaudium, ut sensus sit, exilijt cum gestulatione, sicut in *Psal. 32.* Bene psallite in vociferatione, hoc est, cum vociferatione, vociferando, & hanc gestulationem posse intelligi in *Ioanne* extitisse dicit absque gaudio mentis, & cognitionis praesentiae Dei, ad hanc sententiam videtur etiam accedere *D. August. in epist. ad Dard.*

Dard. q. 57. circa med. ubi docet D. Ioannem intellexisse causam suæ exultationis, sed cam fuisse potius rei magna significationem ab Elisabeth cognoscende: non verò à parvulo cognita, eamq. exultationem diuinitus factam esse, sed hac de re D. August. satis dubiè loquitur, ut annotauit D. Thom. 3. p. q. 27. art. 6. in corpore. Ceterum ad illud, quod Iansen. monet, respondendum est cum Orig. hom. 7. in Luc. quod licet verbum exultandi simpliciter dictum metaphorice aliquando in sacris litteris sumatur, tamen exultare in gaudio nunquam reperiretur secundum metaphoram usurpatum, sed propriè in sua significatione, ad illud verò D. August. respondet Franc. Suarez sup. 3. p. S. Thom. quest. 27. disp. 3. sect. 7. D. August. in ea epist. locutum fuisse de tota Ioannis sanctificatione, ibique processisse inquirendo, non determinando, ut de etiam Ioan. Maldonat. in comment. super Luc. cap. 1. num. 41.

3 Sic Spiritus sanctus ingreditur animam hominis.

Duo hoc loco modi afferuntur, quibus Spiritus sanctus hominum corda ingreditur. Primò quidem propter internam motionem, quando, scilicet inspirat, ut de Deo cogitemus, utq. eum toto corde diligamus, & mundi omnibus rebus possideamus, illi solum quæramus. Secundo per externam loquutionem, & tunc maximè, quando per sacros Doctores, ac verbi Dei Predicatores hortatur, ut legi Evangelice obediamus, Christi vestigia sectemur, vitia fugiamus: id autem quò sequitur, Similiter Spiritus diabolicus visitat suos, non est intelligendum per internam illam, ac immediatam motionem, qua Deus illabitur anime: hoc enim eius tantummodo proprium est, sed quod moueat hominū voluntates, moraliter presentando illis delectabilia obiecta, & persuadendo eos, ut illa acceptent, ac etiā excutando humores, quibus subindè passiones, ac affectiones prauæ circa ea insurgunt: viriusq. autem motionis differentia hic assignatur, quia quæ à Deo est per charitatē inflammat, & per veram cognitionem illuminat, quæ verò à Diabolo hominem refrigerat, & intellectu obtebrat.

VERBA MATRIS AD FILIAM

Sancti Benedicti vitæ magnificentiam & perfectionem per exemplum ostendit, & quomodo anima fructificas mundo per lignum infructiferum, & superbia mentis per silicem, & anima frigida per chrystallum designatur, & de tribus scintillis valdè notandis, ab his tribus scilicet chrystallo, silice, & ligno ortis.

C A P. XXI



PROQVITVR Mater Dei. Dixi tibi prius, quod corpus B. Benedicti erat quasi lacus, qui disciplinabatur, & regebatur, sed nō regebat.

Denique eius anima erat quasi Angelus, qui dedit ex se calorem magnum, & inflammationem, sicut per exemplum ostendo tibi. Quasi si essent tres ignes, quorum primus succensus in myrrha, dedit ex se odorem suauitatis. Secundus erat succensus in arido, qui dedit ex se carbones ardentes, & splendorem fulgentem. Terriò succendebatur in oliua, qui dedit ex se flammam, lumen, & calorem. In his tribus ignibus intelligo tres personas, & in tribus personis tres status in mundo. Primus status erat eorum, qui considerata charitate Dei, reliquerunt voluntatem propriā in manus aliorum, qui pro vanitate, & superbia mūdi assumpserunt paupertatem, & abiectionem, pro intemperantia dilexerunt continentiam, & puritatem. I Isti habuerunt ignem in myrrha, quia sicut myrrha est amara, sed tamen fugat Dæmonia, & extinguit sitim, sic abstinentia eorum amara erat corpori, sed semen exinguebat inordinatam concupiscentiam, & omnem potestatem Dæmonum euacuabat. Secundus status eorum erat, qui cogitabant secum taliter. Ad quid diligimus honorem mundi, cum non sit aliud, nisi quasi aer verberans aures?

res? ad quid diligimus aurum, cum non sit nisi terra rubea? Quis verò finis carnis, nisi putredo, & fauilla? Ad quid verò nobis prodest concupiscere terrena, cū omnia sint vanitas? Propterea ad hoc solum viuere, & laborare volumus, vt Deus honoretur in nobis, & vt alij ex verbis nostris, & exemplis ad Deum igniantur.

Isti tales ignem habuerunt in arido, quia amor mundi fuit eis mortuus, & quilibet eorum dabat ex se carbonem ardentes iustitiæ, & fulgorem diuinæ prædicationis. Tertius status erat illorum, qui de amore Christi passionis feruentes, toto desiderio affectabant mori pro Christo.

2. Isti ignem suum habuerunt in oliua. Sicut enim oliua in se habet pinguedinē, & feruentiorem calorem cū incenditur, sic isti totaliter impinguati fuerunt diuina gratia, ex qua dederunt ex se lumen diuinæ scientiæ, ardorem feruentioris charitatis, robur honestissimæ conuersationis. Isti tres ignes longē, latēq. se dilatauerunt. Quorum primus incensus fuit in Eremitis, & Religiosis, 3 sicut describit Hieronymus. Qui vitas eorum inspiratus Spiritu sancto inuenit mirabiles, & meritò imitandas. Secundus incensus fuit in Confessoribus, & Doctoribus. Tertius in Martyribus, qui carnem suam pro Deo contempserunt, & alij contempsissent, si auxilium à Deo obtinuissent. Ad quosdam igitur istorum trium statuum, & ignium, missus fuit Beatus Benedictus, qui cōflauit tres ignes in vnum, in tantum, quod qui insipientes erant illuminabantur. Qui frigidi inflammabantur. Qui feruentes erant, feruentiores efficiebantur. Et sic cum his ignibus incēpit religio Benedicti, quæ vnumquemque iuxta dispositionem, & capacitatem sensus sui dirigebat in viam salutis, & æternæ felicitatis. Nunc autem sicut de sacco Beati Benedicti, spirabat dulcedo Spiritus sancti, per quem multa Monasteria innouabantur, sic de sacco multorum fratrum eius dilcedit Spiritus

sanctus, quia calor cineris extinctus est, & faces iacent dispersæ, nec dantes ex se calorem, nec splendorem, sed verum impuritatis, & cupiditatis. Verumtamen ad solatium multorum dedit mihi Deus tres scintillas, in quibus intelligo plures. Prima extracta est de crystallo per Solis calorem, & splendorem, quæ se iam in arido fixit, vt fiat ex ea magnus ignis. Secunda extracta est de duro silice. Tertia de ligno infructuoso, quod creuit cum radicibus suis, & folia sua dilatauit.

4. Per crystallum verò, qui est lapis frigidus, & fragilis, significatur anima illa, quæ licet frigida sit in amore Dei, tamen voluntate, & affectu conatur ad perfectionem, & rogat Deum sibi in adiutorium. Ideo voluntas ista portat eum ad Deū, & mereatur, vt accrescant ei tentationes, per quas frigeſcit à tentatione praua, donec Deus irradians cor, sic figit se in anima, à voluptate vacua, vt iam non velit viuere nisi ad honorem Dei. 5 Per silicem verò significatur superbia. Quid enim durius est superbia mētis illius, qui omnium desiderat laudes, & tamen concupiscit vocari humilis, & videri deuotus? Quid abhominabilius anima illa, quæ omnibus in cogitationibus se præfert, & à nullis patitur obiurgari, nec doceri? Verumtamen multi sic superbi petunt humiliter à Deo, vt ab eorum cordibus auferatur superbia, & ambitio. Propterea Deus cooperante voluntate bona amouet à cordibus eorum contraria, & quandoque mollia, quibus & à mundialibus retrahuntur, & ad cælestia incitantur. Per lignū verò infructuosum significatur anima illa, quæ nutrita in superbia fructificat mundo, & desiderat habere mundum & omnem honorem suum. Attamen, quia timet mortem æternam, multos stipites peccati extirpat, quæ aliter, si non timeret, perpetraret. Propterea Deus propter istum timorem appropinquat animæ, & inspirat gratiam suam, vt lignum inutile fiat fructuosum. Itaque cum talibus

libus scintillis religio Beati Benedicti renouari debet, quæ modo videtur multis desolata, & abiecta.

NOTÆ.

I Sti habuerunt ignem in myrrha, quia sicut myrrha est amara, sed tamen fugat Dæmonia, & extinguit sitim, sic abstinentia eorum erat amara corpori.

Ex proprietatibus myrrha, quas refert Plinius lib. 12. natur. hist. cap. 15. & 16. colligi potest, quod scribitur bit, eam penitentia, ac abstinentie symbolis esse, & inter ceteras eius proprietates tres precipue inueniuntur. Primo, quod sapore amara est. Secundo, quod eius incisio cortice destitit lachryma. Tertiò, quod nisi coniiciatur in ignem, nullum spirat odorem; ex his facile intelligemus, quid significet, quod legimus hoc loco. Isti habuerunt ignem in myrrha, isti nimirum, qui in Eremo sanctissimam vitam tradebant, eorum corpora vigilis, ieiunijsq. damantes, ignem ponebant in myrrha, quia, & suoribus laborum sudores, & Christi Domini passionis dolores amoris igne temperabant, cogitantes, quod, & ipse in Cruce myrrha potatus fuit, & quodq. dolores, & cruciatus maximos pro illius perculio, sicq. fasciculum sibi myrrha, cum sponsa conficientes, quod illis videbatur amarum, & nullum redolere odorem, postea fiebat dulce, & suauissimum spirabat odorem, idem annuntiarunt D. Bernard. sem. 43. in Cantic. & Agatius ibi cap. 1. explicantes illa verba sponsæ, Fasciculum myrrha dilectus meus mihi, inter vbera mea commemorabitur, insinuant hoc etiam Gloss. Interlinearis, & Beda eodem loco.

Isti ignem suum habuerunt in oliua. Quemadmodum superiori nota diximus, eos, qui in Eremo vitam suam ducebant, ignem habuisse in myrrha, sic legimus hic, illos, qui pro Christo Domino mori cupiebant, ignem habuisse in oliua, sicut enim, cum oliua torculari premitur, oleum emittit, ita quoque Sancti Martyres, cum Tyrannorum persecutionibus premebantur, & sanguinem pro

Religione Christiana fundebant, tunc maxime olei pinguedine replebantur, gratia scilicet celesti, Spiritus sancti donis, & fructibus charitatis, quæ per oleum designantur, ut annotarunt D. Ambros. super Psalm. 108. Origen. in Leuit. hom. 12. & in Cantica hom. 1. D. Gregor. super primum Regum cap. 10. & 16. & lib. 19. Moral. cap. 13. D. Augustinus super Psalm. 44. D. Hieron. ad Principiam, in super sicut oleum, quolibet alio humore compressum, nunquam subius retinetur, sed omnibus liquoribus supereminet, sic & Martyres, qui oleum habebant in igne, licet pluribus tribulationibus cruciarentur, semper tamen supereminabant, & terrenis relictis, ad Cælum tendebant.

Sicut scribit Hieronymus, qui vitas eorum inspiravit Spiritu sancto inuenit mirabiles, & merito imitandas.

Hac de re latissime Diuus Hieronymus in primo libro operum, ubi describit vitas S. Hilarionis Abbatis Pauli Primi Eremitæ, Sancti Malchi Monachi, & aliorum plurimorum.

Per crystallum verò, quæ lapis est frigidus, & fragilis, significatur anima illa, quæ licet frigida sit in amore Dei, tamen voluntate, & affectu conatur ad perfectionem.

Hoc loco Beatissima Virgo hominem in Dei obsequio tepidum, ac frigidum, crystallò comparat, quæ cum sit ingenti gelu concretum, & præ nimio frigore constipatum, non sic facile Solis radijs liquefit, ita quoque his, qui in peccatorum abyssu indurati sunt, solo Spiritus sancti calore, cui nihil est impossibile, sæpe resoluitur, sic tradit D. August. in enarrat. Psalm. 147. explicans eum versiculum, Mitte crystallum suum, sicut buccellas, ante faciem frigoris eius, quis sustinebit, Emitet verbum suum, & liquefaciet ea. Verba autem, quæ immediate sequuntur nimirum, Si ideo voluntas ista portat eum ad Deum, & morietur, ut ei accrescant tentationes; indicant Deum aliquando permittere, ut tentemur, ut inde, qui tepidi eramus, ad Dei obsequium feruentius subleuemur,

uemur, *Gemina* (inquit) *D. Isidorus* libro 2. de *Summo Bono* cap. 2. percussio est divina, una in bonam partem, qua percutimur in carne, ut emendemur, altera qua vulnerramur in conscientia ex charitate, ut Deum ardentius diligamus: idem habet *D. Chrysost.* homil. 10. in *Matth.* Deus (ait) tribulationes irruere permittit, ut ad ipsum frequentius fugiamus, tale aliquod faciunt amantiores filiorum parentes, cum paruulos suos videntur a se quidem sepe discedere, precipiunt famulis terribilia multa simulare, ut exagitati etiam metu paruuli, ad maternum sinum confugere festinent.

5 Per silicem verò significatur superbia.

Silex genus est lapidis, qui cum ferro percutitur ignem excutit, sic quoque superbus, qui hoc loco per silicem designatur, adeo dura ceruicis est, ut si quando ab aliquo quomodo, vel etiam in minimo leditur, aut si aliqua de re admonetur, superbia virus euomit, ignem discordiae excitat, & pro collatis beneficijs iniurias frequenter rependit, ac illi, a quo benignè reprehenditur sepe se ingratum, ac iniuriosum exhibet, & ideo scribitur hic, Quid abominabilius est anima illa, qua se in omnibus cogitationibus praefert, & a nullis patitur oburgari, nec doceri. Ceterum si lapis iste diuino calore soluitur, & diuini amoris igne tangatur, protinus inferiorem spiritus liquatur, & (ut ait *Diuus Gregorius* 18. *Moralium* cap. 17.) ad sequentem vitam desideriorum asu ardet, quam prius ardens insensibilis manebat, unde optimè de illo dici potest, quod scribitur *Iob* 28. Et lapis calore solutus in as vertitur, ubi *D. Greg.* Lapis ergo solutus calore in as vertitur, quia

dura mens superni amoris igne
liquefacta, ad veram
fortitudinem com-
muta-
tur.



VERBA MATRIS AD FILIAM
de Monacho habente cor meretricum
in pectore, & quomodo per propriam
voluntatem, & concupiscentiam, &
subterfugionem, ab Angelica vita à
Deo apostatauit.

C A P. XXII.

HTEM loquitur Mater sponsa. Quid vides in isto, qui astat reprehensibile? Respondit illa. Quod rarissimè dicit Missam. Cui Mater. Non est ideo iudicandus. Sunt enim multi, qui factorum suorum memores rationabiliter abstinent, & non minùs mihi sunt accepti. Sed quare vides in eo alia? Et illa. Quod non habet vestes à B. Benedicto institutas. Cui Mater. Contingit multoties, quod consuetudo quaedam inchoata, & omnes, qui sciunt eam esse malam, & imitantur reprehendendi sunt, qui verò ignorant instituta laudabilia, essentq. libenter contenti de abiectioribus, si non consuetudo longinqua praeualeret, tales non sunt facilliter, & improbè iudicandi. Sed audi, & indicabo tibi, quod in tribus alijs reprehendendus est. Primò, quod cor eius, in quo Deus quiescere deberet, est in pectore meretrici. Secundo, quod dimisit modicū suum, & concupiscit multa aliena, promisit abnegare seipsum, & sequitur totā propriam voluntatem. Tertiò, quod Deus creauit animā suam pulchram quasi Angelum, & ob hoc deberet habere Angelicam vitam, sed modo anima eius habet imaginē illius Angeli, qui per superbiam à Deo apostatauit. Hic apud homines magnus est, sed qualis apud Deum nouit Deus. Ipse enim Deus est, sicut ille, qui clausum aliquid habet in pugno, abscondit illud ab alijs, donec aperit pugnum. Sic Deus infirma eligit, & coronas eorum in praesenti abscondit, donec unicuique reddet secundum opera sua.

Declaratio.

Hic fuit Abbas nimis ſecularis, nil curans de animabus, qui ſubito mortuus eſt ſine Sacramentis. De quo dixit Spiritus ſanctus. O anima dilexiſti terram, & iam terra recepit te. Mortuus es vita tua, & iam non habebis vitam meam, nec mecum eris particeps, quia ſocietatem eius dilexiſti, qui à me per ſuperbiam lapſus eſt, & contempſit veram humilitatem.

RESPONSIO DEI PATRIS

ad precem Sponſæ pro peccatoribus, & quomodo tres ſunt, qui testimoniū dant in terra, ſicut tres in Cælo, & qualiter tota Trinitas perhibet Sponſæ testimonium, qualiter Sponſa ſua eſt per fidem, & omnes, qui fidem rectam ſanctæ Eccleſiæ imitantur.

CAP. XXIII.



MI dulciſſime Deus. Rogo te pro peccatoribus, in quorum conſortio ego ſum, vt eiſ miſereri digneris. Reſpondit Deus Pater. Audio, & ſcio voluntatem tuam, ideo perficietur oratio charitatis tuæ. Propterea ſicut dicit Ioan. in Epiſt. ſua hodie, immò Ego per Ioannem. Tres ſunt, qui testimonium perhibent in terra, Spiritus, Aqua, & Sanguis, & tres in Cælo, Pater, & Filius, & Spiritus ſanctus. Sic tres dant tibi testimonium. Nam Spiritus, qui cuſtodit te in viſceribus matris, teſtificatur animæ tuæ, quòd Dei es per fidem Baptiſmi, quam proſitebatur ex parte tua parentes. Testimonium perhibet tibi Aqua Baptiſmatis, quòd humanitatis Chriſti es filia per renouationem, & emendationem primæ tranſgreſſionis. Testimonium quoque perhibet tibi Sanguis Jeſu Chriſti, quo redempta es, quòd Deitatis es filia, & à po-

teſtate diabolica per Sacramenta Eccleſiæ ſegregata. Nos quoque Pater, & Filius, & Spiritus ſanctus, tres in perſonis, ſed vnum in ſubſtantia, & potentia, testimonium tibi perhibemus, quòd noſtra es per fidem. Similiter, & omnes, qui rectam fidem Sanctæ Eccleſiæ imitantur. Et in testimonium, quòd velis facere voluntatem noſtram procede, & recipe de manu Sacerdotis Corpus, & Sanguinem humanitatis Chriſti, vt testimonium perhibeat tibi Filius, quòd eius es, cuius corpus ſumis in robur animæ. Testimonium perhibeat tibi Pater, qui eſt in Filio, quòd Patris es, & Filij. Testimonium perhibeat tibi Spiritus ſanctus, qui eſt in Filio, & Patre, & Spiritus in vtroque, quòd trinus, & vnus es per fidem veram, & dilectionem.

RESPONSIO IESU CHRISTI

ad Sponſæ preces pro infidelibus, ſcilicet, quòd Deus ex malitia malorum hominum honoratur, licet non ex virtute eorū, & voluntate, quòd ſibi probat per exemplum, in quo Eccleſiæ, vel anima per Virginem, & nouem Ordines Angelorum per nouem fratres Virginis, Chriſtus per Regem, tres ſtatus hominum per tres filios Regis deſignantur.

CAP. XXIV.



DOMINE mi Jeſu Chriſte. Rogo te, vt fides tua dilatetur ſuper infideles, boni accendantur charitate tua ampliùs, mali verò meliorentur. Reſpondit Filius. Tu turbaris ex eo, quòd Deus minorem habet honorem. Deſideras verò toto corde, vt perficiatur honor Dei. Ideò dō tibi vnum exemplum, quòd intelligere poteris, quòd Deus etiam ex malitia malorum honoratur, licet non ex virtute, & voluntate eorum. Nam Virgo quædam erat

sapiens, & decora, diues, & morigerosa, quæ habebat nouem fratres, quorum quilibet diligebat sororem suam, sicut cor suum, & vniuscuiusque cor erat quasi in illa. In Regno verò vbi Virgo erat, tale erat statutum, quòd quicumque honoraret, honoraretur, qui deprædaret, deprædaretur, qui verò violaret, decapitaretur. Rex verò Regni habebat tres filios. Quorum primus diligebat Virginem, & præsentauit ei calceos deauratos, cum cingulo aureo, anulum in manu, & coronam super caput. Secundus verò concupiuit possessionem Virginis, & deprædatus est eam. Tertius concupiuit virginitatem Virginis, laborans, ut eam violaret. Isti verò tres filij Regis capti sunt à nouem fratribus Virginis, & præsentati Regi. Cui dixerunt fratres. Sororem nostram concupierunt filij tui. Primus quidem honorauit eam, & dilexit toto corde. Secundus spoliauit eam. Tertius verò libenter dedisset vitam suam, si valuisset violare eam. In illo verò puncto capti sunt, quo voluntatem completam habuerunt ad ista iam dicta perficienda. Quibus auditis, respondit Rex. Omnes iniqui filij mei sunt, & omnes æqualiter diligo. Veruntamen contrà iustitiā facere non possum, nec volo, sed ita de filiis, sicut de seruis intendo iudicare. Itaque tu fili mi, qui honorasti Virginē, veni, & accipe honorem, & coronam cum Patre tuo. Tu verò fili, qui concupiui possessionem Virginis, & rapuisti, intra bis quidem carcerem, donec restituantur ablata, audiui enim testimonium super te, quòd pœnitens de facto tuo, voluisti reddere ablata, sed quia præuentus sceleris, & inopinato iudicio, non perfecisti, ideo manebis incarcerationis, donec restitatur quadrans. Tu verò filij mi, qui ad violandū Virginem omnes adhibuisti conatus, nec de facto tuo pœnituisti. Ideo quot modos adhibuisti ad dehonestationē Virginis, tot modis aggrauabitur pœna tua. Responderunt omnes fratres

Virginis, laus sit tibi Iudex pro iustitia tua. Nisi enim virtus fuisset in te, & in iustitia tua æquitas, in æquitate tua verò charitas, nūquam taliter iudicasset. Hæc autem Virgo significat Ecclesiam sanctā, cuius dispositio est excellens in fide, pulchra in septem Sacramentis. Laudabilis in moribus, & virtutibus, amabilis in fructu, quia demonstrat veram viam ad æternitatem. Hæc sancta Ecclesia, quasi tres habet filios, in quibus significantur plures. Primus sunt illi, qui diligunt Deum toto corde. Secundus sunt illi, qui temporalia diligunt ad honorem suum. Tertius sunt illi, qui præponunt Deo voluntatem suam. Virginitas verò Ecclesiæ, animæ sunt hominum à sola Deitatis potentia creatæ. Primus ergo filius præsentat calceos deauratos, quando contritionem suscipit pro commissis negligentijs, & peccatis. Præsentat verò vestes, quando præcepta legis attendit, quando consilia Euangelica seruat, in quantum potest. Componit cingulum, quando in continentia, & castitate firmiter proponit perseverare. Anulum quoque mittit in manum, quando firmiter credit, quæ præcipit Sancta Ecclesia Catholica, iudicium, scilicet futurum, & vitam sempiternam. Lapis verò anuli spes est, sperans constanter, nullum peccatum esse tam abominabile, quòd pœnitentia, & voluntate emendandi non dealeatur. Coronam verò imponit capiti, quando charitatem veram habet. Sicut enim diuersi lapides sunt in corona, sic diuersæ virtutes sunt in charitate. Caput verò animæ, siue Ecclesiæ corpus meum est. Hoc quicumque diligit, & honorat, merito filius Dei appellatur. Ergo quicumque tali modo sanctam Ecclesiam, & animam suam diligit, hic nouem fratres habet, idest, nouem ordines Angelorum, quia eorum princeps, & socius erit in vita æterna. Ipsi enim Angeli sanctam Eccle-

Ecclesiam toto amore amplectuntur, quasi in corde cuiuslibet eorum esset. Non enim Ecclesia sancta saxa, & parietes sunt, sed animæ iustorum, & idè de earum honore, & profectu, tamquam de proprio Angeli gratulantur. Secundus autem frater, vel filius, signat illos, qui constitutionem sanctæ Ecclesiæ contemnentes, viuunt ad honorem mundi, & amorem carnis, qui virtutum pulchritudinem transformantes, viuunt secundū voluntatem suam, attamen circā finem pœnitent, & conteruntur de factis suis malis. Istis debetur purgatio, donec operibus, & orationibus Ecclesiæ Deo reconcilientur. Tertiū filius significat illos, qui animam suam scandalizantes, non curant, si æternalitèr pereant, dummodo perficere possint voluptatē suam. Super tales, nouem ordines Angelorum petunt iustitiam, quia ad pœnitentiam conuerti contemplerunt. Ergo cum Deus facit iustitiam, laudant eū Angeli propter æquitatē inflexibilem. Cum verò perficitur honor Dei, gaudent de virtute eius, quòd etiam malorum malitia vitur ad honorem suum. Idè cum videris prauos, compatere eis, gaude verò de honore Dei æterno. Nam Deus, qui nihil mali vult, quia Creator omnium, & verè ex se solus bonus, permittit tamen multa fieri tamquam iustissimus Iudex, de quibus in celestibus, & in terris propter æquitatem suam, & occultam bonitatem honoratur.

NOTÆ.

Sicut enim diuersi lapides sunt in corona, sic diuersæ virtutes sunt eū charitate.

Cum charitas omnium sit forma virtutum, quippe quæ eorum actus ordinat ad vltimum finem, cumq. sit radix, & fundamentum, quatenus in illa sustentantur, & nutriuntur ab ea, non est mirum, si scribitur hic, quod cum charitate ceteræ virtutes coniunguntur, immò virtutes non esse censendas veras virtutes à

charitate seiumetas, affirmauit D. August. ad Macedonium Epist. 52. quòd latè explicat Apost. Paulus 1. Corinth. 13. Vbi eas omnes virtutes enumerat, quæ charitati adherent, Charitas (inquit) patiens est, benigna est, non emulatur, &c. Unde merito Cassiodorus in Psal. 12. Plurimā quādam virtutū appellat charitatē, sub qua, & beata voluntas germinat, & operatio sancta fructificat, patiens hæc est in aduersis, temperata in prosperis, humilitate potens, afflictione latissima, inimicis beniuola, bonis suis superans malos.

Caput animæ, siue Ecclesiæ, corpus meum est.

Sic etiam Paulus Apost. ad Coloss. cap. 1. Ipse est caput corporis Ecclesiæ, qui est principium, primogenitus ex mortuis, & sit in omnibus primum tenens. idem ad Ephes. 1. apertè habet his verbis. Ipsum dedit caput suum per omnem Ecclesiam, quæ est corpus ipsius, quo loco sermo est de Christo homine, dicitur enim ibi, Suscitans eum à mortuis, &c. & idè hoc loco annotare debemus Christum Dominum vocari caput Ecclesiæ propriè secundū naturam humanam, quia ad rationem capitis spectat, & sit homogeneum, & conforme cum membris, est autem Christus ob humanam naturam eiusdem rationis cum omnibus hominibus, quòd etiam annotauit D. Basilii de Spiritu sancto, cap. 50. Diuus Augustinus Epist. 57. ad Dardanum, & in Prefat. ad Psalm. 29. & Serm. 50. de verbis Domini, & Epist. 50. & 57. in fine asserit aliter habitare in Christo, & in capite, aliter in cæteris membris, & lib. 1. de Trinit. cap. 12. dicit Christum secundum formam serui esse caput, idem asseruerunt in locis citatis Pauli, Hieron. Ambros. Hilarius, Theophylactus, & Chrysost. Hæc autem gloriæ capitis, & quidquid ad Regnum spirituale pertinet, sibi per Passionem suam meruit Christus, & nos supra fassus docuimus lib. 1. Reuelat. Cap. 6. nota 5. & eodem lib. Cap. 39. nota 4. & probat D. Aug. de vnitatē Ecclesiæ, cap. 7. & 8. & de iudiciaria potestate colligitur Iob 36. Causa tua, quæ quasi impij iudicata est, causam, iudiciumq. recipies.

VERBA QUÆRIMONIAE

Matris ad filiam, qualiter Agnus innocentissimus Christus Iesus negligitur modernis temporibus à creatura sua.

CAP. XXV.

REQVITVR Mater dicens. Conquæror primò, quòd Agnus ille innocentissimus hodie portabatur, qui optimè sciebat ire. Hodie puer ille tacebat, qui optimè sciebat loqui. Hodie puer ille innocentissimus circumcissus est, qui nunquam peccauit, & idèò quamuis irasci non possum, tamen videor irata ex eo, quod Dominus Maximus factus puer modicus obliuiscitur; & negligitur à creatura sua.

VERBA CHRISTI AD

Sponsam ineffabilis Trinitatis mysterium declarantia, & quomodo diabolici peccatores per contritionem, & voluntatem emendandi, obtinent Dei misericordiam, & de responsione Christi, qualiter miseretur omnibus; scilicet, tam iudeis, &c. & de duplici iudicio damnandorum, scilicet, & saluandorum.

CAP. XXVI.

EILIVS loquitur. Ego sum Creator Cæli, & Terræ, vnus cum Patre, & Spiritu sancto verus Deus. Quia Deus est Pater, Deus Filius, Deus Spiritus sanctus, nò tres Dij, sed tres personæ, & vnus Deus. Nunc autem querere poteris, si tres personæ, quare non tres Dij? Respondeo tibi, quod non est aliud Deus, nisi ipsa potentia, ipsa sapientia, ipsa bonitas, à qua est omnis potestas infra Cælum, & suprâ,

omnis sapientia, & omnis pietas, quæ poterit cogitari. Itaque Deus trinus est, & vnus, trinus in personis, vnus in natura. Nam potentia, & sapientia est Pater, à quo sunt omnia, & qui est ante omnia, potens non aliundè, sed à se ipso, & æternalitèr. 1 Potentia, & sapientia etiam Filius, æqualis Patri, non à se ipso potens, sed à Patre potentèr, & ineffabilitèr genitus, principiū de principio, & à Patre nunquam separatū. Potentia, & sapientia etiam Spiritus sanctus, à Patre, & Filio procedens, æternus cum Patre, & Filio, & æqualis in maiestate, & potestate. 2 Vnus ergo Deus, & tres personæ, quia vna natura, triū vna operatio, & voluntas, vna gloria, & potestas, qui ita est vnum in essentia, quod etiam sunt distincti proprietate personarum. 3 Nam totus Pater est in Filio, & Spiritu, & Filius in Patre, & Spiritu, & Spiritus in vtroque in vna Deitatis natura. Non sicut prius, & posterius, sed ineffabilitèr. Vbi nihil est prius, aut posterius, nihil alio maius, aut minus, vel alterius, sed totū ineffabile, & æquale. Propterea benè scriptum est, quòd Deus est mirabilis, & multum laudabilis. Nunc autem conquæri possum, quòd laudabilis sum parum, & multis ignotus quia omnes querunt propriam voluntatem, sed pauci meam. Tu verò esto stabilis, & humilis, nec te extollas in cogitatu, cum aliorum ostendo tibi pericula, nec eorum prodas nomina, nisi tibi præcipiatur. Non enim ad confusionem eorum ostenduntur tibi eorum pericula, sed vt conuertantur, & cognoscant iustitiam, & misericordiam Dei. Sed nec eos fugere debes tanquam iudicatos, quia etiam si dixerò hodie, quòd aliquis pessimus est, si inuocauerit me cum contritione cras, & cum voluntate emendandi, paratus sum indulgere ei. Et quem heri dixi pessimum, tunc hodie dico amicum charissimum propter contritionem. In tantum, 4 quod

4 4 quod si contritio fuerit stabilis, dimitto ei non solum peccatum, sed & penam peccati. Sicut per exemplum cognoscere poteris. Quasi essent duo frustra argenti viui, & ambo concurrerent festinadò inuicem. Si in eorum coniunctione non esset residuum, nisi quasi vnus athomus, adhuc potens esset Deus facere, nè conuenirent. Sic si aliquis peccator esset ita radicans in diabolicis operibus, quod staret in ipso puncto perditionis, adhuc obtineret veniam, & misericordiam, si Deus inuocaretur cum contritione, & voluntate emendandi. Nunc autem cum ita sim misericors, quærere poteris, cur non misereor Gentilibus, & Iudæis, quorum aliqui si erudirentur fide recta, libenter pro Deo morerentur? Respondeo tibi, quod omnibus facio misericordiã, tam Gentilibus, quam Iudæis, nec relinquitur aliqua creatura sine misericordia mea. Nam quicumque audiunt, quod fides eorum non est vera, & desiderant feruenter veram, aut quicumque credit hoc esse optimum, quod tenent, quia non est eis aliud vnquã prædicatum, faciuntq. toto conamine, quæ possunt, horum iudiciũ erit in leuiori misericordia. Nam duplex est iudicium damnandorum, scilicet, & saluandorum. Christianorum enim damnandorum erit sine misericordia, quorum poena erit æterna, & tenebræ, & voluntas firmata contra Deum, saluandorum verò erit visio Dei, & gloriatio in Deo, & velle Deo bonum. Ab his exclusi sunt Gentiles, & Iudæi, & mali, & falsi Christiani. Qui quamuis non habuerunt fidem rectam, habuerunt tamen iudicem conscientiam suam, credentes eundem esse Deum, quem coluerunt, & offenderunt. 5 Isti autem quorum voluntas, & actio, erat, & est secundum iusticiam, & contra peccatum, habebunt cum minus malis Christianis iudicium misericordiæ in supplicijs, propter dilectionem iustitiæ, & odium peccati, sed non habebunt consolationem in

fruitione gloriæ, & visionis Dei, quæ non videbunt propter baptismi carentiã, quia aliquod temporale, aut occultum iudicium Dei retraxit eos, nè salutem fructuosè quærerent, & obtinerent. Si verò nihil retraxit eos in quærendo Deũ verum, & baptizando, non timor, aut labor, non dispendium bonorum, vel honorum, sed impedimentum solum humanam fragilitatem superans, istos ego, qui Cornelium, & Centurionem nondum baptizatos vidi, altius, & perfectius remunerare scio, sicut eorum exigit fides. Quia est alia ignorantia malitiæ, alia pietatis, & difficultatis. 6 Similiter & alius est baptismus aquæ, alius sanguinis, alius perfectæ voluntatis. Quæ omnia nouit pensare Deus, qui omnium nouit corda. Propterea ego, qui sine principio natus sum æternaliter de principio, qui & iterum in fine temporum natus sum temporaliter, ab initio noui singulorum remunerare merita, & do unicuique iuxta merita sua. Nec minimum bonum, quod sit ad honorem Dei transibit sine remuneratione. Ideo reneris tu multum regratiari Deo, quia, de Christianis nata es, & in tempore salutis, quia multi desiderabant hoc obtinere, & videre, quod offertur Christianis, & non obtinuerunt.

N O T Æ.

1 **P**otentia, & sapientia etiam Filius æqualis Patri, non à seipso potens, sed à Patre potenter, & inestabiliter genitus, principium de principio, & à Patre nunquam separatum.

Hoc loco de æterna Verbi generatione sermo fit: ubi duo à nobis breuiter annotanda sunt. Primum, Verbum in diuinis dici propriè genitum, non creatum; aut factum, non quidem ea generatione, quæ communiter accepta se extendit ad productionem corruptibilem, quia cum illa transitus sit, de nō esse ad esse, & de potentia ad actum, nullo pacto Filio

Dei competere potest, cum ille sit incorruptibilis, nullam habens admistam potentiam, & eternus sit, & aternaliter generetur, ut dicit David Psalm. 2. Ego hodie genui te; cum autem aeternitas, nec praeiteritum, nec futurum propriè comprehendat, sed solum esse praesens; ideo dixit, Ego hodie genui te, hoc est, ab aeterno genui te, sic annotarunt D. Augustinus in Psalm. citatum, & D. Athanas. lib. de unitate Sanctae Trinitatis, & D. Paulus Hebraeorum primo, adducit hunc locum ad probandum Christum esse verum Deum, & Dei unigenitum.

Secundum, quod erat adnotandum, est, quod ideo hoc loco Verbum Divinum Principium de Principio dicitur, non principiatum, ne cogamur concedere Filium procedere, à Patre; ut principiatum à principio, quoniam ut egregiè docuit D. Th. p. 1. q. 3. art. 1. ad 2. Patres non consueverunt dicere Filium esse principiatum à Patre, vel Spiritum sanctum principiatum à Patre, & à Filio; cum hoc nomen principiatum significare videatur aliquid ad subiectionem, vel minorationem pertinens, quam Magist. sent. in 1. d. 2. g. concedat quidem Filium esse ex principio, negat tamen inde sequi, quod Filius habeat principium, quia (inquit) habere principium, denotare videtur quod aliquo modo incæperit: re vera negari non potest; quod Filius habeat principium, sicut legimus hic, quia negare esset illi habere Patrem, neque tamen hinc potest inferri, id quod dicit Magister, scilicet filium aliquando incæpisse, quoniam cum dicimus Patrem esse principium Filij, non notamus temporis aliquam durationem, sed modum processionis, quo Filius ab eterno fuit à Patre, cuius ipse principium est, qui loquendi modus probari potest ex Cap. primo de summa Trinit. & fide Cathol. ubi habetur, quod Pater, & Filius sunt unum principium Spiritus sancti, idem habetur in Conc. Florët. & in Conc. Sirmiens. Can. 2. 3. damnatur, qui dixerit Filium esse sine principio, ita explicat D. Aug. lib. 6. de Trin. Cap. 2. Illud Ioan. 1. In principio erat Verbum, & clarius hoc habet lib. 4. de Trin. cap. 20. circa finem, ubi affirmat, Patrem esse principium totius Deitatis,

quod etià probat D. Thom. 1. p. q. 3. 3. art. 1.

2 Vnus ergò Deus, & tres personae, quia una natura trium, una operatio, Ut veritate verborum praesentis nota bene percipiamus, in memoria revocanda est communis illa Theolog. Doct. distinctio de operationibus ad intrà, & extrà, & quidem hoc loco de actionibus ad extrà sermo fit, cum scribitur, quod trium personarum una communis est operatio, sed de actionibus ad intrà secus dicendum est, cuius rei ratio deduci potest, ex cit. verb. quoniam cum Deo cõpetat operari ratione suae naturae, cumq. in Divinis, ut legimus hic, una sit communis tribus personis natura, sequitur quod sit una communis operatio; quod etià definitur in Conc. Later. 1. in princ. & cap. firmiter De summa Trinit. dicuntur personae Divinae indivisibiles habere virtutem, & in Conc. Tolet. 5. Can. 1. & Tolet. 1. 1. in confessione fidei definitum est, cuncta Trinitatis opera ad extrà inseparabilia esse, & indivisa, idè habet D. Aug. de Trinit. Cap. 4. & 5. eandè veritatè ipsèmet Christus Dominus docuit Ioan. 5. ubi dicit, Quidquid facit Pater, & Filius similiter facit, & eadem est ratio Spiritus sancti ob equalitatem virtutis, & potentiae.

3 Nam totus Pater est in Filio, & Spiritu, & Filius est in Patre, & Spiritu, & Spiritus in viroque.

Quomodo una persona Divina sit in alia, & qua ratione hac de re loquendum sit, annotamus supra lib. 1. Cap. 4. 2. Nota 3. & lib. 2. Cap. 1. 3. Nota prima.

4 Quod si contritio fuerit stabilis, dimitto ei non solum peccatum, sed & poenam peccati.

Nulli dubium esse potest, si contritio eas partes habeat, quae ad perfectam, & integram suae naturae conditionem exigitur, posse aliquando, & culpam, & totam peccato debitam poenam remittere, & per stabilitatem contritionis intelligendum esse arbitror hic perfectam, & omnibus numeris absolutam contritionem, quatuor præcipue conditiones requiruntur, Primò dolor maximus peccatorum, non quidem intensius, sed extensius, vel appetitiuus, quatenus peccata sunt offensiva Dei.

Secun-

Secundo propositum omnino firmum amplius non peccatum de cetero. Tertiò Sacramentum confessionis in voto, & propositum confitendi. Quartò voluntas satisfaciendi, atque hac simul si in penitente reperiatur fieri poterit si cui legimus hic, ut aliquando, & culpa, & pœna à Deo misericorditer ei condonetur: quod etiam tradit D. Thom. in 3. sent. d. 19. art. 3. q. 2. & in 4. dist. 15. q. 2. art. 2. sequitur Durandus in 4. d. 17. q. 3. & Gloß. in cap. Men. suram de pœn. dist. 1. & gloß. in cap. Deus qui de pœnit. & remiss. & colligitur aperte ex Cõcil. Trid. Sess. 14. Can. 12. Sed animadvertendum est, quod licet contritio propriè dicta aliquando peccata dimittat, quoad culpam, & pœnam, remanere tamen obligationem confitendi proprio Sacerdoti, ut docent Adrianus in 4. de Confess. quest. 1. & Dñus Thomas in 4. sentent. dist. 17. quest. 2. art. 1. questuicula prima.

5 Paulò post medium præsentis Capituli: Vbi in vulgatis habetur, horum iudicium erit in leuiori misericordia.

Arbitror omnino legendum esse, Horum iudicium erit in maiori misericordia, ad cuius rei intelligentiam sciendū est, quod hic comparatio fit, ut ex contextu colligitur, inter Gẽtiles, Iudeos, & Christianos malos, quos omnes forè damnandos hoc loco legimus. Verum si per Gẽtiles intelligamus eos, qui propriè legem scriptam non habuerunt, de quibus Paulus Romanorū 2. verba sciens scripsit, Quicunque enim sine lege peccauerunt, sine lege peribunt, dicendum est, hos leuiori pœna puniendos esse, quàm punientur Iudei, & Christiani mali, quandoquidem illi non à lege scripta Moysi, ut Iudæi, nec à lege Euangelij, ut Christiani, sed à lege tantummodo naturali bonum, malumq. eis ostendente condemnabuntur, si secundum eam non vixerint, Iudeus autem, & Christianus ab utraque lege etiam naturali, & scripta, si eas minimè obseruauerint, damnabuntur, quoniam maiora, & plura beneficia à Deo receperunt, eo maiores pœnas luere debent, si se gratos propter illa non exhibuerint, sic enim annotarunt Occumenius, Theophylactus, & Lyranus in

locum citatum Pauli, & egregiè D. Chrysost. hom. 5. in eandem Epistolam, & D. August. in lib. de spiritu, & littera cap. 21. & 26. & fusiùs in Psalm. 118. Concione 25. ad cum versiculum, Præuicacitudo reputauit omnes peccatores terre, quo in loco triplicem facit legem, vnā scriptā per Moysen datā Iudeis, quā non acceperunt Gẽtiles, idè dicit Paulus, eos sine lege peccasse, alteram legem facit naturalem, & naturaliter insitam cunctis hominibus, & quā nullus mortalium mentis cõpos ignorare potest, & contrā hanc peccant omnes Gẽtiles quicunque peccat. Tertiā legem dicit August. eam fuisse, quæ primo homini data est in Paradiso, cuius præuicatione, non solū ipse Adam, sed omnes eius posteri facti sunt eius præuicacitudo: de secunda ergo lege, quæ ad rē nostram facit, intelligit August. fuisse locutum Apostolum, cum dixit Rom. 2. Ipsi sunt lex, qui ostendunt opus legis scriptum in cordibus suis, & affirmat ibidē, quod nō immeritò præuicacitudo estimantur omnes peccatores terra, nullus enim est, qui alteri facit iniuriā, nisi qui sibi fieri nolit, & in hoc transgreditur naturæ legem, quā non sinitur ignorare; dum id quod facit, non vult pati, & hæc lex erat populo Israel ante legē Moysi datā, quoniam ipsi homines erant, sine lege autē naturali essent, si præter naturam humani generis esse potuissent, multò igitur magis præuicacitudo deinde facti sunt, accepta lege Diuina: hæc tamen Augustin. Ex cuius verbis aperte constat, verum esse, quod scribitur hic, Iudeos, & Christianos malos grauiori pœna dignos esse, quia legem scriptam habuerunt, quàm Gẽtiles, qui tantummodo naturalem, & idè legendum, est eorum iudicium erit in maiori misericordia.

6 Christianorum enim damnandorum erit sine misericordia.

Subintelligendū est hoc loco, Iudicium, quod dicitur futurū sine misericordia, non absolute; sed comparatiuè ad Gẽtiles, de quibus superiori nota egimus, quorum pœna leuior erit, ut probauimus, non tamen negandū est, etiā cum malis Christianis damnatis Deum misericordiam facere, quia punit eos citra condignum.

7 Isti autem, quorum voluntas, & actio erat, & est secundum iustitiam, & contra peccatum, habebunt cum minus malis Christianis iudicium misericordiae in supplicijs propter dilectionem iustitiae, & odium peccati.

Hoc loco duo colligi posse videntur. Primum quidem Gentiles, qui fidem veram non habuerunt, aliquam tamen iustitiam rationem in suis operibus habuisse: quod ut fiat manifestum, sciendum est, quod si de perfecta iustitia loquamur, quae secundum D. Augustinum in lib. de vera Relig. cap. 48. & de Salutaribus documentis cap. 1. consistit in vera dilectione Dei, quem ex tali iustitia toto corde amare, illique adherere tota voluntate debemus, cum summum sit bonum, & hanc iustitiam negandum videtur habuisse huiusmodi homines, quippe qui perfecte iusti non fuerunt, quod ostendit Divus Augustinus lib. 4. contro Iulianum cap. 3. dicens Non esse in aliquo veram virtutem, nisi iustus sit, neque quisquam iustus est, nisi qui ex fide vivit. & Proverb. 24. dicitur, Qui dicit impius iustum esse, maledictus erit in populo, & inter cetera, quae ibi offert argumenta, praecipuum sumit, ex connexionē. Dicitur, cum dicat veram non esse pudicitiam eius, qui fornicatur ad Deo, sed quidquid sit, Nobis dicendum videtur, eos potuisse habere aliqualem rationem iustitiae in suis operibus, si in his dictamen rationis secuti essent, & bene moraliter se gessissent, quae tamen opera sine speciali auxilio facta, nec dispositiones immediate ad gloriam, neque ad finem supernaturalem consequendum sufficientes fuissent, praeterant quoque quoad substantiam operum, quaedam legis mandata adimplere, quae tamen iusta dicebantur esse, quatenus rationi erant conformia, quod probari potest, Primo ex tribus Concilijs Milevitano, Arausicano, & Tridentino relatis à Benedicto Pererio super cap. 19. Epistolae ad Rom. dist. 5. num. 26. ubi hanc dubitationē admodum accuratē, ac diligenter examinat, & in his Concilijs fuisse conclusum asserit, sine speciali auxilio Dei, licet nulli possit fieri bonum, quod ad gratiae iustificacionis pertineat,

posse tamen aliquid fieri morale, ob naturalem quandā, & humanam honestatē: quod etiā patet ex Paulo Rom. 2. illis verbis, Gentiles, quae legē non habent naturaliter, quae legis sunt faciunt, & Matt. 7. Si diligitis eos, qui vos diligunt, quā mercedē habebitis, nōne hoc publicani faciunt, etsi saluaveritis fratres vestros tantum, quod amplius facitis, nonne? Ethnici hoc faciunt: idē patet ex D. Greg. hom. 40. qui verba faciens de divite. Epulone exponēs illa verba Luc. 16. Recepistis bona in vita tua, quia (inquit) gesserat dum viveret aliquid bonū, quod in praesenti seculo erat remunerandum: confirmat hoc etiā D. Tho. 1. 2. q. 65. art. 2. qui disputans an virtutes morales possint esse sine charitate cōcludit, eas ea ratione, quae sunt effectrices boni in ordine ad finem naturalem homini, posse per vim humanam acquiri, & sine charitate, ut inquit fuerunt in multis gentibus, secus verò dicendum de virtutibus moralibus, quae sunt operatrices boni in ordine ad ultimum finem, in quo sensu habent rationem virtutis perfectae, & sic non possunt humanis actibus acquiri, nec esse sine charitate. Ex quibus palam fit, quod legimus hoc eodem capite paulo ante verba praesentis Notae, nimirum, Qui quamvis nō habuerunt fidem rectam, habuerunt tamen Iudicem conscientiam suam, secundum cuius dictamen operabantur: & haec iustitia de qua hoc loco sermo fit, quae quoniam non est sufficiens disp. ad gloriam, idē dicitur, quod ad aeterna supplicia tradebantur Gentiles, sed quod minorem penam pauebantur, quā mali Christiani, quia illi non ea auxilia obtinuerunt, quae ipsi quotidie à Deo recipiunt, nec ita per peccata aueruntur à Deo: sicut illi, cum supponamus eos in actionibus suis rationis regulas esse secutos, & ex hoc etiā patet, id quod in principio proposuimus admonere velle, quomodo scilicet potuerint odio habuisse peccata, non quidem, ut erant offensa Dei, ad quod faciendum speciale auxilium exigetur, sed ut sunt contra bonum naturae, quod illi bene moraliter operando, et supra dictum est proficiebantur perficere, peccare enim aliud non est, quā recedere ab eo, quod est secundum naturam, ceterum neque hoc esse possibile

bile in statu nature corrupte assequi absque auxilio habitualis gratie favantis, ad hoc ut quispiam omnino à peccato abstineat, probat D. Thom. 1.2. q. 109. art. 8.

8 Similiter & alius est Baptismus Aquæ, alius Sanguinis, alius perfectæ voluntatis.

Hoc loco tria esse Baptismata scribitur, Aquæ scilicet, Sanguinis, & Flaminis, non quidem ut tria Sacramenta distincta, quoniam, ut dicit Apostolus ad Ephes. 4. Sicut una est Fides, unum etiam est Baptisma, sed quia alia duo, quæ hic enumerantur conveniunt cum Baptismo Aquæ, quo ad aliquem effectum, qui emanat ab ipsis, idco appellantur Baptismata, sed tamen non conveniunt cum eo in ratione signi, quod proprie ad Sacramentum spectat, idcirco non tollitur unitas Sacramenti, cum etiam alia duo in Aquæ Baptismo includantur, quod ex Christi Domini Passione efficaciam habet: horum autem trium Principem locum tenere Sanguinis Baptismum censeo, quoniam ut auctor est. D. Thom. 3. p. q. 63. art. 12. Passio Christi in Aquæ Baptismo operatur per quandam figuralem representationem, in Baptismo Flaminis, per quandam affectionem, sed in Sanguinis Baptismo per operis imitationem, quod longè præstatius est, tum quia Spiritus Sanctus in primo operatur per virtutem latentem: in secundo per cordis commotionem: in tertio verò potissimum per dilectionem, & idco Ioan. 15. scribitur Maiorem hac dilectionem nemo habet, ut animam suam ponat quis pro amicis suis, unde egregie Divus Augustin. de Ecclesiast. dogmat. cap. 74. comparans Baptismum Aquæ cum Baptismo Sanguinis dicit. Baptizatus conficitur fidem suam coram Sacerdote, Martyr coram Persecutore, ille post confessionem aspergitur aqua, hic sanguine; ille per impositionem manus Pontificis recipit Spiritum Sanctum, hic sanguine; ille in Templum efficitur, hic in sanguinem.

DEPRECATIO SPONSÆ ad Dominum pro Romæ, & de multitudine innumerabili Sanctorum Martyrum Romæ quiescentium, & de tribus gradibus perfectionis Christianorum, & de quadam visione ipsius Sponsæ, & qualiter Christus ei apparens, prædictam visionem sibi exposuit, & declaravit.

CAP. XXVII.



MARIA. Licet immittis fuerim, tamen te inuoco in adiutorium meum. Et rogo te, ut rogere digneris pro excellentissima, & sanctissima illa Vrbe Romæ. Video enim corporaliter, quod quædam Ecclesiæ, in quibus ossa Sanctorum quiescunt desolatæ sunt. Quædam verò habitantur, sed corda, & mores Rectorum earum longè sunt à Deo. Impetra ergo eis charitatem, quia audiui ex scripturis, quod Romæ quælibet dies in anno septem millia continet Martyrum. Et idco quamvis animæ non minorem honorem obtinet in Cælo, licet ossa eorum contineantur in terris, tamen rogo te, ut Sanctis tuis, & Sanctorum tuorum reliquijs amplior honor exhibeatur in terris, & sic deuotio populi excitetur. Respondit Mater. Si mensurares terram centum pedum in longitudine, & totidem in latitudine, & seminares eam plenam puris granis tritici, ita compressæ, quod non esset distantia inter granum, & granum, nisi quasi articulus digiti vnus, quodlibet verò granum daret fructum centuplum & adhuc essent plures Martyres, & Confessores Romæ à tempore illo, quo Petrus venit Romam cum humilitate, vsquequo Cælestinus discessit à sede superbiæ, & reuersus est ad suam sollicitariâ vitâ. De illis verò Martyribus, & Confessoribus loquor, qui fidem veram prædicabât contra diffidentiam, & humilitatem

tatem contra superbiam, & qui pro veritate fidei morti sunt, vel voluntate parati erant mori. Nam Petrus, & alij plures, sic calidi, & feruentes erant ad proferendum verba Dei, quod si potuissent mori pro vnoquoque homine, libenter fecissent. Attamen timidi fuerunt, ne à conspectibus illorum, quos verbo consolationis, & prædicationis fouebat raperetur, quia salutem eorum plus desiderabant, quam vitam propriam, & honorem. 2. Fuerunt quoque tanti, & ideo processerunt occulte in persecutione, propter lucrum, & collectionem plurimarum animarum. Igitur inter istos duos. Petrum scilicet, & Cælestinum, non omnes fuerunt boni, sicut, nec omnes mali. Ecce ponamus tres gradus, sicut tu composuisti hodie, positiuum, comparatiuum, & superlatiuum, id est bonos, meliores, & optimos. In primo gradu fuerunt illi, quorum cogitatio fuit ista. Nos credimus quicquid Sancta præcipit Ecclesia. Neminem defraudare volumus, sed defraudata reddere, & Deo seruire desideramus toto corde. Consimiles etiam fuerunt tempore Romuli fundatoris Romæ, secundum fidem suam, qui cogitabant taliter. Nos intellegimus, & scimus ex creaturis, quod Deus est Creator omnium, hunc ergo diligere volumus præ omnibus. Quia plures vero cogitabant ista. Nos audiuiimus ex Hebræis, quod Deus verus ostendit se eis per miracula manifesta. Et ideo si sciremus in quo nos magis fundare deberemus, libenter faceremus. Isti omnes fuerunt quasi in primo gradu. Tempore vero placito Petrus venit Romam, qui alios eleuauit in positiuum gradum, alios in comparatiuum, alios in superlatiuum. Illi enim, qui fidem receperunt veram, qui in coniugio, & alia dispositione laudabili steterunt, isti fuerunt in positiuo gradu. Qui vero sua dimiserunt propter charitatem diuinam, qui alijs exempla bona viuendi ostenderunt verbis, & exemplis, & operibus, necnon & qui nihil Christo

proposuerunt, isti fuerunt in comparatiuo gradu. Qui vero carnem suam dederunt pro amore Dei, isti fuerunt in gradu superlatiuo. 3. Sed quæramus in his gradibus supradictis, ubi inuenitur charitas Dei seruientibus? Quæramus in militibus, & doctoribus, quæramus in religiosis, & mundi contemptoribus, qui tenerentur esse in comparatiuo, & superlatiuo gradu, & certe nimis pauci inueniuntur. Nam non est vita austerior, quam vita militaris, si in sua vera institutione staret. Si enim monacho præcipitur habere cucullam, militi præcipitur grauius, scilicet lorica. Si vero est graue monacho pugnare contra voluptatem carnis, militi est grauius inter armatos hostes procedere. Si vero ordinatur monacho durus lectus, grauius est militi in armis quiescere. Et si monacho turbatur, & affligitur abstinencia, durius est militi affligi continuo timore vite. Non enim militia Christianitatis incepta est propter mundi possessionem, & cupiditatem, sed ad confortandam veritatem, & dilatandum veram fidem. Et ideo gradus militaris, & religiosus in superlatiuo gradu, vel comparatiuo esse teneretur. Sed omnes gradus à sua laudabili dispositione apostatauerunt, quia charitas Dei versa est in cupiditatem mundi. Si enim auferretur vnus florenus de tribus, magistacerent plerique veritatem, quam loquendo amitterent illum. Nunc autem loquitur Sponsa dicens. Iterum vidi quasi multos hortos in terra, rosas vero, & lilia conspexi inter hortos. In quodam vero loco spatioso terræ vidi agnecentum vestigiorum in longitudine, & totidem in latitudine. In quolibet autem vestigio erant septem grana tritici seminata, & quodlibet granum dabat fructum centuplum. Post hæc audiui vocem dicentem. O Roma Roma, muri tui dirupti sunt, ideo portæ tuæ sunt sine custodia, vasa tua venduntur, ideo altaria tua desolata sunt, vitium sacrificium, & incen-

incensum matutinum comburitur in atrio, ideo non egreditur de Sancta sanctorum sanctus odor suavisissimus. Et statim apparens Dei filius dixit Sponsæ. Horum intelligentiam, quæ vidisti indica tibi. Terra, quam vidisti significat omnem locum, ubi nunc est fides Christiana. Horti verò significant loca illa, ubi Sancti Dei receperunt coronas suas. Veruntamen in paganismo, scilicet in Hierusalem, & in alijs locis multi fuerunt electorū Dei, quorū tamen loca tibi modo nō sunt monstrata. Ager verò centū pedū in longitudine, & totidem in latitudine, significat Romam. Nam si omnes horti de toto mundo coniuncti essent Romæ, certè Roma esset æquè magna de Martyribus (in carne loquor) quia locus ille electus est ad amorem Dei. 4 Triticum verò, quod inter vestigia vidisti, significat illos, qui per carnis macerationem, & contritionem, & vitam innocentem, intraverunt Cælū. 5 Rosæ verò paucae, sūt Martyres rubicundi sanguinis sui effusione in diuersis locis. 6 Lilia verò Confessores sunt, qui fidem sanctæ verbis, & operibus prædicauerunt, & confirmauerunt: Nunc autē ego possū loqui de Roma, sicut Propheta loquebatur de Hierusalem. Olim, inquit, habitauit in ea Iustitia, & Principes eius Principes pacis. Nunc autē versa est in scoriam, & Principes eius homicidæ. O si cognosceres dies tuos à Roma, fleres utique, & non gauderes. Roma quippè in diebus antiquis erat quasi tela colorata omni colore pulcherrimo, & contexta nobilissimo filo. Terra quoque eius colorata erat colore rubeo, idest sanguine Martyrum, & contexta, idest commixta ossibus Sanctorū. Nunc autem portæ eius desolatæ sunt, quia defensores, & custodes earum inclinati sunt ad cupiditatem. Muri eius depressi sunt, & sine custodia, quia iam non curant animarum damna, sed eleus, & populus, qui sunt murus Dei, dispunguntur ad faciendum vtilitatem car-

nis. Vasa Diuina venduntur contempribiliter, quia Sacramenta Dei propter pecuniam, & fauorem mundanum dispen santur. Altaria verò desolata sunt, quia qui celebrat cum vasis, manus habet à charitate Dei vacuas, & oculos ad offertorium, & licet Deum verè habeant inter manus, cor tamen vacuū est à Deo, quia mundanis vanitatibus est repletū. Sanctum verò Sanctorum, ubi olim consumabatur summum Sacrificiū, significat desiderium Diuine fructuionis, & visionis, de quo ascendere deberet charitas ad Deū, & proximū, & odor totus continentia, & virtutis. Nunc autem sacrificium consumitur in atrio, idest in mundo, quia tota Diuina charitas versa est ad incontinentiam, & mundanitatem. Talis est Roma corporaliter sicut vidisti: nam altaria plura desolata sunt, offertorium expenditur in tabernis. Offerentes plus vacant mundo, quàm Deo. 7 Veruntamen scias, quod à tempore Petri humilis, vique dum Bonifatius ascendit sedem superbiæ, innumerabiles animæ ascenderunt in Cælum. Adhuc tamen Roma nō est sine amicis Dei, qui si habent adiutorium, clamarent Domino, & ipse misereretur eisdem.

N O T Æ.

Adhuc essent plures Martyres, & Confessores Romæ à tempore illo, quo Petrus Romam venit cum humilitate, vique quō Cælestinus discessit à sede Superbiæ, & reuersus est ad solitariam vitam. *Dubitari minimò potest, hunc, cuius hic mentio fit, non fuisse Cælestinum V. qui ex Heremita ad summum Pontificatum euectus est, hic propria quieti, ac salutis sue consulens, quinque fere mense, postquam fuerat assumptus, abdicauit se Pontificatu, quem Petram Moroneum primus appellatum fuisse Platina affirmat in vita ipsius. Hic fuit vir probitate, ac vite sanctitate conspicuus, ut ex eodem Pla-*

Platina, & ex Martyrologio Romano videre est die 19. Maij. & ex Surio tom. 3. De eodem plura narrat D. Antonin. 3. p. tit. 20. cap. 8. relatus est in numerum Sanctorum à Clemente V. Anno Dñi 1313. Scribitur autè hoc loco. Ab eo tempore quo Petrus Romam venit, usque ad hunc Pontificem, plures & Martyres, & Confessores floruisse, nec mirum, cum ingentes persecutiones à temporibus Principis Apostolorum sub Nerone, alijsq. Catholice Ecclesie hostibus, usque ad Silvestrum passus sit Ecclesia, & subinde etiam tunc usque ad Celestini Pontificatum, multiplices fuerint exorta hareses, quod quampluribus causam dedit, sanguinis effusione, doctrinae, ac morum probitate Catholicam fidem propagandi.

2. Fuerunt quoque tanti.

var. lect.

Rectius Farnesianus Codex M. S. legit. Fuerunt quoque cauti, atque ita esse legendum patet ex subsequentibus verbis: indicant enim Apostolos tunc temporis cautos, ac prudentes fuisse, quippe qui, prout Dei honori, ac animarum salutis consulere posse arbitrabantur, sese martyrio exponebant.

3. Sed quæramus in his gradibus supradictis, ubi inueniatur charitas Dei fermentior.

Iam supra hoc eodem Cap. duo perfectionis gradus distincti sunt, Martyrum primus, secundus verò Confessorum, hic verò tertius additur nimirum Militum, eorum scilicet, qui veram militiam profitentur, & ex his duobus postremis, qui hoc loco, ad inuicem inter se comparantur, videtur indicari, militarem vitam austeriorem esse, ut a Monastica: sed quidquid sit, constanter asseuerandum est, horum supremum, ac prestantissimum esse Martyrum, quandoquidem inter omnes actus virtutis, charitas primum locum tenet, tanto enim quis magis rem aliquam diligere ostendit, quanto pro ea magis rem amaram contemnit, & rem magis odiosam eligit: sed inter alia bona in mundo, homo vitam præcipue alijs rebus præfert, & mortem maxime odit: ergo qui vitam pro fidei confessione dat, & mortem eligit, charitatis perfectionem maxime ostendit: unde Ioan. 15. scribitur, Maiorem charita-

tem nemo habet, quam ut animam suam ponat quis pro amicis suis, hinc D. Aug. lib. 1. de Virginitate cap. 2. Martyrium præfert Virginitati. & D. Thom. 2. 2. q. 124. art. 3. probat, illud esse actum maxime perfectionis.

4. Triticum verò, quod inter vestigia vidisti, significat illos, qui per carnis macerationem, & contritionem, & vitam innocentem intrauerunt Cælum.

Christus Dominus præsentis Capituli visionem exponens B. Brigitta dicit, per triticum, eos significari, qui carnis maceratione Regnum Cælorum adepti sunt, & sanè sicut granum tritici, quod est inclusum in palea, nisi fuerit trituratum, foras non egreditur, & nisi percutiatur, de palea non exilit, ita quoque homo, nisi proprium corpus ieiunijs, vigilijsq. præmat nunquam de carnis affectionibus, ac terrenis concupiscentijs exit, secus si carnem edomauerit, statim ad Deum reuertitur, & omnibus pothabitis non aliud quam quæ Dei sunt querit: Vnde Ioan. 12. scribitur, Nisi granum frumenti cadens in terra mortuum fuerit, ipsum solum manet, si autem mortuum fuerit, multum fructum offert.

5. Rosæ verò paucae, Martyres sunt rubicundi sanguinis sui effusione.

Rosæ cum flos sit odoriferus, & ex spinoso frutice oriatur, rubicundi, aut etiam albi coloris, egregie Sanctos Martyres designat, hi enim ob sanguinis effusionem rubicundi sunt, & ob summam, quam moriendo ostendunt charitatem, odorem maximum emittunt, ut merito dicere possint cum Apost. 2. Corinth. 2. Christi bonus odor sumus, ut verò Rosæ albe sunt, innocentiam, ac vite integritatem indicant, quam sibi per martyrium comparant, & idè de his scriptum est Apoc. 7. Dealbauerunt stolæ suas in sanguine Agni. Martyres autem per rosas significari tradit Eucherius de Spiritualibus formulis cap. 4.

6. Lilia verò Confessores sunt, qui fidem sanctam verbis, & operibus prædicauerunt, & confirmarunt.

Hoc loco Confessores lilijs comparantur, sicut enim lilium, & candore, & odore flos est præstantissimus, ita quoque Sancti, & vite probita-

bitate, & verbi Dei predicatione, & odorem maximum, ac ingentem candorem redolent. Hinc est, quod Cant. 5. sponsa lilij comparat labia sponsi. Labia (inquit) eius distillantia myrrham: & hoc quia ab eo emanabāt suauissima, ac dulcissima verba, quæ magnū undique spirabant odorem. Ceterum sanctos viros humiles, & probos per lilia in sacris litteris designari, tradit Basil. in Psal. 44. Greg. 24. Moral. c. 6. Bern. in Cant. ser. 70. & 71.

Veruntamen scias quod à tempore Petri humilis, vsque dum Bonifacius ascendit sedem superbiz, innumerabiles animæ ascenderunt in Cælum.

Hic fuit Bonifacius VIII. qui successit in Pontificatu Celestino V. de quo supra egimus hoc eodem Cap. Nota 1.

INFORMATIO VIRGINIS AD
sponsam de modo sciendi diligere, & quattuor Ciuitatibus, in quibus quattuor charitates inueniuntur, & quæ istarum debeat propriè charitas nuncupari perfecta.

CAP. XXVIII.



MATER loquitur ad sponsam dicens. Nunquid filia diligis me? Respondit illa. Doce me Domina, diligere, quia anima mea scdta est dilectione falsa, seducta veneno mortifero, pro quo non valer apprehendere dilectionem veram. Et Mater. Ego (inquiens) docebo te. Nam quattuor sunt Ciuitates, in quibus quattuor inueniuntur charitates (si tamen omnes charitates nuncupari debent) quia non est propriè dicenda charitas, nisi vbi Deus, & anima in vera virtutum vnitatem confederantur. Prima igitur Ciuitas est, Ciuitas probationis, quæ est mundus, in quo ponitur homo, vt probeatur, si diligit Deum, an nō, vt experiatur infirmitatem suam, vt acquirat sibi virtutes, quibus re-

deat ad gloriam, vt purgatus in terra, gloriosius in cælis coronetur. In hac Ciuitate inuenitur dilectio inordinata, cum diligitur caro plus, quàm anima. Cum desideratur temporale feruentius, quàm spirituale. Cum honoratur vitium, & despicitur virtus. Cum plus dulcescit peregrinatio, quàm patria. Cum plus timetur, & honoratur moriturus homunculus, quàm in æternum regnaturus Deus. Secunda Ciuitas est Ciuitas purgationis, in qua abluuntur sordes animæ. Placuit enim Deo talia loca ordinare, in quibus coronandus purgaretur, qui in libertate negligens insolecebat, sed tamen cum timore. In hac Ciuitate inuenitur imperfecta dilectio, quia diligitur Deus, ex spe soluendæ captiuitatis, sed non ex feruore affectionis, propter tedium, & amaritudinem satisfaciendæ culpæ. Tertia Ciuitas est, Ciuitas doloris, vbi est infernus. In hac inuenitur dilectio omnis malitiæ, & immunditiæ, omnis inuidiæ, & obdurationis. In hac quoque Ciuitate regnat etiam Deus per ordinatam suam iustitiam, per mensuram suppliciorum debitam, per malitiæ refrenantiam, per libratam pro meritis omnium æquitatem. Nam sicut alij damnandorum peccant plus, alij minus. Ita & pænæ, & retributionis condignæ constituti sunt termini. Nam & si omnes damnandi includuntur tenebris, non tamē omnes vno eodēq. modo. Differunt enim tenebræ à tenebris, horror ab horrore, ardor ab ardore. Vbi que denique disponit Deus iustitia, & misericordia, etiam in inferno, vt aliter puniantur hi, qui peccauerunt ex industria, aliter, qui ex infirmitate, aliter, qui ex sola originalis peccati noxa tenebantur, quorū plaga, & si in carentia diuinæ visionis, & lucis electorum consistit, misericordiæ tamen, & gaudio per hoc appropinquant, & quod ad horrorem suppliciorum non perueniunt, cum prauorū operum effectū non habebant. Alioquin nisi Deus dispo- neret in numero, & mensura, Diabolus

nunquam mensuram haberet in puniendo. Quarta Ciuitas est Ciuitas gloriæ. In hac est dilectio perfecta, & charitas ordinata, qua nihil desiderat, nisi Deus, & propter Deum. Vt ergo ad istius Ciuitatis perfectionem peruenias, quadruplicem oportet te habere charitatem, scilicet ordinatam, mundam, veram, & perfectam. 2 Ordinata verò charitas est, qua caro diligitur ad solam sustentationem, mundus ad nullam superfluitatem, proximus propter Deum, amicus propter vitæ puritatem, inimicus propter remunerationem. Munda verò charitas est, qua vitium non diligitur cum virtute, qua cōsuetudo praua contemnitur, qua peccatū non leuigatur. Vera autem est dilectio, quando Deus toto affectu, & corde diligitur, quando honor, & timor Dei præcogitatur in omnibus actibus, quando ex fiducia bonorum operum, minimū peccatum non committitur, quando sapienter moderat quis seipsum, ne ex nimio feruore deficiat, quando ex pusillanimitate, & ignorantia tentationum non declinatur ad peccatum. Perfecta verò est charitas, quando nihil dulcescit homini, sicut Deus. 3 Hæc in presenti inchoatur, sed in Cælo cōsumatur. Ergo dilige istam perfectam charitatem, & veram, quia omnis, qui eam non habuerit purgabitur, si tamen fidelis, si seruens, si paruulus, si renatus fuerit, alioquin transibit ad Ciuitatem horrores. Nam sicut vnus est Deus, sic vna est fides in Ecclesia Petri, vnum Baptisma, vna gloriæ, & remunerationis perfectio, propterea qui ad vnum Deum peruenire desiderat, debet vnam voluntatem, & vnam charitatem, cum vno Deo habere. Ideo miseri sunt illi, qui sic dicunt. Sufficit si ero in Cælo minimus, nolo esse perfectus. O insensata cogitatio, quomodo erit ibi imperfectus, vbi sunt perfecti omnes, alij ex innocentia vitæ, alij ex innocentia pueritiæ, alij ex purgatione, alij ex fide, & bona voluntate.

1 Quid ad horrorem suppliciorum non perueniunt, cum prauorum operum effectum non habebāt.

De paruulis hic sermo fit, qui cum solo peccato originali decesserint, penam sensus nullatenus patiuntur, sed tantummodo damni, que in carentia diuine visionis consistit, & idē scribitur hoc loco, Quod ad horrorem suppliciorum non perueniunt, scilicet ad sensus penas, que homini infligitur propter actuale peccatum, quod ipsi non commiserunt: hanc autem paruulorum penam D. Aug. in Enchiridion cap. 93. circa med. vocat leuissimam, non quidem quod diuina visione carere, sit minima pena, cum sit omnium maxima, sed D. August. loquitur comparatiue ad eos, qui utranque penam luunt: paruuli autem qui cum originali tantummodo peccato decesserūt, penam damni solum patiuntur, & idē eorum penam leuissimam esse Augustinus affirmavit: aut etiam dicendum est, illam penam vocari ab Augustino leuissimam, quoniam illam, non ut sibi afflictiuam, & noxiā paruuli apprehendunt, nec de carentia visionis diuine irascuntur, ut nos late probauimus supra Lib. 2. Reuel. Cap. 1. Nota 3.

2 Ordinata verò charitas est, qua caro diligitur ad solam sustentationem, mundus ad nullam superfluitatem, proximus propter Deum, amicus propter vitæ puritatem, inimicus propter remunerationem.

In presenti Capite fusi traditur, qualis esse debeat perfecta, & ordinata charitas, & in quo differat ab inordinata: dictum est autem supra, non longè ab initio Capitis, quod inordinata ea est, qua seruientiū temporale diligitur, quàm spirituale, ordinata verò dicitur esse, qua nihil diligitur nisi Deus, aut propter Deum: nunc verò, ut hoc ostendatur apertius admonemur, charitatis perfectionem esse sumēdam, ex fine diligendorum, cui enim & nosmetipsos, & proximū amare debeamus, videndum est, ut id debitis circumstantiis, & honesto fine perficiamus, ex amore namque

totum est, quod bonum est, & totum quod malum est dicit D. August. in lib. de Substantia dilectionis, & amoris cap. i. tom. 4. & ideo hoc loco legimus eam, esse censendam ordinatam charitatem, qua caro diligitur ad solam sustentationem, ubi per carnem intelligas quidquid ad hominis sustentationem à Deo ordinatum est, illud autem, quod sequitur, nimirum Proximus propter Deum est diligendus, amicus propter vitæ puritatem, inimicus propter remunerationem, indicat ad perfectam charitatem omnino exigi, ut nihil nisi in ordine ad Deum, & extra Deum nihil ametur, quia aliàs non amor verus est, sed cupiditas, ut loco supra citato docet D. August. Medium quippe (ait) est cor hominis, unde fons amoris erumpit, & cum per appetitum ad exteriora decurrit, cupiditas dicitur: cum vero scribitur, quod Amicus ob vitæ puritatem diligendus est, non excluditur, quod etiam prave homines, quatenus sunt eiusdem naturæ, & possunt esse participes nobiscum beatitudinis non amemus, sed quod bonos, & boni sunt ferventius diligamus, & ad hunc eundem sensum accipiendum est illud, quod hic quoque sequitur, Inimicum propter remunerationem diligendum esse, non quidem, ut inimicus est, sed ut potest esse: pariceps eiusdem remunerationis nobiscum, vitæ nimirum eterne aut etiam propter meritum, quod ex eius dilectione consequi possamus, iuxta Domini præceptum Matth. 5. Ego autem dico vobis diligite inimicos vestros: an vero magis meritorium sit diligere inimicum quam amicum. D. Tho. 2. 2. q. 27 art. 7. dicit absolute amicorum dilectione præstantiorem esse, ac meliorem inimicorum dilectione, tum quia illa ferventior est, tum quia si consideretur ex parte rei, quæ diligitur, potior est, melior namque est amicus, quam inimicus; sic tradunt etiam Magist. in 3. d. 30. Altiſtod. in 3. tract. 5. cap. 2. q. vltima, & alij plures ex Scholasticis, secus vero dicendum est, si expendatur ratio, propter quam inimicus amatur, quæ non potest esse alia, quàm ipsemer Deus, amici vero potest esse alia ratio dilectionis, & amoris, & ideo ex hac parte videtur maius posse quis consequi meri-

tum diligendo inimicum, quam amicum.

Hæc in præſenti inchoatur, sed in Cælo consumatur.

Ad horum verborum intelligentiam duo nobis animadvertenda sunt, primum quidem charitatem in via non inchoari solum, ita ut hæc initium tantummodo sumat & in patria postea secundum totam suam latitudinem crescat, sed intelligendum est, quod ita inchoatur, quod etiam augeri possit in via, sicut quotidie sanctis Viris contingit, qui propter eorum opera bona crescunt in amore Dei, quod esse verissimum, ex pluribus sacrarum literarum testimonijs constat, ut ad Ephesios 4 Veritatem autem facientes, in charitate crescamus in illo per omnia, qui est caput Christus, & ad Philippens. 1. Oramus Deum, ut charitas vestra magis, ac magis abundet, & probat Concilium Tridentinum Sess. 6. cap. 10. ubi habet, quod iusti magis iustificantur per bona opera, & quod hoc iustitie incrementum peti Ecclesia, cum orat. Da nobis fidei, spei, & charitatis augmentum: an vero hoc charitatis augmentum fiat essentialiter, & per maiorem radicationem in subiecto, per hoc, quod subiecto participet magis, ac magis charitatem, an vero per additionem aliquam alicuius distincti gradus secundum speciem, vel numerum, hoc relinquendum esse sensus Scholasticorum disputationibus, quæ de re agit D. Thom. 2. 2. q. 24. art. 5. & ibi latè Caetan. & Bann. Durand. in 1. dist. 17. quæst. 5. & alij plures Scholastici: ex dictis inferitur, secundum quod supra proposuimus hoc loco annotare, nimirum an fieri possit, quod charitas, quæ augeri potest in via, pervenire possit ad eum gradum, quem habent Sancti in patria, & sanctè simpliciter loquendo videtur dicendum, quæritatem charitatis in via non posse æquari quantitati charitatis, quæ est in patria, & ratio esse potest, quia charitas via semper respicit obiectum absens, patriæ vero præſens, ergo semper intensius operatur ob præſentiam rei diligibilis, & ideo hic appellatur patria charitas consummata, hoc est undequaque perfectæ, via vero inchoata: & hoc probari potest ex his verbis Pauli Apost. ad Philipp. 3.

Non quod iam acceperim, aut perfectus sim, sequor autem si quomodo comprehendam: ubi de perfectione charitatis in patria loquitur. & 1. Corint. 13. probat hoc Apostolus illis verbis, Cum venerit, quod perfectum est euacuabitur, quod ex parte est, scilicet quod est ex parte perfectum in via, tollitur cum venerit, quod perfectum est in patria, & clarius idem annotarunt Gloss. & Lyran. in illud Math. 11. Qui minor est in regno Dei, maior est illo.

LAVS SPONSAE AD VIRGINEM
 continens templi Salomonis similitudinem, & Deitatis vnitatis cum humanitate veritatem inexplicabilem, & qualiter Sacerdotum templa sunt vanitate depicta.

C A P. XXIX.



BENEDICTA tu Maria, Mater Dei, Templum Salomonis. Cuius parietes fuerunt deaurati, cuius tectum praefulgens, cuius pavimentum preciosissimis stratum lapidibus, cuius compositio tota effulgens, cuius interiora omnia redolentia, & delectabilia ad intuendum. 1 Denique per omnem modum similis in templo Salomonis, in quo verus Salomon spaciabatur, & sedit, in quod induxit arcam gloriae, & candelabrum ad lucendum. 2 Sic tu benedicta Virgo templum es Salomonis illius, qui fecit inter Deum, & hominem pacem, qui reconciliauit reos, qui vitam dedit mortuis, & pauperes ab exaltore liberauit. Corpus quippe tuum, & anima facta sunt Deitatis templum, in quibus erat testu diuinæ charitatis, sub quo Filius Dei egressus à Patre ad te, gaudenter habitauit tecum. Pavimentum verò templi fuit composita tua vita, & exercitatio virtutum assidua. Nulla enim tibi defuit honestas, quia totum in te fuit stabile, totum

humile, totum deuorum, totumque perfectum. Parietes verò templi fuerunt quadranguli, quia à nullo perturbaberis opprobrio, de nullo superbiebas honore, nulla inquietaberis impatientia, nihilque nisi honorem, & amorem Dei affectabas. Picturae verò templi tui fuerunt inflammatio continua Spiritus sancti, qua tantum eleuabatur anima tua, ut nulla esset virtus, quæ non amplior, & perfectior esset in te, quàm in aliqua alia creatura. Itaque in hoc templo tunc spaciabatur Deus, quando membris tuis infudit suæ visitationis dulcedinem. Requiuit verò, quando Deitas sociabatur humanitati. 3 Benedicta igitur sis tu Beatissima Virgo, in qua Deus magnus factus est puer paruus, antiquissimus Dominus factus est pusillus filius, sempiternus Deus, & Creator inuisibilis, factus est visibilis creatura. Ideò quia piissima, & potentissima es Domina, rogo te, respice in me, & miserere mei. Mater enim Salomonis es, non illius, qui fuit Filius David, sed eius, qui pater est David, & Dominus Salomonis, qui edificabat templum illud mirificum, quod te veraciter praefigurabat, Filius enim exaudiet matrem, & talem, ac tantam matrem. Impetra ergo, ut Puer Salomon, qui fuit quasi dormiens in te, sit vigilans tecum, ut nullius peccati delectatio me pungat, sed contritio commissorum sit stabilis, amor mundi sit mihi mortuus, patientia perseuerans, penitentia fructuosa. Non enim habeo aliquid virtutis pro me, nisi verbum vnum, hoc est miserere Maria, quia templum meum contrarium omnino tuo est. Est enim tenebrosus vitij, lutosus ex luxuria, corruptum ex cupiditatis veribus, instabilis ex superbia, labile ex vanitate mundanorum. Respondit mater. Benedictus sis Deus, qui cordi tuo hanc inspirauit proferre salutacionem, ut intelligeres quanta in Deo sit bonitas, quantaque dulcedo. 4 Sed cur comparas me Salo-

3
var.
lect.

4

NOTAE.

Salomoni, & templo Salomonis? cum mater sim illius, cuius generatio non habet principium, nec finem, & illius, qui legitur nec habuisse patrem, nec matrem, hoc est Melchisedech. Ipse enim describitur fuisse Sacerdos, & ad Sacerdotes pertinet templum Dei, & ideo ego sum mater Sacerdotis summi, atque Virgo. Verè dico tibi, quod utrunque sum Mater scilicet Regis Salomonis, & Mater pacificantis Sacerdotis. 5 Nam Filius Dei, qui est & filius meus, utrūque est Sacerdos, & Rex Regum. 6 Denique in templo meo induit se vestibus Sacerdotalibus spiritaliter, in quibus obtulit sacrificium pro mundo. In Civitate verò regali coronabatur corona regali, sed aspera. 7 Extrà verò tanquam pugil fortissimus campum, & pugnam detinebat. Nunc autem conqueri possum, quod oblitus, & neglectus est idem filius meus à Sacerdotibus, & Regibus. Reges quippè gloriantur de palatijs suis, de exercitu suo, & de processu, & honore mundi. Sacerdotes verò superbiunt de bonis, & possessionibus temporalibus animarum. Nam sicut dixisti templum depictum auro, sic templa Sacerdotum depicta sunt vanitate, & curiositate mundi, regnat enim simonia in capite. Arca testamenti sublata est, lucernæ virtutum extinctæ, mensa devotionis desolata. Respondit sponsa. O Mater misericordiæ miserere eis, & roga pro illis. Cui Mater. Ab initio sic Deus dilexit suos, ut non solum in precibus suis exaudiantur ipsi pro se, sed & alij propter eos sentiant petitionis effectum. Propterea ut preces exaudiantur pro alijs, duo sunt necessaria, voluntas scilicet deserendi peccatum, & voluntas proficiendi in bono. Omnis enim, qui hæc duo habuerit, illi proficient preces meæ.

Denique per omnem modum tu similis templo Salomonis, in quo verus Salomon spaciabatur, & sedit.

Hoc loco sponsa Beatissimam Virginem templo Salomonis comparat, in quo præter cætera quattuor præstantissima existerunt, quæ admodum 4) Maria quattuor etiam habuit, quæ fuerunt admiratione, & laude dignissima. Primum quidem, quod sicut hoc templum candidissimo marmore fuerat constructum, & intrinsecus auro mundissimo ornatum, sic fuit Maria purissimi amoris cadore alba, & perfectissime charitatis ornata, insuper 5) et alia duo reperiuntur egregia in hoc templo, primum quod cum edificaretur, nec malleus, nec securus, nec quodpiam aliud ferreum instrumentum auditum est, sic 3. Reg. cap. 6 scribitur, secundo quod ad illud edificandum diuersorum statui gentes conuenerunt, ita profus factum est, cum in hoc Mariæ templo sacratissimum Christi Domini corpus formatum est, nec securus, neq. malleus auditus est, quippè quod absque humano semine, & carnalis copula conceptum fuit, ut utero eius templi operarij ex filijs Israel, alijsq. gentibus extiterunt, indicabat omnium hominum genus, per quos erat edificanda Ecclesia ad caput eius Christum adorandum, eiusq. Matris auxilium implorandum conuenire debere.

Sic tu Benedicta Virgo templum es Salomonis illius, qui fecit inter Deum, & hominem pacem, qui reconciliauit reos, qui vitam dedic mortuis, & pauperes ab exactore liberauit.

Ex dictis constat, qua ratione B. Virgo templi Salomonis figura fuerit: hic autè causa redditur, quare potius Salomonis templo, quàm cuiuslibet alterius fuerit comparata, & quidem si nominis etimologia diligenter consideretur, inueniemus Salomonem, non aliud quàm pacificum significare, & Christus est, de quo scripsit Apostolus ad Colosens. 1. Qui pacificauit per sanguinem Crucis eius, siue quæ in Calis, siue quæ in terris. Undè me-

ritò Beata Brigitta, Mariam laudans, de illa hoc loco sic scribit. Templum es Salomonis illius, qui fecit inter Deum, & hominem pacem, cum autem legimus hic, Christum liberasse pauperes ab exactore, intelligendum est à Damone, qui à diuina iustitia exactor fuerat constitutus, cui propter peccata nostra, & præcipuè propter parentum nostrorum nos debitores eramus, à quo deinde per passionem Christi sumus liberati, quod nobis Deus per Zachariam, iam multo antè promiserat, ut ipse Cap. 9. suarum Revelationum illis verbis testatur, Et non transibit ultra super eos exactor, inde habetur Isaie 14. Quomodo cessauit exactor, qui eruit tributum, contriuit Dominus baculum impiorum, & virgam dominantium. Ex dictis satis apertè colligi potest, quomodo intelligendum sit illud etiam, quod legimus hic, Christum scilicet vitam mortuis dedisse, hic enim sermo sit, non de corporali, sed spiritali morte, à qua nos liberasse dicitur, quatenus cum essemus mortui peccatis, ut Ephes. 2. scripsit Paulus, Vniuscariuit, nos liberando à morte culpe, & conferendo gratiam, qua vita est anima daturus, demum vitam gloriae.

3
var.
lect. Benedicta igitur sis tu Beatissima Virgo, in qua Deus magnus factus est puer paruus, antiquissimus Dominus factus est pusillus Filius, sempiternus Deus, & Creator inuisibilis, factus est visibilis creatura.

Magis placet Farnesiani Codicis M. S. lectio, sic enim legit. Sempiternus Deus, & Creator inuisibilis, factus est visibilis inter creaturas, nam ut annotauimus supra Lib. 2. Cap. 46. Nota 1. Sancti Patres, ac Doctores Scholastici, ut plurimum, & absolute non consueuerunt concedere hanc propositionem, Christum esse creaturam, ne cum Arianis videantur sentire, qui putabant Christum verè, & propriè creaturam esse, tum quia quod est creatum per se, est aliquid subsistens, ergo esse creatum videretur competere supposito diuino, quod affirmare hereticum est, & ita non absolute hæc propositio admittenda est:

sed in quo sensu accipienda sit apud quosdam sanctos Patres, qui eam aliquando videntur concessisse, tradidimus supra Lib. 2. Reuelat. Cap. 46. Nota 1.

4 Sed cur comparas me Salomoni, & Templo Salomonis? cum Mater sim illius, cuius generatio non habet principium, nec finem, & illius, qui legitur, nec habuisse Patrem, nec Matrem, hoc est Melchisedech.

Querit hic Beatissima Virgo à sponsa, cur eam Salomoni, ac Salomonis Templo comparauerit, cum potius Melchisedech comparari debuerit, quandoquidem Christus Dominus Filius eius pluribus de causis figurabatur in illo, quarum una hoc loco adducitur, quia scilicet, sicut ipse sine Matre, & sine Patre fuisse scribitur, ita quoque Christus, ut Deus, nec initium habet, neque finem. Secunda etiam, quia ipse Rex Salem fuit, sic Christus Rex pacificus, ut paulò supra demonstrauimus, hoc eodem Cap. Nota 2. Tertiò, quia Melchisedech fuit Rex, & Sacerdos, ita Christus utramque personam gessit, postremò sicut ille panem, & vinum obtulit in sacrificium, ut legimus Genes. 14. sic quod Redemptor noster veluti summus Sacerdos in ara Crucis Deo Patri pro nobis carnem suam, & sanguinem obtulit, & sacrosanctum Eucharistiae Sacramentum, sub speciebus panis, & vini instituit. Qua de re legendi sunt Diuus Augustinus lib. 16. de Ciuitate Dei cap. 22. Origen. in Iosue hom. 26. D. Hieronym. ad Euagrium, Diuus Ambrosius 1. de Abraham cap. 3. Georgius Venerabilis Cant. 2. cap. 10.

5 Nam Filius Dei, qui est Filius meus utrumque est Sacerdos, & Rex Regum.

Christum Dominum verè fuisse Sacerdotem secundum ordinem Melchisedech, ex pluribus sacrarum litterarum testimonijs constat, ut Psalm. 109. & ad Hebr. 7. & verè ipse est Sacerdos magnus rogans pro populo, ad quem pertinet hostia pro peccato, ut Leuit. 2. legimus, Et idem ipse est, qui se ipsum in ara Crucis pro nobis semel Deo Patri obtulit, ut dicit Concil. Trid. Sess. 22. cap. 1.

quod

quod etiam affirmarunt D. August. contra aduersarium Legis & Prophetarum cap. 20. & 12. & de Ciuit. cap. 17. & in enarrat. Psalm. 26. Diuus Damascen. lib. 4. de Fide cap. 14. D. Ambrosius de Fuga seculi cap. 2. & super Lucam cap. 1. D. Hieronym. super Zach. cap. 3. his addendum est Christum Sacerdotem fuisse, qui uerè omnia Sacerdotij munera exercuit, quorum primum est orare, & aduocati officio fungi. Secundum sacrificare pro populo. Tertium docere populum, ut Aggei 2. & Malach. 2. Quartum proprium eius est ducere exercitum Domini Deutero. 20. Quintum docere uiam, per quam sit ambulandum Iosue 3. Sextum iudicare inter lepram, & lepram Deuteron. 13. Postremum pascere populum ueluti Pastor; & has omnes functiones Christum exercuisse ex sacris litteris, & sanctorum Patrum doctriinis manifestissimum est.

Denique in templo meo induit se uetibus Sacerdotalibus spiritualiter, in quibus obtulit sacrificium pro mundo.

In utero Virginis Christus Dominus carnem assumpsit humanam, quam pro omnibus nobis Deo Patri in ara Crucis, sicut summus Sacerdos obtulit, & hoc est, quod Beatissima Virgo hoc loco dicit, Redemptorem nostrum in suo templo induisse Sacerdotalibus uetibus, cum uerò addit, id spiritualiter fuisse factum, insinuat Beatissima Virgo, Christum ex ea carnem assumpsisse opere Spiritus sancti, non per seminis decisionem, aut carnalis copule operationem.

Extra uerò tanquam pugil fortissimus campum, & pugnam detinebat.

Sic enim habent omnes impressi Codices, sed Farnesianus Manuscriptus legit, Extra uerò tanquam pugil fortissimus per campum decur-

rebat, & se in pu-

gna exercebat.



VERBA S. AGNETIS AD SPONSAM
de dilectione habenda ab ipsa sponsa ad Virginem, sub floris figura, & qualiter Virgo Gloriosa loquens declarat immensam, & eternam pietatem diuinam, contra nostram impietatem, & ingratitudinem, & quomodo amici Dei non debent inquietari in tribulationibus.

CAP. XXX.



EATA Agnes loquitur sponsæ dicens. Filia dilige Matrem misericordiæ. Ipsa enim similis est flori, siue cirpo, cuius figura, consimilis est gladio. Qui quidem flos habet duas extremitates acutissimas, & cuspidem gracilem. Altitudine uerò, & latitudine super alios flores se extendit. Sic Maria flos est florum, flos, qui creuit in valle, & super omnes montes se dilatavit. Flos (inquam) qui nutriebatur in Nazareth, & in Libanum se diffundebat. Hic flos super omnia habuit altitudinem, quia benedicta Regina Cæli super omnem creaturam excedit dignitate, & potestate. Habuit & ipsa Maria duas acies, siue extremitates acutissimas, tribulationem, scilicet cordis in passione Filij, & constanter certaminis contra incursiones Diaboli, quia nunquam peccato consentiebat. 2. Verū enim propheta senex ille, qui dicebat. Tuam (inquiens) animam pertransibit gladius. Nam quasi tot ictus gladij sustinuit spiritualiter, quot in Filio suo vulnera, & plagas preuidebat, & uidebat. Habuit insuper Maria latitudinē excedentem, hoc est misericordiam. Nam, sic pia, & misericors fuit, & est, & maluit omnes tribulationes sufferre, quàm quod animæ non redimerentur. Nunc autem coniuncta Filio non obliuiscitur innatæ bonitatis suæ, sed ad omnes extendit misericordiam suam, etiam ad pessimos, ut

Bb 4 sicut

sicut Sole illuminantur, & inflamman-
tur caelestia, & terrestria, sic ex dulcē-
dine Mariæ, nullus est, qui non per eam
si petitur, sentiat pietatem. Habuit & Ma-
ria cuspidem gracilem, hoc est humilita-
tem. Per hanc enim placuit Angelo, re-
spondens se esse ancillam, quæ eligebatur
in Dominam. Per hanc concepit Filium
Dei, quia noluit placere superbis. Per
hanc ascēdit ad summum thronum, quia
nihil dilexit, nisi ipsum Deum. Procede
igitur carnalis, & saluta Matrem miseri-
cordiæ, quia iam venit. Tunc apparens
Maria respondit. Dixisti Agnes substanti-
uum adde, & adiectiuū. Cui Agnes. Si di-
xero pulcherrimam, vel virtuosissimam,
hoc nulli de iure cōpetit, nisi tibi, quæ es
Mater salutis omnium. Et Mater Dei re-
spondit Beatæ Agneti. Dixisti verum,
quia ego sum potentior omnium, idēd
addam adiectiuum, & substantiuum ca-
nalis, scilicet Spiritus sancti. Sed veni ca-
nalis, & audi me. Tu doles ex eo, quod
prouerbiū istud vertitur inter homines.
Viuamus secundū libitum nostrum, quia
Deus facilliter placatur. Vtatur mundo,
& honore eius dum possumus, quia prop-
ter hominem factus est mundus. Verē fi-
lia talis locutio non procedit de charitate
Dei, nec tendit, aut trahit ad charitatem
Dei. Veruntamen Deus propter hoc non
adhuc obliuiscitur charitatis suæ, sed omni
hora pro ingratitudine hominum osten-
dit pietatem suam. Nam ipse similis est
fabro fabricanti opus solemne, qui quan-
doque ignescit ferrum, quandoque infrig-
idat. Sic Deus faber optimus, qui mun-
dum fecit ex nihilo, ostendit charitatem
suam Adæ, & posteris eius. Sed refrigue-
runt in tantū homines, quod Deum,
quasi pro nihilo reputantes, enormia plu-
rima commiserunt. Propterea ostensa
misericordia, & admonitione benigna,
precedente, ostendit Deus iustitiam per
diluuiū. Post verō diluuium posuit Deus
fœdus suum cum Abraham, & ostendit
illi signa dilectionis suæ, & eduxit proge-

niem eius in signis, & mirabilibus maxi-
mis. Dedit populo legem de ore proprio,
& verba sua, & præcepta signis euidentissi-
mis confirmauit. Cumq. iterum proce-
dente tempore frigeret populus, & in-
tantam vessaniani prorumperet, quod
etiam idola coleret, 3 pius Deus volens
iterum ignire frigidos, misit mundo Fi-
lium proprium, qui veram viam ad Cz-
lum docuit, & humilitatem veram imi-
tandam demonstraui. Nunc autem à
multis nimium obligatus, & neglectus
est, sed tamen adhuc ostendit, & exhibet
verba misericordiæ suæ. Non autem om-
nia perficiuntur simul magis nunc, quā
prius. Nam antequam veniret diluuium,
prius admonebatur, & expectabatur po-
pulus ad pœnitentiam. Sic ergo Israel an-
tequam terram promissionis ingrederet-
ur, prius probatus est, & ad tempus pro-
tracta est promissio. Benè quippè valuif-
set Deus eduxisse populum in quadra-
ginta diebus, & non protraxisse ad qua-
draginta annos. Sed iustitia Dei exige-
bat, vt ingratitudo populi ostenderetur,
& misericordia Dei manifestaretur, po-
pulusq. futurus tātō magis humiliaretur.
4 Nunc autem si quis cogitare vellet, cur
sic Deus affligeret populum suum, aut
cur pœna aliqua debet esse æterna, cum
vita ad peccandum non possit esse æter-
na, magna esset audacia. Sicut & ille
audax est, qui cogitatione, & ratione in-
telligere, & comprehendere nititur, quo-
modo Deus est æternus. Denique Deus
æternus, & incomprehensibilis est, & in
eo æterna iustitia, & retributio est, mise-
ricordiaq. inexcogitabilis. Alioquin nisi
Deus ostendisset iustitiam suam in primis
Angelis, quomodo sciretur iustitia eius,
qui omnia iudicat in æquitate. Et nisi fe-
cisset iterum misericordiam suam cum
homine, creando eum, & liberando in
infinitis signis, quomodo tanta bonitas
eius sciretur, & charitas eius tam immen-
sa, & tam perfecta. Igitur quia sempit-
ernus est Deus, sempiterna in eo est ius-
titia,

stitia, in qua non est additio, nec diminutio. Sicut in homine, qui præcogitat opus suum facere tali modo, & tali die. Deus verò cum facit iustitiam suam, vel misericordiam, perficiendo manifestat eam, quia ab æterno præsentia, præterita, & futura sunt apud illum. Præterea amici Dei patienter debent stare in amore Dei, & non inquietari, quamvis viderint mundiales prosperari. Quia Deus est sicut optima lotrix, quæ pannum immundum ponens inter procellas, ut ex motione aquæ fiat purior, & candidior. Diligenter cauet ictus vndarum, nè submergatur pannus. Sic Deus ponit in præsentibus amicos suos inter procellas paupertatis, & tribulationis, quibus ad æternam vitam purgantur, custodiens eos diligenter, nè vel nimia tristitia, vel tribulatione intolerabili demergantur.

NOTÆ.

Sic Maria flos est florum, flos, qui crevit in valle, & super omnes montes se dilatavit. Flos (inquam) qui nutriebatur in Nazareth, & in Libanum se diffundebat.

Maria in præsentibus Nota floribus comparatur, nullius tamen in specie floris, cui ipsa hoc loco similis esse perhibetur mentio fit, sed si diligenter præsentis Notæ verba perpendantur, colligemus aperte, per florem lilium intelligendum esse. Primò, quia paulò supra legimus, quod flos iste habet duas extremitates acutissimas, & cuspidem gracilem. Secundò, quod latitudine, & altitudine, se extendit super alios flores, optimè ergo Maria lilio comparatur; quippè quæ alios virtutibus, ac fauoribus supereminet, & ideo præ ceteris electa fuit, quia omnes sanctitate præcelluit, & sicut lilium, ut scribit Ambrosius super Luc. cap. 12. nullius annui usus cultum requirit, nec sicut erga pronuntium cæterorum fructuum: ita etiam erga istius floris generationem sollicitus in orbem reddit labor actus agricolæ, sic quoque Christus Dominus ex Maria intactæ virginitate, &

nullo humano intercedente cultu prodijt, vnde merito Cantic. 2. de se dixit, Ego flos campi, & lilium convallium, quare autem flos campi, aut hortorum, aut etiam lilium convallium appellatur, annotavimus supra Lib. 1. c. 52. Nota 1. cum autem scribitur hic, quod flos in se nutriebatur in Nazareth, dupliciter intelligi potest. Primò, quod cum Nazareth Civitas sit Galilee, in qua Saluatorem ipsa concepit, & enutrit, hac de causa dicebatur, quod nutrita erat in Nazareth, ubi vitam degebat: aut etiam cum Nazareth custodia, vel florida interpretetur secundum D. Bernar. ad Milites templi serm. 7. optimè Maria dicebatur enutrita in Nazareth, quæ sub diuina custodia multis, magnisque virtutibus, veluti floribus ornata, vitam traduxit: diffundebat autem se in Libanum, quia suarum virtutum odores per Ecclesiam spargebat, Libanus namque Ecclesia dicitur dealbata, in qua odor est bonorum operum, & oliua fructifera, & sublimes virtutes tanquam cedri quòd etiam tradiderunt Orig. super Ezech. hom. 11. D. Hieron. super Oseam cap. 14. & super Zachar. cap. 10. Vnde merito de Maria David cecinit Ps. 71. Superextollens super Libanum fructus eius, & florebut de Civitate, sicut fennum terræ.

Verum etiam prophetabat Senex ille, qui dicebat. Tuam (inquiens) animam pertransibit gladius.

Beatissima Agnes alloquens Sponsam dicit, Mariam Virginem ex passione filij sui tristitiam percepisse maximam, ad quod probandum erat illud Luca 2. Et tuam ipsam animam pertransibit gladius, ubi per gladium, nõ aliud intelligendum esse arbitror, quam dolorem, quem in Christi morte pertulit Mater acerbissimum, intima anime eius penetrantem, et probauimus fuse Lib. 6. Cap. 19. Nota 5. ubi hunc eundem locum interpretati sumus, neque placeat, quod affirmavit Tertull. de carne Christi cap. 7. Amphiloeh. hom. de occurso Domini, quæ habetur in Homiliario in Dominica infr. Octau. Natiuit. Dom. Titius Boslren. Luca. 2. Theophyl. in Luc. loco citato, & Orig. hom. 17. in eundem, qui per gladium intelligunt scandalum, quod inde Maria sumpserit. Fortassis

sis autem (inquit) Theophyl. & dolorem, quem in passione tulit, fortassis autem, & scandalum dicit gladium, quo Maria offensa fuit, cui sententiae saucire videtur in Enarratione Psalm. 13. D. Chrysostom. sed D. August. in lib. Quaestionum noui, & veteris testamenti tom. 4. quaest. 73. insinuat Beatissimam Virginem in morte Domini stupore quodam dubitasse, quam dubitationem non fuisse coniunctam cum infidelitate aliqua asserit D. Thom. 3. par. quaest. 27. artic. 4. ad secundum, sed cum hesitatione stuporis cuiusdam, cui annexus esse solet ingens quaedam admiratio, ad quem sensum reuocandi sunt supra citati Patres, qui dubitationem illam non proprie fidei infirmitatem, sed rerum visarum admirationem, stuporemque appellant, & ad D. Thom. Chrysostomum respondet Francisc. Suarez in commentarijs super 3. part. Sancti Thom. quaest. 27. disputation. 4. section. 4. inter opera eius non inueniri enarrationem aliquam in Psalmo 13. Tertullianum vero, aut fuisse corruptum, aut textum non fideliter citatum, Theophylactum etiam nihil certi hac de re affirmasse, verum quidquid sit omnino dicendum videtur, ex citatis verbis, nullatenus colligi posse B. Virginem dubitasse, nec scandalum aliquod sumpsisse ex morte Filij eius, sed dolorem maximum sensisse, quod etiam ipsemet Origen. facit, hom. 18. in Lucam circa med. & annotauit Gloss. ibidem, & aperte deducitur ex contextu, scribitur enim, Ecce (inquit) posui est in ruinam, & in singulum, cui contradicetur, Et tuam ipsius animam pertransibit gladius, quasi dicat, adeo contradicetur ab impijs illi, ut ob id doloris gladius penetraturus sit, non solum filij cui animam, aut credentium in eum, sed & tuam quoque animam, sic interpretatur hunc locum D. Hieronym. serm. 1. de Assumpt. Euthym. & Beda in Commentar. D. Bernard. serm. de B. Virgine super illa verba Apoc. 12. Signum magnum. Gard. Telet. in 2. cap. Luc. 5. ce annot. 56. Cornel. Ians. in sua Concord. p. 1. cap. 1. non longe a fine, Io. Maldon. in Luc. cap. 2. num. 35. Francisc. Suar. loco citato.

3 Pius Deus volens iterum ignire frigidus, misit mundo Filium proprium, qui veram viam ad Caelum docuit,

Christum Dominum in terram a Patre fuisse missum, ut homines in pietate frigidos accenderet, & ad charitatis opera patranda inflammaret ipsemet testatur per Luc. Euangelistam cap. 12. Ignem (inquit) veni mittere in terram, & quid volo, nisi ut ardeat: hoc autem maxime per predicationis officium fecit, & ideo legimus hic, Qui veram viam ad Caelum docuit, hanc ob causam probabiliter existimo, per ignem, cuius hoc loco mentio fit, predicationem, ac doctrinam Evangelicam intelligendam esse, per quam homines ad pietatis, & religionis opera accendendi erant, & a sordibus purgandi, & ideo super Apostolos, qui ubique Evangelium predicare debuerant, sub ignis specie Spiritus sanctus descendit, ut prius hoc igne hi caleferent, quo alios calefacere debebant, hinc est, quod Dauid predicationem ignitum eloquium appellat Psalm. 118. immo & ignem ipsum esse verbum Dei affirmat D. Ambros. & Hilar. in citatum versum eiusdem Psalmi.

4 Nunc autem si quis cogitare vellet, cur sic Deus affligeret populum suum, aut cur poena aliqua debet esse aeterna, cum vita ad peccandum non possit esse aeterna, magna esset audacia.

Quamvis diuinorum operum rationes perfectè inuestigare impossibile, ac temerarium sit, aliquas tamen querere, prout nos Deus luminis in dies participes facit, ut inde sapientia, ac iustitia diuina, quoquomodo innotescat, non est inconueniens, sicut & propositae dubitationis hoc loco rationem reddere, quare Deus ob mortale peccatum poenam homini infligat aeternam, cum vita non possit esse peccatorum aeterna, eorumque actiones finita sint, ideo illis finita poena respondere deberet, postremo etiam, quia sic peccatorum omnium poenae aequales essent, quod videtur esse absurdum. Sed ut breuiter huic dubitationi satisfaciamus, duo in primis notanda sunt, Primum quidem infinitatem poenarum dupliciter considerari posse, vel secundum intensionem,

Et acerbiter, aut etiam secundum durationem, Secundo animaduertendum est, in peccato esse duo, primum quidem auersio ab incommutabili bono, quod est infinitum, Et ex hac parte peccatum infinitum est, Secundo vero conuersio ad commutabile bonum, scilicet ad creaturas, quæ quia finite sunt, Et ipsa etiam conuersio finita, idè ex hoc capite peccatum finitum est. His positis, dico primò, quod peccato correspondet pœna infinita, quæ parte infinitum est, nimirum respectu incommutabilis boni, quo priuat, quia propter hoc confertur pœna damni, quæ infinita est, cum sit infiniti boni amissio, ut auctor est D. Tho. 1. 2. quæst. 77. art. 4. Secundo dico, quod peccato prout finitum est, secundum quod connotat conuersionem ad finitum bonum, respondet finita pœna, quantum ad intensionem, Et hinc est, quod Deus, qui punit citrà condignū, ipsis damnatis penas sensus, nunc augere possit, quam tamen secundum peccatorum qualitates auget, iuxta illud Deuteronomio. 25. Pro mensura peccati erit, et plagarum modus, Et idè non sequitur illud inconueniens, quod peccatorum pœne sint æquales. Dico tertio huiusmodi pœnam quantum ad durationem infinitam appellari posse, quæ sic per diuinam iustitiam conuenienter peccantibus infligitur, nam sicut, qui in politico regimine ex propria culpa subuertit pacem, Et amicitiam ciuium ad inuicem, Et debitam Principi obedientiam minimè præstat, omnino secundum leges à Ciuitate pellitur, vel per mortem, vel per exilium, vel perpetuum carcerem, quæ pœna secundum legis intentionem perpetua est, ita quoque in diuino regimine sub quo homines per fidem spem, Et charitatem congregantur, si hi charitatis ordinem ad proximum, vel subiectionis ad Deum per peccatum mortale tollat, perpetuo carceri merentur adiudicari, ac à Dei consortio, Et Sanctorum, per mortem, scilicet secundam, excludi, Et ad perpetuum carcerem inferni damnari.



VERBA CHRISTI AD SPONSAM
optimum exemplum de Medico, & Rege ponentia, & qualiter Christus per talem Medicum designatur, & quomodo frequenter saluantur damnandi secundum homines, & damnantur saluandi secundum homines, vel mundum.

C A P. XXXI.



ILIVS Dei loquitur ad sponsam dicens. Medicus venit in regionem longinquam, & ignotam, in qua Rex non regebat, sed regebatur, quia cor habebat leporinum. Et idè sedes in throno, quasi coronatus asinus apparebat. Populus verò suus vacabat cōmensationibus, & honestatis, æquitatisq. oblitus, omnes de futuris bonis consulentes odiebat. Cumq. Medicus se præsentaret Regi, & de terra voluptatis se esse diceret, causaq. cognitionis infirmorum hominum se affirmaret venisse. Rex admiratus de homine, & de loquela eius respondit. Ego habeo duos homines in carcere cras decollandos, & alter eorum vix respirare potest. Alius verò robustior, & corpulentior est, nunquam postquam in carcerem ingressus est, factus est deterior. Ingredere igitur ad eos, & cōtemplare vultus eorum, quis eorum melioris complexionis sit. Camq. ingressus fuisset Medicus, & vidisset eos, dixit Regi. Homo quē robustum dicitis, simillimus mortuo est, nec viuere poterit. De alio verò spes bona est. Cui Rex. Vndè (inquit) nosti hæc? Et Medicus, quia alius (inquit) impletus est humoribus, & vento nociuo, nec curari poterit. Alter verò exinanitus, faciliter poterit sanari mediante lenitate aeris. Et tunc ait Rex. Conuocabo nobiles meos, & sapientes, vt visâ sapientia, & industria tua gloriosus appareas in oculis eorum. Cui respon-

spondit Medicus. Nequaquam (inquit) hoc facito. Scis enim populum tuum inuidum esse gloriæ, & quem non poterit opere, persequitur, & deprauat verbo. Sed expecta, & ostendam tibi soli in conclauī sapientiam meam, sic enim instructus sum, & doctus, scilicet sapientiam meam plurimam habere in secreto, & modicam in aperto. Nec quero gloriam in tenebris tuis, cum in luce patriæ meæ glorior. Sed nec tempus sanitatis est adhuc, donec ventus australis afflauerit, & Sol in meridie apparebit. Cui Rex. Quomodo possent fieri ista in terra mea. In ea enim Sol rarissimè oritur, quia extrā climata sumus, & ventus aquilonaris semper dominatur nobis. Sed quid mihi sapientia tua prodest, & tanta mora sanitatis? Video enim te satis verbis abundare. Respondit Medicus. Sapientis est non esse subitum. Sed nè tibi suspectus, aut ingratus appareā. Da mihi istos duos homines in potestate, & ducam eos ad fines regni tui, vbi aer est competentior, & tunc videbis quantum opera, quantumvè valebunt verba. Cui Rex. Altioribus (inquit) & vtilioribus occupati sumus, quid nos distrahis? Aut quid confert nobis magisterium tuum? In presentibus enim bonis delectamur, quæ videmus, & possidemus, ad futura verò incerta non adspiramus. Veruntamen suscipe homines illos, vt petis, & si ostenderis in eis aliquod magnificum, & dignum admiratione, prædicabimus te, & prædicari faciemus gloriosum. Susceptis igitur à Medico hominibus illis, & ad temperiem aeris deportatis. Alius transiit ad mortem. Alius verò blandimento aeris refocillatus reuixit. Medicus illè ego sum, qui mederi cupiens hominibus, verba mea misi mundo per te. Quamuis autem infirmitates multorum vidi, duo tamen ostendi tibi in quibus, & iustitiam, & misericordiam meam poteras admirari. Vnum enim ostendi tibi, quem Diabolus possedit occultè, sed æter-

naliter puniendum. Cuius opera hominibus videbantur, & laudabantur tantumquam iusta. Alterum verò ostendi, cui apertè dominabatur Diabolus, sed sanandum dixi tempore suo, licet non hominibus apertè, vt tu credebas. Nam fuit iustitia diuina, vt sicut spiritus malignus paulatiuè in eum dominari cœperat, sic eadem dictabar iustitia, vt paulatim egrederetur, sicut & egressus est, donec anima carne soluta peruenit cum eo Diabolus ad iudicium. Cui dixit Iudex. Tu purgasti eam, & cribraisti quasi triticum. Nunc autem pertinet ad me pro confessione sua duplici corona coronare eam. Recede igitur ab ea, quam tanto tempore purgasti. Et ait ad animam. Veni, o felix anima, & vide sensibus spiritualibus gloriam meam, & iucunditatē meam. Ad alteram verò animā dixit. Quia fides vera non fuit in te, & tamē quasi fidelis gloriabar, & laudabar, & quia opera iustorum perfecta non sunt inuenta in te. Propterea merces illa fidelium non erit in te. Tu quoque inuita tua quæsiuisti, cur volui mori pro te, & humiliari pro te tantum. Ideo respondeo tibi nunc, quòd fides Ecclesiæ sanctæ vera est, quæ sursum trahit animas. Et passio mea & sanguis meus introducit eas in Cælum. Ideo infidelitas tua, & amor tuus vanus depriment te ad nihilum, & nihil eris respectu spiritualium æternorum. Quod verò Diabolus non egrediebatur videntibus cunctis de homine illo. Respondeo, mundus iste est, quasi vile tugurium respectu tabernaculi, quod inhabitat Deus, populusque.

Deum exasperans. Ideo paulatiuè, sicut ingrediebatur, ita egreditur, ita egreditur.



VERBA VIRGINIS AD SPONSAM

Sub figura ponentia, qualiter Deus

Pater ipsam inter ceteros San-

ctos elegit in Matrem, &

in portum salutis

CAP. XXXII.



MATER loquitur ad spon-

sam dicens. Quidam quæ-

rens lapidem, reperit mai-

gneti, quem eleuâs ma-

nu propria custodiuit in

thesauro suo, & per eum deduxit nauem

ad portum suum. Sic Filius meus multos

quærens lapides Sanctorum, me speciali-

ter elegit in Matrem sibi, vt per me ho-

mines reducerentur ad portum Cæli. Ergo

sicut magnes attrahit sibi ferrum, sic

ego attraho Deum. Ideo turba-

ri non debes, si quandoque cor tuum in-

duratur, quia hoc est ad maiorem coro-

nam.

VERBA FILII AD SPONSAM,

& quomodo per duorum homi-

num exemplum ostendit se

iudicare secundum interiora,

& non secundum

exteriora.

CAP. XXXIII.



ILIVS Dei loquitur spõ-

sa. Miraris de duobus,

vnus, qui erat quasi lapis

quadratus. Alius peregrinus

Hierosolymitanus, sed

neuter peruenit ad id, quod tu sperabas.

Primus itaque ad quem missa fuisti, fuit

lapis quadratus firmus in conceptibus

suis, sed tamen quasi Thomas pie dubi-

tans. Ideo quia nondum erat tempus,

quo completæ sunt malitiæ hominum,

probauit vinum, sed non bibit. De se-

cundo dixi, quod Hierosolymitanus es.

set comes itineris. Hoc ideo factum est, vt quem fama iustum, & sanctum dixerat, sciretis statum suum. Nam ipse est Religiosus habitu, & professione Monachus, sed moribus apostata, dignitate Sacerdos, sed seruus peccati, peregrinus fama, sed intentione girouagus, Hierosolymitanus opinione, sed magis Babylonicus. Insuper & contra obedientiam, & Apostolica statuta est egressus. Torusq. infectus est hæresi, ita quod se credidit, & dicit Pontificem futurum, qui restitueret omnia. Cuius & libri hæc testantur. Ideo subito morietur, & nisi cauerit sibi, patri mendacij sociabitur. Ideo non debes turbari, si aliqua obscure dicuntur, aut si prædicta non fient secundum cogitatum tuum, quia verba Dei diuersimodè intelligi possunt. Et quoties hoc contingit, veritatem eorum iudicabo. Nunc autem ego Deus verus Hierosolymitanus sum. Ideo ego ipse comes itineris tui esse volo.

Declaratio.

Spiritus Dei loquitur. Audisti illum mortuum, de quo dixi tibi, qui erat lapis quadratus, & pie dubitans. Ideo scito, quod non erit in numero illorum, qui tentauerunt Deum in deserto, nec cum illis, qui perebant signum, sicut Ionæ

Prophetæ. Nec cum illis, qui perfectionem mouerunt contra me, sed cum illis erit.

qui zelum habe-

bant, & cha-

ritatem,

sed

nondum per-

fectam.



VERBA MATRIS AD FILIAM
sub figura, in qua anima in anulo,
corpus in panno designantur, & quali-
ter anima per discretionem debet pu-
rificari, & corpus per abstinentiam,
debet mundari, & non interfici.

CAP. XXXIV.

MATER Dei loquitur. Si
datur alicui anulus, qui
nimis strictus est digito,
& queritur ab inimico cō-
siliū quid faciendum.
sic. Respondit præcindatur digitus, &
sic anulus ei adaptabitur. Cuius amicus
nequaquam (inquit) sed magis anulus

cum malleo extendatur. Si verò aliquis
velit potum potentis Domini per mundū
panniculum traicere, & colare, & qua-
reret consiliū ab inimico. Ille respon-
det. Præcinde de panno omne, quod im-
mundum est, & vbi aliquid mundum in-
ueneris ibi traice potum Domini tui. Cui
amicus nullo modo sic fiat, sed magis
prius mundificandus, & laundus est pā-
nus, & postea potus traiciendus. Sic est
etiam in spiritualibus. In anulo itaque
intelligitur anima, in panno verò corpus.
Ergo anima, quæ in digito Dei esse debet,
extendi debet malleo discretionis, & pu-
rificationis. Corpus verò non interfici, sed
mundari per abstinentiam, vt verba Dei
per illud diffundantur.

Finis Libri Tertij Reuelationum S. Brigittæ.





INCIPIT QVARTVS LIBER
REVELATIONVM
CAELESTIVM
SANCTAE BRIGITTAE
DESVEITIA.

Verba Ioannis Euangelistæ ad Sponsam, qualiter nullum opus est sine remuneratione, & quomodo Biblia præcellit omnes scripturas, & de Rege Prædone, & Proditore, & Prodigio, &c. & consilio ipsi Regi à S. Ioanne dato, & qualiter debeat contemnere diuitias, & honores propter Deum.

CAPVT PRIMVM.



APPARUIT Sponsæ persona quædam hominis, cuius crines videbantur circumcisi cum opprobrio. Corpus perunctum erat oleo, torumq. nudatum, sed nihil erubescens, qui sponsa dixit. Scriptura, quam vos vocatis sanctam dicit sic, quod nullum opus sine remuneratione erit. 1 Hæc est illa scriptura, quæ apud vos Biblia vocatur. Sed apud nos est fulgida, quasi Sol resplendens incomparabilius auro, fructificans quasi semen, quod centuplum ex se profert fructum. Sicut enim aurum cætera præcellit metalla, sic scriptura, quâ vos dicitis sanctam: nos verò vocamus eam in Cælo au-

ream, præcellit omnes scripturas, quia in ipsa honoratur, & prædicatur verus Deus, Patriarcharum replicantur opera, Prophetarum explanantur infusiones. Ergo quia nullum opus sine remuneratione est. Audi quæ loquor. Rex iste, pro quo tu supplicas, coram Deo prædator est, proditor animarum, prodigusq. effusor diuitiarum: Itaque sicut nullus proditor est peior illo, qui diligentem se prodit, sic iste multos spiritualiter prodidit, carnaliter diligendo iniustos. Iniuste exaltando impios. Iustos deprimendo, excessus corrigendo dissimulando. Secundò nullus prædo peior est illo, qui prodit eum, qui in sinu eius caput suum reclinat, sic communitas terræ, quasi in sinu suo erat, quam Rex iste miserabiliter deprædatus

est, aliorum bona auferri permittendo. Alijs intolerabilia imponendo. Aliorum iniurias dissimulando. Iustitiam semper remisit exercendo. Tertiò nullus fur peior est illo, qui creditis sibi omnibus, & acceptis clauibus furatur Domino inuito.

- 2 Sic iste accepit clauis potestatis, & honoris, quibus iniuste, & prodigaliter vsus est non ad honorem Dei. Ergo quia aliqua sibi placita dimisit amore mei, con-
- 3 sulo sibi tria. 3 Primò, quòd sit sicut ille Euangelicus, qui relictis siliquis porcorum, redijt ad patrem. Sic ipse contemnat diuitias, & honores, quæ respectu eternorum non sunt, nisi porcorum siliquæ, cum humilitate, & deuotione regrediendo ad patrem suum Deum. 4 Secundo di-

mittat mortuos sepelire mortuos suos, & sequatur viam arctam crucifixi Dei. Tertiò relinquat graue pondus peccatorum suorum, & ingrediatur per viam illam, quæ in principio est arcta, sed in fine gaudiosa. Tu quoque, quæ vides me, intellige, quia ego sum ille, qui scripturam auream plenius agnouì, & agnoscendo augmentaui. Ego fui nudatus ignominiosè, sed quia patienter sustinui, Deus vestiuit animam meam veste immortalì. 5 Ego etiam fui intinctus oleo, idèd nunc gaudeo oleo lætitiæ sempiternæ. 6 Ego insuper post Matrem Dei leuissima morte de mundo transiui, quia custos Matris Dei factus fui, & corpus meum est in loco quietissimo, & securissimo.



CONSALVI DV RANTI EPISCOPI FERETRANI

NOTAE, ET VARIÆ LECTIONES
Ad Librum Quartum Cælestium Reuelationum
Sanctæ Brigittæ.

CAPVT PRIMVM.



HÆC est illa scriptura, quæ apud vos Biblia vocatur. Sed apud nos est fulgida, quasi Sol, resplendens incomparabilius auro, fructificans quasi se-

men, quod cētuplum ex se profert fructū.

Hoc loco sacra Scriptura, & Soli, & Auro comparatur, Soli quidē, quia sicut ille sua luce vniuersum illuminat, sic eam legentibus intellectum illustrat. Auro vero, quia per charitatē inflamat, est enim aurū charitatis symbolum, & quemadmodum ex auro alij murenulas, alij anulos, & alia sexcenta ad ornatū consciunt, ita ex vna scriptura sciētia interpretes per innumeros intellectus, quasi varia ornamenta componunt, quæ ad decorem cælestis sponse proficiunt: sic habet D. Gregor. epist. 101. eadem similitudine vtuntur Theodoret. serm. 3. de Græcarum affectionum curatione D. Chrysost. hom. 35. in Ioan. & D. Hieron. ad Principiā, Scripturam sacram vesti Aaron auro, & purpura contexta similē facit.

Sic iste accepit clauēs potestatis, & honoris, quibus iniuste, & prodigaliter vsus est, non ad honorem Dei.

D. Ioannes Euangelista hic, Regem quendam acriter reprehendit, qui regia diuiniūs accepta potestate abutebatur; dicitur autem obtinuisse clauēs potestatis, & honoris per metaphoram, sicut enim illud, quo aufertur obstaculum introitus in domum, dicitur clauis, & potestas ingrediendi domum, sic facultas per quam datur introitus in administrationē regni metaphorice, hoc loco appellatur clauis potestatis, & honoris, quæ a Deo est, iuxta illud Prouerb. 8. Per me Reges regnant, & cōditores legum iusta decernunt: qualis autem Rex esse debeat, & quomodo sese in regimine gerere iuste possit, fusē traditur hoc eodem Lib. 4. Reuelat. Cap. 76. paulo post initium, ubi sic scribitur, Inquiramus in Regibus, & in Ducibus, quis stat in laudabili suo statu, ille quippē est Rex, qui in moribus suis est sicut Iob, in humilitate sicut Dauid, in zelo legis vt Phinees, in mansuetudine, & humilitate vt Moyses.

Primò, quòd sit sicut ille Euangelicus, qui relictis filiquis porcorum, redijt ad patrem.

Postquam D. Ioānes dixerat, eum Regem, de quo in presenti Capite cū B. Brigitta sermone habet, regia potestate abusu fuisse, modo

illi consulens affirmat, si respicere vult, ut filium Prodigum imitetur, qui relictis siliquis redijt ad Patrem, eius historia habetur Luca 15. hic autem per siliquas diuitie, & honores intelliguntur, ut autem quid propriè sint palam fiat: sciendum est, esse leguminum folliculos, siue integumentum leguminum, his autè non porcos tantummodo, sed & pecora quoque resci tradit Plin. lib. 18. cap. 12. Nam siliqua (inquit) caulesq. gratissime sunt pabulo pecori: ad hanc nominis ethimologiam respexisse videtur Ambros. in locum citatù Lucae, cum dicit, Quis autem aptior huiusmodi hominibus cibus, quàm is, qui siliquae modo intus inanis, foris mollis est, quo corpus non reficitur, sed impletur, ut sit magis oneri, quàm vsui, sed Euthym. siliquas designare voluptatem asserit, Theophylact. verò peccata ipsa, quibus peccator, quò magis peccat, magis satiari cupit, D. autem Hieronym. Beda, & August. per siliquas seculares doctrinas intelligunt sterili vanitate resonantes, de quibus (inquit) Laudes dolorum, fabularumq. ad Deos gentium vario sermone, atque carminibus percrepant, quibus Dæmones delectantur. Verùm hoc loco per siliquas, diuitias intelligendas esse patet, ex contextu ibi, Sic ipse contemnat diuitias, & honores, quæ respiciunt æternorum non sunt nisi porcorum siliquae.

4 Dimittat mortuos sepelire mortuos suos.

Eadem sententia habetur Matth. 8. & Luca 9. Ad cuius intelligentiam sciendum est, Christum Dominum aliquando inuitasse quemdam ad sequendum se, qui cum illum sequi paratus esset, temporis tamen aliquam dilationem postulauit, idq. pietatis gratia in patrem exhibende, qui, ut auctor est Diuus Ambrosius recenter mortuus erat, & idcirco respondens Domino dicit, Permite me primum ire, & sepelire patrem meum, Iesus autem ait illi, sequere me, & dimitte mortuos sepelire mortuos suos; ac si diceret, Et si dilectio parentum necessaria sit, ita ut illis teneamur debita præstare obsequia; incomparatione tamen amoris diuini, cum præfer-

tim impedimento sunt omnino debere contemni, & posthaberi, atque ex his optimè huius Nota verborum sensus patet. Cum enim hoc loco de quodam Rege sermo fiat, qui ob diuitiarum, ac parentum amorem in administratione Regni iuxta Dei præcepta non se gerebat, dicitur illi, quod si respicere vult, se totum Deo committat, nec parentum, vel diuitiarum amore à diuina dilectione retardari sinat, sicut ergo his verbis Saluator noster noluit improbare officium sepulture mortuis exhibendum, aut curam patri à filiis debitam, sed tantum insinuare voluit humana posthabenda diuinis, ita quoque hoc loco Beatus Ioannes Regem admonet, ut hoc idem obseruet. Cæterum si quis enucleatius huius textus sensum litteralem scire cupiat, legat Diuum Chrysostomum homilia 28. Ambrosium in Psalmum 48. & in locum citatum Matthæi, qui per mortuos hic intelligunt Infideles, ut sensus sit, Sine Gentiles sepelire Gentiles suos. Diuus autem Augustinus lib. 4. de Trinitate cap. 3. & lib. 20 de Ciuitate cap. 6. & quest. 6. in Matth. affirmat mortuos ibi designare peccatores, qui non de Christo, sed de huius mundi rebus cogitant.

5 Ego etiam fui intinctus oleo, idèd nunc gaudeo oleo lætitiæ sempiternæ.

Beatus Ioannes cum dicit hic se fuisse intinctum oleo, insinuare videtur Regem quoque debere esse oleo intinctum, isdemq. virtutibus præditum, quæ per oleum designantur: Oleum in primis sapientiæ splendorem significat, ut admonuit Rupertus super Zach. cap. 4. & Origen. super Matth. hom. 32. aliquando etiam misericordiam, ut ramus oliuæ allatus à columba, Dei misericordiae symbolum erat, & pacis, Genes. 8. typus etiam esse potest charitatis, sicut etiam oleum à nullo humore præmitur, sed disruptis omnibus exilit, & supereminet, sic & charitas non potest ad ima præmisi, sed ad superna semper ascendit, quod admonuerunt D. Gregor. hom. 20. D. Augustinus in Ioannem tract. 6. D. Ambros. super Lucam cap. 3. Origen. in Leuit. homil. 13. Tertullianus de Baptismo.

Postre-

Postremò olea semper vivens iustitiam notat, in qua debet esse oleum, qua antè Deum lucerna ardet, ut ait Iſich. in Leuit. cap. 24. atque hæ sunt virtutes, quibus optimus quisq. Rex ornatus esse deberet, qua per oleum designantur, decet namq. Regem sapientem, ac prudentem esse, ut sapienter, ac prudenter se in regimine gerat; misericordem, ut non more Tyranni præsit, sed veluti pater subditos regat; charitativum, ut indigentes subleuet in regno, pacem conservet, rerum abundantiam ad pauperum sustentationem promoveat, iustum, ut unicuique quod suum est reddat, digni honores, & præmia largiatur, indignis pœnas, & flagella conferat.

Ego insuper post Matrem Dei leuissima morte de mundo transiui, quia cultus Matris Dei factus fui.

Hoc loco de se ipso B. Ioannes duo notata dignissima affert. Primum quidem se Virginis Mariæ à Christo custodem fuisse constitutum, quod etiam ipsemet in cap. 19. sui Euangelij asseuerat. Secundo vero eum leuissima morte ex hoc mundo migrasse, dicit autem morte leuissima transisse, quia ceteri Apostoli pro fidei Catholica confessione martyriū subievere, ipse vero propria morte senio confectus obiit, sed D. Ioannem Euangelistam violenta morte vitam finiuisse insinuare visus est. D. Chrysost. hom. 66. in Matth. & hom. 27. super epistolam ad Hebræos, super illud verbum, Alij dissentiunt, & quidem Euthym. in Commentarijs affirmat Chrysostomum nō solum locis citatis, sed etiam 1. & 2. hom. in Ioannem docuisse Euangelistam in Asia fuisse occisum, idem sentit Theophylact. in illa verba Matth. cap. 20. Calicem quidem meum bibetis, verum Ioannem non sic, ut indicant Chrysost. & Theoph. obijisse probari potest. Primò ex communi omnium Patrum consensu, qui vel eum adhuc esse superstitem censent, vel propria morte vitam finiuisse, tū quia hoc aperte tradidit D. August. serm. 149. de temp. Ioannes (inquit) obdormiuit sine vulneribus sine cruciatu, unde Gregor. Trapezunt. in libello, quem edidit de Ioanne adhuc vivente, affirmat D. Chrysost. loqui de martyrio,

ac violenta morte, quàm D. Ioannes, unà cum Enoch, & Elia, in fine sæculi sub Antichristi ultima persecutione passurus est. Hæc positis mihi probabilissimum esse videtur, quod scribitur hic D. Ioannem, non violentia, sed naturali morte obijisse, fateor tamen gravissimos quosdam viros contrarium sensisse, quippe qui existimarunt eum futurum esse præcursores secundi Adventus Christi simul cum Enoch, & Elia, & probant hoc ex illo Ioan. 21. Sic eum volo manere, quid ad te, cum enim ibi Christus de secundo suo adventu verba faciat, loquens de Ioanne concludit, Sic eum volo manere, hoc est sine morte usque ad secundum adventum meum, sed hic locus meo sanè iudicio non aperte concludit Ioannem adhuc esse superstitem, nam ut egregie annotarunt Chrysost. & Cyrill. & si Salvator noster ibi locutus sit de secundo adventu suo, nihil tamè certi de vita, vel obitu Ioannis ibi affirmavit, sed tantummodo interrogando Petrum illius curiositatē elusit, præterquam quod quidam legunt, Non sic eum volo manere, sed si eum volo manere quid ad te, sic habet ferè omnes Græci Codices, & Vaticanus etiam, & plures alij, sunt etiam, qui legunt, Si sic eum volo manere, quod si ita legendum est, certè ex illo textu nullatenus colligi potest D. Io. Euang. adhuc vivere: sed quicquid sic de lectionis varietate, Theoph. docet illa verba nō esse intelligenda de secundo adventu Christi ad iudicium, sed de adventu ad vindictam summendam de Iudeis, non personali presentia, sed per effectum: ex his ergo non videtur posse conuinci, Ioan. non esse vitam functum. Ceterū Ioan. Euang. naturalem obijisse mortem, tradit antiquissimus auctor Tertull. lib. de Anima c. 50. Obijt & Ioannes, quē in adventu Domini remansurum frustra fuerat spes, Policr. Ephesiorum Episc. apud Euseb. Cæsariens. lib. 3. histor. cap. 31. & idem etiam Euseb. lib. 5. cap. 24. Niceph. lib. 1. hist. cap. 35. Euseb. Emisissus in homil. de Ioanne Euangelista, D. Hieron. in comment. in Matth. cap. 20. & lib. de Scripturis Eccles. Senio (ait) confectus, 68. post passionem Domini anno mortuus est, idem habet Theodoret. Heracleota,

Et Theodor. Mopsuet. in Catena Græcorum. Aug. tract. in Ioan. 124. Greg. hom. in Euag. 25. Theophyl. Euthym. & Rupert. in comment. in Ioan. cap. 21. Græci etiam plures hanc sententiam sequuti sunt, ut mirum non sit, si in eorum Menologio 6. Kalend. Octobr. legant. Migratio sancti, gloriosi, & celebris Apostoli, & Euangeliste Ioannis cognomento Theologi, idemq. de eius sepulchro non osibus vacuo meminit Chrysost. hom. 20. in epist. Pauli ad Hebr. idem colligi potest ex Conc. Ephes. tom. 3. cap. 6. ubi sic scribitur, Sacras sanctorum, triumphatorumq. martyrum maxime verò B. Ioan. Theologi, & Euangeliste reliquias videndi, & idemq. complectendi desiderio flagrant: postremo huic opinioni fauent etiam Benedict. Perer. in comment. in Daniel. lib. 16. in exposit. cap. 12. ad ea verba, In tempore autem illo, & Lodulph. de Vita Christi, 1. p. cap. 6. paulo post med. qui affirmat D. Io. Euang. die natiuit. Io. Baptiste ad Cælum migrasse, & quia ob solemnitatem diei, eius festum celebrari minime potuit, idcirco statuisse Ecclesiam, ut in hebdom. Natal. Dom. solemniter celebraretur: idem habet Gulielm. Durant. in Rationali diuini officij lib. 7. cap. 14.

VISIO MIRABILIS, ET NOTANDA

Sponsæ, & qualiter Deus ipsam visionem exponit: in qua expositione Baptizati per animal, Gentiles per piscem, & Dei amici per tres turbas designantur.

C A P. II.



POST hæc videbantur Spôsæ quasi duæ stateræ stantes iuxta terram, quarum summitates, & ligaturæ ascendebat nubes. Circuli verò ipsi penetrabant Cælum. In prima verò statera erat piscis, cuius squamæ acutæ erant quasi rasorium, visus eius quasi Basilisci. Os verò quasi vnicornij effundentis venenum. Aures autem quasi acutissimæ lanceæ, & quasi laminæ ferreæ. In alia vero statera erat animal quoddam, cuius pellis quasi silex. Os ingēs erat effun-

dens flammæ ardentes. Cuius palpebræ quasi durissimi gladij. Cuius aures durissimæ erant emittentes sagittas acutissimas, tanquam de arcu duro, & extenso. Post hæc apparuerunt tres turbæ populorum in terra. Prima erat modica. Secunda minor. Tertia verò minima, quibus vox vna sonuit de cælis; dicens: O amici. Ego vehemēter scio cor animalis istius mirabilis, si aliquis esset, qui ex charitate præsentaret mihi illud. Ego etiam feruentissimè concupisco sanguinem piscis, dummodo inueniretur homo, qui cum afferret mihi. Respondit vox vna de turbâ loquens quasi ex ore omnium. Audiui (inquit) ò conditor noster, quomodo poterimus tibi præsentare cor animalis tanti? Cuius pellis durior est silice, si appropinquare vulerimus ori eius, incendemur flamma ignis eius. Si viderimus oculos eius, transfodiemur scintillis sagittarum eius. Et si forte spes aliqua esset de animali habendo, quis poterit apprehendere piscem? Cuius squamæ, & alæ, seu penniculæ piscis, acutiores sunt cuspidibus. Cuius oculi extinguunt visum nostrum. Cuius os diffundit in nos venenum insanabile. Respondit vox de Cælo dicens. O amici, animal, & piscis videntur vobis inuincibiles, sed apud omnipotentem est facile. Ergo quicumque querit viam ad impugnandum animal, ego de Cælo infundam sapientiam, fortitudinemq. tribuam. Qui verò paratus est pro me mori, ego ipse me dabo ei in remunerationem. Respondit turba prima. O summe Pater, tu es dator totius boni. Nos verò factura tua, libenter dabimus tibi cor nostrum ad honorem tuum. Ceterâ verò, quæ extra cor sunt, disponemus ad sustentationem, & refectionem carnis nostræ. Et quia mors videtur nobis dura, infirmitas carnis onerosa, scientia verò modica, ideo rege nos interiùs, & exterius, accipeq. gratanter, quæ offerimus. Et repende quantum, & quicquid tibi

tibi placet. Respondit turba secunda. Recognoscimus infirmitates nostras, & attendimus mundi vanitates, & varietates. Ideò libenter dabimus tibi cor nostrum, omnemque voluntatem nostram relinquimus in manus aliorum, quia subesse alijs magis desideramus, quàm minima de mundo possidere. Dixit turba tertia. Audi Domine, tu, qui desideras cor animalis, & sitis sanguinem piscis, libenter dabimus tibi cor nostrum, & parati sumus mori pro te. Tu tribue sapientiam, & nos quæremus viam ad inueniendum cor animalis. Post ista sonuit vox vna de Cælo dicens. O amice, si inuenire desideras cor animalis, perfora cum terebro acuto manus tuas in medio. Deindè sume palpebras cete, & coniunge palpebris tuis cum fortissimo bitumine. Accipe quoque laminam calbis, & alligabis eam cordi tuo, ita quod latitudo, & planities calbis sint propinquiora cordi tuo. Claude quoque interstitia narium, atrahendo spiritum tuum in collum. Et sic clauso ore, & incluso spiritu procede audacter contra sæuitiam animalis. Cumque perueneris ad animal ipsum, apprehende ambabus manibus aures eius, cuius sagittæ non nocebunt tibi, sed exhibunt per aperta foramina manus tuas. Insuper occurre animali clauso ore, & appropinquando suffla in illud totum spiritum tuum. Ad cuius aduentum flammæ animalis non nocebunt tibi, sed egredientur in animal ipsum, & incendunt illud. Nota quoque diligentissimè cuspidēs gladiatorum, qui exhibunt de oculis animalis, quibus coniunge oculos tuos munitos palpebris cete, ex quorum murua, & valida coniunctione, vel flectentur gladij animalis, vel ingredientur in cor eius. Considera etiam attentè pulsus cordis animalis, & ibi insige aciem calbis perualidè, confodiendo siliem pellis animalis. Si tunc frangitur silex, scito, quòd morietur animal, & cor eius erit meum. Quòd si vnum talentum ponderabit, ego laboranti dabo

centum. Si verò non frangitur, & animal nocuerit homini, ego curabo illum, hominem saucium, & mortuum suscitabo. Qui vero voluerit præsentare mihi piscem, vadat ad litus habendo rete in manibus, quod contextum sit non de filis, sed de ære pretiosissimo. Ingrediatur itaque aquam, sed non plus, quàm ad genua, nè fortè noceant procellæ. Et in illo loco figat pedem, vbi solidum est, & arena absque luto. Deindè excæcet sibi vnum oculum, quem excæcatum vertat ad piscem, cuius visus, qui est quasi Basilisci, nullo modo, tunc aduersus hominem præualebit. Sumat quoque clypeum de calibe in brachium suum, tunc non nocebit sibi morsus serpentinus. Postea extendat rete suum super piscem, ita validè, & cautè, quòd piscis rasorijs suis non valeat discedere rete, vel rumpere, nec euadere aliqua fortitudine, vel impulsu. Si itaque sentit piscem, extendat rete super eum sursum. Quem si decē horis tenuerit super aquis, tunc piscis ille morietur. Quem portans ad litus respiciat eū oculo illo, quem non excæcauerat, & apponèdo manus aperiat eum in dorso, vbi plus est de sanguine, & sic præsentet eum Domino suo. Si verò piscis euaserit, aut natauerit alittus aliud nocens homini veneno suo, ego potens sum sanare infectum. Nec minor erit remuneratio pro sanguine piscis, quàm pro corde animalis. Item loquitur Deus. Statera istæ significat tantum, quasi quis diceret, parce, & parere. Expecta, & misere. Quasi aliquis videns iniustitiam alterius, & semper vt à malo desisteret, eum admoneret. Sic ego Deus, & Creator omnium, quandoque more stateræ descendendo ad hominem, admonendo eum, parcendo ei, & tribulationibus eum probando. Quandoque ascendendo mentes hominum illustrando, & inflammando, gratiaque insolita visitando. Ligaturæ verò stateræ ascendentes nubes significant, quod ego omnium Deus, omnes tam Gentiles, quàm Christianos, tam amicos, quàm ini-

inimicos sustentō, & gratia mea illustro, & visito. Si tamen inuenirentur, qui gratiæ meæ respondere vellent, voluntatem, & affectum suum à malo auertendo. Animal verò significat illos, qui Baptisma susceperunt, & peruenientes ad annos discretionis, & verba sancti Euangelij non imitantes, quorum cor, & os ad terrena prolapsus est, spiritualia minimè attenderunt. Piscis verò significat Gentiles in procellis concupiscentiæ vagantes, quorū sanguis, id est, fides modica est, & intellectus ad Deum paruus. Ideo desidero cor animalis, & sanguinem piscis, si tamen inuenirentur, qui ex charitate conarentur tibi illa præsentare. Tres verò turbæ sunt amici mei. Primi, qui mundo vniuntur rationabiliter. Secundi, qui sua relinquunt obediendo humiliter. Tertijs, qui mori pro Deo parati sunt.

NOTÆ.

IN presenti Capite nihil annotandum occurrit, præterquam quòd in eo plurima sub diuersis, occultisq. rerum imaginibus traduntur, quæ declaratione indigerent, quæ quoniam adamusim infr. hoc eod. Lib. 4. Cap. 129. explicantur, ideo illa hoc loco consulo omisimus.

COLLOCVTIO MIRABILIS PER modum interrogationis, & responsionis inter Deum, & Sponsam de Rege, & iure hereditario Regis in regno, & suorum successorum, & qualiter quædam à successoribus regni repetenda sunt, & quædam non.

CAP. III.



DOMINE (inquit) sponsa, nè indigneris, si quæro. Audiui ex scriptura, quòd nihil acquirendum est, cū iniustitia, nec tenendum, est aliquid acquisitum contra iustitiam. Nunc autem Rex iste habet terram, quam

quidam dicunt eum habere ex iustitia, alij respondent contrarium. Et ideo mirum est, si in isto hoc toleras, quòd in alijs reprobatur. Respondit Deus. Post diluuiū nulli homines remanserunt, nisi qui erant in arca Noe. Et ex his vna progenies nata est, quæ venit ad Orientem, de qua etiā quidam venerunt in Suetiam. Et alia generatio venit ad Occidentem, de qua quidam exorti venerunt in Daciam. **1** Sed qui primū cepērunt colere terram non circumuallatam aqua, nihil appropriabant sibi de terra eorum, qui habitabant vltra aquas, & in insulis, sed vnusquisque contentabatur de eo, quod inuenerat, sicut scriptum est de Loth, & Abraham. Si (inquit) tu ad dexteram vadis, ego sinistram tenebo. Quasi diceret. Quidquid tu tibi approprias, hoc erit tuum, & hæredū tuorum. **2** Deinde procedente tempore venerunt Iudices, & Reges, qui contenti terminis suis, non occupabant terram eorum, qui in insulis, & vltra aquam habitabant, sed stabat vnusquisque in terminis, & limitibus antiquorum. Respondit illa. Quid si pars aliqua regni donatione aliqua alienaretur à regno, nunquid à successore non repetendum esset? Cui Deus. In regno quodam (inquit) seruabatur corona pertinens ad Regem. Populus ita, considerans se non posse stare sine Rege, elegerunt sibi Regem, tradētes coronam Regi electo custodiendam, & reassignandam Regi futuro. Si igitur iste Rex sic electus, aliquam partem de corona alienare, vel diminueret vellet, certè Rex futurus repetere posset, & deberet. Quia nulla diminutio debet esse in corona, nec Rex diminueret, vel alienare potest coronam regni, nisi fortè rationabili causa ad dies suos. Quid enim est corona regni, nisi potestas regalis? Quid verò regnum, nisi populus ei subiectus? Quid verò Rex, nisi mediator, & conseruator regni, & populi? Ergo conseruator, & defensor coronæ, nequaquam dimidiare debet, vel diminueret coronā, in præiudiciū futuri Regis.

gis. Respondit sponſa. Quid ſi Rex ex neceſſitate, ſeu violentia cogereretur alienare partem coronæ? Cui Deus. Si (inquit) duo homines eſſent diſcordantes, alterq. potentior noller dare gratiam, niſi abſcinderetur digitus alterius, cuius eſſet digitus abſciſſus, niſi eius qui damnū paſſus eſt? Sic eſt etiā de regno. Si Rex aliquis propter neceſſitatem, vel captiuitatem diminueret partem aliquam de regno, certè Rex futurus repetere poteſt. Quia Rex non Dominus coronæ eſt, ſed rector, nec neceſſitas facit legem. Respondit illa. Quid ſi Rex alicui Domino conceſſiſſet ad dies ſup̄s partē aliquam coronæ, mortuoq. Rege Dominus ille, & ſucceſſores ſui detinerent conceſſa, tanquam propria, nunquid repetenda eſſent? Cui Dominus. Vtique terra illa redire debet ad legitimū Dominum. Respondit illa. Quid ſi pars coronæ oppignerata eſſet alicui propter debita, illoq. leuatis fructibus multis annis mortuo, terra poſtea veniret in manus alterius, qui nullam iuſtitiam haberet ad terram, ex eo quòd nec conceſſa ei fuiſſet, nec oppignerata, ſed occasione quadā occupਾſſet illam, nec dimittere vellet, niſi accepta pecunia. Quid faciendum eſſet? Cui Dominus. Si (inquit) aliquis haberet globum aureum in manu, & diceret aſtātī, globus (inquit) iſte tuus eſt, ſi rehabere intendis, da mihi tot libras, certè dari ſibi deberent tot libræ. Quia ubi poteſtatiuè aliqua terra occupata eſt, & pacificè poſſeſſa, ſapienter repetenda eſt, & computatis damnis reducenda. Nunc autem, ſicut Rex electus eleuatus ſuper lapidem quēdam ad ſpectaculum populi, designat dominium ſe habere, & poſſeſſionem in partibus ſuperioribus regni. Ita etiam terra iſta in partibus inferioribus, & iure hereditario, & emptione, & redēptione peritinet ad regnum. Ideò Rex obtentā conſeruet, nè fortè, ſi aliter fecerit, & dominium perderet, & ſub corona reduceretur, Item loquebatur ſponſa. O Domine, nè indigneris, ſi adhuc quæro ſemel. Iſte

Rex habet duos filios, & duo regna, in altero regno eligitur Rex iure hereditario, in altero ſecundum fauorem populi. Nūc autem contrarium factum eſt. Nam filius iunior aſſumptus eſt in regnum hereditarium. Maior verò in regnum, quod per electionem deberetur. Respondit Deus. In electoribus eorum tria erant incōuenientia, & quartum ſuperexcellit. Inordinatus amor. Prudentia ſimulata. Adulatio ſtultorum. Et diſſidentia de Deo, & communitate. Ideò electio eorum fuit contrā iuſtitiam, contrā Deum, contrā bonum reipublicæ, & vilitatem communitatis. Propterea ad prouidendum paci, & conſulendum vtilitati communitatis, neceſſe eſt, quòd ſenior filius recipiat regnum hereditarium, iunior verò ad electionem veniat. Alioquin niſi retractentur priora facta, regnum parietur diſpendium, communitas affligetur, diſcordia orietur, dies filiorum erunt in amaritudine, Regnaq. eorum iam non erunt regna, ſed ſicut ſcriptum eſt. Potentes tranſmigrabunt à ſedibus ſuis, & qui ambulabant in terris eleuabuntur. Ecce dico tibi exemplum de duobus regnis, in vno eſt electio, in alio hereditas. Primum ubi electio eſt, deſtructum, & aſſictum eſt, quia veras hæres non eligebatur. Et hoc fecerunt partes eligentium, & cupiditas ambientium regnū. Ergo Deus non affligit filium pro peccatis patris, nec in æternum irascitur, ſed iuſtitiam facit, & ſeruat in terris, & in cælis. Ideò regnum illud non venit ad priorem gloriam, & feliciorem ſtarum, donec verus hæres conſurget, aut ex paterna ſucceſſione, aut materna.

NOTAE.

- 1 **S**ed qui primū cep̄erunt colere terram non circumuallaram aqua, nihil appropriabant ſibi de terra eorum, qui habitabant vltrā aquas, & in inſulis, ſed vnusquiſque contentabatur de eo, quod inuenerat.

Hoc loco indicat Dominus Beata Brigitta, quod ab initio homini in commune fuerit concessa bonorum possessio, ita ut de iure naturali tunc temporis ea spectarent ad eum, quae sibi primo vendicabat. Et hoc est, quod scribitur hic, Sed unusquisque contentabatur de eo, quod inueerat, quod patet Genes. 1. ubi Deus hominibus possidendam terram in commune tradidit, ut admonuit Divus Isidorus libro primo Ethimolog. cap. 4. Et refertur distinctione prima cap. 1. ut naturale, sed clarius docet Clem. Papa in Epistola sua quarta, quae citatur 12. questione 1. Canon. Dilectissimi, ubi legitur, Communis usus omnium; quae sunt in hoc mundo; omnibus esse hominibus debuit, sed per iniquitatem alius hoc dixit esse suum, et alius istud, unde credo dictum esse celeberrimum illud axioma, amicorum omnia sunt communia, secundum quem loquendi modum sancti Patres respicientes ad illud axioma affirmant, omnia esse communia, sic D. August. super Ioan. tract. 6. Et habetur distinct. 8. Canon. Quo iure, Et D. Chrysostom. super Lucam. cap. 6. A Deo (inquit) percepimus omnia, quod autem dicimus meum, et tuum, mendacii sunt verba, idem habet D. Ambros. relatus 47. dist. Sicuthi, ubi scribitur, Nemo dicat proprium, quod est commune, Et sane in statu innocentiae congrua erat communis rerum possessio, suo enim temporis aera vel inculta sponte suauiliffet fructus, et vel saltem indigisset cultura exigua, et ita parua, quam suffugisset nemo; immod ex ea non laborem, sed delectationem homo percepisset, ut ex Genes. 2. colligi potest; ubi legitur, Tuli Deus hominem, et posuit eum in Paradiso voluptatis, ut operaretur. Et custodiret illum, quod intellige opere delectabili, non laborioso, sic Chrysost. hom. 14. in Gen. Et Liran. Genes. 2. ad ea verba, Ut operaretur, Et custodiret.

Deinde procedente tempore venerunt Iudices, & Reges, qui contenti terminis suis, non occupabant terram eorum, qui in insulis, & vltra aquam habitabant.

Quemadmodum superiori Nota diximus,

communis illa bonorum possessio statui innocentiae congrua fuit, sic modo hic admonemur, rerum diuisionem post lapsum adesse esse necessariam, ut abique illa citra miraculum non utiquam posset humanum genus diu conservari, hac enim fit, ut unusquisque, siue Princeps, siue quilibet alius suis assignatis terminis contentus esse deberet, Et hinc etiam plures litterae componuntur, quae ex insatiabili rerum concupiscentia, quae post primorum parentum peccatum inuoluit, ortae essent: hanc ob causam Genes. 13. dicitur inter Abraham, et Loth huiusmodi bonorum factam esse diuisionem, Et ecce vniuersa terra coram te est, recede a me obsecro, si ad sinistram ieris, ego dexteram tenebo, si tu dexteram elegeris, ego ad sinistram pergam: ex quo intelligendum est, diuisionem non solum in genere, sed etiam quod aliquae nationes aliquam regionem possideant, Et aliae aliam, esse de iure gentium, contra quam Caetan. 22. questione 99. artic. 2. videtur sentire; Diuus tamen Thomas. quest. citata in solutione ad primum affirmat, hanc diuisionem pertinere ad ius positum, sed questio 57. dixerat, esse de iure gentium: quae de re legendus est etiam Socus libro quarto de Iustitia, Et iure. questione 3.

Ergo Deus non affligit filium pro peccatis patris, nec in aeternum irascitur, sed iustitiam facit, & seruat in terris, & in caelis.

Eadem prorsus sententia legitur Ezechielis cap. 18: ubi dicit Dominus, Filium non portatum in iniquitate patris, id est parentis iniquitatis patris: hic tamen contrariari videtur id, quod scribitur Exodi cap. 20. ubi Deus dicit, velle se visitare iniquitatem patrum in filios in tertiam, Et quartam generationem: sed si viriusque Sacri textus verba diligenter perpendantur, nullatenus ad inuicem pugnare inuenientur, nam Exod. 20. absolute non dicitur, Deum velle punire peccata parentum in filios, sed additur eorum, qui oderunt me, id est, in tertiam, Et quartam generationem eorum, qui perseuerabunt in odio mei, atque ita Deus punit in ter-

tertiam, & quartam generationem, eos, qui in eadem peruersitate parentum perseuerare volunt, quod explicans Glos. in loc. citas. Ezechielis, Non ideo (ait) puniuntur filij, quia peccauerunt patres eorum, sed quia eis similes quodam hereditario malo Deum oderunt; idem admonuit ibidem Lyranus. Ceterum si filij non imitarentur peccata parentum, sed in uia Dei ambularent, profecto ob illorum peccata non punirentur, quod aperte colligi potest ex Ezechiele Propheta loco supra citato, dum dicit, Si genuerit uir filium, & uiderit omnia peccata patris, quae fecit, & timuerit, & non fecerit similia, ipse non morietur propter iniquitatem patris sui, ita quod non erit heres portae patris, nisi fuerit heres culpe. & ad hunc sensum reuocanda sunt uerba praesentis Notae, ut patet ex contextu, & sic etiam explicat locum citatum Ezechielis. Diu. Augustinus contra Adimantium cap. 7. Tomo 6: & in Enchiridion cap. 46. & latius Origenes Hom. 8. in Exodum D. Thomas 1. 2. q. 87. art. 8. ad primum, sed Theodoretus q. 40. in Exodum dicit, uerba illa, In tertiam, & quartam generationem continere potius comminationem quamdam, quam quod uere Deus uisitet iniquitatem patrum in filios in tertiam, & quartam generationem: eandem interpretationem, quam supra tulimus, probat Hieronym. ab Olraistro in Exod. cap. 20. uide, quae de hac eadem re fusius diximus lib. 5. Reuelat. interrog. 14. quaest. 3.

VERBA DEI AD SPONSAM

de duobus Spiritibus, scilicet bono, & malo, & de mirabili, & uili libello in mente cuiusdam Dominæ, orto ab inspirationibus boni spiritus, & à tentationibus maligni spiritus, & quid in istis sit eligendum.

CAP. IIII.



CHRISTVS Loquitur Spō-
sa. 1 A duobus Spiritibus
suggeruntur, & infunduntur
cogitationes, & infusiones
in cordibus hominum à bono spiritu,

scilicet, & à malo, Bonus nempè spiritus suadet homini caelestia futura cogitare, & temporalia non amare. Spiritus malus suadet diligere, quæ uidentur leuigat peccata. Allegat infirmitates. & proponit exempla infirmorum. Ecce dico tibi exemplum, quomodo uterque spiritus inflammat cor illius Dominæ Reginæ tibi notæ, de qua aliàs dixi tibi. Spiritus quippè bonus dicit ei ista, suggerens ea cogitationibus suis. Diuitiæ (inquit) sunt onerosæ, honor mundi, quasi aer, & delectabilia carnis, quasi somnium. Lætitia transitoria, & omnia mundalia vanitas. Ludicium quoque futurum inuitabile, & tortor nimis durus. Ideò uidetur mihi nimis esse durum strictam tenere computationem pro diuitijs transitorijs, spiritualibus dedecus reportare pro aere de uento. Longam tribulationem sustinere, pro delectamento momentaneo. Eiq. rationem reddere, cui omnia sunt nota, antequam fiant. Propterea tutius est dimittere multa, & facere minorem computationem, quam multis inuolui, & teneri ad reddendum longam onerosam rationem. Respondit è contra inspirationibus suis malus spiritus. Dimitte (inquit) tales cogitationes, quia Deus mitis est, & faciliè placatur. Possides bona audacter, da quæ possides largitè. 2 Ad hoc enim nata es, ut lauderis, & tribuas te petenti. Si enim dimittis diuitias, serues his, qui tibi seruiunt. Minuetur honor tuus, & augetur despectio. Quia persona pauper vadit sine consolatione.

3 Durumque est tibi nouis assuescere consuetudinibus. Alienis domare carnem moribus, & sine seruitio vivere. Ideò stabilis esto in honore accepto. Tene statum tuum regalitèr, dispone domum tuam laudabilitèr. Nè si mutaueris datum tuum, arguaris inconstantia, sed mane in inceptis, & eris apud Deum, & homines gloriosa.

Dd Itc-

Iterum bonus spiritus suadet menti illius Dominæ Reginæ ista dicens. Scio duo esse æterna, cælum scilicet, & infernum. Omnis enim qui Deum diligit super omnia non intrabit infernum. Qui verò non diligit Deum, non habebit cælum. Per viam igitur ad cælum incesit ipse Deus factus homo, confirmauitque eam signis, & morte. Quàm gloriola sunt cælestia, quàm amara diabolicalia malitia, & quàm vana sunt terrena. Ipsumque Deum imitari sunt Mater eius, & omnes Sancti, qui omnem penam sustinere, omniaque amittere magis voluerunt, immò & seipsos contempserunt, nè perderent cælestia, & æterna. Ideò tutius est dimittere honorem, & diuitias tempestiuè, quàm in finem eas tenere. Nè forte crescente dolore in extremis decrescat memoria delictorum. Illique rapient ea, quæ congregaueram, qui de salute mea nihil curant. Respondit è contra mala infusio diabolica. Dimitte (inquit) ista cogitare. Nos sumus homines infirmi, Christus verò Deus, & homo; non debemus æquiparare opera nostra ad opera Sanctorum, quibus, & maior gratia, & familiaritas erat cum Deo. Sufficiat nobis sperare cælum, & iuxta infirmitatem nostrā viuere, & peccata nostra eleemosynis, & orationibus redimere. Puerile namque est, & insipientium insolita assumere, & ea non posse consummare. Iterum respondit bona infusio. 4 Indigna sum (inquit) assimilari Sanctis, sed tamen tutum est valde conari ad perfectionem paulatim. Quid namque obest aggredi insolita, potens enim est Deus dare adiutoriū. Sæpè autem contingit, quòd viā Domini potentis, & diuitis sequitur pauper aliquis. Et licet Dominus citius peruenerit ad hospitium, delicatisq. cibis fruatur, & in molli quiescit lecto, pauper tamen ad idem hospitium peruenit, licet tardè, & tamen ibidem reliquijs ciborū Domini participatur. Qui nisi viam Domini se-

quutus fuisset, hospitiumque Domini reliquisset, cibis domini vsus non fuisset. Sic & ego dico nunc, quòd quamuis indigna sum similari Sanctis, tamen volo aggredi viā post eos, vt saltem possim participari meritis eorū. Nam duo sunt, quæ sollicitant me in animo. Primo, quòd si mansero in patria, superbia dominatur mihi. Amor parentū, qui iuari petunt, deprimit mentem meā. Superfluitas familiaria, & vestiū, est mihi onerosa. Ideò delectat me, & consultius est descendere de sede superbiæ, & peregrinādo humiliare corpus meū, quàm manere in honoris statu, & peccata, peccatis accumulare. Secūdo sollicitat me paupertas populi, & eorū clamor, quē vbi iuuare deberem, quotidie præsentia mea grauo. Ideò necessarium est mihi consilium bonum. Respondit mala infusio, & suggestio diabolica. Peregrinari (inquit) nō est nisi inconstantis animi. Cū misericordia acceptior sit Deo omni sacrificio. Si enim recedis de patria, cupidi homines audita fama tua, spoliabunt, & capient te. Et tunc pro libertate senties captiuitatem, pro diuitijs paupertatem. Pro honore, dedecus, pro quiete tribulationē. Respondit iterum inspirando spiritus bonus. Audiui (inquit) quendam captiuum positū in turri, qui maiorem consolationē habuit in captiuitate, & tenebris, quàm vnquam prius habuit in abundantia, & consolatione temporali. Ideò si placet Deo me tribulari, erit mihi in maius meritum. Ipse enim pius est ad consolandum, & promptus ad subueniendū. Maxime si non egredior de patria, nisi propter peccata mea, & ad promerendā diuinam charitatē. Respondit iterū mala infusio, & diabolica suggestio. Quid (inquit) si indignaueris consolatione diuina, & fueris impatiens ad paupertatē, & humilitatē, tūc enim penitebit te assūpsisse rigorem. Tunc habebis baculū in manibus pro anulo. Pāniculū in capite pro corona, & vilē saccū pro purpureo indumento.

Re-

5 Respondit iterum bonus spiritus. 5 Audiui (inquit) quod Sancta Elisabeth filia Regis Vngariæ delicatè nutrita, & nobiliter nupta, magnam sustinuit paupertatem, & deiectionem. Quæ maiorem consolationem obtinuit à Deo in paupertate, & sublimiorem coronam, quam si mansisset in omni honore mundi, & eius consolationes. Iterum respondit magna inspiratio. Quid (inquit) facies, si tradideris te Deo in manus hominum, fuerisq. violata in corpore, nunquid præ pudore subsistere poteris? Nunquid nõ incompensabiliter dolebis de pertinacia tua, totaq. generatio tua scandalizata hucabit? Tunc certe consurget tibi impatientia, tunc anxietas in corde, & ingratitude ad Deum. Tunc optabis finire dies tuos. Et cum in ore omnium fueris diffamata, nunquid audebis apparere? Iterum respondit bona cogitatio. 6 Audiui ex scriptura, quod Virgo Beata Lucia ducta ad lupanar, constans in fide, & confidens de bonitate Dei, dixit. Quantum tunc me vexatur, corpus meum, nihilominus Virgo sum, & duplicabitur mihi corona. Cuius fidem respiciens Deus, seruauit eam illam. Sic ego dico, Deus, qui neminem permittit tentari supra vires, custodiat animum meum, fidem, & voluntatem meam. Ego enim tota me ei committo, fiat eius voluntas de me. Ergo quia Domina illa pulsatur his cogitationibus, ideo admoneo eam de tribus. Primò, quod reducat ad memoriã ad quale honorem est electa. Secundò, quale charitatem Deus ei in coniugio suo ostenderat. Tertiò, quàm benignè in hac mortalitate est seruata. Iterum cuncta facio eam de tribus. Primò, quod rationem redditura est Deo de omnibus bonis suis temporalibus, adhuc etiam de quolibet obolo, quòmodo, scilicet leuatus est, & erogatus. Secundò, quod tempus suum valde est breue, & nesciet antequam cadat. Tertiò, quod Deus nõ parit plus dominæ, quàm ancillæ. Ideo consulo ei tria.

Primò pœnitere de commissis, emendare fructuose confessi, Deum diligere toto corde. Secundò consulo fugere rationabiliter penam Purgatorii. 7 Sicut enim, qui nõ diligit Deum toto corde, dignus est magno supplicio, sic qui non emendat peccata, cum potest, dignus est Purgatorio. Tertiò consulo dimittere amicos carnales ad tempus propter Deum, & venire ad locum, ubi compendium est inter calum, & mortem, ad fugendam poenam Purgatorii, quia ibi sunt indulgentiæ, quæ sunt eleuationes, & redemptiones animarum, quas Sancti Pontifices dederunt, & Sancti Dei sanguine suo promeruerunt.

A Duobus spiritibus suggeruntur, & infunduntur cogitationes, & infusiones in cordibus hominum. *Hoc loco introducuntur Spiritus bonus, & malus ad inuicem colloquentes, & ceteris que dicta, ac rationes diligenter referuntur, quæ quidem scitu sunt dignissima, quippe quæ valde conferre possint ad discernendum spiritum bonum à malo. & Reuelationes diuinis datas ab illis hominibus Demonum, quæ de re in pluribus locis in his Reuelationum Libri copiose agitur, & præcipue Lib. 3. Cap. 12. & Cap. 20. & Nos ibi Nota 3. Lib. 4. Cap. 23. Nota 5. & eod. Lib. Cap. 7. & 8. & 10. & 11.*

2. *var. lcg.* Ad hoc enim natus es, ut lauderis, & tribuas te petenti.

M. S. Farnesianus aliter legit, Ad hoc enim natus es, ut diuitias habeas, & ideo fiet tibi datus sur, ut lauderis, & tribuas eas, à te petenti, quæ lectio magis quadrat textui, quandoquidem legimus supra, spiritum malum suadentem ei Regine, cuius hic intentio fit, ut bona, quæ habebat audacter possideret, eaq. in prauos usus distribueret, & ad hominum sibi fauorem comparandam largiret, copioseq. erogaret. 3. *var. lcg.* Durum est tibi nouis assuesci consuetudinibus.

- Cedere. *M. S. Rectius habet, Durum est tibi novis assuescere consuepudisibus.*
4. Indigna sum assimilari Sanctis. *Conatur hoc loco malus spiritus persuadere, ne nos Sanctiorū sequamur vestigia, affirmas unumquemque debere se indignum existimare, tunc Sanctis ipsis equiparetur, & idē stultum esse dicit, ea aggredi, quae consequi quispiam minimē potest, propterea etiam legimus paulō suprà & verbis praesentis Notae, spiritum malum sic loquentem, Dimitte ista cogitare: nos sumus homines infirmi, Christus verō Deus. & homo, non debemus equiparare opera nostra ad opera Sanctiorū, & aliquanto post, Perile est, & inipientium insolita assumere, & ea non posse consummare: sed haec ita accipienda sunt, non quod viris sanctitate conspicuis, parēa vobis esse credere debeamus, sed eorum vestigia sectantes, & virtutes amplectentes illas fieri similes pro viribus Iudeamus, expedit enim eos imitari, eandemque viā, per quam ipsi ambulauerunt, aggredi, & post haec, nos semper seruos inuitiles, ac omnium minimos iudicare iuxta illā Saluatoris nostri sententiā relata à D. Luca cap. 27. Cum omnia feceritis, dicite serui inuitiles sumus.*
5. Audiui (inquit) quod Sancta Elisabeth filia Regis Vngariae, delicate enutrita, & nobiliter nupta, magnam sustinuit paupertatem, & deiectionem. *Hanc eam esse Elisabeth arbitror, quae vidua fuit filia Regis Andreae Vngarorū, de qua D. Anton. 3. p. suae Summae tit. 19. cap. 11. & Surius Tom. 6. & alij plures, quos refert doctissimus Card. Baron. in notis ad Martyrol. Rom. decima nona Novembris.*
6. Audiui ex scriptura, quod Virgo Beata Lucia ducta ad lupanar, constans in fide, & confidens de bonitate Dei, dixit, quantumcumque vexatur corpus meum, nihilominus Virgo sum, & duplicabitur mihi corona. *De ea susē tractat S. Aldemus in lib. quem edidit de Laude virginitali, & Sigisbertus de viris illustribus cap. 172. Surius Tomo 6. Verba verō, quae hoc loco notantur, nimirum Quantumcumque vexatur corpus meum, ni-*

hilominus Virgo sum, indicant, non idē cum virginitalitatem amittere, qui corporalis membri integritatem, per vim nullo accedente consensu perdit, nam membrorum integritas per accidens, & materialiter ad virginitalitatem spectat, in quantum scilicet, per hoc, quod ex proposito voluntatis abstinens quā à venerea delectatione, in membro corporeo integritatem conservat, vnde D. Thom. 2. 2. q. 151. art. 1. ad tertiū: Si contingat (inquit) quod per aliū modum aliquo casu membri integritas corrumpatur, nō magis virginitali praeiudicat, quā si manus, vel pes corrumpatur, huius autem dicit B. Thom. ratio esse potest, quoniam pudicitia virtus est in animo collocata, vnde et si corpori pudici hominis viri aliqua extrinsecus inferatur, nullatenus pudicitia amittitur, si consensus non praestetur, sicut enim animi integritas, & sanctitas minimē perditur, etiam si corpus morbo opprimatur, sic nec virginitalitas amittitur, itam si extrinsecus virginitalitatis signacula per vim nullo accedente consensu cōfringantur, quod egregie admonuit D. Aug. lib. 1. de Lib. arbit. cap. 5. De pudicitia (inquit) quis dubitaverit, quin easit in animo constituta, quandoquidem virtus est, vnde à violento stupratore eripi nec ipsa potest, idem habet Epistola 122. ad Victorianum, circa finem, Quicquid in carne, nec commisit, nec permisi libidō patientis, solius erit culpa facientis, omnique illa violentia, non pro corruptionis turpitudine, sed pro passionis vulnere deputabitur, hoc etiam repetit Epistola 180. ad Honoratum, et in lib. de Mendacio cap. 7.

7. Secundo consulo fugere rationabiliter poenam Purgatorii, sicut enim, qui non diligit Deum toto corde, dignus est magno supplicio, sic qui non emendat peccata, eū potest, dignus est Purgatorio. *Penam Purgatorii in hac vita fugere, non est aliud, quā pro peccatis in ea (detestata culpa) penas subire, & iustitia divina satisfacere, Deus enim in hoc seculo mitius nobiscum agit, quā in alio, & idē in praesenti cap. datur consilium, ut penam Purgatorii fugia.*

fugiamus, cum autem sequitur, Qui nō emendat peccata, cum potest, dignus est purgatione, intellige de peccatorum emendatione, quoad pœnas in ordine ad satisfactionem, non verò quoad culpam, quia tunc non emendans sic peccata in hac vita, cum possit, non est dignus Purgatorio, sed Inferno.

VERBA BEATI PETRI AD

Sponsam de desiderio, quod habuit ad saluandas gentes. Et qualiter informat Spōsam ad memoriam obtinendam, & de magnis mirabilibus, quæ adhuc in Vrbe Romana debēt adimpleri, vel compleri.

CAP. V.



BEATVS Petrus loquitur Sponsæ Christi. Tu filia cōparasti me aratro, quod facit sulcos latos, & extirpat radices. Hoc utique verum fuit. Nam sic fer-

uens contra vitia sui, & ad mores accensus, quod si totum mundum potuisssem ad Deum cōuertisse, nullatenus pepercisssem vitæ meæ, nec labori. Ipse quippè Deus dulcis mihi fuit in cogitatu, dulcis in locutione, dulcis in operatione, in tantū quod omnia erant mihi amara ad cogitandum præter Deum. Attamen ipse Deus etiam mihi amarus fuit, non ex se, sed ex meipso. 1 Nam quoties cogitabam quantum deliqui, & quomodo eum negaueram, fleui amarè, quia noueram iam perfectè amare, & fuerunt mihi lacrymæ meæ delectabiles, tanquam cibus dulcis. Quod verò rogas me dare tibi memoriam, respōdeo tibi. Nunquid non audisti, quam obliuiosus ego fui? Ego quippè plenè instructus viam Dei, iuramento obligauim ad standum, & moriendum cū Deo, sed interrogatus, ad verbum vnus mulieris negauim veritatem, & quare? quia reliquit me Deus mihi ipsi, & ego ipse

meipsum non cognoscebam. Sed quid feci ego tunc. Tunc certè considerauim meipsum, quod nihil eram ex me, & surrexi, & cucurri ad veritatem Deum, qui tantum memoriæ nominis sui impressit cordi meo, quod nec coram Tyrannis, nec inter flagella, seu in morte poteram eum obliuisci. Sic ergo fac, & tu. Surge per humilitatem ad magistrū memoriæ, & pete ab eo memoriam. Ipse enim solus est, qui omnia potest. Ego verò iuuabo te, vt particeps fias granorum, quæ ego posui super terram. Insuper dico tibi, quod Ciuitas ista Roma, Ciuitas erat pugilum, cuius plateæ stratae auro, & argento, nunc autem lapides eius saphyrei versi sunt in lutum, habitatores eius paucissimi, quorum oculus dexter erutus est, dextera manus abscissa. 2 Bufonesque, & viperæ habitant cum eis, pro quorum veneno animalia mitia non audent apparere, nec pisces mei eleuare caput. Idèò adhuc in eam pisces congregabuntur. Et si nō ita multi, vt olim, erunt tamen æquè dulces, & audaces. In tantum quod ex eorum collusione descendunt bufones, & ranæ, & serpentes mutabūt in agnos, & leones erunt, vt columbæ ad fenestras suas. Item addit. 3 Dico tibi ampliùs, quod adhuc in diebus tuis audietur. Viuat Vicarius Petri. Et videbis eum oculis tuis. Fodiam enim montem deliciarum, & descendant sedentes in eo. Qui autem beneuolè noluerint descendere, venient compulsi contra spem omnium. Quia exaltari vult Deus cum misericordia, & veritate.

NOTÆ.

NAM quoties cogitabam quantum deliqui, & quomodo eum negabam, fleui amarè, quia noueram iam perfectè amare, & fuerunt mihi lacrymæ meæ delectabiles, tanquam cibus dulcis.

Apostolorum Principem Petrum magnam lacrymarum fuisse copiam, quod Christum Dominum negauerit, non solum Matth. 27. & Marcus 15. cap. indicant, sed Luca 22. scribitur, Egressus foras Petrus, fleuit amare, hoc est, ex cordis ingenti amaritudine, ac contritionis fletu, qui amarus est, licet deuotionis, lacryma suauissime, ac dulcissime sint, intantum, quod pro cibo eas, Dauid reputauerit Psalm. 41. Fuerunt (inquit) lacrymae meae panes die, ac nocte: legimus autem hoc loco, quod toties ipse flebat, quoties negasse Christum recordabatur, immo & consueuisse singulis noctibus surgere à primo Gallorum cantu, & usque ad horam matutinam crare, & pro negatione flere, tradit Lodolphus de vita Christi 2. p. cap. 60. & Lyran in Matth. cap. 27. ad ea verba, Et recordatus est Petrus: & colligitur ex itinerario Clementis, unde affirmant, quod eius facies videbatur adusta ex lacrymarum fluxu, & quod semper in sinu sudarium portabat, quo crebro fluentes lacrymas tergeret, & addit Nicph. lib. 2. Hist. cap. 37. B. Petri oculos fuisse quasi sanguine respersos, idque, quod assidue plorasse feratur: plura de B. Petri penitentia tradiderunt D. Augustin. lib. 1. de gratia cap. 44. & 45. D. Ambros. super Luc. cap. 22. D. Chrysost. Hom. 1. & 4. de Penitentia. Maxim. Taurinens. in duabus Hom. de Negatione eius.

2. Bufones, & viperæ habitant cum eis, pro quorum veneno animalia mitia, non audent apparere, nec pisces mei eleuare caput, idcirco adhuc in ea pisces congregabuntur.

Hoc loco Petrus Apostolus B. Brigittæ dicit, Urbem Romam, tot, tantisque prauis hominibus repletam esse, sicq. à Sanctissimorum Pontificum de rebus recessisse, & Ecclesiastica discipline nuncium remisisse, ut propter ea boni, qui pauci remanserunt in ea, in spiritualibus operibus sese exercere, ac in religione proficere difficile possint, & idcirco dicit, Bufones, & viperæ habitant cum eis, pro quorum veneno animalia mitia non audent apparere, nec pisces mei eleuare caput: vocat autem Roma habitatores pisces, quia ipse, qui Piscator erat

piscium, à Christo Domino hominum piscator factus erat, & praesertim eorum, qui Rome habitabant, quos ipse sua predicatione conuertit, unde Christus Marci 1. dixit, Venite post me & faciam vos fieri pisces hominum: illud autem, quod sequitur, Idcirco adhuc in ea pisces congregabuntur, indicat Romam Urbem ad suum pristinum statum reuocandam esse per Successorum suorum prudentiam, ac sanctitatem, & suo splendori restituendam per multorum Conciliorum decreta, ac Doctorum hominum scientiam, vitæq. probitatem, sicut enim pisces in diluuium non pereunt, sed natant, ut Genes. 7. legimus, sic Rome habitatores non peribunt, nec quacunque tribulatione submergentur, sed eo magis in Religione proficiunt: spirituales namque homines, qui fluitibus rerum temporalium non submergentur, pisces sunt, sic docent D. Aug. Epist. 121. & lib. 83. q. 9. 57. & in Ioan. tract. 123. 4. D. Ambros. lib. 3. de Sacram. aut etiâ hic per pisces, qui congregabuntur, possumus Doctores intelligere, quos plurimo in Urbe futuros praedicat B. Petrus, quorum auxilijs Religio Christiana propaganda sit, per pisces enim Doctores designare tradunt Beda Genes. 1. Origen. in Leuit. Hom. 7.

3. Dico tibi amplius, quod adhuc in diebus tuis audietur uiuat Vicarius Petri.

Hac formula applaudendi Romano Pontifici, dum ipse sacra publicè peragit, vel sese visendum populo exhibet, & praecipue dum populum in platea S. Petri congregatum solemniter benedicit consueuerunt uti Romani, qui mos ad haec usque nostra tempora durat. Sed hic legendum uidetur Vicarius Christi, ut tradimus lib. 8. Cap. 51.

NARRATIO OPTIMA BEATI

Pauli ad Sponsam, qualiter precibus Beati Stephani fuerit à Deo vocatus, & de lupo agnus effectus, & qualiter est bonum orare pro omnibus.

CAP. VI.

OQVITVR Beatus Paulus Sponsæ Christi dicens. Tu filia comparasti me leoni, qui inter lupos nutritus fuerat,



fuerat, sed de lupis mirabiliter ereptus est. 1 Verè filia lupus rapax Ego eram, sed de lupo fecit me Deus agnū.

2 Et hoc propter duo. Primò propter magnā suā charitatem, qui de indignis facit vasa sua, & de peccatoribus amicos suos. Secundò propter preces Beatissimi Stephani Protomartyris. Nam ostendere tibi volo, quomodo, & in qua intentione tunc fui, quando lapidatus fuit Stephanus, & quare merui preces eius. Ego quippè non gaudebam, nec delectabar de pœna Beati Stephani, nec inuidebam gloriæ eius, sed tamen cupiebam cum mori, eo quòd iuxta intentionem meam non videbam ipsum habere fidem veram. Cumque viderem eum vltra modum feruentem, & patientem ad passionem ferendam, vehementer dolui ipsum esse infidelem, cum reuera ipse esset fidelissimus, & ego totus cæcus, & infidelis, & compatiendo ei, rogavi orando ex toto corde, quòd pœna sua amara proficeret ei ad gloriā, & coronam. Propter eā cum primis profecit mihi oratio eius, quia per orationem ipsius, de multis lupis ereptus sum, & factus mansuetus Agnus. Ideò bonum est orare pro omnibus, quia illis proficit oratio iusti, qui propinquiore, & aptiores sunt ad recipiendum gratiam. Sed nunc conqueror, quòd vir ille tam eloquens inter Doctores, & tam patiens inter lapidantes, nimis oblitus, & neglectus est à cordibus multorum, & maximè ab his, qui ei in nocte, ac die tenerentur assistere. Hi enim portant ei vasa sua confracta, & vacua, lutuosa, & abominabilia. Ideò sicut scriptum est. Induetur confusio ne duplici, & rubore, & eicientur à domibus voluptatis.

NOTÆ.

Verè filia lupus rapax ego eram, sed de lupo fecit me Deus agnum.

1. Optime hoc loco se Paulus comparat lupo, cum de eo Genesis 49. scribatur. Benjamin lupus rapax, is namque de Tribu Benjamin exiit, qui manè comedit prædam, quando fideles in principio nascentis Ecclesiæ persequabatur, & ut Actuum 8. scribit Lucas, Saul autem devastabat Ecclesiam, sed vespere diuisit spolia, cum conuersus ad fidelem, Euangelium predicauit, & plurimos ad Deum conuertit, ipse quoque lupo est, qui feritate dimissa cum agno pariter habitauit, ut Isaia 11. & 65. legimus. & idcirco de eo scribitur hic, Sed de lupo fecit me Deus Agnū, quod etiam annotarunt D. Hieronym. super Isaia cap. 11. & 65. Beda super Genes. cap. 49. Eucherius de Spirituualibus formulis cap. 5. D. Augustin. de Sanctis serm. 14. ubi agit de conuersione Beati Pauli.

2. Et hoc propter duo, primo propter magnam suā charitatem, qui de indignis facit vasa sua, de peccatoribus amicos suos. Secundò propter preces Beatissimi Stephani Protomartyris.

Ex verbis presentis Nota videtur aperte colligi posse, Beatissimum Stephanum, dum à Iudeis lapidaretur oratione sua, Pauli Apostoli conuersionem promeruisse, quod etiam deducit Dionysius Carthusianus ex verbis eiusdem Beati Stephani, quæ in Actibus Apostolicis cap. 7. referuntur, Domine ne statuas illis hoc peccatū, Tām sanctissima (inquit) Protomartyris oratio nequaquam poterat esse infructuosa, quia eius virtute Paulus creditur illustratus, idem insinuauit Ambrosius de Pœnit. lib. 6. cap. 9. Cuius precationis (inquit) effectum in Apostolo videmus, Paulus enim, qui lapidantium Stephanum vestimenta seruabat, non multò postea, per gratiam Christi factus Apostolus est, qui fuerat antea persecutor.

VISIO MIRABILIS, ET notanda, de quadam anima iudicanda, & de Diaboli accusationibus, & Virginis gloriosae aduocationibus, & de expositione ipsius visionis, in qua Caelum per Palatium, Christus per Solem, Virgo per Mulierem, Diabolus per Aethiopem, Angelus per Militem designatur, & in qua duoloca poenarum irremediabilia, & tria remediabilia computantur, & multa alia mirabilia, & quam maximè de suffragijs.

CAP. VII.

1
var.
lca.



NI personae vigilanti in oratione, & non dormienti. 1 Videbatur in spiritali visione, quasi quod videret Palatium incomprehensibile magnitudine. In quo erant innumerabiles vestiti vestibus albis & fulgidis, quorum quilibet videbatur habere sedem propriam. In Palatio verò principaliter stabat vna sedes iudiciaria, in qua erat quasi Sol. Et splendor, qui de Sole procedebat, erat incomprehensibilis, in longitudine, profunditate, & latitudine. Virgo quoque vna stabat iuxta sedem, habens pretiosam coronam in capite, omnesque seruiebant Soli sedenti in sede, laudantes eum in Hymnis, & Canticis. Deinde videbatur quidam Aethiops terribilis in aspectu, & gestibus, quasi plenus inuidia, & accensus ira magna, qui loquendo clamauit. O iuste Iudex, iudica mihi animam, & audi opera eius, modicum enim iam restat de vita eius. Permite quoque mihi punire corpus cum anima, donec ab inuicem separentur. Quibus dictis videbatur mihi, quod vnus stabat coram sede, quasi miles armatus, pudicus, & sapiens in verbis, modestusque in gestis suis dicens. O Iudex ecce hic sunt bona opera eius, quae gessit

2
var.
lca.

vsque ad hanc horam. Et statim audiebatur vox de Sole sedentis in sede, hinc inquit, vitium maius est, quam virtus, nec est iustitia, quod vitium summæ virtuti coniungatur. Respondit Aethiops. Ergo inquit, iustitia est, vt anima ista coniungatur mihi. Sicut enim ipsa aliud vitium habet in se, sic & in me nequicia est omnis. Respondit miles. Misericordia Dei quamlibet personam sequitur vsque ad mortem, & vsq. ad vltimum punctum, & postea fit iudicium. In isto verò homine, de quo loquimur, adhuc coniuncta sunt anima, & corpus, & discretio manet in eo. Respondit Aethiops: 2 Scriptura dicit, quæ mentiri non potest. Diliges Deum super omnia, & proximum tuum, sicut te ipsum. Vide ergo, quod omnia opera istius facta sunt ex timore, non ex charitate, sicut debuit. Omniaque peccata eius de quibus confessus est, inuenies confessa cum modica contritione. Ideo promeruit Infernum, quia demeruit Regnum Cælorum. Et ideo peccata eius sunt hic manifesta, apud diuinam iustitiam, quia nunquam adhuc obtinuit contritionem ex diuina charitate commissorum peccatorum suorum. Respondit miles. Ipse vtrique sperauit, & credidit obtinere contritionem veram ante mortem. Cui Aethiops, tu (inquit) omnia congregasti quæcunque benefecit, omniaque verba, & cogitatus ad salutem animæ eius nosti. Omniaque (inquit) ista quæcunque sunt, non possunt assimilari gratiæ illi, quæ est contritio ex diuina dilectione cum sancta fide, & spe, & minus delere possunt omnia peccata sua. Nam iustitia ab æterno in Deo est, quod nullus peccator ingrediatur Cælum, qui non habuit perfectam contritionem. Et ideo impossibile est, quod Deus iudicet contra dispositionem præscitam ab æterno, ergo anima ista iudicanda est ad Infernum, & mecum ad æternam poenam coniungenda. Quibus dictis miles tacuit, nihil respondens ad eius

ver-

verba. Post hæc videbantur Dæmones innumerabiles, similes discurrentibus scintillis ex seruēti igne, et clamabāt vna voce, dicētes ei, qui sedebat in sede, quasi Sol. Nos (inquiunt) scimus, quod tu vnus Deus es in tribus personis, & eras sine principio, & es sine fine, nec est alius Deus, nisi tu, tu verē es ipsa charitas, cui coniuncta sunt misericordia, & iustitia, tu fuisti in te ab initio, nihil habens diminutum in te, nec transmutabile, sicut decet Deū, extrā te nihil absque te, quod gaudium habeat. Ideō charitas tua fecit Angelos ex nulla alia materia, nisi à deitatis tuæ potentia, & fecisti sicut misericordia dictabat. Sed postquā nos intus accessi fuimus superbia, & inuidia, & cupiditate tua, charitas diligens iustitiam, eiecit nos de cælo cum igne malitiæ nostræ, in abyssum incomprehensibilem, & tenebrosam, quæ vocatur nunc Infernus. 3 Sic fecit charitas tua, tunc, quæ nec separabitur adhuc de iusto tuo iudicio, siue fiat secundum misericordiam, siue secundum æquitatem. Plus dicimus, si res illa, quam præ omnibus diligis, quæ est Virgo, quæ te genuit, & quæ nunquā peccauit, si inquam illa peccasset mortalitèr, & sine contritione diuina mortua fuisset, sic diligis iustitiam, quod anima eius nunquam obtineret cælum, sed esset nobiscum in inferno. Ergo dō iudex, cur non iudicas animam istam nobis, vt puniamus eam secundum opera sua? Post ista audiebatur sonitus quasi tubæ, quem qui audiebant tacuerunt, & statim quædam vox loquebatur dicēns. Silete, & auscultate omnes vos Angeli, & animæ, & Dæmonia, quid Mater Dei loquitur. Et statim ipsa Virgo ante sedem iudicii apparens, habens sub mātello suo quasi ocellas res aliquas magnas, dixit. O, dō inimici, vos persequimini misericordiam, & cum nulla charitate diligitis iustitiā. Licet in operibus bonis hic appareat defectus, pro quibus hæc anima non debet obtinere cælum. Videtè tamen quid ego

habeo sub mantello meo. Cumq; Virgo ambos aperuisset sinus mantelli, apparuit sub vno, quasi quædam modica Ecclesia, in qua aliqui Monachi videbātur. Sub alio verò sinu apparuerunt mulieres, & viri, amiciq; Dei religiosi, & alij, & omnes vna voce clamabant dicētes. Miserere misericors Domine. Deindè factum est silentium, & Virgo loquebatur, dicens. 4 Scriptura dicit. Qui habet fidem perfectam, potest per eam transferre montes in mundo. Quid ergò tunc possunt, & debent voces istorum, facere, qui & fidem habuerunt, & seruiuerunt Deo cum seruēti charitate? Quid verò illi amici Dei facturi sunt, quos iste rogauit orare pro se, vt posset separari ab Inferno, & obtinere Cælum, nec pro bonis operibus suis aliā remunerationem quæsiuit, nisi cælestia? Nunquid non possunt, & valent omnes eorū lacrymæ, & preces apprehendere, & eleuare eum, vt obtineat ante mortem suam diuinam contritionem cum charitate? Insuper & ego addam preces meas, cum orationibus omnium Sanctorum, qui in cælo sunt, quos iste specialitèr honorabat. Et iterum adiecit Virgo. O (inquit) Dæmones præcipio vobis, ex potestate iudicis, attendere ad illa, quæ in iustitiā nūc videtis. Tunc omnes responderunt quasi ex vno ore. Nos (inquiunt) videmus, quod in mundo modica aqua, & aer magnus placat iram Dei, sic & tua oratione placatur Deus ad misericordiam cum charitate. Post hæc audita est vox de Sole dicens, propter preces amicorū meorum obtinebit iam ille diuinam contritionem ante mortem. In tantum, quod non veniat in infernum, sed purgabitur cum illis, qui grauiorem pœnam habent in Purgatorio. 5 Purgata verò anima, mercedem habebit in cælis cū illis, qui in terris spem, & fidem habuerunt cum minima charitate. Quibus dictis Dæmones fugerunt. Deindè Sponsæ videbatur, quod quasi locus quidā terribilis, &c.

& tenebrosus aperiebatur; in quo apparuit fornax ardens intus. Et ignis ille nihil aliud habebat ad comburendum, nisi Demones, & viuentes animas. Supra vero fornacem istam apparuit anima illa, cuius iudicium iam in superioribus auditum est. Pedes vero animae affixi fuerunt fornaci, & anima stabat erecta quasi persona vna. Non autem stabat in altissimo loco, nec in infimo, sed quasi in latere fornacis. Cuius forma erat terribilis, & mirabilis. Ignis vero fornacis videbatur se trahere sursum infra pedes animae, sicut quando aqua trahit se sursum per fistulas, & violenter comprimendo se ascendebat super caput, in tantum, quod pori stabant, sicut venae currentes cum ardenti igne. Aures autem videbantur quasi sufflatoria furorum, quae cerebrum totum cum continuo statu commouebant. Oculi vero euersti apparebant, & immersi, & videbantur ad occiput intus esse affixi. Os quoque erat apertum, & lingua extracta per aperturas narium, & dependebat ad labia. Dentes autem erant quasi relati ferrei affixi per palatum. Brachia vero ita longa erant, quod tendebant ad pedes. Manus quoque ambae videbantur habere, & comprimere quantam pinguedinem, cum ardenti pice. Cuius vero, quae apparebat supra animam, videbatur habere formam pellis supra corpus, & erat quasi lintea vestis circumfusa spermate. Quae quidem vestis, sic erat frigida, quod omnis, qui videbat eam, contremuit, & de illa procedebat, sicut sanies de vulcere cum corrupto sanguine, & fetor, ita malus, quod nulli pessimo factori in mundo posset assimilari. Visa itaque ista tribulatione, audiebatur vox de illa anima, quae dixit quinque vicibus, & clamans cum lacrymis etotis viribus suis. Primo (inquit) vae mihi, quia sic modicum dilexi Deum, pro maximis virtutibus eius, & gratia mihi data. Secundo, vae mihi, quia non timui iustitiam Dei, sicut debui. Tercio, vae mihi, qui

dilexi corporis, & carnis meae peccatibus voluptatem. Quarto, vae mihi, propter mundi diuitias, & superbiam meam. Quinto, vae mihi, quod nunquam vidi vos Ludouicum, & Iohannam. Et tunc dixit Angelus mihi. Ego (inquit) volo tibi exponere visionem istam. Palatium istud, quod vidisti, est similitudo caeli. Multitudo vero illorum, qui erant in sedibus vestiti vestibus albis & fulgidis, sunt Angeli, & Sanctorum animae. Sol vero significat Christum in deitate sua. Mulier autem Virginem, quae Deum genuit. Aethiops vero Diabolum, qui animam accusat. Miles Angelum, qui bona opera animae dicit. Fornax vero notat Infernum, qui est intus sic ardens, quod si totus mundus arderet cum omnibus, quae in eo sunt, non esset simile magnitudini fornacis illius. In ista vero fornace audiuntur voces diuersae, omnes loquentes contra Deum. Omnesq. inchoantes voces suas cum vae, & similiter finientes. Apparent quoque animae quasi personae, quarum membra extenduntur in consolabiler, nignquam habentes requiem. Scio etiam quod ignis, qui videbatur tibi in fornace, ardet in aeternis tenebris, & animae in eo ardentes, non habent omnes aequalem penam. 5 Tenebrae vero, quae apparuerunt in circuitu fornacis, vocatur Limbus, & procedit de tenebris, quae sunt in fornace, & sunt tamen ambo vnus locus, & vnus infernus, quicumque illuc venerit, nunquam habebit cum Deo mansionem. 6 Supra vero tenebras istas est maxima pena Purgatorii, quam animae possunt sustinere. Et ultra locum istum est locus alius, ubi minor est pena, quae non est talis, nisi defectus virium in fortitudine, & pulchritudine, & consimilibus. Sicut per simile dico, quasi si aliquis esset infirmus, & cessante infirmitate, vel pena, nihil haberet de viribus, donec paulatim recuperaret. 7 Tertius vero locus superior est, ubi nulla alia pena est, nisi desiderium perueniendi ad Deum

Et ut melius in cōscientia tua intelligas, dico tibi per similitudinē, quasi si æs mīseretur, & arderet cū auro in igne ardētissimo, & tandiū deberet purgari, donec æs consumeretur, & aurum remaneret purum. Quāto verò es fortius, & spīalius esset, tantō ardentiori igne indigeret, donec aurum esset quasi aqua currens, & totum ardens. Deindē magister eius profert aurum in locum alium, vbi obtineat veram formam in visu, & tactu. Postea mittit in tertium locum, vbi custodiatur, & præsenteretur possessori. Sic est etiam spīritualiter. In primo loco supra tenebras est maxima pēna Purgatorij, vbi vidisti illam suprādictam purgari, ibi est Dēmonum tactus, ibi per similitudinē apparent venenosi vermes, & similitudo animalium ferocium. Ibi calor est, & frigus, ibi tenebræ, & confusio, quæ procedunt de pēna, quæ est in Inferno, ibi quædam animæ habent minorem pēnam, & quædam maiore, iuxta quod erant peccata emendata pro eo tēpore, quo anima cum corpore mansit. Deindē magister, idest iustitia Dei profert aurum, idest animas in alia loca, vbi non est nisi defectus virium, in quibus animæ tandiū morabuntur, donec refrigerium habebunt, vel de speciali- bus amicis suis, vel de Sanctæ Ecclesiæ continuis operibus. Nam anima, quod maius auxilium habebit de amicis, eō citius conualecet, & liberabitur ab illo loco. Post hæc anima fertur in locum tertium, vbi non est pēna, nisi desiderium perueniendi ad Dei præsentiā, & eius visionem beatam. In hoc loco morantur multi, & nimis diū, præter illos, qui in mundo, dum vixerunt, non perfectū desiderium habuerunt perueniendi ad Dei præsentiā, & eius visionem. Scito etiam, quod multi moriuntur in mundo, ita iusti, & innocentes, quod statim perueniunt ad penitentiam, & visionem Dei. Quidam verò peccatis suis cum bonis operibus sic emendatis, quod animæ

eorum nullam sentiant pēnam. Sed pauci sunt, qui non veniunt in locum, vbi est desiderium perueniendi ad Deum. Ideo omnes animæ in istis tribus locis morantibus, participant de Sanctæ Ecclesiæ precibus, & bonis operibus, quæ fiunt in mundo. Præcipuè quæ fecerunt dū vixerunt, & eorū, quæ fiunt ab amicis eorum post mortem. Scito etiam, quod peccata sunt multiformia, & diuersa. Sic etiam pēnæ sunt multiplices, & diuersæ. Ideo sicut esuriens gaudet de pasticulo venienti ad os eius, sitiens de potu, tristis lætatur de gaudio, nudus de veste, infirmus in veniendo ad lectum. Sic animæ gaudent, & participant de his bonis, quæ fiunt pro eis in mundo. Deindē subiunxit Angelus. Benedictus sit ille, qui in mūdo iuvat animas orationibus, & bonis operibus, laboreq. corporis sui, quia iustitia Dei mentiri nō potest, quæ dicit, quod animæ aut purgari debent post mortem pēna Purgatorij, aut operibus bonis amicorum citius solui. Post hæc de Purgatorio audiebatur multæ voces dicentes. O Domine Iesu Christe Iudex iuste, mitte charitatem tuam his, qui spīritualitèr potestatem habent in mundo, tunc plus participare poterimus, quàm nunc de eorū cantu, lætatione, & oblatione. Suprà verò spatium istud, de quo clamor iste audiebatur, videbatur quasi domus, in qua multæ voces audiebantur dicentes, Merces sit illis à Deo, qui mittunt nobis auxilium in defectus nostros. In ipsa quoque domo videbatur quasi aurora procedere, subitus verò aurorā apparuit nubes, quæ nihil habebat de lucē auroræ, de qua vox processit maxima dicens. O Domine Deus da de tua incomprehensibili potestate unicuique centesimā remunerationem in mundo his, qui nos eleuant cum bonis operibus in tuæ diuinitatis lucem, & tuæ faciei visionem.

NOTÆ.

¹ **I**N principio presentis Capituli, ubi legitur, Videbatur in spiritali visione quasi quod videret palatium incomprehensibile magnitudine.

M. S. Farnesianus, habes palatium incomprehensibile magnitudinis.

² Sic fecit charitas tua tunc, quæ nec sperabitur adhuc de iniusto tuo iudicio.

var. lect. Corrige cum M. S. Farnesiano Codice, sic fecit charitas tua tunc, quæ nec separabitur adhuc de iustitia tua iudicio, vel de iusto iudicio tuo.

³ Scriptura dicit, qui habet fidem perfectam, potest per eam transferre montes in mundo.

Hic scriptura citatus locus habetur Matthæi 17. ubi legitur. Amen quippe dico vobis, si habueritis fidem sicut granum syapis, dicetis monti huic transi hinc, & illic transibit, atque hoc loco admoheret Lectorem celsus, Beatiſſimam Virginem, non tantum fidem commendare voluisse, sed in genere fiduciam quodcumque impetrandi à Deo per orationem, & idcirco affirmat, Quid ergo tunc possunt & debent voces istorum facere, qui & fidem habuerunt, & seruierunt Deo cum seruerint charitate: ex quibus colligitur quantum Sanctorum virorum preces apud Deum valeant, cum anima eius; de qua in presenti Capite agitur precibus eorum liberata sit. Ceterum D. Chrysostomus in loc. supra cit. Matthæi offerre, quosdā Apostolos etiam sanctitate minores, re postulante, per fidem montes transtulisse, quod fecisse D. Greg. Neocesar. Episcopus testatur. S. Greg. Papa lib. 1. Dialogor. cap. 7. & Euseb. lib. 7. Hist. Eccl. cap. 25. Bedalib. 3. in Marc. cap. 11. postremò D. Hieron. mysticè per montes Demones intelligit, dicitque quod Dominus Apostolis dixerit, illos posse transferre montes, ut indicaret eos habituros esse potestate Demones eiecendi, si fidem habuerint; Demones enim mysticè apud Hieron. cap. 51. Montes vocantur. Ego ad te mons pestifer ait Dominus, qui corrumpis uniuersam terram: &

in hunc sensum possent etiam mōtes accipi hoc loco, ut intelligamus ex his, Beatiſſ. Virginē significasse Sanctos illos, quos pro anima illa indicanda orasse hic legitur, superasse Demones, illam animam ab eorum manibus liberando.

⁴ Purgata verò anima, mercedem habebit in cælis cum illis, qui in terris spem, & fidem habuerunt cum minima charitate.

Per minimam charitatem hoc loco intellige sufficientem dispositionem ad gratia infusionem, & gloriæ consequutionem: dicitur autem minima in ordine ad eos, qui maiorem habent, ratione cuius, quis in calo supericrem, ac eminentiorem locum obtinet, legimus autem hic, eam animam, de qua modo agimus, habiturā in calo inferiore locum, ob infimum gradum charitatis, mensura enim beatitudinis, desumitur ex lumine gloriæ, & mensura luminis ex charitate, unde qui maiorem habebit charitatem, maius habebit lumen, & qui plus luminis, plures gradus beatitudinis, unaquaque tamen suo gradu contenta erit, & perfecte beata.

⁵ Tenebræ verò, quæ apparuerunt in circuitu fornacis, vocatur Limbus, & procedit de tenebris, quæ sunt in fornace, sunt tamen vnus locus, & vnus infernus, quicumque illuc venerit, nunquam habet cum Deo mansionem.

Ad horum intelligentiam sciendum est, subius terram esse quattuor sinus, siue vnum in quattuor partes diuisum, quorum omnium in presenti Capite mentio fit, primus quidem, & infimus, Infernus dicitur, & locus est pro damnatis constitutus, secundus est Limbus puerorum, ad quem decedentes sine Baptismo paruuli cum solo originali peccato cuncti, ibique morantur, tertius Purgatorium vocatur, in quo tandiu manet anime, quamdiu pro commissis culpis diuine iustitiæ satisfecerint, & postmodum ad Dei visionem assumuntur, quartus locus dicitur Limbus Patrum, seu Abrahæ sinus, qui erat constitutus pro iustis, qui ante Christi Domini Passionem moriebantur, & de Inferno, & Limbo puerorum in presentia

senti Nota sermo fit, ubi duo à nobis sunt animaduertenda, primū, quod tenebræ puerorū, quæ non aliud sunt, quàm diuinæ visionis carentia, dicuntur procedere de tenebris, quæ sūt in fornace, quoniā quantum ad pœnā damni, eā anime damnatorū in Inferno, quàm existentium in Limbo puerorū pares sunt, omnes namq. diuina visione cōmuniter priuantur, et una pœna quoad hoc, est eiusdē rationis cum altera, & illa damnatorū se extendit ad pœnam puerorum, qui sine baptismo decesserunt: videntur tamen differre ex eo, quod pueri illā pœnam damni non apprehendunt, ut sibi afflictiuam, & de ea non tristantur, ut probauimus suprà Lib. 2. Reuelat. Cap. 1. Nota 4. Secus verò est in damnatis, quibus etiam alia superaddita est, nimirum ignis, quæ est pœna sensus, secundū illud Matth. 25. Ite in ignem eternum, & ideo eas tenebras hoc loco de fornace legimus procedere, & esse eundem, eundemq. locum Infernus, & Limbus propter identitatem pœnæ, & loci contiguitatem, secū dū quem sensum Concilium Florent. in litteris unionis affirmavit, cum eos, qui cum mortali peccato moriūtur, tum illos, qui cum solo originali, mox in Infernum descendere, idē insinuat D. Aug. lib. 4. de Baptismo paruulorū cap. 28. & lib. 1. Hipognost. ubi monet, non esse nisi duo loca, in quibus homines perpetuò futuri sunt, Cælum scilicet Beatorum, & Infernum damnatorū. libet autē hoc loco ad maiore horū cognitionē inuestigare, quis nā sit horum locorum dispositio, & situs sub terra, supponendum est primò, Infernum esse in centro terræ, in loco infimo, quē describēs Hieron. Mat. 12. ibi, Sicut fuit Ionas in vētre Cetī, dicit, quòd sicut cor est in medio animalis, sic infernus in medio terræ: Dico secundo Limbum Patrum, seu Abrahæ sinum esse in superiori, ac digniori loco, quàm Limbus puerorum, & Purgatoriū, & hunc sinum Abrahæ, D. August. Epist. 99. Secretæ cuiusdā quietis habitationem vocat, sicque fuisse appellatum Tercul. lib. 4. de anima, cap. 16. monuit loquutione figurata à parentibus, qui filios suos, quos unice diligunt in sinu fouent, & locus ille erat refrigerium fidelium Abrahæ fidem imitantium, & liberato-

rem Messiam expectantium, tota ergà difficultas est de situ duorum locorum, Purgatoriū scilicet, & Limbi puerorum, quis horū sit magis Inferno vicinum, Franc. Suarez Societ. Iesu Theolog. in Comment. super 3. par. S. Thomæ quest. 52. disp. 4. 2. art. 1. tom. 2. affirmat, si locorum spectetur conditio, quatenus in Purgatorio reperitur ignis, & nō in Limbo dici posse Purgatorium esse debere Inferno propinquius, si verò spectetur dignitas locorum, quia in Purgatorio sunt anime iustorum, videtur dicendum esse debere Purgatorium in loco magis ab Inferno remotum: ceterum sunt, qui absolute asserunt Purgatorium esse infra Limbum Gebēne vicinum, sic Palud. in 4. d. 45. q. 3. Sot. d. 45. q. 1. art. 2. qui D. Thomam in suam opin. adducit, qui tamen contrarium sentit, ut dicam infra, fauet etiam Maior. dist. 44. quest. 3 in fin. Petr. de Tarant. Problem. 1. art. 1. probabilius tamē esse censeo sicut in presenti Nota scribitur Limbus puerorū esse inferiorem, & viciniorem Inferno, sic D. Tho. in 3. d. 22. q. 2. art. 1. quest. iunc. 2. ubi etiam Gabr. & in suppl. in 4. d. 45. q. 1. art. 1. Richard. in 4. d. 21. q. 3. art. 1. & apertè hoc colligitur ex Concilio Florent. loco citato, quòd Limbus puerorum sub Inferno comprehendit dicit, cuius rei etiā ratio probabilis reddi potest, quoniam Limbus puerorum conuenit cū Inferno, ut suprà diximus in essentiali pœna damni, ac in eternitate pœnæ, tum quia limbus iste, locus est pro quibusdā Dei inimicis deputatus, idēd maiorē habent ad inuicē conuenientiā, cū ergò maior sit proportio inter animas huius vtriusq. loci, quam inter purgandas animas, & damnatas, hinc est, quòd Limbus puerorum Inferno censeamus esse viciniorem.

6 Suprà verò tenebras istas est maxima pœna Purgatoriij, quam animæ possunt sustinere.

Præter Infernū damnatorū, & Limbum puerorū, extat et aliū locus, quē appellat Purgatorium, qui etiā est intra viscera terræ, sed suprà Infernū, & Limbum puerorū, & ideo legimus hic suprà verò tenebras istas, hoc est suprà Limbū puerorū, qui per tenebras designatur. ob carētiā luminis gloriæ, et diuinæ visionis

Ec qui-

quibus ibi existentes pueri privati sunt: Quod autē Purgatoriū sit etiā subius terrā, probari posset ex his, quae canit Ecclesia in Missa pro Defunctis, quae de Purgatorio intelliguntur. Libera animas Defunctorū de penis inferni, & de profundo lacu, & patet ex illo Act. 2. Soluis doloribus inferni, quos esse dolores Purgatoriū. D. Aug. ad Euod. Epist. 99. affirmat. Postremo hoc idē probat Doctiss. Card. Bellar. de Purgatorio lib. 2. cap. 6. ex visione quadā, quā refert ex venerab. Beda lib. 5. cap. 13. Hist. Anglicane, ubi visum est Purgatorium Inferno damnatorum contiguum: sed locum Purgatorii subterraneum esse, etiam ex sacris litteris probari potest 1. Eccles. 24. Penetrabo omnes partes inferiores terrae, & inspicia omnes dormientes, & illuminabo omnes sperantes in Domino, quae verba de dānatis non possunt intelligi, sed de existētibus in Purgatorio. Cū autem scribitur, quod in Purgatorio est maxima pēna, intelligi non solū de pēna dāni, quae in carentia diuina visionis consistit, de qua illic animae existentes non possunt non dolere, videntes propter suam culpā ad tempus impediri fruitione summi boni, sed etiā de pēna ignis, quam esse maximam asserit D. Greg. in Psal. 3. Penitentialem illum (inquit) transitorium ignem omni tribulatione praesenti existimo intolerabiliorem, imō venerab. Beda ibidē, putat eum excedere quacunq. supplicia Martyrum, vel laicorum, idem habet D. Anselm. 1. Cor. 3. D. Bern. serm. de obitu Humber. & D. Aug. in enarr. Psal. 37. Quamuis (inquit) salui per ignem, grauior tamen erit ille ignis, quam quidquid potest homo pati in hac vita. Idem indicant D. Thom. in 4. dist. 2. 1. q. 1. art. 1. Palud. ibid. q. 1. art. 1. Concl. 4. Richard. d. 20. art. 2. q. 1. Sot. dist. 13. art. 3. concl. 2.

7 Tercius verō locus superior, ubi nulla alia pēna est, nisi desiderium perueniendi ad Deum.

In praesenti Nota sermo fit de Purgatorio, in quo duo partialia loca reperiri colligitur ex narratione praesentis Cap. de primo namq. mētio fit, paulo sup. a verbis cit. huius Note ibi, Et vlt. locū istū est alius locus, ubi est minor pēna: de secundo verò agitur hic, sed no-

tandum est, haec duo loca omnino spectare ad Purgatoriū, et esse partes illius. Subdiuiduntur autē haec particularia loca secundū distinctionē, & diuersitatē penarum, quas unaquaeque anima in Purgatorio collocata pro satisfactio- nis quātitate soluēda luere debet, secundū illud Deut. 25. Pro mēsurā peccati erit, & plagarū modus: haec autē locorū diuisio petēda est ex eo, quoniā contingere potest, animā in Purgatorio existentē sic fuisse purgatā, vt nihil supersit illi, quoad pēnā sensus exsoluere, sed tantummodo torquenda sit per aliquod tēporis spatiū ingenti aliquo desiderio videndi Deum, idē in hac Purgatoriū parte collocatur, cuius hoc loco mentio fit, cū dicitur; Tertius verō locus superior est, ubi nulla alia pēna est, nisi desiderium perueniendi ad Deum, in hac ergo parte Purgatorii anima per tantum temporis spatium moratur, donec idonea fiat visioni Dei Beata, sicut refert vener. Beda lib. 5. hist. cap. 13. qui dicit fuisse ostensum cuidam animae, quae ad corpus postea rediit, praeter Infernū, & Regnū celorum, quoddā quasi pratum florentissimum lucidissimum, odoratum, amenum, in quo degabant animae, quae nihil patiebantur, sed tamen ibi manebant, quia nondū idoneae erant visioni Beatae. Similes visiones asserit D. Greg. lib. 4. Dialog. cap. 36. & Dionys. Carthus. in Dial. de Iudicio particulari art. 3. 1. Ceterum particularia loca fuisse à Deo specialiter ordinata propter animarū leuiorē punitionem tradunt in primis D. Th. in 4. sent. dist. 2. 1. & Card. de Turrecrem. de penit. dist. 7. cap. Hic autem ignis, & hunc locum, de quo peculiari- ter in praesenti Nota verba facimus reperiri, probat Card. Billarm. lib. 2. de Purgator. cap. 6. quem appellat mitissimū Purgatoriū, quippē in quo nulla est pēna sensus, sed tantummodo dāni, quae cōuenit animae, nondū plenē purgatae. Erit ergo (inquit) quasi carcer quidā Senatorius, & honoratus. Ex dictis patet hunc locū pertinere ad Purgatoriū, & verissimum esse, quod legimus hic, animas ibi cōmorantes esse participes suffragiorū Ecclesiae, sic enim habetur circa finē praesentis Cap. ibi, Idē omnes animae in istis tribus locis morātes participāt de Sanctae Matris Ecclesiae precibus, & bonis operibus.

VERBA ANGELI AD SPONSAM
de inſuſione pēnæ animæ à Deo in
ſuperiori Capitulo iudicatz, & de re-
miſſione etiam pēnæ ipſius, quia ante
eius mortem inimicis pepercit.

CAP. VIII.

N O T A E.

ILLA anima, cuius diſpoſitionem vi-
diſti, & iudicium audiſti, ipſa eſt in-
grauiffima pēna Purgatorij, & hoc ideò
eſt, quia non intelligit, vtrum veniet ad
requiem poſt purgationem, an damna-
ta ſit.

ITEM loquitur Angelus,
dicens. 1. Illa anima, cuius
diſpoſitionem vididiſti, & iu-
dicium audiſti, ipſa eſt in
grauiffima pēna Purgato-
rij. Et hoc ideò eſt, quia non intelligit,
vtrum veniet ad requiem poſt purgatio-
nem, an damnata ſit, & hæc iuſtitia Dei
eſt, quia ipſe habuit conſcientiam, ſeu
diſcretionem magnam, qua vtebatur ad
mundum corporaliter, & ad animam ſpi-
ritualiter, quia nimis obliuſus eſt, & negle-
xit Deum, quamdiu vixit: ideò nunc ani-
ma eius patitur ardorem de igne, & con-
temiſcit de frigore. Ipſa eſt cæca de tene-
bris, & de Dæmonum viſu horribili timo-
roſa, ſurda de clamore Diaboli. Eſuriens,
& ſitiens intus, & ab extrâ veſtitâ cum
2. confuſione. 2. Attramen Deus dedit ei
vnam gratiam poſt mortem, quòd ſcili-
cèt non veniret ad tactum Dæmonum,
quia propter ſolum honorem Dei peper-
cit, & dimiſit grauia delicta capitalibus
inimicis ſuis, & fecit amicitiam cum ca-
pitali inimico ſuo. Scito etiam, quòd
quicquid boni fecit, & quicquid promi-
ſit, & dedit de benè acquiſitis diuitijs, &
maximè preces amicorum Dei minune,
& refrigerant pēnam eius, iuxta quòd
diffinitum eſt in iuſtitia Dei. Alia verò
bona minùs benè acquiſita, quæ de-
dit, proficiunt his ſpirituali-
ter, qui iuſtè antèa poſ-
ſidebant ea, aut
corporali-
ter, ſi
ſint digni, iuxta di-
ſpoſitionem Dei.

In principio præſentis Capituli ſcribitur, eam
animam de cuius iudicio ſuperiori Capite actū
eſt, quæ ad Purgatorij pēnas iam adiudi-
cata erat ignorare, an in Inferno fuerit, an
verò in Purgatorio collocata; quæ quidem pē-
na maxima eſt, ut habetur inſrâ Lib. 6. Re-
uelationum Cap. 39. circ. fin. Vbi legimus, An-
gelum quendam Deum oraffe pro anima cuius-
dam, quem in vita cuſtodierat, nè illi huius-
modi pēnam imponeret: Et ſane hoc eſt: ſup-
plicium maximū negandum non eſt, cum ſpē
nullam tunc anima habere poſſit, illas pēnas
aliquem ſinem habituras, & tamen ſpes ve-
hementer lenire dolorem ſolet, & non parum
afferre gaudiū, his qui in tormentis ſunt. Sed
quoniam ex hæreticis non deſuerunt, qui dice-
re auſi ſunt, omnes animas in Purgatorio exi-
ſtentes de propria ſalute incertas eſſe, verſa-
riq. in quadam ingenti animi anxietate, ac
etià deſperationis motibus cruciari, contrà quos
ſcribit Card. Bellar. lib. 2. de Purgatorio cap. 4.
ideò hac de re penſculatius agendum eſt: &
in primis illud falſum cenſendū eſt, quod Lu-
terus aſſerit, Omnes animas ibi exiſtētes eter-
næ ſalutis minimè eſſe conſcias, tum quia hoc
repugnat communi Theologor. opinioni, ut te-
ſtatur idem Card. Bellarm. vbi ſuprà, & con-
firmant D. Thomas in 4. diſt. 21. q. 1. art. 1.
Caet. ſomo 1. Opusculat. 2. 3. q. 2. Sor. diſt.
19. queſt. 3. art. 2. quod ratione probari po-
teſt ex eo, quoniam de ſalute propria conſtare
poſeſt animabus ex particulari iudicio, quod
ſtatim poſt vniuſcuiusque obitum ſit, in
quo facta diſcuſſione operum, iuxta merita,
vel demerita; premia, vel pēna illis decer-
nuntur, ut probant Scholaſtici in 4. diſtin.
47. & patet Eccleſiaſtici 11. ex illis ver-
bis, In fine hominis denudatio eius: tum ergo

perfecto particulari iudicio, vel ad Infernum, vel ad Purgatoriu detrudantur anima, profecto scire possunt, an amore, vel odio digna iudicatae fuerint, cui praesentim in Inferno blasphematur Deus, & in Purgatorio laudetur, in Inferno etiam, nec est fides infusa, nec charitas, quae tamen in Purgatorio sunt, atque ex his signis optime poterit anima nosse, quo in loco posita sit, de qua certitudine fuisse agit Franciscus Suarez in Comment. ad 3. p. S. T. h. tomo 4. disput. 47. section. 3. num. 5. ibi, tertio assero. Caterum videtur posse concedi, secundum aliquos Doctores Catholicos. infra citandos; Deum aliquando in aliquo particulari casu, vel propter gravitatem aliquam culpe, vel quia quis conversionem suam usque ad finem vitae distulit, prout in hoc Capite innuitur, sic animam in particulari iudicio iudicare, ut illi minime innotescat, an eam ad Purgatorij, vel Inferni penas condemnauerit, circumscripto tamen desperationis vitio, & anxietate illa, quam impius Lutherus ponebat, quo loco ipse Purgatorium falsa illa doctrina de medio tollere conabatur, atque hoc esse possibile, & in aliquo particulari casu contingere posse, raro tamen crediderim, ut constat ex verbis praesentis Nota, id enim non repugnat, nec divina iustitia, nec potentia, quae tamen in re me Sanctae Matris Ecclesiae censura subijcio: scio quod huius sententiae fuisse Doctores gravissimos, v. Dionysius Carth. de quattuor Novis. art. 47. qui tamen hac in re limites praetergressum esse videtur: Nam (inquit) communitur omnes animas in Purgatorio existentes esse incertas, quodq. magis est, addit quasi desperabiliter: eandem conclusionem defendit Gerles. de Vita spirituali, quos citat Card. Bellar. ubi supra, & fauet huic opinioni etiam Rossens. contra Luter. art. 32. licet art. 38. contrarium asserat, & Michael Baius de Meritis operum cap. 8. Sed clarius hanc eandem tuetur Henric. Suson. doctrina, ac vitae sanctitate conspicuus in libello, quod edidit de Novis. ruptus c. 22. cui etiam ad stipulatur Laurent. Sur. illius libelli interpres, libet autem hoc loco eius verba referre: Alij sunt (inquit) in quos

tanta Deus ira descendit, ut ad extremum usque iudicij die in immanissimis cogatur herere supplicijs, nec unquam experiri illis liceat, utrum in carceri, vel purgatorio paenis sint: tales firme sunt homines in suis iniquitatibus obstinati, qui vitae emendatione usq. ad obitum procrastinant, sed hoc quoq. suadere videtur identitas ignis, qui & Inferni, & Purgatorij eiusdem est speciei, ut habetur in Supplem. ad 3. p. D. T. ho. q. 67. art. 6. cum quia si verum est, quod Demones in Purgatorio vexant animas, & aliquibus Doctoribus placuit a nobis in sequenti Nota huius Capituli citatis, tunc satis probabiliter hinc quispiam inferre poterit, aliquam animam Deo permittente ob aliquod graue delictum dubitare posse, ut ad Inferni, an vero ad Purgatorij penas condemnata sit, cum eodem igne, iisdemq. ministris Demonibus se vexari, & cruciari sentiat, sed quoniam iudicium Dei humana non potest scire fragilitas, nec de penarum magnitudine, ac mensura ferre sententiam, ideo praesens dubitatio cum Orig. finienda est, qui hom. 8. in Numeros. de suppliciorum penarumque magnitudine, ac multitudine alterius vitae verba faciens, Hoc nullus (inquit) ad integrum novit, nisi cui Patris omne iudicium tradidit, qua de re vide infra Lib. 6. Cap. 39. Nota 1.

Attamen Deus dedit ei vnam gratiam post mortem, quod scilicet non venire ad tactum Demonum, quia propter solum honorem Dei pepercit, & dimisit grauia delicta capitalibus inimicis suis, & fecit amicitiam cum capitali inimico suo.

Ex verbis praesentis Nota videtur colligi posse animas in Purgatorio existentes a Demonibus torqueri dum enim legimus Deum peculiari beneficio concessisse huic animae, de qua in superiori Capite, & in praesenti agitur, ne ad tactum Demonum perueniret, profecto deducitur, Demones in Purgatorio vexare animas, iam enim hac ad Purgatorium aduenerat, ut in principio huius Capituli Angelus B. Brigitta refert: Illa (inquit) anima, cuius dispositionem vidisti, & iudicium audisti, ipsa est in grauissima pena Purgatorij, sed haec sententia probari potest ex Beda lib. 3. Historiar. cap. 19. ubi ex quadam Revela-

tionem B. Furci colligit, à Demonibus animas in Purgatorio existentes torqueri, quod etiam Dionysius Carthus. fatetur in lib. de quattuor Nouissimis, idem probari potest ex lib. 1. vite D. Bernardi cap. 10. ubi legitur, Religiosum quendam post mortem S. Bernardo apparuisse, qui quattuor se traditum esse conquerabatur, à quibus delacerabatur, qui postea eiusdem Sancti precibus liberatus est ab his: quod etiam probabili ratione potest confirmari, quia Demones sunt ministri diuinae iustitiae in vindicandis peccatis post hanc vitam, ergo etiam censendum est illis commissum esse, ut ministris, eorum supplicium, tam in Inferno, quam Purgatorio: sed hanc dubitationem Cardin. Bellarminus lib. 2. de Purgatorio cap. 13. in solutam relinquit, eamque inter secreta diuina reponit, quae postea (inquit) nobis suo tempore palam fient, refert autem D. Thomam contrarium sentientem in 4. dist. 20. art. 5. plures etiam Scholastici in 4. dist. 20. art. 21. negant animas in Purgatorio à Demonibus cruciari, ea ratione adducti, quia cum omnes animae, quae in Purgatorio sunt in ultimo conflictu de Demone victoriam reportarint, non videntur conueniens, ut diuina iustitia permittat, eas ab hoste iam deuicto vexari, sic Richardus, Bonauentura, Palud. & Sotus, sed hac de re, vide infra Lib. 6. Reuel. Cap. 10. Nota 5. & eodem Lib. Cap. 21. Nota 2.

VERBA ANGELI AD SPONSAM
de iudicio Diuinæ iustitiae contra animam supradictam, & de satisfactione fienda in hac vita, pro ipsa existente in Purgatorio.

CAP. IX.

TEM loquitur Angelus.
Tu prius audisti, quod propter preces amicorum Dei, obtinuit ille diuinam contritionem ex charitate pro peccatis, modicum ante mortem, quae

contritio separauit eum ab Inferno. Ideo post mortem iudicauit iustitia Dei, quod deberet per sex aetates ardere in Purgatorio, quas habuit ab illa hora, qua primo scienter mortale peccatum fecit, vsquedum ex diuina charitate poenituit fructuosè, nisi de mundo, & amicis Dei auxilium obtineret. Prima itaque aetas fuit, quod non dilexit Deum, propter tribulationes eius multiformes, quas & ipse Christus tolerauit, non propter aliam causam, nisi propter salutem animarum. Secunda aetas fuit, quod non dilexit animam propriam, sicut Christifilius deberet, nec regratiabatur Deo pro Baptismo suo, & ex eo quod non erat Iudaeus, vel Paganus. Tertia aetas fuit, quod benè sciuit, quae Deus praecepit facere, & ad hæc perficienda modicam habuit voluntatem. Quarta aetas fuit, quod benè sciuit, quae Deus prohibuit his, qui ad caelum vellent ire, & audacter fecit contra illa, sequens non conscientiae stimulos, sed suum carnalem affectum, & voluntatem. Quinta aetas fuit, quod non vsus est gratia, & confessione; sicut ad illum pertinebat, cum habuit tam longum tempus. Sexta aetas fuit, quod modicum curabat de Corpore Christi, nolens illud frequentè recipere, quia à peccato continere noluit, nec charitatem habuit recipere Corpus Christi ante quam in finem vitae. Post ista apparuit quidam quasi homo modestus valde in visu, cuius vestes erant albæ, & fulgidæ, quasi Alba sacerdotalis, cinctus zona lineæ, & stola rubea ad collum, & subtus brachia eius, qui inchoabat verba sua isto modo. Tu quæ hæc vides attende, & nota, & memoriae tuæ commenda, quæ vides, & quæ dicuntur tibi. Vos quippe qui estis in mundo viuentes, nõ valetis eo modo intelligere potentiam Dei, & eius ante tempora constitutione sicut nos, qui cum eo sumus. Quia illa quæ apud Deum fiunt in vnico puncto, hæc apud vos comprehendere non

Ec 3 pos-

possunt, nisi cum verbis, & similitudinibus iuxta mudi dispositionē. Ego itaq. sū vnus de illis, quem iste homo iudicatus ad Purgatorium honorauit cum donis suis in vita sua. Ideo dedit mihi Deus ex gratia sua, quod si aliquis vellet facere, quæ moneo, tunc anima istius transferri posset in sublimiorem locum, vbi obtineat suam veram formam, & nullam aliam pœnam sentiat, nisi sicut ille pateretur, qui magnum morbum habuisset, & omnes dolores abessent, iaceretq. quasi homo sine viribus. Attamen ex hoc gauderet, quod pro certissimo sciret se ad vitam peruenturum. Propterea sicut tu audisti, quod anima istius clamauit quinquies vā, ideo quinquē dico consolatoria sibi. Primum vā, fuit, quod Deum modicum dilexit. Ideo vt ab isto liberetur, datur pro anima eius triginta calices, in quibus sanguis Dei offeratur, & ipse Deus magis honoretur. 2. Secundum vā fuit, quod non timuit Deum, ideo pro isto absoluen-
do, eligantur xxx. Sacerdotes deuoti iudicio hominum, quorum quilibet dicat xxx. Missas, quando possunt, ix. de Martyribus; ix. de Confessoribus, ix. de omnibus Sanctis, xxviij. de Angelis, xxix. de sancta Maria, trigessimam, de sancta Trinitate. Et omnes intentē orent pro anima istius, vt ira Dei mitigetur, & iustitia eius ad misericordiam flectatur. Tertium vā fuit pro superbia eius, & cupiditate. Ideo pro isto abolendo recipiantur, xxx. pauperes, quorum pedes lauentur cum humilitate, & dantur eis cibaria, & pecunia, vestesq. quibus consolentur, quorum quilibet, tam qui lauat, quā qui lauantur rogent Deum humiliter, vt propter humilitatem suam, & amaram passionem suam, dimittat animā istius cupiditatem, & superbiam, quam commisit. Quartum vā fuit luxuria carnis suæ, ideo quicunq. daret vnam Virginem in Monasteriū, & vnam Viduam similiter, vnamq. puellā in coniugium verum, dando cum eis tantū de bonis, vnde sufficienter ad victum, &

vestitum subsistant, tunc peccatum animę istius, quod in carne commiserat dimittet Deus, quia hæ sunt tres vitæ, quas Deus in mundo stare iussit, & elegit. Quintum vā fuit, quod multa peccata commisit in tribulationē plurimorum, scilicet, quod totas vires adhibuit, quatenus illi duo prius nominati conuenirent in coniugium, qui non min⁹ quadam consanguinitate cōiuncti erant, quā si fuissent ambo de proxima parentela, & hanc coniunctionem procurauit plus propter seipsum, quā propter regnum, & sine requisitione Papæ, contra laudabilem sanctę Ecclesię dispositionem. Pro isto itaque factō multi facti fuerunt Martyres, ne contra Deum, & sanctam Ecclesiam, seu Christianos mores talia tolerarent, si quis tale peccatum abolere volens iret ad Papam, dicens: Quidam homo tale peccatum commisit, non exprimendo personam, attamen in fine pœnituit, & obtinuit absolutionem, non emendato peccato. Imponite ergo mihi pœnitentiam qualemcunq. vultis, vt tolerare possim, quia ego paratus sum pro eo peccatum illud emendare. 3. Verē si non esset isti imposita maior pœnitentia, nisi vnum Pater noster, valeret illi animæ ad diminutionem pœnæ in Purgatorio.

N O T A.

REVELATIO S. BRIGITTAE

I Deo post mortem iudicauit iustitia Dei, quod deberet per sex ætates ardere in Purgatorio.

Angelus B. Brigittam in presenti Nota certiores facit de iudicio eius animæ, de qua sup. Cap. 7. et 8. actum erat, & dicit, quod per sex ætates illa ad Purgatorium condemnata erat, quod esse intelligendum arbitror usq. ad finem seculi, quod sexta ætate finiendum esse quam plures tradiderunt, atque vsq. ad diē iudiciij plures animas in Purgatorio esse torquendas colligi potest ex Vener. Bedæ lib. 5. hist. cap. 13. vbi asserit, cuidam ostensas esse Purgatorii pœnas, dictumq. illi esse, animas,

que

que in Purgatorio digūt saluādas omnes in die iudicij, licet aliquę orationibus, & elemosinis viuētiū, & præcipuē Altaris sacrificio inuentur sic, ut ante diē iudicij liberentur, ubi apertē insinuat, aliquos iam uitā finētos, vsque ad diē iudicij permanēuros esse in Purgatorij pēnis, quod de hac anima iudicata etiā hoc loco traditur, similes quōq; uisiones, apud Dionys. Carthus. frequenter reperiuntur, Sed hæc diuino iudicio reseruata sunt.

2 Secundum vā fuit, quōd non timuit Deum, idēd pro isto absolūendo eligantur triginta Sacerdotes deuoti iudicio hominū, quorum quilibet dicat triginta Missas.

Hæc esse Missas S. Gregorij probabiliter existimandum est, quarum institutio habetur ex ipsomet D. Greg. lib. 4. Dialogor. cap. 55. an autem necessariū huiusmodi Missa hoc ordine, quo traditur hic, dicende sint, nimirum de Martyrib. Confessorib. Angelis, M. V. de Sanctissima Trinitate, nihil hac de re inuenio definitum, putō enim diebus feriālibus, quando non occurrit festum duplex, esse dicendas de Requiem secundum Rubricas in Missali contentas, secus verō in festo duplici, in quo facerit, quod Missa celebratur de Sapēto occurrente, & in Memento, oratio dirigatur ad Deum pro eo, pro quo Missa celebratur: nec obstat rubrica Romani Missalis antiqui, & maxime impressi Parisijs Anno 1537. in quo dicitur, Missas D. Gregorij celebrandas esse; Primam, de Dominica prima Aduentus, Secundam de Natiuitate Domini, Tertiā de S. Stephan. Quartā de S. Ioanne. Quintā de Innocentibus, & alias secundum Regulas ibi traditas, quādoquidem illa pēnitūs sublatæ sunt, & reiectæ per noui Missalis impressionem, ac editionem, ut ex Bulla Pij V. in principio Missalis apposta constat, in qua legimus. Mandantes omnibus, & illis in uirtute sanctæ obedientie præcipientes, ut ceteris omnibus rationibus, & ritibus ex alijs Missalibus quantumuis uetustis hæcenus obseruari consuetis, imposuerunt pēnitūs omisiss, & planē reiectis Missam iuxta ritum, modū, ac normam, quæ per Missale hoc à nobis nunc traditur decantent, ac legant, neque in Missa

celebratione alias ceremonias, ac preces, quæ hoc Missali continentur addere, vel recitare præsumant, idem probatur ex Bulla Clementis Octauī apposta in principio noui Missalis correcti de mandato eius, & Romæ impressi Anno 1604. die 7. Iulij. Postremō nec referre arbitror, an continuus, vel interpolatis diebus huiusmodi Missæ dicantur, neque de necessitate absque interruptione singulis diebus eas esse celebrandas censeo, quia obligatio, quæ ad celebrandum Sacerdos tenetur, explicari debet iuxta cap. significatum. de Præbendis, quod habet, Missas esse dicendas, quanto frequentius Sacerdos potest, salua honestate, debita reuerentia, ac deuotione, alias institutio huiusmodi esset illicita, quippè quæ præbiret ansam peccandi, cum non semper Sacerdos sit rite dispositus ad celebrationem Missæ, ut probat D. Anton. par. 1. tit. 10. cap. 2. §. 3. Tabienā uerb. Missa Octauo nu. 44. quod etiam euidenter colligitur ex quibusdam uerbis, quæ paulō antē medium præsentis Capituli habentur ibi, Quorū quilibet Sacerdos dicat triginta Missas, quando possunt.

2 Verē si non esset illi imposita pœnitentia maior, nisi vnum Pater noster, valerēt illi animæ ad diminutionem pœnæ in Purgatorio.

¶ Omnino credendum est pœnitentias à Confessarijs nobis impositas conferre ad diminutionē pœnæ in Purgatorio lucēde, ut legimus hic: ex quo inferō, satius esse in uia satisfacere, ubi nobiscū mitius agitur, & per misericordiam Dei grauiora peccata leuius puniuntur, quàm uelle scelerū pœnas in Purgatorio uehementissimō igne persolvere, unde egregie affirmat Maior. in 4. sent. d. 20. col. 3. non esse uerū amici imponere paruā pœnitentiā, neq. prudentie eius paruitate latari, & idcirco S. Conc. Trid. Sess. 14. cap. 7. declarauit conuenientes pœnitentias esse à Confessarijs imponendas, & nō leues pro grauib. iniungendas: hinc arbitror Confessariū peccare, imponentem pœnitentiā pro suo arbitratu sine alia circumspectione, nulla peccatorum grauitate, ac circumspecta perpenſa, quod etiam tradidit Abulenſis in cap. 18. Math. q. 49. circa finem,

VERBA QVAERIMONIAE
Christi de Romanis ad Sponsam, &
de crudeli sententia contra eos à Chri-
sto illata, si in peccatis suis morian-
tur.

C A P. X.



ILIVS Dei loquitur hæc
verba dicens. O Roma,
tu mihi pro multis bene-
ficijs malam retributionē
rendis. Ego sum Deus,
qui omnia creavi, meamq. maximam
charitatem per corporis mei durissimam
mortem manifestavi, quam propria vo-
luntate pro animarū salute sustinui. Trēs
itaque viæ sunt, quibus te adire volui;
& verē in omnibus eis tu me prodere vo-
luisti. In prima enim via lapidem magnū
suspendisti super caput meum, ut me cō-
tereret. In secunda via acutam lanceam
posuisti, quæ non sineret me ad te proce-
dere. In tertia via mihi foueam fodisti, ut
in eam incautē cadens suffocarer. Sed ista,
quæ iam dico, non corporaliter, sed spiri-
tualiter debent intelligi. Ego quidem ad
habitatores Romæ, qui taliter faciunt lo-
quor, sed non ad amicos meos, qui eo-
rum opera non sectantur. Prima itaque
via, qua venire solitus sum ad cor ho-
minis, est verus timor Dei, super quē ho-
mo ingentem suspendit lapidem, hoc est,
magnam cordis duri præsumptionem, nō
timens Iudicem, cui nemo resistere po-
test, sed ita in corde suo dicens. Si venerit
ad me timor Dei, conteret eum præsum-
ptio cordis mei. Secunda via, qua venio,
est diuini consilij infusio, quæ etiam mul-
toties aduenit prædicationibus, & do-
ctrinis. Tunc nempe in hac via homo
lanceam ponit contra me, dum delecta-
biliter peccat contra præcepta mea, pro-
ponens firmiter in malis suis perseverare,
donec non poterit ea amplius visitare.

Hæc certissimè est illa lancea, quæ non
finit ad eum venire gratiam Dei. Tertia
autem via est illuminatio Spiritus sancti,
in cuiuslibet hominis corde, per quam ho-
mo intelligere potest, & pensare, quæ, &
quanta pro eo feceram, & qualia pro ip-
so passus fueram in meipso. In hac liqui-
dem via profundam mihi fodit foueā, sic
dicens in corde suo. Quicquid mihi li-
bet, hoc mihi sua charitate charius est,
sufficit enim mihi, de his, quæ in hac
vita delectant me cogitare, & sic diuina
charitas vnā cum operibus meis, quasi
in profunda fouea ab eo suffocantur. Ve-
rē habitatores Romæ hæc omnia mihi
faciunt, & certissimè verbis, & operi-
bus hæc ostendunt. Verba, & opera mea
pro nihilo reputantes, mihiq. & Matri
meæ, & Sanctis meis in loco, & serio, in-
latitia, & ira maledicentes, & contu-
melias pro gratiarum actionibus offeren-
tes. Illi quidem non viuunt iuxta consue-
tudinem Christianorum, sicut sancta Ec-
clesia præcipit, quia maiorem charitatem
non habent ad me, quàm Dæmones, qui
magis milerias suas sustinere volunt æter-
naliter, suamq. malitiam retinere, quàm
me videre, mihiq. in perenni gloria
adhærere. Sic utique sunt illi, qui cor-
pus meum nolunt accipere, quod in al-
tari de pane, sicut ego ipse constitui con-
secratur, cuius perceptio iuuat maximè
contrà diabolicam tentationem. O quàm
miseri sunt, qui tale iuuamen dum sani
sunt, magis quàm venenum respuunt, &
abhorrent, quia nolunt se à peccatis re-
frænare. Nunc igitur per vnā viam
eis incognitam veniam cum potētia dei-
tatis meæ, vindictam meæ humanitatis
contemptoribus inferendo. Et sicut ipsi
mihi tria obstacula in vijs suis, nè ad ip-
sos ingrediar parauerunt. Ita & ego alia
tria ipsis parabo, quorum amaritudinem
viui, & mortui sentient, & gustabunt.
Lapis itaque meus mors est subitanea,
& improuisa, quæ sic eos conteret, quod
omnia, quæ habent ad iucunditatem
suam,

suam, hic remanebunt, & sola anima ad iudicium meum venire compelletur. Lâcea verò mea est iustitia mea, quæ ita eos à me remouebit, quod nunquam gustabunt bonitatem meam, qui eos redemi, & nunquam videbunt pulchritudinem meam, qui eos creauit. Fovea autem mea, est inferni tenebrosa obscuritas, in quam ipsi cadent, viuendo ibi in miseria sempiterna. Omnes Angeli mei in Cælo, & omnes Sancti condemnabunt eos, omnesq. Demones, omnesq. animæ in inferno maledicent eis. Sed illos noto, & de illis hæc dico, qui ita dispositi sunt, sicut est dictum superius, siue fuerint Religiosi, siue seculares Clerici, siue Laici, siue mulieres, siue ipsorum filij, & filiz, qui ad tantam deueniunt ætatem, quod intelligunt Deum. omnia peccata veruisse, & nihilominus tamen peccatis se implicat voluntariè amore Dei excluso, eiusq. timore paruipens. Verumtamen talis est mihi adhuc voluntas, qualis fuit mihi pendenti in Cruce. Idem enim sum modo, qui tunc fui, quando latroni misericordiam petenti peccata omnia dimisi, & Cæli portas aperui. Alteri quoque latroni me contemnenti inferni claustra patefeci. Vbi pro peccatis suis æternaliter cruciatur.

VERBA SANCTAE AGNETIS AD

Virginem gloriosam ipsâ laudantia, & benedictia, & qualiter rogat Virginem pro filia, & de responsione Domini, & Virginis dulci, & consolatoria ad Sponsam, & qualiter iste mundus per ollam designatur.

C A P. XL



AGNES loquitur. 1 O Maria Mater, & Virgo virginum, tu meritò vocari poteris Aurora, quâ Sol verus Iesus Christus illuminauit. Sed nunquid voco te Auroram, propter regalem progeniem, aut propter

diuitias, & honores? Nequaquâ. Sed meritò dicenda es Aurora propter humilitatem, propter fidei illuminationem, propter singulare votum castitatis. Tu enim es veri Solis nuncia, & productiua. Tu iustorum latitia. 2 Tu Dæmonum expulsio, tu consolatio peccatorum. Ergo rogo te propter nuptias istas, quas Deus fecit tecum hora ista, vt filia tua stare possit in honore, & amore Filij tui. Respondit Mater Dei. Quomodo intelligis nuptias istas? edicito propter istam, quæ hæc audit. Respondit Agnes. Tu verè vtrunque Mater, & Virgo, & vxor es. Nam pulcherrimæ factæ sunt in te nuptiæ hora ista, cum Deus homini in te coniunctus est, absque confusione, & diminutione deiatis. Virginitas quoque, & maternitas sociatæ sunt, illæso virginitatis pudore, simulq. Mater, & filia facta es tui Creatoris. Illum quippè hodiè genuisti temporaliter, qui à Patre æternaliter genitus, omnia cum Patre operatus est. Nam Spiritus sanctus in te fuit, & extraxit te, & circumquaque tecum, 3 qui fecit. 4 dauit te consentientem nuncio Dei. 4 Ipleq. Filius Dei, qui hodiè natus est de te, etiam fuit in te antequam nuncius suus perteneret ad te, idèo fac misericordiam cum filia tua. Ipsa enim similis est illi paupercule mulieri, quæ habitans in conualle, nihil habebat nisi modicum viuudum, vtputà gallinam, vel anserem, quæ ad Dominum, qui in monte vallis habitabat tantum affecta est, quòd quicquid habebat viuudum Domino in monte ex charitate offerebat. Cui Dominus respondit. Superabundo in omnibus, nec tua mihi sunt necessaria, sed fortè, idèo parua tribuis, vt tibi maiora tribuantur. Cui illa. Non (inquit) hæc idèo offero, quia tibi necessaria sunt, sed quia me tantillum pauperculam cohabitari fecisti in monte tuo, à seruisq. tuis honorata sum. Idèo tantillum, quod mihi tamen est consolatorium offero tibi, vt probes, quòd facerem maiora, si valerem, & ne gratiæ tuæ sim ingrata. Respondit Dominus, quia me tanta charitate diligis, ego eleua-

eleuabo te ad montem meum, & dabo tibi, & tuis vestes, & victum annualem. Sic nunc est filia tua disposita. Ipsa enim illud solum, quod habebat viuendum, id est amorem mundi, & filiorum reliquit tibi. Ideo tuae pietatis est providere ei. Respondit Mater ad Sponsam filij dicens. Filia

5 sta stabilis. 5 Ego rogabo filium meum, qui dabit tibi victum annualem, & collo- cabit te in monte, vbi millia millium Angelorum seruiunt ei. Nam si computaren- tur omnes homines, qui nati sunt ab Adā vsque ad nouissimum, qui nasciturus est in fine mundi, plusquam decem Angeli inueniuntur pro vnoquoque homine. Mundus quippe non est, nisi quasi quāda- olla. Ignis verò subtus ollam, & cinis, sunt amici mundi. Sed amici Dei sunt quasi

cibus optimus in olla. Ergo quando para- ta fuerit mensa, tunc cibus dulcis prae- sentabitur Domino, & delectabitur in eo, olla verò frangetur, sed tamen ignis non

extinguetur.

N O T A E.

1 **O** Maria Mater, & Virgo Virgi- num, tu meritò vocari poteris Aurora, quā Sol verus Iesus Christus illuminauit.

In presenti nota B. Agnes de laudibus Ma- rie agens, eam comparat Aurorae, & Cant. 6. ipsam Aurorā confurgens appellatur, quare autem Aurorae similis sit, annotaui supra Lib. 1. Cap. 50. Nota 1. & insinuat etiam hoc eodem Cap. aliquanto post cum de ea scribi- tur. Tu enim es veri Solis nuncia, & produ- ctiva, idem habetur in Revelat. extrau. Cap. 50. & ferm. Angelic. cap. 11.

2 Tu Demonum expulsio.

Inter ceteras laudes, ac priuilegia, quibus B. Agnes praeclara esse Mariam affirmat, illud esse potissimum hoc loco aserit, quod dominiū super Demones potita sit, ut mirum videri non debeat, si Demonum ab ea vocetur ex- pulsio, & ab ipsomet Angelo fuga Diaboli, ut legitur in ferm. Angel. cap. 15. idipsum

quoque fuisse traditur Lib. 1. Reu. Cap. 9. & Lib. 4. Cap. 108. & in ferm. Angel. cap. 20. Hinc nobis colligendum est, quantum comodi nobis possit asserere, si eam in tentationibus, & angustijs nostris, & maxime contra Demonum incursum inuocauerimus: Non enim (inquit D. Bernardus) sic timeant hostes visibiles, quā- libet castrorum multitudinem sicut ille aerea potestates Marie vocabulum, patrocinium, & exemplum, sicut enim pulvis ante faciem veni spargitur, & sicut cera ante faciem ignis liquefit, sic ad inuocationem huius no- minis Maria, fugiunt, & pereunt. Et iterum Vbi nomen Maria nominatur, ibi Daemoniū effugatur, reis venia, medela egris, pusillis corde robur, afflictiis consolatio, peregrinanti- bus adiutorium datur.

3 Qui fecundauit te consentientem nun- cio Dei.

Hoc est, cum primum Angelo Gabrieli In- carnationem Filij tui annuncianti consensum prestisti, statim Spiritus sancti virtute Verbum concepisti, & inde secunda facta es.

4 Ipse Filius Dei, qui hodie natus est de te, etiam fuit in te, antequam nuncius suus perueniret ad te.

Hoc loco insinuat, Beatissimam Virgine, etiam ante Christi Domini Incarnationem fuisse Deo gratissimam, & suum Filium in se habuisse, quod intelligendum est per gratiam; nam ut legitur Lib. 3. Reuel. Cap. 8. & Lib. 4. Cap. 109. Ipsa ab eterno fuit in charitate Dei, & Deo dilecta, & ab infancie plena Spiritu sancto. Vnde Cant. 4. de ea scribitur. Tota pulchra es amica mea, & macula non est in te: eade ergo Maria, quae Filiū suum ante Incarnationem per gratiā in se habuit, eadem post Anglicam annunciationem se- cundum humanā naturā, & carnis verita- tem in ventre Virgineo portauit.

5 Ego rogabo Filium meum; qui dabit tibi victum annualem, & collocabit te in monte, vbi millia millium Angelorum seruiunt ei: Nam si computarentur om- nes homines, qui nati sunt ab Adam vs- que ad nouissimum, qui nasciturus est in fine mundi, plusquam decem Angeli inue-

inueniuntur pro vnoquoque homine.

Sic B. Virgo sponsa allocuta est, cui se à siliio annualem victum impetraturā, & eam in monte collocaturam fuisse spondā, ubi millia millium Angelorum seruiunt Deo. Sane cum victus sit, quo in hac vita mortali sustentamur, & cibus, quo nutrimur, ergo cū B. Virgo annualem victum Brigitta pollicetur, intelligendum crediderim auxilium gratia Dei per annualem cibum spiritualiter designatum, teste S. Greg. lib. 2. Moral. cap. 25. quo B. Brigitta dum viueret sustentanda, ac nutrienda erat, & postquam nature debitum soluisset, in eo monte collocanda, ubi millia millium Angelorum Deo seruiunt, nimirum in illa celesti Patria, qua per montem designatur, sicut admonuerunt S. Basil. in Ps. 14. & S. Hieron. super cap. 37. Isaie: aut etiam per annualem victum sacram Eucharistiam possumus intelligere, que cibus est animæ, quo Christifideles in hac vita sustentantur, & qua mensa celestis est, in qua panes depositi sunt, quibus participatione Corporis Christi ad vitam eternam aluntur, & in monte celestis gratiæ collocantur, & hoc est, quod ad finem presentis Cap. legimus. Ergo quando parata fuit mensa, tunc cibus dulcis presentabitur & delectabitur in ea. Sed quoniam hoc loco innuitur Angelos in magno quodam esse numero, & quod plus quàm decem Angeli inueniuntur pro vnoquoque homine querendum breuiter est; An verò illi creati sint in magno numero, & an numerus eorum excedat numerum hominum. Et quantum spectat ad primum dicendum est, Angelos creatos esse in magno numero, & hanc assertionem esse, & sacris litteris conformem, & SS. etiam Patrum opinioni consonam, patet primo Dan. 7. Millia millium ministrabant ei, & decies centena millia assistebant ei, quo loco S. Hieronymus. & alij etiam sacrarum litterarum interpretes moneant, Angelorum numerum definitum accipiendum esse pro indefinito, vt intelligantur penè innumerabiles & Iob. 25. Numquid est numerus militum eius? ubi militum nomine, Angelorum exercitus intelligitur iuxta communem explanationem, & sensus est, tot

numero sunt, vt numerari difficile queant: David quoque nobis fidem facit huius ingentis Angelorum multitudinis Psal. 67. Currus (inquit) Dei multiplex millia latantium, quem locum interpretes intelligunt de Angelis sanctis, qui Christo in Cælo ascendenti assistunt, eiq. inferuierunt, & Apocalyp. 1. S. Ioan. Audiuisti (inquit) vocem Angelorum multorum, & paulo post subdit, Et erat numerus eorum millia millium, & Hebr. 12. apertis verbis Paulus Apostol. monet, maximam esse Angelorum multitudinem, & in scripturis sacris fit mentio legionum Angelorum Matth. 26. An putas quia non possum rogare Patrem meum, & exhibebit mihi modò plusquam duodecim legiones Angelorum? quibus verbis certum est voluisse Christum Dominum ingentem Angelorum multitudinem indicare, testatur hoc idem S. Dionys. Areopag. 14. cap. de Celesti Hierarch. & S. Greg. 17. Moral. cap. 9. qui explanans citata verba Iob. Supernorum (inquit) Ciuium numerus infinitus est, & definitus exprimitur, vt qui Deo numerabilis est, esse hominibus innumerabilis demonstratur. Sed audiamus D. Bernardin. Senensem hoc confirmantem tom. 4. ferm. 48. de Amore misericordie fol. mihi 272. Dionysius (inquit) in suo lib. Hierarch. dicit, quòd solum Angeli in Paradiso existentes sunt plures, quàm stelle, quàm sint arene maris, ac terre, quàm sint folia, & herbe, & quàm sint omnia quæcunque creata: & ingentem esse Angelorum multitudinem, expressè etiam affirmarunt S. Athanas. ferm. 3. contra Arianos, Millei (inquit) Archangeli, multi Throni, multe Potestates, & Dominationes millies millia, & decies millies centena millia Ministrorum assistunt. Clem. Rom. lib. 8. Constit. Te adorant innumerabiles Angelorum copie. S. Chrysost. hom. 2. de incorrupt. Dei natura, Mille Angelorum sunt innumerabiles, Mille millia Archangelorum, S. Iræneus sunt (ait) innumerabiles circa Factorem Angeli. Indicat hoc idem S. Gregor. Nyss. hom. 15. in Cant. S. Hylar. in Psal. 118. Cyrill. Alexan. lib. 1. in Genes. Millia (inquit) millium Deo ministrant. Atque hinc deducendum verum esse

esse quod Domin. Bann. tradidit in Comment. ad 1. p. S. Thom. q. 50. art. 3. Certa fide credendum esse Angelos creatos esse in magno numero, an autem excedant animarum rationalium numerum dicit, conclusionem non esse de fide, sed valde fidei, & SS. Patrum sententijs conformem.

Sed quoniam B. Brigitta fuisse diuinitus reuelatum constat ex praesentis Capituli narratione, Angelorum numerum excedere numerum hominum, qui sunt, fuerunt, & futuri sunt, cumq. ex recentioribus Theologis nonnulli licet partem affirmantem tanquam probabiliorē fateantur, tamen indicarunt si testimonij Scripturae, aut ratione sola agendum esset, nihil certe hac de re conijci posse, & opinionem de ampliori Angelorum numero initiatum modo S. Brigittae Reuelationi, sicut scripsit Gabr. Vasquez in comment. ad 1. p. S. Thom. disp. 180 cap. 3. cuius auctoritati multum deferendum esse ait, & tradit ex Dionys. Carthusian. in cap. 14. S. Dionysij de Celest. Hierarc. fuisse S. Brigittae reuelatum ampliorē esse Angelorum numerum, quā hominum, sic ut unicuique hominum decem possent in custodiam designari. Quo circa, ut probemus huius sanctissimae Faminae asseritionem esse conformem, & sacrae Scripturae, & sanctorum Patrum dictis, hac breuiter annotanda esse duximus: Et primum dicendum videtur ex sacris litteris, & sanctorum Patrum sententijs citatis, quibus significatur Angelos in magno numero fuisse creatos, & eorum multitudinem quasi innumerabilem esse: probabiliter colligi ampliorē esse Angelorum numerum, quā hominum, quod & ratione etiam constat, nam ut recte argumentatur S. Thom. 1. p. q. 50. art. 3. cum singulis hominibus ad custodiam datus sit à Deo unus Angelus, cumq. dubitandum non sit, quin sint etiam alij plures praeter illos, qui ad tutelam singulorum hominum deputati sunt, consequens sit, plures esse Angelos, quā homines; Maior est certa, quā probat B. Brigitta Lib. 1. Reuelat. Cap. 9. ubi scribitur, Omnibus hominibus Angelos bonos datos esse ad custodiam, & malos ad probationem, idem

habet eodem Lib. Cap. 33. & de Demonibus qui adsunt hominibus, ut indicat B. Brigitta probat Stephan. Bubal. in Comment. Angelicis ad q. 50. S. Thom. quaesit. unic. diff. 3. ex Herma Discipulo S. Pauli, Cassiano, Origen. Gregor. Nyss. alijsq. Patribus, & confirmat Magister cum Schola in 2. dist. 6. art. 11. Atque hinc Albertus Magn. nomine quatuor ventorum, quos in mari magno pugnantē viderat Dan. cap. 27. suarum Reuelat. intellexit malos Angelos, qui quatuor Monarchijs ad malum praerant, & ad bella, ac seditiones provocabant, & de custodia bonorum Angelorum hominibus data testantur S. Basil. lib. 3. contra Eunom. in initio, & Concione 9. in Psal. 33. S. Hieron. in cap. 18. Matth. & Chrysost. hom. 60. super Matth. S. August. in lib. de Diligendo Deum tom. 9. cap. 12. Tertull. lib. de Anima cap. 37. Quod autem alij plures sint Angeli praeter eos, qui ad custodiam hominum deputati sunt colligitur ex eo, quoniam Custodes Angeli ferē omnes sunt ex infimo ordine, ut docet S. Thom. 1. p. q. 113. art. 3. & consentiunt ibi Commentatores, ergo ultra Custodes alij sunt, aliorum superiorum ordinum in magno numero, eoque magis, cum ultra Angelos hominum Custodes deputatos non desint alij, qui sint Prouinciarum, & gentium Praesides, qui eorum res curent, & gubernationem cum spiritualem, cum corporealem promouent, & est communis Catholicorum omnium Doctorum sententia singulis Regnis à Deo, singulos Angelos deputari: Vnde Sanctus Hieronymus quatuor illos ventos à Daniele visos existimauit significare quatuor Angelos Custodes, quatuor Monarchiarum, non quatuor malos Angelos, ut censuit Albertus Magnus. Postremo veritatem hanc probat illorum Patrum sententia, qui genus humanum dixerunt centesimae partii rationē habere ad spiritus celestes, videntur enim sic affirmasse homines innumerabilibus partibus inferiores esse Angelorum multitudini, & respexisse eos credo ad parabolam ouis perditae, alijs nonaginta nouem ouibus relictis in deserto, de qua Luce 15. & ad aliam etiam de muliere, qua habebat decem

cem drachmas, & unam perdidit, unde inferri potest, eos existimasse, sic se habere numerum Angelorum ad numerum hominum, ut nonaginta nouem ad vnum, vel ut nouem ad vnum, ut ex alia parabola Mulieris de nouem drachmis seruati, & una perdit: Vnus enim, vel ouis, vel drachma vocabulo significantur omnes homines maioribus autem numeris omnes Angeli: ad has comparationes respexisse etiam videtur Beata Brigitta dum dixit, quod numerus Angelorum sit plusquam decuplum maior omnium hominum: præclare rem hanc describit Sanctus Ambrosius de Centesima oue ad cap. 15. Lucae. Diues (inquit) Pastor, cuius omnes nos centesima portio sumus, habet Angelorum, habet Archangelorum, Dominationum, Potestatum, Thronorum, aliorumque innumerabiles Greges, quos in montibus dereliquit: ex quibus verbis liquet ex sententia Sancti Ambrosij, si omnes homines simul cum omnibus Angelis in centum portiones diuiderentur, centesimam portionem efficerent omnes homines: Idem habet Sanctus Cyrillus Hierosolym. Cathedisi 15. qui homines cum Angelis comparat, ut centesimam partem; ad integrum centenum numerum, Cogita (inquit) primum quantum sit Romanorum genus, cogita quot gentes Barbarorum nunc viuentes, & quot ante centum annos mortui, cogita quot ante mille annos sepulti sunt, cogita eos, qui fuerunt ab Adam vsque ad hodiernam diem: Magna quidem hæc multitudo, sed hæc tamen parua est. Plures enim Angeli, nonaginta nouem oues sunt ille, tu verò centesima, quoniam vnum tantum est genus humanum: eadem comparatione vsus est Eucherius Episcopus Lugdunensis antiquus Auctor Homiliae Domin. 3. post Pentecostes, dum scribit, Idem significant decem drachme, quod centum oues, vnaqueque drachma, & vna ouis perdit idem significant, nouem verò que restant, nouem Ordines Angelorum sunt. Legendi sunt etiam de hac eadem comparatione Sanctus Gregorius homil. 34. in Euangelio, & Sanctus Hilarius in Math. Canon. 18. &

ad has comparationes respexit Beata Brigitta cum dixit, Quod si computarentur omnes homines, qui nati sunt ab Adam vsque ad nouissimum, qui nasciturus est in fine mundi, plusquam decem Angeli inueniuntur pro vnoquoque homine.

VERBA VIRGINIS MATRIS

ad filiam de reuolutione amicorum.

Dei in hoc mundo, nunc in tribulationibus spiritualibus, nunc in consolationibus, & quid sit tribulatio spiritualis, & consolatio, & qualiter amici Dei debent gaudere, & consolari temporaliter.

CAP. XII.



MATER loquitur. Amici Dei dicunt, vixi in mundo, nunc in tribulatione spirituali, nunc in consolatione spirituali. Consolatio verò spiritualis est infusio Spiritus sancti, consideratio magnalium operum Dei. Admiratio patientiæ eius. Et quando hæc omnia delectabiliter opere adimplentur. Tribulatio verò spiritualis est illa, quando contra voluntatem cogitationes immundæ, & importunæ conturbant mentem, quando mens angustiat̃ de inhonoratione Dei; & de dispendio animarum, quando animus ex rationabili causa, cogitur temporalibus sollicitudinibus implicari. Sic etiam amici, Dei, quandoque possunt consolari consolatione temporali, sicut de verbis ædificatorijs, de ludo honesto, seu de alijs operibus, in quibus nihil detractorium sit, aut inhonestum. Sicut per exemplum intelligere poteris. Si enim pugnus semper tenetur clausus, aut contraherentur nervi, aut manus debilitaretur. Sic est etiam in
F f spi-

possunt, nisi cum verbis, & similitudinibus iuxta mundi dispositionē. Ego itaq. sū vnus de illis, quem iste homo iudicatus ad Purgatorium honorauit cum donis suis in vita sua. Ideo dedit mihi Deus ex gratia sua, quod si aliquis vellet facere, quæ moneo, tunc anima istius transferri posset in sublimiorem locum, vbi obtineat suam veram formam, & nullam aliam poenam sentiat, nisi sicut ille pateretur, qui magnum morbum habuisset, & omnes dolores abessent, iaceretq. quasi homo sine viribus. Attamen ex hoc gauderet, quod pro certissimo sciret se ad vitam peruenturum. Propterea sicut tu audisti, quod anima istius clamauit quinquies vñ, ideo quique dico consolatoria sibi. Primum vñ, fuit, quod Deum modicum dilexit. Ideo vt ab isto liberetur, datur pro anima eius triginta calices, in quibus sanguis Dei offeratur, & ipse Deus magis honoretur. 2. Secundum vñ fuit, quod non timuit Deum, ideo pro isto absoluendo, eligantur xxx. Sacerdotes deuoti iudicio hominum, quorum quilibet dicat xxx. Missas, quando possunt, ix. de Martyribus, ix. de Confessoribus, ix. de omnibus Sanctis, xxviij. de Angelis, xxix. de sancta Maria, trigessimam; de sancta Trinitate. Et omnes intente orent pro anima istius, vt ira Dei mitigetur, & iustitia eius ad misericordiam flectatur. Tertium vñ fuit pro superbia eius, & cupiditate. Ideo pro isto abolendo recipiantur, xxx. pauperes, quorum pedes lauentur cum humilitate, & duntur eis cibaria, & pecunia, vestesq. quibus consolentur, quorum quilibet, tam qui lauat, quam qui lauantur rogent Deum humiliter, vt propter humilitatem suam, & amaram passionem suam, dimittat animæ istius cupiditatem, & superbiam, quam commisit. Quartum vñ fuit luxuria carnis suæ, ideo quicunque daret vnam Virginem in Monasteriū, & vnam Viduam similiter, vnamq. puellā in coniugium verum, dando cum eis tantū de bonis, vnde sufficienter ad victum, &

vestitum subsistat, tunc peccatum animæ istius, quod in carne commiserat dimitteret Deus, quia hæ sunt tres vitæ, quas Deus in mundo stare iussit, & elegit. Quintum vñ fuit, quod multa peccata commisit in tribulatione plurimorum, scilicet, quod totas vires adhibuit, quatenus illi duo prius nominati conuenirent in coniugium, qui non minùs quadam consanguinitate coniuncti erant, quàm si fuissent ambo de proxima parentela, & hanc coniunctionem procurauit plus propter seipsum, quàm propter regnum, & sine requisitione Papæ, contra laudabilem sanctæ Ecclesiæ dispositionem. Pro isto itaque factō multi facti fuerunt Martyres, ne contra Deum, & sanctam Ecclesiam, seu Christianos mores talia tolerarent, si quis tale peccatum abolere volens iret ad Papam, dicens: Quidam homo tale peccatum commisit, non exprimendo personam, attamen in fine poenituit, & obtinuit absolutionem, non emendato peccato. Imponite ergo mihi poenitentiam qualemcunque vultis, vt tolerare possim, quia ego paratus sum pro eo peccatum illud emendare. 3. Verè si non esset isti imposita maior poenitentia, nisi vnum Pater noster, valeret illi animæ ad diminutionem poenæ in Purgatorio.

N O T A.

MAIOR GA LLEON ANTO

I Deo post mortem iudicauit iustitia Dei, quod deberet per sex etates ardere in Purgatorio.

Angelus B. Brigittam in presenti Nota certiorē facit de iudicio eius animæ, de qua sup. Cap. 7. et 8. actum erat, & dicit, quod per sex etates illa ad Purgatorium condemnata erat, quod esse intelligendum arbitror vsq. ad finem sæculi, quod sexta etate finiendum esse quam plures tradiderunt, atque vsque ad diē iudicij plures animas in Purgatorio esse torquendas colligi potest ex Vener. Beda lib. 5. hist. cap. 13. vbi asserit, euidam ostensas esse Purgatorij poenas, dictumq. illi esse, animas,

quæ

que in Purgatorio degūt saluādas omnes in die iudicij, licet aliquę orationibus, & elemosynis viuētiū, & præcipuē Altaris sacrificio inuentur sic, ut ante diē iudicij liberentur, ubi apertē insinuat, aliquos iam uitā sumētos, vsque ad diē iudicij permansuros esse in Purgatorii peni, quod de hac anima indicata etiā hoc loco traditur, similes quoq. visiones, apud Dionys. Carthus. frequenter reperiuntur, Sed hæc diuino iudicio reseruata sunt.

2 Secundum vñ fuit, quod non timuit Deum, idēd pro isto absolucio eligantur triginta Sacerdotes deuoti iudicio hominū, quorum quilibet dicat triginta Missas.

Hæc esse Missas S. Gregorij probabiliter existimandum est, quarum institutio habetur ex ipsomet D. Greg. lib. 4. Dialogor. cap. 55. an autem necessariū huiusmodi Missæ hoc ordine, quo traditur hic, dicendæ sint, nimirum de Martyrib. Confessorib. Angelis, M. V. de Sanctissima Trinitate, nihil hac de re inuenio definitum, puō enim diebus ferialibus, quando non occurrit festum duplex, esse dicendas de Requiem secundum Rubricas in Missali contentas, secus verō in festo duplici, in quo faceret, quod Missa celebretur de Sancto occurrente, & in Memento, oratio dirigatur ad Deum pro eo, pro quo Missa celebratur: nec obstat rubrica Romani Missalis antiqui, & maximē impressi Parisijs Anno 1537 in quo dicitur, Missas D. Gregorij celebrandas esse, Primam de Dominica prima Aduentus, Secundam de Natiuitate Domini, Tertiam de S. Stephan. Quartam de S. Ioanne, Quintam de Innocentibus, & alias secundum Regulas ibi traditas, quādoquidem illa penitus sublata sunt, & reiecta per noui Missalis impressionem, ac editionem, ut ex Bulla Pij V. in principio Missalis apposta constat, in qua legimus. Mandantes omnibus, & illis in virtute sanctæ obedientiæ precipientes, vt ceteris omnibus rationibus, & ritibus ex alijs Missalibus quantumuis vetustis hæcenus obseruari consuetis, impostorum penitus omittis, & planē reiectis Missam iuxta ritum, modū, ac normam, quæ per Missale hoc à nobis nunc traditur decantent, ac legant, neque in Missa

celebratione alias ceremonias, ac preces, quæ hoc Missali continentur addere, vel recitare præsumant, idem probatur ex Bulla Clementis Octauī apposta in principio noui Missalis correcti de mandato eius, & Romæ impressi Anno 1604. die 7. Iulij. Postremō nec rēferre arbitror, an continuus, vel interpolatis diebus huiusmodi Missæ dicantur, neque de necessitate absque interruptione singulis diebus eas esse celebrandas cenſeo, quia obligatio, quæ ad celebrandum Sacerdos tenetur, explicari debet iuxta cap. significatum. de Præbendis, quod habet, Missas esse dicendas, quanto frequentius Sacerdos potest, salua honestate, debita reuerentia, ac deuotione, alias institutio huiusmodi esset illicita, quippè quæ præberet ansam peccandi, cum non semper Sacerdos sit rite dispositus ad celebrationem Missæ, ut probat D. Anton. par. 1. tit. 10. cap. 2. §. 3. Tabiena verb. Missa Octauo nu. 44. quod etiam euidenter colligitur ex quibusdam verbis, quæ paulō antè medium præsentis Capituli habentur ibi, Quorū quilibet Sacerdos dicat triginta Missas, quando possunt.

2 Verē si non esset ista imposita pœnitentia maior, nisi vnū Pater noster, valeret illi animæ ad diminutionem pœnæ in Purgatorio.

Omnino credendum est pœnitentias à Confessarijs nobis impositas conferre ad diminutionē pœnæ in Purgatorio lucēdæ, ut legimus hic: ex quo inferō, satius esse in via satisfacere, ubi nobiscū mitius agitur, & per misericordiam Dei grauiora peccata lenius puniuntur, quàm velle scelerū penas in Purgatorio vehementissimō igne persolvere, vnde egregiè affirmat Maior. in 4. sent. d. 20. col. 3. non esse verum amici imponere paruā pœnitentiā, neq. prudentiæ eius paruitate latari, & idcirco S. Conc. Trid. Sess. 14. cap. 7. declarauit conuenientes pœnitentias esse à Confessarijs imponendas, & nō leues pro grauib. iniungēdas: hinc arbitror Confessariū peccare, imponentem pœnitentiam pro suo arbitratu sine alia circumspectione, nulla peccatorum grauitate, ac circūstantia pensata, quod etiam tradidit Abulensis in cap. 18. Math. q. 49. circā finem,

VERBA QVAERIMONIAE

Christi de Romanis ad Sponsam, & de crudeli sententia contra eos à Christo illata, si in peccatis suis moriantur.

CAP. X.



ILIVS Dei loquitur hæc verba dicens. O Roma, tu mihi pro multis beneficijs malam retributionē rependis. Ego sum Deus, qui omnia creavi, meamq. maximam charitatem per corporis mei durissimam mortem manifestavi, quam propria voluntate pro animarū salute sustinui. Tres itaque viæ sunt, quibus te adire volui; & verè in omnibus eis tu me proderes voluisti. In prima enim via lapidem magnū suspendisti super caput meum, ut me cōtereret. In secunda via acutam lanceam posuisti, quæ non sineret me ad te procedere. In tertia via mihi foueam fodisti, ut in eam incautē cadens suffocarer. Sed ista, quæ iam dico, non corporaliter, sed spiritualiter debent intelligi. Ego quidem ad habitatores Romæ, qui taliter faciunt loquor, sed non ad amicos meos, quicorum opera non sectantur. Prima itaque via, qua venire solitus sum ad cor hominis, est verus timor Dei, super quē homo ingentem suspendit lapidem, hoc est, magnam cordis duri præsumptionem, nō timens Iudicem, cui nemo resistere potest, sed ita in corde suo dicens. Si venerit ad me timor Dei, conteret eum præsumptio cordis mei. Secunda via, qua venio, est diuini consilij infusio, quæ etiam multoties aduenit prædicationibus, & doctrinis. Tunc nempe in hac via homo lanceam ponit contra me, dum delectabiliter peccat contra præcepta mea, proponens firmiter in malis suis perseverare, donec non poterit ea amplius visitare.

Hæc certissimè est illa lancea, quæ non finit ad eum venire gratiam Dei. Tertia autem via est illuminatio Spiritus sancti, in cuiuslibet hominis corde, per quam homo intelligere potest, & pensare, quæ, & quanta pro eo feceram, & qualia pro ipso passus fueram in meipso. In hac siquidem via profundam mihi fodit foueā, sic dicens in corde suo. Quicquid mihi libet, hoc mihi sua charitate charius est, sufficit enim mihi, de his, quæ in hac vita delectant me cogitare, & sic diuina charitas vnā cum operibus meis, quasi in profunda fouea ab eo suffocantur. Verè habitatores Romæ hæc omnia mihi faciunt, & certissimè verbis, & operibus hæc ostendunt. Verba, & opera mea pro nihilo reputantes, mihiq. & Matri meæ, & Sanctis meis in ioco, & serio, in lætitia, & ira maledicentes, & contumelias pro gratiarum actionibus offerentes. Illi quidem non viuunt iuxta consuetudinem Christianorum, sicut sancta Ecclesia præcipit, quia maiorem charitatem non habent ad me, quàm Dæmones, qui magis milerias suas sustinere volunt æternaliter; suamq. malitiam retinere, quàm me videre; mihiq. in perenni gloria adhærere. Sic utique sunt illi, qui corpus meum nolunt accipere, quod in altari de pane, sicuti ego ipse constitui consecratur, cuius perceptio iuuat maximè contrā diabolicam tentationem. O quàm miseri sunt, qui tale iuuamen dum sani sunt, magis quàm venenum respuunt, & abhorrent, quia nolunt se à peccatis refrænare. Nunc igitur per vnā viam eis incognitam veniam cum potētia deitatis meæ, vindictam meæ humanitatis contemptoribus inferendo. Et sicut ipsi mihi tria obstacula in vijs suis, nē ad ipsos ingrediar parauerunt. Ita & ego alia tria ipsis parabo, quorum amaritudinem viuī, & mortui sentient, & gustabunt. Lapis itaque meus mors est subitanea, & improuisa, quæ sic eos conteret, quod omnia, quæ habent ad iucunditatem suam,

suam, hic remanebunt, & sola anima ad iudicium meum venire compelleretur. Lācea verò mea est iustitia mea, quæ ita eos à me remouebit, quod nunquam gustabunt bonitatem meam, qui eos redemi, & nunquam videbunt pulchritudinem meam, qui eos creauit. Fovea autem mea, est inferni tenebrosa obscuritas, in quam ipsi cadent, viuendo ibi in miseria sempiterna. Omnes Angeli mei in Cælo, & omnes Sancti condemnabunt eos, omnesq. Demones, omnesq. animæ in inferno maledicent eis. Sed illos noto, & de illis hæc dico, qui ita dispositi sunt, sicut est dictū superius, siue fuerint Religiosi, siue sæculares Clerici, siue Laici, siue mulieres, siue ipsorum filij, & filiz, qui ad tantam deueniunt ætatem, quod intelligunt Deum, omnia peccata veruisse, & nihilominus tamē peccatis se implicat voluntariē amore Dei excluso, eiusq. timore paruipēsō. Verū tamē talis est mihi adhuc volūtas, qualis fuit mihi pendente in Cruce. Idē enim sum modo, qui tunc fui, quando latroni misericordiam petenti peccata omnia dimisi, & Cæli portas aperui. Alteri quoque latroni me contemnti inferni claustra patefeci. Vbi pro peccatis suis æternaliter cruciatur.

VERBA SANCTAE AGNETIS AD

Virginem gloriosam ipsā laudantia, & benedictia, & qualiter rogat Virginem pro filia, & de responsione Domini, & Virginis dulci, & consolatoria ad Sponsam, & qualiter iste mundus per ollam designatur.

C A P. XL



AGNES loquitur. 1 O Maria Mater, & Virgo virginum, tu meritò vocari poteris Aurora, quā Sol verus Iesus Christus illuminauit. Sed nunquid voco te Auroram, propter regalem progeniem, aut propter

diuitias, & honores? Nequaquā. Sed meritò dicenda es Aurora propter humilitatem, propter fidei illuminationē, propter singulare votū castitatis. Tu enim es veri Solis nuncia, & productiua. Tu iustorum lætitia. 2 Tu Dæmonū expulsio, tu consolatio peccatorum. Ergo rogo te propter nuptias istas, quas Deus fecit tecum hora ista, vt filia tua stare possit in honore, & amore Filij tui. Respondit Mater Dei. Quomodo intelligis nuptias istas? edicito propter istam, quæ hæc audit. Respondit Agnes. Tu verē vtrunque Mater, & Virgo, & vxor es. Nam pulcherrimæ factæ sunt in te nuptiæ hora ista, cū Deus homini in te coniunctus est, absque confusione, & diminutione deitatis. Virginitas quoque, & maternitas sociatæ sunt, illæso virginitatis pudore, simulq. Mater, & filia factæ es tui Creatoris. Illum quippè hodiè genuisti temporaliter, qui à Patre æternaliter genitus, omnia cum Patre operatus est. Nam Spiritus sanctus in te fuit, & extrā te, & circumquaque tecum, 3 qui secūdauit te consentienti nuncio Dei. 4 Ipleq. Filius Dei, qui hodiè natus est de te, etiam fuit in te antequam nuncius suus perueniret ad te, idē fac misericordiam cum filia tua. Ipsa enim similis est illi pauperculæ mulieri, quæ habitans in conualle, nihil habebat nisi modicum viuudum, vtruptā gallinā, vel anserem, quæ ad Dominum, qui in monte vallis habitabat tantum affecta est, quod quicquid habebat viuudum Domino in monte ex charitate offerebat. Cui Dominus respondit. Superabundo in omnibus, nec tua mihi sunt necessaria, sed fortē, idē parua tribuis, vt tibi maiora tribuantur. Cui illa. Non (inquit) hæc idē offero, quia tibi necessaria sunt, sed quia me tāuillam pauperculam cohabitari fecisti in mōte tuo, a seruisq. tuis honorata sum. Idē tāuillum, quod mihi tamen est consolatorium offero tibi, vt probes, quod facerem maiora, si valerem, & nē gratiæ tuæ sim ingrata. Respondit Dominus, quia me tanta charitate diligis, ego elcua-

eleuabo te ad montem meum, & dabo tibi, & tuis vestes, & victum annualem. Sic nunc est filia tua disposita. Ipsa enim illud solum, quod habebat viuudum, idest amorem mundi, & filiorum reliquit tibi. Ideo tuæ pietatis est providere ei. Respondit Mater ad Sponsam filij dicens. Filia
 5 sta stabilis. 5 Ego rogabo filium meum, qui dabit tibi victum annualem, & collocabit te in monte, vbi millia millium Angelorum seruiunt ei. Nam si computarentur omnes homines, qui nati sunt ab Adâ vsquē ad nouissimum, qui nasciturus est in fine mundi, plusquam decem Angeli inueniuntur pro vnoquoque homine. Mundus quippè non est, nisi quasi quædâ olla. Ignis verò subtus ollam, & cinis, sunt amici mundi. Sed amici Dei sunt quasi cibus optimus in olla. Ergò quando parata fuerit mensa, tunc cibus dulcis præsentabitur Domino, & delectabitur in eo, olla verò frangetur, sed tamen ignis non extinguetur.

NOTAE.

1 **O** Maria Mater, & Virgo Virginum, tu meritò vocari poteris Aurora, quàm Sol verus Iesus Christus illuminauit.

In præsentī nota B. Agnes de laudibus Mariæ agens, eam comparat Auroræ, & Cant. 6. ipsam Aurorā surgens appellatur, quare autem Auroræ similis sit, annotaui suprà Lib. 1. Cap. 50. Nota 1. & insinuat etiam hoc eodem Cap. aliquanto post cum de ea scribitur. Tu enim es veri Solis nuncia, & produciua, idem habetur in Reuelat. extrau. Cap. 50. & serm. Angelic. cap. 11.

2 Tu Dæmonum expulso.

Inter cæteras laudes, ac priuilegia, quibus B. Agnes præditâ esse Mariam affirmat, illud esse potissimum hoc loco asserit, quod dominum super Dæmones potita sit, ut mirum videri non debeat, si Dæmonum ab ea vocetur expulsio, & ab ipsomet Angelo fuga Diaboli, ut legimus in serm. Angel. cap. 15, idipsum

quoque fusè traditur Lib. 1. Reu. Cap. 9. & Lib. 4. Cap. 108. & in serm. Angel. cap. 20. Hinc nobis colligendum est, quantum comodi nobis possit asserre, si eam in tentationibus, & angustijs nostris, & maxime contra Dæmonum incursum inuocauerimus: Non enim (inquit D. Bernardus) sic timent hostes visibiles, quâlibet castrorum multitudinem sicut ille aerea potestates Mariæ vocabulum, patrocinium, & exemplum, sicut enim puluis ante faciem venti spargitur, & sicut cera ante faciem ignis liquefit, sic ad inuocationem huius nominis Mariæ, fugiunt, & pereunt: Et iterum Vbi nomen Mariæ nominatur, ibi Dæmonum effugatur, reis venia, medela egrijs, pusillis corde robur, afflictijs consolatio, peregrinantibus adiutorium datur.

3 Qui secundaui te consentientem nuncio Dei.

Hoc est, cum primùm Angelo Gabrieli Incarnationem Filij tui annuncianti consensum præstitisti, statim Spiritus sancti virtute Verbum concepisti, & inde secunda facta es.

4 Ipse Filius Dei, qui hodie natus est de te, etiam fuit in te, antequam nuncius suus perueniret ad te.

Hoc loco insinuat, Beatissimam Virgine, etiam ante Christi Domini Incarnationem fuisse Deo gratissimam, & suum Filium in se habuisse, quod intelligendum est per gratiam; nam videtur Lib. 3. Reuel. Cap. 8. & Lib. 4. Cap. 109. Ipsa ab æterno fuit in charitate Dei, & Deo dilecta, & ab infantia plena Spiritu sancto. Vnde Cant. 4. de ea scribitur. Tota pulchra es amica mea, & macula non est in te: eadē ergo Maria, quæ Filium suum ante Incarnationem per gratiā in se habuit, eadem post Angelicam annunciationem secundum humane nature, & carnis veritatem in ventre Virgineo portauit.

5 Ego rogabo Filium meum, qui dabit tibi victum annualem, & collocabit te in monte, vbi millia millium Angelorum seruiunt ei: Nam si computarentur omnes homines, qui nati sunt ab Adam vsque ad nouissimum, qui nasciturus est in fine mundi, plusquam decem Angeli inue-

inueniuntur pro vnoquoque homine.

Sic B. Virgo sponsa allocuta est, cui se à filio annualem victum imperaturā, & eam in monte collocaturam fuisse spondit, ubi millia millium Angelorum seruiunt Deo. Sane cum victus sit, quo in hac vita mortali sustentamur, & cibus, quo nutrimur, ergo cū B. Virgo annualem victum Brigitta pollicetur, intelligendum crediderim auxilium gratie Dei per annualem cibum spiritualiter designatum, teste S. Greg. lib. 2. Moral. cap. 25. quo B. Brigitta dum viuere sustentanda, ac nutrienda erat, & postquam natura debitum soluisset, in eo monte collocanda, ubi millia millium Angelorum Deo seruiunt, nimirum in illa celesti Patria, quæ per montem designatur, sicut admonerunt S. Basil. in Ps. 14. & S. Hieron. super cap. 37. Isaie: aut etiam per annualem victum sacram Eucharistiam possumus intelligere, quæ cibus est animæ, quo Christifideles in hac vita sustentantur, & quæ mensa celestis est, in qua panes depositi sunt, quibus participatione Corporis Christi ad vitam æternam aluntur, & in monte celestis gratie collocantur, & hoc est, quod ad finem præsentis Cap. legimus. Ergo quando parata fuerit mensa, tunc cibus dulcis presentabitur & delectabitur in ea. Sed quoniam hoc loco innuitur Angelos in magno quodam esse numero, & quod plus quam decem Angeli inueniuntur pro vnoquoque homine querendum breuiter est; An verò illi creati sint in magno numero, & an numerus eorum excedat numerum hominum. Et quantum spectat ad primum dicendum est, Angelos creatos esse in magno numero, & hanc assertionem esse, & sacris litteris conformem, & SS. etiam Patrum opinioni consonam, patet primo Dan. 7. Millia millium ministrabant ei, & decies centena millia assistebant ei, quo loco S. Hieronymus. & alij etiam sacrarum litterarum interpretes moneant, Angelorum numerum definitum accipiendum esse pro indefinito, ut intelligantur penè innumerabiles & Iob. 2. 5. Nunquid est numerus militum eius? ubi militum nomine, Angelorum exercitus intelligitur iuxta communem explanationem, & sensus est, tot

numero sunt, ut numerari difficile queant: David quoque nobis fidem facit huius ingentis Angelorum multitudinis Psal. 67. Currus (inquit) Dei multiplex millia letantium, quem locum interpretes intelligunt de Angelis sanctis, qui Christo in Cælo ascendenti assistunt, eiq. inserviunt, & Apocalyp. 1. S. Ioan. Audiri (inquit) vocem Angelorum multorum, & paulo post subdit, Et erat numerus eorum millia millium, & Hebr. 12. apertis verbis Paulus Apostol. monet, maximam esse Angelorum multitudinem, & in scripturis sacris sic mentio legionum Angelorum Matb. 26. An putas quia non possum rogare Patrem meum, & exhibebit mihi modò plusquam duodecim legiones Angelorum? quibus verbis certum est voluisse Christum Dominum ingentem Angelorum multitudinem indicare, testatur hoc idem S. Dionys. Areopag. 14. cap. de Celesti Hierarch. & S. Greg. 17. Moral. cap. 9. qui explanans citata verba Iob, Supernorum (inquit) Cuius numerus infinitus est, & definitus exprimitur, ut qui Deo numerabilis est, esse hominibus innumerabilis demonstratur. Sed audiamus D. Bernardin. Senensem hoc confirmantem tom. 4. serm. 48. de Amore misericordie fol. mihi 272. Dionysius (inquit) in suo lib. Hierarch. dicit, quòd solum Angeli in Paradiso existentes sunt plures, quam stelle, quam sint arene maris, ac terræ, quam sint folia, & herbe, & quam sint omnia quæ unque creata: & ingentem esse Angelorum multitudinem, expressè etiam affirmarunt S. Athanas. serm. 3. contra Arianos, Multi (inquit) Archangeli, multi Throni, multa Potestates, & Dominationes millies millia, & decies millies centena millia Ministrorum assistunt. Clem. Rom. lib. 8. Constit. Te adorant innumerabiles Angelorum copia, S. Chrysost. hom. 2. de incorrupt. Dei natura, Mille Angelorum sunt innumerabilia. Mille millia Archangelorum, S. Iræneus, sunt (ait) innumerabiles circa Factorem Angeli. Indicat hoc idem S. Gregor. Noss. hom. 15. in Cant. S. Hylar. in Psal. 118. Cyrill. Alexan. lib. 1. in Genes. Millia (inquit) millium Deo ministrant. Atque hinc deducendum verum esse

esse quod Domin. Bann. tradidit in Comment. ad 1. p. S. Thom. 9. 50. art. 3. Certa fide credendum esse Angelos creatos esse in magno numero, an autem excedant animarum rationalium numerum dicit, conclusionem non esse de fide, sed valde fidei, & SS. Patrum sententijs conformem.

Sed quoniam B. Brigitta fuisse diuinitus reuelatum constat ex praesentis Capitis narratione, Angelorum numerum excedere numerum hominum, qui sunt, fuerunt, & futuri sunt, cumq. ex recentioribus Theologis nonnulli licet partem affirmantem tanquam probabiliorē fateantur, tamen indicarunt se testimonijs Scripturae, aut ratione sola agendum esse, nihil certe hac de re conijci posse, & opinionem de ampliori Angelorum numero initi tantummodo S. Brigittae Reuelationi, sicut scripsit Gabr. Vasquez in comment. ad 1. p. S. Thom. disp. 180 cap. 3. cuius auctoritati multum deferendum esse ait, & tradit ex Dionys. Carthusian. in cap. 14. S. Dionysij de Celest. Hierarc. fuisse S. Brigittae reuelatum ampliorem esse Angelorum numerum, quam hominum, sic ut unicuique hominum decem possent in custodiam designari. Quo circa, ut probemus huius sanctissimae Ferae asser-tionem esse conformem, & sacra Scriptura, & sanctorum Patrum dictis, hac breuiter anno-tanda esse duximus: Et primum dicendum videtur ex sacris litteris, & sanctorum Patrum sententijs citatis, quibus significatur Angelos in magno numero fuisse creatos, & eorum multitudinem quasi innumerabilem esse: probabiliter colligi ampliorem esse Angelo-rum numerum, quam hominum, quod & ra-tione etiam constat, nam ut recte argumenta-tur S. Thom. 1. p. q. 50. art. 3. cum singulis ho-minibus ad custodiam datus sit à Deo vnus Angelus, cumq. dubitandum non sit, quin sint etiam alij plures praeter illos, qui ad tute-lam singulorum hominum deputati sunt, con-sequens sit, plures esse Angelos, quam homines; Maior est certa, quam probat B. Brigitta Lib. 1. Reuelat. Cap. 9. ubi scribitur, Om-nibus hominibus Angelos bonos datos esse ad custodiam, & malos ad probationem, idem

habet eodem Lib. Cap. 33. & de Demonibus qui adsunt hominibus, ut indicat B. Brigitta probat Stephan. Bubal. in Comment. Angelicis ad q. 50. S. Thom. quae sit. vnic. diff. 3. ex Herma Discipulo S. Pauli, Cassiano, Origen. Gregor. Nyss. alijsq. Patribus, & confirmat Magister cum Schola in 2. dist. 6. art. 11. Atque hinc Albertus Magn. nomine quat-tuor ventorum, quos in mari magno pugnan-tes viderat Dan. cap. 27. suarum Reuelat. intellexit malos Angelos, qui quattuor Mo-narchijs ad malum praerant, & ad bella, ac seditiones prouocabant, & de custodia bono-rum Angelorum hominibus data testantur S. Basil. lib. 3. contra Eunom. in initio, & Concione 9. in Psal. 33. S. Hieron. in cap. 18. Matth. & Chrysost. hom. 60. super Matth. S. August. in lib. de Diligendo Deum tom. 9. cap. 12. Tertull. lib. de Anima cap. 37. Quod autem alij plures sint Angeli praeter eos, qui ad custodiam hominum deputati sunt colligitur ex eo, quonia custodes Angeli ferè omnes sunt ex infimo ordine, ut docet S. Thom. 1. p. q. 113. art. 3. & consentiunt ibi Commentatores, ergo ultra custodes alij sunt, aliorum superiorum ordinum in magno numero, eoq. magis, cum ultra Angelos hominum custo-des deputatos non desint alij, qui sint Provin-ciarum, & gentium Praesides, qui eorum res curent, & gubernationem tum spiritualement, tum corporalem promouent, & est communis Catholicorum omnium Doctorem sententia singulis Regnis à Deo, singulos Angelos depu-tari: Vnde S. Hieronym. quattuor illos ventos à Daniele visos existimauit signi-ficare quattuor Angelos Custodes, quattuor Monarchiarum, non quattuor malos Ange-los, ut censuit Albertus Magnus. Postre-mò veritatem hanc probat illorum Patrum sententia, qui genus humanum dixerunt cen-tesime partis rationi habere ad spiritus cele-stes, videntur enim sic affirmasse homines in-numerabilibus partibus inferiores esse Angelo-rum multitudini, & respexisse eos credo ad parabolam ouis perditae, alijs nonaginta nouem ouibus relictis in deserto, de qua Luce 15. & ad aliam etiam de muliere, quae habebat de-

cem drachmas, & unam perdidit, unde inferri potest, eos existimasse, sic se habere numerum Angelorum ad numerum hominum, ut nonaginta nouem ad vnum, vel ut nouem ad vnum, ut ex alia parabola Mulieris de nouem drachmis seruatis, & una perditis: Vnius enim, vel ouis, vel drachmæ vocabulo significantur omnes homines maioribus autem numeris omnes Angeli: ad has comparationes respexisse etiam videtur Beata Brigitta dum dixit, quod numerus Angelorum sit plusquam decuplum maior omnium hominum: præclare rem hanc describit Sanctus Ambrosius de Centesima oue ad cap. 15. Luca. Diues (inquit) Pastor, cuius omnes nos centesima portio sumus, habet Angelorum, habet Archangelorum, Dominationum, Potestatum, Thronorum, aliorumque innumerabiles Greges, quos in montibus dereliquit: ex quibus verbis liquet ex sententia Sancti Ambrosij, si omnes homines simul cum omnibus Angelis in centum portiones diuiderentur, centesimam portionem efficerent omnes homines: Idem habet Sanctus Cyrillus Hierosolym. Catechisi 15. qui homines cum Angelis comparat, ut centesimam partem; ad integrum centenum numerum, Cogita (inquit) primum quantum sit Romanorum genus, cogita quot gentes Barbarorum nunc viuentes, & quot ante centum annos mortui, cogita quot ante mille annos sepulti sunt, cogita eos, qui fuerunt ab Adam vsque ad hodiernam diem: Magna quidem hec multitudo, sed hec tamen parua est. Plures enim Angeli, nonaginta nouem oues sunt ille, tu vero centesima, quoniam vnum tantum est genus humanum: eadem comparatione vsus est Eucherius Episcopus Lugdunensis antiquus Auctor Homilia Domin. 3. post Pentecostes, dum scribit, Idem significant decem drachmæ, quod centum oues, unaquæque drachma, & vna ouis perditæ idem significant, nouem vero quæ restant, nouem Ordines Angelorum sunt. Legendi sunt etiam de hac eadem comparatione Sanctus Gregorius homil. 34. in Euangelio, & Sanctus Hilarius in Math. Canon. 18. &

ad has comparationes respexit Beata Brigitta cum dixit, Quod si computarentur omnes homines, qui nati sunt ab Adam vsque ad nouissimum, qui nasciturus est in fine mundi, plusquam decem Angeli inueniuntur pro unoquoque homine.

VERBA VIRGINIS MATRIS

ad filiam de reuolutione amicorum. Dei in hoc mundo, nunc in tribulationibus spiritualibus, nunc in consolationibus, & quid sit tribulatio spiritualis, & consolatio, & qualiter amici Dei debent gaudere, & consolari temporaliter.

CAP. XII.



MATER loquitur. Amici Dei dicunt, vixi in mundo, nunc in tribulatione spirituali, nunc in consolatione spirituali. Consolatio vero spiritualis est infusio Spiritus sancti, consideratio magnalium operum Dei. Admiratio patientiæ eius. Et quando hæc omnia delectabiliter opere adimplentur. Tribulatio vero spiritualis est illa, quando contra voluntatem cogitationes immundæ, & importunæ conturbant mentem, quando mens angustiat de inhonoratione Dei; & de dispendio animarum, quando animus ex rationabili causa, cogitur temporalibus sollicitudinibus implicari. Sic etiam amici, Dei, quandoque possunt consolari consolatione temporalis, sicut de verbis ædicatorijs, de ludo honesto, seu de alijs operibus, in quibus nihil detractorum sit, aut inhonestum. Sicut per exemplum intelligere poteris. Si enim pugnus semper tenetur clausus, aut contraherentur nerui, aut manus debilitaretur. Sic est etiam in
F f spi-

spiritualibus. Si enim animus staret semper in contemplatione, aut obliuiscens seipsum, euanesceret superbia, aut minueretur corona gloriæ suæ. Ideo amici Dei quandoque consolantur Spiritus sancti infusione, quia per tribulationes extirpantur radices peccatorum, & fructus iustitiæ radican- tur. Veruntamen Deus, qui videt corda, & intelligit omnia, moderatur tentationes amicorum suorum, ut sint eis ad profectum, quia omnia facit, & permittit iuste, in pondere, & mensura. Ergo quia tu vocata es in spiritum Dei, noli sollicitari de longaminitate Dei, quia scriptum est, quod nemo venit ad Deum, nisi Pater traxerit eum. Sicut enim pastor cum fasciculo florum attrahit, & allicit oues in domum, licet oues discurrant per ambitum, non tamen habebunt egressum, quia domus munita est parietibus, testum altum, ianuarum quoque clausa. Propter quod oues affuescunt comedere fœnum, in tantum quod facta mansuetæ, etiam comedunt fœnum de manu pastoris. Sic etiam est factum tecum. Illa enim quæ tibi antea videbantur importabilia, & difficilia,

iam facta sunt leuia, in tantum, quod te nihil iam delectat, sicut, *Deus.*



VERBA CHRISTI AD
Sponsam, quæ lacrymæ Deo sunt acceptæ, & quæ non, & de quibus fienda, seu eroganda est elemosyna pauperibus pro animabus defunctorum, & de consilio, & regimine Christi ad Sponsam.

CAP. XIII.

FILIVS loquitur. Miraris cur illum non audio, quem vides multas habere lacrymas, & plurimam largiri pauperibus pro honore meo. Respondeo tibi ad primum. Vbi duo fontes decurrunt, frequenter contingit, quod in vnum conuenientes, alterius aqua, quæ turbida est, & lutuosa, maculat, & deturpat aquam fontis purissimi, quam factam lutosam, quis poterit bibere? Sic est etiam de lacrymis multorum. Quorundam enim lacrymæ quandoque procedunt ex humiliatione inclinationis naturæ, quandoque ex mundi tribulatione, & timore Inferni. Talium enim lacrymæ lutosæ sunt, & fetidæ, quia non procedunt ex charitate Dei. Sed illæ lacrymæ sunt mihi dulces, quæ procedunt ex consideratione beneficiorum Dei, & consideratione suorum peccatorum, & amore ad Deum. Tales lacrymæ eleuant animam à terrenis in Cælum, & regenerant hominem ad vitam æternam. Nam duplex est generatio, carnalis, & spiritualis. Carnalis generatio, generat hominem de immunditia ad immunditiam. Plorat damna carnis, sustinet gaudenter labores mundi. Talium filius non est filius lacrymarum, quia per tales lacrymas non acquiritur vita æterna. Sed illa generat filium lacrymarum, quæ plorat dispendia animæ, quæ sollicita est

nè filius offendat Deum. Talis mater propinquior filio est, quàm quæ generat carnaliter, quia per talem generationem acquiritur beata vita. Ad secundum, scilicet, quod tribuit eleemosynas pauperibus, respondeo tibi. Si emerces tunicam filio tuo ex pecunia serui tui, nunquid de iure non esset tunica eius, qui possidebat pecuniam? esset utique. Sic est etiam spiritualiter. Nam quicumque grauat subditos suos, aut proximos, vt ex eorum pecunia succurrat animabus charorum suorum, plus me ad iram prouocat, quàm mitigat, quia ablata iniuste proderunt his, qui bona iuste antea possidebant, & non pro quibus dantur. Veruntamen, quia iste benefecit tibi, benefaciendum est ei, & spiritualiter, & corporaliter; spiritualiter fundendo ad Deum preces pro eo, quia nullus credit quantum Deo placent preces humilium, sicut per exemplum ostendam tibi. Si quis offerret Regi pondus magnum argenti, diceretur à circumstantibus, hæc est magna præsentatio. Si verò legeret vnum Pater noster Regi, derideretur. Sic est è contra apud Deum. Quicumque enim offert pro anima alterius vnum Pater noster, acceptius est Deo pondere magno auri. Sicut patuit in illo bono Gregorio, qui oratione sua, etiam infidelẽ Cæsarem eleuauit ad altiore gradum. Secundo dico ei hæc verba, quia bene fecisti mihi, rogo Deum omnium remuneratorem, vt reddat tibi secundum gratiam suam. Item dic ei sic, charissime vnum consulo tibi, & vnum rogo. Consulo vt aperias oculos cordis tui, considerando instabilitatem, & vanitatem mundi. Recogitando quantum refrigerat charitas Dei in corde tuo. Et quàm grauis est pœna, & horrendum iudicium futurum, & attrahere charitatem Dei in cor tuum, disponendo omnia tempora tua, bona temporalia, opera, affectus, & cogitationes ad honorem Dei, filios quoque tuos trade ordinationi, & dispositioni Dei, nihil propter

eos de amore Dei minuendo. Secundo rogo, vt in orationibus tuis impetres, quatenus Deus, qui omnia potest, donet tibi patientiam, & impleat cor tuum sua benedicta charitate.

N O T Æ.

Sicut patuit in illo bono Gregorio, qui oratione sua, etiam infidelẽ Cæsarem eleuauit ad altiore gradum.

Inter tot grauissimorum hominum sententias, quæ de liberatione Traiani ab Inferis circumferuntur, non audeam in præsentia aliquid hac de re temerè definire; hic tamen admonere Lectorem censui, quamplurimos ex Theologis etiam melioris Note hanc Traiani historiam admisisse, eumq; ab Inferis sic, vt & Falconillam Matronam Romanam reuocaram esse Gregorio Summo Pontifice, & Tecla Martyre deprecantibus, quod refert in ferm. De mortuis adiuuandis. Ioann. Damasc. huic opinioni fauente Durand. Richard. & D. Thom. in 4. dist. 45. & in supplemento ad 3. par. q. 71. art. 5. ad 5. argum. eandem sententiam confirmat Alphonsus Ciacconus in Apologia pro hac historia edita, ubi inter ceteros, quos ibi citat refert testimonia Petri, et Ioannis Diaconorum D. Gregorij, quæ in Bibliotheca Vaticana extare dicit, & Ioan. Diac. id asserentem in vita S. Greg. lib. 2. cap. 44. Postremo id probat etiam testimonio Mathildis, cui etiam addi potest Sixtus Senensis in sua Bibliotheca Sancta lib. 6. annot. 47. Ceterum sunt, qui hanc historiam de Traiani ab Inferis liberatione in dubium reuocauerint, affirmantes, nullo pacto pro Traiano D. Gregoriũ orasse, quod tradunt Dominicus à Soto in 4. distin. 45. quest. 2. art. 2. quem sequitur Melchior Canus lib. 11. de locis Theologicis cap. 2. Ioannes Stephanus Durantus de Ritibus lib. 2. cap. 43. num. 12. Horum Doctorum fundamentum potissimum est, quod dicunt nullum Historicorum de hac Traiani liberatione fidem fecisse, Secundo etiam quia asserunt, eorum pro his effusas preces Deum

non exaudire, quos certò scimus, vel scire debemus esse damnatos, pro quibus orare non est licitum, Iob enim 19 scribitur, Quod in Inferno nulla est redemptio. Sed his non obstantibus, probabilissimum esse censeo, quod scribitur hic, Traianu precibus D. Greg. ab inferis fuisse liberatum. Sed antequàm ulterius progrediamur animaduertendū est, nos in praesentia nō agere de modo, quo id factū fuerit, est enim aliqualis inter Doctores cōtrouersia, an scilicet Traianus statim ab Inferis post effusas à B. Greg. preces ad Celū euolauerit, an uerò fuerit ad Purgatorium trāsatus, ibi, usq. ad vniuersale Iudiciū māsurus, & postremò an ad uitā redierit, & baptizatus penitentiā egerit, et mox ad gloriā eternā iuerit, quae uidetur esse communis sentent. eorū Doct. quos suprà pro hac opinione citauimus. His ergo positis dicendū est primò probabilissimū mihi videri hāc de Traiani ab Inferis liberatione historiā admittendā esse, sū ob auctoritatem B. Brig. quae rem hanc apertis uerbis facit, tum quia hāc eadem historiā, ut uerissimā recipiunt Doctores grauissimi, ut D. Damasc. D. Tho. Richar. Sixtus Senens. Alphonsus Ciacconus, quos suprà citauimus, quibus addendū Nauar. in Enchir. de orat. et hor. Canon. cap. 22. in 13. Miscel. num. 43. & Hieronymus Menghius Minorita in libello de Arte exorcizandi lib. 2. cap. 13. & inter Historic. rem hanc confirmat Sigisbert. in Cron. Anno Dom. 591. Gregor. (inquit) Rom. Eccles. praesidet, hic inter cetera pietatis opera animā Traiani Romanorū quondā Imperat. quamuis Pagani, à penis Inferni liberari miserando, ac plorando à Deo obtinuit, idem probatur ex Græcor. Euchol. cap. 96. de Mortuis, sic enim orantem Sacerdotē legimus. Ut uoluntate tua Theclam Prothamar. exaudisti pro idolatra matre sua orantem, nec ipsius preces cōtempnisti, uerum, ut permaximè bonus, ac reconciliatu facillimus, ueniā ipsi concessisti, ac quemadmodū Traianū per intentam seruus tui Gregorij Dialogi (sic enim S. Greg. appellat abant) intercessionem flagro soluisti, exaudi etiam nos te orantes. Postremò eandem historiam tanquā ueram admisit Abulensis in 4. Reg. 9. 57. quo tamen loco unum addidit,

quod mihi minimè placuit, nimirum D. Greg. hac in re mortaliter peccasse, non enim uerò simile est Deum iustissimū, tam celebrem, tāq. insigne gratiā, mortaliter in ea petenda peccatū cōcessisse, tū quia S. Greg. nō petijt à Deo, ut Traianus ex Inferno in Paradisū immediatè duceretur, sed ut simpliciter saluaretur, quod eo modo intelligendum est, quo asserit Nauar. quod aliqui alij dānati diuina bonitate saluati sunt, cū prius ad uitā redierint, et baptizati penitentiā suorum delictorum egerint, & postea ad gloriā euolauerint, tū quia ut idē auctor annotauit ubi suprà, probabilissimū est credere, Deū inspirasse S. Greg. uoluntatē id petendi, nō enim quis peccat immò meretur, qui aliquid inspirante Deo facit, id quod aliās esset contrā diuinum preceptum, ut Abraham, qui uoluit filium suum occidere, & Sampson, qui se occidit, & Philisteor demoliendo domum, quos non peccasse tradidit D. Aug. lib. 1. de Ciuit. cap. 21. Et Abraham (inquit) non solum non est culpatus crudelitatis crimine, uerum laudatus nomine pietatis, quod uoluit filium nequaquā sceleratē, sed obediēter occidere, & infra, Nec Sampson aliter excusatur, quod se ipsum cum hostibus ruina donus oppressit, nisi quia Spiritus latenter hoc iusserat, haec Aug. Pari ratione dicit Nauar. Prophetas, & Apostolos à peccato fuisse immunes, eo quod orauerint Deū pro resurrectione eorū mortuorū, quos credibāt in mortiferi peccati statu ex hac uita migrasse, et per cōsequēs extitisse dānatos, sicut enim eadē facilitate à D. Tho. arg. soluitur in 4. sent. 4. 5. ad 5. arg. ab eo formatu ex orationibus predicatorū pro resurrectione mortuorū infidelium contra conclusionem illā catholicā, nimirum uiuorū suffragia non prodesse dānatis, eadē potest dissolui arg. ex oratione B. Greg. pro defuncto Traiano facta, ut ipsemet respondit in haec uerba. De factō Traiani hoc modo potest probabiliter estimari, quod precibus B. Greg. ad uitā fueris reuocatus, & ibi gratiam sit consecutus, per quam remissionem peccatorum habuit, & per consequens immunitatem à pēna, sicut etiam apparet in omnibus illis, qui fuerunt à mortuis miraculosè suscitati, quorum plures


constat Idolatras, & damnatos fuisse: de omnibus enim similiter dici oportet, quòd non erant in Inferno finaliter deputati, sed secundum presentem iustitiam propriorum meritorum, secundum autem superiores causas, quibus prouidebatur ad uitam reuocandi, erat de eis aliter disponendum. Hactenus Diuus Thomas. Ex dictis patet solut. ad argum. quæ à nobis paulò suprà contra hanc de liberatione Traiani sententiam proposita sunt. Sed antequam huic rei finem imponamus, prætereundum esse hoc loco minime existimauimus, quod probatis. quidam nostri sæporis Scriptor cõtra hac B. Brigittæ Reu. obiecit, eam nimirum pugnare, cum quadam Reuelat. Beate Mathildi factæ, in qua scribitur, ut ipse refert, voluntati esse Dei, quod nesciant homines Traianum ab inferis fuisse liberatum. Beate uerò Brigittæ fuisse reuelatũ, quòd uerè Traianus à damnatorum numero fuerit euocatus, sed enim si hoc pensulatiùs perpendatur, non solum non facit contra nos, sed sententiam nostram confirmat, quia ex ipsamet Reuelat. facta Mathildi non colligitur Traianum ex Inferno non fuisse liberatum, sed tantum noluisse Deum, quòd factum istud tempore Mathildis propalaretur, secundo, quis aliquando contingit, Deum aliquo tempore statuisse aliquid non reuelare, quod alio tempore reuelauit, immò & prohibuisse, ut aliquando quedam propalarentur, aliquando uerò eadem concessisse, ut manifestarentur, quæ duo nec ad inuicem pugnant, nec in eo voluntatis mutationem ponunt, sed solum in creaturis, ut nos probauimus Lib. 2. Reuelationum Cap. 28. Not. 1. ex quibus deducendum est, ex eorum sententia, qui hanc historiam ut ueram receperunt, Traianum non fuisse absolute damnatum, sed solum in Inferno punitum, secundum eius presentia, demerita, & suspensionem fuisse damnationem.

nũ sententiam, ob prauitas
Beati Gregorij
preces.

VERBA CONFORTATIVA

Christi ad Sponsam in timore positam, quòd non debeat timere, de his, quæ uidet, & audit, quia Spiritus sancti sunt, & quomodo Diabolus per serpentem, & leonem, consolatio sancti Spiritus per linguam designatur, & qualiter sit opponendum Diabolo.

CAP. XIV.



HILIVS loquitur. Cur times, & sollicitaris ex eo, quòd Diabolus immittit aliqua in verba Spiritus sancti. Nunquid aliquando audisti eum seruare linguam suam famam, qui eam misit inter dentes leonis commoti? Aut nunquid aliquis quandoque fuxit mel dulcissimum de cauda serpentis? nequaquam. Sed quis est leo, vel serpens, nisi Diabolus. Leo propter malitiam, serpens propter astutiam. Quid uerò lingua, nisi consolatio Spiritus sancti? Quid namque est linguam ponere inter dentes leonis, nisi verba Spiritus sancti, qui in specie linguæ apparuit, propter fauorem, & laudem humanam dicere? Ergo quicumque laudes Dei ad placendum hominibus loquitur, hic utique mordetur, & decipitur à Diabolo, quia verba illa, quamuis sint Dei, non procedunt de ore charitatis Dei, & lingua, scilicet Spiritus sancti consolatio auferetur ab eo. Qui uerò nihil desiderat, nisi Deum, omniaque mundalia sunt ei molesta, nec corpus affectat videre, nec audire, nisi quæ Dei sunt. Animaque eius in infusione Spiritus sancti lætatur, hic talis decipi non potest, quia, spiritus malus cedit spiritui bono, nec audet ei appropinquare. Quid uerò significat mel de cauda serpentis fugere, nisi consolationem Spiritus sancti de suggestionibus Diaboli sperare, quòd ne-

quaquam fieri potest, quia Diabolus se magis milles occidi permitteret, quam vnicum verbum consolatorium daret animæ, cuius exitus tenderet ad finem vitæ. Ergo noli timere. Deus enim, qui incepit bonum tecum, perficiet ad finem bonum. Veruntamen scito, quod Diabolus est, quasi canis venaticus dimissus de copula, quâdo videt te non esse in infusione Spiritus sancti, currens ad te cū tentationibus, & suggestionibus suis. Sed si opposueris ei aliquid durū, quod dentes sui, vel doleat, vel obstupefiant, statim resiliat à te; nec nocebit tibi. Quid verò est durum opponendo Diabolo, nisi charitas diuina, & obedientia mandatorum Dei, quæ cū viderit Diabolus perfectè in te, statim dentes eius, id est conatus eius, & voluntas frustrabitur, quia considerat te omnia contraria magis velle pati, quàm mandatis Dei contraire.

VERBA CHRISTI AD SPONSAM,
cur boni in hac vita tribulantur, & mali prosperantur, & quomodo Deus probat per exemplum, quod quandoque promittit temporalia, in quibus subintelliguntur spiritalia, & qualiter Deus non prædixit singula ad certas horas, cum omnes horæ, & momenta ei sint nota.

CAP. XV.



ILIVS Dei loquitur. Miraris cur amicum Dei honorandum audisti tribulari, inimicum verò Dei honoratum, quem credebis flagellandum, sicut dictum fuit tibi in alia diuina visione. Respondeo tibi, verba mea, & spiritaliter, & corporaliter intelligi debent. Quid enim est tribulatio mundi, nisi præparatio quædam, & eleuatio ad coronam? Quid verò prosperitas mundi homini abutenti gratia, nisi descensus quidam ad perditionem? Ergo tribulari in mundo, vera exaltatio

est ad vitam, prosperari verò in mundo homini iusto, verus descensus ad infernum. Ideò ad instruendum patientiam tuam in verbis Dei, dico tibi vnum exemplum. Quasi Mater vna esset habens duos filios, quorum vnus natus fuit obscuro carcere, nihil sciens, nec audiens, nisi tenebras, & lac Marris. Alius verò natus fuit in tugurio paruo, habens cibum humanum, requiem in lecto, seruitium ab ancilla. Ei verò, qui in carcere natus fuit, dixit Mater. O fili, si volueris egredi à tenebris, habebis cibum delicatorem, lectum molliorem, & tucorem locum, Quod puer audiens egressus est, quia si Mater promississet sublimiora, scilicet, vel currentes equos, vel domos eburneas, aut latam familiam, non credidisset, quia nihil nouerat, nisi tenebras, & lac maternum. Sic & Deus quandoque parua promittit, in quibus altiora intelligit, vt homo per temporalia addiscent celestia cogitare. Alteri verò filio dixit Mater. O fili, quid tibi vtilitatis est morari in isto vili tugurio? Audi igitur consilium meum, & proderit tibi. Ego scio duas Ciuitates. In prima est habitantibus gaudium interminabile, & indicibile, honorq. sine fine. In secunda est exercitium pugilum, vbi omnes, qui pugnant, sunt Reges, omnesque, qui vincuntur vincunt. Quod puer audiens, & egrediens ad stadiū, regressus, dixit Matri. Vidi (inquit) mirabile ludū in stadio, alij prosternebatur, & cōculcabatur, alij denudabatur, & mortificabatur, attamen oēs tacebāt, oēs ludebāt, nullusq. contra prosteruentes se leuauit caput, siue manum. Respondit Mater. Ciuitas ista quam vidisti nō est nisi suburbium Ciuitatis gloriæ, in isto enim suburbio experiri vult Dominus illos, qui fuerint apti intrare Ciuitatem gloriæ. Et quos viderit vigilantiores ad certamina, hos in gloria sublimius coronabit. Et propterea in ipso suburbio resident hi, qui probaturi sunt illos, qui in gloria sunt coronandi. Quod

verò vidisti prostratos denudari, verberari, & tacere, hoc idè est, quia vestes nostræ maculatæ sunt ex tenebris tugurij nostri, quæ vt subtilius mudentur, opus est magno certamine, & labore. Respondit puer, graue est conculari, & tacere, melius enim iudico redire ad tugurium meum. Cui Mater. Si (inquit) manseris in tugurio nostro, orientur ex tenebris nostris, & scetoribus nostris vermes, & serpentes, quorum auditu horrescit auditus tuus, quorum morsu infrigidabitur omnis virtus tua, quorû cohabitatione malles nõ fuisse natus. Quod puer audiens, & corporale bonû appetens. Quod tamen Mater intellexit spiritualiter, factus est animæ quior, & quotidie incitabatur ad coronam. Sic facit & Deus. Nam quandoque promittit, & tribuit temporalia, quandoque promittit carnalia, in quibus subintelligit spiritualia, vt & animus per accepta munera incitetur ad fauorem Dei, & per intellectum spirituale humilietur, ne de seipso præsumat, sicut fecit Deus Israeli. Primò namque promissit, & dedit eis temporalia, & cum eis fecit etiam mirabilia, vt per talia erudireretur ad inuisibilia, & spiritualia. Deinde facta in eorum intellectu maiori deitatis cognitione, cum Prophetis Deus loquebatur obscura verba, & difficilia ad intelligendum, intermiscens quædam consolatoria, & gaudiosa, quando scilicet promissit populo reditû ad patriam, pacem perpetuâ, omniaq. ruinosa ædificanda. Quæ omnia promissa, licet populus carnalis intellexit, & habere ea voluit carnaliter, Deus tamen quædam carnaliter, quædam verò spiritualiter adimplenda præsciuit, & præfiniuit. Sed potes quærere. Cur Deus, cui omnes horæ, & momenta nota sunt, non planè, & ad rectas horas prædixit singula, aut cur alia dixit, & alia notauit? Respondeo tibi. Israel carnalis erat, & carnalia sola desiderabat, nec inuisibilia, nisi per visibilia percipere poterat. Ideo placuit Deo

multis modis erudire populum suum, vt creduli promissionum Dei coronarentur sublimius propter fidem, vt proficientes in bono seruerent amplius, vt desideriosi succederetur ad Deum seruientius, vt transgredientes desisterent peccare liberius, vt tribulati tolerarent misérias suas patientius, vt laborantes subsisterent delectabilius, vt expectantes per obsecram promissionem sublimius coronarentur. Si enim Deus carnalibus sola spiritualia promississet, omnes tepuissent ab amore celestiu. Si verò sola carnalia promississet, quæ tunc differentia fuisset homini, & iumento? Sed pius, & sapiens Deus, vt homo moderatè tæquam moriturus, iuste gubernaret corpus suum, dedit ei corporalia, vt autem appeteret celestia, ostendit beneficia, & miracula celestia, vt verò timeret peccare, ostendit iudicia terribilia, & immisiones per Angelos malos, vt etiam illuminator promissionum, & dator sapientiæ expectaretur, & desideraretur, obscura, & dubia cum consolatorijs intermisceretur. Sic etiam adhuc hodierna die Deus per similitudines corporales iudicat indicia spiritualia, & loquendo corporalem honorem, intelligit spirituale, vt soli Deo omne magisterium tribuantur. Quid enim est honor mundi nisi ventus, & labor, & diminutio diuinæ consolationis? Quid verò est tribulatio nisi præparatio virtutum? Ergo promittere iusto honorem mundi, quid est nisi priuatio commodi spiritualis? Promittere verò tribulationes mundi, quid est nisi medicamentum, & antidotum magnæ infirmitatis? Propterea ista verba Dei multipliciter intelligi possunt, nec tamen ob hoc aliqua in Deo mutabilitas est consideranda, sed sapientia eius admiranda, & formidanda. Nã sicut in Prophetis multa dixi corporaliter, quæ & corporaliter perficiebatur. Multa etiam dixi corporaliter, quæ spiritualiter perficiebantur, vel intelligantur. Sic facio & nunc, & quando hæc contingunt, causam eorum indicabo tibi.

VERBA VIRGINIS AD FILIAM
quomodo Diabolus astute frequenter
ducit sub deuotionis pelle aliquando
aliquos inter seruos Dei, vt ipsos per-
turber, & quibus indulgentiæ largiun-
tur, & quomodo dispositio Ecclesie
per anserem, & Deus per gallinam
designantur, & qui sunt digni vocari
pulli Dei.

CAP. XVI.



MATER. loquitur Sponsæ
Christi. Cur collegistis
istum, cuius lingua magni-
loqua, vita ignota; mores
mundiales? Respondit illa;
quia (inquit) credebatur bonus, & ne con-
funderetur, si homo linguæ notæ despi-
ceretur. Veruntamen si Deo displicuisset
præcitem, non magis eum, quàm ser-
pentem collegissem. Cui Mater. Hæc
(inquit) voluntas tua bona, custodiuit, &
refrenauit linguam eius, & cor, nè vos ad
perturbationem commoueret. Diabo-
lus quippè astutus adduxit vobis lupum
in vellere ovis, vt inueniret occasionem
sollicitandi vos, & in vos garriendi. Re-
spondit illa: nobis apparet, quòd sit deuotus,
& pœnitens, & quòd visitat sanctos;
& dicit se velle abstinere à peccato. Re-
spondit Mater. Vbicunq; anser est cum
pennis, dic verum comeditur caro, an
pennæ? Nonne pennæ abominabiles
sunt stomacho, caro verò cibus, & confortat?
Sic est spiritualitè dispositio, & con-
stitutio sanctæ Ecclesie. Est enim quasi
anser, in qua est corpus Christi tanquam
caro recentissima. Sacramenta sunt quasi
interiora anseris, alæ verò significant vir-
tutes, & actus Martyrum, & Confessorum.
Plumæ autem notant charitatem,
& patientiam Sanctorum. Sed pennæ
significant indulgentias, quas Sancti viri
cōcesserunt, & promeruerunt. Ergo om-
nis qui venit ad indulgentias ea intentio;

ne, vt à peccatis prioribus absoluator, &
tamen vt remaneat in priori vitiosa con-
suetudine, hic quidem habet pennas an-
seris, de quibus nec cibatur, nec confortatur
anima. Sed solummodo si sumantur,
operantur ad reiectionem. Qui verò
eò animo veniunt ad indulgentias, vt de-
inceps fugiant peccata, vt iniuste ablata
restituunt, vt læsis iniuste satisfaciant, vt
vnum obulum cum turpi luero non ac-
quirant; vt ad vnum diem viuere non
vellent, nisi secundum velle Dei, vt in ad-
uersitate, & prosperitate Deo voluntatem
suam submittant, vt honores mundi, &
amicitias eius fugiant, hic quidem talis
habebit remissionem peccatorum, simi-
lisq; est Angelo Dei in conspectu Dei. Ei
verò, qui gaudet de absolutione peccato-
rum priorum, nec tamen habet voluntatem
relinquendi priores vanitates, & in-
ordinatas mentis suæ affectiones, sed iniuste
acquisita vult retinere, mundum in se,
& in suis diligere, de humilitate erubescere,
consuetudines prauas nō fugere, carnem
suam à superfluis non restringere,
1. i. huic quidem valent pennæ, idest;
Indulgentiæ ad reiectionem, idest, ad
obtinendam contritionem & confessio-
nem, quibus eiicitur peccatum, & acquiritur
gratia Dei. Euolatq; quasi pen-
nis quibufdam de manu Diaboli in sinu
Dei. Si tamen ad hæc obtinenda, perso-
naliter cum voluntate bona velit coope-
rari. Respondit illa. O Mater misericordiz
ora pro isto, vt gratiam inueniat in conspectu
Filij tui. Cui illa, Spiritus sanctus (inquit)
visitat eum, sed aliquid quasi petra iacet
ante cor eius prohibens, ne gratia Dei
ingrediatur. Deus quippè est quasi gallina
calefaciens oua, de quibus fiunt viuentes
pulli. Omnia itaque oua, quæ subtrus gallinam
sunt, recipiunt calorem eius, non autem alia
circumiacentia, nec mater frangit testam
oui, in qua pullus concipitur, sed ipse pullus
rostro suo tentat frangere, quod videns mater,
illi pullo calidiorem locum preparat.

vbi subsistat. Sic Deus omnes cum gratia sua visitat. Eos verò qui sic cogitant, nos inquit abstinere volumus à peccato, & in quantum possumus conari volumus ad perfectionem, hos visitat Spiritus sanctus frequentius, vt perfectius possint. Qui verò omnem voluntatem suam committunt Deo, nolentes nec minima facere còtra amorem Dei, sed sequuntur eos quos viderint tendere ad perfectiora, & stant humilium hominum consilio, reluctantes discretè motibus carnis suæ, hos quasi gallina pullos subijcit sibi Deus, faciendo eis iugum suum leue, & consolando eos in difficultatibus suis. Qui verò propriam sequuntur voluntatem, cogitantes modica bona, quæ faciunt esse digna apud Deum mercede, nec conantur ad maiorem perfectionem, sed stant in his quæ mentem delectant, excusantes fragilitatem suam exemplis aliorum, & leuigantes culpas suas peruersitatibus aliorum, tales nò sunt pulli Dei, quia voluntatem non habent frangere duritiam, & vanitatem cordis sui. Sed si possent vellent magis diù viuere, vt in peccato diù possent perseuerare. Non fecit sic ille bonus Zachæus, non sic Magdalena. Sed quia in omnibus membris offenderant Deum, omnia membra dederunt ei, ad satisfaciendum ei pro offensis. Et quia ad mundi honores ascenderunt mortaliter, descendunt in eius contemptum humiliter, quia difficile est Deum, & mundum simul diligere, nisi fuerit, sicut animal illud, quod oculos habebat antè, & retro, & talis quantumcunque sollicitus est, tribulabitur tamen. Qui autem tales sunt, sicut huiusmodi Zachæus, & Magdalena, tutiorem partem elegerunt.

Declaratio.

Hic Aduocatus Osgociæ venit ad annum Iubilæum, plus ex timore, quam amore, de quo loquitur Christus in Roma. Omnis, qui euaserit periculum ali-

quod, cauendum est, ne recidiet in priora. Nam nauæ etiam in portu nimium confidentes periclitantur. Ideò iste caueat sibi, ne veniat ad priorem statum officij sui. Alioquin nisi cauerit, amittet desiderabilia. Congregata venient ad extraneos. Filij non recipient hereditatem, & ipse non sine dolore apud alienos morietur. Hic rediens factus est iterum exactor, & omnia ita euenerunt.

N O T A E.

I Vic quidem valent pennæ, idest Indulgentiæ ad reiectionem, hoc est ad obtinendam contritionem.

Scito Lector non agi hic de Indulgentijs, sed de his, quæ ad Indulgentias consequendas iniunguntur, vt ex textu colligitur, & hæc sunt Ieiunium, Eleemosyna, & alia huiusmodi, quæ ad obtinendam contritionem proficua sunt.

INFORMATIO OPTIMA

S. Agnetis ad filiam, ad benè, & laudabiliter viuendum, & ad malam vitam, & Deo ingratam præcauendum. In qua fortitudo, & patientia per currum, per quattuor verò rotas designatur istæ quattuor virtutes, scilicet, perfectè omnia relinquere propter Deum, humilitas, & Deum sapienter diligere, carnemq. discretè refrigare, & ponuntur quædam alia de Religiosis.

C A P. XVII.



AGNES loquitur sponsæ Christi. Vidiſti (inquit) dominam superbā in curru superbiz hodie. Cui Sponsa respondit. Vidi (inquit) & tabescebam, quia caro, & sanguis, puluis, & stercus se ibi laudari quærit, vbi meritò debet se humiliare. Quid enim est talis ostentatio, nisi prodiga donorum Dei còsumptio, vulgi admiratio, iusto-

iustorum tribulatio, pauperum desolatio, Dei prouocatio, sui ipsius obliuio, iudicij futuri grauior dijudicatio, & dispendium animarum? Respondit Agnes. Gaude filia, quia à talibus erepta es, propterea describere tibi currum quendam volo, in quo te securè poteris reclinare. Curus itaque in quo sedere debes est fortitudo, & patientia in tribulationibus. Cum enim homo carnem refrenare cœperit, & totam voluntatem suam Deo committere, aut sollicitat mentem superbia, quæ hominem eleuat à se, & supra se, quasi similis sit Deo, & hominibus iustis, aut certè frangit eum impatientia, & indiscretio, ut vel redeat ad solita, vel deficiat in viribus, vel ut ineptus sit in labore Dei. Propterea est opus patientia discreta, ut nec impatiens retrocedat, nec indiscretè perseueret, sed viribus, & temporibus se conformet. Prima verò rota curus istius est voluntas perfecta relinquendi omnia propter Deum, nihilq. desiderare nisi Deum. Nam sunt multi, qui temporalia relinquunt eò fine, ut aduersitatibus careant, & tamen nihil eis desit ad utilitatem; & voluptatem, quorum rota non est beneductilis, & versatilis. Qui cum pungit paupertas, desiderant sufficientiam, cum grauat aduersitas, requirunt prospera, cum tentat eos deiectio, murmurant de dispositione diuina, & affectant honores. Cum præcipiuntur contraria, querunt proprias libertates. Ergo illa voluntas est Deo placita, quæ nihil de suo habere desiderat, nec in prosperitate, nec in aduersitate. Secunda rota est humilitas, qua homo reputat se ad omnia bona indignum, ponens ante oculos suos omni hora peccata sua, reum se existimando in conspectu Dei. Tertia rota est diligere Deum sapienter. Ille planè sapienter diligit, qui seipsum circumspeciendo odit vitia sua, qui contristatur de peccatis proximorum, & parentum suorum, lætatur verò de spirituali eorum profe-

ctu ad Deum, qui amicum suum non optat viuere ad vtile, & commodum suum proprium, sed ut Deo seruiat, timetque ei plus de mundano processu, nè offendant Deum. Talis ergo est sapiens dilectio, odiendo vitia, & fouendo propter fauorem, & honorem, eosque plus diligendo, quos in amore Dei viderit feruentiores. Quarta verò rota est refrenatio discreta carnis. Quicunque enim est in coniugio, & cogitat sic. Ecce (inquit) trahit me caro inordinate. Si vixero secundum carnem, scio pro certissimo, quia irascitur conditor carnis, qui plagare potest, & infirmare, qui occidet, & iudicabit. Ideo ob amorem, & timorem Dei, refrenare volo beneuolè carnem meam, viuere modo debito, & ordinato ad honorem Dei. Quicunque taliter cogitat, petens adiutorium Dei, eius rota accepta erit Deo. Si verò religiosus est, & cogitat sic. Ecce trahit me caro ad deliciosa, offert etiam se locus, tempus, & bona, & ætas ad delectandum, attamen adiutorio Dei nolo peccare, propter professionem sanctam, & momentaneum delectationis bonum; magnum quippè est, quod voui Deo, pauper ingressus sum, pauperior egrediar. Iudicium de cunctis sum facturus, ideò nè offendam Deum meum, nè scandalizem proximum meum, nè meipsum faciam periurum, abstinere volo. Talis abstinencia digna est mercede magna. Si verò aliquis est in honore, & delicijs, & cogitat sic. Ecce ego abundo in omnibus, & pauper deficiat, & tamen vnus Deus est omnium, quid promerui ego, & quid demeruit ille? quid verò est caro, nisi cibus vermium? Quid verò tot deliciæ, nisi nausæ, & occasio infirmitatis, perditio temporis, & peccati inducium? Ideò refrenabo carnem meam, nè in ea vermes lasciuiant, nè grauius iudicium subeam, nè tempus poenitentiae inaniter expendam, & si fortè caro malè educata non poterit faciliter fle-

Et ad grossiora, vt pauper, subtraham tamen ei paulatiue delicatiora, aliqua, sine quibus bene potest subsistere, vt necessitatem habeat, nō superfluitatem. Quicunque ergo sic cogitat, & faciendo conatur quantum potest, hic & Confessor, & Martyr vocari potest, quia martyrij genus est, delicias habere, & delitijs non vti. In honore esse, & honorem contemnere. Magnum esse apud homines, & minima sentire de seipso. Itaq. talis rota multum placet Deo. Ecce filia currum figuraui tibi, cuius auriga Angelus tuus est. Si tamen frenum eius, & iugum à collo tuo nō excusseris, id est, si inspirationes eius salubres non dimiseris, sensus tuos, & cor tuum ad inania, & scurrilia relaxando. Nunc etiam currum, in quo domina illa sedebat, dicere tibi volo. Currus planē impatientia eius est, scilicet contra Deum, & contra proximum, & contra seipsam. Contra Deum iudicando occulta iudicia eius, quia non prosperatur ad vorum. Malignando contra proximum, quia non consequitur bona eius. Impatiens quoque in seipsam est, occulta cordis sui patienter ostendendo. Huius currus rota prima est superbia, præferendo se alijs, & alios iudicando, contemnendo humiles, & honores ambiendo. Secunda rota est inobedientia præceptorum Dei, quæ inducit in cor eius excusationem infirmitatis suæ, leuigationem culpæ suæ, præsumptionē cordis, malitiæq. defensionem. Tertia rota est cupiditatis mūdialium, quæ inducit ei prodigalitatē in expendendo, quæ habet negligentia, & obliuionem sui, & futurorum anxietatem, cordis tepiditatem ad amorem Dei. Quarta rota est sui ipsius amor, per quem excludit à se Dei sui reuerentiam, & timorem, sinemq. suum, & iudicium non attendit. Huius currus auriga est Diabolus, qui eam ad omnia, quæ ipse miserit in cor eius facit hilarē, & audacem. Duo yero equi qui trahunt

currum, spes est longæ vitæ, & voluntas peccandi vsque in finem. Frenum verò pudor confessionis est. Qui quidem pudor sic per spem longæ vitæ, & voluntatem perseuerandi in peccato, trahit animā recto tramite, & in peccato sic onerat, quod nec terrore, nec pudore, nec admonitione surgere potest. Sed cum stare firmiter se credit, nisi iuuante gratia Dei, descendit in profundum.

Additio.

Item loquitur Christus de eadē domina dicens. Hæc est vipera, quæ linguam habet meretriciam. Fel dracōnum in corde, venenum amarissimum in carne. Idē oia eius erunt venenosa. Felices erunt, qui non experientur onus eorum.

VERBA LAVDIS FILIAE

ad Virginem Gloriosam, & responsio grata Virginis ad filiam, in qua filia per Virginem gratiæ plurimæ de se, & Apostolorum, & Sanctorum conceduntur, & multa alia bona.

CAP. XVIII.



DVL CIS Maria (inquit) Sponsa. 1. Benedicta sis tu æterna benedictione, quia Virgo ante partum, Virgo post partum, Virgo cum sponso, Virgo etiā indubitata, dubitante sponso. Propterea benedicta sis tu, quia Mater, & Virgo, quia sola Deo charissima, quia præ Angelis omnibus purissima, quia sola cum Apostolis fide plenissima, quia sola dolore cordis amarissima, quia præ Confessoribus abstinentia clarissima, quia præ Virginibus omnibus excellentissima, continentia, & castitate. Idēo benedicant te omnia superiora, & inferiora, quia per te Deus Creator factus est homo. Per te iustus inue-

- inuenit gratiam, peccator indulgentiā, mortuus vitam, exul rediit ad patriam suam. Respondit Virgo. 2 Scriptum est, quod Petro reddente testimonium filio meo, quod esset Filius Dei, responsum est ei. Beatus es Simon, quia caro, & sanguis non reuelauit tibi. Sic dico ego nunc, hanc salutationem non reuelauit tibi carnalis anima tua, sed ille, qui erat sine principio, & sine fine; Propterea tu esto humilis, ego ero tibi misericors. Ioannes Baptista, ut promisit, erit tibi dulcis. Petrus verò erit tibi mitis, Paulus autem fortis, quasi Gigas. Tunc quoque Ioannes dicturus est tibi, filia, sede in genu. Petrus verò dicet, ò filia aperi os, & cibo te cibo dulcedinis. Paulus verò induet te, & armabit te armis charitatis. Ego verò, quæ Mater sum, præsentabo te filio meo. Verumtamen filia, ista potes etiam intelligere
- 3 spiritualiter. 3 Nam in Ioanne, qui interpretatur gratia Dei, notatur obedientia vera, ipse quippè fuit, & est dulcis. Ioannes dulcis parètibz propter mirabilem gratiam, dulcis hominibus propter singularem prædicationem, dulcis Deo, propter vitam sanctitatem, & obedientiam. Obediuit deniq. in iuuentute, obediuit in prosperis, & aduersis, obediuit, & humiliter stetit, cum honorari posset, obediuit & in morte. Ergo obedientia dicit, sede in genu, idest, descende ad humilia, & habebis sublimia, relinque amara, & obtrinebis dulcia. Relinque propriam voluntatem, si vis esse paruula. Contemne terrena, & eris cælestis. Contemne superflua, & habebis abundantiam spiritualem. 4 In Petro verò notatur fides sanctæ Ecclesiæ. Sicut enim Petrus stabilis permansit vsque in finem, sic & fides sanctæ Ecclesiæ sine fine stabilis permanebit. Ergo Petrus, idest, fides sancta dicit, aperi os, & habebis cibum optimum, idest aperi intellectum animæ tuæ, & in sancta Ecclesia inuenies cibum dulcissimum, idest

ipsum corpus Dominicum in Sacramento altaris, nouam quoque legem, & veterem, explanationes Doctorum, patientiam Martyrum, humilitatem Confessorum, Virginum castitatem, omniumq. virtutum fundamentum. Itaq. fidem sanctam quære in Ecclesia sancti Petri, quæsitamq. memoriter retine, & operibus consuma. In Paulo verò notatur patientia, ipse enim fuit feruens contra impugnantes fidem sanctam, gaudens in tribulationibus, longanimis in spe, patiens in infirmitatibus, compalsius cum dolentibus, humilis in virtutibus, hospitalis in pauperes, misericors ad peccantes, magister, & doctor omnium, perseverans vsque ad finem in Dei charitate. Ergo Paulus, idest patientia, armabit te armis virtutum, quia patientia vera fundata est, & roborata exemplis, & patientia Christi, & Sanctorum eius, accendit charitatem Dei in corde, succendit animum ad agēda fortia, reddit hominem humilem, mitem, misericordē, feruentem ad cælestia, sollicitum sui ipsius, perseverantem in inceptis. Itaq. omnem hominem, quem obedientia nutrit in genu humilitatis, fides cibato dulcedinis, patientia vestit armis virtutum. Hunc ego Mater misericordiz introduco ad filium meum, qui eū coronabit corona dulcedinis suæ. In ipso enim est fortitudo inexcogitabilis, sapientia incomparabilis, virtuositas indicibilis, charitas admirabilis; ideo & nullus rapiet eum de manu sua. Verumtamen filia, quamuis tibi loquor, per te tamen omnes intelligo, qui fidem sanctam sequuntur operibus charitatis. Sicut enim in vno homine Israel omnes Israelitæ intelligebantur, sic per te omnes veri fideles intelliguntur.

N O T A.

Benedicta sis in æterna benedictione, quia Virgo ante partum; Virgo

Virgo post partum, Virgo cum sponso, Virgo etiam indubitata, dubitante sponso.

Hoc loco B. Brigitta quamplurimas Maria laudes enumerat, atque inter ceteras potissimam esse Virginitatem tradit, ante partum, in partu, & post partum conseruatam: Verba verò quæ sequuntur, ni mirum Virgo etiam indubitata dubitante sponso, insinuare videntur, Iosephum Mariæ sponsum de eius Virginitate dubitasse: cum enim sciret se esse castissimum, cum eam pregnantem comperisset, fluctuare secum, ac de Virginis pudicitia visus est suspicari: & ideo D. Matth. cap. 1. sui Euang. li. j. scribit, eam dimittere voluisse, an autem id facere voluerit, quod mali aliquod verè de ipsa fuerit suspicatus, ut docere videntur Theophylact. & Euthymius in Comment. in loc. cit. Matth. & D. Augustin. Epist. 54. & serm. 16. de verbis Domini, & serm. 18. de Tempore, an verò quia existimauerit, se illius esse indignum consortio, ob summam de ea quam habebat venerationem, cum illam tot, tantisque supernaturalibus dotibus ornata nouisset, ut indicant Origen. hom. 1. in diuersos, & D. Bernard. super Missus est, explicauimus infra Lib. 6. Reuelat. Cap. 59. Not. 3.

Scriptum est, quod Petro reddente testimonium Filio meo, quod esset Filius Dei, responsum est ei, Beatus es Simon, quia caro, & sanguis non reuelauit tibi.

Hoc Apostolorum Principis testimonium de Christo referunt Matth. cap. 16. & Lucas cap. 9. ubi ad intelligentiam verborum presentis Notæ sciendum est, quod sicut Christus Dominus Petrum beatum, ac felicem pronunciat, eo quod singulari beneficio Dei, scilicet cognitionem est assequutus, per quam tam illustre de eo reddidit testimonium, dicens, Tu es Christus Filius Dei cuius, quam ob causam beatus est à Christo, appellatus, Beatus (inquit) es, quia hanc cognitionem ex sola Patris mei celestis reuelatione accepisti: non enim caro, & sanguis, hoc est carnales parentes tui, aut nulli penitus homines te docuerunt, sed Pater meus celestis, sic

hoc loco beatissima Virgo Brigittâ admonet, quæ, cum Maria virtutum in medium quamplurima encomia attulisset, ea non ab hominibus accepisse, sed diuinitus illi fuisse inspirata affirmat; & ideo legimus hic, Sed dico ego nunc, hanc salutationem non reuelauit tibi carnalis anima, sed ille, qui erat sine principio, & sine fine.

Nam in Ioanne, qui interpretatur gratia Dei, notatur obedientia.

Ioannis nomen, non absolute gratiam interpretandum esse, sed Dei gratiam censuit Beda Luca 1. ad ea verba, Et vocabis nomen eius Ioannem, cuius dicti rationem reddit, asserens sic fuisse appellatum, tum quod Dei gratuita bonitate parentibus datus esset; tum quod gratia Dei plenus esset, tum quod datus esset à Deo in populorum salutem; cui etiam addi potest, quod datoris gratia pre-nunciatus, ac precursor esset futurus. Verum Lyranus in locum citatum Luca interpretatur hoc nomen, non Dei gratia, sed in quo est gratia, quia (inquit) Ioannes Christum manifestauit, per quem veritas, & gratia facta est, ut Ioan. 1. scribitur, sed Cornelius Iansenius in sua Concordantia Evangelica par. 1. cap. 2. fuit de huius nominis etymologia differens, putatque Ioannem significare Dominum misertus est, quod optime conueniat cum illis verbis Euangelij ab Angelo Zacharia dictis, Exaudita est oratio tua, & addit etiam cum aspiratione hoc nomen scribendum esse, sed quidquid sit optime annotarunt Ambros. in Comment. super Lucam loco citato, Cyrillus lib. 1. in Ioan. cap. 7. Beda ubi supra, habere semper mysterium in sacris literis, aut mutationem veteris nominis, aut noui anticipatam positionem, & quidem huius rei mysteria recensimus supra ex Beda, & Lyano, hoc autem Capite alia quedam enumerantur ibi, ipse quippe fuit, & est dulcis, &c.

In Petro verò notatur fides sanctæ Ecclesiæ.

Quemadmodum Christus Dominus lumen Apostolis contulit, & lucem ipsi mundo afferrent, & lume mundi appellarentur, sicut

Matth. 5. legimus: ita quoque Simonem vocauit Petrum, in quo veluti in Petra fidei stabile iaceret fundamentum; unde de eo peculiariter Christus Matth. 16. dixit, Tu es Petrus, & super hanc petram aedificabo Ecclesiam meam. Quare mirum non est si fidei symbolū in presenti Nota Petrus esse dicatur, quippè qui etiam in Petram credidit, quæ Christus erat, ut dicit Apost. 1. Cor. 10. Petra autem erat Christus sic quoque quicunque fidem habet Petri, Petrus dici potest, quod etiā annotauit D. August. super Ioan. tract. 7. D. Hieron. super Matth. cap. 16. Origen. super Matth. bom. 1.

VERBA FILIAE AD DOMINAM
de virtute, & laude suæ pulchritudinis, & de responsione Virginis, sui laudem confirmantis, & qualiter Filius Virginem Matrem comparat auri fabro.

CAP. XIX.



QDULCIS Maria, pulchritudo noua, pulchritudo clarissima. Veni in adiutorium mihi tu, vt deformitas mea depuretur, charitasq. accendatur. Tria enim dat pulchritudo tua capiti. Purgat primò memoriā, vt verba Dei suauiter ingrediantur. Secundò, vt audita delectabiliter teneantur. Tertiò, vt ad proximum ardentè diffundantur. Tria etiam pulchritudo tua præstat cordi. Primò aufert onus durissimū accidiæ, si tua consideretur charitas, & humilitas. Secundò dat oculis lacrymas, si tua attendatur paupertas, & patientia. Tertiò, dat cordi in æternum feruorem dulcedinis, si sinceriter recolatur memoria tuæ pietatis. Verè domina, tu es pulchritudo pretiosissima, pulchritudo desideratissima, quia infirmis data es in auxilium, tribulatis in solatium, omnibus in mediatricem. Ergo omnes, qui audierunt te nascituram, & qui sciunt te

iam natam, benè clamare possunt. Veni pulchritudo clarissima, & illumina tenebras nostras. Veni pulchritudo pretiosissima, & aufer opprobrium nostrum. Veni pulchritudo suauissima, & mitiga amaritudinem nostram. Veni pulchritudo potentissima, & dissolue captiuitatem nostram. Veni pulchritudo honestissima, & dele sceditatem nostram. Ergo benedicta, & venerabilis sit talis, & tanta pulchritudo, quam omnes videre optabant Patriarchæ, de qua omnes cecinerunt Prophetæ, de qua omnes electi gaudent. Respondit Mater. Benedictus sit Deus pulchritudo mea, qui dedit tibi talia verba loqui. Propterea dico tibi, quòd pulchritudo antiquissima, æterna, & pulcherrima, quæ fecit, & creauit me, confortabit te. Pulchritudo vetustissima & noua, inno-uans omnia, quæ fuit in me, & processit de me, docebit te mirabilia. Pulchritudo desideratissima delectans, & lætificans omnia, inflammat animam tuam sua charitate. Propterea confide in Deo. Cum enim pulchritudo cælestis apparuerit, omnis pulchritudo terrena confunderetur, & reputabitur quasi sterqus. Deindè ait Filius Dei ad Matrem. O benedicta Mater, tu es similis auri fabro, qui præparat opus pulchrum. Omnes qui viderint opus congratulantur, & tunc vel lapides pretiosos, aut aurum offerunt, vt opus perficiatur. Sic tu dilecta Mater omnium conanti surgere ad Deum tribuis auxilium, & neminem relinquis vacuum à consolatione tua. Propterea benè vocari poteris sanguis cordis mei. Sicut enim sanguine viuificantur, & roborantur omnia membra corporis, sic per te omnes viuificantur à peccato, & fructuosiores sunt ad Deum.



INFORMATIO S. AGNETIS
ad filiā de non retrocedendo, & de modo
plus debito procedendo, & de modo
tenendo in abstinentijs incipiendis,
vel inceptis, & quæ continentia sit
Deo acceptabilis.

C A P. X X.



AGNETIS loquitur. Filia sta-
bilis, & non retrocedas,
quia serpens mordēs iacet
antē talos. Nec etiā plus
debito procedas, quia cus-

pis lanceæ acutæ antē te stat quæ si
plus iusto processeris, vulneraberis. Quid
verò est retrocedere, nisi pœnitere in
tentationibus assumpsisse austeriora, &
salubria, & velle ad consuetā redire dele-
ctari mente in sordidis cogitationibus.
Talia si menti placent, omnia obscurant
bona, paulatimq. retrahunt ab omni bo-
no. Nec etiā debes plus debito proce-
dere, idest ultrā vires te affligere, aut alios
super naturam tuā in bonis operibus
imitari, quia ab æterno disposuit Deus
operibus charitatis, & humilitatis ape-
riri peccatoribus cælum, seruata in om-
nibus mensura, & discretione. Nunc
autem Diabolus inuidus suadet homini
imperfecto supra vires, ieiunare, pro-
mittere in consuetā, & importabilia,
velle imitari perfectiora, non confide-
ratis viribus suis, & infirmitatibus suis,
ut deficiente robore, vel homo cōtinuet
malè incepta propter rubrem homi-
num plus, quā propter Deum, vel de-
ficiat citius propter indirectionem, &
infirmitatem. Propterea mensura te ip-
sam in te ipsa, idest secundum fortitudi-
nem, & debilitatē tuā, quia alij
sunt à natura fortiores, alij debiliores,
alij gratia Dei seruentiores, alij consue-
tudine bona alacriores. Idco secundum
consilium timentium Deum gubernā
vitam tuā, nē aut per inconsideratio-

nem mordeat te serpens, aut cuspis gla-
dij venenosi, idest suggestio Diaboli ve-
nenosissima deludat mentem tuā, quā
vel videri velis, quod non es, aut esse
appetas, quod est supra vires, & virtutem
tuā. Nam sunt quidam, qui meritis
suis obtinere credunt cælum, quibus
Deus parcat à Diaboli tentationibus ex
occulta dispensatione sua. Alij sunt,
qui operibus suis satisfacere Deo putant
pro excessibus suis, quorum omnium
error omnino damnaibilis est. Quod etiā
si quilibet homo centies corpus suum
occideret, non posset Deum vnū pro
mille respondere, quia ipse dat posse, &
velle, ipse tempora, & sanitatem, ipse
replet in bonis desiderium, ipse dat di-
uitias, & gloriam, ipse est qui mortificat,
& viuificat, exaltat, & humiliat, & om-
nia sunt in manu eius. Idco illi soli ho-
nor exhibendus est, & nulla merita ho-
minum alicuius reputationis sunt apud
Deum. Quod verò miraberis de domi-
na, quæ ad indulgentias veniens corru-
pta est. Respondeo tibi. Sunt quedam
mulieres, quæ continentiam habent, sed
non diligunt, quibus nec delectatio ma-
gna est, nec tentatio violenta, quibus si
nuptiæ honorandæ præberentur, susci-
pereat quidem, sed quia non offeruntur
magna, dedignantur parua. Et idco
ex continentia aliquando oritur super-
bia, & præsumptio, propter quam con-
tingit ex permissione diuina cadere, si-
cut iam audisti. Si verò aliqua talis esset
intentionis, quod nec propter totum
mundum, si ei præberetur, veller semel
maculari, impossibile est talem relinqui
ad turpia. Verumtamen si Deus permis-
seret ex occulta iustitia sua talē cadere,
plus fieret ei ad coronā, quā ad peccatū,
dummodo esset contra eius voluntatem.
Propterea pro certo scito, quod Deus est
quasi aquila, quæ ab alto prospicit infi-
ma, quæ si aliqua viderit ascendere de
terra, statim quasi funda deiecit illa.
Si verò aliquid venenosum prospicit

contrañum sibi, quasi sagitta transuerberat. Si autem distillat aliquid immundum de superioribus supra ipsam, quasi anser fortiter excutit à se & elongat. Sic etiam facit Deus, si viderit cor da hominū ex fragilitate carnis, vel tentationibus Diaboli contra voluntatē spiritus erigere se cōtra Deum, statim quasi funda per inspirationem compunctionis, & poenitentiae illud annihilat, & facit hominem redire ad Deum, & ad se ipsum. Si verò venenum cupiditatis carnis, vel diuitiarū intrauerit cor, mox Deus transueherat mentem sagitta charitatis suae, ne homo perseverans in peccato à Deo separetur. Quod si aliquid immundum superbiae, vel lurum luxuriae sedauerit animum, mox quasi anser per fidei, & spei constantiam deiecit. Ne vel animus obduretur in vitijs, aut anima iūcta Deo, damnabiliter maculetur. Propterea filia in omnibus affectionibus tuis, & operibus, considera misericordiam, & iustitiam Dei, & semper attende finem.

VERBA SPONSAE AD DEVM

de eius virtute, & magnificentia, & responso Virginis ad filiam, ipsam confortans, & qualiter boni, & serui Dei non debent cessare à praedicatione, & monitione gentium, siue conuertantur, siue non, quod probat per exemplum.

CAPITULVM XXXII

BENEDICTVS sis tu Deus meus, qui es trinus, & vnus, trinus in personis, vnus in natura. Tu es ipsa bonitas, & ipsa sapientia, tu ipsa pulchritudo, & potestas, tu ipsa iustitia, & veritas, per quam sunt omnia, viuunt, & subsistunt. Tu verè similis es flori resplendenti singulariter in campo, de quo omnes appropinquant, obtinent suauitatem in gustu, & alleviationem

in cerebro, delectationem in vfu, fortitudinem in reliquis membris. Sic omnes appropinquant tibi sunt pulchriores, relinquendo peccatum. Fiunt sapientiores sequendo voluntatem tuam, & non carnis. Fiunt iustiores sequendo vtilitatem animae, & honorem Dei. Propterea piissime Deus, da mihi id amare quod redefectat, tentationibus viriliter resistere, mundana omnia contemnere, & te iugiter in Memoria mea retinere. Respondit Mater; Hanc salutationem promeruit tibi ille bonus Hieronymus, qui recessit de falsa sapientia, & inuenit sapientiam veram, qui contempsit honorem terrenum, & lucratus est ipsum Deum. Felix talis Hieronymus, felices, qui eius imitantur doctrinam, & vitam, qui sunt amator viduarum, speculū proficientium, doctorque totius veritatis, & puritatis. Sed dic filia, quid est, quod te sollicitat in corde tuo? Et illa, occurrit (inquit) cogitatio dicens, si bona es, sufficit tibi bonitas tua, quid ad te iudicare, & prouocare alios, docereque meliores, quod nec tui ordinis est, nec status. Ex qua cogitatio ita obduratur animus, quod & sui ipsius obliuiscitur, totusque refrigescit à charitate Dei.

1 Respondit Mater. **1** Hae cogitatio multos etiam profectos retrahit à Deo, nam Diabolus impedit bonos, ne loquantur malis, ne forte compungerentur. Impedit etiam ne loquantur bonis, ne forte eleuentur ad altiorem locum, quia boni audita doctrina bonorum, eleuantur ad altiora merita, & loca. **2** Sic Eunuchus ille legens Isaiam, venisset quidem ad minorem poenam Inferni. Sed occurrit Philippus, & docens eum compendium ad caelum, eleuauit eum ad felicem locum. Sic etiam Petrus mittebatur ad Corneliū, si Cornelius prius fuisset mortuus, venisset quidem propter fidem ad refrigerium, sed aduenit Petrus, & prouocauit eum ad portam vitae. **3** Similiter etiam Paulus venit ad Dionysium.

& duxit eum ad beatam remunerationem. Ergo amici Dei non debent attendi in seruitio Dei, sed laborare, ut homo malus fiat melior, & homo bonus veniat ad perfectiora. 4 Nam quicumque voluntate haberet sibilandi in aures omnium transeuntium, quod Iesus Christus esset verè Dei filius, & faciendo conaretur quantum posset ad aliorum conversionem, licet nulli, vel pauci converterentur, nihilominus eandem mercedem obtineret, ac si omnes converterentur. Sicut per exemplum dico tibi. Si duo mercenarii ex præcepto Domini foderet montem durissimum, & alius inueniret aurum electum, alius verò nihil. 5 Isti propter laborem, & voluntatem, digni æquali essent mercede. Sicut Paulus, qui plures conuertit, quam alij Apostoli, qui pauciores conuertebant, omnes tamen vnius erant voluntatis, sed dispensatio diuina occulta est. Propterea non est cessandum, quamuis, vel pauci, vel nulli recipiant verba Dei. Quia sicut spina conferuat rosam, & asinus transfert dominum suum, sic Diabolus spina peccati per tribulationes proficit electis, tanquam rosis, nè per presumptionem cordis dissoluantur inaniter, & quasi asinus perducit eos ad Dei consolationem, & maiorem remunerationem.

N O T A E.

IN *vulgata* ubi legitur, hæc cogitatio multos etiam profectos retrahit à Deo.

M. S. Farnesianus habet, hæc cogitatio multos etiam prouectos retrahit, atque ita esse legendum censet, aut saltem non profectos, sed perfectos corrigendum est.

Sic Eunuchus ille legens Isaiam venisset quidem ad minorem pœnam Inferni, sed occurrit Philippus, & docens eum compendium ad cælum, eleuauit eum ad felicem locum.

Ad horum intelligentiam in memoria re-

uocanda sunt, quæ de Eunuchò à Philippo cõuerso Actorum 8. Lucas Euangelista scripsit, ubi inter cætera locum illum Isaiæ 53. Tanquam ouis ad occisionem ductus est: Eunuchi conversioni ansam præbuisse legimus; dicitur autem Philippus in præsentì Nota, eum docuisse compendium ad cælum, vel quòd cuncta, quæ ad Christi Natiuitatis, Passionis, ac totius vitæ historiam spectabant, re-tuli in compendio redacta narrauerit, per quæ ipse vitam, quæ ducit ad cælum agnouit, vel quòd de necessariò credendis, quæ ad æternæ gloriæ consequutionem pertinent, eum breuiter instruxerit, quod etiam annotauit Diuus Augustin. de Fide, & operibus cap. 9. ubi hæc de re agens, Pari modo (inquit) quod scriptum est euangelizasse Philippum spadoni Dominum, nullo modo dubitandum est, & illa in catechismo dicta esse, quæ ad vitam, moresq. pertinent eius, qui credit in Dominum Iesum, hoc est enim euangelizare Christum, non tantum dicere, quæ sint credenda de Christo, sed etiam quæ obseruanda ei, qui accedit ad compagem corporis Christi, imò verò cuncta dicere, quæ sunt credenda de Christo.

3 Similiter etiam Paulus venit ad Dionysium, & duxit eum ad beatam remunerationem.

Agitur in præsentì Nota de D. Dionysii Areopagite conversione, quo loco quispiam imprimis querere posset, quare hic Paulus ad Dionysium in specie venisse dicitur, cum sicut Actorum 17. legimus Athenas venerit, non ad eum tantummodo, sed ad omnes vniuersaliter conuertendos, & præcipue ad illos conuincendos Iudices, quos Areopagitas vocabant, qui ad maiores causas definiendas, sanguinis nempe, morum, ac Religionis fuerant asciti: quorum meminit Augustinus lib. 18. de Civitate cap. 10. & ibidem etiam plura refert Ludouicus Vives ex Libanio sophista, & Budeo; sed enim arbitror Dionysii hoc loco mentionem fieri, quippe qui inter ceteros illos Iudices excellentior, ac eminentior erat, idcirco eius quoque peculiari-ter meminit Lucas Euangelista hoc loco cit. sicut annotauit Lyran.

Gg 3 ad

ad finem capitis ibi, In quibus erat Dionysius Areopagita, dicit autē Card. Baron. to. 1. Annual. anno Christi 52. Paulus hoc anno Athenas venisse, & a passione Domini anno 19. ab eo Dionysium suū ad fidē conuersum, qui postmodum sacro suscepto Baptismate, se Apostoli magisterio imbuendum tradidit, & ab eo per triennium in fidei Catholica mysterijs institutus est, in quibus tantum profecit, ut merito à Damasceno Theologorum omnium Princeps sit appellatus, & ab alijs Doctor antiquissimus, & Pater venerabilis, cui plures asseuerarunt, Paulum arcana reuelasse, quae raptus in celum vidit, & audiuit. Dionysii vitā, ac res gestas narrat Suidas, Michael Sifingrus, Metaphrastes, & Surius tom. 5. & multa etiam de eo asserti scitu dignissima Cardinalis Baronijs in Notis ad Martyrologium Romanum die 9. Octobris.

4 Nam quicumque voluntatem haberet sibilandi in aures omnium transeuntium.

Rectius habet Farnesianus Codex M. S. sibilandi in aures hominum, est autem sibilare, sibilum edere, & sibilus dicitur, qui ore fit, compressis dentibus, & parum constrictis labijs, quod consueuerunt pastores facere, cum sibilo oues vocare volunt, & hic sumendum esse censeo verbum sibilare pro predicare: & idē hic legimus, Si quis conaretur quantum posset ad aliorum conuersionem; sicut enim pastores sibilo suas oues ad ouile reducunt, sic concionatores, & Episcopi, qui pastores sunt, debent predicationis officio, errantes oues ad salutis, ac veritatis viam reuocare.

5 Ad finem praesentis Capitis, ubi haec tenus
var. impressa exemplaria legunt, Isti propter laborem, & voluntatem, digni aequali esset mercede.

M. S. Farnesianus addit aequalem, & legit, Isti propter laborem aequalem, & voluntatem, aequali essent mercede digni.



QUALITER MODERNIS

temporibus hominum malitia praedit Diaboli astutiam. Et qualiter homines nunc promptiores sunt ad peccandum, quam Diabolus ad tentandum: de sententia contra tales illata. Et qualiter Dei amici in praedicando debent laborare viriliter, & celeriter, & de scientia infusione in suos amicos.

C. A. P. XXII.

1 **H**ILIVS loquitur. Si turbari posse merito, nunc dicere possem poeniter me fecisse hominem. Nam, homo modò est, sicut animal, quod sponte currit in retia, quantumcunque enim inclamatur, nihilominus sequitur suae voluntatis appetitum. Nec iam omnino imputandum est Diabolo, quod violenter trahit hominem, immodò homo ipse prauehit malitiam eius. Sicut canes venatici, qui primò ducuntur copulis, inde tandem assueti capere, & deuorare animalia, etiam in accelerando ad praedam, prauehiant ductorem. Sic iam homo assuetus, & falcinatus in peccato, promptior est ad peccandum, quam Diabolus ad tentandum. Nec mirum est, diu enim est, quod Sedes Apostolica caput mundi, placuit Deo sanctitate vitae, & exemplo suo, sicut primitus faciebat, & idē reliqua membra facta sunt debilia, & languida. 2 Nec consideratur, cur Deus diues, factus est egenus, & pauper, scilicet, ut peritura cōtemnenda doceret, & caelestia amanda. Sed quod homo pauper natura, diues factus est falsis diuitijs, hoc omnes imitari appetunt, pauci, inueniuntur alij, qui non imitentur. 3 Idē venit arator à potentissimo, exacuat à sapientissimo, qui non querit terras, & pulchritudinem corporum, non veretur fortitudinem fortium, nec timet minas Principum, sed nec accipit personas homi-

minum, qui feminabit carnes hominum, & diruet domos spirituum, qui corpora tradet vermibus, animasq. tradet illis, quibus seruierunt. Ideo amici mei ad quos te mittam, laborent viriliter, & celeriter, quia non erit istud, quod dico in nouissimis diebus; vt dixi prius, sed in diebus istis. Et multorum iam viuentium etiam hoc videbunt oculi; 4 vt impleatur quod scriptum est. Fiant vxores eorum viduæ, & filij sine patribus, omneq. desiderabile hominum auferetur. Verum tamen quicumque ad me cum humilitate veniunt, hos ego misericors Deus suscipio. Qui verò fructum iustitiæ operibus impleuerint, his ego dabo meipsum, quia iustum est, vt domus purgetur, in qua rex ingressus est, vitium mündetur, vt clarescat potus, granum fortiter conteratur, vt ab arista separetur, illudq., quod in formellò clauditur, vehementer prematur, donec formellæ similitudo obtineatur. Attamē sicut post hyemē venit æstas, sic ego post tribulationem dabo consolationem, his scilicet, qui cupiunt esse paruuli, & qui celestia præponderant plus, quàm terrena. Verumtamen sicut homo non nascitur, & moritur vno eodēq. tempore, sic omnia temporibus suis nunc implebuntur. Scito etiam, quod cum aliquibus volo facere iuxta prouerbiū commune. Percute eum in collo, & curret, & tribulatio accelerare cogit. Cum alijs faciam sicut scribitur. Aperi os tuum, & implebo illud. Ad tertios verò dicam consolando, & inspirando. Venite idiotæ, & simplices, & dabo vobis os, & sapientiam, quibus linguosi non poterunt repugnare. Sic feci iam diebus istis, impleui simplices sapientiā mea, & resistunt doctis. Euulsi magni quos, & potentes, & subito decesserunt. Nec mirum, præcepi enim sapientibus, vt præciderent linguas serpentum, sicut audisti, & noluerunt. Nec mater, quæ fuit virgo, communitatis voluit extinguere ora, vt ignem exstingueret cupiditatis, succensum in cordibus filiorum

vt monui: ideo ego tempore felicitatis eorū succidi eos, & præcidi linguas eorū.

NOTÆ.

SI turbari possem, merito nunc dicere possem, pœnitet me fecisse hominem.

In principio præsentis Capituli legimus Deum pœnitere non posse, quia turbari minime potest, & tamen Genes. 6. scripsit Moyses, pœnituisse Deum, quod fecerit hominem, ad cuius rei intelligentiam scio, quod Deus non est sicut ceteri homines, vt propriè eum rei alicuius pœniteat, sed pœnitere dicitur, quia ad modum pœnitentis se habet, quatenus illa aliq. quādo destruit, quod fecisse pœnitet: est enim Dei pœnitudo mutandarum rerum immutabilis ratio, vt egregiè tradidit D. August. lib. 1. de Ciuit. cap. 2. 5. Eucherius lib. 1. in Genes. cap. 3. 9. & de Spiritualibus formulis cap. 12. & animaduertit Hieronym. ab Oleastro ibidem cap. 6. & colligitur ex Glossa Interlin. ibi. & Ruperto in Genes. lib. 4. cap. 14. & Hugone in annotat. in Genesim, qui affirmat Deū pœnitere dum opus mutat, voluntate tamen, & dispositione immobili permanente. Scribitur autem hoc loco, Deum pœnitere minime posse, quia turbari non potest, cuius rei ratio est, quoniam pœnitudo supponit aliquā animi affectionem, & mutabilitatem, cumq. Deus sit purus actus, & omnino immutabilis, vt Malach. 3. & Iacob. 1. legimus. Inde sequitur eum propriè pœnitere non posse, sed per metaphoram opus eius pœnitentis esse videtur, non tamen pœnitentis affectum habet, qui animi est turbatio, ac mutatio, quod etiā docuit D. August. de Essentia diuinitatis, & in Psalm. 131. & latè Benedic. Pererius in Genesim lib. 8. comment. ad ea verba cap. 6. Pœnitet me fecisse hominem, vers. 15. Pœnitentia (inquit) dolor, ira, furor, tristitia, & huiusmodi dicuntur de Deo, non secundū proprietatem, sed secundū similitudinem, nec secundum affectum animi, sed secundum effectum operis.

Nec consideratur cur Deus diues, factus est egenus, & pauper.

Gg 4 Sic

Sic enim habet Paulus Apost. 2. Corint. 8. Quoniam propter nos egenus factus est, cum dives esset: His autem verbis presentis Nota, conqueritur Christus Dominus, quod homines divitiorum beneficiorum adeo sunt immemores, ut nec considerare velint, quapropter ipse incarnatus sit: hoc enim significant ea verba. Cur Deus dives factus est egenus, cum enim Deus in natura divina dives sit bonorum omnium habens plenitudinem infinitam, in tantam pro nobis devenit pauperatē factus homo, ut mirum non sit si de se aliquando dixerit, Vulpes foveas habent, filius autem hominis non habet unde caput reclinet, Luca 9. Et Matth. 8. Et Zach. 9. scribitur, Exultate filia Sion: ecce Rex tuus veniet tibi iustus, Et Saluator, ipse pauper, Et ascendens super asinum. Et Hieremias hanc extremam Christi admirans pauperatē 14. cap. suarum Revelat. clamans dicebat, Quare quasi colonus venturus es in terra, Et quasi viator declinans ad manendum.

Ideo veniet arator a potentissimo. Quoniam ut superiori Nota admonuimus, homines plerūq. divina negligunt beneficia. Et Incarnationis singulare munus parvipendunt, et vestigia Christi imitari non student, prae dicit Christus hic B. Brigitta, aratorem a potentissimo venturum esse, hoc est, a Deo tribulationes plurimas, Et senu flagella esse mittenda, arare namq. Deus dicitur, cum castigat, Et tribulationem, Et incommoda inferi, ut ita animas prepararet ad suscipiendum semen Dei, sic tradit D. Hieron. super Isai. cap. 28. Ut impleatur, quod scriptum est. Fiant vxores eorum viduae, & filij sine patribus.

Inter cetera, quae hoc loco flagella malis hominibus se daturum Christus Dominus affirmat, illud potissimum esse legimus hic, quod vxores eorum remansurae sint absque viris, filij vero sine patribus, iuxta illud Psalm. 108. Fiant filij eius orphani, Et vxor eius vidua, quod mystice intelligendum esse arbitror: quandoquidem mali non amplius Deum habent Patrem, quia reprobi facti sunt, nec Ecclesiam matrem, a qua propter eorum scelera cecidi sunt, unde eos merito peccatores orpha-

nos vocant Arnobius in Psalm. 93. Et Aug. in Psalm. 108. cuius dicti ratio esse potest, quia Deum habere Patrem bene, recteq. reuendo negligunt: Ecclesiam vero Matrem eius praecepta, legesq. frangendo reijciunt.

VERBA IOANNIS EVANGELISTAE

ad Virginem gloriosam, de quodam mero, & iniquo hypocrita; & responsio Virginis, qualiter talis sit constitutus, & Diaboli illusionibus ad ipsum, & quomodo ex septem signis spiritus bonus cognoscitur, & ex totidem malignus spiritus dignoscitur.

C A P. XXIII.

IOANNES, Euangelista, dixit Mari Dei. Audi tu Virgo, & Mater vnus filij, non plurium. Mater vnigeniti filij Dei, plasmatoris, & redemptoris omnium. Audi inquam sicut, & audis quantum iste delusus est a Diabolo, quantum laborat, ut obtineat impossibile, quantum informatus est, & quantis rebus a spiritu medacij, quantum etiam elongat se a Deo in specie ouina, & corde leonino. Ego docui, quod tres sunt, qui testimonium dant in Caelo, & in terra, Pater, & Filius, & Spiritus sanctus. Isti vero testimonium perhibet spiritus malignus, quod, totus factus est simulatorie sanctus, quem Pater non fortificat potentia sua: Filius non visitat sapientia sua. Spiritus sanctus non inflammat charitate sua. Nec mirum, aspirat enim ad potentiam contra potentiam Patris, vult esse sapiens contra sapientiam Filij, habet inflammationem, sed aliter, quam sicut inflammat Spiritus sanctus. Ideo roga filium tuum, ut aut citius subtrahatur, ne perdantur plures, aut humilietur celerius pro errato. Respondit Mater. Audi tu Virgo, sed tamen virilis, non feminea persona. Tu es, quem Deo placuit vocare cum laudissima morte de mundo propinquius mihi. Ego enim quasi ob-

dor.

dormiui in separatione animæ, & corporis, & euigilauit in gaudio perpetuo. Nec mirum. Ego quippè præ cæteris amarior in morte filij mei dolui, & idè placuit Deo me de mundo cum morte leuissima separare. Tu verò inter Apostolos vicinior mihi appropinquasti, maioraq. signa dilectionis expertus es præ alijs, & amarior tibi Passio Filij mei facta est, quam præ cæteris clatiùs aspexisti, 2 & quia præ cæteris fratribus tuis longiùs vixisti, quasi in ipforum omnium Martyr fuisti. Idè placuit Deo vocare te de mundo morte leuissima post me, quia Virgo Virgini fuit commendata. Idè fieri, quod petisti, & non prolongabitur. Attamen fili mi ostendere volo, quomodo iste, de quo loquimur est, constitutus. Ipse quippè est quasi seruus monetarij, idest diaboli, qui constat, & percuit monetam suam, idest seruientem sibi, suggestionibus, & temptationibus suis, donec perficiat eum ad velle suum. Cumq. voluntatem hominis corripuerit, & ad delectationes carnis, & amorem mundi inclinauerit, mox quasi formam, & superscriptionem ei imprimit, quia tunc ex signis exterioribus satis apparet, quem diligit toto corde. Quando verò homo operè explet affectum, mentis suæ, & plus implicare se vult, mûdo, quam status suus requirit, pluraq. faceret, et veller, si posset, tunc perfecta moneta diaboli cõprobatur. Veruntamè quòd alia est moneta Dei, & alia monetæ diaboli. Moneta Dei est aurea, idest fulgens, ductilis, & pretiosa. Sic omnis anima quæ habet impressionem Dei, est fulgens diuina charitate, ductilis, patientia, pretiosa, boni operis continuatione. Ergo anima bonâ constat virtute Dei, & probatur multis temptationibus, per quas anima, considerans originem, & defectuositates suas, Dei, circa se pietatem, & patientiã, tantò fit pretiosior Deo, quantò humilior, & patientior, & sui sollicitior inuenitur. Moneta verò diaboli est cuprea, & plumbea. Cuprea, quia habet similitu-

dinem auri, habet duriciam, habet flexibilitatem, sed non sicut aurum. Sic anima iniusta, videtur quippè esse iusta, omnes dijudicat, omnibus sua præfert. Inflexibilis est ad opera humilitatis, mollis in suis operibus, difficilis ad reuocandum à suis conceptibus, mirabilis mundo, contemptibilis Deo. Est quoque moneta diaboli plumbea, quia deformis, quia mollis, & flexibilis, quia ponderosa. Sic anima iniusta deformis est in voluptuosis affectionibus, onerosa in cupiditate mûdi, flexibilis quasi arundo ad quæcûque diabolus inspirat mœnti, immò quandoque facilius ad faciendum, quàm diabolus ad tentandum. Sic etiam iste seruus monetarij est dispositus, qui attediatus stare in obseruantijs regularibus, sicut vouerat, cogitauit vias, quibus hominibus placeret per simulatam sanctitatem, ad latiùs nutriendam carnem suam. Et mox diabolus immisit menti suæ, quædam mendacia nocturnalialia, quibus delusus credebat impossibilia, quæ non euenient, sed vita eius abbreviabitur, & honorè, quem cupit, nõ consequetur. Veruntamè vbicûq. aliqua noua moneta inuenitur, mittenda est ad aliquem sapientem, quæ ponderis, & formæ scientiam habeat sufficienter. Sed vbi inuenimus illum? Qui si inuentus fuerit, modicum curat, immò nihil, vtrum moneta falsa sit, aut vera. Idè in talibus vnicum est cõsiliu, sicut per exemplum dico. Si canis porrigeretur vnus florenus, non attenderet ad recipiendum eum, si verò perunctus esset aliqua magna pinguedine, non dubium quin tunc ab eo reciperetur. Sic est etiam nunc, si acceditur ad aliquem sapientem, dicendo sic. Ille talis hæreticus est, tunc non attenditur, quia charitas Dei refriguit tota. Si verò diceretur florenos habet multos, tunc omnes simul festinarent. Propterea erit citò, quòd dicit Paulus, Adnihilabo sapiëntiam sapientum, & humiliabo: & humiles exaltabo. 3 Attamen filia ex septem poteris cognoscere Spiritum sanctu, & spiritum im-

immundum. Primò enim Spiritus Dei facit vilescere hominem mundum, cuius honor reputatur in corde, quasi aer. Secundò facit Deum charum animæ, & omnis delectatio carnis refrigerat. Tertiò inspirat patientiam, & in Deo solam gloriationem. Quartò incitat mentem ad proximi dilectionem, & compulsionem; immò etiam inimicorum. Quintò inspirat ad castitatem omnimodâ, immò etiâ rerum licitarum. Sextò facit confidere in Deo in omnibus tribulationibus, & in eis gloriari. Septimò donat desiderium velle dissolui, & esse cum Christo magis, quàm in mundo prosperari, & inquiri. Ita è contra spiritus malus facit alia septem. Primò facit mundum esse suauem, & celestia fastidire. Secundò facit appetere honores, & sui ipsius obliuisci. Tertiò excitat in corde odium, & impatientiam. Quartò facit contra Deum audacem, & in conceptibus animi sui pertinacem. Quintò facit leuigare peccata sua, & excusare. Sextò inspirat leuitatem animi, omnemq; carnis impuritatem. Septimò inspirat spem diu viuendi; vereturiamq; confitendi. Idè sollicita esto circa cogitationes tuas, nè à spiritu isto decipiaris, qui te cupit ad id te adducere, ut te ipsum decipias.

Declaratio. Hic fuit Sacerdos Ordinis Cisterciensis, qui post 18 annos apostasie compunctus, reuersus est ad Monasterium, qui dixit impossibilem esse aliquem damnari, nec Deum loqui cum aliqua persona in hoc mundo, nec aliquem posse videre faciem Dei, ante iudicium Dei. Quòd cum audiuisset Domina Brigitta, dixit ei Spiritus sanctus: Vade (inquit) ad fratrem illum, & dic ei. O Frater, non vides, sicut ego video, quomodo diabolus adhuc in fenestra tua tenet mentem, & linguam tuam ligatam, Deus æternus est, æterna est terribitio eius. Idè reuertere celeriter, perfecto corde ad Deum, & ad fidem veram, quia sine dubio non ascendes de lecto isto, sed

vetique morieris. Et si credideris, eris vās Dei in honore. Qui resolutus in lacrymas, & Domine Brigittæ regatians, sic perfectè correxit vitam suam, quòd conuocatis Fratribus suis in hora resolutionis dixit. O fratres mei certificatus sum, quòd Deus misericors recepit contritionem meam daturus veniam. Orate pro me, quia credo omnia, quæ sancta credit Ecclesia, & sic sumptis Sacramentis Dei obdormiuit.

N O T Æ.

A Vdi tu Virgo, sed tamen virilis non feminea persona, tu es, quem Deo placuit vocare cum leuissima morte de mundo propinquius mihi.

Duo hoc loco de D. Ioanne Euangelista scripta sunt: primò, quòd Virgo fuerit; secundò quòd leuissima morte obierit; & quidem quantum spectat ad secundum latissimè probauimus supra hoc eodem Lib. Cap. 1. Not. 6. Ioannem verè obisse, quòd autem legimus hic, leuissima morte eum fuisse vita functum, idè est, quòd non Martyrio, sed propria morte vitam finiuit, postremò, quòd Virgo fuerit: ex verbis presentis Notæ aperit colligitur, cum illum Beatissima Virgo Virginem appellat, et verissimum sit, quòd dicit Ecclesia, à Christo Virginem Virgini fuisse commendatam; idem habetur Lib. 6. Reuolue. Cap. 119. Et tradunt Hieronym. contra Iovinianum lib. 10. Ignatius Martyr in Epist. ad Philadelphios, Epiphanius heresi 58. Augustinus De bono coniugali cap. 21. Et in Ioannem tractatu ultimò circa finem, qui affirmat Ioannem à Christo plus ceteris fuisse amatum, quòd neque uxorem duxerit, & ab ineunte ætate castissimus vixerit.

² **var.** Et quia præ ceteris fratribus tuis longius vixisti, & quasi in ipsorum omnium Martyr fuiti,

M. S. Farnesianus rectius habet, & inter eos quasi Martyr fuiti: ex his autè colligendum est nobis D. Ioannem, etsi pro Christo sanguinem minime fuderit, Martyrij tamen fuisse meritum assequutum, nam Martyrium vo-

luntati defuit potius, quàm voluntas Martyrio, dicitur autem quasi Martyr, quia ad verum Martyrij rationem pertinet, ut probat D. Thom. 2. 2. q. 12. art. 4. Quod aliquis pro Christo mortem sustineat, quàm ipse Ioannes non pertulit, illud verò, quod Matth. 20. de illo legimus, Dominum dixisse, Calicem quidem meum bibetis, obseruauit Hieronymus fuisse impletum, quando Ioannes in feruentis olei dolium missus est, tunc enim, licet mortuus non fuerit, tamen quia se spontè in testimonium fidei morti obtulit, eaque causa erat sufficientissima ad mortem inferendam, nisi miraculosè, tunc Ioannes fuisset preseruat. Idèò quasi Martyr hoc loco appellatur, quamquam D. Chrysost. hom. 66. in Matth. & hom. 27. in Epist. ad Hebr. & Theophil. in ea verba Matth. cap. 20. Calicem quidem meum bibetis, affirmant Ioannem violenta morte obijisse, quod tamen est contra omnium sententiam, nam quidam sunt, qui eum adhuc viuere in Paradiso terrestri arbitrantur, cum Enoch, & Elia: alij verò propria morte vitam finisse, ut nos latè probauimus ex Patribus, suprà hoc eodem Lib. Cap. 1. Nota 6. meritò ergò D. August. in Ioan. tract. 124. de eo verba faciens, Restat (inquit) ut si viuere ibi sit, quod sparsit fama de terra, quod subindè ablata suerit, aut idèò fiat, ut eo modo commendetur pretiosa mors eius, quam nequaquam Martyrium comendat, non enim cum pro fide persequutor occidit, & clarius in sermone de tempore 149. Ioannes (inquit) obdormiuit sine vulnere, sine cruciatu, qua aetate mortuus fuerit, in presenti cap. non traditur, tantummodo illum præ fratribus longius vixisse legimus, recitat tamen Cedrenus in Nerva opinionem Hypopoliti Martyris, qui opinatus est Ioannem vitam excessisse annos natum centesimū sextum, & D. Hieronym. in comment. in Matth. cap. 20. & de Script. Ecclesiasticis asserit, Ioannem senio confectum obijisse anno post Passionem Domini sexagesimo octauo.

3 Attamen filia ex septem poteris cognoscere Spiritum sanctum, & spiritum im-mundum.

Circà finem præsentis Cap. septem et aduertitur signa, quibus deprehendere facile possumus discrimen inter spiritum bonum, & spiritum malum, quæ sanè notatu dignissima sunt, quæ de re Nos etiam suprà egimus, Lib. 1. Reuel. Cap. 4. Nota 2. & Lib. 4. Cap. 4. Nota 1. & Cap. 78. Nota 2. vide etiam Lib. 3. Cap. 12. & Cap. 20. Nota 3. & Tract. nostro de Visionib. & Reuelat. Cap. 11.

VERBA VIRGINIS AD FILIAM, qui modus tenendus sit inter seruos Dei contra impatientes, & qualiter superbia per dolium vini designatur.

CAP. XXIV.



MATER loquitur. Vbi dolium vini incalescit, & & intumescendo excrecit, ascendunt quædam exaltationes, & ipsum, quandoq. maiores, quadoq. minores, & subito iterum decrescunt. Omnes autem circumstantes doli cōsiderant tales exaltationes citò detumescere, & quod tales eleuationes proueniunt ex fortitudine vini, ad innuendum calorem eius, Idèò patienter expectant finem, & vini, seu ceruicis perfectionem. Omnes autem circumstantes dolium, qui nimis applicant nares in feruorem doli, contingunt eis duo; aut nimia externatio, vel cōmotio, aut cerebrum grauius patietur. Sic est etiam spiritualiter. Nam contingit aliquando, quod quorundam corda intumescunt, & ascendunt ex superbia mentis suæ, & impatientiæ, quem ascensum viri virtutis, attendentes, considerant, aut ex instabilitate animi, aut motu carnalitatis procedere. Idèò patienter verba sustinent, & attendunt finem, scientes, quod post tempestatem fiet tranquillitas. Et quia patientia maior est expugnatore urbium, quia vincit hominem in se ipso, quod difficillimum est. Illi verò, qui nimis impatientes sunt, verbaq. reddunt equipollen-

lencia, non attendentes retributionem gloriosam patientiæ, nec quàm contemptibilis est fauor mundanus. Isti incur-runt in infirmitatem mentis, suis tenta-tionibus propter impatientiam, quia ni-mis appropinquant nares ad commotio-nem dolij, idest verba, quæ non sunt, nisi aer, nimis apponunt cordi suo. Idcò quã-do videritis aliquos esse impatientes, po-nite adiutorio Dei custodiam ori vestro, nec dimittatis bona incepta vestra pro-pter verba impatientiæ, sed dissimulatè in quantum iustum est audita, tanquam nõ audita, donec illi, qui inuenire volunt oc-casionem, exprimunt verbo, quicquid no-tant corde.

VERBA MONITIONIS MATRIS

ad filiam, quòd homo non debet cu-ram facere in desiderijs carnis, sed be-nè resouere corpus in moderatis ne-cessarijs, & qualiter homo stet iuxtà corpus suum, & non in corpore.

CAP. XXV.



MATER loquitur. Tu de-bes esse sicut sponsa, quæ stat ante antipendium, quam mox, vt vocauerit sponsus, parata est ad vo-luntatem sponsi. Ergò antipendiũ istud, corpus est velans animam, quod continuè ablucendum est, probandum, & tentan-dũ, corpus quippè est, quasi asinus in-digens cibo moderato, nè luxuriat, labo-re discreto, nè superbiat, flagello cõtinuo, nè lacescat. Itaque sta iuxtà antipendium, idest, iuxtà corpus, non in corpore, facien-do curam carnis in desiderijs, sed corpus moderatis necessarijs resouendo, quia ille stat iuxtà corpus, non in corpore, qui cor-pus suum reseruat à voluptate ciborum, non à necessitate. Sta quoque post anti-pendium contemnendo voluptatem car-nis, faciendo honorem Dei, & te totam pro Deo impendendo. Sic steterunt illi,

qui corpora sua quasi vestimenta strau-e-runt pro Deo, qui omni hora parati erant ad voluntatem Dei, quando Deo placuit vocare eos, quia non erat eis longum iter ad eum, quem semper habuerunt præsen-tem, nec grauius onera deprimebant colla eorum, quia omnia contemnentes, solo corpore erant in mundo. Idcò liberè euolauerunt sine impedimẽto ad cælum, quia nihil impediẽbat eos, nisi quoddam arridum indumentum disciplinatum op-timè, quo exuto obrinuerunt, quod desi-derabant. Sic iste cecidit periculosè, sur-rexit sapienter, defendit se viriliter, pu-gnauit constanter, perstitit perseveran-ter. Idcò iam coronabitur æternaliter, & est in conspectu Dei.

N O T AE.

COrpus quippè est, quasi asinus in-digēs cibo moderato, nè luxuriat. *Beatis-sima Virgo in præsentì Capite Cor-pus hominis asino comparat, quippè qui, sicut cibo indiget, vt onera portet, sic corpus nostrũ debitum exigit alimentum, vt necessariae functiones peragat, hac eadem similitudine vtuntur Eucherius de Spiritualibus formulis cap. 5. Origen. hom. 6. in lib. Iudicum, D. Au-gustin. in Psalm. 31. & 33. Ad ea verba In Domino laudabitur anima mea, audiant mansueti, & letentur, Beda super Genes. 2.2. Philo de Sacrificio Abel, & Cain. Optimè au-tem docet cibum moderatum esse debere, nam quemadmodum nimid repletum cibo corpus mentem languidam, ac segnem reddit, ita quoque nimia victus cõmentia, debilitatem corpori infert, vt anima, quæ in contempla-tione morari debet, frequẽter in mæstitia sit, Neque enim (inquit) Diadochus de perfectio-ne spirituali cap. 4. 5. infirmo corpore esse debet, qui certat, sed ita firmo, vt sustinendo certa-mini par esse possit, idem tradit D. Basil. lib. De Virginitate, & colligitur ex Paul. Rom. 12. qui obsequia nostra rationabiliter esse de-bere præcipit: corpore namque veluti instru-mento vtitur anima, & idcò secundũ vti-lita-*

litatem, & exigentiam anime gubernandum est, sicq. assurgendum in potus, cibiq. parsimonia, quantum ipsa ferre potest, propterea discretionem opus est, hinc fit, quod *Leu. 2. scribitur, In omni oblatione offerendum est sal, & Hierem. cap. 4. 8. tradit, Quia plus fecit, quam potuit, idcirco periit: hoc quoque exemplo pluuie probari potest, quæ tunc optima censenda est, quæ sensim descendit in terram subitus, nimis imber in præcepta arua subuertit.*

VERBA ADMONITIONIS

Virginis ad filiam, scilicet quæ opera virtuosa merentur virâ æternâ, & quæ non: & de maximo obediētiz merito:

CAP. XXVI.

MULTI sunt flores arboris, non tamen omnes veniūt ad effectum. Sic multa sunt virtuosa opera, non tamen omnia merentur mercedē cælestem, nisi discretè fiant. Nam ieiunare, orare, visitare loca Sanctorum, virtuosa opera sunt, sed nisi eo animo fiant, vt credat se homo humilitate penetrare cælos, seruūq. inutilem ad omnia, & discretionem habeat in omnibus, modicū valent ad æterna. *1* Ecce si videris duos homines, alius est sub obedientia, alius in libera potestate. Si ille, qui liber est ieiunat, simplicem habebit mercedem. Si autem ille, qui sub obedientia comedit illo die ieiunij carnes secundum institutionē regulæ, propter obedientiam, attamen libentiùs ieiunaret, si non obstitet obedientia. Ipse habebit mercedē duplicem, vnā propter obedientiam, aliam propter dilationem desiderij sui, & non impletionem voluntatis suæ: Propterea esto sicut sponsa, quæ prius præparat thalamū, quàm veniat sponsus. Secundo sicut Mater, quæ preparat vestes, antequam nascatur puer. Tertiò, sicut arbor, quæ prius portat flores, quàm veniant fructus. Quarto esto

sicut vas mundum ad recipiendum potum aptum prius, quàm infundatur.

NOTAE.

ECCE si videris duos homines, alius est sub obedientia, alius in libera potestate, si ille, qui liber est ieiunat, simplicem habebit mercedem, si autem ille, qui sub obedientia comedit illo die ieiunij carnes secundum institutionem regulæ, & propter obedientiam, attamen libentiùs ieiunaret, si non obstitet obedientia, ipse habebit mercedem duplicem.

Ex his verbis aperit colligere possumus, magis esse laudabile, ac meritum aliquid facere ex voto, quàm absque illo, quod adeo manifestū esse censeo, vt nulla indigeat probatione, sicut enim quis plus alicui donaret, qui largiretur cum fructibus arborem, quàm qui tantūmodo fructus, vt testis est D. Ansel. lib. 1. De similitudinibus cap. 8. 4. sic quoque, qui voto astrictus Deo aliquid impendit, non suæ voluntatis actum solum ei confert, sed & potestatem adiungit, suamq. libertatem, ac voluntatem emancipatam Deo tradit, vt nequeat deinceps iure secus facere, idem probat D. Thom. tribus argum. 2. 2. q. 8. art. 6. & Sotus de iustitia, et iure lib. 7. q. 2. art. 4. & ideo scribitur hic, quod ille, qui est sub obedientia, habebit duplicem mercedem.

VERBA QVAERIMONIAE

Virginis ad filiam, de quodam suo ficto deuoto, comparando ipsum ad armigerum in bello corporali male armatum.

CAP. XXVII.

MATER loquitur. Ille est, qui dicit, se me diligere, sed verit ad me posteriora, quando seruii mihi. Cum verò loquor ei dicit, quid dicis tu. Auertitque oculos à me, & respicit ea, quæ eum plus delectant.

Hh Ille

Iste mirabiliter est armatus, sicut ille, qui est positus in corporali bello, cuius galeæ foramina essent in occipite. Cuius clypeus ponendus in brachio, penderet in humeris. Cuius gladio abiecto, vaginæ remanerent vacuæ. Cuius diplois, quæ corpus, & pectus defendere deberet, iaceret subtus eum in sella. Cuius sellæ ligaturæ in equo solutæ essent. Sic iste armatus est spiritualiter coram Deo. Et ideò discernere nescit inter amicum, & inimicum, nec scit damnum facere hosti. Spiritus verò, qui pugnat cum eo est sicut ille, qui rationabiliter cogitat. Ego volo esse cum vltimis in pugna, quòd possim videre rubetæ, si primi perdiderint bellum, si verò, vicerint veniam ita velocitèr, quòd computabor cum primis. Ideò qui emisit bellum, fecit secundum sapientiam carnalem, & non ex charitate Dei.

VERBA VIRGINIS AD FILIAM
de tribus modis tribulationum, qui
per tres modos panum designantur.

CAP. XXVIII.



MATER loquitur. Vbicunque conspersio panum est, debet fortitèr cogitari, & laborari. Sed Dominis apponitur panis triticeus, Communitati verò ponitur panis deterior, tertius verò panis adhuc peior datur canibus. Per cogitationem ergò intelligitur tribulatio, quia spiritualis homo ex eo maximè tribulatur, quòd Deus non habet honorem à creatura sua, & quòd modica charitas est in ea. Omnes ergò quicunque isto modo tribulantur, ipsi sunt triticum illud, de quo Deus, & omnis exercitus Cæli gaudet. Omnes verò qui turbantur de aduersitate mundi, hi sunt quasi panis deterior, attramen va-

let multis ad obtinendum cælum. Qui verò tribulantur ex eo, quòd non valent omninò mala facere, quæ vellent, isti sunt panes canum illorum, qui sunt in Inferno.

VERBA MATRIS MARIAE
ad filiam, qualiter sunt quidam
Dæmones ad homines præcipitan-
dum, quidam ad retardandum, qui-
dam in abstinentijs ad tentandum, &
de modo tenendo contra istos Dæ-
mones.

CAP. XXIX.



MATER loquitur. Omnes istos, quos vides circumstare vos, hi sunt spirituales hostes vestri, scilicet spiritus diaboli. Nam qui habent perticas, in quibus cernuntur laquei, hi sunt, qui vos præcipitare volunt in peccata mortalia. Quos verò vides habere vncinos in manibus, hi sunt, qui vos cupiunt retardare à seruitio Dei, ut sitis ad bona accidiosi. Qui verò habent instrumenta denata sicut furcas, quibus attrahitur, & promouetur, quod homo desiderat, hi sunt, qui tentant vos, ut assumeretis aliqua bona suprà vires vestras, scilicet in vigilijs, ieiunijs, orationibus, & laboribus, aut in irrationabili expensione pecunie vestræ: quia ergò isti spiritus sic sunt cupidi ad nocendum vobis, vos tenete voluntatem istam, scilicet nolle offendere Deum, & petite auxilium Dei contra crudelitatem eorum, & tunc non nocent vobis eorum minæ.



VER-

VERBA VIRGINIS AD FILIAM,
quod pretiosiora, & pulchriora mundi
seruis Dei non nocent, quamuis tali-
bus vrantur dumtaxat, quod ad hono-
rem Dei vrantur, & hoc per exem-
plum Pauli.

CAP. XXX.

SCRIBIT VR, quod Pau-
lus ille bonus Apostolus di-
xit se esse sapientem quen-
dam coram Principe illo,
qui Petrum captiuauerat,
& Petrum vocauit verum pauperem. Et
non peccauit Paulus in hoc, quia verba
sua erant ad honorem Dei. Sic est etiam
cum illis, qui verba Dei volunt, & deside-
rant loqui, quia si non possunt intrare ad
dominos, nisi haberent indutas compe-
tentes vestes, non peccant induendo eas,
dummodo aurum, & vestes, & lapides pre-
tiosas non reputarent pretiosiores in vo-
luntate, & corde, quam assueta vestimen-
ta antiqua, quia omnia quaecumque appa-
rent pretiosa, sunt terra.

VERBA MATRIS AD FILIAM
per exemplum probantia, quod Predi-
catores, & amici Dei, non minus co-
ronantur in conspectu Dei, si gentes
non conuertantur ad eorum predica-
tionem recta intentione factam, quam
si conuertantur.

CAP. XXXI.

MATER Dei loquitur. Qui
conducit operarium ad la-
borandum, dicendo ei, por-
ta arenam de litore, & in-
quire in quolibet onere, si
forte ibi inuenire poteris granum auri,
non minor erit merces eius, si nihil inue-
nirer, quam si reperirer multum. Sic est
etiam cum illo, qui verbo, & opere ex di-
uina charitate laborat ad profectum ani-
marum, non enim erit minor merces illi,

si nullus conuerterit, quam si multos. Sic
cut magister dixit exemplū. Ille (inquit)
bellator, qui ad preceptum domini suū
egrediens ad bellum, & habens velle for-
titer dimicandi rediret sauciat, nullum
habens captiuum, non minorem merces-
dem obtineret amisso bello propter vo-
luntatem bonam, quam si victoriā fuisset
eandem sentus. Sic est etiam cum amicis Dei.
Nā pro quolibet verbo, & opere, quod fa-
ciunt propter Deū, & vt animæ emendē-
tur, necnō & pro qualibet hora tribulatio-
nis, quam patiūtur propter Deū, corona-
būtur, siue multi cōuertantur, siue nullus.

VERBA MATRIS AD FILIAM
de infinita sui misericordia circa pec-
catores, & etiam circa ipsam laudan-
tes, & honorantes.

CAP. XXXII.

MATER loquitur. Prouer-
bium est vobiscum. Cum
tali (inquit) potest me edu-
cere de patria. Sic nunc di-
co ego. Nullus est talis, ac
tantis peccator in mundo, qui dicit cor-
de, quod filius meus Creator, & Redem-
ptor omnium est sibi amicissimus in cor-
de, & intimus, quin non statim parata-
sim venire ad eum, sicut Mater charita-
tis ad filium amplectendo eum, & dicen-
do. Quid (inquit) tibi placet tibi, qui etsi
promeruisset profundissimam inferni pe-
nam, haberet tamen voluntatem nihil
curare de honoribus mudi, nec de cupidi-
tate, & voluptate carnis, quā detestatur Ec-
clesia, nihilq. desideraret, nisi solā susten-
tationem suam, tunc ipse, & ego statim
essemus benē cōcordes. Dic ergo illi, qui
scribit cantū, & laudem meam, non pro-
pter laudem suam, vel mercedem suam,
sed propter laudem illius, qui propter
omnia opera sua, omni laude est dignus.
Quia sicut Principes mundi tribuunt lau-
datoribus suis mercedem mundi, sic spi-
ritualiter ego remunerabo eum. Quia

sicut una sillaba habet super se multas
horas, ita Deo placet coronas in Cae-
lo dare ei pro qualibet sillaba, quae est in
cantu, & dicitur de eo. Ecce venit lau-
dator, qui pro nullo temporali bono dicta-
uit tantum, nisi solum propter Deum.

Declaratio.

Hic tentatus de Sancta Trinitate fa-
ctus in extasi vidit, quasi tres facies mu-
lierum. Prima dixit. Multis coniugijs
interfueram, nunquam vidi trinum, &
vnum. Respondit secunda. Si tres, &
vnus, necesse est, quod vnus sit anterior.
Alius posterior, aut duo in vno. Et sub-
iunxit tertia. Non poterunt seipsos face-
re, quis ergo fecit eos? Tunc aperte dixit
Spiritus sanctus. Ad eum veniemus, &
mansionem apud eum faciemus. Et eu-
gilans liberatus est a tentatione. Post haec
dixit Christus Domina Brigitta. Ego
sum trinus, & vnus. Ego volo tibi osten-
dere, quid sit potentia Patris, quid sapien-
tia Filij, quid virtus Spiritus sancti. Et
ista reuelatio completa est, vbi loquitur
de pulpito. Item dixit Christus. Dic isti,
quod plus merebitur apud me de infir-
mitate, quam de sanitate. Nam Lazarus
clarius factus est ex dolore. Et Iob dilec-
tior ex patientia. Nec tamen electi mei
displicent mihi, qui sanitate habent;
quia eorum est semper mecum. Et
corpus eorum est semper in discreta ab-
stinencia, & pio labore.

N O T A E.

Dixit Christus B. Brigittae. Ego sum
trinus, & vnus.

*Hic locus sic restituendus est. Cum Deus
sit trinus, & vnus, & hac lectio ex verbis
antecedentibus aperte probatur. Duo enim hic
Christus de Deo dicit, primo quod est trinus
in personis, secundo quod vnum in substantia,
sic etiam legitur Lib. 3. Reuel. Cap. 26. Ego sum
vnus Deus trinus in personis, & vnus in sub-
stantia: corrigendum Ego sum Deus, qui est
trinus in personis, & vnum in substantia.*

VERBA SPONSAE NOTANDA

de Vrbe Romana sub forma quaestio-
nis proponencia consolationem, &
delectationem, & ordinationem anti-
quitus omnium Romanorum, tam
Clericorum, quam Laicorum, &c.

Quare nunc (proh dolor) omnia ista
conuersa sunt in desolationem, & in-
ordinationem, & abominationem,
sicut patet in omnibus supradictis,
quam infelix sit corporaliter, & spi-
ritualiter.

C A P. XXXIII.

DOMINE Reuerende. In-
ter alias collationes inti-
metur Domino Papae
quam flebilis est status Vr-
bis, quae quondam felix ex-
stitit, & corporaliter, & spiritualiter. Sed
nunc infelix est, & corporaliter, & spiri-
tualiter. Corporaliter quidem, quia eius
seculares Principes, qui eius defensores
esse deberent, facti sunt ei fauissimi rap-
tores. Et Ideo domus eius destructae sunt,
& multae Ecclesiae penitus desolatae. In
quibus ossa benedicta Sanctorum conti-
nentur, quae gloriosis miraculis coruscant,
quorum animae in Regno Dei sublimi-
ter coronantur. Tempia etiam ipsorum
tectis destructis, & clausuris ablatis, in
latrinas mutata sunt hominis, canum, &
bestiarum. Spiritualiter vero infelix est
Vrbs ista, quia multae Constitutiones,
quas sancti Papae ex infusione Spiritus
sancti ad Dei laudem, & animarum sal-
utem in Ecclesia statuerunt, iam deletae
sunt. Pro quibus (proh dolor) multae nouae
abusiones, ex maligni spiritus infusione
ad Dei irreuerentiam, & animarum per-
ditionem sunt assumptae. Constitutio quip-
pe sanctae Ecclesiae fuit, quod clerici ad
sacros ordines procederent, beatam vi-
tam habendo, Deo iugiter, & deuote ser-
uiendo, alijsque viam caelestis patriae
bonis

bonis operibus ostendendo, & talibus dabantur Ecclesiæ redditus. Sed contrā hanc Ecclesiæ consuetudinē, orta est abusus grauis in hoc, quod laici bona Ecclesiæ donantur, qui vxores non ducunt propter nomen canonicale, sed impudenter habent concubinas in domibus suis per dies, & in lectis per noctes, dicentes audacter. Nos non licet esse in coniugio, quia Canonici sumus. Presbyteri etiam, Diaconi, & Subdiaconi, olim infamiam immunda vitæ maximè abhorrebant. Nunc autem quidam illorum manifestè lætantur ex eo, quod meretrices eorum intrumefcente ventre cernunt inter alias ambulare. Nec etiam pudet eos, si ab amicis eorum dicitur eis. Ecce Domine citò natus erit vobis filius, vel filia. Ideò tales iustius vocandi sunt lænones diaboli, quàm ordinati clerici summi Dei. Sancti etiam Patres Benedictus, & alij ordinauerunt Regulas ex licentia Summorum Pontificum, construcentes Monasteria, in quibus Abbates cum fratribus residere solebant, horas nocturnas, & diurnas deuotè celebrando, & Monachos ad benè viuendum sollicitè informādo. Tunc certè iucundum fuit Monasteria visitare, quando die, nocteque agebatur honor, & gloria Deo in monachorum catu. Criminosique homines corripiebantur ex ipforum pulcherrima vita. Et boni confortabatur ex diuina informatione Prælatorum. Necnon & animæ in Purgatorio existentes, propter eorum deuotas orationes, beatam requiem obtinebant. Tunc etiam ille Monachus in maximo habebatur honore, qui regulam suam optimè seruabat, & venerabatur à Deo, & hominibus. Qui verò regulam tenere non curabat, sciebat indubitanter se damnū, & scandalum incursum. Tunc etiam omnis homo discernere, & agnoscere poterat ex habitu, quem Monachum esse. Sed contrā istam honestissimam constitutionem orta est detestabilis abusus in plerisque. Abba-

tes namq. frequentius in Castellis suis, & vbiunque eis placet intra Vrbem, & extrā commorantur. Ideò dolorosum est nunc visitare Monasteria. Paucissimi etenim Monachi nunc in Choro esse videntur horarum tempore, & aliquoties nulli. Vbi etiam parum legitur, & quandoque nihil cantantur, & adhuc multis diebus Missæ non dicuntur. De quorum mala fama, boni molestantur, & malide eorum mala conuersatione grauitèr peiorantur. Timendum quoque est, quod pauca animæ ex talium orationibus in penis suis, aliquid consolationis obtineant. Multa etiam habitacula Monachorum sunt in Vrbe, & quilibet habet domum per se, quorum aliqui amicis aduenientibus proprios filios amplexantur, cum gaudio dicentes. Ecce filius meus, vix etiam agnoscipotest monachus nunc in habitu. Nam tunica, quæ olim pedes solebat attingere, vix nunc operire genua potest. Manicæ verò ipsorum nunc sunt arctæ, & tolant, quæ olim honestè esse solebant, & latæ, gladius quoque appendet lateri pro stylo, & tabulis. Et vix reperitur in eo vnicum vestimentum, in quo Monachus intelligi possit, præter vnum scapulare, quod multoties occultatur, vt à nemine videatur, tanquā scandalum sit ali-quod portare monachale vestimentum. Aliquos etiam non pudet lorica, & alia arma habere sub tunicis, ad hoc, vt post crepusculum facere valeant, quod eos delectat. Fuerunt etiam Sancti, qui magnas reliquerunt diuitias, inchoantes regulas cum paupertate, qui omnem cupiditatem contempserunt, & ideò aliquid proprium habere noluerunt. Abhorrebant omnem superbiam, & mundi pompam, operientes se pauperimis vestibus, carnis concupiscentiam summè detestantes, & ideò puram vitam tenuerunt. Isti itaque, eorumque fratres dicuntur Mendicantes, quorum regulas summi Pontifices confirmauerunt,

gaudentes, quòd aliqui ad honorem Dei, & animarum commodum, talem vitam assumere voluerunt. Sed iam tristitia est, eorum etiam regulas cernere mutatas ita detestabiles abusiones, & minimè teneri, sicut Augustinus, Dominicus, & Franciscus, ex inspiratione Spiritus sancti dictauerunt, quas multi diuites, & nobiles longo tempore optimè tenuerunt. Multi quippè iam inueniuntur homines, qui diuites vocantur, qui tantum in denariis, & pecuniis pauperiores sunt illis, qui paupertatem professi sunt, sicut utique volat de eis fama. Et idèd plerique eorum habent proprium, quod eorum regulæ vetuerunt, plus gaudentes de proprio execrabili, quàm de paupertate sanctissima, ac gloriola. Gloriantur quoque, quia in habitu suo habent pannum æquè charum, & pretiosum, sicut diuites Episcopi in suis vestibus. Item quædam Monasteria per Beatum Gregorium, & per alios Sanctos ad hoc sunt constructa, ut sic in eis mulieres recluderentur, quatenus vix in diebus videri possent. Nunc autem abusionem in se continent nimis grauem. In eo quòd portæ indifferenter clericis, & laicis, quibus placet fororibus introitum dare, etiam in ipsis noctibus sunt apertæ. Et idèd talia loca similiora sunt lupanaribus, quàm sanctis claustris. Constitutio etiam erat Ecclesiæ, quòd nullus pro audientia confessionum pecuniam reciperet, sed pro litteris, sicut esset iustum de personis, litterarum testimonijs verè indigentibus, benè licuit pœnitentiarijs pecuniam acceptare. Sed contrà ista incepta est abusio per hunc modum, quòd diuites personæ quantum eis placet facta confessione offerunt. Sed pauperes antequam audiantur, cum pœnitentiariorum pactum facere compelluntur. Et certè dum pœnitentiarij oretens absolunt, non verecundantur manibus suis sibi pecuniam imbutare. Item in Ecclesiâ statutum fuit, ut quælibet persona,

peccata sua, confiteretur, & ad minus semel in anno acciperet Corpus Christi, & hoc quoad populum laicalem. Nam clerici, & claustrales hoc sæpius faciunt in anno. Secundum fuit statutum, quòd qui non possunt esse continentes, viuerent in cōiugio. Tertium fuit, quòd omnes Christiani ieiunarent in Quadragesima, & in Quatuor temporibus, & aliarum festiuitatum Vigilijs, quæ penæ omnibus permanent satis notæ. Nisi illi, qui graui infirmitate, aut in magna angustia essent constituti. Quartum fuit constitutum, quòd in diebus festis, ab omni mundiali labore vnusquisque abstinere. Quintum fuit statutum, quòd nullus Christianus pecuniam, siue aliquid aliud tale lucrari deberet per vsuram. Sed contrà hæc quinque statuta optima supradicta, ortæ sunt quinque abusiones inhonestæ, & grauiter noticiæ. Prima est, quòd centum personæ, quæ ad annos discretionis venerunt, in Roma sic moriuntur, quod nunquam fecerunt confessionem, nec Corpus Christi acceperunt magis, quàm veri idolatræ, pro qualibet persona, quæ confessionem facit, & Corpus Christi recipit, exceptis Sacerdotibus, & Religiosis, & feminis aliquibus. Secunda abusio est, quòd multi legitimas vxores accipiunt, qui, si cum vxoribus habent discordiam, deferunt eas quandiu placet, auctoritate Ecclesiastica minimè requisita, sumentes adulteras pro vxoribus, easque in honore habentes, & diligentes. Aliqui etiam adulteram cum vxore in eadem domo habere nō abhorrent, gaudentes, quòd eas in eadem domo audiunt simul parturire. Tertia abusio est, quòd multæ personæ sanæ in ipsa Quadragesima vescuntur carnibus, & de multitudine pauci sunt, qui vna commessione in die contentantur. Etiam inueniuntur aliqui, qui in die sancta carnibus abstinent, vtentes cibis Quadragesimalibus, sed in nocte in priuatis hospitijis satiantur carnibus. Certè clerici vnà cum laicis hæc exercent, quando qui Saracenis simi-

similes sunt, qui in die ieiunant, & in nocte satiantur carnibus. Quarta abusio est, quod quamvis aliqui operarii à labore per dies festos abstineant, tamen diuites aliqui mercenarios suos ad laborandum in vineis, ad arandum in agris, & ad excidendum ligna in syluis, ad deferendumq. illa ad domicilia sua per dies festos mittere non desistunt, & sic pauperes non maiori quiete diebus festis, quam ferilibus gratulantur. Quinta abusio est, quod Christiani ita, sicut Iudæi exercent vsurâ, & verè Christiani vsurarii cupidiores sūt Iudæis. Item statutum Ecclesiæ fuit, quod tales homines, quales iam numerati sunt anathemate domarentur, contra quæ talis abusio inchoata est. Multi quippè non magis abhorrent maledictionem, quam benedictionem, qui etiam si se excommunicatos nouerint publicè sanctæ Ecclesiæ introitum, vel conuersationem hominū, seu colloquia non curant euitare. Pauci enim presbyteri, excommunicatis Ecclesiæ ingressum prohibent. Pauci etiam excommunicatorum conuersationem, & colloquia abominantur, si eis aliqua amicitia coniuñcti sunt. Nec etiam excommunicatis, si diuites sunt, sacra sepultura denegatur. Igitur Domine non miremini, si nominaui Romam Vrbem infelicè pro talibus abusionibus, & multis alijs Ecclesiasticis statutis grauiter contrarijs. Quare timendum est Catholicam fidem in breui deperire, nisi talis venerit, qui Deum super omnia; & proximū suum sicut seipsum diligit fide non ficta, omnes abusiones abolendo. Compauimini ergo Ecclesiæ, & eius Clero, qui toto corde diligit Deum, abhorrentes omnes malas consuetudines, qui propter absentiam Papæ, quasi orphani fuerunt, tamen filialiter patris sedem defenderunt, proditoribusq. sapienter restiterunt, in multis tribulationibus perseuerando.



VISIO SPONSÆ DE DIVERSIS
penis, quæ præparabantur, cuidam
animæ adhuc in corpore existenti, &
qualiter omnia illa genera pœnarum,
si anima conuersa esset antè mortem,
conuerteret deberent in maximum hono-
rem, & gloriam.



IDEBATVR mihi, quod
quasi viderè homines stan-
tes, & præparantes funes.
Alij verò stabant, & præ-
parabant equos. Alij fa-

bricabant forfices. Alij autem patibulum adificabant. Cumq. hæc viderem apparuit virgo quædam quasi turbata, querens si hæc intelligerem, & me respondente, non intelligere. Respondit, hæc omnia (inquit) quæ vidisti, pœna est spiritualis, quæ præparatur animæ illius, quem tu nosti, funes sunt ad ligandum, equum, qui animam est tracturus. Forfices verò ad discerpendum nares, oculos, aures, & labia, patibulumq. ad suspendendum. Cumq. ego de eis turbarer Respondit iterum virgo. Noli turbari, adhuc enim est tempus, quod si velis poterit dirumpere equos, subvertere equos, forfices sicut ceram liquefcere, potestq. patibulum remouere. Insuper & sic ardētē potest habere charitatem ad Deū, quod ista signa pœnarum erūt ei ad maximum honorem. In tantum quod funes quibus contemptibiliter ligari teneretur, vertentur ei in zonas aureas. Pro equis verò, quibus per plateas trahi deberet, mittentur ei Angeli, ducentes eum, antè conspectum Dei. Pro forficibus verò, quibus cōtemptibiliter deberet discerpi, dabitur naribus eius melior odoratus, ori melior sapor, oculis pulcherrima visio, auribus delectabilissima melodia.

Declaratio.

Hic fuit Marfcalcus Regis, qui venies
Hh 4 Re-

Romani tantū humiliatus, & cōpūctus est, quōd discooperto capite circuiret frequentius Stationes, rogans Deum, & rogari faciens; vt non rediret ad patriam, si cōtingeret eum relabi in peccata priora. Cuius vocem exaudivit Deus. Nam, exiens de Roma, cum venisset in Montē Flacon, ibi infirmatus est, & mortuus, de quo facta est alia reuelatio. Vide filia quid facit misericordia Dei, quid facit bona voluntas. Ista anima fuit in faucibus leonis, sed voluntas bona eripuit eam de dentibus leonis, & iam est in via ad patriam, & particeps erit omnium bonorum, quæ sunt in Ecclesia Dei.

VERBA SPONSÆ AD IESVM

Christum de desiderio saluationis animarum, & responsione sibi in Spiritu sancto facta, quōd excessus, & superfluitas hominum in potu, & cibis resistunt visitationibus Spiritus sancti sibi missis.

C A P. XXXV.



DVLCESSIME IESV

Creator omnium eorum, quæ creata sunt. Vtinam isti agnoscerent, & intelligerent calorē Spiritus sancti. Plus enim tunc appeterent cælestia, & terrena feruentius abhominarentur. Et statim responsum est mihi in spiritu. Eorum (inquit) excessus, & superfluitas resistunt Spiritus sancti visitationibus. Nā excessus in cibis, & potibus, & in amicorum invitationibus obfistunt, nē Spiritus sanctus dulcescat eis, & nē fiantur de mundi delectatione. Excessus verō in auro, & argento, in vasis, & vestimentis, & in redditibus, obfistit nē spiritus charitatis meæ inflammet corda eorum, & accendat. Excessus quoque in famulis, & equis, & animalibus resistit, nē Spiritus sanctus appropinquet eis, immō elongat se ab eis seruitores eorum Angeli mei, &

appropinquant proditores Diaboli. Ideo ignorant dulcedinem illam, & visitationem, quæ ego, qui Deus sum, visito animas sanctas, & amicos meos.

VERBA DEI AD SPONSAM

qualiter Religiosi antiquitus in Monasterio timore, & diuinā charitate ingrediebantur. Et nunc, quōd inimici Dei, id est falsi Religiosi exeunt in mundum pro superbia, & iniqua cupiditate, & sic de Militibus in suā militia.

C A P. XXXVI.



VDI nunc quid inimici mei faciunt contra ea, quæ amici mei fecerunt olim.

Deniq. amici mei ingrediebantur Monasteria ex timore discreti, & diuina charitate. Sed hi, qui nunc sunt in Monasterijs vadunt in mundum pro superbia, & cupiditate, habentes propriam voluntatem, facientesq. corporis sui delectamenta. Istorum ergo, qui in tali voluntate moriuntur, iustitia est, quōd non sentiant, nec obtineāt gaudium cæleste, sed penam in Inferno sine fine. Scito etiam quōd Claustrales, qui coguntur contra velle proprium ex diuina charitate fieri Prelati, non sunt in eodem numero cōputandi. Milites quoque, qui olim portabant arma, parati erāt dare vitam pro iustitia, & effundere sanguinem propter fidem sanctam. Indigentes promouendo ad iustitiā, malosq. faciebant deprimere, & humiliare. Sed nunc audi quomodo auersi sunt. Placet quippē nunc eis magis mori in bello pro superbia, & cupiditate, & inuidia, iuxta diabolicas suggestiones, quā secundum mandata mea viuere, ad obtinendū gaudium sempiternum. Ergo omnes, qui in tali voluntate moriuntur, dabitur eis stipendium ex iudicio iustitiæ, hoc est, quod dabuntur Dæmonibus in stipendium in

zterna eorum coniunctione. Hi verò qui mihi seruiunt, tenentur habere stipendium cum celesti exercitu sine fine.

VERBA CHRISTI AD SPONSAM inquirentia ab ea, qualiter Mundus stat. Et de Sponsæ responsione, scilicet, quod stat sicut sacculus expansus, ad quem omnes indiscretè concurrunt. Et de crudelissima Christi sententia, & iusta contra tales.

C A P. XXXVII.

- 1 **I**LIVS loquitur. 1. Quomodo filia stat modo Mundus? Et illa, sicut sacculus expansus ad quem currunt omnes, & sicut homo currens, non curans, quid sequatur. Respondit Dominus. 2. Ideò iustitia est, ut vadam cum aratro meo super Mundum, super Gentiles, & Christianos, non parcam seni, & iuveni, non pauperi, & diuiti, sed unusquisque iudicabitur secundum iustitiam suam, & unusquisque morietur in peccato suo, & relinquentur domus cum habitatoribus, nec tamen faciam adhuc consumationem. Et illa. O Domine, nè (inquit) indigneris, si loquar. Mitte aliquos de amicis tuis, qui præcauant, & præmoneant eos de periculo suo. Et Dominus. 3. Scriptum est (inquit) quod diues in Inferno desperans de salute sua propria, petijt, ut aliquis mitteretur ad præcauendum fratres suos, nè similiter perirent. Et responsum est ei. Nequaquam fiet hoc, quia habent Moysen, & Prophetas, à quibus doceri possunt. Sic ego dico nunc, habent Euangelia, & dicta Prophetarum, habent exempla, & verba Doctorum, habent rationem, & intelligentiam, utantur ergo eis, & saluabuntur. Nam si misero te, non ita altè clamare poteris, ut audiaris. Si misero amicos meos, pauci sunt, & si clamauerint, vix audientur. Verumtamen mittam

amicos meos, ad quos mihi placuerit, & præparabunt viam Deo.

N O T A

- 1 **Q**uomodo filia stat modo Mundus? Et illa, sicut sacculus expansus, ad quem currunt omnes. Quæsierat in præsentia Capite Christus Dominus à Sponsa, quomodo tunc temporis se Mundus haberet, cui respondens, illum expanso sacco esse similem tradidit, hisq. verbis non aliud significare voluisse credidi, quàm homines hodierna die nil querere, nisi que mundi sunt, quæc inania, & leuia existunt, diuina negligentes, & ideo legimus hic, Omnes post eum currunt, & sicut homo currens, non curans, quid sequatur, hinc, & nos optimè possumus cum Aggeò Propheta cap. 1. Mundus appellare sacculum pertusum, in quo quidquid boni reperitur, ut plurimum ex negligentia perditur, & idcirco D. Hieronym. Aggei 1. & D. Greg. super Ezechiel cap. 4. Per sacculum pertusum, bonorum operum inanitatem designari tradunt.
- 2 Ideò iustitia est, ut vadam cum aratro meo super Mundum, super Gentiles, & Christianos. Nulli dubium est per aratrum hoc loco flagellum Dei intelligendum esse, sicut enim aratrum terram proscindit, eamq. subinde ad semen recipiendum præparat, vnde postea frumentum, ceteraq. legumina producat, sic quoque tribulationes, & a Deo iniussæ pene, homines terrenis affectibus inuolutos excitant, eosq. ad Verbum Dei recipiendum, & ex eo fructum reportandum aptos reddunt, vnde arare tunc Deum dicit D. Hieron. super Iesai. cap. 28. cum castigat, & nobis tribulationes infert, & idcirco scribitur hoc loco, Non parcam seni, & iuveni, non pauperi, & diuiti, sed unusquisque iudicabitur secundum iustitiã suam.
- 3 Scriptum est (inquit) quod diues in Inferno desperans de salute sua propria, petijt, ut aliquis mitteretur ad præcauendum fratres suos, nè similiter perirent.

Hanc

80. *Hanc diuinitus historiam, narrat Lucas Euangelista 16. cap. sui Euangelij, quoloco de eo in tormentis existente uerba faciens, eundem sic loquentem, & pro suis fratribus his uerbis Deum rogantem facit, Rogo ergo te Pater, & mittas eum in domum Patris mei, habeo enim quinque fratres, ut ressetur illis ne, & ipsi ueniant in hunc locum tormentorum: adducitur autem in presenti Nota huiusmodi textus Euangelij, quia in principio huius Capituli cum dixisset Dominus grauissimis uelle flagellis Christianos, ac Gentiles torquere, misericordia mota B. Brigitta pro eis Deum rogat, ut ex amicis suis aliquem mittat, qui hac de re eos moneat, sicut fecisse diuitem Lucas refert, qui Deum rogauit, ut aliquem ad suos fratres mitteret, eosque moneret, ne simul cum eis in eundem tormentorum locum descenderent: sciendum tamen est Beate Brigittae pro salute hominum effusas preces ex charitate processisse, non uero diues charitatis aliquo affectu motus rogare potuit, huiusmodi namq. charitatis affectus a damnatis alienius penitus est, & ideo Diuus Gregor. homil. 40. in Euangelia, Beda, & Lyranius arbitrantur eum rogasse, quod sciret, ex fratrum suorum consortio in condemnatione penam sibi augendam, eo quod uita sue prauo exemplo eis occasionem peccandi praeberat. Caterum Chrysost. homil. 4. de Lazaro, Ambrosius, & Theophylact. ibidem, bono animo id ab eo factum fuisse uidentur interpretari, quasi uexatio illi dedisset intellectum, uelletq. cauere fratribus, qui sibi non cauisset, cum tempus erat. Addit & Caecilianus hac diuitem precatum ex superbia, quia cum multos uideret saluari, inter eos cupiebat esse suos, ut qui iam in maximam coniectus erat miseriam, in suis saltem fratribus exaltaretur.*



VERBA CHRISTI AD SPONSAM
de fide non habenda in somnijs, immo praeuendo quantumcunque laetitia, vel tristitia. Et quomodo Diabolus in talibus falsitatem admisceat ueritati, propter quae insurgunt in mundo multi errores. Et quod Prophetæ, ideo non errauerunt, quia super omnia Deum ueraciter dilexerunt.

C A P. XXXVIII.

ILIVS loquitur. Quid te sic eleuant somnia laeta? Cur uero sic te deprimit somnia tristitia? Nunquid non dixeram tibi, quod Diabolus inuidus est, & quod sine permissione Dei, non plus facere poterit, quam stramen ante pedes tuos. Dixi etiam tibi, quod ipse est pater, & inuentor mendacij, & quod in omnibus falsitatibus suis admisceat ueritatem. Propterea dico, quod Diabolus non dormit, sed circuit, ut inueniat aliquam occasionem contra te. Ideo cauendum est tibi, quod Diabolus, qui ex subtilitate scientiae suae, ex moribus exterioribus deprehendit interiora, non decipiat te. Nam quandoque immittit cordi laeta, ut inaniter gaudeas, quandoque tristitia, ut dolendo dimittas aliqua bona, quae potuisses facere, & ut ante miseriae fias misera, & dolorosa. Quandoque etiam Diabolus immittit cordi deluso, & volenti placere mundo multas falsitates, per quas decipiuntur multi, sicut falsis Prophetis. Et hoc contingit homini, qui plus aliud diligit, quam ipsum Deum. Ideo contingit, quod in multis falsis uerbis inueniuntur multa uera, quia Diabolus nunquam decipere posset, nisi falsitati admisceret ueritatem, sicut patuit in illo arreptitio, quem uidisti, qui licet confiteretur unum Deum, impudicus tamen gestus, & uerba alia extranea ostendebat, quod Diabolus erat in eo possessor, & inhabi-

habitor. Nunc autem quæ rere poteris, cur permitto Diabolo mentiri? Respondeo. Hoc permisi, & permitto propter peccata populorum, & Clericorum, qui illa scire voluerunt, quæ Deus noluit eos scire, ubi prosperari desiderabāt, ubi Deus videbat salutem eorum non proficere. Propterea Deus multa permittit propter peccata, quæ non contingerent, si homo non abuteretur gratia, & ratione. Illi verò Prophetæ, qui nihil desiderabant nisi Deum, nec verba Dei loqui voluerunt nisi propter Deum, isti non decipiebantur, sed verba veritatis loquebantur, & dilexerunt.

¶ Verumtamen sicut omnia somnia non sunt recipienda, sic nec omnia sunt contemnenda. Quia quandoq. etiam Deus malis inspirat bona, & exitus suos, ut respiciant à peccatis suis. Quandoq. etiam bonis bona in somnijs, ut amplius proficiant ad Deum. Ideo quando, & quoties tibi aliqua talia occurrerint, non apponas cor tuum, sed pondera, & discerne illa cum amicis tuis sapientibus spiritualibus, aut dimitte, & exclude ea de corde tuo, quasi non visa, quia qui talibus delectatur, frequentius illuditur, & perturbatur. Ergo esto stabilis in fide sanctæ Trinitatis, dilige Deum toto corde. Esto obediens tam in contrarijs, quam in prosperis. Nulli te præferas in cogitationibus tuis. Sed time etiam in beneficijs. Non præferas sensus tuos sensibus aliorum, voluntatemq. tuam totam committe Deo paratā ad omnia, quæ velit Deus, tunc time non habes somnia, si enim læta fuerint non credas eis, vel non appetas, nisi ibi perpendatur honor Dei. Si verò tristitia fuerint non contristeris, sed pone te totā ad Deum. Deinde loquebatur Mater. Ego sum Mater misericordiæ, quæ filiæ dormienti præparo vestes, filiæ induenti se præparo cibum, filiæ laboranti præparo coronam, & omne bonum.

NOTAE.

¶ Verumtamen sicut omnia somnia non sunt recipienda, sic nec omnia sunt contemnenda.

Hic Beate Brigittæ textus nobis ansum præbet, ut aliqua de somnijs in medium afferamus, & eò maxime, quod indicat quadam somnia non esse contemnenda, quadam verò rejicienda, quæ quoniam, vix plurimum demonum calliditate, ac malitia occurrunt, idè admonet nos, quod talia discernamus cū amicis nostris sapientibus, & spiritualibus, nosq. debere diligentes esse ad eorum differētiās inuestigandas. D. Gregor. hortatur lib. 4. Dialog. cap. 48. inter illusiones (inquit) & Revelationes ipsas visionum, voces, & imagines quondam intimo sopore discernunt, ut sciat quid à bono spiritu percipiant, & quid ab illusione patiantur: nam si erga hæc mens hominis cauta non esset, per deceptorem spiritum multis se vanitatibus immergeret. Caterum negari non potest, quod sicut pluribus somnijs fides nulla præstanda est, ita quadā esse vera sciendum est, nam quis audeat affirmare ea non esse vera, quæ multis per somnium in sacris litteris ostensa esse, & revelata legimus, ut Salomon, Abimelech, Iosepho, Magis, & Pilati uxori, alijsq. non paucis, ac etiā mendacij, & superstitionis redarguēdi essent Medici, & Philosophi, qui ad morbos iudicandos curandosq. frequenter obscurant somnia, ex quibus apertè colligitur, aliqua divinitus hominibus immiti, & per ea plurima propagari, quod etiam probant D. Gregor. ubi sup. Tertullian. in Apologetico cap. 23. D. Bernad. ad Sororem, de modo bene vivendi serm. 68. Divus Isidorus de Summo Bono lib. 3. cap. 6. D. Antonin. 2. par. tit. 12. cap. 1. 6. & 8. D. Thomas 2. 2. q. 95. art. 6. Martin. del Rio in lib. Disquisit. magicarū tomo 2. lib. 4. cap. 3. quæst. 6. Benedictus Pererius suæ in Comment. super Danielem lib. 1. quæst. 1. & de Magia lib. 2. quæst. 2. ex quibus omnibus ad quattuor capita somniorum causas recensandas esse colligimus: quas quisq. poterit dili-

aligerent scrutari, & fusius apud illos legere, nobis autem, ut praesentis Capituli doctrina palam fiat, de somniorum differentiis breuiter differendum est, & inuestigandum, quae vera sint, quaeque celitus immissa, aut quae inutilia, quaeque demonum illusiones: at quae inter caetera duo potissimum signa sunt, ex quibus deprehendere possumus à Deo in somnijs nobis aliquid reuelari. Primum quidem, si cō somnia tendant, ut nobis manifestent, ea quae solius Dei cognitioni referuata sunt, nec possunt homini innotescere nisi Dei beneficio, ac munere, praesertim cum illa eminentissima sunt, ac praestantissima, ut nostrae fidei mysteria, arcana cordium, & alia huius generis, quae ad hominum salutem, iustificationem, & optimum regimen spectant, & idcirco in praesenti Capite paulo post citata verba huius Notae legimus, Quandoque etiam boni bona in somnijs occurrunt, ut amplius proficiant ad Deum: cum ergo hominum erga Deum profectum somnia indicant, illa à Deo esse nullus de cetero ambigat. Aliud autem signum celitus emissum somnij est, cum ad illud sequitur magna in homine illuminatio, & maxima commotio, quia Deus sic mentes illustrat, sic homines de fide, eiusque somnij auctoritate certiores facit, ut Deum esse auctorem liquido cognoscat: atque ex his deduci possunt duo alia signa indicantia, quae à demone somnia sint. Primum quidem si frequenter accidant, resque occultas, & futuras portendant, quarum cognitio, nec ad propriam, nec aliorum utilitatem conferat, sed ad scientiae ostentationem, vel etiam ad aliquod patrandum malum. Aliud verò signum est, si castis, sobrijs, & pijs viris obscena, inhonestas, & crudelitatis plena somnia contingant: atque haec à demone manare perspicuum est, qui impuris somnijs dormientium illudet maculare corpora, ut etiam eius feditatis, si fieri potest, fiat animus particeps. Postremum verò signum est, cum in principio somnia letitiam quandam inanem afferunt, & in fine timorem, tunc à demone illa esse probabiliter conijci potest, esse enim demonis via in principio per aliquod breue temporis spatium de-

lectabilis, sed in fine dolorosa, ut eradit B. Brigitta Lib. 3. Reuelation. Cap. 12. & e contra cum initio iimagem somnia incutiunt, & in fine gaudium, à Deo prouenire censenda sunt: caeterum hoc loco admonere Lectorem censui, quod licet quaedam, ut diximus somnia vera sint, non tamen his facile fides praestanda est, cum ea ex diuersis rerum causis nascantur, quas tamen frequenter ignoramus, sepiissime namque fit, ut admonuit D. Bernard. ubi supra, demones curiosos quosdam, & somnia obseruantes ita decipere, ut ea aliquando somnia non aliter eueniant, quam quod ipsi dicunt, & ideo aliquando vera pronunciant, et in multis fallant, idem obseruauit D. Isidorus isdem planè verbis, quibus D. Bernard. Non (inquit) somnijs fides adhibenda est, nè fortè Sathanas in Angelū lucis se transformans, quemlibet incautum fallat, & aliqua erroris fraude decipiat, nonnunquam interdum demones deceptorum fraude ita quosdam curiosos, obseruantesque illudunt, ut quaedam somnia non aliter eueniant, quam ostenduntur, ut enim in multis fallant, interdum vera pronunciant. Plura de somnijs scripsimus Cap. 9. de Visionibus, & Reuelationibus.

VERBA MATRIS AD FILIUM de Sponsa. Et responsio Christi ad Matrem. Item verba Matris, quid designatur per Leonem, & per Agnū. Et qualiter Deus permittit propter ingratitudinem, & impatientiam hominū euenire, quae aliter eis non euenirēt.

CAP. XXXIX.



MATRIS loquitur ad Filium Iesum dicēs. Filia nostra est quasi Agnus, qui ponit caput suū in os Leonis. Cui respōdit filius, melius est, quod Agnus ponat caput in os Leonis, ut fiat cū Leone vna caro, & vnus sanguis, quā quod Agnus fugat sanguinem de carne.

Leo-

Leonis. Vnde & Leo indignaretur, & Agnus, cuius cibus est fenum infirmaretur. Verumtamen Mater carissima, quia omnem sapientiam, & plenitudinem totius prudentiæ portasti in utero tuo, fac istam intelligere, quid sit Leo, & quid sit Agnus. Respondit Mater. Benedictus sis tu fili mi, qui æternaliter manens cum Patre descendisti ad me, & tamen te à Patre nunquam separasti. 1 Tu denique es Leo, sed de tribu Iuda. 2 Tu Agnus sine macula, quem Ioannes digito demonstrauit. Ille ergo ponit caput in os leonis, qui omnem voluntatem suam committit Deo, nec eam etiã si posset perficere vellet, nisi tibi sciret cõplacere. Ille verò fugit sanguinem leonis, qui de iustitia, & dispositione tua impatientes optat, & nititur ad alia obtinenda, quam tu ei constitueras, velletq; in alio statu existere, quàm tibi placere, & sibi ipsi expediret. De talibus enim nõ placatur Deus, sed ad iram prouocatur. Sicut enim Agni cibus est fenum, sic homo de humilibus rebus, & statu, contentari debet. Et ideo propter ingratitudinem, & impatientiam hominum multa permittit Deus, quæ salutem hominum, si patientes essent, nõ euenerent. Ideo filia da voluntatem tuã Deo, & si minùs quãdoq; fueris patiens, surge per penitentiam, quia penitentia est, sicut bona lotrix maculãrum. Contritio verò est bona candidatrix.

N O T A E.

TV denique es Leo de tribu Iuda. Christus Dominum Leonem, & Leonis catulo similem faciunt sancti Patres: Leonis quidem, quia Deus, & catulo, quia Leo, quia Filius Dei factus est paruulus, per humanam naturæ assumptionem: insuper quemadmodum Leo dormiens nullum timet, & vigilans verò cetera animalia timet, ita Christus Dominus accubans dormiuit, ut Leo, quia mortuus de demone triumphum reuexit, & mortem vincit; quandoquidem quando voluit resurrexit, & ideo Apocal. 5. affirmavit Diuus Ioannes, Vici Leo de tribu Iuda: idem anno-

tarunt Eucher. de Spiritualib; formulis cap. 5. D. Dionys. de Celsi Hierarch. cap. 2. Origen. in Num. hom. 16. & super Genes. hom. 17. D. Hier. sup. Isai. cap. 15. D. Hil. sup. Ps. 131. Tu es Agnus sine macula, quem Ioannes digito demonstrauit.

In omnibus veteris Testamenti figuris, Christum innocentem pro nobis immolatum paschalis Agnus figurabat, ut mirum non sit, si eum in hoc Capite Beatissima Virgo Agno cõparat, Sicut enim Agnus ille erat sine macula, & per eum filij Israel ab Aegyptiaca seruitute liberati sunt, ut Exodi 12. & Leuit. 1. scribitur, sic Christus sine peccato erat, & passionem suam à Diabolica seruitute liberati sumus, eoq; magis illius Agni figurã gerebat, quo ipse, & simplex erat, & innocens, quia sicut Agnus ad victimã ductus est, nec aperuit os suum: his addendum esse arbitror, quia licet in templo alia fierent sacrificia certis temporibus, & tamen tamen reperiebatur quotidianum, in quo ingitèr unus Agnus manet, & alius vesperi offerebatur, hoc ergo Iuge sacrificium, quod beatitudinis perpetuitate figurabat, de Agno fiebat, sic & Christus, qui & Agnus Dei est, quotidie pro peccatis populorum in Ecclesia usque ad diem Iudicij immolabitur, unde merito Agnus sine macula hoc loco appellatur, sicut etiam plures ex sanctis Patribus annotarunt, ut D. Greg. super 1. Reg. cap. 7. D. Hieron. sup. Isai. c. 16. Origen. in Num. hom. 24. Eucher. de Spiritualib; form. cap. 5. D. Aug. sup. Ioan. tra. 7. Clitov. lib. 8. in Ioan. c. 1. & 34.

VERBA CHRISTI AD SPONSAM

declarantia, quæ sit Christiana mors. Et quomodo homo bene moritur, aut male. Et quomodo amici Dei non debent tribulari, si viderint feruos Dei corporaliter mori, & crudeliter.

CAP. XL.

ILLVS DEI loquitur.

Noli timere filia, non morietur ista infirma, quia placet mihi opera eius. Cũq; illa esset mortua. Iterum dixit filius Dei. Ecce filia verum est, quod

- dixi tibi, non est ista mortua, quia gloria eius magna est. 1 Nam separatio corporis, & animæ iustorum, non est nisi somnus, quia euigilant in aeterna vita. Illa verò dicenda est mors, quando anima separata à corpore uiuit in aeterna morte. Multi quippè non attendentes futura, optant, ut moriantur Christiana morte. 2 Quid enim est Christiana mors, nisi mori, sicut ego mortuus sum, innocentem, voluntarie, & patienter. Nunquid ego ideo contemnendus sum, quia mors erat contemptibilis, & dura?
- 3 Aut ideo electi mei fatui, quia contemptibilia patiebantur, aut hoc voluit fortuna, & operabatur cursus stellarum. Nequaquam. Sed ideo ego, & electi mei patiebamur dura, ut ostederemus verbo, & exëplo viam ad cælum esse duram, & ut assidue cogitaretur, quanta opus est mundicia malis, si tam aspera palsi sunt electi, & innocentes. Ergo scito, quod ille moritur contemptibiliter, & malè, qui dissolutè viuens moritur in voluntate peccandi, qui habens mundi processu optat, ut longius uiuat, & nescit regnari Deo. Qui verò Deum diligit toto corde, & tribulatur innocentem despecta morte, aut longa infirmitate grauatur, ille, & uiuit, & moritur feliciter, quia mors aspera, & minuit peccatum, & penam peccati, augetq. coronam. Ecce reduco tibi ad memoriam duos, qui despecta, & amara morte iudicio hominum moriebantur, qui nisi talem mortem ex misericordia mea magna obtinuissent, saluari non fuissent. Sed quia Dominus non punit bis contritos corde. Ideo uenerunt ad coronam. Propterea amici Dei non debent contristari, si flagellantur temporaliter, aut si amara morte moriuntur, quia felicissimum est lugere ad horam, & turbari in mundo, ne ueniatur ad purgatorium grauius, ubi non erit fuga, nec tempus laborandi.

NOTÆ.

- 1 **N**Am separatio corporis, & animæ non est nisi somnus, quia euigilant in aeterna vita.

Ad horum intelligentiam animaduertendum est quadrupliciter in sacris litteris somnum accipi posse. Primum quidem pro somno, seu dormitione naturæ, de quo Iob 1. loquitur, cum dicit, *Securus dormias*, & *Marci 5. Erat Iesus in puppi super ceruicem dormiens*. Secundo pro somno culpe, & de hoc Apostolus *Rom. 13. Tempus iam est de somno surgere*, & *Cant. 5. Exurge, qui dormis*. Tercio pro somno mortis, de quo 1. ad Thesalonicens. cap. 4. *Paulus. Nolimus autem uos ignorare fratres de dormientibus, ut non contristemini, hoc est, de defunctis*, & in lib. *Regum* frequenter legimus, dormiuit cum Patribus. Postremo sumitur pro quiete futura gloriæ, ut *Psalm. 4. In pace in idipsum dormiam*, & *requiescam*: hoc autem loco propriè somnus sumitur pro morte, in qua anima separatur à corpore, quæ propriè respectu iustorum dormitio dicitur, quandoquidem hi ab hac mortali uita ueluti à leui quodam somno excitati, ad æternam uitam surgunt, ibidem semper uisuri, & ideo, *Sacra litteræ, & Martyrologia mortem Sanctorum diem Natalem, aut dormitionem consueuerunt appellare, non tamen negarim, posse quoque sumi hic somnus pro quiete futura gloriæ, in qua dormire Sancti dicuntur, quia in ea mirabiliter quiescunt, sic etiam explicat illud Psalm. 4. D. Augustin. In pace in idipsum dormiam*, & *requiescam*, & tradunt *Isidorus in Leuiticum cap. 26. & Rupertus super Oseam cap. 2.*

- 2 Quid est Christiana mors nisi mori, sicut ego mortuus sum, innocentem, voluntarie, patienter.

In hoc Capite Christus Dominus definit, qualis sit piorum hominum, quæue impiorum mors, tres autè uirtutes propalauit habuisse, cum mortuus est, iniquas, hi: etiā nobis in morte nostra opus esse, uita nimirum innocentia,

patientia, & propensa moriendi pro Christo voluntate: atque hec si Christianus homo assequi studuerit, dubium non est, quod ipso quoque Christiana morte moriturus sit; mala namq. mors putanda non est, quando bona vita præcessit, non enim facit malam mortem, nisi quod sequitur mortem, sic habetur in sententijs ex Augustino excerptis sententia; 8. tomo 6. sed sursus hac de re agit in libro, quem edidit de Salutaribus documentis cap. 16. & aliquanto post hoc eodem Capite describitur, qualis sit malorum hominum mors, ea scilicet, quæ sequitur peccandi voluntas, & quæ ad finem vite, de qua Dominus Ioan. 3. Et in peccato vestro moriemini, & de hac legimus Christum, cum B. Brigitta loquentem, hæc protulisse verba, Ergo scito, quod ille moritur contemptibiliter, & malè, qui dissolutè viuens moritur in voluntate peccandi, huius autem generis mortem, si quis intensius consideraret, omnino credendum est, cum magis quamcumque etiam grauissimam subire velle penam, quam huiusmodi morte vitam suam finire, ut auctor est D. Augustin. lib. 1. contra aduersariū legi, & Prophetarum cap. 16. Huius generis (inquit) mores, per quas anima mittuntur in gehennam, si quis fidelis mente, ut dignum est cogitauerit, valde vile estimabit quamlibet ingentissimam stragem, & sanguinis fluuios mortaliū corporum, & quomodocūque quando-cunque mortuorum.

3 Aut idem electi mei fatui, quia cōtempnibilia patiebantur, aut hoc voluit fortuna, & operabatur cursus stellarū, nequaquam, sed ideo ego, & electi tui patiebantur dura, ut ostenderemus verbo, & exemplo viam ad cælum esse duram. Petrus de Aliaco Cardinalis quæstione in Genes. 30. affirmare ausus est, contra id, quod scribitur hic, ortum Christi Domini, mortemq. cæterasq. actiones eius fidei scilicet peritura, & astrorum obseruatione certò prænosci, ac præuideri potuisse, immò ipsomet Magos ex nouæ stelle apparitione illius natiuitatem aperit prænouisse, & præter hanc etiam recentis sideris visionem, ex alijs quoque duo-

bus indiis nasciturum præstantissimum imperio, ac religione virum, idq. collegisse primum, ex ingenti quadam coniunctione Iouis, & Saturni, qui anno antè Christi Incarnationem sexto in signo Cancri coierunt, ex quo omnes, qui tunc temporis Astrologi florebant magnam Religionum mutationem futuram prædixerunt, addita etiam obseruatione constitutionis celi, quæ sic se in Natiuitate Christi habebat, ut inde Religionis mutationem fecuturam autumarent: hanc quoque fuisse sententiam Alberti Magni in lib. cui Speculi nomen dedit, refert Sixtus Senensis in sua Bibliotheca lib. 6. annotat. 10. Cæterum & hoc quoque multò antè fuisse ab insigni Astrologo Albumasar insinuatum, patet ex tractat. sexto sui Maioris Introductorij, is enim ibi asseruit, Virginem nascituram, quæ puerum in Iudæa nutriet, & pascet, eumq. puerum, à quibuscum Gentilibus IESVM vocari, quem nos (inquit) Græcè Christum dicimus; hæcenus Albumasar; cuius testimonium, refert etiam Dionysius Carthusianus lib. 1. de Laudibus Virgin. art. 30. & Canisius lib. 2. de Beata Virgine cap. 7. circa finem, qui testatur, se in vetusto illius Auctoris opere ea perlegisse. Verum horum sententia penitus improbanda est, quoniam siderum conditorem, ac moderatorem moribus siderum subiectum facit, sed eius falsitatem, tum ex antiquorum Patrum, & recentiorum doctrinā, tum etiam rationibus demonstrare, nisi hoc à nostro scribendi instituto esset alienum, nostriq. tractatus limites excedere dubitarem, sat tamen erit, quedam in medium asserre, quæ rei improbitatem liquidò propalabunt, hunc ergo errorem imprimis rejciunt Leo Pontifex Epistola 91. vel secundum alios Codices Epistola 93. Diuus Chrysostomus in Mat. h. Gregor. Nyssen. Oratione de Christi Natiuitate, Petrus Chrysologus serm. 156. D. Gregorius Magnus homil. 10. in Euangelia, Loquens de illa stella, quæ in Christi Natiuitate apparuit, Neque (inquit) Puer ad stellam, sed stella ad Puerum cucurrit, sed dici liceat non stella fati Pueri, sed fati stella, his, qui apparuit Puer fuit. Sed absit

à fidelium cordibus, vel aliquid esse factum dicant, vitam quippo hominum solus hanc conditor, qui creauit aduinit, neque enim propter stellas homo, sed stelle propter hominem facta sunt, si ergo homo moribus stellis minime regitur, quanto minus is, qui hominum, & stellarum Creator esse perhibetur. Sed clarius ex Origene in Commentarijs in Genesim, ut refert Eusebius lib. 6. de prepar. Euangelica cap. 9. hac sententia confutari potest, ipsa (ait) quoque fides, & Saluatoris nostri aduentus, & omnis Prophetarum labor, ac Apostolorum in constituendis Ecclesijs, predicatio inania erunt, nisi forte Christum quoque (qui) audeat dicere, se celestium corporum, et coelorum coactum fuisse, quia fecit, passumque fuisse, quae passus est, uocatusque deitatis potentia, sed stellarum et uirtute cuncta euenisse, his impijs uerbis etiam illud conficitur, ut fideles, facti dum in Christum credant, denique et uel nullum sit boni, etiam mali discrimen, uel etiam malorum auctor sit Deus, nullusque hominum propter bene, et uel male facta, praemio, aut poena dignus censeri debeat, nec Orationibus, et uotis, & Dei obsecrationibus locus, aliquis relinquatur, haec tenet Origenes, cui opinioni etiam fauet D. Augustinus lib. 3. de Civitate Dei cap. 1. ubi duos huius pessime artis confutat errores. Primum quidem, stellas in infantium ortu, non esse censendas effectrices causas rerum, nec sortes, nec futura nascentibus impartiri. Secundus, nec inde aliqua probabilia signa elici posse, quae futuram nascentis uitam, moresque influunt: idem habet lib. 2. sup. Genesim ad litteram cap. 17. & lib. 2. de doctrina Christiana cap. 2. inuenit in hanc sententiam. Diuus Basilus homil. 6. in Genesim, eodem spectant, quae affert Eusebius de preparation. Euangelica lib. sexto, cap. nono, & lib. 14. cap. 4. & luculentissime etiam per lib. 12. contra hos Gemiblicos, aut Planetarios disputant Picus Mirandul. & ex Neoterici plures, quos hic recensere longum esset: atque hinc colligendum est, qualis istiusmodi ars existimanda sit, quae et rerum omnium opificem, ac primum motorem secundarum

causarum influxibus subdium reddit, & Religionem nostram, quantum in se est penitus euertit, liberumque hominis tollit arbitrium, ut mirum non sit, si illam Undequaque reiciat Concil. Tridentin. ut ex Indice Librorum ab eo damnatorum constat Regula nona, contra quam etiam uel in principio nascentis Ecclesia sanctissimorum Pontificum manarunt decreta, quod in secunda parte Decretorum cap. 26. habetur, & in Concil. Toletano primo in assertionem contra Priscilianistas, & in Concil. Bracharensi 1. cap. 9. & postremo damnata penitus est per Bullam Sanctissimi D. N. Sixti V. qui loci Ordinarijs, & Inquisitoribus mandat, ut contra eos, qui Astrologia Iudiciaria artem exercent, praeterquam in Agricultura, Navigatione, & Medicina, hominum etiam naturas conficientes, contra eos canonicis poenis, & arbitrarijs procedant, etiam si id, quod praedicunt, non certo se affirmare praestentur.

VERBA MATRIS AD FILIAM,
quod Sacerdotes ritè habentes absolutionis officium quantumcunque peccatores sunt, possunt absoluerè à peccatis. Et sic de Sacramento Eucharistiae.

CAP. XLI.



MATRIS loquitur. Vade ad eum, qui officium absolutionis habet, quantumcunque enim officarius leprosus est, nihilominus aperire potest portam, si habet clauces, sicut sanus: Ita est etiam de absolutione, & Sacramento Altaris, qualiscunque enim minister est, si tamen ritè habet officium absolutionis, potest absoluerè à peccatis. Idem nullus est contemnendus. Verumtamen praemoneo eum de duobus. Vnum est, quod illud, quod carnaliter diligit, & optat, non habebit. Aliud est, quod vita eius breuiabitur

citius. Et sicut formica portans die, ac nocte granum, aliquando cum appropinquat foramini cadit, & moritur in introitu, grano remanente ab extra. Sic ipse cum inceperit peruenire ad fructum laboris sui, morietur, & pro superuacuo labore suo confundetur, & punietur.

VERBA MATRIS AD FILIAM,
qualiter mores boni, & opera iustitiæ per postes in amicis Dei designantur.
Et quomodo serui debent cauere à detractiōe.

CAP. XLII.

MATER loquitur. Amici Dei dicuntur esse quasi duo postes, per quos ingressuri sunt alij. Ideò cauendū est diligenter, ne quid asperum, vel durum obsistat ingredientibus, aut vnde comprimentur. Quid autem significant postes, nisi mores compositos, operaq. iustitiæ, & verba edificatoria, quæ apparere dicunt quoridie in amicis Dei. Ideò caueatur attentè, nè quid durum, idest verbum detractorium, vel scurrile inueniatur in ore amicorum Dei. Aut in operibus eorum aliqua mundialia notentur, propter quæ ingredi volentes refugiant, & ingressi abominentur.

VERBA MATRIS AD FILIAM,
qualiter mali pastores assimilantur vermi corroderenti arboris radices.

CAP. XLIII.

MATER loquitur. Isti sunt similes vermi, qui videns semet opimum, non curat, quantumcunque fructus pereat, vel cadat, dummodo radices, seu proximiora terræ car-

pere possit. Sic isti non curant, quòd animæ pereant, si lucra sua, & temporalia bona consequantur. Ideò veniet eis iustitia filij mei, & citius subtrahentur. Respondit illa. Omne tempus apud Deum non est, nisi quasi momentum stateræ; quantumcunque apud nos est longum. Ideò patientia filij tui est magna, etiam super iniquos. Respondit Mater. Verè dico tibi, non protrahetur iudicium eorum, sed veniet eis horribile, & rapiuntur à delictis ad confusionē.

VERBA CHRISTI AD SPONSAM,
qualiter corpus per Nauem, & mundus per Mare designantur. Et qualiter voluntas est libera ad animas perducendum in Cælum, vel in Infernum. Et qualiter terrēna pulchritudo vitro comparatur.

CAP. XLIV.

ILIVS Dei loquitur. Audi tu, quæ desideras portum post mundi procellas. Omnis quicumque est in mari non debet timere aliquid, si ille cum eo stat, qui prohibere potest ventos, nè fient. Qui omnia corporalia, quæ nocere volunt iubet abscedere. Scopulosq. mollescere, qui procellis imperare habet, vt nauem perducant ad quietum portum. Sic corporaliter in mūdo sunt aliqui quasi nauis perducens corpus super aquas mundi, alijs in consolationem, alijs in tribulationem, quia voluntas hominis libera, quasdam animas perducit in cælum, quasdam in profundum Inferni. Illa ergo voluntas, quæ nihil desiderat feruentius audire, quàm honorem Dei, nec ad aliud viuere, quàm vt possit Deo seruire, ipsa placeat Deo, quia in tali voluntate gaudentèr moratur Deus, & mitigat omnia pericula animæ, scopulosq. quietat, in quibus anima multoties periclitatur. Quid au-

tem sunt scopuli, nisi desiderium malū? Nam delectabile est videre possessiones mundi, & possidere, gaudere de corporis sui honore, & gustare quicquid delectat carnem. In talibus enim multoties periclitatur anima. Sed quando Deus inuauit est, omnia mollescunt, & anima omnia ista contemnit, quia omnis pulchritudo corporea, & terrena similis est vitro depicto ab extra, sed intus pleno terra. Fracto autem vitro non habet plus utilitatis, quā terra nigra, quā ad nihil aliud creata est, ut possideatur, nisi ut per eam ematur cælum. Itaque omnis homo, qui non plus desiderat audire honorem suū, seu mundi, quā nocuum aerem, qui omnia membra corporis sui mortificat, & voluptatem carnis suae abominabilem detestatur. Hic quietē requiescere potest, & gaudenter euigilare, quia Deus est cum eo in omni hora.

VERBA QVAERIMONIAE SPONSÆ
coram Imperatoris Maiestate, ex eo, quod sorores quattuor filiae Regis Iesu Christi, scilicet humilitas, abstinencia, contentatio, charitas, nunc pro dolor annihilantur. Et sorores filiae Regis Diaboli, scilicet superbia, delectatio, superfluitas, & simonia vocantur dominæ, &c.

C. A. P. XLV.

NONQVAEROR. Non solum ex parte mea, sed etiam ex parte multorum electorum Dei coram Imperiali maiestate vestra. Quod erant quattuor sorores filiae potentis Regis, quarum qualibet habebat sedem, & potestatem in patrimonio suo. Quicunque enim volebant inspicere pulchritudinem istarum sororum, obtinebant consolationem ex pulchritudine earum, & bona exempla ex earum deuotione.

Prima vocabatur soror, humilitas in omnium agendarum rerum dispositione. Secunda vocabatur soror, abstinencia ab omni inquinata conuersatione. Tertia vocabatur soror, contentatio sine omni superfluitate. Quarta vocabatur soror, charitas in proximorum tribulatione. Iste autem quattuor sorores, sunt iam in patrimonio suo annihilatae, & quasi ab omnibus contemptae. In quarum sedibus sunt aliae quattuor illegitimae sorores institutae, quae à fornicario progenitae sunt, & vocantur iam dominæ. Quarum prima vocatur domina superbia, quae est ad placendum mundo. Secunda vocatur domina delectatio, secundum omnem carnis appetitum. Tertia vocatur domina superfluitas, super omnem necessitatem. Quarta vocatur domina simonia, à cuius deceptione se quasi nullus custodire potest, quia utrum iuste, vel iniuste acquisitum sit, quod recipit, tamen omnia recipit cum cupiditate. Iste verò quattuor dominæ loquuntur contra praecepta Dei, volentes ea annihilare, & tribuunt occasionem multis animabus ad aeternam damnationem. Propterea Domine facite, propter charitatem, quam Deus vobiscum fecit, & iuuare istas quattuor sorores, quae vocantur virtutes, quae processerunt de ipsa virtute Iesu Christo summo Rege. Quae & iam depresso sunt in sancta Ecclesia, quae est patrimonium Christi, ut exaltentur citius. Et ut vitia, quae vocantur dominæ in mundo deprimentur, quae sunt proditrices animarum, quia natae sunt de ipso vitio Diaboli proditore.



VERBA MONITIONIS SPONSAE
ad quendam Dominum de restitutione
facienda de iniuste acquisitis. Et de
voce Angelii sententiam contra ipsum
proferentis crudelem.

CAP. XLVI.

DOMINE. Vos de periculo animæ vestræ præcaueo. Reducendo ad memoriam, quomodo Rex quidam in veteri testamento legitur vnius hominis vineam desiderasse, & pro vinea plenum pretium præbuisse. Sed quia possessori non placuit vineam vendere, Indignatus Rex, vineam sibi per iniustitiam, & violentiam vsurpauit. Ad quem postmodum Spiritus sanctus per os vnius Prophetæ loquebatur, iudicans Regem, ac Reginam, pro illa iniustitia, turpissima morte debere mori. Quod verò in eis completum est. Ipsorumq; liberi de prædictæ vineæ possessione nequaquam sunt lætati. Nunc igitur cum vos Christianus estis, & fidem integraliter habetis, & scitis certissimè eundem Deum, nunc esse, qui tunc erat, & ita potètem, & iustum sicut tunc. Ideò sine omni hæsitacione scire potestis, quòd si aliquid possidere desideraueritis iniuste, aut cogendo possessorem ad vendendum contra velle suum, aut nullum pretium pro eo exhibendo, vindex erit ille, potens, & iustus Iudex. Vos quoque in doloribus timere habetis tale iudicium super vos venire, quale super illam Reginam legitur peruenisse, vestrosq; liberos de male acquisitis non ditari, sed magis inopia tribulari. Te igitur per Iesu Christi passionem, qui tuam animam suo pretioso sanguine redemit, hortor, & admotheo, vt animam tuam pro aliquibus transitorij personaliter nò disperdas, sed omnibus iniuste à te, vel ob tui causam damnificatis, plenè satisfacias, & quicquid

iniuste acquisisti restituas, illis ad consolationem, qui nunc dolorem patiuntur, atque alijs in exemplum, si Dei amicitia volueris obtinere. Deus est mihi testis, quòd tibi ista nò scribo à me, cum tui notitiam non habeam, sed illud, quod vni personæ contigit, hoc me cum diuina compassione animæ tuæ compulsi ad scribendum. Illa enim persona non dormines, sed vigilans, audiuit in orationibus suis vocem Angeli dicentis. Vrsè, Vrsè, qui nimis audax es contra Deum, & iustitiam, tua voluntas vicit in te conscientia tuam. Ita quòd conscientia tua omninò tacet, & voluntas loquitur, & operatur. Ideò citò venies in iudicium antè iudicium Dei, & voluntas tua silentium tenebit, & conscientia tua loquetur, & te ipsum secundum iustitiæ rectitudinem iudicabit.

VERBA FILII AD SPONSAM,
quomodo Diaboli tentationibus debemus præcauere. Et qualiter Diabolus per hostem, Deus per gallinam, eius potentia, & sapientia per alas, eius misericordia per pennas, & homines per pullos designantur.

CAP. XLVII.

HILIVS loquitur. Si hostis pulsar ad ianuam, non debetis esse sicut capræ currentes ad murum. Nec sicut arietes, qui eleuantes se pedibus anterioribus, mutuo se impingunt cornibus, sed estote sicut pulli, qui videntes in aere auem volantem nocere eis, fugiunt sub alas matris, vt abscondantur. Qui etiam si non plus, quàm vnā pennam matris valent apprehendere, & sub illa se contegere gaudent. Quis autem est hostis vester nisi Diabolus, qui omnibus bonis actibus inuider, cuius pulsare est, mentem hominis tentationibus commouere, pulsar quippè quandoq; ira, & detractio, quandoq;

impatientia, & dijudicatione iudiciorum Dei, quando scilicet omnia non succedunt ad votum suum, immo etiam frequenter pullat, & inquietat vos innumeris cogitationibus, ut à seruitio Dei abstrahamini, & ut opera vestra bona apud Deum obfuskentur. Ideo qualescunque fuerint cogitationes vestrae, non debetis dimittere locum vestrum, nec esse sicut caprae currentes ad murum, idest habere duritiam cordis, aut iudicare opera aliena in cordibus vestris, quia sapius, qui hodie est malus; cras bonus est.

2 Sed debetis submittere cornua vestra, & stare, & auscultare, idest humiliare vos, & timere, habendo patientiam, & rogando Deum, ut male incepta, in meliora conuertantur. 3 Nec etiam esse debetis sicut arietes ventilantes cornibus, idest verba dare pro verbis, & impropria iungere improprie; sed stare debetis constanter supra pedes, & silere, idest fortiter reprehendere affectiones carnis, ut in loquendo, & respondendo habeatis praemeditationem, & violentiam quandam cum patientia, quia viri iusti est, vincere seipsum, & à licitis etiam locutionibus, propter vitandum multiloquium, & offensam abstinere. Nam qui in commotione animi effundit nimis, quod sentit, videtur quodammodo vindicasse seipsum, & indicasse leuitatem animi sui, ideo vacuus erit à corona, quia noluit patientiam habere ad tempus, propter quam patientiam, & fratrem offendentem lucratus fuisset, & seipsum ad maiorem coronam preparasset.

4 Quid verò sunt alae gallinae, nisi potentia, & sapientia diuina? Ego, quippe sum quasi gallina, qui pullos currentes ad vocem meam, idest desiderantes obumbratione alarum mearum, & potenter defendo à diaboli laqueis, & sapienter inspirationibus meis, prouoco ad salutem. Quid verò est penna, nisi misericordia mea, quam, qui obtinuerit, ita securus esse potest, sicut pullus, qui sub alis matris refouetur. Ergo estote sicut

pulli currentes ad voluntatem meam, & in omnibus tentationibus, & contrariis, dicite voce, & operibus, fiat voluntas Dei, quia ego confidentes in me defendo potentia mea. Reficio misericordia mea, teneo potentia mea, visito consolatione mea, & illumino sapientia mea. Remunero in centuplum charitate mea.

N O T A E.

1 **Q** Vis autem est hostis vester, nisi Diabolus, qui omnibus bonis actibus inuidet.

Adversarius, & hostis is proprie dicitur, qui odio aliquem prosequens, ei mala procurat: atque hinc Damones hostes in primis nostri sunt, qui nobis inuident, id quod optimum est, nempè animam prosequuntur, quam perdere nituntur, de quo Petrus Apostolus in prima sua Canonica cap. 5. scribit, Adversarius vester diabolus tanquam leo rugiens, circuit querens quem deuoret, atque hunc in pluribus sacrarum litterarum locis hostem, & inimicum appellari compertum est, ut Matth. 13. dicitur. Inimicus homo, Lucae 10. ad Tim. 5. Hebraeor. 10. quod etiam annotauerunt D. Greg. super priuilegium Reg. cap. 2. Arnob. super Psalm. 67. Origin. in Leuit. homil. 16. & super Luc. homil. 35. & 38. D. Aug. super Psalm. 40. D. Basil. super Psalm. 29. & 37.

2 Sed debetis submittere cornua vestra, & stare, & auscultare, idest humiliare vos.

In presenti Nota Christus Dominus per B. Brigittam nos admonet, ut nostra cornua submittamus, neque virtutem humilitatis, & patientia assequi studeamus, cornua autem submittere, non aliud significare arbitror, quam prauos concupiscentia affectus reprimere, vitia fugere, virtutes precipue humilitatis, & patientie sectari, & hoc est, quod paulò infra legimus, Sed stare debetis constanter supra pedes, & silere, idest fortiter reprimere affectiones carnis, quapropter egregiè D. Greg. Magn. lib. 1. Regum cap. 16. explicans illud cap. 3. Regum. Tulit igitur Samuel

cornu

cornu olei sui. *¶* Tunc enim in medio fratrum, Cornu (inquit) recipit in sublimitate ordinis, oleum ad fomentum vitæ, sed plerumque cornu vitæ, ut virtus Pontificis plena doceatur, cornu namque plenum in vinctio-
ne sua habet, siam in virtute pietatis, quam misericordia perfectus est.

3 Nec etiam esse debetis sicut arietes, ventilantes cornibus, idest dare verba pro verbis.

Ex his verbis liquidè constat, quid Dominus per cornua ventilare indicare voluerit, nimirum verba dare pro verbis, *¶* Et quidem eum ventilare aliud non fuisse, quàm vetum excitare, vel in ventum aliquid mittere, agitare, *¶* Versare, sic quoque ille, qui verba dat, non aliud facere videtur, quàm vel vetum excitare, aut aerem pugno, vel calcibus verberare, quod propriè de eo dicitur, qui in cassum aliquid facit, unde Paulus Apostolus, 1. Cor. 9. indicare volens se non frustra contra mundum, carnem, & demonem pugnare, sed pugnando adversarios vincere, non nudis verbis, sed affectuosis precibus, ac bonis operibus, dicit. Sic pugno, non quasi aerem verberans.

4 Quid verò sunt, alæ gallinæ, nisi potentia, & sapientia diuina, ego quippe sum quasi gallina, qui pullos currentes ad vocem meam, idest desiderantes obumbrationem alarum mearum, & potenter defendo à Diaboli laqueis, & sapienter inspirationibus meis prouoco ad salutem.

Duas Redemptor noster Christus in præfati. Nota de seipso loquens similitudines affert. Primum quidem potentiam suam, ac sapientiam alis gallinæ comparat: Secundo verò seipsum ipsimet gallinæ similem facit: *¶* Et quidem cum Deus cunctorum sit creator hominum, idem quoque conseruator, ac protector eorum est, eosque duabus veluti alis defendit, ac protegit, potentia nimirum, ac sapientia, potentia quidem, qua illos ab hoste potente potenter eripit, sapientia verò, qua eosdem per sacram doctrinam contra demonis astutiam tuctur, hominemque ad se trahit, nullam vim libero inferendo arbitrio, unde hanc à Deo

David protectionem petens, cecinit Psalm. 16. Sub umbra alarum tuarum protege me, quod exponens D. Hieron. sub ista (inquit) umbra protego me, ut me non rapiat Atilius, & sub duabus testamentorum alis, idest ipsarum doctrinis, quibus vivitur, custoditur, ac regitur, sicut gallina, quia per gallinam intelligitur sapientia Dei Patris: sicut enim gallina sub alis pullos suos abscondit propter Atilios, sic & sapientia diuina: *¶* Et duæ alæ, quæ sub duobus testamentis, protegent Ecclesiam, idem annotarunt Arnob. in Psalmi 16. *¶* Et 90. D. Augustin. de Essentia diuinitatis. Postremo Christus ipsimet gallinæ similis hic esse dicitur, quia sicut illa miro quodam affectu suos protegit pullos, & ad cibum conuocat, eorumque infirmitatibus affecta infirmatur, et in Milui infirgit, sic Christus per carnis assumptionem infirmatus nos protegit, conseruat, ac nutrit, suisque alis à demonum incurfibus tueretur, quod etiam tradiderunt Origen. in Math. hom. 2. 6: D. August. de verbis Domini serm. 29. Eucherius de Spiritualibus formulis cap. 5. Ludolphus de vita Christi 2. par. cap. 38.

VERBA FILII AD SPONSAM,

de quodam Rege, qualiter debeat augere Dei honorem, & charitatem ad animas, & de sententia contra eum si non fecerit.

CAP. XLVIII.

ILIVS Dei loquitur. Si iste Rex velit me honorare. Primum minuat dedecus meum, & augeat honorem meum: dedecus quippe meum est, quod præcepta mea, quæ præcepi, & verba, quæ personaliter loquutus fui, contemnuntur, & quasi à pluribus pro nihilo reputantur. Si igitur velit me diligere, habeat amodò maiorem charitatem ad animas omnium, pro quibus ego aperui cælum cum sanguine cordis mei. Si autem plus desiderat requiæ, quæ est cum Deo, quàm dilatare patri-

monium suum, habebit profectò maiorem delectationem, & auxilium à Deo reuincere locum illum Hierusalem, in quo iacuit mortuum corpus meum. Dic insuper tu, quæ hæc audis. Ego Deus permisi cum coronari. Ideò ad ipsum pertinet plus sequi voluntatem meam, & me super omnia honorare, & diligere. Quod si non fecerit, breuiabuntur dies eius. Hi quoque, qui carnaliter eum diligunt, separabuntur ab eo cum tribulatione, Regnumq. eius in plures partes diuidetur.

VISIO SPONSÆ SVB FIGVRA

Ecclesiæ, & de eius expositione, in qua continentur modus, & status, quos Papa debet tenere respectu sui, & respectu Cardinalium, & aliorum Prælatorum Sanctæ Matris Ecclesiæ, & quàm maximè in statu humilitatis.

C A P. XLIX.



NI persone videbatur quasi quoddam esset in magno choro. 1 Et apparuit Sol magnus, & lucens, quæque sedes, quasi prædicator in choro erant, vna à dextris, aliaq. à sinistris, distantes à Sole longo spatio, & intervallo, duoq. radij de Sole ad sedes procedebant. Tunc vox vna audiebatur de sede, quæ ad sinistram partem erat, dicens. Ave Rex in æternum, creator, & redemptor, iustusq. Iudex. 2 Ecce Vicarius tuus, qui sedet in sede tua in mundo, reduxit iam sedem suam in antiquum, & priorem locum, vbi sedit primus Papa. Petrus, qui fuit Princeps Apostolorum. Respondit vox de dextera sede dicens. Quomodo (inquit) poterit intrare in Sanctam Ecclesiam, in qua foramina cardinum sunt plena rubigine, & terra? Ideò & postes inclinati sunt ad terram, quia in foraminibus non est locus, vbi vicini imprimantur, qui postes deberent sustentare. Vncini quoque sunt extensi ad plenum,

nihilq. curuati ad postes tenendum. Patimentum verò totum effossum est, & conuersum in foueas profundas, ad modum puteorum profundissimorum, quæ nullum omnino habent fundum. Testu autem est linitum pice, & ardet de igne sulphureo, stillans quasi pluuia densa. De nigredine verò, & spissitudine humi, qui de abyssu fossarum, & de stillicidijs tecti ascendit, omnes parietes maculati sunt, & ita deformes in colore ad intuemum, quasi sanguis commixtus putrida sanie. Ideò amicum Dei non decet mansionem habere in tali templo. Respondit vox de sede ad partem sinistram, Expone (inquit) spiritualiter, quæ dixisti corporaliter. 3 Tunc ait vox, Papa similitur, & designatur in postibus. In foraminibus verò cardinum significatur humilitas, quæ sic vacua debet esse ab omni superbia, vt nihil appareat in ea, nisi quod pertinet ad officium humile Pontificale, sicut foramen debet esse vacuum totaliter à rubigine, sed iam foramina, idest humilitatis insignia, sunt ita repleta, superfluitatibus, & diuitijs, & facultatibus, quæ ad nihil aliud custodiuntur, nisi ad superbiam, quod nihil apparer humile, quia tota humilitas conuersa est ad mundanam pompam. Ideò non mirum quod Papa, qui simulatur in postibus, inclinaturs est ad mundanalia, quæ signantur in rubigine, & in terra. Propterea Papa incipiat veram humilitatem in seipso, primò in apparatu suo, in vestibus, in auro, & argento, & vasis argenteis, in equis, & alijs vtenfilijs, segregando de eis omnibus sola necessaria sua, alia verò erogando pauperibus, & specialiter his, quos nouerit amicos Dei. Deindè moderatè disponat familiam suam, & necessarios habeat famulos, qui vitam suam custodiant, quia licet in manu Dei est, quando eum velit vocare ad iudicium, iustum tamen est, vt habeat famulos propter roborandam iustitiam, & vt eos, qui se contra Deum, & Sanctam Ecclesiæ consuetudinem erigunt, vale-

4 valeat humiliare. 4 In vnicinis verò, qui postibus cōiunguntur, significantur Cardinales, qui extenti, & effusi sunt, in quārum valent, ad omnem superbiam, cupiditatem, & carnis delectamentum. Ideo recipiat Papa in manu malleum, & forficem, & flectat cardines ad velle suum, non permittendo eos habere plura de vestibus, & familia, & de vtenfibilibus, nisi quantum requirit necessitas, & vitæ vsus. Flectatq. eos forfice, idest verbis lenibus, & consilio diuino, paternaq. charitate, qui si noluerint obedire, recipiat malleum, scilicet ostendendo eis seueritatem suam, faciendoq. quicquid poterit, quod tamen non sit contra iusticiam, donec flectantur ad velle suum. In pavimento autem significantur Episcopi, & Clerici seculares, quorum cupiditas nullum habet fundum, de quorum superbia, & vita luxuriosa procedit fumus, ob quē abominantur eos omnes Angeli in cælis, & amici Dei in terris. Ista enim Papa in multis emendare potest, si vnuquemq. permittit habere necessaria, non superflua, præcipiatq. vnicuique Episcopo attendere ad clerici sui vitam, & omnis qui noluerit emendare vitam suam, & stare in continentia, priuetur omnino præbenda sua, quia charius est Deo, quod in loco illo non dicatur Missa, quàm quod manus meretricæ tangeant Corpus Dei.

NOTAE.

1 **E**T apparuit Sol magnus, & lucens, duæque sedes, quasi prædicator in choro erant, vna à dextris, aliaque à sinistris. Per Solem in presenti Nota, non aliud intelligendum esse arbitror, quàm tres Sanctissimæ Trinitatis personæ, à quibus B. Brigitta de tota Catholica Ecclesia statim, deq. ministris eius curior redditur. Et idcirco paulò post de eodem Sole radios duos procedere legimus. Verbum enim procedit à Patre, & Spiritus ab æquoque: hac eadem similitudine

et Sacrosanctum Trinitatis mysterium exprimerent, vbi sunt sancti Patres, et D. Augustin. tract. 2. in Ioan. Attende, ait, candorem lucis, in celo est, & expādit candorem per terras omnes, per maria omnia, & vtiq. corporalis lux est: si separas candorem solis à sole, separas Verbum à Patre, idem habent D. Greg. Nyssenus in oratione ad Simplicium. D. Gregor. Nazianz. ad Euagr. de Deitate. Tertull. aduersus Praxeam, Euseb. Emyss. in hom. 1. de Symb. Damas. lib. 1. de Fide cap. 9. & 11. D. Hieron. in Psalm. 71. & ibidem Augustin. explicantes. versic. Psalmi, Ante solem permanet nomen eius.

2 Ecce Vicarius tuus, qui sedet in sede tua in mundo, reduxit iam sedem suam in antiquum, & priorem locum.

Hæc quæ in presenti Nota scripta sunt, arbitror intelligenda esse de Urbano V. Pont. Max. qui Pontificiam sedem ex Auinione ad Urbem reduxit, & propterea scribitur hic: Ecce Vicarius tuus reduxit sedem, &c. atq. sub hoc Pontifice Beausimam Brigittam Sanctitate floruisse testatur Platina in vita Urbani V. circa finem, immò addit Ioan. Nauclerus vol. 2. suæ Chronographiæ generat. 46. eam venisse Romam sedente Urbano, à quo benigne ob eius vitæ Sanctitatem excepta est, eamque obtinuisse confirmationem Religionis, quam instituerat, tum virorum, tum mulierum, quæ de re videndus est ibidem Nauclerus, qui plura ad rem hanc pertinentia. ant. notauit: idem latè prosequitur Polyd. Virgil. lib. 7. de Inuentoribus rerum cap. 4. & Nos etiam tradimus infra hoc eodē Lib. Cap. 138. Verum quia ex presentis Capituli narratione, apertè colligi minimè potest, quisnam in specie Pontifex fuerit, qui Pontificiam sedem ad Urbem reuocauit, cuius hoc loco metio su, idē censeo posse etiam verba presentis Notæ intelligi de Gregorio XI. Pontifice, qui ipse quoq. ex Auinione Romam venit anno D. 1376. Et auctor est Plat. in vita ipsius, & quamquam B. Brigitta tunc temporis iam ad celum migrasset, obijt enim anno Dom. 1373. potuit tamen hoc illi diuinitus prius propalari, & ipsa hoc idem alijs prædicere, nec cuiq. mirum esse

esse debet, si hoc predicendo, præterito tempore
 visa sit, quasi id iam factum esse affirmaverit:
 hoc enim apud Prophetas est in more positum, ut
 sub re præterita aliquid futurum esse enuncient,
 adeo certi sunt de his quæ sibi diuinitus prædi-
 cuntur: completitur namque Prophetia tria
 tempora, præsens, præteritum, & futurum,
 sic docet D. Greg. Magn. hom. 1. in Exechiele
 non longè ab initio: *Restat* (inquit) nunc, ut
 adhuc de sacris eloquijs ostendamus, quomodo
 in ipso prophetia spiritus ex præteritis futura
 probentur, quod ibi latissime probat, ut etiam
 D. Thom. 2. 2. q. 171. art. 3.

- 3 Tunc ait vox, Papa assimilatur, & de-
 signatur in postibus.

Quemadmodum per ianuam ingredientibus
 domum aditus patet, sic quoque per Ro-
 manum Pontificem ad Regnum celorum in-
 gressus hominibus datur: unde mirum non
 est, si in presenti Nota ipse postibus compare-
 tur. Is enim est, de quo Matth. 16. scribitur,
 Quodcumque ligaueris super terram, erit liga-
 tum & in celis, & quodcumque solueris su-
 per terram, erit solutum & in celis, merito
 ergo Apostolorum Principes Petrus Ianitor ce-
 li vocatur, quippe qui clauis eius habet, &
 portas aperit, unde Isaia 3. Porta Syon, Pa-
 stores appellantur.

- 4 In vncinis verò, qui postibus coniun-
 guntur, significantur Cardinales.

In superiori Nota explicauimus, quare
 Romanus Pontifex postibus comparetur, nunc
 verò superest ostendamus, quare cardinalibus
 qui postibus coniunguntur, Cardinales simi-
 les esse dicantur, est enim cardo, id super
 quod domus osium vertitur, ipsiq. proximè
 adheret, & sustentat; ita prorsus Cardina-
 les sunt, qui Consiliarij Papæ existentes, simul
 cum eo regiminis Ecclesiastici onus portant;
 ac sustentant, eiq. proximè assistunt, ut car-
 dines ostio: Cardinalis verò idem significa-
 re videtur, quod principalis, suè i. à quo alij
 pendunt, ut à cardine ostia, hinc enim S. Isi-
 dorus lib. 3. Ethimolog. cap. 37. Cardines celi,
 dictos esse censet, eo quod ab his celi motus
 pendet, quia per eos vertitur celum, & D.
 August. lib. 1. de Baptism. cap. 6. eos, qui in-

ter hereticos Donatistas Principem locum te-
 nebant, Cardinales Donatistas appellat, &
 ventos primarios Cardinales aliqui vocant,
 sicut etiam, & virtutes Cardinales, & alia
 sexcenta. Caterum in reddenda ratione, qua-
 propter Pontificis electores Cardinales dicantur,
 aliquis inter Doctores dissensio est,
 nam Card. Bellarm. de Clericis lib. 1. cap. 16.
 Controuers. 5. putat huiusmodi nomē fuisse pri-
 mum loco impositum, & inde ad personas
 derivatum, quedam enim principales Ec-
 clesie, in quibus Baptismatis conferbatur Sa-
 cramentum, Tituli Cardinales vocabantur;
 ad discrimen minus principalium; hinc illarū
 Rectores Presbyteros Cardinales appella-
 bant: insuper ea quoque loca, quæ reperiēban-
 tur in Vrbe distincta principalia, iuxta regio-
 nem numerum Diaconias Cardinales nomi-
 nabant, hi verò, qui his præerant Diaconos
 Cardinales. Postremò Episcopi Cardinales
 dicti sunt sex illi, qui ad Romanum eligendū
 Pontificem conueniebant, & eiusdem Con-
 siliarij erant præter cæteros alios Episcopos, quæ
 omnia probat ex Concil. Meledensi Can. 54.
 & ex Ioan. Diacono in vita S. Gregor. lib. 3.
 cap. 11. hæc tamen Cardinalis Bellarm. Sed
 quidquid sit de nominis Ethimologia, quoniā
 nō est hoc loco singulas dubitationes
 soluere, quas in vniuersum Doctores Theolo-
 gi, & Canonistæ hac de re pertractare consue-
 verunt, quedam solum hic attulimus, quæ ad
 presentis Notæ cognitionem facere videban-
 tur, si quis autem plura cognoscere vellet, sci-
 req. quod nam Cardinaliū officium sit, quæue
 in Ecclesia eorum propria functio, legendi sūt
 imprimis Cardinalis Palæottus de Sacris Con-
 sistorij Consultationibus, ubi plura hac de re
 congerit, & Hieron. Platus in libro, quem de
 Officio Cardinalis omnium postremus speciali-
 ter edidit, D. Antonin. in sua Sum. 3. par. tit.
 21. Aug. Triumph. de Potestate Ecclesie. q.
 102. Aluar. Pelag. de Planctu Eccles. lib. 2.
 art. 16. Turrecrem. lib. 1. Summæ de Ecclesia
 cap. 81. 82. 83. 84. Card. Iacobasius lib. 1. de
 Concilijs. art. 12. Card. Alban. in lib. de Cardi-
 nalibus, Andreas Barbat. de Præstantia Car-
 dinalium, & alij plures, ex quibus colligi po-
 test

est Cardinaliu officia esse tripartita. Primum quide commune est cu Episcopis, Presbyteris, & Diaconis, omnes enim, aut in Episcopali, aut Presbyterali, aut Diaconali officio sunt. Secundum eorum officium est, Romanum Pontificem eligere. Postremum eidem Pontifici perpetuo assistere, cumq. in administrandis rebus Ecclesiasticis, ac regendis industria, consilioq. adiuuare, unde proprie Consiliarij, & Assistentes Papa appellantur.

VISIO INCOMPREHENSIBILIS

Sponsa de iudicio multarum personarum adhuc viuentium, in qua audiuit, Si homines emendauerint peccata, & ego iudicium mitigabo.

CAP. LI.



MIHI videbatur, quasi quod Rex vnus federet in sede iudiciaria, & qualibet persona viuens staret ante illum, qualibetque persona habebat duos stantes iuxta se, quorum vnus apparebat, quod esset quasi miles armatus. Alter vero quasi Æthiops niger. Ante vero iudicium stabat pulpitum, in quo iacebat liber eo modo dispositus, sicut vidi prius, cum ante eum tres Reges viderem stare, scilicet 8. lib. cap. 48. Vidi etiam, quod quasi totus mundus staret ante pulpitum, & audiui Iudicem, tunc dicentem ad militem illum armatum. Voca (inquit) ante iudicium illos, quibus tu seruisti cum charitate. Et mox illi, qui nominabantur ceciderunt. Quorum quidam iacerunt longiori mora, quidam breuiori, antequam animæ separarentur à corpore. Omnia autem quæcumque vidi, & audiui tunc, non valeo comprehendere, quia audiui iudicia multorum adhuc viuentium, qui adhuc cito vocabuntur. Attamen sic dictum est mihi à Iudice. Si (inquit) emendauerint peccata homines, & ego iudicium miti-

gabo. Multos quoque tunc vidi iudicari, quosdam ad Purgatorium, alios ad vix sempiternum.

VISIO ADMIRABILIS, ET TERRIBILIS. Sponsa de quadam anima ante Iudicem presentata, & opposita rationibus Dei. Et libri iudicii contra ipsam animam: Et de responsionibus animæ super seipsam, & de diuersis poenis stupendis sibi ad purgationem datis.

CAP. LI.



MIHI videbatur, quasi quod vna anima per Militem, & Æthiopem, quos videram prius, ante Iudicem presentaretur. Dictumque est mihi, Hoc (inquit) quod tibi nunc videtur, hoc totum factum est super animam istam, eo tempore, quo à corpore soluebatur. Cumque anima presentata fuisset Iudici, stabat sola, quia in neutrius manibus eorum erat, qui eam presentabant. Stabat quoque nuda, & dolorosa, ignorans ad quæ deueniret. Deinde videbatur mihi, quod quodlibet verbum in libro respondebat per seipsum ad omnia quæcumque anima loquebatur. Igitur audiente Iudice, & omni exercitu eius, Miles ille armatus loquebatur primo sic, Non est iustitia (inquit) quod illa peccata replicentur animæ ad opprobrium, quæ confessione emendata sunt. Veruntamen ego quæ ista vidi, benè, & perfectè, tunc noui, quod Miles ille, qui loquebatur omnia nouit in Deo, sed vt ego intelligerem loquebatur. Tunc de libro iustitiæ responsum est, quando penitentia facta fuit ab ista anima, nō subsequēbatur contritio digna talibus peccatis. Nec vera satisfactio. Ideo dolere debet nūc pro his, quæ tunc cum potuit, non emendauit.

Quibus dictis, anima incepit plorare ita, vehementer, quòd quasi tota confringeretur. At tamen lacrymæ videbantur, & vox non audiebatur. Deindè Rex loquebatur animæ dicens. Conscientia (inquit) tuâ declarer modò peccata illa, quæ satisfactio digna non sequebatur. Tunc anima extulit vocem suam ita altè, quòd quasi posset audiri per totum mundum, dicens. Væ (inquit) mihi, quia non feci iuxta mandata Dei, quæ audiui, & cognoui. Et accusans seipsam addidit. Ego non timui iudicium Dei. Cui responsum est de libro. Ideò non timere debes diabolū. Et statim anima timens, & contremiscens, ac si tota solueretur dixit. Ego quasi nullam charitatē habui ad Deum, Ideò modica bona feci. Responsum est ei statim de libro. Ideò iustitia est, te vicinijs appropinquare diabolo, quàm Deo, quia ipse diabolus ad se suis tentationibus allexit, & illexit. Anima respondit: Iam (inquit) intelligo, quòd omnia quæcumque feci, erant secundum diabolicas insuersiones. Responsum est de libro, iustitia dicat, quòd iuris diaboli est, retribuere tibi secundum ea, quæ egisti, cum pœna, & tribulatione. Anima dixit. Nihil fuit à vertice capitis mei vsq. calcaneum, quòd nisi cum superbia vestiui. Quædam enim vana, & superba portamenta ego de nouo adinueni personaliter, quædam verò sequebar secundum patriæ consuetudinē, laui quoque manus, & faciem, non vt solū mundarentur, sed vt ab homine laudaretur pulchra. Responsum est de libro. Iustitia dicit, quòd iuris diaboli est, retribuere tibi pro meritis, quia te ornasti, & cōpulsisti sicut ipse tibi inspirabat, & dictabat. Iterum dixit anima. Os meum sæpè aperiebatur ad scurrilia, quia alijs placere volui. Et animus meus omnia illa desiderabat, quæ pudor, & opprobriū mundi non sequebatur. Respōlū est de libro, Ideò lingua tua extrahi, & extendi debet, dentesq. tui incuruari, & illa tibi apponentur, quæ omninò tibi displicent, omniaq.

illa tolli debent à te, quæ tibi placent. Dixit anima. Ego vehementer gaudebam ex eo, quòd multi receperunt exempla, & occasionem de his, quæ ego feci, & quòd multi imitabantur mores meos. Responsum est de libro. Ideò est iustitia, quòd omnis, qui deprehensus fuerit in tali peccato, pro quo tu punieris, eandē pœnam ipse patietur, & ipse ad te adducetur, & tunc propter aduentū cuiuslibet, qui imitabatur adinventiones tuas, pœna tua, augmentabitur. Quibus dictis videbatur mihi, quasi quòd vincūlū quoddā esset alligatum in capite animæ ad modum corone, & stringebatur ita fortiter, quòd occiput, & frons cōiungebatur simul. Oculi verò deciderunt à sedibus suis, dependentes per radices suas ad genas. Crines quoque quasi ab igne combusti aruerunt. Cerebrum autem rumpebatur, defluens per nares, & per aures, lingua extendebatur, dentesq. comprimebantur. Ossa verò in brachijs constringebantur, & quasi funes contorquebantur. Manus etiam decoriatæ ad collū alligabantur. Pectus verò, & venter ita fortiter dorso coniungebantur, quòd costis confractis, cor cū omnibus interioribus euersum crepuit. Femora verò pendebant ad latera, ossaq. confracta extrahebantur, eo modo quo blum tenue solet in globum glomerari. His visis Æthiops respondit. O Iudex peccata animæ iam sunt plagata secundum iustitiam. Coniunge ergo nos iam ambos me, scilicet, & animam, ita quòd nunquā separemur. Miles verò ille armatus respondit. Audi Iudex. Tu qui scis omnia, ad te iam pertinet audire vltimam cogitationem, & affectionem, quam ista anima habebat circā finem vitæ suæ. Ipsa quippè in vltimo puncto cogitauit. O si Deus vellet dare mihi spatium vitæ, vellem utique libenter emendare peccata mea, omnique tempore vitæ meæ seruire ei, nec vnquam ampliùs ipsum offendere. Talia Iudex cogitabat, & volebat. Memento etiam Domine, quòd persona ista non

non tanto tempore vixit, quod obtineret plenè intelligibilem conscientiam. Ideò Domine cogita iuuentutem eius, & facito misericordiam. Tunc autem sic responsum est de libro iustitiæ. Talibus cogitationibus in fine non debetur infernus. Et Iudex tunc ait, propter passionem inquit meam aperietur animæ cælum; purgatione prius pro peccatis recepta tanto tempore, quanto tenetur pati, nisi obtinuerit auxilium ex bonis operibus aliorum viuentium.

Declaratio. Dico, quod si quis in peccatis suis morietur, non debet inferni.

Hæc mulier vouit virginatatem in manu Sacerdotis; & postea nupsit, quæ in partu postea periclitata moriebatur.

VISIO TERRIBILIS SPONSÆ

de quodam homine, & quâdam muliere, & de expositione visionis Spôsæ, qualiter ab Angelo facta est, in qua multa mirabilia continentur.

CAP. P. O. LII.



VIDEBAT VR mihi vnus homo. Cuius oculi eruerant, sed tamen dependebant ad maxillas cum duobus neruis; hic habebat aures sicut canis, nares sicut equus; os sicut ferocissimus lupus. Manus ad modum pedum bouis maximi; pedes sicut Vulturis. Vna quoque mulier videbatur mihi iuxta eum stare, cuius crines erant sicut vepres. Oculi erant in occipite. Aures abscissæ. Nares plenæ fænitæ, & putredine. Labia sicut dentes serpentis. In lingua erat aculeus venenosus. Manus erant sicut duæ caudæ vulpinæ. Pedes sicut duo scorpiones. Dum hæc ego viderem, non dormiens, sed vigilans, dixi, O quid istud est. Et statim quædam vox dulcisona loquebatur ad me, quæ tam consolatoria erat, quod omnis

terror abscessit à me, dicens. Tu ista vides, quid nam existimas illa esse? Ego respondi. Ignoro vtrum isti, quos video, sunt diaboli; aut bestię de tali bestiali natura progenitæ, siuè etiam homines à Deo sic formati. Vox tunc respondit mihi. Non sunt diaboli, quia ipsi non habent corpora, sicut istos habere vides. Nec sunt de genere bestiali, quoniam de stirpe Adam sunt progeniti. Nec etiam à Deo taliter sunt creati. Sed coram Deo apparent, à Diabolo in animabus suis taliter deformes facti, & hæc tibi videntur quasi corporaliter. Ego tamen ostendam tibi, quid significant spiritualiter. Illius hominis oculi videntur tibi eruti, dependentes duobus neruis. Per duos enim neruos, duos intelliges, Primum est, quod Deum credidit æternaliter viuere. Secundum est, quod credidit propriam suam animam post mortem corporis, æternaliter, siuè in bono, siuè in malo victuram. Per duos verò oculos, etiam duo intelliges. Primum est, quod debuit considerare qualiter peccatum cui rare posset. Secundò, quomodo valeret bona opera perficere. Isti duo oculi, ideò eruti sunt, quia non fecit opera bona pro desiderio cælestis gloriæ, nec fugit peccata pro timore gehennalis pœnæ. Habet etiam caninās aures. Nam sicut canis, neque nomen domini sui, neque alterius tantum curat, quantum nomen suum proprium, si hoc nominari audierit, ita etiam iste, non tantum curauit de honore nominis Dei, quantum de honore nominis proprii. Habet etiam equinas nares. Nam sicut equus, qui solutus est, eiccidit stercore suo, delectatur nares apponere illi. Similiter iste. Nam per peccato peccato, quod coram Deo vilissimum stercus est, de ipsius fæctore dulces sibi videtur cogitare. Habet etiam os sic, vt lupus ferocissimus, qui ventre, ac ore suo repleto, ex illis, quæ viderat, adhuc si aliquid aure viuum audierit, deglutire illud desiderat. Ita & iste, si omnia possi-

deret, quæ oculis viderat, adhuc concupisceret illa, quæ alios possidere audiret. Habet etiam manus ad modum pedum fortissimi bouis, qui cum iratus fuerit, animal, cui præualet cum pedibus suis dirumpit, propter iræ vehementiam, non curans de intestinis, vel de carnibus, dummodo vitam illi abstulerit. Similiter iste, nam quando est in ira, non curat, quod anima sui inimici in infernum descenderet, nec qualiter corpus eius torqueretur morte, si vitam eius auferre posset. Habet etiam pedes sicut Vultur. Nam sicut Vultur habens aliquid inter ungues, quod sumere eum delectat, pedem super illud tam fortiter stringit, quod viribus pedis deficientibus præ dolore, ipse quasi nesciens dimittit cadere, quod tenebat, ita & iste. Nam illa, quæ iniuste habet, intendit tenere usque ad mortem, quando omnibus viribus deficientibus, illa dimittere coarctabitur. Mulieris verò illius crines, videbantur sicut vepres. In crinibus autem, qui sunt in summitate verticis ornantibus faciem hominis, significatur illa voluntas, quæ summè summo Deo placere desiderat. Hæc enim voluntas animam coram Deo adornat. Sed quia huius mulieris voluntas est, summè huic mundo placere, plus quàm summo Deo, ideo sui capilli apparent sicut vepres. Oculi verò eius apparent in occipite, quia mentales oculos auertit ab his, quæ bonitas Dei sibi fecerat, in creando eam, in redimendo, & in diuersis sibi utiliter prouidendo. Illa vera quæ transitoria sunt, intentè respicit, à quibus quotidie discedit, donec ab aspectu suo penitus euaneſcant. Aures igitur abſeissæ spiritaliter apparent, nam minimè curat doctrinam sancti Euangelij, seu prædicationes audire. Nares verò plenæ putredine sunt, quoniam sicut per nares suaui odor ad cerebrum delectabiliter trahitur, ut cerebrum inde fortificetur, sic ipsa per affectiones suas quidquid pu-

trescibile corpus delectat, ad ipsius fortificationem trahit delectabiliter ad effectum. Labia verò illius, sicut dentes serpentis videbantur, & in lingua aculeus venenosus. Nam dum serpens dentes fortissimè constringit, propter defensionem aculei, nè ab aliquo euentu frangatur, tamen squalor de ore eius effluit in dentes, quia separatim sunt locati. Similiter & ipsa claudit labia à confessione vera, nè frangatur deſertario peccati, quæ est animæ suæ aculeus venenosus, squalor tamen peccati euidenter apparet coram Deo, & Sanctis eius. Dixi tibi prius de iudicio, & abiectione vnus matrimonij, qui contrà statuta Ecclesiæ contraxerunt. Nunc iudicabo tibi plenius de eis. Tu enim vidisti manus mulieris supradictæ, quasi caudas vulpium, & pedes eius quasi scorpiones. Hoc ideo est, quia sicut in omnibus membris, & affectionibus, erat inordinata. Sic & laxitate manuum suarum, & incessu pedum dulcedinem carnis prouocando, grauius scorpione animam viri pungebat. Et ecce in eodem momento apparuit Æthiops, habens in manu tridentem, & in alio pede quasi tres ungulas acutissimas, clamans, & dicens. O Iudex, iam hora mea est. Expectaui, & filij. Iam tempus est faciendi. Et statim sedente Iudice cum exercitu innumerabili, apparuit mihi vir vnus, & mulier nudi. Et dixit Iudex ad eos. Dicite (inquit) quamuis omnia scio; quid fecistis. Respondit vir. Audiuius, & sciuius vinculum Ecclesiæ, & non curauimus, immò despeximus. Respondit Iudex, quia nolulistis sequi Dominum, iustitia est, ut sentiatis malitiam licitoris. Et statim Æthiops infixit ungulam in corda amborum, & sic fortiter compressit eos, ut quasi in prælo positi viderentur. Et dixit Iudex. Ecce filia, talia merentur, qui se scienter elongant à Creatore suo propter creaturam. Dixit iterum Iudex ambobus. Ego dedi

vobis faccum, vt congregaretis fructum deliciarum mearum, quid ergo nunc apportatis? Respondit mulier. O Iudex delicias ventris quæsumus, & non apportauimus, nisi confusio- nem. Tunc dixit Iudex licitori. Redde quod iustum est. Qui statim infixit vngulam secundam in ventres amborum, & sic fortiter vulnerauit, quòd omnia intestina viderentur perforata. Et dixit Iudex. Ecce talia merentur, qui legem transgrediuntur, & pro medicamento siliunt venenum. Iterum dixit Iudex ambobus. Vbi est thesaurus meus, quem accommodaui vobis ad vsuram? Respondunt ambo. Posuimus eum sub pedibus nostris, quia quæsumus thesaurum terrenum, & non æternum. Tunc dixit Iudex, licitori. Da quod scis, & debes. Qui statim infixit vngulam tertiam in corda eorum, & ventres, & pedes, ita, vt omnia, quasi vnus globus viderentur. Et dixit Æthiops. Domine quò vadam cum eis? Respondit Iudex. Tuum non est ascendere, nec gaudere. Quo dicto A facie Iudicis statim vir, & mulier gementes disparuerunt. Iterum dixit Iudex. Gaude filia, quia à talibus es segregata.

VERBA VIRGINIS AD SPONSAM

qualiter est parata ad defendendum omnem viduam, & omnem virginem, & coniugatam, quas etiam vider in iusto proposito stantes, & suum Filium super omnia diligentes.

CAP. LIII.

AVDI tu (inquit) Mater Dei, quæ toto corde rogas Deum, vt filij tui placeant Deo. Verè talis oratio placita est Deo. Non enim est mater, quæ filium meum diligit super omnia, & illud idem petit

filij suis, quin non statim parata sum iuuare eam, ad effectum petitionis eius. Nec etiam est aliqua vidua, quæ stabiliter rogat auxilium à Deo standi in viduitate ad honorem Dei vsque ad mortem, quin non statim parata sum perficere voluntatem eius cum ea, quia ego fui quasi vidua, eo quòd habui filium in terris, qui non habuit carnalem patrem. Non est etiam aliqua virgo, quæ virginitatem suam desiderat seruare Deo vsque ad mortem, quin non paratam sum eam defendere, & confortare, quia ego sum verè ipsa Virgo. Nec mirari debes. Cur dico ista. Scriptum est enim, quòd Dauid desiderabat filiam Saulis, quando fuit virgo. Ipse enim recepit eam, quando fuit vidua. Insuper & habuit vxorem Vriæ, quando vir eius vixit. Attamen concupiscentia Dauid non fuit sine peccato. Sed delectatio illa spiritualis filij mei, qui est Dominus Dauid, est sine omni peccato. Ideò sicut istæ tres virgines, scilicet virginitatis, viduitatis, & coniugij placuerunt Dauid corporaliter, ita filio meo placent eas habere in sua delectatione castissima spiritualiter. Ideò non mirum, quòd iuuando traho earum delectationem spirituales, in delectationem filij mei, quia eius delectatio est ad ipsas.

VERBA MATRIS AD FILIAM

de felici natiuitate spirituali cuiusdam in peccatis pessimis nutriti, quam natiuitatem precibus, & lacrymis seruorum Dei obtinuit.

CAP. LIV.

VIDE filium lacrymarum, qui nunc est recenter natus de mundo spiritualiter, qui fuerat prius natus de Matre sua in mundum carnaliter. Sicut enim femina illa, quæ

extrahit infantem de ventre Matris, primo caput trahit, deinde manus, deinde totum corpus, usquequo cadit in terram. Sic ego feci illi propter lacrymas, & preces amicorum meorum. Extraxi illum, quippe de mundo in tantum, & quod iam spiritualiter est, sicut puer nouiter natus. Ideo educari debet, & spiritualiter, & corporaliter. Nam ille ad quem te miseram educare eum debet precibus suis, & bonis operibus, & consilijs custodire. Illa verò femina, de qua tibi dictum est, rogabit pro eo, & custodiet spiritualiter, attendendo etiam, ut habeat necessaria sua corporaliter, quia ipse ita profunde cecidit in peccata mortalia, quod omnes demones in Inferno dixerunt de eo. Aperiamus os, si forte veneris, ut praeamamus eum dentibus nostris, & deglutiamus. Extendamus etiam manus, ut dirumpendo laceremus eum, habeamus quoque pedes promptos ad calcandum, & calcitrandum eum. Ideo dictum est tibi, quod nunc spiritualiter natus fuit, quia iam de potestate demonum est liberatus, sicut bene colligere poteris de verbis illis, quae audisti, quod Deum corde, & corpore diligit super omnia.

VERBA MATRIS AD FILIAM,
qualiter precibus seruatorum Dei vult
diligere quendam puerum, & ipsum
armis spiritualibus armare.

C. A. P. LV.



RECORDARE quod scribitur de Moyse, quod filia Regis inuenit eum super aquas, & dilexit eum pro filio suo. Scribitur quoque in Scholasticis historijs, quod idem Moyses vixit terram per aues, quae consumpserunt serpentes venenosos. Ego sum filia Regis de progenie Dauid, quae volo puerum istum diligere, quem inueni in procellis lacrymarum, quae effusae

sunt pro salute animae eius, quae inclusa fuit in arca corporis eius, quem educabunt illi, de quibus dixi, donec ad aetatem veneris, in qua armare eum volo, & mittere ad terram vincendam Regi caeli. Sed quomodo haec fiant, tibi ignotum est, & mihi notum. Nam ego taliter praeparabo eum, quod de eo dicetur. Iste vixit sicut vir, & mortuus est sicut gigas, venit ad iudicium sicut bonus miles.

Additio.

Filius Dei loquitur. Vbi animal famelicum repellitur à praeda. Expectat à longè inueniendo tempus redeundi ad pradam, sin autem vadit ad speluncam suam, sic ego feci Principi terrae huius. Monui enim eum beneficijs meis: monui eum verbis, & verberibus, sed tantò ingratiore, & obliuiosior est, quanto mansuetiorem me ei ostendo. Ideo vocabo eum nunc sub coronam, & ad scabellum pedum, quia noluit stare in corona. Immitteatq. ei, & assentatoribus suis aspidem immittere de vipera, & subdola vulpe generatum, qui terram, & habitatores eius conturbet, & simplices deplumabit, qui cacumina terrarum ascendet, & gloriantes deiciet, & conculcet. Puerum verò istum, quem amici mei nutrierunt, ducam per aliam viam, donec venerit ad locum gloriosiorum. Item loquitur filius Dei. Adhuc dicetur de puero isto, quod vixit sicut vir, pugnavit sicut miles egregius. Coronabitur sicut amicus Dei. O filia, quid credunt mulieres, quae gloriantur ex eo, quod filij earum procedunt in superbia. Illa non est gloria, sed confusio, quia Regem superbiae imitantur. Sed illa est gloria, & ille est miles gloriæ, qui gloriatur in eo, quod facit honorem Deo quantum potest, & conatur ad maiora. Paratusq. est pati ea, quae Deus vult eum pati, talis est miles Dei, & talis coronabitur cum militibus caeli.

VER.

VERBA MATRIS AD FILIAM
de quodam, quòd non debeat contri-
stari propter correptionem.

CAP. LVI.



ATER loquitur. Cur
turbatur ille? Pater quip-
pè percutit filium quan-
doq cum lenibus strami-
nibus. Ideò non est con-
tristandum.

VERBA MATRIS AD FILIAM
qualiter Roma debet mundari à ziza-
nia, primò acuto ferro, secundò igne,
tertiò per iuga boum.

CAP. LVII.



ATER loquitur. Roma
est quasi ager, super què
zizania excreuit. Ideò
priùs debet mundari cum
acuto ferro. In dè igne pur-
gari. Postea arari cù iugo boum. Ideò fa-
ciam vobiscum, sicut qui transfert plan-
tas in alium locum. Illi enim Vrbi præ-
paratur talis pœna, quasi Iudex diceret.
Excoria (inquit) totam pellem, extrahe
totum sanguinem de carne. Excide om-
nem carnem in frusta, & confringe ossa,
ita vt defluat omnis medulla.

VERBA CHRISTI AD SPONSAM
sub figura exponentia, qualiter Chri-
stus per Dominum peregrinantem,
corpus suum per thesaurum, Ecclesia
per domum, Sacerdotes per custodes
designantur, quos Sacerdotes tanquam
verus Dominus septemplici honore
honoraui. Et qualiter Deus conquæ-
ritur, quod iniqui Sacerdotes septem-
plici vituperio ipsum vituperant, &
qualiter septem vestes, scilicet septem
virtutes, quas deberent habere, ver-
tunt in septem vitia.

CAP. LVIII.



ILIVS loquitur. Ego
sum similis Domino, qui
fideliter decertans in ter-
ra peregrinationis suæ re-
grediebatur in terram na-
tuitatis suæ cum gaudio, hic Dominus
habebat thesaurum pretiosum valdè, cu-
ius intuitu glorificabatur lippientes oculi,
tristes consolabantur, infirmi conua-
lescebant, mortui suscitabantur. Vt verò
thesaurus honestè, & tutè custodiretur,
facta, & perfecta est domus quædam in
magnificèntia, & gloria, habens altitu-
dinem decentem, septemq. gradus, qui-
bus ad domum, & thesaurum ascendeba-
tur. Hunc itaque thesaurum, Dominus
tradidit seruis suis videndum, & tractan-
dum, fideliterq., & mundè custodiendum
vt charitas Domini probaretur ad seruos,
fidelitasq. seruorum ad Dominum vide-
reretur. Procedente verò tempore despiei
cœpit thesaurus. Rarò frequentabatur
domus, repueruntq. custodes, & charitas
Domini negligebatur. Tunc Domino
consulente familiares suos, quid faciendū
esset super tanta ingratitude. Respon-
dit vnus eorum dicens. Scriptum est,
quod Iudices, & custodes populi negligē-
tes iussi sunt suspendi ad Solem, sed tuum
est misericordia, & iudicium, qui parcis
omnibus, quia tua sunt omnia, & omniū
misereris. Ego sum in figura ille Domi-
nus, qui quasi peregrinus per humanita-
tem apparui in terra, cum tamen in cæ-
lo, & in terra potens essem secundum
deitatem. Ego quippè tam forte certamē
habui in terris, quòd omnes nerui ma-
nuum, & pedum meorum rumpebantur
propter animarum salutem. Relicturus
itaq. mundum, & ascensus in cælum,
à quo tamen secundum deitatem nun-
quam defui, reliqui mundo memoriale
dignissimum, scilicet corpus meum san-
ctissimum, vt cum lex vetus gloriabatur
de arca manne, & tabulis testamenti,

ceremonijsq. alijs, sic. hōis homo gauderet de noua lege, & nō vt olim de vmbra, de veritate scilicet corporis mei crucifixi, quod in lege figurabatur, vt autem corpus meum esset in gloria, & honore, institui domum sanctā Ecclesiā, vbi seruaretur, & tractaretur. 1. Sacerdotes, custodesq. speciales eius, qui quodammodo etiā officio sunt supra Angelos, quia quem ipsi Angeli timent contingere timore reuerentiā, hunc Sacerdotes tractant manibus, & ore. Honorauit quoque Sacerdotes septemplici honore, tanquam in septem gradibus. Primò debent esse signiferi, & speciales amici mei, per mundiciā mentis, & corporis, quia mundicia primus locus est ad Deum, quē nihil contingit, nec deest coinquinatum: Nam si legalibus Sacerdotibus permittēbatur commixtio tempore, quo non sacrificabant, nō mirū fuit, quia ipsi portabant testam, nō nucleum. Nunc autem veniente veritate, & fugata figura, summē studendū est munditiā, tantō copiosius, quantō dulcior est nucleus, testis. 2. Et in huiusmodi cōtinentiā signū, capilli primò tondentur, nē voluptas animo, seu carni dominetur. In secundo gradu instituuntur clerici, quod sint viri Angelici per omnem humilitatem, quia humilitate mētis, & corporis penetratur cælum, & vincitur Diabolus superbus: Et in huiusmodi gradus signum constituuntur clerici ad expellendos daemones, quia homo humilis eleuatur in cælum, vnde per superbiam corrūit dāmon elatus. In tertio gradu instituuntur clerici, ex eo quod debent esse discipuli Dei per continuā diuinā scripturā lectionem, quibus, & idē ab Episcopis traditur in manus liber, sicut & militi gladius, vt & sciant, quā agenda sunt, & oratione, & meditatione studeant placare iram Dei, pro populo Dei. In quarto gradu instituuntur clerici, custodes templi Dei, & speculatores animarum, quibus, & idē traduntur clauēs ab Episcopo, vt solliciti

sint, circa salutem fratrum, verbisq. & exemplis promoueāt, & incitent infirmos ad perfectiora. In quinto gradu instituuntur dispensatores, & curatores Altaris, & mundialium rerum cōtemptores, vt dū Altari deseruiunt de Altari viuant, & in terrenis nequāquam, nisi in his, quę decent gradum eorum, occupentur. In sexto gradu instituuntur, quod sint viri Apostolici prædicando veritatem Euāgelicā, moribusq. se prædicationi conformando. In septimo gradu instituuntur, quod sint meliores inter Deum, & hominem per immolationem corporis mei, in quo gradu Sacerdotes quodammodo sunt super Angelos dignitate. Nunc autem conqueror, quod gradus isti dissipati sunt, quia superbia diligitur pro humilitate. Impuritas exercetur pro mundicia, Dei lectio non attenditur, sed liber mundi. Negligentia apparet in altaribus, sapientia Dei reputatur fatuitas. Salus animarum non curatur. Nec sufficiunt eis ista, sed adhuc etiā vestes meas proiciunt, & contemnunt arma mea. 3. Ego quippē ostendi in monte Moyse vestes, quibus Sacerdotes legis vterentur. Non quod in cælesti Dei habitatione aliquid materiale sit, sed quia spiritualia, nisi per corporales similitudines non capiuntur. Idē spirituale per corporale ostendi, vt sciatur quanta reuerentia, & mundicia opus est his, qui habent ipsā veritatem, scilicet corpus meum, si tantā mundiciā, & reuerentiā habebant hi, qui portabant vmbra, & figuram. Sed ad quid Moyse ostendi tantā vestium materialium pulchritudinem, nisi vt per eas addisceretur, & significaretur ornatus, & pulchritudo animæ. Sicut enim vestes Sacerdotis sunt septem, sic animæ accedentis ad corpus Dei septem debent esse virtutes, sine quibus non est salus. Prima ergo vestis animæ est contritio, & confessio, quæ tegit caput. Secunda est affectus ad Deum, & affectus castitatis. Tertia est labor

labor pro honore Dei, & patientia in aduersis. Quarta est non attendere ad laudes, & opprobria hominum, sed ad honorem solius Dei. Quinta est abstinentia carnis cum vera humilitate. Sexta est recogitatio beneficiorū Dei, & iudiciorū eius timor. Septima est charitas Dei super omnia, & perseverantia in bonis inchoatis. Nunc autem istæ vestes immutatae sunt, & contemptæ, diligitur quippe pro confessione excusatio, & leuigatio culpæ pro castitate, scurrilium continuatio, pro labore salutis animæ, labor vilitatis corporis. Pro honore, & amore Dei, ambitio mundialium, & superbia. Pro parcitate laudabili superfluitas in omnibus. Pro timore Dei, præsumptio, & dijudicatio iudiciorum Dei. Pro dilectione Dei super omnia ingratitude cleri super omnes.

4 Idè sicut dixi per Prophetam veniam in indignatione, & tribulatio dabit eis intellectum. Tunc Mater misericordiae astant. Respondit. Benedictus sis tu fili mi pro iustitia mea, loquor ad te, qui omnia scis propter sponfam istam, quæ tu vis intelligere spiritualia, quæ tamen nisi per similitudines capere non valet spiritualia.

5 Tu quippe dixisti in deitate tua, antè quam suscepisses humanitatem de me, quod si decem viri iusti inuenirentur in Ciuitate misereri velles toti Ciuitati propter decem. Nunc autem adhuc infiniti sunt Sacerdotes, qui te oblatione corporis tui placant. Ergo miserere propter eos his, qui parum boni habent, hoc, quæ te secundum humanitatem genui rogo, hoc omnes electi tui petunt mecum. Respondit filius. Benedicta sis tu, & benedictum verbum oris tui. Tu vides, quod tripliciter parco propter triplex bonum, quod oblatio corporis mei habet. Sicut enim ex præsumptione Iudæ tria ostensa sunt bona in me. Sic ex oblatione sacrificij huius tria veniunt animabus. Deniq. patientia mea laudatur, quod sciens proditorem meum Iudam, non repuli conuersationem eius.

Secundò, quod astante proditore cum suis, omnes ex vnico verbo meo ceciderunt in terram, vbi potentia mea ostendebatur. Tertiò, quia omnem malitiam eius, & diaboli, ad animarum conuerti salutem, vbi sapientia, & charitas diuina manifestabatur. Sic etiam ex oblatione Sacerdotum tria veniunt bona. Primò, laudatur ab omni caelesti exercitu patientia mea, quia idem sum in manibus boni, & mali Sacerdotis, quia apud me non est personarum acceptio, nec merita hominum conficiunt hoc Sacramentum, sed verba mea.

6 Secundò, quia hæc oblatio prodest omnibus à quocunque Sacerdote est oblata. Tertiò, quia prodest etiā ipsi offerentibus quantuncunque malis, quia sicut ex vno verbo quod dixit, scilicet, Ego sum, corruerunt hostes mei corporaliter in terram, sic dicto verbo meo, videlicet, Hoc est corpus meum, fugiunt daemones à tentando animas offerentium, nec auderēt redire ad eos cum tanta audacia si affectus peccandi nō sequeretur. Itaq. misericordia mea parcat omnibus, & omnes suffert, sed iustitia clamat vindictam, quia clamo quotidie, & quam multi respondent mihi satis tu vides. Verumtamen mittam adhuc verba oris mei, & qui audierint complebunt dies suos in lætitia illa, quæ nec dici nec cogitari potest pro dulcedine. Qui verò non audierint venient eis sicut scriptum est septem plagæ in anima, & septem in corpore, quas considerando, & legendo ea quæ gesta fuerant inuenient, nè experiendo contremiscant.

N. O. T. A E.

Sacerdotes custodesq. speciales eius, qui quodammodo etiā officio sunt supra Angelos, quia quem ipsi Angeli timeant cōtingere timore reuerentia, hunc Sacerdotes tractant manibus, & ore.

Innuic hoc loco Redemptor noster, Sacerdotes superminere Angelis prout in Altaris Sa-

Sacramento Ministri à Deo constituti sunt, & sanè, si de potestate ipsi collata Christi corpus consiciendi sermo sit, eos hac in re superiores esse fatendum est, quandoquidem ratione impressi characteris ipsi Sacerdotes hanc obtinuerunt facultatem, quæ Angelis non est concessa secundum ordinariam potestatem, ut egregie tradit D. Thom. 3. par. quæst. 64. art. 7. & nos annotauimus Lib. 1. Reuelat. Cap. 47. Nota 4. & probant Alex. Alenf. 3. par. quæst. 16. membr. 4. Gabr. distin. 6. quæst. 1. Soto dist. 1. quæst. 5. art. 7. Si uero loquamur de sumptione ipsius Sacramenti, de qua Christum Dominum loqui ex illis uerbis colligitur, scilicet (Sunt supra Angelos, quia, quem Angeli timent contingere, hunc Sacerdotes tractant manibus, & ore.) Dico in hoc quoque Sacerdotes Angelis superiores esse, quia hominibus tantummodo datum est Christum spiritualiter manducare, prout est sub speciebus huius Sacramenti, in quantum etiã quis credit in eum, addito desiderio hoc Sacramentum sumendi; quod est Christum spiritualiter manducare, & spiritualiter hoc Sacramentum sumere, ut probat D. Thom. 3. par. quæst. 80. art. 2. & patet ex D. Augustino ab eo citato tract. 25. in Ioan. paulo post medium, non tamen negandum est, si consideremus ipsum Christum in propria specie, dici posse, ipsos met. Angelos sic eum spirituali manducatione sumere; quatenus in celo perfectæ charitatis vinculo cum illo coniunguntur, ac perpetua uisione fruuntur secundum illud Matth. 18. Angeli eorum semper uident faciem Patris mei, sed hac de re uide Durand. in 4. distin. 19. quæst. 7. & Franc. Suarez in Comment. ad 3. par. S. Thom. quæst. 80. disput. 65. sect. 3.

2 Et in huiusmodi continentia signum, capilli primo tondentur, ne voluptas animo, seu carni dominetur:

Inter ceteras, quas S. Patres de Clericorum consuetudine causas plaribus in locis attulerunt, hæc, quam in presenti Nota legimus potissima est; negari enim non potest per capillos, corporis superfluitates intelligendas esse, & idcirco Clericos tondere, ut indicetur su-

perflua, & præcipue carnis prauas cupiditates ab illis amputandas esse, eiusque rebelles motus coercendos, ne voluptas animo, seu carni dominetur, ut scribitur hic, eandem quoque rationem reddiderunt S. Isidor. lib. 2. de diuin. officiis cap. 4. Hugo Victorinus lib. 2. de Sacramentis par. 3. cap. 1. Secundam rationem adducit uener. Beda lib. 5. histor. cap. 1. & cap. 2. & Guglielmus Durantius in Rationali diuinorum lib. 2. cap. 4. ut scilicet in Clericis Christi Spina coronæ imago exprimitur, sicut enim Christiani omnes communi sanctissima Crucis signo ornantur, ita quoque expedire uisum est, ut Clerici, qui Christum patientem imitari debent, speciali signo honorentur. Tertiã affert causam D. Dionys. cap. 6. Ecclesiast. hierarchie, ut ea capitis nudatione significetur uita innocens, aperta, & pura, quam Religiosi, aliq. Deo specialiter dicati debent profiteri. Quarta, & Nos addere possumus Clericos sic tondere debere, ut capillorum circulus relinquatur in formã coronæ, & sic Regia demonstretur coronæ, ad quam euecti sunt, & idcirco de his scripsit B. Petrus in sua prima Canonica cap. 2. Regale Sacerdotium, gens sancta, populus acquisitionis.

3 Ego quippe ostendi in monte Moyse vestes, quibus Sacerdotes legis uterentur. In veteri Testamento Dominus præcepit Moyse, ut Aaron Sacerdoti suisq. filiis vestes faceret sanctas, in gloriam, & decorem, ut non nisi sanctis, sacrisq. (ut par erat) induti vestibus, sacra peragerent, sicut Exodus 28. & 31. legimus, ubi diligentissimè omnium sacerdotum vestium forma, ac numerus describitur, quod si in antiquæ legis sacrificijs, quæ futurorum solum erant umbra mysteriorum, quæ emundationem tantummodo carnis spectabant, huiusmodi vestimentorum ritus erat necessariò obseruandus, quanto magis in cõsecratione corporis, & sanguinis Domini, in quibus uera sita est ratio sacrificij, & carnis, ac spiritus perfectæ emendatio, hoc faciendum erit idem indicant, ea uerba, quæ non longè à uerbis præsentis Note distant, quæ sunt, Ut sciatur quanta reuerentia,

sentia, & mundicia opus est his, qui habent ipsam virtutem scilicet corpus meum, si tantam mundiciam ac reverentiam habebant hi, qui portabant umbram, & figuram: idem annotavit Iuo. Carnotensis Epistola 124. id autem, quod proxime sequitur, nimirum (Ad quid Moysi ostendi tantam vestium materialium pulchritudinem, nisi ut per eas significaretur ornatus animæ) indicat Sacerdotes his virtutum ornamentis refertos esse debere, quæ per harum decorem vestium designantur, nam qui sacris ornatur vestibus, & honestis moribus non induitur, quando venerabilior apparet hominibus, tanto indignior apud Deum redditur, itaq. gloriam iam honor non commendat vestium, sed splendor animarum, hæc Innocentius III. primo lib. de Myst. Missæ cap. 64. & D. Hieronym. in 44. cap. Ezechielis affirmat institutum esse, nè cum pollutis vestibus sacra conficiantur, ut discescant Ecclesiastici, cum munda conscientia, & virtutum vestibus Domini Sacramenta tractare, hoc ipsum tradidit Origen. hom. 2. in cap. 20. Leuit. & expresse habetur in Cõ. Rhemenfi apud Burchard. lib. 2. cap. 40. sed de Sacerdotalium vestimentorum ritu, ac significatione latissimè agit Ioannes Stephan. Durantus de Ritibus Ecclesiasticis lib. 2. c. 4.

4 Ideò sicut dixi per Prophetam, veniam in indignatione, & tribulatio dabit eis intellectum.

Sic Isaia 63. Inebriabo eos in indignatione mea, & alibi centies, hac loquendi formula cõsi sunt Prophetæ, quando indicabant Deum homines punire velle, & ad eos gravissima flagella mittere, ut Threnorum 4. Effundam iram indignationis, Ezech. 5. & 6. Complebo indignationem meam in eis. Nahum. 1. Sophon. 2. & 3. illud autem, Et tribulatio dabit intellectum, habetur Isaia 63.

5 Tu quippè dixisti in deitate tua antequàm suscepisses humanitatem de me, quòd si decem viri iusti inuenirentur in Ciuitate, misereri velles toti Ciuitati propter decem.

Sic legimus Genesis 18. Quòd si inueni fuerint decem, & dixit, non delebo propter

decem. Adducit autem Beatissima Virgo huiusmodi textum, ut Christum inducat ad parcendum malis Sacerdotibus, quos supra iam dixerat grauius punire velle: probat autem, quia ipsis Sodomitis parcere promississet, si Sodomis decem fuissent inuenti iusti, cum ergò (inquit) Maria nunc plures reperiantur Sacerdotes, qui te tui corporis oblatione placent, ergò miserere propter eos his, qui parum boni sunt.

6 Secundo, quia hæc oblatio prodest omnibus à quocunque Sacerdote est oblata.

Quemadmodum in consecratione Christi corporis, & sanguinis nihil à bono magis, nec minus à malo Sacerdote perficitur, dummodo iacta formam sibi diuinitus datam celebretur, non enim eorum merito Sacerdotes conficiunt, sed diuina in verbis reposita virtus operatur, neque illud eorum vitæ sanctitati ascribitur, sed Christi Domini virtute, ac potestate græ credendum est: ex quibus conueniens, ut Sacerdotum iniquitas nullatenus huius Sacramenti effectum impedire queat, sicut nec Medici infirmitas medicinæ effectum minime tollit, nec corrumpit, dicit enim Diuus Chrysostom. hom. 85. in Lucam, Asinum Deus loqui fecit, & per Veracem benedictiones spirituales largitus est, multò magis per Sacerdotes, etiam si prauis sint Deus efficiet omnia, unde D. Gregor. Magn. hom. 17. in illud Lucæ 10. Designauit Dominus septuaginta duos, Sacerdotes malos aquæ Baptismatis cõparas, quæ peccata Baptizatorum diluens, ipsa in cloacas descendit: idem habet D. Augustinus tract. 5. in Ioan. Si superbus (air) fuerit Minister cum Diabolo computatur, sed donum Christi non contaminatur: hoc ipsum probat Hector Pinctus in Ezechielem cap. 7. qui affirmat mali Sacerdotis sacrificium etiã alijs prodesse, sicut docet hic B. Brigitta, Et quamuis (inquit) in sancto Missæ sacrificio, si eam leali peccato celebrat, iudicium sibi manducat, & bibit, imperat tamen à Deo, quod pro offerentibus petit, similis procuratori captiuorum, cui eorum contemplatione pro quibus petit, largè datur elemosyna, cum tamen ipsi pro se petenti nihil daretur, non

tamen

tamen negarim, si in Missa orationes spectemus, illam considerando ex opere operantis, ut Theologi Scholastici loquuntur, pluris esse valoris Missam boni Sacerdotis, quamquā dicendum sit, fructu non carere Sacerdotis etiam mali orationes in persona Ecclesie prolate, ut docet Doctor Angelicus 3. par. q. 82. art. 6. & D. Bonavent. in 4. sentent. dist. 13.

VERBA CHRISTI AD SPONSAM
qualiter Sacerdos tenetur habere tria, primò corpus Christi consecrare, secundò munditiam carnis, & spiritus habere, tertio Parochia suae providere. Etiam tenetur habere librum, & oleum. Et quomodo Sacerdos Angelus Dei est, immò, quod eius officium est maius, quam Angeli.

CAP. LIX.

ILIVS loquitur. Sacerdos tenetur habere tria. Primò, consecrare corpus Dei. Secundò habere munditiam carnis, & spiritus. Tertiò, providere Parochia suae. Sed potes quærere, quid prodest habere Ecclesia, si non habet Parochiam? Respondeo tibi, Sacerdos habens voluntatem omnibus proficere, & prædicare propter amorem Dei, ille habet tam latam Parochiam, quasi si haberet totum mundum, quia si posset loqui toti mundo, minimè parceret labori suo. Ideò voluntas bona reputatur ei pro opere. Nam Deus propter ingratitude audientium multoties parit electis suis à labore prædicandi, nec tamen fraudantur mercede propter affectum bonum. 1. Presbyter etiam tenetur habere librum, & oleum. Librum ad instruendum imperfectos, Oleum sanctum ad infirmos liniendum. Sicut enim in libro continetur doctrina corporalis, & spiritualis, sic in Sacerdote sit sapientia ad seipsum, moderando carnem, ne dissolvatur intemperantia, qua scandalizantur

parochiani fugiendo cupiditatem mundi, qua vilipenditur decor Ecclesiae, devertendo mores secularium, quibus dignitas clericalis dehonestatur. Spiritualis verò scientia est instruere insipientes, corripere dissolutos, accendere proficientes. In oleo verò notatur dulcedo orationis, & exempla bona. Sicut enim oleum pinguius est pane, sic oratio charitatis, & exempla bonæ vitæ, efficaciora sunt ad trahendū homines, & pinguiora ad placandum Deum. 2. Verè dico tibi filia, quod magnum est nomen Sacerdotis, quia Angelus Domini est, & mediator. 3. Sed maius est officium eius, quia tractat incomprehensibilem Deum, iamque cælestibus in manu eius coniunguntur.

NOTE.

1. Presbyter etiam tenetur habere librum, & oleum.

Duo in primis, Sacerdotibus necessaria esse ostendit Christus in presenti Capite sub similitudine libri, & olei: scientiam, scilicet, & vitæ sanctitatem, & ut à primo sumamus exordium, nulli dubium est per librum in presenti Nota sacrarum rerum scientiam designari, qua Sacerdos præditus esse debet, & de hoc libro Exodi 17. sermo fit, ubi legimus Deum fecisse, ut in illo scriberetur, ob monumentum, in cuius capite de Christo scriptum est, ut Psal. 39. David dixit, & hanc esse Scripturam sacram auctor est Arnobius in citatum Psalmum. his etiam liber involutus, ac signatus dicitur Isaie 29. & Ezech. 2. quandoquidem divina mysteria figuris involuta continet, intus quoque, & foris eum scriptum esse D. Ioan. Apocal. 5. affirmat, quoniam sacra Scriptura præterita, & futura, litteram, & spiritum includit, ut annotavit Divus Hieronymus super Isaiam cap. 8. & 29. & super Ezechiel. cap. 2. Origen. super eundem homil. 14. Gregor. Magn. 27. Moral. cap. 11. hic ergo liber est, quem mandat Christus Dominus hoc loco, ut Sacerdos penes se habeat, ut sacre Scriptura mysteria populis aperiat.

Quo-

Quomodo (inquit) *S. Isidorus lib. 3. de Summo Bono, cap. 35. docere poterunt, quod ipsi non didicerunt, desinat locum docendi suscipere, qui nescit docere: ignorantia quippe Praesulum vitae non congruit subiectorum, hinc est, quod Oseas Propheta cap. 4. suarum Reuelationum praedicat, sacerdotes si hanc sibi comparare scientiam neglexerint, à sacerdotij munere reijciendos esse, Quia (inquit) scientiam repulisti, repellam te, nè sacerdotio fungaris mihi: prater scientiam debet etiam sacerdos oleum habere, virtutem nimirum misericordiae, & charitatis, & bonorum operum executionem, hac enim per oleum designantur, ut Exodi 29. & Levit. 2. legimus, & docent Origen. in Levit. homil. 4. 8. & 13. D. Hieron. super Isaiam cap. 10. D. August. in lib. 83. quaest. 59.*

2. Verè dico tibi filia, quòd magnum est nomen Sacerdotis, quia Angelus Domini est, & mediator.

Sacerdotum hoc loco dignitas cõmendatur, dum eos Christus, & Angelos, & mediatores appellat: est enim Angelus Sacerdos, quoniam Angelorum exercet officium, quorum est proprium hominibus diuina referare secreta, eosque illuminare, quod ad sacerdotes spectat, ut superiori Nota demonstrauimus, & ex Malachia Propheta colligi potest cap. 2. Labia (inquit) sacerdotum custodiunt scientiam, & legem requirent ex ore eius, quia Angelus Domini exercituum est: unde Apostolus 1. Corinth. 11. prohibuit, ut mulieres detecto capite ingrederentur Ecclesias propter Angelos, hoc est, propter sacerdotes, sic hunc locum interpretantur Lyranus, & Dionysius Carthusianus, qui sacerdotes Angelos vocandos esse asserit, Primò propter ampliorem scientiam diuinorum, Secundo propter annuntiationem mandatorum diuinorum, Tertiò propter mundiciam castitatis, Quariò propter custodiam Dominici Gregis, idem insinauit D. Gregor. homil. 6. in Euang. Vnusquisque (ait) fidelis, si à prauitate proximum reuocat, & ad bonum exhortatur, si aeternum regnum, vel supplicium erranti denunciat, profectò Angelus Domini est. Secundo Sacerdotes dici

possunt etiam Angeli propter uitae Angelicæ puritatem, quæ exigitur ab illis.

Sed maius est officium eius, quia tractat incomprehensibilem Deum.

Superiori Capite non longè ab initio idem probatur, quod hoc loco innuit Christus Dominus, nimirum, Sacerdotes respectu consecrationis corporis Christi dignitate excellere Angelos, vide plura Cap. 58. hoc eodem Lib. Nota 1. ubi hac de re latè egimus.

VERBA SPONSÆ AD DEVM
de grato modo effundendi preces
coram Deo.

CAP. LX.



ENEDICTVS sis tu Creator, & Redemptor meus. Nè indigneris, si loquor ad te, sicut vulneratus ad Medicum, sicut tribulatus ad consolatorem, sicut pauper ad diuitem, & abundantem. Vulneratus quippè dicir. O Medice noli abominari me saucium, quia frater es. O consolator optime, noli me despiciere, quia anxius sum, sed da cordi meo requiem, sensibusque meis consolationem. Pauper verè dicir. O tu diues, & nullius egens, respice me, quia periclitor fame. Vide me, quia nudus sum, & da mihi vestes quibus calefiam, sic ego dico. O Domine omnipotentissime, & optime, ego considero vulnera peccatorum meorum, quibus ab infanzia vulnerata sum, & ingemisco, quia tempus consumptum est inuuliter. Vires non sufficiunt ad labores, quia exhaustæ sunt in vanitatibus. Ideoque quia tu es fons totius bonitatis, & misericordiae, rogo te miserere mei. Tangere cor meum manu dilectionis tuæ, quia Medicus es optimus, consolare animam meam, quia consolator es bonus.



QUALITER DIABOLVS APPARVIT
Sponsæ in eleuatione corporis Christi
loquens; & per rationes probans ei,
quòd illud, quod eleuabatur non esset
corpus Christi. Cui Angelus Domini
statim apparuit confortans eam, & di-
cens. Noli credere, &c. Et qualiter
Christus apparens coegit Diabolum,
vt diceret veritatem coram filia. Et
qualiter corpus Christi sumitur, sic à
malis sicut à bonis, & de remedio op-
portunò in tentationibus de corpore
Christi.

C A P. L X I.

1
var.
leat.

APPARVIT Sponsæ in
eleuatione corporis Chri-
sti, quidam deterimus, &
ait. Numquid credis tu
fama, quòd hæc cortella-
panis Deus est, diu deniq. consumptus es-
set, etiam si mons montium fuisset. Nul-
lus quippè sapientium Iudæorum, quibus
à Deo data est sapientia, hoc credit, sed
nec aliquis credat, quòd Deus ab immū-
dissimo Sacerdote, 2 qui cor habet can-
inum tangi dignatur, & amari. Et vt
pròbes, quòd dico. Iste Sacerdos meus
est, quem cum voluero, & iam in puncto
auferam ad me ipsum. Tunc statim bo-
nus Angelus apparens dixit. O filia non
respondeas stulto iuxta stultitiam suam,
ipse enim, qui apparuit tibi, est pater
mendacij, sed esto parata, quia sponsus
noster iam propè est. Qui sponsus Iesus
veniens, ait ad Diabolum. Cur (inquit)
conturbas filiam meam, & sponsam?
Ideò dico filiam, quia creauit eam. Ideò
sponsam, quia redemi eam, & charitate
mea copulaui eam mihi. Respondit Dæ-
mon. Ideò loquor, quia permissus sum,
& vt ipsa refrigeret in seruiuo tuo. Et
Dominus. Hoc (inquit) nocte ista ex-
perta est, quando & oculos, & reliqua
membra compressisti, & maiora fecisses

2
var.
leat.

si fuisses admissus, sed quoties ipsa resistit
immissionibus tuis, toties ei duplicatur
corona. Verumtamen tu diabolo, quia
dixisti me diu fuisse comestum, etiam si
fuisset mons, dicito mihi audiente filia,
mea, quæ corporalis est. 3 Scriptura di-
cit, quòd pereunte populo erigebatur ser-
pens Aeneus, quo viso omnis percussus à
serpentibus sanabatur. Vtrum ista virtus
sanatiua erat ex æris fortitudine, aut spe-
cie serpentis, aut de Moyfi bonitate, seu
virtute occulta diuina? Respondit Dæ-
mon. Hæc virtus sanationis à nullo erat,
nisi à propria; & sola virtute Dei, & fidei
populi credentis, & obedientis, qui sic fir-
miter credidit Deo, quòd Deus, qui de
nihilò fecit omnia, etiam omnia posset
facere, quæ non erant prius. Iterum di-
xit Deus. Dicito dæmon, quando virga
facta est serpens, vtrum factum est præci-
piente Moyse, an iubente Deo? Aut quia
Moyse sanctus fuit, an quia verbum Dei
sic dixit? Cui dæmon. Quid (inquit) erat
Moyse nisi homo infirmus ex se, sed ius-
tus ex Deo, ad cuius verbum, quòd ius-
sit, & protulit Deus, facta est virga ser-
pens, Deo veraciter iubente, & Moyse
tanquam ministrò obsequente. Nam,
antè præceptum, & verbum Dei, virga
erat virga, præcipiente verò Deo, veraci-
ter virga facta est serpens, ita vt & Moyse
formidaret. Tunc Dominus ait ad spon-
sam ista videntem. Sic est etiam nunc
in altari, antè enim verba Sacramenti,
panis positus in altari panis est, dicto ve-
rò verbo, Hoc est corpus meum, fit cor-
pus Christi, quem sumunt, & tractant ita
boni, sicut & mali, ita vnus, sicut mille,
eadem veritate, sed nò ex eodem effectui,
quia bonus ad vitam, malus verò ad iudi-
cium sui. Quòd verò dæmon dixit Deum
scdari ex immunditia offerentis, hoc ve-
rissimè falsum est. Sicut enim si seruus le-
prosus ministrat Domino clauas. Aut si
infirmus offert fortissimarum herbarum
confectiones, nihil hoc obesset ei, cui mi-
nistraretur, cum eadè virtus est in eis per
qua-

qualemcumque offerentur. Sic Deus nec ex malitia mali ministri fit malus, nec ex bono fit melior, quia semper immutabilis est, & semper idem. Quod verò dixit dæmon, eum citius moriturum, hoc nouit ex suæ naturæ subtilitate, & ex causis exterioribus. Attamen auferre eum non poterit, nisi me permittente. Verumtamen iste Sacerdos suus est proprius, nisi se correxerit, & hoc propter tria. Ideò idem dæmon dixit, eum habere membra fœtentia, & cor caninum, quia fœtidus verè est, & feblicitans, quia habet calorem exteriorem, sed interiorem frigiditatem, sicut intolerabilem, languorem membrorum, panis fastidium, & omnis suauitatis abominatione. Calefcit enim ad mundum, frigescens est ad Deum, sicut voluptatem carnis, fastidians virtutum pulchritudinem. Insuper est ad mandata Dei, feruens ad omnia, quæ sunt carnis. Ideò non mirum, quia non sapit sibi corpus meum, nisi sicut panis coctus in clibano, quia non cogitat, nec sapit ei spirituale opus, sed carnale. Ideò dicto Agnus Dei, & sumpto corpore meo in corpus suum, discedit ab eo Patris potentia, abscedit & Filij dulcissima præsentia. Depositis verò sacris vestibus recedit Spiritus sancti benignitas, qui est vinculum coniunctionis, sola autem forma, & recordatio panis remanet ei. Non tamen cogitare debes, quòd ipse, vel alius quantumcumque malus sine Deo sit, sed recedit Deus maiorem consolationem non infundendo, permanet verò tolerando eum, & à diabolo defendendo. Quòd verò diabolus dixit, nullum sapientum Iudæorum hoc velle credere. Respondeo. Ipsi Iudæi sunt ita dispositi, sicut qui dexteros oculos amiserunt, ideò claudicant utroque pede spirituali, propter quod & insipientes sunt, & erunt vsque in finem. Ergò non mirum, quòd diabolus excecet, & indurat corda eorum, & suadet eis impudica, & ea, quæ sunt contra fidem. Itaque quotiescumque

aliqua cogitatio talis de corpore Christi occurrerit menti tuæ, refer ad spirituales amicos tuos, & sta stabilis in fide, quia absque dubio scias, quòd hoc corpus, quod de Virginea carne sumpsi, quod crucifixum est, & regnat in cælo, hoc idem est in altari, & hoc sumunt boni, & mali.

4. Nā sicut ostēdi me Discipulis euntibus in Emaus in aliena forma, cum tamen essem verus Deus, & verus homo, ingrediens ad Discipulos ianuis clausis, sic sub aliena forma ostendo me Sacerdotibus, ut fides habeat meritum, & hominum appareat ingratitude. Nec mirum. Ego enim idem nunc sum, qui ostendi deitatis meæ potentiam per signa terribilia, & adhuc dixerunt tunc homines, faciamus Deos, qui nos præcedant. Ego etiam ostendi Iudæis veram humilitatem meā, & crucifixerunt illum, Ego idem quotidie in altari sum, & dicitur nausea, & tentatio est nobis sub cibo isto. Quæ ergò maior ingratitude esse poterit, quàm velle ratione comprehendere Deum, eiusque occulta iudicia, & mysteria, quæ in manu sua propria possidet, audere iudicare. Ideò indoctis, & humilibus ostēdere volo inuisibili effectu, & visibili forma. Quid sit visibilis forma panis, sine pane, & sine substantia. Quid verò substantia, in forma, quid verò diuisio, in forma, sine substantia, aut cur tanta indigna, & tam deformia perfero in corpore meo, ut & humiles exaltenur, superbiq. cōfundantur,

N O T Æ.

1
var.
lect. **A**pparuit Sponsæ in eleuatione corporis Christi quidam deteximus, & ait, numquid credis tu fama, quòd hæc cortella panis Deus est.

Hunc textum pluribus librorum incuria reſertum erroribus cum M.S. Farnesiano ſic corrigendum eſſe arbitror. Apparuit Sponſæ in eleuatione corporis Chriſti quidam reſcripſimus, & ait, numquid credis tu ſatua,

quodd' sub hac torta panis Deus sit: torta autem panis carnem Christi passam indicat, & ideo non est mirum, si per ea Eucharistiae Sacramentum designetur, quod est Passionis memoriale; sic Iſch. super Lenuſc. cap. 2 §. D. Greg. super 1. Reg. Clemens Alexandr. lib. 1. Pedagogi. cap. 6. & Psal. 147. buccella etiam panis dicitur Eucharistia, & testis est D. Hylar. ibidem; & Glos. super 1. Reg. cap. 2. postremo etiam placenta panis vocatur, ut Psal. 71. Erit firmamentum in terra in summis montium, in Hebraeo habetur; Erit placenta panis, ut interpretatur Paulus Burgenſin additionibus ad postillā Nicolai de Lyra, vel ut alij vertunt, Erit pugillus, vel particula frumenti in terra, in capite montium, Caldaica verò translatio habet, Erit panis super montes, ubi per montes intelligunt Sacerdotes, & vertunt. Erit placenta frumenti in capitibus Sacerdotum, & Rabi Ionathas in libro Collectionum, Habet placenta panis fiet sacrificium in capitibus Sacerdotum, hinc est, quod crediderunt aliqui legendum hic esse non firmamentum, sed frumentum, ut habet translatio Hieron. Erit memoriale triticum: plura circa expositionem verborum horum habent Galat. lib. 10. cap. 4. Genebrard in hunc locum, Adrian. Fin. lib. 8. aduersus Iudeos cap. 4.

² var. ^{le. a.} Et paulò post ubi in vulgatis habetur, quòd Deus ab immundissimo Sacerdote, qui cor habet caninum tangi dignatur.

Farnesianus Codex legit, Qui cor habet carniem; quia scilicet, carni deditus est, & carnis voluptatibus inuolutus.

³ var. ^{le. a.} Scriptura dicit, quòd pereunte populo, erigebatur serpens æneus, quo viso, omnis percussus à serpentibus sanabatur.

Numerorum cap. 21. habetur mandasse Deum Moysi, ut serpentem æneum faceret, poneretq. cum signo, quem cum percussi aspicerent sanarentur, adducit autem hunc textum Christus hic, ut probet à simili, conuersionem panis in Corpus Christi, non humana aliqua fieri virtute, sed diuina, Sicut enim (inquit) Sanitas quæ ex serpētis manabat vi-

sione, nullatenus ex ipsomet serpente naturali-
liter, sed diuinius tantummodo procedebat,
& quemadmodum conuerſi nullo modo potuissent virga Moysi in serpentem, nisi diuina vi, ac potestate: ita quoque, nec panis conuerteretur in Corpus Christi, nisi verba diuina huiusmodi conuersionem efficerent, & ideo legimus paulò ante medium presentis Capitis, Sic etiam nunc in Altari, ante enim verba consecrationis panis posuit in Altari panis est, dicto verbo, Hoc est Corpus meum, fit Corpus Christi. M. Idcirco fit caro Christi, quod confirmans Diuus Gregorius Nazianzenus hom. 60. ad populum Antiochenum, dicit, Verum & tu laice, cum sacerdotem videris offerentem, nè tu sacerdotem putes esse, hoc facientem, sed Christi manum inuisibiliter extensam.

4 Nam sicut ostendi me Discipulis euntibus in Emaus in aliena forma, cum tamen essem verus Deus, & verus homo ingrediens ad Discipulos Ianuis clausis; sic sub aliena forma ostendo me Sacerdotibus, ut fides habeat meritum.

Hoc loco Redemptor noster Christus causam affert, quapropter voluerit se in Altaris Sacramento rectum, & quodammodo velatum exhibere, idque similitudine exprimit, quemadmodum enim se sub aliena forma ostenderat Discipulis euntibus in Emaus, ut refert D. Lucas cap. 24. Ita (inquit) ostendo me sacerdotibus: quòd ut palam fiat, & similitudinis allata ratio melius innotescat, breuiter à nobis duo explicanda erunt, primum quidem modus, quo Christus à duobus illis Discipulis se abscondere voluerit, secundum verò quare nobis sub Sacramentalibus speciebus pertractandum, ac sumendum dederit: & quantum ad primum D. Hieronymus in Epistola ad Pamach. aduersus errores Ioan. Hierosol. & D. Aug. de consensu Euangelistarum lib. 3. cap. 2 §. arbitrantur hoc contingisse Discipulis ob aliquam mutationem, quæ in eorum oculis facta sit, ut probare videntur verba D. Luca loco citato, ubi dicit, Oculi eorum tenebantur, nè eum agnoscerent, quod inquit

Augustinus, Marcus ait, in alia effigie eis apparuisse Dominum, hoc Lucas affirmat, quod eorum oculi tenebantur, ne eum agnoscerent, oculis quippe eorum aliquid acciderat, quod ita manere permixtum est. Etque ad fractionem panis certi mysterij causa, ut eis in illo alia ostenderetur effigies: sed Theophylactus intelligit id ex lineamentorum corporis Christi mutatione fuisse factum, ut eum non agnoscerent Discipuli, cui sententia fauere etiam videtur D. Augustinus Epistola 59. ad Paulinum in solutione 8. questionis. Beda super Matth. cap. 24. Postremo Cardinalis Caietanus in lenticulis. quest. 1. lenticulorum putat impedimentum fuisse in oculis interitis, Constat (inquit) externos discipulorum oculos fuisse apertos, quia non oculis ibant clausis. Sed quidquid sit, cum legimus Marci 16. cap. in alia effigie apparuisse Dominum, hoc intelligendum esse arbitror secundum eorum existimationem, non vero secundum rei veritatem, quandoquidem Christus, tunc temporis immortalis, incorruptibilis, & immutabilis resurrexerat, quod etiam annotauit Durand. in 3. sentent. distinct. 1. 2. quest. 6. ex his ergo Christus Dominus hic insert, quod fuit sub aliena forma duobus illis Discipulis ostenderat post Resurrectionem, ita quoque se Sacerdotibus, alijsq. in Sacramento Altaris, ostendit, quod egregie declarauit Algerus, qui disputas contra Berengarium lib. 2. cap. 5. ad Eucharistiae Sacramentum, hunc Matthei locum accommodauit, quemadmodum etiam in hoc Capite fit, ut ex presentis Note verbis liquido constat, Sicut (inquit) Algerus in Emaus peregrinus in fide apparuit, sic nobis peregrinis in mundi exilio peregrina, & extranea sibi specie apparet in Sacramento, ut quia, quod in nobis exterius apparet mortale est, mortalitatis cibus ipse exterius videatur, cum tamen per ipsum, qui immortalitatis est alimonia, intus verè est inuisibiliter, mors eterna sanetur. Caterum si de modo, quo Christus est sub his speciebus, sermo fiat, dicendum videtur, nullatenus a nobis viatoribus, nisi per fidem, nec ab ipsis met Angelis secundum sua naturalia comprehendi

posse, ut auctor est Diuus Thomas 3. part. quest. 76. art. 7. & testatur Concil Trident. sess. 13. cap. 1. Saluator noster semper ad dexteram Patris in celis assidet, iuxta modum existendi Naturalem, & ut multis nihilominus alijs in locis Sacramentaliter presens sua substantia nobis adsit, ea existendi ratione, quam etsi verbis exprimere vix possumus, possibile tamen esse Deo ex cogitatione per fidem illustrata, assequi possumus, & constantissime credere debemus. Restat modo causas afferamus cur Christus sub Sacramentalibus speciebus se nobis pertrahendum dederit, cuius rei tres, in cœniuersum probabiles rationes reddi possunt, quarum Prima habetur hoc loco nimirum, ut fides habeat meritum, est enim de rebus non visis, unde egregie Diuus Gregor. Magnus homil. 26. in Euang. Fides (ait) non habet meritum, ubi humana ratio prebet experimentum, Secunda causa est ad tollendam nauseam, quæ ex esu carnis sub propria specie oriri posset, & has duas etiam attulit Magister sentent. in 4. distinct. 11. quibus etiam addendum esse censui, Quia nimirum illius gloriosi corporis splendorem oculi nostri nequaquam sustinere potuissent, & idcirco se Dominus sub illis speciebus, veluti sub velamine quodam abscondidit.

VERBA INCREPATIONIS DOMINI

ad quendam Sacerdotem sepelientem quemdam, qui in patientia mortuus est, præfente Sponsa. Et qualiter cum septem plagis spiritualibus, & septem corporalibus Christus veniet ad iniquos Sacerdotes. Et qualiter ille homo propter patientiam obtinuit gloriam.

CAP. LXII.



VM quidam Sacerdos sepeliret quemdā mortuum, qui tribus annis cum dimidio iacuit in lecto. Tūc audiuit sponsa qualiter dixit spiritus. Amice quid facis, cur præ-

sumis tangere mortuum, cum manus tua sanguinolenta sint? Cur clamas pro eo ad omnipotentem, cum vox tua est quasi ranarum? Cur praesumis pro eo placare Iudicem, cum gestus tui, & mores similiores sunt ioculatori, quam deuoto Sacerdoti? propterea virtus verborum meorum, & non opus tuum proficiet mortuo, fidesque sua, & patientia longa, introducent iplum ad coronam. Item dixit spiritus sponsae. Manus istius sunt sanguinolenta, quia omnia opera eius sunt carnalia, quibus tangere non valet mortuum, quia iuuare eum non poterit meritis suis, sed dignitate Sacramenti. Nam boni Sacerdotes profunt dupliciter animabus, scilicet, virtute corporis Dominici, & propria qua ardent charitate. Vox quoque eius est quasi ranarum, quia tota est de lutosi operibus, tota ad voluptatem carnis, ideo non ascendit ad Deum, qui placari desiderat voce humilis confessionis, & contritionis. Mores etiam sui sunt quasi ioculatoris. Quid enim facit ioculator, nisi quod conformat se moribus mundialium? Quid verò cantat, nisi comedamus, & bibamus, fruamurque in hac vita delitij? Sic facit iste, conformat enim se veste, & actu cum omnibus, ut omnibus placeat, omnesque exemplo suo, & excessu ad superflua incitat dicendo. ⁱ Comedamus,

^{var. lecta.} & bibamus, quia gaudium Domini est fortitudo nostra, sufficiat nobis venire ad portam gloriae, & si prohibeat ab ingressu, sufficiat mihi residere iuxta portam, nolo esse perfectus. Haec vox, & vita grauis est, quia nemo venit ad portam gloriae, nisi perfectus, aut perfecte purgatus, & nemo apprehender gloria, nisi perfecte desiderando eam, aut perfecte cum poterit pro ea laborando. Attamen ego Dominus omnium ingredior ad Sacerdotem istum, sed non includor, & commaculor. Ingedior ut sponsus, egredior ut Iudex iudicaturus, contemnens à sumente. Propterea sicut dixi.

Veniam Sacerdotibus cum septem plagis. Priuabuntur enim omnibus, quae dilexerunt, eiicientur à conspectu Dei, & iudicabuntur in ira eius, tradentur demonibus, patientur absque requie, contemnuntur ab omnibus, egebunt bonis omnibus, malisque omnibus abundabunt. Similiter etiam alijs septem corporalibus malis, sicut Israel flagellabuntur. Ideo non debes mirari, si tolero malos, aut si aliqua indigna ostenduntur in Sacramento meo, quia ad ostendendam patientiam meam, & ingratitudinem hominum, suffero usque in finem. Nec cogitare debes, quod talis indignitas, sicut audisti de vomitu, sit in corpore meo, sed species illae sensuales ostendunt quod suum est, scilicet deficiendo, & tamen transparendo manifestant hominum ingratitudinem, & prodeunt homines ad tam sanctam summptionem reos, & indignos. Item dixit spiritus ad animam mortui. O anima gaude, & exulta, quia fides tua separauit te à diabolo, simplicitas tua abbreviabit tibi longam viam purgatorij, patientia tua duxit te ad portam gloriae. Misericordia mea introducet te, & coronabit te.

N O T A E.

ⁱ ^{var. lecta.} **I**n omnibus haec tenus impressis exemplibus, ubi sic legimus. Comedamus, & bibamus, quia gaudium Domini est fortitudo nostra.

M. S. Farnesianus addit, Comedamus, & bibamus, fruamurque in hac vita delitij, quia gaudium Domini est.



QVALITER DIABOLVS

apparuit Sponsæ, volens ipsam per rationes apparentes decipere in Sacramento Corporis Christi; & qualiter Christus in adiutorium affuit Sponsæ, Diabolum cogendo ad veritatem coram Sponsa dicendum. Et de conformatione, & informatione vtilissima Christi ad Sponsam de suo glorioso Corpore in Sacramento.

C. A. P. LXIII.

TEM apparuit Sponsæ quidam Dæmon longo ventre, & ait. Quid credis tu mulier, & quid magna cogitas? Ego etiam multa scio, & aperta ratione probare volo dicta mea, sed consulo tibi, dimitte cogitare incredibilia, & crede sensibus tuis. Nonne tu vides oculos, & auribus carnis tuæ audis sonū fractionis hostiæ materialis panis, vidisti eum euomi, tangi, inhonestè deijci in terram, pluraque indigna fieri, quæ ego in me non tolerarem. Et si Deum in ore iusti possibile esset esse, quomodo descender ad iniustos, quorum auaritia est sine fundo, & sine modo? Respondit illa ad humanitatem Christi, quæ statim post tentationes apparuit, dicens. O Domine Iesù Christe regravior tibi pro omnibus, & specialiter pro tribus. Primo, quia vestis animam meam, inspirando scilicet penitentiam, & contritionem, qua omne diluitur peccatum quantumcumque graue. Secundo cibis animam infundendo charitatem tuam, & memoriam passionis tuæ, qua anima, quasi cibo optimo delectatur. Tertio consolaris omnes invocantes te in tribulatione. Ergo Domine miserere mei, & adiuua fidem meam, quamuis enim digna sim tradi illusionibus Diaboli, credo tamen, quòd sine permissione tua ipse nihil potest, nec permissio tua est sine consolatione. Tunc ait

Christus ad Diabolum. Cur (inquit) loqueris Sponsæ meæ nouæ? Cui Diabolus respondit. Quia (inquit) colligata erat mihi, & spero adhuc eam irretiendam, reti meo. Tunc autem colligata erat mihi, quando consentiendo mihi, plus placuit, & placere studuit consilijs meis, quàm tibi Creatori suo. Nam custodiui vias eius, & nondum exciderant à memoria mea. Respondit Dominus. 1 Ergò negotiator es tu, & omnium viarum explorator. Cui Diabolus. Verè explorator sum, sed in tenebris, quia tenebrosus me fecisti. Et Dominus. Quàdo (inquit) vidisti, & quomodo tenebrosus factus es? Vidi (inquit) dæmon, quando me creasti pulcherrimū, sed quia incautus irruī in splendorem tuū, tamquam basiliscus excecatus sum à splendore. Vidi te, cum desiderabam pulchritudinem tuā. Vidi te in conscientia mea, & noui, quando deiecasti me. 2 Noui etiā te in carne assumpta, & feci, quod permisisisti me. 3 Noui, quando resurgendo spoliasti à me captiuos tuos. Nosco quotidie potentiam tuam, qua me illudis, & confundis. Et Dominus, Si (inquit) nosti, & scis de me veritatem, cur mentiris electis meis, vbi scis veritatem de me. Nonne ego dixi, quòd, qui manducat carnem meam viuēt in æternum? Et tu dicis, quòd mendacium est, & quòd nemo manducat meā carnem. Ergò populus meus plus idolatra est, quàm qui colit lapides, & ligna. Verumtamen quia omnia scio. Responde mihi audiente ista, quæ hic astans, spiritualia nisi per similitudines intelligere non valet. 4 Thomas, qui tetigit me post Resurrectionem, utrū erat corpus, quod tangebatur spirituale, an corporale? & si erat corporale, quomodo intrabat ianuis? Si verò spirituale, quomodo visibile fuit oculis corporeis? Respondit Diabolus, grauē est ibi loqui, vbi loquens omnibus suspectus est, & inuitus cogitur loqui veritatem. Verumtamen compulsus loquar, quod resurgendo, & spiritualis, & corporalis eras. Et ideo propter æternam

deitatis virtutem, & propter spiritualem
carnis glorificatæ prærogatiuam, vbique
ingrederis, & vbique esse potes. Dixit ite-
rum Deus. Virga Moysi, cum conuerte-
batur in serpentem, dic vtrum similitudo
fuit serpentis, aut totum intus, & extra
serpens, aut sportæ illæ panum, seu frag-
menta panum, dic vtrum verus panis fuit
totus, an similitudo panum? Respondit
Diabolus: Totum erat in virga serpen-
tis, totum in sportis panis, & totum virtute,
tua, totum potentia tua facta est. Et Do-
minus. Nunquid (inquit) difficilius est
mihi nunc operari, quam tunc miraculū
confimile, aut mirabilius si placet mihi,
an ex quo tunc caro glorificata, potuit ia-
nuis clausis intrare ad Apostolos, & quare
nunc in manibus Sacerdotum esse non
valet. An forsitan labor aliquis est deitati
meæ, ima sociari cælestibus, terrenaque
summis. Nequaquam. Sed verè pater
mendacij, sic malitia tua maxima est, sic
charitas mea est, & erit super omnes. Nā
etiam si Sacramentum illud vnus videret-
ur comburere, alter terere sub pedibus,
ego solus scio fidem omnium, & in men-
sura, & patientia dispono omnia. Qui de
nihilō facio aliquid, & de visibili inuisi-
bile, qui, & in signo, & forma aliquid vi-
sibile ostendo, quod tamē in signato aliud
veraciter est, aliudq. videtur. Respondit
Diabolus. Huius rei veritatem ego quo-
tidie experior, quando homines amici
mei elongant se à me, & fiunt amici tui.
Sed quid dicam amplius seruus dimissus
sibi ipsi, satis ostendit voluntate, quid fa-
ceret actu, si permitteretur. Tunc iterum
loquitur Filius Dei. Crede filia, quod ego
Christus sum reparator vitæ, & non pro-
ditor. Verax, & ipsa veritas, & non men-
dax, potestasq. æterna, sine qua nihil fuit,
& nihil erit. Nam si habueris fidē, quod
ego sum in manibus Sacerdotis, etiam si
Sacerdos dubitaret, tamen propter fidem
credentium, & astantium, ter instrui, &
dixi, ego veraciter sum in manibus, &
propter verbum, quod ego ipse persona-

liter locutus sum. 5 Et omnis, qui sumit
me, sumit deitatem, & humanitatem, &
formam panis. Quid enim est Deus, nisi
vita, & dulcedo, lux illuminans, bonitas
delectans, iustitia iudicans, & misericor-
dia saluans. Quid verò est humanitas mea,
nisi caro agillima, coniunctio Dei, & ho-
minis; caput omnium Christianorum.
Ergo omnis qui credit in Deum, & acci-
pit corpus eius, ipse sumit deitatem, quia
sumit vitam. Sumit, & humanitatem,
qua Deus homo coniunguntur. Sumit, &
formam panis, quia sub alia forma sumit-
ur ipse, qui latet sub forma sua propter
fidei augmentum. Similiter, & malus su-
scipit eandem deitatem, sed iudicantem,
non demulcentem, sumit, & humanita-
tem, sed minus placabilem sibi. Sumit,
& formam panis, quia sub forma visa re-
cipit latentem veritatem, sed non dulce-
scentem, sibi suauitatem. Nam quando
applicauerit me ad os suum, & dentes
completo Sacramento, ego recedo cum
deitate, & humanitate; sola forma panis
remanet sibi. Non quia non veraciter
ibi sum, ita cum malis, sicut cum bonis,
propter Sacramenti institutionem, sed
quia similem effectum non habent boni,
& mali. Deniq. in sacrificio ipso offertur
homini vita, ipse scilicet Deus, & ingre-
ditur vita, sed non permanet cum malis,
quia malum non relinquunt, & ideo re-
manet sensibus eorum sola forma pa-
nis. 6 Non tamen quod forma illa pa-
nis, quæ est sub substantia panis, aliquid
sit eis effectuum, sed quia de sumptione
illa nihil recogitant, nisi quasi si vide-
rent, & sentirent formā panis, atque vi-
ni, tamquam si Dominus potens ingre-
deretur domum alicuius, & species
eius quidem reminisceretur,
sed præsentia bonitatis
eius obliuiscere-
tur, & negli-
geretur:

NOTÆ.

Ergo negotiator es tu, & omnium viarum explorator, cui Diabolus, verè explorator sum, sed in tenebris, quia tenebrosus me fecisti. Et Dominus. Quando (inquit) vidisti, & quem modo tenebrosus factus es. Vidi (inquit) Demon quando me creasti pulcherrimum.

In presenti Capite Demonem, & Negotiatorem, & exploratorem Christus Dominus appellat, Negotiatorem quidem, quia, quas Christus suo sanguine lucratus est animas, Demon eas ut perdat pro viribus studet, explorator quoque dicitur hic, & à Gloss. Interlineari super Iudit. cap. 10. quoniam sagaciter, & quasi occulte hominum statum, & consilia diligenter inquiris, ut eos suum ad inferos in eternum passuros trahat: peculiaris autem Luciferi negotiatio fuit, cum ad celum ascendere voluit, sibiq. Dei aequalitatem usurpare contendit, ut animaduertit D. Hier. super Ezech. cap. 28. & super Isaiam cap. 2. 3. ob quam negotiationem factus est, ut scribitur hic tenebrosus à Deo, non quod Deus illius peccato cooperatus sit, eumq. ad peccandum induxerit, quia ipse auctor peccati nullatenus esse potest, & intentator malorum est, ut affirmat D. Iacobus in sua Canonica cap. 1. Sed tenebrosus à Deo factus Demon dicitur, quatenus eum peccare permisit, illumq. ob commissi peccata ad exteriores tenebras amandauit, vel quia à Deo gratia priuatus fuit, quæ lux est, per quam Christus omnes homines venientem in hunc mundum illuminat Ioann. Primo: quomodo verò, quæ immediate sequuntur accipienda sint, nimirum, Vidi (inquit) Demon quando me creasti pulcherrimum, explicauimus supra Lib. 1. Reuelat. Cap. 3. 4. Nota 1. 2. 3. & 4. Vbi ostendimus, quid viderit Demon, & quam cognitionem habuerit, antequam in peccatum lapsus sit, quæque sua ruina causa fuerit, & quod peccatum commisisset.

2 Noui etiam te in carne assumpta, & feci quod permissisti me.

A Demone Redemptorem nostrum, ut verum Messiam, & Filium Dei naturalem fuisse cognitum videntur indicare D. Marc. cap. 2. & D. Luc. cap. 4. qui narrant Christum descendisse Capharnaum, & Synagogam ingressum, obsessum à Demone liberaſſe, qui voce magna clamans, dicebat, quid nobis, & tibi Iesu Nazarene, venisti perdere nos, scio te, quia sis Sanctus Dei, aut ut Græci Codices habent scio te, qui sis Sanctus Dei: ex his tamen euidenter non colligitur Demones nouisse Christum, ut Filium Dei, sed quod coniecturis quibusdam suspicabantur, affirmabant, ut vel per commendationem, vel laudem à contrarietate Christus desisteret eos expellere; aut potius sicut docuit Iansen. par. 1. cap. 27. sue concordantie, ut experirentur, an Christus oblatu titulum sibi usurparet: sed quidquid sit, dicendum videtur Demones, etsi aperte Christum, ut Dei filium naturalem, & Messiam in lege promissum non nouerint, & aliquando etiam de illius diuinitate dubitauerint, probabilissimum tamen esse, & sanctorum Patrum doctrinis consonum, eum, qui multa testimonia in Veteri Testamento de illo per Prophetas allata nouerat, & intellexerat, etiam Christum ut talem ex illis scripturis, cognouisse idque pluribus quoque coniecturis assequi potuisse, & primum per miracula ab ipso met Christo facta, & à Demone visa, quæ sufficienter probant, & diuinitatem eius, ac etiam illum esse Messiam promissum. Secundo etiam, quia audierunt à Christo testimonium huius rei, nam Ioan. 5. 8. & 10. scribitur dixisse, se esse Filium Dei, & secundum hunc sensum accipienda sunt verba presentis Notæ, cum legimus dicentem Demonem, Noui etiam te in carne assumpta, & hæc est sententia, primi D. Hieron. Matth. 8. D. Greg. 33. Moral. cap. 7. alias 10. ubi explicans illa verba Iob. cap. 40. In oculis eius, quasi hamo capiet. In oculis (inquit) eius enim habere dicimus, quæ coram nobis positum videmus: antiquus verò hostis humani generis Redemptorem ante se positum vidit, quem cognoscendo confessus, confitendo pertimuit, dicens, Quid nobis, & tibi Fili Dei, in oculis, ita-

in aqua suis hamo captus est; quia, & nouit, & mordit, idem habet hom. 2. 5. in Euag. sequitur etiam Greg. Nyssenus orat. 1. de Resurreit. qui eodem modo locum citatum Job exponit. Fauer huius sententiae Tertull. in lib. contra Praxeā cap. 2. 6. & lib. 5. contra Marcionem cap. 6. S. Athanasius lib. de Incarnat. Verbi aliquantū post medium, ubi loquentes demones in hac uerba facit, cum ille in carne uersaretur. Nouimus, qui sis, tu es ille Sanctus Dei, rursumq. clamabant, quid tibi nobiscum Fili Dei, hoc ipsum asseruit Gregorius Nazianzus. Orat. 42. in qua de Christi Natiuitate agens, Hi (ait) cum a quo fugabantur, Deum agnouerunt, doloribus nimirum, quos sentiebant fidem ipsis facientibus, & hac est sententia D. Thome, qui affirmat, postquā Christus cepit predicare, antequam pateretur, permissum fuisse, seu non impeditum, ut Demon Christum agnosceret, sic 3. p. q. 44. art. 1. ad 2. & q. 47. art. 5. sequitur Lyrar. Marci 1. & Luca 4. Abulenſis Matth. 4. quest. 2. 2.

3
var.
lect. Noui quando resurgendo spoliasti à me captiuos tuos.

Sic habent omnes impressi Codices, sed M. S. Farnesianus legit, Quando spoliasti me captiuus, spoliauit autem Dæmonem Christus, quando descendens ad inferos ueteris Testamenti Patres, qui in Limbo, ueluti in carcere captiui detinebantur, liberauit: aut etiam quando per mortem suam pro peccatis nostris diuina satisfaciens instituit, nos de illius potestate eripuit, in cuius signum dixerat Ioan. 1. 2. Nunc Princeps huius mundi eijcitur foras. Sed hac de re egimus Lib. 1. Reuelation. Cap. 4. 5. Nota 4. & 5. ubi quaſiui-mus, an Christus descenderit ad Infernum damnatorum, an tantummodo ad Limbum Patrum.

4
var.
lect. Thomas, qui tetigit me post Resurrectionem, utrum erat corpus, quod tangebatur spirituale, an corporale, & si erat corporale, quomodo intrabat ianuam, &c.

Omnino hic arbitror addendum esse uerbum clausis, & legendum cum M. S. Farnesiano

quomodo intrabat Ianuis clausis, sic enim infra legimus huius eodem Capite, At ex quo tunc caro glorificata potuit ianuam clausis intrare ad Apostolos, & Marci 16. Luca 24. & Ioan. 20. Cum fores esset clausae. Hic autem examinanda breuiter est dubitatio, hoc loco. Demoni à Christo proposita, & querendum, quomodo corpus gloriosum sit palpabile, ut in presenti Nota supponitur, & ipsemet Christus facitur Luca ultimò dum Discipulos ad corpus suum gloriosum palpandum inuocat, ut uerè se resurrexisse probet, Palpate (inquit) & uideate sic Luca. 24. ratio uerò dubitandi desumi posset ex D. Greg. hom. 2. 6. in Euang. Ubi dicit Corrumpi necesse est, quod palpatum, si ergò corpus gloriosum incorruptibile est, ergo & impalpabile. Rursus cum gloriosi corporis qualitas ea esse dicatur, ut adeo subtile sit, ut nec atrectari possit, neque teneri, non uideatur, quomodo illud palpari, & tangi poterit. Sed ad huius rei intelligentiam sciendum est, aliquod corpus palpabile dici ex duobus, primo, ex qualitatibus tangibilibus, secundo ex hoc, quod resistit tangenti, palpare namq. supra tangere addit resistantiam, unde aer dicitur quidem tangibilis, sed non palpabilis, quia non resistit tangenti, ut non pertransat, omne ergo corpus palpabile, est tangibile, sed non è contrà, he uerò tangibiles qualitates sunt calidum, frigidum, & humidum, & his similes, quae in corporibus tantummodo inueniuntur, quae ad inuicem contrarietatem habent, cum ergò corruptibilia corpora tangibilia sint, ideo Greg. dixit corrumpi necesse est, quod tangitur, corpus autem gloriosum habet quidem à sua natura qualitates, quae naturae sunt tactum immutare, sed quia illud omnino spiritui subditur, ideo in potestate eius est, ut secundum eas immutet, uel non immutet tactum, sic etiam secundum naturam habet, ut alteri corpori transcurrenti resistat, ita ut non possit simul cum eo esse in eodem loco, sed id miraculose diuina uirtute fieri potest, ut ad nutum ipsius sit cum alio corpore in eodem loco, & non resistat transcurrenti, uel tangenti: ex quibus patet, quòd secundum naturam suam Corpus gloriosum est palpabile, sed ex diuina obri-

obinet virtute, ut cum vult non palpetur à corpore non glorioso, & cum etiam vult palpetur: ecce ergo ex his euidenter constat, quòd D. Thom. verum Christi corpus tetigit, & quomodo clausis ianuâ Christus ad Discipulos ingressus sit, ut enim corpus verum erat, habens qualitates tangibiles, palpandum illud Apostolo prebuit, ut verò fieri potuit, ut alteri resisteret corpori: addita dote subtilitatis, clausis ad Discipulos Christus ingressus est ianuâ, & propterea Chrysost. Cyrillus, Leontius, & Theophylatus, Io. 20. quærentes, an Thomas verè Christum post Resurrectionem tetigerit, respondent, quòd, etsi corpus Christi post Resurrectione ratione subtilitatis non videbatur tangibile, fuisse tamen diuina dispensatione factum, ut tangi posset, ut Resurrectionis fides probaretur, Thomam verò corpus Christi verè tetigisse affirmat D. August. serm. de tempore 146. & 155. Ambros. lib. 10. in Luc. cap. 24. Greg. Hom. 26. in Euang. Bernard. serm. 2. super Missus est & serm. 62. in Cant. Maxent. Dialog. 2. Theodorus Heracleotes, & Mopsuct. in Catenis Græcorum, & omnes ferè Patres Græci. Verissimum ergo est, quòd scribitur hic, & Thomam Christi corpus tetigisse gloriosum, & Christum ianuâ clausis ad Discipulos ingressum esse, & idcirco propositæ dubitationi respondisse Demonem hoc loco legimus paulò post verba presentis Note, Veruntamen compulsus loquar, quòd resurgendo, & spiritalis, & corporalis eras, & idèò propter eternâ deitatis virtutem, & propter spirituales carnis gloriâ prærogatiuam, ubique ingrediens, & ubique esse potes.

Et omnis, qui sumit me, sumit deitatem, & humanitatem, & formam panis.

Hac loco per formam panis, nullo pacto intelligenda est substantia panis quadoquidem illa per verba consecrationis transit in substantiam corporis Christi, & nihil eius remansit, ut tradit Concil. Lateranens. sub Innoc. III. & habetur in cap. firmiter de Sum. Trinit. & Fid. Catol. & Conc. Constant. Sess. 8. & Conc. Florent. & Trid. Sess. 13. cap. 2. & 4.

idem probat omnes sancti Patres. Tertul. de Carne Christi, Theophylaz. Matth. 26. & alij plures, dicendum ergo est nomine forme, hic accidentia panis designari, quæ in Sacramento remanserunt, ut quantitas, color, sapor, odor, seu per formam panis intelligas illam rotunditatem hostiæ, quam aliqui formam improprie appellare consueverunt, quòd autem ipsa panis substantia per formam intelligenda minime sit, sed ipsamet panis figura, quæ præferatur visibiles ille species panis, patet ex his verbis, quæ hoc eodem Capite circa finem legimus, nimirum, Sumit. & formam panis, quia sub forma visa recipit latentem virtutem, sed non dulcescentem sibi suauitatem, hoc est recipit veram Christi carnem, sub illa forma latentem.

Non tamen, quod forma illa panis, quæ est sub substantia panis, aliquid sit eis effectuum, sed quia de sumptione illa nihil recogitant,

Si verba huius Note dicta intelligantur ante consecrationem, nullam contradictionem inuolunt, quandoquidem sub illa forma panis, adhuc est substantia panis, ut scribitur hic, secus verò, si post consecrationem, tunc enim omnino legendum esset, forma illa panis, quæ fuit sub substantia panis, quoniam ibi amplius non est aliquid panis, ut superiori Note probauimus: aut dici posset, quòd ea forma adhuc quo ad eos, qui hoc Sacramentum indigne sumunt, dicitur esse sub panis substantia, quia illud Sacramentum, sic recipiunt, ac si sub his speciebus non esset verum Christi Corpus, sed ipsamet substantia panis, & vini, & sensus iste satis aperit colligitur ex immediate sequentibus verbis, quæ sunt, Sed quia de sumptione illa nihil recogitant, ac si nihil viderent, & solam perciperent substantiam.



VERBA MATRIS AD FILIAM

qualiter Filius suus assimilatur pauperi rustico. Et qualiter tribulationes, & persecutiones bonis, & malis illatae sunt, bonis ad purgationem, & coronam.

CAP. LXIV.



MATER loquitur. Filius meus est quasi pauper rusticus, qui non habens Bouem, nec Asinum, personaliter ligna portabat de silua, & alia instrumenta ad opera sua necessaria perficienda. Qui inter alia instrumenta etiam virgulas apportabat, quae ad duo sunt necessariae, scilicet ad flagellandum filium inobedientem, & ad calefaciendum frigidos. Sic Filius meus omnium Dominus, & Creator factus est pauperrimus, ut aeternis non transitorijs diuitijs omnes diraret, qui in dorso suo grauissimum pondus, scilicet amaram Crucem portans, omnium peccata sanguine suo purgauit, & deleuit. Qui etiam inter caetera opera sua, elegit instrumenta virtutum, idest viros virtutum, per quos operante spiritu Dei, multorum corda ad charitatem Dei sunt inflammata, viaeque veritatis manifestata. Elegit quoque virgulas, quales sunt amatores mundi, per quos filij, & amici Dei flagellantur ad eorum eruditionem, & purgationem, & maiorem cautelam, & remunerationem. Virgulae etiam calefaciunt filios frigidos, & Deus incalefcit etiam ex eorum igne. Sed quomodo? Vtique, quando mundani tribulant amicos Dei, & illos, qui solo timore poenae diligunt Deum, qui tribulati sunt, feruentius conuertunt se ad Deum, considerata vanitate mundi, quorum tribulationi compatiens Deus, immittit eis consolationem, & charitatem. Sed quid fiet de virgulis, filijs flagellatis? Vtique proijcientur in ignem

comburendae. Non enim despicit Deus populum suum, quando eum manibus impiorum tradit. Sed sicut pater erudit filium, sic Deus malitia impiorum vtitur ad suorum coronationem.

VERBA MONITIONIS AD

filiam per exemplum probantia, qualiter amici Dei nec attediari, nec cessare debent à labore praedicationis, & de magna talium remuneratione.

CAP. LXV.



MATER loquitur. Tu debes esse sicut vas vacuum aptum ad implendum, quod non sit sic latum, ut defluat imposita, nec sit ita profundum, ut careat fundo. Vas autem istud corpus tuum est, quod tunc vacuum est, cum ab appetitu voluptatis extraneum est. Tunc autem moderate est latum, quando caro discretè affigitur, ut anima habilis sit ad intelligenda spiritualia, & corpus robustum ad laborandum. Tunc vero vas est sine fundo quando caro nulla coarctatur abstinencia, sed quidquid animus appetit, hoc corpori non negatur. Sed audi quae loquor: seruus meus protulit verbum impennatum dicens, quid ad me loqui de his, quae non tangunt statum meum. Verbum tale non decet seruum Dei. Nam omnis, qui audit, & scit veritatem, si tacerit eam reus est, nisi omnino contemnatur. ⁱ Nam Dominus quidam erat habens castrum forte, in quo erant quattuor bona, scilicet cibus imputridus pellens omnem faniem, aqua salutaris extinguens omnem sitim, odor odoriferus depellens omnia venenosa, arma necessaria debilitantia omnem inimicum. Tandem Domino intendente alijs obsessum est castrum. Quod intelligens Dominus, ait praconi famulo suo. Vade inquit, & clama alta voce militibus meis sic. Ego Dominus liberabo castrum meum, qui-

ⁱ
var.
lect.

quicumque me sequitur bona voluntate, erit mecum in gloria, & honore consimilis. Qui vero in pugna ceciderit, suscitabo eum ad vitam, quæ non habet defectum, nec anxietatem, daboque ei honorem permanentem, & abundantiam indeficientem. Seruus itaq; accepto mandato clamauit, sed minus sollicitus fuit in clamando. In tantum, quod clamor ad strenuissimum militem non peruenit. Et idè miles destitit à labore. Quid ergo facturus est Dominus militi, qui voluit libenter laborare, sed non audiuit vocem præconis? Vtique remunerabitur pro voluntate. Sed præco tepidus non erit immunis à correptione. Itaque castrum illud est sancta Ecclesia, fundata sanguine Filij mei, in qua est corpus suum, quod depellit omnem famem, aqua sapientiæ Euangelicæ, odor exemplorum Sanctorum eius, & arma passionis eius. Hoc castrum nunc obfessum est ab hostibus, quia in Ecclesia sancta multi reperiuntur, qui voce prædicant Filium meum, sed moribus non

sic etiam ad finem huius Capituli habetur, In qua est corpus suum depellens omnem famem.

Et aliquantò post ubi scribitur, immò etsi voce dicunt, voluntate contradicunt.

Manuscriptus Codex legis, voluntate, & opere contradicunt.

VERBA MATRIS AD FILIAM
qualiter bona temporalia differere posses-
sa non nocent, nisi affectus possi-
dendi fuerit inordinatus.

CAP. LXVI.



MATER loquitur.

Quid nocet, si quis acu, vel ferro pungitur in pallio, dummodò non læditur caro? Sic nec temporalia bona dis-

seretè possessa nocent, nisi affectus possidendi fuerit inordinatus. Idè obserua cor tuum, vt intentio bona sit, quia per te verba Dei diffundi debent in alios. Nam sicut retentaculum aquæ molen-
dinariæ retinet aquam, & iterum discurrere facit quoties expediat, sic tu influentibus cogitationibus varijs, & tentationibus sollicitè obseruare debes, vt quæ vana sunt, & secularia dimittantur. Quæ verò diuina sunt, cõtinuè rememorentur, sicut scriptum est, quod aquæ inferiores defluebant, superiores verò stabant quasi murus. Aquæ inferiores sunt cogitationes carnis, & cupiditates inutiles, quæ defluere debent, & non retinendi. Superiores verò aquæ sunt infusiones Dei, & verba San-
ctorum, quæ stabiles sint in corde, sicut murus, vt nullis tentationibus à corde diuellantur.

2. var. lect. Immo etsi voce dicunt, voluntate contradicunt, non curantes de celesti patria, si voluptatem suam possent adipisci. Ergo vt minuantur hostes Dei, attendari non debent amici Dei, quia remuneratio non erit temporalis, sed illa, quæ nescit finem habere.

1. var. lect. Audò autè mediū præsentis Capituli, ubi habet hunc impressi Codicis legunt. Nam Dominus quidam erat habens castrum forte, in quo erant quatuor bona, scilicet, cibus impuridus pellens omnem

1. var. lect. P. Nam Dominus quidam erat habens castrum forte, in quo erant quatuor bona, scilicet, cibus impuridus pellens omnem

famem, quæ lectio coheret magis cum sequentibus, ubi scribitur, Aqua salutaris extinguens omnem sitim, ergo legendum est, cibus impuridus, pellens omnem famem,

VERBA CHRISTI AD SPONSAM

sui ipsius magnificentiam ostendit. Et qualiter omnia secundum eius ordinationem perseverant, præterquam misera anima peccatoris. Et de omnibus inducitur per exemplum, & qualiter voluntas in agendis est custodienda.

MAIUS CA. RITAM AN. V. C. A. P. LXVII.

ILIVS loquitur ad Sponsam. Ego sum cum Patre, & Spiritu sancto vnus Deus. In deitatis meæ providentia, omnia ab initio, & ante secula præuisa, & stabilita sunt. Et omnia tam corporalia, quam spiritalia certam dispositionem, & ordinationem habent, omniaq. stant, & currunt secundum quod in præscientia mea est ordinatum, & præscriptum. Sicut per exemplum intelligere poteris ex tribus. Primo ex his, quæ vna habent, sicut illud est, quod semina parit, & non homines. Secundo patet ex arboribus, quia dulcia portant dulcem fructum, & amara rursus fructum suum. Tercio patet ex sideribus, nam Sol, & Luna, & omnia celestia cursum suum peragunt secundum quod in deitate meæ est præscriptum, sic & animæ rationales præscitæ sunt de deitate meæ, quales futuræ erunt præcognitæ, quibus tamen præscientia mea in nullo obstat, nec obest, quia eis dedit liberam voluntatem suæ motionis id est liberum arbitrium, & potestatem eligendi quidquid eas delectat. Ergo sicut semina parit, & non homines, sic anima bona vxor Dei parere debet auxilio Dei, quia anima ad hoc creata est, ut virtutibus proficiat, & semine virtutum secundum crescat, ut veniat inter brachia diuinæ charitatis. Anima autem, quæ degenerat ab ori suo, & Creatore tuo, nec ei fructificat, facit contrariam dispositionem Dei, & ideo indigna est dulcedi-

ne Dei. Secundo apparet immutabilis dispositio Dei in arboribus, quia dulces arbores portant dulcia, & e contra; quæ amara sunt amara, sicut in dactilo duo sunt, dulcedo scilicet, & lapis durus. Sic ab æterno præuisum est; quod ubi Spiritus sanctus habitator est, ibi omnis mundana delectatio vilescit. Ibi omnis mundanus honor est onerosus; Tantum in illo corde Spiritus Dei est fortitudo, & duritia, quod nulla frangatur impotentia, nulla deijcitur aduersitate, nulla prosperitate super se eleuatur. Sic etiam ab æterno præuisum est, quod ubi est spina diaboli, ibi est fructus ab extrâ rubeus, sed inus plenus immunditij, & aculeis. Sicut in delectatione diaboli, momentanea, & apparens est dulcedo, sed plena est sentibus, & tribulationibus. Quia quod plus quis implicatur mundo, tanto grauiori onere computationis oneratur. Itaque sicut omnis arboralem profert fructum, qualis est radix, & truncus. Sic omnis homo ex intentione operis sui iudicatur. Tercio, omnia elementa stant in ordine suo, & motu, sicut ab æterno præuisum est, & mouentur secundum Factoris voluntatem. Sic omnis rationalis creatura moueri, & parata debet esse secundum Creatoris institutio nem. Cum autem facit contrarium, perspicuum est, quod arbitrio libero abutitur, & ibi irrationalia custodiunt metas suas, ibi rationalis homo degenerat, & aggrauat iudiciū suum, quia non vitur ratione. Itaque custodienda est voluntas hominis, quia non maiorem iniuriam facio Diabolo, quam Angelis meis, quia sicut Deus exigit a Sponsa sua casta dulcedinem illam indicibilem, sic Diabolus querit a Sponsa sua spinas, & aculeos. Nec in aliquo præualere poterit Diabolus, nisi voluntas fuerit vitiosa.

MAIUS CA. RITAM AN. V. C. A. P. LXVIII.

NOTÆ.

1 **S**ecundò patet ex arboribus, quia dulcia portant dulcem fructum, & amara vltim fructum.

2 **Hic** textus cum *M. S. Farnesiano* sic restitendus est, quia dulcia portant dulcem fructum, & amara amarum fructum, quæ lectio probatur etiam ex his, quæ infra legimus hoc eodem Cap. ubi eadem planè sententia repetitur circa medium Capituli ibi, Secundo, apparet immutabilis dispositio Dei in arboribus, quia dulces arbores portant dulcia, & è contrà, quæ amara sunt, amara.

3 **Tertio** patet ex sideribus, nam Sol, & Luna, & omnia cælestia cursum suum peragunt, secundum quòd in deitate mea est præfinitum, sic & animæ rationales præcitate sunt in deitate mea, quales futuræ erant præcognitæ, quibus tamen præsciencia mea in nullo obfuit, nec obest, quia eis dedi liberam voluntatem.

In hoc Capite de præsciencia Dei sus è agitur, ac satis apertè ostenditur, creaturas rationis expertes semper eodem modo, & secundum eum operandi institutum, & finem operari, secundum quem à Deo Opt. Max. factæ sunt, secus verò homines, qui frequenter ab eo, eiusque præceptis, & consilijs discedunt, quamquam eorum actiones singule prædefinitæ sint, tamen quia Dei præsciencia vim libero non infert arbitrio, in eorum potestate manet eligendarum rerum libera facultas, & hoc est, quod scribitur infra paulò ante medium præsentis Capituli, nimirum, Quia dedi eis liberam voluntatis suæ motionem, id est liberum arbitrium eligendi, quidquid eis delectat: ex quibus inferri minime potest, quòd licet ab æterno Deus sciuerit, voluerit, & præviderit omnia futura, eà necessariò, & absolutè fieri debere, quod fuit definitum in Concil. Constantinensi Sess. 8. ubi inter errores Viclephi. 27. is erat præcipuus, quia assererat omnia ex necessitate provenire absoluta, qui error ex eo etiam rejicitur, quoniam sic liberum destrueretur arbitrium, & de medio tollerentur le-

ges, præcepta, & consilia, præmia, & supplicia, quibus homines à malis arcentur, & ad bonum excitantur: undè egregiè D. Chrysost. hom. 60. in Matth. Non destruit (inquit) libertatem arbitrij, neq. necessitati aliquas res supponit, sed quod omninò futurum est prædicit, neq. enim, quia prædixit, propter hoc fit, sed quia omninò futurum erat, propter hoc prædixit, quæ de re legendus est D. Aug. lib. 5. de Civitate Dei cap. 9. & 10. contra Gentes, & alios Stoicos, qui, ut hominibus liberum arbitrium tribuerent, negauerunt præscienciam, & providenciam Dei, circa res humanas, de eadem re agit D. Thom. p. p. q. 19. art. 8. & 10. Tantq. in illo corde spiritus Dei est fortitudo, & duritia.

Manuscriptus Farnesianus legit, tantaque in illo corde est virtutis fortitudo, & patientiæ duritia, quòd nulla frugatur impatientia.

VERBA MATRIS AD FILIAM.
de Vulpe, & qualiter Diabolus Vulpi assimilatur, & qualiter Diabolus subdolos tanquam vulpis vario, & multiplici modo tentationù decipit homines, & conatur decipere, quam maxime quos videt in bonis proficere.

C A P. LXVIII.



MATER loquitur. Est quoddam animal paruum, quod vulpis dicitur sollicitum in procurandis omnibus necessitatibus suis, & subdolum. Quod fingit se quòdque dormire, & quasi mortuum, ut aues sedentes super se, eò liberius capiat, & deuoret, quòd incautiores sunt in sedendo. Considerat quoque volatuum avium, & quas præ lassitudine videt in terra quiescere, vel sub arbore, illas rapit, & deuorat. Sed quæ duabus alis euolant, ille confundunt eum, & frustant in laborando. Vulpis ista Diabolus est, qui amicos Dei semper insequitur, & maxime eos, qui felle malitiæ, & veneno nequitie eius carent. Qui

fingit se quasi dormire, & mortuum, quia quandoque dimittit hominem liberum a tentationibus grauioribus, vt incautum in minimis, tō liberius decipiat, & inuoluat: Quandoq. etiam vitium facit videri virtutem, & ē contrā virtutem vitium, vt homo inuolutus incedat in vae cum, & nisi discretione subueniente pereat. Sicut per exemplum intelligere poteris. Nam misericordia quandoque vitium est, quando scilicet fit ad hominibus placendum. Iustitiae vigor est iniustitia, quando scilicet exercetur propter cupiditatem, & propter impatiētiā. Humilitas verō superbia est, quando fit propter ostentationem, & vt videatur ab hominibus. Patientiae virtus ostenditur, & non est, quando se vindicare, si posset de iniuria, sed tamen tolerat, quia apertum tempus non inuenit ad vindicandum. Quandoq. etiam Diabolus submittit tribulationes, & tentationes, vt homo nimia resoluitur tristitia, quandoq. etiam Diabolus immitit anxietates, & sollicitudines in cor, vt homo tepefcat in seruitio Dei. Aut dum homo incautus est in minimis, ruat in maiora. Sic iste, de quo loquor, supplantatus est à vulpe. Cum enim in senectute omnia haberet ad vœum, & iam diceret se esse felicem, optaretq. viuere, raptus est absque Sacramentis, & ratiocinijs operum, & rerum suarum. Quia quasi formica congregabat nocte, ac die, sed non in horreum Domini. Et cum peruenisset ad foramen tumuli, vbi introduceret grana, mortuus est, relinquens alijs labores suos. Quia qui non congregat tempore messis fructuosè, de semine non gaudebit. Ideò felices sunt aues Domini, quæ non dormitant sub arboribus deliciarum mundi, sed in arboribus desideriorum caelestium, quas si apprehenderit tentatio vulpis iniqui diaboli, citius duabus alis, scilicet humilitate confessionis, & spe caelestis auxilij euolabunt.

Declaratio.

Christus Filius Dei loquitur. Iste praepositus, est materia Episcopalis, ideò, qui arborē dulcis fructus ascendere voluerit, capiēdo fructus dulces, debet esse expectatus ab onere, praecinctus, & robustus ad colligendum, & vas habere mundum, in quo fructus deponatur. Sic iste studeat amodò decorare corpus suum virtutibus, dando ei necessaria, non superflua, fugiendo occasionem incontinentiæ, & cupiditatis, ostendendo se speculum mundum, & exemplum hominibus imperfectis. Alioquin veniet ei casus horribilis, finis subitus, & plaga manus meae. Ita omnia haec euenerunt.

VERBA CHRISTI AD SPONSAM,
qualiter boni mores, & bona opera,
Clericorum per claras aquas, & mali
mores, & mala opera per turpes, &
turbidas aquas designantur.

C A P. LXIX.



ILIVS loquitur. Ex tribus perpēdi potest, si aqua fontis non est bona. Primò si non habet debitum colorem. Secundò, si est lutosa. Tertiò, si aqua est continuè stans, & non in motu recipiens, sed nō eiciens omnes sordes aduenientes. Per istas aquas intelligo mores, & corda clericorum, qui tamquam fontes tenentur esse dulces ad potandum, & suauitatem morum. Clau si contrā omnes sordes vitiorum. Ergò proprius color clerici est vera humilitas, vt tantò plus humiliet se cogitatione, & opere, quantò obligationem se conspicit pro Deo debere laborare. Vbi enim superbia est, ibi color est Diaboli, quæ sicut manus leprosi hauriens aquam de fonte, quasi abominabilem reddit aquam intuentibus, sic ipsa superbia opera clericici monstrat maculosa.

Tunc

NOTÆ.

AD collum, & maxillam percutitur, ita fortiter, ut sonus percussiois ad aures meos peruenit.

Ex verbis huius Notæ admodum aperte colligitur, Beatissimam Virginem non longe fuisse à loco ubi Redemptor noster Christus ad columnam verberibus affectus est, quandoquidem verberum se percipisse sonum hoc loco assueuerat, dupliciter vero percussio generis hic mentio fit, colapbi nimirum, & alape, quæ quâ ratione differant tradidimus Lib. 1. Reuelat. Cap. 10. Nota 7.

Et flagellis acculeatis infixis aculeis, & retractis non euellendo, sed fulcando totum corpus eius laceratur.

Flagella, quibus Christus Dominus ad columnam casus fuit, qualia fuerint, & quot numitro plage extiterint, annotauimus Lib. 1. Cap. 10. Nota 9.

Ad primū igitur ictum ego quasi corde percussa sensibus abducor.

Verba præsentis Notæ nobis ansam præbent, ut hoc loco breuiter queramus, an verè Beatissima Virgo in passione filij sui spasmodum passa fuerit, & quoties: & quidem in præsentis Capite semel, atque iterum hoc illi accidisse scribitur. Primum quidem in flagellatione ad columnam, Secundo verò in ipsa met crucifixione Christi, sic etiam habetur Lib. 6. Reuelat. cap. 57. circa medium Capitis, ibi Terro fuit dolor meus in visu, nam quando vidi filium meum ligari, & flagellari, & in ligno suspēdi, carui quasi exanimis, sed reassumpto spiritu steti dolens, ut nec inimici, nec alij in me aliud reperirent, nisi granitatem, idem habetur Lib. 7. Cap. 15. & in serm. de Virginis excellentia cap. 18. paulatim autē medium: sed hæc legentibus nota fiant, ostendendum est, quid spasmodus sit, postremo an Beatissima Virgo illum in passione sui filij passa fuerit: & quidem si de spasmo propriè sermo sit, dicendū est primò, spasmodum aliud non esse, quàm morbum quemdam nervos contrahentem ex ingenti quodam dolore causatum, sic docuit Auicenna

in tract. de spasmo à Caietano citato 10. 2. opus. tract. 13. quæst. 2. nica, & Galenus 62 Aphor. 3. 9. dicit spasmodum esse passionem involuntariam in nervis, & 3. de Locis affectis 6. affectu esse convulsorem, & involuntariam contractionem nervorum ad principiu, & 2. de Symptomatum causis, vocat spasmodum symptomata moricis facultatis involuntarie mouētis: plura de eo habet Hieronymus Mercurialis noster hisce temporibus Medicus, ac Philosophus insignis, lib. 1. de Cognoscendis, & curandis animi affectionibus cap. 25. sed Divus Isidorus lib. 2. Etymolog. cap. 6. spasmodum fieri dicit per contractionem subitam partium, aut nervorum cum dolore nimio: contingere autem dicit, aut ex repletione, aut ex inanitione: idem annotavit Pelbartus in Rosaria tomo 2. 2. 2. infirmitas S. 13. atque hinc fit, hunc patientem in terram cadere, tum ob membrorum contractionem, tum ob sensuum perturbationem. Dico secundo, si sermo sit de spasmo non propriè dicto, sed largè sumpto, posse spasmodum fieri absque nervorum contractione, vel convulsione, dolor tamen na potest augeri, ut cruciatuum acerbitas patienti rationis deliquium, vel syncopem inferat, & de spasmo in hoc sensu hic non loquimur, quādoquidem nullo pacto credendum est, Mariā Virginem aliquando à ratione fuisse abductam, hoc enim notabile eius dignitatis præiudiciū inferret: per spasmodum ergo hoc loco intelligendum esse arbitror, dolorem quemdā ingentem, & acutum, qui & si nervos non afficiat, nec contorqueat, neque rationis usum interceptat, sic tamen patientem cruciat, & vires corporis minuit, ut virx homo se sustentare possit, propterea interdum fit, ut in terram labatur, ut dictum est supra. His declaratis, sciendum est fieri omnes Theologos recentiores negasse Mariam in passione sui filij viribus defecisse, nec spasmodum passam fuisse, sic Iodocus Clitoveus in homilia de Statione Virginis iuxta Crucem, Caietanus ubi supra, Cornelius Iansenius in Concordantia 4. part. cap. 143. super illud Ioan. 19. Stabat Mater iuxta crucem, Medina super 3. par. S. Thome quæst. 27. art. 4. Ioan. Molanus

de imaginibus lib. 4. cap. 8. Franc. Suarez in
Comment. super 3. part. 8. Thom. tom. 2.
quest. 27. disp. 4. sect. 3. & q. 51. disp. 4. 1.
sect. 2. Card. Toletus in Luc. cap. 2. annot. 57.
Ioan. Maldonat. in Luc. cap. 2. nam. 3. ad
ea verba, Et tuam ipsius animam pertran-
sibit gladius; atque hi omnes citati Doctores
in suam sententiam trahunt D. Ambrosium;
Anselmum, & Bernardum; quippe qui hoc
ipsum indicant, quod Ioan. Euang. cap. 19.
refert, Mariam in morte filij sui iuxta crucem
stetisse. Vbi verbum stetisse sumunt propria
pro eo quod est erectum manere; non sedere;
cum tamen; ut ex textu admodum aperte
colligi potest, stare pro manere possumus, quod
& Lyranus annotauit ibidem; ubi sic concili-
at illud Luc. 23. Stabant autem noi eius
à longe, & Ioan. 19. Stabat Mater eius
iuxta crucem, dicit enim quod primo fuerant
prope, ut Ioannes dicit, sed procedente passio-
ne propter turbam comprimentem; se retraxe-
runt, secundum quod dicit Lucas, & sic sta-
bant à longe; vel forte persone à Ioanne no-
minate, tamquam magis seruientes in amore
Christi propinquius stabant: ex quibus aper-
te constat; quod verbum stare sumitur pro
manere, & morari, vel longe, vel prope.
Verum; nec obstat firmandum verbum stare
hoc loco debere proprie sumi; nam cum Salme-
rone Societatis Iesu Theologo, & Doctore in-
signi lib. 1. tract. 4. 1. dici posset, B. Virg. à
principio erecte crucis in terram corruisse pra-
doloris magnitudine, postea verò semper ste-
tisse; ut scriptum reliquit Ioan. ubi supra.
Præbent secundo idem ex D. Ambrosio de obitu
Valentiniani ex illis verbis: Mariam stan-
tem lego, stentem non lego, quod, etiam insinuat
Epistola 82. & de inist. Virg. cap. 7. verum
hoc testimonium parum probat; quia veris-
simum dicit Ambrosius apud Euangelistam
legisse Mariam stantem, quia verè ipsa
iuxta crucem in passione sui filij manebat, non
eamen legisse stentem, quia quod ipsa steterit
tunc Euangelista non scripsit, præterquàm
argumentum ab auctoritate negativa parum
probat: cui addendum est, quod non videtur
negandum, Mariam in passione filij fuisse,

hoc enim, & Patres tradunt, & D. August.
in serm. de Passione multoties repetit, ubi re-
ferens, quod Christus Matrem suam Ioannem
commendauerit illis verbis, Ecce Mater tua,
Curiam inquit illius habeam tibi commen-
do, suscipe Matrem tuam, immò magis suscipe
Matrem meam, dum hæc pauca diceret, illi
duo dilecto lacrymas fundere non cessabant,
racebāt ambo illi martyres, & præ nimio do-
lore loqui non poterant, isti duo virgines Chris-
tum audiebant, & voce loquentem, & rip-
sum videbant paulatim morientem; amarè
stebant, quia amarè dolebant, nam gladius
doloris Christi animas extrorumpit: transibat
hæc Augustin. de lacrymis Mariae, quod etiam
probat Salmeron; ubi supra, qui lacrymas
Mariae asserit fuisse cum ratione coniunctas,
& cum indicio mentis effusas: Idem quoque
tradidit Lodalphi de vita Christi 2. p. c. 6. 1.
& alij, quos ibi ille citat: Confirmam tertiò
opinionem suam ex Anselmo de Excellentia
Virg. cap. 5. Quia inquit Anselmus gladius
moris Christi penetravit animam Virginis,
& tanto dolore illam affecit, ut nisi speciali
gratia confortaretur, viribus prorsus defecisset,
ex quibus verbis nullatenus deducti potest,
Anselmum negasse Beatissimam Virginem
fuisse sub crucem in terram lapsam, & deli-
quum anime passam, sed tantummodo in-
dicat, quod nisi diuinitus Maria roborata
fuisset; præ doloris magnitudine occubisset.
Postremo supra citati Doctores probant, Ma-
riam minime fuisse spasmus passam, cum
ratione conformatatis sue voluntatis cum di-
uina, per quam volebat filium suum pro hu-
mani generis redemptione mori; tum ratione
constantia, & fortitudinis animi, quæ ipsa
predita erat, tum etiam ratione decentie vir-
tutis, quam decuit virginem seruire, non
enim inquit Galetanus, Suarez, & To-
letus conueniebat Matrem Dei corporales
quosdam defectus habere, aut aliquod dispo-
nunt, & indecorum in ratione esse, gratius enim
erat, quod compatere filio secundum ratio-
nem, quàm secundum partem sensitiuam.
Ceterum hæc non vndequeque coniungunt,
ut necessariò dicendum sit, Mariam non fuisse

fuisse spasimum passam, sicut in presenti Capite scribitur: nam quantum spectat ad primū, & si voluntas Mariæ cum diuina voluntate in passione sui filij fuerit conformis, tamē non inde sequitur, quod de morte eius vehementer non doluerit, quod huiusmodi deliquitū minimē passa fuerit, sicut enim cum ista cōformitate vehementissimus dolor esse poterat, ita quoque animi deliquitum, quod est effectus manans ab illo, ut supra probauimus, & patet etiam in Christo, cuius voluntas perfectē conformis erat cum Patre, & tamē Luc. 22. legimus ob instantem mortem, & doluisse, & a corpore illius præ ingenti tristitia sudorem sanguineum manasse: & multo minus etiam obstat hoc, & fortitudini, & constantie animi eius, quandoquidem fortitudo, animiq. cōstantia virtutes sunt in animo collocatæ, spasimus verō affectio quedam est, & morbus corporis, ex doloris magnitudine causatus, quāquissimā a sensibus desinitur, nemo autem dicit, hominem sanctitatem, & integritatem perdere, animi sanctitate manente, etiam si corporis sanitas amittatur, sic habetur in sententijs excerptis ex Augustini, sentent. 5. 1. ubi probat, pudicitiam non perdi, etiam si corpori vis inferatur, cum tamen consensus non praestatur: quod latius confirmat in pluribus locis, ut lib. 1. de Libero arbitrio cap. 5. & Epistola 122. circa finem ad Victorianum, & 180. ad Honoratum, ita quoque dicendum, Mariam, nec fortitudinem, neque animi constantiam perdidisse, etiam si dicamus spasimum in morte sui filij passam fuisse. Postremo, nec contra sententiā nostrā facit, quod ipsi aduersarij obijciunt, non licere in Virgine corporales quosdam defectus ponere, & maxime eos, qui indecentiam aliquam importare videntur, sicut est spasimus, nam cum hic non agamus de aliquo morali defectu, qui culpam aliquam importet, quæ nulla prorsus fuit in Virgine, maxime cum spasimus sit passio inuoluntaria, ut supra ex Galeno, & alijs probauimus, sed de naturali, qui ad dolorem ingentem sequitur, qualis fuit in Maria, nulla videtur esse ratio, quare in ea non sit ponendus, cum præsertim hoc plures grauis-

simi Doctores tradiderint, quos infra citabimus, neque ob id indecentiā aliquam in Maria fuisse asseueramus, non enim tunc dicimus Mariam tulisse comas, caput defecasse, petus contudisse, aliudque, quod animi leuitatem possunt ostendere fecisse, sed solummodo ingenti dolore oppressam, sensum per aliquod breue temporis spatium amisisse, videndo filium suum, qui ut scripsit David Psalm. 44. Cum esset speciosus præ filiis hominum, ob multitudinem cruciatuum, ac dolorum, ita deformis factus erat, ut ei non esset species, neque decor, sicut Isaia 53. legimus, & hanc sententiā, de spasmo Virginis secuti sunt in primis Anselmus in Dialogo de Passione Domini, qui in persona Mariæ loquens, Cū uenissent (inquit) ad locum Caluarie nudauerunt Iesum filium meum totaliter uestibus suis, & ego ex animis facta fui, idem habet D. Bonauent. in lib. meditat. uitæ Christi cap. 77. ibi, Cernens cum oneratum ligno tam grandi, quod primò non uiderat, semimortua facta est præ angustia, idē repetit cap. 79. & clarius hoc fateretur D. Bernard. in Opusculo de Lament. Virginis iuxta crucem. Stabat mortua Mater, quæ ipsum ex Spiritu sancto concepit, vox illi non erat, quia dolore attrita iacens pallebat, quasi mortua uiuens, uiuebat moriens, moriebatur uiuens, nec mori poterat, quia uiuens mortua erat, idem colligitur ex D. Augusti. Epist. 58. relato à Lodolpho de uita Christi 2. par. cap. 70. circa finem uerba Augustini, sunt hæc Illa pia Mater immani dolore ciulans, ita uiscera fatigauerat, & membra, ut iam sensu deficiens, uix potuisset ad funus Christi peruenire, Faueat huic opinioni Laurent. Iustinian. de Triumphali Christi agone cap. 21. Dionys. Carthus. Ioan. 19. Lodolph. de uita Christi 2. par. cap. 64. & 70. Lanspergius in lib. Elucidationum in Christi passione, Veruchinus in lib. Meditat. Frater Daniel Mallonius in Elucidationibus Stigmatum sacra sindoni impressarum cap. 17. ad finem, secutus est etiam hanc nostram de spasmo Virginis opinionem Franciscus Aretinus, qui post nos hac de re scripsit super 3 sent. Scoti dist. 15. q. 1. art. 5. de

de doloribus B. Virginis. Ex dictis euidenter constat reijciendum esse, quod affirmarunt Medina ubi supra, & Ioan. Maldonatus in Comment. in Lucam cap. 2. num. 35. ad ea verba, Et tuam ipsius animam pertransibit gladius, dicunt enim errori esse affine, hoc asserere de Virgine, idq. non reperiri apud Auctores aliquos graues: verum non credendum est, tot citatos à nobis Patres errasse, qui Mariam fuisse spasimum passam asseuerarunt, eoque magis, quod iuxta Mariæ Montem fuisse templum testantur hi, qui loca illa sancta vistarunt, cuius ruina nunc extant, quod Sancta Maria de spasmo dicebatur, quo loco Mariam occurrisse filio crucem portanti, ibiq. præ dolore, quasi exanimem in terrâ corruisse tradunt: rursus hoc idem confirmatur, ex antiquissimis picturis in quibus videmus sub cruce depictam Mariam veluti mortuam in terra iacentem: postremo hoc quoque ratione suaderi potest, quoniam sic Mariæ materna dilectionis gregium signum erga filium exhibuit, quæ dilectio maxima fuit, tum ratione ipsius Christi, qui summè diligendus erat; tum ratione ipsius Virginis Matris, in qua non sicut in alijs filiorum amor paritus erat; inter patrem, & matrem, hic autè totus erat in matre, quippeq. sola sine Patre Spiritus sancti virtute filium genuit, nõ ergo mirum est, si in passione sui filij tantus dolor tanto amori responderit, ut spasimum in ea excitare potuerit.

4 Toto enim corpore nudus erat.

In presenti Capite Christum Dominum bis vestibus coram populo fuisse spoliatum, & nudum apparuisse legimus; quod primum factum est, cum Saluator ad columnam verberibus affectus fuit, secundo verò cum Crucifixus. A Doctoribus verò dubitari solet, an omnibus penitus vestibus fuerit denudatus Christus, ita ut nec aliquid velum haberet, quo verenda regerentur, & quidem cum ad columnam flagellatus est, omnino fuisse nudum omnes ferè asseuerarunt, & hanc esse communem omnium opinionem affirmat Frac. Suarez in Comment. ad 3. par. 8. Thom. 2. 2. quæst. 46. disp. 39. sect. 4. & hoc patet ex

verbis presentis Note, cum dicitur Toto enim corpore nudus erat, & clarius habetur Lib. 1. Reuelat. Cap. 10. ibi Alligatus autem nihil omnino operimenti habebat. Tota ergo controuersia est, an penitus fuerit nudus absque velamine aliquo, cum Crucifixus est: nudum verò omnino ascendisse crucem videtur asseuerasse D. Athanas. orat. de Passione, & cruce dicens, Exuebat vestimenta sua, decebat enim cum hominem introducere in paradysum; exuere tunicas, quas Adam accepit; cum in Paradiso eijceretur, idem insinuauit Ambrosius lib. 10. in Lucam. Nazianz. in Christo patiente. Nudum triclauu repositum ligno; Hieronymus in sua regula ad Eustochium cap. 3. Augustin. lib. 16. de Ciuitat. cap. 2. & lib. 12. contra Faustum, D. Bernard. in sermone de Passione Domini, & D. Bonauent. in lib. meditat. vite Christi cap. 78. & Lipsius de Cruce lib. 2. cap. 7. in initio, Receptum (inquit) hoc in plerisq. supplicijs, velut nature suæ, quæ nudos induxit in vitam, & eduxit etiã in isto. Verum citati Patres loquuntur de nuditate, quæ quispian nudus esse dicitur, cum pallio, tunica, vel aliquo alio genere vestis propriè spoliatur, nomine namq. vestis, hæc propriè veniunt, illud verò velum, quo genitalia conteguntur, non nisi improprie vestis appellatur, sed perizomata, aut succinctoriu, ut docuit D. Isidorus lib. 19. Etymolog. cap. 22. & annotauit Glos. Interlinear. & Lyranus Genes. 3. ibi, Et fecerunt sibi perizomata, hoc est succinctoria circa lumbos, vel pudendorum velamina, sed vestis est illa, quæ usque ad vestigium protenditur teste Isidoro ubi supra. Dicendum ergo videtur, Christum fuisse cruci affixum nõ penitus nudum, sed velamine tectum, sic enim habetur in presenti Capite aliquanto post initium ibi, Tussus vestes ponit, paruumq. linteum verendis prætexit, idem legimus Lib. 1. Reuelat. Cap. 10. his verbis. Stante filio meo sicut natus erat nudo corpore, tunc tunc accurrens apportauit sibi velamen, quo ipse exultans intimè velabat verenda sua: hanc opinionem probant in primis omnes Crucifixi imagines, quæ velo tectæ pinguntur. Secundo, quia hoc spectat-

spectare videtur ad decentiam quandam, & honestatem, Christus enim ea tantummodo passus est, quæ decreuit, ac voluit, cum ergo in huiusmodi nuditate indecentia quædam honestati repugnans esse potuisset, probabilissimum est, illam sic vitasse, eoq. magis, quod natura hoc horreat facinus, cum quod credendum maxime est, quod Christus coram castissima Matre, alijsq. mulieribus sanctitate conspicuis sic apparere noluerit, & ideo sunt, qui pie existimauerint, Beatissimam Virginem velamen illud suo filio dedisse, ut recedens tegeret, sic habetur in Dialogo, qui inscribitur Mariæ, & Anselmi de Passione Domini, ubi Mariam sic loquentem legimus, Panniculū capitis mei circumligavi lumbis eius, quod etiam indicauit Lotholpus de vita Christi par. 2. cap. 58. & 63. Molanus de Imaginibus lib. 4. cap. 4. qui hanc opinionem magis piā, ac probabiliorē esse arbitrat, quo loco eandem confirmat ex visione quadam relata ex Gregorio Turonensi de gloria Martyrum cap. 23. qui asserit quemdam crucifixum aliquēdā Basilio cuiādam Presbytero aperuisse, eiq. imperasse, ut imaginē quandam Crucifixi, quē in Narbonensi Vrbe eollocata erat, hinc tegeret: libet autem hoc loco breuiter aliquas causas huius nuditatis Christi asserere, quarum potissima est, ut in de homines disceret libenter pro Christi amore sufferre nuditatem, & paupertatem, alteram huius imitationis causam reddit D. Athanasius ubi supra, dicit enim primò id factū esse, ut Christus exueret Adamā tunicis pellitibus, quibus indutus fuerat propter peccatum illis enim significabatur mortalitas, quam ipse incurerat, secundo addit Athanasius, Christum celsibus fuisse spoliatum, ut sese pararet ad pugnam, debebat enim tunc temporis luctari cum demone, & propterea D. Gregorius dicit homil. 12. in Euangelio, nudos cum nudis luctari debere, Nā (inquit) se vestitus quisquam cum nudis luctaret, cuius ad terram deiciatur, quia habet unde teneatur: hæc ergo cause sunt, quæ propter Saluator noster Christus cum Diabolo pugnaturus, Crucem nudus esset dicitur, ubi de eadem phantā reponit.

-mld

Deindē iudicatus, Crucem portans educitur, sed in via portans alius substituitur.

Huius Note verba aperte indicant, sicut etiam ex Euangelistarum narratione manifestè colligitur, Christum Dominum prius portasse Crucem, solum, & postea Simonem Cyrenensem in via fuisse substitutum ad eandem Crucem portandam. Ioannes enim 19. cap. scribit, Et baiulans sibi crucem exiuit, & Lucas 23. Cum ducerent eum, apprehenderunt Simonem quemdam Cyrenensem venientem de Villa, & imposuerunt ei crucem portare post Iesum: ex quibus duobus nobis deducenda sunt, primum Simonem fuisse in via inuentum, & crucem ei ab humeris Iesu fuisse impostam, hoc enim significat Euangelista illis verbis, (venientem de Villa). Secundo inferunt, hunc Simonem cum Iesu Crucem minime gestasse, quemadmodum Pictores malè confusurum frequenter exprimere, quod probari potest primo ex verbis citatis: Lucē ibi (portare post Iesum) quo loco (ly post) refertur ad tempus, & sensus sit, postquam Christus Crucem portauit, ad eandem portandā postmodum substitutus est Simon Cyrenensis id quod etiam legenti constare poterit ex verbis presentis Note, quæ hoc apertè insinuant, legimus enim alium fuisse ad eā portandam in via substitutum, id ipsum testatur Beatissima Virgo B. Brigitta Lib. 1. Reuelation. Cap. 10. Imposuerunt (inquit) filio meo crucem portandam, quam cum ad modicum portasset, veniens vnus assumpsit eā portandam sibi, quod etiam animaduertit D. August. lib. 3. de consensu Euangelistæ, vbi qui rem hanc hisce verbis explicat, unde intelligitur, quod ipse sibi portabat Crucem, eum exire in locum memoratum, Simon autem ille angariatus est, de quo tres commemorant, cui postea data est erux portanda, & quæ ad locum Cæterum Christum Dominum per totam Vrbem Hierosolymitanā solum gestasse erucem, in exitu vero Vrbis angariatū Simonem Cyrenensem, & eam usque ad locum ubi crucifigendus erat, portaret, affirmant Athanas. sermo de Passione, & Cruce. August. loco

loco cit. Orig. tract. in Matth. 3. Hieronym. Euthym. Beda, & Theophylact. Matth. 27. Lyran. & Gloss. Luca 17. Lodulph. de Vita Christi par. 2. cap. 6. 2. & fauet Leo Pontifex serm. 8. de Passion. his verbis, Inuentus est Simon Cyrenaeus in quem lignum supplicij transferretur, eandem sententiam quidam ex Neoterici Theologi secuti sunt, Card. Toletus in c. 19. Ioan. Gresserus lib. 1. de Cruce, cap. 15. Franc. Suarez in Comment. sup. S. Tho. q. 46. disput. 36. sect. 2. tom. 2. Ioan. Maldonat. in Comment. in Matth. cap. 27. Contrariam tamen opinionem secutus est Card. Baronius tom. 1. Annalium anno Christi 34. Cogitur (inquit) & Simon Cyrenaeus altera ex parte Crucem post Iesum portare: idem etiam senserunt Didacus Stella in Lucam, & Caiet. in caput. 23. Lucae, sed verè neutra sententia ita certa est, ut ex sacris litteris probari euidet possit, verum nostra opinio communior quidem est, ut ex citatis Auctoribus patet, & veritati etiam conformior: si quis autem quaerat, quapropter ad ferendam Saluatoris nostri crucem fuerit ascitus Simon Cyrenaeus, id factum esse crediderim, quia nouerant Iudei, quod Redemptor noster ob maximam debilitatem, quam ex ingenti effusi sanguinis copia contraxerat in flagellatione ad columnam, nequaquam tantam ligni molem usque ad crucifixionis locum portare potuisset: Sunt etiam qui existimauerint Iudeorum studio id factum esse, adeo Christi mortem accelerandum, ut quia Christus tanto potèdere oppressus festinaret quantum ipsi volebant non posse videbatur, robustum circumxerint hominem, qui crucem portaret. Verum hoc non absque diuina dispensatione illud accidisse arbitror, ut scilicet nobis Spiritus sanctus significaret, crucem Domini à Gentili praesertim populo suscipiendam, ferendamque, huius autem rei figuram fuisse Isaac seruit Terullian. contra Iudeos, cap. 1. d. Isaac (inquit) cum à patre hostia duceretur, & lignum ipse sibi portaret, Christi exitum iam tunc notabat in vicissimam compositum à Patre, lignum passionis suae baiulante, & paulo post ibidem, citans illud Isaia, Curis imperium super humerum eius, Solus (ait)

nouus Rex Christus noua gloriae potestatem, & sublimitatem in humero extulit, id est crucem. Idem annotauit Theophylact. in cap. 19. Ioan. Vide (ait) in veteri typo hoc factum, Isaac enim, & illic ligna portans vadit, ut immoletur, ita & hoc loco Dominus crucem habens vadit, & quasi miles Arma gerit, quibus aduersarium prosterнат. Sed de huius figurae explicatione fusè egit D. August. serm. 71. 72. & 73. de Tempore, & lib. 16. de Ciuitate cap. 32. D. Gregor. lib. 8. Moral. cap. 26. Ambros. lib. 3. de Fide cap. 4.

6 Peruenit igitur ad locum crucifixionis, & ecce Malleus, & quattuor clauis acuti in promptu sunt.

Hoc loco Beatissima Virgo insinuat B. Brigitta filium suum Cruci fuisse affixum quattuor clauis, quam sententiam secuti sunt plures ex Patribus Graecis, quos supra citauimus Lib. 1. Reuelat. cap. 10. Nota 10. ubi hac de re latius egimus.

7 Sed iam quasi consolata sum, quod corpus eius iam de cruce depositum contingere potui, & in sinum recipere.

De depositione Christi Seruatoris nostri de Cruce agitur Lib. 2. Reuelation. Cap. 21. per totum, ubi diligentissime singula narrantur, quae ad huius mysterij cognitionem pertinent, & ibi Nos quoque quamplurimum annotauimus, Nota 1. 2. & 3.

8 Anno igitur vigesimo aetatis suae, in magnitudine, & fortitudine virili perfectus erat,

Describit ad finem praesentis Capitis Beatissima Virgo, Christi Domini Seruatoris nostri faciem, & formam corporis, pulchritudinem, ac magnitudinem, & quidem quantum spectat ad reuerentiam fusè egimus Lib. 1. Cap. 37. Nota 1. quo loco probauimus Saluatorem nostrum fuisse praesentis hominum forma speciosum, iuxta Davidis Vaticinium Psalm. 44. Nunc autem superest, ut sermo fiat de statura, & corporis magnitudine, insinuat autem hoc loco sanctissima Virgo Beata Brigitta, Redemptorem nostrum, cum annum ageret vigesimum, inter medios moderni temporis magnum fuisse, ex quo colligendum est, Christi

Christum iuste fuisse statura, nam si inter medios magnus fuit, profecto, nec ad Giganteam staturam vergebat, quia humani corporis equam non excessit proceritatem, nec ad pigmeam, quia ad iustam corporis peruenit magnitudinem, & sicut ex complexione omnium elegit optimam, ita quoque censendum est, cuncta assumpsisse eorum, quae ad corporis humani iustam spectant proportionem, & hoc est, quod scribitur hic, cum fuisse inter medios moderni temporis magnum, quod cum eo quadrat, quod legimus in Epistola Pilati ad Tiberium Caesarem scriptam, cuius meminit Hegesippus in sua Anacephalesti de Morte, & Resurrectione Christi, in cuius titulo eum errasse, admonuit Cardinalis Baronius tomo 1. Annal. anno Christi 34. dicit enim loco Tiberij posuisse Claudium. Ceterum quantum ad rem nostram attinet de corporis Christi magnitudine, sic in ea Epistola scribitur. Homo quidem praeter ceteris statura mediocris, meminit etiam huius Epistole Franciscus Samaritanus 4. part. Sacerdotalis fol. 8. Fertur, & alia Epistola Publij Lentuli in Iudaea Magistratum gerentis ad Senatum Romanum missa, de qua sanctus Antoninus in Chronico, atque in ea legitur Christum fuisse statura quidem proceram mediocriter: sed quidquid sit de barum Epistolarum fide, Nicephorus probatissimus Auctor hac de re verba faciens tradidit: Saluatoris nostri staturam corporis ad palmas prorsus septem esse commensurandam: libet autem hoc loco rem hanc ex Ludolpho propalare, qui in Prologo vitae Christi circa finem, hoc admodum diligenter ex alijs refert. Christus (inquit) statura fuit proceram mediocris, & spectabilis, vultum habens venerabilem, quem possent inuenientes, & diligere, & formidare: capillos habens ad modum nucis auellanae praeturae, ferè usque ad aures, ab auribus cinctos crispas: aliquantulum ceruleos, ab humeris ventilantes: discrimen habens in medio capitis iuxta morem Nazarenorum: frontem planam, & serenissimam, cum facie sine ruga, & sine macula, quam rubor moderatus rubeo tenebat, nasi prorsus, & oris nulla fuit

reprehensio: Barbam habens copiosam, & impuberem, capillis concolorem, non longam, sed in mento bifurcatam: Aspectum simplicem, & maturum, oculis glaucis, varijs, & claris existentibus. In increpatione erat terribilis, in admiratione blandus, & amabilis: hilaris, seruata gravitate. Aliquando fleuit, sed nunquam risit. In statura corporis, propagatus, & rectus, manus, & brachia visus delectabilia. In colloquio gravis, rationabilis, rarus, & modestus. Ceterum de Christi Domini corporis statura, pulchritudine, forma traditur etiam Lib. 1. Revelat. Cap. 10. & Lib. 6. Cap. 1. & 8. & Lib. 7. Cap. 15.

QVÆSTIONES GRATÆ A

Christo Sponsæ propositæ, & responsiones humiles Sponsæ ad Christum factæ, & qualiter Christus subiunxit pro electione filiae Sponsæ, tres laudabiles status, scilicet virginalis, coniugalis, & vidualis.

CAP. LXXI.

ILIVS Dei loquitur Spôse. Respôde mihi ad quatuor, quæ quæro. Si (inquit) aliquis daret amico luo palmitem fructiferum, quem tamen dator retineret propè domum suam, eoquod haberet ex visu eius, & odore consolationem, quid respondere deberet dator, si is, cui palmes datus esset, peteret palmitem, ad transplantandum eum in alium locum, ubi vberius fructificaret? Respondit illa. Si amicus dedit ex charitate, & esset sapiens, cuperetque amicum bonum, permitteret utique amico facere de palmitis quidquid vellet, dicendo ei. O amice licet ego ex vicinitate palmitis habeo gaudium, tamen quia non multum fructificat mihi, gaudeo, quod ipsum transferre possis, si volueris in locum vberiore. Quæsiuit Dominus secundò. Si parentes dedissent aliqui Iuveni filiam suam virginem, virgi-

neque consentiente in Iuuenem, si puer interrogatus à parentibus, vtrum ipse vellet habere virginem, vel non; & nihil responderet, vtrum esset virgo desponsata, vel non? Respondit illa, vt mihi appareret, quia puer nō expressit velle suū; virgo non est desponsata. Dixit Dominus tertio. Iuuenis nobilis stans inter tres virgines; proposuit eis, quod quæcumque illarum trium tale verbū proficeret, quod eum ad frequentiores probocaret charitatem, illa obtineret illud, quod Iuuenis frequentius adamarct. Tunc respondit prima. Ego sic feruenter diligo Iuuenem hūc, quod antequam inquinari vellem eum alio, magis morerer. Secūda dixit. Antequam vnicum verbū proferrem contra velle suū, aut quod eum offenderet, magis paterer omnem pœnam. Respondit tertia. Priusquam viderem minimum eius contemptum, seu damnum, magis cuperem mihi omne damnum, pœnamq. amaram pati. Ergo (inquit) Dominus, dic mihi, quæ istarum trium virginum plus dilexit Iuuenem, & quæ præferenda est in amore eius? Respondit illa. Vt mihi videtur omnes æquè feruenter dilexerunt, quia omnes erant vnus cordis ad eum, & ideo omnes æquè dignæ erant ad habendam eius charitatem. Dixit Dominus quarto. Amicus (inquit) erat, qui consuluit aliū, ego inquit habeo granum tritici valde fructiferum, si seminetur in terra fructificat in magnam segetem. Sed quia valde esuriens sum, quid tibi videtur consultius, comedere illud, an seminare in terram? Respondit amicus, per aliam occasionem ista potest extinguī esuries, sed est vtilius tibi, vt in terra seminetur. Tunc Dominus subiunxit. Nonne filia, & tibi appareret similiter, vt fames patientis supportetur, & granum multis profuturum seminetur? Iterum dixit Dominus. Ista quattuor dicta pertinent ad te, filia namque tua est, quasi palmes, quam mihi vouisti, & dedisti. Nunc autem,

quia acceptiores locum scio pro ea, transplantare eam volo; ubi mihi placeat, nec ex hoc tu turbari debes, quia in transplantatione consentisti vterum dixit Dominus? Tū dedisti mihi filiam tuam, sed ego non ostendi tibi, quid mihi acceptius esset, virginitas eius, an coniugium, vel vtrum placeret mihi sacrificium tuum, an non. Ideo nunc cognita certitudine, ea, quæ incertitudine facta sunt, corrigi possunt, & mutari. Item dixit Dominus. Virginitas bonā est, & summa, quia Angelis similis est, si tamen rationabiliter obseruetur honeste. Si verò vnum sine alio defuerit, scilicet virginitas carnis, & non virginitas mentis, deformata est virginitas. 2. Nam acceptior est mihi coniugata humilis, & deuota, quam virgo superba, & impudica, 3. æqualisq. meriti esse possunt coniugata non lasciuens, & iuxta regulam suam in timore Domini viuens, & virgo pudica, & humilis. Quia licet magnum est in igne probationis esse, & non ardere, tamen æquè magnum est, extra ignem esse religionis, & in igne velle libentius esse, & maiori ardore feruere ad Deum extra ignem, quàm qui est in igne. Ecce de tribus pono tibi exemplum. Tres quippe fuerunt Susanna, Iudith, & Tecla virgo. Prima fuit coniugata. Secunda vidua. Tertia virgo. Istæ inæqualem vitam, & intentionem habuerunt, & tamen ex merito actionis suæ, in primo se conformant. Susanna denique cum à Sacerdotibus falsè turbaretur, ex diuina charitate maluit mori, quàm contra regulam suam inquinari. Et quia me, tamquam vbique præsentem timuit, ideo, & saluari meruit, & ex saluatione glorificari. Iudith verò cum in honorationem meam videret, & populi sui dispendium, tantum turbabatur, quod non solum opprobrio, & damno se exposuit ex diuina charitate, sed & parata erat pro me pœnam pati. Tecla verò, quæ virgo fuit, hæc amaras passionēs maluit

maluit pati, quàm vnum verbum contra me loqui. Hæ tres licet non habuerint vnâ actionem, tamen in merito cõcordant. Ideo siue virgo, siue vidua, omnes mihi æquè placere poterunt, dummodo desiderium totum ad me fuerit, & vita bona. Item dixit Dominus. Filia tua si uè steterit in virginitate, siue in coniugio, æquè acceptum est mihi, dummodo ad velle meum ordinetur. Quid enim prodest ei forè, si includeretur corpore, & foris esset mentes? Aut quid gloriosius est, sibi ipsi viuere, an alijs prodesse? Sed ego, qui omnia scio, & prævideo, nihil facio sine causa, idè non veniet ad locum statutum cū primo fructu, quia ex timore est, nec cū secundo, quia ex tepiditate est, Sed in medio veniet, quia habet mediū calorem amoris, & fructū honestatis. Qui verò eā recepturus est, habeat tria. Domū, vestes, & cibum quo eā recipiat.

Declaratio.

Filius loquitur. Miraris quare virgo hæc nō peruenit ad cōiugiū eō modo, quo sperabas. Respondeo tibi per similitudinem. Quidā nobis disposuit filiā suam dare in matrimonium cuidam pauperi, qui pauper cum ad desponsationem virginis deberet venire, præuaticatus est leges Ciuitatis, & ob hoc repulsus est cum dedecore à ciuibus, nec obtinuit virginem, quā concupiuit. Sic ego feci domino terræ huius, promisi enim ei facere grandia, sed ipse magis in hæsit inimicis meis, & idè non peruenit ad eam, quæ promittebam. Sed potes quærere, nūquid non promittebam futura? Vtique præuidi sicut, & de Moysè, & populo eius legitur, sed idè ostendi, & ostendo multa, vt homines præparent se ad bona, & sciant facienda, & patienter expectent. Verumtamen scias, quod vñ vnum abij, & alterum veniet super ingratos Regni huius, & post veniet benedictio mea super humiles penitentes misericordiā meam. Scio etiā quod virgini hoc expediret, quod staret consi-

lio meo, & sapientum. Ista virgo crediūtur fuisse domina Cæcilia filia Sanctæ Brigittæ, de qua vide infra in sua vita.

Virginitas bona est, & summa, quia Angelis similis est, si tamen rationabiliter obseruetur, & honestè: si verò vnum, sine alio defuerit, scilicet virginitas carnis, non virginitas mentis, deformata est virginitas.

Quamquam ad virginitatē omnino carnis integritas spectare videatur, exigitur tamen ad perfectam eius naturam in virgine propositum perpetuū abstinentiæ a veneriis delectationibus, hoc enim illud est, quod huic tam excellenti virtuti formam tribuit, sine quo parum aut nihil faciendū est, id quod tradit Diuus Augustinus, qui definiens eam lib. de Virginitate. cap. 6. edp. x. Virginitas (inquit) est in carne corruptibili incorruptionis perpetua meditatio: ubi per meditationem propositum rationis intelligendum esse arbitror de virginitate seruanda: sed ad huius rei intelligentiam in memoriam reuocanda sunt, quæ tradit D. Thom. 2. 2. quæst. 152. art. 1. dicit enim in delectatione veneriorum tria considerari debere, vnum quidem, quod est ex parte corporis, scilicet violatio signaculi virginalis, secundum est, in quo coniungitur id, quod est anime cum eo, quod est corporis, & hoc est feminis resolutio, tertio id, quod est solum ex parte anime, & est propositum perueniendi ad talem delectationem: ex his autem tribus, primum per accidens solum spectat ad actum moralem, secundum verò materialiter ad eum pertinere, quia sensibiles passiones sunt materia malorum actuum, sed tertium formaliter, & completius se habet ad virginitatem, & idcirco hic rectè scribitur, Si verò vnum sine alio defuerit, scilicet virginitas carnis, & non virginitas mentis, deformata est virginitas, sed hac de re latius egimus hoc eodem Lib. Cap. 4. Nota 6.

2 Nam acceptior est mihi coniugata humilis, & deuota, quàm virgo superba.

Nulli dubium esse potest, quod virginitas ceteris paribus praestantior est continentia coniugali, & status virginalis excellentior est statu coniugali, & celibatu, ut diffinit Concil. Trident. sess. 24. can. 10. & D. Augustinus lib. de virgin. cap. 19. tom. 6. in fine. fieri tamen potest, ut coniugatus, aut qui conjugalem vitam ducit, melior sit, quam virgo, quia ille, qui virgo non est, aliquam fortasse habet virtutem, eamque etiam excellentiorem, quam ille, qui virgo est, ut legimus hic de coniugata, humilitatem, & deuotionem habere, & de virgine superba, unde D. Augustinus in Psalm. 29. Quid prodest (inquit) integra caro, mente corrupta, melius est humile coniugium, quam superba virginitas: immo nullum habituram esse in re promissione premium: virginem tantummodo carne non mente tradidit D. Isidorus lib. 2. de Summo Bono. Postremo dicere quoque possumus, quod ille, qui coniugatus, aut celebs est, si ad seruandam castitatem promptior sit eo, qui actu virgo est, & meliorem, & Deo gratiorem iudicandum esse, quod etiam annotauit D. Thom. 2. 2. quest. 152. art. 4. ad secundum.

3. Aequalisq. meriti esse possunt coniugata non lasciuicens, & iuxta regulam suam in timore Domini viuens, & virgo pudica, & humilis.

Cum meritum non ex genere tantummodo pensetur actus, sed ex animo operantis magis perpendatur, contingere de facili poterit, coniugatam feruentiorem habere posse animi castitatem seruandi, quam virginem, sicut & aliquando etiam virtutem aliquam habet, quam virgo non habet, aut eandem forsitan habet, sed in excellentiori, aut aequali gradu, ratione cuius, vel aequale utriusque poterit esse meritum, & premium, ut traditur hic, aut etiam poterit esse maius, ut superiori Nota probauimus. ceteris tamen paribus, sicut virginitas praestantior est, & statu coniugali, & celibatu, ita quoque virgo maioris erit meriti, si in suo laudabili statu recte, probeq. se gesserit, quam coniugatus, aut celebs, unde Apostolus 1. Corinth. 7. Virginitatem consuluere, ut maius bonum.

4. Aut quid gloriosius est sibi ipsi viuere, an alijs prodesse?

1. Si vitam contemplatiuam cum actiua conferamus; dubitatione hoc loco proposuimus de facili soluimus, an scilicet gloriosius sit sibi viuere, an vero alijs prodesse, & licet secundum quid, & in aliqua re actiua vita contemplatiua videatur excellere, quatenus ob praesentis vitae nostrae necessitates plus necessaria esse censetur, & ideo magis eligenda, absolute tamen contemplatiua considerata, praefenda esse videtur, quod Arist. multis argumentis probat lib. 2. de Ethic. cap. 7. & S. D. Thom. 2. 2. quest. 180. art. 1. Vita namq. contemplatiua conuenit hominibus secundum illud, quod est optimum in ipsis, nimirum secundum intellectum, & respectu propriorum obiectorum, scilicet intelligibilium, vita vero actiua occupatur circa exteriora, & hinc est quod Luca 10. Dominus dicit, Mariam optimam partem eleuisse, quae non auferetur ab ea, hoc est securam magis, & digniorem elegit Maria partem, ubi per Mariam significatur vita contemplatiua, quod exponens D. Augustin. Non tu malam (inquit) sed illa meliorem, audi, unde meliorem, quia non auferetur ab ea: praestantior ergo est, & dignior, quia Angelorum, ac Beatorum conuersationi conformior, est vicinior, & quia securior, & quietior, quia iucundior, & diuturnior: illa vero periculosior, quia inter pericula agendo moratur, quippeq. de rebus huius mundi pertractat, est etiam laboriosior, ob sollicitudinem, ac occupationem; sed tamen utilior propter proximi adificationem, ac subuentionem, ut indicauimus supra in principio huius Notae. Ceterum quoniam non deserunt, qui existimauerint, vitam actiuam praefendam esse contemplatiuae, quo ad meritum, & dignitatem, ut facit Henric. Gandau. in quodlibet. quodlibet. 2. idcirco, ut hanc licet componamus duplex a Nobis hic actio distinguenda est, prima, quae consistit in exercitio virtutum moralium, secundum quod aliquis se exercet in illis, ut disponatur ad contemplationem, de qua D. Gregor. loquitur lib. 1. Reg. cap. 14. dicit, Qui conieplationis arcem tenere desiderat,

necesse est, ut prius in actionis arce se probet, sedatis enim passionum tumultibus per exercitium moralium virtutum disponitur anima; ut libere possit eleuari in contemplationem veritatis: hinc euidenter patet huiusmodi actionem ordinari ad contemplationem, ut ad finem; finis verò, quia melior est, his, quæ sunt ad finem, idèo fit, contemplationem potiorè, ac digniorè esse tali actione: alia autè actio est, quæ contemplationem sequitur, procedens ex perfectione, & plenitudine ipsius met cõtemplationis, quæ propriè Episcopis alijsq. S. R. E. Prælati, & concinatoribus competit, ut est docere, & in animarum gubernatione laborare, & de hac plures Doctores grauissimi admonent, quòd melior est ipsa cõtemplatione, quippeq. magis proficua proximorum edificatiõis, & animarum salutis, & de hac loquuntur hi, qui vitam actiuam arbitrantur præferendam esse contemplatiuæ.

var. lect. Sed potes querere numquid non promittebam futura, vtique præuidi, sicut, & de Moysè; & de populo eius legitur. *M. S. F. arnesianus non habet promittebam, sed præuidebam; atque ita esse legendũ colligi potest ex sequentibus verbis, quæ charènt. cum antecedentibus; nimirum V. tique præuidi.*

VERBA CHRISTI AD SPONSAM
de sororibus; & Lazaro resuscitato,
Et qualiter Sponsa, & eius filia, per sorores, & anima per fratrem Lazarum, & inuidi per Iudæos designantur. Et quomodo Deus fecit, cum istis maiorè misericordiam, quàm cum sororibus Lazari. Et qualiter scientes multa loqui, & pauca facere, indignantur contra benè operantes.

C. A. P. LXXII.

ILIVS loquitur Sponsa:

Dux erant sorores, Martha, & Maria, quæ habuerunt fratrem Lazarum, quem eis à morte suscitauit, qui suscitatus, plus mihi seruauit postea,

quàm antea. Sic, & sorores eius, quæ licet familiares, & sedulae erant in ministrando mihi antè fratris suscitationem. Multò tamen sollicitiores; & deuotiores postea inueniebantur. Consimili modo vobiscum nunc feci spiritualiter, nam suscitauit vobis fratrem vestrum, idest animam vestram, quæ per quattuor dies mortua, ferens, alienauit se à me transgressionem mandatorum meorum, praua cupiditate, & dulcedine mundi, & peccatorum delectatione. Sed quattuor erant, quæ me ad resuscitandum Lazarum mouebant. Primum, quia amicus meus erat, dum viueret. Secundum dilectio sororum. Tertium, quia humilitas Mariæ tantum meruit in lotione pedum meorum, ut sicut in conspectu conuiuantiũ se deiecit propter me, sic in conspectu multorum laudaretur, & honoraretur. Quartum, vi gloria humanitatis meæ manifestaretur. Ista verò quattuor non fuerunt in vobis, quia diligitis plus illis mundum. Idèo maior est misericordia mea in vobis, qui nullis meritis misericordiæ meruistis, quàm in illis sororibus, & tantò planè maior, quàm mors spiritalis periculosior est corporali morte. Et resurrectio animæ gloriofior resurrectione corporali. Ergo quia misericordia mea præcessit opera vestra, colligite me sicut sorores illæ in domum mentis vestræ cū charitate seruentissima, nihil diligendo sicut me, totam fiduciam habendo in me, humiliando vos cum Mariæ, quotidieq. plorando peccata vestra, non erubescendo humiliter viuere inter superbos, continentes cum incontinentibus, ostendendo alijs exterius, quantum interius me amatis. Debetis quoque esse, sicut sorores illæ cõr vnum, & anima vna, fortes ad mundi cõtempnũ, & prout ad Dei laudem. Et si sic feceritis, tunc ego, qui resuscitavi vobis fratrem vestrũ, idest animam, defendā eam, ne à Iudæis interficiatur. Quid enim profuisset Lazaro surrexisse à præsentis morte, nisi viuendo honestius in præsentis vita glorio-

riofus refurrexiffet in fecundam, & permanenter vitam. Sed qui funt Iudæi, qui Lazarum querunt interficere, nifi illi, qui ex eo indignantur, quod melius his viuitis, qui fublimia didicerunt loqui, & modica facere, qui fauores hominum fequentes, tanto contemptibilis contemunt facta prædecefforū fuorum, quanto minus dignantur vera, & altiora intelligere. Tales funt multi, qui de virtutibus feiunt difputare, fed non eas viuendo virtuoſe feruare. Ideo, & eorum animæ periclitantur, quia verba plurima funt, & facta non apparent. Numquid fic fecerunt prædicatores mei? nequaquã. Ipi certe monebant peccatores, non verbis fublimibus, fed paucis, & charitatiuis, parati dare animas fuas pro animabus eorum. Ideo propter charitatem eorum, alij obtinuerunt charitatem. Nam ardor docentis plus quàm verba animum audientis informabat. Nunc autem plerique loquuntur de me ardua, fed nullus fequitur fructus. Quia ftatus folus non incendit ligna, nifi & igniculus fcintilla coope-retur. Ergo ab iſtis Iudæis protegam, & cuſtodiam vos, ne vel per verba, vel eorum facta à me difcedatis, non tamen ita defendam vos, quod nihil patiamini, fed ne per impatentiam succumbatis. Vos enim adhibete voluntatem, & ego cum charitate mea incendam velle veſtrum.

VERBA VIRGINIS AD SPONSAM
Quæ licet non debet turbare de militibus
denunciato, & oſtenſo, quali mortuo.

C. A. P. LXXXIII.

MILIES quidam viuēs nunc ciabatur mortuus, qui etiā in ſpirituāli viſione oſten-debatur. Sponſe quali mor-tuus, petens auxilium, de cuius morte cum dicta Domina turbaretur, dixit Mater miſericordiz ad eam. Filia vtrum miles iſte mortuus ſit, vel

non, ſcies tempore ſuo, ſed nos volumus operari ad hoc, vt melius viuat.

VERBA CHRISTI AD SPONSAM,
& Ioannis Baptiſtæ ad Chriſtum ipſū laudando, & in conſpectu ſui preces deuotas fundendo pro Chriſtianis. Et quā maximè pro quodam Milite, cuius precibus ipſe miles per manus ipſius, & Virginis glorioſæ, & Petri, & Pauli eſt armaturis ſpirituālibus, ideſt virtutibus armatus, & honoratus. Et quid per omnia arma corporalia ſingulacim deſignetur, & de bonis orationibus.

C. A. P. LXXIV.

ILIVS Dei loquebatur Sponſæ dicens. Tu cōpo-ſuiſti hodie, quod melius eſſet præuenire, quā præueniri. Sic ego præueni te

dulcedine gratiæ mee, ne Diabolus domi-naretur animæ tuæ. Et ſtatim apparet Ioannes Baptiſta dixit. Benedictus ſis tu Deus, qui es ante omnia, cum quo nullus vnquā fuit Deus, & propter quē nullus, & poſt quem nullus erit. Quia tu es, & eras æternaliter vnus Deus. Tu es veritas promiſſa à Prophetis, de qua ego nondū natus exultavi, & quem demonſtrando plenius agnoſcebam. Tu es gaudium poſtulum, & glōria. Tu deſiderabile noſtrum, & fructio. Quia videre te, replet nos ſua uitate indicibili, quā nemo agnoſcit, niſi qui deguſtat. Tu quoque es ſola dilectio noſtra. Nec mirum, quod diligimus te, quia tu cum ſis ipſa charitas, non ſolum diligentes te diligis, ſed etiam cum ſis Creatōr omnium, etiam hiſ facis charitatem, qui te dignantur ſcire. Nunc ergo Domine mi, quia diuites ſumus de te, & in te, rogamus te, vt des de noſtris diuitijs ſpirituālibus hiſ, qui nihil diuitiarum habent. Vt ſicut nos gaude-mus in te, non noſtris meritis, ſic plures participantur bonis noſtris. Respondit
Chri.

Christus. Tu vere es summū membrum cum capite; & iuxta caput. Verumtamen fauces sunt propinquiore; & excellentiores. Sic ego omnium caput sum. Mater verò mea; quasi fauces; deinde Angeli; tu verò; & Apostoli mei; quasi pondilia dorsi; quia non solum diligitis me; sed & diligentes me; promouendo honoratis.

2 Ideo fixum est; quod dixi; opera; quæ ego facio; & vos facietis. Et voluntas vestra est voluntas mea. Sicut enim non mouetur caput carnale sine membris; sic nec in vestra spiritali coniunctione; & vnione; aliquid est velle; & non posse. Sed totum est posse; quod vnusquisque vestrum velit; ideo fiat; quod petis. Quibus dictis Ioannes quemdam Militem; quasi semimortuū prouoluit in medium; & dixit; Ecce Domine. Ecce iste; qui hic astat; depouerat tibi militiam; qui conatur ad pugnam; sed non proualeat; quia inegnis est; & infirmus. Ego verò duplici de causa inuadendum tenor; tū propter merita parentum; tū etiam propter charitatem; quæ affluit circa honorem meum. Ergo propter remissum dare vestes militi; ne appareat confusio nuditati; suæ. Respondit Dominus. Da ei (inquit) quod vis; & vesti eum; si que placeat. Tunc ait Ioannes. Veni fili; & accipe a me primum vestimentum militiæ tuæ; quo adepro; facillius accipete; & tolerare poteris; reliqua militaria indumenta. Ad militiam itaque potius habere vicinius ad carnem fidei; quod molle est; & lenē; scilicet diploydem; hac ergo induat; quia sic placet Deo. Sicut enim corporalis displays; mollis est; & lenis; sic spiritalis est diplois; habere Deum charum in animā; & suauem in affectu. Dulcedo quippe ad Deum prouenit ex duobus; scilicet ex consideratione beneficiorum Dei; & ex recordatione peccatorum commissorum. Hac dubio ego; puer habui. Consideraui; quippe quia gratia me prouenit Deus nondū datum. Quanta benedictione; benedixit me post nati-

uitatem. Et considerando ingenui; quid possem dignum reddere Deo meo. Consideraui etiam instabilitatem mundi; & ideo cucurri in Eremum; vbi tantum dulcescebat mihi Dominus Iesus meus; quod omnia desiderabilia mundi erant mihi in fastidio ad cogitandum; & quærota ad concupiscendum. Veni ergo Miles; & induere ista diployde; quia reliqua dabuntur tibi tempore suo. Deinde apparuit Beatus Petrus Apostolus dicens. Ioannes dedit tibi diploydem; ego autem qui grauiter cecidi; sed fortiter surrexi; impetrabo tibi loriceam; idest diuinam charitatem. Sicut enim lorica ex multis esse constat circulari ferreis; sic charitas defendit contra tela inimici; & anime quietem reddit hominem ad toleranda mala ingruentia. Agiliorem efficit ad honorem Dei; & feruentiorem ad diuinos labores. Inuictum in aduersitatibus; longanimē in spe; perseverantem in inceptis. Hac itaque lorica fulgere debet; ut aurum; fortis esse; ut calibis; & ferrum. Quia omnis homo charitatem habens; ductilis debet esse; ut aurum per patientiam; contra aduersitates. Fulgensque per sapientiam; & discretionem; ne heresim recipiat pro integritate fidei; dubiaque pro certis. Sic quoque lorica fortis; & ut ferrum domat omnia; sic homo utens charitate; studeat humiliare eos; qui resistunt fidei; & bonis moribus. Non retrocedat propter oblocutiones. Non flectatur propter amicitias. Non tepescat propter commodā suā temporalia; non dissimulet propter quietem carnis. Non vereatur propter mortē; quia nemo potest auferre vitam; nisi permittente Deo. Verumtamē quamuis lorica ex multis constet esse circulari; tamen duo sunt principales circuli; quibus lorica contextitur; charitatis. Primus; itaque charitatis circulus est cognitio Dei; & frequens consideratio diuinorum beneficiorum; & præceptorum. Ut sciat homo; quid faciendum sit Deo; quod proximo; quid mundo. Secundus circulus

est refrenatio propriæ voluntatis propter Deum. Omnis quippè, qui Deum perfectè, & integrè diligit, nil fibipſi de voluntate ſua, quæ contra Deum eſt reſeruat. Ecce fili hanc loricam dat tibi Deus, & ego promerui tibi præuentus charitate Dei. Deinde apparuit Beatus Paulus, dicens. O fili. Petrus ſummus Paſtor ouium dedit tibi loricam; ego verò ex charitate Dei dabo tibi thoracem, quæ eſt charitas ad proximum. Velle ſcilicèt pro ſalute proximi libenter, operante Dei gratia, mori. Sicut enim in thorace multæ ſunt laminæ combinatæ, & clauī coniungentes, ſic in charitate proximi multæ concurrunt virtutes. Omnis quippè, qui diligit proximum, tenetur primùm dolere, quòd omnes, qui ſunt redempti ſanguine Ieſu Chriſti, non rependunt Deo dilectionem. Secundò dolendum eſt, quòd ſancta Eccleſia ſponſa Dei non ſtat in ſua laudabili diſpoſitione. Tertiò, quòd pauciſſimi ſunt, qui paſſionem Dei recordantur cum amaritudine, & charitate. Quartò, attendere debet nè proximus ſuus corrumpatur aliquo exemplo ſuo prauo. Quintò, dare proximo ſuo bona ſua hilariter, & orare pro eo Deum, vti omni bono proſiciat, & perficiatur; clauī verò coniungentes laminas, ſunt verba diuina. Nam homo charitatiuus vbi viderit proximum tribulatū, debet eum conſolari verbis charitatiuiſ. Impugnatum verò contra iuſtitiam defendere; inſiſtos firmos viſitare, captiuos redimere, pauperes non erubere; veritatem ſemper amare; charitati Dei nihil præponere; à iuſtitia nunquam deuiare. Hoc igitur thoracem ego tui indutus, qui infirmus ſui cum infirmis. Qui in conſpectu Regum, & Principum, non erubui veritatem loqui, & pro ſalute proximi mori paratus fui. Deinde apparuit Mater Dei, & dixit iſti Militi. Quid (inquit) fili adhuc tibi deeſt? Et ille, Caput (inquit) non habet galeam. Tunc Mater miſericordiæ dixit ad Angelum cuſtodiam anime eius. Quid

(inquit) profuit anime cuſtodiam tua, aut quid habes præſentare domino noſtro? Reſpondit Angelus. Habeo aliqua, licet modica ſint. Nam quandoque fecit eleemoſynam, & legit aliquas orationes ex charitate Dei, quandoque etiam dimiſit voluntatem propriam propter Deum. Rogans Deum ſinceriter, vt ei viſceres mundus. Deus fieret ei ſuper omnia carus. Reſpondit Mater. Bonum eſt aliqua apportare. Ergò volumus facere ſicut bonus aurifaber facit, qui faciens opus grande de auro, ſi neceſſitatur, & deſicit in auro, petit auxilium ab amicis habentibus, quem omnes habentes aurum iuuat, vt perficiatur opus eius. Qui verò facit opus luteum, quis dabit ei de auro ſuo, cum indignum ſit lupum miſceri auro? Ergò omnes Sancti diuites auro, promerentur tibi mecum galeam, quam habuitus eſt. Iſta autem galea eſt voluntas placendi ſoli Deo. Sicut enim galea defendit caput à iaculis, & à ſectibus, ſic voluntas bona, & ſola ad Deum defendit animam, nè tentationes diabolicæ præualeant contra eam, Deumque in animam introducit. Hanc habuit ille bonus Georgius, & Mauricius, & plures alij, immò etiam ſatro pendens in Cruce, ſine qua nemo fundamentum bonum iacet, nec peruenit ad coronam. In hac quoque galea debent eſſe duo foramina ante oculos, quibus præuideantur aduenientia, quæ ſunt diſcretio faciendorū, & cautio omittendorū, quia ſine diſcretionem, & præmeditationem, multa ſunt in fine mala, quæ in principio videntur bona. Item loquitur Mater ad Militem, quid adhuc tibi deeſt fili? Et ille reſpondit. Manus (inquit) nude ſunt, & non habent armaturam. Cui Mater. Ego (inquit) iuuabo, vt manus non ſint nude. Ergò ſicut duæ ſunt manus carnis, ſic duæ ſunt manus ſpirituales. Dextera autem manus, qua tenendus eſt gladius, ſignificat opus iuſtitie, in qua debent eſſe quinquæ virtutes, quaſi quinque digiti. Prima, vt omnis

iustus primò sit iustus sibi ipsi, cauendo, scilicet nè quid in locutione, seu operatione, aut exemplo appareat, quòd proximum possit offendere. Nè, quod ex iustitia reprehendit, vel docet in alijs, destruat moribus inordinatis. Secunda est, non facere iustitiam, seu iustitiæ opera propter fauorem hominum, seu cupiditatem mundi, sed amore solius Dei. Tertia est, non timere aliquem contrà iustitiam, nec dissimulare propter amicitiam. Nec flecti à iustitia pro paupere, vel diuite, amico, seu inimico. Quarta est, libenter etià velle pro iustitia mori. Quinta est, non solum facere iustitiam, sed etià sapienter diligere iustitiam, vt & in iudicio sit misericordia, & iustitia. Et vt aliter corrigatur, qui minus peccat, & aliter qui grauius, aliterque, qui peccat ex ignorantia, & aliter, qui peccat ex industria, seu malignitate. Quicumque autem istos digitos quinque habuerit, cauere debet nè gladium exacuet in impatientia. Nec delectatio mundana hebetet, nè improvidentia excutiet, nè leuitas animi denigret. Sinistra verò manus est oratio diuina, quæ etiam quinque digitos habebit. Primus est firmiter credere articulos fidei de deitate, & humanitate, omniaque operando. Credere, quæ sancta Ecclesia spòsa Dei confitetur. Secundus est, nolle peccare scienter contrà Deum, velleque commissa omnia contritione, & satisfactione emendare. Tertius, orare Deum vt amor carnis conuertatur in amorem spirituale. Quartus est, non ad aliud viuere in mundo, nisi vt Deo faciat honorem, & vt minuatur peccata. Quintus est nihil de se ipso præsumere, sed semper timere Deum, mortemque omni hora expectare. Ecce fili, hæ sunt duæ manus, quas habere debes dextra scilicet, qua vibrandus est gladius iustitiæ contrà transgressores iustitiæ, sinistra verò orationis, qua petendum est auxilium à Deo, vt nunquam confidas de tua iustitia, nec insolentias còtra Deum tuum. Iterum apparuit

Beata Maria, & dixit Militi, quid adhuc tibi deest fili? Respondit ille. Armatura (inquit) pedum. Et illa. Audi (inquit.) Miles olim mundi, sed iam nunc meus, omnia quæcumque sunt in celo, & in terra creauit Deus, sed inter omnia inferiora, dignior, & pulchrior creatura est anima, quæ similis est in imaginationibus suis voluntati bonæ. Sicut enim de arbore multi procedunt palmites, sic de animæ spirituali exercitatione, & operatione, omnis procedit tua perfectio. Ergo vt obtrineatur spiritualis armatura pedum, voluntas bona mediante gratia Dei debet esse initium. In qua debet esse duplex còsideratio tamquam duo pedes super bases aureas. Primus itaque pes animæ perfectæ est còsideratio, huiusmodi scilicet, quòd noller peccare contrà Deum, etiam si non sequeretur poena. Secundus pes est, bona opera facere, etiam si sciret se damnandum, propter magnam patientiam, & charitatem Dei. Genua verò animæ sunt hilaritas, & fortitudo bonæ voluntatis. Sicut enim genua incuruantur, & flectuntur ad vltim pedum, sic voluntas animæ flecti, & refrenari debet secundum rationem ad velle Dei. Scriptum enim est, quòd spiritus, & caro sibi ad inuicem aduersantur. Ideò & Paulus dicit. Non quod volo bonum, hoc ago. Quasi diceret, Quædam bona volo, secundum animam, sed non præualeo propter infirmitatem carnis, sed & si quandoque potero facere, sed non cum hilaritate, quid ergo? Numquid ideo priuabatur Apostolus mercede, quia voluit, & nõ potuit? Aut quia fecit bona, sed non cum hilaritate? Nequaquam, sed magis augebatur ei corona dupliciter. Primo ab exteriori homine, erat ei laboriosa operatio, propter carnem reluctantem bono. Secundò ab homine interiori, quia nõ erat ei còsolatio semper spiritualis. Ideò multi sæculares laborant temporaliter, sed non pro his coronantur, quia laborant motu carnis. Qui quidem labor, si esset præ-

ceptum Dei, nequāquam sic feruerent itī laborando. Isti itaq; duo pedes animae; scilicet nolle peccare contra Deum; & velle bona opera facere, etiam si sequeretur damnatio; armandi sunt duplici armatura, scilicet discreto vsu temporalium; & discreto desiderio ad caelestia appetenda. Discretus autem vsus temporalium est, habere bona ad moderatam suam sustentationem, non ad superfluitatem. Discretum verò desiderium caelestium est; caelestia bonis operibus; & labore velle promereri. Homo quippe per ingratitudinē, & desidiā auersus est à Deo, ideò per labores, & humilitatem ad Deum est redeundum. Ergò fili, quia ista non habuisti, rogemus Sanctos Martyres, & Confessores, qui talibus diuitijs abundabant, quòd tibi auxilientur. Tunc statim Sancti apparentes dixerunt. O Domina benedicta, tu portasti Dominum in te, & tu Domina omnium es, quid est, quod tu non poteris? Quod enim tu vis, hoc factum est, voluntas tua semper est nostra. Tu meritò Mater charitatis es, quia omnes visitas charitate. Iterum apparuit Mater, & dixit Militi. Fili adhuc deficit clypeus vobis. Itaq; ad clypeum duo pertinent, scilicet fortitudo, & signum Domini sub quo militat. Ergò clypeus spiritalis significat considerationem amaræ Passionis Dei, quæ debet esse in sinistro brachio iuxta cor. Vt quoties animum delectat voluptas carnis, considerentur liores Iesu Christi. Quoties verò pungit, & contristat animum despectio, & aduersitas mundi, rememorentur paupertas, & opprobria Christi. Quoties verò delectat honor, & longa vita carnis, recogiterur amara mors, & passio Christi. Talis clypeus debet habere fortitudinem perseuerantiae in bono, latitudinemq; charitatis. Signum verò clypei, debet esse de duobus coloribus, quia nihil clariùs, & longius prospicitur, quàm quod de duobus coloribus fulgentibus est compactum. Duo autem colores, quibus clypeus considera-

tionis passionis diuinæ decoratur, sunt continentia affectionum inordinatarum, puritasq; & refrenatio motuum carnis. His enim duobus illustratur cælum. Et Angeli videntes congratulando gaudent; dicentes. Ecce signum puritatis, & societatis nostræ, adiuuare tenemur Militem istum. Dæmones verò videntes Militem his signis clypei decoratum clamabunt. Quid faciemus, ò socij? Iste Miles terribilis est in congressione; decorus in armis. In lateribus eius sunt arma virtutum. In tergo castra Angelorum. A sinistris vigilantissimum habet custodem; scilicet Deum. In circuitu plenus est oculis, quibus inspicit malitiam nostram. Impugnare eum quidem possumus, sed in confusionem nostram, quia nequāquam praualemus. O quàm felix est talis Miles, quem Angeli honorant; & cuius timore Dæmones contremiscunt. Verum tamen fili, quia iustum clypeum nondū obtrinuisti, rogemus Sanctos Angelos puritate spiritali nitentes, vt te iuuent. Iterum loquitur Mater. Fili adhuc deficit nobis gladius. Itaque ad gladium duo pertinent. Primò, quòd habeat duas acies, secundò, quòd sit bene exacuatus. Gladius verò spiritalis esse confidentia in Deo ad præliandum pro iustitia, hæc autem confidentia duas debet habere acies, scilicet rectitudinem iustitiæ in prosperis tamquam à dextris, & gratiarum actionem in aduersis, tamquam à sinistris. Talem gladium habuit ille bonus Iob, qui in prosperis obtulit sacrificium pro filiis, qui pater erat pauperum, & ostium eius viatori patuit: Qui in vanitate non ambulauit, nec concupiuit aliena, sed timuit Deum, sicut sedens super fluctus maris. Habuit quoque gratiarum actionem in aduersis, quando perditis filiis, & bonis, quando conuiciatus ab vxore, & percussus vlcere pessimo, sustinuit patienter dicens. Dominus dedit, Dominus abstulit, sit ipse benedictus. Hic quoque gladius debet esse bene exacuatus, coterendo im-

pugnantes iustitiam, vt Moyses, & Dauid. Habendo zelum legis, vt Phinees. Loquendo constanter, vt Helias, & Ioannes. Quam multorum gladius nunc nimis hebetatus est, qui si loquuntur verbo, digiti non mouent. Quærentes amicitia hominum, & gloriam Dei non attendunt; Ergo, quia gladium talei non habuisti, rogemus Patriarchas, & Prophetas, qui talem confidentiam habuerunt, & dabitur nobis confideret. Iterum apparuit Mater dicens: Militi. Adhuc fili necessarium est tibi coopertorium super arma, quo arma defendantur à rubigine, & ne à pluuia maculentur. Hoc autem coopertorium est charitas, velle mori pro Deo. Et etiā si possibile esset sine Dei offensa, separari à Deo pro salute fratrum. Hæc charitas operit omnia peccata, confert virtutes, mitigat iram Dei, omnia facit possibilia, deterret dæmonia, gaudium est Angelorum. Hoc verò opus mentum debet esse intus album, & ab extra fulgens, quasi aurum. Quia vbi zelum diuini amoris est, ibi veraque munditia non est neglecta. Hac itaque charitate abundabant Apostoli, ideoque rogandi sunt, vt tibi auxilientur. Iterum apparuit Mater dicens: Adhuc tibi fili necessarius est equus, & sella: Itaque per equum spiritualiter intelligitur Baptisma. Sicut enim equus prouehit hominem ad aliquam perficiendam viam, habens quatuor pedes, sic Baptisma, quod per equum intelligitur, prouehit hominem ante conspectum Dei, habens quatuor effectus spirituales. Primus est, quod baptizati liberantur à Diabolis, & obligantur ad mandata, & seruitia Dei. Secundus est, quod purgantur à peccato originali. Tertius est, quod filij Dei efficiuntur, & coheredes Dei. Quartus est, quod celum eis aperitur. Sed heu multi sunt, qui cum ad annos discretionis perueniunt, imponunt equo Baptismatis frenum, & abducunt eum per viam falsam. Tunc quippe via Baptismatis recta est, & tenetur re-

cte, quando homo infra annos discretionis instruitur, & conseruatur in bonis moribus. Et quando homo peruenit ad annos discretionis, & cogitat sedule, quid in fonte Baptismatis promissum est, tenetque fidem, & charitatem Dei inuolantam. Sed tunc abducitur à via recta, & imponitur frenum, quando mundus, & caro præponuntur Deo. Sella verò equi, idest Baptismi, est effectus amaræ passionis, & mortis Iesu Christi, per quem Baptismus obtinuit effectum. Quid enim est aqua, nisi elementum? Postquam verò effectus est sanguis Dei, venit ad elementum verbum Dei, & virtus effusi sanguinis Dei. Et sic aqua Baptismi, per verbum Dei facta est reconciliatio hominis, & Dei. Porta misericordie, expulsio dæmonum. Via celi, venia peccatorum. Ergo, qui in virtute Baptismi gloriari voluerit, cogit & primò amaritudinem institutionis Baptismalis effectus. Vt cum mens humana contra Deum intumuerit, cogitet quàm amare redemptus sit. Quoties etiam votum Baptismi transgressus est. Quidve pro tanta reciduatione promeretur. Item, vt homo siemiter in sella baptismalis effectus sedeat, necessariae sunt duæ stringlies, scilicet duplex consideratio in oratione. Primò orare debet taliter. O Domine Deus omnipotens, benedictus sis tu, quia me creasti, & redemisti. Et dum damnatione dignus essem, in peccatis tolerasti, & ad penitentiam reduxisti. Recognosco Domine coram Maiestate tua, omnia quæcumque dedisti mihi ad salutem inutiliter, & damnabiliter me expendisse, videlicet tempus penitentiae meæ in vanitatibus, corpus in superfluitatibus, gratiam Baptismi in superbis. Et omnia dilexi plusquam te Creatorem, Redemptorem, Nutritorem, & Conseruatorè meum. Et ideo misericordiā tuam peto, quia miser sum ex me, & quia non agnouì benignam patientiā tuam in me. Non timui horrendam æquitatem tuam.

Non

credit in me maiora horum facies, sic enim ostendit sua eos auctoritate non propria ipsorum facturos esse miracula, sic tradiderunt supracitati Patres, & indicauit etiam Euthymius, & Theophylactus: addit Theodorus Mopsuest. hac ratione ostendisse Deum, quod dicat, se multo maiora miracula per eos post mortem facturum esse, quam per ipsos uiuens fecerit. Et hac interpretatio aperte colligitur ex verbis immediate sequentibus post verba praesentis Notae ibi, Sicut non mouetur caput carnale sine membris, sic nec in uestra spiritali coniunctione, & unione aliquid est uelle, & non posse, & ratio huius est, quonia existat unione cum capite obtinuerunt Apostoli potestatem edendi miracula, & eadem faciendi opera, quae Christus fecit, quae de re uide infra plura hoc eodem Lib. Cap. 76. Nota 2. ubi explicauimus quomodo intelligendum sit illud Ioan. 14. Et maiora horum faciet.

- 3 Ad Militem, itaq. pertinet habere uicinius ad carnem, hoc, quod molle est, & lenes, scilicet diploidem.

Diplois quid sit tradunt D. Hieronymus, D. Augustin. Arnob. & alij plures in Psalm. 108. ubi Diploidis mentio fit, Operiantur (inquit Dauid) sicut Diploide confusione sua: dicunt ergo Diploidem significare duplex pallium, uel genus est uestis duplicis, mystice autem hoc loco per Diploidem, quam spiritalis Miles habere debet, amor Dei, & spiritalis quaedam dulcedo designantur, quae consueuerunt esse in eo, qui totis uiribus Deo seruit, quae duo prouenire legimus hic, ex consideratione beneficiorum Dei, & ex recordatione peccatorum, quis enim, cum recordatur, a Deo suorum se accepisse ueniam peccatorum, non illum super omnia diligit? eumque cum Dauid Psalm. 85. summis laudibus non extollat? Quoniam tu Domine suauis, & mitis, & multa misericordiae omnibus inuocantibus te, & Psalm. 99. Laudate nomen eius, quonia suauis est Dominus: in aeternum misericordians.

- 4 Deinde apparuit B. Petrus Apostolus dicens, Ioannes dedit tibi Diploidem, ego autem, qui grauiter cecidi, sed forti-

ter surrexi, impetrabo tibi loriceam.

Optime hoc loco loricea charitas comparatur, quia, ut quis in spiritali uita recte, probe se gerere possit, munitus esse debet: est enim lorica munimentum corporis aduersus uim extraneam, sustinens ictus absque laesione corporis, & ut tradit D. Isidor. lib. 18. Etimolog. cap. 13. Lorica uocatur, quod lorica careat, solum enim circulis est contexta ferreis: hac ergo Christianus Miles armatus Diaboli innumerabiles tentationes infringet, nam quemadmodum in lorica, ut scribitur hic diuersi sunt circuli, sic charitatis effectus multiplices sunt, quibus se quisquam contra inimicorum tela defendere potest.

- 5 Ergo ut obtineatur spiritalis armatura pedum, uoluntas bona mediante gratia debet esse initium.

Quoniam superius descripta sunt arma, quae spiritali Militi in uia Dei iuro ambulare uolenti necessaria uidebantur, eaq. deerant, quibus contra inimicorum tela Miles pedes defenderet, idcirco hic duo afferuntur, ad duos pedes muniendos, primum molle peccare, etiam si non sequeretur poena, secundum uero bona opera facere, etiam si sciret se esse damnandum: optime autem hoc loco pedibus tribuuntur opera, quia in sacris literis, & apud sanctos Patres frequenter per pedes opera mystice notantur, quod animaduertis D. Hieronym. super Hierem. cap. 2. qui pedes a nuditate prohibendos esse admonet, ut mostra habeant opera rectitudinem, & hac opera pedes sunt sponsae Cant. 5. sic ibi docet D. Gregorius Magnus, & super Ezechielem hom. 2. & 31. Moral. cap. 8. & pedes Aaron & filiorum eius, bona opera significare testatur Isidorus in Leuit. cap. 8. Cum autem legimus, Ut obtineatur spiritalis armatura pedum, uoluntas bona mediante gratia debet esse initium, non est intelligendum, quod iustificationis nostrae in nobis uoluntas principium sit, aut quod uitare peccata, & meritorias actiones efficere, primo, a uoluntate pendeat, ut Semipelagiani haeretici tradiderunt, contra quos Concilia, & praesertim Africanum Secundum, Oo & san-

Et sancti Patres definiunt, ad salutis opera faciendam omnino necessarium esse auxilium gratuitum, Et primam gratiam nullo pacto gratuari posse in meritis nostris, eiusque initium in nobis minime esse posse, sed pendere à voluntate simpliciter Dei ad hoc auxilium summi gratis conferentis, ideo D. Augustin. lib. 1. Retract. cap. 23. negat in nobis esse initium fidei, affirmatque meritum ab ipsa fide inchoari, quæ de re legendi sunt, qui hunc errorem suis scriptis confutauerunt, ut D. Prosper. lib. contra collatorem, Petrus Diac. lib. de gratia, Et libero arbitrio cap. 8. D. August. fuscè in prefat. Psalm. 3. 1. ubi sic incipit, Gratia Dei iustificatiōi nostræ, nullis precedentibus meritis nostris, sed præueniente nos misericordia Dei nostri, Et de gratia, Et libero arbitrio cap. 6. Et sequentia, Fulgentius de Incarnat. Et gratia cap. 12. 13. Et 17. Celestin. Epist. 1. Conc. Trident. Sess. 6. cap. 5. Dicendum ergo Nobis est, voluntatem nostram ad bona opera relata hinc dici quoquomodo initium, quatenus sapè contingit, aliquod supernaturale auxilium ex operibus dari, hoc est ex merito, vel de condigno, ut cum iustus bene utendo donis obtentis, ex præhabita iam gratia mereatur subsequentiæ, vel de congruo, ut cum peccator bene, Et supernaturaliter operans, ex priori auxilio mereatur subsequens, Et id insinuat nobis illa verba, Voluntas bona mediante gratia, debet esse initium, quod colligi potest ex D. August. Epist. 105. ad Sixtum, Et Epist. 106. ad Bonifacium tom. 2. Et hinc fit, voluntatem nullatenus dici posse, nec esse initium respectu primæ gratiæ, sed in ordine tantummodo ad subsequentiæ bona, quæ homo sibi potest promereri mediante gratia, bene utendo supernaturalibus auxilijs, Et bonis à Deo datis: ex quo rectè possumus intelligere celebre illud eiusdem Augustini dictum Epistola superius citata 105. aliquanto post initium, In homine opera bona ab homine fieri, fidem tunc præduci, sine qua illa à nullo sunt homine.

Adhuc fili necessarium est tibi coopertorium super arma, quo arma defenduntur à rubigine.

Charitatem hoc loco Christus Dominus coopertorium appellat, quo arma spirituali militi necessaria à rubigine defendantur, cum enim, ut ex antecedentibus colligitur, peculiaris arma ad spirituale uitam optime eradicandam virtutes sint, Et fuga vitiorum, cumque Charitas, ut scribit Apostolorum Princeps Petrus in sua prima Canonica cap. 4. Et Salomon Proverb. 10. Operiet multitudinem peccatorum, sique cæterarum virtutum forma, Et dux, sine qua, ut admonuit Augustin. Epist. 105. ad Sixtum Presbyterum, nullus veram virtutem, nec castum timorem, nec veram sapientiam, nec religiosam continentiam habere potest. Inde fit, eam rectè hoc loco coopertorium appellari, quo arma spiritualia à rubigine defenduntur: id autem, quod immediate sequitur, nimirum Etiam si possibile esset sine Dei offensa separari à Deo pro salute fratrum, hoc idem esse censeo, quod aliquando Apostolum Paulum dixisse legimus Rom. 9. Optabam enim ego ipse anathema esse à Christo pro fratribus meis, quod sanè nullo pacto intelligendum est de separatione, quæ per peccatum mortale à Deo fit, neque optauit Paulus propter Iudeorum conversionem deleri de libro vite, sed ut tradunt Origenes in Commentar. Epistola ad Romanos, Et Diuus Hieronymus quest. 9. ad Algasia, Ex charitate desiderasse, non spiritum, sed carnem, hoc est per corporalem mortem à fratribus separari, seu pro illis mori, Et mortificari, hanc tamen interpretationem D. Chrysost. homil. 16. in Epistola ad Romanos, Et lib. 3. de Prouidentia Dei rejicit, existimans, hunc textum non de corporali morte esse simpliciter intelligendum. Quomodo (inquit) optasset Paulus à Christo anathema fieri, hoc est separari ab eo per mortem carnis, cum ipsa magis ad eum chorum, qui cum Christo est coniungat, Et ipsius gloriæ potiri faciat, vermiculorum est itaque in luto latitantium ista suspicio, uterque enim, tam Moyses, quam Paulus, cum hæc dicerent, non solum cogitatione transcendebant omnes presentis vite agones, ac mortem, sed etiam pro Deo, quem

quem magis, quàm se ipsos diligebant, calos; & Angelos supergredientes omnia inuisibilia spreuerunt, ac pro Dei amore ab ipsa Dei fruitione, & ineffabili gloria excidere, non tamen petierunt, sed quod magis est etià optarunt, hæc tenus D. Chrysost. Quia de re legendi sunt Theodoret. Dionys. Carth. Lyran. & Benedictus Perer. ibidem, qui plura ad huius loci intelligentiam afferunt. Quantum verò spectat ad præsentis Note interpretationem, puto ego verba hæc scilicet, Si possibile esset sine offensa Dei separari à Deo pro salute fratrum, scripta esse hic per quandam exaggerationem, & emphasim, ut sic commodè exprimatur, quantus debeat esse amor noster, ac dilectio proximi, ut etiam nobis pro eius salute separari optandū sit à Deo, si absq; illius offensa fieri posset, quod sanè, & corporali morte, & quauis alia pæna execrabilis est, & Christiano homini maxime fugiendum, ac timendum, & in hunc quoque sensum accipi posse verba Pauli Apost. loco supra citato crediderim, cum enim Romanor. 8. dixisset, Quis separabit nos à charitate Christi, tribulatio, an angustia, an fames, an nuditas, an periculum, an persecutio, an gladius, modo in sequenti capite fratrum conuersionis anxius, ut illi salutem consequantur, etiam pro his à Christo separari optat, non quidem, quia eos seruatori Christo præferat, sed ut maximum in eos amorem suum sic exprimat.

7 Quid enim est aqua, nisi elementum, postquam verò effusus est sanguis Dei, venit ad elementum verbum Dei, & virtus effusi sanguinis Dei.

Quoniam noue legis Sacramenta à Christo Domino instituta sunt, & eorum vis, ac efficacia ab eius passione principaliter pendet, propterea à hoc loco legimus, Nō nisi post Christi sanguinis effusionem accessisse ad elementū verbum Dei, & tunc vere Sacramentū factum esse, quod etià animaduertit D. August. tract. 80. in Ioan. cum dixit Accedit verbum ad elementum, & sit Sacramentum.

8 In Baptismo quippè, siue per bonum, siue per malum ministratur ministerium remittitur paternum delictum.

Omninò credendū est, quòd sancti Patres suis scriptis affirmarunt, Sacramentū Baptismi à malis ministris collatū firmum, ratumq; esse, ac gratia fructum nullatenus impediri, nisi is, qui suscipit, Spiritui sancto velit per peccatum obsequere, seq. tanto bono fraudare: modo huiusmodi ministri ea forma, ac materia vtantur, quam ex Christi institutione semper Catholica seruauit Ecclesia, idq; facere intendant, quod ipsa in his administrandis facere consuevit, tunc enim verè paternum remittitur delictum, ut scribitur hic, Originale videlicet peccatum, quod ad nos à primis nostris parentibus transiit, augetur etiam gratia, & quodlibet aliud condonatur peccatum, idq; ex eo, vel maxime constat, quoniā hi quidem ministri in illa sacra functione non suā, sed Christi personā gerunt, propterea D. August. tract. 5. in Ioan. Si (inquit) superbus fuerit minister, cum Diabolo cōputatur, sed nō contaminatur donum Christi quod per illum fluit, optimè ergò sancti Patres ex D. Ioan. Euāg. colligūt, Iudā Iscariotē baptizasse plurimos, ex quibus tamen neminē iterum baptizatum fuisse inuenimus, ut mirum non sit, si D. Aug. loc. supra cit. scriptū reliquerit, Dedit Baptismum Iudas, & non Baptizatiū est, post Iudam, dedit Ioannes, & baptizatiū est, post Ioannem, quia si datum est à Iuda Baptisma erat, quod autē à Ioanne datum est, Ioannis erat, idem probat lib. 2. cōtra Epist. Parmen. cap. 13. Et si (inquit) Baptismus nulla necessitate resurpetur, & à quolibet cuiuslibet detur, quod datum fuit, non potest dici non datum, quamuis rectè dici possit illicitū datum, cōstat hoc etiam ex cap. A quodam Iudæo de consecrat. dist. 4. ubi Nicol. Papa definit, verum esse Baptismum datū à Iudæo sub debita forma, & clariū habetur in cap. Romanus. ead. dist. ubi legimus, Romanus Pontifex non hominē iudicat, qui baptizat, sed Spiritum Dei subministrare gratiam Baptismi, etiam si Paganus sit, qui baptizat. Indicat hoc etiam D. Thom. 3. p. 2. q. 67. art. 3. ad 1. & affirmat Conc. Trid. Sess. 7. Can. 4. ubi definit, Baptismum datum ab Hæreticis cum debita intentione, & forma, esse verum Baptismum.

VERBA SPONSÆ PRECANTIA
ad Christum, & ad Virginem, laudes
optimas inducendo. Et responsio
Virginis consolatoria ad filiam, pro-
bans per exempla exposita, quod
Deus iusto iudicio frequenter de men-
dacio Diaboli permittit, vt virtus Dei
fiat manifestior, & quomodo tribu-
lationes inductiuae sunt ad spiritua-
lia bona.

CAP. LXXV.

BENEDICTVS sis tu
Deus meus, Creator, &
Redemptor meus. Tu es
stipendium illud, quo à
captiuitate redempti su-
mus, quo ad salutaria cuncta dirigimur,
quo vnitati, & Trinitati sociamur. Pro-
pterea, etsi de feditate mea erubesco,
gaudeo tamen, quod tu, qui semel pro
salute nostra mortuus es, numquam
amplius morieris. Tu enim verè ille
es, qui etiam ante saecula eras. Tu es
qui potestatem habes, & vitæ & mortis.
Tu solus bonus, & iustus. Tu solus om-
nipotens, & metuendus. Ideo tu sis be-
nedictus in æternum. Sed quid de re-
dicam ò benedicta Maria mundi tota
salus? Tu es illi similis, qui amico do-
lenti de perdita re, subito fecit videri,
quod perditum erat, quo mitigabatur
dolor, creuit gaudium, & mens tota
reaccendebatur lætitia. Sic tu dulcis-
sima Mater, ostendisti mundo Deum
suum, quem homines perdiderant, ge-
nuistiquè eum in tempore, qui ante
tempora genitus est, ex cuius natiuitate
cælestia, & terrestria sunt gausa. Ideo
dulcissima Mater rogo te, adiuua me, nè
gaudeat inimicus meus de me, nè præ-
ualeat aduersum me fraudibus suis. Re-
spondit Mater. Ego iuuabo te, sed cur
turbaris, quod aliud ostendebatur tibi
spiritualiter, & aliud audiebatur corpo-

raliter, in eo scilicet, quod ille Miles,
qui viuuit corporaliter, ostendebatur tibi
mortuus spiritualiter, & spirituali auxi-
lio indigere. Sed audi nunc certitudi-
nem. Omnis namq. veritas de Deo est,
omneque mendacium à Diabolo, quia
pater mendacij est. Ideo quamuis veri-
tas ex Deo est, tamen de malitia Diabo-
li, & mendacio, quod Deus quandoque
permittit occulto iudicio, virtus Dei fit
manifestior. Sicut per exemplum indi-
cabo tibi. Virgo quædam fuit, quæ
sponsum suum tenerrimè diligebat, & si-
militer sponsus virginem, ex quorum
dilectione Deus glorificabatur, & pa-
rentes amborum lætabantur. Quod
inimicus eorum considerans, cogitauit
taliter. Scio (inquiens) quod sponsus,
& sponsa per tria conueniunt, scilicet
per litteras, per mutua colloquia, aut per
corporum vnionem. Ergo nè nuncios,
& portatores litterarum aditum obri-
neant, implebo vias omnes stipitibus,
spinis, & vncinis. Nè ergo appropin-
quent ad mutua colloquia, faciam clamo-
res, & strepitus, quibus distraherentur in
colloquendo. Nè verò nudi conueniant
in lecto, statuam custodes tales, qui
quamlibet rimam obseruabunt, nè ali-
quam occasionem obtineant conuenien-
di. Sponsus itaque astutior hoste intelli-
gens ista, dixit seruis suis. Hostis meus
ponit mihi insidias in talibus, & vos illis
locis attendite, quod si ita inueneritis, si-
nite eum laborare, donec posuerit la-
queos, & postea confurgentes, nõ interfici-
atis eum, sed deludendo inclamate eum.
Vt conferti vestri videntes astutias ho-
stis, efficiantur sollicitiores in vigilando,
& custodiendo. Simili modo est etiam
in spiritualibus. Nam litteræ quibus spon-
sus, & sponsa, id est Deus, & bona anima
conueniunt, nihil aliud sunt, nisi oratio-
nes, & suspiria bonorum, sicut enim
litteræ corporales, indicant affectum, &
voluntatem emittentis eas, sic ora-
tiones bonorum ingrediuntur ad cor
Dei,

Dei, & coniungunt animam Deo in vnum vinculum charitatis: Sed Diabolus quandoque impedit corda hominum, nè rogent ea, quæ salutis animæ sunt. aut quod carnali voluptati contrariū est. Impedit quoque, nè rogantes pro alijs peccatoribus exaudiantur, qui peccatores pro se vtiliora animæ non petunt, nec rogant ea, quæ sunt ad vtilitatem sempiternam. Quid verò sunt mutua colloquia, quibus sponfus, & sponsa efficiuntur vnum cor, & vnā anima, nisi pœnitentia, & contritio: In quibus quandoque Diabolus tantum facit clamorem, quod ad inuicem non audiuntur. Quid autem est clamor eius, nisi suggestio eius praua, suggerens cordi fructuosè volenti pœnitere, dicendo inspirationibus suis. O anima (inquiens) delicata, durum est aggredi inconstueta, & insolita, numquid omnes possunt esse perfecti, sufficit tibi vnum esse de multis, quid maiora attentas? Cur facis, quod nemo facit? perseuerare enim non poteris. Derideris quidem ab omnibus, si te nimis humilias, & submittis. Talibus igitur anima delusa inspirationibus, cogitat secum, Graue (inquit) est consuetæ relinquere, ideo faciam confessionem de præteritis, sufficit enim mihi sequi viam plurimum, non valeo esse perfecta, Deus quippè est misericors: Nec redemisset nos, si perire nos voluisset. Talibus clamoribus impedit Diabolus animā, nè audiat Deus. Non quod Deus non audit omnia, sed quia in audiendo talia, non delectatur Deus, quando anima magis consentit tentationi suæ, quàm propriæ rationi. Quid verò est, quod Deus, & anima coniunguntur nudi, nisi desiderium cælestæ, & charitatis puræ, quibus anima flagrare debet omni hora. Sed hæc charitas impeditur quadrupliciter. Primò instigat Diabolus animæ, aliquid facere contra Deum, quod licet non reputatur graue, tamen delectat animum, & huiusmodi delectatio, quia leuigatur, nec curatur, odiosa est apud Deum.

Secundò inspirat Diabolus animæ, aliqua bona facere propter complacentiam hominū, & ommittere quandoque bona, quæ posset facere, propter honorem, & timorem mundi: Tertiò Diabolus immittit obliuionem faciendorum bonorum animæ, & tædium, per quæ animus abortus, attediatur in faciendo bona: Quartò, Diabolus sollicitat animam, aut in curis mundialium, aut in gaudio, & dolore superuacuo, seu in timore dispendioso. Per talia itaque impediuntur litteræ, & orationes iustorum, & mutua colloquia sponfi, & sponsæ. Sed licet Diabolus altitus sit, tamen Deus sapientior, atque fortior est, comminuens laqueos hostis, vt litteræ missæ peruenire valeant ad sponsum. Tunc autem franguntur laquei, quando Deus immittit cogitare, quæ bona sunt, & cor desiderat, vt obtrineat voluntatem fugiendi, quæ praua sunt, & faciendi, quæ placita sunt Deo. Dissipatur etiam clamor hostis, quando animam discretè pœnitet, habens velle, confessa non iterandi. Scito etiam, quod Diabolus non solum facit clamorem, & strepitum his, qui sunt inimici Dei, sed etiam amicis Dei, sicut per exemplum intelligere poteris, quasi esset virgo, cui, cum loqueretur vir, apparuit quoddam antipendium inter eos, quod quidem vir vidit, sed non virgo. Finita autem colloquutione, virgo eleuatis oculis, vidit antipendium, & timens cogitauit secum. Prouideat inquit Deus, nè forte laqueis hostis sis decepta. Sponfus verò videns virginem contristatam, remouit antipendium, & ostendit ei omnem veritatem. Sic etiam perfecti homines, visitantur inspirationibus diuinis, quibus Diabolus facit tunc clamores, quando vel eleuantur superbia subita, aut eiciuntur nimio timore, seu inordinate condescendendo tolerant aliorum peccata, aut nimia lætitiâ, vel tristitiâ dissoluntur. Similiè factum est, & tecum. Diabolus quippè instigabat quosdam

malè, aut restituerem, aut dimittere consilio electorum spiritualium seruorum Dei. O filia, talis cogitatio rara est in terra. Inquiramus etiam in Regibus, & in Ducibus, quis stat in laudabili suo statu. Ille quippè est Rex, qui in moribus suis est, sicut Iob, in humilitate, sicut Dauid, in zelo legis, ut Phinees, ut Moyses in mansuetudine, & longanimitate. Ille quoque est Dux, qui Regis exercitum regit, & informat ad praelia, qui fiduciam habet in Deo, & timorem, ut Iosue, qui utilitatem domini sui plus querit, quam propriam, ut Ioab, qui zelum legis, & commodum proximorum diligit, ut Iudas Machabæus. Talis Dux similis est Unicorni, qui acutum habet cornu in fronte, & sub cornu lapidem pretiosum. Quid autem est cornu Ducis, nisi cor virile Ducis, quomodo pugnandum est fortiter, hostesque fidei feriedi. Lapis verò sub cornu Ducis est charitas diuina, quæ iugiter in corde manens, reddit eum ad omnia agilem, & inuictum. Sed tunc Duces similiores sunt hedis lasciuis, quam unicornibus, quia ubique pugnant pro carne, non pro anima, nec pro Deo. Inquiramus ergo in Regibus, quis eorum non grauat subditos suos propter superbiam suam. Quis tenet statum suum iuxta redditus coronæ, quis restituit ea, quæ corona detinet iniuste? Quis est, qui exoccupat se ad faciendam iustitiam propter Deum, utinam filia in mundo Reges tales appareant, ut glorificetur Deus. Inquiramus insuper in Clero, quorum est diligere continentiam, paupertatem, & deuotionem, & certè hic etiam à via recesserunt. Quid autem sunt Clerici, nisi pauperes, & elemosynarii Dei? ut viuentes de oblatione Dei, tanto essent humiliores, & ad Deum feruentiores, quanto à curis mundi plus debent esse segregati. Ideò, & à tribulatione, & paupertate primum surrexit Ecclesia, ut Deus esset hæreditas eorum, & non in mundo, nec in carne, sed in Deo gloriarentur. 1 Sed numquid filia non potuisset Deus elegisse Reges, &

Duces in Apostolos, & tunc per eos hæreditate terrena ditata fuisset Ecclesia? Potuisset quidem, sed diues Deus venit in mundum pauper, exemplo, ut terrena ostenderet transitoria esse, & ut homo Domini sui addiceret, nec erubesceret paupertatem, sed ad veras diuitias, & celestes festinaret. Ideò cum paupere piscatore inchoabat pulcherrimam dispositionem Ecclesiæ, & posuit eum in locum suum, ut de sorte Domini, non de hæreditate, viueret in hoc mundo. Itaque à tribus bonis cepit Ecclesia: Primò à seruire fidei. Secundò à paupertate. Tertiò ab effectu virtutum, & miraculorum. Hæc quoque tria fuerunt in Beato Petro. Nam habuit seruiorem fidei, quando libera voce Deum suum confessus est, & pro ea mori non dubitauit. Habuit etiam paupertatem, & quando circumeundo mendicabat, & laborando manibus se pascēbat. Verumtamen in spiritualibus erat diues, quod maius est, quando scilicet claudo dedit gressum, quod nullus Principum potuit, cui aurum, & argentum dare non habebat. Sed numquid Petrus non obtinuisset aurum, qui suscitauit mortuum si voluisset? utique, sed exonerauit se ab onere diuitiarum, ut expeditus intraret cælum, & ut Magister ouium; humilitatis exemplum daret ouibus; quia humilitas, & paupertas, aut spiritualis, aut corporalis, ingressus est in cælum. 2 Tertiò fuit in eo effectus miraculorum, quia prætermisissis altioribus miraculis, etiam ad umbram Petri infirmi sunt sanati. Ergo, quia habuit secum perfectionem virtutum, quæ est contentari de necessarijs, & ideò lingua eius clauis cæli facta est; & nomen eius in benedictione est in cælis, & in terris. Qui verò nomina sua vocauerunt in terris, & stercora, id est terrena dilexerunt, neglecti sunt in terris, & in libro iustitiæ diuinæ horribiliter sunt descripti. Verumtamen Deus ostendere volens, quod non paupertas Petri, nec aliorum Sactorum coacta erat, sed spon-

tanea, idè incitabat animos multorum ad largiendum eis. Sed ipsi plus in paupertate, quàm in sentibus diuitiarũ gloriabantur, propterea, & quò plus abundabat in eis paupertas, tantò deuotio cumulatius augebatur. Et quidem mirum, qui enim partem suam, & gaudium posuerunt Deum, quomodo poterit Deus abesse eis? Qui verò delicias mudi appetebant, quomodo potuit eis dulcescere Deus? immò peregrinus erat in oculis eorum. 3 Processu verò temporis, vt amici Dei feruentiores, & expeditiores essent ad prædicandum verbum Dei, & vt sciretur, quòd nò diuitiæ malæ sunt, sed abusus earum, idè sub Siluestro, & alijs, bona temporalia Ecclesiæ data sunt, quas viri Sancti longò tempore, ad solam necessitatem suam, & amicorum Dei, pauperum sustentationem dispensabant. Ergo tales scito amicos Dei, qui contentantur de dispositione Dei, qui & si tibi non sunt cogniti, Filius meus subtilius videt eos, quia in duro metallo multoties inuenitur aurum, & de duro silice extrahitur scintilla ignis. Vade itaque secura, quia prius clamandum est, & postea faciendum, quia nec filius meus in carne manens omnem simul laudam conuertit. Nec Apostoli simul, & semel gentilitatem, sed tempora longiora habenda sunt ad perficiendũ opera Dei.

N O T A.

Sed nūquid filia non potuisset Deus elegisse Reges, & Duces in Apostolos, & tunc per eos hæreditate terrena ditata fuisset Ecclesia.

Beatissima Virgo hoc loco B. Brigittam certiore facit, quare Deus Apostolos non potentes, & diuites, sed pauperes, elegerit: cuius rei duas hic legimus causas, quarum prima est, vt homines sui exemplo magistris addicerent terrena negligere, quæ caduca, & mobilia sunt: secunda nē paupertatem crubescerent, sed temporalibus diuitijs posthabitis celestia sibi comparare studerent. Ceterum

sancti Patres proposita dubitationis causas inuestigantes affirmarunt, idcirco, Christum humiles, nec sapientes, aut doctos, vel nobiles ad Apostolatus officium assumpsisse, nē diuitiarum, aut nobilitatis intuitu ad suam gratiam eos traxisse videretur, neque Euangelij fructus humanis viribus, aut scientia, aut prudentia hominum adscriberetur, sed veritati tantummodo passionis suæ, & efficacie, ac etiam prædicationi tribueretur, vtq. per ea, quæ stulta, ac infirma mundi sunt, fortes, & sapientes confunderet: hinc Paulus 1. Corinth. 1. dicebat, Videte vocationem vestram fratres, quia non multi sapientes secundum carnem, non multi potentes, non multi nobiles, sed stulta mundi eligit Deus, vt fortia confundat, addit, & aliam causam D. Augustinus in expositione Psalmi 65. ad illa verba, Date gloriam laudi eius: Si doctos (inquit) primos elegisset, doctrine suæ meritò se electos putarent, & ita illorum scientia laudaretur, & laus Christi gratiæ minueretur, & serm. de Apostolis de hac electione verba faciens, Nō (inquit) de foro Iustiniani, sed de simplicitate piscatorum Apostolos assumpsit, inflat enim sapientia huius mundi, & legum ventosa loquacitas, elegit non Reges, non Senatores, non Philosophos, sed plebeios, pauperes, indotatos, piscatores, ineruditos liberalibus disciplinis, non peritos Grammatica, non armatos Dialectica, non Rhetorica inflatos, hoc ipsum latius explicat D. Chrysostom. siue quisquis fueris auctor operis imperfecti homin. 7. similitudine quadam artificis, qui gemmas rudens pretiosas, & non dolosas, eligit illas, non quod sint, sed quod fieri possint, habens enim artis scientiam bonum incompressum nō contemnit, sic Dominus rudens Apostolos non eorum eligit opera, sed corda, nec quasi Apostolos eligit eos, sed quia fieri poterant Apostoli, idem habet Clemens alexandrinus lib. 6. Stromatum.

2. Tertiò fuit in eo effectus miraculorum, quia prætermittis altioribus miraculis, etiam ad umbram Petri infirmi sanati sunt.

Tanta Apostolorum Principi edendi miracu-

racula virtus à Christo concessa est, ut & agrotantium morbos sui tantummodo corporis umbrae contactu sanaret, & idcirco Aëtor. 5. scripsit D. Lucas Euangelista, quod in plateas eijciebant infirmos, & in lectulis, & in grabatis ponebant, ut veniente Petro saltem obumbraret quicquam illorum, & liberaretur omnes ab infirmitatibus suis, qua in re nō defuerunt, qui dixerint, Petri miracula insigniora, ac præstantiora fuisse miraculis Christi Domini, sic Dionysius Carthusianus Aëtor. 5. & ibidem Theodorus Heraclensis, Rupertus, Beda, & D. Augustinus in Ioan. tract. 71. & 72. Maius (inquit) fuit umbrae suae transitu, quod Discipuli fecerunt, quā simbrae suae tactu, quod ipse omnes fecit sanari languentes, & hoc illud est, quod Dominus illis pollicitus fuerat Ioan. 14. Amen Amen dico vobis, qui credit in me, opera, quae ego facio, & ipse faciet, & maiora horum faciet: neque tamen censendum est hoc Christo derogasse, quia non sua Petrus, sed Christi virtute ea fecit, quod etiam, & Nos annotauimus supra hoc eodem Lib. Cap. 74. Nota 2. & obseruauerunt in locum D. Ioan. citatum, Beda, Euthymius, & Theophylactus, Theodorus verò Heracleotes tribus rebus Apostolorum miracula Christi miraculis cē suis excelluisse, Primum, quod ipsa per se maiora fuerint, ut de umbra Petri dictum est, Secundò, quod Christus nullum nisi beneficii loco miraculum fecerit, quale est mortuos suscitare, agrotos curare, Apostolos verò multa miracula, non ea solum, quae ad hominum beneficentiam, sed etiam quae spectarent ad penam fecisse, ut Aëtor. 5. & 9. legimus Petrum Ananiam, & Sapphiram solo verbo interemisse, & Paulum Elymam magum excacasse Aëtor. 13. & Corinthum illum Sathane vexandum tradidisse 1. Corinth. 5. Terriò Christum tantummodo in Iudaea, Apostolos verò per totum terrarum Orbem miracula patrasse, addit Rupertus, Christum non nisi una locum lingua, Apostolos omnibus, quod etsi non ad magnitudinem miraculorum, ad celebritatem saltem spectare affirmavit.

3 Processu verò temporis, ut amici Dei

feruentiores, & expeditiores essent ad prædicandum verbum Dei, & ut sciretur, quòd non diuitiae malae sunt, sed abusus earum, idèd sub Siluestro, & alijs, bona temporalia Ecclesiae data sunt.

Ex his verbis praesentis Nota duplex deducitur causa, quapropter Ecclesia bona temporalia collata sint; primò quidem ne amici Dei in sibi comparandis ad victum, & vestitum necessarijs solliciti fierent, & inde à verbi Dei praedicatione impediuntur, & tepidi, ac negligentes euaderent: idèd legimus Matth. 10. Marci 6. & Luca 9. Christum Dominum Apostolis praecipisse, ut de pedibus puluerem excuterent in signum excussionis diuitiarum appetitus, ac sollicitudinis, à quibus abstinere penitus debuerant, permisi eròd Deus ad hanc tollendam sollicitudinem, Ecclesiam diuitijs abundare, utq. etiam palam fieret, diuitias minime malas esse, sed illarum tantummodo abusum. Ceterum hoc loco legimus sub Siluestro Pontifice sanctissimo, plura illi fuisse donata ab Imperatore Constantino, quem non nisi diuinitus inspiratum id fecisse credimus, ad maiorem totius Ecclesiae, ac Fidei Catholicae amplitudinem, & maiestatem, præterquam quod ab eo, quasi in remunerationem pro salute, & victorijs calius comparatis, ceterisq. beneficijs acceptis, factum esse credendum est; seq. à Pontifice Siluestro huiusmodi donationem approbatam fuisse, in eaq. Summos Pontifices hætenus perseuerasse, ut constat distinct. 96. cap. Constantinus 1. & 2. & tradit Albertus Pighius lib. 5. Hierarch. Ecclesiasticae cap. 16. & Maior in 4. distinct. 15. quæst. 10. part. 2. & inter Iuris peritos Barriolus, Panormitanus, & alij plures, quos citat Ludouicus Molina de Iustitia, & Iure tract. 2. disput. 25. Silvester in verbo Papa quæst. 10. Cardinalis Baronius tomo 3. Annalium anno Christi 324.



VERBA SPONSÆ AD CHRISTVM,
magnificam misericordiam, quam
Christus cum ea fecit manifestantia,
& verba Christi ad Sponsam, eandem
misericordiam dulciter in Sponsa cō-
firmantia. Et qualiter ipsam elegit in
vas implendum vino, & per ipsam
seruitoribus Dei propinando, & de-
grata interrogatione, & humili Spon-
sæ ad Christum.

C A P. LXXVII.



MONOR sit omnipotenti
Deo pro omnibus, quæ
creata sunt, laus sit ei pro
omnibus suis virtutibus.
Decus, & seruitium red-
datur ei pro omni charitate sua. Ego in-
digna persona, quæ à iuuentute mea mul-
ta cōtra te Deum meum deliqueram, re-
grator tibi dulcissime Deus meus. Et pro
hoc maxime, quòd nullus ita criminofus
est, quòd ei misericordiam tuam dene-
gas, qui cum charitate, & vera humilitate
misericordiam à te postulat, cum propo-
sito emendandi. O charissime Deus, &
omnium dulcissime, mirabile omnibus
audientibus est illud, quod tu mecum fe-
cisti. 1 Nam quando placet tibi, tunc so-
pis corpus meum, non tamen sopore cor-
porali, sed quiete spiritali. Animam au-
tem meam tunc quasi à somno excitas ad
videndum, & audiendum, atque sentien-
dum spiritaliter. O Domine Deus, ò
quàm dulcia sunt oris tui verba. Videtur
verò mihi, quoties verba spiritus tui au-
dio, quòd anima mea in se illa deglutiat
cum quodam sentimento ineffabilis dul-
cedinis, sicut suauissimum cibum, qui
cadere videtur in cor corporis mei, cum
magno gaudio, & ineffabili consolatione.
Mirabile tamen hoc esse videtur, quòd
dum verba tua audio, tunc verumque
efficior, scilicet satiata, & famelica, pro-
pter hoc autem satiata, quia tunc nihil

aliud mihi libet nisi illa, propter hoc ve-
rò famelica, quia semper augetur appeti-
tus meus ad illa. Benedictus igitur sis tu
Deus meus Iesu Christe, da ergo mihi Do-
mine auxilium tuum, vt omnibus diebus
vitæ meæ, quæ tibi placita sunt, perficere
valeam. Christus autem respondit, di-
cens: Ego sum sine principio, & sine fine,
& omnia creata sunt ex potentia mea, &
ordinata ex sapientia mea, omnia etiam
reguntur ex meo iudicio, nihilq. mihi im-
possibile est, & verè omnia opera mea
cum charitate sunt disposita. Et ideo ni-
mis durum est illud cor, quod non vult
diligere me, nec me timere, cum sim
verumque, scilicet omnium hominum
nutritor, & iudex. Diaboli autem, qui
lector meus est, & ipforum hominum
proditor, voluntatem faciunt. Ipseq. de-
niq. tam pestiferum virus in mundo pro-
pinauit, quòd viuere non potest anima,
illud delectabiliter pregustans, sed mor-
tua in Infernum cadit, in miserijs tamen
æternaliter victura. Hoc autem virus
peccatum est, quod licet multis dulciter
sapit, in fine tamè horribiliter amarescit.
Hoc certissimè venenum de manu dia-
boli bibitur cū delectatione omni hora,
& quis talia audiuit vmquam, aut maius
mirum. 2 Præbetur enim hominibus
vita, & ipsi mortem eligunt, & volunta-
riè amplectuntur. Ego autem, qui po-
tens sum super omnia, compator eorum
miseriæ, & angustiar magnæ. Ego enim
feci sicut Rex diues, & charitatiuus, qui
mittēs familiaribus seruitoribus suis pre-
ciosum vinum, diceret, ita propinate plu-
ribus vinum, quàm vobis solis, quoniam
valdè salubre est. Hoc enim ægris sani-
tatem reddit, mœstis consolationem, &
sanis hominibus cor virile. Vinum etiam
non mittitur sine vase. Verè sic ego feci
in Regno hoc. Ego quidem seruitoribus
meis misi verba mea, quæ vino optimo
comparantur, & ipsi alijs ea dabunt,
quoniam salubria sunt. Per vas autem
te intelligo, quæ verba mea audis. Nam

tu utrumque fecisti, quia verba audisti, & prout iusti, quia tu es vas meum proprium, quod implebo dum voluero, & ex quo, dum mihi placuerit exhaurio, & ideo spiritus meus monstrabit tibi, quod pergere debeas, & quid loquaris, & neminem timeas nisi me. Sed gaudenter quocunque voluero debes pergere, & intrepidè dicere, quod tibi mandauero, quoniam mihi nihil potest resistere, & ego tecum volo manere. Deindè loquebatur sponsa. Ego (inquit) quæ audiui hanc vocem, cū lacrymis sic respondi: O mi Domine Deus, ego quæ sum quasi minima culex in potestate tua, rogo, vt des mihi licentiam respondere tibi. Vox autem respondit, dicens. Ego responsum tuum prius noui, quàm tu eam cogitasti. Verumtamen do tibi loquendi licentiam. Tunc inquit sponsa. Ego quæro, quare tu O omnis gloriæ Rex, & omnis sapientiæ infusor, atque omnium virtutum operator, & ipsa virtus, ad tale officium me vis assumere, quæ corpus in peccatis consumpseram, quæ quo ad sapientiam sum similis Asino, & ad virtutum operationem defectuosa, Noli mihi dulcissime Deus Iesu Christe propter hoc irasci, quod sic te interrogaui, nihil enim diffidendum est de te, quoniam facere potes quidquid volueris, de me autem totaliter miror, quoniam in multis te offendi, & parum emendaui. Vox quoque respondit, dicens. Ego quidem per similitudinem tibi respondeo. Si Regi diuiti, & potenti diuersæ monetæ præsentarentur, quas postea Rex conflare faceret, & quidquid, sicut placeret, ex eis fabricari, vt putà coronas, & anulos de moneta aurea, scutellas, & vasa bibitoria de moneta argentea, lebetes, & sartagine de moneta cuprea, his quoque omnibus Rex vteretur ad suum commodum, & honorem. Vndè cum non mireris, quod ipse sic faceret. Ideo non magis tibi mirandum sit, quod ego amicorum meorum corda per ipsos mihi præsentata, libens accipio, de eis quidquid mihi placet fa-

ciendo. Et quamuis aliqui maiorem sensum habeant, aliqui autem minorem, tamen dum ipsi mihi corda sua præsentant, tunc aliquibus vtor ad vnum, aliquibus ad aliud, omnibus autem ad gloriam meam, & honorem, quoniam cor iusti est monetæ, mihi summè placens, & ideo ea, quæ mea sunt, ordinare possum, sicut volo, & cum tu mea sis, mirari non debes, de his, quæ tecum facere voluero. Sed constans, & stabilis esto ad sustinendum, & voluntaria ad faciendum, quidquid tibi præcepero. In omnibus enim locis sum potens omnia dare tibi necessaria.

NOTÆ.

NAm quando placet tibi tunc sopis corpus meum, non tamen sopore corporali, sed quiete spirituali; animam autem meam tunc quasi à somno excitas, ad videndum, & audiendum, atque sentiendum spiritualiter.

Ad horum intelligentiam, duo nobis breuiter explicanda sunt: Primum quidem quid sit sopor ille spiritualis, cuius hoc loco mentio fit: Secundo in quo verè discrepet à corporali somno, quandoquidem ex verbis huius Notæ discrepare colligimus. Et quantum ad primum dicendum videtur, soporem hunc spirituales aliud non esse, quàm exstasim, in quem B. Brigitta frequenter rapiebatur, & hos libros legenti palam fieri potest, est ergo exstasis, vt Auctor est D. Isidorus lib. 7. Etimolog. cap. 13. Et D. Thom. 2. 2. q. 175. art. 2. ad primum, quidam mentis excessus, sicut Ag. 10. de B. Petro tradit D. Lucas, & cecidisse super eum mentis excessum, tria autem cum exstasi reperiuntur, vt nos latè docuimus in Tract. de Visionib. ac Reuel. Cap. 3. Primo sensum quandam alienatio, Secunda affectus quidam mentis circa boni contemplationem. Tertia quies in illo bono contemplator, & quia dilectio hæc tria comprehendit, idcirco D. Dionysius egregie 4. cap. de Diuinis nominibus docuit, amorem exstasim facere, quæ omnia adamussim explicauit idem D. Dionys. eodem lib.

VERBA SPONSÆ AD CHRISTVM,
magnificam misericordiam, quam
Christus cum ea fecit manifestantia,
& verba Christi ad Sponsam, eandem
misericordiam dulciter in Sponsa cō-
firmantia. Et qualiter ipsam elegit in
vas implendum vino, & per ipsam
seruitoribus Dei propinando, & de-
grata interrogatione, & humili Spon-
sæ ad Christum.

C A P. LXXVII.



MONOR sit omnipotenti
Deo pro omnibus, quæ
creata sunt, laus sit ei pro
omnibus suis virtutibus.
Decus, & seruitium red-
datur ei pro omni charitate sua. Ego in-
digna persona, quæ à iuuentute mea mul-
ta cōtra te Deum meum deliqueram, re-
grator tibi dulcissime Deus meus. Et pro
hoc maximè, quòd nullus ita criminosus
est, quòd ei misericordiam tuam dene-
gas, qui cum charitate, & vera humilitate
misericordiam à te postular, cum propo-
sito emendandi. O charissime Deus, &
omnium dulcissime, mirabile omnibus
audientibus est illud, quod tu mecum fe-
cisti. 1. Nam quando placet tibi, tunc so-
pis corpus meum, non tamen sopore cor-
porali, sed quiete spirituali. Animam au-
tem meam tunc quasi à somno excitas ad
videndum, & audiendum, atque sentien-
dum spiritualiter. O Domine Deus, ò
quàm dulcia sunt oris tui verba. Videtur
verò mihi, quories verba spiritus tui au-
dio, quòd anima mea in se illa degluciat
cum quodam sentimento ineffabilis dul-
cedinis, sicut suauissimum cibum, qui
cadere videtur in cor corporis mei, cum
magno gaudio, & ineffabili consolatione.
Mirabile tamen hoc esse videtur, quòd
dum verba tua audio, tunc vtrumque
efficior, scilicet satiata, & famelica, pro-
pter hoc autem satiata, quia tunc nihil

aliud mihi libet nisi illa, propter hoc ve-
rò famelica, quia semper augetur appeti-
tus meus ad illa. Benedictus igitur sis tu
Deus meus Iesu Christe, da ergo mihi Do-
mine auxilium tuum, vt omnibus diebus
vitæ meæ, quæ tibi placita sunt, perficere
valeam. Christus autem respondit, di-
cens: Ego sum sine principio, & sine fine,
& omnia creata sunt ex potentia mea, &
ordinata ex sapientia mea, omnia etiam
reguntur ex meo iudicio, nihilq. mihi im-
possibile est, & verè omnia opera mea
cum charitate sunt disposita. Et idè ni-
mis durum est illud cor, quod non vult
diligere me, nec me timere, cum sim
vtrumque, scilicet omnium hominum
nutritor, & iudex. Diaboli autem, qui
lictor meus est, & ipsorum hominum
proditor, voluntatem faciunt. Ipseq. de-
niq. tam pestiferum virus in mundo propi-
nauit, quòd viuere non potest anima,
illud delectabiliter pregustans, sed mor-
tua in Infernum cadit, in miserijs tamen
æternaliter victura. Hoc autem virus
peccatum est, quod licet multis dulciter
sapit, in fine tamè horribiliter amarescit.
Hoc certissimè venenum de manu dia-
boli bibitur cū delectatione omni hora,
& quis talia audiuit vmquam, aut maius
mirum. 2. Præbatur enim hominibus
vita, & ipsi mortem eligunt, & volunta-
riè amplectuntur. Ego autem, qui po-
tens sum super omnia, compatior eorum
miseriæ, & angustia magnæ. Ego enim
feci sicut Rex diues, & charitativus, qui
mittēs familiaribus seruitoribus suis pre-
tiosum vinum, diceret, ita propinate plu-
ribus vinum, quàm vobis solis, quoniam
valdè salubre est. Hoc enim ægris sani-
tatem reddit, mœstis consolationem, &
sanis hominibus cor virile. Vinum etiam
non mittitur sine vale. Verè sic ego feci
in Regno hoc. Ego quidem seruitoribus
meis misi verba mea, quæ vino optimo
comparantur, & ipsi alijs ea dabunt,
quoniam salubria sunt. Per vas autem
te intelligo, quæ verba mea audis. Nam

tu utrumque fecisti, quia verba audisti, & protulisti, quia tu es vas meum propriū, quod implebo dum voluero, & ex quo, dum mihi placuerit exhaurio, & idē spiritus meus monstrabit tibi, quō pergere debeas, & quid loquaris, & neminem timeas nisi me. Sed gaudenter quocunque voluero debes pergere, & intrepidē dicere, quōd tibi mandauero, quoniam mihi nihil potest resistere, & ego tecum volo manere. Deindē loquebatur sponsa. Ego (inquit) quā audiui hanc vocem, cū lacrymis sic respōdi: O mi Domine Deus, ego quā sum quasi minima culex in potestate tua, rogo, vt des mihi licentiam respondere tibi. Vox autem respondit, dicens. Ego responſionem tuam prius noui, quā tu eā cogitaſti. Verumtamen do tibi loquendū licentiam. Tunc inquit sponsa. Ego quæro, quare tū O omnis gloriæ Rex, & omnis sapientiæ infuſor, atque omnium virtutum operator, & ipsa virtus, ad tale officiū me vis assumere, quā corpus in peccatis consumpsēram, quā quo ad sapientiam sum similis Afino, & ad virtutum operationem defectuosa, Noli mihi dulcissime Deus Iesu Christe propter hoc irasci, quōd sic te interrogauī, nihil enim diffidendum est de te, quoniam facere potes quidquid volueris, de me autem totaliter miror, quoniam in multis te offendi, & parum emendauī. Vox quoque respondit, dicens. Ego quidem per similitudinem tibi respondeo. Si Regi dixit, & potenti diuersæ monetæ præſentarentur, quas postea Rex conſulari faceret, & quidquid, sicut placeret, ex eis fabricari, vt putā coronas, & anulos de moneta aurea, scutellas, & vasa bibitoria de moneta argentea, lebetes, & sartagines de moneta cuprea, his quoque omnibus Rex vteretur ad suum commodū, & honorem. Vnde cum non mireris, quōd ipse sic faceret. Idē non magis tibi mirandum sit, quōd ego amicorum meorum corda per ipsos mihi præſentata, libens accipio, de eis quidquid mihi placet fa-

ciendo. Et quamuis aliqui maiorem sensum habeant, aliqui autem minorem, tamen dum ipsi mihi corda sua præſentant, tunc aliquibus vtor ad vnū, aliquibus ad aliud, omnibus autem ad gloriam meā, & honorem, quōmā cor iusti est moneta, mihi summē placens, & idē ea, quæ mea sunt, ordinare possum, sicut volo, & cum tu mea sis, mirari non debes, de his, quæ tecum facere voluero. Sed cōstans, & stabilis esto ad sustinendum, & voluntaria ad faciendum, quidquid tibi præcepero. In omnibus enim locis sum potens omnia dare tibi necessaria.

NOTÆ.

NAm quando placet tibi tunc sopis corpus meum, non tamen sopore corporali, sed quiete spirituali; animā autem meam tunc quasi a somno excitas, ad videndum, & audiendum, atque sentiendum spiritualiter.

Ad horum intelligentiam, duo mihi breuiter explicanda sunt: Primum quidem quid sit sopor ille spiritualis, cuius hoc loco mentio fit: Secundū in quo verē discrepet a corporali somno, quandoquidem ex verbis huius Notæ discrepare colligimus. Et quantum ad primum dicendum videtur, soporem hunc spiritualem aliud non esse, quā exstasim, in quem B. Brigitta frequenter rapiebatur; et hos libros legenti palam fieri potest, est ergo exstasis, vt Auctor est D. Isidorus lib. 7. Etimolog. cap. 13. Et D. Thom. 2. 2. q. 175. art. 2. ad primum, quidam mentis excessus, sicut Act. 10. de B. Petro tradit D. Lucas, cecidisse super eum mentis excessum, tria autem eū exstasi reperiuntur, vt nos latē docuimus in Tract. de Visionib. ac Reuel. Cap. 3. Primo sensum quædam alienatio, Secundū affectus quidam mentis circa boni contemplationem. Tertiū quies in illo bono contemplato; Et quia dilectio hæc tria comprehendit, idcirco D. Dionysius egregiè 4. cap. de Diuinis nominibus docuit, amorem exstasim facere, quā omnia adamussim explicauit idē D. Dionys. eod. lib.

lib. cap. 7. & D. Augustinus de Spiritu, & anima cap. 24. D. Bernard. in Cant. serm. 23. Dionysius Carthusianus, Lyranus, & alij Act. 10. quos citauimus in Tract. de Reuelat. Capit. 3. ubi attulimus discrimen inter extasim, & mentis excessum. Sed quoniam hoc loco soporem hunc spirituales, seu extasim differre à corporali legimus, ideo repetendum esse censui hic ad praesentis Notae intelligentiam, quod Nos Cap. supracitato tradidimus. Sciendum ergo est, soporem illum spirituale à corporali somno differre tripliciter, Primum quidem, quia sopor, qui in corporali somno contingit à causa merè naturali provenit, nimirum ab eleuatione vaporum ad cerebrum, is vero, qui in extasi suspendit simpliciter, & immediate à libera Dei voluntate, per quam homines ad supremum cōtemplationis gradum eleuat: hinc oritur secundum discrimen, quoniam illud sensuum ligamen per vaporum vehementem commotionem produ. Etum semper, vel ut plurimum est cum aliquali deordinatione, quod in extasi fieri non potest, quia Deo illa adscribi posset, à quo produciatur, quod asserere maxima esset blasphemiam, ut annotauit D. Thom. 2. 2. q. 173. art. 3. & Card. Caietanus ibi, & de veritate, q. 13. art. 1. Tertiò differunt quoniam dormientes, ut plurimum decipiuntur in pluribus, quod nullatenus in extasim positus contingere potest, quia à Spiritu sancto est, qui Spiritus veritatis dicitur Ionn. 15. Postremò quoque discrepant, quia frequenter dormientes eorum, quae viderunt, quae in somnijs dixerunt, non recordantur, & multoties insciji sunt, secus vero patientibus extasim accidit, qui, cum sensibus restituantur, tunc magis suas mentes supernaturali lumine illustratas esse sentiunt, quod etiam euidenter probatur ex verbis praesentis Capituli, quae sunt: O Domine Deus, o quam dulcia sunt oris tui verba, & alia, quae sequuntur, quae omnia à B. Brigitta dicebantur post extasim, quando Deo de sibi reuelatis gratias agebat.

Præbetur enim hominibus vita, & ipsi mortem eligunt.

Praesentis Notae verba de spirituali vita,

& spirituali morte intelligenda esse arbitror, quod manifestè deducitur, cum ex antecedentibus, cum etiā consequentibus: agitur namq. de his, qui peccantes, dicuntur voluntariam mortem eligere, quoniam excludunt à se gratiam, quae vera est vita anima, & peccati mortale committunt, per quod occiditur anima, ut Sapient. 16. dicitur: Homo per malitiam occidit animam suam, & hac proprie mors spiritualis appellatur, ut annotauimus supra hoc eodem Lib. Cap. 7. 2. Nota 2.

VERBA SPONSÆ DIVINITVS
reuelata, immò ab ore dulcissimo Vir-
ginis gloriose clarè, & absque antipe-
dio Sponsæ directæ, & promulgata, &c.

C A P. LXXVIII



ESTRÆ honorandæ Pa-
ternitati. Ego vidua quæ-
dam significo, quod mul-
lieri cuidam in sua patria
existenti multa valde mi-
raculosa sunt reuelata, quæ diligenti exa-
mine Episcoporum, ac Magistrorum
claustralium, & sæcularium Clericorum
probata sunt, ex pia, & mirifica sancti Spi-
ritus illustratione, & non aliundè proce-
fisse, quod etiam illius Regni Rex, & Re-
gina nouerunt probabili ratione. 1. Ea-
dem itaque mulier ad Urbem Romanā
peregrè profecta est, quæ die quadam in
Ecclesia Maiori Beatz Mariæ Virginis
orationi vacans, rapta est in spirituales
visionem, corpore tamquam in grauedi-
nem ducto, sed non tamen in somni gra-
uedinem. In illa deniq. hora apparuit ei
quædam reuerendissima Virgo. Mulier
autem prædicta admiratione visionis tur-
bata, fragilitatem suam recognoscens,
Diaboli timebat fraudulentiam, diuinæ
pietati intimè supplicans, nè permitteret
eam in diabolica cadere tentamenta. Vir-
go igitur, quæ ei apparebat, ait: Ne ti-
meas ea, quæ nunc videris, seu audieris,
à Spiritu maligno fore existimās. 2. Quæ-
damo.

admodum enim cum Solis appropinquatione duo veniunt, lux videlicet, & calor, hæc autem caliginosam vmbra non sequuntur. Simili modo cum Spiritus sancti aduentu, in cor hominis hæc duo veniunt, ardor videlicet diuinæ charitatis, & Catholicæ Fidei perfectæ illuminatio. Hæc autem duo in teipsa nunc sentis, ita quod nihil diligis sicut Deum, & in Catholicæ Fidei integritate, tibi non deficit vnus punctus. Sed hæc duo malignum spiritum, qui vmbra caliginosæ comparatur, non sequuntur. Deinde eadem Virgo subiunxit, dicens eidem mulieri: Tu debes verba mea mittere tali Prælo ex parte mea. Cui cum magno mœrore mulier respondit, dicens: O mea Reuerenda Virgo non crederet mihi, sed magis sicut existimo, habebit verba pro derisu, quam pro diuina veritate. Cui Virgo respondit, dicens: Quamuis ego cordis eius dispositionem, ac responsionis prolationem, suæque vitæ terminationem tam benè nouerim, nihilominus tamen ei verba mea mittere debes. 3 Ego quidem ei notum facio, quod in parte dextra sanctæ Ecclesiæ fundamentum vehemèter dilapsum est, in tantum quod summa testudo plures in se rupturas habet, dans ex se casus tam periculosos, quod multi ex se subeuntibus perdunt vitam. Pleriq; eius columnæ, quæ in altum tēgere deberent, vsque ad terram se iam inclinant, totumque pauimentum eius tam folum est, quod cæci introeuntes periculose cadunt, & adhuc interdum contingit clarè videntes vnà cum cæcis grauiter cadere, causa periculorum, fossarum eiusdem pauimenti. Et propter has causas stat nimis periculose Ecclesia Dei. Et quid sibi ex hoc eueniet, statim propinquius esse dignoscitur. Nam ruinam certissimè patietur, nisi reparationis iuuamen habuerit. Et ipsius ruina tam grandis erit, quod per totam Christianitatem audietur, & hæc

debent spiritualiter intelligi. Ego autem illa Virgo sum, in cuius vterum Dei Filius venire dignatus est cum Deitate, & Spiritu sancto, exclusa quacumque contagiosa corporis delectatione. Et ille idem Dei Filius de meo clauso vtero natus est cum deitate, & humanitate, & Spiritu sancto, cum maxima consolatione mei, & sine pœna. Ego etiam iuxta crucem eius steti, quando ipse cum vera patientia infernum victoriosè deuincebat, ac sui cordis sanguine cælum aperiebat. Ego quippè in monte eram, dum idem Dei Filius, qui quidem est meus Filius, ad cælos ascendeat. Ego deniq; totam Catholicam Fidem clarissimè noui, quam ipse euangelizando, omnes cæleste Regnum ingredi volentes, edocuit. Ego itaque iam sto super mundum cum oratione mea assidue ad meum charissimum Filium, sicut arcus super nubes cæli, qui ad terram inclinari videtur, & ambobus finibus suis eam tangere. Per arcum enim me ipsam intelligo. Nam ad habitatores mundi me inclino, scilicet tangendo utrosque, bonos, & malos cōtinua oratione mea, ad bonos namque me inclino, vt ipsi in his, quæ sancta Mater Ecclesia præcipit, stabiles efficiantur. Ad malos verò, nè in malitia sua habeant processum, & deteriores fiant. Illi igitur, cui hæc verba mitto, notū facio, quod ex vna parte tetra, horribiles nubes surgunt contra arcus claritatem, per quod illos intelligo, qui in carne sua vitam meretricalem habent, & sunt infatigabiles, ac sine fundo, sicut vorago maris ad cupiditatem pecuniæ. Bona quoque irrationabiliter, & prodigaliter, sicut torrens in impetu suo aquam suam effundit, pro pompa terrena, & superbia largiuntur. Hæc itaque tria nunc exercent sanctæ Ecclesiæ pleriq; prouisoires. Quorum peccata in cælum ascendunt abominabilia, & tetra ante Dei cōspectum contra meam orationem, sicut terribilissimæ nubes, cōtra

clarum arcum celi. Et sic hi, qui vnā mecum Deum placare deberent, ipsi iram eius contra seiplos grauissimè excitant. Et tales in sancta Ecclesia exaltari non deberent, sed deprimi. Qui cumque igitur curam apponere voluerit, vt Ecclesie fundamentum stabile fiat, ac pauimentum planum renouare cupiens, illam benedictam vineam, quam ipse Deus plantauit, ac sanguine suo irrigauit, si se ad hoc modicum, seu insufficientem esse crediderit, ego Regina celi, cum omnium Angelorum cœtibus sibi in adiutorium venire volo, zabulosas radices extirpando, & steriles arbores ad comburendum in ignem eijciendo, ac in earum locis plantando ramusculos fructuosos. Per vineam autem intelligo sanctam Dei Ecclesiam, in qua duo, scilicet humilitas, & diuina charitas deberent renouari, hæc omnia verò illa gloriosa Virgo, quæ mulieri apparuit, mitti præcepit vobis in scriptis. Vnde nouerit vestra Reuerenda Paternitas, quod ego, quæ hanc litteram vobis misi, iuro per Iesum verum, & omnipotentem Deum, & per eius dignissimam Matrem Mariam, volens vt ita me adiuuent ad vtrumque scilicet corpus, & animam, sicut hanc litteram propter aliquè mûdi honorem, siuè propter cupiditatem, aut propter humanum fauorem non misi. Sed quia inter alia plura verba, quæ eidem mulieri in spiritali reuelatione dicta sunt, omnia, quæ hæc cartula in se continet, iussa sunt vestra dignitati intimari.

E Adem itaque mulier ad Urbem Romanam peregrè profecta est, quæ quadam in Ecclesia Maiori Beate Virginis orationi vacans rapta est in spiritali visionem.

In principio presentis Capituli loci mentio

fit, in quo Beatissima Brigitta Reuelationes, quæ hoc Capite continentur diuinitus accepit, & hæc fuisse Ecclesiam Sanctæ Mariæ Maioris de Vrbe arbitror, insuper & ipsam Beatam Brigittam personam diligenter describitur, vt certior, ac notiora redderentur ea, quæ prædicat, & quæ deinceps nullus dubitare queat, hæc esse diuinitus datas reuelationes, & non demonum illusiones: hanc ob causam consueverunt etiam Propheta, in suarum Reuelationum initijs, meminisse locorum, parentum, Regum, & Ducum, sub quibus prophetarunt, vt ex his, & fides eis præstaretur, & prophetia certior, ac verior haberetur. Rursus sciendum est hoc loco, tradi modum, quo Beata Brigitta Reuelationes presenti Capite contentas accepit, cum scribitur rapta in spiritali visionem, corpore tamquam in grauedinem ducto, non tamen in somni grauedinem. Ad cuius rei cognitionem dicendum Nobis est, visionem spirituales esse, cum dormientes, aut etiam vigilantes, non corpora, sed verum imagines cernimus, quibus aliquid aliud significatur, vt Genesis 41. legimus somnio vidisse Pharaonem septem spicas, quæ pullulabant culmo vno plene, & formosæ, & alias septem tennes, & percussas credine, deuorantes priorum pulchritudinem, & per primas septem significabantur septem dona Spiritus sancti, vt admonuerunt Eucherius, Rupertus, & alij. Septem verò alie designabant sterilitatis annos, quæ nouissimis Antichristi temporibus futura est, eo quod fame veritatis, & verbi Dei, tunc magna populorum copia peritura est. Ceterum plura ex sacris litteris ad visionem hanc spirituales declarandam exempla attulimus in Tractatu de Reuelationibus Cap. 1. 2. & 3. ubi hac de re latissime egimus: ex quibus quispiam aptè colligere poterit, quæ, & qualis spiritalis, seu imaginaria visio sit, quid ve significet, Beatam Brigittam in visionem spirituales raptam esse, illa namque sub similitudine quadam columnarum, pavimenti, Arcus celestis, & vineæ, prædicat hoc loco, Ecclesiam visio Prælatorum, & prauo malorum Christianorum exemplo dam-

na plurima, & incommoda passuram esse, quandoquidem Prelati, qui columna, & pa-
uimentum eius sunt, quibus sustentanda est,
ruina ansam præbebant, idèq. scribitur hic
paulò antè medium huius Capituli, Pleriq.
columna eius, quæ in altum tendere deberent,
se ad terram usque inclinant, eiusq. pau-
imentum effossum est: rursus præuidit quòd
Beatissima Virgo pro Ecclesia perpetuò Deū
rogare consueuerat, & hoc sub similitudine
caelestis Arcus, cui Maria hoc loco similis esse
perhibetur, cum dicitur: Ego itaque sto super
mundum, cum oratione mea assidue ad meū
carissimum filium, sicut Arcus super nubes celi.
Huius autè similitudinis causas aliquot red-
didimus Lib. 3. Reuelat. Cap. 10. Nota 1.

2. Quemadmodum enim Solis appro-
pinqnatione duo veniunt.

Ex duobus hic colligitur signis, Beate Bri-
giæ Reuelationes cælestis fuisse inspiratas, &
nullo pacto demonis ministerio datas; hæc
namque duo signa sunt, & mentis illustra-
tio, & amoris diuini inflammatio, quæ sanè
à demone nullatenus possunt provenire, ut
hoc loco traditur paulò post verba præsentis
Note, ubi legimus: Sed hæc duo malignum
spiritum, qui umbra caliginosæ comparatur,
non sequuntur, quod etiam affirmavit Diuus
Bernardus serm. 8. in Cantica, quem supra
citauimus Libro 1. Reuelat. Cap. 4. Nota 2.
ubi de eadem re fusius egimus.

3. Ego quidem ei notum facio, quod in
parte dextera sanctæ Ecclesiæ fundamē-
tum vehementer dilapsum est.

A verbis præsentis Note, usque ad fi-
nem Capituli omnia repetuntur, ad verbum
Lib. 3. Reuelat. Cap. 10. quæ ergo ad horum
intelligentiam faciunt, ibi Lector explicata
inueniet.

PROEMIUM NOTABILE IN QVO
multa bona continentur, diuinitus
eidem Sponsæ reuelatum, super in-
formatione vtilissima, quæ contine-
tur in sequenti Capitulo.

CAP. LXXIX.



IN QVO, & gloria sit omni-
potenti Deo pro omnibus
suis operibus. Sit, & ipsi
honor perpetuus, qui te-
cum inchoauit gratiā fa-
cere. Nos videmus, quòd dum terra
cooperta fuerit niue, & frigore, quæ-
cumque semina in eam sparsa fuerint,
certum est quòd germinare non possunt
nisi in locis paucissimis, quæ ex radijs
solaribus calefiunt, ubi ex beneficio foli-
a, gramina, & flosculi oriuntur. Ex
quibus cognosci poterit cuius generis
sint, aut cuius virtutis. Verè simili mo-
do totus mūdus videtur mihi superbie,
& cupiditatis, atque luxuriæ frigore, tam
duriter iam coopertus existere, quòd
(heu!) paucissimi sunt, quorum verbis,
atque operibus intelligi possit, Dei per-
fectam charitatem in ipsorum cordibus
habitare. Vndè sciendum est, quòd si-
cut Dei amici indè gauisi sunt, quòd
Lazarum à morte viderunt resuscita-
tum ad Dei gloriam, ita, & nunc Dei
amici gaudere possunt, quando aliquem
resurgere viderint à prædictis tribus vi-
tijs, quæ sunt verissimè mors æterna.
Item notandum, quòd sicut Lazarus re-
suscitatus, post resurrectionem suam
duplex odium incurrit. Nam quosdam
hostes corporales habebat, scilicet ho-
mines, qui erant inimici Dei, & hi La-
zarum corporaliter oderunt. Quosdam
etiam hostes habebat spirituales, scili-
cet dæmones, quæ numquam deside-
rant amici Dei fieri, & illi eum oderunt
spiritualiter. Ita etiam quicumque
nunc à vitijs mortalibus resurrexerint

seruare volentes castitatem, & fugere superbiam, & cupiditatem, duplex odium incurrunt. Nam dupliciter homines, qui Dei inimici sunt, eis nocere volunt corporaliter. Et Diaboli etiam duplici modo eos damnare, seu nocere conantur spiritualiter. Primò namque homines mundani verbis suis vituperant eos. Secundò etiam si possunt libenter eos operibus suis molestant, vt sic eos sibi in vita, & actibus similes faciant, retrahendo eos à bonis inceptis. Sed homo Dei sic nouiter conuersus ad vitam spiritualem, istos tales malignos homines optimè vincere potest, si contra verba sibi contraria patientiam habuerit, & si tunc frequentius, & seruentius bona opera spiritualia, & diuina ipsis videntibus exercuerit. Dæmones etiam alijs duobus modis decipere nituntur. Primo, quia summè desiderant, vt ipsum nouum seruum Dei reciduum faciant ad peccata. Qui si hoc nequierint, tunc ipsi dæmones ad hoc sollicitè laborant, vt irrationabiliter, & indiscretè ille sua bona opera perficiat, scilicet in vigilando, vel abstinentias indiscretas ultra debitum modum indiscretè facièdo, vt sic eius vires citius euacuentur, & in diuinis laboribus sit infirmior. Contra primum, est optimum remediū ipsa frequens, & pura suorum peccatorum confessio, & pro delictis vera cordis interna contritio. Contra secundum, optimum remedium est talis humilitatio, videlicet vt magis velit alicui seniori spirituali obedire, quàm se personaliter regere in suis operibus, & poenitentijs faciendis. Et verè hæc medicina est valde proficua, & optima in tantum, quòd etiam si adhuc indignior esset dator consilij, quàm acceptor, & tunc certissime sperandum est, quòd ipsa diuina Sapientia, quæ est Deus, per suum adiutorium cooperabitur datori consilij, ad illa conferenda consilia, quæ utilissima ficerent acceptori, si ambo ad Dei honorem.

& gloriam perfectam voluntatem habuerint. Nunc autem amice dilecte, quoniam ambo, scilicet tu, & ego de peccatis surreximus, deprecemur Deū, vt nobis ambobus diuinum adiutorium donare dignetur, mihi in dicendo, & tibi in obediendo. Et tantò magis super hoc Deus rogandus est, ex eo quòd vos, qui estis diues, sapiens, & nobilis, dignatus fuistis me indignam, & modicum intelligentem, atque ignotam consulere. Et verè spero, quòd Deus vestram humilitatem velit respicere, & ad corpus, & ad animam vobis vtile facere, quòd ad suum honorem vobis scribo,

INFORMATIO DIVINITVS

reuelata Sponsæ valde discreta, & utilis ad quemdam Clericum, de modo viuendi tam spiritualiter, quàm corporaliter.

CAP. LXXX.



PRIMO igitur consulo tibi, vt mancas in hospitio tuo propè Ecclesiam tuā sanctæ Mariæ Virginis, vnum famulum tantum tecum habeas, vt totum illud, quòd deductis necessarijs expensis de tuis redditibus superfuerit, statim reddas tuis creditoribus, eisdem de debitis plenariè satisfaciendo. Quoniam non est licitum, nec rationabile, multas pecunias pauperibus, seu diuitibus amicis, & parentibus dare, priusquam omnia debita plenè fuerint persoluta, tunc omnia, quæ tibi, & famulo tuo deductis expensis superfuerint, ad Dei honorem distribue pauperibus, & indigentibus. Clericalem habens habitum honestum, & vtilem, diligenter attendendo, nè in qualitate panni, seu in forma vestimentorum tuorū aliqua pompa, seu vanitas notari possit, sed sola honesta necessitas, & utilitas corporalis. Duobus enim paribus vesti-

vestimentorum tantummodo sis contentus, vnum scilicet pro diebus festiuis, & alterum pro reliquis diebus quotidianis. Nec etiam plura, quam duo paria caligarium, seu calceorum habeas, & quidquid de vestimentis tuis superest, commutes in alios vsus, aut in solutionem debitorum tuorum. Vestimenta linea omnino deponas, tam noctibus, quam diebus per hunc annum. Ecclesiam tuam, scilicet Beatę Marię per hunc annum habeas pro Ecclesia claustrali propter tria. Primo pro eo, scilicet quod si forte prius in ea, vnumquam steristi propter aliquam superbiam, sic de cetero in ea resideas, in honorem humillimę Virginis Marię, per diuinam obedientiam. Et si fortę per Canonicos & Beneficiatos illius Ecclesię à seruitio Dei inhonestis verbis trahebaris ad malam concupiscentiam, sic conare modò per Dei adiutorium diuinis, & spiritualibus verbis tu aliquem à mala concupiscentia trahere ad delectationem amoris Dei. Et si fortę aliquibus te videntibus per aliquos tuos illicitos mores malum exemplum dedisti, sic amodò cures per bona opera tua, & honestos mores tuos, animabus eorum dare proficuum, & virtuosum exemplum. Deindę amice dilecte oportet, quod nocturna tempora, & diurna ad Dei laudem rationabiliter ordines, & discretę. Ego enim attendi, quod campanę vestrę Ecclesię satis statutis temporibus pullantur. Et ideo consulo, vt statim cum ipsas de nocte audieris, à lecto tuo surgas, & cū quinque genuflexionibus, & quinque vicibus Pater noster; & Ave Maria; recorderis quinque vulnere Iesu Christi, & dolorum suę dignissimę Matris. Post hæc autem incipias Matutinum de Beata Virgine, & alias deuotiones tibi placitas dicas, donec conueniunt Canonici in Choro ad psallendum: Et melius est, quod tu cum primis ad Ecclesiam venias, quàm cum vltimis. Deuotę igitur cantando Matutinum de tempore, &

honestę, vsque ad finem stare debes, & interdum sedere, sicut decens est. Sed minimę loquendo, nisi aliquid interrogatum à te fuerit, & tunc cum paucissimis verbis respondeas, & non clamorosis, excluso quolibet iracundię, atque impatientię signo, si fieri poterit. Multum enim te ordinare honestę, si esses in pręsentia alicuius domini temporalis, & terreni, & idcirco multo magis debes cum omni honestate, & modestia, & humili reuerentia interna, & etiam exteriori, stare in pręsentia, & seruitio aterni Regis cęlorum, semper, & vbique pręsentis, & omnia videntis. Et si fortę necessitate compulsus fueris super magnis rebus te, vel alium tangentibus ad loquendum in ipsis medijs horis, tunc de choro exeas, & quod tibi videretur paucis verbis extra chorum sine clamore respondeas, sine mora in tuum stallum chori redeundo. Et si poteris, ordina, vt illud negotium ad expediendum in alio loco & tempore, suspendatur, nę cultus diuinus, vel honor Dei diminuatur, vel impediatur. Caue etiam nę vadas girouagando per Ecclesiam, quasi spatiando, huc illuc ambulando, cum cantatur horę, hoc enim est inconstantis, & girouagantis animi, & tepidi spiritus, & modicę charitatis & deuotionis. Tempore autem interualli, scilicet inter horas, tunc ora, vel lege aliqua vtilia animę, & deuota, vel alijs proficua, hoc iugiter obseruando, quod ab hora qua surgis à lecto tuo ad Matutinum, nullis te libenter operibus implices, nisi cantui, lecturę, orationi, vel studio, donec summa Missa fuerit finita, nisi fortę in Capitulo vestro inter vos de aliquibus sic tractandum, super rebus Ecclesię, seu meliori statu, & ordinatione faciendum: Deindę celebrata summa Missa, de corporalibus vtilitatibus, & commodis, atque honestis consolationibus virtuosis loqui, & confabulari benę conuenit. Quando autem intras ad mensam, legantur benedictiones

mensæ. Et si uè tu fueris hospes alterius, si uè tu hospites habueris, incipias inter fercula primum in mensa loqui de Deo, vel de sua dignissima Matre, aut de aliquo Sancto, pro ædificatione, & utilitate commensalium, & etiam seruitorum mensæ, ad minùs vnum verbum, vel duo, aut etiã aliqua de Deo, vel de sua Matre, aut de Sanctis Dei ab alijs interroga. Et adhuc dum solus fueris in mensa astante tuo famulo, similiter facias, & hoc habeas pro lectione, quæ conuescenibus fratribus in Monasterijs solent legi. Facta autem comestione, & gratijs Deo redditis, & benefactoribus. Et tunc de rebus seu de negocijs te tangentibus, cum quibuscumque personis honestis tibi placet, per aliquam breuem horam loquere. Et postea statim ingredi cubiculum tuũ, & flexis quinque genibus, legas quinquies Pater noster, & quinque vicibus Ave Maria, propter vulnera Domini nostri Iesu Christi, & propter dolores suæ Matris. Deindè medietatem temporis, quod est usque ad vespèras, ad studendum, vel legendum, atque ad quiescendum, aliquantulum habeas, nisi forsàn ab amicis tuis propter aliqua eos tangentia fueris impeditus, & aliã medietatem temporis prædicti ad spatiandum habeas pro honesta consolatione corporali, ut fortior efficiaris ad laudem Dei. Deindè cum pulsatur ad vespèras, statim ad officium decantandum ad chorum Ecclesiæ intres. Ita te habendo in choro, sicut priùs supra dictum est. Et dicto Completorio, omni die pro mortuis vigiliis legas cum tribus lectionibus antè cœnam. Facta autem cœna exercitare in talibus moribus, sicut dictum est de prandio. Post gratias verò ad spatiandum vadas, loquendo utilia, & consolatoria verba, donec dormitum ire volueris. Et tunc etiam antequam ad lectum vadas, pone te antè lectum, & ibi deuotè dicas quinque vicibus Pater noster, & quinque Ave Maria pro passione Iesu Christi, & postea intra lectum tuum, & corpori tuo de som-

no, & quiete tantum tribue, quòd non vrgearis vigiliæ temporibus, propter quietis, & somni breuitatem dormire. Omni autem sexta Feria legas deuotè septè Psalmos cum Litanijs. Et illo die quinque denarios tribue quinque pauperibus indigentibus pro reuerentia quinque vulnerum Iesu Christi. Prætèrea frater, & amice charissime consulo tibi, ut in scripta abstinentiam habere velis per hunc annũ pro peccatis proprijs. Primò totam Quadragesimam ieiunes omni die ad vnam comestionem in piscibus. Et similiter in Aduentu Domini. Omnes Vigiliis Beatæ Mariæ in pane, & aqua, Vigiliis Apostolorum in piscibus. Omnes quartas Ferias ad comestionem in caseo, ouis, & piscibus. Omni sexta Feria in pane, & vino tantum, & si fortè magis libuerit aqua, quàm vinum cum pane habere, hoc tibi non dissuadeo. Omni die Sabbati in piscibus, & oleo ad vnum prandium. Dominico autem die, & in die Lunæ, & Martis, & in die Iouis bis in die comede de carnibus, dum tamen ab Ecclesia non præcipiatur ieiunare. Nota frater dilecte, quòd propter tria hæc tibi scribere, & consilium decreui. Primo ut inuidia diaboli, & eius astutia te ad hoc non traheret, quòd te ipsum ita subito totum consumeres, quòd sensus tui, atque vires citò deficerent, & postea in tota vita tua Deo minùs seruires, quàm oporteret. Secundo, quòd si mundani homines in tuis sensibus, aut viribus ex nimio labore defectum aliquem in te notauerint, aut in laboribus inceptis te attediari conspexerint, abhorrent, & pertimescerent diuinis laboribus se subijcere. Terzio, quia spero opera tua ex eo Deo magis placere, quia potius eligis alterius consilio humiliter acquiescere, quàm te ipsum personaliter tuo proprio iudicio regere.



RESPONSIO VIRGINIS AD

Sponsam de tribus hominibus, pro quibus Sponsa ad Deum intercedebat, & quæ sunt lacrymæ meritoria, & quæ non. Et qualiter charitas Dei augmentatur ob meditationem Christi humilitatis. Et quomodo timor, quamuis non filialis, nec initialis sit bonus.

CAP. LXXXI.

HLE homo est quasi faccus plenus arstis, de quo si vna arista auferretur, apponerentur in eo deceni. Talis est ille homo, pro quo tu rogas. Quia ipse dimittit vnum peccatum ex timore, sed addit decem, propter honorem mundi. De altero vero homine, pro quo tu postulas, respondeo tibi, quod non est consuetudo, putridis carnibus pretiosa fassamenta apponere. Rogas quippe dare sibi corporales tribulationes propter vilicitatem animæ suæ; sed voluntas sua contraria est petitioni tuæ. Ipse quippe appetit honores mundi, magisq. desiderat diuitias, quam spiritualem paupertatem, & voluptas est ei dulcis. Propter quod anima eius est putrida, & foetens coram me, & ideo non pertinent ei fassamenta pretiosa, quæ sunt iustitiæ tribulationes. De tertiò quoque homine, in cuius oculis vides lacrymas, respondeo etiam tibi, quia tu vides corpus, & ego intueor cor. Sicut enim tu vides, quod aliquando tenebrosa nubes procedit de terra, & trahit se in cælum subtus Solem, & ista nubes producit de se triplicem humorem, scilicet pluuiam, niuem latam, & grandinem. Postea vero euanescebat nubes, quia de immunditia terræ orta est. Sic tali nubi comparatur omnis homo, qui in peccato, & volupate nutritus est vsque ad senium. Veniente autem senio, incipit timere mortem, & cogitare

periculum suum, sed tamen in animo delectabile est ei peccatum. Ergo sicut nubes trahit de se immunditias terræ in cælum, sic cōscientia talis hominis trahit se de immunditia corporis, idest peccati, ad cōsiderationem sui, & dat de se triplices lacrymas. Primæ comparantur aquæ, quæ sunt pro his, quæ carnaliter diligit homo. Vtputà, si amittit amicos, aut bona temporalia, vel ad salutem suam, quia tunc amaricatur de Dei dispositione, & permissione, ideo effundit multas lacrymas indiscretè. Secundæ lacrymæ comparantur niui, quia quando homo incipit cogitare pericula corporis sui imminentiæ, pœnamq. mortis, & inferni miseria, tunc incipit plorare, non ex charitate, sed timore. Et ideo sicut nix citò dissoluitur, sic etiam citò tales lacrymæ dissoluuntur. Tertiæ lacrimæ assimilantur grandini; quia quando homo cogitat, quam dulcis est, & fuerat sibi vóluptas carnalis, & quod ammissurus est eam, quanta etiam consolatio est in cælis, incipit plorare dispēdium damnationis, & amissionis suæ, nō curans plorare de inhonoratione Dei, si Deus amitteret animam, quam redemit suo sanguine. Nec curans vtrum Deū videret post mortem, an non: dummodo vnā mansionem oblineret in cælo, vel in terra, vbi non sentiret pœnam, sed haberet æternaliter suam voluptatem. Ideo tales lacrymæ benè simulantur grandini, quia cor talis hominis nimis durum est, & nullum calorē charitatis habet ad Deū. Ideo nec tales lacrymæ trahunt animam in cælum. Sed nunc ostendere tibi volo lacrymas, quæ trahunt animam in cælum, quæ simulantur rori. Nam aliquando vapor quidam procedit de dulcedine terræ, & ascendit in cælum, trahēs se subtus Solem, qui de calore Solis factus humidus, iterum descendit in terram, & omnia terræ nascētia fructifera facit, & istud vocatur vobiscum ros, sicut patet in folijs rolarum, quæ apposita ad calorem, primò dant ex se humorem, & postea delcē-

dit humor. Sic est de viro spirituali. Omnis quippè, qui cogitat terram illam benedictam, quæ est Corpus Christi, & verba illa, quæ Christus ore proprio loquebatur, qualemq. gratiam fecit in mundo, & quàm amarā pœnam pertulit, commotus ardoris amore pro animabus nostris, tunc charitas, quam habet ad Deum, cum magna dulcedine vadit in cerebrum, quod similatur cælo. Cor quoque eius, quod comparatur Soli, impletur diuino calore. Oculiq. eius implentur lacrymis, plorans se offendisse tam infinitè bonum, & benignum Deum. Magis iam volens omnem pœnā pati ad honorē Dei, quàm omnia delectamenta habere, & carere Deo. Itaque istæ lacrymæ benè comparantur toti cadenti, quia tribuunt virtutem faciendi bona opera, & fructificant in conspectu Dei, & sicut flores crescentes trahunt in se rorem cadentem, & ros includitur in flore. Sic etiam lacrymæ, quæ ex diuina charitate funduntur, claudunt Deum in animā, & Deus animam in se trahit. Verumtamen bonum est timere propter duo. Primò, quia tanta possunt esse bona opera facta ex timore, quòd trahunt postea aliquam scintillam gratiæ in cor ad obtinendam charitatem. Sicut per similitudinem intelligere poteris, quasi esset vnus aurifaber, imponens aurum mundum stateris, ad quem veniens carbonarius dixit, Domine carbonēs ad opus tuum habeo, da mihi pretium, quantum valent. Respondit ille. Carbones taxati sunt, quantum valent, & dato illi auro pro pretio, aurifaber disposuit carbonēs ad opus suum, aurum vero ille ad victum suum. Sic est enim in spiritualibus. Nam opera facta sine charitate, simulantur carbonibus, charitas verò auro. Ideò omnis, qui facit opera bona ex timore, habens tamen desiderium acquirendi sibi ad salutem animæ cum eis, iste licet non desideret Deum in cælis, sed timet hospitari in inferno, nihilominus tamen habet bona opera, sed

frigida, & apparent quasi carbonēs in conspectu Dei. Deus verò comparatur aurifaber, qui scit in spirituali iustitia, quibus modis bona opera remuneranda sunt, vel quali iustitia charitas Dei acquiritur. Ipse etiam in providentia sua sic ordinat, quòd propter bona opera ex timore facta, homini datur charitas, quam postea homo disponit ad salutem animæ suæ. Ergo sicut charitativus aurifaber vitur carbonibus ad opus suum, sic Deus frigidis operibus vitur ad honorem suum. Secundo bonum est timere, quia quot peccata homo dimittit ex timore, à tot peccati penis liberabitur in inferno. Attamen, quia charitatem non habuit, ideò nec iustitiam habet ad ascendendum in cælum. Nam cuius volūtas est talis, quòd si posset, vellet æternaliter viuere in mundo, in eius corde charitas Dei nequaquam est, & facta Dei quasi cæca sunt ante ipsū, ideò mortaliter peccat, & iudicabitur ad infernum. Attamen ardere non tenetur in pœnis, sed sedere in tenebris, qui omisit peccatum ex timore, sed non sentiet gaudium cæli, quia non desiderabat, illud quamdiū vixit. Propterea sedebit sicut cæcus, & mutus, & sicut homo sine manibus, & pedibus, quia eius anima intelligit malum inferni, & modicum de gaudio, quod est in cælo.

Declaratio.

Hæc Reuelatio est de tribus Militibus. Primus fuit de Scania, de quo facta est Reuelatio talis. Domina Brigita vidit animam vestitam quasi cocco bis tincto, sed paucis guttis, quasi nigris respersam, & cum vidisset eam, statim euauit à conspectu eius. Item post tres dies vidit eandem animam totam rubeam, sed quibusdam gemmis quasi aureis interlucens effulgentem. Cumq. miraretur Domina ad hæc, dixit Spiritus Dei. Hæc (inquit) anima detenta fuit curis mundi, sed habens veram fidem venit ad indulgentias

tias Romæ, ea intentione, vt obtineret charitatem, & diuinam dilectionem, & voluntatem amplius scienter nō peccandi. Ideò, quia vidisti animam vestitam cocco bis tincto, significat quòd ante mortem corporis obrinuit diuinam dilectionem, licet imperfectam. Quòd verò vidisti eam resperfam guttis nigris, significat quòd ipsa quadam affectione carnali mouebatur ad parentes carnales, & videre patriam suam. Attramen omnem voluntatem suam commisit mihi. Ideò meruit purgari, & ad sublimiora præparari. Quòd verò vidisti interlucentes gēmas in rubeo colore, significat, quòd propter bonam voluntatem, & effectum indulgentiarum istarum appropinquabat coronæ desideratæ. Vide ergò filia, & considera, quæ bona faciunt indulgentiæ huius Vrbs hominibus illis, qui veniunt intentione sancta hūc propter eas. Nam si donaretur alicui mille milia annorum, sicut & donatur propter fidem, & deuotionem venientium, adhuc non esset digna ponderatio ad obtinendam diuinam charitatē sine gratia Dei, quæ quidē charitas veraciter donatur, & promeretur propter indulgentias istas, quas Sancti mei promeruerunt sanguine suo. De secundo milite in eadem Reuelatione, qui fuit de Hallandia, Filius Dei loquitur. Quid tibi dixit ille magniloquus, & flabellum ventorum. Nonnē, quòd multi dubitant de Sudario meo, vtrum sit verum, an non. Dic ergò ei constanter quatuor, quæ dico. Primum est, quòd multi thesaurizant, & nesciunt quibus. Secundum est, quòd omnis, qui talentum Domini commissum non expendit hilariter, sed custodit inutiliter, incurrit iudicium. Tertium est, quòd ille, qui plus diligit terram, & carnem, quàm Deum, non erit in consortio eorum, qui esuriunt & sitiunt iusticiam. Quartum est, quòd omnis, qui clamantes nō exaudit, clamabit ipse, & non exaudietur. De Sudario meo sciat, quòd sicut sudor sanguinis mei

de corpore meo fluxit, imminente passione mea, quando rogavi Patrem. Sic iste sudor exiit de facie mea propter qualitatem rogantis me, ad consolationem futurorum. Tertius miles eiusdem Reuelationis fuit de Suetia, de quo est ista reuelatio. Filius Dei loquitur: Scriptū est, quòd vir saluatur per fidelem mulierem. Sic vxor huius viri cucurrit, & rapuit virum suum de faucibus Diaboli ambabus manibus. Nam vna manu eripuit eum de manu Diaboli, cum lacrymis, scilicet, & orationibus, & operibus charitatis. Alia manu eripuit eum admonitionibus suis, & exemplo, & informatione, ita quòd iam appropinquat viæ salutis. Propterea sunt & tria consideranda, quæ scribuntur in lege vulgari. In illa enim sunt tria mēbra, vnum quod inicitulatur possidere, aliud vocatur vendere, tertium est emere. In primo membro, quòd est possidere dicitur, quòd nihil iuste possidetur, nisi quod iuste acquiritur, quidquid enim acquiritur per subdolas adinventiones, per occasiones malitiæ, per minora pretia. Talis acquisitio non est Deo grata. Secundum membrum vocatur vendere, quandoque aliqua res venditur propter inopiam, & timorem, quandoque propter violentiam, & iudicia iniusta. Talis conscientia est scrutanda, si compassio, & charitas est in mente. Tertium membrum, vocatur emere, qui enim aliquam rem emere voluerit, scrutari debet, si res illa, qua aliquid emitur, iuste quæsitā est. Nam in lege non fuit acceptum, quidquid iniqua exactione fuit acquisitum. Ideò iste, ista tria prædicta scrutetur diligenter in animo suo, & sciat pro certissimo, quòd redditurus est mihi rationem de omnibus, etiam de his, quæ parentes sui reliquerunt sibi, si ea plus propter mundum, & vltiā debitam vilitatem expendit, quàm propter Deum. Ille etiam sciat, quòd redditurus est mihi rationem de militia sua, qua intentione eam recepit, & quomodo eam tenuerit, & quo-

& quomodo vortum suum, quod mihi
vouit, adimpleuit.

NOTÆ.

VErumtamen bonum est timere
propter duo, primò, quia tanta
possunt esse bona opera facta ex timore,
quòd trahant postea aliquam scintillam
gratiæ in cor ad obtinendam charitatem.

Ad horum intelligentiam notandum bre-
uiter est cum Magistro in 3. dist. 34. & D.
Thom. 2. 2. quæst. 19. art. 2. Timorem mul-
tipliciter posse diuidi, Primò quidem alius hu-
manus dicitur, quo quis declinat à bono ad
malum, & corporale vitet periculum, sicut
Petrus, qui nè corporalem mortem incurreret,
vitam negauit, Alius verò mūdarius est, quo
quis à bono tendit ad malum, & temporale
fugiat incommodum, & fecit Herodes, qui nè
Regnum perderet, pueros innocentes occidit,
atque duos hos timores, secundum substan-
tiam idem esse probabiliter existimandum est.
Tertius timor naturalis vocatur, estque, quo
quilibet homo naturaliter pœnas, ac flagella
horret, quod fecit Christus Saluator noster,
qui mortem timuit, de quo Marci 14. scribitur:
Cœpit pauere, & cadere, & mœstus esse.
Quartus timor seruilis appellatur, & est, quo
aliquis peccare timet formidine pœnæ, cuius
meminit D. Ioan. in sua 1. Can. cap. 4. cum
dicit. Timor non est in charitate, sed perfecta
charitas foras mittit timorem. Quinto alius
reperitur, quem initialem vocant, quo quis
gehennâ quidem timet, sed cum illo offensam
etiam Dei, & declinat à malo, partim amo-
re iustitiæ, partim timore pœnæ, de quo Ec-
clesiasti. 1. legimus: Initium sapientiæ est ti-
mor Domini, quem secundum substantiam idem
esse cum filiali, probat D. Thom. 2. 2. q. 19.
art. 8. & ibi Card. Caiet. contra Durand. in
3. dist. 34. quæst. 5. Postremus verò timor,
qui perfectus est, quem Theologi filialem, &
castum nominant, ille confendunt est, quo quis
amore tantummodo boni timet Deum offen-
dere, & ab eo separari, & amore solum iu-
stitiæ declinat à malo, qui per charitatem tā-

sum abest, & expellatur, & ea crescente,
ipse crescat, & Auctor est D. Thom. quæst.
supra citata art. 10. His positis. Dico primò
hoc loco, nec de humano timore, nec de mun-
dano verba fieri, quoniam hi duo cum mali
sint, non possunt esse meritorij, & supponitur
hic: idem quoque dicendum videtur de natu-
rali, qui de se, nec bonus, nec malus est, sed
indifferens, aut etiam de casto, aut filiali,
quandoquidem cum eo indicauimus supra si-
mul charitas fiat, qua crescente, & ipse cre-
scit, hic verò de timore agitur, qui esse potest
congrua dispositio ad charitatem adipsendam.
Reliquum est ergo, & dicamus hunc locum
intelligendum esse de initiali timore, aut etiā
seruili, quem quidem à Spiritu sancto esse de-
duxit, Gloss. Ordinaria ex illis verbis Apost.
Rom. 8. Non accepisti spiritum seruitutis ite-
rum in timore, & declarauit apertius Conc.
Trid. Sess. 14. cap. 4. ubi habet, dolorem cō-
ceptum etiam consideratione pœnarum, &
gehennæ esse donum Dei, & Spiritus sancti
impulsus, non adhuc quidem inhabitantis,
sed tamen mouentis, quo pœnitens adiutus
viam sibi ad iusticiam parat, & hoc est,
quòd scribitur hic, bona opera ex timore facta
charitatis scintillam trahere.

Nam opera sine charitate facta simi-
lantur carbonibus, charitas verò auro.

Meritò hic opera absque charitate facta,
carbonibus cōparantur, quippe qui sicut extin-
cti, nullum calorem, nec lucem habent, sic
actiones nostræ à charitate seiunctæ, nullum
caloris, aut luminis gradum obtinent, quan-
doquidem nec nos, neque proximum in dile-
ctione Dei, & par esset seruientes reddunt,
cumq. lumine gratiæ priuata sint, rectam no-
biscum viam minime ostendunt, & idcirco pau-
lò infra, & opera frigida esse legimus, cum
dicitur, Nihilominus tamen habent bona ope-
ra, sed frigida, & apparent quasi carbonēs in
conspēctū Dei, atque desolatorios carbonēs hu-
iusmodi opera esse vocanda cū Dauide Psal.
119. crediderim: Quoniam & extincta sūt,
& calore, ac lumine orbata. Similis etiam
auro hoc loco charitas esse dicitur, quod sicut
inter metalla est pretiosissimum, suaq. natura

constantissimum, & in tenuissima, ac subtilissima lamina extensum minime frangitur, et sepius in ignem coniectum, non solum non consumitur, verum & purissimam redditur; sic quoque charitas inter virtutes præstantissima est, & omnibus supereminet, ut ait Apost. 1. Corineth. 13. Nec ipsa per tribulationes frangitur, sed quæ magis angustijs, curisve pramitur, eò purior, ac firmior fit, quæ de re legendi sunt, qui hac eadem virtutis similitudine, D. August. in Psal. 67. in expositione illius versiculi, Et posteriora dorsi eius in pallore auri, & ibidem D. Hilar. D. Gregor. super Ezech. hom. 15. Riccard. Victorinus de somnio Nabuchodonosor 23.

3 Ergo sicut charitativus Aurifaber utitur carbonibus ad opus suum, sic Deus frigidis operibus ad honorem suum.

Congrua sanè similitudine exponitur hic, Deum Opt. Max. operibus moraliter bonis à charitate seiunctis uti ad honorem suum, dicitur namq. facere sicut artifex, qui ad conficiendum opus suum carbonibus utitur. Quod ut explicemus apertius, animaduertendum est, huiusmodi opera à charitate seiuncta, quæ hic carbones dicuntur, posse disponere ad consequendam gratiam, non quidem primam, quam nullus mereri potest, ut docuimus supra hoc eodem Lib. Cap. 74. Nota 5. & multò minus possunt esse immediatè dispositiones ad gloriam obtinendam, quoniam non existens in gratia, nequaquam potest opera vitæ æternæ meritoria agere, superest ergo, ut disponere aliquo modo queant ad gratiam, ut explicat Durand. in 4. dist. 15. quest. 3. id autem, quod innuitur supra non longè à verbis præsentis Notæ, ibi, Ipse etiam in providentia sua sic ordinat, quod propter bonam ex timore factam homini datur charitas, intellige non de humano, vel mundano timore, sed de initiali, qui bonus est, ut hoc eodem Capite Notæ. 1. fusè tradidimus. Cedunt etiam hæc opera in Dei honorem, quia cum ipse iustissimus sit, nullumq. bonum irremuneratum relinquat: sic operantibus retributionem saltem temporalem confert, per quam ab omnibus, veluti humanarum actionum æquissimus Iudex lau-

datur. Postremo quoque iusti eorum exemplo, qui ita operantur adducti, eadem etiam faciunt, quamvis tunc illa, nec frigida, nec mortua sint, quæ cum charitate cōiuncta sunt, neque operibus tantummodo moraliter bonis, sed etiam malis, quandoq. Deus ad honorem suum, & ad bonorum etiam cōmodum utitur, teste D. Greg. Magno 34. Moral. cap. 7. Deus (inquit) scit ad bonorum custodiā, etiam benè uti mala actione reproborū, lapsus cadenti vertit in profectum manentium: idem habet August. Epist. 121. & de Gratia, & libero arbitrio sepius, quibus locis explicat illud Apost. Rom. 8. Diligentibus Deum, omnia cooperantur in bonum, idem admonuit Ambrosius in hunc locum Pauli, & Caribussianus ibidem.

CHRISTVS LOQVENS SPONSÆ,
dicit ei, quòd deuota anima debet habere sicut Sponsa os delectabile, aures mundas, oculos pudicos, & cor stabile, exponens omnia dicta membra, spiritualiter valdè pulchrè.

TRMOCC A P. LXXXII

HILIVS loquitur. Tu debes habere sicut Sponsa os delectabile, aures mūdās, oculos pudicos, & stabile cor. Sic & anima debet esse disposita, eius enim os, est mens munda, ut ibi nihil intret, nisi quod mihi placeat. Sic quoque os, idest mens delectabilis ex odore bonæ cogitationis, ex sedula memoria mæ Passionis. Sit etiam mens sicut os, rubicunda, idest feruens diuina charitate, ut qui intelligit, operetur. Nam sicut pallidum os nullus oſculari desiderat, sic nec anima, nisi faciat bona opera ex bona voluntate, nequaquam mihi placet. Mens etiam sicut os habere debet duo labia, idest duas affectiones, vnam quæ desiderat cælestia, aliam quæ cōtemnit omnia terrena. Palatum verò animæ inferius, debet esse timor mortis, quæ

sepa-

separatur anima à corpore, & qualis tunc tenetur esse constituta. Palatum autem superius, sit timor iudicii terribilis. Inter hæc duo, lingua animæ versari debet, quæ verò est lingua animæ, nisi frequens consideratio misericordiarum mearum? Ergò considera misericordiam meam, quomodo te creavi, & redemi, quomodo te patior. Cogita etià quàm districtus Iudex sum, qui nihil dimitto impunitum, & cogita quàm incerta est hora mortis. Oculi animæ sint simplices sicut columbæ, quæ circa aquas conspicit accipitrem, idest, cogitatio tua semper sit circa charitatē, & passionem meam, & circa opera, & verba electorum meorum, in quibus intelliges, quomodo te Diabolus decipere poterit, ut numquam de te sis securus. Aurez tuæ sint mundæ, ut scilicet non affectes audire scurrilia, seu risu digna. Cor verò sit stabile, ut non timeas mortem, seruando fidem, non erubescas de opprobrio mundi. Non turberis de damno corporali propter me Deum tuum.

CHRISTVS LOQVENS SPONSÆ,
dicit, quòd ipsa debet diligere eum, sicut seruus bonus dominum suum, sicut filius bonus patrem, & sicut fidelis vxor maritum suum, quæ numquam debet ab eo separari. Et exponit omnia supradicta spiritualiter, & vtiliter.

C A P. LXXXIII.

ILIVS loquitur: Ego diligo te, sicut bonus Dominus seruum suum, & sicut pater filium, & sicut vir uxorem. Dominus enim dicit seruo: Dabo tibi vestes, victum congruum, & laborem moderatum. Ad filium autem dicit pater, omnia mea tua sunt. Vxori verò dicit vir, requies mea, requies tua, & consolatio mea, consolatio tua est. Quid igitur isti tres respondebunt

pro tanta dilectione? vtiq; seruus, si bonus est, dicturus est domino, quia seruilis sum conditionis, magis tibi seruiam, quàm alteri. Filius verò dicturus est patri, quia omne bonum habeo à te, idèd à te separari nolo. Vxor autem dicit marito, quia de labore tuo sustentor, calorem de pectore tuo habeo, & dulcedinem in verbis, idèd magis mori volo, quàm à te separari. Ego autem Dominus sum vir iste: Anima verò est sponsa mea, quæ consolari debet in requie mea, refici cibo Deitatis meæ, ad quam pertinet omnia tormenta magis sustinere, quàm se à me separare, quia sine me non habet consolationem, nec honorem. Sed ad coniugium duò pertinent. Primò bona, vnde coniuges sustententur. Secundò filius, qui recipiat eorum hæreditatem. Seruus verò sit ad obsequium faciendum, sicut legitur de Abraham, qui ex eo quòd non habuit filium turbabatur. Itaq; anima tunc habet bona sustentationis, quando virtutibus plena est. Habet etiam filium, quando habet rationē discretionis, scilicet discernendi virtutes à vitijs, & quando discernit secundum Deum. Habet & seruum, idest carnalem affectum, qui non viuunt secundum concupiscentiam carnis, sed prout expedit corpori, & secundum quod anima perficiatur. Igitur ego diligo te sicut vir uxorem, quia requies mea requies tua. Idèd tuum est, omnē tribulationem magis libenter sustinere, quàm me ad iram probocare. Diligo quoque te sicut pater filium, quia tibi dedi discretionem, & liberam voluntatem. Diligo etiam te sicut dominus seruum, cui præcepi habere necessaria moderata, & laborem temperatum. Sed hic seruus, idest corpus ita insensatum est, quòd magis velit seruire Diabolo, quàm mihi, quia Diabolus numquam dat ei requiem à sollicitudinibus mundi.



CHRISTVS LOQVENS SPONSÆ
 dicit, quòd sunt tres supplantati per
 mulieres, quorum vnus assimilatur
 asino coronato, alius habet cor lepori-
 num, & tertius assimilatur basilisco.

C. A. P. LXXXIV.

ILIVS loquitur. Tres le-
 guntur supplantati propter
 mulieres. Primus erat Rex,
 quem amasia sua percussit
 in faciem, quando non ar-
 risit sibi, quia fatuus erat, & non refrena-
 bat eam, nec curabat de honorè suo. Ille
 erat similis asino coronato, asino propter
 fatuitatem, coronato, propter dignitatē.
 Secundus erat Sampson, qui licet esset for-
 tissimus, tamen à muliere victus est. Ille
 habuit cor leporinum, quia non potuit
 domare vnā mulierem. Tertius erat Sa-
 lomon, qui fuit quasi basiliscus, qui visu
 interfecit, speculo interfecit. Sic Salo-
 monis sapientia omnes excedebat, attā-
 men facies mulieris occidit ipsum. Ideò
 oportet quòd mulier subdita sit viro.

CHRISTVS LOQVENS SPONSÆ
 dicit ei, quòd ante eum sunt duo folia
 libri. In vno scripta est Misericordia,
 & in alio Iustitia, monens eā, quòd dū
 tēpus habet, conuertatur ad Misericor-
 diam, nè postea puniatur à Iustitia.

C. A. P. LXXXV.

ILIVS loquitur ad Sponsā.
 Ego sum Creator omnium:
 Ante me sunt quasi duo fo-
 lia libri. In vno scripta est
 Misericordia, in alio Iusti-
 tia. Itaq. quicumque conteritur de pec-
 catis, & proponit vltà non facere, huic
 dicit misericordia, quòd spiritus meus

accendet eum ad faciendum bona opera.
 Quicumq. verò se vellet libenter separare
 ab istis vanitatibus mundi, hunc spiritus
 meus feruentiorem facit. Cum verò quis
 paratus est etiam mori pro me, hunc spi-
 ritus meus intantum inflammabit, quòd
 totus sit in me, & ego in eo. In alio autem
 folio scripta est Iustitia, quæ dicit. Qui-
 cumq. se non emendat, cum tempus ha-
 beret, & scienter se auertit à Deo, hunc Pa-
 ter non defendet, nec propitiabitur ei Fi-
 lius, nec inflammabit Spiritus sanctus.
 Ideo cum tempus est, diligenter confide-
 ra folium Misericordiæ, quia aut aqua,
 aut igne, purgabitur omnis, qui saluabi-
 tur, idest, aut modico penitentiae labore
 in præsentī tēpore, aut igne purgatorio in
 futuro, donec purgatus fuerit. Scias etiam,
 quòd ostendi vni homini, quem tu nosti,
 ista duo folia libri Misericordiæ, & Iusti-
 tiæ, sed ipse iam deridet foliū misericor-
 diæ meæ, & quòd sinistrum est, reputat
 esse dexterum. Et sicut Herodius super
 aues, sic ipse ascendere quærit super om-
 nes, & ideò timendum est sibi, nisi caue-
 rit, diligenter, quòd ridendo morietur,
 & ludentibus de mundo auferetur. Sic
 etiam post hoc euenit, surrexit enim à
 mensa lætus, & nocte ab inimicis inter-
 fectus est.

MATER DEI LOQVITVR
 dicens, quòd ipsa est similis flori, à quo
 apes trahunt dulcedinem. Apes enim
 sunt serui, & electi Dei, qui quotidie
 ab ea trahunt dulcedinem gratiæ, &
 habent spirituales alas, & pedes.

C. A. P. LXXXVI.

MATER loquitur. Ego
 sum Regina, & Mater
 misericordiæ. Filius meus
 Creator omnium, tanta
 circā me dulcedine affe-
 ctus est, quòd omnium, quæ creata
 sunt, spiritualem dedit mihi intelligen-
 tiam:

tiam. Ideo ego simillima sum flori, de quo apes maxime trahunt dulcedinem. A quo quantumcumque colligitur, nihilominus ei dulcedo remanet. Sic ego omnibus gratiam impetrare possum, & ego superabundo. Verumeriam electi mei similes sunt apibus, qui tota deuotione circa honorem meum afficiuntur. Ipsi enim quasi apes habent duos pedes, scilicet cōtinuum desiderium augendi honorem meum, secundo laborant in hoc sollicitē, operando, quae possunt. Habent etiā duas alas, scilicet reputando se indignos laudare me, secundo obediendo omnibus, quae sunt ad honorem meum. Habent etiam aculeum, qui, si defecerit eis, moriuntur. Sic amici Dei, habent tribulationes mundi, quae ante finem vitae propter virtutū custodiam non auferuntur ab eis, sed ego abundans consolatione consolabor eis.

CHRISTVS LOQVITVR SPONSÆ

dicens, quod ipsa debet habere membra pulchra, & sine macula, comparans omnia membra spiritualia perfectae dilectioni Dei, & proximorum, & praesertim amicorū Dei. Concludit etiam quod debeat facere spiritualiter, sicut Fenix facit corporaliter, quae colligit ligna, & ibidem seipsam cōburit.

G A P. LXXXVII.



ILLIVS loquitur Sponsa. Dixi tibi prius, quod debes habere oculos serenos, ut videas mala, quae fecisti, & bona, quae omisisti, os tuum, id est mens tua sit ab omni macula munda. Labia verò sunt duo desideria habendi, scilicet desiderium relinquendi omnia pro me, & voluntas manendi mecum, & haec labia sint de colore rubeo, qui decentior color est, & longius videtur. Color verò pulchritudine significat, & omnibus pulchritudo est in virtutibus, quia illud acceptius est Deo, quando hoc ei offertur, quod homo magis diligit, &

vnde alij possint plus ad animam edificari. Ergo hoc datum est Deo, quod homo charius habet, siue affectu, siue opere. Ideo legitur, quod Deus perfectis operibus suis lætatur est. Sic etiā lætatur Deus, quando homo se totum offert ei, volendo esse in supplicio, seu gaudio ad voluntatem Dei. Brachia verò debet esse leuia, & flexibilia ad honorem Dei. Ergo brachium sinistrum est consideratio bonorum, & beneficiorū meorum, quae tibi feci scilicet te creādo, & redimēdo, & ingrātudo tua ad me. Brachium verò dextrum est dilectio tam feruens ad me, quod mallet tormenta ferre, quam me perdere, & ad iram prouocare. Inter haec duo brachia libet quiescere, & cor tuū erit cor meū, quia ego sum quasi ignis quidā diuinæ dilectionis, & ideo volo ibi feruenter diligi. Costae verò defendentes cor, sunt parentes tui, nō carnales, sed electi mei, quos teneris diligere sicut me, & plusquā parentes carnales. Ipsi verò sunt parentes tui, quia te regenerauerunt ad aeternam vitam. Pellis verò, seu cutis animae debet esse sic pulchra, quod nō habeat maculam. Per pellem verò intelligitur omnis proximus tuus, quem si sicut te ipsam dilexeris, amor meus, & Sanctorum meorum illatus seruetur. Si autem odis, laeditur cor, & costae erunt denudatae, id est amor Sanctorum meorū in te minor erit. Ideo pellis nullam habeat maculam, quia proximum tuum odire nō debes, sed omnes diligere sicut Deum, quia tunc est cor meum sanum cum corde tuo. Item dixi tibi prius, quod ego volo feruenter diligi, quia sum ignis quidā diuinæ dilectionis. In igne quippe meo sunt tria mirabilia. Primum est, quod ardet, & numquā incēditur. Secundū, quod numquā extinguitur. Tertiū, quod semper ardet, & numquam cōsumitur. Sic charitas mea ab initio erat ad hominē in Deitate mea, quae in assumptione humanitatis meae amplius ardebat, & ardet intantum, quod numquā extinguitur, sed feruentē facit animā, nec contumit ea, sed amplius se per forficat. Sicut

in Fenice colligere poteris, quæ senectute grauata colligit ligna in monte altissimo, illis & ex calore Solis accessis, proijcit se in ignem, & sic ab illo igne mortua, reuiuiscit. Sic anima, quæ ex igne charitatis diuinæ succenditur, de eo quasi Fenix melior, & fortior confurgit.

CHRISTVS LOQVENS SPONSÆ
 dicit, quodd ei omnia creata sunt ad voluntatem suam, præter homines; dicit etiam, quodd tria sunt genera hominum in hoc mundo, qui comparantur tribus nauibus ambulanti in Mari, quarum prima periclitatur, & perit, secunda fluctuat, cum tertia benè agitur.

CAP. LXXXVIII.

EILIVS loquitur. 1 Ego sum Creator omnium spirituum bonorum, & malorum. 2 Ego etiam omnium spirituum moderator, & rector sum: Ego quoque Creator sum omnium illorum animalium, & rerum, quæ sunt, & habent vitam, necnon & omnium eorum, quæ sunt, & non habent vitam. 3 Itaque quæcumque sunt in celo, terra, & mari, omnia sunt ad voluntatem meam, præter hominem solum. Scito igitur, quodd homines quidam sunt sicut nauis, quæ amiserat gubernaculum, & malum; idest arborem, huc, & illuc vagatur inter procellas maris, donec venerit ad ripas insulæ mortis. In ista nauis sunt illi, qui desperantes se tradunt omni voluptati. Alij sunt quasi nauis, quæ adhuc malum habet, idest arborem, & gubernaculum, & vnâ anchorâ, cum duobus funibus. Sed capitalis anchora fracta est, & gubernaculum citius soluitur, si imperus aquarum intrauerit inter nauem, & gubernaculum. Ideo caueatur, quia quamdiu gubernaculum, & nauis coherent, propter coniunctionem

mutuam, quasi quemdam calorem habent inter se. Tertia nauis habet paramenta, & armaria sua omnia, & est parata velificare, cum fuerit tempus. Et prima anchora, quæ est capitalis, de qua supra dixi, est disciplina Religionis; ducta, & leuigata per patientiam, & feruorem diuinæ dilectionis. Hæc iam dissoluta est, quia institutio Patrum proiecta est sub pedibus, & vnusquisque, quodd sibi videtur vtile, habent pro Religione; 4 & sic fluctuant sicut nauis inter fluctus. Secunda anchora, quæ est adhuc sana, vt supra dixi, est voluntas seruiendi Deo, ligata cum duobus funibus, spe scilicet, & fide, quia credunt me Deum, & habent in me spem, quodd velim saluare eos, quorum gubernaculum ego sum, qui quamdiu ero in nauis, fluctus procellarum non intrant, & quasi quidam calor est inter me, & illos. Tunc autem ego Deus adhæreo nauis eorum, quando ipsi nihil diligunt, sicut me, quibus ego affigor, quasi tribus clauis, scilicet timore, humilitate, & consideratione operum meorum. Sed si ipsi aliquid diligunt plus quàm me, tunc ingreditur aqua dissolutionis, tunc dissoluntur clauis, timor scilicet, & humilitas, & diuina consideratio, tunc frangitur anchora voluntatis bonæ, & tunc rumpuntur funes fidei, & spei. Sed qui in ista nauis sunt, nimis instabiles sunt, ideò tendunt ad loca periculosa: In tertia nauis, quam dixi, quodd erat parata velificare, sunt amici mei.

NOTÆ.

EGO sum Creator omnium spirituum bonorum, & malorum.
Deum Optimum Maximum creaturas omnes, homines, & Angelos, ac eas quæque rationi minimè prædite sunt, bonas, atque in suo statu optimas condidisse, testatur Moyses Genesi. 1. Vidi (inquit) Deus cuncta, quæ fecerat, & erant valde bona, in super, &

hominem fecisse rectum, Angelos etiam uniuersos fuisse creatos ab eo bonos, patet Ezech. 28. In delictis Paradisi fuisti, & Isaia 14. Quomodo cecidisti de celo Lucifer, qui mane oriebaris, & tradunt D. August. 11. de Ciuit. cap. 15. Oportet (inquit) hoc sic accipiamus, quod in veritate fuit, et probat D. Thom. par. 1. q. 63. art. 4. & 5. Origen. hom. 1. in Ezech. & Magister in 2. dist. 3. docet Angelos esse bonos, quia non potuit optimus Creator esse mali auctor, quod etiam aperte asseritur Lib. 4. Reul. Cap. 63. paulo ante medium, ubi legimus Demonem de se hoc idem dicentem. Vidi (inquit) quando me creasti pulcherrimum, quod etiam fuit definitum in cap. firmiter de Summa Trinit. & fide Cathol. & in Conc. Charcharen. 1. Can. 7. cum ergo haec verissima sint. Dicendum est, cum hoc loco Deus affirmat, se esse malorum spirituum creatorem, non esse intelligendum, quod Angelos, vel Demones in primo instanti suae creationis malos creauerit, sed quod tales eos fecerit, dando illis liberum arbitrium, ut ad malum potuerint per libertatem suae voluntatis declinare, ut verè declinarunt, quod explicamus Lib. 1. Cap. 1. Nota 6. & Cap. 34. Nota 3. & 4. Lib. 4. Cap. 63. Nota 1. cuius rei ratio esse potest, quia Sapient. 11. scribitur, Nihil Deum eorum odisse, quae fecit, ergo Deus, si malos eos creasset, aliquid fecisset, quod odio habuisset: rursus certa fide tenendum est, illi nullatenus auctorem esse posse peccati, aut mali culpa, ut probat D. Basil. hum. quod Deus non est auctor malorum, & D. Thom. p. 1. q. 49. art. 2. Dicendum ergo est Angelorum hominumq. malitiam ex eorum praua manasse voluntate, quatenus in illa quidam malus effectus exiit, non debita, scilicet subiecti ad rationis regulam, ut egregie tradit quæst. supra citata D. Thom. in resp. ad tertium argumentum, & insinuat Osea 13. cum dicitur, Perditio tua ex te Israel, est tantummodo in me auxilium tuum.

2. Ego etiam omnium spirituum moderator, & rector sum. Eandem ferè sententiam habet Salomon Prouer. 16. Spirituum (inquit) ponderator est

Dominus, ipse namq. est, ut dicit Apostolus Hebræor. 4. Discretor cogitationum, ac intentionum cordis, & is etiam est, qui, ut Sapient. 14. legimus Ab initio cuncta gubernat, & regit, quoniam ipse dedit in mari riuam, & inter fluctus semitam firmissimam, ostendens, quia potens est ex omnibus sanare, etiam si sine rase aliquis adeat Mare.

3. Itaque quaecumque sunt in celo, terra, & mari, omnia sunt ad voluntatem meam, præter hominem solum.

Ex his, quæ superiori Nota docuimus, Deum nimirum cuncta gubernare, ac regere sequitur, quod in præsentis Nota legimus, omnia quaecumque creata sunt Dei voluntati subesse, & obedire, sed miser homo, cui cum liberu Deus dederit arbitrium, per illud recedit ab eo, & propriam studet adimplere voluntatem, omnes namque creaturæ ratione carentes, diuinis obtemperant præceptis, & solus homo Dei voluntati, à quo maiora, & potiora recepit beneficia, & propter quem cetera facta sunt resistere aude.

4. Circa medium præsentis Cap. ubi haecenus impressi Codices habent, Et sic fluctuant, licet Nauis inter fluctus.

Manuscriptus Farnesian. legit, Fluctuat, sicut Nauis inter procellas fluctuum.

CHRISTVS LOQVENS. SPONS. E. dicit ei modum, quem debet tenere Miles spiritualis in prælio, scilicet, quod confidat in Deo, & non in viribus proprijs, datq. ei duas orationes breues, quas quotidie dicat, & dicit etiam, quod debet esse armatus armis spiritualibus hic contentis.

C A P. LXXXIX.

ILIVS loquitur. Quicumque velit pugnare, sit magnanimus, resurgendo si cadit, confidens non proprijs viribus, sed misericordia mea. Qui enim diffidit de bonitate mea, cogitans secum taliter. Si aliqua

atten-

attenta uero, vel refrenando carnem ieiunij, vel laborando uigilijs, nō potero perseverare, nec abstinere a uitijs, quia Deus non me adiuuat. Iste meritō cadit. Ergo, qui pugnare spiritualiter uelit, cōfidat de me, & quod possit perficere cooperante gratia mea. Deinde habeat uoluntatē faciendi bona, & omittēdi mala, & resurgēdi quoties cādīt, istāq. legendō orationē. Domine Deus omnipotens, qui omnes du-
cis ad bonū, ego peccator nimis longē recessi a te per facinora mea, gratias ago tibi, quia reduxisti me ad uia rectam. Ideo rogo te piissime Iesu, ut miserearis mei, qui in Cruce stetit sanguineus, & dolorosus, & rogo te per quinque vulnera tua, & per dolorem, qui de uenis tuis perforatis ad cor processit, quatenus conseruare me digneris hodie, nē cadam in peccata: Da quoque mihi uirtutem resistendi telis inimici, & uiriliter resurgere, si contingat me cadere in peccata: Ad hoc autē quod pugnans possit perseverare in bonis, oret isto modo: Domine Deus, cui nihil est impossibile, & qui omnia potes, da mihi fortitudinē faciendi bona opera, & in bonis posse perseverare. Post hæc assumat gladium in manu, idest confessionem puram, quæ debet esse benē limata, & splēdens. Limata, ut diligenter discutiatur cōscientiam suā, quomodo, & quantum, vel ubi deliquerit, & de qua causa. Sit etiam splēdens, ut nihil erubescat, vel occultet, nec aliter dicat, quam sicut peccauit. Hic gladius debet habere duas acies acutas, scilicet uoluntatem ultrā non peccandi, & uoluntatem commissā emendandi. Cuius gladij cuspis est contritio, qua Diabolus occiditur, quādo homo sicut prius in peccato gaudebat, sic nōn conteratur, & ingemiscat, ex eo quod me Deum ad iram prouocauit. Hic gladius etiā debet habere caputū, idest cōsiderationem magnæ misericordiæ Dei. Cuius misericordia tāta est, quod nullus talis, & tantus peccator est, qui non habeat ueniam, si eā perierit, cum uoluntate se emendandi. Cum hac

igitur intentione, scilicet, quod Deus est super omnia misericors, tenendus est gladius confessionis, sed nē fortē ex aciebus vulneretur manus. Obsistat ferrum, quod est inter acies, & capulū. Et nē fortē gladius cadat de manu, prohibeat tolus. Similiter, qui habet gladium confessionis sperans per misericordiā Dei remitti, & purgari peccata, caueat nē cadat per præsumptionē ueniē. Ideo obsistat tolus, idest timor Dei metuendū, scilicet nē Deus auferat gratiā, & inferat irā propter nimiam præsumptionē. Sed nē fortē vulneretur, & minuatur manus operationis per nimium feruorem laboris, & indiscretionē, prohibeat ferrum, quod est inter manus, & acies, idest cōsideratio æquitatis Dei, quia licet iustus sim intantum, quod nihil dimitto impunitum, & indiscussum; ita tamen misericors, & æquus sum, quod non requiro ultrā, quam natura benē ferre possit, & propter bonam uoluntatem dimitto maximū supplicium, & peccatum magnū pro parua emendatione. Lorica uero militis, est abstinētia. Sicut enim lorica constat ex multis catenulis, sic abstinētia est ex multis uirtutibus, scilicet à prauo uisū, & sic in reliquis sensibus. Et à gula, & luxuria, & habitu superfluo, & à multis alijs, quæ B. Benedictus præcepit non agenda. Verū, hanc lorica non potest personaliter aliquis adaptare sibi, sine adiutorio alterius. Ideo Mater mea, Virgo Maria inuocanda, & honoranda est, quia in ea fuit omnis modus uitæ, & omnis forma uirtutum, quæ stabiliter inuocata, omnem perfectam abstinētia menti indicabit. Gālea uero est spes perfecta, quæ habeat, quasi duo foramina, per quæ miles respiciat. Primum foramen est cogitatio faciendorum. Secundum est cōsideratio omittendorum. Quia omnis, qui sperat in Deo, cogitat semper quid sit ei secundum Deum faciendum; quid uē omittendum. Clypeus uero sit patientia, qua omnia aduenientia libenter patiat. Qq 3

CHRISTVS LOQVENS DICIT

quòd amici eius sunt quasi brachium eius ex eo, quòd ipse, sicut bonus Medicus abscidit ab eis carnem putridā, & omnia nociua, & coniungit carnem bonam eius, transformando eos in se.

CAP. XC.

ILIVS loquitur. Amici mei sunt, quasi brachium meum. In brachio sunt quinque, scilicet pellis, seu cutis, sanguis, ossa, caro, & medulla. Sed ego sū sicut sapiēs Medicus, qui primò abscidit omnia inuilia, postea vnit carnē carni, & os ossi, indē apponit medicamentum sanitatis. Sic ego feci eisdem amicis meis. Primò abstuli ab eis omnem cupiditatem mundi, & illicita carnis desideria. Indē coniunxi medullā meam medullæ eorum. Quæ est medulla mea, nisi potētia Deitatis meæ? Sicut enim sine medulla omnis homo mortuus est, sic, qui non cōmunicat Deitati meæ, moritur. Hanc igitur ego tunc coniunxi infirmitati eorum, quando sapientia mea sapit eis, & fructificat in eis, quando animæ eorum intelligit facienda, & omittenda. Ossa verò significant fortitudinē meā, hanc ego coniunxi fortitudini eorum, quando facio eos fortes ad faciendum bona. Sanguis verò significat voluntatē, hanc ego coniunxi voluntati eorū, quando voluntas eorum est secundum velle meum, & quando nihil desiderant, nec quærunt, nisi me solum. Caro significat patientiam meam, hanc ego coniunxi patientiæ eorum, quando patientes sunt, sicut ego fui, quando à planta pedis vsque ad verticem non habui sanitatem. Pellis verò significat dilectionem, hanc ego mihi coniunxi, quando nihil tantum diligunt, sicut me, & libenter cum adiutorio meo etiam volunt mori pro me.

CHRISTVS ADMONET

Sponsam, quòd debeat se humiliare quadrupliciter, vt patet coram potenti- bus mundi, & coram peccatoribus, ac etiam coram amicis Dei spiritualibus, & coram pauperibus mundi.

CAP. XCI.



ILIVS loquitur ad Sponsam. Tu debes quadrupliciter te humiliare. Primò coram Potentibus mudi, quia ex quo homo contēpsit obedire Deo, dignum est, vt obediat homini. Et quia sine Rectoribus homo stare nō potest. Ideo deferendum est Potestati. Secundò coram spiritualibus pauperibus, idest coram peccatoribus orando pro eis, & regatando Deo, quia fortē non fuisti, nec es talis. Tertiò coram spiritualibus diuitibus, idest coram amicis Dei, cogitando te indignam seruire eis, & conuersari cum eis. Quartò coram pauperibus mundi, iuuando, & veltiendo eos, & lauando pedes eorum.

CHRISTVS ADMONET

Sponsam, quòd progrediat, & perseueret in virtutibus, imitando vitam Sanctorum, vt efficiatur brachium eius, probat enim, quòd Sancti transformatiue efficiuntur brachium Christi.

CAP. XCII.



ILIVS loquitur. 1 Dixi tibi prius, quòd amici mei sunt brachium meum. Verè sic est in eis. Est enim Pater, & Filius, & Spiritus sanctus, & Mater mea cum omni cælesti exercitu. 2 Deiras quippè est, sicut medulla, sine qua nemo viuit. Ossa sunt huma-

humanitas mea, quæ fortis fuit ad passionem. Spiritus sanctus verò est, sicut sanguis, quia implet, & lætificat vniuersa. Mater verò mea est sicut caro, in qua fuit Deitas, & Humanitas, & Spiritus sanctus. Pellis autem, aut cutis, est omnis cælestis exercitus. ³ Sicut enim pellis tegit cranem, sic Mater mea omnes Sanctos præcellit virtute. Nam licet Angeli mundi sunt, mundior est tamen ipsa, & licet Prophetæ impleti fuerint Spiritu Dei Martyres quoque multa passi, plenior tamen, & seruencior fuit in Matre mea Spiritus, ipsaque plusquam Martyr fuit. Confessores etiam, etsi se ab omnibus sustinuerunt, perfectiorem tamen abstinentiam habuit Mater mea, quia in ipsa fuit deitas mea cum humanitate. Ergo amici mei cum me habent, in eis est deitas, qua anima viuit. Est fortitudo humanitatis meæ, qua fortes sunt vsque ad mortem. Et sanguinis spiritus mei, quo voluntas eorum fit mobilis ad omne bonum. Caro quoque eorum tunc impleta est sanguine meo, & carne mea, quando nolunt inquinari, seruantes se in castitate, cooperante gratia mea. Pellis quoque mea est coniuncta pelli eorum, quando vitam, & mores Sanctorum meorum imitantur. Sic ergo Sancti mei benè vocantur brachium meum, quorum, & tu effici debes membrum per voluntatem progrediendi in bono, & eos in quantum poteris imitando. Sicut enim coniungo eos mihi per corporis mei coniunctionem, sic tu eis coniungi debes, & mihi, per idem corpus meum.

N O T A.

¹ **D**ixi tibi prius, quòd amici mei sunt brachium meum.

Merito in presenti Capite amici Dei brachia Domini dicuntur, quoniam sicut cum eorum extremitate manus coniunguntur, quibus veluti instrumentis quibusdam opera nostra perficimus, sic Sancti sunt, quorum

ministerio Deus ad faciendum quicquid hominum salui prodesse potest, vritur, ab his verò brachij spicas esse querendas, ac colligendas tradit Isaias Propheta cap. 17. quòd non aliud significare docent D. Hieronymi, ibi, & Theodoretus de Veris, & falsis oraculis lib. 19. non longè à fine, quàm per Apostolos, & Concionatores, Iudeos, ac Gentiles esse conuertendos: ab his quoque brachijs populos indicandos esse idem Propheta asseruit cap. 51. suarum Reuelat. quandoquidem cum Sancti in vniuersali iudicio Deus iudicaturus est mundum, ut affirmat Paulus Apost. 1. Corint. 6. An scitis quoniam Sancti de hoc mundo iudicabunt, et Matt. 19. & Lucæ 22. Vos, qui secuti estis me, sedebitis super sedes duodecim iudicantes duodecim tribus Israel, & cap. 3. Iudicabunt iusti nationes, quòd esse intelligendum arbitror, vel de iudicio approbationis, vel quòd in locis citatis verbum iudicare sumitur pro condemnare, sic Hieron. Matt. 19. vel quòd Sancti iudicare dicuntur non aliter, quàm per comparisonem, quia illis credentibus, ceteri credere noluerunt, sic Hieronymus & Auctor operis imperfecti, aut postremo iudices futuri sunt, tamquam Christi ministri, & præcones, eius sententiam promulgantes.

² Deitas quippè est, sicut medulla, sine qua nemo viuit, ossa sunt humanitas meæ, quæ fortis fuit ad passionem.

³ Optimè hoc loco Deitas medulle comparatur, ossa verò humanitati Christi, quoniam sicut medulla intra ossa continetur, sic quoque tota Diuinitas in Christi humanitate includebatur, iuxta illud Apost. ad Coloss. 2. In quo habitat omnis plenitudo diuinitatis corporaliter: dicitur autem Seruatoris nostri humanitas, quoniam per eam sic se contra demonem, & Iudeorum, ac aliorum persequentium iectus opposuit, ut nullo viquà tempore frangi potuerit, immò de illis per patientiâ triumphum reuexit, cum quia hac fortitudine tantum sanctæ Matri Ecclesiæ robur promeruit, ut porta inferi contra eam deinceps præualere numquàm possint, sicut scribitur Matt. 16. de hac ergo fortitudine circà finem presentis Cap. sermo fit,

cum dicitur, Tanta est fortitudo humanitatis meae, ut amici mei fortes fiant usque ad mortem.

- 3 Sicut enim pellis tegit carnem, sic Mater mea omnes præcellit virtute, nam licet Angeli mundi sint, mundior tamen est ipsa, &c.

Ex verbis huius Nota euidenter colligitur, Mariam Virginem Angelos puritate, Prophetas Spiritus sancti plenitudine, Martyres fortitudine, Confessores abstinencia, ceterosq. Sanctos virtute præcellere, cuius rei ratio reddi potest, quoniam cum Christus sit totius gratiae principium, ut Ioan. 1. scribitur, Gratia, & veritas per Iesum Christum facta est, ipsa vero cum vicinissima Christo fuerit, quippeque eum gestauit in utero, ubi ille humanam accepit naturam, ex quo deinde factum est, quod præ ceteris Maria gratia plenitudinem obtinuerit: verum est enim celebre illud Axioma, quod quanto magis aliquid suo appropinquat principio, tanto magis effectuum eius particeps fit, & hoc est quod dicitur hic paulo post verba huius Note, nimirum, Perfectiorem habuit abstinenciam Mater mea, quia in ipsa fuit deitas mea cum humanitate, quod egregie explicauit Petrus Dam. in Serm. super illud Matt. 1. Liber generat. Iesu Christi. Quid mirum (inquit) si hac ineffabilis Virgo in suis laudibus humana vocis modis exuperat, cum & ipsam humani generis naturam excellentium meritorum dignitate transcendat, non enim excellentissimus ille Patriarcharum chorus, non prouidus Prophetarum numerus, non sacer Apostolorum Sexatus, non Martyrum victor exercitus, non aliquis, aliquorum, non quisquam sequentium Patrum huic Beatissime Virgini deesse potuit, quæ totius diuinae gratiae charismate plena fuit, et paulo post dicit, Nec mirum, si cunctorum merita transcendit mortalium, quoniam & ipsa super excedit celsitudinem Angelorum: idem habet S. I. delphonius. Serm. 7. de Assumpt. qui Mariam honoratiorem Cherubim, & Seraphim esse tradit: hoc etiam confirmant Anselmus de Excellentia Virg. cap. 7. Epiphanius. Serm. de Laudibus Mariae, Bernardus. Serm. de

Assumpt. Greg. Nanzian. in Tragedia Christi patiens, Cans. de B. Virg. lib. 5. cap. 4.

CHRISTVS LOQVITVR SPONSÆ, præcipiens ei tria, scilicet quod nihil desideret, nisi victum, & vestitum, quod spiritualia non cupiat habere, nisi ad voluntatem Dei. Et de nullis contristetur, nisi de peccatis suis, & aliorum, dicit etiam quod illi, qui in hac vita peccata sua per austeritatem poenitentiae purgare, & emendare noluerint, in diuino iudicio grauissimè punientur.

C A P. XCIII.

FILIVS loquitur. Tria præcipio tibi, scilicet nihil desiderare, præter victum, & vestitum. Secundò spiritualia non concupiscere, nisi ad voluntatem meam. Tertiò de nullis contristari, nisi de peccatis tuis, & aliorum. Si enim dolere volueris, considera districtiorem iudicii mei, quam perpendere, & timere poteris in quodam homine iam iudicato, qui ingressus Monasterium tria habuit in animo, scilicet, ut esset sine labore, & ut haberet victualia sine sollicitudine, tertiò cogitauit, si apprehendit me tentatio carnis, euadere poterò per aliquam occasionem sine commixtione. Propterea tripliciter afflictus est. Quia enim voluit esse sine labore, idèò verbis, & verberibus coactus est ad laborem. Pro secundò patiebatur defectum in victualibus, & nuditatem. Tertiò despectus ab omnibus, intantum quod non potuit in luxuria delectari. Instante vero tempore professionis, cogitauit secum sic. Quia (inquit) non poterò esse in mundo sine labore, idèò melius est mihi esse in Monasterio, & laborare pro Deo. Propterea cooperante tali voluntate, venit ad eum misericordia mea, cum iustitia, ut purgatus veniret ad gloriam sempiternam. Nam facta

facta professione, statim infirmitati graui percussus est, & intantum tribulatus est, quod oculi præ dolore exierunt. Aures nihil audierunt, & in omnibus membris destitutus est, quia voluit sine labore esse. Patiebatur & nuditatem maiorem, quàm in sæculo, & cum haberet delicatiora, nõ potuit ea comedere, & cum natura requirerebat, non habebat illa. Sic quoque natura eius consumpta fuit ante mortem, quod factus est quasi inhabilis truncus. Mortuus verò venit ad iudicium, quasi fur, quia voluit esse in Religione, ad voluntatem suam, non ad melius viuendum, sed tamen non debuit iudicari, vt fur, quia licet puer, & fatuus fuit in ratione, & conscientia, atamen fidem, & spem habebat in me Deū suum, & idè ad misericordiam iudicatus fuit: Cuius peccatum, quia in pœna corporali ad plenum purgari non potuit, idè anima eius adhuc ita grauiter punitur in Purgatorio, ac si cutis extracto osse in prælo poneretur, vt medulla melius extorqueretur. Quid igitur passuri sunt illi, qui omnem processum vitæ suæ in peccato habent, & nihil contrarij habent, nec habere volunt? Vt eis, quia ipsi mihi dicunt, quare mortuus est Deus, aut quæ utilitas est in morte eius? Hæc mihi respondent, quia redemi eos, quia seruo eos, quia do eis sanitatem, & necessaria eorum. Et idè exquiram ab eis iudicium, ex eo, quod fregerunt fidem, quam voverunt in Baptismo. Et ex eo, quod quotidie delinquant, contemnendo mandata mea. Nec aliquid minimum, ad quod obligantur in Religione, dimittam impunitum.

Declaratio.

Hic Frater occultum habuit peccatum, quod numquam voluit confiteri. Ad quem ex mandato Christi Beata Brigitta accessit, dicens: pœnitere attentius, est tibi aliquid occultum in corde, quod

quamdiu clausum tenueris, mori non poteris. Cui respondit ille, se nihil habere, quod in pœnitentia non esset publicatū. Et illa: Inquire (inquit) qua intentione hucusque vixisti, & inuenies in corde tuo veritatem. Tunc resolutus in lacrymas, ait: Benedictus Deus, qui te misit ad me. Iam enim ex quo tu ex secreto meo locuta es, dicere volo audientibus veritatem. Ego enim in quoddam occultum habeo in corde, quod proderet numquam audebam, nec poteram, quia quoties pœnitui de alijs peccatis, de isto quasi semper lingua mea erat ligata, & nimius etiam pudor inuasit me, nè confiterer absconditum remorsum cordis mei. Idè quoties confessionem cordis mei feci, inueni mihi nouam conclusionem verborum meorum, dicens: O pater, confiteor vobis culpam meam de omnibus, quæ vobis dixi, & etiam de alijs, quæ non dixi, credēs per hanc conclusionem omnia secreta mea dimitti. Sed nunc Domina mea, si placeret Deo, libenter dicerem toti mundo, ea, quæ in corde meo plenè tanto tempore occultauī, igitur Confessore, vocato, cum lacrymis omnia peccata illa explicauit, & eadem nocte mortuus est.

CHRISTVS DOCET SPONSAM

pulchras Orationes, quas debet dicere quando induitur, & quando vadit ad mensam, & ad dormiendum, monens eam, quod in omnibus vestimentis suis sit humilis, & in membris suis honesta, & moderata.

C A P. XCIIII.



ILIVS Dei loquitur ad Sponsam, dicens: Pulchritudo exterior, significat pulchritudinem interiorem, quam homo debet habere. Idè cum imponis tibi vittam, scilicet velum capitis, qua stringuntur capilli.

Dici-

Dicito: O Domine Deus gratias ago tibi, quia supportasti me in peccato meo, & quia per incontinentiam meam nō sum digna videre te, ideō velo capillos meos. Et adiunxit Dominus: Intantum est abominabilis mihi incontinentia, quōd etiā quaecumq. virgo si voluntatem habet luxuriandi, non est apud me virgo munda, nisi poenitentia correxerit illam voluntatem. Quando verō velas frontem, dicito: O Domine Deus, qui omnia benē creasti, & hominem excellentiū prae omnibus ad imaginem tuam creasti, miserere mei. Et quia non seruaui pulchritudinem faciei meae ad honorem tuum, ideō velo frontem meam. Cū verō attrahis calceos, dicito: Benedictus sis tu Deus meus, qui praecipis mihi habere calceos, vt sim fortis, & non tepida in seruitio tuo, conforta igitur me, vt in mandatis tuis possim ambulare. In cæteris etiam vestimentis tuis omnibus humilitas sit, & in omnibus membris tuis honestas moderata. Cū verō ad mentem accedis, dicito: O Domine Deus, si velles, sicut potes me sine cibo subsistere, libenter rogarem te, hunc autem, quia praecipis, nos cibum sumere cum discretionē, rogo te, da mihi continentiam in cibo, vt per gratiam tuam possim comedere secundum naturā necessitatem, & non sicut cupiditas carnis petit. Cū autem accedis ad somnum, dicito. Benedictus sis tu Deus, qui temporum vicissitudines disponis nobis ad alleuacionem, & solatium animae, & corporis, rogo te, da corpori meo requiem in hac nocte, & serua me

illz
fam à potestate, &
illusionē ini-
mici.

CHRISTVS LOQVENS SPONSÆ,
declarat ei, quæ, & qualia sunt arma
iniquorum, qui glorificauerint se in
peccato cum voluntate in eo perseue-
randi, gladio seueritatis diuinæ iusti-
tiæ terribiliter consumuntur.

C A P. XCV.



ILIVS Dei loquitur: Ego
sto quasi Rex propocatus
ad pugnam. Diabolus au-
tem stat contra me cum
exercitu suo. Verū in-
tentio, & stabilitas propositi mei est ta-
lis, quōd antequam à iustitia discederem
ad vnum punctum, prius cælum, &
terra, & omnia, quæ in eis sunt, cade-
rent. 1 Diaboli verō intentio talis est,
quōd priusquam se humiliaret, prius vel-
let, vt essent tot Inferni, quot sunt atho-
mi in Sole, & vnum cum alio sine fine
sustinere. Itaque inimici mei aliqui ap-
propinquant ad iudicium, & non est di-
stantia inter nos plusquam ad duos pedes.
Vexillum eorum erectum est, clypeus est
in brachio, manus ad gladium, sed non-
dum extractus est. 2 Tantaq. est patien-
tia mea, quōd nisi ipsi prius percussissent,
non percuriam ego. In vexillo autem ini-
mici tria sunt, gula, cupiditas, & luxuria.
Quorum galea est duritia cordis eorum,
quia non attendunt poenā Inferni, nec
attendunt quā abominabile est pecca-
tum. Foramina galeæ sunt voluptas car-
nis, & voluntas placere mūdo. Per talia
enim discurrunt circumquaque, & vi-
dent non videnda. Clypeus verō eorum
est perfidia, qua exultant peccatum, &
imputant fragilitati carnis, ideō pro ni-
hilo ducunt petere veniam pro peccatis.
Gladius verō eorum est voluntas perseue-
randi in peccato, qui nondū extractus est,
quia nondum cōpleta est malitia eorum.
Tunc verō extrahitur gladius, quādo vo-
lunt tamdiū peccare, quanto tempore vi-
uere

uere possent. Tunc verò percutiunt quando gloriantur de peccato, & optant in statu peccati permanere. Cum igitur sic completa fuerit eorum malitia, tunc vox exercitus meo clamabit, dicens, percutite nunc. Et tunc gladius seueritatis meę cōsumet eos, & quilibet sicut armatus est, sustinebit pēnā. Quorum animas rapient Dæmones, qui sicut rapaces aues nō quaerunt bonum temporale, sed animas, quas sine cessatione laniabunt.

NOTÆ.

Diaboli verò intentio talis est, quòd priusquam se humiliaret, prius vellent, ut essent tot Inferni, quor sunt athomi in Sole.

Diabolus nullo pacto sui delicti pēnitere posse legimus etiā sup. Lib. 1. Reuel. Cap. 3. 4. Nota 7 et Lib. 4. Cap. 106. Nota 2. Vbi reieciimus sententiā Orig. qui lib. 1. Periarcbon c. 8. contrariam sententiā sequitur, unde autem huiusmodi obstinatio oriatur, declarauimus ex mente S. Thom. & Scoti Nota supra citata.

2 Tantaq. est patientia mea, quòd nisi prius percussissent, non percutiam ego.

Cum Dei proprium sit misereri potius, & parcere, quàm flagellis homines cadere, mirum non est, quòd ipse nobis minimè inferat pēnas, nisi cum prius peccatis nostris prouocauerimus ad iram: Pēnitentiam (inquit) D. Hilarius in Psalm. 2. memorat Deus ad pēnam, quia puniri desinerent, qui esse impij destitissent, & hoc est, quòd legimus hic, quòd nisi ipsi prius percussissent, non percutiam ego, signanter autem verbum percussissent apponitur, quoniam sic Deus odio habet peccata, ut cum ea homines committunt, existimet ab his se esse percussum, secundum illud Apost. Hebræor. 6. Rursus crucifigentes sibi inter ipsi filii Dei, idem habetur Lib. 1. Reuel. cap. 3. 7. non longe ab initio ibi; Nam licet deitas impassibilis sit, quòd mori possit, tamen cum proprijs vitijs crucifigunt eum. Hoc ipsum satis aperte explicat Lodolphus de Vita Christi 2. par. cap. 63. his verbis, Sed came nē tu clauos

Crucis Christi fabrices, vel manus, aut pedes Domini eius vulneres, aut configas? clauos enim Crucis Christi fabricat, qui inter proximos discordias seminat, manus verò Domini videtur clauos vulnerare, & configere, qui de bonis à Deo datis non vult elemosynas erogare; pedes autem Christi clauis ferreis perferat, qui theatra, seu spectacula; & rabernas magis, quàm Ecclesias visitat, sed hac de re etiam egimus. Lib. 6. Cap. 28. Nota 2.

DECLARAT SPONSVS SPONSÆ, quid significat distantia duorum pedum, & extractio gladij, de quibus dixerat supra in proximo Capitulo.

CAP. XCVI.



HILIVS loquitur. Dixi tibi prius, quòd inter inimicos, & me non est, nisi distantia duorum pedum. Iam enim modò ipsi ad iudicium alio pede appropinquant. Vnus istorum pedum est remuneratio illorum bonorum operum, quæ pro me fecerunt, idè ab isto die augebitur infamia, amarescet delectatio eorum, auferetur gaudium, augmenrabitur tribulatio, atque dolor. Secundus verò pes est malitia eorum, quæ nondum completa est, sed sicut dici solet, quòd quando aliqua res plena est, tunc crepat, sic quando anima, & corpus separantur, damnantur à iudicatore. Gladius verò est voluntas peccandi, qui ad dimidietatem extractus est, quia decrecente honore, & contrarijs succedentibus plus angustiantur, & inardescunt iam ad peccatum. Prosperitas enim, & honor non multum sinebant eos cogitare de peccato. Nunc autem, ut voluptatem suam perficiant, oprant diutius viuere, & licentius iam apponunt peccare. Væ eis, quia nisi se emendauerint, perditio eorum iam appropinquat.

CHRISTVS LOQVENS SPONSÆ

de quodā Prælato, dicit ei, quòd anima denota, quæ perdidit deuotionis, & sanctæ meditationis calorem, propter superbiam, & cupiditatem suam, & propter implicationes mundi, humiliando se perfectè Deo, & proximo, recuperabit diuinum calorem, & lumen, vt sentiat diuinam dulcedinem.

CAP. XCVII.

ILLIVS loquitur per Sponsam quidam Prælato, dicens ei. Tu es similis rotæ molendini, quæ immobilis est, quæ cum stat fixa, se non mouens, tunc grana in molendino non conteruntur. Rota itaq. hæc significat voluntatē tuam, quæ deberet esse mobilis, non ad voluntatem, & desiderium tuum, sed ad meū, totumq. relinquere te debes in manus meas. Sed hæc rota nimis immobilis est secundum velle meum, quia aqua terrenæ cogitationis nimis sollicitat mentem tuam. Consideratio verò operum tuorum, & passio mea, quasi mortua est in corde tuo, propter quòd cibus animæ non sapit tibi, nec sentitur. Et idèd tu irrumpe transitum aquæ obstructū, vt defluat aqua, qua transeunte, rota fiat mobilis, & grana faciliter coterentur. Obstacle autem, quod retentat aquam, superbia mentis, & ambitio est, qua gratia Spiritus sancti obstruitur, & omne bonū, quo anima fructificare debet impeditur. Idèd assume veram humilitatem in mente tua, per hanc enim influet dulcedo spiritus mei in animam tuam, & defluet terrena cogitatio. Per hanc etiā voluntas tua mobilis, & perfecta erit ad velle meum. Et tunc incipies opera tua tamquam grana diiudicare, & opera mea pro magno reputare. Quæ autem est vera humilitas, certè non curare fauores, & oblocutiones hominum, viam meam, quæ oblita, & neglecta est incedere, superflua nō querere,

simplicioribus te conformare. Si hanc viā diligis, tunc sapiunt tibi spiritalia, tunc passio mea, & via Sanctorū meorum dulcis erit menti tuæ. Tunc intelliges quantum debitor es animabus, quas regere suscepisti. Ergò quia iam in summitate rotæ ascēdisti duobus pedibus, potentia scilicet, & honore. Idèd ex potentia tibi cupiditas & ex honore est tibi superbia. Propterea descende nunc humiliado te ipsum mēte, & humiles, rogando pro te, orare. Nā mitram tibi iusticiam meā, quasi fluuium rapidissimum, & exigam à te nouissimum quadrantem, rationē scilicet pro affectu, pro cogitatu, pro locutione, & opere. Exigā quoq. animas, quas prouidentia tuæ commisi, quas ego ipse sanguine meo redemi.

CHRISTVS LOQVENS SPONSÆ

dicit, quòd quattuor iaculis, idest quattuor increpationibus hīc contentis, sagittandi sunt peccatores, & repidi, vt compungantur, & ad emendationem vitæ humiliter reducantur.

CAP. XCVIII.

ILLIVS loquitur. Ego dabo amicis meis quattuor iacula. Primò sagittandus est ille, qui altero oculo cæcus est. Secundò, qui altero pede claudus est. Tertiò, qui alia aure surdus est. Quartò, qui prostratus iacet in terra. Ille igitur alio oculo cæcus est, qui mādāta Dei, & opera Sanctorū meorū vider, & non attendit. Vider verò delectabilia mundi, & concupiscit. Hic talis sagittandus est isto modo, dicendo ei sic. Tu similis es Lucifero, qui vidit summam pulchritudinē Dei, sed quia iniuste desiderauit, quod nō debuit, ideo descendit in Infernū, ad quem, & tu descendes, nisi respueris, ex eo quòd intelligis præcepta Dei, & quòd omnia transitoria sunt in mūdo. Ideo consultiissimū est tibi tenere certum, & dimittere transitorium, nē descendas in Infernum. Ille verò alio pede claudus est, qui

qui pœnitet, & conteritur de pœccatis commissis, sed laborat ad acquirendum terrenâ commodâ, & lucra, quæ mundi sunt, hic sagittatus est taliter. Tu laboras pro commodo corporis, quod vermes comesturi sunt citius. Ideo labora fructuosè pro anima tua, quæ in æternû est victura. Ille verò alia auro surdus est, qui audire desiderat verba mea, & Sanctorû meorum, sed aliam aurem habet apertâ ad scurrilia, & ad ea, quæ sunt mundi; idè dicatur ei. Tu es similis Iudæ, qui audiuit vna pure verba Dei, & per aliam exierunt; idè non profuit sibi sermo auditus. Propter eâ claudere aures tuas à vano auditu, vt ad Angelicos catus possis peruenire. Ille verò iacet totus in terra, qui terrenis implicatur, sed tamen cogitat, & veller scire viam, per quam se emendare posset, isti dicatur taliter. Tæpus istud breue est, quasi punctus, pœnâ verò Infernâ eterna, & gloria Sanctorum perpetua. Idè vt ad vitam veram peruenias, non sit tibi molestum aliquid assumere graue, & amarum, quia sicut Deus pius est, sic est, & iustus. Quicquid igitur sic sagittatus fuerit, si sagitta de corde eius exierit linguea, id est quod iste verè cõpungatur, & proponat se emendare, huic ego inmittâ oleû gratiæ meæ, qua omnia membra eius conualecent.

N O T Æ.

TV similis es Lucifero, qui vidit summam pulchritudinem Dei.

Quomodo intelligendû sit, quod legimus hic, Luciferû vidiisse pulchritudinem Dei tradidimus Lib. 1. Reuel. Cap. 3. 4. Not. 3. & Cap. 4. 1. Not. 3. quibus locis docuimus, Dæmones ante lapsum nullatenus habuisse matutinâ cognitionem, & beatificam visionem, quâ per lumen gloria Sancti in Patria diuinâ essentia inueniuntur, sed hoc diximus esse interpretandû de visione diuinâ, quam Diabolus habuit reflectendo se ad cõsiderandam nobilitatem, & pulchritudinem suæ nature, per quam manducebatur ad cognitionem Dei, prout est omnium creaturarum auctor, & moderator.

CHRISTVS LOQVENS SPONSÆ
ita conqueritur de Iudæis crucifixoribus, & conqueritur etiam de Christianis contemnētibz eum, & eius vcharitatem, & iustitiam, peccando, & presumptuosè, & scienter contra mandata eius, & spēnentes sententias excommunicationis Ecclesiæ; sub prætextu misericordiæ eius, propter quod imminatur eis cum ira, & furore in iustitiâ suâ.

CA. P. XCIX.



MATER loquitur. Isto tempore patiebatur Filius meus, qui appropinquante Iuda traditore suo inclinauit se ad eum, quia

Iudas brevis staturæ erat, dans ei osculû dicens. Amice ad quid venisti? Et statim alij rapuerunt eum, alij traxerunt eum per crines, alij spiritus decurpabant eum. Deindè loquebatur Filius dicens. Ego reputor quasi vermis, qui quasi mortuus in hyeme iacet, in quem transēntes expuunt, & calcant in dorso eius. Sic fecerunt mihi Iudæi hodie quasi vermi, quia abiectissimus, & indignissimus ab eis iudicatus sum. Sic & Christiani cõtēnnunt me, quia omnia illa, quæ pro charitate eis feci, & pertuli, reputant pro vanitate. Calcant quoque quasi in dorso meo, quando plus timent, & venerantur hominem, quam me Deum suum, quando iustitiâ meam reputant pro nihilo, & in arbitrio suo constituunt tempus, & modum miserationis meæ. Percutiant quoque me, quasi in dentes, quando auditis præceptis meis, & passione mea, dicunt. Faciamus in præsentî quidquid delectat nos, & nihilominus habebimus celestia. Si enim perdere, aut in æternum punire nos vellet Deus, non creasset nos, & non redemisset nos tam amare. Idè sentient iustitiâ meam, quia sicut nec

minimum bonum erit irremuneratum, sic nec minimum malum erit impunitum. 2. Contemnunt etiam me, quasi conculeantes me, quando non attendunt iudicia Ecclesie, scilicet excommunicationem: Ideo sicut excommunicati publice ab alijs deuitantur, sic ipsi separabuntur à me, quia excommunicatio quando scitur, & contemnitur, grauius nocet, quam gladius corporalis, ideo ego, qui quasi vermis videor nunc, reuiuiscere volo per terribile iudicium meum.

3 & veniam sic terribilis, quam videntes, dicent montibus. Cadite super nos à facie iræ Dei.

Ego reputor, quasi vermis, qui quasi mortuus in hyeme iacet.

Hic loquitur Christus Saluator noster conqueritur contra de Iudeis, tum etiam de malis Christianis, qui illum contemnentes, eiusque iustitiam, & charitatem flocci facientes, cum vermi similes faciunt: qua similitudine plures etiam ex sanctis Patribus vti sunt D. Augustinus in expositione, Psalm. 21. ad eum rursus. Ego sum vermis, & non homo, & Epistola 120. latissime ad Honoratum; in qua plurima, quæ ad huius Psalmi interpretationem faciunt, afferunt, idem habet Origen. homil. 14. super Lucam, D. Dionysius de Celesti Hierarch. cap. 2. D. Hieronymus, & alij plures super citatum Psalm. idem quoque Nos annotauimus supra Lib. 2. Revelat. cap. 26. Nota 4.

2. Contemnunt etiam me, quasi conculeantes me, quando non attendunt iudicia Ecclesie, scilicet excommunicationem: Ideo sicut excommunicati publice ab alijs deuitantur, sic ipsi separabuntur à me.

In presenti Nota de his agit, qui ecclesiasticas censuras negligunt, duo autem Christus Dominus dicit; primum quidem eos, qui excommunicationem contemnunt, ipsummet Deum contempere, quandoquidem illa ab eo

manat, qui ab ipso Deo potestatem excommunicandi habet. Postremo affirmat peccatores à Christo separari, sicut publice excommunicati ab alijs separantur, & deuiantur, quod intelligendum esse arbitror de nominatim excommunicatis, de denunciatis iuxta Constitutionem Concilij Constantiensis sub Martino V. ut probat Conarruias in cap. Alma Mater. d. 2. num. 9. & Sotus in 4. dist. 22. quest. 1. art. 4. col. 1. Siluester Verb. Excommunicati. 3. num. 7. & alij plures, vel etiam de proprijs Clericorum persecutoribus.

3 Et veniam sic terribilis, quam videntes, dicent montibus. Cadite super nos à facie iræ Dei.

Hunc textum cum Manuscripto Farnesiano sic restituendum esse censo. Et veniam sic terribilis, ut videntes, dicturi sint montibus. Cadite super nos à facie iræ Dei. Hæc autem eadem verba dicta fuisse à Christo Domino, patet Luca 23. quo loco Saluator noster insinuare voluit, Iudeos, qui illi mortem intulerant, præ calamitatum multitudine, ac magnitudine, quasi tuos aliquando abditissima terre loca, in quibus sese absconderent, & imminencia pericula vitarent, & ob id tunc dicturos esse montibus, Cadite super nos. Quod factum esse arbitror, quando à Tito, & Vespasiano Imperatoribus Civitas Hierosolymitana funditus est eversa, totque Iudeorum millia ab illis exquisitis tormentorum generibus fuisse trucidati, & quoniam ut annotauit Gloss. Luca 23. illa miseria Iudeorum figura fuit miserie super incredulos ventura in vniuersali iudicio: ideo Christus eadem verba repetit, idem hoc loco significare volens, quanta nimirum impijs calamitates, nouissimis temporibus superuenire sint, & quam terribile vniuersale iudicium futurum sit, ut mirum cuique videri non debeat, si dicat hic, quod reuiuiscere velit per terribile iudicium, quodq. venturus sit sic terribilis, ut videntes dicturi sint montibus, Cadite super nos à facie iræ Dei.



CHRISTVS. LOQVENS SPONSÆ
 - dicit ei, quòd ipsa est quasi fistula Spi-
 - ritus sancti, per quam ipse dulcem so-
 - num faciet in mundo ad honorem
 - suum, & vtilitatem gentium, propter
 - quòd ipse vult eam extra deargenta-
 - re bonis moribus, & sapientia; intus
 - verò deaurare vera humilitate, & cor-
 - dis mundicia.

CAP. C.

ILIVS loquitur ad Spon-
 - sam: Tu debes esse quasi fi-
 - stula, per quam fistulator
 - dulcem facit sonum: Qui
 - autem possessor fistulæ est,
 - deargentat eam exterius, vt videatur præ-
 - tiosior, intus verò deaurat auro perseue-
 - ranti. Sic, & tu deargentata debes esse
 - bonis moribus, & humana sapientia, vt
 - intelligas, quid debeas Deo, quidvè pro-
 - ximo tuo, quid verò expedit animæ tuæ,
 - & quid corpori ad æternam salutem.
 - Intus autem debes esse deaurata per hu-
 - militatem, vt scilicet nulli placere appe-
 - tas nisi mihi, nec displicere timeas ho-
 - minibus propter me. Deinde fistulator
 - tria facit fistulæ suæ: Primò inuoluit
 - eam syndone, nè maculetur. Secundò
 - facit ei coopertorium, in quo custodi-
 - tur. Tertiò facit coopertorio seram, nè
 - à fute auferatur. Sic tu inuolui debes
 - mundiciā, vt nec affectū, nec delectatio-
 - ne velis amplius inquinari, sed labora
 - libenter, vt possis esse sola, quia corrupti-
 - pit bonos mores conuersatio malorum.
 - Sera verò est diligens custodia sensuum
 - tuorum, & interiorum omnium, vt in
 - omnibus actibus tuis attēdas, nè astutia
 - Diaboli decipiaris. Clavis verò est Spi-
 - ritus sanctus, qui cor tuum aperiat, prout
 - mihi placuerit, ad honorem meum, &
 - hominum vtilitatem.

MATER DEI LOQVITVR DICENS,
 quòd cor Filij sui est suauissimum,
 - mundissimum, & dulcissimum, & in-
 - tantum abundans charitate, quòd
 - etiamsi peccator staret ad portum
 - perditionis, si clamaret ad eum vo-
 - luntate se emendandi, statim libera-
 - retur: peruenitur ad cor Dei per hu-
 - militatem veræ contritionis, & per
 - deuotam, & frequentem considera-
 - tionem eiusdem Pansionis.

CAP. CI.

MATER Dei loquitur: Cor
 Filij mei est suauissimum
 quasi mel, & mundissimū
 quasi fons purissimus, quia
 ab ipso quidquid est vir-
 tutis, & bonitatis quasi à fonte procedit.
 Ipse etiam est dulcissimus. Quid enim
 est dulcius homini sensato, quàm consi-
 derare charitatem eius in creatione, &
 redemptione, in labore, & doctrina,
 in gratia eius, & patientia. Eius quip-
 pè charitas non est fluida sicut aqua,
 sed extensa, & durabilis, quia charitas
 eius vsque ad nouissimum manet cum
 homine, in tantum quòd si peccator sta-
 ret ad fores perditionis, adhuc si indè
 clamaret eum voluntate emendandi se,
 eriperetur. Item ad perueniendum ad
 cor Dei sunt duæ viæ. Prima est humi-
 litas veræ contritionis, & hæc inducit
 hominem in cor Dei, & in colloquium
 spirituale. Secunda via est considera-
 tio Pansionis Filij mei, quæ remouet du-
 stitiam à corde hominis, & facit curre-
 re gaudenter ad cor Dei.

OSTENDITVR SPONSÆ IN
visione iudicii vnius anime cuius-
dam Religiosi coram Christo iudi-
cante, pro quo Beata Virgo interpel-
lat, quem Diabolus de grauibz pec-
catis crudeliter accusat.

CAP. CII.



MATER. Dei loquitur Fi-
lio dicens: Querimonia
mea magna est, licet om-
nia scias, sed propter ista,
quæ astat, proferam. Re-
spondit Filius: Mihi omnè iudicium dà-
tum est, & oportet me de singulis iudi-
care. Verùm ad Iudicem iustum nonem
bona pertinent. Primò attentè audire.
Secundò discernere. proposita. Tertiò
voluntas velle iudicare iustè. Quartò
inquirere, qua de causâ litigatur. Quin-
tò inquirere, quanto tempore lis dura-
uerat, quia grauius damnum est de iudi-
cij dilatione. Sextò inquirere, quales te-
stes, si probati, si affirmatiuè coniuncti,
aut si alter litigantium habet plures te-
stes. Septimò non esse præceps, nec ti-
midus in iudicio, nec timere potestatem,
aut damnum, seu dehonestationem pro-
pter veritatem. Octauò non curare præ-
ces, seu dona aliquorum. Nonò esse æ-
quum in iudicando, sic iudicare pau-
peri, sicut diuiti, ita fratres, & filio, sicut
extraneo, non facere contra veritatem
propter aliquod delectabile mudi. Ergò
Mater charissima dicito, quæ vis? Re-
spondit Mater. Duo certant inter se, &
in eis sunt duo spiritus, in vno bonus, &
in alio malus. Certant verò de emptio-
ne sanguinis tui, alter ad occidendum,
alius ad viuificandum. In vno est dile-
ctio, & obedientia, in secundo odium,
& superbia. Fac iudicium. Res-
pondit Filius: quorū sunt testes cum ami-
co tuo, & quorū cum altero? Respondit
Mater: Amicus meus habet paucos, alter

verò multos habet, qui sciunt veritatem,
& audire contemnunt. Respondit Fi-
lius: Faciam iudicium iustum. Et Ma-
ter ait: Amicus meus non conuincitur,
sufficit enim sibi sola sui corporis sub-
stantia, sed ego quæ Domina sua sum
conqueror, nè malitia præualeat. Re-
spondit Filius. Faciam, quæ vis. Sed
sicut scis, iudicium corporale præcedere
debet spirituale, 1 & nisi fuerit cōsum-

- 1 matum peccatum, non debet aliquis iu-
dicari. Et Mater. O fili, licet nos om-
nia sciamus, tamen propter astantem
quæro, quod, & quale in isto sit iudicium
corporale, quid verò spirituale? Et Fi-
lius.
- 2 2 Iudicium (inquit) corporale est,
vt anima eius celeriter discedat à corpo-
re, & manus eius fiat mors eius. Iudi-
cium verò spirituale est, vt anima eius
suspendatur in patibulo Inferni, quod
non est ex funibus, sed ex igne ardentis-
simo, quia quis degenerans est à grege
suo. Tunc vnus de Religiosis sancti Au-
gustini loquebatur ad Iudicem dicens:
Domine nihil tibi cum isto, tu vocasti
eum ad quietem, & ipse eius oblitus est
obedientia sua fracta est, nomen eius
ablātum est, & opera eius nulla. Re-
spondit Iudex: Anima eius non est præ-
sens in iudicio ad respondendum. Cui
Diabolus dixit: Ego volo respondere,
si tu vocasti eum a procellis mundi ad
quietem, ego vocaui eum de altissimo
vertice, seu cacumine, in profundissi-
mam fossam. Obedientia eius promp-
tissima est ad me. Nomen eius apud
me est gloriosum. Cui Iudex: Expo-
ne (inquit) quid notas. Et Dæmon
dixit: faciam, licet iniquis. Tu voca-
sti eum de procellis curarum mundi
ad requiem vite spiritualis, quasi ad
portum bonum, sed ipse reputat hoc
quasi pro nihilo, quia magis appetit
sollicitudines mundi.
- 3 3 Altissimus ve-
rò vertex est contritio bona, & confessio,
hanc qui perfecte tenet, ipse lo-
quitur tecum, qui est potentissimus,
& attin-

& attingit ad tuam maiestatem. De hoc vertice, seu cacumine altissimo ego precipitavi eū, quādo ipse peccare proponit vique in finem, quando peccata reputat pro nihilo, & iulitiam tuā pro vanitate. Profundissima verò fossa est gula, & cupiditas, quia sicut fossa profundissima nō de facili impletur, sic insatiabilis est cupiditas sua. 4 Nomen autem eius erat Monachus, & nomē Monachi est custodia sui, & abstinencia etiam a licitis, sed hec in eo abolita sunt, iam vocatur Saul. Sicut enim Saul recessit ab obedientia, nam obedientia sua fracta est, quia sicut duæ extremitates ligni fracti non conueniunt propter putredinem eius, sic nec desiderium cæleste, nec diuina charitas, quæ sunt tamquam duæ extremitates, & vniones obedientiæ conuenire possunt in obedientia sua, quia non obedit nisi ad mundanam vtilitatem, & voluntatem suam propriam, & opera sua sunt secundum opera mea. Quia licet ego non legam Missam, nec cantem, nec faciam reliqua sicut ipse, tamen quando omnia ista facit secundum velle meum, tunc facit opera mea, & dici possunt opera mea. Nam cum celebrat Missas ex presumptione accedit ad te, & ex presumptione illa impletur maiori malitia mea. Cantat etiam pro laude hominum, & cum ego ostendo ei dorsum meum, ipse dorsum suū vertit ad me. Et quando ego volo, vertit ventrem suum ad ventrem meum, id est omnem voluptatem suam perficit secundum voluntatem meam, & omnia, quæ facit, causa præsentis vitæ, & propriæ voluntatis facit. Ideo opera eius sunt opera mea.

Additis.

Item anima eadem apparuit cæca, & tremens, quam Æthiops quidam insequabatur, viquequod veniret ad Iudicē, qui residere videbatur in throno grandi multitudinis astante. Et dixit Æthiops. O Iudex, iudica mihi animam istam.

Iam ipsa enim personaliter est præsens, & iam præcessit iudicium eius corporale. Et addidit Æthiops. Tu, inquit, dixisti, quod manus eius fieret mors eius, hoc iam factum est. Et Iudex, hoc dupliciter potest intelligi; aut quia operatio mala fuit occasio mortis eius, aut quia manus eius corporalis abbreviabat vitam corporis eius. Respondit Æthiops, vtrūque verum est. Nam vita impudica occidit animam eius, & impatientia aperuit vulnus carnis eius, quo mortuus est. Cui Iudex: Tu (inquit) accusasti animam istam prius, quia sequebatur in omnibus velle tuum, & quia precipitabas eā de vertice altissimo, & quia ventrem suum vertebat ad te. Ideo audiamus, quid dicat ipsa anima, Et Iudex quasi vertens se ad animam dixit. O anima, tu habuisti rationem discernendi inter bonum, & malum. Cur nomen sacerdotij honorificum strauisti sub pedibus tuis? Respondit illa: Habui quidem rationem, sed magis sequebar velle meū, discedens, quod sub specie tam modica, tanta magnitudo occultaretur. Dixit Iudex secundo, Tu sciuisti, quod religionis perfectio est humilitas, & obedientia, cur sub specie ouis ingressus es lupus? Cui anima (inquit) vt effugerem opprobrium mundi, & quietiorem ducerem vitam. Respondit Iudex tertio: O frater, sed non meus. Si vidisti exempla Sanctorum fratrum, & audisti verba Sanctorum, cur non es illa secutus? Respondit illa: Omnia illa bona, quæ ego audiui, & vidi, erant mihi odiosa, & onerosa, quia statui in corde meo magis sequi voluntatem meam, & mores meos, quam mores Sanctorum. Item Iudex dixit quarto. Numquid non frequentabas ieiunia, & orationes, & confessiones? Cui anima: Frequentabam (ait) ieiunia, & orationes, sed feci sicut ille, qui dixit minima, vt placeat, sed nē displiceat, abscondit maiora. Cui Iudex, inquit. Numquid

non legisti, quod quilibet homo debet reddere rationem etiam de quadrante; hoc est de minimis? Tunc anima quasi cum maximo ciuitate ait: Verè Domine, legi, & sciui in conscientia mea, sed putavi misericordiam tuam esse ita magnam, quod nolles aternaliter punire. Ideo habui velle penitere in senectute; sed dolor, & mors ita venerunt subito mihi, quod cum vellem confiteri, perdidisti memoriam; sed, & quasi vinculo quodam erat mea lingua ligata. Tunc clamauit Diabolus: O Iudex, ecce mirabile video; anima iudicat se ipsam. Confitetur nunc infructuosè malum suum, & tamen ego non audeo apponere ad eam manum meam sine iudicio tuo. Respondit Iudex: Factum est, & consummatum. Quibus dictis, Æthiops & anima quasi colligati disparuerunt, & quasi cum maximo tonitruo descenderunt. Itè dixit Iudex: Hæc omnia in vno puncto facta sunt, sed propter te, vt intelligas; videntur in tempore facta, vt videas, & scias, & timeas iustitiam Dei.

N O T A

ET nisi fuerit consummatum peccatum, non debet aliquis iudicari. Sermo fit in presenti Nota de consummatione peccati in ordine ad consensum internum, non verò in ordine ad externum actum, quod tibi palam fiat. Sciendum est, quod licet peccatum illud propriè consummatum dicendum videatur, quod ex interna cogitatione ad effectum foris perducitur. Et quò ex consensu in opus itur, vt ex illo Iacobi p. colligi potest. tibi scribitur, Peccatum cum consummatum fuerit generat mortem, nihilominus ex verbis presentis Notæ deduci minimè debet, externum tantummodo actum malum indicandum esse, quoniam si operationes quoque bonæ discernendæ sunt, ac de his querendum diligenter, quo sine, quibusuod circumstantijs factæ sunt, vt David Psalm. 74. testatur, cum dicit in persona Christi: Cum accipero tempus ego in-

stittas iudicabo, cumq; nobis de singulis resque ad minimum quadranten reddenda ratio sit, quanto magis de actibus etiam internis malis iudicium habendum erit. Dicendum ergo nobis est, huius Notæ verba intelligi debere de consummatione peccati in ordine ad solum consensum, qui foris ad effectum, & actum externum non fuit productus, qui consensus, nisi fuerit plenus, & consummatus. Et ex deliberatio rationis moue, posita sufficienter aduertentia, huiusmodi peccatum nullatenus indicandum esse hoc loco legimus; Inferni scilicet plena dignitas, quoniam tunc veniale peccatum esse putatur, quod pena tantummodo temporali, non aeterna puniatur.

Iudicium, inquit, corporale est, vt anima eius celeriter discedat à corpore, & manus eius fiat mors eius. In hoc Capite Christus Dominus verba facit de quodam Monacho Augustiniano familia, vt creditur, professio, sicut colligi potest ex verbis infra non longe ab his positus, quæ sunt: Tunc, comes de Religiosis S. Augustini loquebatur ad Iudicem, dicens: Domine nihil mihi cum isto, tu vocasti eum ad quietem, & ipse eius oblitus est, obedientia sua fracta est, nomen eius ablatum est, & opera eius nulla. De hoc ergo scribitur hic, quod manus eius fiet mors eius, quod esse intelligendum arbitror, aut quod propter peccata sua mortem sibi accelerauerit, prout innuitur, cum dicitur aliquando post mediū Capitis; Quia operatio mala fuit occasio mortis eius, & hoc congruus cum eo versculo Psalmi 54. Viri sanguinum, & dolosi non dimidiabunt dies suos, aut etiam dicendum est, quod huius Religiosi manus facta sit mors eius, quoniam ex desperatione sibi forsitan mortem iniitit, vt videtur insinuari infra circa finem Capitis, tibi legimus, Aut quia manus eius corporalis abbreviabat vitam corporis eius.

Altissimus verò vertex est contritio bona, & confessio, hanc qui perfecte tenet, ipse loquitur tecum, qui es potentissimus, & attingit ad tuam maiestatem. Hoc loco à nobis explicandum esset quoniam perfecta contritio sit, & quæ partes eius essen-

tiales: sed quoniam hæc de re supra egimus Lib. 3. Revelation. Cap. 26. Not. 4. idco placeat quadam tantummodo hic breviter annotare, quæ ad verba presentis Notæ intelligentiam spectant. Sciendum est ergo ad veram contritionem quatuor principaliter requiri: Primò quidem dolorem maximum peccatorum, ut ipsa peccata sunt offensa Dei. Et ille dolor debet esse maximus, saltem extensus, vel appetitatus, ut declaravimus ibi. Secundò requiritur propositum amplius de cætero non peccandi. Tercio Sacramentum Confessionis in voto. Quarto voluntas satisfaciendi: ille ergo, qui huiusmodi contritionem omnibus his circumstantiis absolutam obtinet, dicitur hic cum Deo loqui: eiusq. maiestatem attingere, quia remissa levis culpa, restituitur in pristinam amicitiam Dei, sitque, ut orationes eius ad eum perveniant, Et ab illo exaudiantur, Et hoc est Deum alloqui, eiusq. maiestatem attingere. 139014

4 Nomen autem eius erat Monachus, & nomen Monachi est custodia sui, & abstinentia: etià à licitis, sed hæc in eo abolita sunt; & iam vocatur Saul. 139015
Optimè hoc loco Monachus ille, leuius in presenti Cap. Nota 2. mentionem fecimus; non amplius Monachus, sed Saul est appellatus, quoniam sicut Saul præcepta Domini transgressus est, ut scribitur 1. Reg. cap. 13. qui contra eius mandatum peperit Agag, Et optimè gregibus ovium, Et armentorum; Et vestibus; Et arietibus; Et cunctis, quæ pulchra erant, nec voluit ea disperdere, prout Dominus iusserat: sic Monachus iste Religiosis regulas transgrediens, noluit parere cunctis, quæ pulchra sibi, ac delectabilia videbantur, scilicet divitijs, Et carnis voluptatibus, ut merito Saul dici hic possit, cum præsertim Saul interpretetur fouea, seu pulchrum, vel Infernus, Et iste Monachus de altissimo vertice in profundissimam Inferni foueam lapsus est; ut legimus supra non longe ab initio huius Capituli, in super addendum est, quod cum ille vitio gula deditus esset, iure sepulchrum appellari potest: De his enim scriptum est Psal. 53. Sepulchrum patens est guttur eorum.

-GREG.

ORANTE CHRISTI SPONSA
vidit in visione qualiter Beatus Dionysius orabat pro Regno Franciæ ad Virginem Mariam.

C A P. CIII. 139016

MATER DEI ORANDO, videri qualiter ad Mariam Virginem Beatus Dionysius loquebatur, dicens: Regina misericordiæ tu es, cui data est omnis misericordia; & Mater Dei facta es propter miserorum salutem, misere igitur Regno Franciæ tuo, & meo. Tu quidem, quia habitatores eius te pro modulo suo honorant. Meo autem, quia patronus eorum sum, & in me habent fiduciam. Tu quippe vides quæ animæ periclitantur omni hora; & hominum corpora quasi bestiarum prosteruntur, & quod gravius est animæ, quasi nix descendunt in Infernum. Consolare ergo eos, & roga pro eis, quia Dominatrix, & omnium adiutrix. Respondit Mater Dei: Procedas ad filium meum, & audiamus propter istam, quæ astat, quid ipse respondebit. 139017

MATER DEI ORAT CVM BEATO

Dionysio, & alijs Sanctis eumdem Filium suum pro Regno Franciæ, & super guerra istorum duorum Regum, qui assilantur duobus bestiis ferocissimis.

C A P. CIV. 139018

MA T E R loquitur ad Filium, dicens: Benedictus sis tu fili mi. Scribitur, quod ego dicebar benedicta; quæ te portavi in utero; tu vero respondisti, quod ille est etiam benedictus, qui verba tua audiret, & servaret illa. Ergo fili, ego sum illa, quæ

R r 4 ver-

verba tua memoriter in corde meo seruauit. Ideò reduco vnum verbum quod dixisti, scilicet Petro quarenti, si dimitteret peccanti vsque septies, respondisti, dimittendum vsque septuagies septies. Notans per hoc, quòd quotiens aliquis se humiliat cum voluntate emendandi, toties tu paratus es dare misericordiam. Respondit Filius: Testimonium tibi perhibeo, quòd verba mea fuerunt radicata in te, sicut semen, quod seminatur in pingui terra, dans ex se fructum centesimum. Sic etiam virtuosa opera tua, omnibus faciunt lætitiæ fructum, ideò quæ vis. Respondit Mater: Rogo te cum Dionysio, & alijs Sanctis tuis, quorū corpora in hac terra istius Regni Franciæ sunt, animæ verò in cælo, miserrere isti Regno. Ego enim per similitudinem loquendo, propter istam, quæ præsens est spiritu, video quasi duas Bestias ferocissimas, quarumlibet de genere suo. Secundum enim cupidissima est deglutire, quæ potest habere, & quò plus comedit, eò magis esurit, nec satiatur fames eius. Bestia verò secunda nititur super omnes ascendere. Istæ bestiæ habent tria mala. Primò terribilem vocem. Secundò sunt plenæ periculoso igne. Tertiò quarumlibet desiderat alterius cor in se deglutire. Et vna inquit in dorso alterius, dentibus suis inuenire ingressum ad cor, vt mordendo occidat. Altera verò habet os ante pectus alterius, volens ibi inquirere ingressum ad cor. Vox terribilis istarum bestiarum auditur longè. Et omnes bestiæ, quæ aperto ore veniunt, erunt atuentes igne istarum bestiarum, ideò cadent in mortem. Ille verò bestiæ, quæ clauso ore veniunt, priuabuntur vellere, & discedent nudæ. In istis duabus bestijs intelliguntur duo Reges, scilicet Franciæ, & Angliæ. Rex alter non satiatur, quia bellum suum est ex cupiditate. Rex alius nititur ascendere, ideò ambæ plenæ sunt igne iræ, & cupiditatis,

Vox bestiarum est talis: Recipe aurum, & diuitias mundi, vt non pateas sanguini Christianorum. Quarumlibet istarum bestiarum desiderat alterius mortem, & ideò quarumlibet querit alterius locum ad notendum. Illæ verò querit in dorso nocere, qui iniustitiam suam desiderat audiri esse iustitiam, & vt alterius iustitia diceretur esse iniustitia. Alius autem querit in pectore nocere cordi, qui scit se habere iustitiam, & ideò facit multum damnum, non curans de perditione, & miseria aliorum, nec in sua iustitia habet diuinam charitatem. Ideò ergo querit in pectore ingressum, quia ipse maiorem habet iustitiam ad Regnum, & cum ipsa iustitia habet superbiam, atque iram. Alius verò habet minorem iustitiam, ideò ardet cupiditate. Bestiæ quoque alia, quæ aperto ore veniunt, hi sunt, qui propter cupiditatem veniunt ad eos. Horum ora aperta implent hi, qui vocantur Reges, sed sunt veri proditores. Proiciunt namque pecunias abundanter, & dona in ora ipsorum, & sic faciunt eos ardere ad bellum, vt cadant in mortem. Quorum bona remanent, & corpora recipiuntur in terra, & cor rodunt vermes, Diaboli eorum animas. Et sic isti duo Reges produunt multas animas de filio meo, qui eas redemit sanguine suo. Illæ verò bestiæ, quæ priuantur vellere, sunt homines simplices, & qui contentantur de bonis suis. Qui hac intentione procedunt ad bellum, quia credunt se habere iustitiam, & bellum esse iustum, ideò priuantur velleribus, id est, corporibus per mortem. Animæ verò eorum recipiuntur in cælum, ideò filii mi miserrere. Respondit Filius, Quia omnia vides in me, dic ista audiente, quæ altæ, quæ est iustitia, vt Reges isti exaudiantur? Et Mater respondit: Ego (inquit) audio tres voces. Prima est istorum Regum, quorum vnus cogitat sic. Si haberem mea, non curarem habere alia, & timeo carere omnibus. Et ex isto timo-

timore, scilicet, quod timeret. opprobrium mundi, cōuertit se ad me, dicens: O Maria roga pro me. Alter verò Rex aliter cogitat: Vtinam essem in statu priori, fessus sum. Ideò, & ipse se etiam conuertit ad me. Secunda vox est Communitalis, quæ quotidie rogat me pro pace. Tertia vox est Electorum tuorum, qui clamant, dicentes: Non ploramus corpora mortuorum, non damna, non paupertatem, sed animarum casum, quæ quotidie periclitantur. Ideò, o Domina roga Filium tuum, vt animæ saluentur, propterea o Fili mi miserere eis, Respondit Filius: Scriptum est, quod pullanti aperietur, vocanti respondendum est, & petenti dabitur. Sed sicut omnis, qui pulsat, extra ostium est, sic, & isti Reges extra ostium sunt, quia me non habent in se. Tamen propter te, petentibus est aperiendum.

CHRISTVS LOQVENS. SPONSÆ

dicat ei modum, per quem debeat fieri pax inter Reges Franciæ, & Angliæ. Quod si ipsi Reges non obedierint, grauissimè punirentur.

Capitulum V. Vnde non dubitauit, quod si pax inter Reges Franciæ, & Angliæ fieri non posset, tunc illi loquitur: Ego sum Rex metuendus, & honorandus, idè propter preces Matris meæ, mixta eis verba mea: ego sum pax vera, & vbi pax est, ibi prò certo ego sum.

Sic igitur isti duo Reges Franciæ, & Angliæ, si habere voluerint pacem, ego dabo eis perpetuam pacem. Sed pax vera haberi non poterit, nisi veritas, & iustitia diligerent. Ideò, quæ aliter Regum habet iustitiam, placet mihi, vt per matrimonium fiat pax, & sic Regnū ad legitimū hāredem peruenire poterit. Secundò volo, quod sine eorum vniū, & animæ vna in augendo, fidem sanctam Christianam, vbi commodius fieri po-

terit ad honorem meum. Tertiò depōnāt intolerabiles exactiones, & fraudulentas adinventiones suas, & diligat animas subditorum suorum. Si autem ille Rex, qui nunc tenet Regnū, obedire noluerit, sciat pro certissimo, quod non prosperabitur in factis suis: Sed in dolore finiet vitam, & regnū dimittet in tribulationibus. Et filius, & generatio sua erit in ira, & opprobrio, & confusione, ita quod omnes admirabuntur. Si autem Rex ille, qui iustitiam habet, obedire voluerit, adiuturo eum, & pugnabo pro eò. Si verò non obedierit, nec ipse perueniet ad desiderium suum, sed priuabitur obtentis. Et principium gaudiosum, dolorosis exitus obscurabit. Verumtamen, quando homines Regni Franciæ assumpserint veratū humilitatem, regnū perueniet ad legitimū hāredem, & bonam pacem.

N. O. T. A.

Sic igitur isti duo Reges Franciæ, & Angliæ, si habere voluerint pacem, &c. In toto hoc Capite de pacis inuendū cōditionibus inter Angliā, & Galliā Reges Christi Dominus cum B. Brigitta agit, hi tamen, qui in specie fuerint, hoc loco minime traditur, eorumque nomina reticentur, sed quantum coniecturis assequi possumus, ex his quæ hic afferuntur, probabiliter credimus, hos fuisse Odoardum huius nominis Tertium Angliæ Regem, & Philippum Valesum, qui de hereditario iure Franciæ, & de quo imperio multos annos decertant, quod satis aperte deduci potest ex verbis superioris Capituli, in quo de eorundem Regum bellis Maria Virgo cum B. Brigitta tractat, ex quibus constat hos Reges, quorum ibi mentio fit, de Regni successionē pugnasse. Sic enim legitur circa medium: In istis duabus bestiis intelliguntur duo Reges, Franciæ scilicet, & Angliæ. Alter Rex non faciat, quia bellum suū est ex cupiditate, Rex alias nititur ascedere, Rex autem Angliæ Odoardus ad

Regnū Gallie nitebatur ascendere, existimās iure hereditario illud sibi competere, sed hoc clarius habetur paulō post, cum dicitur; Ideo ergo quare in pectore ingressum, quia habet maiorem iustitiam ad Regnum, constat igitur euidenter, contromersiam de iure hereditario Regni, & successionē fuisse, & tunc temporis, quo isti duo Reges adinuicem disceptabam, B. Brigitta sanctitate floruit, fuit autē initium belli circā annum Domini 1336. & durauit per annos plurimos, ex quo probabiliter conijci potest in presenti Capite de his duobus Regibus Odoardo scilicet, & Philippo Valeſio agi, horum autem res gestas, & bellorum exitus, si quis scire desiderat, legat in primis Forsariū Gallum, qui horum bellorum historias copiose Volumine scripsit, sed latius etiam de eadem re egit Polidorus Virgilius Tomo secundo historiariū Anglie lib. 19. & Platina in uita Benedicthi XII. qui affirmat Pontificem sepe tentasse per Legatos inter hos duos Reges pacem componere, neque tamē id assequi potuisse. Dicit autem ibi, Odoardū aliquando tanta uis cum Gallis dimicasse, ut trigintatria millia Gallorū una pugna interfecit, quod fuit anno 1346. sicut testatur Georgius Lilius Britannus in Epitome Chronicorum Regum Anglorū, & Polidor. Virgilius ubi sup.

CHRISTVS DICIT SPONSÆ,

quod non timeat frangere abstinentiam per obedientiam patris spiritua-
lis, quia non est peccatum. Et etiam
monet eam, quod fiet stabilis, & resis-
tat tentationibus continuē, & quod
habeat voluntatem firmam, perseue-
randi in bono exemplo Virginis Ma-
rie, & Dauid, & Abraham.

CAP. CVI.

FILIVS loquitur. Cur ti-
mes? Nam etiam si qua-
ter in die comederes, non
tibi imputabitur ad pec-
catum, si permissione eius
feceris, cui teneris obedire. Sta ergo sta-
bilis: Tu debes esse sicut miles, qui per-

cussus in bello diuerſis vulneribus, reddit
inimicis vulnera multa acriora. Et eō ad
pugnandum est feruentior, quō plus ab
hostibus appetitur. Sic & tu inimicum
tuum debes percutere, & esse stabilis;
& voluntatem rationabilem debes habe-
re in bono perseuerandi. Tunc autem
repercutis Diabolum, quando tentationi
non cōſentis, sed viriliter resistis, utputā,
opponendo humilitatem contra super-
biam, cōtinentiam contra gulam. Tunc
verō es stabilis, cū in tentatione cōtra
Deum non murmurās, sed cum hilarita-
te omnia sufferendo, & peccatis tuis om-
nia imputando, regratiaris Deo. Tunc
verō voluntas tua est rationabilis, cū
non desideras prēmium, nisi ad volunta-
tem meam, cū te totam relinquis in
manus meas. 1. Primum itaq. bonum,
scilicet repercutere hostem, non habuit
Lucifer, qui statim consensit cogitationi
suz, 2. ideō cecidit irrecuperabiliter,
quia sicut nullū inalitē suę habuit in-
ſtigatorem, ita etiam nullum habebit re-
cuperatorem. Secundū bonum, scili-
cet stabilitatem, non habuit Iudas, sed fa-
ctus desperatus, seipsum suspendit. Ter-
tium bonum, scilicet voluntatem bonā,
non habuit Pilatus, quia feruentiorē
voluntatem habuit ad placēdum Iudeis,
& ad honorem suū, quā ad me libe-
randum. Sed primum bonum, scilicet
repercutere hostem, habuit Mater mea,
quæ quot habuit tentamenta, tot reddi-
dit, & reopposuit contraria. Secundum
verō bonum habuit Dauid, qui in ad-
uersitate fuit patiens, & in casu suo non
desperans. Tertium bonum, scilicet vo-
luntatem perfectam habuit Abraham,
qui relicta patria, etiam filium unicū
immolabat. Hos igitur, & tu iuxta vires
tuas imitare.

N O T Æ.

1. Primum itaq. bonū non habuit Lu-
cifer, qui statim consensit cogita-
tioni suæ.

Quoniam ceterorum Daemonum princeps Lucifer premium, quod ei ab æterno paratum erat, non à Dei voluntate, sed à propria dependenter voluit, existimans illud sibi competere per naturam, quod illi debebatur per gratiam, cumq. huiusmodi voluntas irrationalis esset, atque huic cogitationi statim, ut scribitur hic, consensum præstitisset, eo premio iure privatus remansit, illud autem quod legimus hic nimirum, quod statim consensit, non arbitror intelligendum esse in primo sue creationis instanti, sed post primum instans, quoniam tunc peccasset, nullum vero Angelum in primo instanti creationis suæ peccasse ita certum est, ut oppositum damnetur tamquã error à D. Thoma 1. par. q. 63. art. 5. & de Malo art. 4. & tradit D. Bonavent. in 2. dist. 2. quæst. 2. ubi dicit hoc fuisse damnatum ut erroneum à Magistris Parisiensibus, in hac etiam sententia conveniunt omnes fere Scholastici in 2. sent. dist. 4. & 5. & probat Magister in 2. dist. 3. ubi dicit Angelos esse bonos, quia non potuit optimus Creator auctor esse mali, idem pater ex illò. Ezsch. 18. In delicijs Paradisi fuisti, & Isaia. 14. Quomodo cecidisti de calo Lucifer, qui mane oriebaris; & Ioan. 8. In veritate non stetit, ergo prius fuit in veritate, eandem sententiam sequitur D. August. 1. de Civit. cap. 13. & Concil. Bracharense 1. can. 7. in quo damnatur anathematis asserentes, quod Angeli non prius facti sint boni, quam caderent: an vero de possibili in primo sue creationis instanti Demon peccare potuerit, affirmant Scotus in 2. dist. 5. q. 2. Greg. Arim. ibidem q. 1. art. 2. Gabriel in 2. dist. 4. quæst. unica art. 3. Marsilius dist. 4. q. 3. art. 3. contrariam tamen sententiam tuetur D. Thomas q. supra citata, art. 6. & sequuntur cuncti Thomiste, eamq. D. Thom. fufius explicat in q. 16. de Malo, art. 4. Faunt, Durand. & Henric. dist. 5. q. 2. D. Bonavent. art. 2. q. 2. Alenf. 2. par. q. 109. membro 11. Henricus Gandavensis Quodlibet. 8. q. 10. & 11.

2 Ideo cecidit irrecoverabiliter, quia sicut nullum malitiæ suæ habuit ingratorem, ita etiam nullum habebit recuperatorem.

Ex verbis huius. Nota aperte colligitur Daemonum lapsum irrecoverabilem esse, & eorumq. supplicia æterna fore, contra id, quod sentit Origenes lib. 1. Periarchoi. cap. 8. ubi ait: Hi verò qui de statu primæ beatitudinis moti sunt, non tamen irrecoverabiliter moti sunt, id ipsum affixisse in expositione primi, & secundi Capitis Epistolæ ad Ephesios testatur D. Hieron. in Comment. eiusdem Epistolæ eundem errorem in Origenem deestantur D. August. lib. 1. de Civit. Dei. c. 17. de Hæresibus ad Quodvultedum hæresi. 43. Epiph. Epistol. ad Ioan. Hierosolymitam. Episcopum; & Theophylus Alexandrin. lib. 2. Paschalis, Lindanus lib. 2. & Orofius de Hæresibus nostri temporis lib. 2. non tamen defuerunt, qui Origenem ab huiusmodi errore revocaverunt, asserentes eum fuisse insertum ab Hæreticis in libris Origenis, ut gloriari possent sui erroris tantum habuisse patronum, ut Solus in 4. dist. 54. q. 2. art. 2. & dist. 50. q. unica, art. 1. Picus Miradulanus & Iacobus Merlinus in Apolog. pro Origenis. Hi ergo reiecti, quia ex sacris literis evidenter constat, demonum supplicia æterna fore Matth. 25. nec eos sultem de facto habuisse, neque habituros esse penitentiam, ut probat D. Chrysost. homilia de Adam, & Eva, Gregorius Nyssenus lib. 1. de Epiphania cap. 3. Damasc. lib. 3. cap. 1. & 2. D. Gregor. Magnus lib. 3. Exposit. in primum Regum cap. 4. & 2. Moral. cap. 4. & 4. Moral. c. 9. Augustin. in Enchiridion c. 29. Ergo sicut hoc ab omnibus admittitur, sic in assignanda ratione quapropter eorum lapsus irrecoverabilis sit, & quare redèpre minime sint, mira inter Doctores est discrepantia: hoc autem loco rationa satis probabilis redditur, nimirum, quia sicut Demon nullo auctore, & suis se peccavit, ita quoque à nullo debuerat redimi, homo vero eo suadente lapsus est; hac eadem ratione res sunt D. Greg. lib. 4. Moral. cap. 9. D. August. lib. 3. de Libero arbitrio cap. 10. D. Irenæus lib. 4. cap. 28. sed hæc alicui fortasse non undèquaque satisfacies, nam utrumque admitti potest de primo illo Angelo, qui sua sponte peccavit, non vero de ceteris minoribus, quoniam hi habuisse

buisse videtur suam primum Angelum, & idcirco in presenti Nota, haec de Lucifero tantummodo scripta esse legimus, cum etiam quia, hoc ex D. Ioan. colligi potest, qui Apocal. 12. dicit, Luciferum traxisse tertiam partem stellarum secum, & tractus iste fuit moralis, illo nimirum suadente, & insigante inferiores Angelos, propterea sancti Patres quoniam plures alias rationes attulerunt, & D. Anselmus lib. 2. Cur Deus homo cap. 22. D. August. in Enchiridion cap. 29. D. Gregor. in homilia de Adam, & Eva, dicunt idcirco eos non fuisse redemptos, quia eorum peccato non fuit vniuersa natura Angelica damnata; peccato vero ad totam humanam naturam perisse: sed aliam addit D. Anselm. loco supra citato, dicit enim Angelos non potuisse redimi à seipsis, quia ager non potest sibi afferre medicinam, ab alijs autem neque redimi debuerunt, quia cum singulis obfuisse propria, & priuata malitia, non debuit prodesse aliena iustitia: contra accidit in homine, qui aliena culpa fuerat infectus. Sed Cassianus collat. 4. cap. 13. par. 10. putat id euenisse, quia Angelus, nec peccauit, nec peccare potuit ex perturbatione, vel passione aliqua, quod non accidit in homine. Postremo affirmant alij, oriri hoc ex gravitate, & atrocitate peccati Angelici, quod indignum fuerit veniam sed hoc minus probabilis videtur, quoniam esto Daemonum peccatum grauissimum fuerit, potuit tamen gratia diuina tolli: alij vero docent, non deuisse redimi, quia non peccauerunt ex ignorantia, at vero homo ex ignorantia peccauit: ex his omnibus non habeo, quid magis probem, quam primam, & tertiam rationem, quae adinuicem parum differre videntur, & ea est, quae hic assertur, nisi concludamus cum Diuo Augustino Epistola tertia, quod tota ratio facti est potentia scientis.



CHRISTVS INDVXIT SPONSAM, id est animam ad conseruandum diligenter semper contritionem puram, charitatem diuinam, & firmam obedientiam, contemnat etiam illos, qui contempnunt obedientiam, & abstinentiam, & bonam patientiam, auferat quoque hominem spirituales, ne paulatim sub specie lucis permittat ingrossare, & obsecare scientiam suam.

CAP. CVII.



PARVIT quidam Angelus mirae speciei, ad quem alij Angeli sunt loquuti dicentes. O Amice cur offers Deo nostro nucem vacuam?

Respondit ille. Licet omnia sciatis, tamen propter istam, quae astat loquor. Ego ex praesentia Dei nostri numquam contristor; qui voluntati eius sic deferui ad profectum animarum, quod eius numquam careo praesentia. Cui, & si non offero nucem dulcedinis, offero tamen aliquid delectabile, scilicet clauem de auro purissimo, vas argenteum, & coronam de lapidibus pretiosis. Clavis vero significat contritionem puram pro peccatis, quae aperit cor Dei, & introducit peccatorem in corde Dei. Vas vero est diuina delectatio, & charitas, in qua Deus cum anima suauiter requiescit. Corona est obedientia firma, & hilaris, haec enim tria Deus meus requirit ab anima sancta. Sed licet hoc anima custodire deputata ista tria spreuit, represento tamen iterum Deo illa, quae ei obtulit, & nihilominus honor suus erit. Nam clavis contritionis est ei onerosa, intantum, quod nec cogitare de ea velir. Vas vero diuinae dilectionis est ei, sic amarum, quod nullatenus illud odorare potest. Quomodo enim ei dulcescere posset suauitas spiritualis, ubi radicata est

voluptas carnis? non enim duo contraria bene cōueniunt in vno vase. Corona etiā obedientiæ grauis est ei ad portandum, quia propria voluntas tantum ei placet, quod dulcius ei videtur sequi voluntatem propriam, quàm Dei. Tunc Angelus conuertens se ad Deum dixit. Ecce Domine vas, clavis, & corona, quibus ista anima fecit se indignam, & ideo cū testa crepuerit, intus plena est luto, quæ debuisset esse plena melle suauissimo. In medio vero testæ iacet serpens. Testa igitur est cor, quod, cum per mortem crepuerit, plenum est desiderijs mundi, quæ sunt quasi lutum. Serpens autem est anima, quæ lucidior deberet esse Sole, feruentior flamma, sed facta est serpens plena veneno, nulli nocuo, nisi sibi ipsi ad perditionem. Dominus autem tunc locutus est Sponsæ dicēs. Ego dico tibi per similitudinem quam dā, quomodo ille cōstitutus est, quasi si vnus homo staret, & alter cūdo appropinquaret ei. Cumq. ambo facies haberent alter ad alterum, dixit ille, qui ibat. Domine, quasi vnum interstitium est inter nos, ostende mihi viam, per quam gradiar, quia video te potētissimum absque comparatione, suauissimum absque consideratione, optimum tamquam illum, à quo est omnis bonitas, & sine quo nullus est bonus. Respondit ille. Amice, monstrabo tibi triplicem viam, quæ tamen ad vnum tendit, hanc si secutus fueris, petrosa est in principio, sed in fine planissima. Obscura est in capite, sed lucida est in progressu. Amara ad tempus, sed suauissima in fine. Respondit ille, tantum ostende mihi viam, & libenter sequar eam, video enim periculum esse in mora, & damnum in errore viæ, fructum maximum, si secutus fuero viam. Ideo implē desiderium meum, & ostende mihi viam veram. ¹ Ego igitur creator omnium ego sum ille, qui sto imputabile, & in æternum stabilis. Tunc autem illa talis appropinquabat mihi, quando me diligebat, & nihil sicut me quærebat.

var.
le&.

Ego quoque verti faciem meam ad eum, quando in animam eius immisi diuinam consolationem, & mundi gaudium erat ei odio, & omnis voluptas carnis. Ego etiā ostendi ei triplicem viam, non loquendo voce carnis, sed inspirādo animæ suæ occultē eo modo, quo nunc inspiro animæ suæ in aperto. Primò igitur ostendi ei, quod esset obediēs mihi Deo suo, & Prælati suis, sed ipse respondit mihi intus, cogitando sic in mente sua, non faciam (inquit) quia durus est Prælati, & non charitatiuus, & ideo non valeo ei obedire hilariter voluntate. Ostendi etiā ei secundam viam, scilicet fugere voluptatem carnis, & sequi meam voluntatem Diuinam, fugere crapulam, & sequi abstinentiam. Hæc enim viæ sunt, quæ ducunt ad obedientiam veram, sed ipse respondit mihi nequaquam. Natura quippè mea est infirma, ideo comedam, & dormiam ad saturitatem, loquar ad habendum gaudium, vt rideam propter solatium mundi. Ostendi etiam ei tertiam viam, scilicet habere patientiam bonam propter me Deum suum, quia hæc est, quæ ducit ad abstinentiam, & inducit ad obedientiam sanctam, sed ipse respondit mihi, non faciam. Si enim illa contumeliosa mihi fuero, arguar quod sum fatuus, si despectior cæteris fuero in habitu, confundar ab omnibus. Et si in membris meis est deformitas, necesse est, vt opus meum aliquid placidum hominibus hoc suppleat, & recompenset. Sic igitur ait Dominus: ego, & conscientia sua certabamus, vsquequo elongans se à me, vertebat occiput ad me, & non faciem. Sed quomodo vertebat? scilicet, quando voluit obedire in his tantum, quæ sibi placerunt. & sic voluit esse pater, vt nihil minueretur de amicitia mundi. Nunc autem Diabolus laborat, vt faciat eum totum cecum, & mutum, proponens ligare manus eius, & pedes inuoluere, & ducere ad tenebras Inferni. ² Tunc autem facit ipsum cecum, quando cogitat sic. Deus redemit

Sf me

me passione sua, non perdet me, quia misericors est, nec sic districtè Deus examinat peccatoris, sicut homo offendit omni hora. Ex istis probatur, quòd fides sua non est stabilis. Ideò inquirat in Euangelio meo, quòd ego rationem quæram de verbis, quantò magis de operibus. Inquirat etiam, quòd diues non rapina sepultus est in Inferno, sed quia abutabatur concessis. Tunc verò facit eum Diabolus mutum, quando audiens exemplum amicorum meorum, & verba, dicit, nemo poterit nunc sic viuere. Ex isto probatur, quòd habet modicam spem. Ego enim, qui dedi amicis meis, sicuprè, & castè viuere, ego & potens sum isti dare similia, si in me spem haberet. Tunc verò ligat ei Diabolus manus, quando aliqua plùs, quàm me diligit, quando feruentius implicatur mundo, quàm honori meo. Ideò attendat, nè dum mundo videtur intendere, supplantetur per Diabolum, quia ibi Diabolus ponit hamum, vbi minùs præcauetur. Tunc etiam innectit pedes, quando cogitationes, & affectiones suas non attendit, quãdo modum tentationum suarum non considerat. Quando sic virilitati proximi, & carnis intendit, quòd de salute animæ suæ non intendit. Propterea cogitet, quid ego dixi in Euangelio. Qui homo ponens manum ad aratrum, non respiciat retro, & qui magis vtilè inchoauerit, non retrocedat. Tunc quandoq. Diabolus vinculum ponit super cor eius, quando voluntatem eius sic ad mala inclinat, vt cogitet, & velit in sæculi honore esse, & in tali dispositione perseverare. Ducit etiam eum ad tenebras, quando cogitat talitèr. Vtrum gloriam habeam, vel supplicium, modicum est mihi cura. Væ ei, si tales tenebras incurrit. Verumtamen si conuertere se voluerit ad me, occurram ei, quasi pater, sed quomodo? habendo, scilicet voluntatem facere quantumcumque poterit. Sicut enim non licet filio hominis recipere aliquam in coniugium con-

tra voluntatem propriam, sic nec filio Virginis licet. Voluntas enim est quoddam instrumentum, per quod charitas diuina introducit in animam. Sicut enim molendinarius volens præscindere lapides, primò inquit rimas, vbi primò imponit graciliora instrumenta, inde grossiora, donec lapis dissoluitur. Sic ego quæro voluntatem bonam, in qua gratiā meam infundo, deindè crescente opere, & voluntate proficiente, accrescit & maior gratia, donec cor lapideum conuertitur, & crescit in cor carneum, & cor carneum, in cor spirituale.

Declaratio.

Hic fuit Prior in partibus Siciliæ propè Montem Vulcanum, ad quem facta est ista lequens Reuelatio.

Additio.

Filius Dei loquitur: Frater iste miratur, quare Apostoli mei Petrus, & Paulus, in isto loco Cathacumbas tanto tempore iacuerunt, & quasi neglecti? Respondeo tibi. Scriptura aurea dicit, quòd Israel diu sterit in eremo, quia malitia gentium, quarum terras possessori erant, nondum completa fuit. Sic etiam erat de Apostolis meis. Nondum erat tempus gratiæ, quo corpora Apostolorum meorum exaltanda erant, quia priùs debuit esse tēpus probationis, & postea coronationis, & quia nondum erant illi nati, quibus honor ille exaltationis Apostolorum debebatur. Nunc autē potes quærere, si aliquem honorem corpora eorū habebāt eo tēpore, quo corpora eorum in puteo iacuerunt? Respondeo tibi, quòd Angeli mei custodiebāt, & honorabant corpora illa Beara, quia sicut locus ille diligenter excolitur, vbi ros, & plantæ seminandæ sunt. Sic iste locus Cathacumbas diu antea preparabatur, & honorabatur, de quo Angeli, & homines, lætarentur. Ideò dico tibi, quòd in mundo multa loca sunt, vbi corpora Sanctorum

requiescunt; sed non similia huic loco. Nam si Sancti numerarentur, quorum corpora reposita hic fuerunt, vix credere-
 2 retur. Ideo sicut homo infirmus ex bono odore, & cibo reficitur. Sic homines venientes ad hunc locum mente sincera;
 3 recreantur spiritualiter, & recipiunt veteram peccatorum remissionem; unusquisque secundum vitam suam, & fidem. Hic idem Frater, ex verbis Domine Brigite multum compunctus, audibit tribus noctibus vocem dicentem: Festina, festina, veni, veni, & quarta die infirmatus, sumptis Sacramentis. Romae defunctus est.

NOTA

Ego igitur Creator omnium, ego sum qui sto impermutabilis.

Sic habent omnes impressi Codices, sed M. S. Farnesianus legit: Ego ille sum, qui immutabilis sum, & in æternum stabilis; idem etiam scribitur Malach. 3. Ego Deus; & non mutor.

Tunc autem facit ipsum cæcum, quando cogitat sic, Deus redemit me passione sua, & non perdet me, quia misericors est, nec sic districte Deus examinat peccata.

Omnino certum est, cum hominem penitus esse cæcum indicandum, qui sic de Divina confidit misericordia, ut arbitretur in Deo minime esse iustitiam, sicut enim ille misericors est, ita quoque iustissimus: huiusmodi ergo confidentia gravissimum delictum est, quod peccatum in Spiritum sanctum Doctores Theologi appellant, idque tunc maxime committitur, cum quis nimis de Dei bonitate fidens, vel iustitiam non putat in eo esse, existimans sine meritis consequi posse gloriam, aut aliquid necessarium medium ad salutem adipiscendam spernit, sperans sine penitentia obtinere posse peccatorum veniam: hunc autem hominem, sic confidentem admonet Ecclesiasti cap. 5. Ne dicas (inquit) misericordia Domini magna est, & multitudinis peccatorum nostrorum miserebitur Deus: sed præter hanc speciem peccati

in Spiritum sanctum sacri Theologi constitunt alias quinque, de quibus legendi sunt D. Bonavent. in 2. sent. dist. 43. quest. 1. D. Thom. 2. 2. quest. 14. art. 2. Magister in 2. dist. 43. & ibidem Durand. quest. 1.

Sic ego quæro voluntatem bonam, in quam gratiam meam infundo, deinde crescente opere, & voluntate proficiente, accrescit & maior gratia, donec cor lapideum convertitur, & crescit in cor carneum.

Quemadmodum artifex, cum aliquod opus efficere contendit, non quolibet instrumento ad id perficiendum utitur, sed tantummodo, id, quod sibi aptum videtur, assumit, sic quoque Deus summus creaturarum omnium conditor, ac factor, antequam ad nostra iustificationis opus exeat, voluntatem requirit bonam, non quidem quod de se bona sit, sed per prævenientem gratiam à Deo homini collocatam, bonam factam, hoc est, ad iustificationem sufficienter dispositam, & preparatam, & subinde concomitantem infundat, & hoc est, quod scribitur hic, Deum querere voluntatem bonam, cum autem sequitur, donec cor lapideum convertitur, & crescit in cor carneum, M. S. Farnesianus habet, donec cor lapideum convertitur, et crescit in cor carneum, quæ sententia congruit cum illa Ezechielis 11. Auseram à vobis cor lapideum, & dabo vobis cor carneum: equiparatur autem hoc loco voluntas, instrumento, quod etiam paulo supra à verbis in presenti Nota citatis habetur, cum scribitur, Voluntas enim est quoddam instrumentum, per quod charitas divina introducit in animam, & ratio huius est, quoniam sicut instrumentum totum in operando à suo agente principali pendet, ita quoque voluntas creata nullo pacto exire potest in actum, nisi à Deo moveatur, exciteur, & per gratiam adiuvetur. Secundo, sicut convenit etiam principale agens influere in instrumentum, & precipue si sit coniunctum, ita quoque Deus, ut primæ causa influit in voluntatem nostram. Postremo quemadmodum instrumenta in sua actione pendunt ab agente principali, ita etiam, & agentia creata, & præsertim homo dicuntur

agere in virtute Dei, quia sunt participatio-
nes diuini esse, nec possunt aliquid producere,
nisi ab eo inueniuntur, qui est ipsum esse.

CHRISTVS LOQVENS SPONSÆ
dicit, quod tres Sancti præ cæteris ei
placuerunt, scilicet Virgo Maria, Ioan-
nes Baptista, & Maria Magdalena,
laudat quoque discretionem abstinen-
tiæ, quam isti tenuerunt in cibo, &
somno, & vestimento.

C A P. CVIII.



ISTE loquitur. Tres
Sancti sunt, qui mihi præ
cæteris placuerunt, scili-
cet Maria Mater mea,
Ioannes Baptista, & Ma-
ria Magdalena. Mater igitur mea quā-
do, & postquā nata fuit, sic erat pulchra,
quod nulla erat in ea macula. Quod be-
ne cognoscentes Dæmones, sic ægrè tule-
runt, per similitudinem loquendo, quasi
quoddam vox Dæmonum tunc so-
nuisset de Inferno dicens. Vna Virgo tam
virtuosè, & mirabiliter procedit, quod
omnes superat in terra, & in cælo, & per-
uenit vsque ad sedem Dei. Sed & nos si
procedimus contra eam cū omnibus la-
queis nostris, omnes ipsa dissoluit, & sicut
stuppæ rumpuntur, & sicut funes veteres
dissoluantur. Si verò venimus contra eam
cum omni malitia nostra, & immunditia
nostra, omnia rescindit, sicut scærum re-
scinditur à falcastro. Si autem immitti-
mus ei voluptatem, & mundi delectatio-
nem, facilius omnia extinguuntur, quàm
scintilla à torrente aquarum. Nato verò
Ioanne Baptista, ipse etiam displicuit Dæ-
monibus, tantum, quod quasi vox quæ-
dam sonauit tunc de Inferno, dicens: Na-
tus est Puer mirabilis. Quid faciemus,
si procedimus contra eam cum superbia,
contemnit audire nos, & minus vult sug-
gestionem nostram obedire. Si prætendimus

ei diuitias, vertit ad nos occipit, & renuit
videre, si voluptatem, quasi mortuus est,
& non potest sentire. ² Quando verò
Maria Magdalena conuersa est, dixerunt
Dæmones, quomodo reducemus eam,
pinguem enim prædam perdidimus, ipsa
quippe in tantum se aquis lacrymarum la-
uat, quod non audemus aspectum nostrum
in eam inspicere. Sic tegit se bonis operi-
bus, quod nihil accedit ad eam de macu-
la. Sic seruens est, & calida in Dei serui-
tio, & sanctitate, quod non audemus ei
appropinquare. Itaque isti tres, sic ha-
buerunt animam suam quasi Dominum,
corpus verò quasi seruum, quorum ani-
ma tria habuit. Primò, nihil dilexit si-
cut me Deum suum. Secundò, nihil face-
re voluit contra me. Tertiò, nihil omit-
tere voluerunt, quæ erant Dei. Ergò
quamuis isti talem habuerunt animam,
non tamen spreuerunt corpus suum, nec
dederunt ei venenum pro cibo, nec spi-
nas pro indumento, nec iacuerunt in tu-
mulo fornicarum, sed habuerunt mo-
deratam refectioem ad honorem mei,
& ad animæ utilitatem. Vestimentumq.
ad corporis operimentum, non ad super-
biam. Somnum verò ad quietem, &
lectum ad alleviationem. Verumtamen
si ipsi sciuissem mihi placuisse, & ego de-
dissem eis gratiam, libenter omnia ama-
rissima recepissent in cibum, & spinas
pro veste, & in tumulo fornicarum ia-
cuissent, sed quia considerabant me in
omnibus iustum, & misericordem, idè
sicut ad corpus fuerunt iusti, per refe-
ctionem motuum illicitorum, sic &
misericordes, & rationabiles fuerunt ad
indulgendum corpori, nè violentia labo-
ris corpus rueret, & nè laboris vehemen-
tia solueretur. ³ Nunc igitur poteris quæ-
rere, cū sancti Eremitæ, & antiqui illi Pa-
tres tantam gratiam habuerunt, qui qui-
dam illorum non comederunt, nisi semel in
septimana, alij vsi sunt cibo ministerio
Angelorum, quare istis non dedi talè gra-
tiam? Respondeo tibi, illi sancti Patres
tale

tales ieiunium obtrouerunt triplici de causa. Primò ad manifestandum gratiã, & potentiam meam, vt sciant homines, quòd sicut animam sine corporali cibo sustentato, sic etiam corpus sine cibo, si mihi placeret, valeo sustentare. Secundò propter exemplum ostendendum, vt ex eorum exemplo discant homines, quòd corporalis labor, & tribulatio trahit animam in cælum. Tertiò propter peccati uitiationem, quia voluptas carnis non refrenata, trahit hominem ad poenã. Ergò vt homines addicerent continentiam, & modum viuendi, ego ipse Deus, & homo quàmuis sine cibo viuere potuissim in mundo, tamen cibo, & necessarijs corporalibus vsus sum, vt homo in omnibus regratietur mihi Deo suo, & solatium moderatum habeat in mundo, & perfectam libertatem cum Sanctis in cælo.

NOTÆ

Mater igitur mea quando, & postquam nata fuit, sic erat pulchra, quòd nulla erat in ea macula.

In presenti Cap. legimus, Deum præceteris tres Sanctos vnice diligere, Mariam, Ioannem Baptistam, & Magdalenam, & de Beatiss. Virgine in specie scribitur hic, quòd tota pulchra erat, quia nullam peccati contraxerat maculam, non solum originale, sed nec mortalem; aut Denialem, vt suprà à Nobis probatum est Lib. 6. Reuel. Cap. 49.

Nota 1. & habetur etiam Lib. 4. Reuel. Cap. 109. & Lib. 5. Cap. ult. Vbi vas mundum Maria vocatur, quia tota pulchra erat, & tanta immunditia non inueniebatur in ea, vbi cuspis acus infigeretur, idem legitur serm. Angel cap. 1. 1. & 2. 1. hinc merito de ea Salomon Cant. 4. scriptum reliquit, Tota pulchra es amica mea, & macula non est in te.

2. Quando vero Maria Magdalena conuerfa est, dixerunt Demones: quomodo reducemus eam, pinguem enim prædam perdidimus.

De Maria Magdalena hoc loco plura asseruntur, primò quidẽ legimus, Demones ob

eius conuersionem pinguem amisisse prædam peccatorum namq. adipem impinguata, pinguis Demonum præda erat, quippe quæ eorum potestati se commiserat, hinc est quòd D. Hieron. super Isaiam cap. 4. Prædones Demones vocat, in quorum prædâ mali dantur, & hi leonis præda sunt. Nabum 2. de laporum prædâ vocantur, qui ab eis vincuntur. Habacuc 1. Et tunc Christus prædâ ab illis abstulit, quando sua prædicatione Magdalenam conuertit, de hac ergò in persona Christi loquitur Iob cap. 19. Conteram (inquit) molas eius, & de dentibus illius prædâ auferam, quòd declaratans D. Greg. lib. 12. Moral. cap. 15. Prædâ ait, de dentibus eius tollimus, quia mentem, quam ad peccatum frangendo momorauerat, ad salutem vitæ conuertendo reuocamus: sed quanta, & qualis fuerit hæc Magdalena conuersio, colligi potest ex verbis ipsorum Demonum, quæ leguntur paulo post, hoc eodem Cap. sunt autem hæc, Ipsa quippè intantum se aquis lacrymarum lauat, quòd non audemus aspectum nostrum in ea inspicere, sic egit se bonis operibus, quòd nihil accedis ad eam de macula: ceterum si quis querat hic, an Magdalena per hanc penitentiam fuerit restituta virginitas, respondendum cenfeo, quòd cum ad virginitatem duo spectet, & formale virginitatis, quòd est ipsum propositum perpetuum abstinendi à delectatione venerea, quòd semel amissum reparari minime potest, non enim Deus facere potest, vt ea, quæ facta sunt, non sint facta, nec quòd, qui voluptatem veneream expertus est, non fuerit expertus, de quo loquitur D. Hieron. ad Eusloch. agens de custodia virginitatis. Cum Deus (inquit) cetera possit, non potest virginitatem post ruinam reparare, idẽ habet Epiphanius. Hæresi. 59. contra Chataros, Virginitatem ait, qui amisit, recuperare non potest: quantum ergò ad hoc, dicendum puto, Mariæ Magdalene virginitatem non fuisse restitutam, secus virò, si de ea sermo fiat, prout includit signaculi virginis, & membri integritatem, quòd per accidens ad eam pertinet: cum enim illud miraculosè possit reparari, probabiliter quis credere posset Magda-

lena peculiari Dei beneficio hoc fuisse concessū, qua de re legendus est D. Thom. 2. 2. q. 152. art. 3. ad tertium. Porro quoniam non defuerunt, qui dixerunt non unam tantum fuisse Magdalenā, sed vel duas, vel tres: idē hic quispiā probabiliter dubitare potest, an hec, cuius hoc loco mentio fit, ea sit, qua secundum Ioan. cap. 12. Vixit Domini pedes in Bethania ante sex dies Pasche in domo Marthe sororis, an verō alia, qua biduo ante passionē in domo Simonis leprosi etiam in Bethania Christi caput unxit, de qua Mattheus 26. Marc. 14. verba faciunt; tertiam quoq. alij addunt, quam peccatricem innotatā fuisse dicunt, de qua Luc. cap. 7. affirmavit diu ante passionis tempus Domini unxisse pedes in Galilea in domo Simonis Pharisei, & quidē D. Chrysost. in Matth. hom. 81. & in Ioan. hom. 61. Theophylact. & Leont. in cap. 11. Ioannis, duas tantum putant fuisse vntices mulieres, unam de qua Lucas, Matth. & Marc. alteram verō exiuisse, de qua Ioan. Euang. scribit, sed Origen. tract. in Matth. 36. & post ipsum Theophyl. in Cōm. in cap. 7. Luc. existimauerunt fuisse tres diuersas, D. verō Hieron. in Matth. c. 2. et Bernard. in serm. de Maria Magdalena eandem fuisse arbitrandū, quam Matth. Marc. & Ioan. asserunt unxisse Dominum, eundem tamen hanc, de qua Luc. cap. 7. loquitur, censendam esse diuersam, Nemo (inquit) Hieron. putet eādem esse, qua super caput effudit unguentum, & qua super pedes, illa enim, & lacrymis lauat, & crine tergit, & manifestē meretrix appellatur, sed D. August. lib. 2. de consensu Euangelist. cap. 69. docet, unam tantummodō fuisse Magdalenā, qua ab omnibus quattuor Euangelistis scribitur unxisse Dominum, & hanc bis unxisse asserit, hancq. duplicem vntionem probat ex his verbis Ioan. Maria autem erat, que unxit Dominum unguento, & capillis erxit, quam vntionem arbitrat. August. eam fuisse de qua Luc. loquitur, non verō illam, que in Bethania facta est instāte passionē: fauet huic opinioni D. Greg. hom. 36. in Euang. & Beda, Luc. 7. & cunctis quoque per Orbē hoc docet Ecclesia: qua de re hoc nostro

seculo nullatenus dubitatur, quidquid dixerint Iodoc. Cliton. & Iacob. Faber, qui de tribus Magdalenis libellum ediderunt, quibus renouare conati sunt sententiā Orig. Chrysost. Theophyl. & aliorum, sed hoc egregiē confutauit Martyr. Rossen: qui contra eos aliquot libellos edidit, in quibus commun. Eccles. sententia defendit, quod vna tantummodō Magdalena sit, cui etiam fauet Card. Caiet. in Lentaculis, Lentac. 12. q. 2. ad secundum, idem quoq. ex presenti Capite 108. satis apertē conuincitur, & latius hoc probat Corn. Iansen. in Concord. Euangel. 2. p. cap. 48. ad illa verba Luc. 7. Ecce mulier, quae erat in Cinitate peccatrix; & Ioan. Maldonat. in Comment. in Matth. cap. 26. nu. 8.

3. Nunc igitur poteris querere, cum sancti Eremitae, & antiqui illi Patres tantam gratiam habuerunt, quod quidam illorum non comederunt, nisi semel in Hebdomada, alij vsi sunt cibo ministerio Angelorum, quare istis non dedi talem gratiam

Proponitur hic scitu dignissima dubitatio, quomodo, quauē ratione Patres illi in principio nascentis Ecclesiae singulari Dei beneficio, ita fuerint initio dediti, ut semel tantummodō in hebdomada cibo, postq. intererant, alij verō ministerio Angelorum pascerentur, & sunt, si hoc ad Dei potentiam referatur, impossibile id minime esse, nullus audebit assermare, cum sicut Deus Opt. Max. cunctas de nihilo cōdidit creaturas, possit etiam eas absq. aliquo potus, cibiq. adminiculo conseruare, vel suscipiendo calorē naturalis aētum, aut quouis alio quopiam modo suae potentiae, & cognitioni referuato, ut in anima fieri dicitur hic, quam sine corporali cibo Deus sustentat, quod autem hoc fieri possit, quibusdam probandum exemplis est, & aliquorum magni nominis Doctorum auctoritate firmandum, qui nonnulla animalia, homines quoq. ex solo aere viuere diu potuisse tradiderunt, quamquam sciam id Philosophorum omnium facile Principem Aristotelem negasse in Problem. sect. 1. quaest. 13. Theophrast. tamen lib. 2. de causis Plantarum cap. 8. id apertē fateatur, dum ait,

Aer alere posse putatur, & de Camaleonte asserit Plin. lib. 8. Hist. natur. cap. 3. quod nec potum, nec cibo alitur, nec alio, quam aeris alimentis; insuper, & cicadas ferunt; rore tantummodo crescit, qui concretis aeris species est, ut mirum non fuisse Plin. dixerit lib. 1. 1. cap. 26. eas absq. ore viuere: sed quidquid sit de animalibus ratione carentibus, ut de homine sermo fiat, idē Plin. lib. 7. cap. 2. de Aëtomorum gente dicit, Radicum solummodo, florumq. varijs odoribus, & hālicū viuere; addit quoque Strabo lib. 1. 9. eas gentes odore assari carminum viuere, narrat etiam Abbas V. pergens in Chronica, tempore Lotharii V. Insuperatoris in territorio Bullesii puellam duodecim annorum pasci assumptam; sacrosanctam Eucharistia Sacramentum in die Paschatis, usq. ad annum tertium sine cibo, potuq. ieiunasse; ab anno nempe 822. usq. ad annum 825. quibus elapsis, cepit more aliarum manducare; idem legimus de Sancta Catharina King. & Marti: que inclusa in carcere, sine cibo, & potu dies undecim vitam traduxit, ut refert Simon Metaphr. in vita ipsius: Postremo Butolida Philos. & Phisic. asseuerat obseruasse puellam suā, eius die traditam nomine Margaritam, ventris dolore correptā, a festo D. Michaelis anno 1530. usq. ad annum 1540. nihil cibi sumpsisse, de qua edidit ipse libellum, in quo huius rei fuisse se testem oculatum tradit, id ipsum etiam admodum euidenter ex sacris literis probari posset, ut Exod. 24. & 34. Deuteronom. 9. & 10. ubi legimus Moysen ieiunasse quadraginta diebus, & totide noctibus quamdiu in Monte cum Deo fuit, & Helias in fortitudine cibi illius ieiunauit, ambulauitque quadraginta diebus, & tot noctibus lib. 3. Reg. cap. 19. totidem etiam Saluatorem nostrum Christum ieiunasse testes sunt Diuus Matth. cap. 4. & Marc. cap. 1. Ceterum si quis curiosius modum, & causas querat, quibus isti sine cibo, & potu per tot temporum spatia vitam traducere potuerint, quasdam assignare posse admodum probabiles arbitror, que suadeant hominem absq. aliquo alimento forissecus immisso, per aliquod tempus viuere posse, &

quidem, si ad diuinas recurramus, dicendum est, quod sicut Deus omnibus creaturis ex se ipso esse dedit, & conseruari, ac etiam a putrefactione defendi, ita ei dem conferre potuit, ut absq. adminiculo cibi, potusq. per aliquot mensius; vel annorum spatium uiuerent, neque enim potentiam suam; ita secundū casus alligauit, ut nequeas absq. earum ministerio, aut etiam illo, vel alio medio conseruare, quod in animabus fieri videmus, quas sine corporali conseruatimento, idq. facit, et vel ad suam potentiam, vel ad hominibus collatam gratiam manifestādam, ut legitur hic, cum dicitur, Vt fiant homines, quod sit animam sine corporali cibo sustentio, sic etiam corpus sine corporali cibo, si mihi placeat, valio sustentare, Secundo quāmodum in ceteris animalibus corporum resurrectione, postquā nostra corpora mortalia induerūt immortalitatem, non amplius necessaria erunt, nec corruptibilis cibi; nec vestes, Matth. 19. Non esurient, neque sicient amplius: ita quoque idem nunc fieri posset, si Deus vellet, ut nec isdem nobis ad viuendum opus essent. Postremo à ratione naturali neq. id videtur esse alienum nam, si quibusdam inanimantibus accidit, que se in cauernis hyeme abscondunt, ibique sine cibo per menses aliquot dormiunt, ut de gliribus, alijsq. proditum est, que animalia cum intus magna abundet humorum copia, sic pingua dormitum eunt, postea rē et estate macilenta prodeunt, ita quoque hominibus hoc posset contingere, si magna humorum copia essent referti, ut per paucos dies sine cibo in vitam conseruarentur, & durasse ultra undecimū diem, plerisq. certum est, inquit Plin. lib. 1. 1. cap. 54. diu tamen id nequaquam fieri posse crediderim, nisi peculiari Dei beneficio, ac munere; quod fuisse concessum Eremitis aliquibus in presenti Capite scribitur, ut sic ieiunio dediti, eorum exemplo ceteros homines ad ieiunium adducerent, ac etiā addicerent, quod corporalis labor trahit animam ad celum, & que voluptas carnis inedia non compressa, eos trahit ad eternas penas.

MARIA LOQUITVR DICENS
quod: homo spiritualis, postquam
conueritur, labore poenitentiae,
charitatis, & contritionis, & patien-
tiae redimere debet priora tempora
perdita ad hoc, vt vacuas nuces non
offerat Deo.

CAP. CIX.



MARIA loquitur. Vbi
presentantur Domino nu-
ces, quandoque aliqua
inter eas inueniuntur va-
cuae, quae vt acceptabilio-
res fiant Domino, impleri debent, sic
etiam in spiritualibus operibus est. Mul-
ti faciunt plura bona opera, propter quae
diminuitur peccatum, vt non incurrant
infernum. Attamen ante illa bona ope-
ra, & inter ea fuerunt multa vacua tem-
pora, quae necesse est, vt omnia im-
pleantur, si tempus laborandi fuerit.
Sin autem contritio, & charitas omnia
supplent. Sic Maria Magdalena obtulit
nuces Deo, idest opera bona, inter quas
nuces, quaedam erant vacuae, quia lon-
ga tempora habuit ad peccandum, sed
omnia illa supplebat iuuante tempore,
patientia, & labore. Sed & Ioannes Ba-
ptista obtulit nuces Deo, quasi plenas,
qui à iuuentute seruauit Deo, offerens
ei totum tempus suum. Apostoli verò
obtulerunt Deo nuces, quasi semiplenas,
qui ante conuersionem suam plura tem-
pora habuerunt imperfecta. Ego verò,
quae sum Mater Dei, obtuli nuces ple-
nas, & dulciores melle, quia à iuuentute
mea impleta fui gratia, & in gratia con-
seruata. Ideò dico, quod quamuis pec-
catum dimissum sit homini, tamen tem-
pora prius vacua, dum homo tempus
habet, redemi debent, patientia, & la-
bore charitatis.

CHRISTVS INSTITVIT

Sponsam, qualiter est differentia
inter bonum Spiritum, & illu-
sionem Diaboli, & quomodo
do. respondendum est
utrique.
C. A. P. C. X.



HIVS loquitur. Quo-
modo intelligendus est
spiritus meus, cum duo
sint spiritus, Bonus, sci-
licet, & Malus? Ego di-
cam tibi: Spiritus meus est calidus, &
facit duo bona. Primò facit nihil deside-
rere, nisi Deum. Secundo dat sum-
mam humilitatem, & mundi contem-
ptum. Spiritus verò malus est frigidus,
& calidus: Frigidus, quia omnia, quae
Dei sunt, facit amara: Calidus ideò est,
quia hominem ad carnis inclinat volup-
tatem, & ad mundi superbiam, & ad lau-
dem propriam instigat affectum. Ipse
quippe blandus venit quasi amicus, sed
est quasi canis mordens. Venit quoque
quasi dulcis consolator, sed est pessimus
illaqueator. Ideo cum venerit, dicito
ei: Nolo te, quia finis tuus est malus: Cū
verò spiritus Bonus venerit, dicito: Ve-
ni Domine quasi ignis, & incende cor
meum, nam licet ego indigna sim ha-
bere te, tamen ego ex mea parte indi-
geo te, quia tu non eris melior propter
me, nec indiges meis, sed ego ero melior
per te, & sine te sum nihil.



FILIVS LOQVITVR SPONSÆ
de tribus Legibus, scilicet, Ecclesiæ,
Imperatoris, & Communitatis, sed
monet eam, quod ipsa viuat secundum
quartam Legem, scilicet spirituales
diuinam, idest, in humilitate, & fir-
ma fide Catholica, ac perfecta chari-
tate diuina, omnia postponendo pro-
pter Deum, quia per ista acquiritur
honor spiritualis, & diuitiæ cælestes
in æterna gloria.

C A P. CXI.



ILIVS loquitur Sponsæ
dicens: Tres leges sunt;
vna est Ecclesiæ. Secun-
da Imperatoris. Tertia
Communitatis. Iste omnes

Leges scribuntur in pellibus anima-
lium mortuorum. Sed est alia lex spiri-
tualis, quæ non scribitur in pellibus, sed
in libro vitæ, quæ numquam perditur,
nec verustate corrumpitur, numquam
habetur tædio, nec cum difficultate pos-
sidentur. Omnis itaque lex bona ordina-
ri debet ad salutem animæ, & ad præ-
cepta Dei perficienda, & ad desideria
mala fugienda, & ad bona opera, quæ
desiderari, discretè debent, quærenda.
Nunc autem in Lege, quæ scribitur in
pellibus, est vnum verbum, quod dicitur,
obtineat aliquid. Ergo vt aliquis
obtineat aliquid, vnum de quattuor est
necesse. Aut enim datur alicui aliquid
donum, propter charitatem, & familia-
ritatem expertam, aut propter hæredita-
tem, aut propter diuisionem, aut propter
humilitatis, & seruitutis opera im-
pensa. Similiter est de lege spirituali,
nam lex spiritualis est Deum intelligere,
& diligere, & eo frui, & in hac lege est
honor, & spirituales diuitiæ, scilicet
creata omnia commutare in Creatorem,
voluntatem propriam propter Deum re-
linquere, virtutes diligere, & pro cælo

dare mundum. Itaque istæ diuitiæ ob-
tinentur quadrupliciter. Primò per cha-
ritatem, sicut enim Dominus tempò-
ralis alicui tribuit dona ex charitate,
licet non præcedant merita, sic ego ex
bonitate mea creauit, & redemi homi-
nem, & supporto quotidie, & super in-
gratitudinem eius honoro eum. Insu-
per, & quicumque me diligit toto cor-
de, & nihil, nisi me desiderat, habebit
virtutem in terra, quæ scribitur in corde
digito Dei, & honorem in cælo, qui scri-
bitur in libro vitæ, qui est vitæ æterna;
Secundò obtinetur honor spiritualis pro-
pter hæreditatem. Ego quippè per hu-
manitatis meæ assumptionem, & passio-
nem, homini emi cælum, & aperui hæ-
reditario iure. Sicut enim homo hære-
ditatem diuinam quodammodo vendi-
dit Diabolo, recipiendo pomum modis-
cum in permutationem, pro delectatio-
ne æterna, cibum vetitum, pro ligno
vitæ, falsitatem, pro veritate. Sic ego
obediendo Patri, discepsi litteram ino-
bedientiæ, per amaritudinem cordis
mei satisfeci pro dulcedine pomi, per
mortem meam promerui homini lignum
vitæ, per fidem humanitatis meæ reduxi
hominem, & institui omnem veritatem.
Ergo quicumque credit verbis veritatis
meæ, & imitatur me, hic per hæredita-
tem obtinebit diuitias spirituales, & gra-
tiam meam. Tertiò obtinetur honor
spiritualis propter diuisionem, scilicet;
quando homo diuidit, & separat se ab
omni delectatione deliciarum carnalium,
& conuertit voluptatem carnis in absti-
nentiam, diuitias in pauperatatem, honorem
in abiectionem, parentes terrenos in ami-
corum Deicollocationem, visionem mû-
di pro visione Dei. Quartò obtinetur ho-
nor spiritualis, propter humilitatis, & ser-
uitutis opera, scilicet, quando homo in
seruitio Dei, & patientia militat, quasi
miles validus in bello, seruit in humilita-
te, & fidelitate, quasi seruus, dispensat si-
bi commissis misericorditer, & iuste sicut
bonus

bonus dispensator; & vigilat contra tentationes sicut bonus speculator. Hic est dignus habere honorem, & spirituales diuitias, quæ non scribuntur in pellibus animalium, sed in anima, quia gradus triplicis legis scriptæ; utilis est ad perficiendam iusticiam. Sed lex spiritualis suavis est ad fructum percipiendum. Ergo filia quære honorem spiritualem obtinere per charitatem, scilicet, nihil diligendo sicut me. Quære per hæreditatem, scilicet, credendo, firmiter illa; quæ præcepit Ecclesia. Quære per opera humilitatis omnia, scilicet, faciendo pro honore meo. In lege quippè mea tu vocata es, idèd, & legem meam seruare teneris, lex verò mea est, viuere secundum voluntatem meam. Sicut enim bonus Clericus viuere secundum legem Ecclesiæ, sic & tu uiue secundum legem humilitatis meæ, conformando te amicis meis. Nam omnis lex temporalis partim tendit ad honorem mundi, & partim ad contemptum eius. Mea verò lex sola tedit ad cælestia, quia ante me; & post me; nullus plenè intelligit qualis, & quam gloriosa est cælestis regni suauitas, sicut ego, & ille cui voluero reuelare.

N O T A E.

INsuper quicumq; me diligit toto corde, & nihil nisi me desiderat, habebit virtutem in terra, quæ scribitur in corde digito Dei, & honorem in cælo, qui scribitur in libro vitæ, qui est vita æterna. Ad horum verborum intelligentiam duo à nobis hic explicanda sunt: Primum quidè, quæ nam sit virtus illa, quæ scribitur in cordibus diligentium Deum digito Dei: Secundò, quis sit ille honor in cælo, qui in libro vitæ notatur: Et ut à primò sumamus exordium; dicendum videtur, diligentibus Deum quattuor potissimum virtutes à Spiritu sancto dari; quarum prima charitas est, quam Dauid Psal. 121. nomine generico virtutè Dei appellat; dum ait: Fiat pax in virtute tua, hac namq;

virtute amicus Dei fortis factus, vincit omnia, nec à quopiam vincitur, Et idèd digito Dei, hoc est Spiritus sancti virtute, in sanctorum cordibus inscribitur, quòd etiam annotauit D. Hieron. super Psal. 47. Et D. Augustinus in libro domo, Et Hilarius in Psal. supra citatum: Rursus per virtutem, quæ amicis Dei conferretur, intelligi potest ipsemet Spiritus sanctus, secundum illud Apostoli 2. Corinth. 12. Libenter gloriabor in infirmitatibus meis, & inhabites in me virtus Christi; quæ etiam humilitas, quæ tunc in nobis habitat, quando in infirmitatibus gloriamur, sic habet Cyril. lib. 14. Thesauri cap. 3. Postremò virtus illa, quæ dicitur hic scribi in cordibus diligentium Deum, est ipsemet Filius Dei, & potentia eius, sic enim Filium Dei, eiusque potentiam vocant virtutem. Hilarius in Psal. 62. in Exposit. eius versiculi, Vt viderem virtutem tuam, Et gloriam tuam, Et D. Augustinus in illud Psal. 76. Notam fecisti in populis virtutem tuam, Origenes super Epistolam ad Roman. cap. 1. Superest modo videamus, quid sit honor ille in cælo, qui scribitur in libro vitæ; Et quid sit, diligentes Deum hunc habere honorem: Et sanè si per librum vitæ intelligamus diuinam noticiam, quæ Deus cuncta cognoscit hominum opera, Et dicitur liber per metaphoram, de quo Dauid Psal. 138. In libro tuo omnes scribentur, dicendum est præsentis Notæ verborum sensum esse, quòd, qui Deum diligit, honorem habet à Deo, cui hæc dilectio probè, notè, & manifesta est, Et propter hanc cõferet diligentibus remunerationem, aut quòd veriùs esse arbitror, cum per librum vitæ communiter sacri Theologi intelligant noticiam, quam Deus certam habet omnium prædestinatorum. Cuius libri sacre Littere frequenter meminerunt, ut Daniel. 12. Apocalyps. 10. Et 21. Luca 10. cum dicitur Nomina vestra scripta sunt in celis, Et ad Philippens. 4. Quorum nomina scripta sunt in libro vitæ, consequens indè sit, quòd, qui diligit Deum, habeat honorem scriptum in libro vitæ; quomòdò ipsemet ascriptus est in numero Sanctòrum, quòd inter honores maximus est, Et hoc est habere in cælo honore scriptum in libro vitæ.

Sic

2 Sic ego obediendo Patri discepsi literam inobedientiæ per amaritudinem cordis mei, satisfeci pro dulcedine pomi per mortem meam.

var. lea. *Farneſianus Codex M. S. aliter legit, ſic enim habet. Ego obediendo Patri deleui chirographũ decreti per amaritudinem cordis mei; &c. quæ lectio probatur magis, quandoquidẽ Paulus Apoſt. ad Coloff. 2. de eodem delicto à Chriſto chirographo, verba, faciens ſcriptum reliquit, Delens quod aduerſum nos erat chirographum decreti, quod erat contrarium nobis, & ipſum culæ de medio aſſigens illud Cruci: ve autem, quid ſit delere chirographum decreti, intelligamus, ſciendum eſt, chirographum eſſe ſcripturam manu propria conſectã, quæ quæ ſe ad aliquid conſecutur obligatum, unde D. Iſidorus lib. 5. Etymol. cap. 34. dicit eſſe cautionem, vel conſcriptionẽ duarum inſtar cartarũ grãcẽ enim M. S. cautio dicitur, idẽ habet Euch. de ſpiritual. formulis cap. 10. ſed quid quid ſit de Etymologia nominis, hoc loco dicimus, chirographum importare peccati obligationem quãdã, quam homo pro peccato propria voluntate incurrit, eſt ergo memorialis tranſgreſſionis; ſecundum quòd homo non obſervauit in Paradiso decretum, hoc eſt preceptum Dei, & ideo appellatur chirographũ precepti, unde Gloſſ. ad Coloff. 2. vocat chirographum memoriã tranſgreſſionis, quæ erat ex decreto, id eſt ex lege: Habebas ergo Demon, ut inquit Dionyſ Cartuſ. ſuper Epiſt. ad Coloff. cap. 2. teſtimonialem litterã reatus, quem homo, & tota primi parentis poſteritas incurrit, tranſgrediendo diuinũ præceptũ, verũ Gloſſ. ubi ſuprà, per chirographũ aſſerit etiam intelligi poſſe peccatum Adæ, quod Chriſtus tulit, & Cruci aſſixit. Lyrani. verò ibidem chirographum aſſerit, eſſe obligationem legis veteris, quantum ad ceremonialia, & iudicialia, ex quibus Nobis inferendum eſt, quòd, ut Deus genus liberaret humanum ab huiusmodi obligatione, oportuit mittere Filium ſuum, qui pro peccatis noſtris diuinæ Juſtitie ſatisſaceret, & hoc eſt quòd legimus hic, delere chirographi decretum, ſed Theodoretus ſuper Epiſt. ad Coloff. loco citato per chirogra-*

phum myſticẽ intelligit corpus noſtrum, Quis (inquit) omnes ſceleratas, ac nefandas actiones ſuſcipimus, per oculos quidem laſciue aſpicientes, ac impudicẽ, per linguam ea, quæ non decet loquentes: per aures pernicioſam doctri- nam ſuſcipientes, per manus, ſurtum, inuaſionem, & eadem admittentes: Deus ergo noſtra ſuſcepta natura, eam ab omni peccato liberam cuſtodis, & deleuit, quæ mala à nobis facta ſunt ſcripta debitorum, cum autem conceſſiſſet, ut ea Cruci aſſigeretur, exoluit omnium noſtrum debitum.

CHRISTVS LOQVITVR SPONSÆ

dicens, quòd caueat diligenter à vicio ſuperbię, nè extollatur de pulchritudine membrorum, aut de bonis, ſeu de progenie. Nam ſuperbus comparatur Papiloni, qui habet alas latas, & modicum corpus.

C A P. CXII.



ILIVS loquitur ad Sponſam: Noli turbari de ſuperbia iſtorum, quæ cito tranſiet. Eſt enim quoddam genus muſcarum, quòd vocatur Papilio; hoc habet latas alas, & modicum corpus. Secundò, multiplices colores. Tertiò volat altè propter ſubtilitatem ſuam, & leuitatem, ſed aſcendens in aerem, quia modicum habet fortitudinis in corpore, cadit citiùs in quodecumque eſt vicinijs, ſiue ad lapides, ſiue ad ligna. Illud genus muſcarum, ſignificat ſuperbos, qui habent latas alas, & modicum corpus, quia mens eorum intumefcit ſuperbia, quaſi pellis inflata vento. Creduntque omnia habere pro meritis ſuis, & præferunt ſe ceteris, arbitantes ſe ceteris digniores, qui & nomen ſuum extenderent per totum mundum, ſi poſſent. Sed quia vita eorum brevis eſt, quaſi vnus punctus, Ideò cum non recogitant,

ca.

cadunt. Secundò, superbi habent multiplices colores sicut Papilio, quia superbiunt de pulchritudine membrorum, de bonis, & de progenie, & iuxta omnem superbiam suam adinventionem mutant statum suum, sed cum moriuntur, non sunt nisi terra. Tertio, superbi, cum in altissimum gradum superbiae ascenderint, periculose, & in momento cadunt in mortem. Ideò caue tibi à superbia, quia ipsa subtrahit faciem Dei ab homine, nec gratia mea ingreditur ad eum, quem ipsa possidet.

CHRISTVS MONET SPONSAM

quòd humiliter viuat, nec curet de magna fama, & nomine, quia ipse ad prædicandum Euangelium non elegit magnos Doctores, sed humiles Piscatores, qui enim laborant ad acquirendum sibi in hoc mundo magnum nomen, in Inferno grauiter puniuntur.

C A P. CXIII.

- I**LIVS loquitur. 1 Legat scripturas, qui voluerit, & inueniet, quòd de Pastore, feci Prophetam, & spiritu prophetiae repleui iuvenes, & idiotas. Verum, quamuis non omnes receperint verba mea salutis, tamè ut innotesceret charitas mea, ad plerosq. verba mea peruenerunt. 2 Similiter ad prædicandum Euangelium non elegi Doctores, sed Piscatores, ne gloriaretur de sapientia sua, & ut intelligat omnes, sicut Deus in se est mirabilis, & inexcogitabilis, sic: & opera eius inscrutabilia sunt, & in minimis maxima operatur. Omnis itaque homo, qui vadit post mundum ad habendum gloriam eius, & voluptatem suam perficiendam, hic talis magnus onus imposuit sibi. Ecce dico tibi exemplum de vno viro. Ipse toto desiderio ibat post mundum, qui magnum nomen acquisiuit sibi à mundo, & maximum onus peccati imposuit dorso suo. Ideò magnum nomen nunc habet in Inferno,

maximum verò onus pro premio, excellentioremq. locum in supplicio. Nam in locum illum quidam descenderunt ante illum, aliqui cum illo, aliqui post eum. Illi verò ante eum descenderunt, qui eum ad malitiam suam dilatandam confortabant, auxilii, & consilii suis. Cum ipso verò descenderunt retributiones operum suorum. Sed illi descendent post eum, qui exempla eius imitabuntur. Ideò primi clamant ad eum, quasi de praelio, & dicunt, quia obedisti consilii nostris, ideò ardentius ardemus de praesentia tua. Propterea maledictus sis tu, suspensio illo dignus, ubi funis non rum-pitur, sed ignis manet perpetuus. Confusio quoque sit tibi pessima pro superbia, & ambitione tua. Opera verò eius clamant, & dicunt. O miser, non potuit terra pascere te cum fructu suo. Ideò concupiuit omnia, aurum, & argentum non valuerunt implere desiderium tuum. Ideò vacuus relictus es ab omnibus. Propterea viuentes corui dilaniabunt animam tuam, quae discerpetur, & nunquam minuetur, lique-scet, & tamè viuet. Illi verò, qui post eum descenderunt, clamant. Vae tibi, quia natus es, voluptas tua vertetur tibi in odium Dei, intantum, quòd nolis vnum verbum loqui, quo Deus possit consolari. Itaque, sicut in amore, & honore Dei, est omnis consolatio, & delectatio, bonum, & gaudiū ineffabile, quo & nos propter tui imitationem fumus indigni. Sic sit tibi tristitia, & discordia de Demonum societate, deformitas pro honore, ardor pro libidine, frigus pro tui amore, nulla requies pro carnis consolatione. Insuper, & pro magno nomine, quòd indigna portasti, sit tibi maledictio, pro sede verò gloriosa, sit tibi despectissimus locus. Ecce per similitudinem loquendo talia merentur, qui talibus vltra constitutionem Dei implicantur.

Additio.

Quidam Miles semper studebat inuenire novos modos, & multos verbis, & exemplis traxit ad perditionem. Hic idem inui-

inuidens Domine Briggite, cum non auderet iniuriam loqui sibi per seipsum, auerit quemdam, qui se fingebat ebrium, & eidem Domine Briggite verba contumeliosa loqueretur. Qui quidem Domine sedenti in mensa, dixit audientibus Magnatibus. O domina nimis somnias, nimis vigilas, expedit tibi bibere, & plus dormire. Numquid Deus reliquit religiosos, & cum superbis mundi loquitur? Vanum est verbis tuis dare fidem. Illo itaq; loquente, circumstantes volebant vindicare in eum, sed Domina Briggita prohibuit dicens, permittite eum loqui, quia Deus misit eum. Ego enim, quæ in tota vita mea quæsiui laudem meam, & blasphemavi Deum, quare non audiam iusticiam meam? Ille enim dicit mihi veritatem. Quod audiens Dominus ille compunctus est, & reconciliatus est Domine, venit Romam, & ibi laudabili fine quieuit.

NOTÆ.

Legat scripturas, qui voluerit, & inueniet, quod de Pastore feci Prophetam, & spiritu prophetia repleui iuvenes, & idiotas. In principio præsentis Capituli affirmat Christus Dominus prophetie donum pluribus collatum esse à Deo, prout ipse fuerat pollicitus per Iohannem Prophetam cap. 2. Effundam spiritum meum super omnem carnem, & prophetabunt filij vestri, & filie vestre, & senes vestri somnia somniant, & iuvenes vestri visiones videbunt. Cum autem legimus quemdam de pastore Prophetam Deum fecisse, merito quisquam possit hic querere, qui nam iste in specie fuerit, cum eius nomen hoc loco non afferatur, & sane non alium extitisse arbitror quam Davidem, qui cum pastor esset, ut dicitur 1. Reg. cap. 17. Prophetam factus est, & librum propheticum Psalterium scilicet conscripsit, in quo multa, quæ ad Christum, Apostolos, & legem Evangelicam spectant, prædixit: sed quoniam non disuerunt, qui nega-

uerint Psalterium, nec esse à Davide conscriptum, & absque ullo prophetico spiritu conditum, eumque nec fuisse Prophetam, qui error, ut refert Philastrus in Catalogo Hereticorum c. 127. attribuitur Gnosticis, & Manicheis, & Paulo etiam Samosateno, ut habetur in quadam Epistola Concilij Antiocheni cuius meminit Euseb. lib. 7. Hist. Eccles. c. 25. quæ etiam hæresim renouarunt Anebatistæ, idcirco hic supponendum nobis est eamquam certum cum D. August. lib. 17. de Ciuit. Dei cap. 14. & communi sententia, & Scholasticorum omnium, & præcipue Origenis, Ambrosij, Cassiodori, & Hilarij, Davidem fuisse Psalmodum auctorem, quæ de re etiam D. Hieronym. ad Sophronium, & D. Cyprian. de Auctoribus Psalmodum, & alij plures Interpretes, qui id ipsum constantèr asseuerarunt an verò omnes, vel aliquot tantummodo conscripserint, nostrum non est hac de re in præsentia disputare. satis Nobis erit demonstrare, eum fuisse Prophetam prout in præsentis Capite asseritur. & probari potest ex pluribus sacrarum literarum locis, in quibus ipsemet David aperta voce facetur, se Spiritu sancto afflatum, ut venturum Christum predicaret, sic 2. Reg. 23. dixit vir, cui constitutum est de Christo egregius Psalter Israel, spiritus Domini locutus est per me, & sermo eius per linguam meam dixit, Israel mihi locutus fortis Israel dominator hominum, iustus dominator in timore Dei, idem confirmat Saluator noster Christus inquitens Matth. 22. quomodo ergo David vocat eum in spiritu Domini dicens. Dixit Dominus Domino meo, quo argumento vitur D. August. ad id. probandum loco à nobis sup. cit. & post resurrectionem suam Christus cum scripturarum intelligentiæ suis conferret Discipulis Luc. 24. in libro Psalmodum testatus est, Spiritum sanctum fuisse locutum de passione, morte, & resurrectione sua, ac etiam de predicatione Evangelij: Apostoli quoque ipsi David Psalterij Auctorem, Prophetam in Actibus eorum appellant, ut Act. 2. 4. & 13. Domine qui Spiritu sancto per os pueri tui David locutus es, & Paul. Dabo vobis sancta David fidelia, hoc est dabo vobis, ut agnoscatis sancta Davidis & auctoritas suis-

se fidelia, hac, & alia sacra Scriptura testimonio admodum aperte indicant librum Psalmorum à Dauide fuisse conscriptum, & prophetico spiritu conditum, & per consequens eum inter Prophetas annumerandum esse, ut verum sit, quod in presenti Capite scribitur, Christum de pastore Dauidem fecisse Prophetam.

- 2 Similiter ad prædicandum non elegi Doctores, sed Piscatores.

Quare ad Apostolatus officium non Doctores, aut diuites, sed rudes, & pauperes Dominus elegerit, fuisse tradidimus supra hoc eodem Lib. Cap. 76. Nota.

- 3 In additione ad finem Capitis, ubi in impressis Codicibus legitur, Quare non audiam iustitiam meam?

var.
lect.

Corrigendum arbitror cum M. S. Farnesiano, Quare non audiam iniquitates meas, sunt enim haec verba B. Brigittae, quae impetrabat à stantibus, ut illum loqui sinerent, qui contumeliosis verbis eam irritabat, & licet, quae obijciebat, vera minime essent, volebat tamen, ut ea dicerentur ad sui humiliationem, & ideo de se ipsa, ut legimus hic, sic loquebatur, Ego enim, quae in tota vita mea, quasi laudem meam, & blasphemauimus Deum, quare non audiam iniustitias meas?

CHRISTVS MONET SPONSAM, quod caueat à conuersatione mundi, quia est quasi assatura Diaboli, Virgo Maria etiam instruit eam, quod in omnibus operibus suis virtuosus habeat intentionem rectam, ut scilicet honor Dei augeatur, quia multi seruiunt Deo opere, sed intentio eorum corrupta obfuscatur omne bonum.

C A P. CXIV.



IULIVS loquitur. Attende tibi assatura Diaboli, quia Diabolus igne luxuriae, & cupiditatis decoquit. Vbi enim pinguedo applicatur igni, necesse est, ut inde aliquid

distillet. Sic ex conuersatione, & societate mundalium procedunt peccata, quamuis autem ignores conscientias omnium, tamen exteriora signa produnt, quid in animo lateat intus. Item loquitur Mater: Omnis actio tua sit rationalis, & intentio tua recta, ut omne, quod agis, ea intentione facias, ut honor Dei perficiatur, & utilitas animae delectationi corporis praeratur. Nam multi seruiunt Deo opere, sed intentio corrupta obfuscatur omne bonum, sicut per exemplum intelligere poteris. Est quoddam animal, quod vocatur Vrsus, hoc cum inedia afficitur, & videt prædam desideratam, unum pedem infigit prædæ, & cum alio querit, ubi figat eundem pedem fortiter, ne præda sibi euadat, aut forte subtrahatur, donec comedat, & vertat eam ad voluntatem suam. Hic Vrsus sine intermissione respicit prædam, nec querit aurum, nec redolentes herbas, & arbores, sed solummodo locum absconditum, & securum, seu quoddam obstaculum, ut securius, & fiducialius teneat prædam, quam accepit. Sic multi seruiunt mihi orationibus, & ieiunijs, ex timore quodam, quia considerant penam horribilem, & misericordiam meam magnam. Querunt me operibus exterioribus aliquibus, sed voluntate faciunt contra mandata Filij mei. Nam sicut Vrsus, sic & isti, totam intentionem habent ad carnis voluptatem, & cupiditatem mundi, sed quia timet amissionem vitae, & supplicium futurum, ideo seruiunt mihi ea intentione, ne amittant gratiam, & incurrant penam. Et hoc bene patet, quia numquam considerant passionem Filij mei, quæ est tamquam aurum pretiosissimum, nec imitantur vitas Sanctorum, qui sunt tamquam lapides pretiosi, nec attendunt dona Spiritus sancti tamquam herbas odoriferas, nec relinquunt propriam voluntatem, faciunt voluntatem Filij mei, sed solummodo iniuncti volunt, ut fiducialius peccent, & ut pro-

prosperentur in mundo. Quorum retributio brevis erit, quia de frigido corde eorum processit opus. Et sicut Vrsus consumpta præda non curat de firmamento pedum, quod habuit, sic veniente hora finis, & completa voluptate carnis, modicum valet eis firmamentum meum, quia non reliquerunt voluntatem suam, ut facerent meam, nec charitate meque fierunt, sed timore. Verumtamen si perfecte corrigitur voluntas, opus citius rehouabitur, & voluntas bona, si opus defuerit, pro opere reputabitur.

Additio. Hic fuit Præpositus, qui ad velle suum vixit, qui veniens Romam, multum

laudabiliter correxerat vitam suam. Qui cum visitasset Montem Garganum, & sanctum Nicolaum, & rediisset ad Dominam, cuius consilio totus steterat, dixit inter alia se multum mirari, quare illa magna, & famosa Ciuitas Sypontina, ubi tot Sanctorum corpora quiescunt, destructa erat. Tunc sequenti die Filius Dei apparens, dixit Domine: Illa amicus tuus miratur de Ciuitate, quæ destructa est. Verè filia hoc meruerunt peccata inhabitantium, nam etiam alie Ciuitates meruerunt consimilia, sed vnus amicus meus habitabat ibi, qui perfectam habens ad me charitatem, continuo increpabat, & impugnabat mores eorum, qui videns obstinationem eorum, rogabat me cum lacrymis, ut magis desolaretur locus, quam tot animæ quotidie perirentur. Ego verò videns lacrymas eius, & quia nullus se perfecte poneret ad placandum me, permisi ea fieri, quæ nunc audiuntur. Cui illa: O (inquit) Domine dolendum est, quod multorum etiam bonorum reliquæ, & corpora, iacent ibi tamquam immunda, & sine muro. Respondit Christus: Sicut ego habeo animas electorum meorum in me ipso, sic etiam curam habeo de

reliquis amicorum meorum, quæ thesaurus meus sunt, donec recipiant dupplicia eis repromissa. Item loquebatur Domina: O Domine mi charissime, Ego credo, quod illi loco SyPonti multæ gratiæ, & remissiones concessæ fuerant à Pontificibus. Numquid, quia muri destructi sunt, etiam gratiæ abolitæ sunt? Respondit Christus: Quis locus sanctior est Hierusalem, ubi ego ipse Deus impressi vestigia mea? Quis locus nunc depectior, qui ab Infidelibus inhabitatur, & conculcatur. Attamen quicumque in Hierusalem veniunt, eandem priorem gratiam inueniunt, & remissionem. Simile est de loco isto, quicumque venerit ad eum ex charitate, & perfecta voluntate, participabitur eadem gratia, & benedictione, quæ Ciuitas illa habuit tempore, quo stabat in gloria sua, propter fidem aduenientium, & laborem charitatis.

N O T A.

Q Vi cum visitasset Montem Garganum, & sanctum Nicolaum, & rediisset ad Dominam, cuius consilio totus steterat. *Hunc textum omnino corruptum, & mendis repletum esse arbitror, & ideo sic esse restituendum censeo, cuius consilio hæc sancta loca visitauit, quidam enim Præpositus, de quo in præsentis Notæ sermo fit, B. Brigitta suadet, ad Sanctorum Michaelis Archangeli, & Nicolai Ecclesias visitandas se contulit, ad quæ duo loca fuisse olim frequentissimam peregrinationem, & præcipue ad Montem Garganum tradit Petrus Damianus in vita Sancti Romualdi, & in specie Othonem Imperatorem Roma ad eundem Montem nudis perrexisse pedibus testatur idem Auctor, idque monitu Sancti Romualdi, atque hoc loco Gelasio Primo Pontifice Maximo, imperante Anastasio Aedem fuisse ab eo sacratam, narrat Beda. & Ado Treuerensis, tertio Kalendas Octobris, Sigisbertus ad annum 488. Joannes Echius Homilia tertia, in festo*

S. Michaelis, Guglielmus Durandus in Rationali diuinorum lib. 7. cap. 12. eius verò Apparitionis; & miraculi in hoc Monte Gargano facti, ac Consecrationis memoriam, Ecclesia octauo Idus Maij, & tertio Kalendas Octobris pia veneratione colit, de Sancto vero Nicolao Episcopo Myrae egimus Lib. 6. Reuelat. Cap. 103. Nota 1. ubi affirmamus etiam hodierna die in Baro, ubi eius corpus repositum est, vrigere miraculum, ex eo namque veluti ex perenni quodam fonte oleum emanat, hunc autem Propositum, de quo in presenti Nota sermo fit, huius Sancti vixisse reliquias legimus hic, quod etiam fecit Beatissima Brigitta, ut Lib. 6. Reuelat. Cap. 103. scribitur. Alii etiam in

CHRISTVS LOQVENS SPONSÆ

de modo liberationis cuiusdam demoniaci, dicit ei, quod sicut corpus habet membra extra corporaliter, sic & anima habet etiam membra intus spiritualiter. Et declarat illa Dominus valde pulchrè.

C. A. P. C. X. V.


ILIVS loquitur. Tu es quasi quædam rota, quæ præcedentem sequitur. Sic tu voluntatem meam sequi debes. Dixi tibi prius de quodam, cuius animam Diabolus possidet, nunc dicam tibi, in quo membro captiuatus est. Ego sum similis homini, qui dicit Lictori suo, Tres sunt in domo tua custodie. In prima sunt illi, qui digni sunt carere vita. In secunda sunt illi, qui priuandi sunt aliquo membrorum. In tertia stant illi, qui flagellandi sunt, & priuandi cute. Qui dicit Lictor: Domine si aliqui priuandi sunt vita, alij mutilandi, & flagellandi, cur differunt iudicium? Si enim citius iudicarentur, obliuisceretur eorum dolor. Respondit Dominus: Illa, quæ ego facio, sine causa non facio: Nam qui priuandi sunt vita,

expectandi sunt ad tempus, ut boni videntes misérias eorū meliores fiant, & mali timeant, & de cætero fiant cauciores. Qui verò mutilandi sunt, necesse est, ut tribulentur prius, quatenus retractent in corde suo mala, quæ fecerant, & dolent de commissis. Qui autem flagellandi sunt, etiam debent dolore probari, ut cognoscant se in dolore, qui se neglexerunt in læticia, & tanto sollicitius talia committere caueat, quod laboriosius sunt liberari. Ego igitur sū Dominus ille, qui Diabolū habeo tamquam lictor ad vindictā malorum, iuxta merita singulorū, cui potestas super animam istius data est, sed in quo membro, indicabo tibi nunc. Sicut enim corpus per membra dispositū est extra, sic anima disponi debet spiritualiter intus. Nā sicut corpus habet medullam, ossa, & carnem, in carne verò sanguinem, & carnem in sanguine, sic anima debet habere tria, memoriā, scilicet, & conscientiam, & intellectū. Sunt enim quidam, qui sublimia intelligūt de scripturis, sed nullam habent rationem, his deficit vñm membrum. Alij verò sunt, qui rationabilem habent conscientiam, sed nullam intelligentiam. Alij verò habent intellectum, sed non memoriā, & isti grauitur infirmantur, sed illi sani sunt in anima, qui rationem habent sanam, & memoriā, & intellectum. Item corpus habet tria receptacula: Primum est cor, supra quod est vna membrana gracilis defendens, ne aliquid immundum atingat ad cor. Si enim minima macula ad cor attingeret, statim homo moreretur. Secundum receptaculum est stomachus. Tercium sunt viscera, per quæ purgantur noxia. Sic etiam anima spiritualiter tria debet habere receptacula: Primum est desiderium diuinum tamquam cor, in anima nihil frequentius desideret, quam me Deum suum. Alioquin, si aliquis præuus affectus quamuis minimus intrauerit, statim anima maculatur. Secundum est

sto-

stomachus, id est discretæ dispositio temporum, & operum. Sicut enim omnis cibis liquefit, & digeritur in stomacho, sic omne tempus, & cogitatus, & opus, secundum diuinam constitutionem disponatur ordinatè utilitèr, & sapienter. Tertium receptaculum sunt viscera, id est, diuina contritio, per quam purgantur inmundi, & eibus diuinæ sapientie melius sapit. Item corpus habet tria, quibus se promouet, scilicet, caput, manus, & pedes. Caput denotat diuinam charitatem. Sicut enim in capite sunt omnes quinque sensus, sic in diuina charitate dulciter sapit anima, quidquid dicitur, & auditur, & videtur de Deo. Quidquid & iubetur, constanter adimpletur. Itaque sicut sine capite homo est mortuus, sic sine charitate mortua est anima ad Deum, cuius vita Deus est. Manus verò animæ significant fidem. Sicut enim in manu plures sunt digiti, sic sunt in fide multi articuli, quamuis sit vna fides. Itaque per fidem omnis diuina voluntas perficitur, & omni operi bono ipsa cooperari debet. Sicut enim per manus opus fit ab extrâ, sic per fidem spiritus sanctus operatur intus. ¹ Ipsa quippè fides est sustentamentum omnium virtutum; quia vbi fides non est, ad nihilatur: charitas, & bonum opus. Pedes verò animæ sunt spes, per hanc enim anima procedit ad Deum. Sicut enim corpus procedit pedibus, sic anima diuini desiderij passibus, & spei appropinquat Deo. Cutis verò, quæ est supra omnia membra, significat consolationem diuinam, & quæ animam imperturbabilem consolatur. Et quamuis Diabolo permittatur quandoque perturbare memoriam; quandoque manus, & pedes, tamen Deus defendit semper animam, quasi pugil, & consolatur eam quasi pius pater, & quasi medicus medetur nè moriatur. Itaque anima istius hominis, de quo tibi dixi, tunc captiuata fuit, quando digna fuit priuari manibus

2
var.
lect.

propter fidei instabilitatem, quia non habuit fidem rectam, sed quia iam est tempus miserendi duplici de causa. Primo, propter charitatem meam. Secundo, propter preces electorum meorum. Ideo amicus meus legat super eum prius dicta verba; tria verò ille factorus est. Primo restituit malè acquisita. Secundo procurat sibi absolutionem de Romana Curia de inobedientia sua. Tertiò, quod antè absolutionem non recipiet, corpus meum in Sacramento Communionis, id est, in corpore Christi, non habet.  ² ^{var. lect.}

¹ Ipsa quippè fides est sustentamentum omnium virtutum. ² ^{var. lect.} Hoc loco omnium fides appellatur sustentamentum virtutum, immo, & totius spiritualis edificij fundamentum est; quandoquidem, ut ait Paulus Hebræorum, ³ Impossibile est sine fide placere Deo; & in hoc sensu accipiendum est, quod dixit Apostolus ibidem definiens fidem; Quod ipsa est sperandarum substantia rerum, argumentum non apparentium; vbi substantia sumitur, non prout est de prædicamento substantie, sed pro fundamento, & quemadmodum substantia est accidentis fundamentum, & sine ipsa accedens nullatenus naturaliter persistere potest, ita quoque sine fide, nec virtus aliqua, neque spirituale edificium stare potest. ⁴ ^{var. lect.} Circà finem huius Capituli, vbi in impressis hætenus Codicibus legitur, Quæ animam imperturbabiles consolatur.

⁵ ^{var. lect.} M. S. Farnesianus corrigit, Quæ animam à perturbatione consolatur.  ⁶ ^{var. lect.}

CHRISTVS CONQVÆRITVR

Sponsæ de Gentibus, & Iudæis, & per
maximè de malis Christianis, ex eo;
quòd sancta Sacramenta non recipiūt
deuotè, & mundè, sicut decet, & ex eo
quòd negligunt creationem, & redē-
ptionem, & diuinam consolationem.

CAP. CXVI.



FILIVS loquitur. Ego lo-
quor tibi per similitudinē,
quasi essent tres homines.
Primus diceret: Ego nec
credo te esse Deū, nec ho-
minem, & hic talis est Gentilis. Secun-
dus, idest, Iudæus, credit me esse Deum,
sed non hominem. Tertius, idest, Chri-
stianus, credit me Deum esse, & hominē,
sed non credit verbis meis. Ego sum
ille, super quem vox Patris audiebatur.
Hic est Filius meus dilectus, &c. Ideò
conquæror ex parte Deitatis meæ, quòd
homines nolunt me audire. Ego clama-
bam, & dixi. Ego sum principium, si
creditis mihi, habebitis vitam æternam,
sed contempserunt. Ipsi videntur po-
tentiam Deitatis meæ, quando suscitabā
mortuos, & multa alia, & tamen non
attenderunt. Conquæror etiam ex parte
humanitatis, quia ea, quæ in sancta Ec-
clesia institui, nullus curat. Ego quippè
posui in Ecclesia quasi septem vasa, qui-
bus omnes purificarentur. Institui enim
Baptisma in purgationem originalium
peccatorum. Chrisma in signum diui-
næ reconciliationis. Oleum sanctum
in robur contra mortem. Pœnitentiam
in remissionem omnium peccatorum.
Verba sancta, quibus sacramenta sancti-
ficarentur, & instituerentur. Sacerdo-
tium in dignitatem, & cognitionem, &
rememorationem diuinæ charitatis.
Coniugium in cordium vnionem. Hæc
recipi debent cum humilitate, custodiri
cum puritate, erogari sine cupiditate.

Sed iam suscipiuntur cum superbia, cu-
stodiuntur in vasis immundis, erogan-
tur cum cupiditate. Conquæror etiam,
quòd pro salute hominū natus, & mor-
tuus fui, vt si homo nollet me diligere,
quia creauī eum, saltem diligeret me,
quia redemi eum. Sed nunc homines
eiciūt me de corde suo quasi leprosum,
& abominantur me quasi pannum im-
mundum. Conquæror etiam ex parte
Deitatis, quòd consolationem eiusdem
Deitatis homines nolunt, & charitatem
eius non attendunt.

AVDIVIT SPONSA QVOD VERE

desiderantibus Deum, ipse statim oc-
currit, & consolatur eos quasi pius
pater, & difficilia facit eis facilia.

CAP. CXVII.



QVOD AM legente Pater
noster, audiuit Sponsa,
quomodo, tunc ait spiri-
tus. Amice respondeo tibi
ex parte Deitatis, quòd ha-
bebis hæreditatem cum Patre tuo. Se-
cundò ex parte humanitatis, quòd eris
templum meum. Tertiò ex parte Spiri-
tus, quòd non habebis tentationes supra
id, quòd ferre possis. Pater enim defen-
det te, Humanitas astabit tibi, Spiritus
inflammabit te. Sicut enim mater, quā-
do audit filij sui vocem, occurrit ei gau-
denter; & sicut pater videns filium ope-
rantem, occurrit ei in media via, & sub-
leuat cum eo onus. Sic ego amicis meis
occurro, & omnia difficilia facio eis fa-
cilia, & portare cum hilaritate. Et sicut
aliquis videns aliquid delectabile, non
consolatur, nisi vicinius appropinquet.
Sic ego desiderantibus me appropinquo.



CHRISTVS LOQVITVR SPONSÆ
 dicens, quòd illos trahit pater ad se
 eorum bonam voluntatem perficien-
 do in bono, quos videt voluntatem
 malam commutare libenter in bonā;
 cum desiderio emendandi cōmissa.

C A P. CXVIII.

ILIVS loquitur. Qui mi-
 hi sociari voluerit, debet
 voluntatem suam cōuer-
 tere ad me, & pōnere
 de commissis, & tunc tra-
 hitur ad perfectionem à Patre meo. Il-
 lum quippè trahit Pater, qui voluntatem
 malam mutans in bonam, libenter desi-
 derat emendare commissā. Sed quomo-
 do trahit Pater? certè voluntatem bo-
 nam perficiendo in bono, nisi enim affe-
 ctus esset bonus, pater non haberet quid
 traheret. Sed quibusdam sum ita frigi-
 dus, quòd nullo modo via mea placet
 eis. Alijs verò sum ita calidus, quòd si
 aliqua bona debent facere, videtur quòd
 quasi sint in igne. Alijs sum ita dulcis,
 quòd nihil, nisi me desiderant. His ego
 dabo lætitiā numquam finiturā.

MATER NARRAT HIC SEPTEM
 bona, quæ sunt in Christo, & septem
 contraria, quæ rependebantur ei ab
 hominibus.

C A P. CXIX.

MATER loquitur. Filii
 meus habet septem bona.
 Est enim potentissimus
 quasi ignis omnia consu-
 mens. Secundò sapien-
 tissimus, cuius sapientiam nullus valet
 comprehendere, sicut nec haurire mare.
 Tertio fortissimus quasi mons immobi-
 lis. Quarto virtuosissimus sicut herba
 apiaria. Quintò est pulcherrimus quasi
 Sol splendens. Sextò iustissimus, quasi

Rex nulli parcens contra iusticiā. Sep-
 timò piissimus sicut Dominus, dāns
 seipsum pro vita serui sui. E contrā ipse
 pertulit alia septem. Nam pro potentia
 factus est quasi vermis. Pro sapientia,
 reputatus est insipientissimus. Pro for-
 titudine, quasi puer fascioli ligatus.
 Pro pulchritudine, quasi leprosus. Pro
 virtuositate, stabat nudus, & ligatus. Pro
 iusticia, reputabatur mendax. Pro pie-
 rate, mortuus est.

CHRISTVS DICIT SPONSÆ,
 quòd duæ sunt delectationes, scilicet,
 spiritualis, & carnalis, spiritualis de-
 lectatio est, quando anima delectatur
 in beneficijs Dei.

C A P. CXX.

ILIVS loquitur. Inter me,
 & illum est quædam me-
 brana, pro qua non de-
 lectat eum dulcedo mea,
 quia aliquid delectat eū
 præter me. Et Sponsa, quæ hæc audiebat,
 ait ad Dominum: numquid aliquā de-
 lectationē vmquam habere poterit? Re-
 spondit Dominus. Duplex est delectatio,
 scilicet, spiritualis, & carnalis. Carnalis,
 vel naturalis delectatio est, quando ne-
 cessitate requirente refectio sumitur, in
 qua sic homo debet cogitare. O Domi-
 ne, quia iussisti nos refici ad solā neces-
 sitatē, laus tibi sit, & da mihi gratiam, vt in
 sumptione nō subrepat mihi peccatum.
 Si verò temporalium bonorum delecta-
 tio oriatur, cogitet homo taliter. O Do-
 mine, omnia terrena nō sunt, nisi terra,
 & transitoria, ideò da mihi ea sic dispo-
 nere, vt de omnibus sciam tibi reddere,
 rationem. Spiritualis delectatio est, quā-
 do anima delectatur in beneficijs Dei, &
 temporalibus vititur, & occupatur inui-
 tus, & ad solam necessitatem, sed mem-
 brana tunc frangitur, quando Deus est
 dulcis animæ, & timor eius continuus
 est in mente.

QVOD NON HABITVS, SED
virtus obedientie, & obseruantie re-
singularis facit Monachum, & quod ve-
ra cordis contritio cum proposito
remendandi eripit animam de manu
Diaboli.

C A P. CXXI.



APPARUIT Diabolus, &
dixit: Ecce auolauit Mo-
nachus, & sola remanet
effigies. Et Dominus ait
ad eum. Expone (inquit)
quem notas. Respondit Diabolus, hoc
faciam, sed inuitus. Monachus verus est
custos sui, huius habitus est obedientia,
& obseruantia professionis sue. Sicut
enim corpus tegitur veste, sic anima vir-
tutibus. Ergo non valet habitus exterior,
nisi interior seruetur, quia Monachum
non facit vestis, sed virtus. Hic Mona-
chus auolauit, quando cogitauit sic. Ego
cognosco peccatum meum, & emendabo
de cetero, nunquam amplius peccatu-
rus gratia Dei, ex ista enim voluntate
recessit a me, & iam est tuus. Cui Do-
minus. Quomodo (inquit) remanet
effigies? Et Dæmon. Quando (inquit)
non reducit ad memoriam peccata com-
missa, nec perfecte, ut deberet pœnitet
de commissis.

Declaratio.

Hic Frater vidit in manu Sacerdotis
tempore eleuationis Corporis Christi;
in specie puerili Dominum nostrum Ie-
sum Christum, dicentem sibi: Ego sum
Filius Dei, & Filius Virginis. Hic etiam
obitum suum, & horam ad vnum annu
præuidit, de quo habetur in multis Ca-
pitulis in legenda Sanctæ Dominæ Bri-
gitte. Qui quidem Frater vocabatur
Gerechinus. Hic etiam vitæ continen-
tissima fuit, qui moriturus, vidit scri-

pturam auream, in qua continebantur
tres litteræ: æræ: P. O. & T. Quia nar-
rans hæc. Fratribus suis dixit. Veni Petre,
festina Olaus, & Thordo, quibus vocatis
obdormiuit. Illi verò tres nominati mor-
tui in vna septimana, sequebantur eum.
De eodem Fratre habetur extrauag. 5.
Capitulo. Quidam Monachus sanctæ vi-
tæ ipsius Monasterij Alstati, &c.

C A P. CXXII.

ECCE auolauit Monachus, & sola
remanet effigies.
*De hoc Monacho, cuius in presenti Nota
mentio fit agitur in Revelat. Extravagan-
cap. 55.*

QVOD VITA HOMINIS
dissolui, & tepidi est quasi pons ar-
ctus, & periculosus, de quo, si non
vertit se citò, saltando in nauem pe-
nitentie, & virtutum, præcipitabitur
ab inimico Dæmone in chaos pro-
fundum.

C A P. CXXII.

ILLE est meus capitalis ini-
micus, quia deridet me in
loco. Omnem voluntatem
suam, & cupiditatem suam
implet, prout potest. Ipse
est sicut ille, qui iacet in ponte arcto. In
cuius parte sinistra est chaos maximum,
vbi, qui descendit, non resurget. In dex-
tera verò parte est naus, in qua, si salta-
uerit, laboriosè euadet, attamen spes est
vitæ. Ille pons vita sua est, lamentabilis,
& brevis, in qua non stat ut homo viri-
liter decertans, nec sicut homo peregrin-
us, progrediens quotidie, & proficiens
in via, sed stat iacens ut accidiosus, desi-
derans bibere aquas voluptatis. Duo ita-
que instant ei. Si enim surrexit de ponte;
aut veniet in abissum, idest, ad inferni
profunda, si vertit se ad sinistram, idest,
ad

ad opera carnis. Aut si saltauerit in nauem laboriose euadet, quia si assumptorie Ecclesie sancte rigore, & institutione, laboriosum est sibi. Attamen per hac saluabitur. Ergo uertat se citius, ne inimicus precipitet eum de ponte, quia tunc clamabit, & non audietur, sed in eternum punietur.

Hic uidens Regem immutatum, nec se more solito apud eum audiri, inuides Domine Brigitte. Cum pertransisset per quamdam angustam plateam, effudit ab alto aquam de fenestra super eam, quae dixit astantibus. Parcat ei Deus, & non reddat ei in saeculo futuro. Tunc Christus apparuit Dominæ in Missa dicens: Ille homo, qui effudit super te aquam de fenestra ex inuidia, sanguinem sicut, sanguinem fudit, terram desiderat, & non me. Audacter loquitur contra me, carnis suam colit, pro me Deo suo, me a se, & corde suo, excludit. Caueat sibi, ne in sanguine suo moriatur, postea hic homo modico tempore vixit, & fluxu sanguinis fluente de naribus eius mortuus est, sicut ipsa praedixit.

CHRISTVS DEFENDIT SPONSAM suam Brigitam, idest, animam conuersam de mundo ad vitam spiritualem, quam pater, & mater, soror, & frater conabatur reuocare ab amore eius, & casto matrimonio.

C. A. P. CXXIII.



ILIVS loquitur Sponsae. Ego sum quasi Sponsus, qui desponsauit tibi Sponsam, quam pater, & mater, soror, & frater repetunt. Pater enim dicit, redde mihi filiam meam, quia de sanguine meo nata est. Mater dicit, redde mihi filiam, quia de

lacte meo nutrita est. Soror dicit, redde sororem, quia mecum educata est. Frater dicit, redde mihi sororem, quia meum est regere eam. Quibus respondit Sponsus. O pater, si de sanguine tuo nata est, nunc de sanguine meo repleri debet. O mater, si tu paulisti eam lacte tuo, sic nunc ego pascam eam delectatione mea. O soror, si secundum consuetudinem tuam educata es, sic nunc tenebis consuetudinem meam. O frater, si tu rexisti eam vltimo modo, ita nunc meum est regere eam. Sic tecum factum est; nam si pater, idest, voluptas carnis repetit te, meum est replere te, charitate mea. Si mater, idest, cura mundi repetit te, meum est pascere te, lacte consolationis meae. Si soror, idest, consuetudo mundanae conuersationis repetit te, potius teneris facere consuetudinem meam. Si frater te repetit, idest, voluntas propria, tu obligaris facere voluntatem meam.

QVOMODO BEATA AGNES imponerebat Sponsae Christi coronam de septem lapidibus pretiosis, scilicet patientiae in tribulationibus, &c.

C. A. P. CXXIV.



GNES loquitur ad Sponsam dicens. Veni filia, & impone tibi coronam factam ex septem lapidibus pretiosis. Quid vero est

corona nisi probatio patientiae, quae ex tribulationibus constat, & a Deo coronis adornatur. Primus igitur lapis coronae est lapis, quae apposuit tibi, ille, qui contumeliose tibi dixit, se nescire, quo spiritu loquebaris, & esse tibi uilius mulierum more subtiliter filare, quam de scripturis disputare. Ideo sicut lapis acuit visum, & accendit gaudium animi, sic Deus ex tribulatione accendit gaudium in animo, intellectum illuminat

ad

- ad spiritualia, mortificat animam à motibus inordinatis. 2 Secundus lapis est Saphyrus, & hunc apposuit tibi ille, qui fauorabilia loquebatur in facie tua, & in dorso detrahebat de te. Sicut igitur Saphyrus est cælestis coloris, & seruat membra in sanitate, sic hominum malitia probat iustum, vt fiat cælestis, & seruat membra animæ, nè superbix eleuetur.
- 3 3 Tertius lapis est Smaragdus, hunc apposuit tibi ille, qui dixit te dixisse ea, quæ nec cogitabas, nec loquebaris, idè sicut Smaragdus est fragilis ex se, sed tamen pulcher, & viridis coloris, sic mendacium ceterius adnihilatur, sed tamen pulchram facit animam, propter patientiæ remunerationem. 4 Quartus lapis est Margarita, hunc apposuit tibi ille, qui amicum Dei te præsentem vituperauit, ex cuius vituperio plus turbabar, quàm de tuo. Idè sicut Margarita est alba, & pulchra, & alleuiat cordis passionem, sic dolor charitatis introducit Deum in animam, compescitq. passiones iræ, & impatientiæ. 5 Quintus lapis est Topatius, hunc apposuit tibi ille, qui amara loquebatur tibi, cui tu è contrario benedixisti, idè sicut Topatius est aurei coloris, & seruat castitatem, & pulchritudinē, sic nihil pulchrius, & acceptius est Deo, quàm lædentes se diligere, & pro persequentibus exorare. 6 Sextus lapis est Adamas, hunc apposuit tibi ille, qui fecit tibi corporale damnum, quod patienter tolerasti, & noluisti eum dishonestare. Idè sicut Adamas non frangitur tunctionibus, sed sanguine hirci, sic placet Deo hominem obliuisci, & negligere propter Deum damnum corporale, & cogitare semper ea, quæ Deus propter hominem fecit. 7 Septimus lapis est Carbunculus, hunc apposuit tibi ille, qui falsa annunciauit tibi, scilicet, filium tuum Carolum esse mortuum, & patienter tulisti, committens voluntatē tuam Deo. Idè sicut Carbunculus luget in domo, & in anulo est pulcherrimus,

sic homo, qui patiens est in amissione alicuius rei charissime sibi prouocat Deum ad dilectionem sui, & in conspectu Sanctorum lucet, & placet sicut lapis pretiosus. Idè filia sta stabilis, quia pro amplianda corona tua, adhuc aliqui lapides sunt necessarii. Nam Abraham & Iob, meliores, & magis noti, seu famosiores facti sunt ex probatione, & Ioānes sanctior ex testimonio veritatis.

NOTA

- 1 PRIMUS igitur lapis coronæ est Iaspis, quem apposuit tibi ille, qui contumeliose tibi dixit, se nescire, quo spiritu loquebaris.
- Speciesam admodum Beatissima Agnes, coronam ex septem lapidibus pretiosis conficit, eamq. capiti Sanctæ Brigittæ aptat, & hoc iuxta virtutes septem, quibus illam refertam, ornatamq. esse in præsentis Capite narrat: sumit autem exordium à Iaspide, cuius esse proprium affirmat, oculorum ueluti prodesse. Vt autem huius lapidis pretiosi natura ceteris innoscat, quatenus uerborum præsentis Notæ sensus legentibus pateat: sciendū est ex D. Isidoro lib. 18. Etymolog. cap. 7. quod Iaspis ex græco in latinū viridis gemma interpretatur, ias quippè viride, pinna sim, gemma dicitur, species eius decem, & septem: volunt autem quidam Iaspidem gemmam, & gratiæ, & ceteræ esse gestantibus, quod credere non fidei, sed superstitionis est, ceterum de eo fusius tractant Plinius lib. 37. Natur. histor. cap. 9. & D. Hieron. super Isaiam cap. 54. huius autē effectus dicunt aliqui esse, & sanguinis fluxum stringere, homines castos reddere, & ex animo varia phantasmata, & tristitiam pellere, unde Gloss. Interlinear. super Exodum cap. 28. & Lyranus super Exodum cap. 39. Iaspidem in secundo ordine Rationalis Pontificis positum existimant mysticè, significare virtutem episcopice, quæ vana phantasmata pellit ab animo, & seruare in omnibus moderationem debitam docet, spectat namq. ad hanc virtutem, aliquid moderari, licet enim

directe referatur ad moderantiam obseruationis verborum legis, ut probat D. Thom. 2. 2. q. 120. art. 1. & 2. tamen etiam secundum Gracos, ut in hoc secundo articulo ad tertium argumentum auctor est idem D. Thom. transfertur ad omnes moderationes; ponitur ergo hic lapis preciosus ad ornatu coronae B. Brigittae, ut ex virtutibus, quae tribuuntur Iaspidi, intelligamus B. Brigittam ipsam fuisse predictam, ipsa namq. tribulationibus pressa, in omnibus animi equitatem, ac debitam moderantiam seruabat, & quod magis praecebat, eo minus turbabatur, nec a statu rationis quidquam mouebatur. Vexatio enim ei dedit intellectum, ut scribitur Isaia 28. & hoc est; quod legimus hoc loco, Ideo sicut Iaspis acuit visum, & accendit gaudium animi, sic Deus in tribulatione accendit gaudium in animo, intellectum illuminat ad spiritualia.

2. Secundus lapis est Saphirus, & hunc apposuit tibi ille, qui fauorabilia loquebatur in facie tua, & in dorso detrahebat.

Secundus lapis S. Brigittae coronae appositus, Saphirus est, ut autem palam fiat, quid nobis per eum B. Agnes significare, voluerit, eius etiam natura, ac virtus breuiter indaganda est: Saphirus namq. celestis coloris est, ut hic scribitur, quod etiam tradit Plinius loco superiori Nota citato, quem ait aureis punctis coluere, vel ut auctor est, S. Isidorus lib. 16. Etimolog. cap. 9. Ceruleus est, cum purpura pulueres aureos sparsos habens, huius virtutes multiplices sunt, legimus verò hoc loco, eius esse proprium consolidare membra, & ut alij docent ad oculorum purgationem valde conferre, internum ardore refrigerare, sacrum morbum fugare, & ideo sacra gemma à quibusdā appellatur, tradit autē D. Hieronymus super Isaia cap. 19. gestantē Saphirum hominibus, & praesertim Principibus virtus gratum exhibere, inimicitias sedare, merito ergo pretiosus hic lapis coronae B. Brigittae inscribitur est, quippe quae ea animi constantia praedita fuit, ut nec blandis nec contumeliosis verbis ad aliquid contra Deum patrandum moueri potuerit, ut scribitur hic: & quoniam oculorum aciem purgat, & concupiscentiae calorem oppressum

habuit, nec laudibus in superbiam elata, neque distractionibus in impatientiam rapta est, ut mirum non sit si illius actiones singula ad caelum tenderent, habet enim, ut diximus, Saphirus cali colorem, & ideo eum meruit in sua corona portare, quandoquidem celestem vitam ducebas in terris, quae per Saphirum mystice designatur, ut docet D. Hieronymus super Isaia cap. 54. D. Greg. Pont. 18. Moral. c. 27. hom. 8. in Ezechiele. Rupertus in c. 16. Ezechielis D. August. qm Exod. 102. Haymon. super cap. 21. Apocal. lib. 7. edisserens ea verba D. Ioannis, Fundamentum secundum Saphirus.

3. Tertius lapis est Smaragdus, hunc apposuit tibi ille, qui dixit, te dixisse ea, quae nec cogitabas, nec loquebaris.

Tertius in ordine lapis, cuius in presenti Nota Beata Agnes meminit Smaragdus est, eius hoc loco duae proprietates asseruntur, prima quidem, quod de facili frangitur, secunda verò quod viridis coloris est, quapropter D. Isidor. lib. superiori Nota citato c. 7. omniū ait virtutum gemmarū tenere principatū, cui veteres tertiam post Margaritā tribuunt dignitatē, ea tamen asserit viriditate pollere, ut herbas, frondesque exuperet, & circumstātem aërem repercussum inficiat, plura de eo tradunt Plinius ubi supra, & Georg. Venetus cant. 3. c. 3. tom. 8. qui inter ceteras illius virtutes has esse praecipuas tradit, aciem in primis oculorum recreare, laesum motus compescere, tempestates sedare: sed quātum ad rem nostrā spectat, ut sensus praesentis Notae innotescat, sciendum breuiter est, quod cū scribitur hic, Smaragdū de facili frangi, mendacium ex eo nobis designari, quod ex verbis praesentis Notae aperte deducitur, cū dicitur, Sicut smaragdus fragilis est ex se, sic mendacium annihilatur, idq. adeo verū esse D. Cypr. lib. 1. epist. 3. arbitratur, ut sentire contrariū dementia esse affirmauerit, Hec est (inquit) frater, cetera dementia, non cogitare, nec scire, quod mendacia non diu fallunt, nocte tandem esse, quam diu illucescat dies, clarificato autem die, oborto Sole, luci, tenebras, & caliginem cedere, quae grassabantur per noctem latrociniā cessare, idem probat D. Chry-

D. Chrysost. hom. 67. in Ioan. Vt autem Smaragdus viriditate pollet, spem notat, & idcirco legimus hic, Smaragdum pulchram facere animam, propter patientiam remunerationem, spes namq. futura remunerationis expectatio est, quae columnae aequiparari potest, quae spirituale aedificium sustentatur, hac deficiente tota spiritualis fabrica corrui, & inde anima per desperationis vitium deformata, in Inferni barathrum concidit.

- 4 Quartus lapis est Margarita, hunc apposuit tibi, qui amicum Dei te praesente vituperauit, ex cuius vituperatione plus turbabaris, quam de tuo.

Quartum lapidem coronae Sponsae insertum Margaritam esse affirmat hic B. Agnes, hunc autem inter candidas gemmas primarium sibi vendicasse locum auctor est D. Isidor. lib. 19. Etimolog. cap. 10. & inde vocatam esse censet, quod in marinis conculis hoc genus lapidum inueniatur, dicit vero gigni de caelesti rore, quem tertio anni tempore cocule hauriunt, hinc de his egregie docuit Plinius Natur. hist. lib. 9. c. 25. Margaritas in ostreis generari, quas ubi genitalis anni stimula uerit bora, pandentes sese quadam oscitatione rosido conceptu impleri, grauidas postea eniti, partumq. concharum esse Margaritas, pro qualitate roris accepti, plura de illis habet Orig. super Matth. cap. 13. Nunc autem videndum est, quomodo, quae ratione hoc loco Margarita charitati comparetur, Margarita namque, sicut candidarum gemmarum prima est, ita charitas inter Theologicas virtutes primum locum obtinet, & dicit Apost. 1. Corinth. 13. Nunc autem manent fides, spes, charitas, tria haec, maior autem horum est charitas: rursus sicut Margarita cordis passiones alleviat, & ob albidine pulcherrima est, & propterea amoris, & puritatis symbolum esse censetur, sic quoque charitas impatentia, & ira à corde compescit motus, est namque ira accensus sanguinis circa cor, & ideo de ea scribit Paulus loco super citato, Quod patiens est, benigna est, non emulatur, invidia ergo coronae B. Brigittae Margarita posita est, quoniam de ea legimus hic, quod plius de amici dolueris vituperio, quam de suo.

- 5 Quintus lapis est Topatius.

Ex proprietatibus, ac virtutibus Topatii admodum apte colligi potest, quapropter etiam coronae B. Brigittae Topatius debitus fuerit, quod, ut ex eius natura manifestum fiat, sciendum est ex Plinio lib. 37. Hist. natural. cap. 8. & indicant etiam D. Hilar. & Ambros. in Psalm. 118. in exposit. eius versiculi, Super aurum, & topatium, Topatium esse viridis coloris, auretiam aurei, vel ut habet D. Isidorus lib. 16. Etimolog. cap. 7. Dionys. Carthusianus in Apocal. cap. 21. ex virenti genere esse, omniq. colore splendentem, quem ferunt in feruidam immisum aquam, & tepidam reddere, iram temperare, dolorem oculorum lenare, aliosq. corporales morbos curare, quae si vera sunt, quis ambigat, pretiosum hunc lapidem B. Brigittae fuisse debitum, cum maledicentis sibi seruientem sedauerit iram, impatentiae etiam sedauerit motus, & pro maledictionibus benedictiones reddiderit, & ideo immediae post verba in praesenti Nota citata, legimus de ea B. Agnetem dixisse sic, hunc apposuit tibi ille, qui amara loquebatur tibi, cui tu è contrario benedixisti. Arthas vero, & Lyranus in locum citatum Psal. arbitrantur per Topatium mystice significari intelligentiam rerum caelestium, & spiritualium, quae ratione, haec etiam pretiosa gemma gloriose Brigittae coronae debita est.

- 6 Sextus lapis est Adamas.

Sextum lapidem pretiosum B. Brigittae coronae appositum fuisse Adamantem legimus hic, cuius natura, ut nobis, quantum ad rem nostram attinet, innotescat, notandum ex Plinio lib. 38. Natur. histor. cap. 4. Adamantem, eod quod nulli cadat materia, nec ferro, nec igni, indomitum lapidem appellari posse, qui ob suam duritiam creditur hircorum tantummodo sanguine solui, missumq. in calidum sanguinem macerari, sicq. postea pluribus ictibus ferri frangi, eum ferunt, ferrugineum habere colorem, & christalli splendorem, numquam ultra nuclei magnitudinem fuisse repertum, docuit Isidorus ubi supra, sicq. cum Magne te lapide diffidere, ut iuxta positus, ferrum

non patiatur abstrahi à Magnete: addèdum quoque est, in electri similitudine venena deprehendere, metus vacuos pellere, Maleficus resistere artibus, hic ergo pretiosus lapis meritò ad consiciendâ B. Brigitte coronam additus est, quandoquidem illa, ut scribitur hic, nec corporali aliquo damno, nec còrumeliosis verbis moueri umquam potuit, ut Deū offenderet, utq. pro eo iniurias proximo redderet, sed armis munita patiente, veluti Adamas nullis frangebatur istibus ira, eoque siebat fortior, quò magis tentationibus praeuebatur, & pro Christi nomine inter flagella letabatur, idèq. meruit in sua corona Adamantem habere, patientiae namque, quae in arduis, ac difficilioribus rebus fortitudinē praestat, Adamas figuram gerit.

7 - Septimus lapis est Carbunculus.

Postremus lapis pretiosus, cuius hoc loco B. Agnes meminit Carbunculus est, hunc gemmarum ardentium primum tenere locū testis est D. Isidorus libr. superioribus Notis citato cap. 3. & Plinius lib. 37. Hist. nat. cap. 7. quem ita appellatum esse censent, quòd ignitus sit, ut carbo, cuius fulgor, nec nocte vincitur, nec tenebris superatur, suq. lucet in nocte, ut flammam vibret ad oculos: ex huius ergò pretiosi lapidis praestantia colligendum est, quare ille B. Brigitte coronae insertus fuerit, quoniam, ut diximus, sicut carbo magis lucet in nocte, quàm die, sic illa in tribulationis nocte postea resplenduit magis, quàm in die prosperitatis, immò noctem aduersitatis: vertit in diem laetitiae, quando de sui filij Caroli morte certior facta, se patientem exhibuit, suamq. voluntatem penitus Deo commisit, ut mirum non sit, si ad diligendum se Deum pronocauerit, & hoc est, quòd scribitur hic, Ideò sicut carbunculus lucet in domo, & in Anulo pulcherrimus est, sic homo, qui patiens est in ammissione alicuius rei charissimae, sibi prouocat Deum ad dilectionem sui, & in conspectu Sanctorum lucet.



MATER DEI LOQVITVR FILLÆ,
Sponsæ Christi ponens figuram pulchram de septem animalibus, per quae quattuor genera vitiosorum, & tria genera virtuosorum hominum notabiliter designantur.

C A P. CXXV.



ARIA loquitur. Septem animalia sunt. Primum habet cornua ingentia, ex quibus intumescens, & còtra animalia bellū faciens,

citiùs moritur, quia propter ingentia cornua, non habet velocitatem currendi, sed à sentibus, & stipitibus retinetur. Secundum animal est paruum, habens vnum cornu, & sub ipso pretiosum lapidem, hoc animal non capitur nisi per virginem, qua visa, currit in sinum eius, & sic ab ipsa interficitur. Tertium animal non habet iuncturas, & ideò quiescendo stat iugiter ad arborem quamdam, quam venator attendens secar vsque ad medium, quo facto, cum animal more suo querit quiescere, cadit arbor, & animal rapitur. Quartum videtur mansuetissimum, & nulli nocet, nec pedibus, nec cornibus. Sed quicumque senserit statum eius efficitur leprosus, quia illud animal ex natura sua totum est intus leprosum. Quintum animal vbique timer, & insidias prauider, & suspicatur. Sextum animal nihil timer, nisi seipsum, sed si viderit se in vmbra sua, currit quasi ad mortem, & semper in tenebris, & occultè desiderat morari, & conuersari. Septimum animal nihil timer, nec etiam mortem, quia non sentit mortē antequam veniet. Hoc animal habet quattuor mirabilia. Primò consolationem interius habet indicibilem. Secundò non sollicitatur de cibo, quia comedit vilia terræ. Tertiò

V u num-

numquam stat, sed semper currit. Quatò quòd etiam incedèdo quiescit, & moderatum est in progressu suo. Primum itaque animal assimilatur homini, qui ex dignitate sua intumescit, sed quia tardum est, & ponderosum ad vsus bonorum operum, citius deprehenditur, nisi sibi cauerit. Secundum animal superbiens ex lapide pretioso, quem habet sub cornu, significat hominem, qui confidens, & præsumens de se ex lapide pretioso castitatis, dedignatur monitionibus tangi, & præfert se alijs. Et ideò nè à superbia capiatur, quæ faciem habet virginem, sed pungit acutissimè, sollicitè se attendat. Tertium animal, quod non habet iuncturas, assimilatur homini, qui non habet iuncturas, spiritualium affectionū, & ideò cum securè credit quiescere, capitur in his, in quibus delectatur. Quartum animal, quod totum est leprosum interiùs, significat hominem, qui ex superbia totus est leprosus. Et ideò quicumque ei consentiendo adhæret, efficitur maculosus. Tria animalia alia sequentia, manifestabuntur temporibus suis. Nam primum animal est, quasi Thomas piè dubitans, quasi lapis politus, & quadratus. Secundum animal est quasi aurum in igne, & quasi fistula deaurata, & in optimo coopertorio custodita. Tertium animal est, quasi tabula depicta, & apta ad suscipiendos colores nobiliores. Itaque si illi homines viriosi, qui designantur per illa supradicta quattuor animalia, conuerterint se ad me, occurrā eis in via, & alleuiabo eorum onus. Sin autem, mittam ad eos animal velociùs Tigre, quod consumet eos, & sicut scriptum est, fient dies eorum pauci, & filij eorum absque patre, & eorum vxores viduæ, honoresq. eorum conuerterentur in opprobrium, & pudorem.

Declaratio.


Primum animal, idest primus Episcopus ex nobilitate superbiens, conuersus est ex verbis Spiritus sancti, qui veniens Romam, & Dominam Brigitam secutus, vsque ad Neapolim. Cum essent in Beneuento, grauissimè passus est de calculo. Cui ægoranti Spiritus sanctus dixit per Dominam, Regi Israel infirmo præceptum fuit, vt apponeret cathaplasma super vulnus suum. Sic faciat iste, assumat veram charitatem in animo ad Deum, quæ est medicamentum optimum, & statim sentiet sanitatem. Quo audito votum vouit, & mente, & carne conualuit. De isto Episcopo habetur 3. Lib. Capitul. 12. Secundum animal, idest, secundus Episcopus fuit magnæ puritatis de quo 3. Lib. Capitulo 13. Tertium animal idest tertius Episcopus, qui comparatur Elephanti, mutatus est ad meliora. Item loquitur Christus. Quid consuluit Elephas ille? Nonne, quòd nuptiæ illegitimè celebrarentur, nè expensæ paratæ perderentur, & quòd dispensatio à Papa faciliter posset impetrari. Sed audi nunc, quæ dico. Omnis, qui scienter, & ex industria peccat contra Deum, nisi præcedente magna contradictione, incurrit iudicium Dei, & tribulationem mundi. Qui autem onus alteriùs imponit dorso suo, peccat grauiùs, quia nec timorem habet, nec querit salutem animæ. O quanta præsumptio. O quantus defectus charitatis est, habere clauēs iurium in manu, & propter modicum corruptibile, conari contra clauēs, & iura. Ideò placare studeat ipse Deum, & inducat coniugium illud ad fructuosam pœnitentiam, & absolutionem debitam. Alioquin dies eius breuiabuntur, & veniet in iudicium meum. Et ruina Ecclesiæ eius erit tam magna, quòd vix reedificabitur, & desiderabilia eorū erūt

in

in ruinas, & ipsi in contemptum. Tu verò Filia scribe coniugio tibi noto, quòd, nisi se emendauerint, & absolutionem meruerint, nō facient fructum longeuum, & filij eorum non habebunt longos annos, & quæ congregata sunt, venient ad alienos. Item, de eodem Episcopo. Iste Episcopus venit ad me humilis, sicut ille, qui consumpta hereditate, comedit siliquas, & reuersus est humilis ad patrem. Verè filia hæc mundalia sunt quasi siliquæ, quando medulla frumētis, idest, Deus expulsi sunt à corde, & labor superuacui, & sine fructu desideratur, Mundusq. diligitur plus, quàm Deus. Sed quia iam iste Episcopus incipit cognoscere me, & seipsum. Ideò faciam ei sicut pius pater, obliuiscens prius, & occurrā ei in media via, dādo anulum in manu, & calciamenta in pedes, & vitulum ad comedendum. Nam ab isto die charitas mea erit frequentior in operibus eius, Diuina patientia, & sapientia erit cum eo perfectior ad trahendum, secum proximos suos, frequentior quandoq. erit, & sollicitior ad fumentum, & honorandum corpus meum: hoc donum promeruit ei Mater mea charissima, quæ patrona Ecclesiæ eius est. Item de eodem Episcopo habetur in principio Cap. 130. Quartum animal, idest Episcopus, qui in lepra sua perseuerabat, vocatus est subito sine Sacramentis. De isto require 6. Lib. Cap. 97. Quintum animal fuit sicut lapis quadratus, homo in omnibus temperatus, & discretus. De quo require 3. Lib. Cap. 33. Sextum est animal, idest sextus Episcopus fuit homo timorofus, & cordis sui scrutator, qui Ecclesiam suam sapienter gubernans, à multis obligationibus liberauit. De isto mortuo dixit Christus, Scriptura aurea dicit, quòd principium sapientiæ est timor Dei, illud est verum, sed ego dico quod finis perfectionis est etiam timor Dei, quem quia iste Episcopus habuit, peruenit per compendium

salubre ad viam salutis. Septimum animal, idest septimus Episcopus, maxime abstinentiæ fuit, zelum Dei habens, nec metu, nec amore, nec damno reticuit veritatem, hic cum se posuisset ad orationem, reddidit spiritum. De isto Episcopo sunt plures Reuelationes in vita. Dominæ Brigittæ. Qui fuit Dominus Hemingus Episcopus Aboensis, & amicus Beatæ Virginis Mariæ. Sicut patet extra Cap. 104. Item Reuelatio de Episcopo, qui fuit successor animalis secundum. Filius Dei loquitur: Scribe Episcopo, quòd aues rapacissimæ intrauerunt terram, vt ponant in ea sibi nidos suos. Ideò laboreat Episcopus ipse cum amicis suis, vt ungulæ earum præscindantur, & non obtineant cacumina terrarum, nec dilarent alas suas in Communitatem. Alioquin rostris suis, & ungulis, extirpabunt fructiferā terrā, & volabunt super excelsā, & montes, & terram redigent in solitudinem, & ruinam.

IN presenti Capite nihil adnotandum occurrat, omnia enim, quæ ad eius intelligentiam spectant sunt traduntur infra hoc eodem Libro, cap. 130. in quo legimus, Christum Dominum post multos annos postquam hanc septem animalium visionem, Beatæ Brigittæ ostenderat, ei apparuisse, ac presentem visionem illi declarasse.



VIRGO MARIA LOQUEBATVR cum Sponsa Filij sui, de quodam Episcopo, pro quo ipsa deuote orabat. Et dat hic notabilem doctrinam, & formam virtuosissimam, secundum quam Episcopi viuere, & se, ac subditos suos regere debeant spiritualiter, & deuote.

C A P. CXXVI.



MATER misericordiae loquebatur Sponsae Christi, dicens. Quid facimus isti caeco Episcopo. Ipse enim tria habet, laborat quippe, ut placeat hominibus plus, quam Deo, diligit thesaurum, non quem Angeli custodiunt, sed quem fures furari possunt, diligit etiam se plus, quam proximum suum, & plus quam Deum suum. Et ecce in eodem momento vidit Sponsa, quasi sex stateras, quarum tres ponderosae erant, quia deprimebantur a pondere. Aliae vero tres ita leues erant, quod ex toto eleuabantur ad superiora, quia in eis nihil esse videbatur, nisi leue quoddam quasi pluma. Et Mater dixit. Ecce iste Episcopus licet habeat tria mala, prius dicta, timet tamen semper, propter quem timorem, qui est inductiuum, quoddam charitatis, datum est tibi videre statum eius. Nam illae tres ponderosae staterae significant opera eius contraria Deo, quae deprimunt animam eius, quae ideo videntur tibi tres, quia affectione, locutione, & operatione, more staterae, descendit ad mundum. Ideo vero aliae tres staterae videntur tibi leues ascendere, quia nunc cogitatione, nunc opere ascendit ad Deum, sed tamen mundialia praeponderant spiritualibus, quia in his implicatur seruentius, & copiosius, in tantum, quod iam Diabolus trahit eum per pedes, & laqueus est paratus. Respondit Sponsa: O Domi-

na pietatis impone tu aliquid stateris. Cui Mater. Agnes, & ego expectauimus, si forte Episcopus recogitare voluerit, charitatem nostram, sed non multum attendit sollicitudinem nostram. Attamen facere ei volumus, sicut tres amici in via sedentes, & scientes viam, ostenderunt amico eorum eandem viam. Quorum primus diceret: O amice, via, quam vadis, non est recta, nec tuta, si continuaueris viam istam, latrones etiam tibi nocebunt, & cum securum te credideris, morieris. Secundus diceret: Via ista, quam vadis, delectabilis videtur, sed quid prodest tibi ista delectatio, si amaritudo mentalis est in fine. Tertius vero diceret: O amice, video in Deo infirmitatem tuam, ideo non displiceat tibi, si do tibi consilium; nec sis ingratus, si fecero tecum specialem charitatem. Sic facere volumus ego, & Agnes, isti Episcopo, si audierit primum, secundus monstrabit ei viam, tertius vero introducet eum in regionem lucis. Postea Sponsa ostendebantur ea, quae mittebantur diuinitus, ad informationem dicti Episcopi, ut sequitur. Item loquitur Mater. Sic diceret Episcopo. Deus licet omnia possit facere, tamen homo personaliter cooperari debet ad hoc, ut peccatum fugiatur, & charitas diuina obtineatur. Tria namque sunt, inductiua ad fugiendum peccatum, & tria cooperatiua ad acquirendam charitatem. Tria prima, quibus vitatur peccatum, sunt ista, scilicet poenitere fideliter de omnibus, quae remordent conscientiam, nolle ea iterum voluntarie committere, commissa, & confessa stabiliter emendare, iuxta consilia eorum, qui mundum contempserunt. Alia tria cooperatiua ad acquirendam charitatem ista sunt. Rogare primum Deum in adiutorium, ut auferatur praua delectatio, & detur voluntas faciendi ea, quae placent Deo. Nam charitas diuina non obtinetur, nisi desideretur, nec desiderium erit rationabile, nisi in Dei charitate stabilietur.

Et

Et idē tria sunt in homine, antequam ingrediatur charitas, & tria alia ingreditur, quando infunditur charitas Divina. Nam ante infusionem charitatis Dei, turbatur homo de adventu mortis, de diminutione honorum, & amicitiarum, de mundi aduersitate, & carnis infirmitate. Obtenēta verō charitate, & gaudium ingreditur in animam, de tribulationibus mundi, quas patitur, angustiat mens possidere mundum, & gaudet facere honorem Deo, & pro honore Dei tribulari. Secundum verō inductiuum charitatis est, facere elemosynam de superfluis. Cum enim Episcopus habet vasa, & vestes, sicut humili congruit Prælati ad necessitatem, non ad ostentationem, & superfluitatem, contentetur de illis, & de residuis faciat elemosynam. Nam eū de bonis, & possessionibus temporalibus animarum, dicantur pauperes domestici Prælatorum, & lasciuunt tunc profusus, alij verō pauperes clamabunt vindictam super eos. Tercium verō inductiuum charitatis, est labor charitatis. Nam quicumque non legeret, nisi vnum Pater noster, pro obtinenda charitate, placeret Deo, & charitas Diuina ei citius appropinquaret. Item ait Mater ad Christum Filium eius. Benedictus sis tu Iesu Christe optimē gigas, qui celerrimus fuisti ad currēdam viam, & fortissimus ad tenendum pugnam. Scribitur quippe, quod Dauid fuit gigas magnus, & fortis, sed nullo modo similis tibi. Dauid deniq. à longē currendo, iactauit lapidem contra hostem, tu verō appropinquabas pedibus inimico, & confringisti dorsum eius. Dauid quoque hoste prostrato abstulit ei gladium, amputando caput eius. Tu verō ab hoste stante abstulisti gladium, vincens hostē viuū patientia tua, & confringens robur robusti humilitate tua. Propterea tu pugil pugilum es, cui nullus fuit, nec erit similis. De robusto enim patre

surrexit fortissimus filius, qui patrem, & fratres liberauit. Ergo ò pijsime gigas rogo te, vt Episcopo isti scientiam pugnandi donare digneris, & fortitudinem currendi in stadio pugilum, vt se deat cum veris gigantibus, qui vitam dederunt pro vita, & pro sanguine tuo obtulerunt sanguinem suum. Respondit Filius, oratio charitatis non negligis. Nam Scriptura dicit, quod nemo venit ad me, nisi Pater traxerit eum. Et idē si trahens est fortis, illud verō, quod trahitur est ponderosum nimis, citius dissipabitur opus, & adnihilabitur. Si verō illud, quod trahitur, est ligatū, nihil iuuare potest trahentem, nec seipsum, si ceciderit. Si verō immundum fuerit, abominabile est ad trahendum. Propterea, qui trahi debet, & trahi desiderat, necesse est, vt mundetur prius, & præparetur decenter, donec trahibilis, & delectabilis fiat ad trahendum manibus. Verū tamē propter preces matris meę, cū iste Episcopus quaesierit viam, demonstrabitur ei via recta. Deindē subiunxit Mater, dicēs Sponsa, Audi tu, cui datū est audire spiritualia. Dixi tibi prius, quod quando Episcopus quaesierit viam, demonstrabitur ei. Ideo nunc dico sibi viā. Si Episcopus iste voluerit ire per viam, quam Euangelium loquitur, & esse vnus de paucis, debet habere tria ante aggressionem vię. Debet primò deponere pondus circumstantię, & onerans eum, hoc est mundi cupiditatem, & sacrum pecunię, non diligendo mundum ad aliquam superfluitatem, & superbiam, sed habendo ab eo necessaria sua, iuxta Episcopalem morigerosam, & humilem exigentiam. Omnia verō alia disponendo ad honorem Dei. Sic enim fecit ille bonus Matthæus, deposuit enim pondus graue cupiditatis, quod tamen non intellexerat esse onerosum, antequam assumpsit onus Dei leue, & suauē. Secundo debet esse præcinctus, & paratus ad ambulandum, sicut dicit Scriptura,

quod cum Tobias mitteretur à patre pro pecunia , inuenit Angelum succinctum ad viam. Quem significat Angelus iste, nisi sacerdotem Domini, & Episcopum, qui tenetur esse mundus in carne, & affectione, quia iuxta prophetiam, sacerdos est Angelus Domini exercituum, quia eundem Deū recipit, & consecrat, quem Angeli vidēt, & adorant. Cur verò Angelus apparuit Tobiae præcinctus ad viā? nisi quod omnis sacerdos, & Episcopus, præcinctus debet esse cingulo diuinæ iustitiæ; paratus dare animam suam pro ouibus suis, paratus in verbis, loquendo veritatem. Paratus in operibus, ostendendo in seipso viam iustitiæ. Paratus ad patiendum pro iustitia, & veritate, non diminuendo eam propter minas, & opprobria, non tacendo propter falsam amicitiam, non dissimulando propter aliquorum dissuasionem. Omnis ergo Episcopus, qui taliter indutus est iustitia, non confidens in se, sed in Deo, ad eum venit Tobias, idest homo iustus, & homines iusti sequuntur eum, quia plus proficiunt exemplis bonis, & operibus, quam verba nuda. Tertio debet comedere panem, & aquam, sicut legitur de Helia, quod inuenit ad caput suum panē, & monebatur per Angelum comedere, quia grādis restabat via. Quis est panis, quem comedit Helias, unde tantum confortatus est, nisi bonum corporale, & spirituale, quod dabatur ei? Nam præparabatur panis corporalis, propter exemplum aliorum, ut sciretur placitum esse Deo, habere moderata necessaria ad refectionem carnis. Dabatur etiā prophetiæ infusio, & fortitudo spiritualis, quadraginta diebus laborauit, ut sciretur, quod non in solo pane viuit homo, sed in omni verbo Dei. Nisi enim Deus infudisset prophetiæ consolationem, certē defecisset ipse ex infirmitate propria, quia homo erat infirmus ex se, sed fortis ex Deo. Quia omnis qui stat, & fortis est, ex Deo est fortis,

& virilis. Propterea, quia Episcopus iste infirmus est, disponimus ei bucellam panis, hoc est diligere Deum super omnia, ordinatē, purē, veraciter, & perfectē. Ordinatē, ut mundum diligit ad nullam superfluitatem. Purē, ut nullum peccatum in se, nec in proximo diligit, nec consuetudinem prauam velit imitari. Veraciter, ut nullum peccatum ex confidentia bonorum operum suorum admittat, sed sapienter temperet seipsum in seipso, ne succumbat ex nimio feruore, aut fortē declinet ad peccatum ex pusillanimitate, & ex prauorum imitatione, & leuigatione culpæ. Perfectē, ut nil dulcescat tantum ei sicut Deus. Monemus etiam eum habere aquam cū pane charitatis. Quæ est ista aqua, nisi cogitare continuē amaritudinem passionis Iesu Christi? Quis enim dignē posset cogitare angustias humanitatis Christi, quas tunc patiebatur, quando rogauit transferri à se calicem passionis, & quādo guttæ sanguinis exierunt de corpore eius? Benē quippē sudor ille sanguineus erat, quia sanguis humanitatis Dei, consumebatur ex naturali timore quem patiebatur, ut ostenderet se esse verum hominem, nō phantasticum, nec immūnem à passione. Ergo bibit Episcopus aquam istam, cogitando, scilicet qualiter Deus stetit antē Herodem, & Pilatum, quā dolorosus, & contempnibilis in Cruce, & quomodo latus eius lancea aperiebatur, de quo exiuit sanguis, & aqua. Cumq. Episcopus habuerit ista tria iam dicta, tunc est ei vtile scire dispositionem temporum suorum, à principio diei vsque ad noctem. Nam cum primò Episcopus euigilauerit de nocte, statim debet rengratiari Deo pro charitate eius in creatione. Pro passione eius in redemptione. Pro patientia, qua supportauit diu peccata, & mores eius. Deindē cum surgit de lecto, & induit vestes, dicat sic. Terra tenetur vestiri terra sua, & cinis esse cū cinere suo.

Verumtamen quia ex providentia Dei Episcopale habeo officium, in speculum aliorum. Ideo induo te asinum, qui es corpus meum in cinere, & terra, non propter superbiam, sed in operimentum, ne nudus appareas. Nec curo vtrum indumentum tuum melius sit, an vilius, nisi tantum, vt propter honorem Dei Episcopalis agnoscat habitus, & in habitu discernatur ab alijs Episcopalis auctoritas, ad correctionem, & informationem infirmorum. Propterea rogo te pijsime Deus, qui vocasti me ex gratia tua, da mihi conscientiam in animo, ne superbiam ex magno cineris pretio, nec inaniter glories de colore, sed tribue mihi fortitudinem virtutum. Vt sicut habitus Episcopalis honorabilis est prae alijs propter auctoritatem diuinam sic habitus animae virtuosior sit apud te. Ne vel propter auctoritatem indiscrete habitus deprimar profundius. Vel propter habitum laudabilem indignè portatum, denuder ignominiosius ad damnationem. Post hæc Episcopus legat horas, vel canter, si potest. Quò enim aliquis altius honoratus est, eò maiorem obligatur facere honorem Deo. Attamen cor purum, & humile ita placet Deo in silentio, sicut, & in cantu. Deindè dicta Missa, vel antè faciat Episcopale officium suum, siue corporale fuerit, siue spirituale, & in omnibus operibus suis habeat misericordiam, & consideret honorem Dei, ne ab infirmis videatur plùs curare de bonis temporalibus, quàm de spiritualibus. Cùm autem accedit ad mensam, dicat sic: O Domine Iesu Christe, qui vis, quod corpus sustentetur de cibo corporali. Rogo te da mihi auxilium, sic dare corpori meo necessaria sua, vt non attedietur ex nimietate ciborum, nec deficiat ex paritate, sed inspira mihi moderantiam congruam, vt cum terra de terra viuatur, Dominus terra à terra sua non prouocetur ad iram. Postea in mensa sedes habeat moderatù

solatium cum confedentibus: sic tamen quòd detractio caueatur, & securitas. Summopere quoque caueatur, ne talia loquatur, vnde alij corroborentur in vitijs suis, seu occasionem habeant ad peccatum. Nam, qui lucere debet alijs, tenetur considerare, quid decet, & quid liceat apud Deum, quid ædificat alios, & quid expedit ad salutem. Verumtamen sicut in mèsa corporali omnis cibus insipidus est, si deficit panis, & vinum, sic in mensa spirituali omnia erunt insipida animæ, si deficit vinum spiritualis lætitiæ, & panis doctrinæ Dei. Ideò Episcopus loquatur aliquod in honorem Dei in mensa, quo corroborentur cōfedentes in anima, aut legi faciat aliquid ædificatoriū, vt in vna, & eadem refectione corporali, & corpus reficiatur, & anima spiritualiter instruat. Post refectionem verò lectis gratijs loquatur Episcopus illa, quæ expediunt, & agat agenda secundum Episcopale officium, aut capiat somnum, si expedit nature, vel certè reuoluat libros, in quibus ad spiritualia trahi possit. Post cœnam verò gaudere potest cum familiaribus suis honesto modo, & consolari eos, quia si arcus nimis extenditur, citius frangitur. Ideò, moderata lætitia, propter infirmitatem carnis, placet Deo. Verumtamen sicut Mater ablactans filium, perungit primò vbera cinere, vel aliqua amaritudine, donec filius assuescat cibis solidioribus, sic Episcopus discretus debet esse ad suos, & cautus, vt & in lætitia seruet modestiam, & in refrenantia pietatem, quatenus primò attrahit suos Deo, per verba timoris diuini, & humilitatis. Indè reuereri doceat Deum, & diligere, & suorum familiarium sit pater per diuinam auctoritatem, & eorum Mater, & nutrix per informationem benignam. Si verò aliquem suorum scit peccare peccatum ad mortem, qui nec per verba aspera, nec per lenia respiscit, separet, & expellat eum à se. Alioquin, si retinuerit eum

propter utilitatem, & fauorem carnalem, & temporalem, non erit immunis à peccato eius. Postea verò ingrediens lectum flestat cor suum Deo, & recogitet quales in die fuerunt cogitationes, & affectiones eius. Qualia opera, & iudicia sua, & petat auxilium, & misericordiam Dei, habendo voluntatem firmam emendandi se, quando poterit. Deinde ingrediens lectum oret sic. O Domine Deus meus, qui creasti corpus meum, vide me misericordia tua, & presta mihi auxilium tuum, vt non ex nimietate somni accidiosus fiat ad seruitium tuum, nec ex defectu somni deficiam in seruitio tuo, sed modera somnum meum, quem praecipis habere ad temporum, & corporis releuationem, vt inimicus non noceat corpori, nec ex occulto iudicio tuo in anima dominetur. Postea surgens de lecto, si aliqua illicita in nocte contingant diluat confessione, vt sequentis noctis somnus cum praecedentis noctis delictum non incipiat. Sicut scriptum est. Sol non occidat super iracundiam vestram, sic nec super cogitationes, & illusiones vestras. Quia quandoque peccatum, quod veniale, & modicum est, fit mortale per negligentiam, & contemptum. Consulo etiam, quòd omni sexta Feria poeniteat faciendo humiliter confessionem suam Sacerdoti cum voluntate emendandi. Alioquin confessio nihil valet. Deinde addit Mater Dei. Si Episcopus ierit per viam istam, praecauo eum de tribus. Primo, quòd via erit arcta, secundo spinosa, & pungitiua, tertio inaequalis, & petrosa. Contra ista tria dabo ei tria remedia. Primum est, quòd vestibus vestiatur se. Secundò, quòd teneat decem digitos ante oculos, inter quos respiciat tamquam per cancellos, nè spina subito, & facilliter penetrent oculos nudos. Tertiò est, quòd ponat cautè pedes in terram, & in quolibet vestigio sollicitè tentet, si pes subsistit solide, nec nimis

praecipitanter ponat ambos pedes simul, nisi prius fuerit certus de via, verum lubrica sit, an aequalis. Quid ergo significat, quòd via est arcta nisi malitiam malorum, & aduersitatem mundi, quae impedit, & sollicitat iustum in via iustitiae. Ideò contra ista induat se Episcopus vestibus patientiae, & constantiae, quia gloria magna est, pati opprobria pro iustitia, & veritate. Quid verò significant decem digiti habendi ante oculos, nisi decem praecepta, in quibus iustus homo speculari debet quodidie. Vt quoties pungit spina opprobrii, respiciatur dilectio Dei. Quoties pungit spina malitiae, apponatur dilectio proximi. Quoties verò delectatur amor mundi, & carnis, respiciatur quòd scriptum est. Non concupisces, sed concupiscentiae tuae pono frenum, atque modum. Vbi enim charitas est diuina, ibi est patientia in tribulationibus, gaudium in infirmitatibus, dolor de superfluitatibus, timor de honore, humilitas in potestate, & desiderium ad relinquendum mundum. Quid verò significat, quòd in quolibet vestigio debet tentare, si pedes stant solide, nisi quòd vbique teneatur timerè rationabiliter. Nam iustus debet habere duos pedes spirituales, desiderium, scilicet æternorum, & fastidium mundanorum. In primo debet esse discretio, nè desideret æterna ad honorem suum solum plus, quam Dei. Ideò totum desiderium suum ponat ad voluntatem, & honorem Dei. In secundo debet esse cautio, nè fastidium mundi sit irrationabile, vel propter impatientiam vitae, & casus aduersos, vel propter accidiam diuini laboris. Ideò in isto sit cautio, vt fastidium mundi sit propter desiderium melioris vitae, & propter abominatioem peccatorum. Ergo si Episcopus habuerit istos duos pedes, timendo etià, quòd illa, quae emendauit, quòd fortè non sunt benè emendata, & processerit in via ista arcta, & spinosa, tunc

tunc præcaueo eum iterum de tribus inimicis, qui sunt in via. Primus quippe hostis sibilat in aures eius. Secundus stat ante eum, paratus pun gere in oculos eius. Terti us iacet ante pedes eius, clamans altè, & habens laqueum, ut illaqueet pedes eius, si ad clamorem ipsius in altum eleuetur. Primus itaque hostis sunt homines illi, vel inspirationes illæ diabolicæ, quæ suggerunt Episcopotaliter. Cur sic vadis humiliter; & arcte? Cur tantum assumis tibi laboris? Numquid vis tu sanctior esse alijs, ut facias illa, quæ nemo facit, diuer te potius in viam floridam, per quam ambulant plures, nè fortè contemptibiliter deficias. Quid ad te si homines viuunt benè, vel malè? Quid prodest tibi offendere illos, à quibus honorem consequi poteris, & amorem, si non offendunt te, neque tuos? Quid ad te si offendunt Deum? Da potius eis dona, & accipe, ut re honore tuo, & amicitia hominum, vt æquè possis honores hominum habere, & cælestia obtinere. Ecce talis hostis sibilat, & sibilauit in aures multorum. Et ideo lucernæ multæ, quæ lucere deberent in tenebris, factæ sunt ipsæ tenebræ, & aurum optimum mutatum est in lutum. Secundus hostis, qui pungit oculos, est pulchritudo mundi, & possessiones terræ, apparatus rerum, & vestium, fauores hominum, & honores. Cum enim omnia ista appetuntur, & offeruntur, sic excæcant oculos animæ, & rationis, quod dulcius videatur stare cum Sampsonè ad molam curæ mundialis, quam cum Sponsa Ecclesiæ ad dispensationem curæ pastoralis. Insuper, & charitas Dei, si qua fuit, tunc magis tepescit, peccatum committitur fiducialiter, & commissum ex potestatis fiducia leuigatur. Propterea cum Episcopus habet necessaria sua, constituto familiæ suæ numero, quo honestatem suam, & auctoritatem seruare possit, contentetur, sicut scriptum est.

Sint mores vestri. sine avaritia, contenti moderatis rebus, quia nemo militans Deo toto corde, implicat se negotijs secularibus, nisi contra voluntatem suam ad honorem Dei. Terti us hostis habet laqueum, qui clamat taliter. Cur sic humiliaris, qui præ alijs honorari poteris? Labora ergo, ut ascendas superius, tunc abundare, & dare poteris amplius. Esto igitur sacerdos, ut sedeas cum primis. Esto Episcopus, & postea Archiepiscopus, vel altior, ut maiorem obtrineas quietem, maius seruitium, & maiorem honorem. Tunc alios adiuuare poteris, & ab alijs plus timeri, & à pluribus consolari. Cumq. animus talibus illuditur suggestionibus, mox incautè extenditur pes ad cupiditatem, & inquiritur modus ascensionis ad sublimiorem statum. Et tunc animus sic innectitur laqueis cupiditatis, & sollicitudinis temporalis, quod vix confurgit. Nec mirum. Scriptura enim dicit, quod qui Episcopatum desiderat, vel Sacerdotium, bonum opus desiderat. Quid est illud bonum? certè laborare pro anima, & pro honore Dei, laborare pro æternalibus, & non pro casuris. Nunc autem omnes desiderant honorem, sed non laborem, qui tamen non est honor, sed afflictio. Vbi enim non est onus laboris Diuini, ibi nõ subsequitur honor animæ apud Deum. Propterea Episcopus non appetat altio rem gradum, vel aliud, quam quem habet, quia laqueus absconditus est in terra, & decipula super semitam ambulantis. Et ideo vile est ei, stare in statu, quem habet, donec Deo placuerit, ei providere aliter, aut Prælati superior Ecclesiæ præcipiat aliud ad honorem Dei. Istud iam dictum est consiliu, & cautio quadam charitatiua. Nunc autem dicere volumus, quid Episcopus facturus sit secundum Deum. Ipse utique tenetur Episcopalem insulam habere in brachijs suis strictè custoditam, nõ vendere eam pro pecunia, non concedere alijs

alijs propter amicitiam, non perdere eam propter negligentiam, & tepiditatem. Quid enim significat coronam, seu Episcopalis insula, nisi potestatem Episcopalem? Ordinare scilicet Clericos, corrigere errantes, instruere verbo, & exemplo suo ignorantes. Quid verò est custodire strictè insulam, nisi sedulè cogitare, quomodo accepit ipsam potestatem, ad quid obtinuit eam, quomodo eam tenuerit, & quid erit ei facturus. Si ergo cogitare voluerit, quomodo obtinuit eam, attendat primò, si desiderauit eam propter se, an propter Deum, si propter se, timeat rationabiliter, si verò propter Deum, meritorium est, & spirituale. Si verò attendat, ad quid obtinuerit potestatem, & dignitatem, certè ego dicam ei. Ad hoc, scilicet, vt esset consolator animarum, & liberator meritis suis, de quarum elemosynis viuit, vt esset nutritor pauperum, diuitum quandoq. pater, adiutor Dei in spiritualibus, & pro Deo æmulator. Si verò scire voluerit fructum potestatis, hoc benè declarat Paulus: Qui (inquit) benè ministrauerit, duplicem habebit honorem corporalem, scilicet, & spiritualement. Qui verò Episcopalem habet vestem, sed non vitam, qui quærit honorem, sed negligit laborem, hic duplici confusione dignus erit. Quid verò significat, quòd potestas non debet vendi, nisi quòd Episcopus non debet esse scienter symoniacus, nec in alijs tolerari, si sciuerit? Non ordinare aliquos, nec promouere propter pecuniam, non exercere officium suum propter honorem hominum, & fauorem. Nec propter preces carnales exaltare illos, quos indignos nouerit, & malè vitæ. Quid verò est, quòd non debet alijs concedere suam potestatem propter amicitiam, nisi quòd non debet simulare peccata aliorum propter falsam misericordiam, non tacere propter amicitiam, non portare in dorso suo peccata aliorum, quæ potest, & tenetur corrigere

propter aliquam carnalitatem; est enim Episcopus speculator Domini, & ideo sanguis mortuorum exquiritur de manu speculatoris, si vidit periculum, & non clamauit, aut si dormiebat, & non curabat. Quòd verò Episcopus non debet perdere coronam, seu insulam per negligentiam, hoc significat, quòd Episcopus non debet illa concedere alijs ad faciendum, quæ ipse personaliter tenetur facere, & potest facere, nec propter quietem suam tepidà illa debet dimittere, quæ ipse personaliter fructuosius, quàm alij posset implere, nec etià ignorare debet vitam eorum, quibus committit officia sua, sed inquirere occultè, & apertè vitam eorum, quibus committit, & quomodo seruant iustitiam, quia officium Episcopale non est quietis, sed sollicitudinis, & laboris. Cumq. Episcopus sicut iam dixi, benè custodierit insulam, oportet, quòd habeat etiam sub brachijs suis fasciculum florum, quibus alliciantur oues remotæ, & vicinæ. Solum enim bonus pastor, per flores, & facinum trahere post se oues suas. Quid est iste fasciculus florum, nisi prædicatio Diuina, quæ pertinet ad Episcopum? Quæ verò sunt brachia duo, nisi operatio duplex; facere, scilicet, bonà operam in aperto propter incitamentum aliorum, & facere bonam in occulto propter timorem Dei, & exemplum vicinorum. Ergò si prædicatio coniungatur cum his duobus operibus, pulcherrimus erit fasciculus florum, post quem oues vicinæ in Episcopatu suo gaudentes current. Oues etiam, quæ remotæ sunt, audientes famam eius, libenter desiderabunt eum. Et propter verba bona, & propter opera charitatis, quæ sequenter verba. Nam hi sunt suauissimi flores ad alliciedum oues, facere, scilicet, virtuosa opera, & ea alios docere, non in verbosa scientia, sed in paucis verbis, & charitate plenis. Non enim decet præconem Dei esse mutum, nec speculatorem domus Dei

Dei esse cæcum. Adhuc etiam deficit. Episcopo vnum. Cum enim ipse peruenit ad portam, decet eum aliquid præsentare summo Regi. Ideo consulimus ei, quod præsentet Regi vas sibi charissimum, & illud vacuum, & ornatum. Vas itaque Episcopo charissimum cor suum est, hoc ergo præsentet, & offerat Deo, totum ornatum virtutibus, sed vacuum à voluntate propria, & amore carnis. Et sic tunc quando Episcopus appropinquauerit portæ, occurret ei exercitus effulgens. Ipse Deus, & homo suscipiet eum. Angeli quoque tunc dicent. O Domine Deus, ecce Episcopus, qui fuit mundus in carne, in Sacerdotio purus, Apostolicus in prædicatione, Episcopus vigilans in officio suo, virilis in operatione, humilis in potestate. Ecce quem desiderauimus propter puritatem suam, & ideo præsentamus eum tibi, quia desiderauit te propter charitatem tuam. Tunc quoque dicturæ sunt animæ sanctæ in cælo existentes. Ecce Domine Deus, gaudium nostrum est in te. Attamen gaudemus etiam de isto Episcopo. Nam florem portauit in ore, quo vocabat plures oues, florem portabat in manibus, quo reficiebat aduenientes oues, flores transnitebat habitantibus de longè, quibus excitabat dormientes oues. Et ideo quia floribus verborum suorum augmentauit chorum nostrum, gaudemus in eo. Gaude, & tu Domine Deus in homine isto, & de honore eius, quia super omnia desiderauit te. Tunc quoque dicturus est Episcopo, Dominus dator gloriæ. O amice, venisti præsentare mihi vas cordis tui vacuum à te, & desiderasti impleri de me. Ideo veni, & ego implebo te meipso. Tu esto in me, & ego in te, gloria enim tua, & læticia numquam habebit finem.



N O T Æ.

O Mnia ferè, quæ in hoc Capite traduntur ad verbum supra legimus, Lib. 3. Cap. 1. vbi annotauimus plura, quæ ad horum cognitionem spectare arbitrati sumus.

VIRGO MARIA NOTIFICAT

Sponsæ oranti pro quodam Eremita amico suo tunc mortuo, quod antequam corpus illius sepeliatur sub terra, anima eius introducetur in gloria.

C A P. CXXVII.



M RANTE Sponsa pro quodam senè Presbytero Eremita præclaræ vitæ, & magnæ virtutis amico suo, qui tunc migrauerat de hac vita, & iam positus erat in feretro in Ecclesia, vt sepeliretur. Tunc ibidem personæ apparuit Virgo Maria, sic dicens. Attende filia, & scias, quod anima istius Eremitæ amici mei, statim cum egressa fuit de corpore eius intraisset in cælum, nisi quia non habuit in morte perfectum desiderium, perueniendi ad præsentiam Dei, & eius visionem. Et ideo detinetur nunc in illo purgatorio desiderij, vbi nulla pœna est, nisi solum desiderium perueniendi ad Deum. Sed tamen scias, quod antequam corpus eius intret sub terra, anima eius introducetur in gloria.

Additio.

Dic iterum illi seni Religioso, diu stetit in Eremito, & fecisti fructum, qui mihi placuit, cœuertens bestias in oues, & leones in agnos. Nunc sta constanter in Vrbe, in qua plateæ stratæ sunt sanguine Sanctorum meorum, quia audietur es iudicium, & retributionem tuâ videbis. Quibus auditis statim in-

infirmatus est, & non longè post in pace quieuit. Hic frater quidè Benedictinus, rogauit Dominam, vt requireret Deum, quatenùs certificari posset de habitu suo, quia multum tribulabatur de multitudine abusionum habitus Religionis sancti Benedicti. Igitur cum Domina fuisset in spiritu, dixit ei Filius Dei. Dixi tibi priùs, scilicet 3. Lib. 26. & 22. Cap. quod Benedictus famulus meus habuit corpus suum quasi saccum, qui habuit quintuplicem vestem. Prima fuit tunica aspera, qua domuit carnem, & motus inordinatos, nè lasciuerent, & non excederet metas suas. Secunda vestis fuit cuculla simplex, non accurata, nec rugosa, quæ tegetet, & ornaret, & calefaceret carnem, nè videntibus horror esset. Tertia fuit scapulare, quo ad laborem manuum promptior, & expeditior inueniretur. Quarta vestis fuit munimentum pedum, vt esset agilior, & humilior ad ambulandum in via Dei. Quinta fuit cingulum humilitatis, quo præcinctus restringeret superflua, & expeditior laboraret cõuetum, & iniunctum laborem. Nunc autem fratres sui quærunt vestes, quæ excitant luxuriam, & abominantur asperitatem, quærunt indumeta, quæ placent hominibus, & quæ carnem excitant ad carnale. Nam pro cuculla assumunt cappam ita rugosam, ita latam, & longam, vt potius videantur superbi ostentatores, quàm Religiosi homines humiles. Pro scapulari verò habent breuem panniculum antè, & retro, & caput muniunt cum caputio secularium, vt secularibus se conforment. Et sic nec similes sunt hominibus mudi, nec laborant cum humilibus seruis Dei. Pedes verò sic muniunt, & sic præcingunt de cingulo, sicut qui parati sunt ad nuptias, non ad decertandum in stadio laboris. Propterea Monachus qui saluari desiderat, attendat quòd regula Benedicti mei, permittit habere necessaria cum moderantia, vtilia, non superflua, ho-

nesta, & expedientia, omnia humilia, nullaq. superba. Quid enim significat cuculla, nisi habere maiorem præ ceteris humilitatem? Quid verò significat caputium contemptibile cucullæ, nisi quamdam abiectionem habere contra mores mundiales? Sed cur nunc à Religiosis assumitur caputium mundiale, nisi quia erubescunt humilia, & vt mundialibus se cõcordent? Quid verò ornamentum habet cauda caputij, quidve vtilitatis, nisi quamdam ostentationem, & quamdam contra Religionis pulchritudinem curiositatem? Quid verò faciat cappa rugosa plus, quàm cuculla, nisi vt Monachus, girouagus, expeditior, & gloriofior credatur, & videatur. Attamen etiam si cappa humilis, & pura portaretur propter aliquem commendabilem necessitatem, non obesset moribus bonis, sed decentior esset cuculla humilitatis, vt vnusquisque de habitu suo cognosceretur, cuius ordinis esset professor. Si verò Monachus infirmaretur in capite, aut affligeretur frigore, non peccaret, si haberet cõueniens, & humile coöperimentum subtus caputium cucullæ, non ab extra, quia hoc arguitur leuitatis, & vanitatis. Respondit Domina: O Domine, nè indigneris si quæro. Numquid illi fratres peccant, qui portant talem habitum ex licentia Prælatorum, & consuetudine institutionum prædecessorum? Cui Deus. Dispensatio (inquit) rata est, si ex bona intentione procedit. Nam quidam dispensant ex zelo iustitiæ. Alij ex falsa compassione, & indiscreta permissione. Alij ex leuitate amorum suorum, & affectu placendi hominibus. Alij dissimulant ista, quia vacui diuina charitate sunt. Sed apud me est illa dispensatio grata, quæ non contrariatur humilitati. Et illa permissio rata est, quæ necessaria discretè permittit, superfluaq. etiam in minimis damnat. Item quæsiuit Domina. O Domine, Deus meus, quid si aliqui ignorant, quid me-

melius, aut decentius sit in regula, num-
quid etiam illi peccant? Respondit Chri-
stus. Quomodo potest professor regulæ
ignorare regulam, quæ quotidie legitur,
& auditur? In qua instituitur Monachus
humiliari, & obedire, & habitum habere
de vilioribus, non de mollioribus, & ha-
bitum portare exemplarem, non pompo-
sum. Aut cuius conscientia sic obtusa est,
quod non intelligat se professorem humi-
litis, & totius paupertatis? Ergo ille
est Monachus Benedicti, qui plus obedit
regulæ, quàm carni, qui nec in habitu,
nec in moribus alicui placere desiderat,
nisi Deo, qui quotidie desiderat mori, &
parat se ad exitum de hoc mundo, solli-
citus est quomodo reddat rationem de
Regula Benedicti.

N O T Æ.

ET ideo detinetur nunc in illo Pur-
gatorio desiderij, vbi nulla pœna
est, nisi solum desiderium perueniendi ad
Deum.

De hoc loco, cuius hic mentio fit, egimus su-
prà hoc eodem Lib. Cap. 7. Nota 7. vbi pro-
bauimus ex D. Gregor. & Venerabili Beda
alijsque pluribus; hunc locum probabiliter re-
periri, quem etiam Illustriss. Cardinal. Bel-
larminus lib. 2. de Purgatorio cap. 7. Contro-
uersia 6. mitissimum purgatorium appellat;
quippe in quo nulla est pœna sensus, sed tan-
tummodo damni, quæ debetur animæ nondum
plene purgata, & ad hunc locum peruenisse
Eremitam illum scribitur hic, pro quo orauit
Beata Brigitta; & hunc locum spectare ad
Purgatorium tradidimus Lib. 4. Cap. 7. No-
ta 7. & de illo quoque legimus in presenti
Capite, quod animæ ibi existentes, nullam
sensus pœnam patiuntur, nisi quod habent
desiderium quoddam intensum perueniendi
ad Deum.

RESPONSIO MATRIS VIRGINIS

ad Sponsam Filij, orantem pro quo-
dam Sene Eremita in dubitatione po-
sito. An acceptius esset Deo, quod ipse
frueretur mentalis consolationis dul-
cedine, non recedendo vquam de
Eremo, an quod descenderet aliquan-
do ad ædificandum animas proximo-
rum.

C A P. CXXXVIII.



MATER loquitur. Dic illi
Presbytero Seni Eremitæ
amico meo, qui quasi con-
tra voluntatem suam, &
pacem animæ suæ, con-
strictus fide, & deuotione proximorum,
aliquando relicta cella solitudinis, &
sua contemplationis quiete, ex charitate
descendit de Eremo inter gentes, ad dan-
dum consilia spiritualia eisdem proxi-
mis, Cuius exemplo, & consilio salu-
tari, multæ animæ ad Deum conuertun-
tur, & iam conuersi, ad altiora virtutum
proficiunt. Qui humiliter dubitans de
calliditate, & deceptione fraudolenta Dia-
boli, te requisituit de consilio cum humi-
litate, & rogauit, vt orares pro eo. Super
hoc, videlicet, vtrum Deo magis place-
ret, quod ipse vacaret suæ soli contem-
plationis dulcedini, an Deo acceptior es-
set talis charitas proximorum. Dic ergo
ei sic ex parte mea; quod omnino Deo
magis placet, quod sicut dictum est, ali-
quando ipse descendat de Eremo, & va-
dar ad exercenda in proximis talia ope-
ra charitatis, participando cum eis, vir-
tutes, & gratias, quas ipse habet à Deo, vt
ex hoc ipsi conuertantur, & adhæreant
seruentius Deo, & participes fiant glo-
riæ eius, quàm si in cella solitudinis,
idem Eremita suæ soli consolationi men-
tali vacaret. Et dic ei, quod de tali
charitate maius meritum retributionis

ipse habebit in celis. Dum tamen ad talem charitatem exercendam, ipse vadat cum consilio semper, & voluntate sui senioris patris spiritualis. Item dic ei, quod ego volo, quod ipse recipiat in filios suos spirituales, sub consilio suo regendos omnes Eremitas, & etiam omnes Moniales, & reclusas, alios filios spirituales illius amici mei Eremitae, qui mortuus est. Et dirigat eos omnes suo charitativum consilio spiritualiter, & virtuosè, sicut ille in vita sua gubernauit, & direxit eos, quia sic placet Deo. Et si ipsi eum in patrem receperint, & ei humiliter obedierint in vita eremitica, & spirituali, tunc ipse erit eis pater, & ego ero eis mater. Si verò aliquis eorum noluerit eum in patrem spiritualemente recipere, aut ei obedire, tunc melius erit tali inobedienti, quod statim recedat ab eis, quam quod amplius permaneat cum eis. Vadat tamen idem amicus meus supradictus ad eos, & reuertatur ad cellam suam, quoties ei videbitur, semper tamen consilio, & voluntate sui patris senioris.

POST DVOS ANNOS A tempore, quo Sponsa habuit illam visionem de Animalis, & Piscis, quae continetur supra in isto Quarto Libro secundo Capitulo, Christus apparens ei, exponit dictam visionem obscurissimam, valde clarè, & notabiliter, dicens quod Animal, & Piscis, per peccatores, & Gentiles, cupientes verò per iustos, & virtuosos homines designantur.

C A P. CXXIX.



ILLIUS loquitur ad Sponsam. Dixi prius, quod desidero cor animalis, & sanguinem piscis. Quid autem est cor animalis, nisi illa anima dilecta, & immor-

talis Christianorum, quae plus placet mihi, quam omne, quod in mundo desiderabile videtur? Quid verò est sanguis piscis, nisi charitas perfecta ad Deum? Ideo cor praesentari debet mihi mundissimis manibus. Sanguis verò in vase ornato, quia mundicia Deo, & Angelis placita est. Et sicut gemma in annulo, puritas conuenientissima est omni operi spirituali. Charitas verò diuina praesentari debet in vase adornato, quia anima Gentilium, quasi vas relucere, & ardere debet, ardentissima dilectione ad Deum, per quam fideles, & infideles tamquam vnum corpus vniuntur capiti suo Deo. Ergo qui praesentare mihi desiderat cor Christiani indurati in peccato, qui est quasi animal absque iugo obedientiae, discurrens per vitia, & in desideriis suis viuens, debet manus suas perforare terebro acuto, quas tunc nec gladij, nec sagittae praeualebunt. Quid verò sunt manus hominis iusti, nisi operationes eius corporales, scilicet, & spirituales. Corporalis enim manus, id est laborare, & sustentare corpus, necessaria est. Spiritualis verò manus est ieiunare, & orare, & similia. Ergo, ut omnis operatio hominis sit moderata, & discretata, debet perforari timore Dei. Nam omni hora cogitare tenetur homo, quod Deus est semper praesens, & timere debet, ne auferatur gratia sibi data, quia sine adiutorio Dei homo nihil potest, & cum eius charitate omnia potest. Sicut ergo terebrum praeparat foramina rei imponendae, sic timor Dei omnia opera solidat, & praeparat viam charitati diuinæ, & allicit Deum ad adiuuandum. Propterea sit homo timorosus in omnibus actibus suis, & discretus, quia licet uterque labor spiritualis, scilicet & corporalis necessarius est, tamen sine timore, & discretione utilis non est, quia indiscretio, & praesumptio omnia corrumpunt, & confundunt, & bonum persequerantiae tollunt. Qui ergo desiderat vincere duritiam animalis, sit inflexibilis in operibus discre-

discretionis, & constans in timore, & spe adiutorij diuini, & conetur quantum potest, & Deus adiutorium administrabit, confrigēdo cor induratum. Debet etiam amicus meus munire oculos palpebris cete, cum fortissimo bitumine, ne ex visu Basilisci moriatur. Quid autem sunt oculi viri iusti, nisi duplex consideratio eius, quotidie habenda, scilicet consideratio beneficiorum Dei, & cognitio sui ipsius? Cogitans enim beneficia Dei, & misericordiam eius, atredat vtilitatem propriam, & ingratitudinem suam ad beneficia Dei. Et cum animus sentiat, se mereri iudicium, muniat oculos considerationis suæ palpebris cete, idest fide, & spe diuinæ bonitatis, vt non dissoluatur, cogitando misericordiam, nec diffidat, cogitando iudicium Dei. Sicut enim palpebrę cete, nec molles sunt vt caro, nec duræ, vt ossa, sic homo inter misericordiā Dei, & eius iudicium moderatus sit, sperando constanter misericordiā, & timendo prudenter iudicium. Gaudeat quoque de misericordia, & propter iustitiam proficiat de virtute in virtutem. Ergo qui sic quotidie stat inter misericordiam, & iustitiā, spe, & timore, non habet timere oculos animalis. Quid autem sunt oculi animalis, nisi sapientia mundana, & prosperitas temporalis? Sapientia enim mundi, quæ primo oculo animalis comparatur, est quasi visus Basilisci, quia sperat illa, quæ videt, & remuneratio eius est in promptu, quia desiderat, peritura. Sapientia verò diuina sperat illa, quæ non videt, prosperitatem mundi, non attendit, humilitatem, & patientiam diligit, remunerationem non quærit, nisi æternam. Secundus oculus animalis est prosperitas mundi, quam mali appetentes cælestia obliuiscuntur, & persequuntur, & contra Deum indurantur. Ergo omnis homo, qui desiderat salutem proximi, coniungat oculos suos cum discretionē oculis animalis, idest proximi, proponendo ei beneficia misericordiæ Dei,

& iudicia eius, apponendo verbis mundialibus verba sapientiæ Dei, ostendendo perseverantem vitam continentia hominibus incontinentibus, contemnendo diuitias, & honores præsentēs propter charitatem Dei, prædicando iugiter, & prædicata implendo. Quia vita spiritalis approbat verba, & exempla sancta plus proficiunt, quàm verbosa eloquentia sine operum effectu. Nam qui beneficia Dei, & iudicia eius semper habent in mente, qui verba Dei continuè habent in ore, & illa opere implent, & firmiter sperant in bonitate Dei, non læduntur cuspidibus gladiatorum inimici, idest fallacibus adinventionibus hominū mundialium, sed proficiunt, & propter charitatem conuertent errantes ad verā charitatem Dei, Qui verò de gratia superbiunt, & de eloquentia quærunt lucrum, viuentes moriuntur. Lamina quoque calibis alligari debet cordi, quia charitas Dei semper ponenda est ante oculos, cogitando scilicet, quomodo Deus factus homo, humiliavit se. Quomodo prædicando tolerabat famem, & sitim, & laborem. Quomodo suspensus in Cruce, & mortuus, surrexit, & ascendit in cælum. Hæc lamina, idest charitas habet latitudinem, & planiciem, quando mens parata est pati libenter contraria, aduenientia, quando de nullis iudicijs Dei murmurat, nec angustiat de tribulationibus, sed voluntatem propriam, & totum corpus ponit in voluntate, & dispositione Dei. O filia, ego fui calibis fortissimus, quando in Cruce extensus, & quasi oblitus passionis meæ, & vulnerum meorum, oraui pro inimicis. Claudenda quoque sunt interstitia narium, & clauso ore currendum est ad animal. Quia sicut per interstitia narium intrat, & exit flatus, sic per desideria hominis intrat vita, & mors in animam. Et ideo sicut à morte, sic à desiderijs malis cauendum est, ne intrent in animam, vel ne ingressa immorentur.

Ergò, qui ardua vincere proponit, attendat ad tentationes suas, & caueat nè per inordinata desideria minuatur Dei zelus, quia toto desiderio, & zelo diuino, & cum omni patientia currendū est ad peccatorem, opportunè, & importunè, vt conuertatur, & vbi iustus nihil proficit loquendo, vel admonendo, ibi zelus est exercendus, orationumq. instantia continuanda. Insuper animal ambabus manibus apprehendendum est. Nam animal habet duas aures, vnā, qua libenter audit delectabilia sua, aliam quam obstruit, nè audiat proficua animæ suæ. Sic etiam amico Dei est vile habere duas manus spirituales, sicut prius habuit corporales, sed habeat eas perforatas. Vnā manus sit sapientia diuina, qua ostendat peccatori, omnia esse caduca mundi huius, & labilia, et qui delectatur in eis seducitur, & non soluitur, quia omnia ad necessitatē concessa sunt, & non ad superfluitatem. Secunda manus sit exemplū bonum, & bona operatio, quia bonus homo facere debet, quæ docet, vt audientes exemplo eius roborentur. Nam multi docent, & non exemplificant, hi sunt, qui sine cimento erigunt lapides in frigore mentis suæ, qui irruente tempestate statim dissoluuntur: Pellis quoque animalis, quæ est quasi silex, malleo, & igne aggre-dienda est. Nam in pelle notatur ostensio, & simulatio iustitiæ. Mali quippe, quia boni esse nolunt, appetunt videri, quod non sunt. Et quia laudabiles vocari desiderant, sed non laudabiliter viuere, ostendunt foris sanctitatē, & simulant iustitiam, quam nequaquam habent in mente, & ideo in apparentia simulatæ sanctitatis, sic superbiunt, & indu-rantur, quasi silex, quod nec increpationibus, nec ratione aperta mollescunt. Propterea seruus Dei vratur in talibus malleo duræ increpationis, & igne diuinæ orationis, vt mali verbo veritatis conuincantur, & molliores fiant paulatim à durezza sua, & priuata oratione,

incalcescant, & succendantur ad Dei, & sui cognitionem, sicut fecit Stephanus. Ipse enim loquebatur non placentia, sed vera, non mollia, sed aspera. Insuper orauit Deum pro eis, & ideo profecit, & multi meliorati sunt propter eum. Ergò quicumque timore Dei perforat opera manuum suarum, & munit oculos considerationis temperantia, lamina quæ calibis protegit cor suum, claudens interstitia narium, & sic præsentat mihi cor animalis, ego Deus dabo ei thesaurum delectabilissimum, cuius delectatione visus non fatigatur. Cuius dulcedine auris non languescit, cuius fruitione non satietur gustus, cuius tactu numquam sentitur dolor, sed anima perfruetur gaudio, & abundantia sempiterna. Piscis autem significat Gentiles, quorum squammæ sunt fortissimæ, quia peccatis, & malitijs indurati. Nam sicut squammæ compactæ muniunt, & obstant, nè ingrediatur ventus. Sic Gentiles in peccatis gloriantes, & vana spe viuentes, muniunt se defensionibus contra amicos meos, sectas enim præferunt, multiplicant terrores, supplicia comminantur. Et ideo, qui præsentare mihi desiderat sanguinem piscis, extendat super eum rete, idest prædicationem suam, quæ non sit de putridis filis philosophorum, & rethoricorum curiosè eloquentium, sed de simplicitate verborum, & humilitate operum, quia simplex prædicationis verbi Dei, est sonora, quasi æ in conspectu Dei, & fortis ad trahendum Deo peccatores. Et ideo non per eloquentes Magistros, sed per humiles, & idiotas Ecclesiæ meæ initium habuit, & profecit. Caueat etiam Prædicator, nè ingrediatur aquam, nisi vsque ad genua, sed nec alibi, nisi vbi sit arena solida, figat pedem, nè fortè si procellæ ascendant super genua, pedes moueantur. Quid autem est vita præfens, nisi quasi aqua mobilis, & instabilis? Ad quam non est curuandum genu fortitū-

titudinis spiritalis, nisi ad solam necessitatem. Et ideo figatur pes affectionis hominis in arena solida, idest in soliditate diuinæ charitatis, & consideratione furororum. Nam illi, qui distendunt pedes affectionum suarum, & fortitudinem suam ad temporalia, non sunt stabiles ad lucrandas animas, sed à procellis sollicitudinum temporalium demerguntur. Debet etiam iustus excæcare oculum suum, quem vertit ad piscem, quia duplex est oculus humanus, scilicet, & spiritalis. Humanus quidem oculus incutit timorem, quando visa potentia, & credulitate Tyrannorum, animus considerans infirmitatem suam, loqui expauescit. Hic enim timoris oculus excæcari debet, & auelli ab animo per considerationem diuinæ bonitatis, considerando, & credendo firmiter, quod omnis homo, qui spem suam ponit in Deo, & peccatorem lucrari querit propter Deum, habeat ipsum Deum protectorem. Spiritali verò oculo intelligentiæ, respiciendus est peccator, vel aliquis conuersus ad Deum, scilicet attendendo sollicitè qualiter potest, quomodo stet in tribulationibus, nè forte inconsueta assu mens succumbat laboribus, aut nè pœniteat eum austeriora assumpsisse propter tribulationes. Consideret etiam iustus quicumque sit, quomodo homo infidelis conuersus ad fidem subsistat corporaliter, nè vel mendicet, vel seruitute opprimatur, aut priuetur laudabilibus libertatibus suis, & sollicitè provideatur, ut talis conuersus instruat continué sancta fide Catholica, & sanctis virtutum exemplis. Hoc enim placitum est mihi, ut Pagani conuersi, videant mores sanctos, & audiant verba charitatis. Nam multi Christiani venientes ad Paganos, incompoti moribus, & indisciplinati, gloriantur, quod occidunt eorum corpora, & quod lucrantur eorum bona temporalia. Hoc enim mihi sic placitum est, sicut hi, qui in deserto immo-

labant vitulo conflati. Et ideo, qui placere mihi desiderat, eundo ad Paganos, eruat sibi primò oculum cupiditatis, & timoris ruidanti, habendo apertum oculum compassionis, & intellectus ad lucrandas eorum animas, nihil desiderando, nisi vel mori pro Deo, vel viuere ad Deum. Insuper iustus debet habere clypeum de calibe, hoc est patientiam veram, & perseverantiam, ut nec verbis moueatur à charitate Dei, nec etiam operibus, sed nec aredians propter diuersos casus, murmuret quoquo modo de iudicijs Dei. Nam sicut clypeus protegit, & recipit ictus ferientium, sic patientia vera defendit in tentationibus. Lenit etiam tribulationes, & reddit hominem expectatum ad omnia bona. Hic verò clypeus patientiæ nõ sic formatus de putridis rebus, sed de fortissimo ære, quia vera patientia formari, & probari debet ex consideratione patientiæ meæ, quia ego fui quasi calibis fortissimus, quando magis volui pati mortem, quam amittere animas, & magis volui omnia opprobria audire, quam descendere de Cruce. Ergò, qui patientiam desiderat, imitetur constantiam meam, quia si ego innocens passus sum, quid mirum si homo dignus iudicio patiar? Itaque quicumque sic munitus patientia, expandit rete super piscem, & tenuerit eum per decem horas super aquas, habebit sanguinem piscis. Quid autem sunt istæ decem horæ, nisi decem consilia, quæ homini conuerso sunt faciendæ? Primum est credere decem mandatis meis, quæ populo Israel præcepi. Secundum est, quod suscipiat, & honoret Sacramenta Ecclesiæ meæ. Tertium est dolere de peccatis commissis, & habere perfectam voluntatem ultra non faciendi ea. Quartum est, quod tenetur obedire amicis meis, quantumcumque præceperint ei aliquid, quod est contra voluntatem suam. Quintum est contemnere omnes consuetudines suas prauas, quæ

sunt contrā Deum, & bonos mores. Sextum est, quòd habeat desiderium attrahendi omnes ad Deum, quos poterit. Septimum est, quòd ostendat veram humilitatem in operibus suis, fugiendo praua exempla. Octauum est, quòd habeat patientiam in aduersis, non murmurando contra iudicia Dei. Nōnum est, quòd non audiat, vel habeat secum eos, qui aduersantur fidei sanctæ Christianæ. Decimum est, quòd roget Deum, & personaliter conetur, vt perseuerare valeat in amore Dei. Quicumque ergò conuersus à malo, hæc decem consilia tenuerit, & seruauerit, morietur ab amore mundi, & viuificabitur ab amore Dei. Cum autem piscis, idest peccator extractus ab aquis voluptatis, seruare proposuerit hæc decem consilia, aperiendus est in dorso, vbi abundantia est sanguinis. Quid autem significat dorsum, nisi operationem bonam, cum voluntate bona? Hæc flecti debet secundum placitum Dei, quia multoties videtur actio bona hominibus, sed intentio, & voluntas actoris non est bona. Ergò iustus, qui à peccato conuertere appetit, inquirere debet qua intentione, opus bonum aggreditur, & qua intentione perseuerare disponit. Et si inuenierit in opere spirituali affectum carnalem, vel ad parentes, vel ad lucranda temporalia, festinet eum ad corde abscindere, quia sicut sanguis malus inducit morbum, impedit gressum, stringit cordis aditum, & obstruit cibi appetitum, sic mala voluntas, & intentio corrupta obruit amorem Dei, prouocat accidiam, claudit cordis aditum Deo, & omne spirituale bonum abominabile facit Deo. Sed sanguis, quem ego desidero, recens est, & vitam ministrat membris. Hæc est voluntas bona, & charitas ordinata ad Deum, quæ præparat aditum ad fidem, sensus ad intelligentiam, membra ad operationem, Deumque allicit ad iuuandum. Hæc voluntas præuenitur, & infunditur gratia mea, augeatur orationibus, & bonitate mea, perfici-

tur operatione bona, & dulcedine mea. Ecce isto modo præsentandus est mihi anguis piscis. Qui autem sic præsentat eum mihi, habebit mercedem optimam. Nam torrens torius dulcedinis fuet in os eius, animam verò illustrabit fulgor perpetuus, & salus eius innouabitur sine fine.

Declaratio.

Nota, quòd in 4. Lib. Reuelationum. 2. Cap. Christus incipit loqui mirabilia de pisce, & animali, & hoc hic in Cap. 129. exponit, quid illa signant.

Additio.

Hæc sequens Reuelatio facta fuit in Malpha, vbi quiescit Sanctus Matthæus. Benedictus sis tu Sancte Matthæe Apostole, quia fuisti optimus commutator. Mutasti enim, terrenū, & inuenisti æternum. Spreuisti teipsum, & obtinuisti Deum, dimisisti vanam prudentiam, contempsisti quietem carnis, & assumpsisti laborem durum. Ideò nunc dignè gloriosus es in conspectu Dei. Respondit Sanctus Matthæus. Benedictus sis Deus, qui hanc tibi inspirauisti salutationē. Verum, quia sic placet Deo, ostendere tibi volo, qualis eram ante conuersionem meam, qualis in descriptione Euangelij, qualis nunc sum in remuneratione. Ego quippe habui publicum officium, quod sine publico lucro exequi non potui. Attamen voluntas mea talis fuit eo tempore, quòd neminem defraudare volui, sed desiderabam inuenire viam, qua separarem me ab officio isto, & toto corde adhærere Deo soli. Prædicante igitur amatore meo Iesu Christo, tunc inflammabatur sicut ignis verbum vocationis suæ in corde meo, & sic dulciter sapuerunt verba sua mihi, quòd de diuitijs, & honoribus non plus cogitabam, quàm de paleis: immò mihi magis flere placuit, & gaudere, quòd Deus meus tantillum, & tantum peccatorem vocare voluit ad gratiam. Adhærens

rens quoque Domino meo, verba eius ar-
dentiùs cœpi infigere cordi meo, quæ no-
ste, & die quasi cibum suauissimum gu-
stando cogitabâ. Consummata verò pas-
sione Domini mei, scripsi Euangelium,
iuxta quod vidi, & audiui, & interfui, non
propter laudem meam, sed ad gloriam.
Redemptoris mei, & profectum animarum.
Cumq. illud scriberem, tantus di-
uinæ inflammationis ardor perseverabat
mecum, quod si tacere voluisssem, nulla-
tenus præ ardore intêlo potuisssem. Nunc
autem, quod ego ex charitate, & humi-
litate scripsi, multi conantur subuertere,
& interpretantur ad inuidiam, glorian-
tes sublimia, & cœlestia scire, si contraria
inueniant, volentes magis de Euangelio
disputare, quam secundum voluntatem
eius viuere. Ideò parui, & humiles intra-
bunt cælum, superbi, & prudentes sta-
bunt, foris. Quid enim credit homo præ-
sumptor, & superbus, quod Deus totius
sapientiæ non potuisset, sic verba sua tem-
perasse, vt non scandalizarentur ex ver-
bis eius homines? Sed iustum est, vt ve-
niant scandala, & qui fastidiunt cœlestia,
insingantur terrenis. De retributione,
verò mea scias, quod verè est, sicut scrip-
tum est, quod cor capere non potest, nec
lingua proferre.

N O T Æ.

Exponit Christus Dominus in presenti
Capite visionem quamdam B. Brigit-
te, supra hoc eodem Lib. 4. Cap. 2. traditam,
& idè nihil occurrit annotandum: diligen-
ter tamen eius doctrina perpendenda est, ac
etiam memorie mandanda; quoniam admo-
dum utilis est, volentibus in spiritali vita
proficere; traduntur enim hoc loco regulæ
multæ, quibus quispiam posset ad eum vi-
ta statum breui temporis spatio peruenire,
suasque actiones ad illam viuendi normam
reuocare, vt deinceps facilem sibi ad calum
viam pararet, continens præterea moralita-
tes plures, quæ sanè dignæ sunt, vt à Con-
cionatoribus, alijsq. viris doctis notentur.

POST MVLTOS ANNOS

postquam Sponsa habuit illam visio-
nem de septem animalibus, quæ con-
tinentur supra eodè Libro, 125. Cap.
Christus apparens exponit aliqua, quæ
deficiebant exponenda in dicta visio-
ne, vt sequitur.

C A P. CXXX.



ELIVS loquitur. 1. Dixi
tibi priùs de septem ani-
malibus, quod vnum
erat quasi Elephas, quod
adhuc stat ad arborem

inclinatum, non attendens arboris pū-
tredinem, nec temporis breuitatem, &
idè ruet cum arbore, cum se stare pu-
tat. 2. Muri enim Ecclesiæ eius dissoluen-
tur calore, & aquis, ita vt non sit, qui ædi-
ficet, quia de iniquis ædificati sunt, terra
diripietur, inhabitantes oprabunt mortē,
& fugiet ab eis, & impij dominabuntur
iustis, quæ omnia sic euenerunt. 3. Scias
etiam, quod aliud animal quod de lapide
castitatis superbiebat, iam assumpsit sibi
cornua agni. Et idè docebo eum, quo-
modo saltare debeat muros, & quomodo
debeat stare in honore. Placet enim mihi
istius animalis humilitas, & idè dico ei,
quod Ecclesia sua iam ad summum gra-
dum ascenderat, & diu in superbia stetit.
Et idè laboret ipse, vt Clerus continen-
tius viuat, intemperantiâ potus minuat,
auaritiâ deponat, humilitatem, & ri-
morem assumat, alioquin tribulationibus
humiliabitur, & ruina eius tam grauis, &
magna erit, quod etiam in terris alijs au-
dictur. Post mortem autem dicti Episco-
pi, & creationem successoris, loquebatur
Dominus ad me, dicens. Scias quod iste
Episcopus successor supra proximi dicti
Episcopi, qui nunc ascendit ad gradum
Episcopalem, erat vnus de quinque ser-
uis, quos Rex non audiret, nisi clariores
oculos obtinerent. Qui Episcopus iam

Xx 4 ascen-

ascendit, sed attendat ipse benè, & videbit in iudicio meo, quomodo ipse ascendit. Verumtamen precauere eum de casu lozò. Ipse enim inuidit se melioribus, proprijs innitebatur consilijs, audacia sua erat magna, & ideo præsumpsit super vires, & electum suum prætulit illi, quem elegerat Deus. Sed vnum consiliū vile est isti Episcopo, scilicet, quod prudentia fuit ponat modum, & attendat semper, non quid potest, sed quid decet. Qui cum dubitaret, virtutem esset vile pro remissione suorum ire Romam, requisivit me, cui oranti Mater Dei respondit sic, dicens. Si Episcopus iste sentit in animo, se indigere auxilio Satorum, veniat Romam ad indulgentias, quia veniet tempus, quando vile erit sibi. Attendat etiam, quod vngula auium rapacissimarum præscindantur, quæ iam intrauerunt; nè altissima petrarum inhabitent; quia Communis populi plus tunc nocebunt, & ipse non erit immunis à tribulatione. Propterea scias, quod animal illud, de quo dixeram tibi, quod quando videret umbram suam timet, & currendo proficit sibi, ille est, qui zelum animarum habet, & nec ad verba derogantium sibi deijcitur animo, nec ad verba assentientium, & adulantium extollitur. Qui paratus est moriendo exire de mundo, & præparatus, etiam si mihi placet, viuere propter honorem meum. Et ideo occurrat ei in media via, sicut pater filio, & auferat eum de custodia sua, sicut iudex misericors, nè videat mala futura. Ille vero, qui permanet in lepra sua, morietur cum his, qui pleno sunt ventre, & sepelietur, & iudicabitur cum leprosis, & non sedebit cum iudicantibus orbem.

Et hic est finis Quarti Libri, secundum Alphonsum.



De hoc libro, ubi dicitur, quod animal illud, de quo dixeram tibi, quod quando videret umbram suam timet, & currendo proficit sibi, ille est, qui zelum animarum habet, & nec ad verba derogantium sibi deijcitur animo, nec ad verba assentientium, & adulantium extollitur. Qui paratus est moriendo exire de mundo, & præparatus, etiam si mihi placet, viuere propter honorem meum. Et ideo occurrat ei in media via, sicut pater filio, & auferat eum de custodia sua, sicut iudex misericors, nè videat mala futura. Ille vero, qui permanet in lepra sua, morietur cum his, qui pleno sunt ventre, & sepelietur, & iudicabitur cum leprosis, & non sedebit cum iudicantibus orbem.

N O T A E

Dixi tibi prius de septem animalibus, quod vnum erat quasi Elephas, quod adhuc stat ad arborem inclinatam.

Explicat hoc loco Saluator noster Christus B. Brigittæ visionem sub similitudine septem animalium traditam Cap. 12. hoc eodem Libro, & primò de Elephantis verba faciens, modum indicat, qui cum venatores capere consueverunt, hocque prædicit, quemdā Episcopum quācutissimè esse casurum, & tunc quando stare se putat. Et ut id palam fiat, rei que Elephantis natura, quantum ad rem nostram attinet, quoquomodo nobis innotescat, sciendum est. Grecos à magnitudine corporis Elephantem vocatum existimasse, quod formam montis præferat, idque animal bellis aptum esse colligitur ex i. Machab. cap. 3. & 2. lib. cap. 11. quippe quod ingentia onera portat, Turrim nempe ligneam ex qua veluti de muro milites iacientes iacula certant, viuunt autem annos trecentos, plura de Elephantis tradunt D. Isidor. lib. 12. Etimolog. cap. 2. Plin. lib. 8. hist. Natur. c. 11. & Arist. 1. de Hist. anim. cap. 11. ceterum, ut modus propaleatur, quo à venatoribus Elephantis capiuntur, qui in principio præsentis Capitis innuitur, ibi cum dicitur; Dixi tibi de septem animalibus, quod vnum erat quasi Elephas, &c. Notandum est venatores circumcirca incisos arbores ordeum spargere, cumq. ad comedendum illuc Elephantis eant, incisis adherentes arboribus, una cum illis in terram cadunt, & postea exurgere minime queunt, unde à venatoribus capiuntur, aut etiam, ut auctor est Lyranus super 40. cap. Job, exponens illa verba, In oculis eius quasi hamo capiet, ubi affirmat, terra de subeus cauata, & pabulo superposito, cum illuc, ut edant, proficiscantur, terra ex pondere fracta, Elephantis in foueam cadere, cumq. exurgere non possint, à venatoribus capi: ex his ergo que de Elephantis dicuntur in presenti Capite, duo nobis breuiter colligenda sunt. Primò qui-

quidem, quare Elephanti Christus Dominus similem facit Episcopum illum, cuius supra mentio fit Cap. 12. 5. Secundo, quare etiam marcido arbori adherere dicatur Episcopus; & more Elephantis cum arbore cito cadere: & sanè Elephanti malus Episcopus merito comparatur, quandoquidem Elephas, ut habet D. Greg. 21. Moral. cap. 10. & Eucher. de Spiritualibus peccatis cap. 5. malum hominem multorum peccatorum pondere grauatum, significat, immò Lyran. in Iob. cap. supra citato ad ea verba. Bebe motum, quasi Bos comedet, Demonii figuram gerere tradit, peior autem quocumque peccatore, ac etiam Demone, ille animarum pastor est, qui prauo viuendi exemplo, suis ruinae subditis ansam prebet: dicitur autem adherere arbori marcido, cum non spirituales diuitias, nec animarum lucra querit, sed temporales quæstus, & bona caduca sectatur, que de facili marcescunt, ut ait D. Iacobus in sua Canon. cap. 1. & de hoc Episcopo dixit supra Saluator noster Cap. 12. 5. quod non aliud, quam, que mundi sunt quærebat, ut mirum non sit, si de eo scripserit hic, quod erat quasi Elephas, quodque stat ad arborem inclinatum, non ascendens arboris putredinem, nec temporis breuitatem, & idè cum ipsamet casurum, & tunc, cum se stare putat.

2 Muri enim Ecclesiæ eius dissoluentur calore, & aquis, ita ut non sit, qui ædificet.

Ex verbis præsentis Notæ satis apertè possumus intelligere, id, quod Dominus hoc loco prædicit, Ecclesiæ, scilicet eius Episcopi ad ministratiōem commissam, de quo hic sermo fit, ob illius multiplicia, ac enormia peccata passuram tribulationes plurimas, & idcirco scribitur, quod muri Ecclesiæ eius dissoluentur calore, & aquis, calor namq. ignis, & aqua in sacris litteris tribulationes designare sancti Patres passim affirmarunt, & de Igne quidem tradunt D. August. & Hilar. in Ps. 65. edifferentes eum Psal. versiculum. Argentum igne examinatum, & probatum septuplum, idem annotauit D. Hieron. super Amos septimo, & super Ezechielem 28. Aquas etiam

tribulationes, ac tentationes notare indicant, D. Hieron. super Ezechiel. cap. 47. D. August. in Psalm. 32. Et aque Maris ob falsedinem molestiæ appellantur, hoc ipsum docuerunt Origen. super Matth. cap. 14. & super Exod. hom. 7. Tertul. contra Iudeos, & D. Hilar. in Matth. cap. 17. D. Gregor. 19. Moral. cap. 5. ad ea verba Iob. cap. 28. Et aquas appendit in mensura, Quia Sancti (inquit) qui sancto subleuante spiritu ad summa rapiuntur, quamdiu in hac vita sunt, nè aliqua elatione superbiant, tentationibus reprimuntur, quod Apostoli Pauli exemplo probans ait, Paulum video fluminum, & latronum, Ciuitatis, & solitudinis, maris, & terre pericula sustinentem, frangentem ieiunijs, vigilijsq. corpus, suum finem frigoris, & nuditatis erumnam, ad Ecclesiæ custodiam vigilanter se, ac pastoraliter exercentem, ad tertium Calum raptum, rursumq. cum in Paradisum raptum, & audiuisse arcana verba, que non licet homini loqui, & tamen Sathane Angelo ad tentandum conceditur.

3 Scias etiam, quod aliud animal, quod de lapide castitatis superbiebat, iam alumpsit sibi cornua agni.

In præsentis Notæ duo afferuntur, Primum quidem mentio fit cuiusdam animalis, in specie tamen, quod nam illud sit, minimè scribitur. Secundò verò legimus, hoc animal assumpsisse cornua Agni: que ut manifesta fiant, videndum est primò, quod nam sit illud animal, quod castitatis symboli esse dicitur, atque hoc aliud non esse censo, quam unicornium, quod indè dictum esse putat D. Isidor. lib. 12. Etimolog. cap. 2. & Euthymius in Psalm. 77. è quod unum cornu in media fronte habeat, idq. tantæ esse fortitudinis docent, ut nulla venantium virtute capiatur, sed sicuti afferunt, qui in animalium proprietatibus inuestigandis laborarunt, virgo puella proponitur, que venienti sinum aperit, in quo ille omni feritate deposita, caput deponit, sicq. soporatus velut inermis capitur, idem habet D. Greg. lib. 30. Moral. cap. 10. qui rem hanc ipsè planè verbis narrat, quibus D. Isidor. fauet huic opinioni venerabilis Bedæ, qui

Sim.

symbolum esse castitatis *V*nicornium dicitur, exponens eum *versiculum* *Psal.* 77. *Et edificauit sicut unicornis sanctificium suum. Aedificauit (inquit) templum suum, ita mundum, sicuti est habitaculum Vnicornium, unicornis enim est animal castissimum, unde etiam non capitur, nisi per veras uirgines, quia ad eas uenit, & caput in earum gremium ponit, & obdormit, & dicitur habere habitaculum mundissimum: sed quidquid sit, ut sensus uerborum praesentis Notae palam fiat, sciendum est, Christum Dominum hic indicasse B. Brigittae sub similitudine Vnicornis, quemdam Episcopum ob castitatis donum, in superbiam incidisse, de quo scribitur *Lib. 3. Reuel. Cap. 14.* qui humilis in uerbis, ac uerbis apparebat, sed intus superbus erat, & in conspectu sui magnus, & de honore tumidus, ac ambiciosus, & aliquando post eod. *Cap.* dicit Beatrix *Virgo*, quod duabus Papilionis alis uolabat, per humilitate scilicet apparentem coram hominibus, ut singulis placeret, & esset in ore omnium, per superbiam uero sibi ipsi, qua se multis sanctiorem existimabat: & de eodem ibidem legitur, quod duo Papilionis cornua assumpserat, desiderium uimirum habendi uitam sine incommodis in hoc mundo, post uero mortem, uitam eternam, hunc ergo Episcopum deposuisse Papilionis cornua legimus hic, eaq. Agni assumptisse, uitio namq. superbiae relicto, sese humilitati dederat, & deinde Spiritus sancti dona obtinere meruit, quae per Agni cornua designantur, ut annotatur *Lyrani in Apoc. cap. 5.* & *Haym. explicant* ea uerba. *Vidi Agnum stantem tamquam occisum habentem cornua septem, immo, & per ipsum unum cornu totam Episcopi uitam designari, auctor est D. Gregor. super 1. Reg. cap. 16.* exponens illud, *Tulit igitur Samuel cornu olei.* Cornu (inquit) olei tollitur, ut tota Pontificis uita spiritalis esse doceatur, cornu olei tollitur, ut in excellenti liquore Magister Ecclesiae uir esse studeat magne misericordiae oleo ungatur, caput Regis, quia iacere super candelabrum debet, per flammam uerbi cornu oleum recipit, ut increpando purget, & miserandum per blandimentum trahat, cornu etiam recipit*

in sublimitate ordinis, oleum ad fomenta uirtutis.

4 Verumtamen praecauo eum de casu Ioab, ipse enim inuidit se melioribus.

Hoc loco Christus Dominus uerba facit de quodam Episcopo, qui in Episcopatu successerat ei, de quo superiori Notae immediate cognimus dicitque quod animaduereat, ne sibi illud accideret, quod Ioab contigit, quod, ut palam fiat, sciendum est, Ioab imperante Salomone in Templo fuisse occisum a Banaia, eo quod duos viros meliores se, ac sanctiores inuidia ductus occideret, Abner scilicet filium Ner Principem Militiae Israel, & Amasam filium Iether Principem Exercitus Iuda, sic enim habetur 3. Regum tertio, & 2. Regum tertio, quo autem consilio, quauis causa duos hos exercitus Principes interfecerit, tradit Theodoretus quae sit. 12. super 2. lib. Regum cap. 3. Ioab (inquit) praeceperat quidem habebat eadem Aselu, causam autem inuidiam, sciebat enim fore, ut ille praefectus exercitus, qui uersum Israel adducebat ad Regem, imperandi ergo desiderium eum ad faciendam eandem armauit, idem habet Ioseph Antiquitatum Iudaicarum lib. 7. cap. 1. Ioab, ait, metuens ne Dauid in honore primi ordinis constitueret Abner, ipse uero decrederet, & militiam amitteret Principatum, uiam pessimam, & malignam cogitauit, ut ei detraheret apud Regem, sed cum his uerbis non potuisset persuadere Regi, deteriorem ruinam aggressus, eum occidit, ex hoc ergo casu Ioab, qui ob hoc homicidium uolentia morte ipse quoque est interemptus, admonetur Episcopus, de quo hoc loco sermo fit, quod nisi inuidiae deposito uino, innocentes, ac iustos viros persequi desistat, etiam ipse quam citissime uolentia morte casurus est, & hoc est quod scribitur hic. Verumtamen praecauo eum de casu Ioab.



ITEM REVELATIO, QVÆ
facta fuit in Monte Gargano de ex-
cellentia Angelorum.

C A P. CXXXI.



Vidit Domina Brigitta multitudinem Angelorum pfallentium in Monte Gargano, & dicentium. Benedictus sis tu Deus noster, qui es, & eris, & fuisti sine principio, & sine fine. Tu creasti nos spiritus in ministerium tuum, & etiam ad consolationem hominum, & custodiam, qui ita mittimur ad profectum hominum, quod numquā priuamur dulcedine, & consolatione, & visione tua. Sed quia quasi incogniti videbamur hominibus, voluisti in isto loco ostendere benedictionem tuam, & nostram dignitatem à te nobis datam, ut homo addisceret diligere te, & etiam auxilium nostrum desiderare. Nunc autem longo tempore locus est in dignitate habitus, à multis contemptus est, & habitatores terræ plus appropinquant spiritibus immundis, quàm nobis, quia suggestiones eorum ardentius sequuntur. Respondit Domina: O Domine Creator meus, & Redemptor meus, da eis auxilium desistere à peccatis, & desiderare te toto corde. Cui Deus: Afflicti (inquit) sunt sordibus, & nisi verberibus non erudiuntur, & utinam in disciplina se cognoscant, & resipiscant.

N O T Æ.

Vidit Domina Brigitta multitudinem Angelorum pfallentium in Monte Gargano.

De peregrinatione ad Montem Garganum, deque Templo ibi in honorem Angelorum edificato, egimus supra hos eodem Libro, Cap. 114. Nota prima


INCIPIIT TRACTATVS
REVELATIONVM

B. BRIGITTÆ,

AD SACERDOTES, ET
ad Summos Pontifices.

CHRISTVS LOQVITVR DE
quinque bonis datis Sacerdotibus,
& de quinque contrarijs, quæ
faciunt mali Sacerdotes.

C A P. CXXXII.



Ego sum quasi homo discessurus de mundo. Qui committit optima, quæ habet amicis suis charissimis. Sic ego Sacerdotibus, quos præ omnibus Angelis, & hominibus elegi, commisi charissimum mihi, scilicet Corpus meum, cum discederem de mundo, & dedi eis quinque dona.

- 1 Primò fidem meam.
- 2 Secundò duas
- 3 claves ad Infernum, & Cælum.
- 4 Tertiò ut de inimico facerent Angelum.
- 5 Quartò, ut consecrarent corpus meum quod nullus Angelorū potest facere. Quintò ut manibus tractarent Corpus meum mundissimum. Nunc autem faciunt mihi sicut Iudei, qui negabant me suscitasse Lazarum, & alia mirabilia fecisse, sed diffamauerunt me, voluisse Regem fieri, prohibuisse tributum, & Templum tribus diebus reedificaturum. Sic Sacerdotes non loquuntur mirabilia mea, nec docēt doctrinam meam, sed mundi amorem, suam voluptatem prædicant, & nil esse reputant, quod pro eis feci.
- 5 Secundò perdiderunt clauem, qua miseris deberent aperire Cælum. Illam autem, qua aperitur Infernus diligunt, & reconditam habent in syndone munda. Tertiò de iusto faciunt iniquum, de simplice Diabolum, de sano sauciaturum, quia omnis, qui accedit ad eos cum tribus vulneribus, ab eis habebit quartum. Si cum quattuor

ve.

venerit ad eos, recedit ab eis cū quinque, quando vilo exemplo prauo Sacerdotum peccator fiduciam peccandi sumit, & incipit de peccato, quod prius reputabat erubescibile, gloriari. Ideo ipsis erit amplior maledictio prae alijs, quia se vita sua perdunt, & alios exemplo suo laedunt. Quarto, quia me sanctificare deberent, ore suo vendunt me. Ipsi sunt deteriores Iuda. Iudas enim peccatum suum recognouit, & poenituit, licet infructuosè. Isti se iustos dicunt, & ostendunt. 6 Iudas retulit peccatum ad emptores, isti autem obseruant suis visibus. Iudas vendidit me antequam redemissem mundum. Isti postquam redemi mundum, & non comparantur super sanguine meo, qui plus clamat vindictam, quam sanguis Abel. Iudas vendidit me pro solis denarijs. Isti autem omni mercimonio, quia non accedunt ad me, nisi sperent sibi fructum. Quinto tractant me sicut Iudæi. Quid fecerunt ipsi? posuerunt me super lignum. Isti autem in prælo ponunt me, & præmunt fortiter. Sed potes quærere quomodo? cum deitas mea impassibilis est, nec in Deo aliquid contrarium, vel dolor cadere potest, tamen propter voluntatem morandi in peccato, quam Sacerdotes habent, sic mihi amarum, & contrarium faciunt; ac si in prælo, si possibile esset ponerer. Ipsi denique Sacerdotes duo peccata habent, luxuriam scilicet, & cupiditatem, inter hæc me ponunt. Sed fortè peracta poenitentia de his, cū post peractum officium iterum habent firmam voluntatem peccandi, quasi in prælo fortiter præmunt me. Pascunt quippè maledictas mulieres, & tuto loco ponunt, vt voluptatem suam perficiant, & me repellant. His blandiuntur, & delectantur in eis, me autem à quo sunt, nolunt videre. Ecce amici mei, quales Sacerdotes sunt. Ecce Angeli mei, quibus seruitis. Si iacerem ante vos, sicut in Altari iaceo ante eos, nullus vestrum auderet me contingere, sed terreremini. Ipsi autem quasi

fures, & proditores produnt me. Ipsi quasi meretrices contingunt me. Ipsi quoque immundiores pice, non erubescunt appropinquare mihi, qui Deus sum, & Dominus gloriæ. Propterea sicut dictum est Israeli. Septem plagæ venient super vos. Verè illæ septem plagæ venient super Sacerdotes.

N O T Æ.

Dedi eis quinque dona, primò fidem meam.

Hoc loco dona quinque Sacerdotibus diuinitus collata enumerantur, quorum primum fides esse scribitur, quod intelligendum arbitror, non quòd ipsi tantummodo fideles sint, quoniam hoc quoque laicis concessum est, sed dicitur peculiariter illis data fides, quoniam spectat ad eos tam predicare, & præ ceteris profiteri, est namque proprium Sacerdotum munus, ac functio, verbis, & operibus fidem propagare, & idcirco hoc eodem Cap. paulò post, conqueritur de his Saluator noster, cum dicit, Sic Sacerdotes non loquuntur mirabilia mea, nec docent doctrinam meam, sed mundi amorem, suam voluptatem predicant, & nihil esse reputant, quod pro eis feci.

Secundò duas clauas ad Infernum, & Cælum.

In præsentì Nota duo nobis breuiter discutienda sunt, Primum quidem, quid per clauas intelligendum sit. Secundo, an verò duæ sint, vel tantummodò una: & quidem per clauas hic nullatenus intelligi possunt materiales clauas, sed metaphoricè, sic enim interpretantur illa verba sancti Patres, Matth. 16. Ecce tibi dabo clauas Regni cælorum. Vbi per clauas intelligunt potestatem ligandi, soluendi, peccata, sic Chrysostomus. homil. 83. in Matth. Beda, Ioan. 12. circa fin. Fulgent. de Fide ad Petrum circa mediū, Maxim. hom. 5. de Sanctis Petro, & Paulo, & Augustinus. tract. 5. in Ioan. & lib. 20. de Ciuit. cap. 9. & lib. 1. contra Aduersariū legis, & Prophetarū c. 17. Conc. Trid. Sess. 14. Can. 3. hæc autem metaphora in eo posita est, vt per clauam intelligamus facul-

facilitatem ad aperiendum, & claudendum, sicut clavis materiæ est, quæ claudimus, & aperimus ostium, cum autem hæc potestas unica sit, quæ in se habet hos duos actus, ligare, & soluere, idcirco nomine plurimum clauium significatur, & hoc loco Christus dicit dedisse duas clauis, verum Theoph. explicans locum cit. Matthei per clauē soluendi, ait intelligi debere potestatem soluendi, per clauē verò ligandi potestatem ligandi. Clauis (inquit) intelligas, quæ ligant, & solunt, hoc est delictorum Indulgentias, vel penas: eandem sententiam sequitur August. de fide ad Petrum cap. 3. & sanè hæc Theoph. interpretatio quadrare huic testi B. Brigite videtur, quandoquidem in præfenti Cap. legimus duas Sacerdotibus fuisse traditas clauis, unam scilicet ad Infernū, & ea est, per quam ligant, & peccatorum debitas penas luendas penitentibus imponūt, altera verò, quæ est ad Cælum, per quam delictis absoluentes, Celi Ianus peccatoribus pandunt: ceterum Franc. Suarez in Comm. super 3. part. 5. Thom. disp. 6. sect. 4. asserti. 1. tom. 4. affirmat hanc potestatem soluendi, & ligandi, non posse dici clauē Inferni, sicut dicitur clavis Regni cælorum, Licet enim (inquit) in metaphoricis locutionibus nō sit inueniens, ut Voces sub diuersis locutionibus eide rei accomodentur: sicut idē Christus Leo, & Agnus appellatur: tamen, quod per se intenditur per hanc potestatem est aperitio Regni cælorum, quod tantum sit directo per se, ac positiue per illam, claudere autem Regnum sit tantum priuatiue, nō aperiendo ad id cogente malitia peccatorum, quod, & si verissimum sit, non tamen negandum est in Ecclesia etiam claudendi esse potestatem, quæ in præfenti Nota designatur per illam primā clauem, quæ appellatur hic metaphoricè clavis Inferni, quatenus cum tunc cælum clauditur, eidem Infernus aperitur: sed quidquid sit de nomine, communis Theologorum præsertim recentiorum sententia habet, ut per unā clauem discernendi potestas inter lepram, & lepram intelligatur, quam clauem scientia appellant, & per alteram verò potestas ligandi, atque soluendi, & hanc clauem potestatis

dicant, hic autem loquendi modus à Rabana fortasse desumptus est, Clauis (inquit) Regni cælorum ipsam D. Matthei discretionem, & potentia nominat, potentia, quæ liget, & soluat, discretionem, quæ dignos, vel indignos discernat: fauet huic opinioni D. Bern. Serm. 69. in Cant. Lyran. in Matthei loco citat. & Gratian. dist. 20. hos tamen crediderim Doctores huiusmodi loquendi formulas mutatas fuisse à D. Hieron. qui hunc Matthei locū dissensens, Episcopus (inquit) vel Presbyter pro. suo officio cum peccatorum audierit varietates, scit, quis ligandus sit, quinē soluendus, quæ uerū requiratur ad rectiorem potestatis usum ligandi, & soluendi scientia: secundū quē hunc modū intelligendū est, quod dicitur de clauibus Regni cælorum, & illud. Quodcumque ligaueris idem etiam iradunt Orig. in Matthei. hom. 1. & D. Ambros. Serm. 66. sed an una tantummodo clavis sit, an dua distinctæ, non conuenit inter Doctores, quidam ex recentioribus asserunt, illas se habere tamquā duas: unius ostiū clauis, quarum una, quidem ostiū aperire non potest, sed solum riuū parat, & hæc est clavis scientiæ, altera verò est, quæ aperitur ostiū, & dicitur clavis potestatis, sed Ludolph. de uita Christi par. 2. cap. 1. unam esse clauem existimat in radice, duplicem uerò in effectibus, Sicut enim (inquit) una eademq. potentia est in Sole, liquefaciendi, & indurandi, sic unica tantummodo clavis in radice reperitur, multiplex tamē in effectibus.

3 Ut de inimico facerent Angelum:

Inter dona Sacerdotibus collata illud præcipue hoc loco retinetur, quod spectat ad eos de inimico Angelum facere, cum enim, ut superiori Nota probauimus, duplicem dinimitus obtinuerint clauem, per quam de peccatis iudicantes, penitentes à peccatis absoluerent, inde necessario fit consequens, ut de inimico Angelum faciant, quatenus per illam absolutio nem, mediante gratia Dei iustificatur rei, unde postea ex inimicis Dei, fiunt amici, & ex impijs pii.

4 Ut consecrarent Corpus meum, quod nullus Angelorum potest facere

ut Potestas consecrandi Corpus Christi quare

Y y non

non fuerit Angelis collata, & an: si de facto Angeli conserarent, tunc Corpus Christi sub speciebus panis praefatus adesset, tradidimus supra Lib. 1. Reuelat. Cap. 47. Nota 4. & Lib. 4. Cap. 58. Nota 1. ubi etiam quaesimus, an hac in re Sacerdotes censendi sint Angelis eminentiores. *Idem.*

5 Perdiderunt clauem, qua miseris deberent aperire caelum. *Idem.*

Verba praesentis Note nullatenus indicat, Sacerdotes ob propria peccata potestatem absolendi, aut conserandi Christi Domini Corpus ammittere, habent enim characterem impressum in anima, signum videlicet indelibile, quod nullo pacto deleri, aut auferri potest, ut probat Conc. Trid. Sess. 14. cap. 6. his verbis, Docet quoque etiam Sacerdotes, qui peccato mortali tenentur, per virtutem Spiritus sancti in ordinatione collatam tamquam Christi ministros functionem remittendi peccata exercere, eosque prae se sentire, qui in malis Sacerdotibus hanc potestatem non esse continent, idem habet D. August. tract. 5. in Ioani explicans illa verba cap. 1. Sed ego nesciebam eam, & contra Epistolas Parmeniani lib. 2. cap. 20. & 21. & de Fide ad Petrum cap. 3. circa medium D. Isidor. lib. 6. Etymol. cap. 19. Paschasius de Corpore, & Sanguine Christi cap. 12. D. Thom. 3. par. quest. 82. art. 5. & in 4. distin. 13. Innocent. Tertius lib. 3. mysteriorum Missae cap. 5. ad finem, Magister 4. dist. 5. & 13. Iuo Carnotensis Episc. 124. & alij plures. Dicendum ergo Nobis est, Sacerdotes clauem amittere, non quidem quoad acceptam potestatem, quam diuinitus obtinuerunt, qua si de facto vtiuntur, tunc conficiunt, debita intentione, ac materia intercedente, sed perdere clauem hoc loco dicuntur, quatenus administratio Sacramentorum malis Sacerdotibus de iure prohibetur, ut Nos probauimus Lib. 7. Reuel. Cap. 7. Nota 4. aut etiam eos clauem amittere scribitur hic, quoad fructum, qui manaret ex ea, si Sacramenta administrarent, cum enim mali sint, illa alij administrare negligunt, sique & ipsi, & Laici eorum fructum perdunt, unde egregie asseruit D. Chrysost. suis quilibet alius auctor

Operis imperfecti hom. 44. Iste (inquit) claudet hoc regnum alteri, qui clauem portat, & non aperit, scilicet qui habet scientiam, & docere contemnit, iste vero obstaculum ponit, qui per malum exemplum alios impedit, ne irrent, vel intrare velint, quod quidem frequenter accidit, laicos, videlicet prauo Sacerdotum exemplo adductos, Sacramenta non solum accipere minime velle, sed quod deterius est, ab ipsismet malis Sacerdotibus peccandi ansam sumere, & postea cum ipsi ad aeternas poenas deduci, & ideo mirum non est, si in praesenti Capite scriptum sit, quod illam clauem, qua Infernus aperitur diligunt.

6 Iudas retulit peccatum ad emptores. Sic habent omnes impressi Codices, sed hunc textum corrigendum esse arbitror cum Eusebiano Codice M. S. Iudas retulit pretium ad emptores, quae lectio satis aperte probari potest ex illo, quod scripsit Matth. 27. cap. sui Euang. Tunc (inquit) videns Iudas, qui tradidit eum, quod damnatus esset, poenitentia ductus, retulit triginta argenteos Principibus Sacerdotum, & Senioribus.

CHRISTVS COMPARAT SE

Moyse educenti Israel per mare Rubrum, ubi aquae stabant à dextris, & sinistris, quasi murus, & quod Israel, idest mali Sacerdotes negligunt Christum, & diligunt vitulum aureum, idest mundum, & quod Christus honorauit Sacerdotes septem ordinibus, à quibus septemplex sunt auersi.

CAP. CXXXIII.



MATER loquebatur. Sic audi fuerunt inimici Filij mei in sanguinem eius, ut & eo mortuo vulnerarent eum. Prepara ergo te, quia Filius meus cum exercitu magno venit loqui tibi. Inde venies ipse ait. Ego simulaui me prius Moyse in figura, qui cum educeret populum, stabat aqua quasi mu-

1 murus à dextris, & à sinistris. 1 Ego
certè sum ille Moyſes in figura, qui edu-
xi populum Chriſtianum, ideſt aperui eis
celum; & oſtendi eis viam, quam incede-
rent, liberans eos à Pharaone, ideſt à Dia-
bolo; qui eos oppreſſerat. 2 Ibant autem
quasi inter duos muros maris à dextris, &
sinistris, quorum vnus non vltiùs pro-
cederet, alter non retrocèderet, ſed ſic am-
bo firmitèr ſtarent. Hi duo muri erant
duæ leges. Primus erat vètus lex, quæ
vltiùs non procederet. Secundus erat
noua lex, quæ non retrocèderet. Inter
hos duos muros, ſcilicet leges firmitèr ſtā-
tes, ego ibam ad Crucem, quaſi per mare
Rubrum, quia ſanguine meo rubricatum
eſt totum corpus meum. Rubricatum eſt
lignum priùs album, rubricata eſt lancea,
& redemi populum meum captiuatum,
vt me diligeret. Nunc autem negligit me
Iſraël, ideſt Sacerdotes diligunt alium
Deum. 3 Diligunt enim, ſicut prius dixi,
vultum aureum per affectum mundi,
qui eſt dulcis per voluptatem, & ardet in
eis per affectionem. Stat foris cum pedi-
bus, & capite, & gurgule gulæ. Habent
me in ſuper pro Idolo, & claudunt ſuper
me, nè ingrediari. Offerunt mihi thus;
ſed non placet mihi, quia non pro me, ſed
pro ſe faciunt. Curuant mihi genna obe-
dientiæ, & voluntatis ſuæ; ſed ad deſide-
rium ſuum, vt eis aliquid temporale im-
pendam. Clamant, ſed aures meæ non
audiunt, quia non ex deuotione, nec in-
teſtione. Audite o exercitus meus, &
omnes Angeli. 4 Elegi Sacerdotes præ
omnibus Angelis, & iuſtis, & dedi eis po-
teſtatem, vt corpus meum in tractarent. Si
enim voluiſſem, potuiſſem bene elegiſſe
Angelum aliquem ad tale officium, ſed
tantum dilexi Sacerdotes, vt eis tantum
honorem concederem, & conſtitui eos, vt
ſtaret ante me quaſi in ſeptem ordinibus.
Deberent enim eſſe patientes quaſi oues.
Stabiles quaſi murus boni fundamenti.
Animoſi quaſi milites. Sapientes quaſi ſer-
pentes. Pudici quaſi virgo. Mundi quaſi

Angelus. Ardentes amore quaſi ſponſa-
ad cubile viri ſui. Nunc autem auerterunt
ſe peſſimè, ſunt enim feri quaſi lupi rapa-
ces, qui in fame, & cupiditate ſua nulli ce-
dunt, nulli deferunt honorem, nihil eru-
beſcunt. Secundò inſtabiles quaſi lapis in
muro infirmo, quia diffidunt de funda-
mento, ideſt de Deo, quòd non poſſit eis
dare neceſſaria, vel nõ velit ſuſtentare eos.
Tertiò ſunt in tenebris quaſi fures, ambu-
lantes in tenebris vitiorum, nec ſunt au-
daces quaſi milites ad pugnandum pro
honore Dei, vel ad aggrediendum opus
virile. Quarto ſtāt quaſi aſinus, qui caput
inclinat ad terram. Sic ipſi ſtolidi, & in-
ſipientes, ſemper terrena meditantur, &
præſentia, & numquam futura. Quintò
impudici ſunt quaſi meretrices, proce-
dunt ad me in habitu meretricio, omnia
membra habent ad luxuriandum. Sextò
ſunt quaſi pice deformitèr maculati, om-
nes, qui accedunt ad eos, deturpantur.
Septimò ſunt abominabiles quaſi vomit-
us; & leuius, & melius eſſet mihi acce-
dere ad vomitum, quàm ad delectatio-
nem habendam cum eis. Ita autem abo-
minabiles ſunt, vt omnis exercitus cæli
abominetur eos. Quid autem turpius eſ-
ſet, quàm quòd aliquis nudus os ſuum in
inferiora membra mitteret, & comede-
ret ſtercora ſua, & biberet vrinaſi ſuam?
Sic ſunt iſti turpes in conſpectu meo.
Cum autem induunt ſe veſtibiles Sacer-
dotum, quæ ſunt veſtes animæ in ſig-
ura, quia veſtes illæ designant talem
debere animam eſſe. Induunt ſe quaſi
veri proditores. Sicut enim ille, qui
fidem dederat inimico domini ſui, ſi pu-
gnare deberet cum domino ſuo contra
eum; eberat omnia arma ſua, nè no-
ceant inimico. Sic iſti cum induunt veſtes
Sacerdotum, quæ ſunt veſtes animæ in
figura, quibus contra Diabolum mu-
niri deberent, omnia eberata ſunt, nè
noceant Diabolo, & nè timeat ea; Sed
queritur quomodo. Vtique cum in-
duunt ſe armis continentia, eberata ſunt

per luxuriam. Ideò non pungunt Diabolus. Cum autem induunt se armis charitatis, nihil nocent, quia eberata sunt per malitiam. Arma itaque ista, idest vestes, quibus induuntur, non sunt ad defensionem Domini, sed ad visionem solam, sicut solent proditores alium facere, & aliud ostendere. Sic itaque o amici mei, isti maledicti Sacerdotes simulatòriè accedunt ad me, quasi proditores. Attramen ego idem, qui sum Deus, & Dominus uester, & totius creaturæ in cælo, & in terra, venio ad eos, & iaceo antè eos in altari, verus Deus, & verus homo, postquam dixerint illa verba. Hoc est Corpus meum. Venio ad eos, vt Spòsus, vt voluptatem Deitatis cum eis habeam, sed inuenio in eis Diabolum.

5 Ideò cum applicant me ad os suum, recedo ab eis cum deitate, & humanitate mea, & Diabolus, qui in præsentia Domini fugit perterritus, latus redit. Audite insuper amici mei, qualem dignitatem contuli Sacerdotibus præ omnibus Angelis, & hominibus. Ego dedi eis quinque. Primò facultatem ligandi, & solvendi in cælo, & in terra. Secundò dedi eis, vt de inimico pessimo facerent amicum, de Diabolo Angelum meum. Tertiò dedi eis potestatem prædicandi verba mea. Quartò potestatem consecrandi, & sanctificandi corpus meum, quod nullus Angelus facere potest. Quintò tractare Corpus meum, quod nullus uestrum, si iacerem antè vos, auderet contingere. Nunc conqueror super eos quinque. Primò, quòd Infernum aperiunt, & clauduè cælum ingrediuntibus. Secundò, de amico faciunt inimicum, & cum, qui accedit ad eos cum vno vulnere, vulnerant duobus, quia videns vitam confisam Sacerdotum, cogitat secum. Si ipse facit, magis ego faciam. Tertiò verba mea adnihilant, & mēdaciū suū m affirmant, veritatem meam negant. Quartò vendunt me ore suo, quē sanctificare deberent. Quintò Corpus meū amariū crucifigunt, quām

Iudæi. Ecce amici mei, quos elegi, & sic dilexi, quomodo mihi rependunt. Ego coniunxi eos mihi cum corpore meo, & ipsi dissolunt vinculum nostrum. Ideò sicut proditores, non sicut Sacerdotes iudicabuntur, si se non emendauerint.

N I O T U M

E Go ceterè sum ille Moyses in figura, qui eduxi populum Christianum.

Merito Saluator noster hoc loco Moysi se similem facit, quoniam sicut Moyses Iudæi cum populum de Aegypto eduxit, eumque de manibus Pharaonis liberauit, sic ipse populum suum de Inferno educens, per varias relictas deduxit. Et illi Regnum Dei ostendit, Psalm. 106. hac etiam eadem ratione comparat Rabbanus Christum Moysi Numerorum 7. Multiplicem inquit Moyses significationem habet, figuram habet Iudæi populi, dum caudam serpentis tenet, significat enim Iudæos in fine mundi ad fidem Christi venturos, Christi etiam personam gerit, dum electos suos de spirituali Aegypto per aquam Baptismi liberat, scilicet dum populum de Aegypto per mare Rubrum educit, cū Tabernaculum complet, erigit, & unguit, hætenus Rabbanus, cui etiam quamplures alij ex Patribus adstant, dicunt etiam Moysen designare Christum, vt ad placandum Deum in confractione stetit Psalm. 105. Et Christus vere per passionem suam, sic stetit in confractione, vt nulla pars corporis reliqua sacris, quæ non flagellis, verberibusq. confracta non sit, sicque Patrem suum nobis propitium reddis, & sicut Moyses Tabernaculum sanctificans Exod. 40. ita Christus Ecclesiam sanctam effecit: vt autem vnicuique ignis consumendum tradit Exod. 12. Christū notabat, idolatriæ penitus destruentem: postremò sicut Moyses constitutus fuerat in populo eorum minister, quæ ad Deum spectabant, ac etiā Iudicis distribuebat Exod. 18. optimè Saluatorem nostrum præmonstrabat, diuinā subministratorem, et Ecclesie ministras constituturè, hoc, & alia

alia sexcenta, quæ ad hoc comprobandum possemus adducere, clarè ostendunt Moysen Christi gessisse figuram, quod etiam affirmant D. Augustin. lib. 2.2. contra Faustum cap. 90. Venerab. Beda super Exod. cap. 2. D. Bernard. Serm. 1. de Octaua Paschatis, Gregor. Nyssen. de vita Moysis, D. Gregor. Pont. super 1. Regum cap. 7. Basilii de Spiritu sancto cap. 14.

2. Ibant autem quasi inter duos muros Maris à dextris, & sinistris.

Ut præsentis Note verborum sensus legentibus pateat, videndum est primò, quid per duos muros Maris hic intelligendum sit, quique fuerint, qui inter hos duos muros transferint: & quidem quantum ex textu colligi potest, hoc loco sermo sit de populo Iudaico, qui ex Pharaonis seruitute liberato, per mare Rubrum transibat, eorum Duce Moysè præcedente, quæ de re latissimè agitur Exod. 14. ubi tota hæc historia narratur, his verbis. Cum extendisset Moyses manum super mare, abstulit illud Dominus stante vento vehementi, & tota nocte vrente, & vertit in siccam, diuisaque est aqua; & ingressi sunt filij Israel per medium maris sicci, erat enim aqua quasi murus ad dexteram eorum, & lauam. Ex his ergo postremis sacri textus verbis satis aperte declaratur, quid sibi velint hæc præsentis Note verba, Ibant autem quasi inter duos muros, aqua enim, ut annotauit Lyran. ibidem stetit, atque in altum est euecta ad similitudinem muri, ex utraque parte, ita ut per medium maris sicco pede Iudei transire potuerint, & idcirco legitur ibi: Diuisaque est aqua, & ingressi sunt filij Israel per medium maris sicci, quæ sanè diuisio non ex stante vento processit, sed à Domino facta est, & ventus tamen fundum maris discoopertum aquis desiccauit, ut Iudei commodius, & mundius abirent; an autem fuerint duodecim diuisiones aquæ, iuxta numerum duodecim Tribus, affirmauit Cassiodorus in Psalm. 135. ad ea verba. Et diuisit mare Rubrum in diuisiones, In diuisiones (inquit) duodecim pro numero Tribuum, ut singule Tribus vias suas eundi haberent, quam opinionem confirmat Ly.

ranus; tamquam communi, & Catholico. rum, & Hebræorum sententiæ pugnantem, quæ habet, unicam tantummodo aquæ diuisionem factam fuisse, & quod in citato Psalm. accipitur plurale pro singulari.

3. Diligunt enim, sicut prius dixi, vitulum aureum per affectum mundi.

Cum in sacris Litteris per aureum vitulum, Diuitia, Superbia, ac Luxuria designentur, Dubitari minimè potest, cum hoc loco Christus Dominus Sacerdotes redarguit, quod vitulum diligant aureum, insinuare voluisse Sacerdotes illius temporis superbos, auaros, ac luxuria vitio deditos fuisse, quod satis aperit ipsemet hoc eodem Capite aliquanto post declarat, cum dicit. Nunc autem auerterunt se pessimè, sunt enim quasi lupi rapaces, qui in fame, & cupiditate sua nulli cedunt, sunt instabiles quasi lapis in muro infirmo, quia de fundamento diffidunt, id est de Deo, quod non possit eis dare necessaria, vel non velit eis dare necessaria, vel non velit eos sustentare. Tertio sunt in tenebris, quasi fures ambulantes in tenebris vitiorum; stant etiam quasi asinus, qui caput inclinat ad terram, sic ipsi stolidi, & insipientes semper terrena meditantur, & præsentia; & numquam futura, postremo impudici sunt quasi meretrices. Ex his ergo palam fit, quid sit aureum diligere vitulum, diximus enim aliud non esse, quam superbiam, incontinentiam, ac temporales diuitias amare; & ideo Psalm. 49. Dauid affirmat, Dominum non accepisse vitulos de domo, ubi D. Hieron. per vitulos, superbos, & incontinentes intelligit, idem habet Origen. homil. 9. super Exodum, & super Numeros homil. 27. & D. Gregor. super 1. Reg. cap. 14.

4. Elegi Sacerdotes præ omnibus Angelis, & iustis, & dedi eis solis potestatem, ut Corpus meum tractarent, si enim voluissem, potuisssem benè elegisse Angelum.

Docet hic Saluator noster sui Corporis administrationem, & consecrationem Angelis potuisse committere, si voluisset, ex quibus manifestè deducitur, ut Nos probauimus Lib. 1.

*Reuel. Cap. 47. Nota 4. quòd licet hæc confor-
candi facultas, de facto Sacerdotibus data
tantummodò sit, etiam de possibili Angelis con-
cedi potuisse: Deus enim sicut potentiam suam
minimè Sacramentis alligauit, ita nec Eccle-
sia ministris, ut non possit quibuscumq. eam
committere, aut etià sine illis, prout sibi magis
placuerit, rem totam perficere, quæ de re vide
Annotationes Nostras Lib. 1. Cap. 47. Nota
4. & Lib. 4. Cap. 58. Nota 1.*

5 Ideò cum applicante me ad os suum, re-
cedo ab eis cum deitate, & humanitate
mea.

*Eadem loquendi formula habetur suprâ
Lib. 1. Reuelat. Cap. 47. Nota 5. ubi decla-
ramus, per hæc verba non esse intelligendum,
quòd quotiescumque malus Sacerdos Sacra-
mentum sumit, ibi desinat esse Christus, & quo
ad deitatem, & humanitatem, sed diximus
quòd Christus desinit esse per gratiam, quate-
nus indigno effectum eius denegat, qui est spi-
ritualis refectio, & alia, quæ digne sumenti-
bus huiusmodi Sacramentum diuinitus con-
cedi solent; dicitur autè hic desinere esse Chri-
stus cum deitate, & humanitate, quia cum
neutro eorum ipse ad sacramentalem effectum
indigno conferendum concurrat.*

CHRISTVS DICIT QVOD
honorauit Sacerdotes præ omnibus
Angelis, & hominibus, sed ipsi præ cæ-
teris eum prouocant, quorum damna-
tio in anima vnius Sacerdotis æterna-
liter damnata manifestatur.

C A P. CXXXIV.



MARIA ait. Recordare
passionem Filij mei, ipse
iam venit. Et ecce apparuit
S. Ioannes Baptista, & ait
ad B. Virginem Mariam:

In mille annis numquam fuit tanta ira
Dei super mundum. Cumque venisset
Filius, ait ad Sponsam: Vna hora est à
principio mecum, & quot vobiscum,
tempora sunt, hoc non est mecum, nisi

quasi vna hora. Dixi tibi priùs de Sacer-
dotibus, quòd inter omnes Angelos, &
homines ipsos elegi, nunc ipsi mihi præ
cæteris sunt molestiores. Et ecce apparue-
runt Dæmones habentes vnâ animam
in manibus, dicentes ad inuicem: Ecce
pugil. Respondit Iudex: Quia corporales
non audiunt ea, quæ sunt spiritus, nec
oculus corporalis potest videre spiritua-
lia, tamen propter istam, quæ astat, cuius
oculos intelligentiæ aperio, dicite, quæ ius-
titia habetis illam animam. Responde-
runt, per nouem iura, vel transgressio-
nes possidemus eam. Primò, tribus fuit
infra nos, tribus alijs æqualis fuit nobis,
tribus alijs fuit supra nos. Primùm ius est,
quòd fuit extrâ bonus, & intus malus.
Secundùm; quia quandoque fuit plenus
cupiditate sua, & gula, quandoque ab-
stinuit propter utilitatem corporis, vel
infirmiorem. Tertiò, quandoque fuit fe-
uerus in verbis, & operibus, sed quando-
que resperfa erat seueritas, & malitia sua
aliqua de causa sibi ipsi vtili. Nos autem
non habemus ista, quia tales sumus extrâ,
quales intus, semper seueri in malitia,
semper cupidi ad malum. Tribus erat
nobis par, quia tribus cecidimus, scilicet
superbia, cupiditate, & inuidia. Hæc tria
ipse habuit. Tribus fuit supra nos, & ma-
ior in malitia, quàm nos, quia Sacerdos
erat, & corpus tuum tractabat. Primò,
quia os suum non custodiuit, cum quo
profferret verba tua, sed sicut canis latrat,
sic ipse protulit verba tuâ, sicut canis.
Cumque profferret verba tuâ, nos timui-
mus, quasi ille, qui audit aliquem terri-
bilem sonum, quo protinus territi recel-
simus ab eo. Ipse autem sine verecundia,
& timore substitit. Secundò non custodie-
bat manus suas, cum quibus tractabat
mundissimum corpus tuum, sed omni
delectabili maculabat. Cumque tractaret
manibus corpus tuum, quod dicto verbo
hoc, idem erat, quod in ventre Virginis
fuit, & crucifixum est. Nos, sicut homo
timore toto corpore percussus, timuimus,
quam-

quāuis non ex charitate aliqua, sed ex timore potentiae tuae, & magnitudinis virtutis tuae. Ipse autem stabat imperterritus, & non curauit. Cumque applicuit te ad os suum, quod erat quasi vas immundissimum omni spurcicia, nos fuimus quasi homines dissoluti viribus, & quasi ille, cui omnis virtus deficit, nec non, & quasi mortui praetimore, cum tamen immortales sumus, & ille non timuit, nec contremuit te contingere. Sed quia Dominum maiestatis non decuit intrare in tam confusum vas. Recessisti cum deitate tua, & humanitate, & illi solo remanente, qui praetimore ad horam discessimus, reuertebamur cum furore. In omnibus his praecellit nos in malitia, & ideo iuste possidemus eum. Ergo, quia iustus Iudex es, fac nobis de eo iudicium. Respondit Iudex: Audio quid exigitis, sed tu misera anima dic ista audiente, qualem circa finem tuum, cum adhuc cum ratione, & robore corporis fruereris, habuisti voluntatem? Respondit illa: Voluntas mea fuit sine fine peccare, nec umquam desistere, sed quia scivi me non semper victurum, statui usque ad extremum punctum peccare, & in tali intentione separabar a corpore. Tunc ait Iudex: Conscientia tua est iudex tuus. Ergo in conscientia tua dic quale iudicium mereris. Respondit anima: Iudicium meum est amarissimum supplicium, & pessimum, sine fine duraturum absque omni misericordia. Tunc Daemones post auditum iudicium eius discesserunt cum ea. Tunc Dominus dixit ad illam. Ecce Sponsa, quid Sacerdotes faciunt mihi. Ipsos praeter omnibus Angelis, & hominibus elegi, & super omnes honoravi. Ipsi autem praeter omnibus Iudeis, & Gentilibus, & praeter omnibus Daemonibus me magis prouocant.

NOTAE

Recessisti cum Deitate tua, & Humanitate. In praesenti loco sermo fit de his, qui indignè ad sacrosanctum Altaris Sacramentum suscipiendum accedunt, et ibi praecipue Sacerdotes malos Christus redarguit, a quibus dicit recessisse cum Deitate, & Humanitate: quod intelligendum, non quod malus Sacerdos cum indignè celebrat, & sumit Sacramentum desinat Christus esse sub sacramentalibus speciebus, & rueret non conficiat, sed quod ab ipso recedat per gratiam, quatenus indigno effectum sacramentalem denegat, qui est spiritalis resurrectio, &c. Et dicitur hic desinere, & recedere cum Humanitate, & Divinitate, quia cum neutro Christus ad sacramentalem effectum indigno conferendum concurrat, ut fuse probauimus Libro. 1. Cap. 47. Nota 5. m. 1. l. 1. m. 1. l. 1. m. 1. l. 1.

CHRISTVS OSTENDIT

qualem charitatem fecerat Sacerdotibus, sed ipsi ingrati quasi adultera persona Christum contemnunt, tres alios amatores, scilicet Mundum, Carnem, & Diabolum diligentes, & hoc ostendit in anima vnius Sacerdotis nouiter defuncti, aeternaliter condemnati.

CAP. CXXXV.

Ego sum quasi Sponsus, qui Sponsam suam cum omni charitate ducit in domum suam: Sic ego coniunxi Sacerdotes mihi cum corpore meo, ut ipsi essent in me, & ego in eis. Sed mihi respondent sicut adultera sponsa. Verba tua non placent mihi, diuitiae tuae vanae sunt, voluptas tua quasi venenum. Ego habeo tres, quos magis diligere volo, & scilicet. Cui vir mansuetus respondit: Sponsa mea audi me, expecta magis. Quia

verba tua debent esse mea. Voluntas mea, voluntas tua, diuinitas mea, diuinitas tua, voluptas tua, voluptas mea. Quae nullo modo vult audire, sed discedit ad illos tres. Cumque discessisset longè, vt non videretur Sponsus. Primus illorum, idest Mundus, ait. Hic est diuinitas viarum, & ego non possum ampliùs sequi eam. Ideo ego volo habere omnes diuinitas eius. Secundus dicit, idest Corpus. Ego mortalis sum, & cibus fiam vermium, ipsa autem immortalis, ideò relinquo eam hic. Tertius ait, idest Diabolus. Ego sum immortalis, & sine fine manurus, quia noluit esse cum viro suo, sine fine sequetur me. Sic faciunt mihi isti maledicti Sacerdotes. Ipsi debent esse membrum meum, & ita excellentes prae alijs sicut digitus in manu, sed ipsi deteriores sunt Diabolo. Et ideò prae omnibus Diabolis profundius submergentur in Infernum, nisi se emendauerint. Ego voco eos, quasi Sponsus. Omne, quod possum facio eis, sed eò longius discedunt, quò plus voco. Verba mea non placent eis, diuinitas mea onerosae sunt, dulcia verba mea quasi venenum abominantur. Curro post eos, monendo quasi pius Pater, supportando quasi mitis Dominus, donis attrahendo quasi bonus Sponsus; sed ipsi eò magis auuertunt se, quò plus voco. Tres amicos magis, quàm me diligunt, idest Mundum, & Corpus. Ideò tertius, idest Diabolus recipiet eos, & numquam dormiet: Ideò vix eis, quòd vniquam Sacerdotes, & membra mea facti sunt. Ille Sacerdos, qui nunc moriebatur, habuit tria. Primò superbiam, quia vestiuit se sicut Episcopus. Secundò laudatus de sapientia. Tertio ad quodcumque voluit, & corpori placuit, flexit voluntatem suam. Abstenuit pro salute corporis, & quidquid ei placuit fecit, non voluntatem meam. Sed quid nunc profuit ei? Ideò pro superbia est ante me, quasi homo ad medietatem corruptus, & sepidus, & ple-

nus viceribus, & corrupta carne. Pro laude est neglectus ante me, & negligetur ab hominibus. Pro voluntate propria corpus receperunt vermes, animam Demones sine fine cruciantes. Ecce miseri, quid diligunt, & quid faciunt. Vbi nunc amici eius, vbi bona, vbi honor, & gloria. Pro his omnibus habebit nunc perpetuam confusionem. Ipsi emunt paruum, idest temporalem honorem, & dimittunt magnum, idest æternum gaudium. Vix talibus, quòd vniquam nati fuerunt. Ipsi enim profundius cadunt in Infernum, quàm aliquis alius.

REVELATIONES INFRASCRIPTA S.

habuit in visione spirituali Sancta. Brigitta stando in oratione, quae diriguntur ad Summos Pontifices Innocentium Octauum, Urbanum Quintum, Gregorium Vndecimum, quae tractant de reducendo Sedem Apostolicam, & Romanam Curiam ad Romam, & de reformatione Ecclesiae ex praecepto Dei omnipotentis. Verba in Christi ad Sponsam mentione facientia de Papa Innocentio Sexto, qui fuit post Clementem.

INCIPIT C. A. P. CXXXVI.



LIVS loquitur ad Sponsam dicens. Iste Papa Innocentius est de aere meliori, quàm Antecessor eius, & materia apta ad recipiendum colores optimos, sed malitia hominum exigit, vt citius tollatur de medio. Cui voluntas sua bona reputabitur in coronam, & glorie augmentationem. Verumtamen, si verba mea librorum tibi data audierit, fiet melior, & qui deferrent ad eum verba, sublimius coronarentur.

REVELATIO TANGENS

Papam Vrbānum, quam habuit Sponsa Christi in Roma super confirmatione Regulæ Saluatoris, & super Indulgentijs S. Petri ad Vincula à Christo concessis Monasterio Beatę Virginis in Vuarsteno.

C A P. CXXXVII.



ILIVS Dei loquitur ad Sponsam. Qui habet glomerationem florum, in qua est aurum optimum,

non definit filare, donec inuenerit aurum. Quo inuenito, vitur eo possessor ad honorem, & commodum suum. Sic iste Papa Vrbānus aurum est ductile ad bona, sed sollicitudinibus mundi vallatus est. Ideo vadē, & dic ei ex parte mea. Tempus tuum breue est, surge, & attende, quomodo animæ tibi commissa saluentur. Ego obtuli tibi Regulam Religionis, quæ fundari, & incipi debet in loco Vuarsteno in Suetia, quæ de ore meo processit. Nunc autem volo, vt non solum auctoritate tua confirmetur, sed & benedictione tua, qui Vicarius meus es in terris, roboretur. Ego dictaui eam, & dotaui spiritali dote, scilicet concedendo Indulgentias, quæ sunt in Ecclesia Sancti Petri ad Vincula in Roma. Tu ergo approba coram hominibus, quod coram exercitu meo celesti est sancitum. Si autem quæris signum, quod ego hæc loquor, hoc iam ostendi tibi, quia quando primum audisti verba mea, anima tua in aduentu nuncij mei spiritaliter fuit consolata. Si autem quæris vltius signum, dabitur tibi, sed non sic ut Iona Prophetæ. Tu autem Sponsa mea, cui dictam gratiam feci, si non poteris habere litteram, & gratiam Papæ, & sigillum super concessione dictæ Indulgentiæ, nisi præcedente pecunia, sufficit tibi gratia mea. Ego enim approbabo,

& confirmabo verbum meum, & omnes Sancti erunt mihi testes. Mater mea erit tibi sigillum. Pater meus confirmator, & Spiritus meus aduenientium ad Monasterium tuum consolator.

N O T A.

EGo obtuli tibi Regulam Religionis, quæ fundari, & incipi debet in loco Vuarsteno in Suetia, quæ de ore meo processit, nunc volo, vt non solum auctoritate tua confirmetur, sed & benedictione tua, qui Vicarius meus es in terris, roboretur.

Ha Regula, quarum in presenti Capite Christus Dominus meminit, habentur infra circa finem huius Libri ante Reuelat. Extraneas, & eas fuisse diuinitus traditas, legimus in 1. eorum Capite, præcepit enim Dominus Beata Brigitta, vt ad honorem Beatissimæ Virginis Religionem Monialium institueret, quæ sub his Regulis à seipsa dictatis viuerent, hic verò dicit, quod huius Regule confirmationem, ac approbationem à Romana Pontifice petat, quod etiam repetit Cap. 30. & 31. Regularum. Ceterum huiusmodi Regulas fuisse ab Vrbano Quinto Pontifice Maximo approbatas admonuimus supra hoc eodem Lib. Cap. 49. Nota 2. & tradit Ioann. Naucl. vol. 2. sup. Cronographia generat. 46. & Polydorus Virgil. lib. 7. de Inuentoribus rerum cap. 4. & hoc etiam scripsit Bonifatius Nonus Pont. in Bulla Canonizationis Beatissimæ Brigittæ, sic enim habet, In loca etiam de Vuarsteno Lyncopen. Diocesis de suis sacculatibus unum Venerabile Monasterium canonicè construi fecit pro sexaginta Monialibus sub clausura viuuntibus, & viginti quinque Fratribus. Ordinis S. Augustini, Sancti Saluatoris nuncupati, qui tam Moniales, quam Fratres certas Constitutiones per ipsam Beatam Viduam aditas, & postea per Sedem Apostolicam approbatas obseruare tenentur.

HÆC EST REVELATIO,
quam habuit Sponsa Christi in Roma
de eodem Papa Urbano antequam
rediret Auenionem. Anno Domini
MCCCLXX. quam ipsa præsen-
tauit ei in Monteflascione.

C A P. CXXXVIII.



VIGILANTE de nocte
præfata persona in oratio-
ne. Visum fuit sibi; ac si
vna vox loqueretur, pro-
cedens de vno circulo splen-
doris ad modum Solis. Quæ quidem vox
dixit sibi hæc verba; quæ sequuntur.
Ego sum Mater Dei, quia sic placuit sibi.
Ego etiam sum Mater omnium, qui sunt
in superno gaudio. Quamuis infantes
habent suam necessitatem secundum
suam voluntatem, tamen in augmentum
suar lætitiæ cumulaturs eis gaudium, ex eo
quod vident faciem matris sue blandam.
Sic placet Deo dare omnibus in cælesti
Curia gaudium; & exultationem, de
meæ virginittis puritate, & mearũ vir-
tutum pulchritudine, quamvis habeant
incomprehensibiliter ex eiusdem diui-
nitatis potentia totum bonum. Sum
etiam Mater omnium, qui sunt in Pur-
gatorio, quia omnes pœnæ, quæ debentur
purgandis pro peccatis suis, in quali-
bet hora propter precēs meas quodam
modo mitigantur. Ita placet Deo, vt
aliquæ ex his pœniis, quæ debentur eis
de rigore diuinæ iustitiæ, minuantur.
Ego sum Mater totius iustitiæ, quæ est
in mundo, quam iustitiæ Filius meus
dilexit dilectione perfectissima. Et sicut
materna manus semper parata est ad op-
ponendum se periculis, in cordis filij sui
defensionem, si aliquis niteretur in sui
læsionem, ita ego sum parata iugiter ius-
tos, qui sunt in mundo, defendere, &
de omni spiritali periculo liberare. Ego
etiam quasi sum Mater omnium pecca-

torum se volentium emendare, & ha-
bentium voluntatem in Deum ampliùs
non peccare, & sum voluntaria ipsũ
peccatorem in meam defensionem acci-
pere, sicut charitativa mater, dum vi-
deret filium nudum ab inimicis acu-
tos gladios habentibus sibi occurrentem.
Nonne tunc ipsa opponeret se periculis
viriliter, & filium suum de manibus ini-
micorum suorum liberaret, & eriperet,
& in sinu suo gaudenter conseruaret?
Ita facio, & faciam ego omnibus peccato-
ribus, misericordiam meam à Filio meo
petentibus, sub vera contritione, & diui-
na dilectione. Audi tu, & attende dili-
genter, quid ego volo dicere de duobus
filijs meis; quos tibi volo nominare.
Erimus, quem dico, est Filius meus Ie-
sus Christus, qui natus est de mea carne
virginea, ad hoc, vt suam charitatẽ
manifestaret, & animas redimeret. Pro-
pter quod non pepercit sui corporis labo-
ribus, nec sanguinis sui effusionibus.
Nec dedignatus est audire contumelias,
& sustinere suæ mortis pœnam. Ille est
ipse Deus, & est omnipotens in æternũ
lætitiã. Secundus, quem reputo pro filio
meo, est ille, qui residet in Papali Sede,
videlicet Sede Dei in mundo, si obedie-
rit præceptis suis, & ipsum dilexerit per-
fecta charitate. Modò volo aliquid lo-
qui super isto Papa, qui nominatur. Ur-
banus, propter precem meam obtinuit
Spiritus sancti infusionem, vt deberet
ad Romam per Italiam declinare, ad ni-
hil aliud, nisi, vt iustitiã, & misericor-
diam faceret, fidem Catholicam roborã-
ret, pacem confirmaret, & sic Ecclesiam
sanctam in nouaret. Sicut mater ducit fi-
lium suum ad locum, ubi sibi placet,
dum ostendit sibi vbera sua. Ita duxi ego
Urbanum Papam prece mea, & opere
Spiritus sancti de Auenione ad Romam,
sine quouis suo periculo corporali. Quid
fecerat ipse mihi. Iam venit ad me dor-
sum, & non faciem, & intendit à me re-
cedere, & ducit eum ad hoc malignus spi-

Spiritus cum sua fraude. Nam tedium habet de diuino labore, & libitum ad suum commodum corporale. Item trahit eum Diabolus cum delectatione mundiali, nam nimis desiderabilis est sibi terra nationis sue mundano more. Item trahitur carnalium amicorum consilijs, qui magis attendunt suam dilectionem, & voluntatem, quam Dei honorem, & voluntatem, vel animæ suæ perfectum, & salutem. Si contigerit ipsum redire ad terras, ubi fuit electus Papa, ipse habebit in breui tempore vnam percussionem, siue vnam alapam, quod dentes sui stringentur, seu stridebunt. Visus caligabit, & fuscus erit, & totius corporis sui membra contremiscent. Ardor Spiritus sancti paulisper tepescet in eo, & recedet, & omnium amicorum Dei preces, qui pro ipso orare decreuerunt lacrymis gembundis, torpebunt, & corda ad eius frigescent dilectionem; & de duobus coram Deo redet rationem. Primò de his que fecerit in Papali Sede. Secundo de his, quæ omiserat ex his, quæ potuisset in Dei honorem facisse in sua magna maiestate.

N O T A

VRbanus propter precem meam obtinuit Spiritus sancti infusionem, vt deberet Romam per Italiam declinare

Hunc fuisse Urbanum Quintum dubitari minimè potest, ipse namque tunc Sedem Pontificiam obtinebat, quando Beata Brigitta sanctitate floruit, & facit ipsemet Platina in vita illius circa finem, & tradiderunt Ioannes Nauclerus volumine 2. sua Cronographia, & Polydorus Virgilius lib. 7. de Inuentoribus rerum cap. 4. circa medium; huic autem Pontifici Beatam Brigittam presentem Reuelationem obtulisse in Monte Falisco insinuatur in argumento huius Capituli, ubi tunc temporis Urbanus morabatur, quoniam Aedes Pontificias construi mandauerat, & sibi, suisque Successoribus eo proficisci liceret,

vitandi, & inquit Platina, urbanos æstus causa, hoc ergo loco à Christo Urbanus acriter reprehenditur, quod Italiam deserere, & in Galliam redire decreuisset, & idò aliquantò post medium Capituli de eo Christus conqueritur, sic: Trahit illum Diabolus cum delectatione mundiali, nam nimis desiderabilis est sibi terra nationis sue, quam ob causam predixit Beata Brigitta, quod si in patriam redisset, Urbem Romam deserens, illum quamcitrauissimè moriturum fuisse, quod factum esse asserit Platina in vita ipsius, dum enim proficiscebatur in Galliam, Marsilie mortuus est, vel ut alij volunt, Anenione vitam finiuit Pontificatus sui Anno octauo.

HÆC QVÆ SEQVITVR EST Reuelatio prima, quæ fuit missa à Domino Gregorio Papæ XI. per Dominum Launum de Vrsinis.



NA persona vigilans, & non dormiens, sed in oratione persistens, in spiritu rapta fuit. Et tunc omnes eius corporis vires quasi deficere videbantur, sed cor ipsius inflammabatur, & exultare charitatis ardore; eiusque anima consolabatur, & quodam diuino robore confortabatur spiritus eius, ac etiam tota conscientia eius replebatur spirituali intellectu. Cui personæ tunc apparuit viso talis. Audiebat enim tunc ipsa quamdam vocem dulcisonam, eam taliter alloquentem. Ego sum illa, quæ genui Dei Filium verum, Deum Iesum Christum. Quoniam aliàs dixi tibi aliqua verba, quæ Urbano Papæ deberent nunciari, hunc etiam dico tibi aliqua, quæ mittenda sunt Papæ Gregorio. Sed vt melius intelligantur, dicam tibi ea per quādam similitudinem. Sicut enim pia mater dilectum videns filium nudum, & frigidum in terra iacentem, & ad.

ad erigendum se vires corporis nullas habentem, sed præ desiderio fauoris, & laetis materni, quæ rulis vocibus cum vagitu plorantem; quæ tunc tenera dilectione compassa filio festinè occurrit, & nè deficeret frigore; pia manu materna eleuauit eundem, quem statim lenitè fouit, & materno calore sui pectoris misissimè calefecit, eumque dulciter mammillarum suarum lacte cibauit. Sic ego Mater misericordiz volo facere Papæ Gregorio, si Romam, & in Italiam redire voluerit animo permanendi, & voluntatem habuerit ibidem; ut pius pastor plangedi compassionis lacrymis gemebundis, animarum sibi ouium commissarum æternam perdicionem, & earum damna, & dispendia dolorosa. Et innouare proposuerit statum Ecclesiæ cū humilitate, & pastorali debita charitate. Tunc enim ego sicut pia mater eleuabo eum de terra velut nudum frigidum filium, idest separabo eum, & totum eius cor ab omni dilectione terrena, & ab omni mundano amore, quæ sunt contra Dei voluntatem; & calefaciam eum suauiter materno calore, scilicet charitatis meæ, quæ est in pectore meo. Saturabo etiam ipsum lacte meo, idest oratione mea, quæ similis est lacti. O quam innumerabiles sunt illi, qui lacte orationis meæ sustentantur; & dulciter saturantur. Isto enim lacte saturabo, idest oratione mea, quam faciam pro eo ad Dominum Deum meum, qui est Filius meus, ut ipse dignetur misereri, & vnire Spiritū suum sanctum cū interno sanguine cordis eiusdem Papæ Gregorij. Tunc autem ipse saturabitur vera satietate perfecte intantum, quod ulterius ad nihil aliud desiderabit in hoc sæculo viuere, nisi ut possit Dei honorem totis suis viribus augmentare. Ecce iam nunc ostendi ei maternam charitatem, quam sibi faciā, si obedierit, quia Dei voluntas est, ut transferat Sedē suam ad Romam cum humilitate. Modò etiam nè imposterum ipse ignorantia excusetur,

ego præcauens eum materna charitate, annuncio ei ista, quæ sequuntur videlicet, quòd, si ipse prædictis non obedierit; indubitanter sentiet iustitiam virgam, idest Filij mei indignationem, quia tunc abbreviabitur vita eius, & vocabitur ad iudicium Dei. Nulla tunc ei temporalium potestas auxiliabitur Dominorum. Nè etiam sapientia, & scientia ei proderunt medicorum, nec status aeris suæ natalis patriæ proficiet ei; ad eius vitam aliquatenus prorogandam, quasi dicat, quòd si etiam venerit Romam, & prædicta non fecerit, tunc abbreviabitur eius vita, nec proderunt ei Medici, nec reuertetur ad Auētionem, ubi possit & proficere acronaialis patriæ, sed potius morietur, ut loquitur sequitur.

Sic ego Mater misericordiz volo facere Papæ Gregorio, si Romam, & in Italiam redire voluerit. *In hoc Capite, sicut etiam in subsequenti- bus tribus postremis huius Quartæ Libri de reditu Gregorij XI. in Italiam agitur, atque in his Maria Virgo B. Brigittam admonet, ut omnino pro viribus studeat suam, suiq. Filij voluntatem Pontifici Gregorio propalare, ea enim erat, ut in Italiam, & ad Urbē Romam quā citissime rediret, plurima namque Pastoris absentia sequebatur incommoda, sicque in Urbe labefacti hominū mores erant, ut nihil urbanitatis viderentur habere, & Civitas illa, quæ viuendi alijs debebat esse norma, facta erat delinquendi magistra, mensa quoque Urbis, & Basilicæ, cum publica, cum priuata, ruinam minabatur; hinc est, quòd Beatissima Virgo præcepit Beata Brigitta, ut hanc suam Pontifici voluntatem indicaret: sic enim scribitur Cap. immediate sequente non longe ab initio: Audi tu (inquit) quæ vides spiritualia, & dicito illud, quod tibi modo præcipitur, & scribe Gregorio Summo Pontifici hac verba, & circa medium Capitis legitur, Noue-*

Non uerit igitur certissime hoc, quod infra sequitur, esse voluntati Dei, uidelicet, quod sine dilatione quacumq. ipse ueniat in Italiam, seu Romam, & omnino taliter faciat, & acceleret iter suum in festinatione ad ueniendum, quod in mense Martio, uel ad ultimum intrante Aprili proximo futuro, ipse personaliter in predicta Vrbe seu Prouincia Italia omnino sit ingressus, refert autem Platina in uita ipsius Gregorij, eum uenisse Romam anno Domini 1376. Idib. Ianuarij, quod etiam tradiderunt D. Antonius, Genebrard, Onuphr. Panninus, & alij, quas citat Ioan. Pineda in Monarchia Ecclesiastica lib. 2. c. 36. & 3. Reliqua, quae ad bonum capium intelligenti spectare possunt, legenti patebunt per citatos Auctores, & ipsius Plat. in uita ipsius Gregorij XI. & litteras S. Catharine Senensis ad eund. Pontificem scriptas, quae totum negotium cum eo de reditu in Italia pergit.

SEQUITVR SECVNDA VISIO,
quam portauit Dominus Comes de
Nola eidem Papae Gregorio XI.

C A P. C X L.

AVS Deo su pro omni sua dilectione, & seruitium. Et honor sanctissimae Mariae pretiosae Virginis suae Matris, pro compassione, quam habet super omnes, quos Filius suus redemit sanguine suo pretioso. Pater sancte hinc est, quod quidam personae, quam uos bene nostis, uigilando in oratione existenti contigit, quod sentiebat cor suum totum inflammari diuinæ charitatis ardore, & quadam uisitatione Spiritus sancti. Quæ quidem persona tunc audiuit quamdam uocem sibi dicentem: Audi tu, quæ uides spiritualia, & dicito illud, quod tibi modo precipitur, & scribe Gregorio summo Pontifici hæc uerba, quæ modo audies. Ego, quæ loquor tibi sum illa, quam Deo placuit sibi in Matrem eligere, qui de carne mea sumpsit sibi corpus humanum. Ipse quidem Filius meus fecit cum Gregorio Papa magnū opus misericor-

diæ, quando scilicet fecit per me sibi dici sanctissimam suam uoluntatem, quam in priori reuelatione transmissa ei plenius intimaui. Et hoc factum est potius propter orationes, & lacrymas amicorum Dei, quam propter merita eius aliqua præcedentia. Ideo Ego, & Diabolus inimicus eius, graue certamen habuimus super eum. Nam ego inuicui eundem Gregorium Papam in alia littera, ut festinanter Romam, seu in Italiam se transferret eum humilitate, & diuina charitate. Et ut ibidem Sedem suam poneret, & usque ad mortem omnino permaneret: Diabolus uero, & aliqui consiliarij eiusdem, consulerunt ei tardare, & in illis, ubi nunc est partibus demorari, & hoc propter carnalem amorem, & etiam propter parentum, & amicorum carnalium mundanæ delectationem, & consolationem. Et ideo Diabolus maiorem habet hunc iusticiam, & occasionem tentandi eum, quia magis obediuit consilio Diaboli, & amicorum carnalium, quam Dei, & uoluntati meæ. Verum quia ipse Papa desiderat de uoluntate Dei adhuc plenius certificari: Ideo iustum est, ut tale suum desiderium impleatur. Non uerit igitur certissime hoc, quod infra sequitur esse uoluntatis Dei, uidelicet, quod sine dilatione quacumque ipse ueniat ad Italiam, seu Romam, & omnino totaliter faciat, & acceleret iter suum cum festinatione ad ueniendum, quod in mense Martio, uel ad ultimum intrante Aprili proximo futuro, ipse personaliter in predicta Vrbe, seu Prouincia Italiæ omnino sit ingressus, si ipse in Matrem meam uicquam uoluerit habere: Si autem in predictis inobediens fuerit, ueraciter sciet, quod nunquam amplius tali consolatione, id est alia mea uisitatione, seu reuelatione uisitabitur in hoc mundo. Sed post mortem suam respondebit coram diuina iusticia, cur mandatis Dei noluerit obedire. Si uero in predictis obediit, tunc ego etiam complebo ea, quæ promisi in reuelatione illa, a me sibi primitus destinata. Notum etiam

eidem Papæ facio, quod numquam fieri erit firma; & tranquilla pax in Francia; quod habitantes in ea plena securitate; & concordia possunt vltatenus congaudere; antequam populus regni placauerint Deum filium meum, per aliqua magna opera pietatis, & humilitatis, quæ suis multis prauis operibus, & offensio- nibus, ad indignationem, & iram hactenus prouocauerunt: Propterea nouerit, quod iter, seu passagium illorum armigerorum de iniquis societatibus iniquorum, quod ipsi facere volunt ad sanctum Sepulchrum Filij mei, non magis placet eidem Filio meo verò Deo, quam aurum illud, quod populus Israel proiecit in ignem, de quo Diabolus constabilem vitulum compaginauit: Quia in eis est superbia, & cupiditas: Et si aliquam habent voluntatem eundi ad memoratum Sepulchrum, magis est propter super- biam, & cupiditatem pecuniarum, quam propter amorem, & honorem Dei. Et his dictis hæc visio disparuit. Post hæc autem subiunxit, & dixit mihi Mater Dei: Item dic Episcopo meo Eremitæ, quod claudat istam litteram, & sigillet eam, & postea scribat in alio papiro copiam eius, & ostendat eamdem copiam apertam illi Abbati Nuncio Papæ, & Nolano Comiti, ut ipsi legant eam, & sciant quid continetur in illa. Postquam verò illi eam legerint, dimittat eis supradictam litteram clausam sigillatam, quam ipsi statim mittant Papæ Gregorio sine mora, sed copiam illam apertam, postquam legerint, nō dimittat eis, sed volo quod dilaceret, & rumpat eam coram oculis eorum in frustra, quia sicut littera quæ est vna, dilacerabitur in multa frutricula. Sic nisi Papa tempore, & anno venerit præfixo in Italiam, terræ Ecclesiæ, quæ sub vna eius obediencia, & subiectione modò eidem obediunt, diuidentur in plures partes in manus inimicorum. Et firmissimè scias, quod in augmentum tribulationis ipsius Papæ, non solū ipse audiet, sed & videbit

oculis suis esse vera, quæ dico, nec poterit cum tota manu potestatis suæ, reducere terras prædictas Ecclesiæ ad pristinum statum suæ obediencie, & pacis. Illa enim verba, quæ nunc dico tibi, adhuc non sunt dicenda, nec scribenda illi Abbati, quia semen occurrat in terra, donec fructificet in spicam.

HÆC REVELATIO EVIT IN Neapoli prædictæ Sponsæ Christi ostensa pro eodem Papa in festo Sancti Policarpi, quando redijt de Hierusalem, sed hanc reuelationem non misit Papæ, quia non fuit ei præceptum diuinitus.

C A P. CXLI.



CHRISTVS apparuit Sponsæ suæ Domine Brigittæ, oranti pro Papa Gregorio XI. & dixit ei. Attende filia ad verba hæc, quæ loquor. Scias enim quod iste Papa Gregorius est similis paralytico, qui non mouet manus ad operandum, nec pedes ad ambulandum. Sicut enim infirmitas paralytis generatur ex sanguine, & humore corrupto, & frigore, sic istum Papam tenet quasi impeditum, immoderatus amor sanguinis sui, & frigus tepiditatis mentis suæ ad me. Sed scias, quod adiutorio orationis Virginis Mariæ Matris meæ, iam incipiet mouere manus, & pedes, scilicet faciendo voluntatem meam, & honorem in veniendo Romam. Ideo scias certissimè, quod ipse veniet Romam, & ibi inchoabit viam ad aliqua bona futura, sed nō consummabit. Tunc autem respondit Domina Brigitta. O Domine Deus meus, Regina Neapolis, & multi alij dicunt mihi, quod impossibile est eum venire Romam, quia Rex Franciæ, & Cardinales, & alij, quæ plurima ponunt ei impedimeta ad veniendum. Et audiui, quod multi insurgunt ei, dicen-

dicentes se habere spiritū Dei, & diuinas reuelationes, & visiones, qui prætextu illarū dissuadent ei venire. Et ideò timeo multū, quod impediatur aduentus eius. Respondit Deus. Audisti legi, quod Hieremias erat in diebus illis in Israel, qui habebat spiritū Dei ad prophetādum, & multi erant tunc, qui habebant spiritum somniorū, & mendacij, quibus Rex iniquus credidit, & ideò venit ipse Rex in captiuitatem, & populus cū eo. Nā si Rex credidisset soli Hieremias ablata fuisset ira mea ab eo. Sic etiā nunc est, quia siue surgant sapientes, siue surgant somniores, siue surgunt amici, non spiritus, sed carnis ipsius Papæ Gregorij, & suadeant, & dissuadeāt contrariū, nihilominus tamen ego Dominus præualeo eis, & ducā ipsum Papam ad Romam, non ad eorum consolationem. Sed vtrum tu videbis eū venire, an non, tibi non est licitū scire.

HÆC REVELATIO FVIT IN Neapoli prædictæ Sponsæ Christi offensa in mense Februario, pro eodem Papa Gregorio, quam portauit ei quidam Eremita, qui Episcopatu renunciauerat.

CAP. CXLII.

PATER sancte. Illa persona, quam benè nouit Sāctitas vestra, existēs in oratione vigilans, cū staret tunc in raptu mentis contemplatione suspensa, vidit in spiritu similitudinē throni. In quo sedebat similitudo hominis inæstimabilis pulchritudinis, & incomprehensibilis potentiae Dominus. Et in circuitu throni, multitudo stabat magna Sanctorum, & innumerabilis exercitus Angelorum. Et antē sedentem in throno, stabat remotē quidam Episcopus indutus Pontificalibus indumentis, & ornamentis. Ipse autē Dominus, qui in throno sedebat, mihi loquebatur, sic dicens: Mihi data est omnis potestas in cælo, & in

terra à Patre meo. Et licet tibi videor loqui quasi de vno ore Attamen non solus loquor, quia Pater loquitur mecū, & Spiritus sanctus, quæ tres personæ vnum sumus in diuinitatis substantia. Deinde ad illū Episcopum loquebatur dicens: Audi Gregori Papa XI. verba, quæ ego loquor tecum, & diligenter attende ad ea, quæ dico tibi. Cur tantū odis me? quare tanta est audacia tua, & præsumptio tua contra me; nam Curia tua mundana depreddatur cælestem Curia. Tu verò superbè spolians me oībus meis, bona quoque Ecclesiastica, quæ mea propria sunt, & bona subditorū Ecclesiæ meæ indebitē extorques, & surripis, & das illa amicis tuis temporalibus. Tu etiam bona capis, & recipis iniuste à pauperibus meis, & illa das, & distribuis indecenter diuitibus tuis, propter quod nimia est audacia, & præsumptio tua, eò quod tu tam temerè intras Curiam meā, & nō parcis eis, quæ mea propria sūt. Quid feci tibi Gregori? Ego enim patienter permisi te ascendere ad summū Pontificatum, & prædixi tibi voluntatem meā, per litteras de Romatibi diuina reuelatione transmissas, admonendo te per illas de salute animæ tuæ, & præcantauī in eis de magno dispendio tuo: Quid ergo protantis beneficijs rependis mihi? Et cur facis hoc, videlicet, quod in Curia tuā regnat superbia maxima? Cupiditas insatiabilis, & luxuria mihi execrabilis, ac etiā vorago pessima horribilis symoniæ? Insuper etiā rapis, & deprædaris à me innumerabiles animas. Nā quasi omnes, qui veniunt ad Curiam tuā, mittis in gehennā ignis, ex eò quod nō diligenter attendis ea, quæ pertinent ad Curiam meā, quia tu es Prælat, & Pastor oīum mearū. Et ideò culpa tua est, quod non discretē consideras ea, quæ ad spirituale salutē ipsarum faciēda, & corrigēda sunt. Et quamuis ex prædictis possem secundum iusticiā condemnare te, tamen ex misericordia adhuc iterum moneo te de salutē animæ

tuā, videlicet, vt venias Romam ad Sedē tuā, quā citiūs poteris, tempus enim pono in arbitrio tuo. Scias tamen, quōd quantō plūs tardaueris, tantō plūs diminiuitur profectus animā, & omniū tuarū virtutū. Et quantō citiūs ad Romam veneris, tantō citiūs, accrescēt tibi virtutes, & dona Spiritus sancti, & inflammaberis diuino igne charitatis meae, veni igitur, & noli tardare. Veni non cū superbia solita, & mūdāna pompa, sed cum humilitate, & ardenti charitate. Et postquā sic veneris, extirpa, euolle, & dissipa omnia vitia de Curia tua. Remoue etiā a te, consilia carnaliū, & mūdānorum amicorū meōrum. Aggredere ergo, & noli timere, cōsurge viriliter, & induere fortitudinem confidenter, incipe renouare Ecclesiā meā, quam ego acquisiui meo proprio sanguine, & renouetur, & spiritualiter reducatur ad pristinum statum suū sanctū, quia iam nunc magis veneratur lupanar, quā sancta mater Ecclesia. Si autem non obedieris prae dictae voluntati meae, firmiter scias, quōd tali sententia, & spiritali iustitia condemnaberis coram tota caelesti mea Curia, quali condemnatur, & puniatur temporaliter Praelatus degradandus. Qui publicē exiit sacris vestibus Pontificalibus gloriē cum pudore, & maledictione, & repletur ignominia, & confusione. Sic ego faciam tibi. Nam deponā te de caelesti Curia, & omnia, quae modo sunt tibi ad pacē, & honorē, erunt tibi ad maledictionē, & aeternā confusionem. Et quilibet Inferni Diabolus recipiet morsellū de anima tuā, quātis ipsa immortalis, & inconsumptibilis sit, & pro benedictione repleberis aeterna maledictione. Et quamdiū patiar te inobedientē mihi, tādū prosperaberis. Verum tamen fili mi Gregori, adhuc te moneo, vt humiliter reuertaris ad me, & obedi cōsilio meo Patris tui, & Creatoris tui, Quia, si tu praedicto modo obedieris mihi, & ego, vt pius Pater suscipiā te. Aggredere ergo viriliter viā iustitiā, & prosper-

aberis. Noli contemnere diligentem te, quia, si obedieris, faciam tecum misericordiam, & benedicā te, ac etiam vestiam te, & ornabo te pretiosis vestimentis Pontificalibus veri Papae, & induam te meisq, ita quōd tu eris in me, & ego in te, & glorificabitur in aeternum. His autem sic visis, & auditis, haec visio disparuit.

REVELATIO QVARTA,

quam B. Brigitta misit Domino Papae Gregorio in mense Iulij, anno Domini M. CCC. LXXIII. Et ipsa scripsit cuidam Eremitae, qui olim fuit Episcopus, qui tunc erat cum Domino Papa super hoc in Auenione.


C A P. CXLIII.

DOMINVS Noster Iesus Christus dixit mihi, Domine Episcope, quōd ego scriberem vobis infrascripta verba, quae deberis ostendere summo Pontifici. Papa petit signū, dicit ei, quōd Pharisei petierūt signū. Quibus respondi, quōd sicut Ionas fuit in ventre ceti tribus diebus, & tribus noctibus, sic ego Virginis filius fui in terra mortuus tribus diebus, & tribus noctibus, & resurrexi, & ascendi in gloriā meā. Sic Papa iste Gregorius accipiet signū admonitionis meae, vt saluet animas. Faciat ergo opera, quae honoris mei sūt, & laboret, quo modo saluetur animā, & vt Ecclesia mea veniat in pristinū statum, & meliōre dispositionem, & tunc experietur signū, & fructum aeternae consolationis. Secundū habuit signū, quōd, nisi obedierit verbis meis, & venerit in Italiā, non solum perdet temporalia, sed etiam spiritualia, & sentiet tribulationē cordis, quamdiū viuit, quamvis quandoq. cor eius videtur habere releuamen, tamen remorsus conscientiae, & interna tribulatio remanebit sibi. Tertium signum, quōd ego Deus loquor cū vna muliere verba mirabilia, ad quid hoc, & ad quem fructum, nisi ad ani-

animarum salutē, & vilitatem, & vt mali emendentur, & vt boni fiant meliores? De discordia verò inter Papā, & Bernabonem. Respondeo, quòd vltà modum est mihi odiosa, quia infinitæ animæ de illa periclitantur. Idèò placitum est mihi, quòd còcordia fiat. Nā si etiā Papa expulsus esset à Papatu suo, meliùs esset quòd Papa humiliaret se, & faceret concordia quacumque occasione fieri posset, antequā tot animæ perirent in æternā damnationem. De emendatione verò Regni Franciæ, non habebit scire, antequā personaliter venerit in Italiam. Itaq. sicut, si staret patibulū, super quod penderet funis, quem ex vna parte infiniti traherēt, ex alia non nisi vnus. Sic damnatio animarum aperta est, & quasi ad illā pleriq. laborant. Idèò Papa iste respiciat ad me vnū, quia licet omnes dissuadeant ei venire Romam, & obsistant quantumcūq. possunt, confidat in me vno, & iuuabo eum, & nulli præualebunt in eum. Sed si cut pulli in nido veniente matre, eleuant se, & clamant, & gaudent. Sic ego gaudenter occurram ei, & eleuabo eum, & ad animā, & corpus honorabo. Item ait Dominus. Quoniā dubitat Papa, an debeat venire Romam pro reformatione pacis, & Ecclesiæ meæ, volo quòd omnino veniat in proximo sequenti autumno. Et sciat etiā, quòd nihil gratiùs potest mihi facere, quam quòd in Italiā veniat.

VISIO QVAM HABVIT SPONSA
Christi de iudicio animæ cuiusdam
Summi Pontificis defuncti.

C A P. CXLIV.

 Idebit Sponsa quasi vnā personā Pontificis vestitā scapulari, quæ stabat in domo platearum, luto respersa. Cuius domus testū ferē iacebat super cerebrum dictæ personæ compressum. Et Æthiopes nigri habentes

vincinos, ac alia instrumenta nocendi circumuallabant domum, sed non valebant tangere personam illam, licet terrebant eam terrore maximo. Et tunc audiui vocem dicentem mihi. Hæc est anima illius magni Pontificis, quem tu nosti. Domus enim ista est retributio eius spiritualis. Nam aliqua mundana tractabat, & idèò remuneratio eius nondum lucida est, donec in Purgatorio purgetur, & dealbetur spiritualibus orationibus, & charitate Dei. Quòd verò testum quasi comprimit cerebrum eius, signū mysterij est, quia testū significat charitatē Dei. Quæ quātō maior est, tātō latior, & sublimior ad spiritualia est, & ad feruorē Dei. Sed quia charitas animæ huius in aliquibus mūdialibus operibus ardebat, & magis sequebatur voluntatē propriā. Idèò testū, quod luminosū, & altū est electis Dei, angustū est sibi, donec sāguine Filij Dei, & cēlestis Curie interuētū dilatatur. Quòd verò anima induta est scapulari, signū est, quòd studuit se cōformare religioni monasticæ, & vocationi suæ, sed nō tantū conatus est, quòd esset exemplar proficientium, & forma perfectorum. Nunc autem licitum est tibi scire tria de operibus, quæ fecit in vita sua, propter quæ nunc patitur pœnam. Primum est, quòd fecit quamdam inobedientiā contra Deum, & conscientiam suā, de quo contritionē habuit, & remorsum cōscientiæ suæ. Secundū est, quòd dispensabat in aliquibus cū quibuscūq. propter carnalē amorē, sequendo voluntatē suā. Tertiū est, quòd dissimulabat aliqua, nē offēderet, quos diligebat, quæ corrigere potuisset. Verumtamē scias, quòd anima ista non est cum illis, qui descendunt in Infernum, nec cū illis, qui veniunt ad grauiora examina Purgatoriij, sed cum illis, qui quotidie festinanter appropinquant gratiæ, & visioni maiestatis Dei Omnipotentis.

Explicit Quartus Liber Reuelationum Cēlestium S. Brigittæ.

PROLOGVS LIBRI

QVÆSTIONVM,

Qui est Quintus Liber Caelestium
Reuelationum S. Brigittæ.



INCIPIT Liber Quintus
Caelestium Reuelationum
Christi ad Beatam Brigit-
tam de Regno Suetiæ. Qui
Liber Quæstionum meri-
tò intitulatur, ex eo, quòd processus eius
est per modum Quæstionum, ad quas Chri-
stus Dominus dat mirabiles solutiones.
Et reuelatus fuit eidem Domina: miro
modo. Sicut ipsa, & Confessores eius,
sæpè oretenùs testabantur. Nam semel
contigit, quòd cum ipsa quadam die,
equitaret in equo, itinerando ad suum
Castrum Vatzsten, pluribus familiaribus
cum ea equitantibus sociata, tunc illa,
sic equitatio per viam, incepit ad Deum
orando erigere mentem suam, quæ illicò
rapta fuit in spiritu, & ibat quasi extra se
alienata à sensibus corporis in extasi
mentalis contemplationis suspensa. Vi-
debat tunc in spiritu vnâ scalam fixam
in terram, cuius summitas cælum tan-
gebat. Et in summitate eius in cælo,
videbat Dominum Iesum Christum se-
dentem in throno mirabili, velut Iudi-
cem iudicantem, ad cuius pedes stabat
Virgo Maria. In circuitu autem throni
erat infinitus exercitus Angelorum, &
multitudo copiosa Sanctorum. Et in
medio eiusdem scalæ videbat prædicta
Domina Brigitta Religiosum quemdam
sibi notum, adhuc corpore tunc viuen-
tem; magnæ litteraturæ in sciëntia Theo-
logiæ, plenum quoque dolo, & malitia
diabolica. Qui videbatur in gestu suo
impatientissimo, & inquieto, magis
Diabolus, quàm Religiosus. Videbat
namq. tunc dicta Domina cogitationes,
& omnes affectiones internas cordis
eiusdem Religiosi, & quomodo ipse

illas propalabat Christo Iudici in thro-
no sedenti cum gestu inordinato, & in-
quietissimo per modum Quæstionum,
vt infrà sequitur. Videbat etiam, &
audiebat tunc in spiritu ipsa Domina
Brigitta, qualiter Christus Iudex ad illas
quæstiones, cum gestu mansuetissimo,
& honesto, sigillatim, & compendiosè,
sapientissimè respondebat. Et qualiter
aliquando Domina nostra Virgo Maria,
aliqua verba eidem Domina: Brigittæ
loquebatur, vt seriosius liber iste inferius
declarabit. Postquam autem in eodem
instanti dicta Domina habuit in mente
totum istum librum, in vna eadem Re-
uelatione, accedente iam ipsa ad dictum
Castrum. Tunc familiares eius acci-
pientes frenum equi, cœperunt eam
mouere, & quasi excitare ab illo raptu,
quæ ad se reuersa nimis doluit, ex eo
quod tunc priuabatur tanta diuina dul-
cedine. Qui liber quæstionum ita effe-
ctualiter remansit tunc in corde, & me-
moria eius infixus, ac si in tabula mar-
morea totus sculptus fuisset. Ipsa verò
statim scripsit eum in lingua sua, quem
translatauit Confessor eius in lingua lit-
terali, prout alios libros translatare so-
litus erat.

Liber iste Quæstionum diuiditur per In-
terrogationes, & subdividitur per
Quæstiones. Habet enim XVI. Interro-
gationes, & in qualibet earum Iudex Chri-
stus interrogatur de certis Quæstionibus.
Ad quas ipse respondet distinctè, & mira-
biliter. Ita quòd qualibet Interrogatio con-
tinet certum numerum Quæstionum. Postea
verò sequuntur earum solutiones, & respon-
siones, prout in processu libri latius conti-
netur.



INCIPIT QUINTVS LIBER
 REVELATIONVM
 CAELESTIVM
 SANCTAE BRIGITTAE
 DESVETIA.



VIDIT Thronum in in Caelo, in quo sedebat Dominus Iesus Christus, vt Iudex, ante cuius pedes sedebat Virgo Maria, & in circuitu Throni erat exercitus Angelorum, & infinita multitudo Sanctorum. Ad quem Iudicem Religiosus quidam litteratus magnus in Theologia, stans in alto gradu cuiusdam scalae, quae in terra fixa erat, cuius summitas caelum tangebatur, impatientissimos, & inquietos habens gestus quasi dolo, & malicia plenus, interrogando dixit.

INTERROGATIO I.

Quaestio I.




IVDIX. Interrogo te. Tu dedisti mihi os, numquid non debeo loqui mihi placencia? Quaestio secunda. Tu dedisti mihi oculos, numquid non debeo videre

cum eis ea, quae me delectant? Quaestio tertia. Tu dedisti mihi aures, quare non audiam cum eis illa, quae mihi placent? Quaestio quarta. Tu dedisti mihi manus, cur non faciam cum illis, quid est gratum mihi? Quaestio quinta. Tu dedisti pedes, quare non ambulabo cum eis secundum desiderium meum?

RESPONSIO CHRISTI

Ad Primam Quaestionem.



RESPONDIT Iudex sedens in Throno, cuius gestus erant mansueti, & honestissimi, dicens. Amice ego dedi tibi os ad loquendum rationabiliter iustitia animae, & corporis tui, & ea, quae sunt honoris mei. Responsio secundae Quaestionis. Secundò dedi tibi oculos, vt videas mala fugienda, & salubria tibi custodienda. Responsio tertiae Quaestionis. Tertio dedi tibi aures, vt audires ea, quae sunt veritatis, & honestatis. Responsio quartae Quaestionis. Quarto dedi tibi

manus, vt cum eis faceres, quæ sunt necessaria corpori, & quæ nõ sunt animæ nociua. Responſio quintæ Quæſtionis. Quinto dedi tibi pedes, vt recederes ab amore mundi, & ires ad requiem, & amorem animæ tuæ, & ad me Creatorem, & Redemptorem tuum.

INTERROGATIO SECUNDA,

Quæſtio Prima.

ITEM apparuit Religioſus, qui ſuprà in gradu ſuo dicens. O Chriſte Iudex tu voluntarie amariffimã ſuſtinuiſti pœnam. Cur propter hoc ego non debeo honorabiliter me habere, & in mundo ſuperbire? Quæſtio ſecunda. Item tu dedidi mihi bona temporalia, cur propter hoc non debeo, quæ appeto poſſidere? Quæſtio tertia. Item cur dedidi membra corpori meo, ſi non debeam ea mouere, & exercitare ſecundum voluntatem meã? Quæſtio quarta. Item cur dedidi legem, & iuſtitiam, niſi ad vindictam faciendam? Quæſtio quinta. Item tu permiſiſti quietem habere, & requiem. Cuſ laſſitudinem, & tribulationem ordinavi, vt eam ſentiamus?

RESPONSIO PRIMÆ

Quæſtionis.

RESPONDIT Iudex. Amice ſuperbia hominis ex patientia meã diu toleratur, vt exaltetur humilicas, virtusq; mea manifeſtetur, & quia ſuperbia non eſt à me

creata, ſed à Diabolo inuenta, ideò ſu-
gienda eſt, quia ducit ad Infernum,
humilitas verò cultodienda eſt, quia
ducit ad Cælum, quam ego Deus docui
verbo, & exemplo meo. Reſponſio ſe-
cundæ Quæſtionis. Item bona tempo-
ralia, ideò à me data, & conſeſſa ſunt
homini, vt homo eorum uſum habeat
rationabiliter, vt ea, quæ creata ſunt
commutentur in increatum, ſcilicet in
me Deum Creatorem, laudando, & ho-
norando me de bonis meis, non autem
uiuendo ſecundum deſiderium carnis.
Reſponſio tertię Quæſtionis. Item mem-
bra corporis, ideò homini data ſunt,
vt animæ oſtendant quamdam ſimili-
tudinem virtutum, & vt ſtarent ad offi-
cium, & virtutem animæ, tamquam eius
inſtrumenta. Reſponſio quartæ Quæ-
ſtionis. Item iuſtitia, & lex, ideò à me
inſtituta eſt, vt ſcilicet impleteretur cum
ſuperna charitate, & compaſſione, & vt
inter homines vnitas diuina, & concor-
dia firmaretur. Reſponſio quintæ Quæ-
ſtionis. Item quòd dedi homini, vt re-
quiem, & corporalem quietem poſſit
habere, hoc feci ad corroborandam
infirmiſſimam carnem, & ad per-
cipiendam animæ fortitudi-
nem, & virtutem. Sed quia
caro quandoq; improui-
dè inſoleſcit, ideò
tolerandæ ſunt
tribulationes, &
omnia illa grata-
ter per quæ cor-
rigatur.

I. QUITA. X. ET MI



CONSALVI DVANTI EPISCOPI FERETRANI

NOTAE, ET VARIAE LECTIONES

Ad Librum Quintum Caelestium Reuelationum,
Sanctae Brigittae.

INTERROGATIO SECVNDA

QV AESTIO QVART A.



CURA dedisti legem, & iustitiam, nisi ad vindictam faciendam? In superioribus propositis dubitationibus, ac etiam in earum responsionibus nihil annotandum occurrit; Sole namq. omnia clariora sunt: sciendum tamen hic breviter est, cui queritur, Cur Deus Opt. Max. legē, & iustitiā dedit, quod de lege nō solum diuina, sed & de humana sermo sit, & per iustitiā nō intelligitur hic ea, quae Deus peccatorē iustificat, & ex iniusto iustū facit, sed ea, per quā unicuique suis meritis tribuitur. In responsione vero ad dubitationē propositā, duplex tantummodo legū finis agitur, cū dicitur Iustitia, & Lex: idē a me instituta est, ut cū superna charitate, & compassiōe impleatur, secūdo, ut inter homines unitas diuina, & cōcordia firmetur, quod etiā docuit D. Aug. lib. 1. de Libero arbit. circ. fin. ubi humanarū legum finis esse asserit humanā societate, pacis, ac libertatis in Vrribus conseruationem, & Epistola 200. ad Aselicū de spiritali lege. Verba faciens, Haec (inquit) est utilitas legis, quia ostendit hominem sibi met ipsi, ut sciat infirmitatē suā, & videat, quemadmodū per prohibitionē augeatur potius carnalis concupiscentia, quā sanetur: appetunt enim ardē-

tius, quae vetantur, dū id, quod spiritaliter iubetur, carnalis obseruare copellitur, idē indicat ep. 157. ad Optatū sed egregie S. Isidor. de legū finib. diffrens lib. 5. Erymol. c. 20 Facta sunt (inquit) leges, ut earū metu humana coerceatur audacia, tutaq. sit inter improbos innocentia, et in ipsis improbis formidato supplicio refrenetur nocēdis facultas: Ceterū in vniuersū quatuor ob causas à Deo leges hominibus esse datas asserire possumus. Primò quidē, ut vitia penitus extirpentur. Secundò, ut hominū mores componantur. Tertiò, ut ad felicitatem ducant. Quartò, ut veritate planē, & lucidē tradant, ad quae omnia praestanda, & humane leges, ac etiā diuinae cōditae sunt, quae tamē lex Euāgelica perfectiōis alijs praestat, quod etiā insinuant August. lib. 3. de Trin. c. 11. cū dicit, Data est lex ad domandā hominis superbiam, eiusq. prodendā infirmitatē, data est etiā in signū futurorū, ut futuris futura figuris attestaretur, data postremò est lex auris in flagellū, hinc est quod serm. 2. 2. de Verbis Apostoli, leges appellauit instrumēta mundatoria: verū necessitas legis ostēdit potest ex cōparatione animae ad corpus, sicut enim sine anima, corpus hominis, moritur, sic sublati legibus Ciuitas: quare Demosthenes ciuitatis animā leges vocauit sic Demosthenes apud Maxim. serm. 58. & Siobas serm. 4. c. 1. IN

INTERROGATIO TERTIA,

Quaestio I.

ITEM apparuit in gradu suo Religiosus, qui suprà, dicēs. O Iudex, quæro à te. Cur dedisti nobis sensus corporcos, si non secundum sensus carnis moueamur, & viuamus? Quaestio secunda. Item cur dedisti cibaria, & carnis sustentamēta, scilicet cibos, & alia delectabilia, si non viuamus ad saturitatem secundū carnis appetitum? Quaestio tertia. 1 Item cur dedisti nobis liberum arbitriū, nisi vt sequamur voluntatē nostram? Quaestio quarta. Item cur dedisti hominibus, & mulieribus semen cōmixtionis, & naturā, si non secundū appetitum carnis effundatur? Quaestio quinta. Item cur dedisti cor, & voluntatem, nisi vt diligatur, quod sapit dulcius, & ametur, quod delectabilius est ad fruendum.

RESPONSIO

Quaestionis Primæ.

RESPONDIT Iudex. Amice ego dedi homini sensum, & intelligentiam ad cōsiderandum, & imitandum vias vitæ, & fruendum vias mortis. Responsio Quaestionis secundæ. Item cibos, & carnis necessaria dedi pro corporis moderata sustentatione, & vt animæ virtutes exequeretur fortius, & non debilitaretur ex nimia sumptione. Responsio Quaestionis tertiæ. Item dedi homini liberum arbitrium ea ratione, vt ipse dimitteret propriam voluntatē propter me Deum suū, & vt ex hoc homo maius meritum consequeretur. Responsio Quaestionis quartæ. Item dedi semen cōmixtionis, ea de causa, vt loco, & modo germinaret debito, & vt causa iusta, & rationabili fructificaret. Responsio Quaestionis quintæ. Item ideo dedi homini cor, vt in eo me Deum suum, qui vbique sum, & incomprehensibilis concluderet. Et vt cogitando in me esset delectatio sua.

INTERROGATIO TERTIA,

Quaestio Tertia.

NOTÆ.

CVR dedisti nobis liberū arbitriū, nisi, vt sequamur voluntatē nostrā. *Queritur hic, quare Deus Opt. Max. homini liberū dederit arbitriū, cui dubitationi duplici ratione satisficit, primo quidē, vt homo minimē propriā sequeretur voluntatē, sed diuino fauore adiutus celestibus obtemperaret mādatis, quare Dei sūt faceret, ac aeternā gloriā mereri posset, si ergo suā poterat homo dimittere voluntatē, ea q. dimissa diuinam sequi, profectō liber erat, hac ob causam tantō libertatis munere dignus factus est homo, propterea d. Lyrans. super illud Ecclesiast. 15. Et reliquit hominem in manu consilij sui, appellat hanc libertatem cōseruādi iustitiam potestatem, non propriæ voluntatis faciendā scilicet scultatem. Et ideo D. Basilius in sermone, quēdā de libero arbitrio edidit, affirmat, homini liberū datum esse arbitrium, vt Diabolo peculiariter resisteret, quod egregiē explicās D. Aug. lib. 2. de Libero arbitrio. c. 1. Nūc (inquit) cū Deus peccantē punit, quid videtur tibi aliud dicere, nisi cur nō ad eā rem rēsus es libera voluntate, ad quā tibi eam dedi, hoc est ad rectē faciendum, quod sapē, vt docet Greg. Naz. in Apolog. aliquāto post init. singularis, Et eximia bonitatis Dei argumentū est, nimirū facere, vt nostra quoque aliqua ex parte sit virtus, nec natura tantum nobis inscratur, sed voluntate etiā, animiq. proposito excolatur, arbitrijq. libertate parē in vtrāq. partem motum habere. Idem habet in orat. de Christi Nauit. atque hoc similitudine quadam satis apta demonstrari posse credo, sicut enim Deus per se poterat in vniuersali diluuiio Noe cum suis, nē submergerentur, efficere, voluit autem, vt ipse fabricaret Arcā, Et ingrederetur eam, vt esset suæ saluationis cooperator, ita placuit ei, vt omnes, qui spiritualiter saluantur, suā saluti cooperentur per liberi arbitrij motū. Hac eadē similitudine vti dicitur Driedo de Captiu. Et redempti hominis, Et probat, hoc ipsū D. Damas. lib. 2. de Fide orihod. c. 27. Et Chrysost. ho. 14. ex varijs in Matth. locis, Et B. Basili. loco suprà citato.*

LOQVITVR VIRGO MARIA

Beatę Brigittę, informando eam de quinque virtutibus, quas debet habere intra se, & alias quinque extra.

REVELATIO PRIMA

in Libro Quęstionum.



MATER loquitur. Filia, oportet te habere quinque interna; & quinque ab extra. Primo ab extra; os mūdum à detractionibus.

Aures clausas à vaniloquijs. Oculos pudicos. Manus in bonis operosas, & elongare te à sæculi conuersatione. Item ab intra oportet te habere quinque, scilicet. Diligere Deum feruenter. Desiderare eum sapienter. Tribuere bona temporalia, cum iusta, & recta intentione rationabiliter. Fugere mūdum humiliter. Et promissa mea expectare longanimitate, & patienter.

INTERROGATIO QVARTA,

Quęstio I.



ITEM apparuit in suo gradu Religiosus, qui supra, dicēs.

O Iudex cur debeat inquirere sapientiam Dei, cum ego habeam sapientiam mundi? Quęstio secunda. Cur debeam lugere, & plorare, cum gaudium, & gloria mundi mihi abundat? Quęstio tertia. Item dicito, cur latari debeam, aut quomodo in carnis afflictione? Quęstio quarta. Item cur timere debeam cum virium propriarum habeam fortitudinem? Quęstio quinta. Item quare alijs obediam, si voluntas mea est in propria potestate?

R E S P O N S I O

Quęstionis Primę.



RESPONDIT Iudex.

Amice omnis, qui sapiens est ad mūdum, cæcus est ad me Deum suum. Et ideo, ut acquiratur diuina

sapientia mea, necesse est, ut diligenter, & humiliter inquiratur. Responsio Quęstionis secundę. Item omnis, qui habet honores mundi, & eius gaudium, diuersis agitur eurijs, & inuoluitur amaritudinibus ducentibus ad Infernum; ergo nē quis à via cæli deuiet, necesse est sollicitari piē, & rogare, & plorare. Responsio Quęstionis tertię. Item valde vile est latari in afflictione, & infirmitate carnis, quia ei, qui habet afflictiones carnis, appropinquat misericordia mea, & per ea facilius appropinquat eternę vitę. Responsio Quęstionis

3
var.
lect.

quartę. Item omnis quicumque fortis est, & ego fortior illo. Ideo ubique timendum est nē fortitudo auferatur. Responsio Quęstionis quintę. Item, quicumque habet liberum arbitrium in manu sua, timere debet, & veraciter intelligere, quod nihil ita facilius ducit ad poenam eternam, sicut voluntas propria sine ductore. Ideo, qui propriam voluntatem relinquit mihi Deo suo, obediens mihi, habebit cælum sine poena.

INTERROGATIO QVARTA,

Quęstio I.

NO T A

O Iudex cur debeam inquirere sapientiam Dei, cum ego habeam sapientiam mundi?

Quoniam hoc loco duplicis sapientie mentio fit, Diuine, scilicet, & Humane. Ideo vtriusque natura breuiter indaganda est, ut propositi dubitationis solutio legentibus

patet, dicitur namq. in responsione, quod cum humana sapientia caeca sit, ideo diuinam inquirendam esse, est autē diuina sapientia, ut placet D. August. lib. 2. de Libero arbitrio cap. 4. Veritas, in qua cernitur, ac tenetur summum bonū, in qua definitio animaduertendum est, quod cum dicitur, quod sapientia veritas est, in qua summum bonum cernitur, & qua item tenetur, dupliciter hanc sapientiam veram considerandam esse: speculatiue, & practice: verus namq. sapiens non in speculatione tantummodo Dei moratur, sed & quomodo possit illius voluntati obtemperare, eiusq. seruare leges, ac praecepta studet, hanc ergo sapientiam diuinam practice considerat Iob cap. 28. Cultum Dei vocat, de qua etiam verba facit D. August. lib. 14. de Trinit. cap. 11. D. Gregor. Nazianz. Oratione in plagam grandinis in principio. Sapientia (inquit) est, et ita proba, & honesta, Deoque perpurcata, qua piscatores vnuersum cinxisse orbem Euangelij rebus affirmat, atque contracto verbo fluxam illam sapientiam praefigit: de eade agit Oratione de Laudibus D. Arhanasij paulo post institū, & Oratione contra Maximum circa finem, & D. Leo fuso Serm. de Epiphania Domini, ubi inter cetera tradit diuinam hanc sapientiam, nō in abundantia verbi, nec in astricta disputandi, neque in appetitu laudis, & gloria, sed in vera, & voluntaria humilitate consistere, hactenus D. Leo: ex cuius doctrina satis aperte deduci potest, a contrario sensu, quae, & qualis humana sapientia censenda sit, & eam esse semper arbutus sum, quam habent Superbi, siquid dignitates, & honores habent, Auari qui diuitias inordinatē querunt, Luxuriosi, qui carnis voluptates sectantur, & haec ex diametro cum diuina pugnat, & de hac D. Iacobus Apostolus cap. 3. sua Epistola scripsit, quod de sursum non descendit à Patre luminum, & quod terrena, animalis, ac diabolica dicitur, & Ecclesi. 2. 8. Deus dicit velle hanc sapientiam perire, Perdam (inquit) sapientiam sapientum, & Luc. 16. huiusmodi sapientes filij saeculi appellantur: hanc etiam describens D. Basilus in Concione de humi-

litate, At (inquit) quod inter humana bona maximum, & constantissimum esse videtur, ipsa sapientia, & prudentia, etiam haec vanam elationem habet, & alieuidem non veram preparat, cum nullius rei reputetur, si sapientia Dei absit. Sicut ergo diximus supra de diuina sapientia, ita quoque hic dicendum de humana: quam arbitror dupliciter considerari posse, practice, & speculative, practice, quidem, quae in malarum operationum studio, ac in peruersarum actionum sollicitudine consistit, speculative verā, quae in creaturarum speculatione permanet, quae quidem stolti faciendū est, nisi ad Dei cognitionem, & honorem ordinetur, immo sic vana, & inutilis esset cēsenda, ut probat D. Basil. loco citat. & caeca quoque diuinum, ut scribitur in responsione ad dubitationem propositam ibi, Omnis (inquit) Christus Dominus) qui sapiens est ad mundum, caecus est ad me. Item, ex quo inferit D. Thomas par. 1. quest. 1. art. 1. praeter humanas disciplinas, aliam diuinam sapientiam calitus reuelatam hominibus fuisse necessariā, quandoquidem alie scientie multis errantibus admiste, & quodammodo priuare lumine, partimque proficere, nisi ad Dei cognitionem subordinatē sint, immo, & diuinae sapientie ancillae dicuntur, secundum illud Proverborum notio, Miste ancillas suas, & vocare ad arcem: hinc ergo euidenter concluditur, prout legimus hic, quod humana sapientia non sufficit, sed diuina humiliter ac diligenter inquirenda.

INTERROGATIO QVARTA,

Quaestio Quinta. An voluntas nostra libera sit, & per peccatum Primorum parentū prociis, facta ad malū, ad quod de facili ruert, nisi aliquis sit, qui eā manu duceret ad bonū, vel imperando, vel consulendo, aut quo cū alio modo illam subleuando, & ideo supernaturali indiget

Quare alijs obediā, si voluntas mea est in propria potestate? Cum voluntas nostra libera sit, & per peccatum Primorum parentū prociis, facta ad malū, ad quod de facili ruert, nisi aliquis sit, qui eā manu duceret ad bonū, vel imperando, vel consulendo, aut quo cū alio modo illam subleuando, & ideo supernaturali indiget

auxilio, per quod manducatur ad bonū, & hoc est, quod legimus hic in presens dubitationis solutione, quod nihil ita facile ducit ad eternam penam, sicut voluntas propria sine ductore: addere & Nos possumus huic objectioni secundam responsionem, quod licet voluntas libera sit, ut tamen homo mereretur, atque ex obedientia meritū consequeretur, oportuit, ut sub dominio postus ab aliquo prohiberetur, ac praeceperetur: rursus, quia non haberet homo, unde obtinere se dominum aliquando recordaretur, nisi ei aliquid iuberetur, aut iuberet, quod explicans D. August. lib. 8. de Genesi ad litteram cap. 13. A ligno (inquit) quod malum non erat prohibitum est, intellige Adamum, ut ipsa per se praecepti conservatio bonum illi esset, transgressio malum, nec potuit melius, & diligentius commendari, quantum malum sit inobedientia, cum idē reus iniquitatis factus sit homo, quia eā rem tetigit contra prohibitionem, quam, si non prohibitus tetigisset, non utique peccasset, nam, qui dicit noli tangere hanc herbam, si forte venenosa est, mortemq. pronunciat, si tetigerit, sequitur quidem mors contemptorem praecepti, sed etiā si nemo prohibuisse, atque ille tetigisset, nihilominus moreretur, illa quippe res contraria salutis, vitæque eius esset, siue vitaretur, siue non vitaretur, item cum quisq. prohibet eam rem tangi, quæ non quidem tangenti, sed illi, qui prohibuit, obesset, veluti si quisquam in alienam pecuniam misisset manum prohibitus, ab eo cuius erat pecunia illa, idē esse prohibitio peccatum, quia prohibenti poterat esse damnum, cum verō illud tangitur, quod nec tangenti obesset, si non prohiberetur, nec cuiquam alteri quamlibet tangeretur, quare prohibitum est, nisi ut ipsius per se bonum obedientie, & ipsius per se malum inobedientie monstraretur, hætenus Augustinus: cui ad stipulatur Clemens Alexandrinus lib. 1. Stromatum, ubi asserit, quod si praeceptum, & lex tolleretur, etiam fides, & obedientia periret, idē annotarunt D. Hieron. ad Aglaſiam quæst. 8. & quamplures sacrarum Litterarum Interpretes Genes. 2. in Exposit. verborum illorum, Præcepitq. ei dicens, Ex omni ligno: & in

specie tradit Procopius lib. 1. in Genes. cap. 2. Posuit (inquit) praeceptum, ut agnosceremus nostram infirmitatem, & deinde nos ipsi magis appeteremus futurum bonum, addit Greg. Nyssenus, latum fuisse praeceptum à Deo, ut se simul Deum opificem, Regemq. declararet.

INTERROGATIO QVARTA.

RESPONSIO

Quæstionis Quartæ.

NOTÆ.

IN Responsione Quæstionis Quartæ, ubi hætenus impressi Codices legunt. Omnis quicumque fortis est, & ego fortior illo.

M. S. Farnesianus rectius habet, Omnis quicumque fortis est, à me fortis est, sed ego fortior illo, atque ita legendum esse arbitror, quoniam in proposita dubitatione scribitur, homini minimè timendum esse, quippe qui ex se fortitudinem habere videtur, cui objectioni hoc loco satisfi, negando hominem ex se habere fortitudinem, sed eam omnino à Deo obtinuisse, & idē illi timendum esse, nè ab eo, à quo fortitudinem habet, ei auferatur.

INTERROGATIO QVINTA,

Quæstio I.

ITEM apparuit Religiosus, qui suprà, dicens. O Iudex, quare creasti vermes, qui nocere possunt, & non prodesse? Quæstio secunda. Item cur creasti feroces bestias, quæ etiam nocent hominibus? Quæstio tertia. 2. Itē cur corporibus immittis infirmitates, & dolores? Quæstio quarta. Item cur pateris iniquitatem iniquorum Iudicum, qui subditos affligunt, & flagellant, quasi seruos emptitios? Quæstio quinta. Item cur corpus hominis tribulatur etiam in puncto mortis?

RESPONSIO QVÆSTIONIS
Primæ.

RESPONDIT Iudex.

Amice, ego Deus, & Iudex creavi cælum, & terram, & omnia, quæ in eis sunt. Sed nihil sine causa, nec sine spiritualium similitudine. Sicut enim animæ Sanctorum assimilatur Angelis sanctis, qui sunt in vita, & felicitate. Sic animæ iniustorum simulantur Dæmonibus, qui sunt in æterna morte. Ergo, quia quæfisti cur creauerim vermes? Respondeo tibi. Quod ipsos creavi ad ostendendam multiplicem sapientiæ, & bonitatis meæ potentiam. Nam licet nocere possint, non tamen nocent, nisi permissione mea, & exigente peccato, ut homo, qui subdi suo summo superiori continetur, etiam ab infimo se tribulari posse ingemiscat, sciatque se homo sine me nihil esse, cui etiam irrationabilia seruiunt, & omnia stant ad nutum meum. Responsio quæstionis secundæ. Item, cur bestias feroces creavi? Respondeo.

1. Omnia quæ ego creavi, non solum erant bona, sed etiam valde bona, & aut ad vilitatem hominis, & probationem creata sunt, aut ad cæterarum creaturarum. Et ut homo tanto humilius seruiat mihi Deo suo, quod felicius est vniuersis. Verumtamen bestię in temporalibus nocent, duplici de causa. Primo ad correptionem, & cognitionem, malorum, ut ex flagellis intelligant se homines mali debere obedire mihi superiori suo. Secundo nocent etiam bonis ad perfectum virtutum, & purgationem. Et quia homo peccando eleuauit se contra me Deum suum, ideo & omnia subiecta sibi contra eum sunt eleuata. Responsio quæstionis tertiæ. Item cur corpori aduenit infirmitas? Respondeo, quod hoc accidit ad maiorem cautelam, & etiam propter incontinentiæ, &

superfluitatis vitium, ut homo addiscat spiritualemente moderantiam, & patientiā per carnis refrenationem. Responsio quæstionis quartæ. Item quare iniqui Iudices tolerantur? Hoc est ad aliorum purgationem, & propter meam patientiam, ut sicut aurum purgatur igne, sic ex prauorum malitia animæ purgantur, erudiuntur, & retrahuntur à non faciendis. Ideo etiam patienter tolero homines malos, ut spiciat Diaboli segregantur à frumento bonorum. Ut cupiditas eorum impleatur ex occulta mea diuina iustitia. Responsio quæstionis quintæ. Item cur corpus patitur pœnam in morte? Iustus est quod per illa, per quæ peccat homo, per similia puniatur, & quia peccat delectatione inordinata, dignum est, ut plectatur amaritudine, & pœna ordinata. Ideo hic quibuscumque incipit mors in Inferno duratura sine fine. Alijs finitur mors in Purgatorio, & inchoatur læticia sempiterna.

INTERROGATIO QVINTA,
Quæstio Prima, & Secunda.

N O T A.

1. O Iudex quare creasti vermes, qui nocere possunt, & non prodesse? Secundo, cur creasti feroces bestias, quæ etiam nocent hominibus?

De hac eadem re etiam Manichei dubitarunt, querentes, quare Deus tam multa creauerit animalia, quæ homini minime videntur esse necessaria, immo illi potius pernicioſa, quæ timorem magis, quàm aliquod commodum ei afferunt, sicque dubitasse Manichæos refert D. August. lib. 1. de Genesi contra Manichæos cap. 16. ubi eos stultos, ac insipientes vocat, qui diuinorum operum rationes ignorantes, ea improbare audent, & licet ibi fateatur rationem se ignorare, quare huiusmodi animalia creata sint, dū inquit, Ego verè fateor me nescire

noscere mures, & rana, quare creata sunt, aut musca, aut vermiculi: paulò tamen infra horum animalium generationis causas reddēs, ait, & certè omnia animalia, aut vtilia nobis sunt, aut pernicioſa, aut superflua: aduersus vtilia non habent, quod dicant, de pernicioſis autem, vel punimur, vel terrimur, vt non vitā istam multis periculis, & laboribus subditam, sed aliam meliorem, vbi securitas summa est diligamus, & desideremus, & cā nobis pietatis meritis comparemus, de superfluis verò quid nobis est querere, si tibi displicet, quod non profunt, placeat, quod nō obſunt, quia, & si domui nostrae non sunt necessaria, eis tamen completur huius vniuersitatis integritas, sed lauius eandem rem explicat lib. 3. de Genesi ad litteram cap. 15. Potuerunt inquit ista animalia creata nihil nocere, si causa non extitisset, vel terreudorum, puniendo- rumq. vitiorum, vel probande, proficiendaq. virtutis, quia & exempla sunt monstranda patientia ad proſectum caterorum. haec tenus D. Augustin. cui adſtipulatur Theodoro- tus in Quaestionibus super Genesim quaest. 18. quo loco asserit, per illas bestias, & reptilia, velut quadam terribilimenta auxilium Dei esse querendum, cum ex his Medici pharma- ca non pauca ad morbos proſtigandos compo- nant, hoc etiam insinuat Baſilius hom. 9. in Genesim, vbi dicit Creatorem minime incu- sandum esse, quòd animalia venenata, & exitialia vite in rationem rerum induxit: Fidei (ait) demonstrationes sunt ipsa feras: con- fidis in Domino, super Aspidem, & Baſili- ſcum ambulabis, &c. non cernis viperam euasisse Paulum, quia fidei plenum inuenit, idem annotarunt veteres. Beda super illud Genesim cap. 1. Dominamini piscibus maris, & volatilibus celi, & D. Chrysost. hom. 9. in Genesim, qui feras ab initio non fuisse terri- biles tradit, sed timuisse, & dominum agno- uisse Primorum parentum, quòd si terribiles existerent hominibus, mulier serpente conspe- cto non manisset, nec consilium accepisset: Ceterum horum animalium generationis cau- ſe dua in responsione dubitationis propoſita afferuntur, prima quidem vt Creatoris sa-

piencia innotesceret, qui tot animalium species condidit, hisq. vniuersi integritatem perfecit, ſecunda verò eximiam erga nos bonitatem ostendit, cum illa ad vsum, ac commodum nostrum creauerit, ac his etiam dederit esse, qui poterat non dare, si voluisset, & si quan- do Deo permittente nocent, id exigente peccato fit, quoniam cum per illud Deo superiori no- stro subesse neglexerit homo, inde intelligat merito etiam ab inferioribus creaturis pati, hisq. iusto Dei iudicio per peccatum subijci.

INTERROGATIO QUINTA,

Quaestio Tertia, Quarta,
& Quinta.

NOTÆ.

2. **C** Vr corporibus immitis infirmi- tates, & dolores? Quaestio quar- ta. Cur pateris iniquitates iniquorum iudicium, qui subditos affligunt? Quaestio quinta. Cur corpus hominis tribulatur?

Que ad horum intelligentiam spectare vi- dentur, annotauimus supra Lib. 2. Reuelation. Cap. 1. Nota 2. vbi plures rationes addu- ximus, quare Deus tribulationes hominibus aduenire permittat, quare de causa malos diu viuere sinat, eosq. de medio statim minime tollat, idem patet infra hoc eodem Libro In- terrogatione sexta, quaest. 2.

NOTÆ.

1. **A** D responsionem Quaest. secundæ, Interrog. 5.

Omnia, quae ego creau, non solum erant bo- na, sed etiam valde bona, & ad vtilitatem hominis, & probationem creata sunt, aut ad exterarum Creaturarum M. S. V. atic. addit & quidem recte, aut ad vtilitatem catera- rum Creaturarum.



VIRGO MARIA LOQVITVR

Beatæ Brigittæ dicens, quòd qui dulcedinem diuinam desiderat degustare, debet prius amaritudinem sustinere.

Reuelatio Secunda.



MARIA loquitur. Quis Sanctorum dulcedinem spiritus habuit, qui non prius amaritudinem est expertus. Ergò, qui dulcedinem appetit, non refugiet amara.

INTERROGATIO SEXTA.

Quæstio Prima.



ITEM apparuit in gradu suo, qui prius, dicens.
 1. O Iudex quæro à te, cur alius infans procedit de utero matris viuus, confectus Baptisma, alius accepta anima intra viscera matris moritur? 2. Quæstio secunda. Item cur homini iusto contraria multa succedunt, iniusto autem omnia sunt ad votum? Quæstio tertia. Item cur pestilentia, & fames accidunt, & incommoda, quæ affligunt corpus?
 3. Quæstio quarta. Item cur mors ex improviso venit, ita ut prævideri rarissime possit? Quæstio quinta. Item cur pareris homines habentes deliberatam iram, & inuidiam ad bella venire animo vindicandi?

RESPONSIO QVÆSTIONIS

Primæ.



RESPONDIT Iudex. Amice inquisitio tua non est ex charitate, sed permissione mea. Ideò per similitudinem quamdam verborum respondeo tibi. Quæris. Cur

alius infans moritur inter viscera matris. Alius procedit viuus. Ratio est. Omnis quippè fortitudo corporis pueri, de patris, & matris semine sumitur, sed quia, quod conceptum est, propter aliquam patris, vel matris infirmitatem, non habet debitam fortitudinem, idèd citius moritur. Multaq. adueniunt ex negligentia, & incuria parentum. Multa etiam ex diuina iustitia mea, ut citius ea, quæ còiuncta sunt, separentur. Nec tamen propter hoc anima, quamuis ad viuificandū corpus longius tempus non acceperit, durissimis appropinquat supplicijs, sed magis misericordiæ mihi cognita. Sicut enim Sol irradians domum, non videtur ut est in pulchritudine, nisi à respicientibus cælum, sed solummodo radij. Sic animæ talium, quamuis propter Baptismi carentiam non videant faciem meam, viciniùs tamen appropinquant misericordiæ, quàm pœnæ, sed non sicut electi mei. Responsio quæstionis secundæ. Item cur homini iusto accidunt contraria. Respondeo. Iustitia mea est, ut vnusquisque iustus obtineat, quæ perit. Sed non est iustus, qui non pro obedientia, & perfectione iustitiæ appetit pati contraria, & qui non facit proximo suo bona ex charitate diuina. Idèd amici mei considerantes, quæ ego Deus, & Redemptor eorum feci, & promisi eis, simul & attendentes, quæ in mundo est malitia, libentiùs ad honorem mei, & salutem propriam, & peccatum cauendum petunt magis còtraria mundi, propter cautelam, quàm prospera. Idèd, & ego permitto eis fieri tribulationes, quorum aliqui, & si minùs patienter sufferunt, ego tamen non sine causa permitto fieri, & in tribulatione afflito eis. Sicut enim filius cum à matre charitatiua corripitur in pueritia, modicum scit, rengratiari matri, quia perpendere nescit, qua de causa arguitur. Sed perueniens ad annos discretionis rengratiatur ei, quia per disciplinam matris à prauis distra-

distrahitur est, & affluetur bonis moribus, & disciplina. Similiter ego facio electis meis, ipsi enim, quia voluntatem committunt mihi, & me super omnia diligunt. Ideo tribulantur ad tempus, & licet in presenti non intelligant plenè beneficia mea, facio tamè, quod expedit eis in futurum. Impij verò, quia non curant iustitiam, nec alijs formidant inferre iniuriam, qui & transitoria perunt, & delectabilia terrena diligunt, ideo prosperantur ex iustitia mea ad tempus, & à flagellis sunt liberi, nè peccent amplius, si tangerentur contrarijs. Attamen non omnibus malis dantur, quæ cupiunt, ut sciât potestatis meæ, esse cui aliqua dare voluero, qui ingratum etiam bono tribuo, quamuis non mereantur. Responsio quæstionis tertiæ. Item cur pestilentia, & fames veniunt? Respondeo.

3 Scriptum est in Lege, quod, qui furtum fecerit, reddat plus, quam abstulerit, ergo quia homines ingrati dona mea recipiunt, & abutuntur eis, nec honor mihi debitus ab eis impeditur. Ideo plus exigo tribulationis à corpore in presenti, ut pareatur animæ in futuro. Quandoque etiam parcendo corpori, punio hominem in his, & per ea, quæ diligit, ut qui nō voluit agnoscere me letus, cognoscat, & intelligat, vel tribulatus, Responsio quæstionis quartæ. Item cur mors venit subita? Respondeo. Si homo sciret tempus mortis suæ, seruiret mihi ex timore, & præ dolore deficeret. Ideo ut ex charitate homo seruiat mihi, & ut semper de seipso sit sollicitus, & de me securus, ideo incerta est hora exitus omnium, & meritò, quando enim homo deseruit, quod erat certum, & verum, necesse fuit, & dignum, ut ab incerto affligeretur. Responsio quæstionis quintæ. Item cur permitto homines procedere ad bella completam habentes iram? Respondeo. Omnis qui voluntatem perfectam habet nocendi proximo suo, hic similis est Diabolo, eiusque mem-

brum est, & instrumentum. Cui scilicet Diabolo facerem iniuriam, si eius seruum sine iustitia auferrem ab eo. Ergo sicut ego instrumento meo utor ad quæcumque mihi placita, sic iustitia est, ut Diabolus in eo, qui vult esse membrum eius, magis, quam meum, operetur, & faciat, quod suum est, aut ad purgationem aliorum, aut ad perficiendam malitiam suam, me sic permittente, & peccato exigente.

INTERROGATIO SEXTA,

Quæstio Prima.

2 **C**ur alius infans procedit de utero matris viuis consecutus Baptisma, alius accepta anima intra viscera matris moritur?

Propositæ dubitationis rationem minime investigandam esse tradit D. Thom. 1. contra Gentes. cap. 16. quoniam de ipse ibi egregie docet, hoc à diuina pendet voluntate, & ideo id ignorare se D. August. pluribus in locis affirmat, & præcipue in lib. unico de Correp. & gratia cap. 8. Si à me (inquit) queratur, quare hoc donum ille non recipiat, & alius sic, me ignorare respondeo, & in specie lib. de Perseueran. cap. 8. de duobus paruulis querens (quod etiam in presenti Nota fuit) quare scilicet unus absq. Baptismo decedat, & alius gratiam Baptismalem obtineat. Respondet de duobus paruulis peccato originali pariter obstrictis, cur ille assumatur, & ille relinquatur, hoc ad inscrutabilia Dei iudicia spectare: ex duobus autem pjs, cur huic donetur perseuerantia usque in finem, illi autem non donetur, inscrutabilia esse iudicia Dei, verum de eadem re agens Epistola 157. duas huius quæstionis causas affert, putat enim hoc fieri, vel rei Dei propaleatur iustitia, vel rei misericordia ejusdem nobis innotescat. Cur (inquit) creentur hi, quos creator præscit ad damnationem; non ad gratiam pertinere, B. Apostolus tantò succin-

Et tunc breuitate, quando maiore auctoritate commemorat; Deum enim dicit; volentem ostendere iram; & demonstrare potentiam suam, attulisse in multa patientia vasa irae, quae profecta sunt in perditionem; & ut notas faceret diuitias gloriae suae in vasa misericordiae quae superius dixerat tamquam signum luti, ex eadem massa facere aliud vas in honorem, aliud in contumeliam; mirum autem videretur iniustum, quod sunt vasa irae ad perditionem, si non esset ipsa vniuersa ex Adami massa damnata, quod ergo sunt inde nascendo vasa irae, pertinet ad debitam penam, quod autem sunt renascendo vasa misericordiae, pertinet ad indebitam gratiam; sed latius hanc eandem dubitationem examinat, de qua in praesenti Interrogatione sexta agitur, in libro de Spiritu, & anima cap. 2. ad cuius finem sic habes: Vnde si aliqui sub peccato gentili paruuli, absque saluari remedio obeunt, perime se iustitiam Dei, qui nihil debet alicui; sed damnat in singulis malum, quod non fecit in eis, si autem paruuli renouat Sacramentis, admirare misericordiam Dei, ipsi enim, sicut nesciunt culpam, cum qua ex carne nascuntur, sic nesciunt gratiam, qua per Christum renouantur; non excusat paruulos a culpa, quia eam non norunt, nec excludit gratiam ab eis, quia eam nesciunt; quare in eis culpam, inuenis ex carne traductam, quare in eis gratiam, inuenis a Deo collatam, haec D. Augustinus, qui quaestionem hanc non poterat; aut subtilioribus rationibus, aut efficacioribus verbis propalare: totum tamen negotium, ut ex illius verbis aperte colligitur, diuina iustitia, ac gratiae ascribit, sicut etiam hoc loco fit, ut legimus ibi, Multa etiam ex diuina iustitia sunt, & infra; Nec tamen propter hoc animas, quatinus ad viuificandum corpus longius tempus non acceperit, durissimis appropinquat supplicij, sed magis misericordiae mihi cognita, & sane hoc verissimum est, quandoquidem paruuli cum solo originali peccato decedentes, non ad inferos sensus penas passuri traduntur, sed eanti modo ad Limbum eunt, penam damni daturi; Ceterum hoc loco praeter diuinam iustitiam, & gratiam, aliae quoque duae dubitationis

huius rationes afferuntur, quae quidem eo spectare videntur, ut causam reddant, quare, ex duobus paruulis vnus longioris vitae sit, alter vero breuioris: non vero probat quapropter Deus vni Baptismalem gratiam conferat, alteri vero minime; quamquam hoc ex his deduci posse satis aperte crediderim, nam cum fieri possit, ut scribatur hic, quod vitium quodpiam, aut infirmitas aliqua sit in embrione, aut facta, ex praua parentis corporis dispositione, consequens inde est, quod paruulus ex tali materia, & cum tali infirmitate conceptus: intra viscera matris obeat, & tempus subinde sacramenti Baptismatis consequendi non habeat, quod, & idetiam iusto Dei iudicio, nobis tamen incognito, fieri facendum est.

INTERROGATIO SEXTA,

Quaestio secunda, an paruuli, qui sub peccato nascuntur, et sine baptismo moriuntur, in infernum mittantur? Non. Quod T. Augustinus, & alii dicunt.

CUr homini iusto contraria multa succedunt, iniusto autem omnia sunt ad votum? Et de rebus divinis. Plures dubitationis propositae causas sancti Patres affirmunt, & ut a D. Augustino sumamus exordium, qui fuit hac de re in Enarrat. Ps. 93. tractat, quo loco, hoc fieri arbitrat, Quoniam (inquit) iusti filij Dei sunt, & haeredes Regni Calorij facti, & sicut mater filios suos frequenter castigat, ut meliores fiant, sic Deus piissimus parens, bonos, quos tantè diligit, in hoc seculo molestij, curis, & premi permittit, ut quando acrius impetuntur, tanto gloriosius in celo coronentur, atque haec eadem ratio est, quae redditur hic, cum scribitur, Sicut enim filius, &c. At & contra mali, qui, ut alieni sunt, & a celesti hereditate per peccatum extranei facti, cum de illis salutis spes, quamdiu tales sunt, nulla sit dimittuntur, nec flagellis ceduntur, sed ad votum ferè omnia illis succedunt, Boni (inquit) laborant, quia flagellantur ut filij, mali vero exultant, quia damnantur, ut alieni, duos filios habet homo, alterum castigat, alterum dimittit, facit vnus malè, & non corripitur à patre,

patre, alter max, et se moueris, celaphis ceditur, & flagellatur. Vnde ille dimittitur, & ille caditur; nisi quia huic a se hereditas seruatur, ille autē dimissus exhereditatus est; quod ut explicet apertius in Matth. ser. 5. de Verbis Domini, comparat iustos, qui in hac vita premuntur; his, qui se cū, ac secari à Mediciis patiuntur, & diuturnioris vltoris dolores breuiori pœna etiā intensissima redimant, & sanè ab illis facile toleratur qualibet temporalis aduersitas, ut eterna pœna vitetur, æternis requies comparatur, eosdem etiā Diuus Gregor. hom. 5. super illud, Exiit, qui seminat, &c. similes facit vites, quæ calcibus quadiunt; & in vini soporem liquantur, sic olivæ conuulsionibus expressæ amurcām deferunt, & in olei liquorem pinguescit; sic per trituram arce à paleis grana separantur; & ad horreum purgata veniunt, ita quisquis hic flagellatur, securus ad Deum venit, quippe cuius rubiginem ignis tribulationis purgabit, Diuus etiā Chrysost. hom. 4. ad populum Antiochenum explicans illud Rom. 5. Tribulatio patientiam operatur, iustos molestijs vexatos comparat firmis arboribus ingenti ventorum impetu agitatjs, & undiq. iactatis, à quibus tamen non euelluntur, sed firmiores, ac solidiores his incursum redduntur; sic accidunt pijs viris, quos tribulationum incursum non supplantant, sed ad maiorem patientiam præparant: idem probat hom. 6. ad eundem Populum, & 26. & 63. sed Gregor. Nazianzenus Oratione cum reuerteretur ex agro, hos comparat arbori ruidam, quæ excisa magis germinat, & contra ferrum decereat, & quod abscissa pullulat, necnon consumpta augetur, sic iusti accidunt, qui per afflictiones clarescunt, & ex grauib. materiā faciunt virtutis, ac in aduersis gloriantur, nec dexteris iustitiæ armis extolluntur, nec sinistris deprimuntur, idem ostendit Basilij in cap. 5. Istæ edisserens illa verba, Dimitte vineam, & non putabitur, neque fodietur. Superest modò causas aliquas hic afferamus, quare in hac vita hominibus impijs cuncta ferè prosperè, ac feliciter eueniant, & sane hoc loco vna tantum modò ratio redditur, ut scilicet nobis diuinā

miseriordia innotescat, quoniam si flagellis: verberibusq. vexari semper impijs Deus permittit, his forsitan adducti plura in dies deteriora scelera committentes, grauioris quodidie supplicij rei fierent, & ideo scribitur hic in Responione Quæstionis huius, Impij ideo prosperantur ex iustitiā mea ad tempus, & flagellis sunt liberi, ne peccent ampliùs, quibus etiā addere possumus, quòd sic diuinā liberalitas ostenditur, cum ingratjs beneficia, ac fauores largitur, quiq. facit oriri Solem suum super bonos, & malos. Matth. 5. suam etiā Deus benignitatem, & charitatem propalat, dum impijs in alio seculo æternas pœnas passuris, in hac vita aliqua commoda, ac solatiū tribuit: aut etiā hoc facit, ut eos temporalibus beneficijs ad supernaturalia querenda alliciat: aut postremò dicendum est, quòd hi, dum viuunt bona quedam moraliter opera fecerunt, quibus hæc temporalia beneficia à Deo sibi dari meruerunt.

INTERROGATIO SEXTA

Quæstio Tertia

NOTÆ

Scriptum est in Lege, quòd qui fur-
tum fecerit, reddat plus, quàm ab-
stulerit.

Ad horum intelligentiam notandum est, quòd præcipiebatur in Lege veteri Exod. 22. quadruplum esse reddendū ex ouibus furto sublatjs, & quadruplū ex bobus: Si quis furatus fuerit (legimus ibi) bovem, aut onem, & occiderit, aut vendiderit, quinque bonos pro vno boue restituet, & quatuor oues pro vna oue, aut etiā illud plus, quòd hic in Textu apponitur, referri potest non ad quantitatem rei furto sublata, sed ad iustitiā vindictiuam, secundum quam fur reddere quandoq. cogitur aliquid in pœnam humane Legis statutam, ad vindicandam iniuriā alicui factam per violationem commutatinē Iustitiæ, aut etiā (by plus) referendum ad diuinā

in iusticiam, cui sur satisfacere debes pro culpa; quam faciando contraxisti; seu etiam ob ingratitudinem, ut hoc loco insinuat, quoniam homines, cum donis à Deo acceptis abutuntur, & Deo debitis honor ab eis non impenditur; tribulationibus, curis in hac vita acius premuntur; ut in altera lenius puniantur.

INTERROGATIO SEXTA,

Quaestio Quarta.

N. O. T. A. E.

4 **C**Ute mors ex improviso venit, ita ut praevideri rarissime possit.

Duo hoc loco admodum probabiles afferuntur cause, quare Deus noluerit nobis diem mortis propalare, quarum Prima est, quia Deo feruiente homines ex timore, aut etiam praemio dolore deficerent; & in desperationis vitium incidrent, quod sane intelligendum est pro eo tempore, cum mortis terminum appropinquare animaduertent, aliàs eadem ratio probaret etiam Nobis, nunc timendum esse, & ex timore inferniendum; qui etsi diem mortis ignoramus, certissime tamen aliquando nobis moriendum esse scimus, & tamen tunc temporis, cum mors vicina est, maxime Deo ex charitate inferniendum est: Secunda vero ratio, quae redditur hic, indicat, id eo hominibus mortis diem non fuisse propalatum, ut hi diligentiores in singulis suis actionibus, & toto vitae suae tempore fierent, non vero tunc solus, quando mors illis proxima est, quod etiam egregie annotauit D. Bernar. serm. 69. de Breuitate vitae ad Sororem, cum ait, I deo voluit omnipotens Deus diem mortis nostrae nobis esse incognitum, ut semper ignoretur, semper esse proximus credatur, & tanto quis sollicitus sit in bono opere, quanto incertior est de sua uocatione: aliam etiam addidit causam D. August. qui id factum esse affirmat, ut subleuentur hi, qui spe periclitantur, & dilationibus illuduntur, atque etiam desperatione non opprimantur, sic enim habet in Psalm. 101. differens illa uerba, Quoniam cinerem caruiquam panem manducabam, Etenim

(inquit) desperatione homines peius uiuerent, promissis indulgentia portum, rursus ne de spe uenia peius uiuerent, fecit diem mortis incertum, providentissimo utrumque constituens, & reuerentes, quò recipiantur, & differentes, unde terreantur: idem habet Tract. 33 in Ioannem, ubi ait, Qui desperatione periclitantur proposuit indulgentia portum, propter illos uerò, qui spe periclitantur, & dilationibus illuduntur, fecit diem mortis incertum, quando uenit ultimus dies nescis, ingratus es, quia hodiernum habes in quo corrigaris, & crastinum expectas, forsitan non addetur. Ceterum in Enarrat. Psalm. 14. ad ea uerba, Miserator, & misericors Dominus, affirmat Deum nobiscum magnam fecisse misericordiam; quod non indicauerit nobis ultimum mortis diem, ne peccata de securitate sacree abundare, & propterea Hieronym. ad Cyprianum scribens dicit, Memento mortis tuae, & non peccabis, qui se quotidie recordatur esse moriturum, cōtemnit praesentia, & ad futura festinat, & D. Gregor. 12. Moral. cap. 20. dicit, Conditorum nostrum uoluisse latere finem nostrum, ut dum incerti sumus, quando moriamur semper ad mortem inueniamur parati. Dicendum ergo est, prudentissimo consilio factum esse, ut ultimum mortis nostrae diem ignoremus, ut dies omnes obseruaremus, siqu. quolibet die uiueremus, ac si quotidie nobis moriendum esset, tunc enim cum mori contingeret, mortem nullatenus timebimus, formandus ergo animus ita est, tamquam ad extrema uentum sit, Venientem (inquit Seneca Epist. 12.) nemo bilis mortem recipit, nisi qui se ad illam diu coposuerit.

INTERROGATIO SEPTIMA,

Quaestio 1.



PTEM apparuit Religiosus qui supra, in gradu suo dicens: O Iudex quare à te. Cur vile, & pulchrum dicuntur in mundo? Quaestio secunda. Item cur debet obediri mundi pulchritudine, cum sim pulcher, & de nobili

nobili progenie? Quæstio tertia. Item quare non extollam me super alios, cum sim diues? Quæstio quarta. Item cur non debeam præferre me alijs, cum sim honorabilior alijs? Quæstio quinta. Item cum sim bonus, & laudabilis, quare non quæram laudem propriam? Quæstio sexta. Item si alijs facio commoda, quare non exigam remunerationem?

RESPONSIO

Quæstionis Primæ.



ESPONDIT Iudex.

Amice vile, & pulchrum mundi est quasi amarū, & dulce, nā vilitas mundi, quæ est contemptus mundi, & eius aduersitas est quasi quædā amaritudo, proficua iustis ad sanitatem, pulchrū verò mundi est prosperitas eius, & ipsa est quasi quædam sanitas blandiēs falsa, & seducēs, ergo qui mūdi fugit pulchritudinem, respiciens eius suauitatem, non veniet ad vilitatem Inferni, nec gustabit eius amaritudinem, sed ascendet ad gaudium meum. Ideò, vt iugietur Inferni vilitas, & vt acquiratur celestis suauitas, necessariū est ire magis post mundi vilitatem, quàm post eius pulchritudinem. Etenim omnia benè à me creata sunt, & omnia bona valdè, illa tamen maximè cauenda sunt, quæ irrationabiliter vtentibus donis meis occasionem dampni animæ præstare possent. Responsio quæstionis secundæ. Item cur de progenie non est gloriandum. Respondeo, tu quidem habuisti de patre vilissimam putredinem, & immunditiam, in visceribus verò matris fuisti quasi mortuus, & totus immundus, nec in potestate tua fuit nasci de nobilibus, vel ignobilibus. Sed pietas, & bonitas mea produxit te in hanc lucem. Ergò tu qui diceris nobilis, humilia te sub me Deo tuo, qui disposuit te nasci de nobilibus, & conforma te proximo tuo, quia de

eadem materia est, licet ex mea prouidentia tu de excelsa secundum mūdum processisti progenie, ille verò de humili. Tu quoq. nobilis, time plus, quàm ignobilis, quia quantò tu nobilior, & ditor, tantò de te districtior quæritur ratio, & maius iudicium, quia plus accepisti. Responsio quæstionis tertie. Item de diuitijs. Cur non est superbiendum. Respondeo, diuitiæ enim mundi non sūt tuæ, nisi quantum ad necessitatem victus tui, & vestitus. Mundus enim ad hoc factus est, vt homo habens sustentationem corporis sui, per laborem, & humilitatem redeat ad me Deum suum, quem inobediens factus despexit, & de me superbiendo non curauit. Si autem temporalia bona tua esse dicis, dico tibi pro certissimo, quod tu quasi violenter usurpas tibi omnia illa, quæ vltà necessitatem tuam habes. Nam bona temporalia omnia communia esse debent, & ex charitate indigentibus equalia. Tū verò usurpas tibi ad superfluitatē, quod alijs ex compassione essettribuendum, quamuis, & rationabiliter multi, multa habeant præ alijs rationabiliter habētes, & discretè distribuentes. Ergò nē grauius arguaris in iudicio, eò quòd maiora alijs receperis, consultum est tibi, nē superbiendo, & congregando præferas te alijs. Sicur enim delectabile est in mundo habere temporalia præ alijs, & superabundare, sic in iudicio terribile est, & vltà modum graue, etiam licita non rationabiliter disposuisse. Responsio quæstionis quartæ, & quintæ. Item cur laus propria non est quærenda. Respondeo. Nullus ex se bonus est, nisi solus ego Deus, & omnis quicumque bonus est, ex me bonus est. Ergò si tu laudem tuam quæris, qui nihil es, & non laudem meam, cuius est omne donum perfectum, falsa est laus tua, & iniuriam facis mihi Creatori tuo. Ideò sicut ex me sunt omnia bona, quæ habes, sic, & omnis laus mihi est attribuenda, & sicut

ego Deus tuus tribuo tibi omnia temporalia, vires, & sanitatem, conscientiam, & discretionem cogitandi tibi utiliora, & tempora, & vitam, sic de omnibus, si bene, & rationabiliter disponis tibi concessa, honorandus sum ego. Si autem malè disponis, vitium est tuum, & ingratitude tua. Responsio quæstionis sextæ. Item cur pro bonis operibus in præsentia non est quærenda temporalis remuneratio? Respondeo tibi, quicumque benefacit alijs, ea intentione, quod non curat retributionem hominis, sed qualem voluero ei dare ego Deus, iste habebit maximum pro paruo, æternum pro temporali. Qui verò pro temporali quærit terrenum, habebit, quod appetit, & amittet sempiternum. Ideò vt æternum obtineatur pro transitorio, vilius est non quærere retributionem ab homine, sed à me.

INTERROGATIO OCTAVA, Quæstio I.

ITEM apparuit Religiosus, qui supra, in gradu suo, dicens. O Iudex quæro à te. Cur permittis, quod Dij ponantur in templis, & habere honorem sicut tu ipse, cum regnū tuum nobilius sit super omne? Quæstio secunda. 1. Item cur non facis videri ab hominibus in hac vita gloriam tuam, vt feruentius desideretur ab eis? Quæstio tertia. 2. Item cum Sancti, & Angeli tui nobiliores, & sanctiores sint super omnes creaturas, cur non videntur ab hominibus in hac vita? Quæstio quarta. Item cum Inferni pœnæ sint incomparabiliter horribiles, cur nō facis videri eas ab hominibus in hac vita, vt fugiantur? Quæstio quinta. Item cum Dæmones incomparabiliter sint deformes, & horribiles, cur non apparet visibiles hominibus, quia tūc nullus eos sequeretur, nec consentiret eis?

R E S P O N S I O Quæstionis Primæ.

RESPONDIT Iudex. Amice, ego sum Deus creator omnium, qui non maiorem iniuriam malo facio, quàm bono, quia ipsa iustitia sum. Ergo iustitia mea est, quod ingressus in cælū obtinere debet, per stabilem fidem, & rationabilem sp̄s, & feruentem charitatem. Itaque omne, quod in corde plus, & feruentius diligitur, hoc cogitatur frequentius, & adoratur diligentius. Sic, & Dij, qui ponuntur in templis, licet non sint Dij, nec Creatores, quia non est nisi vnus solus Creator, scilicet, ego Deus Pater, & Filius, & Spiritus sanctus. Attamen à possessoribus templorum, & hominibus, magis diliguntur, quàm ego, vt prosperentur in mundo, non vt viuant mecum. Ideò si ego annihilarem ea, quæ homines plus, quàm me diligunt, & me contra voluntatem eorum adorari permetterem, facerem eis iniuriam, auferendo eis liberum arbitrium, & desiderium eorum. Ideò, quia in me non habent fidem, & in eorum corde est aliquid delectabilius me, propterea rationabiliter permitto, vt quod diligunt, & appetunt mente, & opere, exterius perficiant. Et quia creaturam plus, quàm me Creatorem diligunt, quem ex signis, & factis probabiliter cognoscere possunt, si ratione vti vellent. Ideò quia excecari sunt, maledicta est creatura eorum, & maledicta sunt Idola ipsorum, & ipsi confundentur, & diiudicabuntur propter stultitiam suam, quia intelligere nolunt, quàm dulcis sum ego eorum Deus, qui ex charitate feruenti hominē creauī, & redemī. Responsio quæstionis secundæ. Item cur non videtur gloria mea. Respondeo. Gloria mea ineffabilis est, & diuinitate, & bonitate incom-

incomparabilis omnibus. Si itaq. gloria mea sicut est videretur, corpus ipsius hominis corruptibile infirmaretur, & deficeret. Sicut sensus illorum, qui in monte gloriam meam videntur, corpus quoque præ lætitia animæ à labore deficeret, & ad exercitia corporalia non sufficeret. Propterea quia sine labore charitatis non est ingressus in cælum, & ut fides habeat præmium, & corpus ad laborem sit sufficiens, ideo gloria mea occultatur ad tempus, ut ex desiderio, & fide, eò felicius, & copiosius perpetuò videatur. Responsio quæstionis tertiæ. Item cur Sancti non videtur, sicut sunt? Respondeo. Si Sancti mei viderentur aperte, & visibiliter loqueretur, honor eis impennderetur, sicut mihi, & tunc fides non haberet meritum, nec fragilitas carnis sufficeret ad videndum eos. Sed nec iustitia mea vult, ut tanta charitas, à tanta fragilitate conspiciatur. Ideò Sancti mei non audiuntur, nec videntur, ut sunt, quatenus omnis honor exhibeatur mihi. Et ut homo sciat, neminem supra me esse diligendum. Verumtamen, si Sancti mei quandoque apparent, non tamen in ea forma gloriæ, in qua veraciter sunt videntur, sed in ea forma occultata plenitudine virtutis, in qua videri absque perturbatione corporalis intelligentiæ possunt. Responsio quæstionis quartæ. Item cur pœnæ Inferni non videntur? Respondeo. Si pœnæ Inferni sicut sunt viderentur visibiliter, homo ex timore totus frigeret, & cælestia ex timore, non ex amore inquireret. Et quia nullus appetere debet cæleste gaudium ex timore pœnæ, sed ex charitate diuina, ideo nunc occultantur pœnæ. Quippe sicut boni, & Sancti, illud ineffabile gaudium ante separationem corporis, & animæ, quale sit, degustare nequeunt, sic nec mali pœnas, sed separata anima à corpore sentiunt experientia, quæ noluerunt probare intelligentia, cum potuerunt. Responsio quæstionis

quintæ. Item cur Dæmones non apparent visibiles? Respondeo. Si eorum horribilis deformitas videretur, ut est, anima videntis ex ipso visu extra sensum fieret, corpusq. totum quasi hominis tremuli contremisceret, cor etiam totum quasi timore exinanitum moreretur, nec pedes sufficerent sustentare membra reliqua. Ideò, ut anima in suo sensu stabilis permaneat, corq. eius vigilet in amore meo, & corpus ad laborandum in seruitio meo sufficiat, occultatur dæmonum deformitas, & ut restringatur Dæmonum malitia, & conatus.

INTERROGATIO OCTAVA, Quæstio Secunda.

N O T Æ.

Cur non facis videri ab hominibus gloriam tuam, ut feruentius desideretur ab eis?

Sermo fit hoc loco de videndo Deo in hac vita mortali, ut aperte colligitur ex responsione ad præsentem dubitationem, in qua legimus, quod cum gloria Dei ineffabilis sit, ac incomparabilis, si videretur, sicuti est, videntes deficerent, quemadmodum in Transfiguratione Domini tribus Apostolis accidit, Petro, Iacobo, & Ioanni, quorum, ut annotauit D. Cyprian. serm. de Resurr. Christi, ingens vultus Domini splendor, ac vestitus candor habet auidere conspectu, & merito Matth. cap. 18. eos in faciem cecidisse, & timuisse referi, non tamen negandum est, eos corporeis oculis claritatem gloriosi corporis vidisse, ut annotauit Augustin. lib. contra Adimantium Manicheum c. 28. de quo legi potest D. Th. in 4. dist. 44. q. 1. art. 4. quæstione 2. An autem de potentia Dei ordinaria possibile sit, Deum in hac vita per essentiam videre, negat D. Th. 1. p. q. 12. art. 11. & probat ex illo Exod. 32. Non videbit me homo, & uiuet, cui etiam fauet Gloss. ibidem, & hanc communem esse Theologorum sententiam testatur Ferrariens. 3. contra Gentes cap. 47. & sequitur Cardinalis

Caetan. & alij plures ex Scholasticis, id ipsum docent Euarist. Pontif. in 1. sua decretali Epist. exponens ea Pauli verba 1. ad Timoth. 6. Lucē habitat inaccessibile, ubi dicit nullum umquam hominem vidisse Deum in sua essentia, sed tantum in enigmate, & figura, quod etiam affirmat D. Hieron. lib. 3. contra Pelagianos propē finem, & super cap. 6. Isaie, immo D. Chrysost. hom. 14. in Ioannem, non solum de hominibus hoc asseuerare videtur, sed & de Angelis, dicit enim Essentiam diuinam à nulla creatura intuitiva visione conspici posse, sed sola cogitationis, & imaginationis abstractione cognosci, & occurrens cuidam obiectioni, quae ei fieri posse videbatur, Quia nam (inquit) illa scientia est, Angeli eorum semper vident faciem Patris mei, qui in caelis est, & Beati mundo corde, quoniam ipsi. Deum videbunt, cogitationem namque, atque imaginationem, quam pro viribus nostris de Deo capimus, eam visionem appellat, neque aliter de Angelis intelligendū est propter puram ipsorum, & nullo somno obnoxiam naturā, cum nil aliud, quam Deum semper mente agitent, hac D. Chrysost. quem sequuntur Theophylact. in Comment. ad citat. locum D. Ioannis, Theodoret. etiam, & Euthym. qui sanē quantum ad id, quod docent, nullum hominem in hac vita diuinam Essentiam videre posse, recipiendi sunt: cum verò addunt etiam Angelos nō in essentia, & substantia Deum conspiciere, sed per similitudines quasdam, eo modo, quo olim à Prophetis visus est, explicandi sunt, & dicendum, eos loqui de visione comprehensionis, qua Deus seipsum solum cognoscit, solusq. suam ipsius substantiam, naturā, & essentiam, qualis, & quanta sit comprehendit, quod non faciunt Angeli, quod negandum minimū est, in patria diuinam essentiam intueri, eaq. frui: non tamen comprehendere eā cognoscendo, quantum cognoscibilis est, atque ita esse interpretandum D. Chrysost. tr. adit Doct. Angel. in 4. Sent. q. 1. art. 2. & ad hunc eundem sensum Theophyl. Euthym. & Theodoret. doctrina reuocanda est, hi ergo omnes aperte concludunt, quod scribitur hic, nullū hominum in hac vita diuinā

Essentiam, aut vidisse, aut videre posse, quāquam, & de Moysē, & de D. Paulo adhuc sub iudice lis sit, non desunt, qui dicant, eos dum in hac mortali vita fuerunt, diuinā aspexisse essentiam, ut habet D. Aug. lib. 12. super Genes. ad litteram cap. 27. & 28. & Epist. 112. ad Paulinam, & serm. 46. ad Fratres in Eremito, & de Moysē D. Basil. homil. 1. exameron. D. Ambros. lib. 1. exameron. cap. 2. & de utroque etiam affirmat super 2. Epist. ad Corint. cap. 12. & ibidē D. Ansel. & Beda, Lyrar. & Burgenf. eodem loco, Durand. in 4. dist. 49. q. 6. D. Thom. 2. 2. q. 174. art. 4. & q. 175. art. 3. D. Anton. 4. p. tit. 15. cap. 17. §. 1. Contrariam verō sententiam, quod nec Moyses, nec Paulus diuinam Essentiam viderint, defendunt D. Hieron. locis supra citatis, D. Chrysost. de Moysē homil. 14. super Ioan. & de Paulo super 2. Epist. ad Corint. c. 12. D. Greg. Nazian. lib. 2. suae Theologiae, Greg. Magn. lib. 18. Moral. cap. 37. et 38. Cyrill. super Ioan. lib. 1. cap. 22. colligitur etiā ex D. Dionys. de mystic. Theologia cap. 1. & sequitur etiam Euarist. Pont. ubi supra, & hanc sententiam esse probabiliorem, & veritati magis conformem, censuit Franc. Suarez in Comment. super 3. par. S. Thom. q. 37. disp. 19. sect. 4. tom. 2.

INTERROGATIO OCTAVA, Quaestio III.

N O T A.

VBi in vulgatis legitur cur Sancti, & Angeli tui nobiliores, & sanctiores super omnes creaturas non videntur ab hominibus in hac vita M. S. Vat. addit ut reuerentur amplius.

3 Cur Sancti, & Angeli tui nobiliores, & sanctiores super omnes creaturas non videntur ab hominibus in hac vita.

Inter ceteras corporis gloriosi dotes claritas potissima est, quae talem, ac tantū splendorem, ac pulchritudinem gloriosis Sanctorum corporibus confert, ut non solum sit in omnibus glo.

gloriosi corporis partibus, sicut annotarunt D. Tho. in 4. dist. 44. q. 2. art. 4. quæstiunc. 1. Palud. ead. m. dist. 9. 5. Sol. d. 49. q. 4. art. 4. Ricchard. art. 4. q. 6. Maior. q. 19. sed etiam ipsamet gloriosa corpora septies Sole splendidi-
 ora, et clariora esse futura quâplures ex sanctis Patrib. tradiderunt. V. incit. (inquit D. Gregor. 18. Moral. c. 19.) *Supernæ ille mentes sua pulchritudine septempleriter Solem, idem insinuauit Laurent. Iustinian. lib. de Disciplina, et perfectione Monasticæ cōuersationis cap. 23. ubi de corpore glorioso hunc in modum eleganter scribit, Nixia quoque claritate fulgebit, ita ut Solis septies transcendat splen-*
dorem. Cum ergo hæc certissima sint, mirum enique uideri non debet, quod gloriosa corpora homines in hac maiori uita degentes, uidere mini me possint. Hoc autem intelligendū est de his Sanctis, qui nūc antè cōiunctione iudicij in celo gloriosa corpora habet, ut de Beatiss. Virgine, & alijs, si qui sunt: atque huius rei alia ratio redditur hic in responsione ad propositā dubitationem, ibi, Ideo Sancti mei nō uidentur, ut sunt, quatenus omnis honor mihi exhibeatur, & ut sciant neminē esse supra me diligendū, merito ergo Apoc. 19. & 22. legimus Ioannē adorare uolentem Angelū prohibitu esse, Vide (inquit) nō feceris, conseruus enim tuus sum: hic tamen prætercundū non est, consueuisse homines antè Christi Domini Incarnationē adorare Angelos, cum illis apparebant, ut de Lot, & Iosue patet Genes. 14. & Iosue 5. nectamen Angelos hoc prohibuisse legimus, ut post Saluatoris nostri Aduentum factum est, cuius rei causam asserens D. Greg. lib. 26. Moral. cap. 18. & hom. 8. in Euang. Quid est (inquit) hoc, nisi quod naturam nostram, quam prius despexerant, postquam hanc super assumptam conspiciunt, prostratam sibi uidere pertimescunt, nec habere dedignantur hominem socium, qui super se adorant hominem Deum. Hæc ergo causa est, cur Angeli, hominesq. Sancti, non in ea maiestate hominibus in terra apparere permittuntur, qualē habent in calis Cæterum, ut postremā quoq. indicemus causā, quæ redditur hic, quare gloriosi corporis visio secundum omnem

sua maiestatis plenitudinē, hominibus in præsentī uita non communicatur, sciendum est, quod sicut fieri non potest, ut quispiā oculorum aciem in Solem intendat, immo & cæcus homo fortasse fieret, si per aliquod temporis spatium intendendo persisteret, ita quoque accideret homini, si splendore, & pulchritudinem Angelorum, ac corporis etiam gloriosi in tota sua latitudine conspiceret: non enim solum uehementer turbaretur, sed à sensibus proprijs alienaretur, ut tradit D. Ambrosius in Lucam cap. 1. edifferens illa uerba, Apparuit autem illi Angelus Domini, & Zacharias turbatus est, Solem (inquit) turbari, & à nostro aspectu alienari, quando perstringimur suprioris potestatis occursum, sed sicut humani defectus est terri, ita Angelicæ potestatis est pauentem suo aspectu blandiendo solari, id ipsū cōfirmari potest ex Lib. 2. Reuel. Cap. 18. ubi habetur ita esse difficile, ut homo corporalibus oculis, uel Angelum, uel corpus aliquod gloriosum intueatur, quod si uidere contingeret, statim exinanitus in terram corrueret: quod etiam uidentibus Demones, aut inferiorum pœnas accideret, ob ingentem eorum turpitudinem, ac deformitatem, prout euidenter colligitur, ex responsione Quæstionis quintæ hic, cum dicitur, Si eorum horribilis deformitas uideretur, ex ipso visu extra sensum fieret, corpusque totum quasi hominis tremuli contremisceret, cor etiam quasi timore exinanitum moreretur, & sanè sicut boni cum impassibili, ac splendenti corpore resurgent, ita quoque mali cum passibili, ac ita deformi reuiuiscunt, quod anima resumens ipsum, cum illud uidebit, uehementer stupebit, ipsumq. inuiri abhorrebit, & tale potius uellet habere, quale in sepulchro putrescebat, & uermibus dimidium comestum erat, hanc ergo ob causam Deus Optimus Max. nec iustorum pulchritudinem, & splendorem, nec damnatorum pœnas uidendas hominibus in mundo degentibus regularitèr exhibet, ac uerò, si quando, Deo permittente apparent, probabiliter censendū est, damnatos, non secundum omnem deformitatis, ac turpitudinis plenitudinem, neque Beatos secundum totam splendoris,

ac claritatis maiestatem apparere; charitatis enim donum, quod ex meritis voluntatis adiuuante gratia Dei datur, voluntati habentis subditur, & circa illud dominium, ac imperium Sanctus habet, vt se occultare, ac etiā propalare ad libitum possit, & eo modo, quo vult: est enim in potestate glorificati hominis, vt auctor est D. Thom. 2. 2. q. 54. art. 3. ad 1. argum. vt corpus eius propalet, vel abscondat, quandoque claritas eius videatur, & non videatur, vnde potest etiam sine aliqua claritate videri, sicut etiam Christus Dominus post Resurrectionē suam Discipulis multoties apparuit, & hoc est, quod in responsione Quaestionis tertiae habetur, quod Sancti non apparent in ea glorie forma, in qua sunt, sed in ea, in qua videri absque perturbatione intelligentia possint.

REVELATIO TERTIA IN

Libro quaestionum. Christus loquens Sponsae suae Beatę Brigittę dat doctrinam similitudinariam, de Medico verò curatore, & de falso Medico interfectore, & de homine aestimatore, dicens, quod homo, qui recipit secum peccatores, si dat eis auxilium, aut materiam peccandi, & moriantur in peccato, Deus exigit mortem animarum eorum spiritualem de manu illius. Si verò recipit eos, vt cessent à peccando, & instruantur ab eo in virtutibus, & isti emendantur, habebit ille magnum meritum, & ipsi à Deo.



ILIVS Dei loquitur. Vbi infirmus est in domo, si ad eum magistralis Medicus ingreditur, citius ex signis exterioribus perpendit, qualem habet infirmitatem. Medicus igitur sciens infirmitatem infirmi, si dat ei medicamentum, quo mors provenit, arguitur tamquam interfector, & non est verus Medicus. Si verò aliquis sciens mereri exercet medicinam propter re-

munerationem mundi, mercedem non habebit à me. Si verò, qui propter amorem, & honorem meum medicinā exercet, teneor ego ei mercedem reddere: Si verò aliquis non est magister in medicina, sed secundum existimationem suam credit illa, & illa valere infirmo, & dat ei pia intentione, hic non est arguendus, vt interfector, si moritur infirmus, sed vt factuus, & præsumptuosus. Si verò conualefcit infirmus ex medicina factui, tunc ille non tenetur habere mercedem magistri, sed aestimatoris, quia non dedit medicinā secundum scientiam, sed secundum aestimationē. Ecce, quid ista significant dicam tibi. Homines illi noti tibi, sunt spiritualiter infirmi, & inclinati ad superbiam, & cupiditatem, sequentes propriā voluntatem. Si igitur amicus eorum, quem ego comparo Medico, tribuit eis auxilium, & consiliū, quo in superbiam, & ambitionem excedant, & spiritualiter moriantur, vique mortem eorum exigam de manu ipsius. Quia licet ex propria iniquitate moriantur, tamen quia ipse ministrator, & causa mortis eorum est, nequaquam immunis à poena erit. Si verò naturali ductus amore fouet eos, exaltando eos in mundo propter consolationē suam, & honorem mundi, nequaquam mercedem speret à me. Si verò sicut bonus Medicus cogitat de eis sapienter, dicens secum. Infirmi sunt isti, & egent medicina, & idē quamvis medicamentum meū videatur eis amarum, tamen, quia salubre est, dabo eis, nē durius moriantur, idē & refrenando eos, dabo eis cibaria, nē deficiant fame, dabo eis vestes, vt incedant honestē secundū statum suum, tenebo eos sub regimine meo, vt non insolescant, prouidebo etiam eis de alijs necessarijs, nē eleuentur superbia, & nē præsumptione dissoluantur, aut nē alijs nocendi habeant occasionem. Hic talis Medicus magnam habebit mercedem à me, quia talis correptio placet mihi. Si verò amicus eorum cogitans secum, dicat sic. Dabo eis necessaria, sed

sed nescio vtrum expedit eis, vel non, sed tamen non credo displicere Deo, nec obesse salutem eorū, si tunc moriuntur ex dono suo, vel excesserint, amicus non arguetur, vt interfecto. Verumtamen propter voluntatem bonam, & affectionem piam, qua plus animas eorum diligit. Licet amicus non habebit mercedem plenam, infirmi tamen habebunt leuius, & crescent ad sanitatem, quam nisi cooperaretur charitas, difficilius obtinerent. Attamen necessarium est hic vnum consilium. Nam iuxta vulgare proverbium, animal de genere nocuo, si includitur, non nocet, & inclusum accipiens necessaria conualefcit, & æquè impinguatur, sicut animal, quod est in libera potestate. Ergo quia de illo genere sunt illi, quorum sanguis, & cor querit alta, & eò plus sicut eorum voluntas, quò plus bibit. Ideo amicus eorum non tribuat eis occasionem excedendi, quia expedere cupiunt, sed appetitum extinguere non valent.

INTERROGATIO NONA.

Quæstio I.



MISER dictis apparuit Religiosus, qui supra in gradu suo, dicens. Iudex quero à te. Cur tantum videris inæqualis in-

donis, & gratijs tuis, in eo quòd Mariam Matrem tuam prætulisti omni creaturæ, & exaltasti eam super Angelos? Quæstio secunda. Item cur Angelis dedisti spiritum sine carne, & stare in celesti gaudio? Homini verò dedisti vas terrenum, & spiritum, & nati cum ploratu, viuere cum labore, & mori cum dolore? Quæstio tertia. Item cur dedisti homini intellectum rationabilem, & sensus, animalibus verò rationem non dedisti? Quæstio quarta. Item cur dedisti animalibus vitam, & non reliquis insensibilibus creaturis? 3 Quæstio quin-

ta. Item cur non est ita lux in nocte, sicut in die.

RESPONSIO QVÆSTIONIS PRIMÆ.

RESPONDIT Iudex.

R Amice, in Deitate mea omnia futura, & facienda, sicut & facta, præscita, & præcognita sunt ab initio. Sicut enim præscitus est lapsus hominis ex iustitia Dei permissus, sed non ex Deo factus, nec propter præscientiam Dei faciendus. Sic & ab æterno præscita est liberatio hominis ex misericordia Dei faciendi. Queris igitur. Cur Mariam Matrem meam prætuli omnibus, & præ omni creatura dilexi eam? Hoc ideo est, quia in ipsa speciale insigne virtutum inuentum est. Sicut enim ubi ignis accenditur, lignis plurimis circumpositis, illud citius inflammatur, & comburitur, quòd habilius, & efficacius est ad comburendum. Sic & in Maria fuit. Quando enim ignis amoris diuini, qui in se incommutabilis, & æternus est, accendi, & apparere cepit, & Deitas incarnari voluit, nulla creatura ad hunc ignem amoris percipendum habilior, & efficacior erat, quàm Virgo Maria. Quia nulla creatura tanta charitate arsit, sicut ipsa. Et quamuis charitas eius, in fine temporum reuelata, & ostensa sit, tamen ante principium mundi præuisa est, & sic in Deitate ab æterno præfinitum est, quòd sicut nullus ei in charitate inuentus est similis, sic & nullus ei in gratia, & benedictione esset æqualis. Responsio quæstionis secundæ. Item cur Angelo dedi spiritum sine carne. Respòdeo. In principio, & ante tempora, & sæcula creauit spiritus, vt in libero arbitrio stantes secundum voluntatem mea gauderent, & de bonitate, & gloria meâ, quorum quidam superbientes, de bono fecerunt sibi malum, voluntatem liberâ mouentes inordinatè. Et quia nihil malum

erat in natura, & creatione, nisi inordinatio voluntatis propriæ, ideò ceciderunt. Alij verò spirituum elegerunt subnie Deo suo in humilitate stare, ideò & perpetuam stabilitatem meruerunt. Quia dignum, & iustum est, vt ego Deus, qui spiritus increatus sum, & omnium Creator, & Dominus, habeam etiam spiritus subtiliores, & agiliores alijs creaturis mihi obsequentes. Verum quia non decuit me habere diminutionem in exercitu meo, ideò creauit aliam creaturam, idest hominem, loco eorum, qui ceciderunt, quæ libero arbitrio, & bona voluntate, cum gratia promereretur eandem dignitatem, quam Angeli deseruerunt. Itaque si homo haberet animam, & nō carnem, non posset tam facile promereri sublimē bonum, sed nec laborare, propterea ad obtinendum æternū honorem, coniunctum est corpus animæ. Ideò, & augentur ei tribulationes, vt homo experiat liberū arbitrium, & infirmitates suas, vt non superbiat. Item vt desideret gloriam, ad quam creatus est, & exoluat inobedientiam, quam voluntariē incurrerat. Ideò ex diuina iustitia additus est ei flebilis ingressus, & egressus, & vita laboriosa. Responso quæstionis tertiæ. Item cur animalia non habent intellectum rationabilem sicut homo. Respondeo tibi. Omnia quæcumque creata sunt, ad vilitatem hominis sunt, aut ad necessitatem eius, & sustentationem, aut ad informationem, & correptionem, aut ad consolationem, & humiliationem. Si ergò bruta haberent intellectum sicut homo, essent utique homini in tribulationē, & potius nocerent, quàm prodesse. Ideò vt omnia subiecta sint homini, propter quem omnia facta sunt, & omnia ipsum timeāt, ipse verò neminem, nisi me Deum suum, propterea animalibus non est datus rationalis intellectus. Responso quæstionis quartæ. Item cur insensibilia non habent vitam. Respondeo. Omne quod viuit, moriturum est, & omne viuens mouetur,

nisi impediatur aliquo obstaculo. Si ergò insensibilia haberent vitam, mouerent se potius contra hominē, quàm pro eo. Ideò vt omnia sint homini in solatium, propterea superiora, scilicet Angeli, dati sunt ei in custodiam, cum quibus habet rationem, & animæ immortalitatem. Inferiora verò, scilicet sensibilia, & insensibilia data sunt ei ad vilitatem, & sustentationem, & eruditionem, & exercitationem. Responso quæstionis quintæ. Item cur omne tempus non est dies? Respondeo tibi per exemplum. Omni vehiculo, scilicet curru, sublunt rotæ, vt facilius onus impositum promoueatur, & rotæ posteriores subsequuntur priores, simile est in spiritualibus. Nam mundus magnum onus est, onerans sollicitudinibus, & tribulationibus hominem. Nec mirum, quia cum homo locum quietis fastidiuit, iustum erat, vt locum laboris experiretur, vt ergò huius mundi onus facilius ab homine tolerari possit, ideò accessit misericorditer vicissitudo, & mutatio temporum, scilicet dies, & nox, æstas, & frigus, propter exercitationem, & quietem hominis. Nam rationabile est, vt vbi contraria conueniunt firmum scilicet, & infirmum, condescendendū est infirmo, vt cum foret possit sustinere, alioquin infirmum annihilabitur. Sic & de hominē est, quamuis ipse ex virtute animæ immortalis stare posset in cōtemplatione, & labore iugiter, tamen ex virtute corporis infirmi deficeret, & ideò facta est lux, vt homo habens participationem cum superioribus, & inferioribus, sciat sustinere, laborando per diem, & rememorando dulcedinem æterni luminis, quod amisit. Facta quoque est nox, propter quietem corporis, habendo voluntatem veniendi ad locum, vbi non est nox, nec labor, sed dies perpetuus, & gloria sempiterna.



INTERROGATIO NONA
Quesitio I.

NOTÆ.

I Vt tantum videris inæqualis in
donis, & gratijs tuis in eo, quod
var. lea. Mariam Matrem tuam prætulisti omni
creaturæ, & exaltasti eam super Ange-
los?

Hoc loco primò sciendum est, quod M. S. Farnesianus addit, Exaltasti eam super Angelos, & Archangelos, sed ut præsentis dubitationis solutio omnibus pateat, prius debemus animaduvertere, quod licet benignissimus Deus omnibus hominibus sua dona conferat, non tam n equaliter omnibus omnia tribuit, sed secundum quantitatem à Christo Domino decretam, & secundum quod ipsemet expedire indicat, dat singulis habita etià uniuscuiusque propria capacitatis ratione, sic enim docet Apost. Paulus ad Ephes. cap. 4. Vnicuique data est gratia secundum mensuram donationis Christi, ubi notat Theodoret Lyrar. & Dionys. Carthusian. quod donorum quantitas pendet ex libera voluntate Dei, qui dat plus, & minus iuxta dispositionis sue ordinem, & ideo Theodoret. ait ibidem, non esse id agere ferendum, quia ipse, ita ut no-uit, unicuique gratiam dimensus est: addit etiam Dionys. Carthusian. Deum in conferendo, capacitatem, & susipientium dispositionem respicere, sed quoniam inter Sanctos Beatissima Virgo principem locum tenet, quippe, que omnium fuit capacissima, & charitate creaturas cunctas excellit, ideo conueniens fuit, ut super omnes etiam exaltaretur, & maiora, ac insigniora dona præ ceteris obtineret, quod ut explicemus apertius, notandum ex D. Thom. par. 1. quæst. 12. art. 6. cum, qui in hac vita maiori charitate abundat, habiturum etiam in alia maius gloriæ lumen, Vbi enim (inquit ille) maior charitas est, ibi maius inuenitur desiderium, desiderium autem facit desiderantem aptum, acque paratum, non solum ad susceptionem desiderati, sed

etiam ad ea dona recipienda, que à Deo nobis conferuntur: ex quo consequens fit, ut qui maiorem in hac vita charitatem habet, aptior esse censetur, & ad Deum recipiendum, & ad sua etiam munera obtinenda: cum autem Beatissima Virgo omnibus puris creaturæ plures charitatis gradus habuerit, mirum non est, si pluribus etiam, ac insignioribus donis præ ceteris ornata fuerit, quod satis aperte insinuat in responsione ad hanc primam dubitationem circa finem ibi, Quod sicut nullus in charitate inuicis est similis, sic nullus ei in gratia, & benedictionibus debet esse equalis. Vt autem hoc in specie probemus ex Patribus de ipsius gratijs gratis datis dicendū est primò, Mariam sic Prophetie spirita claruisse, ut hac in re alios Prophetas superarit, est enim hæc communis Patrum sententia, quam colligunt ex Luc. 1. cap. ubi cum Beatissima Virgo dixit Magnificat anima mea Dominum, eam tunc in Prophetico spiritu fuisse locutam asserunt, unde ibi Ambros. dixit, Quod maior est persona, eo plenior Prophetia, & Rupert. lib. 1. in Cant. illam vocat Prophetissam Prophetarum, quia Prophetas docuit, idem admonuerunt plures sacrarum Litterarum interpretes super illud Isa. 8. Accessi ad Prophetissimam, sic Basil. lib. 1. in Isai. orat. 5. Greg. Thaumaturg. serm. 1. in Annunt. aliquantò post initium Epiphaniæ. hæresi 78. Nanzian. orat. 42. Euseb. lib. 7. demonstrat. cap. 6. Galat. lib. 7. de Arcan. cap. 4. 5. et 12. idem dicendū de alijs gratijs, & de scientia, & cognitione rerum diuinarum, qua in re etiam Apostolos superasse, & omnes Theologos docuerunt, idem S. Ignat. Epist. 1. illa vocat Apostolorum Magistram, & Bernard. serm. 4. super Assumpt. est, Mariam asserit illuminasse Euangelistas iuxta sui nominis etymologiam, nam secundum Hieron. in lib. de Nominibus Hebraicis in Exod. Maria Illuminatrix exponitur, idem habet de scla. de Excellentia Virg. cap. 7. Euseb. Emis. serm. de Assumpt. Virg. Petr. Dam. super illud Matth. 1. Liber Generationis. Postremo si sermo sit de linguarum donis, etiam constanter futendum est, hæc Virgini fuisse data

donas sic tradunt Albert. in *Mariali* D. Anton. 4. par. tit. 15. cap. 16. S. 8. quod etiā probant de gratia miraculorum, & sanicatiū Albert. & Anton. ubi sup. S. 5. & 6. Rep. lib. 3. in Cāt. quo loco in vniuersū docet, Mariam habuisse omnes gratias gratis datas, quare meritū Andr. Crescens. ferm. de *Assumpt.* Virginem appellauit fontem, qui exhauriri non possit diuinarum Reuelationum.

INTERROGATIO NONA.

Quaestio II.

NOTA.

CU Angelis dedisti spiritum sine carne, & stare in caelesti gaudio, homini verò dedisti vas terrenum?

In presenti Nota duo à nobis examinanda breuiter sunt, primum quidem, an verū sit, quod fuerint Angeli ab eterno creati, sicut infra in Responsione ad propositam dubitationē affirmari videtur, cum dicitur, In principio, & ante tempora creati spiritus, ut in libero arbitrio stantes, secundum voluntatē meam gauderent. Postremo causa quoque inuestiganda est, quapropter Deus illos corporeos minime creauerit, quemadmodum homines cum corpore, & anima condidit: & ut à primo sumamus initium, omnino mihi dicendum videtur, Angelos nequaquam ab aeterno à Deo fuisse creatos, nec illi villo pacto coaeternos existisse, quandoquidē solus Deus Pater, Filius, & Spiritus sanctus est ab aeterno, ut probat D. Thom. 1. par. q. 61. art. 2. & hoc tanquam certum supponendū est, cui etiam ad stipulatur Card. Caiet. & Domin. Ban. ibidem, sed hoc ipsum apertius tradidit D. August. lib. 11. de *Trinit.* Dei cap. 32. circa finem, ubi querens, an Angeli prius creati sint, quàm homines, concludit, ut in hac re liberē sentiat unusquisque, quod velit. Proinde (inquit) ut vult unusquisque, accipiat, quod ita profundum est, ut ad excitationem legentium à fidei regula non aberrantes plures possit generare sententiās, dum tamen Angelos sanctos in sublimibus celi sedibus, non quidem Deo coaeternos, sed tamen

de sua sempiterna, & vera felicitate securos, & certos esse, nemo ambigat, & lib. 5. de Genes. ad litteram cap. 19. hoc idem constanter asseuerat, cum dicit, Nulla creatura creata est ante secula, sed à seculis, cum quibus cepit esse. Haecenus D. August. qui clarioribus verbis demonstrare non poterat, Angelos suo Creatori nullatenus coaeternos existisse, quod etiā docuit D. Ambros. lib. 1. *Examer.* cap. 5. exponens 1. caput Geneseos. Factus (inquit) est mundus, & cepit esse, qui non erat, Verbum autem Dei in principio erat, & semper, sed Angeli, & Dominationes, & Potestates aliquando esse ceperunt: ceterum quoniam, ut indicauimus supra, affirmari videtur in Responsione huius dubitationis, à Deo Angelos in principio ante tempora, & secula creatos esse, quod etiā insinuare visus est D. Hieron. in *Comment. super Epist. ad Tit.* non longe ab initio cap. 1. ubi ait, Sex millia, nec dum nostris temporibus implentur annorum, & quantas prius aeternitates, quanta tempora, quanta seculorum origines transisse arbitrandū est, in quibus Angeli, Throni, Dominationes, ceterique ordines Deo seruierunt, absque temporum vicibus, & mensuris, & Deo iubente subsisterunt, atque haec D. Hieron. non ita sentiendo, sed aliorum opiniones referendo attulisse existimat Magist. sent. in 2. dist. 2. aue etiam cum D. Thom. dicere possumus par. 1. quest. 61. art. 3. ad 1. illum fuisse locutum secundum opinionem Doctor. Graecor. qui affirmarunt Angelos ante hunc corporeū mundum fuisse creatos, Nos verò textum B. Brigittae, & praesertim illa verba, à Deo Angeli ante secula, & tempora creati sunt, existimantes interpretanda esse de seculo, & tempore, quod praecessit creationem hominum, ita ut ex hoc intelligamus Angelos non ante hunc visibilem mundū conditos esse, prout Patres Graeci tradiderunt, sed tantummodo ante homines, eorumque creationem praecessisse tempus, quo creatus est homo, & sanè fuisse prius creatos Angelos, quàm homines docuerunt D. Isidor. lib. 1. de *Summo bono* cap. 12. D. August. lib. de *mirabilibus sacrae Scripte.* cap. 2. & doctissimus Bannes super S. Thom. 1. p. quest. 61. art.

(are, 3. qui plures etiam refert sequentes hanc opinionem, inter quos enumerat D. Chrysost. in Genes. hom. 2. 1. quem ait non sentire, & alij putant, Angelos fuisse conditos ante creationem cali, & terre, sed solum ante homines, sed quidquid sit hac de re hodie post definitionem Concilij Lateranensis, sub Innocentio III. & habetur in cap. firmiter de Summa Trinit. & fide Cathol. omnino tenendum est, Angelos hunc visibilem mundum minimè precessisse, & suo Creatori minimè coeternos extitisse, scribitur enim ibi, Deus ab initio temporis utramque de nihilo condidit creaturam spirituales, & corporales, quam sententiam post Concilium omnes Theologi secuti sunt in 2. sent. dist. 2. horum plures refert Aloysius Lippoman. in Catena super Genes. ad illa verba In principio creauit, &c. fauet huic opinioni D. Augustin. de Ciuit. cap. 6. & 9. D. Gregor. Magn. lib. 32. Moral. cap. 20. 24. & 25. Epiphani. lib. 1. contra hares. 6. 5. Theodoret. quest. 3. in Genes. plura hac de re vide apud Augustin. Eugubini. lib. 17. de perenni Philosophia cap. 5. et 17. Superest modo causam inquiramus quare voluerit Deus Angelos incorporeos homines verò corporeos creare, & sanè non defuerunt, qui opinati sunt, Angelos habere corpora naturaliter unita, nā Tertul. antiquissimus auctor in lib. de carne Christi, & de velatīs Virginibus, hoc probare cōtendit, ex illo Genes. 6. Videntes filij Dei filias hominum, quòd essent pulchre, ubi per filios Dei Angelos intelligit, licet D. Thom. meo iudicio rectius existimet 1. p. quest. 61. art. 3. ad sextum, per filios Dei intelligendos esse filios Serphim, qui appellantur Angeli, quia in eius progenie Dei cultus perseuerauit, & est expositio Gloss. Interlinearis, & D. August. lib. 13. de Ciuit. cap. 23. videntur sensisse eū Tertull. propter idem testimonium, Lactantius Firmianus lib. 2. Diuinarum institutionum cap. 15. Diuus Basil. de Spiritu sancto cap. 16. Origenes lib. 2. Periarchon cap. 2. & 3. Cassian. Collat. 7. cap. 13. D. verò Augustinus circa hanc questionem fuit valde dubius, ut constat ex lib. 21. de Ciuitate cap. 10. ubi ait, Sunt Dæmonibus sue quedam corpora,

ut magnis Auctoribus visum est, si quis autem nulla habere corpora Dæmones asserat, non est hac de re, aut onerosa inquisitione laborandum, aut contentiosa disputatione tractandum, & lib. 8. de Ciuitate cap. 16. non reijcit sententiam Apulei, & aliorum Platoniorum, qui existimauerunt Angelos habere corpora, immò satis dubitauer loquitur in Enchiridion cap. 59. & lib. 3. de Trinit. cap. 1. & lib. 2. super Genes. ad litteram cap. 17. sed ut ad rem nostram veniamus, verissimum esse arbitror, quod traditur hoc loco, Angelos nullo pacto habere corpora naturaliter unita, & ratio probabilissima est, quæ hic assertur, quoniam, cum Deus Spiritus sit Ioan. 4. conueniens fuit, ut ei utraque creatura spiritus scilicet, & corporalis inferuiret, quæ opinio nostris hiscè temporibus omnino videtur recipienda, cum præsertim fuerit comprobata in Concil. Lateranensi sub Innocentio III. loco supra citato, & eam sequantur grauissimi & antiquissimi Patres, ut Diuus Dionysius lib. de Diuinis Nominibus capit. 4. D. Gregorius lib. 4. Moral. cap. 9. Diuus Chrysost. homil. 22. super Genesim, ubi irridet eos, qui Genes. 6. per filios Dei Angelos intelligunt, quia Angeli (inquit) generare non possunt, accedit ad hanc sententiam Diuus Damascenus lib. 2. de fide Orthodoxa cap. 3. Hugo Victorinus lib. 1. de Sacramentis, part. 5. cap. 7. & 8. Albertus Magnus in 2. sentent. dist. 8. quest. 1. artic. 1. & ibidem Diuus Bonauent. q. 1. & inter Scholasticos, Scotus in 2. distin. 2. quest. 6. Thomas de Argentina distin. 3. quest. 1. Alensis in 2. par. q. 20. membr. 3. ad 7. argument. & alij plures, quos enumerare longum esset. Postremò Magister sentent. in 2. dist. 8. docet Diuum Augustin. aliosque plures in contrarium sentientes fuisse locutos, non ex propria, sed ex aliorum sententia



INTERROGATIO NONA.

Quaestio V.

CVR non est ita lux in nocte sicut in die?

Optimè in responsione ad dubitationē praesentem exemplo Vehiculi, quo diuersa ferruntur pondera, quodque subductis, & ad inuicem circūducentibus rotis, hucque, illucque mouetur, vicissitudo temporis ad operandū apti, & temporis ad quiescendum accommodati ostenditur: hanc autem diei, ac noctis vicissitudinem fieri per luminaria Caeli tradit Moyses Genes. cap. 1. cum dicit, Fiant luminaria in firmamento caeli, & diuidant diem, ac noctem, & sint in signa, & tempora, & dies, & annos, & paulo supra eodem Capite scribitur, Viditq. Deum lucem, quod esset bona, & diuisit lucem, ac tenebras, appellauitq. lucem diem, & tenebras noctem. Si quis autem querat, quomodo, & per quod praecipue ista diuisio facta sit, respondeo per motum Solis, qui quando mouetur super unum hemisphaerium tenebrae sunt in hemisphaerio opposito ad opacitatem terrae, quae in medio sita est, quemadmodum ergo cum Sol super terram fertur, illique praesens sit, dies efficitur: ita cum ab ea absconditur, nox statim sequitur, quod egregie explicauit D. Damasc. lib. 2. de fide cap. 7. non longe ab initio, Dies (inquit) eò ipso est, quod Sol est super terram, & spatium diei est cursus Solis super terram, ab Oriente, dum deuenit in Occidentem, & luminare minus, id est Lunam, & Stellas in principatum, & potestatem noctis, & illuminens eam; nox enim eò ipso est, quod Sol sub terra est, & spatium noctis est Solis cursus sub terra ab Occidente, usque dū in Orientem recurrit: fuit ergo, & innuitur hoc loco, huiusmodi diei, ac noctis vicissitudo penitus necessaria, neque enim potest homo semper in labore persistere, sed eum aliquando quiescere necesse est, & per somnum sensus recreare, erat ergo utrumque tempus, & labori, & quieti aptum constituendum, sicut etiam annotauit Lyran. in citatu loc. Genes. & clarius

Theodoret. quaest. 7. in Genes. Illud (inquit) scilicet lumen, hominum operibus, & laboribus confert, & apparere facit ea, quae videntur, adhortaturq. ad collaudandum horum auctorem, tenebrae uero quiescere faciunt, & reparant hominem soluta lassitudine, quam ex labore contraxit, similiter homines ad domum cogunt redire, bestiis uero praebent occasionem pabuli, & hoc aperte nos docet Dauid Psalm. 103. Posuisti (inquit) tenebras, & facta est nox, in ipsa pertransibunt omnes bestiae agri, catuli Leonu rugientes, ut rapiant, & querant à Deo escam sibi, quod explicans D. Hieron. Idem (inquit) noctem fuisse factam, ut homines requiescerent ab operibus suis, & bestiae egredierentur ad pastionem, & clarius hoc etiam insinauit ibidem Theodoret. qui asserit noctem hominibus quietem dare, feris uero securitatem largiri, ut uetres explant.

REVELATIO QVARTA IN

Libro Quaestionum, in qua Filius Dei pulcherrimè laudat omnia membra Virginis Matris suae, moralizans ea spiritualiter, & pronuncians eam dignissimam Reginali corona.



ILIVS loquitur. Ego sum coronatus Rex in Deitate mea sine principio, & sine fine, nec initium habet corona mea, nec finem, significans potestatem meam, quae non habuit principium, neque habebit finem. Verum ego aliam coronam habui custoditam in me, quae quidem corona sum ego ipse Deus. Haec autem corona preparata fuit ei, quae maximam charitatem haberet ad me, & hanc coronam dulcissima Mater mea vicisti, & traxisti ad te cum iustitia, & charitate. Nam de hoc testimonium perhibent Angeli, & alij Sancti, quod in te ardentior fuit charitas ad me, & castitas tua purior omnibus, quae placuit mihi super omnes. Caput quippe tuum fuit quali aurum fulgēs, & capilli quasi radij Solis. Quia tua mundit

diffima virginitas, quæ est in te, quasi caput omnium virtutum, & continentia omnium illicitorum motuum placuerit, & fulserunt in conspectu meo cum omni humilitate, idè meritò vocaris coronata Regina super omnia, quæ creata sunt. Regina propter mundiciam, coronata propter excellentem dignitatem. Frons tua fuit incomparabilis albedinis, significans verecundiam conscientie tue, in qua plenitudo est humanæ scientiæ, & dulcedo diuinæ sapientiæ lucet in ea super omnes. Oculi tui fuerunt in conspectu Patris mei sic lucidi, quòd te speculabatur in eis, quia in spiritali visu tuo, & intellectu animæ tuæ videbat Pater omnem voluntatem tuam, quòd nihil volebas, nisi ipsum, & nihil desiderabas, nisi secundum ipsum. Aures tuæ fuerunt mundissimæ, & aperte tamquam fenestræ pulcherrimæ, quando protulit tibi Gabriel velle meum, & quando ego Deus factus in te caro. Genæ tuæ fuerunt de optimo colore, scilicet albo, & rubicundo, quia fama operum tuorum laudabilium, pulchritudo morum tuorum placuerunt mihi, quibus quotidie inflammabar. Verè ex pulchritudine morum tuorum gaudebat Deus Pater, & numquam auertit oculos suos à te, & ex charitate tua omnes obtinuerunt charitatem. Os tuum fuit quasi lampas intus ardens, & lucens ab extrâ, quia verba, & affectiones animæ tuæ fuerunt ardentes interius diuina intelligentia, & exterius splendentes ex dispositione laudabili tuorum motuum corporalium, & concordantia pulcherrima tuarum virtutum. Verè Mater charissima verbum oris tui traxit quodam modo Deitatem meam in te, & seruor diuinæ dulcedinis tuæ numquam separabit me à te, quia verba tua dulcia sunt super mel, & fauam. Collum tuum est nobiliter erectum, & pulcherrimè eleuatū, quia iustitia animæ tuæ plenè est erecta ad me, & secundū velle meum mobilis, quia numquam inclinata fuit ad aliquod malum, superbiæ. Sicut enim

collum curuatur in capite, sic omnis intentio, & operatio tua flectebatur ad voluntatem meam. Pectus tuum plenum fuit omni virtutum suauitate, intantum, quòd non est bonum in me, quòd non sit in te, quia traxisti omne bonum in te, ex morum tuorum dulcedine, quando deitati meæ placuit intrare ad te, & humanitati meæ habitare tecum, & bibere lac mammillarum tuarum. Brachia tua pulchra fuerunt per veram obedientiam, & tolerantiam laborum, idè corporales manus tuæ tractauerunt humanitatem meam, & quietus fui inter brachia tua cum Deitate mea. Venter tuus fuit mundissimus sicut ebur, & sicut locus ex virtuosis lapidibus splendidissimus, quia constantia conscientie tuæ, & fidei numquam tepuit, sed nec in tribulatione potuit vitari. Huius itaque ventris, idest fidei tuæ parietes, fuerunt quasi aurum fulgentissimum, in quibus notatur fortitudo virtutum tuarum, & prudentia tua, & iustitia, & temperantia, cum perfecta perseuerantia, quia ipse omnes virtutes tuæ perfecte fuerunt diuina charitate. Pedes tui mundissimi, & loti erant, quasi pleni herbis odoriferis, quia spes, & affectus in me tuæ erant recta ad me Deum tuum, & odorifera ad aliorum exemplum, & imitationem. Hic itaque locus ventris tui, tam spiritalis, quam corporalis tantum mihi erat desiderabilis, & tantum anima tua mihi placita, quòd à summo celo descendere ad te, & in te morari non abhorruim, immò suauissimè delectatus sum. Ideò Mater charissima corona, illa, quæ custodiebatur in me, quæ quidè corona sum ego Deus, qui debeam incarnari, nulli debuit imponi, nisi tibi, quia es verè Mater, & Virgo, & Imperatrix omnium Reginarum.

N O T Æ.

I Deò Mater charissima, Corona illa, quæ custodiebatur in me, quæ quidem corona sum ego Deus, qui debeam

in-

incarnari. M. S. Vat. corrigit, qui debebam incarnari.

Ad horum verborum explanationem sciendum est, quod licet dici possit, Verbum persoluisse debitum assumendo naturam humanam ex praecepto à Patre illi facto, secundum illud Ioan. 10. Hoc mandatum accipi à Patre, negandum tamen non est, habuisse circa Incarnationem, & mortem libertatem; nam cum primùm ostensum est sibi praeceptum Patris, tam ardentèr illud amplexus est, ut probabilissimum sit petisse, ut illud sibi Pater imponeret, quod & S. Ansel lib. 1. Cur Deus homo, annotauit cap. 19. factum ergo fuit illi praeceptum ab eius voluntate dependenter, unde libertatem habere potuit, etiam ex actu quodam reflexo, quo Incarnationem, & mortem amplecti tam ardentèr poterat, ut etiam si illi praeceptum non fuisset factum, adhuc tamen ei placuisset, & hominem fieri, & pro hominum redemptione mortem subire, & cum tanta actus intentione, quanta non obligabatur, atque hinc cap. 12. Serm. Angelici legimus, Quoniam ad Patris nutum semetipsū exinanire voluit accipiendo formam serui, & Isaia 53. scribitur, Oblatus est, quia ipse voluit, in quo sensu accipiendum illud est, quod scribitur hic, Debebam incarnari, Vide Lib. 6. Cap. 12 1. quae Notatione prima hac de re scripsimus.

INTERROGATIO DECIMA

Quaestio I.

ITEM apparuit. Religiosus, qui supra, in gradu suo, dicens. O Iudex, quero à te. Cum tu sis potentissimus, pulcherri-

mus, & virtuosissimus, cur Deitatem tuam incomparabiliter Sole clariorem, superinduisti talem saccum, scilicet humanitatem tuam? Quaestio secunda.

2. Item quomodo Deitas tua omnia includit in se, & à nullo includitur, contineturque omnia, & à nullo continetur?

3. Quaestio tertia. Item cur tanto tempo-

re facere voluisti in utero Virginis, & non statim processisti, quando conceptus eras? Quaestio quarta. Item cum omnia possis, & vbique es praesens, cur non statim in tali statuta apparuisti, sicut cum ad annū trigessimū peruenisti? 4. Quaestio quinta. Item cur de semine Abraham non es natus secundum patrem, cur circumcidi voluisti? 5. Quaestio sexta. Item cum sine peccato conceptus, & natus es, cur baptizari voluisti?

RESPONSIO QVÆSTIONIS

Primæ.

IUDEX respondit. Amice, respondeo tibi per exemplum. Est quoddam genus vuarum, cuius vinum tam fortè est, quod absque contactu hominis exit de uvis, cuius tempus maturitatis attendens possessor, supponit vas, nec vinum expectat vas, sed vas vinum, si verò plura vasa supponuntur, vinum in vas, quod sibi vicinius est se infundit. Hæc igitur vva Deitas mea est, quæ vino diuinæ charitatis sic plena est, quod omnes Chori Angelorum replentur ex ea, & omnia quæcumque sunt participantur. Sed homo per inobedientiam se ea fecit indignum; Cum igitur Deus Pater meus, tempore ab æterno præuiso ostendere vellet charitatem suam, misit vinum suum, idest me Filium suum in vas, quod vicinius positum expectabar aduentum vini, scilicet in uterum Virginis; quæ præ omni creatura, feruentiorem ad me habuit charitatem. Hæc igitur Virgo tantū diligebat, & desiderabat me, quod non erat hora, qua non querebat me, affectans fieri ancilla mea, idèò obtinuit ipsa vinum electum, quod quidè vinum habuit tria. Primò fortitudinem, quia absque contactu hominis exiit. Secundò pulcherrimum colorem, quia speciosus forma descendi à summo cælo pugnaturus. Tertiò suauitatem optimam, inebrietatem

tatem summa benedictione. Hoc igitur vinum, quod sum ego ipse, idèò ingrediebatur viscera virginea, vt ego Deus inuisibilis, fierem visibilis, vt homo perditus liberaretur. Ego quippè benè potuisssem aliam formam assumpsisse, sed; non fuisset iustitia in Deo, nisi vt forma daretur pro forma, natura pro natura, modus satisfactionis secundum modum culpæ. Quis autem sapientum credere, vel æstimare potuisset, quod ego Deus omnipotens tantum me humiliare vellem, vt sumerem sacculum humanitatis, nisi illa inexcogitabilis charitas mea fuisset, qua visibiliter volui conuersari cum homine, & quia vidi Virginem tam feruenti charitate ardere, idèò victa est mea diuina seueritas, & ostensa charitas, vt mecum homo reconciliaretur. Quid miraris, ego Deus, qui sum ipsa charitas, & qui nihil odio eorum, quæ feci, non solum disposui dare homini dona optima, sed & meipsū in pretium, & præmium, vt omnes superbi Diaboli confundantur. Responso questionis Secundæ. Item quomodo Deitas mea omnia concludit in se? Respondeo, Ego Deus, spiritus sum, qui dico, & factū est, qui præcipio, & omnia obediunt mihi. Ego verè sum, qui do omnibus esse, & viuere. Qui antequam facerem cælum, & montes, & terram, in me ipso sum. Qui suprà omnia, & extrà omnia sum. Qui intrà omnia sum. Et in me sunt omnia. Et sine me est nihil. Et quia spiritus meus vbi vult spirat, & cum omnia vult, potest, & omnia scit, omnibusq. spiritibus velocior, & agilior est, omnem habens virtutem, omniaq. præsentia, præterita, & futura prospiciens. Idèò spiritus meus, idest Deitas mea meriò incomprehensibilis est, omnia comprehendens. Responso questionis Tertiæ. Item cur tanto tempore in ventre Virgineo iacuisti? Respondeo. Ego sum omnis naturæ conditor, & vnicuique naturæ disposui debitū modum, & tempus, & ordinem nascendi. Si igitur ego conditor, statim vt conce-

ptus fui, processissem ex utero, fecissem contra naturalem dispositionem, & tunc humanitatis meæ assumptio phantastica visa fuisset, & non vera. Idèò ego volui esse tanto tempore in utero, sicut alij pueri, vt ea, quæ benè feceram naturalem dispositionem ordinando, etià in me ipso adimplerem. Responso questionis Quartæ. Item cur non tantæ magnitudinis fui statim tempore natiuitatis meæ, sicut in anno trigésimo? Respondeo. Si hoc fecissem, omnes admirari fuissent, & timuissent me, sequentes plus ex timore, & propter visa miracula, quàm ex charitate. Et quomodo tūc impleta fuissent dicta Prophetarum, qui prædixerunt, me puerum ponendum inter animalia in Præsepio, adorandum à Regibus, & offerendum in Templum, persequendum ab inimicis? Idèò ad ostendendum humanitatē meam esse veram, & dicta Prophetarum in me cōpleta, crescebam membris per interualla temporum, qui plenitudine sapiētiae tantus eram in principio natiuitatis, sicut in fine. Responso questionis Quintæ. Item ad illud, quod petis. Quare circumcisus sum? Respondeo. Ego quamuis non eram ex origine Abrahamæ secundum Patrem, eram tamen secundum Marrē, licet sine peccato. Itaque, quia legem in Deitate constitui, etiam humanitate legem sufferre volui, nè inimici calumniarent me, dicentes, me præcepisse, quæ nō volui adimplere. Responso questionis Sextæ. Item cur baptizari volui? Respondeo. Omnis, qui viam nouam condere, vel inchoare voluerit, necesse est, vt ipse conditor, & inchoator eiusdē viæ alios præcedat. Itaque antiquo populo data erat via quædā carnalis, scilicet circumcisio in signum obedientiæ, & purgationis futuræ, quæ in personis fidelibus, & legem seruantibus, antequam veniret veritas promissa, scilicet ego Dei Filius, operabatur affectum quemdam futuræ gratiæ, & promissionis, veniente verò veritate, quia lex non erat, nisi quasi vmbra, diffinitum est in æternita-

nitatē, vt antiqua via retrocederet carens effectu suo. Ergo vt veritas appareret, & vmbra retrocederet, viaq. facilior ad cælum ostenderetur. Ideo ego Deus, & homo, sine peccato natus baptizari volui, propter humilitatem, & aliorum exemplum, & vt cælum credentibus aperirem. Et in huius signum, cum ego baptizatus essem, tunc apertum fuit cælum, vox Patris audita est, Spiritus sanctus apparuit in columbæ specie. Ego Dei Filius ostensus sum in homine verò, vt homines fideles sciant, & credant, quòd Pater fidelibus baptizatis aperuit cælum. Spiritus sanctus est cum baptizante, virtus meę humanitatis in elemento, quāuis Patris; & mea, & Spiritu sancti vna sit operatio, & vna voluntas. Sic igitur veniente veritate, idest quando veni in mundo ego, qui veritas sum, tunc statim disparuit vmbra, contracta est testa Legis, & apparuit nucleus, cessit circumcisio, & confirmatus est in me ipso Baptismus, quo paruulis, & senibus aperitur cælum, & filij irę fiunt filij gratię, & vitę eternę.

INTERROGATIO DECIMA, Quæstio I.

N O T Æ.

O Fudex qugro à te, cum tu sis potentissimus, pulcherrimus, & virtuosissimus, cur Deitatem tuam incomparabiliter Sole clariorem superinduiti talem saccum, scilicet humanitatem tuam?

Dubitationis propositæ sensus in eo videtur esse postius, quòd Deus, cum potentissimus, ac pulcherrimus sit, quare sibi voluerit humanam hypostaticè vnire naturam, quæ de se infirma, ac debilis est, quæ ve maculis delictorum sedata existit, cum potuerit sexcentis alijs modis genus humanum à Demonis seruitute liberare: hoc autē loco duo ostendimus, quæ in hac quæstione exigui videntur, Primum quidem, quòd Verbum vniendo sibi

naturam nostram, nullam contraxit aut imbecillitatem, aut seditatem, Secundò verò, quòd ad maiorem iustitiæ proportionem pertinebat, vt Deus humanam carnem assumeret, sic enim idem fuit satisfactor, qui fuerat offensor, offendit autem homo debuit ergo satisfacere homo, & propterea legimus hic in Responsione ad hanc dubitationem dixisse Deum, Ego quippe benè potuissem aliam formam assumpsisse, sed nō fuisset iustitia à Deo, nisi forma daretur pro forma, natura pro natura, modus satisfactionis secundum modum culpæ: hanc ergo ob causam Verbum nostram potius, quàm alienam assumpsit naturam, ex cuius assumptione nullam turpitudinem, aut infirmitatem contraxit, id enim Solis exemplo palàm fiet, quemadmodum enim cum nubibus tegitur Sol, claritas eius absconditur, non obocæatur, rursus cum lumen eius toto orbe diffusum claro splendore cuncta illustrat, tunc si paruo admodum obstaculo nubis includitur, non auferitur, aut etiam si eius radij per cœnum, & cloacas transeunt, non tamen Sol sedatur, nec deturpatur, sic quoque Verbum, cum nostram naturam assumpsit, non potentiam suam, aut pulchritudinem perdidit, sed deitatem suam sub carne, veluti sub velamine quodam abscondidit, quòd egregiè explicans D. Athanas. Orat. 5. contra Arrian. ad Adolph. fratrem scribens aliquantò post initium, Non (inquit) caro ignominiam attulit Verbo Dei, absit, sed potius caro per Verbum Dei glorificata est, neque idè, quia seruilem formam assumpsit Filius, qui in forma Dei est, quidquam diminutus est in sua deitate, sed potius vniuersæ carnis, rerumq. creaturæ indè liberator, & vindex effectus est, neque si Deus misit Filium suum genitum ex femina, ex ea re nobis aliquid probis, sed potius honesta gloria, & magna gratia obuenerit: idem habet D. Gregor. Nazianz. in libello què edidit de fide Nicæna contrā eosdē Arrian. circa finem, ubi eandem rem his verbis declarat. Cum (inquit) Deus hominem induere dignatus est, non labem eternitati intulit, vt spiritus se mutaret in carnem, sed vt susceptio hominis immortalitatem, atque eternitatem

tatem celestis vita præstaret, nam & si Apollolus semetipsum exinaniſſe dicit, formam ſerui ſuſcipiendo, non & tunc ſic exinanitum accipimus, ut aliud, quàm quòd fuerat idem ſpiritus fieret, ſed ut ſepſito interim Maiestatis ſua honore, humanum corpus indueret; quo ſuſcepto ſalutis Geniū fieret. Idipſum tradunt D. Baſil. hom. de humana Chriſti gener. D. Damaſc. lib. 3. de fide Orthodoxa c. 2. et 3. D. Anſelm. de Incarnationis beneficio pluribus in locis, D. Auguſtinus lib. 13. de Trinitate. cap. 16. Super eſt modo breuiter queramus, ut ſupra polliciti ſumus, quare Deus Optim. Max. Redemptionis opus perficere voluerit, veniendo ſibi naturam noſtram, cum potuiſſet innumerabilibus alijs modis nos à Dæmonis ſeruitute liberare, ſed cunctis alijs prætermiſſis, ille potiſſimū eligitur: ut ait loc. cit. Diuus Auguſt. quo nec de diuitate eius imminutum eſt, aut mutatum, & de humanitate ſuſcepta tantū beneficij collatum eſt hominibus, ut à Dei Filio ſempiterno, eodemque hominis filio mors temporalis indebita redderetur, qua eos à ſempiterna morte debita liberaret, hæc Diuus Auguſtinus. & ſane hic modus conuenientiſſimus exiſtit, quoniam, ut dicit Apoſtolus 1. Corinth. 15. Sicut per unum hominem mortuū ita per hominem reſurrectio mortuorum. Ex quo euidenter intelligitur, quòd in reſpoſitione ad hanc dubitationē dicitur, Ego quippè potuiſſem aliam formam aſſumpſiſſe, ſed non fuiſſet iuſtitia, niſi forma daretur pro forma, natura pro natura, formā namque pro forma, & naturā pro natura dedit, quando naturā, quam ſibi hypoſtaſticè vniuit humanā, morti expoſuit, ut eam à morte liberaret æterna. & de hoc Redemptionis myſterio loquens D. Gregor. Nazianz. Orat. 2. de Paſchate, Ille (inquit) fons vitæ, & immortalitatis, illa Archætypi expreſſio, illud immotum ſigillum, illa per omnia ſimiliſimago, ille patris terminus, & ratio, ille inquam ad imaginem ſuam ſe conſerre, carnemq. carnis cauſa gerit. Libet autem hic etiam ex Patribus oſtendamus, hunc modum fuiſſe conuenientiſſimum etiam ex parte naturæ aſſumptæ, & primò dicendum mihi videtur, quòd

cum humana natura propter peccatum facta fuiſſet vilis, & omnino depreſſa, ſi illius dignitas erat reparanda, non potuit commodius hoc fieri, quàm quòd Verbo vnita ſuper omnes etiam creaturas exaltaretur, nihil enim habuit humana natura, quòd altius exurgeret, quòd fuiſſet eximium donum, ut Deus factus ſit homo, ſic tradit D. Auguſtinus de Prædeſtin. Sanctorum cap. 15. & de Vera religione cap. 6. & Clemens Alexandr. in Adhortatione ad gentes, & quamquam hoc videtur eſſe proprium ſolius humanitatis Chriſti, idem tamen mira dignitas reducat in æternam humanam naturam, ut probat Diuus Athanaſ. de Humanitate Verbi, & Oratione contra Idola, Nazianz. Oratione 2. de Natali, Baſil. in Pſalm. 49. atque hæc excellētia naturæ collata, conſiſtit in eminentia carnis Chriſti, qua nihil poteſt eſſe diuinius. Secundò in imperio, etiam in Angelos, quia eſt eleuata ſuper eos, & Chriſtus quoque factus caput eorum eſt. Tertiò, quia homines quadam ratione ſic dicuntur fratres Dei, ut ad Hebræos 2. & 3. Secundò etiam, quia natura humana in amore Dei per peccatū calidè frigebat, & ad eum amorem eſt eleuata per aſſumptionem illius à Verbo ob naturæ præſertim ſimilitudinem, & ſocietatem, quæ ad conciliandam beneuolentiam multum conſert, ut indicat D. Dionyſ. de diuinis Nominibus cap. 4. Tertiò, quia à via veritatis aberrauerat, & peccatis obcecata, quorū die in d. terius ruebat, ipſa ergo à Verbo aſſumpta, in quo ſunt omnes theſauri ſapientiæ, & ſcientiæ, miro modo erecta eſt, atq. prudens etiam facta, in ſibi ſibi acquiſiuit magiſtrum, quem tunc ſequeretur, & cui crederet, tum ob veritatem doctrinæ, tum quia, cum eſſet verus homo, ceteri quoque homines illi facilius ſequerentur, cuiusque doctrinæ fidem præſtabant, atq. hoc idem etiam inſinuat D. Auguſt. de Amore Chriſtiano cap. 11. & ſermon. 9. de Natali. Quariò Verbum etiam naturam aſſumpſit humanam, quippè quia cum appetitum quemdam, ac propenſionem naturalem haberet, ut ſe vniret cum Deo, ad quā rationē nullatenus ſuis viribus poterat peruenire,

idē per Verbum cupiditas hac expleta est, eam sibi assumendo, quam rationem afferunt D. Bonavent. in 3. sent. d. 1. q. 2. & D. Athanas. de Humanit. Verbi. Postremū hic quoque modus convenientissimus fuit, quia humana natura ob peccatum ius ad gloriam amisset, ob Christi merita, qui illam sibi hypostaticē coniunxit, illud ius obtinuit, una cum efficacissimis remedijs ad eam sibi comparandam, nam post Incarnationem, Fidem fuisse firmiorem, docuit D. Augustin. de Civitate Dei lib. 1. 1. cap. 2. & de Spe lib. 1. 3. de Trinitate cap. 16. de Charitate verō tradit de Cathechizandis rudib. cap. 4. ipsam etiā Gratiā post Adventū Domini, longē efficaciorē fuisse factam, probat de Correptione, & gratia cap. 11. Postremū dicendum est, id factum fuisse, tum quia hoc pertinuit ad maiorem hominum dignitatem, ac honorem, ut paulō suprà indicavimus, tum, ut sic magis confunderentur Demones, ut in eadem natura, quam vicebant, vinceretur, tum etiam, ut sic maior hominibus diuina dilectionis, ac misericordiae ostensio fieret, sicut egregiē annotavit D. Leo Pontif. serm. 2. de Natiuit. cap. 3. Verax (inquit) misericordia Dei, cū ad reparandum hominum genus ineffabiliter ei multa suppeterent, hanc potissimum consulendi viam elegit, qua ad destruendum opus Diaboli, non virtute creteretur potentia, sed ratione iustitia. Ex dictis ergo euidenter patet, quāpropter voluerit Verbum humanam naturam assumere, sicq. Redemptionis opus perficere.

INTERROGATIO DECIMA,

Quaestio II.

NOTA.

2. **Q**uomodo Deitas tua omnia includit in se, & à nullo includitur, continetque omnia, & à nullo continetur?

In praesenti dubitatione duo breuiter faciemus. Primum quidem ostendemus in Deo rerum omnium perfectiones esse, quod à nobis certa fide credendum est; Secundū verō quere-

mus modum, quo illas esse in Deo sacri Theologi asseuerarunt, et hoc est, quod queritur hic: & quamquā Diuinitas ineffabilis sit, atque incomprehensibilis, ut auctor est D. Damasc. lib. 1. de fide Orthodoxa cap. 1. & 4. tamen, ut idem habet eodem lib. cap. 2. quae Dei sunt, neque omnia ineffabilia, neq. omnia effabilia esse, neq. etiā omnia cognitionis examen refugientia neq. omnia cognoscibilia, & aliud esse cognoscibile, et aliud effabile: ut autem à primo sumamus exordium, quā vniquā dubitare poterit, Deum in se omnium habere perfectiones, ac virtutes, nā cum ipse sit cunctarum rerum auctor, & conditor, cumq. quidquid perfectionis in effectu est, reperitur in causa etiā excellentiori modo, consequens inde necessariō sit, quod in eo, qui est prima, & vniuersalis causa, et per quē omnia facta sunt, ut Ioan. 1. scribitur, sint quoque omnium creaturarum perfectiones, quod ex Paulo Apost. Rom. 11. satis euidenter colligi potest, cum dicit, Quoniam ex ipso, & per ipsum, & in ipso sunt omnia, hinc est, quod D. Dionys. de diuinis Nominib. cap. 5. dixit Deum in una essentia omnia prehabeere, sed hoc ipsum egregiē explicat D. Gregor. Nazianz. in lib. quem de fide Nicaena edidit aliquantū post medium, Certe (inquit) hoc est Deus, quod cum dicitur, non potest dici, cum existimatur, non potest extimari, cum definitur, ipsa definitione crescit, quia calum manu sua cooperuit, pugna omne mundi ambitum concludit. Caterum quoniam hoc certissimum, & apud omnes in confesso est, restat explicemus modum, quo ille perfectiones in eo dicuntur inueniri, sed obijciat prius aliquis hic: incomprehensibilis est diuina substantia, quomodo ergo de perfectionibus diuinis differemus, quae cum ea identificantur, cui obiectioni respondet Cyrillus Hierosolymitan. Catechesi 6. Numquid igitur (ait) quia totum fluium ebibere nequeo, id quod mihi commodum est, sola mensura non hauriam, numquid cum Solem oculis comprehendere nequeam, etiam lucē illius visum quantum sufficit, non aspiciam, & si in hortum magnū ingressus fuero, & omne genus fructuum comedere non potuero, vni ne, ut inde ex-

eam,

eam, non ergo exhibimus; & propositam difficultatem intactam relinquimus: ad hanc ergo facilius enodandam, sciendum est ex Diuino Anselmo in Prologo cap. 15. perfectiorem distinguere dupliciter posse, quaedam est perfectio simpliciter simplex, quaedam vero secundum quid: perfectio simpliciter dicitur, quae in unoquoque melior est ipsa, quam non ipsa, hoc est; quae in unoquoque ente, in quo reperitur, constituit illud ens in excellentiori gradu entis, quam si esset sine illa: scientia namque, & cetera dicuntur simpliciter perfectiones, quia melior est viuens, & sciens, quam quodlibet aliud non viuens, & non sciens: & ex his facile potest deduci, quid sit perfectio secundum quid, & ea est; quae non in unoquoque ente melior est, quam non ipsa, non enim constituit ens in gradu perfectiori, quam constitueret per aliam perfectionem, quae non esset illa. His positis, dico primo, si sermo sit de perfectionibus simpliciter, eas esse in Deo formaliter, quod certa fide credendum est: scilicet habet communis sensus Theologorum omnium, & patet ex eo, quia nomina, quae tales perfectiones significant, dicuntur proprie de Deo, quia Deus est proprie sapiens, & c. Sic D. Ambrosius in Prologo lib. 2. de Fide ad Gratianum Imperatorem, & D. Augustinus lib. 7. de Trinitate cap. 1. ergo huiusmodi perfectiones formaliter sunt in Deo, aliae vero, quae vocantur perfectiones secundum quid, non formaliter in Deo sunt, sed eminenter, & virtualiter, quia alias sequeretur, quod proprie predicaretur de Deo, & ita Deus proprie esset corpus, Leo, & c. Quae veritas definita est in Concilio Lateranensi contra Almerichum, ut insinuat Turrecremata in summa lib. 4. cap. 35: in Deo autem esse rerum omnium perfectiones egregie probat D. Thomas par. 2. qu. 4. art. 2. ubi dicit, quod cum tota perfectio, quae in effectu est, inueniatur in causa effectiua, Deus autem sit cunctarum rerum efficiens causa, sequitur etiam, quod omnis perfectio in eo sit, & ideo Paulus Rom. 11. scripsit, Ex ipso, per ipsum, & in ipso sunt omnia, & Dionysius 5. cap. de Diuinis Nominibus asseruit de Deo, quod non quidem hoc est, hoc autem non est, sed

omnia est, ut omnium causa. Ceterum si de creaturis adhuc sermo fiat, distinguendum est, nam quodlibet creatum considerari potest dupliciter, uno modo secundum propriam suam naturam, alio modo secundum esse virtuale suae causae, prout dicitur in sua causa praexistere, secundum quem modum locutus est D. Dionysius, ubi supra, quando dixit Deum in una essentia omnia prehabere. His positis. Dico primo, si res creata consideretur secundum propriam suam naturam, sic ipsa dici potest, quod est in Deo, & ab ipso comprehenditur, quia est in Dei scientia, & potentia, quae non distinguitur ab essentia Diuina, ideo creatura sic potest dici, quod sit in essentia Diuina, uti tradit D. Thomas par. 1. q. 18. art. 4. ad 1. quamquam Durandus in 1. sent. dist. 3. 6. q. 2. dissentire videatur, dicit enim in rigore sermonis verum non esse, quod creatura sic considerata dici possit, quod sit in essentia Diuina; licet enim essentia Dei non sit aliud, quam sua potentia, & scientia, tamen inquit aliud connotatur in nomine essentiae, quam in nomine potentiae, & scientiae, propter quod aliud dicitur esse in uno, & non in alio; unde considerata creatura secundum suum proprium esse formale, cum non sit idem, quod Deus, solum se habet ad Deum in ratione terminantis eius operationem, & non in habitudine identitatis, nomen autem Deus significat suppositum, cuius est agere, scientia vero, & potentia significat principia actionum: sed quidquid sit, quoniam haec ad Doctores Scholasticos spectant, hic omittemus: esse censeo: interim dico, quod si res creata considerentur, vel secundum esse virtuale suae causae, secundum quod in sua causa praexistunt: Sic dici optime potest, quod in essentia Diuina omnia existunt, immo sunt ipsamque essentia, quae est sua virtus productiua creaturarum, atque hinc affirmari D. Anselmum & Lyranum in Ps. 35. ad eum versiculum, Quonia apud te est fons vitae, quod creatura in Deo est creatrix essentia. Tertio addit D. Thomas loco paulo sup. citat, quod constitutae creaturae inquantum continentur Diuina virtutes, & conseruantur, sicut dicimus ea esse in nobis, quae sunt in nostra potestate, sic creaturas

esse in Deo, etiam prout sunt in proprijs naturis, & in hunc sensum interpretatur illud Apostoli Actorum 17. In ipso uiuimus, mouemur, & sumus, atque hoc adeo uerum esse putat, ut credat res creatas uerius esse in Deo, quam in se ipsis, & in natura propria, quod etiā docuit Anselm. in Monolog. cap. 36. Dico quarto, Deum etiam omnia in se ipso includere, ac continere, quatenus est omnibus rebus intimè præsens, per essentiam primò, quia omnibus rebus est causa essendi, per præsentiā uerò, quoniam omnia sunt præsentiā, & aperta oculis eius, ut Hebraeorum 4. dicitur. Potest etiam per potentiam, quatenus eius potestati cuncta subduntur, unde Hieremias cap. 23. suarum Reuelat. dixit in persona Dei, Cælum, & terram ego impleo, idem etiam ostendit D. August. lib. 1. Conf. ca. 2. & 3. lib. 7. cap. 5. ubi contemplatur ipsum Deum, ut mare infinitum, intra quod est sponsia, quam penetrat aqua maris, cui sponsia comparat totum mundum. Atque ex dictis satis euidenter colligi potest, quomodo intelligendū sit, quod hoc loco proponitur. Deum nimirum omnia in se includere, & continere, à nullo uerò includi, & contineri.

INTERROGATIO DECIMA,

Quæstio Tertia, & Quarta.

NOTÆ.

CUr tantò tempore iacere uoluisti in utero Virginis, & non statim processisti, quando conceptus eras? Item cum omnia possis, & ubique præsens, cur non statim in tali statu apparuisti, sicut cum ad annum trigésimum peruenisti?

Diuino consilio factum esse censendum est, ut certo tempore Saluator noster Iesus Christus in Alaterno Virgineo utero moraretur, poterat quidem, sicut sanctissimum corpus eius, secundum omnes suas partes essentielles statim formatum est in utero, sic Illic etiam ex utero prodire. Voluit tamen in eius nati-

uitate more cæterorum tempus à natura præfinitum expectare, ad cuius rei cognitionem. Primo sciendū est, quòd re obseruauit Arist. lib. 7. de Historia Animal. cap. 3. & 4. & Plinius lib. 7. cap. 5. hominem hac in re à cæteris animalibus differre, quòd cætera habent præfinitum tempus pariendi, & commorandi in utero, homo uerò non sic, tradit enim Plinius ubi suprà, mulierem quamdam peperisse decimotercio mense, Narrat etiam Gellius lib. 13. cap. 16. Mulierem nobilem fuisse accusatam apud Adrianum, quod peperisset undecimo mense post obitum uiri, qui requisitis Medicorum, & Philosophorum super hanc rem sententijs, eam absoluit, Rursus etiam consueuerunt parere septimo mense, uel octauo, & communiter nono, qua de re latissimè egit Federicus Bonauentura Vrbinas uir doctissimus in libro, quem recèter edidit de Partu Octimestri, sed quidquid sit, dicendum mihi uidetur, Christum Dominum fuisse conceptum 25. Martij, ut Ecclesiastica traditione constat, & probant D. Athanas. in lib. quæst. ad Antiochum. Chrysostom. homil. 1. in Lucam, Augustin. serm. 18. de Natiuitate, & lib. 83. questionum, quæst. 56. natum uerò fuisse 25. Decembris, quòd tempus continet dies 275. ex quo inferitur nouem menses, & quinque dies intercessisse inter Conceptionem, & Natiuitatem, unde uerissimum est, quod tradidit Damascen. lib. 4. de Fide, cap. 15. Nouem menses expleuisse Christum, & decimum iam ingressum fuisse, cum in lucem prolatus est, idem colligitur in Epistola Synodali Sophronij, que refertur in 6. Synodo act. 2. Christum (inquit) in utero Virgineo deportatum, tempus expleuisse legitimi Puerperij, hoc etiam patet ex Ecclesie traditione, quam indicauit Augustin. lib. 4. de Trinitate cap. 5. & lib. 83. questionum, questione citata, & Chrysostom. homil. 1. in Lucam, & Lyranus in Lucam cap. 1. ad ea uerba Salutationis Angelicæ (Dominus tecum) idem probari potest euidenter, serm. Angelico de Virgin. excellentia cap. 15. sic enim hac de re tractans ibi Angelus habet. Ipse in Virgine tantò morabatur tempore, sicut

sicut alijs infantulis ante suum partum in matris visceribus morari necesse est, quemadmodum etiam per totum Virginis corpus, quando idem Dei Filius concipiebatur cum sua diuinitate introiuit. Ex dictis euidenter patet, falsum esse, quod aliqui affirmarunt, apud Eusebium hæreri § 1. Christum septimo à sua Conceptione mense fuisse natum. Superest modò inuestigamus huius temporis Natiuitatis rationem, quæ alia non est, ut admonuerunt Sophronius, & Damascenus. ubi supra, nisi quia hoc est legitimũ tempus, & maxime connaturale ad perfectam hominis natiuitatem, in his autem, quæ ad perfectionem naturæ spectant, quæue indecentiam non important, voluit Christus ea omnia obseruare, & hoc est, quod in responsione ad præsentem dubitationem scribitur ibi. Ideo ego volui esse tantò tempore in utero, sicut alij Pueri, ut ea quæ benè feceram, naturalem dispositionem ordinando, etiã in me ipso adimplerem, sed paulò supra huius rei altera etiam satis probabilis affertur ratio, & ea est, quoniam, si Christus in Natiuitate sua naturalem dispositionem, & præfinitum temporis cursum minimè obseruasset, potuissent homines, inde deducere, Verbum non veram, sed phantasticam carnem assumpsisse, eandem ob causam noluit Christus, etiam ex Virginali Thalamo prodire, cùm ea corporis magnitudine, qualem habere solent illi, qui ad annum trigessimũ perueniunt, quoniam multa Prophetæ de Christo prædixerunt, quæ cum ipse adhuc puer esset, adimplenda erant, tum quia sic veritas assumptæ carnis non æquè benè probata fuisset, si eius corporis dispositio in Natiuitate saltem quo ad hoc, cæterorum hominum natiuitatibus non fuisset conformis: consueuerunt namque homines per intervalla temporum ad debitam corporis magnitudinem peruenire, & idè D. Lucas capite 2. scripsit, quod Iesus præficiebat aetate, hic tamen animaduertendum est ad horum pleniorẽ cognitionem, Christi corpus fuisse formatum ex purissimis sanguinibus Beatæ Virginis, & in eodem instanti, quo ipsa consensum præstauit, factam fuisse sanguinis separationem, consolidatio-

nem, membrorum figurationem, anima infusionem, itaut in eodem instanti fuerit Deus perfectus homo factus in anima, & carne, secundum omnia corporis lineamenta, sed paruulus valde, & idè Isaie 9. legimus, Paruulus natus est nobis, & filius datus est nobis, & factus est Principatus super humerũ eius, sed hoc explicat fusè D. Damascenus lib. 3. de Fide cap. 2. Et construxit (inquit) sibi ipsi ex castis, & purissimis sanguinibus carnem animatam anima rationali, & intellectualem, primitias nostræ conspersione, non cum semine, sed conditorio opere per Spiritum sanctum, non paulatim per addiamenta expleta figura, sed uno contextu absoluta.

INTERROGATIO DECIMA.

Quæstio Quinta.

NOTÆ.

C Vt de semine Abrahamæ non es natus, secundum patrem, cur circumcidi voluisti?

Christum Dominum ex semine Abrahamæ natum esse testatur Paulus Apostolus ad Hebræos 2. Nusquam (inquit) Angelos apprehendit, sed semen Abrahamæ, ac etiam de semine Dauid. Roman. 1. Qui factus est ei ex semine Dauid secundum carnem; hinc est quod Christus in sacris Litteris filius variusque dicitur Matt. 1. Liber Generationis Iesu Christi filij Dauid, filij Abraham, sed quisquam hic possit quærere primo, cur hos potissimum duos nominauerit Euangelista, etiam longa Parentum Christi serie, & horum tantummodo Filius Christus dictus sit, cui breuiter respondendum esse censo, quia his duobus peculiariter promissio Christi nascituri ex ipsis facta est, & quidem de Abrahamo patet Genesis 12. 13. 22. In semine tuo benedicentur omnes gentes. De Dauidè vero 2. Reg. 7. 12. Psalm. 88. & 131. De fructu ventris tui ponam super sedem tuam; hos ergo Euangelista nominauit, ut ostenderet, promissionem hanc, quam his factam esse noverant Iudei, fuisse in Christo completam,

fic habent D. Hieron. Matth. 1. D. Ambros. lib. 3. Comm. in Lucam cap. 3. Irenaeus lib. 8. cap. 18. D. Chrysost. homil. 2. in Matth. Ceterum hoc loco diligenter animaduertendum est, quod cum legimus in Responsione ad praesentem Quaestionem, Christum ab Abrahamo traxisse originem, & ab eius semine descendisse, non quidem ex parte Patris, sed solum ex parte Matris, his uerbis significari, non quod Christus ab Abrahamo minimè descendit, ut in principio praesentis Notae ex sacris Litteris, descendisse probauimus, sed quod descendit ab Abraham, & Dauid ex parte Mariae, quae ex semine Dauidis processit, quod egregie annotauit Tertullianus lib. de carne Christi cap. 12. ubi explicans illud Apostoli Roman. 1. Qui factus est ei ex semine Dauid secundum carnem, Apostolus (inquit) confirmat Christum ex semine Dauid secundum carnem, utique ipsius, ergo ex semine Dauid caro Christi, sed secundum Maria carnem ex semine Dauid, ergo ex Mariae carne est dum ex semine est Dauid, quodcumque detorseris dictum, aut ex carne est Maria, quod ex semine est Dauid, aut ex Dauid semine est, quod ex carne est Maria. Haec tenet Tertullianus, Ex dictis euidenter potest ostendi, Christum originem suam traxisse etiam ex Abraham, & ex utroque descendisse, & utriusque filium fuisse, & Abrahæ, & Dauidis, ut Matth. 1. scribitur, cur tamen Apostolus Roman. 1. dixerit Christum factum esse tantummodum ex semine Dauid, cum promissio, & Abrahæ, & Dauidi facta fuerit, rationem reddit Augustinus in expositione huius loci. Facta (inquit) promissio est utrique, sed maluit hic dicere Dauid, qui & criminisus, non Abrahæ iustus, ut non pro merito, sed gratia natus de eo putetur, & ut ex Rege secundum carnem natus ostendatur, sicut Rex ex Deo ante saecula natus est. Restat nunc aliquas afferamus causas, quare Saluator noster circumcidi uoluerit, & sanè hic in Responsione ad praesentem dubitationem, una tantummodo causa redditur, quam etiam consueuerunt asserre sacrarum Litterarum Interpretes super

illud Luca 2. Et postquam consummati sunt dies octo, ut circumcideretur puer, &c. dicitur enim id exempli causa fecisse, ut nos doceret diuinis obtemperare legibus, uenerat namque, ut ipse aliquando dixit, Matth. 5. Non legem soluere, sed adimplere, aut ut solueret adimplendo, sicut exponit Origenes, quam rationem eleganter tetigit Eusebius Emysen. homil. in octaua Natiuitatis, Ideò (inquit) circumciscus est Dominus, ut legem compleret, & bonam esse ostenderet, & Cyprianus serm. de Circumcisione, Hoc Sacramentum (ait) consuetudini antiqua subtrahere uoluit Christus, ut licet non esset hoc tempore necessarium, tamen nè antiqua religio prorsus reproba uideretur, in se uoluit Circumcisionis optari miraculum: his quoque addendum est, quod quemadmodum Christus fieri uoluit ex muliere, ita sua sponte humilitatis, aut etiam calumnie uitanda causa fieri uoluit sub lege ad Galat. 4. & quod legis in se onus suscepit, ut alios à legis onere liberaret. Praeterea alij admonuerunt uoluisse Christum circumcidi, ut ostenderet se esse de gente Abrahæ, qui ut diximus supra, Circumcisionis mandatum accepit, ut sic Patribus conformis per hoc signum factus Iudeis satisfacere, & occasionem quamlibet, ac excusationem in se non credendi, & eum non recipiendi auferret. Sic habet Diuus August. in Quaestionibus noui, & ueteris testamèti, quaest. 22. eadem ratio colligi potest ex Chrysostom. homil. 34 in Acta Apostolorum, qui rationem reddens, cur Paulus Timotheum circumciderit, Hac est (ait) causa circumcidendi, non enim ferebant audire Verbum ab incircumciso: rursus circumciditur Christus, ut pro nobis suum sanguinem in infantia quoque funderet, ac citissime pati pro nobis inciperet, quod ut explicemus apertius. Sciendum est apud Iudeos, inter cetera sacrificia illud fuisse praestantissimum, quod appellabant iuge sacrificium, quia quotiè fiebat, manè enim sacrificabatur Agnus, & Agnus etiam uespere, sic Christus Agnus, qui tollit peccata mundi sacrificatus est manè in Circumcisione, & uespere in Passione. Quintò hoc

hoc Christum etiam fecisse censendum est, ut
castitatem; quæ per eius membri Circumci-
sionem notatur, nobis commendaret, aut etiam
nos fore spiritualiter circumcidendos demon-
straret, quam rationem insinuauit Eusebius
ubi supra his verbis, Christiani, quod Cir-
cumcisio significet, intelligunt, non unum
tantum, sed omnia membra circumcidunt,
non pellis incisione, sed totius superfluitatis
abiectione. Postremò Christus circumcisus
est, ut ipsi carnalis Circumcisio finem ha-
beret, spiritualementem Circumcisionem, cum
noua lege Christus inciperet, secundum illud
Rom. 10. Finis legis Christus est ad iusti-
tiam omni credenti, Ceterum Epiphani. qui
hac de re latè egit lib. 1. Heresi 30. circa fi-
nem, de Christi Circumcisione, sic loquitur,
Propter multas causas circumcisus est, Primò,
ut ostenderet seipsum in ueritate carnem
assumpsisse, propter Manichæum, & eos, qui
dicunt, eum in specie apparuisse, Secundo ad-
dit, id fuisse factum, ut non haberent Iudei
excusationem, si enim non fuisset circumcisus,
poterant dicere, non potuimus Christum sus-
cipere.

INTERROGATIO DECIMA,

Quæstio VI.

NOTÆ.

CVM sine peccato conceptus, ac na-
tus sis, cur Baptizari uoluisti?
Si uerba Responsionis ad præsentem du-
bicationem diligenter perpendantur, ex illis
non una tantummodo, sed plurima huic pro-
positæ difficultati Responsiones colliguntur, at-
que inter ceteras eam esse potissimam arbi-
tror, quod Saluator noster baptizari uolue-
rit, ut omnem impleret iustitiam, seque
spontè illi subijceret legi, quam nuper condi-
derat, ut alios ad obseruationem eiusdem suo
exemplò alliceret, quæ Responsio colligitur ex
his uerbis, Omnis, qui uiam nouam con-
dere, uel inchoare uoluerit, necesse est, ut

ipse conditor, & inchoator eiusdem uia, alios
præcedat, & paulò post etiam scribitur,
Natus baptizari uolui, propter aliorum exem-
plum, quam etiam rationem attulit D. Au-
gustinus in Quæstionib. noui Testamèti q. 29.
Cur (inquit) Saluator noster, cum sanctus
sit, baptizatus est, cum Baptisma purifica-
tionis causa sit, uerum, & manifestum
est, Creatorem non egisse Baptismo, quia
Christus non factus, sed natus est, dicente
Angelo Pastoribus, Ecce natus est uobis ho-
die Saluator, qui est Christus Dominus, de-
nique sciens Ioannes eius sanctitatem, prohi-
bebat eum à Baptismo, Saluator uerò insti-
tutis fieri oportere, non utique propter peccatum
suum, sed propter implendam iustitiam, di-
gnum enim erat, ut ipse exemplo esset futu-
rus filijs Dei, qui per Baptismum filios Dei
fieri docebat, idem habet serm. de Epiphania,
his uerbis, Quod facere nos uoluit, prior ipse
fecit, similia indicauit tract. 5. in Ioan. &
lib. 4. de Baptismo. cap. 22. & Diuus Am-
bros. lib. 2. in Lucam circa finem, & clariùs
Gregorius Nazianz. Orat. 40. ubi tres facit
hominis natiuitates, per Generationem, per
Baptismum, per Resurrectionem, quas Chri-
stus honorauit nascendo, resurgendo, & Ba-
ptismum recipiendo, Secunda uerò causa,
quare baptizatur Christus, humilitas est,
quam ostendit maximam, ut potè qui ue-
luti peccator ad Baptismum accessit, & à
suo seruo Ioanne baptizari uoluerit, & hac
adducitur ibi in Responsione, cum dicitur,
Natus propter humilitatem baptizari uoluit,
quod expendens D. Anselm. in Meditat. Pri-
mum (inquit) ut per omnia te fratribus assi-
milares, seruum tuum baptizantem peccatores
in penitentiam, tamquam peccator adijisti,
baptizari quoque te postulasti: eadem causam
attulit D. Augustin. in Enchiridion cap. 49.
ubi ait Christus fuisse baptizatum, non ut
eius iniquitas dilueretur, sed ut magna com-
mendaretur humilitas, idem habet serm. 63.
& Bernardus serm. 4. de Epiphania. Ter-
tia causa Baptismatis Christi ea fuit, ut
aqua suscipiendo Baptismo sanctificaret,
ymq. regenerationem illis conferret, per quam

deinde fidelibus celum aperiret, & hac ex his deducitur uerbis, Dei Filius ostensus sum in homine, ut homines fideles sciant, & credant, quod Pater fidelibus baptizatis aperuit celum; & Spiritus sanctus est cum baptizante, virtus humanitatis meae in elemento, hanc eandem causam attulit antiquissimus Auctor D. Gregor. Thaumaturgus serm. in S. Theophonia paulo post initium. In Iordane (inquit) baptizatus est Christus, non ut sanctificationem assumeret, sed ut sanctificationis participationem alijs clargiretur, idem habet Epiphanius in Anch. Beda in Luc. capit. 2. D. August. serm. 1. Dominica infra octauam, & lib. 3. de mirabilib. sacra Script. D. Gregor. Nazianz. Oratione in sacra lumina D. Ambrosii lib. 2. in Luc. cap. penultimo, & serm. 4. Epiphania, Hieronym. Matth. 3. Hilarius Canon. 2. in Matth. Chrysost. homil. 10. in Matth. & D. Ansel. loco supra cit. Innocens (inquit) Agne Dei, quem nulla peccati stilla; vel cogitatio umquam maculauit, baptizatus es, non te in aquis, sed aquas in te sanctificans, ut per eas nos sanctificares. Quarta causa, quare Christus uoluerit baptizari est, ut per hoc intelligerent homines, Circumcisionem aboleri, & veteri legi finem a Christo imponi, & hoc etiam habetur ibi, Sic igitur ueniente ueritate, id est, quando Ego ueni in mundum, qui ueritas sum, tunc statim disparuit umbra, confracta est testa Legis, & apparuit Nucleus, cessit Circumcisio, idem habet D. Chrys. hom. 4. operis imperfecti, & 12. in Matth. Baptizatus est (inquit) Christus Ioannis Baptismo, ut ex ipsa natura Baptismatis scias, quia neq. peccati causa, neque propter indignitatem domini spiritus baptizatus est, Iudaicum quidem Baptisma aboleretur, ac desinit, nostrum uero sumit exordium. Altera huius rei causa, quam etiam probabilissimam esse censeo, illa est, ut hac ratione testimonium Christo de celo praberetur, ut factum est illis uerbis, Hic est Filius meus dilectus, & ait Hieron. hac enim potissimum de causa Ioannes baptizare iussus est, ut confluentibus undiq. ad eum populis, Christum illis ostenderet, et populus testimonium Ioannis de Christo,

& etiam Dei Patris audiret, sic annotauit Lyran. in Matth. cap. 3. ad ea uerba, Tunc uenit Galilee in Iordanem ad Ioannem, & hac eadem ratio colligi potest ex illis uerbis in responsione ad propositam dubitationem. Et in huius signum, cum ego baptizatus essem, tunc apertum fuit Celum, uox Patris audita est, Spiritus sanctus apparuit in columbae specie, & ego Dei Filius ostensus sum in homine uero. His omnibus addi potest ex Gregorio Nazianz. Orat. 39. Christum baptizatum esse, ut suum baptizatorem sanctificaret, hoc est, ut Ioannem ampliori sanctitate ornaret, uel ut docuerunt Chrysost. homil. 4. operis imperfecti, & Beda Marci 1. ut Ioannis Baptismum comprobaret, sicut uoluit circumcisci, ut Circumcisionem bonam esse ostenderet.

REVELATIO QUINTA

in Libro Quaestionum, in qua Christus loquens Sponsae suae Beatae Brigittae, instruit eam, qualiter non sit sollicita circa curam diuitiarum terrenarum, & informat eam de patientia habenda tempore tribulationis, cum uirtute perfectae adnihilationis, & humilitatis.



ILIVS Dei loquitur Sponsae, dicens. Attende tibi diligenter. At illa respondit quare? Cui Dominus ait.

Quia mundus mittit ad te quattuor seruos, te uolentes decipere. Primus est sollicitudo diuitiarum. Huic, cum uenerit, responde. Diuitiae transitoriae sunt, de quibus tanto maior reddenda est ratio, quo plus abundant, ideo non curo de eis, quia non sequuntur possessorem, sed relinquunt. Secundus seruos est amissio diuitiarum, & damnum rerum concessarum. Huic responde sic. Qui diuitias dedit, ipse, & abstulit, ipse nouit, quid mihi respedit, fiat uoluntas eius. Tertius seruos est tribulatio mundi. Huic sic dicito. Benedictus sis tu Deus meus, qui me tribulari permittis,

per

per tribulationes enim cognosco, quòd tua sum, ideo tribulari permittis in-
præfenti, vt parcas in futuro, propterea
tribue mihi patientiam, & fortitudinem
sustinendi. Quartus seruus est despectus,
& opprobria, His responde taliter. Deus
solus bonus est, & ipsi debetur omnis
honor. Ego autè, quæ feci omnia opera
vilia, & mala, vnde aut cur mihi honor,
quæ magis omni opprobrio digna sum,
quia tota vita mea blasphemauit Deum.
Aut quid mihi plus valet honor, quàm
opprobrium, nisi quòd excitat super-
biam, & minuit humilitatem, & obliui-
scitur Deus, ideo sit omnis laus, & ho-
nor Deo. Propterea sta stabiliter contra
seruos mundi, & dilige me Deum tuum
toto corde.

INTERROGATIO VNDECIMA.

Quæstio I.

ITEM apparuit Religiosus,
qui supra, in gradu suo
dicens. O Iudex quæro à
te. Cum Deus sis, & ho-
mo, cur non ostendi-
sti Deitatem tuam sicut, & Humanita-
tem, & tunc omnes credidissent tibi?
Quæstio secunda. Item cur non feci-
sti audiri omnia verba tua in vnicò
puncto, & tunc non fuisset necesse, ea
per interualla temporum prædicari?
Quæstio tertia. Item cur non fecisti
omnia opera tua in vna hora? Quæstio
quarta. Item cur corpus tuum crescebat
per interualla temporum, & non in vno
puncto? Quæstio quinta. Item cur ap-
propinquante morte, non ostendisti te
in potentia Deitatis tuæ? Aut cur non
ostendisti seueritatem tuam super inimi-
cos tuos, quando dixisti. Consum-
mata sunt omnia?

R E S P O N S I O

Quæstionis Primæ.

Respondit Iudex; O amice,
Respondeo tibi, & non ti-
bi. Tibi autem respòdeo,
vt innotescat alijs malitia
cogitatus tui. Non autem
respondeo tibi, quia non ad profectum,
tuum ostenduntur ista, sed ad futurorū,
& præsentium vtilitatem, & cautelam,
non enim mutare intendis pertinaciam
tuam, ideo nec transibis à morte tua ad
vitam meam, quia in vita tua odis vitam
veram. Verùm tamen alij audita vita
tua, immò morte tua transibunt, & euo-
labunt ad vitam meam. Quia sicut scri-
ptum est, omnia Sanctis cooperantur in
bonum, & nihil sine causa permittit
Deus. Respondeo ergò tibi, non sicut
qui humano more loquuntur, cum
spiritualia aguntur inter nos, sed vt ea,
quæ cogitas, & affectas, per similitudines
alijs exprimantur. Queris ergò cur non
ostendi Deitatem meam in aperto sicut,
& humanitatem? Ratio est quia Deitas
spiritualis est, humanitas verò corpora-
lis, attamen Deitas, & humanitas à prin-
cipio còiunctionis suæ inseparabiles sūt,
& fuerūt, & deitas increata est. Et omnia
quæcumque sunt in ipsa, & per ipsam
condita sunt, & in ipsa est omnis per-
fectio, & pulchritudo. Si ergò tanta pul-
chritudo, & perfectio ostenderetur vi-
sibiliter, luteolis oculis quis sustineret
videre. Aut quis ipsum materialè Solem
in claritate sua valeret aspicere? Aut
quem non deterreret visus fulguris, &
sonitus tonitru, quantò magis, si Domi-
nus fulgurum, & omnium creator in
claritate sua videretur. Ideò duplici de
causa non est in aperto ostensa deitas
mea. Primò propter humanam corpor-
is debilitatem, cuius substantia est ter-
rea. Si enim corpus alicuius hominis
videret deitatem, liquefceret sicut cera
ante

antè igne, anima, quæ tanta exultatione gauderet, quòd corpus quasi cinis annihilaretur. Secundo propter diuinam bonitatem, & eius immutabilem stabilitatem. Si enim ego corporalibus oculis ostenderem meam deitatem, quæ est incomparabiliter fulgentior igne, & Sole, facerem contra meipsum, qui dixi. Non me videbit homo, & viuet. Sed nec ipsi Prophetæ viderunt me sicut sum in mea deitatis natura, quia etiam illi, qui solummodo audiebant vocem meæ deitatis, & videbant montem fumigantem, terrebantur dicentes. Loquatur nobis Moyses, & audiemus eum. Ideo ego Deus misericors, vt homo melius intelligeret me, ostendi me illi in quadam forma ei simili, quæ videri, & sentiri posset, scilicet in humanitate mea, in qua deitas est, sed tamquam velata, nè homo à forma ei dissimili terretur, quia ego in quantum Deus, cum corporalis nõ sim, nec corporaliter effigatus, ideo in humanitate tolerabiliter ab hominibus audiri poteram, & videri. Responsio quæstionis secundæ. Item cur omnia verba mea non fui locutus in vna hora? Respondeo. Sicut materialiter contrarium est corpori, vt tantum cibi accipiat vna hora, quatenus multis annis contentari posset. Sic contra diuinam dispositionem est, vt verba mea, quæ sunt cibus animæ, in vna hora omnia diceretur, sed sicut cibus corporalis paulatim sumitur, vt masticeatur, & mastigatus ad interiora traiciatur, sic verba mea non in vna hora, sed per intervalla temporum dicenda erant iuxta intelligentiam proficientium, vt esurientes haberent unde satietetur, & satiiati ad altiora excitarentur. Responsio quæstionis terciæ. Item cur non omnia opera mea feci in vno puncto? Respondeo. Illorum, qui me in carne videbant, quidam erant, qui mihi crediderunt, quidam verò non credebant, ideo his, qui credebant, necesse erat, vt per intervalla temporum eru-

direntur verbis, & quandoque excitarentur exemplis, & operibus confirmarentur. Qui vero non crediderunt, iustum fuit, vt effectum malitiæ suæ ostenderent, & quantum mea diuina iustitia permittere tollerentur. Si ergo omnia opera mea fecissem in vno puncto, omnes secuti me fuissent, timore magis, quam charitate, & quomodo tunc mysterium redemptionis humanæ fuisset impletum? Sicut ergo in primordiis creationis mundi omnia distinctis horis, & modis patrata sunt, quamuis omnia facienda erant tunc sine vicissitudine simul in præscientia deitatis meæ, sic & in humanitate mea omnia erant rationabiliter, & distincte facienda ad omnium salutem, & eruditionem. Responsio quæstionis quartæ. Item cur corpus meum per numerum annorum creuit, & nõ in vno puncto? Respondeo. Spiritus sanctus, qui est æternaliter in Patre, & in me Filio, ostendit Prophetis, quæ ego in carne venturus facturus essem, & passurus, ideo placuit deitati, vt tale corpus assumerem, in quo laborare possem à mane vsque ad vespeream, & ab anno in annum vsque ad finem mortis. Ergo nè verba Prophetarum viderentur inania, immò ego Filius Dei, corpus assumpsi, simile Adæ absque peccato, in quo similis essem eis, quos redempturus eram, vt per charitatem meam homo auersus reduceretur, mortuus suscitaretur, & venditus redimeretur. Responsio quæstionis quintæ. Item cur non omnibus ostendi potetiam deitatis meæ, & quòd eram verè Deus, quando dixi in cruce. Consummatum est? Respondeo. Omnia quæcumque scripta erant de me, oportebat, quòd adimplerentur. Et ideo ego omnia illa compleui vsque ad vltimum punctum. Sed quia etiam multa prædicta erat de Resurrectione, & Ascensione mea, immò necesse erat, vt etiam illa haberent effectum. Si ergo in morte mea ostensa fuisset potentia deitatis meæ, quis fuisset ausus, me deponere de Cruce,

& sepelire. Denique pro minimo mihi fuisset descendisse de Cruce, & strauisse crucifixores, quomodo ergo impleta fuisset prophetia, aut vbi tunc virtus patientiæ meæ? Qui & si descendissem de Cruce, numquid & omnes credidissent. Numquid non dixissent, me fecisse arte maligna? Nam si indignabantur, quia suscitavi mortuos, sanauî infirmos, maiora dixissent, si descendissem de Cruce. Et ideo, vt solueretur captiuus, ego liber captus sum. Et vt nocentes soluerentur, ego innocens steti stabiliter in Cruce. Et per stabilitatem meam, omnia instabilia stabilui, & infirma confirmaui.

INTERROGATIO VNDECIMA.

NOTÆ.

Prima, que ad earum Questionum intelligentiam, qua hoc loco proponuntur, supra à Nobis annotata sūt præsertim Interrogatione Octaua Questione Secunda, & Interrogatione Decima Questione Tertia, & quoniam ea repetere, superuacaneum esse diximus, ideo illa nunc consilio hic omittimus, cetera verò, que in presenti Interrogatione traduntur, nulla indigent declaratione.

CHRISTVS FILIVS DEI

loquens Sponsæ suæ Brigittæ, instruit eam dicens, quod in vita spiritali labore, & vigorosa perseverantia, & acquiescere cum humilitate consilio senioris, resistendo viriliter tentationibus, acquiritur requies mentis, & æterna gloria, & ponit exemplum de Iacob, qui seruiuit pro Rachel. Nam dicit, quod quibuldam veniunt fortissimæ tentationes in principio conuersionis ad vitam spiritualem. Quibusdam verò veniunt in medio, & circa finem. Et ideo timendum, & cum humilitate in virtutibus, & labore usque ad finem perseverandum est.

Reuelatio Sexta.



ILIVS loquitur. Scriptum est, quod Iacob seruiuit pro Rachel, & videbatur sibi dies pauci præ amoris magnitudine, quia magnitudo amoris labores alleviabat. Verum cum Iacob credebatur assequi desiderabile suum, circumuentus est, nec tamen adhuc à labore destitit, quia amor de difficultate non causatur, donec assequitur, quod optat. Sic est in spiritualibus. Multi enim, vt obtineant celestia laborant viriliter, orationibus, & pijs laboribus: Sed cum ad contemplationis quietem perungere credunt, inuoluuntur tentationibus, accrescunt tribulationes, & vbi se quasi perfectos arbitrantur, inveniunt se ex toto imperfectos. Nec mirum. Nam tentationes sunt, quæ hominem probant, & purgant, & perficiunt. Ideo quibusdam accrescunt tentationes in principiis conuersionis suæ ad vitam spiritualem. Et hi tales perfectius in fine solidantur. Alij grauius tentantur in medio, & circa finem. Et hi sollicitè de seipsis aduertant, & numquam de se presumant, sed eò fortiùs laborent, sicut dixit Iacob. Consuetudo (inquit) est prius, sororem maiorem accipere, quasi diceret, prius exerce labores, & post habebis requiem operatam. Ideo filia non miretur, si etià in senectute accrescunt tentationes. Quia, sicut licet viuere, ita etiam possibile est, tentari. Diabolus enim nunquàm dormit, quia tentatio occasio est perfectionis, vt homo non presumat. Ecce ostendo tibi exemplum de duobus, vnus in principio suæ conuersionis tentatus est, & perstitit, & profecit, & assecutus est, quod quæsiuit. Alius in senectute sua expertus est graues tentationes, quas parum nouit in iuuentute, quibus sic inuolutus est, vt omnium priorum, quasi obliuisceretur.

sceretur. Verum, quia stetit consilio, & à labore non destitit, licet frigidus factus, & tepidus, idè peruenit ad optatam, & ad requiem mentis, cognoscens in se ipso, quod iudicia Dei occulta sunt, & iusta, & nisi fuissent illa tentationes, difficeret peruenisset ad aeternam salutem.

INTERROGATIO XII.

Quaestio I.

ITEM apparuit Religiosus, qui suprà in gradu suo stans, dicens. O Iudex, quare te Cur magis nasci voluisti de virgine,

quam de alia muliere non virgine?

2. Quaestio secunda. Item cur non ostendisti visibili signo, quod ipsa erat mater, & virgo pura? Quaestio tertia. Item cur in tantum occultasti natiuitatem tuam, quæ quasi paucissimis innotuit?

3. Quaestio quarta. Item cur fugisti in Aegyptum pro Herode? Et cur innocentes pueros decidi permisti? Quaestio quinta. Item cur permisti te blasphemari, & falsa prauallere veritati?

R. E. S. P. O. N. D. I. T. O. I. U. D. E. X.

Quaestio prima. Item cur non ostendisti visibili signo, quod ipsa erat mater, & virgo pura?

RESPONDIT Iudex. O amice, idè magis de virgine nasci volui, quam de muliere non virgine, quia mihi Deo mundissimo omnia decem mundissima. Nam natura hominis quamdum stetit in ordine creationis suæ, nihil habuit deforme, prauaricato verò mandato, accessit statim quoddam erubescibile, sicut contingit hominibus peccantibus contra dominum suum temporalem, qui etiam de membris, quibus peccauerunt, erubescunt. Accedente itaque erubescencia prauaricationis, mox auctus est motus inordi-

natus. Et maxime in illo membro, quo ad maiorem fructum institutum fuit, qui tamè motus, nè inanis esset à fructu, Dei bonitate conuersus fuit in bonum, & per diuini mandati institutionem, concessum est opus commixtionis carnalis, vnde natura commiscaret. Verum quia gloriosius est, se suprà mandatum extendere, adijciendo ex charitate qualecumque bonum, quis poterit. Idè placuit Deo, illud magis ad opus suum eligere, quod ad maiorem munditiam, & charitatem tendebat, & hoc est virginitas, quia virtuosius, & magnificentius est in igne tribulationis esse, & non ardere, quàm sine igne esse, attamen velle coronari. Nunc autem, quia virginitas est quoddam semita pulcherima ad celum. Coniugium verò est, quasi via. Idè decuit me Deum mundissimum, in Virgine mundissima quiescere. Ut sicut primus homo factus est de terra, quæ quodammodo erat virgo, quia nondum polluta sanguine; & quia Adam & Eva peccauerunt gula, scilicet comedentes fructum virtutum in sanitate naturæ, idè naturæ generationis permanente incorrupta, & integræ, sic & ego Deus volui recipi in mundissimo receptaculo, vt per bonitatem meam omnia reformarentur. Responso quaestionis secundæ. Item cur non ostendisti apertis signis, quod Mater mea erat Virgo, & Mater? Respondeo. Omnia mysteria Incarnationis meæ insinuat Propheta; vt tantò firmitus crederentur, quanto longius fuerunt prædicta. Quia verò Mater mea verè ante partum, & post erat virgo, sufficiebat testimoniū Ioseph, qui custos, & testis virginitatis eius extitit, cuius pudicitia etià si euidentiori miraculo ostensa fuisset, nullatenus tamen diffidentium malitia destitisset à blasphemia, qui diffidunt Virgine concepisse de Deitatis potentia, nõ attendentes, quòd hoc mihi Deo est facilius, quàm Solem penetrare vitrum. Verum etiam iustitia Deitatis mea fuit, vt mysterium

Incar-

Incarnationis Diuine absconderetur Diabolo, & hominibus tempore gratiæ reuelandum. Nunc autem dico, quòd Mater mea verè est Mater, & Virgo. Vt sic in Plasmatione Adæ, & Euz mirabilis erat potentia Deitatis, & in cohabitatione eorum delectabilis honestas, sic in accessione deitatis meæ ad Virginem, mirabilis erat bonitas, quia incomprehensibilis diuinitas mea descendit in vas conclusum, absque sui violatione. Fuit quoque ibi delectabilis cohabitatione mihi, quia ego Deus includebar Humanitate, qui ubique eram Deitate. Admirabilis etiam fuit ibi potètia. Quia ego Deus incorporalis egrediebar de vtero corporali salua virginitate. Ergò quia homo erat difficilis ad credendum, Mater verò mea est totius humilitatis amica. Ideò placuit mihi ad tempus pulchritudinè, & perfectionem eius abscondere. Vt Mater haberet aliquod meritum, quò perfectius coronaretur, & ego Deus glorificarer amplius in tempore illo, in quo promissa implere vellem, bonis in meritum, malis autem in retributionem. Responso quæstionis tertiz. Item cur nõ ostendi hominibus natiuitatem meam? Respondeo. Licet Diabolus amiserit dignitatem conditionis primæ, non tamen amisit scientiam, quæ ei est ad probationem bonorum, & confusionem propriam. Vt ergò humanitas mea cresceret, & ad præfinitum tempus veniret, ideò abscondendum erat mysterium pietatis meæ Diabolo. Quia occultus venire volui, ad debellandum Diabolum, & despectus esse statui propter arrogantiam hominum deprimendam. Ipsi quippè magistri legis, quem in libris suis legebant, despexerunt, quia veni humilis. Et quia superbi erant, noluerunt audire iustitiam veram, quæ ex fide redemptionis meæ est. Ideò confundentur, cum venerit filius perditionis in superbia sua. Si verò venissem potentissimus, & honorabilissimus, quomodo tunc humi-

liatus fuisset superbus. Aut nunc superbus ingreditur cælum? Nequaquam, veni ego humilis, vt homo addisceret humilitatem, & abscondi me à superbis, quia nec meam diuinam iustitiam, nec seiplos intelligere voluerunt. Responso quæstionis quartæ. Item quare fugi in Ægyptum? Respondeo, antè præuocationem mandati, vnica via erat ad cælum lata, & lucida, lata scilicet in virtutum abundantia, lucida in sapientia diuina, & obedientia bonæ voluntatis. Transmutata ergò voluntate, inchoata sunt duæ viæ, vna ducebat ad cælum, alia abducebat, vnoque duxit ad cælum, inobedientia seduxit. Quia ergò in hominis arbitrio erat electio boni, & mali, scilicet obedire, & non obedire. Ideò peccauit, quia aliter voluit, quàm ego Deus volui cum vellè. Vt ergo homo saluaretur, iustum, & dignum fuit, vt aliquis talis veniret, qui eum redimeret, qui & obedientiam perfectam haberet, & innocentiam, & in quo, qui vellet, possent ostendere charitatem, & qui vellet malitiam. Sed ad redimendum homines non debuit mitti Angelus, quia ego Deus gloriam meam alteri non tribuo. Nec inuentus est homo, qui pro seipso posset placare me, & minus pro alijs. Ideò ego Deus solus iustus veni iustificare omnes. Quòd autem ego fugi in Ægyptum, in hoc infirmitas humanitatis meæ ostensa est, & prophetia completa est, exemplum etiam dedi futuris, quia quandoque persecutio declinanda est propter maiorem futuram gloriam Dei. Quia verò non inueniebar à persequentibus, consilium Deitatis meæ præualuit humano, quia pugnare contra Deum non est facile. Quia verò infantes occisi sunt, signum Passionis meæ futura erat, & mysterium vocandum, & charitatis diuinæ. Quia licet ipsi infantes non perhibuerunt mihi testimonium voce, & ore, perhibuerunt tamen morte,

sicut congruebat infantiae meae. Quia prauisum erat, ut etiam sanguine Inno- centum laus Dei perficeretur. Nam licet malitia iniustorum eos iniuste affixerit, mea permissio tamen diuina, semper iusta, & benigna, eos non nisi iuste expoluit, ad ostendendam malitiam hominum, & deitatis meae incompre- hensibile consilium, & pietatem. Ergo ubi in pueris efferbuit iniusta malitia, ibi iuste superabundauit meritum, & gratia. Et ubi linguae defuit confessio, & aetas, ibi sanguis effusus accumulabat perfectissimum bonum. Responso quaestioniis quintae. Item cur permitto me blasphemari? Respondeo. Scriptum est, quod cum Dauid Rex declinaret, persecutionem filij, quidam in via maledixit ei, quem serui eius volentes occidere, prohibuit eos Dauid duplici de causa. Primo, quia spem habuit reuer- sionis. Secundo, quia considerauit propriam infirmitatem, & peccatum, & fatuitatem maledicentis, Deique in se patientiam, & bonitatem. Ego sum Dauid in figura, homo quippe persequitur me, tamquam seruus dominum per mala opera sua, eiciendo me de regno meo, idest de anima, quam ego creauit, quae meum regnum est. Denique reprehendit me, tamquam iniustum in iudicio, blasphematur etiam me, quia patiens sum. Verum, quia mitis sum, suffero insipientiam eorum, & quia Iudex sum, expecto conuersionem eorum, usque ad vltimum punctum. Demum, quia homo credit magis falsitati, quam veritati, diligens plus mundum, quam me Deum suum, ideo non mirum mihi malus toleratur in malitia sua, quia nec vult inquirere veritatem, nec respicere à malo suo. Christus loquens Sponsae laudat frequentationem confessionis, ne homo amittat gratiam diuinam, quam habet.

INTERROGATIO XII.

N O T A E.

O Iudex quæro à te, cur magis nasci voluisti de Virgine, quam de alia muliere non Virgine?

Dubitationi proposita due admodum probabiles afferuntur solutiones, quæ ambæ se tenent ex parte Dei, cum enim ille purissimus, at mundissimus, sit, decuit etiam cum de purissima Virgine nasci, & colligitur ex his verbis in Responsione, Quia mihi Deo mundissimo, omnia decent mundissima, & hanc eandem rationem attulit D. Bernardus serm. 3. de Aduentu. Congruum (inquit) fuit, si Deus concipi, vel nasci debuit, non nisi de Virgine conciperetur, vel nasceretur, & si Virgo conceptura, vel paritura erat, non nisi Deum conciperet, & pareret. Secunda huius rei causa est, quæ etiam redditur hic, quia sicut primus homo Adam de terra virgine factus erat, ita secundus Adam Christus de Virgine fieret homo, & habetur ibi cum dicitur, Vt sicut primus homo de terra factus est, quæ quodammodo Virgo erat, quia nondum polluta sanguine, erat: hac eadem ratione ipsi sunt Freneus lib. 3. cap. 3. D. Augustinus serm. 5. de Natiuitate, Fulgentius lib. 4. de fide ad Petrum, Tertullianus de carne Christi, Damascenus libro 4. de fide cap. 15. Cyrillus Hierosolymitanus Cathedra 12. Debit quoque sine virili commercio nasci Dominus, ne duos haberet Patres, aut ut docet Damascenus loco supra citato, qui in calis Patrem habet sine Matre, in terris Matrem haberet sine Patre, vel sicut tradit D. Aug. serm. 16. de Natali Domini, hoc factum est, ut perficerentur omnes modi, quibus ad esse peruenire homines possunt. De terra (inquit) factum esse hominem sine Patre, & Matre nouimus, numquam vidimus, lecta, & audita credimus. Tertia illa iustitia est nobis ipsa quotidiana, de complexu maris, & semine quotidie nascuntur homines, iam ergo erat una sine viro, & femina, iam erat tertia de viro, & femina. Quarta resabat sine viro

uirō de femina: sed ista quarta liberauit tres; prima, & secunda, ruerunt, tertiam de ruina generauerunt, in quarta salutem inueniunt, exultēt Virgines, Virgo peperit Christum. Quinta ratio quare Christus de Virgine natus sit, ut figuratum responderet figura, Melchisedech fuit figura Christi, qui fuit sine patre, & sine matre, ut ait Paulus, sic conueniebat Christum esse sine patre, & matre, nam in generatione Diuina est sine matre, in humana sine patre: sic habet Tertullianus de carne Christi. Sexta huius rei causa se tenet ex parte Ecclesia, nam in corporali Christi Domini Natiuitate exhibetur figura quedam nostre regenerationis, qua ex Virgine Matre Ecclesia nascimur filij Dei, & ut ait Aug. lib. de sancta Virginitate cap. 6. ut signaret membra sua mystica, de Virgine Ecclesia secundū spiritum nascitura, idē decuit caput de Virgine nasci, ait etiam D. Ambrosius in Lucā cap. 1. ad illa uerba Missus est Gabriel Angelus ad Virginem desponsatam, ut Maria desponsata, sed Virgo, typus esset Ecclesia, quæ est immaculata, sed nupta concipit nos de Spiritu Virgo, parit nos sine gemitu Virgo. Septima causa ea est, quæ se tenere ex parte Virginis uidetur, nam sicut per Euā Virginem humani generis perditio facta fuit, ita per Mariam Virginem eiusdem fieret reparatio, hanc quoque insinuat D. August. de Symbolo ad Cathecumenos c. 4. lib. 2. Per feminam mors, per feminam uita, per Euam interitus, per Mariam salus, illa corrupta secuta est seductorem, hæc integra peperit Saluatorem. Postrema causa, nascitur ex Virgine Christus, ut sic ostenderet quantum amaret, & honoraret Virginitatem, ipse Virgo fuit, & dilectum suum habuit discipulū Virginem, in celo sequuntur eum Virgines, in Lege veteri præstantiores fuerunt Virgines, ut ait B. Ignatius in Epistola ad Philadelphios, in Nouo Testamento fuerunt innumerales Virgines, & etiam in honore habite Virgines. Postremū quod Christus nasciturus erat ex Virgine, ab exordio mudi illustres quædā figure præcesserūt, prima figura fuit, quod primus Adā ex terra uirgine formatus fuerat,

sic ergo ex Virgine secundus Adam formādus erat, secunda figura fuit Melchisedech sine Patre, & Matre, tertia Rubus incombustus, quarta Virga Aaron sine humore florens, & frondescens, quinta Porta Ezechielis Orientalis semper clausa, sexta Vellus Gedeonis, tandem Christus etiam in sacris Litteris dicitur flos Campi, qui sine cultura nascitur, ut inde insinuaretur, ipsummet Christum ex Virgine absque humano hominis ministerio nasciturum fuisse.

INTERROGATIO XII.

Quæstio Secunda, & Tertia.

NOTÆ.

² **C** Vr non ostendisti visibili signo; quod ipsa erat Mater, & Virgo pura? Quæstio tertia. Cur in tantum occultasti Natiuitatem tuam, quæ quasi paucissimis innotuit.

In Responsione ad Secundam Quæstionē, tres afferuntur causæ, quare visibili aliquo, ac euidenti signo propalare noluerit Deus Matris suæ Virginitatem: harum autem trium, prima est incredulitas illorum, qui tunc temporis in humanis erant, scribitur enim in solutione ad propositam dubitationē, quod licet euidentiori miraculo fuisset Maria probata Virginitas: nihilominus homines illi non credidissent, & idē tunc sat fuit testimonium sui Sponsi, qui custos, & testis Virginitatis eius erat, secunda uero causa huius rei se tenet ex parte ipsius Virginis, cuius humilitas sic commendabatur, eiusq. gloriæ, ac meriti corona sic aucta est, dum illis Virginitas ad tempus occultabatur. Postrema uerō causa se tenet ex parte Diaboli, id enim factum esse legimus hic, ut partus Virginis, & Saluatoris Natiuitas ei celaretur, sed quoniam hæc ultima solutio, quæ utriq. quæstioni hoc loco propositæ communis est, à quibusdam Doctores impugnatur, idē diligenter examinanda est, tamen prius ad maiorem horum cognitionem sciendū est, Incarnationis mysteriū Dæmoni fuisse occultum, quia cū ad eum debellandū

Dominus uenisset, ut hoc loco scribitur, idèd voluit ei illud abscondere, ne eius fructum impedire conaretur. *viq.* Deus glorificaretur amplius in tempore illo, in quo promissa impleri volebat, sic legimus in Responsione ad Secundam Questionem, aut etiam id factum est, ne puero Christo Demon in initio ortus sui pararet insidias, quæ ratio colligitur ex uerbis solutionis ad dubitationem Tertiam, ibi, *Ve ergo humanitas mea cresceret, & ad præfinitum tempus ueniret, idèd abscondendum erat mysterium pietatis meæ Diabolo, quod etiam eleganter insinuauit D. Gregor. Thaumaturg. serm. 3. in Annunciat. non longe ab initio, Ne (inquit) citius latro mysterium cognosceret, quod etenim per Virginem Rex esset uenturus, non latebat, nam & Isaia illa uerba ipse audierat, Ecce Virgo in utero habebit, & pariet Filium, quare, & quotidie Virginis uocem obseruabat, ut ubi mysterium hoc adimpleretur, infamiam prepararet, atque idèd Dominus per desponsatam uenit, ut improbum lateret, hæc Gregorius, cui etiam ad stipulatur D. Thom. 3. par. quæst. 29. art. 1. ad 3. argument. Caterum ut diximus non defuerunt, qui postremam hanc rationem tãquam inanem, & parum probabilem cõfutarint, dicentes minimè potuisse sic Deum occultare Diabolo natiuitatem suam, non propalando cuidetibus signis Matris sue Virginitatè, nam ut ait Tostatus trigesima prima quæstione in primum caput Matth. Diabolus, facile potuit aduersere Virginem numquam couisse cum uiro. Secundo uidere poterat in uulua eius nullum esse semen uirile, Tertio poterat uidere claustra uirginalia clausa. idem habet Scotus, qui eamdem rationem impugnat in 4. d. 3. quæst. 2. & Ioannes Maldonatus Societatis Iesu Theologus uir nostro hoc seculo in sacris Literis eruditus in Comment. in Matt. cap. primo edisserens illa uerba, Cum esset desponsata, dicit malè sateri rationem hanc se non intelligere, quam tènere uelle eã reprehendere, Non enim (inquit) intelligi quomodo Diabolus Maria Virginitatem, si modo animaduertit, potuerit ignorare, cum integrum, & incorruptum corpus,*

quamuis nuptæ, uidere posset: & certè reuèmenter admiratus sum hos Doctores rationem hanc reprehendisse, quod facere non debuerant, primo propter summam Sanctorum Patrum, ac grauissimorum uirorum auctoritatem, & reuerentiam, qui illam tamquam probabilissimam admittunt, quorum primus omnium fuit Ignatius Martyr Epistola ad Ephesios, quo loco ait tria latuisse Diabolum, Virginitatem Mariae, Natiuitatem Christi, & mortem Christi, sequuntur D. Ignatius, Diuus Gregorius Thaumaturg. ubi supra, Origenes homil. 16. in Lucam D. Basil. in homil. de humana Christi generatione, Diuus Hieronymus in primum caput Matt. D. Christoph. in Oratione de Annunciatione Virgin. & Damasenus libro quarto de fide Orthodoxa cap. 15. Ambrosius libro secundo in Lucam in principio, Bernardus homil. 3. super Missus est, Rupertus libro secundo de Victoria Verbi cap. 19. huius autem rationis uis, in cõsuta est, nam cum Diabolus ex Isaia cognouisset Matrem Messie futuram Virginem, sic enim capit. septimo scribitur, Ecce Virgo concipiet, & pariet filium, hinc est, quod obseruare poterat omnes Virgines, maxime illo tempore, quo appropinquare Messie aduentum intelligebat, ex hebdomadibus Danielis, & uaticinio Iacob, & nuptas non obseruabat, sed Deus, qui sapientissimus est, comprehendit astutos in astutia sua, sicque miro quodam artificio Demonem decipit, qui existimabat Christum ex sola Virgine nasciturum, non de desponsata, sed ut Tostatus rationibus respondeamus, dico sine dubio potuisse quidem Demonem, si aduertisset cognoscere Christum non fuisse generatum ex uiro, obseruando Virginem numquam couisse cum uiro, eiusque claustra uirginalia penitus integra remansisse, sed asferendum est cum D. Augustino lib. 3. de Trinitate cap. 7. hoc non aduertisse, tùm quia nulla erat ratio suspicandi, ipse namq. timebat sibi de uirginibus, de nuptis uerò nihil suspicabatur, tùm quia Demones nõ faciunt quidquid uolunt, & possunt, immò & nihil faciunt,

nisi

nisi data de super potestate, quam fuisse illi à Deo minimè concessam credendum est, nè sue Natiuitatis tempus nosset; oportebat enim, ut egregie tradidit D. Thom. 3. par. q. 29. art. 1. ad 3. in infantia Saluatoris malitiam Diaboli impedire, nè eum acius persequeretur, & mortem intenderet, quando Christus nec pati disposuerat, nec suam virtutem nondum ostendere volebat, quod etià Nos paulò supra collegimus ex verbis solutionis ad tertiam dubitationem hoc loco propositam ibi, Vt scilicet humanitas mea cresceret, & ad presens tempus perveniret. Respondet secundo D. Thom. ubi sup. quòd licet Dæmon potuisset virtute sua natura cognoscere Matrem Dei non fuisse corruptam, sed Virginem fuisse, tamen ei prohibitum cognoscere modum diuini partus, ob rationes adductas, quod autem postmodum aliquantulò cognouerit, non obstat, quia iam tempus aduenerat, ut Christus virtutem suam contra Diabolum ostenderet, & ab eo concitatum persecutionem pateretur, atque hæc dicta sufficiant circa defensionem rationis allatæ ab Ignatio Martyre, alijsq. Patribus supra citatis. Hic tamen non esse omittendum censui, quod quidam sacrarum Litterarum Interpretes asserere solent pro solutione dubitationis tertie, in qua querebatur, quare voluerit Deus Natiuitatem suam paucissimis innotescere, dicunt enim id factum fuisse, nè res ad Herodis aures perueniret, qui propter metum Regni amittendi in principio Natiuitatis Christi necem illi intentare potuisset, quæ sanè ratio non admodum probabilis videtur, cum Matthæus Euangelista prædixerit cap. 2. sui Euangelij futurum esse, ut Herodes Puerum querat, ad perdendum, quod scit, sicut infra vidimus Interrogatione Duodecima, Questione Quarta, & propterea D. Thom. huius rei tres rationes asserit probabilissimas 3. par. quæst. 36. art. 1. quarum prima est, Quia fuisse (inquit) impedita humana redemptio, quæ per Crucem erat perficienda, & probat ex illo Apostoli ad Corinthios. 2. Quia si cognouissent numquam Dominum glorie crucifixissent. Secundo asserit id fuisse factum, quia impeditum esset fidei meritum tunc. Tertiò, quia

posset de veritate humanitatis Christi dubitari, quæ de re videndus est Franc. Suarez in Comment. ad 3. p. S. Thom. q. 36. ar. 1. com. 2. quo loco has rationes D. Thom. egregie explicat.

INTERROGATIO XII.

Quæstio Quarta.

NOTA.

3 **C**Ur fugisti in Aegyptum pro Herode, & cur Innocentes pueros occidi permisti?

Hoc loco duo Nobis circa Christi Domini fugam breuiter examinanda sunt, Primum quidem quare Saluator fugiat, cum posset alia via manus Herodis euadere. Secundo quare potius in Aegyptum, quam aliundè. Postremò etiam quæremus causam, cur pueros Innocentes Deus occidi permiserit, & quot numero fuerint. Et ut à prima dubitatione sumamus exordium, quattuor in vniuersum sancti Patres asserunt causas, cur Saluator noster fugerit. Primo quidem, ut legimus in responsione ad præsentem Questionem, ut humane nature assumptæ infirmitas monstraretur, & eiusdè nature assumptæ veritas probaretur, non enim Christus manere poterat, & defendere se ab Herode, nisi miraculorum vi, quæ in ea ætate patrari forsitan non conueniebat. Secunda causa huius fugæ ea potissima est, ut suo exemplo addiceret serui Dei, Sanctorum vitam miscendam esse prosperis, & aduersis, Christus namq. in sua Natiuitate magnificatus fuit à Pastoribus, ut Deus, paulò post Circumcisus, ut peccator, deinde venientes Magi eum plurimum honorarunt, & tamen in stabulo remansit inter Bestias morabatur, postea præsentatus in Templo Simeon, & Anna plurimum exultauerunt, & tunc ab Angelo dicitur quòd fugiat in Aegyptum, Ecce ergò (inquit D. Chrysostomus. 8. in Matt.) Misericors Deus mestis rebus quædam etià iucunda permiscet, quod cerè in Sanctis omnibus facit, quos neque tribulationes, nec iucunditates sint habere continuas. Tertia vero causa est, ut inde ab initio Natiuitatis Domini

premonstraretur, qualem vitam in terra esset acturus Christus, laboriosam scilicet, & sexcentis periculis subiectam, & forsasse de nocte fugit, ut fuga, quae de se difficilis est, noctis obscuritate fiat difficilior: atque ex hoc etiam intelligerent homines, quod in suo aduentu in carne, non in maiestate, & gloria venerat, sed in paupertate, et humilitate. Quarta, & postrema huius fugae causa est, ut servi DEI noscerent exemplo Magistri sui, aliquando posse, & debere fugere, ac infidelium persecutionem declinare, & hac ratio etiam adducitur hic, atque hoc idem etiam obseruamus, nam Moses fugit Pharaonem, Dauid, Saul Regem, Paulus per sportam Damasco dimissus est, Petrus Herodem, & Athanasius inimicorum etiam declinasse insidias fugiendo testis est ipsemet in Apologia, quam contra calumniatores edidit, & ad Hebraeos 11. scribens Paulus de hac fuga Sanctorum, In solitudinibus errantes, in montibus, & cauernis: sed quando possint, ac teneantur fugere, hoc requirit altiore indaginem, & hac de re legendus est D. Aug. ad Honoratum Epist. 180. ubi agit, quibus, quando, & quomodo fugiendum. Quare autem potius in Aegyptum Christus Dominus fugerit, ratio potest esse primò, ut Herodi discessus Christi occultior esset, nam ad alia Regna intima Iudae breuior erat, ac frequentior via, illa vero quae ducebat in Aegyptum, ob solitudines difficilior, & minus frequens erat, aut etiam, ut optime annotauit Ioannes Maldonatus in Matth. cap. 2. num. 14. fugit Christus in Aegyptum, ut esset extra Herodis Imperium, vel ut impleretur illud Osee vaticinium cap. 2. Ex Aegypto vocaui filium meum, & hoc illud est, quod in responsione ad hanc dubitationem legimus, Quod autem fugit in Aegyptum, propheta completa est, sed hic admonere Lectorem censui, non esse intelligendum Christum fugisse in Aegyptum, ut Osee vaticiniū impleretur, sed ut Herodis persecutionem declinaret, illud enim, ut non causam, sed euentum significat, fugiendo ergo Herodem, factū est, ut impleretur propheta, & in hunc eundem sensum, si quando in sacris Litteris ali-

quid factum esse legimus, ut scriptura impleretur, illud sic accipiendum est. Ceterum huius rei plures etiā causas afferunt Euthymius, & Theophylact. Matth. 2. ibi, Accipere purrum, Chrysost. hom. 2. & 8. operis imperfecti. D. Gregor. Nazianz. Orat. 4. de Theologia. & Leo Pont. horum autem potissima ratio est, quoniam superstitionibus, & idolatrijs plena erat Aegyptus. Aegyptij namq. teste D. Hieron. in Isaiam c. 2. & 46. in tantum idolatrie, & vanissime superstitioni dediti erant, ut Accipere, Noctuas, Hyrcos, & Asinos diuino numini consecrarent, sed hac de re latius agit D. Aug. lib. 17. de Ciuit. c. 16. ex quibus patet, eos non animalia solum pro Dijs coluisse, sed etiam Cepas, ceteraq. plura huius generis, ut ergo Dominus ostenderet initio suae Natiuitatis uenisse ad tollendam idolatriam, & ad hanc Regionem ab hoc vitio purgandam, fugit in Aegyptum, quod subito accidit, nam post eius ingressum omnia Idola penitus corruisse ferunt, quod etiam scribitur Libro 6. Reuelat. Cap. 68. & confirmat Chrysost. hom. 2. operis imperfecti. In Aegyptum (inquit) Paruulus mittitur, ut illam regionem, quae prae omnibus terris impietatis flamma ardebat, igne potius fidei succenderet, atque etiam ut significaretur, meritis Christi aliquando fore, ut in Aegypto concursus, & Martyrum, & Anachoretarum ingens fieret, postquam caput eorum ad eam regionem se conferret, immò ex hoc Aegyptum spiritualiter Iudaeam futuram premonstrabat, secundum illud Apoc. 11. quae est spiritualiter Sodoma, & Aegyptus, ex praesentia ergo Christi Domini ibi factum est, ut Paradiso quoquomodo clarior Eremitus illa, ac melior redderetur, unde Chrysost. hom. 8. in Matth. Si quis (inquit) nunc ad Aegyptum ueniat solitudines Paradiso prorsus omnem illam videat Eremitum digniorem, & innumerabiles Angelorum caetus in cordibus fulgere mortalium, est enim cernere in tota illa regione diffusum exercitum Christi: his addendum est etiam, Hac fuga in Aegyptum, Saluatorem insinuasce, regnum Dei esse transferendum à Iudeis ad Gentes. Restat modo causas aliquot inuestigemus,

fligemus, quare permiserit Christus tot pueros innocentes, tam crudeliter occidi, & quidem huic proposita Quæstioni hoc loco sic respondetur, Quod vero infantes occisi sunt, signum Passionis meæ future erat, & mysterium vocandorum, & charitatis diuinæ: ex quibus verbis tres presentis dubitationis solutiones colligende sunt, Prima quidem, quod puerorum Innocentium mors, Christi Domini mortem præmonstrauit, Secunda vero quod in illis typus quidam præcesserit Martyrum, qui pro Saluatoris cõfessione in noua Lege sanguinem suum erant effusuri, nec defuturos per omne tempus, qui electos Dei persequerentur, quemadmodum prædixit Dominus Ioan. 15. Si me persecuti sunt, & vos persequentur, & hoc significant illa verba, Quod infantes occisi sunt, signum Passionis meæ erat, & mysterium vocandorum, scilicet ad Martyrium; Tercio, signum quoque hoc fuit charitatis eximium, siquidem hæc illis mors cessit ad martyrij palmam obtinenda, & maius infantibus bonum cades attulit, quam temporalis vita, quandoquidem ad eternam gloriam semper victuri euolant, unde scite Hylarius de illis dixit, In eternitatis profectum per martyrij gloriam afferebatur. Cæterum non defuerunt, qui alias huius rei causas redderent, existimantur aliqui id Deum permisisse, ut ostenderetur, & quanta esset Herodis seuitia, & quod nulla crudelitas contra eum quidquam possit, quem seruare Deus decreuit: adde id factum esse, ut testimoniū à pueris Christus acciperet, pro quorū salute natus erat, vel ut tradit Origen hom. 3. in diuersos, ut plurimorum Martyrum pro Domino occisorum, & ut ipsa Bethleem, in qua natus est ipse Saluator, primitias Domino Martyrum obtulisse videatur. Quot autem hi sancti Infantes numero fuerint, nobis incompertum est, sunt qui affirmant, fuisse centum quadragintaquatuor millia, & probant ex eo, quod Ecclesia in eorum festo recitat visionem illam D. Ioan. Apocal. 14. Vidi supra montem Syon Agnum stantem, & cum eo centum quadragintaquatuor millia, verū mihi creditum difficile est, tot fuisse illos infantes, tantus enim numerus, nec in tota Indea à bimatu, & in-

fra inueniri forsitan potuisset, sed dicendum est, ibi voluisse Ecclesiam per determinatum numerum, indeterminatum exprimere, vel in eorum festo, in Officio sacro eam visionem recitare, non propter illum numerum, sed obsequentia verba, quæ valde Innocentibus congruunt, hi empti sunt primitiæ Dico, & Agno. Alij verò tradunt fuisse mille, & ad probandam suam opinionem offerunt illa verba Cant. 5. Dilectus meus candidus, & rubicundus electus ex millibus, candidus in Ioanne, rubicundus in Stephano, electus ex millibus in Innocentibus, & ideo post Saluatoris Natiuitatem celebrat Ecclesia immediatè festum sancti Ioannis, Stephani, & Innocentium, sed hoc ipsum probari potest ex Prudentio, qui in Carmine de sancto Romano Martyre ait. Mille paruulos in Bethleem bibisse Christi Calicem. Sed quidquid sit, quot fuerint sancti Innocentes numero, Nobis incompertum est, ut diximus, & in sacris Literis, ac etiam prophetis, hic numerus mille frequenter ponitur pro indefinito, & retitur Scriptura sacra quibusdam numeris determinatis pro indefinitis, ut septies, decies, centies, mille.

REVELATIO SEPTIMA in Libro Quæstionum.

Christus loquens Sponsæ laudat frequentationem Cõfessionis, nè homo amittat gratiam Diuinam, quam habet.

ILIVS loquitur, Vbi ignis est in domo, necesse est foramen, quod exeat fumus, ut inhabitator ex calore gaudeat. Sic quicumque spiritum, & gratiam meam diuinam tenere desiderat, vile est sibi confessione continua, per quam egrediatur peccati fumus. Quia licet spiritus meus diuinus in seipso immutabilis sit, tamen à corde illo se citius subtrahit, quod humilitatis confessio non custodit. Christus loquitur Sponsæ dicens, quod homines, qui delectantur in carnalibus, & terrenis delicijs, desideria cælestia, & charitatem, & memoriam Passionis

Ddd 4 eius,

eius, & eterni iudicij negligentes, istorum oratio est quasi sonus collisorum lapidum, & proijcientur à conspectu Dei abominabiliter, tamquam abortiuus, & immundus pannus menstruatæ.

REVELATIO OCTAVA

in Libro Quaestionum.

ILL E cantabat. Eripe me domine à viro iniquo. Hęc vox est in auribus meis, quasi sonus duorum lapidum collisorum. Eius quippe cor, quasi cum tribus vocibus clamat ad me. Prima dicit. Ego volo habere voluntatem meam in manu mea, dormire, & surgere, & loqui placencia. Dabonatur, quod appetit, pecuniam desiderio in bursa, molliciem vestium in dorso, cum hæc, & alia habuero, reputo feliciora ista omnibus alijs donis, & virtutibus spiritualibus animæ. Secunda vox eius est ista. Mors non est nimis dura, iudicium non est ita seuerum, ut scribitur, minantur duriora propter cautelam, dantur minora propter misericordiam. Ideò si habuero volutatem meam in præsentia, anima transeat in futuro sicut potest. Tertia vox est ista. Deus non redimisset hominem, nisi dare vellet ei cælestia, nec fuisset passus, nisi reducere vellet nos in patriam. Aut quare passus est, aut quis compulset eum pati. Nempè cælestia non intelligo, nisi ex auditu, & vtrum credendum sit Scripturis nescio, tamen si habere possem voluntatem meam, hoc recipere pro cælesti regno. Ecce talis est eius voluntas. Ideò quasi sonus lapidum est eius in auribus meis. Sed O amice respondeo tibi ad vocem primam. Via tua non tendit ad Cælum, nec passio charitatis meæ sapit tibi. Ideò apertus est tibi Infernus, & quia diligis infima, & terrena, ideò vadas ad inferiora. Ad secundam vocem respondeo tibi. Fili mors erit,

tibi dura, iudicium intolerabile, fuga impossibilis, nisi te emêdes. Ad tertiam vocem dico tibi. Frater omnia opera mea ex charitate feci, ut tu esses mihi similis, & auersus, redires ad me. Nunc autem opera mea sunt mortua in te, verba mea onerosa, & via mea neglecta. Ideò restat tibi supplicium, & societas Dæmonum, quia vertis ad me dorsum, calcas sub pedibus tuis signa humilitatis meæ, & non attendis qualis in Cruce steti antè te, & pro te. Ego quippe tripliciter steti pro te. Primò, sicut homo cuius oculum cultellus penetraret. Secundò, sicut homo cuius cor gladio perforaretur. Tertiò sicut homo cuius omnia membra præ dolore instantis tribulationis contremiscent. Passio quippe mea, amarior mihi erat, quàm punctura oculo. Attamen eam ex charitate patiebar. Dolor quoque Matris meæ plus mouit meum cor, quàm proprius. Attamen eum sustinebam. Omnia etiam interiora mea, & exteriora, diu ex instati passione, & dolore tremuerunt. Non tamen dimisi, nec recessi. Sic igitur steti antè te. Sed tu omnia obliuisceris, & negligis, & contemnīs. Ideò sicut abortiuum, & pannus menstruatæ proijcietis.

INTERROGATIO XIII.

Quæstio I.



TEM apparuit in gradu suo Religiosus, qui prius dicens. O ludex quæro à te. Cur ab alijs citius subtrahitur gratia tua? Et alij diu tolerantur in malitia sua? Quæstio secunda. Item cur alijs in iuuentute tribuitur gratia? Alij in senectute priuantur ea? Quæstio tertia. Cur alij tribulantur ultra modum? Alij sunt quasi securi à tribulatione? Quæstio quarta. Item cur alij intelligentia, & ingenium datur

datur incōparabiliter docile? Alij sunt, sicut Afini sine intellectu: Quæstio quinta. Item cur aliqui nimis indurantur? Alij consolatione mirabili gratulantur? Quæstio sexta. Item cur malis datur maior prosperitas in mūdo, quā bonis? Quæstio septima. Item cur vnus vocatur in principio? Alius circā finem?

RESPONSIO

Quæstionis I.

RESPONDIT Iudex. Amice omnia opera mea ab initio sunt in præscientia mea, & omnia quæcumque facta sunt ad solatium hominis creata sunt. Verū quia homo præfert voluntatem propriā voluntati meæ. Ideo ex iustitia auferuntur ei bona sibi data gratuitè, vt sciat, homo omnia rationabilia, & iusta apud Deum, & quia multi ingrati sunt gratiæ meæ, & tantò indeuotiores sunt, quò plus multiplicantur eis dona, propterea auferuntur ab illis citius dona, vt consiliū Deitatis meæ manifestetur celerius, & nè homo in maius iudicium suum gratia mea abutatur. Item cur in malitia aliqui diū tolerantur. Ratio est, quia multi inter mala sua habent aliquid tolerabile. Nam aut proficiunt alijs, aut cautela sunt alijs. Sicut Saul cum argueretur à Samuele, modicū videbatur in conspectu hominum peccasse. Sed Dauid plus. Attamen instante probatione, Saul inobediens recessit à me Deo suo, & consuluit phitonissam. Dauid verò in tentatione factus est fidelior, sustinens patienter illata, & reputans accidentia, sibi pro peccatis suis. In hoc igitur, quòd ego patienter sustinui Saulem, demonstratur ingratitudo Saulis, & patientia Deitatis meæ, quòd verò Dauid electus est, ostenditur præscientia mea, & humilitas futura Dauid, & contritio eius.

Responsio quæstionis secundæ. Item.

cur aliquibus gratia auferatur in senectute? Respondeo. Omnibus datur gratia ad hoc, vt ab omnibus diligatur dator gratiæ. Ergo quia multi sunt circā finem ingrati meæ gratiæ diuinæ, sicut Salomon. Ideo iustum est vt auferatur in fine, quod non custodiebatur sollicitè antè finem. Nam dona, & diuina gratia mea, auferuntur quandoq. propter negligentiam accipientis, quia non attendit qualia accepit, & quæ redderet. Quandoq. propter cautelā aliorum, vt vnusquisque stans in gratia, semper metuat, & de casu aliorum timeat. Quia etiam sapientes ceciderunt ex negligentia, & etiam, qui amici mei videbantur, per ingratitudinē sunt supplantati. Responsio quæstionis tertiz. Item cur aliquibus maior est tribulatio? Respondeo. Ego sum omnium conditor. Ideo nulla tribulatio venit sine permissione mea, sicut scriptum est, Ego sum Deus creans malum, idest permittens tribulationem, quia nec tribulatio accidit Gentilibus sine me, & sine rationabili causa. Nam Prophetæ mei etiam prædixerunt multa de aduersitatibus Gentilium, vt erudirentur flagellis, negligentes, & abutētes ratione, & vt ego Deus omnia permittens cognitus essem, & glorificarer ab omni natione. Si igitur ego Deus nō parco Paganis à flagellis, minùs parco ijs, qui copiosius de dulcedine diuinæ gratiæ meæ gustauerunt. Quid ergo tribulatio alijs est minor, alijs maior, hoc ideo est, vt homines auertantur à peccato, & tribulati in præsentī, consolationem obtineant in futuro. 2 Quia omnes, qui iudicantur, & qui seipso iudicant in hoc sæculo, non venient in futurum iudicium. Sicut scriptum est, transibunt de morte in vitam. Quod etiam aliqui supportantur à flagello, hoc est, nè flagellati murmurando incurrant iudicium grauius, quia multi sunt, qui non merentur in præsentī flagellari. Quidam etiam sunt, qui in hac vita, nec

corpo-

† alios
suppli-
cium.

corporali, nec spirituali molestia grauantur, qui ita securi sunt, quasi Deus non sit, aut quasi propter iustitiæ opera eorum Deus parcat eis, quibus, & formidandum vehementer est, & dolendū, nē ego Deus parcens eis in præsenti, improuisus adueniam, & non punctos durius damnem. Quidam etiam sunt, qui habentes sanitatem carnis, tribulantur in anima, de contemptu Dei. Alij verò, nec gaudent sanitate corporis, nec consolatione interna animi, & tamen stant pro posse suo, in seruitio, & honore meo. Quidam etiam ab utero matris vsque ad finē affliguntur infirmitatibus, quorum omnium tribulationes, ita moderor ego eorum Deus, vt nihil fiat sine causā, & remuneratione, quia multorū oculi aperiuntur in tribulatione, qui ante tentationes dormitabant. Responso quæstionis quartæ. Item cur aliqui habent maiorem intelligentiam? Respondeo. Nihil prodest animæ ad æternam salutem, quanta quis abundauerit sapientia, nisi & fulgeat bona vita, immò vtilius est habere minorem scientiam, & meliorē vitam, propterea vnicuique moderata est ratio, per quam si pie vixerit, obtinere potest cælum. Verum tamē ratio in multis est dissimilis, iuxta naturalem, & spiritualemente dispositionē. Nam sicut homo per diuinum feruorem, & virtutes proficit in virtutum perfectionem. Sic & per voluntatem malam, & naturę malam dispositionem, & prauam aducationem, homo defluit in vanitates, Multotiesq. natura patitur defectum, quando contra naturam conatur, & peccatur. Ergò non sine causa est, quòd ratio in aliquibus est magna, licet inutilis, sicut illis, qui scientiam habēt, sed non vitam bonam. In alijs verò est minor sciētia, sed melior vsus. In quibusdam verò concordant, & ratio, & vita, sed ē contra in alijs, nec ratio, nec vita. Hæc igitur varietas prouenit quandoque ex ordinata mea

diuina permissione, aut ad vtilitatem hominum, aut ad humiliationem eorū, & eruditionem, quandoque propter ingratitudinem, & tentationem, quandoque propter naturę defectum, & latentia peccata, prouenit etiam quandoque propter occasionem vitandam maioris peccati, & quia natura non est aptior ad maiora percipienda. Omnis ergò qui gratiam intellēctus habet, timeat nē grauius, si negligens fuerit, indē iudicetur. Ille verò, qui non habet intellēctū, & ingenium, gaudeat, & de modico quod habet, quantum potest operetur, quia à multis occasionibus peccati est liberatus. Nam Petrus Apostolus in iuuentute obliuiosus erat. Ioannes idiota, qui in senectute apprehenderūt veram sapientiam, quia principium sapientiæ quæserunt. Salomon verò iuuenis erat docilis, & Aristoteles subtilis, qui nō apprehenderunt initium sapientiæ, quia nec glorificauerunt scientię datorem, vt debuerunt, nec imitari sunt, quæ sciuerunt, nec sibi, sed alijs didicerunt. Sed, & Balaam habuit scientiam, quam non imitatus est, idē Asina corripuit eius insipientiam, & Daniel iuuenis iudicabat Seniores. Quia litteratura non placet mihi sine vita bona, idē necesse est, vt qui abutuntur ratione, corrigantur, quia ego omnium Deus, & Dominus, do scientiam hominibus, ego corrogo sapientes, & insipientes. 3 Responso quæstionis quintæ. Item cur aliqui indurantur? Respondeo, quòd Pharaon induratus erat, culpa sua erat, non mea, quia noluit cōformare se diuinę voluntati meę. Nā induratio nihil aliud est, nisi subtractio meę gratiē diuinę, quę idē subtrahitur, quia homo illud nō tribuit mihi Deo, quod habet liberum, scilicet propriam voluntatem. Sicut per exemplum intelligere poteris. Nota exemplum de agro fructuoso, & infructuoso. Homo erat possidens duos agros, quorum alter incultus manēs, alter certis

temporibus fructificabat. Cui dixit amicus suus. Miror inquit cum sis sapiens, & diues, cur agros tuos non excolis diligentiùs, aut cur nõ tradis alijs excolèdos. Respondit ille. Alter agrorũ quantũcumq. diligentiam exhibuero, nihil producit, nisi herbas pessimas, quas bestiæ nociuæ occupant, & deturpant locum, cui si adhibuero pinguedinem, tantũm lasciuiẽdo insolescit, quod etiã si modicum frumẽtum produxerit, plures ascẽdũt zizanix, quos dedignor colligere, quia frumentũ nõ desidero, nisi purum. Ergo consultiùs est agrũ talem dimittere incultum, quia tunc bestiæ non occupant locum, nec bestiæ occultant se in herbis, & si aliquę herbe amaræ pullulãt, vtile est pro ouibus, quia gustatis illis, discunt suauiã non fastidire. Alter verò ager secundum temperiem temporum dispositus est, cuius quaedam pars est petrosa, & indiget pinguedine, alia humida indigens calore, alia sicca indigens humore. Ideò secundum qualitatem agri opus meum volo temperare. Ego itaq. Deus similis sum homini isti. Primus autẽ ager est libera motio voluntatis, data homini, quam magis mouet contra me, quàm pro me, & si aliqua placita mihi fecerit, in pluribus tamen prouocat me, quia voluntas hominis, & mea non concordant. Sic & Pharaon fecit, qui cum ex certis signis cognosceret potentiam meam, nihilominus firmavit mentem suam contra me standi in malitia sua. Ideò expertus est iustitiam meam, quia qui non benè vitur minimis, iustum est, vt maximis non gloriatur. Alter verò ager est obedientia bonæ mentis, & abiectio volũtatis propriæ, talis mens, si est arida in deuotione, expectare debet pluuiam meæ gratiæ diuinæ. Si est petrosa per impatientiam, & obdurationem, equanimiter sustineat, purgationem, & correctionẽ. Si est humida per carnis lasciuiam, amplectatur abstinentiã, & sic sicut animal paratum ad voluntatẽ possessoris, quia

de tali mente ego Deus multum glorior. Ergo quòd aliqui indurantur, hoc facit voluntas hominis mihi contraria, quia licet ego omnes volo esse saluos, tamen non perficitur, nisi homo personaliter cooperatus fuerit, conformando omnẽ voluntatem suam voluntati meæ. Quod verò non omnibus datur equalis processus, & gratia, hoc est occultum iudicium meum, qui scio, & moderor vnũcũque, quod ei expedit, & debetur, qui & restringo conatũ hominis, nõ profundius cadat. Nam multi habent talentum gratiæ, qui operari sufficerent, sed renuunt. Alij abstinent à peccato timore supplicij, & quia facultatem peccandi non habent, vel quia peccatum non delectat eos, ideò aliquibus nõ retribuũtur dona maiora, quia ego, qui noui solus mentes hominum, scio distribuere dona mea. Responso quæstionis sextæ. Item cur mali plus quandoque prosperantur in mundo, quàm boni? Respondeo. Hoc est inditium magnę patientiæ, & charitatis meæ, & probatio iustorum. Nam si solis amicis meis darem temporalia, bona, desperarent mali, & superbirent boni, sed ideò dantur omnibus bona temporalia, vt ego Deus omnium dator, & creator diligar ab omnibus, & vt cùm boni superbiunt, per malos erudiantur ad iustitiam. Intelligent etiam omnes, quòd temporalia non sunt diligenda, nec mihi Deo preponenda, sed habenda ad solam sustentationem, & sint ad seruitium meum tantò seruientiores, quò minus in tẽporalibus inueniunt aliquid stabilitatis. Responso quæstionis septimæ. Item cur vnus vocatur in principio, alter circà finem? Respondeo. Ego sum quasi Mater, quæ videns in filij spem vitę, alijs dat fortiora, alijs leuiora. His verò, de quibus non est spes, etiam compatitur, & facit quantumcũque potest. Sed filij ex medicamento matris fiunt deteriores, quid necesse est, tunc laborare? Sic ego facio homini, cuius

voluntas præuidetur feruentior, & humilitas, & stabilitas constantior, huic accedit gratia in principio, & sublequitur in fine. Qui verò inter mala sua etià conatur, & afficit, ut melior fiat, hic meretur vocari circa finem. Qui verò ingratus est, nō meretur admitti ad vbera Matris.

INTERROGATIO XIII.

Quæstio I.

N O T Æ.

Iudex quæro à te cur ab alijs citius subtrahitur gratia tua, & alij diu tolerantur in malicia sua?

In presenti Interrogatione circa Primam, Secundam, Quintam, & Septimam Quæstionem, nihil annotandum occurrit, agitur enim de Diuina prædestinatione, providentia, gratie collatione, quæ cum à Dei voluntate immediatè pendeant, de his nulla reddi ratio potest, & quare uni dentur, & non alteri, & plus alteri, quàm illi, & uni citius, & alteri tardius, nouit tantummodò Deus, qui cunctorum est dator donorum, & dat unicuique secundum suum beneplacitum, & prout nobis expedire cognoscit, quæ de re agens Apostolus Paulus Roman. 2. exclamans ait: O altitudo diuitiarum scientiæ, & sapientiæ Dei, quam incomprehensibilia sunt iudicia eius, & inuestigabiles viæ eius, quis cognouit sensum Domini, aut quis consiliarius eius fuit, & Sapient. 9. Sensum tuum Domine quis sciet: & sanè si de reprobatione, subtractione gratiæ, ac donorum sermo fiat, dubium non est, quin de his causis affirmari possit, idque peccatis nostris fieri manifestum est, quoniam voluntatem nostram diuina anteposimus, atque hæc sunt causæ, quæ in uniuersum afferuntur hic, merito ergo Oseas cap. 13. affirmauit, perditionem nostram ex nobis metipsis esse: at si de prædestinatione tractemus, cum hæc nullam, ut communiter docent Theologi, ex parte nostra causam habeat, nisi voluntas diuina, inde fit Deum so-

lum causas nosse, quare illum vocet, & alium non, & unum citius, & alterum tardius, & idcirco in Responsione Quæstionis Quintæ scribitur circa finem, Quod verò non omnibus datur equalis processus, & gratia, hoc occultum iudicium meum est, quis scio, & moderor unicuique, quod ei expedit, vnde egregiè D. Augustin. contra Pelagianos scribens Epistola 105. Cur (inquit) ille credat, ille non credat, cum ambo idem audiunt, & si miraculum in eorum conspectu fiat, ambo idem videret, altitudo est diuitiarum sapientiæ, & scientiæ Dei, cuius inscrutabilia sunt iudicia, idem habet lib. de Correctione, & gratia cap. 8. & de Bono perseverantiæ cap. 8. & 10. hanc ob causam D. Thom. 1. contra gentes cap. 161. tradit, huius rei non esse rationem querendam, quippe quæ simpliciter ex Dei voluntate pendet: vnde quæ diximus de hac eadem re suprà Quinto Libro Interrogatione Sexta, Quæstione Prima, quæ verò ad intelligentiam Quæstionis Tertiæ, Quartæ, & Sextæ spectare videntur annotauimus suprà Lib. 2. Reuolat. Cap. 1. Nota Tertiæ, & Lib. 5. Interrogation. Sexta Quæst. 2. quibus locis eadem proponuntur dubitationes, & soluntur.

2 In Responsione Quæstionis Tertiæ in qua queritur, quare alij in hac vita tribulationibus magis premuntur, alij verò minus, animaduertendum est, quòd cum legimus ibi, Omnes, qui iudicantur, & qui se ipsos indicant in presenti seculo, non esse venturos ad iudicium, aut legendum esse ad supplicium, ut quidam Codices habent, aut si textus explicandus, illos, qui ad molestias in hoc seculo patiendas iudicantur à Deo, easq. pro eius amore libenter tolerant, seq. his dignos iudicant, non esse ad iudicium venturos, hoc est ad æternas pœnas, & condemnationem iudicandos, non verò quòd à Christo in uniuersali iudicio iudicandi minimè sint, Omnes enim (ait Apostolus 2. Corinth. 5.) Nos manifestari oportet ante Tribunal Christi, ut referat unusquisque propria corporis, prout gessit siue bonum, siue malum: & hæc interpretatio colligi potest ex antecedentibus verbis ibi,

libi. Vt tribulati in presenti, consolationem obtineant in futuro.

3. In presenti Responſione Quaſtionis Quinta, duo nota ſunt: Primo quid induratio ſit: Secundo, quare cor hominis induratur, id namq. noſtra culpa fieri legimus hic: non obdurat Deus, vt teſtis eſt D. Aug. ſerm. de temp. 105. impertiendo malitiã, ſed non impertiendo miſericordiam, quibus enim non impertitur, nec digni ſunt, nec merentur, ac potius vt non imperiatur hoc digni ſunt: quid autem induratio ſit deſinitur hoc loco, cum dicitur, quod eſt ſubtractio diuine gratiæ, ſic etiam D. Auguſt. ſerm. 88. de tempore, vbi loquens de Pharaone de quo Exod. 4. legimus; Ego indurabo cor eius, quid eſt, ait, indurabo cor, niſi cum abſueris gratia mea, obduret illum nequitia ſua: quod Solio exemplo declarat: cuius ſuperuemente calore, aqua in glaciem concreta reſoluitur, & diſcendente iterum obduratur, ſic quoque cum calor diuine miſericordiæ ſuperuenerit, cor obduratũ reſoluitur, & liqueſcit, idem annotauit Lyran. Exod. 4. ibid. & Ioan. Lor. in c. 7. Act. Apoſt. ver. 5. u.

CHRISTVS LOQVENS. SPONSAE ſuz Brigittæ, oſtendit ei. Qualiter de domo mundi, & vitiõrum eſt iam erepra, & quod iam ducta eſt ad habitandum in manſione Spiritus ſancti, & ideo monet eam, quod conformet ſe cum eodem Spiritu, perfeuerando ſemper munda, humilis, & deuota.

REVELATIO NONA,

ILLVS loquitur ad Sponſam. Tu es illa, quæ in paupe domo nutrita, in ſocietatem magnorũ veniſti. Quippè in domo paupe tria ſunt, ſcilicet parietes maculoſi, fumus nociuus, & fuligo replens. Sed tu es ducta in domum, vbi pulchritudo eſt ſine macula. Calor ſine fumo. Suauitas ſine ſaſtidio: replens. Domus verò paupe eſt mundus. Cuius parietes ſunt

ſuperbia. Obliuio Dei. Abundantia peccati. Inconſideratio futurorum. Hi parietes maculant, quia bona opera anihilant, & abſcondunt ab homine faciem Dei. Fumus verò amor eſt mundi, hic nocet oculis, quia intellectum animæ obſcuroſcant, & facit eam in ſuperuacuis ſollicitari. Fuligo verò voluptas eſt, quia ſi ad tempus delectat, numquam tamen ſatiat, nec replet bonitate æterna. Ab his igitur tu es abſtracta, & ducta es in manſionem Spiritus ſancti, qui eſt in me, & ego in eo, qui & concludit te in ſe, ipſe quippè mundiffimus eſt, & formoſiſſimus, ſtabiliſſimusq. quia omnia ſuſtentat. Ergo conforma te habitatori domus, manendo munda, humilis, & deuota.

INTERROGATIO XIV.

Quæſtio Prima.

ITEM apparuit Religioſus ille, qui prius, in gradu ſuo dicens. O Iudex quæro à te. Cur animalia patiuntur incommoda, cum non habebunt æternam vitam, nec vtuntur ratione? Quæſtio ſecunda. Item cur naſcuntur omnia cum dolore, cum in omnium natiuitate non ſit peccatum? Quæſtio tertia. Item cur infans portat peccatum patris, cum non nouit peccare? Quæſtio quarta. Item cur hæc contingit frequentius, quod non præuidetur? Quæſtio quinta. Item cur

ſic moritur malus bona morte, & ſic iuſtus, & iuſtus, quandoque mala morte, ſicut

iniuſtus? Quæſtio ſexta. Item cur



præmonstraretur, qualem vitam in terra esset acturus Christus, laboriosam scilicet, & sexcentis periculis subiectam, & fortasse de nocte fugit, ut fuga, quæ de se difficilis est, noctis obscuritate fiat difficilior: atque ex hoc etiam intelligerent homines, quod in suo aduentu in carne, non in Maiestate, & gloria venerat, sed in paupertate, et humilitate. Quarta, & postrema huius fugæ causa est, ut servi DEI noscerent exemplo Magistrî sui, aliquando posse, & debere fugere, ac infidelium persecutionem declinare, & hac ratio etiam adducitur hic, atque hoc idem etiam obseruauerunt, nam Moses fugit Pharaonem, Dauid, Saul Regem, Paulus per sportam Damasco dimissus est, Petrus Herodem, & Athanasius inimicorum etiam declinasse insidias fugiendo testis est ipsemet in Apologia, quam contra calumniatores edidit, & ad Hebræos 11. scribens Paulus de hac fuga Sanctorum, In solitudinibus errantes, in montibus, & cauernis: sed quando possint, ac teneantur fugere, hoc requirit altiorē indaginem, & hac de re legendus est D. Aug. ad Honoratum Epist. 180. ubi agit, quibus, quando, & quomodo fugiendum. Quare autem potius in Aegyptum Christus Dominus fugerit, ratio potest esse primò, ut Herodi discessus Christi occultior esset, nam ad alia Regna intima Iudæ breuior erat, ac frequentior via, illa verò quæ ducebat in Aegyptum, ob solitudines difficilior, & minus frequens erat, aut etiam, ut optimè annotauit Ioannes Maldonatus in Matth. cap. 2. num. 14. fugit Christus in Aegyptum, ut esset extra Herodis Imperiū, vel ut impleretur illud Osee vaticinium cap. 2. Ex Aegypto vocaui filium meum, & hoc illud est, quod in responsione ad hanc dubitationem legimus, Quod autem fugit in Aegyptum, prophetia completa est, sed hic admonere Lectorem censui, non esse intelligendum Christum fugisse in Aegyptum, ut Osee vaticiniū impleretur, sed ut Herodis persecutionem declinaret, illud enim, ut non causam, sed euentum significat, fugienda ergo Herodem, factū est, ut impleretur prophetia, & in hunc eundem sensum, si quando in sacris Litteris ali-

quid factum esse legimus, ut scriptura impleretur, illud sic accipiendum est. Ceterum huius rei plures etiā causas afferunt Euthymius, & Theophylact. Matth. 2. ibi, Accipe puerum, Chrysost. hom. 2. & 8. operis imperfecti. D. Gregor. Nazianz. Orat. 4. de Theologia. & Leo Pont. horum autem potissima ratio est, quoniam superstitionibus, & idolatrijs plena erat Aegyptus. Aegyptij namq. teste D. Hieron. in Isaiam c. 2. & 46. in tantum idolatria, & vanissima superstitioni dediti erant, ut Accipitres, Noctuas, Hyrcas, & Asinos diuino numini consecrarent, sed hac de re latius agit D. Aug. lib. 17. de Ciuit. c. 16. ex quibus patet, eos non animalia solum pro Dijs coluisse, sed etiam Cepas, ceteraq. plura huius generis, ut ergo Dominus ostenderet initio sue Natiuitatis venisse ad tollendam idolatriam, & ad hanc Regionem ab hoc vitio purgandam, fugit in Aegyptum, quod subito accidit, nam post eius ingressum omnia Idola penitus corruisse ferunt, quod etiam scribitur Libro 6. Reuelat. Cap. 68. & confirmat Chrysost. hom. 2. operis imperfecti. In Aegyptum (inquit) Paruulus mittitur, ut illam regionem, quæ pra omnibus terris impietatis flamma ardebat, igne potius fidei succenderet, atque etiam ut significaretur, meritis Christi aliquando fore, ut in Aegypto concursus, & Martyrum, & Anachoretarum ingens fieret, postquam caput eorum ad eam regionem se conferre, immò ex hoc Aegyptum spiritualiter Iudeam futuram præmonstrabat, secundum illud Apoc. 11. quæ est spiritualiter Sodoma, & Aegyptus, ex præsentia ergo Christi Domini ibi factum est, ut Paradiso quoquomodo clarior Eremitus illa, ac melior redderetur, unde Chrysost. hom. 8. in Matth. Si quis (inquit) nunc ad Aegypti veniat solitudines Paradiso prorsus omnem illam videat Eremitum digniorem, & innumerabiles Angelorum cætus in cordibus fulgere mortalium, est enim cernere in tota illa regione diffusum exercitum Christi: his addendum est etiam. Hac fuga in Aegyptum, Saluatorem insinuasce, regnum Dei esse transferendum à Iudeis ad Gentes. Restat modo causus aliquot inuestigamus,

eligemus, quare permiserit Christus tot pueros innocentes, tam crudeliter occidi, & quidem huic proposita Quaestioni hoc loco sic respondetur, Quod vero infantes occisi sunt, signum Passionis meae futura erat, & mysterium vocandorum, & charitatis diuinae: ex quibus verbis tres praesentis dubitationis solutiones colligendae sunt, Prima quidem, quod puerorum Innocentium mors, Christi Domini mortem praemonstrauit, Secunda vero quod in illis typus quidam praeferebat Martyrum, qui pro Saluatoris confessione in noua Lege sanguinem suum erant effusuri, nec defuturos per omne tempus, qui electos Dei persequerentur, quemadmodum praedixit Dominus Ioan. 15. Si me persecuti sunt, & vos persequentur, & hoc significante illa uerba, Quod infantes occisi sunt, signum Passionis meae erat, & mysterium vocandorum, scilicet ad Martyrium; Tertia, signum quoque hoc fuit charitatis eximium, siquidem haec illis mors cessit ad martyrij palmam obtinendam, & maius infantibus bonum cades attulit, quam temporalis uita, quandoquidem ad aeternam gloriam semper uicturi euolauerunt, unde scite Hylarius de illis dixit, In aeternitatis profectum per martyrij gloriam offerebantur. Ceterum non defuerunt, qui alias huius rei causas redderent, existimantur aliqui id Deum permisisse, ut ostenderetur, & quanta esset Herodis seuitia, & quod nulla crudelitas contra eum quidquam possit, quem seruare Deus decreuit: adde id factum esse, ut testimonium a pueris Christus acciperet, pro quorum salute natus erat, vel ut tradit Origen. hom. 3. in diuersos, ut plurimorum Martyrum pro Domino occisorum, & ut ipsa Bethleem, in qua natus est ipse Saluator, primitias Domino Martyrum obtulisse uideatur. Quot autem hi sancti Infantes numero fuerint, nobis incertum est, sunt qui affirmant, fuisse centum quadragintaquatuor millia, & probant ex eo, quod Ecclesia in eorum festo recitat uisionem illam D. Ioan. Apocal. 14. Vidi supra montem Syon Agnum stantem, & cum eo centum quadragintaquatuor millia, uerum mihi creditu difficile est, tot fuisse illos infantes, tantus enim numerus, nec in tota Iudaea à bimatu, & in-

fra inueniri forsitan potuisset, sed dicendum est, ibi uoluisse Ecclesiam per determinatum numerum, indeterminatum exprimere, vel in eorum festo, in Officio sacro eam uisionem recitare, non propter illum numerum, sed obsequentia uerba, quae ualde Innocentibus congruunt, hi empti sunt primitiae Dio, & Agno. Alij uero tradunt fuisse mille, & ad probandam suam opinionem offerunt illa uerba Cant. 5. Dilectus meus candidus & rubicundus electus ex millibus, candidus in Ioanne, rubicundus in Stephano, electus ex millibus in Innocentibus, & ideo post Saluatoris Natiuitatem celebrat Ecclesia immediatè festum sancti Ioannis, Stephani & Innocentium, sed hoc ipsum probari potest ex Prudentio, qui in Carmine de sancto Romano Martyre ait. Mille paruulos in Bethleem bibisse Christi Calicem. Sed quidquid sit, quot fuerint sancti Innocentes numero, Nobis incertum est, ut diximus, & in sacris Literis, ac etiam prophetis, hic numerus mille frequenter ponitur pro indefinito, & retitur Scriptura sacra quibusdam numeris determinatis pro indefinitis, ut septies, decies, centies, mille.

REVELATIO SEPTIMA in Libro Quaestionum.

Christus loquens Sponsae laudat frequentationem Confessionis, ne homo amittat gratiam Diuinam, quam habet.

ILIVS loquitur, Vbi ignis est in domo, necesse est foramen, quod exeat fumus, ut inhabitator ex calore gaudeat. Sic quicumque spiritum, & gratiam meam diuinam tenere desiderat, uile est sibi confessio-
ne continua, per quam egrediatur peccati fumus. Quia licet spiritus meus diuinus in seipso immutabilis sit, tamen à corde illo se citius subtrahit, quod humilitatis confessio non custodit. Christus loquitur Sponsae dicens, quod homines, qui delectantur in carnalibus, & terrenis delicijs, desideria caelestia, & charitatem, & memoriam Passionis

eius, & æterni iudicii negligentes, istorum oratio est quasi sonus collisorum lapidum, & proijciuntur à conspectu Dei abominabiliter, tamquam abortiuus, & immundus pannus menstruatus.

REVELATIO OCTAVA

in Libro Quaestionum.

ELL E cantabat. Eripe me domine à viro iniquo. Hæc vox est in auribus meis, quasi sonus duorum lapidum collisorum. Eius quippe cor, quasi cum tribus vocibus clamat ad me. Prima dicit. Ego volo habere voluntatem meam in manu mea, dormire, & surgere, & loqui placencia. Dabo naturæ, quod appetit, pecuniam desiderio in bursa, molliciem vestium in dorso, cum hæc, & alia habuero, reputo feliciora ista omnibus alijs donis, & virtutibus spiritualibus animæ. Secunda vox eius est ista. Mors non est nimis dura, iudicium non est ita seuerum, vt scribitur, minantur duriora propter cautelam, dantur minora propter misericordiam. Ideò si habuero voluntatem meam in præfenti, anima transeat in futuro sicut potest. Tertia vox est ista. Deus non redimisset hominem, nisi dare vellet ei cælestia, nec fuisset passus, nisi reducere vellet nos in patriam. Aut quare passus est, aut quis compulit eum pati. Nempè cælestia non intelligo, nisi ex auditu, & vtrum credendum sit Scripturis nescio, tamen si habere possem voluntatem meam, hoc reciperem pro cælesti regno. Ecce talis est eius voluntas. Ideò quasi sonus lapidum est eius in auribus meis. Sed O amice respondeo tibi ad vocem primam. Via tua non tendit ad Cælum, nec passio charitatis meæ sapit tibi. Ideò apertus est tibi Infernus, & quia diligis infima, & terrena, ideò vadas ad inferiora. Ad secundam vocem respondeo tibi. Fili mors erit

tibi dura, iudicium intolerabile, fuga impossibilis, nisi te emèdes. Ad tertiam vocem dico tibi. Frater omnia opera mea ex charitate feci, vt tu esses mihi similis, & auersus, redires ad me. Nunc autem opera mea sunt mortua in te, verba mea onerosa, & via mea neglecta. Ideò restat tibi supplicium, & societas Dæmonum, quia vertis ad me dorsum, calcas sub pedibus tuis signa humilitatis meæ, & non attendis qualis in Cruce steti antè te, & pro te. Ego quippe tripliciter steti pro te. Primò, sicut homo cuius oculum cultellus penetraret. Secundò, sicut homo cuius cor gladio perforaretur. Tertiò sicut homo cuius omnia membra præ dolore instantis tribulationis contremiscerent. Passio quippe mea, amarior mihi erat, quàm punctura oculo. Attamen eam ex charitate patiebar. Dolor quoque Matris meæ plus mouit meum cor, quàm proprius. Attamen eum sustinebam. Omnia etiam interiora mea, & exteriora, diu ex instanti passione, & dolore tremuerunt. Non tamen dimisi, nec recessi. Sic igitur steti antè te. Sed tu omnia obliuisceris, & negligis, & contemnis. Ideò sicut abortiuum, & pannus menstruatus proijcietis.

INTERROGATIO XIII.

Quæstio I.



TEM apparuit in gradu suo Religiosus, qui prius dicens. 1 O ludex quæro à te. Cur ab alijs citius subtrahitur gratia tua? Et alij diu tolerantur in malicia sua? Quæstio secunda. Item cur alijs in iuuentute tribuitur gratia? Alij in senectute priuantur ea? Quæstio tertia. Cur alij tribulantur ultra modum? Alij sunt quasi securi à tribulatione? Quæstio quarta. Item cur alij intelligentia, & ingenium datur

datur incōparabiliter docile? Alij sunt, sicut Afiri sine intellectu: Quæstio quinta. Item cur aliqui nimis indurantur? Alij consolatione mirabili gratulantur? Quæstio sexta. Item cur malis datur maior prosperitas in mūdo, quā bonis? Quæstio septima. Item cur vnus vocatur in principio? Alius circā finem?

RESPONSIO

Quæstionis I.



RESPONDIT Iudex.

Amice omnia opera mea ab initio sunt in præscientia mea, & omnia quæcumque facta sunt ad solatium hominis creata sunt. Verū quia homo præfert voluntatem propriā voluntati meæ. Idē ex iusticia auferuntur ei bona sibi data gratuite, vt sciat homo omnia rationabilia, & iusta apud Deum, & quia multi ingrati sunt gratiæ meæ, & tantō indeuotiores sunt, quō plus multiplicantur eis dona, propterea auferuntur ab illis citius dona, vt consiliū Deitatis meæ manifestetur celerius, & nē homo in maius iudicium suum gratia mea abutatur. Item cur in malitia aliqui diū tolerantur. Ratio est, quia multi inter mala sua habent aliquid tolerabile. Nam aut proficiunt alijs, aut cautela sunt alijs. Sicut Saul cum argueretur à Samuele, modicū videbatur in conspectu hominum peccasse. Sed Dauid plus. Attamen instante probatione, Saul inobediens recessit à me Deo suo, & consuluit phitonissam. Dauid verō in tentatione factus est fidelior, sustinens patienter illata, & reputans accidentia sibi pro peccatis suis. In hoc igitur, quōd ego patienter sustinui Saulem, demonstratur ingratitudo Saulis, & patientia Deitatis meæ, quōd verō Dauid electus est, ostenditur præscientia mea, & humilitas futura Dauid, & contritio eius. Responsio quæstionis secundæ. Item

cur aliquibus gratia auferatur in senectute? Respondeo. Omnibus datur gratia ad hoc, vt ab omnibus diligatur dator gratiæ. Ergō quia multi sunt circā finem ingrati meæ gratiæ diuinæ, sicut Salomon. Idē iustum est vt auferatur in fine, quod non custodiebatur sollicitē antē finem. Nam dona, & diuina gratia mea, auferuntur quandoq. propter negligentiam accipientis, quia non attendit qualia accepit, & quæ redderet. Quādoq. propter cautelā aliorum, vt vnusquisque stans in gratia, semper metuat, & de casu aliorum timeat. Quia etiam sapientes ceciderunt ex negligentia, & etiam, qui amici mei videbantur, per ingratitudinē sunt supplantati. Responsio quæstionis tertiæ. Item cur aliquibus maior est tribulatio? Respondeo. Ego sum omnium conditor. Idē nulla tribulatio venit sine permissione mea, sicut scriptum est, Ego sum Deus creans malum, id est permittens tribulationem, quia nec tribulatio accidit Gentilibus sine me, & sine rationabili causa. Nam Prophetæ mei etiam prædixerunt multa de aduersitatibus Gentilium, vt erudirentur flagellis, negligentes, & abutētes ratione, & vt ego Deus omnia permittens cognitus essem, & glorificarer ab omni natione. Si igitur ego Deus nō parco Paganis à flagellis, min⁹ parco ijs, qui copiosius de dulcedine diuinæ gratiæ meæ gustauerunt. Quid ergō tribulatio alijs est minor, alijs maior, hoc idē est, vt homines auertantur à peccato, & tribulati in præsentī, consolationem obtineant in futuro. 2 Quia omnes, qui iudicantur, & qui seipsos iudicant in hoc sæculo, non venient in futurum iudicium¹. Sicut scriptum est, transibunt de morte in vitam. Quod etiam aliqui supportantur à flagello, hoc est, nē flagellari murmurando incurrant iudicium grauius, quia multi sunt, qui non merentur in præsentī flagellari. Quidam etiam sunt, qui in hac vita, nec

¹ alios
suppli-
cium.

corporali, nec spiritali molestia grauantur, qui ita securi sunt, quasi Deus non sit, aut quasi propter iustitiæ opera eorum Deus parcat eis, quibus, & formidandum vehementer est, & dolendū, nē ego Deus parcens eis in præsenti, improuisus adueniam, & non compunctos durius damnem. Quidam etiam sunt, qui habentes sanitatem carnis, tribulantur in anima, de contemptu Dei. Alij verò, nec gaudent sanitate corporis, nec consolatione interna animi, & tamen stant pro posse suo, in seruitio, & honore meo. Quidam etiam ab utero matris vsque ad finē affliguntur infirmitatibus, quorum omnium tribulationes, ita moderor ego eorum Deus, vt nihil fiat sine causa, & remuneratione, quia multorū oculi aperiuntur in tribulatione, qui ante tentationes dormitabant. Responso quæstionis quartæ. Item cur aliqui habent maiorem intelligentiam? Respondeo. Nihil prodest animæ ad æternam salutem, quanta quis abundauerit sapientia, nisi & fulgeat bona vita, immò vilius est habere minorem scientiam, & meliorem vitam, propterea vnicuique moderata est ratio, per quam si pie vixerit, obtinere potest cælum. Verumtamen ratio in multis est dissimilis, iuxta naturalem, & spiritualem dispositionē. Nam sicut homo per diuinum feruorem, & virtutes proficit in virtutum perfectionem. Sic & per voluntatem malam, & naturæ malam dispositionem, & prauam aducationem, homo defluit in vanitates, Multotiesq. natura patitur defectum, quando contra naturam conatur, & peccatur. Ergò non sine causa est, quòd ratio in aliquibus est magna, licet inutillis, sicut illis, qui scientiam habent, sed non vitam bonam. In alijs verò est minor sciētia, sed melior vsus. In quibusdam verò concordant, & ratio, & vita, sed è contra in alijs, nec ratio, nec vita. Hæc igitur varietas prouenit quandoque ex ordinata mea.

diuina permissione, aut ad vtilitatem hominum, aut ad humiliationem eorū, & eruditionem, quandoque propter ingratitudinem, & tentationem, quandoque propter naturæ defectum, & latentia peccata, prouenit etiam quandoque propter occasionem vitandam maioris peccati, & quia natura non est aptior ad maiora percipienda. Omnis ergò qui gratiam intellectus habet, timeat nē grauius, si negligens fuerit, indē iudicetur. Ille verò, qui non habet intellectū, & ingenium, gaudeat, & de modico quod habet, quantum potest operetur, quia à multis occasionibus peccati est liberatus. Nam Petrus Apostolus in iuuenture obliuiosus erat. Ioannes idiota, qui in senectute apprehenderūt veram sapientiam, quia principium sapientiæ quæsierunt. Salomon verò iuuenis erat doctilis, & Aristoteles subtilis, qui nō apprehenderunt initium sapientiæ, quia nec glorificauerunt scientiæ datorem, vt debuerunt, nec imitati sunt, quæ sciuerunt, nec sibi, sed alijs didicerunt. Sed, & Balaam habuit scientiam, quam non imitatus est, idē Asina corripuit eius insipientiam, & Daniel iuuenis iudicabat Seniores. Quia litterata non placet mihi sine vita bona, idē necesse est, vt qui abutuntur ratione, corrigantur, quia ego omnium Deus, & Dominus, do scientiam hominibus, ego corrogo sapientes, & insipientes. 3 Responso quæstionis quintæ. Item cur aliqui indurantur? Respondeo, quòd Pharaon induratus erat, culpa sua erat, non mea, quia noluit cōformare se diuinę voluntati meę. Nā induratio nihil aliud est, nisi subtractio meę gratiæ diuinę, quę idē subtrahitur, quia homo illud nō tribuit mihi Deo, quod habet liberum, scilicet propriam voluntatem. Sicut per exemplum intelligere poteris. Nota exemplum de agro fructuoso, & infructuoso. Homo erat possidens duos agros, quorum alter incultus manēs, alter certis

temporibus fructificabat. Cui dixit amicus suus. Miror inquit cum sis sapiens, & diues, cur agros tuos non excolis diligētius, aut cur nō tradis alijs excolēdos. Respōdit ille. Alter agrorū quantūcumq; diligentiam exhibuero, nihil producit, nisi herbas pessimas, quas bestię nociuæ occupant, & deturpāt locum, cui si adhibuero pinguedinem, tantūm lasciuiēdo insolescit, quod etiā si modicum frumētum produxerit, plures ascēdūt zizanīæ, quas dedignor colligere, quia frumentū nō desidero, nisi purum. Ergō consultius est agrū talem dimittere incultum, quia tunc bestię non occupant locum, nec bestię occultāt se in herbis, & si aliquę herbe amaræ pullulāt, vtile est pro ouibus, quia gustatis illis, discunt suauia non fastidire. Alter verō ager secundum temperiem temporum dispositus est, cuius quædam pars est petrosa, & indiget pinguedine, alia humida indigens calore, alia sicca indigens humore. Ideō secundum qualitatem agri opus meum volo temperare. Ego itaq; Deus similis sum homini isti. Primus autē ager est libera mortio voluntatis, data homini, quam magis mouet contra me, quā pro me, & si aliqua placita mihi fecerit, in pluribus tamen prouocat me, quia voluntas hominis, & mea non concordant. Sic & Pharaō fecit, qui cum ex certis signis cognosceret potentiam meam, nihilominus firmavit mentem suam contra me standi in malitia sua. Ideō expertus est iustitiam meam, quia qui non bene vitur minimis, iustum est, vt maximis non gloriatur. Alter verō ager est obedientia bonæ mentis, & abiectio volūtatis propriæ, talis mens, si est arida in deuotione, expectare debet pluuiam meæ gratiæ diuinæ. Si est petrosa per impatientiam, & obdurationem, equanimiter sustineat, purgationem, & correctionē. Si est humida per carnis lasciuiam, amplectatur abstinentiā, & sit sicut animal paratum ad voluntatē possessoris, quia

de tali mente ego Deus multum glorior. Ergō quōd aliqui indurantur, hoc facit voluntas hominis mihi contraria, quia licet ego omnes volo esse saluos, tamen non perficitur, nisi homo personaliter cooperatus fuerit, conformando omnē voluntatem suam voluntati meæ. Quod verō non omnibus datur equalis processus, & gratia, hoc est occultum iudicium meum, qui scio, & moderor vnīcuique, quod ei expedit, & debetur, qui & restringo conatū hominis, nē profundius cadat. Nam multi habent talentum gratiæ, qui operari sufficerent, sed renuunt. Alij abstinent à peccato timore supplicij, & quia facultatem peccandi non habent, vel quia peccatum non delectat eos, ideō aliquibus nō retribuitur dona maiora, quia ego, qui noui solus mentes hominum, scio distribuere dona mea. Responso quæstionis sextæ. Item cur mali plus quandoque prosperantur in mundo, quā boni? Respondeo. Hoc est iudicium magnę patientiæ, & charitatis meæ, & probatio iustorum. Nam si solis amicis meis darem temporalia, bona, desperarent mali, & superbirent boni, sed ideō dantur omnibus bona temporalia, vt ego Deus omnium dator, & creator diligar ab omnibus, & vt cū boni superbiunt, per malos erudiantur ad iusticiam. Intelligent etiam omnes, quōd temporalia non sunt diligenda, nec mihi Deo præponenda, sed habenda ad solam sustentationem, & sint ad seruitium meum tantō feruentiores, quō minus in tēporalibus inueniunt aliquid stabilitatis. Responso quæstionis septimæ. Item cur vnus vocatur in principio, alter circā finem? Respondeo. Ego sum quasi Mater, quæ videns in filij spem vitę, alijs dat fortiora, alijs leuiora. His verō, de quibus non est spes, etiam compatitur, & facit quantumcunque potest. Sed filij ex medicamento matris fiunt deteriores, quid necesse est, tunc laborare? Sic ego facio homini, cuius

ibi; Vt tribulati in presenti, consolationem obtineant in futuro.

3 In presenti Responſione Quaſtionis Quintae, duo notanda ſunt: Primo quid induratio ſit: Secundo, quare cor hominis induratur, id namq. noſtra culpa fieri legimus hic: non obdurat Deus, vt teſtis eſt D. Aug. ſerm. de temp. 105 impertiendo malitiã, ſed non impertiendo miſericordiam, quibus enim non impertitur; nec digni ſunt, nec merentur, ac potiùs vt non imperiatur hoc digni ſunt: quid autem induratio ſit deſinitur hoc loco, cum dicitur; quod eſt ſubtractio diuinae gratiae, ſic etiam D. Auguſt. ſerm 88. de tempore, vbi loquens de Pharaone de quo Exod. 4. legimus; Ego indurabo cor eius; quid eſt, ait, indurabo cor; niſi cum abſueris gratia mea; obduret illam nequitia ſua; quod Solus exemplo declarat; cuius ſuperuemente calore, aqua in glaciem concreta reſoluitur, & diſcedente iterum obduratur, ſic quoque cum calor diuinae miſericordiae ſuperuenerit, cor obduratum reſoluitur, & liqueſcit, idem annotauit Lyrar. Exod. 4. ibid. & Ioan. Lon. in c. 7. Act. Apoſt. ver. 5. v.

CHRISTVS LOQVENS: SPONSÆ ſuae Brigittæ oſtendit ei. Qualiter de domo mundi, & vitiorum eſt iam erecta, & quod iam ducta eſt ad habitandum in manſione Spiritus ſancti, & ideo monet eam, quod conformet ſe cum eodem Spiritu, perfeuerando ſemper munda, humilis, & deuota.

REVELATIO: NONA,

ILIVS loquitur ad Sponſam. Tu es illa, quæ in paupere domo nutrita; in ſocietate magnorum veniſti. Quippè in domo paupere tria ſunt, ſcilicet parietes maculoſi, fumus nociuus, & fuligo replens. Sed tu es ducta in domum, vbi pulchritudo eſt ſine macula. Calor ſine fumo. Suauitas ſine faſtidio replens. Domus verò pauper eſt mundus. Cuius parietes ſunt

ſuperbia. Obliuio Dei. Abundantia peccati. Inconſideratio futurorum. Hi parietes maculant, quia bona opera anihilant, & abſcondunt ab homine faciem Dei. Fumus verò amor eſt mundi, hic nocet oculis, quia intellectum animæ obſcuroſcant, & facit eam in ſuperuacuis ſollicitari. Fuligo verò voluptas eſt, quia ſi ad tempus delectat, numquam tamen ſatiatur, nec replet bonitate aeterna. Ab his igitur tu es abſtracta, & ducta es in manſionem Spiritus ſancti, qui eſt in me, & ego in eo, qui & concludit te in ſe, ipſe quippè mundiffimus eſt, & formoſiſſimus, ſtabiliſſimusq. quia omnia ſuſtentat. Ergo conforma te habitatori domus, manendo munda, humilis, & deuota.

INTERROGATIO. XIV.

Quæſtio Prima.

ITEM apparuit Religioſus ille, qui priùs, in gradu ſuo dicens. O Iudex quæro à te. Cur animalia patiuntur incommoda, cum non habeant aeternam vitam, nec vtuntur ratione? Quæſtio ſecunda. Item cur naſcuntur omnia cum dolore, cum in omnium natiuitate non ſit peccatum? Quæſtio tertia. Item cur infans portat peccatum patris, cum non nouit peccare? Quæſtio quarta. Item cur hæc contingit frequentius, quod non præuidetur? Quæſtio quinta. Item cur moritur malus bona morte,

sicut iuſtus, & iuſtus quandoque mala morte, ſicut iniuſtus?



RESPONSIORVM

Quæstionis Primæ.



RESPONDIT Iudex. Amice, licet inquisitio tua non sit ex charitate, tamen respondeo tibi ad aliorum charitatē Quæris? Cur animalia patiuntur infirmitates? Hoc ideo est, quia in eis, sicut in cæteris omnia sunt inordinata. Nā ego sum omnium naturarū conditor, & dedi unicuique naturæ temperamentum suum, & ordinem, in quo vnumquodque moueretur, & viueret. Verū postquam homo, propter quem omnia facta sunt, dilectori suo, idest, mihi Deo suo se opposuit, cæperunt, & omnia alia inordinationem suam suscipere, & omnia quæcumque ei reuereri deberent, cæperunt se ei opponere, & aduersari, propterea ex huius inordinationis vitio, sicut homini, sic & animalibus plurima contingunt molestia, & aduersa. Cæterum animalia etiam quandoque patiuntur propter intemperantiam naturæ suæ. Quandoque propter mitigationē feritatis suæ, & purgationem ipsius naturæ. Quandoque propter peccata hominū, ut cum illa plangantur, & subtrahuntur, quæ diligit homo, attendat ipse homo, quanta pena dignus sit, qui maiore viuitur ratione. Etenim nisi exigerent peccata hominum, non ita singulariter animalia, quæ ad manum hominis sunt affigerentur, sed nec ipsa sine magna iustitia patiuntur. Nam aut erit eis ad celeriores vitæ finem. Aut ad minorem miseræ laborem, & naturæ fortis conlumptionem. Aut propter mutationem temporum. Aut ex incuria hominis labore proueniente. Timeat ergo homo præ cæteris me Deum suum, & tanto mitior sit circa creaturas meas, & animalia, quibus & propter me earum Creatorem misereri debet. Ideo enim ego Deus præce-

pi homini de Sabbato, quia cura est mihi de omni creatura mea. Responso Quæstionis secundæ. Item cur omnia nascuntur cum dolore? Respondeo. Homo quando contempsit delectationem pulcherrimam, statim incurrit vitam laboriosam, & quia inordinatio incipit in homine, & per hominem iustitia mea est, ut etiam alijs creaturis, quæ sunt propter hominem, aliqua amaritudo sit propter temperamentum delectamenti sui, & fomentum nutrimenti sui. Ergo nascitur homo cum dolore, & progreditur cum labore, ut ad quietem veram festinare studeat, moritur verò nudus, & pauper, ut refrenet inordinatum motum suum, & timeat futuram dissolutionem. Animalia etiam ideo pariuntur cum dolore, ut excessum temperet amaritudo, & participes sint hominis in labore, & dolore, propterea homo quanto nobilior est animalibus, tanto feruentius diligit me Dominum Deum Creatorem suum. Responso Quæstionis tertiæ. Item cur puer portat peccata patris? Respondeo. Omne, quod de mundo procedit, numquid poterit esse mundum? Itaque primus homo, quando illam pulchritudinem innocentie propter inobedientiam amisit, eiectus est à Paradiso gaudij, & involutus est in immundis. Ad hanc ergo innocentiam, tunc perandato nullus ex se ipso inuentus est sufficiens. Ideo ego misericors Deus in carnem veniens, iustitiam Baptismi, quo puer liberatur à praua immundicia, & à peccato. Et propter hoc filius non portabit peccatum patris, sed unusquisque in peccato suo morietur. Verumtamen multoties contingit, quod filij imitantur peccata parentum, ideo, & quandoque puniuntur peccata patrum in filiis, non quia peccata patrum in ipsis impunita erunt, licet peccata peccatorum transferantur ad tempus. Sed unusquisque in peccato suo morietur, & punietur. Quandoque etiam pec-

peccata patrum, sicut scriptum est, visitantur in quartam generationem, quia diuina iustitia mea est, ut cum filij, nec pro se, nec pro patribus studeant mitigare iram meam, puniantur cum patribus, quos contrà me secuti sunt. Responso Quæstionis quartæ. Item cur hoc; quod non videtur prouenit frequentius? Respondeo. Scriptum est, quod per ea, quæ peccat homo punietur. Et quis intelligere poterit consilium Dei, propterea, quia multi quærunt me, sed non secundum scientiam, sed propter mundum. Alij plus iusto timent. Alij nimis præsumunt. Alij in consilijs suis superbiunt. Ideò ego Deus, qui omnium operor salutem, facio quandoque illud prouenire, quod homo plus timet. Quandoque auferitur illud, quod plus iusto diligitur. Quandoque quod sollicitius præuidetur, & desideratur, elongatur, ut homo præ omnibus semper me Deum suum timeat, diligit, & cognoscat. Responso Quæstionis quintæ. Item cur homo malus aliquando moritur bona morte, sicut iustus? Respondeo. Mali habent quandoque quædam bona, & faciunt quædam iustitiæ opera, pro quibus in præsentem remunerandi sunt. Similiter, & iusti aliquando faciunt quædam mala, pro quibus in præsentem flagellandi sunt, aut expectandi. Ideò quia in præsentem omnia incerta sunt, & omnia referuntur in futurum, & quia vnus est omnium introitus. Ideò, & vnus exitus omnium debet esse, quia non exitus, sed vita beatum facit hominem. Verumtamen, quod malis aduenit exitus, sicut iustis, hoc est ex diuina iustitia mea, quia illum exitum ipsi desiderabunt. Nam Diabolus præuidens suorum amicorum exitus, prænunciat quandoque mortis tempora, ad præsumptionem eorum, & vanam gloriam, & deceptionem, sicut in illis libris, qui Apocriphi intitulantur inuenitur, ut post mortem, quasi iusti laudentur, Et contrà iustos prouenit quandoque fle-

bilis exitus, ad eorum maius meritum, ut qui semper in vita sua in virtutibus solliciti fuerunt. Per mortem contemptibilem liberi euolarent ad cælum, quatenus nec ipsa periplemata mundana inuenirentur. Sicut enim scriptum est, quod Leo occidit Prophetam inobedientem, & non comedit ex cadauere, sed custodiuit illud. Quod enim Leo occidit corpus, quid aliud innuitur, nisi permissio mea diuina, ut inobedientia Prophetæ puniretur. Quod verò Leo non comedit de cadauere, ostensio bonorum operum Prophetæ fuit, ut purgatus in præsentem, in futuro iustus inueniretur. Propterea timeat vnusquisque discere iudicia mea, quia sicut incomprehensibilis ego sum virtute, & potentia. Sic terribilis sum in consilijs, & iudicijs meis, me etenim volentes quidam comprehendere in sapientia sua, exciderunt à spe sua.

INTERROGATIO XIV. Quæstio III.

NOTÆ.

Cur infans portat peccatum patris, cum non nouit peccare?

De duobus præcedentibus Quæstionibus nihil dicendum occurrit, omnia namque sic manifesta, aperta que sunt, ut nostra non egeant interpretatione, circa verò Quæstionem tertiam, quoniam quedam habentur in sacris Litteris, quæ huic contraria esse videntur, ut Ezechiel. 18. Filius non portabit iniquitatem Patris, & Libro 4. Revelationum Cap. 3. scribitur, Deum non affligere illos pro peccatis parentum, & tamen in hac Quæstione legimus, infantem portare peccatum patris, & Exodi 20. Deum visitare iniquitatem patrum in filios in tertiam, & quartam generationem, ideò hæc quomodo intelligenda sint, & cohereant, diligenter à Nobis, sed breuiter inuestigandum est: prius

tamen quaestionis sensus aperiendus est: dubitatur ergo hic, quomodo fieri possit, quod infans portet iniquitatem patris, cum peccare non nouerit, ex quibus uerbis deducitur hoc loco agi de peccato originali, non uero actuali; supponimus namque ad usum rationis infantem non peruenisse, unde actuale ali. quod peccatum committere minime potest, quod etiam colligitur euidenter ex Responsione ad praesentem dubitationem, cum dicitur. Itaque primus homo quando illam pulchritudinem innocentie propter inobedientiam amisit. His positis. Dico primo, si loquamur de peccato originali in ratione culpe, infantem portare peccatum patris, in quantum per uirtutem generatiuam patris trahit humanam naturam infectam à patre, deriuatur enim per originem originalis culpa à patre in filium, sicut actuale peccatum per imitationem filij, ut declarat D. Thom. 1. 2. quaest. 81. artic. 1. ad primum, & secundum argumentum, & ad portandum peccatum patris, sic consideratum, non est necesse, quod filius peccare nouerit, ut in Quaestione dicitur, necessarium tamen esset, si de actuali peccato sermo fieret, quia ad illud patrandum rationis usus supponitur. Dico secundò si loquamur de peccato originali in ratione pœne, quatenus per illud quis originali iustitia priuatur, quod infans iuste tali pœna punitur ob culpam patris, quandoquidem primi parentes iusticie originalis munus acceperunt pro se, suisque posteris, si in Dei obedientia persistissent, qua fracta, iuste sibi, suisque donum illud amiserunt, negari etiam non posset, quod cum originale peccatum sit quoquomodo etiam uoluntarium in paruulis, non quidem uoluntate propria, & personali, sed uoluntate Adæ, in qua erant tamquam in principio, & capite, quod, cum absque Baptismo hi moriantur, dici potest, quod in peccato proprio moriuntur, & proprii peccati pœnas portant, quoniam illud peccatum erat contractum in persona habentis illud, & cum ea persona moriebatur in illo, ipsa erat, quæ damnabatur propter illud, & illius peccati

pœnas luebat, & ita intelligendum esse arbitror, quod legimus in Responsione ad praesentem dubitationem, cum dicitur. Et propter hoc filius non portabit iniquitatem patris, sed unusquisque in peccato suo morietur: scribitur autem, non portare iniquitatem patris, quia propriam portat, in qua moritur, & per quam debitas pœnas patitur. Dico tertio, si sermo fiat de peccato actuali, tunc etiam distinguendum est, ut fecimus de originali, nam si hoc peccatum consideretur in ratione culpe, tunc dicendum est, filium non portare iniquitatem patris, quia impossibile est huiusmodi peccata parentum traduci per originem in filios, ratio est, quia parentes per generationem transmittunt in filios, ea quæ spectant ad rationem speciei, non uero indiuidui, quæ autem sunt indiuidui, sunt actus personales, qui non traducuntur, non enim Philosophus Philosophum generat, nec Musicus Musicum, secundò, quia id fieri nequit, nisi eadem actio numero, quæ est patris, sit ab ipso in filio, sed in creaturis, actio manens in agente ascribitur ipsi met supposito operanti, pater autem, & filius distinguuntur secundum suppositum, ergo fieri non potest, quod eadem actio peccati eiusdem secundum numerum sit in patre, & filio. Dico quarto, si loquamur de peccato actuali ex parte pœne, uel sermo est de temporali pœna, & tunc contingit aliquando filios portare iniquitatem patris, quatenus diuino iudicio, uel etiam humano puniuntur quandoque filij pro peccatis patrum, sic enim filius secundum corpus est aliquod patris, & idè aliquando iuste portat pœnas iniquitatis patris, ut tradit D. Thomas 1. secunde, quaest. 81. artic. secundo ad primum, & Lyranus Exodi 20. ad illud, Visitans iniquitatem patrum in filios: pœna tamen spiritali filios numquam castigari pro peccato patris, testis est D. Augustinus Epistola 75. ad Auitum, quod probat ex eo, quoniam omnes anima immediatè Dei sunt, ut Ezechiel 1. scribitur, secus tamen esset si communicarent in eadem culpa, uel per originem,

uel

vel per originem, vel per imitationem, sic enim iuste tali pena puniuntur, acque etiam eterna in quantum imitentur peccata patrum, ut dictum est supra, & in hunc sensum Deus dixit Exodi 20. velle se visitare iniquitatem patrum in filios in tertiam, & quartam generationem, quod autem hic textus sic interpretandus sit, patet ex sequentibus verbis, quæ sunt, Eorum, qui oderunt me, hoc est, castigabo in tertiam; & quartam generationem eos, qui persequerabunt exemplo suorum parentum odio habere me, sic enim exponunt Diuus Augustinus lib. unico contra Adimantium Manicheum cap. 7. & Diuus Thom. part. 2. quest. 87. artic. 8. ad primum, neque huic contrariatur illud Exechiel. 18. Filius non portabit iniquitatem patris, id est penam iniquitatis patris, quoniam intelligitur, nisi fuerit imitatus peccata patris, quæ interpretatio euidenter colligitur ex verbis textus, ubi legimus, Si generauerit vir filium, & viderit omnia peccata patris, quæ fecit, & timebit, & non fecerit similia, ipse non morietur propter iniquitatem patris sui, sic habent Diuus Augustinus ubi supra in Exodum cap. 20. Theodoret. etiam insinuat quest. 40. in Exodum, quamquam dicere videatur, verba illa, In tertiam, & quartam generationem; continere potius comminationem quamdam, quam quod verè Deus visitet iniquitatem patrum in filios, infra tamen eadem Questione concedit,

Deum filios punire, quia

imitantur peccata

parentum,

idem habet Hieron. ab Oleastro

in Exodum

cap. 20.



CHRISTVS LOQVENS SPONSÆ.

Monet eam, quod non turberetur, si aliquando verba sua diuina in Reuelationibus ei dicta inueniantur aliquando obscura, aliquando dubia, & aliquando incerta, quia hoc fit ex certis causis hic assignatis, & occulta iustitia diuina. Consulit tamen, quod cum patientia, & timore, & perseuerantia humilitatis semper expectentur euentus, & promissiones verborum eius, nè propter ingratitudinem reuocetur gratia promissa; dicit etiam, quod multa corporaliter dicta sunt, quæ non corporaliter, sed spiritualiter perficientur.

REVELATIO DECIMA.



ILLVS loquitur ad Sponsam. Noli turbari, si loquor vnum verbum obscurius, aliud expressius, aut si aliquem dico nunc seruum meum, vel filium, & amicum, & iterum inuenitur contrarium, quia verba mea diuersimodè interpretari possunt. Sicut dixi tibi de vno, quod manus eius fieret mors eius. Et de aliquod non accederet ad mensam meam amplius. Hæc idè dicuntur, quia aut dicturus sum tibi, cur ita dixi. Aut videbis opere finem veritatis, sicut pater in istis duobus. Etiam quandoque dico aliqua obscure, vt & timeas, & gaudeas, timeas nè alio modo eueniât propter patientiam meam diuinam, qui noui mutationes cordium. Gaudeas etiam, quia voluntas mea semper adimpletur. Sicut etiam in veteri Lege multa dixi, quæ magis spiritualiter, quam corporaliter intelligi debebant. Sicut de Templo, & David, & Hierusalem, vt homines carnales spiritualia addiscerent desiderare. Nam ad probandum fidei constantiam, & amicorum meorum sollicitudinem multa dixi, &

promissi, quæ secundum diuerfos spiritus mei effectus, diuersimodè à bonis, & à malis intelligi possent. Et vt in diuersis statibus singuli habeant vndè exercitari, & probari possint, & à me erudiri: Quod verò obscurè aliqua dicta sunt, ex iustitia mea est, vt consilium meum absconderetur. Et vnusquisque patienter expectaret gratiam meam. Nè fortè, si consilium meum semper certo tempore insinuaretur, omnes in expectando tepescerent. Multa etiam promissi, quæ propter hominum ingraticudinem subtrahenda sunt. Et multa corporaliter dicta sunt, quæ spiritualiter perficiuntur, sicut de Hierusalem, & de Sion, quia Iudæi sunt, sicut scriptum est: Cecus populus Domini, & surdus.

N O T A.

Omnia, quæ ad presentis Capituli intelligentiam facere possunt, tradidimus suprà Lib. 2. Revelationum Capite 28. Nota 1. 2. 3. & 4. f. 12.

INTERROGATIO. XV.

Quæstio. I. In 56. versibus

ITEM ille Religiosus, qui suprà apparuit, stans in gradu suo, & dicens. O Iudex quæro à te. Cur multa creata sunt, quæ nullius videntur vtilitatis? Quæstio secunda. Item cur animæ manentes in corpore, vel de corpore egredientes, communiter non videntur? Quæstio tertia. Item cur amici tui rogantes non semper exaudiuntur? Quæstio quarta. Item cur multi volentes facere mala non permittuntur? Quæstio quinta. Item cur quibusdam non merentibus, mala adueniunt? Quæstio sexta. Item cur hi, qui spiritum Dei habent, peccant? Quæstio septima. Item cur quibusdam Diabolus adheret, & semper est præsens, alijs nunquam?

R E S P O N S I O

Quæstionis Primæ.

RESPONDIT Iudex. Amice, sicut opera mea multa sunt, sic & mirabilia, & incomprehensibilia. Et si multa sunt, nulla tamen sine causa. Homo quippè similis puero est nutritus in carcere, & tenebris, cui si diceretur, quòd lux, & stellæ sunt, nò crederet, quia nūquam vidit. Similiter homo postquam deseruit lucem veram, non delectatur, nisi in tenebris, iuxta verbum vulgare. Qui assuescit malo, videtur ei dulce esse malum. Igitur quamuis intellectus hominis obscuratus sit in me, tamen non est aliqua obumbratio, nec transmutatio, quia omnia ita temperare, & honestè, & sapienter dispono, & disposui, quòd nihil sine causa, & vtilitate factum est. Immò nec Mòs altissimus, nec Eremus, nec Iacus, sed nec bestia, nec reptilia etiam venenosa. Sed sicut hominum, ita & creaturarum omnium prouideo vtilitati. Ego sum similis homini, qui alia loca habet ad spariandum. Alia ad utensilium custodiam. Alia pro animalibus mitibus, & immitibus. Alia ad mutationes, & mysteria consilij sui. Alia propter terræ dispositionem sic cògruentem. Alia ad hominum correctionem. Sic ego Deus omnia ordinaui rationabiliter. Alia propter hominis vtilitatem, & delectationem, quædam propter ferarum, & auium diuerticula, quædam propter excitationem, & cupiditatis humanæ refrenantiam. Alia propter elementorū conuenientiam, quædam propter operum meorum admirationem, quædam propter peccatorum punitionem, & superiorum, & inferiorum conuenientiam. Alia propter causam mihi soli cognitam, & reueruatam. Ecce enim apis brevis, & paruula ad conficiendum mel, multa scit de multis elicere. Sicut, & ceteræ minutz, & ma-

& magnæ creaturæ, quæ vincunt hominem in solertia, & discretione herbarum, & consideratione vtilitatis suæ, & multa sunt illis proficua, quæ nociva sunt homini, quid ergo mirum, si sensus hominis infirmus est ad discernendum, & intelligendum mirabilia mea, cum etiam vincatur à minimis creaturis. Ecce quid deformius rana, & serpente: quid contemptibilius lappa, & vitrica, & similibus? & tamen illa valde bona sunt, scientibus discernere opera mea. Et ita quæcumque sunt, ad aliquid vtilitatis sunt, & vnumquodque, quod mouetur, scit quomodo natura sua subsistere poterit, & roborari. Ergo quia omnia opera mea mirabilia sunt, & omnia laudant me, idèò homo quantò pulchrior, & prælatus est cæteris, tantò præ cæteris obligatiorem se faciat ad honorem meum. Alioquin, nisi impetus aquarum aliquibus terminis Montium coarctaretur, ubi esset homini tuta habitatio. Et nisi esset bestiis refugium, quomodo effugerent cupiditatem insatiabilem hominum. Et si homini essent omnia ad votum, numquid tunc requireret celestia. Si verò bestię nec laborarent, nec timerent, dissoluerentur, & infirmarentur. Idèò plurima opera mea sunt in abscondito, vt ego Deus mirabilis, & incomprehensibilis sim cognitus, & honoratus ab hominibus, ex admiratione sapientiæ meæ in creatione tantarum creaturarum mearum. Responsio Quæstionis secundæ. Item cur animæ non videntur ab homine? Respondeo. Anima longè melioris naturæ est, quàm corpus, quia ex virtute Deitatis meæ est, & immortalis. Participationem habens cum Angelis. Præstantior omnibus Planetis. Nobiliorq. toto mundo. Ergo quia anima nobilissimæ naturæ est, tribuens corpori viuificationem, & calorem, & quia spiritalis est, idèò à corporalibus, nisi per corporales similitudines videri nullatenus potest. Responsio Quæstionis tertiæ. Item cur amici mei rogantes

me in orationibus suis, non semper exaudiuntur à me? Respondeo, ego sum quasi mater, quæ videns filium rogantem contra salutem suam, differt petitionem eius exaudire, compescens fletum eius cum indignatione quadam, quæ quidem indignatio non est ira, sed misericordia magna. Sic ego Deus, non semper audio amicos meos, quia melius video ego, quæ sunt eis vtiliora ad salutem, quàm ipsi met videant. Numquid non Paulus, & alij efficaciter orauerunt, & tamen non auditi sunt. Sed quare? quia ipsi amici mei inter virtutum abundantiam, quædam habent infirma, & purganda, & idèò nò audiuntur. Vt tãò sint humiliores, & ad me frequentiores, quò in tentationibus peccati, maiori charitate à me illesi defenduntur, & conseruantur. Ergo iudicium magnæ dilectionis est, vt amici mei non semper exaudiantur in orationibus suis propter maius meritum, & ad probandam eorum constantiam. Quia sicut Diabolus conatur, si posset vitare vitam iusti per peccatum aliquod, aut per mortem contemptibilem, vt sic constantia fidelium teperet, sic ego permitto non sine causa probari iustum, vt eius stabilitas alijs innotescat, & ipse sublimius coronetur. Et sicut Diabolus non erubescit tẽtare suos, quia videt eos promptissimos ad peccandum. Sic ego non parco ad tempus electis meis, quia video eos paratos ad omne bonum. Responsio Quæstionis quartæ. Item cur aliqui volentes facere mala non permittuntur? Respondeo. Quicumque habet duos filios, alium obedientem, alium inobedientem, pater resistit inobedienti quantum valet, nè excedat in malitia. Obedientem verò probat excitās ad maiora, quatenus eius agilitate, etiam filius inobediens incitetur ad meliora. Sic ego multoties non permitto peccare malos, qui inter mala sua aliqua bona faciunt, quibus proficiunt, vel sibi ipsis, vel alijs. Idèò iustitia exigit, vt non statim tradantur Diabolo, nec habeant effectum.

explendi velle suum semper. Responso Quæstionis quintæ. Item cur alijs non merentibus adueniunt mala? Respondeo. Omnis quicumque bonus est, mihi soli Deo cognitus est, & quid meretur. Quia multa videntur pulchra, quæ non sunt. Et aurum probat ignis. Iustus verò, idè quandoq. tribuitur, vt alijs sit in exemplum, & sibi ipsi in coronam: Sic & Iob probatus est, qui ante flagella bonus erat, sed in flagellis, & post, magis fuit notus hominibus. Et tamen cur ego eum flagellauim, quis discutere velit, vel scire poterit, nisi ego ipse, qui eum perueni benedictionibus meis, & conseruauim nè peccaret, & tenuim in tentationibus, & sicut sine meritis suis preueni eum gratia mea, sic, & cum iustitia, & misericordia probauim eum, quia nullus iustificabitur in conspectu meo, nisi per gratiam meam. Responso Quæstionis sextæ. Item cur hi, qui spiritum meum habent peccant? Respondeo. Spiritus Deitatis meæ non est alligatus, sed vbi vult spirat, & quando vult recedit, nec habitat in vase subdito peccatis, sed in eo, qui charitatem habet. Quia ego Deus charitas sum, & vbi ego sum, libertas est. Ergò, qui accipit spiritum meum, peccare potest, si vult, quia omnis homo habet liberum arbitrium. Itaque quando homo mouet voluntatem suam contrà me, spiritus meus, qui est in eo, recedit ab eo. Aut ipse homo corripitur, vt corrigat voluntatem suam. Sic Balaam voluit maledicere populo meo, sed non permisi eum ego, quamuis enim Propheta malus, & cupidus erat, tamen loquebatur quandoque bona, non à se, sed à spiritu meo. Nam multoties bonis, & malis datur donum spiritus mei. Alioquin illi magni eloquentes de tam sublimibus non dispuerant, nisi habuissent spiritum meum, nec ita fatuè contrà me delirassent, nisi contrà me sensissent, & se ad superbiam inclinassent, volentes scire plura, quàm debuissent. Responso Quæstionis septimæ. Item cur Diabolus magis

est præsens, & adhæret aliquibus? Respondeo. Diabolus est quasi lictor, & probator iustorum. Idè permissione mea vexat quorundam animas. Aliorum obumbrat conscientias, quorundam etiam vexat corpora. Eorum autem vexat animas, qui contra rationem peccantes, omni se subdunt immunditiæ, & infidelitati. Illorum verò turbat conscientias, & corpora, qui propter peccata aliqua in præsenti purgantur, & vexantur, quæ quidem vexatio, etiam infantibus promiscui sexus aduenit, tam Paganis, quàm Christianis, vel propter incuriam parentum, & naturæ defectum, vel propter terrorem, & humiliatione aliorum, vel propter peccata aliqua, iustitia mea sic misericorditer disponente. Vt hi, quibus aufertur occasio peccandi, vel grauius non puniatur, vel sublimius coronentur. Similitèr etiam brutis multa talia contingunt, vel propter aliorum punitionem, vel propter celerio rem vitæ finem. Aut propter intemperantiam naturæ suæ. Ergò quòd Diabolus aliquibus adhæret, & est vicinior, permissio mea est. Aut propter maiorem humiliationem, & cautelam. Aut propter maiorem coronam, & sollicitudinem querendi me. Aut propter peccata purganda in præsenti. Aut quia exigentibus meritis quorundam poena inchoatur in præsenti, duratura sine fine.

INTERROGATIO XV.

Quæstio V.

NOTÆ.

CUr quibusdam non merentibus mala adueniunt?

Quæ ad huius Quæstionis intelligentiam spectare possunt, habentur supra Interrogatione Sexta, Quæstione Tertia, vbi hac de re annotauimus plura, eadem enim dubitatio ibidem proponitur, et diligenter examinatur.

INTERROGATIO XV.

Quæstio VII.

2 **C**ur quibusdam Diabolus adheret, & semper est præsens, alijs numquam?

In præsentī dubitatione sermo sit de adhaerentia, & præsentia Diaboli per tentationem, qui alicui adherere, & præsens esse hic dicitur, quando tentat: quaritur ergo quapropter alios frequenter tētionibus premat, alios vero raro, atque hunc esse Quæstionis propositæ sensum patet ex Responsione, ubi habetur, Diabolus est quasi lictor, & probator iustorum, idēd permissio mea vexat quorundam animas, hoc verò loco duo tentationum genera distinguntur, primum quidem, quod se tenet ex parte animæ, et desumitur ibi, aliorū vexat animas: secundum verò genus se tenet ex parte corporis, et patet ibi Quorundā vexat corpora. Sed ut hac legenti evidētia fiant, sciēdum est ex D. Greg. hom. 16. in Euangel. & Beda in illud Iacob. 1. Vnusquisq. tentatur à concupiscentia propria. Raban. act. 5. Cur te tentauit Sathanas, tribus modis consueuisse Demones tentare suggestione, delectatione, & consensu, suggestione quidem, cum iustorum mentibus turpes cogitationes immittit, eisque, quæ contra diuinā legē sunt suggerit, quibus si homo non consentiat, proculdubio de Damone victoriam reportat, secus verò si suggestioni, vel delectationi consensu adijciat, tunc enim in homine mox Diabolus habitat, quod egregiè exponit D. Isid. lib. 3. de Summo bono c. 5. Vndique ait, dolos praparat, quousq. inuenit viam, per quam incautum decipiat, aliud namque est Diabolum vniuscuiusq. mentem intrare, aliud verò inhabitare, nam in cordibus Sanctorū Diabolus ingreditur, cum malam suggestionem insinuat, sed non habitat in eis, quia in suo corpore non eos transfundit, hi ergo modi sunt, quibus in dies antiquus noster hostis hominum animas tentationibus vexat, verum cum patrum sic proficere vides, eorum etiam corpora Deo permitte[n]te, molestijs afficere studet, quibus sæpē infirmitates mittit,

sapissimè etiam bonorum temporalium, filiorum, ac honoris iactura torquet, ut vel tentatos ad desperationis vitium prouocet, vel eosdem ad inferendas Deo maledictiones inuicet, atque hæc iustis de causis Deus permittit, quæ in vniuersum ad tres reuocari possunt, prout ex Responsione ad præsentem dubitationem colligi potest: triplici ergo ratione Deus, quos vult, tentationibus premi sinit, iustos quidem ad probationem, vel ad maioris gloriæ consecutionem, electos verò ad purgationem, ut quos errare videt, cadendo flagellis, ab errore compeſcat, Deus ergo quandoque iustos ante peccatum percutit, nè in peccatum ruant, & his tentationibus in vita Dei magis proficiant, ne uè de iustitia superbientes cadat, electos verò post peccatum castigat, aut ut corrigantur, aut etiam nè in deteriora vitia labantur. Postremò reprobos quoq. in hac vita ad dānationem punit, exigentibus namq. eorum meritis, ut hoc loco legimus, Pœna aliquando inchoatur in præsentī seculo duratura in alio sine fine, omnis namq. diuina percussio, teste D. Isidor. lib. 3. de Summo bono cap. 2. aut purgatio vitæ præsentis est, aut initium pœne sequentis, nam quibusdam flagella ab hac vita inchoant, & in æterna percussione perdurant, idem tradit Diuus Gregorius lib. 4. Moral. cap. 24. sed hac de re fusius egimus suprà Libr. 2. Reuelationum Cap. 1. Nota 2. & h'c etiam eodem Libro Interrogatione 6. Quæst. 2. plurima etiam de his tradunt Diuus Gregorius lib. 2. Moral. cap. 26. Diuus Isidorus lib. 3. de Summo bono cap. 1. 2. & 3. D. Cypr. Epist. 8. & 56. & in Oratione ad Martyr. cap. 9. 10. & 11. & in lib. ad Demetrianum D. Chrysost. pluribus in locis, & præcipuè homil. 9. & 10. in Math. & 14. in varijs Math. locis, & homil. 3. Operis imperf. Et D. Basil. Concione 9. in Psalm. 33. & Psalm. 59. super illa verba, Da nobis auxilium de tribulatione Concione, 14. ubi probat auxilium non esse querendum à futuris diu, non à carnis bona dispositione, non à possessione pecuniarum, non ab honore, vel gloria, sed à tribulationibus, Diuus Augustinus lib. 83. quæst. 27. & Psalm. 30.

in fine, ubi fornacem vocat aurificis tribulationem, in qua purgatur aurum, si homo aurum est, & non palea, D. Athanasius serm. de Virginitate, seu, ut alij de Meditatione, non longe à fine, ubi ostendit, quodnam sit discrimin inter tentationes, & persecutiones iusti, & impij, D. Bernard. in Psalm. Qui habitat, serm. 15 & 16. & ad sororem serm. 43. ubi tres causas affert, quapropter Deus in praesenti vita flagellis homines premit.

FILIVS DEI LOQVENS

Sponsæ suæ B. Brigittæ dicit ei, quare, & quando incæperunt ei ministrari ab eo verba diuinarum Reuelationum in spiritali visione. Et dicit ei, quod verba prædicta Reuelationum, quæ in istis Libris continentur, habent principaliter istas quattuor virtutes. Satiât enim spiritaliter sitientem veram charitatem. Calefaciunt frigidos. Turbato lætificant. Et debiles animas sanant.

REVELATIO VNDECIMA, in Libro Quæstionum.

FILIVS Dei loquitur. Per naturalia potest fieri saluber potus, scilicet de frigido ferro, & duro lapide, de arbore arida, & herba amara. Sed quomodo. Certè si calibs caderet suprà môtém sulphureum fortitèr, tunc quidem de calibe exiret ignis, qui succenderet montem. Ex cuius calore, oliua propè posita, licet extrà arida, intùs tamèn plena pinguedine, inciperet fluere intantum, quòd etiam herba amara sub oliua posita, ex defluenti oliua dulcesceret, & indè posset fieri saluber potus. Sic ego spiritaliter feci tibi. Nam cor tuû erat quasi calibs frigidum ad amorem meum, in quo tamen movebatur scintilla quædam modica amoris ad me, scilicet quando cogitasti me dignum amore, & honore super omnes.

Sed istud cor tuum tunc cecidit suprà montem sulphureum, quando gloria, & delectatio mundana aduerlabantur tibi, & ille maritus tuus, quem præ cæteris carnaliter dilexisti, à te moriendo auferebatur. Verè voluptas, & delectatio mundana, benè comparantur monti sulphureo, quia tumorem animi, & fœtorem concupiscentiæ, & ardorem pœnæ secum habent. Cumq. tunc in morte eiusdem mariti tui animus tuus grauiter turbatione concuteretur, tunc scintilla amoris mei, quæ quasi clausa latebat, cœpit exire. Quia considerata vanitate mûdi omnem voluntatem tuam mihi dimisisti, me super omnia desiderando. Propter istam itaque scintillam amoris, oliua arida, idest verba Euangeliorum, & conuersatio Doctorum meorum sapuerunt tibi, & abstinentia placuit tibi, intantum, quòd omnia, quæ priùs videbantur amara, cœperunt dulcescere tibi. Cumque oliua cœpisset fluere, & verba mea Reuelationum in spiritu tibi superuenerunt, quidam stas suprà montem clamauit dicens. Ex isto poru extinguitur sitis. Frigidus calefcit. Lætificatur turbatus. Cõualefcit infirmus.

IT AQVE ego ipse Deus sum, qui clamo, verba mea, quæ tu in spiritali visione frequenter à me audis, satiant quasi bonus potus, sitientes veram charitatem. Secundò calefaciunt frigidos. Tertiò turbato lætificant. Quartò debiles in anima sanant.

INTERROGATIO XVI. Quæstio Prima.

ETEM apparuit Religiosus, qui suprà, stans in gradu suo, & dicens. **I**O Iudex quero à te. Cur secundum dictum Euangelij ponentur hædi ad sinistram, oues ad dexteram tuam, numquid talibus delectaris? Quæstio secunda. Item cum tû sis Dei Filius coequalis Patri, cur scribitur, quod nec tu,

tu, nec Angeli sciant horam iudicii?
Quæstio tertia. Item cum Spiritus san-

ctus tuus locutus sit Euangelistis, cur tanta
est Euangeliorum dissonantia? Quæ-

stio quarta. Item cum tanta salus sit
toti humano generi in Incarnatione tua.

Cur tanto tempore distulisti incarnari?
Quæstio quinta. Item cum anima

hominis melior sit toto mundo. Cur
vbique, & semper non mittis amicos, &

prædicatores tuos?

RESPONDIT. Iudex.

R Amice non queris, ut scias,
sed ut sciatur malitia tua.
Denique in deitate nihil
est carnale, nec carnaliter
effigiatum, quia deitas mea spiritus est;
nec mecum simul boni, & mali cohabitare
possunt, non magis, quam lux simul,
& tenebræ. Sed nec dextera, & sinistra in
deitate mea est tamquam corporaliter ef-
figiata. Sed nec feliciores sunt, qui ad dex-
teram meam erunt, quam ad sinistram.
Sed per similitudinem hæc dicta sunt.
Quia per dexteram intelligitur sublimi-
tas meæ diuinæ gloriæ. Per sinistram ve-
rò defectus, & privatio totius boni. Sed
nec oues, vel hædi in illa admirabili glo-
ria mea sunt, ubi nihil corporale, & in-
quinatum, vel transmutabile est. Sed in
similitudinibus, & figuris animarum mul-
tities scribuntur mores hominum. Sicut
in oue innocentia. In hædo lasciuia, id est
homo incontinens significatur, qui po-
nendus est ad sinistram, ubi defectus est
totius boni. Ergo scito, quod ego Deus
humanis quandoque utor verbis, & simi-
litudinibus, ut habeat paruulus, quod su-
gat, & perfecti, ut perfectiores fiant, ut
impleatur scriptura, quia Filius Virginis
positus est in contradictionem, ut reuelen-
tur ex multis cordibus cogitationes. Res-
pondit. Quæstionis secundæ. Item cur

ego Filius Dei ignorare me dixi horam
iudicii? Respondeo. Scriptum est, quod
Iesus proficiebat ætate, & sapientia. Om-
ne itaque, quod proficit, & deficit, habet
mutabilitatem, deitas vero immutabilis
est. Ergo quod ego Filius Dei, coætæ-
nus Patri proficiebam, hoc habui ex humani-
tate. Quod verò ignorabam, hoc ignora-
bat humanitas mea, secundum verò dei-
tatem omnia sciebam, & scio. Nati nulla
facit Pater, nisi quæ ego Filius. Aut num-
quid aliqua scit Pater, quæ non ego Filius,
& Spiritus sanctus? nequaquam. Sed so-
lus Pater, cum quo sum ego Filius, & Spi-
ritus sanctus vna substantia, vna deitas, &
voluntas, scit horam illam iudicii, non
Angeli, nec alia creatura. Responsio Quæ-
stionis tertiæ. Itē si Spiritus sanctus locu-
tus est Euangelistis. Cur tanta est dissonan-
tia inter eos? Respondeo. Scriptum est, quod
Spiritus sanctus multiplex est in operati-
onibus suis; quia multis modis distribuit
dona sua electis suis. Item quippe scilicet
Spiritus sanctus est sicut homo habens sta-
teram in manu, concordans, & coaptans
extremities eius multis modis, donec ad
stabilitatem ipsarum momentum stateræ
peruenerit, quam quidem stateram alio
modo disponit assuetus, & distectus; alio
modo fortis, & infirmus. Sic etiam Spi-
ritus sanctus, nunc more stateræ ascendit in
cordibus hominū, nunc iterum descendit.
Ascendit autē, quādo mentem eleuat per
sublimitatē intellectus. Et per deuotionē
animi. Et per inflammationem desiderij
spiritualis. Descendit verò, quando men-
tem permittit inuolui difficultatibus, an-
xiari superuacuis, & tribulationibus per-
turbari. Ergo sicut statera nihil habet
certum, nisi moderentur imposita, & ad-
hibeatur etiam manus regentis eam. Sic
in Spiritus sancti operatione, moderatio
necessaria est, & vita bona, simplicitasq.
intentionis. Et discretio operum, atque
virtutum. Igitur ego Filius Dei, visibilis
in carne, cum in diuersis locis diuersa
prædicarem, diuersos habui imitatores, &
audi-

auditores. Nam alij sequebantur me ex charitate. Alij ad inueniendam occasionem, & propter curiositatem, quidam etiam de sequentibus me erant subtilioris ingenij, quidā simplicioris. Ideo ego locutus sū simplicia, vnde simplices erudiebantur. Locutus sum etiam aliorum, vnde sapientes admirabantur, quandoque etiam loquebar in parabolis, & obscure, de quibus aliqui recipiebant occasionem loquendi, quandoque repetebam prius dicta. Et quandoque augebam, & minuebam. Ideo non mirum, si hi, qui narrationem Euangeliorū ordinauerunt, quod posuerunt diuersa, sed tamen vera, quia quidā eorum posuerunt verbum ad verbum, quidam sensum verborum, nō verba, quidam scripserunt audita, non visa. Alij priora posterius, Alij plura de deitate mea, & vnusquisq; prout Spiritus sanctus dabat loqui illis. Verumtamen scire te volo, quod illi Euangelistae solummodo recipiendi sunt, quos Ecclesia mea recipit, quia plures conati sunt scribere, qui habuerunt zelum, sed non secundum scientiam meam. Ecce enim ego dixi, sicut lectum est hodie, Soluite templum, & ego reedificabo illud. Isti, qui hanc audita testificabantur, veri fuerunt secundum verbum auditum, sed falsi testes fuerunt, quia non attendebant ad sensum verborum meorum, quia illud verbum intelligendum dixi de corpore meo. Similiter & quando dixi. Nisi māducaueritis meā carnem, non habebitis vitam. Multi retrocesserunt, quia non attendebant clausulam, quam dixi. Verba mea vita, & spiritus sunt, id est spirituales habent intellectum, & virtutem. Nec mirum, quod errabant, quia non sequebantur me ex charitate. Itaq; Spiritus sanctus more statere ascendit in cordibus hominum, nunc loquendo corporaliter, nunc spiritualiter. Descendit verò, quando cor hominis induratur ad Deum. Aut hæresibus, aut mundialibus inuoluitur, & obscuratur. Tunc in eodem momento dixit Iudex

Religioso quærenti, qui sedebat in gradu scalæ. Tu amice toties quæsisit à me subtilia, & ego iam propter Sponsam meam, quæ altat, interrogo te. Cor anima tua, quæ habet discretionem, & intellectum bonorum, & malorum, magis diligit caduca, quàm cælestia, nec secundum ea, quæ intelligit viuit? Respondit ille Religiosus: Quia contrā rationem ago, & facio sensus carnis præuolare rationi. Et Christus dixit. Ideo conscientia tua erit Iudex tuus. Deindē dixit Christus ad Sponsam. Ecce filia quantum præualeat in homine, non solum malitia Diaboli, sed conscientia deprauata. Et hoc prouenit ex eo, quod homo non relinquitur, sicut deberet tentationi suæ. Sed nō fecit ira Magister tibi notus. Cum ipso quippè descendit spiritus tentans eum intantum, quod quasi omnes hæreses essent antē eū stantes, & quasi loquerentur vno ore, nos sumus veritatis. Sed ipse non credidit sensibus suis, nec sensit suprà se, idē liberatus est, & factus est sciens à principio vsq; ad Alpha, & Omega, sicut sibi promissū fuit.

Declaratio.

Idem ab illo primo verbo Biblię, quod incipit. In principio creauit Deus cælum, & terram, vsq; ad Apocalypsim Ioannis, vbi scribitur Alpha, & Omega. Et iste Magister, fuit Magister Matthiæ Canonici Lincopensis, & Confessor B. Brigittę. De eodē habetur i. Lib. Cap. iij. c. & Cap. liij. b. Item vi. Lib. Cap. lxxv. a. & lxxix. Respōsio Quæstionis quartę. Item cor tantō tempore distulsi incarnari. Respondeo i. Verē necessaria fuit Incarnatio mea, per quam soluta est maledictio, & omnia pacificata sunt in cælis, & in terris. Sed tamen necessarium fuit, vt homo prius erudiretur lege naturali. Deindē legē scriptā. Nam per legem naturālē apparuit quantitas, & qualis fuit dilectio hominis. Per legem scriptam, intellexit infirmitatē suam, & miseriam, & tunc cōcepit requirere medicinam. Ergo iustum fuit, vt tunc veni-

ret medicus, quando aggrauata fuit infirmitas, ut ubi abundauit morbus, superabundaret medicina. Verumtamen, & in lege naturali, & in lege scripta, multi fuerunt iusti, & multi habebant Spiritum sanctum, & prædixerunt multa, & erudiebant alios ad omnia honesta, & expectabant me Salvatore. Isti appropinquabant misericordie meæ, non supplicio sempiterno. Responsio Quæstionis quintæ. Item cum anima melior sit mundo, cur non mittuntur prædicatores ubiq; & semper? Respōdeo. Verè anima dignior, & nobilior est toto mundo, & omnibus stabilior. Nam ideo dignior est, quia spiritalis, & æqualis Angelis, & ad æternū gaudium creata est. Nobilior verò est, quia ad imaginē deitatis meæ facta est, & immortalis, & æternalis. Ergo, quia homo dignior, & nobilior est omnibus creaturis. Ideo præ omnibus nobilius viuere debet, quia ratione præ alijs est ditatus. Si verò homo abundat ratione, & diuinis donis meis, quid mirum, si ego hoc punio tempore iustitiæ, quod tempore misericordie est, omissem? Ideo ergo tunc mittuntur ubique semper prædicatores; quia ego Deus præuidens duritiā cordium multorum, parèo laboribus electorum meorum, ne in vacuum tribulentur. Et quia multi ex industria, & certa scientia peccantes, deliberant magis perseuerare in peccatis, quàm conuertere, ideo nō sunt digni audire nūcios salutis. Sed o Amice, iam finiat te cum responsione cogitationum tuarū, & tu finies vitam. Iam experieris, quid tibi profuerunt eloquentia tua verbosa, & fauor humanus. O quāni felix fores, si attēdisles professio-nē tuam, & votū tuū. Item dixit spiritus ad Sponsam. Filia. Iste, qui tanta, & talia quæsisse videbatur adhuc uiuit corpore, sed nō ad diē vnū māsurus est uiuus, cuius affectiones, & cogitationes cordis ostēse sunt tibi per similitudines, nō sibi in maius opprobriū, sed in salutē animarum aliorū. Sed ecce iam cum affectionibus, & cogitationibus finietur spes, & vita eius.

INTERROGATIO XVI.

Quæstio Prima.

N O T Æ.

CUr secundum dictum Euangelij ponuntur hædi ad sinistram, oues ad dexteram tuam?

In Responsione ad propositam dubitationem dicitur primò, per dexteram, & sinistram non aliquem determinatum, aut materiale locum intelligendum esse, sed metaphoricè, per dexteram ipsammet beatitudinem designari, ad quam boni in vniuersali Iudicio lata sententia assumendi sunt; sinistram verò locum penas æternas notare, ad quas mali diiudicantur, atque in hunc eundem sensum Glossa tnerlinearis exponit text. illum Matth. 25. Statuer quidem oues à dextris, & hædos à sinistris, Quia (inquit) confirmabit in beatitudine bonos, & in miseria malos, vel ut habet Lyran. ibid. Statuet in prioribus bonis Sanctos, quia hi transferentur ad gloriā, mali verò demittentur ad penā, ideoq; legimus hic, Per similitudinē hæc dicta sunt, quia per dexterā intelligitur sublimitas diuinæ gloriæ, per sinistram verò defectus, & priuatio totius boni, & hanc interpretationem sequuntur etiam Origen. D. Hieron. Beda, & Auctōr operis imperfecti, qui arbitrantur propterea bonos ad dexteram, malos verò ad sinistram futuros esse, quod in sacris Litteris dextera bonum, sinistra verò malum significare consueuerint. Cæterum mihi dicendum videtur in Vallæ Iosaphat, ubi vniuersale Iudicium fiet, iudicandos etiam secundum loci situm futuros esse dispositos, ac distinctos, quod colligi potest ex verb. D. Matth. loc. cit. Et separabit eos ad iudiciū, sicut pastor segregat oues ab hædis, quod etiam innuere videtur Lyrabid. & probatur Matth. 13. Exhibunt Angeli, & separabunt malos de medio iustorum, ex qua intelligimus, hanc separationem ministerio Angelorum esse faciendam, ac etiam veram, & realem esse futuram secundum loci situm, nō tantummodo secundum cognitionem Christi, hoc idem

affirmat Cornel. Iansenius in sua cōcordantia Euaḡelica part. 4. cap. 2. 7. His declaratiō, dico per dexteram etiam intelligi posse locum distinctum, & honorificentiorē, in quo ponentur boni, per sinistram verō inferiorem suum, & ignobiliorem, in quo statuentur mali, fauet huic sententia Hilarius in Matth. ubi supra, & Lyranus, & alij. Saperest modo breuiter videamus, quid hoc loco per oues, quidue per hēdos intelligendum sit, & ut ex Responsione constat, per oues boni, per hēdos mali notantur, dicitur enim hic, Oues innocentia esse symbolum, & ideo bonos significare ponendo. à dextris, hēdos verō, quippe qui animalia lasciuia sunt, & ad coitum feruentia, malos insinuate, qui à sinistris statuendi sunt, quod etiam tradit Diuus Hieronymus in Matth. cap. 2. 5. Chrysostomus, verō homil. 8. in Matth. malorum esse symbolum hēdos asserit, quoniam hi nullum ferunt fructū, cui adstipulantur Theophylactus. & Euthymius, addunt quoque Origen. in Exodum, homil. 9. & super Leuit. homil. 2. & super Numeros homil. 4. 7. D. Bernard. serm. 3. 5. in Cantic. Arnob. in Psalm. 65. hēdos peccatores designare, quandoquidem hēdi animalia sunt perulantia, inquieta, et praeceptis amantia; secus verō dicendum de ouibus, ob eorum mansuetudinem, simplicitatem, & quia fructum ferunt, designant enim bonos à dextris in vniuersali iudicio statuendos, sic Origen. in Matth. homil. 3. 4. Diuus Cyprianus Epistola 1. Arnob. in Psalm. 8. & 9. 4. Hilarius in Psalm. 62. Euthym. Theophylactus. & Chrysostomus, ubi supra: atque ex his patet, quid in prop̄sa Quaeſtione per dexteram, & sinistram, quidue per oues, & hēdos intelligendum sit.

INTERROGATIO XVI.

Quaestio Secunda.

2. **C**um tu sis Filius Dei coequalis Patri, cur scribitur, quod nec tu, nec Angeli sciant horam iudicii?

Circā dubitationem hoc loco factam, declarandum occurrit id, quod in Responsione

ad eam scribitur, nempe Christū Dominum Iudicii diem secundum quod homo erat, ignorasse, & ad hoc probandum adducitur illud Luca 2. Iesus proficiebat sapientia, etate, & gratia, ex quo videtur deduci, quod sicut ipse, secundum quod homo, sapientia, & scientia proficiebat, ita etiam pro ut talis ignorasset huiusmodi diem, sicut se ignorasse dixit Marci 13. & Matth. 24. Vbi Christus affirmavit diem Iudicii Patrem suum tantummodo nosse: atque haec duo, quoniam peculiarem habent difficultatem, & à sanctis Patribus diuersimode explicantur, ideo breuiter discutenda sunt, & dubitationis praesentis Responsio palam fiat: & sanè de scientia Christi circa diem Iudicii antiquorū multiplex opinio fuit, sunt namque, qui arbitrantur, Christum Dominum antè resurrectionem diem illum ignorasse, post verō scuisse quandoquidem tunc à Patre vniuersalis Iudex fuerat constitutus, & iudiciariam potestatem adeptus; alij verō affirmarunt, illum diem re vera Christum non ignorasse, sed dicitur nesciuisse; quatenus fecit, ut nos ignoraremus eum, aut ut corpus eius mysticum, quod est Ecclesia ignoraret, ita sentiunt Origen. Vbi supra Diuus Hieronymus, Beda, & Theophylactus, Matth. 24. ad illud; De die autem illa, Diuus Gregorius lib. 8. registri cap. 42. Diuus Augustinus lib. 1. de Trinitate caput. 12. & de Genesi contra Manicheos cap. 23. & lib. 83. quaest. 61. Diuus Chrysostomus, homil. 68. in Matth. alij etiam arbitrati sunt, Saluatorem nostrum ignorasse hunc diem scientia experimentalis, id est nondum fuisse expertum, secundum quem dicendi modum interpretatur illud Luca 2. Iesus proficiebat sapientia, sic habent Origen. qui supra, & Epiphanius haereti. 69. Chrysostomus homil. de Trinitate caput. 3. Bernardus de duodecim gradibus humilitatis, & sanè quosdam ex his modis dicendi, quos haecenus enumerauimus parum probabiles esse affirmare, nisi tot grauissimorum virorum auctoritas urgeret; illi enim, qui Christum ad tempus ignorantem faciunt, non sunt audiendi, quandoquidem teste Paulo Apost. ad Colossen. 2. in Christo sunt

omnes thesauri sapientie, & scientie; probabilius tamen videtur eorum sententia, qui asserunt Christum ignorasse diem iudicii, quatenus eum nobis non reuelauit, aut quia non est expertus, quia nondum exercuerat iudicariam potestatem; & ita nesciebat practice illum diem: quamquam sic etiam Pater ignorasse diceretur, quia nobis illum non reuelauit, nec expertus est, & tamen Matih. 24. legimus solum Patrem nouisse illum. Dicendum ergo primò Nobis est in sacris literis Christum diem nescire diem illum, eo quod eius diem cognitionem sibi tantummodo reuerauerit, ut etiam alijs eam communicare noluerit; & ita nescire dicitur secundum communem loquendi modum; quo utuntur homines, cum aliquid in secreto susceperunt, sic tradit D. August. lib. 1. de Trinit. cap. 12. & 1. de Genes. ad litteram cap. 22. Basil. lib. 4. contra Eunom. Hieronym. Chrysost. & Theophylactus in locum citatum Matih. 1. Athanas. serm. 4. contra Arrianos. Hilarius lib. 9. de Trinit. sub finem. D. Ambrosius lib. 5. de fide cap. 7. & licet diceret forsitan quispiam in hunc sensum, quod etiam Pater ignoraret diem illum, quis alijs eum non reuelauit, ex quo hoc sibi etiam reuerasse videtur; id tamen de Patre non proprie diceretur, & de illo minime euidenter concluderetur, sicut de Christo, qui cum Iudex universalis constitutus sit, & iudicariam potestatem habuerit à Patre, iuxta illud Ioanni 5. Pater omne iudicium dedit Filio, hinc fit, quod peculiari ratione spectet ad illum, quidquid ad huiusmodi iudicium pertinet, & per consequens ipse solus dicatur ignorasse, quatenus noluit communicare, id quo titulo peculiari debitum illi erat, & à Patre concessum. Dico secundò, Christum quatenus hominem ignorasse diem iudicii, sic enim dicitur in Responsione ad dubitationem hanc, quam solutionem esse probabilissimam censeo, si exponatur eo modo, quo paulò post à Nobis exponitur, in quo sensu communiter à Theologis recipitur, & sanctorum Patrum auctoritatibus nititur, sic eam admittunt D. Ambros. super cap. 17. Lucae, D. Gregor. Nazianz. Orat. 4. de Theologia D. Athanasius serm. 4. contra

Arrianos, Theodoretus Anathematismo 4. Diuus Chrysostomus, seu quisquis fuerit Auctor operis imperfecti hom. 49. Cyrillus lib. 1. in Ioannem cap. 17. & lib. 10. Theauri capite. 7. Damasenus lib. 3. de fide capite. 2. Nicet. 3. Theaur. cap. 38. Ceterum quia indicamus supra propositionem hanc, Christus inquam homo diem iudicii ignorare, prima facie aliquibus duram videri posse, idò declaranda est, habet enim duplicem sensum, nam si per eam intelligamus, quod Christus non habeat cognitionem creatam in intellectu sue animæ de illa die iudicii, falsissima est, non enim sola diuina, sed etiam humana natura talem diem nouit, quia in ipsa humana natura erant omnes thesauri sapientie, & scientie, et illa interpretatio est damnata in Concil. 6. Constantinopolitano actione 11. quandoquidem illa propositio absolute sumpta, & in illo sensu recepta, ignorantiam ponit in Christo, quod repugnat sacris Literis, testimonijs sanctorum Patrum, et dignitati personali Christi, qui Dominus est supremus, et vniversalis Doctor, & Iudex, ex quo Capite etiam reijcendi sunt, qui affirmant Christum cum illa verba protulit, De die illa nemo scit, saltem pro illo tempore ignorasse, & hic fuit error hereticorum, qui Agnoite vocantur, & referunt Isid. lib. 8. Etymolog. cap. 5. Gregor. lib. 8. registri Epistola 42. Damaseni de hæresibus Nicephorus lib. 18. Hist. cap. 50. alter ergo sensus illius propositionis, qui verissimus est, Christum ignorare iudicii diem, quatenus homo, hoc est, quod non, quia est homo, Christus scit diem illum, aut ex viribus nature humane, sed quia homo Deus est, & quia ex visione beatifica, & reuelatione diuina illum diem scire debet, & scit, non ergo Christus negat, se etiam ut hominem diem iudicii scire, sed negat se scire eo titulo, quod homo est, & idcirco diligenter consideranda sunt verba Responsionis illata hic, que sunt, Quod verò ignorabam, ignorabat humanitas mea, secundum verò deitatem omnia sciebam, hoc est, quod ille dies mihi notus esset, non erat ex humanitate, aut quia homo essem, quia illud non habebam ex ea, sed ex ipsa.

met Diuinitate vnita hypostatice cum Humanitate. Et hoc indicant illa Verba Quid uero ignorabam, ignorabat humanitas mea, neque etiam deduci potest. aliquando Christum ignorasse, cum ex illis uerbis, que immediato supra habentur, nimirum, Ergo quod ego Filius Dei coeternus Patri proficiebam, hoc habui ex humanitate mea, que uerba desumpta sunt, ex 2. cap. D. Lucæ, qui scribit, Iesum profecisse etate, Et sapientia, non inquam hoc obstat, quia uel hoc intelligitur profecisse secundum opinionem hominum, quia illum existimabant homines semper esse magis, ac magis sapientem, sic D. Athanas. Orat. 4. contra Arianos, Nazianzenus Orat. 5. in S. Basilium, Cyrillus lib. 1. in Ioan. cap. 17. Ambros. lib. 5. de Fide cap. 8. D. August. lib. 2. de Peccatorum meritis, Et remiss. cap. 29. Et lib. 83. quest. 9. 65. lib. 15. de Trinitat. cap. 26. Hieronym. in Isaiam cap. 2. in Hieremiam cap. 3. ad illud, Mulier circumdabit virum Beda homil. Dominice primæ post Epiphaniam, Bernard. homil. 2. super Missus est, Vgo Victorinus lib. de Incarnat. cap. 6. sed præter superiorem interpretationem addit aliam D. Damascenus lib. 3. de Fide c. 22. qui dicit, Christum sapientia profecisse ad eum modum, quo dicimus, Apostolos plurimum in mundo profecisse sua predicatione, addit D. Thomas in 3. dist. 14. quest. 1. Et Albertus Magnus ibidem, illum profecisse sapientia, hoc est experientia sciencia, quemadmodum iudicat Paulus Hebr. 5. Didicisti ex his, que passus est.

INTERROGATIO XVI.

Quæstio Quarta.

3 CUM tanta salus sit toti humano generi in Incarnatione tua, cur tanto tempore distulisti incarnari?

Circa Christi Domini Seruatoris Nostri Incarnationis tempus, tria sacri Theologi scitu sane dignissima tradunt, Primò quidem non fuisse conueniens, antè peccatum Deum incarnari, cum enim Incarnatio ordinatur ad naturæ lapsæ reparationem, tamquam medicina, tunc in eo statu natura humana non egeret, consequens finis, nec debuisset, tunc Deus

Incarnari, scribitur enim Math. 9. Quod non est opus contentibus Medico, sed male habentibus; Secundo dicitur, tempus post peccatum immediatum uel fuisse conueniens, cum propter humilitatem, qua si Deus statim post lapsum subuenisset, sicut peccauit homo per superbiam, ita potuisset homo contemnere beneficium, ut ergo hamiliaretur homo, suamque egritudinem agnosceret, distulit Deus Incarnationem, Et hæc ratio assertus hic in responsione ad questionem: hanc eandem rationem afferunt Irenæus lib. 4. contra hæreses cap. 7. 5. Theodoretus de Curationibus Græcicarum affectionum ad finem, Eusebius lib. 1. Hist. cap. 2. egregie Leo Papa serm. de Natali tertio: Bernard. serm. de Aduentu Ambros. circa illa uerba ad Galat. 3. Lex pedagogus noster fuit in Christo, Et postremo late Diuus Thom. 3. par. quest. 1. art. 5. cui addis tres alias causas, idq. factum esse aut iuxta rationem dignitatis Incarnati Verbi, quod, precedere debebat longa series Prophetarum, Patriarcharum, Legislatorum, tum etiam ratione feruoris fidei, non illa cabesceret: si enim in prima etate Incarnatum fuisset Verbum, feruor fortassis fidei refriguisset in tanta temporis distantia; tertio dicit hoc Deum fecisse, ut ordinatur feruorem, natura enim de etate in etate debuit in maius bonum promoueri. Sed et quædam alias huius rei causas ex Patribus reddunt D. August. Tract. 3. in Ioan. Et Leo Pont. ubi sup. id factum esse docens, quia decuit tam eximia medicina diu exponi, aut etiam sicut indicant Greg. Emyss. Oratione Catholica de Natali, Athanas. de Humanitate Verbi, D. Chrysost. hom. 4. ad Galat. Et 46. ad Coloss. ut temporis diuturnitate peccati virus sese magis effunderet, Et magis intelligeretur necessitas medicamen- ti, quod latius annotauit Theophylact. super Epistolam ad Hebr. 9. ad illa uerba, Nunc autem semel in consummatione seculorum, ubi hanc sententiam refert ex Gregor. Nyss. Quomodo inquit infirmi Medici inuis adhibere febrî corpus subpurgante, cum per morbum facientes causas adhuc accenditur, nulli adhibent agrotos ex cibis amarissimis, expellunt ea

tantisper, dum malum hoc ad summum in-
creuerit, sic & nobiscum actum est; expellat
aut animam Medicus, donec uniuersa ma-
litia agriundo pandatur, sed & hec eadem
ratio offertur in Responso Questionis Quar-
te, ibi, Ergo iustum fuit, ut tunc veniret
Medicus, quando aggrauata fuit infirmitas,
ut ubi abundauit morbus, superabundaret
medicina. Addunt etiam Augustin. libi 83.
questi. 54. & Leo Pont. serm. 3. de Epiphania
hoc fecisse Deum, ut fides Incarnationis Chri-
sti pro perfectis prepararetur, atque ita ma-
gis confirmaretur, aut etiam sic ostenderet
suam iustitiam, dum tandiu excludit à pa-
tria Patres, quæ est ratio Diui Bonauentura
in 3. distincti. 2. questi. 46. art. 2. H. A.

CHRISTVS LOQVENS SPONSÆ
sua Brigitta dicit, quod non debet
turbari, ex eo quod ipse non facit sta-
tim iustitiam super hominem ma-
gnum peccatorem, quia ipse sententi-
am differt, ut sua iustitia in illo fenda-
tur, magis manifestetur. Dicit etiam quod
verba sua diuina in isto Libro Cele-
stium Revelationum contenta prius
debeant crescere, & usque ad plenam
maturitatem fructificare, & postea
producent effectum suum, & virtu-
tatem in mundo. Quæ quidem verba
sunt sicut oleum in lampade, id est in
animis virtuosis, quibus ipsa impin-
guatur, & superueniente Spiritu san-
cto tam ardere, & splendore mirabili
illucere faciunt. Submittit etiam, quod
omnia verba Revelationum prius ascen-
dunt, & fructificabunt alibi, quam in
Regno Suetie, ubi eidem Sponsæ re-
uelari diuinitus inceperunt.

REVELATIO DVODECIMA
in Libro Questionum

DIVVS Dei loquitur. Cur
turbaris, quod illum tam pa-
uenter supposito. Nescis quod
græue est eternaliter ardere,
& ideo usque ad vltimum punctum safi-

fero eum, ut in eo iustitia mea alijs ma-
nifestetur. Itaque vbiq. colores se-
minati sunt, si ante tempus suum succi-
dantur, non ita bene valent rei coloran-
da, sicut si succidantur tempore debito.
Sic verba mea, quæ cum iustitia, & mi-
sericordiam manifestata sunt, & usque ad
plenitudinem maturitatis fructificare
debent, & crescere, & tunc rei, cui ap-
ponuntur, magis conueniunt, & virtu-
tem meam conuenienter colorabunt.
Ceterum cur turbaris, quod ille de ver-
bis meis diffidit, nisi signa euidentiora
ostendantur. Numquid tu genuisti eum,
aut nosti interiora eius, si optego. Ipse
vitiq. est quasi lampas ardens, & lucens,
cui imposita pinguedine, mox appropin-
quat, huiusmodi ei firmiter inherens. Sic
ipse lampas liquefit, lampas apta
ad recipiendum diuinam gratiam meam.
Huic mox, ut infunderent verba mea,
liquefcent perfectius, & descendent ad
interiora cordis. Et quid mirum si
pinguedo liquefit, & lampas facit ar-
dere. Ille quippe ignis spiritus meus est,
qui est, & loquitur in te, & ipse idem spi-
ritus, etiam est, & loquitur in eo, quam
quam occultiori modo, & sibi utiliori.
Hic ignis accendit lampadem cordis
eius ad laborandum in honore meo.
2. Et accendit etiam animam, ad reci-
piendum arduam gratiam, & verborum
meorum, a quibus anima dulciter reci-
piatur, & plenius impingatur, quando
ad opera peruenitur. Ideo non time
sed ita stabiliter in fide. Si verba ista ven-
nient de spiritu tuo, aut de spiritu mu-
di huius, merito tibi esset formidandum.
Sed quia sunt de spiritu meo, quem ha-
buerunt Prophetæ sancti, ideo non est
tibi timendum, sed gaudendum, nisi
fortè plus pertimescas de vano nomine
mundi, quam de profectione verborum
meorum diuinorum. Audi præterea,
quæ dico. Regnum istud cum peccato
magno, & diu impunito coniunctum est.
Ideo verba mea hic adhuc ascendere, &

& non vulneratus. Agnus clamans, & non clamans. Agnus patiens; & non patiens. Agnus moriens, & non moriens. In quarto loco ponebatur serpens, qui iacuit, & non iacuit. Mouebatur, & non mouebatur. Audiuit & non audiuit. Vidit, & non vidit. Sentiebat, & non sentiebat. In quinto loco fuit Aquila, quæ volauit, & non volauit, quæ & venit in locum, vnde numquam recessit, quæ requieuit, & non requieuit, quæ innouabatur & non innouabatur, quæ gaudebat, & non gaudebat, quæ honorabatur, & non honorabatur.

EXPOSITIO, ET DECLARATIO prædictorum in figura.

MATER loquitur. Vas illud de quo dixi tibi. Maria filia iachim Mater Humanitatis Christi fuit. Ipsa enim fuit vas clausum, & non clausum, Clausum Diabolo, & non Deo, quia sicut torrens cupiens ingredi vas oppositum sibi, & non valens, inquit alios exitus, & ingressus, sic Diabolus quasi torrens vitiorum cupiebat totis adinuentionibus suis appropinquare cordi Mariæ. Sed numquam ad aliquod quantumcūq. minimum peccatum valuit inclinare animum eius, quia clausum erat contra tentationes. Nam torrens Spiritus mei, influxerat cor eius, & spiritali gratia repleuit eam. Secundo fuit Maria Mater Filij mei. Vas paruum, & non paruum. Paruum, & modicum in humilitatis suæ cōtemptu, magnum, & non paruum in charitate Deitatis meæ. Tertio fuit Maria vas vacuum, & non vacuum. Vacuum ab omni voluptate, & peccato, non vacuum, sed plenum cælesti dulcedine, & omni bonitate. Quarto fuit Maria vas luminosum, & non luminosum. Luminosum, quia omnis anima pulchra à me creata est, sed anima Mariæ creuit ad omnem per-

fectionem luminis intantum, quod Filius meus fixit se in anima eius, ex cuius pulchritudine gaudebant cælum, & terra. Sed vas istud, non luminosum fuit apud homines, quia mundi honores, & diuitias contemnebat. Quinto Maria fuit vas mundum, & non mundum. Mundum verò fuit, quia tota pulchra, & tanta impudicia non inueniebatur in ea, vbi cuspis acus infigeretur. Sed non mundum fuit, quia de radice Adæ processit, & de peccatoribus nata est, licet sine peccato concepta. Ut Filius meus de ea sine peccato nasceretur. Ergo qui ad locum istum, scilicet vbi Maria nata est, educata fuit, venerit, non solum mundabitur, sed & erit vas in honorem meum. Secundus locus est Bethleem, vbi Filius meus tamquam Leo natus est, qui videbatur, & tenebatur secundum Humanitatem, sed secundum Diuinitatem, inuisibilis, & incognitus fuit. Tertius locus est Caluariz, vbi Filius meus tamquam Agnus innocens vulneratus, & mortuus est, secundum Deitatem impassibilis, & immortalis erat. Quartus locus fuit Hortus sepulchri Filij mei, in quo quasi serpens contemptibilis ponebatur, & iacuit Humanitas eius, sed secundum Deitatem ubiq. erat. Quintus locus erat Mons Oliueti, de quo Filius meus, quasi Aquila euolauit secundum Humanitatem in cælum, vbi secundum Deitatem semper erat. Qui innouabatur, & quieuit secundum Humanitatem, cum secundum Deitatem semper quieuit, & idem erat. Ergo qui ad ista loca venerit mundus cum bona, & perfecta voluntate, habebit videre, & gustare, quam dulcis, & suavis sum ego Deus. Itaq. cum veneris ad ista loca, ostendam tibi plura.

N O T Æ.

ERGO qui ad locum istum scilicet vbi Maria nata est, educata fuit, venerit.

De

De sacra Lauretana Domo hic sermo fit,
in qua Beatissima Virgo nata, & educata
est, & Angelo Gabriele prænunciante in ea
Deus aternus conceptus extitit, quare etiam
ab ipsis Apostolorum primordiis ad hec vsque
tempora summo in honore habita est, & ma-
gnum semper nomen, ac venerationem apud
Christianos obtinuit: Huius rei argumentum
efficax illud est, quod cum quis illam ingre-
ditur, diuinus quidam horror, ac singularis deu-
otio in eo excitatur, & desiderium ingens eam
revisenda abeuntibus relinquitur, & quotidie
magis huius sacre Domus praestantia, ac ce-
lebritas florere dignoscitur, cum ex magnitu-
dine miraculorum, cum frequentia Populorum,
qui ad eam conueniunt gratia consequendi bene-

ficia, & fauores, quos Deus Matris suae
intercessione illis eam visitantibus praestae.
Quod autem hoc loco scribitur nempe, Qui ad
locum istum venerit, non solum mundabitur,
sed erit Vas nouum in honorem meum. In-
tellige quia consueuerunt, qui Lauretanam
Virginis Cellam adiuerint, & peregrinatio-
nis munus ad eam susceperint, animas sacra-
mentali Confessione expiare, & sacram Eu-
charistiam sumere, & Indulgentias à Sum-
mis Pontificibus consequi. Vide huius sacre
Domus Historiam, quam Horatius Turvellinus
Societatis Iesu texuit quinque libris compre-
hensam, in qua, & Blondum, Baptistam
Mantuanum, Fratrem Leandrum, & alios
plures citat, qui ante ipsum ea de re scripserunt.

Explicit Quintus Liber Caelestium Revelationum S. Brigittae.




A T O H

E

De

INCIPIT





MP

